


Jag₁ 'mî₂
a₂ma₂li' ₅₄ quian' ₅₄
Diu₄



New Testament in Chinantec, Tepetotutla (MX:cnt:Chinantec,
Tepetotutla)

Jag₁ 'm_{i2} a ma li' quian' Diu₄

New Testament in Chinantec, Tepetotutla (MX:cnt:Chinantec, Tepetotutla)

copyright © 1994 Wycliffe Bible Translators, Inc.

Language: Chinantec, Tepetotutla

Translation by: Wycliffe Bible Translators, Inc.

Chinanteco, Tepetotutla [cnt], Mexico

Copyright Information

© 1994, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Tepetotutla

© 1994, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files dated 30 Dec 2021

5c52af9e-3086-5d57-9b7e-2e495fea8899

Contents

SAN MATEO	1
SAN MARCOS	59
SAN LUCAS	94
SAN JUAN	152
HECHOS	197
ROMANOS	248
PRIMERA CORINTIOS	271
SEGUNDA CORINTIOS	292
GÁLATAS	306
EFESIOS	314
FILIPENSES	321
COLOSENSES	327
PRIMERA TESALONICENSES	332
SEGUNDA TESALONICENSES	336
PRIMERA TIMOTEO	339
SEGUNDA TIMOTEO	345
TITO	350
FILEMÓN	353
HEBREOS	355
SANTIAGO	374
PRIMERA PEDRO	380
SEGUNDA PEDRO	387
PRIMERA JUAN	391
SEGUNDA JUAN	397
TERCERA JUAN	398
JUDAS	399
APOCALIPSIS	401

Jág₁ Dse₃ quió'₅ Diú₄ a₂ca₂tó'₂ San Mateo ne₄ Si₂

*Dsa₂ can'₅₄ quián₅ Jesucristo i₂jme₁chan₂ ma₂lig'₂
(Lucas 3:23-38)*

¹ A₂la₂ bá₄ caun₂ lista ja₁le₁ton₅ dsa₂ can'₅₄ quián₅ Jesucristo i₂jme₁lín₄ tsi₁jon₂ quián₅ David* quian'₅₄ Abraham.

² Abraham ca₂lín₃ jmei₂ Isaac,
Isaac guë'₂ ca₂lín₃ jmei₂ Jacob;
Jacob guë'₂ ca₂lín₃ jmei₂ Judá quian'₅₄ riin'₅₄.

³ Judá guë'₂ ně₃ ca₂lín₃ jmei₂ Fares quian'₅₄ Zara
të₂le₃ quian'₅₄ Tamar.

Fares guë'₂ ca₂lín₃ jmei₂ Esrom;
Esrom guë'₂ ca₂lín₃ jmei₂ Aram.

⁴ Aram guë'₂ ca₂lín₃ jmei₂ Aminadab;
Aminadab guë'₂ ca₂lín₃ jmei₂ Na'asón;
Na'asón guë'₂ ca₂lín₃ jmei₂ Salmón;

⁵ Salmón guë'₂ ca₂lín₃ jmei₂ Bo'oz
të₂le₃ quian'₅₄ Rahab.

Bo'oz guë'₂ ca₂lín₃ jmei₂ Obed
të₂le₃ quian'₅₄ Ruth.

Obed guë'₂ ca₂lín₃ jmei₂ Isaí;
⁶ Isaí guë'₂ ca₂lín₃ jmei₂ Rag₅₄ David.
Rag₅₄ David guë'₂ ně₃ ca₂lín₃ jmei₂ Salomón,
(të₂le₃ quian'₅₄ i₂jme₁lín₄ dsa₂ mí₂
quián₅ Urías le₂jñiá₅).

⁷ Salomón guë'₂ ca₂lín₃ jmei₂ Roboam;
Roboam guë'₂ ca₂lín₃ jmei₂ Abías;
Abías guë'₂ ca₂lín₃ jmei₂ Asa;

⁸ Asa guë'₂ ca₂lín₃ jmei₂ Josafat;
Josafat guë'₂ ca₂lín₃ jmei₂ Joram;
Joram guë'₂ ca₂lín₃ jmei₂ Usías;

⁹ Usías guë'₂ ca₂lín₃ jmei₂ Jotam;
Jotam guë'₂ ca₂lín₃ jmei₂ Acáz;
Acáz guë'₂ ca₂lín₃ jmei₂ Ezequías;

¹⁰ Ezequías guë'₂ ca₂lín₃ jmei₂ Manasés;
Manasés guë'₂ ca₂lín₃ jmei₂ Amón;
Amón guë'₂ ca₂lín₃ jmei₂ Josías;

¹¹ Josías guë'₂ ca₂lín₃ jmei₂ Jeconías quian'₅₄ riin'₅₄,
(lia'₂ con'₂ jmi₄g₄ jme₁ca₂lén₂ dsa₂ israelitas
a₂ca₂tág₃ dsa₂ jui₅ 'uë₃ Babilonia).

¹² Cang₂ jme₁ma₂tág₃ dsa₂ 'uë₃ Babilonia jaun₂,
ca₂lín₃ Jeconías jmei₂ Salatiel;
i₂ca₂lín₃ jmei₂ Zorobabel;

¹³ Zorobabel ně₃ ca₂lín₃ jmei₂ Abiud;
Abiud guë'₂ ca₂lín₃ jmei₂ Eliaquim;
Eliaquim guë'₂ ca₂lín₃ jmei₂ Azor;

* **1:1** Rag₅₄ David i₂ca₂rë₃chán₃ con'₂ co₂mei₅ ñi₂ né'₃ a₂ca₂rë₃chán₃ Jesús.

¹⁴ Azor ně₃ ca₂lin₃ jmei₂ Sadoc;

Sadoc guë'₂ ca₂lin₃ jmei₂ Aquim;

Aquim guë'₂ ca₂lin₃ jmei₂ Eliud;

¹⁵ Eliud guë'₂ ca₂lin₃ jmei₂ Eleazar,

i₂ca₂lin₃ jmei₂ Matán;

Matán guë'₂ ca₂lin₃ jmei₂ Jacob;

¹⁶ Jacob ně₃ ca₂lin₃ jmei₂ José, dsi₂i₂gu₂ María;

María guë'₂ ně₃ ca₂lin₃ chog₅₄ Jesús

i₂tě'₂ dsa₂ Cristo*.†

¹⁷ Jaun₂ ně₃, con'₂ guia₃-quén₂ tsi₁jon₂ dsa₂ ca₂ñí₂ ca₂le₃ jme₁chan₂ Abraham ca₂tě₂ jmi₄
jme₁ca₂rě₃chán₃ David, ján₃ bá₄ le₂jaun₂ guia₃-quén₂ tsi₁jon₂ dsa₂ ca₂ñí₂ ca₂le₃ jme₁chan₂
David, ca₂tě₂ jmi₄ jme₁ca₂tág₃ dsa₂ dsa₂ israelitas jui₅ 'uě₃ Babilonia; cang₂ jaun₂ guě'₄
ně₃, con'₂ guia₃-quén₂ tsi₁jon₂ dsa₂ ca₂ñí₂ ca₂le₃ ca₂tág₃ dsa₂, ca₂tě₂ jmi₄ jme₁ca₂rě₃chán₃
dsa₂ I₂rě₂'ín₁ quián₅ Diú₄.‡

A₂ lia'₂ ca₂lě₃ a₂ca₂rě₃chán₃ Jesús

(Lucas 2:1-7)

¹⁸ Le₂la₂ bá₄ ca₂lě₃ a₂ca₂rě₃chán₃ Jesús: chog₅₄ jme₁chen₂ María jme₁ma₂li'₅₄ jág₁ a₂jéin'₂
gu₂ quian'₅₄ José; la₁ né'₃ guě'₄ a₂tiain'₃, María ně₃ ca₂can₃ guein₂ tě₂le₃ quian'₅₄ jui₅bí₂ quió'₅
Jme₂dsí₂ Jñi₅. ¹⁹ José dsa₂ ñe'₂ quiáin₅ ně₃ jme₁lín₄ jan₂ dsa₂ dsen₃, jaun₂ tsá₃ jme₁nio₃
chein'₃ o₂guí'₃ María jua'₅₄ le₃ñi₅ dsa₂ juin₅; jñia'₅₄ lia'₂ a₂jaun₂ bá₄ jme₁dsi₂jio₅ dsí₅
a₂jme₁téi₂ bá₄ con'₂ tsá₃ 'ein₂ ñi₅. ²⁰ Le₂jaun₂ bá₄ jme₁ma₂ca₂'náu'₃ dsí₅ jmo₃, jme₁ca₂qui₃
a₂ca₂jme₃jnia₅ jan₂ ángel quián₅ Te₁gui'₅₄ ne₅₄ ca₂juá'₂:

—Sě₄, tsi₁jon₂ David, tsá₃ lě₁jmo₂ gang'₃ jua'₅₄ cán'₁ o₂guí'₃ a₂guéng'₄ María a₂lén₂
dsi₂i₂gog'₂, ia₁ guein₂ i₂le₃chan₂ quiáin₅ já₅ ja₁con₂ Jme₂dsí₂ Jñi₅. ²¹ Jaun₂ le₃chan₂ jan₂
guein₂ dsa₂ ñe'₂ quiáin₅, jaun₂ quiaín₅₄ 'ne₂ JESÚS.Š Le₃chein₂ le₂ně₅ ia₁ a₂lióin₂ dsa₂ juig₂
quiaín₅ 'uig₅₄ dsáu₁.

²² Ca₂lě₃ ca₂le₃jě₃ a₂ně₅ ia₁jaun₂ le₃ti₃ jui₁lia'₂ ca₂juá'₂ Te₁gui'₅₄ tě₂le₃ quian'₅₄ dsa₂ i₂jme₁'ě₂
jág₁ quiáin₅, jme₁ca₂juá'₂:

²³ Cán₂ jan₂ dsa₂ mi₄ guein₂,

jaun₂ le₃chan₂ jan₂ guein₂ dsa₂ ñe'₂ quiáin₅,

jaun₂ le₃chein₂ Emanuel,*

co₂'nió'₄ a₂juá'₂: Quiong'₅₄ Diú₄ jniog₄.

²⁴ Jaun₂ jme₁ca₂ñé₃ Sě₄ a₂jme₁rě₂güin₃ jaun₂, le₂jaun₂ bá₄ ca₂jmo₃ lia'₂ con'₂ lě₅ ca₂juá'₂
ángel quián₅ Te₁gui'₅₄, jaun₂ ca₂guein₃ bá₄ María a₂lén₂ 'éi₂ dsi₂i₂gu₂. ²⁵ La₁ia₁ tsá₃ ca₂tiáin'₂
dsi₂jui₅ jme₁né₄, jua'₅₄ a₂ca₂rě₃cuin₂₃ riin'₅₄, ca₂lia'₂ jme₁ca₂rě₃chán₃ guein₂ i₂le₂'uig₅₄ 'éi₂
quiaín₅ bá₄ María; jaun₂ ca₂quiaín₃ guein₂ Jesús.

2

Ca₂o₃lén₂ dsa₂ can'₅₄ i₂dsi₂ jág₁

¹ Ca₂rě₃chán₃ Jesús jě₄ juig₂ Belén, ja₁tén₄ 'uě₃ Judea, jmi₄ lia'₂ con'₂ jme₁lín₄ Herodes
rag₅₄ 'uě₃ jaun₂. Jaun₂ ca₂o₃lén₂ co₂nió'₃ dsa₂ i₂chan₂ uíng₂ tě₂le₃ ja₁'ia₂* 'iog₂, jaun₂
ca₂dsi₃lén₂ juig₂ Jerusalén. ² Jaun₂ ca₂ñag₃:

† **1:16** Co₂rě₂ bá₄ jein₅ jág₁ “Cristo” quian'₅₄ “I₂rě₂'ín₁ quián₅ Diú₄.” Quian'₅₄ jág₁ jmei₅ hebreo guě'₂ táng₃ juá'₂ dsa₂
Meshíaj: “Mesías” quian'₅₄ jág₁ ñi'₅₄. ‡ **1:17** Co₂rě₂ bá₄ jein₅ jág₁ “Cristo” quian'₅₄ “I₂rě₂'ín₁ quián₅ Diú₄.” Quian'₅₄ jág₁
jmei₅ hebreo guě'₂ táng₃ juá'₂ dsa₂ Meshíaj: “Mesías” quian'₅₄ jág₁ ñi'₅₄. § **1:21** Lia'₂ chen₂ Jesús (hebreo: Yeshua) jein₅
jág₁: Lió₂ bá₄ Te₁gui'₅₄. * **1:23** Isaías 7:14. * **2:1** Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄,
'Nio'₂ ja₁ton₅ Salmo 8:3; Romanos 1:25.

—¿Na₅ Rag₅₄ quián₅ dsa₂ judíos i₂ca₂rě₃chán₃? Ia₁ 'uē₃ tē₂le₃ ja₁ 'ŋia₂ 'iog₂, ma₂nē₂jín₄ jnia'₅₄ nei₅ quián₅, jaun₂ ja₂náu₅ jnia'₅₄ a₂jme₁juin'₂.

³ Jme₁ca₂rě₃ŋi₅ Rag₅₄ Herodes jág₁ nē₅, 'ŋio₅ lín₃ tsá₃ ma₃tei₄ ca₂'ág₂ dsí₅, ján₃ bá₄ le₂jaun₂ ca₂le₃jín₃ dsa₂ juig₂ Jerusalén. ⁴ Jaun₂ nē₃ ca₂tē₃ rag₅₄ ca₂le₃jín₃ juig₅₄ jme₂dsa₂ quian'₅₄ ca₂le₃jín₃ tē₅juá'₅ quián₅ dsa₂, jaun₂ ca₂ŋag₃ a₂já'₄ dsón'₂ lē₅ jág₁ le₃chan₂ dsa₂ I₂rē₂ 'ín₁ quián₅ Diú₄. ⁵ Jaun₂ ca₂juá'₂ dsa₂ 'éi₂:

—Juig₂ Belén, ja₁tén₄ 'uē₃ Judea. Ia₁ le₂la₂ ca₂tó'₂ ne₄ si₂ dsa₂ i₂jme₁ 'ē₂ jág₁ o₄quió'₄ Diú₄:

⁶ Jaun₂ 'ne₂, Belén, juig₂ tén₅ 'uē₃ Judá,
on₃jua'₅₄ 'ne₂ líng'₅ juig₂ i₂me'₂ guē₄
tē₂le₃ ne₄ jui₁lia'₂ dsa₂ i₂quidsi₅ 'éi'₃ 'uē₃ nē₅;
ia₁ ja₁con'₂ 'ne₂ bá₄ o₃'in₅ jan₂
i₂gon₂, cán₂ ne₄ jui₅,

jmo₃ 'í₁ dsa₂ juig₂ Israel quiáng₃.†

⁷ Jaun₂ Herodes nē₃ ca₂tē₃ dsa₂ can'₅₄ 'éi₂ con'₂ jē₄ tē₃co'₅₄, jaun₂ ca₂ŋag₃ líg'₂ 'e₂ jmig₄ tē₃dsón'₂ ca₂rě₃jniá₂ nei₅ jaun₂.‡ ⁸ Jme₁ma₂nē₂ŋag₃ dsa₂ 'éi₂ jaun₂ guē₄ ca₂chei₃ jui₅ juig₂ Belén, jaun₂ ca₂tsí'₃ dsa₂:

—O₂nó'₅ 'nia'₂ ja₁jaun₂, o₂quion₂ de'₂ 'nia'₂ 'í₁ rē₂ tē₂le₃ quió'₅ chi'₂ bē'₅₄ i₂'ín'₅ 'nia'₂ nē₅; jaun₂ jē₁ma₂ca₂dsáin'₂ 'nia'₂, i₂con'₄ 'nia'₂ jág₁ ia₁jaun₂ nei₅₄ jniá₂ ján₃ i₂jme₁juin'₂.

⁹ Jme₁ma₂nē₂néi₂ dsa₂ 'éi₂ jág₁ quió'₅ rag₅₄, jaun₂ ca₂l₃léin₂. Jaun₂ nē₃, nei₅ a₂ma₂ca₂jág₃a tē₂le₃ 'uē₃ ja₁'ia₂ 'iog₂, ca₂ŋó₃ ne₄ jui₅ quió'₅, ca₂lia'₂ ca₂'ág₂ tei₄ ne₄ ja₁jme₁'en₅₄ guein₂.

¹⁰ Jme₁ca₂jág₃ jaun₂, § ca₂jmo₃ 'io'₂ 'ŋio₅ lín₃; ¹¹ jaun₂ jme₁ca₂l₃toin'₅₄ dsi₂néi₂, ca₂jíin₂ guein₂ bē'₅₄ quian'₅₄ chog₅₄ i₂chen₂ María. Jaun₂ nē₃, ca₂chi₃jnē₃ ca₂jme₃juin'₂ guein₂. Jaun₂ dsi₂jui₅ le₂jaun₂ qui₂ca₂niá₃ tsí₁gu₅ quió'₅, ca₂cuē₃ cu₄nióg₄, chen₂, no'₅₄ mirra nē₃.

¹² Cang₂ guē₄ jaun₂ ca₂qui₃ dsa₂ 'éi₂ a₂ca₂jmo₃ Diú₄ jág₁ a₂tsá₃ ma₃dsi₃lein₃ jui₅ ja₁con₂ Rag₅₄ Herodes, jaun₂ jui₅ siá'₂ bá₄ ca₂l₃lein₃ jui₅ go₅₄.

Ca₂cuing₃ Sē₄ quian'₅₄ María jui₅ 'uē₃ Egipto

¹³ Cang₂ guē₄ jaun₂, jme₁ma₂l₂len₃ dsa₂ can'₅₄ 'éi₂, ca₂qui₃ Sē₄ a₂ca₂jme₃jnia₅ jan₂ ángel quián₅ Te₁gui'₅₄ ja₁coin₂, a₂ca₂juá'₂:

—Nau₂, jŋia₅ i₂bē'₅₄ quiáng'₂, chog₅₄ nē₃, cuing₅ 'nia'₂ jui₅ 'uē₃ Egipto. Ja₁jaun₂ o₂'ú₅ ca₂lia'₂ ca₂juá'₃ jniá₂. Ia₁ 'nau'₂ Herodes 'nai'₂ guein₂ a₂jŋag'₃.

¹⁴ A₂ca₂nau₂ jaun₂ Sē₄, ca₂tág₃ guein₂ quian'₅₄ chog₅₄ a₂'uē₂ jaun₂, ca₂l₃léin₂ jui₅ Egipto.

¹⁵ Ja₁jaun₂ ca₂tóin'₂ ca₂lia'₂ ca₂jon₃ Herodes. Ca₂lē₃ le₂nē₅ ia₁jaun₂ le₃tí₃ jág₁ a₂ca₂juá'₂ Te₁gui'₅₄ tē₂le₃ quian'₅₄ dsa₂ i₂jme₁ 'ē₂ jág₁ o₄quió'₄, jme₁ca₂juá'₂: “Tē₂ Egipto bá₄ ca₂tē₃ jniá₂ jón₃ quiáng₃.”*

Jmo₅ Herodes 'éi'₃ a₂jme₃dsiain₂₃ guein₂

¹⁶ Jme₁ca₂rě₃lí₄ Herodes ca₂jme₃gau₅ dsa₂ can'₅₄ 'éi₂ quió'₅, ca₂rě₃'néi₃ 'ŋio₅ lín₃. Jaun₂ ca₂chein₃ dsa₂ a₂jme₃dsiain₂₃ ca₂le₃jín₃ guein₂ i₂con'₂ ma₂tion'₅₄ tín₃ ŋi₂, guein₂ i₂pí'₁ guē₄ nē₃ i₂chan₂ ma₂quián₅ Belén, lia'₂ con'₂ tí₅ ma₂ne₂ŋó₄ jmig₄ a₂ca₂juá'₂ dsa₂ can'₅₄ 'éi₂. ¹⁷ Jaun₂ le₂nē₅ ca₂rě₃tí₃ jág₁ a₂ca₂tó'₂ ne₄ si₂ Jeremías i₂jme₁ 'ē₂ jág₁ o₄quió'₄ Diú₄:

¹⁸ Ca₂né'₂ tē₁tsí'₅₄ co₂mí'₅₄ jē₄ juig₂ Ramá,

a₂'o₅ dsa₂ a₂qui'₂ dsí₅ guē₄ lín₃;

Raquel bá₄ 'éi₂ ca₂'o₃†

o₄quió'₄ chi'₂ 'guein₂ quián₅,

jaun₂ tsá₃ ca₂gue₃ jua'₅₄ 'ein₂ guē₃ jmo₃ lián'₂ dsí₅,

† 2:6 Miqueas 5:2. ‡ 2:7 Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. § 2:10 Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. *

2:15 Oseas 11:1. † 2:18 Raquel: 'io₅₄ quián₅ Jacob, Génesis 29.

ia₁ ma₂ca₂dsan₃ bá₄ guein₂.†

19 La₁ cang₂ gué₄ jaun₂, jme₁ma₂ca₂jon₃ Herodes, ca₂qui₃ Sě₄ a₂ca₂jme₃jnia₅ táng₃ jan₂ ángel quián₅ Te₁gui₅₄ ja₁coin₂ 'ein₅₄ Egipto, 20 Ca₂juá'₂ ángel:

—Nau₂, jnia₅ táng₃ i₂bě'₅₄ quiáng'₂, chog₅₄ ně₃, jaun₂ o₂nó'₅ táng₃ 'nia'₂ jui₅ 'uě₃ Israel, ia₁ ma₂ca₂dsan₃ bá₄ i₂jme₁'nio₃ jme₁jñi'₃ guein₂.

21 A₂ca₂nau₂ jaun₂ táng₃ Sě₄, ca₂tág₃ chi'₂ quián₅, quian'₅₄ chog₅₄, jui₅ 'uě₃ Israel. 22 La₁ jme₁ca₂rě₃jñi₅ Sě₄ a₂ma₂lín₅ ta₁ Arquelao 'uě₃ Judea, ta₁ a₂jme₁lín₄ Herodes jme₁, jaun₂ ca₂rě₃gó'₅ dsó₃ ja₁jaun₂. Ia₁ ca₂'ě₂ táng₃ Diú₄ jág₁ jě₄ qui₂₃, jaun₂ jui₅ 'uě₃ Galilea bá₄ ca₂ñó₃.

23 Jme₁ca₂dsióg₃ ja₁jaun₂, ca₂ñó₃ ca₂i₁gua₂ juig₂ ja₁chei₂ Nazaret. Le₂ně₅ bá₄ ca₂rě₃ti₃ jág₁ quió'₅ dsa₂ i₂ca₂'ě₂ jág₁ quián₅ Diú₄ ma₂líg'₂: “A₂quiong₃ dsa₂ nazareno.”

3

Ē₂ Juan₅₄ jág₁ caun₂ 'uě₃ quein₂ ja₁co₂'ñiog₅
(Marcos 1:1-8; Lucas 3:1-18; Juan 1:19-28)

1 Jmíg₄ jaun₂ guan₃ Juan₅₄ i₂chon₅ dsa₂ jmíg₂, caun₂ 'uě₃ quein₂ co₂'ñiog₅ ja₁tén₄ 'uě₃ Judea, a₂'ě₂ jág₁, 2 a₂juá'₂:

—Jein'₅₄ 'nia'₂ 'au'₂, ia₁ ma₂ja₂quián₃ jmíg₄ jě₄gon₃ Diú₄.

3 Juan₅₄ la₂ bá₄ 'éi₂ i₂ca₂'in₃ Isaías i₂jme₁juá'₂ o₄quió'₄ Diú₄ jme₁ca₂tó'₂ ne₄ si₂ a₂juá'₂ le₂la₂: Né'₂ a₂táun₂ dsa₂ tiá₂ jág₁

caun₂ 'uě₃ quein₂ ja₁co₂'ñiog₅, a₂juá'₂:

“Jmo₄ 'nia'₂ co₂jñia₅₄ jui₅ quió'₅ Te₁gui₅₄;

nia₄ 'nia'₂ caun₂ jui₅ co₂dsau₅.”*

4 Ni₁tsin'₅₄ Juan₅₄ 'éi₂ jme₁lě₄ 'mí'₂ a₂rě₂ta₄ quian'₅₄ jñi₄ já'₂ camello; a₂jme₁jén'₅ tú'₅ gué'₂ quian'₅₄ lo₄ já'₂; má₃ a₂jme₁gué'₅ gué'₂, jmá'₃ i₁ní'₂ tiá₄ quian'₅₄ jmí₁tá'₄ cha₂ ja₁nau₂.

5 Jme₁ja₂lén₂ dsa₂ chan₂ Jerusalén, quian'₅₄ dsa₂ i₂tián'₅ 'uě₃ Judea quian'₅₄ dsa₂ i₂tián'₅ cau₅ Cuá₃ Jordán ně₃, jme₁qui₂ja₂néi₃ jág₁ a₂cuě'₅ 'éi₂. 6 Jme₁ma₂ca₂lě₃ jmo₂₃ qui₂jñi₃ quió'₅ ne₄ Diú₄ ca₂le₃jě₃ dso₄ a₂qui₂rě₂cáin'₄, jaun₂ gué₄ ca₂cho₃ Juan₅₄ jmíg₂† Cuá₃ Jordán.

7 La₁ jme₁ca₂jág₃ Juan₅₄ juin₅ lín₃ dsa₂ fariseos ja₂lén₂ quian'₅₄ dsa₂ saduceos ně₃, a₂mi₂₃ cho₃ Juan₅₄ jmíg₂,† jaun₂ ca₂juá'₂ Juan₅₄:

—i'Nia'₂ tsi₁jon₂ dsi₂mi'₂! ¿Ein₂ bá₄ ně₂chí'₃ 'nia'₂ a₂cuing'₂ long'₅₄ a₂i₄ 'nei₂ dsí₅ Diú₄ a₂ja₂quián₃? 8 Jmo₄ 'nia'₂ jaun₂ jui₁le₂jniá₂ a₂léi₄ tě₃dsón'₂ a₂ma₂ca₂jein'₅₄ 'nia'₂ 'au'₂. 9 Tsá₃ o₁len'₂ 'nia'₂ jua'₅₄ lé₂ le₃jua'₅₄ 'nia'₂: “Lág₅ jnia'₅₄ tsi₁jon₂ Abraham”; ia₁ jniá₂ juá'₅, ca₂tě₂ ni₁cang₁ tio'₅₄ la₂, lé₂ le₃jmo₃ Diú₄ jmói'₂ tsi₁jon₂ Abraham. 10 Ia₁ ma₂lě₅ co₂jñia₅₄ jñi₁dsi₁ a₂qui₂uín'₂ 'ma₂. Ca₂le₃jě₃ 'ma₂ a₂tsá₃ dse₃ míg₂ 'ag₅, uín'₂ bá₄, dsi₂to'₅₄ si₂. 11 Jniá₂ ně₃, dsau₅ bá₄ ně₂tiáng₃ 'nia'₂ jmíg₂ co₂'nió'₄ a₂jáng'₅ léi₄ a₂jein'₅₄ 'nia'₂ 'au'₂; la₁ i₂já₅ chi₁co'₅₄ quió₃ ně₃, 'éi₂ bá₄ i₂'uan'₂ gué₄ lia'₂ con'₂ gué₄ jniá₂, ca₂lia'₂ jñia'₅₄ lau₂ ton₅ tag₅₄ bá₄ tsá₃ ca₂tíng₂ i₁quian₃. 'Éi₂ gué₄ ně₃, tióg₂ Jme₂dsí₂ Jñiós, dsi₂si₂ ně₃. 12 Ně₂jag₄ bá₄ a₂ma₂chi₁chan'₂ jñi₁ a₂quió'₅ míg₂ trigo, dsia₃ jma₃quén₅ quian'₅₄ jme₁qui₅. Jmá'₃ míg₂ bá₄ cág'₃, 'ma₃ dsi₂néi₂, la₁ qui₂dsí'₂ bá₄ jme₁qui₅ dsi₂si₂ ja₁tsá₃ ma₃o₁líg'₂ jmíg₄ éi₃.§

Ca₂ñó₂ Jesús jmíg₂

(Marcos 1:9-11; Lucas 3:21-22)

13 Jaun₂ ně₃, Jesús, o₂'iín₃ 'uě₃ Galilea, ca₂dsióg₃ tě₂ Cuá₃ Jordán ia₁jaun₂ cho₃ Juan₅₄ jmíg₂.* 14 Tsá₃ jme₁gue₅ Juan₅₄ le₂'uig₅₄, jaun₂ ca₂juá'₂ tsí'₅ Jesús:

—Jniá₂ bá₄ i₂'nió'₅ quió₃ tsón'₄ 'ne₂ jmíg₂.† ¿A₂ bá₄ lia'₂ 'ne₂ ñe'₃ ja₁con₂ jniá₂?

15 La₁ ca₂juá'₂ Jesús:

† 2:18 Jeremías 31:15. * 3:3 Isaías 40:3. † 3:6 lit. “ca₂tióg₃ Juan₅₄ jmíg₂.” † 3:7 lit. “tióg₂ Juan₅₄ jmíg₂.”

§ 3:12 'Nio'₂ ja₁ton₅ Mateo 13:30. * 3:13 lit. “ia₁jaun₂ tióg₂ Juan₅₄ jmíg₂.” † 3:14 lit. “tián'₄ 'ne₂ jmíg₂.”

—Jui₁le₅₄ bá₄ le₂nē₅ tē₂nē₃, ia₁ dsi₂ten₅₄ de'₂ jmó₁ jniog₄ le₂nē₅ ia₁jaun₂ jme₁ti₁ ca₂le₃jě₃ a₂dse₃.

Jaun₂ bá₄ ca₂gue₃ Juan₅₄.

¹⁶ Jme₁ma₂lē₅ cho₅ Juan₅₄ jmig₂,† jaun₂ ca₂o₃'ín₃ Jesús dsi₂jmig₂. Jaun₂ dsi₂jui₅ le₂jaun₂ ca₂niá₃ dsi₄ mi₂güig₃ ca₂lē₃, jaun₂ ca₂jín₂ Jesús Jme₂dsí₂ quián₅ Diú₄ ca₂sión₃ ne₄ quió'₅, i₂lín₅ lia'₂ lín₅ jan₂ i₁ju₂. ¹⁷ Jaun₂ ca₂né'₂ jág₁ guei'₅₄ a₂ca₂juá'₂:

—I₂la₂ bá₄ jón₃ quiáng₃ i₂ñí₄ lē₃ 'nióg₃ guě₄ lín₃. 'E₂ bá₄ 'ñio₂ dsi₃ quiain'₅₄.

4

Ca₂caun₃ i₂sē₃dsen₃ táu₂ quió'₅ Jesús

(Marcos 1:12-13; Lucas 4:1-13)

¹ Dsi₂jui₅ jaun₂ ca₂tē₃ Jme₂dsí₂ quián₅ Diú₄ ca₂tē'₃ Jesús caun₂ 'uē₃ quein₂ co₂'ñiog₅ ia₁jaun₂ ja₁jaun₂ cáun₂ táu₂ i₂sē₃dsen₃.

² Tē₂láu₃ jmig₄ tē₂láu₃ nei₅, ca₂jme₃'ín₅₄ Jesús; cang₂ guě₄ jaun₂ ca₂lē₃ i₁cón'₅ 'ñio₅ lín₃.

³ Jaun₂ ca₂jme₃quián₃ i₂sē₃dsen₃ ja₁coin₂, a₂cáun₂ táu₂, jaun₂ ca₂juá'₂ tsí'₅ Jesús:

—Chi₂jua'₂ dsón'₂ líng'₅ Ja₁ñi'₅₄ Diú₄, jmo₄ jui₁le₅₄ i₁ñí'₄ ni₁cang₁ tio'₅₄ nē₅.

⁴ La₁ ca₂ñag₃ Jesús:

—Chi₁ton₅ ne₄ Si₂: “On₃jua'₅₄ jmá'₃ quian'₅₄ i₁ñí'₄ le₃tan₅₄ dsa₂ mi₂güig₃ le₃chain₂, ján₃ bá₄ 'nió'₅ jme₃tan₅₄ dsa₂ quian'₅₄ ca₂le₃jě₃ jág₁ a₂'uē'₂ mi₂'o₄ Diú₄.”*

⁵ Nó₃ jaun₂, ca₂jio₃ táng₃ i₂sē₃dsen₃ tē₂ juig₂ Jerusalén ciudad jñió₅, jaun₂ ca₂jio₃ tē₂ guei'₅₄ guá'₅ templo ja₁ñei₅ 'ñio₅ lín₃. ⁶ Jaun₂ ca₂juá'₂ ca₂tsí'₃ Jesús:

—Chi₂jua'₂ 'ne₂ líng'₅ Ja₁ñi'₅₄ Diú₄, tian'₅₄ ja₁nē₅; ia₁ juá'₂ ne₄ Si₂:
Chen₃ Diú₄ ángeles quiáin₅

ia₁jaun₂ jmo₃ 'í₁;

chó'₂ quian'₅₄ gu₂

ia₁jaun₂ tsá₃ jéng'₂ uig₅ nióg'₃ quian'₅₄ cang₄.†

⁷ Jaun₂ ca₂ñag₃ Jesús:

—Ján₃ bá₄ juá'₂ ne₄ Si₂: “Tsá₃ tang'₅₄ Te₁gui'₅₄ Diú₄ quiáng'₂.”†

⁸ Con'₂ guě₄ siá'₂ táng₃ ca₂jio₃ i₂sē₃dsen₃ jui₅ caun₂ má'₂ ja₁ñei₅ 'ñio₅ lín₃. Jaun₂ ca₂'ē₃ le₃jě₃ juig₂ a₂cha₂ mi₂güig₃ quian'₅₄ ca₂le₃jě₃ a₂jlá'₁ cha₂. ⁹ Jaun₂ ca₂tsí'₃ Jesús:

—Dsi₄ jniá₂ gog'₂ 'ne₂ ca₂le₃jě₃ a₂nē₅, nē₁jua'₂ ca₂chi₁jne'₄ ne₃ a₂jme₁juag'₂.

¹⁰ Jaun₂ nē₃ ca₂ñag₃ Jesús:

Guan'₂ Satanás, ia₁ ne₄ Si₂ juá'₂: “Jme₁juin'₂ Te₁gui'₅₄ Diú₄ quiáng'₂, jñia'₅₄ lia'₂ ne₄ 'éi₂ bá₄ jme₁ti₁.”§

¹¹ Jaun₂ nē₃ ca₂ñá'₃ i₂sē₃dsen₃, jaun₂ ca₂o₃lén₂ ángeles ca₂jme₃ti₃ ta₁ ne₄ Jesús.

Ca₂jme₃lióg₃ Jesús ta₁ quió'₅, 'uē₃ Galilea

(Marcos 1:14-15; Lucas 4:14-15)

¹² Jme₁ca₂rē₃ñi₅ Jesús a₂'en₅₄ Juan₅₄ né'₃ 'má₃, jaun₂ ñó₃ jui₅ 'uē₃ Galilea. ¹³ Tsá₃ ca₂jñia₃ jē₄ juig₂ Nazaret, ñó₃ bá₄ ca₂l₁'i₅ tē₂ Capernaum, caun₂ juig₂ a₂niog₅ chei'₅₄ jmi₁ñí'₄ 'uē₃ ja₁tén₄ Zabulón quian'₅₄ Neftalí. ¹⁴ Jaun₂ le₂nē₅ ca₂rē₃ti₃ jág₁ a₂ca₂tó'₂ ne₄ si₂ Isaías i₂jme₁'ē₂ jág₁ o₄quió'₄ Diú₄:

¹⁵ 'Uē₃ ja₁tén₄ Zabulón quian'₅₄ Neftalí

a₂niog₅ le₃quióng₄ Cuá₃ Jordán, chei'₅₄ jmi₁ñí'₄,

'uē₃ Galilea le₃quió'₅ dsi₂nau₂:

¹⁶ dsa₂ i₂jme₁tián'₄ jē₄ qui₁né'₃

ma₂ca₂jág₃ caun₂ si₂juē'₂;

† 3:16 lit. “tióg₂ Juan₅₄ jmig₂.”

* 4:4 Deuteronomio 8:3.

† 4:6 Salmo 91:11-12.

† 4:7 Deuteronomio 6:16.

§ 4:10 Deuteronomio 6:13.

dsa₂ i₂jme₁tián'₄ 'uë₃ ja₁'ei₅ 'én'₁ 'mú₃,
ne₄ quió'₅ ma₂ca₂'ág₂ si₂.*

¹⁷ Të₂le₃ ne₄ jui₅ jaun₂ ca₂jme₃lióg₃ Jesús ca₂'ë₂ jág₁, ca₂juá'₂:

—Jein'₅₄ 'nia'₂ 'au'₂, ia₁ ma₂ja₂quián₃ guá'₂ 'éi'₃ quió'₅ Diú₄.

Ca₂të'₃ Jesús quén₂ dsa₂ i₂tsán'₂ ju₄

(Marcos 1:16-20; Lucas 5:1-11)

¹⁸ Co₂ráun₂ nój₃ Jesús i₁ñi₂ chei'₅₄ jmi₁ñí'₄ Galilea. Ja₁jaun₂, ca₂jíin₂ Si₂mu₅₄ i₂të'₂ dsa₂ Pe₄, quiaín'₅₄ dsó₂ riin'₅₄ i₂chen₂ Dré₄. Dsa₂ i₂tsán'₂ ju₄ bá₄ 'éi₂, jaun₂ hora jaun₂ dé₄ ně₃ jme₁tioin'₅₄ táun₂ 'má₅ dsi₂jmi₂g₂. ¹⁹ Jaun₂ ca₂juá'₂ Jesús:

—'Éin₃ jniá₂, jaun₂ cuë₅₄ ta₁ a₂chi₁liang'₂ dsa₂ mi₂güí₃, jui₁lia'₂ chi₂liáng'₁ ju₄ ně₅.

²⁰ Dsi₂jui₅ le₂jaun₂ bá₄ ca₂dsia₃ cau₅ 'má₅ quió'₅, jaun₂ i₃léin₂ quiong'₅₄.

²¹ Me'₂ guë₄ ne₄ jui₅ ja₁i₃léin₂ jaun₂, ca₂jíin₂ con'₂ guë₄ on₃ dsó₂: Jacobo quian'₅₄ Juan₅₄ riin'₅₄, ja₁ñi'₅₄ Zebedeo. Jme₁tioin'₅₄ 'ñió'₃ tsí₁mu₅ qui₂'méi₅ 'má₅ quió'₅, quiaín'₅₄ jmei₂. Jaun₂ ca₂të₃ Jesús, ²² jaun₂ dsi₂jui₅ le₂jaun₂ bá₄ ca₂tí₂ tsí₁mu₅ quió'₅ ca₂téin₂ jmei₂, jaun₂ ca₂i₃léin₂ ca₂jme₃quiaín'₅₄ Jesús.

Ca₂jme₃tiñ₅ Jesús juin₅ lin₃ dsa₂

(Lucas 6:17-19)

²³ I₂ñi₅₄ Jesús le₂tan₅₄ 'uë₃ Galilea, qui₂jme₂tiñ₂₃ dsa₂ dsi₂néi₂ guá'₅ sinagogas lia'₂ caun₂ ja₁qui₂ñi₅. Qui₂'ë₂ jág₁ dse₃ jui₁lia'₂ ja₁gon₂ Diú₄, ján₃ bá₄ qui₂jme₂'lióin₂ dsa₂ ca₂le₃jë₃ ne₅₄ dso₄ 'e₂ niog₅ lin₅ dsa₂. ²⁴ Le₂tan₅₄ 'uë₃ Siria ca₂i₃'ág₃ jág₁ 'a₂ lia'₂ lë₅ jmo₅ Jesús ñi₂₃, jaun₂ ca₂o₃jñia₃ dsa₂ ca₂le₃jín₃ dsa₂ i₂le₁quian₅ ca₂le₃jë₃ ne₅₄ jmi₁uig₅, quian'₅₄ jui₁'ein₂ guë₃ i₂qui₂' uig₅ quió'₅. Ca₂i₁quiaín₅₄ ca₂le₃jín₃ dsa₂ i₂tion'₅₄ jme₂dsí₂ je₂na'₅₄, dsa₂ i₂lín₅ dso₄ 'ei₂, quian'₅₄ dsa₂ 'lian'₂ ně₃. Ja₁jaun₂ ca₂jme₃'lión₂ Jesús ca₂le₃jín₃ dsa₂ 'éi₂.

²⁵ Juin₅ lin₃ dsa₂ i₂chan₂ Galilea, dsa₂ i₂chan₂ ta₁guia₃ juig₂ ja₁të'₂ dsa₂ Decápolis, quian'₅₄ dsa₂ i₂chan₂ Jerusalén, dsa₂ i₂tián'₅ 'uë₃ Judea quian'₅₄ dsa₂ i₂tián'₅ le₂'ño'₅₄ Cuá₃ Jordán ně₃, ca₂jme₃quiong'₅₄ ca₂jme₃quiaín'₅₄ Jesús.

5

Jág₁ a₂ca₂cuë₃ Jesús má'₂

(Lucas 6:20-23)

¹ Jín₂ Jesús dsa₂ juin₅ 'éi₂, jaun₂ ca₂uig₂ caun₂ dsi₂con'₂ ja₁ñei₅ guë₄, jaun₂ ca₂guá₂. Jaun₂ ca₂ñi'₂ dsa₂ i₂quiaín'₅₄ le₃lág'₃ quió'₅. ² Jaun₂ ca₂jme₃lióg₃ ca₂jme₃tiñ₂₃ dsa₂, ca₂juá'₂ le₂la₂:

¿'Ein₂ dsa₂ 'éi₂ i₂jmo₅ 'io'₂?

³ —'E₂ guë₄ dsen₃ jui₁lia'₂ dsa₂ i₂rë₂lí'₄ qui₂chi₁quiaín₁₂ jmi₂g₄ o₄quió'₄ jme₂dsí₂ quió'₅, ia₁ i₂le₂'éi₂ bá₄ ca₂tín₂ ja₁gon₂ Diú₄.

⁴ "E₂ guë₄ dsen₃ jui₁lia'₂ dsa₂ i₂ta'₂ 'lia'₂ dsí₅, ia₁ cuë₃ bá₄ Diú₄ lián'₂ dsí₅.

⁵ "E₂ guë₄ dsen₃ jui₁lia'₂ dsa₂ i₂jmo₅ me'₂, ia₁ gua'₅₄ 'uë₃ bá₄ tiñ₅₄, cuë₃ Diú₄.

⁶ "E₂ guë₄ dsen₃ jui₁lia'₂ dsa₂ i₂ñí₄ lë₃ 'ín₅ dsí₅ jmo₃ a₂'ñio₂ dsí₅ Diú₄, ia₁ lë₂ dsí₅ ně₂jag₄ bá₄ a₂i₁cón'₅, a₂rë₂quein₂ dsí₅ ně₃; ia₁ 'ág'₄ bá₄ dsí₅, jmo₃ Diú₄.

⁷ "E₂ guë₄ dsen₃ jui₁lia'₂ dsa₂ i₂ñéi₂ dsí₅ dsa₂ sián'₂, ia₁ dsia₃ bá₄ Diú₄ néi₂ dsí₅ guioin₅₄.

⁸ "E₂ guë₄ dsen₃ jui₁lia'₂ dsa₂ i₂qui₂le₁jë₃ dsí₅, ia₁ jín₂ bá₄ Diú₄.

⁹ "E₂ guë₄ dsen₃ jui₁lia'₂ dsa₂ i₂quín'₅ bí₂ 'no'₂ jui₅ 'a₂ lia'₂ 'ag₃ tei₄, ia₁ quiong₃ Diú₄ chi₂-guein₂ quiáin₅.

¹⁰ "E₂ guë₄ dsen₃ jui₁lia'₂ dsa₂ i₂qui₂co₂'ein₅ dsa₂ 'uig₅₄ ia₁ a₂jmo₂₃ a₂'ñio₂ dsí₅ Diú₄, ia₁ ja₁gon₂ Diú₄ bá₄ ca₂tiñ₂.

* **4:16** Isaías 9:1-2.

11 'E₂ guě₄ dsen'₃ 'nia'₂, jē₁ma₂tě₂ rē₁qui₂jnaú'₂ dsa₂ jág₁, qui₂co₂j móg'₂, a₂juá'₂ ca₂le₃jě₃ ne₅₄ jág₁ a₂tsá₃ tí₅ ja₁con'₂ 'nia'₂ o₄qui₃ó₃ jniá₂; 12 jmo₄ 'nia'₂ 'io'₂, ju₁le₁'ág₄ bá₄ dse₃ 'au'₂, ia₁ guéi'₁ 'nia'₂ 'liang'₅₄ jó₄ guei'₅₄ i₂juíg₃. Ia₁ le₂ně₅ bá₄ ján₃ qui₂ca₂co₃'ein₃ dsa₂ quió'₅ dsa₂ i₂jme₁'ě₂ jág₁ quián₅ Diú₄, i₂ma₂ca₂rě₃chán₃ le₂jniá₅ con'₂ guě₄ 'nia'₂.

Jág₁ a₂jáng'₅ léi₄ ju₁lia'₂ tsi₁ni₁ quian'₅₄ si₂ a₂tág₅ jin₄ dsa₂ mi₂güig₃
(Marcos 9:50: Lucas 14:34-35)

13 'Tén'₅ 'nia'₂ ta₁ ne₄ gua'₅₄ 'uě₃ ju₁lia'₂ jmo₅ tsi₁ni₁ jē₄ má₃. La₁ ně₁jua'₂ ma₂ca₂'en₃ ni'₅₄ tsi₁ni₁, ħ₂ bá₄ lia'₂ lé₂ le₃lei₂ táng₃? Tsá₃ ma₃'e₂ ta₁ jmo₃, a₂jnia'₅₄ lia'₂ a₂dsi₃ga'₅₄ bá₄ jaun₂, qui₃tsó'₃ dsa₂.

14 'Ján₃ bá₄ rě₂jniá'₁ 'nia'₂ co₂'nió'₄ a₂líg'₅ si₂ quió'₅ dsa₂ mi₂güig₃. Ju₁lia'₂ caun₂ juig₂ a₂nio₅ dsi₂con'₂ tsá₃ lé₂ le₃dsi₃'ma₄, 15 ján₃ bá₄ tsá₃ guí'₅ dsa₂ si₂ caun₂ ni₁tsí₅ a₂chi'₃ né'₃ tsi₁gu₅; guei'₅₄ bá₄ chi'₂ dsa₂ ia₁jaun₂ tág'₅ si₂ ja₁con₂ ca₂le₃jín₃ i₂tion'₅₄ dsi₂néi₂. 16 Le₂ně₅ bá₄ 'nia'₂ ně₃, jmo₄ tág₅ si₂ quiáng'₂ jin₄ dsa₂ mi₂güig₃, ia₁jaun₂ tē₅₄ ne₄ dsa₂ a₂dse₃ a₂jmo'₂ 'nia'₂, jaun₂ jme₃juin'₂ Néi'₅ 'nia'₂ i₂guá₅ guei'₅₄ i₂juíg₃.

Jme₂tag₅ Jesús ju₁lia'₂ 'Éi'₃

17 'Tsá₃ o₁len'₂ 'nia'₂ jua'₅₄ a₂guio₃ jniá₂ a₂jniá'₄ Si₂ 'Éi'₃ quió'₅ Moisés, on₃ guě'₂ jág₁ a₂jme₁jme₂tag₅ dsa₂ i₂jme₁'ě₂ jág₁ quián₅ Diú₄. On₃jua'₅₄ ta₁ jaun₂ guio₃ jniá₂ a₂jniá'₄, tē₂le₃ a₂jme₁'nia₅ bá₄ jniá₂ guio₃. 18 Ia₁ a₂dsi₂jó'₃ juá'₅ jniá₂, tē₁lia'₂ niog₅ mi₂güig₃, tē₁lia'₂ jniá₂ dsi₄ guei'₅₄ ně₅, 'i₁caun₂ punto, on₃ guě'₂ 'i₁caun₂ letra pí'₁ quió'₅ Si₂ 'Éi'₃ tsá₃ dsi₃'én₂ ca₂lia'₂ ca₂rě₃ti₃ ca₂le₃jě₃ a₂niog₅ lé₂. 19 'Uig₅₄ jaun₂, ju₁lia'₂ i₂jmo₅ cau₅ caun₂ 'Éi'₃ Juá'₅ ne₄ Si₂ 'Éi'₃, o₁jnia'₅₄ lín₂ caun₂ 'éi'₃ tsá₃ lín₄ quen₅, ně₁jua'₂ le₂jaun₂ jme₁tiin₂₃ dsa₂ rin'₅₄, le₂jaun₂ bá₄ lén₂ dsa₂ 'éi'₂ jan₂ dsa₂ i₂tsá₃ lín₄ quen₅ ja₁gon₂ Diú₄. La₁ ju₁lia'₂ dsa₂ i₂nag₅ gau₂, jme₂ti₃, le₂jaun₂ jme₂tiin₂₃ i₂sián'₂ ně₃, le₂jaun₂ bá₄ lén₂ dsa₂ 'éi'₂ juin'₂ ja₁gon₂ Diú₄. 20 Ia₁ a₂dsi₂jó'₃ juá'₅ jniá₂ juíg₂ 'nia'₂, ně₁jua'₂ tsá₃ ca₂jmo'₅₄ 'nia'₂ a₂dse₃ guě₄ con'₂ guě₄ tē₅juá'₅ quian'₅₄ dsa₂ fariseos, lia'₂ o₁líg'₂ jmig₄ tsá₃ lé₂ dsi₁no'₃ 'nia'₂ ja₁gon₂ Diú₄.

Jme₂tag₅ Jesús ju₁lia'₂ a₂rě₂'ne₂ dsa₂
(Lucas 12:57-59)

21 'Ma₂ni'₅₄ bá₄ 'nia'₂ 'a₂ lia'₂ lě₅ ma₂nág₂ dsa₂ can'₅₄ quián'₂ 'nia'₂: “Tsá₃ jníg'₄ dsa₂,* ia₁ ně₁jua'₂ 'ein₂ ca₂jni'₃ rin'₅₄, tion₅₄ tē₃dsi₅₄ bá₄ 'éi'₃ ja₁coin₂.” 22 La₁ jniá₂ juá'₅ juíg₂ 'nia'₂, chi₂jua'₂ 'ein₂ ca₂rě₃'né₃ quian'₅₄ rin'₅₄,† ján₃ bá₄ le₂jaun₂ jióg'₂ 'í₁ ja₁coin₂, tē₃dsi₅₄ 'éi'₃. Ján₃ bá₄ le₂jaun₂ ju₁lia'₂ i₂tē₂'on'₂ rin'₅₄, ne₄ dsi₂tan₅₄ quián₅ guá'₅ bá₄ dsi₁lén₂, la₁ ju₁lia'₂ i₂quian₅ tonto† rin'₅₄, go'₂ 'lián'₃ quióin'₄ dsi₂si₂ ja₁'lig'₅₄.

23 'Uig₅₄ jaun₂ ně₃, ně₁jua'₂ dsi₂can'₅₄ 'e₂ dsi₂can'₅₄ ne₄chei₂, a₂jen'₅₄ ne₄ Diú₄, ně₁ca₂dsáu'₃ 'au'₂ tsá₃ 'ei₅ caun₂ jág₁ quian'₅₄ ríng'₂, 24 ja₁jaun₂ de'₂ dsia₄ a₂jaun₂ cau₅ ne₄chei₂, jaun₂ guě₄ guan'₂ jme₁dsian₅ mi'₅₄ o₂'éi₂ caun₂ jág₁ quian'₅₄ ríng'₂. Jaun₂ guě₄ ŋe'₅₄ táng₃ i₂dsia₄ a₂cuě'₅₄ Diú₄.

25 'Chi₂jua'₂ 'ein₂ 'nio₃ 'nag₃ ne₄ dsi₂tan₅₄, ni'₅₄ ta₁ 'nio'₂ ju₁'éi₂ caun₂ jág₁ quian'₅₄ né'₃ a₂jmo₃ le₂jaun₂, ia₁jaun₂ tsá₃ jáng'₂ ne₄ dsi₂tan₅₄ i₂qui₂dsi₅ 'éi'₃; ia₁ dsi₂tan₅₄ ně₃, con'₂ tsá₃ ŋó₅ ně₁ca₂jáng'₂ o₄gú₃ chi'₂ 'i'₅₄; i₂'éi₂ guě₄ ně₃ 'liog'₃ né'₃ 'má₃. 26 A₂dsi₂jó'₃ juá'₅ jniá₂, tsá₃ a₁jaun₂ o₃'ing'₂ ja₁jaun₂ ca₂lia'₂ ca₂qui'₅₄ ca₂le₃jě₃ 'a₂ con'₂ mi₅ dsa₂ quiáng'₂.

Jme₂tag₅ Jesús a₂tsá₃ nió'₃ dsa₂ jág₁ quian'₅₄ dsa₂ on₃jua'₅₄ dsi₂i₂gu₂

* 5:21 Éxodo 20:13. † 5:22 A₂lin'₅₄ chog₅₄ si₂ juá'₂ ján₃: “on₃jua'₅₄ cha₂ 'uig₅₄.” ‡ 5:22 griego: raza; caun₂ jág₁ tē₂'o'₅₄ arameo co₂'nió'₄ a₂juá'₂: “Tsá₃ 'e₂ tio'₅₄ mi₂dsei'₂.”

27 'Ma₂nei' ₅₄ bá₄ 'nia' ₂ ján₃ 'a₂ lia' ₂ lě₅ ma₂juá' ₂ dsa₂ le₂jñiá₅: “Tsá₃ nióg' ₄ jág₁ quian' ₅₄ dsa₂ on₃jua' ₅₄ dsi₂i₂gog' ₂.” § 28 La₁ jniá₂ guě' ₂ juá' ₅ juíg' ₂ 'nia' ₂, chi₂jua' ₂ 'ein₂ dsi₂jio₅ dsi' ₅₄ 'lig' ₅₄ qui₂jñi₂ jan₂ dsa₂ mí₂, co₂'nió' ₄ ma₂ně₂'nióg' ₂ dso₄ quiong' ₅₄ jui₅ tē₂dsí₅.

29 'Ně₁jua' ₂ mi₂ne' ₅₄ jmo₅ a₂tang' ₂ dso₄, co₂dsia₅ dsi₄, tiong₂ uíng₂; ia₁ dse₃ guě₄ a₂dsi₃'én₂ ca₂jne₄ quiáng' ₂, con' ₂ guě₄ jme₁o₁'ú' ₃ ta₁jang' ₂ ja₁'lig' ₅₄. 30 Ján₃ bá₄ le₂ně₅ ně₁jua' ₂ mi₂gog' ₂ jmo₅ a₂tang' ₂ dso₄, co₂dsia₅ ti₄, tiong₂ uíng₂; ia₁ dse₃ guě₄ a₂dsi₃'én₂ ca₂jne₄ ni₁ñi' ₁ con' ₂ guě₄ jme₁o₁'ú' ₃ ta₁jang' ₂ ja₁'lig' ₅₄.

*Jme₂tag₅ Jesús jui₁lia' ₂ dso₄ a₂tén₂ dsa₂ dsi₂i₂gu₂
(Mateo 19:9; Marcos 10:11-12; Lucas 16:18)*

31 'Ján₃ bá₄ ma₂juá' ₂ dsa₂ le₂jñiá₅: “Chi₂jua' ₂ 'ein₂ ca₂tén₂ dsa₂ mí₂ quián₅, ca₂tñi₂ cho₃ caun₂ si₂ a₂jang' ₅ léi₄ a₂ma₂ca₂tén₂ dsón' ₂ riin' ₅₄.”* 32 La₁ jniá₂ juá' ₅ juíg' ₂ 'nia' ₂, chi₂jua' ₂ 'ein₂ ca₂tén₂ dsa₂ mí₂ quián₅, on₃jua' ₅₄ cha₂ 'uig' ₅₄, jua' ₅₄ a₂ma₂nió' ₅ jág₁ quian' ₅₄ i₂sián' ₂, jmo₂₃ a₂'no₃ 'io₅₄ quián₅ dso₄. Ján₃ bá₄ le₂jaun₂ jui₁lia' ₂ dsa₂ ñe' ₂ i₂cán₂ 'io₅₄ i₂ma₂téi₂ dsa₂, ján₃ bá₄ le₂jaun₂ 'no₂₃ dso₄.

Jme₂tag₅ Jesús jui₁lia' ₂ jág₁ a₂'in₅ dsa₂ Diú₄

33 'Ma₂nei' ₂ bá₄ 'nia' ₂ ján₃, 'a₂ lia' ₂ lě₅ ca₂nág₂ dsa₂ can' ₅₄ ma₂líg' ₂: “Tsá₃ jmó' ₂ jua' ₅₄ a₂tsá₃ jme₁ti' ₄ jág₁ quiáng' ₂ a₂ma₂cuě' ₅₄ a₂'íng' ₅ Te₁gui' ₅₄.” 34 La₁ jniá₂ juá' ₅ juíg' ₂ 'nia' ₂ tsá₃ 'e₂ 'uig' ₅₄ cha₂ jua' ₅₄ a₂'íng' ₄ Diú₄; tsá₃ 'ě' ₁ guei' ₅₄ i₂juíg₃, ia₁ ne₄ta₁ quió' ₅ Diú₄ bá₄ jaun₂; 35 on₃ guě' ₂ 'ě' ₁ gua' ₅₄ 'uě₃, ia₁ co₂'nió' ₄ ja₁tióng₂ tag₄ bá₄ Diú₄; on₃ guě' ₂ 'nió' ₅ 'ě' ₁ 'nia' ₂ Jerusalén, ia₁ juíg' ₂ quió' ₅ Rag₅₄ Juin' ₂ bá₄ jaun₂. 36 Tsá₃ lě₁'ě₂ 'nia' ₂ mi₂dsei' ₂ guiong' ₅₄ ně₃, ia₁ 'i₁ca₂mi' ₂ ni₁jñi₂ dsei' ₂ 'nia' ₂ tsá₃ lě₂ le₃jmó' ₂ tiog₂, on₃ guě₄ a₂lia' ₂ ně₃. 37 Jua' ₅₄ bá₄ 'nia' ₂ quian' ₅₄ ca₂jon₄ jág₁, “ján₅”, o₃ “jan₂ón₄” 'e₂, ia₁ ně₁jua' ₂ 'ein₂ ca₂juá' ₂ ñag₅₄ guě₄ con' ₂ lě₅ ně₅, já₅ ja₁con₂ i₂sě₃dsen₃ bá₄ jaun₂.

*Jme₂tag₅ Jesús jág₁ jui₁lia' ₂ a₂con₂ dsa₂ 'ma' ₅₄ ja₁con₂ riin' ₅₄
(Lucas 6:29-30)*

38 'Ma₂nei' ₂ bá₄ 'nia' ₂ a₂ma₂juá' ₂ dsa₂ le₂jñiá₅: “Ně₁jua' ₂ 'ein₂ ca₂'én₂ ca₂míg' ₂ mi₂ne₄ rin' ₅₄, le₂jaun₂ bá₄ lě₂ 'éi' ₃ dsi₃'én₂ ca₂míg' ₂ mi₂ne₄ jui₁lia' ₂ i₂ca₂jmo₃ ján₃; o₃ ně₁jua' ₂ 'ein₂ ca₂tia' ₃ ca₂míg' ₂ mi₂jan₄ rin' ₅₄ ně₃, le₂jaun₂ bá₄ lě₂ táng₃ 'éi' ₃, tiá' ₃ ca₂míg' ₂ quió' ₅.”† 39 La₁ jniá₂ guě' ₂ juá' ₅ juíg' ₂ 'nia' ₂, tsá₃ lě₁nau₂ 'nia' ₂ queng' ₂ quian' ₅₄ dsa₂ 'lin' ₅₄. Ně₁jua' ₂ 'ein₂ ca₂quein₃ rě₂jog' ₂, jein' ₅₄ tē₂le₃ ca₂ton₂, jui₁quein₂₃ ta₁tñ₃ ton₂. 40 Chi₂jua' ₂ 'ein₂ 'nag₅ quiáng' ₂, a₂'nio₃ jñiá' ₂ ni₁tsín' ₂, le₂jio₅ tsi₁'mi' ₂ dsiog₂ qui' ₅₄ cuě' ₅₄ jui₁quion₂. 41 Ně₁jua' ₂ 'ein₂ ca₂chi₃quióng' ₂ jmig₄ a₂caun' ₅₄ lio₅₄ caun₂ kilómetro, o₂con₄ tñ₃ kilómetros. 42 Jui' ₁ 'ein₂ guě₃ mi₅ 'e₂ mi₅ quiáng' ₂ a₂dsi₂, cuě' ₅₄; 'a₃ lě₁jein' ₅₄ le₃mi₂ca' ₅₄ quió' ₅.

*Jme₁'nió₄ bá₄ 'nia' ₂ jui₁lia' ₂ dsa₂ i₂'iog₅₄ quián' ₂ 'nia' ₂
(Lucas 6:27-28, 32—36)*

43 'Ján₃ bá₄ ma₂nei' ₂ 'nia' ₂ a₂ma₂juá' ₂ dsa₂ le₂jñiá₅: “Jme₁'nió₄ a₂mei₅₄ quiáng' ₂, jme₁'ñia₅₄ jui₁lia' ₂ dsa₂ i₂'iog₅₄.” 44 La₁ jniá₂ guě' ₂ juá' ₅ juíg' ₂ 'nia' ₂: Jme₁'nió₄ bá₄ 'nia' ₂ jui₁lia' ₂ dsa₂ i₂'iog₅₄, mi₄ ne₄ Diú₄ o₄quió' ₄ jui₁lia' ₂ dsa₂ i₂co₂'ein₅.‡ 45 Jaun₂ le₂ně₅ bá₄ a₂rě₂jñiá' ₁ 'nia' ₂ a₂lín' ₅ chi' ₂-guein₂ quián₅ Néi' ₅ i₂guá₅ guei' ₅₄ i₂juíg₃; ia₁ 'éi₂ bá₄ cuě₅ 'iog' ₂ cuě' ₅ lia' ₂ dsa₂ 'lin' ₅₄ lia' ₂ dsa₂ dsen₃; ján₃ bá₄ chein₁₂ jmí₅ cuě' ₅ lia' ₂ dsa₂ i₂cuin₅ Diú₄ lia' ₂ dsa₂ i₂tsá₃ Diú₄ cuin₅ ně₃. 46 Ia₁ ně₁jua' ₂ 'nió' ₃ 'nia' ₂ jmá' ₃ lia' ₂ dsa₂ i₂'nio₃ 'nia' ₂, ¿'e₂ 'lian' ₅₄ 'nia' ₂ guéi' ₁ le₂jaun₂? Le₂jio₅ dsa₂ i₂cán₂ 'lia' ₅₄ quián₅ dsi₂tan₅₄ tñ₂ le₂jaun₂. 47 Chi₂jua' ₂ cuín' ₅ 'nia' ₂ Diú₄ jmá' ₃ lia' ₂ dsa₂ ríng' ₂, ¿'e₂ a₂ñag₅₄ guě₄ a₂dse₃ jmo' ₂ 'nia' ₂ ně₁jua' ₂ le₂jaun₂? Ia₁ le₂ně₅

§ 5:27 Éxodo 20:14. * 5:31 Deuteronomio 24:1. † 5:38 Éxodo 21:24; Levítico 24:20; Deuteronomio 19:21. ‡ 5:44 A₂lin₅₄ chog₅₄ si₂ juá' ₂: “Jua' ₅₄ a₂dse₃ ja₁con₂ jui₁lia' ₂ dsa₂ i₂juá' ₂ uig₅, jmo₄ a₂dse₃ ja₁con₂ jui₁lia' ₂ dsa₂ i₂'iog₅₄.”

bá₄ jmo₅ dsa₂ i₂tsá₃ Diú₄ cuin₅ ján₃. ⁴⁸ Jui₁dsi₂can'₅₄ bá₄ 'nia'₂ a₂dsi₁nóg'₅ léng'₂ dsa₂ dsen₃ jui₁lia'₂ dsen₃ Néi'₅ 'nia'₂ i₂guá₅ guei'₅₄ i₂juíg₃.

6

Jme₂tag₅ Jesús jág₁ jui₁lia'₂ a₂jmo₅ dsa₂ dse₃

¹ Jmo₄ 'nia'₂ 'í₁ tsá₃ lë₁jmo₂ 'nia'₂ a₂líng'₅ dsa₂ dsen₃ jnia'₅₄ lia'₂ jmá'₃ jë₄ jág₃ dsa₂. Në₁jua'₂ le₂në₅ jmo₂ 'nia'₂, Néi'₅ 'nia'₂ i₂guá₅ guei'₅₄ i₂juíg₃ tsá₃ 'e₂ 'lian'₅₄ 'nia'₂ cuë₃ 'i₁caun₂.

² "Uig₅₄ jaun₂, jë₁ma₂të₂ rë₁jme₁'on'₁ 'nia'₂ 'ein₂ jme₁'ong'₁ jui₁lia'₂ i₂'nió'₅ quió'₅, tsá₃ jmó'₂ jua'₅₄ uíng₂ ma₂dsi₂'ag₅ jág₁ jui₁lia'₂ jmo₅ dsa₂ i₂lë₁jmo₅ o₁ne₁ dsi₂néi₂ guá'₅ sinagogas jui₁lia'₂ jë₄ calles në₃. Jmo₂₃ le₂jaun₂ a₂chein'₂ dse₃ guioin₅₄ ia₁jaun₂ 'ag₃ dsa₂ dse₃; la₁ia₁ a₂të₃dsón'₂ juá'₅ jniá₂ i₂ma₂gue₃ 'lian'₅₄ bá₄ i₂le₂'éi₂. ³ La₁ 'ne₂ në₃, jë₁ma₂të₂ rë₁jme₁'ong'₁ jui₁lia'₂ 'ein₂ jme₁'ong'₁, jmo₄ ca₂lia'₂ jnia'₅₄ a₂mei₅₄ dsen₃ quiáng'₂ tsá₃ nī₅. ⁴ Ja₂lin₃ guë₄ dse₃ jmó'₂ jë₄ tē₃co'₅₄. Jaun₂ Néi'₅ i₂jág₅ a₂dse₃ jmo₂ jë₄ tē₃co'₅₄ jaun₂, cuë₃ 'liang'₅₄.*

Jme₂tag₅ Jesús 'a₂ lia'₂ chi₃lén'₂ dsa₂ Diú₄

(Lucas 11:2-4)

⁵ Jë₁ma₂të₂ rë₁chi₁lén'₄ 'nia'₂ Diú₄, tsá₃ lë₁jmo₂ 'nia'₂ jui₁lia'₂ jmo₅ dsa₂ i₂lë₁jmo₅-dsáu₅ o₁ne₁, a₂të₅ dsí₅ chi₂lén'₂ Diú₄ tē₃ tióin₂ dsi₂néi₂ guá'₅ sinagogas jë₄ calles në₃, ia₁jaun₂ jág₃ dsa₂. A₂dsi₂jó'₃ juá'₅ jniá₂, i₂ma₂gue₃ 'lian'₅₄ bá₄ i₂le₂'éi₂. ⁶ La₁ jë₁ma₂të₂ rë₁mí'₁ 'ne₂ ne₄ Diú₄, jne₅₄ dsi₂néi₂ quiáng'₂. Ja₁jaun₂ chi₁lén'₄ 'ne₂ Diú₄ Néi'₅ i₂tsá₃ jniá₂. Jaun₂ në₃ Néi'₅ i₂nī₅ 'e₂ a₂jmo₂ jë₄ tē₃co'₅₄, cuë₃ 'liang'₅₄.

⁷ Jë₁ma₂të₂ rë₁juíg'₅₄ Diú₄, tsá₃ jmó'₂ 'nia'₂ jua'₅₄ a₂lë₁të₁'í₁ jág₁ a₂tsá₃ ta₁ tí₄, jui₁lia'₂ jmo₅ dsi₂nau₂ i₂tsá₃ 'én₂, ia₁ lín₂ nag₃ Diú₄ tē₂le₃ ia₁ a₂'líong₂ jág₁ juá'₂. ⁸ Tsá₃ lë₁o₁lén'₅₄ 'nia'₂ jui₁lia'₂ lín₅ dsa₂ le₂'éi₂. Ia₁ i₂ma₂nī₅ bá₄ Néi'₅ 'nia'₂ 'e₂ a₂'nió'₅ quián'₂ 'nia'₂ né₃ guë₄ a₂mí'₁.

⁹ Jaun₂ në₃, le₂la₂ bá₄ juíg'₅₄ 'nia'₂ Diú₄:

Tia₅₄ quián₂ jniog₄, 'ne₂ i₂nēi'₂ guei'₅₄ i₂juíg₃,
jui₁jme₂go₃ bá₄ dsa₂ a₂rë₂jnió₄ a₂cheng'₂.

¹⁰ Jui₁le₅₄ bá₄ 'éi'₃ quiáng'₂,

jui₁le₅₄ bá₄ a₂'nio₂ 'au'₂ 'ne₂ ne₄ gua'₅₄ 'uë₃,

jui₁lia'₂ lë₅ guei'₅₄ i₂juíg₃.

¹¹ Cuë₄ a₂'nió'₅ que₅₄ jnia'₅₄ jmīg₄ në₃.

¹² 'Én₃ dso₄ quián₂ jnia'₅₄,

jui₁lia'₂ 'én₅ jnia'₅₄ dsáu₁ rín'₅₄.

¹³ 'A₃ cuë₂ jmīg₄ jiá₃ jui₅bí₂ a₂cáun₂ táu₂,

të₂le₃ lio₄ bá₄ o₄gú₃ i₂së₃dsen₃,†

¹⁴ 'Ia₁ në₁jua'₂ 'én₅ 'nia'₂ dsáu₁ ríng'₂ jë₁ma₂'náu₂ dso₄ ja₁cong'₂, ján₃ bá₄ le₂jaun₂ Néi'₅ 'nia'₂ i₂guá₅ guei'₅₄ i₂juíg₃ 'éin₂ dsáu'₂ 'nia'₂ guiong'₅₄. ¹⁵ La₁ në₁jua'₂ tsá₃ 'éng'₅ dsáu₁ ríng'₂, ján₃ bá₄ le₂jaun₂ tsá₃ 'én₂ Néi'₅ dsáu'₂ 'nia'₂.

Jme₂tag₅ Jesús jág₁ jui₁lia'₂ a₂jme₂'in₅₄ dsa₂

¹⁶ Jë₁ma₂të₂ rë₁jme₁'in'₄ 'nia'₂, tsá₃ jme₁tsín₄ 'nia'₂ o₄-ne'₅₄ jua'₅₄ a₂jmó'₂ lë₁'ág₄ 'lia'₂ 'au'₂ jui₁lia'₂ jmo₅ dsa₂ i₂lë₁jmo₅-dsáu₅ o₁ne₁. Jmo₅ dsa₂ le₂'éi₂ le₂jaun₂ ia₁jaun₂ jág₃ dsa₂ a₂dsón'₂ bá₄ jme₂'in₅₄. A₂dsi₂jó'₃ juá'₅ jniá₂, i₂ma₂gue₃ 'lian'₅₄ bá₄ 'éi₂. ¹⁷ La₁ 'ne₂ në₃, jë₁ma₂të₂ rë₁jme₁'ing'₄, sio₅ rë₂ dsei'₂, rang₂ ne'₅₄ në₃, ¹⁸ ia₁jaun₂ tsá₃ 'ein₂ le₃lí₄ a₂jme₂'ing'₄. Jnia'₅₄ lia'₂ Néi'₅ i₂tsá₃ jniá₂ bá₄ nī₅. Jaun₂ Néi'₅ i₂jág₅ ca₂le₃jë₃ a₂jmo₂ jë₄ tē₃co'₅₄ jaun₂, 'éi₂ bá₄ cuë₃ 'liang'₅₄.

* **6:4** Juá'₂ a₂lin₅₄ chog₅₄ si₂ le₂la₂ ján₃, "të₃ jín₄ juin₅ dsa₂." † **6:13** A₂lin₅₄ chog₅₄ si₂ juá'₂: "lio₄ bá₄ jnia'₅₄ ne₄ a₂'lig'₅₄," a₂siá'₂ juá'₂ bá₄ ján₃: "ia₁ 'ne₂ bá₄ ca₂tíng'₂ gong'₂, qui₁dsi'₂ 'éi'₃, a₂jme₃juag'₂ dsa₂ në₃, co₂tan₅₄."

Jui'lia'₂ a₂quen₅ lin₃ a₂rē₂'ma₄ guei'₅₄ i₂juíg₃
(Lucas 12:33-34)

19 'Tsá₃ lē₁dsia₂ 'nia'₂ lo'₂ le₁má'₂ a₂jmo'₂ 'nia'₂ a₂quen₅ lin₃ quiáng'₂ ne₄ gua'₅₄ 'uē₃ la₂, ia₁ ja₁lá₃ ja₁lē₁qui₂rē₂jui₁ tón'₅ i₁cá₁ qui₂'éin₂, ján₃ bá₄ ja₁lá₃ ja₁qui₂dsi₂'én₂ qui₂rē₃'áu₁ cosas ně₃; ja₁lá₃ bá₄ chan₂ dsa₂ qui₂juin₂₃ 'e₂ qui₂juin₂₃ a₂tóin'₅ 'ang₂₃. 20 Guei'₅₄ i₂juíg₃ bá₄ 'nió'₅ dsiá'₁ 'nia'₂ lo'₂ quiáng'₂, ja₁tsá₃ 'e₂ lé₂ jua'₅₄ a₂qui₃'én₂ cá₁, on₃ guē'₂ 'e₂ rē₂'áu₁, on₃ guē₄ lé₂ dsi₃ton'₅₄ 'ang₂. 21 Ia₁ jui₁lia'₂ jē₁tio'₅₄ a₂quen₅ quiáng'₂, ja₁jaun₂ bá₄ 'i₄ a₂'i₅ 'au'₂.

Jui'lia'₂ jme₁ne₁ dsa₂
(Lucas 11:34-36)

22 'Lē₅ jme₁ne₁ dsa₂ jui₁lia'₂ lē₅ caun₂ si₂ ni₁tsí₅ quió'₅ ni₁ñi₁ dsa₂; 'uig₅₄ jaun₂ ně₃, ně₁jua'₂ dse₃jme₁ne'₁, ján₃ bá₄ le₂jaun₂ co₂'nió'₄ tág₅ bá₄ si₂ ta₁jang'₂; 23 la₁ ně₁jua'₂ tsá₃ dse₃jme₁ne'₁, ta₁jang'₂ bá₄ lē₅ qui₁né'₃. Ně₁jua'₂ si₂ quiáng'₂ ně₃, chí'₅ chi₁liá'₃, i'ₑ₂ guē₄ 'ñio₅ juē'₂ lē₅ qui₁né'₃ ně₁jua'₂ le₂jaun₂!

Jui'lia'₂ a₂'nio₃ dsa₂ Diú₄, a₂'ín₅ guē'₂ dsí₅ cu₄ ně₃
(Lucas 16:13)

24 "I₁jan₂ tsá₃ 'ein₂ lé₂ jme₃ti₃ ta₁ ne₄ on₃ juig₅₄; ia₁ jme₃'ñiai₅₄ jan₂, i₂jan₂ guē'₂ jme₃'nioi₃. O₃ náu₃ tiá₂ quian'₅₄ jan₂, i₂jan₂ guē'₂ tsá₃ le₃jein₅₄. Tsá₃ 'ein₂ lé₂ jme₃ti₃ ne₄ Diú₄, le₂jiog₅ ne₄ a₂'ín₅ dsí₅ cu₄ ně₃.

Jmo₅ Diú₄ 'í₁ chi'₂-guein₂ quiáin₅
(Lucas 12:22-31)

25 'Jaun₂ ně₃ juíg₂ jniá₂ 'nia'₂: Tsá₃ lē₁can₂ 'nia'₂ o₂i₁ dsi₅ jua'₅₄ a₂ñí₄ 'i₅ 'au'₂ 'e₂ quē'₅₄, o₃ 'e₂ 'ag'₅₄ tē₁liá'₂ chang'₂, on₃ guē'₂ o₄quió'₄ ni₁ñi'₁ 'nia'₂, 'e₂ 'mí'₂ a₂qui'₅₄. ¿Tsa₁ quen₅ guē₄ jme₂dsi₂ a₂chan₂ dsa₂ lia'₂ con'₂ guē₄ má₃? 26 Jīn₄ de'₂ 'nia'₂ jui₁lia'₂ i₁tan₅ i₂i₂nio₄ guei'₅₄: tsá₃ 'e₂ jne₂₃, on₃ guē'₂ 'e₂ cág'₅, jua'₅₄ a₂dsia₂₃ lo'₂; la₁ Néi'₅ 'nia'₂ i₂guá₅ guei'₅₄ i₂juíg₃ qui₂jme₂tau₅₄. Jaun₂ ně₃, ¿Tsa₁ quen'₅ guē₄ 'nia'₂ lia'₂ con'₂ guē₄ já'₂ 'éi₂? 27 ¿'Ein₂ 'nia'₂, tē₂le₃ ia₁ a₂ñí₄ 'i₅ 'au'₂, lé₂ le₃jmó'₂ 'nia'₂ a₂lé₂ le₃chang'₂ caun₂ hora ñag₅₄ guē₄?†

28 '¿'E₂ 'uig₅₄ a₂ñí₄ lē₃ 'i₅ 'au'₂ 'nia'₂ jui₁lia'₂ o₄quió'₄ 'mí'₂ a₂qui'₅₄? Jag₄ de'₂ 'nia'₂ jui₁lia'₂ 'a₂ lia'₂ dsi₂cón₃ lí₁ a₂cha₂ ja₁nau₂; on₃jua'₅₄ i₂jmo₅ ta₁ 'ua'₂, on₃ guē'₂ 'me₂₃; 29 la₁ juíg₂ jniá₂ 'nia'₂, ca₂lia'₂ jñia'₅₄ Rag₅₄ Salomón lia'₂ con'₂ jme₁quí'₅ tsin'₅₄ a₂jlá'₁ guē₄, tsá₃ ca₂rē₃jláin'₁ jui₁lia'₂ jlá'₁ lí₁. 30 Jaun₂ ně₃, chi₂jua'₂ Diú₄ le₂ně₅ jmo₂₃ jlá'₁ nau₂ a₂cha₂ jmig₄ ně₃, la₁ 'ióg₃ guē'₂ dsi₃'én₂ dsi₂si₂, i'ē₂ guē₄ bá₄ 'nia'₂ dsa₂ tsá₃ lin₄ 'én₂ jmo₃ 'í₁ qui₃chein'₃ 'nia'₂ dse₃! 31 Jaun₂ le₂ně₅, tsá₃ lē₁can₂ 'nia'₂ o₂i₁ dsi₅, jua'₅₄ a₂qui₁ñag'₅₄ 'nia'₂: “¿'E₂ que₅₄ jniog₄?” o₃ “¿'E₂ 'ne'₅₄ jniog₄?” o₃ “¿'E₂ 'mí'₂ qui'₅₄ jniog₄?” 32 Ia₁ dsa₂ mi₂güig₃ bá₄ i₂nio₄ qui₂'en₅ 'ín₅ dsí₅ ca₂le₃jē₃ a₂ně₅. I₂ñi₅ bá₄ Néi'₅ 'nia'₂ i₂guá₅ guei'₅₄, a₂'nió'₅ quián'₂ 'nia'₂ le₃jē₃ a₂ně₅. 33 La₁ jmo₄ de'₂ jñiá₅ 'nia'₂ 'ín₅ 'au'₂ a₂jiá₃ 'éi'₃ quió'₅ Diú₄ ja₁cong'₂, quian'₅₄ a₂jmó'₂ 'nia'₂ ca₂le₃jē₃ a₂dse₃ a₂tē₅ dsí₅ 'éi₂, jaun₂ guē₄ guéi'₁ 'nia'₂ le₃jē₃ a₂ně₅ a₂ñag₅₄ guē₄. 34 Tsá₃ lē₁can₂ 'nia'₂ o₂i₁ dsi₅ jaun₂, o₄quió'₄ jmig₄ 'ióg₃, ia₁ jma₃quén₅ o₂i₁ dsi₅ cha₂ bá₄ lia'₂ co₂jmig₄ lia'₂ co₂jmig₄.

7

Tsá₃ lē₁cáun₂ 'nia'₂ 'í₁ quió'₅ i₂sían'₂
(Lucas 6:37-38, 41—42)

1 'Tsá₃ lē₁cáun₂ 'nia'₂ 'í₁ quió'₅ ríng'₂, ia₁jaun₂ tsá₃ con₂ Diú₄ 'í₁ ja₁con'₂ 'nia'₂ guiong'₅₄. 2 Ia₁ le₂ně₅ bá₄ con₂ Diú₄ 'í₁ ja₁con'₂ 'nia'₂ guiong'₅₄ jui₁lia'₂ cáun'₂ 'nia'₂ 'í₁ ja₁con₂ ríng'₂. Quian'₅₄ 'éi'₃ a₂dsia'₂ 'nia'₂, 'éi'₃ jaun₂ bá₄ dsiog₃ Diú₄ quián'₂ 'nia'₂ guiong'₅₄.

† 6:27 A₂lin₅₄ chog₅₄ si₂juá'₂: “a₂lé₂ le₃i₃con'₅₄ 'nia'₂ caun₂ lē₂.”

³ '¿'A₂ lia' ₂ jniag' ₃ 'ne₂ jag' ₅₄ jme₁qui₅ pí' ₁ a₂i₄ jme₁ne₁ ríng' ₂, ton' ₂ tsá₃ leng' ₅₄ guè' ₂ a₂i₄ ca₂'nau₅₄ ni₁chá₅ pa₁ jme₁ne' ₁ 'ñiag' ₂? ⁴ ¿O₃ 'a₂ lia' ₂ lé₂ le₃juig' ₅₄ ríng' ₂: “Cuè₄ jmig₄ dsi₄ jniá₂ jme₁qui₅ pí' ₁ a₂i₄ jme₁ne' ₁,” ton' ₂ nē₅ bá₄ chí' ₁ ca₂'nau₅₄ ni₁'ma₂ chá₅ jme₁ne' ₁ 'ñiag' ₂? ⁵ ¡'Ne₂ dsa₂ i₂lë₁jmo₅ o₁ne₁! Dsi₄ de' ₂ jniá₅ ni₁'ma₂ chá₅ mi₂ne' ₅₄ 'ñiag' ₂, jaun₂ guè₄ lé₂ le₃jag' ₅₄ rē₂, jaun₂ guè₄ lé₂ dsí' ₁ qui₅ pí' ₁ jme₁ne₁ ríng' ₂.

⁶ 'Tsá₃ cuè' ₂ 'nia' ₂ jui₁lia' ₂ dsi₂ji' ₅₄ a₂lë₅ a₂jñi₅ quió' ₅ jme₂dsí₂, ia₁ con' ₂ tsá₃ ñó₅ nē₁jua' ₂ ja₂dsi_{in}₂ a₂jmo₃ le₁juig₁ quiáng' ₂. Ján₃ bá₄ tsá₃ dsi_a₂ 'nia' ₂ jui₁lia' ₂ mǐg₂ jlá' ₁ a₂quen₅ quiáng' ₂ ne₄ i₁ñí₅, con' ₂ tsá₃ ñó₅ nē₁jua' ₂ qui₂ca₂tsó' ₃, jme₃'ióg₃.

Jui₁lia' dsa₂ i₂mi₅, i₂'no' ₂, i₂tě₂ ně₃.

(Lucas 11:9-13; 6:31)

⁷ 'Mi₄ 'nia' ₂ ne₄ Diú₄, jaun₂ gué' ₁ 'nia' ₂; 'nio' ₂ 'nia' ₂, jaun₂ bá₄ dsiang' ₂; té₃ 'nia' ₂ o₄né₄, jaun₂ bá₄ niá₂. ⁸ Ia₁ jui₁lia' ₂ i₂mi₅, gue₃ bá₄; jui₁lia' ₂ i₂'no' ₂, dsio' ₂ bá₄ ján₃; ján₃ bá₄ le₂jaun₂, quió' ₅ jui₁lia' ₂ i₂tě₂ o₄né₄, niá₂ bá₄.

⁹ ¿O₃ chan₂ jui₁lia' ₂ 'ein' ₂ 'nia' ₂, jme₁mi₅ chí' ₂ quiáng' ₂ i₁ñí' ₄, cuè' ₂ 'nia' ₂ ca₂mǐg₂ ni₁cang' ₁? ¹⁰ ¿O₃ chan' ₂ 'nia' ₂ jē₁ma₂ca₂mi₃ chí' ₂ quiáng' ₂ quió' ₅ ju₄, cuín' ₄ 'nia' ₂ dsi₂mi' ₂? ¹¹ Jaun₂ ně₃, chí₂jua' ₂ 'nia' ₂ dsa₂ i₂rē₂cán' ₄ dso₄ ting' ₂ cuè' ₂ cosa dse₃ chí' ₂-guein₂ quiáng' ₂, i'ē₂ guè₄ bá₄ Nēi' ₅ 'nia' ₂ i₂guá₅ guei' ₅₄ cuē₃ a₂dse₃ cuē' ₃ jui₁lia' ₂ i₂mi₅ ja₁coin' ₂!

¹² 'Uig₅₄ jaun₂ ně₃, jmo₄ bá₄ 'nia' ₂ quian' ₅₄ dsa₂ mi₂güig₃ ríng' ₂ jui₁lia' ₂ 'e₂ a₂'niog' ₂ 'nia' ₂ jmo₃ 'éi₂ quian' ₅₄ 'nia' ₂; ia₁ a₂nē₅ bá₄ ta₁ qui' ₅ ca₂le₃jě₃ Si₂ 'Éi' ₃, quian' ₅₄ guè₄ Si₂ a₂qui₂ca₂jmo₃ dsa₂ i₂jme₁ 'ě₂ jág₁ quián₅ Diú₄.

O₄jui₅ dsag₂

(Lucas 13:24)

¹³ 'Tión' ₂ 'nia' ₂ tē₂le₃ o₄jui₅ dsag₂. Ia₁ a₂i₂ juē' ₂ bá₄ ja₁dsi₂ton' ₅₄ dsa₂ jui₅ a₂jio₅ ja₁dsi₃ 'éin' ₂. Ja₂lin₃ guè₄ juin₅ dsa₂ i₂dsi₂ton' ₅₄ jui₅ jaun₂; ¹⁴ ia₁ caun₂ o₄jui₅ dsag₂ rē₂quí' ₅ bá₄ ja₁i₂nio₄ dsa₂ a₂dsi₁lein₅ ja₁le₃chan₂ jme₂dsí₂, jaun₂ tsá₃ lin₄ juin₅ i₂dso' ₂ jui₅ jaun₂.

Tē₂le₃ quian' ₅₄ mǐg₂ a₂'ag₅ bá₄ ni₁'ma₂, jáng' ₅ léi₄

(Lucas 6:43-44)

¹⁵ 'Jmo₄ 'nia' ₂ 'í₁ jaun₂ tsá₃ jme₃gau₅ dsa₂ i₂i₂nio₄ 'ě₂ jág₁ a₂jui₁gain₂, i₂ja₂lén₂ ja₁con' ₂ 'nia' ₂ qui₂rē₂lin₅₄ a₂lin₅ já' ₂ cha' ₂, la₁ tē₂le₃ né' ₃ tē₂dsí₅ lín₅ jui₁lia' ₂ lín₅ dsi₂ji' ₅₄ náu₂ tsau₂ dsí₅.

¹⁶ La₁ tē₂le₃ 'a₂ lia' ₂ jmo₅-dsá_u₅ bá₄ le₃cuín' ₂ 'nia' ₂; ia₁ tsá₃ guei' ₅₄ chí₁uín₃ taun₅ quín₅ dsa₂ jui₁lia' ₂ mǐg₂ uvas. On₃ guè' ₂ lé₂ le₃quin₃ dsa₂ mǐg₂ higos guei' ₅₄ 'ma₂ taun₅ jmí' ₅₄. ¹⁷ Jaun₂ ně₃, ca₂le₃jě₃ 'ma₂ dse₃, mǐg₂ dse₃ bá₄ 'ag₅; ján₃ bá₄ le₂jaun₂ jui₁lia' ₂ ni₁'ma₂ 'lig' ₅₄, mǐg₂ 'lig' ₅₄ bá₄ 'ag₅. ¹⁸ Jui₁lia' ₂ ni₁'ma₂ dse₃, tsá₃ lé₂ le₃'ag₃ mǐg₂ 'lig' ₅₄; ján₃ guè' ₂ le₂jaun₂ tsá₃ lé₂ le₃'ag₃ mǐg₂ dse₃ jui₁lia' ₂ ni₁'ma₂ 'lig' ₅₄. ¹⁹ Ca₂le₃jě₃ ni₁'ma₂ a₂tsá₃ 'ag₅ mǐg₂ dse₃, jñia' ₅₄ lia' ₂ a₂uín' ₂ bá₄, dsi' ₂ dsi₂si₂. ²⁰ Jaun₂ le₂nē₅ bá₄ le₃cuín' ₂ 'nia' ₂; tē₂le₃ 'a₂ lia' ₂ lē₅ jmo₂₃.

Tsá₃ ca₂le₃jín₃ tǐn' ₄ ja₁gon₂ Diú₄.

(Lucas 13:25-27)

²¹ 'Tsá₃ ca₂le₃jín₃ i₂tě₂ jniá₂: “Te₁gui' ₅₄, Te₁gui' ₅₄,” dsi₁lein₅ guei' ₅₄ i₂juig₃ ja₁gon₂ Diú₄; jñia' ₅₄ lia' ₂ jmá' ₃ i₂jmo₅ a₂'ñio₂ dsí₅ Ne' ₃ i₂guá₅ guei' ₅₄ bá₄ dsi₁len₅. ²² Juin₅ dsa₂ lé₂ jmig₄ jaun₂ i₂juá' ₂ tság₃ jniá₂: “Te₁gui' ₅₄, Te₁gui' ₅₄, ma₂qui₂ca₂'ě₄ jnia' ₅₄ jág₁ o₄quián' ₂ 'ne₂. Quian' ₅₄ bí₂ 'éi' ₃ quiáng' ₂ ně₃, ma₂qui₂ma₂'uín' ₅₄ jnia' ₅₄ je₂na' ₅₄, ma₂qui₂ma₂jmo₁ jnia' ₅₄ 'líong₂ léi₄ juē' ₂ ně₃.” ²³ La₁ jaun₂ guè₄ ně₃ juig₅₄ jniá₂: “O₁líg' ₂ tsá₃ 'nia' ₂ ca₂rē₃cuín₅. Cau₅ jñia' ₃ 'nia' ₂ i₂jmo' ₂ a₂'lig' ₅₄.”

Ta₁tín₃ ne₅₄ 'uig₅₄

(Marcos 1:22; Lucas 6:47-49)

²⁴ 'Jaun₂ ně₃, ca₂le₃jín₃ jui₁lia' ₂ dsa₂ i₂nag₅ jág₁ quió₃, jmo₂₃ a₂juíg₂ jniá₂, lín₅ jui₁lia' ₂ lín₅ jan₂ dsa₂ i₂ñí' ₂ dsí₅ i₂ca₂jmo₃g' ₃ 'ne₄ ne₄ 'lau₂. ²⁵ Ca₂já₃ jmí₅, qui₂ca₂juë' ₂ jmig₂ cuá₃, ca₂'ág₂ dsí₂ tiá₂ lín₃ ca₂jnaú₃ 'né₅ jaun₂; la₁ tsá₃ ca₂qui' ₃, ia₁ jme₁chí' ₄ bá₄ 'uig₅₄ ne₄ 'lau₂. ²⁶ La₁ ca₂le₃jín₃ jui₁lia' ₂ dsa₂ i₂nag₅ jág₁ quió₃, tsá₃ jmo₂₃ guë' ₂ a₂juíg₂ jniá₂, lín₅ jui₁lia' ₂ lín₅ jan₂ dsa₂ co₄ i₂tsá₃ 'en₅₄ dsí₅, ca₂chi' ₃ 'né₅ quió' ₅ ne₄ ti₁tsag₁. ²⁷ Jme₁ca₂já₃ jmí₅, ca₂juë' ₂ jmig₂ cuá₃, ca₂'ág₂ dsí₂ tiá₂ ca₂jnaú₃ dso' ₂ tsi₁ 'né₅ jaun₂; jaun₂ ca₂qui' ₃ ca₂gon₃ gau₂ lín₃.

²⁸ Jme₁ca₂lě₃ juá' ₂ Jesús jág₁ le₂ně₅, 'ñio₅ lín₃ qui₂dsi₂gó' ₃ dsí₅ dsa₂ 'a₂ lia' ₂ lě₅ jág₁ a₂jme₂tag₂₃, ²⁹ ia₁ jme₂tag₂₃ jui₁lia' ₂ jan₂ i₂quian₅ 'éi' ₃ dsón' ₂, on₃jua' ₅₄ rě' ₂ lia' ₂ tē₅juá' ₅ quiáin₅.

8

Ca₂jme₃'lión₂ Jesús jan₂ dsa₂ i₂lín₅ 'mé' ₅ 'iog₅
(Marcos 1:40; Lucas 5:12-16)

¹ Jme₁ca₂sión₃ Jesús má' ₂, juin₅ lín₃ dsa₂ jme₂quiong' ₅₄. ² Jaun₂ ca₂jme₃quián₃ jan₂ dsa₂ dso' ₅₄ i₂lín₅ 'mé' ₅ 'iog₅, ca₂chi₃jnë₃ ne₄ Jesús, jaun₂ ca₂juá' ₂:

—Chi₂jua' ₂ 'niog' ₂ 'ne₂, Te₁gui' ₅₄, lé₂ bá₄ jme₁'lio' ₅₄ jniá₂.

³ Jaun₂ Jesús ně₃ ca₂néi' ₃ gu₂, ca₂jña' ₃ quió' ₅ dsa₂ 'éi₂, jaun₂ ca₂juá' ₂:

—'Nio₃ bá₄ jniá₂. Jme₁'lion₅₄ 'ne₂.

Dsi₂jui₅ jme₁ca₂juá' ₂ le₂ně₅, ca₂'lón₂ dsa₂ 'éi' ₂ 'mé' ₅ 'iog₅ a₂jme₁lín₄. ⁴ Jaun₂ ca₂juá' ₂ Jesús:

—Ně₃ jaun₂, tsá₃ lě₁'ein₂ juig' ₂ 'i₁jan₂; jñia' ₅₄ lia' ₂ guan' ₂ o₂jme₁jñia₅ ne₄ jme₂dsa₂, jaun₂ o₂jen' ₅₄ a₂'nió' ₅ jme₁ti' ₄ con' ₂ lě₅ 'Éi' ₃ quió' ₅ Moisés, ia₁jaun₂ le₃ñi₅ dsa₂ a₂ma₂le₁jíng' ₃.*

'A₂ lia' ₂ jme₁'én₂ jan₂ juig₅₄ 'lióg₂ romano
(Lucas 7:1-10)

⁵ Jme₁ca₂'í₃ Jesús jě₄ juig₂ Capernaum, ca₂jme₃quián₃ jan₂ juig₅₄ 'lióg₂ romano coin₂, jaun₂ ca₂mi₃ a₂jme₃'o₅₄ 'éi₂, ca₂juá' ₂:

⁶ —Te₁gui' ₅₄, jan₂ dsó₂ i₂jme₂ti₃ ta₁ ne₃, ron₅ dso' ₅₄ nág₅ uig₅ ja₁quió₃; a₂'ua' ₂ quió' ₅, tsá₃ lé₂ jě' ₂ gu₂-tag₅₄. ⁷ Jaun₂ ca₂juá' ₂ Jesús:

—Nei₅₄ bá₄ jniá₂ i₁jme₁'lioin₁₂.

⁸ Jaun₂ ca₂ñag₃ juig₅₄ 'lióg₂:

—Te₁gui' ₅₄, tsá₃ ca₂tín₂ jniá₂ jua' ₅₄ o₁'ú' ₃ 'ne₂ dsi₂néi₂ quió₃; jñia' ₅₄ lia' ₂ a₂jme₁jmo' ₂ 'éi' ₃ bá₄, jaun₂ 'lión₂ dsa₂ 'éi₂ quiáng₃. ⁹ Ia₁ le₂ně₅ bá₄ jniá₂ 'ñi₃, chéng' ₅ a₂jme₂ti₅₄ 'éi' ₃ quió' ₅ juig₃, ján₃ bá₄ le₂ně₅ te₁neg' ₅₄ 'lióg₂ i₂niog₅ gu₃, 'e₂ caun₂ 'nio₃ jniá₂ lé₂. Ně₁jua' ₂ ca₂juíg₂ jniá₂: “Gua₂ jó₄”, ja₁jaun₂ dsó₃ bá₄; ně₁jua' ₂ ca₂juíg₂ jniá₂ i₂sián' ₂ guë' ₂ táng₃: “Ñia₅”, jiá₃ bá₄. Ně₁jua' ₂ ca₂juíg₂ jniá₂ dsa₂ sián' ₂ quiáng₃: “O₂jmo₄ a₂la₂ a₂ó₃”, a₂jaun₂ dsi₃jmo₂ bá₄.

¹⁰ Jme₁ca₂nág₂ Jesús a₂juá' ₂ dsa₂ 'éi₂, ca₂i₃gó' ₃ dsí₅, jaun₂ ca₂tsí' ₃ dsa₂ i₂jme₁quiain' ₅₄:

—A₂dsi₂jó' ₃ juá' ₅ jniá₂ juig₂ 'nia' ₂, ca₂lia' ₂ 'i₁jan₂ dsa₂ juig₂ Israel, tsá₃ i₂ma₂jín₄ jniá₂ i₂'én₂ guë₄ lín₃ lia' ₂ 'én₂ dsa₂ la₂. ¹¹ Jniá₂ juig₂ 'nia' ₂, juin₅ dsa₂ i₂qui₂ja₃lén₂ ca₂le₂con₂ gua' ₅₄ 'uë₃, a₂tiain' ₃ co₂lě₅ guë' ₃ quian' ₅₄ Abraham, quian' ₅₄ Isaac, Jacob ně₃ ja₁gon₂ Diú₄ guei' ₅₄ i₂juíg₃; ¹² la₁ dsa₂ i₂jme₁ca₂tín₂ tón' ₃ ja₁gon₂ Diú₄, dsi₃toin' ₅₄ jě₄ qui₁né' ₃ uíng₂, qui₂dsi₃'áu₃, quíg' ₃ jan₅₄.

¹³ Jaun₂ ca₂juá' ₂ Jesús ca₂tsí' ₃ juig₅₄ 'lióg₂:

—Guan' ₂ dsi₂néi₂ quiáng' ₂. Lé₂ bá₄ con' ₂ lě₅ 'éng' ₂.

Dsón' ₂ rě' ₂ hora jaun₂ ca₂'lón₂ dsó₂ mozo quián₅ dsa₂ 'éi₂.

Ca₂jme₃'lión₂ Jesús ma₂chog₅₄ Pe₄.
(Marcos 1:29-31; Lucas 4:38-39)

* 8:4 'Í₂ Levítico 14.

14 Co₂ráun₂ ɲó₃ Jesús ja₁quíó'₄ Pe₄. Ja₁jaun₂ jme₁rē₂quian₅ ma₂chog₅₄ Pe₄ a₂dso'₅₄ 'i₄ dséi₂. 15 Jaun₂ ca₂ɲa'₃ Jesús gu₂ dsa₂ dso'₅₄, jaun₂ dsi₂jui₅ le₂jaun₂ bá₄ ca₂o₃'ág₃ dséi₂. Jaun₂ ca₂nau₂ ma₂chog₅₄ Pe₄ ca₂jme₃lióg₃ ca₂jme₃ti₃ ta₁ ne₄ mesa, a₂ag'₃.

Ca₂jme₃'lión₂ Jesús juin₅ lin₃ dsa₂ dso'₅₄

(Marcos 1:32-34; Lucas 4:40-41)

16 Le₃ca₂nei₂ jaun₂, juin₅ lin₃ dsa₂ i₂jio₅ jme₂dsí₂ je₂na'₅₄, ca₂o₃ɲia₃ dsa₂ ne₄ Jesús; jaun₂ quian'₅₄ ca₂jon₄ jág₁ bá₄ ca₂'uín'₂ jme₂dsí₂ 'lin'₅₄. Jaun₂ ca₂jme₃'lióin₂ ján₃ ca₂le₃jín₃ dsa₂ dso'₅₄. 17 Le₂nē₅ bá₄ ca₂rē₃ti₃ jág₁ quió'₅ Isaías i₂jme₁'ē₂ jág₁ o₄quíó'₄ Diú₄ jme₁ca₂juá'₂:

'Éi₂ bá₄ ca₂ɲiá'₂ a₂jme₁'uau₅₄ jniog₄,

'éi₂ bá₄ ca₂can₃ guei₂ jmi₁uig₅ quián₂ jniog₄.†

Dsa₂ i₂jme₁'nio₃ jme₃quian'₅₄ Jesús

(Lucas 9:57-62)

18 Jme₁ca₂jág₃ Jesús juin₅ lin₃ dsa₂ le₁lio₃, jaun₂ ca₂jmo₃ 'éi'₃ a₂ɲí₃ dsa₂ quiáin₅ tē₂le₃ 'ɲo'₅₄ jmi₁ɲí'₄. 19 Jaun₂ ca₂jme₃quián₃ jan₂ tē₅juá'₅ coin₂, jaun₂ ca₂juá'₂:

—Tē₅, nei₅₄ jniá₂ quian'₅₄ 'ne₂ ca₂le₂con₂ ja₁gog'₅₄.

20 Jaun₂ ca₂ɲag₃ Jesús:

—I₂cha₂ tē₂'lau₂ quió'₅ bá₄ jui₁lia'₂ i₁gü₅, ján₃ bá₄ le₂jaun₂ jui₁lia'₂ i₁tan₅ i₂'in₅ guei'₅₄, i₂tio'₅₄ tsag₄ bá₄ 'éi₂. La₁ Jaun₅ dsa₂ mi₂gü₃ig₃ ně₃, tsá₃ ja₁cha₂ jua'₅₄ ja₁quíóg₃ ca₂tiá₂.

21 Jan₂ guē'₂ i₂sián'₂ i₂jme₁ma₂ɲó₅ quiong'₅₄ ca₂juá'₂:

—Te₁gui'₅₄, ɿtsa₁ cuē'₁ jmi₁g₄ a₂nég'₄ i₁'ong₃ de'₂ ɲiá₅ ɲe'₃?

22 La₁ ca₂ɲag₃ Jesús:

—'Éin₃ 'ne₂ jniá₂, jui₁dsi₂'ón₃ bá₄ 'lag₄, 'lag₄ riin'₅₄.

Ca₂jmo₃ Jesús ca₂'ág₂ tei₄ jmi₁ɲí'₄, ca₂ɲia'₃ dsí₂ ně₃

(Marcos 4:35-41; Lucas 8:22-25)

23 Jaun₂ ně₃, ca₂'í₃ Jesús 'ɲiό'₃ tsi₁mu₅, quian'₅₄ dsa₂ i₂ma₂quian'₅₄. 24 Jme₁ma₂tioin'₅₄ ne₄ jmi₁g₂, ca₂'ág₂ dsí₂ tiá₂ lin₃ con'₂ tsá₃ jáin₅. Ca₂lia'₂ ma₂dsi₂jein₃ jmi₁g₂ 'ɲiό'₃ tsi₁mu₅. La₁ jme₁rē₂güin₃ bá₄ Jesús ɲó₅. 25 Jaun₂ ca₂i₁ɲei₅₄ bá₄ dsa₂ quiáin₅, jaun₂ ca₂juá'₂:

—iTe₁gui'₅₄, lió₄! iLa₁ dsi₃'éin₂ jnia'₅₄† ja₁lá₃!

26 Jaun₂ ca₂ɲag₃ Jesús:

—ɿ'E₂ lē₃ ɲí₄ lē₃ gan'₃ 'nia'₂ dsa₂ i₂tsá₃ lin₄ 'én₂?

Jaun₂ ca₂nau₂ ca₂jein₂ dsí₂, jmi₁ɲí'₄ ně₃, jaun₂ co₂nei₅₄ ca₂tē₁tsi'₅₄ táng₃ tei₄. 27 Jaun₂ ca₂i₃gó'₃ dsí₅ dsa₂, qui₂ca₂ɲí'₃ riin'₅₄:

—ɿI₂'ein₂ bá₄ dsa₂ ně₅, le₂jio₅ dsí₂ le₂jio₅ jmi₁ɲí'₄ nag₅ gau₂ jág₁ quió'₅?

Dsa₂ i₂chan₂ Gadara i₂jme₁tion'₅₄ je₂na'₅₄ tē₂dsí₅

(Marcos 5:1-20; Lucas 8:26-39)

28 Jme₂ca₂dsióg₃ Jesús le₃ca₂ton₂ jmi₁ɲí'₄, tē₂le₃ 'uē₃ Gadara,Š jaun₂ ca₂'uin₂ on₃ dsa₂ jē₄ le₁'on₅ 'lag₄, jaun₂ ca₂jme₃quiáin₃ con₂ Jesús. Le₃on₃ dsa₂ 'éi₂ jme₁jio₅ je₂na'₅₄, jaun₂ 'ɲio₅ lin₃ jme₁tsau₂ dsí₅, 'i₁jan₂ dsa₂ tsá₃ 'ein₂ lé₂le₃ɲí₃ jui₅ jaun₂. 29 Jaun₂ ca₂tóin'₂ co₂mi'₅₄ ca₂juá'₂ tiá₂:

—ɿ'E₂ 'uig₅₄ tián'₅ 'ne₂ jē₄ quian'₅₄ jnia'₅₄, Jesús Ja₁ɲi'₅₄ Diú₄? ɿA₂ɲe'₃ 'ne₂ ja₁lá₃ a₂jmog'₅₄ jnia'₅₄ tē₃ɲiá₅?

30 Me'₂ cau₅ jaun₂, jme₁tion'₅₄ juin₅ i₁ɲí₅ guē'₅; 31 jaun₂ qui₂ca₂mi₃ je₂na'₅₄ ne₄ Jesús, ca₂juá'₂:

—Chi₂jua'₂ 'uag'₅₄ jnia'₅₄ ja₁lá₃, chei₅ jnia'₅₄ dsi₁tió'₄ quió'₅ i₁ɲí₅ 'o₃.

32 Jaun₂ ca₂juá'₂ Jesús:

† 8:17 Isaías 53:4. ‡ 8:25 o₃, “jniog₄.” § 8:28 A₂lin₅₄ chog₅₄ si₂juá'₂: “Gerasa”; a₂siá'₂ guē'₂ ně₃, juá'₂: “Gergesa.”

—O₂nó'₅ 'nia'₂.

Jaun₂ ca₂'uin₂ jme₂dsí'₂ 'lin'₅₄ tē₂dsí'₅ dsa₂ 'éi₂, jaun₂ ca₂i₃toin'₅₄ tē₂dsí'₅ i₁ñí'₅. Dsi₂jui₅ le₂jaun₂ bá₄ ca₂i₁nio₁ co₂chí'₅₄ i₁ñí'₅ cuing₂₃ jui₅ siá'₅, jaun₂ ca₂i₁sein'₃ tē₂ jmi₁ñí'₄. Ja₁jaun₂ ca₂dsain₃ ca₂'in'₃ jmi₂g₂.

³³ Dsa₂ i₂jme₁jmo₅ 'í₁ i₁ñí'₅ ně₃ ca₂cuing₃. Jme₁dsi₃lein₃ jē₄ juig₂ ca₂dsia₃ a₂ca₂lē₃ jaun₂, quian'₅₄ a₂ca₂lē₃ quian'₅₄ dsa₂ i₂jme₁tion'₅₄ je₂na'₅₄ ně₃. ³⁴ Ca₂le₃jín₃ dsa₂ chan₂ juig₂ jaun₂ ně₃ ca₂'uin₂ i₃léin₂ ja₁'en₅₄ Jesús. Jaun₂ jme₁ca₂jín₂ Jesús ně₃, ca₂chi₃quióng₂ jmi₂g₄ a₂o₃'iin₅ le₂con₂ jaun₂.

9

Ca₂jme₃'lión₂ Jesús jan₂ dsa₂ 'lian'₂
(Marcos 2:1-12; Lucas 5:17-26)

¹ Jaun₂ ca₂'í₃ Jesús 'ñió'₃ tsi₁mu₅, ca₂ñí₃ le₃'ño'₅₄ jmi₁ñí'₄, jaun₂ ca₂dsiáin'₃ juig₂ ja₁jme₁guá'₄. ² Jaun₂ ca₂o₃ñia₃ dsa₂ jan₂ dsa₂ 'lian'₂, dsíin₂ ne₄ tsi₁jein₁. Jme₁ca₂jág₃ Jesús a₂'én₂ dsa₂ 'éi₂ 'ño₅ lin₃, ca₂tsí'₃ dsa₂ dso'₅₄:

—Jmo₄ lían'₂ 'au'₂, jón₃; ma₂rē₂'én₄ bá₄ dsáu'₂.

³ Jaun₂ ca₂i₃jio₅ dsí'₅ i₂lin₅₄ tē₅juá'₅: “A₂'in₅ 'lig'₅₄ Diú₄ bá₄ i₂nē₅ a₂juá'₂ le₂nē₅.”

⁴ La₁ i₂ñi₅ rē₂ bá₄ Jesús a₂dsi₂jio₅ dsí'₅ dsa₂ 'éi₂, jaun₂ ca₂juá'₂:

—¿'E₂ lē₃ dsi₂jio₅ 'au'₂ 'nia'₂ 'lig'₅₄ le₂nē₅? ⁵ ¿Na₂ a₂'ua₁ guě₄ ta₁ jua'₅₄ a₂jme₁juig₅₄ jniá₂ dsa₂ la₂: “Ma₂rē₂'én₄ bá₄ dsáu'₂”, o₃ a₂jme₁juig₅₄ 'e₂ jniá₂: “Nau₂, ñi₄?”. ⁶ Dse₃ jaun₂. La₂ jmo₅₄ jniá₂ jaun₂ le₃ñi'₅₄ 'nia'₂ a₂'io₅ 'éi'₃ Jaun₅ dsa₂ mi₂güig₃ ne₄ gua'₅₄ 'uē₃ a₂qui₃'éin₂ dsáu₁ dsa₂.

Jaun₂ guě₄ ca₂juá'₂ ca₂tsí'₃ dsa₂ 'lian'₂:

—Nau₂, quion₂ tsi₁jein₁ quiáng'₂, guan'₂ ja₁quiáng'₂.

⁷ Jaun₂ ca₂nau₂ bá₄ dsa₂ 'éi₂, ca₂ñái'₃ ja₁quió'₄. ⁸ Jme₁ca₂jág₃ dsa₂ a₂ca₂lē₃ jaun₂, ca₂i₃gó'₃ dsí'₅, jaun₂ ca₂jme₃juin'₂ Diú₄ ne₄ 'uig₅₄ ia₁ a₂ma₂cuē₃ bí₂ jaun₂ ma₂cuē'₃ jan₂ dsa₂ mi₂güig₃.

Ca₂tē'₃ Jesús Mateo
(Marcos 2:13-17; Lucas 5:27-32)

⁹ Ca₂o₃'ín₃ bá₄ Jesús ja₁jme₁'ein₅₄ jaun₂. Ja₁ñó₄ jaun₂, ca₂jín₂ jan₂ dsa₂ i₂chen₂ Mateo, guá'₅ caun₂ dsi₂néi₂ cán₂ 'lia'₅₄ o₄quió'₄ dsi₂tan₅₄. Jaun₂ ca₂juá'₂ Jesús ca₂tsí'₃ 'éi₂:

—'Ein₃ jniá₂.

Jaun₂ ca₂nau₂ bá₄ Tē₅₄, ca₂jme₃quiong'₅₄.

¹⁰ Ca₂lē₃ jme₁ma₂'en₅₄ Jesús guě'₅ dsi₂néi₂ quió'₅ Tē₅₄, ca₂dsi₃lén₂ juin₅ guě₄ dsa₂ i₂cán₂ cu₄ riin'₅₄, dsa₂ “i₂le₁cán'₄ dso₄” sián'₂ guě₄ ně₃, ca₂i₃toin'₅₄ i₁guē'₂ quiaín'₅₄ Jesús, quiaín'₅₄ dsa₂ i₂ma₂quiaín'₅₄ ně₃. ¹¹ Dsa₂ fariseos ně₃, jme₁ca₂jág₃ a₂nē₅, jaun₂ ca₂ñí'₃ dsa₂ quián₅ Jesús: —¿'A₂ lia'₂ guě'₅ tē₅ quián'₂ 'nia'₂ co₂lē₅ quian'₅₄ dsa₂ i₂cán₂ 'lia'₅₄ quián₅ dsi₂tan₅₄, dsa₂ i₂le₁cán'₄ dso₄ ně₃?

¹² Ca₂nág₂ Jesús jág₁ jaun₂, jaun₂ ca₂juá'₂:

—On₃jua'₅₄ dsa₂ i₂qui₂le₁'ág₄ dse₃ dsí'₅ i₂'nió'₅ tē₅mí₅ quió'₅; tē₂le₃ ja₁con₂ dsa₂ i₂le₁dso'₅₄ bá₄ 'nió'₅ quió'₅. ¹³ O₂nó'₅ 'nia'₂ o₂jme₁tin₅ 'e₂ jein₅ jág₁ la₂ tio'₅₄ ne₄ Si₂: “A₂'nio₃ jniá₂ dsiá'₁ 'nia'₂ ñéi₂ 'au'₂ dsa₂ mi₂güig₃ ríng'₂, on₃jua'₅₄ rē₂ a₂jñia'₅₄ qui₁jen'₄ 'nia'₂ 'e₂ qui₁jen'₄ ne₃.”^{*} Ia₁ tsá₃ ta₁ jaun₂ guio₃ jniá₂ jua'₅₄ a₂tē₄ dsa₂ dsen₃; a₂tē₄ dsa₂ i₂le₁cán'₄ dso₄ bá₄ jniá₂ guio₃.

Ca₂ñí'₃ dsa₂ Jesús jui₁lia'₂ jág₁ a₂jme₂'in₅₄ dsa₂
(Marcos 2:18-22; Lucas 5:33-39)

¹⁴ Jaun₂ ca₂dsi₃lén₂ dsa₂ i₂jme₁i₂nio₄ quian'₅₄ Juan₅₄ i₂chon₅ dsa₂ jmi₂g₂ ca₂jme₃quiáin₃ ne₄ Jesús, jaun₂ ca₂ñag₃:

* **9:13** Oseas 6:6.

—ǵ'A₂lia'₂jme'₂in₅₄ bá₄dsa₂fariseos, le₂jaun₂guë'₂jnia'₅₄ně₃, la₁dsa₂i₂quian'₅₄'ne₂guë'₂tsá₃jme'₂in₅₄?

¹⁵Jaun₂ca₂ḡag₃Jesús:

—ǵLé₂le₃tón'₃'lia'₂dsí₅jui₁lia'₂dsa₂i₂té₁ja₁niog₅jmi₄ja₁jen'₂gu₂dsa₂, chi₂jua'₂jaun₂bá₄guá₅guë'₂dsa₂ḡe'₂i₂jen'₂gu₂? Já₅jmi₄jě₁tsá₃ma₃dsa₂i₂jen'₂gu₂'éi₂chan₂lé₂; jaun₂guë'₂tóin'₃jme'₃in₅₄.

¹⁶Ma₁tsá₃'ein₂tín₂tióng₅tsi₁'mí'₂gui'₅₄quian'₅₄'nau₅₄tsi₁'mí'₂'mí₂. Ia₁dsán'₅tsi₁'mí'₂'mí₂, jaun₂juë'₂guë'₂ja₁gag₂lě₂. ¹⁷Ján₃bá₄le₂jaun₂tsá₃tia'₂dsa₂vino'mí'₂'ḡi₃ni₁lau₂gui'₅₄, ia₁ne'₂. Nē₅bá₄téin₃vino, ton'₂dsi₃'én₂ni₁lau₂ně₃nē₁jua'₂ca₂jmo₃dsa₂le₂jaun₂. Jaun₂lě₃, 'ḡi₃ni₁lau₂'mí'₂bá₄'ni₃tiá'₃dsa₂vino'mí'₂, ia₁jaun₂le₃tín₃bá₄lé₂'í₁.

Ja₁mí₄Jairo, quian'₅₄'io₅₄i₂ca₂ní'₃tsin'₅₄Jesús

(Marcos 5:21-43; Lucas 8:40-56)

¹⁸Tě₃'en₅₄Jesús dsia₂₃jág₁, jme₁ca₂dsi₃óg₃jan₂i₂niog₅gu₂guá'₅sinagoga. Ca₂chi₃jné₃ne₄Jesús, jaun₂ca₂juá'₂:

—Lia'₂ca₂jon₃†jan₂chi'₂dsa₂mí'₂quiáng₃. La₁nē₁jua'₂gog'₅₄'ne₂quian'₅₄jniá₂o₁quiog'₂gog'₂ne₄quió'₅, le₃chain₂bá₄táng₃.

¹⁹Jaun₂ca₂nau₂Jesús, jaun₂ca₂ḡó₃quaiain'₅₄dsa₂'éi₂, lia'₂jma₃quaiain'₅₄dsa₂i₂ma₂ja₂lén₂quiong'₅₄. ²⁰Tě₃jě₄jaun₂, ḡó₃jan₂dsa₂mí'₂i₂dso'₅₄ma₂guia₃-tín₂ḡi₂a₂tiin₂. Ca₂jme₃quaiain₃tě₂le₃chi₁co'₅₄quió'₅Jesús, jaun₂ca₂ní'₂chei'₅₄tsin'₅₄'éi₂. ²¹Ia₁lín₂: “Tsá₃nag₅₄nē₁jua'₂jnia'₅₄níg'₄ca₂juig₄tsin'₅₄, jnia₃quió₃.” ²²Jaun₂ca₂jén'₃Jesús, ca₂jín₂'io₅₄, jaun₂ca₂juá'₂:

—Jmo₄lián'₂'au'₂, jón₃. Ma₂'lóng'₂bá₄, ia₁'éng'₂.

Dsi₂jui₅le₂jaun₂bá₄ca₂jnia₃co₂ḡei'₅₄quió'₅.

²³Jme₁ca₂dsi₃óg₃Jesús ja₁quió'₄dsa₂juig₅₄sinagoga 'éi₂, jaun₂ca₂jág₃ma₂tion'₅₄dsa₂i₂jmo₅son₅₄, ma₂tion'₅₄dsa₂juin₅go₂i₃ně₃, qui'₂-o₂₃. ²⁴Jaun₂ca₂juá'₂:

—Uín'₂'nia'₂ja₁lá₃; tsá₃rě₂jon₅₄i₂bě'₅₄ně₅. Jnia'₅₄lia'₂a₂rě₂güín₃bá₄.

La₁jnia'₅₄ca₂ḡág₂bá₄dsa₂. ²⁵Jme₁ma₂'uin'₂dsa₂, jaun₂ca₂'í₃Jesús dsi₂néi₂, ca₂jḡa'₃mi₂gu₂i₂bě'₅₄, jaun₂ca₂nau₂bá₄'éi₂. ²⁶Ca₂le₂con₂juig₂tio'₅₄'uě₃jaun₂, ca₂l₃'ág₃jág₁a₂ca₂lě₃jaun₂.

Ca₂jme₃'lión₂Jesús on₃dsa₂ten₄

²⁷Jme₁o₂'ín₃Jesús ja₁jaun₂, ca₂'ein₃on₃dsa₂ten₄, ja₂lén₂tě₂tiá₂:

—ǵDsia₄ḡéi₂'au'₂jnia'₅₄, 'ne₂tsi₁jon₂David!

²⁸Jme₁ca₂'í₃Jesús dsi₂néi₂, ca₂jme₃quián₃dsa₂ten₄'éi₂cau₅quió'₅. Jaun₂ca₂ḡag₃Jesús:

—ǵ'Én'₂'nia'₂a₂lé₂le₃jme₁'lio₅₄jniá₂?

Jaun₂ca₂ḡag₃:

—'Éin₂bá₄jnia'₅₄, Te₁gui'₅₄.

²⁹Jaun₂ca₂ní'₃Jesús gu₂jme₁ne₁₂jaun₂ca₂juá'₂:

—Jui₁le₅₄bá₄con'₂lě₅'én'₂'nia'₂.

³⁰Jaun₂ca₂lág₃bá₄mi₂ne₄dsa₂'éi₂. Jaun₂ca₂jmo₃Jesús 'éi'₃ca₂juá'₂:

—Tě₃ḡi'₅₄'nia'₂jna₅₄tsá₃'ein₂jui₁le₂ḡi₅a₂ně₅.

³¹La₁'éi₂ně₃, jme₁ca₂'uin₂jaun₂, ca₂dsia₃ca₂le₂con₂ja₁tén₄'uě₃jaun₂'e₂a₂ca₂jmo₃Jesús.

Ca₂jme₃'lión₂Jesús jan₂dsa₂con₄

³²Jme₁ma₂'uin₂dsa₂i₂jme₁ten₄'éi₂, ca₂o₃lén₂i₂sián'₂táng₃jniai₂₃jan₂dsa₂con₄i₂'en₅₄jme₂dsi₂je₂na'₅₄. ³³Dsi₂jui₅jme₁ca₂dsen₅Jesús je₂na'₅₄, jaun₂ca₂jme₃lióg₃dsa₂con₄'éi₂ca₂dsia₃jág₁. Dsa₂juin₅i₂jme₁tion'₅₄ca₂tě₂ne₅₄, ca₂i₃gó'₃dsí₅, jaun₂ca₂dsia₃:

—Ca₂le₂con₂'uě₃Israel la₂, tsá₃'ein₂ma₂ca₂jág₃a₂le₂ně₅.

† 9:18 o₃, “ma₂i,jón₂”, lě₂le₃jein₃jág₁.

³⁴ La₁ dsa₂ fariseos guë'₂ ně₃, ca₂juá'₂:

—Tě₂le₃ quian'₅₄ jui₅bí₂ quió'₅ 'ñiog₅ juig₅₄ je₂na'₅₄ bá₄, jmo₅ i₂ně₅ 'uín'₂ je₂na'₅₄.

Dsa₅ Jesús ñé₂ dsí₅ dsa₂

³⁵ Ca₂ñi₃ Jesús ca₂le₂con₂ juig₂ ca'₅₄, ca₂le₂con₂ juig₂ pí'₁ ně₃, jme₂tiin₂₃ dsa₂ dsi₂néi₂ guá'₅ sinagogas. Jme₁'ě₂ jág₁ dse₃ jui₁lia'₂ ja₁gon₂ Diú₄. Jme₁jme₂'lióin₂ dsa₂ ca₂le₃jě₃ ne₅₄ dso₄, quian'₅₄ ca₂le₃jě₃ jmi₁uig₅ a₂jme₁le₁quian'₅₄ dsa₂. ³⁶ Jme₁ca₂jín₂ dsa₂, ca₂tá'₂ ñéi₂ dsí₅, ia₁ jme₁chain₂ o₂i₁ dsi₅ ca₂lia'₂ ma₂ja₂'ú'₃ dsí₅ chain₂, ně₂jag₄ bá₄ já'₂ cha'₂ i₂tsá₃ chan₂ jmo₃ 'í₁.

³⁷ Jaun₂ ně₃ ca₂tsí'₃ dsa₂ i₂jme₁quian'₅₄:

—Dson'₂ bá₄ dsau₅ 'lióng₂ a₂ca₂rau₂, la₁ tsá₃ juin₅ dsa₂ i₂jmo₅ ta₁ ja₁nau₂. ³⁸ Jaun₂ lě₃, mi₄ 'nia'₂ ne₄ juig₅₄ ja₁nau₂ a₂chein₃ guě₄ juin₅ dsa₂ i₂jmo₃ ta₁ ja₁nau₂ quió'₅.

10

*Ca₂quión'₂ Jesús guia₃-tín₂ dsa₂ jě₄ quió'₅ dsa₂ quiáin₅
(Marcos 3:13-19; Lucas 6:12-16)*

¹ Jaun₂ ca₂tě'₃ Jesús chi'₂ dsi₂guia₃-tín₂ quiáin₅, jaun₂ ca₂cuě₃ bí₂ 'éi'₃ a₂'uín'₂ jme₂dsí₂ 'lín'₅₄, a₂qui₂jme₃'lióin₂ ca₂le₃jě₃ ne₅₄ dso₄ a₂niog₅ lín₅ dsa₂, ca₂le₃jě₃ jmi₁uig₅ ně₃.

² Le₂la₂ bá₄ chen₂ ta₁guia₃-tín₂ dsa₂ i₂ca₂quión'₂ Jesús 'éi₂ quiáin₅: Si₂mu₅₄, i₁tě'₂ dsa₂ Pe₄; quiaín'₅₄ Drě₄ riin'₅₄; Jacobo* quian'₅₄ Juan₅₄ riin'₅₄, ja₁ñí'₄ Zebedeo; ³ Fe₂li₄ quian'₅₄ Bartolomé; To₁má₄ ně₃ quian'₅₄ Tě₅₄ i₂jme₁cán₂ 'lia'₅₄ a₂ca₂tín₂ dsi₂tan₅₄; Jacobo i₂lín₅ ja₁ñí'₄ Alfeo; Tadeo ně₃; ⁴ Si₂mu₅₄ ně₃ i₂tě'₂ dsa₂ cananista;† Judas Iscariote ně₃, i₂ca₂jín'₂ Jesús.

*Ca₂chen₃ Jesús dsa₂ guia₃-tín₂ quiáin₅ a₂ca₂i'₂ 'ě₄ jág₁ dse₃
(Marcos 6:7-13; Lucas 9:1-6)*

⁵ Dsa₂ guia₃-tín₂ ně₅ bá₄ ca₂chen₃ Jesús jme₁ma₂ně₂cuě₃ jág₁ la₂:

—Tsá₃ o₁nó'₅ 'nia'₂ jui₅ 'uě₃ go₄ dsi₂nau₂, on₃ guě'₂ o₂ton'₅₄ 'nia'₂ 'i₁caun₂ juig₂ a₂tén₅ 'uě₃ Samaria. ⁶ Ja₁jaun₂ bá₄ o₂nó'₅ 'nia'₂ ja₁tion'₅₄ dsa₂ i₂lín₅ co₂'nió'₄ já'₂ cha'₂ i₂ma₂i₂cón'₅ i₂chan₂ juig₂ Israel. ⁷ O₂nó'₅ 'nia'₂ qui₂o₂'ě₃ jág₁ dse₃ la₂ chei'₅₄ 'nia'₂ dsa₂, ma₂ja₂quián₃ 'éi'₃ quió'₅ Diú₄. ⁸ O₂jmo₄ 'nia'₂ le₁jín₃ dsa₂ i₂lín₅ 'mé'₅ 'iog₅; ca₂le₃jín₃ guě'₂ i₂lín₅ dso₄ siá'₂ ně₃, o₂jme₁'lióin₅₄; o₂jme₁jen'₅₄ 'nia'₂ 'lag₄; o₂'uín'₅₄ 'nia'₂ je₂na'₅₄ quió'₅ dsa₂ ně₃. Jaun₂ le₂ně₅ jui₁lia'₂ ně₂gue₅₄ 'nia'₂ bí₂ la₂ on₃jua'₅₄ a₂cha₂ 'lia'₅₄, le₂ně₅ o₂jmo₄ 'nia'₂ ján₃, o₂cuě'₅₄ dsa₂ bí₂ tsá₃ 'lia'₅₄ cán'₁. ⁹ Tsá₃ 'e₂ cán'₁ 'nia'₂, jui₁lia'₂ a₂'nió'₅ le₂'i₄ jui₅, on₃ guě'₂ cu₄nióg₄, on₃ guě'₂ cu₄tioğ₂, on₃ guě'₂ ñí₁ guéin₂ tě₂lau₂ quiáng'₂, ¹⁰ on₃ guě'₂ tě₂'mi'₂ jua'₅₄ a₂to'₅₄ lio₅₄ cán'₁. Jmá'₃ co₂dsán'₃ tsín'₂ bá₄ 'nia'₂ cán'₁, tsá₃ cán'₁ 'nia'₂ lau₂ ton₂ tag'₅₄ a₂ñag₅₄ guě₄ con'₂ a₂ma₂le₁ton₅ tag'₅₄, on₃ guě'₂ 'ma₂'i₅₄; ia₁ jui₁lia'₂ dsa₂ i₂jmo₅ ta₁, ca₂tiin₂ bá₄ gue₃ má₃ quió'₅.

¹¹ 'Jě₂ma₂ca₂dsi₃nó'₅ 'nia'₂ lia'₂ caun₂ juig₂ ca'₅₄ o₃ juig₂ pí'₁ 'e₂, ja₁jaun₂ jñia₄ 'nia'₂ ja₁quió'₄ dsa₂ i₂léi₄ dsen₃ 'ua₁ dsí₅, quió'₅ 'éi₂ tión'₂ 'nia'₂ ca₂lia'₂ ca₂tě₂ jmig₄ i₁'uín'₃ táng₃.

¹² Jě₂ma₂tě₂ rě₁tóng'₁ dsi₂néi₂ quió'₅, cuín₅₄ 'nia'₂ Diú₄ jua'₅₄ 'nia'₂: “Jui₁'ei₅ bá₄ tei₄ dsi₂néi₂ la₂.” ¹³ Ně₂jua'₂ dsa₂ dsi₂néi₂ jaun₂ léi₄ gue₂₃ bá₄ lia'₂ i₁rě₂ jág₁, jág₁ quián'₂ 'nia'₂ a₂cuín'₅ Diú₄, jui₁tě₂'ñiá₄ bá₄ 'ei₅ tei₄ ja₁con₂ dsa₂ 'éi₂ dsi₂néi₂ jaun₂. La₁ ně₂jua'₂ léi₄ tsá₃ dse₃ le₁'ág₄ dsí₅ dsa₂ gue₂₃ jág₁ quián'₂ 'nia'₂, jui₁tě₂'ñiá₄ bá₄ jág₁ 'ei₅ tei₄ jaun₂ ja₁con₂ 'nia'₂ guiong'₅₄.

¹⁴ Ně₂jua'₂ cha₂ ja₁lín₅₄ tsá₃ 'nio₃ dsa₂ guein₃ 'nia'₂, on₃ guě'₂ 'nio₃ nag₃ jág₁ quián'₂ 'nia'₂ ně₃, co₂ñei'₅₄ 'uín'₂ 'nia'₂ dsi₂néi₂ jaun₂, o₃ juig₂ jaun₂, séi'₃ 'nia'₂ 'liog₂ tag'₅₄. ¹⁵ Ia₁ a₂dsi₂jó'₃ juá'₅ jniá₂, jě₁ma₂tě₂ rě₁qui₃dsi₅ Diú₄ 'éi'₃, 'ñio₅ guě₄ uig₅ gue₃ dsa₂ juig₂ jaun₂ con'₂ guě₄ dsa₂ i₂jme₁chan₂ Sodoma quian'₅₄ Gomorra.†

* **10:2** Jacobo: ján₃ bá₄ chein₂ Santiago. † **10:4** cananista: partido quió'₅ dsa₂ i₂'nio₃ táun₂ 'uě₃ 'éi'₃ quió'₅ Roma. Jma₃quén₅ ca₂quioin₃ le₃on₃ Si₂mu₅₄ 'éi₂, ia₁ ñí₄ lě₃ mei'₂ tsá₃ ca₂ne₅₄ a₂chein₂. ‡ **10:15** Sodoma quian'₅₄ Gomorra: 'Í₂ Génesis 18 - 19.

Qui₂co₃'ein₃ dsa₂

(Marcos 13:9-13; Lucas 21:12-17)

¹⁶ 'Tsín₂ jniá₂ 'nia₂ jaun₂, a₂líng₅ nē₂jag₄ bá₄ já₂ cha₂ jin₄ co₂'nió₄ já₂ tsau₂ dsí₅. Jmo₄ 'nia₂ jaun₂ a₂líng₅ dsa₂ i₂'io₅ mai₅₄ jui₁lia₂ dsi₂mi₂, ton₂ 'ua₁ 'au₂ 'nia₂ jui₁lia₂ lín₅ i₁ju₂. ¹⁷ Rē₂ján₁ 'nia₂ jaun₂ ia₁ qui₃jáng₂ dsa₂ ne₄ dsi₂tan₅₄, qui₃bóg₂ dsa₂ ně₃ dsi₂néi₂ guá₅ sinagogas. ¹⁸ Lia₂ ne₄ dsi₄má₂ lia₂ ne₄ rag₅₄ ně₃, dsi₁jnia₃ dsa₂ 'nia₂ 'uig₅₄ quió₃ jniá₂; jaun₂ le₂ně₅ bá₄ lé₂ le₃o₁jang₄ 'nia₂ já₁ dsau₅ ne₄ 'éi₂, quian₅₄ ja₁con₂ dsi₂nau₂ sián₂ ně₃. ¹⁹ La₁ jē₁ma₂tě₂ rē₁qui₃jáng₂ dsa₂ ne₄ta₁, tsá₃ lē₁jmo₂ 'nia₂ 'i₅ 'au₂ 'e₂ jua₅₄ o₃ 'a₂ lia₂ 'ṇag₅₄; ia₁ jē₁ma₂tě₂ rē₁jua₅₄ 'nia₂ já₁, Diú₄ bá₄ cuē₃ já₁ a₂ṇi₅₄ 'nia₂ 'a₂ lia₂ 'ṇag₅₄ juig₅₄ dsa₂. ²⁰ Ia₁ on₃jua₅₄ guion₅₄ 'nia₂ jua₅₄ já₁; 'ṇiog₅ bá₄ Jme₂dsí₂ quián₅ Néi₅ 'nia₂ juá₂ jui₅ tē₂'au₂.

²¹ 'Ia₁ lé₂ táng₃, jui₁lia₂ rin₅₄ dsa₂ qui₃jín₂ riin₅₄ jaun₂ 'ṇag₃ dsa₂, jui₁lia₂ jmei₂ guē₂ dsa₂ qui₃jín₂ chi₂ quiáin₅; chi₂ guē₂ ně₃ qui₃náu₃ 'nei₂ jmái₃ chog₅₄-jmei₂, qui₃jáng₂ a₂jme₃dsiog₅ dsa₂. ²² Ca₂le₃jín₃ jui₁lia₂ dsa₂ mi₂güig₃ jme₃'ṇiai₅₄ 'nia₂ 'uig₅₄ quió₃ jniá₂; la₁ia₁ jui₁lia₂ i₂tión₂ tiá₂ ca₂tě₂ jē₁ca₂tó₂, i₂'éi₂ bá₄ i₂lión₂. ²³ Jē₁ma₂qui₂co₃'ein₃ dsa₂ jui₁lia₂ caun₂ juig₂, cuing₅ 'nia₂ jui₅ juig₂ siá₂ táng₃; a₂dsi₂jó₃ juá₅ jniá₂, tē₃ tsá₃ ma₂lē₅ quen₄ 'nia₂ i₁niog₄ ca₂le₃jě₃ juig₂ ja₁tén₄ 'uē₃ Israel, a₂guan₂ táng₃ Jaun₅ dsa₂ mi₂güig₃.

²⁴ 'Jui₁lia₂ jan₂ i₂jme₂tin₅, tsá₃ juin₂ con₂ guē₄ tē₅ quiáin₅; ján₃ bá₄ le₂jaun₂ jui₁lia₂ jan₂ dsa₂ i₂jme₂ti₃, tsá₃ juin₂ con₂ guē₄ juig₅₄. ²⁵ Tió₅ jui₁lia₂ i₂jme₂tin₅ lēin₂ jui₁lia₂ lín₅ tē₅ quiáin₅; jui₁lia₂ dsa₂ i₂jme₂ti₃ guē₂ ně₃, dsi₁lēin₂ jui₁lia₂ lín₅ juig₅₄. Chi₂jua₂ 'ṇiog₅ dsa₂ juin₂ caun₂ dsi₂néi₂ ma₂quion₅ dsa₂ Be'elzebú, i'ē₂ guē₄ bá₄ 'in₃ dsa₂, jui₁lia₂ i₂tion₅₄ dsi₂néi₂ quió₅!

'Ein₂ 'nió₅ jme₃gan₃ dsa₂

(Lucas 12:2-7)

²⁶ 'Uig₅₄ jaun₂, tsá₃ lē₁jmo₂ 'nia₂ gang₃ dsa₂ mi₂güig₃. Ia₁ 'i₁caun₂ jui₁lia₂ a₂rē₂jlě₅ tsá₃ cha₂ jua₅₄ a₂tsá₃ le₃jniá₂, ján₃ bá₄ le₂jaun₂ jui₁lia₂ a₂rē₂'ma₂ tsá₃ cha₂ jua₅₄ a₂tsá₃ le₃ṇi₅ dsa₂. ²⁷ Jui₁lia₂ a₂juig₂ jniá₂ 'nia₂ la₂ jē₄ tē₃co₅₄, jua₅₄ 'nia₂ tē₃jín₄ dsa₂ juin₅; ján₃ bá₄ le₂jaun₂ jui₁lia₂ a₂juig₂ jniá₂ 'nia₂ con₂ tei₄, jua₅₄ 'nia₂ co₂mi₅₄ jui₁lia₂ ja₁ṇei₅. ²⁸ Tsá₃ lē₁jmo₂ 'nia₂ gang₃ quian₅₄ i₂jṇi₃ ni₁ṇi₅, la₁ tē₂'au₂ 'nia₂ tsá₃ 'e₂ lé₂ le₃jmo₃; i₂'éi₂ bá₄ ca₂tín₂ 'nia₂ jme₁gang₃ jui₁lia₂ i₂lé₂ le₃jṇi₃ ni₁ṇi₅ quian₅₄ guē₂ tē₂'au₂ 'nia₂ a₂jeng₃ ja₁'lig₅₄.

²⁹ 'Tsa₁ 'ni₅ dsa₂ on₃ i₁tan₅ pí₁ quian₅₄ caun₂ ṇi₁ guéin₂? La₁ 'i₁jan₂ i₁tan₅ tsá₃ tián₃ 'uē₃ jua₅₄ tsá₃ ṇi₅ Néi₅ 'nia₂. ³⁰ Ia₁ le₂jio₅ ni₁jṇi₂ dsei₂ 'nia₂ le₁'i₁ je₂liá₂ mi₂ tís₅ ján₃. ³¹ Tsá₃ lē₁jmo₂ 'nia₂ gang₃, ia₁ 'ṇio₅ lín₃ guē₄ quen₄ 'nia₂ lia₂ con₂ guē₄ juin₅ lín₃ i₁tan₅.

Jui₁lia₂ i₂jme₂jnia₅ a₂cuin₂₃ Jesucristo jin₄ dsa₂ mi₂güig₃

(Lucas 12:8-9)

³² 'Jui₁lia₂ i₂jme₂jnia₅ tē₂le₃ quió₃ jniá₂ jin₄ dsa₂ mi₂güig₃, ján₃ bá₄ le₂jaun₂ jniá₂ ně₃ jme₁jniag₅ tē₂le₃ quió₅ 'éi₂ ne₄ Ne₃ i₂guá₅ guei₅₄ i₂juig₃; ³³ la₁ jui₁lia₂ i₂jme₂jnia₅ a₂tsá₃ cuig₂₃ jniá₂ jin₄ dsa₂ mi₂güig₃, ján₃ bá₄ le₂jaun₂ jme₁jnia₅ jniá₂ a₂tsá₃ cuin₅ ne₄ Ne₃ i₂guá₅ guei₅₄ i₂juig₃.

Jesús bá₄ i₂'uin₄ a₂lē₂ le₁dson₅₄ dsa₂

(Lucas 12:51-53; 14:26-27)

³⁴ 'Tsá₃ o₁len₂ 'nia₂ jua₅₄ a₂guio₃ jniá₂ a₂i₃'ei₃ tei₄ mi₂güig₃; ia₁ tsá₃ ta₁ jaun₂ guio₃ jniá₂ a₂i₃'ei₃ tei₄. Mi₅₄ 'nei₂ bá₄ a₂quian₄ jniá₂. ³⁵ A₂jaun₂ bá₄ guio₃ jniá₂ a₂i₃dsia₃ mi₅₄ dsi₂néi₂: Chi₂ jme₃'ṇiai₅₄ jmei₂, chi₂ ja₁míg₄ dsa₂ ně₃ jme₃'ṇiai₅₄ chog₅₄; i₂lín₅ mi₂lo₅₄ ně₃

tóin' ₃ mi' ₅₄ quian' ₅₄ ma₂chog₅₄.

³⁶ Dsa₂ i₂lín₅ jmei₂ dsi₂néi₂

qui₂jme₃'iog₅₄ chi' ₂ quiáin₅.§

³⁷ 'Jui₁lia' ₂ i₂'nio₃ guě₄ 'ñio₅ lín₃ chog₅₄-jmei₂ lia' ₂ con' ₂ guě₄ jniá₂, tsá₃ ca₂tín₂ lén₂ dsa₂ quiáng₃; le₂ně₅ bá₄ ján₃, jui₁lia' ₂ i₂'nio₃ 'ñio₅ lín₃ guě₄ ja₁ñi' ₅₄ o₃ ja₁míg₄ 'e₂, lia' ₂ con' ₂ guě₄ jniá₂, tsá₃ ca₂tín₂ lén₂ dsa₂ quiáng₃; ³⁸ jui₁lia' ₂ i₂tsá₃ ca₂'ág₂ caun₂ dsi₅ ca₂join₃ chi₂jua' ₂ ca₂join₃, * a₂jiá₃ chi₁co' ₅₄ quió₃, tsá₃ ca₂tín₂ lén₂ dsa₂ quiáng₃. ³⁹ Jui₁lia' ₂ i₂ñí₄ lě₃ 'nio₃ lí' ₂ le₃chain₂ dse₃, dsi₃'én₂ quió' ₅; ján₃ bá₄ le₂ně₅, jui₁lia' ₂ i₂ca₂guen₃ 'mú₃ o₄quió₃ jniá₂, lí' ₂ bá₄.

Co₂'nió' ₄ 'lian' ₅₄ dsa₂
(Marcos 9:41)

⁴⁰ 'Jui₁lia' ₂ i₂guen₅ 'nia' ₂, guei₂₃ jniá₂; jui₁lia' ₂ i₂guei₅ jniá₂ guein₂₃ i₂ca₂chei₃ jniá₂ ně₃.

⁴¹ I₂guen₅ jui₁lia' ₂ jan₂ dsa₂ i₂'ě₂ jág₁ o₄quió' ₄ Diú₄ ia₁ a₂lín₅ i₂chen₄ quián₅ Diú₄, co₂jaun₂ bá₄ 'lia' ₅₄ gue₃ ján₃ jui₁lia' ₂ 'lian' ₅₄ jan₂ i₂'ě₂ jág₁ quián₅ Diú₄. Le₂ně₅ bá₄ ján₃, jui₁lia' ₂ i₂guen₅ jan₂ dsa₂ dsen₃ ia₁ lín₅ dsa₂ dsen₃, gue₃ 'liain' ₅₄ ján₃ con' ₂ 'lia' ₅₄ a₂ca₂tín₂ jan₂ dsa₂ dsen₃.

⁴² Jui₁'ein₂ guě₃ dsa₂ i₂cuě₅ caun₂ vaso jmi₂g₂ güí₂g₂, cuě' ₅ jan₂ dsa₂ me' ₂ le₂ně₅ quiáng₃ 'ui₅₄ ia₁ a₂'ein₂₃ jniá₂, a₂dsi₂jó' ₃ juá' ₅, tion₅₄ bá₄ gue₃ 'liain' ₅₄.

11

Dsa₂ i₂chen₄ quián₅ Juan₅₄ i₂chon₅ dsa₂ jmi₂g₂
(Lucas 7:18-35)

¹ Jme₁ca₂dsan₃ cuě₅ Jesús jág₁ ně₅ cuě' ₅ chi' ₂ dsi₂guia₃-tín₂ quiáin₅, ca₂o₃'ín₃ táng₃ ja₁jaun₂, ca₂'í₃ jui₅ ca₂i'ě₄ jág₁, i₂jme₁tiin₂₃ dsa₂ juig₂ tio' ₅₄ con' ₂ ma₂quián₅ jaun₂.

² Juan₅₄ ně₃, tē₃ 'ein₅₄ né' ₃ 'má₃, ca₂rě₃ñi₅ 'a₂ lia' ₂ lě₅ jmo₅ I₂rě₂'ín₁ quián₅ Diú₄. Jaun₂ ca₂chein₃ i₂lín₅₄ dsa₂ i₂jme₁quiain' ₅₄ ³ a₂ca₂i'ñag₁₂:

—¿'Ne₂ líng' ₅ dsa₂ i₂lě₅ jág₁ jiá₃, o₃ jñia₄ jniá' ₅₄ i₂sián' ₂ 'e₂?

⁴ Jaun₂ ca₂ñag₃ Jesús:

—O₂nó' ₅ 'nia' ₂ o₂chei' ₅₄ Juan₅₄ 'e₂ a₂tě₅ ne' ₅₄ 'nia' ₂ la₂, 'e₂ a₂nag' ₂ 'nia' ₂ ně₃. ⁵ O₂dsia₄ 'nia' ₂ 'a₂ lia' ₂ lě₅ qui₂jág₅ dsa₂ ten₄; dsa₂ i₂jme₁guian' ₅₄ guě' ₂ ně₃, ma₂i₂nioi₅₄ rě' ₂ táng₃; dsa₂ i₂jme₁lín₄ 'mé' ₅ 'iog₅ ma₂le₁jín₃ táng₃ dso₄ a₂jme₁lín₄; dsa₂ i₂jme₁guin₄ guě' ₂ ně₃ ma₂nag₂₃; dsa₂ i₂ma₂dsan₃, jein' ₅₄ táng₃; ja₁con₂ dsa₂ te₂ñé₂ ně₃ dsi₂'ag₅ jág₁ dse₃ la₂ a₂lión₂ dsa₂. ⁶ 'E₂ guě₄ dsen₃ dsa₂ i₂tsá₃ 'ag₅ caun₂-tín₃ dsi₅ ja₁con₂ jniá₂.

⁷ Jme₁ma₂i₂len₃ dsa₂ 'éi₂, jaun₂ ca₂jme₃lióg₃ Jesús ca₂tsí' ₃ dsa₂ a₂'iín₂₃ Juan₅₄:

—¿'E₂ jme₁lín' ₂ 'nia' ₂ jme₁tě₃ ne' ₅₄ lia' ₂ con' ₂ jme₁i₁nóg' ₄ 'uě₃ quein₂ co₂'ñiog₅ jaun₂? ¿O₃ bá₄ jme₁lín' ₂ 'nia' ₂ a₂jme₁jing' ₄ jan₂ dsa₂ i₂lín₅ jui₁lia' ₂ lě₅ ca₂'nau₂ ni₁'ma₂ ta₅ a₂lě₁qui₂bí₂ dsi₂ jui₅ la₂ jui₅ ně₅? ⁸ Chi₂jua' ₂ tsá₃ le₂jaun₂ ně₃, ¿'e₂ guě' ₂ ca₂i₁jag' ₄ 'nia' ₂? ¿O₃ bá₄ a₂jme₁lín' ₂ 'nia' ₂ a₂jme₁jing' ₄ jan₂ dsa₂ i₂qui' ₂ tsin' ₅₄ jlá' ₁? La₁ on₃jua' ₅₄ le₂jaun₂. Ia₁ jui₁lia' ₂ dsa₂ i₂qui' ₅ tsin' ₅₄ jlá' ₁, i₂tón' ₅ dsi₂néi₂ quió' ₅ rag₅₄ bá₄ i₂le₂'éi₂. ⁹ ¿'E₂ guě' ₂ ca₂i₁jag' ₄ 'nia' ₂ jaun₂ ně₃? ¿O₃ bá₄ jan₂ dsa₂ i₂'ě₂ jág₁ quián₅ Diú₄ 'e₂? Dsón' ₂ bá₄ jaun₂ juá' ₅ jniá₂. I₂lín₅ tson₂ guě₄ jan₂ dsa₂ i₂'ě₂ jág₁ quián₅ Diú₄ bá₄ 'éi₂. ¹⁰ Juan₅₄ 'éi₂ bá₄ i₂'in₅ Si₂ quió' ₅ Diú₄ ja₁juá' ₂:

Tsing₅₄ jan₂ dsa₂ quiáng₃ ne₄ jui₅ quiáng' ₂, jón₃,

a₂dsi₃can₅ jág₁, jmo₃ co₂jñia₅₄ jui₅.*

¹¹ A₂dsi₂jó' ₃ juí₂g₂ jniá₂ 'nia' ₂, 'i₁jan₂ dsa₂ i₂ma₂can₅ dsa₂ mí₂ i₂chan₂ mi₂güí₂g₃, tsá₃ 'ein₂ ma₂lín₅ i₂juin' ₂ guě₄ i₂'ě₂ jág₁ o₄quió' ₄ Diú₄, lia' ₂ con' ₂ guě₄ Juan₅₄ i₂chon₅ dsa₂ jmi₂g₂. La₁ia₁, i₂lín₅ i₂me' ₂ guě₄ ja₁gon₂ Diú₄, i₂'éi₂ bá₄ lín₅ i₂juin' ₂ guě₄ lia' ₂ con' ₂ guě₄ Juan₅₄ 'éi₂. ¹² Ca₂le₃ ca₂guan₃ Juan₅₄ i₂chon₅ dsa₂ jmi₂g₂, ca₂tě₂ jmi₂g₄ ně₃, con' ₂ 'i₄ jui₅ bá₄ ma₂já₅ tiá₂ ja₁gon₂ Diú₄.

§ 10:36 Miqueas 7:6. * 10:38 lit. “i₂tsá₃ cán₂ cróg₄ quió' ₅,” * 11:10 Malaquías 3:1.

Jaun₂ dsa₂ con'₂ i₂tiá₂ dsí₅ bá₄ chan'₂ tiá₂ jui₅ jaun₂.† ¹³ Ca₂le₃jín₃ dsa₂ i₂jme₁'ě₂ já₁ quián₅ Diú₄, quian'₅₄ 'Éi'₃ quió'₅ Moisés nē₃, a₂jñia'₅₄ con'₂ ca₂'ě₂ já₁ ja₁gon₂ Diú₄ bá₄ jaun₂, ca₂lia'₂ ca₂tě₂ jmig₄ jme₁ca₂guan₃ Juan₅₄. ¹⁴ Ján₃ bá₄ chi₂jua'₂ 'niog'₂ 'nia'₂ guéi'₁ já₁ la₂, Juan₅₄ 'éi₂ bá₄ i₂ca₂jme₃ti₃ já₁ a₂lě₅ a₂jme₁jiá₃ Elías. ¹⁵ Jui₁lia'₂ i₂le₁dsi₅₄ rē₂gua₄, jui₁nei₅₄.

¹⁶ 'Ĳ'E₂ quian'₅₄ lé₂ le₃quíng₄ a₂lín₅ dsa₂ i₂chan₂ jmig₄ nē₃? Lín₅ jui₁lia'₂ lín₅ i₂bě'₅₄ i₂tion'₅₄ co₅ jē₄ 'ma'₅₄, tióin'₅₄ co₂mí'₅₄ qui₂guió'₅ tsí'₅ rñin'₅₄:

¹⁷ Nē₂jéi₄ jñia'₅₄ te₁fi₁ o₄quián'₂ 'nia'₂,

la₁ tsá₃ nē₂dsián'₃ guē'₂ 'nia'₂;

ján₃ guē'₂ nē₂jmó₁ jñia'₅₄ son₅₄ quió'₅ 'lag₄

a₂ta'₂ 'lia'₂ dsí₅ dsa₂,

la₁ tsá₃ ca₂tá'₂ guē'₂ qui'₂ 'au'₂ 'nia'₂.

¹⁸ Ia₁ ca₂guan₃ Juan₅₄, i₂tsá₃ 'e₂ 'líong₂ jme₁guē'₅ on₃ guē'₂ 'e₂ jme₁'ín'₂ nē₃, jaun₂ ca₂ag₃ dsa₂ a₂'ein₅₄ je₂na'₅₄. ¹⁹ Ca₂guan₃ guē'₂ táng₃ Jaun₅ dsa₂ mi₂güig₃ i₂guē'₅ i₂'ín'₂, 'ag₅ táng₃ dsa₂ a₂lín₅ jlé₂ 'ís quian'₅₄ má₄ jmíg₃, a₂lín₅ a₂mei₅₄ quián₅ dsa₂ cha₂ dsáu₁, quian'₅₄ dsa₂ i₂cán₂ 'lia'₅₄ quián₅ dsi₂tan₅₄ nē₃. La₁ tion₅₄ bá₄ le₃lí'₄ dsa₂ a₂dsau₅ já₁ a₂ñí'₂ dsí₅ Diú₄, 'uig₅₄ ia₁ ñí'₂ bá₄ dsí₅ dsa₂ i₂gue₅ já₁ nē₅.

Juig₂ jē₁tsá₃ ne'₅₄ dsa₂

(Lucas 10:13-15)

²⁰ Jaun₂ nē₃, ca₂jme₃lióg₃ Jesús qui₂ca₂jéin₂ dsa₂ ja₁ 'líong₂ guē'₄ léi₄ juē'₂ ma₂qui₂ma₂jmo₃, ia₁ tsá₃ ma₂jéin'₃ dsa₂ dsí₅. Jaun₂ ca₂juá'₂:

²¹ —i'E₂ guē'₄ juig'₂ 'nia'₂ dsa₂ juig₂ Corazín! i'E₂ guē'₄ juig'₂ 'nia'₂ i₂chan₂ Betsaida! Ia₁ jua'₅₄ mei'₂ guē'₃ jniá₂ ma₂jmo₃ léi₄ juē'₂ nē₅ jē₄ juig₂ Tiro quian'₅₄ juig₂ Sidón jui₁lia'₂ a₂ma₂jmo₃ jniá₂ jē₄ quián'₂ 'nia'₂, líg'₂ bá₄ tsá₃ ma₂ca₂jéin'₃ dsa₂ 'éi₂ dsí₅, jme₁cuē₃ léi₄ a₂qui'₂ dsí₅ jme₁i₃nioi₅₄ le₁qui'₂ 'mí'₂ taun₅ qui₂le₁séin₅ ti₁juá₃ nē₃. ²² La₁ juig₂ jniá₂ 'nia'₂, jmig₄ i₁qui₃dsi₅ Diú₄ 'éi'₃, ja₂lín₃ guē'₄ tson₂ uig₅ a₂guéi'₁ 'nia'₂ con'₂ guē'₄ dsa₂ i₂jme₁chan₂ Tiro quian'₅₄ Sidón. ²³ 'Nia'₂ guē'₂ dsa₂ i₂chan₂ juig₂ Capernaum, Ĳlín'₂ 'nia'₂ a₂uig₅₄ guei'₅₄ lín₃? On₃jua'₅₄ le₂jaun₂. Tē₂ ja₁jí'₂ lín₃ ja₁tion'₅₄ 'lag₄† bá₄ sēn'₂ 'nia'₂. Ia₁ jua'₂ mei'₂ guē'₃ jniá₂ ca₂jmo₃ léi₄ juē'₂ jē₄ juig₂ Sodoma jui₁lia'₂ a₂ma₂ca₂jmo₃ jniá₂ jē₄ quián'₂ 'nia'₂, a₂niog₅ bá₄ juig₂ jaun₂ ca₂tě₂ jmig₄ nē₃. ²⁴ Jaun₂ juá'₅ jniá₂, jmig₄ jē₁ma₂tě₂ rē₁qui₃dsi₅ Diú₄ 'éi'₃, 'ñio₅ guē'₄ uig₅ guéi'₁ 'nia'₂ con'₂ guē'₄ dsa₂ i₂jme₁chan₂ juig₂ Sodoma.

Ja₁jñia₅ dsa₂ i₂ma₂'ú₃

(Lucas 10:21-22)

²⁵ Jmíg₄ jaun₂ ca₂juá'₂ Jesús:

—Jme₁juín'₁ jniá₂ 'ne₂, Tia₅₄, i₂lín₅ juig₅₄ gua'₅₄ 'uē₃ quian'₅₄ guei'₅₄ i₂juig₃, ia₁ ca₂'ma'₅₄ a₂nē₅ ja₁con₂ dsa₂ i₂tín₂ si₂, i₂ñí'₂ dsí₅, a₂ma₂ca₂jme₁jniag'₂ ja₁con₂ dsa₂ i₂lín₅ lia'₂ lín₅ guein₂, i₂tsá₃ 'e₂ cuí'₅. ²⁶ Dsón'₂ bá₄ jaun₂, Tia₅₄, ia₁ le₂nē₅ ca₂rē₃ñió₃ 'au'₂.

²⁷ Jaun₂ ca₂tsí'₃ dsa₂:

—O₄gu₃ jniá₂ ma₂ca₂dsia₃ Ne'₃ ca₂le₃jě₃. 'I₁jan₂ tsá₃ 'ein₂ cuín₅ Ja₁ñi'₅₄ Diú₄ 'a₂ lia'₂ tē₃dsón'₂ lín₅, jñia'₅₄ lia'₂ 'ñiog₅ bá₄ Jmei₂; ján₃ bá₄ 'i₁jan₂ tsá₃ 'ein₂ cuín₅ Jmei₂ 'a₂ lia'₂ tē₃dsón'₂ lín₅, jñia'₅₄ lia'₂ 'ñiog₅ bá₄ Ja₁ñi'₅₄ táng₃, ján₃ bá₄ jme₃jñiai₂₃ ja₁con₂ i₂'nio₃ le₃ñi₅. ²⁸ I₂nó'₅ 'nia'₂ ja₁con₂ jniá₂, ca₂le₃jín'₃ 'nia'₂ i₂qui₂ma₂'ú'₃ dsí₅, i₂qui₂le₁quian₅ guei₂, jaun₂ cuē₅₄ jniá₂ ja₁jan'₄ 'nia'₂. ²⁹ Gue₄ 'nia'₂ ta₁ quió₃ a₂cuē₅ jniá₂ 'nia'₂, jme₁tín₅ 'nia'₂ jmó'₂ ján₃, 'a₂ lia'₂ lín₅ jniá₂, ia₁ juín'₂ dsi₃ lín₅, meg'₂ bá₄ lě₅ dsi₃; jaun₂ le₂nē₅ bá₄ dsi₁nó'₅ 'nia'₂ dsiang'₂

† 11:12 o, “ca₂tě₂ jmig₄ nē₃, ma₂já'₅ ja₁gon₂ Diú₄ nē₂jag₄ bá₄ a₂lě₅ 'nei₂. Jaun₂ dsa₂ i₂con₂ qui₂jmo₂₃ 'nei₂ nē₃, 'nio₃ join₅₄ jui₁lia'₂ dsa₂ i₂i₂nio₃, jui₅ jaun₂.” ‡ 11:23 griego: hades, co₂'nió'₄ a₂juá'₂, ja₁quió'₄ 'lag₄.

ja₁jñia₃ tē₂'au'₂. ³⁰ Ia₁ ta₁ a₂cuē₅ jñiá₂ 'nia'₂, on₃jua'₅₄ a₂'ua'₂ ta₁; já_{n3} bá₄ le₂jaun₂ on₃jua'₅₄ a₂guei₂ cán'₁ 'nia'₂ a₂cuē₅ jñiá₂ 'nia'₂.

12

Jesús bá₄ i₂quian'₅ 'éi'₃ ne₄ quió'₅ jmig₄ sa₅₄

(Marcos 2:23-28; Lucas 6:1-5)

¹ Jm_{ig4} jaun₂ ca₂n₃ Jesús ja₁lě₄ ja₁nau₂ quió'₅ dsa₂ caun₂ jm_{ig4} sa₅₄. Dsa₂ i₂quiain'₅₄ ně₃ ca₂tá'₂ i₁cón'₅, jaun₂ qui₂ca₂gág₃ mǐ'₂ trigo, jaun₂ ca₂guě'₃. ² Jme₁ca₂jág₂ dsa₂ fairseos, jaun₂ ca₂o₃lén₂ ca₂tsǐ'₃ Jesús:

—Jag₄ 'a₂ lia'₂ tion'₅₄ dsa₂ quiáng'₂ jmo₂₃ ta₁ a₂tsá₃ 'i₄ 'éi'₃ jmo₃ dsa₂ jm_{ig4} sa₅₄.

³ Jaun₂ ca₂nag₃ Jesús:

—¿Tsa₁ ma₂ca₂'í'₂ 'nia'₂ ne₄ Si₂ 'a₂ lia'₂ lě₅ ca₂jmo₃ David co₂ráun₂ jme₁ca₂lě₃ i₁cón'₅ quiain'₅₄ riin'₅₄? ⁴ Ca₂'í₃ dsi₂néi₂ quió'₅ Diú₄, ca₂guě'₃ i₁nǐ'₄ jñi_{ó5}, a₂tsá₃ jme₁'i₄ 'éi'₃ guě'₃, a₂'i₄ 'éi'₃ guě'₃ jmá'₃ jme₂dsa₂. ⁵ ¿O₃ tsa₁ ma₂ca₂'í'₂ 'nia'₂ ne₄ Si₂ 'Éi'₃ quió'₅ Moisés, ju₁lia'₂ jme₂dsa₂ tsá₃ jme₂gó'₃ jm_{ig4} sa₅₄? La₁ tsá₃ 'ein₂ bón'₂ guě'₂ dso₄ 'éi₂ ně₃. ⁶ Ju_{ig2} jñiá₂ 'nia'₂, ja₁lá₃ chén'₅ jan₂ i₂juin'₂ guě₄ con'₂ guě₄ guá'₅ templo. ⁷ Jua'₅₄ mei'₂ guě₃ ma₂nǐ'₂ 'nia'₂ 'e₂ jein₅ jág₁ la₂: “A₂'nio₃ jñiá₂ a₂dsiá'₁ 'nia'₂ nǐ₂ 'au'₂, on₃jua'₅₄ rě'₂ a₂jñia'₅₄ qui₁jen'₅₄ 'nia'₂ 'e₂ qui₁jen'₅₄ ne₃”, * tsá₃ jua'₅₄ jme₁bong'₅₄ dso₄ dsa₂ i₂tsá₃ 'e₂ dso₄ rin₂. ⁸ Ia₁ le₂ně₅ jaun₂, jñiá₂, Jaun₅ dsa₂ mi₂gǔ₃, jmo₂₃ 'éi'₃ ju₁lia'₂ jm_{ig4} sa₅₄.

Jan₂ dsa₂ jle₅ caun₂ gu₂

(Marcos 3:1-6; Lucas 6:6-11)

⁹ Ca₂o₃'ín₃ bá₄ Jesús ja₁jaun₂, jaun₂ ca₂'í₃ táng₃ dsi₂néi₂ guá'₅ sinagoga. ¹⁰ Ja₁jaun₂ jme₁'en₅₄ jan₂ dsa₂ i₂jle₅ caun₂ mi₂gu₂. Dsa₂ fariseos ně₃ jme₁'nio₃ 'no'₂ ju₁boín'₂ dso₄ Jesús, jaun₂ ca₂nag₃:

—¿'I₄ 'éi'₃ jme₃'lión₂ dsa₂ jan₂ dsa₂ dso'₅₄ jme₁jm_{ig4} sa₅₄?

¹¹ Jaun₂ ca₂nag₃ Jesús:

—¿'Ein₂ 'nia'₂, i₂'ñio₅ jan₂ já'₂ cha'₂, ně₁jua'₂ ca₂bain₃ siá₅ ju₁lia'₂ caun₂ jm_{ig4} sa₅₄, tsa₁ dsó₅ dsi₃dsein₂₃ já'₂ quiáin₅? ¹² 'Ē₂ guě₄ bá₄ quen₅ jan₂ dsa₂ con'₂ guě₄ jan₂ já'₂ cha'₂! Jaun₂ lě₃, 'i₄ bá₄ 'éi'₃ jmo₃ dsa₂ a₂dse₃ ju₁lia'₂ jm_{ig4} sa₅₄.

¹³ Jaun₂ guě₄ ca₂tsǐ'₃ dsa₂ dso'₅₄ 'éi₂:

—Nei'₅₄ gog'₂.

Jaun₂ ca₂néi'₃ 'éi₂ gu₂, ca₂jñia₃ quió'₅, jaun₂ ca₂lě₃ co₂rě₂ quian'₅₄ a₂caun₂. ¹⁴ Ca₂'u₁n₂ bá₄ dsa₂ fariseos 'éi₂ ně₃, jaun₂ ca₂jmo₃ jág₁ a₂jñi'₃ Jesús.

Ju₁lia'₂ dsa₂ i₂ca₂quión'₂ Diú₄ a₂jme₃ti₃ ta₁ ne₅₄, jág₁ a₂ca₂'ě₂ dsa₂ i₂ca₂juá'₂ o₄quió'₄ Diú₄

¹⁵ Jme₁ca₂rě₃n₃ Jesús jág₁ jaun₂, ca₂o₃'ín₃ bá₄. Jaun₂ ju₁n₅ lín₃ dsa₂ i₃lén₂ chi₁co'₅₄ quió'₅ 'ein₂₃. Jme₁jme₂'lión₂ Jesús ca₂le₃jín₃ dsa₂ i₂le₁dso'₅₄, ¹⁶ jaun₂ ca₂juá'₂ a₂tsá₃ 'e₂ dsia₃ dsa₂ jua'₅₄ a₂'ag₃ 'ein₂ lín₅. ¹⁷ Le₂ně₅ bá₄ ca₂lě₃ ia₁jaun₂ le₃ti₃ jág₁ a₂ca₂'ě₂ Isaías, dsa₂ i₂jme₁'ě₂ jág₁ quián₅ Diú₄, jme₁ca₂juá'₂ le₂la₂:

¹⁸ I₂la₂ bá₄ dsa₂ i₂jme₃ti₃ ta₁ ne₃,

i₂ma₂ca₂quiong'₅₄, i₂'nióg₃ guě₄ lín₃,

jaun₂ 'io'₂ jéin₅ jñiá₂ quiain'₅₄.

Tón'₁ jñiá₂ Jme₂dsí₂ quiáng₃ tē₂dsí₅,

jaun₂ jme₃jñiai₂₃ ca₂le₃jě₃ ju_{ig2}

jín₄ dsi₂nau₂ 'ě₃ ju₁dsau₅ tē₃dsón'₂.

¹⁹ Tsá₃ quein₅ náu₃, on₃ guě'₂ guió'₃,

on₃ guě'₂ né'₂ jág₁ quió'₅ jě₄ calle,

* **12:7** Oseas 6:6.

20 Lia'₂ 'i₁ca₂tag₄ ni₁'ma₂ ta₅ tsá₃ jio₃,
on₃ guë'₂ ei₃ ni₁mecha a₂ca₂juig₄ 'ia₂ guë₄ jme₁ni₁.
Jmo₃ le₂në₅ ca₂lia'₂ ca₂tió'₃
a₂lí'₂ a₂dsi₂ten₅₄ dsón'₂.

21 Jaun₂ caun₂ ja₁con₂ 'éi₂ bá₄
'ag₃ dsa₂ caun₂ dsí₅
ca₂le₃jín₃ dsa₂ i₂chan₂ ca₂le₃jě₃ juig₂.†

Juá'₂ dsa₂ a₂'io₅ Jesús jui₅bí₂ quió'₅ Be'elzebú
(Marcos 3:19-30; Lucas 11:14-23, 12:10)

22 Jaun₂ ca₂o₃jnia₃ dsa₂ ja₁coin₂ jan₂ dsa₂ ten₄ i₂con₄ ně₃ i₂jme₁'en₅₄ jan₂ jme₂dsí₂ je₂na'₅₄.
Jesús ně₃ ca₂jme₃'lió₂, ca₂jág₃ táng₃ dse₃, ca₂dsia₃ dse₃ jág₁ ně₃. 23 Ca₂i₃gó'₃ dsí₅ ca₂le₃jín₃
dsa₂, jaun₂ ca₂juá'₂:

—¿On₁jua'₅₄ i₂në₅ lín₅ tsi₁jon₂ David?

24 La₁ jme₁ca₂nág₂ dsa₂ fariseos jág₁ jaun₂, ca₂dsia₃ jág₁ quian'₅₄ riin'₅₄:

—A₂'uin'₂ i₂në₅ je₂na'₅₄ quió'₅ dsa₂ tē₂le₃ quian'₅₄ jui₅bí₂ quió'₅ Be'elzebú, juig₅₄ je₂na'₅₄
bá₄.

25 La₁ i₂ni₅ rē₂ bá₄ Jesús 'e₂ dsi₂jio₅ dsí₅ dsa₂ 'éi₂, jaun₂ ca₂juá'₂:

—Jui₁lia'₂ dsi₂tan₅₄ tion'₅₄ le₁dsoin'₅₄, nió'₅ mi'₅₄, tsá₃ uē₂ tió'₅ jua'₅₄ tsá₃ dsi₃'én₂ 'éi'₃ quió'₅.
Le₂në₅ bá₄ ján₃ jui₁lia'₂ dsa₂ caun₂ dsi₂néi₂, ně₁jua'₂ lě₅ le₁dsoin'₅₄, niog₅ mi'₅₄, ján₃ bá₄
tsá₃ uē₂ tió'₅. 26 Ján₃ bá₄ le₂në₅, ně₁jua'₂ ca₂jmo₃ Satanás mi'₅₄ dsein₂₃ jan₂ i₂quiáin₅ 'niog₅,
co₂'nió'₄ 'niog₅ bá₄ jmo₂₃ le₁dsoin'₅₄. ¿'A₂ lia'₂ lě₂ le₃'io₃ guë₄ bí₂ 'éi'₃ quió'₅, chi₂jua'₂ le₂jaun₂?

27 Chi₂jua'₂ jniá₂ 'uing'₅₄ je₂na'₅₄ quian'₅₄ bí₂ quió'₅ Be'elzebú jui₁lia'₂ juá'₂ 'nia'₂, ¿'ein₂ bá₄
guë'₂ cuē₅ bí₂ cuē'₅ dsa₂ quián'₂ 'nia'₂ a₂'uin'₂ je₂na'₅₄ jaun₂ ně₃? 'Uig₅₄ jaun₂, guion₅₄ bá₄
dsa₂ quiáng'₂ jme₃li₅₄ a₂lín'₅ 'nia'₂ guiong'₅₄. 28 La₁ jniá₂ ně₃ ně₂'uing'₅₄ je₂na'₅₄ tē₂le₃ quian'₅₄
bí₂ quió'₅ Jme₂dsí₂ quián₅ Diú₄. Jaun₂ ně₃ le₂në₅ bá₄ cuē₅ jniá₂ léi₄ a₂ma₂gua₅ 'éi'₃ quió'₅ Diú₄
ja₁con'₂ 'nia'₂.

29 'Jaun₂ ně₃, ¿'a₂ lia'₂ lě₂ le₃'í₂ jan₂ dsa₂ dsi₂néi₂ quió'₅ jui₁lia'₂ jan₂ dsa₂ i₂'uan'₂, a₂jniá'₃
a₂te₁'i₁ quió'₅, chi₂jua'₂ le₂'uig₅₄ tsá₃ ma₂ně₂'nei'₂ de'₂ dsa₂? Jnia'₅₄ lia'₂ le₂jaun₂ bá₄ lě₂
le₃jniá'₃ a₂cha₂ quió'₅.

30 'I₂tsá₃ tión₂ le₃quió₃ jniá₂, dsa₂ i₂'io₅₄ jniá₂ bá₄ 'éi₂; le₂jaun₂ guë'₂ i₂tsá₃ quian'₅₄ jniá₂
cág'₅, jnia'₅₄ jmo₂₃ tsi₁rē₂ja₅₄ bá₄. 31 Juig₂ jniá₂ 'nia'₂ jaun₂ ně₃, a₂lě₂ le₃'én₂ bá₄ ca₂le₃jě₃ dsáu₁
dsa₂, ca₂le₃jě₃ 'e₂ a₂'lig'₅₄ juá'₂ ně₃. La₁ ně₁jua'₂ ca₂'in₃ 'lig'₅₄ Jme₂dsí₂ quián₅ Diú₄, a₂ně₅ guë₄
tsá₃ ma₃o₂'én₂ dso₄ cha₂. 32 La₁ ně₁jua'₂ chan₂ i₂ca₂'in₃ 'lig'₅₄ Jaun₅ dsa₂ mi₂güig₃, lě₂ bá₄
le₂'én₂ dsáu₁; la₁ jui₁lia'₂ i₂'in₅ 'lig'₅₄ Jme₂dsí₂ Jnió₅, tsá₃ ma₃o₂'én₂ dso₄ cha₂ quió'₅, mi₂güig₃
la₂, on₃ guë'₂ mi₂güig₃ caun₂ ně₃.

Tē₂le₃ 'a₂ lia'₂ lě₅ mīg₂ a₂'ag₅ bá₄ ni₁'ma₂, jáng'₅ léi₄
(Lucas 6:43-45)

33 'Chi₂jua'₂ jmo'₂ 'nia'₂ a₂le₃dse₃ ni₁'ma₂, mīg₂ dse₃ bá₄ 'ag₃; la₁ chi₂jua'₂ jmo'₂ 'nia'₂
a₂le₃'lig'₅₄ ni₁'ma₂, mīg₂ 'lig'₅₄ bá₄ 'ag₃ ján₃. 'Uig₅₄ jaun₂, tē₂le₃ quian'₅₄ mīg₂ a₂'ag₅ bá₄ ni₁'ma₂,
jáng'₅ léi₄ chi₂jua'₂ dse₃ o₃ a₂'lig'₅₄ 'e₂. 34 'Nia'₂ tsi₁jon₂ dsi₂mi'₂! ¿'A₂ bá₄ lia'₂ lě₂ le₃dsiá'₁ 'nia'₂
jág₁ dse₃, ton'₂ 'lin'₅₄ bá₄ guë'₂ 'nia'₂ guiong'₅₄? Ia₁ lia'₂ con'₂ lě₅ a₂'lióng₂ ṇag₅₄ cha₂ tē₂dsí₅
dsa₂, a₂jaun₂ bá₄ 'uē₂ mi₂'o₅₄. 35 Jui₁lia'₂ dsa₂ dsen₃, jág₁ dse₃ bá₄ dsia₂₃, ia₁ jmá'₃ lia'₂ a₂dse₃
bá₄ rē₂'ma₄ tē₂dsí₅; le₂në₅ bá₄ jui₁lia'₂ dsa₂ 'lin'₅₄, jág₁ 'lig'₅₄ bá₄ dsia₂₃, ia₁ jmá'₃ lia'₂ a₂'lig'₅₄
bá₄ rē₂'ma₄ tē₂dsí₅. 36 Jaun₂ juá'₅ jniá₂, jáng'₃ bá₄ dsa₂ mi₂güig₃ cuenta quió'₅ jē₁ma₂tē₂ jmig₄
i₁con₂ Diú₄ 'í₁, qui₃dsi₂₃ 'éi'₃ ne₄ ca₂le₃jě₃ jág₁ a₂tsá₃ ta₁ tí₄. 37 Ia₁ tē₂le₃ 'a₂ lia'₂ lě₅ jág₁ quián'₂
bá₄ 'nia'₂, jióg'₂ 'í₁, rīng'₂ o₃ tsá₃ rīng'₂.

† 12:21 Isaías 42:1-4.

Mi₅ dsa₂ fariseos a₂jmo₃ Jesús caun₂ léi₄ juë'₂
(Marcos 8:12; Lucas 11:29-32)

³⁸ Jaun₂ ně₃ i₂lin₅₄ dsa₂ fariseos quian'₅₄ tē₅juá'₅ ca₂tsí'₃ Jesús:

—Tē₅, 'niog₂ jnia'₅₄ jag₅₄ caun₂ léi₄ juë'₂ a₂jmo'₂ 'ne₂.

³⁹ Jaun₂ ca₂ṇag₃ Jesús:

—Tsi₁jon₂ dsa₂ 'lin'₅₄ i₂tsá₃ nag₃ la₂ mi₂₃ a₂jmo₅₄ jniá₂ caun₂ léi₄ juë'₂. La₁ tsá₃ ma₃'e₂ léi₄ lé₂ le₃cuē₅₄ jniá₂ ja₁con'₂ 'nia'₂, jnia'₅₄ lia'₂ con'₂ léi₄ jui₁lia'₂ a₂ca₂i₃ṇí₂ Jonás i₂jme'₁ě₂ jág₁ o₄quió'₄ Diú₄ bá₄. ⁴⁰ Ia₁ jui₁lia'₂ ca₂'í₃ Jonás 'ni₅ jmi₄, 'ni₅ nei₅ tē₂dsí₅ já'₂ jmi₄ pan₅₄ 'éi₂, le₂jaun₂ bá₄ 'í₂ Jaun₅ dsa₂ mi₂güig₃ né'₃ 'uē₃ 'ni₅ jmi₄, 'ni₅ nei₅. ⁴¹ Jmi₄ jē₁ma₂tē₂ rē₁con₂ Diú₄ 'í₁, dsa₂ i₂jme₁chan₂ juig₂ ciudad Nínive, dsa₂ 'éi₂ bá₄ náu₃ qui₃dsi₂₃ 'éi'₃ ján₃ ja₁con'₂ 'nia'₂ dsa₂ chang'₂ jmi₄ ně₃. Ia₁ dsa₂ 'éi₂ ca₂jéin'₃ dsí₅ lia'₂ con'₂ jme₁ca₂ě₂ Jonás jág₁ quió'₅ Diú₄. La₁ ně₃ ně₃ la₂ chén'₅ jan₂ i₂juin'₂ guē₄ lia'₂ con'₂ guē₄ Jonás 'éi₂. ⁴² 'Io₅₄ rag₅₄ i₂jme₁gon₂ 'uē₃ tē₂le₃ sur, ján₃ bá₄ náu₃ 'éi₂ jmi₄ i₁qui₃dsi₅ Diú₄ 'éi'₃, ján₃ guē₂ 'liog'₃ 'éi₂ 'liain'₃ 'nia'₂ i₂chang'₂ jmi₄ ně₃. Ia₁ 'éi₂ ně₃ ca₂já₃ uing₂ lin₃ ca₂'í₃ jui₅ a₂ca₂o₃néi₃ jág₁ quió'₅ Salomón 'a₂ lia'₂ jme₁ṇí'₂ dsí₅ 'éi₂ a₂ṇí₄ lē₃ jme₁tiin₂;† la₁ ně₃ ně₃, la₂ chén'₅ jan₂ i₂juin'₂ guē₄ con'₂ guē₄ Salomón 'éi₂.

Jme₂dsí₂ 'lin'₅₄ i₂jón'₂ táng₃
(Lucas 11:24-26)

⁴³ 'Jē₁ma₂o₂'in₃ jan₂ jme₂dsí₂ 'lin'₅₄ quió'₅ jan₂ dsa₂, jaun₂ dsi₂ṇí₃ le₂tan₅₄ ja₁quein₂ 'no'₂ ja₁jnia₃. Nē₁juá'₂ tsá₃ ca₂dsó'₂ ja₁jnia₃ ně₃, jaun₂ 'no'₂ táng₃ dsí₅: ⁴⁴ “Nég'₄ táng₃ dsi₂néi₂ quió₃ ja₁ca₂o₃'ing₃.” Jē₁ma₂ca₂dsiáin'₃ jaun₂, dsain'₂ táng₃ dsa₂ 'éi₂ lín₅ co₂'nió'₄ bá₄ caun₂ dsi₂néi₂ a₂rē₂jē₄, rē₂'ia'₅₄, rē₂ chí'₅. ⁴⁵ Jaun₂ ně₃ o₂'in₅₄ táng₃ dsó₅ chi₂liain'₂ con'₂ guē₄ guion₃ jme₂dsí₂ 'lin'₅₄ riin'₅₄ i₂lē₁'ṇio₅ guē₄ con'₂ guē₄ 'ṇiog₅. Dsi₂lein₅ dsi₂tiain'₂ tē₂dsí₅ dsa₂ 'éi₂. Jaun₂ dsa₂ 'éi₂ ně₃, dsióg₄ lēin₂ le₃'lín'₅₄ guē₄ lin₃ guē₄ con'₂ guē₄ jme₁lín₄ le₂'uig₅₄. § Le₂nē₅ bá₄ dsi₃ṇí₂ tsi₁jon₂ 'lin'₅₄ i₂chan₂ rē₂nē₃.

Chi'₂ rin'₅₄ Jesús quian'₅₄ chog₅₄
(Marcos 3:31-35; Lucas 8:19-21)

⁴⁶ Tē₃ 'en₅₄ Jesús dsia₂₃ jág₁ tsí'₅ dsa₂, jme₁ca₂dsi₃lén₂ chi'₂ riin'₅₄ quian'₅₄ chog₅₄ ně₃. Ca₁'né₄ bá₄ ca₂tiáin'₂ a₂'nio₃ dsia₃ jág₁ quian'₅₄ Jesús. ⁴⁷ Jaun₂ ca₂i₁con₂ jan₂ jág₁, ca₂juá'₂:

—Chog'₂ quian'₅₄ chi'₂ ríng'₂ tiáin'₅ ca₁'né₄, a₂'nio₃ dsia₃ jág₁ quian'₅₄ 'ne₂.*

⁴⁸ Jaun₂ ca₂ṇag₃ Jesús:

—¿'Ein₂ 'éi₂ cha₃ jniá₂, 'ein₂ 'éi₂ rín'₃ jniá₂ ně₃?

⁴⁹ Jaun₂ ně₃ ca₂'iin₃ chi'₂ dsi₂guia₃-tín₂ quiáin₅, jaun₂ ca₂juá'₂:

—I₂la₂ bá₄ lín₅ co₂'nió'₄ cha₃ jniá₂, quian'₅₄ ríng'₃ ně₃. ⁵⁰ Ia₁ jui₁'ein₂ guē₃ i₂jmo₅ a₂'ṇio₂ dsí₅ Nē₃ jniá₂ i₂guá₅ guei'₅₄ i₂juig₃, i₂'éi₂ bá₄ lín₅ jui₁lia'₂ dsó₂ ríng'₃, 'io₅₄ ríng'₃, cha₃ ně₃.

13

Jág₁ a₂jáng'₅ léi₄ jui₁lia'₂ dsa₂ i₂séi₂ mīg₂ jon₂
(Marcos 4:1-9; Lucas 8:4-8)

¹ Jmi₄ jaun₂ ca₂o₃'in₃ Jesús dsi₂néi₂ ja₁jme₁'ein₅₄, ca₂ṇó₃ ca₂i₁gua₂ chei'₅₄ jmi₁'ṇí'₄. ² Ia₁ ca₂ṇí'₂ táng₃ juin₅ lin₃ dsa₂ le₃lág'₃ quió'₅ ja₁guá₄, jaun₂ ca₂'í₃ 'ṇió'₃ tsi₁mu₅, jaun₂ ca₂guá₂. Jaun₂ dsa₂ guē₂ ně₃ ca₂tóin'₂ ca₂le₃jíin₃ chei'₅₄ jmi₄. ³ Jaun₂ ně₃ ca₂jme₁tiin₂₃ dsa₂ 'líong₂ lin₃ jág₁ tē₂le₃ quian'₅₄ jág₁ a₂jáng'₅ léi₄.

Ca₂juá'₂:

† 12:42 'Í₁ 1 Reyes 10; 2 Crónicas 9:1-12. § 12:45 'Nio'₂ ja₁ton₅ 2 Pedro 2:20. * 12:47 A₂lin₅₄ chog₅₄ si₂ tsá₃ chi₁ton₅

—Jan₂ dsa₂ ca₂ŋe₄ ja₁nau₂ ca₂i₁séi₄ mǐg₂ jon₂; ⁴ jme₁ma₂'ein₅₄ séi₂ ně₃, a₂lin₅₄ mǐg₂ jon₂ ca₂i₃ga₅₄ le₂'i₄ jui₅, jaun₂ ně₃ i₁tan₅ bá₄ ca₂o₃lén₂ ca₂cág₃. ⁵ A₂lin₅₄ guē₂ mǐg₂ jon₂ ca₂i₃to₅₄ jě₄ ni₁cang₁, ja₁tsá₃ lin₄ gua₅₄ lě₅. A₂jaun₂ ně₃ tsá₃ uě₂ ca₂rě₃'ag₄ ca₂'ia₂, ia₁ tsá₃ ji₂ gua₅₄ ja₁i₃to₅₄. ⁶ La₁ jme₁ca₂tě₂ 'iog₂, ca₂rě₃juing₅, ca₂cáu₂ bá₄ a₂jaun₂, ia₁ tsá₃ jmú₄ 'lóng₂ jme₁ma₂cha₂. ⁷ A₂lin₅₄ guē₂ i₃ga₅₄ ja₁lě₄ ni₁taun₅. Jme₁ca₂i₃cón₃ ni₁taun₅ ně₃, ca₂jlě₃ bá₄ jon₂ jaun₂ táng₃. ⁸ La₁ a₂lin₅₄ guē₂ ně₃ ca₂tín₂ ja₁'o₅₄ 'uě₃; a₂jaun₂ ca₂rau₂ dse₃; a₂lin₅₄ mǐg₂ jon₂ ca₂'ág₂ jma₃cáun₃ 'niá₂-láu₂ mǐg₂ lia₂ ca₂mǐg₂ jon₂ a₂i₃jnia₄; a₂lin₅₄ guē₂ jma₃'nag₂ ne₂guióg₂ mǐg₂, a₂lin₅₄ guē₂ jma₃guióg₂-guiá₂ mǐg₂. ⁹ Chi₂jua₂ 'ein₂ 'nia₂ i₂dsi₅₄ rě₂gua₄, nei₂ 'nia₂.

Ta₁ qui₅ jág₁ a₂jáng₅ léi₄

(Marcos 4:10-12; Lucas 8:9-10)

¹⁰ Jaun₂ ca₂jme₃quián₃ chi₂ dsi₂guia₃-tín₂ con₂ Jesús, jaun₂ ca₂ŋag₃:

—ǵ'E₂ lě₃ jme₂tǐng₁ dsa₂ jmá₃ lia₂ quian₅₄ jág₁ a₂jáng₅ léi₄?

¹¹ Jaun₂ ně₃ ca₂ŋag₃ Jesús:

—Diú₄ bá₄ jmo₅ a₂rě₃ŋí₂ 'au₂ 'nia₂ jág₁ rě₂'ma₄ jui₁lia₂ 'a₂ lia₂ lě₅ ja₁goin₂ guei₅₄ i₂juíg₃. La₁ ja₁con₂ dsa₂ ně₃ ně₃, tsá₃ le₂jaun₂. ¹² Ia₁ jui₁lia₂ dsa₂ i₂ŋí₂ dse₃, Diú₄ bá₄ jmo₃ le₃ŋí₂ guě₄ 'lóng₂, jaun₂ dsi₁lén₂ lén₂ dsa₂ i₂niog₅ dsi₄. La₁ jui₁lia₂ i₂tsá₃ 'nio₃ le₃ŋí₂ ně₃, Diú₄ bá₄ jmo₃ co₂dsia₅ tsá₃ le₃ŋí₂ co₂ŋei₅₄. ¹³ Uig₅₄ jaun₂ bá₄ a₂jme₂tín₂ jniá₂ dsa₂ tē₂le₃ quian₅₄ jág₁ a₂jáng₅ léi₄:

Ia₁jaun₂ i₂jág₃,

la₁ tsá₃ le₃lí₄ 'e₂ a₂ně₂jág₃;

i₂ně₂néi₂ guē₂ ně₃,

la₁ tsá₃ ca₂rě₃lí₄ 'e₂ a₂ně₂néi₂,

on₃ guě₄ ca₂ŋí₂.

¹⁴ Jaun₂ le₂ně₅ rě₂ti₃ tē₂le₃ quió₅ dsa₂ ně₅ jui₁lia₂ ca₂juá₂ Isaiás i₂ca₂'ě₂ jág₁ quián₅ Diú₄: Dsón₂ bá₄ nág₁ 'nia₂,

la₁ tsá₃ le₃ŋí₂ 'e₂ a₂nág₁;

Caun₂ qui₁jag₅₄ 'nia₂ ně₃,

la₁ tsá₃ le₃len₅₄ 'nia₂.

¹⁵ Ia₁ a₂ma₂'ua₂ dsi₄ bá₄ dsa₂ la₂,

ja₂lag₃ bá₄ nag₂₃,

ně₂jag₄ bá₄ i₂ma₂rě₂jni₅ rě₂gua₄;

ján₃ bá₄ le₂ně₅, ně₂jag₄ bá₄ a₂tsá₃ jniá₂ mi₂ne₅₄,

ia₁jaun₂ tsá₃ jág₃ quian₅₄ mi₂ne₅₄,

on₃ guē₂ nag₃ quian₅₄ rě₂gua₅₄,

on₃ guě₄ le₃ŋí₂ dsi₅,

ia₁jaun₂ tsá₃ jéin₃ dsi₅ ja₁con₂ jniá₂

ia₁jaun₂ jme₁'lioin₁₂ jniá₂.*

¹⁶ 'La₁ 'e₂ guě₄ dsen₃ 'nia₂ ia₁ jniá₂ mi₂ne₅₄, nag₂ bá₄ 'nia₂ ně₃ quian₅₄ rě₂guá₂.

¹⁷ A₂dsi₂jó₃ juíg₂ jniá₂ 'nia₂, juin₅ dsa₂ i₂jme₁'ě₂ jág₁ quián₅ Diú₄ ma₂líg₂, juin₅ dsa₂ dsen₃, jme₁'nio₃ tē₃ ne₅₄ a₂jág₂ 'nia₂ rě₂ně₃, la₁ tsá₃ ca₂jág₃; jme₁'nio₃ nag₃ ně₃ jui₁lia₂ a₂nag₂ 'nia₂ rě₂ně₃, la₁ tsá₃ ca₂nág₂.

Juá₂ Jesús tsí₅ dsa₂ lia₂ tí₅ jág₁ 'e₂ jág₁ dsau₅ jáng₅ jui₁lia₂ jág₁ quió₅ dsa₂ i₂séi₂ mi₂jon₂

(Marcos 4:13-20; Lucas 8:11-15)

¹⁸ 'Nei₂ 'nia₂ jaun₂, 'e₂ jág₁ dsau₅ jáng₅ jui₁lia₂ jág₁ quió₅ dsa₂ i₂séi₂ mǐg₂ jon₂. ¹⁹ Jui₁lia₂ dsa₂ i₂nag₅ jág₁ dse₃ a₂já₅ guei₅₄ i₂juíg₃ ja₁gon₂ Diú₄, ně₁jua₂ tsá₃ ŋí₂, lín₅ jui₁lia₂ mǐg₂

* **13:15** Isaiás 6:9-10.

jon₂ a₂ca₂séi' dsi₂jui₅. I₂sē₃dsen₃ bá₄ja ja₁coin₂, jaun₂ jñiá' táng₃ jág₁ dse₃ a₂jme₁ma₂jnia₄ tē₂dsí₅. ²⁰ Míg₂ jon₂ a₂ca₂séi' guē' jē₄ ni₁cang₁, lē₅ jui₁lia' lín₅ dsa₂ i₂gue₅ 'ñio₂ dsí₅ jág₁ dse₃ a₂nag₂₃, ²¹ la₁ia₁ tsá₃ cha₂ guē' jē₄ dsi₃ 'má₂ jmú₄ né' 'uē₃, tsá₃ uē₂ tió' ₅; jaun₂ jē₄ma₂já₅ o₂i₁ dsi₅ a₂dsi₂ñi₂ 'e₂ dsi₂ñi₂, o₃ qui₂co₂'ein₅ dsa₂ o₄quió' jág₁ quió' ₅ Diú₄, guein₂₃ tí₂ bá₄ táng₃ jág₁. ²² Jui₁lia' mīg₂ jon₂ a₂i₃ga' jē₄ ni₁taun₅ guē' táng₃, jáng' jág₁ dsau₅ jui₁lia' dsa₂ i₂nag₅ jág₁ dse₃, la₁ia₁ 'ñio₅ lín₃ guē₄ 'i₅ dsí₅ o₂me' dsi₅ a₂cha₂ mi₂güig₃ la₂, a₂'ín₅ dsí₅ a₂le₃cha₂ cu₄ a₂le₃chain₂ dse₃ ně₃, a₂nē₅ bá₄ a₂jme₂gau₅ táng₃ quió' ₅. Ca₂le₃jē₃ a₂nē₅ jlē₂ bá₄ táng₃ jág₁ dse₃ a₂jme₁ma₂nág₂, jaun₂ tsá₃ ma₂'e₂ a₂dse₃ ráu₃ ja₁con₂ dsa₂ 'éi₂. ²³ La₁ jui₁lia' mīg₂ jon₂ a₂ca₂séi' ja₁dse₃ gua' ₅₄, jáng' táng₃ jág₁ dsau₅ tē₂le₃ ja₁con₂ dsa₂ i₂nag₅ jág₁, ton' ₂ ñí' ně₃; jaun₂ jmá' ₃ lia' ca₂ne₅₄ a₂dse₃ bá₄ rau₂ ja₁coin₂. I₂lín₅₄ guē' dsa₂ 'éi₂ tē₂le₃ quian' ₅₄ a₂dse₃ rē₂jniá₂ a₂jmo₂₃, lín₅ jui₁lia' lē₅ lia' ca₂cho' ₅₄ mīg₂ a₂ca₂i₃jnia₄, rau₂ caun₂ 'ñiá₂-láu₂ mīg₂ lia' ca₂mīg₂; i₂lín₅₄ guē' jma₃'nag' co₂ne₂guióg₂; i₂lín₅₄ guē' jma₃guióg₂-guiá₂ mīg₂.

Jág₁ a₂jáng' lēi₄ jui₁lia' ni₁nau₂ 'lig' a₂ca₂'ia₂ jē₄ trigo

²⁴ Ca₂juá' ₂ Jesús táng₃ ca₂tsí' ₃ dsa₂ caun₂ jág₁ a₂jáng' ₅ lēi₄ siá' ₂:

—A₂lē₅ guei' ₅₄ i₂juig₃ ja₁gon₂ Diú₄ lia' lín₅ jan₂ dsa₂ i₂ca₂séi₂ ca₂ne₅₄ mīg₂ jon₂ dse₃ 'uē₃ quió' ₅; ²⁵ la₁ caun₂ 'uē₂ jme₁ma₂le₃güin₃ dsa₂ le₃jün₃, ca₂guan₃ jan₂ dsa₂ 'lín' ₅₄ i₂'iog₅₄ ca₂jmo₃ uig₅ dsí₅ ca₂gua' ₃ jon₂ ni₁nau₂ 'lig' ₅₄ jē₄ trigo, jaun₂ ca₂ñái' ₃ táng₃. ²⁶ Jme₁ca₂i₃cón₃ trigo, jme₁ma₂tio' ₅₄ mí' ₂ ně₃, jē₄ jaun₂ ca₂'ia₂ ni₁nau₂ 'lig' ₅₄ ján₃. ²⁷ Jaun₂ ně₃, dsa₂ i₂jme₂ti₃ ta₁ ne₄ juig₅₄ ja₁nau₂, ca₂i₁con₂ jág₁ ne₄ juig₅₄, ca₂juá' ₂: “Gui' ₅₄, ñon₁jua' ₅₄ jmá' ₃ ca₂ne₅₄ mīg₂ jon₃ dse₃ ca₂jñí' ₂ ja₁nau₂ quiáng' ₂ jme₁ca₂jñí' ₂? ¿'A₂ guē' ₂ lia' ca₂lē₃ a₂ca₂'ia₂ ni₁nau₂ 'lig' ₅₄ jaun₂ ně₃?” ²⁸ Jaun₂ ca₂ñag₃ dsa₂ juig₅₄: “An₁ jan₂ dsa₂ 'lín' ₅₄ i₂'iog₅₄ bá₄ ca₂jmo₃ a₂nē₅.” Jaun₂ ca₂ñag₃ dsa₂ i₂jme₂ti₃ ta₁ ne₅₄: “¿Tsa₁ 'niog' ₂ jua' ₅₄ co₂dsia₅ dsi₁guéi₁ jnia' ₅₄ ni₁nau₂ 'lig' ₅₄ jaun₂?” ²⁹ Jaun₂ ca₂ñag₃ táng₃ 'éi₂, ca₂juá' ₂: “Jan₂'ón₄. Tió' ₅ bá₄. Ia₁ con' ₂ tsá₃ ñó₅ ně₁jua' ₂ le₂jio₅ tag₄ trigo dse₃ bá₄ ca₂cang₅. ³⁰ Ja₂lín₃ guē₄ dse₃ jui₁le₁dsi₅₄ me' ₂ jaun₂, jui₁dsi₂cón₃ bá₄ co₂lē₅, ca₂lia' ₂ ca₂tē₂jmig₄ i₁ráu₃; jaun₂ guē₄ tsing₅₄ dsa₂ a₂dsi₃cang₅₄ de' ₂ le₂'uig₅₄ ni₁nau₂ 'lig' ₅₄, jaun₂ cág' ₃ jmá' ₃ co₂dsong' ₅₄ ia₁jaun₂ 'nei₃, dsí' ₂, jaun₂ guē₄ cág' ₃ trigo tó' ₃ caun₂ ja₁tó' ₃ dsi₂néi₂ quió' ₃.”

Jág₁ a₂jáng' lēi₄ jui₁lia' mīg₂ jon₂ quió' ₅ ni₁'ma₂ mostaza
(Marcos 4:30-32; Lucas 13:18-19)

³¹ Ca₂dsia₃ Jesús ján₃ caun₂ jág₁ a₂jáng' ₅ lēi₄ le₂la₂:

—Ja₁gon₂ Diú₄ guei' ₅₄ i₂juig₃, lē₅ jui₁lia' ₂ lē₅ mīg₂ jon₂ quió' ₅ ni₁'ma₂ mostaza[†] a₂ca₂jné₂ jan₂ dsa₂ ja₁nau₂ quió' ₅. ³² Dsón' ₂ mīg₂ jon₂ jaun₂ lē₅ mīg₂ a₂pí' ₁ tei₄ guē₄ 'ñio₅ lín₃ lia' ₂ con' ₂ guē₄ mīg₂ jon₂ siá' ₂; la₁ia₁ jē₄ma₂ca₂i₃cón₃ ně₃, lē₂ caun₂ ni₁'ma₂ pa₁ guē₄ lia' ₂ con' ₂ guē₄ rin' ₅₄ a₂cha₂ ja₁nau₂ quió' ₅, ca₂tē₂ i₁tan₅ lē₂ le₃tiaín' ₃ gu' ₂ nei' ₅₄.

Jág₁ jáng' lēi₄ jui₁lia' 'a₂ lia' rón' ₂ i₁ñí' ₄
(Lucas 13:20-21)

³³ Ca₂dsia₃ Jesús jág₁ a₂jáng' ₅ lēi₄ le₂la₂ táng₃:

—Lē₅ guei' ₅₄ i₂juig₃ ja₁gon₂ Diú₄, jui₁lia' ₂ lē₅ levadura a₂co₂güín' ₂ jan₂ 'io₅₄ quian' ₅₄ 'ni₅ tio' ₅₄ ñí₁ ca' ₅₄[‡] ti₁jui₁ harina, ia₁jaun₂ ron' ₂ dse₃ ca₂le₃jē₃ ti₁can₁.

Ta₁ a₂quí' jág₁ a₂jáng' lēi₄ a₂ca₂jme₃tag₅ Jesús
(Marcos 4:33-34)

[†] 13:31 mostaza: On₃jua' ₅₄ mi₁ján' ₅ a₂cuí' ₅ dsa₂ go₄ jniog₄; caun₂ ni₁'ma₂ dsón' ₂ jaun₂ a₂tē₂ ₂ tē₅sí₃ Brassica nigra.

[‡] 13:33 griego: “ni₅ tio' ₅₄ ñí₁ sata”, a₂tio' ₅₄ con' ₂ 22 litros le₂caun₂ ñí₁.

³⁴ Ca₂le₃jě₃ jág₁ la₂ ca₂juá'₂ Jesús ca₂tsí'₃ dsa₂ tē₂le₃ quian'₅₄ jág₁ a₂jáng'₅ léi₄; 'i₁co₂ráun₂ tsá₃ jme₁jme₂tag₂₃ jua'₅₄ tsá₃ tē₂le₃ quian'₅₄ jág₁ a₂jáng'₅ léi₄. ³⁵ Le₂nē₅ ca₂jmo₃ ia₁jaun₂ le₃ti₃ jág₁ a₂jme₁ma₂rē₂'ē₂ quió'₅ dsa₂ i₂jme₁'ē₂ jág₁ quián₅ Diú₄ ma₂líg'₂ jme₁ca₂juá'₂:

'Uē'₅₄ jniá₂ jág₁ 'o₃
tē₂le₃ quian'₅₄ jág₁ a₂jáng'₅ léi₄;
dsia₅₄ jniá₂ jág₁ a₂tsá₃ ma₂ca₂rē₃jniá₂
ca₂le₃ ca₂jmo₃ Diú₄ mi₂güig₃.Š

Dsia₅ Jesús lia'₂ tí₅ jág₁ 'e₂ jág₁ dsau₅ jáng'₅ jui₁lia'₂ ni₁nau₂ 'lig'₅₄ a₂ca₂'ia₂ jē₄ trigo

³⁶ Jaun₂ nē₃, ca₂o₃'ín₃ Jesús jin₄ dsa₂ juin₅ ja₁jme₁'ein₅₄ jaun₂ ca₂'í₃ táng₃ caun₂ dsi₂néi₂.
Jaun₂ ca₂o₃lén₂ táng₃ chi'₂ dsi₂guia₃-tín₂ ja₁coin₂, ca₂juá'₂:

—Dsia₄ lia'₂ tí₅ jág₁ 'e₂ jág₁ dsau₅ jáng'₅ jui₁lia'₂ jág₁ quió'₅ ni₁nau₂ 'lig'₅₄ a₂ca₂'ia₂ jē₄ trigo.

³⁷ Jaun₂ ca₂ṇag₃ Jesús:

—Dsa₂ i₂ṇi₅ séi₂ mīg₂ jon₂ dse₃, Jaun₅ dsa₂ mi₂güig₃ bá₄ 'éi₂; ³⁸ ja₁nau₂ guē'₂ lē₅ co₂'nió'₄ mi₂güig₃ la₂. Jon₂ dse₃ guē'₂ nē₃, co₂'nió'₄ lín₅ chi'₂-guein₂ i₂tion'₅₄ 'éi₃ quió'₅ Diú₄. Ni₁nau₂ 'lig'₅₄ guē'₂ nē₃, co₂'nió'₄ dsa₂ i₂tion'₅₄ jui₅ 'éi₃ quió'₅ i₂sē₃dsen₃. ³⁹ Dsa₂ 'lín'₅₄ i₂iog₅₄ i₂ca₂jné₂ jon₂ ni₁nau₂ 'lig'₅₄, i₂sē₃dsen₃ bá₄ 'éi₂. I₁ráu₃ guē'₂ nē₃, lē₅ jmīg₄ jē₁ca₂tó'₂; i₂ja₃lén₂ ja₃cag'₅₄ guē'₄ nē₃, ángeles quián₅ bá₄ Diú₄. ⁴⁰ Jaun₂, jui₁lia'₂ cág'₅ dsa₂ ni₁nau₂ 'lig'₅₄, a₂tó'₅ dsi₂si₂, le₂nē₅ bá₄ lē₂ ján₃ jmīg₄ jē₁ca₂tó'₂ mi₂güig₃ la₂. ⁴¹ Chen₃ Jaun₅ dsa₂ mi₂güig₃ ángeles quián₅ ia₁jaun₂ 'uín'₂ jē₄ quió'₅ dsa₂ quián₅ ca₂le₃jín₃ i₂jmo₅ qui₂sén'₂ rin'₅₄ a₂'no₂₃ dso₄, ca₂le₃jín₃ guē'₄ i₂ca₂rē₃chán₃ i₂tsá₃ ca₂tí₂ jui₅ 'lig'₅₄. ⁴² Jaun₂ to'₂ ja₁néi'₅ tsi'₄ si₂, ja₁tóin'₃ qui'₂-o₂₃, qui₃quíg'₃ jan₅₄ nē₃. ⁴³ Jaun₂, dsa₂ dsen₃ quián₅ Diú₄ guē'₂ dsi₂lein₅ dsi₂tian'₂ ja₁jniai₅₄ tág₅ jui₁lia'₂ jniá₂ 'iog₂ ja₁jmo₅ Diú₄ Jmei₂ 'éi₃. Chi₂jua'₂ 'ein₂ 'nia'₂ i₂dsi₅₄ rē₂gua₄, rē₂ nei₂ 'nia'₂.

Jág₁ a₂jáng'₅ léi₄ jui₁lia'₂ caun₂ a₂quen₅ guē'₄ 'ṇio₅ lín₃ a₂rē₂'ma₄

⁴⁴ 'Guei'₅₄ i₂juíg₃ ja₁gon₂ Diú₄ ján₃ bá₄ lē₅ jui₁lia'₂ caun₂ a₂quen₅ 'ṇio₅ lín₃ a₂rē₂'ma₄ rē₂'o₅ né₃ 'uē₃. La₁ jui₁lia'₂ jan₂ dsa₂ i₂dso'₂ nē₃, ja₁jaun₂ bá₄ 'ma₂₃ táng₃; ia₁ a₂ṇí₄ lē₃ 'io'₂ jén'₅, jaun₂ dsáin'₅ dsi₂'nág₂ ca₂le₃jě₃ 'e₂ a₂cha₂ quió'₅, jaun₂ lá₅ 'uē₃ jaun₂.

Jág₁ a₂jáng'₅ léi₄ jui₁lia'₂ mīg₂ perla a₂quen₅ lín₃

⁴⁵ 'Ján₃ bá₄ lē₅ guei'₅₄ i₂juíg₃ ja₁gon₂ Diú₄ jui₁lia'₂ lín₅ jan₂ dsa₂ i₂ṇi₅ 'no'₂ perlas jlá'₁ ia₁jaun₂ jmo₃ 'ma'₅₄. ⁴⁶ Jē₁ma₂ca₂dsó'₂ ca₂mīg₂ a₂quen₅ lín₃, dsáin'₅ dsi₂'nág₂ ca₂le₃jě₃ 'e₂ a₂cha₂ quió'₅, jaun₂ lá₅ mīg₂ jlá'₁ jaun₂.

Jág₁ a₂jáng'₅ léi₄ jui₁lia'₂ tsi₁ 'má₅

⁴⁷ 'Ján₃ bá₄ le₂jaun₂ lē₅ guei'₅₄ i₂juíg₃ ja₁gon₂ Diú₄ jui₁lia'₂ lē₅ caun₂ tsi₁ 'má₅ a₂táun₂ dsa₂ ne₄ jmí₁ṇí'₄ jaun₂ 'uín'₂ ca₂le₃jín₃ ne₅₄ já'₂. ⁴⁸ Jē₁ma₂ca₂rin₅ tsi₁ 'má₅, dsa₂ nē₃ 'ín₅ tē₂le₃ chei'₅₄ jmí₁ṇí'₄; jaun₂ quióin'₂ jmá'₃ lia'₂ ju₄ dsen₃ caun₂ ja₁to'₂, jaun₂ guaiain'₂ bá₄ jui₁lia'₂ já'₂ i₂tsá₃ dsen₃. ⁴⁹ Ján₃ bá₄ le₂jaun₂ lē₂ jmīg₄ jē₁ca₂tó'₂ mi₂güig₃ la₂: 'uín₃ ángeles ja₃jmó₂ jma₃quén₅ dsa₂ 'lín'₅₄ jē₄ quió'₅ dsa₂ dsen₃. ⁵⁰ jaun₂ toin'₂ i₂'lín'₅₄ ja₁néi'₅ tsi'₄ si₂ ja₁dsi₃toin'₅₄ qui'₂-o₂₃ qui₃quíg'₃ jan₅₄ nē₃."

Jui₁lia'₂ cu₄nióg₄ 'mí₂ quian'₅₄ cu₄nióg₄ gui'₅₄

⁵¹ Jaun₂ ca₂ṇí'₃ Jesús chi'₂ dsi₂guia₃-tín₂ quián₅:

—¿ṇíg'₂ 'nia'₂ ca₂le₃jě₃ jág₁ a₂juá'₅ jniá₂ nē₅?

Jaun₂ ca₂ṇag₃:

—Nág'₂ bá₄ jnia'₅₄.

⁵² Jaun₂ ca₂juá'₂ Jesús nē₃:

—Jui₁lia₂ jan₂ tē₅juá₅ i₂ma₂ca₂jme₃tin₅ 'a₂lia₂ lē₅ guei₅₄ i₂juíg₃ ja₁gon₂ Diú₄, lín₅ jui₁lia₂ lín₅ jan₂ juíg₅₄ tsi₁'né₅ i₂'uē₅ a₂quen₅ a₂te₁'i₁ le₁'ma₁ dsi₂néi₂ quió₅, lia₂ cosas 'mí₂lia₂ cosas gui₅₄ nē₃.

*'En₅₄ Jesús jē₄ juíg₂ Nazaret
(Marcos 6:1-6; Lucas 4:16-30)*

⁵³ Jme₁ca₂dsan₃ jme₂tin₅ Jesús dsa₂ jág₁ a₂jáng₅ léi₄ nē₅, ca₂o₃'iin₃ bá₄ ja₁jaun₂, nái₃ juíg₂ go₅₄. ⁵⁴ Jme₁ca₂dsiáin₃ jaun₂ nē₃, ca₂jme₃lióg₃ ca₂jme₃tiin₂₃ dsa₂ jág₁ dse₃ quió₅ Diú₄ dsi₂néi₂ guá₅ sinagoga quió₅ dsa₂ ja₁jaun₂, jaun₂ dsa₂ nē₃, ca₂i₃gó₃ dsi₅ jág₁ a₂ca₂nág₂, jaun₂ ca₂dsia₃:

—¿A₂já₄ ca₂i₁jme₁tin₅ i₂nē₅ jág₁ a₂ní₄ lē₃ tiin₂₃ nē₅? ¿'A₂ bá₄ lia₂ 'io₂₃ bí₂ a₂tiin₂ jmo₃ o₂dsain₂ nē₃? ⁵⁵ ¿On₁jua₅₄ i₂nē₅ ja₁ní₅₄ tē₅'má₃? ¿On₁jua₅₄ chog₅₄ i₂chen₂ María? ¿On₁jua₅₄ i₂nē₅ i₂lín₅ rin₅₄ Santiago* quian₅₄ Sē₄, Si₂mu₅₄, Judas nē₃? ⁵⁶ ¿On₁jua₅₄ jē₄ quián₂ jniog₄ la₂ tián₅ 'io₅₄ rin₅₄ nē₃? ¿'A₂ bá₄ já₄ já₅ a₂ní₄ lē₃ cuí₅ i₂nē₅ ca₂le₃jē₃ jág₁ a₂tiin₂ nē₅?

⁵⁷ Jaun₂ tsá₃ dse₃ ca₂tin₂ dsa₂ jág₁ jaun₂ quió₅, tsá₃ jui₅ ca₂tón₃ dsa₂. La₁ ca₂juá₂ Jesús:

—Ca₂le₂con₂ bá₄ juíg₂ siá₂ jme₂gan₃ dsa₂ jui₁lia₂ jan₂ dsa₂ i₂'ē₂ jág₁ quián₅ Diú₄; njia₅₄ lia₂ dsa₂ go₅₄ bá₄, tsá₃ jei₅₄, quian₅₄ dsa₂ dsi₂néi₂ quió₅ 'njog₅ nē₃.

⁵⁸ Jaun₂ tsá₃ ma₃léi₄ juē₂ lín₅₄ ca₂jmo₃ ja₁jaun₂, ia₁ tsá₃ guē₂ 'én₂ dsa₂.

14

*Ca₂jon₃ Juan₅₄ i₂chon₅ dsa₂ jmi₂g₂
(Marcos 6:14-29; Lucas 9:7-9)*

¹ Jmi₂g₄ jaun₂ Herodes, i₂jme₁lín₄ dsi₄má₂ 'uē₃ Galilea, ca₂rē₃ni₅ jág₁ a₂ní₅ Jesús le₂con₂ jaun₂. ² Jaun₂ dsia₂₃ tsí₅ dsa₂ i₂jme₂ti₃ ta₁ ne₅₄:

—Juan₅₄ i₂chon₅ dsa₂ jmi₂g₂ bá₄ nē₅ nj₅; ma₂ca₂jein₅₄ táng₃. 'Uig₅₄ jaun₂ 'io₂₃ jui₅bí₂ a₂jmo₂₃ léi₄ juē₂.

³ Ia₁ le₂npjá₅ ma₂ca₂nja₃ dsa₂ Juan₅₄ 'éi₃ quió₅ Herodes, ca₂'nei₂, ca₂to₂ dsa₂ né₃ 'má₃ nē₃. Ca₂jmo₃ le₂nē₅ 'uig₅₄ quió₄ 'io₅₄ Herodías i₂jme₁lē₄ dsa₂ mí₂ quián₅ Fe₂li₄ rin₅₄. ⁴ Ia₁ 'lióng₂ ráun₂ ma₂qui₂ma₂juá₂ Juan₅₄ ma₂qui₂ma₂tsí₃ Herodes: “Tsá₃ 'i₄ 'éi₃ cáng₄ 'io₅₄ nē₅.”

⁵ 'Uig₅₄ jág₁ jaun₂, jme₁'nio₃ Herodes nj₅ Juan₅₄, la₁ tsá₃ tiá₂ dsi₅, ia₁ jme₁gain₃ dsa₂; ia₁ ca₂le₃jín₃ bá₄ dsa₂ jme₁'éin₂ a₂lín₅ Juan₅₄ jan₂ dsa₂ i₂'ē₂ jág₁ quián₅ Diú₄. ⁶ La₁ caun₂ jmi₂g₄ nē₃, jme₁ca₂dsí₃ Herodes nj₅, ca₂o₃'ín₃ ja₁míg₄ 'io₅₄ Herodías, ca₂dsáin₂ jin₄ dsa₂ i₂té₁ jmi₂g₄. A₂nē₅ nē₃ ca₂tē₂ dsi₅ 'njio₅ lín₃ Herodes, ⁷ ca₂lia₂ ca₂cuē₃ jág₁ quió₅, ca₂le₃jē₃ 'iin₂₃ Diú₄ a₂cuē₃ 'e₂ caun₂ a₂mi₃ 'io₅₄ bē₅₄ 'éi₂. ⁸ Jaun₂ nē₃, jme₁ma₂nē₂tio₂ chog₅₄ jág₁, njó₃, ca₂juá₂:

—Cuē₄ mi₂dsi₄ Juan₅₄ i₂chon₅ dsa₂ jmi₂g₂, tē₂nē₃, 'i₄ 'njio₃ uing₅.*

⁹ Jaun₂ ca₂tá₂ 'lia₂ dsi₅ rag₅₄ jme₁ca₂nág₂ le₂nē₅, la₁ tsá₃ ma₃'e₂ nj₅ jmo₃, ia₁ ma₂nē₂cuē₃ jág₁ quió₅ a₂'iin₂₃ Diú₄, tē₃nag₅ dsa₂ i₂tion₅₄ dsi₂néi₂ ja₁niog₅ jmi₂g₄. ¹⁰ Jaun₂ lē₃, ca₂jmo₃ 'éi₃ a₂ca₂i₁qui₂ dsa₂ mi₂dsi₄ Juan₅₄ dsi₂néi₂ tsi₁'né₅ 'má₃. ¹¹ Dsi₂jui₅ jaun₂ bá₄ ca₂o₃can₅ dsa₂ mi₂dsi₄ Juan₅₄ rē₂'i₄ 'njio₃ uing₅,† jaun₂ ca₂cuē₃ 'io₅₄ bē₅₄ 'éi₂, jaun₂ 'éi₂ nē₃ ca₂i₁con₂ ne₄ chog₅₄.

¹² Jme₁co₂lág₂ jaun₂ nē₃, ca₂o₃lén₂ dsa₂ i₂jme₁quian₅₄ Juan₅₄, jaun₂ ca₂tág₃ 'lag₄ 'éi₂ ca₂i₁'ó₄. Jaun₂ guē₄ ca₂i₁lein₅₄ ca₂i₁chí₄ Jesús.

*Ca₂jme₃tan₅₄ Jesús 'njá₂ mei₅ dsa₂
(Marcos 6:30-44; Lucas 9:10-17; Juan 6:1-14)*

* **13:55** Santiago: ján₃ bá₄ chein₂ Jacobo.

* **14:8** lit. “rē₂dsí₂ ne₄ caun₂ ni₁ní₁ charola.”

† **14:11** lit. “rē₂dsí₂ ne₄ caun₂ ni₁ní₁ charola.”

¹³ Jme₁ca₂rë₃ñi₅ Jesús jág₁ nē₅, ca₂o₃ 'iñ₃ ja₁jme₁'ein₅₄, ca₂'í₃ 'ñi₃ caun₂ tsi₁mu₅, a₂jme₁i₂'i₅ caun₂ ja₁co₂'ñiog₅. La₁ juin₅ dsa₂ juig₂ te₁'i₁ con₂ ma₂quián₅ jaun₂ ca₂rë₃ñi₅, jaun₂ ca₂'uiñ₂, ca₂i₁lein₅₄ ca₂i₁'ein₂₃ Jesús jui₅ tag₅₄. ¹⁴ Jme₁ca₂dsi₃óg₃ Jesús le₂'ño₅₄ jmi₂g₂, ca₂jág₃ juin₅ lin₃ dsa₂ ma₂tión₂ le₁jñiog₅. Jaun₂ ca₂dsia₃ ñé₂ dsí₅ dsa₂ 'éi₂, ca₂jme₃'lióin₂ dsa₂ i₂jme₁qui₂le₁dso₅₄ quián₅ dsa₂. ¹⁵ Të₂le₃ ca₂'láu₂ jaun₂, ca₂o₃lén₂ chi₂ dsi₂guia₃-tín₂ ca₂juá₂' ca₂tsí₃ Jesús:

—Ca₂'láu₂ bá₄ la₂, ton₂' caun₂ ja₁co₂'ñiog₅ bá₄ la₂ ja₁tsá₃ 'ein₂ tián₅. 'Ei₂' jág₁ dsa₂ ia₁jaun₂ dsi₃lén₂ le₂con₂ juig₂ ma₂quián₅ nē₅, qui₂dsi₃lia₅ ca₂la₂ a₂gué₃.

¹⁶ Jaun₂ ca₂ñag₃ Jesús:

—Tsá₃ tion₅₄; cuë₅₄ 'nia₂' dsa₂ guiong₅₄ a₂gué₃.

¹⁷ Jaun₂ ca₂ñag₃ chi₂ dsi₂guia₃-tín₂:

—Tsá₃ 'e₂ a₂siá₂' cha₂ ja₁lá₃, jñia₅₄ lia₂' 'ñiá₂ i₁ñí₄ bá₄, quian₅₄ on₃ i₁ju₁.

¹⁸ Jaun₂ ca₂juá₂' táng₃ Jesús:

—O₂quian₂ 'nia₂' ja₁lá₃.

¹⁹ Jaun₂ nē₃, ca₂tsí₃' dsa₂ a₂tiain₃' ne₄ 'uë₃. Jaun₂ ca₂jñá₃' ta₁'ñiá₂ i₁ñí₄' quian₅₄ le₃on₃ i₁ju₁, jaun₂ ca₂chóg₃' ne₅₄ guei₅₄ i₂juí₃, ca₂cuë₃' ti₁'mag₄ Diú₄. Jaun₂ ca₂dsioin₃ le₂caun₂ le₂caun₂ i₁ñí₄, ca₂cuë₃' chi₂ dsi₂guia₃-tín₂. Jaun₂ 'éi₂ guë₄ nē₃ ca₂dsi₃ó₃ jin₄ dsa₂. ²⁰ Ca₂le₃jín₃ bá₄ dsa₂ ca₂guë₃' ca₂lia₂' ca₂'ág₃' dsí₅. Jme₁ca₂lë₃ guë₅, jaun₂ ca₂cág₃' bá₄ guë₄ guia₃-tín₂ tsi₁mi₂' 'nau₅₄ a₂ca₂chóng₃. ²¹ Dsa₂ i₂ca₂guë₃' 'éi₂ jme₁tén₄' 'ñiá₂ mei₅ jmá₃' lia₂' dsa₂ ñe₂, i₂sián₂' bá₄ dsa₂ mí₂, chi₂' nē₃.

Ca₂ñi₃ Jesús ne₄ jmi₁ñí₄

(Marcos 6:45-52; Juan 6:16-21)

²² Dsi₂jui₅ jme₁ca₂lë₃ jaun₂, ca₂jmo₃ Jesús 'éi₃ a₂tón₃' chi₂ dsi₂guia₃-tín₂ 'ñi₃ó₃ tsi₁mu₅, a₂ñí₃ de₂' 'éi₂ jmi₂g₂ le₁jñiá₄ lia₂' con₂ guë₄ 'ñiog₅ a₂dsi₃lein₃, tē₁lia₂' 'í₂ 'ñiog₅ 'ág₅ jág₁ dsa₂. ²³ Jme₁ca₂lë₃ 'ág₅ jág₁ dsa₂, ca₂ñó₃ jui₅ má₂' i₁chi₂i₁lein₄ Diú₄. Ca₂tó₂' nei₂ jme₁ca₂tó₂', jaun₂ bá₄ 'ein₅₄ 'ñiog₅. ²⁴ Tsi₁mu₅ a₂tion₅₄' chi₂ dsi₂guia₃-tín₂ nē₃, jme₁ma₂dsi₃óg₃' dsi₂jo₂ jmi₁ñí₄. Jmi₂g₂ nē₃, qui₂jñá₅' tiá₂ lin₃ dso₂' tsi₁mu₅, ia₁ 'ei₅ tiá₂ dsí₂ 'liog₂' le₃ca₃'. ²⁵ Le₁né₃ tē₂le₃ ca₂jñia₃ jaun₂, ca₂jme₃quián₃ Jesús ja₁ñáu₄' tsi₁mu₅ tioin₅₄'. ²⁶ Jaun₂ nē₃ jme₁ca₂jág₂' chi₂ dsi₂guia₃-tín₂ jóin₅ ñi₂₃ ne₄ jmi₁ñí₄, ca₂juñ₂' ca₂tóin₂' co₂mi₅₄' ca₂guió₃' ca₂juá₂':

—jme₂dsí₂' lin₅₄'† bá₄ ó₃!

²⁷ La₁ dsi₂jui₅ bá₄ ca₂juá₂' Jesús nē₃:

—jDsiá₄ 'nia₂' tiá₂ 'au₂'! jñiá₂ bá₄ la₂; tsá₃ lë₁juín₂' 'nia₂'!

²⁸ Jaun₂ Pe₄ nē₃ ca₂ñag₃:

—Te₁gui₅₄, chi₂jua₂' 'ne₂ nē₅, jmo₄ 'éi₃ a₂nei₅₄ ñi₅₄ ne₄ jmi₂g₂ a₂dsi₃óg₄ tē₂ ja₁chéng₄' nē₅.

²⁹ —Ñia₅ jaun₂ —ca₂juá₂'.

Jaun₂ ca₂sión₃ Pe₄ 'ñi₃ó₃ tsi₁mu₅, ca₂ñi₃ ne₄ jmi₂g₂ jme₁ñó₄ ja₁chén₄' Jesús. ³⁰ La₁ jme₁ca₂tón₃' jui₅ ca₂jág₃' a₂ lia₂' 'ei₅ tiá₂ dsí₂, ca₂ja₃gó₃' dsí₅, jaun₂ guë₄ ca₂rë₃lióg₃ ca₂i₃'óin₅ jmi₂g₂. Ca₂guió₃' tiá₂, ca₂juá₂':

—jLio₄ jñiá₂, Te₁gui₅₄!

³¹ Dsi₂jui₅ jaun₂ ca₂néi₃' Jesús gu₂, ca₂tín₂ quió₅' Pe₄, jaun₂ juá₂':

—j'E₂ guë₄ ca₂juig₄' 'én₂' 'ne₂! j'E₂ lë₃ nē₂' 'éi₂' caun₂-tín₃' 'au₂'?

³² Jme₁ca₂i₃toin₅₄' 'ñi₃ó₃ tsi₁mu₅, ca₂'ág₂ táng₃ tei₄ dsí₂. ³³ Jaun₂ i₂jme₁tion₅₄' 'ñi₃ó₃ tsi₁mu₅ ca₂jmo₃ i₁'áin₃ ne₄ Jesús, ca₂jme₃juag₂'. Jaun₂ ca₂juá₂':

—Dsón₂' bá₄ líng₅ Ja₁ñi₅₄' Diú₄.

† 14:26 griego: fantasma.

Ca₂jme₃'lío₂ Jesús dsa₂ dso'₅₄ 'uë₃ Genesaret
(Marcos 6:53-56)

³⁴ A₂ca₂'ain₂ jmi₂g₂ jaun₂, ca₂dsi₃lein₃ 'uë₃ Genesaret. ³⁵ Dsa₂ chan₂ ja₁jaun₂ ně₃, jme₁ca₂rē₃cuin₂₃ Jesús, jaun₂ ca₂i₁nioi₁₂ ca₂i₁can₅ jág₁ ca₂le₃jě₃ juig₂ te₁'i₁ le₃lág'₃ jaun₂, jaun₂ ca₂o₃jnia₃ dsa₂ ca₂le₃jín₃ dsa₂ i₂jme₁le₁dso'₅₄ ja₁'en₅₄ Jesús. ³⁶ Jaun₂ ca₂mi₃ tsá₃ a₂nag₅₄ o₁jnia'₅₄ 'ág₃ tag₄ tsin'₅₄ bá₄ cuë₃ jmi₂g₄ ní'₃ dsa₂ i₂le₁dso'₅₄; jaun₂ ně₃, ca₂le₃jín₃ dsa₂ dso'₅₄ i₂qui₂ca₂ní'₃ tsin'₅₄ Jesús, ca₂'lío₂ co₂nei'₅₄ dso₄ a₂jme₁lín₄.

15

Jme₂tag₅ Jesús jui₁lia'₂ 'e₂ jaun₂ a₂jmo₅ a₂rě₂'ño₅ dsa₂
(Marcos 7:1-23)

¹ Jaun₂ ně₃ ca₂o₃lén₂ i₂lín₅₄ dsa₂ fariseos quian'₅₄ tē₅juá'₅ i₂ja₂lén₂ Jerusalén, ca₂jme₃quián₃ ja₁con₂ Jesús, jaun₂ ca₂ḡag₃:

² —¿'E₂ lě₃ tsá₃ jme₂tí₃ dsa₂ i₂quiang'₅₄ tag₄ 'éi'₃ a₂chí'₅ quió'₅ dsa₂ can'₅₄? Tsá₃ rang₂₃ gu₂ né'₃ guě₄ a₂guě'₃.

³ Jaun₂ ca₂ḡag₃ Jesús:

—'Nia'₂ guě'₂ ně₃, ¿'E₂ lě₃ qui₂tsó'₂ 'nia'₂ 'éi'₃ quió'₅ Diú₄ a₂jme₂tí'₁ 'nia'₂ jmá'₃ lia'₂ tag₄ quián'₂ 'nia'₂ guiong'₅₄? ⁴ Ia₁ ca₂juá'₂ Diú₄: “Jme₁gan₃ 'nia'₂ chog'₂-ḡéi'₅.”* Ján₃ bá₄ ca₂juá'₂: “I₂tě₂'on'₂ jmei₂, o₃ i₂tě₃'on'₂ chog₅₄, ca₂tíin₂ jóin₂.”† ⁵ La₁ 'nia'₂ ně₃ jme₂tíng'₁ dsa₂, ně₁'ein₂ cha₂ quió'₅ a₂lě₂ le₃jme₃'oin₅₄ chog₅₄-jmei₂, la₁ lag₃ ně₁ca₂tsí'₃ dsa₂ chog₅₄-jmei₂: “A₂ma₂rě₂jen'₅₄ ne₄ Diú₄ bá₄ a₂jaun₂”, ⁶ jaun₂ ně₃, jme₂tín'₂ 'nia'₂ dsa₂ 'éi'₃ a₂tsá₃ ma₃tion₅₄ 'nió'₅ jme₃'on₅₄ dsa₂ chog₅₄-jmei₂. O₄quió'₄ tag₄ quián'₂ 'nia'₂ guiong'₅₄ bá₄ ma₂ja₂nó'₅ 'nia'₂ jmo'₂ tsá₃ ma₃'e₂ quen₅ 'éi'₃ quió'₅ Diú₄. ⁷ ¡'Nia'₂ dsa₂ i₂lě₁jmo₅-dsáu₅ o₁ne₁ a₂jmo'₂ 'nia'₂ a₂jme₂juíng'₁ Diú₄ quian'₅₄ tag₄ quiáng'₂ ja₂nóg'₅! Dsón'₂ bá₄ dsau₅ a₂ca₂juá'₂ Isaías i₂jme₁'ě₂ jág₁ quián₅ Diú₄, jme₁ca₂tíong₃ ne₄ si₂, 'iin₂₃ 'nia'₂, jme₁ca₂juá'₂:

⁸ Dsa₂ juig₂ la₂ jme₂juag'₂ jniá₂
jmá'₃ lia'₂ quian'₅₄ mi₂'o₅₄ bá₄,

la₁ia₁ uíng₂ bá₄ 'i₄ dsí₅

ja₁con₂ jniá₂.

⁹ La₁ tsá₃ 'e₂ ta₁ tí₄ a₂jme₂juag'₂,

ia₁ jág₁ a₂jme₂tag₂₃

jmá'₃ 'éi'₃ quió'₅ dsa₂ mi₂güíng₃ bá₄ jaun₂.‡

¹⁰ Jaun₂ ca₂tě'₃ Jesús dsa₂ juin₅ i₂ma₂quiain'₅₄ a₂jme₃quián₃ 'éi₂ ja₁coin₂, jaun₂ ca₂juá'₂:

—Rě₂ nei₂ 'nia'₂ a₂la₂; jui₁le₂ḡí'₂ 'nia'₂: ¹¹ Jui₁lia'₂ a₂dsi₂to'₅₄ jui₅ mi₂'o₄ dsa₂, on₃jua'₅₄ a₂jaun₂ jmo₅ a₂rě₃'iog₅ jme₂dsí₂ quió'₅ dsa₂. Ca₂le₃jě₃ a₂'uë₂ jui₅ mi₂'o₄ dsa₂, a₂jaun₂ bá₄ jmo₅ a₂rě₂'iog₅ jme₂dsí₂ quió'₅ dsa₂.

¹² Jaun₂ ca₂jme₃quián₃ chi'₂ dsi₂guia₃-tín₂, jaun₂ ca₂juá'₂:

—¿Tsa₁ ḡi'₅₄, 'ño₅ lín₃ tsá₃ dse₃ ca₂tín₂ dsa₂ fariseos jág₁ a₂ně₂chei'₅₄?

¹³ La₁ ca₂ḡag₃ Jesús:

—Ca₂le₃jě₃ ni₁'ma₂ a₂tsá₃ ca₂chéin₃ Nē'₃ jniá₂ i₂guá₅ guei'₅₄ i₂juíng₃, guéi₃ le₂jio₅ jmú₄.

¹⁴ O₁lě₄ me'₂; ia₁ dsa₂ ten₄ bá₄ ně₅ quian₅ ne₄ jui₅.§ Ia₁ ně₁jua'₂ jan₂ dsa₂ ten₄ njiai₂₃ dsa₂ ten₄ riin'₅₄, le₃oin₃ bá₄ tsi₃séin'₂ siá₅.

¹⁵ Jaun₂ ca₂juá'₂ Pe₄ ca₂tsí'₃ Jesús:

—Jua'₅₄ 'e₂ jág₁ dsau₅ jáng'₅ jág₁ ně₅.

¹⁶ Jaun₂ ca₂ḡag₃ Jesús:

* **15:4** Éxodo 20:12; Deuteronomio 5:16. † **15:4** Éxodo 21:17; Levítico 20:9. ‡ **15:9** Isaías 29:13. § **15:14** A₂lín₅₄ chog₅₄ si₂ juá'₂: “ia₁ i₂jnia₅ dsa₂ ten₄ bá₄ ně₅.”

—ǂján₃ bá₄ tsá₃ ǂí'₂ 'au'₂ 'nia'₂? ¹⁷ Ia₁, ǂtsa₁ ǂí'₂ 'nia'₂, jui₁lia'₂ ca₂le₃jě₃ a₂dsi₂to'₅₄ jui₅ rě₂'o₄ dsa₂, dsi₂lé₂ rě₂tú'₅ bá₄ dsa₂, cang₂ jaun₂ 'uě₂ táng₃? ¹⁸ La₁ jui₁lia'₂ a₂'uě₂ jui₅ mi₂'o₄ dsa₂, a₂jaun₂ a₂já₅ tě₂dsi₅ bá₄ dsa₂. A₂jaun₂ bá₄ jmo₅ a₂rě₂'iog₅ jme₂dsi₂ quió'₅ dsa₂. ¹⁹ Ia₁ tě₂dsi₅ bá₄ dsa₂ já₅ ca₂le₃jě₃ a₂'lig'₅₄ a₂dsi₂jio₅ dsí₅: jui₁lia'₂ a₂jme₂dsian₅ dsa₂ dsa₂ mi₂güig₃ riin'₅₄: jui₁lia'₂ a₂nió'₅ dsa₂ já₅ quian'₅₄ dsa₂ i₂tsá₃ lín₅ dsi₂i₂gu₂, jui₁lia'₂ a₂lě₁i₂nio₄ dsa₂ tiáin'₅, tsá₃ gu₂ le₁jen'₂; jui₁lia'₂ a₂'ang₅ dsa₂; jui₁lia'₂ a₂nau₂ dsa₂ a₂jáng'₅ já₅ dsau₅ a₂jmo₂₃ tě₂jín₁; jui₁lia'₂ a₂jmo₅ dsa₂ a₂lě₁bóin'₂ dso₄ riin'₅₄ ně₃. ²⁰ Ca₂le₃jě₃ a₂ně₅ bá₄ jmo₅ a₂rě₂'iog₅ jme₂dsi₂ quió'₅ dsa₂; la₁ a₂guě'₅ dsa₂ tě₃ tsá₃ ma₂ně₂jme₃ti₃ 'éi'₃ tag₄ a₂chí'₅ a₂rang₂₃ gu₂, on₃jua'₅₄ a₂jaun₂ jmo₅ a₂rě₂'nio₅ dsa₂.

Jan₂ i₁ná₃ i₂ca₂rě₃'én₂ tě₂le₃ quió'₅ Jesús
(Marcos 7:24-30)

²¹ O₂'ín₃ bá₄ Jesús ja₁jaun₂, ca₂ǂó₃ táng₃ jui₅ juig₂ Tiro quian'₅₄ Sidón. ²² Ja₁jaun₂ jan₂ 'io₅₄ cananea i₂guá₅ jě₄ juig₂ jaun₂, ca₂guain₃ con₂ Jesús 'o₂₃ co₂mi'₅₄, juá'₂ tiá₂:

—ǂTe₁gui'₅₄, jaun₅ David, dsia₄ ǂéi₂ 'au'₂ jniá₂! Jan₂ chí'₂ ja₁míg₄ jniá₂ 'en₅₄ jan₂ jme₂dsi₂ je₂na'₅₄ tě₂dsi₅, 'nio₅ lín₃ ǂág₅ uig₅.

²³ La₁ tsá₃ 'e₂ ca₂ǂag₃ Jesús 'i₁caun₂. Jaun₂ o₃lén₂ chí'₂ dsi₂guia₃-tín₂ quiáin₅, jaun₂ ca₂juá'₂:

—Chei'₅₄ i₂ně₅ jui₁dsiain'₅₄, ia₁ já₅ guió'₅ co₂mi'₅₄ chí₁co'₅₄ quián₂ jniog₄.

²⁴ Jaun₂ ca₂ǂag₃ Jesús ca₂tsí'₃ 'io₅₄ 'éi₂:

—Ca₂chei₃ Diú₄ jniá₂ a₂guio₃ jmá'₃ lia'₂ ca₂ne₅₄ o₄quió'₄ já'₂ cha'₂ i₂ma₂i₂cón'₅ chan₂ juig₂ Israel.

²⁵ La₁ caun₂ já₅ bá₄ 'io₅₄ 'éi₂, ca₂chí₃jné₃ ne₄ Jesús, ca₂juá'₂:

—ǂTe₁gui'₅₄, jme₁'o₄ jniá₂!

²⁶ Jaun₂ ca₂ǂag₃ Jesús:

—Tsá₃ dsi₂ten₅₄ jua'₅₄ a₂jǂiá'₄ jniá₂ i₁ǂí'₄ quió'₅ chí'₂-guein₂ a₂cuě₄ dsi₂jí'₅₄.

²⁷ Jaun₂ ca₂ǂag₃ táng₃ 'io₅₄:

—Dsón'₂ bá₄ dsau₅, Te₁gui'₅₄; la₁ cá₅' bá₄ dsi₂jí'₅₄ ni₁jne₁ a₂tsi₂séi'₂ ne₄ mesa ja₁guě'₅ juig₅₄.

²⁸ Jaun₂ ca₂ǂag₃ táng₃ Jesús:

—ǂ'E₂ guě₄ tson₂ 'én'₂ 'ne₂, dsa₂ mí₂! Jui₁le₅₄ bá₄ lia'₂ con'₂ lě₅ a₂mi'₂ ně₅.

Dsi₂jui₅ le₂jaun₂ bá₄ ca₂'lón₂ chí'₂ ja₁míg₄ 'io₅₄ 'éi₂.

Ca₂jme₃'lión₂ Jesús juin₅ dsa₂ dso'₅₄

²⁹ O₂'ín₃ bá₄ táng₃ Jesús ja₁jaun₂, jaun₂ ca₂ǂi₃ jui₅ chei'₅₄ jmi₁ǂí'₄ Galilea; jaun₂ ca₂uig₂ jui₅ ne₄ má'₂, jaun₂ ca₂guá₂ jme₁dsióg₃. ³⁰ Juin₅ dsa₂ ca₂dsi₃lén₂ táng₃ cau₅ quió'₅ ja₁jaun₂, le₁jǂiá'₂₃ dsa₂ guian'₅₄, dsa₂ i₂le₁já'₂ gu₂-tag₄, dsa₂ ten₄, dsa₂ con₄, juin₅ guě₄ dsa₂ sián'₂ i₂jme₁le₁dso'₅₄ ně₃. Qui₂ca₂dsiog₃ ja₁chén'₄ Jesús, jaun₂ ca₂jme₃'lió₂ 'éi₂. ³¹ Jaun₂ guě₄ ca₂i₃gó'₃ dsí₅ dsa₂ jme₁ca₂tě₂ ne₅₄ ma₂dsia₅ já₅ dsa₂ i₂jme₁con₄, ma₂i₂nio₄ dsa₂ i₂jme₁qui₂le₁já'₂ quió'₅, quian'₅₄ dsa₂ guian'₅₄ ně₃; dsa₂ ten₄ ně₃ qui₂ca₂jág₃. Jaun₂ ca₂tón'₂ dsa₂ ca₂jme₃juin₂ Diú₄ quián₅ dsa₂ Israel.

Ca₂jme₃tan₅₄ Jesús quén₂ mei₅ dsa₂
(Marcos 8:1-10)

³² Jaun₂ ca₂tě₃ Jesús chí'₂ dsi₂guia₃-tín₂ quiáin₅, jaun₂ ca₂juá'₂:

—ǂNio₅ ǂéi₂ dsi₃jǂng₅₄ dsa₂ ně₅, ia₁ ma₂'ni₅ jmi₄gioin'₅₄ ja₁lá₃ quian'₅₄ jniá₂, 'i₁ca₂juig₄ tsá₃ 'e₂ cha₂ a₂guě'₃ ja₁lá₃. Jaun₂ ně₃, tsá₃ 'nio₃ jniá₂ dsiain'₅₄ tě₃ tsá₃ ma₂ně₂guě'₃, ia₁ con'₂ tsá₃ ǂó₅ ně₁ca₂'uáin₂ le₂'i₄ jui₅.

³³ Jaun₂ ca₂juá'₂ chí'₂ dsi₂guia₃-tín₂ quiáin₅:

—ǂA₂já'₄ lě₂ dsi₁liá₄ i₁ǂí'₄ ja₁co₂'ǂiog₅ la₂ a₂guě'₃ dsa₂ juin₅ ně₅?

³⁴ Jaun₂ ca₂ǂag₃ Jesús ca₂ǂí'₃ chí'₂ dsi₂guia₃-tín₂:

—ǂJe₂liá'₂ i₁ǂí'₄ 'i₄ guě₄ quián'₂ 'nia'₂?

Jaun₂ ca₂ŋag₃ 'éi₂:

—Guio₃ i₁ŋí'₄ bá₄ 'i₄, quian'₅₄ guë'₂ on₃-ún₂ ju₄ pí'₁.

³⁵ Jaun₂ ca₂jmo₃ 'éi'₃ a₂tian'₃ dsa₂ 'uë₃, ³⁶ jaun₂ ca₂jña'₃ ta₁guio₃ i₁ŋí'₄ quian'₅₄ i₁ju₁ ně₃, ca₂cuë'₃ ti₁'mag'₄ Diú₄. Jaun₂ ca₂dsioin₃ le₂caun₂ le₂caun₂ i₁ŋí'₄, ca₂cuë'₃ chi'₂ dsi₂guia₃-tín₂ quiáin₅, jaun₂ 'éi₂ guë'₄ ně₃ ca₂dsio'₃ jin₄ dsa₂. ³⁷ Ca₂le₃jín₃ bá₄ dsa₂ 'éi₂ ca₂guë'₃ ca₂lia'₂ ca₂'ág'₃ dsi₅. Jaun₂ ca₂cág'₃ chi'₂ dsi₂guia₃-tín₂ guio₃ tsi₁mi'₂ jmá'₃ ni₁jne₁ a₂ca₂chóng₃. ³⁸ Dsa₂ i₂ca₂guë'₃ 'éi₂ jme₁lě₂ quén₂ mei₅ jmá'₃ dsa₂ ŋe'₂, i₂sián'₂ bá₄ dsa₂ mí₂ quian'₅₄ chi'₂ ně₃. ³⁹ Jme₁ca₂lě₃ jaun₂, ca₂'ág'₃ Jesús jág₁ dsa₂, jaun₂ ca₂'í₃ 'ŋió'₃ tsi₁mu₅ a₂ŋó₃ jui₅ jě₄ jui₂g₂ Magadán.*

16

Dsa₂ fariseos quian'₅₄ dsa₂ saduceos mi₂₃ ne₄ Jesús a₂jmo₃ 'éi₂ caun₂ léi₄ juë'₂

(Marcos 8:11-13; Lucas 12:54-56)

¹ Dsa₂ fariseos quian'₅₄ dsa₂ saduceos i₁lein₅₄ i₁jün₅₄ Jesús, ia₁ a₂'no'₂ jui₅ 'a₂ lia'₂ tiain'₃ Jesús quian'₅₄ jág₁; jaun₂ ca₂mi₃ a₂jmo₃ 'éi₂ caun₂ léi₄ a₂já₅ guei'₅₄ i₂juig₃.

² La₁ ca₂ŋag₃ Jesús:

—['Nia'₂ ting'₂ jág'₁ tē₂le₃ ca₂'láu₂ jme₁lin₅₄, juá'₂ 'nia'₂: “Dse₃ bá₄ 'ei₅ táng₃ 'ióg₃, ia₁ guéin₂ bá₄ jniá₂ guei'₅₄ mi₂₃güig₃.” ³ Ján₃ bá₄ juá'₂ 'nia'₂ jme₁lin₅₄ jui₁lia'₂ tē₃ o₃'iog₂, “Tiá'₃ jmí₅ ně₃, ia₁ guéin₂ jniá₂ jnei₅ tio'₅₄ guei'₅₄.” Ni'₅₄ bá₄ 'nia'₂ 'a₂ lia'₂ jua'₅₄ 'e₂ jein₅ jág₁ 'a₂ lia'₂ jniá₂ guei'₅₄, jñia'₅₄ lia'₂ 'e₂ a₂tē₅ ne'₅₄ 'nia'₂ jmig₄ ně₃ bá₄, tsá₃ ŋi'₅₄ 'nia'₂ 'e₂ jein₅ jág₁.] * ⁴ Tsi₁jon₂ dsa₂ 'lin'₅₄ i₂tsá₃ nag₃ la₂, mi₂₃ a₂jmo₅₄ jniá₂ caun₂ léi₄ a₂o₂dsang₂. La₁ 'i₁caun₂ léi₄ siá'₂ tsá₃ 'e₂ ŋe'₂ 'nia'₂, jñia'₅₄ lia'₂ caun₂ léi₄ jui₁lia'₂ a₂ca₂i₃ŋí₂ Jonás bá₄.

Jaun₂ ca₂tén₂ bá₄ Jesús dsa₂ 'éi₂, ca₂ŋái'₃.

Levadura quió'₅ dsa₂ fariseos

(Marcos 8:14-21)

⁵ Jme₁ca₂'an₂ chi'₂ dsi₂guia₃-tín₂ jmi₁ŋí'₄, ca₂dsáu'₃ dsi₅ tsá₃ 'e₂ i₁ŋí'₄ le₁quian₅ guë'₃.

⁶ Jaun₂ ca₂juá'₂ Jesús:

—Jmo₄ 'nia'₂ 'í₁ jaun₂ tsá₃ le₃tín₂ 'nia'₂ juá'₅ a₂jme₂tag₅ dsa₂ fariseos, dsa₂ saduceos ně₃. Ia₁ juá'₅ quió'₅ lě₅ lia'₂ lě₅ jui₁ levadura.

⁷ Jaun₂ ca₂dsia₃ chi'₂ dsi₂guia₃-tín₂ jág₁ tsí'₅ riin'₅₄:

—Ia₁ tsá₃ i₁ŋí'₄ le₁quian₁ bá₄ jniog₄, jaun₂ bá₄ juá'₂ le₂ně₅.

⁸ La₁ ca₂rě₃lí'₄ bá₄ Jesús 'e₂ jág₁ dsia₂₃, jaun₂ ca₂juá'₂:

—¿'E₂ lě₃ juá'₂ 'nia'₂ tsá₃ le₁quian'₄ i₁ŋí'₄? ¡'E₂ guë'₄ ca₂juig₄ 'én'₂ 'nia'₂! ⁹ ¿'E₂? ¿Tsa₁ ma₂ca₂rě₃ŋí'₂ 'nia'₂? ¿Tsa₁ ma₂dsá₂ 'au'₂ 'nia'₂ lia'₂ con'₂ ca₂dsio'₄ jniá₂ 'ñiá₂ i₁ŋí'₄ ca₂lin₅ quió'₅ 'ñiá₂ mei₅ dsa₂, on₃ guë'₂ dsá₂ 'au'₂ 'nia'₂ je₂liá'₂ tsi₁mi'₂ 'nau₅₄ a₂ca₂cag'₅₄ táng₃ 'nia'₂? ¹⁰ ¿On₃ guë'₂ dsá₂ 'au'₂ 'nia'₂ lia'₂ con'₂ ca₂dsio'₄ jniá₂ guio₃ i₁ŋí'₄ ca₂lin₅ quió'₅ quén₂ mei₅ dsa₂, on₃ guë'₂ dsá₂ 'au'₂ 'nia'₂ je₂liá'₂ tsi₁mi'₂ 'nau₅₄ a₂ca₂chóng₂ a₂ca₂cag'₅₄ 'nia'₂ ně₃? ¹¹ ¿'A₂ bá₄ lia'₂ ŋí₄ tsá₃ rě₂len'₅₄ 'nia'₂? On₃ jua'₅₄ i₁ŋí'₄ 'ě₅ jniá₂ jme₁ně₂juá'₃ jmo₄ 'nia'₂ 'í₁ quian'₅₄ levadura quió'₅ dsa₂ fariseos quian'₅₄ dsa₂ saduceos.

¹² Jaun₂ guë'₄ ca₂ŋí'₂ dsi₅ 'éi₂ a₂'ě₅ Jesús jaun₂, on₃ jua'₅₄ a₂ca₂tín₂ jmo₃ 'í₁ jui₁lia'₂ jui₁ levadura a₂cón'₂ dsa₂ i₁ŋí'₄, a₂ca₂tín₂ jmo₃ 'í₁ 'a₂ lia'₂ lě₅ juá'₅ a₂jme₂tag₅ dsa₂ fariseos quian'₅₄ dsa₂ saduceos bá₄.

Ca₂juá'₂ Pe₄ lia'₂ tí₅ jág₁ dsau₅ a₂lín₅ Jesús dsa₂ I₂rě₂'ín₁ quián₅ Diú₄

(Marcos 8:27-30; Lucas 9:18-21)

* **15:39** o₃, Magdala, ja₁chan₂ María Magdalena.

* **16:3** A₂lin₅₄ chog₅₄ si₂ gui'₅₄ guë'₄ tsá₃ chi₁ton₅ jág₁ a₂tio'₅₄ 'ŋió'₃

corchetes [le₂la₂].

13 Jme₁ca₂dsióg₃ Jesús ma₂quián₅ juig₂ Cesarea ja₁tén₄ Filipo, jaun₂ ca₂ŋí' ₃ chi' ₂ dsi₂guia₃-tín₂ quiáin₅:

—¿'Ein₂ lín₅ Jaun₅ dsa₂ mi₂güig₃, juá' ₂ dsa₂?

14 Jaun₂ ca₂ŋag₃ 'éi₂:

—I₂lín₅₄ dsa₂ juá' ₂ a₂lín₅ Juan₅₄ i₂chon₅ dsa₂ jmig₂; i₂sián' ₂ guë' ₂ juá' ₂ a₂lín₅ Elías; i₂lín₅₄ guë' ₂ juá' ₂ táng₃ a₂lín₅ Jeremías, o₃ jan₂ i₂sián' ₂ i₂já₅ 'ě₂ jág₁ quió' ₅ Diú₄.

15 Jaun₂ ca₂ŋag₃ Jesús:

—¿'Nia' ₂ guë' ₂ ně₃? ¿'E₂ juá' ₂ 'nia' ₂ 'ein₂ lín₅ jniá' ₂?

16 Jaun₂ ca₂ŋag₃ Si₂mu₅₄ Pe₄:

—'Ne₂ lín₅ dsa₂ I₂rë₂ 'ín₁, Ja₁ŋi' ₅₄ Diú₄ jén' ₃.

17 Jaun₂ ca₂ŋag₃ Jesús:

—'E₂ guë' ₄ dsen' ₃ 'ne₂, Si₂mu₅₄, ja₁ŋi' ₅₄ Jonás, ia₁ 'i₁jan₂ dsa₂ mi₂güig₃ tsá₃ ně₂jme₃jnia₅ ne' ₅₄ a₂ně₅, jnia' ₅₄ lia' ₂ Ne' ₃ jniá₂ i₂guá₅ i₂juig₃ bá₄. 18 Jaun₂ juá' ₅ jniá₂ juig₂ 'ne₂, a₂ma₂cheng' ₂ Pedro,† jaun₂ ne₄ ni₁'lau₂ la₂† jmóg' ₄ jniá₂ guá' ₅ quió₃, jaun₂ ca₂lia' ₂ jnia' ₅₄ i₂'io₅ bí₂ 'mú₃ tsá₃ le₃qui' ₅₄ jmig₄ jua' ₅₄ a₂tió' ₃ quiong' ₅₄ quian' ₅₄ mai₅₄ quió' ₅. 19 Jaun₂ o₄gog' ₂ 'ne₂ dsia₅₄ jniá₂ jág₁ dse₃ quió₃ a₂lě₅ co₂'nió' ₄ ŋí₁ llave a₂niá₃ ja₁dsi₃tion' ₅₄ dsa₂ ja₁gon₂ Diú₄. Ca₂le₃jě₃ 'e₂ a₂tsá₃ cuë' ₂ 'ne₂ jmig₄ ne₄ gua' ₅₄ 'uë₃ la₂ lia' ₂ con' ₂ lě₅ jág₁ quió₃, ján₃ bá₄ le₂jaun₂ tsá₃ lě₂ guei' ₅₄ i₂juig₃; ján₃ bá₄ le₂jaun₂ jui₁lia' ₂ a₂cuë' ₂ 'ne₂ jmig₄ gua' ₅₄ 'uë₃ la₂ lia' ₂ con' ₂ lě₅ jág₁ quió₃, a₂jaun₂ bá₄ lě₂ guei' ₅₄ i₂juig₃ ján₃.

20 Jaun₂ ca₂tsí' ₃ chi' ₂ dsi₂guia₃-tín₂ quiáin₅ a₂tsá₃ 'ein₂ tsí' ₃ 'i₁jan₂ a₂lín₅ I₂rë₂ 'ín₁ quián₅ Diú₄.

Ca₂'ě₂ Jesús jág₁ a₂jóin₂

(Marcos 8:31--9:1; Lucas 9:22-27)

21 Tě₂le₃ ne₄ jui₅ ja₁ŋó₄ jaun₂, ca₂jme₃lióg₃ Jesús ca₂'ě₂ jág₁ ca₂tsí' ₃ chi' ₂ dsi₂guia₃-tín₂ quiáin₅, a₂tion₅₄ dsó₃ jui₅ Jerusalén, ja₁dsi₃ŋí₂ 'lióng₂ ne₅₄ jmi₁uig₅ a₂jmóg' ₂ dsa₂ can' ₅₄ quián₅ guá' ₅, quian' ₅₄ juig₅₄ jme₂dsa₂, tě₅juá' ₅ ně₃. Jaun₂ ca₂juá' ₂ a₂jŋag' ₃ dsa₂, la₁ a₂'ni₅ jmig₄ jaun₂, jéin' ₅₄ bá₄ táng₃.

22 Jaun₂ Pe₄ ně₃ ca₂jio₃ le₃cau₅, jaun₂ ca₂jme₃lióg₃ a₂tě₂néi' ₂ a₂jme₁jnéi₂ jui₅, ca₂juá' ₂:

—iTsá₃ o₁le₅₄ le₂ně₅, Te₁gui' ₅₄! iO₁líg' ₂ bá₄ tsá₃ jui₁dsi₂ŋí' ₂ 'ne₂ le₂ně₅!

23 La₁ Jesús ně₃, ca₂jéin' ₃ le₂ca' ₃, jaun₂ ca₂juá' ₂ ca₂tsí' ₃ Pe₄:

—iJŋiag' ₃ cau₅ quió₃, Satanás! Jnia' ₅₄ jni' ₂ bá₄ 'ne₂ jui₅ quió₃, ia₁ tsá₃ le₂jaun₂ dsi₂jio₃ 'au' ₂ jui₁lia' ₂ dsi₂jio₃ dsí₅ Diú₄. Ia₁ lia' ₂ dsi₂jio₃ dsí₅ dsa₂ mi₂güig₃ bá₄ dsi₂jio₃ 'au' ₂.

24 Jaun₂ ca₂juá' ₂ Jesús ca₂tsí' ₃ ca₂le₃jín₃ chi' ₂ dsi₂guia₃-tín₂ quiáin₅:

—Chi₂jua' ₂ 'ein₂ 'nio₃ 'éin₃ jniá₂, co₂dsia₅ jui₁dsi₂'én₂ dsí₅ guioin₅₄, jui₁jmo₁₂ co₂jŋiai₅₄ a₂jóin₂, Š jui₁jia₂ chi₁co' ₅₄ quió₃. 25 Ia₁ jui₁'ein₂ guě₃ i₂tsá₃ 'nio₃ jón₂ ia₁ a₂'ín₅ dsí₅ le₃chain₂ dse₃ mi₂güig₃ la₂, dsi₂'én₂ quió' ₅. La₁ jui₁'ein₂ guě₃ i₂tén' ₂ dsí₅ gue₃ 'mú₃ 'uig₅₄ quió₃ jniá₂, le₃chain₂ dse₃ mi₂güig₃ caun₂. 26 Ia₁, ¿'e₂ bá₄ ta₁ jmo₃ a₂lí' ₂ dsa₂ 'ŋio₅ lín₅ ne₄ gua' ₅₄ 'uë₃ la₂, ně₁jua' ₂ dsi₂'én₂ bá₄ guë' ₂ jme₂dsí₂ quió' ₅ mi₂güig₃ caun₂? ¿O₃ je₂liá' ₂ lě₂ le₃quí₃ dsa₂ 'lia' ₅₄ ia₁jaun₂ tín' ₄ jme₂dsí₂ quió' ₅? 27 Ia₁ Jaun₅ dsa₂ mi₂güig₃ jŋiúi' ₂ quian' ₅₄ jui₅bí₂ jlá' ₁ quió' ₅ Jmei₂, quian' ₅₄ ángeles quiáin₅, ja₃qui₅ 'lian' ₅₄ dsa₂ 'a₂ con' ₂ jnia' ₅₄ niog₅ ca₂jmo₃. 28 A₂dsi₂jó' ₃ juá' ₅ jniá₂ juig₂ 'nia' ₂, chan₂ i₂lín₅₄ jui₁lia' ₂ i₂tion' ₅₄ ja₁lá₃ tsá₃ dsián₃ ca₂lia' ₂ ca₂tě₂ ne₅₄ jín₂ Jaun₅ dsa₂ mi₂güig₃ a₂jŋiúi' ₂ lín₅ rag₅₄ a₂qui₃dsi₂₃ 'éi' ₃.

† 16:18 griego: Petros, co₂'nió' ₄ le₃jua' ₅₄ ni₁cang₁.
cróg₄ quió' ₅."

‡ 16:18 'Nio' ₂ ja₁ton₅ 1 Pedro 2:7.

Š 16:24 lit. "jui₁quian₅₄

17

Ca₂rě₃tsín₃ 'a₂ lia' jniá₂ Jesús
(Marcos 9:2-13; Lucas 9:28-36)

¹ Jñéi₂ jmig₄ cang₂ jaun₂, ca₂jñia₃ Jesús Pe₄, Jacobo,* quian'₅₄ Juan₅₄ rin'₅₄ Jacobo ně₃, ca₂i₃lén₂ con'₂ guioin₅₄ caun₂ má'₂ ñei₅. ² Ja₁jaun₂ ca₂rě₃tsín₃ 'a₂ lia' jniá₂ Jesús tē₃ jág₅ 'éi₂. Ne₄ Jesús ca₂jñia₃ tág₅ ju₁lia' jniá₂ 'iog₂; tsin'₅₄ guē'₂ ně₃ ca₂jñia₃ tiog₂ jau₂ ca₂lia' tág₅ lín₃. ³ Jaun₂ ds₂jui₅ jaun₂ ca₂jñia₃ Moisés quian'₅₄ Elías, tióin₂ dsia₂₃ jág₁ quian'₅₄ Jesús. ⁴ Jaun₂ ca₂juá'₂ Pe₄ ca₂tsí'₃ Jesús:

—Te₁gui'₅₄, i'e₂ guē₄ dse₃ lia' tío'₅₄ jniog₄ ja₁lá₃! Chi₂jua' niog'₂, jmo₅₄ jniá₂ 'ni₅ tsi₁'io₅ láu₃: caun₂ quiáng'₂, caun₂ quió'₅ Moisés, caun₂ guē'₂ quió'₅ Elías ně₃.

⁵ Tē₃jē₄ dsia₅ Pe₄ jág₁ jaun₂, ca₂lioin₂ caun₂ jnei₅ tág₅; jaun₂ jē₄ jnei₅ jaun₂ ca₂né'₂ jág₁ a₂juá'₂:

—I₂la₂ bá₄ jón₃ quiáng₃, i₂ñí₄ lē₃ 'nióg₃ guē₄ lín₃. 'E₂ bá₄ 'ñio₂ dsia₃ quian'₅₄. Nei₂ 'nia' jág₁ quió'₅.

⁶ Jme₁ca₂nág₂ chi'₂ dsia₂guia₃-tín₂ jág₁ jaun₂, ca₂rě₃gó'₅ ca₂le₃jě₃ ca₂i₃gain'₅₄ 'uē₃ le₁'éin₂, ⁷ Jaun₂ ca₂guán'₃ táng₃ Jesús cau₅ quió'₅, ca₂jñau'₃, jaun₂ ca₂juá'₂:

—Nau₂ 'nia'₂; Tsá₃ lē₁jmo₂ 'nia'₂ gang'₃.

⁸ Jaun₂ jme₁ca₂jág₃ táng₃, tsá₃ ma₂'ein₂ i₂sián'₂ ca₂jñin₂; jñia'₅₄ lia' 'ñiog₅ bá₄ Jesús ma₂chéin'₅.

⁹ Jme₁ja₂lein₃ sióin₅ táng₃ má'₂ jaun₂, ca₂jmo₃ Jesús 'éi'₃, ca₂juá'₂:

—Tsá₃ 'ein₂ juig'₅₄ 'nia'₂ a₂nē₂jag'₅₄ 'nia'₂ ně₅, ca₂lia' ca₂tē₂ jmig₄ jē₁ma₂ca₂jen'₅₄ táng₃ Jaun₅ dsa₂ mi₂güig₃ ne₄ 'mú₃.

¹⁰ Jaun₂ ca₂ñag₃ chi'₂ dsia₂guia₃-tín₂ ca₂ñí'₃ Jesús:

—Chi₂jua' le₂nē₅, ¿'E₂ lē₃ juá'₂ tē₅juá'₅, Elías bá₄ i₂jiá₃ le₂'uig₅₄?

¹¹ Jaun₂ ca₂ñag₃ Jesús:

—Dsón'₂ Elías bá₄ jiá₃ le₂'uig₅₄, jaun₂ 'éi₂ bá₄ jme₃rě₃ ca₂le₃jě₃. ¹² La₁ juá'₅ jniá₂, i₂ma₂guan₅ bá₄ Elías, la₁ tsá₃ 'ein₂ ca₂rě₃cuig₅. Jaun₂ qui₂ca₂jmóg'₂ dsa₂ lia' lē₂ dsí₅ ca₂le₃jě₃ guē₄ 'a₂ lia' 'nio₃ jmóg'₂. Ján₃ bá₄ le₂nē₅, Jaun₅ dsa₂ mi₂güig₃ dsia₂ñí₂ uig₅ o₄gú₃ dsa₂ 'éi₂.

¹³ Jaun₂ guē₄ ca₂rě₃lí₄ chi'₂ dsia₂guia₃-tín₂, Juan₅₄ i₂ca₂chon₃ dsa₂ jmig₂ bá₄ 'in₅ Jesús, a₂juá'₂ le₂jaun₂.

Ca₂jme₃'lión₂ Jesús jan₂ chi' i₂'en₅₄ jme₂dsí₂ 'lín' dsí₅
(Marcos 9:14-29; Lucas 9:37-43)

¹⁴ Jme₁ca₂dsi₃lein₃ ja₁tion'₅₄ dsa₂ juin₅, jaun₂ ca₂jme₃quián₃ jan₂ dsa₂ ja₁chén'₄ Jesús, jaun₂ ca₂chi₃jné₃ ne₅₄, jaun₂ ca₂juá'₂:

¹⁵ —Te₁gui'₅₄, dsia₄ ñéi₂ 'au' chi'₂ quiáng₃, 'ñio₅ lín₃ ñág₅ uig₅ lín₅ dso₄ 'ei₂; 'lióng₂ ráun₂ ma₂ca₂táin'₂ dsia₂si₂, dsia₂jmig₂ ně₃. ¹⁶ Ma₂l₁jñia₁54 jniá₂ ne₄ chi'₂ dsia₂guia₃-tín₂ quiáng'₂, la₁ tsá₃ ca₂tió'₃ jme₃'lió₂.

¹⁷ Jaun₂ ca₂ñag₃ Jesús:

—i'En₁ jmá'₃ tsá₃ 'e₂ 'én'₂ 'nia'₂! ¿Je₂liá'₂ jmig₄ jmá'₃ 'nió'₅ 'ú₄ quian'₅₄ 'nia'₂? ¿Je₂liá'₂ jmig₄ jmá'₃ 'nió'₅ jmo₅₄ tió'₅ dsia₃ quian'₅₄ 'nia'₂? I₂jñia₅ chi'₂ ja₁lá₃.

¹⁸ Jaun₂ ca₂jí₂ Jesús ca₂jéin₂ je₂na'₅₄. Jaun₂ ca₂o₃'iñ₃ tē₂dsí₅ chi'₂ 'éi₂, jaun₂ guē₄ ně₃ ca₂lóin₂ dsia₂jui₅ le₂jaun₂.

¹⁹ Jme₁co₂lág₂ jaun₂ ca₂dsia₃ chi'₂ dsia₂guia₃-tín₂ jág₁ quian'₅₄ Jesús jē₄ con'₂ guioin₅₄, jaun₂ ca₂ñí'₃ 'éi₂:

—¿'E₂ 'uig₅₄ tsá₃ ca₂tián₃ jnia'₅₄ dsén₄ i₂'lín'₅₄?

²⁰ Jaun₂ ca₂ñag₃ Jesús:

* **17:1** ján₃ bá₄ chein₂ Santiago.

—Ne₄ ia₁ a₂ŋí₄ lē₃ ca₂juig₄ 'én'₂ bá₄ 'nia'₂. A₂dsi₂jó'₃ juá'₅ jniá'₂, jua'₅₄ mei'₂ guě'₃ 'én'₂ 'nia'₂, tsá₃ a₂nag₅₄ o₁ŋia'₅₄ con'₂ tí₅ ca₂míg₂ mi₂jon₂ mostaza,† lé₂ le₃jme₁juig'₅₄ 'nia'₂ jui₁lia'₂ má'₂ ó₃: “Jniag'₃ ja₁nē₅, gua₂ tē₂le₃ ca₂taun₂”; má'₂ jaun₂ ně₃ jnióg'₃ ja₁ē'₂ 'nia'₂. 'I₁caun₂ tsá₃ 'e₂ cha₂ jua'₅₄ a₂tsá₃ lé₂ le₃jmo'₂ 'nia'₂ jua'₅₄ mei'₂ guě'₃ le₂jaun₂.‡

Ca₂'ē₂ táng₃ Jesús jág₁ a₂jóin₂
(Marcos 9:30-32; Lucas 9:43-45)

²² Tē₁lia'₂ i₂noi₅₄ co₂lē₅ le₂con₂ ja₁tén₄ 'uē₃ Galilea, jaun₂ ca₂juá'₂ táng₃ Jesús a₂jáng'₂ dsa₂ jīin'₂ Jaun₅ dsa₂ mi₂güig₃ o₄gú₃ dsa₂ mi₂güig₃. ²³ Jaun₂ jñag'₃ dsa₂, la₁ a₂'ni₅ jmi₂g₄ jaun₂, jein'₅₄ bá₄ táng₃. Ca₂tá'₂ 'lia'₂ bá₄ dsí₅ chi'₂ dsi₂guia₃-tín₂ jme₁ca₂nág₂ jág₁ jaun₂.

Ca₂quí₅ 'lia'₅₄ ja₁con₂ dsi₂tan₅₄ quián₅ guá'₅

²⁴ Jme₁ca₂dsi₂óg₃ Jesús juig₂ Capernaum quiaín'₅₄ chi'₂ dsi₂guia₃-tín₂, jaun₂ ca₂o₃lén₂ dsa₂ i₂cág'₅ jma₃tín₃ 'éi'₃ cu₄ dracma a₂'nió'₅ quió'₅ guá'₅ templo, jaun₂ dsa₂ 'éi₂ ca₂jme₃quiaín₃ con₂ Pe₄, ca₂ŋag₃:

—¿Tsa₁ qui₅ tē₅ quián'₂ 'nia'₂ 'lia'₅₄ quió'₅ guá'₅?

²⁵ Jaun₂ ca₂ŋag₃ Pe₄:

—Ján₅. Qui₅ bá₄.

Jme₁ca₂'i₃ Pe₄ dsi₂néi₂, jaun₂ 'ŋiog₅ Jesús de'₂ jniá₅ ca₂juá'₂ ca₂tsí'₃ Pe₄:

—¿'A₂ lia'₂ lín'₂ 'ne₂, Si₂mu₅₄? Jui₁lia'₂ jan₂ rag₅₄ dsa₂ mi₂güig₃, ¿'Ein₂ quió'₅ mi₂₃ 'lia'₅₄? ¿Quió'₅ dsa₂ go₅₄, o₃ quió'₅ jmá'₃ dsi₂nau₂ 'e₂?

²⁶ Jaun₂ ca₂ŋag₃ Pe₄:

—Quió'₅ dsi₂nau₂ bá₄.

Jaun₂ ca₂juá'₂ táng₃ Jesús ca₂tsí'₃ 'éi₂:

—Tsá₃ ca₂tín₂ dsa₂ go₅₄ qui₅ jaun₂ ně₃. ²⁷ La₁, jaun₂ tsá₃ tiin₃ 'lig'₅₄, gua₂ o₂'éi₂ mi₂cu₄ dsi₂jmi₂g₂, O₂dsen₅₄ i₁ju₁ i₂nág'₃ le₂'uig₅₄ mi₂cu₄. Mi₂'o₄ i₁ju₁ 'éi₂, dsiang'₂ caun₂ cu₄ 'ua'₂. A₂jaun₂ qui₅₄ quián₂ jniog₄ le₃ó₃.

18

'Ein₂ lín₅ i₂dsen₅₄ guě₄ ja₁gon₂ Diú₄
(Marcos 9:33-37; Lucas 9:46-48)

¹ Ján₃ bá₄ jmi₂g₄ jaun₂ táng₃ ca₂jme₃quián₃ chi'₂ dsi₂guia₃-tín₂ con₂ Jesús jaun₂ ca₂ŋag₃:

—¿'Ein₂ lín₅ i₂dsen₅₄ guě₄ guei'₅₄ i₂juig₃ ja₁gon₂ Diú₄?

² Jaun₂ ca₂tē'₃ Jesús jan₂ i₂bē'₅₄, jaun₂ ca₂chei'₃ dsi₂jo₂ ja₁tiáin'₄, ³ jaun₂ ca₂juá'₂:

—A₂dsi₂jó'₃ juig₂ jniá'₂ 'nia'₂, ně₃jua'₂ tsá₃ ca₂jme₁tsín'₄ 'nia'₂ 'au'₂, a₂lég'₂ lia'₂ lín₅ jan₂ i₂bē'₅₄, o₁lig'₂ jmi₂g₄ tsá₃ lé₂ le₃dsi₁no'₃ 'nia'₂ guei'₅₄ i₂juig₃. ⁴ Jaun₂ ně₃, i₂'éi₂ bá₄ i₂lén₂ i₂dsen₅₄ guě₄ guei'₅₄ i₂juig₃ jui₁lia'₂ i₂jmo₅ me'₂ lia'₂ lín₅ chi'₂ bē'₅₄ la₂. ⁵ Con'₂ siá'₂ táng₃, jui₁lia'₂ dsa₂ i₂guen₅ jan₂ guein₂ o₄quió₃ jniá₂ jui₁lia'₂ i₂la₂, jniá₂ bá₄ guei₂₃.

A₂go'₂ tsi₃sén'₂ dsa₂ dso₄
(Marcos 9:42-48; Lucas 17:1-2)

⁶ Jui₁'ein₂ guě₄ i₂jmo₅ tsi₃sén'₂ jui₁lia'₂ chi'₂ bē'₅₄ i₂le₂la₂ i₂'én₂ tē₂le₃ quió₃ jniá₂, ja₂lín₃ guě₄ co₂nei'₅₄ dse₃ tón₂ dsa₂ ne₄ jmi₁ŋí'₄ rē₂quein₅ ca₂míg₂ ni₁to₂ dsi₂lag₅₄. ⁷ 'E₂ guě₄ juig₂ dsa₂ mi₂güig₃ ia₁ tsá₃ caun₂ a₂ja₂lé₂ ja₁coin₂ a₂jmo₅ a₂tsi₂sén'₂! La₁ le₂jaun₂ dsón'₂ dsi₃ŋi₂ bá₄, la₁ 'e₂ guě₄ juig₂ jui₁lia'₂ dsa₂ i₂ton₂ jág₁ rin'₅₄ jaun₂ jén'₃ dsí₅ 'éi₂ a₂'no₃ dso₄.

† 17:20 mostaza: On₃jua'₅₄ mi₁ján'₅ a₂cuí'₅ dsa₂ go₄ jniog₄; caun₂ ni₁'ma₂ dsón'₂ bá₄ jaun₂ a₂tē'₂ tē₅sí₃ Brassica nigra.

‡ 17:20 A₂lin₅₄ chog₅₄ si₂ chi₁ton₅ versículo 21 bá₄ ján₃, a₂juá'₂ le₂la₂: “La₁ jui₁lia'₂ i₂'lín₅₄ le₂nē₅, tsá₃ o₂'i₅ ně₃jua'₂ tsá₃ chi₂lén'₂ dsa₂ Diú₄ a₂jme₂'i₅₄.”

8 "Uig⁵⁴ jaun₂, chi₂jua'₂ mi₂gog'₂ o₃ mi₂tag'⁵⁴ 'e₂, jmo₅ a₂tang'₂ dso₄, co₂dsia₅ dse₃ 'nia₄, tiong₂ uing₂; ia₁ ja₂lin₃ guě₄ dse₃ a₂dsiáng'₄ ja₁le₃chang'₂ co₂tan₅₄ a₂rě₂'liáng'₃, con'₂ guě₄ a₂jme₁o₁'ú'₃ a₂rě₂'nia₅ gog'₂-tag'⁵⁴ dsi₂si₂ ja₁tsá₃ ton₅ jmig₄ éi₃. 9 Nē₁jua'₂ mi₂ne'⁵⁴ jmo₅ a₂tang'₂ dso₄, dsi₄ ján₃, tiong₂ uing₂; ia₁ ja₂lin₃ guě₄ dse₃ a₂dsiáng'₄ ja₁le₃chang'₂ co₂tan₅₄ a₂teng'⁵⁴ ca₂míg₂ mi₂ne'⁵⁴, lia'₂ con'₂ guě₄ a₂jme₁gog'⁵⁴ a₂rě₂'nia₅ ta₁tin₃ mīg₂ mi₂ne'⁵⁴ dsi₂si₂ guio₃-juíg₃.

Jág₁ a₂jáng'₅ léi₄ jui₁lia'₂ jan₂ já'₂ cha'₂ i₂ca₂i₃cón'₅
(Lucas 15:3-7)

10 'Tsá₃ jmo₂ 'nia'₂ jua'⁵⁴ a₂tsá₃ jen'⁵⁴ jui₁lia'₂ jan₂ chi'₂ bē'⁵⁴ le₂la₂. Ia₁ juíg₂ jniá₂ 'nia'₂, ia₁ ángeles i₂jmo₅ 'í₁ quiáin₅ co₂tan₅₄ bá₄ jín₂ Ne'₃ i₂guá₅ guei'⁵⁴ i₂juíg₃.*

12 '¿A₂ lia'₂ lín'₂ 'nia'₂? Jua'⁵⁴ mei'₂ guě₃ jan₂ dsa₂ 'nio₅ caun₂ 'niá₂-lón₂ já'₂ cha'₂, nē₁jua'₂ ca₂i₃cón'₅ jan₂, ¿tsa₁ ja₁jaun₂ chein'₂ ne₄ dsi₂con'₂ i₂quéin'₂ co₂ne₂guión₂ rě₂dsí₂ guia₃-né₂ (99) con'₂ i₂te₂ 'éi₂, jaun₂ dsó₅ táng₃ dsi₂'niai'₂ i₂tsá₃ chan₂ 'éi₂? 13 Jē₁ma₂ca₂dsáu'₂ nē₃, a₂dsi₂jó'₃ juá'₅ jniá₂, 'nio₅ lín₃ guě₄ 'io'₂ jmo₂₃ o₄quió'₄ i₂jan₂ 'éi₂ con'₂ guě₄ i₂quéin'₂ co₂ne₂guióg₂ rě₂dsí₂ guia₃-né₂ i₂tsá₃ i₂cón'₅. 14 Le₂nē₅ bá₄ ján₃, Néi'₅ 'nia'₂ i₂guá₅ guei'⁵⁴ i₂juíg₃ tsá₃ 'nio₃ jua'⁵⁴ dsi₃cón'₅ ca₂lia'₂ 'i₁jan₂ i₂lín₅ guein₂ bē'⁵⁴ jui₁lia'₂ i₂la₂.

A₂ lia'₂ 'nió'₅ 'én₂ dsa₂ dsáu₁ rin'⁵⁴
(Lucas 17:3)

15 'Chi₂jua'₂ 'e₂ caun₂ a₂ca₂j móg'₂ jan₂ ríng'₂, dsia₄ de'₂ 'nia'₂ jág₁ ja₁con'₂ guiong'⁵⁴, ja₁jaun₂ jme₁jniag'₂ ne₅₄ 'e₂ a₂ca₂j móg'₂. Nē₁jua'₂ ca₂tón'₃ jui₅ jág₁ quiáng'₂, ja₁jaun₂ ca₂dsan₃ bá₄ mī'⁵⁴, ca₂lē₃ bá₄ táng₃ ríng'₂ quiain'⁵⁴. 16 La₁ nē₁jua'₂ tsá₃ ca₂tón'₃ jui₅ jág₁ quiáng'₂ nē₃, te'₂ on₃-ún₂ dsa₂ sián'₂ ia₁jaun₂ "ca₂le₃jě₃ 'e₂ niog₅ lé₂ jióg'₂ 'í₁ quian'⁵⁴ on₃-ún₂ dsa₂ i₂jáng'₃ jág₁ dsau₅, nē₁jua'₂ tí₅ jág₁ jaun₂."† 17 Nē₁jua'₂ tsá₃ ca₂tón'₃ jui₅ jág₁ quió'₅ dsa₂ 'éi₂, chei'⁵⁴ guá'₅; nē₁jua'₂ tsá₃ ca₂tón'₃ jui₅ on₃ guě'₂ jág₁ quió'₅ guá'₅ nē₃, tē₂le₃ ja₁ñó₄ jaun₂, jmo₄ 'au'₂ jín₅₄ lia'₂ ja₁jíng'₄ jan₂ dsi₂nau₂, o₃ jui₁lia'₂ jan₂ i₂cág'₅ cu₄ a₂ca₂tín₂ dsi₂tan₅₄ 'e₂.

18 'A₂ dsi₂jó'₃ juíg₂ jniá₂ 'nia'₂, ca₂le₃jě₃ 'e₂ a₂tsá₃ cuě'₂ 'nia'₂ jmig₄ ne₄ gua'⁵⁴ 'uě₃ la₂, lia'₂ con'₂ lě₅ jág₁ quió₃, ján₃ bá₄ tsá₃ lé₂ guei'⁵⁴ i₂juíg₃; ján₃ bá₄ le₂jaun₂ jui₁lia'₂ a₂cuě'₂ 'nia'₂ jmig₄ ne₄ gua'⁵⁴ 'uě₃ la₂, lia'₂ con'₂ lě₅ jág₁ quió₃, a₂jaun₂ bá₄ lé₂ guei'⁵⁴ i₂juíg₃.

19 'Ján₃ bá₄ juá'₅ jniá₂, nē₁jua'₂ on'₃ 'nia'₂ jmo₂ caun₂ jág₁ ne₄ gua'⁵⁴ 'uě₃ la₂, a₂mí'₁ 'nia'₂ 'e₂ a₂'niog'₂ mī'₁, cuě₃ bá₄ Ne'₃ jniá₂ i₂guá₅ guei'⁵⁴ i₂juíg₃. 20 Ia₁ jē₁le₁ñi'₂ on₃-ún₂ o₄quió₃ jniá₂, jē₄ jaun₂ bá₄ 'eng⁵⁴.

21 Jaun₂ Pe₄ nē₃ ca₂ñag₃:

—Te₁gui'⁵⁴, ¿con'₂ je₂liá'₂ ráun₂ 'nió'₅ 'én₄ jniá₂ dsáu₁ ríng'₃ nē₁jua'₂ 'e₂ caun₂ a₂ca₂j móg'₂? ¿'A₂ lia'₂? ¿Guio₃ ráun₂?

22 Jaun₂ ca₂ñag₃ Jesús:

—Ma₁ tsá₃ juá'₅ jniá₂ jñia'⁵⁴ guio₃ ráun₂. Ta₁'nag'₂ co₂ne₂guióg₂ rě₂dsí₂ guia₃ ráun₂ a₂jma₃guio₃ (70 X 7 = 490)† bá₄ juá'₅ jniá₂.

Jág₁ a₂jáng'₅ léi₄ jui₁lia'₂ jan₂ dsa₂ i₂tsá₃ ca₂'én₂ dsáu₁ rin'⁵⁴

23 'Uig⁵⁴ jaun₂, lě₅ guei'⁵⁴ i₂juíg₃ jui₁lia'₂ lín₅ jan₂ rag⁵⁴ i₂ca₂mág₃ cuentas quió'₅ ca₂le₃jín₃ dsa₂ i₂jme₂tí₃ ta₁ ne₅₄. 24 Jaun₂ jme₁ma₂jme₂lióg₃ chein'₂ cuentas, jme₁ca₂dsi₃lén₂ dsa₂ le₁jñiai₂₃ jan₂ dsa₂ i₂rin₅ guia₃ mei₅ talentos. 25 La₁, ia₁ tsá₃ 'e₂ cha₂ quian'⁵⁴ a₂quí₃, jaun₂ ca₂jmo₃ rag⁵⁴ 'éi'₃ a₂dsi₃ñi₄ dsa₂ 'éi₂ lia'₂ jma₃quian'⁵⁴ 'io⁵⁴ quiáin₅, chí'₂ quiáin₅ nē₃, ca₂le₃jě₃ 'e₂ a₂jme₁cha₂ quió'₅ nē₃, ia₁jaun₂ le₂jaun₂ jme₁dsian₅ a₂rin₂. 26 La₁ dsa₂ 'éi₂ nē₃, ca₂já₃

* 18:10 A₂lin₅₄ chog⁵⁴ si₂ chí₁ton₅ versículo 11 a₂juá'₂ le₂la₂: "Ta₁ jaun₂ bá₄ já₅ Jaun₅ dsa₂ mi₂güig₃, a₂ja₂'niai'₂ dsa₂ i₂ma₂i₂cón'₅." † 18:16 Deuteronomio 19:15. ‡ 18:22 o₃, "ta₁'nag'₂ co₂ne₂guióg₂ rě₂dsí₂ guia₃-guio₃ (77) ráun₂".

ca₂chi₃jné₃ ne₄ rag₅₄ juig₅₄, jaun₂ ca₂mi₃ tion₅₄ ca₂juá'₂: “Gui'₅₄ quiáng₃, jmo₄ juin'₂ 'au'₂ quian'₅₄ jniá₂, a₂quí₄ bá₄ jniá₂ quiáng'₂, ca₂le₃jě₃.” ²⁷ Jaun₂ juig₅₄ ně₃ ca₂dsia₃ bá₄ něi₂ dsí₅ ja₁coin₂, jaun₂ ca₂'éin₂ bá₄ ca₂le₃jě₃ a₂jme₁riin₂, jaun₂ ca₂lió₂ bá₄.

²⁸ 'La₁ dsí₂jui₅ jme₁o₂'iin₃ jaun₂ ně₃, ca₂jein'₂ jan₂ dsa₂ i₂jme₂ti₃ riin'₅₄ i₂rin₂ caun₂ 'niá₂-láu₂ cu₄ denarios quió'₅. Jaun₂ ca₂tín₂ dsí₂lag₄ riin'₅₄, ca₂güi'₃ tiá₂, ca₂juá'₂: “iQui₄ a₂ring'₂ quió'₃!” ²⁹ Jaun₂ riin'₅₄ 'éi₂ ně₃ ca₂chi₃jné₃ ne₅₄, jaun₂ ca₂mi₃ tion₅₄ ca₂juá'₂: “Jmo₄ juin'₂ 'au'₂ quian'₅₄ jniá₂, a₂quí₄ bá₄ jniá₂ quiáng'₂, ca₂le₃jě₃.” ³⁰ La₁ i₂jan₂ ně₃ tsá₃ ca₂gue₃, jaun₂ jui₅ 'né₅ 'má₃ bá₄ ca₂i₁tio'₂. Ca₂lia'₂ jaun₂ ca₂'mag'₂ dsí₅ ca₂lia'₂ ca₂quí₃ riin'₅₄ ca₂le₃jě₃. ³¹ Jaun₂ jme₁ca₂jág₃ riin'₅₄ i₂jme₂ti₃ ta₁ sián'₂, ca₂tá'₂ 'lia'₂ dsí₅, jaun₂ ca₂i₁con₂ jág₁ ne₄ juig₅₄ ca₂i₁jua'₄ ca₂le₃jě₃ a₂ca₂lě₃ jaun₂. ³² Jaun₂ ca₂jmo₃ juig₅₄ 'éi'₃ ca₂i₁quiong₅₄ táng₃ dsa₂, jaun₂ ca₂tě₃ juig₅₄ dsí₂néi₂ quió'₅, jaun₂ ca₂juá'₂: “Ne₂ i₂jme₂ti₃ ta₁ ne₃, i'e₂ guě₄ 'nio₅ 'lin'₅₄ 'ne₂ ca₂'uǐng'₂! Jua'₂ ně₂ 'én₃ bá₄ jniá₂ ca₂le₃jě₃ a₂jme₁ring'₂ quió'₃, ia₁ ně₂mi'₅₄ tion₅₄-jan₃. ³³ ¿Tsa₁ dse₃ jua'₅₄ le₂jaun₂ bá₄ ně₂dsia'₅₄ něi₂ 'au'₂ ring'₂, jui₁lia'₂ ně₂dsia₃ jniá₂ něi₂ dsí₃ 'niag'₂?” ³⁴ Tě₃ ma₂'ne₂ jaun₂ juig₅₄, ca₂jíin'₂ dsa₂ 'éi₂ o₄gú₃ dsa₂ i₂niog₅ ne₄ 'né₅ 'má₃, ca₂jmo₃ ca₂lia'₂ ca₂quí₃ jě₂ a₂jme₁riin₂.

³⁵ Jaun₂ ca₂juá'₂ Jesús guě₄ ně₃:

—Ján₃ bá₄ le₂ně₅ jmo₃ Ne'₃ jniá₂ i₂guá₅ guei'₅₄ i₂juíg₃ quian'₅₄ 'nia'₂ le₂jang'₂ le₂jang'₂ ně₁jua'₂ tsá₃ ca₂'én'₃ 'nia'₂ ca₂le₃jě₃ 'au'₂ dsá_{u1} ring'₂.

19

*Jme₂tag₅ Jesús jui₁lia'₂ 'a₂ lia'₂ lě₅ a₂tén₂ dsa₂ dsí₂i₂gu₂
(Marcos 10:1-12; Lucas 16:18)*

¹ Jme₁ca₂dsan₃ juá'₂ Jesús jág₁ ně₅, jaun₂ ca₂o₃'iin₃ 'uě₃ Galilea, jaun₂ ca₂dsióg₃ tě₂le₃ quióng₄ Cuá₃ Jordán. ² Juin₅ lin₃ dsa₂ ca₂jme₃quiong'₅₄, jaun₂ ca₂jme₃'lióin₂ dsa₂ i₂quile₁dso'₅₄.

³ Jaun₂ ně₃, i₂lin₅₄ dsa₂ fariseos ca₂jme₃quiáin₃ con₂ Jesús a₂jñia'₅₄ con'₂ cáun₂ táu₂. Jaun₂ ca₂ñag₃:

—¿'I₄ 'éi'₃ a₂tén₂ dsa₂ dsí₂i₂gu₂ ne₄ 'uig₅₄ ně₁'e₂ caun₂ a₂lě₃?

⁴ Jaun₂ ca₂ñag₃ Jesús:

—¿Tsa₁ ma₂ca₂'í'₂ 'nia'₂ ne₄ Si₂, ja₁juá'₂ i₂ca₂jmo'₂ dsa₂ mi₂güig₃ le₂ne₁: “Ca₂jmo'₂ dsa₂ ñe'₂ dsa₂ mí₂ ně₃”?* ⁵ Ca₂juá'₂ ně₃: “Uig₅₄ jaun₂ ca₂tín₂ dsa₂ ñe'₂ téin₂ chog₅₄-jmei₂ jaun₂ con'₂ tiain'₃ quiaín'₅₄ dsí₂i₂gu₂, jaun₂ jě₁le₃oin₃ léin₂ caun₂ bá₄ ni₁ñí₅.”† ⁶ Jaun₂ dsióg₄ léin₂ jan₂ bá₄, tsá₃ ma₃lě₂ oin₃. Jaun₂ tsá₃ 'i₄ 'éi'₃ jua'₅₄ jmo₃ dsa₂ mi₂güig₃ jma₃quén₅ a₂ma₂ca₂dsia₃ Diú₄ rě₂.

⁷ Jaun₂ ca₂ñag₃ táng₃ dsa₂ fariseos:

—¿'E₂ guě'₂ lě₃ ně₃ ca₂jmo₃ Moisés 'éi'₃ a₂lě₂ le₃jmo₃ dsa₂ ñe'₂ caun₂ si₂ tě₃ron₅₄ cuě'₃ 'io₅₄ ja₁juá'₂ a₂téin₂ riin'₅₄, jaun₂ guě₄ ma₂lě₂ dsei₂₃?

⁸ Jaun₂ ca₂juá'₂ Jesús:

—'Uig₅₄ ia₁ a₂ñí₄ tsá₃ nág'₁ 'nia'₂ guiong'₅₄ bá₄ jaun₂ ca₂cuě₃ 'éi₂ jmi₂g₄ a₂tén₂ dsa₂ dsí₂i₂gu₂; la₁ lia'₂ con'₂ le₂'uig₅₄ tsá₃ le₂ně₅ jme₁lě₄. ⁹ La₁ jniá₂ juá'₅, jui₁'ein₂ guě₃ i₂lě₁tén₂ dsí₂i₂gu₂, on₃jua'₅₄ a₂cha₂ lě₃, ně₁jua'₂ on₃ guě'₂ jua'₅₄ ia₁ a₂nió'₅ jág₁ quian'₅₄ i₂sián'₂; ně₁jua'₂ jě₁ma₂ca₂lě₃ jaun₂, cáin₂ táng₃ 'io₅₄ sián'₂, 'no₂₃ dso₄ ne₄ Diú₄; ján₃ bá₄ le₂ně₅ quian'₅₄ dsa₂ ñe'₂ i₂jén'₂ gu₂ quian'₅₄ jan₂ 'io₅₄ i₂ma₂téi₂ dsa₂ ně₃, ján₃ bá₄ le₂jaun₂ 'no₂₃ dso₄ ne₄ Diú₄.

¹⁰ Jaun₂ lě₃, ca₂juá'₂ chi'₂ dsí₂guia₃-tín₂ quiáin₅:

—Ně₁jua'₂ le₂ně₅ cha₂ o₂me'₅₄ dsí₅ quió'₅ dsa₂ ñe'₂ dsa₂ mí₂, ¿tsa₁ dse₃ jua'₅₄ a₂tsá₃ jéin'₂ co₂ñei'₅₄ gu₂?

* **19:4** Génesis 1:27; 5:2. † **19:5** Génesis 2:24.

11 Jaun₂ ca₂juá'₂ táng₃ Jesús:

—Tsá₃ ca₂le₃jín₃ lé₂ le₃ñí'₂ dsí₅ jua'₅₄ lé₂ le₃jmo₃ le₂ně₅; jñia'₅₄ lia'₂ i₂ma₂cuē₃ Diú₄ bí₂ a₂le₃ñí'₂. 12 'Lióng₂ bá₄ 'uig₅₄ cha₂ a₂tsá₃ le₃jén'₂ dsa₂ ñe'₂ i₂lin₅₄ gu₂; ia₁ i₂lin₅₄ le₂jaun₂ ma₂lín₅ lia'₂ con'₂ jme₁ca₂rě₃cháin₃ a₂tsá₃ lé₂ le₃jén'₂ gu₂; i₂lin₅₄ guē'₂ ně₃, ia₁ a₂ma₂ca₂jmo₂g'₂ dsa₂ mi₂güig₃ riin'₅₄ té'₃; i₂lin₅₄ guē'₂ ně₃, ia₁ a₂co₂ñei'₅₄ ma₂quí'₃ dsí₅ a₂tsá₃ jén'₂ gu₂ ne₄ o₄quíó'₄ ja₁gon₂ Diú₄. Jui₁lia'₂ i₂tió'₅ jme₃ti₃ jág₁ la₂, jui₁jmo₁₂.

Ca₂jme₃gon'₅₄ Jesús chi'₂-guein₂

(Marcos 10:13-16; Lucas 18:15-17)

13 Jaun₂ ca₂o₃jñia₃ i₂lin₅₄ dsa₂ ca₂o₃jñia₃ guein₂ quiáin₅ ne₄ Jesús ia₁jaun₂ qui₃níi'₂ gu₂, tsí'₃ Diú₄ o₄quíó'₄ ně₃. La₁ chi'₂ dsi₂guia₃-tín₂ ně₃ ca₂jén₂ dsa₂. 14 La₁ Jesús ně₃, ca₂juá'₂:

—Cuē₄ 'nia'₂ jmi₄g jui₁ja₂lén₂ chi'₂-guein₂ cong₂; tsá₃ lē₁jmo₂ 'nia'₂ le₂ně₅ jua'₅₄ jñig'₅₄, ia₁ jui₁lia'₂ i₂le₂ně₅ bá₄ guē'₂ i₂ca₂tín₂ ja₁gon₂ Diú₄.

15 Jme₁ca₂lē₃ chi₂lái'₂ le₂jan₂ le₂jan₂ guein₂ a₂jme₂gu'₅₄, ca₂ñái'₃ bá₄ jaun₂.

Jan₂ dsó₂ chi'₂ cha₂ cu₄ ca₂dsia₃ jág₁ quiain'₅₄ Jesús

(Marcos 10:17-31; Lucas 18:18-30)

16 Jan₂ dsó₂ chi'₂ ca₂jme₃quián₃ con₂ Jesús, jaun₂ ca₂ñag₃:

—Tē₅ dsen₃, ¿'e₂ jmo₅₄ jniá₂† ia₁jaun₂ léi₂ ja₁le₃chang₂ co₂tan₅₄?

17 Jaun₂ ca₂juá'₂ Jesús:

—¿'E₂ lē₃ tē'₅ jniá₂ dsen₃? Š Jñia'₅₄ lia'₂ jan₂ bá₄ i₂chan₂ i₂lín₅ i₂dsen₃, i₂éi₂ lín₅ Diú₄. La₁ nē₁jua'₂ 'niog'₂ 'ú'₄ ja₁le₃chang₂ co₂tan₅₄, jme₁ti₁ 'éi'₃ quió'₅ Diú₄.

18 Jaun₂ ca₂ñag₃ táng₃ dsó₂ 'éi₂:

—¿'E₂ 'éi'₃?

Jaun₂ ca₂ñag₃ táng₃ Jesús:

—Tsá₃ jñig'₄ dsa₂ mi₂güig₃ ríng'₂; tsá₃ nióg'₄ jág₁ quian'₅₄ dsa₂ i₂tsá₃ lín₅ dsi₂i₂gog'₂; tsá₃ 'áng'₁ a₂cha₂ quió'₅ ríng'₂; tsá₃ jmó'₂ jua'₅₄ jang'₅₄ jág₁ tē₂jág₁ a₂jmag'₅₄ ríng'₂; 19 a₂jme₁gang'₃ chog'₂-ñéi'₅; * a₂jme₁'nióg'₄ dsa₂ mi₂güig₃ ríng'₂ jui₁lia'₂ 'nióg'₃ 'ñiag'₂ ně₃.†

20 Jaun₂ ca₂ñag₃ táng₃ dsó₂ 'éi₂ ca₂tsí'₃ Jesús:

—Ca₂le₃jě₃ a₂ně₅ ma₂guio₃ jme₂tí₂. ¿'E₂ guē₄ a₂siá'₂ 'nió'₅ jmo₅₄?

21 Jaun₂ ca₂ñag₃ táng₃ Jesús:

—Nē₁jua'₂ 'niog'₂ léng'₂ jan₂ dsa₂ i₂rē₂'ñia₅ tē₂le₃ quió'₅ jme₂dsí₂, guan'₂ o₂'nag₄ ca₂le₃jě₃ a₂cha₂ quiáng'₂, jaun₂ o₂dsio'₅₄ ja₁con₂ dsa₂ te₂ñé₂, jaun₂ le₂ně₅ le₃cha₂ a₂jlá'₁ quiáng'₂ guei'₅₄ i₂juíg₃; jaun₂ guē₄ ñe'₅₄ quian'₅₄ jniá₂.

22 La₁ jme₁ca₂nág₂ dsó₂ jág₁ ně₅, ca₂ñái'₃ 'lia'₂ dsí₅, ia₁ 'ñio₅ lín₃ jme₁cha₂ cu₄.

23 Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂ quiáin₅:

—A₂dsi₂jó'₃ juíg₂ jniá₂ 'nia'₂, 'e₂ guē₄ quian₅ ta₁ quió'₅ jan₂ dsa₂ cha₂ cu₄ a₂'í₂ guei'₅₄ i₂juíg₃ ja₁gon₂ Diú₄. 24 Juá'₅ jniá₂, tsá₃ guē₄ 'e₂ ta₁ quian₅ a₂lé₂ le₃ñí₃ jan₂ já'₂ camello jui₅ tau₂ mi₂cu₄, lia'₂ con'₂ guē₄ jan₂ dsa₂ cha₂ cu₄ a₂'í₂ ja₁gon₂ Diú₄.

25 Jme₁ca₂nág₂ chi'₂ dsi₂guia₃-tín₂ quiáin₅ jág₁ ně₅, 'ñio₅ lín₃ ca₂i₃gó'₃ dsí₅, jaun₂ qui₂ca₂ñíi'₃ riin'₅₄ con'₂ guioin₅₄:

—¿I₂'ein₂ bá₄ guē'₂ jaun₂ ně₃ i₂lé₂ le₃tín'₄?

26 Jaun₂ ca₂jág₃ Jesús ca₂jíin₂ 'éi₂, jaun₂ ca₂juá'₂:

—Dsón'₂ bá₄ jaun₂, tē₂le₃ quió'₅ dsa₂ mi₂güig₃ o₁líg'₂ tsá₃ lé₂ le₃lé₂. La₁ tē₂le₃ quió'₅ Diú₄, ca₂le₃jě₃ bá₄ lé₂ le₃lé₂.

27 Jaun₂ ca₂juá'₂ Pe₄ ně₃:

† 19:16 o₃, “Tē₅, ¿'e₂ a₂dse₃ a₂jmo₅₄ jniá₂...” Š 19:17 o₃, “¿'E₂ lē₃ ñag'₅₄ jniá₂ jui₁lia'₂ a₂dse₃?” * 19:19 Éxodo 20:12-16; Deuteronomio 5:16-20. † 19:19 Levítico 19:18.

—Te₁gui₅₄, ca₂le₃jě₃ 'e₂ a₂jme₁cha₂ quián₂ jnia'₅₄ ma₂ca₂tén'₃ dsi₅ jnia'₅₄ ma₂qui₂ca₂tí₄ ia₁ a₂'én₅ jnia'₅₄ 'ne₂. ¿'E₂ a₂tag₃ jnia'₅₄ ně₃?

²⁸ Jaun₂ ca₂ḡag₃ Jesús ca₂juá'₂:

—A₂dsi₂jó'₃ juá'₅ jniá'₂ juig₂ 'nia'₂, jě₁ma₂ca₂tě₂ jmi₄ i₁le₃'mag'₂ ca₂le₃jě₃ 'a₂ lia'₂ niog₅ lě₅ mi₂güig₃, jě₁ma₂ca₂tě₂ rě₁guá₃ Jaun₅ dsa₂ mi₂güig₃ ne₄ta₁ jlá'₁ quió'₅, jaun₂ 'nia'₂ ně₃ i₂ma₂ja₂nóg'₅ quiong'₅₄ jniá'₂, nio₃ gog'₂ 'nia'₂ jma₃cáun₃ ta₁ a₂tiáng'₄ jmó'₂ gong'₂ qui₁dsi'₂ 'éi'₃ ta₁guia₃-tín₂ nió'₃ dsa₂ juig₂ tsi₁jon₂ Israel. ²⁹ Ján₃ bá₄ le₂jaun₂ ján₃, ca₂le₃jín₃ i₂ma₂ca₂tén'₃ dsi₅ dsi₂néi₂ quió'₅, i₂ma₂ca₂tén'₃ dsi₅ chi'₂ rin'₅₄, o₃ chog₅₄-jmei₂, o₃ dsa₂ mí₂ quiáin₅, o₃ chi'₂ quiáin₅, i₂ca₂tén'₃ dsi₅ ca₂tí₂ ja₁nau₂ quió'₅ ně₃, 'uig₅₄ quió₃ jniá'₂, ia₁ gue₃ caun₂ 'ḡiá₂-láu₂ ḡag₅₄ guě₄ lia'₂ con'₂ guě₄ a₂ma₂ca₂tí₂, ton'₂ gue₃ ján₃ a₂le₃chain₂ co₂tan₅₄. ³⁰ La₁ rě₂ně₃ juin₅ lín₃ i₂lín₅ i₂quen₅, la₁ jmi₄ jaun₂ léin₂ dsa₂ tē₂le₃ jě₁ca₂tó'₂; le₂jaun₂ bá₄ ján₃ jui₁lia'₂ i₂tsá₃ 'e₂ quen₅ rě₂ně₃ lia'₂ con'₂ niog₅ lín₂ dsa₂ mi₂güig₃, léin₂ i₂le₂'uig₅₄.

20

Jág₁ jáng'₅ léi₄ jui₁lia'₂ dsa₂ i₂jmo₅ ta₁ caun₂ ja₁nau₂

¹ 'Lě₅ guei'₅₄ i₂juig₃ ja₁gon₂ Diú₄ jui₁lia'₂ jan₂ dsa₂ juig₅₄ ja₁nau₂ i₂o₂'in₅ tē₃ o₃'iog₂, ca₂i₁tioin₁₂ dsa₂ i₂jmo₃ ta₁ ja₁nau₂ quió'₅ ja₁nia₄ cho'₅₄ uing₂ uvas. ² Ca₂lí'₃ bá₄ jág₁ quian'₅₄ dsa₂ i₂jmo₃ ta₁ a₂'liain'₅₄ jma₃ca₂'éi'₃ cu₄ denario lia'₂ co₂jmi₄, jaun₂ ca₂chein₃ dsa₂ 'éi₂ jui₅ ja₁nau₂ quió'₅. ³ Jme₁co₂lág₂ jaun₂ o₂'iin₃ táng₃ con'₂ hora ḡi₁ ḡi₃ tē₂le₃ o₃'iog₂, * jaun₂ ca₂jíin₂ dsa₂ sián'₂ i₂tióin₂ jin₅₄ jě₄ 'ma'₅₄. ⁴ Jaun₂ ca₂tsí'₃ dsa₂ 'éi₂: “O₂nó'₅ 'nia'₂ ján₃ o₂jmo₄ ta₁ ja₁nau₂ quió₃, quí₄ bá₄ jniá'₂ 'liang'₅₄ 'nia'₂ con'₂ dsi₂ten₅₄.” Jaun₂ i₃lén₂ bá₄ dsa₂ 'éi₂. ⁵ Jaun₂ o₂'iin₃ táng₃ con'₂ dsi₂ḡi₁, † con'₂ siá'₂ hora ḡi₁ 'ni₅ tē₂le₃ ca₂'láu₂ ně₃; ‡ le₂jaun₂ bá₄ ca₂jmo₃ ján₃. ⁶ Con'₂ siá'₂ o₂'iin₃ bá₄ guě₄ con'₂ hora ḡi₁ 'ḡiá₂ tē₂le₃ ca₂'láu₂, § ḡó₃ jui₅ jě₄ 'ma'₅₄, jaun₂ ca₂dsáin'₂ táng₃ dsa₂ i₂jin₅₄ tióin₂. Jaun₂ ca₂tsí'₃ 'éi₂: “¿'E₂ lě₃ tióin'₂ 'nia'₂ ja₁lá₃ ta₁ne₁jmi₄ tsá₃ 'e₂ ta₁ jmo'₂?” ⁷ Jaun₂ ca₂ḡag₃ dsa₂ 'éi₂ ca₂juá'₂: “Ia₁ 'i₁jan₂ tsá₃ 'ein₂ tio₅.” Jaun₂ ca₂ḡag₃ dsa₂ juig₅₄ ja₁nau₂ ca₂juá'₂: “O₂nó'₅ 'nia'₂ ján₃, o₂jmo₄ ta₁ ja₁nau₂ quió₃; quí₄ bá₄ jniá'₂ 'lian'₅₄ 'nia'₂ con'₂ dsi₂ten₅₄.”

⁸ Jme₁ca₂nei₂ jmi₄ jaun₂, ca₂juá'₂ juig₅₄ ja₁nau₂ ca₂tsí'₃ dsa₂ i₂niog₅ ne₄ i₂te₂né'₂ dsa₂ ta₁: “Te'₂ dsa₂ i₂ma₂ně₂jmo₃ ta₁, jaun₂ qui'₅₄ 'liain'₅₄. Jme₁lióg₄ de'₂ jniá₅ quian'₅₄ dsa₂ i₂ně₂tióin'₂ jě₁ca₂tó'₂, jaun₂ dsian₅ quian'₅₄ i₂ně₂tióin'₂ le₂'uig₅₄.” ⁹ Jaun₂ dsi₃lén₂ dsa₂ i₂ca₂tón'₂ ca₂jmo₃ ta₁ hora ḡi₁ 'ḡiá₂ tē₂le₃ ca₂'láu₂, jaun₂ le₂jain₂ le₂jain₂ ca₂gue₃ 'liain'₅₄ jma₃ca₂'éi'₃ cu₄ denario. ¹⁰ Jme₁co₂lág₂ jaun₂, ca₂tín₂ dsa₂ i₂ca₂i₃ton'₅₄ le₂'uig₅₄, i₃jio₅ dsi₅ a₂jme₁gue₃ guě₄ ḡag₅₄ 'liain'₅₄; la₁ co₂rě₂ bá₄ 'liain'₅₄ ca₂gue₃ jma₃ca₂'éi'₃ cu₄ denario le₂jain₂ le₂jain₂. ¹¹ La₁ jme₁ma₂ně₂gue₃ 'liain'₅₄, i₃léin₂ i₃chog'₄ dso₄ ne₄ juig₅₄, ¹² jaun₂ ca₂juá'₂: “Dsa₂ i₂o₃lén₂ jě₁ca₂tó'₂, caun₂ hora bá₄ ně₂tióin'₂ ně₂jmo₃ ta₁; co₂jaun₂ bá₄ 'liain'₅₄ ně₂gue₃ ján₃ con'₂ 'liog'₅₄ jnia'₅₄ i₂ně₂tió'₄ ně₂jmó₁ ta₁ ta₁ne₁jmi₄ ně₂ḡag₅₄ 'iog₂ dsi₂éi₂ 'ḡio₅ lín₃.” ¹³ La₁ ca₂ḡag₃ juig₅₄ ca₂tsí'₃ jan₂: “A₂mei₅₄ quiáng₃, tsá₃ 'e₂ jua'₅₄ a₂tsá₃ dsi₂ten₅₄ jmo₅ jniá'₂ ja₁cong'₂. ¿Tsa₁ ca₂lě₃ jág₁ a₂'liang'₅₄ ca₂'éi'₃ cu₄ denario guě₂? ¹⁴ Jui₁le₂'ḡio₂ 'au'₂ con'₂ ma₂'liang'₅₄ ně₅, guan'₂ quiáng'₂. Ně₁jua'₂ jniá'₂ le₂ně₅ ca₂lě₃ dsi₃ quí₄ 'lian'₅₄ dsa₂ i₂ně₂tong₅₄ jě₁ca₂tó'₂ con'₂ 'lian'₅₄ 'ne₂, ¹⁵ ¿o₃ tsa₁ ca₂tín₂ jniá'₂ jmo₅₄ quian'₅₄ cu₄ quió₃ 'a₂ lia'₂ jnia'₅₄ 'nio₃ jmo₅₄? ¿o₃ ja₂ uig₅ 'au'₂ 'e₂, ia₁ a₂'ua₁ dsi₃?”

¹⁶ Jaun₂ ně₃ jui₁lia'₂ dsa₂ i₂lín₅ tē₂le₃ jě₁ca₂tó'₂ rě₂ně₃, léin₂ i₂le₂'uig₅₄ jmi₄ jaun₂; le₂ně₅ bá₄ ján₃, jui₁lia'₂ i₂lín₅ i₂le₂'uig₅₄ rě₂ně₃, léin₂ dsa₂ tē₂le₃ jě₁ca₂tó'₂.

* 20:3 lit. “hora 'ni₅.” † 20:5 lit. “hora jḡéi₂.” ‡ 20:5 lit. “hora ḡi₃.” § 20:6 lit. “hora ḡuia₃-cáun₃.”

Con'₂ siá'₂ táng₃ ca₂'ě₂ Jesús jág₁ a₂jóin₂
(Marcos 10:32-34; Lucas 18:31-34)

17 Jme₁ma₂'en₅₄ Jesús jui₅ uíg₂ tso₄ a₂dsióg₄ Jerusalén, jaun₂ ca₂tě'₃ cau₅ chi'₂ dsi₂guia₃-tín₂ quiáin₅, jaun₂ ca₂juá'₂:

18 —Jui₁lia'₂ jág'₂ 'nia'₂, tio'₅₄ jniog₄ jui₅ tso₄ la₂ a₂dsi₁náu₅ Jerusalén. Ja₁jaun₂ jáng'₂ dsa₂ jín'₂ Jaun₅ dsa₂ mi₂güig₃ o₄gú₃ juig₅₄ jme₂dsa₂, ne₄ tě₅juá'₅ ně₃; 'éi₂ guě₄ ně₃ cuě₃ 'éi'₃ a₂jñag'₃ dsa₂. 19 Jáng'₂ dsa₂ ně₃ o₄gú₃ dsi₂nau₂ ia₁jaun₂ jmóg'₂ burlas, qui₃bóg₂ dsa₂, jaun₂ guě₄ tioin₃ cróg₄ jñag'₃; la₁ a₂'ni₅ jmig₄ jaun₂, jein'₅₄ le₃chain₂ bá₄ táng₃.

Jui₁lia'₂ a₂ca₂mi₃ chog₅₄ Jacobo quian'₅₄ Juan₅₄
(Marcos 10:35-45)

20 Jaun₂ ca₂jme₃quián₃ chog₅₄ Jacobo quian'₅₄ Juan₅₄, ja₁ñi'₅₄ Zebedeo, ja₁'en₅₄ Jesús. Jaun₂ ca₂chi₃jné₃ ca₂mi₃ a₂jmo₃ 'éi₂ dse₃ dsi₅. 21 Jaun₂ ca₂ñag₃ Jesús:

—¿'E₂ 'niog'₂ 'ne₂?

Jaun₂ ca₂ñag₃ chog₅₄ chi'₂ 'éi₂:

—¿Tsa₁ cuě'₁ jmig₄ a₂tian'₃ jma₃jan₂ chi'₂ quiáng₃ cong'₂, jē₁ma₂tě₂ rē₁ne'₅₄ gong'₂ ne₄ta₁ quiáng'₂, jan₂ tě₂le₃ gog'₂ ne₁, jan₂ guě'₂ tě₂le₃ gog'₂ jen₅?

22 La₁ Jesús ně₃ ca₂ñag₃:

—Tsá₃ ñi'₅₄ 'nia'₂ 'e₂ a₂mi'₂. ¿Tian'₃ 'nia'₂ dsi₃ñíg'₂ ca₂le₃jě₃ jui₁lia'₂ a₂dsi₃ñí₂ jniá₂ guě'₂?*

Jaun₂ ca₂ñag₃ 'éi₂:

—Tián₂ bá₄ jnia'₅₄.

23 Jaun₂ ca₂juá'₂ táng₃ Jesús:

—Dsón'₂ bá₄ jaun₂ dsi₃ñí'₂ 'nia'₂ jui₁lia'₂ 'a₂lia'₂ niog₅ dsi₃ñí₂ jniá₂,† la₁ jui₁lia'₂ a₂juá'₂ 'nia'₂ ně₅ a₂tiáng'₄ jma₃ca₂ton₂ cau₅ quió₃, on₃jua'₅₄ jniá₂ ca₂tíng₂ cuě₅₄ a₂jaun₂. Ja₁jaun₂ ma₂jmo₃ Ne'₃ jniá₂ co₂jñia₅₄ a₂tian'₃ con'₂ i₂ca₂tín₂ bá₄.

24 Riin'₅₄ i₂guian₃ guě₄ 'éi₂ ně₃ ca₂rě₃ néi₃ quian'₅₄ i₂on₃ 'éi₂ jme₁ca₂nág₂ jág₁ jaun₂. 25 La₁ ca₂tě₃ Jesús, jaun₂ ca₂juá'₂:

—Ñi'₅₄ bá₄ 'nia'₂, jui₁lia'₂ dsi₂tan₅₄ dsa₂ can'₅₄ i₂tián'₅ gon₂ ca₂le₃jě₃ juig₂,‡ qui₂toin'₂ dsa₂ 'éi'₃ bén₂. Le₂jaun₂ bá₄ jmo₅ jui₁lia'₂ dsi₂tan₅₄ i₂sion₅ guě₄, tián'₅ goin₂ jmo₂₃ 'éi'₃. 26 La₁ jin'₄ 'nia'₂, tsá₃ le₂jaun₂ lé₂. Chi₂jua'₂ 'ein₂ 'nio₃ jmo₃ juin'₂, ca₂tín₂ jme₃ti₃ ta₁ ne₄ riin'₅₄; 27 chi₂jua'₂ 'ein₂ 'nia'₂ 'nio₃ cán₂ ne₄ jui₅, 'nió'₅ jme₃ti₃ ne₄ ca₂le₃jín₃ dsa₂. 28 Ia₁ le₂ně₅ bá₄ Jaun₅ dsa₂ mi₂güig₃, tsá₃ ta₁ jaun₂ já₅ jua'₅₄ a₂jme₃ti₃ dsa₂ ne₅₄; a₂jme₃ti₃ ta₁ ne₄ dsa₂ bá₄ já₅, a₂quí₃ quian'₅₄ 'mú₃ co₂'nió'₄ 'lia'₅₄ ia₁jaun₂ tín'₄ juin₅.

Ca₂jme₃'lión₂ Jesús on₃ dsa₂ ten₄
(Marcos 10:46-52; Lucas 18:35-43)

29 Jme₁ma₂tioin'₅₄ jui₅ 'uiin₂ juig₂ Jericó, juin₅ dsa₂ ja₁jaun₂ ca₂jme₃quiain'₅₄ Jesús. 30 Jui₅ ja₁nó₄ jaun₂, jme₁tián'₄ on₃ dsa₂ ten₄ cau₅ jui₅. Dsa₂ 'éi₂ ně₃ jme₁ca₂nág₂ a₂ñó₅ Jesús cau₅ jaun₂, ca₂juá'₂ tiá₂:

—iTe₁gui'₅₄, tsi₁jon₂ David, dsia₄ ñéi₂ 'au'₂ jnia'₅₄!

31 Jaun₂ ca₂jí₂ bá₄ dsa₂ ia₁jaun₂ dsi₃lén₂ tei₄. La₁ tě₂le₃ i₂jui'₂ guě₄ co₂mi'₅₄ ca₂tóin'₂ bá₄, ca₂juá'₂:

—iTe₁gui'₅₄, tsi₁jon₂ David, dsia₄ ñéi₂ 'au'₂ jnia'₅₄!

32 Jme₁ca₂nág₂ Jesús, jaun₂ ca₂nau₂, jaun₂ ca₂tě'₃ le₃on₃ dsa₂ 'éi₂, jaun₂ ca₂ñag₃:

—¿'E₂ 'niog'₂ 'nia'₂ jmo₅ jniá₂ o₄quián'₂ 'nia'₂?

33 Jaun₂ ca₂ñag₃ dsa₂ 'éi₂:

—Te₁gui'₅₄, a₂jnia₅₄ mi₂ne₄ bá₄ jnia'₅₄ 'niog₂.

* 20:22 A₂lin₅₄ chog₅₄ si₂ juá'₂ le₂la₂ ján₃: “¿Tian'₃ 'nia'₂ cán'₁ o₂i₁ dsi₅ jui₁lia'₂ o₂i₁ dsi₅ a₂can₅₄ jniá₂?” † 20:23 A₂lin₅₄ chog₅₄ si₂ juá'₂ le₂la₂ ján₃: “ján₃ bá₄ cán'₁ 'nia'₂ o₂i₁ dsi₅ jui₁lia'₂ o₂i₁ dsi₅ can₅₄ jniá₂.” ‡ 20:25 o₃, “i₂tián'₅ gon₂ jin₄ dsi₂nau₂.”

³⁴ Jaun₂ ca₂dsia₃ bá₄ Jesús n_{éi}₂ dsí₅, jaun₂ ca₂tí₂ gu₂ jme₁ne₁ dsa₂ 'éi₂. Jaun₂ dsi₂jui₅ le₂jaun₂ ca₂jnia₃ jme₁ne₁ dsa₂, jaun₂ i₃lén₂ bá₄ jaun₂ ca₂jme₃quian₅ '54 Jesús.

21

Ca₂'í₃ Jesús jē₄ juig₂ Jerusalén

(Marcos 11:1-11; Lucas 19:28-40; Juan 12:12-19)

¹ Jme₁ma₂quian₅ dsi₁lén₂ Jerusalén, dsi₃lén₂ quian₅ juig₂ Betfagé a₂nio₅ cau₅ Má'₂ Olivos, ja₁jaun₂ ca₂chen₃ Jesús on₃ chi'₂ dsi₂guia₃-tín₂ quian₅, ² ca₂juá'₂:

—O₂nó'₅ 'nia'₂ juig₂ pí'₁ niog₅ tē₂le₃ ne₄ jui₅ ja₁dsau₅₄ nē₅. Ja₁jaun₂ dsian'₂ 'nia'₂ jan₂ i₂bú'₄ mí₂ rē₂'nē'₅₄, chéin'₅ quian'₅₄ guein₂ quian₅. O₂chein'₅₄ 'nia'₂ jaun₂ tē'₅₄ ja₁lá₃. ³ Nē₁jua'₂ 'ein₂ n_{ag}₅ 'e₂ lē₃ tsin'₅₄, jaun₂ juig'₅₄ 'nia'₂: “Te₁gui'₅₄ bá₄ 'nio₃ ca₂tiá₂.” Jaun₂ nē₃ cón'₅ bá₄ cuag₃.

⁴ Ca₂lē₃ le₂nē₅ ia₁jaun₂ le₃ti₃ jág₁ a₂ca₂tó'₂ ne₄ si₂ dsa₂ i₂jme₁ 'ē₂ jág₁ quian₅ Diú₄ ma₂líg'₂, jme₁ca₂juá'₂:

⁵ Chei'₅₄ dsa₂ juig₂ i₂tián'₅ Sión:

“Jag₄, nē₅ jón'₅ Rag₅₄ quian'₂ 'nia'₂ ja₁cong'₂,

a₂lín₅ jan₂ dsa₂ me'₂, tsá₃ jláin'₁,

jóin'₅ co₂dsin₅₄ jan₂ bú'₄,

jóin'₅ quian'₅₄ jaun₅ já'₂ i₂cán₂ lio₅₄ bá₄”.*

⁶ Jaun₂ ca₂i₃lén₂ bá₄ i₂on₃ 'éi₂, ca₂jmo₃ bá₄ con'₂ lē₅ jág₁ a₂ca₂cuē₃ Jesús. ⁷ Jaun₂ ca₂i₁te₂ bú'₄ lia'₂ jma₃quian'₅₄ guein₂ quian₅, ca₂i₁jio₃ ja₁'en₅₄ Jesús. Jaun₂ ca₂jlág₂ ni₁tsin'₅₄ mi₂ca'₄ já'₂, jaun₂ guē₄ ca₂co₃dsag₅₄ Jesús. ⁸ Jaun₂ dsa₂ juin₅ i₂quian₅ nē₃ i₂jñiá₅ le₃ne₄ jui₅ qui₂ca₂néi'₃ 'mí'₂ le₂'i₄ jui₅ ja₁n_í₃ Jesús; i₂lín₅₄ guē'₂ qui₂ca₂'nia₃ mog'₅₄ 'ma₂tsín₅, qui₂ca₂jó₃ dsi₂jui₅. ⁹ Dsa₂ i₂i₃lén₂ le₃ne₄ jui₅, quian'₅₄ i₂ja₂lén₂ le₃chi₁co'₅₄ nē₃, qui₂ca₂tóin'₂ co₂mi'₅₄ ca₂juá'₂:

jui₁le₂juin'₂† bá₄ tsi₁jon₂ David!

jui₁le₂jñi₃ bá₄ i₂nē₅ i₂já₅ o₄quió'₄ Te₁gui'₅₄!‡

jui₁le₂juin'₂ bá₄ i₂guá₅ guei'₅₄ i₂juig₃!

¹⁰ Jme₁ca₂'í₃ Jesús jē₄ juig₂ Jerusalén, jaun₂ qui₂ca₂tón'₂ go₂'i₃ dsa₂ juig₂, juin₅ i₂qui₂ca₂nag₃:

—¿'Ein₂ bá₄ nē₅?

¹¹ Jaun₂ qui₂ca₂nag₃ dsa₂ juin₅ i₂quian'₅₄ Jesús, ca₂juá'₂:

—Jesús bá₄ la₂, dsa₂ i₂'ē₂ jág₁ quian₅ Diú₄, i₂chan₂ juig₂ Nazaret ja₁tén₄ Galilea.

Ca₂'uín'₂ Jesús dsa₂ i₂jme₁tion'₅₄ dsia₅ 'ma'₅₄ i₁dsi₅ guá'₅

(Marcos 11:15-19; Lucas 19:45-48; Juan 2:13-22)

¹² Ca₂dsi₃g₃ Jesús jme₁ca₂dsi₃g₃ i₁dsi₅ guá'₅ templo, jaun₂ qui₂ca₂'uín'₂ ca₂le₃jín₃ dsa₂ i₂jme₁ma₂tion'₅₄ dsia₅ 'ma'₅₄ i₁dsi₅ guá'₅, dsa₂ i₂'nag₅, i₂qui₂lá₅ nē₃, qui₂ca₂jéin'₃ ni₁mesa ja₁jme₁jmo'₂ dsa₂ ta₁ jme₂tsin₃ cu₄, qui₂ca₂quí'₂ 'ma₂si₅₄ ja₁jme₁tián'₄ dsa₂ i₂'ni₅ i₁ju₂; ¹³ jaun₂ ca₂juá'₂:

—Ne₄ Si₂ juá'₂: “Né₅ quió₃ lē₅ ca₂ne₅₄ 'né₅ ja₁tē₁ja₂lén₂ dsa₂ ja₂chi'₅₄ Diú₄”;§ la₁ 'nia'₂ nē₃ ma₂jmo'₅₄ nē₂jag₄ bá₄ tē₂'lau₂ quió'₅ dsa₂ 'ang₂.*

¹⁴ Jaun₂ ca₂jme₃quian₃ i₂lín₅₄ dsa₂ ten₄ quian'₅₄ dsa₂ guian'₅₄ nē₃ con₂ Jesús i₁dsi₅ guá'₅, jaun₂ ca₂jme₃'lióin₂ bá₄ dsa₂ 'éi₂. ¹⁵ La₁ jme₁ca₂jág₃ juig₅₄ jme₂dsa₂ quian'₅₄ tē₅juá'₅ léi₄ jlá'₁ a₂ca₂jmo₃ Jesús jaun₂, ton'₂ ia₁ ca₂nág₂ nē₃ tion'₅₄ chi'₂ co₂mi'₅₄ qui₂guió'₅ i₁dsi₅ guá'₅, a₂juá'₂: “jui₁le₂juin'₂ tsi₁jon₂ David!”, jaun₂ ca₂rē₃'néi₃. ¹⁶ Jaun₂ ca₂juá'₂ ca₂tsí'₃ Jesús:

—¿Tsa₁ nag'₂ 'e₂ juá'₂ chi'₂?

* **21:5** Zacarías 9:9. † **21:9** lit. “Hosana”, a₂jein₅ jág₁ quian'₅₄ jág₁ jmei₅ arameo: “Lio₄ jnia'₅₄”, co₂'nió'₄ a₂qui₂mi₅ dsa₂ ne₄ Diú₄ a₂jia₃ I₂rē₂'ín₁ quian₅; la₁ can₂g₂ jaun₂ táng₃ ca₂jein₃, jág₁ a₂jme₂juin'₂ dsa₂ jan₂ dsa₂. Ján₃ bá₄ le₂nē₅ ‡ **21:9** Salmo 118:26. § **21:13** Isaías 56:7. * **21:13** Jeremías 7:11.

Jaun₂ ca₂ηag₃ Jesús:

—Ján₅, nag₅ bá₄ jniá₂. Ia₁, tsa₁ ma₂'í₂ 'nia'₂ ne₄ Si₂ ja₁juá'₂:

Te₁gui'₅₄, 'ne₂ bá₄ ma₂ca₂jmo'₅₄

'e₂ a₂'uë₂ mi₂'o₄ chi'₂ bē'₅₄
quian'₅₄ mi₂'o₄ guein₂ tei₄ i₂guén'₅ dsi'₅₄,

'uë₂ jág₁ a₂jme₂juin'₂ 'ne₂?†

¹⁷ Jaun₂ ca₂o₃'iin₃ bá₄ ja₁tion'₅₄ 'éi₂, jaun₂ ca₂ηái'₃ táng₃ juig₂ Betania. Ja₁jaun₂ ca₂jñia₂ caun₂ nei₅.

*Ca₂juá'₂ Jesús caun₂ jág₁ a₂ca₂cuë'₃ uig₅ caun₂ ni₁'ma₂ higuera a₂tsá₃ mīg₂ cha₂
(Marcos 11:12-14, 20—26)*

¹⁸ Jme₁jñia₃ jaun₂, jme₁ma₂tiain'₅₄ jui₅ a₂i₂lein₃ táng₃ jui₅ jë₄ juig₂ Jerusalén. Jesús nē₃ ca₂tá'₂ i₁cón'₅. ¹⁹ Jaun₂ ca₂jág₃ caun₂ ni₁'ma₂ higuera a₂dsi₅₄ cau₅ jui₅, jaun₂ ca₂jme₃quiáin₃ 'uig₅₄, la₁ tsá₃ 'e₂ mīg₂ ca₂dsó'₂ guë'₂ guei'₅₄ ni₁'ma₂; jñia'₅₄ lia'₂ jmá'₃ mog'₅₄ bá₄ cha₂. Jaun₂ nē₃ ca₂juá'₂ Jesús ca₂tsí'₃ ni₁'ma₂:

—Lia'₂ o₁líg'₂ jmīg₄, tsá₃ ma₃jui₁'ag₅₄ mīg₂ quiáng'₂!

Dsi₂jui₅ jaun₂ bá₄ ca₂rë₃quéin₃ ni₁'ma₂ jaun₂. ²⁰ Jme₁ca₂të₂ ne₄ chi'₂ dsi₂guia₃-tín₂ a₂ca₂lë₃ jaun₂, ca₂i₃gó'₃ dsí₅, jaun₂ ca₂ηí'₃ Jesús:

—¿'A₂ bá₄ lia'₂ con'₂ tan₅₄ lia'₂ dsi₂jui₅ ca₂rë₃quéin₃ ni₁'ma₂ nē₅?

²¹ Jaun₂ ca₂ηag₃ Jesús:

—A₂dsi₂jó'₃ juig₂ jniá₂ 'nia'₂, nē₃jua'₂ tsá₃ ca₂'éi'₂ 'nia'₂ caun₂-tín₃ 'au'₂ lia'₂ 'éng'₂, on₃jua'₅₄ jmá'₃ jui₁lia'₂ a₂nē₂jmo₃ jniá₂ quian'₅₄ ni₁'ma₂ higuera nē₅, lé₂ le₃jmó'₂ 'nia'₂, ia₁ lé₂ le₃jua'₅₄ 'nia'₂ ján₃ juig'₅₄ ni₁má'₂ ó₃: “Jñiag'₃ ja₁nē₅, o₃ o₂'ú₅ jmi₁ñí'₄”, le₂jaun₂ dsón'₂ lé₂ bá₄. ²² Le₂jaun₂ bá₄ ján₃ ca₂le₃jë₃ 'e₂ a₂mi'₂ 'nia'₂ jme₁mi'₂ ne₄ Diú₄, nē₃jua'₂ 'én'₂ tē₃dsón'₂ 'nia'₂, guéi'₁ bá₄ 'nia'₂.

Jesús bá₄ i₂'io₅ 'éi'₃

(Marcos 11:27-33; Lucas 20:1-8)

²³ Jaun₂ ca₂'í₃ táng₃ Jesús i₁dsi₅ guá'₅ templo, jaun₂ të₁lia'₂ 'ein₅₄ jme₂tiin₂₃ dsa₂, jaun₂ ca₂jme₃quián₃ juig₅₄ jme₂dsa₂ quian'₅₄ i₂lín₅ dsa₂ can'₅₄ quián₅ dsa₂ juig₂, con₂ Jesús, jaun₂ ca₂ηag₃:

—¿'E₂ ta₁ lín'₅ 'ne₂, 'e₂ lë₃ jmo'₂ ca₂le₃jë₃ 'e₂ a₂jmo'₂ ηi'₂? ¿'Ein₂ ca₂cuë₃ bí₂ 'éi'₃ nē₅?

²⁴ Jaun₂ ca₂ηag₃ Jesús:

—Ján₃ bá₄ ηag₄ jniá₂ caun₂ 'nia'₂: nē₃jua'₂ ca₂ηag'₅₄ 'nia'₂ lia'₂ tí₅, jaun₂ guë₄ juá'₄ jniá₂ 'ein₂ cuë₅ bí₂ 'éi'₃ a₂jmo₂₃ ca₂le₃jë₃ a₂jmo₂₃. ²⁵ Jui₁lia'₂ a₂ca₂chon₃ Juan₅₄ jmīg₂ dsa₂, ¿'ein₂ quió'₅ 'éi'₃ jaun₂? ¿Quió'₅ Diú₄, o₃ quió'₅ dsa₂ mi₂güig₃ 'e₂?

Jaun₂ ca₂dsia₃ dsa₂ can'₅₄ jág₁ con'₂ guioin₅₄, ca₂juá'₂:

—Nē₃jua'₂ ca₂chei₅₄ jniog₄ 'éi'₃ quió'₅ Diú₄ bá₄ jaun₂, nē₃ cón'₅ bá₄ ηag₃: “¿'E₂ lë₃ tsá₃ ca₂rë₃'én'₂ 'nia'₂ jág₁ quió'₅ 'éi'₂?” ²⁶ La₁ nē₃jua'₂ ca₂ηag₄ guë'₂ jniog₄ 'éi'₃ quió'₅ dsa₂ mi₂güig₃ nē₃, le₃'ne₂ dsa₂ juig₂ quian'₅₄ jniog₄, ia₁ ca₂le₃jín₃ bá₄ dsa₂ jmo₂₃ dsí₅ a₂jme₁lín₄ Juan₅₄ jan₂ dsa₂ i₂ca₂'ë₂ jág₁ quián₅ Diú₄. ²⁷ Jaun₂ nē₃, ca₂ηag₃ dsa₂ can'₅₄ 'éi₂ ca₂tsí'₃ Jesús:

—Tsá₃ a₂jaun₂ ne₄ jñia'₅₄ 'ein₂ ca₂chen₃ 'éi₂.

Jaun₂ nē₃, ca₂ηag₃ Jesús:

—Ján₃ bá₄ le₂nē₅ tsá₃ juá'₄ jniá₂ 'ein₂ cuë₅ bí₂ a₂jmo₂₃ ca₂le₃jë₃ a₂jmo₂₃ ηi₂₃.

Jág₁ jáng'₅ léi₄ jui₁lia'₂ on₃ ja₁ñi'₅₄ jan₂ dsa₂

²⁸ Jaun₂ ca₂juá'₂ Jesús ca₂tsí'₃ dsa₂ 'éi₂:

—¿'A₂ lia'₂ lín'₂ 'nia'₂ jui₁lia'₂ jág₁ la₂? Jan₂ dsa₂ jme₁chan₂ on₃ ja₁ñi'₅₄. Jaun₂ ca₂tsí'₃ chi'₂ quiáin₅ i₂lín₅ i₂juin'₂ guë₄: “Jón₃, gua₂ o₂jmo₄ ta₁ ja₁nau₂ quián₂ jmīg₄ nē₃.” ²⁹ Jaun₂ ca₂ηag₃

† 21:16 Salmo 8:2.

chi'₂ quiáin₅: “iTsá₃ nei₅₄!” La₁ jme₁co₂lág₂ jaun₂ ca₂jme₃tsíin₃ 'a₂ lia'₂ dsi₂jiog₅ dsí₅, jaun₂ njó₃ bá₄ i₁jmo₅₄ ta₁. 30 Jaun₂ ca₂ne₄ táng₃ jmei₂ i₁chi'₄ chi'₂ jan₂ quiáin₅. Ján₃ bá₄ le₂jaun₂ ca₂tsí'₃ 'éi₂. I₂'éi₂ ně₃ ca₂nag₃: “Nei₅₄ bá₄ jniá₂, tia₅₄, i₁jmo₃ ta₁.” La₁ tsá₃ nej₅₄ guě'₂ jaun₂ ně₃. 31 Jē₄ le₃oin₃ le₂jaun₂, ċ'ein₂ ca₂jmo₃ a₂'ņio₂ dsí₅ jmei₂?

Jaun₂ ca₂nag₃:

—Chi'₂ i₂le₂'uig₅₄ bá₄.

Jaun₂ ca₂juá'₂ Jesús:

—A₂dsi₂j'ó₃ juig₂ jniá₂ 'nia'₂, dsa₂ i₂cán₂ 'lia'₅₄ quián₅ dsi₂tan₅₄, o₃ jui₁lia'₂ 'io₅₄ i₂'nag₅ quió'₅ ně₃, i₂le₂'éi₂ bá₄ tiá₂ le₂'uig₅₄ dsi₃ton'₅₄ ja₁gon₂ Diú₄ lia'₂ con'₂ guě₄ 'nia'₂. 32 Ia₁ lia'₂ con'₂ jme₁guan₃ Juan₅₄ i₂chon₅ dsa₂ jmi₂g₂, ca₂jme₃jniá₂ ja₁con'₂ 'nia'₂ 'a₂ lia'₂ dsón'₂ ca₂tíng'₂ 'nia'₂ tiáng'₄. La₁ tsá₃ a₂jaun₂ ca₂rě'₃én'₂ 'nia'₂. Ia₁ a₂dsau₅ bá₄ jui₁lia'₂ dsa₂ i₂cán₂ 'lia'₅₄ quián₅ dsi₂tan₅₄, quian'₅₄ 'io₅₄ i₂'nag₅ quió'₅ ně₃, ca₂rě'₃én₂ jág₁ quió'₅ Juan₅₄. La₁ a₂dsau₅ bá₄ o₁jniá'₅₄ a₂ca₂tě₂ ne'₅₄ 'nia'₂ jaun₂, tsá₃ ca₂tá'₂ jén₂ 'au'₂ 'nia'₂, on₃ guě'₂ ca₂rě'₃éng'₂.

Jág₁, jáng'₅ léi₄ jui₁lia'₂ co₂nió'₃ dsa₂ 'lin'₅₄ i₂jmó'₂ ta₁ ja₁nau₂
(Marcos 12:1-12; Lucas 20:9-19)

33 'Nei₂ 'nia'₂ jág₁ a₂jáng'₅ léi₄ siá'₂ la₂: Jan₂ dsa₂ ca₂chéin'₃ cho'₅₄ uing₂ uvas ja₁nau₂ quió'₅. Jaun₂ ca₂jmo₃ jni₁ le₃lág'₃; ca₂jmo₃ co₂jniá₅₄ ja₁jlein'₃ mīg₂ ně₃; caun₂ guě'₂ tsi₁'né₅ nej₅ ca₂chi'₃ ja₁guá₃ jmo₃ 'í₁. Jaun₂ ca₂lí'₃ jág₁ quian'₅₄ dsa₂ sián'₂ i₂nio₃ ne₄ ja₁nau₂, jaun₂ ca₂njó₃ bá₄ 'ņiog₅ i₁ņi₂ juig₂ siá'₂. 34 Jme₁ca₂tě₂ jein₂ a₂ca₂rau₂ mīg₂, jaun₂ dsa₂ juig₅₄ ja₁nau₂ ca₂chein₃ co₂nió'₃ dsa₂ mozo quiáin₅, a₂jme₁i₂mí₃ a₂jáng'₃ dsa₂ i₂niog₅ gu₂ ja₁nau₂ ca₂dsio₄ mīg₂ con'₂ a₂ca₂tín₂ juig₅₄. 35 La₁ dsa₂ i₂tion'₅₄ jmó'₂ ta₁ ja₁nau₂ ně₃, ca₂jniá'₃ bá₄ dsa₂ mozo i₂chen₄ quián₅ juig₅₄. Ca₂cuě'₃ bá₄ jan₂ tioen'₅₄; jan₂ guě'₂ ca₂jni'₃; jan₂ guě'₂ ca₂cuě'₃ quian'₅₄ ni₁cang₁. 36 La₁ juig₅₄ ja₁nau₂ ně₃, juin₅ guě₄ i₂ca₂chein₃ cang₂ jaun₂ con'₂ guě₄ le₂'uig₅₄; la₁ dsa₂ 'lin'₅₄ i₂tion'₅₄ jmo₅ ta₁ ja₁nau₂ ně₃, le₂jaun₂ bá₄ qui₂ca₂jmái'₂ ca₂le₃jín₃ dsa₂ mozo i₂chen₄ 'éi₂.

37 'La₁ jē₁ca₂tó'₂ ně₃, dsa₂ juig₅₄ ja₁nau₂ ca₂chein₃ ja₁ņi'₅₄, ia₁ lín₂: “Jme₃go₃ dsa₂ jme₃gain₃ chi'₂ quiáng₃.” 38 La₁ jme₁ca₂jág₃ dsa₂ i₂jmo₅ ta₁ ja₁nau₂ ca₂jín₂ ja₁ņi'₅₄ dsa₂ juig₅₄ ca₂dsióg₃, jaun₂ ca₂dsia₃ jág₁ tioen'₅₄: “I₂ně₅ bá₄ tin₃ ja₁nau₂ la₂ cang₂; ně₃ o₁jni'₄ jniog₄ ia₁jaun₂ jniog₄ bá₄ lé₂ quián₂.” 39 Le₂jaun₂ bá₄ ca₂jmo₃. Ca₂jniá'₃ bá₄ 'éi₂ tioen'₅₄, jaun₂ ca₂dsei₂₃ le₃co'₅₄ jni₁; ja₁jaun₂ ca₂jnag'₃.

40 'Jaun₂ ně₃, jē₁ma₂tě₂ jmi₂g₄ rě₁jnió'₂ dsa₂ juig₅₄ ja₁nau₂, ċ'e₂ lín'₂ 'nia'₂ jmo₃ quian'₅₄ dsa₂ i₂jmó'₂ ta₁ ja₁nau₂ 'éi₂?

41 Jaun₂ ca₂nag₃ dsa₂ 'éi₂:

—A₂jme₃dsiain₂₃ dsa₂ 'lin'₅₄ 'éi₂ ca₂lia'₂ tsá₃ nej₂ dsí₅, jaun₂ cuě'₃ dsa₂ sián'₂ ja₁nau₂ con'₂ i₂léi₄ jáng'₃ ca₂dsio₄ con'₂ ca₂tín₂ jē₁ma₂tě₂ jein₂ a₂ráu₃.

42 Jaun₂ ně₃, ca₂juá'₂ Jesús ca₂tsí'₃ dsa₂:

—ċTsa₁ ma₂'í'₂ 'nia'₂ ne₄ Si₂ ja₁juá'₂:

Ni₁cang₁ a₂tsá₃ ca₂rě'₃ji'₅₄ tē₅'ia'₂,
ca₂dsióg₃ ca₂lē₃ ni₁cang₁ a₂dsen₅₄ guě₄

tē₁ron₅₄ qui'₅₄ 'ia'₂;

a₂ca₂jmo₃ Te₁gui'₅₄ bá₄ jaun₂,

jaun₂ 'ņio₅ lín₃ bá₄ jlá'₁, lág₂ jniog₄?†

43 'Uig₅₄ jaun₂ juig₂ jniá₂ 'nia'₂, co₂dsia₅ jniá'₂ Diú₄ o₄gog'₂ 'nia'₂ 'éi'₃ quió'₅, o₄gú₃ i₂sián'₂ bá₄ dsia₃ con'₂ i₂léi₄ jáng'₃ a₂ráu₃. 44 La₁ jui₁lia'₂ ni₁cang₁ la₂ ně₃, jui₁'ein₂ guě₃ i₂ca₂tán'₂ ne₄, lé₂ le₁juig₁ le₁dsog'₅₄ quió'₅; o₃ ně₁jua'₂ ca₂jlin₃, lé₂ ti₁'liog₂ quió'₅.Š

† 21:42 Salmo 118:22-23. Š 21:44 A₂lin₅₄ chog₅₄ si₂ tsá₃ rě₂ton₅ versículo 44.

⁴⁵ Jme₁ca₂nág₂ juig₅₄ jme₂dsa₂ quian'₅₄ dsa₂ fariseos jág₁ a₂jáng'₅ léi₄ ně₅, ca₂rě₃lí'₄ bá₄ guioin₅₄ a₂'in₅ 'éi₂ bá₄ Jesús. ⁴⁶ Jaun₂ jme₁'nio₃ jme₁tsáun'₂, la₁ ca₂rě₃gain₃ bá₄ dsa₂ juin₅ i₂quian'₅₄ Jesús, ia₁ ca₂le₃jín₃ bá₄ dsa₂ jmo₂₃ dsí₅ a₂lín₅ 'éi₂ jan₂ i₂'ě₂ jág₁ quián₅ Diú₄ bá₄.

22

Jág₁ jáng'₅ léi₄ jui₁lia'₂ ja₁nio₃ jmi₃g₄ a₂ca₂jen'₂ gu₂ dsa₂
(Lucas 14:15-24)

¹ Ca₂jme₃lióg₃ táng₃ Jesús ca₂tsí'₃ dsa₂ tē₂le₃ quian'₅₄ jág₁ a₂jáng'₅ léi₄, le₂la₂:

² —Lě₅ guei'₅₄ i₂juíg₃ ja₁gon₂ Diú₄ jui₁lia'₂ jan₂ rag₅₄ i₂ca₂jmo₃ co₂jñia₅₄ caun₂ má₃ a₂ca₂jmo₃ jmi₃g₄ ja₁jen'₂ gu₂ chi'₂ ja₁ñi'₅₄. ³ Jaun₂ ca₂chein₃ dsa₂ i₂jme₂ti₃ ta₁ ne₅₄ a₂dsi₃quiáin₂ dsa₂ i₂ma₂lě₅ jág₁ ja₃lén₂ ja₃guě'₃. La₁ dsa₂ 'éi₂ ně₃ tsá₃ ma₃ca₂gue₃ ja₃lén₂. ⁴ Jaun₂ ca₂chein₃ táng₃ i₂sián'₂, jaun₂ ca₂tsí'₃ 'éi₂: “Chei'₅₄ 'nia'₂ dsa₂ i₂ma₂lě₅ jág₁ ja₃lén₂ jmi₃g₄, ma₂lě₅ bá₄ co₂jñia₅₄ má₃. Ca₂jme₁dsiang₂₃ bá₄ ca₁jui₅ 'on'₅₄ quiáng₃; ma₂lě₅ bá₄ co₂jñia₅₄ ca₂le₃jě₃. Jaun₂ jui₁ja₂lén₂ bá₄ jmi₃g₄ quió'₅ chi'₂ quiáng₃.” ⁵ La₁ tsá₃ jui₅ ca₂tón'₃ dsa₂ i₂jme₁ma₂lě₅ jág₁ rě₂té₄ 'éi₂. Jui₅ siá'₂ bá₄ i₃lén₂: jan₂ ñó₃ jui₅ ja₁nau₂ quió'₅ bá₄; jan₂ guě'₂ ñó₃ i₃dsiá₃ 'ma'₅₄. ⁶ Rin'₅₄ dsa₂ 'éi₂ ně₃, ca₂jñai'₃ bá₄ dsa₂ i₂jme₂ti₃ ta₁ ne₄ rag₅₄ 'éi₂, ca₂cuě₃, ca₂jme₃dsiog₂₃ bá₄. ⁷ Jaun₂ ně₃, ca₂rě₃'né₃ rag₅₄ 'ñio₅ lín₃, jaun₂ ca₂chein₃ 'lióg₂ quiáin₅ ca₂i₁jme₁dsiain₂₃ dsa₂ 'éi₂ qui₂ca₂i₁dsí'₄ 'lióg₂ 'né₅, co₂dsia₅ ca₂'éin₂ go₄ dsa₂ 'éi₂. ⁸ Jaun₂ ca₂juá'₂ rag₅₄ ca₂tsí'₃ dsa₂ i₂jme₂ti₃ ne₅₄: “Ca₂le₃jě₃ ma₂lě₅ co₂jñia₅₄ a₂jen'₂ gu₂ chi'₂ quiáng₃ a₂nio₃ jmi₃g₄, la₁ dsa₂ i₂jme₁lě₄ jág₁ rě₂té₄ 'éi₂, tsá₃ ma₃ca₂tín₂ ja₃lén₂. ⁹ O₂no'₅ 'nia'₂ ně₃, o₂nau₂ jě₄ calle juě'₂ ja₁i₂nio₄ guě'₄ dsa₂ juin₅, o₂chei'₅₄ ca₂le₃jín₃ dsa₂ i₂jeng'₂ jui₁ja₂lén₂ jmi₃g₄ jě₁jen'₂ gu₂ chi'₂ quiáng₃.” ¹⁰ Jaun₂ ca₂'uin₂ bá₄ dsa₂ 'éi₂ ně₃ ca₂i₁lein₅₄ jě₄ calle, jaun₂ chi₂ca₂liain₃ ca₂le₃jín₃ dsa₂ i₂ca₂jein'₂ lia'₂ dsa₂ dsen₃ lia'₂ dsa₂ 'lín'₅₄ ně₃; jaun₂ ca₂can'₂ bá₄ dsi₂néi₂ ca₂lě₃, quian'₅₄ dsa₂ 'éi₂.

¹¹ 'Jaun₂ guě'₄ ca₂'í₃ rag₅₄ dsi₂néi₂ ca₂i₁jiin₁₂ dsa₂ i₂tion'₅₄ 'éi₂, jaun₂ ca₂jín₂ jan₂ i₂'en₅₄ jě₄ jaun₂, tsá₃ jme₁rě₂lín₅₄ jua'₅₄ a₂qui'₂ 'mi'₂ a₂quí'₅ dsa₂ dsi₂lén₂ ja₁nio₃ jmi₃g₄ jen'₂ gu₂ dsa₂. ¹² Jaun₂ ca₂tsí'₃ dsa₂ 'éi₂, ca₂juá'₂: “A₂mei₅₄, ¿a₂ bá₄ lia'₂ ně₂'ú'₃ 'ne₂ ja₁lá₃ tē₃ tsá₃ rě₂ling'₅₄ con'₂ dsi₂ten₅₄ a₂gog'₅₄ ja₁nio₃ jmi₃g₄ jen'₂ gu₂ dsa₂?” Jaun₂ tei₄ bá₄ ca₂nau₂ dsa₂ 'éi₂, tsá₃ 'e₂ ñi₅ ñag₃. ¹³ Jaun₂ bá₄ ca₂juá'₂ rag₅₄ ca₂tsí'₃ dsa₂ i₂tion'₅₄ jme₂ti₃ ne₄ mesa: “Quéin₂ 'nia'₂ gu₂-tag₄ i₂ně₅, dsein₅₄ ca₁'né₄, qui₂dsiin₅ 'nia'₂ güig₂, 'liain'₅₄ jě₄ qui₁'né₃ ja₁qui'₂-o₃, qui₃quí'₃ jan₅₄.” ¹⁴ Ia₁ juin₅ lín₃ dsa₂ i₂rě₂té₄, la₁ me'₂ bá₄ i₂rě₂quion'₅₄.

Jág₁ jui₁lia'₂ 'lia'₅₄ a₂ca₂tín₂ dsi₂tan₅₄
(Marcos 12:13-17; Lucas 20:20-26)

¹⁵ Jme₁co₂lág₂ jaun₂ ca₂i₃len₃ dsa₂ fariseos ca₂i₁jmo₅₄ jág₁ 'a₂ lia'₂ join₅₄ Jesús jui₁lia'₂ bá₄ 'ñiá₃ ca₂jon₄ jág₁ 'lia'₂, ia₁jaun₂ cuin₃ jmi₃g₄ a₂bóg'₂ dso₄. ¹⁶ Jaun₂ ca₂chein₃ táng₃ i₂lín₅₄ dsa₂ quiáin₅ quian'₅₄ i₂lín₅₄ dsa₂ i₂quian'₅₄ Herodes, a₂ca₂i₁chi'₄ Jesús:

—Tě₅, ne₄ bá₄ jnia'₅₄, a₂dsón'₂ bá₄ juá'₂ 'ne₂ lia'₂ tí₅ jág₁, qui₂jme₂tíng'₁ dsa₂ jui₅ dse₃ quió'₅ Diú₄, jaun₂ tsá₃ can'₂ 'ne₂ jág₁ jua'₅₄ a₂quian'₅₄ o₂i₁ dsí₅ 'e₂ a₂'ag₅ dsa₂, ia₁ tsá₃ gang'₃ jmag'₅₄ jui₁lia'₂ dsa₂ dsen₅₄ ně₃. ¹⁷ Jaun₂ 'niog₂ jnia'₅₄ jua'₅₄ 'ne₂ 'a₂ lia'₂ dsi₂jio₅ 'au': ¿Dsióg₅ guě'₂ jua'₅₄ a₂caun₂ qui₅₄ 'lia'₅₄ a₂ca₂tín₂ dsi₂tan₅₄ César? ¿'Nió'₅ qui₅₄, o₃ tsá₃ qui₅₄ 'e₂?

¹⁸ La₁ ca₂rě₃lí'₄ bá₄ Jesús a₂dsi₂jio₅ dsí₅ dsa₂ 'éi₂ 'lig'₅₄, jaun₂ ca₂juá'₂:

—i'Nia'₂ dsa₂ i₂lě₁co₂jmo₅ o₁ne₁! ¿'E₂ lě₃ 'niog'₂ 'nia'₂ jo'₅₄ jniá₂ jui₁lia'₂ tsán'₂ dsa₂ jan₂ já'₂ quian'₅₄ liá'₂? ¹⁹ 'Ě₄ de'₂ 'nia'₂ caun₂ cu₄ 'ua'₂ jui₁lia'₂ a₂quí₅ dsa₂ 'lia'₅₄ a₂ca₂tín₂ dsi₂tan₅₄.

Jaun₂ ca₂o₃can₅ dsa₂ caun₂ cu₄ denario. ²⁰ Jme₁ma₂ně₂jág₃ Jesús, jaun₂ ca₂ñi'₃ dsa₂ 'éi₂:

—¿'Ein₂ dsi₂ne₄ chi₁ton₅ ja₁lá₃? ¿'Ein₂ guě'₂ quió'₅ letra ně₃?

²¹ Jaun₂ ca₂ñag₃:

—Quió' ⁵gui' ⁵⁴emperador César.

Jaun ₂ ca₂juá' ₂ táng₃ Jesús:

—Jang' ⁵⁴guë' ₂ 'nia' ₂ jaun ₂ ne ₄ César con' ₂ a₂ca₂tín₂ César; ne ₄ Diú₄ ně₃ jang' ⁵⁴'nia' ₂ con' ₂ a₂ca₂tín₂ Diú₄.

²² Dsa₂ 'éi₂ ně₃, jme₁ca₂nág₂ jág₁ ně₅, ca₂i₃gó' ₃ dsí₅. Ca₂téin₂ bá₄ ca₂juë' ₂ Jesús, ca₂i₃lein₃ bá₄.

Ca₂ηag₃ dsa₂ saduceos jui₁lia' ₂ a₂jen' ⁵⁴'lag₄

(Marcos 12:18-27; Lucas 20:27-40)

²³ Jmíg₄ jaun ₂ ca₂o₃lén₂ i₂lin₅₄ dsa₂ saduceos ca₂o₃jiin₅₄ Jesús. Ia₁ tsá₃ 'én₂ dsa₂ 'éi₂ a₂jen' ⁵⁴táng₃ dsa₂ jē₁ma₂dsain₃. Jaun₂ jág₁ ně₅ ca₂ηi' ₃ Jesús ca₂juá' ₂:

²⁴ —Tē₅, le₂la₂ ca₂juá' ₂ Moisés: ně₁jua' ₂ ca₂jon₃ jan₂ dsa₂ ηe' ₂ tē₃ tsá₃ ca₂can₃ 'io₅₄ quiáin₅ guein₂, tion₅₄ 'nió' ₅ jén' ₂ gu₂ dsó₂ rin' ₅₄ dsa₂ ηe' ₂ i₂ca₂jon₃ quian' ₅₄ 'io₅₄ 'nág₂ 'éi₂, ia₁jaun₂ guein₂ i₂le₃chan₂ quiáin₅, lé₂ co₂'nió' ₄ tsi₁jon₂ 'lag₄ riin' ₅₄. ²⁵ Dse₃ jaun₂. Jē₄ quián₂ jnia' ₅₄ la₂, jme₁chan₂ guion₃ dsa₂ ηe' ₂ i₂lín₅ rin' ₅₄. Ca₂jen' ₂ gu₂ i₂le₂ 'uig₅₄, la₁ ca₂join₃ bá₄, tē₃ tsá₃ guein₂ ca₂can₃ 'io₅₄ quiáin₅. Jaun₂ ca₂tē₁ 'ñiá₄ bá₄ 'io₅₄ 'nág₂ 'éi₂ o₄gú₃ dsó₂ riin' ₅₄ i₂jē₁ca₂tē₂ on₃. ²⁶ La₁ ján₃ bá₄ le₂jaun₂ ca₂i₃ηi' ₂, ca₂join₃ bá₄ ján₃. Jaun₂ ca₂guá₂ táng₃ 'io₅₄ 'éi₂ quian' ₅₄ i₂jē₁ca₂tē₂ ún₂ dsó₂; ján₃ bá₄ le₂jaun₂ ca₂lē₃ quian' ₅₄ 'éi₂. Jaun₂ le₂nē₅ bá₄ ca₂lē₃ quian' ₅₄ ta₁guion₃ dsó₂ 'éi₂ con' ₂ i₂jme₁lě₄ rin' ₅₄, ca₂dsain₃ bá₄ tē₃ tsá₃ guein₂ ca₂can₃ 'io₅₄. ²⁷ Jaun₂ ca₂jon₃ bá₄ 'io₅₄ jme₁ca₂jon₃ ně₃.

²⁸ Jaun₂ ně₃, jmíg₄ jē₁ma₂tē₂ rē₁jen' ₅₄ 'lag₄, ħ₂ein₂ bá₄ quián₅ lé₂ 'io₅₄ 'éi₂? Ia₁ ta₁guion₃ bá₄ guë' ₂ dsa₂ ηe' ₂ ca₂guá₂ quian' ₅₄.

²⁹ Jaun₂ ca₂ηag₃ Jesús:

—Tsá₃ le₂jaun₂ lia' ₂ ηi' ₂ 'au' ₂ 'nia' ₂, ia₁ tsá₃ cuin' ₂ 'nia' ₂ 'a₂lia' ₂ juá' ₂ Si₂, on₃ guë' ₂ cuin' ₂ 'nia' ₂ 'a₂lia' ₂ lě₅ jui₁bí₂ quió' ₅ Diú₄ ně₃. ³⁰ Jē₁ma₂tē₂ jmíg₄ a₂jen' ₅₄ 'lag₄, on₃jua' ₅₄ a₂le₃chain₂ jua' ₅₄ a₂qui₃jén' ₂ guë₄ gu₂, on₃ guë' ₂ ně₅ tóin' ₃ guë₄ jua' ₅₄ a₂qui₃cuin₃ chi' ₂ quiáin₅ a₂jén' ₂ gu₂, ia₁ i₂lén₂ jui₁lia' ₂ lín₅ ángeles i₂tion' ₅₄ guel' ₅₄ i₂juig₃ bá₄ 'éi₂ jmíg₄ jaun₂. ³¹ La₁ jui₁lia' ₂ a₂jen' ₅₄ táng₃ 'lag₄, ħ₂tsa₁ ma₂í' ₂ 'nia' ₂ ne ₄ Si₂ jui₁lia' ₂ a₂ca₂juá' ₂ 'ηiog₅ Diú₄ jme₁ca₂juá' ₂: ³² “Jniá₂ bá₄ líng₅ Diú₄ quián₅ Abraham, quián₅ Isaac, quián₅ Jacob ně₃?”* A₂lín₅ Diú₄ quián₅ dsa₂ jén' ₃ bá₄, on₃jua' ₅₄ rē₂ Diú₄ quián₅ 'lag₄.

³³ Jme₁ca₂nág₂ dsa₂ jág₁ ně₅, ca₂i₃gó' ₃ dsí₅ 'a₂lia' ₂ jme₂tag₅ Jesús.

'Éi' ₃Juá' ₅a₂dsen₅₄ guë₄ quió' ₅Diú₄

(Marcos 12:28-34; Lucas 10:25-28)

³⁴ Jme₁ca₂rē₃ηi₅ dsa₂ fariseos ca₂lí' ₃ bá₄ táng₃ Jesús jág₁ a₂ca₂tsiin₂ quian' ₅₄ dsa₂ saduceos, jaun₂ ca₂ηi' ₂ ca₂jmo₃ jág₁. ³⁵ Jaun₂ jan₂ riin' ₅₄ i₂lín₅ tē₅juá' ₅, jme₁'nio₃ jme₁jo₅₄ quian' ₅₄ jág₁, jaun₂ ca₂ηi' ₃ Jesús:

³⁶ —Tē₅, ħ₂e₂ 'Éi' ₃Juá' ₅ a₂dsen₅₄ guë₄ con' ₂ guë₄ ca₂le₃jě₃ Si₂ 'Éi' ₃ quió' ₅ Diú₄?

³⁷ Jaun₂ ca₂ηag₃ Jesús:

—“Jme₁'nió₄ Te₁gui' ₅₄ Diú₄ quiáng' ₂, ca₂le₃jě₃ 'au' ₂, ca₂le₃jě₃ jme₂dsí₂ quiáng' ₂, ca₂le₃jě₃ 'a₂lia' ₂ niog₅ ηi' ₂ dsei' ₂.”† ³⁸ A₂nē₅ bá₄ 'Éi' ₃Juá' ₅ a₂le₂'uig₅₄ a₂dsen₅₄ guë₄ con' ₂ guë₄ ca₂le₃jě₃. ³⁹ Jē₁ca₂tē₂ tin₃ 'Éi' ₃ ně₃, mei' ₂ tsá₃ co₂rē₂ quian' ₅₄ a₂le₂'uig₅₄: “Jme₁'nió₄ dsa₂ mi₂güig₃ ríng' ₂ jui₁lia' ₂ 'nióg' ₃ 'ηiag' ₂.”‡ ⁴⁰ Tin₃ 'éi' ₃ ně₅ bá₄ lě₅ 'uig₅₄ cho' ₅₄ ca₂le₃jě₃ 'Éi' ₃ quió' ₅ Moisés quian' ₅₄ ca₂le₃jě₃ jág₁ a₂ca₂'ě₂ dsa₂ i₂chen₄ quián₅ Diú₄ ma₂líg' ₂.

ħ₂'Ein₂ tsi₁jon₂ quián₅ lín₅ I₂rē₂'ín₁ quián₅ Diú₄?

(Marcos 12:35-37; Lucas 20:41-44)

⁴¹ Tē₃ tion' ₅₄ dsa₂ fariseos le₁ηi' ₂, ⁴² jaun₂ ca₂ηag₃ Jesús ca₂juá' ₂:

* 22:32 Éxodo 3:6. † 22:37 Deuteronomio 6:5. ‡ 22:39 Levítico 19:18.

—ǵ'A₂ lia'₂ lín'₂ 'nia'₂? ǵ'Eín₂ tsi₁jon₂ quián₅ lín₅ I₂rē₂'ín₁ quián₅ Diú₄?

—Tsi₁jon₂ David —ca₂ṇag₃ dsa₂ 'éi₂.

43 Jaun₂ ca₂juá'₂ táng₃ Jesús:

—ǵ'A₂ lia'₂ jaun₂? Ia₁ 'ṇiog₅ bá₄ guē'₂ David ca₂juá'₂ lia'₂ con'₂ jme₁ca₂'í₃ Jme₂dsí₂ Jṇió₅ tē₂dsí₅, ca₂tē₃ “Te₁gui'₅₄.” ǵ'A₂ lia'₂ lē₅ jaun₂? Ia₁ 'ṇiog₅ bá₄ guē'₂ David ca₂juá'₂:

44 Ca₂juá'₂ Diú₄ ca₂tsí'₃ Te₁gui'₅₄ quiáng₃:

“Né₂ con₂ jniá₂ tē₂le₃ gu₃ ne₁,

ca₂lia'₂ ca₂tē₂ jmiḡ₄

a₂tón'₁ jniá₂ dsa₂ i₂'ioḡ₅₄ o₄tag'₄.”§

45 ǵ'A₂ bá₄ lia'₂ lē₅ a₂lín₅ tsi₁jon₂ David, ton'₂ 'ṇiog₅ bá₄ guē'₂ David ca₂tē₃ “Te₁gui'₅₄ quiáng₃?”

46 Jaun₂ tē₂le₃ ne₄ jui₅ guē₄ jaun₂, tsá₃ ma₃'eín₂ ca₂tiá₂ dsí₅ jua'₅₄ a₂ṇag₃ guē₄ 'e₂ ṇag₃.

23

Chóg'₅ Jesús dso₄ juá'₂ 'a₂ lia'₂ niog₅ lín₅ dsa₂ fariseos quian'₅₄ tē₅juá'₅ ně₃
(Marcos 12:38-40; Lucas 11:37-54; 20:45-47)

1 Jaun₂ ně₃ ca₂ton₃ Jesús jáḡ₁ ca₂tsí'₃ dsa₂ juin₅ i₂quian'₅₄, ca₂tsí'₃ chi'₂ dsi₂guia₃-tín₂ quián₅ ně₃, ca₂juá'₂:

2 —Dsa₂ fariseos quian'₅₄ tē₅juá'₅ ně₃, tiáin'₅ ta₁ a₂jme₁lín₄ Moisés. 3 Jaun₂ lē₃ ca₂tín'₂ 'nia'₂ náḡ₁ gau₂ jáḡ₁ quió'₅, jme₁ti'₄ 'nia'₂ 'e₂ a₂te₂néi'₂. La₁ tsá₃ can₂ 'nia'₂ jui₅ jua'₅₄ a₂jmó'₂ jui₁lia'₂ a₂jmo₂₃ guioin₅₄, ia₁ jui₁lia'₂ jme₂tag₂₃, tsá₃ jme₂ti₃ guioin₅₄; tē₂le₃ siá'₂ bá₄ jmo₂₃ dsó₅. 4 Qui₂'nei₂₃ lio₅₄ guei₂ 'ṇio₅ lín₃ qui₂dsi₂₃ mi₂ca'₄ dsa₂, la₁ guioin₅₄ ně₃ ca₂lia'₂ jṇia'₅₄ caun₂ chiḡú₃ bá₄ tsá₃ 'nio₃ tí₂ jua'₅₄ a₂jme₃'o₅₄ cán₂. 5 Ca₂le₃jē₃ 'e₂ a₂jmo₂₃, jmo₂₃ a₂jṇia'₅₄ con'₂ 'nio₃ jáḡ₂ dsa₂ bá₄. Ia₁ tín₂ dsí₅ i₃quian'₅₄ le₁ton₅ jma₃ca₂tsín'₅ tsi₁'mi'₂ 'í₂ le₂con₂ chi₁quí₃ quian'₅₄ mi₂cu₅ ně₃ qui₂le₁ton₅ 'éi'₃ quió'₅ Diú₄;* a₂ta₁ dsí₅ i₂nioi₅₄ le₁qui'₂ tsi₁'mi'₂ chen'₅₄ jang₄ qui₂le'ág₄ a₂lē₅ lí₁ ca'₅₄ a₃tag₄. 6 'Nio₅ tē₅ dsí₅ qui₂dsi₂toin'₅₄ jmá'₃ lia'₂ ja₁jlá'₁ bá₄ ja₁qui₂dsi₂guē'₃, qui₂dsi₂tiain'₂ ja₁dsen₅₄ guē₄ jui₁lia'₂ dsi₂néi₂ guá'₅ sinagoga ně₃. 7 Ton'₂ 'ṇio₅ tē₅ dsí₅ qui₃cuag₃ dsa₂ Diú₄ jē₄ 'ma'₅₄, qui₃tē₂ dsa₂ “tē₅”† ně₃.

8 'La₁ 'nia'₂ ně₃, tsá₃ ca₂tíng'₂ jua'₅₄ tē₂ dsa₂ “tē₅”, ia₁ ca₂le₃jín'₃ bá₄ 'nia'₂ lē₅ ríng'₂; ia₁ jan₂ bá₄ Tē₅ quián'₂ 'nia'₂ chan₂. 9 Tsá₃ tē'₅₄ 'nia'₂ “tia₅₄” 'i₁jan₂ dsa₂ mi₂güíḡ₃, ia₁ jan₂ bá₄ Néi'₅ 'nia'₂ i₂chan₂, i₂guá₅ guei'₅₄ i₂juíḡ₃. 10 Tsá₃ cuē'₁ 'nia'₂ jmiḡ₄ a₂tē₂ dsa₂ 'nia'₂ guiong'₅₄ a₂líng'₅ juig₅₄ dsa₂, ia₁ jan₂ I₂rē₂'ín₁ quián₅ Diú₄ bá₄ i₂lín₅ juig'₂ 'nia'₂. 11 Jui₁lia'₂ i₂jme₃ti₃ ta₁ ne₄ rin'₅₄, i₂'éi₂ bá₄ i₂juin'₂ guē₄. 12 Ia₁ jui₁lia'₂ i₂jme₂can'₅₄ guion₅₄ jin₄ rin'₅₄, tē₂le₃ sióin₂, lé₂ mei'₂; la₁ jui₁lia'₂ i₂jmo₅ me'₂ jin₄ rin'₅₄, i₂'éi₂ bá₄ lén₂ i₂juin'₂ guē₄ con'₂ guē₄ ca₂le₃jín₃.

13 'i'E₂ guē₄ juíḡ'₂ 'nia'₂ tē₅juá'₅, 'nia'₂ dsa₂ fariseos ně₃, i₂lē₁jmo₅-dsáu₅ o₁ne₁! Ia₁ jnág'₂ 'nia'₂ o₄'né₄ guei'₅₄ i₂juíḡ₃ ja₁gon₂ Diú₄, tsá₃ cuē'₂ 'nia'₂ jmiḡ₄ tón'₃ i₂sián'₂. Ia₁ on₃ guē'₂ tón'₂ 'nia'₂ guiong'₅₄, on₃ guē'₂ cuē'₂ 'nia'₂ jui₅ tón'₃ jui₁lia'₂ i₂'nio₃ tón'₃.‡

15 'i'E₂ guē₄ juíḡ'₂ 'nia'₂ tē₅juá'₅, 'nia'₂ dsa₂ fariseos ně₃, i₂lē₁jmo₅-dsáu₅ o₁ne₁! Ia₁ qui₂i₂nio'₄ 'nia'₂ ca₂le₂con₂ mi₂güíḡ₃ qui₁'ang'₄ jmi₁ṇí'₄, a₂qui₂jme₂tíng'₁ dsa₂ lia'₂ lē₅ 'én'₂ 'nia'₂ guiong'₅₄. Jē₁ma₂ca₂jon'₃ 'nia'₂ dsa₂ a₂dsi₃léin₂ jui₅ quiáng'₂, qui₂jme₂tín'₁ 'nia'₂ a₂jṇia'₅₄ con'₂ a₂jme₃'lín'₅₄ guē₄ lia'₂ con'₂ guē₄ guion'₅₄ 'nia'₂.

16 'i'E₂ guē₄ juíḡ'₂ 'nia'₂, dsa₂ ten₄ i₂quian₅ ne₄ jui₅! Ia₁ juá'₂ 'nia'₂ jme₂tíng'₁ dsa₂: “Nē₁jua'₂ 'eín₂ ca₂cuē'₃ jáḡ₁ quió'₅ 'ē₂₃ guá'₅, tsá₃ 'e₂ quen₅ jáḡ₁ jaun₂; la₁ nē₁jua'₂ ca₂'ē₃ cu₄nióḡ₄ a₂te₁'i₁ guá'₅, a₂jaun₂ guē₄ dsón'₂ quen₅ jáḡ₁ quió'₅”, tion₅₄ 'nió'₅ jme₃ti₃ jáḡ₁ a₂nē₂cuē₃. 17 'i'Nia'₂ dsa₂

§ 22:44 Salmo 110:1. * 23:5 'Nio'₂ ja₁ton₅ Deuteronomio 6:4-9. † 23:7 o₃, Rabbí. ‡ 23:13 A₂lín₅₄ chog₅₄ si₂ chi₁ton₅ versículo 14 ján₃, a₂juá'₂ le₂la₂: “'i'E₂ guē₄ juíḡ'₂ 'nia'₂ tē₅juá'₅, 'nia'₂ dsa₂ fariseos ně₃, i₂lē₁jmo₅-dsáu₅ o₁ne₁! Ia₁ ja₂nó'₅ 'nia'₂ qui₂jṇiá'₂ 'ne₄ 'io₅₄ 'náḡ₂, jaun₂ jmo'₂ 'nia'₂ chi₂leng'₅₄ Diú₄ uē₂ lín₃, ia₁jaun₂ tsá₃ 'eín₂ le₃lí'₄. 'Uig₅₄ jaun₂ ja₂lín₃ guē₄ 'ṇio₅ uig₅ guéi'₁ 'nia'₂.

ten₄, dsa₂ co₄! ¿'E₂ a₂quen₅ guě₄ 'ñio₅ lín₃? ¿Cu₄nióg₄, o₃ guá₅ ja₁rě₂jñio₃ cu₄nióg₄ jaun₂ 'e₂?
 18 Juá₂ 'nia₂ ján₃: “Ně₁jua₂ 'ein₂ cuě₅ jág₁ quió₅ a₂'ě₂₃ ne₄chei₂, ján₃ bá₄ tsá₃ 'e₂ quen₅ jág₁ jaun₂; la₁ ně₁jua₂ ca₂'iín₃ já₂ i₂rě₂jen₅₄ ne₄ ne₄chei₂, jaun₂ guě₄ dsón₂ tion₅₄ 'nió₅ jme₃tí₃ jág₁ quió₅.” 19 'Nia₂ dsa₂ ten₄! ¿'E₂ jaun₂ a₂lě₅ a₂dsen₅₄ guě₄? ¿Já₂ i₂rě₂jen₅₄ ne₄ Diú₄, o₃ ne₄chei₂ a₂rě₂jñio₃ já₂ 'éi₂ 'e₂? 20 Jaun₂ lě₃, jui₁lia₂ jme₁cuě₅ dsa₂ jág₁ quió₅ a₂'ě₂₃ ne₄chei₂, on₃jua₅₄ jmá₃ ne₄chei₂ 'ě₂₃; a₂'ě₂₃ ca₂le₃jě₃ 'e₂ a₂te₁'i₁ ne₄chei₂ bá₄ jaun₂. 21 Le₂ně₅ bá₄ ján₃, jui₁lia₂ i₂'ě₅ guá₅, on₃jua₅₄ jmá₃ ca₂ne₅₄ guá₅ 'ě₂₃, a₂'iín₂₃ le₂jio₅ Diú₄ i₂guá₅ dsi₂néi₂ jaun₂ bá₄. 22 Ján₃ bá₄ le₂ně₅ jui₁lia₂ i₂'ě₅ guei₅₄ i₂juíg₃, a₂ma₂ně₂'ě₃ le₂jio₅ ne₄ta₁ quió₅ Diú₄, ton₂ a₂ma₂ně₂'iín₃ le₂jio₅ 'ñio₅ Diú₄ i₂guá₅ ne₄ta₁ jaun₂ bá₄ ján₃.

23 'i'E₂ guě₄ juíg₂ 'nia₂ tě₅juá₅, 'nia₂ dsa₂ fariseos ně₃, i₂lě₁jmo₅-dsáu₅ o₁ne₁! Ia₁ qui₂jáng₂ 'nia₂ caun₂ qui₅₄ a₂guia₃ quió₅ mi₁'au₂ mi₂juíg₂, jui₁lia₂ menta, anís, quian₅₄ qui₂má₃ ně₃. La₁ tsá₃ tón₂ guě₂ 'nia₂ jui₅ 'Éi₃ Juá₅ a₂dsen₅₄ guě₄ quió₅ Diú₄ ron₅, jui₁lia₂ ja₁juá₂ a₂'nió₅ jmo₃ dsa₂ a₂dse₃, a₂dsia₃ dsa₂ njei₂ dsí₅ dsa₂ mi₂güí₃ riin₅₄, a₂jmo₃ dsa₂ tí₅ jág₁ quió₅ quian₅₄ riin₅₄. A₂ně₅ bá₄ a₂dsen₅₄ guě₄ a₂ca₂tín₂ 'nia₂ jmó₂, la₁ on₃jua₅₄ a₂tsá₃ ma₃jme₁tí₄ 'nia₂ 'Éi₃. 24 'Nia₂ dsa₂ ten₄ i₂quian₅ ne₄ jui₅! Qui₁ñi₄ 'nia₂ quió₅ i₁lu₂ pí₁, la₁ ní₅ bá₄ guě₂ 'nia₂ guiong₅₄ jui₁lia₂ já₂ camello.

25 'i'E₂ guě₄ juíg₂ 'nia₂ tě₅juá₅, 'nia₂ dsa₂ fariseos ně₃, i₂lě₁jmo₅-dsáu₅ o₁ne₁! Ia₁ lín₅ 'nia₂ jui₁lia₂ lě₅ ni₁vaso, ni₁uín₅ ně₃, qui₁rin₄ 'nia₂ jmá₃ lia₂ le₃co₅₄. La₁ tē₂le₃ jui₅ tē₂'au₂ 'nia₂, qui₂rě₂can₂ ca₂le₃jě₃ ne₅₄ a₂'lig₅₄ a₂qui₂dsi₂jñia₅ 'au₂ 'nia₂, 'niog₂ 'nia₂ jua₅₄ jmá₃ lia₂ guiong₅₄ bá₄ qui₂le₃cha₂ quiáng₂; qui₂ja₂nó₅ 'nia₂ 'ang₂ quió₅ dsa₂. 26 'Nia₂ dsa₂ fariseos ten₄! Rang₂ 'nia₂ de₂ jñiá₅ le₃'ñio₂ ni₁vaso quian₅₄ ni₁uín₅, jaun₂ guě₄ lé₂ le₁jě₃ le₂tan₅₄ le₃co₅₄ ně₃.

27 'i'E₂ guě₄ juíg₂ 'nia₂ tě₅juá₅, 'nia₂ dsa₂ fariseos ně₃, i₂lě₁jmo₅-dsáu₅ o₁ne₁! Ia₁ lín₅ 'nia₂ jui₁lia₂ lě₅ tau₂ 'ñio₅ a₂jñia₅₄ con₂ jñiá₂ tiog₂, jñiá₂ jlá₁ jmá₃ lia₂ le₃co₅₄ bá₄, la₁ le₃'ñio₂ qui₂rě₂can₂ ni₁mu₅, chí₅ ma₂'lig₅₄. 28 Le₂ně₅ bá₄ lín₅ 'nia₂; 'e₂ guě₄ dsen₃ 'nia₂ jñiág₂ jmá₃ lia₂ le₃co₅₄ tē₃jě₄ jág₅ dsa₂, la₁ tē₂'au₂ guě₂ 'nia₂ qui₂rě₂can₂ ca₂le₃jě₃ ne₅₄ a₂'lig₅₄, a₂jmo₂ dsáu₂ 'nia₂ o₁ne₁ 'e₂ a₂jmo₂.

29 'i'E₂ guě₄ juíg₂ 'nia₂ tě₅juá₅, 'nia₂ dsa₂ fariseos ně₃, i₂lě₁jmo₅-dsáu₅ o₁ne₁! Ia₁ qui₂jmóg₂ 'nia₂ tau₂ 'ñio₅ quió₅ dsa₂ i₂ca₂'ě₂ jág₁ quián₅ Diú₄ ma₂líg₂, qui₂jmóg₂ 'nia₂ jlá₁ qui₂rě₂lag₄ jui₁lia₂ ja₁le₁on₅ dsa₂ dsen₃ i₂ma₂dsan₃. 30 Jaun₂ jag₅₄ 'nia₂: “Jua₅₄ mei₂ bá₄ ca₂rě₃chóng₃ jniog₄ jmi₄ jaun₂ lia₂ con₂ jme₁chan₂ dsa₂ can₅₄ quián₂ ma₂líg₂, tsá₃ jme₁jme₁quian₅₄ jniog₄ lia₂ con₂ jme₁ca₂jmo₃ a₂ca₂i₃o₅₄ jmi₂ 'an₅₄ dsa₂ i₂chen₄ 'éi₂ quián₅ Diú₄.” 31 Jaun₂ le₂ně₅, quian₅₄ jág₁ quián₂ 'nia₂ guiong₅₄, jáng₂ 'nia₂ jág₁ dsau₅ a₂lín₅ tsí₁jon₂ dsa₂ i₂ca₂jme₃dsian₅ dsa₂ i₂ma₂chen₃ Diú₄. 32 Jaun₂ ně₃, jme₁'ñia₅ 'nia₂ dso₄ a₂ca₂jme₃lióg₃ dsa₂ can₅₄ quián₂ 'nia₂.

33 'i'Já₂ 'lín₅₄! 'i'Tsí₁jon₂ dsi₂mi₂! ¿'A₂ bá₄ lia₂ le₃lon₅₄ 'nia₂ 'éi₃ uig₅ a₂já₅ ja₁con₂ 'nia₂ a₂dsi₁nog₃ guio₃-juíg₃? 34 'Uig₅₄ jaun₂, tsín₅₄ jñiá₂ ja₁con₂ 'nia₂ dsa₂ i₂'ě₂ jág₁ o₄quió₃, dsa₂ i₂ñí₂ niog₅ dsi₄, i₂lín₅ tē₅ ně₃. I₂lín₅₄ 'éi₂ jme₁dsiain₂ bá₄ 'nia₂, i₂lín₅₄ guě₂ qui₁tóin₄ 'nia₂ cróg₄. I₂sián₂ guě₂ ně₃ qui₁cuě₅₄ 'nia₂ dsi₂néi₂ guá₅ sinagogas quiáng₂, qui₂co₁'éin₄ 'nia₂ ně₃ le₂'í₁ juíg₂. 35 Jaun₂ lě₃, 'nia₂ bá₄ le₁cáng₄ jmi₄ ca₂le₃jín₃ dsa₂ dsen₃ i₂qui₂ma₂dsan₃ mi₂güí₃, ca₂tē₂ jmi₄ Abel i₂jme₁lín₄ dsa₂ dsen₃, ca₂tē₂ jmi₄ Zacarías ja₁ñi₅₄ Berequías, i₂ca₂jñí₃ 'nia₂ i₁dsi₅ guá₅ jě₄ ja₁lě₄ ja₁jñio₅ quian₅₄ ja₁chí₄ ne₄chei₂. 36 A₂dsi₂jó₃ juíg₂ jñiá₂ 'nia₂, dsa₂ chan₂ jmi₄ ně₃ bá₄ rě₂cán₄ ca₂le₃jě₃ dso₄ jaun₂.

*'O₅ Jesús o₄quió₄ juíg₂ Jerusalén
 (Lucas 13:34-35)*

37 'i'Nia₂ dsa₂ juíg₂ Jerusalén! 'i'Nia₂ dsa₂ juíg₂ Jerusalén, 'nia₂ i₂jme₂dsiáng₁ dsa₂ i₂'ě₂ jág₁ quián₅ Diú₄, 'nia₂ i₂qui₂jnag₅₄ cang₄ dsa₂ i₂chen₅ Diú₄ jñi₄ 'nia₂! 'i'Lióng₂ ráun₂ jme₁'ín₅ dsi₃

jme₁chi₁liang' ₂ guein₂ dsa₂ juig₂ quiáng' ₂, juí₁lia' ₂ jmo₅ i₁tsín' ₃ a₂chi₂lain' ₂ guein₂ quiáin₅ to' ₂ né' ₃ tsi₁rē₂cu₅, la₁ guion' ₅₄ 'nia' ₂ tsá₃ ca₂gue' ₅₄! ³⁸ Jag₄ jaun₂, dsi₂néi₂ quiáng' ₂ ně₃ tē₃ŋiá₄, tē₃tsi' ₅₄ tei₄, tsá₃ 'ein₂ chan₂ lé₂. ³⁹ Ia₁ juá' ₅ jniá₂, tsá₃ ma₃la₂ jag' ₅₄ 'nia' ₂ jniá₂, ca₂lia' ₂ ca₂tē₂ jmi₄g₄ jē₁ma₂tē₂ rē₁jua' ₅₄ 'nia' ₂: “Juí₁le₂jnió₃ bá₄ i₂nē₅ i₂jón' ₅ o₄quió' ₄ Te₁gui' ₅₄.”Š

24

Ca₂'ě₂ Jesús jág₁ a₂dsi₃'én₂ bá₄ guá' ₅ templo

(Marcos 13:1-2; Lucas 21:5-6)

¹ Jaun₂ ca₂o₃'ín₃ Jesús i₁dsi₅ guá' ₅ templo ja₁jme₁'ein₅₄. Jme₁ma₂'ein₅₄ juí₅ ŋái' ₅, ca₂jme₃quián₃ chi' ₂ dsi₂guia₃-tín₂ quiáin₅ tē₂, ca₂juá' ₂:

—Jag₄ 'a₂ lia' ₂ lē₅ guá' ₅.

² La₁ jaun₂ ca₂ŋag₃ Jesús:

—¿Jág' ₂ 'nia' ₂ ca₂le₃jě₃ a₂nē₅? A₂dsi₂jó' ₃ juí₂g₂ jniá₂ 'nia' ₂, já₅ jmi₄g₄ lia' ₂ 'i₁ca₂míg₂ ni₁cang₁ tsá₃ ma₃'e₂ jua' ₅₄ a₂le₁juí₄ guě₄ lé₂ quian' ₅₄ rín' ₅₄. Ca₂le₃jě₃ bá₄ 'én₂.

Léi₄ a₂lé₂ jmi₄g₄ jē₁ca₂tó' ₂

(Marcos 13:3-23; Lucas 21:7-24; 17:22-24)

³ Jme₁ca₂dsióg₃ Jesús Má' ₂ Olivos; ja₁jaun₂ ca₂guá₂. Jaun₂ ca₂i₁len₅₄ chi' ₂ dsi₂guia₃-tín₂ con' ₂ jē₄ jmá' ₃ guioin₅₄, ca₂níi' ₃ Jesús:

—'Niog₂ jnia' ₅₄ le₃ne₄ líg' ₂ lé₂ a₂juá' ₂ 'ne₂ nē₅. ¿'E₂ léi₄ lé₂ jē₁ma₂tē₂ rē₁ŋeg' ₅₄ táng₃? ¿'E₂ bá₄ léi₄ lé₂ jē₁ma₂tē₂ rē₁tē₅₄ jmi₄g₄ jaun₂?

⁴ Jaun₂ ca₂ŋag₃ Jesús:

—Jmo₄ 'nia' ₂ 'í₁ ia₁jaun₂ tsá₃ 'ein₂ jme₃gau₅. ⁵ Ia₁ juí₅ i₂tē₁i₃nio₄ a₂juá' ₂ i₂nioi₅₄ o₄quió₃ jniá₂, juá' ₂: “Jniá₂ bá₄ líng₅ I₂rē₂'ín₁ quián₅ Diú₄”; jaun₂ juí₅ dsa₂ i₂qui₂jme₃gain₂₃.

⁶ Jē₁ma₂nei' ₂ 'nia' ₂ 'ei₅ jág₁ a₂nio₃ 'nei₂ a₂quín' ₂ dsa₂ ja₁lá₃ ja₁ó₃, la₁ tsá₃ jmó' ₂ 'nia' ₂ gang' ₃, ia₁ le₂jaun₂ dsón' ₂ lé₂ bá₄. La₁ 'nió' ₅ bá₄ guě₄ a₂ŋí₂ jein₂ jaun₂. ⁷ Ia₁ nio₃ 'nei₂, qui₃quín' ₂ dsa₂ le₂caun₂ le₂caun₂ juig₂ nación; dsi₂tan₅₄ guě' ₂ ně₃ qui₃tóin' ₃ mǐ' ₅₄ quín' ₂ quian' ₅₄ dsi₂tan₅₄ rǐn' ₅₄ i₂chan₂ juig₂ siá' ₂. Jaun₂ guě₄ ně₃ 'líong₂ ja₁qui₂i₂nio₄ dsa₂ 'oin₅₄ lé₂, ton' ₂ 'líong₂ ja₁qui₂dsi₃bi₅₄ 'uě₃ ně₃. ⁸ Ca₂le₃jě₃ a₂nē₅ lé₂ a₂le₂'uig₅₄ jmi₁uig₅ juí₁lia' ₂ jan₂ 'io₅₄ i₂rē₂chan₂ guein₂ quián₅.

⁹ 'Jaun₂ guě₄ ně₃, qui₃jín' ₂ dsa₂ 'nia' ₂ ne₄ dsi₂tan₅₄ ia₁jaun₂ cuě₃ dsa₂ uig₅, jaun₂ guě₄ jme₃dsian₅ dsa₂ 'nia' ₂. Le₂con₂ mǐ₂güig₃ bá₄ jme₃ŋia₅₄ dsa₂ 'nia' ₂ 'uig₅₄ quió₃ jniá₂. ¹⁰ Jmi₄g₄ jaun₂, juí₅ dsa₂ i₂tí₂ juí₅ quió' ₅ Diú₄ a₂jme₁'éin₂, qui₂jme₃'ŋia₅₄ bá₄ rǐn' ₅₄, qui₃jáng' ₂ ně₃.

¹¹ Juí₅ dsa₂ le₃chan₂ i₂'ě₂ jág₁ i₂juí₁gan₂, jaun₂ juí₅ dsa₂ i₂jme₃gain₂₃. ¹² 'Uig₅₄ ia₁ a₂ŋí₄ lē₃ juí₁si ŋag₅₄ le₃'lin' ₅₄ dsa₂, co₂dsia₅ le₃güig' ₂ bá₄ 'a₂ lia' ₂ jme₁'nio₃ dsa₂ rǐn' ₅₄ le₂jain₂ le₂jain₂.

¹³ La₁ juí₁lia' ₂ i₂náu₃ tiá₂ tē₂ jē₁ca₂tó' ₂, 'éi₂ bá₄ líón₂. ¹⁴ Jág₁ dse₃ la₂ juí₁lia' ₂ 'a₂ lia' ₂ lē₅ ja₁gon₂ Diú₄ qui₂dsi₃'ag₅ ta₁caun₂ mǐ₂güig₃, ia₁jaun₂ le₃ŋi₅ ca₂le₃jě₃ juig₂ te₁'i₁ gua' ₅₄ 'uě₃ jág₁ dse₃ jaun₂; jaun₂ guě₄ ně₃ tē₅₄ jmi₄g₄ jē₁ca₂tó' ₂.

¹⁵ 'Jaun₂ ně₃, já₅ jmi₄g₄ a₂tē₅₄ ne' ₅₄ 'nia' ₂ a₂náu₃ jan₂ dsa₂ i₂'lin' ₅₄ guě₄ lín₃, a₂jme₃'ióg₃ ja₁jnió₅, a₂le₃ti₃ jág₁ a₂ca₂'ě₂ Daniel i₂jme₁'ě₂ jág₁ quián₅ Diú₄,* (jaun₂ juí₁le₂ŋí' ₂ bá₄ i₂'i₅ si₂ la₂), ¹⁶ jaun₂ ně₃, dsa₂ i₂tián' ₅ le₂tan₅₄ 'uě₃ Judea, juí₁cuing₁₂ juí₅ má' ₂. ¹⁷ Juí₁lia' ₂ i₂'en₅₄ guei' ₅₄ 'ne₄, tsá₃ ma₃juí₁sióin₄ jua' ₅₄ a₂'uě₃ 'e₂ 'uě' ₃ dsi₂néi₂ quió' ₅; ¹⁸ juí₁lia' ₂ i₂'en₅₄ ja₁nau₂ quió' ₅ táng₃, tsá₃ ma₃juí₁jnió' ₅₄ jua' ₅₄ a₂ja₃quián₂ tsi' ₁'mǐ' ₂ dsiog₂ quió' ₅. ¹⁹ Juí₂g₂ bá₄ juí₁lia' ₂ dsa₂ mǐ₂ i₂le₁quian₅ guein₂, juí₁lia' ₂ i₂le₁jnia₅ guein₂ i₂'ín' ₂ dsi' ₅₄ ně₃, jmi₄g₄ jaun₂! ²⁰ Mǐ₄ 'nia' ₂ ne₄ Diú₄ ia₁jaun₂ tsá₃ o₁le₅₄ jua' ₅₄ a₂cuíng' ₂ 'nia' ₂ jein₂ güig₂, on₃ guě' ₂ jmi₄g₄ sa₅₄ ně₃. ²¹ Ia₁ juá' ₅ jniá₂, caun₂ o₂i₁ dsi₅ lín₃ a₂le₃chan₂ dsa₂ jmi₄g₄ jaun₂, caun₂ jmi₁uig₅ a₂tsá₃ ma₂ca₂rě₃chá₃

ca₂le₃ ca₂nio₃ mi₂güig₃, on₃ guë'₂ ma₃nio₅ jmig₄ jua'₅₄ a₂le₃cha₂ guë'₄ cang₂. ²² Jua'₅₄ mei'₂ guë'₃ Diú₄ tsá₃ ma₂ca₂jme₃té₃ jmig₄ jaun₂, 'i₁jan₂ tsá₃ 'ein₂ jme₁lión₂ jua'₅₄ mei'₂ guë'₃ tsá₃ le₂jaun₂. La₁ o₄quió'₄ i₂rë₂quion'₅₄ quiáin₅, jme₃té₃ bá₄ jmig₄ jaun₂.

²³ 'Në₁jua'₂ chan₂ i₂ca₂juá'₂ tsí'₅ 'nia'₂ jmig₄ jaun₂: “jag₄ 'nia'₂! jLa₂ bá₄ chén'₅ i₂rë₂'ín₁ quián₅ Diú₄!” o₃ në₁jua'₂ 'ein₂ ca₂juá'₂: “Jó₄ 'ein₅₄”, tsá₃ o₁'en'₅₄ 'nia'₂ jág₁ jaun₂. ²⁴ Ia₁ juin₅ dsa₂ i₂jui₁gan₂ ja₃lén₂ a₂juá'₂ a₂lín₅ i₂rë₂'ín₁ quián₅ Diú₄, a₂juá'₂ ně₃ a₂lín₅ dsa₂ i₂'ě₂ jág₁ quián₅ Diú₄; 'líong₂ léi₄ juë'₂ a₂o₂dsain₂ jmo₃ a₂jme₃gain₂₃ dsa₂. Jua'₅₄ mei'₂ guë'₃ lé₂, ca₂tě₂ dsa₂ i₂quion'₅₄ quián₅ Diú₄ jme₃gain₂₃. ²⁵ Jaun₂ ně₅ ma₂ně₂juig₂ jniá'₂ 'nia'₂ tē₃jniá₅. ²⁶ Jaun₂ ně₃, në₁jua'₂ 'ein₂ ca₂tsí'₃ 'nia'₂: “Ní₂ 'nia'₂, jó₄ 'ein₅₄ ja₁lě₄ 'uë₃ quein₂ co₂'ñiog₅”, tsá₃ lē₁o₂nó'₅ 'nia'₂ ja₁jaun₂; o₃ në₁jua'₂ 'ein₂ ca₂juá'₂: “Ní₂ 'nia'₂, ja₁lá₃ rē₂'mai₅₄ dsi₂néi₂”, tsá₃ jui₁le₂'én'₂ 'nia'₂. ²⁷ Ia₁ jui₁lia'₂ jme₁lě₂ si₁ñí'₃ ca₂taun₂ ca₂taun₂, le₂jaun₂ bá₄ lé₂ jē₁ma₂tě₂ rē₁guan'₂ Jaun₅ dsa₂ mi₂güig₃. ²⁸ Ia₁ jui₁lia'₂ ja₁ron₅ 'lag₄, ja₁jaun₂ bá₄ ñi'₂ i₁tú₃ tsin'₅₄.

A₂ lia'₂ guan'₂ Jaun₅ dsa₂ mi₂güig₃

(Marcos 13:24-37; Lucas 21:25-33; 17:26-30, 34—36)

²⁹ 'Dsi₂jui₅ jē₁ma₂ca₂ñag₅ jmig₄ o₂i₁ dsi₅ jaun₂,
'iog₂ ně₃ co₂dsia₅ le₃lia'₂,
tsi'₂ ně₃ tsá₃ ma₃tág₅ jnia₅₄;
nei₅ guë'₂ ně₃ qui₂tsi₃séi'₂,
ca₂le₃jě₃ guë'₄ 'e₂ bí₂ cha₂ guei'₅₄ mi₂güig₃
qui₃guan'₃.†

³⁰ 'Tě₃jě₄ jaun₂ guë'₄ ně₃, le₃jniá₂ guei'₅₄ dsi₂güig₂ léi₄ quió'₅ Jaun₅ dsa₂ mi₂güig₃, ca₂le₃jě₃ juig₂ te₁'i₁ le₂con₂ mi₂güig₃ tóin'₃ qui'₃-o₃, Jiin₂ Jaun₅ dsa₂ mi₂güig₃, guain'₂ guei'₅₄ jě₄ jnei₅ quián'₅₄ ca₂le₃jě₃ jui₅bí₂ a₂'io₂₃ jláin'₁. ³¹ Jaun₂ qui₃chein₃ ángeles quiáin₅ jéi₂ ñí₂ trompeta tiá₂ lín₃ a₂tě₂ dsa₂ i₂quion'₅₄ quiáin₅ i₂chan₂ ca₂le₃jě₃ juig₂ te₁'i₁ ta₁caun₂ mi₂güig₃.

³² 'Jme₁tin₅ 'nia'₂, jui₁le₂ñí'₂ 'au'₂ jág₁ a₂jáng'₅ léi₄ jui₁lia'₂ ni₁'ma₂ a₂'ag₅ mīg₂ higos: jme₁chéi'₂ gu'₂ nei'₅₄, a₂ja₂'ñio₃ mog'₅₄, ñi'₅₄ 'nia'₂ a₂ma₂ja₂quián₃ jein₂ 'iog₂ bá₄ jaun₂.

³³ Le₂ně₅ bá₄ 'nia'₂ jaun₂ ně₃, jē₁ma₂tě₅ ne'₅₄ a₂lě₂ ca₂le₃jě₃ a₂ně₅, jui₁le₂ñi'₅₄ bá₄ 'nia'₂ a₂ma₂ja₂quiáin₃, ně₂jag₄ bá₄ i₂ma₂chén'₅ o₄'né₄ bá₄ 'éi₂. ³⁴ A₂dsi₂jó'₃ juá'₅ jniá₂ juig₂ 'nia'₂, tsá₃ dsi₂ñí₂ tsi₁jon₂ la₂,† ca₂lia'₂ ca₂lě₃ ca₂le₃jě₃ a₂ně₅. ³⁵ Já₅ jmig₄, guei'₅₄ dsi₂güig₂ quian'₅₄ mi₂güig₃ la₂ ñag₅, la₁ jág₁ quió₃ o₁líg'₂ tsá₃ ñag₅ jua'₅₄ a₂tsá₃ le₃ti₃.

³⁶ 'La₁ 'i₁jan₂ tsá₃ 'ein₂ ñi₅ 'e₂ 'ió'₄, 'e₂ hora lé₂ a₂jaun₂, on₃ guë'₂ ángeles i₂tion'₅₄ guei'₅₄ i₂juig₃, on₃ guë'₂ 'ñiog₅ Ja₁ñi'₅₄ Diú₄,§ Jñia'₅₄ lia'₂ 'ñiog₅ bá₄ Diú₄ Jmei₂ ñi₅.

³⁷ 'Ia₁ jui₁lia'₂ ca₂lě₃ jmig₄ lia'₂ con'₂ jme₁chan₂ Noé, le₂jaun₂ bá₄ lé₂ ján₃ jē₁ma₂tě₂ rē₁guan'₂ Jaun₅ dsa₂ mi₂güig₃. ³⁸ Ia₁ jmig₄ jaun₂, né'₃ a₂can'₂ mi₂güig₃ quian'₅₄ jmig₂, jme₁chan₂ dsa₂ qui₂guë'₅, qui₂'ín'₂, qui₂jéin'₂ gu₂, qui₂cuin₂₃ ja₁míg₄ jme₁jéin'₂ gu₂ ně₃, ca₂lia'₂ ca₂tě₂ jmig₄ jme₁ca₂'í₃ Noé 'ñió'₃ ni₁barco; ³⁹ la₁ con'₂ tsá₃ 'ein₂ rē₁ján₁ jme₁ca₂dság'₃ jmig₂ ca₂jio₃ quió'₅ ca₂le₃jíin₃. Le₂jaun₂ bá₄ lé₂ táng₃ jē₁ma₂tě₂ rē₁guan'₂ Jaun₅ dsa₂ mi₂güig₃. ⁴⁰ Jmíg₄ jaun₂, on₃ dsa₂ ñe'₂ tion'₅₄ ja₁nau₂; jan₂ i₂dsán'₃, jan₂ guë'₂ i₂tě₃ 'ñiá₄. ⁴¹ On₃ guë'₂ dsa₂ mī₂ tioin'₅₄ éi'₅ ne₄ ni₁to₂; jan₂ i₂dsán'₃, jan₂ guë'₂ i₂tě₃ 'ñiá₄.

⁴² 'Jme₁jnio₂ 'nia'₂ ne'₅₄ jaun₂, ia₁ tsá₃ ñi'₅₄ 'nia'₂ 'e₂ hora jñió'₂ juig₂. ⁴³ La₁ jui₁le₂ñí'₂ 'au'₂ 'nia'₂ a₂la₂: jua'₅₄ mei'₂ guë'₃ ñi₅ dsa₂ juig₅₄ caun₂ dsi₂néi₂ 'e₂ hora jiá₃ dsa₂ 'ang₂ tē₂le₃ ca₂nei₂, jme₃jnio₅₄ ne₅₄, tsá₃ cuë'₃ jmig₄ a₂ 'í₂ dsa₂, 'ang₃ dsi₂néi₂ quió'₅. ⁴⁴ Le₂ně₅ bá₄ 'nia'₂, rē₂ján'₁ 'nia'₂ chang'₂; ia₁ con'₂ tsá₃ ñi'₅₄ bá₄ 'nia'₂ guan'₂ Jaun₅ dsa₂ mi₂güig₃.

† 24:29 Isaías 13:10; 34:4. ‡ 24:34 o₃, “né'₃ a₂dsián₃ dsa₂ i₂lín₅ raza la₂.” § 24:36 A₂lin₅₄ chog₅₄ si₂ tsá₃ chi₁ton₅ “on₃ guë'₂ 'ñiog₅ Ja₁ñi'₅₄ Diú₄.”

Dsa₂ dsen₃ i₂jme₂ti₃, quian'₅₄ dsa₂ i₂tsá₃ jme₂ti₃
(Lucas 12:41-48)

⁴⁵ 'Ķ'Ei_{n2} dsa₂ i₂ñi'₂ dsí₅ jme₂ti₃ con'₂ dsi₂ten₅₄ ne₄ juig₅₄? Juig₅₄ ně₃ ca₂dsia₃ o₄gú₃ 'éi₂ dsi₂néi₂ quió'₅ lia'₂ jma₃quian'₅₄ ca₂le₃jín₃ riin'₅₄ i₂jme₂ti₃, a₂ñi'₃ riin'₅₄ jē₁ma₂tē₂ hora a₂guē'₃. ⁴⁶ 'E₂ guē₄ dsen₃ 'éi₂ jē₁ma₂tē₂ rē₁jo₅₄ juig₅₄ jē₁ma₂guáin'₅ jme₂ti₃ bá₄ ta₁ a₂chéin'₅. ⁴⁷ A₂dsi₂jó'₃ juá'₅ jniá₂, cuē₃ juig₅₄ ta₁ a₂nio₃ ne₅₄ ca₂le₃jē₃ 'e₂ a₂cha₂ quió'₅. ⁴⁸ La₁ jua'₅₄ mei'₂ guē₃ dsa₂ i₂jme₂ti₃ lín₅ jan₂ dsa₂ 'lin'₅₄ i₂tsá₃ tón'₂ jui₅ ta₁ a₂chéin'₅, ia₁ lín₂, “i₂le₃'in₄ bá₄ juig₃”, ⁴⁹ jaun₂ jme₂lióg₃ qui₂cuē'₅ bá₄ riin'₅₄, dsó₂ qui₂dsi₂guē'₃ qui₂dsi₂'én'₃ quian'₅₄ dsa₂ 'en₅ ně₃. ⁵⁰ La₁ caun₂ jmi₄g₄ con'₂ tsá₃ rē₂jáin₁, caun₂ hora con'₂ tsá₃ lí'₄ bá₄, dsián'₄ juig₅₄. ⁵¹ Juig₅₄ ně₃ cuē₃ uig₅, * 'liog'₃ ja₁jaun₂ bá₄ ján₃, ja₁ca₂tín₂ dsi₁len₅ i₂lējmo₅-dsáu₅ o₁ne₁, ja₁qui'₂-o₃, qui₃quí₃g₃ jan₅₄.

25

Jág₁ jáng'₅ léi₄ jui₁lia'₂ guian₃ chi'₂ dsa₂ mi₄

¹ 'Jmi₄g₄ jaun₂ jui₁lia'₂ ja₁gon₂ Diú₄, lé₂ jui₁lia'₂ ca₂jmo₃ guian₃ chi'₂ dsa₂ mi₄ jme₁ca₂can₃ ni₁tsí₅ le₁guí'₂ si₂ quió'₅. Ca₂i₃lén₂ ca₂i₁jme₁jein'₂ dsa₂ ñe'₂ i₂jen'₂ gu₂. ² 'Níá₂ chi'₂ dsa₂ mi₄ 'éi₂ jme₁coin₅₄; 'ñiá₂ guē'₂ i₂ñio₄, i₂dse₃ niog₅ dsi₄. ³ Dsa₂ mi₄ i₂co₄ 'éi₂ ně₃, jmá'₃ ni₁tsí₅ chi₁guí'₂ si₂ bá₄ ca₂can₃; tsá₃ ca₂can₃ guē'₂ ni₁dsig₁ a₂'a₄ aceite. ⁴ La₁ dsa₂ mi₄ i₂niog₅ dse₃ dsi₄ ně₃ ca₂jmo₃ co₂jñia₅₄ quió'₅, jme₁le₁quian₅ ni₁tsí₅ le₁guí'₂ si₂, ton'₂ jme₁le₁quian₅ rē₂tsón₂ aceite 'a₄ ni₁dsig₁. ⁵ La₁ ca₂rē₃'in₄ bá₄ guē'₂ dsa₂ ñe'₂ i₂lēs jág₁ jen'₂ gu₂, jaun₂ le₃jín₃ bá₄ dsa₂ mί₂ 'éi₂ ně₃ ca₂tá'₂ i₁güin₃, jaun₂ ca₂güin₂ bá₄. ⁶ Jaun₂ jme₁ca₂tē₂ dsi₃nei₅, ca₂né'₂ tiá₂ i₁juá'₄ dsa₂: “i₂Nēs jón'₅ dsa₂ ñe'₂ i₂jen'₂ gu₂! i₁'Uin'₂ 'nia'₂ o₂jme₁jein'₂!” ⁷ Jaun₂ qui₂ca₂nau₂ ca₂le₃jín₃, ca₂jmo₃ dse₃ mecha tsí₅ quió'₅. ⁸ Jaun₂ ca₂juá'₂ dsa₂ mί₂ i₂'ñiá₂ i₂co₄ 'éi₂ ca₂tsí'₃ riin'₅₄ i₂ñio₄: “Cuē'₁ 'nia'₂ ca₂juig₄ aceite quiáng'₂, ia₁ ma₂i₁ei₃ si₂ tsí₅ quián₂ jnia'₅₄.” ⁹ La₁ ca₂ñag₃ dsa₂ mί₂ i₂ñio₄: “Jan₂'ón₄. Ia₁ con'₂ tsá₃ ñó₅ ně₃ jua'₂ tsá₃ ca₂tín'₂ quián₂ jnia'₅₄ guio₅₄, on₃ guē'₂ quián'₂ 'nia'₂ tín'₂ ně₃. Co₂ñei'₅₄ guē₄ dse₃ o₂nó'₅ 'nia'₂ guiong'₅₄ o₂liá₃ quiáng'₂ ja₁'nag₅ dsa₂.” ¹⁰ La₁ tē₁lia'₂ i₂lén₂ 'éi₂ i₂lia₅ aceite, tē₃jē₄ jaun₂ ca₂guán'₃ dsa₂ ñe'₂ i₂lēs jág₁ jen'₂ gu₂. Dsa₂ mί₂ i₂tián'₅ lēs co₂jñia₅₄ ca₂i₃toin'₅₄ bá₄ co₂lēs quiong'₅₄ i₁guē'₂ ja₁niog₅ jmi₄g₄ a₂jen'₂ gu₂ dsa₂. Jaun₂ ca₂jnág₃ o₄'né₄ jme₁ca₂jnág₃. ¹¹ Jme₁co₂lág₂ jaun₂, o₃len₅ i₂'ñiá₂ 'éi₂, jaun₂ ca₂tóin'₂ ca₂tē₃, ca₂juá'₂: “i₁Te₁gui'₅₄, Te₁gui'₅₄! i₁Nia₄ o₄'né₄ jaun₂ tió'₄ jnia'₅₄!” ¹² La₁ jaun₂ ca₂ñag₃ dsa₂ ñe'₂: “A₂dsi₂jó'₃ juá'₅, tsá₃ cúing₅ 'ein₂ 'nia'₂.”

¹³ 'Jaun₂ le₂nēs, chan'₂ 'nia'₂ co₂jñiag'₅₄, ia₁ tsá₃ ñi'₅₄ 'nia'₂ 'e₂ 'ió'₄, 'e₂ hora guan'₂ Jaun₅ dsa₂ mi₂güig₃.

Jág₁ jáng'₅ léi₄ jui₁lia'₂ 'a₂ lia'₂ lēs ca₂jmo₃ ún₂ dsa₂ quian'₅₄ a₂ca₂dsia₃ juig₅₄ o₄gú₃
(Lucas 19:11-27)

¹⁴ 'Con'₂ siá'₂ lēs ja₁gon₂ Diú₄ jui₁lia'₂ jan₂ dsa₂ i₂'en₅₄ jui₅ dsó₃ dsi₃ñí₃ uíng₂ juig₂ siá'₂. Jaun₂ ca₂tē'₃ dsa₂ i₂jme₁jme₂ti₃ ta₁ ne₅₄, jaun₂ o₄gú₃ 'éi₂ ca₂dsia₃ cu₄. ¹⁵ Jan₂ i₂ca₂cuē'₃ 'ñiá₂ mei₅ 'éi'₃ cu₄ talentos; jan₂ guē'₂ i₂ca₂cuē'₃ tin₃ mei₅, jan₂ guē'₂ caun₂ mei₅. Ca₂cuē'₃ le₂jan₂ dsa₂ 'éi₂ 'a₂ con'₂ jñia'₅₄ qui'₅₄ jmi₄g₄. Jaun₂ guē₄ ñó₃ i₁ñí₃. ¹⁶ Dsa₂ i₂ca₂gue₃ 'ñiá₂ mei₅ 'éi'₃ cu₄ ně₃, ca₂jmoi'₂ ta₁ cu₄ jaun₂, jaun₂ ca₂lí'₃ con'₂ guē₄ 'ñiá₂ mei₅ jmá'₃ a₂dsí₂. ¹⁷ Ján₃ bá₄ le₂jaun₂ ca₂jmo₃ i₂ca₂gue₃ tin₃ mei₅, ca₂lí'₃ con'₂ guē₄ tin₃ mei₅ táng₃ a₂tē₁dsi₅₄. ¹⁸ La₁ dsa₂ i₂ca₂gue₃ caun₂ mei₅ ně₃, ca₂'ma₃ bá₄ a₂caun₂ mei₅ a₂ca₂cuē₃ juig₅₄, ca₂i₁'ó₄ né'₃ 'uē₃.

¹⁹ 'Uē₂ lín₃ bá₄ i₁ñi₂ juig₅₄ ně₃; la₁ ca₂guáin'₃ jme₁ca₂guáin'₃ cang₂. Jaun₂ ca₂caun₃ 'í₁ ca₂chein'₃ cuentas quió'₅ dsa₂ i₂jme₂ti₃ i₂ca₂cuē'₃ cu₄. ²⁰ Jaun₂ ca₂dsióg₃ i₂le₂'uig₅₄ i₂ca₂gue₃ 'ñiá₂ mei₅, jaun₂ ca₂jín'₂ juig₅₄ con'₂ guē₄ 'ñiá₂ mei₅ a₂tē₁dsi₅₄ a₂ca₂lí'₃, jaun₂ juá'₂ tsí'₃ juig₅₄.

* 24:51 lit. “dsia₃ juig₅₄ le₁juig₁ le₁dsog'₅₄ quió'₅.”

“Te₁gui^{'54}, ca₂cuë^{'54} 'ne₂ 'ñiá₂ mei₅; jag₄, la₂ ron₅ con^{'2} guë₄ 'ñiá₂ mei₅ táng₃ a₂ca₂lág₃.”
²¹ Jaun₂ ca₂juá^{'2} juig^{'54}: “Ñio₅ dse₃ ca₂jmo^{'54}. Lín^{'5} bá₄ jan₂ dsa₂ dsen₃ i₂ca₂rë₃tí^{'54}; ca₂rë₃teng^{'54} bá₄ quian^{'54} a₂ca₂juig₄ a₂ca₂dsia₃ jniá₂ gog^{'2}, nē₃ nē₃ 'lióng₂ guë₄ a₂dsia₅₄ jniá₂ gog^{'2}. 'Ú₅ dsi₂néi₂, o₁quián₁ o₂'ñiós dsi₅ co₂dsia₅.”
²² Jme₁co₂lág₂ jaun₂ ca₂dsióg₃ i₂ca₂gue₃ tin₃ mei₅, jaun₂ ca₂juá^{'2}: “Te₁gui^{'54}, ca₂cuë^{'54} 'ne₂ tin₃ mei₅; jag₄, la₂ ron₅ con^{'2} guë₄ tin₃ mei₅ táng₃ a₂ca₂lág₃.”
²³ Jaun₂ ca₂juá^{'2} juig^{'54}, “Ñio₅ dse₃ ca₂jmo^{'54}. Lín^{'5} bá₄ jan₂ dsa₂ dsen₃ i₂ca₂rë₃tí^{'54}; ca₂rë₃teng^{'54} bá₄ quian^{'54} a₂ca₂juig₄ a₂ca₂dsia₃ jniá₂ gog^{'2}, nē₃ nē₃ 'lióng₂ guë₄ a₂dsia₅₄ jniá₂ gog^{'2}. 'Ú₅ dsi₂néi₂, o₁quián₁ o₂'ñiós dsi₅ co₂dsia₅.”

²⁴ 'La₁ jme₁ca₂dsióg₃ i₂ca₂gue₃ caun₂ mei₅, ca₂juá^{'2} tsí^{'5} juig^{'54}: “Te₁gui^{'54}, guion₄ jniá₂ a₂lín^{'5} jan₂ dsa₂ i₂tsá₃ 'e₂ néi₂ dsí₅, 'aun^{'2} ja₁tsá₃ 'e₂ ca₂jñí^{'2}, ton^{'2} cag^{'54} ja₁tsá₃ 'e₂ ca₂séi^{'3}.
²⁵ 'Uig^{'54} jaun₂ ca₂rë₃gós jniá₂, ca₂i₁'ó₄ bá₄ jniá₂ cu₄ quiáng^{'2} né^{'3} 'uë₃. La₁, la₂ bá₄ ron₅ quiáng^{'2}.”
²⁶ Jaun₂ ca₂ñag₃ juig^{'54}: “i₂Dsa₂ 'lín^{'54} juí^{'5}! 'An₁, ñi^{'54} bá₄ jaun₂ nē₃ a₂'on₂₃ ja₁tsá₃ 'e₂ ca₂jan₃, ton^{'2} cag^{'54} ja₁tsá₃ 'e₂ ca₂séi^{'3}.
²⁷ 'Uig^{'54} jaun₂, jua^{'54} banco bá₄ co₂ñei^{'54} ca₂i₁tio^{'2} cu₄ quió₃, ia₁jaun₂ jme₁guéi^{'4} cu₄ quió₃ jē₁ma₂guáng^{'3} lia^{'2} jma₃quian^{'54} a₂tē₁dsi^{'54}.
²⁸ 'ñiá^{'3} 'nia^{'2} a₂caun₂ mei₅ chan^{'2} i₂nē₅ jaun₂ nē₃, o₂cuë^{'54} i₂chan^{'2} guia₃ mei₅.
²⁹ Ia₁ jui₁lia^{'2} i₂ma₂le^{'105} 'lióng₂, tē₂le₃ 'lióng₂ guë₄ ñei₂ bá₄, ia₁jaun₂ le₃cha^{'2} quió^{'5} lia^{'2} qui₂rē₂tsón₂; la₁ jui₁lia^{'2} i₂tsá₃ 'e₂ le^{'105}, le₂jio₅ a₂ca₂juig₄ a₂ma₂le^{'1023}, co₂dsia₅ jnia^{'3} bá₄.
³⁰ Jaun₂ dsa₂ i₂tsá₃ ta₁ tén₄ la₂, dsein^{'54} ca₁'né₄ tioen^{'2} 'nia^{'2} jē₄ qui₁né^{'3}, ja₁qui^{'2}-o₃ quíg^{'3} jan^{'54} nē₃.”

Jē₁ma₂tē₂ rē₁tē₃dsi₅₄ 'éi^{'3} ja₁con₂ dsa₂ mi₂güig₃.

³¹ 'Jē₁ma₂tē₂ rē₁guan^{'2} Jaun₅ dsa₂ mi₂güig₃ a₂lín₅ rag^{'54} jlán^{'1} lín₃, a₂qui₂le₁lio₃ ángeles quiáin₅, jaun₂ guë₄ guá₃ ne₄ta₁ quió^{'5} a₂'uain^{'2} lín₃,
³² jaun₂ ñi^{'2} ne₅₄ ca₂le₃jín₃ dsa₂ chan₂ juig₂ ca₂le₂con₂ mi₂güig₃. Jaun₂ guë₄ nē₃ jmo₃ jma₃quén₅ con^{'2} ca₂tín₂ le₂jan₂ le₂jan₂ dsa₂ quian^{'54} riin^{'54}, jui₁lia^{'2} jmo₅ dsa₂ i₂jmo₅ 'í₁ já^{'2} cha^{'2}, jmo₂₃ jma₃quén₅ já^{'2} cha^{'2} quian^{'54} chein₄ lau₂.
³³ Tē₂le₃ gu₂ ne₁ quió^{'5}, chein^{'3} já^{'2} cha^{'2}; chein₄ lau₂ guë^{'2} tē₂le₃ gu₂ jen₅.
³⁴ Jaun₂ nē₃, juá^{'2} Rag^{'54} tsí^{'5} i₂tión₂ tē₂le₃ gu₂ ne₁: “I₂no^{'4} 'nia^{'2} i₂ma₂rē₂gon^{'54} quián₅ Ne^{'3}; gue₄ 'nia^{'2} a₂ca₂tín^{'2} ja₁gon₂ Diú₄, ja₁ma₂lē₅ co₂jñia^{'54} quián^{'2} 'nia^{'2} ca₂le₃ ca₂nio₃ mi₂güig₃.
³⁵ Ia₁ ca₂ñi₃ jniá₂ 'ong^{'54}, 'nia^{'2} bá₄ i₂ca₂cuë^{'54} a₂ca₂guë^{'3}; ca₂ñi₃ a₂rē₂quein₂ dsi₃ i₁gui^{'4} jmi₂g₂, 'nia^{'2} bá₄ i₂ca₂cuë^{'54} jmi₂g₂ ca₂gui^{'3}; ca₂ñi₃ jniá₂ 'no₂₃ ja₁jan₁₂, 'nia^{'2} bá₄ i₂ca₂cuë^{'54} dsi₂néi₂ quiáng^{'2} ca₂jan^{'54}.
³⁶ Ca₂ñi₃ jniá₂ 'in₂ tsín^{'5}, 'nia^{'2} bá₄ i₂ca₂cuë^{'54} tsín^{'5} ca₂quí^{'3}; ca₂tsán₂ dsong^{'54}, 'nia^{'2} bá₄ i₂ca₂jmo^{'54} 'í₁; ca₂i₁'ú₄ né^{'3} 'má₃, ca₂i₁jag^{'4} bá₄ 'nia^{'2}.”
³⁷ Jaun₂ nē₃, ñag₃ dsa₂ dsen₃ 'éi₂: “Te₁gui^{'54}, líg^{'2} bá₄ jaun₂ ca₂né₄ jnia^{'54} 'ne₂ a₂ñi^{'2} i₁cuang^{'3} jaun₂ ca₂cuë^{'1} jnia^{'54} a₂ca₂qué^{'2}? ¿O₃ líg^{'2} jaun₂ ca₂né₄ jnia^{'54} 'ne₂ a₂ñi^{'2} rē₂quein^{'2} 'au^{'2}, jaun₂ ca₂cuë^{'1} jnia^{'54} jmi₂g₂ ca₂én^{'2}?
³⁸ ¿O₃ líg^{'2} jaun₂ ca₂né₄ jnia^{'54} 'ne₂ a₂ñi^{'2} 'náu^{'2} ja₁jan^{'4}, jaun₂ jnia^{'54} bá₄ ca₂cuë^{'1} dsi₂néi₂ ca₂jñia^{'54}, o₃ ca₂ñi^{'54} 'in₂ tsín^{'2}, jaun₂ jnia^{'54} bá₄ ca₂cuë^{'1}?
³⁹ ¿O₃ líg^{'2} jaun₂ ca₂né₄ jnia^{'54} 'ne₂ a₂rong^{'2} dsong^{'54} o₃ lia^{'2} con^{'2} ca₂'ú^{'3} né^{'3} 'má₃, jaun₂ ca₂i₁jag^{'54} jnia^{'54}?”
⁴⁰ Jaun₂ nē₃, ñag₃ Rag^{'54}: “A₂dsi₂jó^{'3} juá^{'5} jniá₂, ca₂le₃jē₃ a₂dse₃ a₂'ua^{'1} 'au^{'2} 'nia^{'2} ca₂jmo^{'54} ja₁con₂ le₂jan₂ le₂jan₂ ríng^{'3} la₂ i₂jín₂ dsa₂ mi₂güig₃ 'uin₃, o₄quió₃ jniá₂ bá₄ a₂ca₂jmo^{'54} 'nia^{'2}.”

⁴¹ 'Jaun₂ juá^{'2} táng₃ Rag^{'54} tsí^{'3} i₂tión₂ tē₂le₃ gu₂ jen₅: “Jnia^{'3} 'nia^{'2} ja₁con₂ jniá₂, 'nia^{'2} i₂tiong^{'54} 'éi^{'3} o₁nóg^{'5} dsi₂si₂ ja₁tsá₃ ton₅ jmi₂g₄ éi₃, ja₁lē₄ co₂jñia^{'54} quió^{'5} i₂sē₃dsen₃ quian^{'54} ángeles quiáin₅.
⁴² Ia₁ ca₂ñi₃ jniá₂ i₁cón₅, 'nia^{'2} nē₃ tsá₃ 'e₂ ca₂cuë^{'54} a₂guë^{'54}; ca₂ñi₃ rē₂quein₂ dsi₃ i₁gui^{'4} jmi₂g₂, tsá₃ 'e₂ jmi₂g₂ ca₂cuë^{'54} 'nia^{'2}.
⁴³ Ca₂ñi₃ jniá₂ 'no₂₃ ja₁jan₁₂, tsá₃ ja₁ca₂cuë^{'54} 'nia^{'2} jan^{'54}. Ca₂ñi₃ 'in₂ tsín^{'5}, tsá₃ 'e₂ tsín^{'5} ca₂cuë^{'54} 'nia^{'2}. Ca₂tsán₂ dsong^{'54}, jme₁ca₂'ú^{'3} né^{'3} 'má₃ nē₃, tsá₃ ca₂i₁jag^{'4} 'nia^{'2}.”
⁴⁴ Jaun₂ nē₃, ñag₃ dsa₂ 'éi₂: “Te₁gui^{'54}, líg^{'2} bá₄ jaun₂ ca₂né₄ jnia^{'54} 'ne₂ a₂ñi^{'2} i₁cuang^{'3}, o₃ rē₂quein^{'2} 'au^{'2} o₃ ca₂ñi^{'54} 'náu^{'2} ja₁jan^{'4}, o₃ ca₂ñi^{'54} tsá₃ tsín^{'2} cha^{'2} qui^{'54}, o₃ jme₁ca₂rē₃dsong^{'54}, o₃ lia^{'2} con^{'2} ca₂'ú^{'3} né^{'3} 'má₃, tsá₃ ca₂jme^{'101} jnia^{'54}?”
⁴⁵ Jaun₂ ñag₃ Rag^{'54}: “A₂dsi₂jó^{'3} juá^{'5} jniá₂, ca₂le₃jē₃ a₂dse₃ a₂tsá₃ ca₂jmo^{'54} 'nia^{'2} ja₁con₂

le₂jan₂ le₂jan₂ ríng'₃ la₂ i₂jín₂ dsa₂ mi₂güí₃g 'uin₃, o₄quió₃ jniá₂ bá tsá₃ 'e₂ ca₂jmo'₅₄ 'nia'₂.”
⁴⁶ Jaun₂ dsa₂ 'éi₂ dsi₃lén₂ ja₁dsi₃ḡag₅₄ uig₅ co₂tan₅₄, la₁ dsa₂ dsen₃ ně₃, dsi₃lein₅ ja₁le₃chain₂ co₂tan₅₄.

26

Ca₂quin'₃ dsa₂ jág₁ a₂tsáin'₂ Jesús

(Marcos 14:1-2; Lucas 22:1-2; Juan 11:45-53)

¹ Jme₁ca₂dsan₃ juá'₂ Jesús ca₂le₃jě₃ jág₁ ně₅, jaun₂ ca₂tsí'₃ chi'₂ dsi₂guia₃-tín₂:

² —Ma₂ḡi'₅₄ 'nia'₂ jaun₂, a₂tín₃ jmig₄ ně₃ te₅₄ Jmig₄ Tě₂'in₅₄, ja₁jáng'₂ dsa₂ jín'₂ Jaun₅ dsa₂ mi₂güí₃g a₂tion₃ ne₄ cróg₄.

³ Jaun₂ ně₃, juig₅₄ jme₂dsa₂, quian'₅₄ tě₅juá'₅, dsa₂ can'₅₄ quián₅ dsa₂ judíos ně₃, ca₂ḡi'₂ i₁dsi₅ ne₄ta₁ quió'₅ i₂lín₅ jme₂dsa₂ dsen₅₄, i₂chen₂ Caifás. ⁴ Ja₁jaun₂ ca₂quin₃ jág₁ quió'₅ a₂jmo₃ tě₂le₃ quian'₅₄ caun₂ mai₅₄ ia₁jaun₂ cuin₃ jmig₄ tsáun'₂, jaun₂ ḡang'₃. ⁵ Jaun₂ tioin'₅₄ ca₂dsia₃ jág₁ ca₂juá'₂:

—La₁ tsá₃ 'nió'₅ jmó₁ jniog₄ tě₃ niog₅ jmig₄, jme₁né₄, ia₁ con'₂ tsá₃ ḡó₅ ně₁jua'₂ ca₂tó'₂ dsa₂ juig₂ mi'₅₄.

Jan₂ 'io₅₄ ca₂tsíin₂ Jesús no'₅₄ mi₂juig₂

(Marcos 14:3-9; Juan 12:1-8)

⁶ Lia'₂ con'₂ 'en₅₄ guě₄ Jesús juig₂ Betania ja₁quió'₄ i₂tě'₂ dsa₂ Si₂mu₅₄ 'mé'₅ 'iog₅, ⁷ jaun₂ ca₂dsióg₃ jan₂ 'io₅₄ quian₅ caun₂ tsí₅ no'₅₄ mi₂juig₂ a₂'mu'₅₄. Jme₁ma₂guá₅ Jesús ne₄ mesa guě'₅, jaun₂ ca₂'ág₂ 'io₅₄ 'éi₂ no'₅₄ mi₂juig₂ mi₂dsi₄ Jesús. ⁸ Jme₁ca₂jág₃ chi'₂ dsi₂guia₃-tín₂ a₂jaun₂, tsá₃ dse₃ ca₂tín₂, jaun₂ ca₂tsí'₃ riin'₅₄ tioin'₅₄:

—Tsá₃ ne₄ 'e₂ lě₃ ně₂'éin₂ a₂ně₅. ⁹ Jua'₅₄ co₂ḡei'₅₄ bá₄ ně₂'nag₃ ia₁jaun₂ jme₁jme₂'oin₅₄ dsa₂ te₂ḡé₂.

¹⁰ Jme₁ca₂nág₂ Jesús jág₁ a₂dsia₂₃ tioin'₅₄, jaun₂ ca₂juá'₂:

—¿'E₂ lě₃ cuě'₂ 'nia'₂ o₂me'₅₄ dsi₅ 'io₅₄ la₂? A₂ně₂jmóg'₂ la₂ caun₂ a₂dse₃ bá₄. ¹¹ Ca₂le₃jě₃ jmig₄ bá₄ i₂nio₄ dsa₂ te₂ḡé₂ jín'₄ 'nia'₂, la₁ jniá₂ ně₃ tsá₃ ma₃uě'₂ 'en₅₄ jniá₂ quian'₅₄ 'nia'₂. ¹² Jui₁lia'₂ no'₅₄ mi₂juig₂ a₂ně₂tsáng₂ ni₁ḡi₃, jua'₂ a₂ma₂ně₂jmóg'₂ co₂jnia₅₄ jě₁ma₂tě₂ rě₁'ong₃ bá₄. ¹³ A₂dsi₂jó'₃ juig₂ jniá₂ 'nia'₂, ca₂le₂con₂ mi₂güí₃g ja₁'ě₂ dsa₂ jág₁ dse₃ quió₃, ján₃ bá₄ le₂jaun₂ dsiog'₂ dsi₅ dsa₂ 'iin₃ 'io₅₄ ně₅.

Jmo₅ Judas caun₂ jág₁ a₂'ni₂₃ Jesús

(Marcos 14:10-11; Lucas 22:3-6)

¹⁴ Jaun₂ ně₃, jan₂ i₂lín₅ dsa₂ guia₃-tín₂, i₂chen₂ Judas Iscariote, ḡei₅₄ i₁dsia₂ jág₁ quian'₅₄ juig₅₄ jme₂dsa₂, ¹⁵ jaun₂ ca₂l₁jua'₄:

—¿Je₂liá'₂ cuě'₁ 'nia'₂ ně₁jua'₂ jín'₄ jniá₂ Jesús o₄gog'₂?

Jaun₂ ně₃, ca₂quí₃ juig₅₄ jme₂dsa₂ guióg₂-guiá₂ 'éi'₃ cu₄tiog₂. ¹⁶ Jaun₂ ně₃ tě₃ne₄ jui₅ ja₁ḡó₄ jaun₂, ca₂'náu'₃ Judas dsi₅ 'a₂ lia'₂ cuin₃ jmig₄ jín'₂ Jesús.

Má₃ jě₁ca₂tó'₂ quió'₅ Te₁gui'₅₄

(Marcos 14:12-25; Lucas 22:7-23; Juan 13:21-30; 1 Corintios 11:23—26)

¹⁷ Jmig₄ le₂'uig₅₄ a₂niog₅ Jmig₄ Tě₂'in₅₄ a₂guě'₅ dsa₂ i₁ḡí'₄ a₂tsá₃ quian'₅₄ levadura, chi'₂ dsi₂guia₃-tín₂ ně₃ ca₂jme₃quiáin₃ ja₁con₂ Jesús ca₂ḡag₃:

—¿A₂já'₄ 'niog'₂ dsi₁jmó₁ jnia'₅₄ co₂jnia₅₄ má₃ Jmig₄ Tě₂'in₅₄ quiáng'₂?

¹⁸ Jaun₂ ca₂juá'₂ Jesús:

—O₂nó'₅ 'nia'₂ jě₄ juig₂, ja₁quió'₄ jan₂ dsa₂, jaun₂ juig₅₄ 'nia'₂: “Le₂la₂ juá'₂ tě₅: Ma₂ja₂quián₃ hora quió₃, jaun₂ ja₁quiáng'₂ i₁guě'₃ Jmig₄ Tě₂'in₅₄ co₂lě₅ quian'₅₄ chi'₂ dsi₂guia₃-tín₂ quiáng₃.”

19 Jaun₂ ně₃ i₃lén₂ bá₄ chi'₂ dsi₂guia₃-tín₂, jaun₂ ca₂jmo₃ con'₂ lě₅ jág₁ ca₂juá'₂ Jesús. Jaun₂ ca₂tóin'₂ ca₂jmo₃ co₂jñia₅₄ a₂guě'₃ Jmíg₄ Tě₂'in₅₄ ja₁jaun₂.

20 Jme₁ca₂nei₂ jaun₂, jme₁ma₂guás Jesús ne₄ mesa co₂lě₅ quiaín'₅₄ ta₁guia₃-tín₂ chi'₂ dsi₂guia₃-tín₂ quiaín₅. 21 Tě₃jě₄ tiáin'₄ guě'₅ jaun₂, ca₂juá'₂ Jesús:

—A₂dsi₂jó'₃ juá'₅ jniá₂, jan'₂ 'nia'₂ i₂'en₅₄ jě₄ la₂ bá₄ i₂jáng'₂ jniá₂.

22 Jaun₂ ně₃ ca₂tá'₂ 'lia'₂ dsí₅ 'ñio₅ lin₃ bá₄ tiáin'₅, jaun₂ ca₂jme₃lióg₃ ca₂ñi'₃ Jesús le₂jain₂ le₂jain₂ ca₂juá'₂:

—Te₁gui'₅₄, ¿On₁jua'₅₄ jniá₂ 'ág'₅?

23 Jaun₂ ca₂ñag₃ Jesús:

—I₂tiá₂ gu₂ co₂lě₅ 'ñió'₃ uing₅ quian'₅₄ jniá₂, i₂'éi₂ bá₄ i₂jáng'₂. 24 Dsón'₂ bá₄ dsau₅ Jaun₅ dsa₂ mi₂güig₃ 'ein₅₄ jui₅ lia'₂ con'₂ lě₅ juá'₂ ne₄ Si₂; la₁ i₂'e₂ guě₄ juíg₂ dsa₂ i₂jáng'₂! Dse₃ quió'₅ jua'₅₄ co₂ñei'₅₄ bá₄ tsá₃ ca₂rě₃cháin₃.

25 Jaun₂ ně₃ Judas, dsa₂ i₂ma₂lě₂ dsí₅ jáng'₂, ca₂juá'₂:

—Tě₅, ¿On₁ jniá₂ bá₄ 'ág'₅ 'ne₂?

Jaun₂ ca₂ñag₃ Jesús:

—'Ñiag'₂ bá₄ ma₂ně₂jua'₅₄.

26 Tě₂lia'₂ tiáin'₅ guě'₅, ca₂jña'₃ Jesús i₁ñí'₄, ca₂cuě'₃ ti₁'mag'₄ Diú₄, jaun₂ guě₄ ca₂dsioin₃, ca₂cuě'₃ chi'₂ dsi₂guia₃-tín₂ quiaín₅, jaun₂ ca₂juá'₂:

—Qué'₂ 'nia'₂, ia₁ ñi₃ bá₄ jniá₂ i₁ñí'₄ la₂.

27 Jaun₂ ca₂can₃ táng₃ copa 'a₄ vino, ján₃ bá₄ le₂jaun₂ ca₂cuě'₃ ti₁'mag'₄ Diú₄, jaun₂ guě₄ ca₂cuě'₃ chi'₂ dsi₂guia₃-tín₂, jaun₂ ca₂juá'₂:

—'Én'₂ 'nia'₂ ca₂le₃jíng'₃ a₂la₂, 28 ia₁ jmi₃ bá₄ jniá₂ la₂, a₂li'₅₄ jág₁ 'mí₂ a₂tě₃ron₅₄,* a₂niog₅ dsi₃'o₅₄ o₄quió'₄ juin₅ dsa₂, ia₁jaun₂ 'én₂ dsáu₁. 29 Dsón'₂ juá'₅ jniá₂, tsá₃ ma₃líg'₂ jmíg₄ jua'₅₄ a₂gui'₅₄ guě₄ táng₃ vino ca₂lia'₂ ca₂tě₂ jmíg₄ i₁gui'₄ táng₃ caun₂ vino 'mí₂ co₂lě₅ quian'₅₄ 'nia'₂ ja₁gon₂ Ñe'₃.

Ca₂juá'₂ Jesús a₂tsá₃ tion₃ Pe₄ a₂cuig₂₃

(Marcos 14:26-31; Lucas 22:31-34; Juan 13:36-38)

30 Jme₁ca₂lě₃ 'ě₂₃ jme₂juin'₂ Diú₄, jaun₂ guě₄ i₃lén₂ jui₅ Má'₂ Olivos. 31 Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂:

—Ca₂le₃jín'₃ bá₄ 'nia'₂ tiá'₃ jén₂ 'au'₂ o₄quió'₃ jniá₂ a₂'uě₂ ně₃, 'ág'₁ 'nia'₂ caun₂-tín₃ 'au'₂; ia₁ rě₂ton₅ ne₄ Si₂, juá'₂: “Jñí'₄ jniá₂ dsa₂ i₂jñia₅ já'₂ cha'₂, jaun₂ já'₂ cha'₂ ně₃ dsi₃lén₂ tsi₁rě₂jain₅₄.”† 32 La₁ cang₂ jě₁ma₂ca₂jeng'₅₄ táng₃, nei₅₄ jniá₂ jñiág₅ jui₅ Galilea lia'₂ con'₂ guě₄ 'nia'₂.

33 Jaun₂ ně₃ ca₂ñag₃ Pe₄:

—O₁jñia'₅₄ la₂ ca₂'ág₂ caun₂-tín₃ dsí₅ ca₂le₃jín₃ ríng'₃, la₁ jniá₂, o₁líg'₂ jmíg₄ tsá₃ 'ag₅₄ caun₂-tín₃ dsi₃.

34 Jaun₂ ca₂juá'₂ Jesús:

—A₂dsi₂jó'₃ juá'₅ jniá₂, a₂'uě₂ ně₃, né'₃ a₂'o₃ tě₁guí₄ dsó₂, hora jaun₂ dé₄ dsón'₂ chéng'₅ tsá₃ tóng'₄ ta₁'ni₅ ráun₂ a₂cuig'₂ jniá₂.

35 Jaun₂ ca₂ñag₃ táng₃ Pe₄:

—O₁jñia'₅₄ la₂ ca₂dsau₃ jniog₄ co₂lě₅, o₁líg'₂ jmíg₄ jua'₅₄ a₂tsá₃ 'ín₄ jniá₂ 'ne₂.

Le₂jaun₂ bá₄ ca₂juá'₂ ca₂le₃jín₃ riin'₅₄ ján₃.

Ca₂chi₃lén'₂ Jesús Diú₄ caun₂ ja₁chei₂ Getsemaní

(Marcos 14:32-42; Lucas 22:39-46)

* 26:28 'Nio'₂ ja₁ton₅ Éxodo 24:8; Hebreos 10:29; 13:20. † 26:31 Zacarías 13:7.

³⁶ Jaun₂ ca₂dsióg₃ Jesús jme₁ca₂dsióg₃ quiain'₅₄ chi'₂ dsi₂guia₃-tín₂ quiáin₅ caun₂ ja₁chei₂ Getsemaní, jaun₂ ca₂juá'₂:

—Ja₁lá₃ tián'₂ 'nia'₂ tē₁liá'₂ nei₅₄ jó₄ i₁chi₁leng'₄ Diú₄.

³⁷ Jaun₂ ca₂jñiai₃ Pe₄, quian'₅₄ le₃on₃ ja₁ñi'₅₄ Zebedeo, jaun₂ Jesús ně₃ ca₂tá'₂ quian₅ o₂i₁ dsi₅ 'ñio₅ lin₃. ³⁸ Jaun₂ ca₂juá'₂ ca₂tsí'₃ i₂ún₂ i₂quian'₅₄:

—'Ñio₅ lin₃ quian₅₄ o₂i₁ dsi₅, ca₂liá'₂ jmá'₃ le₃jóng₂ tē₂ně₃. Ja₁lá₃ tián'₂ 'nia'₂, jme₁jñio₂ 'nia'₂ ne'₅₄, jme₁quiong'₅₄ jniá₂.

³⁹ Ca₂juig₄ bá₄ ca₂ñó₃ guě₄ ne₄jui₅. Ja₁jaun₂ ca₂liá'₂ ca₂i₃ín₃ chi₁'in₅ ne₅₄ ca₂tē₂ 'uě₃, ca₂mi₃ ca₂tsí'₃ Diú₄, ca₂juá'₂:

—Tia₅₄ quiáng₃, jua'₅₄ mei'₂ bá₄ lé₂ le₃lé₂, lió₄ jniá₂ jmi₁uig₅ la₂. La₁ tsá₃ jui₁le₅₄ con'₂ 'nio₃ jniá₂, jui₁le₅₄ bá₄ a₂'ñio₂ 'au'₂ 'ne₂.

⁴⁰ Jaun₂ ně₃, ca₂nau₂ Jesús, jaun₂ ca₂ñái'₃ ja₁tián'₄ i₂ún₂ i₂quian'₅₄, la₁ ma₂le₁güín₃ bá₄ guě'₂ 'éi₂ tián'₅; jaun₂ ca₂tē'₂ Pe₄, ca₂juá'₂:

—¿Tsa₁ ma₃tian'₃ guě'₄ 'nia'₂ jua'₅₄ caun₂ hora bá₄ jme₁jñio₂ guě'₄ 'nia'₂ ne'₅₄ quian'₅₄ jniá₂?

⁴¹ Jme₁jñio₂ 'nia'₂ ne'₅₄, chi₁len'₄ 'nia'₂ Diú₄, ia₁jaun₂ tsá₃ tsi₃sén'₂ 'nia'₂. Dsón'₂ bá₄ jaun₂ 'ñio₂ bá₄ dsi₅ jme₂dsi₂ quián'₂ 'nia'₂, la₁ ni₁ñi'₁ guion'₅₄ bá₄ 'nia'₂ 'uan₅₄.

⁴² A₂ca₂tē₂ tin₃ ráun₂ ñó₃ táng₃ i₁chi'₄ Diú₄ le₂la₂:

—Tia₅₄ quiáng₃, chi₂jua'₂ tsá₃ lé₂ jua'₅₄ a₂tsá₃ jme₁ñag₅₄ jniá₂ uig₅ la₂, jui₁le₅₄ bá₄ a₂'ñio₂ 'au'₂ 'ne₂.

⁴³ Jaun₂ ca₂guáin'₃ táng₃ ja₁tián'₄ chi'₂ dsi₂guia₃-tín₂, la₁ le₁güín₃ bá₄ táng₃ 'éi₂ tián'₅, ia₁ a₂ñí₄ lě₃ ma₂i₁güín₃. ⁴⁴ Jaun₂ ñó₃ bá₄ táng₃ jě₁ca₂tē₂ 'ni₅ ráun₂, a₂chi₂i₁lein'₄ Diú₄; ján₃ bá₄ le₂jaun₂ ca₂juá'₂ tsí'₅ Diú₄. ⁴⁵ Jaun₂ guáin'₃ ně₃ ja₁tián'₄ chi'₂ dsi₂guia₃-tín₂, jaun₂ ca₂juá'₂:

—¿'E₂? ¿Lia'₂ ma₂tián'₅ jaun₂ bá₄ 'nia'₂ le₁güín'₃? Ní₂ 'nia'₂, ca₂tē₂ bá₄ hora ně₃. Ma₂rě₂jín'₅₄ bá₄ Jaun₅ dsa₂ mi₂güig₃ o₄gú₃ dsa₂ i₂le₁cán'₄ dso₄. ⁴⁶ Nau₂ 'nia'₂ ně₃, ma₃; ia₁ ně₅ ma₂já₅ i₂jáng'₂.

Ma₂le₁te₂ dsa₂ Jesús

(Marcos 14:43-50; Lucas 22:47-53; Juan 18:2-11)

⁴⁷ Tě₃jě₄ dsia₂₃ jág₁ jaun₂, jme₁ca₂dsióg₃ Judas, i₂lín₅ jan₂ dsa₂ i₂guia₃-tín₂. Juin₅ lin₃ dsa₂ i₂ja₂lén₂ quiong'₅₄ qui₂le₁quian₅ ñi₁tág₂, i₂le₁quian₅ ni₁'ma₂ ně₃, i₂chen₄ quián₅ juig₅₄ jme₂dsa₂ quian'₅₄ dsi₂gui'₅₄ can'₅₄ quián₅ dsa₂ juig₂. ⁴⁸ Jaun₂ Judas ně₃, ia₁ ma₂ca₂jmo₃ bá₄ jág₁ le₂jñiá₅ 'e₂ léi₄ jmo₃ jě₁ma₂tē₂ rě₁jáng'₂, jme₁ma₂juá'₂:

—I₂chen'₄ jniá₂ quió'₅, i₂'éi₂ bá₄ jma'₅₄ 'nia'₂.

⁴⁹ Jaun₂ dsi₂jui₅ jme₁dsióg₃ Judas, ca₂jme₃quiáin₃ con₂ Jesús, jaun₂ ca₂juá'₂:

—iSiang'₃, tē₅!

Jaun₂ ca₂chen'₃ rě₂jú'₅ Jesús.

⁵⁰ Jaun₂ ca₂jéin'₃ Jesús jág₁ quió'₅, ca₂juá'₂:

—A₂mei₅₄, ¿'E₂ ta₁ ñi'₂?

Jaun₂ guě₄ ca₂jme₃quián₃ ca₂le₃jín₃ dsa₂ ca₂jñai'₃ Jesús, jaun₂ ca₂tág₃.

⁵¹ Tě₃jě₄ jaun₂, jan₂ dsa₂ i₂jme₁quian'₅₄ Jesús ca₂dsi₂ ñi₁tág₂, ca₂ti₃ caun₂ rě₂gua₄ dsa₂ i₂jme₂ti₃ quián₅ jme₂dsa₂ dsen₅₄. ⁵² Jaun₂ ca₂juá'₂ Jesús:

—Tiá₃ táng₃ ñi₁tág₂ quiáng'₂ ja₁jme₁i₄. Ia₁ ca₂le₃jín₃ i₂quín'₂ quian'₅₄ ñi₁tág₂, ján₃ bá₄ quian'₅₄ ñi₁tág₂ dsiáin₃. ⁵³ ¿'E₂ lín'₂? ¿A₁tsá₃ lé₂ le₃jme₁mi₁₂ ne₄ Ñe'₃, a₂chein₃ ja₁cong₂ guia₃-tín₂ mei₅ ángeles quiáin₅? ⁵⁴ La₁ jua'₅₄ mei'₂ guě₃ le₂jaun₂, ¿'A₂ bá₄ lia'₂ le₃ti₃ jág₁ a₂tio'₅₄ ne₄ Si₂ ja₁juá'₂ a₂dsi₃ñig₂ le₂la₂?

⁵⁵ Jaun₂ juá'₂ Jesús tsí'₅ dsa₂:

—¿'E₂? ¿Ja₁nó'₅ 'nia'₂ le₁quian'₅₄ ñi₁tág₂, ni₁'ma₂, ja₂chong'₂ jniá₂, ně₂jag₄ bá₄ lín'₅ dsa₂ 'ang₂? Jua'₂ ca₂le₃jě₃ jmi₃g₄ bá₄ 'eng₅₄ jme₁tíng₂ dsa₂ jin'₄ 'nia'₂ i₁dsi₅ guá'₅ templo, tsá₃

ma₂chong' guë' 'nia' ja₁jaun₂. ⁵⁶ La₁ ca₂le₃jě₃ a₂lě₂ la₂ rě₂ti₃ jág₁ quió' dsa₂ i₂jme'ě₂ jág₁ quián₅ Diú₄ ma₂líg' ₂.

Jaun₂ guě₄ qui₂ca₂cuing₃ ca₂le₃jín₃ chi' dsi₂guia₃-tín₂, ca₂téin₂ bá₄ Jesús.

Dsián' Jesús ne₄ dsi₂tan₅₄ quián₅ guá' ₅

(Marcos 14:53-65; Lucas 22:54-71; Juan 18:12-24)

⁵⁷ Jaun₂ dsa₂ i₂ca₂i₁chan' ₅₄ Jesús ca₂i₁jo₅₄ ne₄ Caifás, i₂lín₅ jme₂dsa₂ dsen₅₄. Ja₁jaun₂ ma₂le₁ñi' ₂ tē₅juá' ₅ quian' ₅₄ guě₄ dsa₂ can' ₅₄. ⁵⁸ Pe₄ ně₃ ca₂ñó₃ uing₂ tē₂quín₃ 'ein₂₃ Jesús ca₂tē₂ i₁dsi₅ quió' ₅ jme₂dsa₂ dsen₅₄. Ja₁jaun₂ ca₂'í₃ ca₂guá₂ quian' ₅₄ 'lióg₂, ia₁ 'nio₃ tē₅ ne₅₄ 'a₂ lia' ₂ jñia' ₅₄ dsióg₄ quian' ₅₄ Jesús.

⁵⁹ Jaun₂ juig₅₄ jme₂dsa₂, quian' ₅₄ ca₂le₃jín₃ dsi₂tan₅₄ quián₅ guá' ₅ ně₃, qui₂ca₂'náu' ₃ jui₅ 'a₂ lia' ₂ jme₃cáin' ₂ Jesús dso₄ quian' ₅₄ jág₁ tē₂jág₁ ia₁jaun₂ jñag' ₃. ⁶⁰ La₁ tsá₃ dso' ₂ guě' ₂ 'a₂ lia' ₂ jme₃cáu' ₂, o₁jñia' ₅₄ juin₅ i₂qui₂ca₂nau₂ jmo₂₃ jág₁ tē₂jág₁. Dsi₃lén₂ jme₁dsi₃lén₂ on₃ dsa₂, ⁶¹ jaun₂ ca₂juá' ₂:

—I₂ně₅ ma₂ca₂juá' ₂, “Qui' ₅₄ jniá₂ jmig₄ lé₂ le₃'éng₄ guá' ₅ templo quió' ₅ Diú₄, quian' ₅₄ 'ni₅ jmig₄ bá₄ lé₂ le₃jmóg' ₄ táng₃.”

⁶² Jaun₂ ca₂nau₂ jme₂dsa₂ dsen₅₄, jaun₂ ca₂tsí' ₃ Jesús:

—¿Tsa' ₁ 'e₂ ñag' ₅₄ 'i₁caun₂? ¿I₂'e₂ bá₄ jág₁ ně₅ a₂jáng' ₅ dsa₂ a₂rě₂cáng' ₄?

⁶³ La₁ tei₄ bá₄ ca₂nau₂ Jesús. Jaun₂ ca₂ñag₃ táng₃ jme₂dsa₂ dsen₅₄, ca₂juá' ₂:

—Dsi₅₄ jniá₂ 'éi' ₃ a₂jua' ₅₄ 'ing' ₅ Diú₄ jén' ₃ ne₄ jnia' ₅₄, chi₂jua' ₂ tē₃dsón' ₂ líng' ₅ Ja₁ñi' ₅₄ Diú₄, I₂rě₂'ín₁ quián₅.

⁶⁴ Jaun₂ ca₂ñag₃ Jesús:

—Ján₅, jniá₂ bá₄ 'éi₂, jui₁lia' ₂ i₁juá' ₂ 'ne₂ ně₅. La₁ juá' ₅ jniá₂ juíg₂ 'nia' ₂ ján₃, ca₂le₃jíng' ₃, a₂já₅ jmig₄ a₂jag' ₅₄ 'nia' ₂ jing' ₅₄ Jaun₅ dsa₂ mi₂güí₃ guá₃ tē₂le₃ gu₂ ne₁ Diú₄ i₂'uan' ₂ guě₄ lín₃, a₂jñi₁ó' ₂ jē₄ jnei₅ guei' ₅₄ dsi₂güig₂ ně₃.

⁶⁵ Jme₂dsa₂ dsen₅₄ ně₃, jme₁ca₂nág₂ jág₁ jaun₂, ca₂chein₃ ni₁tsin' ₅₄ 'ñiog₅, † jaun₂ ca₂juá' ₂:

—i' ₂ 'E₂ guě₄ 'ñio₅ 'lig' ₅₄ juá' ₂ i₂ně₅ 'iin₂₃ Diú₄ quian' ₅₄ jág₁ ně₅ quió' ₅! ¿' ₂ 'E₂ guě₄ jmá' ₃ jág₁ 'lióng₂ 'niog₂ jniog₄ jua' ₅₄ a₂jáng' ₅ guě₄ dsa₂ sián' ₂ jág₁ dsau₅? Ma₂ně₂nei' ₂ bá₄ 'nia' ₂ guiong' ₅₄ jág₁ 'lig' ₅₄ a₂ma₂ně₂juá' ₂ i₂ně₅ 'iin₂₃ Diú₄. ⁶⁶ ¿' ₂ 'A₂ lia' ₂ lín' ₂ 'nia' ₂?

Jaun₂ ca₂juá' ₂ ca₂le₃jín₃ tiain' ₅₄:

—I₂ca₂tín₂ jón₂ bá₄ ně₅.

⁶⁷ Jaun₂ qui₂ca₂'ñéi₃ dsa₂ dsi₂ne₄ Jesús tiain' ₅₄, tsá₃ caun₂ a₂qui₂ca₂jmóg' ₂. I₂lín₅₄ guě' ₂ qui₂ca₂quein₃ tiain' ₅₄, ⁶⁸ jaun₂ ca₂juá' ₂:

—'Ne₂ guě' ₂ i₂juá' ₂ líng' ₅ I₂rě₂'ín₁ quián₅ Diú₄: ¡Dsi₄ jág₁ jua' ₅₄ 'ein₂ ně₂quein₃ quiáng' ₂!

Tsá₃ ca₂tion₃ Pe₄ a₂cuin₂₃ Jesús

(Marcos 14:66-72; Lucas 22:56-62; Juan 18:15-27)

⁶⁹ Tē₃jē₄ jaun₂ jme₁guá₄ Pe₄ i₁dsi₅, jaun₂ ca₂dsióg₃ jan₂ 'io₅₄ i₂jme₂ti₃ ta₁ ja₁jaun₂, jaun₂ ca₂tsí' ₃ Pe₄:

—¿Ján₃ guě' ₂ jme₁quian' ₄ 'ne₂ Jesús i₂chan₂ Galilea?

⁷⁰ La₁ jin₄ dsa₂ ja₁guá₄ jaun₂ tsá₃ ca₂tiain₃, jaun₂ ca₂juá' ₂:

—Tsá₃ guion₅₄ 'e₂ a₂juá' ₂ 'ne₂ ně₅.

⁷¹ Ca₂nau₂ Pe₄ nó₅ tē₂le₃ o₄'né₄, jaun₂ ca₂jág₂ táng₃ jan₂ 'io₅₄ sián' ₂. 'Éi₂ ně₃ ca₂tsí' ₃ dsa₂ i₂tion' ₅₄:

—I₂jme₁quian' ₅₄ Jesús Nazareno bá₄ ně₅.

⁷² La₁ jme₁ca₂nág₂ Pe₄, tsá₃ ca₂tiain₃ táng₃ jě₃ 'iin₂₃ Diú₄, ca₂juá' ₂:

—¡Tsá₃ dsa₂ 'éi₂ cuín₅ jniá₂!

† **26:65** Jme₁chí' ₄ tag₄ quió' ₅ dsa₂ judíos jmig₄ jaun₂ a₂gág₅ dsa₂ ni₁tsin' ₅₄ cuě₂₃ léi₄ jē₁ma₂'í₅ 'nei₂ dsí₅, o₃ jme₁'i₄ qui' ₂ dsí₅.

⁷³ Jme₁co₂lág₂ jaun₂, ca₂jme₃quián₃ dsa₂ i₂tion'₅₄ con₂ Pe₄, jaun₂ ca₂juá'₂:

—Të₃dsón'₂ bá₄ líng'₅ jan₂ rin'₅₄ 'éi₂, ia₁ nē₅ rē₂jniág'₂ 'a₂ lia'₂ né'₂ jag'₅₄.

⁷⁴ Jaun₂ nē₃, Pe₄ ca₂'iin₃ Diú₄ ca₂mī₃ a₂dsi₃ñi₂ 'e₂ dsi₃ñi₂, ca₂juá'₂:

—iTsá₃ dsa₂ 'éi₂ cuín₅ jniá'₂!

Të₃jē₄ jaun₂ ca₂'o₃ jan₂ të₁guí₄ dsó₂. ⁷⁵ Jaun₂ guē₄ nē₃ ca₂dsáu'₃ dsí₅ Pe₄ a₂ca₂juá'₂ Jesús le₂jñiá₅: “Né'₃ a₂'o₃ të₁guí₄ dsó₂; hora jaun₂ dé₄ dsón'₂ chéng'₅ tsá₃ tóng'₄ ta₁'ni₅ ráun₂ a₂cuig'₂ jniá₂.” Jaun₂ guē₄ o₂'ín₃ Pe₄ të₂le₃ ca₁'né₄, ca₂tá'₂ qui'₂ dsí₅, ca₂'o₃ 'ñio₅ lin₃.

27

Ca₂jín'₂ dsa₂ Jesús o₄gú₃ Pilato

(Marcos 15:1; Lucas 23:1-2; Juan 18:28-32)

¹ Jme₁jñiá₃ jaun₂, ca₂le₃jín₃ juig₅₄ jme₂dsa₂ quian'₅₄ gui'₅₄ can'₅₄ quián₅ dsa₂ juig₂ ca₂jmo₃ caun₂ jág₁ a₂jñi'₃ Jesús. ² Qui₂ca₂'néi₂ tióin'₅₄, jaun₂ ca₂tág₃ ca₂i₁jang'₂ ne₄ Dsi₄má'₂ Poncio Pilato.

Ca₂jon₃ Judas

(Hechos 1:18-19)

³ Jme₁ma₂tē₅ ne₄ Judas i₂ca₂'nag₃, a₂ma₂nē₂dsi₃ dsa₂ 'éi'₃ a₂jñi'₃ Jesús, jaun₂ ca₂tá'₂ qui'₂ dsí₅. Jaun₂ ca₂i₁con₂ táng₃ ta₁guiog₃-guiá'₂ 'éi'₃ cu₄tiog₂ jaun₂, ca₂jín'₃ juig₅₄ jme₂dsa₂ quian'₅₄ gui'₅₄ can'₅₄. ⁴ Jaun₂ ca₂juá'₂:

—Ma₂nē₂'no₃ jniá₂ dso₄, ia₁ nē₂jing'₅₄ ne₄ 'mú₃ jan₂ i₂tsá₃ dso₄ rin₂.

La₁ ca₂ñag₃ dsa₂ 'éi₂:

—Tsá₃ 'e₂ a₂jaun₂ dsan₂ dsi₅ jniá'₅₄. A₂ca₂tín'₂ 'ne₂ bá₄ jaun₂.

⁵ Con'₂ ca₂i₁guia'₂ jaun₂ bá₄ Judas cu₄ jaun₂ dsi₂néi₂ ja₁jñi₅ guá'₅ templo, jaun₂ ca₂'o₃'iin₃ ca₂i₁tiá₄ ché₂ dsi₂lag₅₄ ca₂jñi'₃ 'ñiog₅. ⁶ Juig₅₄ jme₂dsa₂ nē₃ ca₂i₁cag'₂ cu₄ jaun₂, jaun₂ ca₂juá'₂:

—Tsá₃ 'i₄ 'éi'₃ dsi₃to'₅₄ cu₄ la₂ 'ñi₅ gu₅ ja₁tio'₅₄ cu₄ quió'₅ guá'₅, ia₁ cu₄ a₂ca₂quín₂ jmi₂ bá₄ la₂.

⁷ Jaun₂ ca₂jmo₃ caun₂ jág₁ a₂lá₃ caun₂ 'uē₃ quian'₅₄ cu₄ jaun₂ quió'₅ jan₂ dsa₂ i₂jme₁jmo₅ ni₁dsig₁ gua'₅₄, ja₁jmo₃ 'uē₃ ja₁'óin₂ jmá'₃ lia'₂ dsi₂nau₂. ⁸ 'Uig₅₄ jaun₂ chei₂ ja₁jaun₂ ca₂tē₂ jmig₄ nē₃, 'Uē₃ jmi₂. ⁹ Le₂nē₅ ca₂rē₃ti₃ jág₁ a₂ca₂juá'₂ Jeremías, dsa₂ i₂jme₁'ē₂ jág₁ quián₅ Diú₄ ma₂líg'₂, jme₁ca₂juá'₂: “Ca₂can₃ dsa₂ guióg₂-guiá'₂ cu₄tiog₂, con'₂ 'ma'₅₄ a₂ca₂dsi₂ dsa₂ juig₂ Israel quió'₅ 'éi₂. ¹⁰ Quian'₅₄ cu₄ jaun₂ ca₂lá₃ caun₂ 'uē₃ quió'₅ dsa₂ i₂jmo₅ ni₁dsig₁, lia'₂ con'₂ lē₅ 'éi'₃ quió'₅ Te₁gui'₅₄.”*

Chén'₅ Jesús ne₄ Pilato

(Marcos 15:2-5; Lucas 23:3-5; Juan 18:33-38)

¹¹ Tē₁lia'₂ jaun₂, chén'₅ Jesús ne₄ dsi₄má'₂, jaun₂ 'éi₂ nē₃ ca₂ñag₃:

—¿Dsón'₂ líng'₅ Rag₅₄ quián₅ dsa₂ judíos?

Jaun₂ ca₂ñag₃ Jesús:

—Le₂nē₅ bá₄, jui₁lia'₂ juá'₂ 'ne₂ nē₅.

¹² Jaun₂ caun₂ qui₂ca₂'nag₃ bá₄ juig₅₄ jme₂dsa₂ quian'₅₄ gui'₅₄ can'₅₄ tióin'₅₄. La₁ tsá₃ ma₃'e₂ ca₂ñag₃ Jesús. ¹³ Jaun₂ ca₂juá'₂ Pilato:

—¿Tsa₁ nag'₂ ca₂le₃jē₃ 'e₂ i₁juá'₄ dsa₂ nē₅ 'ni₂₃ 'ne₂?

¹⁴ La₁ tsá₃ ma₃'e₂ ca₂ñag₃ Jesús 'i₁caun₂; jaun₂ ca₂i₃gó'₃ dsí₅ Pilato.

Ca₂'o₃'ág₃ 'éi'₃ a₂jón₂ Jesús

(Marcos 15:6-20; Lucas 23:13-25; Juan 18:38 — 19:16)

* 27:10 Jeremías 32:6-9; Zacarías 11:12-13.

¹⁵ Jmīg₄ jaun₂ jme₁chí'₄ tag₄ quió'₅ dsi₄má'₂ a₂lióin₂ ca₂le₃jě₃ ŋi₂, jan₂ dsa₂ i₂'en₅₄ né'₃ 'má₃, jme₁tě₅ Jmīg₄ Tě₂'in₅₄, 'ein₂ ca₂'in₃ dsa₂ juig₂ i₂lión₂. ¹⁶ Jmīg₄ jaun₂ jme₁rě₂jní₅ jan₂ dsa₂ i₂chen₂ Barrabás, ca₂le₂con₂ bá₄ 'ei₅ jág₁ quió'₅ a₂'lín₅₄. ¹⁷ Tě₃jě₄ le₁ŋi'₂ dsa₂ jaun₂, ca₂ŋag₃ Pilato ca₂ŋi'₃ dsa₂ juig₂:

—¿I₂'ein₂ 'niog'₂ 'nia'₂ lon₄ jniá₂ quián'₂ 'nia'₂? ¿Barrabás, o₃ Jesús i₂tě'₂ dsa₂ I₂rě₂'ín₁ quián₅ Diú₄ 'e₂?

¹⁸ Ia₁ ca₂rě₃lí'₄ bá₄ Pilato 'ŋiog₅, a₂'iog₅₄ uig₅ dsi₅ bá₄ dsa₂ ca₂jín'₂ Jesús ne₅₄.

¹⁹ Tě₁lia'₂ guá₅ Pilato ne₄ta₁ quió'₅, ja₁qui₂dsi₂₃ 'éi'₃, tě₃jě₄ jaun₂ ca₂chen₃ 'io₅₄ quián₅ jág₁ ne₅₄ a₂ca₂juá'₂: “Tsá₃ lě₁tián₅ 'ne₂ cuente quió'₅ dsa₂ i₂tsá₃ 'e₂ rin₂ ně₅. Ia₁ 'ŋio₅ gau₂ qui₂chóg₂ i₃ŋíg₂ ca₂néi₃ o₄quió'₄.”

²⁰ La₁ juig₅₄ jme₂dsa₂ quian'₅₄ gui'₅₄ can'₅₄ ně₃, ca₂toin'₂ jág₁ dsa₂ juig₂ ia₁jaun₂ mi₃ dsa₂ tsí'₃ Pilato a₂lióin₂ Barrabás bá₄, jaun₂ ŋŋi'₃ bá₄ Jesús. ²¹ Jaun₂ ca₂juá'₂ Pilato ca₂tsí'₃ dsa₂:

—¿I₂'ein₂ dsa₂ on₃ la₂ 'niog'₂ 'nia'₂ lon₄ jniá₂?

Jaun₂ ca₂ŋag₃ dsa₂ juig₂ tioin'₅₄:

—Barrabás bá₄.

²² Jaun₂ ca₂ŋag₃ táng₃ Pilato ca₂ŋi'₃ dsa₂ juig₂:

—¿'E₂ guě'₂ 'niog'₂ 'nia'₂ jmo₅₄ jniá₂ quian'₅₄ Jesús i₂tě'₂ dsa₂ I₂rě₂'ín₁ quián₅ Diú₄?

Jaun₂ ca₂ŋag₃ co₂dsia₅ ca₂le₃jín₃ tioin'₅₄:

—iTióin₃ cróg₄!

²³ Jaun₂ ca₂ŋag₃ táng₃ Pilato:

—¿'E₂ 'uig₅₄ ně₃? ¿'E₂ guě'₂ dso₄ ma₂'náu₂?

La₁ tě₂le₃ i₂jui'₂ guě₄ co₂mi'₅₄ ca₂tóin'₂, ca₂juá'₂:

—iTióin₃ cróg₄!

²⁴ La₁ ca₂rě₃lí'₄ bá₄ Pilato tsá₃ 'e₂ ta₁ jmo₃ jág₁ quió'₅, ia₁ tě₂le₃ 'ŋio₅ lín₃ guě₄ jui₁si co₂mi'₅₄ ca₂tóin'₂. Jaun₂ lě₃, ca₂chein₃ jan₂ dsa₂ i₁quian₅₄ jmig₂, jaun₂ ca₂rang₃ gu₂ tě₃ne₄ dsa₂ juig₂, jaun₂ ca₂juá'₂:

—Tsá₃ 'e₂ rě₃cán'₄ jniá₂ jmi₄ dsa₂ ně₅; guion'₅₄ bá₄ 'nia'₂ rě₂cáng'₄ ně₁'e₂ ca₂jmai'₅₄.

²⁵ Jaun₂ ca₂ŋag₃ ca₂le₃jín₃ dsa₂ juig₂ tioin'₅₄:

—iJmi₄ 'mú₃ quió'₅ i₂ně₅, jui₁dsi₂ŋag₂ jnia'₅₄ 'e₂ dsi₃ŋág₂, quian'₅₄ tsi₁jon₂ quián₂ jnia'₅₄ i₂ně₃ guě₄ tě₁ja₃lén₂!

²⁶ Jaun₂ ca₂lión₂ bá₄ Pilato Barrabás i₂mi₅ dsa₂ lión₂; jaun₂ ca₂jmo₃ 'éi'₃ a₂bán₂ dsa₂ Jesús, jaun₂ guě₄ ca₂jáng'₂ o₄gú₃ dsa₂ juig₂ jaun₂ tion₃ cróg₄.

²⁷ Jme₁co₂lág₂ jaun₂, 'lióg₂ quián₅ dsi₄má'₂ ca₂ŋjai₃ Jesús jui₅ i₁dsi₅ ne₄ta₁ jaun₂. Jaun₂ ca₂ŋi'₂ ca₂le₃jín₃ 'lióg₂ le₃lág'₃ quió'₅ Jesús. ²⁸ Jaun₂ guě₄ ca₂dsi₂ tsin'₅₄ Jesús, ca₂quei'₃ caun₂ tsi₁'mi'₂ guéin₂ 'ui'₃, † ²⁹ jaun₂ ca₂jmo₃ caun₂ corona quian'₅₄ chi₁uǐng₃ taun₅, ca₂tó'₂ mi₂dsi₄ Jesús. Ca₂chong'₂ ca₂'nau₅₄ guě'₂ ni₁'ma₂ ta₅ gu₂ ne₁. Jaun₂ guě₄ ca₂chi₃jně₃ ne₄ Jesús tioin'₅₄, a₂lě₁qui₂co₂jmóg'₂, ca₂juá'₂:

—iSian'₃ 'ne₂, Rag₅₄ quián₅ dsa₂ judíos!

³⁰ Ján₃ qui₂ca₂'héi₂ dsa₂, qui₂ca₂bá₂ dsa₂ mi₂dsi₅₄ quian'₅₄ ni₁'ma₂ a₂ca₂chong'₃ jaun₂.

³¹ Jme₁ca₂lě₃ a₂lě₁co₂jmóg'₂ jaun₂, ca₂dsei₂₃ táng₃ tsi₁'mi'₂ 'ui'₃ a₂jme₁ca₂quei'₃, jaun₂ ca₂quei'₃ táng₃ ni₁tsin'₅₄ a₂jme₁qui'₂. Jaun₂ guě₄ ca₂jiog₃ ca₂tě₂ ja₁tě₃toin₅₄ cróg₄.

Ca₂tion₃ dsa₂ cróg₄ Jesús

(Marcos 15:21-32; Lucas 23:26-43; Juan 19:17-27)

³² A₂ca₂'uǐn₂ jaun₂, ca₂jein'₂ jan₂ dsa₂ i₂chan₂ Cirene, i₂chen₂ Si₂mu₅₄. Jaun₂ ca₂chi₃quián₂ jmig₄ 'éi₂ a₂cán₂ cróg₄.

† ^{27:28} Guéin₂ 'ui'₃ jme₁jniá₂ tsin'₅₄ rag₅₄ jme₁qui'₅ jmig₄ jaun₂.

³³ Jaun₂ ca₂dsi₃léin₂ jme₁dsi₃léin₂ caun₂ ja₁chei₂ Gólgota, co₂'nió'₄ ja₁tě'₂ dsa₂ Dsi₂con'₂ Ni₁mu₅ Mi₂dsi₄ 'Lag₄. ³⁴ Ja₁jaun₂ ca₂jén'₃ dsa₂ ne₄ Jesús vino a₂rě₃cón'₅ quian'₅₄ dsí'₁ já'₂;† la₁ dsi₂jui₅ jme₁ca₂tí₂ Jesús 'o₅₄, tsá₃ ma₃ca₂'in'₃.

³⁵ Jme₁ca₂lě₃ tion₂₃ cróg₄, 'lióg₂ ně₃ ca₂jmo₃ dsióg₁ tsin'₅₄ Jesús, ca₂co₃ o₁ne₄ 'ein₂ lí'₂.
³⁶ Ja₁jaun₂ ca₂tiáin'₂ jmo₂₃ 'í₁. ³⁷ Dsi₄ cróg₄ ca₂tióng₃ dsa₂ letra ja₁juá'₂ 'e₂ dso₄ a₂bóin'₂ Jesús, a₂juá'₂ le₂la₂: “I₂LA₂ BÁ₄ JESÚS, I₂LIN₅ RAG₅₄ QUIÁN₅ DSA₂ JUDÍOS”.

³⁸ Ján₃ bá₄ ca₂tioin₃ guě₄ on₃ dsa₂ 'ang₂ co₂lě₅ quiong'₅₄, jan₂ tē₂le₃ gu₂ ne₁, jan₂ guě'₂ tē₂le₃ gu₂ jen₅. ³⁹ Jaun₂ ca₂le₃jín₃ dsa₂ i₂qui₂ca₂ñí₃ jui₅ jaun₂ qui₂ca₂jnáu'₂ jág₁ uig₅, qui₂bí₂ dsi₅₄, ⁴⁰ ca₂juá'₂:

—Ne₂ guě'₂ i₂juá'₂ a₂'éng'₄ guá'₅, con'₂ siá'₂ ting'₂ jmog'₅₄ táng₃ quian'₅₄ 'ni₅ jmig₄, ně₃ ně₃, lion₄ 'ñiag'₂. Sión₅ ja₁tong'₂ ně₅, chi₂jua'₂ dsón'₂ 'ne₂ líng'₅ Ja₁ñi'₅₄ Diú₄.

⁴¹ Ján₃ bá₄ le₂jaun₂ a₂lě₁qui₂co₂jmóg'₂ juig₅₄ jme₂dsa₂ quian'₅₄ tē₅juá'₅, gui'₅₄ can'₅₄ ně₃, dsia₂₃ jág₁ qui₂tsí'₅ riin'₅₄, juá'₂:

⁴² —Ca₂lióin₂ bá₄ i₂sián'₂, la₁ 'ñiog₅ bá₄ tsá₃ lé₂ le₃lióin₂. Chi₂jua'₂ i₂ně₅ lín₅ Rag₅₄ quián₅ dsa₂ juig₂ Israel, jui₁sióin₄ cróg₄ ia₁jaun₂ bá₄ le₃'éin₂ jniog₄ le₃quió'₅. ⁴³ I₂ně₅ guě'₂ juá'₂ 'ei₅ caun₂ dsí₅ ne₄ Diú₄; ně₃ ně₃ 'éi₂ jui₁lio₅₄ chi₂jua'₂ tē₃dsón'₂ bá₄ 'nioi₃ i₂ně₅; ia₁ 'ñiog₅ guě'₂ ma₂juá'₂ lín₅ Ja₁ñi'₅₄ Diú₄.

⁴⁴ Le₂jio₅ dsa₂ 'ang₂ i₂le₁ton₅ quian'₅₄ Jesús qui₂ca₂juá'₂ uig₅.

Ca₂jon₃ Jesús

(Marcos 15:33-41; Lucas 23:44-49; Juan 19:28-30)

⁴⁵ Jme₁ca₂tě₂ dsi₂ñí'₃, * ca₂'ág₂ nei₂ le₂tan₅₄ le₂con₂ 'uě₃ jaun₂ ca₂lia'₂ ca₂tě₂ hora ñí₁ 'ni₅† tē₂le₃ ca₂'láu₂. ⁴⁶ Hora jaun₂, ca₂'ñia₂ guě₄ Jesús, jág₁ ca₂juá'₂ tiá₂:

—Elí, Elí, ¿lama sabactani? —co₂'nió'₄ a₂juá'₂: Diú₄ quiáng₃, Diú₄ quiáng₃, ¿'e₂ lě₃ ma₂ně₂téi'₃ jniá₂?†

⁴⁷ I₂lin₅₄ dsa₂ i₂jme₁tióin₂ cau₅ jaun₂ ca₂nág₂, jaun₂ ca₂dsia₃ jág₁ tsí'₅ riin'₅₄:

—Nei₂ 'nia'₂. Elías, i₂jme₁'ě₂ jág₁ quián₅ Diú₄ ma₂líg'₂, tē'₂.

⁴⁸ Jaun₂ dsi₂jui₅ le₂jaun₂ ñó₃ jan₂ co₂chi'₅₄ i₁quian₅₄ caun₂ ni₁jau₂ guion₅ jmig₂. Jaun₂ ca₂guioin₃ vino dsi'₃, jaun₂ ca₂chi₃dsí₂ nei'₅₄ caun₂ ni₁'ma₂ ta₅, jaun₂ ca₂jén'₃ ne₄ Jesús ia₁jaun₂ jme₁'ín'₂. ⁴⁹ La₁ ca₂juá'₂ riin'₅₄:

—Tsá₃ lein'₅₄; o₁ne₄ chi₂jua'₂ jiá₃ Elías ja₃lio₅₄ quió'₅.

⁵⁰ Con'₂ bá₄ ca₂'ñióg₂ guě₄ Jesús tiá₂ lín₃, jaun₂ guě₄ ca₂jáng'₃ jme₂dsí₂ quió'₅. ⁵¹ Hora jaun₂ dé₄ dsón'₂ co₂dsia₅ ca₂chen₃ ca₂tě₂ guel'₅₄ ca₂tě₂ 'uě₃ ca₂lě₃ tin₃ tsín'₅ tsí'₁'mi'₂ pa₁ a₂jme₁'ei₅ dsi₂néi₂ guá'₅ templo. 'Uě₃ guě'₂ ně₃ ca₂i₁bi₅₄, ni₁'lau₂ a₂te₁'i₁ ja₁jaun₂ qui₂ca₂dsón₂; ⁵² tau₂ 'ñio₅ ně₃ qui₂ca₂niá₃ ca₂lě₃; ján₃ bá₄ qui₂ca₂jen'₅₄ juin₅ 'lag₄ jñiós quián₅ Diú₄ i₂ma₂dsan₃ le₂jñiá₅. ⁵³ Qui₂ca₂'uin₂ tau₂ 'ñio₅; ca₂i₃toin'₅₄ Jerusalén ciudad jñiós jme₁ca₂jen'₅₄ Jesús, ton'₂ ca₂jme₃jñiai₂₃ ně₃ ne₄ juin₅ dsa₂.

⁵⁴ Jaun₂ juig₅₄ 'lióg₂ quian'₅₄ guě₄ dsa₂ i₂jme₁quiain'₅₄ jmo₂₃ 'í₁ Jesús, jme₁ma₂tě₅ ne₅₄ dsi₂bi₅₄ 'uě₃ ma₂lě₂ ca₂le₃jě₃ guě₄ 'e₂ a₂ca₂lě₃ jaun₂, jaun₂ guě₄ ca₂rě₃gó'₅ 'ñio₅ lín₃; jaun₂ guě₄ ca₂juá'₂:

—Tē₃dsón'₂ bá₄ jme₁lín₄ i₂ně₅ Ja₁ñi'₅₄ Diú₄.

⁵⁵ Jme₁tion'₅₄ juin₅ 'io₅₄ ja₁jaun₂ jág₅, tióin₂ uíng₂. 'Éi₂ ma₂ja₂léin₂ jme₂ti₃ ne₄ Jesús le₂tan₅₄ 'uě₃ Galilea. ⁵⁶ Jin₄ 'io₅₄ 'éi₂ jme₁'en₅₄ María i₂chan₂ Magdala, quiain'₅₄ María chog₅₄ Jacobo quian'₅₄ Sé₄; quian'₅₄ chog₅₄ chi'₂ quián₅ Zebedeo.

† 27:34 co₂'nió'₄ caun₂ mí₅ a₂jñia'₃ uig₅ quió'₅ dsa₂. § 27:35 A₂lin₅₄ chog₅₄ si₂ a₂ca₂lě₃ guě₄ cang₂ juá'₂ le₂la₂ ján₃: “Le₂ně₅ ca₂lě₃ ca₂rě₃ti₃ jág₁ a₂ca₂juá'₂ dsa₂ i₂'ě₂ jág₁ quián₅ Diú₄ ma₂líg'₂, ja₁juá'₂: ‘Ca₂dsión'₂ dsa₂ ni₁tsín'₅; ca₂co₃ dsa₂ o₁ne₄ 'ein₂ lí'₂ 'mi'₂ quió'₅.” Salmo 22:18. * 27:45 lit. “hora jñéi₂.” † 27:45 lit. “hora ñi₃.” ‡ 27:46 Salmo 22:1.

*Ca'on₃ Jesús**(Marcos 15:42-47; Lucas 23:50-56; Juan 19:38-42)*

⁵⁷ Jme₁ca₂tó'₂ nei₂ jmi₄g₄ jaun₂, guan₃ jan₂ dsa₂ cha₂ cu₄ i₂chen₂ José, i₂chan₂ juig₂ Arimatea, ia₁ ján₃ bá₄ ca₂rě₃'éin₂ le₃quió'₅ Jesús. ⁵⁸ 'Éi₂ ně₃, ŋei₅₄ i₂jin₁₂ Pilato, ca₂i₁mi'₄ 'lag₄ Jesús. Jaun₂ ca₂jmo₃ Pilato 'éi'₃ a₂jáng'₂ dsa₂. ⁵⁹ Jaun₂ ně₃ ca₂tág₃ Sě₄, ca₂lio₃ rě₂ quian'₅₄ caun₂ tsi₁'mi'₂ le₁jě₃. ⁶⁰ Jaun₂ ca₂i₁tio'₂ 'ñió'₃ caun₂ tau₂ 'ñio₅ 'mí₂ quió'₅ 'ñiog₅, a₂jme₁ma₂guéi₃ dso'₂ ni₁'lau₂. Jaun₂ ca₂jñi₁o'₃ ca₂mí₂g₂ ni₁cang₁ li'₂ pa₁, ca₂jlě₂ 'o₄ tau₂ 'ñio₅, jaun₂ guě₄ ca₂ñái'₃. ⁶¹ La₁ María i₂chan₂ Magdala quian'₅₄ María jan₂ 'éi₂, jaun₂ bá₄ jme₁tián'₄ tě₂le₃ ja₁jniá₂ o₄'né₄ tau₂ 'ñio₅.

Jmo₅ 'lióg₂ 'í₁ tau₂ 'ñio₅

⁶² Jme₁jnia₃ táng₃ jaun₂, co₂'nió'₄ jme₁ca₂dsan₃ tion'₅₄ dsa₂ jmo₂₃ co₂jñia₅₄ a₂'nió'₅ quió'₅ jmi₄g₄, jaun₂ ca₂i₁len₅₄ juig₅₄ jme₂dsa₂ quian'₅₄ dsa₂ fariseos ně₃ ca₂ñi'₂ ne₄ Pilato, ⁶³ ca₂i₁jua'₄:

—Gui'₅₄, dsáu'₅ dsi₅ jnia'₅₄, a₂ca₂juá'₂ tě₂jág₁ 'éi₂ lia'₂ con'₂ jme₁chain₂ guě₄, a₂jein'₅₄ táng₃ a₂'ni₅ jmi₄g₄. ⁶⁴ 'Uig₅₄ jaun₂, chen₅ 'lióg₂ jui₁dsi₂jmo₂ 'í₁ tau₂ 'ñio₅ ca₂lia'₂ ca₂tě₂ jmi₄g₄ 'ni₅, ia₁ con'₂ tsá₃ nō₅ ně₃jua'₂ ja₂lén₂ dsa₂ i₂jme₁quian'₅₄ tě₂, jaun₂ táun₂ jág₁ cang₂, lé₂ le₃juá'₂: “Ma₂ca₂jein'₅₄ bá₄ táng₃.” Ia₁ ně₃jua'₂ ca₂lě₃ le₂jaun₂, ja₂lin₃ guě₄ juě'₂ lé₂ jág₁ tě₂jág₁ jě₁ca₂tó'₂ ně₅, con'₂ guě₄ jág₁ tě₂jág₁ le₂'uig₅₄.

⁶⁵ Jaun₂ ca₂juá'₂ Pilato:

—Ně₅ tión₂ co₂nió'₃ i₂ně₅. O₂nó'₅ 'nia'₂ quian'₅₄, o₂jmo₄ 'nia'₂ 'í₁ 'a₂ con'₂ jñia'₅₄ tian'₃ 'nia'₂ jmo'₂.

⁶⁶ Jaun₂ ca₂i₁lén₂ jaun₂ ně₃, i₁jmo₅₄ 'í₁ dse₃ lin₃ tau₂ 'ñio₅, ca₂tióng₃ caun₂ sello dso'₂ ni₁cang₁ a₂chi₁jni₅, jaun₂ ca₂chein'₃ co₂nió'₃ 'lióg₂ i₂jmo₃ 'í₁.

28

*Jmí₄ a₂ca₂jen'₅₄ Jesús**(Marcos 16:1-8; Lucas 24:1-12; Juan 20:1-10)*

¹ Ca₂ñi'₂ bá₄ jmi₄g₄ sa₅₄. Jaun₂ ně₃, tě₂le₃ ca₂jnia₃ jmi₄g₄ le₂'uig₅₄ semana, ca₂ñe₄ María i₂chan₂ Magdala quian'₅₄ María jan₂; ca₂i₁lein₅₄ i₁jag₅₄ tau₂ 'ñio₅ quió'₅ Jesús. ² Con'₂ tsá₃ rě₂jáin₁ dsi₂jui₅ le₂jaun₂ ca₂i₁bi₅₄ 'uě₃ tiá₂ lin₃ ia₁ a₂ca₂sión₃ guei'₅₄ i₂juig₃ jan₂ ángel quián₅ Te₁gui'₅₄. Ca₂tě₁tsi_{in}'₅₄ o₄'né₄ tau₂ 'ñio₅, ca₂mói₂ ni₁cang₁ a₂jme₁chi₁jni₅, jaun₂ ca₂guá₂ ne₄ jaun₂. ³ Ca₂lia'₂ tág₅ 'ñio₅ lin₃ jniá₂ jui₁lia'₂ tág₅ si₁ñi'₃. Tsin'₅₄ a₂qui'₂ guě'₂ tiog₂ jau₂ lin₃. ⁴ Jme₁ca₂jág₂ 'lióg₂ i₂tion'₅₄ jmo₅ 'í₁, ca₂rě₃gó'₅ 'ñio₅ lin₃ ca₂jlein₃ ně₂jag₄ bá₄ tsá₃ dsi₅ chan₂ ca₂jén'₃. ⁵ Jaun₂ ca₂juá'₂ ángel ca₂tsí'₃ 'io₅₄:

—Tsá₃ jmo₂ 'nia'₂ gang'₃. Ia₁ guion₄ jniá₂ a₂'na'₂ Jesús i₂ca₂tion₃ dsa₂ cróg₄ bá₄ 'nia'₂ i₂niog'₅₄. ⁶ Tsá₃ 'éi₂ ma₃chan₂ ja₁lá₃; ma₂ca₂jein'₅₄ bá₄ táng₃ jui₁lia'₂ lě₅ ca₂juá'₂ 'ñiog₅. La₂ i₂jag₄ de'₂ 'nia'₂ ja₁jme₁rě₂quian'₂₃. ⁷ O₂nó'₅ 'nia'₂ i₂ñáu'₂ o₂chei'₅₄ chi'₂ dsi₂guia₃-tín₂ quián₅ a₂ma₂ca₂jein'₅₄ táng₃ ne₄ 'mú₃; ma₂'ein₅₄ jui₅ nō₅ jñiá₅ lia'₂ con'₂ guě₄ 'nia'₂ jui₅ Galilea. Ja₁jaun₂ o₁jñi_{in}'₄ 'nia'₂. Jág₁ ně₅ ma₂ně₂juig₂ 'nia'₂.

⁸ Jaun₂ ně₃ ca₂'uin₂ 'io₅₄ i₂ñáu'₂, tě₃ ma₂gó'₅, ton'₂ jén'₅ rě'₂ 'io'₂ ján₃. Jaun₂ ca₂i₁lein₃ co₂chi'₅₄ i₁con₂ jág₁ ne₄ dsa₂ guia₃-tín₂. ⁹ Tě₃jě₄ i₂lein₃ jaun₂, con'₂ tsá₃ jáin₅ ca₂jme₃jnia₅ Jesús ne₅₄, ca₂juá'₂:

—iSiang'₃!

Jaun₂ ně₃ ca₂jme₃quián₃ con₂ Jesús, ca₂chi₃jné₃ ca₂jmo₃ i₁'áin₃ ca₂tě₂ 'uě₃, ca₂quí'₃ cu₅ tag₄ Jesús. ¹⁰ Jesús ně₃ ca₂juá'₂:

—Tsá₃ lě₁jmo₂ 'nia'₂ gang'₃. O₂nó'₅ 'nia'₂ o₂con₄ jág₁ ne₄ ríng'₃ o₂chei'₅₄ 'nia'₂ jui₁dsi₂lein₅ jui₅ Galilea, jaun₂ ja₁jaun₂ jág₂ jniá₂.

Jág₁ a₂ca₂dsia₃ 'lióg₂

¹¹ Të₁lia'₂ i₃len₃ 'io₅₄ 'éi₂ i₂con₃ jág₁, i₂lin₅₄ 'lióg₂ i₂jme₁jmo₅ 'í₁ i₃lein₃ jë₄ juig₂ i₁con₂ jág₁ ne₄ juig₅₄ jme₂dsa₂ ca₂i₁jua'₄ ca₂le₃jë₃ 'a₂ lia'₂ niog₅ ca₂lë₃. ¹² Juig₅₄ jme₂dsa₂ në₃ ca₂ñi'₂ quian'₅₄ gui'₅₄ can'₅₄ ca₂jmo₃ jág₁, jaun₂ ca₂cuë'₃ 'lióng₂ cu₄ 'lióg₂ 'éi₂, ¹³ ca₂juá'₂:

—Le₂la₂ dsiá'₁ 'nia'₂ juig'₅₄ dsa₂: tē₁lia'₂ jme₁rë₂güin'₃ 'nia'₂ a₂'uë₂ ca₂dsi₃lén₂ dsa₂ i₂jme₁quian'₅₄, jaun₂ ca₂tág₃ 'lag₄. ¹⁴ Nē₁jua'₂ ca₂rë₃ñi₅ dsi₄má'₂ jág₁ nē₅, la₂ bá₄ ne₄ jnia'₅₄ 'a₂ lia'₂ jme₁'uan₅₄ dsí₅ ia₁jaun₂ tsá₃ cán'₁ 'nia'₂ o₂i₁ dsi₅. ¹⁵ Jaun₂ ca₂gue₃ bá₄ 'lióg₂ cu₄, jaun₂ le₂jaun₂ bá₄ ca₂jmo₃ con'₂ lë₅ jág₁ ca₂to'₂ dsa₂ 'éi₂. Jaun₂ le₂në₅ bá₄ jág₁ 'ei₅ ca₂le₂con₂ le₁ñi₅ dsa₂ judíos ca₂të₂ jmig₄ nē₃.

Ca₂chen₃ Jesús chi'₂ dsi₂guia₃-tín₂ a₂dsi₃'ë₃ jág₁

(Marcos 16:14-18; Lucas 24:36-49; Juan 20:19-23; Hechos 1:6-8)

¹⁶ Jaun₂ nē₃ i₃len₃ bá₄ ta₁guia₃-ján₃ chi'₂ dsi₂guia₃-tín₂ jui₅ Galilea, ca₂i₃lén₂ ja₁lë₄ caun₂ má'₂, lia'₂ con'₂ lë₅ ma₂ca₂juá'₂ Jesús le₂jñiá₅. ¹⁷ Jaun₂ dsi₂jui₅ jme₁ca₂jín₂ Jesús, ca₂chi₃jné₃ ca₂jmo₃ i₁'áin₃, la₁ i₂lin₅₄ nē₃ tsá₃ caun₂ jme₁ma₂le₁'ág₄ dsí₅. ¹⁸ Jaun₂ ca₂jme₃quián₂ Jesús ja₁tióin₂, jaun₂ ca₂juá'₂:

—Ca₂le₃jë₃ bí₂ 'éi'₃ lia'₂ guei'₅₄ i₂juig₃ lia'₂ ne₄ gua'₅₄ 'uë₃ nē₃ ma₂ca₂ñig₂. ¹⁹ Jaun₂ lë₃, o₂nó'₅ 'nia'₂ nē₃ ca₂le₂con₂ mi₂güig₃, o₂jme₁tín₅ 'nia'₂ dsa₂ a₂lén₂ dsa₂ quiáng₃, o₂qui₂o₂chon₄ 'nia'₂ dsa₂jmig₂, lia'₂ con'₂ lë₅ 'éi'₃ quió'₅ Ne'₃, quian'₅₄ lia'₂ con'₂ lë₅ 'éi'₃ quió'₅ Ja₁ñi'₅₄, * quian'₅₄ lia'₂ con'₂ lë₅ 'éi'₃ quió'₅ Jme₂dsí₂ Jñió₅, ²⁰ o₂jme₁tín₅ 'nia'₂ a₂nag₃ gau₂ ca₂le₃jë₃ 'éi'₃ a₂ma₂cuë₃ jniá₂ 'nia'₂. Jaun₂ ñi'₅₄ 'nia'₂ nē₃, la₂ bá₄ 'eng₅₄ quian'₅₄ 'nia'₂ ca₂le₃jë₃ jmig₄, ca₂lia'₂ ca₂ñia₅ jmig₄ jë₁ca₂tó'₂.

Co₂në₅.

* 28:19 'Nio'₂ ja₁ton₅ Romanos 6:3; 1 Corintios 1:13; Gálatas 3:27.

Jág₁ Dse₃ quió'₅ Diú₄ a₂ca₂tó'₂ San Marcos ne₄ Si₂

*Ē₂ Juan₅₄ jág₁ quió'₅ Diú₄ caun₂ 'uë₃ co₂'ñiog₅
(Mateo 3:1-12; Lucas 3:1-9, 15—17; Juan 1:19-28)*

¹ Le₂la₂ bá₄ ca₂rë₃lióg₃ jág₁ dse₃ quió'₅ Jesucristo, Ja₁ñi'₅₄ Diú₄. *

² Jui₁lia'₂ lë₅ tio'₅₄ ne₄ si₂ quió'₅ dsa₂ i₂jme₁'ë₂ jág₁ quián₂ Diú₄ ma₂líg'₂, ja₁juá'₂ le₂la₂:
Tsing₅₄ jan₂ dsa₂ quiáng₃

ne₄ jui₅ quiáng'₂, jón₃,

a₂dsi₃can₅ jág₁ dse₃ jin₄ dsa₂ mi₂güí₃,

jaun₂ jmo₃ co₂jñia₅₄ jui₅ quiáng'₂. †

³ Jaun₂ né'₂ 'ë₂ dsa₂ 'éi₂ jág₁ co₂mi'₅₄

caun₂ 'uë₃ quein₂ co₂'ñiog₅, jaun₂ i₂'éi₂ juá'₂:

“Jmo₄ 'nia'₂ co₂jñia₅₄

jui₅ quió'₅ Te₁gui'₅₄ i₂jia₃.

Nia₄ 'nia'₂ caun₂ jui₅ co₂dsau₅.” ‡

⁴ Jaun₂ le₂la₂ ca₂rë₃ti₃ jág₁ në₅: Ca₂guan₃ Juan₅₄ caun₂ ja₁lë₄ 'uë₃ co₂'ñiog₅ ca₂choin₃ jmi₂g₂ dsa₂, qui₂ca₂'ë₂ jág₁ a₂tsón₃ dsa₂ jmi₂g₂, jë₁ma₂ca₂dsi₃quén'₅ dsí₅ ia₁jaun₂ le₃'én₂ dsáu₁.

⁵ Jaun₂ ca₂le₃jín₃ dsa₂ chan₂ juig₂ Judea quian'₅₄ dsa₂ i₂chan₂ Jerusalén në₃, ca₂i₁lein₅₄ ja₁jme₁'en₅₄ Juan₅₄. Qui₂ca₂jmo₃ dsa₂ qui₂ñi₃ quió'₅ ca₂le₃jë₃ dsáu₁. Jaun₂ guë₄ ca₂cho₃ Juan₅₄ jmi₂g₂ § Cuá₃ Jordán.

⁶ Ni₁tsin'₅₄ Juan₅₄ 'éi₂ jme₁lë₄ quian'₅₄ ni₁jñi₁ já'₂ camello. A₂jme₁jén'₅ tú'₅ guë'₂ në₃, lo₄ já'₂. Má₃ a₂jme₁guë'₅ guë'₂, jmá'₃ i₁ni'₂ tia₄ quian'₅₄ jmi₁tá'₄ cha₂ ja₁nau₂. ⁷ Caun₂ ca₂ñi₃ bá₄ 'ë₂ jág₁ dse₃, juá'₂:

—I₂jia₃ chi₁co'₅₄ quió₃, i₂'éi₂ bá₄ i₂'uan'₂ i₂tin₂ guë₄ lia'₂ con'₂ guë₄ jniá₂, ca₂lia'₂ jñia'₅₄ lau₂ ton₅ tag₅₄ tsá₃ ca₂tíng₂ tsi'₅₄. ⁸ Jniá₂ në₂tiáng₃ 'nia'₂ jmi₂g₂; la₁ 'éi₂ guë'₂ në₃ tióg₂ Jme₂dsí₂ Jñiós₅.

*Ca₂chon₃ Juan₅₄ jmi₂g₂ Jesús
(Mateo 3:13-17; Lucas 3:21-22)*

⁹ Jmi₂g₄ jaun₂ o₂'ín₃ Jesús juig₂ Nazaret, ja₁tén₄ Galilea. Nó₃ ja₁'en₅₄ Juan₅₄. Ja₁jaun₂ ca₂cho₃ Juan₅₄ jmi₂g₂ ca₂choin₃ Jesús* Cuá₃ Jordán. ¹⁰ Jaun₂ dsi₂jui₅ jme₁ca₂'ñio₂ Jesús ne₄ jmi₂g₂, ca₂jág₃ ca₂niá₃ dsi₄ mi₂güí₃. Jaun₂ ca₂sión₃ Jme₂dsí₂ quián₅ Diú₄ i₂lín₅ lia'₂ lín₅ jan₂ i₁ju₂, ne₄ quió'₅, ¹¹ Jaun₂ ca₂né'₂ jág₁ a₂já₅ guei'₅₄ i₂juí₃ a₂juá'₂:

—'Ne₂ bá₄ líng'₅ jón₃ quiáng₃, i₂ñi₄ lë₃ 'nióg₃ guë₄ lín₃; 'E₂ bá₄ 'ñio₂ dsi₃ quian'₅₄ 'ne₂.

*Ca₂caun₃ i₂së₃dsen₃ táu₂ quió'₅ Jesús
(Mateo 4:1-11; Lucas 4:1-13)*

¹² Dsi₂jui₅ jaun₂ ca₂jio₃ Jme₂dsí₂ quián₅ Diú₄ caun₂ jui₅ 'uë₃ co₂'ñiog₅. ¹³ Jaun₂ ja₁jaun₂ ca₂'í₃ të₂láu₃ jmi₂g₄ ia₁jaun₂ cáun₂ táu₂ i₂së₃dsen₃. Ja₁jaun₂ jme₁tion'₅₄ já'₂ tsau₂ dsí₅. La₁ ca₂o₃lén₂ ángeles ca₂jme₃'o₅₄.

*Ca₂jme₃lióg₃ Jesús jme₂tiñ₂₃ dsa₂ jág₁ dse₃
(Mateo 4:12-17; Lucas 4:14-15)*

¹⁴ Jme₁ma₂ca₂ton'₂ dsa₂ Juan₅₄ né'₃ 'má₃, Jesús në₃ ca₂ñei₅₄ jui₅ Galilea i₁'ë₄ jág₁ dse₃ quió'₅ Diú₄, ¹⁵ juá'₂ ñi₂₃:

* **1:1** A₂lín₅₄ chog₅₄ si₂ tsá₃ chi₁ton₅ “Ja₁ñi'₅₄ Diú₄.” † **1:2** Malaquías 3:1. ‡ **1:3** Isaías 40:3. § **1:5** lit. “ca₂tióg₃ Juan₅₄ jmi₂g₂” * **1:9** lit. “ca₂tióg₃ Juan₅₄ ca₂tiáin₂ jmi₂g₂ Jesús.”

—Ca₂dsin₃ jmi₄ a₂ja₂quián₃ a₂jme₃gón₃ Diú₄. Jaun₂ lë₃ jui₁dsi₂quén₅ 'au₂, jui₁le₂'én₂ 'nia₂ jág₁ dse₃.

Ca₂tě₃ Jesús quén₂ dsa₂ i₂jme₁tion₅₄ tsán₂ ju₄
(Mateo 4:18-22; Lucas 5:1-11)

¹⁶ Co₂ráun₂ ca₂ñi₅ Jesús chei₅₄ jmi₁ñi₄ Galilea. Ja₁jaun₂ ca₂jín₂ Si₂mu₅₄ quiain₅₄ Drě₄ riin₅₄. Jme₁tioin₅₄ táun₂ 'má₅ dsi₂jmi₂g₂, ia₁ jme₁lín₄ dsa₂ i₂jmo₅ ta₁ tsán₂ ju₄. ¹⁷ Jaun₂ ca₂juá₂ Jesús:

—I₂nó₅ 'nia₂, jme₁quiong₅₄ jniá₂, jaun₂ cuë₅₄ ta₁ a₂chi₁liang₂ dsa₂ mi₂güig₃, jui₁lia₂ chi₂lián₁ 'nia₂ ju₄.

¹⁸ Jaun₂ dsi₂jui₅ bá₄ i₃lén₂ quiong₅₄; ja₁jaun₂ ca₂dsia₃ bá₄ tsi₁'má₅ quió₅.

¹⁹ Me₂ bá₄ ja₁i₃lén₂ guë₄ jme₁ca₂jín₂ i₂chen₂ Jacobo quiain₅₄ Juan₅₄ riin₅₄, ja₁ñi₅₄ Zebedeo. Jme₁tioin₅₄ 'ñi₃ ts₁mu₅ jmóg₅ 'má₅ quió₅. ²⁰ Dsi₂jui₅ ca₂tě₃ i₂'éi₂ ján₃; ca₂tén₂ bá₄ guë₂ 'éi₂ ně₃ Zebedeo jmei₂ 'ñi₃ ts₁mu₅ quian₅₄ mozo quiáin₅.

Jan₂ dsa₂ i₂jme₁'en₅₄ jme₂dsí₂ 'lín₅₄ tē₂dsí₅
(Lucas 4:31-37)

²¹ Jaun₂ dsi₃lén₂ juig₂ Capernaum. Caun₂ jmi₄ sa₅₄, ca₂'í₃ Jesús guá₅ sinagoga. Jaun₂ ca₂jme₃lióg₃ ca₂jme₃tiin₂₃ dsa₂ jág₁ dse₃. ²² Ca₂le₃jín₃ i₂ca₂nág₂ ně₃ ca₂i₃gó₃ dsí₅ jág₁ quió₅, ia₁ ca₂jme₃tag₂₃ jui₁lia₂ jē₁jme₂tag₅ jan₂ i₂'io₅ 'éi₃, on₃jua₅₄ rē₂ jui₁lia₂ jme₂tag₅ tē₂juá₅. ²³ Jē₄ jaun₂ ca₂dsióg₃ jan₂ dsa₂ i₂'en₅₄ jme₂dsí₂ 'lín₅₄, ca₂juá₂ quió₅ tiá₂:

²⁴ —¿'E₂ lë₃ tián₅ 'ne₂ Jesús Nazareno† jē₄ quián₂ jnia₅₄? A₂ñia₅₄ 'niog₂ 'éng₄ jnia₅₄ bá₄ 'ne₂ ñe₃. Guion₄ jniá₂ 'ein₂ líng₅. 'Ne₂ líng₅ dsa₂ jnió₅ quián₅ Diú₄.

²⁵ Jaun₂ ca₂jén₂ Jesús i₂'lín₅₄ i₂'en₅₄ tē₂dsí₅ dsa₂ 'éi₂, ca₂juá₂:

—Tei₄ jmo₄. Jú₅ quió₅ dsa₂ ně₅.

²⁶ Jaun₂ ca₂jmo₃ i₂'lín₅₄ ca₂ba₂ca₂lín₂ dsa₂ 'éi₂ 'uë₃, ca₂guió₃ tiá₂. Jaun₂ guë₄ o₂'íin₃ jaun₂ ně₃. ²⁷ Jaun₂ ca₂le₃jín₃ dsa₂ i₂ca₂tě₂ ne₄ ca₂i₃gó₃ dsí₅, qui₂ca₂ñi₃ riin₅₄, ca₂juá₂:

—¿'E₂ bá₄ ně₅? ¿'An₁ a₂ně₅ bá₄ juá₅ 'mí₂? 'I₂lo₅ 'éi₃ i₂ně₅ ca₂tě₂ ne₄ quió₅ i₂'lín₅₄, jaun₂ 'éi₂ ně₃ nag₂₃ gau₂ jág₁ quió₅!

²⁸ Jaun₂ dsi₂jui₅ bá₄ ca₂i₃'ág₃ jág₁ quió₅ ca₂le₂con₂ ja₁tén₄ Galilea.

Ca₂jme₃'lión₂ Jesús ma₂chog₅₄ Si₂mu₅₄
(Mateo 8:14-15; Lucas 4:38-39)

²⁹ Jaun₂ dsi₂jui₅ jme₁ca₂'uín₂ guá₅, ca₂ñó₃ quiain₅₄ Jacobo, Juan₅₄ ně₃, ja₁quió₄ Si₂mu₅₄ quian₅₄ Drě₄. ³⁰ Ma₂chog₅₄ Si₂mu₅₄ ně₃ jme₁roin₂₃ dso₅₄, 'i₄ dséi₂. Jaun₂ dsi₂jui₅ ca₂'in₃ dsa₂ dsa₂ dso₅₄ 'éi₂ ca₂tsí₃ Jesús. ³¹ Jaun₂ ně₃ ca₂jme₃quiáin₃ con₂ dsa₂ dso₅₄, ca₂jña₃ gu₂, ca₂chó₂ jaun₂ ně₃. Jaun₂ dsi₂jui₅ bá₄ ca₂o₃'ág₃ dséi₂ dsa₂. Jaun₂ 'io₅₄ 'éi₂ ně₃ ca₂jme₃lióg₃ ca₂jme₃ti₃ ta₁ ne₄ 'éi₂ tioin₅₄.

Ca₂jme₃'lión₂ Jesús ju₁n₅ dsa₂ dso₅₄
(Mateo 8:16-17; Lucas 4:40-41)

³² Jme₁ma₂rin₂ 'iog₂ jmi₄ jaun₂, ca₂o₃jnia₃ dsa₂ ne₅₄ ca₂le₃jín₃ dsa₂ dso₅₄, dsa₂ i₂tion₅₄ jme₂dsí₂ je₂na₅₄ ně₃. ³³ Ca₂le₃jín₃ dsa₂ juig₂ bá₄ ca₂ñi₂ o₄'né. ³⁴ Jaun₂ Jesús ně₃ ca₂jme₃'lión₂ dsa₂ ca₂le₃jě₃ ne₅₄ dso₄ a₂jme₁lín₄. Qui₂ca₂'uín₂ rē₂ juin₅ je₂na₅₄ ně₃. La₁ tsá₃ ma₃ca₂cuë₃ Jesús jmi₄ jua₅₄ a₂juá₂ guë₄ je₂na₅₄ jág₁, ia₁ ñi₅ bá₄ je₂na₅₄ 'ein₂ 'éi₂.

Ca₂'ě₂ Jesús jág₁ dse₃ dsi₂néi₂ guá₅ sinagogas le₂tan₅₄ juig₂ ja₁tén₄ Galilea
(Lucas 4:42-44)

³⁵ Le₁né₃ guë₄ jme₁jnia₃ jaun₂, ca₂nau₂ Jesús o₂'íin₃ 'ni₂ juig₂, caun₂ ja₁lě₄ co₂'ñiog₅, i₁chi₄ Diú₄. ³⁶ Jaun₂ ñó₃ Si₂mu₅₄ quiain₅₄ riin₅₄ i₁'niong₂. ³⁷ Jme₁ca₂dsáu₂ ně₃, ca₂juá₂:

† 1:24 o₃, "i₂chan₂ Nazaret."

—Ca₂le₃jín₃ dsa₂ i₂nioi₅₄ 'nai'₂ 'ne₂.

³⁸ La₁ Jesús ně₃ ca₂ŋag₃:

—Ma₃dsau₅₄ dsi₂i₁nio₁ le₂tan₅₄ juig₂ ma₂quián₅ ně₅, dsi₁'ě₄ jág₁ dse₃, ia₁ ta₁ jaun₂ bá₄ guio₃ jniá₂.

³⁹ Jaun₂ le₂ně₅ ca₂i₁ŋi₂ Jesús le₂tan₅₄ juig₂ tio'₅₄ ja₁tén₄ 'uě₃ Galilea, qui₂i₁'ě₄ jág₁ dse₃ dsi₂néi₂ guá'₅ sinagogas le₂caun₂ juig₂. Qui₂ca₂'uín'₂ je₂na'₅₄ tē₂dsí₅ dsa₂ ně₃.

Ca₂jme₃'lión₂ Jesús dsa₂ i₂lín₅ 'mé'₅ 'iog₅
(Mateo 8:1-4; Lucas 5:12-16)

⁴⁰ Ca₂guan₃ jan₂ dsa₂ dso'₅₄ i₂lín₅ 'mé'₅ 'iog₅ coin₂. Jaun₂ ca₂chi₃jné₃ ne₅₄, ca₂juá'₂:

—Chi₂jua'₂ 'ŋio₂ 'au'₂, jŋia'₅₄ lia'₂ 'ne₂ bá₄ qui'₅₄ jmig₄ jmó'₂ le₁jě₃ quió₃.

⁴¹ Jaun₂ ca₂dsia₃ Jesús ŋéi₂ dsí₅ dsa₂ 'éi₂, ca₂néi'₃ gu₂ ca₂nii'₂ quió'₅, jaun₂ ca₂juá'₂:

—'Ŋio₂ bá₄ dsi₃. Jui₁le₅₄ le₁jě₃ quiáng'₂.

⁴² Dsi₂jui₅ le₂jaun₂ ca₂jŋia'₃ 'mé'₅ 'iog₅, ca₂'lón₂ dsa₂ 'éi₂. ⁴³ Jaun₂ ca₂dsiog'₂, ca₂juá'₂:

⁴⁴ —La₁ tē₃ŋi'₅₄ tsá₃ 'ein₂ i₂juig'₂ 'i₁jan₂. Jŋia'₅₄ gua₂ o₂jme₁jnia₅ ne₄ jme₂dsa₂, o₂jen'₅₄ ne₄ Diú₄ o₂jmo₄ con'₂ lě₅ 'Éi'₃ quió'₅ Moisés,† o₂jang'₅₄ jág₁ dsau₅ jín₄ dsa₂ juig₂ a₂ma₂'lóng'₂.

⁴⁵ La₁ dsa₂ 'éi₂ ně₃ tē₂le₃ i₂jui'₂ guě₄ ca₂dsia₃ bá₄ jme₁o₂'iin₃, qui₂ca₂'ě₂ jág₁ ca₂le₂con₂. 'Uig₅₄ jaun₂ tsá₃ ma₃lé₂ 'í₂ Jesús jě₄ juig₂ tē₃ jág₅ dsa₂; jmá'₃ lia'₂ ja₁co₂'ŋiog₅ bá₄ jme₁jŋia₂₃. La₁ tion₅₄ bá₄ jme₁dsi₂lén₂ dsa₂ coin₂ i₂ja₂lén₂ ca₂le₂con₂ jaun₂.

2

Ca₂jme₃'lión₂ Jesús jan₂ dsa₂ i₂rě₂já'₃ quió'₅
(Mateo 9:1-8; Lucas 5:17-26)

¹ Cang₂ jaun₂ ca₂'í₃ táng₃ Jesús jě₄ juig₂ Capernaum. Jaun₂ ca₂rě₃ŋi₅ dsa₂ a₂ma₂dsiáin'₃.

² Jaun₂ dsi₂jui₅ bá₄ ca₂ŋi'₂ dsa₂ juin₅ lín₃, ca₂lia'₂ jŋia'₅₄ tsá₃ ma₃tē₂ ja₁'éin'₄ dsi₂néi₂, le₂tan₅₄ o₄'né₄ ně₃. Jaun₂ ca₂ton₃ jág₁ dse₃ ca₂tsí'₃ dsa₂. ³ Jaun₂ ca₂dsi₃lén₂ co₂nió'₃; jě₄ jaun₂ i₃lén₂ quén₂ le₁jŋiai₂₃ jan₂ dsa₂ i₂rě₂já'₃ quió'₅. ⁴ Ia₁ tsá₃ lé₂ ŋí₃ tē₂ dsi₂néi₂ ja₁'en₅₄ Jesús, ia₁ juin₅ dsa₂ tion'₅₄, jaun₂ jui₅ co'₅₄ tsi₁'né₅ bá₄ ca₂niá₃ caun₂ tau₂ pa₁, co₂dsau₅ ja₁chén'₄ Jesús. Jui₅ jaun₂ ca₂sióin₂ dsa₂ 'lian'₂ 'éi₂, dsiin₂ caun₂ tsi₁jein₁. ⁵ Jme₁ca₂rě₃lí'₄ Jesús 'a₂ lia'₂ 'én₂ dsa₂ 'éi₂, jaun₂ ca₂tsí'₃ dsa₂ 'lian'₂:

—Jón₃, ma₂rě₂'én₄ bá₄ dsáu'₂.

⁶ Jaun₂ i₂lín₅₄ tē₅juá'₅ i₂jme₁tián'₄ jě₄ jaun₂, ca₂i₃jio₅ dsí₅: ⁷ “¿'E₂ lě₃ juá'₂ i₂ně₅ le₂ně₅? A₂'in₅ 'lig'₅₄ Diú₄ bá₄ i₂ně₅. 'I₁jan₂ tsá₃ 'ein₂ lé₂ le₃'én₂ dsáu₁ dsa₂, jŋia'₅₄ lia'₂ jan₂ Diú₄ bá₄.”

⁸ La₁ ma₂ŋi₅ bá₄ Jesús dsi₂jui₅ a₂dsi₂jio₅ dsí₅ dsa₂ 'éi₂ tiáin'₅, jaun₂ ca₂juá'₂:

—¿'E₂ lě₃ dsi₂jio₅ 'au'₂ 'nia'₂ le₂ně₅? ⁹ ¿'E₂ a₂quian₅ guě₄ ta₁, a₂juig₅₄ jniá₂ dsa₂ 'lian'₂ ně₅: “Ma₂rě₂'én₄ dsáu'₂”, o₃ a₂juig₅₄ 'e₂ jniá₂: “Nau₂ guan'₂ ŋi₄ quion₂ tsi₁jein₁ quiáng'₂?” ¹⁰ La₁, ia₁ jaun₂ le₃ŋi'₅₄ 'nia'₂ a₂'io₅ bí₂ 'éi'₃ Jaun₅ dsa₂ mi₂güig₃ ne₄ gua'₅₄ 'uě₃ a₂lé₂ le₃'éin₂ dsáu₁ dsa₂ —jaun₂ ca₂tsí'₃ dsa₂ 'lian'₂ 'éi₂:

¹¹ —'Ne₂ juig₂ jniá₂, nau₂ quion₂ tsi₁jein₁ quiáng'₂, guan'₂.

¹² Jaun₂ ca₂nau₂ 'éi₂, ca₂caun₃ tsi₁jein₁ quió'₅, tē₃ jág₅ dsa₂. Jaun₂ ca₂i₃gó'₃ dsí₅ ca₂le₃jíin₃, qui₂jme₂juin'₂ Diú₄, tsí'₅ riin'₅₄:

—'I₁co₂ráun₂ tsá₃ 'ein₂ ma₂jág₃ jniog₄ le₂ně₅.

Ca₂tě'₃ Jesús Leví
(Mateo 9:9-13; Lucas 5:27-32)

† 1:44 'Éi'₃ quió'₅ Moisés: 'Í₂ Levítico 14.

13 Con'2 siá'2 táng3 ca2nó3 Jesús chei'54 jmi1n1'4. Jaun2 dsi3lén2 dsa2 juin5 ca2n1'2. Jaun2 qui2ca2jme3tag5 Jesús jág1 dse3. 14 Jme1ca2n1i5 ja1jaun2, ca2j1in2 Leví* ja1n1'54 Alfeo, guá5 'éi2 gue23 'lia'54 a2ca2tín2 dsi2tan54 romano. Jaun2 ca2juá'2 Jesús:

—Jme1quiong'54 jniá2.

Jaun2 ca2nau2 'éi2, ca2nó3 quiong'54.

15 Jme1ma2'en54 Jesús gué'5 ja1quió'4 Leví; ja1jaun2 jme1le1n1'2 juin5 dsa2 i2cán2 'lia'54 quián5 dsi2tan54 ján3, quian'54 dsa2 sián'2 “i2le1cán'4 dso4” ně3, tián'5 co2lě5 gué'5 quian'54 Jesús quian'54 dsa2 quián5, ia1 i2juin5 lin3 i2le2'éi2 ma2quian'54 n123. 16 Jaun2 jme1ca2jág3 tē3juá'5 quián5 dsa2 fariseos a2gué'5 Jesús co2lě5 quian'54 dsa2 le2'éi2, jaun2 ca2tsí'3 dsa2 quián5 Jesús:

—ǵ'A2 bá4 lia'2 gué'5 tē5 quián'2 'nia'2 quian'54 dsa2 'lin'54 i2le1cán'4 dso4, quian'54 i2cán2 'lia'54 quián5 dsi2tan54 ně3? 17 Jaun2 jme1ca2nág2 Jesús jág1 ně5, jaun2 ca2nag3:

—Tsá3 tē5mí5 'nió'5 quió'5 dsa2 dsen3 i2tsá3 le1dso'54, jñia'54 lia'2 dsa2 i2le1dso'54 bá4 'nió'5 tē5mí5 quió'5. Ia1 tsá3 ta1 jaun2 guio3 jniá2 a2tē4 dsa2 dsen3, a2tē4 dsa2 i2qui2le1cán'4 dso4 bá4 jniá2 guio3.

Ca2n1'3 dsa2 Jesús jui1lia'2 jág1 a2jme2'in54 dsa2
(Mateo 9:14-17; Lucas 5:33-39)

18 Co2ráun2 dsa2 i2jme1i2nio4 quian'54 Juan54, quian'54 dsa2 i2tén5 le3quió'5 dsa2 fariseos ně3, jme1jme2'in54. Jaun2 dsi3lén2 i2lin54 ca2n1'3 Jesús:

—ǵ'E2 'uig54 jme2'in54 dsa2 i2i2nio4 quian'54 Juan54, dsa2 quián5 fariseos ně3, ton'2 tsá3 jme2'in54 gué'2 dsa2 quián'2 'ne2?

19 Jaun2 ca2nag3 Jesús:

—ǵLé2 le3jme3'in54 jui1lia'2 dsa2 i2té4 ja1niog5 jmi4 ja1jen'2 gu2 dsa2, tē1lia'2 quiong'54 dsa2 nē2'2 i2jén'2 gu2? Ma1 tsá3 le2jaun2 jmo5 dsa2, tē1lia'2 quiong'54 'éi2. 20 La1 jiá3 caun2 jmi4 a2jñia'3 dsa2 i2jén'2 gu2 'éi2. Jaun2 gué4 lé2 le3jme3'in54.

21 'Ma1 tsá3 jmo5 dsa2 jua'54 a2tión5 quian'54 'nau54 'mí'2 'mí2 tsi1'mí'2 gui'54, ia1 dsáu'5 tsi1'mí'2 'mí2 jē1ma2jñi2. Jaun2 jué'2 gué4 jē1gag2 lě2 tsi1'mí'2 gui'54. 22 On3 gué4 jmo5 dsa2 jua'54 a2tia'2 vino 'mí'2 'ñiό'3 ni1lau2 gui'54. Ia1 gué3 ni1lau2 gui'54 quian'54 dsiό'1 vino 'mí2. Dsi2'én2 bá4 vino, lia'2 ni1lau2 ně3. Jaun2 'ñiό'3 ni1lau2 'mí2 bá4 'niό'5 tia'3 dsa2 vino 'mí2 ia1jaun2 tsá3 dsi3'én2.

Ca2gág3 dsa2 quián5 Jesús m1'2 trigo jmi4 sa54
(Mateo 12:1-8; Lucas 6:1-5)

23 Caun2 jmi4 sa54 ca2n1i5 Jesús quian'54 dsa2 quián5 caun2 ja1nau2 ja1jnia4 trigo. Dsa2 i2jme1quian'54 ně3 ca2jme3lióg3 qui2ca2gág3 m1'2 trigo jme1ca2n1i5 ja1jaun2. 24 Jaun2 ně3, ca2juá'2 dsa2 fariseos:

—ǵ'E2 lě3 jmo5 dsa2 i2quiang'54 ta1 a2tsá3 'i4 'éi'3 jmo3 jmi4 sa54?

25 Jaun2 ca2nag3 Jesús:

—ǵTsa1 ma2'í'2 'nia'2 'i1cón'2 a2ca2jmo3 David ma2líg'2 quian'54 riin'54 lia'2 con'2 jme1ca2rē3'in2 quió'5, a2ca2lě3 i1cón'5?† 26 Ca2'í3 David dsi2néi2 quió'5 Diú4, lia'2 con'2 jme1lín4 Abiatar juig54 jme2dsa2. Ca2gué'3 i1n1'4 jñiό5 a2'i4 'éi'3 a2gué'5 jmá'3 jme2dsa2. Jaun2 ca2cué'3 dsa2 i2jme1quian'54 ně3.

27 Já3 bá4 ca2juá'2 Jesús ca2tsí'3 dsa2:

—O4quió'4 dsa2 mi2güig3 bá4 ca2lě3 jmi4 sa54, on3jua'54 rē'2 o4quió'4 jmi4 sa54 ca2jmó'2 Diú4 dsa2 mi2güig3. 28 Jaun2 lě3, Jaun5 dsa2 mi2güig3 bá4 i2'io5 'éi'3 ne4 quió'5 jmi4 sa54.

* 2:14 Leví i2tē'2 Mateo já3. † 2:25 'Nio'2 ja1ton5 1 Samuel 21:6.

3

Jan₂ dsa₂ i₂ 'lia' caun₂ mi₂gu₂
(Mateo 12:9-14; Lucas 6:6-11)

¹ Con'₂ siá'₂ táng₃ ca₂'í₃ Jesús guá'₅ sinagoga. Ja₁jaun₂ jme₁'en₅₄ jan₂ dsa₂ i₂'lia' caun₂ mi₂gu₂. ² Jaun₂ ca₂tio₃g₃ dsa₂ ca₂tia₃in₃ Jesús, o₁ne₄ chi₂jua'₂ jme₃'lióin₂ dsa₂ 'éi₂, tē₃ jmi₃g₄ sa₅₄, ia₁jaun₂ chain₂ bí₂ a₂bóin'₂ dso₄ Jesús. ³ Jaun₂ ca₂tsí'₃ Jesús dsa₂ i₂'lia' mi₂gu₂:
 —Nia₅, dsi₂jo₂ la₂ nau₂.

⁴ Jaun₂ ca₂ṇag₃ Jesús ca₂ṇí'₃ dsa₂ i₂tion'₅₄ jág₅:

—Jui₁lia'₂ jmi₃g₄ sa₅₄, ¿'e₂ 'i₄ 'éi'₃ jmo₃ dsa₂? ¿A₁dse₃, o₃ a₂'lig'₅₄ 'e₂? ¿A₂lión₂ dsa₂ jme₂dsí₂ riin'₅₄, o₃ a₂ṇí'₃ dsa₂ riin'₅₄ 'e₂?

Jaun₂ jṇia'₅₄ lē₁tióin₂ tei₄ le₂jaun₂ bá₄ dsa₂. ⁵ Jaun₂ 'ne₂ Jesús ca₂jīn₂ dsa₂ i₂tion'₅₄, co₂'na₂ guē'₂ qui'₂ dsí₅, ia₁ a₂ṇí₄ lē₃ tsá₃ ṇí'₂ dsí₅ dsa₂. Jaun₂ ca₂tsí'₃ dsa₂ dso'₅₄:

—Nei'₅₄ gog'₂.

Jaun₂ ca₂néi'₃ 'éi₂ gu₂; ca₂lág₃ bá₄ jaun₂ ně₃. ⁶ Dsi₂jui₅ le₂jaun₂ ca₂'uin₂ dsa₂ fariseos ca₂i₁jmo₅₄ jág₁ quian'₅₄ dsa₂ quián₅ Herodes a₂jṇí'₃ Jesús.

Juin₅ dsa₂ tion'₅₄ chei'₅₄ jmi₃g₂

⁷ Jaun₂ ca₂ṇó₃ táng₃ Jesús jui₅ chei'₅₄ jmi₁ṇí'₄ quian'₅₄ dsa₂ i₂quian'₅₄. Jaun₂ juin₅ lin₃ dsa₂ chan₂ Galilea ca₂jme₃quiong'₅₄ ně₃. ⁸ Jme₁ca₂rē₃ṇi₅ dsa₂ ca₂le₃jě₃ 'e₂ a₂nio₅ lē₂ a₂jmo₅ Jesús, ca₂o₃lén₂ juin₅ lin₃ dsa₂ chan₂ Judea, dsa₂ chan₂ Jerusalén, dsa₂ chan₂ Idumea, dsa₂ chan₂ le₂'ṇo'₅₄ Cuá₃ Jordán, dsa₂ chan₂ Tiro, dsa₂ chan₂ Sidón ně₃, a₂ca₂o₃jīn₅₄ Jesús. ⁹ Jaun₂ ca₂tsí'₃ Jesús dsa₂ quián₅, a₂jmo₃ co₂jṇia₅₄ caun₂ tsí₁mu₅, ia₁ con'₂ tsá₃ ṇó₅ ně₁jua'₂ ca₂quín'₃ jin₄ dsa₂. ¹⁰ Ia₁ juin₅ lin₃ dsa₂ dso'₅₄ ma₂ca₂jme₃'lióin₂ le₂jṇiá₅. Jaun₂ ně₃, ca₂le₃jín₃ dsa₂ dso'₅₄ tioin'₅₄ co₂'liain'₂ riin'₅₄ ca₂lia'₂ qui₂co₂dsi₅₄ Jesús, ia₁ a₂'nio₃ qui₃ṇí'₃ quió'₅. ¹¹ Jme₁ca₂jág₂ jme₂dsí₂ 'lin'₅₄ i₂tion'₅₄ tē₂dsí₅ dsa₂, jaun₂ ca₂chi₃jné₃, tioin'₅₄ co₂mi'₅₄, juá'₂:

—i'Ne₂ líng'₅ Ja₁ṇí'₅₄ Diú₄!

¹² Jaun₂ lē₃ ca₂jmo₃ Jesús 'éi'₃ a₂tsá₃ jme₃jniog₂₃.

Ca₂quión'₂ Jesús chi'₂ dsi₂guia₃-tín₂

(Mateo 10:1-4; Lucas 6:12-16)

¹³ Cang₂ jaun₂ ca₂i₃lén₂ caun₂ ja₁lē₄ dsi₂con'₂. Ja₁jaun₂ ca₂quión'₂ Jesús dsa₂ i₂'nioi₃ jme₃quiong'₅₄. Jaun₂ ca₂o₃lén₂ 'éi₂ ja₁chéin'₄. ¹⁴ Jaun₂ ca₂'i₃in₃ guia₃-tín₂ dsa₂ 'éi₂, ia₁jaun₂ jme₃quiong'₅₄ ton'₂ ia₁jaun₂ chei₃ a₂dsi₃lén₂ 'éi₂ a₂qui₂dsi₃ě₃ jág₁, ¹⁵ ia₁jaun₂ 'io₃ 'éi₂ bí₂ ján₃* a₂le₃'uín'₂ je₂na'₅₄ dsí₅ dsa₂. ¹⁶ I₂la₂ bá₄ dsa₂ i₂guia₃-tín₂ i₂ca₂'in₃ Jesús: Si₂mu₅₄ i₂tē₂ Jesús Pe₄; ¹⁷ Le₂on₃ ja₁ṇí'₅₄ Zebedeo: Jacobo quian'₅₄ Juan₅₄, i₂ca₂tē₃ Jesús Boanerges, co₂'nió'₄ a₂juá'₂, jaun₅ ṇí'₃; ¹⁸ Drē₄, Fe₂li₄, Bartolomé, Tē₅₄, To₁má₄ ně₃; Jacobo ja₁ṇí'₅₄ Alfeo. Tadeo, Si₂mu₅₄ i₂lín₅ cananista;† ¹⁹ Judas Iscariote ně₃, dsa₂ i₂ca₂jín'₂ Jesús.

Juá'₂ dsa₂ a₂'io₅ Jesús jui₅bí₂ quió'₅ Be'elzebú

(Mateo 12:22-32; Lucas 11:14-23; 12:10)

Jaun₂ ca₂dsián'₃ Jesús jme₁ca₂dsián'₃ caun₂ dsi₂néi₂. ²⁰ Con'₂ guē'₂ siá'₂, ca₂ṇí'₂ táng₃ dsa₂ juin₅ lin₃, jṇia'₅₄ tsá₃ jīn₅₄ guē'₃ quian'₅₄ chi'₂ dsi₂guia₃-tín₂. ²¹ Jme₁ca₂rē₃ṇi₅ o₁riin'₅₄, jaun₂ ca₂o₃lén₂ a₂jme₁tsáun'₂ tē₂, ia₁ 'ei₅ jág₁ a₂lē₁ma₂tē₂ i₂₃ ṇi₂₃.

²² Ján₃ bá₄ le₂jaun₂ tē₅juá'₅ i₂ja₂lén₂ Jerusalén, ca₂juá'₂:

—Quian₅ dsa₂ ně₅ Be'elzebú, i₂lín₅ juig₅₄ je₂na'₅₄. A₂jaun₂ bá₄ qui'₅₄ jmi₃g₄ 'uín'₂ je₂na'₅₄ tion'₅₄ dsí₅ dsa₂.

²³ Jaun₂ lē₃ ca₂tē'₃ Jesús tē₅juá'₅ 'éi₂, jaun₂ ca₂juá'₂ tē₂le₃ quian'₅₄ jág₁ a₂jáng'₅ léi₄:

* **3:15** A₂lin₅₄ chog₅₄ si₂ juá'₂ ján₃: “a₂jme₃'lióin₂ dsa₂ dso'₅₄.” † **3:18** cananista: partido quió'₅ dsa₂ i₂'nio₃ táun₂ 'uē₃ 'éi'₃ quió'₅ Roma. Jma₃quén₅ ca₂quioin₃ le₃on₃ Si₂mu₅₄ 'éi₂, ia₁ ṇí₄ lē₃ mei'₂ tsá₃ ca₂ne₅₄ a₂chein₂.

—ǵ'A₂ lia'₂ le₃lé₂ jua'₅₄ jmo₃ Satanás a₂dsein₂₃ 'ŋiog₅ quió'₅ dsa₂? ²⁴ Nē₁jua'₂ co₂nió'₃ dsi₂tan₅₄ ca₂nió'₃ mi'₅₄ quian'₅₄ rin'₅₄, dsi₂tan₅₄ 'éi₂ tsá₃ uē₂ lé₂ le₃tóin'₃. ²⁵ Nē₁jua'₂ dsa₂ dsi₂néi₂ tío_{in}'₅₄ mi'₅₄ quian'₂, ján₃ bá₄ le₂jaun₂ tsá₃ uē₂ tió'₅. ²⁶ Nē₁jua'₂ ca₂dsia₃ Satanás 'nei₂ a₂jmo₃ le₁dsoin'₅₄ 'ŋiog₅, ján₃ bá₄ le₂jaun₂ tsá₃ uē₂ 'oin₅₄ bí₂ quió'₅; ja₁jaun₂ ca₂dsan₃ bá₄ quió'₅ nē₁jua'₂ le₂jaun₂.

²⁷ "I₁jan₂ tsá₃ 'ein₂ lé₂ le₃'í₂ tion₅₄ dsi₂néi₂ quió'₅ jui₁lia'₂ jan₂ dsa₂ 'uan'₂, jua'₅₄ a₂jniá'₂ dsa₂ a₂te₁'i₁ quió'₅, jniá'₅₄ lia'₂ a₂'nei'₂ bá₄ de'₂ jniá'₅ dsa₂. Jaun₂ bá₄ lé₂ le₃jniá'₃ a₂cha₂ quió'₅.

²⁸ 'A₂dsi₂jó'₃ juá'₅ jniá'₂, a₂lé₂ le₃'én₂ ca₂le₃jě₃ bá₄ dsáu₁ dsa₂, ca₂le₃jě₃ 'e₂ a₂'lig'₅₄ juá'₂ ně₃.

²⁹ La₁ nē₁jua'₂ ca₂juá'₂ 'lig'₅₄ 'iin₂₃ Jme₂dsí₂ Jnió₅, tsá₃ ma₃a₁jaun₂ lé₂ le₃'én₂ dsáu₁. A₂rě₂cáin'₄ ca₂le₃jě₃ jmi₄ chain₂ bá₄ jaun₂.

³⁰ Le₂ně₅ ca₂juá'₂ ia₁ dsia₅ dsa₂ 'ag₂₃ 'ein₅₄ jme₂dsí₂ 'lin'₅₄.

Chi'₂ rin'₅₄ Jesús quian'₅₄ chog₅₄

(Mateo 12:46-50; Lucas 8:19-21)

³¹ Jaun₂ ca₂dsi₂lén₂ chi'₂ rin'₅₄ Jesús, quian'₅₄ chog₅₄ ně₃. La₁ ca₁'né₄ bá₄ ca₂tóin'₂. Jaun₂ ca₂chein₃ jág₁ a₂tě'₂ Jesús. ³² Jaun₂ ca₂juá'₂ dsa₂ i₂jme₁tián'₄ cau₅ quió'₅ Jesús:

—Chog'₂ quian'₅₄ chi'₂ ríng'₂, ně₅ tiáin'₅ ca₁'né₄, a₂'nai'₂ 'ne₂.

³³ Jaun₂ ca₂ŋag₃:

—ǵ'Ei₂ 'éi₂ lín₅ cha₃ jniá'₂, rín'₃ jniá'₂ ně₃?

³⁴ Jaun₂ ca₂jín₂ dsa₂ i₂tián'₅ cau₅ quió'₅, jaun₂ ca₂juá'₂:

—jag₄! I₂la₂ bá₄ lín₅ cha₃, ríng'₃ ně₃. ³⁵ Ia₁ jui₁'ein₂ guě₃ i₂jmo₅ a₂'ŋio₂ dsí₅ Diú₄, i₂'éi₂ bá₄ lín₅ jui₁lia'₂ ríng'₃, cha₃ ně₃.

4

Jág₁ jáng'₅ léi₄ jui₁lia'₂ dsa₂ i₂séi₂ míg₂ jon₂

(Mateo 13:1-9; Lucas 8:4-8)

¹ Con'₂ siá'₂ táng₃, co₂ráun₂ ca₂jme₃lióg₃ Jesús ca₂jme₃tiin₂₃ dsa₂ chei'₅₄ jmi₁ní'₄. Ia₁ juin₅ lín₃ dsa₂ ca₂lě₃ ně₃ ca₂ŋi'₂ ja₁chéin'₄, jaun₂ ca₂'í₃ 'ŋió'₃ tsi₁mu₅ 'ei₅ chei'₅₄ jmi₂; jaun₂ ja₁jaun₂ ca₂guá₂. Dsa₂ guě'₂ ně₃ ca₂tóin'₂ chei'₅₄ jmi₂. ² 'Lióng₂ jág₁ dse₃ ca₂jme₃tag₂₃ tē₂le₃ quian'₅₄ jág₁ a₂jáng'₅ léi₄. Jě₄ juá'₅ quió'₅ a₂jme₂tag₂₃, ca₂juá'₂:

³ —Nei₂ 'nia'₂: Jan₂ dsa₂ ca₂ŋe₄ ja₁nau₂ ca₂i₁séi₄ míg₂ jon₂. ⁴ Jme₁ma₂'ein₅₄ séi₂ ně₃, a₂lín₅₄ míg₂ jon₂ i₂ga'₅₄ le₂'i₄ jui₅. I₁tan₅ bá₄ ca₂dsi₂lén₂ ca₂cág'₃ a₂jaun₂. ⁵ A₂lín₅₄ guě'₂ míg₂ jon₂ táng₃, ca₂l₃to'₅₄ jě₄ nī₁cang₁, ja₁tsá₃ gua'₅₄ lín₄ cha₂. A₂jaun₂ ně₃ tsá₃ uē₂ ca₂rě₃'ag₄, ca₂'ia₂, ia₁ tsá₃ ji'₂ gua'₅₄ ja₁l₃to'₅₄. ⁶ La₁ jme₁ca₂jnióg₃ 'iog₂ ně₃, ca₂rě₃juing₅ ca₂rě₃quén₃ bá₄, ia₁ tsá₃ jmú₄ 'lióng₂ jme₁cha₂. ⁷ A₂lín₅₄ guě'₂ ca₂séi'₂ ja₁lě₄ nī₁taun₅. Jme₁ca₂i₃cón₃ nī₁taun₅ ně₃, ca₂jlě₃ bá₄ a₂jaun₂, tsá₃ 'e₂ ca₂rau₂. ⁸ La₁ a₂lín₅₄ guě'₂ ně₃ ca₂tín₂ ja₁dse₃ 'uē₃. A₂jaun₂ ca₂rau₂ bá₄ dse₃. A₂lín₅₄ ca₂ág₂ jma₃guióg₂-guiá₂ míg₂, lia'₂ ca₂míg₂ jon₂. A₂lín₅₄ guě'₂ jma₃'nag'₂ ne₂guióg₂ míg₂; a₂lín₅₄ guě'₂ jma₃caun₂ 'niá₂-láu₂ míg₂.

⁹ Jaun₂ ně₃, ca₂juá'₂ Jesús:

—Ca₂le₃jín'₃ 'nia'₂ i₂le₁dsi₅₄ rě₂gua₄, rě₂ nei₂ 'nia'₂.

Ta₁ quí'₅ jág₁ a₂jáng'₅ léi₄

(Mateo 13:10-17; Lucas 8:9-10)

¹⁰ Jme₁ma₂i₂len₃ dsa₂, jme₁ma₂tě₁ 'ŋiá'₄ quian'₅₄ chi'₂ dsi₂guia₃-tín₂, quian'₅₄ i₂lín₅₄ guě₄ dsa₂ sián'₂, jaun₂ ca₂ŋag₃ 'éi₂ 'e₂ jág₁ dsau₅ jáng'₅ jág₁ jaun₂. ¹¹ Jaun₂ ca₂juá'₂ Jesús:

—Diú₄ bá₄ jmo₅ a₂rě₂ŋi'₂ 'au'₂ 'nia'₂ jág₁ a₂rě₂'ma₄ 'a₂ lia'₂ lě₅ ja₁goin₂, la₁ dsa₂ i₂tsá₃ i₂nio₄ quian'₅₄ jniá'₂ ně₃, 'nió'₅ juá'₂ dsa₂ tē₂le₃ quian'₅₄ jág₁ a₂jáng'₅ léi₄:

¹² ia₁jaun₂ i₂ně₂jág₃,

la₁ tsá₃ ca₂rě₃lí'₄ 'e₂ ně₂jág₃.

I₂nē₂néi₂ nē₃,
 la₁ tsá₃ ca₂rē₃lí₄ 'e₂ nē₂néi₂,
 on₃ guē₂ ca₂ŋí₂;
 con₂ tsá₃ ŋó₅ nē₁ca₂jéin₃ dsí₅,
 ia₁jaun₂ jme₁'lio₁₂ jniá₂.*

Juá₂ Jesús 'e₂ jág₁ dsau₅ jein₅ jág₁ ju₁lia' dsa₂ i₂séi₂ mǐg₂ jon₂
(Mateo 13:18-23; Lucas 8:11-15)

¹³ Ca₂juá₂ ján₃:

—¿Tsa₁ ŋí₂ 'nia' jág₁ a₂jáng₅ léi₄ nē₅? ¿A₂ bá₄ guē₂ lé₂ le₃ŋí₂ 'nia' ju₁lia' jág₁ a₂jáng₅ léi₄ siá₂? ¹⁴ Ju₁lia' lín₅ dsa₂ i₂séi₂ mǐg₂ jon₂, le₂jaun₂ bá₄ lín₅ ju₁lia' dsa₂ i₂ě₂ jág₁ dse₃ quió₅ Diú₄. ¹⁵ I₂lín₅₄ dsa₂ lín₅ ju₁lia' mǐg₂ jon₂ a₂i₃ga₅₄ le₂i₄ ju₁. Nag₂₃ jág₁ dse₃, la₁ dsi₂ju₁ jaun₂ ja₂ Satanás jniá₂ jág₁ a₂ma₂jnia₄ tē₂dsí₅ dsa₂. ¹⁶ I₂lín₅₄ guē₂ dsa₂ lín₅ ju₁lia' lē₅ mǐg₂ jon₂ a₂i₃ga₅₄ jē₄ ni₁cang₁. Nag₂₃, gue₂₃ jág₁ a₂ŋio₂ dsí₅. ¹⁷ La₁ia₁ tsá₃ uē₂ tió₅, ia₁ tsá₃ lín₄ jmú₄ cha₂ jua₅₄ a₂chan₂ tiá₂ jág₁. Jaun₂ jē₂ma₂ca₂can₃ o₂i₁ dsi₅, a₂co₂'ein₅ dsa₂ 'uig₅₄ jág₁ dse₃, dsi₂ju₁ bá₄ tí₂ táng₃ jág₁. ¹⁸ I₂sián₂ guē₂ nē₃ lín₅ co₂'nió₄ mǐg₂ jon₂ a₂i₃ga₅₄ jē₄ ni₁taun₅. Nag₂₃ jág₁ dse₃, ¹⁹ la₁ 'ŋio₅ guē₄ 'i₅ dsi₅ o₂me₅₄ dsi₅ a₂cha₂ mǐg₂g₃ la₂; ne₄ 'uig₅₄ ia₁ a₂'ín₅ dsi₅ ju₁ ja₁le₃cha₂ cu₄, ja₁nē₅ bá₄ ja₁rē₂gain₂ táng₃; tsá₃ caun₂ a₂'ín₅ dsi₅. Ca₂le₃jē₃ a₂jaun₂ nē₃ jmo₅ jlē₅ jág₁ dse₃, tsá₃ ma₃cuē₂₃ jmǐg₄ a₂ráu₃. ²⁰ La₁ i₂lín₅₄ guē₄ nē₃ nag₂₃, gue₂₃ bá₄ jág₁, chan₂ tiá₂. Lín₅ ju₁lia' lē₅ mǐg₂ jon₂ a₂i₃ga₅₄ ja₁dse₃ gua₅₄. 'Lióng₂ rau₂. I₂lín₅₄ guē₂ lín₅ co₂'nió₄ mǐg₂ a₂qui₂ca₂'ág₂ guió₂-guiá₂; i₂lín₅₄ guē₂ co₂'nió₄ a₂qui₂ca₂'ág₂ 'nag₂ ne₂guió₂, o₃ caun₂ 'niá₂-láu₂ mǐg₂ lia₂ ca₂mǐg₂ mǐg₂ jon₂ a₂i₃jnia₄.

Jág₁ jáng₅ léi₄ ju₁lia' ni₁tsí₅ chi₁guí₂ si₂
(Lucas 8:16-18)

²¹ Jaun₂ ca₂juá₂ táng₃ Jesús:

—Nē₁jua₂ quian₅ dsa₂ caun₂ ni₁tsí₅ a₂guí₂ si₂, ¿a₂ chí₃? ¿né₃ tsi₁mí₂, o₃ né₃ tsi₁cama? Jan₂'ón₄. A₂'ag₅ guei₅₄ bá₄ dsa₂ si₂. ²² Ia₁ 'i₁caun₂ cosa tsá₃ cha₂ jua₅₄ a₂lín₂ dsa₂ rē₂'ma₄, a₂tsá₃ le₃jniá₂; tion₅₄ bá₄ rē₂jniá₂. Ján₃ guē₂ 'i₁caun₂ jág₁ tsá₃ cha₂ jua₅₄ lín₂ dsa₂ a₂tsá₃ 'ein₂ le₃ŋi₅; tion₅₄ bá₄ rē₂ŋi₅ dsa₂. ²³ Chi₂jua₂ 'ein₂ dsi₅₄ rē₂gua₄, ju₁nei₅₄ rē₂.

²⁴ Con₂ siá₂ táng₃ ca₂juá₂ Jesús:

—Tion₂ 'nia' ju₁ 'e₂ a₂nag₂. Quian₅₄ 'éi₃ a₂cau₂ 'nia' guiong₅₄, 'éi₃ jaun₂ bá₄ quió₃ Diú₄ quián₂ 'nia' ján₃, jniá₅₄ tē₂le₃ lē₅ guē₄. ²⁵ Ia₁ ju₁lia' dsa₂ i₂'ŋio₂ dsí₅ le₃ŋí₂, Diú₄ bá₄ jmo₃ le₃ŋí₂ guē₄ dse₃. La₁ i₂tsá₃ 'nio₃ le₃ŋí₂ nē₃, Diú₄ bá₄ jmo₃ a₂tsá₃ ma₃le₃ŋí₂ co₂ŋei₅₄.†

Jág₁ jáng₅ léi₄ ju₁lia' 'a₂ lia' 'ia₂ mǐg₂ jon₂

²⁶ Jaun₂ ca₂juá₂ Jesús:

—Le₂jaun₂ bá₄ lē₅ ja₁gon₂ Diú₄, ju₁lia' lē₅ quian₅₄ dsa₂ i₂jne₅ 'e₂ jne₂₃. ²⁷ Jē₁ma₂ca₂'ia₂, qui₂dsi₂cón₃ a₂jaun₂. La₁ ju₁lia' dsa₂ i₂jne₅ 'éi₂ nē₃, o₁jnia₅₄ a₂'uē₂-jmi₂ güi₂n₂, nau₂ nē₃, la₁ tsá₃ jaun₂ ŋi₅ 'a₂ lia' lē₂ a₂dsi₂cón₃. ²⁸ 'Uē₃ bá₄ lia' lē₅, jaun₂ bá₄ rau₂. Le₂'uig₅₄, tag₄ de₂ jniá₅ 'ia₂; ŋó₅ jaun₂ 'ia₂ ni₁la₁, lē₂ ni₁guein₂. Nó₅ jaun₂ lē₂ ni₁cuig₂ lá₅ nē₃. ²⁹ Jē₁ma₂ca₂ron₂, jaun₂ guē₄ dsi₂'áun₂ dsa₂; ia₁ ca₂tē₂ jmǐg₄ a₂ca₂rau₂.‡

Jág₁ jáng₅ léi₄ ju₁lia' mǐg₂ jon₂ quió₅ ni₁'ma₂ mostaza
(Mateo 13:31-32; Lucas 13:18-19)

³⁰ Con₂ siá₂ táng₃ ca₂juá₂ Jesús.

* **4:12** Isaías 6:9-10. † **4:25** lit. “Ia₁ ju₁lia' dsa₂ i₂cha₂ quió₅, ŋei₂; la₁ i₂tsá₃ cha₂ quió₅ nē₃, le₂jio₅ a₂cha₂ quió₅, jniá₃.” ‡ **4:29** lit. “Uē₃ bá₄ lia' lē₅, jaun₂ bá₄ rau₂. Le₂'uig₅₄, tag₄ de₂ jniá₅ 'ia₂; ŋó₅ jaun₂ 'ia₂ mǐ₂. Nó₅ jaun₂ tó₅ mǐg₂ mǐ₂ trigo. Jē₁ma₂ca₂ron₂, jaun₂ guē₄ dsi₂cag₅₄ dsa₂ quian₅₄ ŋí₁ hoz; ca₂tē₂ jmǐg₄ a₂ca₂rau₂.”

—ǵ'A₂ lia'₂ lě₅ ja₁gon₂ Diú₄, o₃ 'e₂ quian'₅₄ lé₂ le₃quin₃? ³¹ Lě₅ ju₁lia'₂ lě₅ mǐg₂ nī'ma₂ mostaza. Š Mǐg₂ jon₂ jaun₂ lě₅ a₂pí'₁ guě₄ 'ñio₅ lín₃, lia'₂ con'₂ guě₄ ca₂le₃jě₃ jon₂ a₂jne₅ dsa₂. ³² Jě₅ma₂ca₂i₃jnia₄ ně₃, dsi₂cón₃ dsiog₅ lě₂ caun₂ nī'ma₂ pa₁, ca₂lia'₂ qui₂rě₂já₂ nīgu'₂ quió'₅. Jaun₂ tian'₅ i₁tan₅ ja₁lě₄ 'en'₂ quió'₅.

Ta₁ a₂quí'₅ jág₁ a₂jáng'₅ léi₄ a₂ca₂jme₃tag₅ Jesús

(Mateo 13:34-35)

³³ Ca₂jme₃tín₅ Jesús dsa₂ jág₁ dse₃ tē₂le₃ quian'₅₄ 'lióng₂ jág₁ a₂jáng'₅ léi₄ le₂ně₅. ³⁴ 'I₁caun₂ jág₁ tsá₃ jme₁cuē₂₃ jua'₅₄ tsá₃ tē₂le₃ quian'₅₄ jág₁ a₂jáng'₅ léi₄. La₁ jě₅ma₂tē₁ 'ñiá₄ con'₂ guioin₅₄ quiaín'₅₄ chi'₂ dsi₂guia₃-tín₂ quiaín₅, jme₁juá'₂ lia'₂ rě₂jiá₃ jág₁.

Ca₂jmo₃ Jesús ca₂'ág₂ tei₄ jmi₁ñí'₄, ca₂jñia'₃ dsí₂ ně₃

(Mateo 8:23-27; Lucas 8:22-25)

³⁵ Le₃ca₂nei₂ jmi₄ jaun₂ ca₂tsí'₃ chi'₂ dsi₂guia₃-tín₂ quiaín₅:

—Ma₃ le₃'ño'₅₄ jmi₁ñí'₄ le₃ó₃.

³⁶ Tion'₅₄ jaun₂ dsa₂ chei'₅₄ jmi₁ñí'₄, ca₂ño₃ Jesús ca₂jiog₃ chi'₂ dsi₂guia₃-tín₂ 'ñió'₃ tsi₁mu₅ ja₁jme₁'ein₅₄ táun₂ jág₁. Ján₃ bá₄ i₂lé₂ guě₄ tsi₁mu₅ siá'₂ quiong'₅₄, tion'₅₄ dsa₂. ³⁷ Jme₁co₂lág₂ jaun₂ ca₂'ág₂ dsí₂ tiá₂ lín₃, jaun₂ qui₂ca₂jñá'₃ jmi₂ 'ñio₅ lín₃ ca₂lia'₂ ca₂i₃'a₄ jmi₂ 'ñió'₃ tsi₁mu₅, jñia'₅₄ mei'₂ tsá₃ ca₂can'₂. ³⁸ Jme₁rě₂güín₃ bá₄ Jesús ñó₃ le₃chi₁co'₅₄ rě₂dsin₅ 'mī'₂ dsi₅₄. Jaun₂ ca₂ñei₃ dsa₂, ca₂juá'₂:

—ǵTě₅! ǵTsa₁ dsan₂ 'au'₂ jua'₂ dsi₃'éin₂ jñia'₅₄ ja₁lá₃?

³⁹ Ca₂nau₂ Jesús jaun₂ ně₃, ca₂jéin₂ dsí₂, ca₂jéin₂ jmi₁ñí'₄ ně₃, ca₂juá'₂:

—ǵJme₁'ua₅₄! ǵTei₄ jmo₄!

Jaun₂ dsi₂jui₅ jaun₂ bá₄ ca₂'ág₂ táng₃ tei₄ jmi₁ñí'₄, dsí₂ ně₃ ca₂jñia'₃. ⁴⁰ Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂ quiaín₅:

—ǵ'E₂ lě₃ ñí₄ 'ñio₅ gan'₃ 'nia'₂? ǵ'A₂ bá₄ lia'₂ ñí₄ tsá₃ rě₂'én'₂ 'nia'₂?

⁴¹ Jaun₂ i₃gó'₃ dsí₅ 'ñio₅ lín₃, qui₂ca₂tsí'₃ riin'₅₄:

—ǵ'Ein₂ bá₄ lín₅ i₂ně₅ ca₂tē₂ jmi₁ñí'₄, ca₂tē₂ dsí₂ ně₃ qui₂nag₅ gau₂ jág₁ quió'₅?

5

Jan₂ dsa₂ i₂'en'₅₄ jme₂dsí₂ 'lín'₅₄

(Mateo 8:28-34; Lucas 8:26-39)

¹ Jaun₂ dsi₃léin₂ jme₁dsi₃léin₂ 'ño'₅₄ jmi₁ñí'₄, go₄ dsa₂ Gadarenos.* ² Jaun₂ dsi₂jui₅ jme₁ca₂o₃'ín₃ Jesús 'ñió'₃ tsi₁mu₅, dsióg₃ jan₂ dsa₂ i₂o₂'ín₃ ja₁le₁'on₅ 'lag₄, dsa₂ i₂'en'₅₄ jme₂dsí₂ 'lín'₅₄ dsí₅. ³ Jme₁guá₄ dsa₂ 'éi₂ jě₄ tau₂ 'ñio₅; jaun₂ tsá₃ ma₃'ein₂ jme₁quí'₅₄ jmi₂ tió'₅ 'nei'₂ quian'₅₄ ñí₁ cadena, ⁴ ia₁ 'lióng₂ ráun₂ jme₁ma₂'nei'₂ dsa₂ le₂jñiá₅, jme₁ma₂tó'₂ dsa₂ cadena mi₂tag₅₄, mi₂gu₂ ně₃. La₁ jě₂ bá₄ jñia'₅₄ ma₂gág₃; ma₂juin₃ nīñí₁ jme₁chi₁quí'₅ mi₂tag₅₄ ně₃. Jaun₂ 'i₁jan₂ tsá₃ ma₃'ein₂ jme₁tio₃. ⁵ Jaun₂ ně₃, jme₁i₂ñi₅₄ lia'₂ 'uě₂-jmi₂ dsi₂guio'₂ ja₁le₁'on₅ 'lag₄ lia'₂ jui₅ má'₂ ně₃, qui₂jmái'₂ uig₅ 'ñiog₅ qui₂uig₂ quió'₅ quian'₅₄ nīcang₁. ⁶ La₁ jme₁ca₂jñin₂ Jesús já₅ uing₂, ñó₃ jaun₂ ně₃ co₂chi'₅₄ le₃ne₄ ja₁ño₄ Jesús, jaun₂ ca₂chi₃jné₃. ⁷ Jaun₂ ca₂'í₃ co₂mī'₅₄ ca₂juá'₂:

—ǵ'E₂ lě₃ tián'₅ 'ne₂ jě₄ quió₃ jñiá₂, 'ne₂ Jesús Ja₁ñi'₅₄ Diú₄ juin'₂? Ca₂Diú₄, jnag₅₄, mi₅ jñiá₂ ne'₅₄ tsá₃ lě₁'ě₅ uig₅.

⁸ Ca₂juá'₂ le₂ně₅, ia₁ jme₁ma₂ně₂chí'₃ Jesús jme₂dsí₂ 'lín'₅₄, ca₂juá'₂: “ǵJú₅ quió'₅ dsa₂ ně₅, 'ne₂ jme₂dsí₂ 'lín'₅₄!”

⁹ Jaun₂ ca₂ñag₃ Jesús:

—ǵ'A₂ lia'₂ cheng'₂?

Š 4:31 mostaza: On₃jua'₅₄ mi₂jáng'₅ a₂cuí'₅ dsa₂ go₄ jniog₄; caun₂ nī'ma₂ dsón'₂ jaun₂ a₂tē'₂ tē₅sí₃, Brassica nigra. * 5:1 A₂lín₅₄ chog₅₄ si₂juá'₂: “uě₃ Gerasa.”

Jaun₂ ca₂ŋag₃:

—Juin₅† bá₄ cheng₂, ia₁ a₂juag₅ jnia'₅₄ lě₂.

¹⁰ Jaun₂ ca₂mi₃ tion₅₄-jan₃ ne₄ Jesús a₂tsá₃ chein₂ jme₂dsí₂ 'lín'₅₄ ja₁siá'₂. ¹¹ Ia₁ jme₁tion'₅₄ juin₅ i₁ŋí₅, guě'₅ quián₅ 'uig₅₄ má'₂, ¹² jaun₂ qui₂ca₂mi₃ i₂'lín'₅₄ ne₄ Jesús, ca₂juá'₂:

—Chei₅ jnia'₅₄ ja₁tion'₅₄ i₁ŋí₅, jaun₂ dsi₁tió'₄ jnia'₅₄ quió'₅ 'éi₂.

¹³ Jaun₂ ca₂cuě₃ bá₄ Jesús jmi_g₄. Jaun₂ ca₂'uiin₂ ca₂i₃lén₂ i₃toin'₅₄ quió'₅ i₁ŋí₅. Jme₁lě₂ con'₂ tin₃ mei₅ i₁ŋí₅ jme₁tion'₅₄. Ca₂le₃jín₃ 'éi₂ ca₂i₁nioi₁₂ co₂chi'₅₄ cuing₂₃ ca₂sein₃ siá'₅ i₃toin'₅₄ jmi₁ŋí'₄, ca₂dsain₃.

¹⁴ Jaun₂ ca₂i₃len₃ dsa₂ i₂jme₁jmo₅ 'í₁ cuing₂₃ ca₂i₁chi'₄ dsa₂ jě₄ juig₂, quian'₅₄ i₂tion'₅₄ ja₁nau₂ ně₃. Jaun₂ i₃lén₂ dsa₂ i₁jag₅₄ 'e₂ ca₂lě₃ ja₁jaun₂. ¹⁵ Jme₁ca₂o₃lén₂ ja₁'en₅₄ Jesús, ca₂jín₂ dsa₂ i₂jme₁tion'₅₄ juin₅ jme₂dsí₂ je₂na'₅₄ quió'₅. Jaun₂ ma₂guá₅ ma₂qui'₂ tsin'₅₄, ma₂'en₅₄ bá₄ dsí₅. Tioin'₅₄ ca₂jág₂ dsi₂gó'₃ dsí₅. ¹⁶ Jaun₂ dsa₂ i₂ca₂jág₃ ca₂dsia₃ 'e₂ ca₂lě₃ quian'₅₄ dsa₂ i₂jme₁tion'₅₄ je₂na'₅₄ quió'₅, 'e₂ ca₂lě₃ quian'₅₄ i₁ŋí₅ ně₃. ¹⁷ Jaun₂ ca₂jme₃lióg₃ qui₂ca₂mi₃ tion₅₄ ne₄ Jesús a₂o₃'iin₅ 'uě₃ go₅₄.

¹⁸ Jme₁ma₂ŋó₅ Jesús 'í₂ tsi₁mu₅, jaun₂ jme₁mi₅ dsa₂ i₂jme₁tion'₅₄ je₂na'₅₄ quió'₅, jme₁mi₂₃ jág₁ ne₄ Jesús a₂dsó₃ quiong'₅₄. ¹⁹ La₁ tsá₃ ca₂cuě₃ 'éi₂ jmi_g₄. Jaun₂ ca₂tsí'₃ dsa₂ 'éi₂:

—Guan'₂ ja₁quiáng'₂, ja₁tián'₄ ríng'₂, o₂dsia₄ ca₂le₃jě₃ 'e₂ ně₂jmo₃ Te₁gui'₅₄ o₄quiáng'₂, 'a₂ lia'₂ ně₂dsia₃ jéi₂ dsí₅.

²⁰ Jaun₂ ŋá'₃ bá₄ dsa₂ 'éi₂ dsi₂néi₂ quió'₅, jaun₂ ca₂jme₃lióg₃ ca₂i₁dsia₂ jě₄ juig₂ tén₅ Decápolis ca₂le₃jě₃ 'e₂ ca₂jmo₃ Jesús o₄quió'₄. Ca₂le₃jín₃ dsa₂ i₂ca₂nág₂ ca₂i₃gó'₃ dsí₅.

Ja₁míg₄ Jairo, quian'₅₄ 'io₅₄ i₂ca₂ní'₃ tsin'₅₄ Jesús

(Mateo 9:18-26; Lucas 8:40-56)

²¹ Jme₁ca₂dsián'₃ táng₃ Jesús le₃'ŋo'₅₄ jmi₁ŋí'₄ quian'₅₄ tsi₁mu₅, juin₅ lín₃ dsa₂ i₂ca₂dsi₃lén₂ táng₃ jme₁dsián'₃. Tě₁lia'₂ 'ŋi₂₃ chei'₅₄ jmi_g₂, ²² jaun₂ ca₂dsióg₃ jan₂ dsa₂ i₂nioi₅ gu₂ guá'₅ sinagoga, i₂chen₂ Jairo. Jme₁ca₂jín₂ Jesús, jaun₂ ca₂chi₃ŋé₃ ne₄ 'éi₂. ²³ Ca₂mi₃ ca₂juá'₂:

—Ma₂i₁jón₂ jan₂ chi'₂ quiáng₃. ĲTsa₁ gog'₅₄ o₁jín₁ o₁quioi_g'₂ gog'₂ ne₄ quió'₅, jaun₂ 'lióin₂, le₃chain₂?

²⁴ Jaun₂ ně₃ ca₂ŋó₃ Jesús quiong'₅₄; juin₅ lín₃ guě₄ dsa₂ sián'₂ i₃lén₂ ca₂lia'₂ co₂'liain'₂ bá₄ Jesús. ²⁵ Jě₄ jaun₂, ŋó₃ jan₂ 'io₅₄ i₂ma₂tě₂ guia₃-tín₂ ŋi₂ a₂dso'₅₄ a₂tiin₂. ²⁶ 'Lióng₂ a₂ma₂i₃ŋí₂ o₄gú₃ juin₅ tē₅mí₅; jme₁ma₂'éin₂ ca₂le₃jě₃ cu₄ a₂jme₁cha₂ quió'₅. La₁ tsá₃ 'e₂ ta₁jmo₃, ia₁ tē₂le₃ ca₂i₃ja₃ bá₄ quió'₅. ²⁷ La₁ jme₁ca₂nág₂ a₂'in₅ dsa₂ Jesús, jaun₂ ŋó₃ ca₂jme₃quiáin₃ le₃ja₁ŋó₄ 'éi₂, jín₄ dsa₂. Jme₁ca₂dsióg₃ cau₅ quió'₅ Jesús ně₃, jaun₂ ca₂ní'₃ nī₁tsin'₅₄ 'éi₂. ²⁸ Ia₁ lín₂: “Tsá₃ a₂nag₅₄ a₂jŋia'₅₄ ní_g'₄ ca₂juig₄ tsin'₅₄, jŋia₃ quió₃.” ²⁹ Co₂tan₅₄ dsi₂jui₅ le₂jaun₂ bá₄ ca₂'ná₂ tein₂₃ jmi₂, ca₂rě₃lí'₄ ca₂'lóin₂ dso₄ quió'₅. ³⁰ Jaun₂ dsi₂jui₅ bá₄ ca₂rě₃lí'₄ Jesús a₂o₃'ág₃ bí₂ quió'₅. Jaun₂ ca₂jéin₃ jín₄ dsa₂, ca₂ŋag₃:

—ĲEin₂ bá₄ ně₂ní'₃ tsín'₅?

³¹ Jaun₂ ca₂ŋag₃ chi'₂ dsi₂guia₃-tín₂ quiáin₅:

—Jua'₂ jág'₂ bá₄ 'ne₂ 'a₂ lia'₂ co₂'liog'₂ dsa₂ ja₂lén₂. Ĳ'E₂ lě₃ juá'₂ “ein₂ ně₂ní'₃ quió₃?”

³² La₁ qui₂ja₂né₂ Jesús jín₄ dsa₂ a₂'nai'₂ 'ein₂ ně₂ní'₃ quió'₅. ³³ 'Io₅₄ 'éi₂ ně₃ ma₂jlein₂₃ bá₄ chéin'₅ gó'₅, ia₁ ŋi₅ bá₄ 'e₂ ma₂i₂ŋí₂. Ca₂ŋó₃ co₂ŋei'₅₄ ne₄ Jesús, ca₂chi₃ŋé₃, ca₂juá'₂ ca₂le₃jě₃ lia'₂ tí₅ jág₁ dsón₂. ³⁴ Jesús ně₃ ca₂juá'₂:

—Jón₃, ia₁ 'éng'₂, ca₂'lóng'₂ bá₄. Guan'₂ tei₄ quiáng'₂. Co₂ně₅ ca₂jŋia₃ dso₄ quiáng'₂.

³⁵ Tě₃ dsia₅ bá₄ guě₄ Jesús jág₁ jaun₂ jme₁ca₂dsi₃lén₂ dsa₂ i₂tion'₅₄ ja₁quió'₄ Jairo i₂lín₅ ta₁ quió'₅ guá'₅ 'éi₂. Jaun₂ ca₂juá'₂ tsí₅ Jairo:

—Ma₂ca₂jón₃ bá₄ ja₁míg'₄. Ĳ'E₂ ta₁ ma₂cuě'₂ o₂me'₅₄ dsi₅ tē₅?

† 5:9 griego: legión

³⁶ La₁ tsá₃ ca₂tón'₃ Jesús jui₅ jág₁ quió'₅ dsa₂ 'éi₂, jaun₂ ca₂tsí'₃ Jairo:

—Tsá₃ lë₁jmo₂ gang'₃; jñia'₅₄ lia'₂ 'én₃ bá₄.

³⁷ Tsá₃ ca₂cuë₃ jmi₄ Jesús a₂dsi₃lén₂ juin₅ dsa₂ quiong'₅₄. Jñia'₅₄ lia'₂ Pe₄, Jacobo, quian'₅₄ Juan₅₄ riin'₅₄ bá₄ i₃lén₂. ³⁸ Jme₁ca₂dsi₃lén₂ ja₁quió'₄ Jairo, ca₂jág₃ tion'₅₄ dsa₂ go₂'i₃ qui'₂-o₂₃ co₂mi'₅₄, 'lia'₂ dsí₅. ³⁹ Ca₂'i₃ Jesús dsi₂néi₂, ca₂juá'₂:

—¿'E₂ lë₃ ñí₄ lë₃ tó'₂ 'nia'₂ mi'₅₄, 'au'₂ 'nia'₂ le₂në₅? Tsá₃ rë₂jon₅₄ guein₂ në₅. Jñia'₅₄ lia'₂ a₂rë₂güin₃ bá₄.

⁴⁰ La₁ jñia'₅₄ ca₂ñí₂ bá₄ dsa₂ Jesús tioen'₅₄. Jaun₂ në₃ ca₂'uín'₂ Jesús ca₂le₃jín₃ dsa₂ 'éi₂ ca₁'né₄. Jaun₂ ca₂jñiai₃ chog₅₄-jmei₂ 'lag₄, dsa₂ ún₂ i₂jme₁quian'₅₄ në₃. Ca₂i₃toin'₅₄ ja₁rë₂quian₅ guein₂ 'lag₄. ⁴¹ Jaun₂ ca₂jña'₃ gu₂ i₂bë'₅₄, jaun₂ ca₂juá'₂:

—Talita, cumi —co₂'nió'₄ a₂juá'₂: 'Io₅₄ bë'₅₄, 'ne₂ juí₂ jniá₂, nau₂.

⁴² Dsi₂jui₅ le₂jaun₂ bá₄ ca₂nau₂, ca₂ñi₃. Jme₁ma₂'ein₅₄ guia₃-tín₂ ñi₂. Jaun₂ ca₂i₃gó'₃ dsí₅ tioen'₅₄. ⁴³ La₁ Jesús në₃ ca₂jmo₃ 'éi'₃ a₂tsá₃ 'ein₂ tsí'₃ 'i₁jan₂. Jaun₂ ca₂juá'₂ a₂cuë₃ dsa₂ a₂guë'₃ i₂bë'₅₄ 'éi₂.

6

*Ca₂dsián'₃ Jesús juig₂ Nazaret go₅₄ ja₁tsá₃ ca₂guei₃ dsa₂
(Mateo 13:53-58; Lucas 4:16-30)*

¹ Jaun₂ ca₂o₃'ín₃ bá₄ Jesús ja₁jaun₂. Jaun₂ ca₂dsián'₃ táng₃ juig₂ go₅₄ quian'₅₄ chi'₂ dsi₂guia₃-tín₂ quián₅. ² Jme₁ca₂të₂ jmi₄ sa₅₄, jaun₂ ca₂jme₃lióg₃ ca₂jme₃tiin₂₃ dsa₂ dsi₂néi₂ guá'₅ sinagoga. Juin₅ bá₄ dsa₂ i₂ca₂nág₂ dsi₂gó'₃ dsí₅, jaun₂ ca₂tsí'₃ riin'₅₄:

—¿A₂já'₄ ca₂i₂jme₁tín₅ i₂në₅ jág₁ ca'₅₄ a₂juá'₂ në₅? ¿I₂'e₂ bá₄ jág₁ a₂ñí'₂ dsí₅ a₂ma₂ñi₂ në₅, ca₂të₂ léi₄ juë'₂ në₃ tiin₂ jmo₃? ³ ¿On₁jua'₅₄ i₂në₅ të₅'má₃ ja₁ñi'₅₄ María, dsó₂ rin'₅₄ Jacobo, quian'₅₄ José, quian'₅₄ Judas, quian'₅₄ Si₂mu₅₄ në₃? Në₅ bá₄ tián'₅ 'io₅₄ riin'₅₄ ja₁láš₃ ján₃.

Jaun₂ tsá₃ ca₂rë₃jei₅₄ dsa₂ ja₁jaun₂. ⁴ Jaun₂ ca₂juá'₂ Jesús:

—Ca₂le₂con₂ bá₄ ja₁siá'₂ guen₅ dsa₂ dsa₂ i₂'ë₂ jág₁ quián₅ Diú₄. Jñia'₅₄ lia'₂ dsa₂ go₅₄ bá₄ tsá₃ guei₅, on₃ guë'₂ o₁riin'₅₄, on₃ guë'₂ riin'₅₄ dsi₂néi₂ në₃.

⁵ Jaun₂ tsá₃ 'lióng₂ léi₄ juë'₂ lé₂ le₃jmo₃ juig₂ go₅₄. Jñia'₅₄ lia'₂ i₂lin₅₄ bá₄ dsa₂ dso'₅₄ ca₂dsia₃ gu₂, jaun₂ ca₂jme₃'lió₂. ⁶ Jaun₂ i₃gó'₃ dsí₅ ia₁ a₂ñí₄ lë₃ tsá₃ 'e₂ 'én₂ dsa₂.

*Ca₂chen₃ Jesús dsa₂ guia₃-tín₂ quián₅ ca₂i₁'ë₄ jág₁ dse₃ juig₂ siá'₂
(Mateo 10:5-15; Lucas 9:1-6)*

⁷ Jaun₂ ca₂të₂ chi'₂ dsi₂guia₃-tín₂, jaun₂ ca₂chei₃ jma₃on₃ jma₃on₃. Ca₂cuë₃ bí₂ 'éi'₃ a₂'uín'₂ 'éi₂ jme₂dsí₂ 'lin'₅₄ quió'₅ dsa₂. ⁸ Jaun₂ ca₂tsí'₃ 'éi₂ a₂tsá₃ 'e₂ cán₂ 'i₁caun₂ le₁'i₄ jui₅, jñia'₅₄ lia'₂ jma₃cáun₃ 'ma₂'i₅₄ bá₄. 'I₁caun₂ a₂siá'₂ tsá₃ cán₂, on₃ guë'₂ të₂'mí₂, on₃ guë'₂ i₁ñí'₄, on₃ guë'₂ cu₄ 'ñió'₃ ni₁lau₂ le₁jén'₅ tú'₅ në₃. ⁹ Jñia'₅₄ lia'₂ jma₃co₂dsán'₃ ni₁lau₂ con'₂ a₂ma₂le₁ton₅ tag₅₄ bá₄ cán₂, ton'₂ tsá₃ cán₂ tin₃ dsán'₃ tsin'₅₄ në₃. ¹⁰ Jaun₂ ca₂juá'₂ në₃:

—Jë₂ma₂të₂ rë₁tón'₄ 'nia'₂ lia'₂ caun₂ dsi₂néi₂ quió'₅ dsa₂ ja₁o₁nóg'₅, ja₁jaun₂ jñia₄ 'nia'₂ ca₂lia'₂ ca₂të₂ jmi₄ i₁'uín'₃ 'nia'₂ táng₃ juig₂ jaun₂. ¹¹ Në₁jua'₂ cha₂ ja₁lin₅₄ tsá₃ guei₅ dsa₂, on₃ guë'₂ 'nio₃ dsa₂ nag₃ jág₁ quián'₂ 'nia'₂, 'uín'₂ 'nia'₂ ja₁jaun₂, séi'₄ 'nia'₂ 'liog₂ tag'₅₄ co₂'nió'₄ jmó'₂ 'nia'₂ léi₄ co₂jaun₂ ma₂le₁cán'₄ dsa₂ 'éi₂ guioin₅₄.*

¹² Jaun₂ ca₂'uín₂ bá₄ chi'₂ dsi₂guia₃-tín₂ në₃, ca₂i₃lén₂ ca₂i₁'ë₄ jág₁ a₂dsi₃quén'₅ dsí₅ dsa₂.

¹³ Jaun₂ qui₂ca₂'uín'₂ juin₅ je₂na'₅₄, qui₂ca₂tsín₂ no'₅₄ juin₅ dsa₂ dso'₅₄, qui₂ca₂jme₃'lóin₂ dsa₂ në₃.

* **6:11** A₂lin₅₄ chog₅₄ si₂ juá'₂ le₂la₂ ján₃: “A₂dsi₂jó'₃ juá'₅ jniá₂, jë₂ma₂të₂ jmi₄ i₁qui₃dsi₅ Diú₄ 'éi'₃, tsá₃ jua'₅₄ ñí₄ uig₅ gue₃ dsa₂ jme₁chan₂ Sodoma quian'₅₄ Gomorra, con'₂ guë'₂ dsa₂ i₂tsá₃ guen₅ 'nia'₂.”

Ca₂jon₃ Juan₅₄ i₂chon₅ dsa₂ jmig₂

(Mateo 14:1-12; Lucas 9:7-9)

¹⁴ Ca₂rë₃ñi₅ Rag₅₄ Herodes jág₁ a₂'ei₅ quió'₅ Jesús, ia₁ ca₂le₂con₂ bá₄ ma₂le₁ñi₅ dsa₂ 'e₂ a₂jmo₅ Jesús ñi₂₃. Jaun₂ juá'₂ Rag₅₄ Herodes:

—Ma₂ca₂jen'₅₄ Juan₅₄, dsa₂ i₂jme₁chon₅ dsa₂ jmig₂; 'uig₅₄ jaun₂ qui'₅₄ jmig₄ jmo₂₃ 'e₂ a₂jmo₂₃.

¹⁵ I₂lin₅₄ guë'₂ dsia₅ táng₃:

—Elías bá₄ 'éi₂ ñi₅.

La₁ i₂sián'₂ guë'₂ juá'₂:

—Jan₂ i₂chen₄ quián₅ Diú₄ bá₄ 'éi₂, jui₁lia'₂ dsa₂ i₂jme₁ 'ě₂ jág₁ quián₅ Diú₄ ma₂líg'₂.

¹⁶ Jme₁ca₂nág₂ Rag₅₄ Herodes, jaun₂ ca₂juá'₂:

—Juan₅₄ bá₄ nē₅ ñi₅, i₂ca₂'nia₃ dsa₂ dsi₂lag₄, 'éi'₃ quió₃ jniá₂. Ma₂ca₂jein'₅₄ táng₃.

¹⁷ Ia₁ 'ñiog₅ bá₄ Herodes ma₂jmo₅ 'éi'₃ le₂jniá₅ a₂ca₂i₁chan'₅₄ dsa₂ Juan₅₄ ca₂i₁tio'₂ né'₃ 'má₃ rē₂'ñei'₅₄ 'uig₅₄ quió'₅ 'io₅₄ Herodías i₂lín₅ dsi₂i₂gu₂ Fe₂li₄ riin'₅₄. La₁ Herodes nē₃ ma₂jmo₂₃ quián₅. ¹⁸ Ia₁ jme₁ma₂qui₂ma₂juá'₂ Juan₅₄ tsí'₅ Herodes:

—Tsá₃ 'i₄ 'éi'₃ jmó'₂ quiáng'₂, 'io₅₄ quián₅ dsó₂ ríng'₂.

¹⁹ 'Uig₅₄ jaun₂ jme₁'i₄ 'nei₂ dsí₅ 'io₅₄ Herodías jín₂ Juan₅₄. Jaun₂ jme₁'nio₃ jñag'₃, la₁ tsá₃ ca₂dsó'₂ jui₅ 'a₂ lia'₂ jmo₃. ²⁰ Ia₁ jme₁ñi₅ bá₄ Rag₅₄ Herodes a₂lín₅ Juan₅₄ dsa₂ dsen₃, jaun₂ jme₁jme₂go₃ bá₄; jaun₂ jme₁jmo₂₃ 'í₁. Lia'₂ con'₂ jme₁nag₂₃ jág₁ quió'₅ Juan₅₄, jme₁tē₂tsin'₅₄ tsá₃ 'e₂ ñi₅ jmo₃, la₁ 'ñio₂ bá₄ dsí₅ jme₁nag₂₃. ²¹ La₁ ca₂cuin₃ jmig₄ nē₃ jme₁ca₂jmo₃ Herodes jmig₄ a₂ca₂dsí'₃ ñi₂: ca₂jmo₃ má₃, ca₂tě'₃ dsa₂ can'₅₄ con'₂ dsa₂ i₂jmo₅ 'éi'₃ juig₂, i₂lín₅ juig₅₄ 'lióg₂ quián₅ nē₃, ca₂le₃jín₃ guë'₄ con'₂ dsa₂ dsen₅₄ quián₅ juig₂ ja₁tén₄ Galilea. ²² Jaun₂ ca₂guan₃ ja₁míg₄ Herodías ja₁niog₅ jmig₄, jaun₂ ca₂dsáin₂. A₂jaun₂ ca₂tě₂ dsí₅ Rag₅₄ Herodes, ca₂le₃jín₃ dsa₂ i₂té₄ i₂tion'₅₄ guë'₅ quiain'₅₄ nē₃. Jaun₂ ca₂juá'₂ rag₅₄ ca₂tsí'₃ 'io₅₄ bē'₅₄ 'éi₂:

—Mi₄ ca₂le₃jě₃ 'e₂ 'niog'₂, jaun₂ cuë₅₄ jniá₂.

²³ Jaun₂ ca₂cuë₃ jág₁ quió'₅ ca₂le₃jě₃ ca₂'iin₃ Diú₄, ca₂juá'₂:

—Chi₂jua'₂ 'e₂ caun₂ a₂mí'₁ 'ne₂, cuë₅₄ bá₄ jniá₂, jñia'₅₄ ca₂dsio₄ 'uë₃ ja₁gong₂.

²⁴ Jaun₂ ca₂o₃'ín₃ 'io₅₄ bē'₅₄ 'éi₂ ca₂i₁ñag₁₂ chog₅₄, ca₂i₁jua'₄:

—¿'E₂ mi₅₄ jniá₂, mag₅₄?

Jaun₂ ca₂juá'₂ chog₅₄:

—Mi₄ mi₂dsi₄ Juan₅₄ i₂chon₅ dsa₂ jmig₂.

²⁵ Jaun₂ ca₂'í₃ táng₃ 'éi₂ dsi₂jui₅ ja₁guá₄ rag₅₄, jaun₂ ca₂juá'₂:

—'Nio₃ cuë'₁ tē₂nē₃ mi₂dsi₄ Juan₅₄ i₂chon₅ dsa₂ jmig₂, a₂'i₄ 'ñió'₃ uing₅.†

²⁶ Jme₁ca₂nág₂ rag₅₄ jág₁ nē₅, ca₂jén₂ dsí₅. La₁ tsá₃ a₂ñi₅ jmo₃, ia₁ ma₂nē₂cuë₃ jág₁ quió'₅ le₂jniá₅ a₂cuë₃ chi₂jua'₂ 'e₂ 'nio₃ 'io₅₄ 'éi₂, ton'₂ ia₁ ma₂nē₂néi₂ a₂mei₅₄ quián₅ i₂tián'₅. ²⁷ Jaun₂ dsi₂jui₅ jaun₂ ca₂chein₃ jan₂ 'lióg₂ a₂dsi₃quián₂ mi₂dsi₄ Juan₅₄. ²⁸ Jaun₂ ca₂ñó₃ 'lióg₂ jui₅ 'ñió'₃ 'né₅ 'má₃, jaun₂ ca₂i₁qui'₂ dsi₂lag₄ Juan₅₄, jaun₂ quian₅ rē₂'i₄ 'ñió'₃ uing₅, ca₂cuë'₃ 'io₅₄ 'éi₂. Jaun₂ 'io₅₄ nē₃ ca₂gue₃, jaun₂ ca₂i₁cuë'₂ táng₃ chog₅₄.

²⁹ Jme₁ca₂rë₃ñi₅ dsa₂ i₂jme₁quian'₅₄ Juan₅₄, jaun₂ ca₂o₃léin₂, ca₂tág₃ 'lag₄, jaun₂ ca₂i₁'ó₄.

Ca₂jme₃tan₅₄ Jesús 'ñiá₂ mei₅ dsa₂

(Mateo 14:13-21; Lucas 9:10-17; Juan 6:1-14)

³⁰ Cang₂ jaun₂ ca₂o₃len₃ dsa₂ i₂chen₄† 'éi₂, ca₂ñi₅'i₂ táng₃ quiain'₅₄ Jesús, jaun₂ ca₂dsia₃ 'e₂ niog₅ ca₂jmo₃ ja₁i₁lein₅₄, 'a₂ lia'₂ i₂ca₂jme₁tiin₂₃ dsa₂. ³¹ Jaun₂ ca₂juá'₂ Jesús:

—I₂nó'₅ 'nia'₂ con'₂ guiong'₅₄ caun₂ ja₁co₂'ñiog₅, i₂jñia₄ ca₂tiá₂.

† 6:25 lit. “rē₂dsí₂ ne₄ caun₂ ni₁ñi₁ charola.” ‡ 6:30 griego: apóstolous.

Ia₁ juin₅ lin₃ dsa₂ i₂o₂lén₂, lia'₂ i₂dsi₂len₃ ně₃, ca₂lia'₂ jñia'₅₄ tsá₃ cuin₅ jmig₄ guě'₃. ³² Jaun₂ ně₃ ca₂tóin'₂ tsi₁mu₅ ca₂i₃lén₂ caun₂ ja₁lě₄ co₂'ñiog₅ con'₂ guioin₅₄. ³³ Jaun₂ qui₂ca₂'uin₂ dsa₂ le₂caun₂ le₂caun₂ juig₂, i₃lén₂ co₂chi'₅₄ jui₅ tag₅₄ a₂'ein₂₃ Jesús. Jaun₂ jñiái₅ bá₄ dsi₃lén₂ lia'₂ con'₂ guě₄ 'éi₂. ³⁴ Jme₁ca₂sión₃ Jesús 'ñió'₃ tsi₁mu₅, ca₂jín₂ juin₅ lin₃ dsa₂, ma₂tion'₅₄ le₁jñiog₅, ca₂tá'₂ ñéi₂ dsí₅ dsa₂ 'éi₂, ia₁ i₂nio₄ dsa₂ lia'₂ jě₁i₂nio₄ já'₂ cha'₂ i₂tsá₃ juig₅₄ chan₂, jiog₃, jmo₃ 'í₁. Jaun₂ ca₂jme₃lióg₃ ca₂jme₃tiin₂₃ dsa₂ 'lióng₂ lin₃ jág₁. ³⁵ Jme₁ca₂'láu₂ jaun₂ ca₂o₃lén₂ chi'₂ dsi₂guia₃-tín₂ quiáin₅, jaun₂ ca₂juá'₂:

—Caun₂ ja₁co₂'ñiog₅ bá₄ la₂, ton'₂ ca₂'láu₂ guě₄ má'₃. ³⁶ 'Ei'₂ jág₁ dsa₂, ia₁jaun₂ dsi₃lein₅ dsi₃'nióg₂ a₂guě'₃ lia'₂ con'₂ juig₂ ja₁nau₂ ma₂quián₅ ně₅.

³⁷ Jaun₂ ca₂ñag₃ Jesús:

—Cuě'₅₄ 'nia'₂ dsa₂ a₂guě'₃.

Jaun₂ ca₂ñag₃ táng₃ 'éi₂:

—¿Lé₂ le₃dsi₁liá₄ tin₃ 'ñiá₂-láu₂ 'éi'₃ denario i₁ñí'₄ ia₁jaun₂ dsio'₂ a₂guě'₃ dsa₂?

³⁸ Jaun₂ ca₂juá'₂ táng₃ Jesús:

—O₂jag₄ 'nia'₂ je₂liá'₂ i₁ñí'₄ 'i₄ quián'₂ 'nia'₂.

Jaun₂ ca₂i₁jag₅₄ 'éi₂ jaun₂ ně₃, jaun₂ ca₂o₃lén₂ táng₃, ca₂juá'₂:

—'Ñiá₂ i₁ñí'₄ bá₄ 'i₄, on₃ guě'₂ i₁ju₁.

³⁹ Jaun₂ ca₂chein₃ jág₁ a₂tian'₃ dsa₂ jma₃co₂niói'₃ ne₄ ñi₂ma'₂ rě'₂, ⁴⁰ jaun₂ ca₂tián'₂ dsa₂ jma₃co₂niói'₃ ja₁lě₂ caun₂ 'ñiá₂-lón₂, i₂ca₂tián'₂ jma₃co₂niói'₃ jma₃tě₂lón₃-guián₂ ně₃. ⁴¹ Jaun₂ ně₃ ca₂jña'₃ Jesús le₃'ñiá₂ i₁ñí'₄, le₃on₃ guě'₂ i₁ju₁ ně₃, ca₂jág₃ guei'₅₄ i₂juíg₃, ca₂cuě'₃ ti₁'mag'₄ Diú₄. Jaun₂ ca₂jmo₃ le₁'nau₅₄ i₁ñí'₄, jaun₂ guě₄ ca₂cuě'₃ chi'₂ dsi₂guia₃-tín₂ quiáin₅, ia₁jaun₂ dsia₃ 'éi₂ ne₄ dsa₂. Ján₃ guě'₂ ca₂jmo₃ dsióg₁ quió'₅ i₁ju₁ on₃ 'éi₂, ca₂cuě'₃ ca₂le₃jín₃. ⁴² Jaun₂ le₃jín₃ dsa₂ ca₂guě'₃ ca₂lia'₂ ca₂rě₃tain₅₄. ⁴³ Jaun₂ ca₂cág'₃ bá₄ guě₄ dsa₂ guia₃-tín₂ tsi₁mi'₂ 'nau₅₄ i₁ñí'₄, a₂ca₂chóng₃ quió'₅ i₁ju₁ ně₃. ⁴⁴ 'Ñiá₂ mei₅ jme₁lě₂ ca₂le₃jín₃ dsa₂ ñe'₂ i₂ca₂guě'₃ 'éi₂.

Ca₂ñi₃ Jesús ne₄ jmi₁ñí'₄

(Mateo 14:22-27; Juan 6:16-21)

⁴⁵ Jaun₂ dsi₂jui₅ le₂jaun₂ ca₂jmo₃ Jesús 'éi'₃ a₂i₃ton'₅₄ chi'₂ dsi₂guia₃-tín₂ quiáin₅ 'ñió'₃ tsi₁mu₅, jaun₂ jñiái₅ de'₂ 'éi₂ ñí₃ jmig₂ con'₂ guě₄ 'ñiog₅, a₂dsi₁lén₂ Betsaida, tē₁lia'₂ 'í₁ guě₄ 'ñiog₅ 'ág'₃ jág₁ dsa₂. ⁴⁶ Jme₁ma₂ca₂lě₃ 'ág'₅ jág₁ dsa₂, ca₂ñó₃ jaun₂ ně₃ jui₅ má'₂ i₁chi₂i₁lein'₁ Diú₄. ⁴⁷ Jaun₂ con'₂ ca₂tó'₂ nei₂ dé₄, ma₂ñó₅ tsi₁mu₅ dsi₂jo₂ jmi₁ñí'₄, 'ñiog₅ guě'₂ Jesús jaun₂ bá₄ 'ein₅₄ 'uě₃. ⁴⁸ Jaun₂ ca₂jág₃ Jesús 'ñio₅ cán₂ ta₁ tioen'₅₄ a₂jein₂₃ ni₁'ma₂ a₂gag₂ jmig₂, ia₁ 'liog'₂ dsí₂ le₂ca'₃. Jaun₂ con'₂ le₁né₃ tē₂le₃ ca₂jnia₃, ca₂jme₃quián₃ Jesús ñi₂₃ ne₄ jmig₂ ja₁ñó₄ tsi₁mu₅. Jaun₂ ca₂jmo₃ ně₂jag₄ bá₄ i₂jme₁ma₂ñí₃ co₂dsau₅ ja₁tion'₅₄ 'éi₂. ⁴⁹ Jme₁ca₂jág₂ jóin'₅ ñi₂₃ ne₄ jmi₁ñí'₄, dsa₂ 'lin'₅₄ § bá₄ 'éi₂ lín₂, jaun₂ ca₂tóin'₂ co₂mi'₅₄ ca₂guió'₃, ⁵⁰ ia₁ ca₂le₃jín₃ bá₄ ca₂rě₃gó'₅ 'ñio₅ lin₃ jme₁ca₂jág₂. La₁ dsi₂jui₅ bá₄ ca₂juá'₂ Jesús:

—¡Tiá₂ dsia₄ 'nia'₂ 'au'₂; jniá₂ bá₄ la₂, tsá₃ lě₁jmo₂ 'nia'₂ gang'₃!

⁵¹ Jaun₂ ca₂uíg₂ 'ñió'₃ tsi₁mu₅ ja₁tion'₅₄ 'éi₂. Jaun₂ ca₂'ág₂ táng₃ tei₄ ca₂jñia'₃ dsí₂, jaun₂ i₃gó'₃ dsí₅ 'éi₂ 'ñio₅ lin₃. ⁵² Ia₁ tsá₃ 'e₂ ca₂ñí'₂ dsí₅ dsa₂ 'éi₂ jui₁lia'₂ léi₄ juě'₂ a₂ma₂ně₂jág₃ jmo₅ Jesús quian'₅₄ i₁ñí'₄, ně₂jag₄ bá₄ cha₂ a₂jmo₅ jnág₅ a₂tsá₃ rě₂ñí'₂.

Ca₂jme₃'lión₂ Jesús dsa₂ dso'₅₄ 'uě₃ Genesaret

(Mateo 14:34-36)

⁵³ Jme₁ca₂'ain₂ jmig₂, ca₂dsi₃lén₂ 'uě₃ Genesaret. Ja₁jaun₂ ca₂'néi₂ tsi₁mu₅ chei'₅₄ jmig₂. ⁵⁴ Dsi₂jui₅ jme₁ca₂'uiin₂ tsi₁mu₅, co₂tan₅₄ lia'₂ ca₂rě₃cuin₅ bá₄ dsa₂ Jesús. ⁵⁵ Jaun₂ ca₂i₁noi₁₂ co₂chi'₅₄ le₂tan₅₄ juig₂ te₁'i₁ ma₂quián₅ jaun₂. Jaun₂ ca₂i₁quian₅₄ dsa₂ dsa₂ i₂le₁dso'₅₄ quian'₅₄ tsi₁jein₁ 'a₂ guě₃ já'₄ 'en₅₄ Jesús. ⁵⁶ Ca₂le₂con₂ ja₁jme₁ñi₅ Jesús, jě₁ma₂'í₅ jě₄ juig₂, jě₄ ciudad,

o₃ le₂'i₄ jui₅ ja₁ŋó₄ 'e₂, jme₁qui₂dsi₂ŋia₃ dsa₂ dsa₂ dso'₅₄, qui₂ca₂dsiog₃ ja₁nio₅ 'ma'₅₄. Qui₂ca₂mi₃ dsa₂ tsá₃ a₂nag₅₄ o₁ŋia₅₄ a₃tag₄ tsin'₅₄ bá₄ cuë₃ jmi₄g₄ a₂ní₃. Jaun₂ ca₂le₃jín₃ dsa₂ dso'₅₄ i₂qui₂ca₂ní₃ tsin'₅₄ Jesús, qui₂ca₂'lón₂.

7

Jme₂tag₅ Jesús jui₁lia'₂ 'e₂ jaun₂ a₂jmo₅ a₂rë₂'ŋio₅ dsa₂
(Mateo 15:1-20)

¹ Jaun₂ ně₃ dsa₂ fariseos quian'₅₄ i₂lin₅₄ tē₂juá'₅ i₂ja₂lén₂ Jerusalén, ca₂o₃léin₂ ca₂ŋii'₂ ja₁'en₅₄ Jesús. ² Ca₂jág₃ dsa₂ 'éi₂ ca₂jín₂ i₂lin₅₄ chi'₂ dsi₂guia₃-tín₂ a₂guë'₅ tē₃ tsá₃ “le₁jě₃” gu₂, tsá₃ jme₂ti₃ jua'₅₄ a₂rang₂₃ lia'₂ con'₂ lě₅ 'éi'₃. * ³ (Ia₁ ca₂le₃jín₃ dsa₂ fariseos, quian'₅₄ ca₂le₃jín₃ dsa₂ chan₂ Judea ně₃, jme₂ti₃ lia'₂ con'₂ lě₅ tag₄ chí'₅ quió'₅ dsa₂ can'₅₄, a₂tsá₃ guë'₃ ně₁jua'₂ tsá₃ ma₂ně₂rang₃ 'lóng₂ ráun₂ gu₂. ⁴ Jē₁ma₂o₃le₃in₃ 'ma'₅₄, tsá₃ guë'₃ ně₁jua'₂ tsá₃ ma₂ně₂jme₃ti₃ con'₂ tag₄ chí'₅ a₂rang₃ quió'₅. Jaun₂ 'lóng₂ bá₄ guë'₄ tag₄ siá'₂ a₂jme₂ti₃ dsa₂ jui₁lia'₂ a₂rang₅ dsa₂ ni₁vaso, jui₁lia'₂ a₂rang₅ dsa₂ ni₁taza, ni₁dsig₁, tsi₁cama ně₃).† ⁵ Jaun₂ ně₃ ca₂ŋag₃ dsa₂ fariseos quian'₅₄ tē₂juá'₅, ca₂ŋii'₃ Jesús:

—¿'E₂ lě₃ tsá₃ jme₂ti₃ chi'₂ dsi₂guia₃-tín₂ quiáng'₂ tag₄ chí'₅ quió'₅ dsa₂ can'₅₄? Guë'₅ bá₄ tē₃ tsá₃ ma₂ně₂rang₃ gu₂.

⁶ Jaun₂ ca₂ŋag₃ 'éi₂:

—Dsón'₂ bá₄ dsau₅ ca₂juá'₂ Isaías ca₂'iin₃ 'nia'₂ dsa₂ i₂lě₁jmo₅-dsáu₅ o₁ne₁, jui₁lia'₂ tio'₅₄ ne₄ Si₂:

Dsa₂ juig₂ la₂ jme₂juag'₂ jniá₂
jmá'₃ lia'₂ quian'₅₄ mi₂'o₅₄ bá₄,
la₁ia₁ uíng₂ bá₄ 'i₄ dsí₅ ja₁con₂ jniá₂.

⁷ La₁ tsá₃ 'e₂ ta₁ tí₄ a₂jme₂juag'₂,

ia₁ jág₁ a₂jme₂tag₂₃,

'éi'₃ a₂lě₁lě₅ quió'₅ dsa₂ mi₂güig₃ bá₄.†

⁸ Ia₁ co₂dsia₅ ma₂ca₂tí'₃ bá₄ 'nia'₂ 'éi'₃ quió'₅ Diú₄, a₂ma₂ja₂nóg'₅ chan'₅₄ tiá₂ 'éi'₃ tag₄ quió'₅ dsa₂ mi₂güig₃.§

⁹ Ca₂juá'₂ ján₃:

—'Nio₅ tin'₂ 'nia'₂ jmo'₂ cau₅ 'éi'₃ quió'₅ Diú₄, a₂jme₂tí'₁ 'nia'₂ tag₄ quián'₂ 'nia'₂ guiong'₅₄.

¹⁰ Ia₁ ca₂juá'₂ Moisés a₂jme₃gan₃ dsa₂ chog₅₄-jmei₂. * Jaun₂ juá'₂, chi₂jua'₂ 'ein₂ ca₂juá'₂ uig₅ ne₄ chog₅₄-jmei₂, jui₁join₅₄.† ¹¹ La₁ 'nia'₂ ně₃ juá'₂ a₂lě₂ le₃juá'₂ dsa₂ tsí'₃ chog₅₄-jmei₂: “Tsá₃ 'nia'₂ lě₂ le₃jme₁'ong₁₂, ia₁ ca₂le₃jě₃ a₂cha₂ quió'₃ a₂lě₅ Corbán”, (co₂'nió'₄ a₂juá'₂, a₂ma₂lě₅ quió'₅ Diú₄ bá₄). ¹² Ně₁jua'₂ le₂ně₅ jaun₂ tsá₃ ma₃cuë'₂ 'nia'₂ jmi₄g₄ a₂jme₃'on₅₄ guë'₄ dsa₂ chog₅₄-jmei₂. ¹³ Jaun₂ le₂ně₅ bá₄ tsá₃ ma₃'e₂ quen₅ jág₁ quió'₅ Diú₄, jmo'₂ 'nia'₂, tē₂le₃ quian'₅₄ tag₄ a₂chí'₅, a₂ca₂ŋag₃ dsa₂ can'₅₄ quiáng'₂. 'Lóng₂ bá₄ guë'₄ a₂siá'₂ jmo'₂ 'nia'₂.

¹⁴ Jaun₂ ca₂tě'₃ Jesús dsa₂, ca₂juá'₂:

—Nei₂ 'nia'₂ dse₃ ca₂le₃jíng'₃ a₂juá'₄ jniá₂ la₂. ¹⁵ 'Icaun₂ a₂dsi₂to'₅₄ quió'₅ dsa₂, on₃jua'₅₄ a₂jaun₂ jmo₅ a₂rë₂'iog₅ jme₂dsí₂ quió'₅. Cosa a₂'uë₂ dsí₅ dsa₂ guioin₅₄, a₂jaun₂ bá₄ jmo₅ a₂rë₂'iog₅ jme₂dsí₂.‡

¹⁷ Jme₁o₂ 'iin₃ jin₄ dsa₂, ŋái'₃ dsi₂néi₂, jaun₂ ca₂ŋag₃ chi'₂ dsi₂guia₃-tín₂ quiáin₅ 'e₂ jág₁ dsau₅ jáng'₅ jág₁ ca₂cuë'₃ dsa₂ jaun₂. ¹⁸ Jaun₂ ca₂juá'₂:

* **7:2** A₂lin₅₄ chog₅₄ si₂juá'₂ le₂la₂ ján₃: “jaun₂ lě₃ ca₂chi₂ca₂'ag₃.” † **7:4** A₂lin₅₄ chog₅₄ si₂juá'₂: “ni₁taza, ni₁dsig₁, ni₁ŋí₁ ně₃.” ‡ **7:7** Isaías 29:13. § **7:8** A₂lin₅₄ chog₅₄ si₂juá'₂ ján₃: “jui₁lia'₂ a₂qui₂rang'₂ 'nia'₂ ni₁dsig₁, ni₁vaso a₂'ág'₂ jmi₄g₄, ca₂le₃jě₃ guë'₄ 'e₂ cosa a₂qui₂jmo'₂ 'nia'₂ ně₃.” * **7:10** Éxodo 20:12; Deuteronomio 5:56. † **7:10** Éxodo 21:17; Levítico 20:9. ‡ **7:15** A₂lin₅₄ chog₅₄ si₂chi₁ton₅ versículo 16 bá₄ ján₃, a₂juá'₂: “Ca₂le₃jín₃ 'nia'₂ i₂le₁dsi₅₄ rë₂gua₄, nei₂ 'nia'₂.”

—¿Ján₃ bá₄ tsá₃ nǐ'₂ 'nia'₂ a₂juá'₅ jniá'₂? Ca₂le₃jě₃ 'e₂ a₂guě'₅ dsa₂, on₃jua'₅₄ a₂jaun₂ jmo₅ a₂rě₂'iog₅ jme₂dsí₂. ¹⁹ Ia₁ on₃jua'₅₄ dsí₅ dsa₂ dsi₂to'₅₄ a₂guě'₅. Rě₂tú'₅ bá₄ dsa₂ dsi₂to'₅₄ a₂jaun₂. Cang₂ jaun₂ dsi₂'uě'₅₄ táng₃ dsa₂ ca₁'né₄.

(Ca₂'ě₃ co₂'nió'₄ a₂le₁jě₃ ca₂le₃jě₃ bá₄ má₃, jme₁ca₂juá'₂ le₂ně₅). ²⁰ Ca₂juá'₂ ján₃:

—Ca₂le₃jě₃ a₂'uě₂ dsí₅ dsa₂, a₂jaun₂ bá₄ a₂jmo₅ a₂rě₂'iog₅ jme₂dsí₂. ²¹ Tě₂dsí₅ bá₄ dsa₂ 'uě₂ ca₂le₃jě₃ ne₅₄ a₂'lig'₅₄: ju₁lia'₂ a₂lě₅ dsí₅ dsa₂ nió'₃ jág₁ quian'₅₄ dsa₂ i₂tsá₃ lín₅ dsi₂i₂gu₂; a₂'ang₅ dsa₂; a₂jme₂dsian₅ dsa₂ riin'₅₄; ²² a₂'ín₅ dsí₅ dsa₂ jmo₃ quió'₅ a₂cha₂ quió'₅ riin'₅₄; 'e₂ caun₂ a₂tsá₃ dsi₂ten₅₄ jmái'₂ riin'₅₄; a₂qui₂jme₂gain₂₃ riin'₅₄; a₂jmo₂₃ o₂guí'₃ 'lig'₅₄, a₂jmo₂₃ uig₅ dsí₅, a₂qui₂chi₂'ín₅ dsa₂ riin'₅₄; a₂jme₂róin₂ jmái'₂ dsa₂; ca₂le₃jě₃ guě₄ 'e₂ a₂tsá₃ 'en₅₄ dsí₅ dsa₂ lín₅. ²³ Ca₂le₃jě₃ a₂ně₅, tě₂dsí₅ bá₄ dsa₂ lě₂, a₂ně₅ bá₄ a₂jmo₅ a₂rě₂'iog₅ jme₂dsí₂ quió'₅ dsa₂.

Jan₂ i₁náu₃ i₂ca₂rě₃'én₂ tě₂le₃ quió'₅ Jesús
(Mateo 15:21-28)

²⁴ A₂'ein₅₄ ja₁jaun₂, ca₂o₃'ín₃ nój₃ 'uě₃ ma₂quián₅ juig₂ Tiro.Š Jaun₂ ca₂'í₃ con'₂ tě₃co'₅₄ bá₄ dsi₂něi₂ quió'₅ dsa₂ ja₁jaun₂. La₁ tion₅₄ bá₄ ca₂rě₃lí'₄ dsa₂, tsá₃ ma₃ca₂cuin₃ jmig₄ a₂'mai₃. ²⁵ Dsi₂jui₅ jaun₂ ca₂nág₂ chog₅₄ jan₂ 'io₅₄ bě'₅₄ i₂'en₅₄ jme₂dsí₂ 'lín'₅₄. Ca₂dsióg₃, jaun₂ ca₂chi₃jné₃ ne₄ Jesús. ²⁶ 'Éi₂ jme₁lín₄ jan₂ 'io₅₄ griega, i₂chan₂ Sirofenicia. Jaun₂ ca₂mi₃ ca₂tsí'₃ 'éi₂ a₂dsi₃dsein₂₃ je₂na'₅₄ quió'₅ chi'₂ quián₅. ²⁷ Jaun₂ ca₂ḡag₃ Jesús:

—Ju₁le₂tan₅₄ de'₂ jniá'₅ chi'₂ quiáng₃; ia₁ tsá₃ dsi₂ten₅₄ jua'₅₄ a₂jḡiá'₄ jniá'₂ i₁nǐ'₄ quió'₅ chi'₂, a₂ton₅₄ ne₄ dsi₂jǐ'₅₄.

²⁸ Jaun₂ ca₂ḡag₃ táng₃ 'io₅₄ 'éi₂:

—Dsón'₂ bá₄ dsau₅, Te₁gui'₅₄, la₁ia₁ le₂jio₅ dsi₂jǐ'₅₄ bá₄ guě'₅ né'₃ ni₁mesa 'nau₅₄ a₂tsi₂séi'₂ guein₂.

²⁹ Jaun₂ ca₂ḡag₃ táng₃:

—Dse₃ ně₂ḡag'₅₄. Ma₂lé₂ guang'₅₄. Ma₂o₂'ín₃ bá₄ je₂na'₅₄ i₂jme₁'en₅₄ tě₂dsí₅ chi'₂ quiáng'₂.

³⁰ Jaun₂ ca₂ḡái'₃ bá₄; jme₁dsiáin'₃, ca₂jǐin₂ ja₁míg₄ roin₂₃ tei₄ ne₄ tsi₁cama, ma₂o₂'ín₃ bá₄ je₂na'₅₄ tě₂dsí₅.

Ca₂jme₃'lión₂ Jesús jan₂ dsa₂ güin₄ i₂tsá₃ lín₄ lé₂ dsia₃ jág₁

³¹ Ca₂o₃'ín₃ táng₃ Jesús juig₂ Tiro, ca₂ḡíi₃ juig₂ Sidón, jaun₂ ca₂dsióg₃ chei'₅₄ jmi₁nǐ'₄ Galilea, jaun₂ ca₂'í₃ 'uě₃ Decápolis. ³² Ja₁jaun₂ ca₂o₃jḡia₃ dsa₂ jan₂ dsa₂ i₂tsá₃ lín₄ lé₂ dsia₃ jág₁. Jaun₂ ca₂mi₃ dsa₂ a₂quióg₃ Jesús gu₂ ne₄ quió'₅ dsa₂ 'éi₂. ³³ Jaun₂ ca₂jio₃ Jesús ca₂jḡiai₃ dsa₂ 'éi₂ caun₂ ja₁co₂'ḡio₅, jaun₂ ja₁jaun₂ ca₂tiá₂ chi₁gú₃ rě₂gua₄ dsa₂ 'éi₂, jaun₂ ca₂'ḡéi₃ chi₁gú₃, jaun₂ ca₂nǐ'₂ le₁tsi'₂ dsa₂ 'éi₂. ³⁴ Jaun₂ ca₂chóg'₃ ne₅₄ guei'₅₄ i₂juíg₃, ca₂choin₃ dsí₅, jaun₂ ca₂juá'₂:

—jEfata! —co₂'nió'₄ a₂juá'₂: jNia₄!

³⁵ Jme₁ma₂ně₂juá'₂ le₂ně₅, ca₂niá₃ rě₂gua₄ mi₂'o₄ dsa₂ 'éi₂ ně₃, ca₂'lóin₂, ca₂dsia₃ dse₃ jág₁.

³⁶ Jaun₂ ca₂juá'₂ Jesús ca₂tsí'₃ ca₂le₃jǐn₃ dsa₂ i₂jme₁tion'₅₄ a₂tsá₃ 'ein₂ tsí'₃. La₁ tě₂le₃ i₂jui'₂ guě₄ ca₂dsia₃ bá₄ dsa₂. ³⁷ Jaun₂ 'ḡio₅ lín₃ ca₂i₃gó'₃ dsí₅ dsa₂ jme₁ca₂rě₃ḡi₅. Jaun₂ qui₂ca₂dsia₃ dsa₂:

—Dse₃ bá₄ ca₂le₃jě₃ a₂jmo₂₃. Jmo₂₃ a₂nag₅ dsa₂ i₂güin₄, lia'₂ dsa₂ i₂con₄ ně₃, lé₂ le₃dsia₃ jág₁.

8

Ca₂jme₃tan₅₄ Jesús quén₂ mei₅ dsa₂
(Mateo 15:32-39)

Š 7:24 A₂lín₅₄ chog₅₄ si₂juá'₂ ján₃: “quian'₅₄ Sidón.”

¹ Jmīg₄ jaun₂ ca₂ŋi' ₂ juin₅ lin₃ dsa₂. Ia₁ tsá₃ ma₃'e₂ cha₂ guě'₃, jaun₂ ca₂tě'₃ Jesús chi'₂ dsi₂guia₃-tín₂ quiáin₅, jaun₂ ca₂juá'₂:

² —Néi₂ dsi₃ jing₅₄ dsa₂ ně₅, ia₁ ma₂'ni₅ jmīg₄ tioin'₅₄ ja₁lá₃ quiong'₅₄, tsá₃ ma₃'e₂ cha₂ guě'₃.
³ Nē₁juá'₂ dsiain'₅₄ guě'₂ jniá₂ quió'₅ tē₃ tsá₃ ma₂ně₂guě'₃, 'uáin₂ bá₄ le₂'i₄ jui₅, ia₁ uing₂ bá₄ ja₂lén₂ i₂lin₅₄ ně₅.

⁴ Jaun₂ ca₂ŋag₃ chi'₂ dsi₂guia₃-tín₂ quiáin₅:

—¿A₂já'₄ bá₄ lé₂ le₃dsi₁'nióg₂ ca₂le₃jě₃ i₁ŋí'₄ a₂'nió'₅ le₂tan₅₄ dsa₂ ně₅ ja₁co₂'ŋiog₅ la₂?

⁵ Jaun₂ ca₂ŋag₃ táng₃ Jesús:

—¿Je₂liá'₂ i₁ŋí'₄ 'i₄ quián'₂ 'nia'₂?

—Guio₃ bá₄ —ca₂ŋag₃.

⁶ Jaun₂ ca₂jmo₃ Jesús 'éi'₃ a₂tian'₃ dsa₂ ca₂le₃jín₃ 'uě₃. Jme₁ma₂chan'₂ le₂guio₃ i₁ŋí'₄, ca₂cuě'₃ ti₁'mag'₄ Diú₄, jaun₂ ca₂jmo₃ le₁'nau₅₄, jaun₂ guě₄ ca₂cuě'₃ chi'₂ dsi₂guia₃-tín₂ quiáin₅, ia₁jaun₂ 'éi₂ dsia₃ ne₄ dsa₂. Jaun₂ le₂jaun₂ bá₄ ca₂jmo₃. ⁷ Jme₁tion'₅₄ on₃-ún₂ i₁ju₁ pí'₁, jaun₂ ca₂jme₃jnió₃ quió'₅ 'éi₂ ján₃, jaun₂ ca₂jmo₃ 'éi'₃ a₂dsión'₂ 'éi₂. ⁸ Jaun₂ qui₂ca₂guě'₃ ca₂le₃jín₃ dsa₂ ca₂lia'₂ ca₂rě₃tain₅₄. Jme₁ca₂lě₃ jaun₂, ca₂cág'₃ dsa₂ guio₃ tsi₁mi'₂ 'nau₅₄ a₂ca₂chóng₃. ⁹ Ca₂le₃jín₃ dsa₂ 'éi₂ jme₁lě₂ con'₂ quén₂ mei₅. Jaun₂ guě₄ qui₂ca₂'ág'₃ jág₁ dsa₂. ¹⁰ Dsi₂jui₅ le₂jaun₂ ca₂'í₃ táng₃ 'ŋió'₃ tsi₁mu₅ quiain'₅₄ chi'₂ dsi₂guia₃-tín₂ quiáin₅, ca₂dsi₃lén₂ 'uě₃ Dalmanuta.

Mi₅ dsa₂ fariseos a₂jmo₃ Jesús caun₂ léi₄ juě'₂

(Mateo 16:1-4; Lucas 12:54-56)

¹¹ Jaun₂ ca₂o₃lén₂ dsa₂ fariseos ca₂jme₃lióg₃ ca₂tsi₂n₂ quiong'₅₄, a₂mi₂₃ jmo₃ 'éi₂ caun₂ léi₄ juě'₂ a₂já₅ guei'₅₄ i₂juíg₃. ¹² Jaun₂ ca₂chon₃ Jesús dsi₅ 'ŋio₅ lin₃, jaun₂ ca₂juá'₂:

—¿'E₂ bá₄ lě₃ 'nio₃ dsa₂ chan₂ jmīg₄ ně₃ a₂jmo₅₄ jniá₂ léi₄? A₂dsi₂jó'₃ juíg₂ jniá₂ 'nia'₂, tsá₃ léi₄ jaun₂ le₃guěi'₁ 'nia'₂.

¹³ Tión₂ jaun₂ bá₄ dsa₂ 'éi₂, ca₂'í₃ táng₃ 'ŋió'₃ tsi₁mu₅ ca₂ŋó₃ le₂'ŋo'₅₄ jmi₁ŋí'₄ le₃ó₃.

Levadura quió'₅ dsa₂ fariseos

(Mateo 16:5-12)

¹⁴ Ca₂'en₃ dsi₅ chi'₂ dsi₂guia₃-tín₂ cán₂ a₂guě'₃, jŋia'₅₄ lia'₂ caun₂ i₁ŋí'₄ bá₄ quian₅ i₃lén₂ 'ŋió'₃ tsi₁mu₅. ¹⁵ Jaun₂ ti₁ca₂néi'₂ Jesús jág₁, ca₂juá'₂:

—Tě₃ŋi'₅₄ quián'₂ 'nia'₂ quian'₅₄ juá'₅ quió'₅ dsa₂ fariseos, quian'₅₄ jág₁ quió'₅ Herodes ně₃. Ia₁ lě₅ lia'₂ lě₅ jui₁ levadura.

¹⁶ Jaun₂ ca₂dsia₃ chi'₂ dsi₂guia₃-tín₂ quian'₅₄ riin'₅₄:

—'An₁ juá'₂ le₂ně₅ ia₁ tsá₃ i₁ŋí'₄ cha₂ quián₂ jniog₄.

¹⁷ Ca₂rě₃lí'₄ bá₄ Jesús jág₁ a₂dsia₅ 'éi₂ i₃lén₂, jaun₂ ca₂juá'₂:

—¿'E₂ lě₃ juá'₂ 'nia'₂ a₂tsá₃ i₁ŋí'₄ cha₂ quián'₂ 'nia'₂? ¿'E₂ lě₃ ŋí'₄ tsá₃ rě₂ŋí'₂ 'nia'₂? ¿O₃ a₂tsá₃ len'₅₄ 'e₂ 'nia'₂, o₃ a₂cang₄ dsei'₂ 'e₂ 'nia'₂? ¹⁸ ¿O₃ bá₄ a₂lě₂tio'₅₄ mi₂ne'₅₄ 'e₂ 'nia'₂, la₁ tsá₃ jniag'₃? ¿O₃ bá₄ a₂lě₁le₁dsi₅₄ bá₄ rě₂guá'₂ 'nia'₂, la₁ tsá₃ nag'₂ guě'₂ 'nia'₂? ¿O₃ bá₄ tsá₃ ma₃dsá₂ 'e₂ 'au'₂ 'nia'₂? ¹⁹ Lia'₂ con'₂ jme₁ca₂dsio'₄ jniá₂ quian'₅₄ 'ŋiá₂ i₁ŋí'₄ bá₄ ca₂lin₅ ca₂guě'₃ con'₂ 'ŋiá₂ mei₅ dsa₂, ¿je₂liá'₂ mi'₂ ca₂lě₃ ni₁'nau₅₄ a₂ca₂chóng₃ guě₄ ca₂cag'₅₄ 'nia'₂?

Jaun₂ ca₂ŋag₃ 'éi₂:

—Guia₃-tín₂.

²⁰ Con'₂ siá'₂ táng₃, lia'₂ con'₂ jme₁ca₂dsio'₄ jniá₂ guio₃ i₁ŋí'₄ ca₂lin₅ ca₂guě'₃ quén₂ mei₅ dsa₂, ¿je₂liá'₂ mi'₂ 'nau₅₄ a₂ca₂chóng₃ ca₂cag'₅₄ guě₄ táng₃ 'nia'₂?

Jaun₂ ca₂ŋag₃ táng₃ 'éi₂:

—Guio₃.

²¹ Jaun₂ ca₂juá'₂ táng₃:

—¿Tsa₁ rě₂len'₅₄ bá₄ guě₄ 'nia'₂ jaun₂?

Ca₂jme₃'lión₂ Jesús jan₂ dsa₂ ten₄ juig₂ Betsaida

²² Jaun₂ dsi₃lén₂ juig₂ Betsaida. Jaun₂ ca₂o₃jñia₃ dsa₂ jan₂ dsa₂ ten₄, jaun₂ ca₂mi₃ dsa₂ a₂téi₂ gu₂. ²³ Jaun₂ ně₃ ca₂jñā₃ gu₂ dsa₂ ten₄ 'éi₂, ca₂jio₃ jui₅ 'ni₂ juig₂. Jaun₂ ja₁jaun₂ ca₂tsáng₂ jmi₁'ě₅ quió₅, jme₁ne₁ dsa₂ 'éi₂, ca₂téi₂ gu₂, jaun₂ ca₂ñag₃ chi₂jua₂ ma₂lé₂ jág₃.

²⁴ Jaun₂ ca₂chóg₃ ne₅₄ ca₂jág₃, jaun₂ ca₂juá₂:

—Jin₄ jniá₂ dsa₂ i₂nio₄, i₂jniá₂ lia₂ jniá₂ ni₁'ma₂.

²⁵ Con₂ siá₂ ca₂tí₂ táng₃ Jesús gu₂ jme₁ne₁ dsa₂ 'éi₂, jaun₂ guě₄ ca₂jág₃ i₁ca₅₄ mi₂ne₅₄, jaun₂ guě₄ ca₂rě₃jniá₂ dse₃ jme₁ne₁₂, ca₂'lón₂. ²⁶ Jaun₂ ca₂dsióg₂ Jesús co₂dsau₅ ja₁quió₄, ca₂juá₂:

—Tsá₃ 'ú₅ jě₄ juig₂ tě₃ jág₅ dsa₂.

*Ca₂cuě₃ Pe₄ jág₁ dsau₅ a₂lín₅ Jesús I₂rě₂'ín₁ quián₅ Diú₄
(Mateo 16:13-20; Lucas 9:18-21)*

²⁷ Cang₂ jaun₂ ca₂ñó₃ Jesús quiaín₅₄ chi₂ dsi₂guia₃-tín₂ quiaín₅ le₂tan₅₄ juig₂ Cesarea ja₁tén₄ Filipo. Jaun₂ le₂'i₄ jui₅ ja₁i₃lén₂, ca₂ñag₃ Jesús ca₂ñí₃ chi₂ dsi₂guia₃-tín₂:

—¿Ein₂ lín₅ jniá₂, juá₂ dsa₂?

²⁸ Jaun₂ ca₂ñag₃ chi₂ dsi₂guia₃-tín₂:

—I₂lín₅₄ dsa₂ juá₂ a₂lín₅ Juan₅₄ i₂jme₁chon₅ dsa₂ jmig₂. I₂lín₅₄ guě₂ juá₂ a₂lín₅ Elías. I₂lín₅₄ guě₂ juá₂ táng₃ a₂lín₅ jan₂ i₂sián₂ i₂chen₄ quián₅ Diú₄.

²⁹ Jaun₂ ca₂ñag₃ táng₃:

—¿Nia₂ guě₂ ně₃? ¿E₂ juá₂ 'nia₂ 'ein₂ lín₅ jniá₂?

Jaun₂ ca₂ñag₃ Pe₄:

—'Ne₂ lín₅ I₂rě₂'ín₁ quián₅ Diú₄.

³⁰ Jaun₂ ca₂jmo₃ Jesús 'éi₃ a₂tsá₃ dsia₃ tsí₃ 'i₁jan₂ jua₅₄ a₂'ag₃.

*Ca₂'ě₂ Jesús jág₁ a₂jóin₂
(Mateo 16:21-38; Lucas 9:22-27)*

³¹ Jaun₂ ně₃ ca₂jme₃lióg₃ Jesús ca₂'ě₂ jág₁ ca₂tsí₃ chi₂ dsi₂guia₃-tín₂, a₂ca₂tín₂ Jaun₅ dsa₂ mi₂güí₃ dsi₂jñi₂ 'lóng₂ uig₅, a₂tsá₃ le₃jei₅₄ dsa₂ can₅₄ quián₅ guá₅, juig₅₄ jme₂dsa₂, tě₅juá₅ ně₃. Ca₂le₃jín₃ quín₃ jág₁ a₂jñag₃. La₁ jein₅₄ bá₄ táng₃ a₂'ni₅ jmig₄ jaun₂. ³² Ca₂juá₂ lia₂ rě₂jíá₃ jág₁. Jaun₂ Pe₄ ně₃ ca₂jio₃ le₂cau₅, jaun₂ ca₂jme₃lióg₃ ca₂ti₂ca₂néi₂ a₂jme₁jnéi₂ jui₅.

³³ Jaun₂ ca₂jén₃ Jesús ca₂jñin₂ ca₂le₃jín₃ chi₂ dsi₂guia₃-tín₂, jaun₂ ca₂jéin₂ Pe₄ ca₂juá₂:

—jñiag₃ cau₅ quió₃, 'ne₂ Satanás! Ia₁ tsá₃ dsi₂jio₃ 'au₂ ju₁lia₂ dsi₂jio₃ dsí₅ Diú₄; lia₂ dsi₂jio₃ dsí₅ dsa₂ mi₂güí₃ bá₄ dsi₂jio₃ 'au₂.

³⁴ Jaun₂ ca₂tě₃ Jesús chi₂ dsi₂guia₃-tín₂, ca₂le₃jín₃ guě₄ dsa₂ i₂jme₁tion₅₄ ně₃. Jaun₂ ca₂juá₂:

—Chi₂jua₂ 'ein₂ 'nio₃ 'ein₃ jniá₂, co₂dsia₅ jui₁dsi₂'én₂ dsí₅ guoin₅₄, jui₁jmo₁₂ co₂jñiai₅₄ a₂jóin₂, * jui₁'ein₁₂. ³⁵ Ia₁ jui₁'ein₂ guě₃ i₂tsá₃ 'nio₃ jón₂ ia₁ 'ín₅ dsí₅ le₃chain₂ dse₃ mi₂güí₃ la₂, dsi₃'én₂ quió₅. La₁ jui₁'ein₂ guě₄ i₂tén₂ dsí₅ gue₃ 'mú₃ 'uig₅₄ quió₃ jniá₂, 'uig₅₄ quió₄ jág₁ dse₃ ně₃, tñin₄, le₃chain₂ dse₃ mi₂güí₃ caun₂. ³⁶ ¿E₂ bá₄ ta₁ jmo₃ a₂lí₂ dsa₂ 'ñio₅ lín₃ ne₄ gua₅₄ 'uě₃ la₂, ně₃jua₂ dsi₃'én₂ bá₄ guě₂ jme₂dsí₂ quió₅ mi₂güí₃ caun₂? ³⁷ ¿O₃ je₂liá₂ lé₂ le₃quí₃ dsa₂ 'lia₅₄ ia₁jaun₂ tñin₄ jme₂dsí₂ quió₅? ³⁸ Ia₁ jui₁'ein₂ guě₃ i₂gui₅₄ jmóg₂ jniá₂, quian₅₄ jág₁ dse₃ quió₃, tě₃jñin₄ dsa₂ i₂qui₂rě₂cán₄ dso₄ i₂tsá₃ ne₅₄ chan₂ jmig₄ ně₃, ján₃ bá₄ le₂jaun₂ Jaun₅ dsa₂ mi₂güí₃ gui₅₄ jmóg₂ jě₁ma₂tě₂ rě₁guain₂ quian₅₄ ángeles jñi₁₀ quian₅₄ ca₂le₃jě₃ bí₂ jlá₁ quió₅ jmei₂.

* 8:34 lit. "jui₁quian₅₄ cróg₄ quió₅."

9

¹Jaun₂ ca₂tsí'₃ dsa₂ le₂la₂ ján₃:

—A₂dsi₂jó'₃ juá'₅ jniá'₂, ia₁ chan₂ i₂lin₅₄ 'nia'₂ i₂tion₂ ja₁lá₃ i₂tsá₃ tin₅₄ dsián₃ né'₃ a₂tě₅₄ ne₅₄ a₂guá₂ jmi₃g₄ a₂jme₃gón₃ Diú₄ quian'₅₄ jui₅bí₂ quió'₅.

Ca₂rě₃tsín₃ Jesús lia'₂ jniái₂

(Mateo 17:1-13; Lucas 9:28-36)

²Jñé₂ jmi₃g₄ cang₂ jaun₂ ca₂jñia₃ Jesús Pe₄, Jacobo, Juan₅₄ ně₃, jaun₂ ca₂i₃lěin₂ con'₂ guoin₅₄ jui₅ caun₂ má'₂ ñei₅. Ja₁jaun₂ ca₂jme₃tsín₃ Jesús lia'₂ jniái₂ tē₃ jág₅ rñin'₅₄. ³Jaun₂ ni₁tsin'₅₄ ca₂jñia₃ tág₅ co₂'né'₅ tiog₂ jau₂ ca₂lia'₂ 'i₁jan₂ dsa₂ chan₂ mi₂güig₃ tsá₃ tiin₂ rang₃ 'mi'₂ a₂jñia₅₄ tiog₂ le₂jaun₂. ⁴Jaun₂ ca₂jág₃ ca₂jñia₃ coin₂, Elías quian'₅₄ Moisés, tióin₂ dsa₂tsi₃ jág₁ quian'₅₄ Jesús. ⁵Jaun₂ ně₃ ca₂juá'₂ Pe₄ ca₂tsí'₃ Jesús:

—Tě₅, i'_{e2} guě₄ dse₃ lia'₂ tio'₅₄ jniog₄ ja₁lá₃! Ně₃ o₁jmog'₅₄ 'ni₅ tsi₁'io₅ láu₃: caun₂ quiáng'₂, caun₂ quió'₅ Moisés, caun₂ guě'₂ quió'₅ Elías ně₃.

⁶(On₃jua'₅₄ jaun₂ ca₂rě₃lí'₄ rě'₂ Pe₄ 'e₂ a₂ca₂'ñiai₂, tē₂'i₂₃ le₂jaun₂, ia₁ a₂gó'₅ 'ñio₅ lin₃ tióin'₅₄).

⁷Tě₃jě₄ jaun₂ ně₃ ca₂'ág₂ jnei₅ ja₁tióin'₅₄, ca₂lioin₂. Jaun₂ jě₄ jnei₅ jaun₂ ca₂né'₂ jág₁ a₂ca₂juá'₂:

—I₂la₂ bá₄ jón₃ quiáng₃, i₂'nióg₃ guě₄ lin₃. Nei₂ 'nia'₂ jág₁ quió'₅.

⁸Dsi₂jui₅ le₂jaun₂ jme₁ca₂jág₃ táng₃, tsá₃ ma₃'ein₂ chan₂, jñia'₅₄ lia'₂ jan₂ 'ñiog₅ bá₄ Jesús quiong'₅₄ guě₄.

⁹Jme₁ma₂tióin'₅₄ jui₅ ja₂lein₃ sióin₅ má'₂, jaun₂ ca₂jmo₃ Jesús 'éi'₃ a₂tsá₃ 'ein₂ tsí'₃ 'i₁jan₂ 'e₂ a₂ca₂jág₃ jaun₂, a₂jmo₃ tei₄ ca₂lia'₂ ca₂jen'₅₄ táng₃ Jaun₅ dsa₂ mi₂güig₃ ne₄ 'mú₃.

¹⁰Jaun₂ ně₃ tei₄ bá₄ ca₂jmo₃, tsá₃ 'ein₂ ca₂tsí'₃, jñia'₅₄ lia'₂ qui₂ca₂ñi'₃ rñin'₅₄ 'e₂ jein₅ jág₁ jaun₂ a₂jein'₅₄ ne₄ 'mú₃. ¹¹Jaun₂ ca₂ñi'₃ Jesús:

—¿'E₂ lě₃ juá'₂ tē₅juá'₅, Elías bá₄ i₂ca₂tín₂ jiá₃ le₂'uig₅₄?

¹²Jaun₂ ca₂ñag₃:

—Dsón'₂ bá₄ jaun₂ Elías bá₄ i₂jiá₃ le₂'uig₅₄, a₂jmo₃g'₃ ca₂le₃jě₃. ¿'E₂ guě'₂ lě₃ jaun₂ chi₁ton₅ ne₄ Si₂ a₂ca₂tín₂ Jaun₅ dsa₂ mi₂güig₃ a₂tsá₃ caun₂ dsi₃ñi₂, tsá₃ guei₃ dsa₂, 'liog'₃ dsa₂ 'uě₃ co₂ñi'₂? ¹³La₁ jniá₂ juá'₅, i₂ma₂guan₅ bá₄ Elías, qui₂ca₂jmo₃g'₂ dsa₂ ca₂lia'₂ lě₂ dsi₅, lia'₂ con'₂ lě₅ chi₁ton₅ ne₄ Si₂.

Ca₂jme₃'lión₂ Jesús jan₂ chi'₂ i₂jme₁'en₅₄ i₂'lin'₅₄ tē₂dsí₅

(Mateo 17:14-21; Lucas 9:37-43)

¹⁴Jme₁co₂lág₂ jaun₂, ca₂dsi₃lein₃ ja₁tion'₅₄ rñin'₅₄. Jaun₂ ca₂jñin₂ juin₅ dsa₂ sián'₂ tion'₅₄ le₃lág'₃ jaun₂. Tion'₅₄ tē₅juá'₅ ně₃, tsiin₂₃ quian'₅₄ 'éi₂. ¹⁵Jaun₂ dsi₂jui₅ jme₁ca₂jág₃ dsa₂ ca₂le₃jñin₃ ca₂jñin₂ Jesús, ca₂i₃gó'₃ dsi₅ 'ñio₅ lin₃, jaun₂ i₃lěin₂ i₁cuag₃ Diú₄. ¹⁶Jaun₂ ca₂ñag₃ Jesús:

—¿'E₂ jág₁ tsi₂jñin'₂ 'nia'₂ quian'₅₄ dsa₂ ně₅?

¹⁷Jaun₂ ca₂ñag₃ jan₂ dsa₂ i₂'en₅₄ jě₄ jaun₂:

—Tě₅, la₂ jñiag₅₄ chi'₂ quiáng₃ a₂'ein₅₄ jme₂dsi₂ 'lin'₅₄ i₂tsá₃ cuě₅ jmi₃g₄ dsa₃ chi'₂ jág₁.

¹⁸Chi₂jua'₂ 'a₂ guě'₂ já₄ jmo₃g'₂, jmo₂₃ tón₂ 'uě₃. Qui₂'uě'₅ chi'₂ jan₅ mi₂'o₅₄, qui₂qui₃g'₂ mi₂jan₅₄ ně₃. Jmo₂₃ a₂rě₂'uá'₃ rě₂juí₂ quió'₅ ně₃. Jaun₂ jme₁ma₂ně₂juí₂ jniá₂ dsa₂ i₂quiang'₅₄ a₂jme₁dsein₂₃ i₂'lin'₅₄, la₁ tsá₃ tió'₅, juá'₂.

¹⁹Jaun₂ ca₂ñag₃ Jesús:

—i'_{En1} jmá'₃ tsá₃ 'e₂ 'én'₂ 'nia'₂ dsa₂ chan₂ jmi₃g₄ ně₃! ¿Je₂liá'₂ jmi₃g₄ jmá'₃ 'nió'₅ jmo₅₄ jniá₂ tió₅ dsi₃ ñi₅₄ quian'₅₄ 'nia'₂? O₂quian₅ 'nia'₂.

²⁰Jaun₂ ca₂i₁quian₅₄ dsa₂ chi'₂ ca₂o₃jio₃g₃ ne₅₄. Jaun₂ dsi₂jui₅ jme₁ca₂jág₃ i₂'lin'₅₄ ca₂jñin₂ Jesús, ca₂jmo₃ táng₃ i₃'ín₃ i₂bě₅₄ qui₂ca₂ba₂ca₂lín'₂ 'uě₃, 'uě'₅ jan₅ mi₂'o₅₄. ²¹Jaun₂ ca₂ñi'₃ jmei₂ chi'₂:

—¿Jma₂je₂liá'₂ jmi₃g₄ jén'₅ le₂ně₅?

Jaun₂ ca₂ηag₃:

—Lia₂ con₂ bin₅₄ bá₄ i₂nē₅. ²² 'Lióng₂ ráun₂ ma₂jmo₃ a₂'nio₃ 'í₂ né₃ si₂, 'nio₃ 'í₂ né₃ jmíg₃ ně₃, a₂jmo₃g₂ i₂'lin₅₄ a₂'nio₃ ηag₃. La₁ ně₁jua₂ cha₂ a₂lé₂ le₃jmó₂, dsia₄ ηéi₂ 'au₂ jnia₅₄.

²³ Jaun₂ ca₂juá₂ Jesús:

—ǵ_{A2} bá₄ lia₂ jaun₂ “chi₂jua₂ cha₂ a₂lé₂?” Lé₂ bá₄, quió₅ ca₂le₃jín₃ i₂én₂.

²⁴ Dsi₂jui₅ le₂jaun₂ ca₂ηag₃ jmei₂ i₂bě₅₄ ca₂juá₂ tiá₂:

—ǵ_{én2} bá₄ jniá₂! jme₁'o₁ jaun₂ le₃éng₂ guě₄!

²⁵ Jme₁ca₂jág₃ Jesús caun₂ qui₂ca₂η₂ juin₅ lin₃ guě₄ dsa₂, jaun₂ guě₄ ca₂jéin₂ i₂'lin₅₄, ca₂juá₂:

—Jú₅ ja₁nē₅, 'ne₂ jme₂dsí₂ i₂jmo₂ con₄ güin₄ chi₂. Ca₂lia₂ o₁líg₂ jmíg₄ tsá₃ ma₃'ú₄ ja₁nē₅, ia₁ jniá₂ juá₂.

²⁶ Jaun₂ jme₁ca₂o₃'ín₃ i₂'lin₅₄, ca₂jmo₃ guě₄ cón₂ ca₂guió₃ chi₂ 'éi₂, ca₂i₃'ín₃, ca₂ba₂ca₂lín₂ 'uě₃, ca₂quiog₂ tsá₃ lí₄. “Ca₂join₃ bá₄”, ca₂juá₂ mei₂ tsá₃ ca₂le₃jín₃ dsa₂ i₂ca₂jág₂. ²⁷ Jaun₂ ca₂'ín₃ Jesús mi₂gu₂, ca₂chó₂, jaun₂ ca₂nau₂ chi₂.

²⁸ Jaun₂ jme₁ma₂'í₅ Jesús caun₂ dsi₂néi₂, ja₁jaun₂ ca₂ηag₃ chi₂ dsi₂guia₃-tín₂ con₂ guioin₅₄:

—ǵ_{E2} 'uig₅₄ tsá₃ ca₂tián₃ jnia₅₄ a₂dsén₄ i₂'lin₅₄?

²⁹ Jaun₂ ca₂ηag₃ Jesús:

—Jme₂dsí₂ 'lin₅₄ i₂le₂nē₅ lé₂ le₃'uín₃ jmá₃ lia₂ quian₅₄ a₂chi₂lén₂ dsa₂ Diú₄.*

Ca₂'ě₂ táng₃ Jesús jág₁ a₂jóin₂

(Mateo 17:22-23; Lucas 9:43-45)

³⁰ Jme₁ca₂'uín₂ juig₂ jaun₂, ca₂i₃lein₃ táng₃, ca₂ηi₅ jui₅ 'uě₃ Galilea, tsá₃ jme₁'nio₃ Jesús le₃ηi₅ dsa₂, ³¹ ia₁ jme₁jme₂tín₂₃ chi₂ dsi₂guia₃-tín₂, ca₂juá₂:

—Ja₂quián₃ jmíg₄ a₂jáng₂ dsa₂ jín₂ Jaun₅ dsa₂ mi₂güig₃ o₄gú₃ dsa₂ i₂'iog₅₄ jaun₂ ηag₃ dsa₂. La₁ a₂'ni₅ jmíg₄, jein₅₄ bá₄ táng₃.

³² La₁ chi₂ dsi₂guia₃-tín₂ ně₃, tsá₃ ca₂ηi₅ 'e₂ jein₅ jág₁ a₂juá₂ le₂jaun₂, ton₂ tsá₃ ma₃ca₂tiá₃ dsí₅ jua₅₄ a₂ηag₃ guě₄ 'e₂ ηag₃.

Tsin₅ chi₂ dsi₂guia₃-tín₂ 'ein₂ bá₄ i₂lín₅ i₂dsen₅₄ guě₄ con₂ quiaín₅₄ r'ín₅₄

(Mateo 18:1-5; Lucas 9:46-48)

³³ Jaun₂ ca₂dsi₃lén₂ juig₂ Capernaum. Jme₁ma₂tián₅ dsi₂néi₂, jaun₂ ca₂ηi₃ Jesús chi₂ dsi₂guia₃-tín₂, ca₂juá₂:

—ǵ_{E2} jág₁ tsín₂ 'nia₂ ja₂nóg₅ le₂'i₄ jui₅?

³⁴ La₁ tei₄ bá₄ ca₂tián₂, tsá₃ 'e₂ ca₂ηag₃, ia₁ le₂'i₄ jui₅ ja₂lein₃ tsiin₂₃ 'ein₂ dsón₂ i₂lén₂ i₂dsen₅₄ guě₄ jě₄ quió₅ riin₅₄. ³⁵ Jaun₂ ca₂guá₂ Jesús, jaun₂ ca₂tě₃ ta₁guia₃-tín₂ 'éi₂, jaun₂ ca₂juá₂:

—Chi₂jua₂ 'ein₂ 'nia₂ 'nio₃ lén₂ i₂le₂'uig₅₄, cán₂ ne₄ jui₅, 'nió₅ lén₂ i₂jě₁ca₂tó₂ quió₅ ca₂le₃jín₃, jme₂ti₃ ta₁ ne₄ ca₂le₃jín₃ riin₅₄.

³⁶ Jaun₂ ně₃ ca₂cain₃ jan₂ guein₂ quián₅ dsa₂, jaun₂ ca₂dsiain₃ 'éi₂ jě₄ quió₅, jaun₂ ca₂ηau₃, ca₂juá₂:

³⁷ —Ju₁'ein₂ guě₃ i₂guen₅ jan₂ guein₂ bě₅₄ le₂la₂ o₄quió₃ jniá₂, jniá₂ bá₄ guei₂₃. I₂guei₅ jniá₂, on₃jua₅₄ jmá₃ jniá₂ guei₂₃. Guein₂₃ le₂jio₅ i₂ca₂chei₃ jniá₂.

“I₂tsá₃ 'iog₅₄ jniog₄, tě₂le₃ quián₂ jniog₄ bá₄ chéin₅”

(Mateo 10:42; Lucas 9:49-50)

³⁸ Jaun₂ ca₂juá₂ Juan₅₄:

* **9:29** A₂lin₅₄ chog₅₄ si₂ juá₂: “a₂chi₂lén₂ dsa₂ Diú₄, a₂jme₂'iín₅₄ ně₃.”

—Të₅ nē₂jīn₄ jnia'₅₄ jan₂ dsa₂ i₂nē₂'uín'₂ je₂na'₅₄ quian'₅₄ bí₂'éi'₃ quiáng'₂. Tsá₃ ma₃nē₂cuē₁ jnia'₅₄ jmīg₄ jua'₅₄ a₂jmo₃ guē₄ le₂jaun₂, ia₁ tsá₃ nī₂₃ guē'₂ quian'₅₄ jniog₄.

³⁹ Jaun₂ ca₂juá'₂ Jesús:

—Tsá₃ jmó'₂ 'nia'₂ le₂jaun₂, jua'₅₄ a₂jniğ'₅₄. Ia₁ 'i₁jan₂ tsá₃ jmo₅ caun₂ ta₁ juē'₂ lia'₂ con'₂ lē₅ 'éi'₃ quió₃ jniá₂, jua'₅₄ a₂lé₂ le₃dsia₃ 'ag₃ 'līg'₅₄ dsi₂jui₅ le₂jaun₂. ⁴⁰ Ia₁ jui₁'ein₂ guē₃ jui₁lia'₂ i₂tsá₃ 'iog₅₄ jniog₄, i₂tió₂n₂ të₂le₃ quián₂ jniog₄ bá₄ 'éi₂. ⁴¹ Ia₁ nē₁jua'₂ 'ein₂ ca₂cuē'₃ 'nia'₂ tsá₃ a₂léi'₂ o₁jñia'₅₄ caun₂ vaso jmīg₂ bá₄, ia₁ a₂tén'₅ 'nia'₂ të₂le₃ quió'₅ I₂rē₂'ín₁ quián₅ Diú₄, a₂dsi₂jó'₃ juá'₅ jniá₂, lí'₂ bá₄ 'liain'₅₄.

A₂go'₂ tsi₃sén'₂ dsa₂ dso₄

(Mateo 18:6-9; Lucas 17:1-2)

⁴² 'Jui₁'ein₂ guē₃ i₂jmo₅ tsi₃sén'₂ dso₄ jui₁lia'₂ i₂me'₂ le₂la₂ i₂én₂ të₂le₃ quió₃ jniá₂, ja₂lin₃ guē₄ dse₃ co₂ñei'₅₄ jua'₅₄ a₂tón₂ dsa₂ ne₄ jmi₁ñí'₄ rē₂quein₅ ca₂míg₂ nī₁to₂ dsi₂lag₅₄. ⁴³ Nē₁jua'₂ mi₂gog'₂ jmo₅ a₂tang'₂ dso₄, co₂ñei'₅₄ guē₄ dse₃ 'nia₄, ia₁ ja₂lin₃ guē₄ dse₃ dsiáng'₄ 'nau₅₄ caun₂ gog'₂ ja₁le₃chang'₂ co₂tan₅₄, con'₂ guē₄ a₂jme₁dsiáng'₄ guio₃-juíg₃ a₂rē₂'ñia₅ ta₁tin₃ gog'₂ ja₁tsá₃ līg'₂ jmīg₄ éi₃ si₂.† ⁴⁵ Nē₁jua'₂ mi₂tag'₅₄ jmo₅ a₂tang'₂ dso₄, 'nia₄ ján₃, ia₁ ja₂lin₃ guē₄ dse₃ dsiáng'₄ guiang'₅₄ ja₁le₃chang'₂ co₂tan₅₄, lia'₂ con'₂ guē₄ a₂jme₁dsiáng'₄ a₂rē₂'ñia₅ le₃tin₃ tag'₅₄ guio₃-juíg₃, ja₁tsá₃ līg'₂ jmīg₄ éi₃ si₂.‡ ⁴⁷ Chi₂jua'₂ mi₂ne'₅₄ jmo₅ a₂tang'₂ dso₄, co₂ñei'₅₄ guē₄ dse₃ dsi₄ ján₃, ia₁ ja₂lin₃ guē₄ dse₃ a₂dsiáng'₄ a₂teng'₅₄ ca₂míg₂ mi₂ne'₅₄ ja₁gon₂ Diú₄, lia'₂ con'₂ guē₄ a₂jme₁dsiáng'₄ a₂rē₂'ñia₅ ta₁tin₃ mi₂ne'₅₄ guio₃-juíg₃:

⁴⁸ ja₁tsá₃ līg'₂ jmīg₄ dsián₃ i₁ja'₅₄,

on₃ guē'₂ si₂ éi₃ nē₃.§

⁴⁹ 'Ia₁ ca₂le₃jín₃ bá₄ 'nió'₅ lé₂ 'í₁ të₂le₃ quian'₅₄ uig₅ a₂lē₅ lia'₂ lē₅ si₂.* ⁵⁰ Dse₃ bá₄ tsi₁ñi₁ të₁lia'₂ nī₁₅₄, la₁ nē₁jua'₂ ca₂'en₃ nī₁₅₄ tsi₁ñi₁ nē₃, ¿'A₂ bá₄ lia'₂ lé₂ le₃lei₂ táng₃? Jaun₂ jui₁len'₅₄ bá₄ 'nia'₂ jui₁lia'₂ lē₅ tsi₁ñi₁. Jui₁le₂chan'₂ bá₄ 'nia'₂ 'ei₅ tei₄ quian'₅₄ ríng'₂ le₂jang'₂ le₂jang'₂.

10

Jme₂tag₅ Jesús jui₁lia'₂ 'a₂ lia'₂ lē₅ a₂tén₂ dsa₂ dsi₂i₂gu

(Mateo 19:1-12; Lucas 16:18)

¹ Jaun₂ ca₂o₃'ín₃ Jesús juig₂ Capernaum ja₁jme₁'ein₅₄, ca₂ñó₃ táng₃ ja₁tén₄ Judea quian'₅₄ jui₅ 'uē₃ të₂le₃ 'ño₅₄ Cuá₃ Jordán. Ja₁jaun₂ ca₂o₃lén₂ táng₃ dsa₂ juín₅ ja₁'ein₅₄. Con'₂ siá'₂ táng₃ ca₂jmo₃ jui₁lia'₂ jmo₂₃ tián₂, ca₂jme₃tiin₂₃ dsa₂. ² Jaun₂ ca₂dsi₃lén₂ i₂lin₅₄ dsa₂ fariseos, ca₂ñí'₃ Jesús a₂jñia'₅₄ con'₂ 'nio₃ cáun₂ táu₂ chi₂jua'₂ 'i₄ 'éi'₃ a₂tén₂ dsa₂ dsa₂ mí₂ quiáin₅.

³ Jaun₂ ca₂ñag₃ 'éi₂:

—¿'E₂ 'éi'₃ ca₂cuē₃ Moisés guē'₂?

⁴ Jaun₂ ca₂ñag₃ táng₃ dsa₂ 'éi₂:

—Ca₂cuē₃ Moisés jág₁ a₂lé₂ le₃jmo₃ dsa₂ ñe'₂ caun₂ si₂ të₃ron₅₄, jaun₂ guē₄ ma₂lé₂ dsei₂₃.

⁵ Jaun₂ ca₂ñag₃ Jesús:

—'Uig₅₄ ia₁ a₂ñí₄ tsá₃ nág'₁ 'nia'₂ guiong'₅₄ bá₄ ca₂cuē₃ Moisés 'éi'₃ jaun₂, ⁶ La₁ le₂'uig₅₄ lia'₂ con'₂ jme₁ca₂dsia₃ Diú₄ mi₂güig₃, “ca₂jmó'₂ dsa₂ ñe'₂, dsa₂ mí₂”. ⁷ “'Uig₅₄ jaun₂ nē₃ dsa₂ ñe'₂, ca₂tiin₂ téin₂ chog₅₄-jmei₂, con'₂ tiain'₃ quiaín₅₄ dsa₂ mí₂ quiáin₅. ⁸ Jaun₂ jē₁le₃oin₃ lén₂ caun₂ bá₄ nī₁ñí₅.”* Jaun₂ dsióg₄ lé₂ co₂'nió'₄ jan₂ dsa₂ bá₄, tsá₃ ma₂lē₂ oin₃. ⁹ Jaun₂ tsá₃ 'i₄ 'éi'₃ jua'₅₄ dsa₂ mi₂güig₃ a₂jmo₃ jma₃quén₅ a₂ma₂dsia₃ Diú₄ rē₂.

¹⁰ Jme₁ma₂tioin'₅₄ táng₃ dsi₂néi₂, ca₂ñag₃ chi'₂ dsi₂guia₃-tín₂ ca₂ñí'₃ Jesús jág₁ nē₅. ¹¹ Jaun₂ ca₂juá'₂ Jesús:

† 9:43 A₂lin₅₄ chog₅₄ si₂ chi₁ton₅ versículo 44, ja₁juá'₂ co₂rē₂ quian'₅₄ versículo 48. ‡ 9:45 A₂lin₅₄ chog₅₄ si₂ chi₁ton₅ versículo 46, ja₁juá'₂ co₂rē₂ quian'₅₄ versículo 48. § 9:48 Isaías 66:24. * 9:49 lit. “Ia₁ ca₂le₃jín₃ 'nió'₅ le₃ñi₁₅₄ quió'₅ quian'₅₄ si₂.” 'Nio'₃ ja₁ton₅ 1 Pedro 1:7; 4:12. * 10:8 Génesis 2:24.

—Dsa₂ i₂tén₂ 'io₅₄ quián₅, a₂guá₃ táng₃ quíain'₅₄ i₂sián'₂, 'no₂₃ dso₄ ja₁con₂ 'io₅₄ quián₅ i₂le₂'uig₅₄. ¹² Con'₂ guè'₂ siá'₂ táng₃ nē₃jua'₂ tén₂ 'io₅₄ dsi₂i₂gu₂ a₂guá₃ táng₃ quíain'₅₄ dsa₂ ηē'₂ sián'₂, já₃ bá₄ le₂jaun₂ 'no₂₃ dso₄ ja₁con₂ dsi₂i₂gu₂.

Ca₂jme₃gon'₅₄ Jesús chi'₂-guein₂

(Mateo 19:13-15; Lucas 18:15-17)

¹³ Jaun₂ ca₂dsi₃lén₂ dsa₂ le₁jñai₂₃ chi'₂ quián₅ ja₁guá₄ Jesús, ia₁jaun₂ qui₃téi₂ Jesús gu₂. La₁ chi'₂ dsi₂guia₃-tín₂ nē₃ ca₂jí₂. ¹⁴ Jme₁ca₂jág₃ Jesús, jaun₂ ca₂i₃méi'₂ dsí₅ quian'₅₄ chi'₂ dsi₂guia₃-tín₂, jaun₂ ca₂juá'₂:

—Cuè₄ 'nia'₂ jmig₄ jui₁ja₂lén₂ chi'₂-guein₂ cong₂. Tsá₃ jmó₁ 'nia'₂ le₂nē₅ jua'₅₄ a₂jñig'₅₄, ia₁ jui₁lia'₂ i₂le₂la₂ bá₄ guè'₂ i₂dsi₂len₅ ja₁gon₂ Diú₄. ¹⁵ A₂dsi₂jó'₃ juíg₂ jniá'₂ 'nia'₂, ia₁ jui₁'ein₂ guè'₃ i₂tsá₃ gue₅ 'éi'₃ quió'₅ Diú₄, jui₁lia'₂ gue₅ jan₂ i₂bē'₅₄, o₁líg'₂ tsá₃ dsi₁lein₅ ja₁gon₂ Diú₄.

¹⁶ Jaun₂ qui₂ca₂jñai'₃ guein₂ 'ein₅₄, ca₂quilog₂ gu₂ ne₄ quió'₅, ca₂jme₃jñi₃ó₃.

Jan₂ dsó₂ chi'₂ cha₂ cu₄ ca₂dsia₃ jág₁ quíain'₅₄ Jesús

(Mateo 19:16-30; Lucas 18:18-30)

¹⁷ Jme₁ma₂'en₅₄ Jesús jui₅ ηó₅ táng₃, jaun₂ já₃ jan₂ dsó₂ co₂chi'₅₄ ca₂jme₃jein'₂ ca₂chi₃jné₃ ne₅₄. Jaun₂ ca₂ηag₃:

—Tē₅ dsen₃, ¿'e₂ 'nió'₅ jmo₅₄ jniá₂ ia₁jaun₂ tñg₅₄ ja₁le₃chang₂ co₂tan₅₄?

¹⁸ Jaun₂ ca₂ηag₃ Jesús:

—¿'E₂ lē₃ quiong'₅₄ jniá₂ a₂dseng₃? 'I₁jan₂ i₂dsen₃ tsá₃ chan₂, jñia'₅₄ lia'₂ jan₂ Diú₄ bá₄.

¹⁹ Cuñg'₂ bá₄ 'Éi'₃ Juá'₅ quió'₅ Diú₄, ja₁juá'₂ tsá₃ jme₁dsiang'₂ dsa₂ mi₂güig₃ ríng'₂; on₃ guè'₂ nióg'₄ jág₁ quian'₅₄ dsa₂ i₂tsá₃ lín₅ dsi₂i₂gog'₂; on₃ guè'₂ 'áng'₁. Tsá₃ jmó₁ jua'₅₄ jang'₅₄ jág₁ tē₂jág₁; tsá₃ jme₁gan₅ dsa₂ jua'₅₄ a₂jñiá'₄ a₂cha₂ quió'₅; a₂jme₁gang'₃ chog'₂-héi'₅ nē₃.†

²⁰ Ca₂ηag₃ táng₃ dsa₂ 'éi₂:

—Tē₅, ca₂le₃jē₃ a₂nē₅, lia'₂ con'₂ bñ'₅₄ bá₄ jniá₂ jme₂tí₁.

²¹ Jaun₂ ca₂jág₂ Jesús néi₂ dsí₅, ca₂juá'₂:

—Caun₂ guē₄ a₂'nió'₅ quiáng'₂. Guan'₂ o₂'nag₄ ca₂le₃jē₃ a₂cha₂ quiáng'₂, o₂dsio'₅₄ cu₄ jaun₂ o₂cuē'₅₄ dsa₂ te₂ηé₂. Jaun₂ guē₄ le₃cha₂ a₂jlá'₁ quiáng'₂ guei'₅₄ i₂juíg₃. Jaun₂ guē₄ ηia₅, 'éin₃.‡

²² Jaun₂ ca₂tá'₂ jén₂ dsí₅ dsa₂ 'éi₂ jme₁ca₂nág₂ le₂nē₅; náí'₅ bá₄ jaun₂ 'lia'₂ dsí₅, ia₁ 'ηio₅ lín₃ jme₁cha₂ cu₄.

²³ Jaun₂ ca₂jén'₃ Jesús qui₂ca₂jñin₂ chi'₂ dsi₂guia₃-tín₂ quián₅. Jaun₂ ca₂juá'₂:

—i'E₂ guē₄ 'ηio₅ quian₅ ta₁ quió'₅ dsa₂ cha₂ cu₄ a₂tñin'₄ ja₁gon₂ Diú₄!

²⁴ Jaun₂ i₃gó'₃ dsí₅ chi'₂ dsi₂guia₃-tín₂ jág₁ jaun₂, la₁ ca₂juá'₂ táng₃ Jesús:

—'Nia'₂ jón₃, i'e₂ bá₄ 'ηio₅ quian₅ ta₁ a₂dsi₁len₅ dsa₂ ja₁gon₂ Diú₄!§ ²⁵ Tsá₃ guē₄ 'e₂ ta₁ quian₅ a₂lé₂ le₃ηi₅ jan₂ já'₂ camello jui₅ tau₂ mi₂cu₄, con'₂ guē₄ dsa₂ cha₂ cu₄ a₂'í₂ ja₁gon₂ Diú₄.

²⁶ Jme₁ca₂nág₂ chi'₂ dsi₂guia₃-tín₂ a₂nē₅, i₃gó'₃ dsí₅ 'ηio₅ lín₃. Qui₂ca₂ηí'₃ riñ'₅₄:

—¿I₂'ein₂ bá₄ guē'₂ jaun₂ nē₃ i₂lé₂ le₃tín'₄?

²⁷ Jaun₂ ca₂jág₂ Jesús, jaun₂ ca₂juá'₂:

—Dsón'₂ bá₄ jaun₂, tē₂le₃ quió'₅ dsa₂ mi₂güig₃, o₁líg'₂ tsá₃ lé₂ le₃lé₂. La₁ tē₂le₃ quió'₅ Diú₄, ca₂le₃jē₃ bá₄ lé₂ le₃lé₂.

²⁸ Pe₄ nē₃ ca₂jme₃lióg₃ ca₂juá'₂:

—Te₁gui'₅₄, ca₂le₃jē₃ 'e₂ a₂jme₁cha₂ quián₂ jnia'₅₄, ma₂ca₂tén'₂ dsí₅ jnia'₅₄ ma₂qui₂ma₂tí₄, ia₁ a₂'én₅ jnia'₅₄ 'ne₂.

²⁹ Jaun₂ ca₂ηag₃ Jesús:

† 10:19 Éxodo 20:12-6; Deuteronomio 5:16-20. ‡ 10:21 A₂lín₅₄ chog₅₄ si₂ juá'₂: “Jmo₄ co₂jñiag'₅₄ a₂jóng'₂,” (lit. quian₂ cróg₄ quiáng'₂), “éin₃ jniá₂.” § 10:24 Cha₂ a₂lín₅₄ chog₅₄ si₂ a₂juá'₂ le₂la₂: “a₂dsi₁len₅ dsa₂ cha₂ cu₄ ja₁gon₂ Diú₄.”

—A₂dsi₂jó₃ juá'₅ jniá₂ juíg₂ 'nia'₂, ca₂le₃jín₃ i₂táun₂ 'ne₄, i₂tén₂ rin'₅₄, chog₅₄-jmei₂, chi'₂ quiáin₅, i₂tí₂ ja₁nau₂ quió'₅, 'uig₅₄ quió₃ jniá₂, quian'₅₄ 'uig₅₄ quió'₄ jág₁ dse₃ ně₃, ³⁰ gue₃ mi₂güig₃ la₂ 'lióng₂ guě₄ 'né₅, juin₅ guě₄ riin'₅₄, juin₅ guě₄ chog₅₄, juin₅ guě₄ chi'₂-guein₂ quiáin₅ ně₃ le₃chan₂; ton'₂ 'lióng₂ guě₄ ja₁nau₂ quió'₅ le₃cha₂, o₁jnia'₅₄ la₂ chain₂ mi'₅₄ co₂'ein₅ dsa₂. La₁ia₁ gue₃ ja₁le₃chain₂ co₂tan₅₄ mi₂güig₃ caun₂. ³¹ La₁ rě₂ně₃, juin₅ i₂lín₅ i₂quen₅, la₁ jmig₄ jaun₂ léin₂ dsa₂ tē₂le₃ jē₁ca₂tó'₂; le₂jaun₂ bá₄ ján₃, ju₁lia'₂ i₂tsá₃ 'e₂ quen₅ rě₂ně₃ lia'₂ con'₂ niog₅ lín₂ dsa₂ mi₂güig₃, léin₂ i₂le₂ 'uig₅₄.

Con'₂ siá'₂ táng₃ ca₂'ě₂ Jesús jág₁ a₂jóin₂
(Mateo 20:17-19; Lucas 18:31-34)

³² Tioin'₅₄ ju₁ uig₂ tso₄ a₂dsi₁léin₂ Jerusalén. Jesús ně₃ ηό₃ dsi₂jniá₄ ne₄ ju₁. Chi'₂ dsi₂guia₃-tín₂ guě'₂ i₂léin₂ dsi₂gó'₃ dsí₅. Ca₂le₃jín₃ guě₄ dsa₂ i₂jme₁quian'₅₄ ně₃ i₂léin₂ gó'₅. Jaun₂ ně₃ ca₂tě'₃ Jesús le₃cau₅ ju₁ jmá'₃ dsi₂guia₃-tín₂, jaun₂ ja₁jaun₂ ca₂juá'₂ 'e₂ niog₅ dsi₃ñí₂, ³³ ca₂juá'₂:

—Ní₂ 'nia'₂ jaun₂, tio'₅₄ jniog₄ ju₁ uig₂ tso₄ a₂dsi₁náu₅ Jerusalén. Ja₁jaun₂ jín'₂ dsa₂ Jaun₅ dsa₂ mi₂güig₃ o₄gú₃ juig₅₄ jme₂dsa₂, ne₄ tē₅juá'₅ ně₃. I₂'éi₂ dsí₃ 'éi'₃ a₂jñag'₃ dsa₂, jaun₂ jáng'₂ dsa₂ o₄gú₃ dsi₂nau₂ ně₃. ³⁴ 'Éi₂ ně₃ a₂lě₁qui₃jmóg'₂, qui₃cuě₃, qui₃'héi₂ dsa₂ ně₃. Jaun₂ guě₄ jñag'₃. La₁ a₂'ni₅ jmig₄, jein'₅₄ bá₄ táng₃.

A₂ca₂mi₃ Jacobo quian'₅₄ Juan₅₄
(Mateo 20:20-28)

³⁵ Jaun₂ ně₃, Jacobo quian'₅₄ Juan₅₄, le₃on₃ ja₁ñi'₅₄ Zebedeo, ca₂jme₃quiáin₃ ja₁chén'₄ Jesús, jaun₂ ca₂juá'₂:

—Tě₅, 'niog₂ jnia'₅₄ jmó'₂ 'ne₂ dse₃ 'au'₂ a₂jmó'₂ ju₁ 'e₂ caun₂ a₂mí₁ jnia'₅₄.

³⁶ Jaun₂ ca₂juá'₂ Jesús:

—¿'E₂ 'niog₂ 'nia'₂ jmo₅₄ jniá₂ guě'₂?

³⁷ Jaun₂ ca₂juá'₂ táng₃ 'éi₂:

—Jmó'₂ 'io₄ jnia'₅₄ jma₃jáu₃ lia'₂ ca₂ton₂ cau₅ quiáng'₂ jē₁ma₂tě₂ rě₁ne'₅₄ jláng'₁ ne₄ta₁ quiáng'₂.

³⁸ Jaun₂ ca₂ñag₃ Jesús:

—Tsá₃ a₂jaun₂ ñi'₅₄ 'nia'₂ a₂mí'₂. ¿Tián'₃ 'nia'₂ dsi₃ñíg'₂ ca₂le₃jě₃ ju₁lia'₂ a₂dsi₃ñí₂ jniá₂ guě'₂? ¿Tián'₃ 'nia'₂ cán'₁ o₂i₁ dsi₅ ju₁lia'₂ o₂i₁ dsi₅ can₅₄ jniá₂?

³⁹ Jaun₂ ca₂ñag₃ táng₃ 'éi₂:

—Tián₂ bá₄ jnia'₅₄.

Ca₂juá'₂ táng₃ Jesús:

—Dsón'₂ bá₄ jaun₂ dsi₃ñí₂ 'nia'₂ 'e₂ niog₅ dsi₃ñí₂ jniá₂. Já₃ bá₄ cán'₁ 'nia'₂ o₂i₁ dsi₅ ju₁lia'₂ o₂i₁ dsi₅ can₅₄ jniá₂. ⁴⁰ La₁ ju₁lia'₂ a₂juá'₂ 'nia'₂ a₂tiáng'₄ jma₃ca₂ton₂ cau₅ quió₃, on₃jua'₅₄ jniá₂ ca₂tíng₂ cuě₅₄ a₂jaun₂. Ja₁jaun₂ lě₅ co₂jñia₅₄ a₂tian'₃ con'₂ i₂ca₂tín₂ bá₄.

⁴¹ Riin'₅₄ i₂guian₃ guě₄ 'éi₂ ně₃, ca₂rě₃'néi₃ quian'₅₄ Jacobo quian'₅₄ Juan₅₄, jme₁ca₂nág₂ juá'₂ 'éi₂ le₂ně₅. ⁴² Jaun₂ ca₂tě₃ Jesús cau₅ quió'₅ ca₂tě'₃ 'éi₂ ca₂le₃jín₃. Jaun₂ ca₂juá'₂:

—Ñi'₅₄ bá₄ 'nia'₂ ju₁lia'₂ dsa₂ can'₅₄ i₂tián'₅ gon₂ juig₂ go₄ dsi₂nau₂, i₂jín₂ dsa₂ co₂'nió'₄ dsi₂tan₅₄ quiáin₅, qui₂toin'₂ dsa₂ 'éi'₃ bēn₂. Le₂jaun₂ bá₄, ju₁lia'₂ dsi₂tan₅₄ i₂sion₅ guě₄ quiáin₅ ně₃, tián'₅ goin₂ jmo₂₃ 'éi'₃. ⁴³ La₁ jín'₄ 'nia'₂, tsá₃ le₂jaun₂ lě₂. Chi₂jua'₂ 'ein₂ 'nio₃ jmo₃ juin'₂, ca₂tíin₂ jme₃ti₃ ta₁ ne₄ riin'₅₄; ⁴⁴ chi₂jua'₂ 'ein₂ 'nia'₂ 'nio₃ cán₂ ne₄ ju₁, 'nió'₅ jme₃ti₃ ne₄ ca₂le₃jín₃ dsa₂. ⁴⁵ Ia₁ le₂ně₅ bá₄ Jaun₅ dsa₂ mi₂güig₃, tsá₃ ta₁ jaun₂ já₅ jua'₅₄ a₂jme₃ti₃ dsa₂ ne₅₄; a₂jme₃ti₃ ta₁ ne₄ dsa₂ bá₄ já₅, a₂quí₃ quian'₅₄ 'mú₃ 'lia'₅₄ ia₁jaun₂ tín'₄ juin₅.

Ca₂jme₃'lión₂ Jesús jan₂ dsa₂ ten₄ i₂chen₂ Bartimeo
(Mateo 20:29-34; Lucas 18:35-43)

⁴⁶ Dsi₃lén₂ juig₂ Jericó. Jme₁o₂'ín₃ juig₂ jaun₂ quíain'₅₄ chi'₂ dsi₂guia₃-tín₂ quiáin₅, juin₅ guě₄ dsa₂ sián'₂ ně₃ quiong'₅₄, jaun₂ jan₂ dsa₂ ten₄ i₂chen₂ Bartimeo, (co₂'nió'₄ le₃jua'₅₄ ja₁ñi'₅₄ Timeo), guá₅ 'éi₂ cau₅ jui₅ mi₂₃ a₂jme₃'o₅₄ dsa₂ cu₄. ⁴⁷ Jme₁ca₂nág₂ juá'₂ dsa₂ nój₅ Jesús i₂chan₂ Nazaret cau₅ jaun₂, jaun₂ ca₂'í₃ co₂mi'₅₄ tě'₂ Jesús:

—Jesús, tsi₁jon₂ David, dsia₄ nēi₂ 'au'₂ jniá'₂!

⁴⁸ Jaun₂ ca₂jí₂ bá₄ dsa₂ ia₁jaun₂ dsó₃ tei₄. La₁ tě₂le₃ i₂jui'₂ guě₄ co₂mi'₅₄ ca₂'í₃ bá₄, ca₂juá'₂:

—Tsi₁jon₂ David, dsia₄ nēi₂ 'au'₂ jniá'₂!

⁴⁹ Jaun₂ ca₂nau₂ Jesús jme₁ca₂nág₂, jaun₂ ca₂tsí'₃ dsa₂ i₂quíain'₅₄:

—Te'₂ 'nia'₂ o₁jia₂ ja₁lá₃.

Jaun₂ ca₂tě₃ dsa₂, ca₂juá'₂:

—Jmo₄ 'io'₂. Nau₂, ia₁ ó₃ tě₂.

⁵⁰ Jaun₂ ca₂ton₃ cau₅ 'mi'₂ dsióg₂ jme₁chi₁bóin'₅, jaun₂ con'₂ ca₂nau₂ jaun₂ bá₄ co₂chi'₅₄, ca₂nój₃ ja₁chén'₄ Jesús.

⁵¹ Jaun₂ ca₂ñag₃ 'éi₂:

—ǎ'E₂ 'niog'₂ jmo₅₄ jniá₂ o₄quíang'₂?

Jaun₂ ca₂ñag₃ táng₃ dsa₂ ten₄:

—Tě₅, a₂jnia₅₄ jme₁ne₃ bá₄ jniá₂ 'nio₃.

⁵² Jaun₂ ca₂juá'₂ Jesús:

—Ma₂lé₂ guang'₅₄. Ma₂'lóng'₂ ia₁ 'éng'₂ bá₄.

Dsi₂jui₅ jaun₂ bá₄ ca₂jnia₃ mi₂ne₄ dsa₂ 'éi₂. Jaun₂ ca₂nój₃ quíain'₅₄ Jesús.

11

Ca₂'í₃ Jesús jě₄ juig₂ Jerusalén

(Mateo 21:1-11; Lucas 19:28-40; Juan 12:12-19)

¹ Jme₁ma₂quíán₅ dsi₁lén₂ Jerusalén, dsi₃lén₂ quíán₅ juig₂ Betfagé quían'₅₄ juig₂ Betania ně₃, a₂niog₅ cau₅ Má'₂ Olivos. Ja₁jaun₂ ca₂chen₃ Jesús on₃ dsa₂ i₂guia₃-tín₂ quíain₅, ² ca₂juá'₂:

—O₂nó'₅ 'nia'₂ juig₂ pí'₁ niog₅ tě₂le₃ ne₄ jui₅ ja₁dsau₅₄ ně₅. Jě₁ma₂ca₂dsi₃nó'₅ 'nia'₂ ja₁jaun₂, dsian'₂ 'nia'₂ jan₂ bú'₄ 'mí'₂ i₂rě₂'ñe'₅₄ i₂tsá₃ 'ein₂ ma₂co₁dsag₅₄. O₂chein'₅₄ 'nia'₂ jaun₂ tě'₅₄ ja₁lá₃. ³ Nějua'₂ 'ein₂ ca₂juá'₂: “ǎ'E₂ lě₃ jmo'₂ 'nia'₂ le₂ně₅?” jaun₂ juig'₅₄ 'nia'₂: “Te₁gui'₅₄ bá₄ 'nio₃ ca₂tiá₂, la₁ ně₃ cón'₅ bá₄ jáng'₂ táng₃.”

⁴ Jaun₂ i₃lén₂ dsa₂ 'éi₂. Jme₁ca₂dsi₃lén₂ ja₁chén'₄ bú'₄ rě₂'ñe'₅₄ jě₄ calle cau₅ o₄'né₄ quió'₅ dsa₂, jaun₂ ca₂chéi'₂ jaun₂ ně₃. ⁵ Jaun₂ ca₂juá'₂ i₂lín₅₄ dsa₂ i₂ca₂jág₃, i₂tión₂ cau₅ jaun₂:

—ǎ'E₂ jmo'₂ 'nia'₂ ja₁ně₅? ǎ'E₂ lě₃ tsing'₅₄ bú'₄?

⁶ Jaun₂ ca₂jéin'₃ bá₄ guě'₂ 'éi₂ jág₁ lia'₂ lě₅ jág₁ ca₂cuě₃ Jesús. Jaun₂ ca₂cuě₃ bá₄ dsa₂ jmi₄g₄ tě₂ já'₂. ⁷ Jaun₂ jme₁o₃leín₃ te₂ bú'₄, ca₂i₁jio₃ ja₁'en₅₄ Jesús, jaun₂ ca₂jmo₃ dse₃ qui₂ca₂jlag₂ 'mi'₂ mi₂ca'₄ já'₂. Jaun₂ guě₄ ca₂co₃dsag₅₄ Jesús. ⁸ Juin₅ dsa₂ qui₂ca₂néi'₃ 'mi'₂ le₂'i₄ jui₅ ja₁ñi₃ Jesús. I₂lín₅₄ guě'₂ ca₂dsia₃ gu'₂-nei'₅₄ 'ma₂ a₂ca₂i₁'niai₁₂ ja₁nau₂.

⁹ Jaun₂ dsa₂ i₂i₂lén₂ le₃ne₄ jui₅ quían'₅₄ i₂ja₂lén₂ le₃chi₁co'₅₄ ně₃, qui₂ca₂tóin'₂ co₂mi'₅₄, ca₂juá'₂:

—Jui₁le₂juin'₂ bá₄ i₂ně₅! * Jui₁le₂jñi₃ bá₄ i₂ně₅ i₂já₅ o₄quió'₄ Te₁gui'₅₄† ¹⁰ Jui₁le₂jñi₃ bá₄ 'éi'₃ a₂já₅ quió'₅ jmei₂ jniog₄ David ně₃! Jui₁le₂juin'₂ bá₄ i₂guá₅ guei'₅₄ i₂juig₃!

¹¹ Jme₁ca₂'í₃ Jesús juig₂ Jerusalén, jaun₂ ca₂'í₃ i₁dsi₅ guá'₅ templo. Jme₁ma₂ně₂jág₃ 'a₂ lia'₂ lě₅ ja₁jaun₂, ca₂o₃'ín₃, ca₂nái'₃ táng₃ jui₅ Betania quíain'₅₄ ca₂le₃jín₃ chi'₂ dsi₂guia₃-tín₂ quíain₅, ia₁ ma₂ca₂'láu₂.

* **11:9** lit. “Hosana”, a₂jéin₅ jág₁ quían'₅₄ jág₁ jmei₅ arameo: “Lio₄ jnia'₅₄”, co₂'nió'₄ a₂qui₂mi₅ dsa₂ ne₄ Diú₄ a₂jia₃ I₂rě₂'ín₁ quíain₅; la₁ cang₂ jaun₂ táng₃ ca₂jéin₅ jág₁ a₂jme₂juin'₂ dsa₂ jan₂ dsa₂. † **11:9** Salmo 118:25-26.

Ca₂juá'₂ Jesús jág₁ uig₅ ca₂tsí'₃ ni₁'ma₂ higuera a₂tsá₃ míg₂ cha₂
(Mateo 21:18-19)

¹² Jme₁jnia₃ jaun₂, con'₂ ma₂'uín₂ táng₃ juig₂ Betania, ca₂tá'₂ i₁cón'₅ Jesús. ¹³ Jaun₂ ca₂jág₃ tē₂ uíng₂ caun₂ ni₁'ma₂ higuera, lia'₂ rē₂can'₂ mog'₅₄ jniá₂ chí'₅. Jaun₂ nō₃ 'uig₅₄ ja₁dsi₅₄, ia₁ lín₂ jme₁dsio'₂ míg₂. La₁ jme₁dsióg₃ ně₃, jmá'₃ mog'₅₄ bá₄ cha₂, ia₁ on₃jua'₅₄ jein₂ a₂'ag₅ míg₂ higos jaun₂. ¹⁴ Jaun₂ ně₃ ca₂juá'₂ Jesús ca₂tsí'₃ ni₁'ma₂:

—Jui₁le₅₄ ca₂lia'₂ o₁líg'₂ jmig₄ tsá₃ ma₃'ein₂ guě'₃ co₂nei₅₄ míg₂ quiáng'₂.

Ca₂nág₂ bá₄ chí'₂ dsi₂guia₃-tín₂ jme₁ca₂juá'₂ le₂ně₅.

Ca₂'uín'₂ Jesús dsa₂ i₂jme₁tion'₅₄ dsia₅ 'ma'₅₄ i₁dsi₅ guá'₅
(Mateo 21:12-17; Lucas 19:45-48; Juan 2:13-22)

¹⁵ Jme₁ca₂dsi₃lén₂ táng₃ juig₂ Jerusalén, ca₂'í₃ Jesús i₁dsi₅ guá'₅ templo, ca₂jme₃lióg₃ ca₂'uín'₂ ca₂le₃jín₃ dsa₂ i₂jme₁tion'₅₄ 'nag₅, i₂lá₅ ně₃. Jaun₂ qui₂ca₂jéin'₃ ni₁mesa jme₁jmó'₂ dsa₂ ta₁ ja₁jme₂tsiín₃ cu₄, qui₂ca₂quí'₂ 'ma₂si₅₄ ja₁jme₁tián'₄ dsa₂ i₂'ni₅ i₁ju₂; ¹⁶ tsá₃ ma₃ca₂cuě₃ jmig₄ jua'₅₄ a₂dsi₃can₅ guě'₄ dsa₂ lio₄ quió'₅ i₁dsi₅ guá'₅.

¹⁷ Jaun₂ ca₂jme₃tiín₂₃ dsa₂ 'éi₂, ca₂juá'₂:

—Ne₄ Si₂ juá'₂: “Né₅ quió₃ lě₅ ca₂ne₅₄ 'né₅ ja₁chi₂lén'₂ dsa₂ Diú₄, dsa₂ chan₂ ca₂le₃jě₃ juig₂.”† La₁ 'nia'₂ ně₃ ma₂jmo'₅₄ ně₂jag₄ bá₄ tē₂'lau₂ quió'₅ dsa₂ 'ang₂.§

¹⁸ Jaun₂ juig₅₄ jme₂dsa₂ quian'₅₄ tē₅juá'₅ ně₃ ca₂nág₂ jág₁ ně₅. Jaun₂ ca₂jme₃lióg₃ ca₂'náu'₃ jui₅ 'a₂ lia'₂ jnag'₃, ia₁ gó'₅ con'₂ tsá₃ nō₅ ně₁jua'₂ 'éi₂ bá₄ jme₃gón₃ lē₂, ia₁ juin₅ lín₃ dsa₂ nag₅ dsi₂gó'₃ dsí₅ jág₁ a₂jme₂tag₅ Jesús. ¹⁹ Tē₂le₃ ca₂nei₂ jmig₄ jaun₂, ca₂'uín₂* juig₂ jaun₂.

Ca₂rě₃quén₃ ni₁'ma₂ higuera
(Mateo 21:20-22)

²⁰ Jme₁jnia₃ jaun₂, ca₂nei₅ táng₃ jui₅ ja₁dsi₅₄ ni₁'ma₂ higuera. Jaun₂ ca₂jág₃ co₂dsia₅ ma₂quein₂ ca₂tē₂ cho'₅₄. ²¹ Jaun₂ ca₂dsáu'₃ dsí₅ Pe₄, jaun₂ ca₂tsí'₃ Jesús:

—Tē₅, jag₄ ni₁'ma₂ a₂ca₂chei'₅₄ uig₅. Co₂dsia₅ ma₂ca₂rě₃quén₃.

²² Jaun₂ ca₂ηag₃ Jesús ca₂tsí'₃ dsa₂:

—Én₃ 'nia'₂ tē₂le₃ quió'₅ Diú₄. ²³ A₂dsi₂jó'₃ juig₂ jniá₂ 'nia'₂, jui₁'ein₂ guě₃ juá'₂ tsí'₃ ni₁má'₂ ně₅: “Jniag'₃ ja₁ně₅, o₂'ú₅ jmi₁ní'₄”, le₂jaun₂ dsón'₂ le₃tí₃ bá₄, ně₁jua'₂ tsá₃ ca₂'ág₂ caun₂-tín₃ dsí₅. ²⁴ Jaun₂ lě₃, juá'₅ jniá₂, jui₁'e₂ guě₃ a₂mí'₂ 'nia'₂ jme₁chi₂leng'₅₄ Diú₄, ně₁jua'₂ jmo'₂ 'nia'₂ 'au'₂ ně₂jag₄ bá₄ a₂ma₂ně₂gue'₅₄ 'e₂ a₂mí'₂, le₂jaun₂ dsón'₂ le₃tí₃ bá₄ ja₁con'₂ 'nia'₂. ²⁵ Jē₁ma₂tē₂ rē₁náu'₁ 'nia'₂ chi₁leng'₄ Diú₄, ně₁jua'₂ cha₂ 'nei₂ 'au'₂ 'nia'₂ ja₁con₂ ríng'₂, 'én₃ 'nia'₂ dsáu₁ ríng'₂, ia₁jaun₂ bá₄ Néi'₅ 'nia'₂ i₂guá₅ guei'₅₄ i₂juíg₃ 'éin₂ dsáu'₂ 'nia'₂ guiong'₅₄.†

Jesús bá₄ i₂'io₅ 'éi'₃
(Mateo 21:23-27; Lucas 20:1-8)

²⁷ Ca₂dsi₃lén₂ táng₃ juig₂ Jerusalén. Jaun₂ jme₁ma₂ηi₅ Jesús i₁dsi₅ guá'₅ templo, jaun₂ ca₂jme₃quián₃ juig₅₄ jme₂dsa₂, tē₅juá'₅, dsi₂gui'₅₄ can'₅₄ ně₃. ²⁸ Jaun₂ ca₂ηag₃ dsa₂ 'éi₂ ca₂ηi'₃ Jesús:

—¿'E₂ ta₁ lín'₅ 'ne₂ a₂jmo'₂ ca₂le₃jě₃ 'e₂ a₂jmo'₂ ηi'₂? ¿'Ein₂ cuě₅ bí₂ 'éi'₃ a₂jmo'₂ le₂ně₅?

²⁹ Jaun₂ ca₂ηag₃ Jesús:

—Ján₃ bá₄ ηag₄ jniá₂ caun₂ 'nia'₂. Ně₁jua'₂ ca₂ηag'₅₄ 'nia'₂ lia'₂ tí₅, jaun₂ guě₄ juá'₄ jniá₂ 'ein₂ cuě₅ bí₂ a₂jmo₂₃ ca₂le₃jě₃ a₂jmo₂₃. ³⁰ Jui₁lia'₂ a₂ca₂chon₃ Juan₅₄ jmig₂ dsa₂, ¿'ein₂ quió'₅ 'éi'₃ jaun₂? ¿Quió'₅ Diú₄, o₃ quió'₅ dsa₂ mi₂güig₃ 'e₂? Naga₄ 'nia'₂.

³¹ Jaun₂ ca₂dsia₃ dsa₂ can'₅₄ jág₁ con'₂ guioin₅₄, ca₂juá'₂:

† 11:17 Isaías 56:7. § 11:17 Jeremías 7:11. * 11:19 A₂lín₅₄ chog₅₄ si₂juá'₂: “ca₂o₃'iín₃.” † 11:25 A₂lín₅₄ chog₅₄ si₂ chi₁ton₅ versículo 26 ján₃, a₂juá'₂ le₂la₂: “Ia₁ ně₁jua'₂ tsá₃ 'én'₅ 'nia'₂ dsáu₁ ríng'₂, ján₃ bá₄ le₂jaun₂ tsá₃ 'én₂ Néi'₅ 'nia'₂ i₂guá₅ guei'₅₄ i₂juíg₃ dsáu'₂ 'nia'₂ guiong'₅₄.”

—Ně₁jua'₂ ca₂chei₅₄ jniog₄ 'ei'₃ quió'₅ Diú₄ bá₄, ně₃ cón'₅ bá₄ ŋag₃: “ǀE₂ lě₃ tsá₃ ca₂rě₃'én'₂ 'nia'₂ jág₁ quió'₅ 'éi'₂?” ³² ǀLa₁ ně₁jua'₂ ca₂chei₅₄ jniog₄ 'ei'₃ quió'₅ dsa₂ mi₂güig₃ bá₄...?

La₁ ca₂rě₃gain₃ ca₂le₃jín₃ dsa₂ i₂quian'₅₄ Jesús. Ia₁ ca₂le₃jín₃ dsa₂ jme₁'éin₂ a₂jme₁lín₄ Juan₅₄ tē₃dsón'₂ jan₂ dsa₂ i₂'ě₂ jág₁ quián₅ Diú₄. ³³ Jaun₂ ca₂ŋag₃ dsa₂ can'₅₄ ca₂tsí'₃ Jesús:

—Tsá₃ a₂jaun₂ ne₄ jnia'₅₄.

Jaun₂ ca₂ŋag₃ táng₃ Jesús:

—Ján₃ bá₄ tsá₃ juá'₄ jniá₂ 'ein₂ cuē₅ bí₂ 'éi'₃ a₂jmo₂₃ ca₂le₃jě₃ 'e₂ a₂jmo₂₃ ŋi₂₃.

12

Jág₁ jáng'₅ léi₄ ju₁lia'₂ co₂nió'₃ dsa₂ 'lín'₅₄ i₂jmó'₂ ta₁ja₁nau₂

(Mateo 21:33-46; Lucas 20:9-19)

¹ Jaun₂ ca₂jme₃lióg₃ Jesús ca₂juá'₂ quian'₅₄ jág₁ a₂jáng'₅ léi₄. Ca₂juá'₂:

—Jme₁chan₂ jan₂ dsa₂ ca₂chéin'₃ uing₂ a₂'ag₅ mīg₂ uvas ja₁nau₂ quió'₅. Jaun₂ ca₂jmo₃ jní₁ le₃lág'₃. Jaun₂ ca₂jmo₃ co₂jñia₅₄ ja₁jlein'₃ mīg₂. Jaun₂ ca₂chi'₃ caun₂ tsi₁'né₅ ŋei₅ ja₁guá₃ jmo₃ 'í₁.

Jaun₂ ca₂l'í₃ jág₁ quian'₅₄ dsa₂ sián'₂ i₂nio₃ ne₄ ja₁nau₂, Jaun₂ ca₂ŋó₃ bá₄ 'ŋiog₅ i₂ŋí₃ juig₂ siá'₂. ² Jme₁ca₂tě₂ jein₂ a₂ca₂rau₂ mīg₂, jaun₂ ca₂chen₃ dsa₂ juig₅₄ ja₁nau₂ jan₂ dsa₂ mozo quiáin₅ a₂jme₁i₂mí₃ a₂jáng'₃ dsa₂ ca₂dsio₄ mīg₂ con'₂ a₂ca₂tín₂ dsa₂ juig₅₄. ³ Dsa₂ jmó'₂ ta₁ ja₁nau₂ ně₃, 'nió'₄ a₂jme₁cuē₃ a₂mi₅ dsa₂ 'éi₂, ca₂jŋau'₃, ca₂cuě'₃ dsa₂ 'éi₂ tioin'₅₄, ca₂dsióg'₂ bá₄, tsá₃ 'e₂ ca₂jáng'₃ a₂jme₁mi₅ 'éi₂. ⁴ Dsa₂ juig₅₄ ja₁nau₂ ně₃ ca₂chein₃ táng₃ jan₂ dsa₂ mozo sián'₂. I₂'éi₂ ně₃, ca₂cuí'₂ mi₂dsi₅₄, ca₂jmóg'₂ dsa₂ 'éi₂, jě₂ bá₄ ca₂tě₂ca₂'o'₂. ⁵ Jaun₂ dsa₂ juig₅₄ ja₁nau₂ ně₃ ca₂chein₃ bá₄ guě₄ jan₂ dsa₂ sián'₂ táng₃, la₁ i₂'éi₂ guě₄ ně₃ ca₂jñi'₃. Juin₅ guě₄ i₂sián'₂ ca₂l₁len₅₄ ján₃. I₂lín₅₄ 'éi₂ qui₂ca₂cuě'₃, i₂lín₅₄ guě₂ ca₂jme₃dsiain₂₃ tioin'₅₄.

⁶ Dsa₂ juig₅₄ ja₁nau₂ ně₃ jme₁chan₂ guě₄ jan₂ ja₁ŋi'₅₄ i₂jme₁'nioi₃ guě₄ lín₃. Jaun₂ ca₂chein₃ 'éi₂, ia₁ lín₂: “Jme₃gan₃ dsa₂ chi'₂ quiáng₃.” ⁷ La₁ dsa₂ tion'₅₄ ja₁nau₂ ně₃, ca₂dsia₃: “I₂ně₅ bá₄ tin₃ ja₁nau₂ la₂ cang₂; ně₃ o₁jñi'₄ jniog₄, ia₁jaun₂ jniog₄ bá₄ lé₂ quián₂”. ⁸ Jaun₂ le₂jaun₂ bá₄ ca₂jmo₃. Ca₂jñi'₃ bá₄ 'éi₂ tioin'₅₄. Jaun₂ ca₂dsei₂₃ le₃co'₅₄ jní₁.

⁹ Jaun₂, ǀe₂ jmo₃ dsa₂ juig₅₄ ja₁nau₂? Jñi₁ó'₂ jme₃dsiain₂₃ ca₂le₃jín₃ dsa₂ i₂tion'₅₄ jmó'₂ ta₁ ja₁nau₂ quió'₅, jaun₂ dsia₃ gu₂ dsa₂ sián'₂ táng₃.

¹⁰ ǀTsa₁ ma₂'í'₂ 'nia'₂ Si₂ ja₁juá'₂:

Ni₁cang₁ a₂tsá₃ ca₂rě₃jí'₅₄ tē₅'ia'₂,
ca₂dsióg₃ ca₂lě₃ ni₁cang₁ a₂dsen₅₄ guě₄

a₂tě₁ron₅₄ qui'₅₄ 'ia'₂;

¹¹ con'₂ ně₅ lě₅ ca₂jmo₃ Te₁gui'₅₄,

jaun₂ 'ŋio₅ lín₃ bá₄ jlá'₁, lág₂ jniog₄?*

¹² Jaun₂ jme₁'no'₂ dsa₂ jui₅ a₂jme₁tsáun'₂, ia₁ ca₂rě₃lí'₄ bá₄ guioin₅₄ a₂juá'₂ Jesús jág₁ jáng'₅ léi₄ ně₅ a₂'in₂₃ 'éi₂ bá₄. La₁ ca₂rě₃gain₃ bá₄ dsa₂ juin₅ i₂quian'₅₄ Jesús. Jaun₂ i₂lein₃ bá₄, tsá₃ ma₃ca₂jŋau'₃.

Jág₁ ju₁lia'₂ 'lia'₅₄ a₂ca₂tín₂ dsi₂tan₅₄

(Mateo 22:15-22; Lucas 20:20-26)

¹³ Jaun₂ ca₂chen₃ dsa₂ can'₅₄ i₂lín₅₄ dsa₂ fariseos, quian'₅₄ i₂lín₅₄ dsa₂ quián₅ Rag₅₄ Herodes a₂dsi₃chi'₅₄ 'e₂ dsi₃chi'₅₄ Jesús, ia₁jaun₂ cuin₅ jmig₄ jo₅₄ ju₁lia'₂ bá₄ 'ñiá₃ ca₂jon₄ jág₁ 'lia'₂. ¹⁴ Jaun₂ ca₂o₃lén₂ ca₂juá'₂:

—Tē₅, ne₄ bá₄ jnia'₅₄ a₂dsón'₂ bá₄ juá'₂ 'ne₂ lia'₂ tí₅ jág₁. Jaun₂ tsá₃ can'₂ 'ne₂ jág₁ jua'₅₄ a₂quian'₅₄ o₂i₁ dsi₅ 'e₂ 'ag₅ dsa₂, ia₁ tsá₃ gang'₃ jmag'₅₄ ju₁lia'₂ dsa₂ dsen₅₄ ně₃. Caun₂

* **12:11** Salmo 118:22-23.

qui₂jme₂tíng' ₁ bá₄ dsa₂ jui₅ quió' ₅ Diú₄. ¿'I₄ 'éi' ₃ qui₅₄ 'lia' ₅₄ a₂ca₂tín₂ dsi₂tan₅₄ César? ¿'Nió' ₅ qui₅₄ o₃ tsá₃ qui₅₄ 'e₂?

¹⁵ La₁ ni₅ rē₂ bá₄ Jesús a₂lē₁i₂nio₄ juá' ₂ o₁ne₁ bá₄ dsa₂ 'éi₂. Jaun₂ ca₂juá' ₂:

—¿'E₂ lē₃ cáun' ₂ 'nia' ₂ táu₂ jniá₂? O₂quian₂ de' ₂ 'nia' ₂ caun₂ cu₄ denario jaun₂ jág₄ jniá₂.

¹⁶ Jaun₂ ca₂i₁quian₅₄ dsa₂. Jaun₂ jme₁ca₂jág₃ Jesús, jaun₂ ca₂ḡag₃:

—¿'Ein₂ dsi₂ne₄ chi₁ton₅ ja₁lá₃? ¿'Ein₂ quió' ₅ letra ně₃?

Jaun₂ ca₂ḡag₃:

—Quió' ₅ guí' ₅₄ emperador César bá₄.

¹⁷ Jaun₂ ca₂juá' ₂ táng₃ Jesús:

—Jang' ₅₄ 'nia' ₂ ne₄ César con' ₂ a₂ca₂tín₂ César; ne₄ Diú₄ ně₃ jang' ₅₄ 'nia' ₂ con' ₂ a₂ca₂tín₂ Diú₄.

Jaun₂ ca₂i₃gó' ₃ dsi₅ jín₂ 'éi₂.

Ca₂ḡag₃ dsa₂ saduceos jui₁lia' ₂ a₂jen' ₅₄ 'lag₄

(Mateo 22:23-33; Lucas 20:27-40)

¹⁸ Jaun₂ ca₂o₃lén₂ i₂lín₅₄ dsa₂ saduceos ca₂o₃jín₅₄ Jesús. Ia₁ tsá₃ 'én₂ dsa₂ 'éi₂ a₂jen' ₅₄ táng₃ dsa₂ jē₁ma₂dsain₃. Jaun₂ ca₂tsí' ₃ Jesús:

¹⁹ —Tē₅, ca₂quiog₂ Moisés si₂ a₂juá' ₂, ně₁jua' ₂ ca₂jon₃ jan₂ dsa₂ ḡe' ₂ tē₃ tsá₃ ca₂can₃ 'io₅₄ quiáin₅ guein₂, tion' ₅₄ 'nió' ₅ jén' ₂ gu₂ dsó₂ rín' ₅₄ dsa₂ ḡe' ₂ i₂ca₂jon₃ quiaín' ₅₄ 'io₅₄ 'nág₂ 'éi₂, ia₁jaun₂ guein₂ i₂le₃chan₂ quiáin₅, lé₂ co₂'nió' ₄ tsi₁jon₂ 'lag₄ rín' ₅₄.†

²⁰ 'Ia₁ jme₁chan₂ guion₃ dsa₂ ḡe' ₂ i₂lín₅ jmá' ₃ lia' ₂ rín' ₅₄. Ca₂jen' ₂ gu₂ i₂le₂'uig₅₄, la₁ ca₂join₃ bá₄ tē₃ tsá₃ guein₂ ca₂can₃ 'io₅₄ quiáin₅. ²¹ Jaun₂ ca₂jen' ₂ táng₃ gu₂ 'io₅₄ 'nág₂ 'éi₂ quiaín' ₅₄ jē₁ca₂tē₂ on₃. Ján₃ bá₄ le₂jaun₂ ca₂jon₃ táng₃ dsó₂ 'éi₂, tsá₃ guein₂ ca₂can₃ 'io₅₄. Ján₃ bá₄ le₂jaun₂ ca₂lē₃ quian' ₅₄ jē₁ca₂tē₂ ún₂. ²² Le₂jaun₂ bá₄ ca₂lē₃ quian' ₅₄ ta₁guion₃ dsa₂ ḡe' ₂ con' ₂ i₂jme₁lē₄ rín' ₅₄: ca₂dsain₃ bá₄ tē₃ tsá₃ guein₂ ca₂can₃ 'io₅₄ 'i₁jan₂ quiaín' ₅₄ 'i₁jan₂ dsó₂ 'éi₂. Jaun₂ ca₂jon₃ 'io₅₄ jme₁ca₂join₃ ně₃. ²³ Jaun₂ ně₃, jmig₄ jē₁ma₂tē₂ rē₁jen' ₅₄ 'lag₄, ¿'ein₂ bá₄ quián₅ lé₂ 'io₅₄ 'éi₂? Ia₁ ta₁guion₃ bá₄ guē' ₂ dsa₂ ḡe' ₂ ca₂guá₂ quiaín' ₅₄.

²⁴ Jaun₂ ca₂ḡag₃ Jesús:

—'E₂ guē₄ tsá₃ rē₂ ḡí' ₂ 'au' ₂ 'nia' ₂, ia₁ a₂tsá₃ cuín' ₂ 'nia' ₂ 'a₂ lia' ₂ juá' ₂ Si₂, on₃ guē' ₂ cuín' ₂ 'nia' ₂ 'a₂ lia' ₂ lē₅ jui₅bí₂ quió' ₅ Diú₄. ²⁵ Jē₁ma₂tē₂ jmig₄ a₂jen' ₅₄ 'lag₄, on₃jua' ₅₄ a₂le₃chain₂ jua' ₅₄ a₂qui₃jén' ₂ guē₄ gu₂, on₃ guē' ₂ ně₅ tóin' ₃ guē₄ jua' ₅₄ a₂qui₃cuín₃ chí' ₂ quiáin₅ a₂jén' ₂ gu₂, ia₁ i₂lén₂ jui₁lia' ₂ lín₅ ángeles i₂tion' ₅₄ guei' ₅₄ i₂juig₃ bá₄ 'éi₂ jmig₄ jaun₂. ²⁶ La₁ jui₁lia' ₂ a₂jen' ₅₄ táng₃ 'lag₄, ¿tsa₁ ma₂'í' ₂ 'nia' ₂ Si₂ quió' ₅ Moisés jui₁lia' ₂ ja₁juá' ₂ 'ē₂₃ ni' ₁ma₂ taun₅, ja₁ca₂juá' ₂ Diú₄ ca₂tsí' ₃ Moisés: “Jniá₂ bá₄ líng₅ Diú₄ quián₅ Abraham, quián₅ Isaac, quián₅ Jacob ně₃?”‡ ²⁷ A₂lín₅ Diú₄ quian₅ dsa₂ jén' ₃ bá₄, on₃jua' ₅₄ rē' ₂ Diú₄ quián₅ 'lag₄. Jaun₂ 'ḡio₅ lín₃ tsá₃ rē₂ ḡí' ₂ 'au' ₂ 'nia' ₂.

'Éi' ₃ Juá' ₅ a₂dsen₅₄ guē₄ quió' ₅ Diú₄

(Mateo 22:34-40)

²⁸ Jaun₂ ca₂guan₃ jan₂ tē₅juá' ₅, ca₂nág₂ jág₁ a₂tsín₅ Jesús quian' ₅₄ dsa₂, ca₂rē₃lí' ₄ bá₄ a₂ca₂ḡag₃ Jesús lia' ₂ tí₅ jág₁. Jaun₂ ca₂ḡag₃:

—¿'E₂ 'Éi' ₃ Juá' ₅ a₂le₂'uig₅₄ a₂lē₅ a₂dsen₅₄ guē₄ con' ₂ guē₄ ca₂le₃jē₃ juá' ₅?

²⁹ Jaun₂ ca₂ḡag₃ Jesús:

—'Éi' ₃ Juá' ₅ le₂'uig₅₄ con' ₂ guē₄ ca₂le₃jē₃, juá' ₂: “Nei₂ 'nia' ₂ dsa₂ chan₂ juig₂ Israel. Jan₂ Te₁gui' ₅₄ bá₄ lín₅ Diú₄ quián₂ jniog₄. ³⁰ Jme₁'nió' ₄ 'nia' ₂ Te₁gui' ₅₄ Diú₄ quiáng' ₂ ca₂le₃jē₃ 'au' ₂, ca₂le₃jē₃ jme₂dsí₂ quiáng' ₂, ca₂le₃jē₃ 'a₂ lia' ₂ ḡí' ₂ dsei' ₂, ca₂le₃jē₃ bí₂ quiáng' ₂.”§ ³¹ Jē₁ca₂tē₂ tin₃ juá' ₅ ně₃ juá' ₂: “A₂jme₁'nióg' ₄ dsa₂ mi₂güig₃ ríng' ₂ jui₁lia' ₂ 'niog' ₂ 'ḡiag' ₂.”* Jnia' ₅₄ lia' ₂ a₂tín₃ ně₅ bá₄ juá' ₅ a₂lē₅ a₂dsen₅₄ guē₄ con' ₂ guē₄ ca₂le₃jē₃ 'Éi' ₃ Juá' ₅ quió' ₅ Diú₄.

† 12:19 'Nio' ₂ ja₁ton₅ Deuteronomio 25:5-6. ‡ 12:26 Éxodo 3:6. § 12:30 Deuteronomio 6:4-5. * 12:31 Levítico 19:18.

³² Jaun₂ ca₂ηag₃ tẽ₅juá'₅ 'éi₂:

—Tẽ₅, 'ηio₅ dse₃ lia'₂ nẽ₂ηag'₅₄; a₂dsón'₂ bá₄ dsau₅ jan₂ bá₄ Diú₄ i₂chan₂, tsá₃ ma₃'ein₂ diú₄ sián'₂ chan₂. ³³ A₂jaun₂ bá₄ a₂dsen₅₄ guẽ₄ a₂jme₃'nio₃ dsa₂ Diú₄ ca₂le₃jẽ₃ dsí₅, ca₂le₃jẽ₃ jme₂dsí₂, ca₂le₃jẽ₃ bí₂ quió'₅; a₂jme₃'nio₃ dsa₂ riin'₅₄ jui₁lia'₂ 'nioi₃ 'ηiog₅. A₂jaun₂ bá₄ a₂quen₅ guẽ₄ con'₂ guẽ₄ ca₂le₃jẽ₃ 'e₂ niog₅ jén'₅ dsa₂ ne₄ Diú₄, o₃ 'e₂ a₂qui₂dsí'₂ dsa₂ ne₄chei₂ nẽ₃.

³⁴ Jaun₂ jme₁ca₂nág₂ Jesús ca₂ηag₃ bá₄ dsa₂ 'éi₂ a₂ηí'₂ dse₃ dsí₅, jaun₂ ca₂juá'₂:

—Tsá₃ uing₂ ηi'₂ ja₁gon₂ Diú₄.

Jaun₂ tẽ₂le₃ ne₄ jui₅ guẽ₄ jaun₂, tsá₃ ma₃'ein₂ ca₂tiá₂ dsí₅ jua'₅₄ a₂ηág₃ guẽ₄ 'e₂ ηag₃.

¿Ein₂ tsi₁jon₂ quián₅ lín₅ I₂rẽ₂'ín₁ quián₅ Diú₄?

(Mateo 22:41-46; Lucas 20:41-44)

³⁵ Jaun₂ ca₂jéin'₃ Jesús jág₁ jẽ₄ jme₂tiin₂₃ dsa₂ i₁dsi₅ guá'₅ templo, jaun₂ ca₂juá'₂:

—¿A₂ lia'₂ lẽ₅ juá'₂ tẽ₅juá'₅ a₂lín₅ tsi₁jon₂ David I₂rẽ₂'ín₁ quián₅ Diú₄, ³⁶ ton'₂ 'ηiog₅ bá₄ guẽ'₂ David ca₂juá'₂ lia'₂ con'₂ jme₁ca₂'í₃ Jme₂dsí₂ Jnió₅ tẽ₂dsí₅:

Ca₂juá'₂ Diú₄ ca₂tsí'₃ Te₁gui'₅₄ quiáng₃:

“Nẽ₂ con₂ jniá₂ tẽ₂le₃ gu₃ ne₁,

ca₂lia'₂ ca₂tẽ₂ jmig₄

a₂tón'₁ jniá₂ dsa₂ i₂'iog₅₄ o₄tag'₄”?

³⁷ ¿A₂ bá₄ lia'₂ lẽ₅ jaun₂ a₂lín₅ tsi₁jon₂ David, ton'₂ 'ηiog₅ bá₄ guẽ'₂ David ca₂tẽ₃ “Te₁gui'₅₄ quiáng₃?”

Ca₂le₃jín₃ dsa₂ juin₅ 'éi₂ jme₁nag₂₃ 'ηio₂ dsí₅ jág₁ quió'₅.

Chóg'₅ Jesús dso₄ juá'₂ 'a₂ lia'₂ niog₅ lín₅ tẽ₅juá'₅

(Mateo 23:1-36; Lucas 11:37-54; 20:45-47)

³⁸ Tẽ₃jẽ₄ jme₂tiin₂₃ dsa₂, ca₂juá'₂:

—Ní₂ 'nia'₂, jmo₄ 'nia'₂ 'í₁ tsá₃ i₂can₂ 'nia'₂ jui₅ jui₁lia'₂ niog₅ lín₅ tẽ₅juá'₅. Ia₁ tẽ₅ dsí₅ i₂niioi₅₄ le₁qui'₂ 'mí'₂ chen'₅₄ jang₄, ton'₂ tẽ₅ dsí₅ qui₂cuag₃ dsa₂ Diú₄ jẽ₄ 'ma'₅₄, ³⁹ ton'₂ jmá'₃ lia'₂ ja₁dsen₅₄ bá₄ qui₂dsi₂tiain'₂ jui₁lia'₂ dsi₂néi₂ guá'₅ sinagoga, ton'₂ jmá'₃ lia'₂ ja₁dsen₅₄ bá₄ dsi₂toin'₅₄ ja₁dsi₂guẽ'₃ jui₁lia'₂ ja₁niog₅ jmig₄. ⁴⁰ Qui₂jniá'₂ 'ne₄ 'io₅₄ 'nág₂ nẽ₃, jaun₂ a₂jnia'₅₄ con'₂ 'ma₂₃ jlẽ₅ a₂jmo₂₃ jaun₂, chi₂lén'₂ Diú₄ uẽ₂ lín₃ tẽ₃jín₄ dsa₂. La₁ 'e₂ guẽ₄ uig₅ cuẽ₃ Diú₄ quió'₅ i₂le₂'éi₂.

Ca₂tó'₂ 'io₅₄ 'nág₂ te₂ηé₂ cu₄ quió'₅

(Lucas 21:1-4)

⁴¹ Co₂ráun₂ guá₅ Jesús i₁dsi₅ guá'₅ cau₅ tsi₁gu₅ ja₁tó'₅ dsa₂ cu₄ ofrenda. Jaun₂ guá₅ jín₂ dsa₂ i₂dsi₂lén₂ dsi₂tio'₂ cu₄ 'nió'₃ tsi₁gu₅. Jaun₂ nẽ₃, juin₅ dsa₂ cha₂ cu₄ dsi₂lén₂ dsi₂tio'₂ 'lióng₂ cu₄. ⁴² La₁ tẽ₃jẽ₄ jaun₂ ca₂dsióg₃ jan₂ 'io₅₄ 'nág₂ te₂ηé₂. Jaun₂ ca₂tó'₂ tin₃ ní₁ guéin₂.[†] ⁴³ Jaun₂ ca₂tẽ'₃ Jesús chi'₂ dsi₂guia₃-tín₂ quiáin₅, jaun₂ ca₂juá'₂:

—A₂dsi₂jó'₃ juíg₂ jniá₂ 'nia'₂, 'lióng₂ guẽ₄ nẽ₂tió'₂ 'io₅₄ 'nág₂ te₂ηé₂ nẽ₅, lia'₂ con'₂ guẽ₄ ca₂le₃jín₃ i₂ma₂nẽ₂tió'₂ 'nió'₃ tsi₁gu₅. ⁴⁴ Ia₁ 'éi₂ nẽ₃ cu₄ a₂ma₂qui₂rẽ₂tsón₂ bá₄ jaun₂ quió'₅ cuẽ₂₃. 'Io₅₄ 'nág₂ nẽ₅ nẽ₃, ca₂le₃jẽ₃ bá₄ nẽ₂cuẽ₃, con'₂ a₂jme₁ron₅ quió'₅, 'nió'₄ a₂jme₁lá₃ a₂guẽ'₃.

13

Ca₂'ẽ₂ Jesús jág₁ a₂dsi₃'én₂ bá₄ guá'₅ templo

(Mateo 24:1-2; Lucas 21:5-6)

¹ Con'₂ jme₁ma₂'ein₅₄ jui₅ o₂'iin₅ i₁dsi₅ guá'₅, jaun₂ ca₂juá'₂ jan₂ chi'₂ dsi₂guia₃-tín₂ quiáin₅:

[†] 12:36 Salmo 110:1. [‡] 12:42 lit. “tin₃ ní₁ lepta.”

—ĩTë₅, jag₄ 'e₂ guë₄ jlá'₁ ni₁cang₁ a₂le₁juí₄ a₂lë₅ guá'₅!

²Jaun₂ ca₂ŋag₃ Jesús:

—ǂág'₂ 'né₅ ca'₅₄ a₂te₁'i₁ nē₅? Já₅ caun₂ jmig₄, 'i₁ca₂míg₂ ni₁cang₁ tsá₃ ma'₅e₂ le₁juí₄ lé₂.

Léi₄ a₂lé₂ jmig₄ jē₁ca₂tó'₂

(Mateo 24:3-28; Lucas 21:7-24; 17:22-24)

³Jme₁ca₂dsióg₃ Jesús má'₂ Olivos a₂chí'₅ quióng₄ guá'₅, ja₁jaun₂ ca₂guá₂. Jaun₂ ca₂guan₃ Pe₄, Jacobo, quiaín'₅₄ Juan₅₄, Drë₄ nē₃, ca₂tsí'₃ Jesús con'₂ jë₄ tē₃co'₅₄:

⁴—Jua'₅₄ líg'₂ bá₄ le₃ti₃ a₂juá'₂ 'ne₂ nē₅. 'Niog₂ jnia'₅₄ le₃ne₄. ǂ'E₂ léi₄ a₂lé₂ né'₃ a₂të₅₄ jmig₄ jaun₂?

⁵Jaun₂ ca₂ŋag₃ Jesús:

—Jmo₄ 'nia'₂ 'í₁ ia₁jaun₂ tsá₃ 'ein₂ jme₃gau₅. ⁶Ia₁ juín₅ i₂të₁i₃nio₄ a₂juá'₂ i₂nioi₅₄ o₄quió₃ jniá₂, juá'₂: “Jniá₂ bá₄ líng₅ 'éi₂,” jaun₂ juín₅ dsa₂ i₂qui₂jme₃gain₂₃.

⁷'Jë₁ma₂nei'₂ 'nia'₂ 'ei₅ jág₁ a₂nio₃ 'nei₂ a₂quín'₂ dsa₂ ja₁lá₃ ja₁ó₃, la₁ tsá₃ jmó₁ 'nia'₂ gang'₃, ia₁ le₂jaun₂ dsón'₂ lé₂ bá₄. La₁ on₃jua'₅₄ jmig₄ jē₁ca₂tó'₂ jaun₂. ⁸Ia₁ nio₃ 'nei₂, qui₃quín'₂ dsa₂ le₂caun₂ le₂caun₂ juig₂ nación; dsi₂tan₅₄ guë'₂ nē₃ qui₃tóin'₃ mī'₅₄ quín'₂ quian'₅₄ dsi₂tan₅₄ riin'₅₄ i₂chan₂ juig₂ siá'₂. 'Lióng₂ ja₁qui₂dsi₃bi'₅₄ 'uë₃ lé₂, ton'₂ le₃cha₂ 'lióng₂ ja₁qui₂i₂nio₄ dsa₂ 'oin₅₄. A₂le₂'uig₅₄ jmi₁uig₅ bá₄ guë'₄ nē₅, juí₁lia'₂ jan₂ 'io₅₄ i₂rë₂chan₂ guein₂ quián₅.

⁹'Rë₂ján'₁ 'nia'₂ chang'₂, ia₁ qui₃jín'₂ dsa₂ 'nia'₂ ne₄ dsi₂tan₅₄ quián₅ guá'₅ ia₁jaun₂ bóg₂ dsa₂ dsi₂néi₂ guá'₅ sinagogas. Jaun₂ dsi₁nó'₅ 'nia'₂ tē₃ne₄ dsi₄má'₂, ne₄ rag₅₄ nē₃, 'uig₅₄ quió₃ jniá₂; ja₁jaun₂ o₁jang'₄ 'nia'₂ jág₁ dsau₅. ¹⁰Jág₁ quió'₅ Diú₄ de'₂ jniá₅ 'nió'₅ dsi₃'ag₅ le₂con₂ mi₂güig₃. ¹¹Jë₁ma₂të₂ rë₁qui₃të₂ dsa₂ 'nia'₂ a₂dsi₁jó₂ ne₄ dsi₂tan₅₄, tsá₃ jmó'₂ 'nia'₂ 'i₅ 'au'₂ tē₃jniá₅ 'e₂ ŋag'₅₄. La₁ ŋag₄ bá₄ 'nia'₂ con'₂ jág₁ a₂ma₂ca₂ŋi'₂ 'nia'₂ hora jaun₂, ia₁ on₃jua'₅₄ guion'₅₄ 'nia'₂ a₂ŋag'₅₄ jág₁ jaun₂; Jme₂dsi₂ Jnió₅ bá₄ i₂jmo₃. ¹²Ia₁ tón'₃ dsa₂ qui₃jín'₂ riin'₅₄ jmig₄ jaun₂, jaun₂ ŋag'₃ dsa₂; juí₁lia'₂ jmei₂ qui₃jín'₂ chi'₂ quiáin₅. Chi'₂ guë'₂ nē₃, jme₃'ŋiai₅₄ chog₅₄-jmei₂; chan₂ guë'₂ i₂qui₂jme₃dsian₅ chog₅₄-jmei₂ nē₃. ¹³Ca₂le₃jín₃ dsa₂ jme₃'ŋia₅₄ 'nia'₂ 'uig₅₄ quió₃ jniá₂, la₁ juí₁lia'₂ i₂tió'₃ náu₃ tiá₂ tē₂ jē₁ca₂tó'₂, tíin'₄ bá₄.

¹⁴'Jaun₂ nē₃, já₅ jmig₄ a₂të₅₄ ne'₅₄ 'nia'₂ a₂náu₃ jan₂ dsa₂ i₂juí₁si 'lín'₅₄ ja₁tsá₃ 'i₄ 'éi'₃ náu₃,* —jaun₂ juí₁le₂ŋí'₂ bá₄ i₂'i₅ si₂ la₂—; jaun₂ nē₃, dsa₂ i₂tián'₅ le₂tan₅₄ 'uë₃ Judea, juí₁cuing₁₂ juí₅ má'₂. ¹⁵Juí₁lia'₂ i₂'en₅₄ guei'₅₄ 'ne₄, tsá₃ juí₁sióin₄ jua'₅₄ a₂'uë'₃ 'e₂ 'uë'₃ dsi₂néi₂ quió'₅; ¹⁶juí₁lia'₂ i₂'en₅₄ ja₁nau₂ quió'₅ táng₃, tsá₃ ma₃juí₁ŋioi'₅₄ jua'₅₄ a₂ja₃quián₂ tsi₁'mí'₂ dsióg₂ quió'₅. ¹⁷Juig₂ bá₄ juí₁lia'₂ dsa₂ mí₂ i₂le₁quian₅ guein₂, juí₁lia'₂ i₂chan₂ guein₂ bē'₅₄ i₂'ín'₂ dsi'₅₄ quió'₅ nē₃, jmig₄ jaun₂! ¹⁸Mi₄ 'nia'₂ ne₄ Diú₄ tsá₃ juí₁dsi₂ŋí'₂ 'nia'₂ a₂jaun₂ juí₁lia'₂ jein₂ güig₂. ¹⁹Ia₁ juá'₅ jniá₂, caun₂ o₂i₁ dsi₅ lín₃ a₂le₃chan₂ dsa₂ jmig₄ jaun₂, caun₂ jmi₁uig₅ a₂tsá₃ ma₂ca₂rë₃chá₃ ca₂le₃ ca₂nio₃ mi₂güig₃, on₃ guë'₂ ma₃niog₅ jmig₄ jua'₅₄ a₂le₃cha₂ guë'₄ cang₂. ²⁰Jua'₅₄ mei'₂ guë'₃ Te₁gui'₅₄ tsá₃ ma₂ca₂jme₃të₃ jmig₄ jaun₂, 'i₁jan₂ tsá₃ 'ein₂ jme₁lión₂ jua'₅₄ mei'₂ guë'₃ tsá₃ le₂jaun₂. La₁ ma₂ca₂jme₃të₃ bá₄ jmig₄ jaun₂ o₄quió'₄ i₂quion'₅₄ quiáin₅.

²¹'Në₁jua'₂ chan₂ i₂ca₂juá'₂ tsí'₅ 'nia'₂ jmig₄ jaun₂: “Jag₄ 'nia'₂! La₂ bá₄ chén'₅ I₂rë₂'ín₁ quián₅ Diú₄”, o₃ nē₁jua'₂ 'ein₂ ca₂juá'₂: “Jó₄ 'ein₅₄”, tsá₃ o₁'en₅₄ 'nia'₂ jág₁ jaun₂. ²²Ia₁ juín₅ dsa₂ i₂jme₃gau₅ ja₃lén₂ a₂juá'₂ lín₅ I₂rë₂'ín₁ quián₅ Diú₄, a₂juá'₂ nē₃ a₂lín₅ dsa₂ i₂'ë₂ jág₁ quián₅ Diú₄; 'lióng₂ léi₄ juë'₂ a₂o₂dsain₂ jmo₃ a₂jme₃gain₂₃ dsa₂. Jua'₅₄ mei'₂ guë'₃ lé₂, ca₂të₂ dsa₂ i₂quion'₅₄ quián₅ Diú₄ jme₃gain₂₃. ²³La₁ chan₂ 'nia'₂ rë₂jáng₁,† jaun₂ le₂nē₅ ma₂në₂juig₂ jniá₂ 'nia'₂ ca₂le₃jë₃ tē₃jniá₅.

A₂ lia'₂ guan'₂ Jaun₅ dsa₂ mi₂güig₃

(Mateo 24:29-35, 42—44; Lucas 21:25-36)

* **13:14** 'Nio'₂ ja₁ton₅ Daniel 9:27; 11:31; 12:11. † **13:23** o₃, “ŋí₂ 'nia'₂”.

24 Jë₁ma₂ca₂ŋag₅ jmi_g₄ o₂i₁ dsi₅ jaun₂,
'iog₂ ně₃ co₂dsia₅ le₃lia'₂,

tsi'₂ ně₃ tsá₃ ma₃tág₅ jnia₅₄;

25 Nei₅ guë'₂ ně₃ qui₂tsi₃séi'₂;†
ca₂le₃jě₃ guë'₄ 'e₂ bí₂ cha₂ guei'₅₄ mi₂güig₃
qui₃guian'₃.§

26 'Të₃jë₄ jaun₂ guë'₄ ně₃, jín₂ dsa₂ Jaun₅ dsa₂ mi₂güig₃, jñi_ói'₂ guei'₅₄ jë₄ jnei₅ quian'₅₄
ca₂le₃jě₃ jui₅bí₂ a₂'io₂₃ jláin'₁. 27 Jaun₂ qui₃chein₃ ángeles quiáin₅, a₂të₂ dsa₂ i₂quion'₅₄ quiáin₅
i₂chan₂ ca₂le₃jě₃ juig₂ te₁'i₁ ca₂taun₂ ca₂taun₂ mi₂güig₃.

28 'Jme₁tin₅ 'nia'₂, jui₁le₂ñí'₂ 'au'₂ jág₁ a₂jáng'₅ léi₄ jui₁lia'₂ ni₁'ma₂ a₂'ag₅ mí_g₂ higos;
jme₁chéi'₂ gu'₂-nei'₅₄, qui₂ja₂'iá₃ mog'₅₄ ně₃, ñi'₅₄ bá₄ 'nia'₂ a₂ma₂ja₂quián₃ jein₂ 'iog₂ bá₄
jaun₂. 29 Le₂ně₅ bá₄ 'nia'₂ jaun₂ ně₃, jë₁ma₂të₅ ne'₅₄ a₂lě₂ ca₂le₃jě₃ a₂ně₅, jui₁le₂ñi'₅₄ bá₄ 'nia'₂
a₂ma₂ja₂quián₃, ně₂jag₄ bá₄ i₂ma₂chén'₅ o₄'né₄ bá₄ 'éi₂. 30 A₂dsi₂jó'₃ juá'₅ jniá₂ juig₂ 'nia'₂,
tsá₃ dsi₃ñí₂ tsi₁jon₂ la₂, * ca₂lia'₂ ca₂lě₃ ca₂le₃jě₃ a₂ně₅. 31 Jaun₂ já₅ jmi_g₄, guei'₅₄ dsi₂güig₂
quian'₅₄ mi₂güig₃ la₂ ŋag₅, la₁ jág₁ quió₃, o₁líg'₂ jmi_g₄ tsá₃ ŋag₅ jua'₅₄ a₂tsá₃ le₃ti₃.

32 'La₁ 'i₁jan₂ tsá₃ 'ein₂ ñi₅ 'e₂ 'i_ó'₄, 'e₂ hora lé₂ a₂jaun₂, on₃ guë'₂ ángeles i₂tion'₅₄ guei'₅₄
i₂juig₃, on₃ guë'₂ 'ñiog₅ Ja₁ñi'₅₄ Diú₄. Jñia'₅₄ lia'₂ 'ñiog₅ bá₄ Diú₄ Jmei₂ ñi₅.

33 'Chan'₂ 'nia'₂ rë₂jáng'₁, jme₁jnio₂ 'nia'₂ ne'₅₄, ia₁ tsá₃ ñi'₅₄ 'nia'₂ 'e₂ jmi_g₄ lé₂. 34 Lé₂
jui₁lia'₂ jan₂ dsa₂ i₂o₂'in₅ dsi₂néi₂ quió'₅, dsó₅ dsi₂ñí₃ uíng₂; dsia₂₃ gu₂ dsa₂ i₂jme₂ti₃ ne₅₄
dsi₂néi₂ quió'₅, le₂jan₂ le₂jan₂ 'éi₂ jma₃quén₅ ta₁ cuë'₅ con'₂ ca₂tñin₂, tsí'₅ mozo i₂jmo₅ 'í₁ o₄'né₄
a₂chain₂ rë₂jáin₁. 35 Jaun₂ le₂ně₅ bá₄ 'nia'₂ ján₃, rë₂jáng'₁ 'nia'₂ chang'₂, ia₁ tsá₃ ñi'₅₄ 'nia'₂
'e₂ 'i_ó'₄ guan'₂ dsa₂ i₂quió'₅ dsi₂néi₂, të₂le₃ ca₂nei₂, o₃ dsi₃nei₅, o₃ jë₁ma₂ca₂'o₃ i₁tú₃, o₃ të₂le₃
ca₂jnia₃ 'e₂, 36 ia₁ con'₂ tsá₃ ñó₅ në₁jua'₂ ca₂guáin'₃ co₂tiá₂, jo₅₄ rë₂güín'₃ 'nia'₂. 37 Jaun₂ jág₁
a₂juig₂ jniá₂ 'nia'₂ la₂, juig₂ ca₂le₃jín₃: “iChan'₂ 'nia'₂ rë₂jáng'₁!”

14

Ca₂quin'₃ dsa₂ jág₁ a₂tsáin'₂ Jesús

(Mateo 26:1-5; Lucas 22:1-2; Juan 11:45-53)

1 Tin₃ jmi_g₄ né'₃ a₂të₅₄ Jmi_g₄ Të₂'in₅₄, a₂guë'₅ dsa₂ i₁ñí'₄ 'ua'₂ a₂tsá₃ jui₁ levadura quian'₅₄,
jaun₂ juig₅₄ jme₂dsa₂, të₅juá'₅ ně₃ ca₂'náu'₃ jui₅ 'a₂ lia'₂ tsáin'₂ Jesús quian'₅₄ caun₂ mai₅₄,
jaun₂ jñag'₃. 2 Jaun₂ ca₂dsia₃ jág₁, juá'₂:

—La₁ tsá₃ 'nió'₅ jmó₁ jniog₄ të₃ niog₅ jmi_g₄, jme₁né₄, ia₁ con'₂ tsá₃ ñó₅ në₁jua'₂ ca₂tó'₂ dsa₂
juig₂ mi'₅₄.

Jan₂ 'io₅₄ ca₂tsíin₂ no'₅₄ mi₂juig₂ Jesús

(Mateo 26:6-13; Juan 12:1-8)

3 Lia'₂ con'₂ 'ein₅₄ guë'₄ juig₂ Betania ja₁quió'₄ i₂të'₂ dsa₂ Si₂mu₅₄ 'Mé'₅ 'Iog₅, jaun₂ ca₂dsióg₃
jan₂ 'io₅₄ quian₅ caun₂ tsí₅ no'₅₄ mi₂juig₂ a₂'mu'₅₄, a₂lě₅ jmá'₃ no'₅₄ quió'₅ mi₁'au₂ nardo.
Jaun₂ ca₂niá₃ ni₁tsí₅, jaun₂ ca₂'ág₂ no'₅₄ mi₂dsi₄ Jesús. 4 Jaun₂ i₂lin₅₄ dsa₂ i₂tion'₅₄ ja₁jaun₂,
dséin₂ ca₂tñin₂, jaun₂ ca₂dsia₃:

—Tsá₃ ne₄ 'e₂ lě₃ në₂'éin₂ no'₅₄ mi₂juig₂ quió'₅. 5 Jua'₅₄ co₂ñei'₅₄ bá₄ në₂'nag₃ quian'₅₄ 'ni₅
'ñiá₂-láu₂ 'éi'₃ cu₄ denario, jaun₂ jme₁jme₂'oin₅₄ dsa₂ te₂ñé₂.

Jaun₂ ca₂dséin₃ quiaín'₅₄ 'io₅₄ 'éi₂.

6 Jaun₂ ca₂juá'₂ Jesús:

† 13:25 Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25.

§ 13:25 Isaías 13:10; 34:4. * 13:30 o₃, “né'₃ a₂dsián₃ dsa₂ i₂lín₅ raza la₂.”

—Tsá₃ lē₁lein'₅₄. ¿E₂ lē₃ cuē'₂ 'nia'₂ o₂me'₅₄ dsi'₅? A₂nē₂jmo₂g'₂ nē₅, caun₂ a₂dse₃ bá₄ nē₅.
 7 Ca₂le₃jē₃ jmi₄g bá₄ i₂nio₄ dsa₂ te₂né₂ jn'₄ 'nia'₂; lé₂ bá₄ jme₁'oin'₁, chi₂jua'₂ líg'₂ 'niog'₂ 'nia'₂ jme₁'oin'₁. La₁ jniá₂ nē₃ tsá₃ ma₃uē₂ 'en'₅₄ jniá₂ quian'₅₄ 'nia'₂. 8 'Io₅₄ nē₅, nē₂jmo₃ 'a₂ con'₂ jñia'₅₄ le₃qui'₅₄ jmi₄g jmo₃. Ma₂nē₂tsáng₂ tē₂jñiá₅ no'₅₄ mi₂juig₂ quió₃, ma₂nē₂jmo₂g'₂ co₂jñia₅₄ jē₁ma₂tē₂ rē₁'ong₃. 9 A₂dsi₂jó'₃ juig₂ jniá₂ 'nia'₂, ca₂le₂con₂ mi₂güig₃ ja₁'ē₂ dsa₂ jág₁ dse₃ quió₃, ján₃ bá₄ le₂jaun₂ dsio₂g'₂ dsí₅ dsa₂ 'in₃ 'io₅₄ nē₅.

Jmo₅ Judas caun₂ jág₁ a₂'ni₂₃ Jesús
(Mateo 26:14-16; Lucas 22:3-6)

10 Jaun₂ nē₃ Judas Iscariote i₂jme₁lín₄ jan₂ chi'₂ dsi₂guia₃-tín₂ quián₅ Jesús, ñei₅₄ i₁dsia₂ jág₁ quian'₅₄ juig₅₄ jme₂dsa₂ a₂jáng'₂. 11 Jaun₂ 'io'₂ jmo₅ dsa₂ can'₅₄ jme₁ca₂nág₂, jaun₂ ca₂jén'₃ cu₄. Jaun₂ guē₄ nē₃ ca₂'náu'₃ Judas dsí₅ 'a₂ lia'₂ cuin₅ jmi₄g a₂jín'₂ Jesús, jaun₂ tsáun'₂ dsa₂.

Má₃ jē₁ca₂tó'₂ quió'₅ Te₁gui'₅₄
1 Corintios 11:23-26)

12 Jmi₄g le₂'uig₅₄ a₂niog₅ Jmi₄g Tē₂'in₅₄ a₂guē'₅ dsa₂ i₁ñí'₄ a₂tsá₃ quian'₅₄ levadura, jmi₄g a₂jme₁jme₂dsian₅ dsa₂ já'₂ cha'₂ quián₅ jmi₄g, jaun₂ ca₂ñag₃ chi'₂ dsi₂guia₃-tín₂ ca₂ñí'₃ Jesús:
 —¿A₂já'₄ 'niog'₂ dsi₁jmo₁' jnia'₅₄ co₂jñia₅₄ má₃ Jmi₄g Tē₂'in₅₄ quiáng'₂?

13 Jaun₂ ca₂chein₃ on₃ chi'₂ dsi₂guia₃-tín₂ quián₅, ca₂juá'₂:
 —O₂nó'₅ 'nia'₂ jē₄ juig₂. Ja₁jaun₂ jen'₂ 'nia'₂ jan₂ dsa₂ ñe'₂ i₂quion₂ jmi₂g quian'₅₄ ni₁dsig₁. Jaun₂ o₁'én'₃ 'nia'₂ dsa₂ 'éi₂. 14 Dsi₂néi₂ ja₁'í₂ 'éi₂, juig'₅₄ dsa₂ juig₅₄ dsi₂néi₂: “Le₂la₂ juá'₂ tē₅, ¿Na₂ dsi₂néi₂ ja₁guē'₄ Jmi₄g Tē₂'in₅₄ co₂lē₅ quian'₅₄ chi'₂ dsi₂guia₃-tín₂ quiáng₃?” 15 Jaun₂ 'éi₂ nē₃, 'ē₃ caun₂ dsi₂néi₂ juē'₂ ja₁lē₄ guei'₅₄ a₂ma₂lē₅ co₂jñia₅₄. Ja₁jaun₂ o₂jmo₄ 'nia'₂ co₂jñia₅₄ má₃ que₅₄ jniog₄.

16 Jaun₂ ca₂i₃lén₂ bá₄ dsa₂ on₃ 'éi₂. Jme₁ca₂dsi₃lén₂ jē₄ juig₂ nē₃, ca₂dsó'₂ lia'₂ con'₂ lē₅ jág₁ ca₂juá'₂ Jesús. Jaun₂ ja₁jaun₂ ca₂jmo₃ co₂jñia₅₄ má₃ a₂guē'₃ Jmi₄g Tē₂'in₅₄.

17 Jme₁ca₂nei₂ jaun₂, ca₂dsióg₃ Jesús quian'₅₄ ta₁guia₃-tín₂ chi'₂ dsi₂guia₃-tín₂.
 18 Jme₁ma₂tiáin'₅ guē'₅, jaun₂ ca₂juá'₂ Jesús:

—A₂dsi₂jó'₃ juá'₅ jniá₂ la₂, jan'₂ 'nia'₂ i₂guē'₅ jniá₂ co₂lē₅ quiang'₅₄ bá₄ i₂jang'₂ jniá₂.

19 Jaun₂ nē₃ ca₂tá'₂ 'lia'₂ dsí₅ 'ñio₅ lín₃ tiáin'₅, jaun₂ ca₂jme₃lióg₃ ca₂ñí'₃ Jesús le₂jain₂ le₂jain₂, ca₂juá'₂:

—¿On₁jua'₅₄ jniá₂ 'ág'₅?

20 Jaun₂ ca₂ñag₃ Jesús:

—Jan'₂ 'nia'₂ i₂lē₂ guia₃-tín₂ i₂tiá₂ mi₂gu₂ co₂lē₅ 'ñió'₃ uing₅ quian'₅₄ jniá₂. 21 Dsón'₂ bá₄ dsau₅ Jaun₅ dsa₂ mi₂güig₃ 'ein₅₄ jui₅ dsó₃ lia'₂ con'₂ lē₅ juá'₂ ne₄ Si₂; la₁ i₁'e₂ guē₄ juig₂ dsa₂ i₂jáng'₂! Jme₁dse₃ quió'₅ jua'₅₄ co₂ñei'₅₄ bá₄ tsá₃ ca₂rē₃cháin₃.

22 Tē₂lia'₂ tiáin'₅ guē'₅, ca₂jña'₃ Jesús i₁ñí'₄, ca₂cuē'₃ ti₁'mag'₄ Diú₄, jaun₂ guē₄ nē₃ ca₂dsioin₃, ca₂cuē'₃ chi'₂ dsi₂guia₃-tín₂ quián₅. Jaun₂ ca₂juá'₂:

—Qué'₂ 'nia'₂, ia₁ ñi₃ bá₄ jniá₂ i₁ñí'₄ la₂.

23 Jaun₂ ca₂can₃ táng₃ copa 'a₄ vino, ján₃ bá₄ le₂jaun₂ ca₂cuē'₃ ti₁'mag'₄ Diú₄, jaun₂ guē₄ ca₂cuē'₃ chi'₂ dsi₂guia₃-tín₂. Jaun₂ ca₂le₃jín₃ bá₄ ca₂'in₃. 24 Ca₂juá'₂ Jesús:

—Jmi₃ bá₄ jniá₂ la₂, a₂li'₅₄ jág₁ 'mí₂ a₂tē₃ron₅₄, * a₂niog₅ dsi₃'o₅₄ o₄quió'₄ juin₅ dsa₂. 25 Dsón'₂ juá'₅ jniá₂, tsá₃ ma₃líg'₂ jmi₄g jua'₅₄ a₂gui'₅₄ guē₄ táng₃ vino ca₂lia'₂ ca₂tē₂ jmi₄g i₁gui'₄ táng₃ caun₂ vino 'mí₂ co₂lē₅ quiang'₅₄ 'nia'₂ ja₁gon₂ Diú₄.

Ca₂juá'₂ Jesús a₂tsá₃ tion₃ Pe₄ a₂cuig₂₃
(Mateo 26:30-35; Lucas 22:31-34; Juan 13:36-38)

* 14:24 'Nio'₂ ja₁ton₅ Éxodo 24:8; Jeremías 31:31-34; Hebreos 10:29; 13:20.

²⁶ Jme₁ca₂lě₃ 'ě₂₃ jme₂juin'₂ Diú₄, jaun₂ guě₄ i₃lén₂ jui₅ Má'₂ Olivos. ²⁷ Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂:

—Ca₂le₃jín'₃ bá₄ 'nia'₂ tiá'₃ jén₂ 'au'₂, 'ág'₁ 'nia'₂ caun₂-tín₃ 'au'₂; ia₁ rě₂ton₅ ne₄ Si₂ ja₁juá'₂: “Jñí'₄ jniá₂ dsa₂ i₂jñia₅ já'₂ cha'₂, jaun₂ já'₂ cha'₂ ně₃ dsi₃lén₂ tsi₁rě₂jain₅₄.”† ²⁸ La₁ cang₂ jě₁ma₂ca₂jeng'₅₄ táng₃, nei₅₄ jniá₂ jniág₅ jui₅ Galilea lia'₂ con'₂ guě₄ 'nia'₂.

²⁹ Jaun₂ ně₃ ca₂ṇag₃ Pe₄:

—O₁jñia'₅₄ la₂ ca₂ág₂ caun₂-tín₃ dsi₅ ca₂le₃jín₃ ríng'₃, la₁ jniá₂, o₁líg'₂ jmig₄ tsá₃ 'ag₅₄ caun₂-tín₃ dsi₃.

³⁰ Jaun₂ ca₂juá'₂ Jesús:

—A₂dsi₂jó'₃ juá'₅ jniá₂, a₂'uě₂ ně₃, né'₃ a₂'ó₃ jě₁ca₂tě₂ tin₃ ráun₂† tē₁guí₄ dsó₂, hora jaun₂ dé₄ dsón'₂ chéng'₅ tsá₃ tóng'₄ ta₁'ni₅ ráun₂ a₂cui_g'₂ jniá₂.

³¹ Jaun₂ ca₂ṇag₃ táng₃ Pe₄:

—O₁jñia'₅₄ la₂ ca₂dsau₃ jniog₄ co₂lě₅, o₁líg'₂ jmig₄ jua'₅₄ a₂tsá₃ 'ín₄ jniá₂ 'ne₂.

Le₂jaun₂ bá₄ ca₂juá'₂ ca₂le₃jín₃ riin'₅₄ ján₃.

Ca₂chi₃lén'₂ Jesús Diú₄ caun₂ ja₁chei₂ Getsemani
(Mateo 26:36-46; Lucas 22:39-46)

³² Jaun₂ ca₂dsi₃lén₂ caun₂ ja₁chei₂ Getsemaní. Jaun₂ ca₂juá'₂ ca₂tsí'₃ chi'₂ dsi₂guia₃-tín₂:

—Ja₁lá₃ tián'₂ 'nia'₂, tē₁lia'₂ i₁chi₁leng'₄ Diú₄.

³³ Jaun₂ ca₂jñia₃ Pe₄, Jacobo, Juan₅₄ ně₃. Jaun₂ ca₂rě₃lióg₃ ca₂tá'₂ quian₅ o₂i₁ dsi₅ 'ñio₅ lín₃.

³⁴ Jaun₂ ca₂juá'₂ ca₂tsí'₃ i₂ún₂ i₂quian'₅₄:

—'Ñio₅ lín₃ quian₅₄ o₂i₁ dsi₅, ca₂lia'₂ jmá'₃ le₃jóng₂ tē₂ně₃. Ja₁lá₃ tián'₂ 'nia'₂ jme₁jnio₂ 'nia'₂ ne'₅₄.

³⁵ Ca₂juig₄ bá₄ ca₂ṇó₃ guě₄ ne₄ jui₅. Ja₁jaun₂ ca₂tóin₂ tē₂ 'uě₃, ca₂mi₃ ca₂tsí'₃ Diú₄, jua'₅₄ lé₂ bá₄ le₃lé₂ a₂tsá₃ dsi₃ñi₂ uig₅ 'e₂ niog₅ dsi₃ñi₂ hora jaun₂. ³⁶ Tě₃jě₄ chi₂lén'₂ Diú₄, ca₂juá'₂:

—Abba,Š Tia₅₄ quiáng₃, ca₂le₃jě₃ bá₄ lé₂ le₃jmó'₂ 'ne₂. Lio₄ jniá₂ 'e₂ a₂dsi₃ñíg₂ ně₃. La₁ tsá₃ jui₁le₅₄ con'₂ 'nio₃ jniá₂; jui₁le₅₄ bá₄ a₂'ñio₂ 'au'₂ 'ne₂.

³⁷ Jaun₂ ca₂dsiáin'₃ táng₃ ja₁tián'₄ 'éi₂, la₁ le₁güín₃ bá₄ 'éi₂ tiáin'₅ ně₃. Jaun₂ ca₂tě'₃ Pe₄, ca₂juá'₂:

—¿Rě₁güín'₃ bá₄ 'ne₂, Si₂mu₅₄? ¿Tsa₁ tiang'₃ jua'₅₄ caun₂ hora bá₄ jme₁jniog'₂ guě₄ ne'₅₄?

³⁸ Jme₁jnio₂ 'nia'₂ ne'₅₄, chi₁len'₄ 'nia'₂ Diú₄, ia₁jaun₂ tsá₃ tsi₃sén'₂ 'nia'₂ dso₄. Dsón'₂ bá₄ 'ñio₂ dsi₅ jme₂dsi₂ quián'₂ 'nia'₂, la₁ ni₁ñi'₁ guion'₅₄ bá₄ 'nia'₂ 'uan₅₄.

³⁹ Jaun₂ ṇó₃ bá₄ táng₃ i₁chi₁leín'₄ Diú₄. Ján₃ bá₄ jág₁ le₂jaun₂ ca₂juá'₂ táng₃. ⁴⁰ Jaun₂ guáin'₃ táng₃ ja₁tián'₄ chi'₂ dsi₂guia₃-tín₂, la₁ le₁güín₃ bá₄ táng₃ 'éi₂ tiáin'₅, ia₁ a₂ñi₄ lě₃ 'ñio₅ lín₃ ma₂i₁güín₃. Jaun₂ tsá₃ 'e₂ ni₅ ṇag₃. ⁴¹ Jaun₂ jme₁dsiáin'₃ táng₃ ja₁tián'₄ 'éi₂ jě₁ca₂tě₂ 'nag'₂ ráun₂, jaun₂ ca₂juá'₂:

—¿'E₂? ¿Lia'₂ ma₂tián'₅ jaun₂ bá₄ 'nia'₂ le₁güín₃? Co₂ně₅ bá₄ ně₃. Ca₂tě₂ bá₄ hora ně₃. Ní₂ 'nia'₂. Ma₂rě₂jín'₅₄ bá₄ Jaun₅ dsa₂ mi₂güíg₃ o₄gú₃ dsa₂ i₂le₁cán'₄ dso₄. ⁴² Nau₂ 'nia'₂ ně₃, ma₃, ia₁ ně₅ ma₂já₅ i₂jáng'₂.

Ma₂le₁te₂ dsa₂ Jesús

(Mateo 26:47-56; Lucas 22:47-53; Juan 18:2-11)

⁴³ Dsi₂jui₅ tē₃jě₄ dsia₂₃ jág₁ jaun₂, ca₂dsióg₃ Judas, i₂lín₅ jan₂ dsa₂ i₂guia₃-tín₂. Juin₅ lín₃ dsa₂ i₂ja₂lén₂ quiong'₅₄ qui₂le₁quian₅ ni₁tág₂, i₂le₁quian₅ ni₁'ma₂ ně₃, i₂chen₄ quián₅ juig₅₄ jme₂dsa₂, quian'₅₄ tē₅juá'₅, ca₂le₃jín₃ guě₄ dsi₂gui'₅₄ can'₅₄ ně₃. ⁴⁴ Jaun₂ Judas ně₃, ia₁

† 14:27 Zacarías 13:7. ‡ 14:30 A₂lín₅₄ chog₅₄ si₂ tsá₃ chi₁ton₅ “jě₁ca₂tě₂ tin₃ ráun₂.” Š 14:36 Abba: co₂'nió'₄ le₃jua'₅₄: “Tia₅₄” quian'₅₄ jág₁ jmei₅ arameo.

ma₂ca₂jmo₃ bá₄ jág₁ le₂jñiá₅ 'e₂ léi₄ jmo₃ jë₁ma₂tě₂ rë₁jáng'₂, jme₁ma₂juá'₂: “I₂chen'₄ jniá₂ quió'₅, i₂'éi₂ bá₄ jma'₅₄ 'nia'₂, jaun₂ tě'₅₄ 'nia'₂, lě₅ 'í₁.”

⁴⁵ Jaun₂ dsi₂jui₅ jme₁dsióg₃ Judas, ca₂jme₃quiáin₃ con₂ Jesús, jaun₂ ca₂juá'₂:

—i₂Tě₅! —Jaun₂ ca₂chen'₃ quió'₅. ⁴⁶ Jaun₂ dsi₂jui₅ le₂jaun₂ ca₂jñau'₃ dsa₂, ca₂tág₃.

⁴⁷ La₁ jan₂ i₂jme₁chén'₄ cau₅ ně₃, ca₂dsi₂ ñi₁tág₂, ca₂ti₃ caun₂ rë₂gua₄ dsa₂ i₂jme₂ti₃ quián₅ jme₂dsa₂ dsen₅₄. ⁴⁸ Jaun₂ ca₂juá'₂ Jesús ca₂tsi'₃ dsa₂:

—¿Dsa₂ 'ang₂ líng₅, 'e₂ ja₂nó'₅ 'nia'₂ le₁quian'₄ ñi₁tág₂, 'ma₂ ně₃, a₂tě'₅₄ jniá₂? ⁴⁹ Jua'₂ ca₂le₃jě₃ jmig₄ bá₄ 'eng₅₄ jin'₄ 'nia'₂, jme₂tíng₁ dsa₂ i₁dsi₅ guá'₅, tsá₃ ma₂ca₂chong'₂ guě'₂ 'nia'₂ ja₁jaun₂. La₁ lě₂ le₂ně₅, ia₁jaun₂ le₃ti₃ con'₂ lě₅ juá'₂ ne₄ Si₂.

⁵⁰ Jaun₂ qui₂ca₂cuíng₃ bá₄ ca₂le₃jín₃ chi'₂ dsi₂guia₃-tín₂, ca₂téin₂ bá₄ Jesús.

Dsó₂ i₂ca₂cuíng₃ tě₃rě₂ñí₅

⁵¹ Tě₃jě₄ jaun₂, ñó₃ jan₂ dsó₂ rë₂bóin'₅ caun₂ tsi₁'mí'₂ tióg₃, 'ein₂₃ Jesús. ⁵² Jaun₂ jme₁ca₂jñau'₃ dsa₂, la₁ ca₂lóin₂ bá₄, jmá'₃ tsi₁'mí'₂ bá₄ ca₂lí'₃ dsa₂. Jaun₂ ñái'₃ bá₄ tě₃ rě₂ñí₅.

Ma₂chén'₅ Jesús ne₄ dsi₂tan₅₄ quián₅ guá'₅

(Mateo 26:57-68; Lucas 22:54-55, 63—71; Juan 18:12-14, 19—24)

⁵³ Jaun₂ ca₂tág₃ dsa₂ Jesús i₁jo₅₄ ne₄ jme₂dsa₂ dsen₅₄, jaun₂ ca₂ñi'₂ ca₂le₃jín₃ juig₅₄ jme₂dsa₂, quian'₅₄ dsi₂gui'₅₄ can'₅₄, tě₅juá'₅ ně₃. ⁵⁴ Pe₄ ně₃ ca₂ñó₃ uíng₂ tě₂quíin₃ 'ein₂₃ Jesús ca₂tě₂ i₁dsi₅ quió'₅ jme₂dsa₂ dsen₅₄. Ja₁jaun₂ ca₂guá'₂ cau₅ si₂ quiaín₅₄ 'lióg₂, ca₂jme₃dsiain'₂.

⁵⁵ Jaun₂ juig₅₄ jme₂dsa₂, quian'₅₄ ca₂le₃jín₃ dsi₂tan₅₄ quián₅ guá'₅ ně₃, qui₂ca₂'nau'₃ jui₅ 'a₂ lia'₂ bóin'₂ dso₄ Jesús ia₁jaun₂ jñag'₃. La₁ tsá₃ dso'₂ guě'₂ jui₅ 'e₂ dso₄ jme₃cáu'₂, ⁵⁶ ia₁ juin₅ i₂qui₂ca₂jmo₃ jág₁ tě₂jág₁ a₂bóin'₂ dso₄ Jesús, la₁ tsá₃ tě₃tsi'₅₄ guě'₂ jág₁ quió'₅ tióin'₅₄. ⁵⁷ Jaun₂ i₂lín₅₄ ně₃ qui₂ca₂nau₂ ca₂jmo₃ jág₁ tě₂jág₁ a₂'ni₂₃ Jesús, ca₂juá'₂:

⁵⁸ —Ma₂néi₁ jnia'₅₄ juá'₂ i₂ně₅: “A₂éng₄ guá'₅ templo a₂ca₂jmo₃ dsa₂ mi₂güíng₃, jaun₂ quian'₅₄ 'ni₅ jmig₄ jmóg'₄ táng₃ 'ñióg₃ caun₂ guá'₅ siá'₂, on₃jua'₅₄ lia'₂ lě₅ guá'₅ ně₅ a₂ca₂jmo₃ dsa₂ mi₂güíng₃.”

⁵⁹ On₃ guě'₂ quian'₅₄ jág₁ jaun₂ ca₂lí'₃ jág₁ rě₂.

⁶⁰ Jaun₂ ca₂nau₂ jme₂dsa₂ dsen₅₄ tě₃jě₄ tióin'₅₄ jaun₂, jaun₂ ca₂ñí'₃ Jesús ca₂juá'₂:

—¿Tsa₁ 'e₂ ñag'₅₄ 'i₁caun₂? ¿I₂'e₂ bá₄ jág₁ ně₅ jme₂cáu'₂ dsa₂ quiang'₂?

⁶¹ La₁ tei₄ bá₄ ca₂nau₂ Jesús, tsá₃ ma₃'e₂ ca₂ñag₃. Con'₂ siá'₂ ca₂ñag₃ táng₃ jme₂dsa₂ dsen₅₄, ca₂juá'₂:

—¿Dsón'₂ 'ne₂ líng₅ dsa₂ I₂rě₂'ín₁, Ja₁ñi'₅₄ I₂jñióg₅?

⁶² Jaun₂ guě₄ ca₂ñag₃ Jesús:

—Ján₅, jniá₂ bá₄ líng₅. Ján₃ bá₄ tě₃ ne'₅₄ 'nia'₂ jë₁ma₂tě₂ rë₁guá₃ Jaun₅ dsa₂ mi₂güíng₃ tě₂le₃ gu₂ ne₁ quió'₅ i₂'uan'₂, jaun₂ ján₃ bá₄ jag'₅₄ 'nia'₂ jë₁ma₂tě₂ rë₁jñióg₂ táng₃ jě₄ jnei₅ guei'₅₄.

⁶³ Jaun₂ jme₂dsa₂ dsen₅₄ ně₃, jme₁ca₂nág₂ jág₁ jaun₂, ca₂chein₃ ni₁tsin'₅₄ 'ñiog₅, * jaun₂ ca₂juá'₂:

—¿E₂ guě₄ jmá'₃ jág₁ 'lióng₂ 'niog₂ jniog₄ jua'₅₄ a₂jáng'₃ guě₄ dsa₂ sián'₂ jág₁ dsau₅?

⁶⁴ Ma₂ně₂nei'₂ bá₄ 'nia'₂ guiong'₅₄ a₂ma₂ně₂juá'₂ i₂ně₅ 'iin₂₃ Diú₄. ¿A₂ lia'₂ juá'₂ 'nia'₂?

Jaun₂ ca₂le₃jín₃ dsa₂ ca₂juá'₂ tióin'₅₄, ca₂tíin₂ jóin₂ bá₄.

⁶⁵ Jaun₂ ca₂jme₃lióg₃ i₂lín₅₄ qui₂ca₂'ñéi₃ quió'₅ Jesús, qui₂ca₂lio₃ dsa₂ dsi₂ne₅₄, jaun₂ qui₂ca₂jno₂ ně₃ tióin'₅₄, jaun₂ juá'₂:

—i₂Dsi₄ jág₁ jua'₅₄ 'ein₂ ně₂quein₃ quiáng'₂!

Chi'₂ 'í₅₄ quián₅ guá'₅ ně₃, ján₃ bá₄ qui₂ca₂cuě₃ ja'₂ tióin'₅₄.

* **14:63** Jme₁chí'₄ tag₄ quió'₅ dsa₂ judíos jmig₄ jaun₂ a₂gág₅ dsa₂ ni₁tsin'₅₄ cuě₂₃ léi₄ jë₁ma₂'í₅ 'nei₂ dsí₅, o₃ jme₁'i₄ qui₂ dsí₅.

Tsá₃ ca₂tion₃ Pe₄ a₂cuin₂₃ Jesús

(Mateo 26:69-75; Lucas 22:56-62; Juan 18:15-18, 25—29)

⁶⁶ I₁dsi₅ ca₁'né₄ 'uē₃ bá₄ jme₁guá₄ Pe₄. Jaun₂ ca₂dsióg₃ jan₂ 'io₅₄ i₂jme₂ti₃ ta₁ ne₄ jme₂dsa₂ dsen₅₄, ⁶⁷ jaun₂ ca₂jín₂ Pe₄ guá₅ jme₂dsioin'₂, jaun₂ ca₂jág₂ 'io₅₄ tiá₂, ca₂juá'₂:

—¿Ján₃ guē'₂ jme₁quian'₄ 'ne₂ Jesús Nazareno ó₃?

⁶⁸ La₁ tsá₃ ca₂tion₃ Pe₄.

—Tsá₃ guion₅₄, on₃ guē₄ njí'₂ 'e₂ a₂juá'₂ 'ne₂.

Jaun₂ ca₂nau₂ Pe₄ ca₂o₃ 'ín₃ ca₂i₁nau₂ tē₂le₃ ca₁'né₄ ja₁lě₄ corredor. Tē₃jě₄ jaun₂ ca₂'o₃ tē₂guí₄ dsó₂. ⁶⁹ Con'₂ siá'₂ ca₂jág₃ táng₃ 'io₅₄ ca₂jín₂ Pe₄, jaun₂ ca₂juá'₂ ca₂tsí'₃ dsa₂:

—Jan₂ rin'₅₄ 'éi₂ bá₄ nē₅.

⁷⁰ La₁ ján₃ bá₄ le₂jaun₂ tsá₃ ca₂tion₃ Pe₄. Jme₁co₂lág₂ jaun₂, dsa₂ i₂tián'₅ quian'₅₄ Pe₄ ca₂juá'₂:

—Dsón'₂ rin'₅₄ 'éi₂ bá₄ líng'₅, ia₁ ján₃ bá₄ Galilea chang'₂.

⁷¹ Jaun₂ nē₃, Pe₄ ca₂'ín₃ Diú₄ ca₂mí₃ a₂dsi₃ní₂ 'e₂ dsi₃ní₂, ca₂juá'₂:

—¿Tsá₃ cuíng₅ dsa₂ i₂'ín'₅ 'nia'₂!

⁷² Dsi₂jui₅ jaun₂ ca₂'o₃ táng₃ tē₂guí₄ dsó₂ a₂ca₂tē₂ tin₃ ráun₂. Jaun₂ guē₄ nē₃ ca₂dsáu'₃ dsí₅ Pe₄ a₂ca₂juá'₂ Jesús le₂jniá₅: “Né'₃ a₂'o₃ jē₁ca₂tē₂ tin₃ ráun₂ tē₂guí₄ dsó₂, hora jaun₂ dé₄ dsón'₂ chéng'₅ tsá₃ tóng'₄ ta₁'ni₅ ráun₂ a₂cuig'₂ jniá₂.” Jme₁ca₂dsáu'₃ dsí₅ jág₁ nē₅, jaun₂ guē₄ ca₂'o₃ 'nio₅ lín₃.

15

Chén'₅ Jesús ne₄ Pilato

(Mateo 27:1-2, 11—14; Lucas 23:1-5; Juan 18:28-38)

¹ Dsi₂jui₅ jme₁jnia₃ táng₃ jaun₂, ca₂ní'₂ juig₅₄ jme₂dsa₂ quian'₅₄ dsi₂gui'₅₄ can'₅₄, quian'₅₄ ca₂le₃jín₃ tē₅juá'₅, ca₂le₃jín₃ guē₄ i₂lín₅ dsi₂tan₅₄ quián₅ guá'₅ nē₃. Qui₂ca₂ní'₃ riin'₅₄ ca₂jmo₃ caun₂ jág₁. Ca₂'néi'₂ Jesús tioen'₅₄, jaun₂ ca₂i₁jio₃ ne₄ Pilato. ² Jaun₂ ca₂ñag₃ Pilato:

—¿Dsón'₂ líng'₅ Rag₅₄ quián₅ dsa₂ judíos?

Jaun₂ ca₂ñag₃ Jesús:

—Le₂nē₅ bá₄, jui₁lia'₂ juá'₂ 'ne₂ nē₅.

³ Jaun₂ caun₂ qui₂ca₂'nag₃ guē₄ juig₅₄ jme₂dsa₂ 'lióng₂ ne₅₄ dso₄ ca₂bóin'₂ Jesús. ⁴ Jaun₂ con'₂ siá'₂ táng₃ ca₂ñag₃ Pilato ca₂ní'₃ Jesús, ca₂juá'₂:

—¿Tsa₁ a₂ñag'₅₄? Nē₅ bá₄ nag'₂ 'ñiag'₂ 'lióng₂ dso₄ a₂bóg'₂ dsa₂.

⁵ La₁ tsá₃ ma₃'e₂ ca₂ñag₃ Jesús 'i₁caun₂. Jaun₂ jě₃ ca₂i₃gó'₃ dsí₅ Pilato.

Ca₂o₃'ág₃ 'éi'₃ a₂jón₂ Jesús

(Mateo 27:15-31; Lucas 23:13-25; Juan 18:38--19:16)

⁶ Jmíg₄ jaun₂ jme₁chí'₄ tag₄ a₂lióin₂ ca₂le₃jě₃ njí₂ jan₂ dsa₂ i₂'en₅₄ né'₃ 'má₃, jme₁tē₅ Jmíg₄ Tē₂'ín₅₄, 'ein₂ ca₂'ín₃ dsa₂ juig₂ i₂lión₂. ⁷ Jaun₂ jme₁'en₅₄ né'₃ 'má₃ jan₂ dsa₂ i₂chen₂ Barrabás, quian'₅₄ dsa₂ i₂ma₂ca₂jme₃dsian₅ dsa₂ jme₁ca₂nau₂ 'nei₂. ⁸ Jaun₂ ca₂mí₃ dsa₂ juig₂ ca₂tsí'₃ Pilato a₂jmo₃ con'₂ lě₅ tag₄ chí'₅. ⁹ Jaun₂ ca₂ñag₃ Pilato ca₂tsí'₃ dsa₂ juig₂:

—¿'Niog'₂ 'nia'₂ lon₄ jniá₂ Rag₅₄ quián₅ dsa₂ judíos?

¹⁰ Ia₁ ca₂rě₃lí'₄ bá₄ Pilato 'ñiog₅ a₂'iog₅₄ uig₅ dsí₅ bá₄ juig₅₄ jme₂dsa₂ ca₂jín'₂ Jesús ne₅₄.

¹¹ La₁ juig₅₄ jme₂dsa₂ nē₃ ca₂toin'₂ jág₁ dsa₂, jaun₂ tóin'₃ co₂mí'₅₄ a₂mí₃ lión₂ Barrabás bá₄.

¹² Jaun₂ ca₂ñag₃ táng₃ Pilato ca₂tsí'₃ dsa₂ juig₂:

—¿'E₂ guē'₂ 'niog'₂ 'nia'₂ jmo₅₄ jniá₂ quian'₅₄ i₂tē'₂ 'nia'₂ rag₅₄ quiáng'₂?

¹³ Jaun₂ ca₂ñag₃ dsa₂ juig₂ co₂mí'₅₄ tioen'₅₄, ca₂juá'₂:

—¿Tióin₃ cróg₄!

¹⁴ Jaun₂ ca₂juá'₂ táng₃ Pilato:

—¿'E₂ 'uig₅₄? ¿'E₂ guë'₂ dso₄ ma₂'náu₂?

La₁ tē₂le₃ i₂jui'₂ guë'₄ co₂mi'₅₄ ca₂tóin'₂, ca₂juá'₂:

—¡Tióin₃ cróg₄!

¹⁵ La₁ Pilato nē₃, ia₁jaun₂ dsi₃lén₂ dsa₂ tei₄, ca₂lióin₂ bá₄ Barrabás i₂mi₅ dsa₂ líon₂. Jme₁ma₂nē₂dsí₃ Pilato 'éi'₃ a₂bán₂ dsa₂ Jesús, jaun₂ ca₂jáng'₂ o₄gú₃ dsa₂ juig₂ jaun₂ tion₃ cróg₄.

¹⁶ Jaun₂ ca₂tág₃ 'lióg₂ Jesús tē₂le₃ i₁dsi₅ ne₄ta₁, (co₂'nió'₄ caun₂ ja₁chei₂ Praetorio), jaun₂ ca₂ñí'₂ 'lióg₂ ca₂le₃jín₃ riin'₅₄. ¹⁷ Jaun₂ ca₂quei'₃ dsa₂ caun₂ capa 'ui'₃, * jaun₂ ca₂jmo₃ caun₂ corona quian'₅₄ chi₁uín₃ taun₅, ca₂tó'₂ mi₂dsi₄ Jesús. ¹⁸ Jaun₂ ca₂jme₃lióg₃ qui₂ca₂cuag₃ Diú₄ tioin'₅₄, ca₂juá'₂:

—¡Sian'₃ 'ne₂ Rag₅₄ quián₅ dsa₂ judíos!

¹⁹ Jaun₂ qui₂ca₂bá₂ mi₂dsi₄ Jesús quian'₅₄ ni₁'ma₂ ta₅, qui₂ca₂'ñéi₂ nē₃ tioin'₅₄, qui₂ca₂chi₃jné₃ nē₃, a₂jme₂juag'₂. ²⁰ Jme₁ca₂lē₃ a₂lē₁co₂j móg'₂ jaun₂, ca₂dsein₂₃ táng₃ Jesús tsi₁'mi'₂ 'ui'₃ a₂jme₁ca₂quei'₃. Jaun₂ ca₂quei'₃ táng₃ ni₁tsin'₅₄ a₂jme₁qui'₂. Jaun₂ guë'₄ ca₂jñiai₃ Jesús a₂dsi₃tion₃ cróg₄.

Ca₂tion₃ dsa₂ cróg₄ Jesús

(Mateo 27:32-44; Lucas 23:26-43; Juan 19:17-27)

²¹ Jaun₂ ca₂chi₃quiáin₂ jmig₄ jan₂ dsa₂ i₂'en₅₄ jui₅ jón'₅ ja₁nau₂, i₂chen₂ Si₂mu₅₄ i₂chan₂ juig₂ Cirene, i₂lín₅ jmei₂ Alejandro quian'₅₄ Rufo, a₂cán₂ 'éi₂ cróg₄ quió'₅ Jesús.

²² Jaun₂ ca₂jñia₃ dsa₂ Jesús caun₂ ja₁chei₂ Gólgota, (co₂'nió'₄ jein₅ jág₁ chei₂ Dsi₂con'₂ Ni₁mu₅ Mi₂dsi₄ 'Lag₄.) ²³ Jaun₂ ca₂jén'₃ ne₄ Jesús vino a₂rē₂cón'₅ quian'₅₄ mirra, la₁ tsá₃ ca₂gue₃ 'éi₂. ²⁴ Jaun₂ guë'₄ ca₂tion₃ cróg₄. Dsi₂'lióg₂ guë'₂ nē₃ ca₂jmo₃ dsióg₁ tsin'₅₄ Jesús, ca₂co₃ o₁ne₄ 'ein₂ lí'₂.

²⁵ Con'₂ hora ní₁ ní₃ tē₂ o₃'iog₂,† ca₂tion₃ dsa₂ cróg₄. ²⁶ Jaun₂ ca₂tióng₃ letra dsi₄ cróg₄ co₂'nió'₄ a₂juá'₂ 'e₂ dso₄ a₂bóin'₂ Jesús, a₂juá'₂: “RAG₅₄ QUIÁN₅ DSA₂ JUDÍOS.” ²⁷ Ján₃ bá₄ ca₂tióin₃ guë'₄ on₃ dsa₂ 'ang₂ co₂lē₅ quiong'₅₄, jan₂ tē₂le₃ gu₂ ne₁, jan₂ guë'₂ tē₂le₃ gu₂ jen₅.†

²⁹ Jaun₂ ca₂le₃jín₃ dsa₂ i₂qui₂ca₂ñí₃ jui₅ jaun₂ qui₂ca₂jnúu'₂ jág₁ uig₅, qui₂bí₂ dsi₅₄, ca₂juá'₂: —Ia₁, ¿on₁ 'ne₂ i₂juá'₂ a₂'éng'₄ guá'₅ con'₂ siá'₂ ting'₂ jmog'₅₄ táng₃ quian'₅₄ 'ni₅ jmig₄? ³⁰ Nē₃ nē₃, lion₄ 'ñiag'₂, ja₁tong'₂ nē₅.

³¹ Ján₃ bá₄ le₂jaun₂ a₂lē₁qui₂co₂j móg'₂ juig₅₄ jme₂dsa₂, quian'₅₄ tē₅juá'₅, dsia₂₃ jág₁ qui₂tsí'₅ riin'₅₄, juá'₂:

—Ca₂lióin₂ bá₄ i₂sián'₂, la₁ 'ñiog₅ bá₄ tsá₃ lé₂ le₃lióin₃. ³² Jui₁sión₄ cróg₄ I₂rē₂'ín₁ quián₅ Diú₄ nē₅, i₂juá'₂ lín₅ Rag₅₄ quián₅ dsa₂ juig₂ Israel, ia₁jaun₂ tē₅₄ ne₄ jniog₄, ia₁jaun₂ le₃'éin₂.

Le₂jio₅ dsa₂ i₂le₁ton₅ quian'₅₄ Jesús qui₂ca₂juá'₂ uig₅.

Ca₂jon₃ Jesús

(Mateo 27:45-56; Lucas 23:44-49; Juan 19:28-30)

³³ Jme₁ca₂tē₂ dsi₃ñí'₃, Š ca₂'ág₂ nei₂ le₂con₂ 'uē₃ jaun₂, ca₂lia'₂ ca₂tē₂ hora ní₁ 'ni₅ tē₂le₃ ca₂'láu₂. * ³⁴ Hora jaun₂, ca₂'ñia₂ guë'₄ Jesús jág₁, ca₂juá'₂ tiá₂:

—Eloi, Eloi, ¿lama sabactani? —co₂'nió'₄ a₂juá'₂: Diú₄ quiáng₃, Diú₄ quiáng₃, ¿'e₂ lē₃ ma₂nē₂téi'₃ jniá₂?†

³⁵ I₂lín₅₄ dsa₂ i₂jme₁tióin₂ cau₅ jaun₂ ca₂nág₂, jaun₂ ca₂dsia₃ jág₁ tsí'₅ riin'₅₄:

—¡Nei₂! Elías i₂jme₁'ē₂ jág₁ quián₅ Diú₄ ma₂líg'₂ tē'₂.

* **15:17** Color 'ui₃ jui₁lia'₂ 'mi'₂ a₂qui₅₄ rag₅₄. † **15:25** lit. “hora 'ni₅.” ‡ **15:27** A₂lín₅₄ chog₅₄ si₂ chi₁ton₅ versículo 28, a₂juá'₂ le₂la₂: “Jaun₂ le₂jaun₂ ca₂rē₃ti₃ con'₂ lē₃ juá'₂ Si₂ quió'₅ Diú₄: ‘Aj₂má'₂ dsa₂ 'éi₂ jui₁lia'₂ jē₁jmái'₂ dsa₂ i₂riin₂ dso₄” ’.” Isaías 53:12. Š **15:33** lit. “hora jñéi₂.” * **15:33** lit. “hora ní₃.” † **15:34** Salmo 22:1.

³⁶ Jaun₂ ně₃ ŋó₃ jan₂ co₂chi' ₅₄ i₁quian₅₄ caun₂ ni₁jau₂ guion₅ jmig₂. Jaun₂ ca₂guioin₃ vino dsi' ₃. Jaun₂ ca₂chi₃dsi₂ nei' ₅₄ caun₂ ni₁'ma₂ ta₅, jaun₂ ca₂jén' ₃ ne₄ Jesús ia₁jaun₂ jme₁'ín' ₂. Jaun₂ juá' ₂:

—O₁ne₄ chi₂jua' ₂ jiá₃ Elías jaun₂ sió₂ quió' ₅.

³⁷ Cón' ₂ bá₄ ca₂'ŋióg₂ guě₄ Jesús tiá₂ lín₃, co₂tan₅₄ ca₂join₃. ³⁸ Hora jaun₂ dé₄ dsón' ₂ co₂dsia₅ ca₂chen₃ ca₂tě₂ guei' ₅₄ ca₂tě₂ 'uě₃ ca₂lě₃ tĩn₃ tsín' ₅ tsi₁'mi' ₂ pa₁ a₂jme₁'ei₅ dsi₂néi₂ guá' ₅ templo. ³⁹ Jaun₂ juig₅₄ 'lióg₂ i₂jme₁chén' ₄ cau₅ cróg₄, jme₁ca₂jág₃ 'a₂ lia' ₂ ca₂jon₃ Jesús, jaun₂ ca₂juá' ₂:

—Tě₃dsón' ₂ bá₄ jme₁lín₄ dsa₂ ně₅ Ja₁ŋi' ₅₄ Diú₄.

⁴⁰ Jaun₂ bá₄ jme₁tió₂ i₂lín₅₄ 'io₅₄, jág₅ uíng₂ ján₃. Jě₄ jaun₂ jme₁chén' ₄ María chan₂ Magdala, quian' ₅₄ María chog₅₄ i₂chen₂ José, quian' ₅₄ i₂chen₂ Jacobo† i₂lín₅ i₂me' ₂ guě₄, quian' ₅₄ guě₄ jan₂ i₂chen₂ Salomé. ⁴¹ 'Io₅₄ 'éi₂ ma₂ja₂lén₂ le₂tan₅₄ 'uě₃ Galilea jme₂ti₃ ne₄ Jesús. Juin₅ bá₄ guě₄ 'io₅₄ sián' ₂ i₂ma₂ja₂lén₂ 'ein₂₃ Jesús tě₂ Jerusalén.

Ca₂'on₃ Jesús

(Mateo 27:57-61; Lucas 23:50-56; Juan 19:38-42)

⁴² Jme₁ca₂tó' ₂ nei₂ jmig₄ jaun₂, tion' ₅₄ dsa₂ jmo₂₃ co₂ŋia₅₄ jui₁lia' ₂ 'ióg₃ jmig₄ ŋjió₅. ⁴³ Jaun₂ ca₂dsióg₃ José i₂chan₂ Arimatea, i₂lín₅ jan₂ dsa₂ dsen₅₄ i₂quian' ₅₄ dsi₂tan₅₄ quián₅ guá' ₅. Ia₁ 'éi₂ ján₃ jme₁chi₁ŋia₂₃ a₂'ín₂ dsi₅ a₂guá₂ 'éi' ₃ quió' ₅ Diú₄. Jaun₂ ca₂dsia₃ tiá₂ dsi₅ ně₃, ŋó₃ ja₁con₂ Pilato, ca₂i₁mi₁₂ 'lag₄ Jesús. ⁴⁴ Jaun₂ ca₂i₃gó' ₃ dsi₅ Pilato jme₁ca₂nág₂ a₂ma₂jon₅ Jesús, jaun₂ ca₂tě' ₃ juig₅₄ 'lióg₂ ca₂ŋag₃ chi₂jua' ₂ dsón' ₂ ma₂join₂₃. ⁴⁵ Jme₁ca₂rě₃ŋi₅ ca₂juá' ₂ 'lióg₂, “Dsón' ₂ bá₄ le₂jaun₂ ma₂ca₂lě₃”, jaun₂ ca₂jíin' ₂ 'lag₄ o₄gú₃ Sě₄ 'éi₂. ⁴⁶ Jaun₂ Sě₄ ně₃ ca₂i₁lia₅ 'mi' ₂ tióg₃; quian' ₅₄ a₂jaun₂ ca₂lio₂in₃ 'lag₄ Jesús jme₁ca₂sió₂ cróg₄. Jaun₂ ca₂to' ₂ 'ŋió' ₃ tau₂ 'ŋio₅ a₂jme₁ma₂lě₅ dso' ₂ ni₁'lau₂. Jaun₂ ca₂mói₂ ca₂míg₂ ni₁cang₁ 'í₂ pa₁, ca₂jne₃ 'o₄ tau₂ 'ŋio₅. ⁴⁷ Jaun₂ María i₂chan₂ Magdala quian' ₅₄ María chog₅₄ José, ca₂tě₂ ne₅₄ ja₁ca₂'on₃ Jesús.

16

Ca₂jen' ₅₄ Jesús

(Mateo 28:1-10; Lucas 24:1-12; Juan 20:1-10)

¹ Le₃ca₂gú' ₃ jmig₄ ŋjió₅, jaun₂ María i₂chan₂ Magdala quian' ₅₄ María chog₅₄ Jacobo,* quian' ₅₄ guě₄ jan₂ i₂chen₂ Salomé, ca₂i₁lia₅ no' ₅₄ mi₂juig₂ a₂jme₁dsi₃tsáng₃ ni₁ŋi₁ 'lag₄ Jesús. ² Jaun₂ le₁né₃ guě₄ jme₁ŋia₃ jmig₄ le₂'uig₅₄ semana, ca₂i₃lén₂ ja₁chi₁'on₅ Jesús, ca₂dsi₃lén₂ con' ₂ ma₂'en₅ ca₂la₂ 'iog₂. ³ Jaun₂ dsia₂₃ jág₁:

—¿Ein₂ jme₃'o₅₄ ŋniog₄ mói₂ cau₅ ni₁cang₁ a₂chi₁ŋi₅ 'o₄ tau₂ 'ŋio₅?

⁴ La₁ jme₁ca₂jág₃ ně₃, jua' ₂ ma₂rě₂mu₅, cau₅ bá₄ ma₂chi' ₅. Ia₁ a₂jme₁pa₁ lín₃ bá₄ ni₁cang₁.

⁵ Jaun₂ ca₂i₃toin' ₅₄ 'ŋió' ₃, jaun₂ ca₂jíin₂ jan₂ dsa₂ chi' ₂ i₂qui' ₂ 'mi' ₂ chen' ₅₄ tiog₂, guá₅ tě₂le₃ gu₂ ne₁ ja₁i₃lén₂ jaun₂. Jaun₂ ca₂i₃gó' ₃ dsi₅ 'io₅₄ ně₃. ⁶ La₁ ca₂juá' ₂ dsa₂ 'éi₂:

—Tsá₃ ju₁dsi₂gó' ₃ 'au' ₂ 'nia' ₂. A₂'na' ₂ Jesús bá₄ 'nia' ₂ i₂niog' ₅₄ i₂ca₂jon₃ ca₂tion₃ dsa₂ cróg₄. La₁ ma₂ca₂jein' ₅₄ bá₄. Tsá₃ 'éi₂ chan₂ ja₁lá₃. Ně₅ jag₄ 'nia' ₂ ja₁ca₂quio₅ dsa₂. ⁷ Jaun₂ o₂nó' ₅ 'nia' ₂ o₂chei' ₅₄ chi' ₂ dsi₂guia₃-tín₂ quiáin₅, Pe₄ ně₃, a₂ma₂'ein₅₄ ju₁ŋó₅ ŋjiái₅ lia' ₂ con' ₂ guě₄ 'nia' ₂ ju₁ Galilea. Ja₁jaun₂ o₁jíin' ₄ 'nia' ₂ con' ₂ lě₅ jág₁ quió' ₅ ma₂ca₂juá' ₂.

⁸ Jaun₂ ca₂'u₁in₂ tau₂ 'ŋio₅ i₃lein₃ cuíng₂₃, dsi₂gó' ₃ dsi₅ jlein₂₃. Tsá₃ 'ein₂ ca₂tsí' ₃ le₂'i₄ ju₁, ia₁ a₂gó' ₅ bá₄ i₃lein₃.

Ca₂jme₃ŋia₅ Jesús ne₄ dsa₂ quiáin₅,†
(Juan 20:11-18)

† 15:40 o₃, Santiago. * 16:1 o₃, Santiago. † 16:8 Chog₅₄ si₂ a₂lě₅ gui' ₅₄ guě₄ tsá₃ le₁ton₅ versículos 9-20.

⁹ Jaun₂ tē₂le₃ o₂'iog₂ jmi₄g le₂'uig₅₄ a₂ca₂rē₃lió₃g semana a₂ca₂jein'₅₄ jaun₂, ca₂jme₃jniai₂₃ le₂'uig₅₄ ne₄ María chan₂ Magdala, i₂ca₂'uín'₂ Jesús guion₃ je₂na'₅₄ quió'₅ le₂jñiá₅. ¹⁰ Jaun₂ 'éi₂ ně₃ ca₂i₁chi'₄ dsa₂ i₂jme₁quian'₅₄ Jesús. 'Éi₂ ně₃, tioen'₅₄ 'lia'₂ dsí'₅, qui'₂-o₂₃ bá₄. ¹¹ Jme₁ca₂nág₂ juá'₂ 'io₅₄ a₂ma₂chan₂ táng₃ Jesús, ia₁ ma₂ně₂jág₂ 'io₅₄, la₁ tsá₃ 'ein₂ ca₂rē₃ 'én₂ guě'₂ jág₁ jaun₂.

Ca₂jme₃jnia₅ Jesús ne₄ on₃ dsa₂ quiáin₅
(Lucas 24:13-35)

¹² Cang₂ jaun₂ táng₃ ca₂jme₃jnia₅ Jesús le₂siá'₂ ne₄ on₃ dsa₂ 'éi₂ quiáin₅, ja₁jme₁i₂nioi₅₄ ja₁nau₂. ¹³ Jaun₂ ca₂i₃lein₃ táng₃ ca₂i₁chi'₄ riin'₅₄. Ján₃ bá₄ le₂jaun₂ tsá₃ 'ein₂ riin'₅₄ ca₂rē₃ 'én₂ jág₁ a₂dsia₅ 'éi₂.

Ca₂chen₃ Jesús chi'₂ dsi₂guia₃-tín₂ i₂lě₂ guě₄
(Mateo 28:16-20; Lucas 24:36-49; Juan 20:19:23)

¹⁴ Cang₂ guě₄ jaun₂ ca₂jme₃jnia₅ Jesús jin₄ ta₁guia₃-ján₃ con'₂ i₂jme₁tén₄ guě'₅. Jaun₂ ca₂jí₂ ia₁ 'e₂ lě₃ nǎ₄ lě₃ cang₄ dsi₅₄, tsá₃ 'éin₂ a₂juá'₂ riin'₅₄ i₂ma₂ca₂tě₂ ne₄ a₂ma₂ca₂jein'₅₄ táng₃.

¹⁵ Jaun₂ ca₂juá'₂ ca₂tsí'₃ dsa₂ 'éi₂:

—O₂nó'₅ 'nia'₂ le₂con₂ mi₂güí₃, o₂'ě₃ jin₄ ca₂le₃jín₃ dsa₂ jág₁ dse₃. ¹⁶ I₂'én₂, i₂jñó₂ jmi₂g ně₃, lióin₂, tǐin'₄ bá₄. I₂tsá₃ 'én₂ ně₃, le₃chain₂ tioen'₅₄ 'éi'₃ a₂dsi₃'éin₂. ¹⁷ Jaun₂ léi₄ la₂ jme₃quian'₅₄ dsa₂ 'én₂. Tē₂le₃ quian'₅₄ bí₂ 'éi'₃ quió₃ jniá₂, 'uín'₂ je₂na'₅₄, ton'₂ dsia₃ dsa₂ jág₁ jmei₅ 'mí₂ ně₃. ¹⁸ Nē₁jua'₂ 'ein₂ ca₂jñā'₃ dsi₂mi'₂, o₃ 'ein₂ ca₂'in'₃ mí₅ 'lig'₅₄, la₁ tsá₃ 'e₂ jén'₄. Qui₂quiog₃ gu₂ ne₄ quió'₅ dsa₂ dso'₅₄, jaun₂ 'lión₂ bá₄ dsa₂.

Ca₂uíg₂ Jesús guei'₅₄ i₂juíg₃
(Lucas 24:50-53; Hechos 1:6-11)

¹⁹ Jme₁ma₂lě₅ juá₂ Te₁gui'₅₄ Jesús le₂ně₅, jaun₂ guě₄ ca₂roin'₂ nǎi'₃ guei'₅₄ i₂juíg₃, jaun₂ ca₂guá₂ tē₂le₃ gu₂ ne₁ quió'₅ Diú₄. ²⁰ Cang₂ jaun₂, dsa₂ i₂jme₁quian'₅₄ ně₃, ca₂'uín₂ i₁lein₅₄ ca₂le₂con₂ juíg₂ i₁'ě₄ jág₁. Jaun₂ 'ñiog₅ bá₄ Te₁gui'₅₄ Jesús ca₂cuě₃ bí₂, ca₂jmo₃ léi₄ a₂dsón'₂ dsau₅ jág₁ quió'₅, tē₂le₃ quian'₅₄ ca₂le₃jě₃ léi₄ juě'₂ a₂qui₂ca₂jmo₃ dsa₂ quiáin₅.

Co₂ně₅.

Jág₁ Dse₃ quió'₅ Diú₄ a₂ca₂tó'₂ San Lucas ne₄ Si₂

Jág₁ a₂ca₂rë₃lióg₃ Si₂ a₂ca₂jmo₃ San Lucas

¹ Juin₅ bá₄ dsa₂ i₂qui₂ca₂nio₃ ne₄ ca₂can₃ ta₁ ca₂tó'₂ ne₄ si₂ ca₂le₃jě₃ jág₁ 'a₂ lia'₂ dsón'₂ niog₅ ca₂lě₃ jě₄ quián₂ jnia'₅₄, ² lia'₂ con'₂ lě₅ ca₂jme₃tag₅ dsa₂ i₂ca₂tě₂ ne₄ lia'₂ con'₂ le₂'uig₅₄ jme₁ca₂rë₃lióg₃, ton'₂ ca₂jme₃'o₅₄ ca₂'ě₂ jág₁ dse₃. ³ Ján₃ bá₄ le₂jaun₂, jniá₂ ně₃ ma₂cáun₃ 'í₁ dse₃ lín₃ 'a₂ lia'₂ ma₂já₅jě₁le₂'uig₅₄, jaun₂ bá₄ lín₂ dsi₂ten₅₄ a₂tó'₄ ne₄ si₂ la₂ ca₂le₃jě₃ lia'₂ con'₂ lě₅, a₂tsing₂ ne'₅₄ 'ne₂, gui'₅₄ Teófilo, * ⁴ ia₁jaun₂ ŋi'₅₄ dse₃ a₂dsón'₂ tí₅ jág₁ a₂ma₂ca₂rë₃tíng'₃.

'Ē₂ jág₁ ángel quián₅ Diú₄ a₂le₃chan₂ Juan₅₄ i₂chon₃ dsa₂ jmig₂

⁵ Jmig₄ lia'₂ con'₂ jme₁lín₄ Herodes rag₅₄ 'uě₃ Judea, jme₁chan₂ jan₂ jme₂dsa₂ i₂jme₁chen₂ Zacarías, i₂jme₁tén₄ le₃quió'₅ co₂nió'₃ jme₂dsa₂ quián₅ Abías. Dsa₂ mí₂ quián₅ jme₂dsa₂ 'éi₂ ně₃ jme₁chen₂ Elisabet, i₂jme₁lín₄ tsi₁jon₂ quián₅ jme₂dsa₂ Aarón. ⁶ Le₃oin₃ jme₁lín₄ dsa₂ dsen₃ le₃ne₄ Diú₄, jme₁jme₂ti₃ 'éi'₃ quió'₅ Te₁gui'₅₄. A₂chain₂ le₂jaun₂ ně₃, tsá₃ 'ein₂ qui₂le₃bóg'₂ dso₄ jua'₅₄ 'e₂ dso₄ le₃bóg'₂. ⁷ La₁ 'i₁jan₂ guein₂ tsá₃ i₂ma₂ca₂rë₃chán₃ quián₅, ia₁ jme₁lín₄ Elisabet jan₂ 'io₅₄ quen₂. Jme₁ma₂cain'₅₄ ma₂guein'₂ 'ŋio₅ lín₃ jain₂ jain₂.

⁸ Co₂ráun₂, ca₂lě₃ jme₁ca₂tě₂ jmig₄ a₂tin₅₄ jme₂dsa₂ i₂quian'₅₄ Zacarías a₂jme₃ti₃ ta₁ a₂tióin₂ ne₄ Diú₄, ⁹ a₂jmo₃ lia'₂ con'₂ lě₅ tag₄ chí'₅ quió'₅ jme₂dsa₂. Tě₃jě₄ jmig₄ jaun₂, ca₂o₃ág₃ jág₁ ca₂tín₂ Zacarías, a₂'í₂ dsi₂néi₂ ja₁jnió₅ quió'₅ Te₁gui'₅₄ a₂dsí'₂ chen₂. ¹⁰ Tě₁lia'₂ 'ein₅₄ dsí'₂ chen₂ ne₄chei₂ ně₃, dsa₂ juig₂ guě'₂ le₃ca₁'né₄ bá₄ le₁ŋi'₂ chi₂lén'₂ Diú₄.

¹¹ Tě₃jě₄ jaun₂ ca₂jme₃jnia₅ jan₂ ángel quián₅ Te₁gui'₅₄ ne₄ Zacarías tě₂le₃ gu₂ ne₁ ja₁lě₄ ne₄chei₂. ¹² Jme₁ca₂jág₂ Zacarías, ca₂ja₃gó'₃ dsí₅ 'ŋio₅ lín₃, ca₂lia'₂ tsá₃ a₂ŋi₅ jmo₃ ca₂jén'₃. ¹³ La₁ ca₂juá'₂ ángel:

—Zacarías, tsá₃ lě₁jmo₂ gang'₃, ia₁ ma₂nág₂ Diú₄ jág₁ quiáng'₂ a₂chi₁lein'₅₄, jaun₂ le₃chan₂ jan₂ guein₂ dsa₂ ŋe'₂ quián₅ Elisabet dsa₂ mí₂ quiáng'₂. Guein₂ 'éi₂ quiang'₅₄ Juan₅₄. ¹⁴ Jmó'₂ 'io'₂ le₃chang'₂, o₂'ŋi₃ o₂jnia₃ 'au'₂ ně₃, ján₃ bá₄ juin₅ i₂tě₃ dsí₅ jě₁ma₂chain₂. ¹⁵ Ia₁ lén₂ dsa₂ juin'₂ le₃ne₄ Te₁gui'₅₄. Tsá₃ vino 'ín'₂, on₃ guě'₂ ti₁jmíg₃ ně₃; Jme₂dsí₂ Jnió₅ bá₄ ma₂rë₂rin₅ tě₂dsí₅ né₃ a₂le₃chain₂. ¹⁶ Co₃jén'₂ juin₅ lín₃ dsa₂ juig₂ Israel le₃quió'₅ Te₁gui'₅₄ Diú₄ quián₅. ¹⁷ 'Éi₂ i₂já₅ ne₄ jui₅ quió'₅ Te₁gui'₅₄, 'ein₅₄ jme₂dsí₂, ton'₂ 'io₂₃ jui₅bí₂ jui₁lia'₂ a₂jme₁'io₅ Elías, a₂jme₃dsiain₁₂ mĩ'₅₄ ja₁con₂ dsa₂, quian'₅₄ chi'₂-guein₂ quián₅, a₂co₃jén'₂ jui₁lia'₂ i₂tsá₃ ne'₅₄, jme₃tag₂₃ le₃tiin₂ le₃ŋi'₂ a₂dse₃. Le₂ně₅ jmo₃ co₂jnia₅₄ dsa₂ ia₁jaun₂ guein₃ Te₁gui'₅₄.

¹⁸ Jaun₂ ca₂ŋag₃ Zacarías ca₂ŋi'₃ ángel:

—Ď'A₂ bá₄ lia'₂ lě₂ le₃guion₅₄ jniá₂ a₂tí₅ dsón'₂ jág₁ ně₅? Ia₁ dsa₂ ma₂guen'₂ bá₄ jniá₂, le₂jaun₂ guě'₂ dsa₂ mí₂ quiáng₃ i₂ma₂dsi₁juin₅₄ ŋi₂ ján₃.

¹⁹ Jaun₂ ca₂ŋag₃ táng₃ ángel:

—Gabriel bá₄ jniá₂, chéng'₅ le₃ne₄ Diú₄. A₂cheng₅₄ bá₄ guio₃ a₂juá'₄ jág₁ dse₃ la₂ ne'₅₄.

²⁰ La₁ tě₂ně₃, cóng'₂, tsá₃ ma₃jág₁ le₃dsiá'₁ ca₂lia'₂ ca₂lě₃ le₂ně₅, 'uig₅₄ ia₁ a₂tsá₃ 'éng'₂ jág₁ quió'₃ a₂le₃ti₃ jě₁ma₂dsin₃ jmig₄ jaun₂.

²¹ Dsa₂ juig₂ ně₃, le₁jnia₂₃ a₂o₃'in₅ Zacarías, dsi₂gó'₃ dsí₅ ia₁ a₂ca₂rë₃'in₄ 'éi₂. ²² Jme₁ca₂o₃'iin₃ ně₃, la₁ tsá₃ ma₃jág₁ le₂dsia₃, jaun₂ ca₂rë₃lí'₄ bá₄ dsa₂, cha₂ a₂ca₂jág₃ dsi₂néi₂ guá'₅ templo. A₂jnia'₅₄ qui₂bí₂ gu₂ bá₄ jmo₂₃ léi₄, ia₁ ma₂coin₅₄.

²³ Jme₁ca₂dsin₃ jmig₄ a₂jme₃ti₃ ta₁ jaun₂, jaun₂ ŋái'₃ bá₄ ja₁quió'₄. ²⁴ Cang₂ jaun₂ ně₃, ca₂can₃ Elisabet dsa₂ mí₂ quián₅ guein₂. Tě₁lia'₂ jaun₂, tei₄ bá₄ ca₂'í₃ dsi₂néi₂ quió'₅ con'₂

* 1:3 o₃, “ne₂ i₂nióg'₃ Diú₄.”

'ñiá₂ tsi'₂. 'Ein₅₄ qui₂dsi₂jñia₅ dsí₅, lín₂: 25 “Co₂ně₅ ca₂rě₃'ñi₃ dsí₅ Te₁gui'₅₄ a₂lín₅ le₂la₂, ia₁jaun₂ tsá₃ ma₂'ag₃ dsa₂ 'lig'₅₄.”

Ě₂ jág₁ jan₂ ángel quián₅ Diú₄ a₂le₃chan₂ Jesús

26 Jñéi₂ tsi'₂ ma₂ne₁ñó₄ a₂quian₅ Elisabet guein₂; Diú₄ ně₃ ca₂chein₃ táng₃ ángel Gabriel caun₂ juig₂ ja₁tén₄ Galilea ja₁chei₂ Nazaret, 27 a₂ca₂i₁jme₁jñiai₂₃ ne₄ jan₂ dsa₂ mi₄ i₂jme₁ma₂li'₅₄ jág₁ a₂jén'₂ gu₂ quian'₅₄ i₂chen₂ José, jan₂ dsa₂ tsi₁jon₂ Rag₅₄ David. Dsa₂ mi₄ 'éi₂ jme₁chen₂ María. 28 Jaun₂ ně₃, ca₂'í₃ ángel dsi₂néi₂ ja₁'en₅₄ María, jaun₂ ca₂juá'₂:

—iSiang'₃ María! i'E₂ guě₄ dsen'₃ 'ne₂, ia₁ quiong'₅₄ Te₁gui'₅₄!†

29 La₁ jme₁ca₂nág₂ María jág₁ ně₅, 'ñio₅ lín₃ ca₂i₃gó'₃ dsí₅, jaun₂ ca₂'náu'₃ dsí₅ 'e₂ bá₄ jein₅ jág₁ jaun₂. 30 Jaun₂ ca₂juá'₂ táng₃ ángel:

—Tsá₃ lě₁jmo₂ gang'₃, María, ia₁ a₂dse₃ dsí₅ Diú₄ jmo₂₃ ja₁cong'₂. 31 Ní₂, 'í₂ jan₂ guein₂ tē₂'au'₂; le₃chan₂ jan₂ guein₂ dsa₂ ñe'₂ quiáng'₂, jaun₂ quiaín'₅₄ JESÚS. 32 'Nio₅ juin'₂ lén₂; quiong₃ dsa₂ a₂lín₅ Ja₁ñi'₅₄ Diú₄ i₂guá₅ guei'₅₄ lín₃. Te₁gui'₅₄ Diú₄ ně₃, dsio₃ ne₄ta₁ quió'₅ David jme₂gui'₂. 33 Jaun₂ jme₃góin₃ con'₂ tan₅₄ ne₄ chi'₂ dsio₄ Jacob, jaun₂ tsá₃ ma₃líg'₂ jmig₄ dsi₃ñí₂ 'éi'₃ quió'₅.

34 Jaun₂ ca₂ñag₃ María ca₂ñí'₃ ángel:

—¿'A₂ bá₄ lia'₂ lē₂ a₂ně₅? Ia₁ tsá₃ dsa₂ ñe'₂ cuíng₅.

35 Jaun₂ ca₂ñag₃ ángel:

—Jme₂dsí₂ Jñi₃ó₅ bá₄ jmo₃ a₂lē₂ le₂jaun₂ ja₁cong'₂; jui₅bí₂ quió'₅ Te₁gui'₅₄ i₂guá₅ guei'₅₄ bá₄ lio₃ 'én'₁ quió'₅. Jaun₂ lě₃, guein₂ jñi₃ó₅ i₂le₃chan₂ 'éi₂, quiong₃ dsa₂ Ja₁ñi'₅₄ Diú₄.‡ 36 Ján₃ bá₄ le₂ně₅ Elisabet ríng'₂, o₁jñia'₅₄ ma₂guein'₂, ma₂tě₂ jñéi₂ tsi'₂ a₂quiaín₂₃ guein₂, jaun₂ le₂ně₅ bá₄ le₃chan₂ jan₂ guein₂ quián₅ i₂tě'₂ dsa₂ 'io₅₄ quen₂. 37 Ia₁ 'i₁caun₂ tsá₃ 'e₂ cha₂jua'₅₄ a₂tsá₃ qui'₅₄ jmig₄ Diú₄.

38 Jaun₂ ca₂juá'₂ María:

—Ní₂, dsa₂ i₂jme₂ti₃ ta₁ ne₄ Te₁gui'₅₄ bá₄ jniá₂; jui₁le₅₄ ja₁cong₂ con'₂ lě₅ jág₁ quiáng'₂.

Jaun₂ ca₂ñá'₃ ángel ja₁coin₂.

Ca₂i₁jag₅₄ María ja₁quió'₄ Elisabet

39 Tě₃jě₄ jmig₄ jaun₂, ca₂ñó₃ María tē₂le₃ dséi₂ jui₅ juig₂ niog₅ má'₂ ja₁tén₄ Judea. 40 Jaun₂ jme₁ca₂dsi₃óg₃, ca₂'í₃ dsi₂néi₂ quió'₅ Zacarías, ca₂cuín₃ Diú₄ Elisabet. 41 Jme₁ca₂nág₂ Elisabet a₂cuag₅ María Diú₄, dsi₂jui₅ jaun₂ bá₄ ca₂jín'₂ guein₂ tē₂dsí₅, jaun₂ ca₂rě₃cain'₂ Jme₂dsí₂ Jñi₃ó₅. 42 Jaun₂ ca₂'í₃ co₂mi'₅₄, juá'₂:

—i'E₂ guě₄ 'ñio₅ jme₂gu'₅₄ Diú₄ 'ne₂, lia'₂ con'₂ guě₄ 'i₁jan₂ dsa₂ mí₂ sián'₂, le₂jaun₂ guě'₂ guein₂ quiáng'₂ ně₃! 43 ¿I₂'ein₂ bá₄ jniá₂, já₅ chog₅₄ Te₁gui'₅₄ quiáng₃ ja₂jag₅₄? 44 Ia₁ dsi₂jui₅ jme₁ně₂cuag'₅₄ Diú₄, ca₂jín'₂ 'io'₂ jén'₅ guein₂ quiáng₃ tē₂dsi₃. 45 i'E₂ guě₄ dsen'₃ 'ne₂ a₂ca₂rě₃'éng'₂, ia₁ le₃ti₃ ja₁cong'₂ a₂ma₂juá'₂ Te₁gui'₅₄!

46 Jaun₂ María ně₃, ca₂juá'₂:

Jme₂juin'₂ tē₂dsi₃ Te₁gui'₅₄.

47 Jme₂dsí₂ quió₃ ně₃, 'io'₂ jén'₅

le₃quió'₅ Diú₄ quiáng₃ i₂lió₂.

48 Ia₁ Diú₄ ca₂jén'₃ ne₅₄ ja₁con₂ jniá₂

dsi₂ñég₂ i₂jme₂ti₃ quiáin₅.

Jaun₂ ně₃, le₂tan₅₄ le₃ne₄ jui₅ ja₁ñó₄,

tě₂ dsa₂ lín₅ i₂rě₂gon'₅₄ quián₅ Diú₄.

49 Ia₁ 'e₂ guě₄ 'uan'₂ Diú₄,

† 1:28 A₂lin₅₄ chog₅₄ si₂juá'₂ ján₃; “Ma₂jme₂gu'₅₄ Diú₄ jme₂gon'₅₄ 'ne₂ con'₂ guě₄ ca₂le₃jín₃ dsa₂ mí₂.” ‡ 1:35 o₃, “Jaun₂ ně₃, guein₂ i₂le₃chan₂ 'éi₂ quiong₃ dsa₂ guein₂ jñi₃ó₅.”

ia₁ ca₂jmo₃ caun₂ a₂juë'₂ ja₁cong₂;
i'e₂ guë'₄ jñi₅ a₂chein₂!

50 Co₂tan₅₄ bá₄ ñéi₂ dsí₅
le₂tan₅₄ tsi₁jon₂ dsa₂ i₂jme₂go₃.

51 Quian'₅₄ gu₂ bën₂, ca₂jmo₃ caun₂ a₂juë'₂
a₂tsá₃ 'ein₂ qui'₅₄ jmi₄.

Ia₁ co₂ñei'₅₄ ca₂guiain'₃ 'uë'₃
dsa₂ i₂con'₂ ñí'₂ dsí₅ guion₅₄ jmo₂₃ táin'₅.

52 Ca₂'liain'₃ cau₅ i₂jme₁tián'₄ can'₅₄,
a₂ca₂dsiain₃ táng₃ i₂jmo₅ me'₂.

53 Dsa₂ i₂jme₁chan₂ 'on₄,
ca₂jme₃tau₅₄ quian'₅₄ a₂dse₃.

I₂ñí₄ jme₁chan₂ dse₃ guë'₂,
ca₂'uág'₂ ca₂chei'₃ lín₃.

54 Ca₂jme₃'oin₅₄ dsa₂ juig₂ Israel i₂jme₂ti₃ quiáin₅,
ca₂dsia₃ ñéi₂ dsí₅ ca₂dsáu'₃ dsí₅

55 con'₂ lë₅ jág₁ quió'₅
ca₂tsí'₃ Abraham jme₂gui'₂ jniog₄
quian'₅₄ ca₂le₃jín₃ tsi₁jon₂ quiáin₅ co₂tan₅₄.

56 Con'₂ 'ni₅ tsi'₂ ca₂dsin₃ ca₂'í₃ María ja₁quió'₄ Elisabet. Cang₂ jaun₂ ñái'₃ táng₃ ja₁quió'₄.

Ca₂rë₃chán₃ Juan₅₄ i₂chon₅ dsa₂ jmi₄g₂

57 Cang₂ jaun₂ ca₂dsin₃ jmi₄g₂ a₂le₃chan₂ guein₂ quián₅ Elisabet, jaun₂ ca₂rë₃chán₃ jan₂
guein₂ dsa₂ ñe'₂ quiáin₅. 58 Jaun₂ ca₂rë₃ñi₅ o₁rñin₅₄, quian'₅₄ dsa₂ i₂tián'₅ cau₅ quió'₅ ñë₃, 'a₂
lia'₂ ca₂jmo₃ Te₁gui'₅₄ dse₃ dsí₅ ja₁con₂ 'éi₂. Jaun₂ ca₂jmo₃ 'io'₂ quiong'₅₄.

59 Jaun₂ ca₂lë₃ ñë₃, jme₁ca₂të₂ jñia₃ jmi₄g₂, ca₂o₃lén₂ dsa₂ ca₂ti₃ lo₄ guein₂, jaun₂ jme₁'nio₃
quiong₃ Zacarías lia'₂ chen₂ jmei₂. 60 La₁ ca₂juá'₂ chog₅₄ guein₂:

—Jan₂'ón₄. Juan₅₄ bá₄ le₃chein₂.

61 Jaun₂ ca₂ñag₃ táng₃ dsa₂:

—'I₁jan₂ o₁rñing'₂ tsá₃ i₂chen₂ le₂ñë₅, jme₁né₄.

62 Jaun₂ ca₂jmo₃ dsa₂ léi₄ quian'₅₄ gu₂ a₂ca₂tsí'₃ jmei₂ guein₂ 'a₂ guë'₂ lia'₂ 'nio₃ 'éi₂ le₃chen₂
guein₂. 63 Jaun₂ ca₂mi₃ 'éi₂ ca₂'nau₅₄ jau₅₄ 'ma₂, jaun₂ ne₄ jaun₂ ca₂tióng₃: “Juan₅₄ bá₄
chein₂.” Jaun₂ ca₂i₃gó'₃ dsí₅ ca₂le₃jín₃ tñoin₅₄. 64 Dsi₂jui₅ jaun₂ ca₂ján₃ mi₂'o₄ Zacarías,
ca₂'ág₂ 'ua₁ táng₃ le₁tsi'₂, ca₂dsia₃ jág₁, ca₂jme₃juiin'₂ Diú₄. 65 Jaun₂ ca₂i₃gó'₃ dsí₅ ca₂le₃jín₃
dsa₂ i₂tián'₅ cau₅, jaun₂ le₂tan₅₄ juig₂ te₁'i₁ 'uë₃ má'₂ ja₁tén₄ Judea ñë₃, ca₂i₃'ag₅₄ jág₁ ca₂le₃jë₃
a₂ca₂lë₃ jaun₂. 66 Dsa₂ i₂qui₂ca₂rë₃ñi₅ a₂jaun₂ ñë₃, jme₁'nio'₂ dsí₅ i₂gú'₃ jág₁ ñë₅, qui₂ñí'₅
le₂jan₂ le₂jan₂ dsia₂₃: “¿'E₂ bá₄ lén₂ guein₂ 'éi₂?” Ia₁ dsón'₂ bá₄ dsau₅ léi₄ jme₁quiong'₅₄
Te₁gui'₅₄ guein₂ 'éi₂.

Le₂la₂ canto a₂ca₂jme₃juin'₂ Zacarías Diú₄

67 Zacarías jmei₂ guein₂ ñë₃, rë₂cain₂ Jme₂dsí₂ Jñi₅o₅, qui₂ca₂'ë₃ jág₁ ca₂cuë₃ Diú₄, ca₂juá'₂:

68 Ju₁le₂juin'₂ Te₁gui'₅₄ Diú₄

quián₅ dsa₂ juig₂ Israel,

ia₁ ma₂guain₂₃ jë₄ quián₂ jniog₄

dsa₂ juig₂ quiáin₅, ma₂ca₂lió₂.

69 Ma₂ca₂cuag₃ jniog₄ jan₂ i₂'uan'₂ lín₃

i₂lín₅ lia'₂ lë₅ caun₂ mi₁juí₁,

jan₂ i₂já₅ jë₄ tsi₁jon₂ David i₂ca₂jme₃ti₃ ta₁ ne₅₄,

a₂ja₂lioin₅₄ dsa₂ quiáin₅.

⁷⁰ Le₂ně₅ jág₁ quió'₅ ca₂cuë₃ ca₃ma₂líg'₂,
ca₂juá'₂ tē₂le₃ quian'₅₄ dsa₂ i₂jme₁'ě₂ jág₁,
i₂jme₁lě₄ 'í₁ quiáin₅,

⁷¹ jme₁ca₂juá'₂ a₂lió₂ o₄gú₃ dsa₂ i₂'iog₅₄,
i₂uig₅ dsí₅ jág₂ ně₃,

⁷² ja₁juá'₂ ně₃ a₂tiá'₃ ηéi₂ dsí₅
ja₁con₂ dsa₂ can'₅₄ quián₂,
ja₁juá'₂ ně₃ dsiog'₂ dsí₅ jág₁ jnió₅ quió'₅ ron₅.

⁷³ A₂ně₅ bá₄ jág₁ jaun₂ ca₂quiog₂
jme₁ca₂'iin₃ 'ηiog₅
ca₂tsí'₃ Abraham jme₂gui'₂ jniog₄:

⁷⁴ a₂ca₂juá'₂ a₂lió₂ o₄gú₃ dsa₂ i₂'iog₅₄,
ia₁jaun₂ dsiá₁ tiá₂ dsí₅ jme₁ti₁ ne₅₄,

⁷⁵ ia₁jaun₂ le₂chong₂ rē₂ le₃ne₅₄, lě₅ 'í₁,
ca₂le₃jě₃ jmig₄ chong₂.

⁷⁶ Jaun₂ tē₂le₃ ja₁con'₂ 'ne₂ guē'₂, jón₃,
tē₂ dsa₂ a₂líg'₅ jan₂ i₂'ě₂ jág₁ quián₅ Diú₄
i₂guá₅ guei'₅₄ lín₃,

ia₁gog'₅₄ ne₄ jui₅ quió'₅ Te₁gui'₅₄
a₂jmó'₂ co₂jñia₅₄ jui₅ quió'₅.

⁷⁷ 'Ne₂ bá₄ o₁jmo'₄ a₂le₃cuí'₅ dsa₂ juig₂ quiáin₅
'e₂ jaun₂ a₂lión₂ dsa₂,
tē₂le₃ quian'₅₄ a₂'én₂ dsáu₁.

⁷⁸ Ia₁ ηéi₂ bá₄ dsí₅ Diú₄ quián₂ jniog₄.

Jaun₂ lě₃, tē₂ guei'₅₄ i₂juíg₃ bá₄
chein₂₃ caun₂ si₂,

ně₂jag₄ bá₄ ca₂jnia₃ caun₂ jmig₄ 'mí₂

⁷⁹ ja₁con₂ dsa₂ i₂tián'₅ jě₄ qui₁né'₃,
ja₁'ei₅ 'én'₁ 'mú₃ ně₃,
a₂jio₃ jniog₄ caun₂ jui₅ ja₁'ag₃ tei₄.

⁸⁰ Caun₂ ca₂i₃cón₃ bá₄ guein₂ 'éi₂, caun₂ rē₂'uain'₂ bá₄ tē₂le₃ jui₅ jme₂dsí₂ ně₃; ca₂guá₂
caun₂ ja₁lě₄ 'uě₃ quein₂ co₂'ηiog₅, ca₂lia'₂ ca₂tē₂ jmig₄ a₂ca₂jme₃jniai₂₃ jin₄ dsa₂ juig₂ Israel.

2

Ca₂rě₃chán₃ Jesús

(Mateo 1:18-25)

¹ Jaun₂ ca₂lě₃ ně₃ jmig₄ jaun₂ ca₂jmo₃ 'éi'₃ gui'₅₄ Emperador Augusto, a₂cho₃ si₂ tioin₃
ca₂le₃jín₃ dsa₂ ta₁caun₂ mi₂güig₃. ² (Jě₁le₂'uig₅₄ si₂ ně₅ ca₂cho₃ dsa₂ lia'₂ con'₂ jme₁lín₄
Cirenio dsi₄má'₂ 'uě₃ Siria.) ³ Jaun₂ jma₃quén₅ ca₂tín₂ dsa₂ ca₂le₃jín₃ dsi₃lein₃ juig₂ go₅₄,
a₂qui₂dsi₃tioin₃ si₂.

⁴ Jaun₂ ca₂'í₃ José jui₅ ca₂o₃'íin₃ juig₂ Nazaret ja₁tén₄ 'uě₃ Galilea, ca₂hái'₃ jui₅ 'uě₃ Judea
a₂dsiáin'₄ Belén, go₄ David, ia₁ dsa₂ tsi₁jon₂ David bá₄ jme₁lín₄ José. ⁵ Ca₂i₁tioin₃ si₂ ja₁jaun₂
quian'₅₄ María i₂ma₂li'₅₄ jág₁ jéin'₂ gu₂ quiaín'₅₄; ma₂quiaín₂₃ bá₄ guein₂ ηi₂₃. ⁶ Ca₂lě₃ ně₃,
con'₂ ma₂tioin'₅₄ ja₁jaun₂, ca₂dsin₃ jmig₄ a₂le₃chan₂ guein₂ quiáin₅. ⁷ Ja₁jaun₂ ca₂rě₃chán₃
guein₂ ne₅₄ 'éi₂ quiáin₅, 'ein₅₄ ca₂lio₃ 'mí'₂, ca₂quio₂₃ 'ηió'₃ tsi₁gu₅ ja₁gué'₅ já'₂, 'uig₅₄ ia₁ a₂tsá₃
ma₃ja₁ca₂tíin₂ dsi₂néi₂ ja₁siá'₂ ja₁jñia₃.

Ca₂jme₃jnia₅ ángel ne₄ dsa₂ i₂jmo₅ 'í₁ já'₂ cha'₂

⁸ 'Uë₃ jaun₂ jme₁tion'₅₄ jñia₅ ja₁nau₂ co₂nió'₃ dsa₂ i₂jmo₅ 'í₁ já'₂ cha'₂ quián₅, a₂'uë₂ jaun₂.
⁹ Ca₂jme₃jñia₅ jan₂ ángel quián₅ Te₁gui'₅₄ ne₅₄, ca₂jñia₃ co₂tág₅ co₂'né'₅ quió'₅ Te₁gui'₅₄ le₃lág'₃ ja₁tioin'₅₄, jaun₂ ca₂rë₃gó'₅ 'ñio₅ lin₃. ¹⁰ La₁ ca₂juá'₂ ángel:

—Tsá₃ jmo₂ 'nia'₂ gang'₃. Ní₂, a₂i₃'ë₃ jág₁ dse₃ bá₄ jniá₂ guio₃, caun₂ jág₁ quió'₅ ca₂le₃jín₃ dsa₂, já₃ cán₂ o₂'ñio₃ dsi₅. ¹¹ Ia₁ jmi₃g₄ nē₃, ca₂rë₃chan₂ o₄quián'₂ 'nia'₂ juig₂ go₄ David, jan₂ i₂lió₂, i₂lín₅ Te₁gui'₅₄ I₂rë₂'ín₁ quián₅ Diú₄. ¹² Quian'₅₄ léi₄ la₂ o₁quion'₂ 'nia'₂ 'í₁: dsian'₂ 'nia'₂ guein₂ rë₂bón'₅ 'mí'₂, rë₂quiain₂₃ 'ñio'₃ tsi₁gu₅ ja₁guë'₅ já'₂.

¹³ Dsi₂jui₅ con'₂ tsá₃ jáin₅, ca₂jñin₂ juin₅ lin₃ ángeles sián'₂ con₂ ángel 'éi₂, ca₂tóin'₂ jme₂juin'₂ Diú₄ ca₂juá'₂:

¹⁴ jui₁le₂juin'₂ Diú₄ guei'₅₄ i₂juig₃!

Ne₄ gua'₅₄ 'uë₃ nē₃,

jui₁'ei₅ tei₄ ja₁con₂ dsa₂ mi₂güig₃

i₂ma₂dsia₅ Diú₄ dse₃ dsí₅ o₄quió'₄.

¹⁵ Ca₂lë₃ nē₃, jme₁ma₂i₃len₃ ángeles guei'₅₄ i₂juig₃, jaun₂ ca₂jme₃lióg₃ dsa₂ i₂jmo₅ 'í₁ já'₂ cha'₂ 'éi₂ qui₂ca₂tsí'₃ riin'₅₄:

—Ma₃ jniog₄ jui₅ Belén, ma₃ dsi₁jag₅₄ a₂ca₂lë₃ ja₁jaun₂, con'₂ lë₅ jág₁ ma₂në₂'ë₂ Te₁gui'₅₄.

¹⁶ Ca₂i₃lén₂ jaun₂ nē₃ tē₂le₃ dséi₂. Dsón'₂ rē₂ ja₁jaun₂ ca₂dsáin'₂ María quian'₅₄ José, guein₂ nē₃ rë₂quiain₂₃ 'ñio'₃ gu₅ ja₁guë'₅ já'₂. ¹⁷ Jme₁ca₂jág₂, jaun₂ guë₄ ca₂dsia₃ 'a₂ lia'₂ lë₅ jág₁ a₂ca₂nág₂, a₂ca₂'ë₂ ángel a₂'iin₂₃ guein₂, ¹⁸ jaun₂ ca₂i₃gó'₃ dsí₅ ca₂le₃jín₃ dsa₂ i₂ca₂nág₂ jág₁ a₂dsia₅ dsa₂ i₂quián₅ já'₂ cha'₂ 'éi₂. ¹⁹ La₁ María nē₃, 'no'₂ bá₄ dsí₅ ca₂le₃jë₃, 'e₂ jein₅ a₂lë₂ jaun₂. ²⁰ Dsa₂ i₂jmo₅ 'í₁ já'₂ cha'₂ nē₃, ca₂i₃lein₃ bá₄ táng₃ qui₂jme₂juin'₂ Diú₄, qui₂cuë₂₃ ti₁'mag'₄ o₄quió'₄ ca₂le₃jë₃ a₂ca₂të₂ ne₅₄ quian'₅₄ a₂qui₂ca₂nág₂. Ia₁ ca₂le₃jë₃ bá₄ ca₂rë₃ti₃ con'₂ lë₅ ca₂juá'₂ ángel.

Ca₂i₁jme₁jñiai₂₃ guein₂ Jesús guá'₅

²¹ Jme₁ca₂dsin₃ jñia₃ jmi₃g₄, ca₂ti₃ dsa₂ lo₄ guein₂, jaun₂ ca₂quiong₃ JESÚS* lia'₂ con'₂ lë₅ ca₂juá'₂ ángel ca₂tsí'₃ María né'₃ a₂cáun₂.

²² Jme₁ca₂dsin₃ jmi₃g₄ a₂'i₄ 'éi'₃ jmo₃ le₁jñin₃ a₂jme₂ti₃ lia'₂ con'₂ lë₅ 'Éi'₃ quió'₅ Moisés, ca₂i₁lein₅₄ Jerusalén jñiai₂₃ guein₂ i₁jein'₅₄ ne₄ Te₁gui'₅₄. ²³ Ca₂jmo₃ le₂në₅ ia₁ ton₅ ne₄ Si₂ quió'₅ Te₁gui'₅₄: “Ca₂le₃jín₃ guein₂ dsa₂ ñe'₂ i₂ne₅₄ i₂le₃chan₂, lén₂ i₂lë₅ 'í₁ quián₅ Te₁gui'₅₄.”†
²⁴ Ja₁jaun₂ ca₂jén'₃ ján₃ con'₂ lë₅ juá'₂ 'éi'₃ quió'₅ Te₁gui'₅₄: “On₃ i₁ju₂, o₃ co₂dsán'₃ i₁ju₂ bë₂ 'e₂.”‡

²⁵ Jmi₃g₄ jaun₂, jme₁chan₂ jan₂ dsa₂ jë₄ juig₂ Jerusalén i₂jme₁chen₂ Simeón. Jme₁lín₄ jan₂ dsa₂ dsen₃ lin₃, i₂jme₁jme₂gan₃ Diú₄; jme₁chain₂ chi₁jñia₂₃ a₂guán₂ i₂cuë₃ lián'₂ quió'₅ dsa₂ juig₂ Israel. Jme₁quiong'₅₄ Jme₂dsí₂ Jñio₅; ²⁶ 'éi₂ bá₄ ma₂ca₂'ë₂ jág₁ ne₅₄ a₂tsá₃ jóin₂ ca₂lia'₂ ca₂jñin₂ de'₂ I₂rë₂'ín₁ quián₅ Te₁gui'₅₄. ²⁷ Jmi₃g₄ jaun₂ ñó₃ jiog₅ Jme₂dsí₂ Jñio₅ jui₅ guá'₅ templo. Ja₁jaun₂ jme₁ein₅₄ nē₃ jme₁ca₂dsi₃lén₂ chog₅₄-jmei₂ guein₂ Jesús, jñiai₂₃ guein₂ a₂jmo₃ quiong'₅₄ con'₂ lë₅ tag₄ chí'₅ a₂quí'₅ 'Éi'₃. ²⁸ Jaun₂ ca₂jñau'₃ Simeón ca₂jñai'₃ guein₂, ca₂jme₃juin'₂ Diú₄, ca₂juá'₂:

²⁹ Nē₃ guë₄ nē₃, 'ne₂ juig₃ quiáng₃,

ma₂lë₂ dsiang'₅₄ tei₄

dsa₂ i₂jme₂ti₃ ne'₅₄,

lia'₂ con'₂ lë₅ jág₁ quiáng'₂.

³⁰ Ia₁ la₂ ca₂të₂ ne₃ i₂ma₂cheng'₂ lió₂,

³¹ i₂ma₂jmo'₅₄ co₂jñia₅₄ quián₅ ca₂le₃jë₃ juig₂ nación.

³² I₂la₂ bá₄ i₂lín₅ si₂

* **2:21** Lia'₂ chen₂ Jesús (hebreo: Yeshua) jein₅ jág₁ “Lió₂ bá₄ Te₁gui'₅₄.” † **2:23** Éxodo 13:2. ‡ **2:24** Levítico 5:11; 12:8.

i₂jmo₃ tág₅ ja₁con₂ dsi₂nau₂;
i₂la₂ bá₄ i₂lín₅ dsa₂ i₂chi₃ jlá'₁
juig₂ Israel quiáng'₂.

³³ Ca₂i₃gó'₃ dsi₅ bá₄ José quian'₅₄ chog₅₄ guein₂, o₄quió'₄ jág₁ a₂ca₂juá'₂ Simeón jaun₂, 'in₂₃ guein₂. ³⁴ Jaun₂ ca₂jme₃gu'₅₄ Simeón quió'₅, jaun₂ ca₂juá'₂ ca₂tsí'₃ María chog₅₄ guein₂:

—Ní₂, 'en₅₄ jui₅ guein₂ la₂ já₅, jmo₃ a₂dsi₃gan'₅₄ 'uë₃ juin₅ dsa₂ juig₂ Israel, o₃ tē₂le₃ ron'₂ juin₅ 'e₂. Já₅ lín₅ caun₂ léi₄ quió'₅ i₂'ag₃ i₂ná_{u3} quen₅ i₂le₃'iog₅₄. ³⁵ Le₂nē₅ bá₄ jióg'₃ 'í₁ le₃jniá'₂ 'a₂ lia'₂ dsi₂jio₅ dsi₅ dsa₂ le₂jan₂ le₂jan₂. La₁ tē₂le₃ ja₁cong'₂ ně₃, dsi₃ńíg'₂ ně₂jag₄ bá₄ caun₂ ńi₁tág₂ dsi₂tia₃ tē₂'au'₂.

³⁶ Ján₃ bá₄ jaun₂ jme₁'en₅₄ jan₂ guiong'₂ i₂chen₂ Ana, ja₁míg₄ Fanuel, dsa₂ tsi₁jon₂ Aser. 'Éi₂ ně₃ jme₁'ē₂ jág₁ o₄quió'₄ Diú₄ ján₃. Jme₁ma₂guein'₂. Mei'₂ bá₄ lia'₂ con'₂ ca₂jen'₂ gu₂. Guio₃ ńi₂ bá₄ ca₂rē₃quiain'₅₄ dsa₂ ńe'₂ quiáin₅. ³⁷ Quén'₂ ne₂guióg₂ rē₂dsí₂ quén₂ (84) ńi₂ a₂ca₂rē₃'ńi₂. ³⁸ Guiong'₂ 'éi₂ ně₃ jme₁'ein₅₄ tián₂ i₁dsi₅ guá'₅. 'Uē₂-jmi₂ bá₄ jme₁jme₂ti₃ ne₄ Te₁gui'₅₄ chi₂léin'₂ Diú₄ a₂jme₂'in₅₄ ně₃. ³⁸ Hora jaun₂ dé₄ ca₂dsióg₃ ja₁tió₂n₂ dsa₂, ca₂cuē'₃ ti₁'mag'₄ Diú₄, ca₂dsia₃ jág₁ 'in₂₃ guein₂ tsí'₅ ca₂le₃jín₃ dsa₂ i₂tion'₅₄ i₂le₁jnia₅ a₂lión₂ dsa₂ juig₂ Jerusalén.

Ca₂i₃lein₃ táng₃ Nazaret

³⁹ Jaun₂ ně₃ jme₁ma₂ca₂lē₃ jmo₂₃ ca₂le₃jě₃ con'₂ lě₅ ta₁ quí'₅ 'Éi'₃ quió'₅ Te₁gui'₅₄, jaun₂ ca₂i₃lein₃ jui₅ 'uë₃ Galilea, ja₁niog₅ Nazaret, juig₂ go₅₄. ⁴⁰ Guein₂ ně₃, caun₂ ca₂i₃juin'₂ bá₄, caun₂ ca₂rē₃'uáin'₃ ně₃, ton'₂ 'ńio₅ lín₃ ńi₅, Diú₄ bá₄ jme₁jme₂gu'₅₄.

Lia'₂ con'₂ me'₂ Jesús ca₂dsióg₃ i₁dsi₅ guá'₅

⁴¹ Ca₂le₃jě₃ ńi₂ jme₁dsi₂lén₂ chog₅₄-jmei₂ Jmíg₄ Tē₂'in₅₄ a₂tē₅ Jerusalén. ⁴² Jme₁ca₂dsí'₃ Jesús guia₃-tín₂ ńi₂, ca₂i₃léin₂ táng₃ co₂dsia₅ jui₅ Jerusalén. Ia₁ le₂jaun₂ tin₂ dsa₂ ca₂le₃jě₃ ńi₂ dsi₃léin₂ jmíg₄ jaun₂. ⁴³ Jme₁ca₂gú'₃ jmíg₄, ca₂i₃lein₃ táng₃. Tsá₃ ca₂rē₃lí'₄ chog₅₄-jmei₂ jnia'₅₄ jaun₂ bá₄ tē₁'ńia₄ Jesús Jerusalén, ⁴⁴ ia₁ lín₂ ma₂ńái'₅ bá₄ quiain'₅₄ dsa₂ sián'₂. Caun₂ jmíg₄ ma₂ne₁ńó₄ tióin'₅₄ jui₅ i₃lein₃ jme₁ca₂'nau'₂ jin₄ o₁rín'₅₄, jin₄ dsa₂ i₂cuin₂₃ ně₃. ⁴⁵ La₁ tsá₃ ca₂dsáu'₂. Jaun₂ ca₂jéin'₃ táng₃ jui₅ ca₂i₃léin₂ Jerusalén ca₂i₁'niog'₂ ja₁jaun₂.

⁴⁶ A₂'ni₅ jmíg₄ jaun₂ jme₁ca₂dsáu'₂ i₁dsi₅ guá'₅, guá₅ jin₄ tē₅juá'₅, nag₂₃ jág₁, ńag₂₃ ńí'₅ 'éi₂ ně₃. ⁴⁷ Jaun₂ ca₂i₃gó'₃ dsi₅ ca₂le₃jín₃ i₂tion'₅₄ nag₅ jág₁ quió'₅, ia₁ 'ńio₅ lín₃ ńi₅ 'a₂ lia'₂ qui₂jéin'₃ jág₁ quió'₅ dsa₂ 'éi₂. ⁴⁸ Jme₁ca₂jág₂ chog₅₄-jmei₂, ca₂i₃gó'₃ dsi₅, jaun₂ ca₂juá'₂ chog₅₄:

—Jón₃, ċ'e₂ lē₃ jmog'₅₄ le₂nē₅? Nēi'₅, jniá₂ ně₃, ma₂nē₂i₁nio₁ 'i₅ dsi₅ 'niog'₂ jnia'₅₄.

⁴⁹ Jaun₂ ca₂ńag₃ Jesús:

—ċ'E₂ lē₃ 'nau'₂ 'nia'₂ jniá₂? ċTsa₁ ńi'₅₄ 'nia'₂ a₂ca₂tíng₂ 'ú₄ ta₁ quió'₅ Ne'₃?

⁵⁰ La₁ tsá₃ ca₂ńí'₂ dsi₅ 'éi₂ 'e₂ jein₅ jág₁ jaun₂.

⁵¹ Jaun₂ ca₂jóin'₃ bá₄ quiain'₅₄ chog₅₄-jmei₂ jui₅ Nazaret. Caun₂ bá₄ ne'₅₄ ca₂le₃jě₃ a₂tē₂nēi'₂ chog₅₄-jmei₂. La₁ tei₄ bá₄ 'ma₅ chog₅₄ dsi₅ ca₂le₃jě₃ a₂jaun₂. ⁵² Jaun₂ caun₂ ca₂i₃juin'₂ bá₄ Jesús, rē₂ niog₅ dsi₅₄, rē₂ chéin'₅ le₃ne₄ Diú₄, lia'₂ le₃ne₄ dsa₂ ně₃.

3

*'Ē₂Juan₅₄ i₂chon₅ dsa₂ jmíg₂ jág₁ caun₂ 'uë₃ quein₂ co₂ 'ńiog₅
(Mateo 3:1-12; Marcos 1:18; Juan 1:19-28)*

¹ ńi₂ guia₃-ńiá₂ lia'₂ con'₂ jme₁lín₄ emperador Tiberio, jmíg₄ lia'₂ con'₂ jme₁lín₄ táng₃ Poncio Pilato dsi₄má'₂ 'uë₃ Judea; Herodes guē'₂ jme₁lín₄ rag₅₄ i₂jmo₅ 'éi'₃ 'uë₃ Galilea; Felipe rin'₅₄ guē'₂ jme₁lín₄ dsi₄má'₂ le₂tan₅₄ juig₂ Iturea quian'₅₄ Traconite; Lisantias ně₃

§ 2:37 o₃, "Ma₂'ein₅₄ quén'₂ ne₂guióg₂ rē₂dsí₂ quén₂ (84) ńi₂."

jme₁lín₄ dsi₄má'₂ quián₅ Abilinia. ² Ján₃ bá₄ jmi_g₄ jaun₂ jme₁lín₄ jme₂dsa₂ dsen₅₄ Anás quián₅₄ Caifás. Con'₂ jmi_g₄ jaun₂ dé₄ ně₃, ca₂tě₃ Diú₄ ca₂tě'₃ Juan₅₄, ja₁ŋi'₅₄ Zacarías, 'uě₃ co₂ŋiog₅ ja₁jme₁guá₄. ³ Juan₅₄ ně₃ ca₂ŋi₃ le₂tan₅₄ juig₂ te₁'i₁ ma₂quián₅ Cuá₃ Jordán, qui₂tsí'₅ dsa₂ a₂'nió'₅ tsóin₃ jmi_g₂, cuě₃ léi₄ a₂ma₂ca₂dsi₃quén'₅ dsí₅ ia₁jaun₂ le₃'én₂ Diú₄ dsáu₁. ⁴ Le₂ně₅ bá₄ ca₂lě₃ ca₂rě₃ti₃ con'₂ lě₅ jág₁ a₂ca₂tó'₂ Isaías ne₄ si₂, i₂jme₁'ě₂ jág₁ o₄quió'₄ Diú₄, a₂ca₂juá'₂:

Nag₃ dsa₂ co₂mi'₅₄ jág₁

caun₂ 'uě₃ co₂ŋiog₅, a₂juá'₂:

Jmo₄ 'nia'₂ co₂ŋia₅₄ jui₅ quió'₅ Te₁gui'₅₄;

Nia₄ 'nia'₂ caun₂ jui₅ co₂dsau₅.

⁵ Ca₂le₃jě₃ ji'₅₄ siá₅ 'nió'₅ le₃can'₂,

ca₂le₃jě₃ dsi₂con'₂, má'₂, 'nió'₅ 'ag₃ co₂rě₂;

Ca₂le₃jě₃ jui₅ qui₂rě₂guion'₂, 'nió'₅ lé₂ co₂dsau₅,

jui₅ a₂qui₂le₁quin'₅₄, 'nió'₅ lei₂.

⁶ Ca₂le₃jín₃ dsa₂ mi₂güig₃ bá₄ jág₃

'a₂ lia'₂ lě₅ a₂jmo₃ Diú₄ lió₂.*

⁷ Jaun₂ ca₂'uin₂ dsa₂ quió'₅, ca₂o₃lén₂ mi₂₃ cho₃ Juan₅₄ jmi_g₂,† jaun₂ ca₂juá'₂ 'éi₂:

—i'Nia'₂ tsi₁jon₂ dsi₂mi'₂! ħ'Ei₂ bá₄ ně₂chí'₃ 'nia'₂ a₂cuing'₂ long'₅₄ uig₅ a₂ja₂quián₃? ⁸ Cuě₄ 'nia'₂ léi₄ jaun₂ a₂tě₃dsón'₂ ma₂ca₂dsi₃quén'₅ 'au'₂. 'A₃ lě₁jui₁dsi₂ŋia₅ 'au'₂ 'nia'₂ jua'₅₄ a₂juá'₅₄: “Lág₅ jnia'₅₄ tsi₁jon₂ Abraham”; ia₁ jniá₂ juá'₅, Diú₄ qui'₅₄ jmi_g₄ jmo₃ ca₂tě₂ ni₁cang₁ tio'₅₄ la₂, lé₂ le₃jmó'₂ chi'₂-guein₂ quián₅ Abraham. ⁹ Ia₁ ma₂lě₅ co₂ŋia₅₄ ŋi₁dsi₁ a₂qui₃uín'₂ ni₁'ma₂. Ca₂le₃jě₃ 'ma₂ a₂tsá₃ dse₃ mīg₂ 'ag₅, uín'₂ dsi₃to'₅₄ si₂.

¹⁰ Jaun₂ ca₂ŋag₃ dsa₂:

—ħ'E₂ bá₄ le₃jmó'₁ jnia'₅₄ jaun₂ ně₃?

¹¹ Jaun₂ ca₂ŋag₃ táng₃:

—I₂cha₂ tin₃ dsán'₃ tsin'₅₄, jui₁cuě'₄ co₂dsán'₃ i₂tsá₃ cha₂ quió'₅; le₂jaun₂ guě'₂ jui₁lia'₂ i₂cha₂ a₂guě'₃, jui₁jme₂oin₅₄ jui₁lia'₂ i₂tsá₃ cha₂ quió'₅.

¹² Ca₂o₃lén₂ i₂lín₅₄ i₂cán₂ 'lia'₅₄ quián₅ dsi₂tan₅₄ ně₃, a₂'nio₃ tsóin₃ jmi_g₂, jaun₂ ca₂tsí'₃ Juan₅₄:

—Tě₅, ħ'e₂ bá₄ lé₂ le₃jmó'₁ jnia'₅₄?

¹³ Jaun₂ ca₂jéin'₃ táng₃ 'éi₂ jág₁:

—Tsá₃ jmó'₂ 'nia'₂ jua'₅₄ a₂cán'₁ ŋag₅₄ guě'₄ 'lia'₅₄ quió'₅ dsa₂, jua'₅₄ a₂dsi₁juin'₅₄ con'₂ 'éi'₃ qui'₅ si₂.

¹⁴ Ca₂o₃lén₂ i₂lín₅₄ 'lióg₂ ně₃, ca₂ŋag₃:

—Jnia'₅₄ guě'₂ ně₃: ħ'E₂ bá₄ ca₂tág₂ jnia'₅₄ jmó'₁?

Jaun₂ ca₂ŋag₃:

—Tsá₃ qui₁quiang'₄ dsa₂ juě'₅, jua'₅₄ a₂qui₁ŋiá'₄ 'e₂ qui₁ŋiá'₄ quió'₅, on₃ guě'₂ qui₁'níg'₄ dsa₂ jua'₅₄ a₂lě₁qui₁'ní'₄. Jui₁le₂ŋio₂ bá₄ 'au'₂ 'nia'₂ ján₃, con'₂ ma₂tí₅ 'liang'₅₄.

¹⁵ La₁ dsa₂ ně₃, tsá₃ tei₄ le₁'ág₄ dsí₅ tioen₅₄, le₁ŋia₂₃ le₃ŋi₅ chi₂jua'₂ Juan₅₄ 'éi₂ bá₄ lín₅ I₂rě₂'ín₁ quián₅ Diú₄. ¹⁶ Jaun₂ ca₂juá'₂ Juan₅₄ 'ŋiog₅, ca₂tsí'₃ ca₂le₃jín₃:

—Jniá₂ ně₂tiáng₃ 'nia'₂ jmi_g₂; la₁ i₂já₅ chi₂quín₃ ně₅, tióg₂ Jme₂dsí₂ Jŋi₁ó₅, jě₄ si₂ ně₃. 'Éi₂ bá₄ i₂'uan'₂ guě'₄ lia'₂ con'₂ guě'₄ jniá₂, ca₂lia'₂ jnia'₅₄ lau₂ ton₅ tag₅₄ bá₄ tsá₃ ca₂tíng₂ tsi'₅₄.

¹⁷ Ma₂chi₁chan'₂ si₂jmu₂ a₂jme₂dse₃ mīg₂ trigo. Cág'₃ dse₃ lín₃, con'₂ dsia₃ jmá'₃ a₂dse₃, 'ma₃ dsi₂néi₂. Dsí'₂ bá₄ jme₁qui₅ dsi₂si₂ ja₁tsá₃ líg'₂ jmi_g₄ éi₃.

¹⁸ Jaun₂ le₂ně₅ bá₄, 'lióng₂ jág₁ dse₃ siá'₂ ca₂to'₂ Juan₅₄, ca₂jme₃tiin₂₃ dsa₂ jág₁ dse₃.

* 3:6 Isaías 40:3-5. † 3:7 lit. “tióg₂ Juan₅₄ jmi_g₂.”

19 Ján₃ bá₄ ca₂jéin₂ Rag₅₄ Herodes, ia₁ a₂jme₁ma₂guá₅ 'éi₂ quian'₅₄ 'io₅₄ Herodías dsa₂ mí₂ quián₅ riin'₅₄, † ne₄ 'lióng₂ guě₄ a₂'lig'₅₄ siá'₂ a₂jme₁jmo₅-dsá_{u5} Herodes; 20 la₁ tē₂le₃ ŋag₅₄ guě₄ ca₂jme₃ja₃: né'₃ 'má₄ bá₄ ca₂tiáin₂ Juan₅₄.

Ca₂chon₃ Juan₅₄ jmig₂ Jesús
(Mateo 3:13-17; Marcos 1:9-11)

21 Jme₁ma₂ca₂lē₃ choin₂₃Š jmig₂ ca₂le₃jín₃ dsa₂, jme₁ma₂nē₂chon₃a Jesús jmig₂, a₂ma₂chéin'₅ chi₂léin'₂ Diú₄ ně₃. Tě₃jě₄ jaun₂ ca₂niá₃ dsi₄ i₂juíg₃. 22 Ca₂sión₃ Jme₂dsí₂ Jñi_{o5} chi₂dsáin₃ jniái₂ lia'₂ jniá₂ jan₂ i₁ju₂, ne₄ quió'₅. Jaun₂ ca₂né'₂ jág₁ a₂já₅ guei'₅₄ i₂juíg₃ a₂juá'₂:

—Ne₂ bá₄ líng'₅ jón₃ quiáng₃ i₂'nióg₃ guě₄ lín₃; 'ñio₂ bá₄ dsi₃ 'ñio₅ lín₃ jing₅₄ 'ne₂.*

Dsa₂ can'₅₄ quián₅ Jesús i₂qui₂ma₂ñí₂ ma₂dsi₃jo₃
(Mateo 1:1-17)

23 Con'₂ guióg₂-guiá₂ ñi₂ bá₄ jme₁ma₂'en₅₄ Jesús lia'₂ con'₂ jme₁ca₂jme₃lióg₃ ca₂jme₃tin₂₃ dsa₂ jág₁ dse₃. Dsa₂ ně₃, jmo₂₃ dsí₅ a₂lín₅ 'éi₂ ja₁ñi'₅₄ Sě₄.

Jaun₂ Sě₄ 'éi₂ ca₂já₃ ca₂lín₃ ja₁ñi'₅₄ Elí.

24 Elí 'éi₂ guě'₂ ně₃ ca₂já₃ ca₂lín₃ ja₁ñi'₅₄ Matat;

Matat 'éi₂ guě'₂ ně₃ ca₂já₃ ca₂lín₃ ja₁ñi'₅₄ Leví

i₂jme₁lín₄ ja₁ñi'₅₄ Melqui;

Melqui ně₃ jme₁lín₄ chi'₂ quián₅ Jana,

i₂jme₁lín₄ chi'₂ quián₅ José;

25 José ně₅ ně₃ ca₂já₃ ca₂lín₃ chi'₂ quián₅ Matatías;

Matatías guě'₂ ně₃ ca₂já₃ ca₂lín₃ ja₁ñi'₅₄ Amós;

Amós jme₁lín₄ ja₁ñi'₅₄ Nahum;

Nahum guě'₂ jme₁lín₄ ja₁ñi'₅₄ Esli,

i₂jme₁lín₄ chi'₂ quián₅ Nagai

26 i₂jme₁lín₄ chi'₂ quián₅ Ma'at;

Ma'at guě'₂ ca₂já₃ ca₂lín₃ ja₁ñi'₅₄ Matatías;

Matatías guě'₂ ca₂já₃ ca₂lín₃ chi'₂ quián₅ Semei;

Semei 'éi₂ ně₃ ca₂já₃ ca₂lín₃ ja₁ñi'₅₄ i₂chen₂ José;

José guě'₂ ně₃ ca₂já₃ ca₂lín₃ ja₁ñi'₅₄ Judá;

27 Judá 'éi₂ guě'₂ ně₃ ca₂já₃ ca₂lín₃ ja₁ñi'₅₄ Joana;

Joana 'éi₂ guě'₂ ně₃

ca₂já₃ ca₂lín₃ chi'₂ quián₅ i₂jme₁chen₂ Resa;

Resa guě'₂ ně₃

ca₂já₃ ca₂lín₃ ja₁ñi'₅₄ i₂chen₂ Zorobabel;

Zorobabel guě'₂ ně₃

ca₂já₃ ca₂lín₃ chi'₂ quián₅ i₂jme₁chen₂ Salatiel,

i₂jme₁lín₄ ja₁ñi'₅₄ Neri,

28 i₂jme₁lín₄ ja₁ñi'₅₄ Melqui,

i₂jme₁lín₄ ja₁ñi'₅₄ Adi,

i₂jme₁lín₄ chi'₂ quián₅ i₂chen₂ Cosam,

i₂jme₁lín₄ chi'₂ quián₅ Elmodam,

i₂jme₁lín₄ chi'₂ quián₅ i₂jme₁chen₂ Er,

29 i₂jme₁lín₄ chi'₂ quián₅ Josué;

† 3:19 A₂lín₅₄ chog₅₄ si₂: “Felipe riin'₅₄.” Š 3:21 lit. “tiáin₂.”

* 3:22 A₂lín₅₄ chog₅₄ si₂ tsá₃ chi₁ton₅ “i₂'nióg₃ guě₄ lín₃”, a₂chi₁ton₅ táng₃ “jmig₄ ně₃ ca₂lín₃ ñéi'₅.”

Josué ně₃ ca₂já₃ ca₂liin₃ ja₁ŋi'⁵⁴ Eliezer;
 Eliezer guë'₂ ně₃ ca₂já₃ ca₂liin₃ ja₁ŋi'⁵⁴ Jorim,
 i₂jme₁lín₄ ja₁ŋi'⁵⁴ Matat;
³⁰ Matat guë'₂ ně₃ ca₂já₃ ca₂liin₃ ja₁ŋi'⁵⁴ Leví;
 Leví guë'₂ ně₃ ca₂já₃ ca₂liin₃ ja₁ŋi'⁵⁴ Simeón;
 Simeón guë'₂ ně₃ ca₂já₃ ca₂liin₃ ja₁ŋi'⁵⁴ Judá;
 Judá guë'₂ ně₃ ca₂já₃ ca₂liin₃ ja₁ŋi'⁵⁴ José;
 José 'éi₂ guë'₂ ně₃ ca₂já₃ ca₂liin₃ ja₁ŋi'⁵⁴ Jonán;
 Jonán 'éi₂ guë'₂ ně₃ ca₂já₃ ca₂liin₃ ja₁ŋi'⁵⁴ Eliaquim;
³¹ Eliaquim guë'₂ ca₂já₃ ca₂liin₃ ja₁ŋi'⁵⁴ Melea;
 Melea guë'₂ ca₂já₃ ca₂liin₃ ja₁ŋi'⁵⁴ Mainán;
 Mainán guë'₂ ca₂já₃ ca₂liin₃ ja₁ŋi'⁵⁴ Matata;
 Matata guë'₂ ně₃ ca₂já₃ ca₂liin₃ ja₁ŋi'⁵⁴ Natán;
³² Natán guë'₂ ca₂já₃ ca₂liin₃ ja₁ŋi'⁵⁴ David;
 David 'éi₂ guë'₂ ně₃ ca₂já₃ ca₂liin₃ ja₁ŋi'⁵⁴ Isaí;
 Isaí guë'₂ ně₃ ca₂já₃ ca₂liin₃ ja₁ŋi'⁵⁴ Obed;
 Obed guë'₂ ca₂já₃ ca₂liin₃ ja₁ŋi'⁵⁴ Bo'oz;
 Bo'oz guë'₂ ca₂já₃ ca₂liin₃ ja₁ŋi'⁵⁴ Salmón;
 Salmón guë'₂ ca₂já₃ ca₂liin₃ ja₁ŋi'⁵⁴ Na'asón;
³³ Na'asón guë'₂ ně₃ ca₂já₃ ca₂liin₃ ja₁ŋi'⁵⁴ Aminadab;
 Aminadab guë'₂ ca₂já₃ ca₂liin₃ ja₁ŋi'⁵⁴ Aram;
 Aram guë'₂ ně₃ ca₂já₃ ca₂liin₃ ja₁ŋi'⁵⁴ Esrom;
 Esrom guë'₂ ca₂já₃ ca₂liin₃ ja₁ŋi'⁵⁴ Fares;
 Fares guë'₂ ně₃ ca₂já₃ ca₂liin₃ ja₁ŋi'⁵⁴ Judá;
³⁴ Judá guë'₂ ně₃ ca₂já₃ ca₂liin₃ ja₁ŋi'⁵⁴ Jacob;
 Jacob guë'₂ ně₃ ca₂já₃ ca₂liin₃ ja₁ŋi'⁵⁴ Isaac;
 Isaac guë'₂ ně₃ ca₂já₃ ca₂liin₃ ja₁ŋi'⁵⁴ Abraham;
 Abraham guë'₂ ně₃ ca₂já₃ ca₂liin₃ ja₁ŋi'⁵⁴ Taré;
 Taré guë'₂ ně₃ ca₂já₃ ca₂liin₃ ja₁ŋi'⁵⁴ Nacor;
³⁵ Nacor guë'₂ ca₂já₃ ca₂liin₃ ja₁ŋi'⁵⁴ Serug;
 Serug guë'₂ ca₂já₃ ca₂liin₃ ja₁ŋi'⁵⁴ Ragau;
 Ragau guë'₂ ca₂já₃ ca₂liin₃ ja₁ŋi'⁵⁴ Peleg;
 Peleg guë'₂ ně₃ ca₂já₃ ca₂liin₃ ja₁ŋi'⁵⁴ Heber;
 Heber guë'₂ ca₂já₃ ca₂liin₃ ja₁ŋi'⁵⁴ Sala;
³⁶ Sala guë'₂ ca₂já₃ ca₂liin₃ ja₁ŋi'⁵⁴ Cainán;
 Cainán guë'₂ ca₂já₃ ca₂liin₃ ja₁ŋi'⁵⁴ Arfaxad;
 Arfaxad guë'₂ ca₂já₃ ca₂liin₃ ja₁ŋi'⁵⁴ Sem;
 Sem guë'₂ ca₂já₃ ca₂liin₃ ja₁ŋi'⁵⁴ Noé;
 Noé guë'₂ ca₂já₃ ca₂liin₃ ja₁ŋi'⁵⁴ Lamec;
³⁷ Lamec guë'₂ ně₃ ca₂já₃ ca₂liin₃ ja₁ŋi'⁵⁴ Matusalén;
 Matusalén guë'₂ ně₃ ca₂já₃ ca₂liin₃ ja₁ŋi'⁵⁴ Enoc;
 Enoc guë'₂ ně₃ ca₂já₃ ca₂liin₃ ja₁ŋi'⁵⁴ Jared;
 Jared guë'₂ ně₃ ca₂já₃ ca₂liin₃ ja₁ŋi'⁵⁴ Mahalale'el;
 Mahalale'el guë'₂ ně₃ ca₂já₃ ca₂liin₃ ja₁ŋi'⁵⁴ Cainán;
³⁸ Cainán guë'₂ ně₃ ca₂já₃ ca₂liin₃ ja₁ŋi'⁵⁴ Enós;
 Enós guë'₂ ně₃ ca₂já₃ ca₂liin₃ ja₁ŋi'⁵⁴ Set;
 Set guë'₂ ně₃ ca₂já₃ ca₂liin₃ ja₁ŋi'⁵⁴ Adán;
 Adán guë'₂ ně₃ ca₂já₃ ca₂liin₃ co₂'nió'₄ ja₁ŋi'⁵⁴ Diú₄.

4

*Ca₂caun₃ i₂sě₃dsen₃ táu₂ quió₅ Jesús
(Mateo 4:1-11; Marcos 1:12-13)*

¹ Jaun₂ Jesús ně₃, ma₂rě₂riin₅ Jme₂dsí₂ Jñi₅o₅, ca₂o₃'i_{in}₃ Cuá₃ Jordán. Ca₂jio₃g₃ Jme₂dsí₂ caun₂ 'uě₃ quein₂ co₂'ñiog₅. ² Ja₁jaun₂ ca₂i₁'i₅ tē₂láu₃ jmig₄, ia₁jaun₂ cáun₂ táu₂ i₂sě₃dsen₃. Tsá₃ 'e₂ ca₂guě₃ 'i₁ca₂juig₄ tē₁lia₂' jmi₄g₄ jaun₂. Jme₁ca₂dsan₃ jaun₂, jaun₂ guě₄ ma₂i₁cón₅ 'ñio₅ lín₃. ³ Jaun₂ ca₂juá₂' i₂sě₃dsen₃:

—Chi₂jua₂' dsón₂' líng₅' Ja₁ñi₅₄ Diú₄, jmo₄ jui₁le₅₄ i₁ñí₄ ni₁cang₁ ně₅.

⁴ Jaun₂ ca₂ñag₃ Jesús:

—Chi₁ton₅ ne₄ Si₂: “On₃jua₅₄' jmá₃' quian₅₄' i₁ñí₄' le₃tan₅₄ dsa₂ mi₂güig₃ le₃chain₂.”* , †

⁵ Jaun₂ ca₂jio₃g₃ táng₃ i₂sě₃dsen₃ caun₂ má₂' ja₁ñei₅. Ja₁jaun₂ ca₂'ě₃ ca₂tiá₂ tei₄ ca₂le₃jě₃ juig₂ te₁'i₁ gua₅₄' uě₃. ⁶ Jaun₂ ca₂juá₂:

—Gog₂' 'ne₂ bá₄ dsia₅₄ jniá₂ ca₂le₃jě₃ juig₂ ně₅; 'ne₂ bá₄ gong₂' lé₂, 'ó₄' bí₂, qui₂jme₃juag₂' dsa₂. Ia₁ a₂ñiog₅ ne₃ jniá₂ bá₄ ně₅, ton₂' lé₂ le₃cuě₄ jniá₂ 'ein₂' nio₃ cuě₄. ⁷ Jaun₂ a₂lé₂ quiáng₂' ně₁jua₂' ca₂chi₁jne₄' ne₃ jme₁juag₂.

⁸ Jaun₂ ca₂ñag₃ Jesús:

—Ne₄ Si₂† quió₅ Diú₄ chi₁ton₅: “Jme₁gan₃' nia₂' Te₁gui₅₄' Diú₄ quiáng₂'; ne₄ jan₂' éi₂ bá₄ ca₂tín₂' 'nia₂' jme₁ti₄.”§

⁹ Cang₂ jaun₂ ca₂jio₃g₃ táng₃ i₂sě₃dsen₃ juig₂ Jerusalén, jaun₂ ca₂i₁chei₂' caun₂ ja₁lě₄ ja₁ñei₅ guě₄ ne₄ ni₁'ia₂' guá₅ templo, jaun₂ ca₂juá₂:

—Chi₂jua₂' 'ne₂ líng₅' Ja₁ñi₅₄ Diú₄, tian₅₄ ca₂tě₂' uě₃; ¹⁰ ia₁ chi₁ton₅ ne₄ Si₂: Dsiog₃ Diú₄ o₄gú₃ ángeles quiáin₅,

jaun₂ jmo₃' i₁;

¹¹ guéi₂' quian₅₄' gu₂

ia₁jaun₂ tsá₃ jéng₂' uig₅ nióg₃' ni₁cang₁.*

¹² Jaun₂ ca₂ñag₃ Jesús:

—Ján₃ bá₄ juá₂' ne₄ si₂: “Tsá₃ tang₅₄' Te₁gui₅₄' Diú₄ quiáng₂.”†

¹³ Jme₁ca₂dsan₃ ca₂le₃jě₃ a₂ñiog₅ ca₂juá₂' i₂sě₃dsen₃ a₂cáun₂ táu₂ jaun₂, jaun₂ ca₂i₃uín₂ co₂'na₂, ně₁jua₂' líg₂' ca₂cuín₃ táng₃ jmig₄.

*Ca₂jme₃lióg₃ Jesús ca₂jme₃tag₂₃ 'uě₃ Galilea
(Mateo 4:12-17; Marcos 1:14-15)*

¹⁴ Ca₂ñá₃' táng₃ Jesús jui₅ 'uě₃ Galilea rě₂can₂' Jme₂dsí₂ Jñi₅o₅ tē₂dsí₅. Le₂con₂ juig₂ te₁'i₁ ma₂quián₅ jaun₂, ca₂i₃'ag₅₄ jág₁' ag₅ dsa₂. ¹⁵ Ca₂i₁jme₁tñin₂₃ dsa₂ le₂tan₅₄ guá₅ sinagogas quió₅ dsa₂, jaun₂ ca₂le₃jín₃ bá₄ dsa₂ jme₁jme₂juag₂.

Dsiáin₃' táng₃ juig₂ Nazaret

(Mateo 13:53-58; Marcos 6:1-6)

¹⁶ Jaun₂ ca₂ñái₃' jui₅ Nazaret, ja₁ca₂i₃juín₂. Caun₂ jmig₄ sa₅₄ ca₂'í₃ dsi₂néi₂ guá₅ sinagoga, ia₁ le₂jaun₂ tñin₂. Jaun₂ ca₂nau₂ a₂'i₃ Si₂. ¹⁷ Jaun₂ ca₂cuě₃ dsa₂ si₂ rě₂bñin₅ quió₅ Isaiás i₂jme₁'ě₂ jág₁ o₄quió₄ Diú₄. Jme₁ma₂ně₂néi₃ si₂, jaun₂ ca₂dsó₂' ja₁chi₁ton₅ le₂la₂:

¹⁸ Dsín₂ Jme₂dsí₂ quián₅ Te₁gui₅₄ ne₄ quió₃,

ia₁ ma₂ca₂'ag₃ jniá₂

a₂i₁'ě₃ jág₁ dse₃ jin₄ dsa₂ dsi₂ñé₂.

Ca₂chei₃ a₂i₁'ě₃ jág₁ a₂lión₂ dsa₂ i₂qui₂le₁jní₅,

ton₂' ján₃ guě₂' jmo₅₄ jnia₅₄ jme₁ne₁ dsa₂ i₂ten₄;

* 4:4 Deuteronomio 8:3. † 4:4 A₂lin₅₄ chog₅₄ si₂ juá₂' ján₃: “a₂'nió₅ le₂chain₂ nag₃ jág₁ quió₅ Diú₄ ně₃.” ‡ 4:8 A₂lin₅₄ chog₅₄ si₂ juá₂' le₂la₂ ján₃: “Jñiag₃' cau₅ quió₅ 'ne₂ Satanás, ia₁ ne₄ Si₂.” § 4:8 Deuteronomio 6:13. * 4:11 Salmo 91:11-12. † 4:12 Deuteronomio 6:16.

qui₁long₁₂ dsa₂ i₂qui₂dsi₂ŋi₂ uig₅ qui₂jmóg'₂ dsa₂;

19 a₂'ě₄ jmig₄ dse₃ a₂lió₂ Te₁gui'₅₄†

20 Jaun₂ ca₂bíin₂ táng₃ si₂; ca₂jín'₃ dsa₂ i₂jme₂'o₅₄, jaun₂ ca₂guá'₂ táng₃. Ia₁ jaun₂ bá₄ tion'₅₄ dsa₂ ca₂le₃jín₃ le₁ŋi'₂, jág₂. 21 Jaun₂ ca₂jme₃lióg₃ Jesús ca₂juá'₂:

—Jmíg₄ ně₃ ca₂tě₂ ne'₅₄ 'nia'₂ ca₂rě₃ti₃ a₂juá'₂ Si₂ ně₅.

22 Ca₂le₃jín₃ bá₄ dsa₂ 'i_{in}₂₃ dse₃ Jesús, dsi₂gó'₃ dsí₅ ca₂le₃jě₃ jág₁ jlá'₁ a₂'uě'₂ 'o₅₄. Jaun₂ qui₂ca₂ŋi'₃ riin'₅₄:

—¿On₁jua'₅₄ i₂ně₅ 'éi₂ i₂lín₅ ja₁ŋi'₅₄ Sě₄?

23 Jaun₂ ca₂juá'₂ Jesús:

—A₂dsi₂jó'₃ já₅ jmig₄ le₃jua'₅₄ 'nia'₂ juig'₅₄ jniá₂ quio₃ Š la₂: “Ne₂ tē₅mí₅ jma'₅₄ mí₅ 'ŋiag'₂.” Le₃jua'₅₄ 'nia'₂ ně₃: “A₂ca₂rě₃ne₄ jnia'₅₄ a₂ca₂jmo'₅₄ Capernaum, ma₂ně₃ jmo₄ ja₁lá₃ go'₅₄ ján₃.”

24 Caun₂ ca₂juá'₂ bá₄:

—A₂tě₃dsón'₂ juá'₅ jniá₂ juíg₂ 'nia'₂, 'i₁jan₂ dsa₂ i₂'ě₂ jág₁ quián₅ Diú₄, tsá₃ a₁jaun₂ jua'₅₄ a₂guei₃ dsa₂ dse₃ go₅₄. 25 Tí₅ bá₄ jág₁ quió₃ a₂juá'₅ la₂, juin₅ dsa₂ mί₂ 'nág₂ i₂jme₁chan₂ Israel jmig₄ lia'₂ con'₂ jme₁chan₂ Elías i₂jme₁'ě₂ jág₁ o₄quió'₄ Diú₄, lia'₂ con'₂ ca₂rě₃'ín₃ 'ŋio₅ lín₃ a₂guě'₃ dsa₂ ta₁caun₂ juig₂ nación, ia₁ tsá₃ ma₃jím₅ ca₂tang₂ 'ni₅ŋi₂ tē₂ ca₂dsio₄. 26 La₁ ca₂lia'₂ quió'₅ 'i₁jan₂ 'io₅₄ 'nág₂ i₂jme₁chan₂ Israel, tsá₃ ca₂ŋe₄ Elías, jŋia'₅₄ lia'₂ quió'₅ jan₂ i₁náu₃ i₂jme₁guá₄ Sarepta* a₂niog₅ quián₅ ciudad Sidón bá₄. 27 Ján₃ bá₄ le₂jaun₂ jme₁chan₂ juin₅ dsa₂ i₂jme₁lín₄ 'mé'₅ 'iog₅ juig₂ Israel, lia'₂ con'₂ jmig₄ ca₂ŋi₃ Eliseo i₂jme₁'ě₂ jág₁ o₄quió'₄ Diú₄ ján₃. La₁ ca₂lia'₂ 'i₁jan₂ i₂'éi₂ tsá₃ ca₂'lón₂, jŋia'₅₄ lia'₂ jan₂ i₂jme₁chen₂ Na'amán† i₂jme₁chan₂ 'uě₃ Siria bá₄.

28 Jme₁ca₂nág₂ dsa₂ jág₁ ně₅, ca₂le₃jín₃ con'₂ i₂tion'₅₄ guá'₅ sinagoga ca₂rě₃'néi₃ 'lig'₅₄.

29 Qui₂ca₂nau₂ tioen'₅₄, ca₂dsei₂₃ juig₂, ca₂lélén₂ le₁jio₂₃ ca₂tě₂ ne₄ má'₂ ja₁lě₄ ni₁'lau₂ dsio'₅₄ juig₂, ia₁ a₂jme₁dsi₂jio₅ dsí₅ jme₁tón₂ ja₁jaun₂. 30 La₁ con'₂ ca₂ŋi₅ bá₄ 'éi₂ jě₄ quió'₅, ca₂lón₂ ŋái'₅.

Jan₂ dsa₂ i₂jme₁'en₅₄ jme₂dsí₂ 'lín'₅₄

(Marcos 1:21-28)

31 Jaun₂ ca₂ŋó₃ Jesús juig₂ Capernaum, caun₂ juig₂ tén₅ 'uě₃ Galilea. Ja₁jaun₂ ca₂jme₃tiin₂₃ dsa₂ jme₁jmig₄ sa₅₄. 32 'Ŋio₅ lín₃ dsi₂gó'₃ dsí₅ dsa₂ quian'₅₄ jág₁ quió'₅, ia₁ a₂'io₂₃ 'éi'₃ dsón'₂ bá₄ a₂jme₂tag₂₃. 33 Dsi₂néi₂ guá'₅ sinagoga ja₁tioen'₅₄ jaun₂, jme₁'en₅₄ jan₂ dsa₂ i₂'en₅₄ jme₂dsí₂ je₂na'₅₄ tē₂dsí₅. Jaun₂ ca₂guió'₃ 'éi₂, ca₂juá'₂:

34 —i'Ne₂ ně₃! ¿E₂ lě₃ tiáng'₅ jě₄ quián₂ jnia'₅₄, 'ne₂ Jesús Nazareno?† ¿A₂i₃'éin'₃ jnia'₅₄ bá₄ 'ne₂ ŋe'₃? Guion₄ jniá₂ 'ein₂ líng'₅: 'ne₂ líng'₅ I₂jŋi₅ quián₅ Diú₄.

35 Jaun₂ ca₂jí₂ Jesús, ca₂juá'₂:

—iTei₄ jmo₄; tén₃ dsa₂ ně₅!

Jaun₂ je₂na'₅₄ ně₃, ca₂tón₂ 'uě₃ tē₃ jág₅ ca₂le₃jín₃, jaun₂ guě₄ ca₂o₃'íin₃, la₁ tsá₃ 'e₂ uig₅ ca₂jmóg'₂. 36 Jaun₂ ca₂ja₃gó'₃ dsí₅ ca₂le₃jín₃, jaun₂ ca₂dsia₃ jág₁ jin₄ riin'₅₄, ca₂juá'₂:

—¿E₂ bá₄ jág₁ ně₅? I₂ně₅ 'io₂₃ bí₂ jmo₂₃ 'éi'₃ lia'₂ ma₂'uin₂ bá₄ jme₂dsí₂ 'lín'₅₄ jě₁ma₂ca₂juá'₂.

37 A₂jaun₂ ně₃, ca₂i₃'ag₅₄ jág₁ le₂con₂ juig₂ te₁'i₁ ma₂quián₅ jaun₂.

Ca₂jme₃'lión₂ Jesús ma₂chog₅₄ Si₂mu₅₄ Pe₄

(Mateo 8:14-15; Marcos 1:29-31)

† 4:19 Isaías 61:1-2. § 4:23 quio₃: Jág₁ quió'₅ dsa₂ Jen'₅₄, co₂'nió'₄ le₃jua'₅₄, caun₂ jág₁ a₂ŋi'₂ dsí₅ a₂ca₂quiog₂ dsa₂ can'₅₄, a₂dsia₅ dsa₂. * 4:26 'Nio'₂ ja₁ton₅ 1 Reyes 17:7-24. † 4:27 Na'amán: Í₂ 2 Reyes 5. ‡ 4:34 o₃, “i₂chan₂ Nazaret.”

³⁸ A₂ca₂o₃'ín₃ Jesús guá'₅ sinagoga jaun₂, ca₂ηó₃ ja₁quió'₄ Si₂mu₅₄. Ja₁jaun₂ jme₁rē₂quian₅ ma₂chog₅₄ 'éi₂ dso'₅₄ 'i₄ dséi₂ 'ηio₅ lin₃. Jaun₂ ca₂mi₃ dsa₂ ne₅₄ o₄quió'₄ dsa₂ dso'₅₄. ³⁹ Jaun₂ ca₂jme₃quiáin₃ cau₅ quió'₅ dsa₂ dso'₅₄, ca₂jéin₂ dso₄ dséi₂. Jaun₂ ca₂o₃'ág₃ dséi₂. Dsi₂jui₅ le₂jaun₂ bá₄ ca₂nau₂ dsa₂ i₂jme₁dso'₅₄, ca₂jme₃ti₃ ne₄ dsa₂ i₂tion'₅₄.

Ca₂jme₃'lión₂ Jesús juin₅ dsa₂ dso'₅₄
(Mateo 8:16-17; Marcos 1:32-34)

⁴⁰ Tē₂le₃ ca₂nei₂ jmi₄ jaun₂, ca₂le₃jín₃ dsa₂ i₂chan₂ dsa₂ dso'₅₄ quián₅ jui₁'e₂ guē₃ dso₄ lín₅, ca₂o₃jio₃ dsa₂ ne₅₄. Jaun₂ qui₂ca₂téin₂ gu₂ le₂jan₂ le₂jan₂ dsa₂ dso'₅₄, ca₂jme₃'lió₂. ⁴¹ Juin₅ bá₄ jme₂dsí₂ je₂na'₅₄ qui₂ca₂'uín₂ quió'₅ dsa₂, qui₂guió'₅ juá'₂:

—i'Ne₂ líng'₅ Ja₁ηi'₅₄ Diú₄!

La₁ Jesús ně₃, ca₂jí₂ bá₄, tsá₃ ca₂cuē₃ jmi₄ jua'₅₄ a₂juá'₂ guē₄, ia₁ a₂ηi₅ rē₂ bá₄ je₂na'₅₄ a₂lín₅ 'éi₂ I₂rē₂'ín₁ quián₅ Diú₄.

Ca₂ton₃ Jesús jág₁ 'uē₃ Galilea
(Marcos 1:35-39)

⁴² Jme₁jnia₃ jaun₂, ca₂o₃'ín₃ Jesús ηó₃ caun₂ ja₁lē₄ co₂'ηiog₅. La₁ ca₂le₃jín₃ dsa₂ ca₂i₁nioi₁₂ ca₂'nau'₂. Jaun₂ ně₃ jme₁ca₂dsáu'₂, jme₁jnéi₂ jui₅ tsá₃ jme₁cuē₂₃ jmi₄ dsáin₃. ⁴³ Jaun₂ ca₂juá'₂ Jesús:

—Ca₂tín₂ jniá₂ qui₂i₁'ē₃ jág₁ jui₁lia'₂ ja₁gon₂ Diú₄, le₂tan₅₄ juig₂ ja₁siá'₂, ia₁ ta₁ ně₅ chen₄ bá₄ jniá₂ guio₃.

⁴⁴ Jaun₂ le₂nē₅ bá₄ ca₂ηi₃ Jesús ca₂'ē₂ jág₁ le₂con₂ guá'₅ sinagogas a₂te₁'i₁ ja₁tén₄ Judea. §

5

Ca₂jmo₃ Jesús ca₂jon₃ dsa₂ ju₄
(Mateo 4:18-22; Marcos 1:16-20)

¹ Ca₂lē₃ co₂ráun₂ jme₁'en₅₄ Jesús chei'₅₄ Jmi₁ηí'₄ Genesaret. * Tē₃jē₄ jaun₂ ca₂ηi'₂ juin₅ lin₃ dsa₂, ca₂lia'₂ co₂'liog'₂ bá₄ tioen'₅₄, ia₁ 'nio₃ nag₃ jág₁ quió'₅ Diú₄. ² Jaun₂ ca₂jág₃ Jesús tin₃ tsi₁mu₅ a₂le₁jē₁, le₁'ág₄ chei'₅₄ jmi₄, ia₁ dsa₂ i₂tsán'₂ ju₄ jme₁ma₂sióin₃ i₂ráng₃ 'má₅ quió'₅. ³ Jaun₂ ca₂'í₃ Jesús caun₂ tsi₁mu₅ jaun₂, a₂lē₅ quió'₅ Si₂mu₅₄. Jaun₂ ca₂mi₃ a₂jio₃ 'éi₂ ca₂juig₄ guē₄ le₃ne₄ jmi₄. Jaun₂ ca₂guá₂ 'ηió'₃ tsi₁mu₅, jaun₂ ja₁jaun₂ ca₂jme₃lióg₃ ca₂jme₃tiin₂₃ dsa₂.

⁴ Jme₁ca₂dsan₃ cuē₂₃ jág₁, ca₂tsí'₃ Si₂mu₅₄:

—Jniog'₅₄ mu₅ quiáng'₂ le₃ja₁jí'₂ guē₄. Ja₁nē₅ tiong₂ 'má₅ quiáng'₂, jaun₂ lén'₂ 'nia'₂ ju₄.

⁵ Jaun₂ ca₂ηag₃ Si₂mu₅₄:

—Tē₅, la₂ tio'₅₄ bá₄ jnia'₅₄ ta₁jma₃ nei₅ ca₂néi₃, tsá₃ 'ein₂ já'₂ ma₂lag₅ jnia'₅₄; la₁ i₁tion₃ caun₂ ia₁ a₂juá'₂ 'ne₂.

⁶ Jme₁ca₂jmo₃ le₂jaun₂, ca₂lia'₂ juin₅ lin₃ ju₄ i₃ton'₅₄, jnia'₅₄ mei'₂ tsá₃ ca₂gag₂ bá₄ 'má₅ quió'₅ tioen'₅₄. ⁷ Jaun₂ ca₂bí₂ gu₂ ca₂tē'₃ riin'₅₄ i₂jme₁tion'₅₄ tsi₁mu₅ caun₂, ia₁jaun₂ ja₃lén₂ jme₃'o₅₄. Jme₁o₃lén₂ 'éi₂ ně₃, ca₂jme₃cain'₂ ta₁tin₃ tsi₁mu₅, jnia'₅₄ mei'₂ tsá₃ ca₂i₃guein'₅₄ bá₄ tioen'₅₄. ⁸ Jme₁ca₂jág₃ Si₂mu₅₄ ně₅, ca₂ηó₃ ca₂chi₃jné₃ ne₄ Jesús, ca₂juá'₂:

—Jnia'₃ cau₅ quió₃, Te₁gui'₅₄, ia₁ dsa₂ cha₂ dsáu₁ bá₄ jniá₂.

⁹ Ia₁ dsi₂gó'₃ dsí₅ Si₂mu₅₄ quian'₅₄ riin'₅₄, ia₁ a₂ηí₄ lē₃ 'ηio₅ juin₅ ju₄ i₂ca₂join₃. ¹⁰ Ján₃ bá₄ le₂jaun₂ Jacobo quian'₅₄ Juan₅₄ i₂lín₅ ja₁ηi'₅₄ Zebedeo, ia₁ co₂dsia₅ jme₁i₂nioi₅₄ quian'₅₄ Si₂mu₅₄ tsáin'₂ ju₄. La₁ Jesús ně₃ ca₂juá'₂ ca₂tsí'₃ Si₂mu₅₄:

—Tsá₃ jmo₂ gang'₃. Ia₁ tē₂le₃ ne₄ jui₅ ja₁dsau₅₄ ně₅, ηí'₁ jmag'₅₄ dsa₂ mi₂güig₃ jui₁lia'₂ jmag'₂ ju₄.

¹¹ Jme₁ma₂nē₂jnióg'₃ tsi₁mu₅ quió'₅ le₃ja₁quein₂ chei'₅₄ jmi₄, ja₁jaun₂ ca₂dsia₃ jē₂, ca₂i₃lén₂ bá₄ quian'₅₄ 'éi₂.

§ 4:44 A₂lin₅₄ chog₅₄ si₂juá'₂: “Galilea.” * 5:1 Ján₃ bá₄ chei₂ “Jmi₁ηí'₄ Galilea.”

Ca₂jme₃'lión₂ Jesús jan₂ dsa₂ i₂lín₅ 'mé₅ 'iog₅
(Mateo 8:1-4; Marcos 1:40-45)

¹² Co₂ráun₂ jme₁'en₅₄ Jesús caun₂ juig₂, jaun₂ ca₂dsióg₃ jan₂ dsa₂ dso₅₄ i₂lín₅ 'mé₅ 'iog₅, ta₁jain₂. Jme₁ca₂jín₂ Jesús, ca₂tóin₂ tē₂rē₃'éin₂ 'uē₃, ca₂mī₃ tion₅₄-jan₃, ca₂juá'₂:

—Te₁gui'₅₄, chi₂jua'₂ 'niog'₂, njia'₅₄ lia'₂ 'ne₂ bá₄ qui'₅₄ jmīg₄ chi'₅₄ dso₄ a₂lín₅.

¹³ Jaun₂ ca₂néi'₃ gu₂, ca₂ní'₃ quió'₅ dsa₂ dso₅₄, ca₂juá'₂:

—'Nio₃ jniá₂. Jmo₅₄ bá₄ le₁jín₃.

Dsi₂jui₅ jme₁ca₂juá'₂ jaun₂, ca₂jnia'₃ 'mé₅ 'iog₅ a₂jme₁lín₄. ¹⁴ Jaun₂ ca₂jmo₃ Jesús 'éi'₃ a₂tsá₃ 'ein₂ tsí'₃ 'i₁jan₂. Jnia'₅₄ lia'₂ ca₂juá'₂:

—La₁ gua₂ o₂jme₁jnia₅ ne₄ jme₂dsa₂, o₄quió'₄ a₂ma₂le₁jín₃, o₂jmo₄ o₂jen'₅₄ ne₄ Diú₄ con'₂ lē₅ 'Éi'₃ quió'₅ Moisés,† co₂'nió'₄ a₂jang'₅₄ jág₁ dsau₅ jin₄ dsa₂.

¹⁵ La₁ tē₂le₃ lē₅ guē₄ ca₂i₃'ag₅₄ bá₄ jág₁ ca₂le₂con₂ a₂'in₅ dsa₂ Jesús. Jaun₂ i₂juin₅ lín₃ dsa₂ i₂jme₁tē₁ja₂lén₂ nī'₂ ja₂néi₃ jág₁, i₂'nio₃ 'lión₂ nē₃ 'e₂ caun₂ jmī₁uig₅ chain₂. ¹⁶ La₁ jme₁dsi₂uín₃ bá₄ 'ni'₂ juig₂ ja₁con'₂ 'niog₅, chi₃lén₂ Diú₄.

Ca₂jme₃'lión₂ Jesús jan₂ dsa₂ 'lian'₂
(Mateo 9:1-8; Marcos 2:1-12)

¹⁷ Ca₂lē₃ co₂ráun₂ jme₁'en₅₄ Jesús jme₂tiin₂₃ dsa₂. Le₂con₂ jaun₂, jme₁tián'₄ i₂lín₅₄ dsa₂ fariseos, tē₅juá'₅ nē₃, i₂ja₂lén₂ le₂con₂ 'uē₃ Galilea, Judea, juig₂ Jerusalén nē₃. Ia₁ jui₅bí₂ quió'₅ Te₁gui'₅₄ bá₄ jme₁'io₅ Jesús, a₂jme₂'lión₂ dsa₂. ¹⁸ Tē₃jē₄ jaun₂, ca₂dsi₃lén₂ dsa₂ le₁jniai₂₃ jan₂ dsa₂ 'lian'₂, dsin₂ ne₄ tsī₁jein₁. Jme₁'no'₂ jui₅ dsi₃toin₅₄ dsi₂néi₂, jme₁dsi₃quio₂₃ ne₄ Jesús. ¹⁹ Ia₁ tsá₃ ca₂dsó'₂ 'a₂ lia'₂ dsi₃toin₅₄, ia₁ a₂ní₄ lē₃ juin₅ dsa₂ tion₅₄, jaun₂ ca₂uig₂ le₃co₅₄ tsī₁'né₅. Jaun₂ ca₂niá₃ jē₄ gua'₅₄ lag₁, jaun₂ ca₂sió₂ lia'₂ jma₃quian₅₄ tsī₁jein₁, dsi₂jo₂ jaun₂, ne₄ Jesús. ²⁰ Jme₁ca₂jág₃ Jesús a₂'én₂ dsa₂ 'éi₂ 'nio₅ lín₃, jaun₂ ca₂juá'₂:

—'Ne₂ dsa₂, ma₂rē₂'én₄ bá₄ dsáu'₂.

²¹ Jaun₂ nē₃ ca₂jme₃lióg₃ tē₅juá'₅ quian₅₄ dsa₂ fariseos nē₃ ca₂i₃jnia₅ dsí₅: “¿I₂'ein₂ bá₄ nē₅ jmái'₂ mī₅₄ Diú₄ a₂juá'₂ le₂nē₅? 'I₁jan₂ tsá₃ 'ein₂ lé₂ le₃'én₂ dsáu₁ dsa₂, njia'₅₄ lia'₂ Diú₄ bá₄.”

²² La₁ a₂lī'₄ rē₂ bá₄ Jesús 'e₂ a₂qui₂dsi₂jnia₅ dsí₅ dsa₂ 'éi₂, jaun₂ ca₂juá'₂:

—¿'E₂ bá₄ lē₃ dsi₂jio₅ 'au'₂ 'nia'₂ le₂nē₅? ²³ ¿'E₂ a₂'ua₁ guē₄ ta₁, a₂juá'₄ jniá₂ juig₅₄ dsa₂ la₂: “Ma₂rē₂'én₄ dsáu'₂”, o₃ a₂juig₅₄ 'e₂ jniá₂: “Nau₂, nī₄”? ²⁴ Ia₁ dse₃ jaun₂. La₂ jmo₅₄ jniá₂ ia₁jaun₂ le₃ni₅₄ 'nia'₂ a₂'io₅ bí₂ 'éi'₃ Jaun₅ dsa₂ mī₂güig₃ ne₄ gua'₅₄ 'uē₃ a₂qui₃'éin₂ dsáu₁ dsa₂.

Jaun₂ guē₄ ca₂tsí'₃ dsa₂ 'lian'₂:

—'Ne₂ juig₂ jniá₂, nau₂, quion₂ tsī₁jein₁ quiáng'₂, guan'₂.

²⁵ Dsi₂jui₅ jaun₂ tē₃ jág₅ ca₂le₃jín₃, ca₂nau₂ ca₂cáun₃ tsī₁jein₁ quió'₅ ca₂nái'₃ jme₂juin₂ Diú₄. ²⁶ Jaun₂ ca₂i₃gó'₃ dsí₅ ca₂le₃jín₃, ca₂jme₃juin₂ Diú₄ nē₃. Jaun₂ tē₃jē₄ dsi₂gó'₃ dsí₅ jaun₂, qui₂ca₂tsí'₃ riin₅₄:

—Jmīg₄ nē₃ ca₂tē₂ ne₄ jniog₄ a₂dsi₂gó'₃ dsí₅.

Ca₂tē'₃ Jesús Leví
(Mateo 9:9-13; Marcos 2:13-17)

²⁷ Cang₂ jaun₂ ca₂o₃'iín₃ táng₃. Ja₁nó₄ jaun₂, ca₂jín₂ jan₂ i₂chen₂ Leví i₂cán₂ 'lia'₅₄ a₂ca₂tín₂ dsi₂tan₅₄, guá₅ ja₁dsi₂qui₅ dsa₂ 'lia'₅₄. Jaun₂ ca₂juá'₂ Jesús:

—Nia₅ chi₁co'₅₄ quió₃.

²⁸ Ja₁jaun₂ ca₂dsia₃ jē₂, ca₂nau₂ nó₃ quiong'₅₄.

²⁹ Ca₂i₃jmo₅₄ Leví caun₂ má₃ pa₁ dsi₂néi₂ quió'₅ o₄quió'₄ Jesús, jaun₂ ca₂ni'₂ juin₅ dsa₂ i₂cán₂ 'lia'₅₄ riin₅₄. Juin₅ bá₄ dsa₂ sián'₂ nē₃ qui₂ca₂guē'₃ quian₅₄. ³⁰ La₁ dsa₂ fariseos quian₅₄ tē₅juá'₅ quiáin₅, chi₂ca₂'iín₃ dsa₂ i₂ma₂quian₅₄ Jesús, ca₂juá'₂:

† 5:14 'Í₂ Levítico 14.

—¿'E₂ lē₃ qui₂quē' ₂ qui₂'ág' ₂ 'nia' ₂ co₂dsia₅ quian' ₅₄ dsa₂ i₂cán₂ 'lia' ₅₄ nē₅, dsa₂ i₂le₁cán' ₄ dso₄ nē₃?

³¹ Jaun₂ ca₂ḡag₃ Jesús:

—Ma₁ tsá₃ tē₅mí₅ 'nió' ₅ quió' ₅ dsa₂ i₂le₁'ág₄ dse₃ dsí₅; dsa₂ i₂le₁dso' ₅₄ bá₄ 'nió' ₅ quió' ₅.
³² Tsá₃ ta₁ jaun₂ guio₃ jniá₂ a₂tē₄ dsa₂ dsen₃; a₂tē₄ dsa₂ i₂le₁cán' ₄ dso₄ bá₄ jniá₂ guio₃, ia₁jaun₂ dsi₁quén' ₅ dsí₅.

*Ca₂ḡí' ₃ dsa₂ Jesús jui'lia' ₂ a₂jme' ₂in' ₅₄ dsa₂
 (Mateo 9:14-17; Marcos 2:18-22)*

³³ Jaun₂ dsa₂ 'éi₂ nē₃ ca₂tsí' ₃ Jesús:

—¿'A₂ guē' ₂ lia' ₂ i₂gú' ₃ jme' ₂in' ₅₄ dsa₂ i₂quian' ₅₄ Juan₅₄, jē₂ qui₂tsí' ₅ Diú₄, le₂jaun₂ bá₄ dsa₂ quián₅ fariseos nē₃, la₁ dsa₂ quiáng' ₂, guē' ₅ 'ín' ₂ bá₄?

³⁴ Jaun₂ ca₂jén' ₃ Jesús jág₁:

—¿Lé₂ le₃chi₁quian' ₄ 'nia' ₂ jmi₄g₄ jme' ₃in' ₅₄ jui'lia' ₂ dsa₂ i₂té₄ ja₁jen' ₂ gu₂ dsa₂, chi₂jua' ₂ jaun₂ bá₄ guá₅ guē' ₂ dsa₂ ḡe' ₂ i₂jen' ₂ gu₂? ³⁵ La₁ já₅ jmi₄g₄ jē₁ma₂jñia' ₃ dsa₂ ḡe' ₂ 'éi₂; jmi₄g₄ jaun₂ guē₄ ma₂lé₂ jme' ₃in' ₅₄.

³⁶ Ján₃ bá₄ ca₂juá' ₂ Jesús jág₁ jáng' ₅ léi₄ la₂:

—Ma₁ tsá₃ 'ein₂ dsa₂ tióng₅ 'nau₅₄ 'mí' ₂ 'mí₂ tsi' ₁'mí' ₂ gui' ₅₄. Ia₁ nē₁jua' ₂ ca₂jmo₃ le₂jaun₂, a₂jñia' ₅₄ guéi₃ bá₄ caun₂ caun₂, ton' ₂ tsá₃ ma₃rē₂ quin₅ tsi' ₁'mí' ₂ gui' ₅₄ quian' ₅₄ 'nau₅₄ 'mí₂.
³⁷ Ján₃ guē' ₂ tsá₃ tia' ₂ dsa₂ vino 'mí₂ ni₁lau₂ gui' ₅₄, ia₁ nē₁jua' ₂ ca₂jmo₃ dsa₂ le₂jaun₂, a₂ne' ₂ bá₄ ni₁lau₂ gui' ₅₄ quian' ₅₄ dsió' ₁ vino 'mí₂; téin₃ bá₄ vino, ton' ₂ dsi₃'én₂ ni₁lau₂ gui' ₅₄ nē₃. ³⁸ Jaun₂ lē₃, lau₂ 'mí₂ bá₄ 'nió' ₅ tia' ₃ dsa₂ vino 'mí₂, ia₁jaun₂ rē₂ lé₂ 'í₁ le₃tin₃. ³⁹ Ján₃ bá₄ le₂jaun₂ jui'lia' ₂ i₂ma₂'in' ₅ vino gui' ₅₄ a₂ma₂ron₂, tsá₃ jiá₃ dsí₅ 'ín' ₂ vino 'mí₂ a₂tē₂ca₂jlen' ₃. “Ia₁ tió' ₅ a₂gui' ₅₄” bá₄ juá' ₂.

6

*Guén₂ dsa₂ quián₅ Jesús mīg₂ trigo caun₂ jmi₄g₄ sa₅₄
 (Mateo 12:1-8; Marcos 2:23-28)*

¹ Caun₂ jmi₄g₄ sa₅₄, ca₂ḡi₅ Jesús caun₂ ja₁nau₂ ja₁jñia₄ trigo. Jaun₂ ca₂gág₃ dsa₂ i₂quian' ₅₄ m'í' ₂ trigo, qui₂ca₂guéin₂ ca₂guē' ₃. ² Jaun₂ jme₁ca₂jág₂ i₂lin' ₅₄ dsa₂ fariseos, jaun₂ ca₂juá' ₂:

—¿'E₂ lē₃ jmo' ₂ 'nia' ₂ a₂tsá₃ 'i₄ 'éi' ₃ jmo₃ dsa₂ jme₁jmi₄g₄ sa₅₄?

Jaun₂ ca₂ḡag₃ Jesús:

³ —¿Tsa₁ ma₂'í' ₂ 'nia' ₂ ja₁juá' ₂ a₂ca₂jmo₃ David quian' ₅₄ riin' ₅₄ jme₁ca₂tá' ₂ i₁cón' ₅? ⁴ Ca₂'í₃ dsi₂néi₂ quió' ₅ Diú₄ ca₂can₃ i₁ḡí' ₄ jñió₅ a₂'i₄ 'éi' ₃ a₂guē' ₃ jmá' ₃ jme₂dsa₂. Ca₂guē' ₃, ca₂cuē' ₃ riin' ₅₄ i₂jme₁quian' ₅₄ nē₃.

⁵ Ca₂juá' ₂ Jesús ján₃:

—Jaun₅ dsa₂ mi₂güig₃ bá₄ i₂quian' ₅ 'éi' ₃ ne₄ quió' ₅ jmi₄g₄ sa₅₄.

*Dsa₂ i₂rē₂já' ₃ caun₂ gu₂
 (Mateo 12:9-14; Marcos 3:1-6)*

⁶ Co₂ráun₂ táng₃ caun₂ jmi₄g₄ sa₅₄ ca₂lē₃, ca₂'í₃ Jesús guá' ₅ sinagoga, ca₂jme₃tiin₂₃ dsa₂. Jē₄ jaun₂ jme₁'en' ₅₄ jan₂ dsa₂ i₂rē₂já' ₃ gu₂ ne₁. ⁷ Ca₂tiog₃ dsa₂ fariseos quian' ₅₄ tē₅juá' ₅ chi₂jua' ₂ jme₃lióin₂ 'éi₂ tē₃ jmi₄g₄ sa₅₄, ia₁ jme₁'no' ₂ jui₅ 'a₂ lia' ₂ jmo₃ dsá_{u1} 'éi₂. ⁸ La₁ a₂ḡi₅ rē₂ bá₄ Jesús 'e₂ a₂dsi₂jio₅ dsí₅ dsa₂ 'éi₂ tióin₂, jaun₂ ca₂tsí' ₃ dsa₂ i₂rē₂já' ₃ gu₂:

—Nau₂, ḡia₅ dsi₂jo₂ la₂.

Ca₂nau₂ bá₄ dsa₂ 'éi₂ ca₂ḡó₃. ⁹ Jaun₂ ca₂tsí' ₃ Jesús dsa₂ i₂tióin₂ jág₅:

—La₂ ḡag₄ jniá₂ caun₂ 'nia' ₂: ¿'E₂ 'i₄ 'éi' ₃ jmo₃ dsa₂ jui'lia' ₂ jme₁jmi₄g₄ sa₅₄? ¿A₁dse₃, o₃ a₂'lig' ₅₄ 'e₂? ¿A₂lióin₂ dsa₂ mi₂güig₃ riin' ₅₄, o₃ a₂jñag' ₃ 'e₂?

¹⁰ Jaun₂ ca₂jñin₂ ca₂le₃jín₃ dsa₂ i₂tióin₂ le₃lág' ₃ quió' ₅, jaun₂ ca₂tsí' ₃ dsa₂ dso' ₅₄:

—Nei' ⁵⁴gog' ².

Jaun ₂ ca₂neí' ₃. Dsi₂jui₅ jaun ₂ bá₄ ca₂lág₃ gu₂. ¹¹ La₁ ca₂rě₃'né₃ bá₄ dsa₂ jain₂ jain₂ tioin' ₅₄, ca₂jme₃lióg₃ ca₂tsí' ₃ riin' ₅₄ 'e₂ jmái' ₂ Jesús.

Ca₂quión' ₂ Jesús guía₃-tín₂ dsa₂ i₂chein₃ 'a₂ guě₃ já' ₄ chei₃
(Mateo 10:1-4; Marcos 3:13-19)

¹² Ca₂lě₃ tě₃jě₄ jmig₄ jaun₂, ca₂hó₃ Jesús jui₅ caun₂ má' ₂ a₂chi₂i₁lein' ₄ Diú₄. Tě₁jma₃nei₅ bá₄ ca₂ñi₅ chi₂lén' ₂ Diú₄. ¹³ Jme₁jnia₃ táng₃ jaun₂, ca₂tě' ₃ dsa₂ i₂quai₃in' ₅₄, jaun₂ ca₂quío₃in' ₂ guía₃-tín₂ 'éi₂. I₂'éi₂ ně₃ ca₂quai₃in₃, i₂chen₄ quiáin₅.^{*} ¹⁴ Le₂la₂ jme₁chein₂: Si₂mu₅₄ i₂ca₂quai₃in₃ Pe₄; Drě₄ rin' ₅₄ Si₂mu₅₄; Jacobob quian' ₅₄ Juan₅₄ ně₃; Fe₂li₄, Bartolomé, ¹⁵ Tě₅₄, To₁má₄, Jacobo† i₂lín₅ ja₁ñi' ₅₄ Alfeo; Si₂mu₅₄ i₂lín₅ cananista.† ¹⁶ Judas rin' ₅₄ Jacobo; quian' ₅₄ Judas IscarioteŠ i₂ca₂dsióg₃ ca₂'ni₃ Jesús cang₂.

Jme₂tín₅ Jesús juin₅ lín₃ dsa₂
(Mateo 4:23-25)

¹⁷ Jme₁ca₂sióin₃ má' ₂ jaun₂, quai₃in' ₅₄ 'éi₂, jaun₂ ca₂nau₂ caun₂ ja₁lě₄ ja₁jo₂. Ja₁jaun₂ ně₃ jme₁ma₂le₁ñi' ₂ juin₅ lín₃ dsa₂ i₂chan₂ ta₁caun₂ 'uě₃ Judea, i₂ja₂lén₂ Jerusalén, ca₂le₃jě₃ juig₂ te₁'i₁ le₂tan₅₄ chei' ₅₄ jmi₁ñi' ₄ ja₁niog₅ juig₂ Tiro quian' ₅₄ Sidón ně₃, ¹⁸ ia₁ 'nio₃ dsa₂ nag₃ jág₁ quío' ₅ Jesús, ton' ₂ ia₁ 'nio₃ 'lióin₂ 'e₂ caun₂ dso₄ niog₅ lín₅. Le₂jaun₂ guě' ₂ dsa₂ i₂chan₂ uig₅ co₂jmóg' ₂ jme₂dsí₂ 'lín' ₅₄, ja₁jaun₂ qui₂ca₂'lóin₂ bá₄ ján₃. ¹⁹ Qui₂ca₂'náu' ₃ jui₅ a₂ní' ₃ quío' ₅ Jesús, ia₁ jme₁'io₅ 'éi₂ bí₂ a₂jme₁jme₂'lióin₂ ca₂le₃jín₃.

Jui₁lia' ₂ a₂dse₃, quian' ₅₄ a₂tsá₃ dse₃ lia' ₂ chan₂ dsa₂
(Mateo 5:1-12)

²⁰ Jaun₂ ca₂jín₂ ca₂le₃jín₃ i₂ma₂quai₃in' ₅₄, jaun₂ ca₂juá' ₂:

—'E₂ guě₄ dsen' ₃ 'nia' ₂ dsa₂ i₂chang' ₂ nэг' ₂ le₃ne₄ Diú₄, ia₁ 'nia' ₂ bá₄ ca₂tíng' ₂ ja₁goin₂.

²¹ 'E₂ guě₄ dsen' ₃ 'nia' ₂ i₂chang' ₂ 'ong' ₅₄ rě₂ně₃, ia₁ 'ág' ₄ bá₄ 'au' ₂. Dsen' ₃ 'nia' ₂ i₂qui' ₂-o₅ jmig₄ ně₃, ia₁ nág' ₄ bá₄ 'nia' ₂.

²² 'E₂ guě₄ dsen' ₃ 'nia' ₂ jě₁ma₂ca₂jme₃'iog₅₄ dsa₂, a₂'uág' ₂, jě₁ma₂tě₂ rě₁tě₃'o' ₂, quiong₃ dsa₂ a₂'lín' ₅₄ o₄quío' ₄ Jaun₅ dsa₂ mi₂guíg₃.

²³ 'Jmo₄ 'nia' ₂ 'io' ₂ 'ñio₅ lín₃, quian₂ 'nia' ₂ o₂'ñio₃ 'au' ₂ jě₁ma₂tě₂ jmig₄ jaun₂, ia₁ le₂ně₅ bá₄ guéi' ₁ 'nia' ₂ juě' ₂ 'liang' ₅₄ guei' ₅₄ i₂juíg₃. Ia₁ le₂ně₅ bá₄ ma₂jmo₃ dsa₂ can' ₅₄ quiáin₅ ca₃ma₂líg' ₂ ma₂jmái' ₂ dsa₂ i₂jme₁'ě₂ jág₁ quián₅ Diú₄.

²⁴ 'La₁ 'e₂ guě₄ juíg' ₂ 'nia' ₂ dsa₂ cha₂ cu₄, ia₁ ma₂gue' ₅₄ bá₄ 'nia' ₂ liang' ₅₄.

²⁵ 'E₂ guě₄ juíg' ₂ 'nia' ₂ i₂chang' ₂ qui₂le₁'ág' ₃ 'au' ₂, ia₁ já₅ jmig₄ jě₁le₃chang' ₂ 'ong' ₅₄. 'E₂ guě₄ juíg' ₂ 'nia' ₂ i₂chan₂ co₂nág₂ jmig₄ ně₃, ia₁ já₅ bá₄ jmig₄ jě₁tóng' ₁ 'lia' ₂ 'au' ₂ qui' ₁-áu' ₂.

²⁶ 'Juíg' ₂ bá₄ 'nia' ₂ jě₁ma₂tě₂ rě₁qui₃'ag₃ dsa₂ dse₃, ia₁ le₂ně₅ bá₄ ca₂jmo₃ dsa₂ can' ₅₄ quiáin₅, ca₂'in₃ dse₃ dsa₂ jui₁gan₂ i₂jme₁'ě₂ jág₁ ma₂líg' ₂.

A₂jme₃'nio₃ dsa₂ jui₁lia' ₂ dsa₂ i₂'iog₅₄
(Mateo 5:38-48; 7:12)

²⁷ 'La₁ 'nia' ₂ dsa₂ i₂nag₅, juá' ₅ jniá₂: Jme₁'nió₄ 'nia' ₂ dsa₂ i₂'iog₅₄, jmo₄ a₂dse₃ ja₁con₂ dsa₂ i₂ja₂uin₅₄ dsí₅ jág₂. ²⁸ Caun₂ dse₃ bá₄ qui' ₁íng' ₄ i₂'ag₅ 'lig' ₅₄; chi₁len' ₅₄ 'nia' ₂ Diú₄ o₄quío' ₄ i₂lě₁co₂jmóg' ₂. ²⁹ Chi₂jua' ₂ 'ein₂ ca₂jnáu₃ ca₂ton₂ rě₂jog' ₂, jein' ₅₄ le₃ca₂ton₂ táng₃ o₁jnáu₄; chi₂jua' ₂ 'ein₂ ca₂jñiá' ₂ 'mi' ₂ dsiog₂ quiáng' ₂, le₂jio₅ tsing' ₂ a₂qui' ₅₄ cuě' ₅₄ ján₃, o₁quion₂. ³⁰ Jui' ₁ein₂ guě₃ mi₅ 'e₂ mi₂₃, cuě' ₅₄; chi₂jua' ₂ 'e₂ caun₂ a₂jñiá' ₂ quiáng' ₂, tsá₃ ma₃mag' ₅₄. ³¹ Jui₁lia' ₂ a₂'niog' ₂ 'nia' ₂ jmo₃ dsa₂ ja₁cong' ₂, le₂jaun₂ jmo₄ 'nia' ₂ ja₁coin₂.

* **6:13** griego: apóstolous (dsa₂ i₂chen₄). † **6:15** o₃, Santiago. ‡ **6:15** griego: Celotes, co₂'nió' ₄ dsa₂ i₂nau₂ quen₅; jan₂ i₂'nio₃ táun₂ 'uě₃ 'éi' ₃ quío' ₅ Roma. Jma₃quén₅ ca₂quioin₃ le₃on₃ Si₂mu₅₄ 'éi₂, ia₁ ñí₄ lě₃ mei' ₂ tsá₃ ca₂ne₅₄ a₂chein₂. Š **6:16** o₃, Judas i₂chan₂ Cariot; o₃ Judas i₂tě₂jín₁.

³² 'Ia₁ nē₁jua'₂ 'nióg'₃ jmá'₃ lia'₂ dsa₂ i₂'nio₃ 'nia'₂ guiong'₅₄, ¿'e₂ ti₁'mag'₄ ca₂tíng'₂ nē₁jua'₂ le₂jaun₂? Ia₁ ján₃ bá₄ le₂nē₅ jmo₅ jui₁lia'₂ dsa₂ i₂'no₅ dso₄. ³³ Ia₁ chi₂jua'₂ jmo'₂ 'nia'₂ dse₃ jmá'₃ lia'₂ ne₄ dsa₂ i₂jmo₅ dse₃ ja₁cong'₂, ¿'e₂ ti₁'mag'₄ ca₂tíng'₂ nē₁jua'₂ le₂jaun₂? Ia₁ le₂nē₅ bá₄ tion'₅₄ dsa₂ i₂'no₅ dso₄ ján₃. ³⁴ Nē₁jua'₂ qui₂dsi'₂ 'nia'₂ jmá'₃ lia'₂ le₃quió'₅ i₂lín'₂ 'nia'₂ le₃qui'₅₄ jmíg₄ jéin'₃ quiáng'₂, ¿'e₂ ti₁'mag'₄ ca₂tíng'₂ nē₁jua'₂ le₂jaun₂? Ia₁ le₂nē₅ bá₄ tion'₅₄ guē'₂ dsa₂ i₂'no₅ dso₄ ján₃, qui₂dsi₂ quió'₅ riin'₅₄ jain₂ jain₂, ia₁jaun₂ qui₃gue₃ quió'₅ riin'₅₄. ³⁵ La₁ 'nia'₂ nē₃, jme₁'nió₄ i₂'iog₅₄, jmo₄ a₂dse₃ ja₁coin₂; dsi₄ 'nia'₂ quió'₅, tsá₃ jmo₄ 'nia'₂ jua'₅₄ a₂ŋí₄ 'i₅ 'au'₂ a₂jaun₂. Jaun₂ le₂nē₅ bá₄ guéi'₁ 'nia'₂ juē'₂ 'liang'₅₄, ton'₂ léng'₂ chi₂-guein₂ quián₅ Diú₄ i₂guá₅ guei'₅₄. Ia₁ i₂'ua₁ dsí₅ 'éi₂ ján₃ ja₁con₂ dsa₂ 'lín'₅₄, i₂jñia'₅₄ ti₁'mag'₄ tsá₃ cuē₂₃. ³⁶ Jui₁len'₅₄ 'nia'₂ dsa₂ ŋéi₂ dsí₅, jui₁lia'₂ ŋéi₂ dsí₅ Diú₄ Nēi'₅.

Tsá₃ lē₁caun₂ 'nia'₂ 'í₁ quió'₅ ríng'₂
(Mateo 7:1-5)

³⁷ 'Tsá₃ lē₁caun₂ 'nia'₂ 'í₁ ja₁con₂ ríng'₂, jaun₂ tsá₃ con₂ Diú₄ 'í₁ ja₁con₂ 'nia'₂ guiong'₅₄. Tsá₃ 'lián'₅ 'nia'₂ ríng'₂ jaun₂ tsá₃ 'liog'₃ Diú₄ guion'₅₄ 'nia'₂ ján₃. 'Én₃ 'nia'₂ dsáu₁ ríng'₂, jaun₂ bá₄ 'én₂ Diú₄ dsáu'₂ 'nia'₂ guiong'₅₄. ³⁸ Qui₂jme₁'on₁ 'nia'₂ ríng'₂, jaun₂ bá₄ jme₃'o₅₄ Diú₄ 'nia'₂, cuē₃ caun₂ 'éi'₃ tí₅, a₂tó'₅ tiá₂, a₂qui₂rē₂'ŋiá'₄ rē₂ lín₃, ca₂lia'₂ tsá₃ ma₃to'₂ ja₁'éi'₄ jmo₃, tó'₃ tē₂jmu₂ quián'₂ 'nia'₂. Ia₁ 'éi'₃ jaun₂ bá₄ to'₂ Diú₄ jui₁lia'₂ lē₅ 'éi'₃ a₂dsián'₅ 'nia'₂ ríng'₂ guiong'₅₄.

³⁹ Jaun₂ ca₂cuē₃ Jesús jág₁ jáng'₅ léi₄ la₂:

—¿Lé₂ le₃jñia₃ dsa₂ ten₄ jan₂ dsa₂ ten₄ riin'₅₄ a₂'ē₃ jui₅? ¿Tsa₁ tsi₃séin'₂ jua'₅₄ jui₁lia'₂ caun₂ siá₅? ⁴⁰ 'I₁jan₂ jui₁lia'₂ i₂'i₅ si₂ tsá₃ lín₅ jua'₅₄ a₂juin'₂ guē₄ con₂ guē₄ tē₅ quiáin₅; ca₂lia'₂ ca₂dsó'₃ si₂ quió'₅, jaun₂ guē₄ lé₂ le₃dsióg₄ léin₂ con₂ lín₅ tē₅ quiáin₅.

⁴¹ '¿'A₂ bá₄ lia'₂ jñiá'₄ 'ne₂ jme₁qui₅ pí'₁ a₂'i₄ jme₁ne₁ ríng'₂, ton'₂ tsá₃ leng'₅₄ a₂'i₄ ni₁'ma₂ chá₅ jme₁ne₄ 'ŋiag'₂? ⁴² ¿'A₂ bá₄ lia'₂ tiá₂ 'au'₂ juig'₅₄ ríng'₂: “Rin'₅₄ jniog₄, cuē₄ jmíg₄ o₁dsi₁₂ jme₁qui₅ pí'₁ a₂'i₄ jme₁ne₄”? ¿'Ne₂ dsa₂ i₂lē₁jmo₅-dsáu₅ o₁ne₁! Dsi₄ de'₂ jñiá₅ ni₁'ma₂ chá₅ a₂'i₄ jme₁ne₄ 'ŋiag'₂, jaun₂ guē₄ le₃jag'₅₄ rē₂ dsí'₁ qui₅ pí'₁ a₂'i₄ jme₁ne₁ ríng'₂.

Tē₂le₃ 'a₂ lia'₂ lē₅ mīg₂ a₂'ag₅ bá₄ ni₁'ma₂, jáng'₅ léi₄
(Mateo 7:17-20; 12:34-35)

⁴³ 'Tsá₃ cha₂ ni₁'ma₂ dse₃ jua'₅₄ a₂lé₂ le₃'ag₃ mīg₂ 'lig'₅₄; ján₃ guē'₂ le₂jaun₂ tsá₃ cha₂ ni₁'ma₂ 'lig'₅₄ jua'₅₄ lé₂ le₃'ag₃ mīg₂ dse₃. ⁴⁴ Le₂caun₂ le₂caun₂ bá₄ ni₁'ma₂ jau'₂ 'í₁ tē₂le₃ 'a₂ lia'₂ lē₅ mīg₂ a₂'ag₅: ma₁ tsá₃ quin₅ dsa₂ mīg₂ higos jui₁lia'₂ ni₁'ma₂ taun₅ chei₅₄, on₃ guē'₂ lé₂ le₃cág'₃ dsa₂ mīg₂ uvas jui₁lia'₂ chi₁uúng₃ taun₅. ⁴⁵ Ján₃ bá₄ le₂nē₅ dsa₂ nē₃. Jui₁lia'₂ dsa₂ dsen₃, lia'₂ con₂ lē₅ a₂dse₃ a₂ma₂rē₂'ma₄ tē₂dsí₅, jmo₂₃ a₂dse₃; dsa₂ i₂'lín'₅₄ nē₃, lia'₂ con₂ lē₅ a₂'lig'₅₄ a₂ma₂rē₂'ma₄ tē₂dsí₅, jmo₂₃ a₂'lig'₅₄. Ia₁ lia'₂ con₂ lē₅ a₂'lióng₂ ŋag₅₄ cha₂ tē₂dsí₅ dsa₂, a₂jaun₂ bá₄ 'uē₂ mi₂'o₅₄.

Tin₃ né₃ 'uig₅₄ cha₂
(Mateo 7:24-27)

⁴⁶ '¿'E₂ bá₄ lē₃ tē₅ 'nia'₂ jniá₂, “Te₁gui'₅₄, Te₁gui'₅₄”, ton'₂ tsá₃ jmo'₂ guē'₂ 'nia'₂ a₂juá'₅? ⁴⁷ Le₂jan₂ le₂jan₂ i₂tē₁ja₂lén₂ ne₃, i₂ja₂néi₃ jág₁ quió₃, ton'₂ ne'₅₄ nē₃, la₂ 'íin₄ 'a₂ lia'₂ lín₅: ⁴⁸ lín₅ jui₁lia'₂ jan₂ dsa₂ i₂ca₂jmo₃'g₃ 'né₅, ca₂guéi₃ 'ei₄ de'₂ jñiá₅ ca₂lia'₂ ca₂tē₂ ne₄ ni₁'lau₂. Ne₄ jaun₂ ca₂jme₃lióg₃ 'uig₅₄ 'ia'₂. Jme₁ca₂juē'₂ jmíg₂, ca₂dság₃ jmíg₂ tiá₂ 'ei₅ dso'₂ tsi₁'né₅ jaun₂. La₁ ca₂lia'₂ jñia'₅₄ tsá₃ ca₂'ŋiá'₂, ia₁ rē₂ jme₁lē₄. ⁴⁹ La₁ jui₁lia'₂ i₂nag₅ jág₁ quió₃, ton'₂ tsá₃ nei'₅₄ guē'₂ nē₃, lín₅ jui₁lia'₂ lín₅ dsa₂ i₂ca₂chi'₃ 'ne₄ jñia'₅₄ dsí₂ ne₄ 'uē₃ bá₄, tsá₃ 'uig₅₄ 'ia'₂ ca₂jmo₃. Jme₁ca₂dság₃ tiá₂ 'ei₅ jmíg₂ dso'₂ tsi₁'né₅ jaun₂, ca₂qui'₃ bá₄, co₂ŋei'₅₄ ca₂'en₃.

7

Ca₂jme₃'lión₂ Jesús jan₂ dsa₂ mozo quián₅ juig₅₄ 'lióg₂ romano
(Mateo 8:5-13)

¹ Jme₁ca₂dsan₃ cuë₂₃ jág₁ le₂në₅, ca₂le₃jín₃ bá₄ dsa₂ qui₂ca₂nág₂, jaun₂ ca₂ηó₃ jui₅ juig₂ Capernaum. ² Ja₁jaun₂ jme₁guá₄ jan₂ juig₅₄ 'lióg₂ romano i₂jme₁'ηio₅ jan₂ dsa₂ i₂jme₁jme₂ti₃ ne₅₄, i₂jme₁'nioi₃ lin₃. 'Éi₂ në₃ jme₁dso₅₄ jme₁ma₂rë₂quiain₂₃ jóin₂. ³ Jme₁ca₂rë₃ηi₅ juig₅₄ 'lióg₂ a₂'in₅ dsa₂ Jesús, jaun₂ ca₂chein₃ jan₂-on₃ dsa₂ can₅₄ quián₅ dsa₂ judíos a₂i₃léin₂ a₂i₁mi₂ ne₄ Jesús a₂jiá₃ jme₁'lióin₂ dsa₂ mozo quián₅. ⁴ Jme₁dsi₃léin₂ ja₁'en₅₄ Jesús, ca₂mi₃ tion₅₄-jan₃, ca₂juá'₂:

—Ca₂tín₂ bá₄ gui₅₄ juig₅₄ 'lióg₂ 'éi₂ a₂jme₁'oin₄, ⁵ ia₁ 'ηio₅ lin₃ bá₄ 'nioi₃ dsa₂ juig₂ go₄ jniog₄. Ia₁ 'éi₂ bá₄ ca₂jmo₃ 'éi₃ a₂ca₂lág₃ guá'₅ sinagoga quián₂ jnia'₅₄.

⁶ Jaun₂ ca₂ηó₃ bá₄ guë'₂ Jesús quian'₅₄ 'éi₂. La₁ jme₁ma₂ja₂quián₃ dsi₁léin₂ dsi₂néi₂ jme₁ca₂chen₃ táng₃ gui₅₄ juig₅₄ 'lióg₂ jan₂-on₃ a₂mei₅₄ quián₅, a₂quian₅ jág₁ a₂juá'₂:

—Te₁gui₅₄, tsá₃ cán'₁ ta₁ jua'₅₄ a₂gog'₅₄ tē₂ ja₁quió₃, ia₁ tsá₃ ca₂tíng₂ jua'₅₄ a₂o₁'ú'₃ dsi₂néi₂ quió₃. ⁷ 'Uig₅₄ jaun₂ i₂jio₅ dsi₃, ħ₁₂'ein₂ bá₄ jniá₂ jua'₅₄ nei₅₄ 'ηió₃ tē₂ ja₁cong'₂? La₁ tió'₅ jua'₅₄ ca₂jon₄ bá₄ jág₁ quiáng'₂ tē₂në₅, ia₁jaun₂ jnia₃ dso'₅₄ mozo quiáng₃. ⁸ Ia₁ le₂në₅ bá₄ jniá₂ 'ηió₃ chéng'₅ jme₂ti₅₄ ne₄ juig₃, ján₃ bá₄ niog₅ gu₃ 'lióg₂ i₂te₁neg'₄. Nē₁jua'₂ ca₂juíg₂ jniá₂, “Gua₂ jó₄”, ja₁jaun₂ dsó₃ bá₄; nē₁jua'₂ ca₂juíg₂ “Nia₅ ja₁lá₃”, jiá₃ bá₄. Ján₃ guë'₂ le₂jaun₂ nē₁ca₂juíg₂ “O₂jmo₄ a₂la₂ a₂ó₃”, a₂jaun₂ dsi₃jmo₂ bá₄.

⁹ Jme₁ca₂nág₂ Jesús jág₁ në₅, ca₂i₃gó'₃ dsí₅ o₄quió'₄ dsa₂ 'éi₂, jaun₂ ca₂jéin'₃ ca₂jíin₂ dsa₂ i₂quiain'₅₄, jaun₂ ca₂juá'₂:

—Tē₃dsón'₂ bá₄, ca₂lia'₂ 'i₁jan₂ dsa₂ chan₂ Israel tsá₃ ma₂ca₂dsán'₂ jniá₂ i₂'én₂ lia'₂ 'én₂ dsa₂ në₅.

¹⁰ Jme₁ca₂dsi₃len₃ dsa₂ i₂chen₄ 'éi₂ dsi₂néi₂, ma₂ca₂'lón₂ bá₄ dsa₂ mozo i₂jme₁dso'₅₄.

Ca₂jme₃jen'₅₄ Jesús ja₁ηi'₅₄ jan₂ 'io₅₄ 'nág₂

¹¹ Cang₂ jaun₂ ca₂ηó₃ táng₃ Jesús caun₂ juig₂ ja₁chei₂ Nain, jaun₂ ca₂jme₃quiain'₅₄ chi'₂ dsi₂guia₃-tín₂ quián₅, i₃léin₂ quian'₅₄ juin₅ guë'₄ dsa₂ sián'₂ në₃. ¹² Jme₁ja₂quián₃ dsióg₄ ja₁dsi₂ton'₅₄ dsa₂ o₄'né₄ juig₂, ca₂jág₃ ca₂uín₂ dsa₂ i₃óin₃ jan₂ 'lag₄, i₂jan₂ tan₅₄ 'éi₂ ja₁ηi'₅₄ jan₂ 'io₅₄ 'nág₂. Juin₅ lin₃ bá₄ dsa₂ juig₂ i₂jme₁quiong'₅₄ i₃o₃. ¹³ Ca₂tá'₂ ηéi₂ dsí₅ Te₁gui₅₄ jme₁ca₂jág₂, jaun₂ ca₂juá'₂:

—Tsá₃ 'au₂.

¹⁴ Jaun₂ ca₂jme₃quián₃ ca₂níi'₃ tsi₁gu₅. Ca₂jnia₃ bá₄ guë'₂ dsa₂ i₂jme₁le₁te₂, jaun₂ ca₂juá'₂ Jesús ca₂tsí'₃ 'lag₄:

—i'Ne₂ juíg₂ jniá₂ chi'₂, nau₂!

¹⁵ Jaun₂ në₃ ca₂guá₂ 'lag₄, ca₂jme₃lióg₃ ca₂dsia₃ jág₁, jaun₂ ca₂jáng'₂ Jesús ne₄ chog₅₄.

¹⁶ Jme₁ca₂tē₂ ne₄ dsa₂ a₂ca₂lë₃ jaun₂, ca₂i₃gó'₃ dsí₅ ca₂le₃jíin₃, jaun₂ ca₂jme₃juin'₂ Diú₄, ca₂juá'₂:

—Ma₂ca₂rë₃jniá₂ jan₂ dsa₂ juin'₂ i₂'ě₂ jág₁ quián₅ Diú₄ jë₄ quián₂ jniog₄.

Juá'₂ në₃:

—Ma₂guan₅ Diú₄ a₂jme₃'oin₅₄ dsa₂ juig₂ quián₅.

¹⁷ Le₂con₂ ja₁tén₄ 'uë₃ Judea, le₂con₂ ma₂quián₅ jaun₂ në₃, qui₂ca₂rë₃ηi₅ dsa₂ a₂ca₂jmo₃ Jesús jaun₂.

Dsa₂ i₂ca₂chen₃ Juan₅₄ i₂chon₅ dsa₂ jmig₂
(Mateo 11:2-19)

¹⁸ Ca₂rë₃ηi₅ Juan₅₄ ca₂le₃jë₃ a₂jaun₂, ia₁ ca₂dsia₃ dsa₂ i₂jme₁quiain'₅₄. Jaun₂ ca₂tē'₃ on₃ dsa₂ 'éi₂, ¹⁹ jaun₂ ca₂chei₃ ne₄ Te₁gui₅₄ a₂dsi₃ηag₅₄ chi₂jua'₂ tē₃dsón'₂ lín₅ dsa₂ i₂lë₅ jág₁ jiá₃, o₃ jniai₃ i₂sián'₂ 'e₂. ²⁰ Jaun₂ dsa₂ 'éi₂ në₃, ca₂jme₃quián₃ con₂ Jesús jaun₂ ca₂juá'₂:

—Juan₅₄ i₂chon₅ dsa₂ jmig₂ nē₂chei₃ jnia'₅₄ a₂ηag₄ 'ne₂ chi₂jua'₂ tē₃dsón'₂ líng'₅ i₂lē₅ jág₁ jiá₃, ¿O₃ jñiá₄ jnia'₅₄ i₂sián'₂ 'e₂?

²¹ Tē₃jē₄ jaun₂, ca₂jme₃'lión₂ Jesús juin₅ lin₃ dsa₂ i₂jme₁le₁dso'₅₄, ca₂le₃jē₃ ne₅₄ jmi₁uig₅ a₂jme₁le₁quian₅ dsa₂; lia'₂ jme₂dsí₂ 'lin'₅₄ nē₃ qui₂ca₂'uín'₂; qui₂ca₂j móg'₃ jme₁ne₁ dsa₂ i₂jme₁ten₄. ²² Jaun₂ guē₄ ca₂jéin'₃ jág₁ quió'₅ 'éi₂, ca₂juá'₂:

—O₂nó'₅ 'nia'₂ o₂dsia₄ o₂chei'₅₄ Juan₅₄ 'e₂ ca₂tē₂ ne'₅₄, 'e₂ a₂qui₂nē₂nei'₂ nē₃. Qui₂jág₅ jui₁lia'₂ dsa₂ ten₄; tē₂i₂nio₄ táng₃ dsa₂ i₂tsá₃ lé₂ jme₁i₂nio₄; tē₂tsin'₅₄ le₁jín₃ i₂jme₁lín₄ 'mé'₅ 'iog₅; qui₂nag₅ táng₃ dsa₂ i₂jme₁guin₄ nē₃; le₂jaun₂ guē'₂ 'lag₄ nē₃ qui₂jein'₅₄ táng₃; ja₁con₂ dsa₂ dsi₂né₂ dsi₂'ag₅ jág₁ dse₃ a₂lión₂ dsa₂. ²³ 'E₂ guē₄ dsen₃ dsa₂ i₂tsá₃ 'ag₅ caun₂-tin₃ dsí₅ o₄quió₃ jñiá₂.

²⁴ Jme₁ma₂i₂len₃ dsa₂ i₂ca₂chen₃ Juan₅₄ 'éi₂, jaun₂ ca₂jme₃lióg₃ Jesús ca₂tsí'₃ dsa₂ a₂'iin₂₃ Juan₅₄, ca₂juá'₂:

—¿'E₂ ca₂i₁jag'₄ 'nia'₂ lia'₂ con'₂ i₁nóg'₄ 'uē₃ quein₂ co₂'ηiog₅ jaun₂? ¿O₃ bá₄ ca₂jag'₅₄ 'nia'₂ ca₂'nau₂ ni₁'ma₂ ta₅ a₂lē₁qui₂bí₂ dsí₂ ja₁jaun₂? ²⁵ Chi₂jua'₂ on₃ jaun₂, ¿'e₂ guē'₂ ca₂i₁jag'₄ 'nia'₂? ¿O₃ bá₄ ca₂jing'₅₄ jan₂ dsa₂ i₂qui'₂ tsin'₅₄ jlá'₁ 'e₂? La₁ on₃ le₂jaun₂. Ia₁ ηi'₅₄ bá₄ 'nia'₂, ca₂le₃jín₃ dsa₂ i₂tē₁i₂nio₄ jlán'₁ i₂qui₂cuē'₅ o₂'ηió₃ o₂jñia₃ dsi₅, i₂tion'₅₄ jui₁lia'₂ dsi₂néi₂ quió'₅ rag₅₄ bá₄ i₂le₂'éi₂. ²⁶ Jaun₂ nē₃, ¿'e₂ guē'₂ ca₂i₁jag'₄ 'nia'₂? ¿O₃ bá₄ jan₂ dsa₂ i₂'ē₂ jág₁ quián₅ Diú₄ 'e₂ ca₂jín'₅₄ 'nia'₂? Dsón'₂ bá₄ jaun₂. Jan₂ i₂lín₅ i₂juin'₂ guē₄ lia'₂ con'₂ guē₄ jan₂ i₂'ē₂ jág₁ quián₅ Diú₄ bá₄ ca₂i₁jín'₄ 'nia'₂, juá'₅ jñiá₂. ²⁷ Juan₅₄ bá₄ 'éi₂ i₂'in₅ Si₂ quió'₅ Diú₄ ja₁juá'₂: Tsing₅₄ jan₂ dsa₂ quiáng₃ ne₄ jui₅ quiáng'₂, jón₃,

a₂dsi₃can₅ jág₁, jmo₃ co₂jñia₅₄ jui₅.*

²⁸ Juá'₅ jñiá₂ juig'₂ 'nia'₂, ca₂lia'₂ 'i₁jan₂ dsa₂ tsá₃ ma₂ca₂rē₃chán₃ i₂juin'₂ guē₄ lia'₂ con'₂ guē₄ Juan₅₄. La₁, i₂lín₅ i₂me'₂ guē₄ ja₁gon₂ Diú₄, i₂'éi₂ lín₅ i₂juin'₂ guē₄ lia'₂ con'₂ guē₄ 'éi₂.

²⁹ (Ca₂le₃jín₃ dsa₂ i₂ca₂nág₂, lia'₂ dsa₂ i₂cán₂ 'lia'₅₄ nē₃, jme₁ca₂jñó₂ jmig₂ ca₂cho₃ Juan₅₄, le₂nē₅ bá₄ ca₂jme₃jñia₂₃, Diú₄ bá₄ i₂lín₅ i₂qui₂dsi₅ 'éi'₃ tí₅. ³⁰ La₁ dsa₂ fariseos quian'₅₄ tē₅juá'₅ nē₃, tsá₃ ca₂gue₃ cho₃ Juan₅₄ jmig₂; le₂nē₅ bá₄ a₂ca₂rē₃jñiá₂ ján₃ a₂tsá₃ ji'₅₄ a₂jme₁'nio₃ Diú₄ jmo₃ quiong'₅₄.)

³¹ —¿'A₂ lia'₂ le₃jua'₅₄ lín₅ dsa₂ i₂chan₂ jmig₄ nē₃? ¿'E₂ bá₄ quian'₅₄ le₃quíng₄ lín₅? ³² Lín₅ jui₁lia'₂ lín₅ i₂bē'₅₄ i₂tón₅ qui₂guió'₅ jmái'₂ riin'₅₄ jē₄ 'ma'₅₄, juá'₂:

Nē₂jéi₄ jnia'₅₄ te₁fi₁ o₄quián'₂ 'nia'₂,

la₁ tsá₃ nē₂dsián'₃ 'nia'₂;

ján₃ guē'₂ nē₂jmó₁ jnia'₅₄ son₅₄ quió'₅ 'lag₄

la₁ tsá₃ ca₂tá'₂ guē'₂ 'lia'₂ 'au'₂ 'nia'₂.

³³ 'Ta₁ ca₂guan₃ Juan₅₄ i₂chon₅ dsa₂ jmig₂, i₂tsá₃ jme₁guē'₅ i₁ηí'₄, on₃ guē'₂ vino jme₁'ín'₂ nē₃, ca₂'iin'₅₄ 'nia'₂ a₂'ein₅₄ jme₂dsí₂ je₂na'₅₄. ³⁴ Ca₂guan₃ guē'₂ táng₃ Jaun₅ dsa₂ mi₂güig₃ i₂tin₂ guē'₅, 'ín'₂ nē₃; la₁ 'nia'₂ juá'₂ 'ín'₅ a₂lín₅ jlé₂ 'í₅, má₄ jmíg₃ nē₃, a₂lín₅ a₂mei₅₄ quián₅ dsa₂ cha₂ dsáu₁, quian'₅₄ dsa₂ i₂cán₂ 'lia'₅₄ quián₅ dsi₂tan₅₄ nē₃. ³⁵ Rē₂jñiá₂ bá₄ a₂ηí₄ lē₃ ηí'₂ dsí₅ Diú₄, a₂tiin₂, tē₂le₃ quian'₅₄ 'a₂ lia'₂ lē₅ jmo₅ chi'₂-guein₂ quián₅.

'En₅₄ Jesús dsi₂néi₂ quió'₅ Si₂mu₅₄ dsa₂ i₂lín₅ fariseo

³⁶ Jaun₂ ca₂tē₃ jan₂ dsa₂ fariseo ca₂tē'₃ Jesús a₂i₁guē'₂ dsi₂néi₂ quió'₅. Ca₂'í₃ bá₄ guē'₂ Jesús dsi₂néi₂ quió'₅ dsa₂ fariseo 'éi₂ jme₂dsióg₃, jaun₂ ca₂guá₂ ne₄ mesa. ³⁷ Tē₃jē₄ jaun₂, ca₂dsióg₃ jan₂ 'io₅₄ i₂'no₅ dso₄ i₂jme₁ηi₅ juig₂ jaun₂, ia₁ jme₁ca₂rē₃ηi₅ a₂'en₅₄ Jesús guē'₅ dsi₂néi₂ quió'₅ dsa₂ fariseo 'éi₂. Jaun₂ ca₂dsióg₃ quian₅ caun₂ ni₁tsí₅ pi'₁ jlá'₁ a₂lē₅ quian'₅₄ alabastro, a₂'a₄ no'₅₄ mi₂juig₂. ³⁸ Ca₂guá₂ 'o₂₃ cau₅ ja₁tióng₂ tag₄ Jesús, ca₂jme₃lióg₃ 'ág₂ jmig₂ 'ei₅ jme₁ne₁₂ co'₅₄ tag₄ 'éi₂. Jaun₂ ca₂jme₃quéin₃ táng₃ quian'₅₄ jñi₂ dsi₅₄, jaun₂ ca₂chen₃, jaun₂ ca₂tsáng₂ no'₅₄ mi₂juig₂. ³⁹ Jme₁ca₂jág₃ dsa₂ fariseo i₂quió'₅ dsi₂néi₂, ca₂i₃jio₅ dsí₅: “Jua'₅₄ mei'₂ guē₃

* 7:27 Malaquías 3:1.

tě₃dsón'₂ dsa₂ nē₅ lín₅ jan₂ i₂'ě₂ jág₁ quián₅ Diú₄, jme₁le₃lí'₄ 'a₂ lia'₂ lín₅ dsa₂ i₂ní'₅ quió'₅. Ia₁ jan₂ 'io₅₄ i₂'no₅ dso₄ bá₄ nē₅.” ⁴⁰ Jaun₂ ca₂juá'₂ Jesús ca₂tsí'₃ 'éi₂:

—Si₂mu₅₄, cha₂ caun₂ jág₁ a₂'nio₃ juig₅₄ 'ne₂.

—Jua'₅₄ 'ne₂, Tě₅ —ca₂ṇag₃.

⁴¹ Jaun₂ ca₂juá'₂:

—On₃ dsa₂ jme₁le₁rín₃ cu₄ quió'₅ jan₂ dsa₂ i₂tín₂ jme₁dsi₂ cu₄. Jan₂ jme₁rín₂ ca₂jau₅₄ mei₅ 'éi'₃ cu₄ denarios, jan₂ guē'₂ jme₁rín₂ tě₂láu₃-guiá₃. ⁴² Ca₂'én₂ bá₄ guē'₂ dsa₂ juig₅₄ cu₄ dsáu₁ jě₂le₃oin₃ le₂jaun₂, ia₁ tsá₃ guē'₂ qui'₅₄ jmig₄ jáng'₃. Jaun₂ tsá₃ ma₃tion₅₄ ca₂mág₃ cú₁. Jaun₂ ně₃, ě₂'ein₂ i₂on₃ 'éi₂ i₂'nioi₃ guē'₄?

⁴³ Ca₂ṇag₃ táng₃ Si₂mu₅₄:

—Dsa₂ i₂jme₁rín₂ guē'₄ 'líóng₂, lín₂ jniá₂.

—Dsau₅ bá₄ le₂nē₅ —ca₂ṇag₃ Jesús. ⁴⁴ Jaun₂ ca₂jín₂ táng₃ 'io₅₄, ca₂tsí'₃ táng₃ Si₂mu₅₄:

—Ĳjíg'₄ dsa₂ mí₂ la₂? Jme₁nē₂'ú₃ dsi₂néi₂ quiáng'₂, tsá₃ jmig₂ ně₂cuē'₅₄ a₂jní₃ tag₃; la₁ 'io₅₄ la₂ ně₃ ma₂nē₂rang₃ tag₃ quian'₅₄ jmig₂ 'ei₅ jme₁ne₁₂, ton'₂ ma₂nē₂chí₃ táng₃ quian'₅₄ jñi₂ dsi₅₄. ⁴⁵ Ján₃ bá₄ le₂jaun₂, tsá₃ ně₂chen'₅₄ quió₃ jme₁guang₁₂. 'Io₅₄ la₂ guē'₂ ně₃, ca₂lia'₂ tsá₃ 'na₂ bá₄ caun₂ chen'₂ tag₃. ⁴⁶ Tsá₃ no'₅₄ ma₂nē₂'ág'₂ jua'₅₄ a₂ma₂nē₂tsáng'₃ dsi₃; la₁ 'io₅₄ la₂ guē'₂ ně₃, ma₂nē₂'ág'₂ no'₅₄ mi₂juig₂ tag₃. ⁴⁷ 'Uig₅₄ ně₅ ně₃ juá'₅ jniá₂ ia₁ a₂ñí₄ lě₃ 'líóng₂ dso₄ jme₁rě₂cáin'₄, la₁ ma₂rě₂'én₄, a₂jaun₂ bá₄ lě₃ ñí₄ lě₃ cuē'₂₃ léi₄ a₂'nio₃. La₁ jui₁lia'₂ dsa₂ i₂ca₂juig₄ bá₄ dsáu₁ rě₂'én₄, me'₂ bá₄ cuē'₂₃ léi₄ a₂'nio₃.

⁴⁸ Jaun₂ guē'₄ ca₂juá'₂ ca₂tsí'₃ 'io₅₄:

—Ca₂le₃jě₃ bá₄ dsáu'₂ ma₂rě₂'én₄.

⁴⁹ Ca₂le₃jín₃ guē'₄ dsa₂ sián'₂ i₂jme₁tián'₄ ne₄ mesa quiaín'₅₄, ca₂dsia₃ tsí'₅ riín'₅₄:

—ĲI₂'ein₂ bá₄ nē₅, ca₂tě₂ dsáu₁ dsa₂ qui₂'éin₂?

⁵⁰ La₁ Jesús ně₃, ca₂tsí'₃ dsa₂ mí₂ 'éi₂:

—Ia₁ a₂'éng'₂, ma₂ca₂lóng'₂ ně₃. Guan'₂ tei₄ quiáng'₂.

8

Dsa₂ mí₂ i₂jme₁i₂nio₄ jme₂'on₅₄ Jesús

¹ Cang₂ jaun₂, ca₂i₁ñi₂ Jesús le₂tan₅₄ juig₂ ca'₅₄, le₂tan₅₄ juig₂ pí'₁ ně₃, qui₂i₁jme₁tín₂₃ dsa₂ jág₁ dse₃ jui₁lia'₂ ja₁gon₂ Diú₄. Jme₁quiaín'₅₄ bá₄ chí'₂ dsi₂guia₃-tín₂. ² Ján₃ guē'₂ jme₁quiaín'₅₄ dsa₂ mí₂ i₂ma₂ca₂'uín'₂ jme₂dsi₂ 'lín'₅₄ quió'₅, i₂ma₂ca₂jme₃'lióin₂ dso₄ a₂jme₁lín₄ ně₃. Jin₄ 'éi₂ jme₁ñi₅ jan₂ i₂chen₂ María i₂tě'₂ Magdalena,* i₂ma₂'uín'₂ Jesús guion₃ je₂na'₅₄ tě₂dsí₅; ³ ján₃ bá₄ jme₁ñi₅ i₂chen₂ Juana i₂lín₅ dsa₂ mí₂ quián₅ Cuza, dsa₂ i₂nio₅ ne₄ 'e₂ a₂cha₂ quió'₅ Herodes; ján₃ bá₄ jme₁ñi₅ i₂chen₂ Susana; i₂juin₅ bá₄ i₂sián'₂ guē'₄ i₂jme₁i₂nio₄ quiong'₅₄, jme₁jme₂'o₅₄ quian'₅₄ 'e₂ a₂cha₂ quió'₅.

Jág₁ jáng'₅ léi₄ jui₁lia'₂ dsa₂ i₂séi₂ mīg₂ jon₂

(Mateo 13:1-9; Marcos 4:1-9)

⁴ 'Líóng₂ juig₂ ja₁jme₁tón'₅ dsa₂ jui₅ dsi₂lén₂ dsi₂jín₅₄ Jesús. Jě₁ma₂le₁ñi'₂ dsa₂ juin₅ ně₃, jaun₂ ca₂dsia₃ jág₁ jáng'₅ léi₄ la₂, ca₂juá'₂:

⁵ —Jan₂ dsa₂ ca₂ñe₄ ja₁nau₂ ca₂i₁séi₄ mīg₂ jon₂. Jme₁ma₂'ein₅₄ séi₂ ně₃, a₂lín₅₄ mīg₂ i₂ga'₅₄ le₂'i₄ jui₅ qui₂ca₂tsó'₃ dsa₂; i₁tan₅ guē'₂ ně₃ ca₂guē'₃ ca₂dsio₄. ⁶ Ca₂dsio₄ guē'₂ ně₃ ca₂i₃to'₅₄ jě₄ ñi₁cang₁; jme₁ca₂'ia₂, ca₂rě₃quéin₃ bá₄ ia₁ tsá₃ gua'₅₄ cha₂ jua'₅₄ a₂güig'₂. ⁷ Ca₂dsio₄ guē'₂ ca₂séi'₂ jě₄ ñi₁taun₅. La₁ ñi₁taun₅ bá₄ tiá₂ ca₂jo₃ jme₁ca₂'ia₂. ⁸ La₁ ca₂dsio₄ guē'₂ ně₃ ca₂tín₂ ja₁dse₃ gua'₅₄; a₂jaun₂ ca₂i₃cón₃, ca₂rau₂ dse₃ lín₃, caun₂ 'ñiá₂-láu₂ mīg₂ lia'₂ ca₂mīg₂ jon₂ a₂ca₂séi₂.

Jme₁ma₂lě₅ jme₂tag₂₃ le₂nē₅, ca₂juá'₂ tiá₂:

* 8:2 o₃, “i₂chan₂ Magdala.”

—Chi₂jua' ₂ 'ein₂ 'nia' ₂ dsi₅₄ rē₂gua₄, nei₂ 'nia' ₂ rē₂.

Ta₁ qui' ₅ jág₁ a₂jáng' ₅ léi₄

(Mateo 13:10-17; Marcos 4:10-12)

⁹ Jaun₂ ca₂ṇag₃ chi' ₂ dsi₂guia₃-tín₂ 'e₂ bá₄ jein₅ jág₁ a₂cuē₂₃ jaun₂. Jaun₂ ca₂juá' ₂ Jesús:

¹⁰ —Diú₄ bá₄ jmo₅ a₂rē₂ṇí' ₂ 'au' ₂ 'nia' ₂ jág₁ a₂rē₂'ma quió' ₅, 'a₂ lia' ₂ lě₅ ja₁goin₂. La₁ dsa₂ sián' ₂ ně₃, juíg₂ jniá₂ tē₂le₃ quian' ₅₄ jág₁ jáng' ₅ léi₄, ia₁jaun₂:
I₂nē₂jág₃, la₁ tsá₃ le₃lí' ₄ 'e₂ ně₂jág₃;
i₂nē₂néi₂ ně₃, la₁ tsá₃ le₃lí' ₄ 'e₂ ně₂néi₂,
on₃ guē' ₂ le₃ṇí' ₂.†

Juá' ₂ Jesús 'e₂ jág₁ dsau₅ jein₅ jág₁ jui₁lia' ₂ dsa₂ i₂séi₂ mīg₂ jon₂

(Mateo 13:18-23; Marcos 4:13-20)

¹¹ 'A₂la₂ bá₄ jein₅ jág₁ a₂jáng' ₅ léi₄: A₂lě₅ co₂'nió' ₄ mīg₂ jon₂, jág₁ dse₃ quió' ₅ bá₄ Diú₄ jaun₂.
¹² Jui₁lia' ₂ ca₂dsio₄ mīg₂ jon₂ a₂i₃ga' ₅₄ le₂'i₄ jui₅ guē' ₂ ně₃, le₂jaun₂ lín₅ jui₁lia' ₂ ca₂dsion₄ dsa₂ i₂nag₅ jág₁ dse₃; la₁ i₂sē₃dsen₃ guē' ₂ ně₃, ja₂jniá' ₃ jág₁ dse₃ jme₁ma₂'i₄ dsí₅, ia₁jaun₂ tsá₃ ma₃le₃'éin₂ jua' ₅₄ a₂lión₂. ¹³ Co₂'nió' ₄ mīg₂ jon₂ a₂i₃to' ₅₄ jē₄ ni₁cang₁ guē' ₂ ně₃, co₂'nió' ₄ lín₅ jui₁lia' ₂ dsa₂ i₂guen₅ 'ṇio₂ dsí₅ jág₁ dse₃ jē₄ma₂ca₂nág₂. La₁ cang₂ jaun₂ tsá₃ tiá₂ tióin₂; lín₅ ně₂jag₄ bá₄ a₂tsá₃ jmú₄ cha₂ jui₅ jme₂dsí₂ quió' ₅. Co₂'na₂ bá₄ rē₂'éin₂, ia₁ jē₄ma₂ca₂i₃ṇí' ₂ 'e₂ caun₂ jui₅bí₂ a₂cáun₂ táu₂, dsi₂lein₅ táng₃ le₃ca' ₃, tí₂ jág₁. ¹⁴ Co₂'nió' ₄ jon₂ a₂ca₂séi' ₂ jē₄ ni₁taun₅ guē' ₂ ně₃, co₂'nió' ₄ lín₅ jui₁lia' ₂ dsa₂ i₂nag₅ jág₁, la₁ tē₂le₃ ne₄ jui₅ ja₁i₂léin₂ jaun₂, tē₂ ca₂juig₄ bá₄ jme₂gain₂₃ dsí₅ a₂jo₅ bí₂ a₂quian₅ o₂me' ₅₄ dsí₅, a₂ja₂ dsí₅ le₃cha₂ cu₄ 'lióng₂, a₂'nio₃ cuē' ₅ o₂'ṇió₃ o₂jṇia₃ dsí₅; i₂nē₅ ně₃ lín₅ co₂'nió' ₄ mīg₂ a₂tsá₃ ma₃lě₂ rón₃. ¹⁵ La₁ ca₂dsio₄ mīg₂ jon₂ a₂ca₂séi₂ ja₁dse₃ gua' ₅₄, co₂'nió' ₄ lín₅ jui₁lia' ₂ dsa₂ i₂dse₃ dsí₅ i₂caun₂ ne' ₅₄, tsán' ₂ tiá₂ jág₁ a₂nag₂₃, caun₂ juin' ₂ bá₄ dsí₅, 'lióng₂ a₂dse₃ rē₂jniá₂ a₂jmo₂₃ chain₂.

Jág₁ jáng' ₅ léi₄ jui₁lia' ₂ ni₁tsí₅ chi₁guí' ₂ si₂

(Marcos 4:21-25)

¹⁶ 'I₁jan₂ dsa₂ tsá₃ guí' ₅ si₂ caun₂ ni₁tsí₅, jua' ₅₄ a₂jłě₂ o₃ a₂chi' ₂ né' ₃ tsi₁cama 'e₂. A₂'ag₅ guei' ₅₄ bá₄ dsa₂ si₂, ia₁jaun₂ jniá₂ quió' ₅ i₂dsi₂ton' ₅₄. ¹⁷ Ján₃ bá₄ le₂jaun₂, 'i₁caun₂ a₂rē₂'ma₄ jlě₅ cha₂ jua' ₅₄ a₂lín₂ dsa₂ a₂tsá₃ le₃jniá₂; tion₅₄ bá₄ rē₂jniá₂. Ján₃ guē' ₂ le₂jaun₂ 'i₁caun₂ jág₁ tsá₃ cha₂ jua' ₅₄ lín₂ dsa₂ a₂tsá₃ 'ein₂ le₃ṇi₅: tion₅₄ bá₄ rē₂ṇi₅ dsa₂.

¹⁸ 'Quion₂ de' ₂ 'nia' ₂ 'í₁ rē₂ jaun₂, 'a₂ lia' ₂ lě₅ nag' ₂, ia₁ jui₁lia' ₂ i₂ma₂ṇí' ₂, Diú₄ bá₄ jmo₃ a₂le₃ṇí' ₂ guē₄. La₁ jui₁lia' ₂ i₂tsá₃ 'nio₃ le₃ṇí' ₂ guē' ₂ ně₃, ca₂tē₂ a₂jme₁ma₂ṇí' ₂, lín₂, jṇia' ₃.

Chi' ₂ rin' ₅₄ Jesús, quian' ₅₄ chog₅₄

(Mateo 12:46-50; Marcos 3:31-35)

¹⁹ Jaun₂ ca₂dsi₃lén₂ chi' ₂ rin' ₅₄ Jesús quian' ₅₄ chog₅₄, jme₁'nio₃ jme₁ṇí₃ ca₂tē₂ ja₁'en₅₄ 'éi₂, la₁ tsá₃ lé₂, ia₁ juin₅ lín₅ dsa₂ tion' ₅₄. ²⁰ Jaun₂ jan₂ dsa₂ sián' ₂ bá₄ ca₂ṇag₃ jág₁ ca₂juá' ₂:

—Chog' ₂ quian' ₅₄ chi' ₂ ríng' ₂ ně₅ tióin₂ ca₁'né₄, 'nio₃ jín₂ 'ne₂.

²¹ Jaun₂ ca₂ṇag₃:

—Dsa₂ i₂nag₅ jág₁ quió' ₅ Diú₄, ton' ₂ jme₂ti₃, 'éi₂ bá₄ lín₅ cha₃, ríng' ₃ ně₃.

Ca₂jmo₃ Jesús ca₂'ág₂ tei₄ jm₁ṇí' ₄, ca₂jṇia' ₃ dsí₂ ně₃

(Mateo 8:23-27; Marcos 4:35-41)

²² Co₂ráun₂ ca₂'í₃ Jesús caun₂ tsi₁mu₅, jaun₂ ca₂tsí' ₃ chi' ₂ dsi₂guia₃-tín₂ quiáin₅:

—Ma₃dsau₅₄ quióng₄ le₃ca₂taun₂.

† 8:10 Isaías 6:9.

Jaun₂ ca₂i₃léin₂ bá₄. ²³ Të₁lia' ₂ tioen' ₅₄ 'ain₂₃ jmi₁ñí' ₄, la₁ 'éi₂ ně₃ ca₂güin₂ bá₄. Të₃jë₄ jaun₂ ca₂'ág₂ dsí₂ tiá₂ lin₃ ne₄ jmi₂g₂. Ca₂rë₃lióg₃ i₃'a₄ jmi₂g₂ 'ñió' ₃ tsi₁mu₅, ca₂lia' ₂ ma₂lé₂ dsí₃guein' ₅₄ bá₄, go' ₂ lin₃ tioen' ₅₄. ²⁴ Jaun₂ ca₂i₁ñei₂₃ Jesús, ca₂juá' ₂:

—¡Të₅! ¡Të₅! ¡Dsi₃'éin₂ jniog₄!

Jaun₂ ca₂nau₂ bá₄ guë' ₂ Jesús ca₂të₂ ca₂jéin₂ dsí₂, a₂jná' ₅ jmi₂g₂ ně₃. Dsi₂jui₅ le₂jaun₂ bá₄ ca₂të₁tsi' ₅₄ táng₃ tei₄. ²⁵ Jaun₂ tsí' ₅ chi' ₂ dsi₂guia₃-tín₂:

—¿'A₂ ñó₅ a₂'én' ₂ 'nia' ₂?

Ca₂lia' ₂ lë₁quian₅ juë' ₅ lin₃ bá₄ tioen' ₅₄ dsi₂gó' ₃ dsí₅, dsia₂₃ tsí' ₅ riin' ₅₄:

—¿'Ein₂ bá₄ lín₅ dsa₂ ně₅, tñin₂ jmo₃ 'éi' ₃ tsí' ₅ të₂ dsí₂, jmi₂g₂ ně₃, ne' ₅₄ a₂juá' ₂?

Dsa₂ chan₂ Gerasa i₂tion' ₅₄ jme₂dsí₂ 'lín' ₅₄

(Mateo 8:28-34; Marcos 5:1-20)

²⁶ Jaun₂ guë₄ ca₂dsi₃léin₂ 'uë₃ Gerasa† a₂ron₅ le₃'ño' ₅₄ jmi₂g₂ ja₁ron₅ 'uë₃ Galilea. ²⁷ Jme₁ca₂o₂'in₃ Jesús a₂të₁tsin' ₅₄ 'uë₃, jaun₂ ca₂jme₃quián₃ jan₂ dsa₂ juig₂ jaun₂ cau₅ quió' ₅. Dsa₂ 'éi₂ ně₃, líg' ₂ bá₄ qui₂ca₂jo₃ jme₂dsí₂ je₂na' ₅₄. Líg' ₂ bá₄ ñi₂₃ tsá₃ ma₃tsin' ₅₄ quió' ₅, on₃ guë' ₂ ma₃juá' ₅₄ a₂guá₅ dsí₂néi₂; tau₂ 'ño₅ quió' ₅ 'lag₄ bá₄ jme₁ma₂guá₅. ²⁸ Jme₁ca₂jñin₂ Jesús, jaun₂ ca₂guió' ₃ co₂mi' ₅₄, ca₂chi₃jnë₃ ne₄ 'éi₂, ca₂juá' ₂ tiá₂ lin₃:

—¿'E₂ bá₄ lë₃ ñe' ₃ i₃tiáng' ₃ jë₄ quián' ₂ jniá₂, 'ne₂ Jesús Ja₁ñi' ₅₄ Diú₄ i₂guá₅ guei' ₅₄ lin₃? Mi₂₃ jniá₂ ne' ₅₄, tsá₃ cuë₂ uig₅.

²⁹ Ca₂juá' ₂ le₂në₅ ia₁ jme₁ma₂në₂jmo₃ Jesús 'éi' ₃ a₂o₃'in₅ jme₂dsí₂ 'lín' ₅₄ quió' ₅. 'Lióng₂ ráun₂ bá₄ le₂jñiá₅ jme₁ma₂ca₂jñau' ₃ i₂'lín' ₅₄. Jaun₂ o₁jñia' ₅₄ ma₂qui₂ma₂'néi₂ dsa₂ mi₂gu₂ mi₂tag₅₄ quian' ₅₄ ñi₁ cadenas ia₁jaun₂ lé₂ 'í₁, la₁ ca₂le₃jë₃ bá₄ jme₁gág₅. Jme₁'liog' ₂ je₂na' ₅₄ a₂jme₁dsi₂ñí₃ uíng₂ gua' ₅₄ quein₂ ja₁co₂'ñiog₅.

³⁰ Jaun₂ ca₂ñag₃ Jesús:

—¿'A₂ bá₄ lia' ₂ cheng' ₂?

Jaun₂ ca₂ñag₃:

—Juin₅Š bá₄ cheng₂.

Le₂në₅ ca₂juá' ₂ chein₂ ia₁ a₂juin₅ je₂na' ₅₄ i₂jme₁tion' ₅₄ quió' ₅.

³¹ Jaun₂ jme₂dsí₂ 'éi₂ ně₃ qui₂ca₂mi₃ tion₅₄ ne₄ Jesús ia₁jaun₂ tsá₃ guiog' ₃ 'éi₂ ca₂të₂ ja₁ca₂jein₃ chi₁dsio₅₄. ³² Jaun₂ jme₁tion' ₅₄ juin₅ i₁ñí₅ caun₂ dsí₂con' ₂. Jaun₂ ca₂mi₃ jme₂dsí₂ a₂cuë₃ Jesús jmi₂g₄ a₂dsi₃toin' ₅₄ quió' ₅ i₁ñí₅. Jaun₂ ca₂cuë₃ bá₄ guë' ₂ Jesús jmi₂g₄. ³³ Jaun₂ qui₂ca₂'uin₂ bá₄ je₂na' ₅₄ quió' ₅ dsa₂ 'éi₂; ca₂i₃léin₂ i₃toin' ₅₄ quió' ₅ i₁ñí₅. Ca₂le₃jín₃ i₁ñí₅ 'éi₂ ně₃ ca₂i₁ñioi₁₂ co₂'ei₅ 'lig' ₅₄, qui₂ca₂sein' ₃ tsag₂ siá₅ ca₂séin' ₂ të₂ dsi₂jmi₂g₂. Ja₁jaun₂ ca₂dsain₃ ca₂'in' ₃ jmi₂g₂.

³⁴ Jme₁ca₂të₂ ne₄ dsa₂ i₂jme₁jmo₅ 'í₁ i₁ñí₅ 'e₂ ca₂lë₃, ca₂i₃lein₃ ca₂cuíng₃ ca₂i₁dsia₂ jë₄ juig₂, ja₁nau₂ ně₃. ³⁵ Jaun₂ ca₂i₁len₅₄ dsa₂ juig₂ i₁jag₅₄ a₂ca₂lë₃ ja₁jaun₂. Jme₁ca₂dsi₃léin₂ ja₁'en₅₄ Jesús, ca₂jñin₂ dsa₂ i₂ma₂'uin₂ je₂na' ₅₄ të₂dsí₅. Jaun₂ ma₂guá₅ con₂ Jesús ma₂qui' ₂ tsin' ₅₄, ma₂'en₅₄ bá₄ dsí₅. Jaun₂ ca₂i₃gó' ₃ dsí₅ dsa₂ jme₁ca₂jág₂. ³⁶ Dsa₂ i₂ca₂të₂ ne₄ a₂ca₂lë₃ jaun₂, ca₂dsia₃ ca₂tsi' ₃ táng₃ i₂ca₂dsi₃lén₂ 'éi₂ 'a₂lia' ₂ ca₂'lón₂ dsa₂ i₂jme₁tion' ₅₄ je₂na' ₅₄ të₂dsí₅. ³⁷ Jaun₂ ně₃, ca₂le₃jín₃ bá₄ dsa₂ chan₂ le₃lág' ₃ juig₂ 'uë₃ Gerasa ca₂tsi' ₃ Jesús a₂o₃'in₅ ja₁jaun₂, ia₁ 'ño₅ lin₃ të₂tsi' ₅₄ go' ₂ i₃ tion' ₅₄ dsa₂. Jaun₂ ca₂ñá' ₃ bá₄ 'éi₂ ca₂'í₃ táng₃ tsi₁mu₅. ³⁸ Dsa₂ i₂ca₂'uin₂ jme₂dsí₂ je₂na' ₅₄ quió' ₅ ně₃, jme₁mi₂₃ ne₄ Jesús a₂jme₁dsó₃ quiong' ₅₄. La₁ 'éi₂ ně₃ ca₂jmo₃ 'éi' ₃ a₂jñia₃ bá₄, ca₂juá' ₂:

³⁹ —Guan' ₂ bá₄ quiáng' ₂, o₂dsia₄ ca₂le₃jë₃ 'e₂ ně₂jmo₃ Diú₄ ja₁cong' ₂.

Ca₂ñá' ₃ bá₄ guë' ₂ dsa₂ 'éi₂ quió' ₅, ca₂i₁dsia₂ le₂tan₅₄ jë₄ juig₂ 'e₂ ca₂jmo₃ Jesús quiong' ₅₄.

† 8:26 A₂lin₅₄ chog₅₄ si₂juá' ₂: “Gadara”; a₂siá' ₂ guë' ₂ ně₃, juá' ₂: “Gergesa”; ján₃ bá₄ le₂në₅ § 8:30 griego: legión.

Ja, míg₄ Jairo, quian'₅₄ 'io₅₄ i₂ca₂ní'₃ tsin'₅₄ Jesús
(Mateo 9:18-26; Marcos 5:21-43)

⁴⁰ Jme₁ca₂dsián'₃ táng₃ Jesús le₃'ño'₅₄ jmíg₂, qui₂ca₂guei₃ dsa₂ a₂'ñio₂ dsí₅, ia₁ ca₂le₃jín₃ bá₄ jme₁ma₂le₁jñiog₂₃ tíoín'₅₄. ⁴¹ Tě₃jě₄ jaun₂, ca₂dsióg₃ jan₂ dsa₂ i₂chen₂ Jairo, i₂nio₅ gu₂ guá'₅ sinagoga. Dsa₂ 'éi₂ ně₃ ca₂chi₃jné₃ ne₄ Jesús jme₁dsióg₃, ca₂mí₃ tion₅₄-jan₃ ia₁jaun₂ dsó₃ ja₁quió'₄. ⁴² Ia₁ jme₁chan₂ jan₂ tan₅₄ ja₁míg₄, i₂jme₁ma₂'en₅₄ con'₂ guia₃-tín₂ ñi₂, i₂jme₁ma₂i₁jón₂. Jme₁ma₂'en₅₄ Jesús jui₅ ñó₃ ja₁quió'₄ 'éi₂, ju₁n₅ lín₃ dsa₂ i₂lén₂ quiong'₅₄, lia₂' qui₂rě₂quín'₅ bá₄ Jesús ñó₃.

⁴³ Jě₄ jaun₂, ñó₃ jan₂ dsa₂ mí₂ i₂dso'₅₄ ma₂guia₃-tín₂ ñi₂ a₂tiín₂, * la₁ ca₂lia₂' i₁jan₂ tsá₃ 'ein₂ ma₂ca₂tió'₃ jme₃'lió₂.

⁴⁴ 'To₅₄ 'éi₂ ně₃ ca₂jme₃quiáin₃ tě₂le₃ chi₁co'₅₄ quió'₅ Jesús. Jaun₂ ca₂ní'₃ chei'₅₄ tsin'₅₄ 'éi₂. Co₂tan₅₄ dsi₂jui₅ le₂jaun₂ bá₄ ca₂quion₂ jmi₂'ain₅₄.

⁴⁵ Jaun₂ ca₂juá'₂ Jesús:

—'Ein₂ ně₂ní'₃ quió'₃?

Ca₂le₃jín₃ bá₄ dsa₂ ñag₂₃ juá'₂ tsá₃ ñi₅.

Jaun₂ ca₂juá'₂ Pe₄†

—Tě₅, jág'₂ bá₄ 'ne₂ chi₁quí'₅ co₂'liog'₂ dsa₂ ca₂taun₂ ca₂taun₂ ja₂náu₅.

⁴⁶ La₁ caun₂ ca₂juá'₂ bá₄ Jesús:

—Chan₂ i₂ně₂ní'₃ quió'₃, ia₁ ca₂rě₃léi₄ jniá₂ o₂'ág₃ bí₂ quió'₃.

⁴⁷ 'Io₅₄ ně₃, jme₁ca₂rě₃lí'₄ a₂tsá₃ ma₃lé₂ jua'₅₄ a₂'mai₃, já₃ jleín₂₃, ca₂chi₃jné₃ ne₄ 'éi₂. Tě₃ jág₅ ca₂le₃jín₃ dsa₂ ca₂juá'₂ lia₂' tí₅ jág₁ 'e₂ 'uig₅₄ ca₂ní'₃ quió'₅ 'éi₂, ton₂' ca₂jáng'₃ jág₁ dsau₅ a₂ca₂'lóin₂ dsi₂jui₅ le₂jaun₂.

⁴⁸ Jaun₂ ca₂juá'₂ Jesús:

—Jón₃, ne₄ ia₁ a₂'éng'₂, ca₂'lóng'₂ bá₄. Guan₂' tei₄ quiáng'₂.

⁴⁹ Tě₃jě₄ juá'₂ jág₁ jaun₂ jme₁ca₂dsióg₃ jan₂ dsa₂ i₂chen₄ dsi₂néi₂ quió'₅ i₂nio₅ gu₂ guá'₅, ca₂juá'₂:

—Ma₂jón₅ bá₄ chi₂' quiáng'₂. 'A₃ ma₃cuě'₂ ta₁ Tě₅.

⁵⁰ La₁ ca₂nág₂ bá₄ Jesús, jaun₂ ca₂juá'₂:

—Tsá₃ lě₁jmo₂ 'lia₂' 'au₂. Jñia'₅₄ con₂' 'én₃ bá₄, jaun₂ ně₃ jag'₅₄ i₂'lión₂ bá₄ chi₂' quiáng'₂.

⁵¹ Jme₁ca₂dsióg₃ dsi₂néi₂, tsá₃ ca₂cuě₃ jmíg₄ jua'₅₄ dsi₃ton'₅₄ 'i₁jan₂ i₂sián'₂, jñia'₅₄ lia₂' Pe₄, Juan₅₄, Jacobo† ně₃, quian'₅₄ jmá'₃ chog₅₄-jmei₂ chi₂' 'éi₂ bá₄ i₃ton'₅₄. ⁵² Jaun₂ qui₂'-o₅ bá₄ dsa₂ qui₂' dsí₅ lín₃ tíoín'₅₄, o₄quió'₄ chi₂'. Jaun₂ ca₂juá'₂ Jesús:

—Tsá₃ 'au₂ 'nia₂; on₃jua'₅₄ i₂rě₂jón₅₄ ně₅. Jñia'₅₄ lia₂' a₂rě₂güín₃ bá₄.

⁵³ La₁ jñia'₅₄ ca₂ñi₂ bá₄ 'éi₂ tíoín'₅₄, ia₁ ñi₅ rě₂ bá₄ a₂jme₁ma₂rě₂jón₅₄ dsón'₂ bá₄ chi₂'.

⁵⁴ Jaun₂ ca₂tiín₂ gu₂ chi₂' 'éi₂, ca₂juá'₂ tiá₂:

—jón₃, nau₂!

⁵⁵ Ca₂gú'₃ táng₃ jme₂dsí₂ quió'₅; dsi₂jui₅ jaun₂ bá₄ ca₂nau₂. Jaun₂ ca₂jmo₃ Jesús 'éi'₃ a₂cuě₃ dsa₂ a₂guě'₃. ⁵⁶ Jaun₂ dsi₂gó'₃ dsí₅ 'ñio₅ lín₃ chog₅₄-jmei₂. La₁ Jesús ně₃ ca₂juá'₂ a₂tsá₃ 'ein₂ tsí'₃ 'i₁jan₂ a₂ca₂lě₃ jaun₂.

9

Ca₂chen₃ Jesús chi₂' dsi₂guia₃-tín₂
(Mateo 10:5-15; Marcos 6:7-13)

* **8:43** A₂lín₅₄ chog₅₄ si₂juá'₂ ján₃: “Jme₁ma₂'ein₂ ca₂le₃jě₃ cu₄ a₂jme₁cha₂ quió'₅ quian'₅₄ tě₅mí₅.” † **8:45** A₂lín₅₄ chog₅₄ si₂juá'₂ ján₃: “Pe₄ quiaín₅₄ rñín₅₄.” ‡ **8:51** o₃, Santiago.

¹ Ca₂ŋí'₂ Jesús chi'₂ dsi₂guia₃-tín₂ quiáin₅ ca₂cuë₃ jui₅bí₂ a₂'io₃ 'éi'₃ ne₄ quió'₅ ca₂le₃jín₃ jme₂dsí₂ je₂na'₅₄, a₂lé₂ qui₂jme₃'lióin₂ dsa₂ jui₁'e₂ guë₃ dso₄ niog₅ lín₅. ² Ca₂chei₃ a₂dsi₃'ě₃ jág₁ jui₁lia'₂ ja₁gon₂ Diú₄, a₂dsi₃jme₁'lióin₅₄ dsa₂ i₂le₁dso'₅₄. ³ Jaun₂ ca₂juá'₂:

—Tsá₃ 'e₂ cán'₁ 'nia'₂ 'i₁caun₂ le₂'i₄ jui₅, on₃ guë'₂ 'ma₂'i₅₄, on₃ guë'₂ tsi₁na'₅₄ on₃ guë'₂ i₁ŋí'₄, on₃ guë'₂ cu₄, on₃ guë'₂ tsín'₂ 'nia'₂ siá'₂ cán'₁. ⁴ Le₂caun₂ dsi₂néi₂ ja₁dsi₁nó'₅ 'nia'₂, ja₁jaun₂ jan'₄ 'nia'₂ ca₂lia'₂ ca₂tě₂ jmig₄ a₂o₁nog'₄ táng₃. ⁵ Le₂caun₂ juig₂ ja₁tsá₃ guei₅ dsa₂, co₂dsia₅ 'uin'₂ 'nia'₂ juig₂ jaun₂, séi'₃ 'nia'₂ 'liog₂ tag'₅₄, a₂jmó'₂ léi₄ a₂tsá₃ ma₃'e₂ 'uin'₄ 'nia'₂ quiain'₅₄.

⁶ Jaun₂ qui₂ca₂'uin₂ bá₄ chi'₂ dsi₂guia₃-tín₂, ca₂i₃lén₂ le₂tan₅₄ juig₂ i₁'ě₄ jág₁ dse₃, i₁jme₁'lióin₂₃ dsa₂ ně₃.

*Ca₂jon₃ Juan₅₄ i₂chon₅ dsa₂ jmig₂
(Mateo 14:1-12; Marcos 6:14-29)*

⁷ Jaun₂ ca₂rě₃ŋi₅ Rag₅₄* Herodes ca₂le₃jě₃ 'e₂ niog₅ lě₂. La₁ tsá₃ caun₂ a₂i₃jio₅ dsí₅, ia₁ dsia₅ i₂lín₅₄, Juan₅₄ bá₄ 'éi₂ ŋi₅ a₂ma₂ca₂jein'₅₄ táng₃. ⁸ I₂lín₅₄ guë'₂ dsia₅ a₂ma₂ca₂jme₃nia₅ Elías; i₂sián'₂ guë'₂ dsia₅ a₂ma₂ca₂jen'₅₄ táng₃ jan₂ i₂jme₁'ě₂ jág₁ quián₅ Diú₄ ma₂líg'₂. ⁹ La₁ Rag₅₄ Herodes 'niog₅ guë'₂ ně₃ juá'₂:

—Jua'₂ jniá₂ 'nió₃ ca₂jmo₃ 'éi'₃ a₂ca₂quí'₃ dsa₂ dsi₂lag₄ 'éi₂. ħ'Ei₂ guë'₂ ně₅, tsá₃ caun₂ jág₁ guion₁₂ a₂jmo₂₃?

Jaun₂ Herodes ně₃ jme₁'no'₂ jui₅ a₂jme₃jein'₂.

*Ca₂jme₃tan₅₄ Jesús 'niá₂ mei₅ dsa₂
(Mateo 14:13-21; Marcos 6:30-44; Juan 6:1-14)*

¹⁰ Jme₁ca₂o₃len₃ dsa₂ i₂chen₄ quiáin₅ 'éi₂, jaun₂ ca₂dsia₃ ca₂tsí'₃ Jesús 'e₂ niog₅ ca₂jmo₃ ja₁i₁lén₅₄. Jaun₂ ca₂jio₃ Jesús a₂i₃lén₂ con'₂ guioin₅₄ caun₂ juig₂ ja₁chei₂ Betsaida. ¹¹ La₁ tion₅₄ bá₄ ca₂i₃lén₂ dsa₂ sián'₂ jme₁ca₂rě₃ŋi₅; ca₂guei₃ bá₄ guë'₂ Jesús qui₂ca₂jme₃tag₂₃ jág₁ jui₁lia'₂ ja₁gon₂ Diú₄ ca₂jme₃'lióin₂ dsa₂ i₂jme₁le₁dso'₅₄ ně₃.

¹² Tě₂le₃ ca₂'láu₂ jmig₄ jaun₂, ca₂o₃lén₂ chi'₂ dsi₂guia₃-tín₂ ca₂tsí'₃ Jesús:

—'Ei'₂ jág₁ dsa₂, ia₁jaun₂ dsi₃lein₅ dsi₃'nióg₂ a₂guë'₃, jui₁dsi₂'nio'₂ ja₁jnia₃ le₂con₂ juig₂ pí'₁ ma₂quián₅ ně₅, ia₁ tsá₃ 'e₂ cha₂ ja₁lá₃.

¹³ La₁ Jesús guë'₂ ně₃ ca₂juá'₂:

—Cuë'₅₄ 'nia'₂ dsa₂ a₂guë'₃.

Jaun₂ ca₂ŋag₃ 'éi₂ táng₃:

—Tsá₃ 'e₂ cha₂ jua'₅₄ a₂le₃cue₅₄ jnia'₅₄ dsa₂, jnia'₅₄ lia'₂ 'niá₂ i₁ŋí'₄ bá₄ 'i₄; quian'₅₄ on₃ i₁ju₁, jnia'₅₄ lia'₂ ně₃ jua'₂ dsi₁liá₄ má₃ con'₂ tín'₂ guë'₃ ca₂le₃jín₃.

¹⁴ Con'₂ 'niá₂ mei₅ dsa₂ 'éi₂ jme₁lě₂, jmá'₃ dsa₂ ŋe'₂.

Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂ quiáin₅:

—Chei'₅₄ 'nia'₂ dsa₂ jui₁tian'₄ jui₁jmo₁₂ jma₃tě₂lón₃-guián₂ lia'₂ co₂nió'₃.

¹⁵ Jaun₂ ca₂jmo₃ bá₄ guë'₂ 'éi₂ 'éi'₃ a₂tian'₃ dsa₂. ¹⁶ Jaun₂ ca₂tín₂ Jesús ta₁'niá₂ i₁ŋí'₄, le₃on₃ i₁ju₁ ně₃. Ca₂chóg'₃ ne₅₄ jui₅ guei'₅₄ i₂juíg₃, ca₂jme₃jnió₃ a₂jaun₂. Jaun₂ guë'₄ ca₂'niai₃, ca₂cuë'₃ chi'₂ dsi₂guia₃-tín₂. 'Éi₂ guë'₂ ně₃ ca₂dsi₃ó'₃ jin₄ dsa₂. ¹⁷ Ca₂le₃jín₃ bá₄ ca₂guë'₃ ca₂lia'₂ ca₂'ág'₃ dsí₅. Jme₁ca₂lě₃ jaun₂, guia₃-tín₂ tsi₁mi'₂ tá₁ ca₂cág'₃ dsa₂ jmá'₃ 'nau₅₄ a₂ca₂chóng₃.

*Ca₂juá'₂ Pe₄ lia'₂ tí₅ jág₁ a₂lín₅ Jesús I₂rě₂'in₁ quián₅ Diú₄
(Mateo 16:13-19; Marcos 8:27-29)*

¹⁸ Co₂ráun₂ 'en₅₄ Jesús 'niog₅ chi₂lén₂ Diú₄, i₂jme₁quiain'₅₄ bá₄ chi'₂ dsi₂guia₃-tín₂, jaun₂ ca₂ŋag₃ Jesús:

—ħ'E₂ 'ag₅ dsa₂ jniá₂? ħ'Ei₂ lín₅ jniá₂, dsia₅ dsa₂?

¹⁹ Jaun₂ ca₂ŋag₃ chi'₂ dsi₂guia₃-tín₂:

* 9:7 griego: tetrarca (i₂gon₂ jmo₅ 'éi'₃ 'uë₃ Galilea).

—I₂lin₅₄ dsa₂ dsia₅ a₂lín₅ Juan₅₄ i₂chon₅ dsa₂ jmig₂; i₂lin₅₄ guë'₂ dsia₅ a₂lín₅ Elías; i₂lin₅₄ guë'₂ dsia₅ táng₃ a₂lín₅ i₂sián'₂ i₂jme₁ 'ě₂ jág₁ quián₅ Diú₄, a₂ca₂jein'₅₄ táng₃.

²⁰ Jaun₂ ca₂ηag₃ Jesús:

—ǵ'Nia'₂ guë'₂ ně₃? ǵ'E₂ guë'₂ juá'₂ 'nia'₂ 'ein₂ lín₅ jniá'₂

Jaun₂ ca₂ηag₃ Pe₄:

—'Ne₂ lín₅ I₂rë₂ 'ín₁ quián₅ Diú₄.

'Ě₂ Jesús jág₁ a₂jóin₂

(Mateo 16:20-28; Marcos 8:30-9:1)

²¹ Jaun₂ ca₂juá'₂ Jesús a₂jmo₃ tei₄, a₂tsá₃ 'ein₂ tsí'₃ jág₁ jaun₂. ²² Jaun₂ ca₂juá'₂ ně₃:

—Co₂ně₅ 'en₅₄ 'éi'₃ Jaun₅ dsa₂ mi₂güig₃ a₂dsi₃ñi₂ uig₅ 'ñio₅ lín₃; jme₃ 'iog₅₄ dsi₂gui'₅₄ can'₅₄, lia'₂ juig₅₄ jme₂dsa₂, tē₅juá'₅ ně₃. Quiñ'₃ dsa₂ jág₁ a₂ηag₃, la₁ jein'₅₄ bá₄ táng₃ a₂'ni₅ jmig₄ jaun₂.

²³ Jaun₂ ca₂tsí'₃ ca₂le₃jín₃:

—Ně₁jua'₂ chan₂ i₂'nio₃ jiá₃ chi₁co'₅₄ quió₃, co₂dsia₅ jui₁dsi₂'én₂ dsí₅ 'ñiog₅, jui₁'ei₅₄ bá₄ caun₂ dsí₅ ca₂le₃jě₃ jmig₄ o₁ñia'₅₄ ca₂join₃, † jui₁lia₂ chi₁co'₅₄ quió₃. ²⁴ Ia₁ jui₁lia'₂ dsa₂ i₂'nio₃ le₃chan₂ dse₃ mi₂güig₃ la₂, dsi₃'én₂ quió'₅; la₁ jui₁lia'₂ dsa₂ i₂quí'₃ dsí₅ jui₁dsi₂ñi₂ 'e₂ dsi₃ñi₂ o₄quió₃ jniá₂, lí'₂, tñin'₄ bá₄. ²⁵ Ia₁ ǵ'e₂ bá₄ ta₁ jmo₃ a₂lí'₄ dsa₂ ca₂le₃jě₃ a₂cha₂ ne₄ gua'₅₄ 'uë₃ la₂, ně₁jua'₂ dsi₃'én₂ bá₄ guë'₂? ²⁶ Ia₁ ně₁'ein₂ gui'₅₄ jén'₅ o₄quió₃ jniá₂ quian'₅₄ o₄quió'₄ jág₁ quió₃, ján₃ bá₄ le₂jaun₂ le₃gui'₅₄ Jaun₅ dsa₂ mi₂güig₃ 'ag₃ jē₁ma₂tě₂ rē₁jñi₂ ma₂lín₅ Rag₅₄ jlán'₁ jui₁lia'₂ jlán'₁ Jmei₂, quian'₅₄ ángeles jñi₂ quiáin₅. ²⁷ A₂dsi₂jó'₃ juig₂ jniá₂ 'nia'₂, chan₂ bá₄ 'nia'₂ i₂lin₅₄ i₂ti₂ón₂ jē₄ la₂, i₂tsá₃ dsián₃ ca₂lia'₂ ca₂tě₂ ne₅₄ bí₂ 'éi'₃ quió'₅ Diú₄.

Ca₂rě₃tsín₃ Jesús lia'₂ jniái₂

(Mateo 17:1-8; Marcos 9:2-8)

²⁸ Con'₂ jñia₃ jmig₄ cang₂ a₂ca₂juá'₂ Jesús le₂ně₅, ca₂ñó₃ jui₅ má'₂ i₁chi₂i₁lein'₄ Diú₄, jme₁quian'₅₄ Pe₄, Jacobo, Juan₅₄ ně₃. ²⁹ Tě₃jē₄ chi₂lén'₂ Diú₄, ca₂rě₃tsín₃ lia'₂ jniái₂. Tsin'₅₄ ně₃ ca₂rě₃tsín₃ ca₂jñia₃ tiog₂ jau₂, ca₂lia'₂ tág₅ 'ñio₅ lín₃. ³⁰ Tě₃jē₄ jaun₂, ca₂jñia₃ on₃ dsa₂, dsia₂₃ jág₁ quian'₅₄ Jesús. Moisés quian'₅₄ Elías bá₄ 'éi₂. ³¹ Ca₂lia'₂ co₂tág₅ co₂'né₅ bá₄ ca₂jñia₃, tióin₂ dsia₂₃ a₂nio₅ lé₂, 'mú₃ a₂gue₃ jē₄ juig₂ Jerusalén, a₂le₃ti₃ 'éi'₃ a₂'ein₅₄. ³² Tě₃ ma₃i₁güín₃ 'ñio₅ lín₃ bá₄ Pe₄ quian'₅₄ riin'₅₄, ca₂jme₃jñio₅₄ ne₅₄ ca₂jñin₂ Jesús jniái₂ co₂tág₅ quian'₅₄ dsa₂ on₃ i₂quian'₅₄. ³³ Jme₁ma₂i₂uín₃ dsa₂ 'éi₂ cau₅ quió'₅, jaun₂ ca₂juá'₂ Pe₄ ca₂tsí'₃ Jesús:

—Tě₅, i'e₂ guë₄ dse₃ lia'₂ tio'₅₄ jniog₄ ja₁lá₃! Ně₃ o₁jmo₁ 'ni₅ tsí₁'io₅ láu₃: caun₂ quiáng'₂, caun₂ quió'₅ Moisés, caun₂ guë'₂ quió'₅ Elías ně₃.

La₁ a₂lē₁ca₂juá'₂ bá₄ Pe₄, on₃jua'₅₄ jaun₂ lí'₄ a₂tě₂ i₂₃ le₂jaun₂.

³⁴ Tě₃ dsia₂₃ jág₁ le₂jaun₂, jme₁gua₃ jnei₅ ca₂jlin₃, jaun₂ guë₄ ca₂ja₃gó'₃ tióin'₅₄ jme₁ca₂i₃'én₂ 'éi₂ jē₄ jnei₅. ³⁵ Jē₄ jnei₅ jaun₂ ca₂né'₂ jág₁, ca₂juá'₂:

—I₂la₂ bá₄ jón₃ I₂rë₂ 'ín₁ quiáng₃. Nei₂ 'nia'₂ jág₁ quió'₅.

³⁶ Jme₁ma₂ně₂néi₂ jág₁ jaun₂, jua'₂ 'ñiog₅ bá₄ Jesús ma₂chéin'₅ jme₁ca₂jág₃. La₁ jmig₄ jaun₂, tei₄ bá₄ ca₂jmo₃ tsá₃ 'ein₂ ca₂tsí'₃ 'i₁jan₂ a₂ca₂tě₂ ne₅₄ jaun₂.

Ca₂jme₃ 'lión₂ Jesús jan₂ chi'₂ i₂jme₁ 'en₅₄ jme₂dsí₂ 'lín₅₄

(Mateo 17:14-21; Marcos 9:14-29)

³⁷ Jme₁jñia₃, ca₂sióin₃ táng₃ má'₂ jaun₂, con'₂ guë'₂ juin₅ lín₃ dsa₂ ca₂jme₃jein'₂. ³⁸ Tě₃ jin₄ dsa₂ jaun₂, ca₂juá'₂ tiá₂ jan₂ dsa₂ ca₂tsí'₃ Jesús:

—Tě₅, jmo₄ dse₃ 'au'₂, jin₄ co₂nio₄ chi'₂ quiáng₃, i₂jan₂ la₂ bá₄ la₂ quiáng₃ chan₂. ³⁹ Jme₂dsí₂ 'lín₅₄ bá₄ i₂co₂jmo₃g'₂ guió'₅ co₂tiá₂ jén'₅ dso₄ 'ei₂, qui₂'uë'₅ jan₅ mi₂'o₅₄. I₂'lín₅₄ ně₃, jmóg'₂,

† 9:23 lit. “jui₁quian₅₄ cróg₄ quió'₅ ca₂le₃jě₃ jmig₄.”

ca₂lia'₂ jaun₂ guě₄ téi₂ ca₂lia'₂ ma₂jén'₃ uig₅ 'ŋio₅ lin₃. ⁴⁰ Jme₁ma₂ně₂juíg₂ chi'₂ dsi₂guia₃-tín₂ quiáng'₂ a₂jme₁dsei₂₃, la₁ tsá₃ ca₂tió'₃.

⁴¹ Jaun₂ ca₂juá'₂ Jesús:

—i'En₁ jmá'₃ 'nia'₂ dsa₂ chan₂ jmi₄g₄ ně₃ tsá₃ 'e₂ 'éng'₂! ¿Je₂liá'₂ jmi₄g₄ jmá'₃ 'nió'₅ jmo₅₄ tió'₅ dsi₃ jin'₄ 'nia'₂? ŋi₅₄ chi'₂ quiáng'₂ le₃la₂.

⁴² La₁ jme₁ma₂ŋó₅ chi'₂ le₃ne₄ Jesús, i₃ 'iin₃ táng₃ ca₂tón₂ jme₂dsí₂ je₂na'₅₄ qui₂ca₂ba₂lág'₂. La₁ dsi₂jui₅ le₂jaun₂ ca₂jí₂ Jesús ca₂jéin₂ i₂ 'lin'₅₄, ca₂jme₃'lióin₂ chi'₂. Jaun₂ ca₂jáng'₂ ne₄ jmei₂.

⁴³ A₂jaun₂ ně₃, ca₂i₃gó'₃ dsí₅ ca₂le₃jín₃ 'a₂ lia'₂ juin'₂ Diú₄.

Ca₂'ě₂ táng₃ Jesús jág₁ a₂jóin₂

(Mateo 17:22-23; Marcos 9:30-32)

Tě₃ tion'₅₄ dsa₂ dsi₂gó'₃ dsí₅ a₂jmo₅ Jesús, jaun₂ ca₂juá'₂ ca₂tsí'₃ dsa₂ guia₃-tín₂ quiáin₅:

⁴⁴ —Řě₂ nei₂ 'nia'₂ jág₁ quió₃ la₂: ŋi'₅₄ ta₁ ja₁dsau₅₄ ně₅, jáng'₂ dsa₂ quió'₅ Jaun₅ dsa₂ mi₂güig₃ o₄gú₃ dsa₂.

⁴⁵ La₁ jág₁ jaun₂ ně₃, tsá₃ ca₂ŋi'₂ dsí₅ chi'₂ dsi₂guia₃-tín₂, ia₁ tsá₃ jme₁ma₂i₄ 'éi'₃ a₂le₃ŋi'₂. Jaun₂ tsá₃ ca₂tiá₂ dsí₅ a₂ŋi'₃ Jesús 'e₂ 'nio₃ juá'₂ quian'₅₄ jág₁ jaun₂.

¿'Ein₂ lín₅ i₂dsen₅₄ guě₄?

(Mateo 18:1-5; Marcos 9:33-37)

⁴⁶ Jaun₂ ca₂tsín₂ chi'₂ dsi₂guia₃-tín₂ con'₂ guioin₅₄, ne₄ jui₁lia'₂ 'ein₂ i₂lén₂ i₂dsen₅₄ guě₄ jě₄ quió'₅. ⁴⁷ La₁ jme₁ca₂rě₃lí'₄ Jesús 'e₂ a₂dsia₂₃, jaun₂ ca₂cain₃ jan₂ guein₂ ca₂dsiog₃ cau₅ quió'₅. ⁴⁸ Jaun₂ ca₂juá'₂:

—Jui₁lia'₂ dsa₂ i₂guen₅ guein₂ la₂ o₄quió₃ jniá₂, guei₂₃ jniá₂; jui₁lia'₂ dsa₂ i₂guei₅ jniá₂, ján₃ guě'₂ guein₂₃ i₂ca₂chei₃. Ia₁ jui₁lia'₂ i₂jmo₅ me'₂ guě₄ jě₄ ca₂le₃jín₃ 'nia'₂, i₂'éi₂ bá₄ i₂lín₅ i₂dsen₅₄ guě₄.

I₂tsá₃ 'iog₅₄ jniog₄, i₂quian'₅₄ jniog₄ bá₄ 'éi₂

(Marcos 9:38-40)

⁴⁹ Jaun₂ ně₃ ca₂juá'₂ Juan₅₄:

—Tě₅, ma₂jín₄ jnia'₅₄ jan₂ dsa₂ 'uúin'₂ jme₂dsí₂ je₂na'₅₄ quian'₅₄ bí₂ 'éi'₃ a₂ó'₅ 'ne₂. Tsá₃ ma₃ca₂cuě₅₄ jnia'₅₄ jmi₄g₄, ia₁ tsá₃ guě'₂ ŋi₂₃ quian'₅₄ jniog₄.

⁵⁰ La₁ Jesús ně₃ ca₂juá'₂:

—Tsá₃ jmó'₂ 'nia'₂ le₂jaun₂ a₂jni₄g'₅₄. Ia₁ jui₁lia'₂ dsa₂ i₂tsá₃ 'iog₅₄, tě₂le₃ quián₂ jniog₄ bá₄ tión₂ i₂le₂'éi₂.

I₃jen₅₄ Jacobo quian'₅₄ Juan₅₄ ca₂jí₂ Jesús

⁵¹ Jme₁ma₂ja₂quián₃ tě₅₄ jmi₄g₄ a₂dsán'₃ táng₃ Jesús guei'₅₄ i₂juíg₃, ca₂'ág₂ caun₂ dsí₅ ca₂'í₃ jui₅ a₂dsiog₄ Jerusalén. ⁵² Ca₂chein₃ dsa₂ i₃lén₂ ne₄ jui₅ i₃jmó₂ co₂jnia₅₄ ja₁jnia₃ caun₂ juig₂ pí'₁ niog₅ 'uě₃ Samaria. ⁵³ La₁ tsá₃ ca₂guen₃ dsa₂ Jesús ja₁jaun₂, ia₁ ca₂rě₃lí'₄ a₂'ein₅₄ jui₅ ŋó₅ jui₅ Jerusalén bá₄. ⁵⁴ Jaun₂ ně₃, jme₁ca₂rě₃ŋi₅ Jacobo quian'₅₄ Juan₅₄ a₂tsá₃ guei₅ dsa₂, jaun₂ ca₂juá'₂:

—Te₁gui'₅₄, ¿tsa₁ dse₃ jmó₁ jniog₄ 'éi'₃ a₂sió₃ si₂ guei'₅₄ i₂juíg₃ ia₁jaun₂ 'én₂ juig₂ la₂?†

⁵⁵ Jaun₂ ca₂jén'₃ Jesús ca₂jí₂.§

⁵⁶ Jaun₂ ca₂i₃lén₂ bá₄ táng₃ juig₂ siá'₂.

Dsa₂ i₂jme₁'nio₃ jme₃quian'₅₄ Jesús

(Mateo 8:19-22)

⁵⁷ Ja₁i₃lén₂ jaun₂, ca₂juá'₂ jan₂ dsa₂:

—Te₁gui'₅₄, 'nio₃ jniá₂ jme₁quion₁ 'ne₂ le₂con₂ ja₁gog'₅₄.

† 9:54 A₂lín₅₄ chog₅₄ si₂ juá'₂ ján₃: “jui₁lia'₂ ca₂jmo₃ Elías.” § 9:55 A₂lín₅₄ chog₅₄ si₂ juá'₂ ján₃: “ca₂juá'₂: —Tsá₃ len'₅₄ 'nia'₂ guiong'₅₄ 'ein₂ jme₂dsí₂ ca₂jo₃ 'nia'₂. Ia₁ tsá₃ ta₁ jaun₂ já₅ Jaun₅ dsa₂ mi₂güig₃ a₂'éin₂ dsa₂, tě₂le₃ a₂lió₂ bá₄.”

⁵⁸ Jaun₂ ca₂ŋag₃ táng₃ Jesús:

—Jui₁lia₂ i₁güi₅, i₂'io₅ to₄ bá₄ 'éi₂; ján₃ bá₄ le₂jaun₂ jui₁lia₂ i₁tan₅ i₂i₂nio₄ guei₅₄, tio₅₄ tsag₄ bá₄ 'éi₂ ján₃. La₁ Jaun₅ dsa₂ mi₂güig₃ ně₃ tsá₃ ja₁cha₂ quió₅, jua₅₄ ja₁lé₂ le₃jñia₃.

⁵⁹ Jaun₂ ca₂tsí₃ i₂sián₂:

—Nia₅ quian₅₄ jniá₂.

La₁ ca₂ŋag₃ 'éi₂:

—Te₁gui₅₄, * jui₁i₁ 'óng₃ de₂ ŋe₃.

⁶⁰ Jaun₂ ca₂ŋag₃ táng₃ Jesús:

—Jui₁dsi₂ 'ón₃ 'lag₄, 'lag₄ rñin₅₄. La₁ 'ne₂, juig₂ jniá₂, gua₂ o₂ 'ě₃ jág₁ jui₁lia₂ 'a₂ lia₂ 'lě₅ ja₁gon₂ Diú₄.

⁶¹ Jaun₂ ca₂juá₂ táng₃ jan₂:

—Te₁gui₅₄, 'nio₃ jniá₂ nei₅₄ quian₅₄ 'ne₂, la₁ jui₁i₁ 'éi₃ de₂ jág₁ i₂chan₂ quió₃.

⁶² La₁ Jesús ně₃ ca₂juá₂:

—Dsa₂ i₂ma₂ ně₂ 'éi₂ caun₂ dsí₅ a₂jme₃quiong₅₄, ně₁jua₂ ca₂ 'ág₂ caun₂-tñ₃ dsí₅, lín₅ lia₂ lín₅ jan₂ i₂jme₂lióg₃ quiá₂ 'uě₃, jéin₅ le₃ca₃. Tsá₃ ta₁ tén₄ dsa₂ i₂le₂ 'éi₂ le₃ja₁gon₂ Diú₄.

10

Chen₅ Jesús 'nag₂ ne₂guión₂ rě₂dsí₂ guian₃ dsa₂

¹ Cang₂ jaun₂ ca₂quión₂ Te₁gui₅₄ 'nag₂ ne₂guión₂ rě₂dsí₂ guian₃ (70) dsa₂ sián₂. * Jaun₂ qui₂ca₂chein₃ jma₃on₃ jma₃on₃ 'éi₂ i₃lěin₂ ne₄ jui₅ quió₅, ca₂le₃jě₃ juig₂ ja₁ein₅₄ jui₅ dsióg₄.

² Ca₂tsí₃ 'éi₂:

—Jui₅ lín₃ bá₄ dsa₂ 'nio₃ gue₃ jág₁ quió₅ Diú₄; lě₅ ně₂jag₄ bá₄ 'lióng₂ lín₃ a₂ca₂rau₂, la₁ dsa₂ i₂jmo₃ ta₁ bá₄ tsá₃ jui₅ chan₂. Jaun₂ lě₃, mi₄ 'nia₂ 'chei₅₄ Juig₅₄ ja₁nau₂ jui₁chein₁₂ dsa₂ i₂jmo₃ ta₁ cág₃. ³ Jag₄ 'nia₂ jaun₂, 'nia₂ tsín₂ jniá₂ o₁nóg₅ líng₅ co₂'nió₄ guein₂ já₂ cha₂ jñin₄ dsig₂ náu₂. ⁴ Tsá₃ tsi₁na₅₄ cán₁ 'nia₂, on₃ guě₂ lau₂ tó₅ cu₄, on₃ guě₂ lau₂ ton₅ tag₄ 'nia₂ siá₂ cán₁. Tsá₃ jme₁'ag₄ 'nia₂ le₂'i₄ jui₅ jua₅₄ a₂dsiá₁ 'nia₂ jág₁ uě₂ quian₅₄ dsa₂. ⁵ Jě₁ma₂tě₂ rě₁tón₂ 'nia₂ dsi₂néi₂ quió₅ dsa₂ ja₁jan₄, cuñ₅₄ de₂ 'nia₂ dsa₂ Diú₄ juig₅₄ le₂la₂: “Jui₁'ei₅ bá₄ tei₄ tion₄ 'nia₂ dsi₂néi₂ la₂.” ⁶ Chi₂jua₂ dsa₂ i₂quió₅ dsi₂néi₂ jaun₂ 'ua₁ bá₄ dsí₅, tě₃'ñiá₄ bá₄ jág₁ a₂'ei₅ tei₄ quián₂ 'nia₂ ja₁coin₂. La₁ ně₁jua₂ tsá₃ le₂jaun₂, tě₃'ñiá₄ bá₄ táng₃ ja₁con₂ 'nia₂ guiong₅₄ jág₁ a₂'ei₅ tei₄ jaun₂. ⁷ Caun₂ bá₄ ja₁o₁jñia₄ 'nia₂, qué₂, 'én₂ 'nia₂ 'e₂ caun₂ a₂niog₅ cuě₅ dsa₂; ia₁ a₂co₂jaun₂ ca₂tñ₂ bá₄ dsa₂ 'liain₅₄ ta₁ quió₅. Jaun₂ tsá₃ i₁nio₄ 'nia₂ le₂'i₁ 'né₅. ⁸ Jě₁ma₂dsi₃nóg₅ le₂caun₂ juig₂ ja₁guei₅ dsa₂, qué₂ 'nia₂ jui₁'e₂ guě₃ a₂cuě₅ dsa₂. ⁹ Jme₁'lion₅₄ 'nia₂ dsa₂ dso₅₄ i₂chan₂ ja₁jaun₂, chei₅₄: “Ma₂ja₂quián₃ bí₂ 'éi₂ quió₅ Diú₄ ja₁con₂ 'nia₂.” ¹⁰ La₁ ně₁jua₂ ca₂dsi₃nó₅ 'nia₂ caun₂ juig₂ ja₁tsá₃ guei₅ dsa₂, 'uñ₂ 'nia₂ jě₄ calles, chei₅₄: ¹¹ “Le₂jio₅ 'liog₂ te₁'i₁ go₄ 'nia₂, a₂qui₂ca₂quen₂ tag₄ jnia₅₄, la₂ séi₄ jnia₅₄, a₂jmo₁ léi₄ tsá₃ ma₃'e₂ 'uag₄ jniá₅₄ quian₅₄ 'nia₂. La₁ dsá₂ 'au₂ 'nia₂ jmo₄, ma₂ja₂quián₃ bí₂ 'éi₃ quió₅ Diú₄ ja₁cong₂.” ¹² Juá₅ jniá₂ juig₂ 'nia₂, 'ñio₅ lín₃ guě₄ uig₅ a₂'ě₂ Diú₄ jmi₄ jaun₂ ja₁con₂ dsa₂ 'éi₂, lia₂ con₂ guě₄ dsa₂ juig₂ Sodoma.

Juig₂ ja₁tsá₃ ne₅₄ dsa₂

(Mateo 11:20-24)

¹³ 'i'E₂ guě₄ juig₂ 'nia₂ dsa₂ juig₂ Corazín! 'i'E₂ guě₄ juig₂ 'nia₂ dsa₂ juig₂ Betsaida! Ia₁ jua₅₄ mei₂ guě₃ ca₂le₃jñ₃ dsa₂ chan₂ Tiro quian₅₄ Sidón ca₂tě₂ ne₅₄ jui₁lia₂ jui₅bí₂ juě₂ a₂niog₅ lě₂ jě₄ quián₂ 'nia₂ jmi₄ ně₃, líg₂ bá₄ tsá₃ ma₂quí₂ 'mí₂ taun₅ jme₁tiain₃ jě₄ jua₂ ně₃, jme₁jmo₃ léi₄ a₂ca₂dsi₃quén₅ dsí₅. ¹⁴ La₁ jě₁ma₂tě₂ rě₁qui₃dsi₅ Diú₄ 'éi₃, 'ñio₅ lín₃ guě₄ 'ñio₅ uig₅ guéi₁ 'nia₂ con₂ guě₄ uig₅ a₂ca₂gue₃ dsa₂ i₂chan₂ Tiro quian₅₄ Sidón. ¹⁵ 'Ne₂ guě₂

* **9:59** A₂lín₅₄ chog₅₄ si₂ tsá₃ chi₁ton₅ jág₁ “Te₁gui₅₄.”

* **10:1** A₂lín₅₄ chog₅₄ si₂ chi₁ton₅ “nag₂ ne₂guión₂ rě₂dsí₂ guia₃-tñ₂ (72) dsa₂ sián₂.”

juig₂ Capernaum, ɬa₁rong' ₂ ɲei₅ tē₂ guei' ₅₄ i₂juig₃, líng' ₂? 'En₁ bá₄ 'ne₂ sióng' ₃ ca₂tē₂ ja₁ca₂tín₂ 'lag₄.†

16 'Dsa₂ i₂nag₅ jág₁ quián' ₂ 'nia' ₂, jág₁ quió₃ jniá₂ bá₄ nag₂₃. Dsa₂ i₂tsá₃ guen₅ 'nia' ₂, jniá₂ bá₄ a₂tsá₃ guei' ₂₃. I₂tsá₃ guei' ₅ jniá₂, ján₃ bá₄ le₂jaun₂ tsá₃ guein₂₃ i₂ca₂chei₃ jniá₂.

Ca₂dsi₃len₃ táng₃ i₂'nag' ₂ ne₂guión₂ rē₂dsí₂ guian₃

17 Ca₂o₃len₃ táng₃ 'io' ₂ jén' ₅ ta₁'nag' ₂ ne₂guión₂ rē₂dsí₂ guian₃ (70)‡ dsa₂ 'éi₂, jaun₂ dsia₂₃, juá' ₂:

—Te₁gui' ₅₄, ca₂lia' ₂ jiog₅ je₂na' ₅₄ bá₄ nag₅ gau₂ jág₁ quián₂ jnia' ₅₄ jē₁ma₂ca₂'ín₂ jnia' ₅₄ 'ne₂.

18 Jaun₂ ca₂ɲag₃ Jesús:

—Ján₅. Ma₁ jág₅ bá₄ jniá₂ jme₁ca₂tán' ₂ Satanás guei' ₅₄ i₂juig₃ lia' ₂ ja₁ta' ₂ caun₂ si₁ɲí' ₃. S

19 'Éi' ₃ jaun₂ bá₄ ma₂cuē₃ jniá₂ 'nia' ₂ a₂ó' ₅ 'nia' ₂ bí' ₃ a₂lé₂ le₃qui₁tsong' ₅₄ dsi₂mí' ₂, i₁'né₅ ně₃, a₂tiang' ₃ ne₄ ca₂le₃jě₃ jui₅bí₂ a₂gu₂dsí₂ i₂'io' ₅₄, ca₂lia' ₂ jnia' ₅₄ tsá₃ 'e₂ jén' ₄ 'nia' ₂ guiong' ₅₄.

20 La₁ tsá₃ jmo₂ 'nia' ₂ 'io' ₂ ia₁ a₂nag₅ gau₂ jme₂dsí₂ 'lín' ₅₄ jág₁ quián' ₂ 'nia' ₂. A₂jaun₂ bá₄ jmo₄ 'nia' ₂ 'io' ₂ ia₁ a₂ma₂le₁tong' ₂ ne₄ si₂ guei' ₅₄ i₂juig₃.

Jmei₂ quian' ₅₄ Ja₁ɲi' ₅₄

(Mateo 11:25-27; 13:16-17)

21 Hora jaun₂, ca₂jmo₃ Jme₂dsí₂ Jnió₅ a₂'io' ₂ jén' ₅ lín₃ Jesús, jaun₂ ca₂juá' ₂:

—Jme₂juín' ₁ jniá₂ 'ne₂, Tia₅₄, Juig₅₄ guei' ₅₄ i₂juig₃, gua' ₅₄ 'uē₃ ně₃, ia₁ ma₂ca₂'ma' ₅₄ a₂nē₅ ja₁con₂ dsa₂ i₂ɲí₄ tín₂ si₂, i₂ɲí' ₂ dsí₅ ně₃, a₂ma₂ca₂jme₁jniag' ₂ le₃ja₁con₂ dsa₂ i₂lín₅ lia' ₂ lín₅ guein₂ i₂tsá₃ 'e₂ cuí' ₅. Dsón' ₂ bá₄ jaun₂, Tia₅₄ quiáng₃, ia₁ le₂nē₅ 'ɲio₂ 'au' ₂.

22 Jaun₂ ca₂jén' ₃ Jesús, ca₂juá' ₂:*

—Ne' ₃ jniá₂ ma₂dsia₃ o₄gu₃ ca₂le₃jě₃. Jaun₂ 'i₁jan₂ tsá₃ 'ein₂ cuín₅ 'ein₂ 'éi₂ i₂lín₅ Ja₁ɲi' ₅₄, jnia' ₅₄ lia' ₂ 'ɲiog₅ bá₄ Jmei₂. Ján₃ guē' ₂ le₂jaun₂, 'i₁jan₂ tsá₃ 'ein₂ cuín₅ 'ein₂ 'éi₂ lín₅ Jmei₂, jnia' ₅₄ lia' ₂ Ja₁ɲi' ₅₄ bá₄ i₂cuig₅, jaun₂ jme₂jniog₂₃ ne₄ dsa₂ i₂'ɲio₂ dsí₅ Ja₁ɲi' ₅₄ jme₂jniog₂₃.

23 Jaun₂ ca₂jén' ₃, ca₂tsí' ₃ jmá' ₃ chí' ₂ dsí₂guia₃-tín₂ guioin₅₄:

—'E₂ guē₄ dsen₃ dsa₂ i₂tē₅ ne₄ jui₁lia' ₂ a₂niog₅ jág' ₂ 'nia' ₂, 24 ia₁ a₂dsi₂jó' ₃ juá' ₅ jniá₂, juín₅ rag₅₄ ma₂líg' ₂, lia' ₂ dsa₂ i₂jme₁'ē₂ jág₁ quián₅ Diú₄ ně₃, jme₁'ín₅ dsí₅ jme₁tē₃ ne₅₄ jui₁lia' ₂ a₂niog₅ tē₅ ne' ₅₄ 'nia' ₂ rē₂ně₃, la₁ tsá₃ ca₂jág₃. Ján₃ bá₄ jme₁'ín₅ dsí₅ nag₃ jui₁lia' ₂ a₂niog₅ nag' ₂ 'nia' ₂ jmig₄ ně₃, la₁ tsá₃ ca₂nág₂.

Jág₁ jáng' ₅ léi₄: a₂dse₃ ca₂jmo₃ jan₂ dsa₂ chan₂ Samaria

25 Co₂ráun₂ ca₂nau₂ jan₂ tē₅juá' ₅, a₂jnia' ₅₄ con' ₂ cáun₂ táu₂ bá₄ ca₂ɲag₃:

—Tē₅, ɬ'e₂ 'nió' ₅ jmo₅₄ jniá₂, ia₁jaun₂ tǐng₅₄ ja₁le₃chang₂ co₂tan₅₄?

26 Jaun₂ ca₂ɲag₃ Jesús:

—ɬ'E₂ 'éi' ₃ tio' ₅₄ ne₄ Si₂ guē' ₂? ɬ'A₂ lia' ₂ ɲí' ₂ 'au' ₂ a₂'í' ₂?

27 Jaun₂ ca₂ɲag₃ táng₃ tē₅juá' ₅ 'éi₂:

—“Jme₁'nió₄ Te₁gui' ₅₄ Diú₄ quiáng' ₂ ca₂le₃jě₃ 'au' ₂, ca₂le₃jě₃ jme₂dsí₂, ca₂le₃jě₃ jui₅bí₂, quian' ₅₄ ca₂le₃jě₃ a₂ɲí' ₂ dsei' ₂ ně₃;† ján₃ guē' ₂ le₂jaun₂ jme₁'nióg' ₄ dsa₂ mi₂güig₃ ríng' ₂ jui₁lia' ₂ 'nióg' ₃ 'ɲiag' ₂.”‡

28 Jaun₂ ca₂ɲag₃ táng₃ Jesús:

—Dse₃ lín₃ bá₄ ně₂ɲag' ₅₄. Ně₁jua' ₂ ca₂jmo' ₅₄ le₂nē₅, léng' ₂ bá₄ ja₁le₃chang' ₂ co₂tan₅₄.

29 La₁ tē₅ 'éi₂ jme₁'nio₃ chein' ₃ dse₃, jaun₂ ca₂tsí' ₃ Jesús:

—ɬ'Ein₂ 'éi₂ dsa₂ mi₂güig₃ ríng' ₃?

† 10:15 griego: hades, co₂'nió' ₄ a₂juá' ₂, ja₁quió' ₄ 'lag₄. ‡ 10:17 A₂lín₅₄ chog₅₄ si₂ chí₁ton₅ “ta₁'nag' ₂ ne₂guión₂ rē₂dsí₂ guia₃-tín₂ (72).” § 10:18 'Nio' ₂ ja₁ton₅ Isaías 14:12-15; Apocalipsis 9:1; 12:9. * 10:22 A₂lín₅₄ chog₅₄ si₂ tsá₃ chí₁ton₅ “jaun₂ ca₂jén' ₃ Jesús, ca₂juá' ₂.” † 10:27 Deuteronomio 6:5. ‡ 10:27 Levítico 19:18.

³⁰ Jaun₂ ca₂ŋag₃ Jesús ma₂tē₂chan' ₂ jág₁ jaun₂, ca₂juá' ₂:

—Jan₂ dsa₂ jme₁'en₅₄ jui₅ o₂'i_{in}₃ Jerusalén ca₂sióin₃ a₂dsióg₄ juig₂ Jericó. Dsa₂ 'ang₂ bá₄ ca₂jo₃ ca₂chei' ₃ lín₃, ca₂cuē₃ dsa₂ 'ŋio₅ lín₃ jñia' ₅₄ mei' ₂ tsá₃ ca₂jñag' ₃. Jaun₂ guē₄ ca₂i₃lein₅. ³¹ Jē₂ lia' ₂ jui₅ jaun₂ 'en₅₄ jui₅ já₅ jan₂ jme₂dsa₂. La₁ con' ₂ ca₂quiá₂ cau₅ bá₄ ca₂ŋi₅ jme₁ca₂jág₂. ³² Ján₃ bá₄ ca₂jág₃ táng₃ jan₂ dsa₂ i₂lín₅ tsi₁jon₂ Leví, con' ₂ ca₂quiá₂ cau₅ bá₄ ján₃, ca₂ŋi₅. ³³ La₁ jan₂ dsa₂ i₂chan₂ Samaria 'ein₅₄ jui₅, ca₂dsióg₃ ja₁ron₅ dsa₂ dso' ₅₄, ca₂tá' ₂ ŋéi₂ dsí₅ jme₁ca₂jág₂. ³⁴ Jaun₂ ca₂jme₃quiáin₃ cau₅ quió' ₅, ca₂'ág₂ aceite quian' ₅₄ vino ja₁rē₂cuí' ₃, ca₂lio₃. Jaun₂ ca₂tág₃ co₁lag₁ bú' ₄ quiáin₅, ca₂jio₃ caun₂ 'né₅ ja₁jñia₅ dsa₂. Ja₁jaun₂ ca₂jmo₃ 'í₁. ³⁵ Jme₁jñia₃ jaun₂, ca₂dsi₂ tñ₃ cu₄ 'ua' ₂ ca₂cuē' ₃ dsa₂ juig₅₄ dsi₂néi₂, ca₂juá' ₂: “Jmo₄ co₂nio₄ 'í₁ dsa₂ ně₅. Nē₁jua' ₂ 'e₂ ca₂'éng' ₃ guē₄ quiáng' ₂, la₂ bá₄ jáng' ₄ jē₁ma₂guióng' ₃.” Nē₃ ně₃ jaun₂. ³⁶ ĸ'Ei₂ dsa₂ i₂ún₂ 'éi₂ líng' ₂ ca₂jmo₃ dsí₅ a₂lín₅ dsa₂ mi₂güí₃ rñ' ₅₄ dsa₂ i₂ca₂jmá' ₂ dsa₂ 'ang₂?

³⁷ Jaun₂ ca₂ŋag₃ táng₃ tē₅juá' ₅:

—I₂ca₂tá' ₂ ŋéi₂ dsí₅ dsa₂ 'éi₂.

Jaun₂ ca₂ŋag₃ táng₃ Jesús:

—Guan' ₂, le₂nē₅ jmo₄ 'ne₂ ján₃.

Ca₂dsióg₃ Jesús dsi₂néi₂ quió' ₅ Marta quian' ₅₄ María

³⁸ Con' ₂ tñoin' ₅₄ jui₅, ca₂'í₃ Jesús caun₂ juig₂ pí' ₁. Ja₁jaun₂ ca₂guei₃ jan₂ dsa₂ m'í₂ i₂chen₂ Marta dsi₂néi₂ quió' ₅. ³⁹ 'Éi₂ ně₃ jme₁chan₂ jan₂ rñin' ₅₄ i₂chen₂ María. 'Éi₂ ně₃ tei₄ bá₄ ca₂guá₂ cau₅ mi₂tag₄ Te₁gui' ₅₄, nag₂₃ jág₁ a₂juá' ₂ 'éi₂. ⁴⁰ Marta guē' ₂ ně₃ 'ein₅₄ tsá₃ rē₂jñin₅₄ jmo₂₃ ta₁ a₂cha₂ dsi₂néi₂, jaun₂ guain₃ o₃chí' ₅₄ Jesús, ca₂juá' ₂:

—Te₁gui' ₅₄, ĸtsa₁ dsan₂ 'au' ₂ a₂tsá₃ 'e₂ jme₂'o₅₄ 'io₅₄ ríng' ₃? 'Nió₃ bá₄ 'eng₅₄ tsá₃ rē₂jñing₅₄ jme₂ti₅₄. Chei' ₅₄ jui₁jme₂'o₅₄.

⁴¹ Jaun₂ ca₂ŋag₃ Te₁gui' ₅₄:

—Marta, Marta, jág₅ bá₄ jniá₂ 'ŋio₅ tsá₃ rē₂jñing' ₅₄ 'eng' ₅₄ dsan₂ 'au' ₂ 'líong₂ ta₁ a₂jmo' ₂.

⁴² La₁ caun₂ bá₄ a₂dsen₅₄ guē₄ a₂ca₂tín₂ dsa₂ nag₃. María ríng' ₂ ně₃, ně₂quió' ₃ a₂dse₃ guē₄, jaun₂ 'i₁jan₂ tsá₃ 'ein₂ le₃jñiá' ₂ a₂ma₂nē₂quió' ₃.

11

Jme₂tag₅ Jesús 'a₂ lia' ₂ chi₃lén' ₂ dsa₂ Diú₄

(Mateo 6:9-15; 7:7-11)

¹ Co₂ráun₂ jme₁'en₅₄ Jesús chi₂lén' ₂ Diú₄. Jme₁ca₂lē₃ jaun₂, ca₂juá' ₂ chi' ₂ dsi₂guia₃-tín₂ quiáin₅:

—Te₁gui' ₅₄, jme₁tag₅ 'a₂ lia' ₂ chi₂lén' ₄ jñia' ₅₄ Diú₄, jui₁lia' ₂ ca₂jme₃tag₅ Juan₅₄ ca₂jme₃tñin₂₃ dsa₂ quiáin₅.

² Jaun₂ ca₂juá' ₂:

—Le₂la₂ jua' ₅₄ 'nia' ₂ jē₁ma₂tē₂ rē₁chi₁leng' ₄ Diú₄:

Tia₅₄, 'ne₂ i₂ŋéi' ₂ guei' ₅₄ i₂juíg₃ *

jui₁jme₂gó' ₃ dsa₂ a₂rē₂jñió₄ a₂cheng' ₂.

Jui₁le₅₄ bá₄ 'éi' ₃ quiáng' ₂,

jui₁le₅₄ bá₄ a₂'ŋio₂ 'au' ₂ 'ne₂, ne₄ gua' ₅₄ 'uē₃,

jui₁lia' ₂ lē₂ guei' ₅₄ i₂juíg₃. †

³ Cuē₄ a₂'nió' ₅ que₅₄ jñia' ₅₄ jmíg₄ ně₃.

⁴ 'Én₃ dsáu₁ jñia' ₅₄,

jui₁lia' ₂ 'én₅ jñia' ₅₄ dsáu₁ rñ' ₅₄.

* 11:2 A₂lín₅₄ chog₅₄ si₂ tsá₃ chi₁ton₅ “ne₂ i₂ŋéi' ₂ guei' ₅₄ i₂juíg₃.” † 11:2 A₂lín₅₄ chog₅₄ si₂ tsá₃ chi₁ton₅ “jui₁le₅₄ bá₄ 'éi' ₃ quiáng' ₂, jui₁le₅₄ bá₄ a₂'ŋio₂ 'au' ₂ 'ne₂ ne₄ gua' ₅₄ 'uē₃, jui₁lia' ₂ lē₂ guei' ₅₄ i₂juíg₃.”

'A₃ cuë₂ jmig₄ jiá₃ jui₅bí₂ a₂caun₂ táu₂,
të₂le₃ lio₄ bá₄ o₄gú₃ i₂së₃dsen₃.†

⁵ Ca₂juá'₂ Jesús në₃:

—Jua'₅₄ mei'₂ guë₃ le₃jua'₅₄, chan₂ jan₂ 'nia'₂ i₂dsióg₄ a₂'uë₂ quió'₅ a₂mei₅₄ quián₅, tē₂, juá'₂:
“Jmo₄ dse₃ 'au'₂ rin'₅₄ jniog₄, dsi₄ 'ni₅ i₁ñí'₄. ⁶ Ia₁ lia'₂ guan₅ quió₃ jan₂ a₂mei₅₄ quiáng₃ 'ein₅₄
jui₅; ia₁ tsá₃ 'e₂ cha₂ 'i₁caun₂ quió₃ a₂le₃cuë₄.” ⁷ Dsa₂ dsi₂néi₂ në₃ lé₂ le₃ñag₃ tē₃ rē₂quiain₂₃:
“Tsá₃ cuë₂ o₂me'₅₄ dsi₅, ia₁ ma₂chi₁ñág₅ o₄'né₄ quió₃; chi'₂-guein₂ quiáng₃ në₃ ma₂tiáin₅
le₁güin₃. Jaun₂ tsá₃ lé₂ no₅₄ jua'₅₄ cuë₅₄ a₂mi'₂.” ⁸ Jaun₂ juá'₅ jniá₂, tion₅₄ bá₄ náu₃ cuë₃
ca₂le₃jě₃ 'e₂ a₂mi₅ 'éi₂, on₃jua'₅₄ jmo₃ ia₁ lě₅ a₂mei₅₄, tē₂le₃ 'uig₅₄ ia₁ a₂ñí₄ lě₃ tion₅₄ mi₃ bá₄.
⁹ Jaun₂ le₂ně₅ bá₄ juig₂ jniá₂ 'nia'₂: Mi₄ 'nia'₂, jaun₂ ñeg'₂ bá₄; 'niai'₂ 'nia'₂, jaun₂ dsiain₂;
quein₄ 'nia'₂ o₄'né₄ té₃, jaun₂ niá₂. ¹⁰ Ia₁ jui₁lia'₂ i₂mi₅ 'e₂ mi₅, gue₂₃. Le₂jaun₂ jui₁lia'₂ i₂'no'₂
'e₂'no'₂, dso'₂ bá₄. Le₂jaun₂ guë'₂ quió'₅ jui₁lia'₂ i₂tē₂, niá₂ bá₄ o₄'né₄.

¹¹ O₃ bá₄ chan₂ i₂lin₅₄ 'nia'₂ jmo₅, jē₁ma₂ca₂mi₃ guein₂ quiáng'₂ i₁ñí'₄, ¿cuë'₂ 'nia'₂ ca₂míg₂
ni₁cang₁? O₃ në₁jua'₂ ca₂mi₃ jan₂ i₁ju₁, ¿cuüin'₅ 'nia'₂ jan₂ dsi₂mi'₂? ¹² O₃ jē₁ma₂ca₂mi₃
ca₂míg₂ mi₂jlag₂, ¿o₃ bá₄ cuüin'₅ jan₂ i₁'né₅ 'e₂? ¹³ Chi₂jua'₂ 'nia'₂ dsa₂ mi₂güig₃ i₂'nau'₂ dso₄
chang'₂, ting'₂ cuë'₂ bá₄ chi'₂-guein₂ quiáng'₂ a₂dse₃, i₁ē₂ guë₄ bá₄ Néi'₅ 'nia'₂ i₂guá₅ guei'₅₄
cuüin₃ Jme₂dsí₂ Jñi₀₅ quiáin₅ quió'₅ ca₂le₃jín₃ i₂mi₅!

Juá'₂ dsa₂ a₂'io₅ Jesús jui₅bí₂ quió'₅ Be'elzebú

(Mateo 12:22-30; Marcos 3:19-27)

¹⁴ Co₂ráun₂ táng₃ jme₁'en₅₄ Jesús dsein₂₃ jan₂ jme₂dsí₂ je₂na'₅₄ i₂jmo₅ a₂tsá₃ lé₂ dsia₃ dsa₂
jág₁. Jme₁ca₂o₃'ín₃ je₂na'₅₄ quió'₅ dsa₂, jaun₂ guë₄ ca₂dsia₃ táng₃ dsa₂ 'éi₂ jág₁. Jaun₂ ca₂i₃gó'₃
dsí₅ dsa₂ tiain'₅₄. ¹⁵ La₁ i₂lin₅₄ guë'₂ ca₂dsia₃ 'i₁ñ₂₃ Jesús:

—Qui'₅₄ i₂ně₅ jmig₄ 'uüin'₂ je₂na'₅₄ quian'₅₄ jui₅bí₂ quió'₅ Be'elzebú, i₂lín₅ juig₅₄ je₂na'₅₄.

¹⁶ I₂lin₅₄ guë'₂ në₃, a₂jñia'₅₄ con'₂ cáun₂ táu₂ bá₄ jme₁mi₂₃ a₂jme₁jmo₃ Jesús a₂sió₃ caun₂ léi₄
guei'₅₄ i₂juig₃. ¹⁷ La₁ a₂ñi₅ rē₂ bá₄ Jesús 'a₂ lia'₂ dsi₂jio₅ dsí₅ dsa₂ 'éi₂. Jaun₂ lě₃ ca₂juá'₂:

—Jui₁lia'₂ caun₂ juig₂ nación, tiain'₅₄ mi'₅₄ guioin₅₄, tiain'₅₄ le₁dsoin'₅₄, dsi₃én₂ bá₄ juig₂
jaun₂. Le₂jaun₂ guë'₂ jui₁lia'₂ caun₂ dsi₂néi₂ tion'₅₄ dsa₂ le₁dsoin'₅₄ tsá₃ caun₂ jág₁ 'ei₅, ján₃
bá₄ dsi₃én₂ dsi₂néi₂ jaun₂. ¹⁸ Le₂ně₅ bá₄ ján₃, në₁jua'₂ ca₂lě₃ le₁dso'₅₄ jui₅bí₂ quió'₅ i₂së₃dsen₃,
¿'a₂ guë'₂ lia'₂ lé₂ le₃qui'₅₄ guë₄ jmig₄ jio₃ ne₄ta₁ quió'₅? Juá'₅ jniá₂ le₂ně₅ ia₁ juá'₂ 'nia'₂,
quian'₅₄ bí₂ quió'₅ Be'elzebú bá₄ a₂'uüin'₄ jniá₂ je₂na'₅₄. ¹⁹ La₁ chi₂jua'₂ le₂jaun₂ 'uüin'₄ jniá₂
quian'₅₄ bí₂ quió'₅ Be'elzebú, ¿'ein₂ guë'₂ quió'₅ bí₂ quian₅ i₂quian'₅₄ 'nia'₂ a₂lé₂ le₃'uág'₂ ján₃?
Jaun₂ jui₁lia'₂ lě₅ jmo₅ dsa₂ 'éi₂ bá₄ jióg'₂ 'í₁ a₂tsá₃ tí₅ jág₁ quián'₂ 'nia'₂. ²⁰ La₁ chi₂jua'₂ jaun₂
quian'₅₄ jui₅bí₂ a₂tin₂ Diú₄ lon₄ jniá₂ dsa₂ o₄gú₃ je₂na'₅₄, jaun₂ le₂ně₅ bá₄ jau'₂ jág₁ dsau₅
a₂ma₂gua₅ bí₂ 'éi'₃ quió'₅ Diú₄ ja₁con'₂ 'nia'₂.

²¹ 'Jui₁lia'₂ jan₂ dsa₂ 'uan'₂ chain₂ rē₂jáin₁, 'io₂₃ ca₂le₃jě₃ a₂'nió'₅ quió'₅ jmo₃ 'nei₂, jaun₂
lě₅ 'í₁ ca₂le₃jě₃ 'e₂ tio'₅₄ dsi₂néi₂. ²² La₁ në₁ca₂já₃ jan₂ i₂'uan'₂ guë₄ lia'₂ con'₂ guë₄ 'ñiog₅ 'éi₂,
nē₁ca₂jo₃ në₃, i₂'éi₂ guë'₂ në₃ jñiá'₂ ca₂le₃jě₃ a₂ñí₄ lě₃ bein'₂ jmo₂₃ a₂'uain'₂. Jaun₂ jmo₂₃ dsióg₂
ca₂le₃jě₃ a₂ca₂lí₃.

²³ 'Jui₁lia'₂ dsa₂ i₂tsá₃ chén'₅ le₃quió₃ jniá₂, i₂'iog₅₄ bá₄ 'éi₂. Jui₁lia'₂ i₂tsá₃ cág'₅ co₂lě₅
quian'₅₄ jniá₂, jñia'₅₄ jmo₅ tsi₁rē₂ja₅₄.

Jme₂dsí₂ 'lin'₅₄ i₂dsián'₅ táng₃

(Mateo 12:43-45)

²⁴ 'Jui₁lia'₂ jan₂ jme₂dsí₂ 'lin'₅₄ i₂o₂'in₅ quió'₅ dsa₂, dsi₂ñí₃ le₂tan₅₄ ja₁quein₂ dsi₂'nio'₂
ja₁jñia₃. Në₁jua'₂ tsá₃ dso'₂ ja₁'í₂ në₃, 'no'₂ dsí₅: “Nég'₄ táng₃ dsi₂néi₂ quió₃ ja₁o₂'ing₃.”

²⁵ Jē₁ma₂dsiáin₃, jein'₂ táng₃ dsa₂ 'éi₂ ma₂lín₅ co₂'nió'₄ bá₄ caun₂ dsi₂néi₂ a₂chí'₅ rē₂, rē₂'ia'₅₄,

† 11:4 A₂lin₅₄ chog₅₄ si₂ tsá₃ chi₁ton₅ “tē₂le₃ lio₄ bá₄ o₄gú₃ i₂së₃dsen₃.”

rě₂lag₄ nē₃. ²⁶Jaun₂ dsó₅ táng₃ dsi₂quiáin₂ guě₄ guion₃ jme₂dsí₂ i₂lin' ₅₄ guě₄ lia' ₂ 'nio₅, jaun₂ dsi₂tiain' ₂ ca₂le₃jín₃ tē₂dsí₅ dsa₂ 'éi₂. Jaun₂ dsa₂ 'éi₂ nē₃ 'nio₅ lin₃ guě₄ le₃lin' ₅₄ dsióg₄ lia' ₂ con' ₂ guě₄ jme₁lín₄ le₂jniá₅.S

'A₂ lia' ₂ 'nió' ₅ jmo₃ dsa₂ ia₁jaun₂ le₃chain₂ dse₃

²⁷Tē₃ 'en₅₄ Jesús dsia₂₃ le₂nē₅, ca₂juá' ₂ tiá₂ jan₂ dsa₂ mí₂ tē₃jín₄ dsa₂:

—i' _{E₂} guě₄ dsen₃ dsa₂ mí₂ i₂ca₂caun₃ 'ne₂, i₂ca₂'éin' ₃ dsi' ₅₄ quió' ₅!

²⁸Jaun₂ ca₂ṇag₃:

i'Tē₂le₃ ja₂lin₃ guě₄ dsen₃ dsa₂ i₂nag₅ 'e₂ juá' ₂ Diú₄, ton' ₂ jme₂ti₃!

Léi₄ a₂lín₅ Jonás

(Mateo 12:38-42; Marcos 8:12)

²⁹Caun₂ qui₂ñi' ₂ bá₄ dsa₂ ja₁chén' ₄ Jesús, jaun₂ 'éi₂ nē₃ ca₂jme₃lióg₃ ca₂juá' ₂:

—'Nio₅ lin₃ ma₂lin' ₅₄ dsa₂ rē₂nē₃, mi₂₃ a₂jmo₅₄ jniá₂ léi₄ juē' ₂. La₁ tsá₃ ma₂'e₂ léi₄ jua' ₅₄ a₂jmo₄ guě₄ jniá₂, jnia' ₅₄ lia' ₂ caun₂ léi₄ a₂ca₂lě₃ quian' ₅₄ Jonás bá₄. ³⁰Ia₁ le₂nē₅ jui₁lia' ₂ Jonás ca₂lin₃ caun₂ léi₄ tē₂le₃ ja₁con₂ dsa₂ i₂jme₁chan₂ Nínive jmi₄ jaun₂, le₂nē₅ bá₄ ján₃, Jaun₅ dsa₂ mi₂gü₃ lén₂ caun₂ léi₄ a₂jáng' ₃ jág₁ dsau₅ ja₁con₂ dsa₂ i₂chan₂ jmi₄ nē₃. ³¹Jē₁ma₂tē₂ rē₁qui₃dsi₅ Diú₄ 'éi' ₃, náu₃ 'io₅₄ rag₅₄ i₂jme₁chan₂ tē₂le₃ sur, jein' ₅₄ quian' ₅₄ dsa₂ ṇe' ₂ i₂chan₂ jmi₄ nē₃. 'A₂ lia' ₂ niog₅ ca₂jmo₃ 'éi₂, jióg' ₂ 'í₁ a₂rē₂cán' ₄ dsa₂. Ia₁ 'io₅₄ 'éi₂ ca₂'í₃ jui₅ ca₂já₃ uíng₂ lin₃ guain₃ ca₂o₃néi₃ jág₁ ca' ₅₄, ca₂o₃dso₅₄ dsí₅ 'a₂ lia' ₂ niog₅ dsi₄ Salomón. La₁ nē₃ nē₃, la₂ chén' ₅ jan₂ i₂juin' ₂ guě₄ lia' ₂ Salomón. ³²Ján₃ bá₄ náu₃ i₂jme₁chan₂ Nínive, jein' ₅₄ quian' ₅₄ dsa₂ ṇe' ₂ i₂chan₂ jmi₄ nē₃, jē₁ma₂tē₂ rē₁qui₃dsi₅ Diú₄ 'éi' ₃. 'A₂ lia' ₂ niog₅ ca₂jmo₃ 'éi₂ ma₂líg' ₂ jióg' ₂ 'í₁ a₂rē₂cán' ₄ dsa₂ jmi₄ nē₃. Ia₁ 'éi₂ ca₂jme₃tsín₃ dsí₅ jme₁ca₂'ē₂ Jonás jág₁ quió' ₅ Diú₄. La₁ nē₃ nē₃, la₂ chén' ₅ jan₂ i₂juin' ₂ guě₄ lia' ₂ Jonás.

Dsa₂ i₂lín₅ lia' ₂ lě₅ caun₂ si₂

(Mateo 5:15; 6:22-23)

³³'I₁jan₂ dsa₂ tsá₃ gui' ₅ caun₂ si₂ ni₁tsí₅ jua' ₅₄ chi' ₃ ja₁chi₁quion' ₅₄. * A₂'ag₅ guei' ₅₄ bá₄ dsa₂ si₂, ia₁jaun₂ jág₃ dsa₂ i₂dsi₃ton' ₅₄ dsi₂néi₂. ³⁴Jme₁ne₁ dsa₂ lě₅ co₂'nió' ₄ caun₂ ni₁tsí₅ a₂gui' ₂ si₂ quió' ₅ ni₁ñi₁ dsa₂. Chi₂jua' ₂ dse₃ jme₁ne' ₄, ta₁jang' ₂ bá₄ tág₅ si₂ quiáng' ₂. La₁ nē₁jua' ₂ tsá₃ dse₃, ta₁jang' ₂ bá₄ chéng' ₅ qui₁né' ₃. ³⁵Tē₃ñi' ₅₄ 'nia' ₂ jaun₂, ia₁ con' ₂ tsá₃ ṇó₅ nē₁jua' ₂ si₂ quiáng' ₂ tsá₃ jniá₂. ³⁶Chi₂jua' ₂ ta₁jang' ₂ tág₅ bá₄ si₂ quiáng' ₂, tsá₃ qui₁né' ₃ lě₅. Jniág' ₂ bá₄ lia' ₂ ja₁jniá₂ tág₅ caun₂ si₂.

Jme₂caún' ₂ Jesús quió' ₅ dsa₂ fariseos quian' ₅₄ tē₅juá' ₅

(Mateo 23:1-36; Marcos 12:38-40; Lucas 20:45-47)

³⁷Jme₁ca₂dsan₃ cuē₂₃ jág₁, ca₂tág₃ jan₂ dsa₂ fariseo a₂i₃guě' ₃ quiong' ₅₄. Jme₁ca₂dsióg₃ dsi₂néi₂ ca₂guá₂. ³⁸Dsa₂ fariseo 'éi₂ nē₃, i₃gó' ₃ dsí₅ ia₁ tsá₃ ca₂jme₃ti₃ Jesús con' ₂ lě₅ tag₄ a₂chí' ₅, a₂rang₃ gu₂ né' ₃ a₂guě' ₃. ³⁹La₁ Te₁gui' ₅₄ nē₃, ca₂juá' ₂:

—'Nia' ₂ dsa₂ fariseos líng' ₅ lia' ₂ lě₅ ni₁vaso, ni₁uñg₅, a₂jñia' ₅₄ le₁jě₃ jmá' ₃ le₃co' ₅₄, la₁ tē₂le₃ jui₅ jme₂dsí₂ quiáng' ₂, qui₂rē₂can' ₂ ca₂le₃jě₃ a₂lig' ₅₄ a₂jmo' ₂: tsá₃ mag' ₂ 'au' ₂ 'nia' ₂ ma₂qui₂ma₂'ang' ₂ quió' ₅ dsa₂. ⁴⁰i' _{E₂} bá₄ tsá₃ ṇí' ₂ 'au' ₂ 'nia' ₂! ¿On₁jua' ₅₄ i₂ca₂jmo₃ le₃co' ₅₄, ca₂jmo₃ le₃'ñi₂ ján₃? ⁴¹Ja₂lin₃ guě₄ dsióg₅ jen' ₅₄ de' ₂ 'nia' ₂ a₂te₁'i₁ quiáng' ₂, jaun₂ guě₄ lē₂ le₃tē₃tsin' ₅₄ 'nia' ₂ le₁jíng' ₃ le₃ja₁con₂ Diú₄.

⁴²i' _{E₂} guě₄ juíg' ₂ 'nia' ₂ dsa₂ fariseos! Ia₁ a₂jme₂tí' ₁ 'nia' ₂ jmo' ₂, cuē' ₂ Diú₄ caun₂ qui' ₅₄ a₂guia₃ a₂'i₃ 'éi' ₃ cuē' ₅₄, ca₂lia' ₂ ca₂le₃jě₃ ne₅₄ ma' ₁au₂ a₂lě₂ ma₂juig₂ má₃ bá₄ jáng' ₄ 'nia' ₂. La₁ con' ₂ ma₂ñi' ₅₄ bá₄ 'nia' ₂ jui₅ dse₃ tē₃dsón' ₂ ja₁'ñio₂ dsí₅ Diú₄, ja₁jme₁jme₁'nió' ₄ 'nia' ₂ Diú₄: a₂nē₅ bá₄ a₂dsen₅₄ guě₄ a₂ca₂tín' ₂ 'nia' ₂ jmó' ₂, la₁ on₃jua' ₅₄ a₂tsá₃ ma₃jme₁ti' ₄ 'nia' ₂ 'éi' ₃.

§ 11:26 'Nio' ₂ ja₁ton₅ 2 Pedro 2:20. * 11:33 A₂lin₅₄ chog₅₄ si₂ juá' ₂ ján₃: "on₃ guě' ₂ né' ₃ tsi₁gu₅."

⁴³ 'Juíg'₂ 'nia'₂ dsa₂ fariseos! Ia₁ 'ñio₅ lin₃ të₅ 'au'₂ a₂tiáng'₄ jláng'₁ ja₁dsen₅₄ guě₄ jui₁lia'₂ dsi₂néi₂ guá'₅ sinagogas. Ján₃ bá₄ të₅ 'au'₂ 'nia'₂ qui₃cuag₃ dsa₂ Diú₄ jui₁lia'₂ jě₄ 'ma'₅₄ a₂jme₂go₃ dsa₂ 'ñio₅ lin₃.

⁴⁴ 'i'E₂ guě₄ juíg'₂ 'nia'₂!† Ia₁ líng'₅ jui₁lia'₂ lě₅ tau₂ 'ñio₅ a₂tsá₃ léi₄ cha₂. Dsa₂ ně₃ qui₂ñí₅ ne₄, të₃ tsá₃ ñi₅.”

⁴⁵ Jaun₂ ca₂ñag₃ jan₂ të₅juá'₅:

—Tě₅, a₂juá'₂ 'ne₂ ně₅, a₂tě₂'ó'₁ jnia'₅₄ bá₄ 'ne₂.

⁴⁶ Jaun₂ ca₂ñag₃ Jesús:

—Juíg'₂ 'nia'₂ të₅juá'₅! Ia₁ quian'₄ 'nia'₂ lio₅₄ guei₂ i₂sián'₂, la₁ guion'₅₄ 'nia'₂ ně₃, ca₂lia'₂ jnia'₅₄ gog'₂ tsá₃ 'niog'₂ tí'₄.

⁴⁷ 'Juíg'₂ 'nia'₂! Ia₁ qui₂chog'₂ 'nia'₂ ni₁'ia'₂ jlá'₁ quió'₅ 'lag₄ i₂jme₁'ě₂ jág₁ quió'₅ Diú₄, ton'₂ dsa₂ can'₅₄ quián'₂ 'nia'₂ guiong'₅₄ qui₂ca₂jme₃dsiog₂₃. ⁴⁸ Jaun₂ ně₃, lia'₂ lě₅ jmo'₂ 'nia'₂, cuě'₂ léi₄ co₂'nió'₄ caun₂ bá₄ 'ei₅ jág₁ 'nia'₂ quian'₅₄ dsa₂ can'₅₄ quiáng'₂. Ia₁ dsa₂ can'₅₄ ca₂jme₃dsiog₂₃; 'nia'₂ guě'₂ ma₂ja₂nióg'₅ chog'₂ ni₁'ia'₂.

⁴⁹ 'Jaun₂ lě₃ Diú₄, ia₁ a₂tín₂ a₂ma₂ñi₅ bá₄ a₂lé₂, ca₂juá'₂: “Qui₁tsing₅₄ dsa₂ i₂dsi₃can₅ i₂dsi₃'ě₃ jág₁ quió₃. I₂lin₅₄ 'éi₂ jme₃dsian₅ dsa₂; i₂lin₅₄ guě'₂ qui'ein₃.” ⁵⁰ Jaun₂ ně₃ ca₂tě₂ dsa₂ chan₂ jmi₄ ně₃ bá₄ rě₂cán'₄ 'mú₃ quió'₅ ca₂le₃jín₃ dsa₂ i₂'ě₂ jág₁ i₂ma₂dsan₃ ca₂le₃ ca₂nio₃ mi₂güí₃. ⁵¹ Ca₂lia'₂ con'₂ jme₁ca₂jon₃ Abel, ca₂tě₂ jmi₄ i₁ca₂jon₃ Zacarías i₂ca₂jñi'₃ dsa₂ jě₄ ja₁lě₄ ne₄chei₂ quian'₅₄ ja₁jñiós, dsa₂ chan₂ jmi₄ ně₃ bá₄, juá'₅ jniá₂, qui'₃ 'mú₃ quió'₅ ca₂le₃jín₃ dsa₂ i₂ma₂dsan₃ 'éi₂.

⁵² 'i'E₂ guě₄ juíg'₂ 'nia'₂ të₅juá'₅! Ia₁ 'nia'₂ bá₄ ma₂rě₂'móg'₄ jág₁ quió'₅ Diú₄ a₂lě₅ co₂'nió'₄ ñí₁ llave quió'₅ o₄né₄ ja₁jme₁le₃tín₂, le₃ñí'₂ dsa₂. On₃ guě'₂ guion'₅₄ 'nia'₂ tóng'₄, on₃ guě'₂ cuě'₂ 'nia'₂ jmi₄ dsi₃ton'₅₄ i₂'nió₃ tón'₃.

⁵³ Jme₁ca₂dsan₃ juá'₂ Jesús le₂ně₅, ca₂rě₃'né₃ 'lig'₅₄ dsa₂ fariseos, të₅juá'₅ ně₃. Jaun₂ ca₂jme₃lióg₃ jmóg'₂ mi'₅₄, tsá₃ caun₂ a₂qui₂ca₂ñag₃, a₂jme₁jmo₂₃ tion₅₄ lia'₂ jme₁jéin'₃ 'éi₂ jág₁.

⁵⁴ Ia₁ jme₁'nió₃ jo₅₄ jua'₅₄ ca₂jon₄ bá₄ jág₁ 'lia'₂ jme₁'ñiá₃ 'éi₂.

12

Ca₂jme₃tag₅ Jesús a₂tsá₃ jmo₃ dsa₂ a₂jñia'₅₄ con'₂ dse₃ le₁'ág₄ o₁ne₁

¹ Tě₃jě₄ jaun₂, të₂le₃ mei₅ bá₄ dsa₂ i₂ca₂ñi'₂, ca₂lia'₂ qui₂co₂'liain'₂ riin'₅₄. Jaun₂ Jesús ně₃ jñiá₅ de'₂ dsa₂ i₂quiai'₅₄ bá₄ ca₂tsí'₃:

—Tě₃ñi'₅₄ 'nia'₂ quian'₅₄ jui₅ lia'₂ lě₅ quian₅ dsa₂ fariseos* co₂'nió'₄ i₂lě₃jmo₅-dsáu₅ o₁ne₁.

² Ia₁ 'i₁caun₂ a₂rě₂'ma₄ jua'₅₄ lín₂ dsa₂ a₂tsá₃ le₃jñiá₂, tion₅₄ bá₄ rě₂jñiá₂; ján₃ bá₄ tsá₃ cha₂ 'i₁caun₂ a₂rě₂jlě₅ jua'₅₄ lín₂ dsa₂ a₂tsá₃ 'ein₂ le₃ñi₅, tion₅₄ bá₄ rě₃ñi₅ dsa₂. ³ Jaun₂ ně₃, ca₂le₃jě₃ 'e₂ a₂dsia₅ dsa₂ jě₄ qui₁né'₃, jiá₃ bá₄ le₃ja₁jñiá₂ si₂. Le₂jaun₂ jui₁lia'₂ jág₁ a₂dsia₅ dsa₂ jě₄ tě₃co'₅₄ a₂qui₂le₁jñág₅ 'né₅, a₂dsi₃'ag₅ bá₄ jaun₂.†

I₂'ein₂ ca₂tín₂ dsa₂ jme₃gain₃

(Mateo 10:28-31)

⁴ "Nia'₂ a₂mei₅₄ quiáng₃, juíg₂ jniá₂ 'nia'₂, tsá₃ jmo₂ 'nia'₂ gang'₃ i₂jme₂dsian₅ ni₁ñí₅, ia₁ tsá₃ ma₃a₂siá'₂ jua'₅₄ a₂'io₂₃ guě₄ bí₂ jmo₃. ⁵ Jaun₂ la₂ juá'₅ jniá₂ 'ein₂ dsón'₂ i₂ca₂tín'₂ 'nia'₂ jme₁gang'₃; i₂'ei₂ bá₄ jme₁gan'₃ 'nia'₂ jmo₄ i₂'io₅ bí₂, jme₃dsiog₂₃, ton'₂ 'io₂₃ bí₂ 'liog'₃ ja₁'lig'₅₄ ján₃. ⁶ ¿Tsa₁ 'ni₅ dsa₂ 'ñiá₂ i₁tan₅ tei₄ quian'₅₄ tñ₃ ñí₁ guéin₂? La₁ 'i₁jan₂ 'éi₂ tsá₃ dsi₂'én₂ dsí₅ Diú₄. ⁷ Jag₄ 'nia'₂ jaun₂, 'ñio₅ lin₃ guě₄ dsan₂ dsí₅ Diú₄ 'nia'₂, le₂jiog₅ jñi₂ dsei'₂ 'nia'₂, ma₂ñi₅

† 11:44 A₂lin₅₄ chog₅₄ si₂ chi₁ton₅ ján₃: “'nia'₂ të₅juá'₅, 'nia'₂ dsa₂ fariseos ně₃ a₂lě₃jmo'₂ góg'₂ a₂o₁ne₁. * 12:1 lit. “levadura quió'₅ dsa₂ fariseos.” † 12:3 lit. “a₂táun₂ dsa₂ jág₁ tióin₂ guei'₅₄ 'né₅ bá₄ a₂jaun₂.”

bá₄ Diú₄ je₂liá'₂ mi'₂ tí₅. Jaun₂ tsá₃ jmo₂ 'nia'₂ gang'₃, ia₁ 'ñio₅ guě₄ quen'₄ 'nia'₂ lia'₂ con'₂ guě₄ juin₅ i₁tan₅.

Dsa₂ i₂jme₂jnia₅ cui_{in}₂₃ Jesús

(Matt 10:32-33; 12:32; 10:19-20)

⁸ 'Juá'₅ jniá₂, ca₂le₃jín₃ i₂jme₂jnia₅ ja₁con₂ dsa₂ mi₂güig₃ a₂cui_g₂₃ jniá₂, ján₃ bá₄ le₂jaun₂ Jaun₅ dsa₂ mi₂güig₃ 'ag₃ jme₃jniog₂₃ a₂cui_g₂₃ ja₁con₂ ca₂le₃jín₃ ángeles quián₅ Diú₄. ⁹ La₁ jui₁lia'₂ i₂tsá₃ 'ag₅ a₂cui_g₂₃ jniá₂ ja₁con₂ dsa₂ mi₂güig₃, ján₃ bá₄ le₂jaun₂ tsá₃ 'ín₄ jniá₂ a₂cui_{in}₅ ja₁con₂ ángeles quián₅ Diú₄. ¹⁰ Ia₁ jui₁'ein₂ guě₃ i₂'in₅ 'lig'₅₄ Jaun₅ dsa₂ mi₂güig₃, cha₂ bá₄ o₂'én₂ dso₄ quió'₅. La₁ jui₁lia'₂ i₂juá'₂ 'lig'₅₄ 'ín₂₃ Jme₂dsí₂ Jnió₅, tsá₃ ma₃o₂'én₂ dso₄ cha₂. ¹¹ Jë₁ma₂ca₂jnia₃ dsa₂ 'nia'₂ ne₄ dsi₂tan₅₄ quián₅ guá'₅, o₃ jë₁ma₂ca₂jio₃ ne₄ i₂con₂ 'í₁, ne₄ dsa₂ i₂qui₂dsi₅ 'éi'₃ ně₃, tsá₃ jmó'₂ 'nia'₂ 'i₅ 'au'₂ jua'₅₄ tsá₃ ñi'₅₄ 'a₂ lia'₂ ñag'₅₄, 'o₃ 'e₂ juig'₅₄. ¹² Ia₁ 'ñiog₅ bá₄ Jme₂dsí₂ Jnió₅ jme₃tag₂₃ 'e₂ a₂ca₂tín'₂ 'nia'₂ ñag'₅₄, jë₁ma₂ca₂të₂ hora jaun₂.

Go'₂ ně₁'ein₂ ca₂dsia₃ le₁má'₂ 'ñio₅ lín₃ jmo₃ dsí₅ jmá'₃ quió'₅ 'ñiog₅

¹³ Jan₂ dsa₂ i₂jme₁'en₅₄ jë₄ jaun₂ ně₃, ca₂tsí'₃ Jesús:

—Të₅, chei'₅₄ co₂nio₄ dsó₂ ríng'₃ jui₁cuë₁₂ con'₂ a₂ca₂tíng₂ a₂cha₂ quió'₅ 'lag₄ ñe'₃.

¹⁴ Jaun₂ ca₂ñag₃ Jesús:

—'Ne₂ dsa₂, ¿'ein₂ ca₂dsiog₃ jniá₂ a₂líng₅ jan₂ i₂dsi_ó'₅ 'e₂ a₂ca₂tín'₂ 'nia'₂?

¹⁵ Ján₃ bá₄ ca₂juá'₂:

—Të₃ñi'₅₄ 'nia'₂ tsá₃ i₂jmo₂ jua'₅₄ a₂ñí₄ lë₃ 'ín₅ 'au'₂ a₂le₃cha₂ quiáng'₂. Ia₁ on₃jua'₅₄ jmá'₃ a₂ñí₄ cha₂ quió'₅ dsa₂ le₃chain₂.

¹⁶ Jaun₂ ca₂tsí'₃ táng₃ dsa₂ jág₁ jáng'₅ léi₄ la₂:

—Jme₁chan₂ jan₂ dsa₂ i₂jme₁cha₂ cu₄ 'ñio₅ lín₃. 'Lióng₂ lín₃ jme₁rau₂ quió'₅. ¹⁷ Jaun₂ ca₂i₃jio₅ dsí₅: “¿'E₂ bá₄ jmo₅₄ jniá₂ ně₃? Tsá₃ ma₃cha₂ ja₁tó'₄ a₂ca₂rau₂ quió₃.” ¹⁸ Jaun₂ ca₂i₃jio₅ dsí₅: “Le₂la₂ jmo₅₄. Quí'₄ tsi₁'io₅ a₂tióng₂ ně₅, jaun₂ jmo₅₄ a₂ca'₅₄ guě₄. Jaun₂ ja₁jaun₂ tó'₄ trigo, quian'₅₄ ca₂le₃jě₃ guě₄ a₂cha₂ quió₃. ¹⁹ Jaun₂ guě₄ 'náu'₄ dsi₃: 'Lióng₂ ma₂niog₅ le₁má'₂, ma₂len₅ 'lióng₂ ñi₂; ma₂lé₂ jan₅₄, gua₅₄ tei₄, guě'₅₄, gui'₅₄, cuě₄ o₂'ñió₃ o₂jnia₃ dsi₃.” La₁ Diú₄ ně₃ ca₂juá'₂ ca₂tsí'₃ dsa₂ 'éi₂: ²⁰ “¿'E₂ guě₄ con'₅₄ 'ne₂ líng'₅! Jua'₂ a₂uě₂ ně₃ mág₄ jniá₂ 'mú₃ quiáng'₂. Ca₂le₃jě₃ a₂ma₂dsia'₅₄ 'ne₂ rë₂, ¿'ein₂ bá₄ quió'₅ lé₂?” ²¹ Le₂në₅ dsi₂ñi₂ jui₁lia'₂ dsa₂ i₂dsia₅ le₁má'₂ jmá'₃ quió'₅ 'ñiog₅, la₁ të₂tsin'₅₄ lín₃ le₃ja₁con₂ Diú₄.

I₂jmo₅ 'í₁ bá₄ Diú₄ chi'₂-guein₂ quiáin₅

(Mateo 6:25-34)

²² Jme₁ca₂dsan₃ jaun₂, ca₂tsí'₃ táng₃ chi'₂ dsi₂gua₃-tín₂ quiáin₅:

—Juíg₂ jniá₂ 'nia'₂, tsá₃ jmo₂ 'nia'₂ jua'₅₄ a₂ñí₄ dsan₂ 'au'₂ 'e₂ a₂quë'₅₄ të₁lia'₂ chang'₂, on₃ guë'₂ o₄quió'₄ ni₁ñi'₁, jua'₅₄ dsan₂ 'au'₂ 'e₂ qui'₅₄. ²³ Ia₁ jme₂dsí₂ bá₄ a₂quen₅ guě₄ lia'₂ con'₂ guě₄ mág₃. Ján₃ guë'₂ le₂jaun₂ ni₁ñi'₁ bá₄ dsa₂ a₂quen₅ guě₄ lia'₂ con'₂ guě₄ 'mi'₂. ²⁴ Ní₂ de'₂ 'nia'₂ jui₁lia'₂ i₁qui₂lia'₂. Tsá₃ 'e₂ jne₂₃, on₃ guë'₂ 'e₂ cha₂ a₂le₃rau₂ quió'₅, on₃ guë'₂ 'io₅ chí'₅ quió'₅. Diú₄ bá₄ i₂jme₂tau₅₄. iJaun₂ 'ñio₅ lín₃ guě₄ bá₄ quen'₄ 'nia'₂ lia'₂ con'₂ guě₄ i₁tan₅ 'éi₂! ²⁵ ¿I₂'ein₂ 'nia'₂ i₂lé₂ le₃jmo₃ le₃chain₂ guě₄ uë₂,† ne₄ ia₁ a₂ñí₄ lë₃ 'i₅ 'au'₂ 'nia'₂ chang'₂? ²⁶ Chi₂jua'₂ tsá₃ quin'₅₄ 'nia'₂ jmig₄ quian'₅₄ a₂ca₂juig₄ ně₅, ¿'e₂ guë'₂ lë₃ ñí₄ dsan₂ 'au'₂ 'nia'₂ quian'₅₄ a₂siá'₂? ²⁷ Ní₂ de'₂ 'nia'₂ ján₃ 'a₂ lia'₂ qui₂dsi₂cón₃ lí₁. Tsá₃ tsi₁ñi₅ lé₂ tsë'₃, on₃ guë'₂ lé₂ ta₃. Jaun₂ juíg₂ jniá₂ 'nia'₂, ca₂lia'₂ jnia'₅₄ Rag₅₄ Salomón, quian'₅₄ ca₂le₃jě₃ a₂jlá'₁ a₂jme₁cha₂ quió'₅, tsá₃ ca₂rë₃jláin'₁ bá₄ guě₄ jui₁lia'₂ jlá'₁ lí₁. ²⁸ Chi₂jua'₂ le₂në₅ chi'₅ Diú₄ jlá'₁ nau₂ a₂cha₂ 'ñai₁, a₂jnia'₅₄ jniá₂ jlá'₁ ca₂tiá₂ co₂lág₂, ia₁ jui₁la₂ 'ióg₃ dsí'₂ dsa₂, 'ë₂ guě₄ bá₄ 'nia'₂, dsa₂ i₂'én₂ ca₂juig₄, jmo₃ bá₄ Diú₄ 'í₁. ²⁹ Jaun₂ juá'₅ jniá₂, tsá₃ i₁niog'₄ jua'₅₄ a₂ñí₄ dsan₂ 'au'₂ 'e₂ quë'₅₄

† 12:25 o₃, “I₂'ein₂ 'nia'₂ i₂lé₂ le₃jmo₃ a₂dsi₃cóin₃ guě₄ caun₂ lë₂.”

'ag'⁵⁴. Tsá₃ can₂ 'nia'₂ o₂i₁ dsi₅ quian'⁵⁴ a₂jaun₂,³⁰ ia₁ jmá'₃ a₂ně₅ bá₄ a₂ŋí₄ lě₃ 'nio'₃ dsi₂nau₂. Ia₁ i₂ŋi₅ bá₄ Néi'₅ a₂'nió'₅ ca₂le₃jě₃ a₂ně₅ quián'₂ 'nia'₂.³¹ La₁ 'nio'₂ de'₂ jŋiá'₅ 'nia'₂ ja₁goin₂, jaun₂ ca₂le₃jě₃ a₂ně₅ tē₁ja₃lě₂ a₂ma₂ŋag⁵⁴ cuē₃.

A₂quen₅ lĩn₃ a₂cha₂ quió'₅ dsa₂ guei'₅₄ i₂juíg₃
(Mateo 6:19-21)

³² 'Nia'₂ já'₂ cha'₂ quiáng₃, tsá₃ lě₁jmo₂ 'nia'₂ gang'₃, o₁jŋia'⁵⁴ la₂ tsá₃ juĩn'₅ 'nia'₂, la₁ 'ŋio₂ dsi₅ Néi'₅ cuē₃ ja₁goin₂.³³ Nag₄ 'nia'₂ a₂cha₂ quiáng'₂; jme₂'on⁵⁴ i₂te₂ŋé₂. Jŋia'⁵⁴ lia'₂ le₂ně₅ bá₄ dsióg₄, tē₃ron⁵⁴ tē₂'mĩ'₂ a₂tsá₃ ton₅ jmig₄ le₃'áu₂ quián'₂ 'nia'₂; caun₂ a₂quen₅ lĩn₃ 'ó'₄ 'nia'₂ quiáng'₂ guei'₅₄ i₂juíg₃ a₂tsá₃ ton₅ jmig₄ dsiá₃, ja₁tsá₃ líg'₂ jmig₄ dsióg₄ 'ang₂, on₃ guē'₂ i₁tsan'⁵⁴ lě₂ le₃'én₂.³⁴ Ia₁ juĩlia'₂ ja₁rě₂'mú'₄ 'nia'₂ quiáng'₂, ja₁jaun₂ bá₄ 'i₄ 'au'₂.

'Nió'₅ bá₄ a₂chan₂ dsa₂ rě₂jáin₁

³⁵ 'Rě₂ján'₁ 'nia'₂ chang'₂, le₁ling'₄, le₁guĩ'₂ si₂ tsí₅ quiáng'₂.³⁶ Juĩlen'⁵⁴ 'nia'₂ ně₂jag₄ bá₄ dsa₂ i₂chi₁jŋia₅ guan'₂ juig⁵⁴ ŋó₃ ja₁niog₅ jmig₄. Rě₂ján'₁ 'nia'₂ chang'₂, ia₁jaun₂ lě₂ le₃na'⁵⁴ 'nia'₂ dsi₂juĩ₅ jē₁ma₂tě₂ rē₁guáin'₃ quein₃ o₄'né₄.³⁷ 'E₂ guē₄ dsen₃ dsa₂ i₂le₁ne⁵⁴ jē₁ma₂ca₂guán'₃ juig⁵⁴. A₂dsi₂jó'₃ juá'₅ jniá₂, 'ŋiog₅ bá₄ 'éi₂ dsiog₃ ne₄ mesa, ton'₂ qui'₃ 'mĩ'₂ a₂jme₂ti₃ ŋág₃ má₃.³⁸ 'E₂ guē₄ dsen₃ dsa₂ i₂tion'⁵⁴ le₁ne⁵⁴ jē₁ma₂ca₂jō₃ juig⁵⁴ o₁jŋia'⁵⁴ la₂ ca₂guáin'₃ a₂'uē₂ dsi₃nei₅, o₃ ma₂ca₂ŋí₂ dsi₃nei₅ 'e₂.³⁹ La₁ juĩle₂ŋi'⁵⁴ 'nia'₂ a₂la₂ ján₃, jua'⁵⁴ mei'₂ guē₃ ŋi₅ dsa₂ quió'₅ dsi₂néi₂ 'e₂ hora jiá₃ dsa₂ 'ang₂, guá₃ rě₂nei⁵⁴, jmo₂₃ 'í₁, tsá₃ cuē₃ jmig₄ 'í₂ dsa₂ 'éi₂, 'ang₃.⁴⁰ Le₂ně₅ bá₄ 'nia'₂ ján₃, rě₂jáng'₁ chang'₂, ia₁ con'₂ tsá₃ 'ein₂ lĩn₂ bá₄, tē₃tsĩn'⁵⁴ Jaun₅ dsa₂ mi₂güig₃.

Juĩlia'₂ dsa₂ i₂tsá₃ rě₂ti'⁵⁴ ta₁ quió'₅
(Mateo 24:45-51)

⁴¹ Jaun₂ ně₃ ca₂ŋag₃ Pe₄:

—Te₁gui'⁵⁴, ħa₁ně₂chei'⁵⁴ jmá'₃ jnia'⁵⁴ jág₁ jáng'₅ léi₄ ně₅, o₃ a₂ně₂chei'⁵⁴ ca₂le₃jín₃ 'e₂?

⁴² Jaun₂ ca₂juá'₂ Te₁gui'⁵⁴:

—ħi₂'ein₂ 'éi₂, lĩn'₂ 'nia'₂, lĩn₅ dsa₂ dsen₃ i₂rě₂ti'⁵⁴, niog₅ dsi₄, i₂ca₂dsiog₃ juig⁵⁴ nio₃ ne⁵⁴ jmo₃ ta₁ dsi₂néi₂, a₂ag'₃ ŋi'₃ dsa₂ hora ca₂tĩn₂?⁴³ 'E₂ guē₄ dsen₃ dsa₂ i₂niog₅ ne₄, i₂jō₅ juig⁵⁴ jme₂ti₃ bá₄ ta₁ quió'₅, i₁guain'₂.⁴⁴ A₂dsi₂jó'₃ juá'₅ jniá₂, dsiog₃ juig⁵⁴ a₂nio₃ ne⁵⁴ ca₂le₃jě₃ a₂cha₂ quió'₅.⁴⁵ La₁ ně₁jua'₂ lĩn₂ dsa₂ i₂niog₅ ne₄ 'éi₂, le₃'ag₄ bá₄ guan'₂ juig⁵⁴, chi₂jua'₂ ca₂jme₃lióg₃ ca₂jmái'₂ uig⁵⁴ dsa₂ ŋe'₂, dsa₂ mĩ₂ ně₃ i₂jme₂ti₃ ta₁, ton'₂ 'ŋiog₅ guē'₂ ca₂'í₃ guē'₅, 'ín'₂, ca₂rě₃'ein₅ bá₄ 'ŋiog₅,⁴⁶ la₁ con'₂ tsá₃ jáin₅, con'₂ caun₂ hora a₂tsá₃ ŋi₅ bá₄ guan'₂ juig⁵⁴; uig⁵⁴ gau₂ 'ŋio₅ lĩn₃ bá₄ cuē₃ 'éi₂, co₂jaun₂ bá₄ uig⁵⁴ gue₃ con'₂ lě₅ tĩn₃ dsa₂ i₂tsá₃ 'én₂.

⁴⁷ 'Juĩlia'₂ dsa₂ i₂ŋi₅ 'e₂ 'nio₃ juig⁵⁴, la₁ tsá₃ 'e₂ co₂jŋia⁵⁴ jmo₂₃, on₃ guē'₂ jme₂ti₃ a₂juá'₂ 'éi₂, cán₂ uig⁵⁴ dsi₃bain⁵⁴ ca₂lia'₂ ton₅ 'mĩ₅ 'lióng₂ lĩn₃ ni₁ŋi₁₂.⁴⁸ La₁ juĩlia'₂ i₂tsá₃ 'e₂ ca₂rě₃ŋi₅ ton'₂ jmo₅-dsáu₅ cosa a₂ca₂tĩn₂ gue₃ uig⁵⁴, tsá₃ lĩn⁵⁴ 'lióng₂ 'mĩ₅ cán₂. Juĩlia'₂ dsa₂ i₂'lióng₂ tē₂no₄ gu₂ a₂ca₂tĩn₂ jme₃ti₃, ján₃ bá₄ 'lióng₂ a₂mág₃ juig⁵⁴. Já₃ guē'₂ le₂jaun₂ juĩlia'₂ i₂ma₂dsia⁵⁴ dsa₂ 'lióng₂ ne⁵⁴, 'lióng₂ guē₄ a₂chi₃quióng₂ dsa₂ jmig₄ jáng'₃.

Jesús bá₄ 'uĩn₄ a₂lě₂ le₁dson'⁵⁴ dsa₂
(Mateo 10:34-36)

⁴⁹ 'A₂ĩ₃'ing⁵⁴ si₂ mi₂güig₃ la₂ bá₄ jniá₂ guio₃. 'i₂E₂ guē₄ 'ín₅ dsi₃, jua'⁵⁴ ma₂cau₂ bá₄ co₂ŋei'⁵⁴ tē₂ně₃!⁵⁰ La₁ tion⁵⁴ niog₅ tiáng₄ juĩ₅ ja₁dsi₃ŋíg₂ mĩ'⁵⁴ 'ŋio₅ lĩn₃. Jaun₂, 'i₂e₂ guē₄ 'ŋio₅ o₂i₁ dsi₅ chang₂, ca₂lia'₂ ca₂rě₃ti₃ ta₁ a₂guio₃!⁵¹ ħLĩn'₂ 'nia'₂ a₂guio₃ jniá₂ i₃'ei₃ tei₄ mi₂güig₃ la₂? On₃jua'⁵⁴ le₂jaun₂. A₂i₃jmo₃ le₁dson'⁵⁴ dsa₂ bá₄ jniá₂ guio₃.⁵² Ia₁ tē₂le₃ ne₄ juĩ₅ ja₁dsau⁵⁴ ně₅, juĩlia'₂ caun₂ dsi₂néi₂ ja₁lě₂ 'ŋiá₂ dsa₂, lě₂ le₁dson'⁵⁴,⁵³ ún₂ jme₃'ŋiai⁵⁴ on₃; i₂on₃ jme₃'ŋiai⁵⁴ i₂ún₂ táng₃; juĩlia'₂ jmei₂ dsa₂ tóin'₃ mĩ'⁵⁴ quian'⁵⁴ ja₁ŋi'⁵⁴, ja₁ŋi'⁵⁴ guē'₂ 'í₂ mĩ'⁵⁴ quian'⁵⁴ jmei₂;

jui₁lia₂ chog₅₄ tóin₃ mi₅₄ quian₅₄ ja₁míg₄, ja₁míg₄ guē₂ 'í₂ mi₅₄ quian₅₄ chog₅₄. Jui₁lia₂ i₂lín₅ ma₂chog₅₄ dsa₂, tóin₃ mi₅₄ quian₅₄ lo₅₄, jui₁lia₂ mi₂lo₅₄ 'í₂ mi₅₄ quian₅₄ ma₂chog₅₄.

Jui₁lia₂ jme₁cha₂ léi₄ guei₅₄

(Mateo 16:1-4; Marcos 8:11-13)

⁵⁴ Ján₃ bá₄ ca₂tsí₃ dsa₂:

—Jme₁caun₂ 'nia₂ 'í₁ guei₅₄ jme₁tsau₂ jnei₅ le₃ja₁rín₂ 'iog₂, jag₄ 'nia₂, jiá₃ jmí₅, dsón₂ bá₄ le₂jaun₂ lě₂. ⁵⁵ Jaun₂ jme₁ja₂ dsí₂ tē₂le₃ sur, jag₄ 'nia₂ dséi₃ 'iog₂ nē₃. Jaun₂ dsón₂ bá₄ le₂jaun₂ lě₂ ján₃. ⁵⁶ 'Nia₂ dsa₂ i₂jñia₅₄ dse₃ le₁ág₄ o₁ne₁! Ní₅₄ 'nia₂ 'a₂ lia₂ jua₅₄ 'e₂ niog₅ tē₅ ne₅₄ 'nia₂ guei₅₄, quian₅₄ 'e₂ lě₂ ne₄ gua₅₄ 'uē₃. ĸ'A₂ bá₄ lia₂ tsá₃ tñ₂ 'nia₂ caun₅₄ 'í₁ léi₄ a₂ma₂cha₂ rē₂nē₃?

Jme₁jen₂ jág₁ quian₅₄ dsa₂ i₂ 'iog₅₄

(Mateo 5:25-26)

⁵⁷ 'ĸ'E₂ lē₃ tsá₃ cáun₂ 'nia₂ 'í₁ jē₄ quiáng₂ guiong₅₄ a₂dsi₂ten₅₄ jmó₂? ⁵⁸ Jē₁ma₂eng₅₄ jui₅ dsióg₄ ne₄ dsi₂tan₅₄ quian₅₄ dsa₂ i₂'nag₅, jme₁jen₂ 'nia₂ jág₁ le₂'i₄ jui₅ jme₁dsian₅ mi₅₄ a₂chang₂ quiaín₅₄. Ia₁ con₂ tsá₃ ŋó₅ nē₁jua₂ ca₂tsag₂ tē₃ne₄ dsi₂tan₅₄ i₂qui₂dsi₅ 'éi₃. 'Éi₂ nē₃ jáng₃ ne₄ 'lióg₂; 'lióg₂ guē₄ nē₃ to₂ né₃ 'má₃. ⁵⁹ Juá₅ jniá₂, o₁líg₂ tsá₃ o₃ing₂ ja₁jaun₂ ca₂lia₂ ca₂qui₅₄ jē₁ca₂tó₂ ní₁ guéin₂ a₂ring₂.

13

A₂quen₅ lín₃ bá₄ a₂dsi₂quén₅ dsí₅ dsa₂

¹ Jmíg₄ jaun₂ i₂lín₅₄ dsa₂ i₂jme₁tion₅₄ guē₄ ca₂dsia₃ ca₂tsí₃ Jesús 'a₂ lia₂ ca₂jme₃dsian₅ Pilato i₂lín₅₄ dsa₂ chan₂ Galilea. Ca₂cóin₂ jmí₄ dsa₂ 'éi₂ quian₅₄ jmí₄ já₂ i₂ca₂jme₃dsian₅ dsa₂ i₂jéin₂ ne₄ Diú₄.

² Jaun₂ ca₂juá₂ Jesús nē₃:

—ĸ'Lín₂ 'nia₂ nē₃, dsa₂ chan₂ Galilea 'éi₂ ca₂i₃ñi₂ le₂jaun₂ ia₁ 'lióng₂ guē₄ dso₄ jme₁le₁cáin₄ lia₂ con₂ guē₄ dsa₂ go₅₄? ³ Juá₅ jniá₂, on₃jua₅₄ le₂jaun₂; ia₁ le₂nē₅ bá₄ 'nia₂ ján₃, nē₁jua₂ tsá₃ ca₂dsi₃quén₅ 'au₂, dsiáng₃ ján₃. ⁴ ĸOn₃ bá₄ lín₂ 'nia₂, 'ñio₅ lín₃ guē₄ jme₁le₁cán₄ dso₄ dsa₂ i₂guia₃-jniá₂ i₂ca₂dsan₃ 'éi₂, lia₂ con₂ ca₂qui₃ ni₁'ia₂ ñei₅ ja₁chei₂ Siloé, lia₂ con₂ guē₄ ca₂le₃jín₃ i₂tián₅ Jerusalén? ⁵ Juá₅ jniá₂, on₃jua₅₄ le₂jaun₂; ia₁ ján₃ bá₄ le₂nē₅ 'nia₂, nē₁jua₂ tsá₃ ca₂dsi₃quén₅ 'au₂, dsiáng₃ bá₄ ján₃.

Jág₁ jáng₅ léi₄ quió₅ ni₁'ma₂ higuera a₂tsá₃ mīg₂ 'ag₅

⁶ Jaun₂ ca₂juá₂ táng₃ Jesús jág₁ jáng₅ léi₄ la₂:

—Jan₂ dsa₂ jme₁jnia₄ caun₂ 'ma₂ a₂'ag₅ mīg₂ higo ja₁nau₂ quió₅, jaun₂ ca₂i₁jag₅₄ chi₂jua₂ ma₂le₁'ág₄ mīg₂. Tsá₃ mīg₂ cha₂ guē₂ nē₃, jme₁dsióg₃. ⁷ Jaun₂ ca₂tsí₃ dsa₂ i₂jmo₅ 'í₁ ja₁nau₂ jaun₂: “Ma₂'ni₅ ñi₂ guio₂₃ i₂jág₃ ni₁'ma₂ nē₅ chi₂jua₂ le₁'ág₄ mīg₂, la₁ caun₂ tsá₃ mīg₂ cha₂ bá₄ lia₂ co₂ráun₂ guio₅₄. Qui₅₄ co₂ñei₅₄. Tsá₃ ta₁ jmo₃ jñia₅₄ jme₂dsiá₃ 'o₅₄ 'uē₃ bá₄.” ⁸ La₁ dsa₂ i₂jmo₅ 'í₁ ja₁nau₂ 'éi₂ nē₃ ca₂ñag₃: “Te₁gui₅₄, cuē₄ jmíg₄ o₁dsi₅₄ guē₄ caun₂ ñi₂ la₂; jmo₅₄ dse₃ le₃lág₃, tó₄ 'míg₄ já₂ nē₃, ⁹ o₁ne₄ chi₂jua₂ 'ag₃ mīg₂ ñi₂ caun₂. Nē₁jua₂ tsá₃ 'e₂ mīg₂ cha₂ i₁jáun₃, jaun₂ guē₄ uín₂.”

Ca₂jme₃'lión₂ Jesús jan₂ 'io₅₄ i₂jme₁quin₅₄ mi₂ca₅₄ caun₂ jmíg₄ sa₅₄

¹⁰ Caun₂ sa₅₄, jme₁'en₅₄ Jesús jme₂tñi₂₃ dsa₂ dsi₂néi₂ guá₅ sinagoga.

¹¹ Ja₁jaun₂ jme₁'en₅₄ jan₂ 'io₅₄ i₂ma₂guia₃-jniá₂ ñi₂ dso₅₄. Ca₂jmóg₂ jme₂dsi₂ 'lín₅₄ rē₂guen₂ mi₂ca₅₄, jme₁ñi₂₃ tsá₃ lé₂ néi₃ rē₂.

¹² Jme₁ca₂jág₂ Jesús, jaun₂ ca₂tē₃, jaun₂ ca₂juá₂:

—'Io₅₄, ma₂ca₂'lóng₂ bá₄ dso₄ a₂jme₁lín₄.

¹³ Jaun₂ ca₂téi₂ gu₂. Dsi₂jui₅ le₂jaun₂ bá₄ ca₂néi₃ mi₂ca₅₄ 'io₅₄, jaun₂ ca₂jme₃juin₂ Diú₄.

¹⁴ La₁ dsa₂ i₂nio₅ ne₄ guá'₅ sinagoga, ca₂rē₃'néi₃ quian'₅₄ Jesús ia₁ ca₂jme₃'lióin₂ dsa₂ 'éi₂ tē₃ jmi₄g₄ sa₅₄. Jaun₂ ca₂tsí'₃ dsa₂ i₂tion'₅₄:

—Jnéi₂ jmi₄g₄ bá₄ ca₂tín₂ dsa₂ jmo₃ ta₁; jui₁ja₂lén₂ 'ein₂ 'nio₃ 'lión₂ jē₄ semana, on₃jua'₅₄ rē'₂ jme₁sa₅₄.

¹⁵ Jaun₂ ca₂ηag₃ Te₁gui'₅₄ ca₂tsí'₃ 'éi₂:

—i'Nia'₂ dsa₂ i₂jnia'₅₄ dse₃ le₁ág₄ o₁ne₁! ¿Tsa₁ 'ein₂ 'nia'₂ chén'₂ ca₁jui₅ o₃ bú'₄ quián₅ jua'₅₄ tsá₃ dsi₃jio₃ dsi₃'ein'₅₄ jmi₂g₂ o₁jnia'₅₄ lē₅ sa₅₄? ¹⁶ Ia₁ dsa₂ mī₂ la₂, i₂lín₅ jan₂ tsi₁jon₂ Abraham; i₂sē₃dsen₃ jme₁ma₂'nei'₂ ma₂guia₃-jniá₂ ηi₂. Jaun₂ ně₃, ¿tsa₁ ca₂tín₂ chein'₂ ján₃ jnia'₅₄ tē₃ jmi₄g₄ sa₅₄?

¹⁷ Jme₁ca₂juá'₂ Jesús le₂nē₅, ca₂rē₃gui'₅₄ bá₄, ca₂le₃jín₃ con'₂ dsa₂ i₂'iog₅₄. La₁ 'io'₂ jén'₅ tē₅ dsí₅ bá₄ dsa₂ i₂tion'₅₄, ca₂le₃jē₃ a₂jlá'₁ jmo₅ 'éi₂.

Jág₁ jáng'₅ léi₄ jui₁lia'₂ mīg₂ jon₂ quió'₅ ni₁'ma₂ mostaza
(Mateo 13:31-32; Marcos 4:30-32)

¹⁸ Ca₂juá'₂ ně₃:

—¿'A₂ lia'₂ le₃juá'₄ lē₅ ja₁gon₂ Diú₄? ¿'E₂ quian'₅₄ lé₂ le₃quíng₄? ¹⁹ Lē₅ jui₁lia'₂ mīg₂ jon₂ ni₁'ma₂ mostaza* a₂ca₂jne₃ jan₂ dsa₂ ja₁nau₂ quió'₅. Jaun₂ ca₂i₃cón₃ ca₂dsióg₃ ca₂lē₃ caun₂ ni₁'ma₂ pa₁; i₁tan₅ ně₃ ca₂tó'₂ tsag₅₄ gu₂ nei'₅₄ jaun₂.

Jág₁ jáng'₅ léi₄ jui₁lia'₂ 'a₂ lia'₂ ron'₂ i₁ηí'₄
(Mateo 13:33)

²⁰ Ca₂juá'₂ Jesús le₂la₂ ján₃:

—¿'E₂ quian'₅₄ lé₂ le₃quíng₄ lē₅ ja₁gon₂ Diú₄? ²¹ Lē₅ jui₁lia'₂ lē₅ levadura a₂co₂gūin'₂ jan₂ 'io₅₄ jē₄ 'ni₅ tio'₅₄ 'ma₂† ti₁can₁ i₁ηí'₄. Quian'₅₄ co₁séin'₄ levadura bá₄ guion'₂ ca₂le₃jē₃ ti₁can₁.

Jág₁ jáng'₅ léi₄ quió'₅ o₄'né₄ dsag₂
(Mateo 7:13-14, 21—23)

²² Lia'₂ con'₂ ma₂'ein₅₄ jui₅ a₂dsióg₄ Jerusalén, qui₂ca₂i₁jme₁tiin₂₃ guē₄ dsa₂ le₂tan₅₄ jui₂g₂ te₁'i₁ ja₁ca₂ηi₅.

²³ Jaun₂ ca₂ηag₃ jan₂ dsa₂:

—Te₁gui'₅₄, ¿me'₂ bá₄ dsa₂ i₂tín₅?

Jaun₂ ca₂ηag₃:

²⁴ —Quen'₂ 'nia'₂ bí₂ tióng'₂ jui₅ o₄'né₄ dsag₂; ia₁ juá'₅ jniá₂, juin₅ i₂'nio₃ tón'₃, la₁ tsá₃ le₃qui'₅₄ jmi₄g₄. ²⁵ Ia₁ con'₂ tsá₃ ηós jē₁ma₂tē₂ rē₁náu₃ jui₅g₅₄ dsi₂néi₂, jnéi₃ o₄'né₄, 'nia'₂ ně₃ i₂tē₃tsing'₅₄ le₃ca₁'né₄, jme₁lióg'₄ to'₅₄ mī'₅₄ tē'₄: “iTe₁gui'₅₄! Nia₄ o₄'né₄, tió'₄ jnia'₅₄.” ‘Éi₂ ně₃ ηag₃: “Tsá₃ cuín₅ jniá₂ 'nia'₂; tsá₃ guion₅₄ a₂já'₄ ja₂nó'₅ 'nia'₂.” ²⁶ Jaun₂ guē₄ jme₁lióg'₄ 'nia'₂ jua'₅₄: “Jnia'₅₄ bá₄ la₂ i₂ma₂que₅₄ ma₂'ne'₅₄ co₂lē₅ quian'₅₄ 'ne₂; jua'₂ 'ne₂ bá₄ guē'₂ ca₂jme₁tag'₂ jnia'₅₄ jin₄ juin₅ dsa₂.” ²⁷ Jaun₂ dsa₂ jui₅g₅₄ dsi₂néi₂ ně₃, ηag₃: “Ma₂nē₂juá'₃ jniá₂ tsá₃ guion₅₄ i₂'ein₂ 'nia'₂. Cau₅ jnia'₃ 'nia'₂ ca₂le₃jíng'₃ i₂jmo₅ dsó'₅ a₂'lig'₅₄.” ²⁸ Ja₁jaun₂ qui₂o₁'o'₄ o₁quíng'₃ 'nia'₂ jan'₅₄, jē₁ma₂tē₂ rē₁jíng'₅₄ Abraham, Isaac, Jacob, quian'₅₄ ca₂le₃jín₃ guē₄ dsa₂ i₂jme₁'ē₂ jág₁ quián₅ Diú₄, tío₁in₅₄ ja₁gon₂ Diú₄, la₁ 'nia'₂ guē'₂ ně₃, dsi₃gang'₅₄ uíng₂. ²⁹ Ia₁ qui₂ja₃len₅ i₂chan₂ ca₂taun₂ ca₂taun₂ mi₂güíng₃ ja₃tiain'₂ guē'₃ co₂dsia₅ ja₁gon₂ Diú₄. ³⁰ La₁ lé₂, chan₂ i₂lín₅₄ i₂tió₁n₂ le₃jē₁ca₂tó'₂, tē₃tsiin'₅₄ le₃ne₄ jui₅; i₂tió₁n₂ le₃ne₄ jui₅ rē₂nē₃ guē'₂ ně₃, tē₃tsiin'₅₄ le₃jē₁ca₂tó'₂.

Ca₂'o₃ Jesús o₄quió'₄ dsa₂ jui₂g₂ Jerusalén
(Mateo 23:37-39)

³¹ Hora jaun₂ dé₄ dsi₃lén₂ i₂lín₅₄ dsa₂ fariseos, ca₂juá'₂:

* **13:19** mostaza: On₃jua'₅₄ mi₁jáng'₅ a₂cuí'₅ dsa₂ go₄ jniog₄; caun₂ ni₁'ma₂ dsón'₂ bá₄ jaun₂ a₂chei₂ Brassica nigra.

† **13:21** griego: sata, (caun₂ tio'₅₄ 'éi'₃ 'ma₂ jaun₂ 'éi₄ con'₂ 22 litros.)

—Co₂nei⁵⁴ dse₃ jú₅ ja₁lá₃, quian₂ jui₅ quiáng², ia₁ 'nio₃ Herodes jnag³.

³² Jaun₂ ca₂ηag₃ táng₃ Jesús:

—O₂nó⁵ 'nia², o₂chei⁵⁴ dsi₂ma₂jág^{2†} 'éi₂: “Ní₂, la₂ bá₄ 'ú₄, nē₃, 'ióg₃ nē₃; nē₃ bá₄ guě₄ 'uīng⁵⁴ jme₂dsí₂ je₂na⁵⁴ quió⁵ dsa₂, nē₃ guě₄ qui₂jme₁'liong⁵⁴ dsa₂. 'Tóg₃ caun₂ guě₄ 'nia₅ quió₃.” ³³ A₂caun₂ jmo⁵⁴ bá₄ jniá₂ ta₁ a₂ca₂tíng₂ jmo⁵⁴ tē₁lia² chang₂, ia₁ tsá₃ lé₂ le₃jón₂ jan₂ dsa₂ i₂ě₂ jág₁ quián₅ Diú₄ uīng₂ ja₁lě₄ juīg₂ Jerusalén. ³⁴ i²'Nia² dsa₂ juīg₂ Jerusalén! i²'Nia² dsa₂ juīg₂ Jerusalén, 'nia² i₂jme₂dsiáng¹ dsa₂ i₂ě₂ jág₁ quián₅ Diú₄, 'nia² i₂qui₂jnag⁵⁴ cang₄ dsa₂ i₂chen₅ Diú₄ jin⁴ 'nia²! i²'Lióng₂ ráun₂ jme₁ín₅ dsi₃ jme₁chi₁liang² chi²-guein₂ juīg₂ la₂ quiáng², jui₁lia² jmo₅ i₁tsín³ a₂chi₂lain² guein₂ quián₅ to² né³ tsi₁rě₂cu₅, la₁ guion⁵⁴ 'nia² tsá₃ ca₂gue⁵⁴! ³⁵ Ní₂ nē₃, tē₃tsi⁵⁴ chi₁güí² dsi₂néi₂ quiáng², Juá⁵ jniá₂, o₁líg² tsá₃ ma₃jag⁵⁴ jniá₂, ca₂lia² ca₂tě₂ jmig₄ ja₁jua⁵⁴ 'nia²: “Jui₁le₂jhió₃ i₂nē₅ i₂já₅ o₄quió⁴ Te₁gui⁵⁴.”

14

Ca₂jme₃'lión₂ Jesús jan₂ dsa₂ i₂jme₁guion₂

¹ Co₂ráun₂ guě² ca₂lě₃ táng₃ caun₂ jmig₄ sa⁵⁴ a₂ca₂ηó₃ Jesús i₃guě³ ja₁quió⁴ jan₂ dsa₂ dsen⁵⁴ quián₅ dsa₂ fariseos; i₂lin⁵⁴ guě² dsa₂ fariseos sián² a₂jñia⁵⁴ tiog₂₃ bá₄ tioin⁵⁴.

² Ja₁jaun₂ jme₁en⁵⁴ jan₂ dsa₂ dso⁵⁴ i₂guion₂.

³ Jaun₂ ca₂ηag₃ Jesús ca₂tsí³ tē₅juá⁵ quian⁵⁴ dsa₂ fariseos, ca₂juá²:

—i²'I₄ 'éi³, o₃ tsá₃ 'i₄ 'éi³ jme₃'lión₂ dsa₂ dsa₂ dso⁵⁴ jme₁jmig₄ sa⁵⁴?

⁴ La₁ tei₄ bá₄ i₃lén₂, tsá₃ 'e₂ ηi₅ ηag₃. Jaun₂ ca₂jñai³ dsa₂ dso⁵⁴, ca₂jme₃'lió₂. Jaun₂ ca₂dsióg² quió⁵.

⁵ Jaun₂ ca₂juá² ca₂tsí³ 'éi₂:

—i₂'ein₂ 'nia², tsá₃ dsi₃dsen₅ dsi₂jui₅ chi² quián₅,* o₃ jan₂ ca₁jui₅ 'e₂ nē₁jua² ca₂táin² né³ táu₃ jñia⁵⁴ tē₃ jmig₄ sa⁵⁴?

⁶ La₁ tsá₃ ca₂tió³ ηag₃ jág₁ nē₅.

Tsá₃ dsióg₅ jua⁵⁴ quió³ dsa₂ 'ma₂si₅₄ ja₁dsen⁵⁴ guě₄

⁷ Jme₁ca₂tě₂ ne₄ Jesús 'a₂ lia² quió⁵ dsa₂ i₂té₄ jmá³ lia² ja₁dsen⁵⁴ guě₄ ja₁tiaín², jaun₂ ca₂cuě₃ jág₁ a₂jáng⁵ léi₄ la₂:

⁸ —Nē₁jua² 'ein₂ tē₂ ja₁niog₅ jmig₄ jen² gu₂ dsa₂, tsá₃ ne⁵⁴ jui₁lia² ja₁dsen⁵⁴, ia₁ con² tsá₃ ηó₅ nē₁jua² ca₂dsióg₃ jan₂ i₂dsen⁵⁴ guě₄ lia² 'ne₂. ⁹ Ia₁ i²'e₂ bá₄ lé₂ nē₁jua² dsa₂ i₂nē₂té₂ le₂on³ 'nia² juá²: “I₂la₂ cuě⁵⁴ ja₁ñéi²”? Jaun₂ tē₃ ma₂gueng⁵⁴ bá₄ gog⁵⁴ o₁né² tē₂ jē₁ca₂tó². ¹⁰ La₁ juá⁵ jniá₂, chi₂jua² líg² nē₁'ein₂ ca₂tě₃, tē₂le₃ jē₁ca₂tó² bá₄ ne⁵⁴, ia₁jaun₂ dsa₂ i₂nē₂té₂ lé₂ le₃juá²: “A₂mei⁵⁴ quiáng₃, ja₁dsen⁵⁴ guě₄ la₂ i₂né₂.” Jaun₂ le₂nē₅ bá₄ jme₃juag² dsa₂ i₂quě² quiang⁵⁴. ¹¹ Ia₁ jui₁lia² dsa₂ i₂jme₂can⁵⁴ guion⁵⁴, sióin₃ tē₂le₃ jē₁ca₂tó²; dsa₂ i₂jmo₅ me² guě² nē₃, roin² guei⁵⁴.

¹² Jaun₂ ca₂tsí³ ján₃, dsa₂ i₂ca₂tě₃ 'éi₂:

—Jē₂ma₂tě₂ rē₁ 'niog² jmó² caun₂ má₃ a₂ηig⁵⁴ dsa₂, tsá₃ tē⁵⁴ jui₁lia² dsa₂ a₂mei⁵⁴ quiáng², on₃ guě² jui₁lia² i₂lín₅ o₁ríng², on₃ guě² jui₁lia² i₂cha₂ cu₄ tián⁵ cau₅ quiáng² nē₃. Ia₁ con² tsá₃ ηó₅, dsa₂ le₂'éi₂, lé₂ le₃tě₂, a₂jéin³ táng₃ quiáng². ¹³ Jaun₂ nē₃, nē₁jua² 'niog² jmó² caun₂ jmig₄, te² jmá³ lia² dsa₂ te₂ηé₂, dsa₂ 'lian², dsa₂ ten₄, dsa₂ guian⁵⁴ nē₃. ¹⁴ Jaun₂ le₂nē₅ bá₄ le₃chang² dse₃. Ia₁ dsa₂ 'éi₂ nē₃, tsá₃ qui⁵⁴ jmig₄ le₃jéin³ quiáng², la₁ i₁jáun₃ bá₄ tíng⁴ quiáng², i₁jen⁵⁴ ca₂le₃jín₃ dsa₂ dsen₃.

Jág₁, jáng⁵ léi₄ jui₁lia² dsa₂ i₂té₄ ja₁niog₅ jmig₄

(Mateo 22:1-10)

¹⁵ Jan₂ dsa₂ i₂jme₁guá₄ cau₅ i₂ca₂nág₂ jág₁ nē₅, ca₂tsí³ Jesús:

† 13:32 lit. “dsi₂güi⁵”, co₂'nió⁴ le₃jua⁵⁴, dsa₂ i₂'io₅ mai⁵⁴. * 14:5 Cha₂ a₂lin⁵⁴ chog⁵⁴ si₂ a₂juá²: “dsi₃dsen₅ bú⁴ quián₅.”

—'E₂ guě₄ dsen₃ i₂tian₃ guě₃† ja₁gon₂ Diú₄.

¹⁶ Jaun₂ ca₂juá'₂ Jesús:

—Jme₁chan₂ jan₂ dsa₂ i₂ca₂cuě₃ caun₂ má₃ pa₁, jaun₂ ca₂tě'₃ juin₅ dsa₂. ¹⁷ Jme₁ca₂tě'₂ hora a₂nio₃ jmig₄ ně₃, ca₂chein₃ dsa₂ i₂jme₂ti₃ ta₁ ne₅₄, i₁chi₄ dsa₂ i₂ma₂lě₅ jág₁ dsi₁lén₂: “I₂nó'₅ 'nia'₂, ia₁ ma₂lě₅ co₂jñia₅₄ ca₂le₃jě₃.” ¹⁸ La₁ ca₂le₃jín₃ bá₄ ca₂juá'₂ tsá₃ jñin₅₄. I₂le₂'uig₅₄ ca₂ñag₃: “Caun₂ 'uě₃ lia'₂ ně₂lá₂; ja₁jaun₂ nei₅₄ i₁jág₃. 'Én₃ dso₄ quió₃ tsá₃ lé₂ nei₅₄.” ¹⁹ I₂sián'₂ guě'₂ táng₃ ca₂juá'₂: “Níá₂ dsán'₃ ca₁jui₅ i₂quia'₂ 'uě₃ i₂tě₂ca₂láng₂, i₂'éi₂ nei₅₄ i₁quió₃ 'í₁ chi₂jua'₂ ma₂téin₅ jmo₃ ta₁. 'Én₃ dso₄ quió₃ tsá₃ lé₂ nei₅₄.” ²⁰ I₂sián'₂ guě'₂ ca₂juá'₂ táng₃: “Gu₃ lia'₂ ně₂jeng'₅₄; jaun₂ lě₃, tsá₃ lé₂ nei₅₄.” ²¹ Jaun₂ jme₁dsián'₃ mozo 'éi₂ ca₂jmo₃g'₃ jág₁ ne₄ juig₅₄, jaun₂ ca₂rě₃'né₃ bá₄ juig₅₄. Jaun₂ ca₂juá'₂ tsí'₅ táng₃ mozo 'éi₂: “Co₂chi'₅₄ o₂ñi₄ jě₄ calles, le₂tan₅₄ ja₁le₁ñi'₂ dsa₂ juin₅ jě₄ juig₂, qui₂o₂quian₅ dsa₂ te₂ñé₂, dsa₂ 'lian'₂, i₂guian'₅₄, i₂ten₄ ně₃.” ²² Jme₁co₂lág₂ jaun₂, ca₂juá'₂ dsa₂ mozo 'éi₂: “Gui'₅₄, ma₂ně₂jmo₃ con'₂ lě₅ ně₂jua'₅₄. Jo₂ bá₄ guě₄ dsi₂néi₂.” ²³ Jaun₂ ca₂juá'₂ táng₃ juig₅₄: “Gua₂ táng₃ jě₄ calles le₂tan₅₄ ja₁lě₄ o₄jui₅, o₂quian₅ tion₅₄ dsa₂ i₂jeng'₂, jaun₂ can'₂ dsi₂néi₂ quió₃. ²⁴ Ia₁ le₂ně₅ bá₄ juá'₅ jniá₂, 'i₁jan₂ i₂jme₁lě₄ jág₁ ca₂tě₃ le₂'uig₅₄ 'éi₂, tsá₃ quein'₃ jě₄ jmig₄ quió₃.”

'Nio₅ bá₄ 'ua'₂ ta₁ a₂jme₃quian'₅₄ dsa₂ Te₁gui'₅₄

(Mateo 10:37-38)

²⁵ Juin₅ lin₃ dsa₂ i₂jme₁ma₂quian'₅₄ Jesús. Jaun₂ ca₂jéin'₃ ca₂juá'₂:

²⁶ —Chi₂jua'₂ 'ein₂ 'ei₅ dsí₅ jme₃quiong'₅₄ jniá₂, ně₁jua'₂ tsá₃ ca₂tén'₃ dsí₅ téin₂ jmei₂, chog₅₄, dsa₂ mí₂ quiáin₅, chi'₂-guein₂ quiáin₅, ca₂le₃jín₃ guě₄ o₁rñin'₅₄ ně₃; ně₁jua'₂ tsá₃ ca₂tén'₃ dsí₅ le₂jio₅ jme₂dsí₂ quió'₅ ně₃, tsá₃ lé₂ le₃léin₂ dsa₂ quiáng₃. ²⁷ Jua'₅₄ 'ein₂ tsá₃ ca₂tén'₃ dsí₅ gue₃ 'mú₃,† jiá₃ chi₁co'₅₄ quió'₅, tsá₃ lé₂ le₃léin₂ dsa₂ quiáng₃. ²⁸ Jua'₅₄ mei'₂ guě₃ chan₂ jan'₂ 'nia'₂ i₂'nio₃ chi'₃ caun₂ ni₁ 'ia'₂ ñei₅, ¿on₁ jniá₅ de'₂ con₂ 'í₁ chi₂jua'₂ ma₂len₅ cu₄ quió'₅ ca₂lia'₂ a₂'i₁o'₄ a₂jaun₂? ²⁹ Ia₁ ně₁jua'₂ tsá₃ le₂jaun₂, jme₃lióg₃ 'uig₅₄ 'ia'₂, tsá₃ tió'₅ guě'₂ jme₃'i₁o'₃, ca₂le₃jín₃ dsa₂ i₂jág₃ a₂jaun₂, a₂lě₅co₂jmo₃g'₂ co₃ñág₂ bá₄. ³⁰ Dsia₃: “Dsa₂ ně₅ con'₂ jñia'₅₄ ca₂jme₃lióg₃ 'uig₅₄, la₁ tsá₃ guě'₂ qui'₅₄ jmig₄ jme₃'i₁o'₃.” ³¹ O₃ jui₁lia'₂ jan₂ rag₅₄ guě'₂, i₂jmo₃ 'nei₂ quian'₅₄ jan₂ rag₅₄ sián'₂, ¿tsa₁ jniá₅ de'₂ guá₃ con₂ 'í₁ chi₂jua'₂ tió'₅ quian'₅₄ guian₃ mei₅ 'lióg₂ quiáin₅, dsí₃quín'₂ quian'₅₄ guió₂ mei₅? ³² Chi₂jua'₂ ma₂lí'₄, tsá₃ tió'₅ ně₃, tē₁lia'₂ uíng₂ guě₄ já₅ rag₅₄ jan₂, chein₃ dsa₂ i₂quian₅ jág₁ a₂mi₂₃ dsian₅ co₂ñei'₅₄ mi'₅₄. ³³ Le₂ně₅ bá₄ chi₂'ein₂ 'nia'₂ i₂tsá₃ ca₂tén'₃ dsí₅ tí₂ ca₂le₃jě₃ a₂cha₂ quió'₅, tsá₃ lé₂ le₃léin₂ dsa₂ quiáng₃.

Jág₁ jáng'₅ léi₄ jui₁lia'₂ 'a₂ lia'₂ lě₅ tsi₁ñi₁

(Mateo 5:13; Marcos 9:50)

³⁴ (Jui₁lia'₂ dsa₂ i₂quian'₅₄ jniá₂ lín₅ jui₁lia'₂ lě₅ tsi₁ñi₁.) A₂dse₃ bá₄ tsi₁ñi₁ tē₁lia'₂ ñi'₅₄. La₁ ně₁jua'₂ ca₂'en₃ ñi'₅₄ ně₃, ¿'a₂ bá₄ lia'₂ lé₂ le₃lei₂ táng₃? ³⁵ Tsá₃ ma₃'e₂ ta₁ tí₄, on₃ guě'₂ lé₂ le₃lé₂ gua'₅₄, on₃ guě'₂ ma₂tí₅ ta₁ jua'₅₄ a₂le₃lé₂ ca₂bě'₅₄ 'o'₅₄. Jñia'₅₄ lia'₂ a₂dsi₃ga'₅₄ uíng₂ bá₄. I₂dsi₅₄ gua₄, rě₂ jui₁nei₅₄.

15

Jág₁ jáng'₅ léi₄ jui₁lia'₂ jan₂ já'₂ cha'₂ i₂ca₂i₃cón'₅

(Mateo 18:10-14)

¹ Ca₂le₃jín₃ dsa₂ i₂cán₂ 'lia'₅₄ quián₅ dsi₂tan₅₄, quian'₅₄ guě₄ dsa₂ i₂le₁cán'₄ dso₄ sián'₂, ca₂o₃léin₂ ja₁'en₅₄ Jesús, a₂o₃néi₃.

² 'Uig₅₄ jaun₂, dsa₂ fariseos quian'₅₄ tē₅juá'₅ ca₂chi₂ca₂'iin₃ Jesús. Ca₂juá'₂:

—Dsa₂ ně₅ qui₂guein₂₃ bá₄ dsa₂ i₂le₁cán'₄ dso₄, guě'₅ co₂lě₅ quiong'₅₄.

³ Jaun₂ lě₃ ca₂juá'₂ Jesús jág₁ jáng'₅ léi₄ la₂:

† 14:15 lit. “guě'₃ i₁ñi'₄.” ‡ 14:27 lit. “tsá₃ cán₂ cróg₄ quió'₅.”

4 — ζ ₁₂'ein₂ 'nia'₂, jui₁lia'₂ i₂'nio₅ caun₂ 'niá₂-lón₂ já'₂ cha'₂, nē₁jua'₂ ca₂i₃cón'₅ jan₂, tsa₁ ja₁co₂'nio₅ jaun₂ toin'₂ i₂quén'₂ ne₂guión₂ rē₂dsí₂ guia₃-né₂ (99) con'₂ i₂te₂, dsó₃ táng₃ dsi₂jui₅, dsi₂'niai'₂ i₂jan₂ i₂i₃cón'₅ 'éi₂, 'nau'₂ ca₂lia'₂ ca₂dsáu'₂? 5 Jē₁ma₂ca₂dsáu'₂ nē₃, tē₂ jui₅ co₁dsi₁₂, jóin'₅ táng₃ 'io'₂ jén'₅. 6 Jē₁ma₂dsiáin'₃ dsi₂néi₂ nē₃, níi'₂ ca₂le₃jín₃ a₂mei₅₄ quiáin₅, quian'₅₄ guē₄ dsa₂ i₂tián'₅ cau₅ quió'₅. Jaun₂ juá'₂: “Nē₃ o₁tió'₄, jmó₁ 'io'₂ quian'₅₄ jniá₂, ia₁ dsán'₅ bá₄ já'₂ cha'₂ i₂jme₁ma₂i₂cón'₅ quiáng₃.” 7 Juá'₅ jniá₂, 'nio₅ lín₃ guē₄ bá₄ cha₂ o₂'nio₃ dsi₅ guei'₅₄ i₂juíg₃ o₄quió'₄ jan₂ dsa₂ i₂rē₂cán'₄ dso₄, i₂dsi₂quén'₅ dsi₅, lia'₂ con'₂ guē₄ o₄quió'₄ i₂quén'₂ ne₂guión₂ rē₂dsí₂ guia₃-né₂ (99) dsa₂ “dsen₃” i₂tsá₃ 'e₂ 'nió'₅ jme₃tsín₃ dsi₅.

Jág₁, jáng'₅ léi₄ jui₁lia'₂ caun₂ cu₄ 'ua'₂ a₂i₃có'₅

8 'O₃ jui₁lia'₂ jan₂ dsa₂ mí₂ i₂'io₅ guia₃ cu₄ 'ua'₂,* nē₁jua'₂ ca₂i₃có'₅ caun₂, ζ tsa₁ téi₂ si₂, 'iá'₂ dse₃ lín₃ dsi₂néi₂, 'no'₂ ca₂lia'₂ ca₂dsó'₂? 9 Jē₁ma₂ca₂dsó'₂ nē₃, jmo₂₃ 'io'₂, níi'₂ 'io₅₄ a₂mei₅₄ quiáin₅, i₂tián'₅ cau₅ quió'₅ nē₃, jaun₂ juá'₂: “Nē₃ o₁jmó₁ 'io'₂ quian'₅₄ jniá₂, ia₁ dsó'₅ bá₄ cu₄ a₂jme₁ma₂i₂ág₃ quió'₃.” 10 Jaun₂ le₂nē₅ bá₄ juíg₂ jniá₂ 'nia'₂, chan₂ o₂'nio₃ o₂jnia₃ dsi₅ ángeles quián₅ Diú₄ o₄quió'₄ jan₂ dsa₂ i₂rē₂cán'₄ dso₄, i₂ma₂ca₂dsi₃quén'₅ dsi₅.

Jág₁, jáng'₅ léi₄ jui₁lia'₂ jan₂ dsó₂ i₂ca₂dsián'₃ táng₃ quió'₅ jmei₂

11 Ca₂juá'₂ Jesús ján₃:

—Jan₂ dsa₂ jme₁chan₂ on₃ ja₁ni'₅₄. 12 I₂lín₅ i₂me'₂ guē₄ ca₂tsí'₃ jmei₂: “Tia₅₄, cuē₄ ca₂dsio₄ cu₄ quiáng'₂ con'₂ ca₂tíng₂.” Jaun₂ jmei₂ nē₃ ca₂dsi₃ 'e₂ a₂cha₂ quió'₅, jma₃quén₅ ca₂cuē'₃ chí'₂ quiáin₅ con'₂ ca₂tiín₂. 13 Mei'₂ bá₄ cang₂ jaun₂, dsó₂ i₂me'₂ guē₄ qui₂ca₂'nag₃ a₂jme₁ma₂lē₅ quió'₅. Quian'₅₄ cu₄ jaun₂ ca₂'í₃ jui₅ i₁ni₂ uíng₂ caun₂ 'uē₃ siá'₂. Ja₁jaun₂ ca₂i₁'éin₄ jē₂ cu₄ quió'₅, tsá₃ 'en₅₄ dsi₅ ca₂rē₃cháin₃. 14 Jme₁ma₂dsó'₃ jē₂ cu₄ nē₃, 'nio₅ lín₃ ca₂rē₃'ín₃ a₂guē'₃ dsa₂ juíg₂ jaun₂. 'Ei₂ nē₃ ma₂ni₂₃ 'oin₅₄. 15 Jaun₂ n₃ 'nió₂ ta₁ a₂jmo₃ quió'₅ dsa₂ juíg₂ jaun₂. Jaun₂ dsa₂ 'éi₂ nē₃ ca₂chei₃ ja₁nau₂ quió'₅ a₂ni₃ i₁ni₅. 16 Jē₁ma₂tē₂ rē₁guē'₃ i₁ni₅, ca₂lia'₂ ma₂le₃guē'₃ 'nio₅ cuá'₁ tsi₁rē₂jnei₂ a₂guē'₅ já'₂, la₁ 'i₁jan₂ tsá₃ 'ein₂ ca₂cuē₃ a₂guē'₅. 17 Jaun₂ ca₂i₃jnia₅ dsi₅: “i₂Tē₁lia'₂ juin₅ mozos i₂'nio₅ ne'₃, cha₂ qui₂rē₂tsón₂ a₂guē'₅, jniá₂ nē₃ ja₁lá₃ jni₃g'₅ dsi₃ 'ong₅₄! 18 Ag₅₄ caun₂ dsi₃, nég'₄ táng₃ dsi₂néi₂ quió'₅ ne'₃. Juíg₅₄ le₂la₂: Tia₅₄ quiáng₃, 'e₂ guē₄ juē'₂ dso₄ ca₂'no₃ ne₄ Diú₄ quian'₅₄ ja₁cong'₂; 19 jnia₅₄ tsá₃ ma₃ca₂tíng₂ a₂tē'₄ jniá₂ jón₃. La₁ jag₄ jniá₂ lia'₂ ja₁jing'₅₄ jan₂ dsa₂ i₂tion₄ quiáng'₂ bá₄. 20 Jaun₂ ca₂nau₂ ca₂'í₃ jui₅ jón₃ táng₃ quió'₅ jmei₂. La₁ uíng₂ bá₄ guē₄ jón₅, jme₁ca₂jág₂ jmei₂. Ca₂tá'₂ néi₂ dsi₅, ca₂n₃ co₂chí'₅₄, ca₂cág'₃ cu₅ ca₂chen'₃ quió'₅ 'io'₂ jén'₅. 21 Jaun₂ guē₄ ca₂juá'₂ ja₁ni'₅₄: “Tia₅₄ quiáng₃, 'e₂ guē₄ juē'₂ dso₄ ca₂'no₃ ne₄ Diú₄ quian'₅₄ ja₁cong'₂; jnia₅₄ tsá₃ ma₃ca₂tíng₂ a₂tē'₄ jniá₂ jón₃.”† 22 La₁ jmei₂ nē₃, ca₂tsí'₃ dsa₂ i₂jme₂ti₃ ta₁ tion'₅₄ quiáin₅: “i₂Ma₂nē₃ co₂chí'₅₄! O₂dsi₄ 'mí'₂ a₂lē₅ a₂dse₃ guē₄, queng'₅₄ chí'₂ quiáng₃; caun₂ guē'₂ anillo tio'₂ chí₁gú₃. Co₂dsán'₃ guē'₂ ni₁lau₂ to'₅₄ 'nia'₂ tag₅₄; 23 Jaun₂ o₁te'₄ 'nia'₂ ca₁jui₅ i₂ma₂'on'₅₄ chén'₅, jaun₂ jni₃ 'nia'₂. i₂Jaun₂ que₅₄, tió'₄ jmó₁ 'io'₂! 24 Ia₁ chí'₂ nē₅ quiáng₃, nē₂jag₄ i₂jme₁ma₂jón₅ bá₄ nē₅, la₁ chain₂ bá₄; jme₁ca₂i₃cóin'₅, la₁ ma₂dsáin'₅ bá₄.” Jaun₂ ca₂jme₃lióg₃ jmi₃g₄ tioin'₅₄.

25 'Tē₁lia'₂ jaun₂, chí'₂ ja₁ni'₅₄ i₂lín₅ i₂juin'₂ guē₄, jme₁'ein₅₄ ja₁nau₂. Jme₁ma₂ja₂quián₃ guain'₂ dsi₂néi₂, ca₂nág₂ i₁niog₅ son₅₄ i₁dsan₅ dsa₂. 26 Jaun₂ ca₂tē'₃ jan₂ dsó₂ ca₂ñag₃ 'e₂ niog₅ lē₂. 27 Jaun₂ juá'₂ 'éi₂: “Dsó₂ ríng'₂ bá₄ guán'₅, jaun₂ néi'₅ nē₃ nē₂jmo₃ 'éi'₃ nē₂jni₃ dsa₂ ca₁jui₅ i₂jme₁chén'₄ 'on'₅₄, ia₁ guáin'₅, dsein₃ bá₄, tsá₃ 'e₂ lín₅.” 28 La₁ ca₂rē₃'né₃ bá₄ riin'₅₄ i₂juin'₂ 'éi₂. Tsá₃ 'nio₃ 'í₂ dsi₂néi₂; jaun₂ ca₂o₃'ín₃ jmei₂, ca₂juá'₂ jág₁ 'ua₁. 29 La₁ 'éi₂ nē₃ ca₂ñag₃ ca₂tsí'₃ jmei₂: “Ca₂le₃jē₃ ni₂ ma₂guio₃ gua₅₄ jme₃tí₂ ta₁ ne'₅₄, tsá₃ líg'₂ jua'₅₄ ma₂jmo₃ tsá₃

* 15:8 griego: dracma (co₂'nió'₄ 'lian'₅₄ dsa₂ co₂jmi₃g₄ ta₁). † 15:21 A₂lin₅₄ chog₅₄ si₂ chí₁ton₅ le₂la₂ ján₃: “La₁ jag₄ jniá₂ lia'₂ ja₁jing'₅₄ jan₂ dsa₂ i₂tion₄ quiáng'₂ bá₄.”

nag⁵⁴ ja¹cong². Ca²lia¹₂ jñia¹₅₄ jan² chein² lau² bá⁴ tsá³ ma²cuag¹₅₄ jniá² jua¹₅₄ jmo⁵⁴ jmig⁴ quian¹₅₄ a²mei⁵⁴ quiáng³. ³⁰ Nē³ guē⁴ ting² jmo¹₂ jmig⁴ ia¹ guán¹₅ ja¹ñí⁴₄ nē⁵, i²lě¹qui²₂₁én⁴ cu⁴ quiáng², qui²₂₁ñi² lia² lě² dsí⁵ quian¹₅₄ 'io⁵⁴ ga². Nē³ nē³, jmig⁴ jmo² o⁴quió⁴, jñíg⁵ ca¹jui⁵ i²'on⁵⁴ guē⁴ jme¹chén⁴.” ³¹ Jaun² ca²ñag³ jmei²: “Jón³, ma¹ co²tan⁵⁴ bá⁴ ñéi¹₂ 'ne² quian¹₅₄ jniá²; a²quián¹₂ 'ne² bá⁴ ca²le³jě³ a²cha² quió³. ³² La¹ nē³ nē³ co²nē⁵ ca²tág² jmo¹ jmig⁴, quián¹ o²ñi³ó³ dsí⁵, ia¹ guán¹₅ ríng², nē²jag⁴ i²jme¹ma²jon⁵, la¹ nē³ ma²chain² bá⁴ táng³, jme¹ca²i³cóin¹₅, la¹ ma²dsáin¹₅ bá⁴.”

16

Jág¹, jáng¹₅ léi⁴ jui¹lia² jan² dsa² i²tsá³ ca²rě³ti¹₅₄

¹ Ca²juá¹₂ Jesús ján³ ca²tsí¹₃ dsa² i²quian¹₅₄:

—Jme¹chan² jan² dsa² cha² cu⁴ jme¹ñioi²₂₃ jan² dsa² i²niog⁵ gu² dsi²néi² quió¹₅; la¹ ca²i¹dsia² jan² dso⁴, ia¹ juá¹₂ a²lě¹jme¹qui²₂₁én² 'éi² a²cha² quió¹₅ jui⁵₅₄. ² Jaun² ca²tě³ jui⁵₅₄ ca²juá¹₂: “¿I²e² bá⁴ jág¹ nē⁵ nag²³ quián¹₂ 'ne²? Jang¹₅₄ cuentas quiáng², ta¹ a²lǐng¹₅, ia¹ ja¹lǎ³ jñia³ ta¹ a²niog⁵ gog².” ³ Jaun² dsa² 'éi² nē³ ca²'náu³ dsí⁵: “¿E² bá⁴ jmo⁵⁴ jniá²? Jñiá² jui⁵₃ ta¹ quió³. Tsá³ bēng² jua¹₅₄ jmo⁵⁴ ta¹ ja¹nau², ján³ guē² gui⁴ jniá² jua¹₅₄ a²lě¹mí¹² jme³'o⁵⁴ dsa². ⁴ Ma²guion⁴ 'a² lia² jmo⁵⁴ ia¹jaun² guei³ dsa² sián² dsi²néi² quió¹₅ jě¹ma²tě¹tsing¹₅₄ tsá³ ta¹ cha² jmo⁵⁴.” ⁵ Jaun² ca²tě³ tē³ qui²ján³ dsa² i²jme¹le¹rín³ quió¹₅ jui⁵₅₄. I²le²'uig⁵⁴ ca²tsí¹: “¿Je²liá² ríng² quió¹₅ gui⁴₅₄?” ⁶ Jaun² ca²juá¹₂ 'éi²: “Caun² 'ñiá²-láu² ba²rig⁵⁴* no¹₅₄.” Jaun² juá¹₂: “La² ron⁵ si² ja¹ton⁵ con² a²ríng². Né², ma²nē³ jmo⁴ táng³ caun² a²siá², tió³ jñia¹₅₄ tē²láu³-guiá² bá⁴ taun¹₅₄ a²le³ríng².” ⁷ Jaun² ca²tsí¹ táng³ jan² i²sián²: “Ne² guē², ¿je²liá² ríng²?” Jaun² juá¹₂: “Caun² mei⁵ 'ma² cuig².”† Jaun² ca²ñag³: “Jón¹ si² ja¹ton⁵ a²ríng²; jmo⁴ táng³ caun² a²siá² tió³ quéin² co²ne²guió² bá⁴ taun¹₅₄.” ⁸ Jui⁵₅₄ nē³, rē² bá⁴ ca²i¹ñ³ dsa² i²tsá³ ca²rě³ti¹₅₄ 'éi², ia¹ 'ñioi⁵⁴ ca²jmo³. Ia¹ ja²lín³ guē⁴ bá⁴ 'ñio⁵⁴ jui¹lia² dsa² mi²güig³ jmig⁴ nē³, lia² con² guē⁴ chí²-guein² i²i²nio⁴ ja¹jniá² si². ⁹ Jaun² jui⁵₂ jniá² 'nia², 'nio² 'nia² jui⁵ 'a² lia² lēng² a²mei⁵⁴ quian¹₅₄ cu⁴ cha² mi²güig³ 'lig¹₅₄ la², ia¹jaun² jě¹ma²ca²dsa³ cu⁴, chan² bá⁴ i²le³guēi² 'nia² ja¹o¹tiáng² dse³ co²tan⁵⁴. ¹⁰ Jui¹lia² i²rě²ti¹₅₄ rē² quian¹₅₄ ca²jui⁵₄ a²tě²no⁴ gu², ján³ bá⁴ le²jaun² rě²ti¹₅₄ quian¹₅₄ 'lióng². Le²jaun² guē² jui¹lia² dsa² i²tsá³ rě²ti¹₅₄ quian¹₅₄ ca²jui⁵₄, ján³ bá⁴ le²jaun² tsá³ rě²ti¹₅₄ quian¹₅₄ 'lióng². ¹¹ Jaun² nē³, nē¹jua² tsá³ rě²ten¹₅₄ 'nia² quian¹₅₄ cu⁴ cha² mi²güig³ 'lig¹₅₄ la², ¿'ein² bá⁴ i²lě² le³ág³ caun² dsí⁵ ja¹con² 'nia² quian¹₅₄ a²lě⁵ a²quen⁵ tē³dsón²? ¹² Nē¹jua² tsá³ rě²ten¹₅₄ 'nia² quian¹₅₄ a²lě⁵ quió¹₅ dsa² sián², ¿'ein² bá⁴ dsia³ gog² 'nia² jui¹lia² a²ca²tín² 'nia² guiong¹₅₄? ¹³ I¹jan² dsa² i²ma²'lian¹₅₄ tsá³ lé² le³jme³ti³ ta¹ ne⁴ on³ jui⁵₅₄. Ia¹ jme³'ñiai⁵⁴ jan², jan² guē² jme³'nioi³; o³ jme²gain³ jan², jan² guē² tsá³ jui⁵ toin². Tsá³ 'ein² 'nia² lé² le³jme³ti³ lia² ne⁴ Diú⁴, lia² ne⁴ Cu⁴ nē³.

¹⁴ Dsa² fariseos nē³, jme¹tioin¹₅₄ 'nag²³ jě² jág¹ nē⁵. Jaun² jñia¹₅₄ ca²ñág² 'nei² bá⁴ jme¹ca²nág², ia¹ lín⁵ dsa² i²ñí⁴ dsi⁵⁴ cu⁴.

¹⁵ Jaun² ca²juá¹₂ Jesús:

—'Nia² jmo² a²dseng³ tē³ne⁴ dsa², la¹ cuí¹₅ bá⁴ Diú⁴ dse³ 'a² lia² lě⁵ 'au² 'nia². Ia¹ jui¹lia² i²jmo⁵ dsí⁵ a²ñí⁴ lě³ dsein⁵⁴ 'ñio⁵ quein⁵, a²jaun² 'io¹₅₄ Diú⁴.

'Éi³ Juá¹₅, quian¹₅₄ ja¹gon² Diú⁴

¹⁶ 'Jme¹ron⁵ 'Éi³ Juá¹₅, quian¹₅₄ Si² quió¹₅ dsa² i²jme¹'ě² jág¹ quián⁵ Diú⁴, ca²lia¹₂ ca²tě² jmig⁴ a²jme¹chan² Juan⁵⁴. Ca²le³jaun² qui²dsi²'ag⁵ jág¹ jui¹lia² ja¹gon² Diú⁴; ma²ja²lén² ca²le³jín³ dsa² qui²quín¹₅ bí² a²tóin¹₃. ¹⁷ Tsá³ guē⁴ 'e² ta¹ quian⁵ a²dsi³ñí² dsi¹ guei¹₅₄ quian¹₅₄ gua¹₅₄ 'uē³, lia² con² guē⁴ dsi³én² caun² léi⁴ pí¹ a²le¹ton⁵ 'Éi³, jua¹₅₄ a²tsá³ le³ti³.

* **16:6** lit. “caun² 'ñiá²-láu² batous”, (caun² 'éi³ a²jme¹'io⁵ dsa², a²'a⁴ con² 37 litros le²caun²). † **16:7** lit. “caun² 'ñiá²-láu² korous mǐg² trigo”, (caun² 'éi³ a²'éi⁴ con² guia³ 'ma² le²caun²).

Jme₂tag₅ Jesús 'a₂ lia₂ 'lē₅ jui₁lia₂ 'a₂tén₂ dsa₂ dsi₂i₂gu₂

(Mateo 19:1-12; Marcos 10:1-12)

¹⁸ 'Nē₁jua₂ 'jan₂ dsa₂ ŋe₂ 'ca₂tén₂ dsa₂ mǐ₂ quiáin₅, a₂jéin₂ 'táng₃ gu₂ quian₅₄ i₂sián₂, 'no₂₃ dso₄. Ján₃ guē₂ 'le₂jaun₂ nē₁jua₂ 'dsa₂ ŋe₂ 'ca₂cain₃ dsa₂ mǐ₂ i₂ma₂téi₂ dsi₂i₂gu₂, ján₃ bá₄ co₂jaun₂ 'no₂₃ dso₄ ján₃.

Jan₂ dsa₂ cha₂ cu₄, quian₅₄ Lázaro

¹⁹ 'Jme₁chan₂ 'jan₂ dsa₂ cha₂ cu₄ i₂jme₁quí₅ 'jmá₃ 'tsin₅₄ 'jlá₁, quian₅₄ 'mǐ₂ 'uí₃ 'a₂chein₅₄ 'ta₁jain₂, nē₃. 'Le₂'o₃ 'jmig₄ bá₄ 'jme₁cuē₅ 'o₂'ŋi₃ 'o₂ŋia₃ dsi₅, 'jme₁jmo₂₃ 'jmig₄ 'jlá₁.
²⁰ 'Jme₁chan₂ 'táng₃ 'jan₂ dsa₂ 'te₂ŋé₂ i₂jme₁chen₂ 'Lázaro,† i₂dso₅₄ 'jme₁qui₂rē₂can₂ 'mé₅ 'ni₁ŋi₁₂. 'Jme₁dsi₂dsiog₃ 'dsa₂ 'o₄'né₄ 'quíó₅ 'dsa₂ 'cha₂ 'cu₄.
²¹ 'Dsa₂ 'te₂ŋé₂ 'éi₂ nē₃ 'jme₁'nio₃ 'jme₃tain₅₄ 'quian₅₄ 'a₂tsi₂séi₂ 'ne₄ 'mesa. 'Ca₂tē₂ 'dsi₂ji₅₄ 'jme₁ja₂lén₂ 'ja₂'lí₃ 'ne₄ 'mé₅ 'quíó₅.
²² 'Cang₂ 'jaun₂ 'ca₂jon₃ bá₄ 'dsa₂ 'dsi₂ŋé₂ 'éi₂, 'ca₂tág₃ 'ángē₃ 'ja₁con₂ 'Abraham. 'Cang₂, 'ca₂jon₃ bá₄ 'dsa₂ 'cha₂ 'cu₄ 'éi₂ 'ján₃. 'Ca₂'ó₂ bá₄ 'dsa₂ nē₃.
²³ 'Jme₁ma₂'ein₅₄ 'ŋág₅ 'uig₅ 'ja₁dsi₂len₅ 'lag₄, 'S 'ca₂chóg₃ 'ne₅₄ 'ca₂jín₂ 'uíng₂ 'Abraham 'quian₅₄ 'Lázaro 'cau₅ 'quíó₅.
²⁴ 'Jaun₂ 'ca₂guió₃ 'co₂mi₅₄ 'ca₂juá₂: “Tia₅₄ 'Abraham, 'dsia₄ 'ŋéi₂ 'au₂ 'jniá₂, 'chen₅ 'Lázaro nē₅ 'jui₁tia₅₄ 'chi₁gú₃ 'né₃ 'jmíg₃, 'jui₁jia₂ 'jme₃güig₂ 'le₁tsi₃. 'Ia₁ 'ŋio₅ 'lin₃ 'uig₅ 'ŋag₅₄ 'eng₅₄ 'jē₄ 'si₂ 'la₂.”
²⁵ 'Jaun₂ 'ca₂ŋag₃ 'Abraham: “Jón₃, 'dsá₂ 'au₂ 'jmo₄, 'ca₂gue₅₄ bá₄ 'ne₂ 'a₂dse₃ 'tē₂lia₂ 'ca₂rē₃cháng₃. 'Lázaro 'la₂ nē₃, 'tsá₃ 'e₂ 'dse₃ 'ca₂rē₃cháin₃. 'Jaun₂ 'rē₂nē₃ nē₃ 'gue₂₃ 'lián₂ 'chain₂ 'dse₃ 'ja₁lá₃. 'Ne₂ 'guē₂ 'ma₂ŋag₅₄ 'uig₅ 'ja₁nē₅.
²⁶ 'Ton₂ 'ji₅₄ 'ŋei₅ 'lin₃ 'lē₅ 'jē₄ 'quíán₂ 'jniog₄, 'jaun₂ 'tsá₃ 'ein₂ 'lé₂ 'le₃ŋí₃ 'tē₂le₃ nē₅, 'on₃ 'guē₂ 'i₂tion₅₄ 'ja₁nē₅ 'lé₂ 'ŋí₃ 'le₃la₂.”
²⁷ 'Jaun₂ 'ca₂ŋag₃ 'táng₃: “Mi₅ 'jniá₂ 'ne₅₄ 'jaun₂, 'tia₅₄, 'a₂dsiang₅₄ 'i₂nē₅ 'dsi₃con₅₄ 'jág₁ 'dsau₅ 'dsi₂néi₂ 'quíó₅ 'ŋe₃,
²⁸ 'ia₁ 'ŋiá₂ 'chi₂ 'rín₃ 'i₂chan₂ 'guē₄, 'ia₁ 'jaun₂ 'tsá₃ 'ja₃ŋag₅₄ 'uig₅ 'ja₁lá₃.”
²⁹ 'Jaun₂ 'ca₂ŋag₃ 'táng₃ 'Abraham: “I₂ma₂rón₅ 'si₂ bá₄ 'ó₃ 'ca₂quiog₂ 'Moisés 'quian₅₄ 'dsa₂ 'i₂jme₁ 'ē₂ 'jág₁. 'Jui₁tion₅₄ 'jui₅ 'a₂juá₂ 'éi₂!”
³⁰ 'Jaun₂ 'ca₂ŋag₃ 'táng₃: “Jan₂ 'ón₄, 'tia₅₄ 'Abraham, 'ia₁ 'nē₁ 'ca₂dsián₂ 'jan₂ 'lag₄ 'dsi₁con₃ 'jág₁, 'dsi₃quén₅ 'bá₄ 'dsí₅.”
³¹ 'La₁ 'ca₂ŋag₃ 'táng₃ 'éi₂: “Chi₂ja₂ 'tsá₃ 'nag₅ 'gau₂ 'a₂juá₂ 'Moisés, 'quian₅₄ 'dsa₂ 'i₂jme₁ 'ē₂ 'jág₁ 'quíán₅ 'Diú₄ nē₃, 'ján₃ bá₄ 'le₂jaun₂ 'tsá₃ 'e₂ 'gau₂ 'nag₃ 'o₁ŋia₅₄ 'la₂ 'ca₂jen₅₄ 'jan₂ 'lag₄ 'dsi₁con₃ 'jág₁.”

17

A₂go₂ 'nē₁jua₂ 'ein₂ ca₂tian₃ 'dso₄

(Mateo 18:6-7, 21—22; Marcos 9:42)

¹ 'Ca₂juá₂ 'Jesús 'ca₂tsí₃ 'dsa₂ i₂quian₅₄:

—Tion₅₄ 'niog₅ 'le₃cha₂ bá₄ 'a₂jmo₃ 'a₂qui₃nió₃ 'dsa₂. 'La₁ 'e₂ 'guē₄ 'juíg₂ 'jui₁lia₂ 'dsa₂ i₂'uin₄ 'a₂dsi₂gan₅₄ 'riin₅₄! ² 'Ja₂lin₃ 'guē₄ 'dse₃ 'jua₅₄ 'tón₂ 'dsa₂ 'ne₄ 'jmi₁ŋí₄ 'chi₁quein₅ 'ni₁to₂ 'dsi₂lag₅₄, 'lia₂ 'con₂ 'guē₄ 'jmo₃ 'tián₃ 'dso₄ 'jan₂ 'dsa₂ 'dsi₂ŋé₂ 'la₂. ³ 'Tē₃ŋi₅₄ 'nia₂ 'jaun₂.

'Chi₂ja₂ 'ein₂ 'rín₃ 'jmóg₂ 'mǐ₅₄, 'jéin₃. 'Nē₁jua₂ 'ca₂jme₃tsín₃ 'dsí₅, 'én₃ 'dsáu₁. ⁴ 'O₁ŋia₅₄ 'guio₃ 'ráun₂ 'nē₂jmóg₂ 'mǐ₅₄ 'co₂jmig₄, 'nē₁jua₂ 'guio₃ 'ráun₂ 'ca₂já₃ 'ne₅₄, 'juá₂: “Tsá₃ 'ma₃jmo₅₄”, 'én₃ 'dsáu₁.

Bí₂ 'a₂'io₅ 'a₂'én₂ 'dsa₂

⁵ 'Ca₂juá₂ 'chi₂ 'dsi₂guia₃-tín₂ 'ca₂tsí₃ 'Te₁gui₅₄:

—Jmo₄ 'jui₁le₂'éin₂ 'guē₄ 'jnia₅₄.

⁶ 'Jaun₂ 'ca₂ŋag₃ 'táng₃ 'Te₁gui₅₄:

—Tsá₃ 'a₂nag₅₄ 'jŋia₅₄ 'con₂ 'tí₅ 'ca₂míg₂ 'mi₂jon₂ 'quíó₅ 'ni₁ 'ma₂ 'mostaza* 'bá₄ 'én₂ 'nia₂, 'lé₂ 'le₃juig₅₄ 'ni₁ 'ma₂ 'sicómoro† 'chí₅ nē₅, “Jŋiag₃ 'ja₁nē₅, 'o₂nau₂ 'ne₄ 'jmi₁ŋí₄”, 'le₂jaun₂ 'dsón₂ 'lé₂ bá₄.

† 16:20 Lia₂ 'chen₂ 'Lázaro 'jein₅ 'jág₁, 'dsa₂ 'i₂jme₂'o₅₄ 'Diú₄. § 16:23 griego: hades, 'co₂'nió₄ 'a₂juá₂, 'ja₁quíó₄ 'lag₄.

* 17:6 mostaza: 'On₃ja₅₄ 'mi₁jáng₅ 'a₂cuí₅ 'dsa₂ 'go₄ 'jniog₄; 'caun₂ 'ni₁ 'ma₂ 'dsón₂ 'jaun₂ 'a₂tē₂ 'tē₅sí₃ 'Brassica nigra. † 17:6 sicómoro: 'mei₂ 'tsá₃ 'ni₁ 'ma₂ 'Ficus sycomorus. 'Nio₂ 'ja₁ton₅ 'Amós 7:14.

A₂ ca₂tín₂ jmo₃ dsa₂ i₂jme₂ti₃

⁷ 'Jua'₅₄ mei'₂ guě₃ jan'₂ 'nia'₂ chan₂ jan₂ dsa₂ i₂jmo₅ ta₁ ja₁nau₂ quió'₅, o₃ jmo₂₃ 'í₂ já'₂ cha'₂ 'e₂, jua'₅₄ mei'₂ guě₃ ma₂guáin'₅ ja₁nau₂, ¿o₃ bá₄ juig'₂ 'nia'₂: “Ñi₅₄ i₂né₂ jaun₂ quē'₅₄”?
⁸ Ma₁ tsá₃ le₂jaun₂. ¿o₃ juig'₂ le₂la₂ 'e₂: “jmo₄ co₂jñia₅₄ a₂guē'₅₄, jmo₄ co₂jñia₅₄ quiáng'₂, jaun₂ ñag'₅₄ dsiá'₁ quió₃. Ca₂lia'₂ jē₁ma₂ca₂lē₃ guē'₂, gui'₂ ně₃, jaun₂ guē'₅₄ quē'₅₄, 'ag'₅₄ 'ne₂”?
⁹ ¿Cuē'₅ ti₁'mag'₄ dsa₂ 'éi₂ ia₁ jme₃ti₃ con'₂ lē₅ a₂tē₁néi'₂? Jan'₂ón₄. ¹⁰ Le₂nē₅ bá₄ 'nia'₂ ján₃, jē₁ma₂ca₂lē₃ jmo'₂ ca₂le₃jē₃ a₂juá'₂ Diú₄, ca₂tín'₂ 'nia'₂ jua'₅₄: “Tsá₃ 'e₂ ta₁ téi₄ jñia'₅₄ ja₁cong'₂, ia₁ tsá₃ 'e₂ ñag₅₄ jua'₅₄ ně₂jmo₁ jñia'₅₄, jñia'₅₄ con'₂ a₂ca₂tág₂ jñia'₅₄ jmó₁ bá₄ ně₂jmó₁.”

Ca₂jme₃'lión₂ Jesús guian₃ dsa₂ i₂jme₁lín₄ 'mé'₅ 'iog₅

¹¹ Con'₂ siá'₂, ca₂'í₃ táng₃ Jesús jui₅ a₂dsióg₄ Jerusalén, qui₂ca₂ñi₅ le₂tan₅₄ 'uē₃ Samaria quian'₅₄ Galilea.

¹² Jme₁ca₂dsióg₃ caun₂ juig₂ bē'₅₄, ca₂jme₃jein'₂ guian₃ dsa₂ i₂le₁dso'₅₄ lín₅ 'mé'₅ 'iog₅, la₁ uíng₂ bá₄ ca₂nau₂ ja₁chén'₄ Jesús. ¹³ Ca₂juá'₂ tiá₂:

—Jesús, Tē₅, dsia₄ ñéi₂ 'au'₂ jñia'₅₄!

¹⁴ Jme₁ca₂jág₂ Jesús, ca₂juá'₂:

—O₂nó'₅ 'nia'₂ o₂jme₁jñia₅ ne₄ jme₂dsa₂.

Jē₄ i₂lén₂ jaun₂ bá₄, ca₂jñia₃ 'mé'₅ a₂jme₁lín₄.

¹⁵ Jaun₂ ně₃ jan₂ 'éi₂, jme₁ca₂rē₃lí₄ ca₂jñia₃ dso'₅₄, ca₂jéin'₃ táng₃ ne₅₄, jme₂juin'₂ Diú₄ co₂mi'₅₄.

¹⁶ Ca₂tóin₂ 'uē₃ cau₅ mi₂tag₄ Jesús, cuē₂₃ ti₁'mag'₄. Jan₂ dsa₂ chan₂ Samaria bá₄ 'éi₂.

¹⁷ Jaun₂ ca₂juá'₂ Jesús:

—¿On₁jua'₅₄ guian₃ lē₂ i₂ca₂'lón₂? ¿Na₅ guē'₂ i₂ñi₃ 'éi₂? ¹⁸ ¿Jan₂ dsi₂nau₂ la₂ bá₄ i₂jón'₅ jme₂juin'₂ Diú₄?

¹⁹ Jaun₂ ca₂tsí'₃ dsa₂ 'éi₂:

—Nau₂, guan'₂ quiáng'₂. Ca₂'lóng'₂ ia₁ 'éng'₂ bá₄.

'A₂ lia'₂ lé₂ i₁guá'₂ 'éi'₃ quió'₅ Diú₄

(Mateo 24:23-28, 36—41)

²⁰ Jaun₂ ca₂ñag₃ dsa₂ fariseos ca₂ñí'₃ Jesús líg'₂ guá₂ jmig₄ a₂le₃gon₂ Diú₄. Jaun₂ ca₂ñag₃ 'éi₂:

—On₃jua'₅₄ a₂cha₂ léi₄ a₂rē₂jñiá₂ guá'₂ 'éi'₃ quió'₅ Diú₄. ²¹ Jaun₂ tsá₃ 'ein₂ lé₂ le₃juá'₂, jua'₅₄ “ñí₂ ja₁lá₃ já₅”, o₃ “jó₄ já₅.” Ia₁ a₂ma₂'i₄ bá₄ 'éi'₃ quió'₅ Diú₄ jin'₄ 'nia'₂.

²² Jaun₂ ca₂tsí'₃ táng₃ chí'₂ dsi₂guia₃-tín₂:

—Já₅ jmig₄ ja₁lé₂ 'au'₂ 'nia'₂ 'niog'₂ jag'₅₄ jmig₄ a₂le₃gon₂ Jaun₅ dsa₂ mi₂güig₃, la₁ tsá₃ jaun₂ tē₅₄ ne'₅₄ 'nia'₂. ²³ Ia₁ já₅ jmig₄ i₁tsí'₃ dsa₂ 'nia'₂: “ñí₂ ja₁lá₃ já₅”, o₃ “jó₄ já₅.” La₁ tsá₃ o₁nó'₅ 'nia'₂, on₃ guē'₂ jui₁le₂'én'₂ 'nia'₂ quió'₅ i₂juá'₂ le₂nē₅. ²⁴ Ia₁ jui₁lia'₂ tē₂tsi'₅₄ si₁ñí'₃ ca₂taun₂ ca₂taun₂ guei'₅₄ mi₂güig₃, le₂jaun₂ bá₄ lé₂ jē₁ma₂tē₂ rē₁tē₃tsin'₅₄ Jaun₅ dsa₂ mi₂güig₃. ²⁵ La₁ jñiá₅ de'₂ ca₂tín₂ ñág₃ uig₅ 'ñio₅ lín₃, jme₃'iog₅₄ dsa₂ chan₂ jmig₄ ně₃. ²⁶ Ia₁ jui₁lia'₂ ca₂lē₃ jmig₄ lia'₂ con'₂ jme₁chan₂ Noé, le₂jaun₂ bá₄ lé₂ táng₃ jmig₄ quió'₅ Jaun₅ dsa₂ mi₂güig₃. ²⁷ Ia₁ jme₁tion'₅₄ dsa₂ 'éi₂ jmig₄ jaun₂ qui₂guē'₅, qui₂'ín'₂ ně₃, jme₁qui₂jéin'₂ gu₂, qui₂cuin'₂₃ chí'₂ quiáin₅ a₂jéin'₂ gu₂, ca₂lia'₂ jme₁ca₂dsióg₃ jmig₄ i₁ca₂'í₃ Noé 'ñió'₃ ni₁barco, a₂ca₂can'₂ rē'₂ jmig₂ ta₁caun₂ mi₂güig₃, ca₂i₃'én₂ ca₂le₃jín₃. ²⁸ Le₂nē₅ bá₄ ca₂lē₃ ján₃ jmig₄ quió'₅ Lot. Jme₁tion'₅₄ dsa₂ qui₂guē'₅, qui₂'ín'₂, i₂tion'₅₄ qui₂lá₅, qui₂'nag₂₃, qui₂jne₂₃ 'e₂ qui₂jne₂₃, qui₂jmóg'₅ 'ne₄ ně₃. ²⁹ La₁ jme₁ca₂dsióg₃ jmig₄ a₂o₂'ín₃ Lot juig₂ Sodoma, a₂ca₂tang₂ rē'₂ si₂, ca₂séi'₂ ni₁cang₁ azufre le₁guí'₂ si₂ guei'₅₄, ca₂i₃'én₂ táng₃ ca₂le₃jín₃. ³⁰ Le₂jaun₂ bá₄ lé₂ táng₃ jmig₄ i₁jme₃jñia₅ Jaun₅ dsa₂ mi₂güig₃. ³¹ Jmíg₄ jaun₂, chí₂jua'₂ 'ein₂ 'en₅₄ co'₅₄ 'ne₄, jui₁te₁'i₁ bá₄ 'e₂ te₁'i₁ dsi₂néi₂ quió'₅, tsá₃ o₁sióin₄ jua'₅₄ a₂'uē'₃ a₂jaun₂. Já₃ bá₄ le₂jaun₂ jui₁lia'₂ i₂'en₅₄ ja₁nau₂, tsá₃ ma₃o₁jñioi'₅₄ jua'₅₄ a₂ja₃quián₂ 'e₂ ja₃quián₂ a₂cha₂ quió'₅. ³² Dsá₂ 'au'₂ 'nia'₂

jmo₄ 'e₂ ca₂i₃ñí₂ 'io₅₄ quián₅ Lot. ³³ Ia₁ jui₁lia'₂ dsa₂ i₂nio₃ le₃chan₂ dse₃, dsi₃'én₂ quió'₅; la₁ jui₁lia'₂ dsa₂ i₂dsi₃'én₂ quió'₅, le₃chain₂ bá₄ dse₃.

³⁴ 'Juá'₅ jniá₂, 'uē₂ jaun₂, on₃ dsa₂ i₂tián'₅ caun₂ tsi₁cama; jan₂ i₂dsi₃lén₃, jan₂ guē'₂ i₂tē₃'ñiá₄. ³⁵ Ján₃ guē'₂ le₂jaun₂, on₃ dsa₂ mí₂ i₂tion'₅₄ éi'₅ co₂lě₅; jan₂ i₂dsi₃lén₃, jan₂ guē'₂ i₂tē₃'ñiá₄.†

³⁷ Jaun₂ ca₂ñag₃ dsa₂:

—¿A₂já'₄ bá₄ lě₂ a₂ně₅, Te₁gui'₅₄?

Jaun₂ ca₂ñag₃ táng₃ 'éi₂:

—Jui₁lia'₂ ja₁ron₅ ni₁ñi₁ 'lag₄, ja₁jaun₂ ñi'₂ i₁tú₃ tsin'₅₄.

18

Jág₁ jáng'₅ léi₄ jui₁lia'₂ jan₂ 'io₅₄ 'nág₂ quian'₅₄ jan₂ juě₄

¹ Ca₂juá'₂ Jesús caun₂ jág₁ a₂jáng'₅ léi₄, a₂ca₂jme₃tiñ₂₃ dsa₂ a₂ca₂tiñ₂ chi₃lén'₂ Diú₄ tián₂, tsá₃ o₁'ú₄ dsi₅.

² Ca₂juá'₂ le₂la₂:

—Caun₂ juig₂ jme₁guá₄ jan₂ juě₄ i₂tsá₃ Diú₄ gan₃, on₃ guē'₂ dsan₂ dsi₅ dsa₂ mi₂güig₃ ně₃.

³ Ján₃ bá₄ juig₂ jaun₂ jme₁chan₂ jan₂ 'io₅₄ 'nág₂ i₂jme₁ja₂ i₂gú'₃ ja₃jiñ₅₄ juě₄ 'éi₂, jme₁ja₂jua'₅₄: “Jme₁rě₂ jág₁ quió₃, qui₂dsi₅ 'éi'₃ quió'₅ dsa₂ i₂j móg'₂ jniá₂.” ⁴ Uē₂ bá₄ tsá₃ jui₅ tón'₂ 'éi₂ jua'₅₄ jme₃rě₃. La₁ cang₂ bá₄ ca₂i₃jñia₅ dsi₅: “O₁jñia'₅₄ la₂ tsá₃ Diú₄ gáng₅, on₃ guē'₂ dsa₂ mi₂güig₃ dsan₂ dsi₃ ně₃, ⁵ la₁ia₁ 'uig₅₄ a₂ñí₄ lě₃ cuē₅ o₂me'₅₄ dsi₃ 'io₅₄ 'nág₂ ně₅, qui₁dsi₅ jniá₂ co₂ñei'₅₄ 'éi'₃ o₄quió'₄, con'₂ tsá₃ ñó₅ ně₁jua'₂ caun₂ le₂ně₅ ñi₃, jmo₃ dsi₃mé'₂ dsi₃.”

⁶ Jaun₂ ca₂juá'₂ Te₁gui'₅₄:

—Ñí₂ rě₂ a₂juá'₂ juě₄ 'lín'₅₄ 'éi₂. ⁷ ¿Tsa₁ lín'₂ 'nia'₂, jme₃rě₃ bá₄ Diú₄ 'e₂ a₂mi₅ dsa₂ i₂rě₂quion'₅₄ quiáin₅ i₂qui'₂-'áu'₂ ca₂nei₂ ca₂jñia₃? ¿Tsa₁ lín'₂ 'nia'₂ caun₂ juñ'₂ dsi₅ bá₄ quiong'₅₄? ⁸ Juig₂ jniá₂ 'nia'₂, dsi₂jui₅ bá₄ qui₃dsi₅ Diú₄ 'éi'₃ o₄quió'₄ i₂mi₅. La₁, jě₁ma₂tě₂ rě₁guan'₂ Jaun₅ dsa₂ mi₂güig₃, ¿dsiain'₂ bá₄ guě₄ dsa₂ 'én₂ ne₄ gua'₅₄ 'uē₃?

Jág₁ jáng'₅ léi₄ jui₁lia'₂ on₃ dsa₂: jan₂ dsa₂ fariseo, jan₂ guē'₂ dsa₂ i₂mi₅ 'lia'₅₄ a₂ca₂tiñ₂ dsi₂tan₅₄

⁹ Ca₂juá'₂ Jesús caun₂ jág₁ jáng'₅ léi₄ a₂ca₂tiñ₂ con'₂ i₂lín₂ lín₅ dsa₂ dsen₃, tsá₃ dsáu₅ dsi₅ riñ'₅₄ sián'₂. Ca₂juá'₂:

¹⁰ —On₃ dsa₂ ca₂i₃lén₂ guá'₅ templo i₁chi₂i₁lein'₄ Diú₄. Jan₂ 'éi₂ jme₁lín₄ fariseo, jan₂ guē'₂ i₂jme₁lín₄ ta₁ i₂mi₅ 'lia'₅₄ a₂ca₂tiñ₂ dsi₂tan₅₄. ¹¹ Dsa₂ fariseo ně₃, tē₃ chéin'₅ bá₄ chi₂lí'₂ con'₂ 'ñiog₅, ca₂juá'₂ le₂la₂: “Cuē₅ jniá₂ ti₁'mag'₄, 'ne₂ Diú₄ quiáng₃, ia₁ tsá₃ líng₅ jui₁lia'₂ lín₅ i₂lín₅₄: i₂qui₂'ang₅, i₂tsá₃ dse₃ jmo₅ ja₁con₂ riñ'₅₄, i₂nió'₅ jág₁ quian'₅₄ dsa₂ i₂tsá₃ lín₅ dsi₂i₂gu₂, ca₂lia'₂ jñia'₅₄ lia'₂ lín₅ dsa₂ i₂mi₅ 'lia'₅₄ ně₅, tsá₃ líng₅. ¹² Jme₂'ing₅₄ ně₃ tiñ₃ ráun₂ lia'₂ caun₂ semana, ton'₂ cuē₅ bá₄ jniá₂ caun₂ qui'₅₄ a₂guia₃ quió₃, jě₂ con'₂ a₂lág₂.” ¹³ La₁ dsa₂ i₂mi₅ 'lia'₅₄ 'éi₂ guē'₂ ně₃, uíng₂ bá₄ chéin'₅, ca₂lia'₂ jñia'₅₄ ne₅₄ bá₄ tsá₃ tiá₂ dsi₅ chóg'₃ guei'₅₄. Jñia'₅₄ con'₂ qui₂quein₂₃ le₁dsi₅ bá₄ chéin'₅, juá'₂: “Diú₄ quiáng₃, dsia₄ ñéi₂ 'au'₂ jniá₂ ia₁ rě₂cáng'₄ dso₄.” ¹⁴ Jaun₂ juig₂ jniá₂ 'nia'₂, dsa₂ i₂mi₅ 'lia'₅₄, 'éi₂ bá₄ tiá₂ rě₂ tē₁tsin'₅₄ ne₄ Diú₄ ñái'₅ quió'₅, lia'₂ con'₂ guē'₄ i₂jan₂. Ia₁ ca₂le₃jín₃ i₂jme₂can'₅₄ guion₅₄, sióin₃; la₁ i₂jmo₅ me'₂ guē'₂ ně₃, roin'₂ guei'₅₄.

Ca₂jme₃gon'₅₄ Jesús chi'₂-guein₂

(Mateo 19:13-15; Marcos 10:13-16)

¹⁵ Co₂ráun₂ guē'₂, qui₂ca₂o₃jñia₃ dsa₂ guein₂ quiáin₅ ne₄ Jesús, ia₁jaun₂ qui₃téi₂ gu₂. La₁ ca₂jí₂ bá₄ chi'₂ dsi₂guia₃-tín₂ jme₁ca₂jág₂.

† 17:35 Chog₅₄ si₂ a₂gui'₅₄ guē₄, tsá₃ chi₁ton₅ versículo 36 a₂juá'₂: “On₃ dsa₂ ñe'₂ i₂tion'₅₄ jmo₅ ta₁ ja₁nau₂, jan₂ i₂dsi₃lén₃, i₂jan₂ guē'₂ i₂tē₃'ñiá₄.”

16 Jaun₂ ca₂tě₃ Jesús guein₂, jaun₂ ca₂tsí₃ chi₂ dsi₂guia₃-tín₂:

—Cuē₄ 'nia₂ jmi₄ ja₃lén₂ chi₂-guein₂ ja₁cong₂; tsá₃ lē₁jni₁'₅₄ jui₅. Ia₁ jui₁lia₂ i₂le₂nē₅ bá₄ guē₂ i₂tín₃ ja₁gon₂ Diú₄. 17 A₂dsi₂jó₃ juí₂ jniá₂ 'nia₂, dsa₂ i₂tsá₃ gue₅ ja₁gon₂ Diú₄ jui₁lia₂ gue₅ jan₂ i₂bē₅₄, o₁líg₂ jmi₄ tsá₃ 'í₂ ja₁jaun₂.

Jan₂ dsó₂ chi₂ i₂cha₂ cu₄ ca₂dsia₃ jág₁ quian₅₄ Jesús
(Mateo 19:16-30; Marcos 10:17-31)

18 Jan₂ i₂lín₅ dsa₂ dsen₅₄ ca₂ñí₁'₃ Jesús:

—Tē₅ dsen₃, ħ₂e₂ bá₄ 'nió₅ jmo₅₄ jniá₂ ia₁jaun₂ tñg₅₄ ja₁le₃chang₂ co₂tan₅₄?

19 Jaun₂ ca₂ñag₃ Jesús:

—ħ₂E₂ lē₃ quiong₅₄ jniá₂ a₂dseng₃? 'I₁jan₂ i₂dsen₃ tsá₃ chan₂, jñia₅₄ lia₂ jan₂ Diú₄ bá₄.

20 Tñg₂ bá₄ 'Éi₃ Juá₅: “Tsá₃ nióg₄ jág₁ quian₅₄ dsa₂ i₂tsá₃ lín₅ dsi₂i₂gog₂; tsá₃ jñig₄ dsa₂ mi₂güig₃ rñg₂; tsá₃ 'áng₁; tsá₃ jmó₂ dsá_{u1} rñg₂ quian₅₄ jág₁ tē₂jág₁; jme₁gang₃ chog₂-ñéi₅.”

21 Ca₂ñag₃ 'éi₂:

—Lia₂ con₂ bñ₅₄ bá₄ jniá₂ ma₂guio₃ jme₂tí₁ ca₂le₃jě₃ 'éi₃ nē₅.

22 Jme₁ca₂nág₂ Jesús a₂nē₅, jaun₂ ca₂juá₂:

—'Nió₅ bá₄ guē₄ caun₂ quiáng₂: 'nag₄ ca₂le₃jě₃ a₂cha₂ quiáng₂. Jaun₂ dsio₅₄ quió₅ dsa₂ te₂ñé₂. Jaun₂ guē₄ le₃cha₂ 'lióng₂ quiáng₂ guei₅₄ i₂juí₃. Jaun₂ ñia₅ chi₁co₅₄ quió₃ o₁ló₄.

23 La₁ jme₁ca₂nág₂ dsa₂ 'éi₂ jág₁ nē₅, ca₂tá₂ 'lia₂ dsí₅ 'ñio₅ lín₃, ia₁ 'ñio₅ lín₃ jme₁cha₂ cu₄.

24 Jme₁ca₂jág₂ Jesús, ca₂juá₂:*

—i₂E₂ guē₄ quian₅ ta₁ a₂tón₃ dsa₂ cha₂ cu₄ ja₁gon₂ Diú₄! 25 Ja₂lín₃ guē₄ tsá₃ ta₁ quian₅ a₂lé₂ le₃ñi₅ jan₂ camello jui₅ tau₂ mi₂cu₄, lia₂ con₂ guē₄ jan₂ dsa₂ cha₂ cu₄ ñi₅ 'í₂ ja₁gon₂ Diú₄.

26 Jme₁ca₂nág₂ dsa₂ i₂tión₂ jē₄ jaun₂, ca₂juá₂:

—ħ₂I₂ein₂ bá₄ guē₂ i₂tín₄ jaun₂?

27 Jaun₂ ca₂juá₂ táng₃:

—Ca₂le₃jě₃ a₂tsá₃ qui₅₄ jmi₄ dsa₂ mi₂güig₃ jmo₃, Diú₄ lé₂ le₃jmo₃.

28 Jaun₂ ca₂juá₂ Pe₄:

—Te₁gui₅₄, ma₁ jñia₅₄ ma₂ca₂tí₄ ca₂le₃jě₃ a₂jme₁cha₂ quián₂, a₂ma₂ja₂náu₅ 'én₅ 'ne₂.

29 Jaun₂ ca₂ñag₃ táng₃:

—A₂dsi₂jó₃ juí₂ jniá₂ 'nia₂, 'i₁jan₂ tsá₃ jua₅₄ a₂lē₁táun₂ 'ne₄, téin₂ chog₅₄-jmei₂, o₁rñin₅₄, dsa₂ mí₂, chi₂-guein₂ quiáin₅ nē₃, o₄quió₄ ja₁gon₂ Diú₄, 30 jua₅₄ tsá₃ gue₃ tson₂ guē₄ ne₄ gua₅₄ 'uē₃ la₂, ton₂ le₃chain₂ dse₃ co₂tan₅₄ mi₂güig₃ caun₂.

Con₂ siá₂ táng₃ ca₂'ě₂ Jesús jág₁ a₂jóin₂
(Mateo 20:17-19; Marcos 10:32-34)

31 Jaun₂ ca₂tě₃ Jesús cau₅ jmá₃ lia₂ chi₂ dsi₂guia₃-tín₂ quiáin₅, jaun₂ ca₂juá₂:

—Nē₃ guē₄ nē₃ ca₂tě₂ jmi₄ a₂dsau₅₄ juí₂ Jerusalén, ja₁niog₅ le₃tí₃ ca₂le₃jě₃ con₂ lē₅ ca₂tó₂ dsa₂ i₂'ě₂ jág₁ quián₅ Diú₄ ne₄ si₂, a₂'in₂₃ Jaun₅ dsa₂ mi₂güig₃. 32 Jáng₂ dsa₂ o₄gú₃ dsi₂nau₂, ja₁lē₁co₃j móg₂ dsa₂, qui₃tě₃ 'o₂ dsa₂, a₂qui₃ñéi₂ dsa₂ nē₃. 33 Jaun₂ jē₁ma₂ca₂lē₃ bóg₂, jaun₂ guē₄ jñag₃. La₁ jē₁ma₂ca₂tě₂ 'ni₅ jmi₄, jein₅₄ bá₄ táng₃.

34 La₁ 'éi₂ nē₃, tsá₃ 'e₂ ca₂ñí₁'₂ 'i₁caun₂ jág₁ nē₅, ia₁ lē₅ jág₁ a₂rē₂'ma₄ bá₄ guē₄ ja₁coin₂, tsá₃ jein₅ dsí₅ 'e₂ jaun₂.

Ca₂jme₃ 'lión₂ Jesús jan₂ dsa₂ ten₄ juí₂ Jericó
(Mateo 20:29-34; Marcos 10:46-52)

35 Con₂ jme₁ma₂ja₂quián₃ dsióg₄ Jesús juí₂ Jericó, jme₁guá₄ jan₂ dsa₂ ten₄ cau₅ jui₅, mi₂₃ a₂jme₃o₅₄ dsa₂ cu₄.

* 18:24 A₂lín₅₄ chog₅ si₂ juá₂: “jme₁ca₂jág₃ Jesús chén₅ dsa₂ 'éi₂ 'lia₂ dsí₅, ca₂juá₂:”

- ³⁶ Jme₁ca₂nág₂ a₂qui₂ca₂ñi₅ juin₅ dsa₂, jaun₂ ca₂ñag₃ 'e₂ niog₅ lě₂.
³⁷ Jaun₂ ca₂juá'₂ dsa₂:
 —Jesús chan₂ Nazaret bá₄ ně₅ já₅.
³⁸ Jaun₂ 'éi₂ ně₃ ca₂juá'₂ tiá₂ ca₂tsí'₃ Jesús:
 —Jesús, tsi₁jon₂ David, dsia₄ ñéi₂ 'au'₂ jniá'₂!
³⁹ Ca₂jí₂ bá₄ dsa₂ i₂ja₂lén₂ ne₄ jui₅ ia₁jaun₂ jmo₃ tei₄, la₁ tē₂le₃ lě₅ guě₄ qui₂ca₂'áu'₂ bá₄ 'ein₅₄, ca₂juá'₂:
 —i'Ne₂ tsi₁jon₂ David, dsia₄ ñéi₂ 'au'₂ jniá'₂!
⁴⁰ Ca₂nau₂ Jesús, jaun₂ ca₂jmo₃ 'éi'₃ a₂dsi₃qui₂ón₂ dsa₂. Jme₁ca₂dsi₃óg₃ cau₅ quió'₅, jaun₂ ca₂ñag₃ Jesús:
⁴¹ —¿'E₂ 'niog'₂ jmo₅₄ jniá'₂ quiáng'₂?
 Jaun₂ ca₂juá'₂:
 —Te₁gui'₅₄, a₂jnia₅₄ jme₁ne₃ bá₄ jniá'₂ 'nio₃.
⁴² Jaun₂ ca₂juá'₂ Jesús:
 —iGue₄, jui₁jnia₅₄ quiáng'₂! Ma₂ca₂'lóng'₂ bá₄, ia₁ 'éng'₂.
⁴³ Dsi₂jui₅ jaun₂ bá₄ ca₂jnia₃ mi₂ne₅₄. Jaun₂ ca₂ñó₃ chi₁co'₅₄ quió'₅, jme₂juin'₂ Diú₄. Ca₂le₃jín₃ bá₄ dsa₂ i₂ca₂tě₂ ne₄ a₂ca₂lě₃ jaun₂ ca₂jme₃juin'₂ Diú₄ ján₃.

19

Jesús quián'₅₄ Zaqueo

- ¹ Ca₂í₃ Jesús juig₂ Jericó. Jaun₂ jme₁ma₂ñó₅ jě₄ juig₂, ² ja₁jaun₂ jme₁chan₂ jan₂ dsa₂ cha₂ cu₄ i₂chen₂ Zaqueo, i₂lín₅ dsa₂ juin'₂ quián₅ dsa₂ i₂cán₂ 'lia'₅₄ quián₅ dsi₂tan₅₄.
³ 'Éi₂ ně₃, jme₁'no'₂ jui₅ jín₂ 'ein₂ 'éi₂ Jesús. La₁ tsá₃ lé₂, ia₁ a₂ñí₄ lě₃ juin₅ dsa₂ tion'₅₄. Ia₁ jan₂ dsa₂ 'on'₂ bá₄ 'éi₂.
⁴ Jaun₂ ca₂ñó₃ co₂chi'₅₄ le₃ne₄ jui₅, ca₂uíg₂ guei'₅₄ caun₂ ni₁'ma₂ sicómoro,* ia₁ 'nio₃ jín₂ Jesús, ia₁ jui₅ jaun₂ jme₁ñí₃.
⁵ Jme₁ca₂dsi₃óg₃ Jesús, jaun₂ ca₂jág₃ guei'₅₄, jaun₂ ca₂juá'₂:
 —Zaqueo, ma₂ně₃ sión₅, ia₁ ja₁quiáng'₂ ca₂tíng₂ i₁jnia₁₂ ně₃.
⁶ Jaun₂ ca₂sióin₃ co₂chi'₅₄, ca₂guei₃ 'io'₂ jén'₅.
⁷ Jme₁ca₂jág₃ dsa₂, jaun₂ ca₂chi₂ca₂'ag₃ ca₂juá'₂:
 —Dsi₂néi₂ quió'₅ jan₂ dsa₂ cha₂ dsáu₁ bá₄ ñó₅ i₂jnia₅₄.
⁸ Zaqueo ně₃, jme₁ca₂nau₂ ne₅₄ jaun₂ ca₂tsí'₃ Te₁gui'₅₄:
 —Te₁gui'₅₄, dsio'₄ jniá'₂ ca₂dsio₄ a₂cha₂ quió'₃, cuě₄ dsa₂ te₂ñé₂. Ján₃ guě'₂ le₂jaun₂ chi₂jua'₂ 'ein₂ quió'₅ ma₂'ang₃ a₂jui₁gang₂, jín₅₄ táng₃ jniá'₂ quén₂ ráun₂ lě₅ guě₄ co₂jaun₂.
⁹ Jaun₂ ca₂juá'₂ Jesús:
 —Jmíg₄ ně₃ ca₂lón₂ dsa₂ dsi₂néi₂ la₂. Ia₁ ján₃ bá₄ lín₅ tsi₁jon₂ quián₅ Abraham. ¹⁰ Ta₁ ně₅ já₅ bá₄ Jaun₅ dsa₂ mi₂güig₃, a₂ja₂'niai'₂ a₂ja₂lioin₅₄ dsa₂ i₂ma₂i₂cón₅.

Jág₁ jáng'₅ léi₄ jui₁lia'₂ guia₃ 'éi'₃ cu₄ 'ua'₂

(Mateo 25:14-30)

- ¹¹ Tě₃ tion'₅₄ dsa₂ nag₂₃ jág₁ jaun₂, jaun₂ ca₂juá'₂ táng₃ caun₂ jág₁ jáng'₅ léi₄, ia₁ ma₂quián₅ bá₄ dsió₄ Jerusalén, ton'₂ ia₁ lín₂ dsa₂ le₃jniá'₂ dsi₂jui₅ jaun₂ 'éi'₃ quió'₅ Diú₄. ¹² Jaun₂ ně₃ ca₂juá'₂:
 —Jme₁chan₂ jan₂ dsa₂ i₂lín₅ tsi₁jon₂ dsa₂jlán'₁. Ca₂ñó₃ caun₂ juig₂ uíng₂ ja₁'ag₃ dsa₂ a₂lén₂ rag₅₄, jaun₂ guě₄ jniói'₂ táng₃. ¹³ La₁ né'₃ a₂o₃'iin₅, ca₂tě'₃ guian₃ dsa₂ i₂jme₂ti₃ ta₁ ne₅₄. Jaun₂ le₂jan₂ le₂jan₂ 'éi₂ ca₂cuě'₃ jma₃cáun₃ cu₄ 'ua'₂ a₂chei₂ mina.† Jaun₂ ca₂juá'₂: “Jmo₄ 'nia'₂ ta₁ cu₄ ně₅ qui₁dsag'₂ 'nia'₂ ca₂lia'₂ ca₂tě₂ jmíg₄ i₁guang'₂ táng₃.” ¹⁴ La₁ dsa₂ go₅₄ ně₃

* **19:4** sicómoro: mei'₂ tsá₃ ni₁'ma₂ Ficus sycomorus. 'Nio'₂ ja₁ton₅ Amós 7:14. † **19:13** mina: co₂'nió'₄ 'lian'₅₄ dsa₂ con'₂ 'ni₅ tsi'₂ ta₁.

ca₂rē₃'iog₅₄, ca₂chein₃ co₂nió'₃ dsa₂ ca₂i₁chi'₄ dsa₂ ja₁jaun₂: “Tsá₃ 'niog₂ jnia'₅₄ jme₃gón₃ i₂nē₅ jē₄ quián₂.” ¹⁵ La₁ tion₅₄ bá₄ ca₂lin₃ 'éi₂ rag₅₄. Jme₁ca₂guáin'₃ táng₃ go₅₄, jaun₂ ca₂tē'₃ dsa₂ i₂jme₂ti₃ quiáin₅ i₂ca₂cuē'₃ cu₄ 'éi₂, ia₁ 'nio₃ con₂ 'í₁ jma₃je₂liá'₂ tí₅ a₂ma₂tē₁dsi₅₄ quió'₅ le₂jain₂ le₂jain₂. ¹⁶ Jaun₂ ca₂dsióg₃ i₂le₂'uig₅₄, ca₂juá'₂: “Gui'₅₄, con₂ guē₄ guia₃ co₂jaun₂ ma₂tē₁dsi₅₄ cu₄ mina quiáng'₂.” ¹⁷ Jaun₂ ca₂tsí'₃ 'éi₂: “E₂ guē₄ dse₃, téng'₅ bá₄ ta₁; ca₂jme₁ti'₄ bá₄ dse₃ quian'₅₄ a₂ca₂juig₄ a₂ca₂dsia₃ jniá₂ gog'₂. Nē₃ nē₃ dsia₄ jniá₂ gog'₂ a₂jmo'₂ 'éi'₃ ne₄ guia₃ juig₂.” ¹⁸ Jaun₂ ca₂guan₃ táng₃ i₂ca₂tē₂ on₃, ca₂juá'₂: “Gui'₅₄, 'niá₂ guē₄ co₂jaun₂ ma₂tē₁dsi₅₄ cu₄ mina jaun₂ quiáng'₂.” ¹⁹ Le₂jaun₂ bá₄ ca₂tsí'₃ i₂'éi₂ ján₃: “Ne₂ guē'₂ jmo'₂ 'éi'₃ ne₄ 'niá₂ juig₂.” ²⁰ Jaun₂ ca₂já₃ táng₃ jan₂ ca₂juá'₂: “La₂ bá₄ ron₅ cu₄ quiáng'₂, gui'₅₄. Ca₂'ma₃ bá₄ jniá₂ dsí₅ pe₁guí₄. ²¹ A₂gán₅ 'ne₂ bá₄ jniá₂, ia₁ guion₅₄ líng'₅ dsa₂ tsau₂ dsí₅, tē₂le₃ dséi₂ mág'₂ quiáng'₂. Ia₁ cáun'₂ ja₁tsá₃ 'e₂ ca₂qui₁dsag'₂ 'niag'₂, ton'₂ cag'₅₄ ja₁tsá₃ 'e₂ ca₂jñi'₂.” ²² Jaun₂ ca₂ṇag₃ táng₃ 'éi₂: “i'E₂ bá₄ tsá₃ ta₁ téng'₄! Lia'₂ con₂ lē₅ jág₁ quiáng'₂ qui₁dsi₅ jniá₂ 'éi'₃. Chi₂jua'₂ ma₂ñi'₅₄ líng₅ dsa₂ i₂tsau₂ dsí₅, cáun₄ a₂tsá₃ 'e₂ ca₂qui₁dsag'₂ 'ñio₃, ton'₂ cag'₅₄ ja₁tsá₃ 'e₂ ca₂jan₃, ²³ i'E₂ 'uig₅₄ tsá₃ ca₂i₁tio'₂ banco cu₄ quió₃ jaun₂ nē₃, ia₁jaun₂ jē₁ma₂guáng'₅ la₂, jme₁guéi'₄ lia'₂ jma₃quian'₅₄ a₂tē₁dsi₅₄?” ²⁴ Jaun₂ ca₂tsí'₃ i₂jme₁tión₂ cau₅: “Jñiá'₃ 'nia'₂ cu₄ mina a₂chan'₂ i₂nē₅. Cuē'₅₄ i₂'io₅ guia₃.” ²⁵ Jaun₂ ca₂juá'₂ 'éi₂: “Gui'₅₄, ma₁ ma₂'io₅ bá₄ i₂nē₅ guia₃ minas.” ²⁶ Jaun₂ ca₂ṇag₃ rag₅₄: “A₂dsi₂jó'₃ juig₂ jniá₂ 'nia'₂, ca₂le₃jín₃ jui₁lia'₂ i₂ma₂le₁'io₅, ñei₂ guē₄; la₁ i₂tsá₃ 'e₂ qui₁dsag'₂, ca₂tē₂ a₂jme₁ma₂niog₅ gu₂, co₂ñei'₅₄ jñia'₃. ²⁷ La₁, jui₁lia'₂ dsa₂ i₂'iog₅₄ i₂tsá₃ 'ñio₂ dsí₅ gua₅₄ jmo₅₄ 'éi'₃ ja₁coin₂, o₂quian₅ 'nia'₂ ja₁lá₃, jaun₂ jme₁dsiain'₂ 'nia'₂ ne₃.”

Ca₂dsióg₃ Jesús juig₂ Jerusalén

(Mateo 21:1-11; Marcos 11:1-11; Juan 12:12-19)

²⁸ Jme₁ca₂dsan₃ tsí'₅ dsa₂ le₂nē₅, ca₂'ág₂ táng₃ ne₅₄ jui₅, ca₂uig₂ tso₄ a₂dsióg₄ Jerusalén.

²⁹ Jme₁ma₂ja₂quián₃ dsióg₄ juig₂ Betfagé quian'₅₄ Betania, a₂te₁'i₁ cau₅ má'₂ chei₂ Olivos, ja₁jaun₂ ca₂chein₃ on₃ chi'₂ dsi₂guia₃-tín₂ quian₅. ³⁰ Ca₂juá'₂:

—O₂nó'₅ 'nia'₂ juig₂ niog₅ 'ño'₅₄ ó. Jē₁ma₂ca₂dsi₃nóg'₅, dsian'₂ 'nia'₂ jan₂ bú'₄ chéin'₅ rē₂'ñe'₅₄, i₂tsá₃ 'ein₂ ma₂co₁dsag₅₄. Chein'₅₄ 'nia'₂ jaun₂ tē'₅₄ ja₁lá₃. ³¹ Nē₁jua'₂ 'ein₂ ca₂ṇag₃ 'e₂ lē₃ tsin'₅₄, jaun₂ juig'₅₄: “Ia₁ 'niói'₅ quió'₅ Te₁gui'₅₄.”

³² Ca₂i₃lén₂ bá₄ guē'₂ i₂chen₄ 'éi₂ nē₃. Ca₂lē₃ rē'₂ lia'₂ con₂ lē₅ jág₁ jaun₂.

³³ Jme₁ma₂tioin'₅₄ chéin'₂ bú'₄, ca₂juá'₂ juig₅₄ já'₂:

—i'E₂ 'uig₅₄ tsin'₅₄ 'nia'₂ bú'₄?

³⁴ Jaun₂ ca₂ṇag₃:

—Ia₁ 'niói'₅ quió'₅ Te₁gui'₅₄.

³⁵ Jaun₂ ja₂lein₃ bá₄ te₂ ja₁'en₅₄ Jesús. Qui₂ca₂dsia₃ tsi₁'mí'₂ mī₂ca'₄ dsi₂bú'₄, jaun₂ guē₄ ca₂dsiain₃ Jesús guei'₅₄.

³⁶ Le₃ne₄ jui₅ ja₁ñó₄ Jesús, qui₂ca₂já₃ dsa₂ 'mí'₂ le₂'i₄ jui₅.

³⁷ Con₂ jme₁ma₂ja₂quián₃ jein₅₄ Má'₂ Olivos, ca₂jme₃lióg₃ ca₂le₃jín₃ dsa₂ i₂quian₅₄ ca₂tóin'₂ co₂mí'₅₄ jmo₂₃ 'io'₂ jme₂juin'₂ Diú₄ nē₃, o₄quió'₄ ca₂le₃jē₃ jui₅bí₂ a₂ma₂jmo₃ Jesús, a₂qui₂ma₂tē₂ ne₅₄.

³⁸ Ca₂juá'₂:

—jui₁le₂juin'₂ bá₄ Rag₅₄ nē₅ i₂já₅ o₄quió'₄ Te₁gui'₅₄! jui₁'ei₅ bá₄ tei₄ guei'₅₄ i₂juig₃! jui₁le₂juin'₂ bá₄ Diú₄ le₂tan₅₄ ja₁ñei₅ nē₃!

³⁹ I₂lin₅₄ dsa₂ fariseos i₂tion'₅₄ jē₄ jaun₂ ca₂juá'₂:

—Tē₅, jén₃ dsa₂ i₂quiang'₅₄.

⁴⁰ Jaun₂ ca₂ṇag₃ Jesús:

—Juig₂ jniá₂ 'nia'₂, jua'₅₄ mei'₂ guē₃ dsi₂lén₂ i₂nē₅ tei₄, ni₁cang₁ guē'₂ tó'₃ mī'₅₄.

⁴¹ Jme₁ma₂ja₂quián₃ dsióg₄ 'ni'₂ juig₂ Jerusalén, ca₂'o₃ o₄quió'₄ dsa₂ juig₂, ⁴² ca₂juá'₂:

—jui₁lia₂ bá₂ nǐ₂ 'au₂ 'nia₂ jmi₄ nē₃ a₂dse₃ já₅ jin₄ 'nia₂ a₂jme₁le₃chang₂ 'ag₃ tei₄! La₁ rē₂'ma₄ jlē₅ le₃ja₁cong₂. ⁴³ Ia₁ jiá₃ jmi₄ ja₁tsá₃ ma₃'e₂ nǐ₅₄ 'nia₂ jmo₂. Ia₁ cho₃ dsa₂ i₂'iog₅₄ caun₂ nǐ₁'ia₂ le₃lág₃ quián₂ 'nia₂, a₂jē₃li₅₄, qui₃tiog₃ dsa₂ nē₃ le₂tan₅₄ ja₁lē₄ o₄jui₅. ⁴⁴ Jnáu₂ dsa₂ 'uē₃ 'nia₂, jme₃dsiog₂₃ lia₂ jma₃quian₅₄ chi₂'guein₂ quiáng₂. 'I₁ca₂míg₂ cang₄ tsá₃ ma₃'e₂ le₁juí₄ lé₂ ja₁lá₃. Ia₁ tsá₃ ca₂rē₃len₄ 'nia₂ lia₂ con₂ jmi₄ jme₁'nio₃ Diú₄ jme₃gu₅₄.

Ca₂'uín₂ Jesús dsa₂ i₂jme₁tion₅₄ dsia₅ 'ma₅₄ i₁dsi₅ guá₅

(Mateo 21:12-17; Marcos 11:15-19; Juan 2:13-22)

⁴⁵ Jaun₂ ca₂'í₃ Jesús i₁dsi₅ guá₅ templo, ca₂jme₃lióg₃ qui₂ca₂'uín₂ dsa₂ i₂jme₁ma₂tion₅₄ 'nag₅† ja₁jaun₂. ⁴⁶ Ca₂juá₂:

—Ne₄ Si₂juá₂: “Nē₅ quió₃ lé₂ ca₂ne₅₄ 'né₅ ja₁chi₂lén₂ dsa₂ Diú₄.”§ La₁ 'nia₂ nē₃ ma₂jmo₅₄ nē₂jag₄ bá₄ tē₂'lau₂ quió₅ dsa₂ 'ang₂.*

⁴⁷ Ca₂le₃jē₃ jmi₄ bá₄ jme₁jme₂tin₅ Jesús dsa₂ i₁dsi₅ guá₅. La₁ juig₅₄ jme₂dsa₂ quian₅₄ tē₃juá₅, dsa₂ can₅₄ quián₅ juig₂ nē₃, caun₂ 'no₂ jui₅ 'a₂ lia₂ jnag₃.

⁴⁸ La₁ tsá₃ dso₂ guē₂ jui₅ 'a₂ lia₂ jmo₃, ia₁ ca₂le₃jín₃ bá₄ dsa₂ i₂tion₅₄, nag₂₃ tei₄ lín₃.

20

A₂'io₅ Jesús 'éi₃

(Mateo 21:23-27; Marcos 11:27-33)

¹ Co₂ráun₂ jme₁ma₂'en₅₄ Jesús jme₂tiin₂₃ dsa₂ já₅ dse₃ i₁dsi₅ guá₅ templo, jme₁ca₂dsi₃lén₂ juig₅₄ jme₂dsa₂, tē₅juá₅, quian₅₄ gui₅₄ can₅₄ nē₃. ² Ca₂juá₂:

—Jmo₄ já₅ 'e₂ ta₁ líng₅. ¿'Ein₂ ca₂cuē₃ bí₂ 'éi₃ a₂jmo₂ le₂nē₅?

³ Jaun₂ ca₂ṇag₃ Jesús, ca₂juá₂:

—Ján₃ bá₄ ṇag₄ jniá₂ caun₂ já₅ 'nia₂: ⁴ ¿'Ein₂ ca₂chen₃ Juan₅₄ a₂o₃choin₃ dsa₂ jmi₄g₂? ¿Ca₂chei₃ Diú₄, o₃ ca₂chei₃ dsa₂ mi₂güí₃ 'e₂? ṇag₄ de₂ 'nia₂ a₂nē₅.

⁵ Jaun₂ ca₂dsia₃ já₅ guioin₅₄, ca₂juá₂:

—Nē₁juá₂ ca₂chei₅₄ jniog₄ i₂chen₄ quián₅ Diú₄ bá₄ 'éi₂, nē₃ cón₅ bá₄ juá₂: “¿'E₂ guē₂ lē₃ tsá₃ ca₂rē₃'én₂ 'nia₂ já₅ quió₅?” ⁶ Nē₁juá₂ ca₂ṇag₄ guē₂ jniog₄ dsa₂ bá₄ i₂ca₂chen₃ 'éi₂, nē₃ cón₅ bá₄ ca₂le₃jín₃ dsa₂ juig₂ qui₃dsag₅ cang₄. Ia₁ 'én₂ dsón₂ bá₄ dsa₂ juig₂ a₂jme₁lín₄ Juan₅₄ jan₂ i₂'ē₂ já₅ quián₅ Diú₄.

⁷ Jaun₂ ca₂ṇag₃:

—Tsá₃ a₂jaun₂ ne₄ jnia₅₄.

⁸ Jaun₂ ca₂juá₂ Jesús:

—Ján₃ bá₄ le₂nē₅ tsá₃ juá₄ jniá₂ 'ein₂ cuē₅ bí₂ 'éi₃ a₂jmo₂₃ ca₂le₃jē₃ 'e₂ a₂jmo₂₃.

Jág₁ jáng₅ léi₄ jui₁lia₂ co₂nió₃ dsa₂ 'lín₅₄ i₂jmo₂ ta₁ja₁nau₂

(Mateo 21:33-44; Marcos 12:1-11)

⁹ Jaun₂ ca₂jme₃lióg₃ táng₃ Jesús ca₂tsí₃ dsa₂ juig₂ caun₂ já₅ jáng₅ léi₄ la₂, ca₂juá₂:

—Jme₁chan₂ jan₂ dsa₂ i₂ca₂jmo₃ caun₂ ja₁nau₂ ca₂chéin₃ uing₂ mǐg₂ uvas. Cang₂ jaun₂ ca₂o₃'iín₃ bá₄ ca₂ṇó₃ uē₂ ja₁siá₂. Gu₂ dsa₂ sián₂ bá₄ ca₂dsia₃ ja₁nau₂ quió₅. ¹⁰ Jme₁ca₂tē₂ jein₂ a₂ca₂rau₂ ja₁nau₂, ca₂chein₃ jan₂ dsa₂ i₂jme₂ti₃ quián₅, a₂i₁mag₂₃ con₂ a₂ca₂tiín₂ ne₄ dsa₂ i₂jmo₅ ta₁ ja₁nau₂ 'éi₂. La₁ jē₂ bá₄ ca₂cuē₃ tióin₅₄, ca₂dsióg₂ lín₃. ¹¹ Jaun₂ dsa₂ juig₅₄ ja₁nau₂, ca₂chein₃ táng₃ jan₂ i₂sián₂, la₁ le₂jaun₂ bá₄ ca₂jmo₂g₂ táng₃: jñia₅₄ ca₂tē₂ca₂'o₂ bá₄ ca₂cuē₃ tióin₅₄, ca₂dsióg₂ lín₃ táng₃. ¹² Jē₁ca₂tē₂ 'nag₂, ca₂chein₃ táng₃ jan₂ i₂sián₂. La₁ ján₃ bá₄ le₂jaun₂ qui₂ca₂jmo₂g₂ uig₅, ca₂dsei₂₃ tióin₅₄.

¹³ Jaun₂ ca₂juá₂ juig₅₄ ja₁nau₂: “¿'E₂ jmo₅₄ jniá₂ nē₃? Chi₂ quiáng₃ i₂'nióg₃ guē₄ lín₃ tsing₅₄. 'An₁ jme₃gain₃ bá₄ i₂nē₅.” ¹⁴ La₁ jme₁ca₂jág₂ i₂tion₅₄ jmo₅ ta₁, ca₂quín₃ já₅, ca₂juá₂: “I₂nē₅

† 19:45 A₂lín₅₄ chog₅₄ si₂: “i₂jme₁ma₂tion₅₄ 'nag₅, lá₅ ja₁jaun₂.” § 19:46 Isaías 56:7. * 19:46 Jeremías 7:11.

bá₄ tin₃ a₂la₂ can₂. Nē₃ o₁ñí₄ jniog₄, ia₁jaun₂ jniog₄ bá₄ lé₂ quián₂.” ¹⁵ Jaun₂ ca₂dsei₂₃ ca₂i₁jñag₂ 'ni₂ ja₁nau₂. ¿'E₂ bá₄ jmo₃ dsa₂ i₂quió₅ ja₁nau₂ ně₃, quian₅₄ dsa₂ 'éi₂? ¹⁶ Guain₂ jme₃dsiain₂₃ dsa₂ i₂tion₅₄ ja₁nau₂. O₄gú₃ i₂sián₂ bá₄ ñág₃ ja₁nau₂ quió₅.

Jme₁ca₂ná₂g₂ dsa₂ jág₁ ně₅, ca₂juá₂:

—ĩTsá₃ jui₁le₅₄ le₂nē₅!

¹⁷ Jaun₂ ca₂jág₂ Jesús, jaun₂ ca₂juá₂:

—¿'E₂ guē₂ 'nió₄ jein₅ jág₁ ja₁juá₂ ne₄ Si₂?

Ni₁cang₁ a₂tsá₃ ca₂rē₃ji₅₄ tē₅'ia₂,

ca₂dsióg₃ ca₂lē₃ ni₁cang₁ a₂dsen₅₄ guē₄

tē₁ron₅₄ qui₅₄ 'ia₂.*

¹⁸ Ca₂le₃jín₃ i₂tsi₃sén₂ ne₄ ni₁cang₁ jaun₂ lé₂ le₁juig₁ le₁dsog₅₄ quió₅; ně₁jua₂ ni₁cang₁ guē₂ ně₃ ca₂tá₂ ne₄ quió₅, lé₂ 'liog₂.

¹⁹ Dsi₂jui₅ jaun₂ jme₁'nio₃ juig₅₄ jme₂dsa₂, tē₅juá₅ ně₃, jme₁tsáun₂, ia₁ ca₂rē₃lí₄ a₂'in₅ 'éi₂ bá₄ Jesús, a₂ca₂juá₂ jág₁ jáng₅ léi₄ jaun₂.† La₁ dsa₂ juig₂ bá₄ ca₂rē₃gain₃.

Jág₁ jui₁lia₂ 'lia₅₄ a₂ca₂tín₂ dsi₂tan₅₄

(Mateo 21:45-46; 22:15-22; Marcos 12:12-17)

²⁰ Cón₂ ca₂chein₃ dsa₂ i₂jñia₅₄ con₂ tiog₅, tsá₃ jme₂li₅₄, jmo₂₃ a₂lín₅ dsa₂ dsen₃, jme₁'no₂ jui₅ 'a₂ lia₂ jme₁jo₁₂ jua₅₄ ca₂jon₄ bá₄ jág₁ 'lia₂ jme₁'ñiá₃ Jesús. Jaun₂ jme₁dsi₁jáng₂ ne₄ bí₂ 'éi₃ a₂'io₅ dsi₄má₂. ²¹ Jaun₂ ca₂ñi₃ Jesús jág₁ la₂:

—Tē₅, ne₄ jnia₅₄ dsón₂ bá₄ lia₂ tí₅ jág₁ jme₂tíng₁ dsa₂, tsá₃ jua₅₄ jma₃quén₅ jing₅₄ dsa₂; jme₂tíng₁ dsa₂ con₂ lē₅ jui₅ tí₅ quió₅ Diú₄. ²² Jua₅₄: ¿'I₄ 'éi₃ qui₅₄ 'lia₅₄ quió₅ dsi₂tan₅₄ César, o₃ tsá₃ qui₅₄ 'e₂?

²³ La₁ ca₂rē₃lí₄ bá₄ Jesús mai₅₄ quió₅ dsa₂ 'éi₂. Jaun₂ ca₂ñag₃:‡

²⁴ —'Ē₄ de₂ 'nia₂ caun₂ cu₄ 'ua₂. § ¿'Ein₂ quió₅ nió₄ chi₁ton₅? ¿'A₂ lia₂ chein₂ juá₂ letras tio₅₄ ně₅?

²⁵ —Quió₅ gui₅₄ emperador César bá₄ —juá₂ jaun₂ ně₃.

Jaun₂ guē₄ ca₂juá₂ Jesús:

—Jang₅₄ guē₂ 'nia₂ jaun₂ ně₃, ne₄ César con₂ a₂ca₂tín₂ César; ne₄ Diú₄ ně₃ jang₅₄ 'nia₂ con₂ a₂ca₂tín₂ Diú₄.

²⁶ Jaun₂ tsá₃ ca₂tió₃ jua₅₄ a₂jo₅₄ quian₅₄ jág₁ tē₃jē₄ jág₅ dsa₂ jaun₂. Tē₂le₃ ca₂i₃gó₃ dsi₅ bá₄ jág₁ a₂ca₂jén₃ Jesús; tei₄ bá₄ co₂ñei₅₄ ca₂i₃lén₂.

Ca₂ñag₃ dsa₂ saduceos jui₁lia₂ a₂jen₅₄ 'lag₄

(Mateo 22:23-33; Marcos 12:18-27)

²⁷ Jaun₂ ca₂jme₃quián₃ i₂lín₅₄ dsa₂ saduceos, i₂jme₂tag₅ a₂tsá₃ jen₅₄ 'lag₄, ca₂o₃ñag₅₄:

²⁸ —Tē₅, ca₂quiog₂ Moisés si₂ a₂juá₂, ně₁jua₂ ca₂jon₃ jan₂ dsa₂ ñe₂ tē₃ tsá₃ ca₂can₃ 'io₅₄ quiáin₅ guein₂, tion₅₄ 'nió₅ jén₂ gu₂ dsó₂ rín₅₄ dsa₂ ñe₂ i₂ca₂jon₃ quian₅₄ 'io₅₄ 'nág₂ 'éi₂, ia₁jaun₂ guein₂ i₂le₃chan₂ quiáin₅, lé₂ co₂'nió₄ tsi₁jon₂ 'lag₄ riin₅₄. ²⁹ Jaun₂ ně₃, jme₁chan₂ guion₃ dsa₂ ñe₂ i₂jme₁lē₄ rín₅₄. Ca₂jen₂ gu₂ i₂le₂ 'uig₅₄, la₁ ca₂join₃ bá₄ tē₃ tsá₃ guein₂ ca₂can₃ 'io₅₄ quiáin₅. ³⁰ Jaun₂ ca₂caun₃ táng₃ i₂ca₂tē₂ on₃,* ³¹ le₂jaun₂ bá₄ i₂ca₂tē₂ ún₂ ně₃, ca₂cain₃ 'io₅₄ 'éi₂. Le₂jaun₂ bá₄ ca₂lē₃ quian₅₄ ta₁guion₃. Ca₂dsain₃ bá₄; 'i₁jan₂ guein₂ tsá₃ ca₂can₃ 'io₅₄. ³² Jē₁ca₂tó₂, ca₂jon₃ bá₄ 'io₅₄ ján₃. ³³ Jaun₂ ně₃, jmi₄g₄ jē₁ma₂tē₂ rē₁jen₅₄ 'lag₄, ¿'ein₂ bá₄ quián₅ lé₂ 'io₅₄ 'éi₂? Ia₁ ta₁guion₃ bá₄ guē₂ dsa₂ ñe₂ i₂ca₂guá₂ quian₅₄.

³⁴ Jaun₂ ca₂ñag₃ Jesús:

* **20:17** Salmo 118:22. † **20:19** 'Nio₂ ja₁ton₅ Isaías 5:7. ‡ **20:23** A₂lín₅₄ chog₅₄ si₂ chi₁ton₅ ján₃: “¿'E₂ lē₃ cáun₂ táu₂ 'nia₂ jniá₂?” § **20:24** griego: denario. * **20:30** A₂lín₅₄ chog₅₄ si₂: “ca₂caun₃ táng₃ i₂ca₂tē₂ on₃, la₁ ján₃ bá₄ le₂jaun₂ ca₂join₃, tsá₃ guein₂ ca₂can₃ 'io₅₄.”

—Dsa₂ i₂chan₂ ne₄ gua'₅₄ 'uë₃ jmi₄g₄ nē₃, tioen'₅₄ qui₂jéin'₂ gu₂, qui₂jéin'₂ gu₂ chi'₂ quiáin₅ nē₃. ³⁵ La₁ i₂ca₂tín₂ tín'₄ ja₁tiaín'₃ mi₂gúig₃ caun₂, i₂tin₅₄ jen'₅₄ ja₁jme₁rē₂'lín₅₄, ja₁jaun₂ guē₄ tsá₃ ma₃'ein₂jén'₂ gu₂, on₃ guē₄ qui₃jéin'₂ guē₄ gu₂ chi'₂ quiáin₅. ³⁶ Ia₁ tsá₃ ma₂'ein₂lé₂ dsián₃. Ja₁jaun₂ ma₂lén₂ jui₁lia'₂ lín₅ ángeles, lén₂ jaun₅ Diú₄, ia₁ ma₂ca₂rē₃cháin₃ táng₃. ³⁷ La₁ jui₁lia'₂ a₂jen'₅₄ 'lag₄, ca₂tē₂ Moisés ca₂cuē₃ léi₄ jme₁ca₂tó'₂ ne₄ Si₂ a₂ca₂lē₃ quian'₅₄ ni₁'ma₂ taun₅, ja₁juá'₂ 'iín₂₃ Te₁gui'₅₄: “Diú₄ quián₅ Abraham, Diú₄ quián₅ Isaac, Diú₄ quián₅ Jacob.” ³⁸ Jaun₂ nē₃ tsá₃ lín₅ Diú₄ quián₅ 'lag₄; Diú₄ quián₅ dsa₂ i₂jén'₃ bá₄ lín₅, ia₁ o₄quió'₄ 'éi₂ bá₄ chan₂ le₃jín₃.

³⁹ Jaun₂ ca₂ṇag₃ i₂lín₅₄ tē₅juá'₅:

—Tē₅, 'ṇio₅ jlá'₁ jág₁ quiáng'₂.

⁴⁰ Tsá₃ ma₃ca₂tiá₃ dsi₅ jua'₅₄ a₂ṇag₃ guē₄ 'e₂ ṇag₃.

¿'Ein₂ tsi₁jon₂ quián₅ lín₅ I₂rē₂'ín₁ quián₅ Diú₄?

(Mateo 22:41-46; Marcos 12:35-37)

⁴¹ Ca₂juá'₂ Jesús ca₂tsí'₃ dsa₂:

—¿'A₂ lia'₂ lē₅ nē₃ a₂juá'₂ dsa₂ a₂lín₅ tsi₁jon₂ David I₂rē₂'ín₁ quián₅ Diú₄? ⁴² Jua'₂ 'ṇiog₅ bá₄ guē₂ David ca₂tióng₃ ne₄ si₂ Salmos, ca₂juá'₂:

Ca₂juá'₂ Diú₄ ca₂tsí'₃ Te₁gui'₅₄ quiáng₃:

“Né₂ con₂ jniá₂ tē₂le₃ gu₃ ne₁,

⁴³ ca₂lia'₂ ca₂tē₂ jmi₄g₄

a₂tón'₄ jniá₂ dsa₂ i₂'iog₅₄ o₄tag'₄.”†

⁴⁴ Chi₂jua'₂ le₂nē₅ juá'₂ David tē₂ Te₁gui'₅₄, ¿'a₂ bá₄ lia'₂ lē₅ jaun₂ a₂juá'₂ lín₅ jaun₅ 'éi₂?

Jme₂cáun'₂ Jesús quió'₅ tē₅juá'₅

(Mateo 23:1-36; Marcos 12:38-40; Lucas 11:37-54)

⁴⁵ Tē₃ nag₅ ca₂le₃jín₃ dsa₂ i₂tion'₅₄, ca₂tsí'₃ dsa₂ i₂quian'₅₄ le₂la₂:

⁴⁶ —Te₃ṇi'₅₄ 'nia'₂ quian'₅₄ tē₅juá'₅, ia₁ 'ṇio₅ 'ṇio₂ dsi₅ i₂nioi₅₄ jláin'₁ le₁qui'₂ tsi₁'mi'₂ chen'₅₄ jang₄; tē₅ dsi₅ qui₂cuag₃ dsa₂ Diú₄ jui₁lia'₂ jē₄ 'ma'₅₄, jmá'₃ lia'₂ ne₄ 'ma₂si₅₄ dsen₅₄ bá₄ 'no'₂ tiaín'₃ jui₁lia'₂ dsi₂néi₂ guá'₅ sinagogas; le₂jaun₂ bá₄ 'no'₂ ja₁jme₂juag'₂ dsa₂ jui₁lia'₂ ja₁niog₅ jmi₄g₄ nē₃. ⁴⁷ Qui₂jniá'₂ 'ne₄ 'io₅₄ 'nág₂; a₂tsá₃ jme₂li₅₄ jmo₂₃ chi₂lén'₂ Diú₄ uē₂. Tson₂ guē₄ uig₅ 'ē₂ Diú₄ quió'₅ i₂le₂nē₅.

21

Ca₂tó'₂ 'io₅₄ 'nág₂ te₂ṇé₂ cu₄ quió'₅

(Marcos 12:41-44)

¹ Jaun₂ ca₂chóg'₃ Jesús ne₅₄, ca₂jíin₂ dsa₂ cha₂ cu₄ i₂dsi₂lén₂ dsi₂tio'₂ cu₄ 'ṇió'₃ tsi₁gu₅ ja₁tio'₅₄ ofrendas.

² Jaun₂ ca₂jíin₂ táng₃ jan₂ 'io₅₄ 'nág₂ te₂ṇé₂ ca₂tó'₂ tin₃ ṇí₁ guéin₂. * ³ Jaun₂ ca₂juá'₂ Jesús:

—A₂dsi₂jó'₃ juíg₂ jniá₂ 'nia'₂, 'lióng₂ guē₄ nē₂tió'₂ 'io₅₄ 'nág₂ te₂ṇé₂ nē₅ lia'₂ con'₂ guē₄ ca₂le₃jín₃ i₂ma₂nē₂tió'₂. ⁴ Ia₁ 'éi₂ nē₃, cu₄ a₂ma₂qui₂rē₂tsón₂ bá₄ jaun₂ quió'₅ cuē₂₃; dsa₂ mí₂ nē₅ nē₃, nē₂cuē₃ ca₂le₃jē₃ a₂jme₁ron₅ quió'₅ bá₄, 'nió'₄ a₂jme₁lá₃ a₂guē'₃.

A₂dsi₃'én₂ bá₄ guá'₅, jág₁ 'ē₂ Jesús

(Mateo 24:1-2; Marcos 13:1-2)

⁵ I₂lín₅₄ dsa₂ jme₁tióin₂ dsia₂₃ jág₁ a₂ja₂nē₂ guá'₅ templo, ia₁ a₂ṇí₄ lē₃ jlá'₁ ni₁cang₁ a₂le₁juí₄, ca₂le₃jē₃ guē₄ a₂jlá'₁ tio'₅₄ a₂qui₂ma₂cuē₃ dsa₂ co₂'nió'₄ ofrendas. Jaun₂ ca₂juá'₂ Jesús:

⁶ —Ca₂le₃jē₃ a₂jág'₂ 'nia'₂ tióng'₂ nē₅, já₅ caun₂ jmi₄g₄ jē₁dsi₃'én₂, tsá₃ ma₃'e₂ ni₁cang₁ te₂'ṇiá₄ jua'₅₄ a₂le₁juí₄ guē₄ lé₂.

† 20:43 Salmo 110:1. * 21:2 lit. “tin₃ ṇí₁ lepta.”

Léi₄ a₂le₃cha₂ jmig₄ jë₁ca₂tó'₂
(Mateo 24:3-28; Marcos 13:3-23)

⁷Jaun₂ ca₂ηag₃ dsa₂ nē₃:

—Të₅, ħlíg'₂ jaun₂ lé₂ a₂nē₅? ħ'E₂ bá₄ léi₄ le₃cha₂ jë₁ma₂ja₂quián₃ lé₂ a₂jaun₂?

⁸Jaun₂ ca₂ηag₃:

—Jmo₄ 'nia'₄ 'í₁ tsá₃ i₂cuín₅ 'nia'₂ jua'₅₄ a₂jme₃gau₅ dsa₂. Ia₁ i₂juín₅ lín₃ i₂të₁₃nio₄ i₂juá'₂ i₂noi₅₄ o₄quió₃ jniá₂, a₂juá'₂ nē₃: “Jniá₂ bá₄ 'éi₂”; juá'₂ ján₃: “Ma₂ja₂quián₃ jmig₄ jaun₂”. La₁ tsá₃ i₂o₂nó₅ 'nia'₂ chi₁co'₅₄ quió'₅. ⁹Ia₁ jë₁ma₂ca₂nei'₂ 'nia'₂ 'ei₅ jág₁ a₂nio₃ 'nei₂, tón'₃ dsa₂ mi'₅₄ nē₃, tsá₃ tón'₁ 'nia'₂ go₂'i₃, ia₁ le₂jaun₂ de'₂ jniá₅ ca₂tín₂ lé₂ bá₄, ia₁ on₃jua'₅₄ a₂ma₂dsian₅ dsi₂jui₅ jaun₂.

¹⁰Jaun₂ ca₂tsí'₃ táng₃ dsa₂:

—Qui₃nio₃ 'nei₂ jui₁lia'₂ caun₂ juig₂, qui₂quín'₂ quian'₅₄ juig₂ siá'₂; jme₃'uán'₃ dsa₂ ca₂taun₂ ca₂taun₂. ¹¹Qui₂dsi₃bi₅₄ 'uë₃ tiá₂, jiá₃ 'on₅₄ dsa₂ ca₂le₂con₂, 'í₂ jmi₁uig₅ nē₃; jniá₅₄ gau₂ dsi₁guei'₅₄, 'lióng₂ léi₄ ca'₅₄ qui₂le₃jniá₂. ¹²La₁ né'₃ a₂lé₂ ca₂le₃jë₃ a₂nē₅, qui₃tsán'₂ dsa₂ 'nia'₂ qui₂co₃'ein₃ dsa₂. Dsi₁jang'₂ dsa₂ o₄gú₃ dsi₂tan₅₄ quián₅ guá'₅ sinagoga, jaun₂ guë₄ to'₂ né'₃ 'má₃. Dsi₁jó₂ ne₄ rag₅₄ ne₄ dsi₄má'₂ nē₃ 'uig₅₄ quió₃ jniá₂. ¹³Ja₁jaun₂ cuín₃ jmig₄ a₂jang'₅₄ 'nia'₂ jág₁ dsau₅ a₂'ág'₄ jniá₂. ¹⁴'Éi₂ 'nia'₂ caun₂ 'au'₂, tsá₃ 'náu'₂ 'nia'₂ 'au'₂ të₃jniá₅ 'a₂ lia'₂ long'₅₄, ¹⁵ia₁ 'ñi₃ó₃ bá₄ jniá₂ cuë₅₄ jág₁ a₂tíng'₂ a₂ñi'₅₄ 'nia'₂ 'a₂ lia'₂ ηag'₅₄, ca₂lia'₂ jñia'₅₄ tsá₃ ma₃'e₂ ηi₅ ηag₃ ca₂le₃jín₃ dsa₂ i₂'iog₅₄ 'éi₂. ¹⁶Ca₂të₂ chog'₂-ñéi'₅ 'nia'₂ qui₃jáng'₂, ca₂të₂ chi'₂ ríng'₂, o₄ríng'₂, a₂mei₅₄ quiáng'₂ nē₃. I₂lín₅₄ 'nia'₂ jme₃dsiog₅ dsa₂. ¹⁷Ca₂le₂con₂ bá₄ jme₃ñia₅₄ dsa₂ 'nia'₂ o₄quió₃ jniá₂. ¹⁸La₁ tsá₃ can₂ 'nia'₂ o₂i₁ dsi₅, ia₁ ca₂lia'₂ jñia'₅₄ 'i₁ca₂mi'₂ jñi₂ dsei'₂ 'nia'₂ tsá₃ dsi₃'én₂. ¹⁹Në₁jua'₂ ca₂nau'₂ 'nia'₂ tiá₂, dsi₁no'₃ 'nia'₂ tín'₄ jme₂dsi₂ quiáng'₂.

²⁰'Jë₁ma₂ca₂jag'₅₄ 'nia'₂ ma₂le₁lio₃ 'lióg₂ le₃lág'₃ juig₂ Jerusalén, jaun₂ guë₄ le₃len'₅₄ 'nia'₂ ma₂ja₂quián₃ 'én₂. ²¹Dsa₂ i₂tián'₅ 'uë₃ Judea jmig₄ jaun₂, jui₁cuíng₁₂ le₃má'₂; i₂tián'₅ jë₄ juig₂ guë'₂ nē₃, jui₁'uín₂; jui₁lia'₂ i₂tion'₅₄ ja₁nau₂ guë'₂, tsá₃ ma₃jui₁ja₂lein₅. ²²Ia₁ lé₂ jmig₄ a₂le₃chan₂ dsa₂ gue₃ jmi₁uig₅ 'ñio₅ lín₃, a₂le₃ti₃ ca₂le₃jë₃ lia'₂ con'₂ lë₅ juá'₂ ne₄ Si₂. ²³Juig₂ jui₁lia'₂ dsa₂ mí₂ i₂le₁quian₅ guein₂, jui₁lia'₂ i₂chan₂ guein₂ bë'₅₄ i₂'ín'₂ dsi'₅₄ quió'₅ nē₃, jmig₄ jaun₂! Ia₁ go₂'i₃ 'ñio₅ lín₃ të₃tsi'₅₄ gua'₅₄ 'uë₃, a₂le₃jniá₂ a₂'ne₂ Diú₄ ne₄ quió'₅ dsa₂ juig₂ la₂; ²⁴ia₁ dsi₃gan'₅₄ i₂dsián₃ quian'₅₄ ηi₁tág₂; i₂lín₅₄ guë'₂ qui₃të₂ dsa₂ le₁'ñei'₅₄ ca₂le₂con₂ go₄ dsi₂nau₂. Co₂dsia₅ qui₃tsó'₃ dsi₂nau₂ juig₂ Jerusalén, ca₂lia'₂ ca₂dsin₃ jmig₄ quió'₅ dsi₂nau₂ a₂'i₄ 'éi'₃ tóin'₃ goin₂.

'A₂ lia'₂ lé₂ i₁jñi₃ó'₂ Jaun₅ dsa₂ mi₂güig₃
(Mateo 24:29-35, 42—44; Marcos 13:24-37)

²⁵Jmig₄ jaun₂ lé₂ léi₄ të₂le₃ quian'₅₄ 'iog₂, tsí'₂, nei₅ nē₃. Ta₁caun₂ gua'₅₄ 'uë₃ tón'₃ dsa₂ tiá'₃ qui'₂ dsi₅, tsá₃ a₂ñi₅ jmo₃, jmi₁ñi'₄ guë'₂ nē₃ lé₂ gau₂ qui₃jná'₃. ²⁶Tón'₃ dsa₂ qui₃nei'₂ a₂le₃gó'₃, 'i₅ dsi₅ ne₄ ca₂le₃jë₃ 'e₂ niog₅ lé₂ mi₂güig₃. Ia₁ ca₂të₂ jui₅bí₂ a₂cha₂ guei'₅₄ mi₂güig₃ qui₃guian'₃. ²⁷Jaun₂ guë₄ jín₂ dsa₂ Jaun₅ dsa₂ mi₂güig₃ jiá₃ jë₄ jnei₅ a₂'uain'₂ a₂jláin'₁ 'ñio₅ lín₃. ²⁸Jë₁ma₂ca₂rë₃lióg₃ lë₂ a₂nē₅, quen'₂ 'nia'₂ bí₂, 'a₃ jlian₅₄ 'nia'₂,† ia₁ ja₃quián₂ jmig₄ a₂lión'₂ 'nia'₂ co₂ñei'₅₄.

²⁹Jaun₂ ca₂juá'₂ táng₃ caun₂ jág₁ jáng'₅ léi₄ la₂:

—Ñí₂ 'nia'₂ jui₁lia'₂ lë₂ quian'₅₄ ni₁'ma₂ higuera, jui₁'e₂ guë₃ ni₁'ma₂ siá'₂ nē₃; ³⁰jë₁ma₂ca₂ne'₅₄ mog'₅₄, cáun'₂ 'nia'₂ 'í₂ guiong'₅₄ a₂ja₂quián₃ jein₂ 'iog₂ bá₄ jaun₂. ³¹Ján₃ bá₄ le₂nē₅, jë₁ma₂të₂ ne'₅₄ 'nia'₂ lë₂ ca₂le₃jë₃ a₂nē₅, le₃ñi'₅₄ 'nia'₂ a₂ma₂ja₂quián₃ le₃gon₂ Diú₄.

³²A₂dsi₂jó'₃ juá'₅ jniá₂ juig₂ 'nia'₂, tsá₃ dsi₃ñi₂ tsi₁jon₂ jmig₄ nē₃,‡ ca₂lia'₂ ca₂lë₃ ca₂le₃jë₃

† 21:28 lit. “nau₂ 'nia'₂ chog'₅₄ ne'₅₄.” ‡ 21:32 o₃, “né'₃ a₂dsián₃ dsa₂ i₂lín₅ raza la₂.”

a₂ně₅. ³³ Dsi₃ŋí₂ guei'₅₄ mi₂güí₃ quian'₅₄ gua'₅₄ 'uě₃, la₁ jág₁ quió₃ ně₃, o₁líg'₂ tsá₃ dsi₃ŋí₂ jua'₅₄ tsá₃ le₃tí₃.

³⁴ 'Tě₃ŋí'₅₄ 'nia'₂, tsá₃ i₂jme₂cán'₁ táng₃ 'nia'₂ 'au'₂ a₂i₂niog'₅₄ dsing'₅₄ le₁'eng'₅, tsá₃ caun₂ a₂i₅ 'au'₂ a₂chang'₂ mi₂güí₃ la₂, con'₂ tsá₃ ŋó₅ ně₁jua'₂ ca₂jo₃ jmig₄ jaun₂ 'nia'₂ co₂tiá₂.

³⁵ Jui₁lia'₂ ja₁ta'₂ caun₂ tsi₁liá₂ bá₄ lé₂ jmig₄ jaun₂ ne₄ quió'₅ ca₂le₃jín₃ dsa₂ i₂tián'₅ ne₄ gua'₅₄ 'uě₃.

³⁶ Jaun₂ chan'₂ 'nia'₂ rě₂jáng'₁, chi₁leng'₄ Diú₄ ca₂le₃jě₃ jmig₄, ia₁jaun₂ bá₄ quín'₅₄ 'nia'₂ jmig₄ lióng'₂ ne₄ ca₂le₃jě₃ a₂niog₅ lé₂ ně₅, ia₁jaun₂ dsi₁nóg'₅ tě₃tsing'₅₄ ne₄ Jaun₅ dsa₂ mi₂güí₃.

³⁷ Ca₂le₃jě₃ jmig₄ bá₄ jme₁jme₂tag₂₃ i₁dsi₅ guá'₅ templo, jě₁ma₂ca₂nei₂ dsó₅ dsi₂jñia₅₄ má'₂ ja₁chei₂ Olivos.

³⁸ Ca₂le₃jín₃ bá₄ dsa₂ jme₁ja₂lén₂ tě₂ o₃'iog₂ i₁dsi₅ guá'₅ a₂ja₂néi₃ jág₁ a₂cuě₂₃.

22

Ca₂jmo₃ dsa₂ jág₁ a₂tsáin'₂ Jesús

(Mateo 26:1-5, 14—16; Marcos 14:1-2, 10—11; Juan 11:45-53)

¹ Jme₁ma₂ja₂quián₃ jmig₄ quió'₅ i₁ŋí'₄ a₂tsá₃ levadura rě₂jñia₅, a₂chei₂ Jmig₄ Tě₂'in₅₄.

² Jaun₂ qui₂ca₂'náu'₃ dsí₅ juig₅₄ jme₂dsa₂, tě₅juá'₅ ně₃, 'a₂ lia'₂ cuín₃ jmig₄ jñag'₃, ia₁ a₂gain₃ dsa₂ juig₂ bá₄.

³ Jaun₂ ca₂'í₃ Satanás dsí₅ Judas, i₂tě'₂ Iscariote, i₂jme₁lín₄ jan₂ dsa₂ i₂guia₃-tín₂.

⁴ Judas 'éi₂ ně₃ ca₂ŋei₅₄ ca₂i₁jmo₅₄ jág₁ quian'₅₄ juig₅₄ jme₂dsa₂, quian'₅₄ i₂lín₅ 'lióg₂ dsen₅₄ quián₅ guá'₅ templo ně₃, 'a₂ lia'₂ jáng'₂ jín'₂ Jesús o₄gú₃.

⁵ Jaun₂ 'io'₂ jén'₅ bá₄ dsa₂ 'éi₂, ca₂jmo₃ jág₁ a₂cuě₃ cu₄.

⁶ Jaun₂ ca₂cuě₃ Judas jág₁ quió'₅. Jaun₂ ca₂'náu'₃ dsí₅ 'a₂ lia'₂ jáu₂ jui₅ a₂jáng'₂ con'₂ jme₁tsá₃ juín₅ dsa₂ ma₃quiain'₅₄.

Má₃ jě₁ca₂tó'₅ quió'₅ Te₁gui'₅₄

(Mateo 26:17-29; Marcos 14:12-25; Juan 13:21-30; 1 Corintios 11:23-26)

⁷ Ca₂tě₂ jme₁ca₂tě₂ jmig₄ quió'₅ i₁ŋí'₄ a₂tsá₃ levadura rě₂jñia₅, con'₂ ca₂tín₂ dsa₂ jme₂dsiain₂₃ guein₂ já'₂ cha'₂ quián₅ Jmig₄ Tě₂'in₅₄.

⁸ Jaun₂ ca₂chen₃ Jesús Pe₄ quian'₅₄ Juan₅₄, ca₂juá'₂:

—O₂nó'₅ 'nia'₂ o₂jmo₄ co₂jñia₅₄ má₃ quián₂ jniog₄ a₂que₅₄ Jmig₄ Tě₂'in₅₄.

⁹ Jaun₂ ca₂ŋag₃ 'éi₂:

—¿A₂já'₄ 'nióg'₂ dsi₁jmo₁ jnia'₅₄ co₂jñia₅₄?

¹⁰ Jaun₂ ca₂juá'₂:

—Jě₁ma₂dsi₃nó'₅ 'nia'₂ jě₄ juig₂, jme₃jein'₂ jan₂ dsa₂ ŋe'₂ i₂ŋá'₅ quion₂ caun₂ ni₁dsig₁ 'a₄ jmig₂. O₁'éin'₃ 'nia'₂ ca₂tě₂ dsi₂néi₂ ja₁'í₂. ¹¹ Jaun₂ juig₅₄ 'nia'₂ dsa₂ juig₅₄ dsi₂néi₂: “Le₂la₂ juá'₂ Tě₅ tsí'₅ 'ne₂: ¿Na₂ bá₄ dsi₂néi₂ ja₁guě'₅₄ má₃ quió'₅ Jmig₄ Tě₂'in₅₄ quiang'₅₄ chi'₂ dsi₂guia₃-tín₂ quiáng₃?” ¹² Jaun₂ 'ě₃ caun₂ ja₁lě₄ dsi₂néi₂ juě'₂ guei'₅₄ ja₁ma₂lě₅ co₂jñia₅₄ quió'₅. Ja₁jaun₂ jmo₄ co₂jñia₅₄.

¹³ Jaun₂ ca₂lén₂ bá₄ 'éi₂ ně₃. Ca₂lě₃ rě'₂ lia'₂ con'₂ lě₅ jág₁ jaun₂. Ja₁jaun₂ ca₂jmo₃ má₃ quió'₅ jmig₄.

¹⁴ Jme₁ca₂tě₂ hora jaun₂, ca₂guá₂ Jesús ne₄ mesa, quiain'₅₄ chi'₂ dsi₂guia₃-tín₂* quiáin₅.

¹⁵ Jaun₂ ca₂tsí'₃ 'éi₂:

—líg'₂ bá₄ 'ín₅ dsi₃ guě'₅₄ má₃ Jmig₄ Tě₂'in₅₄ la₂ quian'₅₄ 'nia'₂, né'₃ a₂dsi₃ŋíg₂ uig₅! ¹⁶ Ia₁ juá'₅ jniá₂ juig₂ 'nia'₂, tsá₃ ma₃líg'₂ jmig₄ jua'₅₄ guě'₅₄ guě₄ má₃ le₂la₂ ca₂lia'₂ ca₂tě₂ jmig₄ i₁le₃tí₃ ja₁gon₂ Diú₄.

¹⁷ Jaun₂ ca₂tín₂ copa, ca₂cuě'₃ ti₁'mag'₄ Diú₄, jaun₂ ca₂juá'₂:

* 22:14 griego: apóstolous (dsa₂ i₂chen₄).

—Ján⁵ 'nia'₂ a₂la₂; jmo₄ dsióg₁ jin₄ ríng'₂. ¹⁸ Ia₁ juá'₅ jniá₂, tsá₃ ma₃líg'₂ jmig₄ jua'₅₄ a₂gui'₅₄ guě₄ jmi'₅₄ mīg₂ uvas le₂la₂, ca₂lia'₂ ca₂tě₂ jmig₄ i₁le₃ti₃ ja₁gon₂ Diú₄.

¹⁹ Jaun₂ ca₂tšin₂ táng₃ caun₂ i₁ñí'₄, ca₂cuě'₃ ti₁'mag'₄ Diú₄. Jaun₂ ca₂'niai₃ ca₂cuě'₃ 'éi₂, ca₂juá'₂:

—Ñi₃ bá₄ jniá₂ i₁ñí'₄ la₂, a₂ma₂rě₂jang'₅₄ o₄quián'₂ 'nia'₂. Jmo₄ 'nia'₂ a₂la₂ a₂dsiog'₂ 'au'₂ jniá₂.†

²⁰ Ján₃ bá₄ le₂ně₅, jme₁ma₂ca₂lě₃ guě'₅ i₁ñí'₄, ca₂can₃ táng₃ copa, jaun₂ ca₂juá'₂:

—A₂'a₄ copa la₂, lě₅ jág₁ 'mí₂ a₂tě₃ron₅₄, a₂lǐ'₅₄ tē₂le₃ quian'₅₄ jmi₃ a₂dsi₃'o₅₄ o₄quián'₂ 'nia'₂.‡

²¹ 'La₁ nē₃ nē₃, ne₄ mesa la₂ guá₅ quian'₅₄ jniá₂ i₂jáng'₂. ²² Dsón'₂ bá₄ 'en₅₄ jui₅ Jaun₅ dsa₂ mi₂güig₃ dsióg₄ ja₁'ein₅₄ 'éi'₃ dsióg₄, la₁ i₁'e₂ guě₄ juig₂ dsa₂ i₂jáng'₂!

²³ Jaun₂ ca₂jme₃lióg₃ tsi₂ca₂jín₂ quian'₅₄ riin'₅₄, 'ein₂ bá₄ 'éi₂ i₂jmo₃ le₂jaun₂.

Ca₂tšin₂ o₄quió'₄ 'ein₂ i₂lén₂ i₂dsen₅₄ guě₄

²⁴ Ján₃ bá₄ ca₂lě₃ mi'₅₄ jě₄ quió'₅, ne₄ 'uig₅₄ 'ein₂ 'éi₂ i₂lén₂ i₂dsen₅₄ guě₄.

²⁵ Jaun₂ ca₂juá'₂ Jesús:

—Ca₂le₃jín₃ rag₅₄ quián₅ dsi₂nau₂, tiain'₂₃ goin₂ jmo₂₃ 'éi'₃ lia'₂ lě₂ dsí₅. Le₂jaun₂ guě'₂ i₂le₁'io₅ 'éi'₃ i₂le₁'ín₁ quián₅, 'ag₅ dsa₂ a₂lín₅ dsa₂ i₂jmo₅ a₂dse₃. ²⁶ La₁ tsá₃ le₂jaun₂ lě₂ quian'₅₄ 'nia'₂. Jui₁lia'₂ i₂can'₅₄ jě₄ quián'₂ 'nia'₂, jui₁jmo₁₂ mei'₂. Le₂jaun₂ guě'₂ i₂cán₂ ne₄ jui₅, jui₁jmo₁₂ nē₂jang₄ bá₄ i₂jme₂ti₃. ²⁷ Jaun₂ nē₃, ¿ein₂ i₂dsen₅₄ guě₄: i₂guá₅ ne₄ mesa, o₃ i₂dsia₅ má₃ 'e₂? ¿On₁ i₂guá₅ ne₄ mesa bá₄? La₁ jniá₂ 'eng₅₄ jě₄ quián'₂ 'nia'₂, líng₅ jan₂ i₂jme₂ti₃. ²⁸ 'Nia'₂ guě'₂ líng₅ i₂ma₂ja₂nóg'₅ quiong'₅₄ jniá₂ jě₄ uig₅ a₂qui₂ma₂i₂ñig₂. ²⁹ 'Uig₅₄ nē₅ nē₃, dsián₄ jniá₂ 'nia'₂ ja₁o₁tiáng'₂ gong'₂, jui₁lia'₂ ma₂dsiog₃ Ne'₃ jniá₂, ³⁰ ia₁jaun₂ o₁qué'₂ o₁'én'₂ 'nia'₂ ne₄ mesa quió₃ ja₁gong₂, ja₁jaun₂ o₁tián'₂ 'nia'₂ ne₄ta₁ a₂qui₁dsi'₂ 'éi'₃ quió'₅ ta₁guia₃-tín₂ nió'₃ tsi₁jón₂ dsa₂ juig₂ Israel.

Ñi₅ bá₄ Jesús a₂tsá₃ tion₃ Pe₄ a₂cuig₂₃

(Mateo 26:31-35; Marcos 14:27-31; Juan 13:36-38)

³¹ Ján₃ bá₄ ca₂juá'₂ Te₁gui'₅₄:

—Si₂mu₅₄, Si₂mu₅₄ —ca₂tsí'₃ Pe₄—, i₂sě₃dsen₃ ma₂ně₂mag₃ 'ñiái'₂ 'nia'₂ lia'₂ ja₁'ñiá'₂ dsa₂ trigo, ³² la₁ jniá₂ ma₂ně₂mi₃ o₄quián'₂ 'ne₂, ia₁jaun₂ tsá₃ dsiá₃ éi₃ a₂'éng'₂. 'Ne₂ nē₃, jě₁ma₂ca₂jéin'₃ táng₃ 'au'₂, cuě'₅₄ bí₂ ríng'₂.

³³ Jaun₂ 'éi₂ nē₃ ca₂ñag₃:

—Te₁gui'₅₄, caun₂ bá₄ ma₂'ei₅ dsi₃ i₁'ú₃ né'₃ 'má₃ co₂lě₅ quian'₅₄ 'ne₂, o₁jñia'₅₄ 'mú₃ ca₂quín₂.

³⁴ Jaun₂ ca₂ñag₃ Jesús:

—Pe₄, jniá₂ guě'₂ juá'₅, tsá₃ 'o₃ tē₁guí₄ dsó₂ nē₃, ca₂lia'₂ ma₂ně₂jua'₅₄ 'ne₂ 'ni₅ ráun₂ a₂tsá₃ tóng'₄ a₂cuig₂ jniá₂.

Ma₂ja₂quián₃ hora gue₃ Jesús uig₅

³⁵ Jaun₂ ca₂juá'₂:

—Lia'₂ con'₂ ca₂tsíng₂ 'nia'₂, lia'₂ con'₂ tsá₃ tsi₁na'₅₄ jme₁le₁quian'₄, on₃ guě'₂ tē₂lau₂, on₃ guě'₂ ni₁lau₂ ton₅ tag'₅₄ nē₃, ¿cha₁ a₂ca₂rě₃'nió'₅ quián'₂ 'nia'₂?

'Éi₂ nē₃, ca₂ñag₃:

—'I₁caun₂ tsá₃ ca₂rě₃'nió'₅.

³⁶ Jaun₂ ca₂juá'₂ táng₃:

—Nē₃ guě₄ nē₃ i₂'io₅ tsi₁na'₅₄, tē₂lau₂ nē₃ jui₁quian₅₄. I₂tsá₃ 'io₅ ñi₁tág₂ nē₃, o₁'nag₁₂ mi₂dsiog₂ quió'₅ ia₁jaun₂ lá₃ ñi₁tág₂. ³⁷ Ia₁ juá'₅ jniá₂, tion₅₄ niog₅ le₃ti₃ ja₁con₂ jniá₂ ja₁juá'₂

† **22:19** A₂lín₅₄ chog₅₄ si₂ tsá₃ chi₁ton₅ “a₂ma₂rě₂jang'₅₄ o₄quián'₂ 'nia'₂. Jmo₄ 'nia'₂ a₂la₂ a₂dsiog'₂ 'au'₂ jniá₂”, on₃ guě'₂ versículo 20. ‡ **22:20** 'Nio'₂ ja₁ton₅ Éxodo 24:8.

ne₄ Si₂ le₂la₂: “Nó₃ jě₄ quió'₅ dsa₂ i₂le₁cán'₄ dso₄, ia₁ ca₂jmo₃ dsa₂ dsí₅ nē₂jag₄ bá₄ a₂rē₂cáin'₄ dso₄ já₃.” § Ia₁ ca₂le₃jě₃ a₂niog₅ juá'₂ ne₄ Si₂ a₂'ag₂₃ jniá₂, tion₅₄ niog₅ le₃ti₃.

38 Jaun₂ ca₂juá'₂ 'éi₂:

—Te₁gui'₅₄, la₂ tiá'₅ tīn₃ ŋi₁tág₂.

Jaun₂ ca₂ŋag₃ táng₃:

—Tió'₅ bá₄ nē₅.

Ca₂chi₂lén'₂ Jesús Diú₄ caun₂ ja₁chei₂ Getsemani

(Mateo 26:36-46; Marcos 14:32-42)

39 Jaun₂ guě₄ ně₃ o₂'i₃n₃ ŋó₃ jui₅ Má'₂ Olivos, ia₁ le₂jaun₂ tiin₂ bá₄. Jaun₂ ca₂i₃lén₂ chi'₂ dsi₂guia₃-tīn₂ quiong'₅₄.

40 Jme₁ca₂dsióg₃ ja₁jaun₂, jaun₂ ca₂juá'₂:

—Chi₁len'₅₄ 'nia'₂ Diú₄ ia₁jaun₂ tsá₃ jo₅₄ jui₅bí₂ a₂cáun₂ táu₂.

41 Jaun₂ ca₂ŋó₃ Jesús 'ŋiog₅ uíng₂ con'₂ ja₁tág'₅ ca₂míg₂ ni₁cang₁ a₂táun₂ dsa₂. Ja₁jaun₂ ca₂chi₃jné₃ ca₂chi₃lén'₂ Diú₄.

42 Ca₂juá'₂:

—Tia₅₄, tsa₁ cuin₅ jmi₄ jniá'₄ uig₅ dsi₃ŋíg₂ la₂? La₁ia₁, jui₁le₅₄ bá₄ a₂'ŋio₂ 'au'₂ 'ne₂, on₃jua'₅₄ con'₂ 'nio₃ jniá₂.

43 Jaun₂ ca₂jme₃jnia₅ jan₂ ángel ne₅₄, i₂ca₂sión₃ jui₅ guei'₅₄ i₂juíg₃, a₂ca₂cuě₃ bí₂.

44 Hora jaun₂ ca₂ŋág₃ uig₅ 'ŋio₅ līn₃, jaun₂ tē₂le₃ lě₅ guě₄ ca₂chi₃lén'₂ Diú₄; ca₂tein₃ jme₁dsiog₂ nē₂jag₄ bá₄ jmi₂ qui₂ca₂dsá₂ tē₂ 'uě₃. *

45 Jme₁ca₂nau₂ ja₁chi₂lén'₂ Diú₄ jaun₂, guáin'₃ ja₁tián'₄ chi'₂ dsi₂guia₃-tīn₂. La₁ le₁güín₃ bá₄ 'éi₂ tiáin'₅ ca₂jo₃, 'uig₅₄ ia₁ a₂ŋí₄ lě₃ 'lia'₂ dsí₅.

46 Jaun₂ ca₂juá'₂:

—¿'E₂ lě₃ le₁güín'₃ 'nia'₂ tiáng'₅? Nau₂, chi₁len'₅₄ 'nia'₂ Diú₄ ia₁jaun₂ tsá₃ jo₃ jui₅bí₂ a₂cáun₂ táu₂.

Ma₂le₁te₂ dsa₂ Jesús

(Mateo 26:47-56; Marcos 14:43-50; Juan 18:2-11)

47 Tě₃jě₄ juá'₂ Jesús jaun₂, jme₁ca₂dsi₃lén₂ juin₅ dsa₂. Jaun₂ ca₂dsióg₃ i₂tě'₂ dsa₂ Judas, i₂jme₁lín₄ jan₂ chi'₂ dsi₂guia₃-tīn₂, quian₅ ne₄ jui₅. Jaun₂ ca₂jme₃quiáin₃ con₂ Jesús a₂jme₁chen'₃† quió'₅.

48 La₁ ca₂juá'₂ Jesús:

—Judas, ¿'e₂? ¿Le₁ně₅ bá₄ jing'₅₄ Jaun₅ dsa₂ mi₂güíg₃, a₂chén'₁ quió'₅?

49 Jme₁ca₂jág₃ i₂quian'₅₄ Jesús a₂lě₂ jaun₂, ca₂juá'₂:

—Te₁gui'₅₄, ¿qui'₅₄ jnia'₅₄ quian'₅₄ ŋi₁tág₂?

50 Jan₂ 'éi₂ ně₃ ca₂quí'₃ quió'₅ i₂jme₂ti₃ ta₁ quián₅ jme₂dsa₂ dsen₅₄, ca₂jniá'₂ rē₂gua₅₄ ne₁.

51 Jaun₂ ca₂juá'₂ Jesús:

—'A₃ ma₃jmai'₅₄.

Jaun₂ ca₂chóng'₃ táng₃ rē₂gua₄ 'éi₂, ca₂jme₃'lió₂. 52 Jaun₂ ca₂tsí'₃ juig₅₄ jme₂dsa₂, 'i'₅₄ guá'₅, gui'₅₄ can'₅₄ ně₃ i₂dsi₃lén₂ tsáun'₂:

—¿'E₂? ¿Jui₁lia'₂ jě₁tsán'₂ dsa₂ 'ang₂ ja₂nóg'₅ qui₂le₁quian'₄ ŋi₁tág₂, 'ma₂ ně₃? 53 Líg'₂ bá₄ 'eng₅₄ tián₂ quian'₅₄ 'nia'₂ i₁dsi₅ guá'₅, tsá₃ ma₂chong'₂ 'nia'₂ ja₁jaun₂. La₁ ně₃ guě₄, 'au'₂ 'nia'₂ bí₂ tiá₂ 'au'₂ jmó'₂, ně₃ lia'₂ chí'₅ qui₁ně'₃.

Tsá₃ tion₅ Pe₄ a₂cuin₂₃ Jesús

(Mateo 26:57-58, 69—75; Marcos 14:53-54, 66—72; Juan 18:12-18, 25—27)

§ 22:37 Isaías 53:12. * 22:44 A₂līn₅₄ chog₅₄ si₂ tsá₃ chi₁ton₅ versículos 43 quian'₅₄ 44. † 22:47 Jme₁tin₂ quió'₅ dsa₂ judíos a₂chen'₂ jú'₅ riin'₅₄ jě₁cuag₃ Diú₄.

⁵⁴ Jme₁ma₂në₂chóng'₂, ca₂tág₃ jui₅ ja₁quíó'₄ jme₂dsa₂ dsen₅₄. La₁ Pe₄ në₃, uíng₂ bá₄ tē₂quíin₃ nǒ₃ 'ein₂₃.

⁵⁵ Dsa₂ 'éi₂ në₃, ca₂dsia₃ si₂ i₁dsi₅, ca₂tián'₂ le₃lág'₃ cau₅ si₂; jē₄ jaun₂ ca₂guá'₂ Pe₄ ján₃.

⁵⁶ Tē₃jē₄ jaun₂, ca₂rē₃lí'₄ jan₂ 'io₅₄ i₂jme₂ti₃ ta₁ ja₁jaun₂, a₂guá'₅ Pe₄ cau₅ si₂. Caun₂ ca₂jág₂ tiá₂, ca₂juá'₂:

—Ján₃ bá₄ jme₁quai₁in'₅₄ i₂nē₅.

⁵⁷ La₁ 'éi₂ në₃, tsá₃ ca₂tioin₃, ca₂juá'₂:

—Tsá₃ 'éi₂ cuín₅ jniá₂, 'ne₂ 'io₅₄.

⁵⁸ Jme₁co₂lág₂ jaun₂, ca₂guan₃ táng₃ jan₂, ca₂jág₂, jaun₂ ca₂juá'₂:

—Jme₁quai₁in'₅₄ 'ne₂ ján₃, ¿lia'₅₄?

—Jan₂ón₄. Tsá₃ dsa₂ 'éi₂ jme₁quian'₄ jniá₂, 'ne₂.

⁵⁹ Con'₂ caun₂ hora cang₂ jaun₂, tion₅₄ bá₄ tsá₃ jme₁cán₂ jan₂ jág₁, ca₂juá'₂:

—Tē₃dsón'₂ jan₂ i₂jme₁quai₁in'₅₄ bá₄ në₅, ia₁ Galilea bá₄ ja₁chain₂.

⁶⁰ Jaun₂ ca₂juá'₂ táng₃ Pe₄:

—Tē₃dsón'₂ rē₂ juá'₅ jniá₂ la₂, ca₂lia'₂ jñia'₅₄ tsá₃ cuíng₅ 'ein₂ 'éi₂ 'ín₅ 'nia'₂.

Tē₃jē₄ dsia₂₃ jág₁ jaun₂ jme₁ca₂'o₃ tē₁guí₄ dsó₂. ⁶¹ Jaun₂ ca₂jén'₃ Te₁gui'₅₄ ca₂jín₂ Pe₄, ca₂jmo₃ a₂dsiog'₂ dsí₅ 'éi₂ 'e₂ a₂ma₂nē₂juá'₂ le₂jñiá₅: “Tsá₃ 'o₃ tē₁guí₄ dsó₂ në₃, ca₂lia'₂ ma₂nē₂jua'₅₄ 'ne₂ 'ni₅ ráun₂, a₂tsá₃ tóng'₄ a₂cuig'₂ jniá₂.”

⁶² Jaun₂ ca₂o₃ 'íin₃ ca₂tá'₂ qui'₂ dsí₅, ca₂'o₃ 'ñio₅ lín₃.†

A₂lē₁qui₂co₂jma'₂ dsa₂ Jesús

(Mateo 26:67-68; Marcos 14:65)

⁶³ Dsa₂ i₂niog₅ jmo₅ 'í₁ Jesús në₃, a₂lē₁qui₂co₂jmo₅'₂ tioin'₅₄, ca₂cuē₃ në₃.

⁶⁴ Ca₂'néi₂ jme₁ne₁ Jesús, qui₂ca₂quein₃ dsí₂ne₅₄§ jaun₂ ca₂juá'₂:

—¿Dsi₄ jág₁ 'ein₂ në₂quein₃ quiáng'₂!

⁶⁵ 'Lióng₂ lín₃ bá₄ ca₂juá'₂ tioin'₅₄, a₂tē₂'o'₂.

Ca₂chen'₃ dsa₂ Jesús ne₄ dsí₂tan₅₄ quián₅ guá'₅

(Mateo 26:59-66; Marcos 14:55-64; Juan 18:19-24)

⁶⁶ Jme₁jñia₃ jaun₂, qui₂ca₂ñi'₂ ca₂le₃jín₃ gui'₅₄ can'₅₄ quián₅ dsa₂ judíos, juig₅₄ jme₂dsa₂, tē₃juá'₅ në₃. Jme₁ma₂le₁ñi'₂, ca₂dsi₁jñia₃ dsa₂ Jesús ne₅₄. Jaun₂ ca₂ñag₃:

⁶⁷ —¿Dsón'₂ 'ne₂ líng'₅ I₂rē₂'ín₁ quián₅ Diú₄?

Jaun₂ ca₂ñag₃:

—O₁jñia'₅₄ ca₂juá'₃ jniá₂, jniá₂ 'éi₂, a₂dsón'₂ tsá₃ le₃'én'₂ bá₄ 'nia'₂. ⁶⁸ Nē₁jua'₂ ca₂ñag₄ jniá₂ 'e₂ ca₂ñag₅₄ ne'₅₄ 'nia'₂, a₂dsón'₂ on₃jua'₅₄ a₂jaun₂ jein'₅₄ 'nia'₂ jág₁ quió₃.* ⁶⁹ La₁ në₃ në₃, tē₂le₃ ne₄ jui₅ ja₁nǒ₄ në₅, guá₃ Jaun₅ dsa₂ mi₂güig₃, tē₂le₃ gu₂ ne₁ Diú₄ i₂'uan'₂ guē₄ lín₃.

⁷⁰ Jaun₂ ca₂ñag₃ ca₂le₃jín₃:

—¿Ia₁ 'ne₂ bá₄ líng'₅ Ja₁ñi'₅₄ Diú₄, jaun₂?

—Jniá₂ bá₄ líng₅, jui₁lia'₂ ma₂nē₂jua'₅₄ 'nia'₂ në₅.

⁷¹ Jaun₂ ca₂juá'₂ tioin'₅₄:

—¿'Ein₂ guē₄ jmá'₃ dsa₂ 'niog₂ jniog₄ jáng'₃ jág₁ dsau₅? Jua'₂ jniog₄ guio₅₄ ma₂nē₂néi₁ jág₁ a₂ma₂nē₂'uē'₃ i₂nē₅ 'ñiog₅ mi₂'o₅₄ chéin'₅.

23

Ca₂dsián'₃ Jesús ne₄ Pilato

(Mateo 27:1-2, 11—14; Marcos 15:1-5; Juan 18:28-38)

¹ Jaun₂ qui₂ca₂nau₂ ca₂le₃jín₃ ca₂jñiai₃ Jesús ne₄ Pilato.

† **22:62** A₂lín₅₄ chog₅₄ si₂ tsá₃ chi₁ton₅ versículo 62. § **22:64** A₂lín₅₄ chog₅₄ si₂ tsá₃ chi₁ton₅ “qui₂ca₂quein₃ dsí₂ne₅₄.”

* **22:68** A₂lín₅₄ chog₅₄ si₂ juá'₂ ján₃: “on₃ guē'₂ jaun₂ a₂lo'₅₄ 'nia'₂.”

²Ja₁jaun₂ guě₄ ca₂'náu'₃ dsáu₁ Jesús, ca₂juá'₂:
—Ca₂jon₃ jnia'₅₄ dsa₂ la₂ jme₁'ein₅₄ dsia₂₃ mi'₅₄ jin₄ dsa₂ juig₂ quián₂ jnia'₅₄. Nj₂₃ toin'₂ dsa₂ jág₁ a₂tsá₃ ma₂'ein₂ quí₃ 'lia'₅₄ a₂ca₂tín₂ César; a₂jme₂tiin₂₃ dsa₂ juá'₂ a₂lín₅ I₂rē₂'ín₁ quián₅ Diú₄, co₂'nió'₄ a₂lín₅ rag₅₄.

³Jaun₂ ca₂ηag₃ Pilato:

—¿Dón'₂ ling'₅ Rag₅₄ quián₅ dsa₂ judíos?

Jaun₂ ca₂ηag₃ Jesús:

—Le₂nē₅ bá₄, jui₁lia'₂ juá'₂ 'ne₂ nē₅.

⁴Jaun₂ ca₂juá'₂ táng₃ Pilato ca₂tsí'₃ juig₅₄ jme₂dsa₂, quian'₅₄ dsa₂ juig₂:

—Tsá₃ 'e₂ dsáu₁ dsa₂ nē₅ dso'₂ jniá₂ 'i₁caun₂.

⁵La₁ tē₂le₃ lē₅ guě₄ co₂mi'₅₄ ca₂tóin'₂, ca₂juá'₂:

—La₁ 'ηio₅ lin₃ dsia₂₃ mi'₅₄ ηi₂₃, jme₂tiin₂₃ dsa₂ ta₁caun₂ 'uē₃ Judea. Ca₂jme₃lióg₃ Galilea, rē₂nē₃ guē₂ ma₂ηi₂₃ ja₁lá₃ jmo₂₃ le₂jaun₂.

Ca₂dsián'₂ Pilato Jesús ne₄ Herodes

⁶Jme₁ca₂nág₂ Pilato a₂nē₅, jaun₂ ca₂ηag₃ chi₂jua'₂ 'uē₃ Galilea chan₂ dsa₂ 'éi₂.

⁷Jme₁ca₂rē₃ηi₅ nē₃, a₂lín₅ Jesús dsa₂ chan₂ tē₂le₃ 'uē₃ ja₁niog₅ gu₂ Herodes, jaun₂ ca₂dsióg'₂ ne₄ 'éi₂. Ia₁ jme₁ηi₂₃ juig₂ Jerusalén jmi₄ jaun₂.

⁸'To'₂ jén'₅ bá₄ Rag₅₄ Herodes jme₁ca₂jín₂ Jesús, ia₁ líg'₂ bá₄ 'ín₅ dsí₅ jág₂, ia₁ jme₁ma₂nág₂ bá₄ 'ei₅ jág₁ a₂'ín₅ dsa₂ 'éi₂. Ia₁ jme₁'ín₂ dsí₅ jág₃ 'e₂ caun₂ o₂dsain₂ jmo₃.

⁹'Lióng₂ a₂qui₂ca₂ηí'₃ Jesús, la₁ tsá₃ ma₃'e₂ ca₂ηag₃ 'éi₂ 'i₁caun₂.

¹⁰Ja₁jaun₂ jme₁tión₂ juig₅₄ jme₂dsa₂ quian'₅₄ tē₃juá'₅ nē₃, caun₂ qui₂ca₂'náu'₃ tion₅₄ dsáu₁ 'éi₂.

¹¹Jaun₂ Herodes nē₃, quian'₅₄ 'lióg₂ quián₅, lē₁qui₂ca₂j móg'₂ tióin'₅₄, ca₂quei'₃ 'mi'₂ jlá'₁, jaun₂ ca₂dsióg'₂ bá₄ táng₃ ne₄ Pilato.

¹²Jmi₄ jaun₂ bá₄ ca₂jmo₃ Pilato a₂mei₅₄ quian'₅₄ Herodes, ia₁ jme₁le₁ 'ηiai₁₂ riin'₅₄ le₂jniá₅.

Ca₂o₃ 'ág₃ 'éi₃ a₂jón₂ Jesús

(Mateo 27:15-26; Marcos 15:6-15; Juan 18:39-19:16)

¹³Jaun₂ ca₂ηí'₂ Pilato juig₅₄ jme₂dsa₂, quian'₅₄ i₂lín₅ ta₁, quian'₅₄ dsa₂ juig₂ nē₃. ¹⁴Jaun₂ ca₂tsí'₃ dsa₂:

—O₂jon'₅₄ 'nia'₂ ne₃ dsa₂ la₂, ia₁ juá'₂ 'nia'₂ a₂dsia₂₃ mi'₅₄ jin₄ dsa₂. Tē₃ ne'₅₄ 'nia'₂ ma₂qui₂nē₂ηag₄ jniá₂, tsá₃ 'e₂ dsáu₁ dso'₂ jniá₂ 'i₁caun₂, lia'₂ con'₂ lē₅ dso₄ a₂jme₂cain'₅₄ 'nia'₂.

¹⁵On₃ guē'₂ Herodes ca₂dsó'₂, jaun₂ la₂ bá₄ ca₂dsióg'₂ táng₃. Jaun₂ 'i₁caun₂ tsá₃ 'e₂ cha₂ jua'₅₄ ca₂tiin₂ gue₃ 'mú₃. ¹⁶La₁ jmo₅₄ 'éi'₃ a₂bóg₂ dsa₂, jaun₂ guē₄ loin₅₄.

¹⁷Jme₁jmi₄ tē₂'ín₅₄, jme₁chí'₄ tag₄ quió'₅ Pilato jme₁lióin₂ jan₂ dsa₂ 'né₅ 'má₃, jme₁chei'₂ le₃jin₄ dsa₂.*

¹⁸La₁ dsa₂ juig₂ nē₃ co₂ηei'₅₄ ca₂le₃jín₃ ca₂tóin'₂ co₂mi'₅₄ ca₂juá'₂:

—¡Cau₅ jniá'₃ i₂nē₅! ¡Barrabás bá₄ lion₄ quián₂ jnia'₅₄!

¹⁹Barrabás 'éi₂ ca₂to'₂ dsa₂ né₃ 'má₃ 'uig₅₄ ia₁ ca₂dsia₃ caun₂ mi'₅₄ jē₄ juig₂, ton'₂ ia₁ jme₁ma₂jñii'₃ dsa₂ nē₃.

²⁰Jme₁'nio₃ bá₄ Pilato jme₁lióin₂ Jesús, jaun₂ jme₁ca₂tsí'₃ bá₄ guē₄ dsa₂. ²¹La₁ tē₂le₃ lē₅ guē₄ co₂mi'₅₄ ca₂tón'₂ bá₄ dsa₂, guió'₅ juá'₂:

—¡Tióin₃ cróg₄! ¡Tióin₃ cróg₄!

²²Jē₁ηó₄ 'ni₅ ráun₂ ca₂juá'₂ táng₃ Pilato tsí'₅ dsa₂:

—¿'E₂ guē'₂ 'lig'₅₄ ma₂jmo₃? Tsá₃ 'e₂ dsáu₁ i₂nē₅ dso'₂ jniá₂ jua'₅₄ a₂ca₂tiin₂ jóin₂. Jmo₅₄ jniá₂ 'éi'₃ a₂bóg₂ dsa₂ jaun₂ guē₄ loin₅₄.

* **23:17** A₂lin₅₄ chog₅₄ si₂ tsá₃ chí₁ton₅ versículo 17.

²³ La₁ tion₅₄ ca₂mi₃ dsa₂ tioin'₅₄ co₂mi'₅₄ a₂tion₃ cróg₄. Ca₂lë₃ rë'₂ con'₂ lë₅ 'ín₅ dsí₅ dsa₂ juig₂ lé₂.
²⁴ Jaun₂ co₂nei'₅₄ me'₂ ca₂jmo₃ Pilato 'éi'₃ a₂lé₂ con'₂ lë₅ mi₅ dsa₂.
²⁵ Jaun₂ ca₂lióin₂ bá₄ dsa₂ i₂jme₁'en₅₄ né'₃ 'má₃, i₂jme₁ma₂dsia₃ mi'₅₄, i₂ma₂jñi'₃ dsa₂ ně₃.
 Jaun₂ ca₂jáng'₂ ca₂jíin'₂ Jesús o₄gú₃ dsa₂ juig₂ o₁jmo₁₂ quiong'₅₄ con'₂ 'ín₅ dsí₅ jmo₃.

Ca₂tion₃ dsa₂ cróg₄ Jesús

(Mateo 27:32-44; Marcos 15:21-32; Juan 19:17-27)

²⁶ Con'₂ ma₂tioin'₅₄ jui₅ jñiai₂₃ Jesús ja₁dsi₃tion₃ cróg₄, ca₂chi₃quiáin₂ tion₅₄ jan₂ dsa₂ chan₂ 'uë₃ Cirene, i₂chen₂ Si₂mu₅₄, i₂'en₅₄ jui₅ jón'₅ ja₁nau₂, a₂cán₂ cróg₄ dsó₃ le₃chi₁co'₅₄ quió'₅ Jesús.

²⁷ Jui₅ lin₃ bá₄ dsa₂ juig₂ i₃lén₂ 'ein₂₃, dsa₂ mí₂ ně₃ i₃lén₂ qui'₂-o₂₃ 'lia'₂ dsí₅ qui'₂-óin'₂ Jesús.

²⁸ Jaun₂ ca₂jén'₃ Jesús, ca₂juá'₂:

—'Nia'₂ dsa₂ mí₂ chan₂ Jerusalén, 'a₃ ma₃'au₂ 'nia'₂ o₄quió₃ jniá₂. 'O₄ bá₄ 'nia'₂ o₄quiáng'₂ guiong'₅₄, o₄quió'₄ chi'₂-guein₂ quiáng'₂ ně₃. ²⁹ Ia₁ já₅ jmi₄g₄ jë₁juá'₂ dsa₂: “E₂ guë₄ dsen₃ jui₁lia'₂ dsa₂ mí₂ i₂tsá₃ lé₂ cán₂ guein₂; 'e₂ guë₄ dsen₃ jui₁lia'₂ dsa₂ i₂tsá₃ guein₂ ca₂'í₃ tē₂dsí₅, on₃ guë'₂ dsi'₅₄ quió'₅ ca₂guén'₃ guein₂ ně₃.” ³⁰ Jmi₄g₄ jaun₂ jme₃lióg₃ dsa₂ tsí'₃ ni₁má'₂: “Lá'₃ ne₄ quián₂ jnia'₅₄”, juá'₂ ně₃ tsí'₃ dsi₂con'₂: “Mog₅₄ jnia'₅₄.” ³¹ Ia₁ chi₂jua'₂ le₂la₂ jmo₅ dsa₂ jmaí'₂ i₂tsá₃ ca₂tín₂ gue₃ uig₅, ċ'ë₂ guë₄ bá₄ dsi₃ní₂ i₂ca₂tín₂ dsón'₂?†

³² Ján₃ bá₄ jme₁le₁jñiai₂₃ guë₄ on₃ dsa₂ i₂le₂cán'₄ dso₄, a₂jme₂dsiog₂₃ co₂lë₅ quian'₅₄ Jesús.

³³ Jme₁ca₂dsi₃léin₂ ja₁tě'₂ dsa₂ Dsi₂con'₂ Ni₁mu₅ Mi₂dsi₄ 'Lag₄,† ja₁jaun₂ ca₂tion₃ cróg₄ quian'₅₄ le₃on₃ dsa₂ 'lín'₅₄ 'éi₂, jan₂ tē₂le₃ gu₂ ne₁, jan₂ guë'₂ tē₂le₃ gu₂ jen₅.

³⁴ [Jaun₂ ca₂juá'₂ Jesús:

—Tia₅₄, 'én₃ dsáu₁, ia₁ tsá₃ ñi₅ a₂jmo₂₃.]§

Jaun₂ ca₂co₃ dsi₂'lióg₂ ca₂tóin'₂ ca₂jmo₃ le₁dso'₅₄ ni₁tsin'₅₄ Jesús.*

³⁵ Jaun₂ jme₁tióin₂ dsa₂ juig₂ cau₅, jág₅. Dsi₂tan₅₄ ně₃ jme₁tióin₂, qui₂co₂j móg'₂ burlas, ca₂juá'₂:

—Qui₂ma₂lióin₂ i₂sián'₂; ně₃ ně₃, jui₁lioin₅₄ 'ñiog₅ chi₂jua'₂ dsi₂jó'₃ lín₅ I₂rë₂'ín₁ rë₂quion'₅₄ quián₅ Diú₄.

³⁶ Dsi₂'lióg₂ ně₃ ca₂j móg'₂ burlas ca₂jme₃quiáin₃ ca₂jén'₃ vino jen'₂, ³⁷ ca₂juá'₂:

—Chi₂jua'₂ lín'₅ Rag₅₄ quián₅ dsa₂ judíos, lion₄ 'ñiag'₂.

³⁸ Jaun₂ ca₂tióng₃ dsa₂ letras dsi₄ cróg₄ tio'₅₄ 'ni₅ né₃ jág₁ jmei₅: griego, latín, hebreo ně₃, co₂'nió'₄ a₂juá'₂: “RAG₅₄ QUIÁN₅ DSA₂ JUDÍOS BÁ₄ LA₂.”

³⁹ Jan₂ i₂rë₂cán'₄ dso₄ i₂jme₁rë₂ton₅ cau₅ quió'₅ ca₂tē₂ca₂'o'₂, ca₂juá'₂:

—ċ'On₁ 'ne₂ lín'₅ I₂rë₂'ín₁ quián₅ Diú₄? Ma₂ně₃ lion₄ 'ñiag'₂, jaun₂ lo'₅₄ jnia'₅₄ ně₃.

⁴⁰ La₁ ca₂jí₂ bá₄ riin'₅₄ ca₂juá'₂:

—ċ'En₁ jmá'₃ tsá₃ gan'₃ 'ne₂ Diú₄? Jua'₂ uig₅ le₂ně₅ bá₄ guei'₂ ján₃. ⁴¹ La₁ jniog₄ a₂ca₂tág₂ dsón'₂ guei₂ uig₅ la₂, lia'₂ con'₂ lë₅ a₂ma₂j mó₁; la₁ dsa₂ la₂ ně₃, 'i₁caun₂ tsá₃ 'e₂ riin₂.

⁴² Jaun₂ ca₂juá'₂:

—Jesús, jui₁dsiog'₂ bá₄ 'au'₂ jniá₂, jë₁ma₂dsiáng'₃ ja₁gong'₂.

⁴³ Jaun₂ ca₂ñag₃ Jesús:

—A₂dsi₂jó'₃ juig₂ jniá₂ 'ne₂, jmi₄g₄ ně₃ tē₃tsing'₅₄ quian'₅₄ jniá₂ Ja₁jlá'₁.†

Ca₂jon₃ Jesús

(Mateo 27:45-56; Marcos 15:33-41; Juan 19:28-30)

† 23:31 lit. “ia₁ chi₂jua'₂ ni₁'ma₂ rë'₂ co₂jmo₅ dsa₂ le₂ně₅, ċ'ë₂ guë₄ bá₄ lé₂ quian'₅₄ ni₁'ma₂ quein₂?” ‡ 23:33 ja₁chei₂ “Gólgota” quian'₅₄ arameo; quian'₅₄ latín guë'₂, chei₂ “Calvario.” § 23:34 A₂lin₅₄ chog₅₄ si₂ tsá₃ chi₁ton₅ jág₁ ně₅.

* 23:34 'Nio'₂ ja₁ton₅ Salmo 22:18. † 23:43 griego: paradeiso (Paraíso).

⁴⁴ Con'₂ dsi₃ní'₃,† tē₁tsi'₅₄ qui₁né'₃ ta₁caun₂ gua'₅₄ 'uē₃, ca₂lia'₂ ca₂tē₂ hora ḡ₁ 'ni₅S le₃ca₂'láu₂.

⁴⁵ 'log₂ co₂dsia₅ ca₂rē₃liá'₃; tsi₁'mi'₂ cortina a₂jme₁'ei₅ dsi₂néi₂ guá'₅ templo, co₂dsia₅ ca₂chen₃ ca₂lē₃ tin₃ dso'₅₄ jo₂.

⁴⁶ Hora jaun₂, ca₂guió'₃ Jesús, ca₂juá'₂:

—iTia₅₄ quiáng₃, o₄gog'₂ 'ne₂ dsia₅₄ jme₂dsí₂ quió'₃!

Caun₂ jaun₂ bá₄ a₂ca₂juá'₂ guē₄, co₂tan₅₄ ca₂join₃.

⁴⁷ Jme₁ca₂jág₃ juig₅₄ 'lióg₂ a₂ca₂lē₃ jaun₂, ca₂jme₃juin'₂ Diú₄, ca₂juá'₂:

—Dsón'₂ bá₄ tsá₃ 'e₂ jme₁rin₂ dsa₂ la₂.

⁴⁸ Ca₂le₃jín₃ bá₄ dsa₂ i₂jme₁tion'₅₄ i₂ca₂jág₃ a₂ca₂lē₃ jaun₂, ca₂i₃lein₃ quein₂₃ dsí'₅.*

⁴⁹ Ca₂le₃jín₃ dsa₂ i₂jme₁cuin₅ Jesús quian'₅₄ dsa₂ mí₂ i₂jme₁ma₂quiong'₅₄ tē₂ Galilea, jme₁tióin₂ uing₂ jág₅ ca₂le₃jē₃ a₂nē₅.

Ca₂'on₃ Jesús

(Mateo 27:57-61; Marcos 15:42-47; Juan 19:38-42)

⁵⁰ La₁ ca₂lē₃ ně₃, jan₂ dsa₂ i₂chen₂ José, i₂jme₁quen'₅₄ lín₅ ta₁ jin₄ dsi₂tan₅₄ quián₅ guá'₅, jme₁lín₄ dsa₂ dsen₃ i₂'ua₁ dsí'₅. ⁵¹ Sē₄ 'éi₂ ně₃, i₂chan₂ juig₂ Arimatea ja₁tén₄ Judea, tsá₃ ca₂rē₃'ḡióg₂ dsí'₅ lia'₂ nióg₅ ca₂jmo₃ dsi₂tan₅₄ rin'₅₄, ia₁ jme₁chi₁jnía₂₃ le₃gon₂ Diú₄.

⁵² Jaun₂ ca₂ḡei₅₄ ně₃ i₁mi₂ jág₁ ne₄ Pilato a₂dsi₃sioin₅₄ 'lag₄ Jesús cróg₄ a₂dsi₃'ó₃.

⁵³ Jme₁ca₂sió₂, ca₂lio₃ caun₂ 'mi'₂ tióg₃. Jaun₂ ca₂i₁quio₂₃ 'ḡióg'₃ tau₂ 'ḡio₅ a₂jme₁ma₂lē₃ ca₂jmo₃ dsa₂ dsí'₅ ni'₁lau₂, ja₁tsá₃ 'ein₂ 'lag₄ ma₂'í₅.

⁵⁴ Ia₁ jmiḡ₄ jaun₂ tion'₅₄ dsa₂ jmo₂₃ co₂jnía₅₄ a₂'nió'₅ quió'₅ jmiḡ₄ sa₅₄ a₂jē₁ca₂jnía₃ jaun₂.

⁵⁵ La₁ dsa₂ mí₂ i₂ma₂ja₂lén₂ quian'₅₄ Jesús tē₂ Galilea, ca₂o₃léin₂ ca₂jág₃ 'a₂ lia'₂ ca₂quion₅ dsa₂ 'lag₄ né'₃ táu₂.

⁵⁶ Jme₁ca₂dsi₃lein₃ quió'₅, ca₂jmo₃ co₂jnía₅₄ no'₅₄ mi₂juig₂ quian'₅₄ guē₄ ma₁'au₂ ně₃, a₂dsi₃tsiin₅₄ Jesús.

Jme₁ca₂jnía₃ sa₅₄ jaun₂, ca₂tiáin'₂ ca₂jnía₃ lia'₂ con'₂ lē₅ 'Éi'₃.

24

Ca₂jen'₅₄ táng₃ Jesús

(Mateo 28:1-10; Marcos 16:1-8; Juan 20:1-10)

¹ Jē₁le₂'uiḡ₅₄ jmiḡ₄ semana, ca₂i₃lén₂ táng₃ dsa₂ mí₂ tē₂ o₃'iog₂ lín₃, i₁jag₅₄ tau₂ 'ḡio₅ le₁quian₅ no'₅₄ mi₂juig₂ a₂jme₁ma₂lē₃ co₂jnía₅₄ quió'₅; [lē₂ bá₄ guē₄ dsa₂ mí₂ sián'₂ i₂ca₂jme₃quiong'₅₄].* ² Jme₁ca₂dsi₃léin₂ ja₁jaun₂, jua'₂ cau₅ bá₄ ma₂i₂mu₃ ni₁cang₁ a₂jme₁rē₂jni₅ tau₂ 'ḡio₅. ³ Jaun₂ ca₂i₃toin'₅₄, la₁ tsá₃ ma₃ni₁ḡi'₁ 'lag₄ [Te₁gui'₅₄ Jesús]† ca₂dsó'₂ ja₁jaun₂. ⁴ [Jaun₂ ca₂lē₃],† tē₃ tióin₂ dsi₂góg'₃ dsí'₅ jaun₂, tsá₃ a₂ḡi₅ jmo₃, jme₁ca₂jín₂ on₃ dsa₂ i₂qui'₂ tsin'₅₄ tág₅, tión₂ cau₅ quió'₅.

⁵ Tē₃ ma₂góg'₅ jaun₂, ca₂'in₃ ne₅₄ tē₂ 'uē₃. Jaun₂ ca₂juá'₂ dsa₂ 'éi₂:

—ǀ'E₂ lē₃ 'na'₂ 'nia'₂ jan₂ i₂jén'₃ jin₄ 'lag₄? ⁶ Tsá₃ 'éi₂ chan₂ ja₁lá₃. Ma₂ca₂jein'₅₄ bá₄. Jui₁dsiog'₂ 'au'₂ 'nia'₂ a₂ca₂juá'₂ lia'₂ con'₂ jme₁ḡi₂₃ Galilea, ⁷ jme₁ca₂juá'₂ a₂ca₂tín₂ Jaun₅ dsa₂ mi₂güig₃ jáng'₂ dsa₂ o₄gú₃ dsa₂ 'lín'₅₄, a₂tion₃ dsa₂ cróg₄, la₁ a₂'ni₅ jmiḡ₄ jaun₂ jein'₅₄ táng₃.

⁸ Jaun₂ guē₄ ca₂dsáu'₃ dsí'₅ 'io₅₄ jág₁ jaun₂ quió'₅ Jesús. ⁹ Jme₁dsi₃lein₃ jaun₂, ca₂dsia₃ ca₂tsí'₃ ta₁guia₃-ján₃ chi'₂ dsi₂guia₃-tín₂ i₂jme₁lē₂ guē₄, ca₂tsí'₃ ca₂le₃jín₃ guē₄ dsa₂ sián'₂ ně₃.

¹⁰ Dsa₂ mí₂ i₂jme₁quion₂ jág₁ ně₅ ne₄ chi'₂ dsi₂guia₃-tín₂: María i₂chan₂ Magdala, Juana, María chog₅₄ Jacobo, quiaín'₅₄ guē₄ dsa₂ mí₂ sián'₂.

† 23:44 lit. “hora ḡḡéi₂.” § 23:44 lit. “hora ḡi₃.” * 23:48 Co₂'nió'₄ a₂jmo₂₃ léi₄ a₂qui'₂ dsí'₅. * 24:1 A₂lín₅₄ chog₅₄ si₂ tsá₃, le₁ton₅ jág₁ ně₅. † 24:3 A₂lín₅₄ chog₅₄ si₂ tsá₃, le₁ton₅ jág₁ ně₅. † 24:4 A₂lín₅₄ chog₅₄ si₂ tsá₃, le₁ton₅ jág₁ ně₅.

11 La₁ jme₁ca₂nág₂ chi'₂ dsi₂guia₃-tín₂ jág₁ në₅, a₂lë₁të₂'i₅ bá₄ 'io₅₄ 'éi₂, lín₂, jaun₂ tsá₃ ca₂rë₃'éi₂.

12 La₁ Pe₄ në₃, ca₂o₃'iín₃ nóg₃ co₂chi'₅₄ ca₂i₁jag₅₄ dsi₂néi₂ tau₂ 'ñio₅. Jaun₂ jmá'₃ tsi₁'mi'₂ tióg₃ bá₄ ca₂jág₃ niog₅. Ca₂nái'₃ bá₄ táng₃ jaun₂ në₃, dsi₂gó'₃ dsi₅ 'e₂ ca₂lë₃.

A₂ca₂lë₃ dsi₂jui₅ ja₁nó₄ jui₂g₂ Emaús

(Marcos 16:12-13)

13 Jmíg₄ jaun₂ dé₄, on₃ dsa₂ 'éi₂ tioen'₅₄ jui₅ i₃lén₂ jui₅ jui₂g₂ ja₁të'₂ dsa₂ Emaús, a₂niog₅ con'₂ guia₃-cáun₃ kilómetros ja₁niog₅ Jerusalén. 14 Jaun₂ dé₄ tsí'₅ riín'₅₄ i₃lén₂ ca₂le₃jë₃ 'e₂ niog₅ ca₂lë₃. 15 Të₃ dsia₂₃ i₃lén₂ jaun₂, ca₂jme₃quián₃ Jesús nóg₃ quiong'₅₄. 16 La₁ jui₁'a₂ guë₃ la₂ jág₂ i₃lén₂, cha₂ a₂jmo₅ a₂tsá₃ rë₂cuig₂₃ 'ein₂ 'éi₂.

17 Jaun₂ ca₂ñag₃ Jesús:

—¿'E₂ bá₄ jág₁ dsia'₂ 'nia'₂ ja₂nóg'₅?

Jaun₂ ca₂nau₂ ca₂tiá₂ tei₄, le₁'ág₄ 'lia'₂ dsi₅ bá₄. 18 Jaun₂ ca₂ñag₃ jan₂ i₂chen₂ Cleofas:

—¿On₁ bá₄ jan'₂ 'ne₂ líng'₅ dsa₂ i₂lia'₂ të₁tsin'₅₄ guan₅ Jerusalén, jaun₂ tsá₃ ñi'₅₄ 'e₂ niog₅ ca₂lë₃ dsióg₂-jo₃ në₅?

19 Jaun₂ ca₂ñag₃:

—¿'E₂ ca₂lë₃ guë'₂?

Jaun₂ ca₂ñag₃ táng₃:

—A₂ca₂lë₃ quian'₅₄ Jesús i₂chan₂ Nazaret, i₂jme₁lín₄ jan₂ i₂jme₁'ë₂ jág₁ quián₅ Diú₄, i₂'uan'₂ të₂le₃ quian'₅₄ ca₂le₃jë₃ a₂niog₅ ca₂jmo₃, i₂'uan'₂ të₂le₃ quian'₅₄ jág₁ a₂ca₂jme₃tag₂₃, lia'₂ le₃ne₄ Diú₄ lia'₂ le₃ne₄ dsa₂ mi₂güí₃ në₃; 20 'a₂ lia'₂ ca₂jáng'₂ jui₂g₅₄ jme₂dsa₂ quian'₅₄ dsi₂tan₅₄ quián₂ jnia'₅₄, ca₂dsi₂ 'éi'₃ ca₂jñag'₃ tioen'₅₄, ca₂tion₃ cróg₄. 21 Jnia'₅₄ jme₁'iín₂ dsi₅ chong₂, a₂lág₂ jnia'₅₄ 'éi₂ bá₄ lín₅ i₂jme₁lión₂ jui₂g₂ Israel. La₁ në₃ në₃, ma₂'ni₅ jmíg₄ ca₂lë₃ le₂në₅. 22 I₂lín₅₄ dsa₂ mí₂ i₂tion'₅₄ jë₄ quián₂ jnia'₅₄ ma₂në₂quiong₃ jnia'₅₄ juë'₅, ia₁ ma₁i₁jag₅₄ të₂ o₃'iog₂ ma₂'míg₂ tau₂ 'ñio₅, juá'₂. 23 Tsá₃ ni₁ñi₁ 'lag₄ dsó'₅. A₂jaun₂ bá₄ dsia₂₃ o₃leín₃ a₂në₂jme₃jnia₅ ángeles ne₅₄, a₂në₂juá'₂ i₂chan₂ bá₄ 'éi₂. 24 Jaun₂ në₃, ma₂i₁len₅₄ i₂lín₅₄ rin'₅₄ jnia'₅₄ ma₂i₁jag₅₄ tau₂ 'ñio₅. Jua'₂ dsón'₂ bá₄ dsau₅ con'₂ lë₅ jág₁ jmóg'₅ dsa₂ mí₂ 'éi₂, la₁ 'éi₂ guë'₂ në₃ tsá₃ në₂jíín₂, juá'₂.

25 Jaun₂ ca₂ñag₃ Jesús ca₂tsí'₃ 'éi₂:

—i'En₁ jmá'₃ tsá₃ 'e₂ ca₂ñi'₂ 'au'₂ 'nia'₂! ¿Líg'₂ bá₄ le₃'én'₂ 'nia'₂ ca₂le₃jë₃ a₂niog₅ ca₂juá'₂ dsa₂ i₂jme₁'ë₂ jág₁ quián₅ Diú₄? 26 Ia₁ ¿on₁ le₂jaun₂ 'i₄ 'éi'₃ ca₂tín₂ I₂rë₂'iín₁ quián₅ Diú₄, dsi₃ñi₂ ca₂le₃jë₃ a₂në₅ de'₂ jniá₅, jaun₂ guë₄ dsiáín'₄ ja₁le₃juiín'₂ táng₃?

27 Jaun₂ qui₂ca₂juá'₂ 'a₂ lia'₂ niog₅ juá'₂ ne₄ Si₂ quió'₅ Diú₄; ca₂jme₃lióg₃ de'₂ jniá₅ ja₁juá'₂ ne₄ si₂ quió'₅ Moisés, nóg₃ ca₂'ë₃ le₂tan₅₄ si₂ quió'₅ dsa₂ i₂jme₁'ë₂ jág₁ quián₅ Diú₄, ja₁juá'₂ 'iín₂₃ 'éi₂ 'ñiog₅.

28 Jaun₂ ja₂quián₃ dsi₁lén₂ jui₂g₂ pí'₁ ja₁tioen'₅₄ jui₅ dsi₁lén₂. La₁ dsa₂ 'éi₂ con'₂ jme₁ma₂ñó₅ co₂dsau₅ bá₄ ca₂jmo₃.

29 La₁ i₂on₃ 'éi₂ në₃ ca₂chi₃quióng₂ jmíg₄ a₂jñia₃, ca₂juá'₂:

—Në₃ o₁jñia₁ quian'₅₄ jnia'₅₄, ia₁ ca₂rin₂ bá₄ 'iog₂, ca₂'láu₂ ca₂nei₂ bá₄ la₂.

Jaun₂ ca₂'í₃ dsi₂néi₂ ja₁jñia₃ quian'₅₄ 'éi₂.

30 Jaun₂ ca₂lë₃, jme₁ma₂guá₅ ne₄ mesa quian'₅₄ 'éi₂, ca₂can₃ i₁ñi'₄, ca₂jme₃jñiío₃, jaun₂ guë₄ ca₂'niai₃ ca₂cuë'₃ le₃on₃ i₂quiain'₅₄.

31 Të₃jë₄ jaun₂ në₂jag₄ a₂jaun₂ guë₄ ca₂niá₃ jme₁ne₁₂ lín₂, jaun₂ guë₄ ca₂rë₃cuig₂₃. La₁ dsi₂jui₅ jaun₂ ca₂i₃cóin'₅ të₃ ne₅₄.

32 Jaun₂ guë₄ ca₂dsia₃ jág₁ guioin₅₄:

—Dsón'₂ bá₄ lia'₂ tio'₅₄ jui₅ ja₂náu₅, ca₂lë₃ dsi₅ néi₁ ca₂le₃jë₃ 'e₂ niog₅ në₂juá'₂ në₂jme₃ñií'₂ dsi₅ jniog₄ a₂juá'₂ Si₂.

³³ Dsi₂jui₅ le₂jaun₂ bá₄ ca₂tóin'₂ táng₃ jui₅ ja₂lein₃ Jerusalén. Jme₁o₃lein₃ jaun₂, tion'₅₄ ta₁guia₃-ján₃ chí'₂ dsi₂guia₃-tín₂ i₂lě₂ guě₄, le₁ñi'₂ quian'₅₄ guě₄ dsa₂ sián'₂. ³⁴ Jaun₂ juá'₂ 'éi₂ tioen'₅₄:

—Tě₃dsón'₂ bá₄ ma₂ca₂jén'₅₄ Te₁gui'₅₄. Ia₁ ma₂ně₂jme₃jniai₂₃ ne₄ Si₂mu₅₄.

³⁵ Jaun₂ guě₄ ca₂j móg'₃ táng₃ i₂on₃ 'éi₂ jág₁ 'a₂ lia'₂ ca₂lě₃ le₂'i₄ jui₅, 'a₂ lia'₂ ca₂rě₃cuig₂₃ con'₂ jme₁ca₂'niai₃ i₁ñi'₄.

Ca₂jme₃jnia₅ Jesús jě₄ quió'₅ chí'₂ dsi₂guia₃-tín₂
(Mateo 28:16-20; Marcos 16:14-18; Juan 20:19-23)

³⁶ Tě₃ tioen'₅₄ dsia₂₃ jág₁ jaun₂, jme₁ca₂jme₃jnia₅ Jesús ca₂nau₂ jě₄ quió'₅.§

³⁷ Ca₂i₃gó'₃ dsí₅ tioen'₅₄, lín₂ jan₂ jme₂dsí₂ bá₄ 'éi₂ ñi₅.

³⁸ Jaun₂ ca₂juá'₂:

—¿'E₂ lě₃ ñi₄ lě₃ tion'₅₄ 'nia'₂ chí'₅ go₂'i₃? ¿'E₂ lě₃ ñi₄ 'lióng₂ a₂'náu'₂ 'nia'₂ 'au'₂? ³⁹ La₂ jag₄ 'nia'₂ o₄gu₃ o₄tag₃. Jniá₂ bá₄ la₂. I₂nó'₅ 'nia'₂ i₂níg'₃ quió₃ i₂jag₄ 'nia'₂. Jan₂ jme₂dsí₂, on₃jua'₅₄ i₂ton₅ ñi₅ on₃ i₂'en₅₄ mu₅, jui₁lia'₂ jág₂ 'nia'₂ lín₅ jniá₂.

⁴⁰ Tě₃ juá'₂ le₂ně₅, qui₂ca₂'ě₃ o₄gú₃ o₄tag₁₂ ně₃.

⁴¹ Tě₃ tioen'₅₄ jaun₂ dsi₂gó'₃ dsí₅ tsá₃ 'éi₂ o₄quió'₄ a₂ñi₄ lě₃ 'io'₂ jén'₅, jme₁ca₂juá'₂ Jesús:

—¿Cha₁ a₂le₃que₅₄ ca₂la₂ ja₁lá₃?

⁴² Jaun₂ ca₂o₃can₅ ca₂'nau₅₄ quió'₅ i₁ju₁ cui₂ ne₄ si₂, [quian'₅₄ guě'₂ ca₂jne₄ ni₁tá'₅ cuing₅].*

⁴³ Jaun₂ ca₂gue₃ ca₂guě'₃ guá₅ tē₃ne₄ ca₂le₃jín₃.

⁴⁴ Jaun₂ ca₂juá'₂ ně₃:

—Ma₁ ca₂juá'₃ jniá₂ le₂jñiá₅ lia'₂ con'₂ jme₁ñi₂₃ jín'₄ 'nia'₂, a₂tion₅₄ le₃ti₃ ca₂le₃jě₃ lia'₂ con'₂ lě₅ tio'₅₄ ne₄ Si₂ 'Ei'₃ quió'₅ Moisés, ne₄ Si₂ quió'₅ dsa₂ i₂jme₁'ě₂ jág₁ quián₅ Diú₄, ne₄ Salmos ně₃, ja₁'ag₂₃ jniá₂.

⁴⁵ Jaun₂ guě₄ ca₂jme₃ñi'₂ dsí₅ 'éi₂ a₂juá'₂ Si₂, ⁴⁶ jaun₂ ca₂juá'₂:

—Le₂ně₅ bá₄ tio'₅₄ ne₄ Si₂: a₂tion₅₄ bá₄ dsi₃ñi₂ uig₅ I₂rě₂'ín₁ quián₅ Diú₄, la₁ jein'₅₄ bá₄ táng₃ a₂'ni₅ jmig₄; ⁴⁷ a₂tion₅₄ dsi₃'ag₅ jág₁ ně₃, a₂'nió'₅ qui₂dsi₃quén'₅ dsí₅ dsa₂ ia₁jaun₂ bá₄ lé₂ le₃'én₂ dsáu₁. Jág₁ ně₅ dsó₃ qui₂rě₂'ě₂ o₄quió₃, ne₄ ca₂le₃jín₃ i₂chan₂ gua₅₄ 'uě₃, la₁ Jerusalén de'₂ jñiá₅ ja₁le₃lióg₃. ⁴⁸ 'Nia'₂ ně₃ i₂qui₂ca₂tě₂ ne'₅₄ ca₂le₃jě₃ a₂niog₅ ca₂lě₃, qui₂o₁jang'₄ 'nia'₂ jág₁ dsau₅. ⁴⁹ Jaun₂ ně₃, tsin₅₄ jniá₂ i₂ma₂lě₅ jág₁ chen₃ Ne'₃. La₁ jñia₄ guě₄ 'nia'₂ juig₂ la₂, ca₂lia'₂ ca₂lě₃ le₁lín'₄ 'nia'₂ quian'₅₄ jui₅bí₂ a₂sió₃ guei'₅₄.

Ca₂uíg₂ Jesús guei'₅₄ i₂juíg₃
(Marcos 16:19-20)

⁵⁰ Jaun₂ ca₂jñiai₃ chí'₂ dsi₂guia₃-tín₂ tē₂ juig₂ Betania, jaun₂ ca₂cho₃ gu₂ ne₄ quió'₅ ca₂le₃jín₃, ca₂jme₃gu'₅₄. ⁵¹ Ca₂lě₃ ně₃, tē₃jě₄ jme₂gu'₅₄ jaun₂, ca₂i₃uíin₂.†

⁵² 'Ei₂ ně₃, ja₂lein₃ bá₄ táng₃ Jerusalén, jmo₂₃ 'io'₂ 'ñio₅ lín₃, ⁵³ le₃ó₃ jmig₄ bá₄ jme₁ñi'₂ i₁dsi₅ guá'₅ jme₂juin'₂ Diú₄.

Co₂ně₅.

§ 24:36 A₂lín₅₄ chog₅₄ si₂ juá'₂ ján₃: “co₂tan₅₄ ca₂cuag₃ Diú₄, ca₂juá'₂: —Siang'₃. Jui₁'ei₅ bá₄ tei₄ tion'₅₄ 'nia'₂.”

* 24:42

A₂lín₅₄ chog₅₄ si₂ tsá₃ chi₁ton₅ jág₁ ně₅. † 24:51 A₂lín₅₄ chog₅₄ si₂ juá'₂ ján₃: “ca₂ñái'₃ guei'₅₄ i₂juíg₃.”

Jág₁ Dse₃ quió'₅ Diú₄ a₂ca₂tó'₂ San Juan₅₄ ne₄ Si₂

Jág₁ quió'₅ Diú₄ a₂lín₅ dsa₂ mi₂güig₃

¹ Lia₂ con'₂ le₂'uig₅₄ jme₁ca₂rë₃lióg₃, jme₁ma₂chan₂ i₂të'₂ Jág₁; jaun₂ i₂'éi₂ i₂lín₅ Jág₁ ně₃, jme₁'ein₅₄ quian'₅₄ Diú₄; Diú₄ bá₄ jme₁lín₄ ján₃. ² Jaun₂ lia₂ con'₂ le₂'uig₅₄, 'éi₂ ně₃, jme₁'ein₅₄ quian'₅₄ Diú₄. ³ Të₂le₃ quian'₅₄ 'éi₂ bá₄, ca₂lë₃ ca₂le₃jë₃ 'e₂ a₂cha₂; ca₂lia₂ 'i₁caun₂ tsá₃ ca₂rë₃chá₃ jua'₅₄ tsá₃ ca₂jmo₃ 'éi₂.

⁴ Ja₁con₂ 'éi₂ bá₄ já₅ bí₂ a₂le₃chan₂ dsa₂; bí₂ jaun₂ ně₃, lë₅ Si₂ a₂tág₅ ja₁con₂ dsa₂ mi₂güig₃.

⁵ Tág₅ Si₂ jaun₂ jë₄ qui₁né'₃, la₁ qui₁né'₃ ně₃, tsá₃ ma₂ca₂tió'₃.

⁶ Ca₂rë₃chán₃ jan₂ dsa₂ i₂chen₄ quián₅ Diú₄, i₂chen₂ Juan₅₄. ⁷ Ca₂guain₃ ca₂jáng'₃ jág₁ dsau₅ tē₂le₃ quió'₅ 'éi₂ i₂lín₅ Si₂, ia₁jaun₂ tē₂le₃ quian'₅₄ jág₁ dsau₅ a₂jáng'₅ ně₃, le₃'én₂ ca₂le₃jín₃ dsa₂.

⁸ On₃jua'₅₄ Juan₅₄ 'éi₂ i₂jme₁lín₄ Si₂; jñia'₅₄ con'₂ i₂jáng'₅ jág₁ dsau₅ bá₄ jme₁lín₄, jui₁lia₂ le₃quió'₅ Si₂.

⁹ Jme₁ma₂guán₂ i₂lín₅ Si₂ tē₃dsón'₂, a₂tág₃ ja₁con₂ le₂jan₂ le₂jan₂ dsa₂ mi₂güig₃.

¹⁰ I₂'éi₂ i₂lín₅ Jág₁ jme₁'ein₅₄ mi₂güig₃; jaun₂, o₁jñia'₅₄ ca₂lë₃ mi₂güig₃ tē₂le₃ quian'₅₄ 'éi₂, tsá₃ ca₂rë₃cuig₅ dsa₂ mi₂güig₃.

¹¹ Guain₃ jin₄ dsa₂ go₅₄, la₁ dsa₂ go₅₄ ně₃, tsá₃ ca₂guei₃.

¹² La₁ia₁ i₂con'₂ ca₂guei₃, i₂ca₂rë₃'én₂ tē₂le₃ quió'₅, dsa₂ 'éi₂ ně₃ ca₂cuë'₃ bí₂ a₂lén₂ chi'₂-guein₂ quián₅ Diú₄.

¹³ Jui₁lia₂ chi'₂-guein₂ 'éi₂, on₃jua'₅₄ ca₂rë₃chán₃ lia₂ con'₂ lë₅ jmi₄ dsa₂ mi₂güig₃, on₃guë'₂ lia₂ con'₂ lë₅ dsí₅ dsa₂ mi₂güig₃, on₃guë'₂ lia₂ con'₂ lë₅ dsí₅ jan₂ dsa₂ ñe'₂, ton'₂ ca₂rë₃chán₃ le₃quió'₅ Diú₄ bá₄.

¹⁴ I₂'éi₂ ně₃ i₂lín₅ Jág₁, ca₂can₃ ñi₄ dsa₂ mi₂güig₃, ca₂guá₂ jë₄ quián₂ jniog₄. Jñia'₅₄ ně₃ ma₂ca₂jag₅₄ a₂co₂'né'₅ quió'₅, co₂'nió'₄ a₂co₂'né'₅ quió'₅ jan₂ tan₅₄ Ja₁ñi'₅₄ Diú₄, i₂já₅ ja₁con₂ Jmei₂, rë₂rín₅ a₂dse₃ dsí₅, a₂rë₂tí₅₄ ně₃.

¹⁵ Ca₂jáng'₃ Juan₅₄ jág₁ dsau₅ tē₂le₃ quió'₅ 'éi₂, ca₂juá'₂ tiá₂:

—I₂la₂ bá₄ 'éi₂ i₂lín₅ jniá₂, lia₂ con'₂ jme₁ca₂juá'₃: “I₂já₅ cang₂ guë'₄ con'₂ guë'₄ jniá₂, dsein₅₄ guë'₄ con'₂ guë'₄ jniá₂, ia₁ jme₁ma₂chain₂ jniá₅ guë'₄ con'₂ guë'₄ jniá₂.”

¹⁶ Ca₂le₃jág₃ bá₄ jniog₄ ma₂qui₂ma₂guéi₂ a₂tson₂ a₂dse₃ dsí₅ 'éi₂, caun₂ qui₂jme₂gu'₅₄ bá₄ Diú₄ jniog₄ lia₂ i₂gú'₃.

¹⁷ Ca₂ñag₂ jniog₄ Si₂ 'Éi'₃ tē₂le₃ quian'₅₄ Moisés, la₁ia₁ tē₂le₃ quian'₅₄ Jesucristo bá₄ ca₂já₃ a₂dse₃ dsí₅ Diú₄, ca₂rë₃ti₃ jág₁ dsau₅ ně₃.

¹⁸ Lia₂ 'i₁jan₂ tsá₃ 'ein₂ ma₂jín₂ Diú₄ lia₂ 'i₁cón₂; la₁ia₁ Ja₁ñi'₅₄ i₂jan₂ tan₅₄ 'éi₂ quián₅, i₂'en₅₄ ja₁con₂ Jmei₂, i₂'éi₂ bá₄ ma₂jmo₃ jág₁ dsau₅ 'a₂ lia₂ lín₅ Diú₄.

Jáng'₅ jág₁ dsau₅ Juan₅₄ i₂chon₅ dsa₂ jmi₂g₂, jui₁lia₂ i₂'ein₂ 'éi₂ Jesucristo
(Mateo 3:11-12; Marcos 1:7-8; Lucas 3:15-17)

¹⁹ Jaun₂ le₂la₂ jág₁ a₂ca₂jáng'₃ Juan₅₄ jme₁ca₂chen₃ dsa₂ can'₅₄ quián₅ dsa₂ judíos i₂tion'₅₄ Jerusalén ca₂chein₃ jme₂dsa₂ quiain'₅₄ levitas ne₄ Juan₅₄, a₂i₁ñag₁₂ i₂'ein₂ 'éi₂.

²⁰ 'Éi₂ ně₃ ca₂jmo₃ jág₁ lia₂ rë₂jiá₃, ca₂juá'₂:

—On₃jua'₅₄ jniá₂ líng₅ I₂rë₂'ín₁ quián₅ Diú₄.

²¹ Jaun₂ ca₂ñag₃ táng₃ dsa₂:

—¿'Ein₂ 'ne₂ jaun₂? ¿'Ne₂ líng₅ Elías i₂jme₁'ë₂ jág₁ o₄quió'₄ Diú₄?

Jaun₂ ca₂juá'₂ Juan₅₄:

—On₃jua'₅₄ 'éi₂ jniá₂.

Dsi₂jui₅ le₂jaun₂ bá₄ ca₂ṇag₃ táng₃ dsa₂:

—¿On₃ bá₄ 'ne₂ líng'₅ i₂'ě₂ jág₁ 'éi₂, i₂lě₅ jág₁ jiá₃?

Jaun₂ ca₂ṇag₃ Juan₅₄:

—Jan₂'ón₄.

²² Jaun₂ bá₄ ca₂juá'₂ dsa₂ ca₂tsí'₃ Juan₅₄:

—¿'Ein₂ lín'₅ 'ne₂, jaun₂ ně₃? Jua'₅₄, ia₁jaun₂ dsi₁con₁ jnia'₅₄ jág₁ dsau₅ ne₄ dsa₂ i₂ca₂chei₃.
¿'Ein₂ juá'₂ 'ne₂ líng'₅?

²³ Jaun₂ ca₂ṇag₃ Juan₅₄:

—Jniá₂ bá₄ líng₅ i₂'éi₂ i₂juá'₂ jág₁ tiá₂ caun₂ 'uě₃ quein₂ co₂'ṇiog₅ i₁juá'₄: “Nia₄ 'nia'₂ caun₂ jui₅ co₂dsau₅ quió'₅ Te₁gui'₅₄.”*

²⁴ Dsa₂ i₂i₁len₅₄ i₁dsia₂ jág₁ quian'₅₄ Juan₅₄, dsa₂ i₂chen₄ quián₅ dsa₂ fariseos bá₄ 'éi₂,

²⁵ jaun₂ ca₂ṇag₃ ca₂ṇi'₃ táng₃ Juan₅₄:

—Chi₂jua'₂ on₃jua'₅₄ 'ne₂ líng'₅ I₂rě₂'ín₁ quián₅ Diú₄, on₃ guě'₂ Elías, on₃ guě'₂ jan₂ i₂'ě₂ jág₁ o₄quió'₄ Diú₄ ně₃, ¿'e₂ ta₁ 'eng'₅₄ tsóng'₅ dsa₂ jmig₂?†

²⁶ Jaun₂ ca₂juá'₂ Juan₅₄:

—Jniá₂ tiáng₅ dsa₂ jmig₂; la₁ia₁ jín₄ 'nia'₂ chan₂ jan₂ i₂tsá₃ cuín'₂ 'nia'₂. ²⁷ Já₅ jan₂ cang₂ guě₄ con'₂ guě₄ jniá₂, on₃jua'₅₄ 'ein₂ lín₅ jniá₂ jua'₅₄ ca₂tíng₂ tsi'₅₄ lau₂ ton₅ tag₅₄.

²⁸ Ca₂le₃jě₃ a₂la₂ ca₂lě₃ caun₂ ja₁chei₂ Betania,† a₂niog₅ tē₂le₃ ja₁'ia₂ 'iog₂ tē₂le₃ quióng₄ Cuá₃ Jordán, ja₁jme₁'en₅₄ Juan₅₄ choin₂₃ dsa₂ jmig₂.§

Jesús i₂lín₅ Guein₂ Já'₂ Cha'₂ quián₅ Diú₄

²⁹ Jme₁jnia₃ jaun₂, ca₂jín₂ Juan₅₄ Jesús a₂já₅ ja₂quián₃ ja₁chéin'₄, jaun₂ ca₂juá'₂:

—Jag₄ 'nia'₂, i₂ně₅ bá₄ Guein₂ Já'₂ Cha'₂ quián₅ Diú₄, i₂jniá'₂ dsáu₁ dsa₂ mi₂güig₃. ³⁰ I₂ně₅ bá₄ 'éi₂ i₂'ín₅ jniá₂, lia'₂ con'₂ jme₁ca₂juá'₃: “I₂já₅ cang₂ guě₄ con'₂ guě₄ jniá₂, dsein₅₄ guě₄ con'₂ guě₄ jniá₂, ia₁ jme₁ma₂chain₂ jniá₅ guě₄ con'₂ guě₄ jniá₂.” ³¹ Lia'₂ jnia'₅₄ 'ṇió₃, tsá₃ jme₁guion₅₄ 'ein₂ 'éi₂; la₁ia₁ chóng₅ dsa₂ jmig₂ ma₂guio₃,* ia₁jaun₂ le₃cuig₅ dsa₂ juig₂ Israel 'ein₂ 'éi₂.

³² Ján₃ bá₄ ca₂jáng'₃ Juan₅₄ jág₁ dsau₅ la₂, ca₂juá'₂:

—Ca₂jín₄ jniá₂ Jme₂dsí₂ Jṇió₅ ca₂sióin₃ guei'₅₄ i₂juig₃ i₂jniá₂ lia'₂ jniá₂ jan₂ i₁ju₂, ca₂tē₁gua₁ ne₄ quió'₅ 'éi₂. ³³ Tsá₃ jme₁ma₂guion₄ bá₄ guě₄ jniá₂ i₂'ein₂ 'éi₂; la₁ia₁ i₂ca₂chei₃ jniá₂ a₂chóng₄ dsa₂ jmig₂,† ca₂tság₃ jniá₂: “Jē₁ma₂ca₂jíng'₅₄ Jme₂dsí₂ sióin₅ ne₄ quió'₅ jan₂ dsa₂ ṇe'₂, i₂'éi₂ bá₄ qui₃tián₂ dsa₂ Jme₂dsí₂ Jṇió₅.” ³⁴ Ma₂ca₂jín₅₄ bá₄ jniá₂, jaun₂ jáng'₅ jniá₂ jág₁ dsau₅, a₂lín₅ 'éi₂ Ja₁ṇi'₅₄ Diú₄.

I₂le₂'uig₅₄ dsa₂ guía₃-tín₂ quián₅ Jesús

³⁵ Jme₁jnia₃ jaun₂, jme₁'en₅₄ táng₃ Juan₅₄ ja₁jaun₂ quian'₅₄ guě₄ on₃ dsa₂ i₂i₂nio₄ quiaín₅₄.

³⁶ Jaun₂ jme₁ca₂jág₃ Juan₅₄ ca₂ṇi₅ Jesús, jaun₂ ca₂juá'₂:

—Jag₄ 'nia'₂, i₂ně₅ bá₄ Guein₂ Já'₂ Cha'₂ quián₅ Diú₄.

³⁷ Jaun₂ ca₂nág₂ le₃on₃ dsa₂ 'éi₂ a₂ca₂juá'₂, jaun₂ i₃lén₂ chi₁co'₅₄ quió'₅ Jesús.

³⁸ Jaun₂ ně₃ ca₂jén'₃ Jesús tē₂le₃ ca'₃, ca₂jín₂ dsa₂ i₂i₃lén₂ chi₁co'₅₄ quió'₅, jaun₂ ca₂juá'₂ ca₂tsí'₃ 'éi₂:

—¿'E₂ 'náu'₂ 'nia'₂?

Jaun₂ ca₂juá'₂ dsa₂ 'éi₂ ca₂tsí'₃ Jesús:

—Rabbí —co₂'nió'₄ le₃jua'₅₄: Tē₅—, ¿Já'₄ ṇéi'₂ 'ne₂?

* **1:23** Isaías 40:3. † **1:25** lit. “¿'e₂ ta₁ 'eng'₅₄ tiáng'₅ dsa₂ jmig₂?” ‡ **1:28** A₂lín₅₄ chog₅₄ si₂: “Betábara.” Juig₂ Betania siá'₂ cau₅ Cuá₃ Jordán, uíng₂ ja₁niog₅ Jerusalén; on₃jua'₅₄ Betania ja₁jme₁guá₄ Lázaro quiaín₅₄ 'io₅₄ riín₅₄. § **1:28** lit. “ja₁jme₁'en₅₄ Juan₅₄ tián₂ dsa₂ jmig₂.” * **1:31** lit. “la₁ia₁, tiáng₅ dsa₂ jmig₂ ma₂guio₃.” † **1:33** lit. “la₁ia₁ i₂ca₂chei₃ jniá₂ a₂tiáng₄ dsa₂ jmig₂.”

³⁹ Jaun₂ ca₂ŋag₃ Jesús:

—I₂nó₅ 'nia'₂ i₂jag₄.

Jaun₂ i₃lén₂ i₁jag₅₄ já₄ guá₅ Jesús, jaun₂ quian'₅₄ 'éi₂ bá₄ ca₂tóin'₂ tē₁lia'₂ ca₂'láu₂ jmi₄g₄ jaun₂; ia₁ jme₁ma₂ca₂tē₂ con'₂ hora ŋi₁ quén₂ tē₂le₃ ca₂'láu₂.†

⁴⁰ Jan₂ i₂on₃ 'éi₂ i₂ca₂nág₂ a₂ca₂juá'₂ Juan₅₄, i₂i₃lén₂ chi₁co'₅₄ quió'₅ Jesús, jme₁chen₂ Drē₄ i₂lín₅ rin'₅₄ Si₂mu₅₄ i₂tē'₂ dsa₂ Pe₄.

⁴¹ Dsi₂jui₅ né'₃ guē₄ jaun₂ bá₄ ŋe₄ Drē₄, i₁'nai'₂ Si₂mu₅₄ riin'₅₄, jaun₂ ca₂juá'₂ ca₂tsí'₃ 'éi₂:

—Ma₂dsán'₅ jnia'₅₄ Mesías, (co₂'nió'₄ le₃jua'₅₄, dsa₂ I₂rē₂'ín₁ quián₅ Diú₄).

⁴² Jaun₂ i₁ŋia₃ Drē₄, Si₂mu₅₄ riin'₅₄ ja₁'en₅₄ Jesús, jaun₂ jme₁ca₂jág₂ Jesús ně₃, ca₂juá'₂:

—'Ne₂ líng'₅ Si₂mu₅₄, ja₁ŋi'₅₄ Jonás. La₁ia₁ le₃cheng'₂ Cefas.

Lia'₂ chen₂ Cefas ně₅, co₂'nió'₄ le₃jua'₅₄ Pe₄. Š

Tē'₂ Jesús Felipe quian'₅₄ Natanael

⁴³ Jme₁nia₃ jaun₂, ca₂lē₃ dsí₅ Jesús dsó₃ 'uē₃ Galilea, jaun₂ ca₂dsáin'₂ Felipe, jaun₂ ca₂juá'₂ ca₂tsí'₃ 'éi₂:

—Jme₁quiong'₅₄ jniá₂.

⁴⁴ Felipe 'éi₂ ně₃, jme₁chain₂ juig₂ Betsaida, já₃ bá₄ ja₁jme₁chan₂ Drē₄ quian'₅₄ Pe₄ ně₃.

⁴⁵ Fe₂li₄ 'éi₂ ně₃, ŋei₅₄ i₁'nia'₂ Natanael, jaun₂ ca₂juá'₂ ca₂tsí'₃ 'éi₂:

—Ma₂dsán'₅ jnia'₅₄ dsa₂ 'éi₂ i₂'in₅ Moisés ne₄ Si₂ 'Éi'₃, i₂'in₅ dsa₂ i₂'ē₂ já₁ quián₅ Diú₄ ně₃. Jesús bá₄ 'éi₂, ja₁ŋi'₅₄ José, i₂chan₂ juig₂ Nazaret.

⁴⁶ Jaun₂ ca₂juá'₂ Natanael:

—¿Lé₂ le₃o₃'ag₅ caun₂ a₂dse₃ juig₂ Nazaret?

Jaun₂ ca₂ŋag₃ Fe₂li₄:

—Ŋia₅ de'₂ i₂jag₄.

⁴⁷ Jaun₂ jme₁ca₂jág₃ Jesús a₂ma₂ja₂quián₃ Natanael, ca₂juá'₂:

—La₂ dé₄ dsón'₂ já₅ jan₂ dsa₂ israelita tē₃dsón'₂, i₂tsá₃ cha₂ mai₅₄ ja₁con₂.

⁴⁸ Jaun₂ ca₂ŋag₃ Natanael ca₂ŋi'₃ Jesús:

—¿'A₂ lia'₂ cui₂g'₂ jniá₂?

Jaun₂ ca₂juá'₂ Jesús:

—Jniá₂ ně₂jing₅₄ 'ne₂ jniá₅, né'₃ guē₄ a₂dsi₃té₂ Fe₂li₄, lia'₂ con'₂ jme₁ŋéi'₂ né'₃ ni₁'ma₂ higuera.

⁴⁹ Jaun₂ ně₃ ca₂juá'₂ Natanael ca₂tsí'₃ Jesús:

—Tē₅, 'ne₂ bá₄ líng'₅ Ja₁ŋi'₅₄ Diú₄; 'ne₂ bá₄ líng'₅ Rag₅₄ quián₅ dsa₂ juig₂ Israel.

⁵⁰ Jaun₂ ca₂ŋag₃ Jesús ca₂tsí'₃ 'éi₂:

—¿A₁jaun₂ 'éng'₂ ia₁ ně₂juá'₃ a₂ně₂jín₄ jniá₂ 'ne₂, ŋéi'₂ né'₃ ni₁'ma₂ higuera? La₁ia₁ ně₃ guē₄ tē₃ ne'₅₄ 'líong₂ léi₄ juē'₂ guē₄ con'₂ guē₄ a₂la₂.

⁵¹ Já₃ bá₄ ca₂juá'₂ Jesús:

—A₂dsi₂jó'₃ juig₂ jniá₂ 'nia'₂, jag'₅₄ 'nia'₂ rē₂na₄ guei'₅₄ i₂juig₃, jin'₅₄ 'nia'₂ ángeles quián₅ Diú₄ ně₃, qui₂tsau₂ qui₂tsi₂sioin₂ ne₄ Jaun₅ dsa₂ mi₂güig₃.

2

Ca₂jen'₂ gu₂ dsa₂ jē₄ juig₂ Caná juig₂ tén₅ Galilea

¹ 'Ni₅ jmi₄g₄ cang₂ guē₄ jaun₂, ca₂nio₃ jmi₄g₄ ca₂jen'₂ gu₂ dsa₂ jē₄ juig₂ Caná, a₂nio₅ 'uē₃ Galilea. Ja₁jaun₂ jme₁'en₅₄ chog₅₄ Jesús ně₃; ² já₃ bá₄ ca₂tē'₃ dsa₂ Jesús quiaín'₅₄ dsa₂ i₂quiaín'₅₄, ja₁jen'₂ gu₂ dsa₂ jaun₂.

³ Jme₁ca₂dsa₃ vino, jaun₂ ca₂juá'₂ chog₅₄ Jesús ca₂tsí'₃ 'éi₂:

† 1:39 lit. “hora guía₃.” Š 1:42 Co₂'nió'₄ le₃jua'₅₄, “Ni₁cang₁.” Le₂nē₅ juá'₂ já₁ “Cefas” quian'₅₄ já₁ jmei₅ arameo; co₂jaun₂ juá'₂ “Petros” (ja₁já₅ já₁ piedra, Pedro ně₃) quian'₅₄ já₁ jmei₅ griego.

—Tsá₃ ma₃cha₂ vino quió'₅ dsa₂ tioin'₅₄.

⁴ La₁ ca₂ḡag₃ Jesús:

—'To₅₄, ¿'e₂ lë₃ juig'₂ jniá₂ a₂në₅? Ia₁ tsá₃ ma₂të₂ guë₄ hora quió'₃.

⁵ La₁ ca₂juá'₂ chog₅₄ ca₂tsí'₃ dsa₂ i₂tion'₅₄ tia'₅:

—Jmo₄ 'nia'₂ chi₂'e₂ juá'₂ i₂në₅.

⁶ Jme₁tióng₂ ja₁jaun₂ jñéi₂ ti'₂ cang₄, jui₁lia'₂ a₂jme₁jmo'₂ dsa₂ judíos ta₁ a₂jme₁qui₂jmo₂₃ le₁jín₃, con'₂ lë₅ tag₄ jme₁chí'₄ quió'₅. Lia'₂ caun₂ ni₁ti'₂ cang₄ jaun₂ 'a₄ con'₂ të₂láu₃-guiá₂, o₃ caun₂ 'ñiá₂-láu₂ litro jmig₂.

⁷ Jaun₂ ca₂juá'₂ Jesús ca₂tsí'₃ dsa₂ i₂tia'₅:

—Jme₁can'₂ 'nia'₂ ni₁ti'₂ tióng₂ la₂ quian'₅₄ jmig₂.

Ca₂jme₃can'₂ bá₄ guë'₂ dsa₂ lia'₂ ca₂rin₅ rë₂ lín₃. ⁸ Jaun₂ ca₂juá'₂ Jesús ca₂tsí'₃ dsa₂ 'éi₂:

—Në₃ në₃, dsen₅₄ ca₂juig₄, o₂can₄ ne₄ dsa₂ i₂nio₅ ne₄ jmig₄.

Jaun₂ i₁can₅ dsa₂.

⁹ Dsa₂ i₂nio₅ ne₄ jmig₄ jaun₂, ca₂tí₂ 'o₅₄ jmig₂ a₂ca₂lë₃ vino jaun₂, të₃ tsá₃ ḡi₅ a₂já'₄ já₃; jñia'₅₄ lia'₂ dsa₂ i₂ca₂dsen₅ jmig₂ bá₄ jme₁ḡi₅. Jaun₂ në₃ ca₂të₃ dsa₂ i₂nio₅ ne₄ jmig₄, ca₂të'₃ dsa₂ ḡe'₂ i₂jen'₂ gu₂, ¹⁰ jaun₂ ca₂tsí'₃ 'éi₂:

—Ca₂le₃jín₃ bá₄ dsa₂ tiin₂₃ tia'₃ le₂'uig₅₄ vino dse₃, jaun₂ jë₁ma₂le₁'en₅ dsa₂, jaun₂ guë₄ tia'₃ vino ga₂. La₁ 'ne₂ në₃ në₂'ma'₅₄ vino dse₃ ca₂të₂ jë₁ca₂tó'₂.

¹¹ Jë₄ juig₂ Caná a₂tén₅ 'uë₃ Galilea jaun₂, ca₂jmo₃ Jesús léi₄ juë'₂ le₂'uig₅₄. Le₂në₅ ca₂jme₃jñiai₂₃ 'ein₂ lín₅ të₂le₃ quian'₅₄ jui₅bí₂ quió'₅, jaun₂ ca₂rë₃'én₂ chi'₂ dsi₂guia₃-tín₂ quiáin₅.

¹² Cang₂ guë₄ jaun₂ ca₂ḡó₃ jë₄ juig₂ Capernaum, lia'₂ jma₃quiain'₅₄ chog₅₄, riin'₅₄, chi'₂ dsi₂guia₃-tín₂ quiáin₅ në₃; ja₁jaun₂ ca₂tóin'₂ tin₃-ni₅ jmig₄.

Ca₂chí₃ Jesús i₁dsi₅ guá'₅

(Mateo 21:12-13; Marcos 11:15-18; Lucas 19:45-46)

¹³ Jme₁ma₂ja₂quián₃ Jmíg₄ Të₂'in₅₄ quió'₅ dsa₂ judíos, jaun₂ ca₂uig₂ Jesús jui₅ Jerusalén.

¹⁴ Ja₁jaun₂ ca₂dsáin'₂ i₁dsi₅ guá'₅ templo dsa₂ i₂'ni₅ ca₁jui₅, i₂'ni₅ já'₂ cha'₂, i₂'ni₅ i₁ju₂ në₃, quian'₅₄ dsa₂ i₂qui₂jme₂tsín₃ cu₄ quió'₅ dsa₂.

¹⁵ Jme₁ca₂jág₃ Jesús a₂jaun₂, ca₂jmo₃ caun₂ látigo a₂lë₅ quian'₅₄ tsi₁'nei₅₄, jaun₂ ca₂'uúin'₂ ca₁'né₄ ca₂le₃jín₃ i₂tion'₅₄ i₁dsi₅ lia'₂ jma₃quiain'₅₄ já'₂ cha'₂ quiáin₅, ca₁jui₅ në₃. Ca₂jéin₃ 'uë₃ cu₄ quió'₅ dsa₂ i₂jme₂tsín₃ cu₄, qui₂ca₂jéin'₃ ni₁mesa në₃.

¹⁶ Jaun₂ ca₂tsí'₃ i₂'ni₅ i₁ju₂:

—i'Uë'₅₄ 'nia'₂ ca₂le₃jë₃ a₂në₅ ja₁lá₃! i'Tsá₃ lë₁jmo₂ 'nia'₂ ja₁'ma'₅₄ ja₁quió'₄ ḡe'₃!

¹⁷ Jaun₂ ca₂dsáu'₃ dsí₅ dsa₂ i₂jme₁quiain'₅₄, a₂chi₁ton₅ ne₄ Si₂ le₂la₂:

Në₂jag₄ bá₄ a₂ca₂cóng₂ 'uig₅₄ ia₁ a₂ḡí₄ lë₃ dsí'₅ dsi₃

o₄quió'₄ dsi₂néi₂ quiáng'₂.*

¹⁸ Jaun₂ në₃ ca₂ḡag₃ dsa₂ judíos ca₂ḡí₃ Jesús:

—¿'E₂ léi₄ le₃'ë'₂ jnia'₅₄ a₂jáng'₅ já₃ dsau₅ a₂ca₂tín'₂ 'ne₂ jmó'₂ le₂në₅?

¹⁹ Jaun₂ ca₂ḡag₃ Jesús:

—'Én₂ 'nia'₂ guá'₅ la₂, jaun₂ tsi'₅₄ táng₃ jniá₂ quian'₅₄ 'ni₅ jmig₄.

²⁰ Jaun₂ në₃ ca₂juá'₂ dsa₂ judíos ca₂tsí'₃ Jesús:

—Të₂láu₃-jñéi₂ ḡi₂ ca₂rë₃'ín₅ dsa₂ jme₁ca₂chi'₃ guá'₅ la₂. ¿'En₁ jmá'₃ jaun₂, lé₂ le₃jmog'₅₄ tsi'₅₄ quian'₅₄ 'ni₅ jmig₄?

²¹ La₁ia₁ guá'₅ a₂'ë₅ Jesús jaun₂, ni₁ḡi₄ 'ḡiog₅ bá₄ Jesús 'ë₂₃.

* 2:17 Salmo 69:9

²² Jaun₂ lē₃, lia'₂ con'₂ jme₁ca₂jen'₅₄ Jesús a₂jme₁rē₂'līn₅₄, ca₂dsáu'₃ dsí₅ chí'₂ dsí₂guia₃-tín₂ quiáin₅ jág₁ jaun₂. Jaun₂ ca₂rē₃'éin₂ jág₁ a₂juá'₂ ne₄ Si₂ quió'₅ Diú₄, quian'₅₄ jág₁ a₂jme₁ca₂juá'₂ Jesús jaun₂.

I₂cuin₅ bá₄ Jesús ca₂le₃jín₃ dsa₂

²³ Lia'₂ con'₂ jme₁'en₅₄ Jesús Jerusalén Jmīg₄ Tē₂'in₅₄, ca₂rē₃'én₂ juin₅ lín₃ dsa₂ tē₂le₃ quió'₅ Jesús, jme₁ca₂jág₃ léi₄ a₂ma₂qui₂ma₂jmo₃.

²⁴ La₁ tsá₃ jme₁'én₂ Jesús quió'₅ dsa₂ 'éi₂, ia₁ i₂cuin₂₃ bá₄ ca₂le₃jín₃ dsa₂, 'a₂ lia'₂ lē₅ tē₂dsí₅.

²⁵ Tsá₃ 'e₂ ca₂rē₃'nió'₅ quió'₅, jua'₅₄ a₂jáng'₃ dsa₂ jág₁ dsau₅ jui₁lia'₂ quió'₅ 'i₁jan₂, ia₁ ma₂ñi₅ rē₂ bá₄ Jesús 'e₂ a₂qui₂dsi₂jñia₅ dsí₅ dsa₂ mi₂güí₃.

3

Jme₂tag₅ Jesús jme₂tīn₂₃ Nicodemo

¹ Jme₁chan₂ jan₂ dsa₂ fariseo i₂jme₁chen₂ Nicodemo, i₂jme₁lín₄ jan₂ dsa₂ dsen₅₄ quián₅ dsa₂ judíos.

² Ne₄ 'éi₂ ca₂i₁jīn₁₂ Jesús tē₂le₃ ca₂nei₂, jaun₂ ca₂juá'₂ ca₂tsí'₃ Jesús:

—Tē₅, ne₄ bá₄ jñia'₅₄ a₂lín'₅ 'ne₂ jan₂ tē₅ i₂chen₄ quián₅ Diú₄, ia₁ ca₂lia'₂ 'i₁jan₂ tsá₃ lé₂ le₃jmo₃ léi₄ juē'₂ le₂nē₅, jui₁lia'₂ jmo'₂ 'ne₂, jua'₅₄ tsá₃ quiong'₅₄ Diú₄.

³ Jaun₂ ně₃ ca₂juá'₂ Jesús ca₂tsí'₃ Nicodemo:

—A₂dsi₂jó'₃ juí₂ jniá₂ 'ne₂, ně₃ jua'₂ tsá₃ rē₂chan₂ táng₃ dsa₂, tsá₃ lé₂ le₃jág₃ ja₁gon₂ Diú₄.

⁴ Jaun₂ ca₂ñag₃ Nicodemo:

—¿'A₂ bá₄ lia'₂ lé₂ le₃chan₂ táng₃, jan₂ dsa₂ ma₂juin'₂? ¿Lé₂ le₃'í₂ táng₃ né'₃ tē₂dsí₅ chog₅₄, jaun₂ le₃chain₂ táng₃?

⁵ Jaun₂ ca₂ñag₃ Jesús:

—A₂dsi₂jó'₃ juí₂ jniá₂ 'ne₂, jui₁lia'₂ i₂tsá₃ rē₂chan₂ le₃quió'₅ jmīg₂, quian'₅₄ le₃quió'₅ Jme₂dsí₂, tsá₃ lé₂ le₃'í₂ ja₁gon₂ Diú₄. ⁶ Jui₁lia'₂ i₂rē₂chan₂ le₃quió'₅ ni₁ñí₅, jan₂ dsa₂ ni₁ñí₅ bá₄ 'éi₂; jui₁lia'₂ i₂rē₂chan₂ le₃quió'₅ Jme₂dsí₂, jan₂ dsa₂ i₂gu₂dsí₂ bá₄ lín₅ 'éi₂. ⁷ Tsá₃ jui₁dsi₂gó'₃ 'au'₂ 'ne₂ a₂juá'₅ jniá₂: “Tion₅₄ bá₄ le₃chan₂ 'nia'₂ táng₃.” ⁸ 'Ag₅ dsí₂ jui₁a₂ guē₃ já'₄ 'nio₃ 'ag₃; nag'₂ bá₄ 'ne₂ mi₅₄ a₂lē₂, la₁ia₁ tsá₃ ñi'₅₄ a₂já'₄ já₅, on₃ guē'₂ a₂já'₄ dsó₃. Ján₃ bá₄ le₂nē₅ lín₅ ca₂le₃jín₃ i₂rē₂chan₂ le₃quió'₅ Jme₂dsí₂.

⁹ Jaun₂ ně₃ ca₂ñag₃ táng₃ Nicodemo:

—¿'A₂ bá₄ lia'₂ lé₂ le₃lé₂ a₂juá'₂ 'ne₂ ně₅?

¹⁰ Jaun₂ ca₂ñag₃ Jesús:

—¿'Ne₂ guē'₂ líng₅ jan₂ tē₅ quián₅ dsa₂ juí₂ Israel, ton'₂ tsá₃ ñí'₂ bá₄ guē'₄ 'au'₂ jág₁ ně₅? ¹¹ A₂dsi₂jó'₃ juí₂ jniá₂ 'ne₂, jui₁lia'₂ a₂ma₂tag₂ bá₄ jñia'₅₄, dsia₂; ján₃ bá₄ jang'₂ jñia'₅₄ jág₁ dsau₅ jui₁lia'₂ a₂ma₂tē₂ ne₄ jñia'₅₄. La₁ 'nia'₂ ně₃ tsá₃ gue'₂ jág₁ dsau₅ a₂jang'₂ jñia'₅₄.

¹² Chi₂jua'₂ ma₂nē₂juá'₃ jniá₂ a₂'ē₂₃ jui₁lia'₂ a₂cha₂ mi₂güí₃ la₂, ton'₂ tsá₃ 'én'₂ bá₄ guē'₂ 'nia'₂, ¿'a₂ bá₄ guē'₂ lia'₂ le₃'én'₂ 'nia'₂ jág₁ quió₃ ně₁ca₂juá'₃ jniá₂ ca₂juí₂ 'nia'₂ a₂'ē₂₃ jui₁lia'₂ a₂cha₂ guei'₅₄ i₂juí₃?

¹³ 'Ca₂lia'₂ 'i₁jan₂ tsá₃ 'ein₂ ma₂uí₂ guei'₅₄ i₂juí₃, jñia'₅₄ lia'₂ 'éi₂ i₂ca₂sión₃ guei'₅₄ i₂juí₃; co₂'nió'₄ 'ñiog₅ Jaun₅ dsa₂ mi₂güí₃. * ¹⁴ Jui₁lia'₂ ca₂chón'₂ Moisés dsí₂mi'₂ guei'₅₄ ja₁lē₄ 'uē₃ quein₂ co₂'ñiog₅ jaun₂, ján₃ bá₄ le₂jaun₂ 'i₄ 'éi'₃ chón'₂ dsa₂ guei'₅₄ Jaun₅ dsa₂ mi₂güí₃,

¹⁵ ia₁jaun₂ ca₂le₃jín₃ i₂'én₂ tē₂le₃ quió'₅ 'éi₂, le₃chain₂ co₂tan₅₄.

'Nio₃ Diú₄ dsa₂ mi₂güí₃

* **3:13** A₂lín₅₄ chog₅₄ si₂ juá'₂ ján₃: “i₂'en₅₄ guei'₅₄ i₂juí₃,”

16 'Jaun₂, 'uig₅₄ ia₁ a₂ñí₄ lē₃ ca₂rē₃'nio₃ Diú₄ ca₂rē₃'nio₃ dsa₂ mi₂güig₃, ca₂cuin₃ Ja₁ñi'₅₄ i₂jan₂ tan₅₄ quiáin₅, ia₁jaun₂ ca₂le₃jín₃ i₂'én₂ tē₂le₃ quió'₅ 'éi₂, tsá₃ dsi₃'éin₂, ton'₂ le₃chain₂ bá₄ co₂tan₅₄. 17 Ia₁ on₃jua'₅₄ jaun₂ ca₂chei₃ Diú₄ ca₂chein₃ Ja₁ñi'₅₄ mi₂güig₃ a₂qui₃'ē₂ uig₅ ja₁con₂ dsa₂ mi₂güig₃; a₂jaun₂ bá₄ ca₂chei₃ ia₁jaun₂ líon₂ dsa₂ mi₂güig₃ tē₂le₃ quian'₅₄ 'éi₂. 18 Jui₁lia'₂ dsa₂ i₂'én₂ tē₂le₃ quió'₅ 'éi₂, tsá₃ rē₂'ē₂ uig₅ ja₁coin₂; la₁ia₁ jui₁lia'₂ i₂tsá₃ 'én₂ guē'₂ ně₃, ma₂rē₂'ē₂ uig₅ ja₁coin₂, 'uig₅₄ ia₁ a₂tsá₃ 'éin₂ tē₂le₃ quió'₅ Ja₁ñi'₅₄ i₂jan₂ tan₅₄ quián₅ Diú₄. 19 A₂la₂ bá₄ uig₅ a₂rē₂'ē₂ jaun₂: a₂ma₂gua₅ si₂ ja₁con₂ dsa₂ mi₂güig₃, la₁ ca₂rē₃'nio₃ guē'₄ dsa₂ jē₄ qui₁'né₃ lia'₂ con'₂ guē'₄ ja₁tág₅ si₂, ia₁ a₂'lig'₅₄ bá₄ jme₁jmo₂₃-dsáu₅. 20 Ca₂le₃jín₃ dsa₂ i₂jmo₅ a₂'lig'₅₄, 'io'₅₄ si₂, jaun₂ tsá₃ jme₂quiáin₃ ja₁tág₅ si₂, ia₁jaun₂ tsá₃ le₃jniá₂ a₂'lig'₅₄ a₂jmo₂₃-dsáu₅. 21 La₁ia₁ jui₁lia'₂ dsa₂ i₂chan₂ caun₂ jui₅ co₂dsau₅, jme₂quiáin₃ ja₁tág₅ si₂, ia₁jaun₂ le₃jniá₂, le₃quió'₅ Diú₄ bá₄ já₅ a₂dse₃ a₂jmo₅ 'éi₂.

Jáng'₅ táng₃ jág₁ dsau₅ Juan₅₄ i₂chon₅ dsa₂ jmi₂g₂ jui₁lia'₂ 'ein₂ 'éi₂ Jesús

22 Cang₂ jaun₂, ñó₃ Jesús jui₅ 'uē₃ Judea quiaín'₅₄ chí'₂ dsi₂guia₃-tín₂ quiaín₅, jaun₂ ja₁jaun₂ ca₂'í₃ ca₂la₂ uē₂ quiaín'₅₄ 'éi₂, qui₂choin₂₃ jmi₂g₂ dsa₂,†

23 Ján₃ bá₄ le₂jaun₂ jme₁'en₅₄ Juan₅₄ ně₃, choin₂₃ jmi₂g₂ dsa₂,‡ caun₂ ja₁chei₂ Enón, ma₂quián₅ Salim, ia₁ ja₁jaun₂ jme₁cha₂ 'líong₂ jmi₂g₂; jaun₂ jme₁ja₂lén₂ dsa₂ ia₁jaun₂ qui₃cho₃ Juan₅₄ jmi₂g₂.§

24 (A₂la₂ ca₂lē₃ né'₃ guē'₄ a₂ton'₂ dsa₂ Juan₅₄ né'₃ 'má₃.)

25 Jaun₂ ně₃, i₂lin₅₄ dsa₂ i₂quian'₅₄ Juan₅₄ ca₂tsiin₂ quian'₅₄ jan₂ dsa₂ judío ne₄ jág₁ jui₁lia'₂ a₂jmo₅ dsa₂ le₃jín₃.

26 Jaun₂ i₃lén₂ i₁chí'₄ Juan₅₄:

—Tē₅, dsa₂ i₂jme₁'en₅₄ quian'₅₄ 'ne₂ tē₂le₃ ja₁'ia₂ 'iog₂ tē₂le₃ quióng₄ Cuá₃ Jordán, dsa₂ i₂'ín'₅ 'ne₂ 'éi₂, jē₂ bá₄ choin₂₃ jmi₂g₂ dsa₂,* jaun₂ ca₂le₃jín₃ bá₄ dsa₂ dsi₂lén₂ ja₁coin₂.

27 Jaun₂ ca₂ñag₃ Juan₅₄:

—Ca₂lia'₂ 'i₁caun₂ tsá₃ 'e₂ lé₂ le₃cha₂ quió'₅ dsa₂ jua'₅₄ tsá₃ ñei₂ guei'₅₄ i₂juíg₃. 28 Ca₂nei'₂ bá₄ 'nia'₂ guiong'₅₄ jme₁ca₂juá'₃: “On₃jua'₅₄ jniá₂ líng₅ I₂rē₂'ín₁ quián₅ Diú₄; jan₂ dsa₂ i₂chen₄ ne₄ jui₅ quió'₅ 'éi₂ bá₄ líng₅.” 29 I₂ca₂tín₂ dsa₂ ñe'₂ i₂jen'₂ gu₂ bá₄, dsa₂ m₁'i₂jen'₂ gu₂ quiaín'₅₄. Jaun₂ dsa₂ a₂mei₅₄ quián₅ dsa₂ ñe'₂ ně₃, chí₁jñia₁ nag₂₃. Jaun₂ 'io'₂ jén'₅ jē₁ma₂ñag₂ jág₁ quió'₅ 'éi₂. Ján₃ bá₄ le₂jaun₂ jniá₂ ně₃, rē₂'ñia₅ a₂'io'₂ jén'₅ dsi₃.

Jui₁lia'₂ i₂já₅ guei'₅₄ i₂juíg₃

30 'Éi₂ ca₂tín₂ le₃dsein₅₄ guē'₄; jniá₂ guē'₂ ca₂tíng₂ le₃meg'₂. 31 Jui₁lia'₂ i₂já₅ jui₅ guei'₅₄ i₂juíg₃, dsen₅₄ guē'₄ ne₄ quió'₅ ca₂le₃jín₃. Jui₁lia'₂ i₂já₅ gua'₅₄ 'uē₃, jan₂ i₂chan₂ gua'₅₄ 'uē₃ bá₄ 'éi₂. Jaun₂ dsia₂₃ jui₁lia'₂ a₂quió'₅ gua'₅₄ 'uē₃. La₁ia₁ jui₁lia'₂ i₂já₅ guei'₅₄ i₂juíg₃, dsen₅₄ guē'₄ ne₄ quió'₅ ca₂le₃jín₃. 32 Jáng'₅ 'éi₂ jág₁ dsau₅ jui₁lia'₂ a₂ma₂tē₂ ne₅₄, jui₁lia'₂ a₂ma₂nág₂ ně₃; la₁ 'i₁jan₂ tsá₃ 'éin₂ tón'₂ jui₅ jág₁ dsau₅ a₂jáng'₅ 'éi₂. 33 La₁ia₁ jui₁lia'₂ i₂tón'₂ jui₅, ma₂caun₅ 'í₁ a₂dsón'₂ bá₄ tí₅ jág₁ a₂juá'₂ Diú₄; 34 ia₁ i₂ca₂chen₃ Diú₄ ně₃, dsia₂₃ jág₁ quió'₅ Diú₄, ia₁ cuin₅ Diú₄ jme₂dsi₂ quiáin₅ ca₂lia'₂ tsá₃ niog₅ 'éi'₃. 35 A₂'nio₃ Diú₄ jmei₂ 'nio₃ Ja₁ñi'₅₄, jaun₂ o₄gú₃ 'éi₂ ma₂dsia₃ ca₂le₃jē₃. 36 Jui₁lia'₂ i₂'én₂ tē₂le₃ quió'₅ Ja₁ñi'₅₄ Diú₄, le₃chain₂ bá₄ co₂tan₅₄; la₁ jui₁lia'₂ i₂tsá₃ ne'₅₄ le₃quió'₅ Ja₁ñi'₅₄ Diú₄, tsá₃ tē₃ ne₅₄ a₂le₃chain₂ rē₂'ñia₂₃, ton'₂ tē₂le₃ tē₃gua₄ 'nei₂ dsi₅ Diú₄ ja₁coin₂.

4

Dsia₅ Jesús jág₁ quian'₅₄ jan₂ 'io₅₄ i₂chan₂ Samaria

† 3:22 lit. “qui₂tiáin₂ dsa₂ jmi₂g₂.” ‡ 3:23 lit. “tiáin₂ dsa₂ jmi₂g₂.” § 3:23 lit. “ia₁jaun₂ qui₃tióg₃ Juan₅₄ jmi₂g₂.”

* 3:26 lit. “jē₂ bá₄ tiáin₂ dsa₂ jmi₂g₂.”

1 Jme₁ca₂rë₃ñi₅ Te₁gui' ₅₄ a₂ma₂nág₂ dsa₂ fariseos jág₁, 'ñio₅ lín₃ guë₄ juin₅ dsa₂ i₂ma₂quian' ₅₄ Jesús, qui₂ma₂cho₃ jmi₂* lia' ₂ con' ₂ guë₄ Juan₅₄; 2 (o₁jñia' ₅₄ on₃jua' ₅₄ 'ñiog₅ Jesús choin₂₃ jmi₂ dsa₂, † jñia' ₅₄ lia' ₂ chi' ₂ dsi₂guia₃-tín₂ quiáin₅ bá₄), 3 jaun₂ ca₂o₃-ín₃ 'uë₃ Judea, a₂ñái' ₃ táng₃ jui₅ 'uë₃ Galilea. 4 Ja₁tioin' ₅₄ jui₅ jaun₂, ca₂tíin₂ ñíi₃ 'uë₃ Samaria. 5 Jaun₂ ně₃ ca₂dsi₃léin₂ caun₂ juig₂ ja₁tén₄ Samaria a₂chei₂ Sicar, ma₂quián₅ ca₂jne₄ 'uë₃ a₂jme₁ca₂cuë₃ Jacob ma₂líg' ₂ ca₂cuë' ₃ ja₁ñi' ₅₄ i₂chen₂ Së₄.

6 Ja₁jaun₂ jme₁dsi₅₄ caun₂ tau₂ pozo a₂të' ₂ dsa₂ a₂quió' ₅ Jacob. Jaun₂ ca₂guá₂ Jesús cau₅, ia₁ a₂ca₂'ú' ₃ 'ein₅₄ jui₅. Jme₁ma₂ca₂të₂ con' ₂ dsi₂ñí' ₃ jaun₂.

7 Të₃ guá₅ jaun₂ ca₂dsióg₃ jan₂ 'io₅₄ i₂chan₂ Samaria a₂i₃dsein₂₃ jmi₂ pozo jaun₂. Jaun₂ ca₂juá' ₂ Jesús ca₂tsí' ₃ 'io₅₄ 'éi₂:

—Cuë₄ ca₂juig₄ jmi₂ gui' ₅₄.

8 Të₁lia' ₂ jaun₂, i₁len₅₄ jë₄ juig₂ chi' ₂ dsi₂guia₃-tín₂, i₁lia₅ má₃ a₂guë' ₃.

9 Jaun₂ ně₃ ca₂juá' ₂ 'io₅₄ chan₂ Samaria 'éi₂ ca₂tsí' ₃ Jesús:

—¿A₂ lia' ₂ lë₅ jaun₂, 'ne₂ jan₂ dsa₂ i₂lín₅ judío, mi' ₂ jmi₂ ne₃ jniá₂, jan₂ 'io₅₄ chan₂ Samaria?

(Ia₁ tsá₃ jág₁ 'ei₅ dsa₂ judíos quian' ₅₄ dsa₂ chan₂ Samaria.)†

10 Jaun₂ ně₃ ca₂ñag₃ Jesús:

—Jua' ₅₄ mei' ₂ guë₃ ñi' ₅₄ 'ne₂ 'e₂ jaun₂ a₂cuë₅ Diú₄, quian' ₅₄ 'ein₂ i₂mi₅ jmi₂ ne' ₅₄, jme₁mi' ₂ ne₃ jniá₂, jaun₂ jniá₂ ně₃ cuë₅₄ jmi₂ jén' ₃.

11 Jaun₂ ca₂juá' ₂ 'io₅₄ ca₂tsí' ₃ Jesús:

—Gui' ₅₄, tsá₃ ñí₁ cubeta cha₂ quiáng' ₂ a₂dséng' ₄ jmi₂, ton' ₂ a₂ji' ₂ bá₄ tau₂ pozo. ¿A₂ guë' ₂ já' ₄ cán' ₁ jmi₂ jén' ₃ a₂cuë' ₂ jniá₂? 12 ¿'E₂, 'ne₂ lín' ₅ i₂juin' ₂ guë₄ con' ₂ guë₄ 'lag₄ jmei₂ jniog₄ Jacob, i₂ca₂cuë₃ pozo la₂? Jme₁cán₂ 'éi₂ jmi₂ a₂ín' ₂ 'ñiog₅ quian' ₅₄ chi' ₂ quiáin₅, quian' ₅₄ já' ₂ quiáin₅ ně₃.

13 Jaun₂ ca₂ñag₃ Jesús:

—Ca₂le₃jín₃ jui₁lia' ₂ dsa₂ i₂ín' ₂ jmi₂ la₂, lé₂ táng₃ dsí₅ i₁ín' ₂ jmi₂; 14 Ia₁ia₁ jui₁lia' ₂ i₂ín' ₂ jmi₂ a₂cuë₄ jniá₂, lia' ₂ o₁líg' ₂ jmi₂ tsá₃ ma₃lé₂ dsí₅ i₁ín' ₂ jmi₂. Ia₁ jui₁lia' ₂ jmi₂ a₂cuë₄ jniá₂, lé₂ ně₂jag₄ bá₄ caun₂ o₄tu₁ jmi₂ të₂lé₃ quió' ₅, a₂qui₃'iá₃ jmi₂ a₂gu₂dsí₂ a₂jmo₃ a₂le₃chain₂ co₂tan₅₄.

15 Jaun₂ ně₃ ca₂juá' ₂ 'io₅₄ ca₂tsí' ₃ Jesús:

—Gui' ₅₄, cuë₄ jmi₂ a₂ë' ₂ ně₅, ia₁jaun₂ tsá₃ ma₃le₃quein₂ dsi₃, on₃ guë' ₂ caun₂ guio₅₄ guë₄ ca₂të₂ la₂ i₁dséng₃ jmi₂.

16 Jaun₂ ca₂juá' ₂ Jesús:

—Guan' ₂ o₂të' ₂ dsi₂i₂gog' ₂, jaun₂ ñe' ₅₄ táng₃ ja₁lá₃.

17 Jaun₂ ca₂ñag₃ 'io₅₄ 'éi₂:

—Tsá₃ dsi₂i₂gu₃ jniá₂ chan₂.

Jaun₂ ně₃ ca₂juá' ₂ Jesús:

—Tí₅ bá₄ jág₁ quiáng' ₂ a₂në₂jua' ₅₄, a₂tsá₃ chan₂ dsi₂i₂gog' ₂; 18 ia₁ 'ñiá₂ dsi₂i₂gog' ₂ i₂ma₂ca₂né' ₂ quiang' ₅₄, jaun₂ i₂ñéi' ₂ quiang' ₅₄ rë₂ně₃ ján₃, on₃jua' ₅₄ dsi₂i₂gog' ₂ 'éi₂. Dsón' ₂ bá₄ tí₅ jág₁ quiáng' ₂ a₂në₂jua' ₅₄.

19 Jme₁ca₂nág₂ 'io₅₄ jág₁ ně₅, ca₂juá' ₂ ca₂tsí' ₃ Jesús:

—Te₁gui' ₅₄, dsón' ₂ bá₄ lín' ₅ 'ne₂ jan₂ dsa₂ i₂ë₂ jág₁ quián₅ Diú₄, lín₂ jniá₂. 20 Ja₁chí' ₄ má' ₂ la₂ ca₂jme₃juin' ₂ dsa₂ can' ₅₄ quián₂ jnia' ₅₄ ca₂jme₃juin' ₂ Diú₄ ma₂líg' ₂, Ia₁ia₁ 'nia' ₂ i₂lín' ₅ dsa₂ judíos ně₃, juá' ₂ Jerusalén bá₄ ja₁ca₂tín₂ dsa₂ jme₃juin' ₂ Diú₄.

21 Jaun₂ ca₂ñag₃ Jesús:

* 4:1 lit. “qui₂ma₂tióg₃ jmi₂.” † 4:2 lit. “tiáin₂ dsa₂ jmi₂.” ‡ 4:9 o₃, “tsá₃ jmó' ₂ dsa₂ judíos ta₁ jui₁lia' ₂ ni₁uing₅ a₂jmó' ₂ dsa₂ chan₂ Samaria ta₁.”

—Jui₁le₂'éng'₂ bá₄ a₂juá'₅ jniá₂: já₅ caun₂ jmig₄ a₂jme₁juin'₂ 'nia'₂ Diú₄, on₃jua'₅₄ i₁nóg'₅ má'₂ la₂, on₃ guë'₂ o₁nó'₅ 'nia'₂ Jerusalén. ²² 'Nia'₂ jme₂juíng'₁ tē₃ tsá₃ ŋi'₅₄ 'ein₂ jme₂juíng'₁; a₂dsau₅ bá₄ jnia'₅₄, ne₄ jnia'₅₄ 'éin₂ i₂jme₂juín'₂; ia₁ tē₂le₃ quió'₅ dsa₂ judíos bá₄ já₅ jág₁ a₂lión₂ dsa₂. ²³ La₁ já₅ hora, ton'₂ ma₂tē₂ dsón'₂, a₂jme₃juin'₂ dsa₂ Jmei₂, jui₁lia'₂ dsa₂ i₂jme₂juag'₂ tē₃dsón'₂, jme₃juag'₂ tē₂le₃ gu₂dsí₂ ton'₂ tē₂le₃ quian'₅₄ jág₁ dsau₅. Ia₁ i₂le₂'éi₂ bá₄ 'na'₂ Jmei₂ jme₃juag'₂. ²⁴ A₂lín₅ Diú₄ jme₂dsí₂; jaun₂ jui₁lia'₂ i₂jme₂juag'₂, ca₂tín₂ jme₃juag'₂ tē₂le₃ gu₂dsí₂ ton'₂ tē₂le₃ quian'₅₄ jág₁ dsau₅.

²⁵ Jaun₂ ca₂juá'₂ 'io₅₄:

—Guion₄ jniá₂ a₂jiá₃ Mesías, (i₂tē'₂ dsa₂ I₂rē₂'ín₁ quián₅ Diú₄). Jē₁ma₂guain₂₃, jaun₂ guē₄ juá'₂ ca₂le₃jē₃ lia'₂ rē₂jiá₃.

²⁶ Jaun₂ ca₂juá'₂ Jesús:

—Jniá₂ bá₄ 'éi₂, i₂dsia₅ jág₁ quian'₅₄ 'ne₂.

²⁷ Tē₁lia'₂ jaun₂, ca₂o₃len₃ chi'₂ dsi₂guia₃-tín₂ quián₅, jaun₂ ca₂i₃gó'₃ dsí₅ jme₁ca₂jág₃ a₂dsia₅ Jesús jág₁ quian'₅₄ jan₂ 'io₅₄. La₁ia₁ lia'₂ 'i₁jan₂ tsá₃ ca₂tiá₂ dsí₅ ŋag₃ 'e₂ 'no'₂, 'e₂ jág₁ dsia₂₃ quian'₅₄ 'io₅₄ 'éi₂.

²⁸ Jaun₂, ja₁jaun₂ ca₂chi'₃ 'io₅₄ ni₁dsig₁ quió'₅, jaun₂ ŋái'₃ jē₄ juig₂, jaun₂ ca₂juá'₂ ca₂tsí'₃ dsa₂:

²⁹—I₂nó'₅ 'nia'₂ i₂jín₄ jan₂ dsa₂ ŋe'₂ i₂ma₂nē₂juá'₂ ca₂le₃jē₃ 'e₂ a₂ma₂jmo₃ jniá₂. ¿On₁jua'₅₄ mei'₂ tsá₃ 'éi₂ lín₅ I₂rē₂'ín₁ quián₅ Diú₄?

³⁰ Jaun₂ nē₃ ca₂uín₂ dsa₂ jē₄ juig₂ ca₂i₃léin₂ ja₁guá₄ Jesús.

³¹ Tē₁lia'₂ jaun₂, ca₂chi₃quióng₂ jmig₄ chi'₂ dsi₂guia₃-tín₂ chi₂quián₂ jmig₄ Jesús a₂guē'₃, juá'₂:

—Tē₅, qué'₂ ca₂la₂.

³² Jaun₂ ca₂juá'₂ Jesús:

—Cha₂ caun₂ má₃ a₂guē'₅₄ jniá₂, a₂tsá₃ cuín'₂ 'nia'₂.

³³ Jaun₂ nē₃ qui₂ca₂ŋi'₃ chi'₂ dsi₂guia₃-tín₂ riín'₅₄, jain₂ jain₂:

—¿On₃ bá₄ chan₂ jan₂ i₂ma₂o₃can₅ má₃ a₂guē'₃?

³⁴ La₁ ca₂juá'₂ Jesús ca₂tsí'₃ 'éi₂:

—A₂jaun₂ bá₄ má₃ quió₃ jniá₂, a₂jmo₅₄ 'éi'₃ a₂ŋio₂ dsí₅ i₂ca₂chei₃, a₂jme₁ŋiag₅ ta₁ quió'₅ nē₃. ³⁵ ¿On₁ juá'₂ guē'₂ 'nia'₂: “Ei₅ bá₄ guē₄ quén₂ tsi'₂ a₂ráu₃”? La₁ia₁ jniá₂ juí₂ 'nia'₂, jag₄ 'a₂ lia'₂ ma₂tion'₅₄ dsa₂ le₁jñia₂₃, nē₂jag₄ bá₄ a₂le₁chein'₂ ja₁nau₂ ca₂ron₂, ma₂lé₂ bá₄ cá₂g'₃.

³⁶ Jui₁lia'₂ dsa₂ i₂jmo₅ ta₁ ja₁nau₂ nē₃ gue₂₃ 'liain'₅₄. Jui₁lia'₂ a₂ráu₃, a₂cág'₃ ja₁nau₂ jaun₂, a₂jio₃ co₂tan₅₄ bá₄ jaun₂, ia₁jaun₂ co₂lē₅ bá₄ jmo₃ 'io'₂, lia'₂ dsa₂ i₂jne₅, lia'₂ dsa₂ i₂cág'₅ nē₃.

³⁷ Le₂nē₅ dsón'₂ bá₄ quió₅ a₂dsia₅ dsa₂: “Jan₂ i₂jne₅, i₂sián'₂ i₂cág'₅.” ³⁸ Jniá₂ ma₂tsíng₂ 'nia'₂ a₂o₁cag'₄ ja₁tsá₃ ta₁ ma₂jmo₅₄ 'nia'₂ guiong'₅₄, ta₁ ma₂jmo₃ i₂sián'₂; jaun₂ 'nia'₂ nē₃ ca₂ling'₃ ta₁ quió'₅ dsa₂ 'éi₂.

³⁹ Juín₅ dsa₂ i₂chan₂ Samaria i₂tián'₅ juig₂ jaun₂ ca₂rē₃ 'éin₂ tē₂le₃ quió'₅ Jesús jme₁ca₂nág₂ jág₁ dsau₅ a₂ca₂jáng'₃ 'io₅₄, jme₁ca₂juá'₂: “Nē₂juá'₂ 'éi₂ ca₂le₃jē₃ 'e₂ a₂ma₂jmo₃ jniá₂.”

⁴⁰ 'Uig₅₄ jaun₂ nē₃, jme₁ca₂o₃lén₂ dsa₂ chan₂ Samaria, ca₂chi₃quián₂ jmig₄ Jesús a₂jme₁jñia₃ 'éi₂ quiong'₅₄. Jaun₂ ca₂jñia₃ Jesús tñ₃ jmig₄ ja₁jaun₂.

⁴¹ Jaun₂ tē₂le₃ juín₅ guē₄ dsa₂ ca₂rē₃ 'én₂ jme₁ca₂nág₂ jág₁ a₂juá'₂ 'ŋiog₅ Jesús.

⁴² Jaun₂ ca₂juá'₂ dsa₂ ca₂tsí'₃ 'io₅₄:

—Nē₃ guē₄ nē₃ 'éin₂ jnia'₅₄, on₃jua'₅₄ 'uig₅₄ jág₁ a₂ca₂jua'₅₄ 'ne₂, ia₁ a₂ma₂nē₂néi₁ jnia'₅₄ guio₅₄ jág₁ quió'₅, jaun₂ ne₄ jnia'₅₄, tē₃dsón'₂ bá₄ 'éi₂ lín₅ dsa₂ i₂lión₂ dsa₂ mī₂güig₃.*

Ca₂jme₃'lión₂ Jesús jan₂ja₁ŋi'₅₄ jan₂ dsa₂ dsen₅₄ quián₅ dsi₂tan₅₄

§ 4:37 quió₃: Jág₁ quió'₅ dsa₂ Jen'₅₄, co₂'nió'₄ le₃jua'₅₄, caun₂ jág₁ a₂ŋi'₂ dsí₅ a₂ca₂quio₂ dsa₂ can'₅₄, a₂dsia₅ dsa₂. * 4:42 A₂lín₅₄ chog₅₄ si₂: “Tē₃dsón'₂ bá₄ 'éi₂ lín₅ I₂rē₂'ín₁ quián₅ Diú₄, i₂lión₂ dsa₂ mī₂güig₃.”

⁴³ Jme₁ca₂dsan₃ tin₃ jmi_g₄ jaun₂, ca₂o₃ 'íin₃ ja₁jaun₂, ca₂ 'í₃ jui₅ náí₃ jui₅ 'uë₃ Galilea.

⁴⁴ Ia₁ jui₁lia₂ ca₂juá₂ 'n_{io}g₅ Jesús, jui₁lia₂ jan₂ dsa₂ i₂ 'ě₂ jág₁ o₄quió₄ Diú₄, tsá₃ jme₂go₃ dsa₂ juig₂ go₅₄.

⁴⁵ Jme₁ca₂dsiáin₃ 'uë₃ Galilea ně₃, ca₂guei₃ bá₄ dsa₂ dse₃ ja₁jaun₂, ia₁ jme₁ma₂ca₂jág₃ bá₄ ca₂le₃jě₃ 'e₂ a₂ca₂jmo₃ Jesús juig₂ Jerusalén jme₁ca₂tě₂ Jmi_g₄ Tě₂ 'in₅₄, ia₁ ján₃ bá₄ jme₁i₁len₅₄ 'éi₂ jmi_g₄.

⁴⁶ Jaun₂ ně₃, ca₂dsióg₃ táng₃ juig₂ Caná a₂tén₅ 'uë₃ Galilea ja₁ca₂jme₃tsíin₃ jmi_g₂ ca₂jmo₃ vino. Ja₁jaun₂ jme₁en₅₄ jan₂ dsa₂ i₂jme₂ti₃ ta₁ ne₄ rag₅₄, i₂chan₂ jan₂ chi₂ 'dso₅₄ quiáin₅, jě₄ juig₂ Capernaum.

⁴⁷ Jme₁ca₂rě₃ni₅ dsa₂ 'éi₂ a₂ma₂ni₅ Jesús 'uë₃ Galilea, 'ein₅₄ jui₅ a₂o₂ 'íin₃ 'uë₃ Judea, jaun₂ nei₅₄ ca₂i₁jín₁₂ Jesús, jaun₂ ca₂chi₃quióng₂ jmi_g₄ tion₅₄-jan₃ a₂dsó₃ 'éi₂ ja₁quió₄ a₂jme₃lión₂ ja₁ni₅₄ i₂ron₅ ma₂i₁jón₂.

⁴⁸ Jaun₂ ně₃ ca₂juá₂ Jesús:

—Tsá₃ 'én₂ 'nia₂ ně₃ja₂ tsá₃ ca₂jag₅₄ léi₄ juě₂ a₂dsi₂gó₃ 'au₂.

⁴⁹ Jaun₂ ca₂juá₂ dsa₂ i₂jme₂ti₃ ta₁ ne₄ rag₅₄ 'éi₂:

—Te₁gui₅₄, i₂náu₂ uě₃ nia₅, né₃ guě₄ a₂jón₂ chi₂ 'quiáng₃.

⁵⁰ Jaun₂ ně₃ ca₂juá₂ Jesús:

—Guan₂ bá₄ quiáng₂; ia₁ i₂chan₂ bá₄ chi₂ 'quiáng₂.

Ca₂rě₃ 'én₂ bá₄ dsa₂ jág₁ a₂ca₂juá₂ Jesús, jaun₂ ca₂nái₃.

⁵¹ Jaun₂ jme₁ma₂'ein₅₄ jui₅ dsiáin₂, jaun₂ ca₂jme₃jein₂ dsa₂ i₂jme₂ti₃ ta₁ ne₅₄, jaun₂ ca₂juá₂ 'éi₂:

—I₂chan₂ bá₄ chi₂ 'quiáng₂.

⁵² Jaun₂ ca₂ηag₃ 'e₂ hora ca₂tág₃ dsí₅. Jaun₂ ca₂juá₂ dsa₂ 'éi₂:

—Dsióg₂ con₂ hora ní₁ caun₂ tě₂le₃ ca₂'láu₂, † ca₂jnia₃ dséi₂ a₂jme₁'i₁.

⁵³ Jaun₂ ca₂rě₃lí₄ jmei₂ chi₂ 'éi₂, hora jaun₂ dé₄ ca₂juá₂ Jesús: “I₂chan₂ bá₄ chi₂ 'quiáng₂.” Jaun₂ ca₂rě₃ 'én₂ dsa₂ 'éi₂, quiain₅₄ ta₁jín₂ dsa₂ dsi₂néi₂ quió₅.

⁵⁴ A₂ně₅ jě₁ca₂tě₂ táng₃ léi₄ juě₂ a₂ca₂jmo₃ Jesús, jme₁ca₂o₃ 'íin₃ Judea, jme₁guáin₃ Galilea.

5

Ca₂jme₃lión₂ Jesús jan₂ dsa₂ 'lian₂ i₂ron₅ cau₅ Dsiog₅ Betesda

¹ Cang₂ jaun₂ ca₂jmo₃ dsa₂ judíos caun₂ jmi_g₄, jaun₂ ca₂uíg₂ táng₃ Jesús jui₅ Jerusalén.

² Jě₄ juig₂ Jerusalén jaun₂, cau₅ ja₁lě₄ caun₂ o₄ 'né₄ a₂chei₂ quió₅ Já₂ Cha₂, niog₅ caun₂ dsiog₅ a₂chei₂ Betesda* quian₅₄ jág₁ arameo, ja₁lě₄ 'nía₂ corredor.

³ Ja₁jaun₂ jme₁tián₄ 'uë₃ juin₅ dsa₂ i₂qui₂le₁dso₅₄, jě₃ dsa₂ ten₄, dsa₂ guian₅₄ quian₅₄ dsa₂ 'lian₂ ně₃, a₂chi₁jnia₂₃ a₂qui₃jě₂ jmi_g₂. ⁴ Ia₁ jme₁lin₅₄, sión₅ jan₂ ángel quián₅ Te₁gui₅₄ ja₁niog₅ dsiog₅ jaun₂, jaun₂ jmo₂₃ qui₂jě₂ jmi_g₂. Jaun₂ jui₁lia₂ dsa₂ dso₅₄ i₂ 'í₂ le₂ 'uig₅₄ jmi_g₂ jě₁ma₂i₂bi₅₄, jme₁jnia₅ quió₅, chi₂ja₂ 'e₂ dso₄ jme₁lín₄.†

⁵ Ja₁jaun₂ jme₁ron₅ jan₂ dsa₂ dso₅₄, jme₁ma₂tě₂ guióg₂-guiá₂-jniá₂ ni₂ roin₂₃ dso₅₄.

⁶ Jme₁ca₂jág₃ Jesús ron₅ dsa₂ dso₅₄ ja₁jaun₂, jaun₂ jme₁ca₂rě₃lí₄ ma₂líg₂ bá₄ lín₅ le₂jaun₂, ca₂ηag₃:

—'Niog₂ 'lióng₂?

⁷ Jaun₂ ca₂ηag₃ dsa₂ dso₅₄:

—Gui₅₄, tsá₃ 'ein₂ chan₂ to₂ jniá₂ 'nió₃ dsiog₅ jě₁ma₂tě₂ rě₁qui₃jě₂ jmi_g₂. Lia₂ co₂ráun₂ 'nio₃ 'ú₄, i₂sián₂ bá₄ sión₅ le₂ 'uig₅₄.

⁸ Jaun₂ ca₂juá₂ Jesús:

—Nau₂, chog₅₄ tsi₁jein₁ quiáng₂, ni₄ ně₃.

† 4:52 lit. “hora guio₃.” * 5:2 A₂lin₅₄ chog₅₄ si₂: “Betzata”; a₂siá₂ ně₃: “Betsaida.” † 5:4 Chog₅₄ si₂ a₂dse₃ guě₄ tsá₃ chi₁ton₅ versículo 4.

⁹ Dsi₂jui₅ le₂jaun₂ bá₄ ca₂jñia₃ quió'₅ dsa₂ 'éi₂. Ca₂chóg'₃ tsi₁jei₁ quió'₅, jaun₂ ca₂jme₃lióg₃ ca₂jñi₃. A₂jaun₂ ca₂lě₃ caun₂ jmi₄g sa₅₄.

¹⁰ Jaun₂ ca₂juá'₂ dsa₂ judíos ca₂tsí'₃ dsa₂ i₂ca₂'lón₂ 'éi₂:

—Jmi₄g sa₅₄ bá₄ ně₃; tsá₃ 'i₄ 'éi'₃ caun'₅₄ tsi₁jei₁ quiáng'₂ jmi₄g ně₃.

¹¹ Jaun₂ ca₂jag₃ dsa₂ 'éi₂:

—I₂ně₂jme₃'lió₂ jniá₂, ně₂juá'₂: “Chog'₅₄ tsi₁jei₁ quiáng'₂, ñi₄ ně₃.”

¹² Jaun₂ ně₃ ca₂jag₃ táng₃ dsa₂ 'éi₂:

—¿'Ein₂ 'éi₂ ně₂juá'₂ a₂caun'₅₄ tsi₁jei₁ quiáng'₂, a₂ñí'₂ ně₃?

¹³ La₁ tsá₃ ñi₅ 'ein₂ 'éi₂ i₂ně₂jme₃'lió₂ quió'₅, ia₁ jme₁ma₂i₂cón'₅ Jesús jin₄ dsa₂ juin₅ i₂jme₁tion'₅₄ ja₁jaun₂.

¹⁴ Cang₂ jaun₂ ca₂jen'₂ Jesús ca₂jei₁'₂ dsa₂ 'éi₂ i₁dsi₅ guá'₅ templo, jaun₂ ca₂juá'₂:

—Jag₄ de'₂, ně₃ lia'₂ ma₂'lóng'₂, tsá₃ ma₃lě₁'nau₂ dso₄, ia₁jaun₂ tsá₃ dsi₃ñig'₂ caun₂ jmi₁uig₅ 'ñio₅ guě₄ con'₂ guě₄ a₂jme₁lín'₄ le₂jñiá₅.

¹⁵ Jaun₂ ná'₃ bá₄ dsa₂ 'éi₂, jaun₂ ca₂i₁chi'₄ dsa₂ judíos, Jesús bá₄ 'éi₂ i₂ca₂jme₃'lió₂ quió'₅.

¹⁶ 'Uig₅₄ jaun₂ qui₂ca₂co₃'ein₃ dsa₂ judíos quió'₅ Jesús,† ia₁ jme₁tin₂ Jesús jme₁jmo₂₃ le₂ně₅ jmi₄g sa₅₄.

¹⁷ La₁ ca₂juá'₂ Jesús ca₂tsí'₃ dsa₂ judíos:

—Lia'₂ jmo₅ jaun₂ ñe'₃ ta₁ jñia'₅₄ jmi₄g ně₃; ján₃ bá₄ le₂jaun₂ jmo₅ jniá₂ ta₁.

¹⁸ 'Uig₅₄ jaun₂, tē₂le₃ i₂jui'₂ guě₄ jme₁'nio₃ jñag'₃ dsa₂ judíos, ia₁ on₃jua'₅₄ jma'₃ 'éi'₃ jmi₄g sa₅₄ jmo₂₃ cau₅, ján₃ bá₄ ca₂tē₂ jmo₂₃ a₂lín₅ co₂riin₂ quian'₅₄ Diú₄, ia₁ a₂juá'₂ Diú₄ bá₄ lín₅ Jmei₂.

'Éi'₃ a₂ron₅ quió'₅ Ja₁ñi'₅₄ Diú₄.

¹⁹ Jaun₂ ně₃ ca₂juá'₂ Jesús ca₂tsí'₃ dsa₂ judíos:

—A₂dsi₂jó'₃ juí₂g jniá₂ 'nia'₂, tsá₃ 'e₂ lé₂ le₃jmo₃ Ja₁ñi'₅₄ 'i₁caun₂ 'ñiog₅; a₂jaun₂ bá₄ jmo₂₃ jui₁lia'₂ a₂jág₅ jmo₅ Jmei₂. Jui₁lia'₂ 'e₂ ta₁ a₂jmo₅ Jmei₂, a₂jaun₂ bá₄ jmo₅ Ja₁ñi'₅₄ ján₃. ²⁰ Ia₁ 'nio₃ Jmei₂ 'nioi₃ Ja₁ñi'₅₄, jaun₂ 'ē₂₃ 'ē'₅ Ja₁ñi'₅₄ ca₂le₃jě₃ 'e₂ a₂jmo₂₃. Tē₂le₃ lě₅ guě₄ juē'₂ ta₁ qui₃'ē₃, con'₂ guě₄ a₂le₂la₂, ia₁jaun₂ qui₂dsi₃gó'₃ 'au'₂ 'nia'₂. ²¹ Ia₁, jui₁lia'₂ jme₂jen'₅₄ Jmei₂ jme₂jei₁'₅₄ 'lag₄, cuē₂₃ jme₂dsi₂ a₂le₃chain₂, ján₃ bá₄ le₂jaun₂ cuē₅ Ja₁ñi'₅₄ jme₂dsi₂ cuē'₅ jui₁lia'₂ i₂'nio₃ cuē'₃. ²² Ján₃ guē'₂, tsá₃ con₂ Jmei₂ 'í₁ quió'₅ 'i₁jan₂; o₄gú₃ Ja₁ñi'₅₄ bá₄ ma₂dsia₃ ca₂le₃jě₃ 'éi'₃ a₂con₂ 'í₁, ²³ ia₁jaun₂ jme₃go₃ ca₂le₃jín₃ dsa₂ jme₃gain₃ Ja₁ñi'₅₄, jui₁lia'₂ jme₂gain₃ Jmei₂. Jui₁lia'₂ i₂tsá₃ jme₂gan₃ Ja₁ñi'₅₄, tsá₃ jme₂gain₃ Jmei₂ i₂ca₂chei₃.

²⁴ 'A₂dsi₂jó'₃ juí₂g jniá₂ 'nia'₂: jui₁lia'₂ i₂nag₅ i₂tón'₂ jui₅ jág₁ quió'₃, ton'₂ 'éi₂ tē₂le₃ quió'₅ i₂ca₂chei₃, le₃chain₂ bá₄ co₂tan₅₄. Tsá₃ 'í₁ jióg'₂ ja₁coin₂, ia₁ ma₂ca₂ñi₅ ne₄ 'mú₃, ma₂ca₂dsióg₃ ja₁le₃chain₂ co₂tan₅₄. ²⁵ A₂dsi₂jó'₃ juí₂g jniá₂ 'nia'₂, já₅ jmi₄g ton'₂ ma₂tē₂ dsón'₂, jē₁ma₂tē₂ rē₁nag₃ 'lag₄ jág₁ quió'₅ Ja₁ñi'₅₄ Diú₄. Jui₁lia'₂ i₂ne'₅₄ ně₃, le₃chain₂ bá₄. ²⁶ Ia₁ jui₁lia'₂ 'io₅ bí₂ Jmei₂ a₂le₃chain₂ 'ñiog₅, ján₃ bá₄ le₂ně₅ ma₂cuē'₃ Ja₁ñi'₅₄ jui₅bí₂ a₂le₃chain₂ 'ñiog₅. ²⁷ Ján₃ bá₄ ma₂cuē₃ jui₅bí₂ a₂con₂ 'í₁ qui₃dsi₂₃ 'éi'₃, ia₁ lín₅ Jaun₅ dsa₂ mi₂güí₃. ²⁸ Tsá₃ lē₁jui₁dsi₂gó'₃ 'au'₂ 'nia'₂ jág₁ a₂ně₂juá'₃ jniá₂ la₂, ia₁ já₅ hora a₂nag₃ ca₂le₃jín₃ dsa₂ i₂le₁'on₅ tau₂ 'ñio₅, jág₁ quió'₅, ²⁹ jaun₂ 'uín₃ ja₁jaun₂. Jui₁lia'₂ i₂ca₂jmo₃ a₂dsi₂ten₅₄, jein'₅₄ a₂dsi₁lein₅ ja₁le₃chain₂ co₂tan₅₄; la₁ia₁ jui₁lia'₂ i₂ca₂jmo₃ a₂'lig'₅₄, jein'₅₄ a₂tē₃dsi₅₄ 'éi'₃ ja₁coin₂.

Jau'₂ 'í₁ a₂dsón'₂ 'io₅ Jesús bí₂

³⁰ 'Tsá₃ 'e₂ lé₂ le₃jmo₅₄ jniá₂ jua'₅₄ a₂jmo₅₄ con'₂ ting₂ 'ñió₃. Qui₂dsi₂ jniá₂ 'éi'₃ lia'₂ con'₂ lě₅ jág₁ a₂né₃'₄ ja₁con₂ ñe'₃, jaun₂ dsi₂ten₅₄ bá₄ 'éi'₃ a₂qui₂dsi₂ jniá₂, ia₁ tsá₃ a₂jaun₂ jmo₅ jniá₂ lia'₂ con'₂ lě₅ a₂'ñio₂ dsi₃ 'ñió₃; a₂jaun₂ bá₄ jmo₅ jniá₂ lia'₂ con'₂ lě₅ a₂'ñio₂ dsi₅ 'éi₂ i₂ca₂chei₃ jniá₂. ³¹ Nē₁jua'₂ jáng'₅ jniá₂ jág₁ dsau₅ ja₁cong₂ 'ñió₃, jág₁ jaun₂ a₂jáng'₅, tsá₃ quen₅. ³² La₁ia₁

† 5:16 A₂lín₅₄ chog₅₄ si₂ a₂me'₂ guě₄ juá'₂ ján₃: “a₂jme₁'nio₃ jñag'₃.”

chan₂ guē₄ jan₂ i₂sián' ₂ i₂jáng' ₅ jág₁ dsau₅ tē₂le₃ quió₃ jniá₂, jaun₂ guion₄ jniá₂ ju₁lia' ₂ a₂juá' ₂ 'éi₂ 'ag₂₃ jniá₂, tí₅ bá₄ jág₁ a₂jáng' ₅. ³³ Ca₂chen' ₂ 'nia' ₂ dsa₂ a₂ca₂i₁ηag₁₂ ne₄ Juan₅₄, jaun₂ dsón' ₂ tí₅ bá₄ jág₁ dsau₅ a₂ca₂jáng' ₃ 'éi₂. ³⁴ La₁ia₁ on₃jua' ₅₄ jaun₂ chén' ₅ jniá₂ rē₂ ia₁ a₂jáng' ₅ dsa₂ mi₂güig₃ jág₁ dsau₅ tē₂le₃ quió₃ jniá₂; a₂jaun₂ bá₄ juig₂ jniá₂ 'nia' ₂ jág₁ la₂ ia₁jaun₂ lé₂ le₃lión' ₂ 'nia' ₂. ³⁵ Jme₁lín₄ Juan₅₄ nē₂jag₄ caun₂ si₂ ni₁tsí₅ a₂cau₂ a₂tág₅. Jaun₂ 'nia' ₂ ně₃, jme₁ma₂'éi' ₂ caun₂ 'au' ₂ a₂jmo' ₂ co₂'na₂ 'io' ₂ ja₁tág₅ si₂ quió' ₅. ³⁶ La₁ia₁ jniá₂ ně₃, 'ηio₅₄ jan₂ i₂jáng' ₅ jág₁ dsau₅ i₂juin' ₂ guē₄ lia' ₂ con' ₂ guē₄ Juan₅₄. Ia₁ ju₁lia' ₂ léi₄ a₂jmo₅ jniá₂, a₂jaun₂ ca₂cuē₃ Ne' ₃ a₂jmo₅₄. A₂jaun₂ bá₄ jáng' ₅ jág₁ dsau₅ a₂dsón' ₂ bá₄ ca₂chei₃ Ne' ₃. ³⁷ Ján₃ bá₄ le₂jaun₂, 'ηiog₅ bá₄ Ne' ₃ jniá₂ i₂ca₂chei₃, jáng' ₅ 'éi₂ jág₁ dsau₅ tē₂le₃ quió₃ jniá₂. 'Nia' ₂ ně₃, lia' ₂ 'i₁cón' ₂ tsá₃ ma₂nei' ₂ 'nia' ₂ jág₁ quió' ₅, on₃ guē' ₂ ma₂jīn' ₅₄ 'nia' ₂ 'a₂ lia' ₂ lín₅, ³⁸ on₃ guē' ₂ ma₂tē₁gua₁ jág₁ quió' ₅ tē₂'au' ₂, ia₁ tsá₃ 'én' ₂ 'nia' ₂ tē₂le₃ quió' ₅ 'ηiog₅ i₂ca₂chein₃. ³⁹ A₂'i' ₂ 'nia' ₂ Si₂ quió' ₅ Diú₄ ca₂lia' ₂ dsen₅₄ 'au' ₂, ia₁ lín' ₂ 'nia' ₂ a₂le₃chan' ₂ 'nia' ₂ co₂tan₅₄ tē₂le₃ quian' ₅₄ Si₂ jaun₂. Si₂ jaun₂ bá₄ jáng' ₅ jág₁ dsau₅ 'ag₂₃ jniá₂. ⁴⁰ Jaun₂ 'nia' ₂ ně₃, tsá₃ 'niog' ₂ i₁nóg' ₅ ne₃ jniá₂ ia₁jaun₂ le₃chan' ₂ 'nia' ₂.

⁴¹ 'Tsá₃ gue₅ jniá₂ a₂jme₂juag' ₂ dsa₂ mi₂güig₃. ⁴² La₁ cuín₅ jniá₂ 'nia' ₂, jaun₂ guion₄ jniá₂ a₂tsá₃ jaun₂ le₁'i₁ tē₂'au' ₂ 'nia' ₂ a₂niog₅ dsí₅ Diú₄ a₂'nioi' ₃ 'nia' ₂. ⁴³ O₄quió' ₄ Ne' ₃ bá₄ jniá₂ guio₃, 'nia' ₂ guē' ₂ tsá₃ guéi' ₅ jniá₂; la₁ia₁ nē₁jua' ₂ ca₂já₃ jan₂ o₄quió' ₄ 'ηiog₅, i₂'éi₂ bá₄ guén' ₄ 'nia' ₂. ⁴⁴ ¿A₂ lia' ₂ lé₂ le₃'én' ₂ 'nia' ₂, chi₂jua' ₂ jaun₂ 'náu' ₂ a₂tióng' ₂ rē₂ quiang' ₅₄ ríng' ₂, tsá₃ guē' ₂ 'náu' ₂ 'nia' ₂ a₂qui₁náu' ₂ rē₂ quiang' ₅₄ Diú₄? ⁴⁵ Tsá₃ o₁len' ₂ 'nia' ₂ jua' ₅₄ a₂'nág₄ jniá₂ ne₄ Ne' ₃; chan₂ jan₂ i₂'nag₅: Moisés bá₄ 'éi₂. Le₃quió' ₅ 'éi₂ bá₄ 'ín₂ 'au' ₂ 'nia' ₂. ⁴⁶ Ia₁ jua' ₅₄ mei' ₂ guē₃ ca₂rē₃'éng' ₂ jág₁ quió' ₅ Moisés, ján₃ bá₄ le₂jaun₂ jme₁le₃'éng' ₂ jág₁ quió₃, ia₁ jniá₂ bá₄ ca₂'ag₃ Moisés ne₄ Si₂. ⁴⁷ La₁ chi₂jua' ₂ tsá₃ 'én' ₂ guē' ₂ 'nia' ₂ jág₁ a₂ca₂tó' ₂ 'éi₂ ne₄ Si₂, ¿a₂ guē' ₂ lia' ₂ lé₂ le₃'én' ₂ 'nia' ₂ jág₁ a₂juá' ₅ jniá₂?

6

Ca₂ηi' ₃ Jesús 'ηiá₂ mei₅ dsa₂

(Mateo 14:13-21; Marcos 6:30-44; Lucas 9:10-17)

¹ Cang₂ jaun₂ ca₂ηó₃ Jesús tē₂le₃ quióng₄ ca₂taun₂ jmi₁ηí' ₄ Galilea, (a₂chei₂ jmi₁ηí' ₄ Tiberias). ² Jaun₂ ca₂l₃lén₂ juin₅ lín₃ dsa₂ chi₁co' ₅₄ quió' ₅, ia₁ ma₂jág₃ léi₄ juē' ₂ a₂ma₂jmo₃, a₂qui₂ma₂ca₂jme₂'lióin₂ dsa₂ i₂jme₁le₃dso' ₅₄. ³ Jaun₂ ně₃ ca₂uig₂ Jesús caun₂ má' ₂, jaun₂ ca₂guá₂ ja₁jaun₂ quiaín' ₅₄ chi' ₂ ds₂i₂guia₃-tín₂ quiaín₅.

⁴ Jm_{ig}₄ jaun₂, jme₁ma₂ja₂quián₃ Jm_{ig}₄ Tē₂'in₅₄, co₂'nió' ₄ jm_{ig}₄ quió' ₅ dsa₂ judíos.

⁵ Jme₁ca₂jág₃ Jesús ca₂jīn₂ juin₅ lín₃ dsa₂ i₂ja₂lén₂, jaun₂ ca₂juá' ₂ ca₂tsí' ₃ Felipe:

—¿A₂já' ₄ ds₁i₁liá₄ má₃ a₂guē' ₃ ca₂le₃jín₃ dsa₂ ně₅?

⁶ A₂jaun₂ bá₄ ca₂juá' ₂ Jesús le₂nē₅ o₁ne₄ 'e₂ jme₁ηag₃ Fe₂li₄, ia₁ jme₁ma₂ηi₅ rē₂ bá₄ Jesús 'ηiog₅ 'e₂ a₂jmo₃.

⁷ Jaun₂ ně₃ ca₂ηag₃ Fe₂li₄:

—Tin₃ 'ηiá₂-láu₂ denario i₁ηí' ₄ tsá₃ len₅ bá₄ guē₄ a₂ηe₂ jma₃ca₂juig₄ le₂jan₂ le₂jan₂ dsa₂.

⁸ Jaun₂ ně₃ ca₂ηag₃ guē₄ jan₂ chi' ₂ ds₂i₂guia₃-tín₂ quiaín₅ Jesús, i₂jme₁chen₂ Drē₄ rin' ₅₄ Si₂mu₅₄ Pe₄:

⁹ —Jē₄ la₂ 'en₅₄ jan₂ i₂bē' ₅₄ i₂quian₅ 'ηiá₂ i₁ηí' ₄ cebada, quian' ₅₄ guē' ₂ on₃ ju₄; la₁ia₁, ¿'e₂ bá₄ cha₂ 'e₂ jaun₂, ja₁con₂ dsa₂ juin₅ le₂nē₅?

¹⁰ Jaun₂ ně₃ ca₂juá' ₂ Jesús:

—Chei' ₅₄ dsa₂ ca₂le₃jīn₃ ju₁i₁tiain' ₂₃.

'Lióng₂ ηi₂ma' ₂ jme₁cha₂ ja₁jaun₂, jaun₂ ca₂tián' ₂ dsa₂ ηe' ₂, i₂jme₁lē₂ con' ₂ 'ηiá₂ mei₅ dsa₂.

11 Jaun₂ ně₃ ca₂can₃ Jesús i₁ñí'₄, jaun₂ jme₁ma₂ně₂cuě'₃ ti₁'mag'₄ Diú₄, qui₂ca₂dsi₃ó'₃ ca₂cuě'₃ ca₂le₃jín₃ dsa₂ i₂jme₁tián'₄ ja₁jaun₂.^{*} Ján₃ bá₄ le₂jaun₂ ca₂jmo₃ quian'₅₄ dsi₂ju₄ 'éi₂, ca₂cuě'₃ ca₂le₃jín₃ dsa₂ 'a₂ con'₂ jñia'₅₄ 'nio₃.

12 Jaun₂ jme₁ma₂lí'₃ dsa₂ guě'₅, ca₂juá'₂ Jesús ca₂tsí'₃ chi'₂ dsi₂guia₃-tín₂:

—Cag'₅₄ 'nia'₂ ni₁jne₁ i₁ñí'₄ a₂ca₂chóng₃, ia₁jaun₂ tsá₃ 'e₂ dsi₃'én₂.

13 Jaun₂ ca₂cág'₃, jaun₂ ca₂jme₃cain'₂ guia₃-tín₂ tsi₁mi'₂ tá₂, quian'₅₄ ni₁jne₁ a₂ca₂chóng₃ a₂'ñiá₂ i₁ñí'₄ cebada jaun₂.

14 Jaun₂ ně₃, jme₁ca₂jág₃ dsa₂ léi₄ a₂ca₂jmo₃ Jesús, ca₂juá'₂:

—Dsón'₂ bá₄ lín₅ dsa₂ ně₅ dsa₂ i₂'ě₂ jág₁ quián₅ Diú₄, i₂lě₅ jág₁ jiá₃ mi₂güí₃.

15 La₁ ca₂rě₃lí'₄ bá₄ Jesús a₂'nio₃ dsa₂ jme₁tě₂ tion₅₄, a₂jme₁jmó'₂ 'éi₂ rag₅₄, jaun₂ ca₂ñái'₃ bá₄ táng₃ ca₂'í₃ má'₂ con'₂ 'ñiog₅.

Ca₂ñi₃ Jesús ne₄ jmi₂g₂ jmi₁ñí'₄

(Mateo 14:22-27; Marcos 6:45-52)

16 Jme₁ca₂nei₂ jaun₂, ca₂si₃ón₃ chi'₂ dsi₂guia₃-tín₂ quián₅ ca₂tě₂ jmi₁ñí'₄.

17 Jaun₂ ca₂tóin'₂ 'ñió'₃ caun₂ tsi₁mu₅, jaun₂ ca₂jme₃lióg₃ ca₂'ain₃ jmi₁ñí'₄ a₂dsi₃lén₂ Capernaum. Jme₁ma₂tó'₂ nei₂ bá₄ jaun₂, tsá₃ jme₁ma₂quiong'₅₄ bá₄ guě'₄ Jesús.

18 Jaun₂ ca₂rě₃lióg₃ ca₂'ág₂ dsí₂ tiá₂ lín₃, jaun₂ qui₂ca₂ron'₂ jmi₁ñí'₄.

19 Jme₁ma₂'ain₂ con'₂ 'ñiá₂-jñéi₂ kilómetros, jaun₂ ca₂jág₃ a₂ja₂quián₃ Jesús cau₅ tsi₁mu₅, a₂ñi₂₃ ne₄ jmi₂g₂; jaun₂ ca₂rě₃gó'₅ 'ñio₅ lín₃.

20 La₁ia₁ ca₂juá'₂ Jesús:

—Jñiá₂ bá₄ la₂; tsá₃ lě₁jmo₂ 'nia'₂ gang'₃!

21 Jaun₂ ně₃ ca₂lia'₂ 'io'₂ jén'₅ bá₄ ca₂guein₃† Jesús 'ñió'₃ tsi₁mu₅, jaun₂ quian'₅₄ ca₂tiá₂ co₂lág₂ bá₄ ca₂dsi₃lén₂ chei'₅₄ 'uě₃ ja₁jme₁tioin'₅₄ jui₅ i₃lén₂.

'Nau'₂ dsa₂ 'nai'₂ Jesús

22 Jme₁ca₂jnia₃ jaun₂, ca₂rě₃lí'₄ dsa₂ i₂tě₁'ñiá₄ tě₂le₃ quióng₄ ca₂taun₂ jmi₁ñí'₄, a₂jme₁chí'₄ caun₂ tan₅₄ tsi₁mu₅ ja₁jaun₂, ton'₂ tsá₃ ca₂'í₃ Jesús 'ñió'₃ jaun₂ quian'₅₄ chi'₂ dsi₂guia₃-tín₂; guion₅₄ bá₄ chi'₂ dsi₂guia₃-tín₂ i₃lén₂.

23 La₁ tě₁lia'₂ jaun₂, o₃lě₂ tsi₁mu₅ siá'₂ a₂ja₂lei₃ juig₂ Tiberias, ca₂o₃lě₂ quián₅ ja₁ca₂guě'₃ i₁ñí'₄ le₂jñiá₅ jme₁ca₂lě₃ cuě'₅ Te₁gui'₅₄ ti₁'mag'₄ Diú₄.‡

24 Jaun₂ ně₃, jme₁ca₂rě₃lí'₄ dsa₂ a₂tsá₃ Jesús chan₂ ja₁jaun₂, on₃ guě'₂ chi'₂ dsi₂guia₃-tín₂ quián₅, ca₂i₃toin'₅₄ 'ñió'₃ tsi₁mu₅, ca₂i₃lén₂ jui₅ Capernaum ca₂i₁'niog'₂.

Jesús bá₄ lín₅ i₁ñí'₄ a₂le₃chan₂ dsa₂ co₂tan₅₄

25 Jme₁ca₂dsi₃lén₂ dsa₂ tě₂le₃ quióng₄ ca₂taun₂ jmi₁ñí'₄, ca₂dsáin'₂ Jesús, jaun₂ ca₂ñag₃:

—Tě₅, ě₁líg'₂ guang'₃ ja₁lá₃?

26 La₁ia₁ ca₂ñag₃ Jesús ca₂tsí'₃ dsa₂ 'éi₂:

—A₂dsi₂jó'₃ juíg₂ jñiá₂ 'nia'₂, a₂'nau'₂ jñiá₂ i₂niog'₅₄, ia₁ ca₂qué'₂ 'nia'₂ lia'₂ 'ág'₃ 'au'₂ i₁ñí'₄, on₃jua'₅₄ rě'₂ ia₁ a₂ca₂rě₃ñí'₂ 'nia'₂ léi₄ jaun₂. 27 Tsá₃ lě₁jmo₂ 'nia'₂ ta₁ o₄quió'₄ má₃ a₂jñia'₅₄ con'₂ dsi₃'én₂, tě₂le₃ o₄quió'₄ má₃ a₂jio₅ co₂tan₅₄ bá₄ jmo₄ 'nia'₂ ta₁, a₂cuě'₅ Jaun₅ dsa₂ mi₂güí₃. Ia₁ ne₄ 'éi₂ ma₂tióng₃ 'ñiog₅ bá₄ Diú₄ Jmei₂ léi₄ quió'₅.

28 Jaun₂ ně₃ ca₂ñag₃ dsa₂:

—Ě'_{E2} 'nió'₅ jmó'₁ jñia'₅₄ ia₁jaun₂ lé₂ le₃jmó'₁ jñia'₅₄ ta₁ a₂'nio₃ Diú₄ jmó'₁?

29 Jaun₂ ca₂ñag₃ Jesús:

—A₂la₂ bá₄ ta₁ quió'₅ Diú₄: a₂le₃'én'₂ 'nia'₂ tě₂le₃ quió'₅ i₂chen₄ quián₅.

* 6:11 A₂lín₅₄ chog₅₄ si₂ a₂me'₂ guě'₄ juá'₂: “jme₁ma₂ně₂cuě'₃ ti₁'mag'₄ Diú₄, jaun₂ ca₂cuě'₃ chi'₂ dsi₂guia₃-tín₂, jaun₂ chi'₂ dsi₂guia₃-tín₂ ně₃ qui₂ca₂dsi₃ó'₃ ca₂cuě'₃ ca₂le₃jín₃ dsa₂.” † 6:21 o₃, “jme₁guein₃.” ‡ 6:23 A₂lín₅₄ chog₅₄ si₂ tsá₃ chi₁ton₅ “jme₁ca₂lě₃ cuě'₅ Te₁gui'₅₄ ti₁'mag'₄ Diú₄.”

³⁰ Jaun₂ ně₃ ca₂ηag₃ dsa₂:

—ζ'E₂ léi₄ lé₂ le₃ 'ě₂ jnia'₅₄ ia₁jaun₂ jag₅₄ jnia'₅₄ jaun₂ le₃ 'éin₂ jnia'₅₄ quiáng'₂? ζ'E₂ léi₄ jmó'₂?

³¹ Dsa₂ can'₅₄ quián₂ jnia'₅₄ ma₂líg'₂, ca₂guě'₃ i₁ηí'₄ maná, lia'₂ con'₂ jme₁tioin'₅₄ 'uě₃ quein₂ co₂ηiog₅ jaun₂, jui₁lia'₂ juá'₂ ne₄ Si₂ quió'₅ Diú₄: “Ca₂cuě₃ Moisés ca₂guě'₃ 'éi₂ i₁ηí'₄ a₂ca₂já₃ guei'₅₄ i₂juíg₃.”§

³² Jaun₂ ca₂ηag₃ Jesús:

—A₂dsi₂jó'₃ juíg₂ jniá₂ 'nia'₂: on₃jua'₅₄ Moisés i₂ca₂cuě₃ i₁ηí'₄ a₂já₅ guei'₅₄ i₂juíg₃; Ne'₃ bá₄ jniá₂ i₂cuě'₅ 'nia'₂ i₁ηí'₄ tē₃dsón'₂ a₂já₅ guei'₅₄ i₂juíg₃. ³³ Ia₁ jui₁lia'₂ i₁ηí'₄ a₂já₅ ja₁con₂ Diú₄, i₂'éi₂ bá₄ lín₅, i₂ca₂sió₃n₃ guei'₅₄ i₂juíg₃, i₂jmo₅ a₂le₃chan₂ dsa₂ co₂tan₅₄.

³⁴ Jaun₂ ně₃ ca₂juá'₂ dsa₂ ca₂tsí'₃ Jesús:

—Te₁gui'₅₄, cuě₄ lia'₂ o₂jmi₃g₄ i₁ηí'₄ a₂'ě₂ 'ne₂ ně₅.

³⁵ Jaun₂ ca₂juá'₂ Jesús:

—Jniá₂ bá₄ lín₅ i₁ηí'₄ a₂jmo₅ a₂le₃chan₂ dsa₂. Jui₁lia'₂ i₂ja₂ ja₁con₂ jniá₂, lia'₂ o₁líg'₂ jmi₃g₄ tsá₃ ma₃lé₂ i₁cón'₅; ján₃ bá₄ le₂jaun₂ jui₁lia'₂ i₂'én₂ tē₂le₃ quió₃ jniá₂, lia'₂ o₁líg'₂ jmi₃g₄ tsá₃ ma₃le₃quein₂ dsí₅. ³⁶ La₁ jui₁lia'₂ ma₂ně₂juíg₂ jniá₂ 'nia'₂, tsá₃ 'én'₂ 'nia'₂ o₁jnia'₅₄ ma₂ně₂jag₅₄ 'nia'₂ jniá₂. ³⁷ Ca₂le₃jín₃ jui₁lia'₂ dsa₂ i₂cuin₅ Ne'₃ cuig₂₃ jniá₂, ja₃léin₂ ja₁con₂ jniá₂; jaun₂ jui₁lia'₂ i₂ja₂ ja₁con₂ jniá₂, lia'₂ o₁'e₂ guě₃ tsá₃ dséin₄ jniá₂. ³⁸ Ia₁ on₃jua'₅₄ jaun₂ guio₃ jniá₂ ca₂sió₃ng₃ guei'₅₄ i₂juíg₃ jua'₅₄ a₂jmo₅₄ a₂'ηio₂ dsí₃ 'ηió₃; a₂jaun₂ bá₄ guio₃ a₂jmo₅₄ a₂'ηio₂ dsí₅ i₂ca₂chei₃. ³⁹ A₂la₂ bá₄ a₂'ηio₂ dsí₅ i₂ca₂chei₃: a₂tsá₃ qui₂dsi₃cón'₅ 'i₁jan₂ i₂ma₂cuin₃ 'éi₂ jniá₂, tē₂le₃ a₂jme₁jei'₅₄ bá₄ jniá₂ jmi₃g₄ jē₁ca₂tó'₂. ⁴⁰ A₂la₂ bá₄ a₂'ηio₂ dsí₅ Ne'₃: jui₁lia'₂ ca₂le₃jín₃ i₂jín₂ Ja₁ηi'₅₄ ton'₂ 'éin₂ tē₂le₃ quió'₅, jui₁le₂chain₂ co₂tan₅₄, jaun₂ jniá₂ ně₃ jme₁jei'₅₄ jmi₃g₄ jē₁ca₂tó'₂.

⁴¹ Quian'₅₄ jág₁ ně₅ ca₂jme₃lió₃g₃ dsa₂ judíos qui₂ca₂dsia₃ guioin₅₄, ca₂chi₃'iin₃ Jesús ia₁ jme₁ma₂ně₂juá'₂: “Jniá₂ bá₄ lín₅ i₁ηí'₄ i₂ca₂sió₃n₃ guei'₅₄ i₂juíg₃.”

⁴² Jaun₂ ca₂juá'₂:

—ζOn₃jua'₅₄ i₂ně₅ Jesús ja₁ηi'₅₄ Sě₄? I₂cuin₅ bá₄ jniog₄ chog₅₄-jmei₂ i₂ně₅. ζ'A₂ guě'₂ lia'₂ juá'₂ a₂ca₂sió₃n₃ guei'₅₄ i₂juíg₃?

⁴³ Jaun₂ ně₃ ca₂juá'₂ Jesús:

—Tsá₃ lē₁ma₃chi₂'ág₅ 'nia'₂. ⁴⁴ Lia'₂ 'i₁jan₂ tsá₃ lé₂ jiá₃ ja₁con₂ jniá₂, jua'₅₄ tsá₃ o₂jio₃g₃ Ne'₃ i₂ca₂chei₃; jaun₂ jniá₂ jme₁jei'₅₄ jmi₃g₄ jē₁ca₂tó'₂. ⁴⁵ Le₂la₂ ca₂tó'₂ ne₄ Si₂ dsa₂ i₂jme₁'ě₂ jág₁ o₄quió'₄ Diú₄: “Diú₄ bá₄ jme₃tag₅ jme₃tiin₂₃ ca₂le₃jín₃ dsa₂.”* Jaun₂ ca₂le₃jín₃ jui₁lia'₂ i₂nag₅ jág₁ quió'₅ Ne'₃, ton'₂ qui₂rē₂tiin₂ 'e₂ a₂jmo₅ 'éi₂, ja₃léin₂ bá₄ ja₁con₂ jniá₂. ⁴⁶ On₃jua'₅₄ rē'₂ ia₁ 'ein₂ ma₂jín₂ Jmei₂. Jnia'₅₄ lia'₂ i₂ca₂já₃ ja₁con₂ Diú₄; i₂'éi₂ bá₄ ma₂jín₂ Jmei₂. ⁴⁷ A₂dsón'₂ juíg₂ jniá₂ 'nia'₂, jui₁lia'₂ i₂'én₂,† le₃chain₂ co₂tan₅₄. ⁴⁸ Jniá₂ bá₄ lín₅ i₁ηí'₄ a₂jmo₅ a₂le₃chan₂ dsa₂. ⁴⁹ Qui₂ca₂guě'₃ dsa₂ can'₅₄ quián'₂ 'nia'₂ i₁ηí'₄ maná, lia'₂ con'₂ jme₁tioin'₅₄ 'uě₃ quein₂ co₂ηiog₅ jaun₂, la₁ ca₂dsain₃ bá₄. ⁵⁰ A₂la₂ bá₄ lē₅ i₁ηí'₄ a₂ca₂sió₃ guei'₅₄ i₂juíg₃ ia₁jaun₂ ně₁jua'₂ 'ein₂ ca₂guě'₃, tsá₃ dsiáin₃. ⁵¹ Jniá₂ bá₄ lín₅ i₁ηí'₄ jén'₃ i₂ca₂sió₃n₃ guei'₅₄ i₂juíg₃ jaun₂; jui₁lia'₂ i₂guě'₅ i₁ηí'₄ la₂, le₃chain₂ co₂tan₅₄. I₁ηí'₄ jui₁lia'₂ a₂juá'₅ jniá₂ cuě₅₄, ni₁ηi₃ 'ηió₃ bá₄ jniá₂ 'ě₂₃, a₂jáng'₄ jniá₂ ia₁jaun₂ le₃chan₂ dsa₂ mi₂güig₃.

⁵² Jaun₂ ně₃ qui₂ca₂chen₃ dsa₂ judíos guioin₅₄, a₂juá'₂:

—ζ'A₂ lia'₂ lé₂ le₃cuě₃ i₂ně₅ ηi₅₄ 'ηiog₅ a₂que₅₄ jniog₄?

⁵³ Jaun₂ ca₂juá'₂ Jesús:

—A₂dsi₂jó'₃ juíg₂ jniá₂ 'nia'₂, ně₁jua'₂ tsá₃ ca₂qué'₂ 'nia'₂ ηi₄ Jaun₅ dsa₂ mi₂güig₃, ně₁jua'₂ tsá₃ ca₂'én'₂ 'nia'₂ jmi₂ 'ain₅₄ ně₃, tsá₃ jén'₃ 'nia'₂ tē₁lia'₂ chang'₂. ⁵⁴ Jui₁lia'₂ i₂guě'₅ ηi₃ jniá₂,

§ 6:31 Éxodo 16:4; Nehemías 9:15; Salmo 78:24-25. * 6:45 Isaías 54:13. † 6:47 A₂lín₅₄ chog₅₄ si₂juá'₂: “i₂'én₂ tē₂le₃ quió₃ jniá₂.”

ton'₂ 'ín'₂ jmi₃ jniá₂ ně₃, le₃chain₂ bá₄ co₂tan₅₄; jaun₂ jniá₂ jme₁jein'₅₄ jmi₄ jē₁ca₂tó'₂. 55 Ia₁ ni₁ni₃ jniá₂ bá₄ lē₅ má₃ a₂tí₅ dsón'₂; ján₃ bá₄ le₂jaun₂ jmi₃ jniá₂ lē₅ jmi₄ a₂'ág'₃ dsí₅ tē₃dsón'₂. 56 Jui₁lia'₂ i₂guē'₅ ni₃ jniá₂, ton'₂ 'ín'₂ jmi₃ jniá₂ ně₃, tē₂'ñai₅₄ le₃quió₃ jniá₂; jniá₂ guē'₂ le₃quió'₅ 'éi₂. 57 Jui₁lia'₂ ca₂chei₃ Ne'₃ jén'₃ ca₂chei₃ jniá₂, jaun₂ chan₂ jniá₂ 'uig₅₄ quió'₅ 'éi₂, ján₃ bá₄ le₂jaun₂, jui₁lia'₂ i₂guē'₅ quió₃ jniá₂, le₃chain₂ 'uig₅₄ quió₃ jniá₂. 58 A₂la₂ bá₄ 'ē₂₃ i₁ñí'₄ i₂ca₂sion₃ guei'₅₄ i₂juig₃. Qui₂ca₂guē'₃ dsa₂ can'₅₄ quián'₂ 'nia'₂ i₁ñí'₄ maná, la₁ ca₂dsain₃; la₁ jui₁lia'₂ i₂guē'₅ i₁ñí'₄ la₂, le₃chain₂ bá₄ co₂tan₅₄.

59 Jáǵ₁ ně₅ ca₂juá'₂ Jesús tē₁lia'₂ ca₂jme₃tag₂₃ dsi₂néi₂ guá'₅ sinagoga jē₄ juig₂ Capernaum.

Jáǵ₁ a₂le₃chan₂ dsa₂ co₂tan₅₄

60 Jme₁ca₂nág₂ dsa₂ jáǵ₁ jaun₂ a₂jme₂tag₅ Jesús, juin₅ dsa₂ i₂quian'₅₄ Jesús ca₂juá'₂:

—Jáǵ₁ a₂juá'₂ ně₅ 'ñio₅ lin₃ juí'₅, quian₅ ta₁ guéi₁. ¿Ein₂ bá₄ lé₂ le₃tón'₂ jui₅ quió'₅?

61 Jaun₂ ně₃ ca₂rē₃lí'₄ Jesús 'e₂ jáǵ₁ chen₅ dsa₂ tioen'₅₄, o₄quió'₄ jáǵ₁ jaun₂, jaun₂ ca₂juá'₂:

—¿O₃ bá₄ tsá₃ dse₃ ca₂tín'₂ 'nia'₂ jáǵ₁ ně₅? 62 ¿E₂ bá₄ lé₂ jaun₂ ně₁jua'₂ ca₂jing'₅₄ 'nia'₂ Jaun₅ dsa₂ mi₂guig₃ a₂uig₂ táng₃ ja₁jme₁'ein₅₄ le₂jniá₂? 63 Jme₂dsí₂ bá₄ i₂jmo₅ a₂chan₂ dsa₂; jui₁lia'₂ ni₁ni₁ dsa₂ ně₃, tsá₃ ta₁ tí₄. La₁ jáǵ₁ a₂ma₂ně₂juig₂ jniá₂ 'nia'₂, a₂gu₂dsí₂ bá₄ jaun₂, ton'₂ jmo₅ a₂chan₂ dsa₂. 64 La₁ tion'₅₄ bá₄ guē₄ i₂lin₅₄ 'nia'₂ i₂tsá₃ 'én₂.

Ia₁ jme₁ma₂ni₅ bá₄ Jesús lia'₂ con'₂ le₂'uig₅₄ i₂'ein₂ 'éi₂ tsá₃ 'én₂, i₂'ein₂ guē'₂ i₂jáng'₂ cang₂.

65 Jaun₂ ca₂juá'₂:

—'Uig₅₄ jaun₂ ma₂ně₂juig₂ jniá₂ 'nia'₂, lia'₂ 'i₁jan₂ tsá₃ lé₂ jiá₃ ja₁con₂ jniá₂ jua'₅₄ tsá₃ o₂jiog₃ Ne'₃.

66 Ca₂le₃jaun₂, juin₅ dsa₂ i₂jme₁i₂nio₄ quian'₅₄ Jesús ca₂i₃uín₂ cau₅, tsá₃ ma₃jme₁i₂nioi₅₄ quian'₅₄ 'éi₂.

67 Jaun₂ ně₃ ca₂ñag₃ Jesús ca₂ñí'₃ chí'₂ dsi₂guia₃-tín₂:

—¿O₃ bá₄ 'niog'₂ 'nia'₂ o₁nog'₁ ján₃?

68 La₁ ca₂ñag₃ Si₂mu₅₄ Pe₄:

—Te₁gui'₅₄, ¿ne₄ 'ein₂ lé₂ dsi₁náu₄ jnia'₅₄? Ia₁ 'ne₂ bá₄ 'au'₂ jáǵ₁ a₂le₃chong₂ jnia'₅₄ co₂tan₅₄.

69 Ma₂ca₂rē₃'éin₂ bá₄ jnia'₅₄, jaun₂ ne₄ jnia'₅₄, 'ne₂ bá₄ líng'₅ I₂ñiós quián₅ Diú₄.†

70 Jaun₂ ca₂ñag₃ Jesús:

—¿On₁jua'₅₄ jniá₂ ca₂quiong'₅₄ 'nia'₂ ta₁guia₃-tín₂? La₁ia₁, jan₂ i₂'en₅₄ jē₄ quián'₂ 'nia'₂ lín₅ i₂'lin'₅₄.

71 (A₂ca₂juá'₂ Jesús le₂ně₅ a₂'iin₂₃ Judas bá₄, ja₁ñi'₅₄ Si₂mu₅₄ Iscariote,§ ia₁ Judas bá₄ i₂jáng'₂ quió'₅, o₁jnia'₅₄ lín₅ jan₂ dsa₂ guia₃-tín₂.)

7

Tsá₃ 'én₂ rin'₅₄ Jesús jáǵ₁ quió'₅

1 Cang₂ jaun₂, ca₂ni₃ Jesús 'uē₃ Galilea; a₂tsá₃ 'nio₃ dsi₃ñí₃ jē₄ 'uē₃ Judea, ia₁ ja₁jaun₂ jme₁'nio₃ dsa₂ judíos jñag'₃.

2 La₁ia₁ jme₁ma₂ja₂quián₃ Jmi₄ quió'₅ Tsi₁'io₅ Láu₃, jmi₄ quió'₅ dsa₂ judíos, 3 jaun₂ ca₂juá'₂ rin'₅₄ Jesús:

—Tsá₃ lē₁jan₁ ja₁lá₃; gua₂ jui₅ Judea, ia₁jaun₂ jáǵ₃ dsa₂ i₂quiang'₅₄ léi₄ a₂jmo'₂. 4 Ia₁ jui₁lia'₂ i₂'nio₃ a₂le₃cuig₅ dsa₂ quió'₅, tsá₃ jmo₂₃ jui₁lia'₂ a₂tīn₂₃ jē₄ chí₁'ma₁. Chi₂jua'₂ dsón'₂ jmo'₂ léi₄ le₂ně₅, jmo₄ tē₃ jáǵ₅ dsa₂ juin₅.

5 Ia₁ ca₂lia'₂ jnia'₅₄ rin'₅₄ bá₄ Jesús tsá₃ jme₁'ein₂ le₃quió'₅.

6 Jaun₂ ně₃, ca₂juá'₂ Jesús ca₂tsí'₃ riin'₅₄:

† 6:69 A₂lin₅₄ chog₅₄ si₂ juá'₂: “‘Ne₂ bá₄ líng'₅ I₂rē₂'ín₁ quián₅ Diú₄; ‘ne₂ bá₄ líng'₅ Ja₁ñi'₅₄ Diú₄ jén'₃.” § 6:71 A₂lin₅₄ chog₅₄ si₂ juá'₂: “Judas Iscariote, ja₁ñi'₅₄ Si₂mu₅₄.”

—Tsá₃ ma₂tě₂ bá₄ guě₄ hora quió₃ jniá₂, la₁ia₁ tē₂le₃ quián'₂ 'nia'₂, jua'₅₄ 'e₂ guě₃ hora bá₄ dse₃. ⁷ Tsá₃ lé₂ le₃jme₃'iog₅₄ dsa₂ mi₂güig₃ jme₃'ñiai₅₄ 'nia'₂; la₁ia₁ 'iog₅₄ bá₄ jniá₂, 'uig₅₄ ia₁ a₂jáng'₅ jniá₂ jág₁ dsau₅ ja₁con₂ 'éi₂, a₂'lig'₅₄ bá₄ a₂jmo₂₃-dsau₅. ⁸ O₂nó'₅ 'nia'₂ guiong'₅₄ jmig₄; tsá₃ nei₅₄ jniá₂, ia₁ tsá₃ ma₂dsin₃ guě₄ hora quió₃.

⁹ Jme₁ma₂ně₂chí'₃ riin'₅₄ le₂ně₅, ca₂jñia₃ jě₄ 'uě₃ Galilea.

Nó₃ Jesús Jmíg₄ quió'₅ Tsi'₁io₅ Láu₃

¹⁰ La₁ cang₂ guě₄ jaun₂, jme₁ma₂i₂lén₂ riin'₅₄ Jesús, ján₃ bá₄ ca₂ñó₃ 'éi₂ jmig₄ jaun₂, o₁jñia'₅₄ ca₂ñó₃ tē₃ tsá₃ jme₂li₅₄ jin₄ dsa₂ juin₅. Mei'₂ tsá₃ con'₂ tē₃co'₅₄ bá₄ ñó₃.

¹¹ Jaun₂ lē₃, ca₂i₂nio₁ dsa₂ judíos 'nai'₂ Jesús ja₁niog₅ jmig₄, jaun₂ juá'₂:

—¿A₂já'₄ 'en₅₄ dsa₂ 'éi₂?

¹² Jin₄ dsa₂ guě'₂, juin₅ i₂dsia₅ tē₂'ua₁ jin₄ riin'₅₄ a₂'iin₂₃ 'éi₂. I₂lin₅₄ juá'₂: “Dsa₂ dsen₃ bá₄ 'éi₂”, la₁ i₂sián'₄ guě'₂ juá'₂: “On₃jua'₅₄ dsa₂ dsen₃ 'éi₂, ia₁ jme₂gain₂₃ dsa₂.”

¹³ La₁ia₁ lia'₂ 'i₁jan₂ tsá₃ ca₂dsia₃ lia'₂ rē₂jiá₃ jág₁ a₂'iin₂₃ 'éi₂, ia₁ a₂gain₃ dsa₂ judíos.

¹⁴ Con'₂ tin₃ dso'₅₄ jmig₄ jme₁ma₂tě₂, jaun₂ ca₂'í₃ Jesús i₁dsi₅ guá'₅ templo, jaun₂ ca₂jme₃lióg₃ ca₂jme₃tiin₂₃ dsa₂.

¹⁵ Jaun₂ ca₂i₃gó'₃ dsí₅ dsa₂ judíos jaun₂ ca₂juá'₂:

—¿'A₂ lia'₂ ñí₄ lē₃ ma₂tin₂ si₂ i₂ně₅ tē₃ tsá₃ si₂ ca₂'í₂?

¹⁶ Jaun₂ ca₂ñag₃ Jesús:

—Jui₁lia'₂ a₂jme₂tág₂ jniá₂ la₂, on₃jua'₅₄ jág₁ quió₃ 'ñi₃ juá'₅; jág₁ quió'₅ i₂ca₂chei₃ bá₄ la₂. ¹⁷ Chi₂jua'₂ 'ein₂ jan₂ ma₂'ei₅ dsí₅ jmo₃ a₂'ñio₂ dsí₅ Diú₄, le₃ñi₅ bá₄ 'éi₂ 'a₂ lia'₂ lē₅ jág₁ a₂jme₂tág₂ jniá₂, chi₂jua'₂ já₅ ja₁con₂ Diú₄, o₃ chi₂jua'₂ dsia₂₃ 'a₂ con'₂ ting₂ 'ñi₃. ¹⁸ Jui₁lia'₂ i₂dsia₅ o₄quió'₄ 'ñiog₅, jmo₂₃ le₂jaun₂ ia₁jaun₂ jme₃juag'₂ dsa₂. La₁ jui₁lia'₂ i₂'no'₂ a₂le₃juin'₂ i₂ca₂chei₃, i₂tē₃dsón'₂ bá₄ 'éi₂; 'i₁caun₂ a₂'lig'₅₄ tsá₃ cha₂ ja₁coin₂.

¹⁹ '¿On₁jua'₅₄ Moisés ca₂cuē₃ 'Éi'₃ ca₂cuē₃ 'nia'₂? La₁ia₁, ca₂lia'₂ 'i₁jan'₂ 'nia'₂ tsá₃ jme₂tí'₁ Si₂ 'Éi'₃. ¿'E₂ lē₃ 'niog'₂ 'nia'₂ jñág'₄ jniá₂?

²⁰ Jaun₂ ca₂ñag₃ dsa₂:

—'En₅₄ je₂na'₅₄ tē₂'au'₂; ¿'ein₂ 'nio₃ jñi'₃ 'ne₂?

²¹ Jaun₂ ca₂juá'₂ Jesús:

—Caun₂ léi₄ ca₂jmo₃ jniá₂ jmig₄ sa₅₄, jaun₂ ca₂i₃gó'₃ 'au'₂ 'nia'₂ ca₂le₃jíng'₃. ²² Jaun₂ ně₃, ca₂jmo₃ Moisés 'éi'₃ a₂ti₃ dsa₂ ni₁lo₁, (la₁ia₁ on₃jua'₅₄ Moisés i₂ca₂jme₃lióg₃; dsa₂ can'₅₄ bá₄ ca₂jme₃lióg₃ ma₂lig'₂). 'Uig₅₄ jaun₂ ti'₂ 'nia'₂ ni₁lo₄ guein₂, o₁jñia'₅₄ tē₃ lē₅ jmig₄ sa₅₄. ²³ Dse₃ bá₄ jaun₂, chi₂jua'₂ jaun₂ ti'₂ 'nia'₂ ni₁lo₄ guein₂ jmig₄ sa₅₄ ia₁jaun₂ tsá₃ dsó₃ 'uě₃ 'Éi'₃ quió'₅ Moisés, ¿'e₂ lē₃ 'ne'₂ 'nia'₂ quian'₅₄ jniá₂, ia₁ ca₂jme₁'liong₁₂ jan₂ dsa₂ ta₁jain₂, tē₃ jmig₄ sa₅₄? ²⁴ Tsá₃ lē₁caun₂ 'nia'₂ 'í₁ a₂jñia'₅₄ con'₂ jniá₂ le₃co'₅₄. Quion₂ bá₄ 'nia'₂ 'í₁ con'₂ dsi₂ten₅₄.

Dsia₅ Jesús a₂juá'₂ a₂já'₄ já₅

²⁵ Jaun₂ ně₃ ca₂jme₃lióg₃ qui₂ca₂ñag₃ i₂lin₅₄ dsa₂ chan₂ Jerusalén qui₂ca₂ñi'₃ riin'₅₄:

—¿On₁jua'₅₄ i₂ně₅ 'na'₂ dsa₂ a₂jñag'₃ i₂nioi₅₄? ²⁶ Ó₃ bá₄ guě'₂ 'ein₅₄ dsia₂₃ lia'₂ rē₂jiá₃ jág₁ jin₄ dsa₂ juin₅, tsá₃ 'ein₂ juá'₂ 'i₁caun₂ quió'₅. ¿O₃ bá₄ dsón'₂ ma₂ca₂rē₃ñi₅ dsi₂tan₅₄, a₂lín₅ dsa₂ ně₅ I₂rē₂'ín₁ quián₅ Diú₄? ²⁷ La₁ ne₄ bá₄ jniog₄ a₂já'₄ já₅ i₂ně₅; a₂dsau₅, jē₁ma₂tě₂ rē₁jiá₃ I₂rē₂'ín₁ quián₅ Diú₄, lia'₂ 'i₁jan₂ tsá₃ le₃ñi₅ a₂já'₄ já₅.

²⁸ Jaun₂ lē₃, tē₁lia'₂ 'en₅₄ Jesús jme₂tiin₂₃ dsa₂ i₁dsi₅ guá'₅ templo, jaun₂ ca₂juá'₂ tiá₂:

—¿Cui₂g'₂ bá₄ 'nia'₂ jniá₂, jaun₂ ñi'₅₄ bá₄ 'nia'₂ 'a₂ guě'₂ guio₃ jniá₂! La₁ on₃jua'₅₄ o₄quió₃ 'ñi₃ guio₃; tē₂le₃ o₄quió'₄ i₂ca₂chei₃ i₂tē₃dsón'₂ bá₄ guang₃. I₂'éi₂ guě'₂, tsá₃ cuin'₂ 'nia'₂. ²⁹ La₁ia₁ jniá₂ cuin₅, ia₁ ja₁con₂ 'éi₂ bá₄ guio₃, jaun₂ 'éi₂ bá₄ ca₂chei₃.

³⁰ Jaun₂ ně₃, jme₁'nio₃ dsa₂ jme₁tsáun'₂; la₁ lia'₂ 'i₁jan₂ tsá₃ ca₂téi₂ gu₂, ia₁ tsá₃ jme₁ma₂tě₂ bá₄ guě₄ hora quió'₅.

³¹ La₁ia₁ juin₅ dsa₂ 'éi₂ ca₂rē₃'én₂ jág₁ quió'₅, jaun₂ juá'₂:

—Jë₁ma₂të₂ rë₁jiá₃ I₂rë₂'ín₁ quián₅ Diú₄, ¿O₃ bá₄ le₃qui'₅₄ jmi₄g₄ jmo₃ léi₄ a₂juë'₂ guë₄ lia'₂ con'₂ guë₄ a₂jmo₅ i₂në₅?*

Ca₂chen₃ dsa₂ fariseos chi'₂ 'i'₅₄ quián₅ guá'₅ a₂tsáin'₂ Jesús

³² Ca₂nág₂ bá₄ dsa₂ fariseos jág₁ a₂ca₂juá'₂ dsa₂ a₂'in₂₃ Jesús; jaun₂ dsa₂ fariseos 'éi₂ quiaín'₅₄ juig₅₄ jme₂dsa₂, ca₂chein₃ chi'₂ 'i'₅₄ quián₅ guá'₅ a₂tsáin'₂ Jesús jaun₂ të₂. ³³ Jaun₂ në₃ ca₂juá'₂ Jesús:

—Me'₂ bá₄ jmi₄g₄ 'ú₄ jniá₂ jin'₂ 'nia'₂, jaun₂ guë₄ nég'₄ táng₃ ja₁con₂ i₂ca₂chei₃. ³⁴ 'Nau'₅₄ 'nia'₂ jniá₂ i₁nio₄g'₄, la₁ia₁ tsá₃ dsiog'₂ 'nia'₂; ia₁ tsá₃ lé₂ o₁nó'₅ 'nia'₂ ja₁nég'₄.

³⁵ Jaun₂ në₃, ca₂jme₃lióg₃ dsa₂ judíos qui₂ca₂ñí'₃ riin'₅₄:

—¿A₂já'₄ dsi₂jio₅g₅ dsí₅ i₂në₅ dsó₃, a₂tsá₃ dsiain'₂ jniog₄? ¿On₃ bá₄ dsó₃ jin₄ dsa₂ go₄ jniog₄ i₂tián'₅ tsi₁rë₂jan₅₄ jin₄ dsa₂ griegos, ia₁jaun₂ jme₃tiin₂₃ dsa₂ griegos? ³⁶ ¿'E₂ jein₅ jág₁ a₂në₂juá'₂ në₅: “'Nau'₅₄ 'nia'₂ jniá₂ i₁nio₄g'₄, la₁ia₁ tsá₃ dsiog'₂ 'nia'₂, ia₁ tsá₃ lé₂ o₁nó'₅ 'nia'₂ ja₁nég'₄”?

Jui₁lia'₂ caun₂ jmi₂g₂ cuá₃ jén'₃

³⁷ Jmi₄g₄ juë'₂ dé₄ dsón'₂ jë₁ca₂tó'₂ quió'₅ jmi₄g₄, ca₂nau₂ Jesús, jaun₂ ca₂juá'₂ tiá₂:

—Në₁juá'₂ 'ein₂ rë₂quein₂ dsí₅, jui₁jia₂ ja₁con₂ jniá₂, jui₁'en'₅₄ jmi₂g₂. ³⁸ Jui₁lia'₂ juá'₂ Si₂, jui₁lia'₂ dsa₂ i₂'én₂ të₂le₃ quió'₃ jniá₂, 'iá₃ të₂tsí₅ në₂jag₄ bá₄ jmi₂g₂ cuá₃ a₂jén'₃.†

³⁹ La₁ a₂juá'₂ le₂në₅ a₂'in₂₃ jme₂dsí₂ jnió₅ i₂jme₁ma₂'i₄ 'éi'₃ guen₃ dsa₂ i₂'én₂ të₂le₃ quió'₅; ia₁ tsá₃ jme₁ma₂guan₅ bá₄ guë₄ jme₂dsí₂, ia₁ tsá₃ guë₄ jme₁ma₂ca₂rë₃juin'₂ Jesús.

Ca₂lë₃ le₁dson'₅₄ dsa₂

⁴⁰ I₂lin₅₄ dsa₂ i₂jme₁tion'₅₄ ja₁jaun₂, jme₁ca₂nág₂ a₂juá'₂ Jesús, ca₂juá'₂:

—Dsón'₂ bá₄ i₂në₅ dsa₂ i₂'é₂ jág₁ quián₅ Diú₄ i₂lë₅ jág₁ jiá₃ 'éi₂.

⁴¹ I₂lin₅₄ guë'₂ juá'₂:

—I₂rë₂'ín₁ quián₅ Diú₄ bá₄ në₅.

La₁ia₁ i₂sián'₂ guë'₂ ca₂juá'₂:

—¿'A₂ bá₄ lia'₂ lé₂ le₃chan₂ Galilea I₂rë₂'ín₁ quián₅ Diú₄? ⁴² ¿Tsa₁ juá'₂ Si₂, tsi₁jon₂ Rag₅₄ David bá₄ tion₅₄ lén₂ I₂rë₂'ín₁ quián₅ Diú₄, jaun₂ jë₄ juig₂ Belén bá₄ le₃chain₂, juig₂ go₄ David 'ñiog₅?

⁴³ Jaun₂ në₃, le₁dson'₅₄ bá₄ dsa₂ ca₂lë₃ o₄quió'₄ Jesús.

⁴⁴ Jme₁'nio₃ i₂lin₅₄ tsáun'₂, la₁ ca₂lia'₂ 'i₁jan₂ tsá₃ 'ein₂ ca₂téi₂ gu₂.

Tsá₃ 'én₂ dsa₂ can'₅₄ të₂le₃ quió'₅ Jesús

⁴⁵ Jaun₂ ca₂dsi₃len₃ táng₃ chi'₂ 'i'₅₄ quián₅ guá'₅ ja₁jme₁tion'₅₄ juig₅₄ jme₂dsa₂ quian'₅₄ dsa₂ fariseos, jaun₂ ca₂ñag₃ 'éi₂ ca₂ñí'₃ chi'₂ 'i'₅₄:

—¿'E₂ 'uig₅₄ tsá₃ në₂te'₅₄ 'nia'₂ 'éi₂?

⁴⁶ Jaun₂ ca₂ñag₃ chi'₂ 'i'₅₄:

—iLia'₂ 'i₁cón'₂ tsá₃ 'ein₂ dsa₂ ma₂juá'₂ jág₁ jui₁lia'₂ juá'₂ dsa₂ 'éi₂!

⁴⁷ Jaun₂ në₃ ca₂juá'₂ dsa₂ fariseos:

—¿O₃ bá₄ ma₂jme₃gau₅ dsa₂ 'éi₂ quián'₂ 'nia'₂ ján₃? ⁴⁸ 'I₁jan₂ dsa₂ can'₅₄ juig₅₄ jniog₄, on₃ guë'₂ dsa₂ fariseos, tsá₃ ma₂ca₂rë₃ 'én₂ le₃quió'₅ 'éi₂, jme₁né₄. ⁴⁹ La₁ dsa₂ lë₁dsa₂ i₂tion'₅₄ në₅, tsá₃ cuí'₅ Si₂ 'Éi'₃. Ma₂tioin'₅₄ ne₄ jmi₁uig₅ a₂ma₂rë₂'ë₂ ja₁coin₂.‡

⁵⁰ Jin₄ dsa₂ fariseos 'éi₂ jme₁'en₅₄ Nicodemo, i₂jme₁ma₂ñe₄ i₁jñin₅₄ Jesús le₂jñiá₅. § 'Éi₂ në₃ ca₂ñag₃:

⁵¹ —Jui₁lia'₂ con'₂ lë₅ juá'₂ Si₂ 'Éi'₃ quián₂, ¿lé₂ le₃qui₁dsi₅ 'éi'₃ ja₁con₂ jan₂ dsa₂, të₃ tsá₃ ma₂në₂néi₂ jág₁ quió'₅, a₂juá'₂ 'e₂ a₂ma₂jmo₃?

* **7:31** 'Nio'₂ ja₁ton₅ Isaías 35:5-6. † **7:38** 'Nio'₂ ja₁ton₅ Isaías 44:3; 55:1. ‡ **7:49** 'Nio'₂ ja₁ton₅ Deuteronomio 27:14-26. § **7:50** A₂lin₅₄ chog₅₄ si₂juá'₂: “i₁jñin₅₄ Jesús a₂'uë₂ jaun₂.”

⁵² Jaun₂ ně₃ ca₂ṇag₃ riin'₅₄:

—¿Ján₃ bá₄ lín'₅ 'ne₂ jan₂ dsa₂ i₂chan₂ Galilea? 'Í₂ dse₃ ne₄ Si₂, jaun₂ jag'₅₄, lia'₂ 'i₁jan₂ dsa₂ i₂'ě₂ jág₁ quián₅ Diú₄ tsá₃ já₅ 'uě₃ Galilea.*

⁵³ Jaun₂ guě₄ i₃len₃ le₂jan₂ le₂jan₂ dsa₂ ja₁quió'₄.

8

Jan₂ 'io₅₄ i₂ca₂tán'₂ dso₄

¹ La₁ ca₂ṇó₃ bá₄ Jesús jui₅ Má'₂ Olivos. ² Jme₁jnia₃ jaun₂ táng₃, ca₂guáin'₃ i₁dsi₅ guá'₅ templo. Ja₁jaun₂ ca₂jme₃quián₃ ca₂le₃jín₃ dsa₂. Jaun₂ ca₂guá₂ Jesús, jaun₂ ca₂jme₃lióg₃ jme₂tiin₂₃ dsa₂. ³ Jaun₂ ně₃, ca₂o₃jnia₃ tē₅juá'₅ quian'₅₄ dsa₂ fairseos ca₂o₃jniai₃ jan₂ 'io₅₄ i₂ca₂join₃ jme₁'ein₅₄ quian'₅₄ dsa₂ ṇe'₂. Jaun₂ ca₂chei'₃ dsi₂jo₂ jě₄ quió'₅ dsa₂ i₂tion'₅₄ ja₁jaun₂.

⁴ Jaun₂ ca₂juá'₂ ca₂tsí'₃ Jesús:

—Tē₅, ca₂jón₂ 'io₅₄ la₂ nió'₅ jág₁ quian'₅₄ dsa₂ ṇe'₂ on₃jua'₅₄ dsi₂i₂gu₂. ⁵ Nē₃ ně₃, ne₄ Si₂ 'Éi'₃, juá'₂ Moisés a₂jñí'₄ jnia'₅₄ jan₂ 'io₅₄ le₂la₂, a₂qui₁dsi_{in}₅ jnia'₅₄ cang₄. ¿'Ne₂ guě'₂, 'a₂ lia'₂ juá'₂?

⁶ Ca₂juá'₂ dsa₂ le₂nē₅ ia₁ a₂cáin₂ táu₂ Jesús, ia₁jaun₂ cuin₃ jmi_g₄ bóg'₂ dso₄. La₁ ca₂guá₂ Jesús i₁sióg'₅ 'uě₃, jaun₂ ca₂jme₃lióg₃ ca₂j móg'₃ letras ne₄ 'uě₃ quian'₅₄ nei'₅₄ chi₁gú₃.

⁷ La₁ caun₂ tioen'₅₄ qui₂ṇag₂₃ qui₂jñi'₂ Jesús, jaun₂ ca₂nau₂, ca₂juá'₂ ca₂tsí'₃ dsa₂:

—Chi₂jua'₂ 'ein₂ jan₂ 'nia'₂ i₂tsá₃ dso₄ rě₂cán'₄, o₁tiong₅₄ le₂'uig₅₄ ca₂míg₂ ni₁cang₁ jui₁qui'₅₄ quió'₅ 'io₅₄.

⁸ Jaun₂ ca₂guá₂ táng₃ i₁sióg'₅ 'uě₃, jmóg'₅ letras a₂tsáng₂ 'uě₃.

⁹ La₁ jme₁ca₂nág₂ dsa₂ jág₁ a₂ca₂juá'₂ Jesús,* jaun₂ ca₂jme₃lióg₃ qui₂ca₂'u_{in}₂ bá₄ le₂jain₂ le₂jain₂, jniá₅ de'₂ dsa₂ i₂ma₂guen'₂ ca₂'u_{in}₂ ne₄ jui₅. Jaun₂ jme₁ma₂ca₂'u_{in}₂ ca₂le₃jín₃ dsa₂, 'ṇiog₅ bá₄ Jesús tē₁tsiin'₅₄ quian'₅₄ 'io₅₄ 'éi₂, i₂chén'₅ dsi₂jo₂ jaun₂.

¹⁰ Jaun₂ ně₃ ca₂nau₂ Jesús,† jaun₂ ca₂juá'₂ ca₂tsí'₃ 'io₅₄:

—'Io₅₄, ¿na₅ dsa₂?† ¿Tsa₁ 'ein₂ ně₂'ě₂ uig₅?

¹¹ Jaun₂ ca₂juá'₂ 'io₅₄:

—Jan₂'ón₄. Lia'₂ 'i₁jan₂ dsa₂, Te₁gui'₅₄.

Jaun₂ ně₃ ca₂juá'₂ Jesús:

—On₃ guě'₂ jniá₂ 'ě₄ uig₅ quiáng'₂; guan'₂ ně₃, la₁ tsá₃ ma₃lě₁'nau₂ dso₄.

Lín₅ Jesús si₂ a₂tág₅ quió'₅ dsa₂ mi₂güig₃

¹² Ca₂juá'₂ táng₃ Jesús tsí'₅ dsa₂, a₂juá'₂:

—Jniá₂ líng₅ si₂ i₂jmo₅ tág₅ jui₅ quió'₅ dsa₂ mi₂güig₃; jui₁lia'₂ i₂'ein₅ jniá₂, lia'₂ o₁líg'₂ tsá₃ ma₃jñi₃ jě₄ qui₁né'₃, ton'₂ qui₃'io₃ si₂ a₂jmo₅ a₂chain₂.

¹³ Jaun₂ ně₃ ca₂juá'₂ dsa₂ fariseos ca₂tsí'₃ Jesús:

—Ne₂ jáng'₂ jág₁ dsau₅ tē₂le₃ quián'₂ 'ṇiag'₂; 'uig₅₄ jaun₂ tsá₃ quen₅ jág₁ quiáng'₂ a₂jáng'₂.

¹⁴ Jaun₂ ca₂ṇag₃ Jesús ca₂tsí'₃ dsa₂:

—Jui₁lia'₂ a₂juá'₅ jniá₂, quen₅ bá₄, o₁jnia'₅₄ 'ṇi_ó₃ jniá₂ jáng'₅ jág₁ dsau₅ tē₂le₃ quió₃ 'ṇi_ó₃. Ia₁ guion₄ bá₄ jniá₂ a₂já'₄ guio₃, a₂já'₄ nég'₄ ně₃; la₁ia₁ 'nia'₂ ně₃, tsá₃ ṇi'₅₄ 'nia'₂ a₂já'₄ guio₃, on₃ guě'₂ a₂já'₄ nég'₄. ¹⁵ 'Nia'₂ guě'₂ cáun'₂ 'í₁ lia'₂ con'₂ lě₅ 'éi'₃ quió'₅ dsa₂ mi₂güig₃. Jniá₂ ně₃ tsá₃ 'í₁ cáun₅ jniá₂ jua'₅₄ a₂qui₂dsí₂ 'éi'₃ ja₁con₂ 'i₁jan₂. ¹⁶ La₁ia₁ chi₂jua'₂ cáun₅ jniá₂ 'í₁, dse₃ dsi₂ten₅₄ bá₄ 'éi'₃ a₂qui₂dsí₂ jniá₂, ia₁ on₃jua'₅₄ jniá₂ 'ṇi_ó₃ cáun₅ 'í₁; qui₂dsí₂ jniá₂ 'éi'₃ co₂lě₅ quiang'₅₄ i₂ca₂chei₃ bá₄. ¹⁷ Ján₃ bá₄ ca₂tē₂ ne₄ Si₂ 'Éi'₃ quián'₂ 'nia'₂, rě₂ton₅ juá'₂, ně₁jua'₂

* **7:52** Ne₄ chog₅₄ si₂ a₂gui'₅₄ guě₄, tsá₃ le₁ton₅ Juan 7:53–8:11. * **8:9** A₂lin₅₄ chog₅₄ si₂ juá'₂ ján₃: “ca₂jéin'₃ o₂gui'₃ ia₁ rě₂cán'₄ dso₄ guioin₅₄.” † **8:10** A₂lin₅₄ chog₅₄ si₂ juá'₂ ján₃: “ia₁ tsá₃ ca₂jág₃ jua'₅₄ ti_{ón}₂ guě₄ i₂sián'₂, jnia'₅₄ lia'₂ 'io₅₄ 'éi₂.”

† **8:10** A₂lin₅₄ chog₅₄ si₂ juá'₂ ján₃: “i₂'nag₅ quiáng'₂.”

on₃ dsa₂ lě₂ i₂jáng'₅ jág₁ dsau₅, a₂quen₅ bá₄ jág₁ quió'₅. ¹⁸ Jniá₂ líng₅ i₂jáng'₅ jág₁ dsau₅ tē₂le₃ quió₃ 'ñi₃; Ñe'₃ jniá₂ i₂ca₂chei₃ guē'₂, lín₅ táng₃ jan₂ i₂jáng'₅ jág₁ dsau₅.

¹⁹ Jaun₂ ně₃ ca₂ñag₃ dsa₂ fariseos ca₂ñi'₃ Jesús:

—¿Na₅ ñeí'₅ 'ne₂?

Jaun₂ ca₂ñag₃ Jesús:

—Tsá₃ cui₂'₂ 'nia'₂ jniá₂, on₃ guē'₂ Ñe'₃ jniá₂ cui₂'₂ 'nia'₂; jua'₅₄ mei'₂ guē₃ cui₂'₂ 'nia'₂ jniá₂, ján₃ bá₄ jme₁le₃cui₂'₂ 'nia'₂ Ñe'₃.

²⁰ Ca₂juá'₂ Jesús le₂ně₅ tē₂lia'₂ jme₁'ein₅₄ jme₂tin₂₃ dsa₂ i₁dsi₅ guá'₅ templo, cau₅ ja₁jme₁tióng₂ tsi₁gu₅ quió'₅ cu₄ guá'₅. La₁ia₁, lia'₂ 'i₁jan₂ tsá₃ 'ein₂ ca₂jñau'₃, ia₁ tsá₃ jme₁ma₂tē₂ bá₄ guē₄ hora quió'₅.

“Jui₁lia'₂ ja₁né'₄ jniá₂, tsá₃ lé₂ o₁nó'₅ 'nia'₂”

²¹ Con'₂ siá'₂ táng₃ ca₂juá'₂ Jesús ca₂tsí'₃ dsa₂:

—Né'₄ jniá₂; jaun₂ 'nia'₂ guē'₂, 'náu'₂ jniá₂ i₁niog'₄, la₁ia₁ dsián'₃ 'nia'₂ tē₃ rē₂cán'₄ 'nia'₂ dsáu'₂; ja₁né'₄ jniá₂, tsá₃ lé₂ o₁nó'₅ 'nia'₂.

²² Jaun₂ ně₃ ca₂juá'₂ dsa₂ judíos:

—¿O₃ bá₄ a₂jñi'₃ 'e₂ 'ñiog₅, jaun₂ guē'₂ juá'₂ tsá₃ lé₂ dsi₁náu₄ jniog₄ ja₁dsáin'₃?

²³ Jaun₂ ca₂juá'₂ Jesús:

—Dsa₂ chan₂ gua'₅₄ 'uē₃ la₂ bá₄ lín'₅ 'nia'₂; jniá₂ ně₃, líng₅ i₂chan₂ guei'₅₄. Dsa₂ i₂tén₅ mi₂güig₃ la₂ bá₄ lín'₅ 'nia'₂; jniá₂ ně₃ tsá₃ téng₅ mi₂güig₃ la₂. ²⁴ 'Uig₅₄ jaun₂ bá₄ ně₂juig₂ jniá₂ 'nia'₂ a₂dsiáng'₃ tē₃ rē₂cáng'₄ jaun₂ dsáu'₂. Ia₁ chi₂jua'₂ tsá₃ 'én'₂ 'nia'₂, jniá₂ bá₄ líng₅ 'éi₂, § dsiáng'₃ 'nia'₂ qui₂rē₂cáng'₄ dsáu'₂.

²⁵ Jaun₂ ně₃ ca₂ñag₃ dsa₂ judíos ca₂ñi'₃ Jesús:

—¿'Ein₂ bá₄ lín'₅ 'ne₂?

Jaun₂ ca₂ñag₃ Jesús:

—Le₂jaun₂ jui₁lia'₂ ma₂qui₂ma₂juig₂ jniá₂ 'nia'₂ ca₃le₂'uig₅₄. * ²⁶ 'Lióng₂ bá₄ 'uig₅₄ cha₂ a₂le₃juá'₄ jniá₂ a₂qui₁dsi₅ jniá₂ 'éi'₃ ja₁con'₂ 'nia'₂. La₁ tí₅ bá₄ jág₁ quió'₅ i₂ca₂chei₃. Jaun₂ jniá₂ ně₃, jág₁ a₂ma₂nag₃ ja₁coin₂, a₂jaun₂ bá₄ juig₂ jniá₂ dsa₂ mi₂güig₃.

²⁷ La₁ tsá₃ ca₂rē₃ñi'₂ dsa₂, a₂jme₁juá'₂ Jesús tsí'₅ dsa₂ 'éi₂, a₂'iin₂₃ Jmei₂.

²⁸ 'Uig₅₄ jaun₂ ca₂juá'₂ Jesús:

—Jē₁ma₂tē₂ rē₁chóng'₄ 'nia'₂ Jaun₅ dsa₂ mi₂güig₃, jaun₂ guē₄ le₃ñi'₅₄ 'nia'₂ a₂lín₅ jniá₂ 'éi₂; † le₃ñi'₅₄ 'nia'₂, a₂tsá₃ jmo₅ jniá₂ 'i₁caun₂ tē₂le₃ o₄quió₃ 'ñio₃, jñia'₅₄ lia'₂ a₂jaun₂ bá₄ juá'₅ jniá₂ jui₁lia'₂ a₂ma₂ca₂jme₃tag₅ Ñe'₃. ²⁹ Ia₁ i₂ca₂chei₃ 'ein₅₄ quian'₅₄ jniá₂, tsá₃ jua'₅₄ ma₂téin₂ jniá₂ 'ñi₃, ia₁ lia'₂ co₂tan₅₄ bá₄ jmo₅ jniá₂ a₂'ñio₂ dsi₅ 'éi₂.

³⁰ Lia'₂ jme₁juá'₂ Jesús jág₁ ně₅, ju₁n₅ lín₃ dsa₂ ca₂rē₃ 'én₂ le₃quió'₅.

Chi'₂-guein₂ quian₅ Diú₄, quian'₅₄ dsa₂ i₂qui₂le₁'ñe'₅₄ 'uig₅₄ dsáu₁

³¹ Jaun₂ ně₃ ca₂juá'₂ Jesús ca₂tsí'₃ dsa₂ judíos i₂ca₂rē₃ 'én₂ le₃quió'₅:

—Nē₁jua'₂ tē₁'ñiá'₄ 'nia'₂ le₃quió'₅ jág₁ quió₃, dsón'₂ bá₄ lín'₅ 'nia'₂ dsa₂ i₂quian'₅₄ jniá₂;

³² jaun₂ le₃cui₂'₂ 'nia'₂ jág₁ dsau₅, jaun₂ jág₁ dsau₅ ně₃, jmo₃ qui₃chen'₂ 'nia'₂.

³³ Jaun₂ ca₂ñag₃ dsa₂ 'éi₂ ca₂tsí'₃ Jesús:

—Lág₅ jnia'₅₄ dsa₂ tsi₁jon₂ Abraham, jaun₂ lia'₂ 'i₁cón'₂ tsá₃ ma₂lag₃ jnia'₅₄ dsa₂ i₂le₁'ñe'₅₄ ne₄ 'i₁jan₂. ¿'A₂ guē'₂ lia'₂ juá'₂ 'ne₂ jaun₂ a₂qui₃chei'₂ jnia'₅₄?

³⁴ Jaun₂ ca₂juá'₂ Jesús:

—A₂dsi₂jó'₃ juig₂ jniá₂ 'nia'₂, jui₁lia'₂ ca₂le₃jín₃ dsa₂ i₂'no₅ dso₄, qui₂le₁'ñe'₅₄ ne₄ dsáu₁.

³⁵ Jui₁lia'₂ jan₂ dsa₂ i₂chi₁'ñe'₅₄ ně₃, tsá₃ jua'₅₄ tē₃'ñiá'₄ co₂tan₅₄ dsi₂néi₂ quió'₅ juig₅₄; la₁ia₁ chi'₂ ja₁ñi'₅₄ ně₃, co₂tan₅₄ bá₄ téin₅ dsi₂néi₂ jaun₂. ³⁶ Jaun₂ ně₃, chi₂jua'₂ ca₂chéi'₂ Ja₁ñi'₅₄

§ 8:24 o₃, “jniá₂ bá₄ líng₅.”

* 8:25 o₃, “¿'E₂ jaun₂ ma₂qui₂ma₂juig₂ jniá₂ 'nia'₂ ca₃le₂'uig₅₄?”

† 8:28 o₃, “le₃ñi'₅₄ 'nia'₂, jniá₂ líng₅.”

ca₂chéin'₂ 'nia'₂, jaun₂ bá₄ lén'₂ 'nia'₂ dsa₂ i₂le₁tsin'₁ tē₃dsón'₂. ³⁷ Ma₂guion₄ bá₄ jniá₂ jaun₂ a₂lín'₅ 'nia'₂ tsi₁jon₂ Abraham; la₁ia₁ 'niog'₂ 'nia'₂ jnág'₄ jniá₂, ia₁ a₂tsá₃ guei'₂ 'nia'₂ 'e₂ a₂juá'₅ jniá₂. ³⁸ Jniá₂ ně₃ juá'₅ juíg'₂ 'nia'₂ jui₁lia'₂ 'e₂ a₂ma₂jág₃ ja₁con₂ Ne'₃; 'nia'₂ ně₃, jmo'₂ 'e₂ a₂ma₂nei'₂ 'nia'₂ ja₁con₂ nēi'₅.

³⁹ Jaun₂ ca₂ṇag₃ dsa₂ 'éi₂ ca₂tsí'₃ Jesús:

—Abraham bá₄ jme₁lín₄ jmei₂ jnia'₅₄ ma₂líg'₂.

La₁ ca₂juá'₂ Jesús ca₂tsí'₃ dsa₂ 'éi₂:

—Jua'₅₄ mei'₂ guě₃ lín'₅ 'nia'₂ chi'₂ guein₂ quián₅ Abraham, jaun₂ jme₁jmo'₂ 'nia'₂ jui₁lia'₂ a₂ca₂jmo₃ 'éi₂. ⁴⁰ La₁ia₁ 'nia'₂ ně₃ 'niog'₂ jnág'₄ jniá₂, o₁jnia'₅₄ ma₂ně₂juíg'₂ jniá₂ 'nia'₂ jág₁ tí₅ tē₃dsón'₂ a₂ma₂ca₂jme₃tag₅ Diú₄ jniá₂. Tsá₃ le₂ně₅ ca₂jmo₃ Abraham. ⁴¹ 'Nia'₂ ně₃, le₂jaun₂ bá₄ jmo'₂ jui₁lia'₂ jmo₅ nēi'₅.

Jaun₂ ně₃ ca₂juá'₂ dsa₂ 'éi₂:

—La₁ on₃jua'₅₄ jnia'₅₄ lág₅ guein₂ i₂lē₁chan₂; jan₂ bá₄ jmei₂ jnia'₅₄ chan₂; i₂'éi₂ lín'₅ Diú₄.

⁴² Jaun₂ ně₃ ca₂juá'₂ Jesús:

—Jua'₅₄ mei'₂ guě₃ tē₃dsón'₂ Diú₄ lín'₅ nēi'₅ 'nia'₂, jme₁jme₁'nió'₄ bá₄ 'nia'₂ jniá₂, ia₁ ja₁con₂ Diú₄ bá₄ 'uín₂ jniá₂; jaun₂ la₂ ma₂guio₃. On₃jua'₅₄ o₄quió₃ 'nió₃ guio₃; o₄quió'₄ i₂ca₂chei₃ bá₄ jniá₂ guio₃. ⁴³ ¿'E₂ lē₃ tsá₃ lé₂ le₃ně'₂ 'nia'₂ jág₁ a₂juá'₅ jniá₂? 'Uig₅₄ ia₁ a₂tsá₃ tian'₃ 'nia'₂ nág'₁ jág₁ a₂'ě₅ jniá₂. ⁴⁴ 'Nia'₂ bá₄ rē'₂ tēng'₅ le₃quió'₅ i₂sē₃dsen₃ nēi'₅ 'nia'₂. Jaun₂ 'ín₅ 'au'₂ jmo'₂ 'e₂ a₂'nio₂ dsí₅ 'éi₂. Lia'₂ con'₂ le₂'uig₅₄ bá₄ jaun₂ lín₅ jan₂ i₂jme₂dsian₅ dsa₂. Tsá₃ le₃quió'₅ jág₁ dsau₅ chéin'₅, ia₁ 'i₁ca₂míg₂ jág₁ dsau₅ tsá₃ cha₂ ja₁coin₂. Jē₁ma₂ca₂juá'₂ jág₁ tē₂jág₁, juá'₂ bá₄ jui₁lia'₂ tīn₂ 'niog₅, ia₁ i₂tē₂jín₁ bá₄ 'éi₂, jaun₂ lín₅ jmei₂ dsa₂ tē₂jín₁. ⁴⁵ La₁ia₁, 'uig₅₄ ia₁ a₂juá'₅ jniá₂ jág₁ dsau₅ ně₃, tsá₃ 'éng'₂ jág₁ quió₃. ⁴⁶ ¿I₂'ein₂ 'nia'₂ qui'₅₄ jmi₄g₄ cáun₂ 'í₁ a₂rīn₂ jniá₂ dso₄? Chi₂jua'₂ juá'₅ jniá₂ jág₁ dsau₅, ¿'E₂ lē₃ tsá₃ 'én'₂ 'nia'₂ jág₁ quió₃? ⁴⁷ Jui₁lia'₂ i₂tén₅ le₃quió'₅ Diú₄, nag₂₃ jág₁ quió'₅ Diú₄. 'Uig₅₄ jaun₂ bá₄ tsá₃ nag'₂ 'nia'₂ jág₁; ia₁ tsá₃ tén'₅ 'nia'₂ le₃quió'₅ Diú₄.

Né'₃ guě₄ a₂le₃chan₂ Abraham, jme₁ma₂chan₂ bá₄ Te₁gui'₅₄

⁴⁸ Jaun₂ ně₃ ca₂ṇag₃ dsa₂ judíos ca₂ṇí'₃ Jesús:

—¿Tsa₁ dsau₅ jág₁ a₂jua'₂ jnia'₅₄, dsa₂ chan₂ Samaria bá₄ lín'₅ 'ne₂; a₂'en₅₄ jan₂ je₂na'₅₄ tē₂'au'₂ ně₃?

⁴⁹ Jaun₂ ca₂ṇag₃ Jesús:

—Lia'₂ 'i₁jan₂ je₂na'₅₄ tsá₃ 'en₅₄ tē₂dsi₃. A₂jaun₂ bá₄ jmo₅ jniá₂ a₂jme₂juín'₁ jniá₂ Ne'₃; 'nia'₂ guě'₂, tsá₃ jme₂go'₃ jniá₂. ⁵⁰ Tsá₃ a₂jaun₂ 'náu'₅ jniá₂ a₂jme₃juag'₂ dsa₂, la₁ chan₂ jan₂ i₂'no'₂ a₂jme₃juag'₂ dsa₂ jniá₂, ton'₂ 'éi₂ bá₄ con₂ jág₁ dsau₅. ⁵¹ A₂dsi₂jó'₃ juíg'₂ jniá₂ 'nia'₂, chi₂jua'₂ 'ein₂ dsa₂ i₂tón'₂ jui₅ jág₁ quió₃, lia'₂ o₁líg'₂ jmi₄g₄ tsá₃ dsi₃ṇi₅₄ 'mú₃.

⁵² Jaun₂ ně₃ ca₂ṇag₃ dsa₂ judíos:

—Ně₃ guě₄ dsón'₂ jag₂ jnia'₅₄ a₂'en₅₄ jan₂ je₂na'₅₄ tē₂'au'₂. Ia₁ ma₂ca₂jon₃ Abraham lia'₂ jma₃quian'₅₄ dsa₂ i₂qui₂ca₂'ě₂ jág₁ quián₅ Diú₄; 'ne₂ guě'₂ juá'₂: “Jui₁lia'₂ i₂tón'₂ jui₅ jág₁ quió₃, tsá₃ līg'₂ dsi₃ṇi₅₄ 'mú₃.” ⁵³ ¿O₃ bá₄ 'nio₅ lín₃ guě₄ juín'₂ 'ne₂ lia'₂ con'₂ guě₄ Abraham 'lag₄ jmei₂ jnia'₅₄? Ca₂jon₃ bá₄ 'éi₂, ján₃ bá₄ le₂jaun₂ qui₂ca₂dsan₃ dsa₂ i₂jme₁'ě₂ jág₁ quián₅ Diú₄. ¿'Ein₂ lín'₂ 'ne₂ līg'₅?

⁵⁴ Jaun₂ ca₂ṇag₃ Jesús:

—Chi₂jua'₂ 'nió₃ jniá₂ jme₂juíng'₂, tsá₃ 'e₂ quen₅ a₂jaun₂. La₁ia₁ jui₁lia'₂ i₂jme₂juag'₂ jniá₂, Ne'₃ bá₄ jniá₂ 'éi₂, i₂'ín₅ 'nia'₂ lín₅ Diú₄ quiáng'₂. ⁵⁵ O₁jnia'₅₄ tsá₃ cuín'₂ 'nia'₂ 'éi₂, la₁ cuín₅ bá₄ jniá₂ 'éi₂. Jua'₅₄ mei'₂ guě₃ juá'₅ jniá₂ a₂tsá₃ cuín₅, jme₁lén₂ jniá₂ jan₂ i₂tē₂jín₁ jui₁lia'₂ lín'₅ 'nia'₂. La₁ia₁ dsón'₂ bá₄ cuín₅ jniá₂ 'éi₂, jaun₂ tón'₅ bá₄ jniá₂ jui₅ jág₁ quió₃. ⁵⁶ Ca₂jmo₃ 'io'₂

Abraham, 'lag₄ ηέι' ₅ 'nia' ₂, ia₁ jme₁ 'ín₂ dsi₅ jág₃ jmig₄ i₁ guan₃ jniá₂; jaun₂ ca₂ jág₃, jaun₂ 'ηio₅ lin₃ 'io' ₂ ca₂ jén' ₃.

⁵⁷ Jaun₂ ně₃ ca₂ juá' ₂ dsa₂ judíos ca₂ tsí' ₃ Jesús:

—Tsá₃ ma₂ 'eng' ₅₄ bá₄ guě₄ tē₂ láu₃-guiá₂ ηi₂. ¿'A₂ guě' ₂ lia' ₂ juá' ₂ 'ne₂ a₂ ma₂ jing' ₅₄ 'lag₄ Abraham?

⁵⁸ Jaun₂ ca₂ ηag₃ Jesús:

—A₂ dsi₂ j'ó' ₃ juig₂ jniá₂ 'nia' ₂, né' ₃ guě₄ a₂ le₃ chan₂ Abraham, jniá₂ líng₅.[†]

⁵⁹ Jaun₂ ně₃ qui₂ ca₂ jηa' ₃ cang₄ a₂ jme₁ qui' ₃ quió' ₅. La₁ ca₂ 'ma₃ bá₄ Jesús, jaun₂ o₂ 'ín₃ i₁ dsi₅ guá' ₅ templo.[§]

9

Ca₂ jme₃ 'lión₂ Jesús jan₂ dsa₂ i₂ ten₄ ca₂ rē₃ chán₃

¹ Jme₁ ca₂ ηi₅ jaun₂, ca₂ j'ín₂ jan₂ dsa₂ i₂ ten₄ ca₂ rē₃ chán₃. ² Jaun₂ ca₂ ηag₃ chi' ₂ dsi₂ guia₃-tín₂ quiáin₅:

—Tē₅, ¿'ein₂ bá₄ ca₂ 'náu₂ dso₄? ¿Dsa₂ la₂, o₃ chog₅₄-jmei₂ 'e₂, a₂ ca₂ rē₃ chán₃ tein₅₄?

³ Jaun₂ ca₂ juá' ₂ Jesús:

—On₃ jua' ₅₄ 'uig₅₄ dsáu₂ 'ηiog₅, on₃ guě' ₂ 'uig₅₄ dsáu₁ chog₅₄-jmei₂; a₂ jaun₂ bá₄ ca₂ lē₃ ia₁ jaun₂ le₃ jniá₂ jui₅ bí₂ quió' ₅ Diú₄ ja₁ coin₂. ⁴ Ca₂ tág₂ jniog₄ jmó₁ ta₁ * quió' ₅ i₂ ca₂ chei₃ jniá₂ tē₁ lia' ₂ jniá₂ guě₄; ia₁ ma₂ ja₂ quián₃ néi₃, jē₁ tsá₃ ma₃ 'ein₂ lé₂ le₃ jmo₃ ta₁. ⁵ Tē₁ lia' ₂ 'en₅₄ jniá₂ mi₂ güí₃ la₂, líng₅ si₂ a₂ tág₅ ja₁ con₂ dsa₂ mi₂ güí₃.

⁶ Jme₁ ca₂ dsan₃ juá' ₂ le₂ ně₅, jaun₂ ca₂ 'ηéi₃ 'uē₃, ca₂ jmo₃ ca₂ juig₄ jein₂ quian' ₅₄ jmi₁ 'ě' ₅ quió' ₅, jaun₂ ca₂ tsáng₂ jme₁ ne₁ dsa₂ ten₄. ⁷ Jaun₂ ca₂ juá' ₂ ca₂ tsí' ₃ dsa₂ 'éi₂:

—Gua₂ o₂ rang₂ quiáng' ₂ Dsiog₅ Siloé —co₂ 'nió' ₄ le₃ jua' ₅₄ jág₁, I₂ chen₄, a₂ chei₂ dsiog₅ jaun₂.

Jaun₂ ca₂ ηó₃ i₁ rang₂ quió' ₅, jaun₂ jme₁ guáin' ₃ táng₃ jaun₂, ma₂ jág₅ bá₄.

⁸ Jaun₂ qui₂ ca₂ ηag₃ dsa₂ i₂ tián' ₅ cau₅ quió' ₅, quian' ₅₄ dsa₂ i₂ jme₁ ma₂ ca₂ jág₂ mi₅ 'éi₂ cu₄ le₂ jniá₅, ca₂ juá' ₂:

—¿On₁ jua' ₅₄ dsa₂ ně₅ 'éi₂ i₂ jme₁ gua₂ mi₅ a₂ jme₃ 'o₅₄ dsa₂ cu₄?

⁹ I₂ lin₅₄ juá' ₂:

—'Éi₂ bá₄ ně₅.

I₂ sián' ₂ guě' ₂ juá' ₂:

—On₃ jua' ₅₄ 'éi₂ ně₅, la₁ ia₁ mei' ₂ tsá₃ le₂ jaun₂ jniá₂.

La₁ ca₂ juá' ₂ dsa₂ 'éi₂ 'ηiog₅:

—Jniá₂ bá₄ 'éi₂.

¹⁰ Jaun₂ ně₃ ca₂ ηag₃ dsa₂ ca₂ ηí' ₃ 'éi₂:

—¿'A₂ guě' ₂ lia' ₂ lē₃ ca₂ jnióg₃ jme₁ ne' ₄ 'ne₂?

¹¹ Jaun₂ ca₂ ηag₃ dsa₂ 'éi₂:

—Dsa₂ i₂ tē' ₂ dsa₂ Jesús ně₂ jmo₃ ti₁ jéin₃, jaun₂ ně₂ tsáng₂ jme₁ ne₃ jniá₂, jaun₂ ně₂ juá' ₂ tság₅ jniá₂: “Gua₂ Dsiog₅ Siloé, o₂ rang₂ quiáng' ₂.” Jaun₂ ηe₄ jniá₂, jaun₂ jme₁ ca₂ lē₃ rang₂₃ quió₃, co₂ tan₅₄ lia' ₂ ně₂ jág₃.

¹² Jaun₂ ca₂ ηag₃ dsa₂ ca₂ ηí' ₃ dsa₂ i₂ jme₁ ten₄ 'éi₂:

—¿Na₅ dsa₂ 'éi₂?

Jaun₂ ca₂ juá' ₂:

—Tsá₃ guion₄ jniá₂.

Ca₂ ηag₃ dsa₂ fariseos jág₁ dsau₅ ne₄ dsa₂ i₂ jme₁ ten₄ i₂ ca₂ jme₃ 'lió₂ Jesús

¹³ Jaun₂ ně₃ ca₂ i₁ jηia₃ dsa₂ ne₄ dsa₂ fariseos dsa₂ i₂ jme₁ ten₄ 'éi₂.

[†] 8:58 Já₁ “jniá₂ líng₅” co₂ 'nió' ₄ jein₅ já₁ lia' ₂ chen₂ Jehová. 'Nio' ₂ ja₁ ton₅ Éxodo 3:14. § 8:59 A₂ lin₅₄ chog₅₄ si₂ juá' ₂ já₁: “jaun₂ ca₂ ηí₃ jin₄ dsa₂ 'éi₂, ca₂ ηái' ₃.” * 9:4 A₂ lin₅₄ chog₅₄ si₂: Ca₂ tén₂ jniá₂ jmo₅₄ ta₁.

14 La₁ jmig₄ lia'₂ con'₂ jme₁ca₂jmo₃ Jesús ti₁jéin₃ a₂ca₂tsáng₂ mi₂ne₄ dsa₂ i₂jme₁ten₄ 'éi₂, jaun₂ dé₄ jmig₄ sa₅₄ bá₄ jaun₂. 15 Jaun₂ ca₂ṇag₃ táng₃ dsa₂ fariseos ca₂ṇi'₃ dsa₂ 'éi₂, 'a₂ bá₄ lia'₂ jaun₂ ma₂lé₂ jág₃. Jaun₂ ca₂juá'₂ dsa₂ i₂jme₁ten₄ 'éi₂:

—Ně₂tsáng₂ ti₁jéin₃ jme₁ne₃ jniá'₂, jaun₂ ně₂rang₃ jniá'₂ quió'₃, jaun₂ lě₃ ma₂jág₅ jniá'₂.

16 Jaun₂ ně₃ ca₂juá'₂ i₂lin₅₄ dsa₂ fariseos:

—Dsa₂ i₂ně₂jmo₃ a₂ně₅, on₃jua'₅₄ dsa₂ quián₅ Diú₄ 'éi₂, ia₁ tsá₃ jme₂gó'₃ jmig₄ sa₅₄.

La₁ i₂lin₅₄ guě'₂ juá'₂:

—¿'A₂ lia'₂ lé₂ le₃jmo₃ jan₂ dsa₂ i₂cha₂ dsáu₁ léi₄ juě'₂ le₂ně₅?

Jaun₂ lě₃ ca₂lě₃ le₁dson'₅₄ dsa₂.

17 Jaun₂ ca₂ṇag₃ táng₃ dsa₂ ca₂ṇi'₃ dsa₂ i₂jme₁ten₄ 'éi₂:

—¿'E₂ guě'₂ juá'₂ 'ne₂ lín₅, ia₁ jme₁ne'₄ 'ne₂ bá₄ ně₂niá'₃?

Jaun₂ ca₂ṇag₃ dsa₂ 'éi₂:

—A₂lín₅ jan₂ dsa₂ i₂ě₂ jág₁ quián₅ Diú₄ bá₄.

18 La₁ dsa₂ judíos ně₃, tsá₃ jme₁'éin₂ bá₄ guě₄ a₂dsón'₂ jme₁ten₄ dsa₂ 'éi₂, ton'₂ ca₂tíin'₃ jme₁ne₁₂, ca₂lia'₂ ca₂tě'₃ chog₅₄-jmei₂ dsa₂ 'éi₂.

19 Jaun₂ ca₂ṇag₃ dsa₂ fariseos ca₂ṇi'₃ chog₅₄-jmei₂ 'éi₂:

—¿Chi'₂ ja₂ṇi'₂ 'nia'₂ la₂, i₂juá'₂ 'nia'₂ i₂ten₄ ca₂rě₃chán₃? ¿'A₂ guě'₂ lia'₂ ma₂jág₅ ně₃?

20 Jaun₂ ca₂ṇag₃ chog₅₄-jmei₂:

—Ne₄ bá₄ jnia'₅₄, chi'₂ quián₂ bá₄ jnia'₅₄ ně₅, i₂ca₂rě₃chán₃ ten₄; 21 la₁ tsá₃ ne₄ jnia'₅₄ 'a₂ guě'₂ lia'₂ ně₃ ma₂lé₂ jág₃, on₃ guě'₂ ne₄ jnia'₅₄ 'ein₂ ca₂jmo₃ ca₂jnia₃ mi₂ne₅₄. Ṇag₄ caun₂ 'nia'₂ guiong'₅₄; i₂ma₂juin'₂ bá₄ ně₅, jaun₂ lé₂ bá₄ juá'₂ 'ṇiog₅ 'a₂ lia'₂ ca₂lě₃.

22 Ca₂juá'₂ chog₅₄-jmei₂ le₂ně₅ 'uig₅₄ ia₁ a₂gó'₅ gain₃ dsa₂ judíos, ia₁ jme₁ma₂ca₂jmo₃ 'éi₂ caun₂ jág₁ a₂'uág'₂ 'uín'₂ dsa₂ ja₁le₁toin₂₃ ne₄ si₂ guá'₅ sinagoga jui'₁ein₂ guě₃ i₂juá'₂, Jesús bá₄ lín₅ I₂rě₂'ín₁ quián₅ Diú₄. 23 'Uig₅₄ jaun₂ bá₄ ca₂juá'₂ chog₅₄-jmei₂: “Ṇag₄ caun₂ 'nia'₂ guiong'₅₄, i₂ma₂juin'₂ bá₄ ně₅.”

24 Jaun₂ bá₄ ca₂tě₃ táng₃ dsa₂ judíos ca₂tě'₃ dsa₂ i₂jme₁ten₄ 'éi₂, jě₁ca₂tě₂ táng₃ ráun₂, jaun₂ ca₂juá'₂:

—Jua'₅₄ jág₁ dsau₅ tě₃dsón'₂ ne₄ Diú₄;† ne₄ bá₄ jnia'₅₄ jan₂ dsa₂ i₂cha₂ dsáu₁ bá₄ 'éi₂.

25 Jaun₂ ně₃ ca₂ṇag₃ dsa₂ 'éi₂:

—Tsá₃ a₂jaun₂ guion₄ jniá'₂ jua'₅₄ jan₂ dsa₂ cha₂ dsáu₁ 'éi₂, o₃ tsá₃ dsáu₁ cha₂ 'e₂. Jnia'₅₄ lia'₂ a₂jaun₂ bá₄ guion₅₄, a₂jme₁ten₄ bá₄ jniá'₂, la₁ ně₃ ma₂lé₂ bá₄ jág₄.

26 Jaun₂ ca₂ṇag₃ táng₃ dsa₂ fariseos:

—¿'E₂ ca₂jmo₃ quiáng'₂? ¿'A₂ lia'₂ ca₂jmo₃ dsa₂ 'éi₂ a₂ca₂jnia₃ mi₂ne'₅₄?

27 Jaun₂ ca₂ṇag₃ dsa₂ 'éi₂:

—Ma₂ně₂juá'₃ guě'₂ jniá'₂. Tsá₃ tón'₂ guě'₂ 'nia'₂ jui'₅ 'e₂ juá'₅ jniá'₂. ¿'E₂ lě₃ 'niog'₂ 'nia'₂ nág'₂ táng₃? ¿O₃ bá₄ ján₃ guě'₂ 'niog'₂ 'nia'₂ le₃éng'₂ le₃quió'₅ 'éi₂?

28 Jaun₂ qui₂ca₂jnaú'₂ dsa₂ jág₁ uig₅, jaun₂ ca₂juá'₂:

—'Ne₂ 'éng'₂ le₃quió'₅ dsa₂ 'éi₂, la₁ia₁ jnia'₅₄ guě'₂ 'éin₂ le₃quió'₅ Moisés. 29 Ne₄ jnia'₅₄, a₂ca₂dsia₃ Diú₄ jág₁ quian'₅₄ Moisés, la₁ dsa₂ 'éi₂ guě'₂ ně₃, tsá₃ ne₄ a₂já'₄ já₅.

30 Jaun₂ ca₂ṇag₃ dsa₂ 'éi₂ ně₃ ca₂juá'₂:

—iDsón'₂ bá₄ jaun₂ dsi₂gó'₃ dsi₅ a₂jaun₂: a₂tsá₃ ṇi'₅₄ 'nia'₂ a₂já'₄ já₅, ton'₂ ca₂jme₃jnio₅₄ jme₁ne₃! 31 Ma₂ne₄ rě₂ bá₄ jniog₄ jaun₂, a₂tsá₃ nag₅ Diú₄ jág₁ quió'₅ dsa₂ i₂cha₂ dsáu₁; jmá'₃ lia'₂ jág₁ quió'₅ dsa₂ i₂jme₂gan₃ Diú₄, i₂qui₂jmo₅ a₂'ṇio₂ dsi₅ 'éi₂: quió'₅ 'éi₂ bá₄ nag₂₃. 32 Lia'₂ 'i₁cón'₂ tsá₃ 'ein₂ ma₂nág₂ ca₂le₂jniá'₅ jua'₅₄ chan₂ dsa₂ i₂lé₂ le₃jme₃lión₂ jan₂ dsa₂ i₂ten₄ ca₂rě₃chán₃. 33 Jua'₅₄ mei'₂ guě₃ tsá₃ já₅ dsa₂ 'éi₂ ja₁con₂ Diú₄, tsá₃ 'e₂ lé₂ jme₁jmo₃.

34 Jaun₂ ně₃ ca₂ṇag₃ dsa₂ fariseos:

† 9:24 lit. “jme₁juin'₂ Diú₄”, co₂'nió'₄ quian'₅₄ jág₁ ně₅ jme₁jmo₅ dsi₂tan₅₄ 'éi'₃ ja₁con₂ dsa₂, a₂juá'₂ tion₅₄ jág₁ tí₅ dsón'₂. 'Nio'₂ ja₁ton₅ Josué 7:19, Mateo 26:63.

—Co₂nei'₅₄ bá₄ ne₄ dsáu'₂ ca₂rë₃cháng'₃. ¿I₂'ein₂ bá₄ lín'₅ 'ne₂ jaun₂ jme₁tag'₅ jnia'₅₄?
Jaun₂ ca₂dsei₅ dsa₂.

Jui₁lia'₂ dsa₂ ten₄ tē₂le₃ gu₂dsí₂

³⁵ Jaun₂ ca₂rë₃ñi₅ Jesús jág₁ a₂ca₂dsen₅ dsa₂ ca₂dsein₂₃ dsa₂ i₂jme₁ten₄ 'éi₂. Jaun₂ jme₁ca₂jein'₂, ca₂juá'₂:

—¿'Én'₂ 'ne₂ tē₂le₃ quió'₅ Jaun₅ dsa₂ mi₂güig'₃?†

³⁶ Jaun₂ ca₂juá'₂ dsa₂ 'éi₂:

—Gui'₅₄, ¿i₂'ein₂ bá₄ 'éi₂, ia₁jaun₂ lé₂ le₃'én₂ jniá₂ le₃quió'₅?

³⁷ Jaun₂ ca₂ñag₃ Jesús:

—Ma₂nē₂jñin'₅₄ bá₄, jaun₂ jniá₂ bá₄ 'éi₂ i₂dsia'₂ jág₁ quiang'₅₄.

³⁸ Jaun₂ bá₄ ca₂chi₃jné₃ dsa₂ 'éi₂ ne₄ Jesús, jaun₂ ca₂juá'₂:

—'Én₂ bá₄ jniá₂, Te₁gui'₅₄.

³⁹ Jaun₂ ca₂juá'₂ Jesús:

—A₂qui₁dsi'₅ 'éi'₃ bá₄ jniá₂ guio₃ mi₂güig'₃ la₂, ia₁jaun₂ jág₁ jui₁lia'₂ dsa₂ ten₄, ton'₂ ia₁jaun₂ le₃ten₄ jui₁lia'₂ dsa₂ i₂jág₅.

⁴⁰ Jaun₂ qui₂ca₂nág₂ jág₁ jaun₂ i₂lín₅₄ dsa₂ fariseos i₂jme₁tion'₅₄ quian'₅₄ Jesús, jaun₂ ca₂ñag₃:

—¿O₃ bá₄ dsa₂ ten₄ lág₅ jnia'₅₄ ján₃?

⁴¹ Jaun₂ ca₂ñag₃ Jesús:

—Jua'₅₄ mei'₂ guē₃ lín'₅ 'nia'₂ dsa₂ ten₄, tsá₃ dso₄ jme₁qui₂le₃cán'₂ 'nia'₂. La₁ia₁, 'ui_g₅₄ ia₁ a₂juá'₂ 'nia'₂, “ne₄ jnia'₅₄”, jaun₂ tē₂'ñiá₄ dsáu'₂ 'nia'₂.

10

Jág₁ jáng'₅ léi₄ jui₁lia'₂ dsa₂ i₂jmo₅ 'í₁ já'₂ cha'₂

¹ 'A₂dsi₂jó'₃ juig₂ jniá₂ 'nia'₂, jui₁lia'₂ i₂tsá₃ tón'₅ tē₂le₃ jui₅ o₄'né₄ tsi₁jñi₂ ja₁tion'₅₄ já'₂ cha'₂, a₂uí_g₂ jui₅ siá'₂, dsa₂ 'ang₂ bá₄ 'éi₂. ² La₁ia₁ jui₁lia'₂ i₂'í₂ tē₂le₃ o₄'né₄, dsa₂ i₂jmo₅ 'í₁ já'₂ cha'₂ bá₄ 'éi₂. ³ O₄quió'₄ 'éi₂ bá₄ niá₅ dsa₂ i₂jmo₅ 'í₁ o₄'né₄, jaun₂ já'₂ cha'₂ ně₃, rē₂cuí'₅ jág₁ quió'₅ 'éi₂. Jaun₂ tē₂ já'₂ cha'₂ quiáin₅ 'ñiog₅ lia'₂ chein₂, jaun₂ 'uág'₂. ⁴ Jē₁ma₂ca₂lē₃ 'uín'₂ ca₂le₃jín₃ con'₂ i₂quiáin₅ 'ñiog₅, jaun₂ cán₂ ne₄ jui₅, dsó₅ ne₄ já'₂ cha'₂. Já'₂ cha'₂ ně₃ dsi₂lén₂ chi₁co'₅₄ quió'₅, ia₁ rē₂cuí'₅ bá₄ jág₁ quió'₅. ⁵ La₁ tsá₃ 'ein₂₃ jui₁lia'₂ dsa₂ i₂tsá₃ cuín₂₃; tē₂le₃ cuíng₂₃ bá₄ ja₁con₂ 'éi₂, ia₁ tsá₃ cuí'₅ jág₁ quió'₅ dsa₂ sián'₂.

⁶ Ca₂juá'₂ Jesús jág₁ a₂jáng'₅ léi₄ ně₅, la₁ tsá₃ ca₂rë₃ñi'₂ dsa₂, 'e₂ jein₅ jág₁ jaun₂ a₂juá'₂.

Jan₂ Jesús i₂dsen₃ i₂jmo₅ 'í₁ já'₂ cha'₂

⁷ Jaun₂ ně₃ ca₂juá'₂ táng₃ Jesús ca₂tsí'₃ dsa₂:

—A₂dsi₂jó'₃ juig₂ jniá₂ 'nia'₂, jniá₂ bá₄ líng₅ o₄'né₄ jui₅ ja₁dsi₂ton'₅₄ já'₂ cha'₂. ⁸ Ca₂le₃jín₃ i₂ma₂o₃lén₂ jñiá₅ guē₄ con'₂ guē₄ jniá₂, dsa₂ 'ang₂ bá₄ 'éi₂; la₁ já'₂ cha'₂ ně₃, tsá₃ jui₅ ca₂ton'₂ quió'₅. ⁹ Jniá₂ líng₅ o₄'né₄; jui₁lia'₂ i₂tón'₅ jui₅ le₃quió₃, tñin'₄ bá₄. Jaun₂ qui₃dsi₃toin'₅₄, qui₃'uín₃, jaun₂ dsio'₂ bá₄ ñi₂ma'₂ a₂guē₃.

¹⁰ 'Dsa₂ 'ang₂ ně₃, jmá'₃ ta₁ jaun₂ bá₄ ja₂: a₂'ang₃, a₂jme₃dsiog₂₃, a₂qui₃'éin₂ ně₃; jniá₂ ně₃ guio₃ ia₁jaun₂ le₃chain₂, a₂le₃chain₂ qui₂rē₂tsón₂. ¹¹ Jniá₂ bá₄ líng₅ juig₅₄ dsen₃ i₂jmo₅ 'í₁ já'₂ cha'₂. * Guen₅ 'mú₃ juig₅₄ dsen₃ o₄quió'₄ já'₂ cha'₂; ¹² la₁ jui₁lia'₂ dsa₂ i₂jmo₅ ta₁ a₂'liain'₅₄, jē₁ma₂ca₂jág₃ já₅ dsi₂jñi'₅₄ náu₂, téin₂ bá₄ já'₂ cha'₂ jaun₂ cuíng₂₃ bá₄ 'ñiog₅, ia₁ on₃jua'₅₄ juig₅₄ i₂quián₅ já'₂ cha'₂ 'éi₂. Jaun₂ dsi₂jñi'₅₄ náu₂ ně₃, tsáin'₂ já'₂ cha'₂, jaun₂ jmo₂₃ le₁jan₅₄ já'₂. ¹³ Dsa₂ 'éi₂ ně₃, cuíng₂₃ ia₁ a₂'liain'₅₄ bá₄ jmo₂₃ 'í₁; tsá₃ dsan₂ dsí₅ já'₂. ¹⁴ Jniá₂ bá₄ líng₅ juig₅₄ dsen₃; i₂cuín₅ bá₄ jniá₂ já'₂ cha'₂ quiáng₃; 'éi₂ ně₃ cuíng₂₃ jniá₂. ¹⁵ Le₂jaun₂ jui₁lia'₂ cuíng₅ Ñe'₃ jniá₂,

† 9:35 A₂lín₅₄ chog₅₄ si₂juá'₂: “¿'Én'₂ 'ne₂ tē₂le₃ quió'₅ Ja₁ñi'₅₄ Diú?” * 10:11 'Í₂ Ezequiel 34.

ján₃ bá₄ cuín₅ jniá₂ 'éi₂ ně₃. Guén₅ jniá₂ 'mú₃ o₄ quió₄ 'já₂ 'cha₂ 'quiáng₃. ¹⁶ Ján₃ bá₄ tion₅₄ 'já₂ 'cha₂ 'sián₂ 'quiáng₃ i₂ tsá₃ tion₅₄ 'ñi₃ 'lá₂; ján₃ bá₄ ca₂ tñ₂ jniá₂ i₁ te₁ 'éi₂. Ján₃ bá₄ le₃ ne₅₄ 'éi₂ jág₁ quió₃, jaun₂ co₂ nió₃ 'bá₄ lé₂, jan₂ gué₂ 'juí₅₄.

¹⁷ 'Uí₅₄ jaun₂ bá₄ 'nio₃ Ne₃ 'jniá₂: ia₁ jáng₅ jme₂ dsí₂ quió₃, † ia₁ jaun₂ 'tíng₄ 'táng₃. ¹⁸ Lia₂ 'i₁ jan₂ tsá₃ jniá₂ 'jme₂ dsí₂ a₂ chan₂ jniá₂, ia₁ jáng₅ bá₄ jniá₂ jme₂ dsí₂ a₂ chang₂ a₂ 'ñio₂ dsí₃ 'ñi₃. Jniá₂ bá₄ 'o₂₃ bí₂ jáng₅, jaun₂ 'o₂₃ bí₂ 'tíng₄ 'táng₃. 'Éi₃ 'ně₅ ca₂ 'ñig₂ ja₁ con₂ Ne₃.

¹⁹ Jaun₂ ca₂ lē₃ le₁ dson₅₄ 'táng₃ dsa₂ judíos, jme₁ ca₂ 'nág₂ jág₁ ně₅.

²⁰ Juín₅ i₂ 'éi₂ juá₂:

—I₂ 'en₅₄ jan₂ jme₂ dsí₂ je₂ na₅₄ 'tē₂ dsí₅ bá₄ ně₅, tē₂ 'i₂₃ a₂ 'ñái₅ ně₃. ¿'E₂ lē₃ 'tón₂ 'nia₂ 'juí₅ jág₁ quió₅?

²¹ La₁ i₂ lín₅₄ gué₂ 'juá₂:

—On₃ jua₅₄ jág₁ quió₅ jan₂ i₂ 'en₅₄ je₂ na₅₄ 'tē₂ dsí₅ ně₅. ¿Lé₂ le₃ jmo₃ je₂ na₅₄ a₂ jág₃ juí₁ lia₂ dsa₂ ten₄?

Tsá₃ ca₂ guen₃ dsa₂ judíos Jesús

²² Jmí₄ jaun₂, jme₁ tion₅₄ dsa₂ juí₂ Jerusalén jmo₂₃ Jmí₄ quió₅ Si₂. Jeín₂ güí₂ jme₁ lē₄, ²³ jaun₂ jme₁ i₂ 'ñi₅₄ Jesús i₁ dsí₅ guá₅ templo ja₁ lē₄ corredor a₂ chei₂ Quió₅ Salomón, ²⁴ jaun₂ qui₂ ca₂ o₃ lio₃ dsa₂ judíos quió₅, jaun₂ ca₂ juá₂:

—¿'A₂ con₂ 'jmó₂ 'ne₂ 'ag₃ gué₄ caun₂ 'tñ₃ dsí₅ jniá₅₄? Chi₂ jua₂ 'dsón₂ lín₅ 'ne₂ I₂ rē₂ 'ín₁ quián₅ Diú₄, co₂ 'ñei₅₄ jua₅₄ rē₂ jiá₃ jág₁.

²⁵ Jaun₂ ca₂ 'ñag₃ Jesús:

—Ma₂ ně₂ juá₃ 'bá₄ jniá₂, la₁ tsá₃ ca₂ rē₃ 'én₂ 'gué₂ 'nia₂. Qui₂ jáng₅ bá₄ jág₁ dsau₅ o₄ quió₃, léi₄ a₂ jmo₅ jniá₂; ²⁶ la₁ tsá₃ 'én₂ 'nia₂, ia₁ tsá₃ lín₅ 'nia₂ 'já₂ 'cha₂ 'quiáng₃. ²⁷ Ne₅₄ bá₄ 'já₂ 'cha₂ 'quiáng₃ jág₁ quió₃; i₂ cui₅ bá₄ 'éi₂ jniá₂, jaun₂ ja₂ 'ein₂₃ chi₁ co₅₄ quió₃. ²⁸ Cué₅ jniá₂ jme₂ dsí₂ a₂ le₃ chain₂ co₂ tan₅₄, jaun₂ lia₂ 'o₁ líg₂ 'jmí₄ tsá₃ dsí_{áin}, on₃ gué₄ lia₂ 'i₁ jan₂ tsá₃ lé₂ le₃ jniá₂ 'éi₂ o₄ gu₃ jniá₂. ²⁹ Ne₃ 'jniá₂, i₂ ma₂ cuag₃ 'éi₂, lín₅ i₂ juín₂ 'gué₄ lia₂ con₂ 'gué₄ ca₂ le₃ jín₃; jaun₂ lia₂ 'i₁ jan₂ tsá₃ lé₂ jnióg₂ 'o₄ gú₃ Ne₃. ³⁰ Jniá₂ quian₅₄ Ne₃, ca₂ ne₅₄ bá₄ lág₅ jniá₅₄.

³¹ Jaun₂ ně₃ ca₂ 'ñja₃ 'táng₃ dsa₂ judíos ni₁ cang₁ a₂ qui₃ quió₅. ³² Jaun₂ ca₂ juá₂ Jesús:

—'Lióng₂ lín₃ léi₄ dse₃ ma₂ 'ě₃ jniá₂ 'nia₂ 'tē₂ le₃ quian₅₄ juí₅ bí₂ quió₅ Ne₃; ¿o₄ quió₄ 'e₂ caun₂ a₂ ma₂ jmo₃ jniá₂ jaun₂, a₂ qui₁ jnau₅₄ 'nia₂ jniá₂ ni₁ cang₁?

³³ Jaun₂ ca₂ 'ñag₃ dsa₂ judíos:

—Tsá₃ o₄ quió₄ léi₄ dse₃ qui₁ jna₅₄ jniá₅₄ 'ne₂ ni₁ cang₁; a₂ jaun₂ bá₄ ia₁ a₂ 'íng₅ 'lig₅₄ Diú₄, a₂ jmo₂ 'ne₂ a₂ líng₅ Diú₄, ton₂ 'jan₂ dsa₂ mi₂ güí₃ bá₄ líng₅.

³⁴ Jaun₂ ně₃ ca₂ juá₂ Jesús tsí₅ dsa₂ judíos:

—¿Tsa₁ chi₁ ton₅ ne₄ Si₂ 'Éi₂ quián₂ 'nia₂: “A₂ ma₂ juá₃ jniá₂, a₂ lín₅ 'nia₂ diú₄”? † ³⁵ Chi₂ jua₂ ca₂ 'tē₃ “diú₄” dsa₂ i₂ ca₂ 'ñi₂ jág₁ quió₅ Diú₄, (jaun₂ tsá₃ lé₂ jua₅₄ tsá₃ le₃ ti₃ Si₂); ³⁶ 'ē₂ gué₄ bá₄ 'éi₂ i₂ ca₂ jmo₃ Diú₄ rē₂ tson₄, i₂ ca₂ chein₃ mi₂ güí₃. ¿'Nia₂ juí₂ 'íng₅ 'lig₅₄ Diú₄ ia₁ jniá₂ ně₂ juá₃ a₂ líng₅ Ja₁ 'ñi₅₄ Diú₄? ³⁷ Chi₂ jua₂ tsá₃ jmo₅ jniá₂ ta₁ quió₅ Ne₃, tsá₃ juí₁ le₂ 'én₂ 'nia₂ le₃ quió₃ jniá₂. ³⁸ La₁ chi₂ jua₂ jmo₅ gué₂ jniá₂, juí₁ a₂ gué₃ la₂ tsá₃ 'én₂ 'nia₂ 'tē₂ le₃ quió₃ jniá₂, juí₁ le₂ 'én₂ bá₄ 'nia₂ 'tē₂ le₃ quió₅ ta₁ a₂ jmo₅ jniá₂, ia₁ jaun₂ le₃ 'ñi₅₄ bá₄, ia₁ jaun₂ le₃ 'ñi₂ 'au₂ 'nia₂, Š a₂ 'en₅₄ Ne₃ ja₁ cong₂, le₂ jaun₂ gué₂ 'táng₃, a₂ 'en₅₄ jniá₂ ja₁ con₂ Ne₃.

³⁹ Jaun₂ jme₁ 'nio₃ 'táng₃ dsa₂ jme₁ tsáun₂, la₁ ca₂ lóin₂ bá₄ o₄ gú₃ 'éi₂.

⁴⁰ Jaun₂ ně₃, 'ñó₃ 'táng₃ Jesús tē₂ le₃ quióng₄ Cuá₃ Jordán, jaun₂ ca₂ 'ñia₃ ja₁ jaun₂ ja₁ jme₁ 'en₅₄ Juan₅₄ le₂ 'ñia₅ choin₂₃ jmí₂ dsa₂. * ⁴¹ Juín₅ lín₃ dsa₂ ca₂ i₁ len₅₄ i₁ jag₅₄, qui₂ ca₂ juá₂:

—Tē₃ dsón₂ bá₄, o₁ 'ñia₅₄ tsá₃ 'e₂ léi₄ jué₂ ca₂ jmo₃ Juan₅₄, la₁ ca₂ le₃ 'ě₃ 'e₂ a₂ ca₂ juá₂ a₂ 'ín₂₃ dsa₂ ně₅, dsau₅ bá₄.

† 10:17 'Nio₂ ja₁ ton₅ Juan 19:30. † 10:34 Salmo 82:6. Š 10:38 A₂ lín₅₄ chog₅₄ si₂ juá₂: “ia₁ jaun₂ le₃ 'én₂ 'nia₂.”

* 10:40 lit. “tíáin₂ dsa₂ jmí₂”

⁴² Ja₁jaun₂ ca₂rë₃'én₂ juin₅ dsa₂ le₃quió'₅ Jesús.

11

Ca₂jon₃ Lázaró

¹ Jme₁chan₂ jan₂ dsa₂ dso'₅₄ i₂jme₁chen₂ Lázaró, i₂jme₁chan₂ juig₂ Betania, juig₂ ja₁guá₄ María quian'₅₄ 'io₅₄ riin'₅₄ i₂chen₂ Marta.

² María në₃ në₃ i₂rin'₅₄ Si₁Lia₁ dsa₂ dso'₅₄, 'éi₂ bá₄ i₂ca₂'ág₂ no'₅₄ mi₂juig₂ mi₂tag₄ Te₁gui'₅₄ jaun₂ ca₂chí₃, ca₂jme₃quén₃ quian'₅₄ jñi₂ dsi₅₄.

³ Jaun₂ në₃, ca₂chen₃ le₃on₃ 'io₅₄ jág₁ ne₄ Jesús:

—Te₁gui'₅₄, a₂ron₅ dso'₅₄ dsa₂ i₂'nio₄ quiáng'₂.

⁴ Jaun₂ jme₁ca₂nág₂ Jesús, ca₂juá'₂:

—On₃jua'₅₄ dso₄ a₂jio₅ jui₅ 'mú₃ jaun₂; të₂le₃ ia₁jaun₂ le₃juin'₂ Diú₄ bá₄, le₂jaun₂ guë'₂ Ja₁ñi'₅₄ Diú₄ ján₃ le₃juin'₂ të₂le₃ quian'₅₄ dso₄ jaun₂.

⁵ Jesús në₃, jme₁'nio₃ 'ñio₅ lin₃ Marta quian'₅₄ 'io₅₄ riin'₅₄, quian'₅₄ Si₁Lia₁. ⁶ Jaun₂ lë₃, jme₁ca₂juá'₂ dsa₂ a₂dso'₅₄ Si₁Lia₁, ca₂jñia₃ guë'₄ tin₃ jmig₄ ja₁jme₁'ein₅₄ jaun₂. ⁷ Cang₂ jaun₂, ca₂juá'₂ ca₂tsí'₃ chi'₂ dsi₂guia₃-tín₂ quián₅:

—Ma₃dsau₅₄ táng₃ jui₅ Judea.

⁸ Jaun₂ në₃ ca₂juá'₂ chi'₂ dsi₂guia₃-tín₂:

—Të₅, i₁jáun₃ në₅ cón'₅ jme₁'nio₃ dsa₂ judíos jme₁qui₃jnáu'₂ cang₄; ¿con'₂ guë'₂ lia'₂ 'niog'₂ gog'₅₄ táng₃ ja₁jaun₂?

⁹ Jaun₂ ca₂ñag₃ Jesús:

—¿On₁ dsón'₂ quian₅ guia₃-tín₂ horas caun₂ jmig₄? Në₁jua'₂ i₂'nio₄ dsa₂ a₂jmi₂, tsá₃ qui₂nió₅, ia₁ jág₅ si₂ a₂tág₅ ja₁con₂ dsa₂ mi₂güig₃; ¹⁰ la₁ në₁jua'₂ i₂'nio₄ dsa₂ jë₄ qui₁né'₃ qui₂nió₅ ia₁ tsá₃ si₂ cha₂ ja₁coin₂.

¹¹ Cang₂ jme₁ma₂në₂juá'₂ le₂në₅, jaun₂ ca₂juá'₂:

—Ma₂ca₂güin₂ bá₄ Si₁Lia₁ a₂mei₅₄ quián₂ jniog₄; la₁ nei₅₄ jniá₂ i₁nei₁₂.

¹² Jaun₂ në₃ ca₂juá'₂ chi'₂ dsi₂guia₃-tín₂:

—Te₁gui'₅₄, chi₂jua'₂ ma₂ca₂güin₂, co₂'nió'₄ jñia₃ bá₄ quió'₅.

¹³ La₁ a₂jaun₂ bá₄ jme₁'nio₃ Jesús juá'₂ a₂jme₁ma₂jon₅ bá₄ 'éi₂; la₁ jaun₂ bá₄ lín₂ chi'₂ dsi₂guia₃-tín₂ a₂'ë₅ Jesús jui₁lia'₂ a₂güin₂ dsa₂ jë₁ma₂ca₂nei₂.

¹⁴ Jaun₂ në₃ ca₂juá'₂ Jesús lia'₂ rë₂jíá₃ jág₁:

—Ma₂ca₂jon₃ bá₄ Si₁Lia₁. ¹⁵ Jéin₅ jniá₂ 'io'₂ o₄quián'₂ 'nia'₂, a₂tsá₃ jme₁'eng₅₄ ja₁jaun₂, ia₁jaun₂ le₃'én'₂ 'nia'₂. La₁ ma₃dsau₅₄ ma₃dsi₁jñin₅₄.

¹⁶ Jaun₂ në₃ ca₂juá'₂ To₁má₄ i₂të'₂ dsa₂ Dsa₂ Tsin'₅₄, ca₂tsí'₃ chi'₂ dsi₂guia₃-tín₂ riin'₅₄:

—Ján₃ guë'₂ dsau₅₄ jniog₄, ia₁jaun₂ dsióg₃ co₂lë₅ quian'₅₄ i₂në₅.

Jesús bá₄ i₂jmo₅ a₂jen'₅₄ dsa₂, i₂cuë₅ jme₂dsí₂ a₂le₃chan₂ dsa₂

¹⁷ Jme₁ma₂të₂ quén₂ jmig₄ 'en₅₄ Si₁Lia₁ tau₂ 'ñio₅, jme₁dsióg₃.

¹⁸ Juig₂ Betania jaun₂, jme₁niog₅ cau₅ ma₂quián₅ Jerusalén con'₂ tin₃ kilómetros të₂ ca₂jau₅₄.

¹⁹ Jaun₂ ca₂i₁len₅₄ juin₅ dsa₂ judíos ca₂i₁jñin₁₂ Marta quian'₅₄ María riin'₅₄, ca₂i₁jmo₅₄ lián'₂ dsí₅ 'éi₂, ia₁ ca₂jon₃ Si₁Lia₁ riin'₅₄.

²⁰ Jaun₂ Marta në₃, jme₂ca₂rë₃ñi₅ a₂ma₂já₅ Jesús, jaun₂ ca₂o₃'íin₃ ca₂i₁jme₁jein'₂. La₁ María në₃ ca₂jñia₃ bá₄ dsi₂néi₂.

²¹ Jaun₂ ca₂juá'₂ Marta ca₂tsí'₃ Jesús:

—Te₁gui'₅₄, jua'₅₄ mei'₂ bá₄ jme₁'eng'₅₄ ja₁lá₃, tsá₃ jme₁jón₂ dsó₂ ríng'₃. ²² La₁ia₁ guion₄ jniá₂, o₁jñia'₅₄ con'₂ lë₅ la₂, chi₂jua'₂ 'e₂ a₂mi'₂ 'ne₂ ja₁con₂ Diú₄, cuë₃ bá₄ 'éi₂.

²³ Jaun₂ ca₂juá'₂ Jesús:

—Le₃chan₂ bá₄ táng₃ ríng'₂.

²⁴ Jaun₂ ca₂juá'₂ Marta:

—Guion₄ bá₄ jniá₂ a₂le₃chain₂ táng₃ jë₁ma₂tě₂ rë₁jein'₅₄ jin₄ 'lag₄, jmig₄ jë₁ca₂tó'₂.

²⁵ Jaun₂ ně₃ ca₂juá'₂ Jesús:

—Jniá₂ bá₄ líng₅ i₂jmo₅ a₂jen'₅₄ dsa₂, i₂cuě₅ jme₂dsí₂ a₂le₃chan₂ dsa₂ ně₃. Jui₁lia'₂ i₂én₂ tē₂le₃ quió₃ jniá₂, o₁jnia'₅₄ ma₂join₂₃, le₃chain₂ bá₄; ²⁶ jaun₂ chi₂jua'₂ 'ein₂ i₂chan₂ guě₄, ně₁jua'₂ ca₂rě₃ 'éin₂ tē₂le₃ quió₃ jniá₂, lia'₂ o₁líg'₂ jmig₄ tsá₃ jóin₂. ¿'Éng'₂ jág₁ ně₅?

²⁷ Jaun₂ ca₂juá'₂ Marta:

—Ján₅, Te₁gui'₅₄. Ma₂ca₂rě₃ 'én₂ bá₄ jniá₂ a₂lín'₅ 'ne₂ Ja₁ñi'₅₄ Diú₄ I₂rě₂ 'ín₁ quiáin₅, i₂lě₅ jág₁ jiá₃ mi₂güí₃.

Ca₂'o₃ Jesús cau₅ tau₂ 'ñio₅ quió'₅ Si₁Lia₁

²⁸ Jme₁ca₂lě₃ juá'₂ Marta jág₁ ně₅, ñái'₃ i₁te'₂ María riin'₅₄; jaun₂ ca₂juá'₂ jág₁ con'₂ tē₃co'₅₄:

—La₂ ma₂'en₅₄ tē₅, jaun₂ 'ne₂ tē'₂.

²⁹ Dsi₂jui₅ jme₁ca₂nág₂ María jág₁ ně₅, ca₂nau₂, jaun₂ ñó₃ i₁jin₂₃ Jesús.

³⁰ Tsá₃ jme₁ma₂dsióg₃ guě₄ Jesús tē₃jě₄ juig₂; jaun₂ bá₄ jme₁'ein₅₄ ja₁ca₂jein'₂ Marta.

³¹ Dsa₂ judíos i₂tion'₅₄ dsi₂néi₂ i₂cuě₅ lián'₂ dsi₅ ně₃, jme₁ca₂jág₃ ca₂nau₂ María ca₂o₃ 'íin₃ co₂chi'₅₄, ca₂i₃lén₂ chi₁co'₅₄ quió'₅, ia₁ a₂lín₂ ñó₅ 'éi₂ tau₂ 'ñio₅ a₂i₂'áu₂ ja₁jaun₂.

³² Jaun₂ ně₃, jme₁ca₂dsióg₃ María ja₁jme₁'en₅₄ Jesús, ca₂chi₃jnë₃ ne₄ 'éi₂,* jaun₂ ca₂juá'₂:

—Te₁gui'₅₄, jua'₅₄ mei'₂ bá₄ jme₁'eng'₅₄ ja₁lá₃, tsá₃ jme₁jón₂ dsó₂ ríng'₃.

³³ Jme₁ca₂jág₃ Jesús 'a₂ lia'₂ jme₁'o₅ María, 'a₂ lia'₂ jme₁tion'₅₄ guě'₂ dsa₂ judíos 'o₂₃ ně₃, i₂ja₂lén₂ quiaín₅₄, jaun₂ ca₂'ñia₃ i₃mé'₂ dsi₅, ca₂'í₃ qui'₂ dsi₅ ně₃. ³⁴ Jaun₂ ca₂ñag₃:

—¿A₂já'₄ ca₂i₁'óin'₄ 'nia'₂?

Jaun₂ ca₂juá'₂ dsa₂:

—Te₁gui'₅₄, ñia₅ i₂jag₄.

³⁵ Jaun₂ ca₂'o₃ Jesús.

³⁶ Jaun₂ ně₃ ca₂juá'₂ dsa₂ judíos:

—Jag₄ de'₂ 'a₂ lia'₂ jme₁'nioi₃ 'éi₂.

³⁷ La₁ ca₂juá'₂ i₂lín₅₄:

—¿Tsa₁ cha₂ lě₂ le₃jme₁jmo₃ i₂ně₅ i₂ca₂jme₃'lión₂ dsa₂ ten₄ 'éi₂, ia₁jaun₂ tsá₃ jme₁jón₂ guě'₂ dsó₂ rin'₅₄ 'io₅₄ ně₅?

Ca₂jen'₅₄ Si₁Lia₁

³⁸ Con'₂ siá'₂ táng₃ ca₂'ñia₃ Jesús a₂i₃mé'₂ dsi₅ lia'₂ con'₂ ca₂dsióg₃ ja₁dsi₅₄ tau₂ 'ñio₅. Caun₂ tsi₁tē₂'lau₂ bá₄ jme₁lě₄ a₂jaun₂, jme₁chí'₄ ca₂míg₂ ni₁cang₁ a₂rě₂jlě₅ o₄'né₄.

³⁹ Jaun₂ ca₂juá'₂ Jesús:

—Jñiá'₃ ni₁cang₁ ně₅.

Jaun₂ ca₂juá'₂ Marta rin'₅₄ 'lag₄ ca₂tsí'₃ Jesús:

—Te₁gui'₅₄, mei'₂ tsá₃ ma₂ja₂ ma₂'lig'₅₄ quió'₅, ia₁ ma₂tě₂ quén₂ jmig₄ ca₂join₃.

⁴⁰ La₁ ca₂juá'₂ Jesús:

—¿Tsa₁ ně₂juá'₃ jniá₂, ně₁jua'₂ 'éng'₂, jag'₅₄ jui₅bí₂ jlá'₁ quió'₅ Diú₄?

⁴¹ Jaun₂ ně₃ ca₂jñiá'₂ dsa₂ ni₁cang₁. Jaun₂ ca₂chóg'₃ Jesús ne₅₄, ca₂juá'₂:

—Tia₅₄, cuě₅ jniá₂ ti₁'mag'₄ 'ne₂ ia₁ ma₂nei'₂ bá₄ jág₁ quió₃. ⁴² A₂guion₄ bá₄ jniá₂, a₂nag'₂ co₂tan₅₄. La₁ ně₂juá'₃ le₂ně₅ o₄quió'₄ dsa₂ i₂tion'₅₄ ja₁lá₃, ia₁jaun₂ le₃'éin₂ a₂ca₂chei'₂ jniá₂.

⁴³ Jme₁ca₂lě₃ juá'₂ le₂ně₅, ca₂juá'₂ tiá₂:

—¡Lázaro! ¡Jú₅ ja₁ně₅!

⁴⁴ Jaun₂ o₂'ín₃ 'lag₄ ja₁jaun₂ qui₂rě₂quein₅ gu₂-tag₅₄ quian'₅₄ 'nau₅₄ tsín'₅ tsi₁'mi'₂ jang₄. Dsi₂ne₅₄ ně₃ jme₁chi₁quein₅ quian'₅₄ tsi₁'mi'₂ tióg₃. Jaun₂ ca₂juá'₂ Jesús ca₂tsí'₃ dsa₂:

* **11:32** lit. “ca₂tóin₂ 'uě₃ cau₅ mi₂tag₄ 'éi₂.” 'Nio'₂ ja₁ton₅ Apocalipsis 4:10.

—Chi' ⁵⁴ quió' ⁵, cuë ⁴ jmig ⁴ jui' dsiain' ⁵⁴.

Ca₂jmo₃ dsa₂ caun₂ jág₁ a₂tsáin' ² Jesús
(Mateo 26:1-5; Marcos 14:1-2; Lucas 22:1-2)

⁴⁵ Jaun₂ ně₃, juin₅ dsa₂ judíos 'éi₂, i₂ca₂i₁len₅₄ quiaín' ⁵⁴ María, i₂qui₂ca₂tě₂ ne₄ 'e₂ a₂ca₂jmo₃ Jesús jaun₂, ca₂rě₃'éin₂ tě₂le₃ quió' ⁵ 'éi₂.

⁴⁶ La₁ i₂lin₅₄ guë' ² ně₃ ca₂i₁lein₅₄ ja₁con₂ dsa₂ fariseos, ca₂i₁jua' ⁴ 'e₂ a₂ca₂jmo₃ Jesús.

⁴⁷ Jaun₂ ně₃, ca₂ñi' ² dsa₂ fariseos quiaín' ⁵⁴ juig₅₄ jme₂dsa₂, quiaín' ⁵⁴ dsi₂tan₅₄ quián₅ guá' ⁵, jaun₂ ca₂juá' ²:

—¿'E₂ bá₄ jmó₁ jniog₄? Ia₁ ně₅ bá₄ ñi₅ dsa₂ 'éi₂ jmo₂₃ 'lióng₂ léi₄ juë' ². ⁴⁸ Chi₂jua' ² caun₂ cuë₂ jniog₄ jmig₄ jmo₃ lia' ² ma₂jmo₂₃ ně₅, le₃'én₂ bá₄ ca₂le₃jín₃ dsa₂ tě₂le₃ quió' ⁵; jaun₂ qui₂ja₃lén₂ dsa₂ romanos qui₃'éin₂ ja₁jñi₅ quián₂ jniog₄ la₂, lia' ² jma₃quian' ⁵⁴ juig₂ nación quián₂ ně₃.

⁴⁹ La₁ jan₂ dsa₂ 'éi₂, i₂chen₂ Caifás, i₂jme₁lín₄ jme₂dsa₂ dsen₅₄ ñi₂ jaun₂, ca₂juá' ²:

—Tsá₃ 'e₂ cuin' ² 'nia' ² 'i₁caun₂, ⁵⁰ on₃ guë' ² len' ⁵⁴ 'nia' ², a₂jmo₅ bá₄ quián₂ jniog₄, † a₂jón₂ jan₂ dsa₂ o₄quió' ⁴ ca₂le₃jín₃, ia₁jaun₂ tsá₃ dsi₃'én₂ ta₁caun₂ juig₂.

⁵¹ La₁ on₃jua' ⁵⁴ con' ² tin₂ 'ñiog₅ Caifás ca₂juá' ² le₂ně₅; a₂jaun₂ bá₄ ca₂juá' ² le₂ně₅ ia₁ a₂jme₁lín₄ jme₂dsa₂ dsen₅₄ ñi₂ jaun₂: ca₂'ě₂ jág₁ o₄quió' ⁴ Diú₄, a₂'i₄ 'éi' ³ jón₂ Jesús o₄quió' ⁴ dsa₂ juig₂ judíos.

⁵² La₁ on₃jua' ⁵⁴ rě' ² jmá' ³ o₄quió' ⁴ dsa₂ juig₂ judíos, ján₃ bá₄ ia₁jaun₂ chi₃loin' ³ jmói' ² ca₂ne₅₄ ca₂le₃jín₃ chi' ²-guein₂ quián₅ Diú₄ i₂qui₂i₂nio₄ tsi₁rě₂jan₅₄ ně₃.

⁵³ Jaun₂ ně₃, ca₂le₃ jmig₄ jaun₂, ca₂jmo₃ jág₁ dsi₂tan₅₄ quián₅ dsa₂ judíos a₂jñi' ³ Jesús.

⁵⁴ 'Uig₅₄ jaun₂ tsá₃ ma₃jme₁ñi₅ Jesús dsi₁ne₁ jin₄ dsa₂ judíos, tě₂le₃ ca₂o₃'ín₃ bá₄ ja₁jaun₂. Jaun₂ ñó₃ caun₂ 'uë₃ ma₂quián₅ ja₁lě₄ 'uë₃ quein₂ co₂'ñiog₅, caun₂ juig₂ a₂chei₂ Efraín. Ja₁jaun₂ ca₂jñia₃ quiaín' ⁵⁴ chi' ² dsi₂guia₃-tín₂.

⁵⁵ Jme₁ma₂ja₂quián₃ Jmig₄ Tě₂'in₅₄ quió' ⁵ dsa₂ judíos. Jaun₂ juin₅ bá₄ dsa₂ ca₂'u_{in}₂ juig₂ gu' ², qui₂ca₂uig₂ jui₅ Jerusalén né' ³ a₂tě₅₄ Jmig₄ Tě₂'in₅₄, ia₁jaun₂ qui₃jmo₃ le₁jín₃.

⁵⁶ Jaun₂ jme₁i₂nio₄ dsa₂ 'nai' ² Jesús, jaun₂ qui₂ñi' ² rñin' ⁵⁴ tióin₂ i₁dsi₅ guá' ⁵ templo:

—¿'A₂ lia' ² lín' ² 'nia' ²? ¿Jiá₃ jmig₄, o₃ bá₄ tsá₃ jiá₃ 'e' ²?

⁵⁷ Jme₁ma₂ca₂cuë₃ 'éi' ³ dsa₂ fariseos quiaín' ⁵⁴ juig₅₄ jme₂dsa₂ ně₃, jme₁ma₂juá' ², ně₁jua' ² 'ein₂ ca₂rě₃ñi₅ a₂já' ⁴ 'en₅₄ Jesús, jui₁jmo₁₂ jág₁ ia₁jaun₂ cuin₃ jmig₄ tsáun' ².

12

Jan₂ 'io₅₄ ca₂tsáin₂ no' ⁵⁴ mi₂juig₂ Jesús
(Mateo 26:6-13; Marcos 14:3-9)

¹ Jñéi₂ jmig₄ né' ³ a₂tě₅₄ Jmig₄ Tě₂'in₅₄, ñó₃ Jesús jui₅ Betania ja₁jme₁chan₂ Lázaro, dsa₂ i₂ca₂jme₃jen' ⁵⁴ Jesús jme₁rě₂'lín₄ 'éi₂.

² Ja₁jaun₂ ca₂jmo₃ dsa₂ caun₂ má₃ o₄quió' ⁴ Jesús, a₂jme₂juag' ². Ca₂tia' ³ Marta má₃; Si₁Lia₁ guë' ² jme₁lín₄ jan₂ dsa₂ i₂tián' ⁵ ne₄ mesa guë' ⁵ co₂lě₅ quiaín' ⁵⁴ Jesús.

³ Jaun₂ ně₃ ca₂can₃ María con' ² mei' ² tsá₃ ca₂'nau₅₄ litro no' ⁵⁴ mi₂juig₂ nardo, a₂quen₅ 'mu' ⁵⁴ 'ñio₅ lín₃, jaun₂ ca₂tsáng₂ mi₂tag₄ Jesús, jaun₂ ca₂chí₃ quian' ⁵⁴ jñi₂ dsi₅₄. Ta₁caun₂ dsi₂néi₂ qui₂ca₂can' ² dsió' ¹ mi₂juig₂.

⁴ Jaun₂ ně₃, ca₂juá' ² Judas Iscariote, * i₂jme₁lín₄ jan₂ dsa₂ guia₃-tín₂ quián₅ Jesús, i₂'éi₂ dé₄ i₂jáng' ² quió' ⁵ Jesús, ca₂juá' ²:

⁵ —¿'E₂ 'uig₅₄ tsá₃ ca₂i₃'nag₄ co₂ñei' ⁵⁴ no' ⁵⁴ mi₂juig₂ ně₅ quian' ⁵⁴ 'ni₅ 'ñiá₂-láu₂ 'éi' ³ cu₄ denario, a₂jme₁jme₁'on₁ dsa₂ te₂ñé₂?

† 11:50 A₂lin₅₄ chog₅₄ si₂juá' ²: “a₂jmo₅ bá₄ quián' ² 'nia' ².”

* 12:4 A₂lin₅₄ chog₅₄ si₂juá' ² bá₄ ján₃: “ja₁ñi' ⁵⁴ Si₂mu₅₄.”

⁶ La₁ on₃jua'₅₄ jaun₂ ca₂juá'₂ Judas le₂ně₅ jua'₅₄ a₂dsón'₂ dsan₂ dsí₅ ja₁con₂ dsa₂ te₂ņé₂; a₂jaun₂ bá₄ ca₂juá'₂ le₂ně₅ ia₁ a₂jme₁lín₄ jan₂ dsa₂ 'ang₂ bá₄, ton'₂ jme₁niog₅ gu₂ tsi₁tě₂lau₂ ja₁jme₁tó'₅ cu₄, jaun₂ jme₁cán₂ a₂jme₁tio'₅₄ 'ņió'₃.

⁷ Jaun₂ ně₃ ca₂juá'₂ Jesús ca₂tsí'₃ Judas:

—Tsá₃ lē₁lein'₅₄; ta₁ jaun₂ bá₄ ca₂'ma₃ a₂ně₅, jaun₂ ma₂lē₅ co₂jñia₅₄ jmig₄ jē₁ma₂tě₂ rē₁'on₃ jniá₂. ⁸ Ca₂le₃jě₃ jmig₄ bá₄ i₂nio₄ dsa₂ te₂ņé₂ jin'₄ 'nia'₂, la₁ jniá₂ ně₃ tsá₃ ma₃uě₂ 'en₅₄ jniá₂ quian'₅₄ 'nia'₂.

Ca₂jmo₃ dsa₂ caun₂ jág₁ a₂jñi'₃ Lázaro

⁹ Jaun₂ ně₃, ca₂rě₃ņi₅ juin₅ dsa₂ judíos a₂'en₅₄ Jesús jē₄ juig₂ Betania, jaun₂ i₁lein₅₄ ja₁jaun₂, on₃jua'₅₄ jmá'₃ ca₂ne₅₄ a₂i₁jin₁₂ Jesús, ján₃ bá₄ ca₂i₁jin₁₂ Si₁Lia₁ i₂ca₂jme₃jen'₅₄ Jesús jme₁rě₂'lín₅₄.

¹⁰ Jaun₂ ně₃, ca₂jmo₃ juig₅₄ jme₂dsa₂ caun₂ jág₁ a₂jñi'₃ Si₁Lia₁ ján₃, ¹¹ ia₁ o₄quió'₄ 'éi₂ bá₄ juin₅ dsa₂ ma₂i₂uín₂ ja₁con₂ dsa₂ judíos, a₂rě₂'éin₂ tē₂le₃ quió'₅ Jesús.

Ca₂dsióg₃ Jesús Jerusalén

(Mateo 21:1-11; Marcos 11:1-11; Lucas 19:28-40)

¹² Jme₁jñia₃ jaun₂, ca₂dsi₃lén₂ juin₅ lín₃ dsa₂ Jerusalén, ja₁niog₃ jmig₄. Jaun₂ jme₁ca₂rě₃ņi₅ a₂dsióg₄ Jesús jē₄ juig₄ Jerusalén, ¹³ ca₂can₃ mog'₅₄ 'ma₂tsín₅, jaun₂ ca₂'uín₂ ca₂i₁jñia₅₄ Jesús, jaun₂ qui₂ca₂juá'₂ tiá₂:

—jui₁le₂juin'₂ bá₄ i₂ně₅!† jui₁le₂jñió₃ i₂já₅ o₄quió'₄ Te₁gui'₅₄!‡ jui₁le₂jñió₃ Rag₅₄ quián₅ Israel!

¹⁴ Ca₂dsán'₂ Jesús jan₂ i₂bú'₄ 'mí₂, jaun₂ ca₂co₃dsi_{in}₅₄ já'₂, jui₁lia'₂ chi₁ton₅ ne₄ Si₂:

¹⁵ Tsá₃ lē₁jmo₂ gang'₃,

'nia'₂ dsa₂ chan₂ ciudad Sión:

jag₄, já₅ Rag₅₄ quiáng'₂,

co₂dsi_{in}₅₄ jan₂ bú'₄.§

¹⁶ Tsá₃ a₂jaun₂ ca₂rě₃ņi'₂ dsí₅ chi'₂ dsí₂guia₃-tín₂ le₂'uig₅₄; la₁ia₁ cang₂ jaun₂, jme₁ma₂ca₂lē₃ rē₂juin'₂ Jesús, jaun₂ bá₄ ca₂dsáu'₃ dsí₅ guioin₅₄ jág₁ ně₅ a₂tio'₅₄ ne₄ Si₂ a₂'iín₂₃ 'éi₂. Ca₂dsáu'₃ dsí₅ ján₃, dsau₅ bá₄ le₂jaun₂ ca₂jmo₃ dsa₂ juig₂ ja₁con₂ Jesús.

¹⁷ Qui₂ca₂jáng'₃ jág₁ dsau₅ dsa₂ juin₅ i₂jme₁quian'₅₄ Jesús lia'₂ con'₂ jme₁ca₂tě'₃ Si₁Lia₁ né₃ tau₂ 'ņio₅, jme₁ca₂jme₃jein'₅₄ 'éi₂ jme₁rě₂'lín₅₄. ¹⁸ 'Uig₅₄ jaun₂ bá₄ ca₂'uín₂ dsa₂ juin₅, a₂ca₂i₁jñia₁₂ Jesús, ia₁ ca₂rě₃ņi₅ a₂ca₂jmo₃ 'éi₂ léi₄ juē'₂ jaun₂.

¹⁹ Jaun₂ ně₃ ca₂juá'₂ dsa₂ fariseos qui₂ca₂tsí'₃ riin'₅₄:

—Ně₅ bá₄ jág'₂ 'nia'₂, tsá₃ 'e₂ qui'₅₄ 'nia'₂ jmig₄ jmó'₂ 'i₁caun₂. Jag₄ de'₂ 'nia'₂, ma₂i₂lén₂ ta₁caun₂ mi₂güig₃ le₃quió'₅ i₂ně₅.

I₂lín₅₄ dsa₂ griegos 'nai'₂ Jesús

²⁰ Jin₄ dsa₂ i₂i₁lén₅₄ Jerusalén i₂jme₂juin'₂ Diú₄ ja₁niog₅ jmig₄, jme₁tion'₅₄ i₂lín₅₄ dsa₂ griegos. ²¹ Dsa₂ 'éi₂ ně₃, ca₂jme₃quiáin₃ ja₁con₂ Felipe i₂chan₂ juig₂ Betsaida, ja₁niog₅ 'uě₃ Galilea, jaun₂ ca₂mi₃ ne₄ 'éi₂, ca₂juá'₂:

—Gui'₅₄, 'niog₂ jnia'₅₄ né₄ Jesús.

²² Jaun₂ ŋe₄ Fe₂li₄ ca₂i₁chi'₄ Drě₄; jaun₂ le₂oin₃ ca₂i₁dsia₂ a₂ca₂i₁chi'₄ Jesús. ²³ Jaun₂ ně₃ ca₂ņag₃ Jesús:

—Ma₂ca₂tě₂ hora a₂le₃juin'₂ Jaun₅ dsa₂ mi₂güig₃. ²⁴ A₂dsi₂jó'₃ juig₂ jniá₂ 'nia'₂, ně₁jua'₂ tsá₃ tiá'₃ né₃ 'uě₃ jui₁lia'₂ ca₂míg₂ mi₂cuig₂, * a₂dsi₃'én₂ ně₃, a₂lē₁tě₂ron₅₄ 'ņiog₅; la₁ia₁ ně₁jua'₂ ca₂jon₃ ně₃, 'lióng₂ rau₂. ²⁵ Jui₁lia'₂ i₂ņi₄ lē₃ 'nio₃ jme₂dsí₂ a₂chain₂, dsí₂'én₂ bá₄ jme₂dsí₂

† 12:13 lit. “Hosana”, co₂'nió'₄ le₃jua'₅₄: “jLio₄ jmig₄ ně₃!” A₂jme₁juá'₂ dsa₂ le₂ně₅ tsí'₅ Diú₄, qui₂mi₂₃ a₂jiá₃ dsa₂ I₂rě₂'ín₁ quiáin₅. ‡ 12:13 Salmo 118:25-26. § 12:15 Zacarías 9:9. * 12:24 lit. “trigo.”

jaun₂; la₁ia₁jui₁lia'₂i₂tén'₂dsí₅jme₂dsí₂quió'₅a₂chain₂mi₂güig₃la₂, a₂lé₂quió'₅bá₄co₂tan₅₄.
²⁶ Jui₁lia'₂i₂jme₂ti₃ta₁ne₃jniá₂, 'nió'₅jiá₃chi₁co'₅₄quió₃jniá₂, jaun₂jui₁lia'₂ja₁'en₅₄jniá₂,
 ján₃bá₄ja₁jaun₂'en₅₄guë'₂i₂jme₂ti₃ta₁ne₃. Jaun₂jui₁lia'₂i₂jme₂ti₃ta₁ne₃, guéi'₂bá₄Ñe'₃
 rë₂.

Ca₂'ë₂Jesús jág₁ a₂jóin₂

²⁷ "Ñio₅lin₃quian₄jniá₂o₂i₁dsi₅. ¿'E₂bá₄juá'₄jniá₂? ¿Juá'₄'e₂: "Tia₅₄, lio₄jniá₂'e₂nio₅
 a₂qui₂dsi₃ñí₂jniá₂hora la₂?" La₁on₃jua'₅₄le₂jaun₂, ia₁ta₁jaun₂guio₃guë'₂jniá₂hora la₂.

²⁸ Tia₅₄jme₁jnia₅'a₂lia'₂jláng'₁.

Jaun₂ně₃ca₂né'₂caun₂jág₁guei'₅₄mi₂güig₃a₂ca₂juá'₂:

—Ma₂ca₂jme₁jnia₅bá₄jniá₂, jaun₂con'₂siá'₂jme₁jnia₅táng₃.

²⁹ Jme₁ca₂nág₂dsa₂juin₅i₂jme₁tió₂cau₅jaun₂, ca₂juá'₂:

—Ñí'₃bá₄ně₂quía'₃.

La₁i₂sián'₂guë'₂juá'₂:

—Jan₂ángel bá₄ně₂juá'₂jág₁quió'₅.

³⁰ Jaun₂ně₃ca₂juá'₂Jesús ca₂tsí'₃dsa₂:

—On₃jua'₅₄o₄quió₃jniá₂a₂ca₂né'₂jág₁ně₅; o₄quían'₂'nia'₂bá₄a₂ca₂né'₂. ³¹ Ně₃guë₄ně₃
 ca₂tě₂jmi₄a₂tě₃dsi₅₄'éi'₃mi₂güig₃la₂; ně₃guë₄dsein₂₃i₂gon₂mi₂güig₃la₂. ³² Jaun₂jniá₂
 ně₃, jě₁ma₂ca₂chó'₂dsa₂guei'₅₄gua'₅₄'uë₃, jme₁quían₄jniá₂ca₂le₃jín₃ja₁cong₂.

³³ Ca₂juá'₂le₂ně₅a₂'ë₂₃'e₂ne₅₄'mú₃dsi₃ñí₂.

³⁴ Jaun₂ca₂ñag₃dsa₂:

—Ma₂néi₂jnia'₅₄a₂'i₅dsa₂ne₄Si₂'Éi'₃a₂juá'₂a₂le₃chan₂I₂rë₂'ín₁quían₅Diú₄co₂tan₅₄.
 ¿'A₂guë'₂lia'₂juá'₂'ne₂tion₅₄chón'₂dsa₂Jaun₅dsa₂mi₂güig₃? ¿'Ein₂'éi₂i₂lín₅Jaun₅dsa₂
 mi₂güig₃?

³⁵ Jaun₂ně₃ca₂juá'₂Jesús:

—Jnia'₅₄lia'₂co₂'na₂bá₄tág₅guë₄si₂jín'₄'nia'₂. La₁i₂nio'₄'nia'₂tě₁lia'₂tág₅si₂, con'₂tsá₃
 ñó₅ně₁jua'₂ca₂tó'₂nei₂. Ia₁jui₁lia'₂dsa₂i₂ñi₅jě₄qui₁né'₃, tsá₃ñi₅'a₂jui₅dsó₃. ³⁶ Jui₁le₂'én'₂
 'nia'₂le₃quió'₅si₂, tě₁lia'₂cha₂si₂jín'₄'nia'₂, ia₁jaun₂lén'₂'nia'₂dsa₂quían₅si₂.

Jme₁ca₂dsan₃juá'₂Jesús le₂ně₅, ñái'₃, jaun₂ca₂'mai₃ja₁con₂dsa₂'éi₂.

'E₂lě₃tsá₃jme₁'én₂dsa₂judíos le₃quió'₅Jesús

³⁷ La₁jui₁'a₂guë₃la₂ca₂jmo₃Jesús'lióng₂léi₄ne₄dsa₂'éi₂, tsá₃ca₂rě₃'én₂bá₄guë₄dsa₂'éi₂
 le₃quió'₅. ³⁸ Le₂ně₅ca₂rě₃ti₃jág₁a₂ca₂'ë₂Isaías o₄quió'₄Diú₄, jme₁ca₂juá'₂:

Te₁gui'₅₄, ¿'ein₂ma₂ca₂rě₃'én₂jág₁a₂'ë₅jniog₄?

¿Ja₁con₂'ein₂ma₂ca₂jme₃jnia₅Te₁gui'₅₄

jui₅bí₂quió'₅?†

³⁹ 'Uig₅₄jaun₂tsá₃lé₂le₃'én₂dsa₂'éi₂, ia₁con'₂siá'₂ca₂juá'₂táng₃Isaías:

⁴⁰ "Ma₂ca₂jmo₃Diú₄a₂tén₂dsa₂'éi₂,

a₂ca₂lě₃cang₄dsi₅₄ně₃,

ia₁jaun₂tsá₃jág₃quian'₅₄mi₂ne₅₄,

on₃guë'₂le₂ñí'₂tě₂le₃tě₂dsí₅,

on₃guë'₂qui₃jéin'₃dsí₅,

ia₁jaun₂jme₁'lioin₁₂jniá₂.”‡

⁴¹ Ca₂juá'₂Isaías le₂ně₅ia₁ca₂jág₃le₂jniá₅jui₅bí₂jlá'₁quió'₅Jesús, jaun₂ca₂dsia₃'iin₂₃'éi₂.

⁴² La₁ia₁tion₅₄bá₄ca₂rě₃'én₂dsa₂, le₂jio₅bá₄i₂lín₅₄dsa₂can'₅₄. La₁tsá₃ca₂jmo₃jág₁,
 ia₁a₂gó'₅gain₃dsa₂fariseos, con'₂tsá₃ñó₅ně₁jua'₂ca₂'uág'₂dsa₂quió'₅, ja₁le₁toin₂₃ne₄si₂
 guá'₅sinagoga.

† 12:38 Isaías 53:1. ‡ 12:40 Isaías 6:10.

⁴³ Ia₁ a₂'nio₃ guě₄ tē₃tsin'₅₄ dse₃ quian'₅₄ dsa₂ mi₂güig₃, lia'₂ con'₂ guě₄ a₂jme₁tē₃tsin'₅₄ dse₃ quian'₅₄ Diú₄.

Jág₁ quió'₅ Jesús bá₄ a₂qui₃dsi₅ 'éi'₃ ja₁con₂ dsa₂ mi₂güig₃

⁴⁴ Ca₂juá'₂ Jesús jág₁ tiá₂:

—Jui₁lia'₂ i₂'én₂ tē₂le₃ quió₃ jniá₂, on₃jua'₅₄ jmá'₃ le₃quió₃ jniá₂ 'éin₂; ján₃ bá₄ 'éin₂ le₃quió'₅ Ne'₃ i₂ca₂chei₃ jniá₂. ⁴⁵ Jui₁lia'₂ i₂jág₂ jniá₂, jín₂ i₂ca₂chei₃ jniá₂. ⁴⁶ Ma₂guan₅ jniá₂ mi₂güig₃ la₂, a₂líng₅ si₂, ia₁jaun₂ i₂'én₂ tē₂le₃ quió₃ jniá₂, tsá₃ tē₃'niá₄ jē₄ qui₁né'₃. ⁴⁷ Jaun₂ chi₂jua'₂ 'éin₂ i₂nag₅ jág₁ quió₃, la₁ tsá₃ guě'₂ tón'₂ jui₅, on₃jua'₅₄ jniá₂ qui₁dsi₅ 'éi'₃ quió'₅ 'éi₂; ia₁ on₃jua'₅₄ ta₁ jaun₂ guio₃ jniá₂ a₂qui₁dsi₅ 'éi'₃ ja₁con₂ dsa₂ mi₂güig₃; tē₂le₃ a₂loin₅₄ bá₄ jniá₂. ⁴⁸ Jui₁lia'₂ i₂tsá₃ jei₅₄ jniá₂, on₃ guě'₂ tón'₂ jui₅ jág₁ quió₃, cha₂ bá₄ caun₂ a₂qui₃dsi₅ 'éi'₃ quió'₅. Jág₁ a₂ma₂qui₂ma₂juá'₃ bá₄ jniá₂, a₂jaun₂ bá₄ qui₃dsi₅ 'éi'₃ quió'₅, jmig₄ jē₁ca₂tó'₂. ⁴⁹ Ia₁ on₃jua'₅₄ o₄quió₃ 'nió₃ ma₂qui₂ma₂juá'₃; Ne'₃ jniá₂ i₂ca₂chei₃ bá₄ ma₂ca₂cuě₃ 'éi'₃ jui₁'e₂ a₂juá'₅ jniá₂ quian'₅₄ 'e₂ a₂jme₂tíng₂ dsa₂. ⁵⁰ Jaun₂ guion₄ jniá₂, a₂jio₅ 'éi'₃ quió'₅ Ne'₃ jui₅ ja₁le₃chan₂ dsa₂ co₂tan₅₄; jaun₂ lē₃, jág₁ a₂juá'₅ jniá₂, juá'₅ lia'₂ con'₂ lē₅ 'éi'₃ ca₂cuě₃ Ne'₃.

13

Ca₂rín'₃ Jesús mi₂tag₄ chi'₂ dsi₂guia₃-tín₂ quiáin₅

¹ Ca₂jui₄ jme₁'nió'₅ guě₄ a₂tē₅₄ Jmí₄ Tē₂'in₅₄. Jme₁ma₂ni₅ bá₄ Jesús a₂ma₂ca₂tē₂ hora a₂o₃'in₅ mi₂güig₃ la₂ a₂dsáin'₃ táng₃ ja₁con₂ Jmei₂. Lia'₂ co₂tan₅₄ bá₄ ca₂jme₃'nio₃ 'éi₂ dsa₂ quiáin₅ i₂jme₁tion'₅₄ mi₂güig₃; la₁ nē₃ nē₃, ca₂jme₃jniá₂₃ 'a₂ con'₂ ca₂dsióg₃ ca₂rē₃'nioi₃ 'éi₂.*

² Jme₁ma₂lē₅ má₃ tē₂le₃ ca₂nei₂, jaun₂ jme₁ma₂jmo₃ i₂sē₃dsen₃ a₂i₂jio₅ dsí₅ Judas Iscariote, ja₁ni'₅₄ Si₂mu₅₄, a₂jín'₂ Jesús. ³ Jme₁ma₂ni₅ bá₄ Jesús a₂ma₂ca₂dsia₃ Jmei₂ ca₂le₃jē₃ o₄gú₃; jme₁ma₂ni₅ bá₄ ján₃ a₂já₅ ja₁con₂ Diú₄, jaun₂ ja₁con₂ Diú₄ bá₄ dsáin'₃ táng₃. ⁴ Jaun₂ lē₃, lia'₂ con'₂ jme₁tiáin'₄ guě'₅, ca₂nau₂ ja₁jme₁guá₄, jaun₂ ca₂dsia₃ cau₅ tsin'₅₄ a₂jme₁qui'₂ tē₂le₃ co₂'₅₄, jaun₂ ca₂jén'₃ caun₂ 'mi'₂ toalla o₄'nei'₂.

⁵ Jaun₂ nē₃ ca₂tia'₃ jmig₂ 'nió'₃ caun₂ ni₁'í₅, jaun₂ ca₂jme₃lióg₃ ca₂rang₃ mi₂tag₄ chi'₂ dsi₂guia₃-tín₂. Jaun₂ ca₂jme₃quéin'₂ quian'₅₄ tsi₁'mi'₂ toalla a₂jme₁chi₁jén'₅ o₄'nei'₂.

⁶ Jaun₂ jme₁ca₂dsióg₃ ja₁con₂ Si₂mu₅₄ Pe₄, ca₂juá'₂ 'éi₂ ca₂tsí'₃ Jesús:

—Te₁gui'₅₄, ¿'ne₂ ráng'₂ tag₃ jniá₂?

⁷ Jaun₂ ca₂rag₃ Jesús:

—Tsá₃ nǐ'₂ guě₄ 'au'₂ 'ne₂ 'e₂ a₂jmo₅ jniá₂ nē₃, la₁ cang₂ guě₄ le₃nǐ'₂.

⁸ La₁ ca₂juá'₂ Pe₄:

—Lia'₂ o₁líg'₂ co₂nǐ'₂ tsá₃ ráng'₂ 'ne₂ tag₃ jniá₂.

Jaun₂ ca₂juá'₂ Jesús:

—Nē₁jua'₂ tsá₃ ca₂rang₃ jniá₂ quiáng'₂, tsá₃ quen'₅₄ 'ne₂ ja₁con₂ jniá₂.

⁹ Jaun₂ nē₃ ca₂juá'₂ Si₂mu₅₄ Pe₄:

—Chi₂jua'₂ le₂jaun₂, Te₁gui'₅₄, on₃jua'₅₄ jmá'₃ mi₂tag₃ ráng'₂; ján₃ bá₄ rang₄ mi₂gu₃ quian'₅₄ mi₂dsi₃.

¹⁰ La₁ ca₂juá'₂ Jesús:

—Jui₁lia'₂ i₂lia'₂ ca₂lē₃ ló'₅, jmá'₃ mi₂tag₅₄ bá₄ 'nió'₅ rin'₂, ia₁ ma₂le₁jín₃ bá₄ ta₁jain₂. Ma₂le₁jín₃ bá₄ 'nia'₂, la₁ia₁ on₃jua'₅₄ ca₂le₃jíng'₃.

¹¹ Ca₂juá'₂: “Tsá₃ le₁jín'₃ 'nia'₂ le₃jíng'₃”, ia₁ ma₂ni₅ bá₄ i₂'éin₂ i₂jáng'₂ quió'₅.

¹² Jme₁ca₂lē₃ rang₅ Jesús mi₂tag₄ chi'₂ dsi₂guia₃-tín₂, jaun₂ ca₂quí'₂ táng₃ ni₁tsin'₅₄ le₃co'₅₄, jaun₂ ca₂guá₂ táng₃ ne₄ mesa. Jaun₂ ca₂juá'₂ ca₂tsí'₃ chi'₂ dsi₂guia₃-tín₂:

* 13:1 o₃, “nē₃ nē₃, ca₂rē₃'nioi₃ ca₂tē₂ jē₁ca₂tó'₂.”

—ŋí'₂ 'nia'₂ 'e₂ a₂nē₂jmo₃ jniá₂ quián'₂ 'nia'₂? ¹³ Ág'₅ 'nia'₂ jniá₂ Tē₅, quian'₅₄ Te₁gui'₅₄. Tí₅ bá₄ jág₁ quián'₂ 'nia'₂, ia₁ dsón'₂ bá₄ le₂jaun₂ líng₅. ¹⁴ Jaun₂ ně₃, chi₂jua'₂ le₂nē₅ jniá₂ i₂líng₅ Tē₅ quian'₅₄ Juig'₂ 'nia'₂, ně₂rang₃ mi₂tag'₅₄ 'nia'₂, ján₃ bá₄ le₂jaun₂ 'nió'₅ jmó'₂ 'nia'₂: a₂qui₁ráng'₂ mi₂tag₄ ríng'₂ le₂jang'₂ le₂jang'₂. ¹⁵ Ia₁ ma₂nē₂can₃ jniá₂ caun₂ jui₅, ia₁jaun₂ jmó'₂ 'nia'₂ le₂jaun₂, jui₁lia'₂ ma₂nē₂jmo₃ jniá₂ ja₁con'₂ 'nia'₂. ¹⁶ A₂dsi₂jó'₃ juig₂ jniá₂ 'nia'₂, lia'₂ 'i₁jan₂ dsa₂ i₂jme₂ti₃ ta₁, tsá₃ juin'₂ guě₄ con'₂ guě₄ juig₅₄; ján₃ bá₄ lia'₂ 'i₁jan₂ dsa₂ i₂chen₄, tsá₃ juin'₅₄ guě₄ lia'₂ con'₂ guě₄ dsa₂ i₂chei₅. ¹⁷ Chi₂jua'₂ ŋí'₂ 'au'₂ 'nia'₂ a₂nē₅, 'e₂ bá₄ dsen'₃ 'nia'₂ chi₂jua'₂ le₂jaun₂ qui₂jmo'₂.

¹⁸ On₃jua'₅₄ ca₂le₃jín'₃ 'nia'₂ 'ín₅ jniá₂; guion₄ bá₄ jniá₂ i₂ein₂ 'éi₂ i₂ma₂ca₂quiong'₅₄. La₁ia₁, 'nió'₅ le₃ti₃ lia'₂ con'₂ juá'₂ ne₄ Si₂: “Ju₁lia'₂ i₂guě'₅ co₂lē₅ quian'₅₄ jniá₂, ca₂nau₂ quen₅ tē₂le₃ ja₁con₂ jniá₂.”† ¹⁹ Jaun₂ juig₂ jniá₂ 'nia'₂ ně₃, tē₃jniá₅, ia₁jaun₂ jē₁ma₂tē₂ rē₁lé₂, le₃'én'₂ 'nia'₂, jniá₂ bá₄ líng₅ 'éi₂,‡ ²⁰ A₂dsi₂jó'₃ juig₂ jniá₂ 'nia'₂, jui₁lia'₂ i₂guen₅ dsa₂ i₂chen₄ quián₃ jniá₂, guei₂₃ jniá₂; jaun₂ jui₁lia'₂ i₂guei₅ jniá₂ guein₂₃ i₂ca₂chei₃ jniá₂.

Ca₂juá'₂ Jesús a₂jáng'₂ Judas quió'₅

(Mateo 26:20-25; Marcos 14:17-21; Lucas 22:21-23)

²¹ Jme₁ca₂lē₃ juá'₂ jág₁ ně₅, ca₂can₃ o₂i₁ dsi₅ ca₂tē₂ jme₂dsi₂, jaun₂ ca₂jáng'₃ jág₁ dsau₅ lia'₂ rē₂jiá₃ jág₁, ca₂juá'₂:

—A₂dsi₂jó'₃ juig₂ jniá₂ 'nia'₂, jan₂ 'nia'₂ jáng'₂ jniá₂.

²² Jaun₂ ně₃ qui₂ca₂jín₂ chi'₂ dsi₂guia₃-tín₂ riin'₅₄ le₂jain₂ le₂jain₂, i₂gó'₃ dsí₅ 'nio₃ le₃ŋi₅ 'ein₂ bá₄ 'ín₅ Jesús.

²³ Jan₂ chi'₂ dsi₂guia₃-tín₂ i₂ŋí₄ lē₃ jme₁nio₃ Jesús, jme₁guá₄ le₃jén'₃ quió'₅. ²⁴ Jaun₂ ca₂jmo₃ Si₂mu₅₄ Pe₄ caun₂ léi₄ ne₄ 'éi₂, ca₂juá'₂:

—Chei'₅₄ 'ein₂ bá₄ 'in₂₃:

²⁵ Jaun₂ ně₃ ca₂jme₃quián₃ 'éi₂ tē₂cau₅ guě₄ quió'₅ Jesús, jaun₂ ca₂ŋag₃:

—Te₁gui'₅₄, ¿'ein₂ 'éi₂?

²⁶ Jaun₂ ca₂ŋag₃ Jesús:

—I₂'éi₂ bá₄ i₂cuě₄ jniá₂ ca₂jne₄ i₁ŋí'₄ la₂, jē₁ma₂ca₂tiá₃ ni₁uig₅.

Jaun₂ ně₃, jme₁ma₂nē₂tiá₂ i₁ŋí'₄, jaun₂ ca₂cuě'₃ Judas Iscariote, ja₁ŋi'₅₄ Si₂mu₅₄.

²⁷ Jaun₂ dsi₂jui₅ le₂jaun₂ jme₁ca₂gue₃ Judas i₁ŋí'₄ jaun₂, ca₂'í₃ i₂sē₃dsen₃ tē₂dsi₅. Jaun₂ ně₃ ca₂juá'₂ Jesús:

—A₂jaun₂ a₂niog₅ 'au'₂ jmó'₂, jmo₄ ně₃ cón'₅.

²⁸ La₁ lia'₂ 'i₁jan₂ i₂tián'₅ guě'₅ ne₄ mesa tsá₃ ca₂rē₃ŋí'₂ 'e₂ 'uig₅₄ ca₂juá'₂ Jesús ca₂tsí'₃ Judas le₂jaun₂.

²⁹ Ia₁ jme₁niog₅ gu₂ Judas 'éi₂ ni₁lau₂ tio'₅₄ cu₄; jaun₂ ca₂lin₃ i₂lin₅₄, a₂ca₂juá'₂ Jesús tsí'₅ 'éi₂ a₂cha₂ jme₁lá₃ quió'₅ jmig₄, o₃ jme₃'oin₅₄ ca₂la₂ cu₄ dsa₂ te₂ŋé₂ 'e₂.

³⁰ Jaun₂ dsi₂jui₅ jme₁ma₂nē₂gue₃ 'éi₂ i₁ŋí'₄, o₂'ín₃. Jme₁ma₂ca₂nei₂ bá₄ le₂jaun₂.

Caun₂ 'éi'₃ 'mí₂

³¹ Jme₁ma₂o₂'ín₃ Judas jaun₂, ca₂juá'₂ Jesús:

—Nē₃ ně₃, jē₁ma₂le₃jniá₂ jui₅bí₂ jlá'₁ quió'₅ Jaun₅ dsa₂ mi₂güig₃; ján₃ bá₄ le₃jniá₂ jui₅bí₂ quió'₅ Diú₄, ja₁con₂ 'éi₂. ³² Chi₂jua'₂ le₃jnia₅ jui₅bí₂ quió'₅ Diú₄ ja₁con₂ 'éi₂,§ Diú₄ ně₃, jme₃jnia₅ jui₅bí₂ jlá'₁ quió'₅ Ja₁ŋi'₅₄ ja₁con₂ 'ŋiog₅, ton'₂ jme₃jniái₂₃ ŋi'₅₄ ta₁. ³³ 'Nia'₂ chi'₂-guein₂ quiáng₃, tsá₃ ma₂uě₂ 'en₅₄ jniá₂ jín'₄ 'nia'₂. Qui₁'nau'₅₄ 'nia'₂ jniá₂; la₁ ju₁lia'₂ ma₂ca₂juig₂ jniá₂ dsa₂ judíos, ján₃ bá₄ le₂jaun₂ juig₂ jniá₂ 'nia'₂ ně₃; tsá₃ lé₂ o₁nó'₅ 'nia'₂ ja₁né'₄ jniá₂. ³⁴ Caun₂ 'éi'₃ 'mí₂ la₂ cuě₄ jniá₂ 'nia'₂: a₂jme₁'nió'₄ 'nia'₂ ríng'₂ le₂jang'₂ le₂jang'₂.

† 13:18 Salmo 41:9. ‡ 13:19 o₃, “jniá₂ líng₅” co₂'nió'₄ jein₅ jág₁ lia'₂ chen₂ Jehová. 'Nio'₂ ja₁ton₅ Éxodo 3:14, Isaías 43:10, Juan 8:58. § 13:32 A₂lin₅₄ chog₅₄ si₂, tsá₃ juá'₂ con'₂ táng₃: “chi₂jua'₂ le₃jnia₅ jui₅bí₂ quió'₅ Diú₄ ja₁con₂ 'éi₂.”

Jui₁lia'₂ ca₂jme'₁nió₄jniá'₂ 'nia'₂ ně₃ 'nió'₅ jme'₁nió'₄ 'nia'₂ ríng'₂. ³⁵ Le₂ně₅ bá₄ le₃ji₅ ca₂le₃jín₃ dsa₂ a₂lín'₅ 'nia'₂ dsa₂ i₂ma₂ca₂rě₃tín₃ quiáng₃: ně₁jua'₂ caun₂ qui₂ca₂jme'₁nió'₄ 'nia'₂ ríng'₂ le₂jang'₂ le₂jang'₂.

Ca₂juá'₂ Jesús a₂tsá₃ tion₃ Pe₄ a₂cui_g'₂₃

(Mateo 26:31-35; Marcos 14:27-31; Lucas 22:31-34)

³⁶ Jaun₂ ca₂ḡag₃ Si₂mu₅₄ Pe₄ ca₂ḡii'₃ Jesús:

—Te₁gui'₅₄, ħ₂a₂já'₄ guang'₅₄?

Jaun₂ ca₂ḡag₃ Jesús:

—Ja₁né'₄ jniá'₂, tsá₃ lé₂ le₃'éin'₄. La₁ 'éin'₄ bá₄ 'nia'₂ cang₂.

³⁷ Jaun₂ ně₃ ca₂juá'₂ Pe₄ ca₂tsí'₃ Jesús:

—Te₁gui'₅₄, ħ₂'e₂ lě₃ tsá₃ lé₂ le₃'éin₄ jniá'₂ tē₂ně₃? Ma₂chan₂ co₂jñia₅₄ bá₄ jniá'₂ a₂gue₅₄ 'mú₃ o₄quián'₂ 'ne₂.

³⁸ Jaun₂ ca₂ḡag₃ Jesús:

—ħ₂Dsón'₂ ma₂'ei₅ caun₂ 'au'₂ a₂gue'₂ 'mú₃ o₄quió₃ jniá'₂? A₂dsi₂jó'₃ juí_g₂ jniá'₂ 'ne₂, né'₃ guě'₄ a₂'o₃ tē₁guí₄ dsó₂, hora jaun₂ dé₄ tsá₃ tón'₄ 'ne₂ a₂cui_g'₂ jniá'₂, ta₁'ni₅ ráun₂.

14

Jesús bá₄ lín₅ jui₅ a₂dsi₁len₃ dsa₂ja₁con₂ Jmei₂

¹ 'Tsá₃ lě₁can₂ 'nia'₂ o₂i₁ 'au'₂. Jui₁lia'₂ 'én'₂ 'nia'₂ tē₂le₃ quió'₅ Diú₄, ján₃ bá₄ le₂jaun₂ jui₁le₂'én'₂ 'nia'₂ tē₂le₃ quió₃ jniá'₂. ² Ja₁quió'₄ Ne'₃, 'líong₂ dsi₂néi₂ cha₂ a₂jo₂; jua'₅₄ mei'₂ guě'₃ tsá₃ le₂jaun₂ ně₃, ħ₂lín'₂ 'nia'₂ a₂jme₁juig₅₄ jniá'₂ 'nia'₂ a₂nég'₄ i₁jmo₃ co₂jñia₅₄ dsi₂néi₂ quián'₂ 'nia'₂?* ³ Cang₂ jē₁ma₂dsián'₃ jniá'₂, jē₁ma₂ca₂lě₃ jmo₂₃ co₂jñia₅₄ ja₁o₁tió'n'₂ 'nia'₂, jaun₂ bá₄ guio₅₄ táng₃ a₂i₁te₁₂ 'nia'₂ ja₁cong₂, ia₁jaun₂ ja₁i₁'ú₃ jniá'₂, ján₃ bá₄ lé₂ o₁tió'n'₂ 'nia'₂. ⁴ Nj'₅₄ bá₄ 'nia'₂ a₂já'₄ né'₄ jniá'₂; cui'n'₂ bá₄ 'nia'₂ jui₅ ně₃.

⁵ Jaun₂ ca₂juá'₂ To₁má₄:

—Te₁gui'₅₄, tsá₃ ne₄ jnia'₅₄ a₂já'₄ guang'₅₄; ħ₂'a₂ guě'₂ lia'₂ le₃cuag₅ jnia'₅₄ jui₅?

⁶ Jaun₂ ca₂ḡag₃ Jesús:

—Jniá'₂ bá₄ líng₅ jui₅, ján₃ bá₄ líng₅ jág₁ dsau₅, ján₃ bá₄ líng₅ i₂jmo₅ a₂le₃chan₂ dsa₂. 'I₁jan₂ tsá₃ dsióg₄ ja₁con₂ Ne'₃ jua'₅₄ tsá₃ tē₂le₃ quian'₅₄ jniá'₂. ⁷ Jua'₅₄ mei'₂ guě'₃ dsón'₂ nj'₅₄ 'nia'₂ 'éin₂ lín₅ jniá'₂, ján₃ bá₄ jme₁le₃cui'n'₂ 'nia'₂ Ne'₃ ján₃;† jaun₂ ně₃ ně₃, tē₂le₃ ne₄ jui₅, le₃cui'n'₂ 'nia'₂, ton'₂ ma₂jñin'₅₄ 'nia'₂.

⁸ Jaun₂ ně₃ ca₂juá'₂ Fe₂li₄ ca₂tsí'₃ Jesús:

—Te₁gui'₅₄, cuě₄ jmig₄ a₂jñin₄ jnia'₅₄ Néi'₅, jaun₂ co₂jaun₂ guě'₄ dsáu₅ dsi₅ jnia'₅₄.

⁹ Jaun₂ ca₂ḡag₃ Jesús:

—ħ₂Tsa₁ cui_g'₂ 'ne₂ jniá'₂ Fe₂li₄, o₁jñia'₅₄ ma₂ḡó₅ jmig₄ 'en₅₄ jniá'₂ quian'₅₄ 'nia'₂? Chi₂jua'₂ 'éin₂ dsa₂ ma₂jág₂ jniá'₂, ján₃ bá₄ ma₂jñin₂ Ne'₃. ħ₂A₂ bá₄ lia'₂ juá'₂ 'ne₂: “Cuě₄ jmig₄ a₂jñin₄ jnia'₅₄ Néi'₅”? ¹⁰ ħ₂Tsa₁ 'én'₂ 'ne₂ a₂'en₅₄ jniá'₂ ja₁con₂ Ne'₃, ton'₂ 'en₅₄ guě'₂ Ne'₃ táng₃ ja₁con₂ jniá'₂? Jui₁lia'₂ jág₁ a₂juí_g₂ jniá'₂ 'nia'₂, tsá₃ juá'₅ jniá'₂ o₄quió₃ 'ñi₃. Tē₂le₃, Ne'₃ jniá'₂ i₂tē₁'ñiá'₄ ja₁con₂ jniá'₂, i₂'éi₂ bá₄ jmo₅ ta₁ quió'₅. ¹¹ Jui₁le₂'én'₂ bá₄ 'nia'₂ a₂juá'₅ jniá'₂, a₂'eng₅₄ ja₁con₂ Ne'₃, a₂'en₅₄ guě'₂ Ne'₃ ja₁con₂ jniá'₂; o₃ ně₁jua'₂ tsá₃ le₂jaun₂, jmá'₃ lia'₂ tē₂le₃ quian'₅₄ léi₄ a₂jmo₂₃, jui₁le₂'én'₂ 'nia'₂. ¹² A₂dsi₂jó'₃ juí_g₂ jniá'₂ 'nia'₂, jui₁lia'₂ i₂'én₂ le₃quió₃ jniá'₂, ján₃ bá₄ jmo₃ jui₁lia'₂ a₂jmo₅ jniá'₂; jaun₂ tē₂le₃ 'ñio₅ guě'₄ juě'₂ a₂jmo₃, ia₁ nég'₄ ja₁con₂ Ne'₃. ¹³ Jaun₂ chi₂jua'₂ 'e₂ a₂mí'₂ 'nia'₂ lia'₂ con'₂ lě₅ 'éi'₃ quió₃ jniá'₂, jmo₅₄ bá₄ jniá'₂, ia₁jaun₂ le₃juin'₂ Jmei₂ o₄quió'₄ Ja₁ñi'₅₄. ¹⁴ Lé₂ bá₄ mí'₁ 'nia'₂ lia'₂ con'₂ lě₅ 'éi'₃ quió₃ jniá'₂, chi₂jua'₂ 'e₂ caun₂ a₂'niog'₂ 'nia'₂, jaun₂ jmo₅₄ bá₄ jniá'₂.

* **14:2** o₃, “jua'₅₄ mei'₂ guě'₃ tsá₃ le₂jaun₂ ně₃, jme₁juig₅₄ guě'₂ jniá'₂ 'nia'₂. Nég'₄ i₁jmo₃ co₂jñia₅₄ dsi₂néi₂ quián'₂ 'nia'₂.”

† **14:7** A₂lín₅₄ chog₅₄ si₂ juá'₂: “chi₂jua'₂ dsón'₂ ma₂cui_g'₂ 'nia'₂ jniá'₂, le₃cui'n'₂ 'nia'₂ Ne'₃ ján₃.”

Ca₂cuë₃ Jesús jág₁ quió'₅ a₂chein₃ Jme₂dsí₂ Jñiós

15 'Chi₂jua'₂ 'nióg'₃ 'nia'₂ jniá₂, nei₂ gau₂ 'éi'₃ quió₃. 16 Jaun₂ mi₅₄ jniá₂ ne₄ Ne'₃ a₂cuin₃ jan₂ i₂sián'₂ i₂cuë'₃ bí₂ 'au'₂ 'nia'₂, ia₁ jaun₂ 'í₂ 'éi₂ co₂tan₅₄ quian'₅₄ 'nia'₂. 17 Jme₂dsí₂ quió'₅ jág₁ tí₅ bá₄ 'éi₂. Tsá₃ lé₂ le₃guei₃ dsa₂ mi₂güig₃, ia₁ tsá₃ jág₂, on₃ guë'₂ cuig₂₃ cuin₂₃ 'éi₂. La₁ 'nia'₂ ně₃, ma₂cuin'₂ bá₄ 'nia'₂, ia₁ guá₅ ja₁con'₂ 'nia'₂, ton'₂ tē₃ 'ñiá₄ le₃quián'₂ 'nia'₂. 18 On₃jua'₅₄ a₂tén₄ jniá₂ 'nia'₂ co₂nei'₅₄ ně₂jag₄ bá₄ chi'₂ 'nág₂. Guio₅₄ bá₄ táng₃ ja₁con'₂ 'nia'₂. 19 Tsá₃ ma₃uě₂ jág₂ dsa₂ mi₂güig₃ jniá₂, la₁ia₁ jag'₅₄ bá₄ 'nia'₂. 'Uig₅₄ ia₁ a₂chan₂ jniá₂, le₃chang'₂ bá₄ 'nia'₂. 20 Jmíg₄ jaun₂ le₃len'₅₄ 'nia'₂ a₂'en₅₄ jniá₂ ja₁con₂ Ne'₃, 'nia'₂ guë'₂ tiong'₅₄ ja₁con₂ jniá₂, jaun₂ jniá₂ guë'₂ ně₃ 'eng₅₄ ja₁con'₂ 'nia'₂. 21 Jui₁lia'₂ i₂gue₅, i₂né'₂ 'éi'₃ quió₃, 'éi₂ bá₄ i₂tē₃dsón'₂ 'nio₃ jniá₂. Jui₁lia'₂ i₂'nio₃ jniá₂ ně₃, jme₃'nio₃ Ne'₃. Ján₃ bá₄ le₂jaun₂ jniá₂ jme₁'nió₄, jaun₂ jme₁jnia₅ jniá₂ ja₁coin₂.

22 Jaun₂ ca₂juá'₂ Judas, (on₃jua'₅₄ Iscariote):

—Te₁gui'₅₄, ċ'e₂ lē₃ ja₁con₂ jnia'₅₄ jme₁jnag'₅, on₃jua'₅₄ rē'₂ ja₁con₂ dsa₂ mi₂güig₃?

23 Jaun₂ ca₂ñag₃ Jesús:

—Jui₁lia'₂ i₂'nio₃ jniá₂, tón'₂ bá₄ jui₅ jág₁ quió₃; jaun₂ jme₃'nio₃ Ne'₃ jme₃'nioi₃ 'éi₂, jaun₂ qui₂ja₁ná₄ jnia'₅₄ ja₁coin₂ ja₁'io₁ quian'₅₄ 'éi₂. 24 Jui₁lia'₂ i₂tsá₃ 'nio₃ jniá₂, tsá₃ tón'₂ jui₅ jág₁ quió₃. Jág₁ a₂nag'₂ 'nia'₂ la₂, on₃jua'₅₄ a₂quió₃, a₂quió'₅ Ne'₃ i₂ca₂chei₃ bá₄.

25 'Ca₂le₃jě₃ a₂la₂ juá'₅ jniá₂ juig₂ 'nia'₂ tē₁lia'₂ 'eng₅₄ guë'₄ quian'₅₄ 'nia'₂; 26 la₁ia₁ i₂cuë₃ bí₂ 'au'₂ 'nia'₂ 'éi₂, i₂lín₅ Jme₂dsí₂ Jñiós, i₂chen₃ Ne'₃ o₄quió₃ jniá₂, 'éi₂ bá₄ jme₃tag₅ jme₃tín₂₃ 'nia'₂, jaun₂ jmo₃ a₂qui₃dsiog'₂ 'au'₂ 'nia'₂ ca₂le₃jě₃ 'e₂ a₂ma₂qui₂ma₂juig₂ jniá₂ 'nia'₂.

27 'Ág'₅ jniá₂ jág₁ a₂jmo₃ 'ag₃ tei₄ ja₁con'₂ 'nia'₃. A₂tei₄ a₂'ei₅ ja₁con₂ jniá₂, a₂jaun₂ bá₄ cuë₅ jniá₂ 'nia'₂. La₁ on₃jua'₅₄ lia'₂ cuë₅ dsa₂ mi₂güig₃, cuë₅ jniá₂ 'nia'₂. Tsá₃ lē₂can₂ 'nia'₂ o₂l₁ dsi₅, on₃ guë'₂ jmó'₂ 'nia'₂ gang'₃. 28 Ma₂qui₂ma₂nei'₂ 'nia'₂ a₂juá'₅ jniá₂: a₂nég'₄, jaun₂ guio₅₄ táng₃ ja₁con'₂ 'nia'₂. Nē₁jua'₂ tē₃dsón'₂ 'nióg'₃ 'nia'₂ jniá₂, jme₁jmó'₂ 'nia'₂ 'io'₂ jme₁ca₂rē₃ñi'₅₄ 'nia'₂ a₂né'₄ jniá₂ ja₁con₂ Ne'₃, ia₁ i₂juin'₂ guë'₄ 'éi₂ lia'₂ con'₂ guë'₄ jniá₂. 29 Jaun₂ ma₂juig₂ jniá₂ 'nia'₂ a₂la₂ tē₃jñiá₅, ia₁jaun₂ le₃'én'₂ 'nia'₂ jē₁ma₂tē₂ rē₁lé₂ a₂jaun₂.

30 'Tsá₃ ma₂'lióng₂ jág₁ dsia₅₄ jniá₂ quian'₅₄ 'nia'₂; ia₁ ma₂já₅ i₂gon₂ mi₂güig₃ la₂, o₁jñia'₅₄ tsá₃ 'e₂ jui₅bí₂ 'io₅ 'éi₂ ja₁con₂ jniá₂. 31 La₁ia₁ 'nió'₅ le₃ñi₅ dsa₂ mi₂güig₃, a₂'nió₃ jniá₂ Ne'₃, jaun₂ lia'₂ con'₂ lē₃ 'éi'₃ a₂ma₂cuë₃ Ne'₃ jniá₂, a₂jaun₂ bá₄ jmo₅ jniá₂.

'Nau₂ 'nia'₂. Ma₃dsau'₅₄ jniog₄ ja₁láš₃.

15

Cho'₅₄ chi₁uúng₃ uvas, quian'₅₄ gu'₂ nei'₅₄ quió'₅

1 'Jniá₂ líng₅ cho'₅₄ ni₁uúng₂ uvas, ja₁jáš₅ bí₂ dsón'₂. Ne'₃ guë'₂ lín₅ i₂jmo₅ 'í₁ ja₁nau₂. 2 Jniá'₂ 'éi₂ ca₂le₃jě₃ ni₁gu'₂ quió₃ a₂tsá₃ míg₂ 'ag₅; la₁ia₁ qui₂jí'₅ qui₂'uúin₂₃ ni₁gu'₂ a₂'ag₅ míg₂, ia₁jaun₂ ráu₃ guë'₄ 'lióng₂. 3 Ma₂le₁jín'₃ bá₄ 'nia'₂ tē₂le₃ quian'₅₄ jág₁ a₂qui₂ma₂juig₂ jniá₂ 'nia'₂. 4 Caun₂ jui₁tē₂ 'ñiá'₄ bá₄ 'nia'₂ ja₁con₂ jniá₂, jui₁lia'₂ tē₂ 'ñiá'₄ jniá₂ ja₁con₂ 'nia'₂. 'I₁caun₂ ni₁gu'₂ tsá₃ lé₂ le₃'ag₃ míg₂ con'₂ 'ñiog₅ le₂jaun₂, ně₂jua'₂ tsá₃ rē₂tsán'₂ quian'₅₄ cho'₅₄; ján₃ bá₄ le₂jaun₂ jui₁lia'₂ 'nia'₂ ně₃, tsá₃ 'e₂ lé₂ le₃ráu₃ quián'₂ 'nia'₂ ně₂jua'₂ tsá₃ tē₂ 'ñiág'₄ ja₁con₂ jniá₂.

5 'Jniá₂ líng₅ cho'₅₄; 'nia'₂ guë'₂ líng'₅ gu'₂ nei'₅₄. Jui₁lia'₂ dsa₂ i₂tē₂ 'ñiá'₄ rē₂tsán'₂ quian'₅₄ jniá₂, jui₁lia'₂ tē₂ 'ñiá'₄ jniá₂ ja₁con₂ 'éi₂, 'lióng₂ ráu₃ quió'₅. Ia₁ 'i₁caun₂ tsá₃ 'e₂ lé₂ le₃jmó'₂ 'nia'₂ jua'₅₄ tsá₃ quiong'₅₄ jniá₂. 6 Jui₁lia'₂ i₂tsá₃ tē₂ 'ñiá'₄ ja₁con₂ jniá₂, lín₅ ně₂jag₄ bá₄ caun₂ ni₁gu'₂ a₂dsi₂guia'₂ dsa₂ cau₅, jaun₂ rē₂quein₂. Ni₁gu'₂ le₂nē₅ qui₂cág'₅ dsa₂, qui₂tó'₅ dsa₂ dsi₂si₂, jaun₂ cau₂.

7 'Chi₂jua'₂ tē₂ 'ñiá'₄ 'nia'₂ ja₁con₂ jniá₂, ton'₂ tē₂ 'ñiá'₄ jág₁ quió₃ ja₁con'₂ 'nia'₂, jaun₂ mi₄ 'nia'₂ chi₂jua'₂ 'e₂ caun₂ 'niog'₂, jaun₂ guéi'₁ bá₄ 'nia'₂. 8 Le₂la₂ bá₄ rē₂juin'₂ Ne'₃; a₂qui₂ráu₂ 'lióng₂

'e₂ a₂jmo' ₂ 'nia'.* Le₂nē₅ jme₂jniá' ₂ 'nia' a₂lín₅ dsa₂ i₂ca₂rē₃tín₃ quián₃ jniá₂. ⁹ Jui₁lia' ₂ 'nio₃ Ne' ₃ jniá₂, ján₃ bá₄ le₂jaun₂ 'nió₃ jniá₂ 'nia' ₂; caun₂ jui₁i₂nio₄ bá₄ 'nia' ₂ jui₅ a₂'nió₃ jniá₂ 'nia'. ¹⁰ Nē₁jua' ₂ caun₂ né' ₂ 'nia' ₂ gau₂ 'éi' ₃ quió₃, le₂nē₅ tē₃'niá' ₄ 'nia' ₂ jui₅ a₂'nió₃ jniá₂ 'nia', jui₁lia' ₂ caun₂ nag₅ jniá₂ gau₂ 'éi' ₃ quió' ₅ Ne' ₃, ton' ₂ tē₂'niá' ₄ jniá₂ jui₅ a₂'nio₃ 'éi' ₂ jniá₂.

¹¹ 'Jág₁ nē₅ ma₂nē₂juíg₂ jniá₂ 'nia' ₂ ia₁jaun₂ a₂ní₄ lē₃ jéin₅ jniá₂ 'io' ₂, cuē₄ jniá₂ 'nia' ₂, ia₁jaun₂ le₃'nia₅ bá₄ a₂jén' ₂ 'nia' ₂ 'io' ₂. ¹² A₂la₂ bá₄ 'éi' ₃ quió₃; a₂jme₁'nió' ₄ 'nia' ₂ ríng' ₂ le₂jang' ₂ le₂jang' ₂, jui₁lia' ₂ ma₂ca₂jme₁'nió₄ jniá₂ 'nia' ₂. ¹³ 'I₁jan₂ tsá₃ lé₂ le₃'nio₃ guē₄ lín₃ riin' ₅₄, lia' ₂ con' ₂ guē₄ i₂guein₅ 'mú₃ o₄quió' ₄ a₂mei₅₄ quiáin₅. ¹⁴ 'Nia' ₂ bá₄ lín₅ dsa₂ a₂mei₅₄ quiáng₃ chi₂jua' ₂ jmo' ₂ 'nia' ₂ 'e₂ te₂nei' ₄ jniá₂. ¹⁵ Tsá₃ ma₃tē₅ jniá₂ 'nia' ₂ dsa₂ i₂jme₂ti₃ ne₃, ia₁ tsá₃ ni₅ jui₁lia' ₂ jan₂ dsa₂ i₂jme₂ti₃ ta₁, 'e₂ a₂jmo₅ juig₅₄. Tē₅ jniá₂ a₂mei₅₄ quiáng₃ bá₄ 'nia' ₂, ia₁ ma₂ca₂jme₁jniá₅ bá₄ jniá₂ ja₁con' ₂ 'nia' ₂, ca₂le₃jē₃ 'e₂ a₂ma₂ca₂juá' ₂ Ne' ₃. ¹⁶ On₃jua' ₅₄ 'nia' ₂ ca₂quió' ₅₄ jniá₂; jniá₂ bá₄ ma₂quion' ₄ 'nia' ₂, jaun₂ ma₂ca₂dsia₃ jniá₂ gog' ₂ 'nia' ₂ a₂o₁nó' ₅ 'nia' ₂ a₂qui₂rau₂ 'líong₂ quián' ₂ 'nia' ₂ a₂jio₃ uē₂. Jaun₂ le₂nē₅ cuē₃ Ne' ₃ jniá₂ cuē' ₃ 'nia' ₂ chi₂'e₂ caun₂ a₂mí' ₁ 'nia' ₂ lia' ₂ con' ₂ lē₅ 'éi' ₃ quió₃ jniá₂. ¹⁷ A₂la₂ bá₄ 'éi' ₃ quió₃ jaun₂ nē₃; a₂jme₁'nió' ₄ 'nia' ₂ ríng' ₂ le₂jang' ₂ le₂jang' ₂.

'Tog₅₄ dsa₂ mi₂güig₃ 'ñiai₅₄ Jesús quian' ₅₄ dsa₂ quiáin₅

¹⁸ 'Chi₂jua' ₂ 'iog₅₄ dsa₂ mi₂güig₃ quián' ₂ 'nia' ₂, jui₁le₂ñi' ₅₄ 'nia' ₂, jniá₂ bá₄ ca₂rē₃'iog₅₄ dsa₂ le₂'uig₅₄. ¹⁹ Jua' ₅₄ mei' ₂ guē₃ lín' ₅ 'nia' ₂ dsa₂ i₂tén₅ mi₂güig₃, jme₁jme₃'nio₃ bá₄ dsa₂ mi₂güig₃ jui₁lia' ₂ 'nioi₃ dsa₂ quiáin₅. La₁ 'uig₅₄ ia₁ a₂tsá₃ tén' ₅ 'nia' ₂ mi₂güig₃, ton' ₂ ma₂quion' ₄ jniá₂ 'nia' ₂ jin₄ dsa₂ mi₂güig₃; 'uig₅₄ jaun₂ nē₃, 'ñiai₅₄ 'nia' ₂. ²⁰ Dsá₂ 'au' ₂ 'nia' ₂ jmo₄, jág₁ a₂ma₂juíg₂ jniá₂ 'nia' ₂: “Lia' ₂ 'i₁jan₂ dsa₂ i₂jme₂ti₃ ta₁, tsá₃ juin' ₂ guē₄ con' ₂ guē₄ juig₅₄”. Chi₂jua' ₂ ma₂qui₂ca₂co₃'ein₃ dsa₂ jniá₂, ján₃ bá₄ le₂jaun₂ qui₃co₃'en₃ dsa₂ 'nia' ₂; chi₂jua' ₂ ma₂tón' ₂ dsa₂ jui₅ jág₁ a₂ma₂ca₂jme₁tiin₅ jniá₂, ján₃ bá₄ le₂jaun₂ qui₃tón' ₂ dsa₂ jui₅ jág₁ quián' ₂ 'nia' ₂. ²¹ La₁ ca₂le₃jē₃ a₂nē₅ dsí₃ñí' ₂ 'nia' ₂ qui₃co₃jmo₃g' ₂ dsa₂ 'uig₅₄ quió₃ jniá₂, ia₁ tsá₃ cui₂n₂₃ i₂ca₂chei₃ jniá₂.

²² 'Tsá₃ jme₁le₃cáin' ₄ jua' ₅₄ mei' ₂ guē₃ tsá₃ guan₃ jniá₂ a₂o₂juá' ₃ ja₁con₂ 'éi' ₂; la₁ nē₃ nē₃, tsá₃ ma₃'e₂ lé₂ le₃juá' ₂ jua' ₅₄ tsá₃ ni₅. ²³ Ia₁ jui₁lia' ₂ i₂'iog₅₄ jniá₂, ján₃ bá₄ 'ñiai₅₄ Ne' ₃ jniá₂. ²⁴ Tsá₃ jme₁le₃cáin' ₄ jua' ₅₄ mei' ₂ tsá₃ léi₄ jaun₂ ca₂jmo₃ jniá₂ jin₄ dsa₂ 'éi' ₂ a₂tsá₃ 'ein' ₂ sián' ₂ ma₂jmo₃; la₁ia₁ o₁jñia' ₅₄ la₂ ma₂ca₂jág₃ bá₄ léi₄ jaun₂, tion₅₄ bá₄ 'iog₅₄ dsa₂ jniá₂, lia' ₂ Ne' ₃ nē₃, 'ñiai₅₄. ²⁵ La₁ia₁ qui₂lē₂ ia₁jaun₂ le₃ti₃ jág₁ a₂tio' ₅₄ ne₄ Si₂ 'Éi' ₃ quió' ₅ a₂juá' ₂: “Ca₂rē₃'iog₅₄ dsa₂ tē₃ tsá₃ 'e₂ cha₂ lē₃.”†

²⁶ 'La₁ia₁ jē₂ma₂tē₂ rē₁jiá₃ i₂cuē₃ bí₂ 'au' ₂ 'nia' ₂, i₂tsin₅₄ jniá₂ ja₁con' ₂ 'nia' ₂ i₂jiá₃ tē₂le₃ ja₁guá₄ Ne' ₃; Jme₂dsí₂ tí₅ dsón' ₂ i₂o₂'in₅ ja₁con₂ Ne' ₃, i₂'éi₂ bá₄ jáng' ₃ jág₁ dsau₅ tē₂le₃ quió₃ jniá₂. ²⁷ Ján₃ bá₄ le₂jaun₂ 'nió' ₅ jang' ₅₄ 'nia' ₂ jág₁ dsau₅, ia₁ ca₂le₃'uig₅₄ bá₄ ma₂qui₂ma₂tión' ₂ 'nia' ₂ quian' ₅₄ jniá₂.

16

¹ 'Le₂nē₅ juíg₂ jniá₂ 'nia' ₂ ia₁jaun₂ tsá₃ qui₃dsi₃uín' ₂ 'nia' ₂ a₂éng' ₂. ² Qui₃'uág' ₂ dsa₂ 'uúin' ₂ 'nia' ₂ ja₁lē₁tong' ₂ ne₄ si₂ guá' ₅ sinagoga, ca₂le₃jē₃ já₅ caun₂ jmig₄, lín₂ jui₁lia' ₂ i₂jme₃dsiog₅ 'nia' ₂, a₂jén' ₃ ta₁ jaun₂ quió' ₅ ne₄ Diú₄. ³ Ca₂le₃jē₃ a₂nē₅ jmo₃* ia₁ tsá₃ ma₂ca₂rē₃cui₂n₂₃ Ne' ₃, on₃ guē' ₂ jniá₂ ma₂ca₂rē₃cui₂g₂₃. ⁴ Jaun₂ juíg₂ jniá₂ 'nia' ₂ le₂nē₅ ia₁jaun₂ jē₂ma₂tē₂ rē₁tē₅₄ jmig₄ jaun₂, dsiog' ₂ 'au' ₂ 'nia' ₂ a₂ca₂juíg₂ jniá₂ 'nia' ₂ jág₁ la₂.

Ta₁ a₂jmo₅ Jme₂dsí₂ Jñiós

'Tsá₃ ca₂juá' ₃ jniá₂ le₂nē₅ lia' ₂ con' ₂ le₂'uig₅₄, ia₁ jme₁'en₅₄ bá₄ jniá₂ quian' ₅₄ 'nia' ₂. ⁵ La₁ia₁ nē₃ nē₃, ma₂nég' ₄ i₁'ú₃ quiang' ₅₄ i₂ca₂chei₃; jaun₂ lia' ₂ 'i₁jan' ₂ 'nia' ₂ tsá₃ 'ein' ₂ ñag₅: “¿A₂já' ₄

* **15:8** 'Nio' ₂ ja₁ton₅ Isaías 61:3. † **15:25** Salmo 35:19; 69:4. * **16:3** A₂lin₅₄ chog₅₄ si₂: “jmo₃ jmái' ₂ 'nia' ₂.”

guang'54?" 6 La1 qui2ca2tá'2 qui'2 'au'2 'nia'2 'uig54 ia1 a2nē2juíg2 jniá2 'nia'2 a2nē5. 7 La1 jág1 dsau5 bá4 juíg2 jniá2 'nia'2: tē2le3 a2dse3 quián'2 'nia'2 bá4 a2né'4 jniá2. Ia1 nē1jua'2 tsá3 ca2ñá'3 jniá2, tsá3 jiá3 i2cuē3 bí2 'au'2 'nia'2; la1ia1 chi2jua'2 né'4 jniá2 nē3, tsin54 jniá2 'éi2 ja1con'2 'nia'2. 8 Jē1ma2tē2 rē1jiá3 'éi2, jme3jniá23 a2rē2gan2 dsa2 mi2güig3 cuente quió'5 dsáu1, quió'5 jui5 dse3, quió'5 a2jáu'5 'í1 ja1coin2 nē3. 9 Cuente quió'5 dsáu1, 'uig54 ia1 a2tsá3 'éin2 le3quió3 jniá2; 10 cuente quió'5 jui5 dse3, ia1 a2nég'4 ja1con2 Ne'3, jaun2 tsá3 ma3jniá2 jag'54 'nia'2; 11 ján3 bá4 cuente quió'5 a2jáu'5 'í1, ia1 ma2jáu'5 'í1 ja1con2 i2'éi2 i2gon2 mi2güig3 la2.

12 "Lióng2 bá4 jág1 cha2 guē4 a2juig54 jniá2 'nia'2, la1ia1 tsá3 qui'54 'nia'2 jmi2g4 le3ñig'2 jē2 nē3. 13 La1 jē1ma2tē2 rē1jiá3 Jme2dsí2 tí5 dsón'2, i2'éi2 bá4 jiog3 'nia'2 jui5 a2tí5 jág1; ia1 tsá3 a2jaun2 juá'2 'éi2 o4quió'4 'ñiog5; a2jaun2 bá4 juá'2 ca2le3jē3 a2nag3, ton'2 'ē2 jág1 jui1lia'2 'e2 niog5 lé2. 14 Jme3juag'2 'éi2 jniá2, ia1 ñei2 jui1lia'2 a2lē5 quió3 jniá2, jaun2 'éi2 nē3, jmo3 jág1 ja1con'2 'nia'2. 15 Ca2le3jē3 a2cha2 quió'5 Ne'3, ján3 bá4 lē5 quió3 jniá2; jaun2 bá4 lē3 nē2juá'3 jniá2 a2ñe2 'éi2 jui1lia'2 a2lē5 quió3 jniá2, jaun2 jmo3 jág1 ja1con'2 'nia'2.

Jui1lia'2 a2'lia'2 dsí5 dsa2 le3tsín3 a2lé2 a2qui3jmo3 'io'2

16 'Ñi'54 ta1, tsá3 ma3jag'54 guē4 'nia'2 jniá2; la1 ñi'54 ta1 bá4, jag'54 táng3 jniá2, ia1 né'4 jniá2 ja1con2 Ne'3.†

17 Jaun2 nē3, qui2ca2ñag3 i2lin54 chi'2 dsi2guia3-tín2 quiáin5 ca2ñí'3 rin'54 le2jain2 le2jain2: —¿I2'e2 'nio3 juá'2 a2juá'2 tság5 jniog4 le2nē5: "Ñi'54 ta1, tsá3 ma3jag'54 guē4 'nia'2 jniá2; la1 ñi'54 ta1 bá4, jag'54 táng3 jniá2, ia1 né'4 jniá2 ja1con2 Ne'3"? 18 ¿I2'e2 'nio3 juá'2: "Ñi'54 ta1"? Tsá3 ne4 i2'e2 jaun2 'ē23.

19 Jaun2 ca2rē3lí'4 Jesús i2'e2 'nio3 ñag3 tioen'54, jaun2 ca2juá'2: —¿A1qui2ñi'4 'nia'2 ríng'2 'uig54 ia1 a2nē2juá'3 jniá2: "Ñi'54 ta1, tsá3 ma3jag'54 guē4 'nia'2 jniá2; la1 ñi'54 ta1 bá4, jag'54 táng3 jniá2"? 20 A2dsi2jó'3 juíg2 jniá2 'nia'2, a2tóng'2 'nia'2 qui'á'u'2, a2'lia'2 'au'2 nē3, tē1lia'2 jmo3 dsa2 mi2güig3 'io'2. La1ia1 le3tsín3 bá4 a2'lia'2 'au'2 'nia'2 jaun2 a2qui3jmó'2 táng3 'io'2. 21 Jui1lia'2 lín5 jan2 'io54 jē1rē2chan2 guein2 quiáin5, 'lia'2 dsí5 ia1 ma2ca2tē2 hora quió'5; la1 cang2 jē1ma2ca2rē3chán3 guein2 quiáin5, tsá3 ma3dsau'2 dsí5 a2ca2rē3quí'3 quió'5, ia1 a2ñí4 lē3 'io'2 jén'5, ia1 a2ca2rē3chán3 jan2 guein2 mi2güig3 la2. 22 Ján3 bá4 le2jaun2 'nia'2 nē3; 'lia'2 'au'2 'nia'2 rē2nē3, la1 jing54 bá4 táng3 'nia'2, jaun2 guē4 nē3 jmó'2 'nia'2 'io'2 tē2'au'2, a2'lio'2 jén'2 'nia'2 jaun2 ca2lia'2 'i1jan2 tsá3 'ein2 lé2 le3jniá'2.

23 'Jmíg4 jaun2 tsá3 ma3'e2 qui1ñag'1 'nia'2 jniá2 'i1caun2. A2dsi2jó'3 juíg2 jniá2 'nia'2, chi2jua'2 'e2 a2mi'2 'nia'2 lia'2 con'2 lē5 'éi'3 quió3 jniá2, cuē3 bá4 Ne'3. 24 Ca2lia'2 jnió4 jmíg4 nē3, tsá3 'e2 ma2mi'54 'nia'2 'i1caun2 lia'2 con'2 lē5 'éi'3 quió3. Mi4 'nia'2, jaun2 guéi'1 'nia'2, ia1jaun2 le3'ña5 a2O2'ñi3 o2jniá3 'au'2.

Jesucristo bá4 ca2tió'3 mi2güig3 la2

25 'Jág1 la2 ma2nē2juíg2 jniá2 'nia'2 quian'54 jág1 a2jáng'5 léi4. La1 jiá3 hora a2tsá3 ma3juig54 jniá2 'nia'2 quian'54 jág1 a2jáng'5 léi4; lia'2 rē2jiá3 jág1 bá4 juá'4 jniá2 juig54 'nia'2 a2'íng4 Ne'3. 26 Jmíg4 jaun2 mí'1 'nia'2 ne4 Ne'3 lia'2 con'2 lē5 'éi'3 quió3 jniá2. Tsá3 ma3tion54 juá'4 jniá2 a2mi54 jniá2 ne4 Ne'3 o4quián'2 'nia'2, 27 ia1 ñiog5 bá4 Ne'3 'nioi3 'nia'2, ia1 'nióg'3 'nia'2 jniá2, ia1 ma2ca2rē3'én'2 'nia'2 a2guio3 jniá2 ja1con2 Diú4. 28 Ca2O3'ín3 jniá2 ja1con2 Ne'3 a2ca2guang3 mi2güig3 la2; la1ia1 nē3 nē3 o3'íng5 mi2güig3 la2, jaun2 nég'4 táng3 ja1con2 Ne'3.

29 Jaun2 ca2juá'2 chi'2 dsi2guia3-tín2 quiáin5: —Nē3 guē4 nē3 juá'2 'ne2 lia'2 rē2jiá3 jág1; on3jua'54 quian'54 jág1 a2jáng'5 léi4. 30 Nē3 guē4 nē3 ma2ne4 jniá'54 a2ñi'54 bá4 'ne2 ca2le3jē3, jaun2 tsá3 'e2 'nió'5 quiáng'2 jua'54 tsá3 ñi'54 'e2 qui3ñag3 dsa2 qui3ñí'3 'ne2. 'Uig54 jaun2 'éin2 jniá'54 a2ñe'3 'ne2 ja1con2 Diú4.

† 16:16 A2lin54 chog54 si2 tsá3 le,ton5 jág1: "ia1 né'4 jniá2 ja1con2 Ne'3."

³¹ Jaun₂ ca₂ηag₃ Jesús:

—¿Dsón'₂ jua'₅₄, nē₃ guē'₄ 'én'₂ 'nia'₂? ³² jag₄ 'nia'₂! Ma₂ja₂quián₃ hora, ton'₂ tē₂nē₃ dsón'₂ bá₄, a₂cuíng'₂ 'nia'₂ lé₂, a₂o₁nog'₄ tsi₁rē₂jang'₅₄ le₂jang'₂ le₂jang'₂ o₁nog'₄ jma₃quén₅ quiáng'₂; jaun₂ téi'₄ 'nia'₂ jniá₂ tē₃tsing'₅₄ 'ñi₃ó₃ lé₂. La₁ia₁ tsá₃ 'ñi₃ó₃ jniá₂ tē₃tsing'₅₄, ia₁ quiong'₅₄ bá₄ Ne'₃ jniá₂. ³³ Juíg₂ jniá₂ 'nia'₂ le₃jē₃ a₂la₂, ia₁jaun₂ 'ag₃ tei₄ 'au'₂ 'nia'₂ le₃qui₃ó₃ jniá₂. Mi₂güig₃ la₂ tion₅₄ rē'₂ qui₁cán'₂ 'nia'₂ qui'₂ 'au'₂; la₁ia₁ tiá₂ dsia₄ 'nia'₂ 'au'₂, ia₁ ma₂ca₂tió₃ bá₄ jniá₂ ja₁con₂ mi₂güig₃ la₂.

17

Ca₂chi₃lén'₂ Jesús Diú₄ Jmei₂ o₄quió'₄ chi'₂ ds₂i₂guia₃-tín₂ quiáin₅

¹ Jme₁ma₂ca₂juá'₂ Jesús le₂nē₅, ca₂chóg'₃ ne₅₄ guei'₅₄ i₂juíg₃, jaun₂ ca₂juá'₂:

—Tia₅₄, ma₂tē₂ hora quió₃. Jme₁jnia₅ 'a₂ lia'₂ jlán'₁ ja₂ñi'₂, ia₁jaun₂ jme₃jnia₅ ja₂ñi'₂ 'a₂ lia'₂ jlán'₁ 'ne₂. ² Ia₁ ma₂ca₂cuē'₅₄ 'éi₂ 'éi'₃ ne₄ quió'₅ ca₂le₃jín₃ dsa₂, ia₁jaun₂ jmo₃ a₂le₃chan₂ co₂tan₅₄ ca₂le₃jín₃ i₂ma₂cuin'₅₄. ³ A₂la₂ lē₅ a₂chan₂ dsa₂ co₂tan₅₄; a₂le₃cuin'₅₄ dsa₂ 'ne₂ i₂lín'₅ i₂jan₂ tan₅₄ Diú₄ tē₃dsón'₂, a₂le₃cuin'₂₃ Jesucristo nē₃ i₂ca₂chen'₂ 'ne₂.

⁴ 'Ma₂ca₂jme₁jnia₅ jniá₂ ne₄ gua'₅₄ 'uē₃ la₂ 'a₂ lia'₂ jlán'₁ 'ne₂, ia₁ ma₂ca₂jme₁ 'ñia₅ jniá₂ ta₁ a₂ca₂cuē'₅₄ jmo₅₄. ⁵ Nē₃ nē₃, jaun₂, Tia₅₄, jmo₄ jlán'₁ jniá₂ ja₁cong'₂, jui₁lia'₂ jme₁lín₄ jniá₂ ja₁cong'₂ lia'₂ con'₂ né₃ guē'₄ a₂nio₃ mi₂güig₃.

⁶ 'Ma₂ca₂jme₁jnia₅ jniá₂ ne₄ dsa₂ i₂ca₂cuag'₅₄ jniá₂ jin₄ dsa₂ mi₂güig₃, i₂'ein₂ lín'₅ 'ne₂. I₂quiáng'₂ bá₄ jme₁lín₄, jaun₂ ma₂ca₂cuag'₅₄ jniá₂; ma₂qui₂ca₂'í₃ tē₂dsí₅ 'éi₂ jág₁ quiáng'₂. ⁷ Ma₂ca₂rē₃ñi₅ 'éi₂, ca₂le₃jē₃ a₂ca₂cuē'₅₄ jniá₂ já₅ ja₁con'₂ 'ne₂; ⁸ ia₁ ma₂ca₂cuē₃ bá₄ jniá₂ jág₁ jaun₂ a₂ca₂cuē'₅₄ 'ne₂ jniá₂, jaun₂ ca₂gue₃ bá₄ 'éi₂ nē₃. Ma₂ca₂rē₃ñi₅ lia'₂ con'₂ tí₅ jág₁, ja₁con'₂ 'ne₂ bá₄ o₂'ín₃ jniá₂, ton'₂ ca₂rē₃ 'éin₂ a₂ca₂chei'₂ 'ne₂ jniá₂.

⁹ 'O₄quió'₄ 'éi₂ bá₄ mi₅ jniá₂, on₃jua'₅₄ o₄quió'₄ dsa₂ mi₂güig₃. O₄quió'₄ dsa₂ i₂ca₂cuag'₅₄ bá₄ mi₅ jniá₂, ia₁ i₂quiáng'₂ 'ne₂ bá₄ 'éi₂. ¹⁰ Ia₁ ca₂le₃jín₃ dsa₂ quiáng₃, ján₃ bá₄ quiáng'₂ 'éi₂; ton'₂ ca₂le₃jín₃ dsa₂ quiáng'₂ nē₃, i₂quiáng₃ bá₄ 'éi₂ ján₃, jaun₂ rē₂jniá₂ a₂jlán'₁ jniá₂ tē₂le₃ quian'₅₄ 'éi₂.

¹¹ 'Tsá₃ ma₃jan₄ jniá₂ mi₂güig₃ la₂; la₁ia₁ 'éi₂ nē₃ tē₂'ñiá₄ mi₂güig₃, jaun₂ nég'₄ ja₁con'₂ 'ne₂. Tia₅₄ Jñi₃ó₃, jmo₄ 'í₁ 'éi₂ i₂ma₂cuag'₅₄ quian'₅₄ jui₅bí₂ a₂lín'₅,* ia₁jaun₂ ca₂ne₅₄ bá₄ lén₂ co₂tan₅₄, jui₁lia'₂ lág₅ jniog₄. ¹² Lia'₂ con'₂ jme₁'en₅₄ jniá₂ quiang'₅₄ 'éi₂ mi₂güig₃ la₂,† ma₂qui₂ma₂jmo₃ jniá₂ 'í₁ i₂ma₂cuag'₅₄ quian'₅₄ jui₅bí₂ a₂lín'₅.‡ Ma₂qui₂ma₂jmo₃ jniá₂ 'í₁, jaun₂ lia'₂ 'i₁jan₂ 'éi₂ tsá₃ ca₂i₃cón'₅, jñia'₅₄ lia'₂ jan₂ bá₄ i₂'i₄ 'éi'₃ ds₃'én₂, ia₁jaun₂ le₃ti₃ Si₂.

¹³ 'Nē₃ nē₃, nég'₄ ja₁cong'₂; la₁ia₁ tē₂lia'₂ 'eng₅₄ guē'₄ mi₂güig₃, juá'₅ jniá₂ jág₁ la₂ ia₁jaun₂ le₃'ñia₅ ja₁con₂ 'éi₂ a₂'io₂ jéin₅ jniá₂. ¹⁴ Ma₂ca₂cuē₃ bá₄ jniá₂ jág₁ quiáng'₂, la₁ia₁ dsa₂ mi₂güig₃ nē₃, 'iog₅₄ quió'₅, ia₁ tsá₃ tén₅ 'éi₂ mi₂güig₃, jui₁lia'₂ jniá₂ nē₃, tsá₃ téng₅ mi₂güig₃. ¹⁵ On₃jua'₅₄ rē'₂ mi₅ jniá₂ jua'₅₄ a₂'uín'₅₄ mi₂güig₃, a₂jaun₂ bá₄ mi₅ jniá₂ a₂jmo'₂ 'í₁ ia₁jaun₂ tsá₃ jo₃ i₂sē₃dsen₃. ¹⁶ Tsá₃ mi₂güig₃ téin₅, jui₁lia'₂ jniá₂ nē₃, tsá₃ téng₅ mi₂güig₃. ¹⁷ Chon₄ dsa₂ 'éi₂ tē₂le₃ quian'₅₄ jág₁ tí₅; ia₁ jág₁ quiáng'₂ bá₄ lē₅ jág₁ tí₅. ¹⁸ Jui₁lia'₂ ca₂chei'₂ 'ne₂ jniá₂ jin₄ dsa₂ mi₂güig₃, ján₃ bá₄ le₂jaun₂ tsin₅₄ jniá₂ 'éi₂ jin₄ dsa₂ mi₂güig₃.§ ¹⁹ O₄quió'₄ 'éi₂ bá₄ tsón₄ jniá₂ 'ñio₃, ia₁jaun₂ ján₃ bá₄ le₂jaun₂ 'éi₂ nē₃, lé₂ rē₂tsoin₅₄ le₃quió'₅ jág₁ tí₅.

²⁰ 'La₁ia₁ on₃jua'₅₄ jmá'₃ o₄quió'₄ 'éi₂ mi₅ jniá₂; ján₃ bá₄ le₂jio₅ o₄quió'₄ i₂le₃'én₂ le₃quió₃, tē₂le₃ quian'₅₄ jág₁ quió'₅, ²¹ ia₁jaun₂ lén₂ ca₂ne₅₄ ca₂le₃jín₃, jui₁lia'₂ 'ne₂, Tia₅₄, 'eng'₅₄ ja₁con₂ jniá₂, ton'₂ 'en₅₄ guē'₂ jniá₂ ja₁con'₂ 'ne₂, ia₁jaun₂ 'éi₂ nē₃, ds₃toin₅₄ ja₁con₂ jniog₄,

* **17:11** A₂lin₅₄ chog₅₄ si₂: “jmo₄ 'í₁ 'éi₂ quian'₅₄ jui₅bí₂ a₂lín'₅, a₂ma₂jmo'₅₄ a₂lín₅ jniá₂ ján₃.” † **17:12** A₂lin₅₄ chog₅₄ si₂ tsá₃ chi₁ton₅: “mi₂güig₃ la₂.” ‡ **17:12** A₂lin₅₄ chog₅₄ si₂: “ma₂qui₂ma₂jmo₃ jniá₂ 'í₁ quian'₅₄ jui₅bí₂ a₂lín'₅, a₂ma₂jmo'₅₄ a₂lín₅ jniá₂ ján₃.” § **17:18** 'Nio'₂ ja₁ton₅ Juan 20:21.

ia₁jaun₂ qui₃le₃'én₂ dsa₂ mi₂güig₃ a₂ca₂chei'₂ jniá₂. ²² Ma₂ca₂cuë₃ jniá₂ 'éi₂ a₂jlá'₁ quió₃ a₂ca₂cuë'₅₄ 'ne₂ jniá₂, ia₁jaun₂ lén₂ 'éi₂ ca₂ne₅₄, jui₁lia'₂ lág₅ jniog₄ ca₂ne₅₄ ján₃. ²³ Jniá₂ le₃quió'₅ 'éi₂, 'ne₂ guë'₂ le₃quió₃ jniá₂, ia₁jaun₂ le₃'ñia₅ 'éi₂ a₂lén₂ ca₂ne₅₄, ia₁jaun₂ le₃ñi₅ dsa₂ mi₂güig₃ a₂ca₂chei'₂ jniá₂, ton'₂ ca₂jme₁'nióg'₄ 'éi₂ jui₁lia'₂ ca₂jme₁'nióg'₄ jniá₂.

²⁴ 'Tia₅₄, 'nio₃ jniá₂ a₂dsi₃ton'₅₄ 'éi₂ i₂ca₂cuag'₅₄ ja₁cong₂, ia₁jaun₂ tē₃ ne₅₄ a₂jlá'₁ quió₃ a₂ca₂cuë'₅₄ 'ne₂, ia₁ ca₂jme₁'nió'₄ 'ne₂ jniá₂, né'₃ guë₄ a₂nio₃ mi₂güig₃. ²⁵ Tia₅₄ i₂dsen₃ guë₄ lin₃, tsá₃ cuin₅ dsa₂ mi₂güig₃ 'ne₂, la₁ia₁ jniá₂ cuing₅ 'ne₂, jaun₂ ma₂ñi₅ bá₄ dsa₂ la₂ quiáng'₂ a₂ca₂chei'₂ 'ne₂ jniá₂. ²⁶ Ma₂ca₂jme₁jnia₅ jniá₂ ja₁con₂ 'éi₂ 'ein₂ lín'₅ 'ne₂, jaun₂ caun₂ jme₁jnia₅ bá₄ jniá₂ 'ne₂, ia₁jaun₂ jui₁lia'₂ a₂'nióg'₃ 'ne₂ jniá₂ tē₃ñiá₄ ja₁con₂ 'éi₂, ton'₂ 'ú₂ jniá₂ ja₁coin₂.

18

Ca₂ñja'₃ dsa₂ Jesús

(Mateo 26:47-56; Marcos 14:43-50; Lucas 22:47-53)

¹ Jme₁ma₂ca₂dsan₃ juá'₂ Jesús le₂nē₅, ca₂o₃'iin₃ quiaín'₅₄ chi'₂ dsi₂guia₃-tín₂, qui₂ca₂'ain₃ Ji'₅₄ Jma₃ Cedrón. Le₂quióng₄ ja₁jaun₂, jme₁cha₂ caun₂ ja₁jme₁cha₂ ni₁'ma₂ 'ag₅ mīg₂, ja₁ca₂'í₃ Jesús quiaín'₅₄ chi'₂ dsi₂guia₃-tín₂ quiaín₅. ² Ján₃ bá₄ le₂jaun₂ Judas i₂jme₁ma₂'en₅₄ jui₅ jáng'₂ quió'₅, jme₁ma₂cuí'₅ bá₄ ja₁jaun₂, ia₁ 'lióng₂ ráun₂ ca₂ñi'₂ Jesús ja₁jaun₂ quiaín'₅₄ chi'₂ dsi₂guia₃-tín₂ quiaín₅. ³ Jaun₂ lē₃ ca₂dsióg₃ Judas ja₁jaun₂ quiaín'₅₄ co₂nió'₃ 'lióg₂, quiaín'₅₄ co₂nió'₃ guë'₂ chi'₂ 'i'₅₄ quiaín₅ guá'₅, i₂chen₄ quiaín₅ juig₅₄ jme₂dsa₂ quiaín'₅₄ dsa₂ fariseos nē₃. Ca₂dsi₃lén₂ dsa₂ 'éi₂ qui₂le₁quian₅ ñi₁tág₂, ni₁'ma₂, quiaín'₅₄ si₂ ni₁tsí₅, ni₁qui₂ a₂le₁guí'₃ si₂ nē₃. ⁴ La₁ia₁ Jesús nē₃, jme₁ma₂ñi₅ bá₄ ca₂le₃jē₃ 'e₂ a₂dsi₃ñi₂, jaun₂ o₂'iin₃ ja₁jaun₂ ca₂l₁jme₁jēin'₂ dsa₂, jaun₂ ca₂ñi₂'₃ dsa₂ 'éi₂:

—¿I₂'ein₂ 'nag'₂ 'nia'₂?

⁵ Jaun₂ ca₂ñag₃ dsa₂ 'éi₂:

—Jesús i₂chan₂ Nazaret bá₄ 'nia'₂ jnia'₅₄.

Jaun₂ ca₂ñag₃ Jesús:

—Jniá₂ bá₄ 'éi₂.

Jaun₂ bá₄ jme₁chén'₄ Judas i₂jáng'₂ quió'₅, quiaín'₅₄ dsa₂ 'éi₂.

⁶ Jaun₂ jme₁ca₂juá'₂ Jesús ca₂tsí'₃ dsa₂: “Jniá₂ bá₄ 'éi₂”, jaun₂ i₃lén₂ le₃ca'₃ i₃gain'₅₄ 'uë₃.

⁷ Jaun₂ nē₃ ca₂ñag₃ táng₃ Jesús ca₂ñi₂'₃ dsa₂ 'éi₂:

—¿I₂'ein₂ 'nag'₂ 'nia'₂?

Jaun₂ ca₂ñag₃ táng₃ dsa₂:

—Jesús i₂chan₂ Nazaret bá₄.

⁸ Jaun₂ ca₂ñag₃ táng₃ Jesús:

—Ma₂nē₂juig₂ jniá₂ 'nia'₂, jniá₂ bá₄ lín₅ 'éi₂.^{*} Chi₂jua'₂ jniá₂ 'nau'₂ 'nia'₂, cuë₄ jmig₄ jui₁dsi₂lén₅ bá₄ i₂la₂.

⁹ A₂la₂ ca₂lē₃ ia₁jaun₂ le₃ti₃ lia'₂ con'₂ lē₅ a₂jme₁ca₂juá'₂ Jesús tsí'₅ Jmei₂: “Jui₁lia'₂ i₂ca₂cuag'₅₄ 'ne₂ jniá₂, tsá₃ 'ein₂ ca₂i₃cón'₅ 'i₁jan₂.”

¹⁰ Jaun₂ nē₃ jme₁quian₅ Si₂mu₅₄ Pe₄ ñi₁tág₂, jaun₂ ca₂dsí₃ ca₂quí'₃ rē₂gua₄ ne₁ quió'₅ jan₂ dsa₂ i₂jme₁chen₂ Malco, i₂jme₂ti₃ ta₁ ne₄ jme₂dsa₂ dsen₅₄.

¹¹ La₁ ca₂juá'₂ Jesús ca₂tsí'₃ Pe₄:

—Tio'₂ táng₃ ñi₁tág₂ ja₁jme₁'i₄. ¿'E₂ lín'₂ 'ne₂ a₂tsá₃ ca₂tín₂ jniá₂ dsi₃ñig₂ a₂ma₂juá'₂ Ñe'₃?†

Nó₃ Jesús ne₄ jme₂dsa₂ dsen₅₄

(Mateo 26:57-58; Marcos 14:53-54; Lucas 22:54)

^{*} **18:8** lit. “Jniá₂ lín₅”, co₂'nió'₄ jein₅ jág₁ lia'₂ chen₂ Jehová. 'Nio'₂ ja₁ton₅ Éxodo 3:14. † **18:11** lit. “¿'E₂ lín'₂ 'ne₂ a₂tsá₃ gui'₅₄ jniá₂ tion₅₄ jmig₂ dsi'₃ a₂ma₂cuë₃ Ñe'₃?”

¹² Jaun₂ ně₃ ca₂ŋau'₃ co₂nió'₃ 'lióg₂ lia'₂ jma₃quaiain'₅₄ juig₅₄, quaiain'₅₄ chi'₂ 'i'₅₄ quián₅ guá'₅ ně₃, ca₂ŋai'₃ Jesús, jaun₂ qui₂ca₂'nei'₂ ně₃. ¹³ Jaun₂ ca₂i₁jio₃ le₂'uig₅₄ ja₁quió'₄ Anás. Anás 'éi₂ ně₃ jme₁lín₄ dsi₂jmei₂ Caifás, i₂jme₁lín₄ ta₁ jme₂dsa₂ dsen₅₄ ŋi₂ jaun₂.

¹⁴ Caifás 'éi₂ ně₃ i₂jme₁ca₂juá'₂ ca₂tsí'₃ dsa₂judíos, a₂jmo₅jón₂jan₂ dsa₂o₄quió'₄ dsa₂juig₂.†

Tsá₃ ca₂tion₃ Pe₄ a₂cuin₂₃ Jesús

(Mateo 26:69-70; Marcos 14:66-68; Lucas 22:55-57)

¹⁵ Jaun₂ ca₂ŋó₃ Si₂mu₅₄ Pe₄ quaiain'₅₄ gué₄ jan₂ dsa₂ i₂guia₃-tín₂ sián'₂ ně₃, chi₁co'₅₄ quió'₅ Jesús. Dsa₂guia₃-tín₂ jan₂ 'éi₂ ně₃ jme₁cuig₅ bá₄ jme₂dsa₂ dsen₅₄ quió'₅, jaun₂ bá₄ ca₂'í₃ co₂lě₅ quaiain'₅₄ Jesús i₁dsi₅ quió'₅ jme₂dsa₂ dsen₅₄. ¹⁶ La₁ Pe₄ ně₃, jaun₂ bá₄ ca₂nau₂ o₄'né₄ tē₂le₃ ca₁'né₄. 'Uig₅₄ jaun₂ ca₂o₃'ín₃ dsa₂guia₃-tín₂ i₂ma₂cuig₅ jme₂dsa₂ dsen₅₄ quió'₅, jaun₂ ca₂juá'₂ ca₂tsí'₃ 'io₅₄ i₂nio₅ ne₄ o₄'né₄, jaun₂ ca₂ŋi₂ Pe₄ tē₂le₃ dsi₂néi₂.

¹⁷ Jaun₂ ně₃ ca₂ŋag₃ 'io₅₄ i₂jmo₅ 'í₁ o₄'né₄ ca₂ŋi₂'₃ Pe₄:

—On₃jua'₅₄ 'ne₂ líng'₅ jan₂ i₂ca₂rě₃tín₃ quián₅ dsa₂ ně₅, ¿lia'₅₄?

Jaun₂ ca₂juá'₂:

—Jan₂'ón₄, on₃jua'₅₄ jniá₂ 'éi₂.

¹⁸ Ja₁jaun₂ jme₁tió₂ dsa₂ i₂jme₂ti₃ ta₁, quaiain'₅₄ chi'₂ 'i'₅₄ quián₅ guá'₅. Jme₁ma₂ca₂dsia₃ ca₂jo'₅₄ si₂, ia₁ a₂jme₁güí₂, jaun₂ tió₂ qui₂jme₂dsioin'₂. Ján₃ bá₄ jē₄ jaun₂ jme₁chén'₄ Pe₄ jme₂dsioin'₂.

Chén'₅ Jesús ne₄ jme₂dsa₂ dsen₅₄

(Mateo 26:59-66; Marcos 14:55-64; Lucas 22:66-71)

¹⁹ Jaun₂ ca₂ŋag₃ jme₂dsa₂ dsen₅₄ ca₂ŋi₂'₃ Jesús cuente quió'₅ chi'₂ dsi₂guia₃-tín₂ quián₅, cuente quió'₅ ju₁lia'₂ jág₁ a₂jme₂tag₂₃ ně₃.

²⁰ Jaun₂ ca₂ŋag₃ Jesús:

—Ma₂qui₂ma₂juá'₃ bá₄ jniá₂ lia'₂ rē₂jiá₃ jág₁ tē₃ne₄ ca₂le₃jín₃ dsa₂; jme₁qui₂jme₁tín₂ jniá₂ tián₂ dsa₂ dsi₂néi₂ guá'₅ sinagoga quian'₅₄ i₁dsi₅ guá'₅ templo ně₃, ja₁qui₂ŋi'₂ ca₂le₃jín₃ dsa₂ judíos. Tsá₃ 'e₂ jág₁ ma₂juá'₃ jniá₂ 'i₁caun₂ tē₃ chi₁'ma₁. ²¹ ¿'E₂ 'uig₅₄ ŋag'₅₄ 'ne₂ jniá₂ jaun₂? Ní'₅₄ ju₁lia'₂ dsa₂ i₂qui₂ma₂nág₂ jág₁ quió₃, 'e₂ ma₂juí₂ jniá₂. Jag₄ de'₂, i₂ŋi₅ bá₄ 'éi₂ ju₁lia'₂ i₂'e₂ jág₁ a₂ma₂juá'₃ jniá₂.

²² Jme₁ca₂juá'₂ Jesús le₂ně₅, jan₂ chi'₂ 'i'₅₄ quián₅ guá'₅ i₂jme₁chén'₄ cau₅, ca₂quein₃ dsi₂ne₄ Jesús, jaun₂ ca₂juá'₂:

—¿Le₁ně₅ bá₄ ŋag'₅₄ 'ne₂ ne₄ jme₂dsa₂ dsen₅₄?

²³ Jaun₂ ca₂ŋag₃ Jesús:

—Chi₂jua'₂ 'lig'₅₄ ně₂juá'₃ jniá₂, jua'₅₄, jme₁jnia₅ chi₂jua'₂ já₄ ca₂'lian'₂ jniá₂ jaun₂. La₁ chi₂jua'₂ dsau₅ bá₄ jág₁ a₂ně₂juá'₃, ¿'e₂ gué'₂ lě₃ quein'₂ quió₃?

²⁴ Jaun₂ ně₃ ca₂chei₃ Anás ca₂chein₃ Jesús chi₁'nei'₅₄ ne₄ Caifás, i₂lín₅ jme₂dsa₂ dsen₅₄.

Con'₂ siá'₂ táng₃ tsá₃ ca₂tion₃ Pe₄ a₂cuin₂₃ Jesús

(Mateo 26:71-75; Marcos 14:69-72; Lucas 22:58-62)

²⁵ Tē₁lia'₂ jaun₂ ně₃, jaun₂ bá₄ chén'₅ Pe₄ jme₂dsioin'₂ cau₅ si₂, jaun₂ ca₂ŋag₃ dsa₂ ca₂ŋi₂'₃ Pe₄:

—¿On₁jua'₅₄ 'ne₂ líng'₅ jan₂ i₂ca₂rě₃tín₃ quián₅ dsa₂ ně₅?

Tsá₃ ca₂tion₃ Pe₄ jaun₂, ca₂juá'₂:

—Jan₂'ón₄. On₃jua'₅₄ jniá₂ 'éi₂.

²⁶ Jaun₂ ně₃ ca₂ŋag₃ jan₂ i₂jme₂ti₃ ta₁ ne₄ jme₂dsa₂ dsen₅₄, i₂lín₅ jan₂ o₁rín'₅₄ dsa₂ i₂ca₂quí'₃ Pe₄ rē₂gua₄, ca₂juá'₂:

—¿Tsa₁ ně₂jín₄ jniá₂ 'ne₂ ja₁cha₂ ni₁'ma₂ jaun₂, co₂lě₅ quian'₅₄ 'éi₂?

† 18:14 Juan 11:50.

²⁷ Jaun₂ con'₂ siá'₂ táng₃ tsá₃ ca₂tion₃ Pe₄ a₂cu₁in₂₃ Jesús. Jaun₂ lia'₂ ma₂tē₂dsi₅₄ jaun₂, ca₂'o₃ tē₁guí₄ dsó₂.

Chén'₅ Jesús ne₄ Dsi₄má'₂ Pilato

(Mateo 27:1-2, 11—14; Marcos 15:1-5; Lucas 23:1-5)

²⁸ Jaun₂ ně₃ ca₂dsen₅ dsa₂ Jesús ja₁quió'₄ Caifás ca₂i₁jio₃ tē₂ ne₄ta₁ quió'₅ dsi₄má'₂. Jme₁ma₂jnia₃ mi₂güig₃, jaun₂ tsá₃ ca₂tón'₂ dsa₂ judíos dsi₂néi₂ ne₄ta₁ quió'₅ dsi₄má'₂, ia₁jaun₂ tsá₃ le₃'iog₅ quió'₅, ia₁'nio₃ jme₁gué'₃ má₃ quió'₅ Jmig₄ Tē₂'in₅₄.

²⁹ 'Uig₅₄ jaun₂ ně₃ ca₂o₃'in₃ Pilato 'njio₅ ja₁tion'₅₄ 'éi₂, jaun₂ ca₂juá'₂:

—¿'E₂ dso₄ bon'₄ 'nia'₂ dsa₂ la₂?

³⁰ Jaun₂ ca₂ṇag₃ dsa₂:

—Jua'₅₄ mei'₂ gué₃ tsá₃ rin₅ dsa₂ ně₅ dso₄, tsá₃ o₄gog'₂ 'ne₂ jme₁jīn'₅₄ jnia'₅₄.

³¹ Jaun₂ ně₃ ca₂juá'₂ Pilato ca₂tsí'₃ dsa₂:

—Te₅₄ 'nia'₂ jaun₂, qui₂dsi₅ 'nia'₂ 'éi'₃ quió'₅ lia'₂ con'₂ lě₅ 'Éi'₃ quián'₂ 'nia'₂ guiong'₅₄.

Jaun₂ ca₂ṇag₃ dsa₂ judíos:

—La₁ia₁ tsá₃ 'i₄ 'éi'₃ a₂jñí'₄ jnia'₅₄ jan₂ dsa₂.

³² Le₂ně₅ ca₂rě₃tí₃ jág₁ a₂ca₂juá'₂ Jesús 'e₂ ne₅₄ 'mú₃ a₂dsi₃jñi₂.

³³ Jaun₂ ca₂'í₃ táng₃ Pilato tē₂le₃ dsi₂néi₂ ne₄ta₁ quió'₅, jaun₂ ca₂tě'₃ Jesús jaun₂ ca₂jñi'₃ 'éi₂:

—¿Lín'₅ 'ne₂ Rag₅₄ quián₅ dsa₂ judíos?

³⁴ Jaun₂ ca₂ṇag₃ Jesús:

—¿A₂ṇag'₅₄ 'a₂ con'₂ dsi₂jio₅ 'au'₂ 'njag'₂ a₂juá'₂ ně₅, o₃ chan₂ i₂sián'₂ a₂ma₂juá'₂ 'ag₂₃ jniá'₂?

³⁵ Jaun₂ ca₂ṇag₃ Pilato:

—¿O₃ bá₄ dsa₂ judío lín₅ jniá'₂? Dsa₂ juig₂ quiáng'₂, quian'₅₄ juig₅₄ jme₂dsa₂ bá₄ ně₂jáng'₂ quiáng'₂ o₄gu₃ jniá'₂. ¿'E₂ ma₂jmo'₅₄?

³⁶ Jaun₂ ně₃ ca₂ṇag₃ Jesús:

—On₃jua'₅₄ mi₂güig₃ la₂ ja₁gon₂ jniá'₂. Jua'₅₄ mei'₂ gué₃ mi₂güig₃ la₂ ja₁gon₂ jniá'₂, jme₁náu₃ 'nei₂ bá₄ dsa₂ i₂quiong'₅₄ jniá'₂ ia₁jaun₂ tsá₃ jme₁jáng'₂ dsa₂ ne₄ dsa₂ judíos. La₁ on₃jua'₅₄ ja₁lá₃ ja₁gon₂ jniá'₂.

³⁷ Jaun₂ ně₃ ca₂juá'₂ Pilato ca₂tsí'₃ Jesús:

—¿Dsón'₂ bá₄ lín₅ 'ne₂ rag₅₄ jaun₂ ně₃?

Jaun₂ ca₂ṇag₃ Jesús:

—Dsau₅ bá₄ juá'₂ 'ne₂, a₂lín₅ jniá'₂ rag₅₄. Ta₁ jaun₂ ca₂rě₃cháng₃, ta₁ jaun₂ guang₃ mi₂güig₃, ia₁jaun₂ jáng'₄ jág₁ dsau₅ o₄quió'₄ jág₁ tí₅. Ca₂le₃jín₃ i₂tión₂ le₃quió'₅ jág₁ tí₅, nag₂₃ jág₁ quió₃.

³⁸ Jaun₂ ca₂juá'₂ Pilato ca₂tsí'₃ Jesús:

—¿I₂'e₂ jaun₂ jág₁ tí₅?

Ca₂o₃'ág₃ 'éi'₃ a₂jón₂ Jesús

(Mateo 27:15-31; Marcos 15:6-20; Lucas 23:13-25)

Jme₁ca₂dsan₃ juá'₂ Pilato le₂ně₅, ca₂o₃'in₃ táng₃, ca₂dsia₃ táng₃ jág₁ quian'₅₄ dsa₂ judíos. Jaun₂ ca₂juá'₂:

—Tsá₃ dso₄ dso'₂ jniá'₂ ja₁con₂ dsa₂ la₂. ³⁹ La₁ chí'₅ caun₂ tag₄ quián'₂ 'nia'₂ a₂tén₅ jniá'₂ jan₂ dsa₂ ja₁con₂ 'nia'₂ jme₁tē₅ Jmig₄ Tē₂'in₅₄. ¿'Nio₃' 'nia'₂ jaun₂ a₂tén₄ jniá'₂ Rag₅₄ quián₅ dsa₂ judíos?

⁴⁰ Jaun₂ ně₃, ca₂tóin'₂ co₂mi'₅₄ ca₂juá'₂:

—¡On₃jua'₅₄ i₂ně₅! ¡Barrabás bá₄ tén₃!

Barrabás 'éi₂ ně₃, jme₁lín₄ jan₂ dsa₂ 'ang₂ i₂ca₂nau₂ 'nei₂. §

19

¹ Jaun₂ ně₃ ca₂jmo₃ Pilato 'éi'₃ a₂ca₂i₁ban₅ dsa₂ Jesús quian'₅₄ tsi'₁nei₅₄ a₂co₂taun₅.
² Jaun₂ ca₂jmo₃ 'lióg₂ caun₂ ni₁tsag₂ corona a₂lě₅ jméi₁ ni₁uing₂ taun₅, jaun₂ ca₂tó'₂ mi₂dsi₄ Jesús. Jaun₂ ca₂quen'₃ dsa₂ Jesús caun₂ tsi'₁mi'₂ chen'₅₄ a₂jniá₂ 'ui'₃ guéin₂. ³ Jaun₂ ně₃ qui₂ca₂jme₃quiáin₃ ja₁con₂ 'éi'₂, a₂juá'₂:

—iSian'₃ 'ne₂, Rag₅₄ quián₅ dsa₂ judíos!

Jaun₂ qui₂ca₂quein₃ dsi₂ne₄ Jesús.

⁴ Jaun₂ ně₃ o₂ín₃ táng₃ Pilato, jaun₂ ca₂juá'₂ ca₂tsí'₃ dsa₂:

—Nei₂ 'nia'₂, dséin₄ jniá₂ ja₁lá₃ le₃ja₁con'₂ 'nia'₂, ia₁jaun₂ le₃len'₅₄ 'nia'₂ ca₂lia'₂ 'i₁caun₂ dso₄ tsá₃ dso'₂ jniá₂ ja₁coin₂.

⁵ Jaun₂ o₂ín₃ Jesús, 'i₄ dsi₅₄ corona lě₅ ni₁uing₂ taun₅, ján₃ bá₄ qui'₂ tsi'₁mi'₂ chen'₅₄ 'ui'₃ jaun₂. Jaun₂ ně₃ ca₂juá'₂ Pilato ca₂tsí'₃ dsa₂:

—jín₄ 'nia'₂ dsa₂!

⁶ Jaun₂ jme₁qui₂ca₂jág₂ juig₅₄ jme₂dsa₂ quian'₅₄ chi'₂ 'i'₅₄ quián₅ guá'₅ ně₃, jaun₂ ca₂jme₃lióg₃ qui₂ca₂tóin'₂ co₂mi'₅₄, ca₂juá'₂:

—iTióin₃ cróg₄! iTióin₃ cróg₄!

Jaun₂ ca₂juá'₂ Pilato:

—Te₅₄ 'nia'₂ jaun₂, tióin₃ 'nia'₂ cróg₄ guiong'₅₄, ia₁ jniá₂ ně₃, 'i₁caun₂ dso₄ tsá₃ dso'₂ jniá₂ ja₁coin₂.

⁷ La₁ia₁ ca₂ηag₃ dsa₂ judíos:

—Ron₅ caun₂ 'éi'₃ quián₂ jnia'₅₄, jaun₂ lia'₂ con'₂ lě₅ juá'₂ 'éi'₃ jaun₂, a₂'nió'₅ jóin₂ bá₄; ia₁ a₂jmo₂₃ a₂lín₅ Ja₁ηi'₅₄ Diú₄.

⁸ Jme₁ca₂nág₂ Pilato jág₁ ně₅, 'ηio₅ lín₃ guě₄ ca₂i₃gó'₃ dsí₅. ⁹ Jaun₂ ca₂'í₃ táng₃ tē₂le₃ dsi₂néi₂ ne₄ta₁ quió'₅, jaun₂ ca₂ηag₃ ca₂ηí'₃ Jesús:

—¿A₂já'₄ chan'₂ 'ne₂?

La₁ tsá₃ 'e₂ ca₂ηag₃ Jesús, 'i₁caun₂. ¹⁰ Jaun₂ ně₃, ca₂juá'₂ Pilato:

—¿Tsa₁ ηag'₅₄ 'ne₂ jág₁ quió₃ jniá₂? ¿Tsa₁ ηi'₅₄ 'ne₂ jaun₂ a₂'o₂ jniá₂ jui₅bí₂ a₂jmo₅₄ 'éi'₃ a₂tion₃ dsa₂ cróg₄ 'ne₂, ján₃ bá₄ le₃jaun₂ guě'₂ ján₃, a₂'o₂ jniá₂ jui₅bí₂ a₂long₅₄ 'ne₂?

¹¹ Jaun₂ ca₂ηag₃ Jesús:

—Ca₂lia'₂ 'i₁caun₂ jui₅bí₂ tsá₃ 'au'₂ 'ne₂ ja₁con₂ jniá₂, jua'₅₄ tsá₃ Diú₄ ca₂cuě₃. 'Uig₅₄ jaun₂, jui₁lia'₂ i₂ně₂jáng'₂ jniá₂ ne'₅₄ 'ne₂, 'ηio₅ lín₃ guě₄ juě'₂ dso₄ rě₂cáin'₄ con'₂ guě₄ 'ne₂.

¹² Ca₂le₃ jaun₂ ca₂'náu'₃ dsí₅ Pilato 'a₂ lia'₂ cuin₅ jmig₄ a₂jme₁lióin₂ Jesús; la₁ dsa₂ judíos ně₃ qui₂ca₂tóin'₂ co₂mi'₅₄ ca₂juá'₂:

—iNě₁jua'₂ ca₂lioin'₅₄, tsá₃ lín₃ 'a₂mei₅₄ quián₅ dsi₂tan₅₄ emperador! iLa₁ ně₁jua'₂ 'ein₂ jmo₅ lín₅ rag₅₄, lín₅ jan₂ dsa₂ i₂'nia₅₄ emperador!

¹³ Jaun₂ ně₃ jme₁ca₂nág₂ Pilato jág₁ jaun₂, ca₂dsein₂₃ Jesús. Jaun₂ ca₂guá₂ ne₄ta₁ ja₁qui₂dsi₂₃ 'éi'₃; ja₁jaun₂ ja₁chei₂ Gabata quian'₅₄ jág₁ jmei₅ hebreo, co₂'nió'₄ a₂juá'₂, ja₁lě₄ 'uě₃ cang₄. ¹⁴ Jme₁lě₄ jmig₄ a₂jmo₅ dsa₂ co₂ηia₅₄ Jmíg₄ Tě₂'in₅₄; jme₁ma₂tě₂ con'₂ dsi₂ηí'₃; jaun₂ ca₂juá'₂ Pilato ca₂tsí'₃ dsa₂ judíos:

—jín₄ 'nia'₂ rag₅₄ quiáng'₂!

¹⁵ La₁ ca₂tóin'₂ co₂mi'₅₄ ca₂juá'₂:

—iCau₅ ηjiai'₃! iCau₅ ηjiai'₃! iTióin₃ cróg₄!

Jaun₂ ca₂juá'₂ Pilato:

—¿A₁'niog'₂ 'nia'₂ tóng₄ cróg₄ rag₅₄ quián'₂ 'nia'₂?

La₁ qui₂ca₂ηag₃ juig₅₄ jme₂dsa₂ ca₂juá'₂:

—Tsá₃ rag₅₄ sián'₂ chan₂ quián₂ jnia'₅₄, ηjia'₅₄ lia'₂ jan₂ emperador bá₄.

¹⁶ Jaun₂ bá₄ ca₂jáng'₂ Pilato ca₂jín'₂ Jesús ia₁jaun₂ tio₃ dsa₂ ne₄ cróg₄. Jaun₂ ca₂tág₃ dsa₂.

*Ca₂tion₃ dsa₂ cróg₄ Jesús**(Mateo 27:32-44; Marcos 15:21-32; Lucas 23:26-43)*

¹⁷ O₂'ín₃ Jesús jaun₂, quian₅ cróg₄ quió'₅, a₂ñó₃ jui₅ ja₁tě'₂ dsa₂ Dsi₂con'₂ Ni₁mu₅ Mi₂dsi₄ 'Lag₄. Quian'₅₄ jág₁ jmei₅ arameo guě'₂, chei₂ Gólgota. ¹⁸ Ja₁jaun₂ ca₂tion₃ dsa₂ ne₄ cróg₄, ján₃ bá₄ ca₂tion₃ guě'₄ dsa₂ on₃ dsa₂ sián'₂ co₂lě₅ quian'₅₄ Jesús, jma₃jan₂ lia'₂ ca₂ton₂ quió'₅; 'ñiog₅ guě'₂ Jesús tē₁toin₅₄ dsi₂jo₂.

¹⁹ Jaun₂ ca₂tióng₃ Pilato letras dsi₄ cróg₄ co₂'nió'₄ a₂juá'₂: “JESÚS CHAN₂ NAZARET, RAG₅₄ QUIÁN₅ DSA₂ JUDÍOS.”

²⁰ Jaun₂ juin₅ dsa₂ judíos ca₂'í₂ letras jaun₂, ia₁ ma₂quián₅ chei'₅₄ juig₂ ciudad bá₄ ja₁ca₂tion₃ dsa₂ cróg₄ Jesús jaun₂. Jme₁chi₁ton₅ letras jaun₂ quian'₅₄ jág₁ jmei₅ hebreo, griego, quian'₅₄ jág₁ jmei₅ latín ně₃. ²¹ 'Uig₅₄ jaun₂, ca₂juá'₂ juig₅₄ jme₂dsa₂ quian'₅₄ dsa₂ judíos, ca₂tsí'₃ Pilato:

—Tsá₃ lē₁taun₂ “Rag₅₄ quián₅ dsa₂ judíos”; ja₂lin₃ guě'₄ dse₃ taun'₅₄ “I₂juá'₂ a₂lín₅ Rag₅₄ quián₅ dsa₂ judíos.”

²² La₁ ca₂ñag₃ Pilato:

—Jui₁lia'₂ a₂ma₂nē₂taun₂ jniá₂, co₂ně₅ ma₂nē₂taun₂.

²³ Jme₁ma₂ca₂lě₃ tion₅ 'lióg₂ Jesús ne₄ cróg₄, jaun₂ ca₂can₃ tsi₁'mi'₂ quió'₅ Jesús, jaun₂ ca₂jmo₃ quén₂ dso'₅₄, jma₃jan₂ 'lióg₂ lia'₂ ca₂dso'₅₄. Já₃n₃ bá₄ le₂jaun₂ ca₂can₃ ni₁tsin'₅₄ Jesús. La₁ ni₁tsin'₅₄ ně₃, tsá₃ jme₁rě₂'me₅; jme₁lě₄ caun₂ 'mi'₂ con'₂ lě₅ ca₂ta₃ dsa₂, ta₁caun₂.

²⁴ Jaun₂ ca₂juá'₂ 'lióg₂ ca₂tsí'₃ riin'₅₄:

—Co₂ñei'₅₄ tió'₅ tsá₃ guěi₃. Ně₃ i₁cáu₂ co₂ñei'₅₄ dsi₂ suerte, o₁ne₄ 'ein₂ tin₅₄.

Jaun₂ le₂ně₅ ca₂rě₃ti₃ jág₁ a₂rě₂ton₅ ne₄ Si₂ a₂juá'₂:

Qui₂ca₂dsi₂on'₂ dsa₂ tsín'₅ jniá₂ quian'₅₄ riin'₅₄,

ca₂co₃ ca₂dsi₂ suerte o₁ne₄ 'ein₂ tin₅₄.^{*}
Le₂ně₅ bá₄ ca₂jmo₃ 'lióg₂ 'éi₂ tioin'₅₄.

²⁵ La₁ chog₅₄ Jesús ně₃, jaun₂ bá₄ jme₁chéin'₄ cau₅ cróg₄, lia'₂ jma₃quian'₅₄ 'io₅₄ riin'₅₄, quian'₅₄ María quián₅ Cleofas, quian'₅₄ María chan₂ Magdala ně₃. ²⁶ Jme₁ca₂jín₂ Jesús chog₅₄, quian'₅₄ chi'₂ dsi₂guia₃-tín₂ i₂ñí₄ lě₃ jme₁'nioi₃ 'éi₂, chéin'₅ cau₅, jaun₂ ca₂juá'₂ ca₂tsí'₃ chog₅₄:

—Io₅₄, ně₅ chén'₅ ja₂ñí'₂.

²⁷ Jaun₂ guě'₄ ca₂juá'₂ ca₂tsí'₃ dsi₂guia₃-tín₂ 'éi₂:

—Ně₅ chén'₅ chog'₂.

Ca₂le₃ jmig₄ jaun₂, ca₂guei₃ chi'₂ dsi₂guia₃-tín₂ 'éi₂ ca₂guein₃ María dsi₂néi₂ quió'₅.

*Ca₂jon₃ Jesús**(Mateo 27:45-56; Marcos 15:33-41; Lucas 23:44-49)*

²⁸ Cang₂ guě'₄ jaun₂ ně₃, ia₁ jme₁ma₂ñi₅ bá₄ Jesús a₂ma₂ca₂rě₃'ñia₅ ca₂le₃jě₃, ia₁jaun₂ le₃ti₃ jág₁ tio'₅₄ ne₄ Si₂, ca₂juá'₂:

—Jm₂ig₂ i₁gui'₁ jniá₂.

²⁹ Jě₄ jaun₂ jme₁chí'₄ caun₂ ni₁dsig₁ a₂'a₄ jmig₂ dsi'₃, jaun₂ ca₂tiá₂ dsa₂ caun₂ ni₁jau₂ 'ñió'₃, ca₂guioin₃ quian'₅₄ jmig₂ dsi'₃ jaun₂. Jaun₂ ca₂chi₃dsi₂ dsa₂ nei'₅₄ caun₂ ni₁ma₂hisopo jaun₂ ca₂chóg'₃ dsa₂ tē₂ mi₂'o₄ Jesús. ³⁰ Jme₁ma₂ně₂'én'₂ jmig₂ dsi'₃ jaun₂, jaun₂ ca₂juá'₂:

—Ma₂ca₂lě₃.

Jaun₂ ně₃ ca₂sióg₂ mi₂dsi₅₄, ca₂jáng'₃ jme₂dsi₂ quió'₅.

Ca₂'ág'₂ 'lióg₂ ñi₁chen'₂ quió'₅ mi₂dsi₂con₂ Jesús

³¹ Jme₁lě₄ jmig₄ a₂jmo₅ dsa₂ co₂ñia₅₄ Jm₂ig₄ Tě₂'in₅₄, jaun₂ tsá₃ 'nio₃ dsa₂ judíos jua'₅₄ lia'₂ ma₂le₁ton₅ jaun₂ ni₁ñi₁₂ dso'₂ cróg₄ jmig₄ sa₅₄, ia₁ jmig₄ juě'₂ lin₃ bá₄ sa₅₄ jaun₂. 'Uig₅₄ jaun₂ ně₃ ca₂mi₃ ne₄ Pilato a₂chein₃ 'lióg₂ a₂qui₂dsi₃jio₅₄ dsi₂tag₄ 'éi₂, jaun₂ guě'₄ tē₂. ³² Jaun₂ ně₃ ca₂i₁len₅₄ 'lióg₂ ca₂i₁jio₂ dsi₂tag₄ i₂le₂'uig₅₄; já₃n₃ bá₄ le₂jaun₂ ca₂jmo₃ quian'₅₄ i₂jan₂ i₂chi₁ton₅

* **19:24** Salmo 22:18.

cróg₄ con₂ Jesús. ³³ La₁ jme₁ca₂jme₃quiáin₃ con₂ Jesús, ca₂jág₃ jme₁ma₂join₂₃ bá₄; 'uig₅₄ jaun₂ ně₃ tsá₃ ma₂ca₂jio₃ dsi₂tag₄ 'éi₂. ³⁴ La₁ ca₂'ág'₂ jan₂ 'lióg₂ mi₂dsi₁con₂ Jesús quian'₅₄ ŋi₁chen'₂ quió'₅, jaun₂ dsi₂jui₅ le₂jaun₂ ca₂'io₂ jmi₂ quian'₅₄ jmi₂g₂. ³⁵ Jan₂ dsa₂ i₂ca₂tě₂ ne₄ i₂jáng'₅ jág₁ dsau₅ la₂; ton'₂ tí₅ bá₄ jág₁ dsau₅ a₂jáng'₅. Ján₃ bá₄ ŋi₅ dsa₂ 'éi₂ a₂juá'₂ jág₁ tí₅ tě₃dsón'₂, ia₁jaun₂ le₃'én'₂ 'nia'₂ ján₃. ³⁶ Ia₁ a₂ca₂lě₃ la₂, ca₂lě₃ ia₁jaun₂ le₃tí₃ jág₁ a₂rě₂ton₅ ne₄ Si₂ a₂juá'₂: "Lia'₂ 'i₁caun₂ mu₄ 'éi₂ tsá₃ qui₃jio₃ dsa₂."† ³⁷ Le₂jaun₂ guě'₂ táng₃ juá'₂ ne₄ Si₂ ja₁siá'₂: "Jág₂ dsa₂ jín₂ 'éi₂ i₂ca₂'ág'₂ dsa₂ quió'₅."‡

Ca₂'on₃ Jesús

(Mateo 27:57-61; Marcos 15:42-47; Lucas 23:50-56)

³⁸ Cang₂ guě₄ jaun₂ ně₃, ca₂mi₃ jan₂ dsa₂ i₂chen₂ José, i₂chan₂ juig₂ Arimatea, i₂jme₁lín₄ jan₂ dsa₂ i₂quián₅ Jesús, la₁ia₁ jme₁'éin₂ con'₂ tě₃co'₅₄ bá₄, ia₁ a₂gain₃ dsa₂ judíos; ca₂mi₃ Sě₄ 'éi₂ ne₄ Dsi₄má'₂ Pilato a₂con₂ ni₁ŋi₁ 'lag₄ Jesús. Ca₂cuě₃ bá₄ Pilato jmi₂g₄, jaun₂ ŋe₄ Sě₄ ca₂i₁sioin₅ 'lag₄, jaun₂ ca₂tág₃. ³⁹ Ján₃ bá₄ ca₂dsióg₃ Nicodemo i₂jme₁ca₂i₁dsia₂ jág₁ le₂jñiá₅ quian'₅₄ Jesús a₂'uě₂. Jme₁quian'₅ 'éi₂ con'₂ guióg₂-guiá₂ kilos mirra quian'₅₄ áloes a₂ma₂rě₂güin'₅. ⁴⁰ Jaun₂ ca₂tág₃ Sě₄ quian'₅₄ Nicodemo ca₂tág₃ 'lag₄ ca₂lio₃ quian'₅₄ tsi₁'mi'₂ tióg₃ lia'₂ jma₃quian'₅₄ mi₂ro₂ jaun₂, lia'₂ jme₁lě₄ tag₄ chí'₅ quió'₅ dsa₂ judíos a₂jme₁'óin₂ 'lag₄. ⁴¹ Cau₅ ja₁ca₂tion₃ dsa₂ cróg₄ Jesús, jme₁lě₄ caun₂ ja₁cha₂ ni₁'ma₂ a₂'ag₅ mīg₂. Jaun₂ jě₄ jaun₂ jme₁dsi₅₄ caun₂ tau₂ 'ŋio₅ 'mí₂ ja₁tsá₃ 'ein₂ jme₁ma₂ton'₂ dsa₂ 'i₁jan₂ 'lag₄. ⁴² Jaun₂ 'uig₅₄ ia₁ a₂jme₁lě₄ jmi₂g₄ a₂jmo₃ dsa₂ judíos co₂jñia₅₄ quió'₅, ton'₂ 'uig₅₄ ia₁ a₂jme₁lě₄ ma₂quián₅ jaun₂ tau₂ 'ŋio₅, jaun₂ ja₁jaun₂ ca₂quio₅ Sě₄ quian'₅₄ Nicodemo ca₂quioin₂₃ Jesús.

20

Ca₂jen'₅₄ Jesús

(Mateo 28:1-10; Marcos 16:1-8; Lucas 24:1-12)

¹ Jě₁le₂'uig₅₄ jmi₂g₄ semana, ŋe₄ María chan₂ Magdala ja₁dsi₅₄ tau₂ 'ŋio₅, tě₂ o₃'iog₂ tě₃ qui₁né'₃ guě₄ le₂jaun₂. Jaun₂ ca₂jág₃, jme₁ma₂rě₃jñiá'₅₄ bá₄ ni₁cang₁ 'o₄ tau₂ 'ŋio₅ jme₁dsióg₃. ² Jaun₂ ně₃ ca₂ŋái'₃ co₂chi'₅₄ ja₁jme₁'en₅₄ Si₂mu₅₄ Pe₄ quian'₅ chi'₂ dsi₂guia₃-tín₂ jan₂ i₂ŋí₄ lě₃ jme₁'nio₃ Jesús 'éi₂, jaun₂ ca₂juá'₂:

—Ma₂ně₂dsen₅ dsa₂ Te₁gui'₅₄ dsi₂néi₂ tau₂ 'ŋio₅ ja₁jme₁roin₂₃, jaun₂ tsá₃ ne₄ a₂já'₄ ně₂quio₅ dsa₂.

³ Jaun₂ ně₃ Pe₄ quian'₅₄ chi'₂ dsi₂guia₃-tín₂ jan₂ 'éi₂ ca₂'uün₂ jaun₂ i₃lěin₂ ja₁dsi₅₄ tau₂ 'ŋio₅. ⁴ Le₃oin₃ bá₄ i₃lěin₂ co₂lě₅ co₂'ei₅; la₁ i₂jan₂ 'éi₂ ca₂ŋi₃ guě₄ co₂chi'₅₄ con'₂ guě₄ Pe₄, jaun₂ jñiá₅ bá₄ ca₂dsióg₃ ja₁dsi₅₄ tau₂ 'ŋio₅. ⁵ Jaun₂ ca₂jmo₃ i₁jín₂ ca₂ŋéi₃ ne₅₄, jaun₂ ca₂jág₃, jaun₂ bá₄ jme₁niog₅ tsi₁'mi'₂ tióg₃, la₁ia₁ tsá₃ ca₂'í₃ dsi₂néi₂. ⁶ Jaun₂ guě₄ ca₂dsióg₃ Si₂mu₅₄ Pe₄ chi₁co'₅₄ quió'₅, jaun₂ ca₂'í₃ dsi₂néi₂ tau₂ 'ŋio₅. Jaun₂ ca₂jág₃ 'éi₂ tsi₁'mi'₂ tióg₃: jaun₂ bá₄ jme₁niog₅ ja₁jaun₂; ⁷ ján₃ bá₄ ca₂jág₃ pe₁guí₄ a₂ca₂lio₃ mi₂dsi₄ Jesús. La₁ tsá₃ jme₁ron₅ co₂lě₅ quian'₅₄ tsi₁'mi'₂ tióg₃ jaun₂; cau₅ bá₄ jme₁ron₅ jme₁rě₂jon₅. ⁸ Jaun₂ bá₄ ca₂'í₃ chi'₂ dsi₂guia₃-tín₂ jan₂ 'éi₂, i₂dsióg₃ le₂'uig₅₄; ca₂tě₂ ne₅₄, jaun₂ ca₂rě₃'éin₂. ⁹ (Ia₁ tsá₃ jme₁ma₂ŋí'₂ guě₄ dsí₅ jág₁ a₂chi₁ton₅ ne₄ Si₂, a₂tion₅₄ niog₅ jen'₅₄ Jesús jín₄ 'lag₄.)

¹⁰ Jaun₂ ně₃, i₂len₃ bá₄ táng₃ chi'₂ dsi₂guia₃-tín₂ 'éi₂ quió'₅.

Ca₂jme₃jnia₅ Jesús ne₄ María chan₂ Magdala

(Marcos 16:9-11)

¹¹ La₁ jaun₂ bá₄ jme₁chén'₄ María ca₁'né₄ tau₂ 'ŋio₅, 'o₂₃. Tě₁lia'₂ 'o₂₃ jaun₂, ca₂jmo₃ i₁jín₂ a₂ca₂jág₃ tě₂le₃ 'nió'₃ tau₂ 'ŋio₅, ¹² jaun₂ ca₂jín₂ on₃ ángeles i₂le₁qui'₂ 'mi'₂ tiog₂, tiáin'₅ jě₄ jme₁ron₅ ni₁ŋi₁ Jesús; jan₂ jme₁guá₄ tě₂le₃ ja₁lě₄ chi₁gui'₂, i₂jan₂ guě'₂ ja₁jme₁lě₄ a₃tag₅.

¹³ Jaun₂ ca₂ŋag₃ ángeles ca₂ŋí'₃ María:

† 19:36 Éxodo 12:46; Números 9:12; Salmo 34:20. ‡ 19:37 Zacarías 12:10.

—'Io₅₄, ¿'e₂ lë₃ 'au'₂?

Jaun₂ ca₂ηag₃:

—Ia₁ ma₂në₂te₃ bá₄ dsa₂ Te₁gui'₅₄ quiáng₃, jaun₂ tsá₃ guion₄ jniá₂ a₂já'₄ nē₂quio₅ dsa₂.

14 Jë₂ bá₄ ca₂'ηiai₂ jág₁ nē₅, jme₁ca₂jéin'₃, jaun₂ ca₂jín₂ Jesús jme₁chéin'₄; la₁ tsá₃ jaun₂ jme₁ηi₅, Jesús bá₄ 'éi₂.

15 Jaun₂ nē₃ ca₂ηag₃ Jesús:

—'Io₅₄, ¿'e₂ lë₃ 'au'₂ 'ne'₂? ¿I₂ 'ein₂ 'nag'₂?

Jaun₂, ia₁ a₂lín₂ María a₂lín₅ 'éi₂ dsa₂ i₂jmo₅ 'í₁ 'uë₃ jaun₂, jaun₂ ca₂juá'₂:

—Gui'₅₄, chi₂jua'₂ 'ne₂ ne₂te'₅₄, jua'₅₄ a₂já'₄ nē₂quioin'₂, ia₁jaun₂ tē₅₄ jniá₂.

16 Jaun₂ ca₂juá'₂ Jesús:

—¡María!

Jaun₂ ca₂jén'₃ María jaun₂ ca₂juá'₂ quian'₅₄ jág₁ jmei₅ hebreo:

—¡Raboni! —co₂'nió'₄ a₂juá'₂: Tē₅ quiáng₃.

17 Jaun₂ ca₂juá'₂ Jesús:

—Tsá₃ lë₁jma'₂ quió₃, ia₁ tsá₃ ma₂uig₂ guë₄ jniá₂ ja₁con₂ Ne'₃. La₁ guan'₂ o₂chei'₅₄ rín'₃ jniá₂, a₂uig₂ jniá₂ ja₁con₂ Ne'₃, ja₁con₂ Néi'₅ 'nia'₂ nē₃, ja₁con₂ Diú₄ quiáng₃, ja₁con₂ Diú₄ quián'₂ 'nia'₂ nē₃.

18 Jaun₂ bá₄ ηó₃ María chan₂ Magdala 'éi₂ ca₂i₁chi'₄ chi'₂ dsi₂guia₃-tín₂ a₂jme₁ma₂nē₂jín₂ Te₁gui'₅₄, a₂jme₁ma₂nē₂juá'₂ 'éi₂ jág₁ jaun₂.

Ca₂jme₃jnia₅ Jesús ne₄ chi'₂ dsi₂guia₃-tín₂

(Mateo 28:16-20; Marcos 16:14-18; Lucas 24:36-49)

19 Jme₁ca₂nei₂ jë₂le₂'uig₅₄ jmig₄ semana jaun₂ nē₃, jme₁tion'₅₄ chi'₂ dsi₂guia₃-tín₂ le₁ηi'₂, qui₂le₁jnág₅ 'né₅ ja₁tioin'₅₄, ia₁ a₂gain₃ dsa₂ judíos. Jaun₂ ca₂'í₃ Jesús, jaun₂ ca₂nau₂ dsi₂jo₂ quió'₅ 'éi₂, jaun₂ ca₂juá'₂:

—Jui₁'ei₅ tei₄ 'au'₂ 'nia'₂.

20 Jme₁ma₂ca₂juá'₂ le₂nē₅, ca₂'ë₃ mi₂gu₂ quian'₅₄ mi₂dsi₁coin₂. Jaun₂ ca₂jmo₃ 'io'₂ chi'₂ dsi₂guia₃-tín₂ jme₁ca₂jín₂ Te₁gui'₅₄.

21 Jaun₂ ca₂juá'₂ táng₃ Jesús:

—Jui₁'ei₅ tei₄ 'au'₂ 'nia'₂. Jui₁lia'₂ ca₂chei₃ Ne'₃ jniá₂, ján₃ bá₄ le₂jaun₂ tsin₅₄ jniá₂ 'nia'₂.*

22 Jaun₂ nē₃ ca₂jéi₂ dsi₂ ne₄ quió'₅ dsa₂ 'éi₂, jaun₂ ca₂juá'₂:

—Guen'₅₄ 'nia'₂ Jme₂dsi₂ Jnió₅. 23 Chi₂jua'₂ 'ein₂ i₂ca₂'én'₃ 'nia'₂ dsáu₁, ma₂qui₂ca₂i₃'én₂ bá₄ dsáu₁ 'éi₂; chi₂jua'₂ 'ein₂ tsá₃ ca₂'én'₃ 'nia'₂ dsáu₁, tē₃'ηiá₄ dsáu₁ ja₁coin₂.

Jág₅ To₁má₄ jín₂ Te₁gui'₅₄ a₂ma₂ca₂jéin'₅₄

24 La₁ To₁má₄ nē₃, jan₂ chi'₂ dsi₂guia₃-tín₂ i₂tē'₂ dsa₂ Dsa₂ Tsin'₅₄, tsá₃ jme₁'ein₅₄ jë₄ quió'₅ riin'₅₄ lia'₂ con'₂ jme₁dsióg₃ Jesús. 25 Jaun₂ lë₃, jme₁ca₂juá'₂ chi'₂ dsi₂guia₃-tín₂ riin'₅₄:

—Ma₂nē₂jín₄ jniá'₅₄ Te₁gui'₅₄.

La₁ To₁má₄ nē₃ ca₂juá'₂:

—Nē₂jua'₂ tsá₃ ca₂jág₃ jniá₂ léi₄ mi₂gu₂ ja₁ca₂i₃ba₅₄ mi₂ηí₁, ca₂lia'₂ ca₂tiá₃ chi₁gu₃ tau₂ a₂ca₂lë₃ quian'₅₄ mi₂ηí₁, ca₂lia'₂ ca₂tiá₃ mi₂gu₃ mi₂dsi₁coin₂, tsá₃ le₃'eng₂.

26 Jnia₃ jmig₄ cang₂ guë₄ jaun₂, jme₁le₁ηi'₂ táng₃ chi'₂ dsi₂guia₃-tín₂ quiáin₅ caun₂ dsi₂néi₂, le₂jaun₂ guë₄ nē₃ jme₁'en₅₄ To₁má₄ jë₄ quió'₅ 'éi₂. Jaun₂ nē₃, o₁jnia'₅₄ qui₂le₁jnág₅ 'né₅ ja₁tioin'₅₄, ca₂'í₃ Jesús, ca₂nau₂ dsi₂jo₂ quió'₅ 'éi₂, jaun₂ ca₂juá'₂:

—Jui₁'ei₅ tei₄ 'au'₂ 'nia'₂.

27 Jaun₂ nē₃ ca₂juá'₂ ca₂tsí'₃ To₁má₄:

—'Nia₅ i₂tio'₂ chi₁gog'₂ ja₁lá₃, jag₄ mi₂gu₃; i₂tio'₂ gog'₂ mi₂dsi₁cong₂. Tsá₃ lë₁jmo₂ a₂tsá₃ 'éng'₂, jui₁le₂'eng'₂ bá₄.

* 20:21 'Nio'₂ ja₁ton₅ Juan 17:18.

28 Jaun₂ ně₃ ca₂ŋag₃ To₁má₄:

—iTe₁gui'₅₄ quiáng₃, Diú₄ quiáng₃ ně₃!

29 Jaun₂ ca₂juá'₂ Jesús:

—Ně₃ guě₄ 'éng'₂ 'uig'₅₄ ia₁ a₂ně₂jag'₅₄ jniá₂. 'E₂ guě₄ dsen₃ jui₁lia'₂ dsa₂ i₂tsá₃ ca₂jág₂, la₁ 'éin₂ bá₄.

Ta₁ a₂quí'₅ si₂ la₂

30 Jaun₂ ně₃, 'líong₂ bá₄ léi₄ juě'₂ siá'₂ ca₂jmo₃ Jesús ne₄ chi'₂ dsi₂guia₃-tín₂ quiáin₅ a₂tsá₃ tio'₅₄ ne₄ si₂ la₂. 31 La₁ia₁ qui₂rě₂ton₅ a₂la₂, ia₁jaun₂ le₃'én'₂ 'nia'₂ a₂lín₅ Jesús I₂rě₂'ín₁ quián₅ Diú₄, ton'₂ lín₅ Ja₁ŋi'₅₄ Diú₄, ia₁jaun₂ jě₁ma₂qui₂ca₂rě₃'én'₂ 'nia'₂, le₃chan'₂ bá₄ 'nia'₂ co₂tan₅₄ le₃quió'₅ 'éi₂.

21

Ca₂jme₃jnia₅ Jesús ne₄ guion₃ chi'₂ dsi₂guia₃-tín₂ quiáin₅

1 Cang₂ guě₄ jaun₂, ca₂jme₃jnia₅ táng₃ Jesús ne₄ chi'₂ dsi₂guia₃-tín₂ quiáin₅ chei'₅₄ Jm₁iŋí'₄ Tiberias.* Le₂la₂ bá₄ ca₂lě₃:

2 Jme₁tion'₅₄ co₂lě₅ Si₂mu₅₄ Pe₄; To₁má₄, i₂tě'₂ dsa₂ Dsa₂ Tsin'₅₄; Natanael i₂chan₂ juig₂ Caná ja₁tén₄ 'uě₃ Galilea; le₃on₃ ja₁ŋi'₅₄ Zebedeo ně₃; quiáin'₅₄ on₃ guě₄ chi'₂ dsi₂guia₃-tín₂ sián'₂ quián₅ Jesús. 3 Jaun₂ ca₂juá'₂ Si₂mu₅₄ Pe₄:

—Nei₅₄ i₁cháng'₃ ju₄.

Jaun₂ ca₂ŋag₃ 'éi₂:

—Ján₃ bá₄ dsau₅₄ jnia'₅₄ quian'₅₄ 'ne₂.

Jaun₂ i₃lén₂, ca₂uig₂ 'ŋiό'₃ caun₂ tsi₁mu₅, la₁ a₂'uě₂ jaun₂ tsá₃ ju₄ ca₂join₃ 'i₁jan₂.

4 Jme₁ca₂jnia₃ táng₃ jaun₂, jaun₂ jme₁chén'₄ Jesús chei'₅₄ jm₁iŋí'₄, la₁ tsá₃ jaun₂ ŋi₅ chi'₂ dsi₂guia₃-tín₂ jnia'₅₄ Jesús bá₄ 'éi₂. 5 Jaun₂ ně₃ ca₂juá'₂ Jesús:

—'Nia'₂ chi'₂, tsa₁ ju₄ chan₂ quián'₂ 'nia'₂?

Jaun₂ ca₂ŋag₃ 'éi₂:

—Lia'₂ 'i₁jan₂.

6 Jaun₂ ně₃ ca₂juá'₂ Jesús:

—Tiong₂ 'nia'₂ 'má₅ quiáng'₂ tē₂le₃ gu₂ ne₁ tsi₁mu₅, jaun₂ join'₅₄ 'nia'₂.

Jaun₂ le₂jaun₂ bá₄ ca₂jmo₃. Jme₁co₂lág₂ jaun₂ tioin'₅₄ tsá₃ lé₂ dsí₃ tsi₁'má₅ dsi₂jmig₂, ia₁ a₂ŋí₄ lě₃ juin₅ i₁ju₁ jme₁tion'₅₄ 'ŋiό'₃.

7 Jaun₂ ně₃ ca₂juá'₂ chi'₂ dsi₂guia₃-tín₂ i₂jme₁'nio₃ Jesús guě₄ lín₃, ca₂tsí'₃ Pe₄:

—iTe₁gui'₅₄ bá₄ ó₃!

Jě₂ bá₄ con'₂ ca₂nág₂ Si₂mu₅₄ Pe₄, Te₁gui'₅₄ bá₄ 'éi₂, ca₂quí'₂ tsin'₅₄ jang₄ le₃co'₅₄ (ia₁ jme₁ma₂ně₂jŋiá'₂ a₂jme₁jmo₃ ta₁) jaun₂ ca₂tián₂ dsi₂jmig₂. 8 Chi'₂ dsi₂guia₃-tín₂ riin'₅₄ guě'₂ ně₃, ca₂dsi₃lein₃ bá₄ tē₂ chei'₅₄ jm₁iŋí'₄ quian'₅₄ tsi₁mu₅ qui₂tsi₂cuín'₅ tsi₁'má₅, ca₂lia'₂ rě₂can'₂ ju₄. Ia₁ tsá₃ úing₂ jme₁tion'₅₄ ja₁lě₄ chei'₅₄ jm₁iŋí'₄: con'₂ caun₂ 'ŋiá₂-láu₂ metros bá₄ jme₁tí₄. 9 Jme₁ca₂sióin₃ 'uě₃ ně₃, ca₂jág₃ a₂ma₂niog₅ si₂ tá'₃, ján₃ bá₄ jme₁ma₂dsín₂ jan₂ ju₄ ne₄ si₂; ján₃ bá₄ jme₁te₁'i₁ i₁ŋí'₄ ně₃.

10 Jaun₂ ca₂juá'₂ Jesús:

—Ŋia₅ jan₂-on₃ ju₄ i₂lia'₂ ně₂chan'₂ 'nia'₂.

11 Jaun₂ ca₂uig₂ Si₂mu₅₄ Pe₄ guei'₅₄ tsi₁mu₅. Jaun₂ ca₂tsě'₃ tsi₁'má₅ ca₂tě₂ chei'₅₄ jmig₂ lia'₂ rě₂can'₂ tion'₅₄ ju₄ ca₁can'₅₄. Con'₂ caun₂ 'ŋiá₂-lón₂ rě₂dsí₂ tē₂láu₃-guia₃-ún₂ (153) ju₄ jme₁tion'₅₄. La₁ o₁jŋia'₅₄ la₂ juin₅ ju₄ jme₁tion'₅₄, tsá₃ ca₂gag₂ bá₄ guě₄ tsi₁'má₅. 12 Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂:

—I₂nó'₅ 'nia'₂ i₂qué'₂ má₃ tē₂ o₃'iog₂.

* 21:1 o₃, Jm₁iŋí'₄ Galilea.

Jaun₂ lia'₂ 'i₁jan₂ chi'₂ ds_{i2}guia₃-tín₂ tsá₃ tiá'₂ dsí₅ ñag₃ i₂'ein₂ 'éi₂, ia₁ ñi₅ bá₄ jaun₂ Te₁gui'₅₄ bá₄ 'éi₂. ¹³ Jaun₂ ně₃ ca₂jme₃quián₃ Jesús, ca₂can₃ i₁ñi'₄, jaun₂ ca₂cuě'₃ chi'₂ ds_{i2}guia₃-tín₂. Ján₃ bá₄ le₂jaun₂ ca₂jmo₃ quian'₅₄ ju₄. ¹⁴ A₂ně₅ jě₁ca₂tě₂ 'nag'₂ ráun₂ a₂ca₂jme₃jnia₅ Jesús ne₄ chi'₂ ds_{i2}guia₃-tín₂ quián₅ cang₂ jme₁ca₂jein'₅₄ ja₁jme₁rě₂'lín₅₄.

Dsia₅ Jesús jág₁ quian'₅₄ Si₂mu₅₄ Pe₄

¹⁵ Cang₂ jme₁ca₂lě₃ guě'₅ má₃ tě₂ o₃'iog₂, ca₂ñag₃ Jesús ca₂ñi'₃ Si₂mu₅₄ Pe₄:

—Si₂mu₅₄, ja₁ñi'₅₄ Juan₅₄, † ¿dsau₅ 'nióg'₃ jniá₂ lia'₂ con'₂ guě₄ dsa₂ tión₂ la₂?

Jaun₂ ca₂ñag₃ Pe₄:

—Ján₅, Te₁gui'₅₄. Ñi'₅₄ bá₄ 'ne₂ jaun₂, a₂'nió₃ jniá₂ 'ne₂.

Jaun₂ ca₂juá'₂ Jesús:

—Jme₁tan₅₄ guein₂ já'₂ cha'₂ quiáng₃ jaun₂.

¹⁶ Jaun₂ ca₂ñag₃ táng₃ Jesús jě₁ca₂tě₂ táng₃ ráun₂:

—Si₂mu₅₄, ja₁ñi'₅₄ Juan₅₄, † 'nióg'₃ jniá₂?

Jaun₂ ca₂ñag₃ Pe₄:

—Ján₅, Te₁gui'₅₄. Ñi'₅₄ bá₄ 'ne₂ jaun₂ a₂'nió₃ jniá₂ 'ne₂.

Jaun₂ ca₂juá'₂ Jesús:

—Jmo₄ 'í₁ já'₂ cha'₂ bě'₅₄ quiáng₃ jaun₂.

¹⁷ Jaun₂ ca₂ñag₃ táng₃ Jesús jě₁ca₂tě₂ 'nag'₂ ráun₂:

—Si₂mu₅₄, ja₁ñi'₅₄ Juan₅₄, † 'nióg'₃ jniá₂?

Jaun₂ ca₂'í₃ qui'₂ dsí₅ Pe₄ ia₁ ca₂ñag₃ Jesús jě₁ca₂tě₂ 'nag'₂ ráun₂, “¿'nióg'₃ jniá₂?” Jaun₂ ca₂juá'₂:

—Te₁gui'₅₄, ca₂le₃jě₃ bá₄ ñi'₅₄ 'ne₂. Ñi'₅₄ bá₄ 'ne₂ jaun₂ a₂'nió₃ jniá₂ 'ne₂.

Jaun₂ ca₂juá'₂ Jesús:

—Jme₁tan₅₄ já'₂ cha'₂ bě'₅₄ quiáng₃ jaun₂. ¹⁸ A₂dsi₂jó'₃ juá'₅ jniá₂, lia'₂ con'₂ jme₁lín'₄ guě₄ dsa₂ chi'₂, jme₁tín'₂ jme₁quí'₂ tsíng'₂, jaun₂ jme₁góg'₂ a₂já'₄ 'nióg'₂ gog'₅₄; la₁ia₁ jě₁ma₂lín'₅ jan₂ dsa₂ ma₂guen'₂, jaun₂ nei'₅₄ gog'₂, jaun₂ i₂sián'₂ bá₄ quei'₃ tsíng'₂, jaun₂ ds_{i3}jio₃ ja₁tsá₃ 'nióg'₂ gog'₅₄.

¹⁹ Jme₁ca₂juá'₂ Jesús le₂ně₅, ca₂jmo₃ jág₁ a₂'ě₂₃ 'e₂ ne₅₄ 'mú₃ a₂'i₄ 'éi'₃ ds_{i3}ñi₂ Pe₄, a₂jme₃jniai₂₃ a₂jlán'₁ Diú₄. Jaun₂ ca₂juá'₂ táng₃ ca₂tsí'₃ Pe₄:

—i'_{Ein₃} jniá₂!

Chi'₂ ds_{i2}guia₃-tín₂ i₂'nió₄ guě₄ quián₅ Jesús

²⁰ Jme₁ca₂jén'₃ Pe₄ le₃ca'₃, ca₂jág₃ já₅ chi₁co'₅₄ quió'₅, chi'₂ ds_{i2}guia₃-tín₂ i₂'nio₃ Jesús guě₄ lín₃; chi'₂ ds_{i2}guia₃-tín₂ 'éi₂ i₂jme₁guá'₄ cau₅ le₃jén'₃ quió'₅ Jesús ja₁ca₂guě'₃ má₃ tě₂le₃ ca₂nei₂, ján₃ bá₄ 'éi₂ i₂ca₂ñag₃ ca₂ñi'₃ Jesús, jme₁ca₂juá'₂: “Te₁gui'₅₄, ¿i₂'ein₂ 'éi₂ i₂jáng'₂ quiáng'₂?”

²¹ Jaun₂ jme₁ca₂jág₃ Pe₄ ca₂jín₂ 'éi₂, ca₂ñag₃ ca₂ñi'₃ Jesús:

—Te₁gui'₅₄, i₂la₂ guě'₂: ¿'e₂ jén'₄?

²² Jaun₂ ca₂ñag₃ Jesús:

—Chi₂jua'₂ 'nio₃ jniá₂ a₂chan₂ i₂ně₅ ca₂lia'₂ jě₁ma₂guión'₃ táng₃ jniá₂, ¿'e₂ bá₄ 'uig₅₄ 'ne₂ 'i₅ 'au'₂? La₁ia₁ 'ne₂ 'éin₃ jniá₂.

²³ Jaun₂ ně₃ ca₂i₃'ag₅₄ jág₁ ně₅ jin₄ riin'₅₄ a₂tsá₃ jón₂ chi'₂ ds_{i2}guia₃-tín₂ 'éi₂. La₁ia₁ on₃jua'₅₄ jaun₂ ca₂juá'₂ Jesús a₂tsá₃ jón₂ 'éi₂; a₂jaun₂ bá₄ ca₂juá'₂: “Chi₂jua'₂ 'nio₃ jniá₂ a₂chan₂ i₂ně₅ ca₂lia'₂ jě₁ma₂guión'₃ jniá₂ táng₃, ¿'e₂ bá₄ 'uig₅₄ 'ne₂ 'í₅ 'au'₂?”

²⁴ Chi'₂ ds_{i2}guia₃-tín₂ 'éi₂ bá₄ la₂, i₂jáng'₅ jág₁ dsau₅ 'a₂ lia'₂ ca₂lě₃, i₂ca₂tó'₂ jág₁ la₂ ne₄ si₂ ně₃. Jaun₂ ne₄ bá₄ jniog₄, a₂tí₅ bá₄ jág₁ dsau₅ a₂jáng'₅ 'éi₂.

† 21:15 o₃, ja₁ñi'₅₄ Jonás. ‡ 21:16 griego: W0Iagapeo (jui₁lia'₂ 'a₂ lia'₂ 'nio₃ Diú₄ dsa₂ mi₂güig₃). § 21:17 griego: W0Ifileo (jui₁lia'₂ 'a₂ lia'₂ 'nio₃ dsa₂ mi₂güig₃ rín₅₄ a₂mei₅₄ quián₅).

²⁵ Ján₃ bá₄ cha₂ 'lióng₂ a₂siá'₂ a₂ca₂jmo₃ Jesús; jua'₅₄ mei'₂ guě₃ dsi₃to'₅₄ ne₄ si₂ le₂caun₂
 le₂caun₂, ca₂lia'₂ jŋia'₅₄ ta₁caun₂ mi₂güí₃ bá₄ tsá₃ jme₁'éi'₄ si₂ jua'₅₄ ca₂'uě'₃ dsa₂, lín₂ jniá₂.^{*}
 Co₂ně₅.

* **21:25** A₂lin₅₄ chog₅₄ si₂ juá'₂ ján₃: “A₂méi₃.”

Le₂la₂ ca₂jmo₃ dsa₂ i₂chen₄ quián₅ Jesús

Jág₁ a₂cuě₄ a₂chen₃ Diú₄ Jme₂dsí₂ Jñi_ó₅

¹ Ne₄ si₂ a₂ca₂jmo₃ jniá₂ le₂'uig₅₄, gui'₅₄ Teófilo, * ca₂juá'₃ jniá₂ ca₂le₃jě₃ a₂ca₂jmo₃ Jesús ca₂le₃ ca₂jme₃lióg₃ ca₂jme₃tag₂₃, ² ca₂lia'₂ ca₂tě₂ jmig₄ a₂ca₂ñái'₃ guei'₅₄ i₂juíg₃. Né'₃ a₂dsáin'₃ guei'₅₄ i₂juíg₃, ca₂quióin'₂ dsi₂guia₃-tín₂ i₂chen₄† quián₅, ca₂chei₃ dsi₂'ě₂ jág₁. Jaun₂ ca₂cuě₃ jág₁ tē₂le₃ quian'₅₄ Jme₂dsí₂ Jñi_ó₅, ca₂le₃jě₃ 'e₂ 'nió'₅ jmo₃ chi'₂ dsi₂guia₃-tín₂ 'éi₂. ³ Cang₂ jme₁ca₂join₃, jme₁ma₂jein'₅₄ táng₃, ca₂ñi₃ tē₂láu₃ jmig₄ qui₂jme₂jniai₂₃ qui₂cuě'₅ jág₁ dsau₅ chi'₂ dsi₂guia₃-tín₂ a₂tē₂dsón'₂ bá₄ chain₂ ma₂jein'₅₄ táng₃; jaun₂ qui₂ca₂dsia₃ jág₁ quiaín'₅₄ 'éi₂ jui₁lia'₂ 'a₂ lia'₂ lě₅ ja₁gon₂ Diú₄.

⁴ Jme₁'en₅₄ guě₄ Jesús quiaín'₅₄ chi'₂ dsi₂guia₃-tín₂ quián₅, jaun₂ ca₂juá'₂ ca₂tsí'₃ 'éi₂ a₂tsá₃ dsi₃lein₃ dsi₂jui₅ juig₂ Jerusalén. Jaun₂ ca₂juá'₂:

—Jñia₄ 'nia'₂, jui₁le₂ti₃ de'₂ jág₁ quió'₅ Ne'₃ a₂ma₂juíg₂ 'nia'₂. ⁵ Dsau₅ bá₄ ca₂tióg₃ Juan₅₄ ca₂tiáin₂ jmig₂ dsa₂, la₁ 'nia'₂ guě'₂ ně₃ tióg₂ Diú₄ Jme₂dsí₂ Jñi_ó₅, tē₃jě₄ la₂.

Ca₂ñá'₃ Jesús guei'₅₄ i₂juíg₃

(Marcos 16:19; Lucas 24:50-53)

⁶ Co₂ráun₂ tion'₅₄ chi'₂ dsi₂guia₃-tín₂ le₁ñi'₂ ja₁'en₅₄ Jesús, jaun₂ ca₂ñi'₃ Jesús:

—Te₁gui'₅₄, ¿ma₂tě₂ ja₁jmo'₂ 'ne₂ a₂lión₂ dsa₂ juig₂ Israel?

⁷ Jaun₂ ca₂ñag₃ Jesús:

—Tsá₃ ca₂tín'₂ 'nia'₂ le₃ñi'₅₄ 'a₂ lia'₂ jmo₃ Diú₄ Jmei₂ 'éi'₃ ca₂le₃jě₃ 'e₂ 'i_ó₄, 'e₂ jmig₄ ně₃. 'Niog₅ bá₄ Diú₄ Jmei₂ ñi₅ a₂jaun₂. ⁸ Jē₁ma₂ca₂guen'₅₄ 'nia'₂ Jme₂dsí₂ quián₅ Diú₄, guéi'₁ 'nia'₂ jui₅bí₂, jaun₂ qui₂o₁nóg₅ qui₂o₁'ě₃ jág₁ dsau₅ quió₃ juig₂ Jerusalén, le₂tan₅₄ juig₂ 'uě₃ Judea, 'uě₃ Samaria, ca₂le₃jě₃ juig₂ ta₁caun₂ mi₂güig₃ ně₃.

⁹ Jme₁ma₂dsan₃ juá'₂ Jesús le₂ně₅, ca₂uig₂ jui₅ guei'₅₄ i₂juíg₃, ca₂ñái'₃ ca₂lioin₂ jnei₅.

¹⁰ Tē₃tión₂ jaun₂ chi'₂ dsi₂guia₃-tín₂ jág₅ guei'₅₄ jme₁ñá'₃ Jesús, con'₂ tsá₃ jáin₅ jme₁ca₂jín₂ on₃ dsa₂ le₁qui'₂ 'mi'₂ tiog₂ jau₂, tión₂ cau₅ quió'₅. ¹¹ Jaun₂ ca₂juá'₂ dsa₂ on₃ 'éi₂:

—'Nia'₂ dsa₂ chan₂ Galilea, tsá₃ ma₃ta₁ jmo₃ tión'₂ guě₄ 'nia'₂ uě₂ jág₂ guei'₅₄. 'Niog₅ Jesús ně₅ i₂ñá'₅ guei'₅₄ i₂juíg₃ tē₃jín'₄ 'nia'₂, le₂ně₅ bá₄ jiá₃ táng₃ jē₁ma₂tě₂ rē₁jiá₃, jui₁lia'₂ ně₂jín'₅₄ 'nia'₂ ñái'₅ ně₅.

Ca₂qui_ón'₂ dsa₂ Matías a₂jmo₃ ta₁ a₂jme₁lín₄ Judas

¹² Jaun₂ ně₃ ca₂'u₁in₂ má'₂ ja₁chei₂ Olivos, ca₂o₃lein₃ táng₃ juig₂ Jerusalén, a₂niog₅ uíng₂ con'₂ ja₁'i₄ 'éi'₃ i₃nio₄ dsa₂ jme₁jmig₄ sa₅₄.† ¹³ Jme₁ca₂o₃lein₃ Jerusalén jaun₂, ca₂uig₂ cuarto guei'₅₄ ja₁ca₂jñia₃. Dsa₂ 'éi₂ jme₁chein₂ Pe₄, Jacobo, Juan₅₄, Drě₄, Fe₂li₄, To₁má₄, Bartolomé, Tē₅₄, Jacobo ja₁ñi'₅₄ Alfeo, Si₂mu₅₄ i₂lín₅ cananista,§ quian'₅₄ Judas rín'₅₄ Jacobo. ¹⁴ Ca₂le₃jín₃ le₂jaun₂ jme₁ñi'₂ i₂gú'₃ co₂lě₅ quiaín'₅₄ o₁rín'₅₄ Jesús, María chog₅₄ Jesús, ca₂le₃jín₃ guě₄ 'io₅₄ sián'₂ ně₃, a₂jme₁tsí'₅ Diú₄.

¹⁵ Co₂ráun₂ jme₁lě₂ con'₂ caun₂ 'ñiá₂-lón₂ rē₂dsí₂ gui_ón₂ (120) dsa₂ 'én₂ i₂jme₁le₁ñi'₂. Jaun₂ ca₂nau₂ Pe₄ tē₃jě₄ jaun₂, jaun₂ ca₂juá'₂ ca₂tsí'₃ dsa₂:

¹⁶ —Rín'₅₄ jniog₄, co₂ně₅ lě₅ Si₂, tion₅₄ ca₂rě₃ti₃ jág₁ a₂ma₂'ě₂ Jme₂dsí₂ quián₅ Diú₄ tē₂le₃ quian'₅₄ 'lag₄ David, a₂ca₂'i₁n₃ Judas i₂ca₂jñia₃ dsa₂ i₂ca₂i₂te₂ Jesús chi₁'ñei'₂.

¹⁷ I₂jme₁quian'₅₄ bá₄ jniog₄ 'éi₂, jme₁lě₄ rín'₅₄ jniog₄, i₂jme₁jmo₅ ta₁ le₂la₂ bá₄ 'éi₂ ján₃. ¹⁸ La₁

* **1:1** Teófilo: o₃, “ne₂ i₂'nióg₃ Diú₄.” † **1:2** griego: apóstolous. ‡ **1:12** Con'₂ tí₅ caun₂ kilómetro. § **1:13** griego: celotes, co₂'nió'₄ dsa₂ i₂nau₂ quen₅; jan₂ i₂'nio₃ táun₂ 'uě₃ 'éi'₃ quió'₅ Roma. Jma₃quén₅ ca₂quioin₃ le₃on₃ Si₂mu₅₄ 'éi₂, ia₁ ñí₄ lě₃ mei'₂ tsá₃ ca₂ne₅₄ a₂chein₂.

quian'⁵⁴ cu⁴ 'lig'⁵⁴ a₂ca₂lí'³ Judas a₂ca₂'ni³ Jesús, ca₂lá³ 'uë³. 'Uë³ jaun₂ ca₂jmo₃ ca₂táin'² tē₃ chi₁jín₂, qui₂ca₂'uë² ca₂le₃jě₃ a₂jme₁tio'⁵⁴ tú'⁵. ¹⁹ Jme₁ca₂rē₃ñi₅ dsa₂ juig₂ Jerusalén, ca₂tě'³ 'uë³ jaun₂ Acéldama, co₂'nió'⁴ a₂juá'²: 'Uë³ Jm_{i2}, quian'⁵⁴ jág₁ jmei₅ quió'⁵. ²⁰ Ia₁ le₂la₂ juá'² ne₄ Si₂ Salmos:

Jui₁tē₂tsi'⁵⁴ 'ñiog₅ 'né₅ quió'⁵,

ia₁ 'i₁jan₂ tsá₃ 'ein₂ le₃tian'³. *

Ján₃ guě'² juá'² táng₃:

Dsa₂ sián'² jui₁jmo₅₄ ta₁ a₂jme₁lín₄. †

²¹ 'Chan₂ bá₄ dsa₂ jě₄ la₂ quián₂ jniog₄ dsa₂ i₂ma₂ca₂jme₃quiong'⁵⁴ ca₂le₃jě₃ jmig₄ lia'² con'² jme₁quian'⁵⁴ jniog₄ Te₁gui'⁵⁴ Jesús, ²² ca₂le₃ ca₂jñó₂ Jesús jmig₂ a₂ca₂cho₃ Juan₅₄, ca₂lia'² jme₁ca₂uíg₂ Jesús guei'⁵⁴ i₂juíg₃. Jaun₂ tion₅₄ 'nió'⁵ dsa₂ 'éi₂, jme₃quiong'⁵⁴ jniog₄, jaun₂ jáng'³ jág₁ dsau₅ a₂ca₂jen'⁵⁴ táng₃ Jesús.

²³ Jaun₂ ca₂jmo₃ jág₁ ca₂'iín₃ jan₂ i₂chen₂ José i₂tě'² Barsabás i₂tě'² Justo ně₃, quian'⁵⁴ jan₂ i₂chen₂ Matías. ²⁴ Jaun₂ ca₂tsí'³ Diú₄ ca₂le₃jín₃, ca₂juá'² le₂la₂:

—Te₁gui'⁵⁴, 'ne₂ bá₄ i₂cuíng'² tē₂dsí₅ ca₂le₃jín₃ dsa₂, 'in₅₄ jnia'⁵⁴ 'ein₂ dsa₂ on₃ la₂ i₂ma₂quion'⁵⁴ 'ne₂, ²⁵ ia₁jaun₂ jmo₃ ta₁ lén₂ chi'² dsi₂guia₃-tín₂ quiáng'² a₂jme₁lín₄ Judas, 'uig₅₄ dsáu₁ ca₂i₃'éin₂, ca₂ñái'³ ja₁ca₂tíin₂.

²⁶ Jaun₂ ca₂tóin'² ca₂co₃, ca₂dsi₂ jág₁. Jaun₂ i₂chen₂ Matías bá₄ ca₂tín₂ ta₁ jaun₂. Dsi₂jui₅ le₂jaun₂ bá₄ ca₂jme₃quiain'⁵⁴ dsa₂ guia₃-ján₃ i₂jme₁lě₂ guě₄ dsi₂guia₃-tín₂ i₂chen₄ quián₅ Jesús.

2

Jme₁guan₃ Jme₂dsí₂ quián₅ Diú₄

¹ Jme₁ca₂tě₂ Jm_{i4} Tě₂láu₃-guiá₂, caun₂ bá₄ ja₁jme₁tion'⁵⁴ le₁ñi'² ca₂le₃jín₃ dsa₂ i₂'én₂. ² Con'² tsá₃ jáin₅ jme₁ca₂nág₂, ca₂lě₃ gau₂ ca₂jan₃ guei'⁵⁴ lia'² lě₅ jě₁'ei₅ dsí₂ tiá₂ lín₃ ca₂lě₃, ca₂né'² ta₁caun₂ dsi₂néi₂ ja₁jme₁tion'⁵⁴ dsa₂. ³ Jaun₂ co₂tan₅₄ dsi₂jui₅ le₂jaun₂ qui₂ca₂séi'² tsi'⁴ si₂ qui₂tě₁tsi'⁵⁴ ne₄ quió'⁵ dsa₂ 'éi₂, le₂jain₂ le₂jain₂. ⁴ Jaun₂ ca₂le₃jín₃ qui₂ca₂cain'² quian'⁵⁴ Jme₂dsí₂ Jñi₅. Jaun₂ ca₂jme₃lióg₃ dsa₂ qui₂ca₂dsia₃ jág₁ jmei₅ siá'², lia'² con'² lě₅ ca₂cuě₃ Jme₂dsí₂ a₂juá'² dsa₂.

⁵ Jm_{i4} jaun₂ jme₁tion'⁵⁴ dsa₂ judíos juig₂ Jerusalén, i₂ja₂lén₂ ta₁caun₂ mi₂güí₃, a₂jme₂ti₃ con'² tag₄ chí'⁵ quió'⁵. ⁶ Jme₁ca₂nág₂ mī⁵⁴ a₂ca₂lě₃ jaun₂, qui₂ca₂ñi'² dsa₂, tsá₃ caun₂ ca₂i₃jio₅ dsí₅, ia₁ ca₂le₃jín₃ bá₄ dsa₂ 'éi₂ jma₃quén₅ qui₂ca₂nág₂ jág₁ jmei₅ quió'⁵ a₂qui₂ca₂dsia₃ dsa₂ i₂tion'⁵⁴ 'éi₂. ⁷ Jaun₂ dsi₃gó'³ dsí₅ 'ñio₅ lín₃, qui₂ca₂dsia₃ jág₁ guioin⁵⁴ quiain'⁵⁴ riin'⁵⁴, ca₂juá'²:

—¿On₁jua'⁵⁴ dsa₂ chan₂ Galilea ca₂le₃jín₃ dsa₂ i₂dsia₅ jág₁ ně₅? ⁸ ¿'A₂ bá₄ lia'² né'² dsia₂₃ jág₁ jmei₅ quió'⁵ juig₂ go₄ jniog₄ le₂jau₂ le₂jau₂? ⁹ Dsa₂ i₂tion'⁵⁴ ja₁lá₃ i₂chan₂ juig₂ Partia, dsa₂ chan₂ Media, dsa₂ chan₂ Elam, dsa₂ chan₂ Mesopotamia, i₂chan₂ Judea, i₂chan₂ Capadocia, dsa₂ chan₂ Ponto, dsa₂ chan₂ 'uë³ Asia, ¹⁰ dsa₂ chan₂ Frigia quian'⁵⁴ Panfilia, dsa₂ ja₂lén₂ 'uë³ Egipto quian'⁵⁴ juig₂ 'uë³ Africa* a₂niog₅ uíng₂ con'² guě₄ Cirene. Ján₃ bá₄ tion'⁵⁴ dsa₂ chan₂ Roma i₂ma₂tián'⁵ ja₁lá₃. I₂lín₅₄ 'éi₂ jme₁ma₂lín₅ judíos; i₂lín₅₄ guě'² ma₂gue₃ juá'⁵ quió'⁵ dsa₂ judíos. ¹¹ Ján₃ bá₄ tion'⁵⁴ dsa₂ chan₂ 'uë³ Creta, dsa₂ chan₂ Arabia ně₃. La₁ ca₂le₃jág₃ bá₄ jniog₄ néi₁ quian'⁵⁴ jág₁ jmei₅ quián₂ a₂dsia₅ dsa₂ ně₅ ca₂le₃jě₃ a₂jlá'¹ a₂'io'² a₂jmo₅ Diú₄.

¹² Jaun₂ 'ñio₅ dsi₂gó'³ dsí₅ dsa₂, tsá₃ caun₂ qui₂ca₂'ág₂ dsí₅. Jnia'⁵⁴ qui₂ñi'⁵ riin'⁵⁴:

—¿'E₂ 'nió'⁴ juá'² ca₂le₃jě₃ a₂ně₅?

¹³ I₂lín₅₄ guě'² tsá₃ 'éin₂, jnia'⁵⁴ qui₂jmo₂g'² burlas, jaun₂ ca₂juá'²:

* **1:20** Salmo 69:25. † **1:20** Salmo 109:8. * **2:10** griego: Libia.

—I₂le₁'en₅ bá₄ i₂ně₅.

Jág₁ a₂ca₂juá'₂ Pe₄ ca₂tsí'₃ dsa₂

¹⁴Jaun₂ ca₂nau₂ Pe₄ jě₄ jme₁guá₄ quian'₅₄ guě₄ guia₃-ján₃ chi'₂ dsi₂guia₃-tín₂ riin'₅₄. Jaun₂ ca₂juá'₂ tiá₂ ca₂tsí'₃ dsa₂:

—'Nia'₂ dsa₂ chan₂ Judea quian'₅₄ ca₂le₃jíng'₃ i₂tián'₅ Jerusalén ně₃, jui₁le₂ŋi'₅₄ 'nia'₂ jág₁ la₂. Nei₂ 'nia'₂ dse₃ a₂juá'₄ jniá₂ la₂. ¹⁵Tsá₃ le₁'en₅ dsa₂ la₂ jui₁lia'₂ lín'₂ 'nia'₂, ia₁ con'₂ hora ŋí₁ ŋi₃ tē₂ o₃'iog₂† bá₄ guě₄ la₂. ¹⁶Tě₂le₃ a₂rě₂ti₃ con'₂ lě₅ jág₁ a₂ca₂'ě₂ Joel ma₂líg'₂, lia'₂ con'₂ jme₁ca₂juá'₂:

¹⁷Jě₁ca₂tó'₂ jmig₄, juá'₂ Diú₄,
tsing₅₄ Jme₂dsí₂ quiáng₃ jaun₂ sióin₃
ne₄ quió'₅ ca₂le₃jín₃ dsa₂ mi₂güí₃.

Ja₂ŋí'₂ 'nia'₂, ja₁míg'₄ ně₃
qui₃dsia₃ o₄quió₃ jniá₂.

Dsó₂ chi'₂ quián'₂ 'nia'₂ ně₃
a₂lě₁qui₃jág₃ 'e₂ qui₃jág₃,
dsi₂gui'₅₄ can'₅₄ guě'₂ qui₃qui₃.

¹⁸Jmig₄ jaun₂, qui₁'íng₄ Jme₂dsí₂ quiáng₃
ne₄ quió'₅ dsa₂ ŋe'₂, dsa₂ mǐ₂ ně₃
i₂jme₂ti₃ ta₁ ne₃,

jaun₂ guě₄ qui₃dsia₃ o₄quió₃ jniá₂.

¹⁹Dsi₁ guei'₅₄ guě'₂ qui₁'ě₄ jniá₂ dsa₂
cosas a₂dsi₃gó'₃ dsí₅.

Ne₄ gua'₅₄ 'uě₃ guě'₂
jmo₅₄ jniá₂ lé₂ léi₄,
jui₁lia'₂ jmi₂, si₂, jnei₅ lě₅ jme₁ŋi₁ ně₃.

²⁰'Iog₂ guě'₂ co₂dsia₅ le₃lia'₂.
Tsi'₂ guě'₂ lé₂ guéin₂ lia'₂ lě₅ jmi₂.

Ca₂le₃jě₃ a₂ně₅ lé₂ né'₃ guě₄
a₂guá₂ jmig₄ quió'₅ Te₁gui'₅₄.

Jmig₄ jaun₂ lé₂ caun₂ jmig₄ juě'₂ a₂gau₂.

²¹Jaun₂ ca₂le₃jín₃ dsa₂ i₂mi₅ chi₂lén'₂ Te₁gui'₅₄,
lióin₂ bá₄.†

²²'Nia'₂ dsa₂ chan₂ Israel, nei₂ 'nia'₂ ca₂le₃jě₃ a₂juá'₄ jniá₂ la₂. Jesús chan₂ Nazaret dsa₂ dsen₃ quián₅ Diú₄, i₂ca₂cuě'₃ 'éi'₃ ca₂chein₃ jin'₄ 'nia'₂. Ca₂jmo₃ Diú₄ ca₂le₃jě₃ léi₄ juě'₂, ca₂le₃jě₃ 'e₂ dsi₂gó'₃ dsí₅ dsa₂, qui₂ca₂jmo₃ tě₂le₃ quian'₅₄ Jesús jin'₄ 'nia'₂. A₂ŋi'₅₄ rě₂ bá₄ 'nia'₂ jaun₂. ²³La₁ jme₁ca₂jáng'₂ dsa₂ o₄gog'₂ 'nia'₂ con'₂ jme₁ma₂lě₅ jág₁ quió'₅ Diú₄ a₂ma₂ŋi₅ le₂jniá₅, 'nia'₂ ně₃ ca₂chang'₂ i₂'éi₂, ca₂te'₅₄ chi₁'ŋei₂₃, ca₂i₁jin'₅₄ 'nia'₂ o₄gú₃ dsa₂ 'lín'₅₄ i₂tsá₃ ŋéi₂ dsí₅. Jaun₂ ca₂jŋag'₃ ca₂tion₃ cróg₄. ²⁴La₁ Diú₄ ca₂jme₃jei'₅₄ táng₃, ca₂lió₂ ne₄ 'mú₃. Ia₁ tsá₃ lé₂ jua'₅₄ a₂tě₃roin₅₄ a₂rě₃join₅ co₂tan₅₄ jin₄ 'lag₄. ²⁵Ia₁ ca₂juá'₂ 'lag₄ Rag₅₄ David a₂'in₂₃ Jesús, ca₂juá'₂:

Ia₁ jin₄ bá₄ jniá₂ tián₂ Te₁gui'₅₄
cau₅ quió₃.

'Éi₂ bá₄ guá₅ tě₂le₃ gu₃ ne₁,
ia₁jaun₂ 'i₁jan₂ tsá₃ 'ein₂ lé₂ jmóg'₂ jleng₃,
'i₅ dsí₃.

²⁶Jaun₂ lě₃, 'ŋio₅ lín₃ ca₂jmo₃ jniá₂ 'io'₂,
jaun₂ ca₂juá'₃ quian'₅₄ le₁tsí₃

† 2:15 lit. "hora 'ni₅." ‡ 2:21 Joel 2:28-32.

jág₁ a₂jéin₅ lián'₂.

Jaun₂ lě₃ tsá₃ 'i₅ dsi₃ jě₁ma₂ca₂jon₃ ni₁ñi₃.

²⁷ Ia₁ tsá₃ cuě'₁ jmig₄ a₂jñia₃ jme₂dsí₂ quiáng₃

ja₁tion'₅₄ 'lag₄, §

on₃ guě'₂ cuě'₁ jmig₄ a₂siá'₃ ni₁ñi₃ jniá₂,

dsa₂ jñiós quiáng'₂ i₂'nió'₃.

²⁸ Ca₂'ě₅₄ ca₂jme₁tag'₂ jui₅ ja₁tin'₄ jme₂dsí₂ quiáng₃.

Jaun₂ jmó'₂ jéin₄ lián'₂ jě₁ma₂'eng₅₄ ja₁cong'₂.*

²⁹ 'Rin'₅₄ jniog₄, léi₄ dsón'₂ bá₄ ca₂jon₃ tsi₁jon₂ jmei₂ jniog₄ David, jaun₂ ca₂'oin₃. Ně₅ bá₄

chí'₅ guě'₂ tau₂ 'ñio₅ quió'₅ quian'₅₄ jniog₄ rě₂ně₃. ³⁰ La₁ David 'éi₂ jme₁lín₄ jan₂ i₂jme₁'ě₂ jág₁

quián₅ Diú₄, jaun₂ jme₁ñi₅ rě₂ a₂ca₂cuě₃ Diú₄ jág₁ 'iñ₂₃ 'ñiog₅, a₂le₃chan₂ jě₄ quió'₅ ja₁ñi'₅₄

chi'₂ dsio₅₄, jan₂ i₂lín₅ I₂rě₂'ín₁ quián₅ Diú₄. Jaun₂ i₂'éi₂ guá₃ goin₃ ne₄ ne₄ta₁ ja₁jme₁guá₄

'ñiog₅ David. ³¹ Co₂'nió'₄ a₂ma₂jág₂ bá₄ David le₂jñiá₅, ca₂juá'₂ a₂jen'₅₄ I₂rě₂'ín₁ quián₅ Diú₄.

Jaun₂ ca₂juá'₂ ján₃ a₂tsá₃ jñia₃ jme₂dsí₂ quió'₅ jin₄ 'lag₄, † on₃ guě'₂ dsi₃'én₂ ni₁ñi₁₂ jua'₅₄ a₂siá'₃.

³² Ia₁ Diú₄ bá₄ ca₂jmo₃ ca₂jen'₅₄ táng₃ 'ñiog₅ Jesús 'éi₂. Ca₂le₃jág₃ bá₄ jñia'₅₄ ca₂tě₂ ne₄, jaun₂

lě₃ cuě₂ jág₁ dsau₅. ³³ Jaun₂ ca₂chó'₂ Diú₄ quian'₅₄ gu₂ ne₁, ca₂jme₃juag'₂. Jaun₂ Diú₄ Jmei₂

ca₂cuin₃ Jme₂dsí₂ quiáin₅ ca₂cuin₃ Jesús, lia'₂ con'₂ lě₅ jág₁ quió'₅ ma₂cuě₃. Jaun₂ ca₂le₃jě₃

a₂ně₅ a₂ma₂jag'₅₄ a₂ma₂nei'₂ 'nia'₂, já₅ ne₄ 'éi₂ bá₄. ³⁴ Ia₁ on₃jua'₅₄ David ca₂uíg₂ guei'₅₄ i₂juíg₃,

ia₁ 'ñiog₅ David ca₂juá'₃:

Ca₂juá'₂ Diú₄ ca₂tsí'₃ Te₁gui'₅₄ quiáng₃:

“Né₂ con₂ jniá₂ tē₂le₃ gu₃ ne₁,

³⁵ ca₂lia'₂ ca₂tě₂ jmig₄

a₂tón'₁ jniá₂ dsa₂ i₂'iog₅₄ o₄tag'₄.”. ‡

³⁶ Jui₁le₂ñi₅ rě₂ ca₂le₃jín₃ dsa₂ chan₂ juig₂ Israel, jaun₂ tsá₃ jui₁'ei₅₄ caun₂-tín₃ dsi₅, ia₁ 'ñiog₅

Jesús 'éi₂ bá₄, i₂ca₂tión'₃ 'nia'₂ cróg₄, Diú₄ ně₃ ma₂jmo₃ ma₂lín₅ lia'₂ Te₁gui'₅₄ lia'₂ rě₂ I₂rě₂'ín₁

quiáin₅.

³⁷ Jme₁ca₂nág₂ dsa₂ le₂ně₅ tioen'₅₄, qui₂ca₂tá'₂ 'lia'₂ dsi₅ 'ñio₅ lín₃. Jaun₂ ca₂ñi'₃ Pe₄ quiaín'₅₄

chi'₂ dsi₂guia₃-tín₂ riin'₅₄ ca₂juá'₂:

—Rin'₅₄ jniog₄, ¿'e₂ 'nió'₅ jmó₁ jnia'₅₄?

³⁸ Jaun₂ ca₂ñag₃ Pe₄:

—Jme₁tsín₄ 'nia'₂ 'au'₂, jen'₄ 'nia'₂ tē₂le₃ quió'₅ Diú₄, chon₅₄ 'nia'₂ jmig₂ le₂jang'₂ le₂jang'₂

lia'₂ con'₂ lě₅ 'éi'₃ quió'₅ Jesús, cuě'₅₄ léi₄ a₂qui₂ma₂'én₂ dsáu'₂ 'nia'₂. Jaun₂ guě₄ cuin₃ Diú₄

Jme₂dsí₂ Jñiós quiáin₅. ³⁹ Jág₁ ně₅ ca₂cuě₃ Diú₄ quián'₂ 'nia'₂ ca₂le₃jín₃ chi'₂-

guein₂ quián'₂ 'nia'₂ ně₃, quian'₅₄ ca₂le₃jín₃ guě₄ dsa₂ i₂chan₂ uíng₂. Jág₁ ně₅ quió'₅ ca₂le₃jín₃

dsa₂ i₂'nió₃ Te₁gui'₅₄ Diú₄ quián₂ jniog₄ tē₂.

⁴⁰ Quian'₅₄ jág₁ la₂, quian'₅₄ 'líong₂ guě₄ jág₁ siá'₂, ca₂juá'₂ Pe₄ tion₅₄ ca₂tsí'₃ dsa₂:

—Lion₄ 'nia'₂ jin₄ dsa₂ i₂ma₂i₂cón'₅ rě₂ně₃.

⁴¹ Jaun₂ ca₂le₃jín₃ i₂ca₂tón'₃ jui₅ ca₂nág₂ jág₁ dse₃ ca₂juá'₂ Pe₄, qui₂ca₂jñói₂ jmig₂. Jmig₄

jaun₂ con'₂ 'ni₅ mei₅ dsa₂ i₃ton'₅₄ tē₂le₃ jin₄ dsa₂ i₂ma₂'én₂ tē₂le₃ quió'₅ Jesucristo. ⁴² Ca₂le₃jín₃

dsa₂ ca₂jñá'₃ tiá₂ ca₂le₃jě₃ jág₁ a₂jme₂tag₅ chi'₂ dsi₂guia₃-tín₂. Caun₂ bá₄ jág₁ quió'₅ ca₂jmo₃

ca₂le₃jín₃, chi₂lén'₂ Diú₄, qui₂tón'₅ co₂lě₅, jmo₂₃ dsóg₁ i₁ñí'₄.

A₂ lia'₂ jme₁chan₂ dsa₂ le₂'uig₅₄ i₂'én₂ jág₁ dse₃

⁴³ 'Nio₅ i₂gó'₃ dsi₅ dsa₂ ca₂le₃jě₃ léi₄ a₂qui₂ca₂jmo₃ Diú₄ tē₂le₃ quian'₅₄ dsi₂guia₃-tín₂

i₂chen₄ § quiáin₅. ⁴⁴ Ca₂le₃jín₃ dsa₂ i₂ma₂'én₂, caun₂ bá₄ jág₁ 'ei₅ quió'₅, jaun₂ ca₂le₃jě₃

§ 2:27 Salmo 16:18-11. * 2:28 Salmo 16:18-11. † 2:31 griego: hades, co₂'nió'₄ a₂juá'₂, ja₁quió'₄ 'lag₄. ‡ 2:35

Salmo 110:1. § 2:43 griego: apóstolous.

a₂jme₁cha₂ quió'₅, jme₁lě₄ quió'₅ ca₂le₃jín₃ riin'₅₄. ⁴⁵ Ca₂le₃jě₃ 'e₂ cosa cha₂ quió'₅, qui₂ca₂'nag₃, jaun₂ jme₁qui₂dsi₂ó'₅ cu₄ jaun₂ 'ein₂ riin'₅₄ 'nió'₅ quió'₅. ⁴⁶ Ca₂le₃jě₃ jmig₄ jme₁ñi'₂ i₁dsi₅ guá'₅ templo. Dsi₂néi₂ quió'₅ ně₃, jme₁dsi₂ó'₅ i₁ñi'₄ jme₁guě'₅ co₂dsia₅, ca₂le₃jín₃ jmo₂₃ 'io'₂, caun₂ bá₄ 'ei₅ dsí₅. ⁴⁷ Ca₂le₃jín₃ jme₁cuě'₅ ti₁'mag'₄ Diú₄, jaun₂ ca₂le₃jín₃ dsa₂ sián'₂ jme₁'nioi₃ dsa₂ 'éi₂. Jaun₂ ca₂le₃jě₃ jmig₄ bá₄ jmo₅ Te₁gui'₅₄ caun₂ dsi₂juín₂ dsa₂ i₂lón₂.

3

Ca₂'lón₂ jan₂ dsa₂ 'lian'₂

¹ Co₂ráun₂ dsióg₃ Pe₄ quiaín'₅₄ Juan₅₄ guá'₅ templo con'₂ hora ñí₁ 'ni₅ tē₂le₃ ca₂'láu₂,* ia₁ hora jaun₂ jme₁ñi'₂ dsa₂ tián₂ chi₂lén'₂ Diú₄. ² Ca₂le₃jě₃ jmig₄ jme₁dsi₂jñia₃ dsa₂ jan₂ dsa₂ 'lian'₂ i₂tsá₃ lé₂ ñi₃, le₂jaun₂ jme₁ma₂lín₅ lia'₂ con'₂ jme₁ca₂rě₃cháin₃, jme₁dsi₂jñiog₃ dsa₂ o₄'né₄ i₁dsi₅ guá'₅, ja₁tě'₂ dsa₂ O₄'né₄ Jlá'₁. Ja₁jaun₂ jme₁qui₂mi₅ dsa₂ 'lian'₂ 'éi₂ cu₄ quió'₅ dsa₂ i₂dsi₂lén₂ guá'₅. ³ Jme₁ca₂jág₃ dsa₂ dso'₅₄ 'éi₂ ca₂ñó₃ Pe₄ quiaín'₅₄ Juan₅₄ a₂dsi₂toin'₅₄ i₁dsi₅ guá'₅, jaun₂ ca₂mi₃ cu₄ quió'₅ dsa₂ on₃ 'éi₂. ⁴ Jaun₂ ca₂nau₂ Pe₄, Juan₅₄ ně₃, ca₂jñin₂ dsa₂ 'éi₂. Jaun₂ ca₂juá'₂ Pe₄:

—Dse₃ jag₄ jñia'₅₄.

⁵ Jaun₂ guá'₅ dsa₂ 'éi₂ qui₂jñin₂ Pe₄ quian'₅₄ Juan₅₄, ia₁ lín₂ cuě₃ dsa₂ ca₂la₂ cu₄. ⁶ La₁ jaun₂ ca₂juá'₂ Pe₄:

—Tsá₃ cu₄tiog₂, on₃ guě'₂ cu₄nióg₄ cha₂ quió'₃ cuě₅₄. La₁ con'₂ a₂cha₂ quió'₃, cuě₅₄. Quian'₅₄ 'éi₃ quió'₅ Jesucristo chan₂ Nazaret, nau₂, ñi₄.

⁷ Jaun₂ ca₂jña'₃ Pe₄ mi₂gu₂ ne₁ dsa₂ 'éi₂, ca₂jme₃'o₅₄ ca₂chó'₂. Dsi₂jui₅ le₂jaun₂ ca₂rě₃bén₂ mi₂tag₄ dsa₂ 'éi₂. ⁸ Jaun₂ ca₂ráun₂ ca₂nau₂ jaun₂ ca₂jme₃lióg₃ ca₂ñi₃, Jaun₂ ca₂'í₃ i₁dsi₅ guá'₅ quiaín'₅₄ dsa₂ on₃ 'éi₂, qui₂ca₂ñi₃ qui₂ca₂ráun₂ qui₂ca₂cuě'₃ ti₁'mag'₄ Diú₄. ⁹ Ca₂le₃jín₃ dsa₂ i₂tion'₅₄ ja₁jaun₂, ca₂jñin₂ dsa₂ 'éi₂ ñi₂₃ cuě'₅ ti₁'mag'₄ Diú₄. ¹⁰ Jaun₂ dsi₂gó'₃ dsí₅ 'ñio₅ lín₃, ia₁ ma₂ñi₂₃. Ma₂cuin₂₃ bá₄ dsa₂ 'éi₂ i₂gua₂ tián₂ o₄'né₄ chei₂ Jlá'₁ qui₂mi₂₃ cu₄.

Jág₁ ca₂ton₃ Pe₄ corredor ja₁tě'₂ dsa₂ quió'₅ Salomón

¹¹ Caun₂ 'en₅₄ le₂jaun₂ bá₄ dsa₂ i₂jme₁'lian'₂ 'éi₂ quiaín'₅₄, tsá₃ téin₂ Pe₄, Juan₅₄ ně₃. Jaun₂ ca₂i₃lén₂ co₂chi'₅₄ juín₅ dsa₂ dsi₂gó'₃ dsí₅ ca₂ton₂ guá'₅ ja₁chei₂ Corredor quió'₅ Salomón, ja₁jme₁'en₅₄ Pe₄ quiaín'₅₄ Juan₅₄ ně₃. ¹² Jme₁ca₂jág₃ Pe₄ le₁ñi'₂ dsa₂ juín₅, jaun₂ ca₂juá'₂ ca₂tsí'₃ dsa₂ 'éi₂:

—'Nia'₂ dsa₂ juig₂ chan₂ Israel, ¿'E₂ lě₃ ñi₄ dsi₂gó'₃ 'au'₂ 'nia'₂? ¿'E₂ lě₃ jag'₅₄ 'nia'₂ jñia'₅₄ le₂ně₅? On₃jua'₅₄ bí₂ a₂tag₂ jñia'₅₄ guio₅₄ a₂ca₂'lón₂ dsa₂ ně₅ a₂ma₂lé₂ ñi₃, jua'₅₄ a₂lág₅ jñia'₅₄ dsa₂ o₂dsan₂. ¹³ La₁ia₁ Diú₄ quián₅ tsi₁jon₂ jmei₂ jñiog₄ Abraham, Isaac, Jacob ně₃, Diú₄ 'éi₂ ca₂jme₃juin₂ 'ñio₅ lín₃ Jesús ja₁ñi'₅₄, i₂ca₂jín'₅₄ 'nia'₂ ne₄ dsi₂tan₅₄. Jme₁'nio₃ guě₄ Dsi₄má'₂ Pilato jme₁lió₂, la₁ tsá₃ ca₂gue'₅₄ 'nia'₂. ¹⁴ 'Nió'₄ jme₁lon₄ 'nia'₂ dsa₂ jñi₂o₅ i₂tsá₃ 'e₂ dso₄ rin₂ 'éi₂, jě₂ bá₄ dsa₂ i₂ma₂jñi'₃ dsa₂ ca₂mi₅₄ 'nia'₂ líón₂. ¹⁵ Jaun₂ le₂ně₅ ca₂jñi'₃ 'nia'₂ dsa₂ i₂cuě₅ jme₂dsi₂. La₁ Diú₄ ca₂jme₃jein₅₄ táng₃ jin₄ 'lag₄, jaun₂ ca₂le₃jě₃ a₂ně₅ ca₂tě₂ ne₄ jñia'₅₄. ¹⁶ Quian'₅₄ bí₂ quió'₅ 'ñio₅ Jesús 'éi₂ ca₂'lón₂ dsa₂ i₂cuin₂ 'nia'₂ i₂jín₄ 'nia'₂ ně₅, ia₁ a₂'éin₂ jñia'₅₄ tē₂le₃ quió'₅ Jesús. 'Éi₂ bá₄ ně₂cuě₃ bí₂ quió'₅ dsa₂ ně₅, jaun₂ ca₂'lón₂, co₂ñei'₅₄, ju₁lia'₂ jñin₅₄ 'nia'₂ ně₅.

¹⁷ 'Guion₄ bá₄ jñiá₂ dse₃, rin₅₄ jñiog₄, a₂ca₂jmo'₅₄ 'nia'₂ caun₂ jág₁ quian'₅₄ dsa₂ can'₅₄ quián'₂ 'nia'₂, a₂ca₂jñi'₃ 'nia'₂ Jesús, ca₂jmo'₅₄ 'nia'₂ le₂jaun₂ ia₁ a₂tsá₃ ñi'₅₄ bá₄ 'nia'₂ 'e₂ jmo'₂.

¹⁸ La₁ ca₂rě₃ti₃ jág₁ a₂ma₂'ě₂ Diú₄ le₂jñiá₅ tē₂le₃ quian'₅₄ dsa₂ i₂jme₁'ě₂ jág₁ quián₅, a₂tion₅₄ ñág₃ uig₅ dsa₂ I₂rě₂'ín₁ quiáin₅. ¹⁹ Jaun₂ ně₃, jme₁tsín₄ 'nia'₂ 'au'₂, jen₅₄ 'nia'₂ tē₂le₃ quió'₅ Diú₄, ia₁jaun₂ 'én₂ dsáu'₂ 'nia'₂. Jaun₂ bá₄ jiá₃ jmig₄ cuě₃ Te₁gui'₅₄ a₂le₃gün₂ jme₂dsi₂ quián'₂

* 3:1 lit. “hora ñi₃.”

'nia'₂, ²⁰ a₂chein₃ táng₃ Jesús i₂lín₅ i₂rē₂'ín₁ quián₅ Diú₄, i₂ma₂lě₅ jág₁ le₂jñiá₅ jiá₃ quián'₂ 'nia'₂, ²¹ o₁jñia'₅₄ la₂ rē₂ně₃ tion₅₄ 'nió'₅ guá₃ Jesús guei'₅₄ i₂juíg₃ ca₂lia'₂ ca₂jmo₃ Diú₄ rē₂ ca₂le₃jě₃ lia'₂ con'₂ lě₅ jág₁ ma₂'ě₂ dsa₂ jñiós quiáin₅ ma₂líg'₂. ²² Le₂la₂ ca₂juá'₂ 'lag₄ Moisés ca₂tsí'₃ dsa₂ quián₂ jniog₄ ma₂dsi₃jo₃: “A₂chen₃ Te₁gui'₅₄ Diú₄ jan₂ dsa₂ i₂'ě₂ jág₁ quiáin₅, i₂lín₅ dsa₂ go'₄ 'nia'₂ guiong'₅₄, jui₁lia'₂ ca₂chei₃ jniá₂. Jaun₂ tón'₂ 'nia'₂ jui₅ jme₁ti'₄ 'nia'₂ ca₂le₃jě₃ con'₂ 'éi'₃ a₂jmo₃ 'éi₂. ²³ Ia₁ ca₂le₃jín₃ i₂tsá₃ jui₅ tón'₂ jág₁ quió'₅ dsa₂ i₂chen₄ quiáin₅ 'éi₂, dsi₃'éin₂, 'uiin₃ juig₂ Israel.”† ²⁴ Jaun₂ le₂ně₅ ca₂'ě₂ Samuel jág₁ le₂'uig₅₄, ca₂le₃jín₃ guě₄ dsa₂ i₂jme₁'ě₂ jág₁ quián₅ Diú₄ i₂ca₂o₃lén₂ cang₂ guě₄ jaun₂, qui₂ca₂juá'₂ lia'₂ lé₂ jmig₄ ně₃. ²⁵ Jág₁ a₂ca₂cuě₃ Diú₄ tē₂le₃ quian'₅₄ dsa₂ i₂jme₁'ě₂ jág₁ quiáin₅, ca₂cuě'₃ 'nia'₂ bá₄. A₂dse₃ quián'₂ 'nia'₂ bá₄ ca₂jmo₃ Diú₄ caun₂ jág₁ quian'₅₄ dsa₂ can'₅₄ quián₂ jniog₄ ma₂líg'₂, jui₁lia'₂ ca₂tsí'₃ Abraham: “Ca₂le₃jín₃ chi'₂-guein₂ dsa₂ mi₂güig₃ le₃chain₂ dse₃ tē₂le₃ quian'₅₄ chi'₂ dsió'₂.”‡ ²⁶ Lia'₂ con'₂ jme₁ca₂chón'₂§ Diú₄ Ja₁ñi'₅₄, ca₂chein₃ le₂'uig₅₄ jin'₄ 'nia'₂, ia₁jaun₂ jme₃gu'₅₄, ia₁jaun₂ tí'₄ 'nia'₂ le₂jang'₂ le₂jang'₂ ca₂le₃jě₃ dso₄ qui₂'nau'₂ 'nia'₂.

4

Pe₄ quiain'₅₄ Juan₅₄ tióin₂ ne₄ dsi₂tan₅₄

¹ Pe₄ quian'₅₄ Juan₅₄ tsá₃ ma₂dsan₃ bá₄ guě₄ tsí'₅ dsa₂ jág₁, jme₁ca₂dsi₃lén₂ jme₂dsa₂ quiain'₅₄ juig₅₄ chi'₂ 'i'₅₄ quián₅ guá'₅, dsa₂ saduceos ně₃. ² Le₁'néi₃ 'ñio₅ lín₃, ia₁ jme₂tin₅ 'éi₂ dsa₂ a₂jen'₅₄ dsa₂ jin₄ 'lag₄ jui₁lia'₂ ca₂lě₃ léi₄ ca₂jen'₅₄ Jesús. ³ Jaun₂ ca₂jñau'₃ chi'₂ 'i'₅₄ ca₂tág₃ ca₂i₁tio'₂ né₃ 'má₃ ca₂tē₂ jme₁jnia₃, ia₁ ca₂'láu₂ bá₄ jmig₄ jaun₂. ⁴ La₁ juin₅ bá₄ dsa₂ i₂ca₂nág₂ ca₂rě₃'éin₂ jág₁. Con'₂ 'ñiá₂ mei₅ dsa₂ i₂ca₂rě₃'én₂ 'éi₂, jme₁ca₂caun₂ dsa₂ 'í₁ jmá'₃ dsa₂ ñe'₂.

⁵ Jme₁jnia₃ jaun₂, ca₂ñi'₂ ca₂le₃jín₃ dsa₂ dsen₅₄ i₂jmo₅ 'éi'₃ quián₅ dsa₂ judíos, dsi₂gui'₅₄ can'₅₄, tē₅juá'₅ ně₃. ⁶ Ján₃ bá₄ jaun₂ jme₁en₅₄ Anás i₂lín₅ jme₂dsa₂ dsen₅₄, Caifás, Juan₅₄, Alejandro ně₃, ca₂le₃jín₃ guě₄ i₂lín₅ o₁rín₅₄ jme₂dsa₂ dsen₅₄. ⁷ Jme₁ma₂le₁ñi'₂ jñin₂, jaun₂ guě₄ ca₂i₁dsein₂₃ Pe₄ quian'₅₄ Juan₅₄, jaun₂ ca₂chei'₃ dsi₂jo₂ ja₁le₁ñi'₂ jaun₂. Jaun₂ ca₂ñag₃:

—¿Ein₂ ca₂cuě₃ 'éi'₃, o₃ 'ein₂ ca₂cuě₃ jág₁ a₂i₂nio'₄ 'nia'₂ jme₂tíng'₁ dsa₂, a₂jmo'₂ 'nia'₂ 'e₂ jmo'₂ i₂niog'₅₄?

⁸ Jaun₂ ca₂juá'₂ Pe₄, rē₂rín₅ Jme₂dsí₂ Jñiós tē₂dsí₅, ca₂tsí'₃ dsa₂ i₂le₁ñi'₂ 'éi₂:

—'Nia'₂ dsa₂ dsen₅₄ quián₅ juig₂, 'nia'₂ dsa₂ can'₅₄ quián₅ juig₂ Israel ně₃: ⁹ Chi₂jua'₂ a₂jaun₂ ñag'₅₄ 'nia'₂ ia₁ ca₂jmó₁ jñia'₅₄ caun₂ a₂dse₃ quió'₅ jan₂ dsa₂ dso'₅₄ i₂tsá₃ lé₂ jme₁ñi₃, chi₂jua'₂ 'niog'₂ 'nia'₂ le₃ñi'₅₄ 'a₂ lia'₂ ca₂lě₃ a₂ca₂'lón₂, ¹⁰ jui₁le₃ñi'₅₄ bá₄ 'nia'₂, jui₁le₃ñi₅ bá₄ ca₂le₃jín₃ dsa₂ juig₂ Israel ně₃, a₂chén₅ dsa₂ ně₅ jin'₄ 'nia'₂ ca₂'lón₂ quian'₅₄ bí₂ quió'₅ Jesucristo chan₂ Nazaret i₂ca₂tió'n'₃ 'nia'₂ cróg₄, i₂ca₂jme₁jen'₅₄ táng₃ Diú₄ jin₄ 'lag₄. ¹¹ Jesús 'éi₂:

lín₅ ni₁cang₁ a₂tsá₃ jen'₅₄ 'nia'₂,

i₂lín₅ g'₅ tē₅ i₂chi'₅ tsi₁'né₅,

la₁ ca₂dsióg₃ ca₂lě₃ ni₁cang₁ a₂dsen₅₄ guě₄.*

¹² Ia₁ 'i₁jan₂ i₂sián'₂ tsá₃ chan₂ i₂le₃lón₂ dsa₂. Ia₁ 'i₁jan₂ i₂sián'₂ tsá₃ ca₂cuin₃ Diú₄ ne₄ gua'₅₄ 'uě₃ la₂, a₂lě₂ 'i₁n₄ jniog₄ a₂mí₁ ne₄ Diú₄ ia₁jaun₂ tág'₄ guei'₅₄ i₂juíg₃, jñia'₅₄ lia'₂ jan₂ Jesús bá₄.

¹³ Jme₁ca₂jág₃ dsa₂ can'₅₄ dsi₂gó'₃ dsi₅ ca₂jñin₂ Pe₄ quian'₅₄ Juan₅₄ 'a₂ lia'₂ tiá₂ dsi₅ 'éi₂ ñag₂₃ ne₅₄ le₂jaun₂, jaun₂ ca₂rě₃lí'₄ a₂lín₅ 'éi₂ dsa₂ tsá₃ lín₄ quen₅, i₂tsá₃ lín₄ si₂ cuí'₅ ně₃, jaun₂ guě₄ ca₂rě₃cuin₂₃ a₂lín₅ 'éi₂ dsa₂ i₂jme₁i₂nio₄ quian'₅₄ Jesús. ¹⁴ Ia₁ jaun₂ bá₄ jme₁chén'₄ dsa₂ i₂ca₂'lón₂ 'éi₂ jē₄ jaun₂, jaun₂ lě₃ tsá₃ cuin₅ jmig₄ jua'₅₄ a₂juá'₂ dsa₂ can'₅₄ a₂tsá₃ dsau₅.

¹⁵ Jaun₂ ca₂'uiin₂ bá₄ Pe₄ quian'₅₄ Juan₅₄ jē₄ jaun₂, jaun₂ ca₂jmo₃ jág₁ guioin₅₄ 'a₂ lia'₂ jmo₃.

¹⁶ Ca₂dsia₃ jág₁, juá'₂:

† 3:23 Deuteronomio 18:15,18-19. ‡ 3:25 Génesis 22:18; 26:4. § 3:26 o₃, “jme₁ca₂jme₃jen'₅₄.” * 4:11 Salmo 118:22.

—¿'A₂ lia' ₂ jmó₁ quian' ₅₄ dsa₂ ně₅ jaun₂? Ia₁ ca₂le₃jín₃ bá₄ dsa₂ juig₂ Jerusalén ma₂le₁ñi₅ a₂jmo₅ i₂ně₅ léi₄ juě' ₂, jaun₂ tsá₃ lé₂ jua' ₅₄ a₂jua' ₅₄ jniog₄ a₂tsá₃ dsau₅. ¹⁷ La₁ ia₁jaun₂ tsá₃ ma₃caun₂ qui₃dsi₃'ag₅ jág₁ jin₄ dsa₂ juig₂, 'nió' ₅ quiaín₅₄ jniog₄ juě' ₅ ia₁jaun₂ tsá₃ ma₃i₃noi₅₄ qui₃'iin₃ guě₄ Jesús a₂tsí' ₃ dsa₂ le₃ne₄ jui₅ ja₁dsau₅₄ ně₅.

¹⁸ Jaun₂ ca₂tě₃ dsa₂ i₂le₁ñi' ₂ 'éi₂ ca₂tě' ₃ táng₃ Pe₄ quian' ₅₄ Juan₅₄, jaun₂ ca₂jmo₃ 'éi' ₃ ca₂tsí' ₃ dsa₂ on₃ 'éi₂, a₂tsá₃ ma₃dsia₃ co₂ñei' ₅₄ on₃ guě' ₂ jme₃tiin₂₃ dsa₂ a₂'iin₂₃ Jesús. ¹⁹ La₁ jaun₂ ca₂ñag₃ Pe₄ quian' ₅₄ Juan₅₄ ca₂juá' ₂:

—'Nio' ₄ 'nia' ₂ 'au' ₂ chi₂jua' ₂ 'ñio₅ guě₄ dse₃ jniá₂ ne₄ Diú₄, a₂néi₁ jnia' ₅₄ gau₂ jág₁ quián' ₂ 'nia' ₂, 'nió' ₄ a₂jme₁néi₁ jnia' ₅₄ gau₂ jág₁ quió' ₅ Diú₄. ²⁰ La₁ jnia' ₅₄ ně₃ tsá₃ lé₂ tí₄ a₂dsiá₁ ca₂le₃jě₃ a₂ma₂jag₅₄, a₂ma₂néi₁ ně₃.

²¹ Jaun₂ ca₂quiong₃ dsi₂tan₅₄ juě' ₅, la₁ ca₂lió₂ bá₄ jaun₂ ně₃. Ia₁ tsá₃ ca₂dsó' ₂ 'a₂lia' ₂ 'ě₂ uig₅, ia₁ ca₂le₃jín₃ bá₄ dsa₂ ma₂qui₂cuě' ₃ ti₁'mag' ₄ Diú₄ a₂ca₂tě₂ ne₅₄ a₂ca₂lě₃ jaun₂. ²² Jaun₂ dsa₂ ñe' ₂ i₂ca₂'lón₂ 'éi₂ quian' ₅₄ léi₄ a₂dsi₂gó' ₃ dsi₅, jme₁'ein₅₄ lě₅ guě₄ tē₂láu₃ ñi₂.

Ca₂mi₃ dsa₂ 'én₂ a₂cuě₃ guě₄ Diú₄ bí₂ quió' ₅

²³ Jme₁ma₂lón₂ Pe₄ quian' ₅₄ Juan₅₄, ca₂i₃léin₂ ja₁tion' ₅₄ riin' ₅₄, jaun₂ ca₂dsia₃ ca₂le₃jě₃ 'e₂ ca₂juá' ₂ juig₅₄ jme₂dsa₂ quian' ₅₄ dsi₂gui' ₅₄ can' ₅₄ a₂ca₂tsí' ₃ 'éi₂. ²⁴ Jme₁ca₂nág₂ jág₁ jaun₂, ca₂le₃jín₃ ca₂mi₃ co₂lě₅ ca₂tsí' ₃ Diú₄ ca₂juá' ₂:

—Te₁gui' ₅₄ quián₂ jniog₄, 'ne₂ bá₄ líng' ₅ Diú₄ i₂ca₂jmo' ₅₄ guei' ₅₄ i₂juig₃, quian' ₅₄ gua' ₅₄ 'uě₃, jmi₁ñi' ₄ ně₃, ca₂le₃jě₃ guě₄ 'e₂ a₂cha₂. ²⁵ 'Ne₂ bá₄ ca₂jua' ₅₄ quian' ₅₄ Jme₂dsí₂ Jñiós quiáng' ₂, jme₁ca₂juá' ₂ 'lag₄ David dsa₂ quiáng' ₂:

¿'E₂ lě₃ tion' ₅₄ dsi₂nau₂ co₂mi' ₅₄?

¿'E₂ lě₃ dsi₂jio₅ dsi₅ dsa₂ chan₂ mi₂güig₃

ca₂le₃jě₃ ne₅₄ a₂'lig' ₅₄ a₂tsá₃ ta₁ tí₄?

²⁶ Ca₂le₃jín₃ rag₅₄ ne₄ gua' ₅₄ 'uě₃

qui₂ca₂quín' ₂ jág₁;

Ca₂le₃jín₃ dsi₂tan₅₄ quián₅ juig₂

qui₂ca₂nau₂ 'nei₂ ja₁con₂ Te₁gui' ₅₄,

ja₁con₂ I₂rě₂'ín₁ quiaín₅ ně₃.†

²⁷ 'Dsau₅ dsón' ₂ bá₄ ca₂jmo₃ caun₂ jág₁ Rag₅₄ Herodes quian' ₅₄ Dsi₄má' ₂ Poncio Pilato juig₂ la₂ quian' ₅₄ dsi₂nau₂, dsa₂ israelitas ně₃. Ca₂quín' ₃ jág₁ ca₂jme₃'ñiai₅₄ Jesús Ja₂ñi' ₂ jñiós i₂rě₂'ín₁ quiáng' ₂. ²⁸ Quian' ₅₄ a₂ně₅, ca₂jme₃ti₃ dsa₂ can' ₅₄ 'éi₂ ca₂le₃jě₃ a₂'i₄ 'éi' ₃ niog₅ lé₂.

²⁹ Jaun₂ ně₃ Te₁gui' ₅₄, jag₄ a₂quiong₅ dsa₂ juě' ₅ jnia' ₅₄. Cuě₄ bí₂ jnia' ₅₄ dsa₂ quiáng' ₂ ia₁jaun₂ tián₂ qui₂jme₁tin₅ guě₄ jnia' ₅₄ dsa₂ jág₁ quiáng' ₂, tsá₃ ju₁le₂go₃. ³⁰ Cuě₄ bí₂ quiáng' ₂ a₂lé₂ jme₁'lion₅₄ jnia' ₅₄ dsa₂ dso' ₅₄, a₂lé₂ jmó₁ léi₄ dsi₂gó' ₃ dsi₅ quian' ₅₄ bí₂ 'éi' ₃ quió' ₅ Jesús, dsa₂ jñiós i₂jme₂ti₃ quiáng' ₂.

³¹ Jme₁ca₂dsan₃ chi₂léin' ₂ Diú₄ le₂ně₅, ca₂i₁bi₅₄ ja₁tioin' ₅₄, jaun₂ ca₂le₃jín₃ qui₂ca₂cain' ₂ Jme₂dsí₂ Jñiós. Jaun₂ tsá₃ ma₃juě' ₅ 'i₄ dsi₅ qui₂ca₂'ě₂ jág₁ dse₃ quió' ₅ Diú₄.

Ca₂le₃jě₃ 'e₂ cha₂ jme₁lě₄ quió' ₅ ca₂le₃jín₃

³² Ca₂le₃jín₃ dsa₂ i₂ma₂'én₂, caun₂ bá₄ a₂dsi₂jio₅ dsi₅, caun₂ bá₄ 'ei₅ jme₂dsí₂ quió' ₅ ca₂le₃jín₃. 'I₁jan₂ tsá₃ jua' ₅₄ a₂jmo₂₃ quió' ₅ 'ñiog₅ 'e₂ caun₂ a₂cha₂ quió' ₅. Jmo₂₃ bá₄ dsi₅ a₂quió' ₅ co₂dsia₅ quiaín' ₅₄ riin' ₅₄ ca₂le₃jě₃ 'e₂ a₂cha₂ quió' ₅. ³³ Caun₂ ca₂'ág₂ tiá₂ dsi₅ qui₂ca₂cuě₃ jág₁ dsau₅ dsi₂guia₃-tín₂ i₂chen₄† quián₅ Diú₄ 'éi₂, 'a₂lia' ₂ ca₂jen' ₅₄ Te₁gui' ₅₄ Jesús. Jaun₂ caun₂ qui₂ca₂cuě₃ Diú₄ bí₂ 'ñio₅ lin₃ quió' ₅ ca₂le₃jín₃ dsa₂ i₂'én₂. ³⁴ 'I₁jan₂ tsá₃ 'ein₂ jua' ₅₄ cha₂ qui₂ca₂rě₃ 'nió' ₅ quió' ₅, ia₁ dsa₂ i₂cha₂ 'uě₃, o₃ i₂tióng₂ 'né₅ quió' ₅ ně₃, qui₂ca₂'nag₃.

³⁵ Jaun₂ ca₂o₃can₅ cu₄ jaun₂, ca₂jín' ₃ dsa₂ guia₃-tín₂ i₂chen₄ quián₅ Jesús 'éi₂, jaun₂ ca₂dsiós' ₃

† 4:26 Salmo 2:1-2. ‡ 4:33 griego: apóstolos.

ca₂cuë'₃ le₂jan₂ le₂jan₂ 'a₂ con'₂ 'nió'₅ quió'₅. ³⁶ Jme₁chan₂ jin₄ dsa₂ 'éi₂ jan₂ dsa₂ levita i₂jme₁chen₂ José i₂chan₂ Chipre. Dsa₂ i₂chen₄ ně₃ ca₂quai_{in}₃ Sě₄ 'éi₂ Bernabé, co₂'nió'₄ a₂juá'₂ dsa₂ i₂jmo₅ lián'₂, i₂jme₂'o₅₄. Š ³⁷ Bernabé 'éi₂ ca₂'nag₃ caun₂ 'uě₃ quió'₅ a₂jme₁cha₂. Ca₂le₃jě₃ cu₄ jaun₂ ca₂o₃can₅ ca₂cuë'₃ dsa₂ guia₃-tín₂.

5

Dso₄ a₂ca₂'náu₂ Ananías quai_{in}'₅₄ Safira

¹ La₁ jan₂ dsa₂ sián'₂ i₂jme₁chen₂ Ananías quai_{in}'₅₄ Safira 'io₅₄ quiáin₅, ca₂'nag₃ caun₂ 'uě₃ quió'₅. ² Dsa₂ ŋe'₂ 'éi₂ ca₂'ma₃ ca₂dsio₄ cu₄ jaun₂ 'ŋiog₅, jaun₂ ca₂dsio₄ bá₄ ca₂i₁cuë'₂ dsa₂ guia₃-tín₂ i₂chen₄* quián₅ Jesús, lia'₂ jag₄ bá₄ a₂i₁can₅ ta₁jě₂. Ján₃ bá₄ ŋi₅ 'io₅₄ quiáin₅. ³ Jaun₂ ca₂juá'₂ Pe₄ ca₂tsí'₃ Ananías:

—ǵ'E₂ lě₃ ca₂'í₃ Satanás tē₂'au'₂ jaun₂ jmo'₂ jág₁ tē₂jág₁ ne₄ Jme₂dsí₂ Jŋi_ó₅, a₂ca₂'ma'₅₄ ca₂dsio₄ cu₄ a₂ca₂quí₃ dsa₂ 'lia'₅₄ 'uě₃ quiáng'₂? ⁴ ǵOn₁jua'₅₄ quiáng'₂ 'uě₃ a₂ně₂'nag'₅₄? ǵOn₁jua'₅₄ quiáng'₂ cu₄ jaun₂ ně₃? ǵ'E₂ lě₃ ca₂i₃jio_g₅ 'au'₂ jmó'₂ le₂ně₅? Diú₄ bá₄ ně₂chei'₅₄ 'ne₂ jág₁ tē₂jág₁, on₃jua'₅₄ dsa₂ mi₂güí_g₃.

⁵ Dsi₂jui₅ jme₁ně₂néi₂ Ananías le₂ně₅, ca₂quai_{in}'₃ ca₂join₃. Jaun₂ ca₂le₃jín₃ dsa₂ i₂ca₂rě₃ŋi₅ a₂ca₂lě₃ le₂jaun₂ ca₂rě₃gó'₅ 'ŋio₅ lín₃. ⁶ Jaun₂ ca₂o₃lén₂ on₃-ún₂ chi'₂ dsa₂ ŋe'₂, ca₂lio₃ 'mi'₂ ni₁ŋi₁₂, jaun₂ ca₂i₁'ó₄.

⁷ Tsá₃ jaun₂ ŋi₅ 'io₅₄ quián₅ Ananías a₂ca₂lě₃ le₂jaun₂, jaun₂ ca₂dsi_óg₃ con'₂ 'ni₅ hora cang₂ jaun₂. ⁸ Jaun₂ ca₂ŋag₃ Pe₄ ca₂ŋí'₃ 'io₅₄:

—Jua'₅₄ dsón'₂. ǵ'Ma'₅₄ jaun₂ ně₂'nag'₅₄ 'nia'₂ 'uě₃ con'₂ lě₅ jág₁ juá'₂ 'nia'₂?

Jaun₂ ca₂ŋag₃ 'io₅₄:

—Ján₅. 'Ma'₅₄ jaun₂ dsón'₂ bá₄ i₂'nag₄.

⁹ Jaun₂ ca₂juá'₂ táng₃ Pe₄:

—ǵ'E₂ lě₃ ně₂jmo'₅₄ 'nia'₂ caun₂ jág₁ a₂cáng'₄ táu₂ Jme₂dsí₂ quián₅ Te₁gui'₅₄? Ca₁'né₄ ně₅ ma₂ja₂len₃ táng₃ dsa₂ i₂ma₃i₁'ón₄ dsi₂i₂gog'₂. Ně₃ gué₄ tē₂ táng₃ 'ne₂.

¹⁰ Dsi₂jui₅ le₂jaun₂ ca₂quai_{in}'₃ 'io₅₄ ca₂join₃ ja₁chén'₄ Pe₄ jaun₂. Jme₁ca₂i₃ton'₅₄ chi'₂ dsa₂ ŋe'₂ 'éi₂, ma₂jon₅ bá₄ 'io₅₄, jaun₂ ca₂tág₃ táng₃ jaun₂ ca₂i₁'ó₄ cau₅ ja₁rě₂'on₅ dsi₂i₂gu₂. ¹¹ Jaun₂ ca₂rě₃gó'₅ 'ŋio₅ lín₃ ca₂le₃jín₃ dsa₂ 'én₂ i₂lín₅ guá'₅, ca₂le₃jín₃ gué₄ dsa₂ sián'₂ i₂ca₂rě₃ŋi₅ a₂ca₂lě₃ jaun₂.

'Lióng₂ léi₄ juě'₂ a₂dsi₂gó'₃ dsi₅ ně₃, ca₂lě₃

¹² Quai_n'₅₄ bí₂ quió'₅ Diú₄ ca₂jmo₃ dsa₂ i₂chen₄ quián₅ Jesús 'lióng₂ léi₄ juě'₂ a₂dsi₂gó'₃ dsi₅ jin₄ dsa₂. Jaun₂ jme₁ŋi'₂ dsa₂ i₁dsi₅ guá'₅ templo ja₁lě₄ corredor ja₁tě'₂ dsa₂ quió'₅ Salomón.

¹³ 'I₁jan₂ tsá₃ ca₂tiá₂ dsí₅ jme₃quai_{in}'₅₄ dsa₂ i₂'én₂ 'éi₂, la₁ jme₁jme₂go₃ bá₄. ¹⁴ La₁ juin₅ bá₄ dsa₂ ŋe'₂, lia'₂ dsa₂ mí₂ ně₃, ca₂rě₃'én₂ tē₂le₃ quió'₅ Te₁gui'₅₄. ¹⁵ Ca₂lia'₂ jme₁dsi₂jŋiai₃ jě₄ calle dsa₂ dso'₅₄ tián'₅ ne₄ cama, ne₄ tsi₁jei_n₁ ně₃, ia₁jaun₂ tsá₃ a₂nag₅₄ jŋia'₅₄ 'én'₁ quió'₅ bá₄ Pe₄ tē₅₄ quió'₅ i₂lín₅₄ dsa₂ dso'₅₄ 'éi₂. ¹⁶ Ján₃ bá₄ ca₂o₃lén₂ juin₅ dsa₂ chan₂ juig₂ ma₂quai_n₅ Jerusalén, le₁jŋiai₂₃ dsa₂ le₁dso'₅₄, dsa₂ i₂tion'₅₄ jme₂dsí₂ 'lín'₅₄ tē₂dsí₅ ně₃, ca₂o₃lén₂. Jaun₂ ca₂le₃jín₃ dsa₂ 'éi₂ qui₂ca₂'lón₂.

Ca₂co₃'ein₃ dsa₂ quió'₅ Pe₄ quai_n'₅₄ Juan₅₄

¹⁷ Jaun₂ ca₂rě₃'iog₅₄ 'ŋio₅ lín₃ jme₂dsa₂ dsen₅₄, quai_{in}'₅₄ riin'₅₄ i₂jme₁lín₄ saduceos. ¹⁸ Jaun₂ ca₂jŋai'₃ dsa₂ i₂chen₄ quián₅ Jesús, ca₂i₁tio'₂ 'né₅ 'má₃. ¹⁹ La₁ a₂'uě₂ jaun₂, ca₂ŋe₄ jan₂ ángel quián₅ Te₁gui'₅₄ ca₂niá₃ 'né₅ 'má₃, ca₂'uín'₂ dsa₂ i₂chen₄ 'éi₂, ca₂juá'₂:

²⁰ —O₂nó'₅ 'nia'₂ i₁dsi₅ guá'₅ templo, o₂nau₂ o₂chei'₅₄ 'nia'₂ dsa₂ jág₁ dse₃ quió'₅ Jui₅ 'mí₂ la₂.

²¹ Jme₁ca₂nág₂ jág₁ ně₅, tē₃ o₃'iog₂ jme₁jŋia₃ jaun₂ ca₂i₁lein₅₄ guá'₅ ca₂i₁jme₁tín₂₃ dsa₂.

Jmīg₄ jaun₂ ca₂tē₃ jme₂dsa₂ dsen₅₄ ca₂ñi₁'₂ dsi₂tan₅₄ quián₅ guá'₅, jaun₂ ca₂jmo₃ 'éi'₃ i₁tē₂ dsa₂ i₂chen₄ quián₅ Jesús i₂tion'₅₄ 'né₅ 'má₃ 'éi₂. ²² La₁ jme₁ca₂dsi₃lén₂ 'lióg₂† 'né₅ 'má₃, tsá₃ ma₃dsa₂ i₂jme₁tion'₅₄ chan₂. Jaun₂ ca₂i₃lein₃ táng₃ i₁con₂ jág₁, ²³ juá'₂:

—Jme₁chi₁jnág₅ dse₃ bá₄ o₄'né₄ 'né₅ 'má₃, jme₁tió₂n₂ bá₄ guē'₂ 'lióg₂ jmo₂₃ 'í₁ cau₅ o₄'né₄ ně₃. La₁ jme₁nē₂tió'₄ jnia'₅₄ dsi₂nēi₂, tsá₃ ma₃dsa₂ i₂jme₁tion'₅₄ chan₂ 'i₁jan₂.

²⁴ Jme₁ca₂nág₂ juig₅₄ jme₂dsa₂, juig₅₄ chi'₂ 'i'₅₄ quián₅ guá'₅ ně₃, jaun₂ dsi₂gó'₃ dsí₅ qui₂ca₂ñi₁'₃ riin'₅₄ 'a₂ dsi₁quén'₅ ca₂le₃jé₃ a₂nē₅. ²⁵ Jaun₂ ca₂dsióg₃ jan₂ dsa₂ quian₅ jág₁, jaun₂ ca₂juá'₂:

—Dsa₂ i₂ca₂jne'₅₄ 'nia'₂ 'né₅ 'má₃, ó₃ bá₄ ma₂tió₂n₂ i₁dsi₅ guá'₅ jme₂tiin₂₃ dsa₂.

²⁶ Jaun₂ ně₃ ca₂i₃lén₂ chi'₂ 'i'₅₄ quiain'₅₄ juig₅₄ quián₅, jaun₂ ca₂i₁chong'₅₄ táng₃ lia'₂ 'i₄ rē₂ jág₁. Tsá₃ uig₅ ca₂jmo₃g'₂, ia₁ gó'₅ qui₃jnaú'₂ cang₄ dsa₂ i₂le₁ñi'₂ ja₁jaun₂. ²⁷ Jme₁ca₂dsi₃lein₃ le₁te₂ dsa₂ 'éi₂, jaun₂ ca₂chei'₃ dsi₂jo₂ ja₁le₁ñi'₂ dsi₂tan₅₄ quián₅ guá'₅. Jaun₂ ca₂juá'₂ jme₂dsa₂ dsen₅₄ ca₂tsí'₃ dsa₂ 'éi₂:

²⁸ —Ca₂jne₅₄ jnia'₅₄ co₂ñei'₅₄ a₂tsá₃ ma₃jme₁tin'₅ 'nia'₂ dsa₂, jua'₅₄ a₂'ín'₄ guē'₄ 'nia'₂ Jesús 'éi₂. ¿'E₂ ma₂jmo'₅₄ guē'₂ 'nia'₂? Caun₂ qui₂jme₂tin'₁ 'nia'₂ dsa₂, tsá₃ jág₁ cán'₁, ca₂lia'₂ ta₁caun₂ juig₂ Jerusalén ma₂rē₂riin₅ quian'₅₄ jág₁ a₂jme₂tiin'₁ 'nia'₂. A₂'niog'₂ 'nia'₂ bog'₅₄ jnia'₅₄ dso₄ a₂ca₂jon₃ dsa₂ 'éi₂.

²⁹ Jaun₂ ca₂ñag₃ Pe₄ quiain'₅₄ dsa₂ i₂chen₄ riin'₅₄:

—'Nio₅ guē'₄ dsen₅₄ ta₁ jme₁ti₁ jnia'₅₄ 'éi'₃ quió'₅ Diú₄, con'₂ guē'₄ 'éi'₃ quió'₅ dsa₂ mi₂güig₃.

³⁰ Diú₄ quián₅ dsa₂ can'₅₄ quián₂ jniog₄ ma₂lig'₂, Diú₄ 'éi₂ bá₄ ca₂jme₃jen'₅₄ Jesús i₂ca₂ñi₁'₃ 'nia'₂ ca₂tióin'₃ cróg₄. ³¹ Diú₄ ně₃ ma₂ca₂chó'₂ guei'₅₄, jaun₂ ma₂guá'₅ cau₅ quió'₅ tē₂le₃ gu₂ ne₁, jaun₂ ma₂dsiog₃ a₂lén₂ juig₅₄ jniog₄ i₂lió₂, ia₁jaun₂ cuin₃ jmig₄ jme₃tsín₃ dsí₅ dsa₂ juig₂ Israel ia₁jaun₂ 'én₂ dsáu₁. ³² Ca₂le₃jág₃ bá₄ jnia'₅₄ ca₂tē₂ ne₄ a₂nē₅, ján₃ bá₄ jáng'₅ jág₁ dsau₅ Jme₂dsi₂ Jnió₅ i₂ma₂cuin₃ Diú₄ quió'₅ dsa₂ i₂nag₅ gau₂ jme₂ti₃ jág₁ quió'₅.

³³ Ca₂rē₃ 'né₃ 'ñio₅ lin₃ dsa₂ can'₅₄ jme₁ca₂nág₂ le₂nē₅, a₂'nio₃ jme₁jme₃dsiain₂₃ dsa₂ i₂chen₄ quián₅ Jesús 'éi₂. ³⁴ La₁ jē₄ quió'₅ dsi₂tan₅₄ jaun₂, jme₁en₅₄ jan₂ dsa₂ fariseo i₂jme₁chen₂ Gamaliel, dsa₂ i₂lín₅ tē₂juá'₅, jaun₂ jme₁jme₂go₃ dsa₂ 'ñio₅ lin₃. Jaun₂ ca₂nau₂ dsa₂ 'éi₂ jē₄ quió'₅ dsi₂tan₅₄, ca₂mi₃ a₂'uín₂ ca₂tiá₂ dsa₂ i₂chen₄ 'éi₂. ³⁵ Jme₁ca₂'uin₂ 'éi₂, jaun₂ ca₂juá'₂ Gamaliel ca₂tsí'₃ dsi₂tan₅₄:

—'Nia'₂ dsa₂ chan₂ juig₂ Israel, jmo₄ 'nia'₂ 'í₁ a₂jma'₅₄ 'nia'₂ dsa₂ ně₅. ³⁶ Dsá₂ 'au'₂ 'nia'₂ jmo₄ a₂ca₂lē₃, ma₂ñó₃ ca₂la₂ 'lióng₂ ñi₂, ca₂nau₂ Teudas a₂juá'₂ a₂lín₅ dsa₂ 'uan'₂ dsa₂ dsen₅₄. Jaun₂ ca₂jme₃quiong'₅₄ con'₂ quén₂ 'ñiá₂-lón₂ dsa₂ ñe'₂. La₁ jme₁ca₂jñag'₃ dsa₂, ca₂le₃jín₃ dsa₂ i₂jme₁quiain'₅₄ ně₃ ca₂i₃lén₂ jma₃quén₅. ³⁷ Cang₂ jaun₂, jmig₄ jme₁ca₂tion₃ dsa₂ si₂, ca₂nau₂ Judas i₂chan₂ Galilea. Ján₃ bá₄ le₂jaun₂ juin₅ dsa₂ ca₂jme₃quiong'₅₄ quió'₅. La₁ ján₃ bá₄ ca₂jñag'₃ dsa₂. Ca₂le₃jín₃ bá₄ dsa₂ i₂jme₁quiain'₅₄ ně₃ ca₂i₃lén₂ tsi₁rē₂jain₅₄ táng₃ jme₁ma₂jon₅ 'éi₂. ³⁸ Jaun₂ lē₃, tsá₃ 'e₂ jmag'₅₄ dsa₂ ně₅, tsá₃ lē₁tón₂ 'nia'₂ mī₅₄ quiain'₅₄. Ia₁ nē₁jua'₂ jág₁ ně₅ lē₅ cosa quió'₅ dsa₂ mi₂güig₃, a₂lē₁dsi₃'én₂ bá₄ ně₅. ³⁹ La₁ia₁ nē₁jua'₂ lē₅ cosa quió'₅ Diú₄, tsá₃ a₁jaun₂ le₃qui'₅₄ 'nia'₂ jmig₄ a₂'éng'₄. Jaun₂ 'í₁ jmo₄ ia₁ con'₂ tsá₃ ñó₅ nē₁jua'₂ quian'₅₄ Diú₄ quín₂ 'nia'₂.

⁴⁰ Jaun₂ ca₂nág₂ jág₁ jaun₂ ca₂le₃jín₃. Jaun₂ ca₂tē₃ táng₃ dsa₂ i₂chen₄ quián₅ Jesús 'éi₂. Jaun₂ ca₂jmo₃ dsi₂tan₅₄ 'éi'₃ a₂bóg₂ dsa₂. Jaun₂ ca₂jné₃ táng₃ tsá₃ cuē₂₃ jmig₄ jua'₅₄ a₂'ē₂ guē'₄ dsa₂ 'éi₂ jág₁ a₂'iin₂₃ Jesús. Jaun₂ ca₂lió₂ bá₄ jaun₂ ně₃. ⁴¹ Jme₁ca₂'uin₂ dsa₂ i₂chen₄ quián₅ Jesús 'éi₂, jin₄ dsi₂tan₅₄, jmo₂₃ 'io'₂, ia₁ ca₂cuē₃ Diú₄ jmig₄ ca₂i₃ñi₁'₂ o₂guí'₃ o₄quió'₄ Jesús. ⁴² Jaun₂ caun₂ ca₂i₁nioi₁₂ bá₄ jme₂tiin₂₃ dsa₂ jág₁ dse₃ quió'₅ Jesucristo ca₂le₃jé₃ jmig₄, lia'₂ i₁dsi₅ guá'₅ templo, lia'₂ dsi₂nēi₂ quió'₅ dsa₂ ně₃.

† 5:22 o₃, chi'₂ 'i'₅₄ quián₅ guá'₅.

6

*Ca₂'nai'₂ guion₃ dsa₂ i₂jme₃'o₅₄ **

¹ Jmīg₄ jaun₂ caun₂ dsi₂juín₂ bá₄ dsa₂ i₂én₂. Jaun₂ dsa₂ i₂dsia₅ jág₁ jmei₅ griego ca₂jí₂ ca₂tsí'₃ dsa₂ i₂dsia₅ jág₁ jmei₅ arameo. Ca₂juá'₂ 'in₂₃ 'io₅₄ 'nág₂ chan₂ quiáin₅ tsá₃ lin₄ dse₃ jme₁cuē'₅ dsa₂ jui₁lia'₂ 'e₂ má₃ dsió'₅ ca₂le₃jě₃ jmīg₄. ² Jaun₂ ta₁guia₃-tín₂ dsa₂ i₂chen₄† quián₅ Jesús ca₂ñí'₂ ca₂le₃jín₃ dsa₂ i₂én₂, jaun₂ ca₂juá'₂:

—Tsá₃ dse₃ jua'₅₄ a₂tí₅ jnia'₅₄ a₂'ě₄ jnia'₅₄ jág₁ quió'₅ Diú₄ a₂jme₁ti₁ jnia'₅₄ ne₄ mesas a₂dsio'₅₄ jnia'₅₄ má₃. ³ Jaun₂ lě₃ rin'₅₄ jniog₄, 'in₅₄ 'nia'₂ guion₃ dsa₂ tē₃jin'₄ 'nia'₂, i₂'eis jág₁ a₂'en₅₄ dsí₅, a₂rē₂rin₅ Jme₂dsí₂ Jnió₅ tē₂dsí₅, jaun₂ cuē'₅₄ 'nia'₂ ta₁ nē₅. ⁴ Jnia'₅₄ guē'₂ caun₂ qui₁chei₅₄ Diú₄, caun₂ qui₂jme₁tin₅ jnia'₅₄ dsa₂ jág₁ quió'₅ Diú₄.

⁵ Jaun₂ ca₂le₃jín₃ dsa₂ ca₂tē₂ dsí₅ a₂nē₅, jaun₂ ca₂quióin'₂ dsa₂ i₂chen₂ Esteban i₂én₂ 'nio₅ lin₃, i₂rē₂rin₅ Jme₂dsí₂ Jnió₅ tē₂dsí₅; Fe₂li₄ nē₃, Prócoro, Nicanor, Timón, Parmenas, Nicolás nē₃ i₂lín₅ jan₂ dsa₂ chan₂ Antioquía i₂jme₁ma₂gue₃ le₂jniá₅ 'Éi'₃ Juá'₅ quió'₅ dsa₂ judíos.

⁶ Jaun₂ ca₂o₃jnia₃ dsa₂ dsa₂ guion₃ i₂ca₂'in₃ 'éi₂ ja₁tió₃ dsa₂ guia₃-tín₂, jaun₂ qui₂ca₂quiog₂ gu₂ ne₄ quió'₅ dsa₂ guion₃ 'éi₂, ca₂chi₁lén'₂ Diú₄.

⁷ Jaun₂ caun₂ ca₂i₃'ág₃ jág₁ quió'₅ Te₁gui'₅₄ jē₄ juig₂ Jerusalén, jaun₂ caun₂ ca₂i₃juín₂ bá₄ dsa₂ i₂ca₂rē₃'én₂, ca₂tē₂ i₂jme₁lín₄ jme₂dsa₂ quián₅ dsa₂ judíos ca₂guein₃ jág₁, ca₂rē₃'én₂ juin₅.

Ca₂jñā'₃ dsa₂ Esteban

⁸ Esteban, dsa₂ i₂'nio₅ lin₃ ma₂cuē₃ Diú₄ jui₅bí₂, ma₂jme₂'o₅₄ nē₃, i₂'éi₂ jme₁jmo₂₃ 'lióng₂ léi₄ dsi₂gó'₃ dsi₅ jin₄ dsa₂ juig₂. ⁹ Jaun₂ i₂lin₅₄ dsa₂ quián₅ guá'₅ sinagoga i₂jme₁tē₂ dsa₂ Libertinos, quiain'₅₄ i₂lin₅₄ dsa₂ chan₂ Cirene, i₂lin₅₄ i₂chan₂ Alejandría, i₂chan₂ Cilicia, i₂chan₂ juig₂ ja₁tén₄ 'uē₃ Asia nē₃, ca₂jme₃lióg₃ ca₂tsiín₂ quian'₅₄ Té₂. ¹⁰ La₁ tsá₃ ca₂tio₃, ia₁ a₂niog₅ dsi₄ 'éi₂, tiin₂ 'a₂ lia'₂ ñag₃, ia₁ Jme₂dsí₂ Jnió₅ bá₄ cuē₅ bí₂. ¹¹ Jaun₂ ca₂lái₃ dsa₂ i₂jáng'₃ jág₁ tē₂jág₁, a₂juá'₂ a₂ma₂nág₂ juá'₂ Té₂ 'in₂₃ 'lig'₅₄ Moisés, 'in₂₃ 'lig'₅₄ Diú₄ nē₃. ¹² Jaun₂ le₂jaun₂ ca₂tóin'₂ co₂mí'₅₄ jin₄ dsa₂ juig₂ quian'₅₄ dsi₂gui'₅₄ can'₅₄, tē₅juá'₅ nē₃, ca₂jmaí'₂ mī'₅₄ Té₂, ca₂jñau'₃, ca₂i₁jo₅₄ ne₄ dsi₂tan₅₄ quián₅ guá'₅. ¹³ Jaun₂ ca₂'nai'₂ ján₃ dsa₂ i₂jmo₃ jág₁ tē₂jág₁ a₂'nií₃ Té₂. Jaun₂ ca₂juá'₂:

—Dsa₂ nē₅ caun₂ qui₂juá'₂ 'lig'₅₄ 'ě₂₃ guá'₅ jnió₅, 'ě₂₃ 'Éi'₃ Juá'₅ nē₃. ¹⁴ Ján₃ bá₄ ma₂ca₂néi₁ jnia'₅₄ juá'₂ i₂nē₅ a₂'én₂ Jesús chan₂ Nazaret guá'₅ a₂jme₃tsiín₃ tag₄ chí'₅ ca₂quiog₂ Moisés.

¹⁵ Jaun₂ dsi₂tan₅₄ quiain'₅₄ ca₂le₃jín₃ guē₄ dsa₂ i₂jme₁tion'₅₄ le₁ñi'₂ ja₁jaun₂, ca₂jñin₂ Té₂, a₂ma₂jniá₂ dsi₂ne₄ 'éi₂ lia'₂ jniá₂ jan₂ ángel.

7

Jág₁ ca₂ton₃ Esteban

¹ Jaun₂ ca₂ñag₃ jme₂dsa₂ dsen₅₄ ca₂ñí'₃ Té₂:

—¿Dsón'₂ dsau₅ ca₂le₃jě₃ a₂juá'₂ dsa₂ nē₅?

² Jaun₂ ca₂ñag₃ 'éi₂:

—Rin'₅₄ jniog₄, 'nia'₂ dsa₂ can'₅₄ quián₂ nē₃, nei₂ 'nia'₂ a₂juá'₄ jniá₂ la₂. Diú₄ 'uan'₂ quián₂ jniog₄ ca₂jme₃jniá₂₃ ne₄ jmei₂ jniog₄ Abraham lia'₂ con'₂ jme₁'ein₅₄ 'uē₃ Mesopotamia né'₃ a₂dsi₃guá₃ juig₂ Harán. ³ Jaun₂ ca₂juá'₂ Diú₄: “Tí₃ 'uē₃ quiáng'₂, tén₃ ca₂le₃jín₃ o₁rín'₂, gua₂ jui₅ 'uē₃ ja₁i₁'ě₃ jniá₂.”*

⁴ Jaun₂ ca₂ñó₃ Abraham ca₂o₃'íin₃ 'uē₃ Caldea jaun₂, ca₂i₁gua₂ juig₂ Harán. Cang₂ jaun₂ ca₂jon₃ bá₄ jmei₂. Jaun₂ Diú₄ bá₄ ca₂o₃jnia₃ Abraham 'uē₃ la₂ ja₁tián'₄ 'nia'₂ rē₂nē₃. ⁵ La₁ tsá₃ jua'₅₄ 'e₂ ca₂cuē₃ Diú₄ 'uē₃ la₂, on₃ guē'₂ ja₁chí'₃ caun₂ tag₅₄ jua'₅₄ ca₂cuē₃. La₁ ca₂cuē₃ bá₄

* 6: o₃, diáconos. 'Nio'₂ ja₁ton₅ Hechos 21:8; Filipenses 1:1. † 6:2 griego: apóstolous. * 7:3 Génesis 12:1.

Diú₄ jág₁ quió'₅ a₂cuë₃ 'uë₃ la₂, a₂jmo₃ le₃cha₂ quió'₅ chi'₂ quián₅ bá₄ Abraham jē₁ma₂join₂₃, o₁jñia'₅₄ guē'₂ jmig₄ jaun₂ tsá₃ chi'₂ quián₅ Abraham jme₁chan₂ 'i₁jan₂. ⁶Jaun₂ ca₂juá'₂ Diú₄ ján₃, ca₂le₃jín₃ chi'₂ dsio₄ Abraham tiain'₃ jui₁lia'₂ ja₁tián'₄ dsi₂nau₂ caun₂ 'uë₃ a₂tsá₃ cuí'₅, qui₃ñág₃ uig₅ con'₂ quén₂ 'ñiá₂-láu₂ ñi₂ a₂lë₁jmo₃ ta₁ jme₂ti₃ ta₁ ne₄ dsa₂. ⁷La₁ ján₃ bá₄ ca₂juá'₂ Diú₄ ca₂tsí'₃ Abraham: “Jniá₂ bá₄ 'ë₄ uig₅ ne₄ jui₂g₂ i₂jmá'₂ dsa₂ quiáng₃ i₂tion'₅₄ i₂lë₁jme₂ti₃ ta₁ ne₅₄. Cang₂ jaun₂ guion₅₄ dsa₂ jui₂g₂ quiáng₃ 'uín₃ jui₂g₂ jaun₂, jaun₂ ja₃léin₂ jme₃ti₃ ta₁ ne₃ ja₁lá₃.”† ⁸Ján₃ bá₄ ca₂jmo₃ Diú₄ caun₂ jág₁ quian'₅₄ Abraham, a₂ti₃ ñi₁lo₁ ta₁jín₂ chi'₂ dsa₂ ñe'₂ tsi₁jon₂ quiáin₅, a₂li'₅₄ jág₁ a₂të₃ron₅₄. 'Uig₅₄ jaun₂, jme₁ca₂rë₃chán₃ ja₁ñi'₅₄ i₂ca₂rë₃chén₃ Isaac, ca₂ti₃ Abraham ñi₁lo₁ Isaac jme₁ma₂'ein₅₄ jñia₃ jmig₄. Ján₃ bá₄ le₂jaun₂ ca₂jmo₃ Isaac quian'₅₄ Jacob ja₁ñi'₅₄. Ján₃ bá₄ le₂jaun₂ ca₂jmo₃ Jacob quian'₅₄ ta₁guia₃-tín₂ ja₁ñi'₅₄ i₂ca₂lin₃ jmei₂ ta₁guia₃-tín₂ jui₂g₂ ja₁tén₄ Israel.

⁹'Ca₂le₃jín₃ chi'₂ ja₁ñi'₅₄ Jacob i₂jme₁lín₄ jmei₂ jniog₄ ma₂líg'₂ 'éi₂, ca₂i₃uig₅₄ dsí₅ jín₂ Së₄ riin'₅₄. Jaun₂ ca₂'ñi₃ 'éi₂ jaun₂ ca₂tág₃ dsa₂ ca₂të₂ 'uë₃ Egipto. La₁ Diú₄ bá₄ ca₂jmo₃ 'í₁ quió'₅ Së₄, ¹⁰qui₂ca₂lió₂ ca₂le₃jë₃ 'e₂ ca₂i₃ñi₂ ca₂jmo₃ ca₂rë₃ñi'₂ dsí₅ 'ñio₅ lin₃. Ján₃ bá₄ ca₂jmo₃ Diú₄ a₂chéin'₅ dse₃ quian'₅₄ i₂të₂ dsa₂ Faraón, i₂lín₅ rag₅₄ quián₅ 'uë₃ Egipto. Rag₅₄ 'éi₂ ca₂'iñ₃ Së₄ a₂léin₂ dsi₄má'₂ 'uë₃ Egipto. Ján₃ bá₄ ca₂jmo₃ a₂ñio₃ ne₄ 'éi₂ dsi₂néi₂ quió'₅.

¹¹'Cang₂ jaun₂ ca₂gua₃ ñi₂ a₂ca₂ñág₃ uig₅ 'ñio₅ lin₃ a₂ca₂rë₃'ín₃ a₂guë'₃ dsa₂ ta₁caun₂ 'uë₃ Egipto quian'₅₄ 'uë₃ Cana'án. Jaun₂ ca₂le₃jín₃ jmei₂ jniog₄ ma₂líg'₂ tsá₃ ma₃'e₂ jnio'₂ a₂guë'₃. ¹²Jme₁ca₂rë₃ñi₅ Jacob a₂cha₂ trigo 'uë₃ Egipto, jaun₂ ca₂chein₃ chi'₂ ja₁ñi'₅₄ ja₁jaun₂, i₂ca₂lin₃ jmei₂ jniog₄ ma₂líg'₂. A₂jaun₂ guë₄ le₂'uig₅₄ ca₂i₁lein₅₄. ¹³Jme₁ca₂të₂ tin₃ ráun₂ i₁len₅₄ rin'₅₄ Së₄ 'uë₃ Egipto, jaun₂ ca₂jmo₃ Së₄ a₂ca₂rë₃ñi₅ a₂lë₅ riin'₅₄ dsa₂ 'éi₂. Jaun₂ guë₄ ca₂rë₃ñi₅ rag₅₄ quián₅ Egipto 'e₂ tsi₁jon₂ lín₅ Së₄. ¹⁴Jaun₂ guë₄ ca₂tsí'₃ Së₄ dsó₂ riin'₅₄ a₂dsi₃quiáin₂ gui'₅₄ Jacob jmei₂, quian'₅₄ ca₂le₃jín₃ o₁riin'₅₄ i₂jme₁lë₂ 'nag'₂ ne₂guióg₂ rë₂dsí₂ guia₃-ñiá₂ (75) dsa₂. ¹⁵Le₂jaun₂ ca₂lë₃ a₂ca₂ñó₃ Jacob ca₂i₁gua₂ 'uë₃ Egipto. Ja₁jaun₂ ca₂join₃ cang₂ jaun₂. Jaun₂ ja₁jaun₂ bá₄ qui₂ca₂dsan₃ chi'₂ quiáin₅ i₂'nió'₄ jmei₂ jniog₄ ma₂líg'₂. ¹⁶Ñi₁mu₁₂ ca₂o₃con₃ dsa₂ cang₂ jaun₂ ja₁chei₂ Siquem. Ca₂o₃'ó₃ tau₂ 'ñio₅ a₂ca₂lá₃ Abraham quió'₅ tsi₁jon₂ chi'₂ quián₅ Hamor ja₁chei₂ Siquem jaun₂, quian'₅₄ caun₂ 'ma'₅₄ a₂ca₂lí'₃.

¹⁷'Jme₁ja₂quián₃ jmig₄ le₃ti₃ jág₁ ca₂cuë₃ Diú₄ 'iñ₂₃ 'ñiog₅ ca₂cuë'₃ Abraham, ca₂i₃juín₂ 'ñio₅ lin₃ dsa₂ israelitas 'uë₃ Egipto. ¹⁸Jaun₂ ca₂guá₂ jan₂ rag₅₄ i₂tsá₃ cuín₅ Së₄, ca₂jme₃lióg₃ jmo₂₃ 'éi'₃ 'uë₃ Egipto. ¹⁹Rag₅₄ 'éi₂ ca₂jme₃gain₂₃ dsa₂ go₄ jniog₄, ca₂jmái'₂ dsa₂ can'₅₄ quián₂ jniog₄ ca₂jmo₃ 'éi₂ tion₅₄ a₂téin₂ guein₂ dsa₂ ñe'₂ i₂të₂ca₂rë₃chán₃, ia₁jaun₂ dsiáin₃.

²⁰'Jmig₄ jaun₂ ca₂rë₃chán₃ Moisés. Guein₂ 'éi₂ ca₂të₂ dsí₅ Diú₄, jaun₂ ca₂jme₃juag'₂ chog₅₄-jmei₂ 'ñi₅ tsi'₂ dsi₂néi₂ quió'₅. ²¹Jme₁ca₂të₂ jmig₄ a₂tóin₂ guein₂ 'éi₂, jaun₂ ja₁míg₄ 'ñiog₅ rag₅₄ quián₅ Egipto ca₂tág₃ ca₂jme₃juag'₂ co₂'nió'₄ ja₁ñi'₅₄ 'ñiog₅. ²²'Uig₅₄ jaun₂, ca₂rë₃tín₃ Moisés ca₂le₃jë₃ a₂ñi₅ dsa₂ chan₂ Egipto, jaun₂ ca₂rë₃'uáin'₃, 'ñio₅ lin₃ ñi₅ 'e₂ jág₁ dsia₃, ñi₅ a₂ca₂jmo₃ në₃.

²³'Jme₁ma₂'ein₅₄ tē₂láu₃ ñi₂, jaun₂ ca₂ñe₄ Moisés ca₂i₁jín₁₂ dsa₂ go₅₄ dsa₂ israelitas. ²⁴Ja₁jaun₂ ca₂jín₂ jan₂ dsa₂ chan₂ Egipto jmái'₂ uig₅ cuë'₅ jan₂ dsa₂ go₅₄. Jaun₂ ca₂nau₂ Moisés 'nei₂ quian'₅₄ i₂cuë'₅ riin'₅₄, ca₂jñi'₃ dsa₂ 'éi₂, ca₂lióin₂ dsa₂ go₅₄. ²⁵Ia₁ ca₂i₃jio₅ dsí₅ jaun₂ le₃lí'₄ dsa₂ israelitas riin'₅₄, a₂jmo₃ Diú₄ lió₂ tē₂le₃ quian'₅₄ 'éi₂. La₁ tsá₃ ca₂rë₃lí'₄ guë'₂ dsa₂. ²⁶Jme₁jñia₃ jaun₂, ca₂jen'₂ Moisés on₃ dsa₂ israelitas i₁tion'₅₄ quín'₂. Jaun₂ jme₁nio₃ Moisés dsioin₃ mi'₅₄. Jaun₂ ca₂juá'₂: “Rín'₂ bá₄ 'nia'₂. ¿'E₂ lë₃ qui₂jma'₅₄ 'nia'₂ uig₅ le₂jang'₂ le₂jang'₂?”

† 7:7 Génesis 15:13-14.

27 'Jaun₂ i₂jme₁'en₅₄ cuë'₅ rin'₅₄ ca₂'liain'₃ Moisés cau₅, jaun₂ ca₂juá'₂: “¿Ein₂ ca₂cuë'₃ 'ne₂ ta₁ líng'₅ dsi₂tan₅₄ i₂qui₂dsi₅ 'éi'₃ ja₁con₂ jnia'₅₄? 28 ¿Nio₂'₂ jnág'₄ jniá₂ ján₃ jui₁lia'₂ ca₂jníg'₃ dsióg₂ dsa₂ chan₂ Egipto 'éi₂?”† 29 Jme₁ca₂nág₂ Moisés le₂në₅, co₂tan₅₄ ca₂cuíng₃ ca₂hó₃ jui₅ 'uë₃ ja₁chei₂ Madián. Ja₁jaun₂ ca₂i₁gua₂ co₂'nió'₄ a₂lín₅ dsi₂nau₂. Ja₁jaun₂ ca₂rë₃chán₃ on₃ chi'₂ quiáin₅.

30 'Të₂láu₃ ñi₂ cang₂ jaun₂, caun₂ ja₁lë₄ 'uë₃ quein₂ quián₅ má'₂ ja₁chei₂ Sinaí, ja₁jaun₂ ca₂jme₃jnia₅ jan₂ ángel jë₄ si₂ chi₁guí'₂ caun₂ ni₁'ma₂ taun₅ a₂cau₂. 31 Jaun₂ ca₂i₃gó'₃ dsi₅ Moisés jme₁ca₂jág₃ a₂në₅, jaun₂ jme₁ca₂jme₃quiáin₃ guë'₄ ia₁ 'nio₃ jme₁jág₃ guë'₄ dse₃. Të₃jë₄ hó₃ jaun₂ jme₁ca₂nág₂ jág₁ quió'₅ Te₁gui'₅₄ a₂ca₂juá'₂: 32 “Jniá₂ bá₄ líng₅ Diú₄ quián₅ dsa₂ quiáng'₂ ma₂líg'₂, Diú₄ quián₅ Abraham, quián₅ Isaac, quián₅ Jacob në₃.”§ Jaun₂ ca₂jme₃lióg₃ ca₂jlen₃ Moisés ca₂rë₃gó'₅ 'ñio₅ lín₃, tsá₃ ma₃tiá₂ dsi₅ jág₃.

33 'Jaun₂ ca₂juá'₂ táng₃ Te₁gui'₅₄: “Jniá'₃ lau₂ ton₅ tag'₅₄, ia₁ 'uë₃ jnió₅ bá₄ ja₁chéng'₄ në₅. 34 Jág₅ bá₄ jniá₂ a₂chan₂ uig₅ dsa₂ quiáng₃ 'uë₃ Egipto, qui₂nag₅ bá₄ jniá₂ a₂qui'₂-o₂₃. Jaun₂ lë₃ ca₂sióng₃ ia₁ a₂loin₅₄. Nia₅, ia₁jaun₂ tsag₅₄ jniá₂ guang'₅₄ jui₅ Egipto”.*

35 'O₁jnia'₅₄ la₂ tsá₃ jme₁'nio₃ dsa₂ go₄ Moisés le₂jniá₅, ia₁ ca₂juá'₂: “¿Ein₂ ca₂'in₃ 'ne₂ a₂líng'₅ dsi₂tan₅₄ i₂qui₂dsi₅ 'éi'₃ ja₁con₂ jnia'₅₄?” la₁ Diú₄ në₃ ca₂chein₃ Moisés a₂lín₅ co₂'nió'₄ dsi₂tan₅₄ i₂lió₂, të₂le₃ quian'₅₄ ángel i₂ca₂jme₃jnia₅ jë₄ ni₁'ma₂ taun₅ jaun₂. 36 Moisés bá₄ dsa₂ i₂ca₂'uín'₂ dsa₂ can'₅₄ quián₂ jniog₄ ma₂líg'₂ 'uë₃ Egipto i₂qui₂ca₂jmo₃ ján₃ 'lióng₂ léi₄ juë'₂ a₂dsi₂gó'₃ dsi₅ në₃. Léi₄ jaun₂ ca₂jmo₃ Moisés 'uë₃ jaun₂, quian'₅₄ ne₄ Jmi₁ñí'₄ Guéin₂,† quian'₅₄ 'uë₃ quein₂ co₂'ñiog₅ ja₁ca₂i₁nioi₁₂ të₂láu₃ ñi₂. 37 Jaun₂ 'ñiog₅ Moisés 'éi₂ bá₄ ca₂tsí'₃ dsa₂ israelitas: “A₂chen₃ Diú₄ jan₂ dsa₂ i₂'ë₂ jág₁ quiáin₅, i₂lín₅ dsa₂ go₄ 'nia'₂ guiong'₅₄, jui₁lia'₂ ca₂chei₃ jniá₂. Jaun₂ tón'₂ 'nia'₂ jui₅ jág₁ quió'₅ 'éi₂.”† 38 Ján₃ bá₄ Moisés 'éi₂ jme₁'en₅₄ quian'₅₄ dsa₂ juig₂ 'uë₃ quein₂ co₂'ñiog₅ jaun₂. Jme₁'ein₅₄ quian'₅₄ ángel i₂ca₂juá'₂ jág₁ má'₂ Sinaí. Ján₃ bá₄ jme₁'ein₅₄ quian'₅₄ 'lag₄ tsi₁jón₂ jmei₂ jniog₄. Moisés 'éi₂ bá₄ ján₃ i₂ca₂gue₃ jág₁ ca'₅₄, jaun₂ guë'₄ ca₂nág₃ të₂le₃ quián₂ jniog₄ táng₃.

39 'La₁ dsa₂ quián₂ jniog₄ ma₂líg'₂ në₃, tsá₃ ma₃ca₂jme₃ti₃, tsá₃ ma₃ca₂nág₂ gau₂ jág₁ quió'₅ Moisés. Ca₂chei'₃ cau₅, jme₁'nio₃ jme₁dsi₃lein₃ táng₃ jui₅ 'uë₃ Egipto. 40 Jaun₂ në₃ ca₂tsí'₃ Aarón§ ca₂juá'₂: “Nio₂g₂ jnia'₅₄ jmog'₅₄ diú₄ dsa₂ lag₄ i₂dsi₃lén₂ ne₄ jui₅ quián₂ jniog₄. Ia₁ tsá₃ ne₄ 'e₂ ca₂jén'₃ Moisés 'éi₂ i₂ca₂'uág'₂ jniog₄ 'uë₃ Egipto.”* 41 Jaun₂ ca₂jmoí'₂ jan₂ guein₂ ca₁jui₅ co₂'nió'₄ i₂lín₅ diú₄, qui₂ca₂jme₃dsiain₂₃ já'₂ quiáin₅ qui₂ca₂cuíin₃ diú₄ lag₄ 'éi₂. Jaun₂ ca₂jmo₃ 'io'₂ quian'₅₄ a₂ca₂jmo₃ quian'₅₄ gu₂ guioin₅₄. 42 Jaun₂ co₂ñei'₅₄ ca₂jmo₃ Diú₄ cau₅, tsá₃ ma₃ca₂jme₃quiain'₅₄ dsa₂ 'éi₂, jui₁jmo₁₂ bá₄ con'₂ tiin₂ guioin₅₄. Jaun₂ ca₂jme₃lióg₃ dsa₂ 'éi₂ ca₂chi₂ca₂lén'₂ nei₅ a₂le₁'ág₄† guei'₅₄. Ia₁ le₂në₅ rë₂ton₅ ne₄ Si₂ a₂ca₂jmo₃ dsa₂ i₂jme₁'ë₂ jág₁ quián₅ Diú₄ ma₂líg'₂:

'Nia'₂ dsa₂ chan₂ Israel, ¿'e₂ lín'₂ 'nia'₂?

¿Ca₂jme₁dsian'₅ 'nia'₂ já'₂

ca₂dsia'₅₄ ca₂jen'₅₄ 'nia'₂ ne₃ jniá₂

lia'₂ con'₂ jme₁quian'₅₄ jniá₂ 'nia'₂

të₂láu₃ ñi₂ 'uë₃ quein₂ co₂'ñiog₅ jaun₂?

43 On₃jua'₅₄ le₂jaun₂.

Ia₁ guá'₅ chéi₂ quió'₅ diú₄ Moloc bá₄ ca₂quian'₂ 'nia'₂

quian'₅₄ nei₅ diú₄ Renfán,†

nió'₄ a₂qui₂ca₂jmo'₅₄ 'nia'₂ guiong'₅₄,

† 7:28 Éxodo 2:14. § 7:32 Éxodo 3:6. * 7:34 Éxodo 3:5,7,8,10. † 7:36 Ján₃ bá₄ chei₂ Jmi₁ñí'₄ 'Ma₂ta₅. † 7:37 Deuteronomio 18:15. § 7:40 Jme₁lín₄ Aarón rin'₅₄ Moisés. 'Nio'₂ ja₁ton₅ Éxodo 4:14. * 7:40 Éxodo 32:1. † 7:42 nei₅: Lia'₂ chi₁ton₅ ne₄ Si₂ quió'₅ Diú₄, lë₅ caun₂ cosa a₂tsá₃ 'i₄ jme₂dsi₂. † 7:43 Renfán: co₂'nió'₄ a₂jme₁të₂ dsa₂ egipcios planeta Saturno, ca₂jme₃juag'₂ dsa₂.

a₂jaun₂ bá₄ ca₂chi₂ca₂len'₄ 'nia'₂.

'Uig₅₄ jaun₂, 'uín'₄ jniá₂ 'nia'₂ 'uë₃ quiáng'₂,

tsag₅₄ jniá₂ tē₂le₃ ó₃ guē₄ ja₁nio₅ 'uë₃ Babilonia.Š

⁴⁴ 'Uë₃ quein₂ jaun₂, dsa₂ can'₅₄ quián₂ jniog₄ ma₂líg'₂ jme₁quian₅ guá'₅ tabernáculo ja₁jme₁rē₂'ma₄ nī₁cang₁ a₂le₁ton₅ ta₁guia₃ 'Éi'₃ Juá'₅. Guá'₅ tabernáculo jaun₂ ca₂lē₃ con'₂ lē₅ jág₁ ca₂cuē₃ Diú₄ ca₂cuē'₃ Moisés, jme₁ca₂'ē₃ Diú₄ nió'₄ le₂jñiá₅ 'a₂ lia'₂ lé₂. ⁴⁵ Dsa₂ quián₂ jniog₄ ma₂líg'₂ ca₂gue₃ guá'₅ jaun₂ co₂'nió'₄ ca₂ñág₃ dsa₂ can'₅₄ quiáin₅. Jaun₂ dsa₂ i₂jme₁quian'₅₄ Josué nē₃ ca₂cáun₃ lia'₂ con'₂ jme₁ca₂lí'₃ 'uë₃ quió'₅ dsa₂ juig₂ siá'₂, i₂ca₂'uín'₂ Diú₄ ia₁jaun₂ cha₂ ja₁tian'₃ 'éi₂. Le₂jaun₂ ca₂lē₃ ca₂lia'₂ ca₂tē₂ jmi₄ a₂ca₂rē₃chán₃ David. ⁴⁶ Ca₂jmo₃ Diú₄ dse₃ dsí₅ ja₁con₂ Rag₅₄ David, jaun₂ 'éi₂ nē₃ jme₁'nio₃ jmóg'₃ caun₂ ja₁guá₃ Diú₄ quián₅ Jacob. ⁴⁷ La₁ Salomón bá₄ i₂ca₂chi'₃ 'né₅ quió'₅ Diú₄.

⁴⁸ 'La₁ Diú₄ i₂juín'₂ guē₄ lín₃ tsá₃ guá₅ dsi₂néi₂ guá'₅ a₂jmóg'₅ dsa₂ mi₂güí₃. Jui₁lia'₂ ca₂juá'₂ Diú₄ tē₂le₃ quian'₅₄ dsa₂ i₂jme₁'ē₂ jág₁ quiáin₅ ma₂líg'₂:

⁴⁹ Guei'₅₄ i₂juí₃ bá₄ ja₁gua₁₂

ja₁lē₄ ne₄ta₁ quió₃,

gua'₅₄ 'uë₃ nē₃ jui₁lia'₂ ja₁tióng₂ tag₃.

¿'E₂ bá₄ 'né₅ jmó'₂ 'nia'₂ quió₃? juá'₂ Te₁gui'₅₄,

¿O₃ já'₄ bá₄ lé₂ le₃jan₄ jniá₂?

⁵⁰ ¿On₁ jniá₂ bá₄ ca₂jmo₃ quian'₅₄ gu₃-tag₃

ca₂le₃jē₃ 'e₂ a₂cha₂?*

⁵¹ (Jaun₂ caun₂ ca₂juá'₂ bá₄ Té₂ tsí'₅ dsa₂):

—'Nia'₂ nē₃, lia'₂ ma₂ja₂nó'₅ jaun₂ bá₄ 'nia'₂ cang₄ dsei'₂, jaun₂ lē₅ rē₂guá'₄ 'nia'₂ quian'₅₄ tē₂'au'₂ jui₁lia'₂ dsa₂ i₂tsá₃ cuín₅ Diú₄.† Caun₂ 'nia'₅₄ co₂tan₅₄ bá₄ 'nia'₂ Jme₂dsí₂ Jñiós₅. I₂co₂rín'₂ bá₄ 'nia'₂ quiang'₅₄ dsa₂ can'₅₄ quiáng'₂ ma₂líg'₂. ⁵² ¿'Ein₂ dsa₂ i₂jme₁'ē₂ jág₁ quián₅ Diú₄ jua'₅₄ i₂tsá₃ ca₂jmá'₂ dsa₂ can'₅₄ quián'₂ 'nia'₂ ma₂líg'₂? Qui₂ca₂jme₃dsiain₂₃ bá₄ dsa₂ i₂qui₂ca₂'ē₂ jág₁ le₂jñiá₅ ca₂'iín₃ jan₂ i₂dsen₃ lín₃, i₂jiá₃. La₁ jme₁guan₃ i₂'éi₂ nē₃, ca₂jñiín'₅₄ 'nia'₂ jaun₂ ca₂jñí'₃. ⁵³ 'Nia'₂ guē₂ i₂ca₂gue'₅₄ 'Éi'₃ Juá'₅ tē₂le₃ quian'₅₄ ángeles, tsá₃ jme₂tí'₁ guē₂ 'nia'₂ 'Éi'₃ jaun₂.

Ca₂jon₃ Té₂

⁵⁴ Jme₁ca₂nág₂ jág₁ a₂ca₂juá'₂ Té₂ jaun₂, ca₂rē₃'néi₃ 'ñio₅ lín₃ ca₂lia'₂ qui₂ca₂qui₃'₂ mi₂jan₅₄ a₂'ñiai₅₄ Té₂. ⁵⁵ La₁ Té₂ nē₃, rē₂rín₅ Jme₂dsí₂ Jñiós₅ tē₂dsí₅, ca₂chóg'₃ ne₅₄ guei'₅₄ i₂juí₃ jaun₂ ca₂jág₃ a₂co₂tág₅ co₂'né'₅ quió'₅ Diú₄, jaun₂ ca₂jñiín₂ Jesús chéin'₅ tē₂le₃ gu₂ ne₁ quió'₅ Diú₄ Jmei₂. ⁵⁶ Jaun₂ ca₂juá'₂ táng₃ Té₂:

—Jag₄! —juá'₂—. Jág₅ jniá₂ rē₂na₄ guei'₅₄ i₂juí₃. Jín₄ jniá₂ Jaun₅ dsa₂ mi₂güí₃ 'ein₅₄ tē₂le₃ gu₂ ne₁ quió'₅ Diú₄.

⁵⁷ La₁ dsa₂ 'éi₂ qui₂ca₂jne₃ rē₂gua₅₄, tsá₃ 'nio₃ nag₃, qui₂ca₂tóin'₂ co₂mi'₅₄ ca₂guió'₃ jmái'₂ Té₂. ⁵⁸ Jaun₂ ca₂dsei₂₃ 'ni'₂ juig₂. Jaun₂ ja₁jaun₂ ca₂jñag'₃ quian'₅₄ cang₄. Jaun₂ dsa₂ i₂qui₂ca₂jñáu'₂ cang₄ nē₃ ca₂dsia₃ nī₁tsín₅₄ o₄gú₃ jan₂ dsó₂ chí'₂ i₂jme₁chen₂ Saulo.

⁵⁹ Tē₂lia'₂ tíoín₅₄ qui₂cuē'₅ Té₂ cang₄, jaun₂ ca₂mi₃ Té₂ ca₂tsí'₃ Diú₄ ca₂juá'₂:

—Te₁gui'₅₄ Jesús, guen'₅₄ jme₂dsí₂ quió₃.

⁶⁰ Jaun₂ guē₄ ca₂chi₃jné₃, jaun₂ ca₂guió'₃ tiá₂ ca₂juá'₂:

—Te₁gui'₅₄, tsá₃ jme₁cain'₅₄ dso₄ la₂.

Jme₁ca₂lē₃ juá'₂ le₂nē₅, ca₂join₃ jaun₂ nē₃.

Š 7:43 Amós 5:25-27. * 7:50 Isaías 66:1-2. † 7:51 lit. "jui₁lia'₂ dsa₂ i₂tsá₃ lo₄ rē₂uīg₄."

8

Co₂'en₅ Saulo dsa₂ i₂ma₂'én₂

¹ Jaun₂ caun₂ bá₄ 'ei₅ jág₁ quió'₅ Saulo a₂ca₂jñi'₃ dsa₂ Té₂. Dsi₂jui₅ jmi₂g₄ jaun₂ bá₄, ca₂jme₃lióg₃ dsa₂ qui₂co₂'ein₃ 'ñio₅ lin₃ ta₁caun₂ nió'₃ dsa₂ i₂lín₅ guá'₅ jē₄ juig₂ Jerusalén. Ca₂le₃jín₃ dsa₂ 'éi₂ ca₂i₃lén₂ tsi₁rē₂jain₅₄ le₂tan₅₄ 'uē₃ Judea quian'₅₄ Samaria. Jñia'₅₄ lia'₂ dsa₂ guia₃-tín₂ i₂chen₄ quián₅ Jesús bá₄ ca₂jñia₃ guē₄ juig₂ Jerusalén. ² I₂lin₅₄ dsa₂ dsen₃ i₂'nio₃ Diú₄ ca₂óin₂ Té₂, qui₂ca₂'o₃ 'ñio₅ lin₃ o₄quió'₄ 'éi₂. ³ Tē₁lia'₂ jaun₂, i₂ñi₅₄ Saulo quiaín₅₄ riín₅₄ qui₂co₂'ein₂₃ dsa₂ i₂'én₂, qui₂dsi₂toin'₅₄ tē₂ dsi₂néi₂ qui₂'uín₂ dsa₂ tsi₁cuín₂, lia'₂ dsa₂ ñe'₂ lia'₂ dsa₂ mī₂, qui₂tē₂ a₂to'₂ 'né₅ 'má₃.

Ca₂'ē₂ dsa₂ jág₁ dse₃ juig₂ Samaria

⁴ La₁ ca₂le₃jín₃ dsa₂ i₂ca₂'uin₂ juig₂ Jerusalén, ca₂le₃jē₃ ja₁ca₂i₁lein₅₄ qui₂ca₂'ē₂ jág₁ dse₃. ⁵ Jan₂ 'éi₂, i₂chen₂ Fe₂li₄, ca₂ñó₃ caun₂ juig₂ ja₁tén₄ 'uē₃ Samaria ca₂dsia₃ jág₁ tsí'₅ dsa₂ ja₁jaun₂, 'iin₂₃ Cristo.* ⁶ Jaun₂ jme₁ñi'₂ dsa₂ jmo₂₃ tei₄ ca₂le₃jín₃, tē₅ dsí₅ nag₂₃ jág₁ a₂juá'₂ Fe₂li₄, ia₁ ján₃ bá₄ ca₂jág₃ dsa₂ léi₄ dsi₂gó'₃ dsi₅ a₂jme₁jmo₅ 'éi₂. ⁷ Ia₁ juín₅ i₂tion'₅₄ jme₂dsí₂ 'lin'₅₄ tē₂dsí₅ qui₂ca₂'lóin₂. Ca₂le₃jín₃ jme₂dsí₂ 'lin'₅₄ 'éi₂ qui₂ca₂'uín₂ qui₂guió'₅. Ján₃ bá₄ juín₅ dsa₂ 'lian'₂, dsa₂ guian'₅₄ ně₃, qui₂ca₂'lóin₂. ⁸ Uig₅₄ jaun₂ 'ñio₅ 'io'₂ ca₂jmo₃ dsa₂ juig₂ jaun₂.

⁹ Juig₂ jaun₂ jme₁chan₂ jan₂ dsa₂ i₂jme₁chen₂ Si₂mu₅₄, i₂jme₁jmo₅ ta₁ a₂chan₂ dsí₅ le₂jñiá₅, jme₁jme₂gain₂₃ dsa₂ juig₂ Samaria, a₂juá'₂ a₂lín₅ dsa₂ dsen₅₄.

¹⁰ Ca₂le₃jín₃ dsa₂, lia'₂ dsa₂ can'₅₄ lia'₂ chí'₂ ně₃, jme₁nag₂₃ tē₅ dsí₅ jág₁ quió'₅, qui₂dsia₂₃:
—Dsa₂ ně₅ tiin₂ quian'₅₄ jui₅bí₂ quió'₅ Diú₄.

¹¹ Jme₁tón₂ dsa₂ jui₅ jág₁ quió'₅ gui'₅₄ 'éi₂, ia₁ ma₂líg₂ bá₄ ma₂já₅ qui₂jme₂gain₂₃ dsa₂ quian'₅₄ bí₂ a₂chan₂ dsí₅.

¹² La₁ dsi₂jui₅ jme₁ca₂rē₃ 'én₂ dsa₂ jág₁ dse₃ quió'₅ Jesucristo a₂ca₂'ē₂ Fe₂li₄ jui₁lia'₂ ja₁gon₂ Diú₄, jaun₂ qui₂ca₂jñó₂ dsa₂ jmi₂g₂ lia'₂ dsa₂ ñe'₂ lia'₂ dsa₂ mī₂. ¹³ Ján₃ bá₄ ca₂rē₃ 'én₂ 'ñiog₅ Si₂mu₅₄ 'éi₂, ca₂jñó₂ jmi₂g₂ ján₃. Jaun₂ guē₄ ca₂jme₃lióg₃ ca₂jme₃quiaín₅₄ Fe₂li₄, qui₂jág₅ dsi₂gó'₃ dsí₅ léi₄ juē'₂ a₂jmo₅ 'éi₂.

¹⁴ Jme₁ca₂rē₃ñi₅ dsa₂ i₂chen₄ quián₅ Jesús i₂tion'₅₄ Jerusalén, a₂ma₂'én₂ dsa₂ chan₂ 'uē₃ Samaria jág₁ quió'₅ Diú₄, jaun₂ ca₂chein₃ ja₁jaun₂ Pe₄ quian'₅₄ Juan₅₄. ¹⁵ Jme₁ca₂dsi₃lén₂ 'éi₂ 'uē₃ Samaria, jaun₂ ca₂mī₃ ca₂tsí'₃ Diú₄ o₄quió'₄ dsa₂ i₂ma₂'én₂ ja₁jaun₂, ia₁jaun₂ guen₃ dsa₂ 'éi₂ Jme₂dsí₂ Jñiós ján₃. ¹⁶ Ia₁ 'i₁jan₂ dsa₂ 'éi₂ tsá₃ Jme₂dsí₂ Jñiós ma₂guan₅ guē₄ ne₄ quió'₅. Jñia'₅₄ con'₂ ma₂jñó₂ jmi₂g₂ bá₄ lia'₂ con'₂ lē₅ 'éi'₃ quió'₅ Te₁gui'₅₄ Jesús. ¹⁷ Jaun₂ ně₃ Pe₄ quiaín₅₄ Juan₅₄ qui₂ca₂quiog₂ gu₂ ne₄ quió'₅ dsa₂ 'éi₂, jaun₂ guē₄ ca₂guein₃ Jme₂dsí₂ Jñiós.

¹⁸ Jme₁ca₂jág₃ Si₂mu₅₄ a₂ca₂sión₃ Jme₂dsí₂ Jñiós jme₁ca₂quiog₂ dsa₂ i₂chen₄ 'éi₂ gu₂ ne₄ quió'₅ dsa₂, jaun₂ ca₂jen'₂ cu₄, ¹⁹ ca₂juá'₂:

—Cuē₄ jniá₂ ján₃ jui₁lia'₂ bí₂ a₂tín₂ 'nia'₂ ně₅, ia₁jaun₂ lé₂ le₃jmo₅₄ jniá₂ ján₃ a₂guen₃ dsa₂ Jme₂dsí₂ Jñiós jē₁ma₂ca₂co₃ gu₃ ne₄ quió'₅ chi₂jua'₂ 'ein₂.

²⁰ Jaun₂ ca₂ñag₃ Pe₄ ca₂tsí'₃ dsa₂ 'éi₂:

—Jui₁dsi₂'éng₂ co₂dsia₅ quian'₅₄ cú'₂ ia₁ 'e₂ lē₃ dsi₂jio₅ 'au'₂ le₂nē₅, a₂lín₂ 'a₂lé₂ lá₃ dsa₂ quian'₅₄ cu₄ bí₂ a₂cuē₅ Diú₄. ²¹ Tsá₃ ca₂tín₂ 'ne₂ a₂nē₅, ia₁ tsá₃ dse₃ 'ei₅ 'au'₂ ne₄ Diú₄. ²² Co₂dsia₅ t₃ ca₂le₃jē₃ a₂'líg₅₄ a₂dsi₂jio₅ 'au'₂ nē₅. Mī₄ ne₄ Te₁gui'₅₄ chi₂jua'₂ 'éin₂ dsáu'₂ 'e₂ lē₃ dsi₂jio₅ 'au'₂ le₂nē₅. ²³ Ia₁ léi₄ jniá₂ rē₂rín₅ cosa 'líg₅₄ tē₂'au'₂; quian'₅₄ dsáu'₂ nē₅ jmo₅ chi₁'neg₂.

²⁴ Jaun₂ ně₃, ca₂ñag₃ Si₂mu₅₄:

—Mī₄ 'nia'₂ chei'₅₄ Te₁gui'₅₄ o₄quió₃, ia₁jaun₂ tsá₃ jui₁dsi₂ñíg₂ a₂ma₂nē₂jua'₅₄ 'nia'₂ nē₅.

* 8:5 o₃, i₂rē₂'ín₁ quián₅ Diú₄.

²⁵ Jme₁ca₂dsan₃ jáng'₅ Pe₄ quian'₅₄ Juan₅₄ jág₁ dsau₅ a₂dsia₂₃ jág₁ quió'₅ Diú₄, jaun₂ guě₄ ca₂i₃lein₃ jui₅ Jerusalén. Le₂'i₄ jui₅ ja₁i₃lein₃ jaun₂, qui₂ca₂'ě₂ guě₄ jág₁ dse₃ a₂lión₂ dsa₂ le₂tan₅₄ juig₂ ja₁tén₄ 'uě₃ Samaria.

Fe₂li₄ quiaín'₅₄ dsa₂ chan₂ Etiopía

²⁶ Cang₂ jaun₂, ca₂juá'₂ jan₂ ángel quián₅ Te₁gui'₅₄ ca₂tsí'₃ Fe₂li₄:

—Nau₂, gua₂ jui₅ ja₁'uin₂ dsa₂ Jerusalén a₂dsióg₄ 'uě₃ Gaza.

Jui₅ jaun₂ dsó₅ jě₄ 'uě₃ quein₂. ²⁷ Jaun₂ ca₂nau₂ Fe₂li₄ ca₂ηó₃. Le₂'i₄ jui₅ ja₁ηó₃ jaun₂, ca₂jein'₂ jan₂ dsa₂ chan₂ Etiopía, i₂jme₁lín₄ jan₂ dsa₂ eunuco, dsa₂ dsen₅₄ i₂niog₅ gu₂ cu₄ quió'₅ 'io₅₄ Candace i₂gon₂ 'uě₃ Etiopía. Dsa₂ 'éi₂ ηei₅₄ i₁chi₂i₁lein'₄ Diú₄ juig₂ Jerusalén.

²⁸ Ma₂'ein₅₄ jui₅ ηái'₄ juig₂ go₅₄ guá₅ ne₄ carroza quió'₅, 'i₂₃ Si₂ quió'₅ Isaías i₂jme₁'ě₂ jág₁ quió'₅ Diú₄ ma₂líg'₂. ²⁹ Jaun₂ ca₂juá'₂ Jme₂dsí₂ quián₅ Diú₄ ca₂tsí'₃ Fe₂li₄:

—Gua₂ le₃jén'₃ cau₅ carro nē₅.

³⁰ Ca₂dsióg₃ Fe₂li₄ cau₅, jaun₂ ca₂nág₂ i₁'i₅ dsa₂ 'éi₂ Si₂ quió'₅ Isaías. Jaun₂ ca₂ηag₃ Fe₂li₄:

—¿'Níg'₂ 'e₂ juá'₂ si₂ a₂'i₂?

³¹ Jaun₂ ca₂ηag₃ táng₃ dsa₂ 'éi₂:

—¿'A₂ bá₄ lia'₂ le₃ηí'₂ jniá'₂? Tsá₃ guě'₂ 'ein₂ chan₂ i₂juá'₂ 'e₂ jein₅ jág₁ a₂juá'₂ si₂ la₂.

Jaun₂ ca₂tsí'₃ Fe₂li₄ a₂uíg'₂ 'éi₂ guei'₅₄ a₂guá₃ co₂lě₅ quiong'₅₄.

³² Jme₁'i₅ dsa₂ 'éi₂ Si₂ quió'₅ Diú₄ ja₁juá'₂ le₂la₂:

Ca₂jio₃ dsa₂ i₁ηag'₂ jui₁lia'₂ jñi'₅ dsa₂ já'₂ cha'₂.

Ján₃ guě'₂ jui₁lia'₂ tsá₃ guió'₅ guein₂ já'₂ cha'₂

tě₁lia'₂ chéi₅ dsa₂ jñí₁,

ján₃ bá₄ le₂jaun₂ tsá₃ 'e₂ ca₂juá'₂ i₂'éi₂.

³³ Ca₂cuě₃ dsa₂ o₂guí'₃,

tsá₃ 'éi'₃ rě₂ ca₂tě₁dsi₅₄ quió'₅;

chi'₂ ts₁jon₂ quián₅ guě'₂ ně₃,

¿'ein₂ bá₄ lé₂ le₃dsia₃ 'i_{in}₃ chi'₂ dsio₅₄?

ton'₂ ca₂jñióg'₂ bá₄ guě'₂ dsa₂

ne₄ gua'₅₄ 'uě₃ la₂.†

³⁴ Jaun₂ ca₂juá'₂ dsa₂ dsen₅₄ 'éi₂ ca₂tsí'₃ Fe₂li₄:

—Jmo₄ dse₃ 'au'₂, jua'₅₄ 'e₂ jein₅ jág₁ a₂juá'₂ si₂ la₂. ¿'Ein₂ 'i_{in}₅ dsa₂ quián₅ Diú₄ i₂ca₂jmo₃ si₂ la₂? ¿A₂ 'i_{in}₂₃ 'ηiog₅, o₃ a₂ 'i_{in}₂₃ i₂sián'₂ 'e₂?

³⁵ Jaun₂ ca₂jme₃lióg₃ Fe₂li₄ ca₂juá'₂ 'e₂ juá'₂ ne₄ Si₂ ja₁jme₁'i₅ dsa₂ dsen₅₄ 'éi₂, qui₂ca₂cuě₃ jág₁ dse₃ 'i_{in}₂₃ Jesús. ³⁶ Jme₁ca₂dsi₃léin₂ caun₂ ja₁cha₂ jmig₂, jaun₂ ca₂juá'₂ dsa₂ dsen₅₄ 'éi₂ ca₂tsí'₃ Fe₂li₄:

—Cha₂ jmig₂ ja₁lá₃. ¿Cha₁ 'e₂ lě₃ jua'₅₄ tsá₃ lé₂ tsón₄ jniá'₂ jmig₂?

³⁷ Jaun₂ ca₂juá'₂ Fe₂li₄:

—Chi₂jua'₂ 'éng'₂ dsón'₂ ca₂le₃jě₃ 'au'₂, lé₂ bá₄.

Jaun₂ ca₂ηag₃ táng₃ dsa₂:

—'Én₂ bá₄ jniá'₂ a₂lín₅ Jesucristo Ja₁ñi'₅₄ Diú₄.‡

³⁸ Jaun₂ ca₂jmo₃ 'éi'₃ ca₂jñia₃ carroza quió'₅. Jaun₂ ca₂sióin₃ le₂oin₃ chei'₅₄ jmig₂, jaun₂ ca₂cho₃ Fe₂li₄ jmig₂§ quió'₅ dsa₂ 'éi₂. ³⁹ Jme₁ca₂'uin₂ jmig₂, jaun₂ Jme₂dsí₂ quián₅ Te₁gui'₅₄ ca₂tág₃ Fe₂li₄, jaun₂ ds₂tan₅₄ 'éi₂ tsá₃ ma₃ca₂jág₂ mei'₂. La₁ 'io'₂ bá₄ jmo₂₃ le₂'i₄ jui₅ ja₁ηái'₄.

⁴⁰ Fe₂li₄ ně₃ ma₂'ein₅₄ caun₂ juig₂ ja₁chei₂ Azoto, jaun₂ le₂tan₅₄ guě₄ juig₂ te₁'i₁ ja₁jaun₂ ca₂ηei₅₄ qui₂ca₂'ě₂ jág₁ dse₃ a₂lión₂ dsa₂, ca₂lia'₂ ca₂dsióg₃ ca₂tě₂ juig₂ Cesarea.

† 8:33 Isaías 53:7-8. ‡ 8:37 A₂lín₅₄ chog₅₄ si₂ tsá₃ chi₁ton₅ versículo 37. § 8:38 lit. “ca₂tióg₃ Fe₂li₄ jmig₂.”

9

Ca₂jme₃tsín₃ Saulo dsí₅
(Hechos 22:6-16; 26:12-18)

¹ Tē₁lia'₂ jaun₂, dsa₂ i₂chen₂ Saulo caun₂ qui₂quiain₂₃ juě'₅ a₂'nio₃ jme₃dsiáin₃ dsa₂ i₂'én₂ jág₁ quió'₅ Te₁gui'₅₄. Jaun₂ lě₃, ca₂nei₅₄ i₁jīn₂₃ jme₂dsa₂ dsen₅₄. ² Ca₂mi₃ ne₄ 'éi₂ caun₂ si₂ a₂cuě₃ bí₂ a₂dsó₃ guá'₅ sinagogas quió'₅ dsa₂ juig₂ Damasco a₂dsi₃'niai'₂ dsa₂ i₂tion'₅₄ tē₂le₃ quió'₅ Ju₁₅ quió'₅ Te₁gui'₅₄. Jme₁'nio₃ Saulo dsi₃te₅₄ dsa₂ chi₁'nei'₂ ca₂tē₂ Jerusalén, lia'₂ dsa₂ ŋe'₂ lia'₂ dsa₂ mí₂. ³ La₁ jme₁ja₂quián₃ dsióg₄ juig₂ Damasco, con'₂ tsá₃ jáin₅ jme₁ca₂tág₃ caun₂ si₂ tág₅ jmá'₅ ne₄ quió'₅. Si₂ jaun₂ a₂já₃ ju₁₅ guei'₅₄ i₂juíg₃. ⁴ Co₂tan₅₄ ca₂quin'₃ Saulo, jaun₂ ca₂nág₂ juá'₂ jág₁ jē₄ si₂ jaun₂:

—Saulo, Saulo, ¿'e₂ lě₃ co₂'éin'₅ jniá'₂?

⁵ Jaun₂ ca₂ŋag₃ Saulo:

—¿'Ein₂ 'ne₂, gui'₅₄?

Jaun₂ ca₂ŋag₃ táng₃ jág₁ né'₂ jē₄ si₂:

—Jesús bá₄ jniá'₂ i₂co₂'én'₅ 'ne₂ ŋi'₂. Jnia'₅₄ jmag'₅₄ uig₅ 'ŋiag'₂ bá₄ jmo'₂ ju₁₅lia'₂ jmo₅ ca₁ju₁₅ jē₁ma₂jnú₃ ni₁'ma₂chen'₂.

⁶ Jaun₂ ca₂jlen₃ Saulo, ca₂rě₃gó'₅, ca₂juá'₂:

—Te₁gui'₅₄, ¿'e₂ 'niog'₂ 'ne₂ jmo₅₄ jniá'₂?

Jaun₂ ca₂ŋag₃ táng₃ Te₁gui'₅₄:

—Nau₂, 'ú₅ juig₂ Damasco. Jē₁ma₂dsióg'₃, ja₁jaun₂ bá₄ juá'₂ dsa₂ 'e₂ jmó'₂.

⁷ Dsa₂ i₂jme₁quian'₅₄ Saulo ně₃, 'ŋio₅ lín₃ ca₂rě₃gó'₅, ia₁ ca₂nág₂ jág₁ a₂juá'₂ jē₄ si₂ jaun₂, ton'₂ 'i₁jan₂ guě'₂ tsá₃ 'ein₂ ca₂jīn₂. ⁸ Jaun₂ ca₂nau₂ Saulo, la₁ jme₁ca₂nau₂ jaun₂, tsá₃ ma₃lé₂ jág₃, tsá₃ ma₃jniá'₂ mi₂ne₅₄. Dsa₂ i₂jme₁quian'₅₄ bá₄ ca₂tág₃ le₁chan'₂ gu₂, ca₂jio₃g tē₂ juig₂ Damasco. ⁹ Ja₁jaun₂ ca₂'í₃ tein₅₄ 'ni₅ jmig₄, tsá₃ 'e₂ ca₂guě'₃, on₃ guě'₂ 'e₂ ca₂'in'₃ 'i₁caun₂.

¹⁰ Juig₂ Damasco jaun₂, jme₁guá₄ jan₂ dsa₂ i₂'én₂ i₂jme₁chen₂ Ananías. I₂'éi₂ ca₂jén'₃ ca₂jīn₂ Te₁gui'₅₄ i₂ca₂juá'₂:

—¡Ananías!

Jaun₂ ca₂ŋag₃ 'éi₂:

—Ja₁lá₃ bá₄ 'eng₅₄, Te₁gui'₅₄.

¹¹ Jaun₂ ca₂juá'₂ táng₃ Te₁gui'₅₄:

—Nau₂, gua₂ calle chei₂ Co₂dsau₅ ja₁quió'₄ dsa₂ chen₂ Judas. Ja₁jaun₂ o₂'nia'₂ jan₂ dsa₂ chan₂ Tarso i₂chen₂ Saulo, i₂'en₅₄ chi₂lén'₂ Diú₄ con'₂ lě₃ la₂. ¹² Ia₁ ma₂qui₃ a₂ma₂jīn₂ jan₂ dsa₂ i₂chen₂ Ananías ca₂'í₃ ca₂quiog₂ gu₂ ne₄ quió'₅ ia₁jaun₂ jnia₃ táng₃ mi₂ne₅₄.

¹³ Jme₁ca₂nág₂ Ananías le₂ně₅, jaun₂ ca₂juá'₂:

—Te₁gui'₅₄, ju₁₅n₅ dsa₂ ma₂tság₃ jniá'₂ ca₂le₃jě₃ 'e₂ 'lig'₅₄ a₂jmo₅ dsa₂ 'éi₂ a₂jmái'₂ dsa₂ chan₂ Jerusalén i₂'én₂ jág₁ quiáng'₂. ¹⁴ Ta₁ jaun₂ já₅ 'éi₂ ja₁lá₃ quian'₅₄ 'éi'₃ quió'₅ juig₅₄ jme₂dsa₂ ia₁jaun₂ tē₂ le₁'ŋe₅ ca₂le₃jín₃ dsa₂ quiáng'₂ i₂'in₅ 'ne₂.

¹⁵ La₁ jaun₂ ca₂juá'₂ táng₃ Te₁gui'₅₄:

—La₁ gua₂, ia₁ i₂ma₂quion'₄ jniá'₂ 'éi₂ ia₁ 'nio₃ jniá'₂ dsó₃ qui₂dsi₃'ag₃ jniá'₂ lia'₂ jīn₄ dsi₂nau₂ lia'₂ ne₄ rag₅₄ quiáin₅, jīn₄ dsa₂ israelitas ně₃. ¹⁶ Ia₁ jniá'₂ bá₄ 'ě₄ 'a₂ lia'₂ tion₅₄ niog₅ ŋág₃ uig₅ 'ŋio₅ lín₃ o₄quió₃ jniá'₂.

¹⁷ Jaun₂ guě₄ ŋó₃ Ananías ja₁chí'₄ tsi₁'né₅ ja₁jme₁'en₅₄ Saulo. Ca₂'í₃ dsi₂néi₂, ca₂quiog₂ gu₂ ne₄ quió'₅ Saulo, jaun₂ ca₂juá'₂:

—Saulo rin'₅₄ jniog₄, Te₁gui'₅₄ Jesús i₂ca₂jeng'₂ le₂'i₄ ju₁₅ lia'₂ con'₂ ŋe'₃, ně₂chei₃ jniá'₂ ia₁jaun₂ jnia₅₄ táng₃ mi₂ne'₅₄, jaun₂ guéng'₄ Jme₂dsi₂ Jnió₅ ně₃.

¹⁸ Co₂tan₅₄ dsi₂ju₁₅ jaun₂ qui₂ca₂séi'₂ ju₁₅lia'₂ tsi₁ mi₂ne₄ Saulo, co₂tan₅₄ ca₂jág₃ táng₃. Jaun₂ guě₄ ca₂nau₂ Saulo, ca₂i₁choin₃ jmig₂. ¹⁹ Jaun₂ ca₂guě'₃, ca₂tīn'₃ táng₃ bí₂. Jaun₂ ca₂'í₃ bá₄ guě₄ tīn₃-ni₅ jmig₄ quian'₅₄ dsa₂ 'én₂ i₂jme₁tián'₄ juig₂ Damasco jaun₂.

Ca₂'ě₂ Saulo jág₁ dse₃ juig₂ Damasco

²⁰ Dsi₂juí₅ bá₄ ca₂jme₃lióg₃ Saulo ca₂nei₅₄ guá'₅ sinagogas ca₂i₁jme₁tiín₂₃ dsa₂ a₂juá'₂ a₂lín₅ Jesús Ja₁ñi'₅₄ Diú₄. ²¹ Ca₂le₃jín₃ dsa₂ i₂ca₂nág₂ ca₂i₃gó'₃ dsí₅, qui₂ca₂dsia₃:

—¿On₃jua'₅₄ dsa₂ ně₅ i₂ñí₄ lě₃ jme₁ñi₅ juig₂ Jerusalén qui₂co₂'ein₂₃ dsa₂ i₂'én₂ le₃quió'₅ Jesús? ¿On₃jua'₅₄ i₂ně₅ 'ñiog₅ i₂ma₂guan₅ ja₁lá₃ a₂qui₂tě₂ le₁'ñe₅ dsa₂ jaun₂ qui₂dsi₂jang'₅₄ o₄gú₃ juig₅₄ jme₂dsa₂?

²² La₁ tě₂le₃ lě₅ guě₄ ca₂'ág₂ tiá₂ dsí₅ Saulo, qui₂ca₂'ě₂ jág₁ a₂lín₅ dsón'₂ Jesús I₂rě₂'ín₁ quián₅ Diú₄. Ca₂lia'₂ ca₂i₃cón'₅ dsí₅ dsa₂ judíos i₂jme₁tián'₄ juig₂ Damasco ia₁ ca₂'ě₂ Saulo jág₁ le₂jaun₂.

Ca₂lón₂ Saulo o₄gú₃ dsa₂ judíos

²³ 'Lióng₂ jmi₄ cang₂ jaun₂, ca₂jmo₃ dsa₂ judíos caun₂ jág₁ a₂jme₁ñi'₃ Saulo. ²⁴ A₂jmi₂ a₂'uě₂ qui₂ca₂ñiai₃ Saulo o₄'né₄ o₄juí₅ juig₂ jaun₂, ia₁jaun₂ jñag'₃. La₁ ca₂rě₃ñi₅ bá₄ Saulo. ²⁵ Jaun₂ dsa₂ 'én₂ riin'₅₄ ně₃, ca₂to'₂ 'ñió'₃ caun₂ tsi₁mí'₂ pa₁, jaun₂ a₂'uě₂ ca₂sióin₂ 'éi₂ jui₅ ne₄ ni₁'ia'₂ a₂jme₁lě₄ le₃lág'₃ juig₂. Jaun₂ le₂ně₅ ca₂lón₂.

Ma₂'en₅₄ táng₃ Saulo juig₂ Jerusalén

²⁶ Jme₁dsián'₃ Saulo Jerusalén, jme₁'nio₃ jme₃quiain'₅₄ dsi₂juí₅ dsa₂ 'én₂ ja₁jaun₂. La₁ ca₂le₃jín₃ dsa₂ 'éi₂ ně₃ ca₂rě₃gain₃ 'éi₂, ia₁ tsá₃ jaun₂ líin₂ a₂ma₂'én₂ Saulo jág₁ dse₃. ²⁷ La₁ia₁ dsa₂ i₂chen₂ Bernabé ca₂jiog₃ ne₄ dsa₂ guia₃-tín₂ i₂chen₄ 'éi₂. Jaun₂ ca₂dsia₃ 'a₂ lia'₂ ca₂lě₃ a₂ca₂jme₃jein'₂ Te₁gui'₅₄ le₂'i₄ jui₅, 'e₂ jág₁ a₂ca₂juá'₂ ně₃, 'a₂ lia'₂ ca₂dsia₃ Saulo ján₃ tiá₂ dsí₅ juig₂ Damasco ca₂'ě₂ jág₁ 'iin₂₃ Jesús. ²⁸ Jaun₂ bá₄ ca₂'í₃ Saulo juig₂ Jerusalén ca₂jme₃quiain'₅₄ dsa₂ 'éi₂. ²⁹ Caun₂ ca₂dsia₃ tiá₂ dsí₅ bá₄ qui₂ca₂'ě₂ jág₁ 'iin₂₃ Te₁gui'₅₄ qui₂ca₂dsia₃ jág₁ qui₂ca₂tsiín₂ quian'₅₄ dsa₂ judíos i₂dsia₅ jág₁ jmei₅ griego. La₁ dsa₂ 'éi₂ ně₃ caun₂ 'nio₃ jme₁ñi'₃ bá₄ Saulo. ³⁰ Jme₁ca₂rě₃lí'₄ rín'₅₄ Saulo a₂jaun₂, jaun₂ ca₂jiog₃ jui₅ juig₂ Cesarea. A₂'ein₅₄ guě₄ ja₁jaun₂ ca₂dsióg'₂ riin'₅₄ juig₂ go₅₄ ja₁chei₂ Tarso.

³¹ Jaun₂ ca₂le₃jín₃ guá'₅, dsa₂ i₂'én₂, le₂tan₅₄ ja₁tén₄ 'uě₃ Judea, Galilea, Samaria ně₃, tei₄ bá₄ 'ei₅ tion'₅₄ dsa₂, caun₂ ca₂rě₃béin₂ ján₃. Jme₁jme₂gain₃ bá₄ Te₁gui'₅₄ tioin'₅₄. Quian'₅₄ bí₂ quió'₅ Jme₂dsi₂ Jñió₅, caun₂ qui₂ca₂juín₂ bá₄ dsa₂ i₂'én₂.

Ca₂'lón₂ dsa₂ chen₂ Eneas

³² Lia'₂ con'₂ ñi₅ Pe₄ qui₂dsi₂jiin'₅₄ riin'₅₄, ca₂i₁jiin₁₂ ján₃ dsa₂ i₂ma₂'én₂ jág₁ dse₃ i₂jme₁tián'₄ juig₂ ja₁chei₂ Lida. ³³ Ja₁jaun₂ ca₂jiin₂ jan₂ dsa₂ 'lian'₂ i₂jme₁chen₂ Eneas i₂ma₂tě₂ jñia₃ ñi₂ ron₅, ia₁ tsá₃ lě₂ ñi₃. ³⁴ Jaun₂ ca₂juá'₂ Pe₄ ca₂tsí'₃ dsa₂ 'éi₂:

—Eneas, Jesucristo jme₂'lió₂. Nau₂, jmo₄ dse₃ tsi₁cama quiáng'₂.

Jaun₂ dsi₂juí₅ le₂jaun₂ ca₂nau₂ Eneas. ³⁵ Jaun₂ ca₂le₃jín₃ dsa₂ i₂tián'₅ Lida quian'₅₄ juig₂ Sarón ca₂jág₃ a₂ca₂'lón₂ 'éi₂, jaun₂ ca₂jéin'₃ le₃quió'₅ Te₁gui'₅₄.

Ca₂jen'₅₄ 'io₅₄ Dorcas

³⁶ Jmi₄ jaun₂ jme₁chan₂ jan₂ 'io₅₄ i₂'én₂ jě₄ juig₂ Jope i₂jme₁chen₂ Tabita. Quian'₅₄ jág₁ jmei₅ griego jme₁tě'₂ dsa₂ Dorcas. 'Io₅₄ 'éi₂ lia'₂ con'₂ chain₂ jme₁jmo₂₃ dse₃ jme₂'oin₅₄ dsa₂ te₂ñé₂. ³⁷ Tě₃jě₄ jmi₄ jaun₂, ca₂rě₃dso'₅₄ Dorcas, ca₂join₃ bá₄ jaun₂ ně₃. Cang₂ jme₁ca₂lě₃ sei₅ dsa₂, jaun₂ ca₂i₁quio₂₃ caun₂ dsi₂néi₂ jě₂ca₂tě₂ tin₃ juín₃. ³⁸ Juig₂ Jope ma₂quián₅ bá₄ ja₁niog₅ juig₂ Lida ja₁'en₅₄ Pe₄. Jaun₂ jme₁ca₂rě₃ñi₅ dsa₂ 'én₂ a₂'en₅₄ Pe₄ ja₁jaun₂, jaun₂ ca₂chein₃ on₃ riin'₅₄ ca₂i₁te'₂ 'éi₂:

—Ñia₅ tě₂ně₃ cón'₅ jui₅ Jope.

³⁹ Jaun₂ ñó₃ Pe₄ co₂lě₅ quiain'₅₄ dsa₂ 'éi₂. Jme₁ca₂dsióg₃, ca₂i₁jiog₃ dsa₂ ja₁rě₂quian₅ 'lag₄. Ja₁jaun₂ tion'₅₄ le₁ñi'₂ ca₂le₃jín₃ 'io₅₄ 'nág₂ qui'₂-o₂₃, qui₂ca₂'ě'₃ Pe₄ 'mí'₂ tsin'₅₄ dsa₂, ta₁ a₂jme₁jmo₅ Dorcas lia'₂ con'₂ chain₂. ⁴⁰ Jaun₂ ca₂jmo₃ Pe₄ 'éi'₃ ca₂'uín₂ dsa₂ dsi₂néi₂ ja₁rě₂quian₅ 'lag₄. Jaun₂ ca₂chi₃jné₃ ca₂chi₃lén'₂ Diú₄. Jaun₂ guě₄ ca₂jiin₂ 'lag₄, ca₂juá'₂:

—Tabita, nau₂.

Dsi₂jui₅ jaun₂ ca₂ján₃ 'io₅₄ jme₁ne₁₂. Jme₁ca₂jín₂ Pe₄, ca₂guá₂ 'io₅₄ jaun₂ ně₃. ⁴¹ Jaun₂ ca₂jña₃ Pe₄ mi₂gu₂ 'io₅₄, ca₂chó₂. Jaun₂ ca₂tě₃ táng₃ Pe₄ riin₅₄, 'io₅₄ 'nág₂ ně₃, jaun₂ ca₂jín₂ 'io₅₄ 'éi₂, la₁ ma₂jein₅₄ bá₄. ⁴² Ta₁caun₂ jui₂ Jo₂pe ca₂i₃ 'ág₃ jág₁ a₂ca₂lě₃ le₂jaun₂. Jaun₂ juin₅ lin₃ dsa₂ ca₂rě₃ 'én₂ jág₁ quió₅ Te₁gui₅₄. ⁴³ Ca₂'í₃ bá₄ guě₄ Pe₄ 'lióng₂ jmig₄ jaun₂ ja₁quió₄ jan₂ dsa₂ i₂chen₂ Si₂mu₅₄ i₂jme₂dse₃ lo₄ já₂.

10

Pe₄ quian₅₄ Cornelio

¹ Jui₂ Cesarea jme₁chan₂ jan₂ dsa₂ i₂jme₁chen₂ Cornelio, i₂jme₁lín₄ jui₅₄ co₂nió₃ 'lióg₂ i₂tě₂ dsa₂ i₂chan₂ Italia. ² Jui₅₄ 'lióg₂ 'éi₂ jme₁jme₂gain₃ Diú₄ co₂lě₅ quian₅₄ dsa₂ dsi₂néi₂ quió₅. Ján₃ bá₄ jme₁dsi₀'₅ cu₄ jme₁jme₂'oin₅₄ dsa₂ judíos. Ca₂le₃jě₃ jmig₄ ně₃, jme₁chi₁lén₂ Diú₄. ³ Co₂ráun₂ con₂ hora ní₁ 'ni₅ le₃ca₂'láu₂, * a₂lě₁ca₂jén₃ ca₂jág₃ ca₂jín₂ jan₂ ángel quián₅ Diú₄ ca₂'í₃ dsi₂néi₂ ja₁'ein₅₄. Jaun₂ ca₂juá₂ ángel:

—¡Cornelio!

⁴ Jaun₂ ca₂jág₃ Cornelio gó₅ 'nio₅ lin₃ ca₂jín₂ ángel. Jaun₂ ca₂ṇag₃ ca₂juá₂:

—¿'E₂ lě₅, gui₅₄?

Jaun₂ guě₄ ca₂juá₂ ángel:

—A₂nag₅ bá₄ Diú₄ a₂jui₂ a₂chi₂lein₅₄. Jág₅ bá₄ a₂jmo₂ dse₃ 'au₂ jme₂'ong₅₄ dsa₂ te₂ṇé₂.

⁵ Jaun₂ lě₃ chen₅ dsa₂ jui₂ Jo₂pe dsi₃quián₂ dsa₂ i₂chen₂ Si₂mu₅₄ i₂tě₂ dsa₂ Pe₄ ján₃. ⁶ I₂'en₅₄ ja₁quió₄ Si₂mu₅₄ sián₂ i₂jmo₅ dse₃ lo₄ já₂, i₂chí₅ 'ne₄ chei₅₄ jmi₁ní₄.

⁷ Jme₁ma₂ṇá₅ ángel, jaun₂ ca₂tě₃ Cornelio on₃ dsa₂ mozo quián₅, jan₂ guě₂ 'lióg₂, dsa₂ jme₂ti₃ i₂jme₂gan₃ Diú₄ ján₃. ⁸ Jaun₂ ca₂dsia₃ Cornelio ca₂tsí₃ dsa₂ a₂ca₂jén₃, jaun₂ ca₂chein₃ dsa₂ jui₅ jui₂ Jo₂pe.

⁹ Jme₁jnia₃ jaun₂, ca₂i₃lén₂ dsa₂ 'éi₂. Pe₄ ně₃ ca₂uí₂ le₃co₅₄ tsi₁'né₅ con₂ dsi₃ní₃† a₂chi₃lén₂ Diú₄. ¹⁰ I₁cón₅ 'nio₅ lin₃. Tě₁lia₂ jmo₅ dsa₂ má₃ ně₃, jaun₂ a₂lě₁ca₂jén₃ ca₂jág₃ Pe₄. ¹¹ ca₂niá₃ guei₅₄ i₂jui₂. Jaun₂ ca₂sió₃ jui₁lia₂ caun₂ tsi₁'mi₂ pa₁ a₂rě₂quein₅ ta₁quén₂ qui₅₄. ¹² 'Nió₃ jaun₂, jme₁tion₅₄ ca₂le₃jín₃ ne₅₄ já₂: já₂ cha₂ quén₂ mi₂tag₄, já₂ i₂tsě₅ quió₅, já₂ i₂'in₅ guei₅₄ ně₃. ¹³ Jaun₂ ca₂nág₂ Pe₄ jág₁ ca₂juá₂:

—Nau₂ Pe₄, jme₁dsian₅ já₂, quíng₄.

¹⁴ Jaun₂ ca₂ṇag₃ Pe₄:

—Jan₂ón₄, Te₁gui₅₄. Ia₁ 'i₁co₂ráun₂ tsá₃ ma₂ca₂guě₃ jniá₂ ni₁ṇi₁ já₂ a₂jmo₅ a₂rě₂'nio₅ dsa₂.

¹⁵ Jaun₂ ca₂ṇag₃ táng₃ jág₁ a₂juá₂:

—Tsá₃ lě₁juá₂ 'ne₂ 'lig₅₄ cosa a₂ma₂jmo₃ Diú₄ le₁jě₃.

¹⁶ 'Ni₅ ráun₂ ca₂lě₃ le₂jaun₂, jaun₂ guě₄ ca₂ṇáu₃ táng₃ tsi₁'mi₂ jui₅ guei₅₄. ¹⁷ Tě₁lia₂ guá₅ Pe₄ 'no₂ dsi₅ 'e₂ léi₄ jáng₅ a₂ca₂jág₃ jaun₂, jme₁ca₂dsi₃lén₂ dsa₂ i₂chen₄ quián₅ Cornelio o₄'né₄ quió₅ Si₂mu₅₄, a₂ṇag₂₃ a₂já₄ chí₅ 'ne₄ Si₂mu₅₄. ¹⁸ Jme₁ca₂dsi₃lén₂ dsa₂ 'éi₂, ca₂ṇag₃ juá₂ tiá₂ chi₂juá₂ 'en₅₄ ja₁jaun₂ jan₂ dsa₂ i₂chen₂ Si₂mu₅₄ i₂tě₂ dsa₂ Pe₄ ján₃. ¹⁹ Tě₁lia₂ jaun₂ caun₂ qui₂'no₂ dsi₅ Pe₄ a₂ca₂jág₃, jaun₂ ca₂juá₂ Jme₂dsi₂ Jnió₅:

—Jag₄; ún₂ dsa₂ o₂lén₂ 'nau₂. ²⁰ Nau₂, sión₅, gua₂ quian₅₄, tsá₃ lě₁jmo₂ 'i₅ 'au₂ jua₅₄ líng₂ a₂tsá₃ tí₅ jág₁, ia₁ jniá₂ bá₄ ně₂tsi₂.

²¹ Jaun₂ ca₂sión₃ Pe₄ ca₂i₁jín₁₂ dsa₂ i₂chen₄ quián₅ Cornelio, jaun₂ ca₂juá₂ Pe₄:

—Jniá₂ bá₄ 'éi₂ i₂'na₂ 'nia₂. ¿Cha₁ ta₁ ja₂nó₅ 'nia₂?

²² Jaun₂ ca₂ṇag₃ táng₃ dsa₂:

* 10:3 lit. “hora ṇi₃.” † 10:9 lit. “hora ṇéi₂.”

—Gui⁵⁴ juig⁵⁴ 'lióg² Cornelio bá⁴ ca₂chei³ jnia'⁵⁴ ja₂náu⁵. Dsa₂ dsen³ bá⁴ 'éi₂, i₂jme₂gan³ Diú⁴; 'nio³ dsa₂ judíos 'ñio⁵ lin³, jme₂go³ ně³. Jan₂ ángel i₂chen⁴ quián⁵ Diú⁴ ca₂juá'² a₂tě'² 'ne₂ ja₁quió'⁴ jaun₂ nag³ 'e₂ jág¹ cuě'⁵⁴.

²³ Jaun₂ ca₂juá'² Pe₄ tón'³ dsa₂ 'éi₂ dsi₂néi₂, jaun₂ ja₁jaun₂ ca₂jñia³ dsa₂ 'éi₂ quiain'⁵⁴ Pe₄ a₂'uě₂ jaun₂. Jme₁jnia³ jaun₂ guě⁴ ca₂ñó³ Pe₄ quiain'⁵⁴ dsa₂ 'éi₂. Ca₂jme₃quiong'⁵⁴ guě⁴ i₂lin⁵⁴ dsa₂ riin'⁵⁴ i₂jme₁'én₂ i₂jme₁tián'⁴ juig² Joje.

²⁴ Jme₁jnia³ jaun₂ guě⁴ táng³, ca₂dsi₃lén₂ juig² Cesarea ja₁guá⁴ Cornelio. 'Éi₂ guě'² ně³ jme₁ma₂chi₁jñiog²³ quiain'⁵⁴ co₂nió'³ o₁riin'⁵⁴ a₂mei⁵⁴ quiáin⁵ i₂jein'² 'ñio⁵ lin³ quiain'⁵⁴ ně³, i₂ca₂tě'³.

²⁵ Jme₁ca₂dsióg³ Pe₄ o₄'né⁴, co₂tan⁵⁴ ca₂o₃'ín³ Cornelio ca₂guei³, ca₂chi₃jné³ ne⁴ 'éi₂, ca₂jme₃juag'². ²⁶ La₁ Pe₄ ně³ ca₂chó'², ca₂juá'²:

—Nau₂, ia₁ dsa₂ mi₂güig³ bá⁴ jniá₂, jui₁lia'² 'ne₂ ján³.

²⁷ Tě₃ dsia⁵ jág¹ Pe₄ quiong'⁵⁴, ca₂'í₃ dsi₂néi₂, jaun₂ ca₂jág³ juin⁵ bá⁴ dsa₂ ma₂le₁ñi'² dsi₂néi₂. ²⁸ Jaun₂ ca₂juá'² Pe₄ ca₂tsí'³ dsa₂:

—Ni'⁵⁴ bá⁴ 'nia'² jaun₂ tsá³ cuě⁵ jmig⁴ 'Éi'³ Juá'⁵ quió'⁵ dsa₂ judíos jua'⁵⁴ a₂jñi'² quian'⁵⁴ dsi₂nau₂, on³ guě'² lé₂ jñi³ dsi₂néi₂ quió'⁵. La₁ Diú⁴ ma₂'ě₃ a₂tsá³ tě₄ jniá₂ 'i₁jan₂ dsa₂ tsá³ le₁jín³. ²⁹ Jaun₂ lě₃ dsi₂jui⁵ bá⁴ guio³ jme₁ca₂dsi₃lén₂ dsa₂ quiáng'², tě₂. Tsá³ ně₂jan⁵⁴ uě₂. Jaun₂ jme₁'nio³ le₃guion⁵⁴ 'e₂ lě₃, 'e₂ ta₁ ně₂tě'².

³⁰ Jaun₂ ca₂ñag³ Cornelio:

—Ma₂quén₂ jmig⁴, con'² hora la₂ jme₁'eng⁵⁴ dsi₂néi₂ la₂ quió³, jme₁jme₂'ing⁵⁴, tsá³ ca₂guě'³. Jme₁'eng⁵⁴ chi₁leng'⁴ Diú⁴ tě₂le₃ ca₂'láu₂. Jaun₂ a₂lě₁ca₂jéin³ ca₂jing⁵⁴ jan₂ dsa₂ qui'² 'mi'² tiog₂ jau₂. ³¹ Jaun₂ ca₂juá'² ca₂tság³ jniá₂: “Cornelio, a₂nág⁵ bá⁴ Diú⁴ a₂juig'². Jág⁵ bá⁴ a₂jmo'² dse₃ 'au'² jme₂'ong'⁵⁴ dsa₂ te₂ñé₂. ³² Jaun₂ lě₃, chen⁵ dsa₂ juig² Joje dsi₃quiáin² dsa₂ i₂chen² Si₂mu⁵⁴ i₂tě'² dsa₂ Pe₄ ján³. I₂'en⁵⁴ ja₁quió'⁴ Si₂mu⁵⁴ sián'² i₂jmo₅ dse₃ lo₄ já'², i₂chí'⁵ 'ne₄ chei'⁵⁴ jmi₁ñi'⁴. Jě₁ma₂guain²³, dsia³ jág¹ quian'⁵⁴ 'ne₂.” ³³ Jaun₂ bá⁴ lě₃ ca₂tsing² dsa₂ dsi₂jui⁵ a₂i₁'niai'² 'ne₂ ně³. Dse₃ bá⁴ lia'² ně₂jmo'⁵⁴ ñe'³. Jaun₂ lě₃ tio'⁵⁴ jnia'⁵⁴ ca₂le₃jág³ le₁ñag'² ne₄ Diú⁴ ia₁ 'niog² jnia'⁵⁴ néi₁ jág¹ a₂ma₂cuě³ Te₁gui'⁵⁴ a₂juig'⁵⁴ jnia'⁵⁴.

Jág₁ a₂ca₂ton₃ Pe₄ dsi₂néi₂ quió'⁵ Cornelio

³⁴ Jaun₂ ca₂jme₃lióg³ Pe₄ ca₂juá'² ca₂tsí'³ dsa₂:

—Ně₃ guě⁴ dsón'² ma₂ñi'² jniá₂, tsá³ jma₃quén⁵ jín₂ Diú⁴ dsa₂ mi₂güig³. ³⁵ Ia₁ ca₂le₃jě₃ juig² ja₁jme₂gan³ dsa₂ Diú⁴, nag⁵ dsa₂ gau₂ jág¹ quió'⁵, jmo₂₃ dse₃ ně³, dsa₂ le₂'éi₂ bá⁴ guén'² Diú⁴. ³⁶ Ca₂juá'² Diú⁴ ca₂tsí'³ tsi₁jon₂ quián⁵ Israel, ca₂'ě₂ jág¹ a₂tian'³ dsa₂ tei₄ tě₂le₃ quian'⁵⁴ Jesucristo i₂lín⁵ Te₁gui'⁵⁴ quián⁵ ca₂le₃jín³. ³⁷ Ni'⁵⁴ rě₂ bá⁴ 'nia'² 'e₂ ca₂lě₃ ta₁caun₂ juig² go⁴ dsa₂ judíos, a₂ca₂jme₃lióg³ 'uě₃ Galilea, cang₂ jme₁ma₂'ě₂ Juan⁵⁴ jág¹, ca₂choin³ dsa₂ jmig² ně³. ³⁸ Ni'⁵⁴ bá⁴ 'nia'² 'a₂ lia'² ca₂cuě³ Diú⁴ ca₂cuě'³ Jesús chan₂ Nazaret jui₅bí₂ quió'⁵ Jme₂dsi₂ Jñi⁵; 'a₂ lia'² ca₂ñi₃ jmo₂₃ dse₃, jme₂'lióin₂ ca₂le₃jín³ dsa₂ i₂jme₁chan₂ jmi₁uig⁵ jmóg'² i₂sě₃dsen³. Ca₂le₃jě₃ a₂ně₅ ca₂jmo₃ ia₁ jme₁quiain'⁵⁴ Diú⁴. ³⁹ Ca₂tě₂ ne₄ jnia'⁵⁴ ca₂le₃jě₃ a₂ně₅ a₂ca₂jmo₃ Jesús, lia'² jě₄ juig² Jerusalén, lia'² le₂tan⁵⁴ ja₁tián'⁴ dsa₂ chan₂ Judea. Cang₂ jaun₂ ca₂jñag'³ dsa₂ ca₂tion³ cróg⁴. ⁴⁰ La₁ jě₁ca₂tě₂ 'ni₅ jmig⁴, ca₂jme₃jein'⁵⁴ táng³ Diú⁴ Jme₁, ca₂jmo₃ ca₂jme₃jnia⁵ 'éi₂ jñi₄ jnia'⁵⁴. ⁴¹ Tsá³ ca₂jme₃jniai²³ jñi₄ ca₂le₃jín³ dsa₂. Jmá'³ lia'² jě₄ quián₂ jnia'⁵⁴ bá⁴ con'² dsa₂ i₂ca₂quióin'² le₂jñiá⁵ i₁tě₃ ne₄. Ca₂que⁵⁴ guě⁴ jnia'⁵⁴ co₂lě₅ quiain'⁵⁴ jme₁ma₂jein'⁵⁴ táng³ jñi₄ 'lag⁴. ⁴² Jaun₂ ca₂jmo₃ 'éi'³ a₂qui₂dsi₁'ě₄ jnia'⁵⁴ jág¹, a₂dsi₁jang'⁵⁴ jág¹ dsau⁵ jñi₄ dsa₂: Diú⁴ ma₂dsiain³ Jesús a₂qui₃dsi₅ 'éi'³ quió'⁵ dsa₂ i₂chan₂, quió'⁵ i₂ma₂dsan³ ně³. ⁴³ Ján³ bá⁴ le₂ně₅ jáng⁵ jág¹ dsau⁵ ca₂le₃jín³ dsa₂ i₂jme₁'ě₂ jág¹ quiáin⁵, a₂qui₃'én₂ Diú⁴ dsau¹ ca₂le₃jín³ dsa₂ i₂'én₂ jág¹ quió'⁵.

Ca₂guei³ dsi₂nau₂ ca₂guein³ Jme₂dsi₂ Jñi⁵

⁴⁴ Të₃jë₄ 'ë₂ guë₄ Pe₄ jág₁, jme₁ca₂sión₃ Jme₂dsí₂ Jñi₃ó₅ ne₄ quió₅ ca₂le₃jín₃ dsa₂ i₂tion₅₄ nag₅ jág₁. ⁴⁵ Dsa₂ judíos_† i₂jme₁'én₂ i₂ca₂o₃lén₂ quian₅₄ Pe₄, tióin₂ jág₅ dsi₂gó₃ dsi₅, ia₁ ján₃ guë₂ ca₂guen₃ dsi₂nau₂ Jme₂dsí₂ Jñi₃ó₅. ⁴⁶ Ia₁ nag₂₃ dsia₅ dsa₂ jág₁ jmei₅ siá₂, jme₂juin₂ Diú₄.

⁴⁷ Jaun₂ ca₂juá₂ Pe₄:

—¿Lé₂ le₃jua₅₄ tsá₃ jmi₂g₂ lé₂ tsón₃ dsa₂ në₅, ton₂ ma₂në₂guein₃ bá₄ guë₂ Jme₂dsí₂ Jñi₃ó₅, co₂rë₂ bá₄ jui₁lia₂ jniog₄?

⁴⁸ Jaun₂ ca₂jmo₃ 'éi₃ a₂tsón₃ dsa₂ 'éi₂ jmi₂g₂, lia₂ con₂ lë₅ 'éi₃ quió₅ Jesucristo. Jme₁co₂lág₂ jaun₂, ca₂mi₃ dsa₂ ca₂tsí₃ Pe₄ a₂jñia₃ guë₄ tin₃-ni₅ jmi₂g₄ quiong₅₄.

11

Jág₁ ca₂'ë₂ Pe₄ jin₄ dsa₂ 'én₂ juig₂ Jerusalén

¹ Ca₂rë₃ñi₅ jág₁ dsa₂ i₂chen₄ quián₅ Jesús, quian₅₄ riin₅₄ i₂tion₅₄ Judea, a₂ma₂ca₂rë₃ 'én₂ dsi₂nau₂ jág₁ quió₅ Diú₄ ján₃. ² Jme₁ca₂dsián₃ táng₃ Pe₄ juig₂ Jerusalén, jaun₂ ca₂le₃jín₃ dsa₂ judíos i₂'én₂ ca₂jí₂ quió₅ ³ ca₂juá₂:

—¿'E₂ lë₃ ñeg₅₄ ja₁con₂ dsi₂nau₂* i₁que₅₄ quian₅₄ në₃?

⁴ Jaun₂ ca₂juá₂ Pe₄ ca₂tsí₃ dsa₂ ca₂le₃jë₃ 'a₂ lia₂ ca₂lë₃, ca₂juá₂:

⁵ —Juig₂ Jo₁pe bá₄ jme₁'eng₅₄, chi₁leng₄ Diú₄. Të₃jë₄ jaun₂, ca₂jéin₃ ca₂jág₃ jui₁lia₂ caun₂ tsi₁'mi₂ tióg₃ pa₁ a₂rë₂quein₅ le₃quén₂ qui₅₄, ca₂sió₃ jui₅ guei₅₄, ca₂të₂ cau₅ quió₃.

⁶ Jme₁ca₂jág₃ jniá₂ dse₃ 'e₂ tio₅₄ 'ñi₃ó₃, jua₂ ca₂le₃jín₃ ne₄ já₂ bá₄ tion₅₄: já₂ cha₂ quén₂ mi₂tag₄, já₂ tsáu₂ dsi₅, já₂ i₂tsë₅ quió₅, já₂ i₂in₅ guei₅₄ në₃. ⁷ Jaun₂ ca₂nag₃ jág₁ a₂ca₂juá₂ ca₂tság₃ jniá₂: “Nau₂ Pe₄, jme₁dsian₅ já₂, quíng₄.” ⁸ Jaun₂ ca₂ñag₄ jniá₂: “Jan₂ón₄, Te₁gui₅₄. Ia₁ 'i₁co₂ráun₂ tsá₃ ma₂'í₅ 'o₃ 'i₁caun₂ a₂'lig₅₄ a₂jmo₅ a₂rë₂'ñio₅ dsa₂.” ⁹ Jaun₂ ca₂ñag₃ táng₃ jág₁ a₂já₅ guei₅₄, ca₂juá₂: “Jui₁lia₂ a₂ma₂jmo₃ Diú₄ le₁jë₃, tsá₃ lë₁juá₂ 'ne₂ 'lig₅₄.” ¹⁰ 'Ni₅ ráun₂ ca₂lë₃ le₂jaun₂, jaun₂ guë₄ ca₂ñáu₃ táng₃ ca₂le₃jë₃ jui₅ guei₅₄. ¹¹ Të₃jë₄ jaun₂ ca₂dsi₃lén₂ ún₂ dsa₂ 'né₅ ja₁jme₁'eng₅₄, i₂chen₄ quián₅ dsa₂ chan₂ Cesarea a₂'nau₂ jniá₂. ¹² Jaun₂ Jme₂dsí₂ quián₅ bá₄ Diú₄ ca₂chei₃ ca₂ñó₃ quiang₅₄ dsa₂ 'éi₂, caun₂ bá₄ 'ei₅ dsi₃ ñó₃. Ján₃ bá₄ i₁len₅₄ jñé₂ rin₅₄ jniog₄ la₂ quiong₅₄ jniá₂. Jaun₂ ca₂tió₄ jnia₅₄ ca₂le₃jág₃ dsi₂néi₂ quió₅ dsa₂ chan₂ Cesarea 'éi₂. ¹³ Dsa₂ 'éi₂ ca₂dsia₃ ca₂tság₃ jnia₅₄ 'a₂ lia₂ ca₂jíin₂ jan₂ ángel jme₁chén₄ dsi₂néi₂ quió₅ i₂ca₂juá₂: “Chen₅ dsa₂ juig₂ Jo₁pe a₂dsi₃quián₂ Si₂mu₅₄ i₂të₂ dsa₂ Pe₄ ján₃. ¹⁴ Dsa₂ 'éi₂ juá₂ 'a₂ lia₂ jmó₂, ia₁jaun₂ líong₂, quiang₅₄ dsa₂ dsi₂néi₂ quiáng₂. ¹⁵ Jme₁ca₂jme₁lióg₄ jniá₂ juig₂ jág₁, jaun₂ ca₂sión₃ Jme₂dsí₂ Jñi₃ó₅ ne₄ quió₅ dsa₂ 'éi₂, jui₁lia₂ ca₂guain₃ ne₄ quián₂ jniog₄ le₂'uig₅₄. ¹⁶ Jaun₂ guë₄ ca₂dsáu₃ dsi₃ a₂ma₂ca₂juá₂ Te₁gui₅₄ le₂jñiá₅: “Dsau₅ bá₄ ca₂tióg₃ Juan₅₄ ca₂tiáin₂ jmi₂g₂ dsa₂, la₁ 'nia₂ guë₂ në₃ tióg₂ Diú₄ Jme₂dsí₂ Jñi₃ó₅.”† ¹⁷ Jaun₂ chi₂jua₂ co₂rë₂ bá₄ ca₂cuë₃ Diú₄ ca₂cuë₃ dsa₂ 'éi₂ jui₁lia₂ a₂ma₂cuë₃ jniog₄ i₂ma₂'én₂ tē₂le₃ quió₅ Te₁gui₅₄ Jesucristo, ¿i₂'ein₂ bá₄ jniá₂ jua₅₄ jniá₂ jni₅₄ 'éi₃ quió₅ Diú₄?

¹⁸ Jme₁ca₂nág₂ dsa₂ jág₁ në₅, tei₄ bá₄ ca₂jmo₃. Jaun₂ ca₂jme₃juin₂ Diú₄, ca₂tsí₃ rin₅₄:

—ján₃ guë₄ ma₂cuë₃ Diú₄ jmi₂g₄ quió₅ dsi₂nau₂, a₂jme₂tsiin₃ dsi₅ ia₁jaun₂ tñin₄ le₃chain₂ co₂tan₅₄!

Dsa₂ 'én₂ i₂chan₂ juig₂ Antioquía

¹⁹ Lia₂ con₂ jme₁ca₂jñi₃ dsa₂ Esteban, caun₂ qui₂ca₂co₃'ein₃ bá₄ dsa₂ quió₅ ca₂le₃jín₃ dsa₂ i₂'én₂. Jaun₂ tion₅₄ bá₄ ca₂cuíng₃ ca₂il₃lén₂ ca₂të₂ Fenicia, Chipre, Antioquía në₃. La₁ jmá₃ dsa₂ judíos bá₄ ca₂cuë₃ jág₁ dse₃. ²⁰ La₁ i₂lin₅₄ dsa₂ 'én₂ i₂chan₂ Chipre quian₅₄ Cirene ca₂dsi₃lén₂ juig₂ Antioquía ca₂dsia₃ jág₁ quian₅₄ dsa₂ chan₂ Grecia, ca₂'ë₂ jág₁ dse₃ ca₂'iin₃ Te₁gui₅₄ Jesús. ²¹ Ca₂jme₃'on₅₄ Te₁gui₅₄ dsa₂ 'éi₂ ja₁jaun₂ quian₅₄ bí₂ quió₅, jaun₂ lë₃ juin₅ lin₃ dsa₂ ca₂jéin₃ le₃quió₅ Te₁gui₅₄.

† 10:45 lit. “dsa₂ i₂rë₂uig₄ lo₄.”

* 11:3 lit. “ja₁con₂ dsa₂ i₂tsá₃ lo₄ rë₂uig₄.”

† 11:16 Hechos 1:5.

²² Jme₁ca₂rē₃ñi₅ dsa₂ 'én₂ i₂tion'₅₄ Jerusalén, jaun₂ ca₂chein₃ Bernabé ca₂tē₂ Antioquía.
²³ Jme₁ca₂dsi₃óg₃ Bernabé ja₁jaun₂, jaun₂ ca₂jág₃ a₂dse₃ dsí₅ Diú₄ a₂ca₂jmo₃ ja₁con₂ dsa₂ 'éi₂, jaun₂ lē₃ ca₂jmo₃ 'io'₂. Jaun₂ ca₂toin'₂ dsa₂ jág₁ dsia₃ tiá₂ dsí₅, tsán'₂ tiá₂ jág₁ 'ein₃ Te₁gui'₅₄.
²⁴ Ia₁ dsa₂ dsen₃ bá₄ jme₁lín₄ Bernabé, jme₁rē₂rín₅ Jme₂dsí₂ Jñi₃ó₅ tē₂dsí₅, jme₁'éin₂ 'ñio₅ lín₃. Jaun₂ le₂nē₅ juin₅ dsa₂ ca₂jén'₃ tē₂le₃ ja₁con₂ Te₁gui'₅₄.
²⁵ Cang₂ jaun₂ ca₂ñó₃ Bernabé juig₂ Tarso a₂ca₂i₁'niai'₂ Saulo. Jme₁ca₂dsáin'₂ 'éi₂, jaun₂ ca₂tág₃ juig₂ Antioquía. ²⁶ Ja₁jaun₂ ca₂tóin'₂ caun₂ ñi₂ quiaín'₅₄ dsa₂ i₂'én₂ ja₁jaun₂, qui₂ca₂jme₃tiin₂₃ juin₅ lín₃ dsa₂. Juig₂ Antioquía jaun₂ bá₄ ja₁le₂'uig₅₄ ca₂quiong₃ dsa₂ ca₂quiaín₃ dsa₂ i₂'én₂ “cristianos”.
²⁷ Jmíg₄ jaun₂, i₂lín₅₄ dsa₂ i₂jme₁cuē₅ jág₁ dse₃ a₂ma₂gue₃ quió'₅ Diú₄ ca₂'uin₂ juig₂ Jerusalén ca₂i₁lein₅₄ Antioquía. ²⁸ Jan₂ i₂chen₂ Agabo ca₂nau₂ jin₄ riin'₅₄. Jaun₂ quian'₅₄ bí₂ quió'₅ Jme₂dsí₂ Jñi₃ó₅, ca₂'ē₂ jág₁ a₂le₃'in₂ a₂guē'₃ dsa₂ ta₁caun₂ mi₂güig₃. Jaun₂ le₂jaun₂ ca₂rē₃ti₃ nē₃ jmíg₄ lia'₂ con'₂ jme₁guá₄ gui'₅₄ emperador Claudio. ²⁹ Jaun₂ ca₂le₃jín₃ dsa₂ 'én₂ i₂chan₂ Antioquía ca₂jmo₃ caun₂ jág₁ ca₂jme₃'oin₅₄ riin'₅₄ i₂jme₁tián'₄ Judea, 'a₂ con'₂ jnia'₅₄ qui'₅₄ jmíg₄ cuē₃ le₂jain₂ le₂jain₂. ³⁰ Jaun₂ le₂nē₅ ca₂jmo₃. Ca₂chein₃ cu₄ ne₄ dsa₂ can'₅₄† quián₅ dsa₂ 'én₂, ca₂i₁can₅ Bernabé quian'₅₄ Saulo.

12

Ca₂jon₃ Jacobo, Pe₄ guē'₂ ca₂jné₂ dsa₂ 'né₅ 'má₃

¹ Jmíg₄ jaun₂ ca₂jme₃lióg₃ Rag₅₄ Herodes qui₂ca₂jmái'₂ dsa₂ i₂'én₂. ² Ca₂jmo₃ 'éi'₃ ca₂jñi'₃ dsa₂ Jacobo rin'₅₄ Juan₅₄, quian'₅₄ ñi₁tág₂. ³ Jme₁ca₂jág₃ Herodes a₂ca₂tē₂ dsí₅ dsa₂ judíos, jaun₂ ca₂jmo₃ táng₃ 'éi'₃ ca₂jña'₃ dsa₂ Pe₄ ján₃. Ca₂le₃jē₃ a₂nē₅ ca₂lē₃ lia'₂ con'₂ jmo₅ dsa₂ jmíg₄ a₂guē'₅ dsa₂ i₁ñí'₄ 'ua'₂ a₂tsá₃ levadura quian'₅₄. ⁴ Jme₁ma₂nē₂chán'₂ dsa₂ Pe₄, jaun₂ ca₂jmo₃ Herodes 'éi'₃ ca₂to'₂ 'né₅ 'má₃, jaun₂ ca₂tón'₂ quén₂ nió'₃ 'lióg₂ i₂lē₂ jma₃quén₂ le₂caun₂ nió'₃, qui₂ca₂jmo₃ 'í₁ Pe₄. Jme₁dsi₂jio₅ dsí₅ Herodes jme₁dsei₂₃ tē₃jín₄ dsa₂ juig₂ jē₁ma₂ca₂ñi₂ Jmíg₄ Tē₂'in₅₄. ⁵ Jaun₂ le₂nē₅ 'en₅₄ Pe₄ né'₃ 'má₃, lē₅ 'í₁ dse₃ lín₃. La₁ dsa₂ riin'₅₄ nē₃ caun₂ chi₂lén'₂ Diú₄ bá₄ tioin'₅₄ mi₂₃ 'ñio₅ lín₃ o₄quió'₄ 'éi₂.

Ca₂lión₂ Diú₄ Pe₄ 'né₅ 'má₃

⁶ Caun₂ 'uē₂, ju₁lia'₂ 'ióg₃ jme₁ma₂lē₅ jág₁ jme₁dsei₅ Herodes jin₄ dsa₂ juig₂, a₂'uē₂ jaun₂ jme₁rē₂quian₅ Pe₄ rē₂güin₃ rē₂'ñei₂₃ dse₃ lín₃ quian'₅₄ tin₃ cadenas jē₄ quió'₅ on₃ 'lióg₂. 'Lióg₂ sián'₂ guē'₂ jme₁tion'₅₄ o₄'né₄ jmo₂₃ 'í₁ 'né₅ 'má₃. ⁷ Tē₃jē₄ jaun₂, ca₂jme₃jnia₅ jan₂ ángel quián₅ Te₁gui'₅₄, jaun₂ ca₂tág₃ si₂ ta₁caun₂ dsi₂néi₂ 'né₅ 'má₃. Jaun₂ ca₂quén'₃ ángel dsi₂con₂ Pe₄ a₂ca₂ñei₃. Jaun₂ ca₂juá'₂:

—Nau₂ tē₂nē₃ cón'₅.

Jaun₂ ca₂séi'₂ 'uē₃ ni₁ñi₁ cadenas a₂jme₁tio'₅₄ gu₂ Pe₄. ⁸ Jaun₂ ca₂juá'₂ táng₃ ángel:

—Dse₃ 'ñei₂ tog'₂, tio'₂ lau₂ tag'₅₄.

Jme₁ca₂lē₃ jmo₅ Pe₄ a₂jaun₂, jaun₂ ca₂juá'₂ táng₃ ángel:

—Qui'₂ 'mi'₂ dsiog₂ quiáng'₂, 'éin₃ jniá₂.

⁹ Jaun₂ ca₂o₃'ín₃ Pe₄ chi₁co'₅₄ quió'₅ ángel. Tsá₃ jaun₂ ñi₅ chi₂jua'₂ dsón'₂ dsi₂jó'₃ a₂ca₂jmo₃ ángel le₂jaun₂, ia₁ a₂lē₁ca₂jág₃ bá₄ lín₂. ¹⁰ Jaun₂ ca₂ñi₅ ja₁le₂'uig₅₄ tion'₅₄ 'lióg₂, ja₁ca₂tē₂ táng₃ nē₃. Jme₁ca₂dsi₃lén₂ o₄'né₄ a₂lē₅ quian'₅₄ ni₁ñi₁, ja₁'uin₂ dsa₂ jē₄ calle, a₂lē₁ca₂niá₃ 'ñiog₅ bá₄ o₄'né₄. Ca₂'uin₂ bá₄ jaun₂ nē₃. Jme₁ma₂i₂nioi₅₄ caun₂ calle, jaun₂ ca₂ñá'₃ ángel 'éi₂, ca₂téin₂ Pe₄. ¹¹ Jaun₂ guē₄ ca₂rē₃lí₄ Pe₄, ca₂juá'₂:

—Nē₃ guē₄ dsón'₂ guion₄ jniá₂ a₂nē₂chen₃ Te₁gui'₅₄ ángel quiáin₅ a₂nē₂lió₂ ja₁con₂ Herodes, ca₂le₃jē₃ guē₄ 'e₂ jme₁'nio₃ dsa₂ judíos jmóg'₂.

¹² Tē₃ dsi₂jio₅ dsí₅ le₂jaun₂ Pe₄, ca₂ñó₃ ju₁ia₁quió'₄ María chog₅₄ Juan₅₄ i₂chen₂ Marcos ján₃. Ja₁jaun₂ jme₁tion'₅₄ dsa₂ le₁ñi₂ chi₂lén'₂ Diú₄. ¹³ Jme₁ca₂quein₃ Pe₄ o₄'né₄ i₁dsi₅, jaun₂

† 11:30 griego: presbíteros.

ca₂o₃ 'ín₃ jan₂ 'io₅₄ bē₅₄ i₂chen₂ Rode i₃jág₂ 'ein₂ tē₂. ¹⁴La₁ jme₁ca₂nág₂, ca₂rē₃cuí₅ jág₁ quió₅ Pe₄ nē₃, jaun₂ tsá₃ ca₂niá₃ dsi₂jui₅, ia₁ nī₄ lē₃ ca₂jmo₃ 'io₂. Jaun₂ ca₂ñái₃ bá₄ táng₃ dsi₂néi₂ i₁con₂ jág₁, Pe₄ bá₄ 'éi₂ ca₂dsióg₃. ¹⁵Jaun₂ ca₂juá₂ dsa₂ ca₂tsí₃ 'io₅₄ bē₅₄ 'éi₂:

—i₂A₂lē₁tē₂ 'i₂ bá₄ 'ne₂!

La₁ caun₂ ca₂juá₂ bá₄ 'io₅₄, a₂dsón₂ bá₄ 'éi₂. Jaun₂ ca₂ñag₃ táng₃ dsa₂, ca₂juá₂:

—¿'A₂ bá₄ lia₂ jaun₂? On₃jua₅₄ 'éi₂ nē₅. 'In₁ ángel quiáin₅ bá₄ nē₅.

¹⁶Tē₁lia₂ jaun₂, caun₂ i₁tē₅₄ bá₄ Pe₄ o₄ 'né₄ i₁chéin₄. Jme₁ca₂niá₃, ca₂jíin₂ Pe₄, jaun₂ ca₂i₃gó₃ dsi₅. ¹⁷La₁ jaun₂ ca₂jmo₃ 'éi₂ léi₄ quian₅₄ mi₂gu₂ a₂ca₂juá₂ a₂jmo₃ dsa₂ tei₄. Jaun₂ ca₂dsia₃ 'a₂ lia₂ ca₂lē₃ ca₂jmo₃ Te₁gui₅₄ a₂ca₂i₁dsei₂₃ 'né₅ 'má₃, Jaun₂ ca₂juá₂:

—O₂dsia₄ 'nia₂ o₂chei₅₄ Jacobo,* ca₂le₃jín₃ guē₄ rin₅₄ jniog₄.

Jaun₂ ca₂o₃ 'íin₃ táng₃, ca₂ñó₃ ja₁siá₂.

¹⁸Jme₁jnia₃ jaun₂, ca₂tón₂ 'lióg₂ go₂ 'i₃, ia₁ tsá₃ nī₅ 'e₂ ca₂lē₃ quian₅₄ Pe₄. ¹⁹Jaun₂ Herodes ca₂chein₃ dsa₂ dsi₃'niog₂. La₁ia₁ tsá₃ ma₃ca₂dsáu₂. Jaun₂ jme₁ca₂cáun₂ jág₁ dsau₅ quió₅ 'lióg₂ i₂jme₁jmo₅ 'í₁ 'éi₂, ca₂jmo₃ 'éi₃ ca₂jme₃dsiog₅ dsa₂. Cang₂ jaun₂, ca₂o₃ 'ín₃ Herodes 'uē₃ Judea, jaun₂ ca₂ñó₃ ca₂i₁gua₂ Cesarea.

Ca₂jón₃ Herodes

²⁰Jme₁'ne₂ Herodes quian₅₄ dsa₂ i₂jme₁tián₄ Tiro quian₅₄ Sidón. La₁ dsa₂ 'éi₂ nē₃ ca₂jmo₃ caun₂ jág₁ ca₂i₁lein₅₄ ca₂jme₁jniai₂₃ ne₅₄. Ca₂jme₃'uáin₂ dsi₅ jan₂ i₂chen₂ Blasto a₂jmo₃ dse₃ dsi₅. Jme₁lín₄ Blasto jan₂ dsi₂tan₅₄ juin₂ quián₅ Rag₅₄ Herodes. Ca₂nau₂ ne₄ jág₁, ca₂mi₃ dsian₅ mi₅₄. Ia₁ juig₂ go₄ rag₅₄ bá₄ jme₁rau₂ a₂guē₅ dsa₂ chan₂ Tiro quian₅₄ Sidón. ²¹Herodes nē₃ ca₂tē₃, ca₂tióng₃ caun₂ jmig₄ a₂chi₁jniog₂₃ dsi₁lén₂ dsa₂. Jme₁ca₂tē₂ jmig₄ jaun₂, ca₂quí₂ Herodes tsin₅₄ a₂rē₂lin₅₄ a₂lín₅ rag₅₄, jaun₂ ca₂i₁gua₂ ne₄ ne₄ta₁ quió₅, jaun₂ ca₂ton₃ jág₁. ²²Jaun₂ ca₂jme₃lióg₃ dsa₂ juig₂ qui₂ca₂guió₃ ca₂juá₂:

—i₂juá₂ nē₅, on₃jua₅₄ dsa₂ mi₂güí₃! Jan₂ diú₄ bá₄ nē₅.

²³Co₂tan₅₄ dsi₂jui₅ le₂jaun₂ ca₂jmo₃ ángel i₂chen₄ quián₅ Te₁gui₅₄ a₂ca₂rē₃dso₅₄ Herodes, ia₁ ca₂cuē₃ jmig₄ a₂jme₃juag₂ dsa₂ 'ñiog₅, 'nió₄ a₂jme₁jme₃juin₂ Diú₄. Ca₂join₃ bá₄ jaun₂ nē₃, ca₂dsó₃ i₁ja₅₄ quió₅.

²⁴La₁ jág₁ dse₃ quió₅ Te₁gui₅₄ nē₃ caun₂ ca₂i₃ 'ág₃ bá₄, qui₂ca₂ 'ē₂ dsa₂ 'lióng₂ juig₂.

²⁵Jme₁ca₂lē₃ ta₁ jaun₂ quió₅ Bernabé quian₅₄ Saulo, jaun₂ ca₂'u₁in₂ Jerusalén ca₂i₃lein₃† jñiai₂₃ i₂jme₁chen₂ Juan₅₄ i₂jme₁tē₂ dsa₂ Marcos ján₃.

13

Ca₂jme₃lióg₃ Bernabé quian₅₄ Saulo ca₂jmo₃ ta₁ a₂ 'ē₂ jág₁ dse₃

¹Co₂nió₃ dsa₂ i₂én₂ jág₁ quió₅ Jesús, i₂jme₁tián₄ juig₂ Antioquía, jme₁chan₂ dsa₂ i₂jme₁ 'ē₂ jág₁ quiáin₅, tē₅ nē₃, ju₁lia₂ Bernabé quian₅₄ Si₂mu₅₄ (i₂tē₂ dsa₂ dsa₂ lia₂); Lucio i₂chan₂ Cirene; Manaén nē₃ (i₂co₂lē₅ ca₂can₅₄ quian₅₄ Herodes i₂lín₅ dsi₄má₂ 'uē₃ Galilea);* quian₅₄ Saulo nē₃. ²Co₂ráun₂ tioin₅₄ le₁nī₂ jme₂juin₂ Te₁gui₅₄, a₂jme₂'in₅₄, jaun₂ ca₂juá₂ Jme₂dsí₂ Jñió₅:

—Con₂ 'chén₂ 'nia₂ Bernabé quian₅₄ Saulo, ia₁ jaun₂ dsi₃jmó₂ ta₁ a₂ma₂tē₃ jniá₂ jmo₃.

³Jaun₂ jme₁ca₂lē₃ chi₂lén₂ Diú₄, a₂jme₂'in₅₄ nē₃, qui₂ca₂quiog₂ gu₂ ne₄ quió₅ dsa₂ 'éi₂, jaun₂ guē₄ qui₂ca₂ 'ág₃ jág₁ rin₅₄.

Dsa₂ i₂chen₄ quián₅ Jesús 'ē₂ jág₁ tē₂ Chipre

⁴Jaun₂ ca₂chei₃ Jme₂dsí₂ Jñió₅ ca₂chein₃ Bernabé quian₅₄ Saulo a₂ca₂i₃lén₂ ju₁ Seleucia. Ja₁ jaun₂ ca₂tóin₂ nī₁barco a₂ca₂i₃lén₂ caun₂ 'uē₃ a₂niog₅ jē₄ jmi₁ní₄, ja₁chei₂ Chipre. ⁵Jme₁ca₂dsi₃lén₂ ja₁ jaun₂, caun₂ juig₂ a₂niog₅ chei₅₄ jmi₁ní₄ ja₁ tē₂ dsa₂ Salamina, ja₁ jaun₂

* **12:17** o₃, Santiago. Rin₅₄ Jesús. I₂sián₂ bá₄ Jacobo rin₅₄ Juan₅₄ (ja₁ní₅₄ Zebedeo) i₂ca₂jñag₃ Herodes, Hechos 12:1.

† **12:25** A₂lin₅₄ chog₅₄ si₂: “jaun₂ ca₂i₃lein₃ Jerusalén.” * **13:1** griego: Herodes tetrarca.

ca₂jme₃lióg₃ qui₂ca₂'è'₃ dsa₂ jág₁ dse₃ quió'₅ Te₁gui'₅₄ dsi₂néi₂ guá'₅ sinagogas quió'₅ dsa₂ judíos. Jme₁quian'₅₄ bá₄ Juan₅₄ ján₃ i₂lín₅ dsa₂ i₂jme₂'o₅₄ quió'₅.

⁶Ca₂i₁nioi₂ ta₁caun₂ 'uë₃ jaun₂, ca₂dsi₃lén₂ caun₂ juig₂ ja₁tě'₂ dsa₂ Pafos. Ja₁jaun₂ ca₂jein'₂ jan₂ dsa₂ judío, jan₂ dsa₂ i₂chan₂ dsí₅, i₂tin₂ jág₁ tē₂jág₁, a₂jme₁jme₂gain₂₃ dsa₂ a₂juá'₂ a₂lín₅ jan₂ i₂ě₂ jág₁ quián₅ Diú₄. Dsa₂ 'éi₂ jme₁tě'₂ dsa₂ Barjesús.† ⁷Jme₁ quian'₅₄ dsi₄má'₂ i₂chen₂ Sergio Paulo. Dsi₄má'₂ 'éi₂ jme₁lín₄ jan₂ dsa₂ i₂nio₅ dsi₄ 'nio₅ lín₃. Co₂ráun₂ ca₂tě'₃ Bernabé quian'₅₄ Saulo, ia₁ a₂'nio₃ nag₃ jág₁ dse₃ quió'₅ Diú₄. ⁸La₁ Barjesús 'éi₂ ně₃, i₂tě'₂ dsa₂ Elimas ján₃, tsá₃ jme₁'nio₃ a₂le₃'én₂ dsi₄má'₂. Jaun₂ jme₁jné₅ jui₅. ⁹Jaun₂ Saulo, i₂tě'₂ dsa₂ Pablo ján₃, rē₂rín₅ Jme₂dsí₂ Jñi₅ tē₂dsí₅, ca₂jín₂ tiá₂ dsa₂ 'éi₂, ¹⁰jaun₂ ca₂juá'₂:

—i'Ne₂ dsa₂ tē₂jág₁, dsa₂ quián₅ i₂sē₃dsen₃, i₂'io'₅₄ ca₂le₃jě₃ cosa dse₃! ¿'E₂ lē₃ qui₁jñig'₄ jui₅ co₂dsau₅ quió'₅ Te₁gui'₅₄? ¹¹Tē₂ně₃ cón'₅ 'ě₂ Te₁gui'₅₄ jmi₁uig₅ quiáng'₂, co₂dsia₅ téng'₂, co₂'na₂ tsá₃ ma₃lé₂ jag'₅₄ si₂ quió'₅ 'iog₂.

Dsi₂jui₅ jaun₂ ca₂téin₂ co₂dsia₅, qui₁né'₃ ca₂jén'₃. Jaun₂ jme₁'nai'₂ jan₂ i₂tē₂ tsán'₂ gu₂. ¹²Jme₁ca₂jág₃ gui'₅₄ dsi₄má'₂ a₂ca₂lě₃ jaun₂, ca₂rě₃'éin₂ ca₂nág₂ dsi₂gó'₃ dsí₅ jág₁ dse₃ quió'₅ Te₁gui'₅₄.

Pablo quian'₅₄ Bernabé tíoin'₅₄ Antioquía ja₁tén₄ Pisidia

¹³Ca₂'í₃ Pablo quian'₅₄ rín'₅₄ 'ñi₅ ni₁barco juig₂ Pafos, ca₂i₃lén₂ jui₅ Perge, juig₂ tén₅ 'uë₃ Panfilia. Ca₂tén₂ Juan₅₄ rín'₅₄ ja₁jaun₂, jaun₂ ca₂ñái'₃ jui₅ Jerusalén. ¹⁴Ca₂'uin₂ rín'₅₄ Perge ca₂dsi₃lén₂ táng₃ Antioquía, juig₂ tén₅ 'uë₃ Pisidia. Jaun₂ ca₂i₃toin'₅₄ guá'₅ sinagoga caun₂ jmig₄ sa₅₄, jaun₂ ca₂tián'₂ dsi₂néi₂. ¹⁵Jme₁ma₂ca₂lě₃ 'i₅ dsa₂ Si₂ 'Éi'₃ quió'₅ Diú₄ quian'₅₄ Si₂ a₂ca₂jmo₃ dsa₂ i₂jme₁'ě₂ jág₁ ma₂líg'₂ ně₃, jaun₂ ca₂chen₃ jág₁ dsa₂ can'₅₄ quián₅ guá'₅ sinagoga, ca₂juá'₂:

—Rín'₅₄ jniog₄, chi₂jua'₂ cha₂ jág₁ dse₃ quián'₂ 'nia'₂ a₂cuë'₅₄ dsa₂, lé₂ bá₄ jua'₅₄ 'nia'₂.

¹⁶Jaun₂ ca₂nau₂ Pa₄ ca₂jmo₃ léi₄ quian'₅₄ gu₂ a₂mi₂₃ a₂jmo₃ dsa₂ tei₄, jaun₂ ca₂juá'₂:

—Nei₂ 'nia'₂ dsa₂ israelitas, 'nia'₂ guě₄ dsa₂ sián'₂ i₂gan₃ Diú₄: ¹⁷Diú₄ quián₂ jniog₄ dsa₂ lág₅ juig₂ Israel ca₂quióin'₂ dsa₂ can'₅₄ quián₂ jniog₄ ma₂líg'₂. Ca₂jmo₃ Diú₄ ca₂i₃juín₂ dsa₂ 'éi₂ lia'₂ con'₂ jme₁tián'₄ 'uë₃ Egipto a₂lín₅ dsi₂nau₂. Cang₂ jaun₂ ca₂lě₃ caun₂ juig₂ pa₁. Diú₄ ně₃ ca₂lió₂ quian'₅₄ bí₂ quió'₅, ca₂'uág'₂ 'uë₃ jaun₂. ¹⁸Ca₂jme₃juin'₂ Diú₄ dsí₅ quiong'₅₄† tē₂láu₃ ñi₂ tē₂lia'₂ jme₁i₂nioi₅₄ gua'₅₄ quein₂, ¹⁹ca₂'éin₂ guio₃ juig₂ go₄ dsa₂ i₂jme₁tián'₄ 'uë₃ Cana'án, 'uë₃ jaun₂ ně₃ ca₂cuë'₃ dsa₂ can'₅₄ quián₂ jniog₄ i₂jme₁chan₂ ma₂líg'₂.

²⁰'Cang₂ jaun₂ ca₂dsin₃ con'₂ quén₂ 'ñiá₂-láu₂ rē₂dsí₂ tē₂láu₃-guiá₂ (450) ñi₂, ca₂qui₃dsi₅ Diú₄ 'éi'₃ jin₄ dsa₂ 'éi₂ tē₂le₃ quian'₅₄ juě₄ ca₂lia'₂ ca₂tě₂ jmig₄ a₂ca₂rě₃chán₃ Samuel i₂qui₂ca₂'ě₂ jág₁ quió'₅ Diú₄ cang₂ jaun₂. ²¹Jaun₂ ca₂mi₃ jan₂ rag₅₄. Jaun₂ Diú₄ ně₃ ca₂cuin₃ Saúl ja₁ñi'₅₄ Cis, tsi₁jon₂ Benjamín; ca₂jmo₃ 'éi'₃ con'₂ tē₂láu₃ ñi₂. ²²Cang₂ jaun₂ ca₂jñiá'₂ Diú₄ ta₁ quió'₅ Saúl a₂jme₁lín₄. Jaun₂ David bá₄ ca₂chein'₃ ca₂lín₃ rag₅₄. Jaun₂ ca₂juá'₂ Diú₄ 'in₂₃ Rag₅₄ David: “Ca₂dsó'₂ jniá₂ ja₁con₂ David ja₁ñi'₅₄ Isaí, a₂lín₅ jan₂ dsa₂ i₂lě₅ dsí₅ lia'₂ lě₅ dsi₃ jniá₂, jan₂ dsa₂ i₂jmo₃ a₂'ñio₂ dsi₃.”

²³'Jaun₂ ně₃ rín'₅₄ jniog₄, jan₂ chi'₂ dsio₄ David 'éi₂ bá₄ lín₅ Jesús i₂ca₂chen₃ Diú₄ a₂lióin₂ dsa₂ juig₂ Israel lia'₂ con'₂ lě₅ jág₁ quió'₅ ma₂cuë₃ le₂jñiá₅. ²⁴Né'₃ a₂guán₂ Jesús, ca₂'ě₂ Juan₅₄ jág₁ ca₂tsí'₃ ca₂le₃jín₃ dsa₂ Israel a₂'nió'₅ qui₃choin₃ jmig₂, dsi₃quén'₅ dsí₅ ně₃. ²⁵Jaun₂ ca₂juá'₂ Juan₅₄ jme₁ja₂quián₃ jóin₂: “On₃jua'₅₄ 'éi₂ jniá₂ ju₁lia'₂ dsi₂jio₅ 'au'₂ 'nia'₂ lín₅ jniá₂. La₁ i₂jás chi₁co'₅₄ quió'₅ ně₃, 'éi₂ bá₄ i₂'uan'₂ guě₄ lia'₂ con'₂ guě₄ jniá₂, ca₂lia'₂ jñia'₅₄ lau₂ ton₅ tag₅₄ bá₄ tsá₃ ca₂tíng₂ tsi'₅₄ quió'₅.”§

† 13:6 Barjesús: a₂jein₅ jág₁ “ja,ñi'₅₄ Jesús” quian'₅₄ jág₁ jmei₅ arameo. ‡ 13:18 A₂lín₅₄ chog₅₄ si₂ juá'₂: “ca₂jmo₃ Diú₄ 'í₁ quió'₅.” § 13:25 Mateo 3:11.

²⁶ 'Rin'₅₄ jniog₄, ca₂le₃jín'₃ guě'₄ 'nia'₂ i₂lín'₅ chi'₂ dsio₄ Abraham, quian'₅₄ ca₂le₃jín'₃ guě'₄ 'ein'₂ chan'₂ quián'₂ 'nia'₂ i₂jme₂gan₃ Diú₄: a₂quián'₂ 'nia'₂ bá₄ jág₁ dse₃ la₂ a₂ca₂'ě₂ Diú₄ a₂lión₂ dsa₂. ²⁷ Dsa₂ i₂jme₁tián'₄ Jerusalén quian'₅₄ dsa₂ can'₅₄ quiáin₅, tsá₃ ca₂rě₃ñi₅ 'ein'₂ 'éi'₂ jme₁chen₂ Jesús, on₃ guě'₄ ca₂rě₃ñi₅ jág₁ a₂qui₂ca₂'ě₂ dsa₂ i₂chen₄ quián₅ Diú₄ le₂jñiá₅. Jaun₂ lě₃, jág₁ jaun₂ a₂i₂₃ ne₄ Si₂ ca₂le₃jě₃ jmig₄ sa₅₄ ca₂jme₃ti₃ guioin₅₄ jme₁ca₂jmo₃ 'éi'₃ a₂jñi₃' Jesús. ²⁸ 'I₁caun₂ dsáu₁ Jesús tsá₃ 'e₂ ca₂dsó'₂ dsa₂ jua'₅₄ a₂i₄ 'éi'₃ a₂jñag'₃, la₁ tion₅₄ bá₄ ca₂mi₃ dsa₂ jág₁ ne₄ Pilato a₂jmo₃ 'éi'₂ 'éi'₃ a₂jñag'₃. ²⁹ Jaun₂ ně₃ jme₁ma₂lě₅ 'a₂ con'₂ lě₅ juá'₂ ne₄ Si₂ quió'₅ Diú₄ a₂iin₂₃ Jesús, jaun₂ ca₂sió₂ dsa₂ ne₄ cróg₄, jaun₂ ca₂i₁'ó₄. ³⁰ La₁ Diú₄ ně₃, ca₂jme₃jein'₅₄ táng₃ jin₄ 'lag₄. ³¹ 'Lióng₂ jmig₄ bá₄ qui₂ca₂jme₃jnia₅ Jesús ne₄ dsa₂ i₂jme₁quiain'₅₄ lia'₂ con'₂ jme₁ca₂ñó₃ tē₂ Galilea ca₂dsióg₃ tē₂ Jerusalén. Jaun₂ ně₃ dsa₂ 'éi'₂ bá₄ i₂jáng'₅ jág₁ dsau₅ tsí'₅ dsa₂ rě₂ně₃.

³² 'Jaun₂ le₂ně₅ bá₄ a₂cuě₂ jnia'₅₄ jág₁ dse₃ 'nia'₂, jág₁ a₂ca₂cuě₃ Diú₄ ca₂cuě'₃ dsa₂ quián₂ jniog₄ ma₂líg'₂ jaun₂, ³³ ma₂ca₂rě₃ti'₅₄ Diú₄ ja₁con₂ jniog₄ i₂lág₅ chi'₂-guein₂ quián₅ dsa₂ 'éi'₂, jme₁ca₂jme₃jein'₅₄ Jesús con'₂ lě₅ jág₁ tio'₅₄ jē₁ca₂tě₂ tin₃ Salmo, a₂juá'₂:

'Ne₂ líng'₅ jón₃ quiáng₃;

jmig₄ ně₃, ca₂lin₃ jniá₂ ñéi'₅ 'ne₂.*

³⁴ 'Ca₂juá'₂ Diú₄ le₂jñiá₅ a₂jme₃jein'₅₄ jin₄ 'lag₄ ia₁jaun₂ tsá₃ dsi₃'én₂ quió'₅. Jui₁lia'₂ juá'₂ ne₄ Si₂ quió'₅ Diú₄:

Ján₃ bá₄ cuě₄ jniá₂ 'nia'₂

ca₂le₃jě₃ 'e₂ cosa dse₃

a₂jme₁ti₁ jág₁ quió₃ a₂ca₂cuě₃ David.†

³⁵ 'Jaun₂ lě₃, ján₃ guě'₂ juá'₂ ne₄ Si₂ Salmos ja₁siá'₂ táng₃:

Tsá₃ cuě'₁ jmig₄

a₂dsi₃guí'₂ quió'₅ dsa₂ jñi₃'éi'₂ quiáng'₂

i₂jme₂ti₃ ta₁ ne'₅₄.‡

³⁶ 'David ně₃ ca₂jme₃ti₃ bá₄ jág₁ ne₄ dsa₂ quiáin₅ tē₂lia'₂ ca₂rě₃cháin₃ jmig₄ jaun₂, jui₁lia'₂ 'éi'₃ ca₂juá'₂ Diú₄. La₁ ca₂jon₃ bá₄ David ně₃, jaun₂ ca₂i₁'ó₄ dsa₂ ja₁le₁'on₅ dsa₂ can'₅₄ quiáin₅, ca₂siá'₃ bá₄ ni₁ñi₁ 'éi'₂ ně₃. ³⁷ La₁ ni₁ñi₁ Jesús ně₃, i₂ca₂jme₃jen'₅₄ Diú₄, tsá₃ 'e₂ ca₂'en₃.

³⁸ 'Jaun₂ ně₃ rin'₅₄ jniog₄, tion₅₄ 'nió'₅ le₃ñi₅ 'nia'₂ jág₁ a₂'ě₅ jniá₂: tē₂le₃ quian'₅₄ Jesús bá₄ dsón'₂ 'én₂ dsáu'₂ 'nia'₂. ³⁹ Tē₂le₃ quian'₅₄ 'éi'₂, ca₂le₃jín₃ i₂'én₂ tē₂le₃ quió'₅, rě₂'én₄ ca₂le₃jě₃ dsáu₁ a₂tsá₃ o₂'én₂ dso₄ cha₂ quián'₂ 'nia'₂ tē₂le₃ quian'₅₄ 'Éi'₃ quió'₅ Moisés. ⁴⁰ 'Í₁ jmo₄ 'nia'₂, ia₁jaun₂ tsá₃ dsi₃ñi₅ 'nia'₂ jui₁lia'₂ juá'₂ dsa₂ i₂jme₁'ě₂ jág₁ quián₅ Diú₄, jme₁ca₂juá'₂ ne₄ Si₂:

⁴¹ Jag₄ 'nia'₂ dsa₂ i₂táun₂ 'lig'₅₄,

jui₁dsi₂gó'₃ 'au'₂, jui₁dsian'₂ 'nia'₂.

Ia₁ jniá₂ i₂lín₅ Diú₄ jmo₅₄ léi₄ juě'₂

jmig₄ tē₂lia'₂ chan'₂ 'nia'₂.

La₁ léi₄ jaun₂, 'i₁jan'₂ 'nia'₂ tsá₃ le₃'én₂,

o₁jñia'₅₄ 'a₂ guě'₂ lia'₂ chan₂ i₂dsia₃.§

⁴² Jme₁ca₂o₃ín₃ Pa₄ quiain'₅₄ rin'₅₄ guá'₅ sinagoga quió'₅ dsa₂ judíos, jaun₂ ca₂mi₃ dsa₂* a₂ja₃lén₂ táng₃ 'éi'₂ jmig₄ sa₅₄ caun₂ a₂ja₃'ě₂ jág₁ jaun₂. ⁴³ Jme₁ca₂dsan₃ le₁ñi'₂ dsa₂ dsi₂néi₂ guá'₅, jaun₂ juin₅ lín₃ dsa₂ judíos quian'₅₄ dsa₂ i₂ma₂gue₃ i₂ma₂tión₂ tiá₂ juá'₅ quió'₅ dsa₂ judíos, ca₂'ein₃ Pa₄ quiain'₅₄ Bernabé, ca₂jme₃quiong'₅₄. Jaun₂ ca₂juá'₂ dsa₂ i₂chen₄ quián₅ Jesús 'éi'₂ ca₂tsí'₃ dsa₂ ca₂cuě'₃ bí₂ a₂tion₅₄ 'nió'₅ tsán'₂ tiá₂ jág₁ dse₃ quió'₅ Diú₄ i₂'ua₁ dsí₅.

⁴⁴ Caun₂ semana cang₂ jaun₂, jme₁ca₂tě₂ táng₃ jmig₄ sa₅₄, jaun₂ qui₂ca₂ñi'₂ mei'₂ tsá₃ ca₂le₃jín₃ dsa₂ juig₂ a₂ca₂o₃néi₃ jág₁ quió'₅ Diú₄. ⁴⁵ La₁ jme₁ca₂jág₃ dsa₂ judíos juin₅ lín₃

* 13:33 Salmo 2:7. † 13:34 Isaías 55:3. ‡ 13:35 Salmo 16:10. § 13:41 Habacuc 1:5. * 13:42 A₂lin₅₄ chog₅₄ si₂: "ca₂mi₃ dsi₂nau₂."

dsa₂ tion'₅₄, jaun₂ ca₂rě₃'néi₃ a₂dsí'₅ 'ñio₅ lin₃, tē₂le₃ jen₅ bá₄ qui₂ca₂ñag₃ jág₁ a₂juá'₂ Pa₄, qui₂ca₂jnaú'₂ jág₁ uig₅ ně₃.

⁴⁶ Jaun₂ ca₂juá'₂ Pa₄ quian'₅₄ Bernabé, ca₂dsia₃ tiá₂ dsí₅ ca₂tsí'₃ dsa₂:

—Tion₅₄ 'nió'₅ jñiá₅ de'₂ jin'₄ 'nia'₂ con'₂ dsa₂ i₂lín₅ judíos, ca₂tág₂ jnia'₅₄ 'ě₄ jág₁ dse₃ quió'₅ Diú₄. La₁ tsá₃ guě'₂ 'niog'₂ 'nia'₂ guéi'₁, jaun₂ ma₂léi₄ bá₄ a₂tsá₃ lé₂ tín'₄ 'nia'₂ guei'₅₄ i₂juíg₃. Jaun₂ lě₃, dsí₁ná₄ jnia'₅₄ ja₁con₂ dsí₂nau₂. ⁴⁷ Ia₁ le₂ně₅ bá₄ 'éi'₃ ca₂cuě₃ Te₁gui'₅₄ jme₁ca₂juá'₂: jui₁lia'₂ si₂ bá₄ lín'₅ 'ne₂

i₂ca₂dsiáng₃ quió'₅ dsí₂nau₂,

ia₁jaun₂ 'ě'₅₄ dsa₂ chan₂ ta₁caun₂ mi₂güí₃

jui₅ ja₁tín'₄ dsa₂.†

⁴⁸ Jme₁ca₂nág₂ dsí₂nau₂ jág₁ ně₅, qui₂ca₂jmo₃ 'io'₂, qui₂ca₂dsia₃, dsón'₂ bá₄ dse₃ jág₁ quió'₅ Te₁gui'₅₄. Jaun₂ ca₂rě₃'én₂ ca₂le₃jín₃ i₂con'₂ 'i₄ 'éi'₃ tín'₄ ja₁le₃chain₂ co₂tan₅₄. ⁴⁹ Jaun₂ le₂ně₅ ca₂i₃'ág₃ jág₁ dse₃ quió'₅ Te₁gui'₅₄ ta₁caun₂ 'uě₃ jaun₂. ⁵⁰ La₁ dsa₂ judíos ně₃ ca₂jmo₃ jág₁ quian'₅₄ i₂lín₅₄ 'io₅₄ dsen₃ i₂jme₂go₃ dsa₂ juig₂, quian'₅₄ i₂lín₅₄ dsa₂ can'₅₄ ně₃, ia₁jaun₂ jme₃'iog₅₄ jme₃'ñai₅₄ Pa₄ quian'₅₄ Bernabé. Jaun₂ le₂ně₅ bá₄ ca₂jme₃lióg₃ ca₂jmo₃ jág₁ a₂qui₂ca₂co₃'ein₃ Pa₄ quian'₅₄ Bernabé ca₂lia'₂ ca₂'uín₂ 'éi₂ juig₂ jaun₂. ⁵¹ Jaun₂ 'éi₂ ně₃ qui₂ca₂séi'₂ 'liog₂ mi₂tag₅₄.‡ Ca₂'uín₂ bá₄ jaun₂, ca₂i₃léin₂ jui₅ Iconio. ⁵² La₁ ca₂le₃jín₃ dsa₂ i₂ca₂rě₃'én₂ ně₃, 'io'₂ jmo₂₃, rě₂rín₅ Jme₂dsí₂ Jñió₅ tē₂dsí₅.

14

Pablo quian'₅₄ Bernabé tíoín'₅₄ juig₂ Iconio

¹ Ca₂'í₃ Pablo co₂lě₅ quian'₅₄ Bernabé dsí₂néi₂ guá'₅ sinagoga quió'₅ dsa₂ judíos juig₂ Iconio. Ja₁jaun₂ ca₂jme₃tiín₂₃ táng₃ dsa₂ jág₁ dse₃ quió'₅ Diú₄. Jui₅ bá₄ dsa₂ ca₂rě₃'én₂, lia'₂ dsa₂ judíos lia'₂ dsí₂nau₂ ně₃. ² La₁ dsa₂ judíos i₂tsá₃ 'én₂ ně₃, ca₂tsí'₃ dsí₂nau₂ a₂chí₃'iín₃ 'lig'₅₄ dsa₂ i₂'én₂. ³ Jaun₂ lě₃, uě₂ bá₄ ca₂'í₃ Pa₄ quian'₅₄ Bernabé. Ca₂dsia₃ tiá₂ dsí₅ quian'₅₄ bí₂ quió'₅ Te₁gui'₅₄, qui₂ca₂'ě₂ jág₁; jaun₂ Diú₄ ně₃ ca₂cuě₃ bí₂ ca₂jmo₃ 'éi₂ léi₄ juě'₂ a₂dsí₃gó'₃ dsí₅, ia₁jaun₂ le₃lí'₄ dsa₂, jág₁ dsau₅ a₂dse₃ dsí₅ Diú₄ bá₄ 'ě₂ 'éi₂. ⁴ La₁ dsa₂ juig₂ 'éi₂ jme₁lě₄ le₁dson'₅₄ i₂jme₁tión₂ le₃quió'₅ dsa₂ judíos, i₂jme₁tión₂ le₃quió'₅ dsa₂ i₂chen₄ quián₅ Jesús 'éi₂ ně₃.

⁵ Jaun₂ ca₂jmo₃ caun₂ jág₁ dsa₂ judíos quian'₅₄ dsí₂nau₂, quian'₅₄ dsí₂tan₅₄, a₂tsí'₃ jág₁ uig₅ dsa₂ 'éi₂, a₂qui₂jnaú'₂ cang₄ ně₃. ⁶ La₁ jme₁ca₂rě₃ñi₅ Pa₄ quian'₅₄ Bernabé, ca₂cuíng₃ jui₅ Lистра, jui₅ Derbe ně₃, tín₃ juig₂ ja₁tén₄ Licaonia, ca₂i₁nioi₁₂ le₂tan₅₄ 'uě₃ jaun₂, ⁷ qui₂jme₂tiín₂₃ dsa₂ jág₁ dse₃ a₂lión₂ dsa₂.

Ca₂cuě₃ dsa₂ cang₄ ca₂cuě'₃ Pablo juig₂ Lистра

⁸ Juig₂ Lистра jme₁chan₂ jan₂ dsa₂ i₂tsá₃ lé₂ñi₃. Lia'₂ jaun₂ lín₅, lia'₂ con'₂ jme₁ca₂rě₃cháin₃, guá₅ ja₁jaun₂, 'i₁cón'₂ tsá₃ ma₂ca₂ñi₃ ca₂le₃jě₃ jmíg₄ a₂chain₂. ⁹ Ca₂nág₂ dsa₂ 'éi₂ jág₁ a₂ca₂dsia₃ Pa₄. Jaun₂ Pa₄ ně₃ ca₂jág₃ tiá₂ ca₂jíin₂ dsa₂ 'éi₂, jaun₂ ca₂rě₃lí'₄ Pa₄ a₂'én₂ dsa₂ 'éi₂ a₂lé₂ 'lióin₂. ¹⁰ Jaun₂ ca₂juá'₂ tiá₂ ca₂tsí'₃ dsa₂ 'éi₂:

—Rě₂ nau₂. Co₂dsau₅ chí'₂ mi₂tag₅₄.

Jaun₂ dsí₂jui₅ ca₂ráun₂ ca₂nau₂ dsa₂ 'éi₂, ca₂jme₃lióg₃ ca₂ñi₃. ¹¹ Jme₁ca₂jág₃ dsa₂ a₂ca₂jmo₃ Pa₄ jaun₂, ca₂tóin'₂ co₂mi'₅₄, ca₂guió'₃ quian'₅₄ jág₁ jmei₅ quió'₅ dsa₂ chan₂ Licaonia, ca₂juá'₂:

—i₂Diú₄ i₂lín₅ dsa₂ ca₂sión₃ jě₄ quián₂ jniog₄!

† 13:47 Isaías 49:6. ‡ 13:51 Co₂'nió'₄ a₂ca₂jmo₃ léi₄, guion₅₄ bá₄ dsa₂ juig₂ ma₂rě₂cáin'₄ ia₁ tsá₃ ca₂gue₃ jág₁ quió'₅ Diú₄. 'Nio'₂ ja₁ton₅ Marcos 6:11, Lucas 9:5, 10:11, Hechos 18:6.

¹² Juá'₂ dsa₂ a₂lín₅ Bernabé diú₄ Júpter, Pa₄ gué'₂ lín₅ diú₄ Mercurio* ia₁ 'éi₂ bá₄ i₂juá'₂ gué₄ jág₁. ¹³ Jaun₂ jme₁chí'₄ guá'₅ quió'₅ diú₄ Júpter ja₁dsi₁lén₂ dsa₂ juig₂ jaun₂. Dsa₂ i₂lín₅ jme₂dsa₂ quián₅ Júpter ca₂dsióg₃ quiaín'₅₄ juín₅ dsa₂ le₁jñiaí₂₃ ca₁juí₅ le₁quiaín₅ lí₁ ně₃, a₂jme₁'nio₃ jme₃dsiain₂₃ ca₁juí₅ a₂jme₁jéin'₂ ne₄ Pa₄ quiaín'₅₄ Bernabé. ¹⁴ La₁ jme₁ca₂rě₃lí'₄ Pa₄ quiaín'₅₄ Bernabé i₂chen₄ quián₅ Jesús, a₂ma₂tion'₅₄ dsa₂ jmo₂₃ le₂jaun₂, jaun₂ ca₂jme₃lióg₃ ca₂gág₃ tsín'₅₄. † Jaun₂ ca₂tóin'₂ jin₄ dsa₂ ca₂guió'₃ ca₂juá'₂:

¹⁵ —iNei₂ 'nia'₂! ¿E₂ lě₃ jmo'₂ 'nia'₂ le₂ně₅? Dsa₂ mi₂güig₃ bá₄ jnia'₅₄, juí₁lia'₂ 'nia'₂. A₂le₁quiaín₁ jág₁ dse₃ bá₄ jnia'₅₄ ja₂náu₅, a₂chei₅₄ 'nia'₂ a₂jñiá'₄ 'nia'₂ ca₂le₃jě₃ a₂ně₅ a₂tsá₃ 'e₂ ta₁ tí₄, a₂jen'₅₄ 'nia'₂ tē₂le₃ quió'₅ Diú₄ jén'₃ i₂ca₂jmo₃ guei'₅₄ i₂juig₃, gua'₅₄ 'uě₃, jmi₁ñi'₄ ně₃, ca₂le₃jě₃ gué₄ 'e₂ a₂cha₂ ja₁jaun₂. ¹⁶ Nio₅ Diú₄ ca₂cuě₃ jmi₄ma₂líg'₂ ca₂cuě'₃ ca₂le₃jín₃ dsa₂ chan₂ gua'₅₄ 'uě₃ a₂jmo₃ con'₂ lě₂ dsí₅ guioin₅₄. ¹⁷ La₁ Diú₄ ca₂'ě'₃ dsa₂ 'ein₂ lín₅, ca₂jmo₃ bá₄ léi₄ tē₂le₃ quiaín'₅₄ ca₂le₃jě₃ a₂dse₃ a₂qui₂ca₂jmo₃. 'Éi₂ bá₄ jmo₅ a₂tang₂ jmi₅ia₁jaun₂ qui₃ráu₃ ca₂le₃jě₃ a₂qui₂guě'₃ dsa₂. 'Éi₂ bá₄ jmo₅ a₂le₁'ág₄ dse₃ dsí₅ dsa₂.

¹⁸ Ja₂lag₃ le₂jaun₂ bá₄ ca₂tió'₃ ca₂jme₃'uáin₂ dsí₅ dsa₂, a₂tsá₃ ma₃qui₃jéin'₂ já'₂ ne₅₄.

¹⁹ Jaun₂ ca₂dsi₁lén₂ i₂lín₅₄ dsa₂ judíos i₂chan₂ Antioquí₄, quiaín'₅₄ i₂chan₂ Iconio, qui₂ca₂toin'₂ jág₁ dsa₂, ca₂jmo₃ jág₁. Jaun₂ ca₂cuě'₃ cang₄ Pa₄, ca₂tsi₂cuang'₂ tē₂'ni'₂ juig₂, a₂ma₂ně₂jñag'₃ bá₄ lín₂. ²⁰ La₁ jme₁ca₂ñi'₂ dsa₂ i₂'én₂ riin'₅₄ ja₁rě₂quiaín₂₃, ca₂nau₂ Pa₄, ca₂ñó₃ táng₃ juí₅ jě₄ juig₂. Jme₁jnia₃ jaun₂ gué₄, ca₂o₃'iín₃ juig₂ jaun₂ quiaín'₅₄ Bernabé, ca₂i₃lén₂ juí₅ Derbe.

²¹ Juín₅ dsa₂ chan₂ juig₂ Derbe ca₂rě₃'éin₂ jme₁ca₂nág₂ ca₂'ě₂ dsa₂ 'éi₂ jág₁ dse₃ a₂tín'₄ dsa₂. Jaun₂ ca₂'uín₂ ja₁jaun₂, ca₂i₃lén₂ táng₃ juí₅ Listra, juí₅ Iconio ně₃, a₂ca₂dsi₁lén₂ táng₃ Antioquí₄. ²² Le₂tan₅₄ juig₂ ja₁jaun₂ qui₂ca₂cuě'₃ bí₂ dsa₂ i₂'én₂. Qui₂ca₂toin'₂ jág₁ dsa₂ a₂'nió'₅ tsán'₂ dsa₂ tiá₂ jág₁ dse₃. Ca₂juá'₂:

—Tion₅₄ 'nió'₅ ñag'₅₄ de'₂ 'nia'₂ jmi₁uig₅ mi₂güig₃ la₂, né'₃ gué₄ a₂dsi₁no'₃ 'nia'₂ ja₁gon₂ Diú₄.

²³ Ján₃ bá₄ ca₂'in₃ dsa₂ dsa₂ can'₅₄† lia'₂ caun₂ guá'₅. Jaun₂ cang₂ jme₁ca₂lě₃ chi₂lén'₂ dsa₂ Diú₄, a₂jme₂'iín₅₄ ně₃, ca₂dsiain₃ riin'₅₄ i₂'én₂ 'éi₂ o₄gú₃ Te₁gui'₅₄, ia₁ tē₂le₃ quió'₅ Te₁gui'₅₄ bá₄ ma₂'én₂ dsa₂.

Pa₄ quiaín'₅₄ Bernabé ca₂i₃lein₃ táng₃ Antioquí₄ ja₁tén₄ Siria

²⁴ Cang₂ jaun₂ ca₂ñi₃ juí₅ 'uě₃ Pisidia, jaun₂ ca₂dsi₁lén₂ 'uě₃ Panfilia. ²⁵ Qui₂ca₂'ě₂ jág₁ juig₂ Perge, jaun₂ ca₂i₃lén₂ juig₂ Atalia. ²⁶ Ja₁jaun₂ ca₂tóin'₂ ni₁barco a₂ca₂i₃lein₃ táng₃ Antioquí₄, juig₂ ja₁ca₂jáng'₂ dsa₂ riin'₅₄ o₄gú₃ Diú₄ le₂jñiá₅, a₂jmo₃ ta₁, co₂'nió'₄ ta₁ a₂ma₂ca₂lě₃ jmo₂₃. ²⁷ Jme₁ca₂dsi₁lein₃ Antioquí₄, ca₂ñi₃'₂ ca₂le₃jín₃ riin'₅₄. Jaun₂ ca₂dsia₃ ca₂le₃jě₃ 'e₂ ca₂jmo₃ Diú₄ quiong'₅₄, 'a₂ lia'₂ ca₂niá₃ Diú₄ juí₅ quió'₅ dsi₂nau₂, ia₁jaun₂ le₃'én₂ 'éi₂ ján₃. ²⁸ Jaun₂ uě₂ bá₄ ca₂'í₃ Pa₄ ja₁jaun₂, Bernabé ně₃ quiaín'₅₄ dsa₂ i₂'én₂.

15

Ca₂ñi'₂ riin'₅₄ Jerusalén

¹ Jmi₄ jaun₂ i₂lín₅₄ dsa₂ chan₂ Judea ca₂dsi₁lén₂ juig₂ Antioquí₄, ca₂jme₃lióg₃ ca₂jme₃tiín₂₃ riin'₅₄ ja₁jaun₂, ně₁juá'₂ tsá₃ ti₅ dsa₂ ni₁lo₁ dsa₂ ñe'₂ lia'₂ con'₂ lě₅ Si₂ 'Éi'₃ quió'₅ Moisés, tsá₃ lé₂ tín'₄. ² Pablo quiaín'₅₄ Bernabé ca₂tsiín₂ 'ñio₅ lín₃ quiaín'₅₄ dsa₂ 'éi₂. Jaun₂ ca₂'in₃ dsa₂ Pa₄ quiaín'₅₄ Bernabé, quiaín'₅₄ i₂lín₅₄ gué₄ dsa₂ sián'₂ ně₃, a₂dsi₁lén₂ Jerusalén a₂jme₃rě₃ jág₁ jaun₂ quiaín'₅₄ dsa₂ riin'₅₄ i₂chen₄* quián₅ Jesús quiaín'₅₄ dsa₂ can'₅₄† quián₅ dsa₂ 'én₂.

* **14:12** griego: Hermes. † **14:14** ca₂gág₃ tsín'₅₄; le₂jaun₂ jme₁jmo₅ dsa₂ léi₄ chi₂juá'₂ 'e₂ tsá₃ tē₅ dsí₅. ‡ **14:23** griego: presbíteros. * **15:2** griego: apóstolous. † **15:2** griego: presbíteros.

³ Co₂nió'₃ dsa₂ i₂'én₂ juig₂ Antioquía ca₂'ág'₃ jág₁ riin'₅₄ i₂ca₂'iin₃ 'éi₂, jaun₂ 'éi₂ ně₃ ca₂i₁noi₁₂ 'uě₃ Fenicia quian'₅₄ 'uě₃ Samaria. Ja₁jaun₂ ca₂dsia₃ 'a₂ lia'₂ ca₂rě₃'én₂ dsi₂nau₂. Jaun₂ lě₃, 'nio₅ lin₃ 'io'₂ ca₂jmo₃ dsa₂ riin'₅₄ jme₁ca₂rě₃ni₅.

⁴ Jme₁ca₂dsióg₃ Pa₄ quiain'₅₄ Bernabé juig₂ Jerusalén, ca₂guei₃ ca₂le₃jín₃ dsa₂ 'én₂ ja₁jaun₂, dsa₂ riin'₅₄ i₂chen₄ quián₅ Jesús, dsa₂ can'₅₄ quián₅ dsa₂ 'én₂ ně₃. Jaun₂ ca₂dsia₃ Pa₄ quian'₅₄ Bernabé ca₂tsí'₃ riin'₅₄ 'a₂ lia'₂ ma₂jmo₃ Diú₄ quiong'₅₄.

⁵ La₁ qui₂ca₂nau₂ i₂lin₅₄ dsa₂ fariseos i₂ma₂'én₂, jaun₂ ca₂juá'₂:

—Ca₂tín₂ dsi₂nau₂ ti₃ dsa₂ ni₁lo₁₂, jaun₂ 'nió'₅ nag₃ a₂jme₃ti₃ Si₂ 'Éi'₃ quió'₅ Moisés.

⁶ Jaun₂ ca₂ni'₂ dsa₂ i₂chen₄ quián₅ Jesús, quian'₅₄ dsa₂ can'₅₄ ně₃, ia₁jaun₂ 'no'₂ dsí₅ 'a₂ lia'₂ jmo₃ jui₁lia'₂ jág₁ jaun₂. ⁷ Jme₁ma₂ně₂dsia₃ jág₁ 'nio₅ lin₃, ca₂nau₂ Pedro jaun₂ ca₂juá'₂:

—Rin'₅₄ jniog₄, ni'₅₄ bá₄ 'nia'₂ jaun₂, jniá₂ dsa₂ i₂ca₂quió'n'₂ Diú₄ jin'₄ 'nia'₂ ma₂i₁jaun₃, ia₁jaun₂ cuě₄ jniá₂ jág₁ dse₃ dsi₂nau₂, ia₁jaun₂ le₃'éin₂. ⁸ Jaun₂ Diú₄ ně₃, i₂cuí'₅ dsí₅ dsa₂, ca₂jmo₃ léi₄ a₂guei₃ bá₄, ca₂cuin₃ Jme₂dsí₂ Jnió₅ quián₅, ca₂cuin₃ dsa₂ 'éi₂ jui₁lia'₂ ma₂cuag₃ jniog₄. ⁹ Tsá₃ jma₃quén₅ 'nio₃ Diú₄ jniog₄ quian'₅₄ dsa₂ 'éi₂, ia₁ ján₃ bá₄ ca₂rang₃ jme₂dsí₂ quió'₅ dsa₂ 'éi₂ ia₁ ca₂rě₃'éin₂. ¹⁰ Jaun₂ ně₃, ě₂ lě₃ dsi₂jio₅ 'au'₂ 'nia'₂ a₂tsá₃ dsau₅ a₂ma₂jmo₃ Diú₄? ě₂ lě₃ lín'₂ 'nia'₂ a₂tion₅₄ 'nió'₅ jme₃ti₃ dsa₂ i₂'én₂ 'éi₂ Si₂ 'Éi'₃, ton'₂ ca₂lia'₂ jnia'₅₄ dsa₂ can'₅₄ quián₂ jniog₄ tsá₃ ca₂tió'₃ jme₃ti₃, on₃ guě'₂ jniog₄ tián₂ jme₁ti₁? ¹¹ La₁ ne₄ jniog₄, a₂dse₃ dsí₅ Te₁gui'₅₄ Jesús bá₄ a₂tág'₄, co₂rě₂ quian'₅₄ dsa₂ 'éi₂.

¹² Jaun₂ ca₂jmo₃ dsa₂ tei₄, jaun₂ ca₂nág₂ tē₁lia'₂ ca₂juá'₂ Bernabé quian'₅₄ Pablo ca₂le₃jě₃ léi₄ juě'₂ a₂ma₂jmo₃ Diú₄ tē₂le₃ quiong'₅₄, jin₄ dsi₂nau₂. ¹³ Jme₁ca₂dsan₃ juá'₂ 'éi₂, jaun₂ ca₂juá'₂ táng₃ Jacobo:

—Rin'₅₄ jniog₄, nei₂ 'nia'₂ a₂juá'₄ jniá₂: ¹⁴ Ma₂ně₂dsia₃ Si₂mu₅₄ Pe₄ 'a₂ lia'₂ ca₂jmo₃ Diú₄ dse₃ dsí₅ jě₄le₂'uig₅₄ tē₂le₃ quió'₅ dsi₂nau₂, 'a₂ lia'₂ ca₂quióin'₂ ján₃ jin₄ dsa₂ 'éi₂, co₂nió'₃ dsa₂ i₂lén₂ dsa₂ quián₅ 'niog₅. ¹⁵ Le₂ně₅ bá₄ lě₅ jág₁ quió'₅ dsa₂ i₂jme₁ě₂ jág₁ quián₅ Diú₄, jui₁lia'₂ ca₂tióng₃ ne₄ Si₂:

¹⁶ Guio₅₄ táng₃ cang₂, jaun₂ jmóg'₄ táng₃ ne₄ta₁

quió'₅ Rag₅₄ David a₂ma₂qui'₃;

tsi'₅₄ táng₃ ni₁cang₁ a₂ma₂gon₃ quió'₅,

¹⁷ ia₁jaun₂ ca₂le₃jín₃ dsi₂nau₂ 'nai'₂ Te₁gui'₅₄,

ca₂le₃jě₃ juig₂ ně₃,

dsa₂ i₂chen₂ dsa₂ quián₅ Diú₄.

¹⁸ Le₂ně₅ bá₄ juá'₂ Te₁gui'₅₄

i₂jmo₅ ca₂le₃jě₃ a₂ně₅,

a₂ma₂cuí'₅ dsa₂ ca₃ma₂líg'₂,†

¹⁹ 'Jaun₂ ně₃ lín₂ jniá₂ —juá'₂ Jacobo—, tsá₃ dse₃ cue₅₄ jniog₄ o₂me'₅₄ dsi₅ dsi₂nau₂ i₂ma₂jén'₂ tē₂le₃ quió'₅ Diú₄. ²⁰ Tió'₅ me'₂ a₂jnia'₅₄ jmó₁ jniog₄ caun₂ si₂ a₂chei₅₄ jniog₄ a₂tsá₃ ma₃guě'₃ má₃ a₂tsá₃ dsi₂ten₅₄ guě'₃ jui₁lia'₂ a₂dsia₅ dsa₂ ne₄ ne₄chei₂ quió'₅ diú₄ lag₄. Dse₃ chei₅₄ jniog₄ a₂tsá₃ nió'₃ jág₁ quian'₅₄ dsa₂ i₂tsá₃ lín₅ dsi₂i₂gu₂, on₃ guě'₂ guě'₃ má₃ a₂tsá₃ dsi₃ten₅₄ guě'₃ dsa₂ judíos, jui₁lia'₂ já'₂ i₂güi'₅ dsa₂ dsi₂lag₄, on₃ guě'₂ jmi₄ já'₂ ně₃. ²¹ Ia₁ ma₂líg'₂ bá₄ ma₂tu₁ja₂lén₂ dsa₂ qui₂ě₂ 'Éi'₃ Juá'₅ quió'₅ Moisés le₂caun₂ le₂caun₂ juig₂, qui₂i₂23 dsi₂néi₂ guá'₅ sinagogas ca₂le₃jě₃ jmig₄ sa₅₄.

²² Jaun₂ ně₃, ca₂tē₁gua₁ jág₁ quió'₅ dsa₂ i₂chen₄ quián₅ Jesús, quian'₅₄ dsa₂ can'₅₄, ca₂le₃jín₃ guě₄ dsa₂ i₂lín₅ guá'₅ a₂'iin₃ i₂lin₅₄ jě₄ quió'₅ riin'₅₄, i₂chein₃ quian'₅₄ Pablo, Bernabé ně₃, jui₅ Antioquía. Jaun₂ ca₂'in₃ dsa₂ Judas i₂chen₂ Barsabás ján₃, quian'₅₄ i₂chen₂ Silas i₂lín₅ dsa₂ i₂quian₅ ne₄ jui₅ jě₄ quió'₅ dsa₂ i₂'én₂. ²³ Jaun₂ quian'₅₄ 'éi₂ ca₂chein₃ si₂ carta a₂juá'₂ le₂la₂:

† 15:18 Amós 9:11-12.

Jnia'₅₄ con'₂ lág₅ dsa₂ chen₄ quián₅ Jesús, quian'₅₄ dsa₂ can'₅₄ quián₂ jnia'₅₄, ca₂le₃jín₃ guě₄ rin'₅₄ jnia'₅₄ i₂én₂, chen₄ jnia'₅₄ si₂ la₂ ne'₅₄ 'nia'₂ dsi₂nau₂ rin'₅₄ jniog₄ i₂tián'₅ juig₂ Antioquíá, quian'₅₄ i₂tián'₅ 'uě₃ Siria, quian'₅₄ i₂tián'₅ 'uě₃ Cilicia ně₃. Cuín₅ jnia'₅₄ Diú₄ 'nia'₂.

²⁴ Ma₂ca₂rě₃ne₄ jnia'₅₄ jág₁ a₂i₁len₅₄ i₂lín₅₄ dsa₂ chan₂ ja₁lá₃, on₃jua'₅₄ i₂chen₄ quián₂ jnia'₅₄. Ma₂dsi₃lén₂ cuě'₅ o₂me'₅₄ dsi₅ 'nia'₂ quian'₅₄ jág₁ quió'₅ a₂tsí'₅ 'nia'₂ a₂tion₅₄ 'nió'₅ ti₃ dsa₂ ni₁lo₁ dsa₂ ŋe'₂, a₂jme₁ti'₄ 'nia'₂ 'Éi'₃ quió'₅ Moisés ně₃. ²⁵ 'Uig₅₄ jaun₂, ca₂jmo₁ jnia'₅₄ caun₂ jág₁, ca₂ín₄ jnia'₅₄ rin'₅₄ jě₄ quián₂ jnia'₅₄ a₂dsi₃lén₂ co₂lě₅ quian'₅₄ Bernabé quian'₅₄ Pa₄ i₂'nio₃ lín₃ quián₂ jnia'₅₄, a₂dsi₃jín₅₄ 'nia'₂. Ia₁ le₂jaun₂ bá₄ dse₃, lág₂ jnia'₅₄. ²⁶ Ma₂le₁ág₄ caun₂ dsi₅gue₃ 'mú₃ o₁quió'₄ Te₁gui'₅₄ Jesucristo quián₂ jniog₄. ²⁷ Jaun₂ chen₄ jnia'₅₄ Judas quian'₅₄ Silas ně₃, jaun₂ i₂ně₅ bá₄ juá'₂ quian'₅₄ jág₁ tio'₅₄ 'o₅₄ ca₂le₃jě₃ a₂jua'₂ jnia'₅₄ la₂. ²⁸ Jaun₂ ně₃, Jme₂dsí₂ Jnió₅ bá₄ ca₂jme₃'o₅₄ a₂'niog'₅₄ jnia'₅₄ dsi₅, jaun₂ dse₃ bá₄ lág₂ jnia'₅₄ a₂tsá₃ cuě₅₄ jnia'₅₄ 'nia'₂ 'éi'₃ guei₂, jnia'₅₄ lia'₂ jmá'₃ lia'₂ a₂léi₄ 'nió'₅ quián₂ 'nia'₂ la₂. ²⁹ A₂tsá₃ quě'₅₄ 'nia'₂ ni₁ŋí₅ a₂ma₂dsia₃ dsa₂ ne₄ ne₄chei₂ quió'₅ diú₄ lag₄; ján₃ bá₄ tsá₃ quě'₅₄ 'nia'₂ jmi₄ já'₂, on₃ guě'₂ ni₁ŋi₁ já'₂ i₂dsan₂ i₂gü'₅ dsa₂ dsi₂lag₄. Tsá₃ nió'₄ 'nia'₂ jág₁ quian'₅₄ dsa₂ i₂tsá₃ lín₅ dsi₂i₂gog'₂. Ně₁jua'₂ ca₂jme₁ti'₄ 'nia'₂ jág₁ la₂, dse₃ bá₄ le₃chan'₂ 'nia'₂.

Co₂ně₅ bá₄ jág₁.

³⁰ Jaun₂ ně₃, le₂ně₅ bá₄ ca₂tón'₂ 'éi₂ jui₅, ca₂i₃lén₂ jui₅ Antioquíá. Jaun₂ ca₂ŋí'₂ dsa₂ i₂én₂ ja₁jaun₂. Jaun₂ ca₂jín₃ dsa₂ si₂ carta a₂jme₁quian₅. ³¹ Jme₁ca₂í'₂ riin'₅₄ si₂, qui₂ca₂jmo₃ 'io'₂ o₁quió'₄ jág₁ a₂cuě₅ lián'₂ dsi₅ jaun₂. ³² Ia₁ Judas quian'₅₄ Silas, i₂jme₁'ě₂ jág₁ a₂cuě₅ Diú₄ ján₃, ca₂cuě₃ 'lióng₂ jág₁ dse₃ a₂ca₂jmo₃ ca₂ág₂ dse₃ dsi₅ riin'₅₄, 'ŋio₅ lín₃ ca₂cuě₃ bí₂ ně₃, quian'₅₄ jág₁ quió'₅. ³³ Jme₁ma₂tě₂ 'lióng₂ jmig₄ tioen'₅₄ ja₁jaun₂, ca₂dsióg'₂ táng₃ dsa₂ caun₂ tei₄ ja₁con₂ riin'₅₄ i₂ca₂chei₃. § ³⁵ La₁ ca₂jnia₃ Pa₄ quian'₅₄ Bernabé juig₂ Antioquíá, qui₂jme₂tiin₂₃ dsa₂, quian'₅₄ juin₅ guě₄ i₂sián'₂, qui₂'ě₅ dsa₂ jág₁ dse₃ quió'₅ Te₁gui'₅₄.

Ca₂ŋó₃ Pa₄ ca₂i₁'ě₄ jág₁ jě₄ca₂tě₂ tin₃ ráun₂

³⁶ Cang₂ jaun₂, ca₂juá'₂ Pa₄ ca₂tsí'₃ Bernabé:

—Dsau₅₄ táng₃ dsi₁jín₁ rin'₅₄ ca₂le₃jě₃ juig₂ ja₁ma₂ca₂i₁'ě₅₄ dsa₂ jág₁ dse₃ quió'₅ Te₁gui'₅₄, dsi₁jag₅₄ ně₁jua'₂ 'a₂ lia'₂ chain₂.

³⁷ Bernabé ně₃ jme₁'nio₃ jŋiai₃ Juan₅₄, i₂chen₂ Marcos ján₃. ³⁸ La₁ Pa₄ guě'₂ ně₃ tsá₃ ca₂gue₃ jiog₃, ia₁ ca₂téi₂ bá₄ 'éi₂ lia'₂ con'₂ jme₁i₁nioi₁₂ 'uě₃ Panfilia,* tsá₃ ma₃ca₂jme₃quiong'₅₄ jua'₅₄ a₂jme₃'o₅₄. ³⁹ Jaun₂ ca₂tsín₂ 'ŋio₅ lín₃, ca₂lia'₂ ca₂i₃lén₂ jma₃quén₅. Jaun₂ Bernabé bá₄ ca₂jnia₃ Marcos, ca₂tóin'₂ ni₁barco, ca₂i₃lén₂ jui₅ Chipre. ⁴⁰ Pa₄ guě'₂ ca₂quióin'₂ Silas. Jme₁ma₂ně₂jáng'₂ riin'₅₄ o₄gú₃ Te₁gui'₅₄ i₂'nio₃, jaun₂ qui₂ca₂ág'₃ jág₁ riin'₅₄, ca₂i₃lén₂. ⁴¹ Jaun₂ ca₂i₁ŋi₁₂ le₂tan₅₄ 'uě₃ Siria quian'₅₄ Cilicia, qui₂i₁cuě'₂ bí₂ riin'₅₄ i₂tián'₅ ja₁jaun₂.

16

Ca₂jme₃quiong'₅₄ Timoteo ca₂jme₃quian'₅₄ Pa₄ quian'₅₄ Silas

¹ Ca₂dsióg₃ Pa₄ quian'₅₄ Silas juig₂ Derbe, juig₂ Listra ně₃. Ja₁jaun₂ ca₂jein'₂ jan₂ dsa₂ 'én₂ i₂chen₂ Timoteo. Chog₅₄ Timoteo 'éi₂ jme₁lín₄ 'io₅₄ judía i₂ma₂'én₂ jág₁ dse₃. Jmei₂ guě'₂ jme₁lín₄ jan₂ griego. ² Jaun₂ dsa₂ i₂én₂ i₂jme₁tián'₄ Listra quian'₅₄ Iconio, dse₃ bá₄ jme₁ag₂₃. ³ Jaun₂ 'nio₃ Pa₄ jiog₃ quiong'₅₄, jaun₂ ca₂ti₃ ni₁lo₁ 'éi₂,* ia₁jaun₂ tsá₃ jén'₄ 'lig'₅₄ dsa₂ judíos i₂tián'₅ ja₁jaun₂. Ia₁ ma₂ŋi₅ bá₄ ca₂le₃jín₃ dsa₂, a₂lín₅ griego jmei₂ 'éi₂. ⁴ Ca₂le₃jě₃ juig₂ ja₁ca₂ŋí₃, qui₂ca₂jme₃jein'₂ riin'₅₄ ca₂cuě₃ 'éi'₃ con'₂ lě₅ jág₁ quió'₅ dsa₂ i₂chen₄ quián₅

§ 15:33 A₂lín₅₄ chog₅₄ si₂ chi₁ton₅ versículo 34: “La₁ Silas ně₃, ca₂dsia₃ dsi₅ jnia₃,”

13:15. * 16:3 o₃, “ca₂jmo₃ a₂ca₂ti₃ dsa₂ ni₁lo₁ 'éi₂.”

* 15:38 'Nio'₂ ja₁ton₅ Hechos

Jesús, jág₁ quió'₅ dsa₂ can'₅₄ i₂tián'₅ Jerusalén ně₃. ⁵ Jaun₂ ně₃, ca₂le₃jín₃ dsa₂ i₂lín₅ guá'₅, ca₂jñá'₃ tiá'₂ jág₁ dse₃ a₂'éin₂, jaun₂ le₂o₃ jmig₄ bá₄ ca₂i₃juin₂.

Ca₂qui₃ Pablo a₂ca₂jín₂ jan₂ dsa₂ chan₂ Macedonia

⁶ Tsá₃ ca₂cuē₃ Jme₂dsí₂ Jñi₅o₅ jmig₄ a₂'ě₂ dsa₂ jág₁ dse₃ 'uē₃ Asia. Jaun₂ lē₃ ca₂i₁lein₅₄ ca₂i₁ñi₁₂ le₂tan₅₄ 'uē₃ Frigia quian'₅₄ 'uē₃ Galacia. ⁷ Jaun₂ ca₂dsi₃lén₂ ja₁jén₂ 'uē₃ Misia. Ja₁jaun₂ jme₁'nio₃ jme₁dsi₃lén₂ 'uē₃ Bitinia. La₁ tsá₃ ca₂cuē₃ jmig₄ Jme₂dsí₂ quián₅ Jesús dsi₃lén₂ ja₁jaun₂. ⁸ Jaun₂ con'₂ ca₂ñi₃ bá₄ 'uē₃ Misia, ca₂dsi₃lén₂ 'o₄ jmi₁ñí'₄ ja₁chei₂ Troas. ⁹ Ja₁jaun₂ ca₂qui₃ Pa₄ a₂'uē₂ jaun₂ a₂ca₂jín₂ jan₂ dsa₂ chan₂ 'uē₃ Macedonia, a₂chéin'₅ mi₂₃, a₂juá'₂: “Ñi₅₄ jui₅ 'uē₃ Macedonia i₂jme₁'o₁ jnia'₅₄.” ¹⁰ Dsi₂jui₅ jme₁ca₂qui₃ Pa₄ le₂nē₅, jaun₂ ca₂jmo₁ jnia'₅₄ co₂jñia₅₄ a₂dsi₁ná₄u₄ jui₅ Macedonia. Ia₁ dsón'₂ lág₂ jnia'₅₄ a₂tē₂ Diú₄ ja₁jaun₂ a₂dsi₁'ě₄ jnia'₅₄ jág₁ dse₃.†

Pa₄ quian'₅₄ Silas tío₅in'₅₄ juig₂ Filipos

¹¹ Ca₂tió'₄ jnia'₅₄ 'ñi₅o₅ ni₁barco juig₂ Troas. Ca₂i₃náu₅ jnia'₅₄ co₂dsau₅ jui₅ 'uē₃ Samotracia a₂niog₅ jē₄ jmi₁ñí'₄. Jme₁jnia₃ jaun₂, ca₂dsi₃náu₅ jnia'₅₄ Neápolis. ¹² Tio'₅₄ jnia'₅₄ ja₁jaun₂, i₂náu₅ táng₃ ja₁chei₂ Filipos. Ja₁jaun₂ lē₅ caun₂ colonia romana ja₁lē₄ juig₂ dsen₅₄ guē₄ quió'₅ dsa₂ chan₂ 'uē₃ Macedonia. Ja₁jaun₂ ca₂tió'₄ jnia'₅₄ tin₃-ni₅ jmig₄. ¹³ Caun₂ jmig₄ sa₅₄ ca₂i₁náu₄ jui₅ 'ni'₂ juig₂, cau₅ chei'₅₄ cuá₃, caun₂ ja₁jme₁lē₄ ja₁dsi₂lén₂ dsa₂ a₂chi₂lén₂ Diú₄. Ja₁jaun₂ ca₂'io₄ jnia'₅₄, ca₂jme₁tin₅ jnia'₅₄ 'io₅₄ i₂ca₂ñi'₂, jág₁ dse₃ quió'₅ Diú₄. ¹⁴ Jan₂ 'io₅₄ i₂jme₁'en₅₄ jē₄ jaun₂ i₂chen₂ Lidia i₂chan₂ juig₂ Tiatira, jme₁lín₄ dsa₂ i₂'nag₅ 'mi'₂ 'ui'₃ jlá'₁. 'Io₅₄ 'éi₂, jme₁jme₂juin₂ Diú₄. Jaun₂ ca₂jmo₃ Te₁gui'₅₄ ca₂lē₃ dsí₅ 'io₅₄ 'éi₂ a₂nag₃ a₂tón'₂ jui₅ a₂juá'₂ Pa₄. ¹⁵ Jaun₂ ca₂jñó₁₂ jmig₂ co₂dsia₅ quian'₅₄ ca₂le₃jín₃ dsa₂ dsi₂néi₂ quió'₅. Jme₁co₂lág₂ jaun₂, ca₂mi₃ tság₅ jnia'₅₄:

—Chi₂jua'₂ jmo'₂ 'nia'₂ 'au'₂ a₂lín₅ jniá₂ tē₃dsón'₂ dsa₂ i₂'én₂ jág₁ quió'₅ Te₁gui'₅₄, i₂nó'₅ 'nia'₂ ja₁quió₃ i₁jñia'₄.

Jaun₂ ca₂juá'₂ tion₅₄ a₂ca₂jñia₄ jnia'₅₄.

¹⁶ Co₂ráun₂ ca₂lē₃, lia'₂ con'₂ jme₁i₃náu₅ jnia'₅₄ ja₁chi₂lén'₂ dsa₂ Diú₄, ca₂jen'₂ jnia'₅₄ jan₂ 'io₅₄ chi'₂ i₂jme₁'en₅₄ jme₂dsí₂ 'lín'₅₄ tē₂dsí₅, i₂dsi₂ jág₁.† 'Io₅₄ 'éi₂ a₂lē₁jmo₂₃ bá₄ ta₁, ia₁ juig₅₄ bá₄ jme₁cán₂ cu₄ a₂jme₁lí'₂ a₂dsi₂ jág₁. ¹⁷ 'Io₅₄ chi'₂ 'éi₂ ca₂'ein₃ Pa₄, ca₂'ein₃ jnia'₅₄ ně₃, ca₂guió'₃ ca₂tsí'₃ dsa₂ i₂jme₁tion₅₄:

—Dsa₂ ně₅ i₂jme₂ti₃ ta₁ ne₄ Diú₄ juin₂ guē₄. Jaun₂ 'ě₂ jág₁ tsí'₅ 'nia'₂ 'a₂ lia'₂ lé₂ lión'₂ 'nia'₂.

¹⁸ 'Lióng₂ jmig₄ ca₂jmo₃ le₂jaun₂. Ca₂lē₃ jme₁ca₂lē₃ ca₂i₃mé'₂ dsí₅ Pa₄. Jaun₂ ca₂jí₂, ca₂juá'₂ ca₂tsí'₃ jme₂dsí₂ 'lín'₅₄ i₂jme₁'en₅₄ quió'₅ 'io₅₄ 'éi₂:

—Quian'₅₄ bí₂ 'éi'₃ quió'₅ Jesucristo, jmo₅₄ jniá₂ 'éi'₃, jú₅ quió'₅ 'io₅₄ ně₅.

Jaun₂ co₂tan₅₄ dsi₂jui₅ jaun₂, ca₂o₃'ín₃ jme₂dsí₂ 'lín'₅₄ ca₂téin₂ 'io₅₄.

¹⁹ Jme₁ca₂rē₃lí'₄ dsa₂ juig₅₄ 'io₅₄ 'éi₂, a₂tsá₃ ma₃cuin₅ jmig₄ a₂lí'₂ guē₄ cu₄ quian'₅₄ 'éi₂, jaun₂ ca₂jñai'₃ Pa₄ quian'₅₄ Silas, ca₂tág₃ jui₅ 'ma'₅₄ ne₄ dsi₂tan₅₄. ²⁰ Jaun₂ ca₂i₁jo₅₄ ja₁tián'₄ juē₄, jaun₂ ca₂juá'₂:

—Dsa₂ la₂, i₂lín₅ judíos, i₂nioi₅₄ tsi₂jñi₂₃ dsa₂ juig₂ go₄ jniog₄. ²¹ Qui₂'ě₅ jme₂ti₂₃ dsa₂ tag₄ a₂tsá₃ dsi₂ten₅₄ guéi₁ jniog₄, on₃ guē₂ dsi₂ten₅₄ jua'₅₄ a₂jmo₁, ia₁ dsa₂ romanos bá₄ lág₅.

²² Jaun₂ ca₂nau₂ dsa₂ juig₂ 'nei₂ ca₂jmaí'₂ Pa₄ quian'₅₄ Silas. Jaun₂ ca₂dsi₂ dsi₂tan₅₄ a₂dsi₂uig₅ ni₁tsin'₅₄, jaun₂ ca₂jmo₃ 'éi'₃ a₂bóg₂ ně₃ quian'₅₄ ni₁'ma₂. ²³ Jme₁ma₂dsan₃ bóg₂ 'ñio₅ lín₃, jaun₂ guē₄ ca₂to'₂ né'₃ 'má₃. Ca₂jmo₃ 'éi'₃ a₂jmo₃ dsa₂ i₂niog₅ gu₂ 'né₅ 'má₃ 'i₁ dse₃ lín₃. ²⁴ Dsa₂ 'éi₂ ně₃, jme₁ca₂ñi₂ 'éi'₃ jaun₂, ca₂i₁tio'₂ ca₂tē₂ quióng₄ tsi₁'né₅ 'má₃, le₁tia₃ mi₂tag₅₄ 'ñi₅o₅ tau₂ ni₁'ma₂.

† 16:10 Ja₁lá₃ ca₂jme₃lióg₃ Lucas ca₂jme₃quian'₅₄ Pa₄ quian'₅₄ rñin'₅₄ ja₁jme₁i₂nioi₅₄. Ja₁lá₃ ca₂jme₃lióg₃ juá'₂ “jnia'₅₄” lia'₂ con'₂ jme₁ca₂jmo₃ Si₂ Hechos la₂. ‡ 16:16 lit. “jan₂ 'io₅₄ chi'₂ i₂jme₁jñiog₅ jme₂dsí₂ quió'₅ dsi₂mi'₂ cua₁ pithón.”

²⁵ La₁ con'₂ dsi₃nei₅ jme₁ca₂'ē₃ Pa₄ alabanzas quiain'₅₄ Silas qui₂ca₂tsí'₃ Diú₄, qui₂ca₂nág₂ bá₄ dsa₂ sián'₂ i₂tion'₅₄ 'né₅ 'má₃. ²⁶ Tē₃jē₄ jaun₂, con'₂ tsá₃ ján₅ dsa₂, ca₂i₁bí₅₄ 'uē₃ tiá₂ lín₃, ca₂lia'₂ qui₂ca₂jē'₂ 'uig₅₄ ni'ia'₂ tsi₁'né₅ 'má₃, qui₂ca₂niá₃ ca₂le₃jē₃ o₄'né₄, qui₂ca₂gag₂ ŋí₁ cadenas a₂jme₁le'₁e'₅₄ ca₂le₃jín₃ dsa₂ i₂jme₁tion'₅₄ 'ñió'₃. ²⁷ Jme₁ca₂ñé₃ dsa₂ i₂jmo₅ 'í₁, ca₂jág₃ ma₂le₁na₁ jē₂ o₄'né₄ 'né₅ 'má₃, jaun₂ ca₂dsi₂ ŋi₁tág₂ quió'₅ a₂jme₁ñi'₃ 'ñiog₅. Ia₁ lín₂ ma₂ca₂lón₂ jín₂ bá₄ i₂le₁jní₅ né'₃ 'má₃. ²⁸ La₁ dsi₂jui₅ ca₂guió'₃ Pa₄ ca₂juá'₂:

—Tsá₃ lē₁jmag'₅₄ uig₅ 'ñiag'₂, ia₁ la₂ bá₄ tio'₅₄ jnia'₅₄ ca₂le₃jág₃.

²⁹ Jaun₂ ca₂mí₃ dsa₂ 'éi₂ si₂, jaun₂ ca₂'í₃ co₂chi'₅₄ dsi₂néi₂ tē₃ gó'₅ jlein₂₃ ŋó₃ ca₂chi₃jnë₃ ne₄ Pa₄ quian'₅₄ Silas. ³⁰ Jaun₂ ca₂'uág'₂ tē₂ca₁'né₄, jaun₂ ca₂ñag₃:

—'Nia'₂ dsa₂, ¿'e₂ 'nió'₅ jmo₅₄ jniá₂ ia₁jaun₂ líón₂ jniá₂?

³¹ Jaun₂ ca₂juá'₂ 'éi₂:

—'Én₃ tē₂le₃ quió'₅ Te₁gui'₅₄ Jesucristo, jaun₂ bá₄ tíg₄, quiang'₅₄ ca₂le₃jín₃ dsa₂ dsi₂néi₂ quiáng'₂.

³² Jaun₂ ca₂cuē₃ Pa₄ quian'₅₄ Silas jág₁ dse₃ quió'₅ Te₁gui'₅₄ ca₂cuē'₃ dsa₂ 'éi₂ quian'₅₄ ca₂le₃jín₃ dsa₂ i₂tián'₅ dsi₂néi₂ quió'₅. ³³ Hora jaun₂ a₂'uē₂, dsa₂ i₂niog₅ gu₂ 'né₅ 'má₃ 'éi₂ qui₂ca₂rín'₃ ja₁qui₂le₁cuí'₃ quió'₅ Pa₄ quiain'₅₄ Silas. Jaun₂ 'éi₂ quiain'₅₄ ca₂le₃jín₃ dsa₂ dsi₂néi₂ quió'₅, ca₂jñó₂ jmi₂g₂. ³⁴ Jme₁co₂lág₂ jaun₂, ca₂tág₃ ja₁quió'₄, ca₂i₁cuē₂ a₂guē'₃. Jaun₂ 'io'₂ jmo₂₃ ca₂le₃jín₃, ia₁ ca₂rē₃'éi₂ jág₁ quió'₅ Diú₄.

³⁵ Jme₁jnia₃ jaun₂, ca₂chen₃ juē₄ chí'₂ 'i'₅₄ a₂ca₂i₁chí'₄ dsa₂ i₂niog₅ gu₂ 'né₅ 'má₃, a₂lión₂ dsa₂ 'éi₂. ³⁶ Jaun₂ ca₂juá'₂ dsa₂ i₂niog₅ gu₂ 'né₅ 'má₃ ca₂tsí'₃ Pa₄:

—Ma₂ñig₂ 'éi'₃ quió'₅ juē₄ a₂long₅₄ 'nia'₂. Jaun₂ ma₂lé₂ o₁no'₄ 'nia'₂ tei₄ quiáng'₂.

³⁷ Jaun₂ ca₂juá'₂ Pa₄ ca₂tsí'₃ chí'₂ 'i'₅₄:

—Ca₂chóng'₂ dsa₂ jnia'₅₄, qui₂ca₂bóg₂ tē₃jín₄ dsa₂ juín₅ tē₃ tsá₃ ca₂caún₃ de'₂ jág₁ dsau₅ quián₂ jnia'₅₄ i₂lág₅ dsa₂ tén₅ juig₂ Roma. Jaun₂ guē₄ ca₂to'₂ né'₃ 'má₃. ¿Nē₃ né₃ 'nio₃ líó₂ jnia'₅₄ con'₂ tē₃co'₅₄? Tsá₃ le₂jaun₂. Jui₁ja₂léi₂ guioin₅₄ jui₁ja₂'uag'₅₄, jui₁lia'₂ ca₂to'₂.

³⁸ Jaun₂ guē₄ ca₂i₁con₂ chí'₂ 'i'₅₄ jág₁ jaun₂ ne₄ juē₄, jaun₂ ca₂rē₃gó'₅ jme₁ca₂rē₃ñi₅ a₂lín₅ Pa₄ quian'₅₄ Silas dsa₂ tén₅ Roma. ³⁹ Jaun₂ ca₂i₁len₅₄ dsi₂tan₅₄ ca₂i₁mí₂ o₂'én₂ dso₄ ne₄ Pa₄ quian'₅₄ Silas. Ca₂'uág'₂ bá₄ jaun₂ nē₃, jaun₂ ca₂juá'₂ a₂'uín₃ 'éi₂ juig₂ jaun₂. ⁴⁰ Jme₁ma₂'uín₂ 'éi₂ 'né₅ 'má₃, ca₂i₁lein₃ ja₁quió'₄ 'io₅₄ Lidia. Jme₁ca₂ñi'₂ quiain'₅₄ riín'₅₄, qui₂ca₂cuē₃ bí₂ nē₃, jaun₂ guē₄ ca₂'uín₂ ja₁jaun₂, ca₂i₁lein₅₄ guē₄ juig₂ siá'₂.

17

Ca₂lēs mī'₅₄ juig₂ Tesalónica

¹ Jui₅ ja₁ca₂ñe₄ Pa₄ quiain'₅₄ Silas jaun₂, ca₂i₁ñi₁₂ juig₂ Anfípolis quian'₅₄ juig₂ Apolonia nē₃. Jaun₂ ca₂dsi₃léi₂ juig₂ chei₂ Tesalónica. Ja₁jaun₂ jme₁chí'₄ guá'₅ sinagoga quió'₅ dsa₂ judíos. ² Pa₄ nē₃, ia₁ le₂jaun₂ tén₂ quió'₅, ca₂ñei₅₄ guá'₅. Tē₂lia'₂ ca₂'í₃ tén₃-ni₅ semana ja₁jaun₂, qui₂ca₂dsia₃ jág₁ quian'₅₄ dsa₂ ca₂le₃jē₃ jmi₂g₂ sa₅₄, jui₁lia'₂ jág₁ a₂juá'₂ ne₄ Si₂. ³ Qui₂ca₂cuē₃ jág₁ dsau₅ 'a₂ lia'₂ dsón'₂ 'i₄ 'éi'₃ ne₄ Si₂ quió'₅ Diú₄ a₂juá'₂ a₂tion₅₄ ñág₃ uig₅ I₂rē₂'ín₁ quián₅ Diú₄, jaun₂ cang₂ jē₁ma₂join₂₃, a₂tion₅₄ niog₅ jein'₅₄ táng₃. Jaun₂ caun₂ ca₂juá'₂ bá₄:

—Jesús i₂'ín₅ jniá₂, jág₁ a₂'ē₅ juig₂ 'nia'₂, I₂rē₂'ín₁ quián₅ Diú₄ bá₄ 'éi₂.

⁴ Jaun₂ ca₂rē₃'én₂ i₂lín₅₄ dsa₂ judíos, ca₂jme₃quiain'₅₄ Pa₄ quian'₅₄ Silas. Ján₃ bá₄ ca₂rē₃'én₂ juín₅ dsa₂ griegos i₂jme₁jme₂juín'₂ Diú₄, ca₂rē₃'én₂ juín₅ 'io₅₄ dsen₅₄ nē₃. ⁵ La₁ dsa₂ judíos i₂tsá₃ 'én₂ nē₃, ca₂rē₃'néi₃ a₂dsí'₅. Jaun₂ ca₂jme₃quiain'₅₄ co₂nió'₃ dsa₂ juí'₅ i₂lē₁jme₁i₂nio₄ tsi₁jín₁ jē₄ calle. Ca₂quín'₃ jág₁ quió'₅, ca₂i₁nió₁₂ ca₂tó'₂ mī'₅₄, tsi₂jín₂₃ dsa₂ juig₂. Jaun₂ ca₂i₁toin'₁ tion₅₄-jan₃ ja₁quió'₄ Jásón, a₂jme₁'nio₃ dsein₂₃ Pa₄ quiain'₅₄ Silas, a₂jme₁tē₂ 'éi₂ jín₄ dsa₂ juig₂. ⁶ Ia₁ tsá₃ ca₂dsáin'₂ 'éi₂ ja₁jaun₂, Jásón bá₄ qui₂ca₂tsi₃cuín'₂ quiain'₅₄ guē₄

riin'₅₄ i₂én₂, jaun₂ ca₂tág₃ jui₅ ne₄ta₁, ca₂i₁jang'₂ ne₄ dsi₂tan₅₄, jaun₂ ca₂juá'₂ ca₂lia'₂ guió'₅ tióin'₅₄:

—I₂la₂ bá₄ dsa₂ i₂ñí₄ lë₃ ma₂jmo₃ tsá₃ ma₃caun₂ 'ei₅ jág₁, qui₂ma₂jeín'₂ dsa₂ ta₁caun₂ mi₂güí₃. Le₂jaun₂ bá₄ 'nio₃ jmo₃ ja₁lá₃ ján₃, ta₁ jaun₂ bá₄ ja₂léin₂. ⁷ Jasón la₂ nē₂cuē₃ jmi₂g₄ nē₂jñia₃ dsa₂ 'éi₂ ja₁quió'₄. Ca₂le₃jín₃ 'éi₂ jmo₂₃ a₂tsá₃ dsi₂ten₅₄ jmo₃ lia'₂ con'₂ lë₃ 'éi'₃ quió'₅ gui'₅₄ emperador. Ia₁ i₂nioi₅₄ tsí'₅ dsa₂ a₂chan₂ guē₄ jan₂ rag₅₄ sián'₂, jan₂ i₂chen₂ Jesús.

⁸ Jme₁ca₂nág₂ dsa₂ le₂nē₅, ca₂tóin'₂ go₂'i₃ quian'₅₄ dsi₂tan₅₄. ⁹ La₁ Jasón quian'₅₄ riin'₅₄ ca₂quí₃ cu₄ ne₄ dsi₂tan₅₄, jaun₂ guē₄ ca₂lió₂ dsa₂.

Pablo quian'₅₄ Silas tióin'₅₄ juig₂ Berea

¹⁰ Dsi₂jui₅ le₂jaun₂ ca₂jmo₃ riin'₅₄ a₂ñó₃ Pa₄ quian'₅₄ Silas tē₃ a₂'uē₂ jui₅ Berea. Jme₁ca₂dsi₃léin₂ ja₁jaun₂, i₁lein₅₄ dsi₂jui₅ dsi₂néi₂ guá'₅ sinagoga quió'₅ dsa₂ judíos. ¹¹ Dsa₂ judíos i₂jme₁tián'₄ ja₁jaun₂ jme₁dsein₃ con'₂ guē₄ dsa₂ juig₂ Tesalónica. Lia'₂ 'i₄ rē₂ jág₁ bá₄ ca₂gue₃ jág₁ dse₃ quió'₅ Diú₄. Jaun₂ ca₂le₃jē₃ jmi₂g₄ bá₄ jme₁'no'₂ ne₄ Si₂ quió'₅ Diú₄, ia₁ 'nio₃ le₃ñi₅ chi₂jua'₂ dsón'₂ bá₄ le₂jaun₂ lë₃ jág₁ a₂cuē₅ Pa₄ quian'₅₄ Silas. ¹² Juin₅ bá₄ dsa₂ judíos 'éi₂ ca₂rē₃'én₂. Jáñ₃ bá₄ le₂jaun₂ juin₅ dsa₂ griegos, lia'₂ dsa₂ ñe'₂ lia'₂ 'io₅₄ dsen₅₄ nē₃. ¹³ La₁ jme₁ca₂rē₃ñi₅ dsa₂ chan₂ Tesalónica a₂'en₅₄ Pa₄ 'ē₅ dsa₂ jág₁ dse₃ quió'₅ Diú₄ juig₂ Berea jáñ₃, jaun₂ ca₂i₃léin₂ ja₁jaun₂, ca₂chi₂ca₂jain₃ dsa₂. ¹⁴ La₁ co₂tan₅₄ ca₂chei₃ riin'₅₄ ca₂chein₃ Pa₄ chei'₅₄ jmi₁ñí'₄. Ca₂jñia₃ bá₄ Silas quian'₅₄ Timoteo juig₂ Berea. ¹⁵ Ca₂i₁jio₃ dsa₂ i₂jme₁quian'₅₄ Pa₄ ca₂i₁jñiai₃ 'éi₂ ca₂tē₂ juig₂ Atenas. Jaun₂ ca₂i₃lein₃ táng₃ le₁quion₂ jág₁ quió'₅ Pa₄ a₂jíá₃ Silas quian'₅₄ Timoteo a₂dsi₃jme₃quiong'₅₄ dsi₂jui₅.

'En₅₄ Pablo juig₂ Atenas

¹⁶ Tē₂lia'₂ 'en₅₄ Pa₄ chi₁jñiai₂₃ Silas quian'₅₄ Timoteo juig₂ Atenas, tsá₃ dse₃ 'ei₅ dsí₅, ia₁ ca₂jíin₂ juin₅ lin₃ diú₄ lag₄ tión₂ le₂tan₅₄ jē₄ juig₂. ¹⁷ Jaun₂ ca₂i₁'ē₄ jág₁ dse₃ dsi₂néi₂ guá'₅ sinagoga, ca₂tsí'₃ dsa₂ judíos, dsa₂ sián'₂ nē₃ i₂jme₂juin'₂ Diú₄ tē₃dsón'₂. Ca₂le₃jē₃ jmi₂g₄ nē₃, qui₂ca₂'ē₂ Pa₄ jág₁ dse₃ jē₄ 'ma'₅₄ ca₂tsí'₃ ca₂le₃jín₃ dsa₂ i₂jme₁jein'₂ ja₁jaun₂. ¹⁸ I₂lin₅₄ dsa₂ i₂jme₁jme₂tag₅ si₂ quió'₅ dsa₂ i₂tē'₂ dsa₂ epicúreos, i₂lin₅₄ guē'₂ i₂jme₁jme₂tag₅ si₂ quió'₅ i₂tē'₂ dsa₂ estoicos, dsa₂ 'éi₂ ca₂jme₃lióg₃ ca₂dsia₃ jág₁ quian'₅₄ Pa₄. I₂lin₅₄ guē'₂ dsia₅ tsí'₅ riin'₅₄:

—Tsá₃ ne₄ 'e₂ bá₄ jág₁ quian'₅₄ i₁ten'₅₄ nē₅ a₂juá'₂ tság₃ jniog₄.

I₂lin₅₄ guē'₂ juá'₂ táng₃:

—Mei'₂ tsá₃ i₂'ē₂ jág₁ quió'₅ diú₄ sián'₂ i₂quián₅ dsi₂nau₂ bá₄ nē₅.

Jaun₂ bá₄ juá'₂ le₂jaun₂, ia₁ 'en₅₄ Pa₄ 'ē₂ jág₁ dse₃ quió'₅ Jesús, 'a₂ lia'₂ ca₂jein'₅₄ táng₃.

¹⁹ Jaun₂ ca₂jñiai₃ Pa₄ caun₂ ja₁chei₂ Areópago. Jme₁ca₂dsi₃léin₂ ja₁jaun₂, ca₂ñí'₃ Pa₄ ca₂juá'₂:

—¿Lé₂ le₃ne₄jñia'₅₄ 'e₂ jág₁ 'mí₂ dsia'₂ a₂jme₂tág'₂? ²⁰ 'Niog₂ jñia'₅₄ le₃ne₄ 'e₂ jein₅ jág₁ a₁juá'₂ 'ne₂ nē₅. Ja₂lin₃ guē₄ siá'₂ né'₂.

²¹ Ia₁ ca₂le₃jín₃ bá₄ dsa₂ chan₂ Atenas, quian'₅₄ dsi₂nau₂ i₂jme₁tián'₄ ja₁jaun₂, jmá'₃ a₂jaun₂ bá₄ jme₁tiin₂ qui₂jmo₂₃: qui₂nag₂₃, qui₂dsia₂₃ nē₃, jmá'₃ ca₂ne₅₄ jág₁ 'mí₂ a₂cha₂.

²² Jaun₂ ca₂nau₂ Pa₄ dsi₂jo₂ ja₁le₁ñi'₂ dsa₂ jaun₂, jaun₂ ca₂juá'₂:

—'Nia'₂ dsa₂ chan₂ Atenas, jág₅ jniá₂ 'ñio₅ 'én'₂ 'nia'₂ tē₂le₃ quió'₅ diú₄ lag₄ quián'₂ 'nia'₂.

²³ Ia₁ lia'₂ con'₂ ca₂ñi₅ jniá₂ ca₂jág₃ ja₁chi₁len'₄ 'nia'₂ diú₄ lag₄ quiáng'₂, ca₂jág₃ caun₂ ja₁lë₄ ne₄chei₂ le₁ton₅ letras la₂, a₂juá'₂: “QUIÓ'₅ DIÚ₄ I₂TSÁ₃ CUñ₅ DSA₂.” Ia₁ dse₃ bá₄ guē'₂ jaun₂. Diú₄ 'éi₂ i₂chi₁len'₄ 'nia'₂, Diú₄ i₂tsá₃ cuñ'₂ 'nia'₂, i₂'éi₂ bá₄ 'ín₄ jniá₂, jág₁ quió'₅ 'éi₂ bá₄ 'ē₅ jniá₂, juí₂ 'nia'₂.

²⁴ 'Diú₄ 'éi₂ i₂ca₂jmo₃ mi₂güí₃, ca₂jmo₃ ca₂le₃jē₃ 'e₂ a₂cha₂ ja₁jaun₂, 'éi₂ bá₄ quió'₅ guei'₅₄ mi₂güí₃ quian'₅₄ gua'₅₄ 'uē₃ nē₃. La₁ tsá₃ guá₅ dsi₂néi₂ guá'₅ a₂jmo₅ dsa₂ mi₂güí₃, ²⁵ on₃ guē'₂ chi₁quian₁₂ jmi₂g₄ jua'₅₄ a₂'nió'₅ jmo₃ dsa₂ 'e₂ jmo₃ quió'₅. Ia₁ 'ñiog₅ bá₄ Diú₄ jmo₂₃ cuē₂₃ jme₂dsí₂ quián₂ jniog₄, jmo₂₃ dsí₂ a₂quian₂ jniog₄, ca₂jmo₃ ca₂le₃jē₃ guē₄ 'e₂ a₂cha₂.

²⁶ 'Quian'₅₄ ca₂cho'₅₄ dsa₂ bá₄ ca₂jmo₃ ca₂le₃jě₃ juig₂, ia₁jaun₂ tiain'₃ ta₁caun₂ mi₂güig₃. Jaun₂ ca₂jmo₃ Diú₄ 'éi'₃ ca₂ě₃ ja₁tian'₃ dsa₂ ně₃, 'a₂ con'₂ uě₂ 'io₃ bí₂ le₂caun₂ le₂caun₂ juig₂, ²⁷ ia₁jaun₂ 'nai'₂ Diú₄, a₂jnia'₅₄ chi₂lá'₂ quian'₅₄ gu₂, con'₂ tsá₃ ŋó₅ ně₁ca₂dsáu'₂, o₁jnia'₅₄ la₂ tsá₃ uing₂ guá₅ Diú₄ ja₁con₂ jniog₄ le₂jau₂ le₂jau₂. ²⁸ Ia₁ a₂chan₂ Diú₄ bá₄ a₂chong₂ jniog₄ a₂i₂nio₄ jniog₄ ně₃. * Ju₁lia'₂ ma₂ca₂juá'₂ i₂lin₅₄ dsa₂ poetas quián'₂ 'nia'₂ ján₃, jme₁ca₂juá'₂: “Chi'₂-guein₂ quián₅ Diú₄ bá₄ lág₅ jniog₄.” ²⁹ Chi₂jua'₂ lág₅ jniog₄ chi'₂-guein₂ quián₅ Diú₄, jaun₂ tsá₃ dse₃ jua'₅₄ a₂jmo₁ jniog₄ dsi₅ a₂lín₅ Diú₄ ju₁lia'₂ lě₅ caun₂ nió'₄ dsa₂ lag₄ cu₄nióg₄, on₃ guě'₂ cu₄tiog₂, on₃ guě'₂ ni₁cang₁ a₂tin₂ dsa₂ jmo₂₃ con'₂ lě₅ dsi₂jio₅ dsi₅ guioin₅₄. ³⁰ Tsá₃ lin₄ ca₂tón'₃ Diú₄ ju₁ 'a₂ lia'₂ ca₂jmo₃ dsa₂ ma₂líg'₂, ia₁ tsá₃ 'e₂ ŋi₅ dsa₂. La₁ rě₂ně₃ ně₃, jmo₅ Diú₄ 'éi'₃ quió'₅ dsa₂ chan₂ ta₁caun₂ mi₂güig₃ a₂'nió'₅ dsi₃quén'₅ dsi₅. ³¹ Ia₁ ma₂lě₅ 'éi'₃ quió'₅ Diú₄ a₂já₅ caun₂ jmig₄ jě₁qui₃dsi₂₃ 'éi'₃ rě₂ con'₂ dsi₂ten₅₄ quió'₅ dsa₂ mi₂güig₃, tě₂le₃ quian'₅₄ jan₂ dsa₂ i₂ca₂quióin'₂ quiáin₅. Jaun₂ ma₂ca₂jmo₃ léi₄ lia'₂ con'₂ jme₁ca₂jme₃jein'₅₄ 'éi₂ jin₄ 'lag₄.

³² Jme₁ca₂nág₂ dsa₂ ca₂juá'₂ Pa₄ a₂jen'₅₄ 'lag₄, i₂lin₅₄ dsa₂ jnia'₅₄ ca₂nág₂ bá₄. I₂lin₅₄ guě'₂ ca₂juá'₂:

—Ně₅ néi₁ táng₃ jnia'₅₄ caun₂ jmig₄ siá'₂ quiáng'₂.

³³ Jaun₂ ca₂o₂'ín₃ bá₄ Pa₄ jě₄ jaun₂.

³⁴ La₁ i₂lin₅₄ dsa₂ ca₂rě₃'éin₂ bá₄, jaun₂ ca₂'ein₃ 'éi₂. Jě₄ jaun₂ jme₁'en₅₄ i₂chen₂ Dionisio i₂lín₅ rin'₅₄ dsi₂tan₅₄ quián₅ Areópago; jan₂ guě'₂ 'io₅₄ ně₃ i₂chen₂ Dámaris; lě₂ bá₄ guě₄ dsa₂ i₂quiong'₅₄.

18

En₅₄ Pablo juig₂ Corinto

¹ Cang₂ jaun₂ ca₂o₃'ín₃ Pa₄ juig₂ Atenas, ca₂ŋó₃ ju₁ Corinto. ² Ja₁jaun₂ ca₂jein'₂ jan₂ dsa₂ judío i₂chen₂ Aquila i₂chan₂ 'uě₃ Ponto. Jme₁guá₄ 'uě₃ Italia le₃jniá₅, la₁ ca₂jmo₃ 'éi'₃ gui'₅₄ emperador Claudio a₂ca₂'uúin'₂ ca₂le₃jín₃ dsa₂ judíos i₂jme₁tián'₄ juig₂ Roma. 'Uig₅₄ jaun₂ ca₂o₃'ín₃ quiain'₅₄ Priscila 'io₅₄ quiáin₅, a₂ma₂tián'₅ juig₂ Corinto. Jme₁ca₂dsióg₃ Pa₄ ca₂i₁jín₁₂ dsa₂ 'éi₂, ³ jaun₂ ca₂'í₃ ja₁quió'₄, ca₂jmo₃ ta₁ co₂lě₅ quiong'₅₄, ia₁ ján₃ bá₄ tiin₂ 'me₃ tsi₁'mi'₂ a₂jmo₅ dsa₂ tsi₁'né₅. ⁴ Jaun₂ ca₂le₃jě₃ jmig₄ sa₅₄, jme₁dsó₅ Pa₄ guá'₅ sinagoga a₂jme₂tiin₂₃ dsa₂ jág₁ dse₃, a₂jme₁jme₂'uáin₂ dsi₅ dsa₂, lia'₂ dsa₂ judíos lia'₂ dsi₂nau₂ ně₃. ⁵ Jme₁dsióg₃ Timoteo quiain'₅₄ Silas a₂ca₂'uúin₂ Macedonia, a₂dsi₃léin₂ tě₂ja₁'en₅₄ Pa₄, jaun₂ guě₄ ca₂'ě₂ Pa₄ dsen₅₄ dsi₅ jág₁ quió'₅ Diú₄. Jaun₂ guě₄ ca₂tsí'₃ dsa₂ judíos a₂lín₅ Jesús dsa₂ I₂rě₂'ín₁ quián₅ Diú₄. ⁶ La₁ dsa₂ ně₃, 'io₅₄ ca₂tiin₂ jág₁ jaun₂, jaun₂ ca₂jme₃lióg₃ qui₂ca₂jná'₂ jág₁ uig₅ Pa₄. 'Éi₂ ně₃ qui₂ca₂séi'₂ 'liog₂ ni₁tsin'₅₄, jaun₂ ca₂tsí'₃ dsa₂:

—Guion'₅₄ bá₄ 'nia'₂ le₁cáng'₄ a₂dsián'₃ 'nia'₂ lia'₂ jma₃quian'₅₄ dsáu'₂. Tsá₃ ma₃'e₂ le₁cán'₄ jniá₂. Le₃ne₄ ju₁ ně₃ nei₅₄ ja₁con₂ dsi₂nau₂.

⁷ Ca₂o₃'ín₃ bá₄ Pa₄ dsi₂néi₂ guá'₅ sinagoga jaun₂ ně₃. Ca₂ŋó₃ ja₁quió'₄ jan₂ dsa₂ i₂chen₂ Justo i₂jme₁jme₂juin'₂ Diú₄. Justo 'éi₂ ně₃, jme₁guá₄ cau₅ guá'₅. ⁸ Dsa₂ i₂jme₁lín₄ dsa₂ dsen₅₄ quián₅ guá'₅, dsa₂ i₂chen₂ Crispo, ca₂rě₃'éin₂ tě₂le₃ quió'₅ Te₁gui'₅₄, co₂dsia₅ quian'₅₄ dsa₂ dsi₂néi₂ quió'₅. Juin₅ bá₄ dsa₂ chan₂ Corinto ca₂rě₃'én₂ jág₁ dse₃ jme₁ca₂nág₂, jaun₂ qui₂ca₂choin₃ jmig₂. ⁹ Caun₂ a₂'uě₂, a₂lě₁ca₂jén'₃ Pa₄ ca₂jín₂ Te₁gui'₅₄, a₂juá'₂:

—Tsá₃ lě₁jmo₂ gang'₃ a₂'ě₄ jág₁. Caun₂ dsia₄ bá₄, tsá₃ lě₁jmo₂ tei₄. ¹⁰ Ia₁ quian'₅₄ bá₄ jniá₂ 'ne₂; 'i₁jan₂ tsá₃ téi₂ gu₂ jua'₅₄ a₂j móg'₂ uig₅. Ia₁ juin₅ dsa₂ chan₂ juig₂ la₂ i₂le₃'én₂ quiáng₃.

¹¹ Caun₂ ŋi₂ tě₂ ca₂'nau₅₄ ca₂'í₃ Pa₄ juig₂ Corinto, qui₂ca₂jme₃tiin₂₃ dsa₂ jág₁ quió'₅ Diú₄.

* 17:28 lit. “a₂chong₂, a₂i₂nio₄ jniog₄, a₂'i₄ jme₂dsi₂ jniog₄.”

¹² La₁ jmig₄ jaun₂ ca₂lin₃ dsi₄má'₂ 'uë₃ Acaya jan₂ dsa₂ i₂chen₂ Galión. Jaun₂ ca₂ñi'₂ dsa₂ judíos i₂'ñia₅₄ Pa₄, ca₂tág₃ jui₅ ne₄ta₁. ¹³ Jaun₂ ca₂juá'₂ ca₂tsí'₃ dsi₄má'₂ 'éi₂:

—Le₂siá'₂ bá₄ jme₂tag₅ i₂në₅, toin'₂ jág₁ dsa₂, a₂jme₃juin'₂ Diú₄ on₃jua'₅₄ lia'₂ con'₂ lë₅ 'Éi'₃.

¹⁴ Jë₁jme₁ma₂ñag₃ Pa₄, jme₁ca₂juá'₂ Dsi₄má'₂ Galión ca₂tsí'₃ dsa₂ judíos:

—Jua'₅₄ mei'₂ guë₃ dso₄ juë'₂ ca₂rë₃cán'₂ dsa₂ në₅, jme₁jmo₅₄ bá₄ jniá₂ juin'₂ dsi₃ a₂jme₁nag₅₄ jág₁ quián'₂ 'nia'₂. ¹⁵ La₁ tsá₃ le₂jaun₂. Chi₂jua'₂ 'uig₅₄ jág₁ 'éi'₃ juá'₅ siá'₂ quián'₂ 'nia'₂ guiong'₅₄, tsá₃ 'éi'₃ qui₁dsi₅ jniá₂. Jme₁rë₂ bá₄ 'nia'₂ guiong'₅₄ quiáng'₂.

¹⁶ Jaun₂ ca₂'uág'₂ ca₂'uín'₂ 'éi₂ ne₄ta₁ jaun₂. ¹⁷ Jaun₂ ca₂jñau'₃ ca₂le₃jín₃ dsa₂ griegos ca₂jñai'₃ Sóstenes i₂lín₅ juig₅₄ quián₅ guá'₅ sinagoga, qui₂ca₂bóg₂ tē₃ jág₅ dsi₄má'₂. La₁ tsá₃ ma₃a₂jaun₂ dsan₂ dsi₅gui'₅₄ Galión, 'i₁caun₂.

Ca₂jón'₃ táng₃ Pablo juig₂ Antioquía, jaun₂ ca₂ñó₃ táng₃ ca₂i₁'ë₄ jág₁ dse₃ jë₁ca₂të₂ 'nag'₂ ráun₂

¹⁸ Uë₂ bá₄ guë₄ ca₂jñia₃ Pa₄ jë₄ juig₂ Corinto. Cang₂ guë₄ jaun₂ ca₂'ág'₃ jág₁ riin'₅₄. Jme₁ma₂tioin'₅₄ juig₂ Cencrea në₃, ca₂chéi₃ Pa₄ dsi₅₄ ca₂jmo₃ léi₄ a₂ca₂jme₃ti₃ jág₁ a₂ma₂cuë'₃ Diú₄ le₂jñiá₅. Jaun₂ ca₂'í₃ ni₁barco ca₂ñó₃ jui₅ ja₁tén₄ Siria quian'₅₄ Priscila, Aquila në₃. ¹⁹ Jme₁ca₂dsi₃lén₂ juig₂ Efeso, ca₂tén₂ Pa₄ Priscila quian'₅₄ Aquila, ca₂ñó₃ jui₅ guá'₅ sinagoga ca₂i₁dsia₂ jág₁ quian'₅₄ dsa₂ judíos i₂jme₁tion'₅₄ le₁ñi'₂. ²⁰ Jme₁ca₂juá'₂ guë₄ dsa₂ ja₁jaun₂ a₂jme₁jñia₃ guë₄ uë₂ Pa₄, la₁ tsá₃ ma₃ca₂gue₃ 'éi₂. ²¹ Jaun₂ ca₂'ág'₃ jág₁ jin₄ riin'₅₄, ca₂juá'₂:

—Tion₅₄ niog₅ nég'₄ Jerusalén i₁jmo₃ jmig₄ a₂já₅. La₁ guáng₂ bá₄ táng₃ i₁jing₁₂ 'nia'₂ në₁jua'₂ 'nio₃ Diú₄.

Jaun₂ ca₂'í₃ ni₁barco ca₂o₃'íin₃ juig₂ Efeso. ²² Jme₁ca₂dsióg₃ Cesarea, ca₂ñe₄ Pa₄ i₁cuin₃ Diú₄ riin'₅₄ i₂tián'₅ Jerusalén. Jaun₂ ca₂ñái'₃ táng₃ jui₅ Antioquía. ²³ Jme₁ma₂ne₁ñó₄ jmig₄ 'ein₅₄ ja₁jaun₂, ca₂ñei₅₄ táng₃ ca₂i₁ñi₂ le₂caun₂ le₂caun₂ juig₂ ja₁tén₄ 'uë₃ Galacia quian'₅₄ Frigia, qui₂ca₂cuë'₃ bí₂ ca₂le₃jín₃ dsa₂ i₂'én₂ riin'₅₄.

Ca₂'ë₂ Apolos jág₁ dse₃ juig₂ Efeso

²⁴ Jmig₄ jaun₂ ca₂dsióg₃ Efeso jan₂ dsa₂ judío i₂chen₂ Apolos, dsa₂ chan₂ juig₂ Alejandría. 'Nio₅ lín₃ jme₁tin₂ dsa₂ 'éi₂ 'ë₂ jág₁ quió'₅ Diú₄, dse₃ jme₁cuí'₅ Si₂ quió'₅ Diú₄. ²⁵ Jme₁ma₂ñi₅ Apolos 'éi₂ 'a₂ lia'₂ lë₅ jui₅ quió'₅ Te₁gui'₅₄. Jaun₂ 'ñio₂ dsi₅ qui₂ca₂dsia₃ jág₁ qui₂ca₂jme₂tiin₂₃ dsa₂ co₂rë₂ jág₁ quió'₅ Jesús, ton'₂ jmá'₃ jñia'₅₄ a₂jaun₂ bá₄ jme₁ñi₅ Apolos 'a₂ lia'₂ jme₁jme₂tag₅ Juan₅₄ jui₁lia'₂ a₂choin₂₃ dsa₂ jmig₂. ²⁶ Ca₂jme₃lióg₃ Apolos ca₂juá'₂ dsi₂néi₂ guá'₅ sinagoga ca₂tsí'₃ dsa₂, ca₂dsia₃ tiá₂ dsi₅; la₁ jme₁ca₂nág₂ Priscila quian'₅₄ Aquila, ca₂të'₃ Apolos cau₅, ca₂jme₃tag₂₃ guë₄ rë₂ 'a₂ lia'₂ lë₅ jui₅ quió'₅ Diú₄. ²⁷ Jaun₂ në₃, lia'₂ con'₂ jme₁'nio₃ Apolos jme₁ñi₃ jui₅ Acaya, ca₂cuë₃ riin'₅₄ bí₂, ca₂chein₃ si₂ carta ne₄ dsa₂ 'én₂ i₂tián'₅ ja₁jaun₂, a₂guein₃ 'éi₂. Jme₁ca₂dsióg₃ Apolos 'uë₃ Acaya, ca₂jme₃'oin₅₄ 'ñio₅ dsa₂ 'én₂ i₂tián'₅ ja₁jaun₂. Ia₁ a₂dse₃ dsi₅ Diú₄ ca₂jmo₃ a₂ca₂rë₃'én₂ dsa₂ 'éi₂. ²⁸ Jaun₂ qui₂ca₂tsiin₂ quian'₅₄ dsa₂ judíos, jaun₂ ca₂lí'₃ bá₄ Apolos ne₄ ja₁tsiin₂₃ jaun₂, tē₃ jág₅ ca₂le₃jín₃ dsa₂. Ia₁ lia'₂ con'₂ lë₅ Si₂ quió'₅ Diú₄ bá₄ ca₂'ë₃ dsa₂ 'éi₂, a₂dsón'₂ bá₄ lín₅ Jesús I₂rë₂'ín₁ quián₅ Diú₄.

19

'En₅₄ Pablo juig₂ Efeso

¹ Të₁lia'₂ 'en₅₄ Apolos juig₂ Corinto, Pa₄ guë'₂ ca₂ñi₃ le₂tan₅₄ jui₅ má'₂ a₂ca₂dsióg₃ Efeso. Ja₁jaun₂ ca₂jein'₂ i₂lín₅₄ dsa₂ 'én₂. ² Jaun₂ ca₂ñag₃ 'éi₂ ca₂ñi₃ dsa₂ ca₂juá'₂:

—¿Ca₂guen'₅₄ 'nia'₂ Jme₂dsi₂ Jñiós₅ lia'₂ con'₂ jme₁ca₂rë₃'én₂ 'nia'₂ jág₁ dse₃?

Jaun₂ ca₂ñag₃ dsa₂:

—Ca₂lia'₂ jñia'₅₄ tsá₃ ma₂ne₄ jnia'₅₄ jua'₅₄ chan₂ jan₂ Jme₂dsi₂ Jñiós₅.

³ Jaun₂ ca₂ñag₃ táng₃ Pa₄:

—¿'A₂ guë'₂ lia'₂ ca₂jñó'₂ 'nia'₂ jmig'₂?

Ca₂ñag₃ táng₃ dsa₂:

—Jui₁lia'₂ ca₂jme₃tag₅ Juan₅₄ bá₄.

⁴ Ca₂juá'₂ Pa₄:

—Jme₁chon₅ Juan₅₄ jmig₂ dsa₂ co₂'nió'₄ léi₄ a₂jme₃tsín₃ dsa₂ dsí₅. La₁ jme₁juá'₂ ján₃, a₂'nió'₅ le₃'én₂ dsa₂ le₃quió'₅ i₂jiá₃ chi₁quín₃, a₂'iin₂₃ Jesucristo.

⁵ Jme₁ma₂ně₂néi₂ dsa₂ le₂ně₅, qui₂ca₂choin₃ jmig₂ lia'₂ con'₂ lě₅ 'éi'₃ quió'₅ Te₁gui'₅₄ Jesús.

⁶ Jaun₂ jme₁ca₂quilog₂ Pa₄ gu₂ ne₄ quió'₅ dsa₂ 'éi₂, dsi₂jui₅ le₂jaun₂ ca₂guan₃ Jme₂dsí₂ Jñió₅ ca₂'í₃ tē₂dsí₅ dsa₂. Jaun₂ qui₂ca₂dsia₃ dsa₂ jág₁ jmei₅ siá'₂, qui₂ca₂juá'₂ jág₁ a₂ca₂cuē₃ Diú₄ ně₃. ⁷ Con'₂ guia₃-tín₂ dsa₂ jme₁lě₂ le₃jín₃.

⁸ Con'₂ 'ni₅ tsí'₂ ca₂dsin₃ a₂jme₁dsó₅ Pa₄ guá'₅ sinagoga ca₂dsia₃ tiá₂ dsí₅ ca₂jme₃tiin₂₃ dsa₂ qui₂co₂jéin'₂ dsa₂ tē₂le₃ ja₁gon₂ Diú₄. ⁹ La₁ i₂lin₅₄ dsa₂ ca₂jmo₃ 'ua'₂ dsí₅, tsá₃ ca₂rě₃'éin₂. Jñia'₅₄ qui₂ca₂ton₃ 'lig'₅₄ bá₄ Jui₅ quió'₅ Te₁gui'₅₄ jin₄ dsa₂. Jaun₂ ca₂tě₃ Pa₄ co₂nió'₃ jmá'₃ dsa₂ i₂'én₂ ca₂'uín₂ ja₁jaun₂ ca₂i₃léin₂ caun₂ escuela ja₁tě₂ quió'₅ Tirano ja₁táun₂ dsa₂ jág₁. Ja₁jaun₂ ca₂i₁jme₁tiin₂₃ dsa₂ ca₂le₃o₃ jmig₄. ¹⁰ Ca₂dsin₃ tin₃ ñi₂ ca₂'í₃ ja₁jaun₂, jaun₂ le₃jín₃ dsa₂ i₂jme₁tián'₄ 'lóng₂ juig₂ ja₁tén₄ Asia ca₂nág₂ jág₁ quió'₅ Te₁gui'₅₄ Jesús lia'₂ dsa₂ judíos lia'₂ dsa₂ griegos ně₃. ¹¹ Jaun₂ 'lóng₂ léi₄ juě'₂ ca₂jmo₃ Diú₄ tē₂le₃ quian'₅₄ Pa₄, ¹² le₂jio₅ ni₁tsin'₅₄ dsa₂, o₃ pe₁guí₄ 'e₂ a₂qui₂ca₂ni'₃ quió'₅, jme₁qui₂dsi₂con₃ dsa₂ ja₁con₂ dsa₂ dso'₅₄, qui₂ca₂'lón₂ dsa₂ 'e₂ caun₂ dso₄ niog₅ lín₅, qui₂ca₂'uín₂ jme₂dsí₂ 'lin'₅₄ quió'₅ dsa₂ ně₃.

¹³ La₁ i₂lin₅₄ dsa₂ judíos i₂jme₁i₂nio₄ jmo₂₃ 'uín'₂ jme₂dsí₂ 'lin'₅₄ quió'₅ dsa₂,* dsa₂ 'éi₂ jme₁nio₃ jme₁'iin₃ Te₁gui'₅₄ Jesús jui₁lia'₂ jě₁'uín'₂ jme₂dsí₂ 'lin'₅₄, ca₂juá'₂ tsí'₅ jme₂dsí₂ 'lin'₅₄.

—Éi'₃ jmo₅ jniá₂ quian'₅₄ bí₂ 'éi'₃ quió'₅ Jesús i₂'in₅ Pa₄ ně₅, 'uín'₂ 'nia'₂.

¹⁴ Le₂jaun₂ jme₁jmo₅ ta₁guion₃ chi'₂ ja₁ñi'₅₄ jan₂ dsa₂ judío i₂chen₂ Esceva, i₂jme₁lín₄ jan₂ juig₅₄ jme₂dsa₂. ¹⁵ La₁ jme₁ca₂jmo₃ le₂jaun₂, jaun₂ ca₂ñag₃ jme₂dsí₂ 'lin'₅₄:

—Cuín₅ bá₄ jniá₂ Jesús, ján₃ bá₄ guion₄ bá₄ jniá₂ 'ein₂ 'éi₂ Pa₄. La₁ 'nia'₂ ně₃, ¿'ein₂ bá₄ 'nia'₂ jmo₂ 'éi'₃ a₂jú₄ jniá₂?

¹⁶ Jaun₂ dsa₂ i₂jme₁'en₅₄ jme₂dsí₂ 'lin'₅₄ quió'₅, ca₂cuē₃ 'ñio₅ lín₃ ca₂cuē₃ ca₂le₃jín₃ dsa₂ 'éi₂, ca₂lia'₂ ca₂i₃leín₃ cuing₂₃ le₁cuáin'₃ qui₂le₁cuín'₂ ně₃. ¹⁷ Jaun₂ ca₂le₃jín₃ dsa₂ judíos, quian'₅₄ dsa₂ griegos ně₃, i₂jme₁tián'₄ juig₂ Efeso, ca₂rě₃gó'₅ 'ñio₅ lín₃ jme₁ca₂rě₃ñi₅. Jaun₂ ca₂rě₃juin'₂ Te₁gui'₅₄ Jesús 'ñio₅ lín₃.

¹⁸ Jaun₂ juin₅ dsa₂ i₂ca₂rě₃'én₂, ca₂dsiléin₂ ca₂jmo₃ qui₂ñi₃ quió'₅ ca₂le₃jě₃ a₂'lig'₅₄ a₂qui₂ma₂jmo₃. ¹⁹ Jaun₂ juin₅ dsa₂ i₂jme₁jmo₅ ta₁ a₂chan₂ dsí₅ ně₃, ca₂i₁quian₅₄ si₂ lia'₂ quió'₅, jaun₂ ca₂dsí₂ tē₃ jág₅ dsa₂. Jme₁ca₂chen₃ dsa₂ cuenta je₂liá'₂ dsin₅ 'i₄ 'ma'₅₄ le₃jě₃ si₂ jaun₂, ca₂dsióg₃ con'₂ tē₂láu₃-guiá₂ mei₅ 'éi'₃ cu₄ tiog₂. ²⁰ Jaun₂ ně₃, quian'₅₄ bí₂ quió'₅ Te₁gui'₅₄ caun₂ ca₂i₃'ág₃ jág₁ quió'₅, caun₂ ca₂lí₃ bá₄.

²¹ Cang₂ jaun₂ ca₂'ág₂ Pa₄ caun₂ dsí₅ a₂dsi₃jág₂ le₂tan₅₄ juig₂ ja₁tén₄ 'uē₃ Macedonia quian'₅₄ Acaya, lia'₂ ma₂ñó₅ jaun₂ tē₂ Jerusalén. Ján₃ bá₄ ca₂juá'₂ táng₃, jě₁ma₂ca₂dsióg₃ Jerusalén, a₂tion₅₄ dsó₃ ca₂tē₂ Roma ján₃. ²² Jaun₂ ca₂chein₃ on₃ dsa₂ i₂jme₂'o₅₄† quiáin₅: Timoteo, quiaín₅₄ Erasto, a₂dsi₃léin₂ jui₅ Macedonia. Ca₂rě₃'iin₅₄ bá₄ guē₄ 'ñiog₅, 'uē₃ Asia.

Ca₂nio₃ mi'₅₄ juig₂ Efeso

²³ Jmig₄ jaun₂, 'ñio₅ lín₃ ca₂nio₃ mi'₅₄ o₄quió'₄ Jui₅ quió'₅ Te₁gui'₅₄. ²⁴ Ia₁ jan₂ dsa₂ i₂chen₂ Demetrio i₂jme₁lín₄ tē₅ñi₁ cu₄tiog₂, jme₁jmo₂₃ chéi₂ a₂rě₂lag₄ lia'₂ lě₅ guá'₅ ja₁chén₄ 'io₅₄ diú₄ Diana.† 'Nio₅ jme₁tiin₂₃ cu₄ quian'₅₄ ta₁ jaun₂ quió'₅, quian'₅₄ tē₅ñi₁ riin'₅₄ i₂jmo₅ ta₁ le₂jaun₂.

* **19:13** griego: exorkiston (exorcistas). † **19:22** griego: diákonous. ‡ **19:24** griego: Artemis; (Diana chein₂ quian'₅₄ latín, jág₁ jmei₅ romano).

25 Jaun₂ Demetrio ně₃, ca₂ŋi' ₂ 'éi₂ quian' ₅₄ guě₄ dsa₂ sián' ₂ i₂jmo₅ ta₁ le₂jaun₂ ján₃. Jaun₂ ca₂juá' ₂:

—'Nia' ₂ dsa₂ rin' ₅₄ jniog₄, ŋi' ₅₄ bá₄ 'nia' ₂ rē₂, a₂chong₂ jniog₄ dse₃ quian' ₅₄ ta₁ quián₂.

26 Jaun₂ jág' ₂ bá₄ 'nia' ₂ a₂jmo₅ Pa₄ ŋi₂₃ juá' ₂ tsí' ₅ dsa₂, a₂tsá₃ 'e₂ quen₅ diú₄ i₂jmo' ₂ dsa₂ mi₂güig₃, ia₁ tsá₃ lín₅ diú₄, juá' ₂. Jaun₂ juin₅ dsa₂ i₂ma₂ca₂rē₃'én₂ ně₃, on₃jua' ₅₄ jmá' ₃ juig₂ Efeso la₂, mei' ₂ tsá₃ le₂tan₅₄ 'uě₃ Asia bá₄. 27 Jaun₂ go' ₂ tē₂le₃ quián₂ jniog₄, ia₁ dsi₃'én₂ ta₁ quián₂ lé₂. Ján₃ guě' ₂ le₂jaun₂, tē₂le₃ quió' ₅ guá' ₅ quió' ₅ diú₄ Diana juin' ₂, go' ₂ a₂dsi₃'én₂ ján₃. Ia₁ ně₃jua' ₂ tsá₃ ma₂'nio₃ dsa₂, jaun₂ dsi₃'én₂ bá₄ bí₂ quió' ₅ a₂lín₅ dsa₂ juin' ₂. Ia₁ rē₂ně₃ ta₁caun₂ 'uě₃ Asia, ta₁caun₂ mi₂güig₃ ně₃ jme₂go₃ dsa₂ a₂jme₂juag' ₂.

28 Jme₁ca₂dsan₃ nag₅ dsa₂ le₂ně₅, ca₂rē₃'néi₃ 'ŋio₅ lín₃, ca₂tóin' ₂ ca₂guió' ₃ ca₂juá' ₂:

—i'ŋio₅ juin' ₂ diú₄ Diana quián₅ dsa₂ juig₂ Efeso!

29 Jaun₂ ca₂lě₃ mi' ₅₄ quió' ₅ ca₂le₃jín₃ dsa₂ juig₂ jaun₂. Jaun₂ le₃on₃ dsa₂ chan₂ Macedonia i₂chen₂ Gayo quian' ₅₄ Aristarco i₂jme₁quian' ₅₄ Pa₄, ca₂jŋau' ₃ ca₂i₃toin' ₅₄ co₂dsia₅ ca₂tē₂ ja₁ŋi' ₂ Š dsa₂ juig₂. 30 Jaun₂ jme₁'nio₃ Pa₄ jme₁dsó₃ jín₄ dsa₂ juig₂ a₂jme₁dsi₃chi' ₅₄ dsa₂. La₁ tsá₃ ca₂cuě₃ jmig₄ riin' ₅₄ i₂'én₂. 31 I₂lín₅₄ dsa₂ dsen₅₄ quián₅ 'uě₃ Asia, i₂lín₅ dsa₂ a₂mei₅₄ quián₅ Pa₄, ján₃ bá₄ ca₂chein₃ jág₁ a₂tsá₃ dsi₂ten₅₄ jua' ₅₄ a₂dsi₃'í₂ Pa₄ ja₁jaun₂. 32 Tē₂lia' ₂ jaun₂ ně₃ ja₁tion' ₅₄ dsa₂ juig₂ le₁ŋi' ₂ tioen' ₅₄ co₂mi' ₅₄, lě₅ bá₄ qui₂juá' ₂ jan₂-jan₂, tsá₃ caun₂ jág₁ 'ei₅, lě₅ guě₄ ca₂dsion₄ dsa₂ jŋia' ₅₄ tsá₃ ŋi₅ 'e₂ lě₃ le₁ŋi' ₂. 33 La₁ jē₄ jaun₂ jme₁tion' ₅₄ bá₄ i₂lín₅₄ dsa₂ i₂ŋi₅. Jaun₂ ca₂juá' ₂ 'a₂ lia' ₂ lě₅ ca₂tsí' ₃ jan₂ i₂chen₂ Alejandro i₂jme₁ca₂'lian' ₃ dsa₂ judíos a₂ca₂dsióg₃ tē₂ne₄ dsa₂ juig₂. Jaun₂ ca₂jmo₃ Alejandro léi₄ quian' ₅₄ gu₂ a₂jme₁mi₂₃ a₂jmo₃ dsa₂ tei₄, ia₁ a₂jme₁'nio₃ juá' ₂ jág₁ a₂jme₁tsí' ₃ dsa₂ a₂jme₁lióin₂ dsa₂ on₃ i₂ca₂jŋa' ₃ dsa₂ 'éi₂. 34 La₁ jme₁ca₂rē₃lí' ₄ dsa₂ a₂lín₅ Alejandro 'éi₂ jan₂ dsa₂ judío, jaun₂ ca₂tóin' ₂ co₂mi' ₅₄, con' ₂ tin₃ hora qui₂guió' ₅ ca₂juá' ₂:

—i'ŋio₅ juin' ₂ diú₄ Diana quián₅ dsa₂ juig₂ Efeso!

35 Jaun₂ dsa₂ i₂lín₅ tē₅sí₃ quián₅ dsa₂ juig₂ jaun₂, ca₂tió' ₃ jme₁ca₂tió' ₃, ca₂jmo₃ ca₂i₃lén₂ dsa₂ tei₄. Jaun₂ guě₄ ca₂juá' ₂:

—'Nia' ₂ dsa₂ chan₂ Efeso, ta₁caun₂ mi₂güig₃ bá₄ le₁ŋi₅ dsa₂ a₂ca₂tín₂ dsa₂ juig₂ Efeso jmo₃ 'í₁ guá' ₅ quió' ₅ diú₄ juin' ₂ Diana, ton' ₂ jmo₃ 'í₁ nió' ₄ quió' ₅ a₂ca₂sió₃ guei' ₅₄ i₂juig₃. * 36 I₁jan₂ jua' ₅₄ le₃juá' ₂ a₂tsá₃ ŋi₅. Jaun₂ tei₄ jmo₄ 'nia' ₂, 'nio' ₂ 'nia' ₂ 'au' ₂ dse₃ né' ₃ guě₄ a₂jmo' ₂ 'e₂ jmó' ₂. 37 Ia₁ dsa₂ i₂ně₂chan' ₂ 'nia' ₂, tsá₃ 'ang₂₃ a₂ca₂tín₂ guá' ₅, on₃ guě₄ 'iin₂₃ 'lig' ₅₄ diú₄ quián₂ jniog₄. 38 Chi₂jua' ₂ 'nio₃ Demetrio mi₃ dso₄, quian' ₅₄ ca₂le₃jín₃ i₂jmo₅ ta₁ quian' ₅₄, jaun₂ guě' ₂ chan₂ dsi₂tan₅₄ ne₄ta₁ja₁lé₂ dsi₃mi₃ dso₄. 39 La₁ ně₃jua' ₂ a₂mi' ₂ 'nia' ₂ lě₅ caun₂ dso₄ juē' ₂ guě₄ con' ₂ guě₄ a₂jaun₂, 'nió' ₅ le₃rē₂ ne₄ dsi₂tan₅₄ jē₁ma₂le₁ŋi' ₂ dsa₂ juig₂. 40 Ia₁ go' ₂ quián₂ jniog₄ a₂jmo' ₂ 'nia' ₂ le₂ně₅, ně₃jua' ₂ ca₂'nag₃ dsa₂ a₂ŋi₄ lě₃ 'niog₂ mi' ₅₄, jui₁lia' ₂ mi' ₅₄ a₂ca₂lě₃ ně₃. Ia₁ ně₃jua' ₂ ca₂ŋag₃ dsa₂ 'e₂ 'uig₅₄ ca₂lě₃ mi' ₅₄ la₂, tsá₃ 'e₂ cha₂ le₃ŋag₄.

41 Jme₁ma₂ca₂dsan₃ juá' ₂ le₂ně₅, ca₂jme₃dsiain₂₃ bá₄ jág₁ a₂le₁ŋi' ₂ dsa₂. Jaun₂ ca₂dsiáin' ₂ bá₄ dsa₂, qui₂ca₂i₃lein₃ quió' ₅.

20

Ca₂ŋó₃ Pablo 'uě₃ Macedonia quian' ₅₄ Grecia

1 Jme₁ca₂dsan₃ mi' ₅₄ jaun₂, qui₂ca₂tē' ₃ Pa₄ le₃jín₃ dsa₂ 'én₂, qui₂ca₂cuě' ₃ bí₂. Jme₁ca₂lě₃ jaun₂, qui₂ca₂ág' ₃ jág₁ riin' ₅₄. Jaun₂ guě₄ ca₂ŋó₃ jui₅ Macedonia. 2 Jaun₂ qui₂i₁jag₅₄ le₂tan₅₄ juig₂ te₁i₁ ja₁jaun₂. Quian' ₅₄ jág₁ quió' ₅ qui₂i₁cuě' ₂ bí₂ riin' ₅₄. Cang₂ guě₄ jaun₂ ca₂ŋó₃ táng₃ jui₅ Grecia. 3 Ja₁jaun₂ ca₂'í₃ 'ni₅ tsi' ₂. Jme₁ma₂'ein₅₄ jui₅ 'í₂ ni₁barco a₂dsó₃ jui₅ Siria, jme₁ca₂rē₃ŋi₅ a₂ma₂jmo₅ dsa₂ judíos caun₂ jág₁ a₂tsáun' ₂. Jaun₂ co₂ŋei' ₅₄ tsá₃ ma₃ca₂ŋái' ₃

Š 19:29 griego: theatron (co₂'nió' ₄ caun₂ estadio a₂lě₅ dso' ₂ dsi₂con' ₂).
diú₄ Júpiter.”

* 19:35 A₂lín₅₄ chog₅₄ si₂: “a₂ca₂sió₃ ja₁con₂

jui₅ jaun₂. Ca₂ñái'₃ bá₄ táng₃ jui₅ 'uë₃ ca₂ñí₃ Macedonia. ⁴ Jaun₂ ca₂jme₃quiong'₅₄ dsa₂ le₂'i₄ jui₅ i₂chen₂ Sópater ja₁ñi'₅₄ Pirro,* i₂chan₂ Berea, Aristarco quian'₅₄ Segundo i₂chan₂ Tesalónica, Gayo i₂chan₂ Derbe; Timoteo, Tíquico quian'₅₄ Trófimo nē₃ i₂chan₂ juig₂ gu'₂ ja₁tén₄ 'uë₃ Asia. ⁵ Jaun₂ nē₃, rin'₅₄ jniog₄ 'éi₂ ca₂i₃jñiá₄ ca₂i₁jñiog₁₂ juig₂ Troas. ⁶ Cang₂ jme₁ca₂gú'₃ jmig₄ a₂guë'₅ dsa₂ i₁ñí'₄ a₂tsá₃ levadura quian'₅₄, jaun₂ ca₂tió'₄ jnia'₅₄ ni₁barco ca₂'uag₂ Filipos. A₂'ñiá₂ jmig₄ jaun₂, ca₂join₃ jnia'₅₄ juig₂ Troas. Ja₁jaun₂ ca₂jñia₄ jnia'₅₄ guio₃ jmig₄.

En₅₄ Pablo juig₂ Troas

⁷ Jm₁ig₄ jē₁le₂'uig₅₄ semana, ca₂ñag'₂ jnia'₅₄ a₂ca₂dsi₁₀'₄ i₁ñí'₄. Jaun₂ tē₃jē₄ jaun₂ ca₂jme₃tag₅ Pa₄ ca₂jme₃tiin₂₃ dsa₂. Caun₂ ca₂ton₃ jág₁ ca₂lia'₂ ca₂tē₂ dsi₃nei₅, ia₁ a₂ma₂'ein₅₄ jui₅ dsáin'₃ jē₁ma₂jnia₃ jaun₂. ⁸ Jme₁tio'₅₄ jnia'₅₄ le₁ñag'₂ caun₂ dsi₂néi₂ ja₁lē₄ guei'₅₄. 'Lióng₂ tsí₅ jme₁le₁'ág₄ le₁gui'₂ si₂. ⁹ Jan₂guë'₂ dsó₂ jme₁guá₄ caun₂ o₄'né₄ tau₂ quei₂ i₂jme₁chen₂ Eutico. Ia₁ a₂ñí₄ lē₃ uē₂ qui₂ca₂dsia₃ Pa₄ jág₁, jaun₂ tsá₃ ma₃ca₂tió'₃ 'éi₂ a₂i₂güin₃. Jme₁ma₂rē₂güin₃ tsá₃ ma₃lí'₄ jme₁ca₂táin'₂ ca₂tē₂ ja₁lē₄ 'ni₅juín₃ guei'₅₄. Ma₂join₂₃ jme₁ca₂i₁cho'₄ dsa₂. ¹⁰ Jaun₂ ca₂sión₃ Pa₄ ján₃, ca₂jñai'₃ 'lag₄ ca₂quiog₂ ne₄ quió'₅, jaun₂ ca₂juá'₂ ca₂tsí'₃ riin'₅₄:

—Tsá₃ lē₁jmo₂ 'nia'₂ gang'₃, ia₁ 'i₄ bá₄ jme₂dsí₂ quió'₅ chí'₂.

¹¹ Jaun₂ nē₃ ca₂uig₂ táng₃ Pa₄ guei'₅₄. Jaun₂ ca₂dsi₁₀'₃ i₁ñí'₄, ca₂guë'₃ bá₄ jaun₂ nē₃. Caun₂ ca₂dsia₃ bá₄ guë'₄ Pa₄ jág₁ ca₂lia'₂ ca₂jnia₃. Ca₂ñái'₃ bá₄ jaun₂ nē₃. ¹² La₁ dsó₂ 'éi₂ nē₃, jéin'₃ bá₄ ca₂tág₃ dsa₂, jmo₅ dsa₂ 'io'₂ ca₂le₃jñin₃.

Ca₂'uin₂ dsa₂ Troas, ca₂i₃lén₂ táng₃ jui₅ Mileto

¹³ Ca₂i₃jñiog₄ bá₄ jnia'₅₄ i₂náu₅ quian'₅₄ ni₁barco ca₂tē₂ Asón ca₂i₁te₁ Pa₄, ia₁ jme₁ma₂lē₅ jág₁ a₂'nio₃ dsó₃ 'ñiog₅ jui₅ tag₅₄. ¹⁴ Jme₁ca₂rē₃quiain'₅₄ jnia'₅₄ juig₂ Asón, ca₂'í₃ ni₁barco quian'₅₄ jnia'₅₄ a₂ca₂i₃náu₅ jui₅ Mitilene. ¹⁵ Ca₂'uag₂ jnia'₅₄ ja₁jaun₂. Jme₁jnia₃ jaun₂, ca₂ñag₅₄ cau₅ ja₁tē'₂ dsa₂ Quió, (a₂nio₅ jē₄ jmi₁ñí'₄). Caun₂ jmig₄ cang₂ jaun₂, ca₂dsi₃náu₅ jnia'₅₄ 'o₄ jmi₁ñí'₄ ja₁chei₂ Samos. [Jaun₂ ca₂jñia₁ jnia'₅₄ juig₂ Trogilio].† Jme₁jnia₃ jaun₂ guë'₄ ca₂dsi₃náu₅ jnia'₅₄ tē₂ juig₂ Mileto. ¹⁶ Jaun₂ le₂nē₅ ca₂lē₃, ia₁ tsá₃ 'nio₃ Pa₄ 'í₂ uē₂ 'uë₃ Asia, tsá₃ ma₃ca₂ñei₅₄ jui₅ Efeso. Ia₁ 'nio₃ dsáin'₄ ñi'₅₄ ta₁ jui₅ Jerusalén, a₂'nio₃ ñi₅ ja₁jaun₂ jmig₄ Tē₂láu₃-guiá₂ nē₁jua'₂ ca₂lē₃.

Ca₂ton₃ Pablo jág₁ jin₄ dsa₂ can'₅₄ quián₅ riin'₅₄ chan₂ Efeso

¹⁷ 'En₅₄ Pa₄ juig₂ Mileto, jaun₂ ca₂ñi₁'₂ ca₂le₃jín₃ dsi₂gui'₅₄ can'₅₄ quián₅ riin'₅₄ i₂chan₂ Efeso. ¹⁸ Jme₁ca₂dsi₃lén₂ dsa₂, jaun₂ ca₂juá'₂ Pa₄:

—Ñi'₅₄ bá₄ 'nia'₂ 'a₂lia'₂ ma₂jmo₃ jniá₂ ca₂le₃ guang₃ le₂'uig₅₄ 'uë₃ Asia. ¹⁹ Ca₂le₃jē₃ jmig₄ bá₄ lia'₂ con'₂ ca₂'ú₃ jin'₄ 'nia'₂, ca₂jme₁ti₁₂ ta₁ ne₄ Te₁gui'₅₄. Tsá₃ ca₂jme₁juing'₂ 'ñi₁₀₃. Tsá₃ caun₂ ca₂i₃ñig₂ 'uig₅₄ ca₂le₃jē₃ a₂jme₁'nio₃ dsa₂ judíos jme₁jmóg'₂. ²⁰ La₁ on₃jua'₅₄ jaun₂ tsá₃ ma₃ca₂jme₁tin₅ jniá₂ 'nia'₂ a₂dse₃ quián'₂ 'nia'₂, ca₂i₁'ē₄ jin₄ dsa₂, ca₂ñeg₅₄ tē₂ dsi₂néi₂ quián'₂ 'nia'₂ nē₃. ²¹ Lia'₂ dsa₂ lín₅ judíos lia'₂ dsa₂ griegos nē₃, qui₂ma₂juig₂ jniá₂ a₂'nió'₅ jme₃tsín₃ dsa₂ dsí₅ ne₄ Diú₄, a₂le₃'éin₂ tē₂le₃ quió'₅ Te₁gui'₅₄ Jesucristo quián₂ jniog₄. ²² Jaun₂ nē₃, ma₂'eng₅₄ jui₅ nei₅₄ jui₅ Jerusalén, ia₁ chí₂quióng₂ jmig₄ Jme₂dsí₂ quián₅ Diú₄. Tsá₃ a₂jaun₂ guion₅₄ 'e₂ dsi₃ñig₂ ja₁jaun₂. ²³ Jnia'₅₄ lia'₂ jaun₂ bá₄ guion₅₄, ia₁ le₂caun₂ le₂caun₂ juig₂ ja₁ma₂ñeg₅₄, ma₂'ē₂ jág₁ Jme₂dsí₂ Jñi₁₀₅ a₂i₁ñag₁₂ uig₅, a₂to'₂ dsa₂ 'né₅ 'má₃ nē₃. ²⁴ La₁ tsá₃ a₂jaun₂ 'i₅ dsi₃ jniá₂, o₁jñia'₅₄ ca₂quín₂ 'mú₃ quió₃, ia₁jaun₂ bá₄ le₃tei₅₄ jniá₂ ta₁ a₂ma₂chei'₃ Te₁gui'₅₄ Jesús a₂jmo₅₄, a₂jme₁ting₅ dsa₂ jág₁ dse₃ a₂'ua₁ dsí₅ Diú₄.

²⁵ 'Jaun₂ nē₃ dsón'₂ lín₂ jniá₂, 'nia'₂ rin'₅₄ jniog₄ i₂ma₂nei'₂ jág₁ a₂ma₂qui₂ma₂'ē₃ jniá₂ ñi₂₃, o₁líg'₂ jmig₄ tsá₃ ma₃jag'₅₄ 'nia'₂ jniá₂ táng₃. ²⁶ Jaun₂ lē₃ juig₂ jniá₂ 'nia'₂ tsá₃ ma₃'e₂ rē₂cán'₄

* 20:4 A₂lin₅₄ chog₅₄ si₂ tsá₃ chí₁ton₅ "ja₁ñi'₅₄ Pirro." † 20:15 A₂lin₅₄ chog₅₄ si₂ tsá₃ le₁ton₅ jág₁ nē₅.

jniá₂ ja₁con₂ ca₂le₃jín₃ dsa₂, ²⁷ ia₁ ma₂ca₂juíg₂ bá₄ jniá₂ 'nia'₂ lia'₂ con'₂ lě₅ dsi₂jio₅ dsi₅ Diú₄ jmo₃, tsá₃ 'e₂ ca₂'ma₃ jniá₂ ja₁con'₂ 'nia'₂. ²⁸ Jaun₂ ně₃, jmo₄ 'nia'₂ 'í₁ guiong'₅₄, jmo₄ 'í₁ ca₂le₃jín₃ dsa₂ ríng'₂ i₂'én₂ ně₃. Ia₁ o₄gog'₂ 'nia'₂ bá₄ ma₂dsiog₃ Jme₂dsi₂ Jnió₅ † a₂jmo'₂ 'í₁ dsa₂ i₂lín₅ guá'₅ quián₅ Diú₄ i₂'lian'₅₄ tē₂le₃ quian'₅₄ jmi₂ 'an'₅₄ 'nio₅ ja₁ni'₅₄. ²⁹ Guion₄ bá₄ jniá₂ a₂ja₃lén₂ dsa₂ sián'₂ jē₁ma₂ňág'₅, a₂'nio₃ 'éin₂ 'nia'₂ ca₂le₃jíng'₃, a₂jmo₃ jui₁lia'₂ jmo₅ dsi₂jí'₅₄ náu₂ tsau₂ dsi₅, jme₂dsiain₂₃ jui₁lia'₂ já'₂ cha'₂. ³⁰ Náú₃ jē₄ quián'₂ 'nia'₂ guiong'₅₄ dsa₂ i₂jme₃tag₅ le₃jen₅ ia₁jaun₂ 'ein₃ jui₅ quió'₅ 'éi₂ jui₁lia'₂ dsa₂ i₂ma₂'én₂ jág₁ dse₃. ³¹ Jaun₂ rē₂ján'₁ 'nia'₂, dsa₂ 'au'₂ 'nia'₂ jmo₄, ia₁ 'ni₅ ni₂ ca₂dsin₃ ca₂cuē₃ 'nia'₂ jág₁ lia'₂ 'uē₂-jmi₂, ca₂le₃jē₃ ca₂'o₃.

³² 'Jaun₂ ně₃ rin'₅₄ jniog₄, dsián₄ jniá₂ 'nia'₂ o₄gú₃ Diú₄, ne₄ jág₁ dse₃ quió'₅ a₂'ua₁ dsi₅, a₂lé₂ jmo₃ a₂'uan'₂ 'nia'₂, a₂lé₂ jmo₃ a₂tin'₅₄ 'nia'₂ a₂dse₃ a₂cha₂ quió'₅, jui₁lia'₂ a₂tin₅₄ ca₂le₃jín₃ dsa₂ i₂lě₅ 'í₁ quiáin₅. ³³ Tsá₃ 'e₂ ma₂ca₂rē₃'ín₂ dsi₃ a₂jmo₅₄ quió'₃, jui₁lia'₂ a₂cha₂ quió'₅ i₂sián'₂, on₃ guē'₂ cu₄nióg₄, on₃ guē'₂ cu₄tio₂, on₃ guē'₂ tsin'₅₄ ně₃. ³⁴ Ni'₅₄ bá₄ 'nia'₂ rē₂, tē₂le₃ ma₂jmo₃ bá₄ ta₁ 'nió₃ quian'₅₄ gu₂-tag₃ ma₂'no₃ a₂'nió'₅ dsi₃ňíg₂ quian'₅₄ i₂quiang'₅₄. ³⁵ Ca₂le₃o₃ jmi₄ bá₄ ma₂'ē₃ 'nia'₂ 'a₂ lia'₂ 'nió'₅ jmo₃ dsa₂ ta₁, a₂'nió'₅ jme₃'on₅₄ dsa₂ dsa₂ i₂'nió'₅ quió'₅. Dsa₂ 'au'₂ 'nia'₂ jmo₄ jág₁ quió'₅ Te₁gui'₅₄ Jesús, jme₁ca₂juá'₂: “Ja₂lin₃ guē₄ dse₃ 'ei₅ dsi₅ dsa₂ i₂cuē₅, con'₂ guē₄ dsa₂ i₂gue₅.”

³⁶ Jme₁ca₂dsan₃ juá'₂ Pa₄ le₂ně₅, ca₂chi₃jnë₃ quiaín'₅₄ ca₂le₃jín₃ dsa₂, ca₂chi₃lén'₂ Diú₄. ³⁷ Ca₂le₃jín₃ qui₂ca₂'o₃, qui₂ca₂jhai'₃ Pa₄, ca₂chen'₃ quió'₅. ³⁸ La₁ ja₂lin₃ guē₄ 'lia'₂ dsi₅ dsa₂ ca₂tóin'₂ jme₁ca₂juá'₂ Pa₄, ca₂lia'₂ o₁líg'₂ jmi₄ tsá₃ ma₃jín₂ guē₄ rin'₅₄. Jaun₂ ca₂jme₃quiong'₅₄ dsa₂, ca₂i₁join₅₄ Pa₄ tē₂ ja₁'ei₅ ni₁barco.

21

Ca₂ňá'₃ Pa₄ jui₅ Jerusalén

¹ Jme₁ca₂tén'₂ dsi₅ jnia'₅₄ dsa₂ rin'₅₄, jaun₂ ca₂i₃náu₅ jui₅ ne₄ jmi₁ňí'₄ co₂dsau₅ tē₂ Cos (a₂niog₅ jē₄ jmi₁ňí'₄). Jme₁jnia₃ jaun₂ táng₃, ca₂ňag₅₄ ja₁chei₂ Rodas, jaun₂ guē₄ dsi₃náu₅ jnia'₅₄ juíg₂ Pátara. ² Juíg₂ Pátara jaun₂, cane₅₄ táng₃ jnia'₅₄ caun₂ ni₁barco a₂ňó₃ jui₅ 'uē₃ Fenicia, jaun₂ ca₂tió'₄ jnia'₅₄, ca₂i₃náu₅ táng₃. ³ Jaun₂ ca₂ňag₅₄ jnia'₅₄ ja₁jniá₂ Chipre tē₂le₃ gu₂ jen₅, jaun₂ ca₂i₃náu₅ jnia'₅₄ tē₂ Siria. Jaun₂ ca₂dsióg₃ ni₁barco juíg₂ Tiro, ia₁ i₁con₂ lio₅₄ ja₁jaun₂. Jaun₂ ca₂sió'₄ jnia'₅₄ ja₁jaun₂. ⁴ Jaun₂ ca₂jen'₂ jnia'₅₄ dsa₂ 'én₂ rin'₅₄ tián'₅ ja₁jaun₂. Jaun₂ ca₂tió'₄ jnia'₅₄ guio₃ jmi₄ quiaín'₅₄. Dsa₂ 'éi₂ ně₃, ca₂'ē₂ jág₁ a₂ca₂cuē₃ Jme₂dsi₂ Jnió₅, ca₂tsí'₃ Pa₄ a₂tsá₃ dsi₂ten₅₄ dsó₃ jui₅ Jerusalén. ⁵ Jme₁ca₂dsin₃ guio₃ jmi₄ tio'₅₄ jnia'₅₄ jaun₂, jaun₂ ca₂'uag₂ táng₃. Jaun₂ ca₂le₃jín₃ dsa₂ i₂'én₂, quiaín'₅₄ 'io₅₄ quiáin₅, chi'₂ quiáin₅ ně₃, ca₂jme₃quiong'₅₄ tē₂ 'ni'₂ juíg₂, ca₂i₁jo₅₄ tē₂ chei'₅₄ jmi₁ňí'₄. Ja₁jaun₂ ca₂chi₁jne₁ jnia'₅₄ ca₂le₃jág₃, ca₂chi₁len'₄ jnia'₅₄ Diú₄. ⁶ Jaun₂ qui₂ca₂chan'₅₄ jnia'₅₄ rin'₅₄ ca₂'ei'₅₄ jág₁. Jaun₂ guē₄ ca₂uig₅₄ jnia'₅₄ 'nió'₃ ni₁barco. 'Éi₂ ně₃ ca₂i₃lein₃ bá₄ quió'₅.

⁷ Jme₁ca₂'uag₂ jnia'₅₄ juíg₂ Tiro, ca₂i₃náu₅ jui₅ ne₄ jmi₁ňí'₄ a₂ca₂i₃náu₅ jui₅ Tolemaida. Ca₂cuin₅₄ jnia'₅₄ Diú₄ rin'₅₄ i₂tián'₅ ja₁jaun₂, ca₂jnia₄ jnia'₅₄ co₂jmi₄ quiaín'₅₄. ⁸ Jme₁jnia₃ jaun₂, ca₂le₃jág₃ con'₂ i₂quian'₅₄ Pa₄ ca₂'uag₂ ja₁jaun₂, ca₂dsi₃náu₅ juíg₂ Cesarea. Ja₁jaun₂ ca₂i₁náu₄ jnia'₅₄ ja₁quió'₄ Felipe i₂'ē₂ jág₁ dse₃, i₂lín₅ jan₂ rin'₅₄ dsa₂ guion₃ i₂jme₂'o₅₄* i₂ca₂quión'₂ dsa₂ le₂jniá₅. ⁹ Felipe 'éi₂ jme₁chan₂ quén₂ ja₁míg₄ on₃jua'₅₄ i₂ma₂jen'₂ gu₂. 'Io₅₄ quén₂ 'éi₂ jme₁'ē₂₃ 'ē'₅ dsa₂ jág₁ a₂cuē₅ Diú₄. ¹⁰ Ma₂ne₁ňó₄ ca₂la₂ jmi₄ tio'₅₄ jnia'₅₄ jme₁ca₂dsióg₃ jan₂ dsa₂ i₂tē'₂ dsa₂ Agabo, i₂'ē₂ jág₁ a₂cuē₅ Diú₄, a₂ca₂o₃jag₅₄ jnia'₅₄. ¹¹ Jaun₂ jme₁ca₂guan₃ 'éi₂ ně₃, ca₂can₃ lau₂ jén'₅ tú'₅ Pa₄, jaun₂ qui₂ca₂'néi₂ mi₂tag₅₄ 'niog₅ quian'₅₄ mi₂gu₂ ně₃. Jaun₂ ca₂juá'₂:

† 20:28 griego: (ma₂chei'₃ Jme₂dsi₂ Jnió₅ a₂lén'₂ 'nia'₂) epískopos (dsa₂ i₂con₂ 'í₁). * 21:8 dsa₂ guion₃ i₂jme₂'o₅₄: 'Nio'₂ ja₁ton₅ Hechos 6:1-7; Filipenses 1:1.

—Le₂la₂ juá'₂ Jme₂dsí₂ Jnió₅: “Le₂la₂ jmo₃ dsa₂ judíos jē₄ juig₂ Jerusalén jmái'₂ dsa₂ i₂quió'₅ ni₁lau₂ la₂, jaun₂ jáng'₂ o₄gú₃ dsi₂nau₂.”

¹² Jme₁ca₂néi₁ jnia'₅₄ le₂nē₅, jaun₂ ca₂mí₁ jnia'₅₄ quian'₅₄ dsa₂ chan₂ Cesarea ca₂chei₅₄ Pa₄ a₂tsá₃ ma₃dsó₃ Jerusalén. ¹³ La₁ jaun₂ ca₂ṇag₃ Pa₄:

—¿'E₂ lē₃ qui'₂-au'₂ 'nia'₂, jmo'₂ 'nia'₂ 'ag₅ 'lia'₂ dsi₃? Ia₁ ma₂rē₂ján₁ bá₄ jniá₂, on₃jua'₅₄ jmá'₃ ca₂ne₅₄ a₂'nei₃ dsa₂. Ján₃ bá₄ ma₂'ei₅ caun₂ dsi₃ a₂jóng₂, jṇag'₃ dsa₂ juig₂ Jerusalén, o₄quió'₄ Te₁gui'₅₄ Jesús.

¹⁴ Ia₁ tsá₃ jág₁ ca₂can₃ Pa₄ a₂ca₂chei₅₄ jnia'₅₄ a₂tsá₃ dsó₃, jaun₂ ca₂jmó₁ jnia'₅₄ tei₄ jme₁ma₂nē₂jua'₅₄:

—Jui₁le₅₄ bá₄ a₂'ṇio₂ dsí₅ Te₁gui'₅₄ jaun₂.

¹⁵ Cang₂ jaun₂ ca₂jmó₁ jnia'₅₄ co₂jṇia₅₄ quián₂, ca₂tió'₄ jui₅ i₃náu₅ jui₅ Jerusalén. ¹⁶ I₂lin₅₄ dsa₂ 'én₂ i₂chan₂ Cesarea ca₂jme₃quiong'₅₄. Jē₄ jaun₂ ṇó₃ jan₂ dsa₂ i₂chen₂ Mnasón i₂chan₂ Chipre. Ma₂líg'₂ bá₄ ma₂já₅ dsa₂ 'éi₂ a₂līn₅ dsa₂ i₂'én₂. Ja₁quió'₄ 'éi₂ ca₂i₁jnia₄ jnia'₅₄ Jerusalén.

Ca₂i₁jñi₁ Pa₄ Jacobo

¹⁷ Jme₁ca₂dsi₃náu₅ jnia'₅₄ juig₂ Jerusalén, jaun₂ rin'₅₄ i₂tián'₅ ja₁jaun₂ ca₂guei₃ ca₂lia'₂ 'io'₂ jén'₅. ¹⁸ Jme₁jnia₃ jaun₂, ṇó₃ Pa₄ quiaín'₅₄ jnia'₅₄ a₂ca₂i₁jñi₁ jnia'₅₄ Jacobo. Ja₁quió'₄ 'éi₂ jme₁tion'₅₄ jñi₂ gui'₅₄ can'₅₄.† ¹⁹ Jaun₂ qui₂ca₂cuag₃ Pa₄ Diú₄. Jaun₂ ca₂dsia₃ Pa₄ ca₂le₃jē₃ 'e₂ a₂ma₂jmo₃ Diú₄ jñi₄ dsi₂nau₂ tē₂le₃ quian'₅₄ 'éi₂. ²⁰ Jme₁ca₂nág₂ dsa₂ jág₁, jaun₂ ca₂jme₃juiñ'₂ Diú₄. Jaun₂ ca₂juá'₂ ca₂tsí'₃ Pa₄:

—Dse₃ jaun₂ rin'₅₄ jniog₄, la₁ ṇi'₅₄ bá₄ 'ne₂, tē₂le₃ mei₅ bá₄ dsa₂ judíos i₂ma₂'én₂. Ca₂le₃jín₃ 'éi₂ nē₃, dsen₅₄ dsí₅ le₃quió'₅ 'Éi'₃ Juá'₅. ²¹ Jaun₂ ma₂juá'₂ dsa₂ a₂ṇi'₂ 'ne₂ jme₂tíng'₁ dsa₂ judíos i₂tián'₅ go₄ dsi₂nau₂, a₂tsá₃ ma₃tón'₂ jui₅, tsá₃ ma₃jme₃ti₃ 'éi'₃ ca₂jmo₃ Moisés, a₂tsá₃ ma₃ti₃ dsa₂ ni₁lo₁ chi'₂ dsa₂ ṇe'₂ quián₅, on₃ guē'₂ jmo₃ jui₁lia'₂ tag₄ chí'₅ quián₂ jniog₄. ²² ¿'E₂ lē₂ nē₃? Ia₁ tion₅₄ ja₁lén₂ dsa₂ a₂ṇi'₂ jē₂ma₂ca₂rē₃ṇi₅ a₂'eng'₅₄ ja₁lá₃.† ²³ Co₂ṇei'₅₄ guē'₄ dse₃ jmó'₂ a₂jua'₅₄ jnia'₅₄ la₂: Chan₂ jē₄ la₂ quián₂ jnia'₅₄ quén₂ dsa₂ i₂tion₅₄ niog₅ jme₃ti₃ caun₂ jág₁ quió'₅ a₂ma₂cuē'₃ Diú₄. ²⁴ Jñiai₅ jui₁dsi₂lén₂ quian'₅₄ 'ne₂, jmo₄ le₁jē₃ quiáng'₂ quiaín'₅₄. Jaun₂ 'ne₂ bá₄ qui'₅₄ 'lia'₅₄ ia₁jaun₂ ma₂lé₂ jme₃ti₃ a₂chéi₃ jñi₂ dsi₅₄, ia₁jaun₂ ca₂le₃jín₃ bá₄ dsa₂ le₃lí'₄ a₂tsá₃ dsau₅ jág₁ a₂dsia₅ dsa₂ a₂'iñ₂₃ 'ne₂. Jaun₂ le₃ṇi₅ dsa₂ a₂jme₂ti'₅₄ bá₄ 'ne₂ ján₃ con'₂ lē₅ 'Éi'₃ Juá'₅ quió'₅ Moisés.‡ ²⁵ La₁ ma₂ca₂chen₅₄ bá₄ jnia'₅₄ si₂ ne₄ dsi₂nau₂, a₂ca₂chei₅₄ jnia'₅₄ a₂tsá₃ lin₄ jmo₃ o₂l₁ dsi₅ quian'₅₄ 'Éi'₃ Juá'₅,* a₂jñia'₅₄ lia'₂ tsá₃ quíg'₃ ṇi₄ já'₂ i₂ma₂cuñ₃ dsa₂ diú₄ lag₄, on₃ guē'₂ guē'₃ jmi₂, on₃ guē'₂ ṇi₄ já'₂ i₂güí'₃ dsa₂ dsi₂lag₄, tsá₃ nió'₃ jág₁ quian'₅₄ dsa₂ i₂tsá₃ lín₅ dsi₂i₂gu₂ nē₃.

Ca₂jña'₃ dsa₂ Pa₄ i₁dsi₅ guá'₅ templo

²⁶ Jaun₂ ca₂jñia₃ bá₄ Pa₄ dsa₂ quén₂ 'éi₂. Jme₁jnia₃ jaun₂ nē₃, Pa₄ quiaín'₅₄ dsa₂ quén₂ 'éi₂ ca₂jmo₃ le₁jē₃ quió'₅. Jaun₂ ca₂'í₃ i₁dsi₅ guá'₅ templo ca₂i₁'ē₄ jág₁ i₂líg'₂ dsian₅ ta₁guio₃ jmi₄ a₂jmo₂₃ le₁jē₃ quió'₅, jē₂ma₂tē₂ rē₁dsín'₂ dsa₂ já'₂ ne₄ ne₄chei₂ o₄quió'₄ le₂jain₂ le₂jain₂.†

²⁷ La₁ jme₁ja₂quián₃ dsin'₅₄ ta₁guio₃ jmi₄ jaun₂, jan₂-on₃ dsa₂ judíos i₂chan₂ 'uē₃ Asia ca₂o₃lén₂, jaun₂ ca₂jñin₂ Pa₄ i₁dsi₅ guá'₅. I₂'éi₂ ca₂jmo₃ ca₂tón'₂ dsa₂ co₂mí'₅₄, jaun₂ ca₂jña'₃ dsa₂ Pa₄. ²⁸ Jaun₂ qui₂ca₂tóin'₂ ca₂guió'₃ ca₂juá'₂:

—i'Nia'₂ dsa₂ juig₂ Israel, jme₁'o₁ jnia'₅₄! I₂la₂ bá₄ dsa₂ i₂ṇi₄ lē₃ ṇi₅ ca₂le₃jē₃ juig₂ jme₂tīn₂₃ dsa₂ jág₁ 'líg'₅₄ ja₁con₂ juig₂ go₄ jniog₄, a₂jme₂tīn₂₃ dsa₂ a₂tsá₃ jme₃ti₃ dsa₂ 'Éi'₃ Juá'₅ quió'₅ Moisés, a₂tsá₃ 'e₂ quen₅ guá'₅ templo la₂ quián₂ jniog₄. Nē₃ nē₃, ma₂nē₂tióin'₂ i₂lin₅₄ dsa₂ griegos i₁dsi₅ guá'₅ templo, a₂ma₂nē₂jme₂'ióg₃ ja₁jñiós₅ la₂.

† 21:18 griego: presbíteros. ‡ 21:22 A₂lin₅₄ chog₅₄ si₂: “Ia₁ tion₅₄ bá₄ le₃ṇi₅ dsa₂ a₂'eng'₅₄ ja₁lá₃,” § 21:24 'í₂ Números 6. 'Nio'₂ ja₁ton₅ Hechos 18:18. * 21:25 A₂lin₅₄ chog₅₄ si₂ tsá₃ chi₁ton₅ “a₂tsá₃ lin₄ jmo₃ o₂l₁ dsi₅ quian'₅₄ 'Éi'₃ Juá'₅,” † 21:26 'í₂ Números 6.

²⁹ Juá'₂ le₂nē₅, ia₁ ma₂jág₂ dsa₂ le₂jñiá₅ ma₂jín₂ Trófimo i₂chan₂ Efeso a₂i₂ñi₅₄ quiaín'₅₄ Pa₄ jē₄ juig₂ Jerusalén, jaun₂ lín₂ a₂ma₂jñia₃ Pa₄ 'éi₂ i₁dsi₅ guá'₅.

³⁰ Ta₁caun₂ juig₂ ca₂tón'₂ dsa₂ co₂mí'₅₄, jaun₂ ca₂o₃lén₂ dsa₂ co₂chi'₅₄. Jaun₂ ca₂jñá'₃ dsa₂ Pa₄ qui₂ca₂tsag'₂ tē₂le₃ ca₁'né₄ i₁dsi₅ guá'₅, jaun₂ ca₂jné₃ dsa₂ dsi₂jui₅ o₄'né₄. ³¹ Jme₁ma₂'nio₃ jme₁jñi'₃ bá₄ Pa₄ jme₁ca₂dsióg₃ jág₁ ca₂rē₃ñi₅ juig₅₄ 'lióg₂ dsen₅₄, ca₂le₃jín₃ bá₄ dsa₂ juig₂ Jerusalén toin'₅₄ co₂mí'₅₄. ³² Dsi₂jui₅ jaun₂ ca₂jñi'₂ juig₅₄ 'lióg₂ quian'₅₄ ca₂le₃jín₃ 'lióg₂ quiaín₅, ca₂i₃lén₂ co₂'ei₅ ja₁tion'₅₄ dsa₂ co₂mí'₅₄. Jaun₂ dsi₂jui₅ jme₁ca₂jág₃ dsa₂ dsi₃lén₂ 'lióg₂ quiaín'₅₄ juig₅₄ 'lióg₂ dsen₅₄, jaun₂ ca₂tén₂ bá₄ Pa₄, ia₁ jme₁toin'₅₄ cuē₂₃. ³³ Jaun₂ jme₁ca₂dsióg₃ juig₅₄ 'lióg₂ dsen₅₄, ca₂jñá'₃ Pa₄ ca₂jmo₃ 'éi'₃ ca₂'né₂ 'lióg₂ quian'₅₄ tin₃ ñi₁ cadenas. Jaun₂ guē₄ ca₂jñi'₃ dsa₂ 'ein₂ 'éi₂ Pa₄, 'e₂ ca₂jmo₃. ³⁴ Jaun₂ jma₃quén₅ qui₂ca₂guió'₃ dsa₂ juig₂ le₂jain₂ le₂jain₂. Ca₂lia'₂ jñia'₅₄ tsá₃ ca₂jñi'₂ juig₅₄ 'lióg₂, ia₁ a₂jñi₄ chí'₅ co₂mí'₅₄. Jaun₂ ca₂jmo₃ 'éi'₃ ca₂tág₃ dsa₂ Pa₄ jui₅ 'né₅ ja₁tion'₅₄ 'lióg₂. ³⁵ Jme₁ja₂quián₃ dsi₁len₃ dsa₂ ja₁lě₄ ni₁ta₅ 'né₅ ja₁tion'₅₄ 'lióg₂, jaun₂ ca₂jio₃ 'lióg₂ ca₂jñiai₃ Pa₄ jui₅ guei'₅₄ ia₁ a₂jñi₄ 'ñio₅ lin₃ 'ne₂ dsa₂ juig₂. ³⁶ Ia₁ ca₂le₃jín₃ bá₄ dsa₂ juig₂ jme₁ja₂lén₂ chi₁co'₅₄ qui₂guió'₅ qui₂juá'₂:
—jui₁jon₅₄ i₂nē₅!

Ca₂ton₃ Pa₄ jág₁ a₂lióin₂ 'ñiog₅ ne₄ dsa₂ juig₂

³⁷ Jē₁jme₁ma₂to'₂ 'lióg₂ toin'₂ Pa₄ dsi₂né₂ ne₄ta₁ quió'₅, jaun₂ ca₂juá'₂ Pa₄ ca₂tsí'₃ juig₅₄ 'lióg₂ dsen₅₄:

—¿Lé₂ le₃juá'₄ jniá₂ ca₂jon₄ jág₁?

Jaun₂ ca₂ñag₃ juig₅₄ 'lióg₂:

—¿Tin'₂ 'ne₂ dsiá'₁ jág₁ jmei₅ griego? ³⁸ Jaun₂, ¿on₃jua'₅₄ 'ne₂ líng'₅ dsa₂ egipcio i₂ca₂jmo₃ mi'₅₄ qui₂ca₂tsi₂jain₃ dsa₂ ma₂i₁jáun₃, ca₂'uín'₂ quén₂ mei₅ dsa₂ i₂ma₂ca₂jme₃dsian₅ dsa₂ jui₅ 'uē₃ quein₂?

³⁹ Jaun₂ ca₂juá'₂ táng₃ Pa₄:

—Dsa₂ judío bá₄ lín₅ jniá₂, i₂chan₂ juig₂ Tarso, caun₂ juig₂ dsen₅₄ tén₅ 'uē₃ Cilicia. La₁ jmo₄ dse₃ 'au'₂ cuē'₁ jmi₄ a₂juig₅₄ jniá₂ dsa₂ juig₂ jág₁.

⁴⁰ Ca₂cuē₃ bá₄ jmi₄ jaun₂ ně₃. Jaun₂ ca₂nau₂ Pa₄ ne₄ ni₁ta₅ jaun₂. Jaun₂ ca₂jmo₃ léi₄ quian'₅₄ gu₂ ca₂tsí'₃ dsa₂ a₂jmo₃ tei₄. Jme₁ma₂chí'₅ tei₄, jaun₂ ca₂jme₃lióg₃ ca₂juá'₂ jág₁ quian'₅₄ jág₁ jmei₅ hebreo,† ca₂tsí'₃ dsa₂:

22

¹ —'Nia'₂ dsa₂ go₂ rin'₅₄ jniog₄, gui'₅₄ can'₅₄ ně₃, nei₂ de'₂ 'nia'₂ a₂juá'₄ jniá₂ juig₅₄ 'nia'₂ a₂jáng'₄ jág₁ dsau₅ quió₃.

² Tē₂le₃ tei₄ guē₄ ca₂i₃lén₂ dsa₂ jme₁ca₂nág₂ a₂juá'₂ Pa₄ quian'₅₄ jág₁ jmei₅ hebreo.* Jaun₂ caun₂ ca₂juá'₂ bá₄ 'éi₂:

³ —Dsa₂ judío bá₄ lín₅ jniá₂. Juig₂ Tarso bá₄ chang₂, ja₁tén₄ 'uē₃ Cilicia. La₁ Jerusalén la₂ bá₄ ca₂i₃juing'₂. Ca₂'i₃ jniá₂ si₂ a₂ca₂jme₃tag₅ tē₅ Gamaliel. Co₂rē₂ bá₄ ca₂jme₃tag₂₃ con'₂ lě₅ Si₂ 'Éi'₃ quió'₅ dsa₂ quián₂ jniog₄ ma₂líg'₂. A₂dsen₅₄ dsi₃ jme₁líng₄ le₃quió'₅ Diú₄, ju₁lia'₂ jmo'₂ 'nia'₂ ca₂le₃jíng'₃ rē₂ně₃. ⁴ Qui₂ca₂co₃'én₃ jniá₂ dsa₂ i₂tion'₅₄ Jui₅ quió'₅ Te₁gui'₅₄ le₂jñiá₅, ca₂lia'₂ ca₂quín₂ 'mú₃ quió'₅. Qui₂ca₂toin'₂ 'né₅ 'má₃ lia'₂ dsa₂ ñe'₂ lia'₂ dsa₂ mǐ₂. ⁵ Lé₂ bá₄ jáng'₃ jág₁ dsau₅ jme₁dsa₂ dsen₅₄, ca₂le₃jín₃ guē₄ dsi₂gui'₅₄ can'₅₄ ně₃, ia₁ guioin₅₄ bá₄ ca₂jáng'₃ si₂ jniá₂ a₂ca₂chein₃ ne₄ rin'₅₄ i₂tián₅ Damasco, ca₂jmo₃ 'éi'₃ a₂jme₁i₁chán₃ jniá₂ ríng'₃ i₂tián₅ ja₁jaun₂, a₂jme₁tē₁₂ le₁ 'ñei'₅₄ ia₁jaun₂ gue₃ uig₅ jē₄ juig₂ Jerusalén la₂.

*Ca₂dsia₃ Pa₄ 'a₂ lia'₂ jme₁ca₂jéin'₃ ca₂rē₃ 'éin₂ jág₁ dse₃
(Hechos 9:1-19; 26:12-18)*

† 21:40 o₃, arameo. * 22:2 o₃, arameo.

6 'La₁ia₁ lia'₂ con'₂ jme₁ηó₃ jniá'₂ le₂i₄ jui₅ né'₃ a₂dsióg₄ juig₂ Damasco, con'₂ dsi₂ηí'₃, con'₂ tsá₃ jáng₅ jme₁ca₂téng₃ caun₂ si₂ tág₅ jmá'₅ a₂já₃ jui₅ guei'₅₄ i₂juíg₃. 7 Jaun₂ i₃íng₃ 'uē₃. Dsi₂jui₅ le₂jaun₂ ca₂nag₃ jág₁ a₂juá'₂: “Saulo, Saulo, ¿'e₂ lē₃ co₂'éin'₅ jniá'₂?” 8 Jaun₂ ca₂ηag₄ jniá'₂: “¿'Ein₂ 'ne₂ gui'₅₄?” Jaun₂ ca₂juá'₂ tság₅ jniá'₂: “Jesús chan₂ Nazaret bá₄ jniá'₂ i₂co₂'én'₅ 'ne₂.” 9 Ján₃ bá₄ ca₂jág₃ dsa₂ i₂jme₁quian'₅₄ jniá'₂ si₂ jaun₂, jaun₂ ca₂rē₃gó'₅. La₁ tsá₃ ca₂nág₂ jág₁ quió'₅ i₂ca₂juá'₂ ca₂tság₃ jniá'₂. 10 Jaun₂ ca₂ηag₄ jniá'₂ jaun₂ ně₃: “Te₁gui'₅₄, ¿'e₂ 'nió'₅ jmo₅₄ jniá'₂?” Jaun₂ ca₂juá'₂ Te₁gui'₅₄: “Nau₂, gua₂ jui₅ juig₂ Damasco. Ja₁jaun₂ juá'₂ dsa₂ ca₂le₃jě₃ 'e₂ 'nió'₅ jmó'₂.” 11 Ia₁ co₂dsia₅ ca₂téng₂ bá₄ quian'₅₄ si₂, jaun₂ dsa₂ i₂quiang'₅₄ bá₄ ca₂jioğ₃ le₁chan'₂ gu₃ a₂ca₂dsióg₃ tē₂ Damasco. 12 Ja₁jaun₂ jme₁guá₄ jan₂ dsa₂ chen₂ Ananías, i₂jme₁jme₂ti₃ con'₂ lē₅ Si₂ 'Éi'₃ Juá'₅ quió'₅ Moisés, jaun₂ ca₂le₃jín₃ dsa₂ judíos i₂tián'₅ Damasco ca₂juá'₂ dse₃ 'iin₂₃ 'éi₂. 13 Jaun₂ ca₂dsióg₃ Ananías i₁jag₅₄ ja₁jme₁eng₅₄. Jme₁ca₂dsióg₃, ca₂juá'₂: “Saulo rin'₅₄ jniog₄, guei'₅₄ táng₃ jme₁ne'₄.” Dsi₂jui₅ jaun₂ bá₄ ca₂lág₃ táng₃ mīg₂ ne₃, jaun₂ ca₂jīn₅₄ jaun₂ ně₃. 14 Jaun₂ ca₂tság₃ táng₃ jniá'₂: “Diú₄ quián₅ dsa₂ can'₅₄ quián₂ jniog₄ ma₂ca₂quióin'₂ 'ne₂ le₂jniá'₅, ia₁jaun₂ le₃cuing'₂ 'e₂ jaun₂ a₂ηio₂ dsí₅, ia₁jaun₂ jing'₅₄ i₂qui₂dsi₅ 'éi'₃ rē₂ quiáin₅, ia₁jaun₂ nág₁ jág₁ quió'₅ 'ηiog₅ a₂tio'₅₄ mī₂o₅₄. 15 Jaun₂ 'ne₂ gog'₅₄ a₂chi₂o₁ 'iin'₃ o₁dsia'₄ o₁chei'₄ ca₂le₃jín₃ dsa₂ ca₂le₃jě₃ 'e₂ ma₂jag'₅₄ 'e₂ qui₂ma₂nei'₂ ně₃. 16 Jaun₂ ně₃, tsá₃ ma₃jme₁ag₁₂. Nau₂, o₂chon₅₄ jmig₂, mī₄ ne₄ 'éi₂, ia₁jaun₂ jñí₃ dsáu'₂.”

Ca₂dsia₃ Pa₄ 'a₂ lia'₂ ca₂lē₃ a₂chein₅₄ ηei₅₄ ja₁con₂ dsi₂nau₂

17 'Jme₁ca₂guáng'₃ Jerusalén, ηeg₅₄ guá'₅ templo i₂chi₁leng'₄ Diú₄. Jaun₂ a₂lē₁ca₂jéin₃ ca₂jág₃, 18 ca₂jing₅₄ Te₁gui'₅₄, jaun₂ ca₂juá'₂: “I₂ηáu'₂ jú₅ tē₂le₃ dséi₂ juig₂ Jerusalén, ia₁ tsá₃ tón'₂ dsa₂ jui₅ jág₁ a₂juig'₅₄ a₂'ág'₄ jniá'₂.” 19 Jaun₂ ca₂ηag₄ jniá'₂ ca₂juíg₂: “Te₁gui'₅₄, ca₂le₃jín₃ bá₄ dsa₂ 'éi₂ le₁ηi₅ a₂jme₁ηi₅ jniá'₂ a₂jme₁nei₂₃ ca₂le₃jě₃ guá'₅ sinagogas a₂co₂'éng₅ qui₂cuē₅ ca₂le₃jín₃ dsa₂ i₂én₂ jág₁ dse₃ quiáng'₂, a₂jme₁i₂tióin'₂ 'né₅ 'má₃. 20 Jme₁ca₂jñi'₃ dsa₂ Esteban, dsa₂ i₂jme₁jáng'₅ jág₁ dsau₅ quiáng'₂, jaun₂ bá₄ jme₁chén'₄ jniá'₂ ján₃, ia₁ jme₁lē₄ caun₂ jág₁ quió₃ quian'₅₄ dsa₂ i₂ca₂jñi'₃ 'éi₂. Jaun₂ ca₂jmo₃ jniá'₂ 'í₁ ni₁tsin'₅₄ dsa₂ i₂ca₂jñag'₃.” 21 La₁ jaun₂ ca₂juá'₂ Te₁gui'₅₄ ca₂tság₃ jniá'₂: “La₁ gua₂, ia₁ tsag₅₄ jniá'₂ uíng₂ quiáng'₂, a₂o₁ 'ě'₃ jág₁ ja₁con₂ dsi₂nau₂.”

Ma₂niog₅ ne₄ juig₅₄ 'lióg₂ bá₄ Pablo

22 Co₂jaun₂ bá₄ ca₂nág₂ dsa₂ juig₂, Jaun₂ ca₂jme₃lióg₃ ca₂tóin'₂ co₂mī'₅₄ ca₂quió'₃ ca₂juá'₂: —jui₁jón₅₄ i₂nē₅! ¡Tsá₃ ma₃'nió'₅ le₃chain₂ guē₄! 23 Jaun₂ dsa₂ juig₂ ně₃, caun₂ qui₂ca₂tē₂ca₂'oin'₂ bá₄ Pa₄, qui₂ca₂gág₃ tsin'₅₄ tióin'₅₄,† qui₂ca₂cho₃ dsa₂ 'liog₂ jui₅ guei'₅₄. 24 Jaun₂ ca₂jmo₃ juig₅₄ 'lióg₂ dsen₅₄ 'éi'₃ ca₂toin'₂ Pa₄ dsi₂néi₂ ja₁tion'₅₄ dsi₂'lióg₂. Jaun₂ ca₂jmo₃ 'éi'₃ a₂báin₂ Pa₄ ia₁jaun₂ jmo₃ jág₁ 'e₂ dso₄ riin₂, 'e₂ 'uig₅₄ ca₂rē₃'né₃ dsa₂ juig₂ quiong'₅₄. 25 La₁ jme₁ma₂rē₂'nei'₅₄ a₂jme₁ma₂bóg₂ dsa₂, ca₂juá'₂ Pa₄ ca₂tsí'₃ jan₂ juig₅₄ 'lióg₂ i₂chén'₅ cau₅: —¿Ca₂tín'₂ 'nia'₂ báng'₄ jan₂ dsa₂ i₂tén₅ Roma tē₃ tsá₃ ma₂nē₂quion'₂ 'nia'₂ jág₁ dsau₅ quió'₅?

26 Jme₁ca₂nág₂ juig₅₄ 'lióg₂ a₂nē₅, jaun₂ ca₂ηei₅₄ i₁chi'₂ juig₅₄ dsen₅₄ quiáin₅ ca₂juá'₂: —Tē₃ηi'₅₄ quiáng'₂ nē₁juá'₂ 'e₂ ca₂jmag'₅₄ dsa₂ nē₅, ia₁ dsa₂ tén₅ Roma bá₄ nē₅.

27 Jaun₂ ca₂jme₃quián₃ juig₅₄ 'lióg₂ dsen₅₄ ja₁'en₅₄ Pa₄, jaun₂ ca₂ηag₃: —¿Dsón'₂ lín'₅ 'ne₂ dsa₂ tén₅ Roma?

Jaun₂ ca₂ηag₃ táng₃ Pa₄:

—Ján₅.

28 Jaun₂ ca₂juá'₂ juig₅₄ 'lióg₂ jaun₂ ně₃:

—'Lióg₂ cu₄ ca₂quín₂ quió₃ a₂ca₂ling₃ dsa₂ tén₅ Roma.

Jaun₂ ca₂juá'₂ táng₃ Pa₄:

† 22:23 ca₂gág₃ tsin'₅₄: Le₂jaun₂ jme₁jmo₅ dsa₂ léi₄ chi₂juá'₂ 'e₂ tsá₃ tē₅ dsí₅.

—La₁ jniá₂ ně₃, a₂ma₂lín₅ bá₄ jniá₂ lia'₂ con'₂ ca₂rě₃cháng₃.

²⁹ Dsi₂jui₅ jme₁ca₂nág₂ dsa₂ i₂jme₁bán₂ Pa₄, jaun₂ ca₂i₃lén₂ cau₅, já₃ bá₄ le₂jaun₂ juig₅₄ 'lióg₂ dsen₅₄ ně₃. Ia₁ jme₁ca₂rě₃ni₅ a₂lín₅ Pa₄ dsa₂ tén₅ Roma, ca₂rě₃gó'₅ bá₄ jaun₂ ně₃ ia₁ a₂ca₂'nei'₂ Pa₄.

Ma₂chén'₅ Pa₄ ne₄ dsi₂tan₅₄ quián₅ dsa₂ judíos

³⁰ Jme₁jnia₃ jaun₂, jme₁'nio₃ le₃ni₅ juig₅₄ 'lióg₂ dsen₅₄ 'e₂ 'uig₅₄ jme₁cuě'₅ dsa₂ judíos dso₄ Pa₄. Jaun₂ ca₂chéin'₂ 'éi₂ ia₁ a₂jme₁chi₁'nei'₅₄ quian'₅₄ ni₁ni₁ cadenas. Jaun₂ ca₂jmo₃ 'éi'₃ a₂ni₁'₂ juig₅₄ jme₂dsa₂ quian'₅₄ ca₂le₃jín₃ dsi₂tan₅₄ quián₅ dsa₂ judíos. Jaun₂ guě₄ ca₂dsein₂₃ Pa₄ ca₂chei'₃ ne₄ dsa₂ 'éi₂.

23

¹ Jme₁ma₂chén'₅ Pa₄ ne₄ dsi₂tan₅₄ quián₅ dsa₂ judíos, jaun₂ ca₂jín₂ ca₂le₃jín₃ dsa₂ can'₅₄ 'éi₂, jaun₂ ca₂juá'₂:

—Rin'₅₄ jniog₄, tei₄ bá₄ 'ei₅ dsi₃ ma₂guio₃, chang₂ tē₂ jmi₃g₄ ně₃, ne₄ Diú₄.

² Jaun₂ Ananías, i₂lín₅ jme₂dsa₂ dsen₅₄, ca₂tsí'₃ dsa₂ i₂jme₁tió₂n₂ cau₅ quió'₅ Pa₄, a₂jnaú₃ mi₂'o₄ 'éi₂. ³ Jaun₂ ca₂ṇag₃ Pa₄ ca₂tsí'₃ jme₂dsa₂ dsen₅₄ 'éi₂:

—iDiú₄ jnaú₃ quiáng'₂ 'niag'₂, 'ne₂ i₂lín₅ lia'₂ lě₅ caun₂ ni₁'ia'₂ a₂jnia'₅₄ jniá₂ tiog₂ tē₂le₃ co'₅₄! * ħ'Néi'₂ 'ne₂ ja₁ně₅ qui₂dsí'₁ 'éi'₃ ja₁con₂ jniá₂ con'₂ lě₅ Si₂ 'Éi'₃? ħJaun₂ 'e₂ lě₃ jmo'₂ 'éi'₃ a₂cuě₃ dsa₂ jniá₂, ton'₂ tsá₃ le₂jaun₂ ta₁ quí'₅ Si₂ 'Éi'₃?

⁴ Jaun₂ ca₂ṇag₃ dsa₂ i₂tion'₅₄ guě₄ ja₁jaun₂:

—ħ'E₂ lě₃ ṇag'₅₄ le₂ně₅ ne₄ jme₂dsa₂ dsen₅₄ quián₅ Diú₄?

⁵ Ca₂ṇag₃ táng₃ Pa₄:

—Rin'₅₄ jniog₄, tsá₃ jaun₂ guion₅₄ a₂lín₅ jme₂dsa₂ dsen₅₄. Ia₁ juá'₂ ne₄ Si₂ quió'₅ Diú₄: “Tsá₃ chi₁'ing'₄ 'lig'₅₄ dsi₂tan₅₄ juig₂ go'₅₄.”†

⁶ Jaun₂ ca₂rě₃lí'₄ Pa₄, i₂lín₅₄ dsa₂ 'éi₂ lín₅ dsa₂ saduceos, i₂lín₅₄ guě'₂ lín₅ dsa₂ fariseos. Jaun₂ guě₄ ca₂juá'₂ Pa₄ tiá₂, ca₂tsí'₃ dsa₂:

—Rin'₅₄ jniog₄, dsa₂ fariseo bá₄ lín₅ jniá₂. Fariseos bá₄ jme₁lín₄ dsa₂ can'₅₄ quiáng₃ ně₃. 'Uig₅₄ ia₁ a₂'éng₂ jág₁ a₂jen'₅₄ táng₃ 'lag₄ bá₄ a₂'iog₅₄ dsa₂, a₂con₂ dsa₂ jág₁ dsau₅ chéng'₅ la₂.

⁷ Jme₁ca₂juá'₂ Pa₄ le₂ně₅, dsa₂ i₂lín₅ fariseos, quian'₅₄ dsa₂ i₂lín₅ saduceos ně₃, ca₂jme₃lióg₃ qui₂ca₂tsíin₂ guioin₅₄, ca₂lě₃ le₁dsoin'₅₄. ⁸ Ia₁ dsa₂ saduceos, tsá₃ 'e₂ 'éin₂ a₂jen'₅₄ dsa₂ jē₁ma₂dsain₃, on₃ guě'₂ 'éin₂ a₂chan₂ ángeles, on₃ guě'₂ 'éin₂ a₂chan₂ jme₂dsí₂. La₁ dsa₂ fariseos guě'₂ ně₃, 'éin₂ bá₄ ca₂le₃jě₃ a₂jaun₂. ⁹ Jaun₂ ca₂tóin'₂ ca₂tsíin₂ co₂mi'₅₄. Jaun₂ i₂lín₅₄ dsa₂ i₂lín₅ tē₅juá'₅ i₂tió₂n₂ tē₂le₃ quió'₅ dsa₂ fariseos, ca₂nau₂ ca₂juá'₂:

—'Icaun₂ 'lig'₅₄ tsá₃ 'e₂ ma₂jmo₃ dsa₂ ně₅. ħ'E₂ lě₂ chi₂jua'₂ dsón'₂ bá₄ ca₂juá'₂ jan₂ ángel, o₃ jan₂ jme₂dsí₂ 'e₂, ca₂tsí'₃ i₂ně₅?

¹⁰ Jaun₂ 'nio₅ ca₂tón'₂ dsa₂ ca₂tsíin₂, ca₂lia'₂ ca₂rě₃gó'₅ juig₅₄ 'lióg₂ dsen₅₄ jme₁ca₂jág₃. Ia₁ ně₅ tsá₃ ma₂jmo₃ dsa₂ jma₃quén₅ quió'₅ Pa₄, lín₂. Jaun₂ ca₂jmo₃ 'éi'₃ ca₂o₃lén₂ 'lióg₂ ca₂dsein₂₃ Pa₄ jē₄ quió'₅ dsa₂, ca₂tág₃ jui₅ ne₄ta₁ ja₁tion'₅₄ 'lióg₂.

¹¹ Jme₁ca₂tē₂ tin₃ nei₅ 'en₅₄ Pa₄ ja₁jaun₂,† ca₂jme₃jnia₅ Te₁gui'₅₄ ne₅₄, jaun₂ ca₂juá'₂:

—Quen'₂ bí₂, Pa₄, ia₁ jui₁lia'₂ ma₂ně₂jang'₅₄ jág₁ dsau₅ ně₂'ag'₅₄ jniá₂ jē₄ juig₂ Jerusalén la₂, le₂ně₅ bá₄ o₁jang'₁ jág₁ dsau₅ o₁'ág'₃ jniá₂ jē₄ juig₂ Roma já₃.

Ca₂jmo₃ dsa₂ judíos jág₁ a₂jme₁jñi'₃ Pa₄

¹² Jme₁jnia₃ jaun₂, ca₂jmo₃ jág₁ i₂lín₅₄ dsa₂ judíos a₂jñi'₃ Pa₄. Ca₂'iin₃ Diú₄ a₂ca₂juá'₂ a₂tsá₃ 'e₂ guě'₃, a₂tsá₃ 'e₂ 'ín'₂ ně₃, ca₂lia'₂ ca₂lě₃ a₂niog₅ dsí₅ jmo₃. ¹³ Jme₁lě₂ lě₅ guě₄ con'₂ tē₂lón₃

* 23:3 ni₁'ia'₂ tiog₂; 'Nio'₂ ja₁ton₅ Mateo 23:27. † 23:5 Éxodo 22:28. ‡ 23:11 o₃, “A₂'uě₂ jmi₃g₄ jaun₂.”

dsa₂ i₂jme₁ma₂l₁'₅ jág₁ jmo₃ le₂jaun₂. ¹⁴ Jaun₂ ca₂i₁lein₅₄ i₁j₁in₅₄ juig₅₄ jme₂dsa₂, ca₂le₃jín₃ gué₄ gui'₅₄ can'₅₄ quián₅ dsa₂ judíos ně₃, a₂ca₂i₁jua'₁:

—Jnia'₅₄ ma₂'ín₃ Diú₄ a₂tsá₃ 'e₂ tí₄ 'o₄, ca₂lia'₂ ma₂ně₂jñí'₄ jnia'₅₄ Pa₄. ¹⁵ Jaun₂ 'nia'₂ ně₃, quian'₅₄ dsi₂tan₅₄ quián₅ guá'₅, o₂chei'₅₄ 'nia'₂ juig₅₄ 'lióg₂ a₂ja₂jñiai₃ Pa₄ ne'₅₄ 'nia'₂ 'ióg₃. A₂lě₁juig'₅₄ bá₄ 'nia'₂ a₂caun'₅₄ jág₁ dsau₅ co₂rě₂ quió'₅, ia₁jaun₂ bá₄ ja₃jio₃. Jaun₂ jnia'₅₄ gué'₂ ně₃, ma₂lág₅ co₂jñia₅₄ a₂jñí'₄ né'₃ a₂guáin₂ tē₂la₂.

¹⁶ La₁ ja₁jñi'₅₄ 'io₅₄ rín'₅₄ Pa₄ ca₂rě₃jñi₅ jág₁ jaun₂. Jaun₂ ca₂jñei₅₄ ne₄ta₁ quió'₅ 'lióg₂ ca₂i₁'ě₄ jág₁ ne₄ Pa₄. ¹⁷ Jaun₂ Pa₄ ně₃ ca₂tě'₃ jan₂ juig₅₄ 'lióg₂, jaun₂ ca₂juá'₂:

—Jñia₅ chi'₂ la₂ ne₄ juig'₂ 'nia'₂, ia₁ cha₂ jág₁ quian'₅ dsi₃'ě₃.

¹⁸ Jaun₂ ca₂jñe₄ 'éi₂ ca₂i₁jñiai₃ chi'₂, jaun₂ ca₂juá'₂:

—Pa₄ i₂lě₅ 'í₁ quián₅ 'lióg₂ ně₂tě₂ jniá₂ a₂ně₂mi₃ a₂i₁jñiag₂ chi'₂ la₂, ia₁ cha₂ jág₁ quian'₅ a₂'ě₂ ne'₅₄.

¹⁹ Jaun₂ ca₂jñe₄ juig₅₄ 'lióg₂ dsen₅₄ 'éi₂ mi₂gu₂ chi'₂ 'éi₂, con'₂ ca₂jio₃ cau₅, jaun₂ ca₂jñag₃:

—¿'E₂ jág₁ quian'₅₄ juig'₅₄ jniá₂?

²⁰ Jaun₂ ca₂jñag₃ chi'₂ 'éi₂:

—Ma₂ně₂jmo₃ dsa₂ judíos caun₂ jág₁ a₂mi₃ ne'₅₄ a₂o₁jñiag'₂ Pa₄ 'ióg₃ ne₄ dsi₂tan₅₄ quián₅ dsa₂ judíos. A₂'nio₃ jme₃gain₂₃ 'ne₂ jmo₃ ně₂jag₄ bá₄ a₂con₂ dsi₂tan₅₄ jág₁ dsau₅ quió'₅ 'éi₂.

²¹ La₁ tsá₃ o₁'eng'₅₄, ia₁ lě₅ gué₄ tē₂lón₃ dsa₂ quián₅ ma₂le₁'mai₅₄ cau₅ jui₅ le₁jñio₂₃. Ma₂'iín₃ Diú₄ a₂tsá₃ 'e₂ gué'₃, 'ín'₂, ca₂lia'₂ ca₂jñi'₃ Pa₄. Jnia'₅₄ lia'₂ a₂jaun₂ bá₄ le₁jñia₂₃ chi₂jua'₂ 'e₂ jág₁ juig'₅₄ 'ne₂.

²² Jaun₂ ca₂'ág'₃ jág₁ juig₅₄ dsen₅₄ 'éi₂, ca₂juá'₂ a₂tsá₃ 'ein₂ tsí'₃ jág₁ a₂ca₂dsia₃ jaun₂.

Ca₂dsián'₂ dsa₂ Pa₄ ne₄ Dsi₄má'₂ Félix

²³ Jaun₂ ca₂tě'₃ juig₅₄ 'lióg₂ dsen₅₄ on₃ juig₅₄ 'lióg₂ quián₅, ca₂jmo₃ 'éi'₃ a₂jmo₃ 'éi₂ co₂jñia₅₄ tñ₃ 'ñiá₂-lón₂ 'lióg₂ a₂dsi₃lén₂ jui₅ tag₅₄; 'nag'₂ ne₂guión₂ rě₂dsí₂ guian₃ gué'₂ (70) dsi₃lén₂ co₁dsin₅₄ cua₁, tñ₃ 'ñiá₂-lón₂ gué'₂ i₂cán₂ n₁í chen'₂, a₂dsi₃lén₂ jui₅ Cesarea con'₂ hora n₁í n₁i₃ le₃ca₂nei₂, Š ²⁴ Jaun₂ ca₂chein₃ jág₁ a₂jmo₃ dsa₂ co₂jñia₅₄ cua₁ i₂co₃dsin₅₄ Pa₄. Ca₂jmo₃ 'éi'₃ a₂jmo₃ dsa₂ 'í₁, dsi₃jón₂ 'éi₂ o₄gú₃ Dsi₄má'₂ Félix tē₂dsein₃ jéin'₃ le₂jaun₂. ²⁵ Jaun₂ quian'₅₄ dsa₂ i₂i₁jon₅₄ Pa₄, ca₂chen₃ juig₅₄ dsen₅₄ si₂ la₂ a₂juá'₂:

²⁶ Jniá₂, Claudio Lisias, tsíng₂ si₂ la₂ ne'₅₄ 'ne₂, gui'₅₄ Dsi₄má'₂ juin'₂ Fé₁. Cúing₅ Diú₄ 'ne₂.

²⁷ Ca₂jñau'₃ dsa₂ judíos ca₂jñai'₃ dsa₂ ně₅, a₂jme₁jñag'₃. La₁ jme₁ca₂rě₃guion₅₄ a₂lín₅ dsa₂ tén₅ Roma, jaun₂ ca₂jñeg₅₄ i₁lioin₁₂ quian'₅₄ 'lióg₂ quiáng₃. ²⁸ Ia₁ jme₁'nio₃ le₃guion₅₄ 'e₂ 'uig₅₄ 'nag₅ dsa₂, jaun₂ ca₂i₁jñiá₂ ne₄ dsi₂tan₅₄ quián₅. ²⁹ Jaun₂ ca₂rě₃léi₄ jniá₂, 'uig₅₄ quió'₅ Si₂ 'Éi'₃ quió'₅ guion₅₄ bá₄ dsa₂, cué'₅ i₂ně₅ dso₄. Jaun₂ tsá₃ cha₂ 'e₂ lě₃ jua'₅₄ a₂'i₄ 'éi'₃ a₂jñag'₃ dsa₂, on₃ gué'₂ dsi₂ten₅₄ jua'₅₄ a₂'i₂ 'né₅ 'má₃ ně₃. ³⁰ Jaun₂ jme₁ca₂rě₃guion₅₄ a₂ma₂jmo₃ dsa₂ judíos caun₂ jág₁ a₂jñag'₃, jaun₂ bá₄ lě₃ dsiain'₄ jniá₂ o₄gog'₂ 'ne₂. Jaun₂ ma₂juig₂ bá₄ jniá₂ ján₃, dsa₂ i₂'nag₅ 'ni₅ i₂ně₅, a₂dsi₃lén₂ ne'₅₄ 'ne₂, a₂dsi₃can₅ dso₄ a₂bóin'₂ i₂ně₅. Co₂ně₅ bá₄.

³¹ Jaun₂ 'lióg₂ ně₃, con'₂ lě₅ 'éi'₃ ma₂jñi₂, ca₂dsein₂₃ Pa₄ ca₂tág₃ tē₃ 'uē₂ ca₂dsi₃lén₂ tē₂ juig₂ Antípatris. ³² Jme₁jñia₃ jaun₂, 'lióg₂ i₂i₃lén₂ jui₅ tag₄ ca₂jéin'₃ táng₃ jui₅, ja₂lein₃ táng₃. Jmá'₃ 'lióg₂ i₂co₁dsin₅₄ cua₁ bá₄ ca₂i₃lén₂ i₃jón₂ gué₄ Pa₄. ³³ Jme₁ca₂dsi₃lén₂ tē₂ juig₂ Cesarea, jaun₂ ca₂jñin'₃ dsi₄má'₂ si₂ carta a₂quian₅. Ca₂jñin'₂ Pa₄ ně₃. ³⁴ Jme₁ma₂ně₂'i₂ dsi₄má'₂ si₂, jaun₂ ca₂jñi'₃ Pa₄ a₂já'₄ chain₂. Jme₁ca₂rě₃jñi₅ a₂chan₂ 'éi₂ 'uē₃ Cilicia, ³⁵ jaun₂ ca₂juá'₂:

—Ně₅ nag₅₄ jág₁ quiáng'₂ jē₁ma₂o₂lén₂ dsa₂ i₂'nag₅ quiáng'₂.

Jaun₂ ca₂jmo₃ dsi₄má'₂ 'éi'₃ a₂jmo₃ 'lióg₂ 'í₁ Pa₄ dsi₂néi₂ ne₄ta₁ palacio quió'₅ Rag₅₄ Herodes.

24

Ca₂jáng'₃ Pa₄ jág₁ dsau₅ a₂lióin₂ 'ñiog₅ ne₄ Dsi₄má'₂ Fé₁

¹ A₂'ñiá₂ jmig₄ cang₂ jaun₂, ca₂dsióg₃ Ananías i₂lín₅ jme₂dsa₂ dsen₅₄, quiaín₅₄ i₂lín₅₄ gui₅₄ can₅₄ ně₃, quiaín₅₄ Tértulo i₂lín₅ i₂chén₅ ne₄ jág₁ quiaín₅, ca₂dsi₃lén₂ Cesarea. Jaun₂ ca₂dsi₃lén₂ ne₄ dsi₄má₂ a₂'ni₃ Pa₄. ² Jme₁ca₂i₁quian₅₄ dsa₂ Pa₄, jaun₂ ca₂jme₃lióg₃ Tértulo ca₂tsí₃ dsi₄má₂ a₂'ni₂₃ Pa₄, ca₂juá₂:

—Ti₁'mag₄ 'ne₂, tei₄ bá₄ 'ei₅ tio₅₄ jnia₅₄, jaun₂ dse₃ bá₄ lia₂ con₂ lě₅ 'éi₃ quiáng₂ a₂ting₂. ³ Jaun₂ con₂ lě₅ 'éi₃ qui₂'ne₂ bá₄ qui₂jmo₅ dsa₂, a₂jmo₂ jnia₅₄ ján₃. Jaun₂ cuē₂ jnia₅₄ ti₁'mag₄ 'ne₂, Fé₁ juin₂. ⁴ La₁ jaun₂ tsá₃ uē₂ jme₁'ag₁₂ jnia₅₄ quiáng₂, mi₂ jnia₅₄ jmó₂ dse₃ 'au₂ a₂nág₁ jág₁ quián₂ jnia₅₄ a₂jua₅₄. ⁵ Ma₂ne₅₄ jnia₅₄ ca₂le₃jě₃ 'e₂ 'li₅g₅₄ jmo₅ dsa₂ ně₅, ñi₂₃ ca₂le₃jě₃ juig₂ qui₂dsiain₂₃ mi₅₄ dsa₂ judíos qui₂jmo₃ le₁dson₅₄ dsa₂. Jaun₂ i₂ně₅ bá₄ lín₅ jan₂ dsa₂ i₂quian₅ ne₄ jui₅ quió₅ co₂nió₃ dsa₂ i₂tě₂ dsa₂ nazarenos. ⁶ Jme₁'nio₃ jme₁jme₂'ióg₃ guá₅ templo quián₂ jnia₅₄. Jaun₂ bá₄ lě₃ ca₂chain₅₄ jnia₅₄, [jme₁'niog₂ jme₁qui₂dsi₂ 'éi₃ con₂ lě₅ Si₂ 'Éi₃ quián₂ jnia₅₄. ⁷ La₁ jme₁ca₂'i₃ juig₅₄ 'lióg₂ Lisias, ca₂jñiái₂ Pa₄ jin₄ jnia₅₄ quian₅₄ bí₂ quió₅ 'lióg₂ quián₅, a₂ca₂tág₃. ⁸ Ca₂juá₂ Lisias 'éi₂ a₂'nió₅ ja₃lén₂ dsa₂ i₂'nag₅ ne₅₄ 'ne₂.] Dse₃ ñag₅₄ 'ne₂ 'ñiag₂ ia₁jaun₂ le₃ñi₅₄ lia₂ tís jág₁ 'e₂ lě₃ 'ñi₅ jnia₅₄.

⁹ Jaun₂ ca₂le₃jín₃ guě₄ dsa₂ judíos i₂jme₁tión₂ ja₁jaun₂ ca₂juá₂ a₂dsón₂ dsau₅ bá₄ jág₁ ně₅. ¹⁰ Jaun₂ ca₂jmo₃ léi₄ dsi₄má₂ ca₂tsí₃ Pa₄ a₂juá₂ 'éi₂ jág₁. Jaun₂ ca₂juá₂ 'éi₂ jaun₂ ně₃:

—A₂'ñio₂ dsi₃ jáng₄ jág₁ dsau₅ a₂long₅₄ 'ñióg₃ ne₅₄ 'ne₂, ia₁ guion₅₄ bá₄ jaun₂ a₂lín₅ dsi₂tan₅₄ ma₂ne₁ñó₄ ñi₂ a₂qui₂dsí₁ 'éi₃ quió₅ ta₁caun₂ 'uě₃ la₂. ¹¹ Lé₂ bá₄ le₃caun₅₄ jág₁ dsau₅, mei₂ tsá₃ guia₃-tín₂ jmig₄ bá₄ ma₂tě₂ a₂guang₃ Jerusalén a₂chi₁leng₄ Diú₄. ¹² Tsá₃ jua₅₄ ca₂jo₃ dsa₂ a₂tsíng₂ quian₅₄ dsa₂, on₃ guě₂ jua₅₄ a₂qui₂dsia₂₃ mi₅₄ i₁dsi₅ guá₅ templo, on₃ guě₂ dsi₂néi₂ guá₅ sinagogas, on₃ guě₂ jě₄ juig₂. ¹³ Tsá₃ qui₅₄ jmig₄ i₂ně₅ jme₃jñiai₂₃ ca₂le₃jě₃ a₂'nag₂₃. ¹⁴ La₁ a₂juá₅ jniá₂ ne₅₄, a₂jme₂ti₅₄ ne₄ Diú₄ quián₅ dsa₂ can₅₄, con₂ lě₅ jui₅ a₂juá₂ i₂ně₅ a₂tsá₃ dsau₅. Ia₁ 'éng₂ ca₂le₃jě₃ a₂tio₅₄ ne₄ Si₂ 'Éi₃ quian₅₄ Si₂ quió₅ dsa₂ i₂jme₁'ě₂ jág₁ quián₅ Diú₄ ně₃. ¹⁵ Le₂jaun₂ bá₄ 'éng₂ le₃quió₅ Diú₄, jui₁lia₂ 'éin₂ guioin₅₄ bá₄ ján₃, ia₁ 'éng₂ a₂qui₂jen₅₄ 'lag₄, lia₂ dsa₂ dsen₃ lia₂ dsa₂ 'lín₅₄ ně₃. ¹⁶ 'Uig₅₄ jaun₂, le₃jě₃ jmig₄ bá₄ quín₅ jniá₂ bí₂ a₂tsá₃ 'e₂ dsi₃jñi₅ dsi₃, lia₂ ne₄ Diú₄ lia₂ ne₄ dsa₂ mi₂güig₃ ně₃.

¹⁷ 'Jme₁ca₂dsin₃ tin₃-ni₅ ñi₂ a₂ñi₂₃ juig₂ siá₂, ca₂guáng₃ táng₃ Jerusalén a₂jme₁ong₁₂ dsa₂ te₂ñé₂, a₂dsíng₄ já₂ ne₄ ne₄chei₂ ně₃. ¹⁸ A₂jaun₂ bá₄ 'eng₅₄ jmo₂₃ i₁dsi₅ guá₅ templo jme₁ma₂ně₂jmo₃ le₁jě₃ quió₅ lia₂ con₂ lě₅ tag₄ chí₅ quián₂ jnia₅₄. La₁ on₃jua₅₄ a₂jme₁tion₅₄ dsa₂ juin₅, on₃ guě₂ jua₅₄ ca₂dsia₃ jniá₂ mi₅₄. Jaun₂ ca₂dsi₃lén₂ i₂lín₅₄ dsa₂ judíos i₂ja₂lén₂ juig₂ siá₂ ja₁tén₄ 'uě₃ Asia. I₂'éi₂ bá₄ ca₂jo₃ 'eng₅₄ i₁dsi₅ guá₅ templo. ¹⁹ I₂'éi₂ bá₄ 'nió₅ ja₃lén₂ ja₁lá₃ ia₁jaun₂ 'nag₃ chi₂jua₂ cha₂ a₂'nag₃ jniá₂. ²⁰ Nē₁jua₂ tsá₃ a₂cha₂ 'nag₃ 'éi₂, jaun₂ jui₁'nag₅₄ i₂tión₂ ně₅ chi₂jua₂ cha₂ dso₄ ca₂'no₃ ja₁con₂ dsi₂tan₅₄ quián₅ dsa₂ judíos. ²¹ O₃ 'uig₅₄ jaun₂ 'e₂, ia₁ a₂'én₂ jniá₂ a₂jen₅₄ 'lag₄, jui₁lia₂ ca₂juá₃ jniá₂ tiá₂ ca₂juig₂ 'éi₂ lia₂ con₂ jme₁'eng₅₄ jě₄ quió₅, ca₂juig₂: “A₂cáun₂ 'nia₂ jág₁ dsau₅ quió₃ jniá₂, ia₁ a₂'éng₂ a₂jen₅₄ 'lag₄.”

²² Jme₁ca₂nag₂ gui₅₄ Dsi₄má₂ Fé₁ le₂ně₅, jaun₂ tsá₃ ma₃'e₂ ca₂jme₃rě₃. Ia₁ jme₁ma₂ñi₅ rě₂ bá₄ i₂'e₂ jaun₂ a₂tě₂ dsa₂ “Jui₅”. Jaun₂ ca₂juá₂:

—Ně₅ bá₄ jme₁rě₂ jniá₂ jág₁ ně₅ quián₂ 'nia₂, jě₁ma₂guan₅ juig₅₄ 'lióg₂ dsen₅₄ Lisias.

²³ Jaun₂ ca₂jmo₃ gui₅₄ dsi₄má₂ 'éi₃ ca₂tsí₃ juig₅₄ 'lióg₂ quián₅ a₂toin₂ Pa₄ né₃ 'má₃. La₁ ca₂cuē₃ bá₄ jmig₄ lé₂ bá₄ dsi₃jag₅₄ a₂mei₅₄ quián₅ Pa₄ a₂jme₃'o₅₄ ně₁jua₂ 'e₂ ca₂rě₃'nió₅ quió₅.

²⁴ Jme₁ca₂dsin₃ tin₃-ni₅ jmig₄ cang₂ jaun₂, ca₂dsióg₃ táng₃ Fé₁ quiaín₅₄ 'io₅₄ quián₅ i₂chen₂ Drusila, i₂lín₅ judía. Jaun₂ ca₂jmo₃ Fé₁ 'éi₃ ca₂i₁quian₅₄ dsa₂ Pa₄, jaun₂ ca₂nág₂ tē₂lia₂ ca₂dsia₃ 'éi₂ jui₁lia₂ 'a₂ lia₂ lě₅ a₂'éin₂ tē₂le₃ quió₅ Cristo Jesús. ²⁵ La₁ jme₁ca₂dsia₃ Pa₄ a₂'nió₅ cán₂ dsa₂ caun₂ jui₅ co₂dsau₅, a₂'nió₅ jme₁'uán₂ dsa₂ dsi₅ 'ñiog₅; jme₁ca₂dsia₃ Pa₄ a₂já₅ caun₂ jmig₄ a₂con₂ Diú₄ jág₁ dsau₅ quió₅ le₂jan₂ le₂jan₂ dsa₂, jaun₂ guě₄ ca₂rě₃gó₅ gui₅₄ Fé₁. Jaun₂ ca₂juá₂:

* 24:8 A₂lin₅₄ chog₅₄ si₂ tsá₃ le₁ton₅ jág₁ a₂tio₅₄ 'ñióg₃ corchetes [le₂la₂].

—Dse₃ bá₄ guang'₂ táng₃ ja₁jme₁'eng'₅₄. Nē₅ bá₄ tē₄ táng₃ jmig₄ siá'₂ jē₁ma₂jing₅₄.

²⁶ Jme₁'ín₂ dsí₅ Fé₁ a₂jme₁jén'₃ Pa₄ cu₄ ia₁jaun₂ jme₁lió₂. Jaun₂ 'lióng₂ ráun₂ jme₁ca₂tē₃ a₂dsia₂₃ jág₁ quiong'₅₄. ²⁷ Tin₃ ŋi₂ ca₂ŋí₂ le₂jaun₂ jme₁ca₂o₃'ín₃ gui'₅₄ Fé₁ ta₁ a₂jme₁lín₄, a₂ca₂'í₃ táng₃ Porcio Festo. Jaun₂ lia'₂ ma₂'en₅₄ jaun₂ bá₄ Pa₄ né'₃ 'má₃ ca₂jmo₃ Fé₁, ia₁jaun₂ tē₃tsin'₅₄ dse₃ quian'₅₄ dsa₂ judíos.

25

Ca₂ŋe₄ Pa₄ ne₄ Dsi₄má'₂ Festo

¹ Ma₂'ni₅ jmig₄ a₂ca₂gue₃ Festo ta₁ dsi₄má'₂, ca₂'uín₂ juig₂ Cesarea ca₂uig₂ juig₂ Jerusalén. ² Ja₁jaun₂ ca₂jmo₃ jme₂dsa₂ dsen₅₄ quian'₅₄ ca₂le₃jín₃ juig₅₄ jme₂dsa₂ quián₅ dsa₂ judíos, ca₂mi₃ dso₄ ne₄ Festo a₂'ni₂₃ Pa₄. ³ Ján₃ bá₄ ca₂mi₃ a₂jmo₃ 'éi₂ dse₃ dsí₅, a₂jmo₃ 'éi₃ a₂dsi₃quián₂ dsa₂ Pa₄ a₂dsi₃jó₂ juig₂ Jerusalén. Ia₁ a₂jme₁ma₂li'₅₄ jág₁ a₂jme₁ŋi'₃ Pa₄ le₂'i₄ jui₅. ⁴ La₁ jaun₂ ca₂ŋag₃ Festo a₂'ein₅₄ jui₅ dsáin'₃ ŋi'₅₄ ta₁ tē₂ juig₂ Cesarea ja₁'en₅₄ Pa₄ né'₃ 'má₃. ⁵ Jaun₂ ca₂juá'₂:

—Jui₁ja₂lén₂ dsa₂ i₂lín₅ ta₁ quián'₂ 'nia'₂ quian'₅₄ jniá₂ jui₅ Cesarea, jui₁'nag₁₂ ja₁jaun₂ chi₂jua'₂ cha₂ a₂rín₂.

⁶ Jnia'₅₄ con'₂ jnia₃ o₃ guia₃ jmig₄ bá₄ ca₂'í₃ Festo Jerusalén, jaun₂ ca₂ŋái'₃ Cesarea. Jme₁jnia₃ táng₃ jaun₂, ca₂l₁gua₂ ne₄ta₁ ja₁qui₂dsi₂₃ 'éi'₃, jaun₂ ca₂jmo₃ 'éi'₃ a₂ca₂i₁quian'₅₄ dsa₂ Pa₄. ⁷ Jme₁ca₂'í₃ Pa₄ dsi₂néi₂ ne₄ta₁, jaun₂ ca₂jme₃quián₃ dsa₂ judíos i₂ja₂lén₂ juig₂ Jerusalén. Jaun₂ 'lióng₂ ne₅₄ dso₄ jué'₂ qui₂ca₂bóin'₂ Pa₄. La₁ tsá₃ ca₂tió'₃ jme₃jniai₂₃ a₂dsón'₂ dsau₅ ca₂le₃jé₃ dso₄ a₂bóg'₂ jaun₂. ⁸ Jaun₂ ca₂jáng'₃ Pa₄ jág₁ dsau₅ a₂lióin₂ 'ŋiog₅, ca₂juá'₂:

—'I₁caun₂ dso₄ nē₅ tsá₃ ma₂'no₃ jniá₂, on₃ gué'₂ jua'₅₄ a₂tsá₃ ma₂ca₂rē₃tei₅₄ con'₂ lē₅ Si₂ 'Éi'₃ quió'₅ dsa₂ judíos, on₃ gué'₂ le₃quió'₅ guá'₅ templo jua'₅₄ a₂ma₂'no₃ dso₄, on₃ gué'₂ jua'₅₄ a₂cha₂ dso₄ ma₂ca₂táng'₂ ja₁con₂ gui'₅₄ emperador romano.

⁹ La₁ia₁ jme₁'nio₃ Festo tē₃tsin'₅₄ rē₂ quian'₅₄ dsa₂ judíos, jaun₂ ca₂ŋí'₃ Pa₄:

—¿'Niog'₂ guang'₅₄ tē₂ juig₂ Jerusalén ia₁jaun₂ ja₁jaun₂ jme₁rē₂ jniá₂ quiáng'₂?

¹⁰ Jaun₂ ca₂ŋag₃ Pa₄:

—Jaun₂ gué'₂ ma₂chén'₅ jniá₂ ja₁lá₃ caun₂ ne₄ta₁ ja₁tén₄ gui'₅₄ emperador romano ja₁dsi₂ten₅₄ qui₃dsi₅ dsa₂ 'éi'₃ quió₃. Ia₁ rē₂ bá₄ ŋi'₅₄ 'ne₂, tsá₃ 'e₂ dso₄ rín₂ jniá₂ ja₁con₂ dsa₂ judíos. ¹¹ Chi₂jua'₂ cha₂ gué'₂ dso₄ a₂ma₂'no₃, a₂ca₂tíng₂ jóng₂, jaun₂ guén₄ bá₄ jniá₂ 'mú₃ quió₃. La₁ chi₂jua'₂ tsá₃ dsau₅ dso₄ a₂bóg'₂ dsa₂ nē₅, jaun₂ 'i₁jan₂ tsá₃ 'ein₂ ca₂tín₂ jua'₅₄ a₂jáng'₂ jniá₂ o₄gú₃ dsa₂ 'éi₂. Jaun₂ mi₅ jniá₂ nég'₄ ne₄ gui'₅₄ emperador, ia₁jaun₂ 'éi₂ qui₃dsi₅ 'éi'₃ ja₁cong₂.

¹² Jme₁ca₂lē₃ dsia₅ Festo jág₁ quian'₅₄ dsa₂ i₂to'₂ jág₁ dse₃ quiáin₅, jaun₂ ca₂juá'₂ ca₂tsí'₃ Pa₄:

—Ia₁ ma₂nē₂mi'₅₄ guang'₅₄ ne₄ gui'₅₄ emperador, ne₄ 'éi₂ guang'₅₄ gué'₂ jaun₂.

Ma₂chén'₅ Pa₄ ne₄ Rag₅₄ Agripa

¹³ Tin₃-ni₅ jmig₄ cang₂ jaun₂, ca₂dsióg₃ Rag₅₄ Agripa quian'₅₄ Berenice ca₂i₁lein₅₄ juig₂ Cesarea i₁cuiin₃ Diú₄ Festo. ¹⁴ Ca₂tóin'₂ bá₄ tin₃-ni₅ jmig₄ ja₁jaun₂, jaun₂ ca₂dsia₃ Festo ca₂tsí'₃ Rag₅₄ Agripa jág₁ jaun₂ quió'₅ Pa₄. Jaun₂ ca₂juá'₂:

—'En₅₄ jan₂ dsa₂ 'né₅ 'má₃ ja₁lá₃, i₂ca₂ton'₂ Fé₁. ¹⁵ Lia'₂ con'₂ jme₁'en₅₄ jniá₂ juig₂ Jerusalén, ca₂mi₃ dso₄ ne₃ jniá₂ juig₅₄ jme₂dsa₂ quián₅ dsa₂ judíos, dsa₂ can'₅₄ quiáin₅ nē₃, a₂'ni₂₃ dsa₂ 'éi₂, a₂jme₁mi₂₃ jme₁qui₁dsi₅ jniá₂ 'éi'₃ quió'₅, a₂'ē₄ uig₅ nē₃. ¹⁶ Jaun₂ bá₄ lē₃ ca₂ŋag₄ jniá₂ ca₂juíg₂: “Tsá₃ le₂jaun₂ tin₂ quió'₅ dsi₂tan₅₄ romano jua'₅₄ qui₃dsi₅ 'éi'₃ quió'₅ jan₂ dsa₂, tē₃ tsá₃ ma₂nē₂jín₂ dsa₂ i₂qui₂'nag₅ quió'₅, tē₃ tsá₃ ma₂cuin₅ jmig₄ lióin₃ 'e₂ dso₄ bóg'₂ dsa₂.” ¹⁷ Jaun₂ lē₃, jme₁ca₂o₃lén₂ ja₁lá₃, dsi₂jui₅ bá₄ ca₂l₁gua₂ ne₄ta₁ quió₃ jme₁jnia₃ jaun₂, jaun₂ ca₂jmo₃ 'éi'₃ ca₂i₁quian'₅₄ dsa₂ dsa₂ 'éi₂. ¹⁸ La₁ jme₁ca₂o₃lén₂ dsa₂ i₂'nag₅, tsá₃ 'e₂ dso₄ ca₂bóg'₂

dsa₂ ju₁lia'₂ dso₄ jme₁lín₂ jniá₂ a₂jme₁bóg'₂. ¹⁹ Jnia'₅₄ lia'₂ a₂jaun₂ bá₄ 'ni₂₃ 'éi₂ lia'₂ con'₂ lě₅ 'Éi'₃ Juá'₅ quió'₅, ia₁ a₂juá'₂ 'i_{in23} jan₂ i₂chen₂ Jesús i₂ca₂jon₃, jaun₂ juá'₂ Pa₄ i₂chan₂ bá₄ 'éi₂. ²⁰ Ia₁ tsá₃ guion₅₄ 'a₂ lia'₂ jme₁rě₂ jág₁ jaun₂, jaun₂ bá₄ lě₃ ca₂juíg₂ Pa₄ chi₂jua'₂ 'nio₃ dsó₃ jui₅ Jerusalén, ia₁jaun₂ qui₃dsi₅ dsa₂ 'éi'₃ ja₁jaun₂. ²¹ La₁ 'niog₅ ně₃ ca₂mi₃ a₂qui₃dsi₅ 'éi'₃ gui'₅₄ emperador Augusto, jaun₂ bá₄ lě₃ ca₂jmo₃ jniá₂ 'éi'₃ lia'₂ ma₂'ein₅₄ ně₅ 'né₅ 'má₃, ca₂lia'₂ ca₂cuin₃ jmig₄ a₂tsiin₅₄ ne₄ gui'₅₄ emperador.

²² Jaun₂ ca₂juá'₂ gui'₅₄ Agripa ca₂tsí'₃ Festo:

—Ján₃ bá₄ 'nio₃ jniá₂ nag₅₄ jág₁ quió'₅ dsa₂ 'éi₂.

Jaun₂ ca₂ṇag₃ táng₃ Festo:

—'Ióg₃ nág'₁ jág₁ quió'₅.

²³ Jaun₂ jme₁jnia₃ jaun₂, ca₂dsióg₃ gui'₅₄ Agripa quian'₅₄ Berenice. 'Nio₅ lín₃ jlá'₁ ca₂i₃toin'₅₄ dsi₂néi₂. Ca₂dsi₃lén₂ juig₅₄ 'lióg₂ dsen₅₄, ca₂le₃jín₃ dsa₂ dsen₅₄ quián₅ juig₂ ca₂dsi₃lén₂. Jaun₂ ca₂jmo₃ Festo 'éi'₃ a₂ca₂i₁quian₅₄ dsa₂ Pa₄. ²⁴ Jaun₂ ca₂juá'₂:

—'Ne₂ Rag₅₄ Agripa, ca₂le₃jín₃ 'nia'₂ dsa₂ i₂le₁ṇi'₂ ja₁lá₃ quian'₅₄ jnia'₅₄, la₂ chén'₅ dsa₂ la₂. Juin₅ dsa₂ judíos i₂chan₂ juig₂ Jerusalén, dsa₂ chan₂ juig₂ Cesarea ja₁lá₃ ně₃, 'ni₂₃ dsa₂ la₂. Jaun₂ ca₂le₃jě₃ jmig₄ tsá₃ cán₂ jág₁, a₂mi₂₃ jón₂ i₂ně₅. ²⁵ La₁ con'₂ lín₂ jniá₂, tsá₃ 'e₂ dso₄ riin₂ jua'₅₄ a₂dsi₂ten₅₄ jóin₂. Ton'₂ mi₂₃ táng₃ 'niog₅ a₂dsáin'₃ ne₄ gui'₅₄ emperador Augusto, jaun₂ lě₃ ma₂i₂jiog₅ dsi₃ dsiain'₅₄ co₂ṇei'₅₄ ne₄ 'éi₂. ²⁶ Ia₁ tsá₃ guion₅₄ 'e₂ jág₁ dsón'₂ tó'₄ ne₄ si₂ a₂juig₅₄ gui'₅₄ emperador a₂ 'nig₄ i₂ně₅. Jaun₂ bá₄ lě₃ i₂jniá₂ ne'₅₄ 'nia'₂, la₁ 'nio₅ dsen₅₄ guě₄ le₂'uig₅₄ ne'₅₄ 'ne₂ gui'₅₄ Rag₅₄ Agripa, ia₁jaun₂ caun'₅₄ jág₁ dsau₅ quió'₅, ia₁jaun₂ cha₂ a₂tó'₄ ne₄ si₂ 'e₂ a₂rě₂cáin'₂. ²⁷ Ia₁ tsá₃ dse₃ jniá₂, lín₂ jniá₂, jua'₅₄ a₂dsiang'₅₄ jan₂ dsa₂ chi₁'ṇei'₅₄ jua'₅₄ a₂tsá₃ juig₅₄ 'e₂ lě₃ 'nag₅ dsa₂.

26

Ca₂jáng'₃ Pablo jág₁ dsau₅ quió'₅ ne₄ Rag₅₄ Agripa

¹ Jaun₂ ca₂juá'₂ Rag₅₄ Agripa ca₂tsí'₃ Pa₄:

—Lé₂ bá₄ jua'₅₄ jág₁ a₂jang'₅₄ jág₁ dsau₅ o₄quiáng'₂ 'ṇiag'₂.

Jaun₂ ca₂chóg'₃ Pa₄ gu₂ ca₂jme₃lióg₃ ca₂juá'₂ le₂la₂:

²—Jmo₅ jniá₂ dsi₃, 'e₂ bá₄ dsen₃ jniá₂, a₂ma₂chéng'₅ ne'₅₄ 'ne₂ Rag₅₄ Agripa, a₂long₅₄, juig₅₄ 'ne₂ 'a₂ lia'₂ lě₅ ca₂le₃jě₃ dso₄ a₂bóg'₂ dsa₂ judíos jniá₂. ³ Ia₁ ma₂ṇi'₅₄ bá₄ 'ne₂ co₂rě₂ 'a₂ lia'₂ lě₅ tag₄ a₂chí'₅ quián₂ jnia'₅₄ dsa₂ judíos, quian'₅₄ jág₁ a₂tság₂ jnia'₅₄ jin₄ rin'₅₄ ně₃. Jaun₂ lě₃ mi₅ jniá₂ ne'₅₄ a₂jmo'₂ juin'₂ 'au'₂ a₂nág'₁ jág₁ quió'₃.

Ca₂dsia₃ Pablo, le₂la₂ bá₄ jme₁lín₄ né'₃ a₂jéin'₃ le₃quió'₅ Te₁gui'₅₄

⁴ 'Ca₂le₃jín₃ bá₄ dsa₂ judíos le₁ṇi₅ 'a₂ lia'₂ jme₁jmo₅ jniá₂ juig₂ go₃ quian'₅₄ jě₄ juig₂ Jerusalén ně₃. Jaun₂ le₁ṇi₅ bá₄ dsa₂ 'a₂ lia'₂ jme₁ṇi₅ jniá₂ lia'₂ bing'₅₄. ⁵ Le₁ṇi₅ 'éi₂ ján₃, jaun₂ lé₂ bá₄ jáng₃ jág₁ dsau₅ ně₁jua'₂ 'nio₃, lia'₂ con'₂ jme₁i₃juing'₂ bá₄, ma₂lín₅ bá₄ jniá₂ dsa₂ fariseo. Jaun₂ jnia'₅₄ i₂jme₁lág₄ fariseos jme₁jme₂tí₁ guě₄ 'ṇio₅ lín₃ juá'₅ quián₂. ⁶ Ia₁ a₂'éng₂ a₂jme₃jen'₅₄ Diú₄ 'lag₄, ju₁lia'₂ lě₅ jág₁ quió'₅ ca₂cuě'₃ gui'₅₄ can'₅₄ quián₂ jnia'₅₄ ma₂líg'₂, 'uig₅₄ jaun₂ bá₄ a₂chéng'₅ ja₁lá₃, a₂con₂ dsa₂ jág₁ dsau₅ quió'₃. ⁷ Ta₁guia₃-tín₂ bá₄ cho'₅₄ tsi₁jon₂ dsa₂ juig₂ jnia'₅₄ jme₂juin'₂ Diú₄, jaun₂ lia'₂ 'uě₂-jmi₂ bá₄ jme₂tí₃ ta₁ ne₄ Diú₄ ia₁ le₁'ín₂ dsi₅ a₂jme₂tí₃ Diú₄ jág₁ jaun₂ quió'₅ ca₂cuě'₃. 'Uig₅₄ jaun₂ bá₄ ně₃, 'ne₂ gui'₅₄ Rag₅₄ Agripa, 'uig₅₄ ia₁ a₂'ín₂ dsi₃ jniá₂ le₂jaun₂ bá₄, a₂'nag₅ dsa₂ judíos jniá₂. ⁸ Ć'E₂ 'uig₅₄ jmo'₂ 'nia'₂ 'au'₂ a₂tsá₃ qui'₅₄ Diú₄ jmig₄ jme₃jein'₅₄ 'lag₄?

Ca₂dsia₃ Pa₄ 'a₂ lia'₂ qui₂ca₂co₃'ein₃ quió'₅ dsa₂ quián₅ Jesús

⁹ 'Jniá₂ 'ṇió₃, jme₁dsi₂jiog₅ dsi₃ le₂jniá₅ jme₁jmo₅₄ 'lióng₂ ne₅₄ cosas a₂jme₁jmag'₅₄ dsa₂ quián₅ Jesús chan₂ Nazaret. ¹⁰ Jaun₂ le₂ně₅ ca₂jmo₃ jě₄ juig₂ Jerusalén. Quian'₅₄ 'éi'₃ ca₂cuě'₃

juig₅₄ jme₂dsa₂, qui₂ca₂tong' ₂ 'né₅ 'má₃ juin₅ lin₃ dsa₂ 'én₂.^{*} Caun₂ bá₄ jág₁ jme₁lě₄ quió₃ quian'₅₄ dsa₂ i₂ca₂jme₃dsian₅ i₂lin₅₄ dsa₂ i₂'én₂ 'éi₂. ¹¹ 'Lióng₂ ráun₂ qui₂ca₂'ě₃ jniá₂ uig₅, ia₁jaun₂ jmo₃ tion₅₄ a₂tí₂ a₂'éin₂. Le₂jaun₂ bá₄ qui₂ca₂jmo₃ jniá₂ le₂tan₅₄ guá'₅ sinagogas, ca₂lia'₂ ca₂i₁'éin₄ le₂tan₅₄ juig₂ go₄ dsa₂ sián'₂ ně₃, ia₁ 'ñio₅ lin₃ jme₁'ñiai₅₄ jniá₂.

Ca₂dsia₃ táng₃ Pa₄ 'a₂ lia'₂ ca₂lě₃ a₂ca₂jéin'₃

(Hechos 9:1-19; 22:6-16)

¹² 'Ta₁ jaun₂ jme₁ñó₃ jniá₂ jui₅ Damasco ca₂chei₃ dsa₂ quian'₅₄ bí₂ 'éi'₃ ca₂cuě₃ juig₅₄ jme₂dsa₂ a₂jme₁i₂cháng'₃ dsa₂ 'én₂ i₂jme₁tion'₅₄ ja₁jaun₂. ¹³ La₁ lia'₂ con'₂ jme₁ñó₃ le₂i₄ jui₅, 'ne₂ gui'₅₄ rag₅₄, con'₂ dsi₃ñí'₃ bá₄ jaun₂, ca₂jág₃ jniá₂ caun₂ si₂ a₂já₃ jui₅ guei'₅₄ i₂juig₃, ca₂tág₃ le₃lág'₃ quió₃, quian'₅₄ dsa₂ i₂jme₁quiang'₅₄. 'Ñio₅ lin₃ guě₄ tág₅ con'₂ guě₄ 'iog₂. ¹⁴ Jaun₂ ca₂le₃jág₃ bá₄ jniá'₅₄ i₂gau'₅₄ 'uě₃ dsi₂jui₅ le₂jaun₂. Jaun₂ ca₂nag₃ caun₂ jág₁ ca₂juá'₂ dsa₂ quian'₅₄ jág₁ jmei₅ hebreo:† “Saulo, Saulo, ¿'e₂ lě₃ co₂'éin'₅ jniá₂? A₂jñia'₅₄ jmag'₅₄ uig₅ 'ñiag'₂ bá₄, jmo'₂ ju₁lia'₂ jmo₅ ca₂jui₅ quia'₂ 'uě₃ a₂jñáu₅ nei'₅₄ ni₁'ma₂ chen'₂.” ¹⁵ Jaun₂ ca₂ñag₄ jniá₂: “¿'Ein₂ bá₄ 'ne₂, gui'₅₄?” Jaun₂ ca₂ñag₃ táng₃: “Jesús bá₄ jniá₂ i₂co₂'én'₅ 'ne₂. ¹⁶ La₁ nau₂, chí'₂ tag'₅₄, ia₁ ně₂jme₁jniag₅ ne'₅₄ 'ne₂, ia₁ 'nio₃ jme₁ti'₄ ta₁ ne₃, ia₁jaun₂ jang'₅₄ jág₁ dsau₅ 'e₂ ně₂jag'₅₄ ně₃, quian'₅₄ a₂jag'₅₄ guě₄ cang₂ a₂jme₁jnia₅ jniá₂. ¹⁷ Tsin₅₄ jniá₂ 'ne₂, jaun₂ gog'₅₄ ja₁con₂ dsi₂nau₂, jaun₂ jmo₅₄ bá₄ jniá₂ 'í₁ 'ne₂ ia₁jaun₂ tsá₃ jmóg'₂ dsa₂ juig₂, on₃ guě'₂ dsi₂nau₂ ně₃. ¹⁸ Jaun₂ jui₅ ja₁con₂ dsa₂ 'éi₂ tsin₅₄ jniá₂ 'ne₂, ia₁jaun₂ le₃jnio₂ ne₄ dsa₂, ia₁jaun₂ 'ui₁n₃ jě₄ qui₁né'₃, qui₃jéin'₃ ne₅₄ ja₁tág₅ si₂; ia₁jaun₂ tsá₃ lě₅ jua'₅₄ tioin'₅₄ guě₄ 'éi'₃ quió'₅ Satanás, ia₁jaun₂ dsi₁lein₃ ja₁con₂ Diú₄, dsi₃'én₂ bá₄ dsáu₁, ia₁jaun₂ gue₃ ju₁lia'₂ a₂ca₂tín₂ dsa₂ i₂lě₅ 'í₁ quián₅ Diú₄, 'uig₅₄ ia₁ a₂'éin₂ le₃quió₃ jniá₂.”

Ca₂jme₃ti₃ Pa₄ a₂ca₂jág₃ jaun₂

¹⁹ 'Jaun₂ le₂ně₅ bá₄, 'ne₂ gui'₅₄ Rag₅₄ Agripa, tsá₃ jua'₅₄ a₂tsá₃ ca₂jme₁ti₁₂ con'₂ lě₅ a₂ca₂jág₃ a₂já₃ guei'₅₄. ²⁰ Jaun₂ lě₃, jě₄ juig₂ Damasco ca₂'ě₃ le₂'uig₅₄ jág₁ dse₃. Jaun₂ guě₄ ca₂ñeg₅₄ jui₅ Jerusalén, le₂tan₅₄ juig₂ ja₁tén₄ 'uě₃ Judea ně₃. Ján₃ bá₄ ca₂ñeg₅₄ jin₄ dsi₂nau₂, ca₂i₁chei₁₂ a₂'nió'₅ dsi₃quén'₅ dsi₅, jéin'₃ le₃quió'₅ Diú₄, a₂jme₃li₅₄ a₂ma₂ca₂rě₃tsín₃ dsi₅ tě₂le₃ quian'₅₄ ca₂le₃jě₃ a₂jmo₂₃. ²¹ 'Uig₅₄ jaun₂ bá₄ a₂ca₂jñau'₃ dsa₂ judíos jniá₂ i₁dsi₅ guá'₅ templo a₂jme₁'nio₃ jme₁jñag'₃. ²² La₁ Diú₄ bá₄ jme₂'o₅₄ cuě₂₃ bí₂ a₂chan'₅₄ tiá₂ jág₁ quió'₅ ca₂tě₂ jmig₄ ně₃, qui₂jáng'₅ jág₁ dsau₅ a₂juig₂ lia'₂ dsa₂ dsen₅₄ lia'₂ dsa₂ lě₁dsa₂ ně₃. 'I₁caun₂ jág₁ siá'₂ tsá₃ juig₂ jniá₂ dsa₂, jñia'₅₄ con'₂ lě₅ jág₁ ca₂juá'₂ dsa₂ i₂jme₁'ě₂ jág₁ quián₅ Diú₄ ma₂líg'₂, quian'₅₄ a₂ca₂juá'₂ Moisés, jme₁ca₂juá'₂ ca₂le₃jě₃ 'e₂ niog₅ lé₂, ²³ co₂'nió'₄ a₂tion₅₄ 'nió'₅ ñág₃ uig₅ I₂rě₂'in₁ quián₅ Diú₄; jaun₂ 'éi₂ bá₄ lén₂ i₂le₂'uig₅₄ i₂jen'₅₄ jin₄ 'lag₄, ia₁jaun₂ dsi₃'ě₃ jág₁ dse₃ a₂lión₂ dsa₂, ju₁lia'₂ caun₂ si₂ a₂tág₅ lia'₂ jin₄ dsa₂ juig₂ quián₂ jnia'₅₄, lia'₂ jin₄ dsi₂nau₂ ně₃.

Ca₂jmo₃ Pa₄ bí₂ a₂jme₁le₂'én₂ Rag₅₄ Agripa tě₂le₃ quió'₅ Jesús

²⁴ Jme₁ca₂juá'₂ Pa₄ jág₁ jaun₂ a₂jme₁lióin₂ 'ñiog₅ ne₄ dsi₂tan₅₄, jaun₂ ca₂guió'₃ Dsi₄má'₂ Festo ca₂juá'₂:

—iA₂lě₁tě₂'i'₂ bá₄ 'ne₂, Pa₄! Ia₁ a₂ñí₄ lě₃ 'i'₂ si₂, jaun₂ ma₂ca₂rě₃ñág'₅.

²⁵ Jaun₂ ca₂ñag₃ táng₃ Pa₄:

—Tsá₃ ñás₅ jniá₂, 'ne₂ gui'₅₄ Dsi₄má'₂ Festo. Jág₁ dsau₅ dsón'₂ bá₄ a₂juá'₅ jniá₂ la₂. ²⁶ La₂ bá₄ guá'₅ gui'₅₄ Rag₅₄ Agripa i₂cuí'₅ dse₃ 'a₂ lia'₂ lě₅ jág₁ ně₅. A₂jaun₂ bá₄ lě₃ tiá₂ dsi₃ a₂juá'₅ ne₅₄, ia₁ dsón'₂ ñi₅ ca₂le₃jě₃ jág₁ ně₅, ia₁ on₃jua'₅₄ a₂ca₂lě₃ caun₂ ja₁quióng₄ con'₂ tě₃co'₅₄. ²⁷ ¿'Én'₂ 'ne₂ gui'₅₄ Rag₅₄ Agripa jág₁ a₂ca₂juá'₂ dsa₂ i₂jme₁'ě₂ jág₁ quián₅ Diú₄? Guion₄ bá₄ jniá₂ a₂'én'₂ 'ne₂.

²⁸ Jaun₂ ca₂ñag₃ Rag₅₄ Agripa:

—Ca₂juig₄ mei'₂ tsá₃ jme₂'uang'₅₄ dsi₃ a₂lěng₂ jan₂ dsa₂ cristiano.

* **26:10** lit. “juin₅ lin₃ dsa₂ jñiós.” † **26:14** o₃, arameo.

²⁹ Jaun₂ ca₂juá'₂ táng₃ Pa₄:

—Chi₂jua'₂ ca₂juig₄ o₃ tsá₃ ca₂juig₄ 'e₂, 'e₂ gué₄ dse₃ ně₁jua'₂ jmo₃ Diú₄ on₃jua'₅₄ jmá'₃ 'ne₂, já₃ bá₄ le₂jaun₂ ca₂le₃jín₃ dsa₂ i₂nag₅ já₁ quió'₃ ně₃, a₂léin₂ jui₁lia'₂ lín₅ jniá₂, o₁jñia'₅₄ gué₄ on₃jua'₅₄ quian'₅₄ ni₁ñí₁ cadena jui₁lia'₂ chén'₅ jniá₂ la₂.

³⁰ Jme₁ma₂ca₂lē₃ juá'₂ Pa₄ le₂jaun₂, ca₂nau₂ Rag₅₄ Agripa quian'₅₄ Dsi₄má'₂ Festo, 'io₅₄ Berenice ně₃, ca₂'uñin₂ co₂lē₅ quiaín'₅₄ ca₂le₃jín₃ gué₄ dsa₂ i₂jme₁tion'₅₄. ³¹ Con'₂ ca₂i₃léin₂ cau₅, ca₂i₁dsia₂ 'a₂ lia'₂ jmo₃ já₁ jaun₂ quió'₅ Pa₄, jaun₂ ca₂juá'₂ ca₂tsí'₃ riñ'₅₄:

—'I₁ca₂juig₄ tsá₃ 'e₂ ma₂jmo₃ dsa₂ ně₅, jua'₅₄ a₂ca₂tiñ₂ 'i₄ 'éi'₃ jóin₂, on₃ gué'₂ jua'₅₄ a₂dsi₂ten₅₄ 'ein₅₄ né'₃ 'má'₃ ně₃.

³² Jaun₂ ca₂juá'₂ Rag₅₄ Agripa ca₂tsí'₃ Dsi₄má'₂ Festo:

—Jme₁lé₂ bá₄ jme₁lión₂ dsa₂ ně₅, jua'₅₄ mei'₂ gué₃ tsá₃ ca₂mi₃ 'ñiog₅ a₂jme₃rě₃ gui'₅₄ emperador já₁ quió'₅.

27

Ca₂dsián'₂ dsa₂ Pa₄ jui₅ Roma

¹ Jme₁ca₂jmo₃ dsa₂ já₁ a₂chei₃ jnia'₅₄ jui₅ 'uē₃ Italia, jaun₂ Pa₄ quian'₅₄ gué₄ dsa₂ i₂le₁'ñe'₅₄ riñ'₅₄ ca₂jáng'₂ dsa₂ o₄gú₃ jan₂ juig₅₄ 'lióg₂ i₂chen₂ Julio, i₂tén₅ tē₂le₃ quió'₅ co₂nió'₃ 'lióg₂ i₂tē'₂ dsa₂ quián₅ Augusto. ² Jaun₂ ca₂tió'₄ jnia'₅₄ caun₂ ni₁barco a₂já₃ jui₅ 'o₄ jmi₁ñí'₄ ja₁chei₂ Adramitio a₂jme₁ma₂chí'₅ dsáu'₃ jui₅ 'o₄ jmi₁ñí'₄ a₂niog₅ 'uē₃ Asia. Jme₁quian'₅₄ jnia'₅₄ Aristarco dsa₂ chan₂ Tesalónica, juig₂ tén₅ 'uē₃ Macedonia. ³ Jme₁jnia₃ táng₃ jaun₂, ca₂dsi₃náu₅ jnia'₅₄ 'o₄ jmi₁ñí'₄ juig₂ Sidón. Ja₁jaun₂ ca₂dsia₃ ñeí₂ dsí₅ Julio ja₁con₂ Pa₄, ca₂cuē₃ bá₄ jmi₁g₄ ca₂i₁jñin₁₂ a₂mei₅₄ quián₅, ia₁jaun₂ jme₃'o₅₄ 'éi₂ 'e₂ a₂'nió'₅ quió'₅. ⁴ Jme₁ca₂'uag₂ jnia'₅₄ juig₂ Sidón, ca₂i₃náu₅ jnia'₅₄ jui₅ ja₁jniá₂ Chipre tē₂le₃ gu₂jen₅, ia₁tē₂le₃ siá'₂ bá₄ jme₁'ei₅ dsí₂. ⁵ Jaun₂ ca₂ñag₅₄ jnia'₅₄ jmi₁ñí'₄ chei'₅₄ 'uē₃ Cilicia quian'₅₄ Panfilia. Jaun₂ dsi₃náu₅ jnia'₅₄ ja₁chei₂ Mira, juig₂ tén₅ 'uē₃ Licia.

⁶ Ja₁jaun₂ ca₂dsó'₂ juig₅₄ 'lióg₂ caun₂ ni₁barco já₃ juig₂ Alejandría, a₂ma₂'i₄ jui₅ dsáu'₅ jui₅ Italia. Jaun₂ ca₂jmo₃ 'éi'₃ ca₂tió'₄ jnia'₅₄ ni₁barco, jaun₂ ca₂i₃náu₅ táng₃. ⁷ 'Lióng₂ jmi₁g₄ ca₂tió'₄ jnia'₅₄ ni₁barco, ia₁ a₂i₃náu₅ tē₂'ua₁. Jaun₂ tē₃ quian₅ ta₁ le₂jaun₂ bá₄ dsi₃náu₅ ja₁chei₂ Gnido. Ia₁ lia'₂ ma₂'ei₅ jaun₂ bá₄ dsí₂ le₃siá'₂, jaun₂ ca₂ñag₅₄ jnia'₅₄ cau₅ ja₁chei₂ Salmón, ca₂i₁jeiñ'₅₄ le₃ja₁chei₂ Creta, 'uē₃ 'i₄ jē₄ jmi₁ñí'₄. ⁸ Jaun₂ tē₃ quian₅ ta₁ le₂jaun₂ bá₄ ca₂dsi₃náu₅ jnia'₅₄ ja₁tē'₂ dsa₂ 'O₄ jmi₁ñí'₄ Dse₃, ja₁ma₂quián₅ juig₂ Lasea.

⁹ 'Lióng₂ jmi₁g₄ ca₂rē₃'ag₄ jnia'₅₄. Ma₂tē₂ jein₂ a₂ma₂go'₂ i₃nió₄ dsa₂ jui₅ ne₄ jmi₁ñí'₄, ia₁ a₂ma₂ja₂quián₃ jein₂ güig₂. Jaun₂ lē₃, jme₁ca₂juá'₂ Pa₄ ca₂tsí'₃ dsa₂:

¹⁰ —'Nia'₂ dsa₂, já₅ jniá₂ 'ñio₅ ma₂go'₂ quián₂ jniog₄ tē₂le₃ ja₁dsau₅₄ ně₅, ia₁ dsi₃'én₂ ni₁barco, lió₅₄ ně₃, ca₂tē₂ guio₅₄ jniog₄ go'₂ dsióg₃ ně₁jua'₂ 'e₂ ca₂lē₃.

¹¹ La₁ juig₅₄ 'lióg₂ ně₃, tsá₃ jui₅ ca₂tón'₃ já₁ jaun₂ quió'₅ Pa₄. Ca₂tón'₃ bá₄ jui₅ já₁ quió'₅ dsa₂ juig₅₄ ni₁barco quian'₅₄ dsa₂ i₂quian₄ ni₁barco ně₃. ¹² Ia₁ tsá₃ dse₃ 'o₄ jmi₁ñí'₄ jaun₂ jua'₅₄ a₂jñia₃ dsa₂ jein₂ güig₂ ja₁jaun₂, jaun₂ mei'₂ tsá₃ ca₂le₃jín₃ dsa₂ ca₂jmo₃ já₁ a₂jme₁dsi₁náu₄ jui₅ ja₁tág'₄ juig₂ Fenice, caun₂ 'o₄ jmi₁ñí'₄ quió'₅ Creta ja₁jniá₂ tē₂le₃ noroeste quian'₅₄ tē₂le₃ suroeste, ia₁jaun₂ dsi₁jñia₁ jnia'₅₄ ja₁jaun₂ tē₁lia'₂ ñag₅ jein₂ güig₂.

Ca₂'ág₂ dsí₂ tiá₂ lín₃ ne₄ jmi₁ñí'₄

¹³ Jaun₂ ca₂jme₃lióg₃ ca₂'ág₂ dsí₂ 'ua₁ a₂já₃ tē₂le₃ sur. Jaun₂ caun₂ lé₂ dsi₃léin₂ bá₄ lín₂. Jaun₂ ca₂'uñin₂ jaun₂ ně₃, ca₂i₃léin₂ jui₅ ma₂quián₅ chei'₅₄ 'uē₃ Creta. ¹⁴ La₁ jme₁co₂lág₂ jaun₂, ca₂já₃ dsí₂ tiá₂ lín₃ a₂chei₂ Nordecte ca₂tē₂ ni₁barco. ¹⁵ Jaun₂ ca₂jio₃ dsí₂ le₃siá'₂ quió'₅ ni₁barco, ia₁ tsá₃ ma₃lé₂ jua'₅₄ dsau₅₄ jnia'₅₄ co₂dsau₅, jaun₂ co₂ñei'₅₄ ca₂cuē₁ jnia'₅₄ jmi₁g₄ a₂jio₃ dsí₂. ¹⁶ Jaun₂ ca₂ñag₅₄ jnia'₅₄ le₃co'₅₄ caun₂ 'uē₃ pí'₁ ja₁chei₂ Cauda* a₂niog₅ jē₄ jmi₁ñí'₄. Ja₁jaun₂ tsá₃ lín₄ ma₃'ei₅ dsí₂ tiá₂, jaun₂ tē₃ quian₅ ta₁ le₂jaun₂, ja₂lag₃ bá₄ ca₂tián₃

* 27:16 A₂lín₅₄ chog₅₄ si₂: “Clauda.”

jnia'₅₄ a₂ca₂quiong₅₄ táng₃ tsi₁mu₅ a₂jme₁le₁'in₁ le₃chi₁co'₅₄. ¹⁷ Jme₁ca₂lë₃ ca₂tó'₂ dsa₂ tsi₁mu₅ guei'₅₄ 'ñió'₃ ni₁barco, jaun₂ qui₂ca₂'néi₂ dsa₂ dse₃ ni₁barco quian'₅₄ tsi₁'nei₅₄ ia₁jaun₂ jmo₃ bën₂ guë₄. Jaun₂ ia₁ jme₁gó'₅ dsa₂ a₂'í₂ ni₁barco ne₄ ti₁tsag₁ ja₁të'₂ dsa₂ Sirte, jaun₂ ca₂sió₂ tsi₁'mí'₂ quió'₅ ni₁barco, jaun₂ ca₂cuë₃ jmi₂g₄ a₂jio₃ dsí₂. ¹⁸ Jme₁jnia₃ jaun₂, ia₁ tiá₂ bá₄ guë₄ 'ei₅ dsí₂, jaun₂ ca₂jme₃lióg₃ qui₂ca₂tó'₂ lió₅₄ ne₄ jmi₁ñí'₄. ¹⁹ Jme₁ca₂të₂ 'ni₅ jmi₂g₄, jaun₂ guio₅₄ jnia'₅₄ quian'₅₄ gu₂ qui₂ca₂tio'₅₄ dsi₂jmi₂g₂ le₂jio₅ a₂jmo'₂ ta₁ ni₁barco 'ñiog₅. ²⁰ 'Lióng₂ jmi₂g₄ tsá₃ ma₃ca₂jnia₃ 'iog₂, on₃ guë'₂ nei₅ në₃. Tsá₃ ma₃lág₂ jnia'₅₄ jua'₅₄ a₂tág'₄ guë₄, ia₁ a₂ñí₄ lë₃ tiá₂ jme₁'ei₅ dsí₂.

²¹ Ia₁ ma₂ne₁ñó₄ 'lióng₂ jmi₂g₄ tsá₃ ma₃'ein₂ jnia'₅₄ guë'₅, jaun₂ ca₂nau₂ Pa₄ jë₄ quió'₅ dsa₂ 'éi₂, jaun₂ ca₂juá'₂:

—'Nia'₂ dsa₂, dse₃ jua'₅₄ co₂ñei'₅₄ ca₂tion'₂ bá₄ 'nia'₂ jui₅ jág₁ quió'₃ a₂tsá₃ jme₁'uág₃ Creta. Jnia'₅₄ ca₂i₃'én₂ bá₄ quián₂, ton'₂ ca₂ñag₅₄ rë'₂ uig₅ në₃. ²² La₁ në₃ në₃, quen'₂ 'nia'₂ bí₂, ia₁ 'i₁jan'₂ 'nia'₂ tsá₃ 'ein₂ dsián₃, o₁jnia'₅₄ dsi₃'én₂ ni₁barco. ²³ Ia₁ a₂'uë₂ la₂ në₂jme₃jnia₅ jan₂ ángel ne₃, i₂chen₄ quián₅ Diú₄ i₂jme₂tí₁ jniá₂ ne₅₄. ²⁴ Jaun₂ në₂juá'₂ ángel në₂chéi₃ jniá₂: “Tsá₃ lë₁jmo₂ gang'₃ Pa₄, ia₁ tion₅₄ nióg₅ bá₄ gog'₅₄ a₂jme₁jniag'₂ ne₄ gui'₅₄ emperador romano. 'Uig₅₄ quián'₂ 'ne₂ bá₄ a₂lión₂ Diú₄ ca₂le₃jín₃ dsa₂ i₂quiang'₅₄ 'ñió'₃ barco, tsá₃ ma₃dsián₃,” ²⁵ Jaun₂ lë₃, 'nia'₂ rín₅₄ jniog₄, quen'₂ 'nia'₂ bí₂, tsá₃ jmo₂ 'nia'₂ o₂i₁ dsi₅. Ia₁ dsón'₂ bá₄ 'én₂ jniá₂ të₂le₃ quió'₅ Diú₄ a₂tion₅₄ jmo₃ con'₂ lë₅ jág₁ a₂në₂juá'₂ ángel në₂chéi₂ jniá₂. ²⁶ La₁ tion₅₄ nióg₅ dsi₁tió'₄ bá₄ jniog₄ caun₂ 'uë₃ dsi₂jo₂ jmi₁ñí'₄.

²⁷ Caun₂ 'uë₂ jme₁ma₂të₂ tin₃ semanas a₂tio'₅₄ jnia'₅₄ jui₅, lia'₂ ma₂jio₅ jaun₂ bá₄ dsí₂ ne₄ jmi₁ñí'₄ Adria,† jme₁ca₂rë₃lí'₄ dsa₂ i₂quian₅ ni₁barco con'₂ dsi₃nei₅ jaun₂, a₂ja₂quián₃ dsi₁lén₂ 'uë₃. ²⁸ Jaun₂ ca₂can₃ dsa₂ 'éi'₃ 'a₂ con'₂ ji'₂ guë₄ jmi₂g₂. Jme₁ca₂jág₃ dsa₂, con'₂ guióg₂-guiá₂-jñéi₂ (36) metros bá₄ ji'₂ guë₄. Ca₂jui₂g₄ guë₄ le₃cau₅ jaun₂ ca₂can₃ táng₃ dsa₂ 'éi'₃. Jme₁ca₂jág₃ táng₃, guióg₂-guio₃ (27) metros bá₄ tí₅ guë₄ ji'₂. ²⁹ Ia₁ a₂gó'₅ dsa₂ jná'₃ ni₁barco con'₂ tiá₂ dso'₂ ni₁cang₁ 'lau₂, jaun₂ ca₂sió₂ le₃chi₁co'₅₄ ni₁barco quén₂ ni₁ñí₁ 'lá'₁ guei₂ quian'₅₄ tsi₁'nei₅₄ jui₅ né'₃ jmi₁ñí'₄. Të₃ tion'₅₄ dsa₂ gó'₅ le₂jaun₂, qui₂ca₂chi₃lén'₂ Diú₄ a₂jnia₃. ³⁰ Të₂lia'₂ jaun₂, jme₁ma₂dsi₂jio₅ dsí₅ dsa₂ i₂quian₅ ni₁barco a₂jme₁cuíng₃. Qui₂ca₂sió₂ tsi₁mu₅ ne₄ jmi₁ñí'₄, a₂jmo₂₃ jui₁lia'₂ a₂tioin'₅₄ tó'₅ ni₁ñí₁ guei₂ të₂le₃ ne₄ ni₁barco.

³¹ La₁ jaun₂ ca₂juá'₂ Pa₄ ca₂tsí'₃ jui₂g₅₄ 'lióg₂ quian'₅₄ ca₂le₃jín₃ guë₄ 'lióg₂ në₃, ca₂juá'₂:

—Në₁jua'₂ tsá₃ jñia₅ i₂në₅ 'ñió'₃ ni₁barco, tsá₃ jaun₂ lión'₂ 'nia'₂.

³² Jaun₂ qui₂ca₂ti₃ 'lióg₂ 'nei₅₄ a₂jme₁chi₁quian₅ tsi₁mu₅, ca₂tá'₂ jaun₂ në₃ ne₄ jmi₂g₂.

³³ Të₂ o₃'iog₂ lín₃, ca₂juá'₂ Pa₄ ca₂tsí'₃ ca₂le₃jín₃ dsa₂ a₂'nió'₅ guë'₃. Jaun₂ ca₂juá'₂:

—Ma₂të₂ tin₃ semanas a₂tsá₃ ma₂gün'₂ 'nia'₂ on₃ guë'₂ ma₂quë'₂. ³⁴ Jaun₂ lë₃ juá'₅ jniá₂, qué'₂ 'nia'₂ ca₂la₂. Tion₅₄ 'nió'₅ quë'₅₄ 'nia'₂ ia₁jaun₂ bá₄ lión'₂ 'nia'₂. 'I₁jan₂ jniog₄ tsá₃ 'ein₂ dsi₂'én₂ ja₁lá₃. Ca₂lia'₂ jñia'₅₄ ca₂mí'₂ jñi₂ dsi₄ jniog₄ tsá₃ 'e₂ dsi₃'én₂.

³⁵ Dsi₂jui₅ jme₁ca₂juá'₂ Pa₄ le₂në₅, ca₂can₃ i₁ñí'₄ jaun₂ ca₂cuë'₃ ti₁'mag'₄ Diú₄ të₃ jág₅ dsa₂ ca₂le₃jín₃. Jaun₂ ca₂dsion₃ Pa₄ i₁ñí'₄ ca₂guë'₃ jaun₂ në₃. ³⁶ Jaun₂ ca₂le₃jín₃ dsa₂ ca₂tíin'₃ táng₃ bí₂ jme₁ma₂në₂guë'₃. ³⁷ Ca₂le₃jág₃ jnia'₅₄ con'₂ jme₁tio'₅₄ ni₁barco jme₁téi₄ tin₃ 'ñiá₂-lón₂ rë₂dsí₂ 'nag'₂ co₂ne₂guióg₂ rë₂dsí₂ guia₃-jñé₂ (276) dsa₂. ³⁸ Jme₁ca₂lí'₃ guë'₅ dsa₂ con'₂ jme₁nio₃, jaun₂ ca₂guia'₃ lió₅₄ trigo ne₄ jmi₁ñí'₄ ia₁jaun₂ sión'₂ guë₄ guei₂ ni₁barco.

Ca₂i₃guen'₅₄ ni₁barco né'₃ jmi₁ñí'₄

³⁹ Jme₁jnia₃ jaun₂, dsa₂ i₂quian₅ ni₁barco tsá₃ ca₂rë₃cuí'₅ 'uë₃ jaun₂. La₁ jaun₂ ca₂jág₃ caun₂ dsiog₅ jmi₁ñí'₄ a₂niog₅ jë₄ 'uë₃, ja₁'ei₅ tei₄ guë₄ jmi₂g₂. Chei'₅₄ jaun₂ tio'₅₄ 'lióng₂ ti₁tsag₁ ja₁lë₄ jo₂ guë₄. Jaun₂ ca₂'náu'₃ dsí₅ chi₂jua'₂ lé₂ jñióg'₃ ni₁barco ca₂të₂ jaun₂. ⁴⁰ Jaun₂ ca₂ti₃ 'nei₅₄ a₂jme₁le₁quian₅ ni₁ñí₁ 'lá'₁. Né'₃ jmi₁ñí'₄ jaun₂ bá₄ ca₂tí₂ dsa₂ ni₁ñí₁ jaun₂. Qui₂ca₂jia'₂ dsa₂ 'ma₂ a₂jmo₅ dsó₃ ni₁barco 'a₂ jui₅ 'nio₃ dsa₂. Jaun₂ ca₂chóg'₃ tsi₁'mí'₂ le₃ne₄ jui₅ quió'₅ ni₁barco, ia₁jaun₂ të₃ dsí₂. Jaun₂ dsi₂jui₅ bá₄ ca₂jme₃lióg₃ ca₂ñi₃ ni₁barco ca₂jme₃quián₃

† 27:27 o₃, “Jmi₁ñí'₄ Mediterráneo.”

le₃chei' ₅₄ 'uë₃ ja₁lë₄ ti₁tsag₁. ⁴¹ La₁ jui₅ ja₁ñó₃ ni₁barco jaun₂ ca₂dsi₃quén' ₅ caun₂ ja₁lë₄ tin₃ ne₅₄ la' ₅₄ ja₁'ei₅ tiá₂ jmig₂. Të₂le₃ ja₁lë₄ le₃ne₄ jui₅ quió' ₅ ni₁barco ca₂i₃'ó' ₅ jë₄ ti₁tsag₁, ca₂quí' ₃ tiá₂lin₃, ca₂lia' ₂ tsá₃ ma₃ca₂tió' ₃ dsa₂ dsí₃. Jaun₂ le₃ja₁lë₄ le₃chi₁co' ₅₄, qui₂ca₂juin₃, ia₁ a₂ñí₄ lë₃ tiá₂ qui₂jná' ₅ jmi₁ñí' ₄. ⁴² Jme₁'nio₃ 'lióg₂ jme₃dsiain₂₃ dsa₂ i₂nio₅ gu₂ 'éi₂ ia₁jaun₂ tsá₃ lióin₂ jë₁ma₂qui₂ca₂'ain₂ jmig₂. ⁴³ La₁ tsá₃ ca₂cuë₃ jmig₄ juig₅₄, ia₁ 'nio₃ lióin₂ Pa₄. Jaun₂ ca₂jmo₃ 'éi' ₃ ca₂tsí' ₃ ca₂le₃jín₃ dsa₂ i₂tin₂ qui₃dsi₅ jmig₂, jui₁tioin' ₅₄ jmig₂ le₂'uig₅₄ ia₁jaun₂ tíin' ₄ 'uë₃; ⁴⁴ dsa₂ sián' ₂ guë₄ në₃, jui₁'ain₅₄ jmig₂ le₁chan' ₂ jau₅₄ 'ma₂, o₃ ni₁'nau₅₄ quió' ₅ ni₁barco 'e₂. Le₂jaun₂ bá₄ ca₂lë₃ qui₂ca₂ló₂ jnia' ₅₄ a₂ca₂tág' ₃ táng₃ 'uë₃.

28

'En₅₄ Pablo 'uë₃ Malta a₂nio₅ jë₄ jmi₁ñí' ₄

¹ Jme₁ma₂ca₂ló₂ jnia' ₅₄ ca₂le₃jág₃, jaun₂ guë₄ ca₂rë₃ne₄ jnia' ₅₄ a₂chei₂ Malta 'uë₃ jaun₂, a₂nio₅ jë₄ jmi₁ñí' ₄. ² Dsa₂ chan₂ ja₁jaun₂ ca₂jmo₃ bá₄ dse₃ dsí₅ ja₁con₂ jnia' ₅₄. Ca₂dsia₃ dsa₂ si₂ pa₁ jaun₂ ca₂të₃ jnia' ₅₄ a₂jme₁dsion' ₂, ia₁ a₂ñí₄ lë₃ güig₂, dsó₅ jmí₅ në₃. ³ Pa₄ guë' ₂ në₃ qui₂ca₂cág' ₃ ni₁'ma₂ quein₂. Lia' ₂ con' ₂ jme₁'ein₅₄ tó' ₅ dsi₂si₂, con' ₂ tsá₃ jáin₅ ca₂o₃'ín₃ jan₂ dsi₂mi' ₂ a₂cuing₂₃ jme₁ca₂'ë' ₂ dséi₂ quió' ₅, ca₂chi₃dséin₂ mi₂gu₂ Pa₄. ⁴ Jme₁ca₂jág₃ dsa₂ chan₂ ja₁jaun₂ 'en₅₄ dsi₂mi' ₂ chi₁dsein₅₄ mi₂gu₂ 'éi₂, qui₂ca₂dsia₃ jág₁ guioin₅₄ qui₂ca₂tsí' ₃ riin' ₅₄:

—I₂ma₂jñí' ₃ dsa₂ bá₄ dsa₂ në₅. O₁jñia' ₅₄ la₂ ca₂lóin₂ ne₄ jmi₁ñí' ₄, la₁ tsá₃ 'i₄ 'éi' ₃ a₂le₃chain₂ guë₄.

⁵ La₁ qui₂ca₂bí₂ Pa₄ mi₂gu₂ jaun₂ në₃, ca₂tán' ₂ dsi₂mi' ₂ dsi₂si₂. La₁ tsá₃ 'e₂ ca₂jén' ₃ Pa₄ 'i₁ca₂juig₄. ⁶ Ca₂le₃jín₃ dsa₂ jme₁le₁jnia₂₃ guióng₃ dsi₂jui₅ quió' ₅ Pa₄, o₃ jme₁dsi₃'iin₅ 'e₂, jóin₂ dsi₂jui₅. La₁ jme₁co₂lág₂ jaun₂, ia₁ ca₂jág₃ tsá₃ 'e₂ i₁jén' ₄ guë' ₂ Pa₄, jaun₂ ca₂i₃jio₅ dsí₅ të₂le₃ siá' ₂, qui₂ca₂tsí' ₃ riin' ₅₄ a₂lín₅ Pa₄ jan₂ diú₄.

⁷ Cau₅ jaun₂ jme₁ron₅ 'uë₃ quió' ₅ dsa₂ dsen₅₄ quián₅ dsa₂ chan₂ ja₁jaun₂, dsa₂ i₂chen₂ Publio. Ca₂jmo₃ dse₃ dsí₅ ca₂ag' ₃ jnia' ₅₄, 'ni₅ jmig₄ ca₂tág₃ jnia' ₅₄ ja₁quió' ₄. ⁸ Jmei₂ Publio 'éi₂ jme₁ron₅ dso' ₅₄ 'i₄ dséi₂, a₂tag₂₃ jmi₂ në₃. Pa₄ në₃ ca₂ñei₅₄ ca₂i₁jñi₁₂ dsa₂ dso' ₅₄ 'éi₂. Jme₁ma₂në₂chi₃lén' ₂ Diú₄, jaun₂ guë₄ ca₂quio₂ gu₂ ne₄ quió' ₅ dsa₂ dso' ₅₄, ca₂jme₃'lió₂. ⁹ Jme₁ca₂lë₃ le₂jaun₂, caun₂ ca₂dsi₃lén₂ bá₄ dsa₂ dso' ₅₄ sián' ₂ i₂chan₂ 'uë₃ jaun₂, caun₂ ca₂jme₃'lió₂ bá₄ guë' ₂ Pa₄. ¹⁰ 'To' ₂ ca₂jmo₃ dsa₂ quian' ₅₄ jnia' ₅₄. Jaun₂ ca₂cuë₃ dsa₂ ca₂le₃jë₃ 'e₂ 'nió' ₅ quián₂ jnia' ₅₄ jë₁ma₂të₂ rë₁tió' ₄ táng₃ jnia' ₅₄ jui₅.

Ca₂dsióg₃ Pa₄ jë₄ juig₂ Roma

¹¹ Cang₂ jme₁ma₂ca₂ñí₂ 'ni₅ tsi' ₂, jaun₂ ca₂tió' ₄ táng₃ jnia' ₅₄ caun₂ ni₁barco a₂jme₁chí' ₄ ja₁jaun₂ të₂lia' ₂ jein₂ güig₂. Ni₁barco jaun₂ ca₂já₃ juig₂ Alejandría. Guei' ₅₄ ni₁barco jaun₂ jme₁tióng₂ nió' ₅ quió' ₅ diú₄ Cástor quian' ₅₄ diú₄ Pólux.* ¹² Ca₂dsi₃náu₅ jnia' ₅₄ 'o₄ jmi₁ñí' ₄ juig₂ chei₂ Siracusa. Ja₁jaun₂ ca₂jñia₄ jnia' ₅₄ 'ni₅ jmig₄. ¹³ Ca₂'uag₂ jnia' ₅₄ ja₁jaun₂, ca₂i₁ñag₅₄ jnia' ₅₄ quián₅ chei' ₅₄ 'uë₃ ca₂lia' ₂ ca₂dsi₃náu₅ të₂ ja₁chei₂ Regio. Jme₁jnia₃ jaun₂, ca₂'ág₂ dsí₂ a₂já₅ të₂le₃ sur. Jë₁ca₂të₂ tin₃ jmig₄ guë₄ ca₂dsi₃náu₅ jnia' ₅₄ ca₂të₂ juig₂ Puteoli. ¹⁴ Ja₁jaun₂ ca₂jen' ₂ jnia' ₅₄ i₂lin₅₄ dsa₂ rin' ₅₄ i₂'én₂. I₂'éi₂ ca₂të₃ jnia' ₅₄ ca₂i₁jñia₁ jë₄ quió' ₅ caun₂ semana. Jaun₂ guë₄ ca₂i₃náu₅ jnia' ₅₄ jui₅ Roma. ¹⁵ Ca₂le₃jín₃ dsa₂ rin' ₅₄ i₂tián' ₅ Roma jme₁ma₂le₁ñi₅ a₂dsi₁náu₅ jnia' ₅₄. Jaun₂ i₁lein₅₄ i₁jñiog₁₂ le₂'i₄ jui₅ ca₂të₂ ja₁chei₂ Foro de Apio quian' ₅₄ ja₁të' ₂ dsa₂ Las Tres Tabernas. Jme₁ca₂jág₃ Pa₄ ca₂jñin₂ dsa₂ 'éi₂, jaun₂ ca₂cuë' ₃ ti₁'mag' ₄ Diú₄ ca₂tiin₂ táng₃ bí₂ ca₂lág₃ dsí₅. ¹⁶ Jme₁ca₂dsi₃náu₅ jnia' ₅₄ Roma, [ja₁jaun₂ guë₄ ca₂jáng' ₂ juig₅₄ 'lióg₂ ca₂jñin' ₂ ne₄ juig₅₄ 'lióg₂ i₂jmo₅ 'í₁ ja₁jaun₂ ca₂le₃jín₃ dsa₂ i₂jñiai₂₃ i₂nio₅ gu₂. La₁]† Pa₄ në₃ ca₂cuë₃ juig₅₄ 'lióg₂ jmig₄ a₂guá₃ 'éi₂ ja₁siá' ₂ con' ₂ 'ñiog₅ quian' ₅₄ jan₂ 'lióg₂ i₂jmo₃ 'í₁ quió' ₅.

* **28:11** griego: Dioskouri, co₂'nió' ₄ le₃jua' ₅₄ on₃ dsa₂ tsin' ₅₄ i₂lín₅ ja₁ñi' ₅₄ diú₄ Zeus quian' ₅₄ Leda. Co₂'nió' ₄ diú₄ patrón quián₅ ni₁barco. † **28:16** A₂lin₅₄ chog₅₄ si₂ tsá₃ le₁ton₅ jág₁ a₂tio' ₅₄ 'ñjó' ₃ corchetes [le₂la₂].

Ca'ě₂ Pa₄ jág₁ dse₃ juig₂ Roma

17 'Ni₅ jmig₄ cang₂ jme₁ca₂dsióg₃ Pa₄ juig₂ Roma, ca₂tě₃ ca₂le₃jín₃ dsa₂ dse₅₄ quián₅ dsa₂ judíos juig₂ jaun₂. Jme₁ma₂le₁ñí₂ dsa₂, jaun₂ ca₂juá'₂ Pa₄:

—Rin'₅₄ jniog₄, o₁jñia'₅₄ guě₄ tsá₃ 'e₂ ma₂ca₂jmo₃ jniá₂ ja₁con₂ dsa₂ judíos, on₃ guě'₂ jua'₅₄ cha₂ a₂ma₂ca₂jmo₃ quian'₅₄ tag₄ chí'₅ quió'₅ dsa₂ quián₂ jniog₄ ma₂líg'₂, tion₅₄ bá₄ a₂lě₁ca₂jáng'₂ dsa₂ jniá₂ chí₁ñeg₂₃ o₄gú₃ dsa₂ romanos. 18 Jaun₂ jme₁ca₂ñag₃ dsa₂, tsá₃ 'e₂ dsáu₅ jniá₂ ca₂dsó'₂, jua'₅₄ a₂i₄ 'éi'₃ jóng₂. Jaun₂ jme₁nio₃ jme₁lió₂. 19 La₁ dsa₂ judíos tsá₃ cán₂ jág₁. Jaun₂ bá₄ lě₃ ca₂mi₃ jniá₂ a₂nio₃ jme₃rě₃ gui'₅₄ emperador, on₃jua'₅₄ ia₁ a₂cha₂ dso₄ jme₂cán'₂ jniá₂ dsa₂ go₃. 20 'Uig₅₄ jaun₂ bá₄ nē₂tě₃ jniá₂, ia₁ a₂nio₃ jing₅₄ 'nia'₂, a₂nio₃ dsia₅₄ jág₁ quian'₅₄ 'nia'₂. Ia₁ 'uig₅₄ jág₁ quió'₅ Diú₄ a₂éin₂ jniog₄ con'₂ dsa₂ lág₅ israelitas, 'uig₅₄ a₂ín₂ dsi₅ jniog₄ a₂jme₃ti₃ Diú₄ jág₁ quió'₅ a₂ma₂cuě₃, 'uig₅₄ jaun₂ bá₄ chí₁ñe'₅₄ jniá₂ ni₁ñí₁ cadena la₂.

21 Jaun₂ ca₂ñag₃ dsa₂ ca₂tsí'₃ Pa₄:

—Tsá₃ 'e₂ si₂ ma₂ca₂gú'₃ ne₄ jnia'₅₄, quió'₅ dsa₂ chan₂ Judea, a₂ín₂₃ 'ne₂. On₃ guě'₂ 'i₁jan₂ dsa₂ rin'₅₄ jniog₄ dsa₂ judíos i₂ja₂lén₂ ja₁jaun₂ jua'₅₄ a₂ma₂juá'₂ 'iin₂₃ 'ne₂ 'líg'₅₄. 22 'Niog₂ jnia'₅₄ néi₁ 'a₂ guě'₂ lia'₂ lě₅ jág₁ quián'₂ 'ne₂ chí₂jua'₂ 'a₂ lia'₂ líng'₂. Ia₁ ne₄ bá₄ jnia'₅₄ jág₁, ta₁caun₂ mi₂güig₃ bá₄ dsia₅ dsa₂ tsá₃ tě₅ dsí₅ jág₁ 'mí₂ nē₅ a₂én'₂ 'nia'₂.

23 Jaun₂ nē₃, ca₂jmo₃ dsa₂ jág₁ ca₂tióng₃ caun₂ jmig₄. Jmig₄ jaun₂ nē₃ ca₂dsi₃lén₂ juin₅ dsa₂ ja₁en₅₄ Pa₄. Jaun₂ ca₂jme₂lióg₃ ca₂'ě₃ dsa₂ tě₃ o₃ ióg₂ jág₁ jui₁lia'₂ ja₁gon₂ Diú₄, qui₂ca₂dsia₃ ca₂lia'₂ ca₂jen₃ 'iog₂ tě₂le₃ ca₂'láu₂. Tě₂le₃ quian'₅₄ 'Ei'₃ Juá'₅ quió'₅ Moisés, quian'₅₄ ca₂le₃jě₃ guě₄ Si₂ quió'₅ dsa₂ i₂jme₁'ě₂ jág₁ quián₅ Diú₄ nē₃, qui₂ca₂cuě'₃ dsa₂ jág₁ dsau₅ ia₁jaun₂ le₃én₂ dsa₂ 'éi₂ tě₂le₃ quió'₅ Jesús. 24 I₂lin₅₄ dsa₂ ca₂gue₃ bá₄ jág₁ a₂ca₂juá'₂ Pa₄ jaun₂, ca₂rě₃'éin₂ bá₄. I₂lin₅₄ guě'₂ tsá₃ ca₂rě₃'én₂, tsá₃ 'nio₃. 25 Ia₁ tsá₃ caun₂ jág₁ 'ei₅ quió'₅, i₂lin₅₄ ca₂jme₃lióg₃ ca₂'u₁in₂ bá₄ i₃lein₃. Jaun₂ ca₂juá'₂ Pa₄ ca₂tsí'₃ dsa₂ 'éi₂:

—Rě₂ bá₄ jui₁lia'₂ ca₂juá'₂ Jme₂dsi₂ Jnió₅ ca₂tsí'₃ dsa₂ quián₂ jniog₄ ma₂líg'₂ tě₂le₃ quian'₅₄ Isaías, i₂jme₁'ě₂ jág₁ o₄quió'₄ Diú₄, jme₁ca₂juá'₂:

26 Gua₂ o₂chei'₅₄ dsa₂ juig₂ nē₅ le₂la₂:

“Dsón'₂ qui₁nág'₁ bá₄ 'nia'₂,

la₁ tsá₃ le₃ñí'₂ 'nia'₂.

Jag'₅₄ bá₄ 'nia'₂,

la₁ tsá₃ le₃len'₄ 'nia'₂.”

27 Ia₁ a₂ma₂'ua'₂ dsí₅ bá₄ dsa₂ la₂,

ja₂lag₃ bá₄ nag₂₃,

nē₂jag₄ bá₄ i₂ma₂rě₂jni₅ rě₂gua₄;

ján₃ bá₄ le₂nē₅, nē₂jag₄ bá₄ a₂tsá₃ jniá₂ mi₂ne₅₄,

ia₁jaun₂ tsá₃ jág₃ quian'₅₄ mi₂ne₅₄,

on₃ guě'₂ nag₃ quian'₅₄ rě₂gua₅₄,

on₃ guě₄ le₃ñí'₂ dsí₅,

ia₁jaun₂ tsá₃ jéin'₃ dsí₅ ja₁con₂ jniá₂

ia₁jaun₂ jme₁'lioin₁₂ jniá₂,†

28 'Dsá₂ 'au'₂ 'nia'₂ jmo₄ —ca₂juá'₂ Pa₄—, jág₁ dse₃ la₂ a₂lión₂ dsa₂, a₂jén'₂ Diú₄ le₃ne₄ jui₅ quió'₅ dsi₂nau₂. 'Éi₂ nē₃, tón'₃ bá₄ jui₅. 29 Jme₁ca₂lě₃ juá'₂ Pa₄ le₂nē₅, ca₂i₃len₃ dsa₂ judíos tsiin₂₃ 'ñio₅ lin₃ quiaín'₅₄ riin'₅₄.§

30 Tin₃ ñi₂ lia'₂ tí₅ ca₂guá₂ Pa₄ 'né₅ ja₁quí₅ 'lia'₅₄. Ja₁jaun₂ ca₂guein₃ ca₂le₃jín₃ dsa₂ i₂jme₁dsi₂lén₂ dsi₂jag₅₄. 31 Jaun₂ ca₂jme₃tiin₂₃ dsa₂ qui₂ca₂'ě₂ jág₁ 'a₂ lia'₂ lě₅ ja₁gon₂ Diú₄.

† 28:27 Isaías 6:9-10. § 28:29 A₂lin₅₄ chog₅₄ si₂ tsá₃ chí₁ton₅ versículo 29.

Ca₂jme₃tiin₂₃ bá₄ dsa₂ jág₁ quió'₅ Te₁gui'₅₄ Jesucristo. Ja₁jaun₂ ca₂'í₃ tei₄, tsá₃ 'ein₂ ca₂jné₃
jui₅ a₂'ě₂ Pa₄ jág₁ dse₃.
Co₂ně₅.

Si₂ carta a₂ca₂jmo₃ San Pablo ne₄ dsa₂ ROMANOS

Jmo₅ Pa₄ si₂ a₂chein₃ ne₄ Guá'₅ i₂chan₂ Roma

¹ Jniá₂ Pa₄, líng₅ dsa₂ i₂jme₂ti₃ ne₄ Jesucristo; Diú₄ ca₂tě₃ jniá₂, jaun₂ ca₂chei'₃ a₂lěng₂ dsa₂ i₂chen₄ quiáin₅ ia₁jaun₂ qui₁'ě₄ jág₁ dse₃ quió'₅.

² Ca₂'ě₂ Diú₄ jág₁ dse₃ ně₅ ca₂tó'₂ ne₄ Si₂ jnió₅ quió'₅ ma₂líg'₂, ca₂cuě₃ tě₂le₃ quian'₅₄ dsa₂ i₂jme₁'ě₂ jág₁ quiáin₅, ³ a₂'i₂n₂₃ ja₁ni'₅₄, i₂jme₁lín₄ tsi₁jon₂ David lia'₂ con'₂ lín₅ dsa₂ mi₂güí₃; ⁴ lia'₂ con'₂ lě₅ Jme₂dsí₂ Jnió₅ ně₃ ca₂jme₃jnia₅ a₂lín₅ 'éi₂ Ja₁ni'₅₄ Diú₄ jme₁ca₂jei'₅₄ táng₃ jin₄ 'lag₄, quian'₅₄ jui₅bí₂ quió'₅, a₂'uain'₂. Jesucristo Te₁gui'₅₄ quián₂ jniog₄ bá₄ 'éi₂. ⁵ Tě₂le₃ quian'₅₄ Jesucristo, ton'₂ o₄quió'₄ 'éi₂ bá₄, ma₂jmo₃ Diú₄ dse₃ dsí₅ ja₁con₂ jnia'₅₄, jaun₂ ca₂chei₃ jin₄ dsi₂nau₂ ia₁jaun₂ le₃chan₂ dsa₂ ca₂le₂con₂ juig₂ i₂jme₂ti₃ jág₁ quió'₅, ia₁ a₂'éin₂. ⁶ Jin₄ dsa₂ 'éi₂ tián'₅ 'nia'₂ i₂ma₂tě'₃ Diú₄ ján₃, a₂lén'₂ 'nia'₂ i₂quián₅ Jesucristo.

⁷ Jaun₂ tsíng₂ si₂ la₂ ne'₅₄ ca₂le₃jín'₃ 'nia'₂ i₂tián'₅ jě₄ juig₂ Roma, i₂lín₅ i₂nio₃ Diú₄, jaun₂ ma₂tě₂₃ a₂le₃chan'₂ 'nia'₂ líng'₅ dsa₂ i₂lě₅ 'í₁ i₂ma₂quiáin₅. Jui₁jme₂gu'₅₄ bá₄ Diú₄ jui₁le₂chan'₂ bá₄ 'nia'₂ dse₃, jui₁'ag₅₄ bá₄ tei₄ o₄quió'₄ Diú₄ Jme₁jniog₄, o₄quió'₄ Te₁gui'₅₄ Jesucristo ně₃.

'Nio₃ Pa₄ dsi₂jág₂ juig₂ Roma

⁸ Jě₁le₂'uig₅₄, tě₂le₃ quian'₅₄ Jesucristo cuě₅ ti₁'mag'₄ Diú₄ quiáng₃ o₄quián'₂ 'nia'₂ ca₂le₃jíng'₃, ia₁ ca₂le₂con₂ bá₄ 'ei₅ jág₁ dsia₅ dsa₂ 'a₂ lia'₂ 'én'₂ 'nia'₂. ⁹ Jaun₂ Diú₄, i₂jme₂tí₁ jniá₂ ne₄ ca₂le₃jě₃ jme₂dsí₂ quió₃, a₂qui₂'ě₅ jág₁ dse₃ quió'₅ Ja₁ni'₅₄, 'éi₂ bá₄ i₂lín₅ i₂jáng'₅ jág₁ dsau₅ 'a₂ lia'₂ dsau₂ dsi₃ 'nia'₂ ca₂le₃jě₃ jě₁chi₂lén'₂ jniá₂ Diú₄. ¹⁰ Co₂tan₅₄ bá₄ mi₅ jniá₂ ne₄ Diú₄ jui₁le₅₄ bá₄ 'a₂ lia'₂ 'nio₂ dsí₅, 'a₂ lia'₂ lé₂ a₂cuin₃ jmig₄, ca₂lia'₂ ca₂lě₃ a₂nei₅₄ i₁jíng₁₂ 'nia'₂. ¹¹ Ia₁ 'ín₅ dsi₃ i₁jíng₁₂ 'nia'₂, ton'₂ 'nio₃ jme₁'ong₁₂ 'e₂ caun₂ 'nió'₅ jme₁'ong₁₂ 'nia'₂ tě₂le₃ quió'₅ jme₂dsí₂, ia₁jaun₂ le₃náu₁ guě₄ 'nia'₂ tiá₂; ¹² co₂'nió'₄ le₃jua'₅₄, ia₁jaun₂ lé₂le₃cuě₅₄ lián'₂ rin'₅₄ le₂jau₂ le₂jau₂ quian'₅₄ a₂'éin₂ jui₁lia'₂ 'én'₂ 'nia'₂ jui₁lia'₂ 'én₂ jniá₂ ján₃.

¹³ Rin'₅₄ jniog₄, 'nio₃ le₃ni'₅₄ 'nia'₂ 'lióng₂ ráun₂ bá₄ ma₂lě₅ dsi₃ a₂'nio₃ nei₅₄ i₁jíng₁₂ 'nia'₂, la₁ ca₂lia'₂ jnia'₅₄ rě₂ně₃ tsá₃ ma₂lě₅, ia₁ ma₂rě₂jni₅ jui₅. 'Nio₃ nei₅₄ ia₁jaun₂ chi₁lo'₂ a₂ma₂rau₂ quió'₅ Jme₂dsí₂ jě₄ quián'₂ 'nia'₂, jui₁lia'₂ ma₂cag'₄ jniá₂ ján₃ juig₂ siá'₂, go₄ dsi₂nau₂ sián'₂ ján₃. ¹⁴ Ia₁ jniá₂ bá₄ niog₅ ne₃ ca₂tíng₂ quian'₅₄ ca₂le₃jín₃, jui₁lín₄ dsa₂ 'e₂ lín₅, dsa₂ griego, o₃ dsi₂nau₂ 'e₂, dsa₂ i₂ní'₂ dsí₅, o₃ dsa₂ co₄ 'e₂; ¹⁵ jaun₂ le₂ně₅ bá₄ 'ín₅ dsi₃ a₂qui₂i₁'ě₃ jág₁ dse₃ ja₁con₂ dsa₂ juig₂ go₄ 'nia'₂ i₂chan₂ Roma ján₃.

Bí₂ a₂'io₅ jág₁ dse₃

¹⁶ Ia₁ tsá₃ 'e₂ o₂guí'₃ jéin₅ jniá₂ quian'₅₄ jág₁ dse₃, ia₁ jui₅bí₂ quió'₅ Diú₄ bá₄ ně₅ a₂lión₂ ca₂le₃jín₃ i₂'én₂: quió'₅ dsa₂ judíos de'₂ le₂'uig₅₄, ján₃ bá₄ le₂jaun₂ quió'₅ dsi₂nau₂. ¹⁷ Ia₁ jág₁ dse₃ la₂ jáng'₅ jág₁ dsau₅ 'a₂ lia'₂ chei'₂ Diú₄ jui₅ co₂rě₂, jui₅ ja₁ma₂dsan₃ dsáu₁ dsa₂, jui₅ a₂jme₂lióg₃ a₂'én₂ dsa₂, ton'₂ a₂'én₂ dsa₂ ca₂lia'₂ jě₁ca₂tó'₂. Le₂ně₅ juá'₂ ne₄ Si₂: “Dsa₂ i₂ni₅ jui₅ co₂rě₂ ia₁ a₂'éin₂, 'éi₂ bá₄ le₃chan₂.”*

A₂ma₂rě₂cán'₄ dsa₂ mi₂güí₃ guioin₅₄

¹⁸ A₂juá'₅ jniá₂ le₂ně₅, ia₁ a₂ne₄ bá₄ jniog₄ jaun₂, caun₂ jme₂jnia₅ Diú₄ a₂'nei₂ tě₂ ja₁guá₄ guei'₅₄ i₂jui₁G₃ ja₁con₂ dsa₂ i₂tsá₃ Diú₄ cuin₅, ja₁con₂ dsa₂ i₂tsá₃ tion'₅₄ jui₅ co₂dsau₅, dsa₂ i₂jnéi₅ jui₅ quió'₅ jág₁ dsau₅ tě₂le₃ quian'₅₄ jui₅ 'lig'₅₄ ja₁i₂noi₅₄. ¹⁹ Ia₁ rě₂jniá₂ rě₂ bá₄ ca₂le₃jě₃ a₂ni₅ dsa₂ 'a₂ lia'₂ lín₅ Diú₄, ia₁ a₂ma₂ca₂jme₃jniai₂₃ tě₂le₃ quian'₅₄ a₂ma₂jmo₃, ²⁰ ia₁ ca₂le₃jě₃ a₂tsá₃ rě₂jniá₂ quió'₅ Diú₄, lé₂le₃cuí'₅ dsa₂ tě₂le₃ quian'₅₄ ca₂le₃jě₃ a₂ma₂jmo₃; ma₂ca₂rě₂jniá₂

* 1:17 Habacuc 2:4.

dse₃ lin₃ bá₄, ca₂le₃ ca₂jmo₃ Diú₄ mi₂güig₃ a₂lín₅ dsón'₂ Diú₄, ton'₂ a₂'io₂₃ jui₅bí₂ co₂tan₅₄ bá₄; jaun₂ le₂ně₅ bá₄ tsá₃ ma₃'e₂ lé₂ le₃juá'₂ dsa₂ jua'₅₄ a₂tsá₃ ŋi₅. ²¹ Ia₁ o₁ŋia'₅₄ ŋi₅ le₂ně₅ a₂chan₂ Diú₄, la₁ tsá₃ ma₂ca₂jme₃juag'₂ lia'₂ con'₂ lě₅ ca₂tín₂ Diú₄ le₃juin'₂, on₃ guě'₂ ma₂cuě'₃ Diú₄ ti₁'mag'₄. Jě₂ bá₄ ma₂ja₂lén₂ qui₂'no'₂ dsí₅ a₂tsá₃ ta₁ tí₄; tsá₃ tět₂tsí'₅₄ dsí₅, jaun₂ ma₂tē₁'ŋiá₄ jě₄ qui₁né'₃. ²² Jui₁'a₂ guě₃ la₂ juá'₂ a₂lín₅ dsa₂ i₂cuí'₅, a₂tín₂ a₂ŋi₅, la₁ dsa₂ co₂ bá₄ ca₂lín₃ jě₁ca₂tó'₂. ²³ Jaun₂ ně₃, 'nió'₄ a₂jme₁jme₃juin'₂ Diú₄ i₂tsá₃ ton₄ jmig₄ jón₂, ma₂ca₂jme₃tsiin₃ bá₄ a₂co₂tág₅ co₂'né'₅ quió'₄ Diú₄ quian'₅₄ nió'₄ quió'₅ dsa₂ mi₂güig₃ i₂dsan₂, jui₁lia'₂ nió'₄ quió'₅ já'₂ i₂'in₅, já'₂ i₂tsě'₅ quió'₅, já'₂ i₂lě₂ quén₂ mi₂tag₄ ně₃.

²⁴ 'Uig₅₄ ně₅ ně₃ co₂dsia₅ ma₂jáng'₄ Diú₄ jui₅ 'lig'₅₄ a₂'ín₅ dsí₅ a₂tsá₃ le₁jě₃, ia₁jaun₂ caun₂ i₃nioi₅₄ jmo₂₃-dsáu₅ cosa a₂o₂guí'₃ a₂jmái'₅ ni₁ŋi₁₂ quian'₅₄ riin'₅₄ le₂jain₂ le₂jain₂, ²⁵ ia₁ ca₂jme₃tsiin₃† jág₁ dsau₅ quió'₅ Diú₄ quian'₅₄ jág₁ tět₂jág₁; jaun₂ ma₂ja₂lén₂ jme₂gó'₃ jme₂juin'₂ cosas a₂ca₂jmo₃ Diú₄, 'nió'₄ a₂jme₁jme₃juin'₂ Diú₄ 'ŋiog₅, i₂ca₂tín₂ dsón'₂ a₂jme₃juag'₂ dsa₂ co₂tan₅₄. ¡Le₂ně₅ dsón'₂ bá₄! A₂méi₃.

²⁶ 'Uig₅₄ ně₅ co₂dsia₅ ma₂jáng'₂ jui₅ ja₁cuě'₅ o₂'ŋi₃ o₂ŋia₃ dsí₅ a₂lě₅ o₂guí'₃, ia₁ ca₂le₂jio₅ dsa₂ mí₂ quiáin₅ bá₄ ca₂jme₃tsiin₃ 'a₂ lia'₂ i₂nioi₅₄, a₂tsá₃ ma₃i₂nioi₅₄ lia'₂ con'₂ dsi₂ten₅₄ 'i₄ 'éi'₃ i₃nio₄ lia'₂ dsa₂ mí₂ dsa₂ ŋe'₂. ²⁷ Ján₃ bá₄ guě'₂ le₂jaun₂ dsa₂ ŋe'₂ ma₂ca₂tí₂ bá₄ 'a₂ lia'₂ 'i₄ 'éi'₃ le₃chain₂ tiain'₃ quian'₅₄ dsa₂ mí₂; ma₂ja₂lén₂ chóg'₅ dséi₂ quian'₅₄ dsa₂ ŋe'₂ riin'₅₄, jmo₂₃-dsáu₅ a₂o₂guí'₃ le₂jain₂ le₂jain₂, jaun₂ gue₂₃ uig₅ guioin₅₄ a₂ca₂tín₂ o₄quió'₄ jui₅ ja₁ca₂quiá₂ cau₅.

²⁸ Jaun₂, 'uig₅₄ ia₁ a₂lín₂ a₂tsá₃ 'e₂ quen₅ Diú₄, tsá₃ toin'₂ jui₅ 'éi₂, jaun₂ co₂dsia₅ ma₂jáng'₂ Diú₄ jui₅ ja₁dsi₂qui₂dsi₃jio₅ dsí₅ a₂'lig'₅₄, a₂dsi₂qui₂dsi₃cóin'₅ a₂'liain'₂, a₂jmo₃ a₂tsá₃ dsi₂ten₅₄. ²⁹ Ca₂lia'₂ qui₂rě₂rin₅ ca₂le₃jě₃ ne₅₄ cosa 'lig'₅₄ jme₂dsí₂ quió'₅, qui₂'no₂₃ dso₄, jmá'₃ guioin₅₄ bá₄ 'nio₃ jme₁'ŋi₃oí'₃, a₂qui₂'no'₂ dsí₅ 'a₂ lia'₂ 'ě'₃ uig₅ riin'₅₄. Rě₂can'₂ dsí₅ a₂uig₅ dsí₅ jiin₂ riin'₅₄, a₂jme₂dsiain₂₃ riin'₅₄, a₂lě₁qui₂dsia₂₃ mi'₅₄, a₂qui₂jme₂gain₂₃ riin'₅₄, tsá₃ dsau₅ jág₁ quian₅, 'ŋio₅ 'ŋio₄ dsa₂, a₂co₂jmo₅ dsa₂ jág₁ tět₂jág₁ jě₄ tět₃co'₅₄. ³⁰ Ján₃ bá₄ le₂jaun₂ a₂lě₁chi₂'ag₅ dsa₂, 'ŋiai₅₄ bá₄ Diú₄, a₂lě₁co₂jmái'₂ riin'₅₄, a₂jme₂rón₂ guioin₅₄, dsia₂₃ jág₁ tá'₅, a₂qui₂'no'₂ dsí₅ 'a₂ lia'₂ jmo₃ a₂'lig'₅₄, on₃ guě'₂ jmá'₃ jme₂gain₃ chog₅₄-jmei₂; ³¹ tsá₃ tět₂tsí'₅₄ dsí₅ ně₃, on₃ guě'₂ jua'₅₄ jme₃ti₃ 'e₂ caun₂ jág₁ cuě₂₃ a₂jmo₃; tsá₃ 'ein₂ 'iin₂₃ 'i₁jan₂, tsá₃ tin₂ dsí₅ 'éin₂ dso₄ quió'₅ riin'₅₄, on₃ guě'₂ ŋéi₂ dsí₅. ³² I₂ŋi₅ rě₂ bá₄ dsa₂ 'éi₂ 'a₂ lia'₂ lě₅ 'éi'₃ ma₂quí'₃ Diú₄, ia₁ ca₂le₃jín₃ i₂jmo₅ le₂ně₅ ca₂tín₂ dsiáin₃ bá₄; la₁ jui₁'e₂ guě₃ ŋi₅ a₂jaun₂, on₃jua'₅₄ jmá'₃ guioin₅₄ caun₂ qui₂jmo₂₃, tět₂le₃ tět₅ dsí₅ bá₄ a₂jmo₅ i₂sián'₂ ján₃.

2

Diú₄ bá₄ con₂ 'í₁ co₂rě₂ 'a₂ lia'₂ con'₂ lě₅ dsón'₂

¹ Jaun₂ ně₃, tsá₃ 'e₂ lé₂ le₃jua'₅₄ 'ne₂ jua'₅₄ a₂tsá₃ 'e₂ dso₄ ring'₂, 'ne₂ guě'₂ i₂con₂ 'í₁ ja₁con₂ i₂sián'₂, tsá₃ a₂nag₅₄ jui₁'ein₂ guě₃ líng'₅. Ia₁ ně₁jua'₂ cáun'₂ 'í₁ ja₁con₂ ríng'₂, jaun₂ co₂'nió'₄ ma₂qui₂dsí'₁ 'éi'₃ ja₁con₂ 'ŋiag'₂, ton'₂ ján₃ bá₄ le₂jaun₂ jmo'₂ 'ne₂ 'ŋiag'₂ a₂cáun'₂ 'í₁ jaun₂. ² Ia₁ ne₄ bá₄ jniog₄ jaun₂, Diú₄ bá₄ i₂con₂ 'í₁ rě₂ 'a₂ lia'₂ con'₂ lě₅ dsón'₂, ja₁con₂ dsa₂ i₂jmo₅ le₂ně₅. ³ Jaun₂ 'ne₂ ně₃ i₂cáun'₂ 'í₁ ja₁con₂ i₂sián'₂ ton'₂ a₂le₂jaun₂ bá₄ guě'₂ jmo'₂ 'ŋiag'₂, ¿e₂ líng'₂? ¿A₂lóng'₂ jě₁ma₂tět₂ rě₁con₂ Diú₄ 'í₁ ja₁cong'₂? ⁴ ¿O₃ bá₄ tsá₃ dsáu₅ 'au'₂ ia₁ a₂ŋí₄ lě₃ dse₃ 'ua₁ dsí₅ Diú₄, a₂jmo₂₃ tió'₃ dsí₅, a₂jme₂juin'₂ dsí₅ ně₃? ¿Tsa₁ len'₅₄ 'ne₂, ta₁ a₂quí'₅ a₂dse₃ dsí₅ Diú₄ a₂jaun₂ bá₄ jio₂₃ a₂dsi₃quén'₅ 'au'₂? ⁵ La₁ 'ŋio₅ 'ua'₂ 'au'₂ tsá₃ 'niog'₂ jme₁tsíng'₄ 'au'₂; 'uig₅₄ jaun₂ ně₃ caun₂ jme₁juí'₁ bá₄ a₂jme₂'ne₅₄ Diú₄ ne₄ quiáng'₂ 'ŋiag'₂ a₂tíng'₃ jmig₄ jaun₂ jě₁ma₂tět₂ rě₁jme₃ŋiai₂₃ a₂'nei₂, jě₁qui₂dsi₂₃ 'éi'₃ co₂rě₂. ⁶ Ia₁ jma₃quén₅ qui₃ bá₄ Diú₄ 'lian'₅₄

† 1:25 'Nio'₂ ja₁ton₅ Jeremías 2.11.

le₂jan₂ le₂jan₂ 'a₂ lia₂ con₂ lě₅ a₂ma₂ca₂jmo₃.^{*} 7 Jui₁lia₂ dsa₂ i₂jmo₅ tió₃ dsí₅ jmo₂₃ a₂dse₃, a₂qui₂'no₂ a₂co₂tág₅ co₂'né₅, ton₂ 'no₂ jui₅ 'a₂ lia₂ jme₃gu₅₄ Diú₄ quian₅₄ caun₂ a₂dse₃, ton₂ 'no₂ jui₅ a₂tsá₃ dsiáin₃, 'éi₂ bá₄ cué₃ Diú₄ a₂le₃chain₂ co₂tan₅₄. 8 La₁ quian₅₄ a₂'nei₂ cué₃ uig₅ ca₂le₃jín₃ i₂dsia₅ mi₅₄, i₂tsá₃ 'nio₃ cán₂ caun₂ jui₅ a₂nag₃ gau₂ jág₁ tí₅, i₂jma₃' jui₅ 'lig₅₄ bá₄ 'nio₃ cán₂. 9 Le₃cha₂ uig₅ o₂i₁ dsi₅ quió₅ ca₂le₃jín₃ i₂jmo₅ a₂'lig₅₄, jě₁le₂'uig₅₄ tē₂le₃ quió₅ dsa₂ judíos, ján₃ guē₂ le₂jaun₂ le₃ja₁con₂ dsi₂nau₂. 10 La₁ ja₁con₂ le₂jan₂ le₂jan₂ i₂jmo₅ a₂dse₃, cuē₃ Diú₄ a₂co₂tág₅ co₂'né₅, ton₂ cuē₃ caun₂ a₂dse₃, jmo₃ 'ei₅ tei₄, jě₁le₂'uig₅₄ quió₅ dsa₂ judíos, ján₃ guē₂ le₂jaun₂ le₃ja₁con₂ dsi₂nau₂.

11 Ia₁ tsá₃ jma₃quén₅ jín₂ Diú₄ dsa₂ lia₂ ca₂ton₂ ca₂ton₂; 12 ia₁ ca₂le₃jín₃ i₂'no₅ dso₄ i₂tsá₃ ca₂tín₂ 'Éi₃ quió₅ Moisés, dsiáin₃ tē₃ tsá₃ 'Éi₃ jaun₂ ca₂tín₂; la₁ ján₃ guē₂ le₂jaun₂ dsa₂ i₂'no₅ dso₄ nē₁jua₂ ron₅ bá₄ 'Éi₃ quió₅ Moisés nē₃, tē₃dsi₅₄ bá₄ 'éi₃ quió₅, jióg₂ 'í₁ lia₂ con₂ lě₅ 'Éi₃ jaun₂. 13 Ia₁ on₃jua₅₄ dsa₂ i₂nag₅ 'Éi₃ i₂jín₂ Diú₄ a₂lín₅ dsa₂ i₂jme₂ti₃; dsa₂ i₂jmo₅ lia₂ con₂ lě₅ 'Éi₃ bá₄, i₂'éi₂ bá₄ i₂jín₂ Diú₄ a₂lín₅ dsa₂ i₂jme₂ti₃. 14 Ia₁ jui₁lia₂ dsi₂nau₂ nē₃, i₂tsá₃ 'Éi₃ cha₂ ja₁coin₂, la₁ nē₁jua₂ chain₂ jui₅ a₂jme₂ti₃ con₂ jaun₂ ma₂tín₂ dsí₅, guion₅₄ bá₄ dsa₂ 'éi₂ nī₅ tē₂dsí₅ 'a₂ lia₂ lě₅ 'Éi₃ quió₅ Diú₄, o₁nīa₅₄ tsá₃ a₂jaun₂ ron₅ quió₅. 15 Ia₁ cuē₂₃ léi₄ 'a₂ lia₂ lě₅ chain₂, a₂rē₂ton₅ tē₂dsí₅ ta₁ a₂quí₅ 'Éi₃. Jaun₂ tē₂dsí₅ guioin₅₄ bá₄ jáng₅ jág₁ dsau₅ o₄quió₄, jaun₂ tsá₃ quin₅ 'a₂ lia₂ dsi₂jiog₅ dsí₅ guioin₅₄; a₂lín₅₄ jáng₂, a₂lín₅₄ guē₂ tē₂le₃ lió₂. 16 Le₂nē₅ bá₄ lé₂ jě₁ma₂tē₂ jmi₄ jaun₂ a₂con₂ Diú₄ 'í₁ ca₂le₃jě₃ a₂'ma₄ jlě₅ quió₅ ca₂le₃jín₃ dsa₂, tē₂le₃ quian₅₄ Jesucristo, lia₂ con₂ lě₅ jág₁ dse₃ a₂qui₂'ē₅ jniá₂.

Dsa₂judíos, quian₅₄ 'Éi₃ quió₅ Moisés

17 La₁ chi₂jua₂ lín₅ 'ne₂ dsa₂ judío jaun₂ dsia₂ a₂chéng₅ tiá₂ quian₅₄ 'Éi₃ quió₅ Moisés, jaun₂ jmo₂ táng₅ ia₁ a₂cuing₂ Diú₄; 18 chi₂jua₂ ma₂ca₂jme₃tín₅ dsa₂ 'ne₂ 'a₂ lia₂ lě₅ 'Éi₃, jaun₂ nī₅₄ 'a₂ lia₂ 'nio₃ Diú₄, ton₂ tīng₂ caun₅₄ 'í₁ 'a₂ lia₂ lě₅ a₂dse₃; 19 jaun₂ chi₂jua₂ tē₃dsón₂ līng₂ a₂tīng₂ jang₅₄ dsa₂ ten₄, chi₂jua₂ nī₅₄ 'a₂ lia₂ téi₄ si₂ ja₁con₂ dsa₂ i₂i₂nio₄ jě₄ qui₁né₃, 20 chi₂jua₂ nī₅₄ 'a₂ lia₂ jme₁rē₂ jui₅ a₂quian₅ dsa₂ co₄, chi₂jua₂ nī₅₄ 'a₂ lia₂ cuē₅₄ jág₁ i₂'nió₄ i₂lín₅ chi₂ ia₁ a₂ron₅ 'Éi₃ ja₁cong₂, a₂tén₅ ne₄ 'Éi₃ 'a₂ lia₂ 'nió₅ le₃nī₅ dsa₂, 'a₂ lia₂ lě₅ jág₁ dsau₅; 21 'ne₂ guē₂ i₂jme₂tīng₂ i₂sián₂, ċ'e₂ guē₂ 'uig₅₄ tsá₃ jme₂tīng₁ guē₂ 'niag₂? Chi₂jua₂ 'ne₂ guē₂ 'ē₅ jág₁ a₂tsá₃ ca₂tín₂ dsa₂ 'ang₃, ċtsa₁ 'ang₂ 'niag₂? 22 Chi₂jua₂ 'ne₂ juá₂ tsá₃ ca₂tín₂ dsa₂ nió₃ jág₁ quaiain₅₄ i₂tsá₃ lě₅ dsi₂gu₂, ċtsa₁ nióg₅ guē₂ 'ne₂ jág₁ jaun₂ 'niag₂? Chi₂jua₂ 'ne₂ 'nio₅ lín₃ 'niag₅₄ diú₄ lag₄, ċtsa₁ 'ang₂ 'ne₂ a₂quen₅ a₂te₁'i₁ dsi₂néi₂ 'né₅ quió₅? 23 'Ne₂ guē₂ i₂jmo₂ táng₅ ja₁con₂ 'Éi₃, ċtsa₁ 'lig₅₄ tsíng₂ Diú₄ ia₁ tsá₃ jme₂tí₁ 'Éi₃ jaun₂? 24 Ia₁ jui₁lia₂ juá₂ ne₄ Si₂:

'Ag₅ dsi₂nau₂ 'iin₂₃ 'lig₅₄ Diú₄

'uig₅₄ quían₂ 'nia₂.†

25 Dsón₂ bá₄ dsau₅ quen₅ a₂ti₃ dsa₂ lo₅₄ nē₁jua₂ jme₂ti₃ 'Éi₃ quió₅ Moisés, la₁ nē₁jua₂ tsá₃ jme₂ti₃ dsa₂ nē₃, tsá₃ 'e₂ ta₁ jmo₃, nē₂jag₄ bá₄ a₂tsá₃ 'e₂ rē₂uīng₄ bá₄ quió₅. 26 Jui₁lia₂ dsa₂ i₂tsá₃ 'e₂ ma₂rē₂uīng₄ quió₅, la₁ nē₁jua₂ jme₂ti₃ 'e₂ ta₁ qui₅ 'Éi₃, co₂jaun₂ bá₄ jín₂ Diú₄ dsa₂ 'éi₂ nē₂jag₄ bá₄ i₂ma₂rē₂uīng₄ quió₅ o₁nīa₅₄ tsá₃ ma₂rē₂uīng₄. 27 Dsa₂ i₂tsá₃ 'e₂ rē₂uīng₄ lo₄, la₁ nē₁jua₂ jme₂ti₃ 'a₂ lia₂ juá₂ 'Éi₃, i₂'éi₂ bá₄ chen₅ Diú₄ ne₄ jui₅ a₂con₂ 'í₁ ja₁con₂ 'ne₂, ia₁ tsá₃ jme₂tí₁, jui₁'e₂ guē₃ ron₅ Si₂ tio₅₄ 'Éi₃ quiáng₂, jui₁'e₂ guē₃ rē₂uīng₄ quiáng₂ nē₃. 28 Ia₁ jui₁lia₂ jan₂ dsa₂ i₂lín₅ judío dsón₂, on₃jua₅₄ rē₂ jñia₅₄ lín₅ dsa₂ léi₄ jmá₃ le₃co₅₄, on₃ guē₂ le₂jaun₂ jui₁lia₂ ta₁ dsón₂ a₂quí₅ a₂qui₂rē₂uīng₄ lo₄ dsa₂, on₃jua₅₄ jñia₅₄ rē₂uīng₄ lín₅ léi₄ jmá₃ le₃co₅₄ nī₁nī₅. 29 Tē₂le₃ a₂ca₂tín₂ bá₄ dsa₂ jmo₃, a₂lín₅ tē₃dsón₂ dsa₂ judío, a₂lín₅ ca₂tē₂ dsí₅; ján₃ guē₂ le₂jaun₂ jui₁lia₂ a₂lín₅ dsa₂ léi₄ a₂rē₂uīng₄ quió₅, a₂lě₅ ca₂tē₂ dsí₅ bá₄ dsa₂;

* 2:6 'Nio₂ ja₁ton₅ Salmo 62:12; Proverbios 24:12. † 2:24 Isaías 52:5; Ezequiel 36:22.

ton'₂ a₂gu₂dsí₂ bá₄ a₂jaun₂, on₃jua'₅₄ jmá'₃ lia'₂ con'₂ le₁ton₅ ne₄ Si₂ 'Éi'₃. Dsa₂ i₂lín₅ le₂nē₅
chéin'₅ rē₂ quian'₅₄ Diú₄, on₃jua'₅₄ rē'₂ quian'₅₄ dsa₂ mi₂güí₃.

3

¹Jaun₂ ně₃, ¿'e₂ ta₁ jmo₅ a₂quen₅ guě₄ a₂lín₅ dsa₂ dsa₂ judío? ¿O₃ 'e₂ ta₁ jmo₅ a₂lín₅ dsa₂ léi₄
a₂rē₂uín₄ ni₁lo₁₂? ²'Lióng₂ bá₄ 'uig₅₄ cha₂. Jē₁le₂'uig₅₄, ca₂dsia₃ Diú₄ jág₁ dse₃ quió'₅ o₄gú₃
dsa₂ judíos. ³¿La₁ 'e₂ bá₄ lé₂ ně₃ ně₁jua'₂ chan₂ i₂lín₅₄ i₂tsá₃ ca₂rē₃ti'₅₄? * ¿O₃ bá₄ lín'₂ 'nia'₂
ján₃ a₂tsá₃ le₃ti'₅₄ Diú₄ jág₁ quió'₅ ia₁ a₂tsá₃ ca₂rē₃ti'₅₄ dsa₂ 'éi₂? ⁴¿Dsón'₂ bá₄ tsá₃ le₂jaun₂!
Jui₁le₂lei₅₄ bá₄ jniog₄, Diú₄ ně₃ jmo₃ bá₄ ca₂le₃jē₃ lia'₂ con'₂ lē₅ jág₁ tí₅ quió'₅, jui₁'e₂ guě₃
ca₂le₃jín₃ dsa₂ tsá₃ tí₅ jág₁ quió'₅; ia₁ ne₄ Si₂ juá'₂:

ia₁jaun₂ le₃lí'₄ dsa₂ a₂lín'₅ i₂dsen₃

jui₁lia'₂ jē₁dsia'₂ jág₁,

ia₁jaun₂ bá₄ léng'₂

jē₁ma₂tē₂ rē₁con₂ dsa₂ 'í₁ ja₁con₂.†

⁵La₁ ně₁jua'₂ tí₅ ta₁ dsáu₁ jniog₄ a₂rē₂jnia'₂ Diú₄ a₂lín₅ i₂dsen₃, ¿'e₂ le₃jua'₅₄ jniog₄ ně₃?
¿'An₁ tsá₃ rē₂ qui₃dsi₅ Diú₄ 'éi'₃ ně₁jua'₂ ca₂rē₃'néi₃ 'ē₂ uig₅ ja₁con₂ jniog₄? (A₂lē₁juá'₅ jniá₂
lia'₂ jē₁juá'₂ dsa₂ mi₂güí₃ bá₄.) ⁶¿Dsón'₂ bá₄ on₃jua'₅₄ le₂nē₅! Ia₁ jua'₅₄ mei'₂ guě₃ tsá₃ rē₂
qui₂dsi₅ Diú₄ 'éi'₃, ¿'a₂ bá₄ lia'₂ le₃con₂ 'í₁ ja₁con₂ dsa₂ mi₂güí₃?

⁷La₁ ně₁jua'₂ jág₁ tē₂jág₁ quió₃ tí₅ ta₁ ia₁jaun₂ lē₅ a₂rē₂jnia'₂ guě₄ jág₁ dsau₅ quió'₅ Diú₄
ia₁jaun₂ tē₂le₃ dse₃ guě₄ chéin'₅, ¿'e₂ lē₃ qui₂dsi₅ Diú₄ 'éi'₃ a₂rín₂ jniá₂ dso₄? ⁸¿Ja₁lín₃ guě₄
dse₃ jua'₅₄ caun₂ a₂jmo₅₄ a₂'lig'₅₄, ia₁jaun₂ jiá₃ a₂dse₃? A₂le₂nē₅ bá₄ chi₂'ag₅ i₂lín₅₄ 'ag₂₃ jnia'₅₄
a₂jme₂tín₂ jnia'₅₄ dsa₂. La₁ gue₃ bá₄ uig₅ dsa₂ i₂dsi₂jio₅ dsí₅ le₂nē₅ 'a₂ con'₂ ca₂tín₂.

Ca₂le₃jág₃ bá₄ jniog₄ rē₂cáu'₄ dso₄

⁹¿'E₂ jaun₂ ně₃? ¿A₂dse₃ guě₄ tíóng₂ jnia'₅₄ dsa₂ judíos? ¿Dsau₅ bá₄ on₃jua'₅₄ le₂jaun₂! Ia₁
ma₂tē₂tsi'₅₄ jág₁, co₂jaun₂ bá₄ dsa₂ judíos con'₂ dsi₂nau₂, caun₂ bá₄ jui₅ tioin'₅₄ 'uig₅₄ dsáu₁.

¹⁰Lē₅ jui₁lia'₂ juá'₂ ne₄ Si₂:

Ca₂lia'₂ 'i₁jan₂ dsa₂ tsá₃ chan₂

i₂jme₂ti₃ 'Éi'₃ quió'₅ Diú₄,

ca₂lia'₂ 'i₁jan₂ tsá₃ chan₂;

¹¹tsá₃ i₂chan₂ jua'₅₄ i₂ñí'₂ dsí₅,

'i₁jan₂ tsá₃ chan₂ jua'₅₄ i₂'nio₃ 'na'₂ Diú₄.

¹²Ca₂le₃jín₃ bá₄ ma₂i₂nio₄ cau₅ jui₅ ma₂i₂cóin'₅,

co₂dsia₅ bá₄ ma₂i₃lén₂ jui₅ ja₁tsá₃ ta₁ tí₄.

Tsá₃ 'ein₂ chan₂ ca₂lia'₂ 'i₁jan₂

jua'₅₄ i₂qui₂jmo₅ a₂dse₃,

ca₂lia'₂ 'i₁jan₂ tsá₃ chan₂.‡

¹³'Uē'₅ jág₁ 'lig'₅₄ le₂'o₅₄

jui₁lia'₂ ja₂ dsí₂ 'lig'₅₄ a₂'uē'₅ tau₂ 'ñio₅ a₂rē₂na₄;

quian'₅₄ le₁tsi'₂ jmo₂₃ a₂jui₁gain₂.§

Nē₂jag₄ bá₄ náu₁ dsi₂mi'₂ 'a₄ mi₂'o₅₄,*

¹⁴Jmá'₃ caun₂ a₂jaun₂ bá₄ juá'₂ dsa₂,

a₂uig₅ dsí₅, a₂jme₃dsi'₃ ja₁con₂ riin'₅₄;†

¹⁵Ma₂ně₃ bá₄ i₂ñi₂₃ cán₂ tag₅₄

a₂dsi₃jme₁dsiain₂₃ riin'₅₄.

¹⁶Léi₄ jē₁ca₂ñi₅ ca₂quiog₂ caun₂ jui₅ a₂o₂i₁ dsi₅,

* 3:3 o₃, “i₂tsá₃ ca₂rē₃'én₂.” † 3:4 Salmo 51:4. ‡ 3:12 Salmo 14:1-3; 53:1-3; Ecclesiastés 7:20. § 3:13 Salmo 5:9.

* 3:13 Salmo 140:3. † 3:14 Salmo 10:7.

ja₁i₃'én₂'a₂lia'₂chan₂dsa₂;

17 ia₁tsá₃cuí'₅dsa₂'éi₂jui₅'ei₅tei₄;†

18 Tsá₃a₂jaun₂dsi₂jio₅dsí₅

jua'₅₄a₂gain₃Diú₄.§

19 A₂ne₄bá₄jniog₄, ca₂le₃jě₃jág₁a₂tio'₅₄ne₄Si₂'Éi'₃quíó'₅Diú₄, a₂juá'₂tsí'₅ca₂le₃jín₃i₂ca₂tín₂'Éi'₃jaun₂, ia₁jaun₂jmo₃tei₄mi₂'o₄ca₂le₃jín₃, ia₁jaun₂ca₂le₃jín₃dsa₂mi₂güig₃tě₃tsiín'₅₄rě₂cáin'₄ne₄Diú₄. 20 Ia₁ca₂lia'₂'i₁jan₂tsá₃'ein₂jín₂Diú₄a₂tsá₃dso₄rě₂cáin'₄jua'₅₄a₂jme₃ti₃a₂juá'₂'Éi'₃, ia₁'ñiog₅bá₄'Éi'₃quí'₅ta₁a₂le₃ne₄jniog₄a₂lág₅dsa₂cha₂dsáu₁.

A₂lión₂dsa₂tě₂le₃a₂jñia'₅₄quian'₅₄a₂'éin₂bá₄

21 La₁ně₃ně₃, ma₂ca₂jme₃jnia₅bá₄Diú₄jui₅a₂tsá₃ma₃dso₄rě₂cáu'₄jniog₄, on₃jua'₅₄tě₂le₃quian'₅₄Si₂'Éi'₃, jui₁'e₂guě₃jáng'₅jág₁dsau₅jui₅jaun₂a₂juá'₂ne₄Si₂tio'₅₄'Éi'₃, quian'₅₄Si₂a₂qui₂ca₂jmo₃dsa₂i₂jme₁'ě₂jág₁quían₅Diú₄ně₃. 22 Jáng'₅jág₁dsau₅jui₅dse₃quíó'₅Diú₄a₂tsá₃dso₄rě₂cán'₄dsa₂, jñia'₅₄lia'₂tě₂le₃quian'₅₄a₂'éin₂tě₂le₃quíó'₅Jesucristo; tsá₃jma₃quén₅jmo₂₃ja₁con₂jui₁'ein₂guě₃; 23 ia₁ca₂le₃jín₃bá₄ma₂qui₂ma₂'náu₂dso₄, jaun₂uینگ₂lín₃bá₄tióin₂ja₁qui₂tág₅co₂'né'₅quíó'₅Diú₄. 24 La₁Diú₄ně₃, ia₁a₂'ua₁dsí₅bá₄'ě₂jág₁a₂tsá₃dso₄rě₂cáin'₄, on₃jua'₅₄a₂'nió'₅quí'₃'lia'₅₄. A₂lě₁lió₂bá₄tě₂le₃quian'₅₄Cristo Jesús i₂ca₂quí₃o₄quíó'₄dsáu₁dsa₂. 25 Ca₂chen'₃Diú₄ja₁ñi'₅₄ia₁jaun₂dsian₅dsáu₁dsa₂mi₂güig₃quian'₅₄jmi₂'ain₅₄a₂ca₂tein₃. A₂lě₁gue₅bá₄dsa₂a₂jaun₂jmá'₃tě₂le₃quian'₅₄a₂'éin₂. Le₂ně₅ca₂rě₃jniá₂Diú₄i₂lín₅i₂qui₃dsi₅'éi'₃rě₂, ia₁a₂ma₂ca₂jme₃juin'₂dsí₅a₂ma₂ca₂ñág₃bá₄dsáu₁dsa₂a₂jme₁'no₂₃ma₂líg'₂. 26 Le₂ně₅ca₂jmo₃Diú₄a₂ca₂jme₃jniai₂₃a₂rě₂qui₃dsi₂₃'éi'₃, a₂ca₂jme₃jniai₂₃a₂jíin₂dsa₂i₂'én₂tě₂le₃quíó'₅Jesús ně₂jag₄bá₄a₂ca₂jme₃ti₃.

27 ¿'E₂bá₄ca₂lě₃jaun₂ně₃quian'₅₄a₂jmo₅dsa₂táin'₅? Co₂dsia₅tě₂tsi'₅₄cau₅bá₄a₂jaun₂. ¿'E₂'uig₅₄? ¿'An₁'uig₅₄a₂jme₃ti₃dsa₂'Éi'₃? Jan₂'ón₄. 'Uig₅₄ia₁a₂'én₂bá₄dsa₂. 28 Ma₂ně₂quiong₅₄bá₄jniog₄'í₁jaun₂ně₃, a₂jín₂Diú₄dsa₂ně₂jag₄bá₄a₂ca₂jme₃ti₃, 'uig₅₄ia₁a₂'éin₂, jaun₂tsá₃'e₂'í₁con₂guě₄jua'₅₄a₂ca₂jme₃ti₃o₃tsá₃ca₂jme₃ti₃'e₂, con₂lě₅'Éi'₃.

29 ¿O₃bá₄lín₅Diú₄ca₂ne₅₄jmá'₃i₂quían₅dsa₂judíos? ¿On₁jua'₅₄i₂quían₅dsi₂nau₂ján₃? Ján₅. I₂quían₅'éi₂bá₄ján₃, 30 ia₁jan₂tan₅₄bá₄Diú₄chan₂; jaun₂'éi₂bá₄jág₃jín₂dsa₂i₂rě₂uینگ₄ni₁lo₁ně₂jag₄bá₄a₂ca₂jme₂ti₃, 'uig₅₄ia₁a₂'éin₂; ján₃bá₄le₂jaun₂jág₃jín₂dsa₂i₂tsá₃rě₂uینگ₄ni₁lo₁ně₂jag₄bá₄a₂ca₂jme₃ti₃, o₄quíó'₄a₂'éin₂. 31 ¿'E₂jua'₂jniog₄jaun₂ně₃? ¿A₂tsá₃ta₁tí₄'Éi'₃ia₁a₂'éin₂jniog₄? ¡Dsón'₂tsá₃le₂jaun₂! 'Nió'₄tě₂le₃cuě₂bá₄jniog₄bí₂a₂quen₅'Éi'₃.

4

'A₂lia'₂tě₂tsin'₅₄Abraham ne₄Diú₄

1 ¿'E₂lě₂le₃jua'₅₄jniog₄jaun₂ně₃? ¿'E₂ca₂dsó'₂Abraham dsa₂juin'₂quían₂jnia'₅₄ma₂líg'₂, lia'₂jme₁lín₄dsa₂mi₂güig₃? 2 Jua'₅₄mei'₂guě₃Diú₄ca₂chi'₃jág₁jua'₅₄a₂dsen₃'éi₂tě₂le₃quian'₅₄'e₂a₂ca₂jmo₃, jua'₅₄a₂ca₂jme₃ti₃'Éi'₃, jaun₂jme₁cha₂jui₅a₂jme₁jmo₃róin₂. La₁on₃jua'₅₄ne₄Diú₄. 3 Jaun₂, ¿'e₂juá'₂ne₄Si₂? “Ca₂rě₃'én₂bá₄Abraham jág₁ca₂cuě₃Diú₄; jaun₂'uig₅₄ia₁a₂ca₂rě₃'éin₂jaun₂ně₃, ca₂guéi'₂Diú₄ně₂jag₄bá₄a₂ca₂jme₃ti₃.” 4 Jaun₂ně₃, jui₁lia'₂jan₂dsa₂i₂jme₂ti₃ta₁quíó'₅jan₂juig₅₄, cu₄a₂lí'₂jaun₂quíó'₅, on₃jua'₅₄a₂lě₁cuě₃juig₅₄, ia₁a₂ma₂ríin₂₃quíó'₅'éi₂'lia'₅₄ta₁quíó'₅. 5 La₁ně₁jua'₂'éin₂tě₂tsá₃'e₂jmo₂₃, 'éin₂a₂guén'₅Diú₄dsa₂i₂cha₂dsáu₁, Diú₄guéi'₂quíó'₅ně₂jag₄bá₄dsa₂dsen₃, o₄quíó'₄a₂'éin₂. 6 Ñiog₅bá₄David juá'₂a₂dsen₃jui₁lia'₂dsa₂i₂guéi'₂Diú₄ně₂jag₄bá₄a₂tsá₃ma₂'e₂dsáu₁cha₂, tsá₃'e₂'í₁con₂Diú₄'a₂lia'₂ca₂jme₃ti₃. 7 Ca₂juá'₂David:

† 3:17 Isaías 59:7-8. § 3:18 Salmo 36:1. * 4:3 Génesis 15:6. Ján₃bá₄le₂ně₅

'E₂ guë₄ dsen₃ jui₁lia'₂ dsa₂ i₂ca₂'én₂ Diú₄ dsáu₁,
i₂ca₂jłë₂ Diú₄ dso₄ a₂ca₂'náu₂.

⁸ 'E₂ guë₄ dsen₃ dsa₂ i₂ca₂jmo₃ Te₁gui'₅₄ dsí₅
a₂tsá₃ dso₄ riin₂.†

⁹ A₂dse₃ nē₅ nē₃, ¿a₁dse₃ jmá'₃ lia'₂ ca₂ne₅₄ quió'₅ dsa₂ i₂rë₂uĩng₄ ni₁lo₁, o₃ bá₄ le₂jio₅ a₂dse₃ quió'₅ i₂tsá₃ 'e₂ rë₂uĩng₄ quió'₅ bá₄ ján₃? Ma₂nē₂jua'₅₄ jnia'₅₄ a₂ca₂guén'₂ Diú₄ Abraham nē₂jag₄ bá₄ a₂ca₂jme₃ti₃ 'éi'₃, 'uig₅₄ ia₁ a₂'éin₂. ¹⁰ ¿A₂ lia'₂ jme₁lín₄ Abraham lia'₂ con'₂ ca₂guéi'₂ jaun₂? ¿Ca₂guéi'₂ cang₂ lia'₂ con'₂ jme₁ma₂ti₃ Abraham quió'₅, o₃ le₂jniá₅ 'e₂? Le₂jniá₅ bá₄, on₃jua'₅₄ cang₂. ¹¹ Cang₂ jaun₂ bá₄ ca₂gue₃ Abraham 'éi'₃ jaun₂ a₂ti₃ ni₁lo₁₂, a₂lín₅ léi₄ co₂'nió'₄ caun₂ sello quió'₅ Diú₄ a₂ma₂guéi'₂, nē₂jag₄ bá₄ dsa₂ i₂ca₂jme₃ti₃, 'uig₅₄ ia₁ a₂'éin₂. Le₂nē₅ bá₄ ca₂dsióg₃ Abraham a₂ca₂lín₃ cho'₅₄ ca₂le₃jín₃ i₂'én₂ ján₃, o₁jnia'₅₄ tsá₃ ma₂gue₃ 'éi'₃ jaun₂ a₂uĩng₃ quió'₅. Jaun₂ le₂nē₅ bá₄ guén'₂ Diú₄ ján₃ dsa₂ tsi₁jon₂ 'éi₂ nē₂jag₄ bá₄ a₂lín₅ dsa₂ i₂ca₂jme₃ti₃. ¹² Dsau₅ bá₄ a₂lín₅ Abraham cho'₅₄ ca₂le₃jín₃ i₂ma₂gue₃ 'éi'₃ jaun₂ a₂uĩng₃ quió'₅, la₁ on₃jua'₅₄ jmá'₃ 'uig₅₄ ia₁ a₂rë₂uĩng₄ quió'₅; ján₃ bá₄ 'uig₅₄ ia₁ a₂quian₅ jui₅ a₂'éin₂ jaun₂, jui₁lia'₂ ca₂can₃ Abraham jmei₂ jnia'₅₄ lia'₂ con'₂ tsá₃ ma₂uĩng₂ quió'₅.

Të₂le₃ quian'₅₄ a₂'én₂ bá₄ dsa₂ jme₃ti₃ Diú₄ jág₁ quió'₅ a₂ma₃cuë₃

¹³ Jaun₂ ca₂cuë₃ Diú₄ jág₁ quió'₅ ca₂cuë'₃ Abraham quian'₅₄ chi'₂-guein₂ quiáin₅, a₂gue₃ gua'₅₄ 'uë₃ a₂cuë₃ Diú₄; la₁ on₃jua'₅₄ ia₁ a₂ca₂jme₃ti₃ Abraham 'Éi'₃, tē₂le₃ ia₁ a₂caun₂ 'éin₂ jág₁ a₂cuë₅ Diú₄, ton'₂ ca₂guéi'₂ Diú₄ nē₂jag₄ bá₄ a₂ca₂jme₃ti₃ 'Éi'₃. ¹⁴ Jua'₅₄ mei'₂ guë₃ jmá'₃ i₂jme₂ti₃ 'Éi'₃ bá₄ gue₅ a₂dse₃ a₂cuë₅ Diú₄ cuë'₅ chi'₂-guein₂ quiáin₅, jaun₂ tsá₃ ma₃'e₂ ta₁ tí₄ a₂'én₂ dsa₂, ton'₂ ján₃ guë'₂ le₂jaun₂ jág₁ a₂cuë₄ quió'₅ Diú₄ tsá₃ ma₃quen₅. ¹⁵ Ia₁ jui₅ a₂'ne₂ Diú₄ bá₄ jio₅ 'Éi'₃, la₁ ja₁tsá₃ 'Éi'₃ ca₂tín₂, tsá₃ 'ein₂ dsi₂juin₅₄ ja₁jaun₂.

¹⁶ 'Uig₅₄ jaun₂, o₄quió'₄ a₂'én₂ dsa₂ cuë₅ Diú₄ a₂dse₃ cuë'₅ chi'₂-guein₂ quiáin₅, ia₁jaun₂ chi'₃ tiá₂ jág₁ a₂cuë₄ ne₄ a₂'ua₁ dsí₅, ia₁jaun₂ dsón'₂ jaun₂ bá₄ jág₁ a₂gue₃ ca₂le₃jín₃ tsi₁jon₂ Abraham, on₃jua'₅₄ jmá'₃ quió'₅ dsa₂ i₂qui₂rë₂ti'₅₄ 'Éi'₃; quió'₅ ca₂le₃jín₃ i₂'én₂ bá₄ ján₃ jui₁lia'₂ jme₁'én₂ Abraham. Jaun₂ 'éi₂ bá₄ já₅ co₂'nió'₄ lín₅ jmei₂ jniog₄ ca₂le₃jág₃. ¹⁷ Jui₁lia'₂ juá'₂ ne₄ Si₂: “Ne₂ ma₂tsín'₂ jniá₂ a₂lín₅ cho'₅₄ dsa₂ chan₂ 'lióng₂ juig₂ nación.”† Jaun₂ 'éi₂ bá₄ i₂lín₅ jmei₂ jniog₄ ne₄ Diú₄, ton'₂ ca₂'éin₂ jág₁ quió'₅ Diú₄ 'éi₂ i₂ton'₂ jme₂dsí₂ dsa₂ i₂ma₂dsan₃, ján₃ guë'₂ tē'₂ a₂tsá₃ ma₂cha₂ nē₂jag₄ bá₄ a₂ma₂cha₂.

¹⁸ Jui₁'e₂ guë₃ tsá₃ ma₃'e₂ jmig₄ jme₁ma₃cha₂ ja₁con₂ Abraham lia'₂ con'₂ lē₅ lín₂ dsa₂ mi₂güig₃, tē₂le₃ ia₁ a₂ca₂rë₃'éin₂ jág₁ quió'₅ Diú₄, ca₂dsióg₃ “a₂lín₅ jmei₂ dsa₂ chan₂ 'lióng₂ juig₂”, lia'₂ con'₂ lē₅ ca₂juá'₂ Diú₄: “co₂nē₅ tén₅ chi'₂-guein₂ dsió'₂ lē₂.”§

¹⁹ Jui₁'e₂ guë₃ jme₁ma₂'en₅₄ Abraham con'₂ 'niá₂-láu₂ ni₂, lí'₄ bá₄ 'niog₅ a₂ma₂guen'₂ ni₁ni₁₂, ján₃ guë'₂ le₂jaun₂ Sara quiáin₅ nē₃ co₂nē₅ a₂ma₂chain₂ dsiáin₃ bá₄, tsá₃ ma₃'ein₂ guein₂ lē₂ le₃cáin₂, la₁ tsá₃ ca₂'uáin₂ quian'₅₄ jág₁ a₂ma₂chan'₂. ²⁰ Tsá₃ ca₂'ág₂ caun₂-tín₃ dsí₅ jua'₅₄ a₂tsá₃ 'éin₂ jág₁ a₂ca₂cuë₃ Diú₄, tē₂le₃ ca₂l₃tsón₂ bá₄ bí₂ a₂'éin₂, ton'₂ ca₂jme₃juin'₂ Diú₄, ²¹ caun₂ bá₄ 'ei₅ dsí₅ a₂'io₅ Diú₄ jui₅ bí₂ a₂jme₃ti₃ jág₁ quió'₅ a₂ca₂cuë₃. ²² 'Uig₅₄ jaun₂ ca₂guéi'₂ Diú₄ nē₂jag₄ dsa₂ i₂ca₂jme₃ti₃.

²³ Jág₁ nē₅, “a₂ca₂guéi'₂ Diú₄”, ca₂l₃to'₅₄ ne₄ si₂, on₃jua'₅₄ a₂'iin₂₃ jmá'₃ Abraham; ²⁴ a₂'ag₂₃ jniog₄ bá₄ ján₃. 'Uig₅₄ ia₁ a₂'éin₂ jniog₄, guéi'₂ Diú₄ a₂lág₅ jniog₄ nē₂jag₄ bá₄ dsa₂ dsen₃ i₂ca₂jme₃ti₃ con'₂ i₂'én₂ tē₂le₃ quió'₅ Diú₄ i₂ca₂jme₃jen'₅₄ Jesús jin₄ 'lag₄. Jesús bá₄ i₂lín₅ Te₁gui'₅₄ quián₂ jniog₄, ²⁵ i₂ca₂jín'₂ dsa₂ a₂jóin₂ ne₄ 'uig₅₄ dsáu₁ jniog₄, con'₂ siá'₂ ca₂jein'₅₄ táng₃ ia₁jaun₂ guéi'₂ Diú₄ jniog₄ nē₂jag₄ dsa₂ dsen₃ i₂ca₂jme₃ti₃.

† 4:8 Salmo 32:1-2. ‡ 4:17 Génesis 17:5. § 4:18 Génesis 15:5.

5

Lé₂ le₃chong₂ jniog₄ 'ei₅ tei₄ quian'₅₄ Diú₄

¹ Le₂ně₅ jaun₂, ia₁ a₂ma₂'ě₂ Diú₄ jág₁ a₂tsá₃ 'e₂ dso₄ rě₂cáu₄ jniog₄, 'uig₅₄ ia₁ a₂'éin₂, ma₂chong₂ jniog₄ 'ei₅ tei₄ quian'₅₄, tē₂le₃ quian'₅₄ Te₁gui'₅₄ Jesucristo quián₂. ² Ia₁ tē₂le₃ quian'₅₄ Cristo 'éi₂ bá₄ ma₂i₁to'₅₄ jniog₄ ja₁jme₂gu'₅₄ Diú₄ ia₁ a₂'ua₁ dsí₅, tē₂le₃ ia₁ a₂'éin₂. Ja₁dse₃ ně₅ ně₃, tíong₂ jniog₄ tiá₂ 'io'₂ jein₂, ia₁ 'ín₂ dsí₅ jniog₄ a₂dsón'₂ jme₁quian'₅₄ Diú₄ jē₄ co₂tág₅ co₂'né'₅ quió'₅. ³ On₃ rē₂' jua'₅₄ jmá'₃ a₂ně₅; jmo₂ jniog₄ 'io'₂ ne₄ o₂i₁ dsí₅ a₂qui₂dsi₂ňág₂; ia₁ ne₄ jniog₄, quian'₅₄ o₂i₁ dsí₅ bá₄ qui₂rě₂juin'₂ dsí₅ jniog₄. ⁴ A₂juin'₂ dsí₅ jniog₄ jaun₂, jmo₅ a₂chei'₂ rě₂ jniog₄ 'a₂ lia'₂ lág₅; a₂tíong₂ jniog₄ rě₂ jaun₂ ně₃, jmo₅ a₂'ín₂ dsí₅ jniog₄ jmig₄ a₂le₃ti₃. ⁵ Jmí₄ a₂'ín₂ dsí₅ jniog₄ jaun₂, tsá₃ lé₂ le₃jmo₃ jua'₅₄ jéin₂ jniog₄ o₂guí'₃, ia₁ 'ñiog₅ Diú₄ ma₂ca₂jme₃cain'₂ jme₂dsí₂ quián₂ jniog₄ ia₁ a₂ñí₄ lē₃ 'nio₃ jniog₄, tē₂le₃ quian'₅₄ Jme₂dsí₂ Jñi₃o₅ i₂ma₂cuiin₃.

⁶ Ia₁ lia'₂ con'₂ jme₁lág₄ jniog₄ dsa₂ mi₂güig₃ 'uan₅₄ i₂tsá₃ cha₂ jui₅ 'a₂ lia'₂ lion₄ guio₅₄, la₁ jme₁ca₂tē₂ jmig₄ a₂ca₂tíong₃ Diú₄, jaun₂ ca₂jon₃ bá₄ I₂rē₂'ín₁ quián₅ o₄quió'₄ dsa₂ i₂tsá₃ Diú₄ cuin₅. ⁷ A₂quian₅ ta₁ lin₃ bá₄ jua'₅₄ mei'₂ guē₃ jan₂ dsa₂ lé₂ le₃guein₃ 'mú₃ o₄quió'₄ jan₂ dsa₂ mi₂güig₃ riin'₅₄, ca₂lia'₂ jnia'₅₄ o₄quió'₄ jan₂ dsa₂ i₂jmo₅ rē₂; 'an₁ mei'₂ tsá₃ chan₂ jan₂ i₂lé₂ le₃tiá₂ dsí₅ guen₃ 'mú₃ o₄quió'₄ jan₂ dsa₂ i₂dse₃ dsí₅ dsón'₂. ⁸ La₁ ma₂ca₂cuē₃ bá₄ Diú₄ léi₄ a₂dsón'₂ 'nio₃ jniog₄, ia₁ a₂ca₂jon₃ Cristo 'uig₅₄ quián₂, lia'₂ con'₂ jme₁lág₄ guē₄ dsa₂ cha₂ dsáu₁. ⁹ A₂jaun₂ ně₃, 'uig₅₄ ia₁ a₂ma₂'ě₂ Diú₄ jág₁ tē₂le₃ quian'₅₄ jmi₄ Cristo a₂ca₂tang₂, a₂tsá₃ ma₂dso₄ rag₂, jaun₂ tē₂le₃ i₂jui'₂ guē₄ lió₂ jniog₄ tē₂le₃ quian'₅₄ 'éi₂ a₂gau₂ a₂'ne₂ Diú₄ a₂jiá₃ jē₁ca₂tó'₂. ¹⁰ Ia₁ chi₂jua'₂ ma₂ca₂'ág₂ Diú₄ caun₂ jág₁ quian'₅₄ jniog₄ tē₂le₃ quian'₅₄ 'mú₃ a₂ca₂i₃ñí₂ Ja₁ñi'₅₄ lia'₂ con'₂ jme₁lág₄ guē₄ jniog₄ dsa₂ i₂'ñia₅₄ 'éi₂, ján₃ bá₄ le₂jaun₂ tē₂le₃ i₂jui'₂ guē₄ lió₂ jniog₄ 'uig₅₄ ia₁ a₂chain₂, ně₃ lia'₂ ma₂'ei₅ caun₂ jág₁ quian'₅₄. ¹¹ Ia₁ on₃ guē'₂ jua'₅₄ jmá'₃ a₂ně₅, ia₁ chong₂ jniog₄ jme₁'ñi₄ dsí₅ ján₃ le₃quió'₅ Diú₄ tē₂le₃ quian'₅₄ Te₁gui'₅₄ Jesucristo, ia₁ tē₂le₃ quian'₅₄ Cristo bá₄ ca₂dsi₃náu₅ jniog₄ 'ei₅ caun₂ jág₁ quian'₅₄ Diú₄.

Adán quian'₅₄ Cristo

¹² Le₂ně₅ jaun₂, jui₁lia'₂ tē₂le₃ quian'₅₄ jan₂ dsa₂ ca₂rě₃chá₃ dsáu₁ dsa₂ mi₂güig₃, 'uig₅₄ ně₅ bá₄ ca₂já₃ 'mú₃, le₂ně₅ bá₄ ján₃ ca₂ňag₅ 'mú₃ ja₁con₂ ca₂le₃jín₃ dsa₂ mi₂güig₃, ia₁ ca₂le₃jín₃ bá₄ ca₂'náu₂ dso₄. ¹³ Le₂jñiá₅, lia'₂ con'₂ tsá₃ 'Éi'₃ jme₁ma₂ron₅, ma₂qui₂'no₅ bá₄ dsa₂ dso₄ mi₂güig₃, la₁ tsá₃ lé₂ le₃jíog'₂ 'í₁ 'e₂ a₂rín₂ dsa₂ ja₁tsá₃ 'éi'₃ cha₂. ¹⁴ La₁ ca₂le₃ jme₁chan₂ Adán, ca₂lia'₂ ca₂tē₂ jmig₄ a₂jme₁chan₂ Moisés, ca₂'io₃ 'mú₃ jui₅bí₂ ne₄ quió'₅ dsa₂ i₂qui₂ca₂'náu₂ dso₄, o₁jñia'₅₄ dsáu₁ dsa₂ jaun₂ on₃jua'₅₄ a₂ca₂i₃juin₅₄ dsa₂ caun₂ 'éi'₃ jui₁lia'₂ ca₂jmo₃ Adán; jme₁lín₄ Adán co₂'nió'₄ caun₂ nió'₄ quió'₅ i₂jiá₃ chi₁quín₃.

¹⁵ La₁ dsáu₁ Adán ně₃, tsá₃ lé₂ le₃quin₃ quian'₅₄ a₂lē₁cuē₅ Diú₄ jniog₄. Ia₁ jui₁lia'₂ o₄quió'₄ dsáu₁ jan₂ dsa₂, juin₅ i₂ca₂dsan₃, ján₃ bá₄ le₂jaun₂ tē₂le₃ lē₅ guē₄ a₂'ua₁ dsí₅ Diú₄ a₂lió₂ a₂lē₁ma₂cuē₃ co₂ñí₂ dsa₂ juin₅ tē₂le₃ quian'₅₄ jan₂ tan₅₄ dsa₂ i₂'ua₁ dsí₅. Dsa₂ 'éi₂ lín₅ Jesucristo. ¹⁶ Dso₄ a₂ca₂'náu₂ jan₂ dsa₂ tsá₃ lé₂ le₃quin₃ quian'₅₄ a₂lió₂ Diú₄ a₂cuē₂₃ jniog₄; ia₁ jme₁ca₂caun₂ Diú₄ 'í₁ dso₄ a₂ca₂rě₃cán'₂ jan₂ dsa₂, jaun₂ ca₂já₃ jui₅ a₂ca₂qui₃dsí₅ Diú₄ 'éi'₃ ja₁con₂ dsa₂ mi₂güig₃; la₁ jui₁lia'₂ a₂lión₂ dsa₂ ně₃, a₂lē₁'ě₂ Diú₄ co₂ñí₂ bá₄ jág₁ a₂tsá₃ 'e₂ dso₄ rín₂ dsa₂, jui₁'a₂ guē₃ la₂ qui₂ma₂'náu₂ 'líong₂ dso₄. ¹⁷ Chi₂jua'₂ ca₂'io₃ bí₂ 'mú₃ ne₄ ca₂le₃jín₃ dsa₂ o₄quió'₄ dsáu₁ jan₂ dsa₂, tē₂le₃ i₂jui'₂ guē₄ 'ñio₅ tson₂ a₂'ua₁ dsí₅ Diú₄ ja₁con₂ dsa₂ i₂guéin'₂ ně₂jag₄ bá₄ a₂tsá₃ 'e₂ dso₄ riin₂, a₂'io₂₃ bí₂ a₂le₃chain₂ dse₃ tē₂le₃ quian'₅₄ jan₂ dsa₂, i₂lín₅ Jesucristo.

¹⁸ Jaun₂ lē₃, jui₁lia'₂ dsáu₁ Adán ca₂chein'₃ ca₂le₃jín₃ dsa₂ jui₅ ja₁'ě₃ Diú₄ uig₅, le₂ně₅ bá₄ ján₃, ta₁ a₂quí'₅ a₂dse₃ a₂ca₂jmo₃ Jesucristo ca₂cain₃ ca₂le₃jín₃ dsa₂ jui₅ ja₁lé₂ le₃chain₂ dse₃, ja₁guéi'₂ Diú₄ ně₂jag₄ bá₄ a₂tsá₃ 'e₂ dso₄ riin₂. ¹⁹ Co₂'nió'₄ le₃jua'₅₄, ia₁ jui₁lia'₂ tsá₃ gau₂

ca₂nág₂ jan₂ dsa₂ 'éi₂, jaun₂ juin₅ i₂ca₂rë₃chá₃ dsáu₁, ján₃ bá₄ le₂në₅, 'uig₅₄ ia₁ a₂ca₂nág₂ gau₂ jan₂ tan₅₄ dsa₂, jaun₂ juin₅ i₂guén₂ Diú₄ nējag₄ bá₄ i₂ca₂jme₃tí₃.

²⁰ Ca₂të₁ron₅₄ 'Éi₃ ia₁jaun₂ dsi₃juin₅₄ guë₄ dso₄; la₁ ja₁'ñio₅ lin₃ guë₄ ca₂i₁juin₅₄ dso₄, jaun₂ 'ñio₅ lin₃ guë₄ ca₂jmo₃ Diú₄ ca₂i₃tsón₂ a₂'ua₁ dsí₅. ²¹ Jaun₂ le₂në₅ bá₄ ju₁lia₂ ca₂tín₂ bí₂ dso₄ ju₁ a₂quian₅ 'mú₃, le₂në₅ bá₄ ján₃ ca₂'io₃ bí₂ a₂'ua₁ dsí₅ Diú₄ a₂jág₂ jniog₄ nējag₄ bá₄ dsa₂ i₂ca₂jme₃tí₃, a₂cuë₃ a₂le₃chong₂ jniog₄ dse₃ co₂tan₅₄ të₂le₃ quian₅₄ Te₁gui₅₄ Jesucristo quián₂ jniog₄.

6

Ma₂dsau₃ të₂le₃ quió₅ dsáu₁, la₁ chong₂ le₃quió₅ Cristo

¹ ¿'E₂ jua₅₄ jniog₄ jaun₂ nēj₃? ¿A₁caun₂ dse₃ 'nióg₁ bá₄ jniog₄ dso₄ ia₁jaun₂ caun₂ dsi₃tsón₃ a₂'ua₁ dsí₅ Diú₄ quian₅₄ jniog₄? ² ¿Dsón₂ bá₄ on₃jua₅₄ le₂në₅! Ia₁ ma₂ca₂dsau₃ bá₄ jniog₄ le₃quió₅ dsáu₁; ¿'a₂ bá₄ lia₂ lé₂ jaun₂ nēj₃ jua₅₄ a₂caun₂ chong₂ jniog₄ le₃quió₅ dsáu₁? ³ ¿Tsa₁ ñi₅₄ 'nia₂, lia₂ con₂ jme₁ca₂tió₄ jniog₄ jmi₂ le₃quió₅ Cristo Jesús, ca₂tió₄ jniog₄ 'mú₃ quió₅? ⁴ Ia₁ jme₁ca₂tió₄ jniog₄ jmi₂, co₂'nió₄ bá₄ ja₁jaun₂ ca₂'o₃ jniog₄ co₂lë₅ quian₅₄ Cristo nējag₄ bá₄ a₂ca₂dsau₃, ia₁jaun₂ jein₅₄ táng₃ a₂le₃chong₂ caun₂ jme₂dsí₂ 'mí₂, ju₁lia₂ ca₂jen₅₄ Cristo a₂jme₁rë₂join₅₄, të₂le₃ quian₅₄ ju₁bí₂ jlá₁ quió₅ Jmei₂.

⁵ Ia₁ chi₂jua₂ ca₂jme₁quian₅₄ jniog₄ ne₄ 'mú₃ quió₅, ján₃ bá₄ le₂jaun₂ tion₅₄ bá₄ jme₁quian₅₄ jë₁ma₂ca₂jein₅₄ jniog₄ ju₁lia₂ ca₂jen₅₄ 'éi₂. ⁶ Ne₄ bá₄ jniog₄, lia₂ con₂ lë₅ jme₁lág₄ le₂jñiá₅, ne₄ cróg₄ bá₄ ca₂ñó₃ a₂jaun₂ co₂lë₅ quian₅₄ Cristo, ia₁jaun₂ dsi₃én₂ ju₁bí₂ a₂'io₅ dsáu₁ ne₄ ni₁ñi₁ jniog₄, ia₁jaun₂ tsá₃ ma₃lë₅ jua₅₄ a₂qui₂rë₂'ñei₅₄ guë₄ a₂chong₂ qui₂jme₂tí₁ ta₁ ne₄ dsáu₁, nējag₄ bá₄ ne₄ jan₂juig₅₄ jniog₄. ⁷ Ia₁ ju₁lia₂ i₂ma₂jon₅, tsá₃ ma₂'e₂ rë₂'ñei₅₄, ma₂lón₂ bá₄ ne₄ dsáu₁. ⁸ Chi₂jua₂ ma₂ca₂dsau₃ jniog₄ quian₅₄ Cristo, ján₃ bá₄ le₂jaun₂ 'éin₂ a₂le₃chong₂ quian₅₄ 'éi₂, ⁹ ia₁ ne₄ bá₄ jniog₄, con₂ jme₁ca₂jen₅₄ Cristo ne₄ 'mú₃, o₁líg₂ jmi₂ tsá₃ ma₃lë₂ le₃jóin₂; tsá₃ ma₂'e₂ ju₁bí₂ 'io₅ 'mú₃ ne₄ quió₅ 'éi₂. ¹⁰ Ia₁ jme₁ca₂jon₃ Cristo, co₂ráun₂ bá₄ ca₂join₃ 'uig₅₄ dsáu₁ dsa₂; la₁ nēj₃ lia₂ ma₂chain₂, chain₂ le₃quió₅ Diú₄. ¹¹ Le₂në₅ bá₄ 'nia₂ ján₃, jmo₄ bá₄ 'nia₂ 'au₂ a₂ma₂dsang₃ të₂le₃ quió₅ dso₄, la₁ chan₂ bá₄ 'nia₂ le₃quió₅ Diú₄ të₂le₃ quian₅₄ Cristo Jesús.

¹² A₂jaun₂ nēj₃, 'a₃ cuë₂ 'nia₂ jmi₂ jua₅₄ a₂'io₃ guë₄ ju₁bí₂ dsáu₁ ne₄ ni₁ñi₁ 'nia₂ a₂siá₃, a₂qui₂chi₃quióng₂ jmi₂ a₂jme₁tí₄ 'nia₂ a₂mi₅ ni₁ñi₅. ¹³ 'A₃ qui₁jín₅₄ 'nia₂ a₂tén₅ ni₁ñi₁ jua₅₄ a₂'no₃ guë₄ dso₄, co₂'nió₄ a₂jmo₂ ta₁ a₂jmo₃ a₂'líg₅₄. Të₂le₃ ne₄ Diú₄ bá₄ jín₅₄ 'nia₂ a₂líg₅ co₂'nió₄ dsa₂ i₂ma₂dsan₃, i₂ma₂jen₅₄ táng₃. Jang₅₄ 'nia₂ a₂tén₅ ni₁ñi₁ le₃ja₁con₂ Diú₄, co₂'nió₄ a₂jmo₂ ta₁ a₂jmo₃ jmá₃ a₂dse₃. ¹⁴ Ia₁ tsá₃ 'io₃ guë₄ bí₂ dsáu₁ ne₄ quián₂ 'nia₂ nējag₄ bá₄ jan₂juig₅₄ 'nia₂, ia₁ tsá₃ o₄gú₃ 'Éi₃ tion₅₄ 'nia₂; të₂le₃ o₄gú₃ a₂'ua₁ dsí₅ Diú₄ bá₄ tion₅₄ 'nia₂.

¹⁵ ¿'E₂ bá₄ jaun₂ nēj₃? ¿A₁caun₂ 'nióg₁ dso₄ bá₄ ia₁ tsá₃ o₄gú₃ 'Éi₃ tio₅₄ jniog₄, ia₁ ja₁'ua₁ dsí₅ Diú₄ bá₄ tióng₂? ¿Dsón₂ bá₄ on₃jua₅₄ le₂në₅! ¹⁶ ¿Tsa₁ ñi₅₄ 'nia₂, nēj₃ jua₂ ca₂jín₅₄ 'nia₂ guiong₅₄ o₄gú₃ jan₂juig₅₄ a₂jme₁tí₄ ta₁ ne₅₄, ma₂líg₅ jan₂ i₂ma₂chi₁'ñe₅₄ i₂quián₅ dsa₂ 'éi₂? Ján₃ bá₄ le₂jaun₂, nēj₃ jua₂ ca₂jín₅₄ 'nia₂ guiong₅₄ ne₄ dsáu₁, dsáu₁ jaun₂ i₂ma₂lín₅ juig₅₄ 'nia₂, jio₅ ju₁ 'mú₃; o₃ nēj₃ jua₂ ca₂jín₅₄ 'nia₂ ne₄ a₂nág₁ gau₂ jág₁ quió₅ Diú₄, a₂jaun₂ bá₄ i₂ma₂lín₅ juig₅₄ 'nia₂, jio₅ ju₁ co₂dsau₅. ¹⁷ Ju₁'e₂ guë₃ jme₁rë₂qui₂rë₂'ñe₂ 'nia₂ le₂jñiá₅ ne₄ dsáu₁, la₁ rë₂në₃ nēj₃, ti₁'mag₄ Diú₄, ma₂nei₂ bá₄ 'nia₂ gau₂ ca₂le₃jë₃ jme₂dsí₂ quiáng₂ jág₁ quen₅ a₂ma₂rë₂jín₅₄ 'nia₂, a₂jme₂tíng₂. ¹⁸ Jaun₂ nēj₃ ma₂lón₂ 'nia₂ o₄gú₃ dsáu₁, ma₂tion₅₄ bá₄ 'nia₂ o₄gú₃ ju₁ co₂dsau₅. ¹⁹ (Juá₅ jniá₂ juí₂ 'nia₂ lia₂ con₂ lë₅ jág₁ dsia₅ dsa₂ mi₂güí₃, ia₁ dsón₂ bá₄ quian₅ ta₁ le₃ñi₂ 'au₂ 'nia₂ dse₃ ia₁ të₂le₃ a₂lín₅ 'nia₂ dsa₂ mi₂güí₃.) Ia₁ le₂jaun₂ bá₄ ján₃ ju₁lia₂ qui₂ca₂jín₅₄ 'nia₂ le₂jñiá₅ a₂tén₅ ni₁ñi₁ ju₁ ja₁tsá₃ nág₂ gau₂,

ja₁ca₂jme₁ti' ₄ 'nia' ₂ ta₁ ne₄ ca₂le₃jě₃ ne₅₄ a₂'lig' ₅₄, le₂ně₅ bá₄ guě' ₂ jang' ₅₄ táng₃ 'nia' ₂ a₂tén₅ ni₁ñi' ₁ ja₁jme₁ti' ₄ ta₁ ne₄ jui₅ jñi₅ ja₁caun₂ le₃dsen' ₃ 'nia' ₂.

²⁰ Lia' ₂ con' ₂ jme₁lín₄ guě₄ dsa₂ i₂qui₂rě₂'ñe' ₅₄ le₃qui₅ dsáu₁, tsá₃ jme₁rě₂'ñeg' ₅₄ jua' ₅₄ a₂jme₂ti' ₄ guě₄ 'nia' ₂ ta₁ ne₄ jui₅ co₂dsau₅. ²¹ La₁ ħ' ₂ e₂ bá₄ a₂dse₃ ca₂lín' ₃ 'nia' ₂ ca₂le₃jě₃ a₂jaun₂, a₂caun₂ lě₃o₂guí' ₃ quián' ₂ 'nia' ₂ rě₂ně₃? Ia₁ jmá' ₃ lia' ₂ ca₂ne₅₄ a₂dsi₅óg₄ ne₄ jui₅ 'mú₃ bá₄ a₂jaun₂. ²² La₁ rě₂ně₃ ně₃, ma₂lón' ₂ 'nia' ₂ jui₅ ja₁jme₁qui₂rě₂'ñe' ₅₄ 'nia' ₂ 'nau' ₂ dso₄, ma₂i₂ton' ₅₄ 'nia' ₂ jui₅ ja₁jme₁ti' ₄ ta₁ ne₄ Diú₄, jaun₂ lén' ₂ 'nia' ₂ jui₅ jñi₅ ja₁caun₂ le₃dsen' ₃ 'nia' ₂, jui₅ ja₁dsi₅óg₄ a₂le₃chan' ₂ 'nia' ₂ dse₃ co₂tan₅₄. ²³ Ia₁ jñia' ₅₄ lia' ₂ 'mú₃ bá₄ lí' ₂ dsa₂ co₂'nió' ₄ 'lia' ₅₄ dsáu₁, la₁ a₂lě₁cuě₅ bá₄ Diú₄ a₂le₃chan₂ dsa₂ dse₃ co₂tan₅₄ tē₂le₃ quian' ₅₄ Cristo Jesús i₂lín₅ Te₁gui' ₅₄ quián₂ jñiog₄.

7

Caun₂ jág₁ a₂jáng' ₅ léi₄ a₂jau' ₂ jui₁lia' ₂ ja₁con₂ dsa₂ i₂rě₂jen' ₂ gu₂

¹ Rin' ₅₄ jñiog₄, 'nia' ₂ dsa₂ i₂cuí' ₅ 'a₂ lia' ₂ juá' ₂ ne₄ Si₂ 'Éi' ₃, ħtsa₁ ñi' ₅₄ 'nia' ₂ a₂'io₅ bí₂ 'Éi' ₃ ja₁con₂ jan₂ dsa₂ jmá' ₃ tē₁lia' ₂ chain' ₂? ² Jui₁lia' ₂ jan₂ dsa₂ m' ₂ i₂chan₂ dsi₂i₂gu₂, co₂'nió' ₄ a₂chi₁'ñei' ₅₄ bá₄ quian' ₅₄ dsi₂i₂gu₂ lia' ₂ con' ₂ lě₅ ne₄ Si₂ 'Éi' ₃, tē₁lia' ₂ chan₂ dsa₂ ñe' ₂. La₁ nē₁jua' ₂ ca₂jon₃ dsi₂i₂gu₂ ně₃, ca₂tsin' ₂ bá₄ dsa₂ m' ₂ 'éi₂ tē₂le₃ quió' ₅ 'éi' ₃ a₂jme₁le₁quian' ₅ quió' ₅ quian' ₅₄ dsi₂i₂gu₂. ³ Nē₁jua' ₂ ca₂guá' ₂ 'io₅₄ quian' ₅₄ dsa₂ ñe' ₂ sián' ₂ tē₃ chan₂ dsi₂i₂gu₂, dso₄ bá₄ 'no₂₃; la₁ nē₁jua' ₂ ca₂jon₃ dsi₂i₂gu₂ ně₃, ca₂tsin' ₂ bá₄ 'io₅₄ tē₂le₃ quió' ₅ 'éi' ₃, ma₂lě₂ bá₄ jéin' ₂ táng₃ gu₂ quian' ₅₄ dsa₂ ñe' ₂ sián' ₂, tsá₃ ma₃dso₄ 'no₂₃.

⁴ Le₂ně₅ bá₄ ján₃, 'nia' ₂ rin' ₅₄ jñiog₄, ma₂dsan' ₃ 'nia' ₂ le₃quió' ₅ 'Éi' ₃ tē₂le₃ quian' ₅₄ ñi₄ Cristo, ia₁jaun₂ téng' ₄ ja₁con₂ i₂sián' ₂: ja₁con₂ 'éi₂ i₂ca₂jen' ₅₄ táng₃ ne₄ 'mú₃. Le₂ně₅ ca₂lě₃ ia₁jaun₂ le₃chong₂ jñiog₄ téi₅ ta₁ ne₄ Diú₄. ⁵ Ia₁ lia' ₂ con' ₂ jme₁chong₂ jñiog₄ lia' ₂ jme₁jñiog₅ ni₁ñi₁ jñiog₄, ta₁ jaun₂ ca₂qui' ₃ 'Éi' ₃ a₂ca₂ñei₃ jui₅ ni₁ñi₁ jñiog₄ a₂ca₂lě₃ dsi₅ jmó' ₁ a₂'lig' ₅₄, ca₂qui' ₃ ta₁ a₂ca₂i₁jo₅₄ ne₄ 'mú₃. ⁶ La₁ rě₂ně₃ ně₃, ma₂dsau₃ le₃quió' ₅ Si₂ 'Éi' ₃ a₂jme₁jñiog₅ jme₁le₁'ñei' ₅₄, a₂jme₁ti₁ ne₄ Diú₄ jui₅ 'm' ₂ quió' ₅ Jme₂dsí₂ quián₅. Jaun₂ tsá₃ ma₃tio' ₅₄ jñiog₄ le₁'ñei' ₅₄ ne₄ 'Éi' ₃ a₂chi₁ton₅ ne₄ si₂.

Dso₄ a₂'i₄ ja₁con₂ jniá₂

⁷ ħ'E₂ jua' ₅₄ jñiog₄ jaun₂ ně₃? ħA₂lě₅ dso₄ bá₄ 'Éi' ₃ jaun₂? ħDsón' ₂ bá₄ on₃jua' ₅₄ le₂jaun₂! La₁ jniá₂ ně₃ tsá₃ ca₂rě₃guion' ₅₄ 'e₂ jaun₂ dsáu₅, jua' ₅₄ mei' ₂ guě₃ tsá₃ 'Éi' ₃ ron₅. Co₂'nió' ₄ le₃jua' ₅₄, tsá₃ 'e₂ ca₂rě₃guion' ₅₄, jui₁lia' ₂ a₂'ín₅ dsi₃ a₂cha₂ quió' ₅ i₂sián' ₂, jua' ₅₄ mei' ₂ guě₃ tsá₃ a₂juá' ₂ 'Éi' ₃ ne₄ Si₂: "Tsá₃ lě₃jmo₂ 'ín₅ 'au' ₂ a₂quió' ₅ dsa₂ sián' ₂."*

⁸ La₁ dsáu₁ ně₃ ca₂jme₃'ñi₅ bá₄ jág₁ ně₅; 'ñiog₅ bá₄ 'Éi' ₃ ca₂cuě₃ jmig₄ ca₂ñei₃ tē₂dsi₃ ca₂le₃jě₃ ne₅₄ a₂'ín₅ dsi₃ a₂cha₂ quió' ₅ i₂sián' ₂. Ia₁ jui₁lia' ₂ ja₁tsá₃ 'Éi' ₃ ron₅, tsá₃ léi₄ jniá₂ a₂cha₂ dsáu₅. ⁹ Ján₃ bá₄ jme₁chang₂ caun₂ jmig₄ lia' ₂ con' ₂ tsá₃ 'Éi' ₃ quió' ₅ Moisés ma₂ca₂tíng₂. La₁ jme₁ca₂já₃ 'Éi' ₃, co₂'nió' ₄ a₂ca₂jen' ₅₄ bá₄ táng₃ dsáu₁; jniá₂ guě' ₂, co₂'nió' ₄ a₂ca₂jong₃. ¹⁰ Le₂ně₅ bá₄ ca₂lě₃ quian' ₅₄ 'ñiog₅ 'Éi' ₃ jaun₂; 'nió' ₄ a₂jme₁cuě₃ bí₂ a₂le₃chan₂ jniá₂, tē₂le₃ ca₂jñiog₃ jui₅ 'mú₃ bá₄ a₂jaun₂. ¹¹ Ia₁ dsáu₁ ně₃, ca₂jme₃'ñi₅ bá₄ ne₄ 'Éi' ₃ ja₁con₂ jniá₂, ca₂jme₃gau₂₃. Jaun₂ quian' ₅₄ 'ñiog₅ bá₄ 'Éi' ₃, ca₂cuě₃ 'mú₃.

¹² Jaun₂ ně₃, a₂jñi₅ bá₄ Si₂ 'Éi' ₃; ján₃ guě' ₂ le₂jaun₂ ca₂le₃jě₃ 'éi' ₃ tio' ₅₄, a₂jñi₅, con₂ 'í₁ con' ₂ dsi₂ten₅₄, a₂dse₃ lín₃ bá₄ a₂jaun₂. ¹³ ħ'E₂ bá₄ jaun₂ ně₃? ħJui₁lia' ₂ a₂dse₃ jaun₂ ca₂lě₃ 'mú₃ ja₁con₂ jniá₂? ħDsón' ₂ on₃jua' ₅₄ jaun₂! 'Uig₅₄ dsáu₅ bá₄ jniá₂ jaun₂, ca₂jñiog₃ jui₅ 'mú₃, le₂ně₅ ca₂cuě₃ léi₄ a₂lě₅ dso₄ a₂jaun₂ a₂jme₁jmo₅ jniá₂; ca₂jmo₃ tē₂le₃ quian' ₅₄ a₂dse₃, jaun₂ le₂ně₅ ca₂jme₃jnia₅ 'Éi' ₃ 'e₂ a₂lě₅ a₂jui₁si 'lig' ₅₄ a₂lě₅ dsáu₁.

* 7:7 Éxodo 20:17; Deuteronomio 5:21.

14 Ne₄ bá₄ jniog₄ jaun₂ a₂lě₅ a₂gu₂dsí₂ bá₄ 'Éi'₃, la₁ dsa₂ ni₁ñí₅ bá₄ jniá₂; co₂'nió'₄ a₂rě₂'ni₅₄ bá₄ jniá₂ ne₄ dso₄. 15 Ia₁ tsá₃ ñí'₂ dsi₃ 'e₂ lě₃ jmo₂₃ 'e₂ jmo₂₃, ia₁ tsá₃ lé₂ jmo₅₄ a₂'ín₅ dsi₃ jmo₅₄, ia₁ ca₂le₃jě₃ a₂'io₄ jniá₂ a₂tsá₃ 'nio₃ jmo₅₄, a₂jaun₂ dé₄ dsón'₂ jmo₂₃. 16 Ia₁ chi₂jua'₂ jmo₅ jniá₂ a₂tsá₃ tē₅ dsi₃ jmo₅₄, jaun₂ jmo₅ jniá₂ dsi₃ a₂dse₃ bá₄ 'Éi'₃. 17 Le₂ně₅ bá₄ jaun₂, on₃jua'₅₄ jniá₂ 'ñi₃ 'no₂₃ dso₄; dsáu₅ jniá₂ a₂'i₄ tē₂dsi₃ bá₄, a₂jaun₂ bá₄ jmo₅. 18 Ia₁ guion₄ jniá₂, 'i₁caun₂ a₂dse₃ tsá₃ cha₂ tē₂dsi₃ jniá₂, co₂'nió'₄ le₃jua'₅₄ lia'₂ con'₂ líng₅ dsa₂ ni₁ñí₅, ia₁ 'ín₅ bá₄ dsi₃ jmo₅₄ a₂dse₃, la₁ tsá₃ qui'₅₄ jmi₄ jmo₅₄. 19 Tsá₃ qui₂jmo₅ jniá₂ a₂dse₃ a₂'nio₃ jmo₅₄; caun₂ jmo₅ bá₄ jniá₂ a₂'lig'₅₄ a₂tsá₃ 'nio₃ jmo₅₄. 20 Jaun₂ ně₃, chi₂jua'₂ jmo₅ jniá₂ a₂tsá₃ tē₅ dsi₃ jmo₅₄, on₃jua'₅₄ jniá₂ 'ñi₃ 'no₂₃ a₂jaun₂; dsáu₅ jniá₂ a₂'i₄ tē₂dsi₃ bá₄, a₂jaun₂ bá₄ jmo₅.

21 Jaun₂ ma₂ca₂rě₃léi₄, cha₂ caun₂ 'éi'₃: jē₁ma₂tē₂ rē₁'nio₃ jmo₅₄ a₂dse₃, jñia'₅₄ lia'₂ a₂'lig'₅₄ bá₄ cha₂ ja₁cong₂. 22 Né'₃ jme₂dsí₂ quió₃, tē₅ bá₄ dsi₃ 'Éi'₃ quió'₅ Diú₄; 23 la₁ jág₅ jniá₂ ja₁con₂ a₂tén₅ ni₁ñi₃, cha₂ caun₂ 'éi'₃ siá'₂ a₂jmo₅ 'nei₂ quian'₅₄ 'éi'₃ 'a₂ lia'₂ dsi₂jio₅ dsi₃, a₂tē₂ chi₁'neg'₁ ne₄ 'éi'₃ quió'₅ dso₄ a₂jmo₅ ta₁ ja₁con₂ a₂tén₅ ni₁ñi₃.

24 'i₁E₂ guě₄ juí₂ jniá₂! 'Éi₂ bá₄ jiá₃ líó₂ ne₄ ni₁ñi₃ a₂jio₅ 'mú₃ la₂? 25 Ti₁'mag'₄ Diú₄, cha₂ bá₄ juí₅ 'a₂ lia'₂ lé₂ tē₂le₃ quian'₅₄ Te₁gui'₅₄ Jesucristo quián₂ jniog₄.

Jaun₂ ně₃, 'ñi₃ bá₄ jniá₂ quian'₅₄ 'a₂ lia'₂ dsi₂jio₅ dsi₃, jme₂tí₁ ta₁ ne₄ 'Éi'₃ quió'₅ Diú₄, la₁ lia'₂ con'₂ líng₅ dsa₂ ni₁ñí₅, jme₁tí₁ jniá₂ ne₄ 'éi'₃ quió'₅ dso₄.

8

'A₂ lia'₂ chan₂ dsa₂ con'₂ lě₅ jio₅ jme₂dsí₂ quián₅ Diú₄

1 Ně₃ ně₃ jaun₂, tsá₃ ma₂'e₂ uig₅ 'ě₂ Diú₄ ne₄ quió'₅ dsa₂ i₂ma₂'ei₅ caun₂ jág₁ quian'₅₄ Cristo Jesús.* 2 Ia₁ bí₂ a₂'io₅ 'éi'₃ quió'₅ jme₂dsí₂ ma₂cuě₅ jmi₄ a₂chan₂ jniá₂ tē₂le₃ quian'₅₄ Cristo Jesús, ia₁ ma₂ca₂lió₂ jniá₂ ne₄ 'éi'₃ quió'₅ dso₄, quió'₅ 'mú₃ ně₃. 3 Ia₁ ma₂ca₂jmo₃ Diú₄ a₂tsá₃ ca₂qui'₅₄ jmi₄ Si₂ 'Éi'₃ jmo₃ ia₁ ca₂'uán₂ bá₄ 'Éi'₃ 'uig₅₄ dsáu₁ dsa₂ ni₁ñí₅: ca₂chein₃ ja₁ñi'₅₄ 'ñio₅ o₄quió'₄ dsáu₁ dsa₂; ca₂jmo₃ a₂lín₅ 'éi₂ dsa₂ chi₁dsáin₃ lia'₂ lín₅ dsa₂ mi₂güig₃ i₂'no₅ dso₄, jaun₂ le₂ně₅ bá₄ ca₂'ě₂ uig₅ ne₄ dso₄, ia₁ a₂lín₅ dsa₂ chi₁dsáin₃. 4 Le₂ně₅ ca₂jmo₃ ia₁jaun₂ le₃ti₃ 'Éi'₃ a₂con₂ 'i₁ con'₂ dsi₂ten₅₄, ja₁con₂ jniog₄, i₂i₂nio₄, on₃jua'₅₄ lia'₂ con'₂ lě₅ jio₅ ni₁ñi₁₂, i₂i₂nio₄ lia'₂ con'₂ lě₅ jio₅ jme₂dsí₂ bá₄.

5 Ia₁ dsa₂ i₂chan₂ lia'₂ con'₂ lě₅ jio₅ ni₁ñi₁ qui₂dsi₂jio₅ dsí₅ juí₅ quió'₅ ni₁ñí₅, la₁ juí₁lia'₂ dsa₂ i₂ma₂chan₂ lia'₂ con'₂ lě₅ jio₅ jme₂dsí₂ quián₅ Diú₄, qui₂dsi₂jio₅ dsí₅ a₂quió'₅ jme₂dsí₂ bá₄. 6 Ia₁ juí₁lia'₂ a₂qui₂dsi₂jio₅ dsí₅ dsa₂ juí₅ quió'₅ ni₁ñí₅, a₂lě₅ 'mú₃ bá₄ jaun₂; la₁ juí₁lia'₂ a₂qui₂dsi₂jio₅ dsí₅ dsa₂ le₃quió'₅ jme₂dsí₂ quián₅ Diú₄, a₂jaun₂ bá₄ jmo₅ a₂le₃chan₂ dsa₂ dse₃, a₂'ag₃ tei₄ dsí₅ dsa₂ ně₃. 7 Ia₁ juí₁lia'₂ i₂qui₂dsi₂jio₅ dsí₅ juí₅ quió'₅ ni₁ñí₅, i₂'ñia₅₄ Diú₄ bá₄ i₂le₂'éi₂, ia₁ tsá₃ 'nio₃, on₃ guě'₂ lé₂ jme₃ti₃ 'Éi'₃ quió'₅ Diú₄. 8 'Uig₅₄ jaun₂ bá₄, juí₁lia'₂ i₂i₂nio₄ lia'₂ con'₂ jio₅ ni₁ñi₁₂, tsá₃ lé₂ le₃jmo₃ a₂tē₅ dsí₅ Diú₄.

9 La₁ juí₁lia'₂ 'nia'₂ ně₃, tsá₃ ma₃i₂nio₅₄ 'nia'₂ lia'₂ con'₂ jio₅ ni₁ñí₅, ia₁ ma₂quian'₅₄ bá₄ 'nia'₂ jme₂dsí₂, ně₁jua'₂ guá₅ jme₂dsí₂ quián₅ Diú₄ tē₂'au'₂ 'nia'₂. Ia₁ juí₁lia'₂ dsa₂ i₂tsá₃ 'en₅₄ jme₂dsí₂ quián₅ Cristo tē₂dsí₅, tsá₃ lín₅ i₂quián₅ 'éi₂. 10 La₁ ně₁jua'₂ 'en₅₄ Cristo tē₂'au'₂ 'nia'₂, jaun₂ chan₂ bá₄ jme₂dsí₂ quián₂ 'nia'₂ 'uig₅₄ ia₁ a₂ma₂jín₂ Diú₄ 'nia'₂ ně₂jag₄ bá₄ a₂ma₂jme₂tí₂ 'nia'₂, o₁jñia'₅₄ 'io₅ 'mú₃ ni₁ñi₁ 'nia'₂ o₄quió'₄ dso₄. 11 Chi₂jua'₂ chan₂ ja₁con₂ 'nia'₂ jme₂dsí₂ quián₅ i₂ca₂jme₃jen'₅₄ Cristo Jesús ne₄ 'mú₃, 'ñio₅ bá₄ 'éi₂ cuě₃ jme₂dsí₂ 'mí₂ ne₄ ni₁ñi₁ 'nia'₂ a₂ca₂tín₂ 'mú₃, tē₂le₃ quian'₅₄ jme₂dsí₂ quián₅ Diú₄ i₂guá₅ tē₂'au'₂ 'nia'₂.

12 Le₂ně₅ bá₄ jaun₂, 'nia'₂ rín₅₄ jniog₄, cha₂ a₂ca₂tág₂ jniog₄ jmó₁, la₁ on₃jua'₅₄ rē₂'ne₄ ni₁ñí₅ jua'₅₄ a₂'nió'₅ le₃chong₂ jniog₄ 'io₄ táng₃ lia'₂ con'₂ lě₅ mi₅ ni₁ñi₁. 13 Ia₁ ně₁jua'₂ chan₂ 'nia'₂

* 8:1 A₂lín₅₄ chog₅₄ si₂ a₂ca₂lě₃ cang₂ guě₄, juá'₂ le₂la₂ ján₃: "i₂i₂nio₄, on₃jua'₅₄ lia'₂ con'₂ lě₅ jio₅ ni₁ñi₁₂, i₂i₂nio₄ lia'₂ con'₂ lě₅ jio₅ jme₂dsí₂ bá₄."

lia₂ con₂ mi₅ ni₁ŋi₁, dsián₃ bá₄ 'nia'₂; la₁ nē₁jua₂ tē₂le₃ quian₅₄ Jme₂dsí₂, jŋi₅ 'nia'₂ a₂jmo₅ ni₁ŋi₁, jaun₂ le₃chan₂ bá₄ 'nia'₂.

¹⁴ Ia₁ ca₂le₃jŋi₃ dsa₂ i₂i₂nio₄ lia₂ con₂ lē₅ jiog₅ Jme₂dsí₂ quián₅ Diú₄, lín₅ chi₂-guein₂ quián₅ Diú₄. ¹⁵ Ia₁ Jme₂dsí₂ i₂ma₂guen₅₄ 'nia'₂ on₃jua₅₄ i₂lín₅ jme₂dsí₂ i₂qui₃'nei'₂ táng₃ jua₅₄ a₂jmo₃ a₂le₃gan₃ táng₃ 'nia'₂. Jme₂dsí₂ 'éi₂ bá₄ i₂ma₂guen₅₄ 'nia'₂ i₂jmo₃ a₂lén₂ 'nia'₂ chi₂-guein₂ quián₅ Diú₄. Jme₁jua₂ jniog₄ tē₂le₃ quian₅₄ 'éi₂: “iAbba!† iTia₅₄ quiáng₃!”, ¹⁶ jaun₂ 'niog₅ bá₄ Jme₂dsí₂ nē₅ jme₂quiain₅₄ jme₂dsí₂ quián₂ jniog₄, jáng₅ jág₁ dsau₅ juá₂ a₂ma₂lág₅ jniog₄ chi₂-guein₂ quián₅ Diú₄. ¹⁷ Jaun₂ chi₂jua₂ lág₅ jniog₄ ja₁ŋi₅₄, ján₃ bá₄ ca₂tág₂ jniog₄ guéi₁ a₂dse₃ a₂ma₂lē₅ jág₁ cuē₃ Diú₄ a₂cuē₃ chi₂-guein₂ quián₅; guéi₁ jniog₄ a₂nē₅ co₂lē₅ quian₅₄ Cristo, chi₂jua₂ quein₅₄ jniog₄ quian₅₄ jmi₁uig₅ quió₅ ia₁jaun₂ quein₅₄ jniog₄ cang₂ jē₄ co₂tág₅ co₂'né₅ quió₅.

¹⁸ Ia₁ lín₂ jniá₂ on₃jua₅₄ cha₂ 'e₂ uig₅ a₂ŋag₄ jniog₄ rē₂nē₃ on₃jua₅₄ a₂quin₃ quian₅₄ a₂co₂tág₅ co₂'né₅ a₂jiá₃ a₂le₃jniá₂ ja₁con₂ jniog₄. ¹⁹ Ia₁ ma₂chi₁jŋia₅ chi₁quian₅₄ jmi₄ ca₂le₃jē₃ a₂ca₂jmo₃ Diú₄, a₂'ín₅ dsí₅ jmi₄ jē₁ma₂tē₂ rē₁le₃jniá₂ chi₂-guein₂ quián₅ Diú₄. ²⁰ Ia₁ ca₂le₃jē₃ a₂ca₂jmo₃ Diú₄ nē₃ ma₂qui₂le₁'ŋei₅₄ ne₄ jui₅ ja₁tsá₃ ta₁ tí₄, on₃jua₅₄ ia₁ a₂ca₂rē₃'ŋi₃ dsí₅ guioin₅₄, ia₁ le₂jaun₂ 'éi₃ ca₂jmo₃ Diú₄ 'niog₅ bá₄. A₂'ín₂ dsí₅ ca₂le₃jē₃ a₂nē₅, ²¹ jmi₄ a₂lió₂ Diú₄ a₂qui₂chi₁'ŋei₅₄ ne₄ jui₅ a₂siá₃ quió₅, ia₁jaun₂ jme₃quiain₅₄ chi₂-guein₂ quián₅ Diú₄ jē₄ co₂tág₅ co₂'né₅ jui₁lia₂ i₂ma₂qui₂ca₂lón₂. ²² Ia₁ ne₄ bá₄ jniog₄, ca₂lia₂ jnió₄ jmi₄ nē₃, ca₂le₃jē₃ a₂ca₂jmo₃ Diú₄, qui₂'ŋi₃o₂ qui₂'ŋia₂₃ co₂lē₅ chain₂ uig₅. ²³ On₃jua₅₄ jmá₃ a₂jaun₂; ján₃ bá₄ le₂jaun₂ jniog₄ nē₃, i₂'io₅ a₂le₂'uig₅₄ a₂ca₂ráu₃ quió₅ Jme₂dsí₂, qui₂'ŋi₃o₂ qui₂'ŋia₂ tē₂dsi₅ jniog₄ tē₁lia₂ chi₁jŋia₁ a₂'ín₅ dsí₅ jmi₄ jaun₂, a₂jme₃jŋia₅ a₂lág₅ jniog₄ chi₂-guein₂ quián₅ Diú₄, jmi₄ a₂lióin₂ ni₁ŋi₁ jniog₄ la₂. ²⁴ Ia₁ tē₂le₃ quian₅₄ jmi₄ a₂'ín₂ dsí₅ jniog₄ nē₅ bá₄ ca₂lió₂; la₁ nē₁jua₂ ma₂jág₅ dsa₂ a₂'ín₂ dsí₅, on₃jua₅₄ ma₃le₃'ín₂ dsí₅ dsa₂ jui₁lia₂ a₂ma₂jág₅, tsá₃ ma₃tion₅₄ 'nió₅ 'ín₂ dsí₅. ²⁵ La₁ nē₁jua₂ 'ín₂ dsí₅ jniog₄ caun₂ a₂tsá₃ ma₂ne₅₄, juin₂ bá₄ dsí₅ jŋia₄ a₂'ín₂ dsí₅.

²⁶ Ján₃ bá₄ le₂nē₅ jme₂'o₅₄ Jme₂dsí₂ quián₅ Diú₄ a₂'uan₅₄ dsí₅ jniog₄. Ia₁ tsá₃ tag₂ chi₂len₄ Diú₄ 'a₂ con₂ dsi₂ten₅₄, la₁ 'niog₅ bá₄ Jme₂dsí₂ Jnió₅ nē₃ mi₂₃ ne₄ Diú₄ o₄quián₂ jniog₄, ca₂le₃jē₃ qui₂'ŋi₃o₂ qui₂'ŋia₃ on₃jua₅₄ a₂lé₂ le₃'ŋi₃o₃ jniog₄ quian₅₄ jág₁. ²⁷ La₁ Diú₄ nē₃ i₂tē₂li₅ tē₂dsí₅ dsa₂ mi₂güig₃, 'éi₂ bá₄ ŋi₅ 'e₂ 'nio₃ Jme₂dsí₂ 'éi₂ juá₂; ia₁ mi₅ Jme₂dsí₂ Jnió₅ lia₂ con₂ lē₅ 'ŋio₂ dsí₅ Diú₄, o₄quió₄ dsa₂ jnió₅ quián₅.

Tē₂le₃ ŋag₅₄ guē₄ léi₂ jniog₄

²⁸ Ne₄ bá₄ jniog₄, Diú₄ bá₄ i₂jmo₅ ne₄ ca₂le₃jē₃, a₂dse₃ quió₅ dsa₂ i₂'nio₃ Diú₄, quió₅ dsa₂ i₂ma₂tē₃ Diú₄ lia₂ con₂ lē₅ ma₂i₂jio₅ dsí₅ jmo₃. ²⁹ Ia₁ i₂ma₂cuig₅ Diú₄ ca₂le₂jŋiá₅, ján₃ bá₄ ca₂chei₃ ca₂'iin₃ 'éi₂ a₂lén₂ jui₁lia₂ lín₅ Ja₁ŋi₅₄, ia₁jaun₂ lén₂ Ja₁ŋi₅₄ i₂le₂ne₁ jē₄ quió₅ riin₅₄ i₂juin₅. ³⁰ Dsa₂ i₂con₂ ma₂ca₂chen₃ Diú₄ lia₂ ca₂le₂jŋiá₅, ca₂tē₃ 'éi₂ ján₃; dsa₂ i₂con₂ ca₂tē₃ 'éi₂ nē₃, ján₃ bá₄ ca₂jág₂ nē₂jag₄ a₂tsá₃ 'e₂ dso₄ riin₂; dsa₂ i₂con₂ ca₂jág₂ Diú₄ a₂tsá₃ 'e₂ dso₄ riin₂ nē₃, ján₃ bá₄ ca₂jme₃jláin₁.

³¹ ¿'E₂ le₃jua₅₄ jniog₄ nē₃, quian₅₄ a₂nē₅? Chi₂jua₂ chén₅ Diú₄ ne₄ jág₁ quián₂ jniog₄, ¿'ein₂ bá₄ qui₅₄ jmi₄ jmóg₂ jniog₄? ³² Tsá₃ ca₂jmo₃ Diú₄ jua₅₄ tsá₃ jme₁cuin₂₃ Ja₁ŋi₅₄ 'niog₅, tē₂le₃ ca₂jáng₂ bá₄, ca₂ŋó₃ 'éi₂ ne₄ 'mú₃ o₄quián₂ jniog₄; ¿'a₂ bá₄ lia₂ jua₅₄ a₂tsá₃ cuē₃ jniog₄ ján₃ co₂dsia₅ quian₅₄ 'éi₂ ca₂le₃jē₃? ³³ ¿'Ein₂ bá₄ lé₂ le₃'ni₃ dsa₂ i₂ma₂quión₂ Diú₄? Ton₂ 'niog₅ bá₄ Diú₄ juá₂ a₂tsá₃ 'e₂ riin₂. ³⁴ ¿'Ein₂ i₂lé₂ le₃'ē₂ uig₅? Ia₁ Cristo Jesús bá₄ i₂ca₂jon₃; tē₂le₃ lē₅ bá₄ guē₄, a₂ca₂jein₅₄ táng₃, ton₂ ma₂guá₅ le₃gu₂ ne₁ quió₅ Diú₄, mi₂₃ o₄quián₂ jniog₄. ³⁵ ¿'Ein₂ bá₄ i₂lé₂ 'liog₃ jniog₄ cau₅ ne₄ a₂'nio₃ Cristo? ¿O₃ bá₄ qui₅₄ jmi₄ jui₁lia₂ caun₂ jmi₁uig₅, o₃ jui₁lia₂ caun₂ o₂i₁ dsí₅, o₃ jmi₄ jui₁lia₂ a₂co₂'ein₅ dsa₂, o₃ jmi₄ jui₁lia₂ jme₁'in₂ a₂que₅₄, o₃

† 8:15 Abba: co₂'nió₄ le₃jua₅₄: “Tia₅₄” quian₅₄ jág₁ jmei₅ arameo.

ia₁ a₂tsá₃ cha₂ a₂qui'₅₄ 'e₂ jniog₄, o₃ 'e₂ caun₂ a₂gau₂ cha₂, o₃ a₂go₃ jniog₄ a₂jme₃dsiog₅ dsa₂ quian'₅₄ ŋi₁tág₂? ³⁶ Jui₁lia'₂ rē₂ton₅ ne₄ Si₂:
O₄quián'₂ 'ne₂ bá₄ guei₂ jnia'₅₄ 'mú₃ co₂tan₅₄.

Jmo₅ dsa₂ dsí₅ a₂lág₅ jnia'₅₄
nē₂jag₄ bá₄ já'₂ cha'₂
i₂ma₂le₁te₂ dsa₂ a₂jme₃dsiog₂₃.†

³⁷ La₁ jē₄ ca₂le₃jē₃ a₂nē₅, tson₂ guē₄ léi₂ tián₂ jniog₄ tē₂le₃ quian'₅₄ 'éi₂ i₂ma₂ca₂rē₃'nio₃ quián₂ jniog₄. ³⁸ Ia₁ caun₂ bá₄ 'ei₅ dsí₃, 'i₁caun₂ tsá₃ 'e₂ lé₂ le₃'liog'₃ cau₅ ne₄ a₂'nio₃ Diú₄ jniog₄. Tsá₃ qui'₅₄ jmig₄ 'mú₃, on₃ guē'₂ a₂chong₂, on₃ guē'₂ ángeles, on₃ guē'₂ dsí₂tan₅₄ quián₅ jme₂dsí₂, on₃ guē'₂ a₂cha₂ rē₂nē₃, on₃ guē'₂ a₂cha₂ jmig₄ ne₄ jui₅ nē₃, on₃ guē₄ jui₅bí₂, ³⁹ on₃ guē'₂ i₂tion'₅₄ ja₁ŋei₅ lín₃, on₃ guē'₂ i₂tion'₅₄ ja₁'uin₃ lín₃, on₃ guē'₂ jui₁'e₂ guē₃ a₂siá'₂ a₂ca₂jmo₃ Diú₄, jua'₅₄ le₃qui'₅₄ jmig₄ jmo₃ jua'₅₄ a₂tsá₃ ma₃jme₃'nio₃ Diú₄ jniog₄, tē₂le₃ quian'₅₄ Cristo Jesús Te₁gui'₅₄ quián₂ jniog₄.

9

Ma₂quión'₂ Diú₄ dsa₂ juig₂ Israel

¹ Jág₁ tí₅ dsón'₂ bá₄ juá'₅ jniá₂ le₃quíó'₅ Cristo la₂, tsá₃ jme₂gau₅₄ jniá₂; tē₂dsí₃ jniá₂ jiog₅ Jme₂dsí₂ Jnió₅ juá'₂ tság₅ jniá₂ a₂dsón'₂ bá₄ dsau₅; ² 'ŋio₅ lín₃ chang₂ go₂'i₃ qui'₂ dsí₃ co₂tan₅₄, ³ ia₁ ca₂tē₂ 'ŋió₃ jniá₂ jme₁'nio₃ jua'₅₄ dsí₃'éng₁, rē₂'na₄ jág₁ ja₁con₂ Cristo jua'₅₄ mei'₂ guē₃ le₂jaun₂, o₄quíó'₄ ríng'₃ dsa₂ go₃ jniá₂ le₃quíó'₅ ni₁ŋí₅. ⁴ 'Éi₂ bá₄ i₂lín₅ dsa₂ tsi₁jon₂ Israel;* 'éi₂ bá₄ i₂lín₅ dsa₂ i₂ca₂guéi'₂ Diú₄ a₂lín₅ chī'₂-guein₂ quián₅; 'éi₂ bá₄ i₂ca₂tē₂ ne₄ a₂tág₅ co₂'né'₅ quió'₅ Diú₄; 'éi₂ bá₄ i₂ca₂lí'₃ jág₁ quian'₅₄ Diú₄; 'éi₂ bá₄ i₂ca₂gue₃ Si₂ 'Éi'₃ ca₂cuē₃ Diú₄; 'éi₂ bá₄ i₂ca₂tín₂ jme₃ti₃ a₂qui₂jén'₃ ne₄ Diú₄; 'éi₂ bá₄ i₂ca₂cuē₃ Diú₄ jág₁ quió'₅ nē₃. ⁵ 'Éi₂ bá₄ i₂lín₅ tsi₁jon₂ dsa₂ can'₅₄ quián₂ jnia'₅₄ ma₂líg'₂. Jaun₂ tē₂le₃ quian'₅₄ tsi₁jon₂ 'éi₂ nē₃, ca₂guan₃ I₂rē₂'ín₁ quián₅ Diú₄ chī₁dsáin₃, i₂lín₅ Diú₄ ne₄ quió'₅ ca₂le₃jē₃, i₂jme₃juin'₂ dsa₂ co₂tan₅₄, a₂méi₃.

⁶ On₃jua'₅₄ rē'₂ a₂tsá₃ ca₂rē₃ti₃ jág₁ a₂rē₂cuē₄ quió'₅ Diú₄, ia₁ tsá₃ ca₂le₃jín₃ dsa₂ tsi₁jon₂ Israel lín₅ tē₃dsón'₂ dsa₂ i₂tén₅ juig₂ Israel. ⁷ On₃ guē'₂ lín₅ ca₂le₃jín₃ dsa₂ tsi₁jon₂ Abraham tē₃dsón'₂ chī'₂-guein₂ quián₅ 'éi₂; ia₁ jme₁ca₂juá'₂ Diú₄ ca₂tsí'₃ Abraham: “Tē₂le₃ quian'₅₄ Isaac bá₄ ja₃lén₂ tsi₁jong'₂”.† ⁸ Jág₁ nē₅, jein₅ jág₁, on₃jua'₅₄ chī'₂ dsio₄ le₃quíó'₅ ni₁ŋí₅ i₂lín₅ chī'₂-guein₂ quián₅ Diú₄; ton'₂ con'₂ i₂lín₅ guein₂ i₂ca₂rē₃chán₃ lia'₂ con'₂ lē₅ jág₁ quió'₅ Diú₄ a₂jme₁ma₂cuē₃, jmá'₃ i₂'éi₂ bá₄ i₂jín₂ Diú₄ i₂lín₅ tē₃dsón'₂ tsi₁jon₂ Abraham. ⁹ Ia₁ jág₁ quió'₅ Diú₄ a₂ca₂cuē₃ Abraham, a₂la₂ bá₄ jaun₂: “Jein₂ rē₂nē₃ ŋi₂ caun₂, guio₅₄ jniá₂, jaun₂ le₃chan₂ jan₂ guein₂ quián₅ Sara.”† ¹⁰ On₃jua'₅₄ jmá'₃ a₂jaun₂. Qui₂ca₂can₃ Rebeca guein₂ quian'₅₄ jan₂ dsa₂ ŋe'₂ i₂lín₅ Isaac jmei₂ jnia'₅₄. ¹¹ La₁ tsá₃ jme₁ma₂ca₂rē₃chán₃ guein₂ quián₅ i₁Bé'₄, on₃ guē'₂ a₂'lig'₅₄ a₂dse₃ jme₁ma₂tiin₂ jmo₃, jme₁ca₂jmo₃ Diú₄ jág₁, ia₁jaun₂ tē₃'ŋiá₄ a₂ca₂tín₂ Diú₄ qui₃quíó'₂ lia'₂ con'₂ lē₅ niog₅ dsí₅; ¹² on₃jua'₅₄ 'uig₅₄ ia₁ a₂jme₂ti₃ dsa₂, tē₂le₃ 'uig₅₄ ia₁ a₂tē₂ Diú₄; ca₂juá'₂ Diú₄ ca₂tsí'₃ i₁Bé'₄: “I₂lín₅ i₂juin'₂ jme₃ti₃ ne₄ i₂me'₂.”§ ¹³ Jui₁lia'₂ chī₁ton₅ ne₄ Si₂: “Ca₂quío'₄ jniá₂ ca₂jme₁gu'₅₄ quió'₅ Jacob, lē₅ guē₄ con'₂ guē₄ Esaú.”*

¹⁴ ¿'E₂ bá₄ le₃jua'₅₄ nē₃? ¿On₃ bá₄ tsá₃ rē₂ qui₂dsí₅ Diú₄ 'éi'₃? ¿Dsón'₂ on₃jua'₅₄ le₂jaun₂! ¹⁵ Ia₁ ca₂tsí'₃ Moisés:
Dsia₅₄ jniá₂ ŋéi₂ dsí₃
ja₁con₂ i₂'nio₃ jniá₂ dsia₅₄ ŋéi₂ dsí₃ quiaín'₅₄;
ján₃ bá₄ jmo₅₄ jniá₂ 'ua₁ dsí₃

† 8:36 Salmo 44:22. * 9:4 Israel: co₂'nió'₄ le₃jua'₅₄, Jacob. Génesis 35:10. † 9:7 Génesis 21:12. † 9:9 Génesis 18:10,14. § 9:12 Génesis 25:23. * 9:13 Malaquías 1:2-3; lit. “Ca₂jme₁'nió'₄ jniá₂ Jacob, Esaú guē'₂ ca₂jme₁'ŋia₅₄.”

ja₁con₂ i₂'nio₃ jniá₂ jmo₅₄ 'ua₁ dsí₃ quian' ⁵⁴.†

16 Le₂ně₅ bá₄ jaun₂, on₃jua' ⁵⁴rě' ₂ ia₁ 'nio₃ jan₂ dsa₂, o₃ a₂quín' ₃ bí' ₂ e₂; ton' ₂ ia₁ a₂ñéi₂ dsí₅ Diú₄ bá₄. 17 Ia₁ chi₁ton₅ ne₄ Si₂ 'a₂ lia' ₂ ca₂juá' ₂ Diú₄ ca₂tsí' ₃ Faraón:† “Ta₁ jaun₂ tē₃dsón' ₂ bá₄ ca₂tság' ₂ jniá₂ a₂lég' ₂ rag₅₄, ia₁jaun₂ jme₁jnia₅ jniá₂ jui₅bí₂ quió₃ tē₂le₃ quian' ⁵⁴'ne₂, ia₁jaun₂ guē₄ le₃ñi₅ dsa₂ ta₁caun₂ gua' ⁵⁴'uē₃ 'a₂ lia' ₂ lín₅ jniá₂.” § 18 Jaun₂ lē₃, ca₂tín₂ Diú₄ dsia₃ ñéi₂ dsí₅ ja₁con₂ chi₂'ein₂ 'nio₃, ton' ₂ ján₃ guē' ₂ jme₃'ua' ₂ dsí₅ chi₂'ein₂ 'nio₃ jme₃'ua' ₂ dsí₅. 19 La₁ jaun₂, lé₂ jua' ⁵⁴jui₅ jniá₂: “Chi₂jua' ₂ le₂ně₅, ¿e₂ lē₃ cuē' ₅ Diú₄ dso₄ dsa₂, jaun₂ ně₃? Ia₁, ¿ein₂ bá₄ qui' ⁵⁴jmi₄ jné₃ a₂niog₅ dsí₅ Diú₄ jmo₃?” 20 ¡La₁ 'ne₂ ně₃! ¿I₂'ein₂ bá₄ lín' ₅ 'ne₂ dsa₂ mi₂güí₃, jua' ⁵⁴a₂tsíng' ₄ quian' ⁵⁴Diú₄? ¿O₃ bá₄ lé₂ le₃juá' ₂ jui₁lia' ₂ ni₁tí' ₂ gua' ⁵⁴, tsí' ₃ i₂ca₂jmo₃: “¿E₂ lē₃ ca₂jmog' ⁵⁴jniá₂ le₂la₂?”* 21 Jui₁lia' ₂ jan₂ tē₅ i₂jmo₅ tí' ₂: ¿Tsa₁ ca₂tiin₂ 'uē' ₃ quian' ⁵⁴ca₂bē' ₅₄ ti₁jein₂ caun₂ ni₁tí' ₂ a₂jmo' ₂ dsa₂ ta₁ jmá' ₃ lia' ₂ a₂jlá' ₁, caun₂ guē' ₂ a₂jmo' ₂ dsa₂ ta₁ lia' ₂ ei₅ ne₅₄ cosa?†

22 ¿E₂ guē' ₂ lé₂ le₃jua' ⁵⁴'ne₂ chi₂jua' ₂ 'nio₃ Diú₄ jme₃jnia₅ a₂'nei₂, jme₃jnia₅ jui₅bí₂ quió' ₅ ně₃, la₁ ca₂jmo₃ tió' ₃ ca₂jme₃jui₁n' ₃ dsí₅ 'ñio₅ lín₃ quian' ⁵⁴dsa₂ i₂jme₁ca₂tín₂ gue₃ uig₅ i₂jme₁'i₄ 'éi' ₃ dsí₃'én₂? 23 ¿E₂ guē' ₂ chi₂jua' ₂ ca₂jmo₃ Diú₄ le₂jaun₂, ia₁jaun₂ qui₃le₃ñi₅ dsa₂ a₂jláin' ₁ a₂'uain' ₂, a₂jme₂jnia₂₃ a₂ñéi₂ dsí₅ ja₁con₂ dsa₂ i₂ca₂jmo' ₂ co₂jnia₅₄ tē₃jñiá₅, ia₁jaun₂ tiin₅₄ jē₂tág₅ co₂'né' ₅ quió' ₅? 24 Jniog₄ bá₄ 'éi₂ i₂ca₂tē' ₃ Diú₄, on₃jua' ⁵⁴jmá' ₃ jē₄ quió' ₅ dsa₂ judíos; ján₃ bá₄ ca₂tē' ₃ dsa₂ jē₄ quió' ₅ dsí₂nau₂. 25 Jui₁lia' ₂ juá' ₂ ne₄ si₂ quió' ₅ Oseas:

Dsa₂ i₂tsá₃ jme₁lín₄ dsa₂ jui₂g₂ quiáng₃,
ca₂tē₃ dsa₂ jui₂g₂ quiáng₃;
ján₃ guē' ₂ co₂'nió' ₄ 'io₅₄ i₂tsá₃ jme₁'nióg₃,
ca₂tē₃ bá₄ jniá₂ a₂niói₃ guē₄ lín₃.†

26 Ján₃ bá₄ juá' ₂:
Co₂dsau₅ jaun₂ ja₁jme₁juá' ₂ dsa₂
a₂tsá₃ lín' ₅ 'nia' ₂ dsa₂ quiáng₃,
ja₁jaun₂ nág' ₁ 'nia' ₂ a₂tē₂ dsa₂
a₂lín' ₅ chi' ₂-guein₂ quián₅ Diú₄ jén' ₃, §

27 La₁ tē₂le₃ quió' ₅ dsa₂ israelitas ně₃, ca₂juá' ₂ Isaías a₂dsen₅₄ dsí₅: “Jui₁'a₂ guē₃ la₂ jui₁n₅ lín₃ tsí₁jon₂ dsa₂ jui₂g₂ Israel téin₅ jui₁lia' ₂ tí₅ ti₁tsag₁ cha₂ chei' ⁵⁴jmi₁ñí' ₄, la₁ me' ₂ co₂ñí₂ bá₄ dsa₂ i₂jui₁n₅ 'éi₂ tén' ₄. 28 Ia₁ qui₃dsí₅ bá₄ Diú₄ 'éi' ₃ ne₄ gua' ⁵⁴'uē₃, jme₃ti₃ ca₂le₃jē₃ co₂ñei' ⁵⁴.”*

29 Jui₁lia' ₂ ca₂juá' ₂ 'ñiog₅ Isaías le₂jñiá₅:
Jua' ⁵⁴mei' ₂ guē₃ Te₁gui' ⁵⁴Jui₅ 'Lióg₂
tsá₃ ca₂dsiain₃ tsí₁jon₂ dsa₂ go₂ jniog₄,
le₂jaun₂ bá₄ jme₁dsi₁nág₂ jniog₄
jui₁lia' ₂ ca₂i₃ñí₂ dsa₂ jui₂g₂ Sodoma quian' ⁵⁴Gomorra.†

Dsa₂ judíos quian' ⁵⁴jág, dse₃

30 ¿E₂ le₃jua' ⁵⁴jniog₄ jaun₂ ně₃? Jui₁lia' ₂ dsí₂nau₂ i₂tsá₃ jme₁'no' ₂ jui₅ ja₁guei₃ Diú₄ ně₂jag₄ bá₄ a₂tsá₃ 'e₂ dso₄ riin₂, 'éi₂ bá₄ ma₂lí' ₂ jui₅ jaun₂, caun₂ jui₅ ja₁guéi' ₂ Diú₄ ně₂jag₄ bá₄ a₂ca₂jme₃ti₃, tē₂le₃ a₂jñia' ⁵⁴con' ₂ a₂'éin₂ bá₄. 31 La₁ dsa₂ jui₂g₂ Israel guē' ₂ ně₃, i₂jme₁tion' ⁵⁴'Éi' ₃ ia₁jaun₂ jme₁guéi' ₂ Diú₄ 'uig₅₄ ia₁ a₂jme₂ti₃, lín₂, tsá₃ ca₂tió' ₃ jme₃ti₃ 'Éi' ₃ jaun₂. 32 ¿E₂ lē₃? Ia₁ jme₁'no' ₂ jui₅ ja₁guéi' ₂ Diú₄ jaun₂, on₃jua' ⁵⁴tē₂le₃ quian' ⁵⁴a₂'éin₂, tē₂le₃ quian' ⁵⁴a₂jme₁jmo₂₃ guoin₅₄ bá₄. 'Uig₅₄ jaun₂ qui₂ca₂niói₃ bá₄ quian' ⁵⁴“Ní₁cang₁ a₂nió₅ dsa₂.”

33 Jui₁lia' ₂ rē₂ton₅ ne₄ Si₂:
Ní₂ de' ₂ 'nia' ₂, tsín₅₄ jniá₂ jan₂ jē₄ jui₂g₂ Sión

† 9:15 Éxodo 33:19. ‡ 9:17 Faraón: co₂'nió' ₄ le₃jua' ⁵⁴, rag₅₄ quián₅ 'uē₃ Egipto. § 9:17 Éxodo 9:16. * 9:20 Isaías 29:16; 45:9. † 9:21 'Nio' ₂ ja₁ton₅ 2 Timoteo 2:20. ‡ 9:25 Oseas 2:23. § 9:26 Oseas 1:10. * 9:28 Isaías 10:22-23. † 9:29 Isaías 1:9.

i₂lén₂ nē₂jag₄ nī₁cang₁ a₂qui₂nió₅ dsa₂,
 ján₃ guē'₂ co₂'nió'₄ nī₁'lau₂
 a₂jmo₃ dsi₂gan'₅₄ dsa₂;
 jaun₂ jui₁lia'₂ i₂'én₂ le₃quió'₅ 'éi₂,
 tsá₃ dsi₁ñí₂ o₂guí'₃.†

10

1 Rīn'₅₄ jniog₄, a₂'īn₅ dsi₃ 'ñio₅ līn₃, a₂chi₂leng'₅₄ Diú₄ o₄quió'₄ dsa₂ israelitas, ia₁jaun₂ tīin'₄ bá₄. 2 Ia₁ jáng'₅ bá₄ jniá₂ jág₁ dsau₅ ja₁coin₂, a₂dsen₅₄ dsi₅ le₃quió'₅ Diú₄, la₁ia₁ on₃jua'₅₄ jaun₂ ñí'₂ dsi₅. 3 Uig₅₄ ia₁ a₂tsá₃ ca₂tón'₃ jui₅ 'a₂lia'₂ lē₅ jaun₂ a₂guéi'₂ Diú₄, jaun₂ qui₂'no'₂ jui₅ quió'₅ guioin₅₄ bá₄, tsá₃ ca₂jme₃gó'₃ jui₅ a₂ca₂cuē₃ Diú₄. 4 Ia₁ ca₂jme₃'ñia₅ I₂rē₂'īn₁ quián₅ Diú₄ 'Éi'₃, ia₁jaun₂ guéi'₂ Diú₄ chi₂jua'₂ 'ein₂ i₂'én₂, nē₂jag₄ bá₄ a₂ma₂can₃ caun₂ jui₅ co₂dsau₅.

5 Ia₁ jui₁lia'₂ a₂guéi'₂ Diú₄ quió'₅ dsa₂ ia₁ a₂ca₂jme₃ti₃ 'Éi'₃, juá'₂ Moisés ne₄ Si₂: “Nē₁jua'₂ ca₂can₃ dsa₂ caun₂ jui₅ co₂dsau₅ lia'₂ con'₂ lē₅ chi₂quióng₂ jmig₄ Si₂ 'Éi'₃, tē₂le₃ quian'₅₄ 'Éi'₃ jaun₂ le₃chain₂.”* 6 La₁ jui₁lia'₂ jui₅ co₂dsau₅ a₂já₅ 'uig₅₄ ia₁ a₂'én₂ dsa₂, juá'₂ Si₂ le₂la₂: “Tsá₃ jua'₅₄ 'ne₂ tē₂le₃ jui₅ 'au'₂: ¿'Ein₂ bá₄ lē₂ le₃uig₂ guei'₅₄ i₂juig₃?† —co₂'nió'₄ le₃jua'₅₄, ia₁jaun₂ sióin₂ I₂rē₂'īn₁ quián₅ Diú₄ ja₁con₂ jniog₄—; 7 on₃ guē'₂ jua'₅₄ 'ne₂ ján₃: “¿'Ein₂ bá₄ lē₂ le₃sión₃ ca₂tē₂ ja₁ca₂jein₃ chi₁dsio₅₄?”‡ —co₂'nió'₄ le₃jua'₅₄, ia₁jaun₂ chóin'₂ táng₃ I₂rē₂'īn₁ quián₅ Diú₄, jīn₄ 'lag₄. 8 ¿La₁ 'e₂ bá₄ guē'₂ juá'₂ Si₂? Cong'₂ bá₄ 'nia'₂ 'ei₅ jág₁ la₂,

'i₄ mī₂'o'₅₄, quian'₅₄ jui₅ tē₂'au'₂,§
 co₂'nió'₄ le₃jua'₅₄, jág₁ nē₅ bá₄ lē₅ jág₁ a₂'én₂ dsa₂ a₂qui₂'ē₅ jnia'₅₄ dsa₂. 9 Chi₂jua'₂ jmo'₂ jág₁ quian'₅₄ mī₂'o'₅₄ a₂līn₅ Jesús Te₁gui'₅₄, ján₃ guē'₂ chi₂jua'₂ 'éng'₂ jui₅ tē₂'au'₂ a₂ca₂jme₃jein'₅₄ táng₃ Diú₄ a₂jme₃rē₂'līn₅₄, tīng'₄ bá₄. 10 Ia₁ tē₂le₃ jui₅ tē₂dsí₅ bá₄ dsa₂ rē₂'éin₂, ia₁jaun₂ guéi'₂ Diú₄ nē₂jag₄ bá₄ a₂ca₂jme₃ti₃; ján₃ guē'₂ le₂jaun₂ tē₂le₃ quian'₅₄ 'o₄ dsa₂ jmo₂₃ jág₁ ia₁jaun₂ tīin'₄ bá₄.

11 Ne₄ Si₂ juá'₂: “Jui₁lia'₂ i₂'én₂ le₃quió'₅ 'éi₂, tsá₃ dsi₃ñí₂ o₂guí'₃.”* 12 Tsá₃ jma₃quén₅ jág₂ Diú₄ jīin₂ dsa₂ judíos quian'₅₄ guē'₂ dsa₂ griegos; ia₁ 'ñiog₅ bá₄ 'éi₂ līn₅ Te₁gui'₅₄ quián₅ ca₂le₃jín₃, ján₃ guē'₂ jme₂gu'₅₄ cuē₂₃ ca₂lia'₂ 'lóng₂ a₂dse₃ quió'₅, cuē'₅ ca₂le₃jín₃ i₂chi₂léi'₂. 13 Ia₁ juá'₂ le₂la₂: “Ca₂le₃jín₃ i₂chi₂lí'₂ ne₄ Te₁gui'₅₄, tīin'₄ bá₄.”† 14 La₁, ¿'A₂ bá₄ lia'₂ lē₂ chi₂lí'₂ ne₄ jan₂ i₂tsá₃ ma₂ca₂rē₃'éin₂ le₃quió'₅? Ján₃ guē'₂, ¿'a₂ bá₄ lia'₂ le₃'én₂ dsa₂ le₃quió'₅ nē₁jua'₂ tsá₃ ma₂nág₂ guē'₂ 'ag₅ dsa₂ 'iīn₂₃ 'éi₂? ¿'A₂ guē'₂ lia'₂ lē₂ nag₃ dsa₂ nē₁jua'₂ tsá₃ 'ein₂ chan₂ i₂'ē₂ jág₁ dse₃? 15 ¿'A₂ bá₄ lia'₂ lē₂ dsi₁lén₂ i₂'ē₂ jág₁ dse₃ nē₁jua'₂ tsá₃ 'ein₂ chei₅? Jui₁lia'₂ ma₂rē₂ton₅ ne₄ Si₂: “i'E₂ guē₄ jlá'₁ gu₂-tag₄ i₂quian₅ jág₁ dse₃!”‡

16 La₁ tsá₃ ca₂le₃jín₃ dsa₂ ca₂tón'₃ jui₅ jág₁ dse₃. Jui₁lia'₂ ca₂juá'₂ táng₃ Isaías: “¿Te₁gui'₅₄ 'ein₂ bá₄ i₂ma₂ca₂rē₃'éin₂ jág₁ a₂ca₂'ē₂ jniog₄?”§ 17 Le₂nē₅ bá₄ jaun₂, jui₁lia'₂ a₂'én₂ dsa₂, lē₅ tē₂le₃ quian'₅₄ a₂nag₅ dsa₂; a₂nag₅ dsa₂ jaun₂, lē₅ tē₂le₃ quian'₅₄ jág₁ quió'₅ I₂rē₂'īn₁ quián₅ Diú₄.

18 La₁ ñag₄ jniá₂, ¿O₃ bá₄ tsá₃ ca₂nág₂ dsa₂ jág₁ dse₃? ¡Ma₁ tē₃dsón'₂ bá₄ ca₂nág₂! Ia₁ juá'₂ Si₂:

Ta₁caun₂ gua'₅₄ 'uē₃ bá₄ ca₂dsia₃ dsa₂;
 ca₂le₂con₂ quióng₄ mī₂güí₃ bá₄
 ma₂ca₂i₃'ág₃ jág₁ quió'₅.*

† 9:33 Isaías 8:14; 28:16. * 10:5 Levítico 18:5. † 10:6 Deuteronomio 30:12. ‡ 10:7 Deuteronomio 30:13.
 § 10:8 Deuteronomio 30:14. * 10:11 Isaías 28:16. † 10:13 Joel 2:32. ‡ 10:15 Isaías 52:7. § 10:16 Isaías 53:1. * 10:18 Salmo 19:4.

¹⁹ La₁ ηag₄ táng₃ jniá₂, ¿O₃ bá₄ a₂tsá₃ ma₂ca₂rë₃lí₄ 'e₂ dsa₂ juig₂ Israel? Ia₁ jë₁le₂'uig₅₄, juá'₂ Moisés:

Jmo₅₄ jniá₂ a₂lén'₂ 'nia'₂ dsa₂ i₂dsí'₅
 ja₁con₂ dsa₂ i₂tsá₃ juig₂ nación lín₅;
 ján₃ bá₄ jmo₅₄ jniá₂ le₃'ne'₂ 'nia'₂
 o₄quió'₄ caun₂ juig₂ i₂tsá₃ njí'₂ dsí'₅.†

²⁰ Con'₂ siá'₂, tiá₂ dsí'₅ Isaías a₂juá'₂, o₄quió'₄ Diú₄:
 Dsa₂ i₂tsá₃ jme₁'nau'₂ jniá₂,
 ca₂dsáu'₂ bá₄;
 ca₂jme₁jnia₅ jniá₂

ja₁con₂ dsa₂ i₂tsá₃ jme₁ηag₅ jniá₂.‡

²¹ La₁ia₁ dsa₂ israelitas bá₄ jme₁tsí'₅ Isaías, jme₁ca₂juá'₂: “Të₁ne₁ jmig₄ bá₄ jme₁chén'₄ jniá₂ chi₁jan₁₂ cu₃ ja₁con₂ juig₂ cang₄ mi₂dsi₄ i₂tsá₃ ne'₅₄.”§

11

Dsa₂ Israel i₂tín'₄

¹ Jaun₂ ně₃ ηag₄ jniá₂, ¿O₃ bá₄ ma₂chen'₃ cau₅ Diú₄ dsa₂ juig₂ Israel quiáin₅? ¡On₃jua'₅₄ le₂jaun₂! Ia₁ 'njó₃ bá₄ jniá₂ líng₅ jan₂ dsa₂ israelita, jan₂ chi'₂ dsio₄ Abraham, jan₂ tsi₁jon₂ Benjamín. ² Ca₂le₂jniá₅ ma₂líg'₂ lín₃ bá₄ ca₂quiún'₂ Diú₄ dsa₂ juig₂ quiáin₅; jaun₂ rë₂ně₃ ně₃ tsá₃ jua'₅₄ ma₂ca₂téi₂. ¿Tsa₁ njí'₅₄ 'nia'₂ 'a₂ lia'₂ juá'₂ ne₄ Si₂ ja₁'in₂₃ Elías, 'a₂ lia'₂ ca₂chi₃lén'₂ Diú₄ a₂ca₂'ni₃ dsa₂ Israel? Ca₂juá'₂: ³ “Te₁gui'₅₄, ma₂ca₂jme₃dsian₅ bá₄ dsa₂, dsa₂ i₂jme₁'ě₂ jág₁ quiáng'₂, ma₂qui₂ma₂'éin₂ ne₄chei₂ quiáng'₂ ně₃; njia'₅₄ lia'₂ jan₂ jniá₂ bá₄ chang₂ guë₄, qui₂co₂'ein₅ dsa₂, ján₃ guë'₂ 'nio₃ ηag₃.”*

⁴ Jaun₂, ¿'E₂ jág₁ ca₂jéin'₃ Diú₄? “Ma₂ca₂tsón₃ jniá₂ guion₃ mei₅ dsa₂ të₂le₃ quió₃ i₂tsá₃ ma₂qui₂ca₂jón'₂ mi₂jne₄ ne₄ Ba'al.”† ⁵ Jaun₂ le₂ně₅ bá₄ ján₃ rë₂tsón₂ ca₂dsion₄ dsa₂ 'éi₂ rë₂ně₃, jaun₂ Diú₄ ně₃ të₂le₃ ia₁ a₂'ua₁ dsí'₅ ma₂quióin'₂ 'éi₂. ⁶ Chi₂jua'₂ të₂le₃ ia₁ a₂'ua₁ dsí'₅ Diú₄, on₃jua'₅₄ jaun₂ ia₁ a₂jmo₅ dsa₂ 'e₂ jmo₂₃. Ia₁ jua'₅₄ mei'₂ guë₃ le₂ně₅ ně₃, tsá₃ le₃jua'₅₄ jua'₅₄ a₂'ua₁ dsí'₅ Diú₄. ⁷ ¿'E₂ jaun₂ ně₃? Tsá₃ ca₂tió'₃ dsa₂ juig₂ Israel dsio'₂ a₂jme₁'no'₂, la₁ dsa₂ i₂ca₂quiún'₂ Diú₄ 'njog₅ bá₄ ca₂dsáu'₂. I₂sián'₂ guë'₂ qui₂ca₂rë₃'uá'₃ dsí'₅, ⁸ jui₁lia'₂ juá'₂ ne₄ Si₂:

Ca₂jmo₃ Diú₄ a₂le₃tín₄ dsa₂ 'éi₂ le₃quió'₅ jme₂dsí₂;

ca₂cuë₃ mi₂ne₅₄ a₂tsá₃ jniá₂,

ca₂cuë₃ rë₂gua₅₄ a₂tsá₃ nag₅,

le₂jnjí₄ jmig₄ ně₃.‡

⁹ Já₃ bá₄ ca₂juá'₂ David:

Ca₂le₃jě₃ a₂i₂tsón₃ jme₁cha₂ quió'₅

jui₁le₅₄ co₂'nió'₄ tsi₁liá₂ o₃ 'má₅ 'e₂,

ia₁jaun₂ qui₃nió₃, gue₃ 'liain'₅₄.

¹⁰ Jui₁le₅₄ tsá₃ jnió'₅ mi₂ne₅₄

jui₁guen'₅₄ mi₂ca'₅₄ co₂nei'₅₄.§

Dsi₂nau₂ i₂tín'₄

¹¹ Nag₅ jniá₂ ně₃, ¿O₃ bá₄ co₂nei'₅₄ con'₂ ca₂sén'₂ jaun₂ bá₄ dsa₂ judíos jme₁ca₂nió₃? ¡On₃jua'₅₄ le₂jaun₂! Të₂le₃ jen₅ bá₄, jme₁ca₂i₃lén₂ dsa₂ judíos ca₂i₃jui₁in₅₄, ca₂jmo₃ Diú₄ a₂ca₂dsó'₂ dsi₂nau₂ jui₅ ja₁tíin'₄, ia₁jaun₂ le₃dsí'₅ 'éi₂.

† 10:19 Deuteronomio 32:21. ‡ 10:20 Isaías 65:1. § 10:21 Isaías 65:2. * 11:3 1 Reyes 19:10,14. † 11:4 1 Reyes 19:18. ‡ 11:8 Deuteronomio 29:4; Isaías 19:10. § 11:10 Salmo 69:22-23.

12 La₁ chi₂jua'₂ a₂ca₂i₁juin₅₄ 'éi₂ jaun₂, ca₂dsióg₃ tē₂le₃ dse₃ bá₄ o₄quió'₄ dsa₂ mi₂güig₃, já₃n₃ bá₄ chi₂jua'₂ a₂ca₂i₃'én₂ quió'₅ 'éi₂, ca₂dsióg₃ a₂tē₁dsi₅₄ quió'₅ dsi₂nau₂, i'₂e₂ guē₄ dse₃ lé₂, jē₁ma₂ca₂rē₃'ñia₅ táng₃ 'éi₂!

13 La₁ a₂juá'₅ jniá₂ juig₂ 'nia'₂ i₂lín'₅ dsi₂nau₂: Ia₁ dsón'₂ lín₅ jniá₂ jan₂ dsa₂ i₂chen₄ ja₁con₂ dsi₂nau₂, jmo₅ jniá₂ dsi₃ 'ñio₅ lín₃ dsen₅₄ ta₁ quió₃, 14 con'₂ tsá₃ ñó₅ nē₁jua'₂ ca₂rē₃dsí'₅ dsa₂ go₃ jniá₂ ja₁con'₂ 'nia'₂, jaun₂ lé₂ líón₂ i₂lín₅₄ 'éi₂. 15 Chi₂jua'₂ jme₁ca₂téi₂ Diú₄ quió'₅ dsa₂ judíos, ca₂lí₃ dsa₂ mi₂güig₃ a₂ca₂'ág₂ caun₂ já₃g₁ quian'₅₄ Diú₄, i'₂e₂ bá₄ lé₂ jaun₂ nē₃ jē₁ma₂tē₂ rē₁guéi'₂ Diú₄ quió'₅ dsa₂ 'éi₂? Lé₂ co₂'nió'₄ ca₂gue₃ táng₃ jme₂dsí₂ dsa₂ i₂jme₁ma₂rē₂'lín₄.

16 Chi₂jua'₂ lē₅ 'í₁ jui₁lia'₂ i₁ñí'₄ a₂le₂'uig₅₄ a₂jén'₅ dsa₂ ne₄ Diú₄, já₃n₃ bá₄ le₂jaun₂ lē₅ 'í₁ ta₁jē₂ ti₁can₁; já₃n₃ bá₄ chi₂jua'₂ lē₅ 'í₁ le₃quió'₅ Diú₄ jui₁lia'₂ jmú₄ caun₂ ni₁'ma₂, já₃n₃ bá₄ le₂jaun₂ lē₅ 'í₁ ni₁gu'₂ nei'₅₄ ni₁'ma₂ já₃n₃.

17 Dsa₂ judíos i₂ca₂téi₂ Diú₄ 'éi₂ nē₃, lín₅ co₂'nió'₄ gu'₂nei'₅₄ ni₁'ma₂ olivo a₂chein'₅₄, a₂ca₂uín'₂ a₂lín₅₄ ni₁gu'₂; nē₃ nē₃, chi₂jua'₂ lín'₅ 'ne₂ jan₂ dsi₂nau₂ i₂ma₂rē₂'líón₅, nē₂jag₄ bá₄ caun₂ ni₁gu'₂ olivo a₂cha₂ ja₁nau₂, ma₂qui₂ma₂guión'₃ jmi'₅₄ ni₁'ma₂ olivo a₂qui₂jme₂tan₅₄ ni₁gu'₂, 18 tsá₃ jmó'₂ táng₃ ja₁con₂ ni₁gu'₂ siá'₂. Chi₂jua'₂ le₂jaun₂ jmó'₂, dsá₂ 'au'₂ jmo₄, on₃jua'₅₄ 'ne₂ jme₂tang'₅₄ jmú₄; jmú₄ bá₄ jme₂tau₅₄ 'ne₂.

19 Mei'₂ tsá₃ le₃ñag'₅₄ 'ne₂, jaun₂ nē₃: “Ján₅, dsau₅ bá₄ nē₅. La₁ia₁ a₂ca₂uín'₂ ni₁gu'₂ jaun₂ ia₁jaun₂ lén₂ jniá₂ jan₂ i₂rē₂'líón₅ ja₁jme₁ca₂tíin₂.” 20 Dse₃, la₁ ca₂uín'₂ ni₁gu'₂ jaun₂ 'uig₅₄ ia₁ a₂tsá₃ jme₁'éin₂, la₁ 'ne₂ guē'₂ nē₃ tē₂'ñiág'₄ 'uig₅₄ ia₁ a₂'éng'₂. Le₂nē₅ bá₄ jaun₂, jui₁le₁gan'₃ 'nia'₂, tsá₃ lē₁jmo₂ róng'₂. 21 Ia₁ chi₂jua'₂ tsá₃ ca₂dsia₃ Diú₄ néi₂ dsí₅ ja₁con₂ ni₁gu'₂ quió'₅ tē₃dsón'₂ ni₁'ma₂ jaun₂, já₃n₃ bá₄ le₂jaun₂ tsá₃ dsia₃ néi₂ dsí₅ ja₁con₂ 'ne₂ já₃n₃.

22 Jag₄ jaun₂, 'e₂ guē₄ dsen₃ Diú₄, la₁ já₃n₃ bá₄ rē₂ qui₂dsi₂₃ 'éi'₃. Ia₁ ma₂qui₂dsi₂₃ 'éi'₃ ja₁con₂ i₂ma₂ca₂sén'₂, la₁ dsein₃ bá₄ quian'₅₄ 'ne₂, chi₂jua'₂ caun₂ náu'₁ tiá₂ jui₅ ja₁'ua₁ dsí₅ Diú₄. Ia₁ nē₁jua'₂ tsá₃ le₂jaun₂, já₃n₃ bá₄ quéin'₂ 'ne₂.

23 Jui₁lia'₂ 'éi₂ nē₃, nē₁jua'₂ ca₂rē₃'éin₂ táng₃, lé₂ bá₄ le₃'líón₃. Ia₁ 'io₅ Diú₄ bí₂ chóng'₃ táng₃. 24 Ia₁ nē₁jua'₂ 'ne₂, jan₂ dsi₂nau₂, co₂'nió'₄ caun₂ ni₁gu'₂ nau₂, ca₂queng'₃ dse₃ quian'₅₄ ni₁'ma₂ olivo a₂chein'₅₄, o₁jñia'₅₄ líng'₅ ni₁gu'₂ ni₁'ma₂ siá'₂, i'₂e₂ guē₄ tson₂ lé₂ le₃quen'₃ 'éi₂, i₂lín₅ co₂'nió'₄ ni₁gu'₂ a₂caun₂ ne₅₄ quian'₅₄ ni₁'ma₂ olivo jaun₂!

A₂tín'₄ dsa₂ juig₂ Israel

25 Rin'₅₄ jniog₄, tsá₃ 'nio₃ jniá₂ jua'₅₄ tsá₃ ñi'₅₄ 'nia'₂ já₃g₁ a₂jme₁rē₂'ma₄ la₂, con'₂ tsá₃ ñó₅ nē₁jua'₂ ca₂jmo'₅₄ 'nia'₂ róng'₂ quian'₅₄ a₂ñí'₂ 'au'₂ 'nia'₂ guiong'₅₄. Jui₁lia'₂ ma₂jmo₃ i₂lín₅₄ dsa₂ juig₂ Israel, ca₂rē₃'uá'₃ dsí₅, ca₂lia'₂ ca₂rē₃'ñia₅ dsi₂nau₂ i₂con'₂ ca₂tín₂ tón'₃. 26 Jaun₂ guē₄ líón₂ ca₂le₃jín₃ dsa₂ juig₂ Israel, ia₁ juá'₂ ne₄ Si₂:

O₃'in₅ dsa₂ i₂lió₂ juig₂ Sión,*

co₂dsia₅ jñiá'₂ a₂tsá₃ dse₃ jmo₅ tsi₁jon₂ Jacob.

27 Jaun₂ a₂la₂ bá₄ já₃g₁ quió₃ jmo₅₄ quiang'₅₄ dsa₂ 'éi₂:

jē₁ma₂tē₂ rē₁'éng₄ dsáu₁.†

28 Jui₁lia'₂ tē₂le₃ quian'₅₄ já₃g₁ dse₃ a₂líón₂ dsa₂, lín₅ co₂'nió'₄ dsa₂ i₂'ñia₅₄ Diú₄, o₄quián'₂ 'nia'₂; la₁ lia'₂ ma₂'nio₃ jaun₂ bá₄ Diú₄ quió'₅ dsa₂ 'éi₂, ia₁ a₂ca₂quióin'₂ dsa₂ can'₅₄ quiáin₅ ma₂líg'₂. 29 Ia₁ tsá₃ dsi₂quén'₅ dsí₅ Diú₄ jui₁lia'₂ a₂cuē₂₃, on₃ guē'₂ jui₁lia'₂ a₂tē₂. 30 Jui₁lia'₂ 'nia'₂ nē₃, i₂tsá₃ jme₁ne'₅₄ ja₁con₂ Diú₄ le₂jñiá₅, ma₂ca₂tín'₂ 'nia'₂ a₂ñéi₂ dsí₅ Diú₄ rē₂nē₃, 'uig₅₄ ia₁ a₂tsá₃ ne'₅₄ dsa₂ 'éi₂, 31 já₃n₃ bá₄ le₂nē₅ tsá₃ ne'₅₄ dsa₂ 'éi₂ rē₂nē₃, ia₁jaun₂ tē₂le₃ quian'₅₄ a₂ñéi₂ dsí₅ Diú₄ a₂ca₂tín'₂ 'nia'₂, tiin₅₄ já₃n₃ a₂ñéi₂ dsí₅ Diú₄. 32 Ia₁ Diú₄ nē₃ co₂rē₂ bá₄ 'iin₃ dsa₂ a₂tsá₃ ne'₅₄ dsa₂ le₂jain₂ le₂jain₂, ia₁jaun₂ co₂dsia₅ bá₄ dsia₃ néi₂ dsí₅ ja₁con₂ ca₂le₃jín₃.

33 i'₂e₂ guē₄ 'ñio₅ 'ei₄ lē₅ ca₂le₃jē₃ a₂jlá'₁ cha₂ quió'₅ Diú₄,

* 11:26 Sión: co₂'nió'₄ le₃jua'₅₄, juig₂ Jerusalén. † 11:27 Isaías 59:20-21; 27:9.

ca₂le₃jě₃ a₂ŋí'₂ dsí₅, a₂ŋi₅ ně₃!
 Ca₂lia'₂ tsá₃ lé₂ le₃quiong₅₄ 'í₁ a₂niog₅ dsí₅,
 on₃ guě'₂ lé₂ le₃ŋág'₂ dsí₅ jui₅ quió'₅.
 34 “ġ'Ein₂ bá₄ cui'₅ 'e₂ dsi₂jio₅ dsí₅ Te₁gui'₅₄,
 o₃ 'ein₂ i₂ma₂tió'₃ cuě₃ já₃ dse₃ cuě'₃ 'éi₂?'†
 35 “ġ'Ein₂ bá₄ ca₂cuě₃ 'e₂ ca₂cuě'₃ 'éi₂ le₂ 'uig₅₄
 ia₁jaun₂ jéin'₃ qui₃ quió'₅?'§
 36 Ia₁ ca₂le₃jě₃ a₂niog₅ cha₂, ca₂lě₃
 ja₁con₂ 'éi₂, tē₂le₃ quian'₅₄ 'éi₂, o₄quió'₄ 'éi₂ ně₃.
 jui₁jme₂juag'₂ bá₄ dsa₂ co₂tan₅₄! A₂méi₃.

12

'A₂ lia'₂ i₂nio₄ dsa₂ i₂rě₂tson₄ quián₅ Diú₄

1 Le₂ně₅ bá₄ jaun₂ rin'₅₄ jniog₄, tē₂le₃ quian'₅₄ a₂ŋéi₂ dsí₅ Diú₄, mi₅ jniá₂ ne'₅₄ 'nia'₂, co₂dsia₅ jin'₄ 'nia'₂ ni₁ŋi'₁ guiong'₅₄, co₂'nió'₄ a₂rě₂jeng'₅₄ le₁jén'₃ ne₄ Diú₄, a₂rě₂tsong'₅₄, a₂ŋio₂ dsí₅ Diú₄, a₂dsi₂ten₅₄ jme₁ti'₄ ne₅₄. 2 Tsá₃ i₁nio'₄ 'nia'₂ lia'₂ con'₂ lě₅ i₂nio₄ dsa₂ mi₂güig₃ la₂. Tē₂le₃ cuě₄ jmig₄ a₂jme₃tsín₃ Diú₄ 'a₂ lia'₂ qui₂dsi₂jŋia₅ 'au'₂ 'nia'₂, ia₁jaun₂ bá₄ qui₃le₃'mag'₂ táng₃ 'au'₂, ia₁jaun₂ lé₂ le₃caun'₅₄ 'nia'₂ 'í₁ 'a₂ lia'₂ lě₅ a₂ŋio₂ dsí₅ Diú₄, a₂dse₃, a₂tě₅ dsí₅, a₂rě₂ŋia₅ ně₃.

3 Ia₁ o₄quió'₄ a₂'ua₁ dsí₅ Diú₄ a₂ma₂dsia₃ gu₃ jniá₂, juig₂ jniá₂ le₂jan'₂ le₂jan'₂ 'nia'₂: tsá₃ lě₁jui₁qui₂dsi₂jŋia₅ 'au'₂ a₂lín'₅ dseng'₅₄ ŋag₅₄ guě₄ con'₂ ca₂tín'₂ 'nia'₂ dsi₃jŋia₅ 'au'₂; tē₂le₃ jui₁qui₂dsi₃jio₅ bá₄ 'au'₂ a₂'en₅₄ 'au'₂ 'nia'₂, 'a₂ con'₂ tí₅ ma₂ca₂rě₃'én'₂ 'nia'₂ a₂ma₂cuě₃ Diú₄. 4 Ia₁ le₂ně₅ jui₁lia'₂ lě₅ caun₂ ni₁ŋi₁ jniog₄ le₂jau₂ le₂jau₂, 'lóng₂ a₂chei₂ le₂caun₂ le₂caun₂ a₂tén₅ quió'₅, tsá₃ ca₂ne₅₄ ta₁ jme₂ti₃, 5 le₂ně₅ bá₄ jniog₄ já₃, jui₁'a₂ guě₃ la₂ juag₅ jniog₄, caun₂ bá₄ ni₁ŋi₁₂ jniog₄ lág₅ le₃quió'₅ Cristo, téi₅ jniog₄ le₂jau₂ le₂jau₂ quian'₅₄ rin'₅₄.

6 Jma₃quén₅ bá₄ qui₂'au₂ jniog₄ bí₂, lia'₂ con'₂ lě₅ ma₂cuě₃ Diú₄ a₂'ua₁ dsí₅. Jaun₂ ca₂tág₂ jniog₄ jmo'₄ ta₁ jui₅bí₂ a₂ma₂cuě₃. Jui₁lia'₂ dsa₂ i₂ma₂cuě₃ Diú₄ bí₂ a₂tiin₂ a₂'ě₂ já₃ dse₃ a₂gue₂₃ quió'₅ Diú₄, jui₁'ě₅₄ bá₄ já₃ 'a₂ con'₂ tí₅ a₂'éin₂; 7 jui₁lia'₂ i₂ma₂cuě'₃ jui₅bí₂ jme₃'o₅₄, jui₁jme₂'o₅₄; jui₁lia'₂ i₂'io₅ bí₂ jme₃tag₂₃, jui₁jme₂tiin₂₃ bá₄ dsa₂; 8 jui₁lia'₂ i₂tiin₂ jmo₃ lián'₂ dsí₅ i₂sián'₂, ca₂tiin₂ bá₄ jmo₃ le₂jaun₂; jui₁lia'₂ i₂jmo₅ dsióg₁, jui₁cuě₁₂ a₂'ua₁ dsí₅, on₃jua'₅₄ rě'₂ cha₂ a₂'ín₂ dsí₅ 'ŋiog₅; jui₁lia'₂ i₂quian₅ ne₄ jui₅, jui₁jmo₁₂ bá₄ a₂dsen₅₄ dsí₅; jui₁lia'₂ i₂dsia₅ ŋéi₂ dsí₅, jui₁jmo₁₂ bá₄ quian'₅₄ o₂ŋi₃ o₂jŋia₃ dsí₅.

'A₂ lia'₂ ca₂tín₂ le₃chan₂ dsa₂ quián₅ Cristo

9 Jui₁le₂chan'₂ 'nia'₂ tē₃dsón'₂ bá₄ a₂'nió'₃ 'nia'₂ ríng'₂ le₂jang'₂ le₂jang'₂. Co₂dsia₅ jmo₄ 'nia'₂ 'ŋiag'₅₄ co₂ŋei'₅₄ a₂'lig'₅₄; chan'₂ bá₄ 'nia'₂ tiá₂ jui₁lia'₂ a₂dse₃. 10 Jme₁'nió'₄ 'nia'₂ ríng'₂ a₂ŋio₂ 'au'₂; jmo₄ 'nia'₂ a₂dsen₅₄ guě₄ ríng'₂ le₂jang'₂ le₂jang'₂. *

11 Tsá₃ jmo₂ 'nia'₂ juíng'₅, 'ag₃ caun₂-tín₃ 'au'₂, tē₂le₃ jme₁ti₁ ne₄ Te₁gui'₅₄ ca₂lia'₂ dsen₅₄ jme₂dsí₂ quiáng'₂.

12 Jui₁chan'₂ 'nia'₂ o₂jŋia₃ 'au'₂, ia₁ ma₂lě₅ bá₄ co₂jŋia₅₄ a₂'ín₂ 'au'₂ 'nia'₂. Jmo₄ 'nia'₂ juín'₂ 'au'₂ jmig₄ jme₁chan'₂ 'nia'₂ o₂i₁ dsí₅. O₁nió'₄ bá₄ 'nia'₂ co₂tan₅₄ a₂chi₂leng'₅₄ Diú₄.

13 Jme₁'on₁ 'nia'₂ dsa₂ 'én₂ ríng'₂ chi₂jua'₂ 'e₂ niog₅ cha₂ a₂'nió'₅ quió'₅. Dse₃ guen₅₄ 'nia'₂ jui₁lia'₂ 'ein₂ niog₅ qui₂dsi₂jag₅₄ 'nia'₂.

14 Jme₁gu'₅₄ bá₄ 'nia'₂ jui₁lia'₂ i₂jmo₅ 'io'₂; já₃ guě'₂ qui'₂-o₄ 'nia'₂ quian'₅₄ i₂'o₅.

15 Jmo₄ 'nia'₂ 'io'₂ quian'₅₄ jui₁lia'₂ i₂jmo₅ 'io'₂; já₃ guě'₂ qui'₂-o₄ 'nia'₂ quian'₅₄ i₂'o₅.

† 11:34 Isaías 40:13. § 11:35 Job 41:11. * 12:10 o₃, “jme₁li₅₄ tē₃jŋiá₅ a₂jme₂gan'₃ 'nia'₂ ríng'₂ le₂jang'₂ le₂jang'₂.”

16 Jui₁le₂chan'₂ bá₄ 'nia'₂ a₂jeng'₂ le₂jang'₂ le₂jang'₂. Tsá₃ jmo₂ 'nia'₂ róng'₂, co₂rín'₂ bá₄ 'nia'₂ jmo₄ quiang'₅₄ dsa₂ te₂ηé₂. Tsá₃ lē₁jmo₂ 'nia'₂ jua'₅₄ a₂ηí₄ lē₃ cuing'₂.

17 Tsá₃ jein'₅₄ 'nia'₂ 'lig'₅₄ quian'₅₄ a₂'lig'₅₄. Quen'₂ 'nia'₂ bí₂ jmó'₂ con'₂ dsi₂ten₅₄ ja₁tē₃ ne₄ ca₂le₃jín₃. 18 Jmo₄ 'nia'₂ bí₂, 'a₂ con'₂ ca₂tíng'₂, 'a₂ con'₂ ja₁quí₅₄ 'nia'₂ jmig₄, 'nau'₅₄ 'nia'₂ jui₅ ja₁ag₃ tei₄ quian'₅₄ ca₂le₃jín₃. 19 Rín'₅₄ jniog₄, tsá₃ lē₁jen'₅₄ 'nia'₂ guiong'₅₄ jui₁lia'₂ quió'₅ i₂jmóg'₂, tē₂le₃ dsia₄ 'nia'₂ o₄gú₃ Diú₄ a₂jaun₂. Ia₁ ma₂rē₂ton₅ ne₄ Si₂: “Jniá₂ bá₄ ca₂tíng'₂ jein'₅₄ uig₅; jniá₂ bá₄ quí₄, juá'₂ Te₁gui'₅₄.”† 20 La₁: “Chi₂jua'₂ i₁cón'₅ jui₁lia'₂ dsa₂ i₂io₅g₅₄, cuē'₅₄ bá₄ 'nia'₂ a₂guē'₃. Chi₂jua'₂ η₁₂₃ rē₂quein₂ dsí₅, cuē'₅₄ a₂ín'₂. Ia₁ jē₁ma₂ca₂jmo'₅₄ le₂nē₅, jmai'₅₄ tsáu₃ dséi₂ dsi₂ne₅₄,† jéin'₄ o₂guí'₃.”§ 21 Tsá₃ cuín₅ jmig₄ jua'₅₄ a₂jo₃ a₂'lig'₅₄; tē₂le₃ quen'₂ bí₂, tión₃ 'uē₃ a₂'lig'₅₄ tē₂le₃ quian'₅₄ a₂dse₃.

13

1 Ca₂le₃jín₃ bá₄ ca₂tín₂ tón'₃ 'éi'₃ quió'₅ dsi₂tan₅₄ i₂gon₂. Ia₁ 'i₁jan₂ dsi₂tan₅₄ i₂chan₂, jua'₅₄ tsá₃ ca₂chei'₃ Diú₄. Jaun₂ ca₂le₃jín₃ dsi₂tan₅₄ i₂chan₂ nē₃, i₂dsián₁ quián₅ Diú₄ bá₄ 'éi₂. 2 Jaun₂ le₂nē₅, jui₁lia'₂ i₂nau₂ quen₅ ja₁con₂ dsi₂tan₅₄, nau₂ quein₂₃ ja₁con₂ i₂dsián₁ quián₅ Diú₄ bá₄. Jaun₂ gue₃ uig₅ jui₁lia'₂ i₂jmo₅ le₂jaun₂. 3 Ia₁ tsá₃ ta₁ jaun₂ dsián₄ dsi₂tan₅₄ a₂jmo₃ gó'₅ jui₁lia'₂ i₂jmo₅ a₂dse₃, a₂jmo₃ gó'₅ dsa₂ i₂jmo₅-dsáu₅ a₂'lig'₅₄ bá₄. ¿'Niog'₂ 'ne₂ le₃chang'₂ a₂tsá₃ gang'₃ dsi₂tan₅₄? Jmo₄ bá₄ a₂dse₃, jaun₂ con₂ 'í₁ dsi₂tan₅₄ ja₁cong'₂, a₂líng'₅ dsa₂ dsen₃. 4 Ia₁ ta₁ jaun₂ tián'₅ jme₂ti₃ ne₄ Diú₄ bá₄, a₂dse₃ quiáng'₂. La₁ nē₁jua'₂ ca₂jmo'₅₄ a₂'lig'₅₄ nē₃, ca₂tíng'₂ le₃gang'₃, ia₁ on₃jua'₅₄ a₂lē₁lē₄ 'io₅ dsi₂tan₅₄ 'éi'₃ a₂chain₂ bí₂ cuē₃ uig₅. Jan₂ i₂jme₂ti₃ ne₄ Diú₄ bá₄ 'éi₂, a₂ē₂ uig₅ ja₁con₂ dsa₂ i₂jmo₅ a₂'lig'₅₄. 5 Jaun₂ lē₃, tion₅₄ bá₄ 'nió'₅ tón'₃ dsa₂ 'éi'₃ quió'₅ dsi₂tan₅₄, on₃jua'₅₄ rē'₂ a₂jñia'₅₄ ia₁jaun₂ tsá₃ gue₃ uig₅; tē₂le₃ ia₁ a₂lē₅ dsí₅ le₂jaun₂ jmo₂₃ a₂dse₃. 6 'Uig₅₄ nē₅ bá₄ quí'₂ 'nia'₂ 'lia'₅₄ a₂ca₂tín₂ dsi₂tan₅₄, ia₁ ca₂ne₅₄ jme₂ti₃ dsi₂tan₅₄ ta₁ a₂lín₅ ne₄ Diú₄.

7 Cuē'₅₄ bá₄ 'nia'₂ dsa₂ 'e₂ niog₅ qui₂ca₂tín₂. Chi₂jua'₂ ca₂tín₂ dsi₂tan₅₄ 'lia'₅₄, qui₄ 'lia'₅₄; chi₂jua'₂ ca₂tín₂ mi₃ cu₄ te₁éng'₂, cuē'₅₄ cu₄ jaun₂; chi₂jua'₂ 'ein₂ ca₂tín₂ jme₃go₃ dsa₂, jme₁gan₃ bá₄ 'éi₂; chi₂jua'₂ 'ein₂ ca₂tín₂ jme₃juag'₂ dsa₂, jme₁juin'₂ bá₄. 8 Ja₁con₂ 'i₁jan₂ tsá₃ jui₁le₅₄ jua'₅₄ cha₂ a₂qui₂le₂rín'₂ 'nia'₂ uē₂, jñia'₅₄ lia'₂ a₂qui₂le₂ríng'₂ a₂'nióg'₃ ríng'₂ le₂jang'₂ bá₄; ia₁ jui₁lia'₂ i₂'nio₃ dsa₂ mi₂güig₃ rín'₅₄, ma₂ca₂jme₃ti₃ 'Éi'₃ quió'₅ Diú₄. 9 Juá'₂ 'Éi'₃ quió'₅ Diú₄: “Tsá₃ nióg'₄ jág₁ quian'₅₄ i₂tsá₃ lín₅ dsi₂i₂gog'₂; tsá₃ jñíg'₄ dsa₂ mi₂güig₃ ríng'₂; tsá₃ 'áng'₁; tsá₃ jmó'₂ jág₁ tē₂jág₁; tsá₃ jmó'₂ 'ín₅ 'au'₂ a₂quió'₅ i₂sián'₂.”* 'Éi'₃ nē₅ quian'₅₄ guē₄ ca₂le₃jē₃ 'éi'₃ siá'₂ nē₃, qui₂rē₂tan₅₄ quian'₅₄ jág₁ la₂: “Jme₁'nió₄ dsa₂ mi₂güig₃ ríng'₂ jui₁lia'₂ 'nióg'₃ 'ñiag'₂.”†

10 Jui₁lia'₂ dsa₂ i₂'nio₃ dsa₂ mi₂güig₃ rín'₅₄, tsá₃ 'e₂ 'lig'₅₄ jmo₂₃ ja₁coin₂. Le₂nē₅ bá₄ jaun₂ ja₁'nio₃ dsa₂ rín'₅₄, co₂'nió'₄ ca₂rē₂ti₃ bá₄ 'Éi'₃ qui₅ Si₂.

11 Jē₄ ca₂le₃jē₃ a₂nē₅ nē₃, jmo₄ a₂ηí'₂ 'au'₂ jui₁lia'₂ jmig₄ chong₂ rē₂nē₃, a₂ma₂ca₂tē₂ hora a₂ηéi₂ jniog₄ jē₄ le₁guág₃. Ia₁ jē₁lió₂ jniog₄ caun₂ ma₂ja₂quián₃ co₂ηí₂ bá₄ rē₂nē₃ lia'₂ con'₂ guē₄ jme₁ca₂rē₃éin₂ jniog₄ le₂'uig₅₄. 12 Jui₁lia'₂ jē₄ 'uē₂ la₂ caun₂ qui₂dsi₂juin₅₄ bá₄; caun₂ ma₂ja₂quián₃ jnia₅₄ bá₄. 'Uig₅₄ jaun₂ bá₄ ca₂tág₂ jniog₄ ti₄ a₂tsá₃ ma₃jmó₁ jui₁lia'₂ a₂lē₂ jē₄ qui₁né₃, a₂quián₁ qui₅₄ ca₂le₃jē₃ a₂'nió'₅ quián₂, a₂jmo₅ 'í₁, a₂i₁nio₁ jui₁lia'₂ 'lióg₂ i₂i₂nio₄ jē₄ jniá₂ si₂. 13 Jui₁i₁nio₁ jniog₄ lia'₂ con'₂ dsi₂ten₅₄, jui₁lia'₂ i₂nio₄ dsa₂ a₂jmi₂. Tsá₃ ma₃'nió'₅ le₃chong₂ i₁nio₁ le₁'ein₅, on₃ guē'₂ o₂ηió₃ o₂jñia₃ dsí₅, on₃ guē'₂ nió'₄ jniog₄ jág₁ quian'₅₄ i₂tsá₃ lín₅ dsi₂i₂gu₂ jniog₄, on₃ guē'₂ jmó₁ a₂tsá₃ dsi₂ten₅₄, on₃ guē'₂ dsiá₁ mi'₅₄, on₃ guē'₂ qui₁jín₁

† 12:19 Deuteronomio 32:35. ‡ 12:20 lit. “jmó'₂ nio₃ ni₁ta₂ le₁guí'₂ si₂ ne₄ mi₂dsi₅₄.” § 12:20 Proverbios 25:21-22.

* 13:9 Éxodo 20:13-15,17; Deuteronomio 5:17-19,21. † 13:9 Levítico 19:18.

uĩn₅ dsi₅ rĩn'₅₄ ně₃. ¹⁴ Tě₂le₃ qui'₂ 'nia'₂ co₂ 'nió'₄ a₂ qui₂ rě₂lión'₃ 'nia'₂ lě₅ 'í₁ tē₂le₃ quian'₅₄ 'ñiog₅ Te₁gui'₅₄ Jesucristo, tsá₃ ma₃jui₁ dsi₂jio₅ guě₄ 'au'₂ 'a₂ lia'₂ mag'₂ dsi₅ a₂mi₅ ni₁ñi'₁ 'nia'₂.

14

Tsá₃ chi₂ 'ing'₄ uig₅ rĩng'₂

¹ Chi₂jua'₂ chan₂ dsa₂ 'uan'₅₄ tē₂le₃ quian'₅₄ a₂ 'éin₂, qui₁guein'₅₄ 'nia'₂, la₁ on₃jua'₅₄ ia₁jaun₂ qui₁tsĩn'₂ 'nia'₂ 'a₂ lia'₂ lě₅ ñĩ'₂. ² Chan₂ i₂lin₅₄ i₂ 'én₂ a₂lě₂ le₃guě'₃ ca₂le₃jě₃ jui₁'e₂ guě₃, ton'₂ chan₂ guě'₂ táng₃ i₂lin₅₄ i₂ 'uan'₅₄ dsi₅ 'a₂ lia'₂ 'éin₂, i₂guě'₅ jmá'₃ lia'₂ ca₂ne₅₄ mi₂ján'₅. ³ Jaun₂ lě₃ i₂guě'₅ lia'₂ 'ei₅ ne₄ ně₃, tsá₃ ca₂tĩn₂ jmo₃ jua'₅₄ tsá₃ jein₅₄ i₂tĩn₂ dsi₅ guě'₅ jmá'₃ lia'₂ a₂lin₅₄ má₃; ton'₂ ján₃ guě'₂ le₂jaun₂ jui₁lia'₂ i₂tsá₃ guě'₅ le₃jě₃, tsá₃ lě₁o₁quion₂ 'í₁ ja₁con₂ dsa₂ i₂guě'₅ le₃jě₃. Ia₁ ján₃ bá₄ ca₂guéi'₂ Diú₄ quió'₅ dsa₂ 'éi₂.

⁴ 'Ne₂ guě'₂, ħ'ein₂ bá₄ lĩng'₅ jua'₅₄ a₂caun'₅₄ 'í₁ ja₁con₂ dsa₂ i₂jme₂tĩ₃ ne₄ i₂sián'₂? Ia₁ jui₅₄ bá₄ 'éi₂ i₂niog₅ ne₄ con₂ 'í₁ chi₂jua'₂ chén'₅ 'éi₂ rě₂, o₃ tē₁tsĩn'₅₄ 'lig'₅₄ 'e₂. Jaun₂ tē₃tsĩn'₅₄ bá₄ rě₂, ia₁ i₂qui'₅₄ jmig₄ Te₁gui'₅₄ jmo₃ a₂tē₃tsĩn'₅₄ dsa₂ 'éi₂.

⁵ Chan₂ guě'₂ i₂lin₅₄ táng₃ i₂jmo₅ dsi₅, 'ñio₅ guě₄ quen₅ a₂lin₅₄ jmig₄ lia'₂ con'₂ guě₄ jmig₄ siá'₂; chan₂ guě'₂ i₂lin₅₄ i₂ 'én₂ jmo₂₃ dsi₅ a₂co₂rě₂ bá₄ ca₂le₃jě₃ jmig₄. Le₂jan₂ le₂jan₂ 'nió'₅ jmo₃ 'ei₅ caun₂ dsi₅ lia'₂ con'₂ lě₅ dsi₂jnia₅ dsi₅ 'ñiog₅. ⁶ Jui₁lia'₂ dsa₂ i₂jme₂gó'₃ caun₂ jmig₄, le₃quió'₅ Te₁gui'₅₄ bá₄ jme₂gó'₃ jmig₄ jaun₂. Le₂ně₅ bá₄ jui₁lia'₂ dsa₂ i₂guě'₅ lia'₂ 'ei₅ ne₄ má₃, guě'₅ le₃quió'₅ Te₁gui'₅₄, ia₁ cuě'₅ ti₁'mag'₄ Diú₄. Ján₃ bá₄ le₂ně₅ quian'₅₄ jui₁lia'₂ i₂tsá₃ guě'₅ lia'₂ 'ei₅ ne₄ má₃, le₃quió'₅ Te₁gui'₅₄ bá₄ tsá₃ guě'₅; ján₃ bá₄ cuě'₅ ti₁'mag'₄ Diú₄.

⁷ Ia₁ 'i₁jan₂jniog₄ tsá₃ lě₂ le₃chong₂ le₃quián₂ guio₅₄, on₃ guě'₂ lě₂ le₃dsióg₃ le₃quián₂ guio₅₄ ně₃. ⁸ Ia₁ tē₂lia'₂ chong₂ jniog₄, chong₂ le₃quió'₅ Te₁gui'₅₄ bá₄, nē₁jua'₂ ca₂dsau₃ guě'₂ ně₃, dsióg₃ le₃quió'₅ Te₁gui'₅₄ bá₄ ján₃. Le₂ně₅ bá₄, tē₁lia'₂ chong₂ o₃ jē₁ma₂dsau₃ 'e₂, lág₅ i₂quián₅ Te₁gui'₅₄ bá₄. ⁹ 'Uig₅₄ jaun₂ ca₂jon₃ Cristo, ton'₂ ca₂jein'₅₄ táng₃: ia₁jaun₂ lēin₂ Te₁gui'₅₄ quián₅ dsa₂ i₂ma₂dsan₃, lia'₂ dsa₂ i₂chan₂ ně₃.

¹⁰ La₁ 'ne₂ ně₃, ħ'e₂ 'uig₅₄ cáun'₂ 'í₁ ja₁con₂ rĩng'₂? ħ'o₃ 'e₂ lě₃ jĩng'₅₄ sion₅ rĩng'₂? Ia₁ ca₂le₃jág₃ bá₄ jniog₄ dsi₁no₃ dsi₂jme₁jnia₅ ne₄ Diú₄ ia₁jaun₂ con₂ 'éi₂ 'í₁ quián₂. ¹¹ Ia₁ ne₄ Si₂juá'₂:

Jui₁lia'₂ a₂dsón'₂ dsau₅ bá₄ a₂chan₂ jniá₂,

juá'₂ Te₁gui'₅₄,

le₂ně₅ bá₄ dsau₅ dsón'₂,

ca₂le₃jĩn₃ bá₄ qui₃jóin'₂ jne₅₄ ne₃ jniá₂,

jaun₂ ca₂le₃jĩn₃ bá₄ jmo₃ jág₁ quian'₅₄ mi₂'o₅₄

le₃ne₄ Diú₄.*

¹² Le₂ně₅ bá₄ jaun₂, le₂jau₂ le₂jau₂ bá₄ jniog₄ dsi₁jang'₅₄ jág₁ dsau₅ quián₂ ne₄ Diú₄.

Tsá₃ jmó'₂ jua'₅₄ qui₂nió₃ rĩng'₂

¹³ Jaun₂ lě₃, tsá₃ ma₃jua'₅₄ qui₁quiong₅₄ jniog₄ 'í₁ le₂jau₂ le₂jau₂ ja₁con₂ rĩn'₅₄. Tē₂le₃ jmo₄ 'nia'₂ 'í₁, jmo₄ co₂ñei'₅₄ tsá₃ 'e₂ jmó'₂ 'i₁caun₂ jua'₅₄ a₂qui₂nió₃ rĩng'₂. ¹⁴ Guion₄ bá₄ jniá₂, 'ei₅ caun₂ dsi₃ le₃quió'₅ Te₁gui'₅₄, 'i₁caun₂ tsá₃ cha₂ jua'₅₄ tsá₃ le₁jě₃ con'₂ lě₅ 'ñiog₅. La₁ nē₁jua'₂ chan₂ jan₂ jmo₂₃ dsi₅, cha₂ caun₂ a₂tsá₃ le₁jě₃, le₃quió'₅ 'ñiog₅ bá₄, tsá₃ le₁jě₃. ¹⁵ Nē₁jua'₂ ca₂jén'₃ qui'₂ dsi₅ rĩng'₂ o₄quió'₄ a₂quě'₂ 'ne₂, tsá₃ ma₃jmo'₂ a₂'nióg'₃ rĩng'₂. Tsá₃ jmo₂ jua'₅₄ cuě'₁ jui₅ o₄quió'₄ a₂quě'₂, a₂dsi₂'én₂ jan₂ rĩng'₂, ia₁ ca₂jon₃ Cristo o₄quió'₄ 'éi₂ ján₃. ¹⁶ Tsá₃ cuě'₂ 'nia'₂ jui₅ jua'₅₄ a₂qui₃dsia₃ dsa₂ 'lig'₅₄ 'ě₃ jui₁lia'₂ a₂jmo'₂ 'au'₂ a₂dse₃. ¹⁷ Ia₁ jui₁lia'₂ ja₁gon₂ Diú₄, tsá₃ lin₄ quen₅ jui₁lia'₂ a₂guě'₅ dsa₂, a₂qui₂'ín'₂ dsa₂ ně₃; a₂jaun₂ bá₄ a₂quen₅ guě₄ lin₃: a₂guéi'₂ Diú₄ jniog₄ nē₂jag₄ bá₄ a₂tsá₃ 'e₂ dso₄ rag₂, a₂chong₂ jniog₄ tei₄ o₂'ñió₃ o₂jnia₃ dsi₅ tē₂le₃ quian'₅₄ Jme₂dsi₂ Jnió₅. ¹⁸ Ia₁ jui₁lia'₂ i₂jme₂tĩ₃ ta₁ ne₄ Cristo le₂ně₅, jmo₂₃ a₂'ñio₂ dsi₅ Diú₄, ton'₂ dse₃ 'ag₅ táng₃ dsa₂ mi₂güig₃.

* 14:11 Isaías 49:18; 45:23.

19 Le₂ně₅ bá₄ jaun₂, caun₂ jui₁'niog'₅₄ jniog₄ jmá'₃ lia'₂ a₂cuě₅ jui₅ ja₁'ag₃ tei₄, a₂jme₂'o₅₄ dsi₃cau₅₄ jniog₄ tē₂le₃ jui₅ jme₂dsi₂. 20 Tsá₃ lē₁'én₅ 'ne₂ ta₁ quió'₅ Diú₄ o₄quió'₄ má₃. Dsón'₂ bá₄ jaun₂, a₂le₁jě₃ ca₂le₃jě₃ a₂niog₅ guě'₅ dsa₂. La₁ tsá₃ dse₃ nē₁jua'₂ o₄quió'₄ a₂quě'₂ 'ne₂, tián'₂ dso₄ ríng'₂. 21 Ja₂lin₃ guě₄ dse₃ a₂tsá₃ quíg'₂ ŋí₅, on₃ guě'₂ 'ag'₅₄ vino, on₃ guě'₂ jmó'₂ jui₁'e₂ guě₃ a₂lé₂ le₃qui₃nió₃ ríng'₂. 22 Jui₁lia'₂ a₂'én₂ 'ne₂, a₂'én₂ 'ne₂ 'ŋiag'₂ bá₄ jaun₂ tē₂le₃ ne₄ Diú₄. i'E₂ guě₄ dsen₃ jui₁lia'₂ dsa₂ i₂con₂ 'í₁ ja₁con₂ 'ŋiog₅, i₂tsá₃ qui₂dsi₂ŋi₅ dsi₅ o₄quió'₄ a₂cuě₂₃ jmig₄ 'ŋiog₅! 23 La₁ jui₁lia'₂ dsa₂ i₂guě'₅, i₂'ei₅ caun₂-tin₃ dsi₅, ma₂gue₃ uig₅, ia₁ tsá₃ ca₂guě'₃ tē₂le₃ quian'₅₄ a₂'éin₂. Ia₁ ca₂le₃jě₃ a₂jmo₅ dsa₂ a₂tsá₃ lē₅ tē₂le₃ quian'₅₄ a₂'éin₂, dso₄ bá₄ jaun₂.

15

Jmo₄ a₂'ŋio₂ dsi₅ dsa₂ mi₂güig₃ ríng'₂, on₃jua'₅₄ rē'₂ jmá'₃ a₂tē₅ 'au'₂ 'ŋiag'₂

1 Jniog₄ i₂tióng₂ tiá₂ a₂'éin₂, ca₂tág₂ guéi₁ co₂'nió'₄ caun₂ lio₅₄ quián₂, 'a₂ lia'₂ qui₂ŋí'₂ dsi₅ dsa₂ i₂'uan₅₄ 'a₂ lia'₂ 'éin₂, jaun₂ tsá₃ 'nió'₅ jmó'₁ con₂ a₂tē₅ dsi₅ guio₅₄. 2 Le₂jau₂ le₂jau₂ bá₄ jniog₄ ca₂tág₂ jmó'₁ a₂tē₅ dsi₅ dsa₂ mi₂güig₃ rin'₅₄, a₂jmó'₁ a₂lē₅ a₂dse₃ ja₁coin₂, jui₁lia'₂ jui₅ ja₁lé₂ qui₂dsi₃cóin₃ le₃quió'₅ jme₂dsi₂. 3 Ia₁ ca₂lia'₂ jŋia'₅₄ 'ŋiog₅ Cristo tsá₃ ca₂jmo₃ a₂tē₅ dsi₅ 'ŋiog₅. Tē₂le₃ ca₂i₃ŋí₂ jui₁lia'₂ juá'₂ ne₄ Si₂:

Ca₂le₃jě₃ jág₁ uig₅ a₂jme₁tsí'₅ dsa₂ 'nia'₂,

ne₃ jniá₂ bá₄ ca₂tē₁tsi'₅₄.*

4 Ia₁ ca₂le₃jě₃ con₂ lē₅ jág₁ a₂ca₂i₃to'₅₄ ne₄ Si₂, a₂ca₂i₃to'₅₄ ia₁jaun₂ jme₁tag₅ jniog₄ rē₂ně₃, ia₁jaun₂ caun₂ chong₂ jniog₄ 'ín₂ dsi₅ le₃quió'₅ Diú₄, tē₂le₃ quian'₅₄ a₂juin'₂ dsi₅, a₂lē₂ lián'₂ dsi₅ a₂cuě₅ jág₁ a₂já₅ ne₄ Si₂ jaun₂. 5 Jui₁jme₂'o₅₄ bá₄ Diú₄, i₂jmo₅ a₂juin'₂ dsi₅ dsa₂, i₂cuě₅ lián'₂ ně₃, jui₁jme₂'oin₅₄ 'nia'₂ a₂tiáng'₄ a₂jen'₂ 'nia'₂ le₂jang'₂ le₂jang'₂ con₂ lē₅ i₂nio'₅₄ 'nia'₂ jui₅ quió'₅ Cristo Jesús,† 6 ia₁jaun₂ ca₂le₃jín'₃ 'nia'₂ co₂dsia₅, caun₂ bá₄ jág₁, jme₁juin'₂ 'nia'₂ Diú₄ Jmei₂ Te₁gui'₅₄ Jesucristo quián₂.

Dsi₂'ag₅ jág₁ dse₃ ja₁con₂ dsi₂nau₂

7 Le₂ně₅ jaun₂, qui₂guen₅₄ 'nia'₂ ríng'₂ le₂jang'₂ le₂jang'₂ jui₁lia'₂ ca₂guéi'₂ Cristo guio₅₄ jniog₄, ia₁jaun₂ le₃juin'₂ Diú₄. 8 Ia₁ a₂juá'₅ jniá₂ juíg₂ 'nia'₂, ca₂guan₃ I₂rē₂'ín₁ quián₅ Diú₄, ca₂jme₃ti₃ ja₁con₂ jnia'₅₄ con₂ lág₅ dsa₂ judíos,† ia₁jaun₂ le₃ti₃ jág₁ ron₅ a₂ca₂ŋi₂ dsa₂ can'₅₄ quián₂ jnia'₅₄ ma₂líg'₂. Jaun₂ le₂ně₅ bá₄ ca₂rē₃jniá₂ ně₃ i₂rē₂ti'₅₄ bá₄ Diú₄ jág₁ a₂cuě₂₃. 9 Guain₃ ján₃ ia₁jaun₂ jme₃juag'₂ dsi₂nau₂ jme₃juin'₂ Diú₄ i₂ŋéi₂ dsi₅, jui₁lia'₂ rē₂ton₅ ne₄ Si₂: 'Uig₅₄ jaun₂ jme₁juin'₂ jniá₂ 'ne₂ jín₄ dsi₂nau₂;

'ē₅₄ jniá₂ ne'₅₄ 'ne₂ a₂jme₁juag'₂.§

10 Con₂ siá'₂ juá'₂ táng₃:

Jmo₄ 'io'₂, 'nia'₂ dsi₂nau₂,

quian'₅₄ dsa₂ juig₂ quián₅.*

11 Ja₁siá'₂ táng₃ juá'₂:

Jme₁juin'₂ 'nia'₂ Te₁gui'₅₄,

'nia'₂ ca₂le₃jín₃ dsi₂nau₂,

jui₁jme₂juag'₂ bá₄ ca₂le₃jě₃ juig₂.†

12 Ján₃ bá₄ juá'₂ Isaías:

'Ŋio₂ tsin₅ cho'₅₄ Isaí,

jaun₂ náu₃ jan₂ i₂qui₃dsi₅ 'éi'₃ ja₁con₂ dsi₂nau₂;

le₃quió'₅ 'éi₂ bá₄ qui₃le₃'ín₂ dsi₅

* 15:3 Salmo 69:9. † 15:5 'Nio'₂ ja₁ton₅ Filipenses 2:5. ‡ 15:8 lit. "dsa₂ i₂rē₂uig₄ quió'₅." § 15:9 2 Samuel 22:50; Salmo 18:49. * 15:10 Deuteronomio 32:43. † 15:11 Salmo 117:1.

le₂caun₂ le₂caun₂ juig₂.†

13 Jaun₂ Diú₄, i₂jmo₅ 'ei₅ caun₂ dsi₅ a₂'ín₂ dsi₅ jniog₄, jui₁jme₂cain' bá₄ 'au' 'nia' a₂chang' jmo' 'nia' 'io' 'ag₃ tei₄ a₂'éng' le₃quió' ia₁jaun₂ rē₂tsón₂ a₂le₁'ág₄ caun₂ 'au' a₂'ín₂ 'au' 'nia' quian' jui₅bí₂ quió' Jme₂dsí₂ Jnió₅.

14 Caun₂ bá₄ 'ei₅ dsi₃ jniá₂, rin' jniog₄, ma₂qui₂le₁rin₅ 'au' 'nia' a₂héi₂ 'au' ríng' ton' qui₂le₁rin₅ 'au' 'nia' a₂tin' 'nia', jaun₂ qui' 'nia' jmi₄ tóng' jág₁ ríng' le₂jang' le₂jang'. 15 A₂tiá₂ dsi₃ jniá₂ ma₂nē₂juá' ja₁lin₅₄, ma₂nē₂tó' jniá₂ jág₁ ne₄ si₂ la₂ ne' 'nia', ia₁jaun₂ tsá₃ dsi₃'én₂ 'au' 'nia'. A₂'ua₁ dsi₅ bá₄ Diú₄ ma₂dsia₃ gu₃ ta₁ la₂, 16 a₂jme₂tí₁ ne₄ Jesucristo jē₄ quió' dsi₂nau₂, a₂qui₂jen' jniá₂ ne' 'nia' jág₁ dse₃ a₂lión₂ dsa₂, ia₁jaun₂ lé₂ qui₁jen' 'nia' i₂lín₅ dsi₂nau₂, le₃ne₄ Diú₄, nē₂jag₄ bá₄ caun₂ a₂rē₂jen' a₂guéi' co₂'nió' dsa₂ i₂ma₂rē₂tson₄, ca₂jmo₃ Jme₂dsí₂ Jnió₅.

17 Jaun₂ lē₃, jmo₅ jniá₂ táng' le₃quió' Cristo Jesús, quian' ta₁ a₂jmo₅ jniá₂ ne₄ Diú₄; 18 on₃jua' rē' a₂tiá₂ dsi₃ jniá₂ le₃juá' lē₅ guē₄ lia' con' guē₄ jui₁lia' a₂ma₂qui₂ma₂jmo₃ Cristo tē₂le₃ quian' jniá₂, a₂tsin' jniá₂ dsi₂nau₂ ne₄ jui₅, quian' jág₁ quió₃, quian' ta₁ quió₃ nē₃, a₂le₃ne' 'éi₂ ne₄ Diú₄. 19 A₂lē₅ ta₁ nē₅ tē₂le₃ quian' jui₅bí₂ a₂'io₅ léi₄ juē' a₂dsi₂gó' dsi₅ dsa₂, tē₂le₃ quian' jui₅bí₂ quió' Jme₂dsí₂ Jnió₅ nē₃. Le₂nē₅ bá₄ ma₂ca₂jme₁niag₂₃ ta₁ ma₂qui₂ma₂'ē₃ jág₁ dse₃ quió' Cristo, ca₂jme₁lióg₄ jniá₂ juig₂ Jerusalén, jaun₂ guē₄ neg₅₄ ta₁caun₂ jui₅ le₃lág' ca₂lia' ca₂dsióg₃ tē₂ 'uē₃ Ilírico. 20 Le₂nē₅ bá₄ ma₂ca₂jmo₃ dsen₅₄ dsi₃ ma₂qui₂ma₂'ē₃ jág₁ le₂tan₅₄ juig₂ ja₁'i₁cón' tsá₃ jme₁ma₂nág₂ dsa₂ a₂'in₅ dsa₂ Cristo, ia₁jaun₂ tsá₃ cho₅₄ jniá₂ ta₁ ne₄ 'uig₅₄ 'ia' a₂ma₂ca₂jme₃lióg₃ i₂sián'. 21 La₁ jui₁lia' juá' ne₄ Si₂:

Jág₃ dsa₂ jín₃ 'éi₂

i₂tsá₃ jme₁ma₂gú' jág₁ quió';

jaun₂ le₃ñí' dsi₅

jui₁lia' i₂tsá₃ jme₁ma₂nág₂ a₂'in₅ 'éi₂.§

Dsi₂jio₅ dsi₅ Pa₄ dsó₃ jui₅ Roma

22 'Uig₅₄ nē₅ ca₂jní₃ jniá₂ jui₅ 'lióng₂ ráun₂ lia' con' jme₁'nio₃ jme₁i₁jing₁₂ 'nia'. 23 La₁ nē₃ guē' lia' tsá₃ ma₃cha₂ ja₁jmo₅₄ ta₁ le₂tan₅₄ juig₂ te₁'i₁ le₃la₂, jaun₂ ma₂ne₁ηó₄ bá₄ 'lióng₂ ηi₂ jme₁'in₅ dsi₃ jme₁nei₅₄ i₁jing₁₂ 'nia', 24 'ín₂ dsi₃ jniá₂ ηig₅₄ jui₅ ja₁tion' 'nia' jē₁ma₂tē₂ rē₁nei₅₄ jui₅ España, ia₁jaun₂ lé₂ le₃tsag' ne₄ jui₅ jaun₂, cang₂ jē₁ma₂ca₂mag' dsi₃ jing₅₄ 'nia'. 25 La₁ rē₂nē₃ nē₃, 'eng₅₄ jui₅ nei₅₄ jui₅ Jerusalén, a₂jme₁tí₁ jniá₂ ta₁ ja₁con₂ dsa₂ quián₅ Diú₄ ja₁jaun₂. 26 Ia₁ i₂chan₂ Macedonia quian' i₂chan₂ Acaya nē₃, ca₂jmo₃ dsi₅ ca₂cág' cu₄ a₂chein₃ ne₄ rin' jniog₄ i₂tē₂né₂ i₂chan₂ juig₂ Jerusalén. 27 A₂'ηio₂ dsi₅ ca₂jmo₃ le₂jaun₂, ia₁ dsau₅ bá₄ jaun₂ riin₂ le₃quió' 'éi₂. Ia₁ chi₂jua' ma₂qui₂ma₂quen' dsi₂nau₂ a₂gu₂dsí₂ a₂ca₂cuē₃ dsa₂ judíos, ján₃ bá₄ le₂jaun₂ ca₂tín₂ jme₃'o₅₄ quian' a₂'nió' le₃quió' ni₁ñí₅. 28 Jaun₂ le₂nē₅, jē₁ma₂ca₂dsan₃ jáng' jniá₂ ne₅₄ a₂ma₂ca₂cág' dsa₂ jaun₂, jaun₂ guē₄ 'ú jui₅ a₂nei₅₄ jui₅ España, a₂i₁jing₁₂ 'nia' lia' ma₂'eng₅₄ jui₅. 29 Jaun₂ caun₂ bá₄ 'ei₅ dsi₃, a₂jme₃gu' bá₄ Cristo lia' rē₂'ηia₅ jē₁ma₂tē₂ rē₁dsióg₄ jniá₂ a₂i₁jing₁₂ 'nia'.

30 Rin' jniog₄, mi₅ jniá₂ ja₁con' 'nia' lia' con' lē₅ 'éi' quió' Te₁gui' Jesucristo quián₂ jniog₄, ton' ia₁ a₂cuē₅ Jme₂dsí₂ bí₂, a₂jme₁'nió₄ jniog₄ rin' a₂jme₁quiong' 'nia' jniá₂, ne₄ 'nei₂ a₂chéng' a₂chi₁len' 'nia' Diú₄ o₄quió₃. 31 Mi₄ 'nia' ne₄ Diú₄ jui₁lio₅₄ jniá₂ o₄gú₃ dsa₂ i₂tsá₃ 'én₂ i₂chan₂ Judea, le₂jaun₂ guē' ján₃ jui₁gue₅₄ bá₄ rin' jniog₄ juig₂ Jerusalén caun₂ dse₃ a₂i₁can₁₂ a₂jme₁'oin₁₂, 32 ia₁jaun₂ chi₂jua' 'nio' Diú₄ a₂dsióg₄ jniá₂, i₁jing₁₂ 'nia' a₂'io' jmo₂₃, a₂tág' jme₂dsí₂ quió₃ co₂dsia₅ quian' 'nia'.

33 Jui₁quiong' bá₄ Diú₄ i₂jmo₅ 'ei₅ tei₄, ca₂le₃jín' 'nia'. A₂méi₃.

† 15:12 Isaías 11:10. § 15:21 Isaías 52:15.

16

Cuñ₂₃ Diú₄ le₂jan₂ le₂jan₂

¹ Jme₂jnia₄ jniá₂ 'io₅₄ rin'₅₄ jniog₄ Febe, i₂ma₂já₅ jme₂ti₃ ja₁con₂ guá'₅ chan₂ Cencrea.
² Guein₅₄ bá₄ dse₃ o₄quió'₄ Te₁gui'₅₄, jmo₄ bá₄ con'₂ dsi₂ten₅₄ jmo₃ dsa₂ ja₁con₂ riin'₅₄ i₂'én₂,*
 ján₃ guë'₂ jme₁'oin₁₂ quian'₅₄ jui₁'e₂ guë'₃ a₂ca₂rë₃'nió'₃ quió'₅, ia₁ ma₂ca₂jme₃'o₅₄ bá₄ 'éi₂
 'niog₅ ma₂ca₂jme₃'oin₅₄ juin₅, ján₃ guë'₂ le₂jaun₂ ma₂ca₂jme₃'o₅₄ jniá₂.

³ Cuñ₅₄ Diú₄ Priscila† quian'₅₄ Aquila, i₂lín₅ i₂quian'₅₄ jniá₂ jë₄ ta₁ a₂niog₅ quió'₅ Cristo
 Jesús. ⁴ 'Éi₂ bá₄ ca₂jmo₃ tén'₂ dsi₅ o₄quió'₃ jniá₂, o₁jnia'₅₄ ca₂qui'₃ dsa₂ dsi₂lag₅₄. Jaun₂ cuë'₅
 jniá₂ ti₁'mag'₄ 'éi₂. On₃ jua'₅₄ jmá'₃ jniá₂; ca₂le₃jín₃ dsi₂nau₂ i₂'én₂ cuë'₂₃ ti₁'mag'₄ ján₃.

⁵ Nē₅ i₂cuñg'₅ Diú₄ ján₃ dsa₂ rin'₅₄ jniog₄ i₂ñi'₂ dsi₂néi₂ quió'₅ Priscila quian'₅₄ Aquila nē₃.
 Cuñ₅₄ Diú₄ Epeneto a₂mei₅₄ quiáng₃, dsa₂ i₂le₂'uig₅₄ i₂ca₂rë₃'én₂ le₃quió'₅ Cristo 'uë₃ Acaya.‡

⁶ Cuñ₅₄ co₂nio₄ Diú₄ María, ia₁ 'ñio₅ lín₃ ma₂jmo₃ ta₁ o₄quián'₂ 'nia'₂.

⁷ Cuñ₅₄ co₂nio₄ Diú₄ Andrónico quian'₅₄ Junias, dsa₂ go₃ jniá₂ i₂quiang'₅₄ ca₂'ú₃ né'₃ 'má;
 co₂'nió'₄ dsa₂ i₂lén₄ i₂cuig₅ guë'₄ dsa₂ i₂chen₄ quián₅ Te₁gui'₅₄, co₂'nió'₄ dsa₂ i₂jme₁ma₂tion'₅₄
 le₃quió'₅ Cristo le₂jniá₅ guë'₄ con'₂ guë'₄ jniá₂.

⁸ Cuñ₅₄ Diú₄ Amplias, jan₂ i₂'nió₃ jniá₂ le₃quió'₅ Te₁gui'₅₄.

⁹ Cuñ₅₄ co₂nio₄ Diú₄ ján₃ Urbano, dsa₂ i₂quian'₅₄ jniog₄ jmo₂ ta₁ quió'₅ Cristo Jesús,
 quian'₅₄ Estaquis nē₃ i₂lín₅ a₂mei₅₄ quiáng₃ i₂'nióg₃ guë'₄ lín₃.

¹⁰ Cuñ₅₄ Diú₄ Apeles, i₂ma₂já₅ cuë'₂₃ léi₄ a₂ñi₂₃ le₃quió'₅ Cristo, le₂jaun₂ bá₄ jmo₄ co₂nio₄
 quian'₅₄ ca₂le₃jín₃ i₂chan₂ dsi₂néi₂ quió'₅ Aristóbulo ján₃.

¹¹ Cuñ₅₄ Diú₄ Herodión, dsa₂ go₃ jniá₂, quian'₅₄ guë'₂ dsa₂ familia quián₅ Narciso i₂'én₂
 le₃quió'₅ Te₁gui'₅₄.

¹² Cuñ₅₄ bá₄ co₂nio₄ Diú₄ Trifena quian'₅₄ Trifosa nē₃, on₃ dsa₂ mí₂ i₂jmo₅ ta₁ quió'₅
 Te₁gui'₅₄, quian'₅₄ guë'₂ 'io₅₄ rin'₅₄ jniog₄ Pérsida i₂'nió₄ guë'₄ lín₃, i₂ñi₄ ma₂jmo₃ ta₁ quió'₅
 Te₁gui'₅₄ ján₃.

¹³ Cuñ₅₄ bá₄ Diú₄ Rufo i₂lín₅ dsa₂ i₂ma₂quion'₅₄ quián₅ Te₁gui'₅₄, quian'₅₄ chog₅₄, i₂jing₅₄
 nē₂jag₄ bá₄ cha₃ ján₃.

¹⁴ Cuñ₅₄ Diú₄ Asíncrito, Flegonte, quian'₅₄ guë'₂ Hermas, Patrobas, Hermes nē₃, quian'₅₄
 guë'₂ dsa₂ rin'₅₄ jniog₄ i₂quian'₅₄ nē₃.

¹⁵ Cuñ₅₄ 'nia'₂ Diú₄ ján₃ i₂chen₂ Filólogo quian'₅₄ Julia, Nereo nē₃, quian'₅₄ 'io₅₄ rin'₅₄;
 cuñ₅₄ 'nia'₂ Diú₄ Olimpás quian'₅₄ guë'₂ ca₂le₃jín₃ rin'₅₄ jniog₄ i₂'én₂ § i₂tion'₅₄ quian'₅₄.

¹⁶ Cuñ₅₄ 'nia'₂ Diú₄ ríng'₂ le₂jang'₂ le₂jang'₂ a₂qui₁chén'₁* 'nia'₂ quió'₅ ríng'₂, a₂lë₅ léi₄
 a₂ma₂'ei₅ caun₂ jág₁ a₂le₁jë₃ 'au'₂ quian'₅₄ ríng'₂. Ca₂le₃jín₃ bá₄ guá'₅ quián₅ Cristo dsián'₂
 jág₁ a₂cuñ₂₃ Diú₄ 'nia'₂.

¹⁷ Rin'₅₄ jniog₄, mi₅ jniá₂ ne'₅₄ 'nia'₂, rë₂ de'₂ quion₂ 'nia'₂ 'í₁, 'ein₂ dsia₅ mi'₅₄ jmo₅ le₁dson'₅₄
 guá'₅, 'ein₂ chi'₅ jui₅ a₂qui₂nió₃ dsa₂, a₂tsá₃ dsi₂ten₅₄ lia'₂ con'₂ lë₅ jág₁ a₂ma₂ca₂rë₃tín'₃ 'nia'₂.
 Jaun₂ co₂dsia₅ chén'₂ 'nia'₂ cau₅ i₂jmo₅ le₂jaun₂. ¹⁸ Ia₁ on₃jua'₅₄ dsa₂ i₂jme₂ti₃ ne₄ Te₁gui'₅₄
 Jesucristo i₂le₂'éi₂; con'₂ jnia'₅₄ jme₂ti₃ ne₄ a₂mi₅ ni₁ñi₁ guioin₅₄ bá₄, qui₂jme₂gain₂₃ dsi₅
 jui₁lia'₂ dsa₂ i₂tsá₃ lín₄ ñi'₂ dsi₅, quian'₅₄ jág₁ 'ua₁, jág₁ rau₂ nē₃.

¹⁹ Ca₂le₃jín₃ bá₄ dsa₂ le₁ñi₅ 'a₂ lia'₂ ma₂ja₂nó'₅ 'nia'₂ a₂neg'₅₄, jaun₂ 'io'₂ jmo₅ jniá₂ o₄quián'₂
 'nia'₂. La₁ia₁ 'nio₃ jniá₂ a₂lén'₂ 'nia'₂ 'ñiog'₅₄ le₃quió'₅ a₂dse₃, ján₃ bá₄ le₂në₅ a₂lég'₂ dsa₂ i₂tsá₃
 'e₂ dsi₂jnia₅ dsi₅ ne₄ a₂'lig'₅₄. ²⁰ Jaun₂ Diú₄ i₂jmo₅ 'ei₅ tei₄, ñi'₅₄ ta₁ jlein'₃ i₂së₃dsen₃ o₄tag'₄
 'nia'₂. Jui₁'ei₅ bá₄ a₂dse₃ dsi₅ Te₁gui'₅₄ Jesús quián₂ jniog₄ ja₁con'₂ 'nia'₂.

* 16:2 lit. “dsa₂jnió₅.” † 16:3 griego: Prisca. ‡ 16:5 griego: Asia. § 16:15 lit. “dsa₂jnió₅.” * 16:16 Caun₂
 tag₄ a₂jme₁chí₄ lia'₂ con'₂ ca₂jmo₃ Pa₄ si₂ la₂.

²¹ Timoteo, i₂quian'₄ jniá₂ jmo₂₃ ta₁, dsiáin'₂ jág₁ a₂cuin₂₃ Diú₄ 'nia'₂; le₂jaun₂ bá₄ ján₃ Lucio quian'₅₄ Jasón, Sosípater, i₂lín₅ dsa₂ go₃ jniá₂.

²² Jniá₂ Tercio i₂tó'₃ jág₁ la₂ ne₄ si₂, ján₃ bá₄ cuín₅ jniá₂ Diú₄ 'nia'₂ o₄quió'₄ Te₁gui'₅₄.

²³ Gayo ně₃ dsiáin'₂ jág₁ a₂cuin₂₃ Diú₄ 'nia'₂. Dsi₂néi₂ quió'₅ 'éi₂ bá₄ 'eng₅₄. Já₁n₃ bá₄ cuě₂₃ dsi₂néi₂ quió'₅ cuě'₅ ca₂le₃jín₃ dsa₂ quián₅ guá'₅. Erasto dsa₂ i₂niog₅ gu₂ cu₄ quió'₅ dsa₂ juig₂ ně₃, dsiáin'₂ jág₁ a₂cuin₂₃ Diú₄ 'nia'₂ ján₃; i₂chen₂ Cuarto rin'₅₄ jniog₄ ně₃.

²⁴ Jui₁jme₂gu'₅₄ bá₄ Te₁gui'₅₄ Jesucristo 'nia'₂ ca₂le₃jíng'₃, A₂méi₃.†

'Ág'₃ jág₁ Pa₄ a₂jme₂juin'₂ Diú₄

²⁵ Ně₃ ně₃, jui₁jme₁juin'₂ jniog₄ Diú₄. 'Éi₂ bá₄ lé₂ le₃jmo₃ a₂náu'₁ 'nia'₂ tiá₂ lia'₂ con'₂ lě₅ jág₁ dse₃ quió'₅ Cristo a₂'ě₅ jniá₂, lia'₂ con'₂ lě₅ ca₂jme₃jnia₅ Diú₄ jág₁ quió'₅ a₂jme₁rě₂'ma₄ ca₃ma₂líg'₂ lín₃. ²⁶ Diú₄ i₂chan₂ co₂tan₅₄ 'éi₂ bá₄ ca₂jmo₃ 'éi'₃ a₂jmo₃ jág₁ dsa₂ i₂chen₄ quián₅ ma₂líg'₂, jág₁ a₂ca₂tó'₂ 'éi₂ ne₄ Si₂, ia₁jaun₂ le₃ni₅ dsa₂ chan₂ ca₂le₃jě₃ juig₂ nación, ia₁jaun₂ le₃'éin₂ jág₁ jaun₂, le₃nei'₅₄ ně₃.

²⁷ ¡Diú₄ i₂jan₂ tan₅₄, i₂tín₂, i₂ni₅, jui₁le₂juin'₂ bá₄ tē₂le₃ quian'₅₄ Jesucristo ca₂lia'₂ co₂tan₅₄! A₂méi₃. Co₂ně₅.

† 16:24 Chog₅₄ si₂ a₂dse₃ guě₄ tsá₃ chi₁ton₅

Si₂ carta le₂'uig₅₄ a₂ca₂jmo₃ San Pablo ne₄ dsa₂ CORINTIOS

Jmo₅ Pa₄ si₂ le₂'uig₅₄ a₂chein₂ ne₄ Guá'₅ i₂chan₂ juig₂ Corinto

¹ Jniá₂ Pa₄, co₂nē₅ ca₂rē₃'ñi₃ó₃ dsi₅ Diú₄, ca₂tē₃ 'éi₂ a₂léng₂ dsa₂ i₂chen₄ quián₅ Te₁gui'₅₄ Jesucristo; jnia'₅₄ co₂dsia₅ quian'₅₄ Sóstenes rin'₅₄ jniog₄, ² jmo₂₃ si₂ carta la₂ a₂dsian'₄ ja₁con₂ guá'₅ quián₅ Diú₄, dsa₂ chan₂ juig₂ Corinto, dsa₂ i₂ma₂tē₅ Diú₄ a₂léin₂ dsa₂ i₂le₃chan₂ lē₅ 'í₁ le₃quió'₅ Cristo Jesús; co₂dsia₅ bá₄ quian'₅₄ ca₂le₃jín₃ i₂jme₂juin'₂ Te₁gui'₅₄ Jesucristo ca₂le₂con₂ mi₂güig₃, a₂lín₅ 'éi₂ Te₁gui'₅₄ quián₅, jui₁lia'₂ quián₂ jniog₄ táng₃: ³ Jui₁chan'₂ bá₄ 'nia'₂ 'ei₅ tei₄, jui₁jme₂gu'₅₄ bá₄ Diú₄ i₂lín₅ jmei₂ jniog₄, jui₁jme₂gu'₅₄ Te₁gui'₅₄ Jesucristo ján₃.

Jme₂gu'₅₄ Diú₄ tē₂le₃ quian'₅₄ Cristo

⁴ Ca₂le₃o₃ jmi₂g₄ bá₄ cuē₅ jniá₂ ti₁'mag'₄ Diú₄ o₄quián'₂ 'nia'₂, ia₁ ca₂jme₃gu'₅₄ bá₄ Diú₄ tē₂le₃ quian'₅₄ Cristo Jesús. ⁵ Tē₂le₃ ia₁ a₂chan'₂ 'nia'₂ le₃quió'₅ Cristo, Diú₄ bá₄ ma₂ca₂jme₃'o₅₄ 'nia'₂ ca₂le₃jē₃ ne₅₄ a₂dse₃ quió'₅, jui₁lia'₂ jág₁ a₂'ña'₂ 'nia'₂, jui₁lia'₂ ca₂le₃jē₃ a₂tin'₂ 'nia'₂ ně₃. ⁶ Le₂nē₅ bá₄ ca₂le₃jē₃ 'e₂ niog₅ ca₂jme₁tag₅ jnia'₅₄ tē₂le₃ quió'₅ Cristo, ma₂ca₂rē₃ti₃ bá₄ tē₂le₃ quian'₅₄ 'nia'₂. ⁷ Jaun₂ lē₃, tsá₃ ma₃'e₂ 'nió'₅ quián'₂ 'nia'₂ jua'₅₄ a₂cuē₃ Diú₄ caun₂ bí₂ a₂gu₂dsi₂, tē₂lia'₂ jan'₅₄ 'nia'₂ a₂'ín₂ 'au'₂ a₂jme₃jnia₅ Te₁gui'₅₄ Jesucristo quián₂ jniog₄. ⁸ 'Éi₂ bá₄ jme₃'o₅₄ náu'₁ 'nia'₂ tiá₂ ca₂tē₂ jmi₂g₄ jē₁ca₂tó'₂, ia₁jaun₂ tsá₃ 'e₂ dso₄ rin'₂ 'nia'₂ jē₁ma₂ca₂tē₂ jmi₂g₄ quió'₅ Te₁gui'₅₄ Jesucristo. ⁹ I₂jme₃ti₃ bá₄ Diú₄ ca₂le₃jē₃ jág₁ quió'₅; 'éi₂ bá₄ ma₂ca₂tē₃ 'nia'₂ 'ag₃ caun₂ jág₁ quian'₅₄ Jesucristo ja₁ñi'₅₄ Te₁gui'₅₄ quián₂.

A₂tsi₂jín₅ dsa₂ dsia₂₃ mi'₅₄ jmo₂₃ le₁dsoin'₅₄

¹⁰ Rin'₅₄ jniog₄, mi₅ jniá₂ ja₁con'₂ 'nia'₂ quian'₅₄ 'éi'₃ quió'₅ Jesucristo Te₁gui'₅₄ quián₂, 'éi₂ 'nia'₂ caun₂ jág₁, tsá₃ dsia₂ 'nia'₂ mi'₅₄ a₂jmo'₂ le₁dsong'₅₄. Tē₂le₃ ca₂tin'₂ bá₄ 'nia'₂ tóng'₄ 'ei₅ caun₂ jág₁ jen'₂ 'nia'₂, jui₁lia'₂ 'a₂lia'₂ nī'₂ 'nia'₂, a₂dsi₂jio₅ 'au'₂ ně₃. ¹¹ Juig₂ jniá₂ 'nia'₂ le₂nē₅, rin'₅₄ jniog₄, ia₁ ca₂rē₃chá₃ jág₁ juá'₂ dsa₂ familia quián₅ Cloé, 'a₂lia'₂ lē₅ tion'₅₄ 'nia'₂, a₂niog₅ mi'₅₄ jin'₄ 'nia'₂. ¹² Co₂'nió'₄ le₃jua'₅₄ jág₁, jma₃quén₅ bá₄ ma₂lē₅ jag'₅₄ 'nia'₂ tiong'₅₄. I₂lín₅₄ ma₂juá'₂: “I₂quián₅ Pa₄ bá₄ jniá₂”; i₂lín₅₄ guē'₂ juá'₂ táng₃: “Jniá₂ guē'₂ lín₅ i₂quián₅ Apolos”; i₂lín₅₄ guē'₂ juá'₂ táng₃: “Jniá₂ guē'₂ lín₅ i₂quián₅ Cristo.” ¹³ ¿O₃ bá₄ le₁dso'₄ ma₂i₂lē₂ quió'₅ Cristo ně₁jua'₂ le₂jaun₂? ¿O₃ bá₄ Pa₄ i₂ca₂tē₁ton₅₄ cróg₄ o₄quián'₂ 'nia'₂? Le₂jaun₂ guē'₂ ján₃, ¿O₃ bá₄ lia'₂ con'₂ lē₅ 'éi'₃ quió'₅ Pa₄ ca₂jñó'₂ 'nia'₂ jmi₂g₂?* ¹⁴ Ti₁'mag'₄ Diú₄ tsá₃ jniá₂ ca₂chóng₃ jmi₂g₂† i₁jan'₂ 'nia'₂, jnia'₅₄ lia'₂ Crispo quian'₅₄ Gayo, ¹⁵ con'₂ tsá₃ lē₅ jua'₅₄ a₂dsia₃ dsa₂ a₂ca₂chón₃ jniá₂ jmi₂g₂‡ lia'₂ con'₂ lē₅ 'éi'₃ quió₃. ¹⁶ (Jnia'₅₄ lia'₂ familia quián₅ Estéfanos bá₄ ján₃, dsá₂ dsi₃ ca₂chón₃ jniá₂ jmi₂g₂. Jaun₂ tsá₃ ma₃dsá₂ dsi₃ jua'₅₄ chan₂ guē'₄ i₂sián'₂ ca₂chón₃ jniá₂ jmi₂g₂.)§ ¹⁷ Ia₁ tsá₃ ta₁ jaun₂ ca₂chei₃ Cristo jniá₂ jua'₅₄ a₂tsón₄ jniá₂ jmi₂g₂ dsa₂,* con'₂ jnia'₅₄ lia'₂ a₂qui₁'ē₄ jág₁ a₂tin'₄ dsa₂ bá₄, on₃jua'₅₄ qui₁ton₁ jág₁ jua'₅₄ a₂jmo₅₄ a₂nī₄ ting₂, con'₂ tsá₃ lē₅ jua'₅₄ a₂tsá₃ ta₁ tí₄ a₂ca₂guen₃ Cristo 'mú₃ ne₄ cróg₄.

Cristo i₂lín₅ bí₂ quió'₅ Diú₄

¹⁸ Jág₁ dse₃ la₂, 'a₂lia'₂ ca₂jón₃ Cristo ne₄ cróg₄, lē₅ jág₁ co₄ tē₂le₃ ja₁con₂ dsa₂ i₂tion'₅₄ jui₅ dsi₃'én₂. La₁ tē₂le₃ quián₂ jniog₄ i₂tio'₅₄ jui₅ a₂tág'₄, lē₅ jui₅bí₂ quió'₅ Diú₄. ¹⁹ Ia₁ jui₁lia'₂ juá'₂ ne₄ Si₂: Co₂dsia₅ 'én₄ jniá₂ jui₁lia'₂ a₂tin₂ dsa₂

* 1:13 lit. “ca₂i₃tian'₃ 'nia'₂ jmi₂g₂.” † 1:14 lit. “ca₂tióg₃ jmi₂g₂.” ‡ 1:15 lit. “a₂ca₂tián₃ jniá₂ jmi₂g₂.” § 1:16 lit. “ca₂tián₃ jniá₂ jmi₂g₂.” * 1:17 lit. “a₂tián₄ jniá₂ jmi₂g₂ dsa₂.”

i₂ñí₄ lē₃ ñi₅ jmo₅,
 ján₃ guē₂ jmo₅₄ cau₅ jág₁ a₂ñí₂ dśí₅
 dsa₂ i₂jmo₅ a₂ñí₄ lē₃ 'ñioi₅₄.†

²⁰ ¿'E₂ bá₄ ta₁ tén₄ jui₁lia₂ dsa₂ i₂ñí₄ tñ₂ ně₃, jui₁lia₂ tē₅, o₃ jui₁lia₂ dsa₂ i₂ñí₄ ñi₅ dsia₃ ca₂le₃jě₃ 'a₂ lia₂ niog₅ lē₅ mi₂güig₃ la₂? Ia₁ ca₂le₃jě₃ 'e₂ niog₅ ñí₂ dsa₂ mi₂güig₃ la₂, 'ñiog₅ bá₄ Diú₄ ma₂jmo₃ jág₁ jaun₂ a₂tsá₃ ta₁ tí₄. ²¹ Ia₁ jui₁lia₂ ca₂'náu₃ dśí₅ Diú₄ jmo₃, tsá₃ ca₂rē₃cui₅ dsa₂ mi₂güig₃ tē₂le₃ quian₅₄ jág₁ a₂ñí₂ dśí₅ guioin₅₄, a₂jaun₂ bá₄ ca₂rē₃'ñió₃ dśí₅ Diú₄ a₂lióin₂ dsa₂ i₂én₂ jág₁ quió₅, tē₂le₃ quian₅₄ jág₁ a₂ca₂'ē₂ dsa₂, caun₂ jág₁ a₂jmo₅ dsa₂ mi₂güig₃ dśí₅ caun₂ jág₁ co₄.

²² Jui₁lia₂ dsa₂ judíos ně₃, 'nio₃ tē₃ ne₅₄ léi₄ juē₂, dsa₂ griego ně₃ 'no₂ jág₁ a₂le₃ñí₂ dśí₅, ²³ la₁ia₁ jnia₅₄ ně₃, qui₂'ē₅ jág₁ 'ín₅ jnia₅₄ Cristo i₂ca₂jon₃ tē₁ton₅₄ cróg₄. Jág₁ ně₅ ně₃, lē₅ caun₂ a₂jnág₅ jui₅ ja₁jme₁rē₂'én₂ dsa₂ judíos, ján₃ bá₄ lē₅ caun₂ jág₁ co₄ tē₂le₃ quió₅ dśi₂nau₂. ²⁴ La₁ tē₂le₃ quió₅ dsa₂ i₂ma₂tē₅ Diú₄, lia₂ dsa₂ judíos lia₂ dsa₂ griegos táng₃, 'ín₅ jnia₅₄ Cristo i₂lín₅ jui₅bí₂ quió₅ Diú₄, i₂lín₅ jág₁ a₂ñí₂ dśí₅ Diú₄ ně₃. ²⁵ Ia₁ co₂'nió₄ jág₁ co₄ quió₅ Diú₄, juá₂ dsa₂ mi₂güig₃, jág₁ ně₅ bá₄ a₂lē₅ a₂dsen₅₄ quen₅ guē₄ lia₂ con₂ guē₄ jág₁ a₂ñí₂ dśí₅ dsa₂ mi₂güig₃. Ján₃ bá₄ jui₁lia₂ a₂jmo₅ dsa₂ dśí₅ a₂'uan₅₄ quió₅ Diú₄, a₂jaun₂ guē₄ dsón₂ a₂'io₅ guē₄ bí₂ lia₂ con₂ guē₄ bí₂ quió₅ dsa₂ mi₂güig₃.

²⁶ Rin₅₄ jniog₄, ca₂tín₂ bá₄ 'nia₂ 'nau₅₄ 'au₂ 'a₂ lia₂ ca₂tē₃ Diú₄ 'nia₂. Tsá₃ juin₅ 'nia₂ i₂tñ₂ ñi₅ lia₂ con₂ lē₅ ñi₅ dsa₂ mi₂güig₃; ján₃ guē₄ tsá₃ juin₅ 'nia₂ 'au₂ bí₂; tsá₃ juin₅ 'nia₂ ca₂rē₃chán₃ jui₁lia₂ familia dsen₅₄ ně₃. ²⁷ La₁ia₁ ma₂quió₂ Diú₄ jág₁ a₂jmo₅ dsa₂ mi₂güig₃ dśí₅ jág₁ co₄, a₂jmo₃ a₂tē₃tsin₅₄ o₂guí₃ dsa₂ i₂lín₂ ñí₂ guē₄ dśí₅. Ján₃ bá₄ ma₂quió₂ Diú₄ jág₁ a₂jmo₅ dsa₂ mi₂güig₃ dśí₅ jág₁ 'uan₅₄, a₂jmo₃ a₂tē₃tsin₅₄ o₂guí₃ jui₁lia₂ dsa₂ i₂lín₂ a₂'uain₂. ²⁸ Ma₂quió₂ Diú₄ jui₁lia₂ dsa₂ i₂jín₂ dsa₂ mi₂güig₃ i₂tsá₃ 'e₂ quen₅, i₂sion₅ guē₄, i₂tsá₃ 'e₂ lín₅, a₂tón₂ 'uē₃ jui₁lia₂ i₂ñí₄ lē₃ dsen₅₄ lín₂, ²⁹ ia₁jaun₂ tsá₃ 'ein₂ lé₂ dsia₃ jág₁ tá₅ le₃ne₄ Diú₄. ³⁰ 'Ñiog₅ bá₄ Diú₄ ma₂jmo₃ a₂tion₅₄ 'nia₂ le₃quió₅ Cristo Jesús, i₂ma₂lín₅ i₂ñí₂ dśí₅ quián₅ Diú₄ o₄quián₂ jniog₄. Co₂'nió₄ le₃jua₅₄, tē₂le₃ quian₅₄ Cristo bá₄ ma₂guei₃ Diú₄ jniog₄ ně₂jag₄ bá₄ a₂tsá₃ 'e₂ dso₄ rag₂; tē₂le₃ quian₅₄ Cristo bá₄ jág₂ Diú₄ jniog₄ dsa₂ le₁jín₃ i₂lē₅ 'í₁ quián₅; tē₂le₃ quian₅₄ Cristo bá₄ ján₃, ca₂'ág₂ táng₃ caun₂ jág₁ quián₂ jniog₄ quian₅₄ Diú₄. ³¹ Jaun₂ lē₃, jui₁lia₂ juá₂ ne₄ Si₂, "Jui₁lia₂ dsa₂ i₂dsia₅ jág₁ tá₅, jui₁dsia₁₂ jág₁ tá₅ le₃quió₅ Te₁gui₅₄."‡

2

Jág₁ quió₅ Cristo, a₂ca₂ñó₃ ne₄ cróg₄

¹ Rin₅₄ jniog₄, lia₂ con₂ ñeg₅₄ ja₁con₂ 'nia₂, i₁chei₁₂ 'nia₂ jág₁ tí₅ la₂ quió₅ Diú₄, tsá₃ jaun₂ ca₂jmo₃ jua₅₄ ca₂juig₂ 'nia₂ jág₁ ca₅₄ jui₁lia₂ jmo₅ dsa₂ i₂ñí₄ tñ₂. ² Lia₂ con₂ jme₁eng₅₄ quiang₅₄ 'nia₂, tsá₃ 'e₂ jág₁ siá₂ jme₁ñio₃ le₃guion₅₄, jnia₅₄ lia₂ ca₂ne₅₄ jág₁ quió₅ Cristo bá₄, i₂tē₁ton₅₄ cróg₄. ³ Ca₂dsióg₃ jniá₂ ja₁con₂ 'nia₂ a₂lín₅ jan₂ dsa₂ 'uan₅₄, gó₅, jleng₂₃ 'ñio₅ lín₃. ⁴ Lia₂ jme₁ca₂jme₁tñg₂₃ 'nia₂ jág₁ dse₃, tsá₃ ca₂jmo₃ jág₁ jui₁lia₂ jmo₅ dsa₂ i₂tñ₂; jmá₃ lia₂ quian₅₄ jág₁ a₂jme₂jnia₅ jui₅bí₂ quió₅ Jme₂dsí₂ Jñió₅ bá₄ ca₂'ē₂ jniá₂ jág₁, ⁵ ia₁jaun₂ tē₂le₃ quian₅₄ jui₅bí₂ quió₅ Diú₄ bá₄ lē₅ a₂'én₂ 'nia₂, on₃jua₅₄ lia₂ con₂ lē₅ tñ₂ dsa₂ mi₂güig₃.

Jme₂jnia₅ Diú₄ ja₁con₂ dsa₂ mi₂güig₃ tē₂le₃ quian₅₄ Jme₂dsí₂ quián₅

⁶ La₁ia₁ dsia₂ bá₄ jnia₅₄ jág₁ ca₅₄ a₂tag₂ a₂ne₄ jin₄ rin₅₄ i₂ma₂ron₂, la₁ on₃jua₅₄ jág₁ ca₅₄ a₂cha₂ mi₂güig₃ la₂, on₃ quē₂ jág₁ ca₅₄ quió₅ dsa₂ i₂gon₂ mi₂güig₃ la₂, i₂qui₂dsi₃ñí₂. ⁷ Tē₂le₃ jág₁ a₂jme₁rē₂'ma₄ quió₅ Diú₄ la₂ bá₄ 'ē₅ jnia₅₄, qui₂chei₂ jnia₅₄ dsa₂ ca₂le₃jě₃

† 1:19 Isaías 29:14. ‡ 1:31 Jeremías 9:24.

a₂nio₅ dsí₅ Diú₄ jmo₃ a₂jlá'₁ o₄quián₂ jniog₄ né'₃ guě₄ a₂nio₃ mi₂güig₃. ⁸ Ca₂lia'₂ 'i₁jan₂ dsa₂ can'₅₄ i₂qui₂dsi₅ 'éi'₃ mi₂güig₃ la₂ ma₂ca₂rě₃ñi'₂ jág₁ la₂; ia₁ jua'₅₄ mei'₂ guě₃ ca₂rě₃ñi'₂, tsá₃ jme₁ti_{oin}₃ ne₄ cróg₄ Te₁gui'₅₄ 'uan'₂ quián₂. ⁹ La₁ia₁, ju₁lia'₂ juá'₂ ne₄ Si₂:

Tsá₃ ne₄ dsa₂ ma₂tě₂,
on₃ guě'₂ ma₂nág₂,
on₃ guě'₂ ma₂i₂jio₅ dsí₅ dsa₂

a₂ma₂jmo₃ Diú₄ co₂jñia₅₄ quió'₅ dsa₂ i₂'nio₃. *

¹⁰ La₁ tē₂le₃ quian'₅₄ Jme₂dsí₂ quián₅, Diú₄ bá₄ ma₂ca₂jme₃jnia₅ a₂jaun₂ ja₁con₂ jniog₄. Ia₁ Jme₂dsí₂ 'éi₂ bá₄ téi₂ si₂ jág₁ juě'₂ a₂nio₅ cha₂ quió'₅ Diú₄ 'ñiog₅.

¹¹ Tē₂le₃ jin₄ dsa₂ mi₂güig₃ guioin₅₄ guě'₂ ně₃, ħein₂ bá₄ qui'₅₄ jmig₄ le₃ñi₅ 'e₂ dsi₂jio₅ dsí₅ riin'₅₄, jñia'₅₄ lia'₂ jme₂dsí₂ quió'₅ 'ñiog₅ bá₄ dsa₂ a₂'i₄ tē₂dsí₅ ñi₅? Le₂jaun₂ bá₄ lě₅ le₃quió'₅ Diú₄. 'I₁jan₂ tsá₃ 'ein₂ ma₂ca₂rě₃ñi₅ 'a₂ lia'₂ dsi₂jio₅ dsí₅ Diú₄; jñia'₅₄ lia'₂ 'ñiog₅ bá₄ Jme₂dsí₂ ñi₅. ¹² Tsá₃ jme₂dsí₂ quián₅ mi₂güig₃ la₂ ma₂guén₄ jniog₄; Jme₂dsí₂ a₂já₅ ja₁con₂ Diú₄ bá₄ i₂ma₂ca₂guén₄ jniog₄, ia₁jaun₂ le₃ñi'₂ dsi₅ jniog₄ ca₂le₃jě₃ 'e₂ a₂ma₂cuě₃ Diú₄ jniog₄ ia₁ a₂'ua₁ dsí₅. ¹³ Jniog₄ ně₃, le₂ně₅ lě₅ ca₂le₃jě₃ jág₁ a₂dsia₂ jniog₄ con'₂ lě₅ ma₂ca₂jme₃tag₅ Jme₂dsí₂ quián₅ Diú₄, on₃jua'₅₄ con'₂ lě₅ jág₁ a₂ñi'₂ dsí₅ dsa₂ mi₂güig₃. Le₂ně₅ bá₄ jme₂jñiá₁ jnia'₅₄ jág₁ a₂gu₂dsí₂ qui₂chei₂ jnia'₅₄ dsa₂ i₂gu₂dsí₂. †

¹⁴ Ju₁lia'₂ dsa₂ i₂tsá₃ lín₅ i₂gu₂dsí₂ ně₃, tsá₃ guein₂₃ jág₁ quió'₅ Jme₂dsí₂, ia₁ lě₅ jág₁ co₄ bá₄ la₂ le₃quió'₅ 'éi₂. Tsá₃ lé₂ le₃ñi'₂, ia₁ ca₂le₃jě₃ a₂ně₅ qui₃jíog'₂ 'í₁ tē₂le₃ quian'₅₄ Jme₂dsí₂ bá₄.

¹⁵ La₁ dsa₂ i₂gu₂dsí₂ ně₃, qui₂con₂ 'í₁ le₃jě₃, la₁ia₁ 'i₁jan₂ tsá₃ lé₂ le₃con₂ 'í₁ ja₁coin₂. ¹⁶ Ia₁: ħEin₂ bá₄ 'éi₂ i₂ñi₅

'a₂ lia'₂ dsi₂jio₅ dsí₅ Te₁gui'₅₄,
jua'₅₄ lé₂ le₃jme₃ti_{in}₂₃ 'éi₂? ‡

La₁ jniog₄ ně₃ dsi₂jio₅ dsí₅ ju₁lia'₂ dsi₂jio₅ dsí₅ Cristo.

3

Rin'₅₄ jniog₄ i₂jmo₅ ta₁ jme₂ti₃ ne₄ Diú₄

¹ Rin'₅₄ jniog₄, tsá₃ ca₂lě₃ jua'₅₄ juig₅₄ 'nia'₂ ju₁lia'₂ 'nia'₂ dsa₂ i₂jio₅ con'₂ lě₅ Jme₂dsí₂, tē₂le₃ ju₁lia'₂ 'nia'₂ dsa₂ i₂jio₅ con'₂ lě₅ ni₁ñi₁ bá₄ ca₂juig₂ jniá₂ 'nia'₂, ně₂jag₄ bá₄ guein₂ le₃quió'₅ Cristo. ² Jmá'₃ lia'₂ jág₁ a₂tsá₃ juí'₅ bá₄ ma₂ca₂jme₁ti_n₅ jniá₂ 'nia'₂, ně₂jag₄ bá₄ guein₂ bē'₅₄ i₂'ín'₂ dsi'₅₄ i₂tsá₃ ma₂lě₂ guě'₃ má₃ bēn₂. Dsón'₂ bá₄ jaun₂, tsá₃ ma₂lě₂ nág'₁ 'nia'₂ jág₁ bēn₂. ³ Ia₁ lia'₂ lín₅ dsa₂ i₂jio₅ con'₂ lě₅ ni₁ñi₁ bá₄ guě₄ lín₅ 'nia'₂. Ia₁ tē₂lia'₂ ti_{on}₅₄ 'nia'₂ le₂jaun₂ a₂ui₅ 'au'₂ 'nia'₂, a₂qui₂tsín'₂ 'nia'₂ ně₃, ħTsa₁ i₂nio'₅₄ 'nia'₂ con'₂ jio₅ ni₁ñi₁? ħTsa₁ i₂nio'₅₄ 'nia'₂ ju₁lia'₂ i₂nio₅ dsa₂ mi₂güig₃? ⁴ Ia₁ chi₂jua'₂ chan₂ jan₂ i₂juá'₂: “Dsa₂ quián₅ Pa₄ bá₄ jniá₂”; i₂lín₅₄ guě'₂ dsia₅ táng₃, juá'₂: “Jniá₂ guě'₂ lín₅ dsa₂ quián₅ Apolos”, ħon₁jua'₅₄ lia'₂ lín₅ dsa₂ mi₂güig₃ bá₄ lín₅ 'nia'₂?

⁵ Jaun₂ ně₃, ħein₂ 'éi₂ Apolos? Le₂jaun₂ guě'₂ ħEin₂ 'éi₂ Pa₄? Jñia'₅₄ lia'₂ dsa₂ i₂jme₂ti₃ ta₁ ne₄ Diú₄ bá₄ lág₅ jnia'₅₄ i₂i₂nio₄ jme₂ti_n₁ dsa₂ ju₁lia'₂ ca₂lě₃ jme₁ca₂rě₃ 'én'₂ 'nia'₂ tē₂le₃ quió'₅ Te₁gui'₅₄. Le₂jau₂ le₂jau₂ jnia'₅₄ ma₂ja₂ná_u₅ jmo₂ ta₁ con'₂ lě₅ ma₂cuě₃ Te₁gui'₅₄. ⁶ Jñia'₅₄ con'₂ ca₂jan₃ jon₂ bá₄ jniá₂; Apolos guě'₂ ca₂séi₂ jmig₂. La₁ia₁ 'ñiog₅ bá₄ Diú₄ ca₂jmo₃ ca₂i₃cón₃. ⁷ Jaun₂ ně₃, dsa₂ i₂jne₅, quian'₅₄ guě'₂ i₂séi₂ jmig₂, tsá₃ 'e₂ ti_n₂ 'éi₂; jñia'₅₄ lia'₂ 'ñiog₅ bá₄ Diú₄ jmo₂₃ a₂dsi₂cón₃. ⁸ Ju₁lia'₂ dsa₂ i₂jne₅ quian'₅₄ guě'₂ dsa₂ i₂séi₂ jmig₂, co₂rě₂ bá₄ téin₅ ta₁. Jaun₂ le₂jaun₂ bá₄ gue₃ 'liain'₅₄ le₂jain₂ le₂jain₂ lia'₂ con'₂ lě₅ ta₁ quió'₅. ⁹ Jme₁tí₁ jnia'₅₄ ne₄ Diú₄ quian'₅₄ rin'₅₄ jmo₂ ta₁; 'nia'₂ bá₄ lín₅ co₂'nió'₄ 'uě₃ ja₁nau₂ ja₁lě₂ ta₁. O₃ lé₂ le₃jua'₅₄

* 2:9 Isaías 64:4. † 2:13 o₃, “qui₂chei₂ jnia'₅₄ dsa₂ a₂gu₂dsí₂.” ‡ 2:16 Isaías 40:13.

ján₃, lín₅ 'nia'₂ nē₂jag₄ caun₂ 'né₅ a₂chí₅ quió₅ Diú₄. ¹⁰ 'Uig₅₄ ia₁ a₂'ua₁ dsí₅ Diú₄, ca₂cuē₃ ta₁ a₂tsi₅₄ 'uig₅₄ 'ia'₂, co₂'nió₄ jan₂ tē₅'ia'₂ bá₄ líng₅. I₂sián₂ guē₂ táng₃ jui₂₃ ne₄ jaun₂. Le₂jan₂ le₂jan₂ i₂jui₅ nē₃, ca₂tín₂ con₂ 'í₁ rē₂ chi₂jua'₂ rē₂ bá₄ jui₂₃ tioen₅₄. ¹¹ Ia₁ 'i₁jan₂ tsá₃ ma₃'ein₂ lé₂ chi₃ 'uig₅₄ siá'₂, jñia₅₄ lia'₂ con₂ caun₂ a₂ma₂chí₅ bá₄; a₂jaun₂ lín₅ Cristo 'ñiog₅. ¹² Nē₃ nē₃, jui₁lia'₂ ja₁jui₅ dsa₂ ne₄ 'uig₅₄ jaun₂ quian₅₄ cu₄nióg₄, cu₄tiog₂, quian₅₄ ni₁cang₁ tág₅ jlá'₁, o₃ jui₁lia'₂ ja₁jui₅ 'e₂ dsa₂ quian₅₄ jau₅₄ 'ma₂ o₃ quian₅₄ ni₁nei₂, ni₁'ma₂ ta₅ nē₃, ¹³ tion₅₄ bá₄ le₃jniá₂ ta₁ quió₅ le₂jan₂ le₂jan₂. Jmíg₄ i₁jaún₃, si₂ bá₄ jme₃jnia₅ a₂jaun₂, jióg₂ 'í₁ nē₃ 'a₂ lia'₂ lē₅ ta₁ quió₅ le₂jan₂ le₂jan₂. ¹⁴ Chi₂jua'₂ ca₂jiog₃ a₂ca₂chí₃ dsa₂ jaun₂, gue₃ bá₄ 'liain₅₄; ¹⁵ la₁ nē₁jua'₂ ca₂cáu₂ nē₃, dsi₃'én₂ bá₄ quió₅. La₁ jñia₅₄ con₂ lióin₂ jmá'₃ 'ñiog₅, nē₂jag₄ bá₄ jan₂ dsa₂ i₂ja₂lag₃ ca₂lón₂ ne₄ si₂ bá₄ lé₂.

¹⁶ ¿Tsa₁ ñi₅₄ 'nia'₂, guion₅₄ bá₄ 'nia'₂ líng₅ guá'₅ quió₅ Diú₄, ton₂ guá₅ Jme₂dsi₂ quián₅ Diú₄ tē₂'au'₂ 'nia'₂? ¹⁷ Nē₁jua'₂ 'ein₂ ca₂'én₂ guá'₅ quió₅ Diú₄, Diú₄ nē₃ co₂dsia₅ 'éin₂ dsa₂ 'éi₂. Ia₁ i₂jñiós bá₄ guá'₅ quián₅ Diú₄, jaun₂ guion₅₄ bá₄ 'nia'₂ líng₅ guá'₅.

¹⁸ 'I₁jan₂ 'nia'₂ tsá₃ 'ein₂ jui₁le₂gan₂. Chi₂jua'₂ chan₂ i₂lín₂ 'ñio₅ lín₃ ñí'₂ dsí₅ lia'₂ con₂ lē₅ ñí'₂ dsí₅ dsa₂ mi₂güig₃, jui₁jmo₁₂ co₂dsia₅ ne₂jag₄ bá₄ a₂tsá₃ 'e₂ ñi₅, ia₁jaun₂ guē₄ dsióg₄ léin₂ tē₃dsón₂ dsa₂ i₂tín₂ i₂ñi₅. ¹⁹ Ia₁ ca₂le₃jē₃ a₂ñí₄ 'ñio₅ tín₂ dsa₂ mi₂güig₃, ca₂le₃jē₃ a₂jaun₂ tsá₃ 'e₂ quen₅ le₃ne₄ Diú₄. Ia₁ ne₄ Si₂ juá'₂: “Diú₄ join₂₃ dsa₂ jē₄ mai₅₄ quió₅ guioin₅₄.”* ²⁰ Juá'₂ ne₄ Si₂ ján₃: “I₂ñi₅ bá₄ Te₁gui₅₄ 'a₂ lia'₂ qui₂dsi₂jio₅ dsí₅ dsa₂ i₂tín₂, a₂tsá₃ 'e₂ ta₁ tí₄.”† ²¹ Jaun₂ lē₃, 'i₁jan₂ tsá₃ jui₁dsia₁₂ jág₁ tá₅ le₃quió₅ dsa₂ mi₂güig₃. Ia₁ a₂ca₂tín₂ 'nia'₂ bá₄ ca₂le₃jē₃ a₂cha₂. ²² Pa₄, Apolos, Pe₄,‡ mi₂güig₃ a₂chong₂ jniog₄, 'mú₃, jmíg₄ rē₂nē₃, jui₁la₂ jmíg₄ 'ióg₃ nē₃: ca₂le₃jē₃ bá₄ nē₅ lē₅ quián₂ 'nia'₂. ²³ Le₂jaun₂ guē₂ ján₃, i₂quián₅ Cristo bá₄ 'nia'₂; Cristo guē₂ lín₅ i₂quián₅ Diú₄.

4

Ta₁ a₂ca₂tín₂ dsa₂ i₂chen₄ quián₅ Cristo

¹ Jaun₂ bá₄ nē₃, con₂ jñia₅₄ dsa₂ i₂jme₂ti₃ ta₁ ne₄ Cristo bá₄ ca₂tín₂ dsa₂ jág₂ jnia'₅₄, a₂niog₅ ne₄ jnia'₅₄ jág₁ a₂jme₁rē₂ 'ma₄ quió₅ Diú₄. ² Con₂ siá'₂ táng₃, chi₂jua'₂ le₂nē₅, jaun₂ bá₄ tion₅₄ ca₂tín₂ jui₁lia'₂ dsa₂ i₂niog₅ gu₂ ta₁ le₂'éi₂, jme₃ti₃ quian₅₄ ta₁ a₂ca₂ñi₂. ³ Tē₂le₃ quió₃ jniá₂ nē₃, tsá₃ a₂nag₅₄ jaun₂ nē₁jua'₂ ca₂quion₂ 'nia'₂ 'í₁ le₃ja₁cong₂, o₃ nē₁jua'₂ ca₂cáun₃ 'í₁ dsi₂tan₅₄ dsa₂ mi₂güig₃ 'e₂. Ca₂lia'₂ jñia₅₄ 'ñió₃, tsá₃ cáun₅ 'í₁ le₃ja₁cong₂ 'ñió₃. ⁴ 'I₁caun₂ tsá₃ 'e₂ dsi₂jñi₅ dsi₃. La₁ on₃jua'₅₄ le₂nē₅ o₂'ag₅ jág₁ a₂tsá₃ 'e₂ rē₂cáng₄. 'Ñiog₅ bá₄ Te₁gui₅₄ i₂con₂ 'í₁ quió₃. ⁵ Jaun₂ tsá₃ lē₁cáun₂ de₂ 'nia'₂ 'í₁ tē₃jñiá₅. Jē₁ma₂guán₅ Te₁gui₅₄, téi₂ si₂ ne₄ a₂rē₂ 'ma₄ a₂jmo₅-dsáu₅ dsa₂ jē₄ qui₁né₃; jme₃jniai₂₃ ca₂le₃jē₃ a₂niog₅ qui₂dsi₂jñia₅ dsí₅ dsa₂. Jaun₂ guē₄ gue₃ dsa₂ 'liain₅₄ a₂cuē₃ Diú₄ a₂'ñio₂ dsí₅ quió₅ le₂jain₂ le₂jain₂.

⁶ Rin₅₄ jniog₄, a₂dse₃ quián₂ bá₄ 'nia'₂ juá'₅ jniá₂ ca₂le₃jē₃ a₂nē₅, a₂'íng₅ Apolos quian₅₄ guē₂ 'ñió₃ jniá₂. Juá'₅ le₂nē₅ ia₁jaun₂ tē₂le₃ quian₅₄ jág₁ jáng₅ léi₄ nē₅ quián₂ jnia'₅₄, le₃tín₂ 'nia'₂, a₂tsá₃ jmó'₂ 'nia'₂ ñag₅₄ guē₄ con₂ lē₅ juá'₂ ne₄ Si₂, con₂ tsá₃ ñó₅ nē₁jua'₂ ca₂jmo₅₄ 'nia'₂ rón₂ o₄quió₄ jan₂, a₂jñi₅₄ 'nia'₂ sion₅ i₂sián₂. ⁷ ¿Ein₂ 'éi₂ 'ag₅ 'ne₂ a₂dseng₃ guē₄ lia'₂ con₂ guē₄ ríng₂? ¿E₂ bá₄ bí₂ 'au'₂ jua'₅₄ tsá₃ ma₂cuē₃ Diú₄ nē₃? ¿E₂ guē₂ lē₃ dsia'₂ jág₁ tá₅ nē₂jag₄ bá₄ a₂ca₂jñag₂ 'ñiag₂ a₂cha₂ quiáng₂ jmo₂?

⁸ Jmo₂ 'nia'₂ 'au'₂ 'ñio₅ lín₃ dse₃ ma₂chang₂; ma₂cha₂ quián₂ 'nia'₂ ca₂le₃jē₃. Ma₂jmo₂ 'nia'₂ 'au'₂ ma₂tiáng₅ can₅₄ bá₄ 'nia'₂, tsá₃ ma₃quiong₅₄ jnia'₅₄. jJua'₅₄ mei'₂ guē₃ dsón₂ dsi₂jó₃ ma₂gon₂ 'nia'₂! Jaun₂ bá₄ jme₁lé₂ gon₂ jnia'₅₄ co₂lē₅ quian₅₄ 'nia'₂ jua'₅₄ mei'₂ guē₃ le₂jaun₂. ⁹ Ia₁ lín₂ jniá₂, lia'₂ lē₅ bá₄ tē₂le₃ jē₁ca₂tó₂ bá₄ ma₂chei₃ Diú₄ con₂ jnia'₅₄ i₂lág₅ dsa₂ i₂chen₄ quián₅, a₂jág₂ dsa₂ lia'₂ ja₁jín₂ dsa₂ i₂ma₂'í₄ 'éi'₃ dsián₃. Ma₂ja₂lén₂ dsa₂ jág₂ jnia'₅₄

* 3:19 Job 5:13. † 3:20 Salmo 94:11. ‡ 3:22 griego: Cefas.

ně₂jag₄ a₂lě₁'io'₂ tē₅ dsí₅ jág₃ ca₂lě₃jín₃ i₂chan₂, lia'₂ dsa₂ mī₂güig₃ lia'₂ ángeles ně₃. ¹⁰ Dsa₂ co₄ bá₄ 'ag₅ dsa₂ jnia'₅₄ o₄quió'₄ Cristo; 'nia'₂ guē'₂ ma₂jmo'₂ 'ñio₅ lín₃ ma₂ñi'₂ 'au'₂ jui₁lia'₂ tē₂le₃ quió'₅ Cristo. Ma₂jmo'₂ 'nia'₂ 'ñio₅ lín₃ tiá₂ ma₂tióng'₂; jnia'₅₄ guē'₂ jag'₅₄ táng₃ ně₂jag₄ dsa₂ 'uan₅₄. Jme₂gan₃ dsa₂ 'nia'₂; jnia'₅₄ guē'₂ ně₃ tsá₃ jei₅₄ dsa₂. ¹¹ Ca₂lia'₂ jñi₂o₂ jmi₄g₄ ně₃, ja₂náu₅ jnia'₅₄ a₂ong₄, qui₂rē₂quein₂ dsi₅, tsá₃ cha₂ a₂qui'₅₄, tsá₃ dsi₂néi₂ cha₂ 'io₁ jnia'₅₄. Dsa₂ guē'₂, con'₂ lē₁co₂jmo₂g'₂. ¹² Ja₂náu₅ jnia'₅₄ jmo₂ ta₁ quian'₅₄ gu₂-tag₄ guio₅₄. Jui₁lia'₂ jme₁tē₂'o'₂ dsa₂, caun₂ jág₁ dse₃ bá₄ qui₁jein'₄ jniá₂ quió'₅. Jui₁lia'₂ jme₁co₂'ein₅ dsa₂, la₁ jmo₂ bá₄ jnia'₅₄ tió'₃ dsi₅. ¹³ Chan₂ guē'₂ dsa₂ i₂dsia₅ 'ag₅ 'lig'₅₄, la₁ caun₂ jág₁ dse₃ bá₄ cuē'₂ táng₃ jnia'₅₄. Jág₂ dsa₂ ně₂jag₄ ti₁'ñe'₅₄ a₂tsá₃ ta₁ tí₄, ně₂jag₄ bá₄ jme₁qui₅ quió'₅ dsa₂ mī₂güig₃ ně₃, ca₂lia'₂ jñi₂o₂ jmi₄g₄ ně₃.

¹⁴ On₃jua'₅₄ ia₁jaun₂ cán'₁ 'nia'₂ o₂guí'₃ tó'₅ jniá₂ jág₁ la₂ ne₄ si₂. A₂jaun₂ bá₄ jmo₂₃ jág₁ tē₃jñiá₅ ja₁cong'₂, ně₂jag₄ bá₄ chí'₂-guein₂ quiáng₃ i₂'nió₃ guē'₄ lín₃. ¹⁵ Ia₁ o₁jñia'₅₄ guia₃ mei₅ tē₅ ca₂rē₃chán₃ i₂jme₃tag₅ 'nia'₂ le₃quió'₅ Cristo, la₁ tsá₃ juin₅ ñeí'₅ 'nia'₂ chan₂. Ia₁ le₃quió'₅ Cristo Jesús, tē₂le₃ quian'₅₄ jág₁ dse₃ quió'₅, ca₂lín₃ jniá₂ ñeí'₅ 'nia'₂. ¹⁶ Jaun₂ lē₃, mī₅ jniá₂ ja₁con'₂ 'nia'₂, jaun₂ tón'₂ 'nia'₂ jui₅ i₁ñio'₄ 'nia'₂ ja₁ma₂ñi₃ jniá₂.

¹⁷ 'Uig₅₄ jaun₂ bá₄ tsín₂ jniá₂ Timoteo, i₂jmo₅ jniá₂ dsi₃ co₂'nió'₄ guein₂ quiáng₃ i₂'nió₃ guē'₄ lín₃, i₂rē₂ti'₅₄ le₃ja₁con₂ Te₁gui'₅₄. 'Éi₂ bá₄ jmo₃ dsiog'₂ 'au'₂ 'nia'₂ 'a₂ lia'₂ lē₅ chan₂ jniá₂ a₂éng₂ le₃quió'₅ Cristo, lia'₂ con'₂ lē₅ jme₂tíng₁ guá'₅ ca₂le₂con₂ ja₁siá'₂. ¹⁸ I₂lín₅₄ 'nia'₂ ma₂i₂niog'₅₄ jmo'₂ 'nia'₂ róng'₂, a₂lín'₂ 'nia'₂ a₂tsá₃ ma₃dsióg₄ jniá₂ i₁jíng₁₂ 'nia'₂. ¹⁹ La₁ ñi'₅₄ ta₁ la₂ bá₄ 'nio₃ dsióg₄ i₁jág₃ ně₁jua'₂ ca₂cuē₃ Te₁gui'₅₄ jmi₄g₄. Jmi₄g₄ jaun₂ le₃guion₅₄ jniá₂, on₃jua'₅₄ jmá'₃ jág₁ tá'₅ a₂dsia₅ dsa₂ jin'₄ 'nia'₂ tióin'₅₄, le₃guion₅₄ jniá₂ ján₃ 'a₂ con'₂ bí₂ 'io₂₃. ²⁰ Ia₁ jui₁lia'₂ ja₁gon₂ Diú₄, on₃jua'₅₄ a₂jñia'₅₄ dsi₂lé₂ jmá'₃ jág₁; a₂quian'₅₄ jui₅bí₂ bá₄ ján₃. ²¹ ¿'E₂ 'niog'₂ 'nia'₂: a₂'i₁'ě₃ jniá₂ uig₅ jē₁ma₂dsióg₃, o₃ a₂dsióg₄ jniá₂ caun₂ dse₃ a₂'nió₃ jniá₂ 'nia'₂ a₂'ua₁ dsi₃ 'e₂?

5

Jau'₂ 'í quió'₅ jan₂ dsa₂ i₂ca₂'náu₂ dso₄

¹ 'E₂ ca₂rē₃chá₃ jág₁, a₂chan₂ jan₂ jin'₄ 'nia'₂ 'no₂₃ dso₄, a₂jmo₂₃ a₂lē₅ quiáin₅ bá₄ dsa₂ mī₂ quián₅ jmei₂. Caun₂ dso₄ ca₂lia'₂ jñia'₅₄ dsa₂ i₂tsá₃ cuin₅ Diú₄ bá₄ guē'₄ tsá₃ jmo₂₃ le₂ně₅. ² jmo'₂ guē'₄ 'nia'₂ 'au'₂ a₂tióng'₅₄ dse₃ jmo'₂ róng'₂ tióng'₅₄: 'i₁'Nió'₄ jme₁tón'₂ 'nia'₂ qui'₁-'áu'₂ 'lia'₂ 'au'₂! Dsa₂ i₂ca₂'náu₂ dso₄ ně₅ ca₂tiin₂ o₃'iin₅ bá₄ jin'₄ 'nia'₂ ně₅. ³ O₁jñia'₅₄ tsá₃ quian'₅₄ jniá₂ 'nia'₂ dsi₁ne₁, la₁ 'eng₅₄ bá₄ ja₁ně₅ quian'₅₄ 'nia'₂ tē₂le₃ quian'₅₄ jme₂dsi₂; ma₂cáun₃ jniá₂ 'í₁ ja₁con₂ dsa₂ i₂ca₂jmo₃ le₂ně₅, ně₂jag₄ bá₄ a₂chéng'₅ 'ñi₃o₃ tē₃dsón'₂. ⁴ Ti₃ón'₂ 'nia'₂ long'₂ o₄quió'₄ Te₁gui'₅₄ Jesús, a₂'en₅₄ jniá₂ tē₂le₃ quian'₅₄ jme₂dsi₂ quió₃, quian'₅₄ jui₅bí₂ quió'₅ Te₁gui'₅₄ Jesús, ⁵ a₂jin'₅₄ 'nia'₂ dsa₂ 'éi₂ o₄gú₃ Satanás, ia₁jaun₂ qui₂dsi₃'én₂ ni₁ñi₁₂, ia₁jaun₂ tín'₂ jme₂dsi₂ quió'₅ jmi₄g₄ i₁jáun₃ quió'₅ Te₁gui'₅₄.

⁶ Tsá₃ dse₃ a₂dsia'₂ 'nia'₂ jág₁ tá'₅. ¿Tsa₁ ñi'₅₄ 'nia'₂, “Quian'₅₄ ca₂juig₄ bá₄ levadura guion'₂ ta₁jē₂ ti₁can₁”? ⁷ Jñiá'₃ 'nia'₂ levadura gui'₅₄, ia₁jaun₂ lén'₂ 'nia'₂ co₂'nió'₄ ca₂mí₂g₂ ti₁can₁ a₂tsá₃ levadura quian'₅₄, jui₁lia'₂ tē₃dsón'₂ lín'₅ 'nia'₂. Ia₁ 'ñiog₅ bá₄ Cristo ca₂join₃ n₃o₃ a₂rē₂jein'₅₄ ne₄ Diú₄ o₄quián₂ jniog₄; a₂lín₅ já'₂ cha'₂ i₂ca₂jon₃ Jmi₄g₄ Tē₂'in₅₄ quián₂. ⁸ Jaun₂ lē₃, jme₁go₃ jniog₄ Jmi₄g₄ jaun₂, on₃jua'₅₄ quian'₅₄ levadura gui'₅₄, on₃ guē'₂ quian'₅₄ a₂'lig'₅₄ qui₂dsi₂jñia₅ dsi₅ jniog₄ ja₁con₂ rin'₅₄, on₃ guē'₂ jmó₁ uig₅ dsi₅ ja₁con₂ rin'₅₄; tē₂le₃ jme₁go₃ jniog₄ quian'₅₄ jág₁ tí₅ dsi₂jó'₃.

⁹ Ne₄ si₂ carta quió₃ a₂ca₂tsíng₂ ne'₅₄ 'nia'₂ le₂jñiá₅, ca₂juá'₃ a₂tsá₃ jme₁quian'₅₄ 'nia'₂ dsa₂ i₂nió'₅ jág₁ quian'₅₄ dsa₂ i₂tsá₃ lē₅ dsi₂i₂gu₂. ¹⁰ On₃jua'₅₄ jaun₂ rē'₂ juá'₅ jniá₂ a₂qui₂dsi₃uín'₃ 'nia'₂ co₂dsia₅ co₂ñeí'₅₄ ja₁con₂ dsa₂ i₂'no₅ dso₄, ja₁con₂ dsa₂ i₂'ua'₂ dsi₅, dsa₂ i₂'ang₅, dsa₂ i₂qui₂jme₂juin'₂ diú₄ lag₄ ně₃. Ia₁ co₂ñeí'₅₄ jme₁uín'₃ 'nia'₂ mī₂güig₃ la₂, jua'₅₄ mei'₂ guē'₃ le₂jaun₂. ¹¹ A₂la₂ bá₄ juá'₅, a₂tsá₃ dsi₂ten₅₄ jme₁jen'₂ 'nia'₂ 'ñio₅ lín₃ 'ei₅ caun₂ jág₁ quian'₅₄

jan₂ i₂jmo₅ a₂lín₅ jan₂ rín₅₄ jniog₄, chi₂jua₂ ján₃ guë₂ nió₅ jág₁ quian₅₄ i₂tsá₃ lě₅ dsi₂i₂gu₂, chi₂jua₂ 'ua₂ dsi₅, chi₂jua₂ jme₂juin₂ diú₄ lag₄, chi₂jua₂ qui₂juá₂ jág₁ uig₅, chi₂jua₂ qui₂i₂noi₅₄ le₁'ein₅, chi₂jua₂ qui₂'ang₂₃ ně₃. On₃ guë₂ ca₂tín₂ 'nia₂ quë₅₄ quian₅₄ dsa₂ le₂'éi₂. ¹² Tsá₃ ca₂tín₂ jniá₂ cáun₄ 'í₁ ja₁con₂ dsa₂ i₂tsá₃ quiong₅₄ jniog₄. Diú₄ bá₄ i₂con₂ 'í₁ ja₁con₂ dsa₂ 'éi₂. ¹³ La₁ia₁ 'nia₂, ca₂tíng₂ caun₅₄ 'í₁ jmá₃ lia₂ dsa₂ i₂quiong₅₄ jniog₄. Jaun₂ ně₃: “Dsen₅₄ 'nia₂ cau₅ dsa₂ 'lín₅₄ i₂'en₅₄ jin₄ 'nia₂.”*

6

Mi₅₄ a₂cha₂ jin₄ dsa₂ 'én₂ 'ni₂₃ rín₅₄ ne₄ dsi₂tan₅₄ i₂tsá₃ 'én₂

¹ Jui₁lia₂ jme₁chan₂ 'ein₂ 'nia₂ 'nio₃ dsia₃ dso₄ 'ni₃ rín₅₄, ħ₂a₂ bá₄ lia₂ tiá₂ 'au₂ o₁dsia₄ dso₄ ne₄ jui₁lia₂ dsa₂ i₂tsá₃ Diú₄ cuin₅, 'nió₄ a₂jme₁juig₅₄ 'nia₂ dsa₂ quián₅ Diú₄? ² ħ₂Tsa₁ ħi₅₄ 'nia₂ jua₂ dsa₂ juig₂ quián₅ Diú₄ bá₄ guë₂ i₂con₂ 'í₁ quió₅ dsa₂ mi₂güig₃? Chi₂jua₂ 'nia₂ i₂cáun₂ 'í₁ quió₅ dsa₂ mi₂güig₃ ně₃, ħ₂en₁ jmá₃ guë₂ tsá₃ 'ein₂ i₂tín₂ chan₂ i₂lé₂ jme₃rě₃ jui₁lia₂ mi₅₄ me₂? ³ ħ₂Tsa₁ ħi₅₄ 'nia₂ jua₂ le₂jio₅ ángeles bá₄ quiong₅₄ jniog₄ 'í₁ quió₅? ħ₂Ē₂ guë₄ bá₄ jaun₂ ca₂tág₂ jniog₄ jme₁rě₂ 'e₂ caun₂ o₂me₅₄ dsi₅ rě₂cha₂ ne₄ gua₅₄ 'uë₃ la₂! ⁴ Chi₂jua₂ 'e₂ caun₂ mi₅₄ cha₂ quián₂ 'nia₂, rín₅₄ jniog₄, ħ₂e₂ lě₃ o₂nó₅ 'nia₂ o₂dsia₅₄ dso₄ ne₄ dsa₂ i₂tsá₃ 'e₂ quen₅ le₃quió₅ guá₅? ⁵ Juá₅ jniá₂ le₂ně₅ ia₁jaun₂ le₃guen₅₄ 'nia₂ ca₂la₂. ħ₂O₃ bá₄ 'i₁jan₂ jmá₃ tsá₃ 'ein₂ chan₂ jin₄ 'nia₂ i₂qui₅₄ jmi₄ jme₃rě₃ mi₅₄ a₂niog₅ jin₄ rín₅₄? ⁶ ħ₂Rě₂ guë₄ dsióg₅, lín₂ 'nia₂, jui₁lia₂ jan₂ rín₅₄ jniog₄ dsi₂dsiá₃ dso₄ ne₄ dsa₂ i₂tsá₃ 'én₂?

⁷ Chi₂jua₂ ma₂tion₅₄ 'nia₂ mi₅₄ jin₄ 'nia₂, co₂dsia₅ ma₂tán₂ bá₄ 'nia₂ jág₁ chi₂jua₂ le₂jaun₂. ħ₂Tsa₁ dse₃ guë₄ jmo₃ dsa₂ co₂nei₅₄ tió₃ dsi₅ a₂caun₂ lě₁dsi₂ñi₂ jmóg₂ rín₅₄? ħ₂Tsa₁ dse₃ guë₄ guén₄ jniog₄ jui₁'ang₁₂ 'e₂ 'ang₃ quián₂? ⁸ La₁ 'nia₂ ně₃, jmag₅₄ dsa₂, 'ang₂ quió₅ dsa₂; ca₂tě₂ ja₁con₂ rín₂ 'nia₂ quiong₅₄ jmo₂ le₂ně₅. ⁹ ħ₂O₃ bá₄ tsá₃ ħi₅₄ 'nia₂, tsá₃ ja₁gon₂ Diú₄ ca₂tín₂ dsa₂ i₂tsá₃ cuin₅ Diú₄? Tsá₃ cuin₅ 'nia₂ jmi₄ jua₅₄ a₂le₃gang₂, ia₁ jui₁lia₂ dsa₂ i₂nió₄ nió₅ jág₁ quian₅₄ dsa₂ i₂tsá₃ lě₅ dsi₂i₂gu₂, jui₁lia₂ dsa₂ i₂qui₂jme₂juin₂ diú₄ lag₄, jui₁lia₂ dsa₂ ñe₂ i₂dsi₂ñia₅ dsi₅ lia₂ dsi₂ñia₅ dsi₅ 'io₅₄,* jui₁lia₂ dsa₂ ñe₂ i₂nió₅ jág₁ quian₅₄ dsa₂ ñe₂ rín₅₄, ¹⁰ jui₁lia₂ dsa₂ 'ang₂, dsa₂ i₂'ua₂ dsi₅, dsa₂ i₂nió₄ 'en₅, dsa₂ i₂nió₄ qui₂dsia₂₃ jág₁ tē₂jág₁, dsa₂ i₂lí₂ cu₄ tē₂le₃ quian₅₄ a₂'ñioi₅₄ jme₂gain₂₃ rín₅₄: dsa₂ le₂'éi₂ ně₃, tsá₃ ca₂tín₂ ja₁gon₂ Diú₄. ¹¹ Le₂ně₅ bá₄ jme₁chan₂ i₂lín₅₄ 'nia₂ le₂jniá₅. La₁ 'ñiog₅ bá₄ Diú₄ ma₂qui₂ca₂rín₃ jme₂dsi₂ quián₂ 'nia₂, ma₂lě₅ 'í₁ quián₅, ca₂guei₃ Diú₄ 'nia₂ ně₂jag₄ bá₄ a₂tsá₃ 'e₂ dso₄ rín₂ 'nia₂, tē₂le₃ quian₅₄ Te₁gui₅₄ Jesús, quian₅₄ guë₂ Jme₂dsi₂ quián₅ Diú₄ quián₂.

A₂'nió₅ jmo₃ dsa₂ 'í₁ ni₁ñi₁₂

¹² Chan₂ dsa₂ i₂juá₂: “I₄ bá₄ 'éi₃ le₃jmo₃ dsa₂ 'e₂ 'nio₃ jmo₃.” Dsón₂ bá₄ dsau₅, la₁ tsá₃ jua₅₄ ca₂le₃jě₃ jaun₂ jme₂'o₅₄. Dsau₅ bá₄ “I₄ 'éi₃ le₃jmo₅₄ jniá₂ ca₂le₃jě₃ 'e₂ 'nio₃ jmo₅₄”, la₁ia₁ tsá₃ cuin₄ jniá₂ jmi₄ jua₅₄ co₂dsia₅ jin₄ jniá₂ co₂nei₅₄ ne₄ 'i₁caun₂. ¹³ Dsau₅ bá₄ jui₁lia₂ juá₂ dsa₂: “Lě₅ má₃ o₄quió₄ rě₂tú₅ dsa₂; rě₂tú₅ guë₂ dsa₂ lě₅ o₄quió₄ má₃.” La₁ já₅ jmi₄ a₂'én₂ Diú₄ ta₁tín₃. La₁ tsá₃ ta₁ jaun₂ qui₅ ni₁ñi₁₂ jua₅₄ a₂'no₃ dsa₂ dso₄ quian₅₄ i₂sián₂. Ta₁ a₂qui₅ ni₁ñi₁₂, a₂jme₃ti₃ ta₁ ne₄ Te₁gui₅₄ bá₄ jaun₂; jaun₂ Te₁gui₅₄ ně₃ i₂cuë₅ bí₂ quió₅ ni₁ñi₁₂. ¹⁴ Ia₁ jui₁lia₂ ca₂jme₃jen₅₄ Diú₄ Te₁gui₅₄ quian₅₄ jui₅bí₂ quió₅, le₂jaun₂ bá₄ jmo₃ a₂jein₅₄ guë₂ jniog₄ ján₃.

¹⁵ ħ₂Tsa₁ ħi₅₄ 'nia₂ jaun₂ a₂tén₅ tē₂le₃ quió₅ Cristo bá₄ ni₁ñi₁ 'nia₂? ħ₂On₃ bá₄ lé₂ le₃tion₄ jniog₄ jui₁lia₂ a₂tén₅ ni₁ñi₁ Cristo le₃ja₁con₂ jui₁lia₂ jan₂ 'io₅₄ i₂'nag₅ quió₅? ħ₂Tsá₃ jui₁le₅₄ bá₄ le₂jaun₂! ¹⁶ ħ₂Tsa₁ ħi₅₄ 'nia₂, jui₁lia₂ jan₂ dsa₂ ñe₂ i₂nió₅ jág₁ quian₅₄ jan₂ 'io₅₄ i₂'nag₅ quió₅, co₂'nió₄ caun₂ ni₁ñi₅ bá₄ lě₅ jě₁le₃oin₃ le₂jaun₂? Ia₁ ne₄ Si₂ juá₂: “Co₂'nió₄ caun₂ ni₁ñi₅ lé₂

* 5:13 Deuteronomio 17:7; 19:19; 21:21,24; 24:7.

* 6:9 o₃, “dsa₂ ñe₂ i₂'nag₅ quió₅.”

le₃oin₃ le₂jaun₂.[†] 17 La₁ jui₁lia'₂ jan₂ dsa₂ i₂rē₂quian'₅₄ Te₁gui'₅₄, co₂'nió'₄ jan₂ jme₂dsí₂ bá₄ lé₂ quiaín'₅₄.

18 Cuíng₄ 'nia'₂ ja₁con₂ a₂'lig'₅₄ jui₁lia'₂ a₂qui₂'no₅ dsa₂ dso₄ quian'₅₄ i₂sián'₂. Jui₁'e₂ guě₃ dso₄ siá'₂ a₂'no₅ dsa₂, 'no₂₃ le₃co'₅₄ ni₁ñi₁₂ bá₄. La₁ jui₁lia'₂ dsa₂ i₂nió'₅ jág₁ quian'₅₄ i₂tsá₃ lín₅ dsi₂i₂gu₂, 'no₂₃ dso₄ ja₁con₂ ni₁ñi₁ 'ñiog₅ bá₄. 19 ¿Tsa₁ ñi'₅₄ 'nia'₂ a₂lē₅ ni₁ñi'₁ 'nia'₂ caun₂ guá'₅ ja₁'en₅₄ Jme₂dsí₂ Jñi₀₅ i₂ma₂cuín₃ Diú₄? Jaun₂ tsá₃ lē₅ jua'₅₄ a₂tén'₅ guion'₅₄ 'nia'₂; 20 ia₁ i₂ma₂ca₂lán₂ 'mu'₅₄ lín₃ Diú₄ 'nia'₂. Jaun₂ bá₄ lē₃ ca₂tín'₂ 'nia'₂ jme₁gan'₃ Diú₄ tē₂le₃ quian'₅₄ ni₁ñi'₁ 'nia'₂.

7

A₂to'₂ jág₁ dse₃ tē₂le₃ quió'₅ jui₁lia'₂ dsa₂ i₂jén'₂ gu₂

1 La₂ jein'₄ jniá₂ jág₁ quiaín'₂ 'nia'₂ a₂juá'₂ 'nia'₂ ne₄ si₂ a₂ca₂chen'₂ 'nia'₂ ne₃. 2 Dsón'₂ bá₄ dse₃ jua'₅₄ mei'₂ guě₃ co₂ñei'₅₄ tsá₃ jén'₂ dsa₂ ñe'₂ gu₂; la₁ 'uig₅₄ ia₁ ñi₄ lē₃ qui₂i₂nio₄ dsa₂ jmo₂₃ 'lig'₅₄ jmi₄g₄ nē₃, jaun₂ bá₄ lē₃ co₂ñei'₅₄ jui₁jen'₅₄ bá₄ dsa₂ mí₂ dsa₂ ñe'₂ gu₂, jui₁le₂chan₂ bá₄ dsi₂i₂gu₂ le₂jain₂ le₂jain₂. 3 Dsa₂ ñe'₂ guě'₂ nē₃ ca₂tín₂ jme₃ti₃ ca₂le₃jě₃ con'₂ a₂ca₂tín₂ jme₃ti₃ le₃ja₁con₂ dsa₂ mí₂ quiaín₅; le₂jaun₂ guě'₂ dsa₂ mí₂ nē₃ ca₂tín₂ jme₃ti₃ táng₃ le₃ja₁con₂ dsi₂i₂gu₂ ca₂le₃jě₃ con'₂ a₂ca₂tín₂ jme₃ti₃. 4 On₃jua'₅₄ a₂ca₂tín₂ 'ñiog₅ dsa₂ mí₂ ni₁ñi₁₂ 'ñio'₂; a₂ca₂tín₂ dsa₂ ñe'₂ quiaín₅ bá₄ ján₃. Ján₃ guě'₂ le₂jaun₂ dsa₂ ñe'₂ táng₃, on₃jua'₅₄ a₂ca₂tín₂ 'ñiog₅ 'éi₂ ni₁ñi₁₂; a₂ca₂tín₂ dsa₂ mí₂ quiaín₅ bá₄ ján₃. 5 Tsá₃ lē₁jmo₂ 'nia'₂ jua'₅₄ a₂tsá₃ guéin'₄ le₂jang'₂ le₂jang'₂, jñia'₅₄ lia'₂ chi₂jua'₂ 'niog'₂ jmó'₂ 'nia'₂ caun₂ jág₁ a₂tsá₃ tiáng'₄ 'nia'₂ co₂lē₅ tin₃-ni₅ jmi₄g₄ ia₁ a₂'niog'₂ jmó'₂ ca₂ne₅₄ chi₁lég'₄ Diú₄, jme₂'ing'₄ tē₂lia'₂ jmi₄g₄ jaun₂. Jē₁ma₂ca₂ñi₂ jmi₄g₄ jaun₂, tián'₂ táng₃ 'nia'₂. Ia₁ con'₂ tsá₃ ñó₅ nē₁ca₂caun₃ táu₂ i₂sē₃dsen₃ nē₁jua'₂ tsá₃ ca₂tió'₃ 'au'₂ 'nia'₂.

6 Ca₂le₃jě₃ a₂juá'₅ jniá₂ nē₅ cuē₅ jniá₂ 'nia'₂ jmi₄g₄, on₃jua'₅₄ rē'₂ a₂ton'₂ jniá₂ 'nia'₂ caun₂ 'éi'₃. 7 Con'₂ juá'₅ jniá₂ 'ñi₀₃, 'nio₃ jniá₂ jua'₅₄ ca₂le₃jín₃ bá₄ dsa₂ ñe'₂ lín₅ lia'₂ lín₅ 'ñi₀₃; la₁ con'₂ nē₅ tin₂ Diú₄ jma₃quén₅ ma₂cuē'₃ dsa₂ 'a₂ lia'₂ niog₅ lín₅ dsa₂ le₂jain₂ le₂jain₂.

8 Jui₁lia'₂ dsa₂ i₂tsá₃ gu₂ le₁jen'₂, jui₁lia'₂ dsa₂ mí₂ i₂ma₂'ní₂ nē₃, juá'₅ jniá₂ 'e₂ guě₄ dse₃ jua'₅₄ co₂ñei'₅₄ bá₄ tsá₃ ma₃jéin'₂ gu₂, tiain'₃ jui₁lia'₂ chan₂ jniá₂ tsá₃ 'ein₂ gua₅₄ quiang'₅₄.

9 La₁ia₁ nē₁jua'₂ tsá₃ qui₅₄ jmi₄g₄ jmo₃ tió'₃ dsí₅ nē₃, jui₁jein'₅₄ gu₂, ia₁ ja₂lín₃ guě₄ dse₃ bá₄ jéin'₂ co₂ñei'₅₄ gu₂, lia'₂ con'₂ guě₄ a₂ñi₄ dsíin'₂ 'ñiog₅.

10 La₁ juá'₅ jniá₂ juíg₂ ca₂le₃jín₃ jui₁lia'₂ i₂ma₂tián'₅ le₁jen'₂ gu₂, tsá₃ ma₃o₁tein₅₄ riin'₅₄ le₂jain₂ le₂jain₂. 'Éi'₃ nē₅ on₃jua'₅₄ 'éi'₃ quió₃ jniá₂ 'ñi₀₃; 'éi'₃ quió'₅ Te₁gui'₅₄ 'ñiog₅ bá₄ nē₅.

11 La₁ nē₁jua'₂ chan₂ jan₂ dsa₂ mí₂ ca₂téin₂ dsi₂i₂gu₂, jui₁gua₂ bá₄ tei₄ 'ñiog₅; o₃ jui₁'ei₅₄ bá₄ táng₃ caun₂ jág₁ quian'₅₄ dsi₂i₂gu₂ 'e₂. Le₂nē₅ bá₄ jui₁lia'₂ dsa₂ ñe'₂ táng₃, tsá₃ 'nió'₅ téin₂ dsa₂ mí₂ quiaín₅.

12 Juíg₂ jniá₂ jui₁lia'₂ i₂sián'₂, (jág₁ quió₃ 'ñi₀₃, on₃jua'₅₄ 'éi'₃ quió'₅ Te₁gui'₅₄): Chi₂jua'₂ tsá₃ 'én₂ dsa₂ mí₂ quiaín₅ jui₁lia'₂ jan₂ dsa₂ 'én₂ rin'₅₄ jniog₄, la₁ nē₁jua'₂ 'ñio₂ bá₄ dsí₅ dsa₂ mí₂ 'éi₂ guá₅ quiong'₅₄, tsá₃ 'nió'₅ téi₂ rin'₅₄ jniog₄ 'éi₂. 13 O₃ chi₂jua'₂ dsa₂ ñe'₂ i₂tsá₃ 'én₂ lín₅ dsi₂i₂gu₂ jan₂ dsa₂ mí₂ i₂'én₂, la₁ nē₁jua'₂ 'ñio₂ bá₄ dsí₅ guá₅ quiaín'₅₄ dsa₂ mí₂ 'éi₂, ján₃ bá₄ tsá₃ ca₂tín₂ dsa₂ mí₂ téi₂ ján₃. 14 Ia₁ jui₁lia'₂ dsi₂i₂gu₂ i₂tsá₃ 'én₂ nē₃, ma₂jmo₅ bá₄ Diú₄ a₂lē₅ 'í₁ tē₂le₃ quian'₅₄ dsa₂ mí₂; dsa₂ mí₂ i₂tsá₃ 'én₂ nē₃, lē₅ bá₄ 'í₁ quiaín₅ Diú₄ tē₂le₃ quian'₅₄ dsa₂ ñe'₂ i₂'én₂ rin'₅₄ jniog₄. Jua'₅₄ mei'₂ tsá₃ le₂jaun₂, 'uín₂ chi'₂-guein₂ quiaín'₂ 'nia'₂ tsá₃ le₁jín₃. La₁ia₁, lia'₂ con'₂ tí₅ jág₁, ma₂jñi₀₅ bá₄ 'éi₂. 15 La₁ jui₁lia'₂ dsa₂ ñe'₂ o₃ dsa₂ mí₂ i₂tsá₃ 'én₂ nē₃, chi₂jua'₂ tion₅₄ 'nio₃ téin₂ riin'₅₄, jui₁tein₅₄ riin'₅₄. Tsá₃ lē₅ jua'₅₄ rē₂jnág₅ jui₅ quió'₅ dsa₂ i₂'én₂

† 6:16 Génesis 2:24.

rín⁵⁴ chí₂jua'₂ le₂jaun₂.^{*} Ia₁ ma₂tě₃ Diú₄ jniog₄ a₂le₃chong₂ le₁'ág₄ tei₄ dsi₅. ¹⁶ Ia₁, ċ'a₂ lia'₂ ŋi'₅₄ 'ne₂ dsa₂ mí₂, jua'₅₄ lé₂ long'₅₄ dsi₂i₂gog'₂? Le₂jaun₂ guē'₂ 'ne₂ dsa₂ ŋe'₂, ċ'a₂ bá₄ lia'₂ ŋi'₅₄ jua'₅₄ lé₂ long'₅₄ dsa₂ mí₂ quiáng'₂?

¹⁷ Jñia'₅₄ lia'₂ jui₁i₂nio₄ dsa₂ le₂jain₂ le₂jain₂ jui₁lia'₂ niog₅ lě₅ jui₅ ma₂chei'₃ Te₁gui'₅₄, lia'₂ con'₂ lě₅ ma₂tě₅ Diú₄. 'Éi'₃ nē₅ cuē₅ jniá₂ ca₂le₃jín₃ guá'₅. ¹⁸ Chí₂jua'₂ i₂lín₅₄ ma₂le₁uīng₁ lo₄ lia'₂ con'₂ jme₁ca₂rě₃'éin₂ ca₂tě₃ Te₁gui'₅₄, tsá₃ jui₁jme₂tsín₃ léi₄ jaun₂. O₃ chí₂jua'₂ 'ein₂ ca₂rě₃'én₂ le₃quió'₅ Te₁gui'₅₄ tē₃ tsá₃ rē₂uīng₄ quió'₅, tsá₃ jui₁guein₁₂ uīng₃ quió'₅. ¹⁹ Ia₁ tsá₃ 'e₂ dsen₅₄ ta₁ jua'₅₄ rē₂uīng₄ o₃ tsá₃ rē₂uīng₄ quió'₅ dsa₂ te₁i₂nioi₅₄. A₂jme₃ti₃ 'éi'₃ quió'₅ Diú₄ bá₄ dsa₂ dsen₅₄ ta₁. ²⁰ Le₂jan₂ le₂jan₂ bá₄ dsa₂ ca₂tīn₂ le₃chain₂ lia'₂ con'₂ lín₅ 'ñiog₅ lia'₂ con'₂ jme₁ca₂tě₃ Te₁gui'₅₄. ²¹ Chí₂jua'₂ jme₁lín₄ dsa₂ i₂jme₂ti₃ a₂tsá₃ 'liang'₅₄, lia'₂ con'₂ jme₁ca₂tě₃ Te₁gui'₅₄, tsá₃ jmo₂ 'i₅ 'au'₂ a₂jaun₂; la₁ chí₂jua'₂ ca₂cuin₃ jmig₄ a₂tsá₃ ma₃lén₄'₂ dsa₂ i₂jme₂ti₃ ta₁, ja₂lín₃ guē₄ dse₃ quió'₅₄ jui₅ jaun₂. ²² Jui₁lia'₂ dsa₂ i₂jme₁lín₄ i₂jme₂ti₅ ta₁ ne₄ dsa₂ lia'₂ con'₂ jme₁ca₂tě₃ Te₁gui'₅₄, la₁ rē₂ně₃ ně₃ ma₂lín₅ dsa₂ i₂jme₂ti₃ le₃ja₁con₂ Te₁gui'₅₄. Ján₃ bá₄ guē'₂ le₂jaun₂ jui₁lia'₂ dsa₂ i₂tsá₃ 'ein₂ ne₄ jme₁jme₂ti₃ lia'₂ con'₂ jme₁ca₂tě₃ Te₁gui'₅₄ la₁ rē₂ně₃ guē'₂ ně₃, ma₂lín₅ dsa₂ i₂jme₂ti₃ ta₁ ne₄ Cristo. ²³ I₂ca₂quín₁ 'mu'₅₄ lín₃ bá₄ 'nia'₂ ca₂láu₂ Cristo. Jaun₂ tsá₃ ma₃cuín₅ 'nia'₂ jmig₄ jua'₅₄ a₂jme₁ti₄ guē₄ ne₄ dsa₂ mi₂güí₃. ²⁴ Le₂ně₅ bá₄ jaun₂, 'nia'₂ rín₅₄ jniog₄, jui₁tión'₂ bá₄ 'nia'₂ lia'₂ jme₁lín₄ lia'₂ con'₂ jme₁ca₂tě₃ Diú₄ 'nia'₂.

²⁵ Nē₃ ně₃, jui₁lia'₂ dsa₂ mi₄ i₂tsá₃ dsa₂ ŋe'₂ ma₂jio₅, tsá₃ 'e₂ 'éi'₃ ma₂ñi₂ jniá₂ ja₁con₂ Te₁gui'₅₄. La₂ cuē₅₄ jniá₂ já₁ lia'₂ con'₂ ŋi'₂ dsi₃, co₂'nió'₄ jan₂ i₂tí₅ já₁ quió'₅ ia₁ a₂ñéi₂ dsi₅ Te₁gui'₅₄. ²⁶ Jaun₂ lín₂, ja₂lín₃ guē₄ dse₃ jua'₅₄ co₂ñei'₅₄ guē₄ jui₁chan'₂ bá₄ 'nia'₂ 'a₂ lia'₂ lě₅ chang'₂, 'uig₅₄ ia₁ 'ñio₅ lín₃ cha₂ o₂me'₅₄ dsi₅ jmig₄ rē₂ně₃. ²⁷ Chí₂jua'₂ majen'₂ gog'₂, tsá₃ jmó'₂ 'au'₂ jua'₅₄ téng'₄ ríng'₂. Chí₂jua'₂ tsá₃ majen'₂ guē'₂ gog'₂, tsá₃ lē₁ 'nág'₂ dsa₂ mí₂ i₂ne'₅₄ quiang'₅₄. ²⁸ La₁ nē₁jua'₂ ca₂jen'₂ guē'₂ gog'₂, on₃jua'₅₄ 'e₂ dso₄ jaun₂. Le₂jaun₂ bá₄ ján₃ jui₁lia'₂ dsa₂ mi₄, chí₂jua'₂ ca₂jéin'₂ gu₂, on₃jua'₅₄ 'e₂ dso₄ jaun₂ ján₃. La₁ jñia'₅₄ lia'₂ a₂jaun₂ bá₄ juá'₅ jniá₂, le₃chain₂ quian₅ o₂me'₅₄ dsi₅ mi₂güí₃ la₂. A₂jaun₂ tsá₃ jme₁'nio₃ jniá₂ dsi₂ñi'₂ 'nia'₂.

²⁹ A₂la₂ bá₄ 'nio₃ jniá₂ juá'₄, rín₅₄ jniog₄. Tsá₃ ma₃uē₂ le₃'ag₄ a₂dsióg₄ Jmí₄ quió'₅ Te₁gui'₅₄. 'Uig₅₄ jaun₂, juí₂ jniá₂ 'nia'₂: ně₃ tē₂le₃ ne₄ jui₅, ca₂le₃jín₃ i₂ma₂tián₅ quian'₅₄ dsa₂ mí₂, jui₁le₂chain₂ nē₂jag₄ bá₄ a₂tsá₃ dsa₂ mí₂ quiáin₅ chan₂. ³⁰ Jui₁lia'₂ dsa₂ i₂chan₂ qui₂le₁qui'₂ dsi₅, jui₁jmo₁₂ bá₄ dsi₅ nē₂jag₄ bá₄ a₂tsá₃ 'e₂ o₂i₁ dsi₅ chain₂. Le₂jaun₂ guē'₂ jui₁lia'₂ dsa₂ i₂jmo₅ 'io'₂, ca₂tīn₂ bá₄ jmo₃ nē₂jag₄ bá₄ a₂tsá₃ dse₃ chain₂. Le₂jaun₂ guē'₂ ján₃ jui₁lia'₂ dsa₂ i₂qui₂lá₅ 'e₂ lá₅, jui₁jmo₁₂ bá₄ dsi₅ nē₂jag₄ bá₄ on₃jua'₅₄ a₂quió'₅ 'e₂ ma₂lá₃. ³¹ Le₂jaun₂ guē'₂ jui₁lia'₂ dsa₂ i₂jmó'₂ ta₁ a₂cha₂ mi₂güí₃ la₂, jui₁jmo₁₂ bá₄ dsi₅ nē₂jag₄ bá₄ a₂tsá₃ chí₂quian₂₃ jmig₄ a₂jaun₂. Ia₁ ma₂ja₂quían₃ dsi₃ñi'₂ bá₄ lia'₂ lě₅ mi₂güí₃ la₂.

³² Jaun₂ 'nio₃ jniá₂ tsá₃ tón'₂ 'nia'₂ qui₂le₁quian'₄ 'nia'₂ o₂i₁ dsi₅. Ia₁ jui₁lia'₂ jan₂ dsa₂ ŋe'₂ i₂con'₂ 'ñio'₂ i₂tsá₃ dsa₂ mí₂ quian'₅₄, 'i₅ dsi₅ tē₂le₃ quió'₅ Te₁gui'₅₄, ton'₂ jmo₂₃ bá₄ a₂'ñio₂ dsi₅ 'éi₂. ³³ Ia₁ jui₁lia'₂ dsa₂ i₂jen'₂ gu₂ ně₃, 'ñio₅ lín₃ guē₄ dsan₂ dsi₅ jui₁lia'₂ 'e₂ a₂niog₅ cha₂ mi₂güí₃, 'a₂ lia'₂ jmo₃ a₂'ñio₂ dsi₅ 'io₅₄ quiáin₅. ³⁴ Jma₃quén₅ bá₄ dsi₂jio₅ dsi₅. Jui₁lia'₂ jan₂ 'io₅₄ i₂tsá₃ gu₂ ma₂rē₂jen'₂, o₃ jan₂ dsa₂ mi₄ 'e₂, 'ñio₅ guē₄ dsan₂ dsi₅ tē₂le₃ o₄quió'₄ Te₁gui'₅₄, a₂'nio₃ lén₂ 'í₁ le₃ja₁con₂ Diú₄, lia'₂ le₃quió'₅ ni₁ñi₁₂, lia'₂ le₃quió'₅ jme₂dsi₂ ně₃. La₁ jui₁lia'₂ dsa₂ mí₂ i₂ma₂chan₂ dsi₂i₂gu₂ guē'₂ ně₃, 'ñio₅ lín₃ guē₄ dsan₂ dsi₅ jui₁lia'₂ 'e₂ niog₅ cha₂ mi₂güí₃, 'a₂ lia'₂ jmo₃ a₂'ñio₂ dsi₅ dsa₂ ŋe'₂ quiáin₅.

* 7:15 lit. "Tsá₃ chí₁'ñe'₅₄ dsa₂ i₂'én₂ rín₅₄ chí₂jua'₂ le₂jaun₂."

³⁵ A₂dse₃ quián' ₂ bá₄ 'nia' ₂ juá' ₅ jniá₂ le₂nē₅, on₃jua' ₅₄ rē' ₂ a₂jni₄ jniá₂ quián' ₂ 'nia' ₂, tē₂le₃ ia₁jaun₂ le₃chan' ₂ 'nia' ₂ lia' ₂ con' ₂ dsi₂ten₅₄, ia₁jaun₂ lé₂jang' ₅₄ 'nia' ₂ 'au' ₂ ne₄ Te₁gui' ₅₄ tē₃ tsá₃ jnág₅ cha₂.

³⁶ La₁ chi₂jua' ₂ 'ein₂ chan₂ jan₂ dsa₂ mi₄ i₂jme₁ma₂li' ₅₄ jág₁ a₂jén' ₂ gu₂ quaiain' ₅₄, ton' ₂ ma₂ca₂ñí₂ jmi₄ i₁jén' ₂ gu₂, chi₂jua' ₂ lín₂ a₂tsá₃ jmo₂₃ lia' ₂ dsi₂ten₅₄ ja₁con' ₂ 'éi₂, chi₂jua' ₂ le₂jaun₂ dsi₂ten₅₄ lé₂ a₂jén' ₂ gu₂, jui₁jmo₁₂ bá₄ 'a₂ lia' ₂ 'ñio₂ dsí₅; lé₂ bá₄ qui₂jén' ₂ gu₂, ia₁ on₃jua' ₅₄ 'e₂ dso₄ jaun₂. ³⁷ La₁ jui₁lia' ₂ dsa₂ i₂ma₂'ei₅ caun₂ dsí₅, on₃jua' ₅₄ a₂'nió' ₅ 'ein₂ qui₂chi₂quióng₂ jmi₄, tē₂le₃ qui' ₅₄ jmi₄ jmo₃ 'í₁ 'ñiog₅, a₂dse₃ bá₄ jaun₂. ³⁸ Jaun₂ le₂nē₅ bá₄, jui₁lia' ₂ dsa₂ i₂jén' ₂ gu₂, a₂dse₃ bá₄ jmo₂₃; la₁ia₁ jui₁lia' ₂ i₂tsá₃ jén' ₂ gu₂ ja₂lin₃ guē₄ dse₃ jmo₂₃.†

³⁹ 'I₄ 'éi' ₃ jiog₃ dsa₂ mī₂ jñiai₃ dsi₂i₂gu₂ 'a₂ con' ₂ jñia' ₅₄ jmi₄ chan₂ 'éi₂. Nē₁ca₂jon₃ dsi₂i₂gu₂ guē' ₂ nē₃, jaun₂ guē₄ le₃jñin₅₄ guá₃ táng₃ jén' ₂ gu₂ chi₂jua' ₂ 'ein₂ quaiain' ₅₄ 'nio₃, la₁ lē₃ jua' ₅₄ lín₅ dsa₂ 'én₂ 'éi₂. ⁴⁰ La₁ ja₂lin₃ guē₄ dse₃ le₃chain₂ jua' ₅₄ co₂ñei' ₅₄ tsá₃ ma₃gu₂ jén' ₂ táng₃. Le₂nē₅ con' ₂ lín₂ jniá₂ bá₄. Qui₂dsi₂jio₅ dsi₃ con' ₂ lē₅ jio₅ Jme₂dsí₂ quián₅ Diú₄ bá₄, lín₂ jniá₂.

8

Jui'lia' ₂ ñi₄ já' ₂ a₂qui₂rē₂jen' ₅₄ ne₄ diú₄ lag₄

¹ La₂ juá' ₄ táng₃ jui₁lia' ₂ cuente quió' ₅ ñi₄ já' ₂ a₂qui₂jén' ₅ dsa₂ ne₄ diú₄ lag₄. Dsón' ₂ bá₄ jaun₂ cha₂ a₂ne₄ jniog₄, ca₂le₃jág₃. Jui₁lia' ₂ a₂ñi₅ dsa₂ nē₃, a₂jaun₂ bá₄ jmo₅ a₂róin₂; la₁ jui₁lia' ₂ a₂'nió₃ dsa₂ riin' ₅₄, a₂jaun₂ bá₄ jmo₅ a₂dsi₂cóin₃. ² Chi₂jua' ₂ chan₂ i₂juá' ₂ ma₂tiin₂, tsá₃ bá₄ guē₄ 'e₂ ma₂tiin₂ lia' ₂ con' ₂ dsi₂ten₅₄ le₃tiin₂. ³ Chi₂jua' ₂ 'ein₂ tē₃dsón' ₂ 'nioi₃ Diú₄, i₂cuin₅ bá₄ Diú₄ dsa₂ le₂'éi₂.

⁴ Jaun₂ nē₃, jág₁ jui₁lia' ₂ a₂quig' ₂ dsa₂ ñí₅ a₂ma₂tē₁no₁ nē₂jén' ₃ dsa₂ ne₄ diú₄ lag₄: ne₄ bá₄ jniog₄ jaun₂, 'i₁caun₂ tsá₃ 'e₂ quen₅ jui₁lia' ₂ diú₄ lag₄ ne₄ gua' ₅₄ 'uē₃ la₂, ia₁ jñia' ₅₄ lia' ₂ jan₂ bá₄ Diú₄ chan₂. ⁵ Jui₁'a₂ guē₃ la₂ chan₂ i₂tē' ₂ dsa₂ diú₄ guei' ₅₄ i₂juíg₃ quian' ₅₄ ne₄ gua' ₅₄ 'uē₃, (ia₁ tē₃dsón' ₂ lē₅ le₂jaun₂ nē₃, a₂niog₅ chan₂ juin₅ "diú₄", ján₃ guē' ₂ le₂jaun₂ juin₅ i₂gon₂ ján₃), ⁶ la₁ tē₂le₃ quián₂ jniog₄ nē₃, jñia' ₅₄ lia' ₂ jan₂ bá₄ Diú₄ chan₂, i₂lín₅ Jmei₂ jniog₄, i₂ca₂jmo₃ ca₂le₃jē₃ 'e₂ niog₅ cha₂. Le₂jaun₂ guē' ₂ jniog₄ nē₃ chong₂ o₄quió' ₄ 'éi₂. Jñia' ₅₄ lia' ₂ jan₂ tan₅₄ bá₄ i₂gon₂, i₂lín₅ Jesucristo. Tē₂le₃ ne₄ o₄quió' ₄ 'éi₂ bá₄ ca₂lē₃ ca₂le₃jē₃ a₂cha₂, ca₂tē₂ jniog₄ guio₅₄ nē₃, chong₂ tē₂le₃ quian' ₅₄ 'éi₂.

⁷ La₁ tsá₃ ca₂le₃jín₃ ñi₅ a₂nē₅. I₂chan₂ bá₄ guē₄ i₂qui₂ma₂tiin₂ dsí₅ jme₂gain₃ diú₄ lag₄, jmo₂₃ bá₄ guē₄ dsí₅ jui₁lia' ₂ jme₁quig' ₂ ñí₅ a₂ma₂jáu' ₅ ne₄ diú₄ lag₄, 'uig₅₄ ia₁ a₂'uan₅₄ jme₂dsí₂ quió' ₅, tsá₃ caun₂ a₂qui₂dsi₂jein₃ dsí₅, ma₂ca₂rē₃'iog₅ bá₄ jme₂dsí₂ quió' ₅. ⁸ Dsón' ₂ bá₄, on₃jua' ₅₄ o₄quió' ₄ má₃ náu₂ jniog₄ rē₂ ne₄ Diú₄. Ia₁ on₃jua' ₅₄ a₂náu₂ rē₂ guē₄ ne₄ 'éi₂, nē₁jua' ₂ ca₂que₅₄, on₃ guē' ₂ jua' ₅₄ a₂tsá₃ rē₂ tióg₂ nē₁jua' ₂ tsá₃ ca₂que₅₄ guē' ₂ táng₃. ⁹ La₁ia₁ jag₄ de' ₂ 'nia' ₂, ia₁ con' ₂ tsá₃ ñó₅ nē₁qui₂ca₂sén' ₂ jui₁lia' ₂ i₂'uan₅₄, 'uig₅₄ ia₁ a₂rē₂na₁ jui₅ quián' ₂ 'nia' ₂ a₂lé₂ le₃quio' ₅₄. ¹⁰ Chi₂jua' ₂ ñi' ₅₄ 'ne₂ rē₂ 'a₂ lia' ₂ dsi₂ten₅₄ jmo' ₂, nē₁jua' ₂ ca₂jág₂ jan₂ rin' ₅₄ i₂'uan₅₄, i₂tsá₃ lin₄ rē₂ ñí' ₂ dsí₅, a₂ñéi' ₂ quē' ₂ ja₁tióin₂ diú₄ lag₄, ¿'e₂ bá₄ lé₂ nē₁jua' ₂ ca₂tiá₂ dsí₅ 'éi₂ guē' ₃ a₂ma₂rē₂jen' ₅₄ ne₄ diú₄ lag₄? ¹¹ O₄quió' ₄ a₂ñi' ₅₄ 'ne₂ jaun₂, dsi₃'én₂ ríng' ₂ i₂'uan₅₄ guē₄ nē₃. Ca₂jon₃ Cristo o₄quió' ₄ 'éi₂ bá₄ ján₃. ¹² Ia₁ nē₁jua' ₂ jmo' ₂ 'nia' ₂ a₂tsá₃ caun₂ a₂qui₂dsi₂jein₃ dsí₅ ríng' ₂ i₂'uan₅₄, 'nau' ₂ 'nia' ₂ dso₄ tē₂le₃ ne₄ Cristo. ¹³ Jaun₂ lē₃, chi₂jua' ₂ léi₄ 'ñió₃ bá₄ jniá₂

† 7:38 o₃, "La₁ chi₂jua' ₂ 'ein₂ chan₂ jan₂ ja₁míg₄ i₂jē₁ca₂ñi₅ ñi₂ a₂jén' ₂ gu₂, chi₂jua' ₂ le₂jaun₂ lín₂ dsa₂ a₂dsi₂ten₅₄ guē₄, jui₁jmo₅₄ bá₄ 'a₂ lia' ₂ 'ñio₂ dsí₅, lé₂ bá₄ cuin₃ ja₁míg₄ a₂jén' ₂ gu₂, ia₁ on₃jua' ₅₄ 'e₂ dso₄ jaun₂. La₁ nē₁jua' ₂ chan₂ guē' ₂ i₂lín₂ on₃jua' ₅₄ a₂'nió' ₅ 'ein₂ qui₂chi₂quióng₂ jmi₄, 'nio₃ a₂tsá₃ gu₂ jén' ₂ bá₄ ja₁míg₄, caun₂ bá₄ 'ei₅ dsí₅ a₂tē₃gua₁ ja₁míg₄ le₂jaun₂ tē₃ tsá₃ gu₂ jén' ₂, a₂dse₃ bá₄ jaun₂. Jaun₂ le₂nē₅ bá₄, 'ein₂ qui₂cuin₅ ja₁míg₄, qui₂jen₂ gu₂, a₂dse₃ bá₄ jmo₂₃. Le₂jaun₂ guē' ₂ jui₁lia' ₂ i₂tsá₃ cuin₅ ja₁míg₄ a₂jen' ₂ gu₂, ja₂lin₃ guē₄ dse₃ bá₄ ján₃."

jmo₂₃ a₂tan' dso₄ ríng' o₄quíó' 'e₂ a₂guë' ₂, ja₂lín₃ guë₄ dse₃ o₁líg' jmi₄ tsá₃ ma₃qui₅g' ₅₄ ₅ ₅,
ia₁jaun₂ tsá₃ ma₃tiáin' dso₄.

9

Jui₁lia' a₂ca₂tín₂jan₂dsa₂i₂chen₄quián₅Jesús

¹ Dsón' bá₄ rē₂na₄ jui₅ a₂ca₂tíng₂ ca₂le₃jě₃ con' lě₅ ca₂tíng₂ ia₁ líng₅ dsa₂ i₂chen₄, ia₁ ma₂ca₂jíng₅₄ bá₄ Jesús i₂lín₅ Te₁gui' quián₂. Guion' bá₄ 'nia' nē₃, líng' co₂'nió' ta₁ a₂rē₂jniá₂ quió₃, tē₂le₃ quió' Te₁gui' ₅₄. ² 'An₁ chan₂ bá₄ i₂lín₅₄ jmo₅ dsí₅ a₂tsá₃ lín₅ jniá₂ dsa₂ i₂chen₄ quián₅ Te₁gui' ₅₄. La₁ 'nia' nē₃, ca₂tín' bá₄ 'nia' jmo' 'au' le₂nē₅ líng₅, ia₁ 'nia' bá₄ líng' i₂jáng' lē₄ ta₁ quió₃, a₂tē₃dsón' líng₅ jan₂ dsa₂ i₂chen₄ quián₅ Te₁gui' ₅₄.

³ Jui₁lia' dsa₂ i₂con' 'í₁ ja₁con₂ jniá₂, le₂la₂ bá₄ lě₅ jág₁ a₂jein' jniá₂ quió' ₅: ⁴ ₃ bá₄ tsá₃ ca₂tín₂ jniá₂ gue₅₄ ca₂le₃jě₃ 'e₂ cuē₅ dsa₂ a₂guë' ₅₄, o₃ 'e₂ cuē₅ dsa₂ a₂gui' ján₃? ⁵ ₃ bá₄ tsá₃ ca₂tág₂ jniá' jniá₂ jan₂ dsa₂ mī₂ i₂én₂ i₂jen' jniá' gu₂ quian' jui₁lia' jmo₅ dsa₂ i₂chen₄ sián' quian' guë' chi' rín' Te₁gui' 'niog₅, jui₁lia' chan₂ Pe₄* nē₃? ⁶ ₃ bá₄ lín' 'nia', jniá' lia' jniá₂ quian' Bernabé ca₂tág₂ jmo' ta₁ a₂'niog₂ a₂dsi₃jág₂? ⁷ ₂ 'Ein₂ bá₄ 'liog₂ jme₂ti₃ chi₂jua' 'niog₅ bá₄ quí₃ 'liain' a₂dsi₂nií₂? ₂ 'ein₂ bá₄ 'éi₂ i₂chéin' ni₁uing₂ uvas jua' tsá₃ guë' guë' mīg₂ jaun₂? O₃ jui₁lia' dsa₂ i₂jmo₅ ta₁ jme₂can' chein₄ lau₂, ján₃ guë' tsá₃ lē₂ le₃'ín' dsí₁ jág₂? ⁸ Tsá₃ o₁len' 'nia' jua' jniá₂ a₂lē₁juá' con' lě₂ dsi₃ 'nió₃; ján₃ bá₄ le₂nē₅ juá' ne₄ Si₂ 'Éi' ₃. ⁹ Ia₁ chi₁ton₅ ne₄ Si₂ 'Éi' quió' Moisés le₂la₂: "Tsá₃ tó' 'nia' 'nei₅₄ mī₂ o₄ ca₁jui₅ i₂jmo₅ ta₁ i₂chén₂ mīg₂ trigo."† ₂ 'A₂' dsí₅ Diú₄ ca₁jui₅ a₂juá' le₂jaun₂? ¹⁰ ₃ a₂juá' o₄quián₂ jniog₄ bá₄? Dsón' bá₄ o₄quián₂ jniog₄ bá₄ ca₂i₃to' 'éi' nē₅ ne₄ Si₂. Ia₁ le₂jaun₂ bá₄ lě₅ jui₁lia' dsa₂ i₂quia' 'uē₃ quian' guë' dsa₂ i₂cág' mīg₂ trigo. Tsá₃ a₁jaun₂ jua' a₂lē₁jmo₅ dsa₂ 'éi₂ ta₁ a₂jmo₂₃, jua' tsá₃ 'ín₂ dsí₅ a₂ca₂tín₂ a₂cág' jaun₂. ¹¹ Jaun₂ le₂nē₅, chi₂jua' jaun₂ ma₂jñí₁ jniá' jē₄ quián' 'nia' caun₂ jon₂ a₂gu₂dsi₂, ₂ a₁lín₃ 'nio₅ lín' 'nia' jua' a₂cag' ca₂la₂ ja₁con' 'nia' jui₁lia' a₂dsi₃jág₂ jniá' tē₂lia' chong₂? ¹² Chi₂jua' ca₂tín₂ dsa₂ sián' a₂jme'oin' 'nia', 'ē₂ guë₄ bá₄ ca₂tág₂ jniá' ₅₄.

La₁ tsá₃ 'e₂ ma₂ca₂chi₁quian₁ jniá' 'nia' jmi₄ jua' a₂mī₂ a₂ca₂tág₂ jniá' jaun₂. Ma₂jmo₁ bá₄ jniá' tió' dsí₅ ca₂le₃jě₃ ia₁jaun₂ tsá₃ lě₅ jua' cha₂ jnág₅ a₂qui₂dsi₃'ag₅ jág₁ dse₃ quió' Cristo. ¹³ ₂ Tsa₁ ni' 'nia', jui₁lia' dsa₂ i₂niog₅ ne₄ a₂jñi₅ dsi₂néi₂ guá' guë' jui₁lia' a₂cha₂ dsi₂néi₂ guá' jui₁lia' dsa₂ i₂tion' qui₂jme₂ti₃ ne₄chei₂ nē₃, ján₃ guë' quein' gue₂₃ a₂jén' ne₄chei₂? ¹⁴ Ján₃ bá₄ le₂jaun₂ ca₂jmo₃ Te₁gui' 'éi', jui₁lia' dsa₂ i₂ni₄ qui₂'ē₂ jág₁ dse₃, quian' ta₁ jaun₂ le₃chain₂. ¹⁵ La₁ jniá₂ nē₃, tsá₃ 'e₂ ma₂ca₂chi₁quian₁ jniá₂ jmi₄ 'nia' jua' a₂tion₅₄ lē₂ a₂ca₂tíng₂. On₃ guë' jua' jaun₂ jmo₅ jniá₂ si₂ la₂ ne' 'nia' jua' a₂'ín₂ dsi₃ a₂jmo' le₂jaun₂ quian' jniá₂. ₂ Tē₂le₃ quió₃ jniá₂, ja₂lín₃ guë₄ dse₃ jua' jóng₂, lia' con' guë₄ nē₁jua' 'ein₂ jné₅ jui₅ a₂tsá₃ ma₃jme₂ti₁₂ guë₄ ta₁ quió₃ a₂jmo₂₃ táng'!

¹⁶ La₁ia₁, jui₁lia' jme'ē₅ jniá₂ jág₁ dse₃, tsá₃ ca₂tín₂ jniá₂ dsia₅₄ jág₁ tá' ia₁ tion₅₄ 'nió' ca₂tíng₂ bá₄ qui₂'ē₄ dsa₂ jág₁ dse₃. ₂ 'E₂ guë₄ juí₂ jniá₂ nē₁jua' tsá₃ ma₃ca₂'ē₃ jniá₂ jág₁ dse₃! ¹⁷ Ia₁ nē₁jua' 'ē₅ jniá₂ jág₁ dse₃ a₂'ni₂ dsi₃ 'nió₃, gue₅₄ bá₄ 'liang' ₅₄. La₁ nē₁jua' tsá₃ jmo₂₃ a₂'ni₂ dsi₃ 'nió₃, a₂lē₁jme₂ti₁ bá₄ jniá₂ ta₁ a₂niog₅ gu₃ jmo₅₄. ¹⁸ ₂ Na₅ bá₄ 'lian' jniá₂ jaun₂ nē₃? A₂jaun₂ bá₄ 'lian' jniá₂: a₂lē₂ qui₁'ē₄ jniá₂ jág₁ dse₃ ja₁con₂ dsa₂, a₂tsá₃ 'lia' can₅₄, on₃jua' chi₁quiang₁₂ jmi₄ gue₅₄ a₂ca₂tíng₂.

¹⁹ O₁jñia' la₂ jin₅₄ jniá₂, on₃jua' chan' ein₂ ne₄ jme₂ti₁, la₁ jmo₅₄ jniá₂ dsi₃ nē₂jag₄ bá₄ i₂ma₂rē₂'ne' jniá₂ quián₅ ca₂le₃jín₃, ia₁jaun₂ lē₂ le₃léi₂ guë₄ juin₅ dsa₂ tē₂le₃ quió' Cristo. ²⁰ Jui₁lia' jme'eng₅₄ quiang' dsa₂ judíos, jmo₂₃ dsi₃ nē₂jag₄ bá₄ líng₅ co₂'nió' jan₂ dsa₂ judío, ia₁jaun₂ cuin₃ jmi₄ a₂jóin₄ jniá₂. Jui₁lia' ja₁con₂ dsa₂ i₂tion' 'Éi' quió' Moisés, jmo₅₄

* 9:5 griego: Cefas. † 9:9 Deuteronomio 25:4.

jniá₂ dsi₃ ně₂jag₄ bá₄ a₂'eng₅₄ 'Éi'₃, ia₁jaun₂ jón₄ jniá₂ jui₁lia'₂ i₂tion'₅₄ 'Éi'₃, (o₁jnia'₅₄ la₂ tsá₃ 'Éi'₃ jaun₂ 'eng₅₄ tē₃dsón'₂). ²¹ Tē₂le₃ quió'₅ guē'₂ jui₁lia'₂ dsa₂ i₂tsá₃ tion'₅₄ 'Éi'₃ ně₃, ján₃ bá₄ co₂ring₂ quian'₅₄ dsa₂ 'éi₂ jmo₂₃ dsi₃, ia₁jaun₂ jóng₄ jui₁lia'₂ dsa₂ i₂tsá₃ tion'₅₄ 'Éi'₃, (o₁jnia'₅₄ la₂ tsá₃ lon₄ jniá₂ ne₄ 'Éi'₃ quió'₅ Diú₄, a₂'eng₅₄ bá₄ 'éi'₃ quió'₅ Cristo). ²² Jui₁lia'₂ ja₁con₂ dsa₂ 'uan₅₄ i₂tsá₃ lin₄ ma₂'én₂ rē₂, ján₃ bá₄ le₂jaun₂ jmo₂₃ dsi₃ líng₅, ia₁jaun₂ jóng₄ jui₁lia'₂ i₂'uan₅₄. Ja₁con₂ ca₂le₃jín₃ dsa₂ ma₂jmo₃ jniá₂ dsi₃ a₂co₂ring₂ quian'₅₄ ca₂lē₃jín₃, ia₁jaun₂ cuin₃ jmig₄ a₂lé₂ le₃lión₂ i₂lin₅₄. ²³ Ca₂le₃jě₃ a₂nē₅ jmo₅ jniá₂ o₄quió'₄ jág₁ dse₃, ia₁jaun₂ bá₄ quen'₅₄ jniá₂ tē₂le₃ quian'₅₄ jág₁ dse₃.

²⁴ ¿Tsa₁ nī'₅₄ 'nia'₂ jui₁lia'₂ dsa₂ i₂i₂nio₄ co₂chi'₅₄ jme₁co₂₃, ca₂le₃jín₃ bá₄ 'éi₂ i₂nioi₅₄, la₁ i₂jan₂ tan₅₄ jui₁lia'₂ i₂lī'₂ bá₄, gue₅ premio? Le₂jaun₂ bá₄ 'nia'₂ ján₃, quen'₂ bí₂ o₂nóg'₅ co₂chi'₅₄ ia₁jaun₂ guéi'₁ 'nia'₂ premio. ²⁵ Ca₂le₃jín₃ dsa₂ i₂jme₂tin₅ ia₁ cha₂ ja₁lē₄ jág₁ a₂dsi₃cáu₂, jmo₂₃ 'í₁ 'ñiog₅, ia₁jaun₂ bá₄ lí'₂ caun₂ corona a₂jio₅ co₂'na₂. La₁ jniog₄ ně₃ quen'₂ bí₂ léi₂ caun₂ corona a₂jio₅ co₂tan₅₄ bá₄. ²⁶ Jaun₂ le₂nē₅, 'ñió₃ jniá₂ ně₃, on₃jua'₅₄ a₂lē₁i₂ñi₄ jniá₂ co₂chi'₅₄; jaun₂ jme₁quín'₂ jniá₂, on₃jua'₅₄ a₂lē₁dsi₂dsí₂ ja'₂. ²⁷ Tē₂le₃ jma'₄ cuē₅ uig₅ nī₃ 'ñió₃, ně₂jag₄ bá₄ a₂rē₂'ñe'₅₄, con'₂ tsá₃ ñó₅ ně₁jua'₂ tē₁tsing'₄ 'lig'₅₄ 'ñió₃, lia'₂ con'₂ jme₁ca₂jme₁ting₅ i₂sián'₂.

10

To'₂ jág₁ a₂tsá₃ jme₃gan₃ dsa₂ diú₄ lag₄

¹ Tsá₃ 'nio₃ jniá₂ jua'₅₄ a₂tsá₃ nī'₅₄ 'nia'₂ rin'₅₄ jniog₄, a₂jme₁tion'₅₄ dsa₂ can'₅₄ quián₂ jnia'₅₄ ma₂líg'₂ né'₃ jnei₅, jaun₂ guē'₄ ca₂ñí₃ ca₂le₃jín₃ Jmī₁ñí'₄ Guéin₂. ² Ca₂tón'₂ dsa₂ co₂lē₅ ca₂le₃jín₃ quian'₅₄ Moisés jē₄ jnei₅ quian'₅₄ jē₄ jmi₁ñí'₄ ně₃. ³ Le₂jaun₂ bá₄ ján₃, ca₂guē'₃ co₂dsia₅ ca₂le₃jín₃ má₃ a₂gu₂dsí₂; ⁴ ca₂'in₃ jmig₂ a₂gu₂dsí₂ ján₃. Ia₁ ca₂'in₃ jmig₂ a₂ca₂'ia₂ dso'₂ nī₁'lau₂ a₂gu₂dsí₂ jaun₂ a₂ca₂jme₃quiong'₅₄ ca₂le₃jě₃ jmig₄ tioen'₅₄ jui₅. Nī₁'lau₂ jaun₂ ně₃, Cristo bá₄ 'éi₂. ⁵ La₁ia₁, mei'₂ tsá₃ le₃jín₃ dsa₂ 'éi₂ ně₃, tsá₃ ca₂jmo₃ a₂'ñio₂ dsí₅ Diú₄. Jaun₂ ne₄ 'uig₅₄ jaun₂, qui₂i₃ga'₅₄ nī₁ñi₁₂ 'uē₃ quein₂ co₂'ñiog₅ jaun₂.

⁶ Ca₂le₃jě₃ a₂nē₅ ca₂lē₃ ia₁jaun₂ lē₅ caun₂ jág₁ a₂jáng'₅ léi₄ quián₂ jniog₄ jmig₄ ně₃, ia₁jaun₂ tsá₃ jmó₁ jniog₄ 'ín₅ dsi₅ ja₁con₂ a₂'lig'₅₄, jui₁lia'₂ ca₂jmo₃ dsa₂ 'éi₂ 'ín₅ dsí₅. ⁷ Jaun₂ juíg₂ jniá₂ 'nia'₂, tsá₃ jme₁gan₃ 'nia'₂ diú₄ lag₄, jui₁lia'₂ ca₂jmo₃ i₂lin₅₄ dsa₂ 'éi₂; jui₁lia'₂ juá'₂ ne₄ Si₂: “Ca₂tián'₂ dsa₂ ca₂guē'₃ qui₂ca₂'in₃ ně₃, jaun₂ guē'₄ qui₂ca₂nau₂, ca₂co₃.”* ⁸ Tsá₃ ca₂tág₂ jniog₄ 'nióg₁ dso₄ jua'₅₄ nió'₄ jniog₄ jág₁ quian'₅₄ jui₁'ein₂ guē'₃, jui₁lia'₂ ca₂jmo₃ i₂lin₅₄ dsa₂ 'éi₂. Ne₄ 'uig₅₄ jaun₂, quian'₅₄ co₂jmig₄ ca₂dsan₃ con'₂ guióg₂-nī₅ mei₅ dsa₂ 'éi₂. ⁹ On₃ guē'₂ ca₂tág₂ jniog₄ a₂quiong₅₄ táu₂ Te₁gui'₅₄ jui₁lia'₂ ca₂jmo₃ i₂lin₅₄ dsa₂ 'éi₂, jaun₂ qui₂ca₂dsain₃, qui₂ca₂cag'₂ dsi₂mi'₂. ¹⁰ On₃ guē'₂ chi₁'ín₄ 'nia'₂ uig₅ Diú₄, jui₁lia'₂ ca₂jmo₃ i₂lin₅₄ dsa₂ 'éi₂, jaun₂ ca₂chen₃ Diú₄ ángel i₂quian₅ 'mú₃, ca₂jme₃dsiain₂₃ dsa₂ 'éi₂.

¹¹ Le₂nē₅ bá₄ ca₂i₃ñí₂ dsa₂ 'éi₂, ia₁jaun₂ jióg'₂ 'í₁ lē₅ léi₄; ca₂i₃to'₅₄ ne₄ Si₂ co₂'nió'₄ caun₂ jág₁ a₂i₂'ag₅₄ tē₃jñiá₅, ia₁jaun₂ dsiog'₂ dsi₅ jniog₄ jmig₄ ně₃, ia₁ ma₂ja₂quián₃ bá₄ le₃'ñia₅ jmig₄ a₂le₂ti₃ a₂lē₅ dsí₅ Diú₄ jmo₃ ja₁con₂ jniog₄. ¹² Le₂nē₅ bá₄, chi₂jua'₂ 'ein₂ lín₂ chéin'₅ tiá₂ a₂'éin₂, jui₁jmo₁₂ 'í₁ ia₁jaun₂ tsá₃ tiáin'₃. ¹³ Tsá₃ 'e₂ táu₂ ma₂i₂ñí'₂ 'nia'₂, jnia'₅₄ lia'₂ a₂qui₂dsi₂ñí₂ dsa₂ mi₂güí₃. La₁ i₂rē₂ti'₅₄ bá₄ Diú₄, tsá₃ cuē₃ jmig₄ jua'₅₄ nī₄ a₂qui₂dsi₁juin₅₄ 'a₂ con'₂ jnia'₅₄ tiang'₃. Tē₂le₃ 'ñiog₅ bá₄ Diú₄ jmo₃ caun₂ jui₅ 'a₂ lia'₂ lé₂ jmó'₂ a₂tiang'₃, jui₁'e₂ guē'₃ caun₂ táu₂ já₅.

¹⁴ Jaun₂ juíg₂ jniá₂ 'nia'₂ rin'₅₄ jniog₄, quiá₂ 'nia'₂ cau₅ ja₁jme₂juin'₂ dsa₂ diú₄ lag₄. ¹⁵ Juíg₂ jniá₂ 'nia'₂ dsa₂ i₂ñí'₂ dsí₅: quion₂ de'₂ 'nia'₂ caun₂ 'í₁ a₂juá'₅. ¹⁶ Jui₁lia'₂ jme₁quian'₅₄ jniog₄ rin'₅₄, 'ne'₂ jniog₄ a₂'a₄ copa jñió₅, cuē₂ ti₁'mag'₄ Diú₄: ¿on₁jua'₅₄ a₂quein'₄ jniog₄ jmi₄ Cristo? Le₂jaun₂ bá₄ ján₃ jui₁lia'₂ jme₁quian'₅₄ jniog₄ rin'₅₄ jmo₂ dsióg₁ i₁ñí'₄: ¿on₁jua'₅₄ a₂quein'₄

* 10:7 Éxodo 32:6.

jniog₄ ni₁ni₁ Cristo? ¹⁷ Jui₁lia'₂ caun₂ bá₄ i₁ni'₄ lě₅, ján₃ bá₄ le₂jaun₂ jniog₄ ně₃, o₁jnia'₅₄ la₂ juag₅ jniog₄ lě₂, la₁ caun₂ bá₄ ni₁ni'₅ lág₅ jniog₄, ia₁ caun₂ i₁ni'₄ bá₄ que₂ jniog₄.

¹⁸ Quion₂ de'₂ 'nia'₂ 'í₁ 'a₂ lia'₂ lě₅ juig₂ Israel: ¿Tsa₁ lín'₂ 'nia'₂, jnia'₅₄ dsa₂ i₂guě'₅ má₃ ni₄ já'₂ a₂qui₂rě₂jen'₅₄ ne₄chei₂, le₂jaun₂ bá₄ quein'₅₄ guioin'₅₄ ne₄chei₂ jaun₂? ¹⁹ Tsá₃ juig₂ jniá₂ 'nia'₂ jua'₅₄ a₂cha₂ bí₂ 'io₅ diú₄ lag₄, on₃ guě'₂ le₂jaun₂ ni₅ a₂te₁'i₁ ne₅₄. ²⁰ Tě₂le₃ juá'₅ jniá₂, jme₁jén'₅ dsa₂ 'e₂ qui₂jén'₅ ne₄ 'éi₂, qui₂jén'₅ dsa₂ a₂jaun₂ ne₄ je₂na'₅₄, on₃jua'₅₄ rě'₂ ne₄ Diú₄ tě₃dsón'₂. Jaun₂ tsá₃ 'nio₃ jniá₂ jua'₅₄ quen'₅₄ 'nia'₂ quian'₅₄ je₂na'₅₄. ²¹ Tsá₃ lě₂ 'ag'₅₄ 'nia'₂ copa quió'₅ Te₁gui'₅₄, chi₂jua'₂ ján₃ guě'₂ 'ag'₅₄ táng₃ copa quió'₅ je₂na'₅₄. On₃ guě'₂ lě₂ quen'₅₄ 'nia'₂ ne₄ mesa quió'₅ Te₁gui'₅₄, chi₂jua'₂ ján₃ guě'₂ quen'₅₄ táng₃ 'nia'₂ ne₄ mesa quió'₅ je₂na'₅₄.

²² ¿'E₂ lě₂ ně₃? ¿O₃ bá₄ lě₂ le₃jmo₁ jniog₄ ia₁jaun₂ le₃dsí'₅ Te₁gui'₅₄ o₄quián₂ jniog₄? ¿O₃ bá₄ 'uau'₂ guě₄ jniog₄ lia'₂ con'₂ guě₄ 'éi₂?

'A₂ con'₂ jnia'₅₄ cuě₂₃ jmi₄ ia₁ a₂lág₅ jniog₄ dsa₂ quián₅ Cristo

²³ Dsón'₂ bá₄ dsau₅: “I₄ bá₄ 'éi'₃ le₃jmo₃ dsa₂ 'e₂ 'nio₃ jmo₃”, la₁ tsá₃ jua'₅₄ ca₂le₃jě₃ a₂jaun₂ jme₂'o₅₄; dsau₅ bá₄: “I₄ 'éi'₃ le₃jmo₃ dsa₂ ca₂le₃jě₃ 'e₂ 'nio₃ jmo₃”, la₁ia₁ tsá₃ jua'₅₄ ca₂le₃jě₃ a₂jaun₂ jmo₃ a₂dsi₃cón₃ dsa₂ tě₂le₃ quió'₅ jme₂dsí₂. ²⁴ Nió'₅ bá₄ 'no'₂ dsa₂ jui₅ jmo₃ a₂dse₃ le₃ja₁con₂ riin'₅₄, on₃jua'₅₄ rě'₂ jmá'₃ lia'₂ a₂dse₃ ja₁coin₂ 'niog₅.

²⁵ Qué'₂ bá₄ 'nia'₂ lia'₂ 'ei₅ ne₄ a₂dsi₂'nag₂ 'ma'₅₄, lě₃ jua'₅₄ tsá₃ 'e₂ cáun'₂ 'nia'₂ 'í₁ o₄quió'₄ a₂qui₂dsi₂jni₅ 'au'₂ 'nia'₂. ²⁶ Ia₁: “Gua'₅₄ 'uě₃, quian'₅₄ guě₄ ca₂le₃jě₃ 'e₂ niog₅ cha₂ ja₁jaun₂, a₂quió'₅ Te₁gui'₅₄ jě₂ bá₄ jaun₂.”†

²⁷ Ně₁jua'₂ 'ein₂ dsa₂ i₂tsá₃ 'én₂ ca₂tě₃ 'nia'₂ a₂o₁qué'₂ ja₁quió'₄, ně₁jua'₂ 'niog'₂ 'nia'₂ o₁nóg'₅, jaun₂ qué'₂ bá₄ 'nia'₂ ca₂le₃jě₃ 'e₂ niog₅ dsia₃ dsa₂ ne'₅₄, lě₃ jua'₅₄ tsá₃ cáun'₂ 'í₁ o₄quió'₄ a₂qui₂dsi₂jni₅ 'au'₂ 'nia'₂. ²⁸ La₁ ně₁jua'₂ chan₂ guě'₂ 'ein₂ juá'₂: “Má₃ a₂quě'₂ 'nia'₂ ně₅ a₂ma₂jáu'₅ jme₁rě₂jen'₅₄ ne₄ diú₄ lag₄ bá₄ ně₅”, co₂dsia₅ tsá₃ ma₃quě'₂ 'nia'₂, o₄quió'₄ i₂juá'₂ le₂ně₅, ján₃ bá₄ o₄quió'₄ a₂qui₂dsi₂jni₅ dsí₅ ně₃.† ²⁹ A₂qui₂dsi₂jni₅ dsí₅ dsa₂ 'éi₂ bá₄ guě'₂, on₃jua'₅₄ rě'₂ 'nia'₂.

La₁ chan₂ guě'₂ i₂le₃juá'₂ táng₃: “¿'E₂ 'uig₅₄ qui₂con₂ dsa₂ 'í₁ tě₂le₃ jui₅ a₂tsá₃ jnág₅ quió'₃, o₄quió'₄ 'a₂ lia'₂ niog₅ ni₅ dsí₅ i₂sián'₂?” ³⁰ Chi₂jua'₂ cuě₅ jniá₂ ti₁'mag'₄ o₄quió'₄ caun₂ má₃ a₂quen'₅₄ jniá₂ jě₄ guě'₅ dsa₂, ¿'e₂ 'uig₅₄ chi₂'ag₅ dsa₂ o₄quió'₄ a₂guě'₂ jaun₂, chi₂jua'₂ cuě₅ ti₁'mag'₄ ně₃? ³¹ Jaun₂ lě₃, chi₂jua'₂ quě'₂, 'ag'₂, ján₃ guě'₂ le₂jaun₂ chi₂jua'₂ 'e₂ guě₄ niog₅ jmo'₂ 'nia'₂, jmo₄ bá₄ a₂jaun₂, la₁ jua'₅₄ le₃juin'₂ bá₄ Diú₄ le₃jě₃ a₂jaun₂. ³² La₁ tsá₃ cuě₂ 'nia'₂ jmi₄g₄ jua'₅₄ ja₁lě₂ tsi₃sén'₂ dsa₂ judíos, on₃ guě'₂ dsa₂ griegos, on₃ guě'₂ dsa₂ i₂tén₅ le₃quió'₅ guá'₅ quián₅ Diú₄ ně₃. ³³ Jniá₂ 'nió₃ ně₃ quín'₅ bí₂ jmo₂₃ a₂tě₅ dsí₅ ca₂le₃jín₃, tsá₃ jmo₅ jniá₂ dsí₃ a₂'náu'₅ jniá₂ a₂dse₃ le₃ja₁cong₂ 'nió₃. Jmo₅ bá₄ jniá₂ a₂dse₃ le₃ja₁con₂ i₂sián'₂, ia₁jaun₂ lióin₂.

11

¹ Quian₂ 'nia'₂ jui₅ a₂ca₂can₃ jniá₂, ju₁lia'₂ jniá₂ ně₃, quian₅₄ jui₅ a₂ca₂can₃ Cristo.

'A₂ lia'₂ dsi₂ten₅₄ jmo₃ dsa₂ m₁jme₁tioin'₅₄ culto

² Rin'₅₄ jniog₄, a₂'nio₂ dsí₃ lín₃ cuě₅ jniá₂ ti₁'mag'₄ 'nia'₂, 'uig₅₄ ia₁ a₂dsau'₂ bá₄ 'au'₂ jniá₂, ia₁ chan'₅₄ bá₄ 'nia'₂ tiá₂ jág₁ con'₂ lě₅ ma₂ca₂jme₁tín₅ jniá₂ 'nia'₂. ³ La₁ 'nio₃ jniá₂ a₂le₃ni₅ 'nia'₂: ju₁lia'₂ lín₅ Cristo mi₂dsi₄ le₂jan₂ le₂jan₂ dsa₂ ne'₂, ján₃ guě'₂ le₂jaun₂ lín₅ dsa₂ ne'₂ mi₂dsi₄ dsa₂ m₁i₂; jaun₂ lín₅ Diú₄ mi₂dsi₄ Cristo. ⁴ Jua'₅₄ mei'₂ guě₃ jan₂ dsa₂ ne'₂ jlě₂ dsi₅₄ jme₁chi₂lén'₂ Diú₄ jě₁le₁ni₅ dsa₂, o₃ jme₁niág₅ jág₁ a₂cuě₅ Diú₄, chein'₂₃ o₂guí'₃ mi₂dsi₅₄ chi₂jua'₂ le₂jaun₂. ⁵ La₁ chi₂jua'₂ jan₂ guě'₂ dsa₂ m₁i₂ tsá₃ chi₁jlě₅ dsi₅₄ jme₁chi₂lén'₂ Diú₄, o₃ jme₁niág₅ jág₁ a₂cuě₅ Diú₄, chein'₂₃ o₂guí'₃ mi₂dsi₅₄ chi₂jua'₂ le₂jaun₂ ján₃; co₂jaun₂ bá₄

† 10:26 Salmo 24:1. ‡ 10:28 A₂lin₅₄ chog₅₄ si₂ juá'₂ ján₃: “Ia₁ gua'₅₄ 'uě₃, quian'₅₄ guě₄ ca₂le₃jě₃ 'e₂ niog₅ cha₂ ja₁jaun₂, a₂quió'₅ Te₁gui'₅₄ jě₂ bá₄ jaun₂.”

dsióg₅ nē₂jag₄ bá₄ rē₂chei₄ jñi₂ dsi₅₄. ⁶ Chi₂jua' ₂ tsá₃ 'nio₃ jui₁lia' ₂ jan₂ dsa₂ mǐ₂ jlě₂ dsi₅₄, co₂nei' ₅₄ o₁chéi₄ jñi₂ dsi₅₄. La₁ chi₂jua' ₂ caun₂ o₂guí' ₃ jaun₂, a₂chéi₃ jan₂ dsa₂ mǐ₂ jñi₂ dsi₅₄, o₃ a₂téi' ₅ 'e₂, jui₁jlě₅₄ bá₄ mǐ₂ dsi₅₄. ⁷ Tsá₃ ca₂tín₂ dsa₂ ñe' ₂ jlě₂ dsi₅₄, ia₁ 'éi₂ bá₄ lín₅ co₂'nió' ₄ nió' ₄ quió' ₅ Diú₄, i₂jme₂jñia₅ a₂jlá' ₁ quió' ₅ Diú₄. La₁ia₁ dsa₂ mǐ₂ ně₃, lín₅ i₂jlán' ₁ quián₅ dsa₂ ñe' ₂. ⁸ Le₂'uig₅₄ lia' ₂ con' ₂ jme₁ca₂jmo' ₂ Diú₄ dsa₂ ñe' ₂, ma₁ on₃jua' ₅₄ quió' ₅ dsa₂ mǐ₂ ca₂can₃ 'uig₅₄. Dsa₂ mǐ₂ bá₄ 'éi₂ ca₂já₃ ca₂lín₃ quian' ₅₄ ni₁ñi₁ dsa₂ ñe' ₂. ⁹ O₄quió' ₄ dsa₂ ñe' ₂ bá₄ ca₂jmo' ₂ Diú₄ dsa₂ mǐ₂, jaun₂ on₃jua' ₅₄ rē' ₂ dsa₂ ñe' ₂ ca₂lín₃ o₄quió' ₄ dsa₂ mǐ₂. ¹⁰ 'Uig₅₄ jaun₂ guē' ₂ ně₃, o₄quió' ₄ ángeles, ca₂tín₂ dsa₂ mǐ₂ cán₂ caun₂ léi₄ ne₄ mǐ₂ dsi₅₄, a₂'ein₅₄ 'éi' ₃. ¹¹ La₁ tē₂le₃ quió' ₅ Te₁gui' ₅₄ ně₃, tsá₃ lé₂ le₃chan₂ dsa₂ ñe' ₂ jua' ₅₄ mei' ₂ guē₃ tsá₃ dsa₂ mǐ₂ chan₂. Le₂jaun₂ guē' ₂ ján₃ tsá₃ lé₂ le₃chan₂ dsa₂ mǐ₂ jua' ₅₄ mei' ₂ guē₃ tsá₃ dsa₂ ñe' ₂ chan₂ táng₃. ¹² Ia₁ jui₁lia' ₂ ca₂já₃ dsa₂ mǐ₂ dsi₁con₂ dsa₂ ñe' ₂, ján₃ bá₄ le₂jaun₂ guē' ₂ ně₃ rē₂chan₂ dsa₂ ñe' ₂ cáun₂ dsa₂ mǐ₂. La₁ ja₂lé₂ ca₂le₃jě₃ ja₁con₂ Diú₄.

¹³ Quion₂ 'nia' ₂ 'í₁ jñi' ₄ 'nia' ₂ guiong' ₅₄: ¿Dsi₁ten₅₄ chi₃lén' ₂ dsa₂ mǐ₂ Diú₄ jme₁le₁ñi' ₂ 'nia' ₂ tē₃ tsá₃ chi₁jlě₅ mǐ₂ dsi₅₄? ¹⁴ ¿Tsa₁ léi₄, tsa₁ jág' ₂ 'nia' ₂ 'a₂ lia' ₂ lě₅ dsi₂ten₅₄ i₂nio₄ dsa₂, caun₂ o₂guí' ₃ bá₄ jaun₂ quió' ₅ jui₁lia' ₂ jan₂ dsa₂ ñe' ₂, chi₂jua' ₂ quian₅ jñi₂ dsi₅₄ jang₄? ¹⁵ La₁ dsa₂ mǐ₂ guē' ₂ ně₃, jlá' ₁ bá₄ tē₂le₃ quió' ₅ 'éi₂ chi₂jua' ₂ quian₅ jñi₂ dsi₅₄ jang₄. Ia₁ con' ₂ jaun₂ ca₂ñi₂ jñi₂ dsi₅₄ jang₄ co₂'nió' ₄ caun₂ 'mǐ' ₂ 'ñiá' ₂. ¹⁶ Chi₂jua' ₂ chan₂ guē' ₂ i₂'nio₃ tsin₃ quió' ₅ jág₁ ně₅, jaun₂ juá' ₅ jñiá₂, ca₂lia' ₂ jñia' ₅₄ jñia' ₅₄ guio₅₄, on₃ guē' ₂ 'i₁caun₂ guá' ₅ quián₅ Diú₄, tsá₃ tag₄ siá' ₂ chí' ₅.

Ca₂i₁juin₅₄ ñag₅₄ ca₂guē' ₃ dsa₂ ja₁jmo' ₅ Má₃ quió' ₅ Te₁gui' ₅₄

¹⁷ La₁ ne₄ si₂ la₂, 'éi' ₃ a₂ně₃ guē₄ jmo₅₄ jñiá₂, tsá₃ lé₂ jua' ₅₄ juá' ₄ jñiá₂ a₂dse₃ tion' ₅₄ 'nia' ₂. Ia₁ jmo' ₂ 'nia' ₂ dain₅₄ jme₁ñi' ₂, 'nió' ₄ a₂jme₁jmo' ₂ 'nia' ₂ a₂dse₃. ¹⁸ Jē₁le₂'uig₅₄ juá' ₅ jñiá₂, ma₂guion₅₄ jág₁ a₂jmo' ₂ 'nia' ₂ le₁dsong' ₅₄, lia' ₂ jme₁ñi' ₂ 'nia' ₂. Mei' ₂ tsá₃ tí₅ bá₄ ca₂la₂ jág₁ ně₅, líng₂. ¹⁹ Dsón' ₂ bá₄ jaun₂, tion₅₄ niog₅ qui₃jmo₃ dsa₂ jma₃quén₅ la₂-ně₅, ia₁jaun₂ le₃jñiá₂ jñi' ₄ 'nia' ₂ jui₁lia' ₂ dsa₂ i₂ma₂guei₃ Diú₄. ²⁰ Jaun₂ lě₃, jme₁ñi' ₂ 'nia' ₂, tsá₃ ma₂lě₅ quió' ₅ Te₁gui' ₅₄, má₃ a₂quē' ₂ 'nia' ₂ jaun₂, ²¹ ia₁ jē₁ma₂ca₂tē₂ hora a₂quē' ₅₄ 'nia' ₂, jmo₅ dsa₂ i₂lín₅₄ jma₃quén₅ dsi₂jñiá₄ qui₂guē' ₅. Chan₂ i₂lín₅₄ tion' ₅₄ i₁cón'; tē₁lia' ₂ tion' ₅₄ i₂sián' ₂ le₁'ein₅. ²² ¿Tsa₁ dsi₂néi₂ quián' ₂ 'nia' ₂ cha₂ ja₁lé₂ le₃qui₁quē' ₅₄ qui₁'ag' ₅₄ 'nia' ₂ ně₃? ¿O₃ bá₄ ma₂jñi' ₅₄ 'nia' ₂ sion₅ guá' ₅ quián₅ Diú₄, ján₃ guē' ₂ cuē' ₂ 'nia' ₂ o₂guí' ₃ dsa₂ i₂tsá₃ 'e₂ cha₂ quió' ₅? ¿'E₂ bá₄ juig₅₄ jñiá₂ 'nia' ₂? ¿A₁juá' ₄ jñiá₂ dse₃ lia' ₂ tion' ₅₄ 'nia' ₂ ia₁ a₂jmo' ₂ le₂jaun₂? ¿Dsón' ₂ bá₄ tsá₃ le₂jaun₂!

Má₃ quió' ₅ Te₁gui' ₅₄

(Mateo 26:26-29; Marcos 14:22-25; Lucas 22:14-20)

²³ Ia₁ a₂ca₂ñi₂ bá₄ jñiá₂ a₂ca₂jme₃tag₅ 'ñiog₅ Te₁gui' ₅₄ a₂ma₂ca₂jme₁tin₅ guē' ₂ jñiá₂ 'nia' ₂: lia' ₂ con' ₂ le₃ca₂nei₂ jmi₄ jme₁ca₂jáng' ₂ dsa₂, ca₂can₃ i₁ñi' ₄. ²⁴ Jme₁ma₂dsan₃ cuē' ₅ ti₁'mag' ₄ Diú₄, jaun₂ guē₄ ca₂'niai₃ ca₂dsióg' ₃ i₁ñi' ₄, jaun₂ ca₂juá' ₂: “Qué' ₂ 'nia' ₂; a₂la₂ bá₄ ñi₃ a₂rē₂'na₄ o₄quián' ₂ 'nia' ₂. Jmo₄ 'nia' ₂ le₂la₂ a₂dsiog' ₂ 'au' ₂ jñiá₂.” ²⁵ Ján₃ bá₄ le₂ně₅, jme₁ma₂ca₂lě₃ guē' ₅ i₁ñi' ₄, ca₂can₃ táng₃ copa, jaun₂ ca₂juá' ₂: “A₂'a₄ copa la₂, lě₅ jág₁ 'mǐ₂ a₂li' ₅₄ tē₂le₃ quian' ₅₄ jmi₃.* Lia' ₂ co₂ráun₂ 'ag' ₅₄ 'nia' ₂, jmo₄ 'nia' ₂ a₂dsau' ₂ 'au' ₂ jñiá₂.” ²⁶ Jaun₂ le₂ně₅ bá₄, lia' ₂ co₂ráun₂ tón' ₄ 'nia' ₂ quē' ₅₄ i₁ñi' ₄, 'ag' ₅₄ 'nia' ₂ a₂'a₄ copa, qui₂'ě' ₅ 'nia' ₂ 'mú₃ quió' ₅ Te₁gui' ₅₄ ca₂lia' ₂ ca₂tē₂ jmi₄ i₁guain' ₂ táng₃.

A₂ lia' ₂ dsi₂ten₅₄ tón' ₃ dsa₂ jmo' ₂ guē' ₃ Má₃ quió' ₅ Te₁gui' ₅₄

²⁷ Jaun₂ lě₃, chi₂jua' ₂ 'ein₂ guē' ₅ i₁ñi' ₄, 'ín' ₂ a₂'a₄ copa jaun₂, on₃jua' ₅₄ ia₁ a₂léi₄ dsan₂ dsí₅, a₂rē₂cán' ₄ bá₄ 'éi₂ le₃ja₁con₂ ñi₄ jmi₄ Te₁gui' ₅₄. ²⁸ 'Uig₅₄ jaun₂ ně₃, né' ₃ a₂guē' ₃ jan₂ dsa₂ i₁ñi' ₄, né' ₃ a₂'ín' ₂ a₂'a₄ copa, jui₁quion₂ 'í₁ ja₁con₂ 'ñiog₅. ²⁹ Ia₁ ně₁ca₂guē' ₃ ca₂'in' ₃, tē₃ tsá₃ rē₂ñi' ₂ dsí₅, tsá₃ rē₂cuí' ₅ ñi₄ Te₁gui' ₅₄, cuē' ₅ uig₅ 'ñiog₅ bá₄ ně₁ca₂guē' ₃ ca₂'in' ₃ le₂jaun₂. ³⁰ Ne₄

* **11:25** 'Nio' ₂ ja₁ton₅ Mateo 26:28; Éxodo 24:8; 1 Corintios 10:16.

'uig₅₄ jaun₂, juin₅ 'nia'₂ i₂le₁dso'₅₄, i₂'uan₅₄ ně₃; i₂lin₅₄ guē'₂ ma₂qui₂ca₂dsain₃. ³¹ La₁ ně₁jua'₂ ca₂quiong₅₄ jniog₄ 'í₁ dsi₅ guio₅₄, tsá₃ 'e₂ 'í₁ con₂ Te₁gui'₅₄ ja₁con₂ jniog₄. ³² Jme₁con₂ Te₁gui'₅₄ 'í₁ ja₁con₂ jniog₄, jme₂rē₃ jui₅ quián₂ jniog₄, ia₁jaun₂ tsá₃ gué₁ uig₅ co₂lē₅ quian'₅₄ dsa₂ mi₂güig₃.

³³ Jaun₂ le₂nē₅ bá₄, 'nia'₂ rin'₅₄ jniog₄, jui₁lia'₂ juá'₅ jniá₂ chi₂jua'₂ líg'₂ jme₁tón'₂ 'nia'₂ long'₂ quian'₅₄ ríng'₂ a₂jmo₃g₅₄ 'nia'₂ Má₃ quió'₅ Te₁gui'₅₄, jñia₄ 'nia'₂ ríng'₂ jang'₂ jang'₂ a₂quē'₅₄ co₂dsia₅. ³⁴ Chi₂jua'₂ chan₂ jan₂ i₁cón'₅, jui₁guē'₄ co₂ñei'₅₄ ja₁quió'₄, ia₁jaun₂ tsá₃ 'ē₂ Diú₄ uig₅ jui₁lia'₂ jē₁ñig'₂ 'nia'₂.

Jui₁lia'₂ jág₁ a₂'nió'₅ le₃rē₂, ně₅ bá₄ jme₁rē₂ jniá₂ jē₁ma₂tē₂ rē₁dsióg₄.

12

Jui₁lia'₂ ta₁ a₂tin₂ dsa₂ a₂cuē₅ Jme₂dsí₂ Jñió₅ cuē'₅ le₂jan₂ le₂jan₂ dsa₂

¹ Ně₃ ně₃, rin'₅₄ jniog₄, jui₁lia'₂ tē₂le₃ a₂gu₂dsí₂, tsá₃ 'nio₃ jniá₂ jua'₅₄ tsá₃ le₃ñi'₅₄ 'nia'₂.

² Ma₂ñi'₅₄ bá₄ 'nia'₂, rin'₅₄ jniog₄, lia'₂ con'₂ tsá₃ dsa₂ 'én₂ jme₁ma₂lín'₅ 'nia'₂, jme₁tē₁i₂nio'₄ 'nia'₂ chi₁co'₅₄ quió'₅ dsa₂ lag₄, on₃ i₂lé₂ le₃juá'₂ jág₁. ³ Jaun₂ ně₃, juig₅₄ jniá₂ 'nia'₂, 'i₁jan₂ dsa₂ i₂dsia₅ jág₁ lia'₂ con'₂ jniog₅ Jme₂dsí₂ quián₅ Diú₄, tsá₃ juá'₂: “jui₁dsi₂'én₂ Jesús!” Ján₃ guē'₂ le₂jaun₂, 'i₁jan₂ tsá₃ lé₂ le₃juá'₂: “jesús bá₄ i₂lín₅ Te₁gui'₅₄!” chi₂jua'₂ tsá₃ Jme₂dsí₂ Jñió₅ jniog₅ guē'₂.

⁴ 'Lióng₂ bá₄ jui₅bí₂ cha₂ a₂lé₂ le₃ñe₂ dsa₂, la₁ia₁ jan₂ bá₄ Jme₂dsí₂ i₂cuē₅. ⁵ 'Lióng₂ ne₅₄ bá₄ ta₁ a₂cha₂ a₂lé₂ jme₃ti₃ dsa₂, la₁ia₁ jan₂ tan₅₄ bá₄ Te₁gui'₅₄ chan₂. ⁶ Cha₂ 'lióng₂ ne₅₄ bá₄ ta₁ a₂lé₂ le₃jmo₃ dsa₂; jñia'₅₄ lia'₂ jan₂ bá₄ Diú₄ i₂jmo₅ ca₂le₃jě₃ ta₁ jaun₂ ja₁con₂ ca₂le₃jín₃ dsa₂.

⁷ Ně₃ ně₃, a₂dse₃ quió'₅ ca₂le₃jín₃ bá₄ a₂jme₂jnia₅ Diú₄ jui₅bí₂ quió'₅ Jme₂dsí₂ ja₁con₂ le₂jan₂ le₂jan₂. ⁸ Tē₂le₃ quian'₅₄ Jme₂dsí₂ bá₄ cuē₅ Diú₄ jui₅bí₂ cuē'₅ jui₁lia'₂ jan₂ dsa₂ a₂lé₂ le₃cuē₃ jág₁ a₂ñí'₂ dsi₅. I₂sián'₂ guē'₂ ně₃, ñei₂ bí₂ a₂tiin₂ 'a₂ lia'₂ le₃ñi₅ caun₂ jág₁, tē₂le₃ quian'₅₄ jan₂ Jme₂dsí₂ 'éi₂ bá₄. ⁹ Jui₁lia'₂ i₂sián'₂ guē'₂ ně₃, rē₂ 'éin₂ 'ñio₅ lín₃, a₂jmo₅ 'ñiog₅ Jme₂dsí₂ 'éi₂ bá₄ ján₃. I₂sián'₂ guē'₂ qui'₅₄ jmi₃g₄ a₂lé₂ le₃jme₃'lióin₂ jui₁lia'₂ dsa₂ dso'₅₄ ně₃, tē₂le₃ quian'₅₄ jan₂ Jme₂dsí₂ 'éi₂. ¹⁰ I₂lín₅₄ guē'₂ tin₅ jui₅bí₂ a₂jmo₃ léi₄ juē'₂; i₂lín₅₄ guē'₂ i₂lé₂ le₃'ē₂ jág₁ a₂jme₂jnia₅ Diú₄ ne₅₄; i₂lín₅₄ guē'₂ ñei₂ bí₂ a₂tiin₂ con₂ 'í₁ a₂rē₂lí'₄ dsi₅ jin₄ jme₂dsí₂; i₂lín₅₄ guē'₂ ñei₂ bí₂ a₂lé₂ le₃dsia₃ jág₁ jmei₅ siá'₂; i₂lín₅₄ guē'₂ i₂qui'₅₄ jmi₃g₄ a₂juá'₂ 'e₂ jein₅ jág₁ jmei₅ jaun₂. ¹¹ Ca₂le₃jě₃ jui₅bí₂ ně₅, jan₂ Jme₂dsí₂ quián₅ Diú₄ bá₄ cuē₅ a₂tin₂ dsa₂ le₂jain₂ le₂jain₂, lia'₂ con'₂ lē₅ 'ñio₂ dsi₅.

Ca₂le₃jág₃ bá₄ jniog₄ lág₅ co₂'nió'₄ caun₂ bá₄ ñí₅

¹² Ia₁, jui₁lia'₂ lē₅ caun₂ ni₁ñi₁ dsa₂, 'lióng₂ a₂chei₂ le₂caun₂ le₂caun₂ a₂tén₅ quió'₅, la₁ caun₂ bá₄ ni₁ñi₁₂ lē₅; ján₃ bá₄ le₂jaun₂ lē₅ le₃quió'₅ Cristo. ¹³ Ia₁ ca₂le₃jág₃ bá₄ jniog₄, lia'₂ con'₂ jme₁qui₂ca₂jñó₂* jmi₃g₂, tē₂le₃ quian'₅₄ jan₂ Jme₂dsí₂ 'éi₂ bá₄ ca₂jñó₂ jniog₄ jmi₃g₂, ca₂lag₃ co₂'nió'₄ caun₂ ni₁ñi₅. Tsá₃ a₂lē₅ jaun₂ jui₁la₂ a₂lág₅ jniog₄ dsa₂ judíos, o₃ dsa₂ griegos 'e₂; o₃ jui₁la₂ lág₅ jniog₄ jui₁lia'₂ i₂jme₂ti₃ ta₁ ne₄ juig₅₄, o₃ dsa₂ i₂tsá₃ 'ein₂ ne₄ jua'₅₄ jme₂ti₃; ca₂le₃jág₃ bá₄ jniog₄ qui₂ca₂ñag₂ jan₂ Jme₂dsí₂ 'éi₂ i₂quein'₄ jniog₄, i₂'ne'₅₄ ně₂jag₄ bá₄ jmi₃g₂.

¹⁴ Ia₁ tsá₃ lé₂ le₃jmo₁ jniog₄ dsi₅, jui₁lia'₂ caun₂ ni₁ñi₁ dsa₂ mi₂güig₃, jua'₅₄ cha₂ ca₂ne₅₄ a₂tén₅ quió'₅; ia₁ 'lióng₂ bá₄ a₂cha₂ chei₂ a₂tén₅ quió'₅. ¹⁵ Ia₁ jua'₅₄ mei'₂ guē₃ mi₂tag₄ dsa₂ lé₂ le₃juá'₂: “Uig₅₄ ia₁ tsá₃ mi₂gu₂ líng₅, jaun₂ tsá₃ ca₂tíng₂ téng₃ ni₁ñi₅”, la₁ on₃jua'₅₄ jaun₂ tsá₃ téin₅ ni₁ñi₅. ¹⁶ O₃ jua'₅₄ mei'₂ guē₃ rē₂gua₄ dsa₂ lé₂ le₃juá'₂: “Ia₁ a₂tsá₃ líng₅ mi₂ne₄, jaun₂ tsá₃ téng₅ ni₁ñi₅”, la₁ on₃jua'₅₄ jaun₂ tsá₃ téin₅ ni₁ñi₅. ¹⁷ Jua'₅₄ mei'₂ guē₃ ta₁caun₂ ni₁ñi₁ dsa₂ ca₂lē₃ jmá'₃ mi₂ne₄ dsa₂, ¿'a₂ bá₄ lia'₂ lé₂ jme₁néi₁ jniog₄? O₃ jua'₅₄ mei'₂ guē₃ ta₁caun₂ ni₁ñi₁ dsa₂ ca₂lē₃ jmá'₃ rē₂gua₄ dsa₂, ¿'a₂ bá₄ lia'₂ lé₂ jme₁jén'₂ jniog₄? ¹⁸ La₁ 'ñiog₅ bá₄ Diú₄ ně₃,

* **12:13** lit. “lia'₂ con'₂ jme₁i₂tiog₃ jmi₃g₂.”

lia'₂ con'₂ lě₅ 'ñio₂ dsí₅, jma₃quén₅ qui₂ca₂jmo₃ ca₂tíong₃ lia'₂ ca₂ne₅₄ a₂cha₂ chei₂ quió'₅ dsa₂ con'₂ ja₁ca₂tín₂ ni₁ñi₁ dsa₂. 19 Jua'₅₄ mei'₂ guě₃ ca₂ne₅₄ lě₅ quió'₅ dsa₂, ¿a₂ lia'₂ lé₂ le₃juá'₂ dsa₂ caun₂ ni₁ñi₁₂? 20 La₁ lě₅ ně₃, jui'₄ a₂ guě₃ la₂ lě₂ 'lióng₂ jma₃quén₅ a₂chei₂ quió'₅ dsa₂, caun₂ bá₄ ni₁ñi₁₂ lě₅.

21 Tsá₃ lé₂ le₃juá'₂ jme₁ne₁ dsa₂ tsí'₃ mi₂gu₂: “Tsá₃ 'ne₂ 'nió'₅ quió'₃.” Ján₃ bá₄ le₂ně₅, tsá₃ lé₂ le₃juá'₂ mi₂dsi₅₄ tsí'₃ mi₂tag₅₄: “Tsá₃ 'nia'₂ 'nió'₅ quió'₃.” 22 Tě₂le₃ 'ñio₅ guě₄ dsen₅₄ jui₁lia'₂ ja₁lín₂ dsa₂ a₂'uan₅₄ quió'₅. 23 Jui₁lia'₂ a₂tén₅ quián₂ jniog₄ ja₁tsá₃ lín₄ quen₅, lág₂ jniog₄, a₂jaun₂ bá₄ guě'₂ 'ñio₅ guě₄ dse₃ lio₂ jniog₄. Le₂jaun₂ bá₄ ján₃, jui₁lia'₂ ja₁tsá₃ lín₄ dsi₂ten₅₄ rě₂jniá₂ quián₂ jniog₄, ja₁le₂jaun₂ bá₄ guě'₂ jmo₂ jniog₄ 'í₁, 24 la₁ ja₁dsi₂ten₅₄ rě₂jniá₂ guě'₂ ně₃, tsá₃ lín₄ 'nió'₅ lě₅ 'í₁. Le₂jaun₂ bá₄ ca₂jme₃'ña₅ Diú₄ ni₁ñi₁₅, a₂ca₂jme₃dsen₅₄ jui₁lia'₂ ja₁tsá₃ lín₄ dsen₅₄ 25 ia₁jaun₂ tsá₃ lé₂ le₁dso'₅₄ ni₁ñi₁₅, tě₂le₃ jui₁dsian₂ bá₄ dsí₅ o₄quió'₄ riin'₅₄ le₂jain₂ le₂jain₂. 26 Chi₂jua'₂ cha₂ ja₁qui'₂ uig₅ quió'₅ dsa₂, ca₂le₃jě₃ guě₄ ja₁siá'₂ quió'₅ dsa₂ chain₂ uig₅ ján₃; chi₂jua'₂ cha₂ jui₁lia'₂ ja₁rě₂dsen₅₄ quió'₅ dsa₂, le₂ně₅ bá₄ ján₃ lě₂ 'io'₂ ca₂le₂con₂ quió'₅ dsa₂.

27 Le₂ně₅ bá₄ jui₁lia'₂ 'nia'₂ ně₃: guion'₅₄ bá₄ 'nia'₂ caun₂ bá₄ ja₁teng'₄ ñi₄ Cristo; le₂jan'₂ le₂jan'₂ 'nia'₂, lín'₅ lia'₂ caun₂ ja₁tén₄ quió'₅. 28 Le₂ně₅ bá₄ ján₃, jma₃quén₅ lě₅ bí₂ ma₂cuě₃ Diú₄ ma₂cuě'₃ le₂jan₂ le₂jan₂ dsa₂ i₂tén₅ guá'₅ quián₅. Jě₁le₂'uig₅₄ ca₂'iin₃ dsa₂ i₂chen₄ quián₅; jě₁ca₂tě₂ tín₃, ca₂'iin₃ dsa₂ i₂'ě₂ jág₁ quián₅; jě₁ca₂tě₂ 'nag'₂, dsa₂ i₂jme₂tag₅ lín₅ tě₅; ñó₅ jaun₂, dsa₂ i₂'io₅ bí₂ jmo₃ léi₄ juě'₂; dsa₂ i₂qui'₅₄ jmi₄ jme₃'lióin₂ dsa₂ dso'₅₄; dsa₂ i₂jme₂'o₅₄ jme₂'oin₅₄ riin'₅₄; ñó₅ jaun₂, jui₁lia'₂ dsa₂ i₂cán₂ ne₄ jui₅; dsa₂ i₂dsia₅ 'lióng₂ ne₅₄ jág₁ jmei₅. 29 Jaun₂ ně₃, ¿O₃ bá₄ ca₂le₃jín₃ lín₅ dsa₂ i₂chen₄ quián₅ Te₁gui'₅₄? ¿O₃ bá₄ ca₂le₃jín₃ 'ě₂ jág₁ a₂ñi₂ cuě₅ Diú₄? ¿Lín'₂ 'nia'₂ ca₂le₃jín₃ lín₅ tě₅ i₂jme₂tag₅? ¿O₃ bá₄ ca₂le₃jín₃ tín₂ jmo₃ léi₄ juě'₂? 30 ¿Lé₂ le₃jme₃'lió₂ ca₂le₃jín₃ jme₃'lióin₂ dsa₂ dso'₅₄? ¿O₃ bá₄ qui'₅₄ jmi₄ ca₂le₃jín₃ dsia₃ jág₁ jmei₅ siá'₂? ¿Ján₃ bá₄ lé₂ le₃juá'₂ ca₂le₃jín₃ 'e₂ jein₅ jág₁ jmei₅ jaun₂? Ma₁ tsá₃ le₂jaun₂. 31 Jmo₄ 'nia'₂ 'ín₅ 'au'₂ jui₅bí₂ a₂dsen₅₄ guě₄.

La₁ a₂ně₃ guě₄ 'ě₄ jniá₂ 'nia'₂ caun₂ jui₅ a₂dse₃ guě₄ lín₃.

13

Jui₁lia'₂ a₂jme₂'nio₃ dsa₂ riin'₅₄

1 Jui₁'a₂ guě₃ la₂ ting₂ dsia₅₄ quian'₅₄ jág₁ jmei₅ quió'₅ dsa₂ mi₂güig₃ ríng'₃, o₃ jág₁ jmei₅ quió'₅ ángeles ně₃, la₁ ně₁jua'₂ tsá₃ jme₂'nióg₄ guě'₂ ríng'₃ ně₃, tsá₃ 'e₂ ta₁ jmo₃ a₂jmo₅ jniá₂ a₂dseng₃. Lín₅ ně₂jag₄ bá₄ caun₂ ñi₁ tě₂bong₅ a₂lě₁i₂'ein₅₄, o₃ co₂'nió'₄ caun₂ ni₁ñi₁ tó'₅ mi'₅₄ bá₄. 2 Jui₁la₂ qui'₅₄ jniá₂ jmi₄ a₂'ě₄ jág₁ a₂jme₂jnia₅ Diú₄, jui₁la₂ guion₄ jniá₂ jág₁ ca'₅₄ a₂jme₁rě₂'ma₄ le₂jñiá₅, ján₃ bá₄ jui₁la₂ ñi'₂ dsi₃ jniá₂ ca₂le₃jě₃, jui₁la₂ 'éng₂ 'ñio₅ lín₃, ca₂lia'₂ qui'₅₄ jniá₂ jmi₄ le₃jñiog'₅₄ ni₁má'₂ ně₃, la₁ ně₁jua'₂ tsá₃ jme₂'nióg₄ guě'₂ dsa₂ mi₂güig₃ ríng'₃ ně₃, tsá₃ 'e₂ ta₁ jmo₃ co₂ñi₂ quió'₃ a₂jmo₂₃ a₂ting₂. 3 Jui₁la₂ qui₂ca₂dsio'₄ jniá₂ 'e₂ a₂cha₂ quió'₃, quió'₅ dsa₂ ti₂ñé₂, o₁jñia'₅₄ la₂ ca₂cuíng₃ ni₁ñi₃ 'ñió₃ a₂dsi'₂, tsá₃ 'e₂ ta₁ 'i₄ co₂ñi₂ a₂jaun₂, ně₁jua'₂ tsá₃ jme₂'nióg₄ guě'₂ dsa₂ mi₂güig₃ ríng'₃.

4 Jui₁lia'₂ dsa₂ i₂tě₂dsón'₂ jme₂'nio₃ riin'₅₄, juin'₂ dsí₅ lín₅; ton'₂ 'ua₁ dsí₅ ně₃; tsá₃ uig₅ dsí₅ quian'₅₄ 'i₁jan₂, on₃ guě'₂ jmo₂₃ táin'₅ ja₁con₂ riin'₅₄; on₃ guě'₂ jmo₂₃ róin₂ ně₃. 5 Tsá₃ jmo₂₃ a₂tsá₃ dsi₂ten₅₄ jmo₃ ja₁con₂ riin'₅₄; tsá₃ 'no'₂ jmá'₃ lia'₂ con'₂ a₂dse₃ quió'₅ 'ñiog₅; tsá₃ con'₂ lě₂rě₂'nei₂, on₃ guě'₂ jmo₂₃ 'i₄ 'nei₂ dsí₅ ně₃. 6 Jui₁lia'₂ dsa₂ i₂jme₂'nio₃ riin'₅₄, tsá₃ jmo₂₃ tě₅ dsí₅ 'e₂ caun₂ 'lig'₅₄ ca₂jmo₃ i₂sián'₂, tě₂le₃ jmo₂₃ 'io'₂ ja₁con₂ jág₁ tí₅. 7 Ca₂le₃jě₃ bá₄ jlě₂; ca₂le₃jě₃ bá₄ a₂'éin₂ ja₁con₂ riin'₅₄; ca₂le₃jě₃ bá₄ 'ín₂ dsí₅ a₂dsi₃ñi₂ riin'₅₄ caun₂ dse₃; ca₂le₃jě₃ bá₄ jmo₂₃ tió'₅ dsí₅, nau₂ tiá₂.

⁸ Tsá₃ líg'₂ jmíg₄ dsian₅ a₂jme₂'nio₃ dsa₂ riin'₅₄. Dsón'₂ bá₄ já₅ jmíg₄ jē₁tsá₃ ma₃'ein₂ 'ě₂ jág₁ a₂ñi₂ cuē₅ Diú₄, jē₁tsá₃ ma₃dsia₃ dsa₂ jág₁ jmei₅ siá'₂, jē₁dsi₃ñí₂ le₃jě₃ a₂ñi₅ dsa₂ niog₅ dsi₅₄.

⁹ Ia₁ tsá₃ rē₂'ña₅ a₂ne₄ jniog₄, jaun₂ tsá₃ rē₂'ña₅ jág₁ a₂jme₂jnia₅ Diú₄ a₂qui₂'ě₅ jniog₄. ¹⁰ La₁ jē₁ma₂tě₂ jmíg₄ a₂le₃'ña₅ le₃jě₃, jaun₂ guē₄ dsi₃'én₂ bá₄ jui₁lia'₂ a₂tsá₃ rē₂'ña₅ jaun₂.

¹¹ Lia'₂ con'₂ jme₁lín₄ jniá₂ jan₂ chi'₂ bē'₅₄, jme₁dsia₅ jniá₂ jág₁ lia'₂ dsia₅ jan₂ chi'₂ bē'₅₄, jme₁dsi₂jio₅ dsi₃ jniá₂, lia'₂ dsi₂jio₅ dsi₅ jan₂ chi'₂ bē'₅₄, ján₃ guē'₂ jme₁qui₂ñí'₂ dsi₃, lia'₂ ñí'₂ dsi₅ jan₂ chi'₂ bē'₅₄; la₁ jme₁ca₂lín₃ jniá₂ dsa₂ juin'₂, ca₂dsia₃ jniá₂ cau₅ jē₂ a₂ca₂tín₂ quió'₅ chi'₂. ¹² Le₂jaun₂ bá₄ lē₅ jui₁lia'₂ jmíg₄ nē₃: ne₂ jniog₄ nē₂jag₄ bá₄ caun₂ ni₁'i₂ a₂jniá₂ lian₂. La₁ já₅ bá₄ jmíg₄ a₂ne₅₄ jniog₄ dsi₁ne₁ lia'₂ lē₅. Rē₂nē₃ nē₃, tsá₃ rē₂'ña₅ a₂cuíg₅ jniá₂; la₁ já₅ bá₄ jmíg₄ ja₁le₃cuíg₅ lia'₂ rē₂'ña₅, jui₁lia'₂ cuíg₅ ñiog₅ Diú₄ jniá₂.

¹³ Jaun₂ nē₃, 'ni₅ a₂la₂ lē₂ a₂jio₅ guē₄ uē₂: a₂'én₂ dsa₂; a₂'ín₂ dsi₅ dsa₂; a₂jme₂'nio₃ dsa₂ riin'₅₄. La₁ 'ñio₅ lín₃ guē₄ dsen₅₄ a₂jaun₂ a₂jme₂'nio₃ dsa₂ riin'₅₄.*

14

Jui₁lia'₂ a₂dsia₅ dsa₂ jág₁ jmei₅ siá'₂

¹ Quen'₂ 'nia'₂ bí₂ a₂dsan₂ 'au'₂ jme₁'nió₄ 'nia'₂ ríng'₂, jaun₂ jmo₄ 'nia'₂ a₂'ín₅ 'au'₂ cuē₃ Diú₄ jui₅bí₂ a₂gu₂dsi₂, la₁ ja₂lín₃ guē₄ dsen₅₄ a₂lé₂ le₃'ě₄ 'nia'₂ jág₁ a₂jme₂jnia₅ Diú₄. ² Ia₁ jui₁lia'₂ dsa₂ i₂dsia₅ jág₁ jmei₅ siá'₂, tsí'₅ Diú₄ bá₄, on₃jua'₅₄ dsa₂ mi₂güig₃, ia₁ tsá₃ ñág'₂. Já₁ rē₂'ma₄ bá₄ dsia₂₃, tē₂le₃ quió'₅ Jme₂dsi₂. ³ La₁ jui₁lia'₂ dsa₂ i₂'ě₂ jág₁ tsí'₅ dsa₂ mi₂güig₃, dsia₂₃ jág₁ a₂jme₃'o₅₄ a₂dsi₃cón₃ dsa₂ tē₂le₃ quió'₅ jme₂dsi₂, cuē'₅ bí₂ riin'₅₄, cuē₂₃ lián'₂ dsi₅ nē₃. ⁴ Jui₁lia'₂ dsa₂ i₂dsia₅ jág₁ jmei₅ siá'₂ nē₃, jñia'₅₄ jme₂'oin₅₄ 'ñiog₅ bá₄ a₂dsi₃cón₃, la₁ jui₁lia'₂ dsa₂ i₂'ě₂ jág₁ nē₃, jme₂'o₅₄ a₂qui₂dsi₃cón₃ guá'₅.

⁵ 'Nio₃ jniá₂ jua'₅₄ ta₁jín₂ bá₄ 'nia'₂ tìng'₅₄ a₂lé₂ le₃dsiá'₁ 'nia'₂ jág₁ jmei₅ siá'₂. La₁ ja₂lín₃ guē₄ dsen₅₄ jua'₅₄ 'ě₄ 'nia'₂ jág₁ a₂cuē₅ Diú₄. Ia₁ jui₁lia'₂ dsa₂ i₂'ě₂ jág₁, dsen₅₄ guē₄ lia'₂ con'₂ guē₄ dsa₂ i₂dsia₅ jág₁ jmei₅ siá'₂, nē₁jua'₂ tsá₃ juá'₂ 'e₂ jein₅ jág₁, ia₁jaun₂ jme₃'o₅₄ a₂dsi₃cón₃ guá'₅. ⁶ Nē₃ nē₃, 'nia'₂ rín'₅₄ jniog₄, jui₁la₂ ca₂dsióg₃ jniá₂ ja₁con'₂ 'nia'₂, a₂jñia'₅₄ con'₂ i₁dsia₃ jniá₂ jág₁ jmei₅ siá'₂, ĉ'e₂ bá₄ ta₁ tía₄ jág₁ jaun₂, ja₁con'₂ 'nia'₂, nē₁jua'₂ tsá₃ i₂quian₅₄ caun₂ jág₁ a₂jme₂jnia₅ Diú₄, o₃ jág₁ a₂guion₅₄ jniá₂, o₃ a₂'ě₄ jniá₂, o₃ a₂jme₂tág₂ 'e₂?

⁷ Jui₁lia'₂ ni₁ñi₁ a₂tsá₃ jme₂dsi₂ 'i₄, jui₁lia'₂ te₁fí₁, o₃ caun₂ tsi₁ton₅* 'e₂, ĉ'a₂ bá₄ lia'₂ lé₂ le₃ñi₅ dsa₂ chi₂jua'₂ 'e₂ son₅₄ jéi₂ dsa₂, o₃ tsá₅ 'e₂, chi₂jua'₂ tsá₃ jma₃quén₅ i₂'ein₅₄, cuē₅ léi₄ 'a₂ lia'₂ dsó₅? ⁸ Le₂jaun₂ bá₄ ján₃ jui₁lia'₂ ne₄ 'nei₂. Nē₁jua'₂ tsá₃ ca₂né'₂ rē₂ i₂'ein₅₄ jéi₂ dsa₂ ñi₁ trompeta, ĉ'ein₂ bá₄ jmo₃ co₂jñia₅₄ quió'₅ a₂quín'₂ ne₄ 'nei₂? ⁹ Le₂nē₅ bá₄ lē₅ jui₁lia'₂ quian'₅₄ 'nia'₂ táng₃. Nē₁jua'₂ tsá₃ ca₂ñág'₂ jág₁ a₂uē₂ mi₂'o₅₄ 'nia'₂, ĉ'a₂ bá₄ lia'₂ lé₂ le₃ñi₅ dsa₂ 'e₂ juá'₂ 'nia'₂? ¡A₂lē₁qui₂dsi₃dsi₂ dsi₃'én₂ jág₁ jaun₂ quiáng'₂! ¹⁰ Mei'₂ tsá₃ 'lióng₂ bá₄ jág₁ jmei₅ cha₂ mi₂güig₃; la₁ tsá₃ cha₂ caun₂ jua'₅₄ tsá₃ jág₁ jein₅. ¹¹ Ia₁ jua'₅₄ mei'₂ guē₃ jan₂ dsa₂ tság₃ jniá₂ quian'₅₄ jág₁ jmei₅ quió'₅ a₂tsá₃ ñíg'₂, co₂'nió'₄ dsi₂nau₂ bá₄ 'éi₂ le₃ja₁con₂ jniá₂; le₂jaun₂ bá₄ jniá₂ táng₃, líng₅ co₂'nió'₄ dsi₂nau₂ le₃ja₁con₂ 'éi₂. ¹² Le₂nē₅ bá₄ lē₅ jui₁lia'₂ quian'₅₄ 'nia'₂ táng₃. Ia₁ a₂ñí₄ lē₃ 'ín₅ 'au'₂ 'nia'₂ guéi'₁ a₂tíng'₅₄ jui₅bí₂ a₂gu₂dsi₂, quen'₂ 'nia'₂ bí₂ a₂dsi₃tsón'₃ 'nia'₂ quian'₅₄ jui₅bí₂ a₂jme₂'o₅₄ a₂dsi₃cón₃ guá'₅.

¹³ 'Uig₅₄ jaun₂, jui₁lia'₂ i₂dsia₅ jág₁ jmei₅ siá'₂, jui₁mi₁₂ ne₄ Diú₄ a₂lé₂ le₃juá'₂ 'e₂ jein₅ jág₁ jaun₂. ¹⁴ Jua'₅₄ mei'₂ guē₃ mi₅ jniá₂ ne₄ Diú₄ quian'₅₄ jág₁ jmei₅ siá'₂, jme₂dsi₂ quió₃ bá₄ chi₂lén'₂ Diú₄; la₁ a₂ñí'₂ dsi₃, tsá₃ 'e₂ ta₁ jmo₅. ¹⁵ ĉ'A₂ bá₄ lia'₂ jmo₅₄ jniá₂ jaun₂ nē₃? Ca₂tíng₂ bá₄ chi₁leng'₄ Diú₄ jui₅ jme₂dsi₂ quió₃, la₁ ján₃ bá₄ ca₂tíng₂ chi₁leng'₄ Diú₄ a₂ñí'₂ dsi₃ nē₃. Le₂nē₅ bá₄ ján₃, ca₂tíng₂ 'ě₅₄ tē₂le₃ jui₅ jme₂dsi₂ quió₃, la₁ ján₃ bá₄ ca₂tíng₂ 'ě₅₄ a₂ñí'₂ dsi₃ nē₃. ¹⁶ Ia₁ chi₂jua'₂ jme₂juín'₂ 'ne₂ Diú₄ jmá'₃ tē₂le₃ jui₅ jme₂dsi₂ quiáng'₂, ĉ'a₂ bá₄ lia'₂ lé₂, le₃quió'₅

* **13:13** 'Nio'₂ ja₁ton₅ Colosenses 3:14. * **14:7** griego: kithara.

jui₁lia'₂ jan₂ dsa₂ lē₁dsa₂ i₂'en₅₄ i₂tsá₃ nǐ'₂? ¿'A₂lia'₂ lé₂le₃juá'₂ a₂mei₃jme₁cuē'₂ 'ne₂ti₁'mag'₄, chi₂jua'₂ ján₃ guē'₂ tsá₃ nǐ₅ 'e₂juá'₂ 'ne₂? 17 Dsón'₂ bá₄ jaun₂ jlá'₁ a₂cuē'₂ 'ne₂ti₁'mag'₄, la₁ia₁ tsá₃ jme₂'o₅₄ a₂jaun₂ a₂dsi₃cón₃ i₂sián'₂. 18 Cuē₅ jniá₂ ti₁'mag'₄ Diú₄ ia₁ a₂qui₅₄ jniá₂ jmi₃g₄ le₃dsia₅₄ guē₄ jág₁ jmei₅ siá'₂, lia'₂ con'₂ guē₄ ca₂le₃jín'₃ 'nia'₂. 19 La₁ jui₁lia'₂ jme₁le₁nǐ'₂ dsa₂, ja₂lin₃ guē₄ 'nio₃ jui₃g₅₄ dsa₂ 'niá₂ jon₄ jág₁ a₂nǐg'₂, ia₁jaun₂ lé₂jme₁tin₅ i₂sián'₂, lia'₂ con'₂ guē₄ a₂jme₁jui₃g₅₄ dsa₂ guia₃ mei₅ jág₁ a₂tsá₃ 'ein₂ nǐ'₂.

20 'Nia'₂ rin'₅₄ jniog₄, tsá₃ ma₃jui₁dsi₂jio₅ 'au'₂ 'nia'₂ jui₁lia'₂ dsi₂jio₅ dsí₅ i₂bē'₅₄. Jmo₄ bá₄ a₂lǐng'₅ i₂bē'₅₄ tē₂le₃ ja₁con₂ a₂'lǐg'₅₄. La₁ jui₁qui₂le₂nǐ'₂ 'au'₂ 'nia'₂ co₂'nió'₄ dsa₂ can'₅₄. 21 Juá'₂ bá₄ ne₄ Si₂:

Jui₃g₅₄ jniá₂ dsa₂ jui₃g₂ nación la₂
tē₂le₃ quian'₅₄ dsa₂ i₂dsia₅ jág₁ jmei₅ siá'₂,
le₃jui₅ mi₂'o₄ dsi₂nau₂ ně₃;
la₁ on₃ bá₄ guē'₂ le₂jaun₂ jua'₅₄ a₂qui₃tón'₂ dsa₂ jui₅ jág₁ quió₃,
juá'₂ Te₁gui₅₄.†

22 Jaun₂ le₂nē₅ bá₄ lē₅ a₂dsia₅ dsa₂ jág₁ jmei₅ siá'₂. Quian'₅₄ jág₁ jmei₅ jaun₂ jáng'₅ caun₂ léi₄ tē₂le₃ ja₁con₂ dsa₂ i₂tsá₃ 'én₂, on₃jua'₅₄ rē'₂ le₃quió'₅ dsa₂ i₂'én₂. La₁ jui₁lia'₂ jme₁'ē₂ dsa₂ jág₁ a₂jme₂jnia₅ Diú₄, jág₁ le₂jaun₂ ně₃ jáng'₅ táng₃ caun₂ léi₄ le₃ja₁con₂ dsa₂ 'én₂ bá₄, on₃jua'₅₄ le₃ja₁con₂ dsa₂ i₂tsá₃ 'én₂. 23 Jaun₂ le₂nē₅ bá₄, jme₁le₁nǐ'₂ guá'₅, jua'₅₄ mei'₂ guē₃ ca₂le₃jín₃ dsia₂₃ jág₁ jmei₅ siá'₂, nē₁jua'₂ tē₃jē₄ jaun₂ ca₂dsi₃lén₂ jui₁lia'₂ dsa₂ i₂tsá₃ lin₄ nǐ₅, o₃ i₂tsá₃ 'én₂ ně₃, ¿tsa₁ lé₂ le₃juá'₂ 'éi₂: “Dsa₂ nǐ₅ bá₄ nē₅ tion'₅₄”, 'iin₃ 'nia'₂? 24 La₁ nē₁jua'₂ ca₂dsi₃g₃ jan₂ dsa₂ i₂tsá₃ ma₂'én₂, o₃ i₂tsá₃ lin₄ nǐ₅ 'e₂, tē₂lia'₂ tion'₅₄ ca₂le₃jín₃ 'ē₂ jág₁ a₂ma₂cuē₃ Diú₄, jaun₂ guē₄ le₃lí'₄ dsí₅ 'niog₅ 'a₂lia'₂ chain₂ le₃jniá₂ dsá_{u1}, co₂'nió'₄ a₂con₂ 'í₁ jág₁ a₂nag₂₃ a₂'ē₂ dsa₂ tioen'₅₄. 25 Jaun₂ guē₄ le₃jniá₂ a₂rē₂'ma₄ jlē₅ a₂niog₅ dsí₅. Jaun₂ bá₄ chi₃jné₃ jme₃jui_{in}'₂ Diú₄, ton'₂ juá'₂: “Tē₃dsón'₂ bá₄ 'en₅₄ Diú₄ jin'₄ 'nia'₂”.

Jmo₄ bá₄ 'nia'₂ ca₂le₃jē₃ con'₂ dsi₂ten₅₄, dse₃ jniá₂

26 ¿'E₂ bá₄ jaun₂ ně₃, rin'₅₄ jniog₄? Jē₁ma₂tē₂ rē₁tón'₄ 'nia'₂ long'₂, le₂jan'₂ le₂jan'₂ 'nia'₂ quian'₅₄ caun₂ salmo, o₃ caun₂ jág₁ a₂jme₂tág'₂ 'nia'₂, o₃ caun₂ jág₁ a₂jme₂jnia₅ Diú₄, o₃ caun₂ jág₁ a₂juá'₂ quian'₅₄ jág₁ jmei₅ siá'₂, o₃ caun₂ jág₁ dsau₅ jui₁lia'₂ 'e₂ jein₅ jág₁ jaun₂; la₁ jui₁le₅₄ ca₂le₃jē₃ a₂nē₅ o₄quió'₄ a₂dsi₃cón₃ dsa₂ tē₂le₃ quió'₅ jme₂dsí₂. 27 Jē₁ma₂tē₂ rē₁dsia₃ 'ein₂ dsia₃ jág₁ jmei₅ siá'₂, jui₁dsia₁₂ on₃, chi₂jua'₂ nǐ₄ lē₃ ca₂juē'₃, ún₂ jniá'₄, tē₃ qui₂jáin₃, jaun₂ 'nió'₅ le₃chan₂ jan₂ i₂juá'₂ 'e₂ jein₅ jág₁ jaun₂. 28 La₁ nē₁jua'₂ tsá₃ 'ein₂ chan₂ i₂lé₂ le₃juá'₂ 'e₂ jein₅ jág₁ jaun₂, co₂dsia₅ jui₁jmo₁₂ tei₄ dsi₂nēi₂ guá'₅, jui₁dsia₁₂ tē₂dsí₅ 'niog₅, jui₁chi₂lén'₄ Diú₄.

29 Le₂nē₅ bá₄ ján₃ jui₁lia'₂ i₂'ē₂ jág₁ a₂jme₂jnia₅ Diú₄: jui₁jua'₅₄ on₃-ún₂, la₁ ma₂tion'₅₄ i₂sián'₂ i₂con₂ 'í₁. 30 La₁ nē₁jua'₂ ca₂jme₃jnia₅ Diú₄ caun₂ jág₁ ne₄ jan₂ i₂guá₅ jē₄ le₁nǐ'₂ dsa₂ jaun₂, jui₁jmo₅₄ i₂le₂'uig₅₄ 'éi₂ tei₄. 31 Ia₁ lé₂ le₃'ē₄ ca₂le₃jín'₃ 'nia'₂ jág₁ tē₃ qui₂jáng'₃, ia₁jaun₂ ca₂le₃jín₃ qui₃le₃tiin₂, gue₃ lián'₂ dsí₅ ján₃. 32 Ca₂tín₂ dsa₂ i₂'ē₂ jág₁ a₂cuē₅ Diú₄ a₂qui₅₄ jmi₃g₄ jme₃'uáin₂ jme₂dsí₂ quió'₅. 33 Ia₁ jmo₅ Diú₄ a₂'ei₅ tei₄, on₃jua'₅₄ rē'₂ a₂gó₂.

Jui₁lia'₂ lē₅ ca₂le₃jē₃ ja₁nǐ'₂ dsa₂ rin'₅₄ jniog₄, ‡ 34 ca₂tín₂ bá₄ dsa₂ mí₂ jmo₃ tei₄ dsi₂nēi₂ guá'₅. Tsá₃ 'i₄ 'éi'₃ táun₂ jág₁, tē₂le₃ ca₂tiin₂ nag₃ gau₂ bá₄, jui₁lia'₂ juá'₂ Si₂ 'Éi'₃. 35 Chi₂jua'₂ 'e₂ 'nio₃ le₃nǐ₅, ca₂tiin₂ nǐ'₃ dsi₂i₂gu₂ guioin₅₄, dsi₂nēi₂ quió'₅. Ia₁ caun₂ o₂guí'₃ jaun₂, jua'₅₄ mei'₂ guē₃ dsa₂ mí₂ táun₂ jág₁ dsi₂nēi₂ guá'₅.

36 ¿O₃ bá₄ ca₂rē₃lióg₃ jág₁ quió'₅ Diú₄ ja₁con₂ 'nia'₂? ¿O₃ bá₄ jmá'₃ lia'₂ ja₁con₂ 'nia'₂ ca₂dsi₃g₃ jág₁ dse₃? 37 Chi₂jua'₂ chan₂ jan₂ i₂lín₂ lín₅ jan₂ i₂'ē₂ jág₁ a₂cuē₅ Diú₄, o₃ i₂'io₅ a₂tiin₂ caun₂ jui₅bí₂ a₂gu₂dsí₂, jui₁le₂nǐ₅ bá₄ rē₂jia₃ jág₁ a₂tó'₅ jniá₂ ne₄ si₂ la₂ a₂juí₂g₂ jniá₂ 'nia'₂,

† 14:21 Isaías 28:11-12; Deuteronomio 28:49. ‡ 14:33 lit. “dsa₂ jnió₅,”

co₂ně₅ lě₅ 'éi'₃ quió'₅ Te₁gui'₅₄ bá₄. ³⁸ Chi₂jua'₂ chan₂ guē'₂ i₂tsá₃ tón'₂ jui₅ jág₁ ně₅, tsá₃ ton'₅₄ 'nia'₂ jui₅ dsa₂ 'éi'₂. §

³⁹ Le₂ně₅ bá₄ jaun₂ 'nia'₂ rin'₅₄ jniog₄, quen'₂ 'nia'₂ bí₂ a₂lé₂ le₃'ě'₄ 'nia'₂ jág₁ dse₃ a₂já₅ le₃ja₁con₂ Diú₄. Tsá₃ jmo₂ 'nia'₂ jua'₅₄ a₂tsá₃ cuē'₁ 'nia'₂ jmig₄ a₂dsia₃ dsa₂ jág₁ jmei₅ siá'₂.

⁴⁰ La₁ia₁ jmo₄ 'nia'₂ ca₂le₃jě₃ lia'₂ con'₂ dsi₂ten₅₄, lia'₂ con'₂ lě₅ ca₂tín₂ jmo₃ le₂jain₂ le₂jain₂.

15

Jui₁lia'₂ a₂ca₂jen'₅₄ Cristo

¹ Nē₃ ně₃ rin'₅₄ jniog₄, jmo₅ jniá₂ a₂dsiog'₂ 'au'₂ 'nia'₂ 'a₂lia'₂ lě₅ jág₁ dse₃ a₂ma₂ca₂'ě₃ jniá₂ jin'₄ 'nia'₂, a₂ma₂ca₂gue'₅₄ 'nia'₂, a₂tión'₂ 'nia'₂ tiá₂. ² Tě₂le₃ quian'₅₄ jág₁ dse₃ la₂ bá₄ a₂lión'₂ 'nia'₂, chi₂jua'₂ chan'₅₄ 'nia'₂ tiá₂ jág₁ a₂ma₂ca₂'ě₃ jniá₂ 'nia'₂. Chi₂jua'₂ tsá₃ le₂jaun₂ ně₃, tsá₃ ta₁ tí₄ a₂ma₂ca₂rě₃'én'₂ 'nia'₂.

³ Jě₁le₂'uig₅₄ juá'₅, ca₂jáng'₃ jniá₂ jág₁ a₂ma₂ca₂ñi₂ jniá₂: a₂ca₂jon₃ I₂rě₂'ín₁ quián₅ Diú₄ 'uig₅₄ dsáu₁ jniog₄, lia'₂ con'₂ lě₅ juá'₂ ne₄ Si₂; ⁴ a₂ca₂'ó₂ dsa₂, a₂ca₂jein'₅₄ táng₃ ja₁ñáu'₄ 'ni₅ jmig₄, lia'₂ con'₂ lě₅ juá'₂ ne₄ Si₂ bá₄ ján₃; ⁵ a₂ca₂jme₃jniai₂₃ ne₄ Pe₄; * jaun₂ guē₄ ca₂jme₃jniai₂₃ ne₄ chi'₂ dsi₂guia₃-tín₂. ⁶ Cang₂ jaun₂, ca₂jág₂ co₂nio₄ lě₅ guē₄ ca₂jau₅₄ mei₅ dsa₂ rin'₅₄ jniog₄; mei'₂ tsá₃ ca₂le₃jín₃ bá₄ dsa₂ i₂ca₂jág₂ 'éi₂ chain₂ bá₄ guē₄ jmig₄ ně₃, o₁jñia'₅₄ la₂ ma₂dsan₃ i₂lín₅₄. ⁷ Cang₂ jaun₂, ca₂jme₃jniai₂₃ ne₄ Jacobo, jó₅ jaun₂ ca₂jme₃jniai₂₃ ne₄ ca₂le₃jín₃ dsa₂ i₂chen₄ quián₅.

⁸ Jě₁ca₂tó'₂ guē₄ ně₃ ca₂jme₃jniai₂₃ ne₃ jniá₂, o₁jñia'₅₄ jme₁lín₄ jniá₂ ně₂jag₄ bá₄ jan₂ i₂tsá₃ dse₃ ca₂rě₃chán₃. ⁹ Ia₁ lín₅ jniá₂ i₂'uin₃ guē₄ jui₁lia'₂ con'₂ guē₄ ca₂le₃jín₃ dsa₂ i₂chen₄ quián₅, ca₂lia'₂ jñia'₅₄ tsá₃ ca₂tíng₂ a₂quiong₃ dsa₂ a₂lín₅ i₂chen₄ quián₅. Ia₁ qui₂ca₂co₃'éng₃ dsa₂ 'én₂ le₂jñiá₅. ¹⁰ La₁ 'uig₅₄ ia₁ a₂'ua₁ dsí₅ bá₄ Diú₄, lín₅ jniá₂ 'e₂ lín₅; jaun₂ jui₁lia'₂ a₂ca₂dsia₃ Diú₄ dse₃ dsí₅ ja₁cong₂, tsá₃ lě₅ jua'₅₄ a₂tsá₃ ta₁ tí₄. La₁ 'ñio₅ lín₅ guē₄ ma₂jmo₃ jniá₂ ta₁ lia'₂ con'₂ guē₄ ca₂le₃jín₃ i₂chen₄ quián₅; ton'₂ on₃jua'₅₄ ca₂jmo₃ jniá₂ 'ñio₃, a₂ma₂ca₂jme₃quiong'₅₄ a₂'ua₁ dsí₅ Diú₄ bá₄ ma₂guio₃. ¹¹ La₁ tsá₃ a₂lě₅ jaun₂ jua'₅₄ jniá₂, o₃ 'éi₂ 'e₂ ma₂jmo₃, la₁ caun₂ jág₁ la₂ bá₄ ma₂ja₂náu₅ jnia'₅₄ 'ě₅. Já₁g₁ ně₅ bá₄ a₂ma₂ca₂nei'₂ ca₂rě₃'én'₂ guē₂ 'nia'₂.

Jui₁lia'₂ a₂já₅ caun₂ jmig₄ a₂jen'₅₄ 'lag₄

¹² La₁ chi₂jua'₂ ma₂qui₂rě₂'ě₂ jág₁ a₂ca₂jen'₅₄ bá₄ Cristo a₂jme₁rě₂'lín₅₄, ħ₂a₂ bá₄ lia'₂ lě₅ a₂juá'₂ 'nia'₂ i₂lín₅₄ a₂tsá₃ jen'₅₄ 'lag₄? ¹³ Nē₃ ně₃, chi₂jua'₂ tsá₃ jen'₅₄ 'lag₄, jaun₂ ca₂lia'₂ jñia'₅₄ Cristo tsá₃ rě₂jen'₅₄ chi₂jua'₂ le₂jaun₂; ¹⁴ jaun₂ chi₂jua'₂ tsá₃ ca₂jen'₅₄ guē'₂ Cristo, le₂jua'₅₄ tsá₃ ma₃'e₂ ta₁ tí₄ jág₁ a₂'ě₅ jnia'₅₄, jaun₂ tsá₃ ta₁ tí₄ a₂'én'₂ 'nia'₂. ¹⁵ Chi₂jua'₂ le₂ně₅, jnia'₅₄ ně₃ ma₂ja₂náu₅ jag'₅₄ 'nia'₂ a₂lág₅ dsa₂ tě₂jín₁, tsá₃ tí₅ jág₁ quián₂ jnia'₅₄ a₂'ín₅ jnia'₅₄ Diú₄. Ia₁ ma₂ja₂náu₅ jnia'₅₄ 'ín₅ Diú₄, a₂ca₂jme₃jein'₅₄ Cristo i₂tsá₃ rě₂jen'₅₄ chi₂jua'₂ tsá₃ dsau₅ jág₁ ně₃ a₂jen'₅₄ 'lag₄. ¹⁶ Chi₂jua'₂ le₂jaun₂ tsá₃ jen'₅₄ 'lag₄, le₂jaun₂ guē'₂ ján₃, on₃ guē'₂ Cristo 'ñiog₅ ca₂jein'₅₄ ně₃; ¹⁷ ně₁tsá₃ guē'₂ ca₂jen'₅₄ 'éi₂, tsá₃ 'e₂ ta₁ jmo₃ a₂'én'₂ 'nia'₂ le₃quió'₅ ně₃, jaun₂ lia'₂ ma₂le₁cán'₄ jaun₂ bá₄ 'nia'₂ dsáu'₂ ně₃. ¹⁸ Ján₃ guē'₂ le₂jaun₂, jui₁lia'₂ dsa₂ i₂ma₂dsan₃ le₃quió'₅ Cristo, i₂rě₂'én₄ bá₄ 'éi₂, chi₂jua'₂ le₂jaun₂. ¹⁹ Jaun₂ jniog₄ ně₃, chi₂jua'₂ a₂jñia'₅₄ 'ín₂ dsi₅ jniog₄ le₃quió'₅ Cristo jui₁lia'₂ jmig₄ tě₁lia'₂ chong₂ la₂, 'e₂ guē₄ juíg₂ jniog₄ con'₂ guē₄ ca₂le₃jín₃ dsa₂.

²⁰ La₁ a₂tě₃dsón'₂ bá₄ dsau₅ a₂ca₂jen'₅₄ Cristo a₂jme₁rě₂'lín₅₄; lín₅ co₂'nió'₄ míg₂ le₂'uig₅₄ a₂'ag₅ a₂ro'₂ dsa₂, ia₁ lín₅ i₂le₂'uig₅₄ i₂ca₂jen'₅₄ jin₄ dsa₂ i₂ma₂dsan₃. ²¹ Le₂jaun₂ bá₄, jui₁lia'₂ 'uig₅₄ quió'₅ jan₂ dsa₂ ca₂'í₃ 'mú₃ mi₂güig₃, ján₃ bá₄ 'uig₅₄ quió'₅ jan₂ dsa₂ ca₂rě₃lióg₃ a₂jen'₅₄

§ 14:38 A₂lín₅₄ chog₅₄ si₂ juá'₂: “Chi₂jua'₂ chan₂ guē'₂ i₂tsá₃ tón'₂ jui₅ jág₁ ně₅, tsá₃ lě₅ jui₁tioin'₅₄ jui₅ guē'₂ jaun₂.” * 15:5 griego: Cefas.

'lag₄. ²² Ia₁ jui₁lia'₂ lě₅ a₂dsan₂ ca₂le₃jín₃ ia₁ a₂lín₅ tsi₁jon₂ Adán, ján₃ bá₄ le₂ně₅ le₃chan₂ ca₂le₃jín₃ ia₁ a₂lín₅ i₂quián₅ Cristo, ²³ la₁ia₁ le₂jan₂ le₂jan₂ bá₄ 'a₂ lia'₂ lě₅ niog₅ tiín₃: Cristo le₂'uig₅₄, co₂'nió'₄ jon₂ le₂ne₁ a₂ráu₃; jaun₂ guě₄ 'éi₂, dsa₂ quián₅ Cristo, jě₁ma₂tě₂ rě₁guain'₂, ja₃te₅₄ 'éi₂ tē₂le₃ja₁coin₂. ²⁴ Jaun₂ guě₄ ně₃, jiá₃ jmig₄ jě₁dsian₅ ca₂le₃jě₃, jě₁ma₂tě₂ rě₁jáng'₃ ta₁ a₂lín₅ a₂goin₂, ne₄ Diú₄ Jmei₂, cang₂ jě₁ma₂ca₂'éin₂ ca₂le₃jě₃ 'éi'₃, ca₂le₃jín₃ dsi₂tan₅₄, ca₂le₃jě₃ jui₅bí₂. ²⁵ Ia₁ tion₅₄ bá₄ ca₂tín₂ 'éi₂ goin₂, ca₂lia'₂ ca₂tě₂ jmig₄ i₁guian'₃ Diú₄ o₄tag₁₂ ca₂le₃jín₃ i₂'iog₅₄. ²⁶ Ia₁ i₂jě₁ca₂tó'₂ i₂'iog₅₄ i₂dsi₃'én₂, 'mú₃ bá₄ jaun₂. ²⁷ Ia₁ Diú₄ bá₄ “ma₂ca₂guiog'₃ o₄tag₄ 'éi₂ ca₂le₃jě₃ jui₅bí₂.”† Ně₃ ně₃, jui₁lia'₂ jme₁juá'₂ Si₂ a₂ca₂guiog'₃ ca₂le₃jě₃, jaun₂ nág'₂ rě₂jiá₃, tsá₃ quen'₅₄ Diú₄ njog₅ jin₄ dsa₂ i₂le₁gan'₅₄ o₄tag₄ Cristo, ia₁ 'njog₅ bá₄ Diú₄ ca₂guiog'₃. ²⁸ Jě₁ma₂ca₂dsióg₃ jmig₄ jaun₂ a₂niog₅ ca₂le₃jě₃ o₄gú₃ Ja₁ni'₅₄, jaun₂ guě₄ ně₃ 'njog₅ Ja₁ni'₅₄ jín'₂ táng₃ o₄gú₃ i₁ca₂guiog'₃ 'éi₂, ia₁jaun₂ lén₂ Diú₄ juig₅₄ ca₂le₃jě₃, ne₄ ca₂le₃jě₃.

²⁹ Ně₃ ně₃, ně₁jua'₂ tsá₃ jen'₅₄ 'lag₄, ċ'e₂ guě'₂ jmo₃ jui₁lia'₂ dsa₂ i₂jnó₂ jmig₂ o₄quió'₄ 'éi₂? Chi₂jua'₂ dsón'₂ rě'₂ dsau₅ a₂tsá₃ jen'₅₄ 'lag₄, ċ'e₂ guě'₂ lě₃ jnó₂ dsa₂ jmig₂ o₄quió'₄? ³⁰ Jui₁lia'₂ jnia'₅₄ ně₃, ċ'e₂ bá₄ ta₁ jmo₃ i₁nio₄ jnia'₅₄ 'ei₅ gau₂ co₂tan₅₄? ³¹ Le₂o₃ jmig₄ bá₄ gue₅ jniá'₂ 'mú₃. Dsón'₂ bá₄ jaun₂, rin'₅₄ jniog₄, jui₁lia'₂ dsón'₂ bá₄ jmo₅ jniá'₂ táng'₅ o₄quián'₂ 'nia'₂ i₂'én₂ le₃quió'₅ Cristo Jesús, Te₁gui'₅₄ quián₂ jniog₂. ³² Chi₂jua'₂ ca₂quín'₂ jniá'₂ quian'₅₄ dsa₂ tsau₂ dsí₅ i₂chan₂ juig₂ Efeso, con'₂ dsi₂jiog₅ dsí₅ dsa₂ mi₂güig₃, ċ'e₂ a₂dsí₂ quió₃? Chi₂jua'₂ dsau₅ jaun₂ a₂tsá₃ jen'₅₄ 'lag₄,

jui₁que₅₄ jui₁'en'₅₄ jniog₄,
ia₁ con'₂ tsá₃ njó₅ ně₁jua'₂
ca₂dsau₅ bá₄ jui₁la₂ 'ió₃.‡

³³ Jaun₂ juig₂ jniá'₂ 'nia'₂, tsá₃ lě₁jme₁gan₅ 'nia'₂ 'au'₂. Tsá₃ i₂jmo₂ 'nia'₂ jui₁lia'₂ juá'₂ caun₂ jág₁ a₂cha₂: “Jui₁lia'₂ dsa₂ i₂jme₂quian'₅₄ dsa₂ i₂con'₂ lě₁lín₄, dsi₃'én₂ tag₄ a₂dse₃ a₂'io₂₃.” ³⁴ Jaun₂ juá'₅ jniá'₂, jme₁jnio₂ 'nia'₂ ne'₅₄, jen'₅₄ táng₃ 'nia'₂ jui₅ co₂dsau₅, tsá₃ ma₃'nau₂ 'nia'₂ dso₄. Ia₁ i₂chan₂ bá₄ i₂lín₅₄ 'nia'₂ i₂tsá₃ cuín₅ Diú₄. Juá'₅ jniá'₂ le₂ně₅ ia₁jaun₂ cán'₁ 'nia'₂ ca₂la₂ o₂guí'₃.

A₂ lia'₂ lé₂ a₂jen'₅₄ táng₃ 'lag₄

³⁵ Chan₂ bá₄ i₂le₃ngag₃: “ċ'A₂ bá₄ lia'₂ lě₅ jaun₂ a₂jen'₅₄ 'lag₄? ċ'A₂ lia'₂ lín₅, 'a₂ lia'₂ lě₅ ni₁ni₁₂ jě₁ma₂ja₂lein₃?” ³⁶ iCaun₂ jág₁ co₄ bá₄ ně₅! Ia₁ jui₁lia'₂ jme₁jne₅ dsa₂ 'e₂ jon₂ jne₂₃, tsá₃ 'ia₂ jua'₅₄ tsá₃ dsi₃'én₂ jon₂ a₂dsi₂jnia₄. ³⁷ Ia₁ jui₁lia'₂ jme₁jan'₂ 'e₂ jan'₂, on₃jua'₅₄ a₂jan'₂ tag₄ a₂lé₂ cang₂. Le₂jaun₂ lě₅ jui₁lia'₂ cuig₂, Š jui₁'e₂ guě₃ jon₂ siá'₂ ján₃. ³⁸ Le₂jaun₂ bá₄ jmo₅ Diú₄: cuě₂₃ cho'₅₄ lia'₂ con'₂ lě₅ 'njio₂ dsí₅; lia'₂ ca₂ne₅₄ mīg₂ 'io₂₃ cho'₅₄ con'₂ a₂ca₂tiín₂. ³⁹ Le₂jaun₂ bá₄ lě₅ quian'₅₄ jui₁lia'₂ ni₁ni₁₅: tsá₃ le₃jě₃ lě₅ co₂rě₂. Jma₃quén₅ bá₄ lě₅ ni₁ni₁ dsa₂ mi₂güig₃, quian'₅₄ ni₁ni₁ já'₂ náu₂, jui₁lia'₂ quió'₅ i₁tan₅; jui₁lia'₂ guě'₂ quió'₅ i₁ju₁ ján₃. ⁴⁰ Le₂ně₅ bá₄ lě₅ jui₁lia'₂ a₂cha₂ guei'₅₄ mi₂güig₃, quian'₅₄ a₂cha₂ ne₄ gua'₅₄ 'uě₃. Tsá₃ co₂rě₂ jlá'₁ tág₅ a₂cha₂ guei'₅₄ quian'₅₄ a₂jlá'₁ a₂cha₂ ne₄ gua'₅₄ 'uě₃. ⁴¹ Le₂ně₅ bá₄ siá'₂ tág₅ quió'₅ 'iog₂, quian'₅₄ tsi'₂, quian'₅₄ guě'₂ nei₅ táng₃. Ján'₃ bá₄ siá'₂ tág₅ nei₅ jě₄ rin'₅₄.*

⁴² Le₂ně₅ bá₄ guě'₂ niog₅ lé₂ quian'₅₄ dsa₂, jě₁ma₂ca₂jein'₅₄. Dsi₃'o₃ caun₂ ni₁ni₁₅ a₂niog₅ siá'₃; jaun₂ jen'₅₄ táng₃ caun₂ a₂tsá₃ ton₅ jmig₄ siá'₃. ⁴³ Dsi₃'o₃ caun₂ ni₁ni₁₅ co₂'nió'₄ a₂lě₅ o₂guí'₃; jaun₂ náu₃ caun₂ ni₁ni₁₅ jlá'₁. Dsi₃'o₃ caun₂ ni₁ni₁₅ 'uan₅₄; la₁ jen'₅₄ táng₃ caun₂ a₂bén₂. ⁴⁴ Dsi₃'o₃ caun₂ ni₁ni₁₅ a₂lě₅ a₂ca₂tín₂ gua'₅₄ 'uě₃ la₂; jaun₂ guě'₄ jen'₅₄ táng₃ caun₂ ni₁ni₁₅ a₂gu₂dsí₂.

† 15:27 Salmo 8:6. ‡ 15:32 Isaías 22:13. § 15:37 lit. “trigo.” * 15:41 Co₂'nió'₄ le₃jua'₅₄, cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3, Romanos 1:25.

⁴⁵ Jaun₂ bá₄ lë₃ chi₁ton₅ ne₄ Si₂: “Ca₂lin₃ Adán le₂'uig₅₄ jan₂ dsa₂ i₂'i₄ jme₂dsi₂.”† La₁ i₂lín₅ Adán i₂co₂'nió₄ jë₁ca₂tó₂ guë₂ në₃, ca₂lin₃ jan₂ jme₂dsi₂ i₂to₂ jme₂dsi₂ jniog₄. ⁴⁶ La₁ on₃jua₅₄ jme₂dsi₂ ca₂gua₃ de₂ le₂'uig₅₄. A₂ca₂tín₂ gua₅₄ 'uë₃ bá₄ ca₂lë₃ le₂'uig₅₄; cang₂ jaun₂ ca₂gua₃ a₂gu₂dsi₂. ⁴⁷ Dsa₂ i₂le₂ne₁ 'éi₂ jme₁lín₄ quian₅₄ ti₁gua₅₄ quió₅ 'uë₃ la₂; i₂jë₁ca₂të₂ on₃ dsa₂ në₃, i₂ca₂já₃ guei₅₄ i₂juí₃ bá₄ 'éi₂. ⁴⁸ Ca₂le₃jín₃ dsa₂ i₂chan₂ ne₄ gua₅₄ 'uë₃, lín₅ jui₁lia₂ jme₁lín₄ dsa₂ i₂ca₂lin₃ quian₅₄ ti₁gua₅₄ 'éi₂; ján₃ bá₄ le₂jaun₂ lín₅ dsa₂ i₂tin₅ guei₅₄ i₂juí₃, jui₁lia₂ lín₅ i₂ca₂já₃ guei₅₄ i₂juí₃. ⁴⁹ Jui₁lia₂ quióng₂ jniog₄ quió₅ dsa₂ i₂ca₂lin₃ quian₅₄ ti₁gua₅₄ 'éi₂, ján₃ bá₄ le₂në₅ quiong₅₄† jniog₄ lia₂ jniá₂ i₂ca₂sión₃ guei₅₄ i₂juí₃.

⁵⁰ Juí₂ jniá₂ 'nia₂, rin₅₄ jniog₄, tsá₃ ca₂tín₂ dsa₂ i₂quian₅ mu₅-ñí₅ ja₁gon₂ Diú₄; on₃ guë₂ ca₂tín₂ jui₁lia₂ a₂siá₃, caun₂ ja₁tsá₃ ton₅ jmi₄ siá₃. ⁵¹ Nei₂ 'nia₂. La₂ 'ë₄ jniá₂ caun₂ jág₁ a₂jme₁rë₂'ma₄ le₂jniá₅: tsá₃ dsióg₃ ca₂le₃jág₃. La₁ ca₂le₃jág₃ bá₄ jniog₄ le₃tság₃, ⁵² con₂ tiá₂, në₂jag₄ bá₄ a₂'méi₂ dsa₂ co₂ráun₂ jme₁ne₁₂, jë₁ma₂i₁'ein₅₄ ñí₂ trompeta jë₁ca₂tó₂. Ia₁ dsi₃'ein₅₄ ñí₁ trompeta, jaun₂ guë₄ jen₅₄ ca₂le₃jín₃ dsa₂ i₂ma₂dsan₃, jaun₂ guë₄ o₁líg₂ jmi₄ tsá₃ ma₃dsiáin₃. Jaun₂ jniog₄ ca₂le₃jág₃ në₃, qui₂le₃tság₃. ⁵³ Ia₁ ca₂tín₂ qui₃ a₂siá₃ quian₅₄ caun₂ a₂tsá₃ siá₃; a₂qui₃ a₂jón₂ quian₅₄ caun₂ a₂tsá₃ líg₂ jmi₄ jón₂. ⁵⁴ Jë₁ma₂qui₂ nñí₅ a₂siá₃ la₂ quian₅₄ a₂tsá₃ siá₃, jë₁ma₂qui₂ nñí₅ a₂jón₂ la₂ quian₅₄ a₂tsá₃ líg₂ jón₂, jaun₂ guë₄ le₃ti₃ jág₁ la₂ a₂tio₅₄ ne₄ Si₂:

Co₂dsia₅ ca₂lí₃ co₂nei₅₄ Te₁gui₅₄ ne₄ 'mú₃.§

⁵⁵ ¿A₂já₄ bá₄ ñó₅ a₂jme₁lén₂ 'ne₂, 'mú₃?

¿'E₂ bá₄ ca₂lë₃, 'ne₂ 'mú₃,

quian₅₄ uig₅ a₂jme₁'ág₁ jniá₅₄?*

⁵⁶ Në₃ në₃, jui₁lia₂ uig₅ a₂jme₁'ág₁ 'mú₃ jniog₄, dsáu₁ bá₄ jniog₄ jaun₂; jui₁lia₂ bí₂ a₂'io₅ dsáu₁ jniog₄, Si₂ 'Éi₃ bá₄ jaun₂. ⁵⁷ ¡La₁ ti₁'mag₄ Diú₄ i₂cuë₅ bí₂ a₂lág₂ jniog₄ të₂le₃ quian₅₄ Te₁gui₅₄ Jesucristo quián₂ jniog₄!

⁵⁸ Jaun₂ lë₃, 'nia₂ rin₅₄ jniog₄, i₂'nióg₃ guë₄ lín₃, nau₂ bá₄ 'nia₂ tiá₂, tsá₃ cuín₅ 'nia₂ jmi₄ jua₅₄ 'ein₂ guë₃ jnióg₂ 'nia₂ cau₅; jui₁dsi₂tsón₃ bá₄ 'nia₂ quian₅₄ ta₁ quió₅ Te₁gui₅₄. Ia₁ ma₂ñi₅₄ bá₄ 'nia₂ tsá₃ lë₅ jua₅₄ a₂lë₁jmo₂ can₂ 'nia₂ ta₁ le₃quió₅ Te₁gui₅₄.

16

Ca₂cág₃ cu₄ a₂jme₃'oin₅₄ rñin₅₄

¹ Në₃ në₃, të₂le₃ quió₅ guë₂ cu₄ a₂cag₄ 'nia₂ jme₁'ong₁ rin₅₄ i₂'én₂,* le₂jaun₂ bá₄ jmo₄ 'nia₂ ján₃ con₂ lë₅ jág₁ ma₂cuë₃ jniá₂ guá₅ i₂chan₂ 'uë₃ Galacia. ² Le₂caun₂ do₂mei₅₄,† ca₂tín₂ bá₄ 'nia₂ le₂jang₂ le₂jang₂ cáu₁ ca₂la₂ 'a₂ con₂ tí₅ ca₂ling₃. A₂jaun₂ con₂ quiog₂ 'ma₄ 'nia₂, ma₂lë₅ co₂jñia₅₄ ia₁jaun₂ tsá₃ lë₅ jua₅₄ jaun₂ guë₄ cag₅₄ 'nia₂ jë₁ma₂dsióg₃ jniá₂. ³ Jaun₂ bá₄, jë₁ma₂të₂ rë₁dsióg₄ jniá₂, jaun₂ le₃chen₄ dsa₂ rin₅₄ i₂'ín₄ 'nia₂ guiong₅₄, dsi₃lén₂ 'éi₂ juig₂ Jerusalén quian₅ caun₂ si₂ a₂lé₂. Jaun₂ 'éi₂ bá₄ cán₂ cu₄ quián₂ 'nia₂ a₂cag₅₄ në₅ a₂jme₁'ong₁ rin₅₄ ja₁jaun₂. ⁴ Në₁jua₂ dsi₂ten₅₄ guë₂ nei₅₄ 'ñióg₃ në₃, jme₃quiong₅₄ 'éi₂.

Jmo₅ Pa₄ co₂jñia₅₄ a₂'í₂ jui₅

⁵ Jë₁ma₂të₂ rë₁nei₅₄ i₁ñig₁₂ le₂tan₅₄ 'uë₃ Macedonia, jaun₂ guë₄ dsióg₄ ja₁con₂ 'nia₂. ⁶ Con₂ tsá₃ ñó₅ në₁ca₂jan₄ ca₂la₂ uë₂, o₃ në₁ca₂lë₃ ñig₅ le₂tan₅₄ jein₂ güig₂ quian₅₄ 'nia₂, ia₁jaun₂ lé₂ tsag₅₄ 'nia₂ jui₅ chi₂jua₂ ja₁ca₂tín₂ jniá₂ nei₅₄. ⁷ Ia₁ tsá₃ 'nio₃ jniá₂ nei₅₄ të₂në₃, jua₅₄ con₂ ca₂ñig₅ bá₄ ja₁tion₅₄ 'nia₂. Jaun₂ 'ín₂ bá₄ dsi₃ jniá₂ i₁jñia₁₂ ca₂la₂ uë₂ quian₅₄ 'nia₂, në₁jua₂ ca₂cuë₃ Te₁gui₅₄ jmi₄. ⁸ La₁ i₁jñia₁ jniá₂ juig₂ Efeso ca₂lia₂ ca₂të₂ Jmi₄ Të₂láu₃-guiá₂. ⁹ Ia₁

† 15:45 Génesis 2:7. ‡ 15:49 A₂lin₅₄ chog₅₄ si₂ gui₅₄ juá₂: “jui₁quiong₅₄ jniog₄.” § 15:54 Isaías 25:8. * 15:55 o₃, “¿'E₂ bá₄ ca₂lë₃, 'ne₂ 'mú₃, quian₅₄ uig₅ a₂jme₁'ág₁ jniá₅₄? ¿A₂já₄ bá₄ ñó₅ a₂jme₁lén₂ 'ne₂, tau₂ 'ñio₅?” Oseas 13:14.

* 16:1 lit. “dsa₂ jnióg₅.” † 16:2 lit. “jmi₄ le₂'uig₅₄ quió₅ semana.”

'ŋio₅ bá₄ cuin₅ jmig₄ rē₂na₄ jui₅ lé₂ le₃i₁jmo₃ ta₁ quió'₅ Te₁gui'₅₄, a₂léi₄ a₂tē₃dsi₅₄ dsón'₂; ton'₂ le₂jaun₂ bá₄ juin₅ dsa₂ i₂náu₃ 'io'₅₄ táng₃.

¹⁰ Nē₁jua'₂ ca₂dsióg₃ Timoteo rin'₅₄ jniog₄, jag₄ 'nia'₂ jaun₂, jaun₂ tsá₃ lē₅ jua'₅₄ a₂gó'₅ 'ein₅₄ jē₄ quián'₂ 'nia'₂, ia₁ ma₂já₅ 'éi₂ jmo₂₃ ta₁ quió'₅ Te₁gui'₅₄, jui₁lia'₂ jniá₂ ján₃. ¹¹ Jaun₂ tsá₃ jmó'₂ 'nia'₂ 'au'₂ jua'₅₄ tsá₃ 'e₂ quein₅. Tē₂le₃ chéin'₂ 'nia'₂ jui₅ a₂ag₃ tei₄ dsí₅, ia₁jaun₂ jiá₃ ja₃jag₅₄ jniá₂. Ia₁ chi₁jain₁₂ jniá₂ quian'₅₄ rin'₅₄ jniog₄.

¹² Nē₃ nē₃, jui₁lia'₂ Apolos rin'₅₄ jniog₄, jme₁chi₂quian'₅₄ jniá₂ jmig₄ a₂dsó₃ quian'₅₄ rin'₅₄ jniog₄ dsi₁jün₁₂ 'nia'₂. Co₂dsia₅ tsá₃ ca₂lē₃ dsí₅ dsó₃ rē₂nē₃, la₁ nē₅ bá₄ dsióg₄ líg'₂ ca₂cuin₃ jmig₄ dsó₃.

Jág₁ a₂'ág'₃ jág₁ jē₁ca₂tó'₂

¹³ Jmo₄ 'í₁, nau₂ 'nia'₂ tiá₂ a₂én'₂ 'nia'₂. Jmo₄ ma₂chang'₂ a₂lē₅ 'au'₂ ma₂ca₂cang'₅₄ ma₂ŋi'₅₄, tión'₁ 'nia'₂ a₂'uang'₂. ¹⁴ Ca₂le₃jē₃ 'e₂ niog₅ jmo'₂ 'nia'₂ ja₁con₂ ríng'₂, jmo₄ léi₄ a₂'nióg'₃ tē₃dsón'₂ ríng'₂.

¹⁵ Nē₃ nē₃, jui₁lia'₂ ma₂ŋi'₅₄ 'nia'₂, rin'₅₄ jniog₄: Estéfanos, quian'₅₄ dsa₂ dsi₂néi₂ quió'₅, ca₂liin₃ dsa₂ i₂le₂'uig₅₄ i₂ca₂rē₃ 'én₂ jág₁ dse₃ 'uē₃ Acaya. Dsa₂ rin'₅₄ 'éi₂ nē₃ ma₂ja₂léin₂ ca₂ne₅₄ jme₁jme₂ti₃ ja₁con₂ rin'₅₄ jniog₄ dsa₂ 'én₂ ja₁jaun₂. Chi₂quian'₅₄ jniá₂ 'nia'₂ jmig₄ jaun₂ nē₃,

¹⁶ jme₁gan'₃ 'nia'₂ jui₁lia'₂ dsa₂ le₂'éi₂, quian'₅₄ guē₄ ca₂le₃jín₃ rin'₅₄ jui₁lia'₂ i₂jme₂'o₅₄ quian'₅₄ ta₁ le₂jaun₂. ¹⁷ 'Io'₂ jmo₅ jniá₂ nē₃, ia₁ ma₂guan₅ Estéfanos, Fortunato, quian'₅₄ Acaico; ma₂ca₂jme₃'ŋiai₂₃ jui₁lia'₂ a₂jme₁'nió'₅ ja₁con₂ jniá₂ 'uig₅₄ ia₁ a₂tsá₃ 'nia'₂ chan'₂ ja₁lá₃. ¹⁸ 'Éi₂ bá₄ ma₂jmo₃ lián'₂ dsi₃ tē₂le₃ jui₅ jme₂dsí₂, le₂jaun₂ bá₄ ma₂qui₂ma₂jmo₃ lián'₂ 'au'₂ 'nia'₂ ján₃. Jaun₂ 'nió'₅ jme₁gan₃ jniog₄ dsa₂ le₂'éi₂.

¹⁹ Ca₂le₃jín₃ guá'₅ ja₁tén₄ le₂tan₅₄ 'uē₃ Asia, cuin₂₃ Diú₄ 'nia'₂. Le₂jaun₂ bá₄ Aquila quian'₅₄ Priscila[†] nē₃, quian'₅₄ co₂nió'₃ dsa₂ rin'₅₄ i₂ŋi'₂ dsi₂néi₂ quió'₅ nē₃, cuin₂₃ Diú₄ 'ŋio₅ lin₃ 'nia'₂, le₃quió'₅ Te₁gui'₅₄. ²⁰ Ca₂le₃jín₃ rin'₅₄ jniog₄ i₂tion'₅₄ ja₁lá₃, cuin₂₃ Diú₄ 'nia'₂. Qui₁cuin₅₄ 'nia'₂ Diú₄ ríng'₂ le₂jang'₂ le₂jang'₂ a₂qui₁chén'₁ § jú'₅ ríng'₂, a₂lē₅ léi₄ a₂ma₂'ei₅ caun₂ jág₁ a₂le₁jē₃ 'au'₂ quian'₅₄ ríng'₂.

²¹ Jniá₂ Pa₄, cuíng₅ Diú₄ 'nia'₂ ne₄ si₂ la₂, quian'₅₄ gu₃ 'nió₃.*

²² Chi₂jua'₂ chan₂ jan₂ tsá₃ 'nioi₃ Te₁gui'₅₄, co₂dsia₅ bá₄ jui₁dsi₂'éin₂. jŋiá'₅ 'ne₂, Te₁gui'₅₄!†

²³ Jui₁jme₂gu'₅₄ bá₄ Te₁gui'₅₄ Jesucristo i₂'ua₁ dsí₅. ²⁴ Ca₂le₃jín₃ bá₄ 'nia'₂ 'nióg₃, le₃quió'₅ Te₁gui'₅₄ Cristo Jesús. A₂méi₃.[‡]
Co₂nē₅.

† 16:19 griego: Prisca. § 16:20 Caun₂ tag₄ a₂jme₁chí'₄ lia'₂ con'₂ jme₁ca₂jmo₃ Pa₄ si₂ la₂. * 16:21 'Nio'₂ ja₁ton₅ Gálatas 6:11; Colosenses 4:18; 2 Tesalonicenses 3:17; Filemón 19. † 16:22 griego: maranatha, jág₁ arameo a₂juá'₂ "Ŋiá'₅ 'ne₂, Te₁gui'₅₄." ‡ 16:24 A₂lin₅₄ chog₅₄ si₂ tsá₃ chi₁ton₅ "A₂méi₃."

Si₂ carta jë₁ca₂të₂ tin₃ a₂ca₂jmo₃ San Pablo ne₄ dsa₂ CORINTIOS

Jmo₅ Pa₄ si₂ jë₁ca₂të₂ tin₃ a₂chein₃ ne₄ Guá'₅ i₂chan₂ juig₂ Corinto

¹ Jniá₂ Pa₄, co₂në₅ 'éi'₃ ca₂jmo₃ 'ñiog₅ Diú₄, a₂lín₅ jan₂ dsa₂ i₂chen₄ quián₅ Jesucristo, jmo₂₃ si₂ la₂ co₂lë₅ quian'₅₄ rin'₅₄ jniog₄ Timoteo a₂dsian'₄ ne₄ guá'₅ quián₅ Diú₄ i₂chan₂ juig₂ Corinto, quian'₅₄ ca₂le₃jín₃ guë₄ dsa₂ sián'₂ i₂tén₅ le₃quió'₅ Diú₄* i₂chan₂ le₂tan₅₄ 'uë₃ Acaya. ² Jui₁jme₂gu'₅₄ bá₄ Diú₄ 'nia'₂; jui₁tion'₅₄ bá₄ 'nia'₂ le₁'ág₄ tei₄ jmo₅ Diú₄ Jmei₂ jniog₄, jmo₅ Te₁gui'₅₄ Jesucristo në₃.

Ca₂ñág₃ uig₅ Pa₄

³ Jui₁jme₁juin'₂ jniog₄ Diú₄ Jmei₂ Jesucristo Te₁gui'₅₄ quián₂, ia₁ 'éi₂ bá₄ i₂lín₅ Tia₅₄ quián₂ i₂ñí₄ néi₂ dsí₅ jniog₄; i₂'éi₂ bá₄ Diú₄ i₂jmo₅ lián'₂ dsí₅ jniog₄ chong₂. ⁴ 'Éi₂ bá₄ i₂jmo₅ lián'₂ ja₁con₂ jniog₄ jë₄ ca₂le₃jë₃ 'e₂ o₂i₁ dsí₅ cha₂, le₂jaun₂ guë'₂ jniog₄ táng₃ lé₂ le₃jmo₁ lián'₂ dsí₅ jui₁lia'₂ i₂chan₂ o₂i₁ dsí₅ ñág₅ uig₅. Lé₂ le₃cuë₅₄ jniog₄ lián'₂ dsí₅ jui₁lia'₂ jmo₅ Diú₄ ja₁con₂ jniog₄ guio₅₄. ⁵ Ia₁ le₂në₅ jui₁lia'₂ ñag₄ jniog₄ jmi₁uig₅ juë'₂ lín₃ a₂ca₂can₃ Cristo, ján₃ bá₄ le₂në₅ táng₃ të₂le₃ quian'₅₄ Jesucristo guéi₁ jniog₄ lián'₂ a₂le₃chong₂ dse₃. ⁶ Jaun₂ në₃, chi₂jua'₂ ñag₄ jnia'₅₄ uig₅ chong₂, le₂në₅ le₃cha₂ lián'₂ ja₁con'₂ 'nia'₂ jaun₂ lión'₂ 'nia'₂ në₃; o₃ chi₂jua'₂ guei₂ jnia'₅₄ lián'₂ 'e₂, ján₃ bá₄ le₃cha₂ lián'₂ ja₁con'₂ 'nia'₂, jaun₂ lé₂ le₃jmo₁ tió'₃ 'au'₂ 'e₂ uig₅ cha₂, jui₁lia'₂ jmo₂ jnia'₅₄. ⁷ Caun₂ bá₄ le₁'ág₄ dsí₅ jnia'₅₄ le₃ja₁con'₂ 'nia'₂ a₂jmo₁ tió'₃ 'au'₂ a₂lión'₂ 'nia'₂ në₃. Ia₁ ne₄ bá₄ jniog₄, në₁jua'₂ quen'₅₄ 'nia'₂ ñag'₅₄ uig₅ a₂ñag₄ jnia'₅₄, ján₃ bá₄ le₂në₅ guéi'₁ 'nia'₂ lián'₂ a₂guéi'₁ jnia'₅₄ a₂cuë₃ Diú₄.

⁸ Chei₂ jnia'₅₄ 'nia'₂ le₂në₅, rin'₅₄ jniog₄, ia₁ a₂'niog₂ jnia'₅₄ a₂le₃ñi'₅₄ 'nia'₂ 'a₂lia'₂ lë₅ o₂me'₅₄ dsí₅ a₂ca₂quián₁ jnia'₅₄ le₂tan₅₄ juig₂ tio'₅₄ 'uë₃ Asia. 'Ñio₅ lín₃ bá₄ uig₅ ca₂ñag₄ jnia'₅₄; 'ñio₅ lín₃ guei₂ ta₁ a₂tióng₂ jnia'₅₄, ca₂lia'₂ jnia'₅₄ mei'₂ tsá₃ ca₂'uá₂ co₂ñei'₅₄ a₂tsá₃ ma₃jme₁tián₂. ⁹ Con'₂ siá'₂ lág₂ jnia'₅₄ a₂tsá₃ ma₃jmi₄ cha₂ quián₂ jnia'₅₄, në₂jag₄ bá₄ a₂ma₂'i₄ 'éi'₃ dsióg₃. La₁ tsá₃ a₂ñag₅₄, ia₁ ca₂le₃jë₃ a₂lñág₂ jnia'₅₄ jaun₂ ca₂jmo₃ ta₁ a₂ca₂jme₁tin₅ jnia'₅₄ a₂'éin₂ le₃quió'₅ Diú₄, on₃jua'₅₄ le₂quián₂ jnia'₅₄ guio₅₄. Ia₁ i₂'éi₂ bá₄ lín₅ i₂jme₂jen'₅₄ 'lag₄. ¹⁰ Ia₁ ma₂lió₂ bá₄ Diú₄ ne₄ 'mú₃ gau₂ jaun₂, ton'₂ caun₂ lió₂ bá₄ jui₁lia'₂ jmi₄ në₃. Jaun₂ le₃ja₁con₂ 'éi₂ bá₄ ma₂'éi₁ jnia'₅₄ caun₂ dsí₅ a₂lió₂ ne₄ jui₅ ¹¹ chi₂jua'₂ jme₁'o₁ 'nia'₂ chi₂leng'₅₄ Diú₄ o₄quián₂ jnia'₅₄. Chi₂jua'₂ juin₅ dsa₂ i₂mi₅ ne₄ Diú₄ o₄quián₂ jnia'₅₄, ján₃ bá₄ juin₅ dsa₂ i₂cuë'₃ ti₁'mag'₄ Diú₄ ne₄ ca₂le₃jë₃ a₂dse₃ a₂jme₃'o₅₄.†

'E₂ lë₃ tsá₃ ca₂ñe₄ Pa₄ juig₂ Corinto

¹² Cha₂ caun₂ cosa ja₂ të₅ dsí₅ jnia'₅₄ ton'₂ guio₅₄ jnia'₅₄ quiong₂ 'í₁ të₂dsí₅, lei₅₄ jnia'₅₄ a₂lé₂ le₃jang'₅₄ jág₁ dsau₅ a₂chong₂ jmo₂ a₂dse₃ a₂tí₅ ne₄ gua'₅₄ 'uë₃ la₂, jui₁lia'₂ jme₂ti₃ Diú₄, la₁ 'ñio₅ lín₃ guë₄ le₃ja₂con'₂ 'nia'₂. Ia₁ a₂'ua₁ dsí₅ bá₄ Diú₄, ma₂ca₂jme₃'o₅₄ a₂chong₂ jnia'₅₄ le₂në₅; on₃jua'₅₄ ia₁ a₂tag₂ jnia'₅₄ guio₅₄. ¹³ Ca₂le₃jë₃ a₂jua'₂ jnia'₅₄ a₂tio'₅₄ ne₄ si₂ carta quián₂, tsá₃ 'e₂ a₂siá'₂ jua'₂ jnia'₅₄ jua'₅₄ a₂tsá₃ tin'₂ 'nia'₂ 'í'₄, o₃ a₂tsá₃ ñí'₂ 'nia'₂. ¹⁴ Jaun₂ 'ín₂ dsí₅ jnia'₅₄, jui₁lia'₂ ma₂ca₂rë₃ñí₂ 'nia'₂ quián₂ jnia'₅₄ ja₁lín₅₄, ján₃ bá₄ le₂në₅ le₃ñí'₂ 'nia'₂ lia'₂ rë₂ñia₅, ia₁jaun₂ lé₂ le₃dsiá'₁ 'nia'₂ jág₁ tá'₅ o₄quián₂ jnia'₅₄, ton'₂ lé₂ le₃dsiá'₁ jnia'₅₄ jág₁ tá'₅ o₄quián₂ 'nia'₂ ján₃, jë₁ma₂ca₂të₂ jmi₄ quió'₅ Jesús Te₁gui'₅₄ quián₂.

¹⁵ 'Uig₅₄ ia₁ caun₂ bá₄ 'ei₅ dsí₃ ca₂le₃jë₃ a₂në₅, jaun₂ jme₁lín₂ nei₅₄ i₁jing₁₂ de'₂ jniá₅ 'nia'₂ a₂i₁jmo₃ lián'₂ 'au'₂ 'nia'₂ 'ñio₅ lín₃, ia₁ dsióg₄ i₁jing₁₂ 'nia'₂ ta₁tin₃ ráun₂. ¹⁶ Jme₁dsi₂jio₅ dsí₃ jme₁i₁ñig₁₂ ja₁tion'₅₄ 'nia'₂ lia'₂ ma₂'eng₅₄ jui₅ guio₃ jui₅ Macedonia; jë₁ma₂të₂ rë₁né₃'₄ táng₃, jaun₂ i₁jing₁₂ táng₃ 'nia'₂. Ia₁ lín₂, 'nia'₂ bá₄ jme₁'o₁ a₂lé₂ dsióg₄ jniá₂ të₂ Judea. ¹⁷ 'O₃ bá₄

* 1:1 lit. "dsa₂ jnió₅." † 1:11 A₂lín₅₄ chog₅₄ si₂: "o₄quián₂ 'nia'₂."

lín'₂ 'nia'₂ a₂'eí₅ caun₂-tin₃ dsí₃ a₂juá'₅ le₂nē₅? ¿O₃ bá₄ lín'₂ 'nia'₂ a₂lě₅ jág₁ quió₃ lia'₂ lě₅ jág₁ quió'₅ dsa₂ i₂tsá₃ 'én₂ i₂lě₁qui₂co₅ jág₁ quió'₅, nē₃ rē'₂ juá'₂ “ján₅,” nē₃ guē'₂ “jan₂'ón₄” táng₃? 18 Tí₅ bá₄ jág₁ quián₂ jnia'₅₄, jui₁lia'₂ tí₅ jág₁ quió'₅ Diú₄; líg'₂ jmi₄ g₄ jua'₅₄ a₂lě₁cuē₂ jnia'₅₄ jág₁ quián₂, jua'₅₄ a₂jua'₂ jnia'₅₄ “ján₅,” con'₂ siá'₂ “jan₂'ón₄” táng₃. 19 Ia₁ Cristo Jesús i₂lín₅ Ja₁nī'₅₄ Diú₄ i₂qui₂'ín₅ jnia'₅₄ i₂nio₄, chei₂ 'nia'₂ quian'₅₄ Silvano,† Timoteo nē₃, 'éi₂ nē₃ tsá₃ líg'₂ jmi₄ g₄ jua'₅₄ a₂lě₁qui₂ca₂co₃ jág₁ quió'₅ jua'₅₄ nē₃ rē'₂ juá'₂ “ján₅,” nē₃ cón'₅ “jan₂'ón₄” táng₃. Tě₂le₃ quian'₅₄ Cristo, a₂dsau₅ dsón'₂ bá₄ jág₁. 20 Ia₁ tē₂le₃ quian'₅₄ 'éi₂ bá₄ rē₂ti₃ ca₂le₃jě₃ jág₁ a₂cuē₂₃ quió'₅ Diú₄. Jaun₂ tē₂le₃ quian'₅₄ 'éi₂, jua'₂ jniog₄ a₂méi₃, ia₁ a₂dsau₅ dsón'₂. Jaun₂ le₂nē₅ lē₂ le₃jme₁juin'₂ jniog₄ Diú₄. 21 Jaun₂ 'niog₅ bá₄ Diú₄ jmo₂₃ tē₂le₃ ja₁con₂ jnia'₅₄, quian'₅₄ guē'₂ le₃ja₁con'₂ 'nia'₂ nē₃, a₂tíong₂ jniog₄ tiá₂ le₃quió'₅ Cristo. 'Niog₅ bá₄ Diú₄ ma₂ca₂'ag₃ jniog₄ nē₃. 22 Ma₂ca₂jmóg'₂ jniog₄ léi₄ co₂'nió'₄ quian'₅₄ sello quió'₅, ton'₂ ma₂cuin₃ Jme₂dsí₂ Jnió₅ quiáin₅ tē₂dsí₅ jniog₄, nē₂jag₄ bá₄ cu₄ a₂ma₂ron₅ dsí₂jniá₄, a₂ma₂lág₅ jniog₄ léi₄ a₂dsí₁no₃ jniog₄ dsí₁guéi₁ a₂cuē₃.

23 Chi₂jua'₂ tsá₃ ma₂ca₂lě₃ dsíog₄ juig₂ Corinto lia'₂ con'₂ lě₅ ma₂i₃jio₅ dsí₃, jág₅ bá₄ Diú₄ ia₁ tsá₃ 'nio₃ jniá₂ a₂cán'₂ 'nia'₂ o₂me'₅₄ dsí₅ a₂tsá₃ ca₂dsíog₃; ia₁ nē₁jua'₂ tsá₃ le₂jaun₂, caun₂ bá₄ 'ei₅ dsí₃ o₁jniá'₅₄ 'mú₃ ca₂quín₂ quió₃. 24 On₃jua'₅₄ a₂'niog₂ jnia'₅₄ a₂jme₁gon₂ ne₄ 'a₂lia'₂ 'én'₂ 'nia'₂, ia₁ ma₂tíon'₂ bá₄ 'nia'₂ tiá₂ a₂'éng'₂. Jniá'₅₄ lia'₂ 'niog₂ jnia'₅₄ jmó₁ ta₁ co₂dsia₅ quian'₅₄ 'nia'₂ ia₁jaun₂ le₃cha₂ guē₄ o₂'nió₃ dsí₅ ja₁con'₂ 'nia'₂, ia₁ o₄quió'₄ a₂'éng'₂ bá₄ 'nia'₂, tión'₂ 'nia'₂ tiá₂.

2

1 Jaun₂ ma₂ca₂dsia₃ jniá₂ dsí₃ a₂tsá₃ ma₃i₁jing₁₂ táng₃ 'nia'₂ tē₃ 'lia'₂ dsí₃. 2 Ia₁ nē₁jua'₂ i₁jmo₃ 'lia'₂ 'au'₂ 'nia'₂ bá₄ jniá₂, ¿'ein₂ bá₄ i₂jmo₃ jéin₄ jniá₂ 'io'₂? Jniá'₅₄ lia'₂ 'nia'₂ bá₄ i₂ma₂nē₂jmo₃ jniá₂ 'lia'₂ 'au'₂. 3 Jaun₂ lě₃, ca₂jmo₃ si₂ ca₂juá'₃, ia₁ tsá₃ 'nio₃ jmó'₂ 'nia'₂ 'lia'₂ dsí₃ jē₁ma₂dsíog₃, ia₁ 'nia'₂ dsón'₂ bá₄ ca₂tíng'₂ jmó'₂ a₂jéin₄ 'io'₂ jē₁ma₂dsíog₃. Ia₁ caun₂ bá₄ 'ei₅ dsí₃ ja₁con'₂ 'nia'₂ a₂dsíog₄ 'ei₅ dse₃ dsí₃, le₂jaun₂ a₂'eí₅ rē₂ 'au'₂ 'nia'₂ ján₃. 4 Ia₁ a₂jme₁quian₄ o₂i₁ dsí₅, tē₃ ca₂tán'₂ dsí₃, jme₁ca₂jmo₃ jniá₂ si₂ jaun₂, ca₂le₃jě₃ jme₁o₅ jniá₂. La₁ on₃jua'₅₄ jaun₂ ca₂juá'₃ ia₁jaun₂ tiá'₃ 'lia'₂ 'au'₂ 'nia'₂ ján₃; tē₂le₃ ia₁jaun₂ le₃nī'₅₄ 'nia'₂ 'a₂lia'₂ lě₅ dsí₃ a₂'niog₃ 'nia'₂ 'nio₅ lín₃.

Ca₂'éng₂ dsáu₁ jan₂ dsa₂ i₂ca₂'náu₂ dso₄

5 Nē₁jua'₂ chan₂ i₂ma₂jmo₃ a₂cha₂ o₂i₁ dsí₅, on₃jua'₅₄ jmá'₃ ja₁con₂ jniá₂ ma₂jmo₃ quian'₅₄ o₂i₁ dsí₅; le₂jio₅ ja₁con'₂ 'nia'₂ bá₄ ca₂jmo₃ ca₂la₂ a₂ma₂ca₂quian'₂ 'nia'₂ o₂i₁ dsí₅ ca₂le₃jíg'₃. A₂juá'₅ jniá₂ “a₂ca₂jmo₃ ca₂la₂,” ia₁jaun₂ tsá₃ lín₄ uig₅ tin'₅₄ 'nia'₂ jág₁ nē₅. 6 Co₂'nió'₄ uig₅ a₂ca₂cuē'₅₄ 'nia'₂ dsa₂ 'éi₂ jē₄ le₁nī'₂ 'nia'₂ ca₂le₃jíg'₃, tió'₅ bá₄ co₂nē₅. 7 Ca₂tín'₂ bá₄ 'nia'₂ nē₃ jmó'₂ 'ua₁ 'au'₂ 'éng'₄ dsáu₁, jmó'₂ táng₃ 'nia'₂ lián'₂ dsí₅, ia₁ con'₂ tsá₃ nō₅ nē₁jua'₂ ca₂tán'₂ co₂nei'₅₄ dsí₅. 8 Jaun₂ chi₂len'₄ jniá₂ 'nia'₂ a₂jme₁jniag'₂ táng₃, a₂dsón'₂ 'niói'₃ 'nia'₂. 9 Uig₅₄ jaun₂ bá₄ ma₂juá'₃ bá₄ jniá₂ le₂jniá₅ quian'₅₄ si₂ a₂ma₂tsíng₂ ne'₅₄ 'nia'₂, a₂jniá'₅₄ con'₂ ca₂cáun₃ 'í₁ bá₄ quián'₂ 'nia'₂ o₁ne₄ nē₁jua'₂ jmó'₂ dsón'₂ 'nia'₂ con'₂ lě₅ ca₂le₃jě₃ jág₁ a₂juá'₅ jniá₂. 10 Jaun₂ nē₃, jui₁'e₂ guē₃ 'a₂lia'₂ lě₅ dsáu₁ rín'₂ 'nia'₂ a₂'éng'₄, ján₃ bá₄ le₂jaun₂ le₃jmo₅₄ jniá₂ dsí₃, 'én₄ bá₄ jniá₂ dsáu₁ dsa₂ 'éi₂. Ia₁ jui₁lia'₂ dso₄ a₂ma₂'éng₃ jniá₂, chi₂jua'₂ 'e₂ caun₂ dso₄ ma₂'éng₃, o₄quián'₂ 'nia'₂ bá₄ ma₂jmo₃, tē₃ne₄ Cristo. 11 Jmo₅ jniá₂ le₂nē₅ ia₁jaun₂ tsá₃ jo₃ i₂sē₃dsen₃, ia₁ a₂ne₄ rē₂ bá₄ jniog₄ 'a₂lia'₂ lě₅ mai₅₄ 'io₅ 'éi₂.

Tsá₃ rē₂jme₁'eí₅ dsí₅ Pa₄ juig₂ Troas

12 Jaun₂ jme₁ca₂dsíog₃ jniá₂ juig₂ Troas a₂'ě₄ jág₁ dse₃ quió'₅ Cristo, 'nio₅ bá₄ jme₁rē₂na₄ jui₅ a₂jme₁jmo₅₄ ta₁ quió'₅ Te₁gui'₅₄ ja₁jaun₂. 13 La₁ tsá₃ tei₄ jme₁'eí₅ dsí₃, ia₁ tsá₃ ca₂dsáng'₂

† 1:19 Lia'₂ chen₂ Silvano co₂rē₂ quian'₅₄ Silas.

Tito rin'₅₄ jniog₄. Ca₂'ág'₃ bá₄ jniá₂ jág₁ rin'₅₄ jniog₄ ja₁jaun₂, jaun₂ guě₄ guio₃ le₃'uě₃ Macedonia la₂.

A₂léi₂ jniog₄ quian'₅₄ Cristo

¹⁴ La₁ ti₁'mag'₄ Diú₄ ia₁ co₂tan₅₄ bá₄ jiog₂₃ jui₅ a₂léi₂ jniog₄ le₃quió'₅ Cristo Jesús, ia₁ tē₂le₃ quian'₅₄ jniog₄ bá₄ jme₂jniai₂₃ jág₁ dse₃ la₂ quió'₅, ia₁jaun₂ dsa₂ ně₃ le₃cuin₂₃ 'éi₂, co₂'nió'₄ a₂ja₂dsí₂ ma₂jui₂g₂ ca₂le₂con₂. ¹⁵ Ia₁ jniog₄ bá₄ lág₅ co₂'nió'₄ chen₂ a₂cau₂ ja₂dsí₂ ma₂jui₂g₂ ma₂ro₂ a₂jén'₅ Cristo ne₄ Diú₄, a₂qui₂dsi₂'ag₅ jē₄ quió'₅ dsa₂ i₂i₂nio₄ jui₅ a₂lióin₂, qui₂ja₂dsí₂ ján₃ jē₄ quió'₅ i₂dsi₂'én₂ ně₃. ¹⁶ Tē₂le₃ ja₁con₂ dsa₂ i₂dsi₂'én₂ ně₃, chen₂ la₂ lē₅ a₂ja₂dsí₂ 'lig'₅₄ a₂ma₂le₃dsiáin₃; la₁ tē₂le₃ quió'₅ dsa₂ i₂tín'₄ guē'₂ ně₃, lē₅ caun₂ cosa a₂ja₂ ma₂jui₂g₂ ma₂ro₂ a₂tín'₂ jme₂dsí₂ quió'₅. ¿'Ein₂ bá₄ 'éi₂ i₂qui'₅₄ jmi₂g₄ quian'₅₄ ta₁ ně₅? ¹⁷ Jnia'₅₄ bá₄ 'éi₂ i₂qui'₅₄ jmi₂g₄, ia₁ tsá₃ ta₁ jaun₂ i₂nio₄ jnia'₅₄ jua'₅₄ a₂jmo₁ 'ma'₅₄ jág₁ dse₃ quió'₅ Diú₄ jui₁lia'₂ jmo₅ i₂lin₅₄. Tē₂le₃ jág₅ bá₄ Diú₄, chei₂ jnia'₅₄ dsa₂ lia'₂ tí₅ jág₁, lág₅ jnia'₅₄ dsa₂ quián₅ Diú₄ i₂juá'₂ o₄quió'₄ Cristo.

3

Jág₁ 'mí₂ a₂li'₅₄ quian'₅₄ Diú₄

¹ ¿O₃ bá₄ lín'₂ 'nia'₂ a₂jnia'₅₄ 'ín₅ dse₃ guio₅₄ bá₄ jnia'₅₄ jme₁jua'₂ le₂ně₅? ¿O₃ bá₄ 'niog'₂ 'nia'₂ a₂'ē₄ si₂ a₂jáng'₅ jág₁ dsau₅ o₃ a₂mí₁ 'e₂ jnia'₅₄ ne'₅₄ 'nia'₂ a₂cuē'₁ caun₂ si₂ jui₁lia'₂ jmo₅ dsa₂ i₂lin₅₄? ² Jnia'₅₄ lia'₂ guion'₅₄ bá₄ 'nia'₂ ma₂cuē'₂ jág₁ dsau₅ a₂ma₂léi₄ co₂'nió'₄ caun₂ si₂ tē₂dsi₅ jnia'₅₄ a₂lé₂ le₃con₂ dsa₂ sián'₂ 'í₁ co₂'nió'₄ a₂lé₂ le₃'i₃ dsa₂ ně₃. ³ Guion'₅₄ bá₄ 'nia'₂ lín'₅ co₂'nió'₄ caun₂ si₂ a₂ca₂jmo₃ Cristo 'ñiog₅, a₂ca₂dsia₃ gu₂ jnia'₅₄. Caun₂ si₂, on₃jua'₅₄ a₂léi₄ a₂qui₂rē₂tsáng₂ quian'₅₄ jmi₁jné₂; lē₅ léi₄ tē₂le₃ quian'₅₄ jme₂dsí₂ quián₅ Diú₄ i₂chan₂ dsón'₂. Lē₅ caun₂ si₂ carta, on₃jua'₅₄ a₂léi₄ rē₂ton₅ dso'₂ ni₁cang₁; lē₅ léi₄ jui₅ tē₂dsí₅ dsa₂ mi₂güí₃ bá₄.

⁴ Caun₂ bá₄ le₁'ág₄ dsi₅ jnia'₅₄ a₂'éin₂ jnia'₅₄ le₂ně₅ le₃ja₁con₂ Diú₄ tē₂le₃ quian'₅₄ Cristo. ⁵ On₃jua'₅₄ a₂tag₂ jnia'₅₄ guio₅₄ a₂jmo₂ 'e₂ jmo₂. Ca₂le₃jě₃ 'e₂ niog₅ jmo₂ jnia'₅₄, Diú₄ bá₄ jmo₅ a₂qui'₅₄ jnia'₅₄ jmi₂g₄ quian'₅₄ ta₁ ně₅. ⁶ 'Éi₂ bá₄ ma₂jmo₃ a₂qui'₅₄ jnia'₅₄ jmi₂g₄ a₂i₂quian₄ jnia'₅₄ * jág₁ 'mí₂ a₂ma₂li'₅₄ quian'₅₄ Diú₄: on₃jua'₅₄ tē₂le₃ quian'₅₄ 'éi'₃ a₂ton₅ ne₄ si₂; tē₂le₃ quian'₅₄ jme₂dsí₂ quián₅ Diú₄ bá₄. Ta₁ a₂qui'₅ 'éi'₃ a₂rē₂ton₅ ne₄ si₂, a₂jio₅ ne₄ 'mú₃ bá₄ jaun₂. La₁ jme₂dsí₂ quián₅ Diú₄ guē'₂ ně₃ to'₂ jme₂dsí₂ a₂chan₂ dsa₂.

⁷ 'Éi'₃ jaun₂ ca₂tióng₃ Diú₄ dso'₂ ni₁cang₁ jē₄ si₂ a₂tág₅ co₂'né₅. Tsá₃ ma₃ca₂tió'₃ dsa₂ israelitas jág₃ uě₂ ne₄ Moisés, ia₁ a₂ñí₄ lē₃ co₂tág₅ co₂'né₅ ca₂jnia₃, jui₁'e₂ guě₃ la₂ jē₁ca₂ag₂ si₂ jaun₂. La₁ chi₂jua'₂ le₂ně₅ 'ñio₅ jlá'₁ ca₂lē₃ jme₁ca₂lē₃ 'éi'₃ a₂tsá₃ jme₁'io₅ bí₂ jua'₅₄ a₂tsá₃ dsián₂ dsa₂ jaun₂, ⁸ i'ē₂ guě₄ dse₃ jlá'₁, jág₁ dse₃ a₂quian₅ jme₂dsí₂ Jñio₅ a₂jmo₅ a₂chan₂ táng₃ dsa₂! ⁹ Co₂'nió'₄ le₃jua'₅₄, chi₂jua'₂ lág₂ jniog₄ a₂ñí₄ lē₃ jlá'₁ ca₂lē₃ 'a₂ lia'₂ ca₂cuē₃ Diú₄ 'Éi'₃ tē₂le₃ quian'₅₄ Moisés, 'éi'₃ a₂jme₁bóg'₂ dso₄ jaun₂, i'ē₂ guě₄ jlá'₁ ta₁b quián₂ jnia'₅₄ a₂i₂quian₄ jnia'₅₄ jág₁ dse₃ a₂jme₂jnia₅ Diú₄ a₂tsá₃ ma₂dsáu₁ jniog₄ cha₂! ¹⁰ Ia₁ jui₁lia'₂ 'éi'₃ a₂jme₁jlá'₁ ma₂líg'₂, tsá₃ ma₂'e₂ quen₅ nē₁ma₂ca₂quin₃ quian'₅₄ jág₁ jlá'₁ guě₄ a₂cha₂ rē₂ně₃. ¹¹ Chi₂jua'₂ lág₂ jniog₄ a₂ñí₄ lē₃ jme₁jlá'₁ ta₁b quió'₅ a₂tsá₃ uě₂ tió'₅ jaun₂, i'ē₂ guě₄ 'ñio₅ jlá'₁ ta₁† quió'₅ jág₁ 'mí₂ a₂tsá₃ ma₂dsi₃ñí₂ o₁líg'₂!

¹² 'Uig₅₄ ia₁ caun₂ le₁'ág₄ dsi₅ jnia'₅₄ le₂ně₅, jua'₂ jnia'₅₄ co₂nei'₅₄ rē₂jia₃ jág₁. ¹³ Tsá₃ jmo₂ jnia'₅₄ jui₁lia'₂ ca₂jmo₃ Moisés; ca₂jlē₂ 'éi₂ ne₅₄ quian'₅₄ 'mí'₂ ia₁jaun₂ tsá₃ jág₃ dsa₂ israelitas 'a₂ lia'₂ 'éi₃ a₂co₂tág₅ jaun₂. ¹⁴ La₁ tsá₃ ca₂rē₃ñí'₂ dsi₅ dsa₂ 'éi₂ ně₃, ia₁ cang₄ dsi₅₄. Ca₂lia'₂ jnió₄ jmi₂g₄ ně₃ 'i₅ dsa₂ Si₂ 'Éi'₃ a₂ron₅ ma₂líg'₂, lia'₂ ma₂lín₅ jaun₂ bá₄ 'éi₂, co₂'nió'₄ rē₂jlē₅ ne₅₄, a₂tsá₃ ñí'₂. Ia₁ jmá'₃ tē₂le₃ quian'₅₄ Cristo bá₄ lé₂ le₃jnia'₃ a₂jlē₅ a₂ñí'₂ dsi₅ dsa₂ jaun₂. ¹⁵ Ca₂lia'₂

* 3:6 griego: diákonous (ministros). † 3:11 griego: diakonía (ministerio).

jñi₄ jmi₄ nē₃, jē₁ma₂tóin' ₂ i₂₃ si₂ quió' ₅ Moisés, jlin₅ ne₄ dsa₂, tsá₃ rē₂ñi' ₂. ¹⁶ Ia₁ jui₁lia' ₂ jan₂ dsa₂ i₂jén' ₅ le₃quió' ₅ Te₁gui' ₅₄, jñia' ₅ a₂jmo₅ a₂jlin₅ ne₄ dsa₂ jaun₂. ¹⁷ Te₁gui' ₅₄ nē₃, ia₁ i₂lín₅ Jme₂dsí₂ bá₄ 'éi₂; ja₁'en₅₄ Jme₂dsí₂ quián₅ Te₁gui' ₅₄, jui₁lia' ₂ tē₂dsí₅ dsa₂ i₂'én₂, ja₁jaun₂ rē₂na₄ bá₄ jui₅. ¹⁸ Ia₁ ca₂le₃jág₃ jniog₄ tsá₃ ma₃le₁jlē₅ ne₄ jniog₄; lág₅ jniog₄ jui₁lia' ₂ lē₅ ni₁'i₂ a₂jniá₂ a₂co₂tág₅ co₂'né' ₅ a₂jlán' ₁ Te₁gui' ₅₄. Le₂nē₅ bá₄ jniog₄ guio₅₄, caun₂ i₂ne₁ca₂lag₃ jniog₄ jui₁lia' ₂ lín₅ Cristo 'ñiog₅, ia₁ lia' ₂ caun₂ jmi₄ caun₂ jmi₄ bá₄ caun₂ i₂ne₁ca₂lag₃ jniog₄ jlán' ₁ jui₁lia' ₂ lín₅ 'éi₂. Ca₂le₃jē₃ a₂nē₅ jmo₅ Te₁gui' ₅₄, i₂lín₅ Jme₂dsí₂.

4

¹ Uig₅₄ jaun₂, o₁líg' ₂ jmi₄ tsá₃ tián' ₃ dsi₅ jnia' ₅₄ dsa₂ i₂quian₅ jág₁ dse₃ quió' ₅ Diú₄, ia₁ 'ñiog₅ bá₄ Diú₄ ca₂dsia₃ ñéi₂ dsí₅ ca₂dsia₃ gu₂jnia' ₅₄ ta₁ la₂. ² Ma₂ca₂tí₄ jnia' ₅₄ ca₂le₃jē₃ a₂'lig' ₅₄ o₂guí' ₃ a₂jmo₅-dsáu₅ dsa₂ jē₄ rē₂'ma₄; tsá₃ a₂nē₅ i₂nio₄ jnia' ₅₄ quian' ₅₄ mai₅₄ a₂qui₂jme₂gán₂ jnia' ₅₄ dsa₂. On₃ guē' ₂ jua' ₅₄ jmo₂ jnia' ₅₄ caun₂-tin₃ jág₁ jua' ₅₄ a₂co₂gün' ₄ jnia' ₅₄ jág₁ dse₃ quió' ₅ Diú₄. Jág₁ tí₅ dsón' ₂ rē₂jiá₃ jág₁ bá₄ jme₂tín₁ jnia' ₅₄ dsa₂, ne₄ Diú₄, ia₁jaun₂ le₃lí' ₄ tē₂dsí₅ dsa₂ a₂dsau₅ bá₄ jág₁ a₂i₂quian₄ jnia' ₅₄. ³ Nē₁jua' ₂ rē₂jlē₅ jág₁ dse₃ a₂i₂quian₄ jnia' ₅₄, rē₂jlē₅ ja₁con₂ dsa₂ i₂dsi₃'én₂ jme₂dsí₂ quió' ₅ bá₄. ⁴ Ia₁ dsa₂ i₂le₂'éi₂ i₂tsá₃ 'én₂, co₂'nió' ₄ a₂rē₂jlin₅ dsí₅, nē₂jag₄ bá₄ a₂tein₅₄, a₂jmo₅ diú₄ quián₅ dsa₂ mi₂güig₃ la₂, ia₁jaun₂ tsá₃ tág₃ si₂ a₂le₃ñí' ₂ dsí₅ 'a₂ lia' ₂ jlá' ₁ jág₁ dse₃ quió' ₅ Cristo i₂jlán' ₁ lia' ₂ lín₅ Diú₄ 'ñiog₅. ⁵ Ia₁ on₃jua' ₅₄ guio₅₄ jnia' ₅₄ 'ín₅ jē₁ma₂tē₂ rē₁'ē₄ jág₁ dse₃; Cristo Jesús bá₄ 'ín₅ jnia' ₅₄ a₂lín₅ Te₁gui' ₅₄, a₂lág₅ jnia' ₅₄ dsa₂ i₂jme₂ti₃ ta₁ ne' ₅₄ 'nia' ₂ ján₃ o₄quió' ₄ Jesús. ⁶ Ia₁ 'ñiog₅ bá₄ Diú₄ ca₂juá' ₂ jme₁ca₂jmo₃ mi₂güig₃: “Jui₁jnia₄ tág₅ jē₄ qui₁né' ₃”. * Jaun₂ i₂'éi₂ bá₄ ma₂jmo₃ nē₃ a₂tág' ₄ si₂ tē₂dsi₅ jnia' ₅₄ ia₁jaun₂ jág₃ i₂sián' ₂ si₂ jaun₂, ia₁jaun₂ le₃ñi₅ dsa₂ 'a₂ lia' ₂ jlán' ₁ Diú₄ tē₂le₃ ne₄ Jesucristo.

A₂ lia' ₂ 'nió' ₅ le₃chan₂ dsa₂ ia₁ a₂'éin₂

⁷ Ca₂le₃jē₃ a₂jlá' ₁ a₂quen₅ 'ñio₅ lin₃ nē₅ nē₃, a₂quian₄ jnia' ₅₄ a₂lág₅ lia' ₂ lē₅ ca₂míg₂ ni₁ti' ₂ tsá₃ quen₅, jē₁rē₂'ma₄ cosa a₂quen₅ 'ñio₅, ia₁jaun₂ le₃jniá₂ a₂já₅ ja₁con₂ Diú₄ bá₄ jui₅bí₂ juē' ₂ lin₃ nē₅, on₃jua' ₅₄ a₂'niog' ₂ jnia' ₅₄ dsi₅ guio₅₄. ⁸ Le₂nē₅ nē₃, jui₁'a₂ guē₃ la₂ tē₁ja₂lé₂ o₂me' ₅₄ dsi₅ jē₁chong₂ jnia' ₅₄, la₁ tsá₃ lē₅ jua' ₅₄ a₂tsá₃ dsian₅. Jui₁'e₂ guē₃ já₅ caun₂ jui₅bí₂ a₂'i₅ dsi₅ jnia' ₅₄ chong₂, la₁ tsá₃ jua' ₅₄ a₂ñí₄ quian₄ jnia' ₅₄ o₂i₁ dsi₅. ⁹ Jui₁'e₂ guē₃ qui₂co₂'ein₅ dsa₂, la₁ tsá₃ guio₅₄ jnia' ₅₄ tión₂. Jui₁'e₂ guē₃ ca₂guiog' ₃ dsa₂ 'uē₃, la₁ tsá₃ ca₂dsau₃ guē₄ jnia' ₅₄. ¹⁰ Tē₁i₂nio₄ jnia' ₅₄ le₁quian₁ i₁gú' ₃ 'mú₃ quió' ₅ Jesús jui₅ ni₁ñi₁ jnia' ₅₄, ia₁jaun₂ le₃jniá₂ jui₅ ni₁ñi₁ jnia' ₅₄ ján₃ a₂chan₂ Jesús. ¹¹ Ia₁ tē₁lia' ₂ chong₂ jnia' ₅₄ la₂, le₂o₃ jmi₄ bá₄ go' ₂ a₂jme₃dsiog₅ dsa₂ o₄quió' ₄ Jesús, ton' ₂ ia₁jaun₂ le₃jniá₂ jui₅ ni₁ñi₁ jnia' ₅₄ a₂siá' ₃ la₂, a₂chan₂ bá₄ Jesús. ¹² Jaun₂ nē₃, 'uig₅₄ ia₁ a₂tio' ₅₄ jnia' ₅₄ jui₅ 'mú₃, 'nia' ₂ nē₃ tión₂ jui₅ a₂le₃chan₂ jme₂dsí₂ quiáng' ₂.

¹³ Le₂la₂ juá' ₂ ne₄ Si₂: “Ca₂rē₃'éng₂, jaun₂ bá₄ lē₃ ca₂juá' ₃.”† Le₂nē₅ bá₄ jnia' ₅₄ ján₃, ia₁ a₂'i₄ jme₂dsí₂ i₂cuē₅ bí₂ a₂'éin₂, jaun₂ bá₄ lē₃ 'éin₂ jnia' ₅₄, jaun₂ bá₄ lē₃ jua' ₂ jnia' ₅₄ ján₃. ¹⁴ Ia₁ ma₂ne₄ bá₄ jnia' ₅₄, Diú₄ i₂ca₂jme₃jen' ₅₄ Te₁gui' ₅₄ Jesús a₂jme₁rē₂join₅₄, le₂jaun₂ bá₄ jme₃jein' ₅₄ jnia' ₅₄ ján₃, jui₁lia' ₂ ca₂jme₃jein' ₅₄ 'éi₂, tē₂ co₂dsia₅ quian' ₅₄ 'nia' ₂ ja₁coin₂. ¹⁵ A₂dse₃ o₄quián' ₂ 'nia' ₂ bá₄ ca₂le₃jē₃ a₂ma₂ca₂lē₃ nē₅, ia₁ nē₁jua' ₂ le₂jaun₂ juin₅ guē₄ dsa₂ i₂tin₅ a₂'ua₁ dsí₅ Diú₄, le₂jaun₂ bá₄ ján₃ juin₅ guē₄ dsa₂ lē₂ i₂cuē₃ ti₁'mag' ₄ qui₂le₃juin' ₂ Diú₄.

¹⁶ Jaun₂, o₁líg' ₂ jmi₄ tsá₃ qui₂'uán₂ dsi₅ jnia' ₅₄. Tsá₃ a₂léi' ₂ jaun₂ caun₂ ma₂ne₁ca₂dsa₃ bí₂ ni₁ñi₁ jnia' ₅₄. La₁ jme₂dsí₂ quián₂ nē₃ caun₂ rē₂'mag' ₄ bá₄ lia' ₂ caun₂ jmi₄.‡ ¹⁷ Ia₁ jmi₁uig₅ a₂ca₂juig₄ a₂dsi₂ñág₂ jnia' ₅₄ rē₂nē₃, a₂ñi' ₅₄ ta₁ dsi₃ñí₂, jmo₃ a₂tē₃dsi₅₄ a₂léi₂ ñag₅₄ guē₄ jnia' ₅₄ ja₁jlá' ₁ guē₄ 'ñio₅ lin₃ a₂jio₅ co₂tan₅₄. ¹⁸ Ia₁ tsá₃ jua' ₅₄ tion' ₂ jnia' ₅₄ jui₅ caun₂ cosa a₂jniá₂; a₂jaun₂ bá₄ tion' ₂ jnia' ₅₄ jui₅ jui₁lia' ₂ a₂tsá₃ jniá₂. Ia₁ ca₂le₃jē₃ a₂jniá₂, tsá₃ uē₂ jio₅. A₂dsau₅ bá₄ a₂tsá₃ jniá₂, a₂jaun₂ bá₄ a₂jio₅ co₂tan₅₄.

* 4:6 Génesis 1:3. † 4:13 Salmo 116:10. ‡ 4:16 lit. “Tsá₃ a₂léi' ₂ jaun₂ caun₂ ma₂ne₁ca₂dsa₃ quió' ₅ dsa₂ le₂co' ₅₄; la₁ dsa₂ le₂né' ₃ nē₃ caun₂ rē₂'mag' ₄ bá₄ lia' ₂ caun₂ jmi₄.”

5

¹ Ia₁ ma₂ne₄ bá jniog₄, jë₁ma₂ca₂dsau₃ ca₂'en₃ ni₁ñi₁ jniog₄ la₂, a₂lë₅ co₂'nió'₄ caun₂ 'né₅ quián₂ të₁lia'₂ chong₂ mi₂güig₃ la₂, la₁ Diú₄ nē₃ cuē₃ caun₂ ja₁'io₁ guei'₅₄ i₂juig₃ ja₁lë₄ co₂'nió'₄ caun₂ 'né₅ a₂tsá₃ ma₃ton₅ jmig₄ dsi₃'én₂, on₃jua'₅₄ a₂ca₂jmo₃ dsa₂ mi₂güig₃. ² Dsón'₂ bá₄ të₁lia'₂ chong₂ jniog₄ jui₅ ni₁ñi₁ la₂, ca₂le₃jë₃ chon₂ jniog₄ dsi₅, a₂'ín₅ dsi₅ dsi₁'io₁ 'né₅ quián₂ guei'₅₄ i₂juig₃, ³ ia₁jaun₂ jlë₂ quián₂ nē₂jag₄ bá₄ caun₂ 'mi'₂ a₂quei'₂ Te₁gui'₅₄ ia₁jaun₂ tsá₃ dsi₁no₃ rē₂ñág₅. ⁴ Të₁lia'₂ chong₂ jniog₄ quian'₅₄ ni₁ñi₁ la₂, ca₂le₃jë₃ chon₂ jniog₂ dsi₅ a₂le₁quian₁ o₂i₁ dsi₅. On₃jua'₅₄ a₂'niog₂ jniog₄ a₂tsá₃ 'e₂ qui'₄ jniog₄; a₂jaun₂ bá₄ 'niog₂ jniog₄ a₂lió₃ co₂ñei'₅₄ ni₁ñi₁ a₂jón₂ la₂, quian'₅₄ ni₁ñi₁ 'mí₂ a₂le₃chan₂ co₂tan₅₄. ⁵ Diú₄ bá₄ dsón'₂ i₂ma₂jmo₃ co₂jñia₅₄ jniog₄ i₂ma₂cuin₃ Jme₂dsí₂ quián₅, a₂lë₅ léi₄ a₂jme₃ti₃ jág₁ quió'₅.

⁶ Le₂nē₅ jaun₂ le₁'ág₄ bá₄ caun₂ dsi₅ jniog₄ co₂tan₅₄, ia₁ ne₄ bá₄ jniog₄ jaun₂, të₁lia'₂ chong₂ jui₅ ni₁ñi₁ la₂, tsá₃ 'io₁ 'né₅ ja₁guá₄ Te₁gui'₅₄. ⁷ La₁ i₂nio₄ jniog₄ ca₂le₃jág₃ a₂jñia'₅₄ con'₂ 'éin₂ bá₄, on₃jua'₅₄ con'₂ a₂të₅ ne₄ jniog₄. ⁸ La₁ caun₂ bá₄ le₁'ág₄ dsi₅, lág₂ jniog₄ 'e₂ guē₄ dse₃ jua'₅₄ nē₃ bá₄ 'uág₃ dsi₂néi₂ tsi₁'né₅ ni₁ñi₁ la₂, a₂dsau'₅₄ dsi₁'io₁ quian'₅₄ Te₁gui'₅₄. ⁹ 'Uig₅₄ jaun₂, co₂tan₅₄ quen'₂ jniog₄ bí₂ jmo₂ a₂të₅ dsi₅ Te₁gui'₅₄, të₁lia'₂ chong₂ jui₅ ni₁ñi₁ la₂, o₃ nē₂tsá₃ ma₂chong₂ 'e₂. ¹⁰ Ia₁ le₃jág₃ bá₄ jniog₄ dsi₁no₃ ne₄ta₁ quió'₅ Cristo, ia₁jaun₂ gue₃ le₂jan₂ le₂jan₂ dsa₂ con'₂ ca₂tñin₂, lia'₂ con'₂ lë₅ ca₂jmo₃ të₁lia'₂ jme₁chain₂ jui₅ ni₁ñi₁, a₂dse₃, o₃ a₂'lig'₅₄ 'e₂.

Jág₁ dse₃ quió'₅ Diú₄ a₂'ag₃ tei₄ dsi₅ dsa₂

¹¹ 'Uig₅₄ nē₅, ia₁ a₂ne₄ jnia'₅₄ a₂ñi₄ lë₃ gau₂ lë₂ jë₁ma₂tió₂ dsa₂ ne₄ Te₁gui'₅₄, a₂quen'₂ jnia'₅₄ bí₂ chei₂ jnia'₅₄ dsa₂ jág₁ dsau₅ o₁ne₄ tsa₁ jiá'₂ dsi₅, gue₃ jág₁ dse₃. Jaun₂ ma₂ñi₅ bá₄ Diú₄ 'a₂ lia'₂ lë₅ chong₂ jnia'₅₄; jaun₂ 'ín₂ dsi₃ jniá₂ a₂ñi'₅₄ bá₄ 'nia'₂ të₂'au'₂ ján₃. ¹² Tsá₃ o₁len'₂ 'nia'₂ jua'₅₄ 'niog₂ jnia'₅₄ 'ín₂ rē₂ guio₅₄. Jñia'₅₄ lia'₂ cuē₂ jnia'₅₄ jmig₄ a₂dsiá'₂ 'nia'₂ jág₁ tá'₅ o₄quián₂ jnia'₅₄, ton'₂ ia₁jaun₂ ñi'₅₄ 'nia'₂ 'a₂ lia'₂ ñag'₅₄ ne₄ jui₁lia'₂ dsa₂ i₂'nio₃ dsia₃ jág₁ tá'₅, i₂jñia'₅₄ dse₃ le₁'ág₄ o₁ne₁, on₃jua'₅₄ rē₂ a₂dsi₂jó'₃ le₁jë₃ jme₂dsí₂ quió'₅. ¹³ Ia₁ chi₂jua'₂ quiong₅ dsa₂ a₂lág₅ jnia'₅₄ dsa₂ ñá₅, lë₁ o₄quió'₄ Diú₄ bá₄. La₁ chi₂jua'₂ tsá₃ lág₅ jnia'₅₄ dsa₂ ñá₅ nē₃, a₂dse₃ quián'₂ 'nia'₂ bá₄ jaun₂. ¹⁴ Ia₁ a₂ñi₄ lë₃ 'nio₃ Cristo jnia'₅₄, a₂jaun₂ tion₅₄ bá₄ ca₂tág₂ jnia'₅₄ jme₁'nió₄ dsa₂ mi₂güig₃ rin'₅₄ jui₁lia'₂ ca₂rë₃'nio₃ 'éi₂. Ia₁ caun₂ bá₄ 'éin₂ jnia'₅₄, jan₂ bá₄ i₂ca₂jon₃ o₄quió'₄ ca₂le₃jín₃; 'uig₅₄ jaun₂, nē₂jag₄ bá₄ a₂ma₂dsau₃ le₂jág₃. ¹⁵ Jan₂ Cristo bá₄ i₂ca₂jon₃ ne₄ o₄quió'₄ ca₂le₃jín₃, ia₁jaun₂ tsá₃ ma₃'nió'₅ le₃chain₂ jmá'₃ o₄quió'₄ guioin₅₄; jui₁le₂chain₂ bá₄ le₃quió'₅ i₂ca₂jon₃ o₄quió'₄, le₃quió'₅ i₂ca₂jen'₅₄ táng₃. ¹⁶ Jaun₂ tsá₃ ma₃'ein₂ jin₄ jnia'₅₄ nē₃ të₂le₃ ne₄ jui₅ lia'₂ con'₂ lë₅ jág₂ dsa₂ mi₂güig₃. Jui₁'e₂ guē₃ le₂jñiá₅ jme₁jin₄ jnia'₅₄ Cristo lia'₂ con'₂ lë₅ jág₂ dsa₂ mi₂güig₃, tsá₃ ma₃le₂jaun₂ jin₄ jnia'₅₄ 'éi₂. ¹⁷ Jaun₂ le₂nē₅, jui₁lia'₂ dsa₂ i₂ma₂chén₅ le₃quió'₅ Cristo, jan₂ dsa₂ 'mí₂ bá₄ 'éi₂. Ca₂le₃jë₃ 'a₂ lia'₂ jme₁lë₄ le₂jñiá₅, ca₂ñi₂ bá₄ jaun₂. ¡Ma₂ca₂rë₃'mag'₄ bá₄ ca₂le₃jë₃!

¹⁸ Ca₂le₃jë₃ a₂nē₅, le₂nē₅ ma₂jmo₃ Diú₄ 'ñiog₅. Ca₂'ág₂ táng₃ caun₂ jág₁ quian'₅₄ jniog₄ të₂le₃ quian'₅₄ Cristo. Jaun₂ 'éi₂ nē₃ ma₂cuē₃ ta₁ a₂jme₁tin₅ jnia'₅₄ dsa₂ 'a₂ lia'₂ 'nió'₅ jmo₃ 'ag₃ caun₂ jág₁ quian'₅₄ Diú₄. ¹⁹ Co₂'nió'₄ le₃jua'₅₄, të₂le₃ quian'₅₄ Cristo bá₄ jme₁'ag₅ Diú₄ caun₂ jág₁ quian'₅₄ dsa₂ mi₂güig₃. Të₂le₃ quian'₅₄ Cristo bá₄, jín₂ Diú₄ dsa₂ co₂'nió'₄ a₂tsá₃ ma₃'e₂ dso₄ rē₂cán₄ dsa₂. Jaun₂ të₂le₃ quian'₅₄ Cristo bá₄ ma₂dsia₃ gu₂ jnia'₅₄ nē₃ a₂qui₁'é₄ jnia'₅₄ dsa₂ jág₁ dse₃ la₂, ia₁jaun₂ le₃ñi₅ a₂tsá₃ ma₃mi'₅₄ cha₂ quian'₅₄ Diú₄. ²⁰ Jaun₂ le₂nē₅ bá₄ lë₅ 'a₂ lia'₂ të₂i₂nio₄ jnia'₅₄ i₂quian₄ jnia'₅₄ jág₁ o₄quió'₄ Cristo, ia₁ co₂'nió'₄ 'ñiog₅ bá₄ Diú₄ chi₂lén'₂ dsa₂ të₂le₃ quian'₅₄ jnia'₅₄. Jaun₂ jnia'₅₄ nē₃, chi₂len'₄ jnia'₅₄ 'nia'₂* quian'₅₄ jág₁ 'éi'₃ quió'₅ Cristo: “Éi₂ 'nia'₂ caun₂ jág₁ quian'₅₄ Diú₄.” ²¹ I₁caun₂ dso₄ tsá₃ 'e₂ ca₂'náu₂ Cristo; la₁

* 5:20 o₃, “chi₂lén'₄ jnia'₅₄ dsa₂.”

'uig₅₄ dsáu₁ jniog₄ bá₄ ně₃, ca₂'ě₃ Diú₄ uig₅ 'ěi₂ ně₂jag₄ bá₄ a₂rě₂cáin₄ dso₄, ia₁jaun₂ jniog₄ ně₃ jě₁ma₂ca₂rě₃quian₅₄ Cristo, 'ě₂ Diú₄ jág₁ a₂tsá₃ 'e₂ dso₄ rě₂cáu₄.

6

¹ Jaun₂ le₂ně₅, jnia'₅₄ dsa₂ i₂jmo₂ ta₁ co₂lě₅ quian'₅₄ Te₁gui'₅₄, chi₂len'₄ jnia'₅₄ 'nia'₂ a₂tsá₃ i₂jmo₂ 'nia'₂ jua'₅₄ a₂tsá₃ ta₁ jmo₃ jág₁ a₂'ua₁ dsí₅ Diú₄ a₂ma₂gue'₅₄ 'nia'₂. ² Ia₁ le₂la₂ juá'₂ Diú₄ ne₄ Si₂:

Ca₂rě₃chá₃ bá₄ jmi₄g₄ a₂ca₂jmo₃ 'ua₁ dsí₃,

ca₂nag₃ jág₁ quián'₂ 'nia'₂;

jmi₄g₄ a₂jme₁cuin₅ jmi₄g₄ lión'₂ 'nia'₂

jme₁ca₂jme₁'o₁ jniá₂.*

Jaun₂ rě₂ně₃ bá₄ 'ě₂₃, cuin₅ jmi₄g₄ a₂jmo₅ Diú₄ 'ua₁ dsí₅. Rě₂ně₃ bá₄ ján₃ cuin₅ jmi₄g₄ a₂lión₂ dsa₂.

³ 'I₁caun₂ jnág₅ tsá₃ jmo₂ jnia'₅₄ ja₁con₂ dsa₂, ia₁jaun₂ tsá₃ táun₂ dsa₂ 'lig'₅₄ ta₁† quián₂ jnia'₅₄. ⁴ Tě₂le₃ 'niog₂ jnia'₅₄ cuě₅₄ léi₄ jě₄ ca₂le₃jě₃, a₂lág₅ tě₃dsón'₂ dsa₂ i₂jme₂ti₃ ta₁ ne₄ Diú₄: jě₄ a₂jmo₂ jnia'₅₄ tió'₅ dsí₅; jě₄ jmi₁uig₅ a₂ŋag₄ jnia'₅₄ jě₄ jme₁dsi₂ŋág₂ jnia'₅₄, a₂tsá₃ a₂ne₄ jnia'₅₄ jmó₁; jě₄ o₂i₁ dsí₅; ⁵ jě₄ qui₂bóg₂ dsa₂; jě₄ qui₂to'₂ dsa₂ né'₃ 'má₃; jě₄ mi'₅₄; jě₄ ta₁ 'ua'₂; jě₄ tsá₃ guag₂ jnia'₅₄; jě₄ jme₁in₂ a₂que₅₄ jnia'₅₄; ⁶ jě₄ a₂le₁jě₃ jme₂dsí₂ quián₂ jnia'₅₄ ně₃; jě₄ jme₂juín'₁ dsí₅ ja₁con₂ rin'₅₄; jě₄ a₂'ua₁ dsí₅ jnia'₅₄; jě₄ a₂quiong'₅₄ Jme₂dsí₂ Jnió₅; jě₄ a₂'nió₃ jnia'₅₄ rin'₅₄ tě₃dsón'₂; ⁷ jě₄ quian'₅₄ jág₁ dsau₅ tě₃dsón'₂; jě₄ quian'₅₄ jui₅bí₂ quió'₅ Diú₄; jě₄ quian'₅₄ jui₅ co₂dsau₅ a₂tsá₃ 'e₂ rě₂cáu₄, quian'₅₄ a₂ně₅ lion₄ jnia'₅₄ co₂'nió'₄ ní₁ a₂chan'₂ jnia'₅₄ quian'₅₄ gu₂ ne₁ quian'₅₄ gu₂jen₅ ně₃; ⁸ tě₂le₃ quian'₅₄ a₂jme₂juag'₂ dsa₂; tě₂le₃ quian'₅₄ a₂chei'₂ dsa₂ 'lig'₅₄; tě₂le₃ quian'₅₄ jág₁ 'lig'₅₄ a₂qui₂'ag₅ dsa₂; tě₂le₃ quian'₅₄ jág₁ dse₃ a₂qui₂'ag₅ dsa₂ ně₃; a₂lág₅ jnia'₅₄ dsa₂ i₂tí₅ jág₁ quió'₅ jui₁'a₂ guě₃ la₂ quiong₅ dsa₂ jnia'₅₄ i₂tě₂jín₁; ⁹ ně₂jag₄ bá₄ i₂tsá₃ 'ein₂ cuig₅, la₁ chan₂ bá₄ i₂cuig₅ rě₂; ně₂jag₄ bá₄ a₂ma₂i₂dsióg₃ jnia'₅₄, la₁ jag₄! lia'₂ chong₂ jaun₂ bá₄ jnia'₅₄; qui₂jmóg'₂ dsa₂ uig₅, la₁ tsá₃ ca₂jme₃dsiog₂₃; co₂'nió'₄ a₂qui₂' dsí₅, ¹⁰ la₁ i₂gú'₃ bá₄ chong₂ jnia'₅₄ o₂'nió₃ dsí₅; co₂'nió'₄ i₂tě₂ŋě₂, la₁ jmo₂ jnia'₅₄ a₂le₃chan₂ dse₃ juin₅ i₂sián'₂; co₂'nió'₄ a₂tsá₃ 'e₂ cha₂ quián₂ jnia'₅₄, la₁ 'io₂ bá₄ jnia'₅₄ ca₂le₃jě₃.

¹¹ 'Nia'₂ rin'₅₄ jniog₄ i₂chan₂ juig₂ Corinto, ma₂ně₂jua'₅₄ jnia'₅₄ rě₂jiá₃ jág₁, ně₂jag₄ bá₄ a₂ma₂rě₂nia₅₄ jnia'₅₄ tě₂dsí₅ ja₁con'₂ 'nia'₂. ¹² 'I₁caun₂ tsá₃ 'e₂ jnág₅ ma₂jmó₁ jnia'₅₄ ja₁con'₂ 'nia'₂; guion'₅₄ bá₄ 'nia'₂ jmo₂ qui₂nióg₅ tě₂'au'₂, jag₅₄ jnia'₅₄. ¹³ 'Nia'₂ ně₃, jein'₅₄ 'au'₂ tě₂le₃ ja₁con₂ jnia'₅₄: jaun₂ ně₃ chi₂len'₄ jnia'₅₄ 'nia'₂ ně₂jag₄ bá₄ co₂'nió'₄ ŋěi'₅ 'nia'₂ a₂na'₅₄ 'nia'₂ tě₂'au'₂ ja₁con₂ jnia'₅₄.

Lág₅ jniog₄ guá'₅ quián₅ Diú₄ i₂chan₂ tě₃dsón'₂

¹⁴ Tsá₃ i₁nio'₄ 'nia'₂ jua'₅₄ a₂ling'₅₄ jág₁ quian'₅₄ dsa₂ i₂tsá₃ 'én₂. Ia₁ ně₁jua'₂ le₂jaun₂ ně₃, dsí₁nó'₅ 'nia'₂ léng'₂ jui₁lia'₂ on₃ dsí₂ca₁jui₅ i₂quia'₂ 'uě₃, i₂tsá₃ co₂rin₂.† Ia₁ tsá₃ a₁jaun₂ quin₃ dsí₅ dsa₂ i₂quian₅ jui₅ dse₃ quian'₅₄ dsa₂ i₂quian₅ jui₅ 'lig'₅₄. Ján₃ guě'₂ le₂jaun₂, o₁líg'₂ jmi₄g₄ tsá₃ lé₂ le₃jen'₂ ja₁tág₅ quian'₅₄ jui₁lia'₂ ja₁qui₁né'₃ táng₃. ¹⁵ ŋ₃ lín'₂ 'nia'₂, lé₂ le₃'ag₃ caun₂ jág₁ Cristo quian'₅₄ i₂sě₃dsen₃ táng₃? O₃, ŋ₂'e₂ bá₄ quen'₅₄ jui₁lia'₂ jan₂ dsa₂ 'én₂ quiaín'₅₄ jan₂ i₂tsá₃ 'én₂? ¹⁶ ŋ₃ bá₄ lé₂ le₃'ag₃ caun₂ jág₁ guá'₅ quió'₅ Diú₄ quian'₅₄ diú₄ lag₄? Ia₁ guio₅₄ bá₄ jniog₄ lág₅ guá'₅ quió'₅ Diú₄ jén'₃. Lě₅ jui₁lia'₂ ca₂juá'₂ Diú₄ 'ŋiog₅:

Gua₅₄ ŋi₅₄ quiang'₅₄ dsa₂.

Jniá₂ bá₄ léng₂ Diú₄ quián₅.

Dsa₂ 'éi₂ guě'₂ léin₂ dsa₂ juig₂ quiáng₃.§

¹⁷ Jaun₂ lě₃:

* **6:2** Isaías 49:8. † **6:3** griego: diakonía (ministerio). ‡ **6:14** 'Nio'₂ja₁ton₅ Deuteronomio 22:10. § **6:16** Levítico 26:12; Jeremías 32:38; Ezequiel 37:27.

Co₂dsia₅ 'uín' ₂ 'nia' ₂ jë₄ quió' ₅ diú₄ lag₄ 'éi₂;
 con' ₂ nau₂ 'nia' ₂, juá' ₂ Te₁gui' ₅₄;
 Tsá₃ qui₂tí' ₅ 'nia' ₂ gog' ₂ a₂tsá₃ le₁jë₃.
 Jaun₂ bá₄ guen' ₄ jniá₂ 'nia' ₂,*
 18 jaun₂ jan₂ jniá₂ bá₄ léng₂ ηéi' ₅ 'nia' ₂,
 jaun₂ 'nia' ₂ guè' ₂ léng' ₂ chì' ₂-guein₂ quiáng₃.
 juá' ₂ Te₁gui' ₅₄ i₂ 'uan' ₂ guè₄ lin₃.†

7

1 Le₂në₅ bá₄, rin' ₅₄ jniog₄, 'uig₅₄ ia₁ a₂ron₅ jág₁ a₂cuë' ₁ quió' ₅ Diú₄ ja₁con₂ jniog₄, jaun₂ ca₂tág₂ jniog₄ chí₅₄ quián₂ ca₂le₃jë₃ a₂'lig' ₅₄ a₂lé₂ le₃'iog₅ jme₂dsí₂ quián₂, le₂jaun₂ nī₁ηī₁ në₃. Jui₁le₂chong₂ bá₄ co₂ηei' ₅₄ dsa₂ i₂lë₅ 'i₁ i₂jme₂gan₃ Diú₄.

'A₂ lia' ₂ ca₂rë₃tsín₃ dsí₅ dsa₂ Corintios, ca₂can₃ táng₃ jui₅ dse₃

2 Jmo₄ 'nia' ₂ 'au' ₂ a₂jag' ₅₄ dse₃ jnia' ₅₄. Ia₁ tsá₃ 'e₂ 'lig' ₅₄ ma₂jma' ₅₄ 'i₁jan' ₂ 'nia' ₂, on₃ guè' ₂ 'e₂ jág₁ ga₂ ma₂chéi₂ jnia' ₅₄ 'i₁jan₂, on₃ guè' ₂ jua' ₅₄ ma₂ca₂jme₁gan₅ jnia' ₅₄ 'i₁jan' ₂ 'nia' ₂ në₃.

3 On₃jua' ₅₄ a₂juá' ₅ jniá₂ ia₁ a₂bong' ₅₄ 'nia' ₂ dso₄. Lia' ₂ ma₂juá' ₅ jaun₂ bá₄ jniá₂, jing₅₄ 'nia' ₂ ca₂le₃jë₃ dsí₃, a₂'nió₃ jniá₂ 'nia' ₂. Caun₂ bá₄ 'ei₅ dsí₃ chang₂ co₂lë₅ quiang' ₅₄ 'nia' ₂, o₃ dsióg₃ co₂lë₅ 'e₂. 4 Caun₂ bá₄ 'ei₅ dsí₃ jing₅₄ 'nia' ₂, 'ηio₅ jmo₅ jniá₂ táng' ₅ o₄quián' ₂ 'nia' ₂. Rë₂'ηia₅ a₂lián' ₂ dsí₃, lia' ₂ rë₂tsón₂ a₂'io' ₂ jéin₂ jniá₂, jë₄ ca₂le₃jë₃ o₂i₁ dsí₅ a₂chong₂ jnia' ₅₄.

5 Ia₁ lia' ₂ con' ₂ jme₁o₃náu₅ jnia' ₅₄ 'uë₃ Macedonia la₂, tsá₃ ma₂ca₂rë₃jag₅₄ 'i₁ca₂juig₄, ia₁ o₂me' ₅₄ dsí₅ bá₄ ma₂ca₂rë₃chá₃ le₂con₂ të₂le₃ la₂: mī' ₅₄ bá₄ ca₂já₃ le₃lág' ₃ ja₁tio' ₅₄ jnia' ₅₄, ca₂le₃jë₃ ca₂'í₃ gó' ₅ dsí₅ jnia' ₅₄. 6 La₁ Diú₄ i₂jmóg' ₅ táng₃ dsí₅ dsa₂ i₂'lia' ₂ dsí₅, ca₂jmóg' ₃ bá₄ táng₃ dsí₅ jnia' ₅₄ jme₁ca₂guan₃ Tito, 7 ton' ₂ 'éi₂ 'ηiog₅ guè' ₂ në₃, 'ηio₅ lin₃ 'ei₅ dsí₅ o₄quián' ₂ 'nia' ₂. 'Éi₂ bá₄ dsia₅ në₃ tság₅ jnia' ₅₄, 'ηio₅ 'ín₅ 'au' ₂ jag' ₅₄ jniá₂. Dsia₂₃ a₂qui' ₂ 'au' ₂. Dsia₂₃ ján₃ a₂tion' ₅₄ 'nia' ₂ dsen₅₄ 'au' ₂ o₄quió₃ jniá₂. Jaun₂ bá₄ të₂le₃ lë₅ guè₄ 'io' ₂ jéin₅ jme₁ca₂rë₃guion₅₄.

8 Tsá₃ a₂nag₅₄ ca₂tión' ₂ 'nia' ₂ co₂'na₂ qui' ₂ 'au' ₂ quian' ₅₄ si₂ carta a₂ca₂tsíng₂; la₁ tsá₃ dsí₂quén' ₅ dsí₃ rë₂në₃. Dsón' ₂ bá₄ ca₂dsí₃quén' ₅ dsí₃ co₂'na₂ le₂jniá₅ ján₃ jme₁ca₂rë₃guion₅₄ o₄quió' ₄ si₂ jaun₂, ca₂tión' ₂ 'nia' ₂ qui' ₂ 'au' ₂ co₂'na₂. 9 Jaun₂ në₃ 'io' ₂ jéin₅ bá₄ rë₂në₃, on₃jua' ₅₄ ia₁ a₂ca₂tión' ₂ 'nia' ₂ qui' ₂ 'au' ₂ jaun₂; a₂jaun₂ bá₄ ia₁ a₂ca₂rë₃tsín₃ bá₄ 'au' ₂ 'nia' ₂ ia₁ a₂ca₂tión' ₂ 'nia' ₂ qui' ₂ 'au' ₂. Ca₂quian' ₂ 'nia' ₂ o₂i₁ dsí₅ lia' ₂ të₅ dsí₅ Diú₄. Jaun₂ tsá₃ le₃jua' ₅₄ a₂ca₂jma' ₅₄ jnia' ₅₄ dain₅₄ 'nia' ₂. 10 Ia₁ jui₁lia' ₂ a₂qui' ₂ dsí₅ dsa₂ 'a₂ con' ₂ 'nio₃ Diú₄, a₂jaun₂ bá₄ jmo₅ a₂rë₂tsín₃ dsí₅ dsa₂, a₂jio₅ jui₅ a₂lión₂ dsa₂. Jaun₂ tsá₃ cha' ₂ 'e₂ lë₃ jua' ₅₄ dsí₁quén' ₅ dsí₅ dsa₂. La₁ia₁ jui₁lia' ₂ a₂qui' ₂ dsí₅ dsa₂ lia' ₂ con' ₂ lë₅ a₂qui' ₂ dsí₅ dsa₂ mī₂güig₃ në₃, a₂jaun₂ bá₄ jio₅ jui₅ 'mú₃. 11 Jag₄ 'nia' ₂ jaun₂, a₂la₂ bá₄ a₂të₁dsí₅₄ quián' ₂ 'nia' ₂, ia₁ ca₂tión' ₂ 'nia' ₂ qui' ₂ 'au' ₂ jaun₂ lia' ₂ con' ₂ 'ηio₂ dsí₅ Diú₄: 'e₁ bá₄ chí₂quian' ₁ 'nia' ₂ jmig₄; 'e₁ bá₄ dsan₂ 'au' ₂ jme₁rë' ₂ a₂jaun₂ jë₄ quián' ₂ 'nia' ₂; 'e₁ bá₄ ca₂l₃mé' ₂ 'au' ₂ ne₄ dso₄ jaun₂; 'e₁ bá₄ ca₂já₃ gó' ₅ 'au' ₂ 'nia' ₂; 'e₁ bá₄ 'ín₅ 'au' ₂ 'nia' ₂ guè₄ lin₃; 'e₁ bá₄ dsen₅₄ 'au' ₂ 'nia' ₂ a₂jme' ₁ 'e' ₄ 'nia' ₂ uig₅ në₃. Jë₄ ca₂le₃jë₃ a₂në₅ ma₂cuë' ₅₄ bá₄ 'nia' ₂ léi₄ a₂tsá₃ dso₄ rin' ₂ 'nia' ₂ a₂ca₂lë₃ le₂jaun₂. 12 Lia' ₂ con' ₂ ca₂tsíng₂ si₂ carta jaun₂, on₃jua' ₅₄ jaun₂ ca₂tsíng₂ o₄quió' ₄ i₂ca₂jmo₃ 'lig' ₅₄, on₃ guè' ₂ o₄quió' ₄ i₂ca₂i₃ηi₂ në₃. A₂jaun₂ bá₄ ca₂tsíng₂ ia₁jaun₂ le₂len' ₄ 'nia' ₂ të₂le₃ ne₄ Diú₄ a₂dsan' ₂ 'au' ₂ o₄quián₂ jnia' ₅₄.

13 'Uig₅₄ jaun₂, 'io' ₂ jéin₂ bá₄ jnia' ₅₄ në₃, cha₂ lián' ₂ dsí₅.

La₁ 'ηio₅ lin₃ guè₄ 'io' ₂ jmo₂ jnia' ₅₄ jme₁guan₃ Tito, 'ei₅ dse₃ dsí₅ quion₂ jág₁ ia₁ ca₂le₃jín' ₃ bá₄ 'nia' ₂ ca₂jme' ₁oin' ₁, ca₂jmog' ₅₄ dsí₅ të₁lia' ₂ ca₂i₁'i₅ quian' ₅₄ 'nia' ₂. 14 Jaun₂ tsá₃ jua' ₅₄ a₂lë₁ca₂juig₂ jág₁ tá' ₅ jme₁ca₂juig₂ 'io' ₂ jéin₅ o₄quián' ₂ 'nia' ₂. Tsá₃ o₂guí' ₃ chén' ₅ jniá₂. Ia₁ le₂në₅ bá₄ jui₁lia' ₂ dsau₅ ca₂le₃jë₃ jág₁ a₂ma₂ca₂chéi₂ jnia' ₅₄ 'nia' ₂, ján₃ bá₄ le₂jaun₂ ca₂le₃jë₃

* 6:17 Isaías 52:11; Ezequiel 20:34-41. † 6:18 2 Samuel 7:14.

jág₁ a₂ca₂chei₅₄ jnia'₅₄ Tito 'a₂ lia'₂ lě₅ tion'₅₄ 'nia'₂, ca₂rě₃ti₃ bá₄ lia'₂ lě₅ jaun₂. ¹⁵ Jaun₂ ně₃, tě₂le₃ 'nio₅ lín₃ guě₄ 'nioi₃ 'nia'₂ ia₁ juá'₂ ca₂jmo'₅₄ bá₄ 'nia'₂ ca₂le₃jě₃ 'e₂ ca₂mi₃, ca₂jmo'₅₄ bá₄ 'nia'₂ 'ua₁ 'au'₂ ca₂guein'₅₄ bá₄ 'nia'₂ caun₂ dse₃ a₂gain'₃. ¹⁶ Jaun₂ tě₅ bá₄ dsi₃; caun₂ bá₄ 'ei₅ dsi₃ quian'₅₄ 'nia'₂.

8

A₂cuě₃ dsa₂ 'e₂ cuě₃ 'a₂ con'₂ 'nio₂ dsí₅

¹ Ně₃ ně₃, rín'₅₄ jniog₄, 'niog₂ jnia'₅₄ a₂le₃ni'₅₄ 'nia'₂ 'a₂ lia'₂ ma₂ca₂rě₃jniá₂ a₂'ua₁ dsí₅ Diú₄ ja₁con₂ guá'₅ i₂chan₂ 'uě₃ Macedonia la₂.

² Jui₁'a₂ guě₃ la₂ ma₂ja₂lén₂ quian₅ o₂i₁ dsi₅, tsá₃ caun₂ táu₂ dsi₂ñí₂, la₁ dse₃ bá₄ chain₂ tei₄ bá₄ le₁'ág₄ dsí₅. Jui₁'e₂ guě₃ la₂ te₂ñé₂ chain₂, la₁ tson₂ guě₄ a₂ma₂cuě₃ con'₂ 'nio₂ dsí₅ con'₂ guě₄ dsa₂ i₂cha₂ quió'₅. ³ Jniá₂ jáng'₅ jág₁ dsau₅, a₂tě₃dsón'₂ bá₄ ma₂cuě₃ 'a₂ con'₂ tió'₅, tě₂le₃ lě₅ guě₄ ma₂cuě₃ 'a₂ con'₂ cha₂ quió'₅, ia₁ a₂'nio₂ dsí₅. ⁴ Ca₂tság₃ jnia'₅₄ tion₅₄-jan₃, a₂cuě₅₄ jnia'₅₄ jmi₄ a₂quein'₅₄ quian'₅₄ jnia'₅₄ ta₁ dse₃ a₂jme₁'on₁₂ dsa₂ quián₅ Diú₄.^{*} ⁵ Tě₂le₃ lě₅ guě₄ ca₂cuě₃ bá₄ lia'₂ con'₂ guě₄ jme₁lág₂ jnia'₅₄. Jniá₅ de'₂ o₄gú₃ Te₁gui'₅₄ ca₂dsia₃, jaun₂ guě₄ ca₂dsia₃ ne₄ jnia'₅₄, lia'₂ con'₂ 'nio₃ Diú₄. ⁶ Jaun₂ ma₂chi₁ca₂len'₄ jnia'₅₄ Tito jaun₂ jmo₃ dse₃ dsí₅ a₂jme₃'niai₂₃ ta₁ dse₃ ně₅ jin'₄ 'nia'₂ 'uig₅₄ a₂ma₂'ei₅ le₂jniá₅ 'a₂ con'₂ ca₂lě₃ 'au'₂ 'nia'₂ jme₁'o'₁. ⁷ Ia₁ jui₁lia'₂ ma₂dsi₂jniá'₄ 'nia'₂ jě₄ le₂jě₃; a₂'én'₂ 'nia'₂, a₂'nia'₂ 'nia'₂ jág₁ dse₃, a₂ñí'₂ 'au'₂ 'nia'₂, a₂dsen₅₄ 'au'₂, a₂'nióg'₃ jnia'₅₄ ně₃; ján₃ bá₄ le₂ně₅ ca₂tín'₂ 'nia'₂ dsi₃jniá'₄ quian'₅₄ a₂la₂, a₂jmo'₂ 'ua₁ 'au'₂.

⁸ Tsá₃ o₁len'₂ 'nia'₂ jua'₅₄ a₂jmo₅ jniá₂ 'éi'₃ ja₁con'₂ 'nia'₂. Jnia'₅₄ lia'₂ 'nio₃ jniá₂ cáun₄ 'í₁ tě₂le₃ quian'₅₄ a₂dsen₅₄ dsí₅ i₂sián'₂ chi₂jua'₂ dsón'₂ bá₄ 'nióg'₃ ríng'₂ ján₃. ⁹ Ia₁ ma₂ñi'₅₄ bá₄ 'nia'₂ 'a₂ lia'₂ 'ua₁ dsí₅ Te₁gui'₅₄ Jesucristo quián₂. O₄quió'₄ a₂'nioi₃ 'nia'₂, ca₂ñi₃ te₂ñé₂, o₁jnia'₅₄ la₂ jme₁chain₂ dse₃, ia₁jaun₂ le₃chan'₂ 'nia'₂ dse₃ tě₂le₃ quian'₅₄ jui₅ te₂ñé₂ a₂ca₂can₃ 'éi₂.

¹⁰ Cuě₅ jniá₂ jág₁ dse₃ a₂juíg₂ 'nia'₂, jui₁lia'₂ jág₁ la₂, a₂dse₃ quián'₂ 'nia'₂ guiong'₅₄ bá₄, ia₁ 'nia'₂ bá₄ i₂ca₂jme₁lióg'₄ ma₂ca₂ñi₂, a₂ca₂jme₁'o'₁ 'nia'₂, a₂'nio₂ 'au'₂ 'nia'₂ ně₃: ¹¹ jaun₂ ně₃ ně₃, jme₁'nia₅ 'nia'₂ ta₁ jaun₂ a₂ca₂jme₁lióg'₂, ia₁jaun₂ le₃ti₃ a₂'nio₂ 'au'₂ 'nia'₂ jaun₂, lia'₂ con'₂ lě₅ cha₂ quián'₂ 'nia'₂. ¹² Ia₁ jui₁lia'₂ a₂cuě₅ dsa₂ a₂'nio₂ dsí₅ tě₃dsón'₂ 'e₂ 'nio₃ cuě'₃ Diú₄, a₂le₂jaun₂ bá₄ gue₅ Diú₄ 'nio₂ dsí₅, lia'₂ con'₂ lě₅ a₂cha₂ quió'₅ dsa₂, on₃jua'₅₄ lia'₂ con'₂ lě₅ a₂tsá₃ cha₂ quió'₅.

¹³ On₃jua'₅₄ a₂jaun₂ guě'₂ juá'₅ jniá₂ ia₁jaun₂ tón'₃ dsa₂ 'éi₂ a₂rě₂tsón₂ ñag₅₄ quió'₅, ton'₂ tě₂le₃ ja₁con'₂ 'nia'₂ guiong'₅₄ guě'₂ ně₃ tsá₃ cha₂ lě₂. ¹⁴ Tě₂le₃ ia₁jaun₂ dsióg₄ co₂rě₂ bá₄ lě₅ chan₂ dsa₂, 'nia'₂ cuě'₂ 'e₂ niog₅ tsá₃ tín'₂ quió'₅ ríng'₂ jmi₄g₄ ně₃; jui₁la₂ 'ióg₃ guě'₂, 'éi₂ guě'₂ ma₂tión₂ jme₃'o₅₄ cuě₃ 'e₂ niog₅ tsá₃ tín'₂ quián'₂ 'nia'₂ táng₃. Jaun₂ le₂ně₅ bá₄ dsióg₄ co₂rě₂ bá₄ lě₅ chan₂ dsa₂. ¹⁵ Jaun₂ le₂ti₃ jui₁lia'₂ juá'₂ ne₄ Si₂ quió'₅ Diú₄: “I₂ca₂ro'₂ 'lióng₂ tsá₃ 'e₂ jua'₅₄ a₂ca₂chóng₃ quió'₅; le₂jaun₂ guě'₂ le₃ja₁con₂ i₂ca₂ro'₂ me'₂, tsá₃ 'e₂ ca₂lě₃ jua'₅₄ a₂tsá₃ ca₂tín'₂ quió'₅.”†

Tito quiaín'₅₄ ríin'₅₄

¹⁶ Ti₁'mag'₄ Diú₄ ca₂jmo₃ a₂ca₂lě₃ dsí₅ Tito a₂ca₂'i₃ dsí₅ 'nia'₂ 'nio₅ lín₃, jui₁lia'₂ 'i₅ dsi₃ jniá₂. ¹⁷ Ia₁ dsi₂jui₅ bá₄ ca₂gue₃ jme₁ca₂chéi₂ jnia'₅₄ dsó₃, ton'₂ ia₁ dsan₂ bá₄ dsí₅ 'éi₂ 'niog₅ a₂dsó₃ dsi₃jii₅₄ 'nia'₂ a₂'nio₂ dsí₅.

¹⁸ Jan₂ rín'₅₄ jniog₄ i₂'ei₅ jág₁ dse₃ quió'₅ le₂con₂ guá'₅ Macedonia la₂, 'éi₂ chen₅₄ jnia'₅₄ dsó₃ co₂lě₅ quiaín'₅₄ Tito. ¹⁹ Rín'₅₄ i₂'ín₅ jnia'₅₄ ně₅, ca₂quión'₂ guá'₅ a₂jme₃quiong'₅₄ jnia'₅₄ a₂i₁nio₁ jmó₁ ta₁ dse₃ a₂jme₁'on₁ jnia'₅₄ rín'₅₄ ia₁jaun₂ le₃juin'₂ Te₁gui'₅₄, ton'₂ ia₁jaun₂ léi₄

* 8:4 lit. “dsa₂ jnióg₅.” † 8:15 Éxodo 16:18.

a₂dsen₅₄ dsí₅ jnia'₅₄ a₂jme'_{on₁ rin'}₅₄.† 20 Tsá₃ 'niog₂ jnia'₅₄ jua'₅₄ a₂chi₂'ag₃ dsa₂ o₄quió'₄ cu₄ a₂rē₂tsón₂ jaun₂ a₂niog₅ o₄gu₂ jnia'₅₄. 21 'Niog₂ jnia'₅₄ jmó₁ a₂le₁jě₃ jme₂dsí₂ quián₂ tē₃ne₄ dsa₂ lia'₂ quian'₅₄ tē₃ne₄ Te₁gui'₅₄ nē₃.

22 Ján₃ guē'₂ chen₅₄ jnia'₅₄ jan₂ rin'₅₄ sián'₂ i₂ma₂cuē₃ léi₄ a₂dsen₅₄ dsí₅ 'nio₅ lín₃. La₁ nē₃ nē₃ 'nio₅ lín₃ guē'₄ jmo₂₃ a₂dsen₅₄ dsí₅ ia₁ a₂ñí₄ lē₃ caun₂ 'ei₅ dsí₅ o₄quián'₂ 'nia'₂. 23 Tito nē₃, lín₅ jan₂ ríng'₃ i₂jmo₅ ta₁ co₂lē₅ quian'₅₄ jniá₂ a₂jme₂ti₃ ta₁ ne'₅₄ 'nia'₂. Rin'₅₄ jniog₄ i₂quian'₅₄ nē₃, i₂chen₄ quián₅ guá'₅ i₂i₂nio₄ cuē₂₃ léi₄ a₂jlán'₁ Cristo. 24 Jaun₂ nē₃, jme₁jnia'₅ ne₄ dsa₂ nē₅, lia'₂ le₃ne₄ ca₂le₃jín₃ guá'₅ nē₃, qui₁jang'₅₄ 'nia'₂ léi₄ a₂dsón'₂ 'nióg'₃ 'nia'₂ dsa₂ 'én₂ ríng'₂, qui₁jang'₅₄ léi₄ ján₃, 'e₂ 'uig₅₄ a₂ñí₄ lē₃ dsia₂ jnia'₅₄ jág₁ tá'₅ 'ín₅ 'nia'₂.

9

A₂cág'₃ dsa₂ cu₄ a₂jme'_{oin₅₄ rin'}₅₄ ja₁siá'₂

1 Jui₁lia'₂ cu₄ a₂jme'_{on₁ rin'}₅₄ 'nia'₂ dsa₂ 'én₂ rin'₅₄,* tsá₃ ma₂tion₅₄ jua'₅₄ a₂qui₂juá'₄ guē'₄ ne₄ si₂. 2 Ia₁ ma₂guion₅₄ bá₄ a₂le₁'ág₄ 'au'₂ 'nia'₂ a₂jme'_{o₁}; o₄quió'₄ a₂nē₅ jmo₅ jniá₂ táng'₅ jin₄ dsa₂ chan₂ 'uē₃ Macedonia. Ia₁ ma₂ca₂ñi₂ bá₄ jme₁ma₂chan₂ co₂jnia₅₄ dsa₂ chan₂ 'uē₃ Acaya, ton'₂ mei'₂ tsá₃ ca₂le₃jín₃ bá₄ ca₂lē₃ dsí₅ jme₃'o₅₄ o₄quió'₄ a₂dsen₅₄ 'au'₂ 'nia'₂ jaun₂. 3 Ia₁jaun₂ tsá₃ lē₅ jua'₅₄ a₂lē₁ca₂cuē₃ jág₁ tá'₅ quió₃, jaun₂ tsíng₂ rin'₅₄ la₂ dsí₃jág₂ ia₁ jág₁ jaun₂ ma₂lē₅, ma₂tión'₂ 'nia'₂ co₂jnia₅₄. 4 Ia₁ con'₂ tsá₃ nó₅ nē₁ca₂i₃lén₂ i₂lín₅₄ rin'₅₄ i₂chan₂ Macedonia quian'₅₄ jniá₂, jaun₂ tsá₃ lé₂ jua'₅₄ caun₂ dé₄ o₂guí'₃ tsá₃ co₂jnia₅₄ 'nia'₂ chang'₂ jē₁ma₂ca₂dsi₃náu₅ jnia'₅₄. Le₂jio₅ jniá₂ chéng'₅ 'lig'₅₄ (le₂jaun₂ 'nia'₂ táng₃) ia₁ ma₂juig₂ jniá₂ dsa₂ 'nio₅ dsen'₃ 'nia'₂. 5 'Uig₅₄ nē₅ ma₂mi₃ jniá₂ ja₁con₂ rin'₅₄ jniog₂, ia₁ 'nió'₅ bá₄ líng₂, ia₁jaun₂ dsí₃lén₂ dsí₃jín₅₄ 'nia'₂ ia₁jaun₂ jme₃'o₅₄ guē'₄ rin'₅₄ cu₄, jág₁ a₂ma₂cuē'₅₄ 'nia'₂ quiáng'₂ le₂jniá₅ a₂cuē'₁, ia₁jaun₂ ma₂lē₅ co₂jnia₅₄ 'a₂ con'₂ lē₅ 'nio₂ 'au'₂ 'nia'₂, on₃jua'₅₄ ia₁ a₂chi₁quiong₅₄ jnia'₅₄ jmig₄.

6 Dsá₂ 'au'₂ 'nia'₂ jmo₄, jág₁ a₂juá'₄ la₂: jui₁lia'₂ dsa₂ i₂jne₅ me'₂, me'₂ bá₄ a₂ráu₃ quió'₅; jui₁lia'₂ dsa₂ i₂jne₅ 'lióng₂ guē'₂ nē₃, ján₃ bá₄ 'lióng₂ ráu₃ quió'₅. 7 Le₂jan₂ le₂jan₂ bá₄ ca₂tín₂ cuē₃ 'a₂ con'₂ ma₂ca₂lē₃ dsí₅ cuē₃, tsá₃ ca₂tín₂ dsa₂ cuē₃ jua'₅₄ a₂ma₂dsi₂mé'₃ dsí₅, on₃ guē'₂ ca₂tín₂ dsa₂ cuē₃ ia₁ a₂ma₂nē₂chi₃quióng₂ dsa₂ jmig₄ tion₅₄. Ia₁ Diú₄ 'nioi₃ dsa₂ i₂cuē₅ a₂'io'₂ jén'₅. 8 Diú₄ bá₄ i₂qui'₅₄ jmig₄ jme₃gu'₅₄ 'nia'₂ 'nio₅ lín₃ ca₂lia'₂ qui₂rē₂tsón₂ quián'₂ 'nia'₂, ia₁jaun₂ le₃cha₂ ca₂le₃jě₃ a₂'nió'₅ quián'₂ 'nia'₂, ia₁jaun₂ rē₂tsón₂ lé₂ le₃jme₁'on'₁ 'nia'₂ ríng'₂ ca₂le₃jě₃ jmig₄, quian'₅₄ ca₂le₃jě₃ ne₅₄ ta₁ dse₃. 9 Jaun₂ le₃ti₃ a₂juá'₂ ne₄ Si₂: jui₁lia'₂ dsa₂ i₂jmo₅ dsíóg₁,

cuē₂₃, jme₁'oin₅₄ dsa₂ i₂te₂ñé₂,

lia'₂ co₂tan₅₄ bá₄ dsíog₂ dsí₅ dsa₂

ca₂le₃jě₃ ne₅₄ a₂dse₃ a₂'ua₁ dsí₅ ca₂jmo₃.†

10 'Niog₅ bá₄ Diú₄ ca₂cuē₃ jon₂ a₂ca₂i₃jnia₄; ca₂jmo₃ ca₂rau₂ a₂quē'₅₄ 'nia'₂, ton'₂ jmo₃ ján₃ le₃cha₂ ca₂le₃jě₃ ne₅₄ a₂tsá₃ cha₂ quián'₂ 'nia'₂; jaun₂ le₃dse₃ ca₂le₃jě₃ 'e₂ a₂ján'₄ 'nia'₂ nē₃, jmo₃ qui₂dsi₃cón₃ dsí₃ca'₅₄, jmo₃ a₂caun₂ ráu₃ a₂'ua₁ 'au'₂ 'nia'₂ jmo'₂. 11 Le₂nē₅ bá₄ le₃chan'₂ 'nia'₂ dse₃ le₃cha₂ quián'₂ 'nia'₂, ia₁jaun₂ le₃cha₂ a₂lé₂ le₃jme₁'ong'₁ guē'₄ juin₅ dsa₂ te₂ñé₂ jmó'₂ 'ua₁ 'au'₂. Le₂jaun₂ bá₄ le₃jme₁'ong'₁ 'nia'₂ rin'₅₄ jniog₄ tē₂le₃ quian'₅₄ jnia'₅₄, jaun₂ juin₅ i₂lé₂ dsí₅ cuē'₃ ti₁'mag'₄ Diú₄. 12 Ta₁ a₂jme₂ti₄ jniog₄ ne₄ i₂sián'₂ jaun₂, jmo₅ ta₁ on₃jua'₅₄ jmá'₃ a₂jme₂'o₅₄ cuē₃ a₂'nió'₅ quió'₅ rin'₅₄ jniog₄; ján₃ bá₄ jmo₅ ta₁ ia₁jaun₂ juin₅ i₂rē₂tsón₂ i₂cuē'₃ ti₁'mag'₄ Diú₄. 13 Tē₂le₃ quian'₅₄ ta₁ a₂jme₂ti₄ jniog₄ ne₄ rin'₅₄ ja₁siá'₂ nē₅, cuē₂ jniog₄ léi₄ a₂tē₃dsón'₂ bá₄ jme₂ti₅₄ 'nia'₂ jág₁ dse₃ quió'₅ Cristo a₂ma₂gue'₅₄ 'nia'₂, ia₁ a₂'ua₁ 'au'₂ ja₁con₂ ríng'₂, quian'₅₄ ja₁con₂ ca₂le₃jín₃. Le₂nē₅ bá₄ juin₅ dsa₂ i₂jme₃juin'₂ Diú₄. 14 Le₂nē₅ bá₄ lé₂ dsí₅

† 8:19 A₂lin₅₄ chog₅₄ si₂: “a₂dsen₅₄ 'au'₂ 'nia'₂ a₂jme₁'ong'₁ ríng'₂.”

* 9:1 lit. “dsa₂ jnió₅.”

† 9:9 Salmo 112:9.

mi₃ ne₄ Diú₄ o₄ quián' ₂ 'nia' ₂, ton' ₂ 'ín₅ dsí₅ 'ñio₅ lín₃ o₄ quián' ₂ 'nia' ₂, ia₁ ma₂ rë₂ jniá₂ le₃ ja₁ con' ₂ 'nia' ₂ 'a₂ lia' ₂ ma₂ jmo₃ Diú₄ a₂ 'ua₁ 'au' ₂ 'nia' ₂. ¹⁵ |'E₁ guë₄ ti₁ 'mag' ₄ Diú₄ ia₁ ma₂ cuag₃ jniog₄ i₂ dsen₃ i₂ quen₅ guë₄ lín₃, ca₂ lia' ₂ tsá₃ ne₄ 'a₂ lia' ₂ le₃ jua' ₅₄!

10

A₂quen₅ jág₁ quió' ₅ Pa₄ ia₁ a₂ lín₅ i₂ chen₄ quián₅ Cristo

¹ Jniá₂ Pa₄, mi₂₃ juí₂ 'nia' ₂ quian' ₅₄ jág₁ 'ua₁, ia₁ a₂ 'ua₁ dsí₅ Cristo. Cha₂ jág₁ a₂ lín₅ jan₂ dsa₂ i₂ quian₅ jág₁ 'ua₁ jme₁ eng₅₄ jë₄ quián' ₂ 'nia' ₂, la₁ jë₁ ma₂ eng₅₄ ja₁ siá' ₂ 'ñio₅ bá₄ ma₂ bën₂ jág₁ quió₃. ² Jaun₂ mi₅ jniá₂ ne' ₅₄ 'nia' ₂, tsá₃ jmo₂ jua' ₅₄ a₂ tion₅₄ 'nió' ₅ jmo₅₄ tiá₂ dsi₃ jë₁ ma₂ dsióg₃, quian' ₅₄ dsa₂ i₂ bóg' ₂ dso₄, a₂ ag₂₃ jniá₂ a₂ jmo₂₃ lia' ₂ jmo₅ dsa₂ mi₂ güí₃. Ia₁ caun₂ bá₄ ma₂ ei₅ dsi₃ a₂ dsia₅₄ jág₁ quian' ₅₄ dsa₂ i₂ le₂ 'éi₂. ³ Dsón' ₂ bá₄ jaun₂ dsa₂ mi₂ güí₃ bá₄ lág₅ jniá' ₅₄ tē₁ lia' ₂ chong₂ la₂. La₁ tsá₃ cá₂ g' ₂ jniá' ₅₄ juí₁ lia' ₂ quín' ₂ dsa₂ mi₂ güí₃. ⁴ Ia₁ on₃ jua' ₅₄ quian' ₅₄ ni₁ njí₁ cá₂ g' ₂ jniá' ₅₄, juí₁ lia' ₂ ni₁ njí₁ a₂ qui₂ jmó' ₂ ta₁ dsa₂ mi₂ güí₃, juí₁ lia' ₂ jë₁ quín' ₂ jmo₂₃ 'nei₂, quian' ₅₄ bí₂ quió' ₅ Diú₄ bá₄ cá₂ g' ₂ jniá' ₅₄, a₂ jaun₂ bá₄ 'nió' ₄ njí₁ quián₂ jniá' ₅₄ a₂ 'io₅ bí₂ quió' ₅ Diú₄ a₂ qui₂ le₃ juín₃ ca₂ le₃ jë₃ a₂ bën₂ a₂ niog₅ tíong₂ quió' ₅ i₂ sē₃ dsen₃. ⁵ Le₂ nē₅ bá₄ ma₂ ja₂ náu₅ jniá' ₅₄ ma₂ tián₃ ma₂ jne₅₄ jniá' ₅₄ ca₂ le₃ jë₃ 'e₂ niog₅ ag₅ dsa₂ ja₁ con₂ Diú₄, juí₁ lia' ₂ dsa₂ i₂ jmo₅ rón₂, i₂ tsá₃ 'nio₃ le₃ cuín₅ Diú₄. Ján₃ bá₄ le₁ te₁ jniá' ₅₄ le₁ 'ñe₅ ca₂ le₃ jë₃ a₂ dsi₂ jiog₅ dsí₅ dsa₂, ia₁ jaun₂ le₃ néi' ₂ nag₃ gau₂ jág₁ quió' ₅ Cristo. ⁶ Lia' ₂ ma₂ tíong₂ jaun₂ bá₄ jniá' ₅₄, le₃ 'ë₅₄ jniá' ₅₄ uig₅ ca₂ le₃ jín₃ i₂ tsá₃ jág₁ cán₂ i₂ tsá₃ ne' ₅₄. Le₂ jaun₂ bá₄ lé₂ jë₁ ma₂ rë₂ 'ñia₅ a₂ né' ₂ 'nia' ₂.

⁷ Caun' ₅₄ 'nia' ₂ 'í₁ a₂ ma₂ jniá₂ dsi₁ ne₁, juí₁ lia' ₂ jág₁ a₂ juá' ₄ jniá₂ la₂: chi₂ jua' ₂ caun₂ 'ei₅ dsí₅ i₂ lín₅₄ a₂ lín₅ tē₃ dsón' ₂ i₂ quián₅ Cristo, ca₂ tñin₂ le₃ njí₅, jniá' ₅₄ guë' ₂ nē₃ dsón' ₂ bá₄ lág₅ i₂ quián₅ Cristo ján₃. ⁸ Mei' ₂ tsá₃ lín' ₂ 'nia' ₂ a₂ juá' ₅ jniá₂ ñag₅₄ juí₁ lia' ₂ con' ₂ ta₁ a₂ lág₅ jniá' ₅₄. La₁ on₃ jua' ₅₄ a₂ gui' ₅₄ jniá₂ jág₁ a₂ juá' ₅, ia₁ a₂ ca₂ tñin₂ bá₄ jniá₂ juá' ₄, ia₁ 'ñiog₅ bá₄ Te₁ gui' ₅₄ ma₂ cuë₃ 'éi' ₃ a₂ qui₂ jme₁ an' ₂ 'au' ₂ 'nia' ₂ a₂ dse₃ jmo₃ ta₁ a₂ qui₂ dsi₃ cón₃ jme₂ dsi₂ quián' ₂ 'nia' ₂. On₃ jua' ₅₄ rë' ₂ tē₂ le₃ a₂ lé₂ tsí₁ rë₂ jan' ₅₄ 'nia' ₂. ⁹ Tsá₃ o₁ len' ₂ 'nia' ₂ jua' ₅₄ 'nio₃ jniá₂ quiang₅₄ juë' ₅ 'nia' ₂ quian' ₅₄ si₂ a₂ jmo₅ jniá₂. ¹⁰ Juá' ₂ bá₄ i₂ lín₅₄ 'ñio₅ bën₂ jág₁ quió₃ tio' ₅₄ ne₄ si₂, la₁ jan₂ dsa₂ 'uan₅₄ bá₄ lín₅ juí₁ lia' ₂ jme₁ eng₅₄ jë₄ quián' ₂ 'nia' ₂, jaun₂ lín₂ a₂ tsá₃ lín₄ ta₁ tí₄ jág₁ quió₃ a₂ dsia₂₃ dsi₁ ne₁. ¹¹ Juí₁ le₂ njí' ₂ bá₄ dsa₂ i₂ le₂ 'éi₂, juí₁ lia' ₂ lē₅ jág₁ quián₂ jniá' ₅₄ a₂ tio' ₅₄ ne₄ si₂, juí₁ 'e₂ guë₃ uíng₂ tio' ₅₄ jniá' ₅₄, le₂ jaun₂ dsón' ₂ jmo₂ bá₄ jniá' ₅₄ jme₁ tio' ₅₄ quian' ₅₄ 'nia' ₂ ján₃.

¹² Ia₁ tsá₃ tiá₂ dsi₅ jniá' ₅₄ 'ín₄ dse₃ guio₅₄, on₃ guë' ₂ a₂ quín₅₄ jniá' ₅₄ quian' ₅₄ i₂ lín₅₄ i₂ jme₂ juín' ₂ guioín₅₄ le₂ jaun₂. La₁ 'éi₂ nē₃ jme₁ con₂ 'í₁ chi₂ jua' ₂ co₂ riín₂, quín₂₃ guioín₅₄ quian' ₅₄ riín' ₅₄, tsá₃ 'an₂ dsí₅ chain₂. ¹³ Jaun₂ tsá₃ dsiá₁ jniá' ₅₄ jág₁ tá' ₅ ñag₅₄ guë₄ con' ₂ guë₄ ja₁ ca₂ tág₂. Con' ₂ jaun₂ bá₄ jmo₂ jniá' ₅₄ con' ₂ lē₅ 'éi' ₃ ca₂ cuë₃ Diú₄ a₂ jmó₁. Jaun₂ 'éi₂ bá₄ ca₂ jmo₃ 'éi' ₃ a₂ dsi₁ náu₅ jniá' ₅₄ tē₂ go' ₅₄ 'nia' ₂. ¹⁴ Jaun₂ tsá₃ o₁ len' ₂ 'nia' ₂ jua' ₅₄ jniá' ₅₄ i₂ nio₄ tē₂ ja₁ tsá₃ ma₃ dsi₂ ten₅₄ i₂ nio₁. Le₂ nē₅ jme₁ lé₂ jua' ₅₄ mei' ₂ guë₃ tsá₃ ma₂ ca₂ dsi₃ náu₅ jniá' ₅₄ ca₂ tē₂ ja₁ tion' ₅₄ 'nia' ₂. Dsá₂ 'au' ₂ 'nia' ₂ jmo₄, jniá' ₅₄ bá₄ i₂ le₂ 'uig₅₄ i₂ can₁ jág₁ dse₃ la₂ quió' ₅ Cristo jín' ₄ 'nia' ₂. ¹⁵ Tsá₃ dsiá₁ jniá' ₅₄ jág₁ tá' ₅ ñag₅₄ guë₄ quian' ₅₄ ta₁ quió' ₅ i₂ sián' ₂. Jniá' ₅₄ lia' ₂ a₂ jaun₂ bá₄ 'ín₂ dsi₅ jniá' ₅₄, jë₁ ma₂ 'én' ₂ guë₄ 'nia' ₂, jaun₂ 'ag₃ caun₂ jág₁ quian' ₅₄ 'nia' ₂, ia₁ jaun₂ lé₂ dsi₃ cón₃ guë₄ ta₁ quián₂ jniá' ₅₄, o₄ quió' ₄ Diú₄, ¹⁶ ia₁ jaun₂ lé₂ le₃ dsau₅₄ uíng₂ a₂ ñag₅₄ guë₄ ja₁ tion' ₅₄ 'nia' ₂ qui₂ dsi₁ 'ë₄ jág₁ dse₃. La₁ tsá₃ dsi₁ jmó₁ jniá' ₅₄ rón₂ quian' ₅₄ ta₁ a₂ ma₂ niog₅ ma₂ jmo₃ dsa₂ sián' ₂.

¹⁷ La₁ juí₁ lia' ₂ juá' ₂ ne₄ Si₂: “Juí₁ lia' ₂ dsa₂ i₂ dsia₅ jág₁ tá' ₅, juí₁ dsia₁₂ jág₁ tá' ₅ le₃ quió' ₅ Te₁ gui' ₅₄.”* ¹⁸ Ia₁ on₃ jua' ₅₄ dsa₂ i₂ 'ín₅ dse₃ 'ñiog₅, chén' ₅ dse₃, tē₂ le₃ i₂ 'ín₁ dse₃ quió' ₅ Te₁ gui' ₅₄ bá₄.

* 10:17 Jeremías 9:24.

11

Juá'₂ Pa₄ 'in₂₃ dsa₂ i₂jme₂tag₅ jág₁ jui₁gain₂

¹ Jme₁'nio₃ jniá₂ jua'₅₄ jmó'₂ bá₄ 'nia'₂ tió'₃ 'au'₂ quian'₅₄ jág₁ quió'₃ la₂, a₂nē₃ guě₄ juá'₄, a₂lē₅ lia'₂ lē₅ jág₁ quió'₅ dsa₂ i₂tsá₃ 'en₅₄ dsí'₅. La₁ jmo₄ bá₄ 'nia'₂ juin'₂ 'au'₂. ² Ia₁ 'nio₅ lín₃ dséi₅ jniá₂ quian'₅₄ 'nia'₂, a₂lē₅ dsí₃ dséi₅ o₄quió'₄ Diú₄. Ia₁ jniá₂ bá₄ ma₂ca₂jmo₃ jág₁ a₂jme₁jnia₅ jniá₂ 'nia'₂ co₂'nió'₄ dsa₂ dsen₃, i₂le₁jě₃ jme₂dsí₂ quió'₅, ne₄ Cristo, jui₁lia'₂ jan₂ jmei₂ chi'₂ dsa₂ mi₄ jme₂jniái₂₃ ja₁míg₄ ne₄ i₂lē₅ jág₁ i₂lé₂ dsi₂i₂gu₂. ³ La₁ gó₅ jniá₂ ia₁ con'₂ tsá₃ ḡó₅ nē₁ca₂rě₃gán'₃ 'nia'₂ jme₃gau₅ dsa₂ quian'₅₄ mai₅₄ quió'₅, jui₁lia'₂ ca₂i₃ḡí₂ Eva ca₂jme₃gau₅ dsi₂mi'₂, nē₁ca₂i₃uín₂ cau₅ 'a₂lia'₂ dsi₂jioḡ₅ 'au'₂ 'nia'₂, a₂qui₂le₁jě₃ 'au'₂, a₂rě₂teng'₅₄ le₃quió'₅ Cristo. ⁴ Ia₁ ma₂ja₂nó'₅ 'nia'₂ qui₂guéng'₅ rě₂ dsa₂ i₂tē₁ja₂lén₂ jme₂tag₅, la₁ le₂siá'₂ bá₄ 'in₂₃ Jesús, tsá₃ lē₅ jág₁ quió'₅ lia'₂ con'₂ lē₅ jág₁ a₂ma₂gue'₅₄ 'nia'₂ le₂jniá₅ quió'₅ Jesús. Jaun₂ le₂nē₅ bá₄ ma₂guen'₅₄ táng₃ 'nia'₂ jme₂dsí₂ sián'₂, on₃jua'₅₄ i₂quián₅ Diú₄ i₂jme₁ma₂guen'₅₄ 'nia'₂. jDse₃ bá₄ jmo'₂ 'nia'₂ tió'₃ 'au'₂ quian'₅₄ jág₁ a₂rě₂tsín₄ guě₄, a₂tsá₃ lē₅ con'₂ lē₅ jág₁ dse₃ a₂lió₂ a₂jme₁ma₂nei'₂ 'nia'₂. ⁵ La₁ jniá₂ nē₃, tsá₃ líng₂ jua'₅₄ a₂me'₂ guě₄ quen₅ jniá₂, jua'₅₄ ca₂juig₄ guě₄, lia'₂ con'₂ guě₄ dsa₂ 'éi₂ i₂ḡí₄ lē₃ jme₂can'₅₄ guion₅₄ a₂jmo₂₃ a₂lín₅ dsa₂ i₂chen₄ quián₅ Cristo. ⁶ O₁jnia'₅₄ tsá₃ lín₄ dse₃ 'ḡiag₂ jág₁, la₁ tsá₃ 'e₂ lē₅; la₁ niog₅ bá₄ dsi₃. Ma₂ca₂jme₁jnia₅ bá₄ jniá₂ ca₂le₃jě₃ ja₁con'₂ 'nia'₂.

⁷ ¿O₃ bá₄ lín'₂ 'nia'₂ a₂ca₂'no₃ jniá₂ dso₄ ia₁ ca₂dsióg₃ ca₂jmo₃ meg'₂ a₂ca₂chon'₄ jniá₂ 'nia'₂ jme₁ca₂'ě₃ jniá₂ jág₁ dse₃ a₂lín'₂ 'nia'₂, ia₁ tsá₃ 'lia'₅₄ ca₂can₃ jniá₂? ⁸ Guá'₅ ja₁siá'₂ bá₄ i₂ca₂jme₃'o₅₄, co₂'nió'₄ a₂ca₂can₃ jniá₂ cu₄ quió'₅, ia₁jaun₂ le₃jmó'₂ ta₁ a₂le₃ti₃ ta₁ ja₁con'₂ 'nia'₂. ⁹ Lia'₂ con'₂ jme₁'eng₅₄ quian'₅₄ 'nia'₂, dsón'₂ bá₄ ca₂rě₃'nió'₅ quió'₃ le₂jaun₂, la₁ tsá₃ 'e₂ guei₂ ca₂cuě₃ jniá₂ 'i₁jan'₂ 'nia'₂. Ia₁ dsa₂ rin'₅₄ jniog₄ i₂chan₂ Macedonia la₂ bá₄ ca₂i₁lein₅₄ juig₂ Corinto nē₅, ca₂i₁can₅ a₂tsá₃ cha₂ quió'₃ lia'₂ con'₂ jme₁chi₁quian₁₂ jniá₂ jmig₄. Qui₂ca₂jmo₃ bá₄ jniá₂ 'í₁ jaun₂ tsá₃ 'ein₂ 'nia'₂ cán'₁ guei₂ o₄quió'₃ jniá₂, jaun₂ caun₂ jmo₅₄ bá₄ jniá₂ 'í₁ jaun₂. ¹⁰ Jaun₂, o₄quió'₄ jág₁ tí₅ dsón'₂ quió'₅ Cristo a₂'i₄ dsi₃, juá'₅ jniá₂, 'i₁jan₂ tsá₃ lē₂ jné₃ jua'₅₄ a₂tsá₃ lē₂ juá'₄ jniá₂ con'₂ 'ḡio₂ dsi₃ le₂tan₅₄ 'uě₃ Acaya. ¹¹ ¿'E₂ lē₃ juá'₅ jniá₂ le₂nē₅, lín'₂ 'nia'₂? ¿O₃ bá₄ ia₁ a₂tsá₃ 'nió'₃ jniá₂ 'nia'₂? Nī₅ bá₄ Diú₄, a₂'nióg₃ bá₄ 'nia'₂.

¹² Jaun₂ caun₂ jmo₅₄ bá₄ jniá₂ a₂ma₂guio₃ jmo₂₃, ia₁jaun₂ jni₃ jui₅ quió'₅ jui₁lia'₂ i₂i₂nio₄ nē₅ a₂'nio₃ dsia₃ jág₁ tá'₅ jmo₂₃ dsí₅ a₂lē₅ rě₂ ta₁ quió'₅, jui₁lia'₂ lē₅ ta₁ quián₂ jnia'₅₄. ¹³ Ia₁ dsa₂ i₂le₂'ei₂ nē₃ lín₅ dsa₂ i₂chen₄ i₂jui₁gan₂. A₂jmo₂₃ ta₁ a₂jnia'₅₄ jme₂gau₂₃, a₂qui₂jmó'₂ a₂jmo₂₃ lín₅ dsa₂ i₂chen₄ quián₅ Cristo. ¹⁴ On₃jua'₅₄ a₂dsi₂gó'₃ dsi₅, ia₁ le₂jiog₅ 'ḡio₅ i₂sě₃dsen₃ qui₂jmó'₂ a₂jmo₂₃ lín₅ jan₂ áḡel i₂jniá₂ táḡ₅. ¹⁵ 'Uig₅₄ jaun₂ nē₃, le₂jaun₂ bá₄ lē₅ jui₁lia'₂ quian'₅₄ dsa₂ i₂jme₂ti₃ ta₁ ne₄ 'éi₂: qui₂jmó'₂ a₂jmo₂₃ lín₅ lia'₂ lín₅ i₂jme₂ti₃ ta₁ ne₄ a₂dse₃, con'₂ dsi₂ten₅₄. La₁ jē₁ca₂tó'₂ bá₄ dsi₃guéi₃ con'₂ lē₅ ca₂tiín₂ co₂niog₅ lē₅ jmo₂₃.

'A₂lia'₂ niog₅ lē₅ uig₅ ca₂ḡág₃ Pa₄ ne₄ ia₁ a₂lín₅ dsa₂ i₂chen₄ quián₅ Cristo

¹⁶ Con'₂ siá'₂ juig₂ 'nia'₂: tsá₃ o₁len'₂ 'nia'₂ jua'₅₄ tē₃dsón'₂ líng₅ dsa₂ co₄. La₁ o₁jnia'₅₄ 'ein₂ guě'₂ jmo₅ dsí₅ a₂líng₅ le₂nē₅, la₁ guei₅₄ jniá₂ nē₂jag₄ bá₄ a₂líng₅ dsa₂ co₄, ia₁jaun₂ lē₂ dsia₅₄ ca₂la₂ jág₁ tá'₅. ¹⁷ Jui₁lia'₂ juá'₅ jniá₂, on₃jua'₅₄ lia'₂ con'₂ lē₅ 'nio₃ Te₁gui'₅₄, lia'₂ jē₁tē₂'i₅ jan₂ dsa₂ co₄ bá₄ juá'₅ jniá₂, jmo₅₄ róng₂, co₂'nió'₄ caun₂ bá₄ 'ei₅ dsi₃. ¹⁸ Jui₁lia'₂ juin₅ lín₃ i₂chan₂ dsia₅ jág₁ tá'₅ quian'₅₄ cosa a₂cha₂ mi₂güig₃ la₂, ján₃ bá₄ le₂jaun₂ guě'₂, la₂ dsia₅₄ jniá₂ jág₁ tá'₅. ¹⁹ 'Uig₅₄ ia₁ a₂ḡag₅ḡi'₅₄ bá₄ 'nia'₂, jaun₂ 'ḡio₂ bá₄ 'au'₂ 'nia'₂ jmo'₂ tió'₃ 'au'₂ quian'₅₄ dsa₂ co₄. ²⁰ Ia₁ jmo'₂ bá₄ 'nia'₂ tió'₃ 'au'₂ quian'₅₄ dsa₂ i₂chi₂quióng₂ jmig₄ tion₅₄-jan₃, dsa₂ i₂guě'₅ ta₁ 'ua'₂ quián'₂ 'nia'₂, dsa₂ i₂jo₅ quián'₂ 'nia'₂, dsa₂ i₂jmo₅ can'₅₄ ne₄ quián'₂ 'nia'₂, dsa₂ i₂qui₂jnó₂ quián'₂ 'nia'₂ nē₃. ²¹ 'An₁ lín'₂ 'nia'₂ a₂lág₅ jnia'₅₄ dsa₂ 'uan₅₄ ia₁ a₂tsá₃ 'ein₂ jnia'₅₄ tiá₂ dsí₅ jmo₃ le₂nē₅ ja₁con'₂ 'nia'₂. 'An₁ le₃jéin₄ jniá₂ o₂guí'₃ bá₄ ia₁ a₂juá'₅ a₂líng₅ dsa₂ 'uan₅₄.

La₁ chi₂jua'₂ tiá'₂ bá₄ guë'₂ dsí₅ i₂sián'₂ dsia₃ jág₁ tá'₅, ján₃ bá₄ tiá'₂ dsí₃ jniá'₂ jmo₅₄ le₂jaun₂. (La₁ juá'₅ jniá'₂ lia'₂ ja₁juá'₂ jan₂ dsa₂ co₄.) ²² ¿'E₂? ¿Jmá'₃ dsa₂ 'éi₂ bá₄ i₂tin₂ dsia₃ jág₁ jmei₅ hebreo? Ján₃ bá₄ tin₂ jniá'₂ táng₃. ¿Jmá'₃ dsa₂ 'éi₂ bá₄ lín₅ dsa₂ israelitas? Ján₃ bá₄ 'éi₂ guë'₂ jniá'₂ ján₃. ¿'E₂? ¿Jmá'₃ lia'₂ dsa₂ 'éi₂ bá₄ lín₅ tsi₁jon₂ Abraham? Ján₃ bá₄ 'éi₂ guë'₂ lín₅ jniá'₂. ²³ ¿Jmá'₃ dsa₂ 'éi₂ lín₅ dsa₂ i₂jme₂ti₃ ja₁con₂ Cristo? Tson₂ bá₄ guë'₄ lín₅ jniá'₂, ia₁ 'ñio₅ lín₃ guë'₄ ma₂guio₃ jme₂ti₅₄ ja₁con₂ Cristo lia'₂ con₂ guë'₄ dsa₂ 'éi₂. (A₂lë₁juá'₅ bá₄ jniá'₂, lia'₂ lë₁të₂'i₅ dsa₂ ñá₅.) Ia₁ tson₂ lín₃ guë'₂ ma₂guio₃ jmo₂₃ ta₁ jme₂ti₅₄; ia₁ 'lióng₂ guë'₄ 'mi₅ ma₂qui₂ma₂can₃ jniá'₂ lia'₂ con₂ guë'₄ dsa₂ 'éi₂; ma₂qui₂ma₂'ú₃ 'lióng₂ lín₃ ráun₂ né'₃ 'má₃ nē₃; 'lióng₂ ráun₂ ma₂i₂ñig₂ jnia'₅₄ mei'₂ tsá₃ ma₂jong₃. ²⁴ Con₂ 'ñiá₂ ráun₂ ma₂ca₂bóg₂ dsa₂ judíos jmá'₃ guióg₂-guia₃-né₂ ráun₂ lia'₂ co₂ráun₂. * ²⁵ 'Nag'₂ ráun₂ guë'₂ ma₂bóg₂ dsa₂ quian'₅₄ ni₁'ma₂; co₂ráun₂ guë'₂ ca₂cuë₃ cang₄ tioin'₅₄. 'Nag'₂ ráun₂ guë'₂ ne₄ jmi₁ñí'₄ ca₂i₃ñig₂ ca₂'en₃ ni₁barco a₂jme₁'eng₅₄. Co₂ráun₂ guë'₂ ca₂ñig₅ co₂jmi₄ co₂nei₅ dsi₂jo₂ jmi₁ñí'₄ nē₃. ²⁶ 'Lióng₂ ráun₂ dsi₂jui₅ ja₁ma₂qui₂i₁ñi₃, ma₂ca₂i₃ñig₂ a₂go'₂ ia₁ te₁'i₁ cuá₃, a₂go'₂ ia₁ a₂chan₂ dsa₂ 'ang₂, a₂go'₂ rē'₂ a₂jo₅₄ dsa₂ go₃, a₂go'₂ jo₅₄ dsi₂nau₂, a₂go'₂ rē'₂ 'eng₅₄ ciudad, a₂go'₂ jë₁ma₂ñig₅ má'₂ ja₁co₂'ñiog₅, a₂go'₂ jë₁ma₂ñig₅ ne₄ jmi₁ñí'₄, a₂go'₂ rē'₂ quian'₅₄ dsa₂ i₂jui₁gan₂ i₂jmo₅ lín₅ rin'₅₄ jniog₄, ²⁷ jë₄ ta₁ 'ua'₂ lín₃, jë₄ ma₂ca₂'ú₃ lín₃, jë₄ jme₁tsá₃ güing₂₃, jë₄ i₁cón₅ rē₂quein₂ dsi₃, jë₄ jme₁'in₂ a₂tsá₃ cha₂ a₂guë'₅₄, jë₄ jein₂ güig₂, jë₄ a₂tsá₃ 'e₂ cha₂ quí'₄ nē₃. ²⁸ Cha₂ guë'₄ caun₂ siá'₂ táng₃ a₂chang₂ ca₂le₃jë₃ jmi₄ a₂'i₅ dsi₃ o₄quió'₄ ca₂le₃jë₃ guá'₅. ²⁹ ¿'Ein₂ 'éi₂ i₂'uan₅₄, jniá'₂ guë'₂ tsá₃ 'uang₅₄? ¿'Ein₂ 'éi₂ i₂ca₂tán'₂ dso₄ a₂'uin₄ i₂sián'₂, jniá'₂ guë'₂ tsá₃ 'e₂ i₂me'₂ dsi₃? ³⁰ Nē₁jua'₂ ca₂tíng₂ dsia₅₄ jág₁ tá'₅, jaun₂ dsia₅₄ jniá'₂ jág₁ tá'₅ tē₂le₃ ne₄ ca₂le₃jë₃ a₂cuë₅ léi₄ a₂lín₅ jan₂ dsa₂ 'uan₅₄. ³¹ Diú₄ Jmei₂ Jesucristo Te₁gui'₅₄ quían₂ jniog₄ bá₄ i₂ca₂tín₂ jme₂juin'₂ dsa₂ co₂tan₅₄, 'éi₂ bá₄ ñi₅ a₂dsau₅ bá₄ jág₁ quió₃. ³² Lia'₂ con₂ jme₁'eng₅₄ juig₂ Damasco, i₂lín₅ dsi₄má'₂ ja₁jaun₂ i₂jme₁jme₂ti₃ ne₄ Rag₅₄ Aretas, ca₂jmo₃ 'éi'₃ a₂ca₂jmo₃ dsa₂ 'í₁ o₄jui₅ ia₁ jme₁tsáun'₂ jme₁dsi₃tió₃ né'₃ 'má₃. ³³ La₁ jui₅ siá'₂ bá₄ ca₂sió₂ rin'₅₄ jniog₄, 'eng₅₄ 'ñió'₃ tsi₁mi'₂ ca₂sió₂ tē₂'ua₁ jui₅ dso'₂ ni₁'ia'₂ a₂rē₂jui₄ le₃lág'₃ juig₂; le₂nē₅ bá₄ ca₂lóng₂ o₄gú₃ 'éi₂.†

12

Jui₁lia'₂ a₂ma₂ca₂jme₃jnia₅ Te₁gui'₅₄

¹ Tion₅₄ caun₂ dsia₅₄ jniá'₂ jág₁ tá'₅. Jui₁'e₂ guë₃ tsá₃ ta₁ jmo₃, caun₂ juá'₄ jniá'₂ jui₁lia'₂ a₂ca₂jéin₃ jniá'₂ a₂ma₂jág₃, jui₁lia'₂ a₂ma₂ca₂jme₃jnia₅ Te₁gui'₅₄ nē₃. ² Cuing₅ jan₂ dsa₂ i₂'ei₅ caun₂ jág₁ quian'₅₄ Cristo, ma₂guia₃-quén₂ ñi₂ ca₂uig₂ jui₅ guei'₅₄ ca₂tē₂ ja₁guá'₄ Diú.^{*} (A₂jaun₂ bá₄ tsá₃ guion₄ jniá'₂ jua'₅₄ a₂ñe₄ lia'₂ jma₃quian'₅₄ ni₁ñi₁₂, o₃ jmá'₃ jme₂dsí₂ quió'₅ 'e₂. La₁ jnia'₅₄ lia'₂ 'ñiog₅ bá₄ Diú₄ ñi₅.) ³ La₁ guion₄ jniá'₂, chan₂ jan₂, (jnia'₅₄ lia'₂ a₂jaun₂ bá₄ tsá₃ guion₄ jniá'₂ chi₂jua'₂ ca₂ñei₅₄ chi₁dsáin₃, o₃ jmá'₃ jme₂dsí₂ quió'₅ 'e₂ ca₂dsióg'₃ ja₁jaun₂. Jnia'₅₄ lia'₂ 'ñiog₅ bá₄ Diú₄ ñi₅); ⁴ jan₂ i₂ca₂ron'₂ ca₂tē₂ Ja₁jlá'₁† ja₁ca₂nág₂ jág₁ a₂tsá₃ lé₂le₃jmog'₅₄ on₃ guë'₄ 'i₄'éi'₃ dsia₃ dsa₂ mi₂güig₃. ⁵ O₄quió'₄ jan₂ dsa₂ le₂'éi₂ bá₄ lé₂ dsia₅₄ jniá'₂ jág₁ tá'₅, on₃jua'₅₄ o₄quió'₄ 'ñió₃ jmo₂₃ táng₅, jnia'₅₄ lia'₂ o₄quió'₄ a₂'uan₅₄ bá₄ jniá'₂. ⁶ O₁jnia'₅₄ la₂ 'nio₃ jniá'₂ dsia₅₄ jág₁ tá'₅, on₃jua'₅₄ dsa₂ co₄ lín₅ jniá'₂, ia₁ jág₁ tí₅ dsón'₂ bá₄ a₂juá'₅ jniá'₂. La₁ cáun₄ bá₄ dsi₃ tsá₃ jmo₅₄ le₂jaun₂, ia₁jaun₂ tsá₃ le₃lín₂ dsa₂ jua'₅₄ jniá'₂ lín₅ ñag₅₄ guë'₄ lia'₂ con₂ niog₅ a₂ma₂nág₂ a₂qui₂ma₂tē₂ ne₄ dsa₂ a₂jmo₅ jniá'₂ 'e₂ jmo₂₃.

⁷ Jág₁ a₂ca₂rë₃jniá'₂ jaun₂ lë₅ caun₂ jág₁ jlá'₁ jmá'₅ a₂lé₂ le₃jme₁jmo₅₄ jniá'₂ róng₂ jua'₅₄ mei'₂ guë₃ le₂jaun₂. La₁ ca₂jéin₃ uig₅ nē₂jag₄ bá₄ a₂i₃'i'₅₄ ni₁taun₅ ca₂lë₃ ni₁ñi₃, co₂'nió'₄ i₂chen₄ quían₅ i₂së₃dsen₃ bá₄ caun₂ qui₂bóg₂, ia₁jaun₂ tsá₃ jmo₅₄ jniá'₂ róng₂ i₁juin₅₄ ñag₅₄. ⁸ Ni₅ ráun₂

* 11:24 lit. “jmá'₃ tē₂láu₃ ráun₂ tsá₃ tí₅ caun₂, lia'₂ co₂ráun₂.” † 11:33 'Nio'₂ ja₁ton₅ Hechos 9:25. * 12:2 lit. “ca₂tē₂ guei'₅₄ i₂juig₃ jë₁ca₂tē₂ 'nag'₂.” † 12:4 griego: paradeiso (Paraíso).

ma₂ca₂chi₁len'₄ jniá'₂ Te₁gui'₅₄ a₂jme'₃lió'₂ jniá'₄ jmi₁uig₅ a₂quian'₅₄. ⁹ La₁ ca₂juá'₂ Te₁gui'₅₄ tság₅ jniá'₂: “Tió'₅ bá₄ a₂'ua₁ dsi₃ ja₁con'₂ 'ne₂, ia₁ rē'₂ 'nia₅ jui₅bí₂ quió'₃ jui₁lia'₂ jme₁'uan'₅₄ dsa₂.” Jaun₂ 'io'₂ jéin₅ bá₄ ia₁ a₂'uang₅₄, ia₁jaun₂ le₂jniá'₂ jui₅bí₂ quió'₅ Cristo le₃ja₁con₂ jniá'₂. ¹⁰ Jaun₂ tē₅ bá₄ dsi₃ a₂'uang₅₄ quian'₅₄ ca₂le₃jě₃ a₂dsi₂ñí₂g₂: a₂juá'₂ dsa₂ uig₅, quian'₅₄ guě₄ ca₂le₃jě₃ a₂chang₂, cha₂ a₂qui₂tsá₃ tñ'₂ quió'₃. A₂chang₂ a₂co₂'ein₅ dsa₂, ca₂le₃jě₃ guě₄ o₂i₁ dsi₅ a₂dsi₂ñí₂g₂ o₄quió'₄ Cristo. Ia₁ jui₁lia'₂ jme₁'uang₅₄, tē₂le₃ 'uan'₂ bá₄ jniá'₂ le₃ja₁con₂ Diú₄.

'Nio₅ lín₃ 't₅ dsi₅ Pa₄ o₄quió'₄ guá'₅ chan₂ juí₂g₂ Corinto

¹¹ Ma₂nē₂dsia₃ lia'₂ ja₁dsia₅ jan₂ dsa₂ co₄, ia₁ ma₂nē₂ 'íng₃ dse₃ 'ñio₃, la₁ guion'₅₄ bá₄ 'nia'₂ chi₂quiong'₅₄ jmi₄g₄. Ia₁ 'nia'₂ bá₄ jme₁ca₂tíng'₂ jme₁'ág'₄ dse₃ jniá'₂, ia₁ tsá₃ 'e₂ me'₂ quen₅ jniá'₂ lia'₂ con'₂ guě₄ dsa₂ i₂chen₄ 'éi₂ i₂ñí₄ lē₃ jme₂can'₅₄ guion₅, jui₁'e₂ guě₃ tsá₃ 'e₂ quen₅ jniá'₂. ¹² Dsón'₂ bá₄ ma₂ca₂rē₃jniá'₂ léi₄ a₂lín₅ dsa₂ i₂chen₄ quián₅ Cristo jē₄ quián'₂ 'nia'₂, jē₄ ca₂le₃jě₃ a₂juin'₂ dsi₃: léi₄ a₂dsi₂gó'₃ dsi₅, quian'₅₄ jui₅bí₂ jlá'₁ nē₃. ¹³ Tsá₃ sion₅ ma₂jín₄ jniá'₂ 'nia'₂ lia'₂ con'₂ guě₄ guá'₅ sián'₂, jñia'₅₄ lia'₂ jniá'₂ 'ñio₃ tsá₃ 'e₂ guei₂ ma₂ca₂cuě₃ jniá'₂ 'nia'₂. ¡'Én₃ 'nia'₂ dso₄ quió'₃ chi₂jua'₂ tsá₃ dse₃ ca₂jmo₃ jniá'₂ ja₁con'₂ 'nia'₂!

¹⁴ Ma₂chang₂ bá₄ co₂jñiag₅₄ a₂dsióg₄ i₁jñing₁₂ 'nia'₂ jē₁ca₂tē₂ 'nag'₂ ráun₂, jaun₂ tsá₃ lē₅ jua'₅₄ a₂i₁cuě₃ 'nia'₂ guei₂. Ia₁ tsá₃ ta₁ jaun₂ ñi₅ jniá'₂ jua'₅₄ a₂'ín₅ dsi₃ a₂cha₂ quián'₂ 'nia'₂; guion'₅₄ bá₄ 'nia'₂ 'nió₃ jniá'₂. Ia₁ guion'₅₄ bá₄ jui₁lia'₂ chog₅₄-jmei₂ chi'₂ ca₂tín₂ 'no₃ cu₄ a₂qui₂dsi₃ñí₂ quiain'₅₄ chi'₂-guein₂ quiáin₅, jaun₂ on₃jua'₅₄ rē'₂ chi'₂ ca₂tín₂ 'no₃ a₂dsi₃ñí₂ quiain'₅₄ chog₅₄-jmei₂. ¹⁵ Jaun₂ jniá'₂ nē₃, 'ñio₂ bá₄ dsi₃ qui₁'éng₄ a₂cha₂ quió'₃, ton'₂ 'ñio₂ bá₄ dsi₃ jme₁dsiang₅ dsi₃ o₄quió'₄ jme₂dsí₂ quián'₂ 'nia'₂. Chi₂jua'₂ jaun₂, ia₁ tē₂le₃ lē₅ guě₄ 'nió₃ jniá'₂ 'nia'₂, ¿a₁tē₂le₃ me'₂ bá₄ 'nió₃ 'nia'₂ jniá'₂ jaun₂ nē₃?

¹⁶ Jui₁'e₂ guě₃ dsau₅ a₂tsá₃ 'e₂ guei₂ ca₂cuě₃ jniá'₂ 'nia'₂, la₁ 'ñio₄ bá₄ jniá'₂, juá'₂ 'nia'₂, a₂ca₂jón₃ jniá'₂ 'nia'₂ quian'₅₄ mai₅₄ quió'₃. ¹⁷ ¿O₃ bá₄ lín'₂ 'nia'₂ a₂'lig'₅₄ ca₂lág₃ jniá'₂ quian'₅₄ dsa₂ i₂ca₂tsíng₂ ne'₅₄ 'nia'₂? ¹⁸ Ca₂mi₃ bá₄ jniá'₂ ne₄ Tito a₂jmo₃ dse₃ dsi₅ a₂ca₂ñei₅₄ ja₁con'₂ 'nia'₂, ton'₂ ca₂tsín₂ jniá'₂ ján₃ jan₂ rín'₅₄ jniog₄ i₂quiain'₅₄. Jaun₂, ¿O₃ bá₄ ca₂jme₃gau₅ 'éi₂? ¿O₃ bá₄ tsá₃ 'én'₂ 'e₂ 'nia'₂ a₂ma₂ja₂náu₅ jnia'₅₄ co₂dsia₅ quiain'₅₄, jmo₂ ta₁ co₂rē₂ quiain'₅₄, ton'₂ jan₂ bá₄ Jme₂dsí₂ i₂quiong'₅₄ táng₃?

¹⁹ 'An₁ mei'₂ tsá₃ caun₂ lín'₂ bá₄ guě₄ 'nia'₂ a₂jñia'₅₄ con'₂ 'niog₂ jnia'₅₄ lion₄ guio₅₄ ne'₅₄ 'nia'₂. La₁ jág₅ bá₄ Diú₄ tsá₃ le₂jaun₂ dsi₂jio₅ dsi₅ jnia'₅₄. Jág₁ ti₅ bá₄ chei₂ jnia'₅₄ 'nia'₂ ne₄ Cristo. La₁ jē₄ ca₂le₃jě₃ a₂nē₅ a₂dse₃ ia₁jaun₂ qui₂dsi₂cón'₃ 'nia'₂ tē₂le₃ quió'₅ jme₂dsí₂, 'nia'₂ rín'₅₄ jniog₄ i₂'nió₃ guě₄ lín₃. ²⁰ Ia₁ gó₅ jniá'₂ con'₂ tsá₃ ñó₅ nē₅ jua'₂ tsá₃ dse₃ tion'₅₄ 'nia'₂ lia'₂ con'₂ lē₅ 'nió₃ jniá'₂, jē₁ma₂ca₂dsióg₃, ján₃ bá₄ le₂jaun₂ nē₅ jua'₂ tsá₃ ca₂jein'₂ 'nia'₂ jniá'₂ lia'₂ con'₂ 'niog'₂ 'nia'₂ guě'₂ táng₃. Ia₁ gó₅ jniá'₂ nē₁ jua'₂ tion'₅₄ 'nia'₂ a₂tsá₃ jen'₂ 'nia'₂ quian'₅₄ ríng'₂; nē₁ jua'₂ tion'₅₄ 'nia'₂ uig₅ 'au'₂ jñing'₅₄ ríng'₂; nē₁ jua'₂ ca₂rē₃'né₂ 'nia'₂ co₂tiá₂; nē₁ jua'₂ 'ua'₂ 'au'₂ 'nia'₂ tiong'₅₄; nē₁ jua'₂ qui₂tsín'₂ 'nia'₂ 'lig'₅₄ ríng'₂; nē₁ jua'₂ qui₂chi₂'ín'₅ 'nia'₂ ríng'₂; nē₁ jua'₂ chan₂ i₂qui₂jmo₅ rón₂; nē₁ jua'₂ tion'₅₄ 'nia'₂ mi'₅₄. ²¹ Ján₃ bá₄ gó₅ jniá'₂ nē₁ jua'₂ ca₂jmo₃ Diú₄ a₂tē₂tsín'₅₄ jniá'₂ o₂guí'₃ o₄quián'₂ 'nia'₂ jē₁ma₂dsióg₃; go'₂ le₃jiá₃ tiá'₃ qui'₂ dsi₃ 'o₅₄ o₄quió'₄ i₂ma₂qui₂ma₂náu₂ dso₄ le₂jñiá₅, ton'₂ tsá₃ 'e₂ ma₂ca₂dsi₃quén'₅ dsi₅ o₄quió'₄ a₂'lig'₅₄ a₂jmo₅-dsáu₅; a₂niói'₅ jág₁ quiain'₅₄ dsa₂ i₂tsá₃ lín₅ dsi₂i₂gu₂; ca₂le₃jě₃ guě₄ a₂'lig'₅₄ o₂guí'₃ a₂qui₂ma₂jmo₃.

13

'Ág'₅ Pa₄ jág₁ ton'₂ 'ē₂ guě₄ jág₁ tē₃jñiá₅

¹ A₂dsióg₅ 'nag'₂ ráun₂ a₂i₁jñ₁₂ 'nia'₂ la₂. “Ca₂le₃jě₃ 'e₂ niog₅ lē₂ jióg'₂ 'í₁ tē₂le₃ quian'₅₄ on₃-ún₂ dsa₂ i₂jáng'₃ jág₁ dsau₅.”* ² Ma₂ca₂'ē₃ jniá'₂ jág₁ tē₃jñiá₅ ne₄ dsa₂ i₂jme₁tián'₄ 'no₅ dso₄

* **13:1** Deuteronomio 19:15.

le₂jñiá₅, ton'₂ ne₄ ca₂le₃jín₃ i₂sián'₂ ně₃, ján₃ bá₄ 'ě₅ jniá₂ jág₁ a₂eng₅₄ uíng₂ ja₁con'₂ 'nia'₂, jui₁lia'₂ ca₂jmo₃ jniá₂ lia'₂ con'₂ ηeg₅₄ jē₁ca₂tě₂ tĩn₃ ráun₂ a₂i₁jĩng₁₂ 'nia': ně₁jua'₂ con'₂ siá'₂ ca₂dsióg₃ jniá₂ a₂i₁jĩng₁₂ 'nia', jaun₂ tsá₃ ma₃jmo₅₄ jniá₂ ηéi₂ dsi₃ ně₁jua'₂ chan₂ guě₄ i₂tsá₃ ma₂dsi₂quén'₄ dsi₅. ³ Le₂jaun₂ jmo₅₄ jniá₂ chi₂jua'₂ a₂jaun₂ 'niog'₂ 'nia'₂ a₂jáng'₄ jniá₂ léi₄, a₂dsón'₂ bá₄ juá'₂ Cristo tsí'₅ 'nia'₂ quian'₅₄ jág₁ a₂quian₄ jniá₂. Tsá₃ jua'₅₄ a₂lín₅ 'uain'₅₄ ja₁con'₂ 'nia'₂; 'nió'₄ tē₂le₃ jme₂jnia₅ bá₄ 'éi₂ a₂'io₂₃ jui₅bí₂ jē₄ quián'₂ 'nia'. ⁴ Dsón'₂ bá₄ jaun₂ ca₂tion₃ cróg₄ dsa₂ ně₂jag₄ bá₄ a₂lín₅ jan₂ dsa₂ 'uan'₅₄, la₁ rē₂ně₃ ně₃ chain₂ tē₂le₃ quian'₅₄ jui₅bí₂ quió'₅ Diú₄. Le₂ně₅ bá₄ jui₁lia'₂ jnia'₅₄ táng₃, quian₄ jui₅ jaun₂ a₂jmo₂ jnia'₅₄ 'uan'₅₄ o₄quió'₄ 'éi₂, le₂jaun₂ bá₄ le₃chong₂ guě'₂ jnia'₅₄ ja₁con'₂ 'nia' quian'₅₄ jui₅bí₂ quió'₅ Diú₄.

⁵ Te₁li₁ 'nia'₂ ja₁con'₂ guiong'₅₄ chi₂jua'₂ dsón'₂ tión'₂ 'nia' jui₅ quió'₅ Te₁gui'₅₄. Quion₂ de'₂ 'nia'₂ caun₂ 'í₁ le₃ja₁con'₂ 'nia' guiong'₅₄. ¿Tsa₁ len'₄ 'nia'₂, a₂'en₅₄ bá₄ Jesucristo ja₁con'₂ 'nia'₂, jaun₂ bá₄ ně₁jua'₂ tsá₃ tē₁tsĩn'₅₄ 'nia'₂ 'lig'₅₄ ně₁ma₂ca₂quion'₂ 'nia'₂ 'í₁ jaun₂? ⁶ La₁ 'ín₂ dsi₃ jniá₂ le₃len'₄ 'nia'₂ a₂tsá₃ le₂jaun₂ lág₅ jnia'₅₄ jua'₅₄ a₂tsá₃ dse₃ tē₃tsag'₅₄ jnia'₅₄ ně₁ma₂ca₂quion'₂ 'nia'₂ 'í₁, jua'₅₄ a₂tsá₃ dsau₅ a₂lág₅ jnia'₅₄ dsa₂ i₂chen₄ quián₅ Te₁gui'₅₄. ⁷ Qui₂mi₂ jnia'₅₄ chi₂len'₄ Diú₄ o₄quián'₂ 'nia'₂ ia₁jaun₂ tsá₃ ma₃jmo₄-dsáu'₄ 'nia'₂ a₂'lig'₅₄. On₃jua'₅₄ ia₁jaun₂ tē₃tsag'₅₄ jnia'₅₄ dse₃, tē₂le₃ ia₁jaun₂ jmó'₂ 'nia'₂ a₂dse₃, jui₁'e₂ guě₃ chan₂ i₂lín₂ a₂tsá₃ dse₃ tē₃tsag'₅₄ jnia'₅₄. ⁸ Ia₁ tsá₃ lé₂ náu₂ jnia'₅₄ quein₅ ja₁con₂ jág₁ tí₅, tē₂le₃ tíong₂ bá₄ jnia'₅₄ quian'₅₄ jág₁ tí₅. ⁹ Jaun₂ tē₂le₃ 'io'₂ bá₄ jmo₂ jnia'₅₄ jme₁lág₄ jnia'₅₄ dsa₂ 'uan'₅₄, 'nia'₂ guě'₂ lín₅ dsa₂ 'uan'₂. A₂jaun₂ caun₂ chi₂len'₄ bá₄ jnia'₅₄ Diú₄ ia₁jaun₂ len'₂ 'nia'₂ co₂ηei'₅₄. ¹⁰ Jaun₂ lē₃, jmo₂₃ si₂ carta la₂ tsíng₂ ne'₅₄ 'nia'₂ tē₂lia'₂ 'eng₅₄ uíng₂, ia₁jaun₂ tsá₃ 'nió'₅ jua'₅₄ a₂jmo₅₄ jniá₂ tsau₂ dsi₃ jē₁ma₂dsióg₃, lia'₂ con'₂ lē₅ ta₁ a₂lín₅ a₂ca₂cuē₃ Te₁gui'₅₄, ia₁jaun₂ tē₂le₃ lei₂ bá₄ jme₂dsi₂ quián'₂ 'nia'₂, on₃jua'₅₄ tē₂le₃ qui₃jě'₂.

¹¹ Ně₃ ně₃, rĩn'₅₄ jniog₄, caun₂ jui₁le₂chan'₂ bá₄ 'nia'₂ dse₃ qui₂jmo₂ 'nia'₂ 'io'₂. Jmog'₅₄ 'nia'₂ 'au'₂ o₄quió'₄ jme₂dsi₂ quián'₂ 'nia'₂ ně₃; jui₁chan'₂ bá₄ 'nia'₂ rē₂ a₂'ei₅ caun₂ jág₁ quian'₅₄ ríng'₂. Jaun₂ Diú₄ i₂jmo₅ 'ei₅ tei₄ i₂'nio₃ 'nia'₂, 'éi₂ bá₄ jme₃quiong'₅₄ 'nia'₂ ca₂le₃jě₃ jmig₄. ¹² Cuĩn₅₄ 'nia'₂ Diú₄ ríng'₂ le₂jang'₂ le₂jang'₂ a₂qui₁chén₁† 'nia'₂ quió'₅ ríng'₂ a₂lē₅ léi₄ a₂ma₂'ei₅ caun₂ jág₁ a₂le₁jě₃ 'au'₂ quian'₅₄ ríng'₂. ¹³ Ca₂le₃jĩn₃ bá₄ rĩn'₅₄ jniog₄‡ ja₁lá₃ dsiáin'₂ jág₁ a₂cuĩn₂₃ Diú₄ 'nia'₂.

¹⁴ Jaun₂ jui₁jme₂gu'₅₄ bá₄ Te₁gui'₅₄ Jesucristo; jui₁le₂jniá₂ jē₄ quián'₂ 'nia'₂ a₂'nio₃ Diú₄ 'nia'₂; jui₁'ei₅ caun₂ jág₁ jĩn'₄ 'nia'₂ quian'₅₄ Jme₂dsi₂ Jñiós₅. A₂méi₃.

Co₂ně₅.

† 13:12 Caun₂ tag₄ a₂jme₁chí'₄ lia'₂ con'₂ jme₁ca₂jmo₃ Pa, si₂ la₂. ‡ 13:13 lit. “dsa₂ jñiós.”

Si₂ carta a₂ca₂jmo₃ San Pablo ne₄ dsa₂ GÁLATAS

Jmo₅ Pa₄ si₂ a₂chein₃ ne₄ Guá'₅ i₂chan₂ 'uë₃ Galacia

¹ Jniá₂ Pa₄, líng₅ i₂chen₄ quián₅ Te₁gui'₅₄ la₁ tsá₃ líng₅ i₂'ín₁ quián₅ dsa₂ mi₂güig₃, on₃ guë'₂ i₂chen₄ quián₅ dsa₂ mi₂güig₃ nē₃. Líng₅ jan₂ i₂'ín₁ quián₅ Jesucristo, quian'₅₄ Diú₄ Jmei₂ i₂ca₂jme₃jein'₅₄ ja₁jme₁rē₂'lín₅₄. ² Jniá₂, quian'₅₄ ca₂le₃jín₃ rín'₅₄ jniog₄ i₂quiang'₅₄, jmo₂ jnia'₅₄ si₂ carta la₂ a₂dsian'₅₄ jnia'₅₄ ja₁con₂ ca₂le₃jín₃ guá'₅ i₂chan₂ 'uë₃ Galacia. ³ Jui₁jme₂gu'₅₄ bá₄ Diú₄ 'nia'₂, jui₁jmo₅₄ bá₄ Diú₄ Jmei₂ quian'₅₄ Te₁gui'₅₄ Jesucristo nē₃, jui₁'ei₅ bá₄ tei₄ tion'₅₄ 'nia'₂. ⁴ Jesús 'éi₂ bá₄ ca₂gue₃ 'mú₃ 'uig₅₄ dsáu₁ jniog₄, a₂lió₂ jē₄ mi₂güig₃ 'lig'₅₄ la₂, co₂jaun₂ ca₂rē₃'ñi₃ó₃ dsí₅ Diú₄ quián₂ i₂lín₅ jmei₂ jniog₄. ⁵ ¡'Éi₂ bá₄ jui₁le₂juin'₂ co₂tan₅₄! A₂méi₃.

Tsá₃ ma₃jág₁ siá'₂ cha₂jua'₅₄ a₂lión₂ dsa₂

⁶ Dsi₂gó'₃ dsí₃ ia₁ ma₂'niog'₂ 'nia'₂ téng'₄ cón'₂ Diú₄ i₂ca₂tē₃ 'nia'₂ tē₂le₃ ia₁ a₂'ua₁ dsí₅ Cristo. Ia₁ a₂ma₂nag'₂ táng₃ 'nia'₂ jág₁ siá'₂. ⁷ On₃jua'₅₄ a₂dsi₂jó'₃ a₂cha₂ guē₄ jág₁ dse₃ siá'₂ a₂lió₂. La₁ia₁ juá'₅ jniá₂, chan₂ i₂lín₅₄ i₂línio₄ jmo₅ a₂dsi₂cón'₅ 'au'₂ 'nia'₂. A₂'nio₃ jme₃tsíin₃ jág₁ dse₃ la₂ quió'₅ Cristo a₂tín'₄ dsa₂. ⁸ La₁ nē₁jua'₂ chan₂ i₂jme₂tín₅ 'nia'₂ caun₂ jág₁ a₂juá'₂ a₂tín'₄ dsa₂, la₁ nē₁jua'₂ tsá₃ lē₅ con'₂ lē₅ jág₁ a₂ma₂'ē₄ jnia'₅₄, dsa₂ 'éi₂ jui₁tē₂tsin'₅₄ náu₃ a₂dsi₃'éin₂. Tsá₃ a₂nag₅₄ o₁jnia'₅₄ guio₅₄ jnia'₅₄, o₃ o₁jnia'₅₄ jan₂ ángel i₂já₅ guei'₅₄ i₂juig₃. ⁹ Jui₁lia'₂ ma₂jua'₅₄ jnia'₅₄ nē₅, juá'₄ táng₃ siá'₂: nē₁jua'₂ chan₂ i₂'ē₂ jág₁ a₂ma₂rē₂tsín₄, a₂tsá₃ lē₅ con'₂ lē₅ a₂ma₂gue'₅₄ 'nia'₂, dsa₂ 'éi₂ jui₁tē₂tsin'₅₄ náu₃ a₂dsi₃'éin₂. ¹⁰ ¿'E₂ lín'₂ 'nia'₂? ¿O₃ bá₄ a₂jme₂'uá₁ jniá₂ dsí₅ Diú₄ 'e₂? ¿O₃ bá₄ jmo₅ jniá₂ a₂'ñio₂ dsí₅ dsa₂ mi₂güig₃ 'e₂? Tsá₃ ma₃le₃jua'₅₄ a₂líng₅ guē₄ dsa₂ i₂jme₂ti₃ ja₁con₂ Cristo, jua'₅₄ mei'₂ guē₃ le₂jaun₂.

'A₂ lia'₂ ca₂lín₃ Pa₄ jan₂ i₂chen₄ quián₅ Jesús

¹¹ Jui₁le₂ñi'₅₄ 'nia'₂ rín'₅₄ jniog₄, jág₁ dse₃ a₂tín'₄ dsa₂ a₂qui₂'ē₅ jniá₂, on₃jua'₅₄ jág₁ a₂le₃jua'₅₄ a₂lē₁'no'₂ dsa₂ mi₂güig₃ dsí₅. ¹² On₃ guē'₂ jua'₅₄ a₂ca₂gue₃ jniá₂ quió'₅ 'i₁jan₂ dsa₂ mi₂güig₃, on₃ guē'₂ jua'₅₄ chan₂ dsa₂ i₂ca₂jme₃tag₅ jniá₂. 'Ñiog₅ bá₄ Te₁gui'₅₄ Jesucristo ca₂jme₃jniai'₂₃ jág₁ nē₅ ja₁cong₂. ¹³ Ia₁ ma₂ca₂rē₃ñi'₅₄ bá₄ 'nia'₂ 'a₂ lia'₂ jme₁líng₄ le₂jñiá₅, lia'₂ con'₂ jme₁'eng₅₄ guē₄ juá'₅ quió'₅ dsa₂ judíos. Ma₂ñi'₅₄ bá₄ 'nia'₂ nē₃ a₂dséi₂ dsí₃ guē₄ lín₃ ca₂'éng₃ dsa₂ quián₅ Diú₄, 'ñio₅ lín₃ jme₁quín'₅ jniá₂ bí₂ a₂co₂dsia₅ jme₁'éng₄ dsa₂ 'éi₂. ¹⁴ Ia₁ jniá₂ bá₄ i₂jme₁dsi₂jniág₄ 'ñio₅ lín₃ guē₄ con'₂ guē₄ ca₂le₃jín₃ dsa₂ go₃ i₂co₂ríng₂ quiang'₅₄. Ia₁ jniá₂ 'ñio₅ lín₃ guē₄ jme₁jme₂gó₁ jmo₂₃ 'í₁ tag₄ quió'₅ dsa₂ can'₅₄ quián₂ jnia'₅₄ ma₂líg'₂. ¹⁵ La₁ lia'₂ con'₂ né₃ a₂le₃chang₂, ca₂quió'₂ Diú₄. A₂'ua₁ dsí₅ guē₄ lín₃ ca₂tē₃ jniá₂. Ca₂rē₃'ñi₃ó₃ dsí₅, ¹⁶ ca₂jmo₃ ca₂rē₃cuíng₅ ca₂'iín₃ Ja₁ñi'₅₄, ia₁jaun₂ qui₁'ē₄ jniá₂ jág₁ dse₃ quió'₅, jin₄ dsí₂nau₂. Jaun₂ tsá₃ jua'₅₄ ca₂neg₅₄ ca₂i₁'niag'₂ dsa₂ mi₂güig₃ i₂to'₂ jág₁, ¹⁷ on₃ guē'₂ ca₂neg₅₄ juig₂ Jerusalén jua'₅₄ ca₂i₁jíng₁₂ i₂ma₂lín₅ dsa₂ i₂chen₄ quián₅ Te₁gui'₅₄, i₂ma₂ja₂lén₂ jñiá₅ guē₄ lia'₂ con'₂ guē₄ jniá₂. Dsi₂jui₅ bá₄ ca₂neg₅₄ le₂'uig₅₄ jui₅ 'uë₃ Arabia. Cang₂ guē₄ jaun₂ ca₂hág'₃ jui₅ Damasco. ¹⁸ Jme₁ca₂dsin₃ 'ni₅ ñi₂ cang₂ jaun₂, jaun₂ guē₄ ca₂neg₅₄ Jerusalén ca₂i₁dsia₂ jág₁ quian'₅₄ Pe₄. * Ja₁jaun₂ ca₂jan₅₄ guia₃-ñiá₂ jmi₃g₄. ¹⁹ La₁ 'i₁jan₂ i₂sián'₂ i₂lín₅ i₂chen₄ quián₅ Jesús tsá₃ ca₂jíng₅₄, jnia'₅₄ lia'₂ jan₂ Jacobo dsó₂ rín'₅₄ Te₁gui'₅₄ bá₄. ²⁰ Jág₅ bá₄ Diú₄, jág₁ dsau₅ bá₄ tó'₅ ne₄ si₂ la₂, tsá₃ tē₂jíng₁. ²¹ Cang₂ jaun₂ guē₄ nē₃, ca₂ñó₃ le₂tan₅₄ juig₂ ja₁tén₄ 'uë₃ Siria

* 1:18 griego: Cefas.

quian'⁵⁴ Cilicia. ²² Rin'⁵⁴ jniog⁴ quián⁵ guá'⁵ chan² 'uë³ Judea ně³ i²tión² le³quió'⁵ Cristo, tsá³ jme¹ma²cuig²³ dsi¹ne¹. ²³ Jñia'⁵⁴ lia'² jme¹ma²nág² bá⁴ dsia⁵ rin'⁵⁴ jniog⁴ 'ag²³ juá'²: “Dsa² i²jme¹co²ein⁵ jniog⁴ le²jñiá⁵, la¹ rē²ně³ ně³ ma²ñi²³ ján³ 'ě² jág¹ a²jme¹'nio³ jme¹éin² le²jñiá⁵.” ²⁴ Jaun² ca²jme³juin'² Diú⁴ bá⁴ o⁴quió³.

2

Dsa² i²chen⁴ sián'² guein²³ Pa⁴

¹ Jme¹ca²ñi² guia³-quén² ñi² cang², jaun² guě⁴ ca²neg⁵⁴ táng³ Jerusalén quiang'⁵⁴ Bernabé. Tito ně³, ca²jáng². ² Ca²neg⁵⁴ ja¹jaun² ia¹ ca²jme³jñia⁵ Diú⁴ ne³ a²ca²tíng² nei⁵⁴. Jaun² ca²dsia³ bá⁴ jñiá² ne⁴ dsa² i²tián'⁵ Jerusalén 'éi² jág¹ dse³ ně⁵ a²ě⁵ jñiá² jin⁴ dsi²nau², la¹ jmá'³ lia'² quian'⁵⁴ dsa² i²lia'² lě⁵ i²quian⁵ ne⁴ jui⁵ bá⁴, jě⁴ con'² jmá'³ guio⁵⁴ bá⁴ jñia'⁵⁴, ca²dsiá¹ jág¹ ia¹jaun² tsá³ lě⁵ jua'⁵⁴ a²lě¹ñi⁵ jñiá² jmo²³ ta¹ a²tsá³ ta¹ tí⁴. ³ Ca²lia'² jñia'⁵⁴ Tito, i²jme¹quian'⁵⁴ jñiá², tsá³ ca²chi³quióng² dsa² jmig⁴ jua'⁵⁴ a²tion⁵⁴ jme³ti³ 'éi'³ a²jme¹ti³ ni¹lo¹², o¹jñia'⁵⁴ jme¹lín⁴ 'éi² griego. ⁴ Jág¹ ně⁵ ca²ñó³ ia¹ i²lín⁵⁴ dsa² i²jui¹gan² i²juá'² lín⁵ rin'⁵⁴ jniog⁴, ca²i³toin'⁵⁴ con'² tē³co⁵⁴ jě⁴ quián² jñia'⁵⁴, a²jme¹'nio³ tiog³ con² 'í¹ 'a² lia'² lě⁵ chong² jñia'⁵⁴ con'² dsa² ma²lón² le³quió'⁵ Cristo Jesús, ia¹ tsá³ ma³tio'⁵⁴ jniog⁴ 'éi'³; la¹ 'éi² ně³ jme¹'nio³ jme¹to'² táng³ 'éi'³ guei² jaun². ⁵ La¹ tsá³ 'ein² ca²cuē³ jñia'⁵⁴ jmig⁴ jñia'⁵⁴ 'i¹ca²tiá² tei⁴ jua'⁵⁴ jme³gau⁵ 'éi², ia¹ 'niog² jñia'⁵⁴ a²caun² o¹nóg⁵ cha² jág¹ dsau⁵ ja¹con'² 'nia'² jág¹ dse³ a²lión² dsa².

⁶ Jui¹lia'² dsa² i²lia'² lě⁵ lín⁵ dsa² dsen⁵⁴ i²juá'⁵ jñiá², (ton'² ján³ bá⁴ tsá³ a²jaun² tion⁵⁴ 'ín⁵ dsi³ le³guion⁵⁴ 'a² lia'² ma²ja²lén² 'éi² jmo²³ guioin⁵⁴. Ia¹ tsá³ 'í¹ jaun² con² Diú⁴ jua'⁵⁴ 'a² lia'² jñiá² dsa²), jui¹lia'² dsa² 'éi² ně³, tsá³ 'e² ñag⁵⁴ jua'⁵⁴ a²ca²jme³tag²³ guě⁴ con'² lě⁵ jág¹ a²ě⁵ jñiá². ⁷ Ia¹ tē²le³ ca²rě³lí'⁴ bá⁴ guioin⁵⁴, co²jaun² bá⁴ ta¹ a²ma²cuē³ Diú⁴ a²ě⁴ jñiá² jág¹ dse³ jin⁴ dsi²nau²,* jui¹lia'² lě⁵ ta¹ ma²dsia³ gu² Pe⁴ a²ě² jág¹ dse³ jin⁴ dsa² judíos.† ⁸ Jaun² Diú⁴ i²jan² tan⁵⁴ 'éi² bá⁴ ca²chein³ guě'² Pe⁴ a²lín⁵ 'éi² dsa² i²chen⁴ quiáin⁵ tē²le³ jin⁴ dsa² judíos, le²jaun² bá⁴ ca²chei³ guě'² jñiá² ján³ a²lín⁵ i²chen⁴ quiáin⁵ tē²le³ jin⁴ dsi²nau². ⁹ Jaun² lě³, Jacobo, Pe⁴,‡ quian'⁵⁴ Juan⁵⁴ ně³, co²'nió'⁴ i²lín⁵ dsa² dsen⁵⁴ quián⁵ guá'⁵, ca²rě³lí'⁴ bá⁴ guioin⁵⁴, 'ñiog⁵ bá⁴ Diú⁴ ma²cuē³ ta¹ ně⁵, jaun² ca²cuē³ gu² a²ca²jmo³ léi⁴, jñiá² quian'⁵⁴ Bernabé co²'nió'⁴ a²ei⁵ caun² jág¹ quiaín⁵⁴ a²dsau⁵⁴ jñia'⁵⁴ dsi¹jmó¹ ta¹ ja¹con² dsi²nau². Guioin⁵⁴ guě'² táng³ dsi²jmó² ta¹ jin⁴ dsa² judíos. ¹⁰ Jñia'⁵⁴ lia'² a²jaun² bá⁴ jág¹ a²ca²cuē³ a²jmó¹ jñia'⁵⁴ dsiog'² dsi⁵ dsa² te²ñé², a²ně⁵ bá⁴ guě'² a²'ín⁵ dsi³ jñiá² quín'⁵ jñiá² bí² jmo²³.

Ca²jí² Pa⁴ ca²jéin² Pe⁴ juig² Antioquía

¹¹ La¹ lia'² con'² ñe⁴ Pe⁴ juig² Antioquía, ca²jéin² jñiá² dsi¹ne¹, 'uig⁵⁴ ia¹ a²jmo²³ a²tsá³ dsi²ten⁵⁴ jmo³. ¹² Ia¹ le²jñiá⁵ jme¹guě'⁵ co²dsia⁵ quiaín⁵⁴ dsi²nau²; la¹ jme¹ca²dsi³lén² i²chen⁴ quián⁵ Jacobo, jaun² guě⁴ ca²jme³lióg³ ca²ñó³ cau⁵, tsá³ ma³ca²guě'³ quiaín⁵⁴ dsa² 'éi², 'uig⁵⁴ ia¹ a²gain³ dsa² i²ti⁵ lo⁴. ¹³ Jaun² dsa² judíos i²én² sián'² ca²jme³quiaín⁵⁴ bá⁴ Pe⁴ a²lě¹co²jmo²³ o¹ne¹ quiong'⁵⁴; ca²lia'² le²jio⁵ Bernabé ca²ñó³ quiong'⁵⁴ ján³. ¹⁴ La¹ jme¹ca²jág³ jñiá² tsá³ jmo²³ lia'² con'² lě⁵ tí⁵ dsón'² juá'² jág¹ dse³, jaun² ca²juig² jñiá² Pe⁴ tē³ñag⁵ le³jín³ dsa²:

—Ne² guě'² lín⁵ jan² dsa² judío, le²jaun² bá⁴ guě'² chang'² jmo'² lia'² lě⁵ chan² dsi²nau², on³jua'⁵⁴ rē'² con'² lě⁵ jme¹jmó'² ia¹ a²lín⁵ dsa² judío, ¿'a² bá⁴ lia'² jaun² chi¹quiang'⁵⁴ jmig⁴ dsi²nau² a²le³chain² con'² lě⁵ chan² dsa² judíos?

¹⁵ 'Lág⁵ jniog⁴ judíos con'² lě⁵ chong², —ca²juig² jñiá² Pe⁴—, on³jua'⁵⁴ rē'² jui¹lia'² dsi²nau² i²qui²rě²cán'⁴ dso⁴. ¹⁶ Jaun², a²ne⁴ bá⁴ jniog⁴, 'i¹jan² tsá³ 'ein² guén'² Diú⁴ ně²jag⁴ i²tsá³ 'e² dso⁴ rin², jua'⁵⁴ a²jme³ti³ 'Éi'³, jñia'⁵⁴ lia'² a²le³én² bá⁴ dsa² tē²le³ quió'⁵ Jesucristo. 'Uig⁵⁴

* 2:7 lit. “jin⁴ dsa² i²tsá³ lo⁴ rē²uig⁴.” † 2:7 lit. “jin⁴ dsa² i²rě²uig⁴ lo⁴”; ján³ bá⁴ ‡ 2:9 griego: Cefas; ján³ bá⁴

jaun₂ ca₂tē₂ jniog₄ ján₃ ma₂ca₂rē₃ 'éin₂ tē₂le₃ quió₅ Jesucristo ia₁jaun₂ bá₄ guéi₂ Diú₄ jniog₄ nē₂jag₄ a₂tsá₃ ma₃'e₂ dso₄ rē₂cáu₄, tē₂le₃ a₂jnia₅₄ con₂ 'éin₂ bá₄, on₃jua₅₄ rē₂ a₂'nió₅ jme₁tí₁ ta₁ qui₅ 'Éi₃. Ia₁ 'i₁jan₂ tsá₃ 'ein₂ chén₅ rē₂ ne₄ Diú₄ tē₂le₃ quian₅₄ a₂jme₂tí₃ 'Éi₃. ¹⁷ Nē₃ nē₃, chí₂jua₂ 'niog₂ jniog₄ tē₂tsag₅₄ dse₃ tē₂le₃ ne₄ Diú₄, 'uig₅₄ ia₁ a₂ma₂tióng₂ le₃quió₅ Cristo, jaun₂ guē₄ ca₂dsióg₃ rē₂jniá₂ a₂lág₅ jniog₄ dsa₂ i₂qui₂rē₂cán₄ dso₄ bá₄ ján₃, çon₁ bá₄ 'nió₄ le₃jua₅₄ Cristo tē₂le₃ cuē₅ bí₂ bá₄ jniog₄ a₂caun₂ 'nióg₁ dso₄? ¡Dsón₂ bá₄ on₃jua₅₄ le₂jaun₂!

¹⁸ Ia₁ chí₂jua₂ co₂dsia₅ ma₂ca₂'éng₃ caun₂ cosa, con₂ siá₂ guē₂ 'nio₃ chog₅₄ táng₃, jaun₂ guē₄ dsón₂ a₂jme₂jniág₁ 'nió₃, a₂ma₂ca₂i₁juing₅₄ 'éi₃. ¹⁹ Tsá₃ 'io₅ bí₂ 'Éi₃ jua₅₄ a₂chei₃ rē₂ ne₄ Diú₄. Jaun₂ nē₂jag₄ bá₄ i₂co₂dsia₅ ma₂jon₅ bá₄ jniá₂ tē₂le₃ ne₄ 'Éi₃ ia₁jaun₂ le₃chang₂ táng₃ tē₂le₃ ne₄ Diú₄. ²⁰ Jaun₂ co₂'nió₄ ca₂tē₁ton₅₄ bá₄ jniá₂ co₂lē₅ quian₅₄ Cristo ne₄ cróg₄; jaun₂ on₃jua₅₄ 'nió₃ jniá₂ chang₂; 'niog₅ bá₄ Cristo i₂chan₂ jui₅ jme₂dsí₂ quió₃. Lia₂ con₂ lē₅ chang₂ ni₁ñí₅ la₂, chang₂ tē₂le₃ a₂jnia₅₄ con₂ 'éng₂ tē₂le₃ quió₅ Ja₁ñi₅₄ Diú₄, i₂ca₂rē₃ 'nio₃ jniá₂, ca₂jñi₂ 'niog₅ o₄quió₃ jniá₂. ²¹ Jaun₂ tsá₃ 'nio₃ jniá₂ jua₅₄ a₂jmo₅₄ cau₅ a₂'ua₁ dsí₅ Diú₄; ia₁ jua₅₄ mei₂ guē₃ guion₅₄ dsa₂ lé₂ le₃jmo₃ a₂chein₃ rē₂ ne₄ Diú₄ tē₂le₃ quian₅₄ a₂jme₃tí₃ 'Éi₃, tsá₃ 'e₂ ta₁ tí₄ a₂ca₂jon₃ Cristo jua₅₄ mei₂ guē₃ le₂jaun₂.

3

A₂ lia₂ guén₂ Diú₄ dsa₂

¹ ¡En₁ jmá₃ tsá₃ rē₂'en₅₄ 'au₂ 'nia₂ dsa₂ gálatas! ¿Ein₂ bá₄ je₂na₅₄ i₂ca₂jme₃gau₅ 'nia₂? Jua₂ ma₂ca₂tē₂ bá₄ ne₅₄ 'nia₂ guiong₅₄ a₂ma₂ca₂jme₁jnia₅₄ jnia₅₄ tē₃dsón₂ 'niog₅ Jesucristo i₂tē₁ton₅₄ cróg₄. ² Nag₄ caun₂ 'nia₂ a₂juá₄ la₂: ¿A₂ lia₂ ca₂guen₅₄ 'nia₂ Jme₂dsí₂ quián₅ Diú₄? ¿Ca₁guein₅₄ 'nia₂ ia₁ a₂ca₂jme₁tí₄ ta₁ qui₅ 'Éi₃ quió₅ Moisés? ¿O₃ bá₄ ca₂guein₅₄ 'nia₂ jme₁ca₂rē₃ 'éng₂ jág₁ a₂ma₂nei₂ 'e₂ 'nia₂? ³ ¿A₂ bá₄ lia₂ 'ñí₄ tsá₃ rē₂'en₅₄ 'au₂ 'nia₂? ¿O₃ bá₄ 'náu₂ 'nia₂ 'au₂ a₂jme₁ 'niag₂ quian₅₄ jui₅ bí₂ quiáng₂ guiong₅₄ a₂ma₂ca₂jme₁lióg₄ quian₅₄ Jme₂dsí₂? ⁴ ¿O₃ bá₄ tsá₃ 'e₂ ta₁ tí₄ ca₂le₃jé₃ a₂ma₂ca₂i₁ñí₂ 'nia₂? Jui₁le₅₄ bá₄ a₂cha₂ ta₁ jmo₃ bá₄ ca₂la₂ a₂jaun₂. ⁵ Jē₁ma₂ca₂cuin₃ Diú₄ Jme₂dsí₂ quiáin₅ jmo₂₃ léi₄ juē₂ jñi₄ 'nia₂, ¿'e₂ lē₃ jmo₂₃? On₃jua₅₄ a₂jaun₂ guē₂ jmo₂₃ ia₁ a₂jme₁tí₅₄ 'nia₂ 'Éi₃. A₂jaun₂ bá₄ jmo₂₃ léi₄ juē₂ tē₂le₃ ia₁ a₂ca₂rē₃ 'én₂ 'nia₂ jág₁ a₂ma₂nei₂ bá₄. ⁶ Ia₁ Abraham nē₃, ca₂rē₃ 'éin₂ tē₂le₃ quió₅ Diú₄. A₂ca₂rē₃ 'éin₂ jaun₂, ca₂guéi₂ Diú₄ nē₂jag₄ bá₄ i₂ca₂rē₃ti₅₄ 'éi₃. * ⁷ 'Uig₅₄ jaun₂ nē₃, ca₂tín₂ 'nia₂ le₃ñi₅₄; jui₁lia₂ dsa₂ i₂'én₂, i₂'éi₂ bá₄ i₂lín₅ tē₃dsón₂ co₂'nió₄ tsi₁jon₂ Abraham. ⁸ Ne₄ Si₂ gui₅₄ jaun₂ ca₂juá₂ Diú₄ tē₃jñiá₅ ca₂tsí₃ Abraham a₂guein₃ le₂jio₅ dsi₂nau₂ tē₂le₃ jñia₅₄ con₂ le₃'éin₂ bá₄, co₂'nió₄ nē₂jag₄ bá₄ i₂le₃ti₅₄ 'éi₃, jme₁ca₂juá₂ le₂la₂: “Ca₂le₃jé₃ jui₂ te₁i₁ gua₅₄ 'uē₃ jme₁gon₅₄ jniá₂ tē₂le₃ quian₅₄ 'ne₂.”† ⁹ Jaun₂ le₂nē₅ bá₄ nē₃, jui₁lia₂ dsa₂ i₂'én₂ nē₃, i₂'éi₂ bá₄ i₂lín₅ dsa₂ i₂rē₂gon₅₄ quián₅ Diú₄ co₂dsia₅ quiain₅₄ Abraham i₂ca₂rē₃ 'én₂ 'éi₂.

¹⁰ Dsa₂ i₂jmo₅ dsí₅ a₂tioin₅₄ 'Éi₃ tióin₂ jui₅ 'éi₃ a₂dsi₃ 'éin₂. Ia₁ juá₂ ne₄ Si₂: “Ca₂le₃jín₃ i₂tsá₃ jme₂tí₃ ca₂le₃jé₃ 'éi₃ a₂tio₅₄ ne₄ Si₂ tío₁in₅₄ 'éi₃ a₂dsi₃ 'éin₂.”† ¹¹ Rē₂ bá₄ léi₄ jaun₂ nē₃, 'i₁jan₂ tsá₃ 'ein₂ lé₂ le₃náu₃ rē₂ ne₄ Diú₄ tē₂le₃ ia₁ a₂jme₃tí₃ 'Éi₃. Ia₁ ne₄ Si₂ juá₂: “Dsa₂ i₂guén₂ Diú₄ co₂'nió₄ i₂lín₅ i₂dsen₃, tē₂le₃ a₂jñia₅₄ con₂ a₂'éin₂ bá₄ le₃chain₂.”§ ¹² La₁ 'Éi₃ Juá₅ quió₅ Moisés nē₃, on₃jua₅₄ a₂cha₂ ja₁já₄ 'uig₅₄ a₂'én₂ dsa₂ jaun₂. Ia₁ tē₂le₃ le₂la₂ bá₄ juá₂: “Dsa₂ i₂jmo₅ lia₂ con₂ lē₅ juá₂ 'Éi₃, quian₅₄ 'Éi₃ jaun₂ le₃chain₂.”* ¹³ Cristo ca₂quí₃ ca₂lió₂ jniog₄ uig₅ a₂jme₁ca₂tág₂ guéi₁ con₂ lē₅ 'Éi₃. Ia₁ ne₄ Si₂ juá₂: “Ma₂rē₂'ē₂ uig₅ ja₁con₂ chí₂jua₂ 'éin₂ i₂tē₂ton₅₄ guei₅₄ 'ma₂.”† ¹⁴ Le₂nē₅ ca₂quí₃ ia₁jaun₂ a₂dse₃ jaun₂ a₂ca₂jme₃gon₅₄ Diú₄ Abraham, ñag₅ le₃ja₁con₂ dsi₂nau₂ tē₂le₃ quian₅₄ Cristo Jesús. Ca₂quí₃ ia₁jaun₂ guéi₁ jniog₄ ca₂le₃jág₃ tē₂le₃ ia₁ a₂'éin₂, guén₄ Jme₂dsí₂ Jñió₅ a₂ma₂juá₂ cuin₃.

* 3:6 Génesis 15:6. † 3:8 Génesis 12:3; 18:18; 22:18. ‡ 3:10 Deuteronomio 27:26. § 3:11 Habacuc 2:4. * 3:12 Levítico 18:5. † 3:13 Deuteronomio 21:23.

Juī'lia'₂ 'Éi'₃ Juá'₅, quian'₅₄ jág₁ a₂ma₂cuē₃ Diú₄

¹⁵ Rin'₅₄ jniog₄, la₂ cuē₅₄ jniá₂ caun₂ jág₁ jáng'₅ léi₄ 'a₂ lia'₂ lě₅ jmo₅ dsa₂ mi₂güig₃: Juī'lia'₂ jme₁quiog₂ dsa₂ caun₂ si₂ ja₁tio'₅₄ jág₁ a₂li'₅₄ jaun₂ tio'₅₄ firma quió'₅, jaun₂ 'i₁jan₂ tsá₃ 'ein₂ lé₂ le₃jmo₃ tsá₃ quen₅ si₂ jaun₂, on₃ guē'₂ ma₃lé₂ jua'₅₄ jmo₃ guē₄ ηag₅₄ 'i₁caun₂ con'₂ lě₅ jaun₂. ¹⁶ Jaun₂ le₂nē₅ ca₂cuē₃ Diú₄ jág₁ quió'₅ ca₂cuē'₃ Abraham quian'₅₄ chi'₂ dsio₄ 'éi₂. Ne₄ Si₂ quió'₅ tsá₃ juá'₂ jua'₅₄ a₂'iin₂₃ “juin₅ tsi₁jon₂” 'éi₂. Ca₂juá'₂ “tsi₁jon₂ quiáng'₂”, ‡ 'iin₂₃ jan₂ dsa₂ bá₄. I₂jan₂ 'éi₂ lín₅ Cristo. ¹⁷ Le₂la₂ bá₄ 'ē₅ jniá₂: Ca₂jmo₃ Diú₄ caun₂ jág₁ quiaín'₅₄ Abraham. Jaun₂ jme₁ca₂gua₃ 'Éi'₃ Juá'₅ ně₃, quén₂ 'ñiá₂-láu₂ rē₂dsí₂ guióg₂-guiá₂ (430) ηi₂ cang₂ jaun₂, la₁ tsá₃ le₃jua'₅₄ jua'₅₄ a₂tsá₃ quen₅ jág₁ a₂li'₅₄ Diú₄ quiaín'₅₄ Abraham, on₃ guē'₂ le₃jua'₅₄ a₂tsá₃ jma₃quen₅ jág₁ ron₅ a₂rē₂cuē₁ quió'₅ Diú₄. ¹⁸ Ia₁ jua'₅₄ mei'₂ guē₃ lé₂ gue₃ dsa₂ a₂ca₂tín₂ a₂cuē₃ Diú₄ tē₂le₃ ia₁ a₂jme₂ti₃ 'Éi'₃, jaun₂ tsá₃ ma₃le₃jua'₅₄ jua'₅₄ a₂gue₃ guē₄ dsa₂ tē₂le₃ ia₁ a₂ma₂cuē₃ Diú₄ jág₁ quió'₅. La₁ ca₂cuē₃ Diú₄ jág₁ quió'₅ ně₃ ca₂cuē'₃ Abraham a₂ca₂tín₂ gue₃ a₂lē₁gue₃ co₂ñi₂ bá₄. ¹⁹ ¿'E₂ ta₁ qui'₅ 'Éi'₃ Juá'₅ jaun₂ ně₃? Cang₂ jaun₂ bá₄ ca₂já₃, a₂qui'₃ ta₁ a₂'ē₃ 'a₂ lia'₂ lě₅ qui₂i₁juin₅₄ dsa₂ 'no₂₃ dso₄. 'Éi'₃ jaun₂ ca₂gua₃ ca₂lia'₂ ca₂guan₃ “tsi₁jon₂ i₂jan₂ i₂'iin₂₃ 'éi₂” con'₂ lě₅ jág₁ ma₂cuē₃ Diú₄. 'Éi'₃ jaun₂ ně₃, ca₂tē₁ron₅₄ tē₂le₃ quian'₅₄ ángel i₂ca₂'ē₂ jág₁. Ca₂tē₁tsin'₅₄ jan₂ dsa₂ i₂chén'₅ ne₄ jág₁. ²⁰ La₁ jme₁ca₂dsia₃ Diú₄ jág₁ quiaín'₅₄ Abraham le₂'ui₅₄, 'ñiog₅ bá₄ ca₂dsia₃ jág₁. Tsá₃ 'ein₂ sián'₂ ca₂nau₂ ne₄ jág₁. Ia₁ i₂jan₂ tan₅₄ 'éi₂ bá₄ Diú₄ i₂ca₂juá'₂ jme₁ca₂juá'₂.

Ta₁ a₂quí'₅ 'Éi'₃ Juá'₅

²¹ ¿O₃ bá₄ co₂'nió'₄ juá'₂ jaun₂ ně₃, a₂quí'₅ ta₁ 'Éi'₃ a₂'nio₃ 'éin₂ jág₁ a₂ma₂cuē₃ Diú₄? On₃jua'₅₄ le₂jaun₂. Jua'₅₄ mei'₂ guē₃ lé₂ le₃cuē₃ 'Éi'₃ Juá'₅ caun₂ jui₅ ja₁lé₂ le₃chan₂ jme₂dsí₂, jaun₂ bá₄ jme₁lé₂ le₃guen₃ Diú₄ dsa₂ tē₂le₃ quian'₅₄ a₂jme₃ti₃ dsa₂ 'Éi'₃ jaun₂. ²² La₁ lia'₂ con'₂ lě₅ juá'₂ ne₄ Si₂, ca₂le₃jín₃ bá₄ dsa₂ tioin'₅₄ le₁'ñei'₅₄ jui₅ ja₁'no₂₃ dso₄, ia₁jaun₂ tē₂le₃ a₂ñia'₅₄ con'₂ 'éin₂ bá₄ tē₂le₃ quió'₅ Jesucristo le₃gue₃ a₂ma₂juá'₂ Diú₄ cuē₃.

²³ Né'₃ a₂guá₂ jág₁ a₂le₃'én₂ dsa₂ ně₃, jme₁tio'₅₄ jniog₄ le₁jnág₅ quian'₅₄ 'Éi'₃, co₂'nió'₄ a₂jme₁jmo₂₃ 'í₁ jniog₄, qui₂le₁ñia₁ a₂le₃jniá₂ a₂le₃'éin₂ jaun₂. ²⁴ 'Uig₅₄ jaun₂ bá₄ ně₃, 'Éi'₃ ca₂jme₃góin₃ ne₄ quián₂ jniog₄, ně₂jag₄ bá₄ jan₂ tē₅ i₂ca₂jiog₃ ca₂tē₂ ja₁con₂ Cristo, ia₁jaun₂ jē₁ma₂ca₂rē₃'éin₂ tē₂le₃ quió'₅ 'éi₂, lé₂ le₃tē₃tsag'₅₄ jniog₄ rē₂ ne₄ Diú₄. ²⁵ Jaun₂ rē₂ně₃ ně₃ ma₂gua₅ bá₄ a₂'éin₂ jniog₄, tsá₃ ma₃tio'₅₄ ne₄ 'Éi'₃ jua'₅₄ a₂jaun₂ a₂jiog₅ guē₄ jniog₄, jmo₅ 'í₁. ²⁶ A₂lín'₅ 'nia'₂ ca₂le₃jín'₃ chi'₂-guein₂ quián₅ Diú₄, tē₂le₃ ia₁ a₂'én'₂ 'nia'₂ le₃quió'₅ Cristo Jesús. ²⁷ Jaun₂ ca₂le₃jín'₃ 'nia'₂ con'₂ i₂ma₂tion'₅₄ 'ei₅ caun₂ jág₁ quian'₅₄ Cristo lia'₂ con'₂ jme₁ca₂jnóg'₂ jmi₂g₂, tión'₂ 'nia'₂ a₂rē₂jniág'₁ rē₂ling'₅₄ ně₂jag₄ bá₄ Cristo 'ñiog₅. ²⁸ Tsá₃ ma₃jma₃quén₅ tión₂ dsa₂, tsá₃ a₂nag₅₄ o₁ñia'₅₄ i₂lín₅ judíos, o₃ griegos, on₃ guē'₂ i₂lín₅ dsa₂ i₂jme₂ti₃ ta₁ ne₄ juig₅₄, on₃ guē'₂ dsa₂ i₂tsá₃ 'ein₂ ne₄ jme₂ti₃ ně₃; dsa₂ ηe'₂, o₃ dsa₂ mí₂ 'e₂; ia₁ i₂co₂rin₂ bá₄ 'nia'₂ le₃quió'₅ Cristo Jesús. ²⁹ Chi₂jua'₂ tén'₅ 'nia'₂ le₃quió'₅ Cristo, jaun₂ guē₄ ling'₅ dsa₂ tsi₁jon₂ Abraham, jaun₂ ca₂tín'₂ 'nia'₂ guéi'₁ a₂lē₅ jág₁ a₂cuē₃ Diú₄.

4

¹ A₂la₂ bá₄ juá'₅ jniá₂: Tē₁lia'₂ bin'₅₄ guein₂, i₂ca₂tín₂ gue₃ a₂lē₅ jág₁ a₂cuē₃ jmei₂, tsá₃ jua'₅₄ jma₃quén₅ lín₅ quian'₅₄ dsa₂ i₂'lian'₅₄ quián₅ jmei₂, o₁ñia'₅₄ a₂dsau₅ jan₂ i₂'éi₂ bá₄ quió'₅ ca₂le₃jē₃. ² Chan₂ dsa₂ i₂jmo₅ 'í₁ nio₅ gu₂ ca₂le₃jē₃ a₂cha₂ quió'₅ 'éi₂, ca₂lia'₂ ca₂tē₂ jmi₂g₄ a₂'ē₅ jmei₂. ³ Jaun₂ le₂nē₅ bá₄ lě₅ quian'₅₄ jniog₄. Tē₁lia'₂ con'₂ bi₂g'₅₄, jme₁chong₂ jniog₄ le₁'ñei'₅₄ ne₄ 'éi'₃, tag₄ a₂jiog₅ bí₂ ja₁con₂ dsa₂ mi₂güig₃. ⁴ La₁ jme₁ca₂dsin₃ jmi₂g₄, ca₂chen₃ Diú₄ Ja₁ñi'₅₄, ca₂rē₃cháin₃ ca₂caun₃ jan₂ dsa₂ mí₂ dsa₂ mi₂güig₃, ca₂guain₃ lín₅ jan₂ dsa₂ i₂rē₂'en₅₄ ne₄ 'Éi'₃ Juá'₅. ⁵ Le₂ně₅ bá₄ guain₃ a₂quí₃ a₂lió₂ ca₂le₃jág₃ jniog₄ con'₂ dsa₂ jme₁tio'₅₄ 'Éi'₃ jaun₂,

‡ 3:16 Génesis 12:7; 13:15; 24:7.

ia₁jaun₂ guéi'₂ Diú₄ jniog₄ a₂ma₂lág₅ chi'₂-guein₂ quiáin₅. ⁶Jaun₂, 'uig₅₄ ia₁ a₂lín'₅ 'nia'₂ chi'₂-guein₂ quiáin₅ ně₃, jaun₂ ca₂chein₃ Jme₂dsí₂ quián₅ Ja₁ñi'₅₄ tē₂dsi₅ jniog₄, jaun₂ Jme₂dsí₂ ně₃ juá'₂: “¡Abba!* ¡Tia₅₄ quiáng₃!” ⁷Le₂ně₅ jaun₂, tsá₃ ma₂lín'₅ 'ne₂ jan₂ i₂chi₁'ñe'₅₄ ne₄ 'éi'₃; ma₂lín'₅ jan₂ ja₁ñi'₅₄ bá₄. Jaun₂ chi₂jua'₂ lín'₅ jan₂ ja₁ñi'₅₄, ján₃ bá₄ ma₂lín'₅ jan₂ i₂ca₂tín₂ gue₃ a₂lě₅ jág₁ cuē₃.

I₅ dsí₅ Pa₄ o₄quió'₄ dsa₂ 'én₂

⁸Le₂jñiá₅, lia'₂ con'₂ tsá₃ Diú₄ jme₁ma₂cuin'₂ 'nia'₂, jme₁tiong'₅₄ le₁'ñeg'₅₄ ja₁con₂ diú₄ lag₄ i₂tē₃dsón'₂ on₃jua'₅₄ i₂le₃jua'₅₄ diú₄ dsón'₂. ⁹La₁ rē₂ně₃ ně₃ ma₂cuin'₂ 'nia'₂ Diú₄, co₂'nió'₄ juá'₅, ma₂cuin'₅ Diú₄ 'nia'₂. Jaun₂ ně₃, ¿'a₂ bá₄ lia'₂ lě₅ a₂o₂no'₅₄ táng₃ 'nia'₂ le₃ca₃ tsá₃ caun₂ a₂qui₂'náu'₂ 'au'₂ a₂tóng'₂ táng₃ ne₄ 'éi'₃ tag₄ 'uan₅₄ a₂tsá₃ ta₁ tí₄? ¹⁰Ia₁ jmo'₂ bá₄ guē₄ 'nia'₂ 'au'₂ a₂jme₂juē₁ a₂lín₅₄ jmi₄, tsi'₂, ñi₂, jein₂ ně₃. ¹¹Ñio₅ dsi₂gó'₃ dsi₃ ia₁ con'₂ tsá₃ ñó₅ ně₃jua'₂ tsá₃ 'e₂ ta₁ tí₄ ta₁ a₂ma₂jmo₃ jniá₂ jin'₄ 'nia'₂.

¹²Rin'₅₄ jniog₄, chi₂len'₄ jniá₂ 'nia'₂ ju₁len'₅₄ bá₄ 'nia'₂ lia'₂ lín₅ jniá₂, ia₁ jniá₂ ma₂ca₂jmo₃ dsi₃ ján₃ a₂lín₅ lia'₂ lín₅ 'nia'₂. Tsá₃ 'e₂ jua'₅₄ a₂tsá₃ dsi₂ten₅₄ a₂ma₂jmog'₅₄ 'nia'₂. ¹³Ia₁ ma₂ñi'₅₄ bá₄ 'nia'₂, lia'₂ jme₁ca₂'ě₃ jniá₂ jág₁ dse₃ a₂lión₂ dsa₂ jin'₄ 'nia'₂ le₂'uig₅₄, ca₂lě₃ le₂jaun₂ 'uig₅₄ caun₂ dso₄ a₂jme₁lín₄. ¹⁴Dso₄ a₂ca₂jéin₃ jniá₂ jaun₂ ně₃ co₂'nió'₄ a₂ca₂caun₃ táu₂ Diú₄ 'nia'₂ bá₄ jaun₂. La₁ on₃jua'₅₄ a₂jaun₂ tsá₃ ca₂guei'₅₄ 'nia'₂ jua'₅₄ a₂tsá₃ ca₂rě₃jei'₅₄. Tē₂le₃ 'io'₂ guē₄ ca₂guei'₅₄ bá₄ 'nia'₂ jniá₂ ně₂jag₄ bá₄ jan₂ ángel quián₅ Diú₄, ně₂jag₄ bá₄ lín₅ Cristo Jesús 'ñiog₅. ¹⁵¿'E₂ bá₄ ca₂lě₃ quian'₅₄ a₂ñí₄ lě₃ dse₃ jme₁ca₂'ág₂ 'au'₂ 'nia'₂ le₂jaun₂? Lé₂ le₃juá'₄ jniá₂, jua'₅₄ mei'₂ guē₃ lé₂, jme₁'uē'₄ 'nia'₂ míg₂ ne'₅₄ guiong'₅₄, a₂jme₁cuē'₁ jniá₂. ¹⁶Jaun₂ ně₃, ¿on₃ bá₄ lín'₂ 'nia'₂ a₂'iog₅₄ bá₄ jniá₂ ia₁ a₂juá'₅ lia'₂ tí₅ jág₁?

¹⁷Dsa₂ 'éi₂ ně₃, 'ñio₅ dsen₅₄ dsí₅ jmo₂₃ quian'₅₄ 'nia'₂, la₁ on₃jua'₅₄ a₂dse₃ dsón'₂ lia'₂ dsi₂jio₅ dsí₅. A₂'no'₂ jui₅ a₂téi'₄ 'nia'₂ jniá₂, ia₁jaun₂ le₃dsen₅₄ 'au'₂ a₂'éin'₄ guioin₅₄. ¹⁸A₂dsón'₂ a₂dse₃ bá₄ jaun₂ a₂cuē'₅ dsa₂ bí₂ riin'₅₄, chi₂jua'₂ a₂jaun₂ bá₄ a₂dse₃ a₂dsi₂jio₅ dsí₅. La₁ jui₁jmo₁₂ le₂jaun₂ co₂tan₅₄, on₃jua'₅₄ rē'₂ jmá'₃ jme₁'en₅₄ jniá₂ quian'₅₄ 'nia'₂. ¹⁹'Nia'₂ chi'₂-guein₂ quiáng₃, con'₂ siá'₂ táng₃ ma₂ñag₅₄ uig₅ o₄quián'₂ 'nia'₂, lín₅ ně₂jag₄ bá₄ jan₂ 'io₅₄ i₂chan₂ uig₅; caun₂ ñag₅₄ uig₅ le₂ně₅ bá₄ ca₂lia'₂ ca₂lín'₃ 'nia'₂ a₂dsi₁nóg'₅ léng'₂ lia'₂ lín₅ Cristo. ²⁰jua'₅₄ mei'₂ bá₄ lé₂ le₃dsió₄ jniá₂ tē₂ně₃ ja₁con'₂ 'nia'₂, ia₁jaun₂ jme₁tsíng₄ 'a₂ lia'₂ dsia₅₄ jág₁ quian'₅₄ 'nia'₂! Ia₁ 'ñio₅ lín₃ tsá₃ guion₅₄ 'a₂ lia'₂ jmo₅₄ quian'₅₄ 'nia'₂.

Jág₁ jág₅ léi₄ ju₁lia'₂ Agar quian'₅₄ Sara

²¹'Nia'₂ con'₂ dsa₂ i₂'niog'₂ tón'₄ táng₃ 'Éi'₃ Juá'₅, ñag₄ caun₂ 'nia'₂ a₂juá'₄ jniá₂ la₂: ¿Tsa₁ ma₂nei'₂ 'nia'₂ a₂juá'₂ 'Éi'₃ jaun₂? ²²Ia₁ juá'₂ Si₂ 'iin₂₃ Abraham, 'éi₂ ně₃ ca₂rě₃chán₃ on₃ ja₁ñi'₅₄. Jan₂ i₂ca₂can₃ dsa₂ mí₂ i₂jme₁jme₂ti₃ ta₁ ne₅₄; jan₂ guē'₂ i₂ca₂can₃ dsa₂ mí₂ quiáin₅ dsón'₂ i₂tsá₃ 'ein₂ ne₄ dsa₂ sián'₂ jme₂ti₃. ²³Guein₂ i₂ca₂can₃ dsa₂ mí₂ i₂jme₂ti₃ ta₁ ne₄ Abraham, ca₂rě₃chán₃ con'₂ lě₅ rē₂chan₂ guein₂ lē₁guein₂, la₁ guein₂ i₂ca₂can₃ dsa₂ mí₂ quián₅ Abraham 'ñiog₅ ně₃ ca₂rě₃chán₃ a₂ca₂rě₃ti₃ jág₁ a₂cuē'₁ quió'₅ Diú₄. ²⁴Jág₁ ně₅, lě₅ caun₂ jág₁ a₂jáng'₅ léi₄. Le₃on₃ 'io₅₄ ně₅ co₂'nió'₄ tin₃ jág₁ a₂l'i'₅₄ Abraham quian'₅₄ Diú₄. Caun₂ jág₁ ně₅ lě₅ co₂'nió'₄ Má'₂ Sinaí a₂jáng'₅ léi₄ tē₂le₃ quió'₅ Agar i₂cán₂ guein₂ i₂'i'₄ 'éi'₃ jme₃ti₃ ta₁ ne₄ dsa₂. ²⁵Jaun₂ lín₅ Agar co₂'nió'₄ Má'₂ Sinaí, a₂chí'₅ 'uē₃ Arabia, a₂lě₅ caun₂ nió'₄ quió'₅ Jerusalén jmi₄ ně₃, ia₁ tion'₅₄ dsa₂ chan₂ ciudad jaun₂ jme₂ti₃ 'éi'₃ co₂dsia₅ quiaín₅₄ chi'₂-guein₂ quiáin₅. ²⁶La₁ ju₁lia'₂ Jerusalén 'mí₂ quió'₅ guei'₅₄ ně₃, rē₂na₄ bá₄ jui₅; jaun₂ ja₁jaun₂ bá₄ lě₅ ně₂jag₄ bá₄ chog₅₄ jniog₄. ²⁷Ia₁ ne₄ Si₂ juá'₂:

Quian₂ o₂'ñió₃ dsi₅, 'ne₂ 'io₅₄ quen₂,

'ne₂ dsa₂ mí₂ i₂tsá₃ guein₂ ma₂can₅,

* 4:6 Abba: co₂'nió'₄ le₃jua'₅₄: “Tia₅₄” quian'₅₄ jág₁ jmei₅ arameo.

'ú₅ co₂mi'₅₄ guio'₅₄ a₂'io'₂ jéng'₂,
 'ne₂ i₂tsá₃ 'e₂ jme₁ma₂cuíng'₂ 'e₂ jaun₂ a₂chang'₂ uig₅.
 Ia₁ tē₂le₃ ju₁n₅ guē₄ guein₂ le₃chan₂ bá₄
 quió'₅ dsa₂ m₁i₂ i₂ca₂téi₂ dsa₂,
 lia'₂ con'₂ guē₄ dsa₂ m₁i₂ i₂chan₂ dsi₂i₂gu₂.†

28 Rin'₅₄ jniog₄, lín'₅ bá₄ 'nia'₂ ju₁lia'₂ Isaac; lín'₅ 'nia'₂ chi'₂-guein₂ con'₂ lē₅ jág₁ ca₂cuē₃ Diú₄. 29 Le₂nē₅ bá₄ ju₁lia'₂ jmig₄ jaun₂, ja₁ñi'₅₄ i₂ca₂rē₃chán₃ con'₂ lē₅ rē₂chan₂ ca₂le₃jín₃, qui₂ca₂co₃'ein₃ bá₄ ja₁ñi'₅₄ Abraham i₂ca₂rē₃chán₃ con'₂ ta₁ quió'₅ jme₂dsí₂, le₂nē₅ bá₄ lē₅ rē₂nē₃ ján₃. 30 ¿La₁ 'e₂ juá'₂ ne₄ Si₂? Juá'₂: “Dsen₅₄ dsi₂néi₂ 'io₅₄ i₂jme₂ti₃ ta₁ ne'₅₄ nē₅ lia'₂ jma₃quiai₅₄ ja₁ñi'₅₄, ia₁ lia'₂ o₁líg'₂ jmig₄ jua'₅₄ ja₁ñi'₅₄ 'io₅₄ 'lian'₅₄ nē₅ ca₂tín₂ tñ₅₄ a₂dse₃ a₂ca₂tín₂ ja₁ñi'₅₄ 'io₅₄ i₂jñ₅₄.”‡ 31 Jaun₂ nē₃, rin'₅₄ jniog₄, tsá₃ lág₅ jniog₄ chi'₂-guein₂ quián₅ 'io₅₄ i₂co₂'nió'₄ chi₁'ñe'₅₄ 'éi₂. Lág₅ bá₄ jniog₄ chi'₂-guein₂ quián₅ 'io₅₄ i₂jñ₅₄ § bá₄.

5

Tiá₂ nau₂ 'nia'₂ ju₁i₅ rē₂na₄

1 Cristo ca₂chéi'₂ jniog₄, ia₁ jaun₂ tsá₃ ma₃le₃chong₂ jua'₅₄ a₂le₁'ñei'₅₄ guē₄. Jaun₂ tiá₂ nau₂ 'nia'₂ ju₁i₅ rē₂na₄, tsá₃ ma₃tón'₂ 'nia'₂ táng₃ uig₅ 'éi'₃ guei₂ co₂'nió'₄ a₂jmo₅ a₂rē₂'ñe'₅₄ dsa₂. 2 Jaun₂ rē₂ nei₂ 'nia'₂. Jniá₂ Pa₄, juí₂ 'nia'₂: Nē₁jua'₂ cuín'₅ 'nia'₂ a₂ti₃ dsa₂ ni₁lo'₄, jaun₂ dsióg₅ 'i₁ca₂juig₄ tsá₃ 'e₂ ta₁ tén₄ Cristo ja₁con'₂ 'nia'₂. 3 'Nio₃ jniá₂ juá'₄ táng₃: nē₁'ein₂ cuín₅ a₂ti₃ dsa₂ ni₁lo₁₂, ca₂tñ₂ jme₃ti₃ ca₂le₃jě₃ 'éi'₃ qui₅ Si₂ quió'₅ Moisés. 4 'Nia'₂ i₂'náu'₂ ju₁i₅ a₂guéi'₂ Diú₄ a₂lín'₅ dsa₂ dsen₃ tē₂le₃ 'uig₅₄ ia₁ a₂rē₂ten'₅₄ 'nia'₂ 'Éi'₃, ca₂dsióg₃ táng₃ co₂dsia₅ ma₂ca₂'nia'₅₄ bá₄ 'nia'₂ jág₁ quian'₅₄ Cristo; ma₂i₂uín'₃ bá₄ táng₃ 'nia'₂ ja₁dsia₅ Diú₄ 'ua₁ dsí₅ ja₁con'₂ 'nia'₂. 5 Ia₁ tē₂le₃ quian'₅₄ Jme₂dsí₂, tē₂le₃ jñia'₅₄ 'a₂ con'₂ 'éin₂ bá₄ jniog₄, chong₂ a₂'ín₂ dsi₅ le₁jñia₁ ajá₅ caun₂ jmig₄ jē₁léi₂ dsón'₂ jniog₄ dsa₂ dsen₃. 6 Ia₁ nē₁jua'₂ chong₂ le₃quió'₅ Cristo Jesús, tsá₃ 'e₂ ta₁ jmo₃ o₁jñia'₅₄ a₂rē₂uing₄ o₃ tsá₃ rē₂uing₄ 'e₂ lo₄ dsa₂. Ia₁ a₂le₃'éin₂ bá₄ tē₃dsón'₂ quen₅, a₂le₃jniá₂ tē₂le₃ quian'₅₄ a₂jme₁'nió₄ jniog₄ rin'₅₄. 7 Dse₃ bá₄ lia'₂ con'₂ jme₁ma₂ja₂nó'₅ 'nia'₂. ¿'Ein₂ bá₄ ca₂jmo₃ jnág₅ ju₁i₅ jaun₂ tsá₃ ma₃nág'₁ gau₂ jág₁ a₂tí₅ dsón'₂? 8 On₃jua'₅₄ a₂jaun₂ a₂ma₂tē₅ Diú₄ 'nia'₂ jua'₅₄ a₂jmo₂' le₂nē₅. 9 Lē₅ ju₁lia'₂ juá'₂ jág₁ quió'₅ dsa₂ ma₂líg'₂: “Quian'₅₄ ca₂juig₄ bá₄ ju₁i₅ levadura, jmo₃ ta₁ guion'₂ ca₂le₃jě₃ ti₁can₁.” 10 Caun₂ bá₄ 'ei₅ dsi₃ tē₂le₃ ja₁con₂ Te₁gui'₅₄, a₂tsá₃ ma₃dsi₃jio₅ 'au'₂ 'nia'₂ le₂siá'₂; Diú₄ bá₄ 'ē₂ uig₅ quió'₅ dsa₂ i₂chi₂jan₅ chi₂nei₂₃ jág₁ jin'₄ 'nia'₂, tsá₃ a₂lē₅ jaun₂ ju₁i₅ 'éin₂ guē₃. 11 Tē₂le₃ quió₃ guē₂ rin'₅₄ jniog₄, jua'₅₄ mei'₂ guē₃ ñi₅ jniá₂ te₁neg'₅₄ dsa₂ a₂ti₃ lo₅₄, ¿'e₂ guē₂ lē₃ qui₂co₂'ein₅ dsa₂ jniá₂? Jág₁ dse₃ a₂rē₂'ē₂ quió'₅ Cristo a₂ca₂join₃ ne₄ cróg₄, tsá₃ 'lig'₅₄ jme₁tñ₃ jua'₅₄ mei'₂ guē₃ le₂jaun₂. 12 La₁ ju₁lia'₂ dsa₂ i₂cuē₅ o₂me'₅₄ dsi₅ 'nia'₂ a₂'ē₂₃ a₂ti₃ dsa₂ lo₅₄, jua'₅₄ co₂ñei'₅₄ bá₄ ti₃ quió'₅ guioin₅₄!

13 Ia₁ 'nia'₂, rin'₅₄ jniog₄, ma₂ca₂rē₃té₄ a₂lén'₂ 'nia'₂ dsa₂ i₂i₂nio₄ lon₄. Jñia'₅₄ lia'₂ tsá₃ cuín₅ 'nia'₂ jmig₄ jua'₅₄ a₂jme₁ti'₄ guē₄ 'nia'₂ a₂mi₅ ni₁ñi'₁ ia₁ a₂lín'₅ dsa₂ i₂ma₂lón₂. Tē₂le₃ jme₁ti₁ 'nia'₂ ja₁con₂ ríng'₂ le₂jang'₂ le₂jang'₂, tē₂le₃ ia₁ a₂'nió'₃ 'nia'₂ ríng'₂. 14 Ia₁ quian'₅₄ ca₂jon₄ jág₁ bá₄ a₂rē₂'ñia₅ ca₂le₃jě₃ 'Éi'₃ Juá'₅: “Jme₁'nió₄ dsa₂ mi₂güí₃ ríng'₂ ju₁lia'₂ 'nió₃' 'ñiag'₂.”* 15 La₁ nē₁jua'₂ tion'₅₄ 'nia'₂ quíng'₅ ríng'₂ quian'₅₄ i₂la₂ i₂ó₃, tē₃ñi'₅₄ quián'₂ 'nia'₂ ia₁ con'₂ tsá₃ ñó₅ nē₁jua'₂ guion'₅₄ bá₄ 'nia'₂ qui₂co₂dsi₃'éng'₅.

A₂ lia'₂ le₃chan₂ dsa₂ tē₂le₃ quió'₅ Jme₂dsí₂ mi₂güí₃ la₂

16 A₂la₂ bá₄ a₂juí₂ jniá₂ 'nia'₂: Ju₁le₂chan'₂ bá₄ 'nia'₂ con'₂ lē₅ jio₅ Jme₂dsí₂, jaun₂ bá₄ dsióg₄ a₂tsá₃ ma₃jme₁ti'₄ 'nia'₂ a₂mi₅ ni₁ñi'₁. 17 Ia₁ ca₂le₃jě₃ a₂'ín₅ dsí₅ ni₁ñi₁ dsa₂, 'io'₅₄

† 4:27 Isaías 54:1. ‡ 4:30 Génesis 21:10. § 4:31 o₃, “io₅₄ i₂lon₄.” * 5:14 Levítico 19:18.

Jme₂dsí₂ quián₅ Diú₄. Ján₃ guë'₂ le₂jaun₂ a₂ín₅ dsí₅ Jme₂dsí₂ 'io'₅₄ ni₁ñí₅ táng₃. Tsá₃ jein'₂; lë₅ 'nei₂. 'Uig₅₄ jaun₂ bá₄ tsá₃ lé₂ le₃jmó'₂ 'nia'₂ a₂'nig'₂. ¹⁸ Ia₁ nē₁jua'₂ jiog₅ Jme₂dsí₂, tsá₃ ma₃tiong'₅₄ 'Éi'₃ Juá'₅. ¹⁹ Ia₁ a₂rē₂jniá₂ dse₃ bá₄ 'a₂ lia'₂ lë₅ chan₂ dsa₂ i₂i₂nio₄ con'₂ lë₅ 'ñio₂ dsí₅ ni₁ñí₁₂: nió'₅ jág₁ a₂tsá₃ dsi₂ten₅₄ nió'₃; i₂nioi₅₄ 'ñio₅ lë₁'ñioi₅ 'e₂ guë'₃ a₂jmo₅-dsáu₅; tsá₃ con₂ dsí₅; ²⁰ qui₂jme₂gain₃ diú₄ lag₄; jmo₂₃ mí₅ a₂chan₂ dsí₅; † i₂'ñia₅₄ dsa₂ mi₂güig₃ rin'₅₄; i₂qui₂tsin₅ quian'₅₄ rin'₅₄; i₂dsí₅ 'uin₅ dsí₅; i₂caun₂ lë₁rē₂'ne₂; i₂'ë'₂ a₂cha₂ quió'₅; i₂dsia₅ mi₅₄ jmo₅ le₁dson₅₄ dsa₂; i₂jmo₅ jmá'₃ co₂nió'₃ quian'₅₄ riin'₅₄; ²¹ i₂uig₅ dsí₅; [i₂jme₂dsian₅ rin'₅₄]; † i₂i₂nio₄ lë₁'en₅; qui₂jmo₂₃ jmig₄ ja₁qui₂jmo₅-dsáu₅ a₂'lig'₅₄ nē₃. 'Lióng₂ bá₄ guë'₄ a₂siá'₂ jmo₅ i₂lin₅₄ a₂mei'₂ tsá₃ co₂rē₂ ján₃. Jaun₂ 'ë₅ jniá₂ jág₁ tē₃jñiá₅, jui₁lia'₂ ma₂juá'₃ jniá₂ le₂jñiá₅ ma₂juig₂ 'nia'₂, ca₂le₃jín₃ dsa₂ i₂qui₂jmo₅-dsáu₅ a₂nē₅ o₁lig'₂ jmig₄ tsá₃ tñn'₄ ja₁gon₂ Diú₄. ²² La₁ le₂la₂ bá₄ chan₂ dsa₂ i₂jio₅ Jme₂dsí₂: A₂'nioi₃ riin'₅₄; chain₂ o₂'ñió₃ dsí₅; tei₄ le₁'ág₄ dsí₅ nē₃, ton'₂ juin'₂ dsí₅ llin₅; 'ñio₂ dsí₅ quian'₅₄ riin'₅₄; jmo₂₃ a₂dse₃ dsí₅ ja₁con₂ riin'₅₄ nē₃; tí₅ jág₁ quió'₅ nē₁'e₂ jág₁ jmo₂₃ quian'₅₄ riin'₅₄. ²³ 'Ua₁ dsí₅ llin₅ ja₁con₂ riin'₅₄; ñi₅ 'a₂ lia'₂ jme₃'uáin₂ dsí₅ 'ñiog₅ 'e₂ jme₁ja₂ dsí₅ jmo₃. 'I₁caun₂ 'éi'₃ tsá₃ cha₂ jua'₅₄ a₂lé₂ le₃'liog'₃ quió'₅ dsa₂ i₂chan₂ le₂nē₅. ²⁴ Ia₁ dsa₂ i₂ma₂lín₅ quián₅ Cristo, nē₂jag₄ bá₄ a₂ma₂ca₂i₃lé₂ ne₄ cróg₄ ca₂le₃jě₃ lia'₂ lë₅ jme₁lín₄ chain₂ mi₂güig₃, co₂dsia₅ quian'₅₄ a₂jme₁'ín₅ dsí₅, a₂jme₁qui₂dsi₂jio₅ dsí₅ jmo₃ nē₃. ²⁵ Le₂nē₅ chi₂jua'₂ chong₂ jniog₄ tē₂le₃ quian'₅₄ Jme₂dsí₂, ján₃ bá₄ jui₁i₁nio₁ jniog₄ lia'₂ jiog₅ Jme₂dsí₂. ²⁶ Tsá₃ ca₂tág₂ jniog₄ jmó₁ táu'₅, on₃ guë'₂ dsiá₁ mi'₅₄ le₂jau₂ le₂jau₂, on₃ guë'₂ jmó₁ uig₅ dsí₅ quian'₅₄ rin'₅₄.

6

Jme₁'on₁ 'nia'₂ ríng'₂ le₂jang'₂ le₂jang'

¹ Rin'₅₄ jniog₄, nē₁'ein₂ 'nia'₂ ca₂tán'₂ dso₄, 'nia'₂ guë'₂ con'₂ i₂ma₂jio₅ Jme₂dsí₂, ca₂tñn'₂ 'nia'₂ jme₁oin'₁, ia₁jaun₂ roin'₂ táng₃, jmó'₂ 'nia'₂ 'ua₁ 'au'₂ ja₁coin₂. La₁ 'í₁ jmo₄, ia₁ con'₂ tsá₃ ñó₅ nē₁le₂jio₅ 'ñiag'₂ ca₂táng'₂ ján₃. ² Jme₁'on₁ 'nia'₂ ríng'₂ le₂jang'₂ le₂jang'₂, chi₂jua'₂ 'e₂ caun₂ o₂me'₅₄ dsí₅ guei₂ quian₅ ríng'₂, ia₁ le₂nē₅ bá₄ le₃ten'₅₄ 'nia'₂ 'éi'₃ a₂ca₂quio₂ Cristo.* ³ Ia₁ nē₁jua'₂ chan₂ 'ein₂ llin₂ tñn₂ jmo₂₃, nē₁jua'₂ tsá₃ 'e₂ ta₁ tén₄ guë'₂ nē₃, jme₂gain₂₃ 'ñiog₅. ⁴ Le₂jan₂ le₂jan₂ bá₄ dsa₂ ca₂tñn₂ con₂ 'í₁ 'a₂ lia'₂ jñia'₅₄ ma₂lë₅ chain₂ guioin₅₄. Nē₁jua'₂ ca₂rē₃lí₄ rē₂ ma₂chain₂, tióin₂ dse₃ guioin₅₄ bá₄, on₃jua'₅₄ jñia'₅₄ 'nio₃ chein'₃ dse₃ o₄quió'₄ i₂sián'₂. ⁵ Ia₁ i₂jma₃quén₅ cán₂ guei₂ o₂me'₅₄ dsí₅ guion₅₄ bá₄ dsa₂ le₂jain₂ le₂jain₂. ⁶ Jui₁lia'₂ dsa₂ i₂rē₂tñn₂ jág₁ quió'₅ Diú₄, ca₂tñn₂ jme₃oin₅₄ tē₅ quián₅ quian'₅₄ ca₂le₃jě₃ ne₅₄ a₂dse₃ a₂cha₂ quió'₅. ⁷ Tsá₃ lë₁jme₂gán₁ 'nia'₂ 'au'₂ guiong₅₄: ia₁ 'i₁jan₂ tsá₃ 'ein₂ lé₂ lë₁co₃jmá'₂ Diú₄, ia₁ chi₂jua'₂ 'e₂ caun₂ a₂jne₅ dsa₂, a₂jaun₂ bá₄ ráu₃ quió'₅. ⁸ Jui₁lia'₂ jan₂ dsa₂ i₂jne₅ a₂ín₅ dsí₅ ni₁ñí₁ 'ñiog₅, jui₅ ni₁ñí₁₂ jaun₂ bá₄ ro'₂ 'mú₃; la₁ dsa₂ i₂jne₅ tē₂le₃ quió'₅ Jme₂dsí₂, jui₅ Jme₂dsí₂ bá₄ ráu₃ quió'₅ ján₃ a₂le₃chain₂ co₂tan₅₄. ⁹ Le₂nē₅ bá₄, tsá₃ lë₁o₁'ú'₄ dsí₅ jniog₄ a₂jmó₁ a₂dse₃; ia₁ nē₁jua'₂ tsá₃ ca₂ág₂ caun₂-tñn₃ dsí₅ jniog₄, já₅ bá₄ jmig₄ tē₅₄ a₂ráu₃ quián₂. ¹⁰ Jaun₂ lë₃, lia'₂ co₂ráun₂ lé₂ le₃jmó₁, o₁jmó₁ jniog₄ a₂dse₃ ja₁con₂ ca₂le₃jín₃, la₁ ja₂lin₃ guë'₄ le₃ja₁con₂ rin'₅₄ jniog₄ i₂'én₂.

'Ē₂ guë'₄ jág₁ tē₃jñiá₅, jē₁'ág₅ jág₁

¹¹ Jag₄ 'nia'₂ quian'₅₄ letras ca₁ca'₅₄ jmo₂₃ quian'₅₄ gu₃ 'ñió₃, † si₂ a₂tsíng₂ ne'₅₄ 'nia'₂. ¹² Dsa₂ i₂jñia'₅₄ 'nio₃ le₃jñiai₂ tióin₂ dse₃, chi₂quián₂ jmig₄ 'nia'₂ a₂tí'₁ 'nia'₂ lo'₅₄; jmo₂₃ le₂jaun₂ ia₁jaun₂ tsá₃ 'ein₂ co₃'ein₃ 'uig₅₄ ne₄ jág₁ quió'₅ cróg₄ quió'₅ Cristo. ¹³ Ca₂lia'₂ jñia'₅₄ guion₅₄ dsa₂ i₂ti₅ lo₄ 'éi₂, tsá₃ a₂jaun₂ jme₂ti₃ a₂juá'₂ ca₂le₃jě₃ 'Éi'₃ Juá'₅ jaun₂. La₁ 'nio₃ nē₃ a₂tí'₁ 'nia'₂

† 5:20 griego: farmakeía. † 5:21 A₂lin₅₄ chog₅₄ si₂ tsá₃ le₁ton₅ jág₁ nē₅. * 6:2 'Nio'₂ ja₁ton₅ Juan 13:34. † 6:11 'Nio'₂ ja₁ton₅ 1 Corintios 16:21; Colosenses 4:18; 2 Tesalonicenses 3:17; Filemón 19.

quiáng'₂, ia₁jaun₂ le₃jmo₃ táin'₅ ja₁con₂ ni₁ñi'₁ 'nia'₂. ¹⁴ La₁ jniá₂ ně₃, o₁líg'₂ tsá₃ 'nio₃ jmo₅₄ táng'₅, jñia'₅₄ lia'₂ le₃quió'₅ 'mú₃ a₂ca₂i₃ñí₂ Te₁gui'₅₄ Jesucristo quián₂ jniog₄ ne₄ cróg₄ bá₄. Ia₁ 'uig₅₄ a₂ca₂jon₃ Cristo ne₄ cróg₄, ma₂ca₂ñí₂ bá₄ mi₂güí₃ ja₁con₂ jniá₂; jáñ₃ guē'₂ le₂jaun₂ co₂'nió'₄ ma₂jon₅ bá₄ jniá₂ të₂le₃ ne₄ mi₂güí₃. ¹⁵ Jaun₂ ně₃, 'i₁caun₂ tsá₃ 'e₂ quen₅ a₂rë₂uing₄ o₃ a₂tsá₃ 'e₂ rë₂uing₄ lo₄ dsa₂; la₁ a₂léi₂ jniog₄ dsa₂ i₂ma₂ca₂rë₃'mag'₂ të₂dsí₅, a₂ně₅ bá₄ dsón'₂ a₂quen₅. ¹⁶ Të₂le₃ ja₁con₂ ca₂le₃jín₃ dsa₂ i₂i₂nio₄ lia'₂ con'₂ lě₅ jág₁ ně₅, jui₁le₁'ág₄ bá₄ tei₄'au'₂ 'nia'₂, jui₁dsia₅₄ bá₄ Diú₄ ñéi₂ dsí₅ ja₁con'₂ 'nia'₂ i₂lín'₅ të₃dsón'₂ dsa₂ jui₂ quián₅. ¹⁷ Ně₃ ně₃, të₂le₃ ne₄ jui₅ ja₁dsau₅₄ ně₅, 'i₁jan₂ tsá₃ 'ein₂ jui₁cuë₅₄ o₂me'₅₄ dsí₃, ia₁ ma₂quian₄ bá₄ jniá₂ 'ñió₃ léi₄ tio'₅₄ ni₁ñi₃ a₂jáng'₅ jág₁ dsau₅ a₂lín'₅ të₃dsón'₂ jan₂ dsa₂ quián₅ Jesús.

¹⁸ Jui₁jme₂gu'₅₄ bá₄ Te₁gui'₅₄ Jesucristo quián₂ jniog₄ jme₂dsí₂ quián'₂ 'nia'₂, rñ'₅₄ jniog₄. A₂méi₃.
Co₂ně₅.

Si₂ carta a₂ca₂jmo₃ San Pablo ne₄ dsa₂ EFESIOS

Jmo₅ Pa₄ si₂ a₂chein₃ ne₄ Guá'₅ i₂chan₂ juig₂ Efeso

¹ Jniá₂, Pablo, co₂nē₅ ca₂rē₃'ñi₃ó₃ dsí₅ Diú₄, líng₅ jan₂ i₂chen₄ quián₅ Jesucristo. Jmo₅ jniá₂ si₂ la₂ a₂tsing₂ ja₁con'₂ 'nia'₂ i₂tén₅ le₃quíó'₅ Diú₄* i₂chan₂ ciudad Efeso,† ja₁con₂ ca₂le₃jín₃ guē₄ i₂én₂ le₃quíó'₅ Cristo Jesús. ² Jui₁jme₂gu'₅₄ bá₄ Diú₄ Jmei₂ jniog₄, quian'₅₄ Te₁gui'₅₄ Jesucristo nē₃. Jui₁jmo₁₂ bá₄ 'ei₅ tei₄ chan'₂ 'nia'₂.

'A₂ lia'₂ jme₂gu'₅₄ Diú₄ le₃quíó'₅ jme₂dsí₂, o₄quíó'₄ Cristo

³ Jui₁jme₁juin'₂ jniog₄ Diú₄ Jmei₂ Jesucristo Te₁gui'₅₄ quián₂, ia₁ le₃quíó'₅ Cristo bá₄ ma₂ca₂jme₃gu'₅₄ 'éi₂ jniog₄ 'ñio₅ lin₃ quian'₅₄ ca₂le₃jē₃ ne₅₄ a₂dse₃ a₂gu₂dsí₂ a₂já₅ guei'₅₄ i₂juig₃. ⁴ Lia'₂ con'₂ né'₃ a₂jmo₃ Diú₄ mi₂güig₃, ca₂quíó'₂ jniog₄ a₂léi₂ dsa₂ i₂náu₁ le₃quíó'₅ Cristo, ia₁jaun₂ le₃chong₂ le₃ne₅₄ lē₅ 'í₁ quián₅, tsá₃ ma₃'e₂ dsáu₁ jniog₄ cha₂. 'Uig₅₄ ia₁ a₂'nio₃ bá₄ jniog₄, ⁵ ca₂quíó'₂ ca₂le₂jñiá₅, a₂guéi'₂ léi₂ jniog₂ chi'₂-guein₂ quián₅ tē₂le₃ quian'₅₄ Jesucristo, lia'₂ con'₂ lē₅ ca₂l₃jio₅ dsí₅. Ia₁ le₂nē₅ ca₂rē₃'ñi₃ó₃ dsí₅ 'ñiog₅. ⁶ 'Uig₅₄ nē₅ nē₃ jme₂juín'₁ jniog₄ Diú₄ ia₁ 'ua₁ dsí₅ 'ñio₅ lin₃, jaun₂ ca₂jme₃gu'₅₄ jniog₄ le₃quíó'₅ Ja₁ñi'₅₄ i₂ñi₄ 'nioi₃ lin₃. ⁷ 'Éi₂ bá₄ ca₂quí₃ ca₂láu₂ jniog₄ tē₂le₃ quian'₅₄ jmi₂ 'ain₅₄, ca₂'éin₂ dsáu₁ jniog₄ a₂jme₁le₁cáu'₄, tē₂le₃ ia₁ a₂ñi₄ lē₅ 'ua₁ dsí₅. ⁸ A₂dse₃ dsí₅ lin₃ bá₄ Diú₄ ca₂jmo₃ a₂le₃ñi'₂ dsí₅ jniog₄ a₂le₃tag₂ ca₂le₃jē₃, ⁹ a₂ma₂ca₂jme₃jñia₂₃ ja₁con₂ jniog₄ jág₁ quió'₅ a₂jme₁rē₂'ma₄, a₂i₃jio₅ dsí₅ jmo₃, lia'₂ con'₂ lē₅ ca₂rē₃'ñi₃ó₃ dsí₅ jmo₃ a₂dse₃ dsí₅. 'Ñiog₅ bá₄ Diú₄ ca₂lē₃ dsí₅ jmo₃ le₃quíó'₅ Cristo. ¹⁰ Lia'₂ con'₂ lē₅ jág₁, jme₃ti₃ bá₄ lia'₂ tí₅ jág₁ quió'₅ jē₁ma₂ca₂tē₂ jmi₄ a₂'i₄ 'éi'₃ dsia₃ o₄gú₃ Cristo a₂jmo₃ 'éi₂ 'éi'₃ lia'₂ guei'₅₄ i₂juig₃ lia'₂ ne₄ gua'₅₄ 'uē₃.

¹¹ Ján₃ bá₄ le₂nē₅, a₂tióng₂ jnia'₅₄ le₃quíó'₅ Cristo, ca₂quíó'₂ Diú₄ tē₂jñiá₅ lia'₂ con'₂ lē₅ ta₁ quió'₅ a₂ma₂i₂jio₅ dsí₅ jmo₃ le₂jñiá₅. Ia₁ Diú₄ bá₄ i₂jmo₅ 'e₂ niog₅ lē₂, lia'₂ con'₂ lē₅ dsí₂jio₅ dsí₅ jmo₃. ¹² Le₂nē₅ ma₂ca₂jmo₃ ia₁jaun₂ jnia'₅₄ i₂le₂'uig₅₄ 'éi₁ caun₂ dsí₅ tē₂le₃ quió'₅ Cristo, le₃chong₂ jnia'₅₄ jmó₁ juē'₂ a₂co₂tág₅ quió'₅. ¹³ Ján₃ bá₄ le₂jaun₂ jme₁ca₂nei'₂ 'nia'₂ jág₁ tí₅, jme₁ca₂rē₃'ē₂ jág₁ a₂lión₂ dsa₂, jaun₂ ca₂rē₃'én'₂ bá₄ 'nia'₂. Jaun₂ ca₂jme₁quian'₄ bá₄ 'nia'₂ Cristo ca₂lin'₃ 'nia'₂ léi₄ a₂lín'₅ i₂quián₅ Diú₄ tē₂le₃ quian'₅₄ Jme₂dsí₂ Jñi₅ i₂ma₂lē₅ jág₁ cuin₃ Diú₄. ¹⁴ Jme₂dsí₂ Jñi₅ 'éi₂ bá₄ nē₃ lín₅ co₂'nió'₄ caun₂ cu₄ a₂ma₂quiog₂ dsa₂ tē₂jñiá₅ co₂'nió'₄ a₂ma₂lē₅ chi₁quian₅ quián₂ jniog₄ a₂tē₃dsón'₂ guéi₁ a₂ca₂tág₂ a₂cuē₃ Diú₄ jē₁ma₂ca₂'ñia₅ a₂lióin₂ dsa₂ quián₅, ia₁jaun₂ jme₃juē'₂ dsa₂ a₂co₂tág₅ quió'₅.

Mi₅ Pa₄ ne₄ Diú₄ a₂jmo₃ a₂le₃ñi'₂ dsí₅ dsa₂ 'én₂

¹⁵ 'Uig₅₄ jaun₂ jniá₂ nē₃, jme₁ca₂rē₃guion₅₄ a₂'én'₂ 'nia'₂ tē₂le₃ quió'₅ Te₁gui'₅₄ Jesús, con'₂ siá'₂ táng₃ ia₁ 'nió'₃ bá₄ 'nia'₂ ca₂le₃jín₃ i₂tén₅ le₃quíó'₅ Diú₄, ¹⁶ jaun₂ nē₃ ca₂le₃o₃ jmi₄ bá₄ tsá₃ lē₅ jua'₅₄ tsá₃ cuē₅ ti₁'mag'₄ o₄quián'₂ 'nia'₂, 'ín₅ jniá₂ 'nia'₂ ne₅₄. ¹⁷ Caun₂ qui₂mi₅ jniá₂ juig₂ Diú₄ quián₅ Te₁gui'₅₄ Jesucristo quián₂ jniog₄, i₂lín₅ Tia₅₄ juin'₂, jui₁jmo₁₂ bá₄ a₂lén'₂ 'nia'₂ dsa₂ i₂tín₂ i₂niog₅ dsí₄ tē₂le₃ quió'₅ jme₂dsí₂, a₂le₃ñi'₂ 'au'₂ 'nia'₂ a₂jme₃jñia₂₃ ia₁jaun₂ le₃cuin'₂ guē₄ 'nia'₂ dse₃. ¹⁸ Mi₅ jniá₂ ján₃, jui₁jme₂jnio₅₄ ne'₅₄ 'nia'₂, ia₁jaun₂ le₃ñi'₅₄ 'e₂ jaun₂ a₂le₁'ág₄ caun₂ 'au'₂ 'nia'₂ a₂ma₂tē₂₃ a₂cuē₃; a₂quen₅ lin₃ bá₄ ca₂le₃jē₃ a₂jlá'₁ a₂ca₂tín₂ dsa₂ i₂lē₅ 'í₁ quián₅;† ¹⁹ mi₅ jniá₂ jui₁le₂ñi'₅₄ 'nia'₂ ján₃, 'e₂ guē₄ tson₂ juē'₂ bí₂ quió'₅, a₂niog₅ jmo₂₃ le₃quián₂ jniog₄ i₂'éin₂. Jui₅bí₂ nē₅ nē₃ a₂le₂jaun₂ bá₄ nē₅ jui₁lia'₂ a₂ca₂jme₃jñia₅ Diú₄ ²⁰ jme₁ca₂jme₃jein'₅₄ Cristo ja₁jme₁rē₂'lín₅₄ a₂ca₂dsiog₃ jaun₂ nē₃ le₃gu₂ ne₁ quió'₅, guei'₅₄

* 1:1 lit. “dsa₂ jñi₃ó₅.” † 1:1 A₂lin₅₄ chog₅₄ si₂ tsá₃ chi₁ton₅ “ciudad Efeso.” ‡ 1:18 lit. “a₂ca₂tín₂ dsa₂ jñi₃ó₅.”

i₂juíg₃. ²¹ Ja₁jaun₂ ca₂dsiog₃ ca₂'ag₃ a₂lín₅ ta₁ jué'₂ lín₃ a₂goin₂ ne₄ quió'₅ ca₂le₃jě₃ 'éi'₃, ne₄ quió'₅ ca₂le₃jě₃ jui₅bí₂ a₂cha₂. 'Éi₂ bá₄ juin'₂ ne₄ quió'₅ ca₂le₃jín₃ dsí₂tan₅₄ i₂'uan'₂ gon₂, ne₄ ca₂le₃jín₃ i₂juin'₂ i₂lín₅ juig₅₄, ján₃ bá₄ 'éi₂juin'₂ ne₄ ca₂le₃jě₃ ne₅₄ ta₁ a₂lé₂ le₃lén₂ dsa₂, on₃jua'₅₄ jmá'₃ mi₂güig₃ la₂, ñó₅ ně₅ jmo₂₃ 'éi'₃ le₂tan₅₄ mi₂güig₃ caun₂. ²² O₄tag₄ Cristo bá₄ ca₂ton'₂ Diú₄ ca₂le₃jín₃ i₂chan₂, ca₂le₃jě₃ a₂cha₂ ně₃, jaun₂ 'ñiog₅ gué'₂ Cristo ca₂'in₃ a₂lín₅ mi₂dsi₄ ne₄ ca₂le₃jě₃ le₃quió'₅ guá'₅ quián₅. ²³ Jaun₂ guá'₅ quián₅ ně₃, lě₅ co₂'nió'₄ ni₁ñi₁₂ 'ñiog₅ a₂rě₂'ñia₅ ta₁jain₂; jaun₂ Cristo 'ñiog₅ bá₄ jme₃'ñia₂₃ ca₂le₃jě₃ gué'₄ a₂'nió'₅ ca₂le₂con₂.

2

Ca₂rě₃chóng₃ jniog₄ le₃quió'₅ Cristo

¹ 'Nia'₂ ně₃, jme₁tiong'₅₄ le₂jñiá₅ líng'₅ 'lag₄ ne₄ 'uig₅₄ a₂jme₁i₂niog'₅₄ i₁juing'₅₄, le₁cáng'₄ dsáu'₂, ² lia'₂ con'₂ jme₁chang'₂ tiong'₅₄ 'éng'₅ jui₅ con'₂ lě₅ jiog₅ mi₂güig₃ la₂, jme₁jme₂tí'₁ 'nia'₂ con'₂ lě₅ 'ñio₂ dsí₅ jme₂dsí₂ i₂gon₂ ne₄ 'éi'₃ a₂cha₂ jě₄ dsí₂, i₂jmo₅ ta₁ tē₂dsí₅ jaun₅ dsa₂ i₂tsá₃ ne'₅₄, i₂tsá₃ gan₃ Diú₄. ³ Le₂ně₅ bá₄ jme₁i₂niog₄ jniog₄ ján₃, jmi₄ jaun₂, jme₁chong₂ jme₁jme₂tí'₁ 'a₂ con'₂ lě₂ dsi₄ guio₅₄, jme₁jme₂tí'₁ a₂mi₅ ni₁ñi₁₂. 'Uig₅₄ lia'₂ con'₂ lě₅ jme₁lág₄ jniog₄ jme₁ca₂tág₂ guéi₁ co₂rě₂ uig₅ gau₂ quió'₅ Diú₄, jui₁lia'₂ lě₅ tñ₃ ca₂le₃jín₃ i₂sián'₂. ⁴ La₁ Diú₄ ně₃, 'uig₅₄ ia₁ a₂ñí₄ lě₃ néi₂ dsí₅ bá₄, ca₂rě₃'nio₃ lín₃ jniog₄. ⁵ Ca₂to'₂ jme₂dsí₂ ca₂jme₃jein'₅₄ jniog₄ co₂lě₅ quian'₅₄ Cristo, lia'₂ con'₂ jme₁lág₄ gué'₄ jniog₄ 'lag₄ 'uig₅₄ dsáu'. Ia₁ jmá'₃ lia'₂ quian'₅₄ a₂'ua₁ dsí₅ Diú₄ 'ñiog₅ bá₄ ma₂lón'₂ 'nia'₂. ⁶ Jaun₂ le₂ně₅ ca₂chó'₂ co₂lě₅ quian'₅₄ Cristo Jesús jaun₂ ma₂ca₂dsiog₃ co₂lě₅ quiong'₅₄ guei'₅₄ i₂juíg₃. Le₂ně₅ ma₂ca₂jmo₃ ca₂le₃jě₃, ne₄ 'uig₅₄ ia₁ a₂chong₂ jniog₄ rě₂ně₃ le₃quió'₅ Cristo Jesús. ⁷ Le₂ně₅ ca₂cuě₃ léi₄ a₂'nio₃ jniog₄ 'ñio₅ lín₃ ca₂le₃jě₃ jmi₄ ja₁já₄ ně₅, 'a₂ lia'₂ ñí₄ lě₃ tson₂ a₂'ua₁ dsí₅ a₂ca₂jmo₃ dse₃ dsí₅ ia₁ a₂chong₂ le₃quió'₅ Cristo Jesús. ⁸ Ně₃ ně₃, tē₂le₃ ia₁ a₂'ua₁ dsí₅ bá₄ Diú₄ ma₂ca₂lón'₂ 'nia'₂, tē₂le₃ ia₁ a₂'éng'₂. A₂ca₂lón'₂ 'nia'₂ ně₅ ně₃, on₃jua'₅₄ ia₁ 'e₂ cha₂ tñ₂ 'nia'₂ jua'₅₄ a₂ma₂jmo'₅₄ guiong'₅₄; a₂lě₁ca₂ñi'₂ bá₄ 'nia'₂ ně₅ ca₂cuě₃ Diú₄. ⁹ On₃jua'₅₄ tē₂le₃ quian'₅₄ a₂jmo₅ dsa₂ guioin₅₄ ia₁jaun₂ 'i₁jan₂ tsá₃ 'ein₂ jmo₃ tán'₅. ¹⁰ Ia₁ lág₅ bá₄ jniog₄ co₂'nió'₄ ta₁ quió'₅ Diú₄ 'ñiog₅; ca₂jmóg'₂ jniog₄ le₃quió'₅ Cristo Jesús ia₁jaun₂ quián₁ jui₅ jmó₁ a₂dse₃, jui₅ a₂ma₂ca₂jmo₃ 'éi₂ co₂jñia₅₄ a₂i₁nió₁.

Ei₅ tei₄ dsí₅ jniog₄ le₃quió'₅ Cristo

¹¹ Le₂ně₅ bá₄, jui₁dsiog'₂ 'au'₂ 'nia'₂ 'a₂ lia'₂ jme₁lín'₄ le₂jñiá₅. 'Nia'₂ con'₂ i₂lín'₅ dsí₂nau₂ i₂tsá₃ rě₂uig₄ lo₄, quiong₅ dsa₂ i₂rě₂uig₄ lo₄, (ta₁ jaun₂ a₂jmo₅ dsa₂ mi₂güig₃ quian'₅₄ gu₂); ¹² jui₁dsiog'₂ 'au'₂ 'nia'₂: jmi₄ jaun₂ lia'₂ con'₂ jme₁chang'₂ tsá₃ I₂rě₂'ín₁ quián₅ Diú₄ jme₁chan₂ ja₁con'₂ 'nia'₂; uing₂ bá₄ jme₁tión'₂ 'nia'₂ ja₁lě₄ juig₂ Israel, tsá₃ jme₁cuin'₂ 'nia'₂ jág₁ a₂jme₁li'₅₄ dsa₂ juig₂ quián₂ jnia'₅₄ quian'₅₄ Diú₄. Jme₁chan'₂ 'nia'₂ mi₂güig₃ la₂ tsá₃ Diú₄ chan₂ quián'₂ 'nia'₂ on₃ gué'₂ jme₁cha₂ jmi₄ jua'₅₄ a₂jme₁tín'₄ 'nia'₂. ¹³ La₁ rě₂ně₃ ně₃, ma₂quian'₅₄ 'nia'₂ Cristo Jesús, 'nia'₂ i₂jme₁tíong'₂ uing₂ le₂jñiá₅. Quián₅ bá₄ ma₂tíong'₂ rě₂ně₃ tē₂le₃ quian'₅₄ jmi₂ 'an₅₄ Cristo. ¹⁴ Le₂ně₅ bá₄ ca₂dsióg₃: 'ñiog₅ bá₄ Cristo i₂jmo₅ 'ei₅ tei₄ quián₂ jniog₄. 'Éi₂ bá₄ ca₂jmo₃ ně₃ ca₂chain'₃ co₂ñei'₅₄ jnia'₅₄ dsa₂ judíos quian'₅₄ 'nia'₂ dsí₂nau₂, caun₂ juig₂ bá₄ ca₂jmo₃, ca₂góin₂ bá₄ co₂'nió'₄ ni₁'ia'₂ a₂jme₁chí'₄ a₂jáng'₅ léi₄ a₂jme₁jmo₅ jma₃quén₅ jin₄ jniog₄. ¹⁵ Quian'₅₄ ni₁ñi₁₂ 'ñiog₅, ca₂jme₃dsiain₂₃ 'Éi'₃ Juá'₅ a₂jme₁tē₂néi'₂ chi₂quióng₂ jmi₄ jmá'₃ 'éi'₃. Ca₂lě₃ bá₄ ně₃ lia'₂ con'₂ lě₅ ca₂i₃jio₅ dsí₅, ca₂jmo₃ caun₂ juig₂ 'mí₂ quió'₅ 'ñiog₅, ca₂'ág₂ tei₄ quió'₅ dsa₂ le₃tñ₃ juig₂. ¹⁶ Le₂ně₅ bá₄ ca₂dsióg₃ ca₂lě₃ co₂'nió'₃ dsa₂ jě₁ca₂le₃jín₃. Tē₂le₃ quian'₅₄ 'mú₃ quió'₅ ne₄ cróg₄, ca₂jme₃dsian₅ Cristo mi'₅₄ a₂jme₁nió'₅ le₃tñ₃ juig₂, ca₂'ág₂ caun₂ jág₁ quian'₅₄ Diú₄. ¹⁷ Ca₂guan₃ Cristo quian₅ jág₁ dse₃ a₂'ag₃ tei₄ quió'₅ ca₂le₃jín₃: le₃quián'₂ 'nia'₂ dsa₂ i₂jme₁tión₂ uing₂, lia'₂ le₃quián₂

jnia'₅₄ dsa₂ judíos i₂jme₁tio'₅₄ quián₅. ¹⁸ Jaun₂ të₂le₃ quian'₅₄ Cristo, lé₂ le₃jme₁quián₄ jniog₄ ja₁con₂ Tia₅₄ quián₂ të₂le₃ quian'₅₄ jan₂ Jme₂dsí₂, tsá₃ a₂nag₅₄ o₁jñia'₅₄ la₂ lág₅ jniog₄ dsa₂ judíos o₃ dsí₂nau₂ 'e₂. ¹⁹ 'Uig₅₄ nē₅, ma₂lín'₅ bá₄ 'nia'₂ co₂'nió'₄ dsa₂ i₂én₂ rín'₅₄ jniog₄ i₂lě₅ 'í₁ quián₅ Diú₄; * tsá₃ ma₃lín'₅ 'nia'₂ dsí₂nau₂ jua'₅₄ tsá₃ cuín₅ jniog₄ rín'₅₄. Ma₂lín'₅ 'nia'₂ chi'₂-guein₂ quián₅ Diú₄ nē₃. ²⁰ Ca₂dsióg₃ lín'₅ 'nia'₂ co₂'nió'₄ caun₂ 'né₅ pa₁; lín'₅ 'nia'₂ ján₃ co₂'nió'₄ ni₁cang₁ a₂jui₅ dsa₂ ne₄ 'uig₅₄ 'ia'₂ a₂ca₂chi'₃ dsa₂ i₂chen₄ quián₅ Jesús, quian'₅₄ dsa₂ i₂jme₁'ě₂ jág₁ o₄quió'₄ Diú₄ ma₂líg'₂. 'Niog₅ guě'₂ Jesucristo lín₅ co₂'nió'₄ ni₁cang₁ a₂dsen₅₄ guě₄. ²¹ Le₃quió'₅ 'éi₂ nē₃, tsau₂ ta₁ ta₁caun₂ tsi'₁nē₅, lě₂ rě₂juí₄ rě₂, ca₂lia'₂ ca₂dsióg₃ lé₂ caun₂ guá'₅ a₂lě₅ 'í₁ quió'₅ Te₁gui'₅₄. ²² Le₃quió'₅ 'éi₂ nē₃, 'nia'₂ bá₄ ján₃ líng'₅ co₂'nió'₄ ni₁cang₁ a₂caun₂ jui₅ ni₁'ia'₂, ca₂lia'₂ ca₂dsi₃nó'₅ 'nia'₂ léng'₂ caun₂ dsí₂néi₂ ja₁guá₄ Diú₄ a₂gu₂dsí₂.

3

A₂niog₅ gu₂ Pa₄ qui₃'ě₂ jág₁ dse₃ ja₁con₂ dsí₂nau₂

¹ 'Uig₅₄ nē₅ bá₄ nē₃, jniá₂ Pa₄, jme₂juíng'₁ Diú₄, ton'₂ rě₂'eng₅₄ né'₃ 'má₃ 'uig₅₄ quió'₄ Cristo Jesús a₂dse₃ o₄quián'₂ 'nia'₂ i₂lín'₅ dsí₂nau₂. ² Líng₂ a₂ma₂le₁ñi'₅₄ dsón'₂ bá₄ 'nia'₂ a₂dse₃ dsí₅ Diú₄ ma₂ca₂dsia₃ gu₃ ta₁ la₂, a₂dse₃ o₄quián'₂ 'nia'₂. ³ Ma₂ca₂rě₃ñi'₅₄ bá₄ 'nia'₂ jág₁ a₂jme₁rě₂'ma₄ le₂jñiá₅, 'e₂ a₂niog₅ dsí₅ jmo₃; ca₂jmo₃ ca₂rě₃guion₅₄, jui₁lia'₂ ma₂juá'₃ ca₂jon₄ jág₁ ne₄ si₂ le₂jñiá₅. ⁴ Jě₁ma₂ca₂'í'₂ 'nia'₂ si₂ nē₅, le₃len'₅₄ 'nia'₂ a₂ma₂ñi'₂ dsí₃ jě₂ jág₁ a₂jme₁rě₂'ma₄ quió'₅ Cristo, ⁵ caun₂ jág₁ a₂tsá₃ 'ein₂ ca₂rě₃ñi₅ ca₃ma₂líg'₂, la₁ rě₂nē₃ nē₃ ma₂ca₂jme₃jnia₅ Jme₂dsí₂ quián₅ Diú₄ ja₁con₂ dsa₂ jñi₅ quián₅: dsa₂ i₂chen₄ quián₅ Jesús, quian'₅₄ ja₁con₂ dsa₂ i₂jme₁'ě₂ jág₁ o₄quió'₄ nē₃. ⁶ Jág₁ a₂ma₂ca₂rě₃jniá₂, a₂la₂ bá₄ jaun₂: të₂le₃ quian'₅₄ jág₁ dse₃ a₂lión₂ dsa₂, tñ₃ dsí₂nau₂ gue₃ a₂lě₅ jág₁ cuě₃ Diú₄ co₂rě₂ bá₄ quian'₅₄ a₂tñ₃ dsa₂ judíos. Lín'₅ 'nia'₂ dsa₂ i₂tén₅ caun₂ bá₄ ñí₅, ján₃ guě'₂ tñ₃ 'nia'₂ jág₁ a₂ron₅ cuě₁ quió'₅ Diú₄ le₃quió'₅ Cristo Jesús.

⁷ Jág₁ nē₅ ma₂chéng'₅ jmo₂₃ ta₁ a₂'ě₅ jág₁ dse₃, lia'₂ con'₂ lě₅ a₂lě₁ca₂cuě₃ Diú₄ a₂'ua₁ dsí₅, lia'₂ con'₂ lě₅ jmo₅ ta₁ jui₅bí₂ quió'₅. ⁸ O₁jñia'₅₄ la₂ lín₅ jniá₂ jan₂ i₂me'₂ guě₄ con'₂ guě₄ i₂tsá₃ 'e₂ quen₅ jě₄ quió'₅ ca₂le₃jín₃ i₂tén₅ le₃quió'₅ Diú₄, * la₁ 'éi₂ ma₂cuě₃ jniá₂ a₂dse₃ nē₅ a₂'ě₄ jág₁ jñ₄ dsí₂nau₂, caun₂ jág₁ dse₃ a₂le₃chong₂ jniog₄ dse₃ guě₄ lín₃ a₂jme₃gu'₅₄ Cristo, ca₂lia'₂ tsá₃ lé₂ le₃jua'₅₄ a₂le₃ñi'₂ dsí₅ dsa₂. ⁹ Ma₂ca₂dsia₃ gu₃ ta₁ la₂ a₂jme₁jniag₅ ja₁con₂ ca₂le₃jín₃, jág₁ dse₃ a₂jme₁rě₂'ma₄, ca₂le₃ ca₂nio₃ mi₂güig₃, 'a₂ lia'₂ 'nio₃ Diú₄ lé₂. Ia₁ 'éi₂ bá₄ i₂ca₂jmo₃ ca₂le₃jě₃ 'e₂ a₂cha₂. ¹⁰ Ca₂l₃jio₅ dsí₅ jmo₃ të₂le₃ quian'₅₄ dsa₂ quián₅, jui₁le₂ñi₅ ca₂le₃jín₃ i₂'io₅ jui₅bí₂, i₂lín₅ ta₁ tion'₅₄ guei'₅₄, 'lióng₂ ne₅₄ 'ñio₅ lín₃ bá₄ a₂ñi'₂ dsí₅ Diú₄; ¹¹ jaun₂ jui₁le₂ñi₅ bá₄, Diú₄ ca₂jmo₃ le₂nē₅ con'₂ lě₅ i₃jio₅ dsí₅ jmo₃ co₂tan₅₄ të₂le₃ quian'₅₄ Te₁gui'₅₄ Jesucristo. ¹² Tě₂le₃ quian'₅₄ Cristo cha₂ jui₅ quián₂ a₂lě₂ le₃jme₁quián₄ jniog₄ dsiá₁ tiá₂ dsí₅ ja₁con₂ Diú₄, caun₂ bá₄ le₁'ág₄ dsí₅ 'uig₅₄ ia₁ a₂'éin₂ le₃quió'₅ 'éi₂. ¹³ Jaun₂ lě₃, chi₂len'₄ jniá₂ 'nia'₂ a₂tsá₃ 'ág'₂ caun₂-tñ₃ 'au'₂ 'uig₅₄ ia₁ a₂chang₂ ñag₅₄ uig₅ o₄quián'₂ 'nia'₂, la₁ia₁ dse₃ të₂le₃ ja₁con'₂ 'nia'₂, ia₁ le₂nē₅ bá₄ dsí₅ a₂le₃juin'₂ 'nia'₂.

'A₂ lia'₂ tson₂ ca₂rě₃'nio₃ Cristo jniog₄

¹⁴ 'Uig₅₄ nē₅ bá₄, no₂₃ chi₂jne₅₄ ne₄ Diú₄ Jmei₂ Te₁gui'₅₄ Jesucristo, ¹⁵ i₂lín₅ jmei₂ ca₂le₃jín₃ i₂chan₂ guei'₅₄ i₂juig₃ quian'₅₄ i₂chan₂ ne₄ gua'₅₄ 'uě₃. ¹⁶ Mi₅ jniá₂ ne₄ Tia₅₄ a₂jmo₃ të₂'au'₂ 'nia'₂, cuě₃ jui₅bí₂ bēn₂ jlá'₁ quió'₅ të₂le₃ quian'₅₄ Jme₂dsí₂ quián₅, ¹⁷ ia₁jaun₂ të₂le₃ jñia'₅₄ 'a₂ con'₂ 'én'₂ bá₄ 'nia'₂, jiá₃ Cristo ja₃guá₃ të₂'au'₂ 'nia'₂. Le₂nē₅ jě₁ma₂tión'₂ 'nia'₂ tiá₂ lé₂ co₂'nió'₄ qui₂le₁'má₂ jmú₄ ji'₂ lín₃, jme₁'nió'₄ 'nia'₂ ríng'₂. ¹⁸ Mi₅ jniá₂ a₂lě₂ le₃ñi'₂ 'au'₂ 'nia'₂, quian'₅₄ ca₂le₃jín₃ con'₂ i₂ma₂lě₅ 'í₁ quián₅, † a₂juě'₂ lín₃, ton'₂ a₂cu₂ lín₃, ton'₂ a₂ñei₅ lín₃, a₂ji'₂ lín₃ bá₄,

* 2:19 lit. "dsa₂ jñi₅." * 3:8 lit. "ca₂le₃jín₃ dsa₂ jñi₅." † 3:18 lit. "ca₂le₃jín₃ dsa₂ jñi₅."

'a₂ lia' ₂ 'nio₃ Cristo jniog₄. ¹⁹ Mi₅ jniá₂ ne₅₄, jui₁ le₂ cuin' ₂ 'nia' ₂ a₂ nē₅ a₂ lē₅ a₂ juē' ₂ lín₃, on₃ jua' ₅₄ ia₁ a₂ le₃ cuí' ₅ le₃ ŋí' ₂ dsí₅ dsa₂; mi₅ jniá₂ ia₁ jaun₂ le₂ nē₅ tiáng' ₄ le₃ chang' ₂ co₂ ŋei' ₅₄ qui₂ rē₂ rin₅ tē₂ 'au' ₂ ca₂ le₃ jē₃ 'a₂ lia' ₂ lín₅ Diú₄. ²⁰ Jaun₂ nē₃, jui₁ le₂ juin' ₂ bá₄ Diú₄, i₂ lē₂ le₃ jmo₃ tson₂ guē₄ lia' ₂ con' ₂ guē₄ a₂ mi₂ jniog₄, lia' ₂ con' ₂ guē₄ dsí₂ jniog₅ dsí₅ nē₃, tē₂ le₃ quian' ₅₄ bí₂ a₂ jmo₂₃ ja₁ con₂ jniog₄. ²¹ jui₁ le₂ juin' ₂ bá₄ Diú₄ ja₁ con₂ guá' ₅ quiáin₅ tē₂ le₃ quian' ₅₄ Cristo Jesús, ca₂ lia' ₂ con' ₂ tan₅₄ ca₂ le₃ jē₃ tsí₁ jon₂ dsa₂ i₂ ja₃ lén₂ chi₁ quín₃ ca₂ le₃ jē₃ ŋi₂ co₂ tan₅₄! A₂ méi₃.

4

Chong₂ jniog₄ 'ei₅ caun₂ jág₁ tē₂ le₃ quian' ₅₄ Jme₂ dsí₂

¹ Uig₅₄ nē₅ bá₄ nē₃, rē₂ jnig₅ né' ₃ 'má₃ o₄ quió' ₄ Te₁ gui' ₅₄, chi₂ len' ₄ jniá₂ 'nia' ₂ a₂ tiáng' ₄ lia' ₂ con' ₂ dsí₂ ten₅₄ ca₂ tín₂ le₃ chan₂ dsa₂ i₂ tē₄ quián₅ Diú₄, ia₁ a₂ jaun₂ bá₄ ca₂ tē' ₃ 'nia' ₂. ² Jmo₄ 'nia' ₂ meg' ₂, 'ua₁ 'au' ₂ quiang' ₅₄ ríng' ₂. Jmo₄ 'nia' ₂ juin' ₂ 'au' ₂, tió' ₃ 'au' ₂ jmo₄ quiang' ₅₄ ríng' ₂ le₂ jang' ₂ le₂ jang' ₂ ia₁ a₂ 'nió' ₃ ríng' ₂. ³ Dsen₅₄ 'au' ₂ 'nia' ₂ jmo₄ tiong' ₅₄ 'ei₅ tián₂ caun₂ jág₁ tē₂ le₃ quian' ₅₄ Jme₂ dsí₂ Jnió₅, co₂ 'nió' ₄ bá₄ chan' ₂ 'nia' ₂ qui₂ rē₂ queng' ₅₄ quian' ₅₄ ríng' ₂ 'ei₅ tei₄. ⁴ Lág₅ jniog₄ caun₂ bá₄ ŋí₅ ta₁ caun₂ nió' ₃, ján₃ guē' ₂ jan₂ bá₄ Jme₂ dsí₂ táng₃, a₂ tián' ₄ 'nia' ₂ le₂ nē₅ bá₄ ma₂ ca₂ tē₃ Diú₄ caun₂ bá₄ jmi₄ a₂ 'ín₂ 'au' ₂ 'nia' ₂ chang' ₂. ⁵ Jan₂ bá₄ Te₁ gui' ₅₄ i₂ lín₅ jui₅₄ jniog₄ chan₂, caun₂ bá₄ a₂ 'éin₂ jniog₄, ján₃ guē' ₂ ca₂ le₃ jág₃ bá₄ jniog₄ ca₂ jnó₂ jmi₂ le₃ quió' ₅ jan₂ bá₄ Te₁ gui' ₅₄. ⁶ Jan₂ bá₄ Diú₄ chan₂ i₂ lín₅ Tia₅₄ quián₂ jniog₄ ca₂ le₃ jág₃. 'Éi₂ bá₄ i₂ niog₅ gu₂ jniog₄ ca₂ le₃ jág₃; 'éi₂ bá₄ i₂ jmo₅ ta₁ ja₁ con₂ jniog₄ ca₂ le₃ jág₃; 'ein₅₄ ja₁ con₂ jniog₄ ca₂ le₃ jág₃ nē₃.

⁷ La₁ le₂ jau₂ le₂ jau₂ bá₄ jniog₄ jma₃ quén₅ lē₅ bí₂ a₂ ma₂ ca₂ ŋag₂, lia' ₂ con' ₂ lē₅ ma₂ ca₂ dsíó' ₃ Cristo quió' ₅. ⁸ Jaun₂ lē₃ juá' ₂ ne₄ Si₂:

Ca₂ uíg₂ guei' ₅₄ i₂ juíg₃

te₂ le₁ ŋe' ₅₄ ca₂ le₃ jín₃ i₂ ca₂ lí' ₃,

jaun₂ ca₂ dsíó' ₃ bí₂ jma₃ quén₅

ca₂ cuē' ₃ dsa₂ mi₂ güí₃.*

⁹ Jaun₂, ¿e₂ jág₁ dsau₅ jein₅ jág₁ “A₂ ca₂ uíg₂” nē₅ nē₃? Jniá' ₅₄ lia' ₂ juá' ₂ le₂ uig₅₄ ca₂ sióin₃ ja₁ lē₄ ja₁ uin₃ guē₄ 'ŋio₅ lín₃ ne₄ gua' ₅₄ 'uē₃. ¹⁰ I₂ ca₂ sión₃ 'éi₂ bá₄ ján₃, i₂ ca₂ uíg₂ táng₃ ja₁ lē₄ ja₁ ŋei₅ guē₄ guei' ₅₄ i₂ juíg₃, ia₁ jaun₂ jme₃ cain' ₂ ca₂ le₂ con₂ quian' ₅₄ Jme₂ dsí₂ quiáin₅. ¹¹ Jaun₂ jma₃ quén₅ ca₂ chein' ₃ dsa₂ quiáin₅ ca₂ cuē₃ bí₂ ca₂ cuē' ₃ le₂ jan₂ le₂ jan₂; i₂ lín₅₄ ca₂ chein' ₃ a₂ lén₂ i₂ chen₄ quiáin₅; i₂ lín₅₄ guē' ₂ ca₂ ŋi₂ bí₂ a₂ lē₂ ŋág₃ jág₁ a₂ guéi' ₅ quió' ₅ Diú₄; i₂ lín₅₄ guē' ₂ ca₂ cuē' ₃ bí₂ a₂ qui₂ dsí₃ 'ē₃ jág₁ dse₃ a₂ lión₂ dsa₂; i₂ lín₅₄ guē' ₂ ca₂ cuē' ₃ bí₂ a₂ lén₂ dsa₂ i₂ 'ē₂ jág₁ i₂ jme₂ tin₅ guá' ₅. ¹² Le₂ nē₅ qui₂ ca₂ chein' ₃ dsa₂ guá' ₅ ia₁ jaun₂ jmo₃ co₂ jnia₅₄ dsa₂ quiáin₅ a₂ jme₃ ti₃ ta₁ a₂ 'nio₃ 'éi₂ lē₂, ia₁ jaun₂ caun₂ qui₂ dsí₃ cón₃ bá₄ ŋi₅₄ 'ŋiog₅, ¹³ ca₂ lia' ₂ ca₂ dsí₃ ná₅ 'ei₅ caun₂ jág₁ quian' ₅₄ rin' ₅₄, 'éin₂ rē₂, ŋí' ₂ dsí₅ le₃ quió' ₅ Ja₁ ŋi' ₅₄ Diú₄. Le₂ nē₅ bá₄ dsí₁ ná₅ lēi₂ dsa₂ i₂ ma₂ ca₂ can' ₅₄ co₂ ŋei' ₅₄ lia' ₂ con' ₂ lē₅ lín₅ Cristo 'ŋiog₅. ¹⁴ Jaun₂ tsá₃ ma₃ lēi₂ jniog₄ lia' ₂ lín₅ i₂ bē' ₅₄ i₂ caun₂ lē₁ qui₂ rē₂ gan₂ tsá₃ uin₅ qui₂ jme₂ tsíin₃; nē₂ jag₄ bá₄ a₂ qui₂ tsag' ₂ dsí₂ a₂ caun₂ 'ŋio₂ dsí₅ bá₄ jui' ₂ e₂ guē₃ a₂ jme₂ tag₅ dsa₂, qui₂ sē₂ sein' ₂ jē₁ jme₂ gau₅ dsa₂ i₂ ŋí₄ 'ŋio₅ 'io₅ mai₅₄, 'nio₃ jiog₃ jui₅ jē₁ tsá₃ dsau₅. ¹⁵ Tē₂ le₃ 'nió' ₅ dsíá₁ jniog₄ jág₁ tí₅ a₂ 'nio₃ jniog₄ rin' ₅₄. Ca₂ tág₂ bá₄ jniog₄ qui₂ dsí₃ cau' ₅₄ ne₄ ca₂ le₃ jē₃ le₃ quió' ₅ 'éi₂ i₂ lín₅ mi₂ dsí₄ quián₂ jniog₄, le₃ quió' ₅ Cristo bá₄ guē' ₂. ¹⁶ Tē₂ le₃ quian' ₅₄ 'éi₂ qui₂ dsí₃ cau' ₅₄ jniog₄ 'a₂ lia' ₂ jme₁ 'nió₄ jniog₄ rin' ₅₄. Lág₅ jniog₄ nē₂ jag₄ bá₄ caun₂ ni₁ ŋí₅ a₂ qui₂ rē₂ tion' ₅₄ rē₂ le₂ caun₂ le₂ caun₂ ja₁ qui₂ le₂ chan' ₂ quió' ₅ dsa₂, jma₃ quén₅ bá₄ lē₅ ta₁ quió' ₅ qui₂ jme₂ 'on₅₄ rin' ₅₄, ca₂ lia' ₂ ca₂ i₃ cón₃ rē₂, dse₃ le₁ 'ág₄ dsí₅, 'nioi₃ riin' ₅₄ nē₃.

* 4:8 Salmo 68:18; 'Nió' ₂ ja₁ ton₅ Colosenses 2:15.

Jui⁵ 'mí² le³quió⁵ Cristo

¹⁷ A₂la₂ bá₄, juá₅ jniá₂ chi₂quiang₅₄ jmi_g₄ 'nia'₂ o₄quió⁴ Te₁gui⁵⁴: tsá₃ ma₃jui₁le₂chan'₂ 'nia'₂ jui₁lia'₂ chan₂ dsa₂ i₂tsá₃ Diú₄ cuin₅, ia₁ 'éi₂ ně₃ chain₂ lia'₂ con'₂ lě₅ niog₅ dsi₅₄ tsá₃ 'e₂ ta₁ tí₄. ¹⁸ 'Nio₅ tē₂le₃ jen₅ bá₄ ma₂ŋi'₂ dsi₅, uing₂ bá₄ chain₂ ja₁jme₁ca₂tin₂ le₃chain₂ le₃quió⁵ Diú₄, ia₁ lín₅ dsa₂ i₂co₂ŋei'₅₄ tsá₃ 'e₂ tin₂ tsá₃ 'e₂ ŋi₅ ia₁ a₂ma₂ca₂rē₃'uá'₃ dsi₅. ¹⁹ Tsá₃ ma₃lí₄ 'e₂ jaun₂ o₂gui³, co₂dsia₅ ma₂ca₂jīn'₂ bá₄ guioin₅₄ ne₄ ca₂le₃jě₃ jmá'₃ lia'₂ a₂mi₅ ni₁ŋi₁₂, caun₂ ma₂ŋio₂ dsi₅ bá₄ jmo₂₃ ca₂le₃jě₃ ne₅₄ a₂lē₁'iog₅. ²⁰ La₁ 'nia'₂ ně₃, tsá₃ le₂ně₅ ca₂rē₃tíng'₃ le₃quió⁵ Cristo. ²¹ Ia₁ dsón'₂ bá₄ ma₂ca₂nei'₂ 'nia'₂ le₃quió⁵ 'éi₂ lín₂ jniá₂, jaun₂ ca₂rē₃tíng'₃ bá₄ lia'₂ con'₂ lě₅ ca₂jme₃tag₅ 'éi₂, lia'₂ con'₂ lě₅ jág₁ tí₅ dsón'₂ a₂cha₂ ja₁con₂ Jesús. ²² Ca₂rē₃tíng'₃ a₂co₂dsia₅ jniá'₄ cau₅ lia'₂ con'₂ lě₅ jme₁líng'₄ le₂jŋiá₅, ně₂jag₄ bá₄ dsa₂ i₂co₂ŋei'₅₄ jniá'₂ tsin₅₄; a₂jme₁rē₂'én'₄ ne₄ a₂jme₁qui₂rē₂gáng'₃ ne₄ ca₂le₃jě₃ a₂jme₁'ín₅ 'au'₂ 'nia'₂, con'₂ lě₅ jme₁chang'₂. ²³ Ca₂rē₃tíng'₃, a₂ca₂tín'₂ 'nia'₂ jme₁'mag'₂ lia'₂ lě₅ dsi₂jio₅ 'au'₂. ²⁴ Ca₂rē₃tíng'₃ a₂jmo₅ le₁líng'₄ a₂líng'₅ ně₂jag₄ bá₄ jan₂ dsa₂ 'mí₂ i₂ca₂rē₃chán₃ lia'₂ con'₂ lě₅ 'nio₃ Diú₄, a₂léng'₂ dsa₂ dsen₃ dsón'₂ i₂jŋi₅ quíán₅. ²⁵ Jaun₂ ně₃, jniá'₃ 'nia'₂ cau₅ jág₁ tē₂jág₁, le₂jang'₂ le₂jang'₂, dsia₄ 'nia'₂ jág₁ tí₅ quian'₅₄ dsa₂ mi₂güí₃ ríng'₂, ia₁ ca₂le₃jág₃ bá₄ jniog₄ téi₅ caun₂ ni₁ŋi₅. ²⁶ “Chi₂jua'₂ ca₂rē₃'né₃ 'nia'₂, tsá₃ lē₁'nau₂ 'nia'₂ dso₄”;† tsá₃ cuē₂ 'nia'₂ jmi_g₄ jua'₅₄ 'í₁ 'nei₂ 'au'₂ tē₂ne₁ jmi_g₄, ca₂lia'₂ jŋia'₅₄ lia'₂ ca₂rin₂ 'iog₂; ²⁷ tsá₃ ná₂ 'nia'₂ jui₅ quió⁵ i₂sē₃dsen₃. ²⁸ I₂jme₁'ang₅ guē², tsá₃ ma₃o₁'ang₁₂, tē₂le₃ jui₁jmo₁₂ ta₁ quian'₅₄ gu₂-tag₅₄ 'e₂ caun₂ ta₁ dse₃ cha₂, ia₁ jaun₂ le₃cha₂ a₂lé₂ jme₃'oin₅₄ ca₂la₂ dsa₂ i₂'nió⁵ quió⁵. ²⁹ Tsá₃ lē₁'uē⁵⁴ 'nia'₂ jág₁ 'lig'₅₄ mi₂'o₅₄; jme₁tin₅ 'nia'₂ dsiá'₁ jmá'₃ lia'₂ jág₁ dse₃, ia₁ a₂ně₅ bá₄ jme₃'o₅₄ a₂qui₂dsi₃cón₃ ríng'₂ i₂'nió⁵ quió⁵ le₃quió⁵ jme₂dsi₂, ton₂ dse₃ quió⁵ i₂nag₅ ně₃. ³⁰ Tsá₃ jmo₂ 'nia'₂ jén₂ dsi₅ Jme₂dsi₂ Jnió₅ quíán₅ Diú₄, ia₁ tē₂le₃ quian'₅₄ 'éi₂ ma₂lín₅ 'nia'₂ léi₄ i₂ma₂lě₅ 'í₁ quíán₅ Diú₄ ca₂lia'₂ ca₂tē₂ jmi_g₄ i₁lión'₂ 'nia'₂ co₂ŋei'₅₄. ³¹ Co₂dsia₅ jniá'₃ 'nia'₂ a₂dsi'₃ cha₂ tē₂'au'₂, ca₂le₃jě₃ guē₄ a₂dsén'₂ 'nia'₂, 'nei₂ a₂'i₄ 'au'₂ ně₃; ca₂le₃jě₃ a₂co₂mi₅₄ co₂dsio⁵⁴ a₂'ne'₂ 'nia'₂, ca₂le₃jě₃ guē₄ jág₁ uig₅ a₂qui₂'ín₅ 'nia'₂ ríng'₂, ca₂le₃jě₃ ne₅₄ a₂'lig'₅₄ ně₃. ³² Tē₂le₃ jmo₄ 'nia'₂ a₂dse₃ ja₁con₂ ríng'₂ le₂jang'₂ le₂jang'₂, jui₁le₂cha₂ bá₄ a₂ŋéi₂ 'au'₂ 'nia'₂, 'én₃ 'nia'₂ dsáu₁ ríng'₂ le₂jang'₂ le₂jang'₂ jui₁lia'₂ ca₂'én₂ Diú₄ dsáu₂ 'nia'₂ tē₂le₃ o₄quió⁴ Cristo.

5*'A₂ lia'₂ 'nió⁵ le₃chan₂ chi'₂-guein₂ quíán₅ Diú₄*

¹ Ia₁ a₂lín₅ 'nia'₂ chi₂-guein₂ i₂'nió₁ quíán₅ Diú₄, quen'₂ 'nia'₂ bí₂ léng'₂ lia'₂ lín₅ 'Éi₂. ² Jui₁le₂chan'₂ 'nia'₂ 'nióg'₃ ríng'₂, jui₁lia'₂ ca₂rē₃'nio₃ Cristo jniog₄ jaun₂ ca₂jīn'₂ o₄quíán₂ jniog₄ a₂lín₅ co₂'nió⁴ já'₂ cha'₂ ŋó₃ rē₂jen'₅₄ ne₄ Diú₄ jain₂ ma₂jui₂ ma₂ro₂. ³ Ia₁ ma₂lín₅ 'nia'₂ i₂tén₅ le₃quió⁵ Diú₄, ca₂lia'₂ jŋia'₅₄ tsá₃ 'nió⁵ le₃cha₂ jág₁ jīn'₄ 'nia'₂ jua'₅₄ chan₂ i₂'nió⁵ jág₁ quian'₅₄ dsa₂ i₂tsá₃ lín₅ dsi₂i₂gu₂, on₃ guē² 'i₁caun₂ a₂siá'₂ a₂lē₁'iog₅ ně₃, on₃ guē² ma₃'nió⁵ le₃chan₂ guē₄ i₂'ua'₂ dsi₅, ia₁ tsá₃ dsi₂ten₅₄ co₂ŋi₂ jua'₅₄ dsa₂ i₂ma₂lě₅ 'í₁ quíán₅ Diú₄ jmo₃ guē₄ le₂ně₅. ⁴ Tsá₃ lē₁dsia₂ 'nia'₂ jág₁ 'lig'₅₄, on₃ guē² jág₁ ga₂, on₃ guē² jui₁lia'₂ jág₁ ŋág₄ lē₁'iog₅ ně₃. Ia₁ ca₂le₃jě₃ jág₁ le₂ně₅ tsá₃ dsi₂ten₅₄; ja₂lín₃ guē₄ dse₃ cuē⁵⁴ 'nia'₂ ti₁'mag'₄ Diú₄. ⁵ Tsá₃ jui₁dsi₂'én₂ 'au'₂ 'nia'₂ a₂la₂: 'i₁jan₂ jui₁lia'₂ i₂'nió⁵ jág₁ quian'₅₄ i₂tsá₃ lín₅ dsi₂i₂gu₂, on₃ guē² 'i₁jan₂ jui₁lia'₂ i₂jmo₅-dsáu₅ lē₁'iog₅, on₃ guē² jui₁lia'₂ dsa₂ i₂'ua'₂ dsi₅, (ia₁ i₂co₂rín₂ bá₄ dsa₂ i₂'ua'₂ dsi₅ quian'₅₄ jui₁lia'₂ dsa₂ i₂jme₂juin'₂ diú₄ lag₄), o₁líng'₂ tsá₃ lé₂ le₃tīn₃ ja₁gon₂ Cristo quian'₅₄ Diú₄. ⁶ 'I₁jan₂ tsá₃ 'ein₂ jui₁jme₂gau₅ 'nia'₂ quian'₅₄ jág₁ a₂tsá₃ ta₁ tí₄, ia₁ 'uig₅₄ ně₅ bá₄ já₅ uig₅ gau₂ quió⁵ Diú₄ ne₄ quió⁵ jaun₅ dsa₂ i₂tsá₃ ne⁵⁴. ⁷ Jaun₂ 'nia'₂ ně₃, co₂dsia₅ tsá₃ lē₁tóng'₂ quian'₅₄ dsa₂ le₂'éi₂. ⁸ Ia₁ le₂jŋiá₅ jme₁tén'₄ 'nia'₂ caun₂ mi₂güí₃ qui₁né³, la₁

† 4:26 Salmo 4:4.

rě₂ně₃ ně₃, ma₂tén'₅ 'nia'₂ le₃quió'₅ Te₁gui'₅₄ ja₁jniá'₂ si₂. Jui₁le₂chan'₂ 'nia'₂ jaun₂, jui₁lia'₂ ca₂tín₂ le₃chan₂ chi'₂-guein₂ i₂tén₅ tē₂le₃ ja₁jniá'₂ si₂. ⁹ Ia₁ ja₁jniá'₂ si₂ ně₃, rě₂jniá'₂ 'ua₁ dsí₅ dsa₂, tí₅ jág₁ quió'₅ dsa₂, a₂rě₂chan₂ dsa₂ quian₅ caun₂ jui₅ co₂dsau₅. ¹⁰ Dsen₅₄ jme₁tín₅ 'nia'₂ 'au'₂ jmo'₂ na₅ a₂tē₅ dsí₅ Te₁gui'₅₄. ¹¹ Tsá₃ quen'₅₄ 'nia'₂ jē₄ 'e₂ a₂tsá₃ ta₁ tí₄ a₂nio₅ jmo₅-dsá₅ dsa₂ i₂tén₅ jē₄ qui₁né'₃; ja₂lín₃ guē₄ dse₃ jme₁jniá'₅ 'nia'₂ a₂jaun₂ tē₂le₃ ja₁jniá'₂ si₂. ¹² Ia₁ caun₂ lē₁o₂guí'₃ bá₄, jua'₅₄ la₂ dsia₃ dsa₂ a₂jmo₅ dsa₂ 'éi₂ jē₄ tē₃co'₅₄. ¹³ La₁ ca₂le₃jē₃ bá₄ rě₂jniá'₂ jē₁ma₂ca₂tág'₃ si₂. ¹⁴ Ia₁ quian'₅₄ si₂ bá₄ jmo₅ a₂rě₂jniá'₂ ca₂le₃jē₃. 'Uig₅₄ jaun₂ guē'₂ juá'₂: Jme₁jnio₂ ne'₅₄, 'ne₂ i₂rě₂gūin₃; nau₂, jú₅ jin₄ 'lag₄; jaun₂ jmo₃ Cristo tág₅ si₂ quió'₅ ja₁cong'₂.

¹⁵ Jaun₂ lē₃, rě₂ de'₂ quion₂ 'nia'₂ 'í₁ 'a₂ lia'₂ i₂nio₅. Jaun₂ tsá₃ ma₃i₁nio₅ jui₁lia'₂ i₂nio₄ dsa₂ i₂tsá₃ 'e₂ ní'₂ dsí₅; jui₁i₂nio'₄ bá₄ 'nia'₂ a₂lín₃'₅ dsa₂ i₂tín₂, i₂ní'₂ dsí₅. ¹⁶ Quen'₂ 'nia'₂ bí₂, ně₃ lia'₂ cuin₅ jmi₅g₄, a₂jmo'₂ 'nia'₂ a₂dse₃, ia₁ 'nio₅ jui₁si ma₂'lín'₅₄ dsa₂ jmi₅g₄ rě₂ně₃. ¹⁷ Jaun₂ lē₃, tsá₃ jme₁con₅₄ 'nia'₂ 'au'₂; dsen₅₄ 'au'₂ 'nia'₂ jmo₄ jui₁le₂ní₂'₂ na₅ a₂'nio₂ dsí₅ Te₁gui'₅₄. ¹⁸ Tsá₃ jui₁qui₂le₂'en'₅ 'nia'₂ quian'₅₄ ti₁jmi₃g₃, ia₁ a₂nē₅ bá₄ jio₅ jui₅ ja₁dsi₂'én₂ dsa₂; tē₂le₃ jui₁jme₂can'₂ 'nia'₂ quian'₅₄ Jme₂dsí₂ Jnió₅. ¹⁹ Dsia₄ 'nia'₂ le₂jang'₂ le₂jang'₂ qui₁juig'₅₄ ríng'₂ quian'₅₄ salmos, quian'₅₄ himnos, quian'₅₄ son₅₄ a₂gu₂dsí₂, 'ē₄ 'nia'₂ jmo₄ son₅₄ jui₅ tē₂'au'₂ a₂jme₁juig'₂ Te₁gui'₅₄. ²⁰ Jui₁i₂nio'₄ bá₄ 'nia'₂ co₂tan₅₄ cuē'₅₄ ti₁'mag'₄ Diú₄ i₂lín₅ Tia₅₄ quián₂ o₄quió'₄ ca₂le₃jē₃, lia'₂ con'₂ lē₅ bí₂ quió'₅ Te₁gui'₅₄ Jesucristo quián₂ jniog₄.

A₂ lia'₂ 'nió'₅ le₃chan₂ dsa₂ 'én₂ ta₁caun₂ nió'₃ lia'₂ caun₂ dsi₂néi₂

²¹ Tión'₂ 'nia'₂ 'éi'₃ quió'₅ ríng'₂ le₂jang'₂ le₂jang'₂, ia₁ a₂gan₃ 'nia'₂ Cristo.* ²² 'Nia'₂ dsa₂ mí₂, tión'₂ 'nia'₂ 'éi'₃ quió'₅ dsa₂ ne'₂ quiáng'₂, jui₁lia'₂ tion'₅₄ 'nia'₂ 'éi'₃ quió'₅ Te₁gui'₅₄. ²³ Ia₁ dsa₂ ne'₂ bá₄ i₂lín₅ mi₂dsi₄ quián₅ 'io₅₄, jui₁lia'₂ lín₅ Cristo mi₂dsi₄ quián₅ guá'₅. Cristo bá₄ ján₃ i₂lín₅ i₂ma₂lió₂ quián₅ guá'₅, ia₁ guá'₅ guē'₂ ně₃ lē₅ co₂'nió'₄ ni₁ni₁₂ 'nio₅. ²⁴ Le₂nē₅ jui₁lia'₂ guá'₅ tióin'₅₄ 'éi'₃ quió'₅ Cristo, ján₃ bá₄ le₂nē₅ jui₁lia'₂ dsa₂ mí₂ ca₂tín₂ tóin'₃ 'éi'₃ quió'₅ dsi₂i₂gu₂ jē₄ ca₂le₃jē₃. ²⁵ 'Nia'₂ dsa₂ ne'₂ guē'₂ ně₃, jme₁'nió'₄ 'nia'₂ dsa₂ mí₂ quiáng'₂ jui₁lia'₂ ca₂jmo₃ Cristo ca₂jme₃'nioi₃ guá'₅, ca₂le₃jē₃ ca₂guein₃ 'mú₃ o₄quió'₄ 'éi₂. ²⁶ Le₂nē₅ ca₂jmo₃ ia₁jaun₂ ma₂lē₅ 'í₁ Guá'₅ ca₂jme₃dse₃ ca₂ráng'₂ nē₂jag₄ bá₄ quian'₅₄ jmi₅g₄ tē₂le₃ quian'₅₄ jág₁ quió'₅; ²⁷ ia₁jaun₂ jme₃jniog₂₃ chei'₃ ne₅₄ 'nio₅ a₂lág₅ guá'₅ i₂jlán'₁ i₂tsá₃ rē₂'nió'₄ 'i₁caun₂, on₃ guē'₂ cha₂ jua'₅₄ ja₁lē₄ qui₂lē₁tsín'₃ quió'₅, on₃ guē'₂ 'i₁caun₂ guē₄ jua'₅₄ a₂siá'₂ lē₅, jaun₂ dsió₄ lín₅ caun₂ guá'₅ i₂lē₅ 'í₁ quián₅ i₂dsen₃ guē₄ lín₃. ²⁸ Le₂nē₅ bá₄ ján₃, ca₂tín₂ dsa₂ ne'₂ jme₃'nioi₃ dsa₂ mí₂ quián₅, jui₁lia'₂ 'nio₃ ni₅₄ 'nio₅. I₂'nio₃ dsa₂ mí₂ quián₅, 'nioi₃ 'nio₅ bá₄ ján₃. ²⁹ Ia₁ 'i₁jan₂ tsá₃ jua'₅₄ 'io₅₄ ni₁ni₁₂ 'nio₅, tē₂le₃ jme₂tau₅₄, jmo₂₃ 'í₁, jui₁lia'₂ jmo₅ Cristo ján₃ quian'₅₄ guá'₅, ³⁰ ia₁ le₂jau₂ le₂jau₂ jniog₄ téi₅ ni₁ni₁† 'éi₂. ³¹ “Jaun₂ bá₄ lē₃ ca₂tín₂ dsa₂ ne'₂ qui₃téin₂ chog₅₄-jmei₂, con'₂ tiain'₃ jme₃quiain'₅₄ dsa₂ mí₂ quián₅, ia₁jaun₂ dsió₄ lēin₂ caun₂ bá₄ ni₅ jē₁le₃oin₃ le₂jaun₂.”† ³² Jág₁ ně₅ lē₅ caun₂ jág₁ juē'₂ a₂ma₂ca₂rē₃jniá'₂. La₁ juá'₅ jniá'₂ 'íng₅ Cristo quian'₅₄ guá'₅ quián₅. ³³ La₁ ně₃ ně₃, le₂jan'₂ le₂jan'₂ 'nia'₂ jme₁'nió'₄ dsa₂ mí₂ quiáng'₂, jui₁lia'₂ 'nió₃ guiong'₅₄; ján₃ guē'₂ le₂jaun₂ dsa₂ mí₂ ca₂tín₂ jme₃gain₃ dsi₂i₂gu₂.

6

¹ 'Nia'₂ i₂lín₃'₅ chi'₂, ca₂tín₂'₂ le₃quió'₅ Te₁gui'₅₄ nág'₁ gau₂ 'e₂ te₂néi'₂ chog'₂-nēi'₅ 'nia'₂, ia₁ le₂nē₅ bá₄ dse₃. ² Le₂la₂ juá'₂ jē₁le₂'uig₅₄ 'éi'₃ quió'₅ Diú₄ ja₁juá'₂ cha₂ a₂cuē₃: “Jme₁gan₃ 'nia'₂ chog'₂-nēi'₅, ³ ia₁jaun₂ bá₄ dse₃ le₃chang'₂ ton'₂ uē₂ le₃chang'₂ ne₄ gua'₅₄ 'uē₃.”* ⁴ 'Nia'₂ guē'₂ jmei₂ chi'₂, tsá₃ jmag'₅₄ chi'₂ quiáng'₂ jua'₅₄ a₂lē₁jmai'₅₄, ia₁jaun₂ tsá₃ uē₂ 'í₂ 'nei₂ dsí₅, tē₂le₃

* **5:21** A₂lín₅₄ chog₅₄ si₂: “ia₁ a₂gan₃ 'nia'₂ Diú₄.” † **5:30** A₂lín₅₄ chog₅₄ si₂: “quian'₅₄ mu₅'ein₅₄ ně₃.” ‡ **5:31** Génesis 2:24. * **6:3** Deuteronomio 5:16.

'nió'₅ tsin'₅₄ 'nia'₂ caun₂ jui₅ rē₂, a₂jme₁ti_{in}'₅ le₃quió'₅ Te₁gui'₅₄. ⁵ 'Nia'₂ guē'₂ dsa₂ i₂jme₂ti₃ ta₁ ne₄ dsa₂, jme₁ti₁ 'nia'₂ ta₁ a₂te₂néi'₂ juig'₂ 'nia'₂ ne₄ gua'₅₄ 'uē₃ la₂, jui₁le₂tin₂ 'au'₂ 'nia'₂ 'ei₅ gau₂ ton'₂ tí₅ jág₁ quián'₂ 'nia'₂, jmo₄ 'nia'₂ nē₂jag₄ bá₄ a₂jme₂tí'₁ ta₁ ne₄ Cristo. ⁶ Jme₁ti₁ 'nia'₂, on₃jua'₅₄ jmá'₃ lia'₂ jme₁jág₅ jua'₅₄ a₂'náu'₂ 'nia'₂ jui₅ a₂jñia'₅₄ con'₂ tióng'₂ dse₃ quiaín'₅₄; jmo₄ 'nia'₂ a₂líng'₅ i₂jme₂ti₃ ne₄ Cristo, jmo₄ 'nia'₂ a₂'nio₃ Diú₄ ca₂le₃jě₃ 'au'₂. ⁷ Jaun₂ 'ñio₂ 'au'₂ 'nia'₂ jme₁ti₁, co₂'nió'₄ bá₄ a₂jme₂tí'₁ ta₁ ne₄ Te₁gui'₅₄; on₃jua'₅₄ rē'₂ ne₄ dsa₂ mi₂güig₃. ⁸ Ia₁ ma₂ñi'₅₄ bá₄ 'nia'₂, cuē₃ Te₁gui'₅₄ 'lian'₅₄ dsa₂ ca₂le₃jín₃ lia'₂ con'₂ lě₅ a₂dse₃ a₂ma₂ca₂jmo₃, o₁jñia'₅₄ dsa₂ i₂jme₂ti₃ ta₁ ne₄ juig₅₄, o₃ i₂tsá₃ 'ein₂ ne₄ jme₂ti₃ 'e₂.

⁹ 'Nia'₂ guē'₂ i₂lín₅ juig₅₄, le₂nē₅ bá₄ jmo₄ 'nia'₂ ján₃ quian'₅₄ dsa₂ i₂jme₂ti₃ ta₁ ne'₅₄. Tsá₃ ma₃quiaín'₅₄ 'nia'₂ juē'₅. Ia₁ ma₂ñi'₅₄ bá₄ 'nia'₂, jan₂ Juig'₂ 'nia'₂ chan₂, i₂guá₅ guei'₅₄ i₂juig₃, i₂lín₅ Juig₅₄, lia'₂ ne₄ 'nia'₂, lia'₂ ne₄ dsa₂ i₂jme₂ti₃ ne'₅₄ 'nia'₂. 'Ēi₂ bá₄ tsá₃ jma₃quén₅ jín₂ dsa₂.

E₂ quian'₅₄ jmo₅ dsa₂ 'én₂ 'nei₂ a₂gu₂dsí₂

¹⁰ Nē₃ nē₃, jē₁ca₂tó'₂ juá'₅ jniá₂ juig₂ 'nia'₂, rin'₅₄ jniog₄: Nau₂ 'nia'₂ tiá₂ le₃quió'₅ Te₁gui'₅₄, quian'₅₄ jui₅bí₂ bēn₂ quió'₅. ¹¹ Qui'₂ 'nia'₂ ca₂le₃jě₃ 'e₂ a₂cuē₅ Diú₄ le₁lín'₄ 'nia'₂ jmo₄, co₂'nió'₄ bá₄ jan₂ 'lióg₂, ia₁jaun₂ bá₄ tian'₃ 'nia'₂ náu'₁ tiá₂ ne₄ mai₅₄ quió'₅ i₂sē₃dsen₃. ¹² Ia₁ on₃jua'₅₄ quian'₅₄ dsa₂ mi₂güig₃ rin'₅₄ jniog₄ cág'₂; quian'₅₄ i₂lín₅ co₂'nió'₄ dsi₂tan₅₄ gu₂dsí₂, quian'₅₄ jme₂dsí₂ i₂'io₅ jui₅bí₂, quian'₅₄ jme₂dsí₂ i₂gon₂ jmo₅ 'éi'₃ i₂jmo₅ qui₁né'₃ mi₂güig₃ la₂, quian'₅₄ guē₄ 'lióg₂ 'lín'₅₄ gu₂dsí₂ i₂i₂nio₄ gon₂ dsi₁güig₂ bá₄ cág'₂ jniog₄. ¹³ Jaun₂ lē₃, quian₂ le₁lín'₄ 'nia'₂ jmo₄ quian'₅₄ ca₂le₃jě₃ a₂le₃lon'₄ 'nia'₂ a₂cuē₅ Diú₄, ia₁jaun₂ bá₄ tian'₃ 'nia'₂ tióng'₂ tiá₂ jē₁ma₂tē₂ rē₂jmóg'₂ 'nei₂ i₂sē₃dsen₃, ia₁jaun₂ cang₂ jē₁ma₂ca₂lín'₃ 'nia'₂ 'nei₂ nē₃, lia'₂ ma₂tión'₂ jaun₂ bá₄ 'nia'₂ tiá₂. ¹⁴ Nau₂ 'nia'₂ tiá₂ jaun₂ nē₃, co₂'nió'₄ a₂qui₂rē₂'ñe'₅₄ tog'₂ quian'₅₄ jág₁ tí₅, a₂lě₅ co₂'nió'₄ lau₂ rē₂jén'₅ tog'₂ 'nia'₂, lě₅ 'í₁; quian₂ 'nia'₂ caun₂ jui₅ co₂dsau₅ a₂lě₅ 'í₁ le₁'au'₂ co₂'nió'₄ bá₄ jui₁lia'₂ jan₂ 'lióg₂ i₂rē₂lióg₃ nǐ₁ le₁dsí₅. ¹⁵ Chan'₂ 'nia'₂ rē₂jáng'₁ a₂'ē₄ jág₁ dse₃ a₂'ag₃ tei₄ ja₁con₂ dsa₂, a₂líng'₅ nē₂jag₄ bá₄ jan₂ 'lióg₂ chén'₅ rē₂ján₁ rē₂lín'₅₄ ton₅ lau₂ tag₅₄. ¹⁶ Ne₄ ca₂le₃jě₃ a₂nē₅, jui₁le₂cha₂ 'én'₂ 'nia'₂ ia₁jaun₂ lě₅ nē₂jag₄ co₂'nió'₄ caun₂ nǐ₁ lǐ₂ a₂chan'₄ 'nia'₂ a₂rē₂quion'₅₄ 'nia'₂ a₂long'₅₄, co'₅₄ a₂jaun₂ qui₂éi₃ 'ma₂chen'₂ le₁guí'₂ si₂ a₂qui₂jnáu'₂ i₂sē₃dsen₃ jnáí'₂ 'nia'₂. ¹⁷ Jui₅ ma₂lón'₂ 'nia'₂ chang'₂ nē₅, jui₁le₅₄ bá₄ jui₁lia'₂ lě₅ nǐ₁ 'i₄ dsi₄ 'lióg₂, lě₅ 'í₁; ton'₂ quian₂ 'nia'₂ jág₁ quió'₅ Diú₄ a₂lě₅ nǐ₁tag₂ quió'₅ Jme₂dsí₂, a₂cuē'₅ 'nia'₂. ¹⁸ Chi₁len'₄ 'nia'₂ Diú₄ le₃quian'₅₄ Jme₂dsí₂, ca₂le₃jě₃ 'e₂ caun₂ a₂lě₅, ca₂le₃jě₃ ne₅₄ a₂mi₂ 'nia'₂ juig'₂ Diú₄. 'Uig₅₄ nē₅ nē₃, chan'₂ 'nia'₂ rē₂jáng'₁ co₂tan₅₄ mi₄ 'nia'₂ o₄quió'₄ ca₂le₃jín₃ i₂ma₂tén₅ le₃quió'₅ Diú₄. ¹⁹ Chi₁len'₄ 'nia'₂ Diú₄ ján₃, o₄quió₃ jniá₂, ia₁jaun₂ bá₄ jmo₃ Diú₄ dsi₃ 'a₂lia'₂ juá'₄ jág₁, jaun₂ nio₃ tiá₂ dsi₃ nē₃ a₂'ē₄ jág₁ dse₃ a₂jme₁rē₂'ma₄ quió'₅ Diú₄. ²⁰ Diú₄ ma₂ca₂chei₃ jniá₂ a₂líng₄ i₂chen₄ quiáín₅ quian₅₄ jág₁ dse₃; 'uig₅₄ nē₅ bá₄ nē₃ dseng₅₄ cadena 'eng₅₄. Chi₁len'₄ 'nia'₂ Diú₄ ia₁jaun₂ nio₃ tiá₂ dsi₃ 'ē₄ jág₁ dse₃ la₂, lia'₂ con'₂ dsi₂ten₅₄ ca₂tíng₂ jmo₅₄.

Cuag₂₃ Diú₄ jē₁ca₂tó'₂

²¹ Tíquico, rin'₅₄ jniog₄ i₂'nióg₃ guē₄ lín₃, i₂jme₂ti₃ i₂jme₂'o₅₄ quian'₅₄ ta₁ quió'₅ Te₁gui'₅₄, 'éi₂ bá₄ quian₅ ca₂le₃jě₃ jág₁ tsí'₃ 'nia'₂ ia₁jaun₂ le₃ñi'₅₄ 'nia'₂ 'a₂lia'₂ lě₅ chang₂, quian'₅₄ 'e₂ a₂jmo₂₃ nē₃. ²² Jaun₂ bá₄ lē₃ tsín₂ jniá₂ ja₁tion'₅₄ 'nia'₂, ia₁jaun₂ le₃ñi'₅₄ 'a₂lia'₂ lě₅ chong₂ jñia'₅₄ ia₁jaun₂ cuē'₅₄ 'nia'₂ lián'₂ 'au'₂.

²³ Jui₁jmo₅₄ Diú₄ Tia₅₄ quián₂, quian'₅₄ Te₁gui'₅₄ Jesucristo nē₃, 'ei₅ tei₄ tiong'₅₄, 'nió'₃ 'nia'₂ ríng'₂, 'én'₂ 'nia'₂ nē₃.

²⁴ Jui₁jme₂gu'₅₄ bá₄ Diú₄ ca₂le₃jín₃ i₂tsá₃ líg'₂ jmi₂g₄ téi₂ i₂'nio₃ Te₁gui'₅₄ Jesucristo quián₂ jniog₄.

Co₂nē₅.

Si₂ carta a₂ca₂jmo₃ San Pablo ne₄ dsa₂ FILIPENSES

Jmo₅ Pa₄ si₂ a₂chein₃ ne₄ Guá'₅ i₂chan₂ juig₂ Filipos, tē₁lia'₂ 'ein₅₄ né'₃ 'má₃

¹ Jniá₂ Pa₄, quiang'₅₄ Timoteo, lág₅ jnia'₅₄ i₂jme₂ti₃ ta₁ ne₄ Jesucristo; jmo₂ jnia'₅₄ si₂ carta la₂ dsiang'₅₄ ja₁con₂ ca₂le₃jín₃ rin'₅₄ jniog₄ i₂tián'₅ Filipos i₂lě₅ 'í₁ quián₅ Cristo Jesús, ja₁con₂ dsa₂ i₂niog₅ ne₄ guá'₅, * quián'₅₄ ja₁con₂ dsa₂ i₂jme₂'o₅₄† ně₃. ² Jui₁jme₂gu'₅₄ Diú₄, jui₁'ag₅₄ bá₄ tei₄'au'₂ 'nia'₂ jmo₃ Diú₄ Tia₅₄ quián₂ jniog₄, jmo₃ Te₁gui'₅₄ Jesucristo ně₃.

Chi₂lén'₂ Pa₄ Diú₄ o₄quió'₄ dsa₂ i₂'én₂

³ Cuě₅ ti₁'mag'₄ Diú₄ quiáng₃ lia'₂ co₂ráun₂ dsau'₂ dsi₃ 'nia'₂. ⁴ Lia'₂ co₂ráun₂ chi₂len'₄ jniá₂ Diú₄, o₄quián'₂ 'nia'₂ ca₂le₃jíng'₃, co₂tan₅₄ lia'₂ 'io'₂ jéin₅, ⁵ ia₁ co₂dsia₅ bá₄ ma₂ja₂náu₅ jniog₄ quen'₂ bí₂ o₄quió'₄ jág₁ dse₃ ca₃le₃ jmi₄ le₂'uig₅₄ ca₂lia'₂ jnió₂ jmi₄ ně₃. ⁶ Caun₂ bá₄ 'ei₅ dsi₃ líng₂, Diú₄ bá₄ i₂ca₂jme₃lióg₃ jmo₂₃ ta₁ dse₃ ja₁con'₂ 'nia'₂, jme₃'ñiai₂₃ ca₂lia'₂ ca₂tě₂ jmi₄ quió'₄ Cristo Jesús.

⁷ Dsi₂ten₅₄ bá₄ 'ag₅₄ dsi₃ le₂ně₅ o₄quián'₂ 'nia'₂ ca₂le₃jíng'₃, ia₁ 'i₄ dsi₃ jniá₂ 'nia'₂. Ia₁ quián'₅₄ jniog₄ rin'₅₄ co₂dsia₅ bá₄ guei₂ jniog₄ a₂jme₂gu'₅₄ Diú₄, tsá₃ a₂nag₅₄ jaun₂ a₂'eng₅₄ né'₃ 'má₃, o₃ jnia'₅₄ ne₄ dsi₂tan₅₄ dsióg₄ jniá₂ ja₁lě₂ le₃long₅₄ jág₁ dse₃, ton'₂ lě₂ le₃jáng'₄ jág₁ dsau₅ a₂tě₃dsón'₂ bá₄ tí₅ jág₁. ⁸ I₂ñi₅ dsi₂jó'₃ bá₄ Diú₄ a₂ñi₄ lě₃ dsen₅₄ dsi₃ jniá₂ 'nia'₂ ca₂le₃jíng'₃, lia'₂ con'₂ lě₅ ñi₄ lě₃ Cristo.

⁹ Le₂la₂ bá₄ chi₂len'₄ jniá₂ Diú₄: a₂qui₂dsi₃jón₃ a₂jme₁'nió'₄ 'nia'₂ ríng'₂ 'ñio₅ lin₃, lia'₂ ma₂tě₂dsi₅₄ jaun₂ a₂qui₂rě₂ñi'₂ dsei'₂ 'nia'₂ a₂qui₂le₃quing'₅₄ 'nia'₂ jmi₄, ¹⁰ ia₁jaun₂ lě₂ le₃caun'₅₄ 'í₁ 'e₂jaun₂ a₂dsen₅₄ guě₄. Jaun₂ le₂ně₅ bá₄ le₃chan'₂ 'nia'₂ tsá₃ qui₂le₁'ióg₄ jme₂dsi₂ quián'₂ 'nia'₂, jua'₅₄ qui₂le₁cán'₄ 'nia'₂ dso₄ jě₁ma₂tě₂ rě₁tě₃ jmi₄ quió'₄ Cristo. ¹¹ Le₂ně₅ bá₄ ján₃, lě₂ jui₅ a₂i₁nio'₄ 'nia'₂ a₂léi₄ a₂le₃jniá₂ ca₂le₃jě₃ ne₅₄ a₂dse₃ a₂niog₅ qui₂ma₂jmo'₅₄ 'nia'₂ tě₂le₃ quián'₅₄ Jesucristo. Ca₂le₃jě₃ a₂ně₅, Diú₄ bá₄ i₂gue₃ ti₁'mag'₄, qui₂le₃juin'₂ ně₃.

Tě₂le₃ quió'₄ jniá₂, o₄quió'₄ Cristo bá₄ chang₂

¹² Rin'₅₄ jniog₄, 'nio₃ jniá₂ le₃ñi'₅₄ 'nia'₂, ca₂le₃jě₃ a₂niog₅ ma₂i₃ñig₂, tě₂le₃ lě₅ guě₄ dsón'₂ cuě₂₃ bí₂ a₂dsi₃'ag₅ jág₁ dse₃. ¹³ Le₂ně₅ bá₄ le₁ñi₅ ca₂le₃jín₃ 'lióg₂ i₂tion'₅₄ ne₄ta₁ quián'₅₄ ca₂le₃jín₃ guě₄ riin'₅₄ ně₃, a₂'eng₅₄ rě₂jní₅ 'uig₅₄ ia₁ a₂'éng₂ le₃quió'₅ Cristo. ¹⁴ 'Uig₅₄ ia₁ a₂rě₂jní₅ ně₃, mei'₂ tsá₃ ca₂le₃jín₃ bá₄ rin'₅₄ jniog₄ le₃quió'₅ Te₁gui'₅₄ ma₂qui₂ma₂tiin₂ bí₂ a₂'ě₂ jág₁ quió'₅ Diú₄ a₂tiá₂ dsí₅, tsá₃ 'e₂gau₂ cha₂.

¹⁵ A₂dsau₅ bá₄ jaun₂ chan₂ i₂lin₅₄ dsia₂₃ 'iin₂₃ Cristo a₂uig₅ dsí₅, dsia₂₃ mi'₅₄, ton'₂ chan₂ guě'₂ i₂lin₅₄ dsia₂₃ a₂dse₃ dsí₅ 'iin₂₃ Cristo. ¹⁶⁻¹⁷ I₂le₂'éi₂ ně₃ jmo₂₃ ia₁ a₂'nio₃, ia₁ ñi₅ rě₂'eng₅₄ ja₁láš 'uig₅₄ ia₁ a₂long₅₄ jág₁ dse₃. Dsa₂ i₂le₂ne₁ ně₃, dsia₂₃ 'iin₂₃ Cristo cha₂ a₂'ín₅ dsí₅ a₂jnia'₅₄ con'₂ 'ín₂ dsí₅ le₃chain₂ dse₃ guioin₅₄ bá₄, on₃jua'₅₄ rě'₂ a₂tě₃dsón'₂ lě₅ dsí₅; a₂'nio₃ jmóg'₂ jniá₂ cuě₃ o₂me'₅₄ dsí₅ tě₁lia'₂ 'eng₅₄ rě₂jní₅. ¹⁸ La₁ tsá₃ cha₂ 'e₂ a₂jaun₂. Jnia'₅₄ lia'₂ jui₁'ě₅₄ dsa₂ jág₁ quió'₅ Cristo, ca₂le₃jě₃ ne₅₄ 'a₂ lia'₂ jmo₃ dsa₂, jua'₅₄ a₂dse₃ dsí₅ o₃ a₂tsá₃ dse₃ dsí₅ 'e₂. Tion₅₄ bá₄ jéin₅ jniá₂ 'io'₂.

'A₂ con'₂ dsón'₂ jmo₅₄ jniá₂ 'io'₂, ¹⁹ ia₁ guion₄ bá₄ jniá₂ jaun₂, quián'₅₄ ca₂le₃jě₃ a₂ně₅, o₃'ing₅ a₂lióng₂ con'₂ dse₃, tě₂le₃ ia₁ a₂mi'₂ 'nia'₂ ne₄ Diú₄ o₄quió₃, tě₂le₃ quián'₅₄ bí₂ a₂cuě₅ jme₂'o₅₄ Jme₂dsi₂ quián₅ Jesucristo ně₃. ²⁰ Ia₁ chi₁jan₁ jniá₂ 'ín₂ dsi₃ a₂tsá₃ tě₃tsing'₅₄ o₂gui'₃ quián'₅₄ 'i₁caun₂, jaun₂ tě₂le₃ lě₅ guě₄ 'ag₃ caun₂ dsi₃, ia₁jaun₂ le₃jniá₂ a₂jlán'₁ Cristo jui₅ ni₁ñi₃ jniá₂,

* **1:1** griego: epískopos. † **1:1** griego: diákonous. 'Nio'₂ ja₁ton₅ Hechos 6:1-7; 21:8.

o₁jñia'₅₄ la₂ chang₂, o₃ jóng₂ 'e₂. ²¹ Ia₁ tē₂le₃ quió₃ jniá₂, o₄quió'₄ Cristo bá₄ chang₂, ján₃ bá₄ a₂ca₂lág₃ co₂'nió'₄ a₂tē₁dsi₅₄ nē₁ca₂jong₃. ²² Ia₁ nē₁jua'₂ caun₂ chang₂ 'ñio'₃ nī₁ñí₅ la₂, caun₂ lé₂ le₃jmo₅₄ bá₄ ta₁ a₂dse₃ o₄quió'₄ Te₁gui'₅₄. Jaun₂ lē₃ tsá₃ guion₄ jniá₂ 'e₂ quio'₅₄. ²³ 'Ñio₅ juí'₅ líng₂ na₅ bá₄ jaun₂ a₂quio'₄ jniá₂ jē₁le₃tin₃ le₂nē₅: tē₂le₃ ca₂ton₂, 'nio₃ jua'₅₄ jóng₂ nég'₄ i₁gua₃ quian'₅₄ Cristo, a₂nē₅ bá₄ ja₂lin₃ guē₄ dse₃ tē₂le₃ quió₃ jniá₂; ²⁴ la₁ tē₂le₃ ca₂ton₂ guē'₂ nē₃, 'ñio₅ guē₄ dsen₅₄ ta₁ ja₁con'₂ 'nia'₂, 'nió'₅ le₃chang₂ 'ñio'₃ nī₁ñí₅ la₂. ²⁵ Jaun₂ caun₂ bá₄ 'ei₅ dsi₃ líng₂ le₂nē₅, jaun₂ jan₅₄ bá₄ guē₄ jniá₂ quian'₅₄ 'nia'₂, ia₁jaun₂ lé₂ le₃jme₁'on₁ jniá₂ 'nia'₂ a₂náu'₁ tiá₂ a₂o₁nóg'₅ ne₄ juí₅ a₂jmo'₂ 'nia'₂ 'io'₂ guē₄ a₂'éng'₂, ²⁶ ia₁jaun₂ dsi₃tsón₃ a₂jmo'₂ 'nia'₂ 'io'₂ le₃quió'₅ Cristo Jesús o₄quió₃ jniá₂, 'uig₅₄ ia₁ a₂quian'₄ jniá₂ 'nia'₂.

²⁷ Jñia'₅₄ lia'₂ cán₂ 'nia'₂ caun₂ juí₅ con'₂ dsi₂ten₅₄ lia'₂ con'₂ lē₅ jág₁ dse₃ quió'₅ Cristo. Le₂nē₅ jaun₂, o₁jñia'₅₄ la₂ ca₂dsióg₃ jniá₂ i₁jag₁₂, o₃ tsá₃ ca₂dsióg₃, o₃ chi₂jua'₂ tē₂le₃ ca₂ñó₃ guē₄ úing₂ 'e₂, la₁ 'nio₃ jniá₂ dsi₁lé₂ jág₁ le₃guion₅₄ a₂chan'₂ 'nia'₂ tíong'₂ tiá₂, 'ei₅ caun₂ jág₁ le₃quió'₅ jme₂dsí₂, jme₂'ñio'₄ 'nia'₂ ca₂le₃jíng'₃ co₂dsia₅ o₄quió'₄ jág₁ dse₃ a₂'éin₂ jniog₄. ²⁸ Tsá₃ lē₁can₂ 'nia'₂ jué'₅ 'e₂ qui₂quiong₅ juí₁lia'₂ dsa₂ i₂'iog₅₄ 'nia'₂. Ia₁ a₂nē₅ jau'₂ 'í₁ rē₂ a₂lén₄ dsa₂ 'éi₂ a₂tioin'₅₄ juí₅ ja₁dsi₃'éin₂; la₁ le₂jaun₂ guē'₂ ján₃ jau'₂ léi₄ rē₂ táng₃ a₂tion'₅₄ 'nia'₂ juí₅ ja₁tíng'₄; a₂nē₅ bá₄ a₂já₅ quió'₅ Diú₄. ²⁹ Ia₁ 'uig₅₄ quió'₄ Cristo ca₂ñi'₂ 'nia'₂, on₃jua'₅₄ jmá'₃ le₃'én'₂ 'nia'₂ le₃quió'₅, ján₃ guē'₂ le₂jaun₂ ñag'₅₄ uig₅ o₄quió'₄, ³⁰ ia₁ co₂rē₂ bá₄ 'nei₂ dsi₂ñí'₂ 'nia'₂ juí₁lia'₂ ma₂tē₂ ne'₅₄ 'nia'₂ a₂dsi₂ñí₂ jniá₂, con'₂ siá'₂ táng₃ rē₂nē₃ rē₂ñi'₅₄ 'nia'₂ lia'₂ ma₂dsi₂ñí₂ jaun₂ bá₄.

2

'A₂ lia'₂ ca₂jmo₃ Cristo sioin₅, 'a₂ lia'₂ ca₂rē₃juin'₂ táng₃

¹ Jaun₂ le₂nē₅, chi₂jua'₂ qui₂gue'₂ 'nia'₂ lián'₂ le₃quió'₅ Cristo, chi₂jua'₂ 'a₂ lia'₂ 'nio₃ 'éi₂ 'nia'₂ qui₂'ag₂₃ bá₄ dse₃ 'au'₂, chi₂jua'₂ 'ei₅ caun₂ jág₁ quian'₅₄ Jme₂dsí₂ quiáin₅, chi₂jua'₂ cha₂ a₂'ua₁ ñéi₂ 'au'₂ 'nia'₂ ríng'₂: ² jme₁'ñia₅ 'nia'₂ o₂'ñio₃ dsi₃ jniá₂, a₂tión'₂ 'nia'₂ 'ei₅ caun₂ jág₁, quian'₅₄ 'nia'₂ ríng'₂ 'nió'₃ 'nia'₂, tē₂le₃ quian'₅₄ jan₂ Jme₂dsí₂, ca₂ne₅₄ bá₄ ta₁ tión'₂ 'nia'₂. ³ 'I₁caun₂ tsá₃ lē₁jmo₂ 'nia'₂ jua'₅₄ a₂jñia'₅₄ dse₃ ja₁con'₂ 'nia'₂ guiong'₅₄ on₃ guē'₂ jmo₂ 'nia'₂ róng'₂. Jmo₄ bá₄ 'nia'₂ meg'₂, jmo₄ 'nia'₂ 'au'₂ ja₂lin₃ guē₄ dsen₃ rín'₂ 'nia'₂ con'₂ guē₄ guion'₅₄ 'nia'₂. ⁴ 'I₁jan'₂ 'nia'₂ tsá₃ ca₂ne₅₄ 'no'₂ jua'₅₄ a₂jñia'₅₄ con'₂ dse₃ ja₁con'₂ 'nia'₂ guiong'₅₄, 'nio'₂ bá₄ 'nia'₂ a₂dse₃ quió'₅ ja₁con₂ i₂sián'₂ ján₃.

⁵ Juí₁le₅₄ bá₄ 'au'₂ 'nia'₂ juí₁lia'₂ ca₂lē₃ dsí₅ Cristo Jesús:

⁶ Ia₁ o₁jñia'₅₄ la₂ lín₅ 'éi₂ nió'₄ quió'₅ Diú₄,
on₃jua'₅₄ jaun₂ ca₂jmo₃ dsí₅ a₂ca₂tíin₂ tion₅₄
a₂léin₂ co₂ríin₂ quian'₅₄ Diú₄,

⁷ tē₂le₃ ca₂jmo₃ bá₄ 'éi₂ cau₅ a₂jme₁tíin₂ nē₃,
nē₂jag₄ bá₄ a₂tsá₃ 'e₂ quein₅,
ca₂can₃ juí₅ ca₂já₃ a₂lín₅ dsa₂ i₂jme₂tí₃,
jme₁ca₂rē₃cháin₃ a₂lín₅ dsa₂ mī₂güí₃.

⁸ Jme₁ma₂ca₂rē₃jniái₂ a₂lín₅ dsa₂ nē₃,
ca₂jmo₃ meí'₂.

Jaun₂ guē₄ ca₂lín₃ jan₂ i₂ca₂rē₃ne'₅₄,
ca₂jme₃tí₃ nē₃,

ca₂le₃jē₃ ca₂guein₃ 'mú₃,
ca₂lia'₂ jñia'₅₄ lia'₂ ca₂dsióg₃ 'mú₃ tē₃toin₅₄ cróg₄.

⁹ 'Uig₅₄ jaun₂, Diú₄ nē₃, ja₂lin₃ guē₄ ñei₅ ca₂jme₃juag'₂,
ján₃ guē'₂ ca₂dsiog₃ a₂lín₅ ta₁ jué'₂ a₂goin₂
a₂quein₅ guē₄ 'ñio₅ lín₃ con'₂ guē₄ ca₂le₃jín₃,

10 ia₁jaun₂ tē₂le₃ ne₄ 'éi'₃ a₂gon₂ Jesús,
 jui₁chi₂jné₃ ca₂le₃jín₃ i₂tion'₅₄ guei'₅₄ i₂juig₃,
 quian'₅₄ i₂tion'₅₄ gua'₅₄ 'uē₃,
 quian'₅₄ i₂tion'₅₄ le₃né'₃ 'uē₃ ně₃;
 11 ia₁jaun₂ tion₃ ca₂le₃jě₃ le₁tsi'₂ dsa₂
 a₂dsón'₂ bá₄ lín₅ Jesucristo Te₁gui'₅₄,
 jaun₂ le₂ně₅ le₃juin'₂ Diú₄ Jmei₂.

Lín₅ dsa₂ quián₅ Cristo ně₂jag₄ bá₄ si₂ tē₂le₃ ja₁con₂ dsa₂ mi₂güig₃

12 'Uig₅₄ jaun₂ ně₃, 'nia'₂ rin'₅₄ jniog₄, jui₁lia'₂ ma₂ja₂nóg'₅ ma₂rě₂ten'₅₄ tián₂ 'nia'₂ lia'₂ con'₂ jme₁eng₅₄ quian'₅₄ 'nia'₂, tē₂le₃ 'nio₅ lín₃ guē₄ ca₂tín'₂ 'nia'₂ nág'₁ gau₂ rě₂ně₃, tē₁lia'₂ 'eng₅₄ uíng₂. Jme₁le₅₄ bá₄ 'nia'₂ guiong'₅₄ jui₁lia'₂ ta₁ a₂ma₂lóng'₂, jmo₂ 'nia'₂ meg'₂ 'ei₅ gau₂. 13 Ia₁ Diú₄ bá₄ i₂jmo₅ ta₁ ja₁con'₂ 'nia'₂, a₂qui₂lě₂ 'au'₂ 'nia'₂ a₂dse₃, a₂qui₂lě₂ ta₁ ján₃, lia'₂ con'₂ lě₅ a₂'nio₂ dsí₅.

14 Jmo₄ ca₂le₃jě₃, la₁ tsá₃ jmo₂ jua'₅₄ tsá₃ dsáu₅ 'au'₂ 'nia'₂ ríng'₂ a₂chi₂'iin'₄ 'nia'₂, on₃ guē₂ jmo₂ 'nia'₂ mi'₅₄, 15 ia₁jaun₂ bá₄ 'i₁jan₂ tsá₃ 'ein₂ le₃bóg'₂ dso₄ on₃ guē₂ jua'₅₄ cha₂ a₂rě₂cán'₄ 'nia'₂, jmo₄ 'nia'₂ a₂lín'₅ chi'₂-guein₂ quián₅ Diú₄ i₂tsá₃ 'e₂ rě₂cán'₄, i₂tsá₃ 'e₂ rě₂'nio₄ jě₄ quió'₄ dsa₂ 'lín'₅₄ i₂rě₂gán₃ dsí₅. 'Nia'₂ bá₄ lín'₅ jui₁lia'₂ nei₅, a₂jmo₂ 'tág₅ ne₄ quió'₅ caun₂ mi₂güig₃ qui₁né'₃, 16 ja₁o₂can'₄ 'nia'₂ jág₁ dse₃ a₂le₃chan₂ dsa₂. Le₂ně₅, jě₁ma₂tě₂ rě₁guan'₂ Cristo, lě₂ le₃jmo₅₄ jniá₂ dsí₃ ně₂jag₄ a₂rě₃tan₅₄ jniá₂ o₄quián'₂ 'nia'₂, jě₁ma₂cha₂ caun₂ léi₄ a₂tsá₃ jua'₅₄ a₂lě₁ca₂ni₃ co₂chi'₅₄, on₃ guē₂ jua'₅₄ ca₂jmo₃ ta₁ a₂tsá₃ 'e₂ ta₁ tí₄. 17 La₁ jui₁'a₂ guē₃ la₂ ca₂quíng₂ a₂lég₂ rě₂jeng'₅₄ ne₄ Diú₄, o₄quió'₄ a₂'én'₂ 'nia'₂, 'nio₅ lín₃ 'io'₂ jéin₅ jniá₂, quian'₅₄ bá₄ jniog₄ rin'₅₄ a₂jmo₁ 'io'₂ ca₂le₃jág₃. 18 Jmo₄ 'nia'₂ 'io'₂ ján₃, jme₁quiong'₅₄ bá₄ 'nia'₂ jniá₂ a₂jéin₅ jniá₂ 'io'₂.

Timoteo quian'₅₄ Epafrodito

19 Ně₁jua'₂ 'nio₃ Te₁gui'₅₄ Jesús, 'ín₂ dsí₃ jniá₂ tsing₅₄ ni'₅₄ ta₁ Timoteo dsí₃jiin₅₄ 'nia'₂, ia₁jaun₂ 'nio₅ lín₃ guē₄ 'io'₂ jmo₅₄ jě₁ma₂ca₂rě₃guion₅₄ jniá₂ 'a₂ lia'₂ chan'₂ 'nia'₂. 20 Ia₁ 'i₁jan₂ i₂sián'₂ tsá₃ chan₂ i₂lě₅ dsí₂jio₅ dsí₅ co₂rě₂ jui₁lia'₂ dsí₂jio₅ dsí₃ jniá₂, jua'₅₄ i₂'t₅ dsí₅ tě₃dsón'₂ a₂dse₃ tē₂le₃ ja₁con'₂ 'nia'₂; 21 ia₁ ca₂le₃jín₃ bá₄ dsa₂ 'no'₂ a₂dse₃ quió'₅ guioin₅₄, tsá₃ dsan₂ dsí₅ a₂'ín₅ dsí₅ ja₁con₂ Cristo Jesús. 22 La₁ ca₂le₃jín₃ bá₄ 'nia'₂ ma₂ni'₅₄ 'a₂ lia'₂ ma₂ca₂jme₃jnia₅ Timoteo a₂tiin₂ a₂ni₅ a₂ma₂ja₂náu₅ jnia'₅₄ quiaín₅₄ a₂jme₂tí₁ a₂qui₂ě₅ jág₁ dse₃, ma₂já₅ jme₂ti₃ co₂lě₅ ne₄ Te₁gui'₅₄ jui₁lia'₂ jan₂ chi'₂ i₂jme₂'on₅₄ jmei₂. 23 Le₂ně₅ 'ín₂ dsí₃ caun₂ jmíg₄ a₂tsiin₅₄ dsí₁jiin₁₂ 'nia'₂ jě₁ma₂ca₂rě₃guion₅₄ 'a₂ lia'₂ lě₅ tē₂le₃ quió₃ ja₁lá₃. 24 La₁ia₁ caun₂ bá₄ 'ei₅ dsí₃ ja₁con₂ Te₁gui'₅₄, 'nio₃ bá₄ jniá₂ dsí₃og₄ ni'₅₄ ta₁ i₁jing₁₂ 'nia'₂.

25 La₁ tion₅₄ 'nió'₅ ján₃, lín₂ jniá₂, dsiang'₅₄ Epafrodito, i₂lín₅ i₂quiang'₅₄ jmo₂₃ ta₁ quen'₂ jnia'₅₄ bí₂ co₂dsia₅ quiaín₅₄, i₂ca₂chen'₂ 'nia'₂ guiong'₅₄ o₃can₅ a₂'nió'₅ quió₃. 26 'Éi₂ ně₃ 'nio₅ lín₃ 'ín₅ dsí₅ jiin₂ ca₂le₃jín₃ 'nia'₂, 'nio₅ 'i₅ dsí₅ ia₁ ca₂rě₃ni'₅₄ bá₄ 'nia'₂ a₂ca₂rě₃dso'₅₄ 'éi₂. 27 Dsón'₂ bá₄ jaun₂ ca₂rě₃dso'₅₄, jnia'₅₄ mei'₂ tsá₃ ca₂join₃; la₁ ca₂dsia₃ bá₄ Diú₄ néi₂ dsí₅ quió'₅, on₃jua'₅₄ rě'₂ jmá'₃ ja₁con₂ 'éi₂, ia₁ ca₂dsia₃ bá₄ néi₂ dsí₅ jniá₂ ně₃, ia₁jaun₂ tsá₃ ní₄ lě₃ 'lia'₂ dsí₃ tsá₃ len₅ 'a₂ con'₂ ma₂chang₂ quian₅₄ o₂i₁ dsí₅. 28 'Uig₅₄ jaun₂ ně₃ 'nio₅ guē₄ lě₂ dsí₃ dsiaín₅₄, ia₁jaun₂ jmó'₂ 'nia'₂ 'io'₂ jiin₅₄ táng₃, ia₁jaun₂ tsá₃ ní₄ lě₃ chang₂ 'i₅ dsí₃. 29 Guein₅₄ 'nia'₂ ca₂lia'₂ a₂'nio₂ 'au'₂ guē₄ lín₃, a₂lín₅ 'éi₂ jan₂ rín'₂ 'nia'₂ tē₂le₃ ja₁con₂ Te₁gui'₅₄, jme₁gon₃ bá₄ 'nia'₂ jui₁lia'₂ i₂lín₅ lia'₂ lín₅ 'éi₂; 30 ia₁ ca₂juig₄ bá₄ mei'₂ tsá₃ ca₂join₃ 'uig₅₄ ia₁ a₂jme₂ti₃ ta₁ ne₄ Cristo. Ca₂can₃ caun₂ jui₅ go'₂ ja₁lě₂ le₃quin₃ jme₂dsí₂ quió'₅ a₂jme₃'niai₂₃ jme₃'o₅₄ a₂tsá₃ lě₂ le₃jme₁'o'₁ 'nia'₂.

3

Jui₅ a₂tē₃dsón'₂ dsau₅

¹ Nē₃ nē₃, 'nia'₂ rīn'₅₄ jniog₄, jmo₄ 'nia'₂ 'io'₂ le₃quió'₅ Te₁gui'₅₄. Tē₂le₃ ja₁con₂ jniá₂, 'i₁ca₂jui₄ o₂me'₅₄ dsi₅ tsá₃ cha₂ jua'₅₄ a₂juá'₄ táng₃ jniá₂ a₂ma₂juá'₃ ne₄ si₂, ia₁ con'₂ lē₅ co₂jñia₅₄ tē₂le₃ ja₁con'₂ 'nia'₂.

² Jmo₄ 'nia'₂ 'í₁ quian'₅₄ dsa₂ i₂chan₂ jmo₅ lín₅ lia'₂ lín₅ dsi₂jī'₅₄, i₂jmo₅ a₂lig'₅₄, dsa₂ i₂qui₂ti₅ ni₁ñi₁₂; ³ ia₁ jniog₄ bá₄ i₂tē₃dsón'₂ lág₅ dsa₂ co₂'nió'₄ i₂ma₂qui₂rē₂uīng₄ lo₄, jniog₄ con'₂ i₂jme₂jūn'₁ Diú₄ a₂gu₂dsí₂. Jaun₂ o₂'ñi₃ o₂jñia₃ dsi₅ jniog₄ ia₁ lág₅ i₂quián₅ Cristo Jesús, tsá₃ jaun₂ 'ín₂ dsi₅ jniog₄ jui₁lia'₂ a₂jmo₅ dsa₂ co'₅₄ ni₁ñi₁₅, ⁴ o₁jñia'₅₄ jniá₂ rē'₂ ján₃ jme₁ca₂tíng₂ jme₁jmo₁₂ 'ín₂ dsi₃ a₂nē₅.

Chi₂jua'₂ 'ein₂ lín₂ cha₂ 'uig'₅₄ a₂'ín₂ dsi₅ ni₁ñi₁₅, tē₂le₃ lē₅ guē₄ tson₂ bí₂ chan₂ jniá₂ 'uig'₅₄ a₂jaun₂; ⁵ jme₁ca₂dsin₃ jñia₃ jmi₄ lia'₂ con'₂ jme₁ca₂rē₃cháng₃ bá₄ ca₂ti₃ dsa₂ lo₃; ia₁ lín₅ dsa₂ tsi₁jon₂ israelitas, téng₅ le₃quió'₅ co₂'nió'₃ dsa₂ quián₅ tsi₁jon₂ Benjamín; lín₅ hebreo ia₁ ja₁jaun₂ chang₂ lín₅ chi'₂ quián₅ dsa₂ hebreos. Fariseo bá₄ jme₁lín₄ lia'₂ con'₂ lē₅ jme₁ñi'₂ dsi₃ Si₂ 'Éi'₃; ⁶ jui₁lia'₂ a₂dsen₅₄ dsi₃ guē'₂, ca₂lia'₂ qui₂ca₂co₃'én₃ jniá₂ dsa₂ quián₅ guá'₅; ton'₂ lia'₂ con'₂ lē₅ jme₁chang₂ quian₅₄ jui₅ dse₃ lia'₂ con'₂ lē₅ 'Éi'₃ Juá'₅, 'i₁jan₂ tsá₃ 'ein₂ lē₂ le₃jme₁bóg'₂ dso₄.

⁷ La₁ ca₂le₃jē₃ a₂nē₅ le₃jua'₅₄ jág₁ a₂tē₁dsi₅₄ le₃quió'₃ jniá₂, a₂jaun₂ jmo₅ jniá₂ dsi₃ a₂ma₂i₃'én₂ le₃quió'₅ Cristo. ⁸ Dsón'₂ bá₄ jaun₂, tē₂le₃ lē₅ guē₄ jmo₅ jniá₂ dsi₃ nē₂jag₄ bá₄ a₂ma₂i₂'én₂ ca₂le₃jē₃, ia₁ tsá₃ quin₅ 'a₂ con'₂ quen₅ a₂ma₂ca₂rē₃cuíng₅ Cristo Jesús Te₁gui'₅₄ quiáng₃. 'Uig'₅₄ quió'₄ Cristo bá₄ ma₂i₂'én₂ jē₂ a₂jaun₂ quió'₃. Jmo₅ jniá₂ dsi₃ nē₂jag₄ bá₄ jme₁qui₅ a₂jaun₂, ia₁ 'nio₃ jniá₂ léi₂ ja₁con₂ Cristo; ⁹ 'nio₃ jniá₂ dsióg₄ ja₁con₂ 'éi₂, on₃jua'₅₄ a₂chang₂ quian₅₄ jui₅ co₂dsau₅ a₂tíng₂ 'ñi₃ lia'₂ con'₂ lē₅ 'Éi'₃ Juá'₅, tē₂le₃ ia₁ a₂quian₄ jniá₂ jui₅ co₂dsau₅ a₂cuē₅ Diú₄ cuē'₅ i₂'én₂ le₃quió'₅ Cristo. Co₂'nió'₄ le₃jua'₅₄, a₂chan₂ dsa₂ quian₅ caun₂ jui₅ co₂dsau₅ a₂já₅ le₃quió'₅ Diú₄ 'uig'₅₄ cho'₅₄ tē₂le₃ ia₁ a₂'én₂ bá₄ dsa₂. ¹⁰ A₂'nio₃ jniá₂ le₃cuíng₅ Cristo bá₄, 'nio₃ jniá₂ can₅₄ jui₅bí₂ a₂ca₂jein'₅₄; ján₃ guē'₂ can₅₄ jui₅ jmi₁uig₅ a₂ca₂can₃ 'éi₂, ján₃ guē'₂ a₂dsióg₄ jniá₂ lén₂ jui₁lia'₂ jme₁lín₄ 'éi₂ lia'₂ con'₂ jme₁ca₂join₃, ¹¹ ia₁jaun₂ caun₂ bá₄ 'ei₅ dsi₃ dsióg₄ jniá₂, chi₂jua'₂ lē₂, a₂jeng'₅₄ jñ₄ 'lag₄.

Jui₅ ja₁ca₂tág₂ i₁no₁ ja₁lē₄ léi₄ dsi₁no₃

¹² On₃jua'₅₄ guē'₂ a₂ma₂ca₂dsióg₃ jniá₂, on₃ guē'₂ ma₂ca₂rē₃'ñia₅ quió'₃. La₁ caun₂ nei₅₄ bá₄ ne₄ jui₅ jme₁'ñi₃ a₂'ín₂ dsi₃, jui₁lia'₂ ca₂jme₃'ñi₃ Cristo jniá₂. ¹³ Rīn'₅₄ jniog₄, tsá₃ jmo₅ jniá₂ dsi₃ jua'₅₄ a₂ma₂ca₂jme₁'ñi₃ jniá₂ a₂jaun₂. La₁ia₁ caun₂ la₂ bá₄ jmo₅ jniá₂: a₂qui₂dsi₃'én₂ dsi₃ a₂qui₂ma₂ñi₂, a₂quín'₄ bí₂ a₂tió₄ nei₅₄ le₃ne₄ jui₅, ¹⁴ a₂dsióg₄ jniá₂ ja₁lē₄ léi₄ ja₁ca₂tíng₂ dsióg₄, ja₁i₁gue₃ jniá₂ premio a₂tē₂ Diú₄ cuē₃ guei'₅₄ i₂jui₃ a₂cuē'₃ dsa₂ i₂tion'₅₄ le₃quió'₅ Cristo Jesús. ¹⁵ Ca₂le₃jág₃ bá₄ jniog₄ i₂ma₂le₁'ñia₅ quián₂, ca₂tág₂ dsi₃jñia₅ dsi₅ le₂jaun₂. Nē₁jua'₂ cha₂ ja₁lín₅₄ a₂ñi'₂ 'au'₂ 'nia'₂ le₂siá'₂, Diú₄ bá₄ jmo₃ jnio₂ ne'₅₄ 'nia'₂ a₂jaun₂ ján₃. ¹⁶ Jñia'₅₄ lia'₂ ca₂tág₂ jniog₄ a₂i₁nio₁ lia'₂ ma₂ja₂náu₅.

¹⁷ Rīn'₅₄ jniog₄, quian₂ 'nia'₂ jui₅ co₂lē₅ con'₂ lē₅ jui₅ ma₂guio₃ jniá₂, jag₄ 'nia'₂ rē₂ ján₃ ja₁con₂ ca₂le₃jín₃ i₂ma₂chan₂ lia'₂ con'₂ lē₅ ma₂ca₂jme₁tín₅ jnia'₅₄ 'nia'₂. ¹⁸ Ia₁ jui₁lia'₂ ma₂ca₂jui₂ jniá₂ 'nia'₂ 'lóng₂ ráun₂, con'₂ siá'₂ juá'₅ bá₄ guē₄ cón'₂ táng₃ ca₂le₃jē₃ dsá₂ jmi₂ jme₁ne₃, ia₁ ju₁n₅ i₂chan₂ co₂'nió'₄ i₂'io'₅₄ a₂ca₂jmo₃ Cristo ne₄ cróg₄. ¹⁹ Jē₁ca₂tó'₂ dsi₁lein₃ ja₁dsi₃'éin₂. Ia₁ i₂co₂'nió'₄ i₂lín₅ diú₄ quián₅ co₂'nió'₄ a₂lag₃ nē₁rē₂can'₂ tú'₅ bá₄, 'ñio₅ róin₂ jmo₂₃ a₂'nió'₄ jme₁cán₂ o₂guí'₃. Jmá'₃ lia'₂ quió'₅ a₂cha₂ ne₄ gua'₅₄ 'uē₃ la₂ bá₄ dsi₂jio₅ dsi₅. ²⁰ La₁ jniog₄ nē₃ lág₅ dsa₂ i₂tén₅ guei'₅₄ i₂jui₃, jñia'₅₄ lia'₂ a₂jaun₂ bá₄ le₁jñia₁ jniog₄ dsen₅₄ dsi₅ a₂jñi₃ ja₁jaun₂ jan₂ i₂li₃, i₂lín₅ Te₁gui'₅₄ Jesucristo. ²¹ 'Éi₂ bá₄ jme₃tsín₃ ni₁ñi₁ jniog₄

a₂dsi₃'én₂ la₂, ia₁jaun₂ lé₂ lia' jlá' n₁i₁₂ni₁₂'ñiog₅. Jmo₃ bá₄ a₂jaun₂ të₂le₃ quian' b₁í₂ a₂'io₂₃ a₂tiin₂ dsia₃ o₄gú₃ 'ñiog₅ ca₂le₃jě₃.

4

Jmo₄ 'nia' 'io' co₂tan₅₄ le₃quió' Te₁gui' 54

¹ Jaun₂ lě₃, rin' jniog₄, 'nia' i₂'nióg₃ guě₄ lín₃, i₂ñí₄ lě₃ 'ín₅ dsi₃ jing₅₄; 'nia' bá₄ líng' a₂ñí₄ dse₃ 'ei₅ dsi₃, 'nia' bá₄ líng' co₂'nió' premio quió₃, jui₁chan' bá₄ 'nia' le₂ně₅ jaun₂ ně₃, tión' 'nia' tiá₂ le₃quió' Te₁gui' 54.

² Chi₂len' jniá₂ Evodia quian' Sín₁tique ján₃, jmo₄ 'nia' caun₂ jág₁ jín₄ ríng' o₄quió' Te₁gui' 54. ³ Quian' 'ne₂, rin' jniog₄ i₂co₂dsia₅ jmo₂ ta₁, juí₂ jniá₂ 'ne₂ a₂jme₁'ong' dsa₂ mí₂ rin' jniog₄ ně₅, ia₁ 'éi₂ ca₂quín' b₁í₂ i₂quian' jniá₂ jme₁ca₂'ě₃ jág₁ dse₃ a₂lión₂ dsa₂, quian' Clemente ně₃ quian' guě₄ rin' sián' ca₂jmo₃ ta₁ quian' jniá₂. Ma₂le₁ton₅ lia' chein₂ ne₄ si₂ a₂le₃chain₂ co₂tan₅₄.

⁴ 'Io' jmo₄ 'nia' co₂tan₅₄ le₃quió' Te₁gui' 54. Cón' siá' juá' táng₃, 'io' jmo₄ 'nia'!

⁵ Jui₁le₂jniá₂ a₂'ua₁ 'au' 'nia' jě₄ quió' le₃jín₃ dsa₂, ia₁ ma₂ja₂quían₃ guan' Te₁gui' 54.

⁶ Tsá₃ jmo' 'nia' 'i₅ 'au' 'i₁caun₂. La₁ chi₂jua' 'e₂ lě₅, chi₂len' 'nia' Diú₄; m₁i₄ 'nia' ne₄ 'éi₂ ton' ján₃ guě' cuě' 'nia' ti₁'mag' 'éi₂. ⁷ Jaun₂ Diú₄ bá₄ jmo₃ 'í₁ jme₂dsí₂ quían' 'nia' quian' a₂qui₂dsi₂jio₅ 'au' 'nia' ně₃, të₂le₃ quian' Cristo Jesús. Diú₄ bá₄ jmo₃ a₂'ag₃ tei₄ 'au' 'nia' ñag₅₄ guě₄ lín₃ con' guě₄ a₂lé₂ le₃ñí' dsa₂.

Jui₁dsi₂jio₅ 'au' jma' a₂dse₃

⁸ Jaun₂ lě₃, rin' jniog₄, jui₁dsi₂jio₅ 'au' 'nia' jui₁'e₂ a₂tí₅ dsón', jui₁'e₂ a₂ca₂tín₂ jme₃gó' dsa₂, jui₁'e₂ a₂dsi₂ten₅₄, jui₁'e₂ a₂le₁jě₃, jui₁'e₂ a₂'io', jui₁'e₂ a₂quen₅ jág₁ dse₃; chi₂jua' cha₂ a₂jlá' a₂ca₂tín₂ 'ag₃ dse₃ jág₁, a₂jaun₂ bá₄ jui₁dsi₂jio₅ 'au' 'nia'. ⁹ Jme₁dsau₅ 'nia' caun₂ a₂ma₂gue' 'nia', a₂ma₂ca₂jme₁tag₅ a₂ma₂nei' 'nia' ma₂juá' quian' a₂qui₂ma₂tě₂ ne' ma₂jag' 'a₂ lia' jmo₅ jniá₂: le₂jaun₂ jmo₄ 'nia'. Jaun₂ Diú₄ ně₃ i₂jmo₅ 'ag₅ tei₄ 'au' 'nia', 'ein₅₄ ja₁con' 'nia'.

Cuě₅ Pa₁ ti₁'mag' cuě' dsa₂ Filipenses

¹⁰ 'E₂ guě₄ të₅ dsi₃ 'io' jén₅ guě₄ lín₃ le₃quió' Te₁gui' 54 'a₂ lia' lě₃ a₂ca₂dsáu' táng₃ 'au' 'nia' jniá₂. Tsá₃ 'nio₃ jniá₂ juá' jua' a₂ma₂i₂'én₂ 'au' 'nia' jniá₂, të₂le₃ ia₁ a₂tsá₃ ma₂cuin₃ jmi₄ jme₁'o' bá₄. ¹¹ On₃jua' rě' juá' jniá₂ ia₁ a₂ca₂rě₃'nió' quió₃; ia₁ jniá₂ ně₃ ma₂ca₂rě₃tín₃ bá₄ jniá₂ a₂'ei₅ dse₃ dsi₃ chi₂jua' 'a₂ lia' lě₅ a₂chang₂. ¹² Ma₂guion₄ bá₄ jniá₂ 'a₂ lia' lě₅ jme₁rě₂chang₂ te₂ñég₂, ján₃ guě' guion₄ jniá₂ 'a₂ lia' lě₅ a₂qui₂rě₂tsón₂ quió₃. Jaun₂ ma₂ca₂rě₃tíng₃ bá₄ a₂chéng' tiá₂ jui₁lě₄ bá₄ 'a₂ lia' lě₅ chang₂. Cha₂ jme₁lín₅₄ qui₂rě₂tang₅₄ dse₃ lín₃, o₃ 'ong₅₄ 'e₂ jme₁lín₅₄. Cha₂ jme₁lín₅₄ qui₂rě₂tsón₂, o₃ a₂tsá₃ 'e₂ cha₂ mei' 'e₂. ¹³ Ca₂le₃jě₃ bá₄ qui' jniá₂ jmi₄g₄ të₂le₃ quian' Cristo i₂cuě₅ b₁í₂. ¹⁴ La₁ia₁, dse₃ bá₄ jaun₂ ca₂quen' 'nia' o₂i₁ dsi₅ a₂quian₄ jniá₂.

¹⁵ Jui₁lia' ma₂ñi' 'nia', rin' jniog₄ i₂chan₂ juí₂ Filipos, lia' con' jme₁ca₂jme₁lióg₄ jniá₂ ca₂'ě₃ jág₁ dse₃ a₂lión₂ dsa₂, jme₁ca₂o₃'ín₃ jniá₂ 'uě₃ Macedonia, 'i₁caun₂ guá' tsá₃ ca₂jme₃quen' të₂le₃ quian' cu₄; jñia' lia' 'nia' bá₄. ¹⁶ Ia₁ lia' con' jme₁'en₅₄ jniá₂ juí₂ Tesalónica, on₃jua' co₂ráun₂ ca₂jme₁'o' 'nia' jniá₂, ca₂chen' 'nia' cu₄ 'uig₅₄ ia₁ a₂ca₂rě₃'nió' quió₃. ¹⁷ On₃jua' rě' a₂dsi₂jio₅ dsi₃ a₂jñia' caun₂ le₃cha₂ a₂ca₂tín₂ jniá₂ a₂qui₁gue₅₄; a₂jaun₂ bá₄ 'nio₃ jniá₂ a₂le₃cha₂ 'uig₅₄ a₂jme₃'mag' Diú₄ quían' 'nia'. ¹⁸ La₁ ma₂gue₃ bá₄ jniá₂ le₃jě₃, të₂le₃ lě₅ guě₄. Quian' a₂ca₂chen' 'nia' të₂le₃ quian' Epafrodito, ma₂rě₂tsón₂ bá₄ quió₃. A₂ca₂chen' 'nia' jaun₂ quió₃, lě₅ jui₁lia' lě₅ caun₂ a₂rě₂jen' ne₄ Diú₄ a₂ja₂ m₁i₂juí₂ a₂'ñio₂ dsí₅ Diú₄ guéi'. ¹⁹ Diú₄ quiáng₃ ně₃, 'éi₂ bá₄ cuě₃ ca₂le₃jě₃ a₂'nió' quían' 'nia' lia' con' lě₅ a₂ñí₄ lě₃ jlá' a₂rě₂tsón₂ quió' cuě' 'nia' të₂le₃ quian' Cristo Jesús. ²⁰ Jui₁jme₂jui₁n' bá₄ dsa₂ Diú₄ Jme₁jniog₄ ca₂lia' co₂tan₅₄! A₂mei₃.

²¹ Cu_in₅₄ 'nia'₂ Diú₄ o₄quió₃, ca₂le₃jín₃ i₂tén₅a le₃quió'₅ Cristo Jesús. Dsa₂ rín'₅₄ * i₂quian'₄ jniá₂ ně₃, cu_in₂₃ Diú₄ 'nia'₂. ²² Cu_in₅ 'nia'₂ Diú₄ ca₂le₃jín₃ dsa₂ jnió₅, la₁ia₁ ja₂lin₃ guě₄ dsen₅₄ cuag₅ Diú₄ dsa₂ i₂tián'₅ dsi₂néi₂ quió'₅ gui'₅₄ rag₅₄ emperador.

²³ Jui₁jme₂gu'₅₄ bá₄ Te₁gui'₅₄ Jesucristo jme₂dsí₂ quián'₂ 'nia'₂. A₂méi₃.†
Co₂ně₅.

* **4:21** lit. “dsa₂ jnió₅.” † **4:23** A₂lin₅₄ chog₅₄ si₂ tsá₃ chi₁ton₅ “A₂méi₃.”

Si₂ carta a₂ca₂jmo₃ San Pablo ne₄ dsa₂ COLOSENSES

Jmo₅ Pa₄ si₂ a₂chein₃ ne₄ Guá'₅ i₂chan₂ juig₂ Colosas tē₁lia'₂ 'ein₅₄ né'₃ 'má₃

¹ Jniá₂, Pa₄, ia₁ co₂nē₅ 'nio₃ Diú₄ bá₄, líng₅ jan₂ i₂chen₄ quián₅ Jesucristo. Co₂lē₅ quiang'₅₄ rin'₅₄ jniog₄ Timoteo, ² jmo₂₃ si₂ carta la₂ a₂dsiang'₅₄ ne'₅₄ 'nia'₂ rin'₅₄ jniog₄ a₂ i₂chang'₂ juig₂ Colosas, dsa₂ i₂lē₅ 'í₁ i₂jme₂ti₃ ja₁con₂ Cristo:

Jui₁jme₂gu'₅₄ bá₄ Diú₄ i₂lín₅ Tia₅₄ quián₂, jui₁jmo₁₂ bá₄ 'ag₃ tei₄ tion'₅₄ 'nia'₂.

Mi₅ Pa₄ ne₄ Diú₄ o₄quió'₄ dsa₂ i₂én₂

³ Cuē₂ jnia'₅₄ ti₁'mag'₄ Diú₄ Jmei₂ Jesucristo Te₁gui'₅₄ quián₂, co₂tan₅₄ bá₄ mi₂ jnia'₅₄ ne₅₄ o₄quián'₂ 'nia'₂. ⁴ Ia₁ ma₂ca₂rē₃ne₄ bá₄ jnia'₅₄ 'a₂ lia'₂ lē₅ a₂'én'₂ 'nia'₂ le₃quió'₅ Cristo Jesús, 'a₂ lia'₂ lē₅ 'nió'₃ 'nia'₂ ca₂le₃jín₃ i₂ma₂tén₅ le₃quió'₅ Diú₄, * ⁵ ia₁ cha₂ a₂'ín₂ 'au'₂ 'nia'₂ a₂ma₂rē₂'ma₄ a₂lé₂ quián'₂ 'nia'₂ guei'₅₄ i₂juíg₃, jág₁ dse₃ a₂tí₅ a₂jme₁ma₂nei'₂ 'nia'₂ le₂jniá₅, ⁶ a₂jme₁ma₂dsióg₃ ja₁con'₂ 'nia'₂. Ca₂le₂con₂ ta₁caun₂ mi₂güig₃, ma₂léi₄ ma₂rē₂rau₂ a₂rē₂'én₂ dsa₂, le₂jaun₂ qui₂dsi₂cón₃ jág₁. Lē₂ jui₁lia'₂ ma₂qui₂ma₂lē₅ quian'₅₄ 'nia'₂ ca₂le₃ jmig₄ jme₁ca₂nei'₂ 'nia'₂ jág₁ dse₃ a₂lión₂ dsa₂, jme₁ca₂rē₃ñí'₂ 'au'₂ 'nia'₂ ně₃, 'a₂ lia'₂ lē₅ a₂tē₃dsón'₂ bá₄ dsau₅ 'ua₁ dsí₅ Diú₄. ⁷ A₂nē₅ ma₂ca₂rē₃tín'₃ 'nia'₂ ca₂jme₃tag₅ Epafras i₂'nióg₃ guē₄ lín₃, i₂ma₂já₅ co₂lē₅ quian'₅₄ jnia'₅₄ jme₂ti₃ ta₁ ne₄ Cristo. 'Éi₂ bá₄ chén'₅ ja₁con'₂ 'nia'₂ a₂lín₅ dsa₂ rē₂ti'₅₄ i₂jmo₅ ta₁ quió'₅ Cristo, o₄quián'₂ 'nia'₂. ⁸ 'Éi₂ bá₄ ma₂o₃can₅ jág₁ 'a₂ lia'₂ 'nió'₃ 'nia'₂ ríng'₂ le₃quió'₅ Jme₂dsí₂.

⁹ 'Ui₅₄ jaun₂, jnia'₅₄ ně₃, ca₂le₃ jmig₄ jme₁ca₂rē₃ne₄ jnia'₅₄, ma₂ja₂náu₅ tsá₃ ma₂tí₄ jnia'₅₄ jua'₅₄ tsá₃ chi₂len'₄ jnia'₅₄ Diú₄ o₄quián'₂ 'nia'₂. Mi₂ jnia'₅₄ jui₁jmo₁₂ jui₁qui₂le₂'an₂ 'au'₂ ia₁jaun₂ qui₂le₃ñí'₂ le₃ñi'₅₄ 'nia'₂ le₃quió'₅ jme₂dsí₂, 'e₂ jaun₂ a₂'nio₃ 'éi₂, ¹⁰ ia₁jaun₂ bá₄ i₁'nio₄ 'nia'₂ con'₂ dsi₂ten₅₄ jmo₃ dsa₂ quián₅ Te₁gui'₅₄, lia'₂ con'₂ lē₅ 'ñio₂ dsí₅ 'éi₂, Jui₁le₂rau₂ bá₄ con'₂ dse₃ ca₂le₃jě₃ ne₅₄ a₂dse₃ jmo'₂ 'nia'₂, caun₂ dsi₁nó'₅ 'nia'₂ le₃cuíng'₂ guē₄ dse₃ Diú₄. ¹¹ Mi₂ jnia'₅₄ ne₄ 'éi₂ a₂chein'₃ 'nia'₂ tiá₂ quian'₅₄ jui₅bí₂ 'uan'₂ quió'₅, ia₁jaun₂ bá₄ tian'₃ 'nia'₂ ca₂le₃jíng'₃ a₂tió'₃ 'au'₂, a₂juin'₂ 'au'₂, ton'₂ o₂'ñió₃ 'au'₂ ně₃. ¹² Mi₂ jnia'₅₄ ia₁jaun₂ bá₄ cuē'₅₄ 'nia'₂ ti₁'mag'₄ Tia₅₄, ia₁ ma₂jmo₃ a₂lén'₄ 'nia'₂† dsa₂ i₂lē₅ 'í₁† quián₅, i₂ca₂tín₂ le₃quen'₄ ja₁tág₅ si₂. ¹³ Ma₂ca₂lió₂ Diú₄ jniog₄ o₄gú₃ i₂gon₂ jē₄ qui₁né'₃, a₂ma₂ca₂dsiog₃ táng₃ ja₁gon₂ Ja₁ñi'₅₄ i₂ñí₄ lē₃ 'nioi₃. ¹⁴ 'Éi₂Š bá₄ ca₂láu₂, ca₂'éin₂ dsáu₁ jniog₄.

'Ei₅ tei₄ quian'₅₄ Diú₄ o₄quió'₄ a₂ca₂jón₃ Cristo

¹⁵ 'Éi₂ bá₄ lín₅ nió'₄ quió'₅ Diú₄ i₂tsá₃ jniá₂; 'éi₂ bá₄ i₂ca₂tín₂ lén₂ gon₂ ne₄ ca₂le₃jě₃ a₂ca₂rē₃chá₃. ¹⁶ Tē₂le₃ quian'₅₄ 'éi₂ bá₄, ca₂jmo₃ Diú₄ ca₂le₃jě₃ 'e₂ a₂cha₂ guei'₅₄ i₂juíg₃ quian'₅₄ gua'₅₄ 'uē₃, ca₂le₃jě₃ a₂jniá₂ quian'₅₄ guē₄ ca₂le₃jě₃ a₂tsá₃ jniá₂ ně₃: co₂'nió'₄ a₂ca₂jmoí'₂ ca₂le₃jín₃ i₂jmo₅ 'éi'₃, ca₂le₃jín₃ i₂'io₅ bí₂, ca₂le₃jín₃ i₂gon₂, ca₂le₃jín₃ i₂lín₅ ta₁ ně₃. Ca₂le₃jín₃ i₂nē₅ ca₂lín₃ tē₂le₃ quian'₅₄ 'éi₂, ton'₂ o₄quió'₄ 'éi₂ ně₃. ¹⁷ 'Éi₂ bá₄ i₂jme₁ma₂chan₂ lia'₂ con'₂ né'₃ guē₄ a₂le₃cha₂ ca₂le₃jě₃; 'éi₂ bá₄ jmo₅ a₂niog₅ lē₂ rē₂ ca₂le₃jě₃. ¹⁸ 'Éi₂ bá₄ lín₅ ján₃ mi₂dsi₄ ni₁ñi₁₂, co₂'nió'₄ le₃jua'₅₄ guá'₅ quián₅. 'Éi₂ bá₄ lín₅ i₂ca₂jme₃lióg₃ ca₂le₃jě₃; ton'₂ 'éi₂ bá₄ lín₅ ján₃ i₂le₂'ui₅₄ i₂ca₂jen'₅₄ jin₄ 'lag₄, ia₁jaun₂ lén₂ 'éi₂ i₂dsen₅₄ guē₄ ne₄ quió'₅ ca₂le₃jě₃. ¹⁹ Ia₁ ca₂rē₃'ñió₃ dsí₅ Diú₄ ca₂tē₁gua₁ tē₂le₃ ja₁con₂ 'éi₂ ca₂le₃jě₃ 'a₂ lia'₂ lín₅ 'ñiog₅; ²⁰ ca₂rē₃'ñió₃ dsí₅ ján₃, tē₂le₃ quian'₅₄ 'éi₂, ca₂'ág₂ táng₃ caun₂ jág₁ quian'₅₄ 'ñiog₅, ca₂le₃jě₃ a₂cha₂: lia'₂

* 1:4 lit. "dsa₂ jñiós." † 1:12 A₂lín₅₄ chog₅₄ si₂ juá'₂: "ma₂jmo₃ ma₂léi₄ jniog₄." ‡ 1:12 lit. "dsa₂ jñiós." § 1:14 A₂lín₅₄ chog₅₄ si₂ juá'₂: "Quián'₅₄ jmi₂ 'an₅₄ 'éi₂."

ta,caun₂ guei'₅₄ mi₂güig₃ lia'₂ quian'₅₄ ne₄ gua'₅₄ 'uë₃, ca₂jmo₃ ca₂'ág₂ táng₃ tei₄ të₂le₃ quian'₅₄ jmi₂ 'ain₅₄ a₂ca₂tein₃ ne₄ cróg₄.

²¹ 'Nia'₂ ně₃, tsá₃ jág₁ jme₁nióg'₅ quian'₅₄ Diú₄ le₂jniá₅; të₂le₃ jme₁'niai'₅₄ bá₄ 'nia'₂, jui₅ 'a₂ lia'₂ jme₁qui₂dsi₂jio₅ 'au'₂, jui₅ 'a₂ lia'₂ jme₁jmo'₂-dsáu'₅ 'nia'₂ ně₃. ²² La₁ rē₂ně₃ ně₃, ma₂ca₂jmo₃ Diú₄ ca₂'ág₂ táng₃ caun₂ jág₁ 'nia'₂ quian'₅₄, të₂le₃ quian'₅₄ 'mú₃ a₂ca₂can₃ Cristo jui₅ ni₅₄. A₂ně₅ ca₂jmo₃ ia₁jaun₂ chein'₃ 'nia'₂ ne₅₄, jme₃jniai₂₃ 'nia'₂ dsa₂ i₂ma₂lě₅ 'í₁, * i₂tsá₃ ma₃'e₂ rē₂'nió₄, on₃ guë'₂ ma₂'e₂ dso₄ rin'₂ 'nia'₂. ²³ A₂jaun₂ chi₂jua'₂ caun₂ náu'₂ 'nia'₂ tiá₂ a₂'éng'₂, ně₂jag₄ quian'₅₄ jmú₄ tio'₅₄ 'ei₄; jaun₂ tsá₃ qui₂dsi₃mú'₃ 'nia'₂ cau₅ a₂'ín₂ 'au'₂ të₂le₃ quian'₅₄ jág₁ dse₃ a₂ma₂nei'₂ 'nia'₂. Já₁ dse₃ ně₅ ma₂qui₂rē₂'ě₂ ne₄ le₂jan₂ le₂jan₂ i₂chan₂ ne₄ gua'₅₄ 'uë₃. Jniá₂ Pa₄, jaun₂ ně₃, líng₅ jan₂ i₂qui₂jme₂'o₅₄ dsi₂'ě₃ jág₁ jaun₂.

Jme₂ti₃ Pa₄ ja₁con₂ guá'₅

²⁴ Ně₃ ně₃ 'io'₂ jéin₅ jē₄ dsi₂ni₂g₂ uig₅ o₄quián'₂ 'nia'₂, ia₁ le₂la₂ bá₄ 'eng₅₄ jui₅ a₂jme₁'niag₅, quian'₅₄ ni₃ 'nió₃ a₂'nió'₅ guë'₄ jui₁lia'₂ jmi₁uig₅ a₂ca₂i₃ni₂ Cristo o₄quió'₄ guá'₅ quián₅, a₂lě₅ ni₅₄. ²⁵ A₂ma₂ca₂dsi₂óg₃ jniá₂ a₂líng₅ jan₂ i₂jme₂ti₃ ja₁con₂ guá'₅ ján₃, con'₂ lě₅ ca₂dsia₃ Diú₄ gu₃, a₂dse₃ quián'₂ 'nia'₂, a₂'ě₄ jniá₂ lia'₂ qui₂rē₂'nia₅ jág₁ quió'₅, ²⁶ co₂'nió'₄ le₃jua'₅₄, jág₁ a₂tsá₃ jme₁ca₂rē₃jniá₂ a₂jme₁rē₂'ma₄ quió'₅ Diú₄ ca₂le₃ ma₂líg'₂ lin₃ ma₂qui₂ma₂ni₂ juin₅ lin₃ tsi₁jon₂ dsa₂ ně₃. La₁ rē₂ně₃ ma₂cuë₃ a₂le₃cuí'₅ dsa₂ i₂lě₅ 'í₁† quián₅. ²⁷ Ja₁con₂ dsa₂ quián₅ 'éi₂ bá₄ ca₂rē₃'nió₃ dsí₅ Diú₄ ca₂jmo₃ a₂le₃cuí'₅ dsi₂nau₂ 'e₂ jaun₂ a₂jlá'₁ lin₃ jág₁ a₂jme₁rē₂'ma₄ jaun₂: co₂'nió'₄ le₃jua'₅₄, 'en₅₄ bá₄ Cristo jē₄ quián'₂ 'nia'₂, 'éi₂ bá₄ lín₅ i₂'ín₂ 'au'₂ ja₁dse₃ ja₁jlá'₁ a₂guéi'₁ 'nia'₂. ²⁸ Jnia'₅₄ ně₃ qui₂'ě₅ jág₁ a₂'ín₅ 'éi₂, le₂jan₂ le₂jan₂ dsa₂ qui₂tioin'₂ jnia'₅₄ jág₁, le₂jan₂ le₂jan₂ bá₄ dsa₂ qui₂jme₂tín₁ ia₁jaun₂ le₃nií'₂, ia₁jaun₂ lé₂ jme₁jnia₅ jnia'₅₄ le₂jan₂ le₂jan₂ dsa₂ a₂ma₂lín₅ dsa₂ ma₂ron₂ le₃quió'₅ Cristo. ²⁹ 'Uig₅₄ jaun₂ bá₄ ně₃, jmo₅ jniá₂ ta₁, quín'₅ jniá₂ bí₂ lia'₂ con'₂ lě₅ ta₁ bēn₂ a₂jmo₅ 'éi₂ ja₁cong₂.

2

¹ Ia₁ 'nio₃ jniá₂ jui₁le₃ni'₅₄ 'nia'₂ 'a₂ lia'₂ ni₄ lě₃ quian₅ ta₁ a₂quíng'₅ bí₂ o₄quián'₂ 'nia'₂, quian'₅₄ o₄quió'₄ i₂chan₂ juig₂ Laodicea, o₄quió'₄ ca₂le₃jín₃ i₂tsá₃ cuig₅ i₂tsá₃ jág₂ dsi₁ne₁ ně₃. ² Jmo₅ jniá₂ bí₂ le₂ně₅ ia₁jaun₂ qui₂le₁'ág₄ lián'₂ dsí₅ 'éi₂, caun₂ 'ei₅ jág₁ jme₂'nioi₃ rin'₅₄; ia₁jaun₂ bá₄ 'io₃ a₂quen₅ lin₃ a₂le₂jaun₂ a₂caun₂ le₁'ág₄ dsí₅ ia₁ a₂qui₂ma₂'an₂ dsí₅; ton'₂ ia₁jaun₂ le₃nií'₂ jág₁ a₂rē₂'ma₄ quió'₅ Diú₄. Já₁ jaun₂ ně₃, Cristo 'niog₅ bá₄ 'éi₂. * ³ Ia₁ të₂le₃ ja₁con₂ 'éi₂ bá₄ qui₂rē₂'ma₄ jē₂ jág₁ a₂quen₅ lin₃ a₂lé₂ le₃nií'₂ dsí₅ dsa₂, a₂lé₂ le₃ni₅ dsa₂ ně₃. ⁴ A₂ně₅ juig₂ 'nia'₂ ia₁jaun₂ 'i₁jan₂ tsá₃ 'ein₂ jui₁jme₂gau₅ 'nia'₂ quian'₅₄ jág₁ a₂'io'₂ quió'₅. ⁵ Jaun₂ o₁jnia'₅₄ la₂ tsá₃ quian'₅₄ jniá₂ 'nia'₂ dsi₁ne₁ 'nió₃ dsón'₂, la₁ 'eng₅₄ bá₄ quian'₅₄ 'nia'₂ të₂le₃ quian'₅₄ jme₂dsí₂, jmo₂₃ 'io'₂, jág₅ 'a₂ lia'₂ tióng'₅₄ rē₂ con'₂ dsi₂ten₅₄, ton'₂ tióng'₂ bá₄ tiá₂ a₂'éng'₂ le₃quió'₅ Cristo. ⁶ Jaun₂ lě₃, le₂ně₅ jui₁lia'₂ ca₂guen₅₄ 'nia'₂ Cristo Jesús† a₂lín₅ juig'₂ 'nia'₂, caun₂ jui₁i₂nio'₄ bá₄ 'nia'₂ le₃quió'₅ 'éi₂; ⁷ jui₁tē₂ton₅₄ bá₄ jmú₄ jui₅ jme₂dsí₂ quián'₂ 'nia'₂ të₂le₃ quió'₅ 'éi₂, jui₁qui₂dsi₂cón'₃ bá₄ 'nia'₂ le₃quió'₅ 'éi₂ të₂le₃ ia₁ a₂'éng'₂, lia'₂ con'₂ lě₅ a₂ca₂rē₂tín'₃ 'nia'₂, a₂rē₂tsón₂ të₂'au'₂ a₂cuë'₅₄ ti₁'mag'₄ Diú₄.

A₂le₃chan₂ dsa₂ caun₂ jui₅ 'mí₂ le₃quió'₅ Cristo

⁸ 'Í₁ jmo₄ 'nia'₂, ia₁ con'₂ tsá₃ nō₅ ně₁ca₂tág₃ dsa₂† të₂le₃ quian'₅₄ jág₁ a₂jnia'₅₄ ni₂ dsí₅ dsa₂ mi₂güig₃, a₂jme₂gau₅, a₂tsá₃ ta₁ tí₄, lia'₂ con'₂ lě₅ tag₄ chí'₅ quió'₅ dsa₂, a₂cha₂ 'uig₅₄ 'a₂ con'₂ jnia'₅₄ lě₂ a₂cha₂ mi₂güig₃ la₂, on₃jua'₅₄ rē₂ lia'₂ con'₂ lě₅ jág₁ quió'₅ Cristo. ⁹ Ia₁ ja₁con₂ Cristo bá₄ të₁gua₁ chi₁dsáin₃ ca₂le₃jě₃ lia'₂ con'₂ lě₅ niog₅ lín₅ Diú₄. ¹⁰ Jaun₂ 'nia'₂ ně₃, ma₂le₁'nia'₅

* **1:22** lit. “dsa₂ jnió₅.” † **1:26** lit. “dsa₂ jnió₅.” * **2:2** A₂lin₅₄ chog₅₄ si₂: “já₁ a₂rē₂'ma₄ quió'₅ Diú₄ Jme₂, quió'₅ Cristo ně₃.” † **2:6** o₃, “Jesucristo.” ‡ **2:8** o₃, “ně₁ca₂'ang₃ a₂'én₂ 'nia'₂.”

'nia'₂ le₃quió'₅ 'éi'₂, i₂lín₅ co₂'nió'₄ mi₂dsi₄ ne₄ quió'₅ ca₂le₃jín₃ i₂gon₂, ca₂le₃jín₃ i₂jio₅ 'éi'₃ ján₃. ¹¹ Le₂jaun₂ bá₄ ján₃, ia₁ a₂quian'₅₄ 'nia'₂ Cristo, co₂'nió'₄ bá₄ ma₂qui₂rē₂uīng₄ quián'₂ 'nia'₂, ma₂lē₅ léi₄. La₁ on₃jua'₅₄ rē₂ lia'₂ lē₅ jmo₅ dsa₂ mi₂gūig₃, tē₂le₃ a₂ma₂qui₂ma₂tí'₃ 'nia'₂ 'nau'₄ dso₄ lia'₂ 'ín₅ dsí₅ ni₁ñi'₁; ma₂qui₂le₁lín'₅ 'nia'₂ léi₄ le₃quió'₅ Cristo. ¹² Ia₁ lia'₂ con'₂ jme₁ca₂qui₂ca₂jñó'₂ 'nia'₂ jmi₂g₂, Š nē₂jag₄ bá₄ ca₂i₃'on'₃ 'nia'₂ co₂lē₅ quian'₅₄ Cristo, ján₃ guē'₂ le₂jaun₂ ca₂jen'₅₄ 'nia'₂ co₂lē₅ quian'₅₄ 'éi'₂, ia₁ ca₂rē₃'én'₂ 'nia'₂ jui₅bí₂ quió'₅ Diú₄ a₂ca₂jme₃jein'₅₄ ja₁jme₁rē₂'lín₅₄. ¹³ Lia'₂ con'₂ jme₁rē₂'lín'₄ 'nia'₂ le₃quió'₅ jme₂dsí₂, jme₁qui₂le₁cán'₂ jme₁qui₂le₁quian'₄ 'nia'₂ dsáu'₂, nē₂jag₄ bá₄ a₂tsá₃ jme₁rē₂uīng₄ lo'₄ 'nia'₂ jme₁chang'₂; la₁ Diú₄ nē₃ ma₂to'₂ táng₃ jme₂dsí₂ 'nia'₂ co₂lē₅ quian'₅₄ Cristo, qui₂ca₂'éin₂ bá₄ jē₂ dsáu'₂ 'nia'₂. ¹⁴ Co₂dsia₅ ca₂'éin₂ bá₄ jág₁ a₂jme₁chi₁ton₅ ne₄ si₂ a₂jme₁ron₅ a₂jme₁juá'₂ a₂jme₁rag₂ jniog₄, Si₂ 'Éi'₃ jaun₂ a₂jme₁'liog'₅ jniog₄; ma₂ca₂jñiá'₂ cau₅ co₂ñei'₅₄, nē₂jag₄ bá₄ a₂ca₂i₃ba₅₄ mi₂ñi₁ si₂ jaun₂ dso'₂ cróg₄. ¹⁵ Le₂nē₅ co₂dsia₅ ca₂chein'₃ 'uīn₃ jme₂dsí₂ i₂jme₁gon₂, i₂jme₁jio₅ 'éi'₃ nē₃, jaun₂ ca₂jio₃ cha₂ juíg₃ tē₃ jág₅ ca₂le₃jín₃ dsa₂, jme₁ca₂tió'₃ ca₂tiain'₃ 'éi'₂ jág₁, ne₄ cróg₄.*

'Nio'₂ 'nia'₂ a₂cha₂ le₃quió'₅ guei'₅₄ i₂juíg₃

¹⁶ Jaun₂ lē₃, 'i₁jan₂ tsá₃ 'ein₂ qui₂o₁'ag₅₄ 'nia'₂ o₄quió'₄ 'e₂ má₃ quē'₂, o₃ jui₁lia'₂ 'e₂ qui₂'ág'₂ 'nia'₂, o₃ quian'₅₄ jui₁lia'₂ jmi₂g₄ jme₁niog₅ jmi₂g₄, o₃ jui₁lia'₂ jmi₂g₄ tsi'₂ 'io'₅₄, † o₃ jui₁lia'₂ jmi₂g₄ sa₅₄ nē₃. ¹⁷ Ca₂le₃jē₃ a₂nē₅, lē₅ co₂'nió'₄ caun₂ 'én'₁ quió'₅ a₂'i₄ 'éi'₃ jiá₃ bá₄ jaun₂, la₁ia₁ jui₁lia'₂ a₂tí₅ tē₃dsón'₂, Cristo bá₄ 'éi'₂. ¹⁸ Tsá₃ cuē₂ 'nia'₂ jmi₂g₄ jua'₅₄ 'liog'₃ dsa₂ cau₅ 'nia'₂, jui₁lia'₂ dsa₂ i₂jmo₅ a₂lín₅ mei'₂, ton₂ jme₂juin'₂ ángeles nē₃. Qui₂tiáin₂ 'ñio₅ lín₃ a₂cha₂ tē₅ ne₅₄ a₂lē₁qui₂jág₅, † 'ñio₅ jme₂cain'₅₄ jmo₂₃ rón₂ a₂qui₂ñi'₂ dsí₅ guioin₅₄. ¹⁹ Dsa₂ i₂le₂'éi'₂ nē₃, tsá₃ chi₁chain'₅ le₃quió'₅ Cristo, i₂lín₅ mi₂dsi₄ i₂jme₂tau₅₄ ca₂le₃jē₃ ja₁qui₂le₁tion'₅₄ quió'₅, jmo₂₃ qui₂dsi₂cón₃ ta₁caun₂ ni₁ñi₁₂, lia'₂ con'₂ lē₅ 'ñio₂ dsí₅ Diú₄.

²⁰ Chi₂jua'₂ jaun₂ ma₂dsan'₃ bá₄ 'nia'₂ quian'₅₄ Cristo, ja₁con₂ jág₁ le₂'uīg₅₄ lia'₂ ñi'₂ dsí₅ dsa₂ mi₂gūig₃, † 'e₂ guē'₂ 'uīg₅₄ lē₃ nē₃, qui₂tián'₅ guē₄ 'nia'₂ 'éi'₃ nē₂jag₄ a₂lín₅ bá₄ guē₄ 'nia'₂ dsa₂ mi₂gūig₃? ²¹ Co₂'nió'₄ a₂juá'₂ 'éi'₃: “Tsá₃ i₂tí₅ gog'₂, tsá₃ i₂quē'₂ má₃ ó₃, tsá₃ i₂jmá'₂ a₂ó₃ nē₃.” ²² Ta₁jē₂ bá₄ a₂nē₅ dsiá₃ jui₁lia'₂ jē₁jmo'₂ ta₁. Tē₂le₃ ia₁ con'₂ lē₅ 'éi'₃ a₂jme₂tag₅ dsa₂ mi₂gūig₃ bá₄ jaun₂. ²³ Jág₁ a₂le₃ñi'₂ dsí₅, jág₁ le₂nē₅, lé₂ le₃lín₂ dsa₂, ia₁ qui₂chi₂quióng₂ jmi₂g₄ 'ñio₅ lín₃ a₂jmo₃ dsa₂ a₂ñi₄ cui_{in}₂₃ Diú₄, a₂qui₂jmo₂₃ mei'₂, a₂qui₂cuē'₅ uīg₅ ni₁ñi₁₂ nē₃; la₁ 'i₁ca₂juīg₄ tsá₃ 'e₂ ta₁ jmo₃ jua'₅₄ quian'₅₄ a₂nē₅ lé₂ le₃guia'₃ dsa₂ cau₅ a₂'ág'₄ dsí₅ a₂mi₅ ni₁ñi₁₂.

3

¹ Le₂nē₅ bá₄ jaun₂, ia₁ a₂ma₂ca₂jen'₅₄ guē'₂ 'nia'₂ quian'₅₄ Cristo, 'nio'₂ 'nia'₂ jaun₂ a₂lē₅ le₃quió'₅ guei'₅₄ i₂juíg₃, ja₁guá₄ Cristo tē₂le₃ gu₂ ne₁ quió'₅ Diú₄. ² Jmo₄ bá₄ 'nia'₂ 'i₅ 'au'₂ a₂ca₂tín₂ guei'₅₄ i₂juíg₃, on₃jua'₅₄ rē₂ a₂ca₂tín₂ ne₄ gua'₅₄ 'uē₃. ³ Ia₁ ma₂dsan'₃ bá₄ 'nia'₂, jaun₂ ma₂rē₂'ma₄ a₂chan'₂ 'nia'₂ quian'₅₄ Cristo ja₁con₂ Diú₄. ⁴ Jē₁ma₂tē₂ rē₁jme₃jnia₅ Cristo nē₃, i₂lín₅ i₂jmo₅ a₂chong₂ jniog₄, jaun₂ nē₃, ján₃ guē'₂ le₂jaun₂ 'nia'₂ le₃jniág'₂ co₂lē₅ quian'₅₄ jē₄ co₂tág₅ co₂'né'₅ quió'₅.

Jui₅gui'₅₄, quian'₅₄ jui₅'mí₂

⁵ Jaun₂ lē₃, co₂dsia₅ jmo₄ 'nia'₂ jui₁dsian₂ gog'₂-tag'₅₄ a₂jmo₅-dsáu₅ jui₁lia'₂ a₂lē₂ gua'₅₄ 'uē₃ la₂: jui₁lia'₂ a₂nió'₅ dsa₂ jág₁ a₂tsá₃ dsi₂ten₅₄ nió'₃; jui₁lia'₂ a₂jmo₅ dsa₂ cosa lē₁'iog₅, jui₁lia'₂ a₂'ín₅ dsí₅ cosa 'lig'₅₄, jui₁lia'₂ a₂'ín₅ dsí₅ dsa₂ jme₃'ñi₁ó'₃ a₂ca₂tín₂ i₂sián'₂. Ia₁ a₂co₂jaun₂ bá₄ nē₅ jui₁lia'₂ a₂jme₂gan₃ dsa₂ diú₄ lag₄. ⁶ Ia₁ 'uīg₅₄ quió'₄ a₂le₂nē₅ bá₄ já₅ uīg₅ gau₂ a₂'ē₂

Š 2:12 lit. “lia'₂ con'₂ jme₁ca₂i₃tián'₃ 'nia'₂ jmi₂g₂.”

* 2:15 'Nio'₂ ja₁ton₅ Efesios 4:8.

† 2:16 lit. “tsi'₂ guen₂.”

‡ 2:18 A₂lin₅₄ chog₅₄ si₂juá'₂: “qui₂tiáin₂ 'ñio₅ lín₃ jui₁lia'₂ a₂tsá₃ ma₂jág₃.”

Diú₄ ne₄ quió'₅ jaun₅ dsa₂ i₂tsá₃ ne'₅₄.^{*} ⁷ Jui₅ le₂ně₅ jme₁i₂nio'₄ 'nia'₂ lia'₂ lě₅ jme₁chan'₂ 'nia'₂ le₂jñiá₅. ⁸ La₁ rě₂ně₃ ně₃, tí₃ ca₂le₃jě₃ a₂le₂ně₅: jui₁lia'₂ a₂i₄ 'nei₂ 'au'₂ 'nia'₂, jui₁lia'₂ a₂lě₁qui₂rě₂'neg'₂, jui₁lia'₂ a₂'lig'₅₄ a₂qui₂dsi₂jñiá₅ 'au'₂ 'nia'₂, jui₁lia'₂ a₂'ín'₅ 'nia'₂ uig₅ ríng'₂, jui₁lia'₂ jág₁ ga₂ a₂'uě₂ mi₂'o'₅₄. ⁹ Tsá₃ ma₃dsia₂ 'nia'₂ jág₁ tē₂jág₁ quian'₅₄ rín'₂ 'nia'₂ le₂jang'₂ le₂jang'₂, ia₁ ma₂dsian'₅₄ 'nia'₂ cau₅ dsa₂ 'ón₅ 'a₂ lia'₂ jme₁lín'₄ 'nia'₂ le₂jñiá₅, quian'₅₄ guě₄ ca₂le₃jě₃ a₂jme₁jmo₅-dsáu₅, ¹⁰ co₂'nió'₄ ma₂ca₂qui'₂ táng₃ 'nia'₂ caun₂ a₂'mí₂, co₂'nió'₄ a₂lín'₅ dsa₂ 'mí₂; a₂caun₂ qui₂rě₂'mag'₂ 'nia'₂, ia₁jaun₂ dsi₁nóg'₅ ja₁le₃cuin'₂ 'nia'₂ dse₃ lín₃ Diú₄, ja₁le₃lén'₂ 'nia'₂ lia'₂ lín₅ 'éi₂ i₂ca₂jmo'₂ 'nia'₂. ¹¹ Ja₁jaun₂ tsá₃ 'ein₂ jmo₅ jma₃quén₅ jui₁lia'₂ dsi₂na₂ o₃ dsa₂ judíos 'e₂, jui₁lia'₂ dsa₂ i₂rě₂uig₄ o₃ tsá₃ rě₂uig₄ quió'₅ 'e₂, jui₁lia'₂ dsa₂ i₂chan₂ uig₂, o₃ i₂chan₂ má'₂ 'e₂, jui₁lia'₂ dsa₂ i₂jme₂ti₃ ta₁ ne₄ jui₅54, o₃ i₂tsá₃ 'ein₂ ne₄ jme₂ti₃; la₁ Cristo bá₄ quen₅ ne₄ ca₂le₃jě₃, ton'₂ 'ein₅₄ ja₁con₂ ca₂le₃jín₃.

¹² Jaun₂ lě₃, rín'₅₄ jniog₄, jui₁lia'₂ ca₂tín₂ jmo₃ dsa₂ i₂ma₂quió'n'₂ Diú₄, i₂ma₂lě₅ 'í₁ quiáin₅, i₂ñí₄ lě₃ 'nioi₃ 'éi₂: qui'₂ 'nia'₂ a₂rě₂lín'₅₄ a₂ñéi₂ 'au'₂, a₂ua₁ 'au'₂, a₂jmo'₂ meg'₂, a₂jme₁gan'₃ 'nia'₂ ríng'₂, a₂jui'n'₂ 'au'₂ 'nia'₂ ně₃. ¹³ Jmo₄ 'nia'₂ tió'₃ 'au'₂ quian'₅₄ ríng'₂ le₂jang'₂ le₂jang'₂, ton'₂ 'én₃ 'nia'₂ dsáu₁ ríng'₂, ně₁jua'₂ chan₂ i₂dsia₅ dsáu₁ rín'₅₄. Jui₁lia'₂ ca₂'én₂ Te₁gui'₅₄ dsáu'₂ 'nia'₂ guiong'₅₄, le₂jaun₂ jmo₄ 'nia'₂ ján₃. ¹⁴ A₂dsen₅₄ guě₄ jě₄ ca₂le₃jě₃, qui'₂ 'nia'₂ quian'₅₄ a₂jme₁'nió'₄ 'nia'₂ ríng'₂, † a₂ně₅ bá₄ jmo₃ 'ag₃ co₂dsia₅ caun₂ jág₁ 'nia'₂. ¹⁵ Jui₁le₂gon₂ tē₂'au'₂ 'nia'₂ a₂'ei₅ tei₄ quió'₅ Cristo, † ia₁ ta₁ jaun₂ ma₂qui₂rě₂té₄ 'nia'₂ a₂lén'₂ caun₂ bá₄ ñí₅. Jaun₂ jmo₄ 'nia'₂ 'au'₂ cuě'₅₄ ti₁'mag'₄. ¹⁶ Jui₁tě₂gua₄ tē₂'au'₂ 'nia'₂ lia'₂ rě₂tsón₂ jág₁ dse₃ quió'₅ Cristo; quian'₅₄ ca₂le₃jě₃ a₂ñí'₂ dsí₅ Diú₄, jě₁jme₂tín'₂ 'nia'₂ ríng'₂, jě₁qui₂ton'₂ 'nia'₂ jág₁ ríng'₂ tē₂le₃ quian'₅₄ salmos, himnos, son₅₄ a₂gu₂dsí₂ ně₃, a₂qui₁'ě'₂ 'nia'₂ a₂cuě'₅₄ ti₁'mag'₄ Diú₄ jui₅ tē₂'au'₂ 'nia'₂. ¹⁷ Jui₁'e₂ guě₃ a₂jmo'₂, o₃ 'e₂ jág₁ dsiá'₁ 'nia'₂, jmo₄ 'nia'₂ ca₂le₃jě₃ o₄quió'₄ Te₁gui'₅₄ Jesús, qui₁cuě'₅₄ 'nia'₂ ti₁'mag'₄ Diú₄ Jmei₂jniog₄ le₃quió'₅ 'éi₂.

A₂ca₂tín₂ dsa₂ quián₅ Cristo jmo₃ quiain'₅₄ rín'₅₄

¹⁸ 'Nia'₂ dsa₂ mí₂ i₂chan₂ dsi₂i₂gu₂, tión'₂ 'nia'₂ 'éi'₃ quió'₅ dsa₂ ñe'₂ quiáng'₂, jui₁lia'₂ dsi₂ten₅₄ ia₁ lín'₅ dsa₂ 'én₂ le₃quió'₅ Te₁gui'₅₄. ¹⁹ 'Nia'₂ guě'₂ dsa₂ ñe'₂ i₂chan₂ dsa₂ mí₂ quián₅, jme₁'nió₄ 'nia'₂ dsa₂ mí₂ quiáng'₂, tsá₃ jmo'₂ 'nia'₂ 'ua'₂ 'au'₂ ja₁coin₂. ²⁰ 'Nia'₂ chī'₂-guein₂, nei₂ 'nia'₂ gau₂ jág₁ quió'₅ chog'₂-ñéi'₅ jě₄ le₃jě₃, ia₁ a₂ně₅ bá₄ tē₅ dsí₅ Te₁gui'₅₄. ²¹ 'Nia'₂ guě'₂ ně₃, jmei₂ chī'₂, tsá₃ tó'₂ 'nia'₂ 'nei₂ dsí₅ chī'₂-guein₂ quián'₂ 'nia'₂, ia₁jaun₂ tsá₃ jén₂ dsí₅. ²² 'Nia'₂ dsa₂ i₂jme₂ti₃ ne₄ dsa₂, jme₁ti₁ 'nia'₂ ca₂le₃jě₃ 'e₂ ta₁ ti₂néi'₂ juig'₂ i₂lín₅ juig'₂ tē₂le₃ ne₄ gua₅₄ 'uě₃ la₂, on₃jua₅₄ jmá'₃ jme₁jág₅ ia₁jaun₂ tē₃tsin₅₄ 'nia'₂ dse₃ quiain'₅₄, la₁ jmo₄ bá₄ jui₅ tē₂'au'₂ a₂tí₅ tē₃dsón'₂, ia₁ tē₂le₃ a₂gang'₃ Te₁gui'₅₄. ²³ Jui₁'e₂ guě₃ caun₂ a₂jmo'₂ 'nia'₂, jmo₄ 'nia'₂ a₂ñio₂ 'au'₂ co₂'nió'₄ a₂jmo'₂ ta₁ le₃quió'₅ Te₁gui'₅₄, on₃jua₅₄ le₃quió'₅ dsa₂. ²⁴ Ia₁ ma₂ñi'₅₄ bá₄ 'nia'₂, Te₁gui'₅₄ bá₄ cuě₃ 'liang'₅₄ a₂ma₂lě₅ jág₁ ca₂tín'₂. Ia₁ ne₄ Te₁gui'₅₄ Cristo jme₂tí'₁ 'nia'₂ ta₁. ²⁵ La₁ jui₁lia'₂ i₂jmo₅-dsáu₅ a₂'lig'₅₄, gue₃ bá₄ 'liain'₅₄ lia'₂ con'₂ lě₅ 'lig'₅₄ a₂jmo₂₃. Ia₁ tsá₃ jma₃quén₅ jín₂ Diú₄ le₂jan₂ le₂jan₂ dsa₂.

4

¹ 'Nia'₂ dsa₂ i₂lín'₅ juig₅₄ quián₅ dsa₂, ca₂tín'₂ 'nia'₂ jmó'₂ lia'₂ con'₂ dsi₂ten₅₄, 'i'₅₄ jág₁ 'nia'₂ quiang'₅₄ dsa₂ i₂qui₂jme₂ti₃ ne'₅₄. Jui₁dsiog'₂ bá₄ 'au'₂ 'nia'₂ a₂chan₂ jan₂ Juig'₂ 'nia'₂ ján₃ i₂guá₅ guei'₅₄ i₂juig₃.

² Caun₂ chī₂len'₄ 'nia'₂ Diú₄ a₂léi₄ rě₂jnio₄ ne'₅₄ 'nia'₂, cuě'₅₄ ti₁'mag'₄. ³ Mí₄ 'nia'₂ ne₄ Diú₄ o₄quián₂ jnia'₅₄ ján₃, ia₁jaun₂ bá₄ cuě₃ Te₁gui'₅₄ jui₅ rě₂na₄ jnia'₅₄ ia₁jaun₂ lé₂ le₃qui₁'ě₄ jág₁

* **3:6** A₂lín₅₄ chog₅₄ si₂ tsá₃ chī₁ton₅ jág₁: "ne₄ quió'₅ jaun₅ dsa₂ i₂tsá₃ ne'₅₄." † **3:14** 'Nio'₂ ja₁ton₅ 1 Corintios 13:13.

† **3:15** o₃, "quió'₅ Diú₄."

dse₃ a₂qui₁chei₅₄ jnia'₅₄ dsa₂ jág₁ a₂rē₂'ma₄ quió'₅ Cristo; 'uig₅₄ jág₁ nē₅ bá₄ 'eng₅₄ rē₂jníg₅.
 4 Chi₂len'₄ 'nia'₂ Diú₄ ia₁jaun₂ lé₂ le₃'ě₄ lia'₂ qui₂rē₂jiá₃ jág₁ lia'₂ con'₂ dsi₂ten₅₄ jmo₅₄.

5 Tián'₂ 'nia'₂ 'en₅₄ 'au'₂ jmo₄ quian'₅₄ jui₁lia'₂ dsa₂ i₂tsá₃ 'én₂, 'ñio'₄ 'nia'₂ jmo₄ a₂dse₃ jē₁cuin₅ jmig₄. 6 Jág₁ a₂dsia'₂ 'nia'₂ co₂tan₅₄ bá₄ ca₂tín'₂ 'nia'₂ dsiá'₁ a₂'ua₁ 'au'₂, jág₁ a₂'ñio₂ dsi₅ a₂ja₂ mi₂juig₂. Ca₂tín'₂ 'nia'₂ ján₃ le₃ñi'₅₄ 'a₂ lia'₂ qui₁jein'₄ jág₁ ja₁con₂ le₂jan₂ le₂jan₂ dsa₂.

Cuag₂₃ Diú₄ jē₁ca₂tó'₂

7 Tíquico rín'₅₄ jniog₄ i₂'nióg₃ guē₄ lín₃, i₂ma₂já₅ jme₂'o₅₄ qui₂rē₂ti'₅₄, jme₂ti₃ quian'₅₄ jniá₂ ne₄ Te₁gui'₅₄, 'éi₂ bá₄ dsia₃ ca₂le₃jě₃ 'a₂ lia'₂ lě₅ chang₂. 8 'Uig₅₄ jaun₂ tsíin₂ jniá₂ ja₁con'₂ 'nia'₂ ia₁jaun₂ dsia₃ 'a₂ lia'₂ chong₂ jnia'₅₄ ja₁lá₃, ton'₂ ia₁jaun₂ cuē'₃ 'nia'₂ lián'₂; 9 quiaín'₅₄ Onésimo nē₃, jan₂ rín'₅₄ jniog₄ i₂rē₂ti'₅₄, i₂lín₅ jan₂ i₂quian'₄ 'nia'₂; i₂nē₅ bá₄ dsia₃ ca₂le₃jě₃ 'e₂ niog₅ lě₂ ja₁lá₃.

10 Aristarco, i₂quiong'₅₄ jniá₂ né'₃ má₃, dsiáin'₂ jág₁ a₂cuin₂₃ Diú₄ 'nia'₂, ján₃ bá₄ le₂jaun₂ Marcos, i₂lín₅ chí'₂ rín'₅₄ * Bernabé. Tē₂le₃ quió'₅ Marcos 'éi₂ nē₃, ma₂gue'₅₄ bá₄ 'nia'₂ jág₁ 'a₂ lia'₂ jmó'₂; nē₁jua'₂ ca₂dsióg₃ dsi₁jīin₁₂ 'nia'₂, guein₅₄ bá₄ 'nia'₂ dse₃. 11 Ján₃ bá₄ cuag₅ Diú₄ i₂chen₂ Jesús i₂tě'₂ dsa₂ Justo ján₃. Jnia'₅₄ lia'₂ i₂nē₅ bá₄ lín₅ i₂ún₂ tan₅₄ i₂rē₂uīng₄ quió'₅, i₂jmo₅ ta₁ quian'₅₄ jniá₂ o₄quió'₄ ja₁gon₂ Diú₄, i₂ma₂ja₂lén₂ jmo₅ lián'₂ dsi₃. 12 Epafras nē₃ jan₂ i₂lín₅ rín'₂ 'nia'₂, dsiáin'₂ jág₁ a₂cuin₂₃ Diú₄ 'nia'₂, jan₂ rín'₅₄ i₂jme₂ti₃ ne₄ Cristo Jesús. Co₂tan₅₄ bá₄ chí₂lén'₂ 'éi₂ Diú₄ 'ñio₅ lín₃ o₄quián'₂ 'nia'₂, ia₁jaun₂ tón'₂ 'nia'₂ rē₂'ñiag'₅, 'ei₅ caun₂ jág₁ 'nia'₂ jē₄ ca₂le₃jě₃ 'a₂ lia'₂ 'ñio₂ dsi₅ Diú₄. 13 Lé₂ jáng'₄ jniá₂ jág₁ dsau₅ 'a₂ lia'₂ ma₂já₅ 'éi₂ dsan₂ dsi₅ 'nia'₂, ján₃ bá₄ le₂jaun₂ o₄quió'₄ i₂tián'₅ juig₂ Laodicea quian'₅₄ guē'₂ i₂tián'₅ Hierápolis ján₃.

14 Lucas, i₂lín₅ tē₅mí₅ i₂'nió₄ guē₄ lín₃, cuin₂₃ Diú₄ 'nia'₂; ján₃ guē'₂ le₂jaun₂ i₂tě'₂ Demas.

15 Cuin₅₄ 'nia'₂ Diú₄ rín'₅₄ i₂tián'₅ juig₂ Laodicea. Cuin₅₄ 'nia'₂ Diú₄ ján₃ 'io₅₄ Ninfas, quian'₅₄ co₂nió'₃ guá'₅ i₂ñi'₂ dsi₂néi₂ quió'₅ nē₃. 16 Jē₁ma₂ca₂'í'₂ 'nia'₂ si₂ la₂ jē₄ quián'₂ 'nia'₂, jaun₂ tsing'₅₄ 'nia'₂ guá'₅ chan₂ Laodicea ia₁jaun₂ 'i₃ táng₃ rín'₅₄ jniog₄ ja₁jaun₂; ton'₂ ján₃ guē'₂ 'í'₂ 'nia'₂ si₂ a₂ca₂dsióg₃ ne₄ i₂chan₂ Laodicea. 17 A₂la₂ chei'₅₄ Arquipo: “Tion'₂ 'ne₂ jui₅ ta₁ a₂ma₂gue'₅₄ a₂ma₂dsia₃ Te₁gui'₅₄ gog'₂, a₂jme₁ti'₄ rē₂.”

18 Jniá₂ Pa₄, cuíng₅ Diú₄ 'nia'₂ quian'₅₄ letra quió₃ 'ñio₃. † Jui₁dsiog'₂ bá₄ 'au'₂ 'nia'₂ a₂'eng₅₄ rē₂jníg₅. Jui₁jme₂gu'₅₄ bá₄ Diú₄ 'nia'₂.

Co₂nē₅.

* 4:10 o₃, “primo.” † 4:18 'Nio'₂ ja₁ton₅ 1 Corintios 16:21; Gálatas 6:11; 2 Tesalonicenses 3:17; Filemón 19.

Si₂ carta le₂ 'uig₅₄ a₂ca₂jmo₃ San Pablo ne₄ dsa₂ TESALONICENSES

Pablo quiaín' ₅₄ riín' ₅₄ jmo₂₃ si₂ a₂chein₃ ne₄ Guá' ₅ i₂chan₂ juig₂ Tesalónica

¹ Jniá₂ Pa₄, quiaín' ₅₄ Silvano,* Timoteo ně₃, jmo₂₃ si₂ la₂ a₂dsiang' ₅₄ ne₄ dsa₂ i₂ma₂én₂ le₃quió' ₅ Jesús, i₂chan₂ juig₂ Tesalónica, dsa₂ i₂ei₅ caun₂ jág₁ quiaín' ₅₄ Diú₄, quiaín' ₅₄ Te₁gui' ₅₄ Jesucristo ně₃. Jui₁jme₂gu' ₅₄ Diú₄ 'nia' ₂. Jui₁ei₅ bá₄ tei₄ tion' ₅₄ 'nia' ₂ quiaín' ₅₄ 'éi' ₃ quió' ₅ Diú₄ Jmei₂ jniog₄, quiaín' ₅₄ 'éi' ₃ quió' ₅ Te₁gui' ₅₄ Jesucristo ně₃.

Cha₂ léi₄ ja₁con₂ dsa₂ chan₂ Tesalónica ia₁ a₂éin₂

² Ca₂le₃jě₃ jmig₄ bá₄ cuē₂ jnia' ₅₄ ti₁'mag' ₄ Diú₄ o₄quián' ₂ 'nia' ₂ ca₂le₃jíng' ₃. Jě₁ma₂tě₂ rě₁chi₁len' ₄ jnia' ₅₄ Diú₄, dsau' ₂ bá₄ dsi₅ jnia' ₅₄ 'nia' ₂. ³ Dsau' ₂ bá₄ dsi₅ jnia' ₅₄ 'nia' ₂ ne₄ Diú₄ Jmei₂ jniog₄, ia₁ 'nio₅ lin₃ ma₂jmo' ₅₄ 'nia' ₂ ta₁ cha₂ léi₄ ja₁con' ₂ 'nia' ₂ ia₁ 'éng' ₂, ia₁ 'nio₅ lin₃ jme₂ti' ₅₄ 'nia' ₂ ta₁ ne₄ Te₁gui' ₅₄ 'uig₅₄ ia₁ a₂'nió' ₃ 'nia' ₂. Jaun₂ caun₂ bá₄ le₁'ág₄ 'au' ₂ 'nia' ₂ a₂'ín₂ 'au' ₂ le₃quió' ₅ Te₁gui' ₅₄ Jesucristo quián₂ jniog₄. ⁴ Rin' ₅₄ jniog₄, 'nio₃ bá₄ Diú₄ 'nia' ₂, ne₄ bá₄ jnia' ₅₄ a₂ma₂quióin' ₂ 'nia' ₂. ⁵ Lia' ₂ con' ₂ jme₁ca₂jme₁tin₅ jnia' ₅₄ 'nia' ₂ jág₁ dse₃, on₃jua' ₅₄ jmá' ₃ quiaín' ₅₄ jág₁ jaun₂ jme₁né₄. Ia₁ jme₁quiaín' ₅₄ bá₄ jui₅bí₂ quió' ₅ Jme₂dsi₂ Jnió₅ ján₃, ca₂'ě₄ jág₁ dse₃ la₂ jin' ₄ 'nia' ₂. Jaun₂ caun₂ bá₄ 'ei₅ dsi₅ jnia' ₅₄ ia₁ Jme₂dsi₂ Jnió₅ bá₄ jmo₃ jme₃'uá₂ 'au' ₂ 'nia' ₂ a₂le₃'éng' ₂. Ni' ₅₄ bá₄ 'nia' ₂ dse₃ 'a₂ lia' ₂ ca₂tió' ₄ jnia' ₅₄ jin' ₄ 'nia' ₂ a₂dse₃ quián' ₂ bá₄ 'nia' ₂ jaun₂.

⁶ 'Nia' ₂ ně₃, ca₂quiaín' ₂ 'nia' ₂ jui₅ a₂ca₂quián₁ jnia' ₅₄, a₂ca₂can₃ Te₁gui' ₅₄ ně₃. Ca₂gue' ₅₄ bá₄ 'nia' ₂ a₂'nio₂ 'au' ₂ jág₁ dse₃. Chan' ₂ bá₄ 'nia' ₂ o₂'nio₃ o₂jnia₃ 'au' ₂ a₂jmo₅ Jme₂dsi₂ quián₅ Diú₄, tsá₃ a₂nag₅₄ jaun₂ ca₂quín₂ a₂ca₂i₃ñí' ₂ 'nia' ₂ uig₅ 'nio₅ lin₃ 'uig₅₄ jág₁ dse₃. ⁷ Jaun₂ le₂ně₅ bá₄ ca₂dsi₃nó' ₅ 'nia' ₂ ca₂cuē' ₅₄ 'nia' ₂ caun₂ jui₅ dse₃ jaun₂ ca₂caun₃ 'í₁ ca₂le₃jín₃ dsa₂ i₂'én₂ le₂tan₅₄ juig₂ te₁'i₁ 'uē₃ Macedonia quiaín' ₅₄ le₂tan₅₄ 'uē₃ Acaya ně₃. ⁸ Jaun₂ le₂ně₅ ma₂ca₂'ě' ₅₄ 'nia' ₂ dsa₂ jág₁ dse₃ quió' ₅ Te₁gui' ₅₄, on₃jua' ₅₄ jmá' ₃ dsa₂ chan₂ Macedonia quiaín' ₅₄ Acaya ma₂qui₂ma₂'ě' ₅₄ 'nia' ₂ jág₁, ia₁ ca₂le₂con₂ ja₁siá' ₂ bá₄ ján₃ le₁ñi₅ dsa₂ a₂lín' ₂ 'nia' ₂ dsa₂ i₂'én₂ quián₅ Diú₄. Jaun₂ tsá₃ ma₃'e₂ jua' ₅₄ 'nió' ₅ guē₄ chei₅₄ jnia' ₅₄ 'i₁caun₂ 'nia' ₂. ⁹ Tě₂le₃ dsia₅ bá₄ 'éi₂ guioin₅₄ a₂ca₂guei' ₅₄ 'nia' ₂ dse₃ jnia' ₅₄, dsia₂₃ 'a₂ lia' ₂ ca₂tí' ₃ a₂jme₁'éng' ₂ tě₂le₃ quió' ₅ diú₄ lag₄, a₂ca₂rě₃'én' ₂ 'nia' ₂ tě₂le₃ quió' ₅ Te₁gui' ₅₄, ca₂jme₁ti' ₄ ne₄ Diú₄ jén' ₃ dsón' ₂ i₂chan₂. ¹⁰ Dsia₂₃ bá₄ ján₃ 'a₂ lia' ₂ tion' ₅₄ 'nia' ₂ le₁jan' ₄ a₂jnió' ₂ táng₃ jui₅ guei' ₅₄ i₂juig₃ Jesús Ja₁ñi' ₅₄ Diú₄ i₂ca₂jme₃jein' ₅₄ jin₄ 'lag₄. I₂'éi₂ bá₄ lió₂ jniog₄ ne₄ a₂'i₄ 'nei₂ dsí₅ Diú₄.

2

Ta₁ a₂ca₂jmo₃ Pablo juig₂ Tesalónica

¹ Ia₁ ñi' ₅₄ bá₄ 'nia' ₂ guiong' ₅₄, rin' ₅₄ jniog₄, tsá₃ jua' ₅₄ a₂lě₁ca₂i₁náu₄ jnia' ₅₄ ca₂i₁jin₁ 'nia' ₂. ² Ia₁ ma₂ñi' ₅₄ bá₄ 'nia' ₂, tě₂le₃ ca₂jme₃'o₅₄ bá₄ Diú₄ ca₂nio₃ tiá₂ dsi₅, ca₂'ě₄ jnia' ₅₄ ja₁con' ₂ 'nia' ₂ jág₁ dse₃ a₂lión₂ dsa₂, o₁jnia' ₅₄ ca₂jmóg' ₂ dsa₂ ca₂tě₂ca₂'o' ₂ juig₂ Filipos le₂jniá₅. ³ Ia₁ jág₁ a₂ca₂tion' ₅₄ jnia' ₅₄ 'nia' ₂, on₃jua' ₅₄ a₂já₃ 'uig₅₄ ia₁ a₂i₂gon₂ jnia' ₅₄, on₃ guē' ₂ o₄quió' ₄ ia₁ a₂dsi₂jnia₅ dsi₅ a₂'lig' ₅₄, on₃ guē' ₂ jua' ₅₄ ia₁ a₂jme₂gán₁ jnia' ₅₄ 'nia' ₂. ⁴ Tě₂le₃ ia₁ Diú₄ bá₄ ca₂caun₃ 'í₁ a₂jmo₂ jnia' ₅₄, ca₂dsia₃ gu₂ jnia' ₅₄ a₂qui' ₂ě₄ jág₁ dse₃. Jaun₂ le₂ně₅ jui₁lia' ₂ jág₁ a₂jua' ₂ jnia' ₅₄, on₃jua' ₅₄ a₂jua' ₂ ia₁jaun₂ 'nio₂ dsí₅ dsa₂ mi₂güig₃, tě₂le₃ ia₁jaun₂ 'nio₂ dsí₅ Diú₄ bá₄ i₂con₂ 'í₁ tě₂dsi₅ jniog₄. ⁵ Ni' ₅₄ bá₄ 'nia' ₂, 'i₁cón' ₂ tsá₃ jua' ₅₄ ca₂dsiá₁ jnia' ₅₄ jág₁ rau₂, on₃ guē' ₂ jua' ₅₄ ca₂'má₂ jnia' ₅₄ jág₁ a₂tsá₃ dsi₂ten₅₄ 'má₂ ia₁jaun₂ léi₂ cu₄. Já₅ bá₄ Diú₄ ca₂le₃jě₃ a₂ca₂jmó₁. ⁶ Tsá₃ a₂jaun₂ 'niog₂ jnia' ₅₄ jua' ₅₄ a₂jme₃juag' ₂ dsa₂ 'nio₅ lin₃, on₃ guē' ₂ 'nia' ₂, on₃ guē' ₂ dsa₂ sián' ₂ ně₃, o₁jnia' ₅₄ jme₁ca₂tág₂ rě' ₂ jnia' ₅₄ jmó₁ 'éi' ₃ jaun₂ ia₁ a₂lág₅ dsa₂ i₂chen₄

* 1:1 Lia' ₂ chen₂ Silvano, co₂rě₂ quiaín' ₅₄ Silas.

quián⁵ Cristo. ⁷ Tē²le³ ca²jmo¹ bá⁴ jnia'⁵⁴ 'ua¹ dsi⁵ ja¹ con'² 'nia'², jui¹lia'² lín⁵ jan² chog⁵⁴ chi'², a²jme²cain'⁵⁴ chi'² quián⁵ qui²jmo²³ 'í¹. ⁸ Jaun² lē³ 'ñio⁵ lín³ ca²rē³ 'nio³ jnia'⁵⁴ 'nia'², ca²lia'² jnia'⁵⁴ on³jua'⁵⁴ jma'³ jág¹ dse³ quió'⁵ Diú⁴ nē⁵ ca²tág² jnia'⁵⁴ cuē¹, le²jio⁵ jme²dsi² quián² jnia'⁵⁴ 'ñio² dsi⁵ cuē¹ ján³. Ia¹ ma²dsi²nó'⁵ 'nia'² lēng'² dsa² i²'nió⁴ lín³ quián² jnia'⁵⁴. ⁹ Jua'² jnia'⁵⁴ le²nē⁵, rin'⁵⁴ jniog⁴, ia¹jaun² dsá² bá⁴ 'au'² 'nia'² 'a² lia'² ca²jmo¹ jnia'⁵⁴ ta¹ a²ca²lag³ a²que⁵⁴. Lia'² 'uē²-jmi² bá⁴ qui²ca²jmo¹ jnia'⁵⁴ ta¹, ia¹jaun² 'i¹jan'² 'nia'² tsá³ jua'⁵⁴ 'ein² 'ñio⁵ guei² ca²can³ quian'⁵⁴ jnia'⁵⁴, tē¹lia'² ca²tió'⁴ ca²'ē⁴ jág¹ dse³ quió'⁵ Diú⁴.

¹⁰ Ca²tē² bá⁴ ne'⁵⁴ 'nia'², jág⁵ bá⁴ Diú⁴ ján³, ca²tió'⁴ jnia'⁵⁴ quian'⁵⁴ 'nia'² dsa² i²én², a²lág⁵ jnia'⁵⁴ dsa² jnió⁵, dsa² dsen³, i²tsá³ 'ein² lé² le³bóg'² dso⁴. ¹¹ Ní'⁵⁴ bá⁴ 'nia'² ján³, ca²jmo¹ jnia'⁵⁴ jin'⁴ 'nia'² jui¹lia'² jmo⁵ jan² jmei² dsa² jma'² chi'² quián⁵, qui²ca²cuē⁵⁴ jnia'⁵⁴ bí² 'nia'², ca²tion'⁵⁴ jnia'⁵⁴ jág¹ 'nia'² jaun² náu'¹ tiá² jui⁵ dse³. ¹² Jaun² qui²ma²chei⁵⁴ bá⁴ jnia'⁵⁴ 'nia'² a²i¹niog'⁴ lia'² con'² dsi²ten⁵⁴ i²nio⁴ dsa² quián⁵ Diú⁴ i²tē² a²jme¹quian'⁴ 'nia'² ja¹jmo²³ 'éi'³ guei'⁵⁴ i²jui³ ja¹lē⁴ co²tág⁵ co²'né⁵ quió'⁵.

¹³ Jaun² lē³, ca²le³jē³ jmi⁴ bá⁴ cuē² jnia'⁵⁴ ti¹'mag'⁴ Diú⁴. Ia¹ le²'uig⁵⁴ jme¹ca²nei'² 'nia'² jág¹ dse³ quió'⁵ Diú⁴ a²ca²jua'⁵⁴ jnia'⁵⁴, ca²gue'⁵⁴ bá⁴ 'nia'² con'² lē⁵ jág¹ dse³ quió'⁵ Diú⁴, on³jua'⁵⁴ con'² lē⁵ jág¹ quió'⁵ dsa² mi²güig³. Ia¹ dsón'² bá⁴ jág¹ dse³ quió'⁵ Diú⁴ nē⁵, a²jmo³ léi⁴ tē²'au'² 'nia'² dsa² i²én². ¹⁴ Rin'⁵⁴ jniog⁴, lia'² con'² ca²ñag'⁵⁴ 'nia'² uig⁵ qui²ca²'ein³ dsa² go'⁴ 'nia'², ca²i³ñí'² 'nia'² jui¹lia'² ca²jma'² dsa² guá'⁵ quián⁵ Diú⁴ i²tián'⁵ Judea i²ma²lín⁵ quián⁵ Cristo Jesús. Le²jaun² bá⁴ ca²qui²co²'ein³ dsa² judíos dsa² go⁵⁴. ¹⁵ Dsa² judíos 'éi² bá⁴ i²ca²jñi'³ Te¹gui'⁵⁴ Jesús, i²ca²jme³dsian⁵ dsa² i²chen⁴ quián⁵ Diú⁴ nē³. Jaun² ca²'uág'² bá⁴ jnia'⁵⁴. Tsá³ 'nioi³ Diú⁴. 'Ñiai⁵⁴ bá⁴ ca²le³jín³ dsa². ¹⁶ Cha² jme¹lín⁵⁴ 'niog² jnia'⁵⁴ chei⁵⁴ jág¹ dsi²nau², ia¹jaun² líón² 'éi² ján³. La¹ 'éi² bá⁴ jné⁵ jui⁵. Jaun² le²nē⁵ caun² dsi²juē'² bá⁴ dsáu¹. Co²ñei'⁵⁴ ma²já⁵ a²'i⁴ 'nei² dsi⁵ Diú⁴ ja¹coin².

Dsi²jio⁵ dsi⁵ Pablo dsó³ táng³ jui⁵ Tesalónica

¹⁷ Rin'⁵⁴ jniog⁴, lia'² con'² jme¹ca²tén⁴ co²'na² rin'⁵⁴, o¹jnia'⁵⁴ tsá³ né⁵ jnia'⁵⁴ 'nia'², la¹ tion⁵⁴ bá⁴ jme¹dsau'² dsi⁵ jnia'⁵⁴, 'ñio⁵ lín³ jme¹'niog² jnia'⁵⁴ dsau⁵⁴ táng³ dsi¹né⁴ 'nia'². ¹⁸ Jaun² dsón'² bá⁴ jme¹'niog² jnia'⁵⁴ dsau⁵⁴ dsi¹jin¹ 'nia'². Jniá² Pa⁴ 'lióng² ráun² jme¹ca²quín³ bí² a²nei⁵⁴. La¹ i²sē³dsen³ bá⁴ ca²jné³ jui⁵. ¹⁹ Jaun² 'e² jaun² a²'ín² dsi⁵ jnia'⁵⁴ chong², a²jmo⁵ jnia'⁵⁴ 'io'², o³ premio o⁴quió'⁴ a²jmo¹ jnia'⁵⁴ táu'⁵ jē¹ma²tē² rē¹guan'² Jesús Te¹gui'⁵⁴ quián²? ¿On¹jua'⁵⁴ o⁴quián² 'nia'² bá⁴? ²⁰ 'Uig⁵⁴ quián² 'nia'² bá⁴ ñí⁴ 'io'² jein⁵ jnia'⁵⁴; o⁴quián² 'nia'² bá⁴ jme²go³ dsa² sián² nē³

3

¹ Jaun² nē³, ia¹ tsá³ ma³tián² jnia'⁵⁴, ca²rē³ 'ñio³ bá⁴ dsi⁵ jnia¹ guio⁵⁴ jui² Atenas. ² Jaun² ca²chen⁵⁴ jnia'⁵⁴ Timoteo rin'⁵⁴ ca²i¹jín¹² 'nia'², ia¹ i²ma²lín⁵ quián⁵ Diú⁴ bá⁴ 'éi², ia¹ jmo²³ ta¹ co²lē⁵ quian'⁵⁴ jnia'⁵⁴ a²jme²tiín²³ dsa² jág¹ dse³ quió'⁵ Cristo. Lé² le³juá'² 'éi² lia'² tí⁵ jág¹ cuē³ bí² 'nia'² a²le³'én² guē⁴ 'nia'², ³ ia¹jaun² 'i¹jan'² 'nia'² tsá³ dsi³lén² cau⁵ 'uig⁵⁴ a²co²'ein⁵ dsa². Ia¹ ñi'⁵⁴ bá⁴ 'nia'² guiong'⁵⁴, 'éi³ nē⁵ tio'⁵⁴. ⁴ Lia'² con'² jme¹tio'⁵⁴ jnia'⁵⁴ quian'⁵⁴ 'nia'² le²jñiá⁵, ca²jua'⁵⁴ jnia'⁵⁴ a²tion⁵⁴ niog⁵ ñag⁵⁴ 'uig⁵⁴, jaun² le²jaun² ca²lē³ nē³, jaun² ma²ñi'⁵⁴ bá⁴ 'nia'². ⁵ Jaun² lē³, ia¹ tsá³ ma³tió⁵ 'i⁵ dsi³, ca²tsing² dsa² ca²i¹ñag¹² 'a² lia'² lē⁵ ma²'én² 'nia'² tiong'⁵⁴, ia¹ con'² tsá³ ñó⁵ nē¹ca²'liog'³ i²sē³dsen³ a²jmo² 'nia'² cosa 'lig'⁵⁴. Tsá³ ma³ta¹ tí⁴ ta¹ quián² jnia'⁵⁴, jua'⁵⁴ mei'² guē³ le²jaun².

⁶ La¹ ma²guán⁵ bá⁴ táng³ Timoteo jui² Tesalónica, quion² jág¹ dse³ 'én² bá⁴ 'nia'² jág¹ quió'⁵ Diú⁴, 'nió³ bá⁴ 'nia'² ríng'² le²jang'² le²jang'². Juá'² bá⁴ ján³, jmo² 'nia'² 'io'² a²dsau'² 'au'² 'nia'² jnia'⁵⁴ ca²le³jē³ jmi⁴, a²'ín⁵ 'au'² 'nia'² 'ñio⁵ lín³ jag'⁵⁴ jnia'⁵⁴, le²jaun² bá⁴ jnia'⁵⁴ ján³ jui¹lia'² 'nia'² 'ín⁵ dsi⁵ jin⁴ 'nia'². ⁷ Jaun² le²nē⁵, rin'⁵⁴ jniog⁴, tē³jē⁴ uig⁵ chong² 'i⁵ dsi⁵ jnia'⁵⁴, la¹ ca²'ág² lián² dsi⁵ jnia'⁵⁴ jme¹ca²rē³ne⁴ 'a² lia'² lē⁵ a²'én² 'nia'². ⁸ 'To² jein⁵ jnia'⁵⁴ chong² jme¹ca²rē³ne⁴ tión² bá⁴ 'nia'² tiá² tē²le³ quió'⁵ Te¹gui'⁵⁴. ⁹ Ca²lia'² tsá³ ne⁴ jnia'⁵⁴ 'a² lia'²

cuë₅₄ ti₁'mag'₄ Diú₄ con'₂ dsi₂ten₅₄ o₄quió'₄ a₂'io'₂ jmo₂ jnia'₅₄ le₃ne₄ Diú₄ quián₂ o₄quián'₂ 'nia'₂. ¹⁰ Ca₂le₃jě₃ dsi₅ bá₄ jnia'₅₄ mi₂ lia'₂ 'uë₂-jmi₂ ne₄ Diú₄ a₂cuë₃ jmi₄ dsi₁jín₁ 'nia'₂, jaun₂ jme₁'nia₅ guë₄ jnia'₅₄ a₂'nió'₅ le₃tin'₂ guë₄ 'nia'₂ a₂le₃'éng'₂.

¹¹ 'Niog₂ jnia'₅₄, Diú₄ Jmei₂ 'niog₅ quian'₅₄ Te₁gui'₅₄ Jesucristo, jme₃'o₅₄ cuë₃ jmi₄ dsi₁náu₅ dsi₁jíng₅₄ 'nia'₂. ¹² Jui₁jmo₅₄ bá₄ Te₁gui'₅₄ jui₁dsi₂cón₃ a₂jme₁'nió'₄ guë₄ 'nia'₂ ríng'₂ le₂jan'₂ le₂jan'₂ 'nia'₂ quian'₅₄ ca₂le₃jín₃ guë₄ jui₁'ein₂ guë₃ dsa₂ jui₁lia'₂ 'nio₃ jnia'₅₄ 'nia'₂. ¹³ Jui₁jmo₅₄ bá₄ Diú₄ 'ag₃ tiá₂ 'au'₂ 'nia'₂, lén'₂ 'nia'₂ dsa₂ i₂ma₂lě₅ 'í₁ quián₅ i₂tsá₃ ma₃'e₂ dsáu₁ cha₂ ne₄ Diú₄ Jmei₂ jniog₄ jě₁ma₂tě₂ rě₁jnió'₂ Te₁gui'₅₄ Jesús quian'₅₄ ca₂le₃jín₃ i₂quián₅.*

4

'A₂ lia'₂ dsi₂ten₅₄ le₃chan₂ dsa₂ con'₂ 'nio₂ dsi₅ Diú₄

¹ Ně₃ ně₃ rín'₅₄ jniog₄, mi₂ jnia'₅₄ ne'₅₄ 'nia'₂ tē₂le₃ o₄quió'₄ Te₁gui'₅₄ Jesús, a₂i₁nio'₄ 'nia'₂ lia'₂ con'₂ 'nio₂ dsi₅ Diú₄, jui₁lia'₂ ca₂jme₁tag₅ jnia'₅₄. Le₂jaun₂ caun₂ jmo₄ 'nia'₂ ca₂le₃jě₃ jmi₄.

² Ní'₅₄ bá₄ 'nia'₂ 'a₂ lia'₂ lě₅ jág₁ ca₂jme₁tag₅ jnia'₅₄, 'éi'₃ ca₂cuë₃ Te₁gui'₅₄ Jesús. ³ A₂'nio₃ Diú₄ a₂i₁nio'₄ 'nia'₂ líng'₅ dsa₂ i₂ma₂lě₅ 'í₁ ca₂ne₅₄ i₂ma₂quián₅ 'niog₅; 'i₁jan₂ tsá₃ 'ein₂ jui₁nió'₄ jág₁ a₂tsá₃ dsi₂ten₅₄ nió'₃. ⁴ Jui₁le₂ni'₅₄ 'nia'₂ le₂jang'₂ le₂jang'₂ 'a₂ lia'₂ tiáng'₄ quiang'₅₄ dsa₂ mí₂ quiáng'₂, lě₅ 'í₁, jme₁gain₃ 'nia'₂.* ⁵ On₃jua'₅₄ a₂lě₃qui₂dsi₂jein₅ 'au'₂ 'nia'₂ 'lig'₅₄ jui₁lia'₂ jmo₅ dsi₂nau₂ i₂tsá₃ Diú₄ cuin₅. ⁶ Jaun₂ 'i₁jan₂ tsá₃ 'ein₂ jui₁qui₂dsi₂juin₅₄ jua'₅₄ jme₃gain₂₃ riin'₅₄, quian'₅₄ 'i₁caun₂. Ia₁ Te₁gui'₅₄ bá₄ jéin'₃ uig₅ ca₂le₃jě₃ a₂le₂ně₅, jui₁lia'₂ ma₂chei₅₄ jnia'₅₄ 'nia'₂ le₂jniá₅. ⁷ Ia₁ on₃jua'₅₄ jaun₂ ma₂tě₅ Diú₄ a₂qui₂dsi₂jio₅ dsi₅ 'lig'₅₄; a₂jaun₂ bá₄ ca₂tě₃ a₂le₃chong₂ jniog₄ jnió₅. ⁸ Jaun₂ le₂ně₅, jui₁lia'₂ i₂tsá₃ gue₅ jág₁ a₂jme₂tág₁ jnia'₅₄ la₂, on₃jua'₅₄ dsa₂ tsá₃ guein₂₃; Diú₄ bá₄ tsá₃ guein₂₃, i₂ma₂cuin₃ Jme₂dsi₂ jnió₅ quián₅.

⁹ Tsá₃ 'e₂ tion₅₄ 'nió'₅ jua'₅₄ a₂juá'₄ jniá₂ tó'₄ ne₄ si₂ la₂, jua'₅₄ a₂juá'₄ jniá₂ 'a₂ lia'₂ dsi₂ten₅₄ jme₁'nió'₄ 'nia'₂ dsa₂ i₂'én₂ ríng'₂. Ia₁ ma₂ca₂jme₃tag₅ bá₄ Diú₄ 'niog₅ 'a₂ lia'₂ jme₁'nió'₃ 'nia'₂ ríng'₂ le₂jang'₂ le₂jang'₂. ¹⁰ Jaun₂ le₂ně₅ bá₄ jmo'₂ 'nia'₂ ja₁con₂ rín'₂ 'nia'₂ i₂'én₂ i₂tián'₅ 'uë₃ Macedonia. La₁ mi₂ jnia'₅₄ ja₁con'₂ 'nia'₂, rín'₅₄ jniog₄, caun₂ jui₁dsi₂tsón₃ bá₄ a₂'nióg'₃ 'nia'₂ ríng'₂. ¹¹ Quen'₂ 'nia'₂ bí₂ tián'₂ 'nia'₂ 'ei₅ tei₄, jmo₄ 'nia'₂ jmá'₃ con'₂ a₂ca₂tin'₂ 'nia'₂ jmó'₂ guiong'₅₄, jmo₄ 'nia'₂ ta₁ quiáng'₂ quian'₅₄ gog'₂-tag'₅₄, jui₁lia'₂ qui₂ma₂jua'₅₄ jnia'₅₄ le₂jniá₅, ¹² ia₁jaun₂ i₁nio'₄ 'nia'₂ caun₂ jui₅ a₂jme₃go₃ dsa₂ sián'₂ i₂tsá₃ 'én₂, ia₁jaun₂ tsá₃ lě₅ jua'₅₄ cha₂ a₂'nió'₅ quián'₂ 'nia'₂.

A₂jnió'₂ Te₁gui'₅₄

¹³ Rín'₅₄ jniog₄, tsá₃ 'niog₂ jnia'₅₄ jua'₅₄ tsá₃ ni'₅₄ 'nia'₂ 'e₂ lé₂ quian'₅₄ dsa₂ 'én₂ i₂ma₂dsan₃, ia₁jaun₂ tsá₃ jmó'₂ 'nia'₂ 'lia'₂ 'au'₂ jui₁lia'₂ 'lia'₂ dsi₅ dsa₂ i₂tsá₃ jmi₄ cha₂ quió'₅ jua'₅₄ tín'₄. ¹⁴ Jaun₂ le₂ně₅, jui₁lia'₂ 'éin₂ jniog₄ a₂ca₂jon₃ Jesús, a₂ca₂jein'₅₄ táng₃ ně₃, le₂jaun₂ bá₄ 'éin₂ jniog₄ ján₃ a₂jme₃jen'₅₄ Diú₄ co₂lě₅ quian'₅₄ Jesús dsa₂ i₂ca₂dsan₃ i₂'én₂ le₃quió'₅.

¹⁵ Jaun₂ lě₃ chei₂ jnia'₅₄ 'nia'₂ jui₁lia'₂ ca₂jme₃tag₅ Te₁gui'₅₄, con'₂ jniog₄ i₂chong₂ ca₂lia'₂ ca₂tě₂ jmi₄ a₂guan'₂ Te₁gui'₅₄, 'i₁jan₂ tsá₃ 'ein₂ jua'₅₄ i₂dsi₃jniá₄ con'₂ guë₄ dsa₂ i₂ma₂dsan₃. ¹⁶ Ia₁ 'niog₅ bá₄ Te₁gui'₅₄ sióin₃ guei'₅₄ i₂juíg₃ guió'₃ tiá₂ jmo₃ 'éi'₃, quian'₅₄ jág₁ quió'₅ ángel i₂'uan'₂ guë₄, dsi₃'ein₅₄ ní₁ trompeta quió'₅ Diú₄ ně₃. Jaun₂ guë₄ ca₂le₃jín₃ dsa₂ i₂'én₂ le₃quió'₅ Cristo i₂ma₂dsan₃, qui₃jein'₅₄ le₂'uig₅₄. ¹⁷ Jaun₂ jniog₄ i₂chong₂ guë₄, i₂tě₁niá₄ guë₄ ně₃, chó'₂ co₂lě₅ jě₄ jnei₅ quian'₅₄ dsa₂ i₂ma₂dsan₃ 'éi₂, a₂dsi₂jme₁jen'₂ Te₁gui'₅₄ guei'₅₄ dsi₁gui₂. Jaun₂ le₂ně₅ dsi₁tió'₄ co₂tan₅₄ quian'₅₄ Te₁gui'₅₄. ¹⁸ Jaun₂ lě₃, cuë₅₄ 'nia'₂ lián'₂ ríng'₂ quian'₅₄ jág₁ la₂.

* 3:13 lit. "dsa₂ jnió₅ quián₅."

* 4:4 o₃, "Jui₁le₂ni'₅₄ 'nia'₂ le₂jang'₂ le₂jang'₂ 'a₂ lia'₂ jme₁'uang'₅₄ ni₁ni'₁ guiong'₅₄, lě₅ 'í₁, con'₂ dsi₂ten₅₄."

5

¹ La₁ tsá₃ tion₅₄ jua'₅₄ a₂juá'₄ jniá₂ tó'₄ ne₄ si₂ 'e₂ 'ió'₄ 'e₂ jmi₄ a₂lé₂ jaun₂. ² Jaun₂ ma₂le₁ñi'₅₄ bá₄ 'nia'₂ dse₃ guiong'₅₄, jmi₄ a₂jnió'₂ Te₁gui'₅₄ con'₂ tsá₃ ján₅ bá₄ dsa₂, jui₁lia'₂ ja₁já₄ jan₂ dsa₂ 'ang₂ caun₂ 'uē₂. ³ Jē₁ma₂tē₂ rē₁juá'₂ dsa₂: “Ca₂le₃jē₃ lē₅ 'í₁, tei₄ bá₄ 'ei₅”, tē₃jē₄ jaun₂ 'ēn₂ con'₂ tiá₂ ne₄ quió'₅ dsa₂ 'éi₂. Lé₂ jui₁lia'₂ ja₁jén'₅ 'io₅₄ i₂quian₅ guein₂. Con'₂ tsá₃ rē₂jáin₁ jē₁ma₂tá'₂ qui'₂ uig₅ quió'₅, tsá₃ a₁jaun₂ a₂lióin₂ jua'₅₄ a₂tsá₃ ñág₃ jmi₁uig₅ jaun₂. ⁴ La₁ 'nia'₂ rin'₅₄ jniog₄, tsá₃ tion'₅₄ 'nia'₂ jē₄ qui₁né'₃, jaun₂ tsá₃ lē₅ jua'₅₄ jo₅₄ jmi₄ jaun₂ quián'₂ 'nia'₂, jui₁lia'₂ ja₁jo₅ jan₂ 'ang₂. ⁵ Ia₁ ca₂le₃jín'₃ bá₄ 'nia'₂ líng'₅ jaun₅ quián₅ ja₁tág₅ si₂, quian'₅₄ a₂jmi₂ ně₃. Tsá₃ téi₅ jniog₄ a₂'uē₂, on₃ guē'₂ jē₄ qui₁né'₃. ⁶ Jaun₂ tsá₃ 'nió'₅ guág₃ jniog₄ jui₁lia'₂ güin₂ i₂lin₅₄. Le₁jnio₂ ne₄ bá₄ jniog₄ 'nió'₅ jmó₁, lei₅₄, 'en₅₄ dsi₅. ⁷ A₂'uē₂ bá₄ güin₂ dsa₂, ján₃ guē'₂ a₂'uē₂ bá₄ 'ín'₂ dsa₂ 'en₅. ⁸ La₁ jniog₄ ně₃, i₂téi₅ a₂jmi₂, 'nió'₅ lei₅₄, 'en₅₄ dsi₅. 'Nió'₅ qui₁jmó₁ 'í₁ quian'₅₄ a₂'éin₂ quian'₅₄ a₂jme₁'nió₄ rin'₅₄ ně₃, ně₂jag₄ bá₄ qui₂rē₂lióg₃ ñí₁ le₁dsi₅, lē₅ 'í₁; a₂'ín₂ dsi₅ jniog₄ a₂tág₄ ně₃, lē₅ co₂'nió'₄ ñí₁ a₂'i₄ mi₂dsi₄ 'lióg₂, lē₅ 'í₁. ⁹ Ia₁ on₃jua'₅₄ jaun₂ ca₂'ag₃ Diú₄ a₂guéi₁ jniog₄ 'nei₂ a₂'i₄ dsí₅; a₂jaun₂ bá₄ ca₂'ag₃ a₂lió₂ jniog₄ tē₂le₃ quian'₅₄ Te₁gui'₅₄ Jesucristo quián₂. ¹⁰ O₄quián₂ jniog₄ ca₂join₃ ia₁jaun₂ dsi₁'io₁ co₂lē₅ quian'₅₄, tē₁lia'₂ chong₂, o₃ jē₁ma₂dsau₃ 'e₂.^{*} ¹¹ Jaun₂ caun₂ dsia₄ 'nia'₂ tiá₂ 'au'₂, cuē'₅₄ bí₂ ríng'₂ le₂jang'₂ le₂jang'₂, jui₁lia'₂ ma₂jmo'₂ ně₅.

Ton'₂ Pablo jág₁ dsa₂ rin'₅₄

¹² Rin'₅₄ jniog₄, mi₂ jnia'₅₄ a₂jme₁gang'₃ dsa₂ i₂jmo₅ ta₁ jē₄ quián'₂ 'nia'₂, i₂jio₅ ne₄ jui₅ le₃quió'₅ Te₁gui'₅₄, i₂to'₂ jág₁ dse₃ ně₃. ¹³ Ca₂tín'₂ 'nia'₂ jme₁gain'₃ 'ñio₅ lin₃, a₂jme₁'nió₄ ně₃, o₄quió'₄ ta₁ a₂jmo₂₃. Jui₁'ei₅ bá₄ tei₄ tion'₅₄ 'nia'₂ le₂jang'₂ le₂jang'₂.

¹⁴ Ján₃ guē'₂ le₂jaun₂ rin'₅₄ jniog₄, jén₃ 'nia'₂ dsa₂ i₂tsá₃ ta₁ 'nio₃ jmo₃. Cuē'₅₄ 'nia'₂ bí₂ dsa₂ i₂tsá₃ lin₄ niog₅ tiá₂ dsí₅, jme₁'on₁ 'nia'₂ dsa₂ 'uan₅₄, jme₁juin'₂ 'nia'₂ 'au'₂ quian'₅₄ ca₂le₃jín₃ ríng'₂.

¹⁵ Jmo₄ 'nia'₂ 'í₁, ia₁jaun₂ 'i₁jan₂ tsá₃ jéin'₃ 'lig'₅₄ quió'₅ i₂jmóg'₂ 'lig'₅₄. Tē₂le₃ caun₂ o₂nó'₅ bá₄ 'nia'₂ jmo₄ a₂dse₃ co₂tan₅₄ quian'₅₄ rín'₂ 'nia'₂ le₂jang'₂ le₂jang'₂ quian'₅₄ guē₄ ca₂le₃jín₃ dsa₂.

¹⁶ Tián'₂ bá₄ 'nia'₂ 'io'₂ jéng'₂ co₂tan₅₄. ¹⁷ Chi₂len'₅₄ 'nia'₂ Diú₄ lia'₂ tsá₃ 'na₂. ¹⁸ Cuē'₅₄ 'nia'₂ ti₁'mag'₄ Diú₄ ne₄ ca₂le₃jē₃, ia₁ a₂nē₅ bá₄ 'ñio₂ dsí₅ Diú₄ tē₂le₃ quián'₂ 'nia'₂ o₄quió'₄ Cristo Jesús.

¹⁹ Tsá₃ lē₁ag₂ 'nia'₂ si₂ quió'₅ Jme₂dsí₂ Jnió₅. ²⁰ Nē₁jua'₂ 'ein₂ 'ē₂ jág₁ a₂guéi'₅ quió'₅ Diú₄, tsá₃ lē₁jmo₂ 'nia'₂ jua'₅₄ a₂tsá₃ jeng'₅₄. ²¹ Quion₂ de'₂ 'nia'₂ 'í₁ ca₂le₃jē₃ a₂nē₅, jaun₂ chan'₂ bá₄ 'nia'₂ jmá'₃ a₂dse₃. ²² Co₂dsia₅ jmo₄ 'nia'₂ cau₅ ca₂le₃jē₃ ne₅₄ a₂'lig'₅₄.

²³ 'Ñiog₅ Diú₄ i₂jmo₅ 'ei₅ tei₄, jui₁jmo₁₂ a₂lén'₂ 'nia'₂ dsa₂ jnió₅ co₂ñei'₅₄; jui₁le₅₄ bá₄ 'í₁ 'nia'₂, ta₁jang'₂; lia'₂ jme₂dsí₂, lia'₂ 'au'₂, lia'₂ ñi'₄ 'nia'₂; ia₁jaun₂ tsá₃ 'ein₂ lē₂ le₃bóg'₂ dso₄ jē₁ma₂tē₂ rē₁guan'₂ Te₁gui'₅₄ Jesucristo quián₂. ²⁴ I₂ma₂tē₃ quián'₂ 'nia'₂ tí₅ bá₄ jág₁ quió'₅, jaun₂ jme₃ti₃ bá₄ ca₂le₃jē₃ a₂nē₅.

'Ág'₅ jág₁ jē₁ca₂tó'₂

²⁵ Rin'₅₄ jniog₄, chi₁len'₅₄ 'nia'₂ Diú₄ o₄quián₂ jnia'₅₄.

²⁶ Cuin₅₄ Diú₄ ca₂le₃jín₃ rin'₅₄ a₂qui₁chén'₁† 'nia'₂ quió'₅ ríng'₂, a₂lē₅ léi₄ a₂ma₂'ei₅ caun₂ jág₁ a₂le₁jē₃ 'au'₂ quian'₅₄ ríng'₂.

²⁷ Mi₅ jniá₂, lia'₂ con'₂ lē₅ 'éi'₃ quió'₅ Te₁gui'₅₄, 'í₂ 'nia'₂ si₂ carta la₂ jin₄ ca₂le₃jín₃ rin'₅₄.

²⁸ Jui₁jme₂gu'₅₄ Te₁gui'₅₄ Jesucristo quián₂ jniog₄ ca₂le₃jín₃ 'nia'₂.

Co₂nē₅.

* 5:10 lit. “chi₂jua'₂ le₁jnio₂ ne₄ jniog₄, o₃ le₁guág₃ 'e₂.” † 5:26 Caun₂ tag₄ a₂jme₁chí'₄ lia'₂ con'₂ ca₂jmo₃ Pa₄ si₂ la₂.

Si₂ carta jē₁ca₂tē₂ tīn₃ a₂ca₂jmo₃ San Pablo ne₄ dsa₂ TESALONICENSES

Pablo quian'54 rīn'54 jmo₂₃ si₂ a₂chein₃ ne₄ Guá'5 i₂chan₂ juig₂ Tesalónica

¹ Jniá₂ Pa₄, quian'54 Silvano,* quian'54 Timoteo ně₃, dsian'4 jnia'54 si₂ la₂ ne'54 'nia'2 rīn'54 jniog₄ i₂chan₂ juig₂ Tesalónica, 'nia'2 dsa₂ 'ei₅ caun₂ jág₁ quian'54 Diú₄ Jmei₂ jniog₄, quian'54 Te₁gui'54 Jesucristo. ² Jui₁jme₂gu'54 bá₄ Diú₄, jui₁jme₂gu'54 Te₁gui'54 Jesucristo ně₃, jmo₃ 'ua₁ dsí₅ ja₁con'2 'nia'2, jui₁'ei₅ dse₃ 'au'2, tiong'54 'ei₅ tei₄.

Ē₂ Diú₄ uig₅ ja₁con₂ dsa₂ i₂le₁cán'4 dso₄ jē₁ma₂tē₂ rē₁guan'2 táng₃ Cristo mi₂güig₃

³ Rīn'54 jniog₄, ca₂le₃jē₃ jmi₄ bá₄ ca₂tág₂ jnia'54 cuē'54 ti₁'mag'4 Diú₄ o₄quián'2 'nia'2, ia₁ le₂jaun₂ bá₄ dse₃ dsióg₅, ia₁ caun₂ dsi₂cón'3 bá₄ 'nia'2 a₂rē₂'éng'2 jág₁ quió'5 Diú₄, caun₂ jme₂'nióg'3 bá₄ 'nia'2 rīng'2 'ñio₅ lin₃ le₂jang'2 le₂jang'2. ⁴ Jaun₂ lē₃, jmá'3 lia'2 jág₁ dse₃ bá₄ dsia₂ jnia'54 'ín₅ 'nia'2 jīn₄ guá'5 quián₅ Diú₄, 'a₂ lia'2 ma₂ca₂tian'3 'nia'2 a₂ma₂ca₂jme₁juing'2 'au'2 a₂'én'2 'nia'2 ne₄ ca₂le₃jē₃ a₂co₂'ein₅ dsa₂, a₂qui₂jmo₂g'2 dsa₂ ně₃. ⁵ Jaun₂ le₂nē₅ cuē₅ léi₄, con'2 dsi₂ten₅₄ bá₄ qui₂dsi₅ Diú₄ 'éi'3, ia₁jaun₂ lén'2 'nia'2 dsa₂ i₂ca₂tīn'2 dsi₁niog'3 ja₁gon₂ Diú₄; o₄quió'4 a₂jaun₂ ŋag'54 'nia'2 uig₅.

⁶ Ján₃ bá₄ le₂jaun₂ dsi₂ten₅₄, Diú₄ bá₄ jme₃rē₃ cuē'3 uig₅ a₂ca₂tīn'2 dsa₂ i₂ma₂jmá'2 'nia'2. ⁷ Jaun₂ 'nia'2 dsa₂ i₂qui₂ma₂ŋag'54 uig₅, Diú₄ jmo₃ a₂'ag₃ tei₄ 'au'2 'nia'2, a₂'ag₃ tei₄ dsi₅ jnia'54 ján₃ jē₁ma₂tē₂ rē₁jñio'2 Te₁gui'54 Jesús jui₅ guei'54 i₂juig₃ jē₄ si₂ ca₂jo'54, quian'54 ángeles i₂'uan'2 quián₅. ⁸ Jñio'2 a₂cuē'3 uig₅ dsa₂ i₂tsá₃ cuin₅ Diú₄, ia₁ on₃ guē'2 jui₅ ca₂tón'3 jág₁ dse₃ quió'5 Te₁gui'54 Jesucristo. ⁹ Ca₂le₃jín₃ 'éi₂ gue₃ 'liain'54 a₂dsi₃'éin₂ co₂ñei'54, co₂dsia₅ jñiai'3 ne₄ Te₁gui'54, dsi₃toin'54 uing₂ ja₁tsá₃ ma₃'e₂ bí₂ jlá₁ quió'5 Diú₄ jniá₂. ¹⁰ Jmi₄ jaun₂, jē₁ma₂tē₂ rē₁guan'2 Te₁gui'54, a₂jme₃juag'2 ca₂le₃jín₃ dsa₂ i₂'én₂ quián₅,† jaun₂ dsa₂ i₂'én₂ ně₃ qui₂dsi₃gó'3 dsí₅ jág₃ jīn₂ Te₁gui'54. Ján₃ bá₄ o₁ton'4 'nia'2 ja₁jaun₂, ia₁ a₂ma₂ca₂rē₃'én'2 'nia'2 jág₁ dsau₅ quián₂ jnia'54.

¹¹ 'Uig₅₄ jaun₂ bá₄ ján₃, chilēn'4 jnia'54 Diú₄ ca₂le₃jē₃ jmi₄ o₄quián'2 'nia'2, jui₁i₂nio'4 'nia'2 con'2 dsi₂ten₅₄ i₃nio₄ dsa₂ i₂ma₂tē'3 quián₅; jui₁jme₂ti₃ tē₂le₃ quian'54 bí₂ quió'5 ca₂le₃jē₃ a₂dse₃ a₂'ñio₂ 'au'2 'nia'2 jmó'2, quian'54 ca₂le₃jē₃ ta₁ a₂jmo'2 'nia'2 ia₁ a₂'éng'2. ¹² Jaun₂ le₂nē₅ bá₄ lé₂ le₃juin'2 Te₁gui'54 Jesucristo quián₂ ja₁con'2 'nia'2, ján₃ bá₄ le₂jaun₂ 'nia'2 ja₁con₂ 'éi₂, lia'2 con'2 lē₅ a₂'ua₁ dsí₅ Diú₄ quian'54 Te₁gui'54 Jesucristo.

2

Le₃jniá₂ jan₂ dsa₂ i₂tsá₃ 'e₂ 'éi'3 gó'5

¹ Jaun₂ ně₃, 'nia'2 rīn'54 jniog₄, jui₁lia'2 jē₁ma₂tē₂ rē₂guan'2 Te₁gui'54 Jesucristo, jē₁ma₂tē₂ rē₁tió'4 lo'2 quian'54, mi₂ jnia'54 chei₂ 'nia'2, rīn'54 jniog₄, ² a₂tsá₃ caun₂ lē₁jme₁tsín₄ 'nia'2 a₂dsi₃jio₅ 'au'2 le₂siá'2, on₃ guē'2 can₂ 'nia'2 go₂'i₃, ně₁'e₂ guē₃ jág₁ ajá₅ tē₂le₃ quian'54 jan₂ jme₂dsí₂, on₃ guē'2 jág₁ a₂dsia₅ dsa₂, on₃ guē'2 ně₁'e₂ si₂ carta a₂chen₅ dsa₂ ne'54 'nia'2 ně₂jag₄ bá₄ a₂jmo₂ jnia'54, jē₁juá'2 dsa₂ a₂ma₂ca₂tē₂* jmi₄ quió'5 Te₁gui'54. ³ Tsá₃ lē₁cuin₅ 'nia'2 jmi₄ a₂jme₃gau₅ dsa₂. Ia₁ né'3 a₂te₅₄ jmi₄ jaun₂, jmo₃ dsa₂ caun₂ jág₁ a₂jme₃'ñiai₅₄ Diú₄, jaun₂ le₃jniá₂ jan₂ dsa₂ i₂tsá₃ 'e₂ 'éi'3 gó'5 'i₁caun₂, i₂ma₂'i₄ 'éi'3 dsi₃'én₂. ⁴ Dsa₂ 'éi₂ náu₃ quein₅ ne₄ ca₂le₃jē₃ a₂jmo₅ dsa₂ dsí₅ lín₅ Diú₄, o₃ a₂jme₂juag'2 dsa₂ 'e₂. Ca₂lia'2 dsióg₄ guá₃ tē₂ dsi₂néi₂ guá'5 templo quió'5 Diú₄, a₂jmo₂₃ līn₅ Diú₄.

* 1:1 Lia'2 chen₂ Silvano, co₂rē₂ quian'54 Silas. † 1:10 lit. "dsa₂ jñio₅ quián₅." * 2:2 o₃, "a₂ma₂ja₂quián₃."

⁵ ¿Tsa₁ dsá₂ 'au'₂ 'nia'₂, lia'₂ con'₂ jme₁'eng₅₄ guě₄ quian'₅₄ 'nia'₂, ca₂juá'₃ jniá₂ le₃jě₃ a₂ně₅?
⁶ Jaun₂ ně₃ ma₂ñi'₅₄ bá₄ 'nia'₂ 'ein₂ 'éi₂ i₂jné₅ jui₅, jaun₂ tsá₃ jme₃jniog₂₃ jniá₅ né'₃ a₂tě₅₄ jmi₄ quió'₅. ⁷ La₁ tion₅₄ bá₄ ma₂jmo₅ i₂'lin'₅₄ 'éi₂ bí₂ rě₂'ma₄ quió'₅ ia₁jaun₂ tsá₃ le₃ji'₅₄ dsa₂ 'éi'₃ quió'₅ Diú₄. Jnia'₅₄ lia'₂ chi₁jnia₂₃ a₂jñia'₃ i₂chén'₅ dsi₂jo₂ i₂jmo₅ jnág₅ jui₅. ⁸ Jaun₂ guě₄ jme₃jnia₅ dsa₂ 'lin'₅₄ 'éi₂. Jaun₂ Te₁gui'₅₄ Jesús ně₃ jñag'₃ quian'₅₄ dsí₂ tio'₅₄ 'o₅₄, 'éi₂ 'éi₂ quian'₅₄ a₂co₂tág₅ co₂'né'₅ quió'₅ ně₃ jě₁jñi₁ó'₂. ⁹ Satanás bá₄ jmo₃ jiá₃ dsa₂ 'lin'₅₄ 'éi₂, ia₁ guáin₂ ján₃ quian₅ bí₂ a₂o₂dsain₂ jmo₃ léi₄ juě'₂ jme₃gau₂₃. ¹⁰ Ca₂le₃jě₃ ne₅₄ cosa 'lig'₅₄ jmo₃ a₂jme₃gain₂₃ dsa₂ i₂tion'₅₄ jui₅ dsi₃'én₂ ia₁ tsá₃ guě'₂ ca₂rě₃'nio₃ gue₃ jág₁ tí₅ dsón'₂ a₂jme₃lió₂. ¹¹ Jaun₂ bá₄ lě₃ cuě₃ Diú₄ jmi₄ a₂le₃gain₂, ia₁jaun₂ jui₁le₂ 'éi₂ co₂ñei'₅₄ jág₁ tē₂jág₁, ¹² ia₁jaun₂ 'ě₂ Diú₄ uig₅ quió'₅ ca₂le₃jñin₃ ia₁ tsá₃ guě'₂ ca₂rě₃'éi₂ jág₁ tí₅ dsón'₂, ia₁ ja₂lin₃ guě₄ tē₅ dsí₅ cosa 'lig'₅₄.

Dsa₂ i₂ma₂quion'₅₄ quián₅ Diú₄

¹³ La₁ jnia'₅₄ ně₃, ca₂le₃jě₃ jmi₄ bá₄ cuě₂ ti₁'mag'₄ Diú₄ o₄quián'₂ 'nia'₂, rin'₅₄ jniog₄, i₂'nió₄ quián₅ Te₁gui'₅₄. Jaun₂ lě₃ lia'₂ con'₂ jme₁ca₂rě₃lióg₃ jmi₄ bá₄ ca₂quión'₂ Diú₄ 'nia'₂ ia₁jaun₂ tín'₄ 'nia'₂, lén'₂ 'nia'₂ dsa₂ i₂le₁jě₃ tē₂dsí₅ tē₂le₃ quian'₅₄ Jme₂dsí₂ quián₅ Diú₄, tē₂le₃ quian'₅₄ jág₁ dsau₅ a₂ma₂'én'₂ 'nia'₂ ně₃. ¹⁴ Ta₁ jaun₂ ca₂tě₃ Diú₄ 'nia'₂ tē₂le₃ quian'₅₄ jág₁ dse₃ a₂ca₂jme₁tag₅ jnia'₅₄, ia₁jaun₂ dsi₁nó'₅ 'nia'₂ quen'₅₄ quiang'₅₄ a₂jlá'₁ a₂lín₅ Te₁gui'₅₄ Jesucristo quián₂ jniog₄.

¹⁵ Jaun₂ le₂ně₅, rin'₅₄ jniog₄, caun₂ 'éi₂ 'nia'₂ 'au'₂, chan'₂ tiá₂ jág₁, tsá₃ jui₁dsi₂'én₂ 'au'₂ 'nia'₂ jág₁ a₂qui₂ma₂cuě₁ jnia'₅₄, lia'₂ jág₁ quian'₅₄ si₂ cartas ně₃. ¹⁶ Jaun₂ 'ñiog₅ Te₁gui'₅₄ Jesucristo quian'₅₄ Diú₄ Jme₂ jniog₄, i₂ma₂jmo₃ 'ua₁ dsí₅ 'nio₃ jniog₄, cuě₂₃ lián'₂ co₂tan₅₄, cuě₂₃ a₂'ín₂ dsi₅ jniog₄ tág'₄ ně₃, ¹⁷ jui₁cuě'₄ bí₂ tē₂'au'₂ 'nia'₂ ia₁jaun₂ caun₂ bá₄ 'ag₃ 'au'₂ 'nia'₂, jě₁dsiá'₁ jág₁, jě₁jmo'₂ 'nia'₂ ca₂le₃jě₃ ne₅₄ a₂dse₃.

3

Chi₁len'₄ 'nia'₂ Diú₄ o₄quián₂ jnia'₅₄

¹ Jě₁ca₂tó'₂ rin'₅₄ jniog₄, chi₁len'₄ 'nia'₂ Diú₄ o₄quián₂ jnia'₅₄, ia₁jaun₂ ma₂ně₃ cón'₅ dsióg₄ jág₁ dse₃ quió'₅ Te₁gui'₅₄ ca₂le₃jě₃ jui₂. Jui₁gue₅₄ bá₄ dsa₂ 'ñio₂ dsí₅ jui₁jme₂juě'₂ bá₄ dsa₂ jág₁ la₂ jui₁lia'₂ ca₂lě₃ quian'₅₄ 'nia'₂. ² Mi₄ 'nia'₂ o₄quián₂ jnia'₅₄ ján₃, ia₁jaun₂ lió₂ jnia'₅₄ o₄gú₃ dsa₂ 'lin'₅₄ i₂jmo₂g'₂ mī'₅₄, ia₁ tsá₃ 'én₂ ca₂le₃jñin₃. ³ La₁ tí₅ bá₄ jág₁ quió'₅ Te₁gui'₅₄ quián'₂ 'nia'₂. Jmo₃ bá₄ 'ag₃ caun₂ 'au'₂ 'nia'₂ qui₂jmo₃ 'í₁, ia₁jaun₂ tsá₃ jmó₂' i₂sě₃dsen₃. ⁴ Caun₂ bá₄ 'ei₅ dsi₅ jnia'₅₄ tē₂le₃ quió'₅ Te₁gui'₅₄, a₂jmo₂ ton'₂ a₂jmo'₂ 'nia'₂ ně₃, ca₂le₃jě₃ 'e₂ a₂ma₂jua'₂ jnia'₅₄ jmó'₂ 'nia'₂. ⁵ Jui₁jniog₅₄ bá₄ Te₁gui'₅₄ tē₂'au'₂ 'nia'₂ ja₁'nio₃ Diú₄, ja₁jme₁juin'₂ 'nia'₂ 'au'₂ jui₁lia'₂ juin'₂ dsí₅ Cristo ně₃.

Ca₂tín₂ bá₄ dsa₂ jmo₃ ta₁

⁶ Rin'₅₄ jniog₄, cuě₂ jnia'₅₄ 'éi'₃ tē₂le₃ o₄quió'₄ Te₁gui'₅₄ Jesucristo, jmo₄ 'nia'₄ cau₅ jui₁'ein₂ guě₃ rin'₅₄ jniog₄ juín'₅ jmo₃ ta₁ on₃ guě'₂ jmo₂₃ con'₂ lě₅ a₂ca₂jme₁tín₅ jnia'₅₄ 'nia'₂. ⁷ Jaun₂ ñi'₅₄ bá₄ 'nia'₂ 'a₂ lia'₂ 'nió'₅ tiáng'₄ a₂jmo'₂ con'₂ lě₅ 'a₂ lia'₂ chong₂ jnia'₅₄. Tsá₃ jua'₅₄ a₂tsá₃ ca₂jmó₁ jnia'₅₄ ta₁ tē₁lia'₂ ca₂tió'₄ quian'₅₄ 'nia'₂, ⁸ on₃ guě'₂ jua'₅₄ ca₂que₅₄ jnia'₅₄ a₂lě₁ca₂que₅₄ quió'₅ rin'₅₄, jua'₅₄ tsá₃ ca₂qui₅₄. Tē₂le₃ qui₂ca₂jmó₁ bá₄ jnia'₅₄ ta₁ 'ñio₅ lin₃ lia'₂ 'uě₂-jmi₂ ia₁jaun₂ tsá₃ cán'₁ 'nia'₂ guei₂ o₄quián₂ jnia'₅₄. ⁹ On₃jua'₅₄ ia₁ a₂tsá₃ ca₂tág₂ jnia'₅₄; a₂jñia'₅₄ lia'₂ ca₂quián₁ jnia'₅₄ caun₂ jui₅ ne₄ 'nia'₂, ia₁jaun₂ 'nia'₂ ně₃ cán'₁ jui₅ jaun₂ a₂ca₂quián₁ jnia'₅₄. ¹⁰ Ia₁ lia'₂ con'₂ jme₁tio'₅₄ jnia'₅₄ quian'₅₄ 'nia'₂, ca₂cuě₁ 'éi'₃ la₂: Jui₁lia'₂ dsa₂ i₂juín'₅ jmo₃ ta₁, tsá₃ jui₁guě'₄. ¹¹ Ma₂ne₄ jnia'₅₄ dsia₅ dsa₂ tság₅ jnia'₅₄, chan₂ 'nia'₂ i₂lin₅₄ tián'₅ tsá₃ ta₁ 'nio₃ jmo₃, 'ñio₅ bá₄ tsá₃ jñin₅₄ qui₂tián₂ ja₁tsá₃ ca₂tíin₂. ¹² Jaun₂ dsa₂ 'éi₂ ně₃ chei₂ jnia'₅₄ le₃quió'₅ Te₁gui'₅₄ Jesucristo quián₂, jui₁jmo₁₂ ta₁ quió'₅ ia₁jaun₂ cha₂ a₂qui₂dsi₃ñi₂.

¹³ Rín'₅₄ jniog₄, tsá₃ jmo₂ 'nia'₂ a₂ca₂'ong'₃ jmo'₂ cosa dse₃. ¹⁴ Chi₂jua'₂ chan₂ i₂tsá₃ tón'₂ jui₅ a₂jua'₂ jnia'₅₄ ne₄ si₂ la₂, jag₄ 'nia'₂ 'ein₂ 'éi₂ jaun₂ tsá₃ ma₃jme₁quian'₅₄ 'nia'₂, ia₁jaun₂ le₃gui'₅₄. ¹⁵ La₁ tsá₃ jme₁'ñiai'₅₄ 'nia'₂, tē₂le₃ cuē'₅₄ tioin'₂ 'nia'₂ já₁ dse₃ co₂'nió'₄ ríng'₂.

Jui₁jme₂gu'₅₄ bá₄ Diú₄: Já₁jē₁ca₂tó'₂ quió'₅ Pa₄

¹⁶ 'Ñiog₅ Te₁gui'₅₄ i₂jmo₅ 'ag₅ tei₄ dsí₅ dsa₂, jui₁jmo₁₂ le₁'ág₄ tei₄ 'au'₂ 'nia'₂ quian'₅₄ ca₂le₃jē₃ a₂jmo'₂ 'nia'₂. Jui₁'en₅₄ bá₄ Diú₄ quian'₅₄ ca₂le₃jín'₃ 'nia'₂.

¹⁷ Jniá₂ Pa₄ jmo₂₃ si₂ la₂ quian'₅₄ gu₃* cuíng₅ Diú₄ 'nia'₂, co₂'nió'₄ léi₄ a₂tó'₅ jniá₂ ne₄ ca₂le₃jē₃ si₂ a₂jmo₂₃. Le₂la₂ lē₅ letra quió₃. ¹⁸ Jui₁jme₂gu'₅₄ Te₁gui'₅₄ Jesucristo quián₂ jniog₄ ca₂le₃jín'₃ 'nia'₂.

Co₂nē₅.

* **3:17** 'Nio'₂ ja₁ton₅ 1 Corintios 16:21; Gálatas 6:11; Colosenses 4:18; Filemón 19.

Si₂ carta le₂'uig₅₄ a₂ca₂jmo₃ San Pablo ne₄ TIMOTEO

Jmo₅ Pa₄ si₂ a₂chein₃ ne₄ Timoteo

¹ Jniá₂ Pa₄, líng₅ dsa₂ i₂chen₄ quián₅ Jesucristo, 'éi'₃ quió'₅ Diú₄ quián₂ jniog₄ i₂lió₂, quian'₅₄ Te₁gui'₅₄ Jesucristo i₂'ín₂ dsi₅ jniog₄. ² Jaun₂ jmo₂₃ si₂ la₂ tsíng₂ ne'₅₄ 'ne₂ Timoteo, 'ne₂ guë'₂ dsa₂ ma₂líng'₅ co₂'nió'₄ jan₂ jón₃ quiáng₃ tē₃dsón'₂ ia₁ ca₂rē₃'éng'₂ jág₁ quió'₅ Diú₄. Jaun₂ 'nio₃ jui₁jme₂gu'₅₄ bá₄ Diú₄ 'ne₂. Jui₁jmo₅₄ bá₄ Diú₄ Jmei₂ jniog₄ quian'₅₄ Te₁gui'₅₄ Cristo Jesús quián₂ jniog₄ 'ua₁ néi₂ dsí₅ ja₁cong'₂, a₂'ag₃ tei₄ 'au'₂ ně₃.

Toin'₂ dsa₂ jág₁ a₂tsá₃ tón'₃ jui₅ jág₁ a₂tsá₃ dsau₅

³ Jui₁lia'₂ ca₂juá'₃ jniá₂ né'₃ a₂nei₅₄ jui₅ 'uë₃ Macedonia, a₂jan'₅₄ juig₂ Efeso ia₁jaun₂ juig'₅₄ dsa₂ i₂lin₅₄ a₂tsá₃ jme₃tag₂₃ juá'₅ a₂tsá₃ dsau₅, ⁴ on₃ guë'₂ tón'₃ jui₅ 'e₂ jág₁ a₂lē₁dsia₅ dsa₂, o₃ a₂'in₅ dsa₂ dsa₂ can'₅₄ i₂jme₁chan₂ ma₂líg'₂, jág₁ a₂tsá₃ líg'₂ jmi₄g₄ dsian₅. Jnia'₅₄ con'₂ dsiog₅ mi'₅₄ a₂tsin₅ dsa₂, 'nió'₄ a₂jme₁jme₃'o₅₄ a₂le₃tei₅₄ jniog₄ ta₁ quió'₅ Diú₄, a₂lē₂ tē₂le₃ quian'₅₄ a₂'én₂ dsa₂.

⁵ Jē₁ma₂le₁jē₃ tē₂dsi₅ jniog₄ guio₅₄, léi₄ bá₄ jniog₄ tē₂dsi₅ 'e₂ a₂dse₃ a₂ca₂tág₂ jniog₄ jmó₁, on₃jua'₅₄ a₂lē₁jmo₂ a₂'éin₂ ně₃, jaun₂ guë'₄ lé₂le₃jiá₃ lé₂ tē₂dsi₅ jniog₄ a₂jme₁'nio₃ rin'₅₄ le₂jau₂ le₂jau₂. Ta₁ jaun₂ quí'₅ 'éi'₃ la₂. ⁶ Ia₁ i₂lin₅₄ dsa₂ ma₂i₂lén₂ tē₂le₃ cau₅ ma₂i₂cóin'₅ jui₅ quian'₅₄ jág₁ a₂tsá₃ ta₁ tí₄. ⁷ 'Nio₃ lén₂ tē₅juá'₅, la₁ jnia'₅₄ guioin₅₄ bá₄ tsá₃ nji'₂ 'e₂ juá'₂ a₂jme₂tin₂₃ dsa₂, nag₅₄ rē'₂ 'ei₅ caun₂ dsí₅, ně₂jag₄ bá₄ a₂dsau₅ dsón'₂ a₂jme₂tag₂₃.

⁸ Ma₂ne₄ bá₄ jniog₄ a₂dse₃ bá₄ 'Éi'₃ ně₂jua'₂ ca₂jmó'₂ dsa₂ ta₁ con'₂ dsi₂ten₅₄. ⁹ Ma₂ne₄ jniog₄, 'i₁caun₂ 'éi'₃ tsá₃ ca₂quiog₂ Diú₄ quió'₅ dsa₂ dsen₃. O₄quió'₄ i₂jmo₅ 'lig'₅₄ bá₄ ca₂quiog₂ 'Éi'₃: o₄quió'₄ jui₁lia'₂ dsa₂ i₂tsá₃ nag₃, dsa₂ i₂'no₅ dso₄, dsa₂ i₂tsá₃ jme₂gan₃ Diú₄, i₂tsá₃ jme₂gó'₃ Juá'₅, dsa₂ i₂jme₂dsian₅ chog₅₄-jmei₂, quió'₅ ca₂le₃jín₃ dsa₂ i₂jme₂dsian₅ dsa₂ ně₃; ¹⁰ o₄quió'₄ jui₁lia'₂ dsa₂ i₂nió'₅ jág₁ a₂tsá₃ dsi₂ten₅₄ nió'₃, o₄quió'₄ jui₁lia'₂ dsa₂ ne'₂ i₂nió'₅ jág₁ 'lig'₅₄ quian'₅₄ dsa₂ ne'₂ rin'₅₄, o₄quió'₄ dsa₂ i₂'ang₅ 'in₅ dsa₂, o₄quió'₄ dsa₂ i₂jme₂gan₅ rin'₅₄, o₄quió'₄ dsa₂ i₂co₂jmo₅ jág₁ tē₂jág₁ 'iin₂₃ Diú₄, o₄quió'₄ dsa₂ i₂jmo₅ jui₁'e₂ guë'₄ cosa a₂tsá₃ lē₅ con'₂ lē₅ juá'₅ dse₃. ¹¹ Juá'₅ dse₃ la₂, co₂rē₂ bá₄ quin₅ quian'₅₄ jág₁ jlá'₁ a₂tín'₄ dsa₂, a₂ca₂dsia₃ Diú₄ Jnió₅ o₄gu₃ jniá₂.

Ia₁ 'ua₁ dsí₅ Diú₄ jaun₂ cuë₅ Pa₄ ti₁'mag'₄

¹² Cuë₅ jniá₂ ti₁'mag'₄ Te₁gui'₅₄ Jesucristo quián₂ jniog₄, ia₁ qui₂ma₂cuë₃ bí₂ jmo₅ jniá₂ ta₁ la₂ quió'₅ a₂ma₂dsia₃ gu₃, ton'₂ ia₁ jág₂ bá₄ jniá₂ lia'₂ ja₁jín₂ jan₂ dsa₂ i₂rē₂ti'₅₄. ¹³ Ca₂jmo₃ Cristo ca₂le₃jē₃ ně₅ ja₁con₂ jniá₂, o₁jnia'₅₄ jme₁dsia₅ jniá₂ 'lig'₅₄ jme₁'iin₅ le₂jniá₅, qui₂ca₂'éng₃ dsa₂ i₂jme₁quian'₅₄, qui₂ca₂jmai'₄ jniá₂ tsau₂ dsi₃ ně₃. La₁ ca₂dsia₃ Te₁gui'₅₄ néi₂ dsí₅ ja₁con₂ jniá₂ ia₁ a₂tsá₃ jme₁guion₄ bá₄ jniá₂ 'e₂ jme₁jmo₂₃ lia'₂ con'₂ tsá₃ jme₁'éng₂. ¹⁴ Jaun₂ Te₁gui'₅₄ quián₂ jniog₄ 'nio₅ lin₃ ca₂jmo₃ 'ua₁ dsí₅ ja₁cong₂, a₂ca₂rē₃'éng₂ le₃quió'₅ Cristo Jesús i₂'nio₃ guë'₄ lin₃.

¹⁵ Dsón'₂ dsau₅ bá₄ jág₁ la₂, jaun₂ ca₂le₃jín₃ 'nió'₅ le₃'én₂: Ta₁ jaun₂ guan₃ Cristo Jesús mi₂güig₃ la₂, a₂qui₃lióin₂ dsa₂ i₂le₁cán'₄ dso₄; jē₄ quió'₅ 'éi₂, jniá₂ líng₅ i₂le₂'uig₅₄ i₂rē₂cán'₄ guë'₄ dso₄. ¹⁶ La₁ Diú₄ ca₂dsia₃ néi₂ dsí₅ jniá₂, ia₁jaun₂ lén₂ jniá₂ i₂jáng'₃ jág₁ dsau₅ 'a₂ lia'₂ dsia₅ Jesucristo néi₂ dsí₅ lióin₂ dsa₂ i₂ní₄ rin₂ dso₄. Le₂jaun₂ bá₄ ma₂guio₃ jniá₂ quian₅₄ ne₄ jui₅ ia₁jaun₂ jág₃ ca₂le₃jín₃ dsa₂ i₂le₃'én₂ tē₂le₃ quió'₅ Jesucristo ia₁jaun₂ le₃chain₂ co₂tan₅₄. ¹⁷ Jaun₂ lē₃, le₃quió'₅ Rag₅₄ i₂chan₂ co₂tan₅₄, i₂tsá₃ líg'₂ jmi₄g₄ jón₂, on₃ guë'₂ jniái₂, i₂jan₂ tan₅₄ Diú₄ i₂ní'₂ dsí₅: jui₁jme₂go₃ dsa₂, jui₁jme₂juag'₂ dsa₂ ca₂le₃jē₃ jmi₄g₄ nji₂ a₂já₅. A₂mei₃.

¹⁸ Jaun₂ 'ne₂ Timoteo, jón₃ quiáng₃, 'éi'₃ la₂ dsia₅ jniá₂ gog'₂, lia'₂ con'₂ lě₅ jág₁ dse₃ a₂ca₂cuē₃ Jme₂dsi₂ Jnió₅ ca₂cuē'₃ dsa₂ rin'₅₄ jniog₄ i₂ca₂'ag₃ ca₂'iin₃ 'ne₂ le₂jniá₅: jmo₄ dsen₅₄ 'au'₂ a₂náu'₁ tiá₂ a₂quing'₄ ne₄ 'nei₂ a₂gu₂dsi₂, tē₂le₃ quian'₅₄ jág₁ a₂ca₂cuē₃ dsa₂ jaun₂:
¹⁹ a₂chan'₅₄ tiá₂ a₂'éng'₂, a₂tsá₃ 'e₂ 'lig'₅₄ qui₂dsi₂jñi₅ 'au'₂ ně₃. I₂lin₅₄ dsa₂, 'uig₅₄ ia₁ a₂ca₂dsia₃ cau₅ a₂ně₅ ca₂i₃'én₂ a₂'éin₂, ně₂jag₄ bá₄ caun₂ ni₁barco a₂ca₂lě₃ le₁juig₁ le₁dsog'₅₄ ne₄ jmi₁ñí'₄.
²⁰ Le₂ně₅ bá₄ ca₂i₃ñí₂ Himeneo quian'₅₄ Alejandro i₂ma₂ca₂jñ'₄ jniá₂ ja₁con₂ i₂sě₃dsen₃ ia₁jaun₂ le₃'en₅₄ dsí₅ a₂tsá₃ ma₃juá'₂ 'lig'₅₄ tē₃'oin'₂ Diú₄.

2

Cuē₂₃ jág₁ dsau₅ 'a₂ lia'₂ chi₃lén'₂ dsa₂ Diú₄

¹ Jē₁le₂ 'uig₅₄, chi₁quian₅₄ jniá₂ jmi₄ a₂mí'₁ 'nia'₂ ne₄ Diú₄, a₂chi₁lein'₅₄ 'nia'₂, a₂cuē'₅₄ 'nia'₂ ti₁'mag'₄ ně₃, o₄quió'₄ ca₂le₃jín₃ dsa₂, ² o₄quió'₄ ju₁lia'₂ rag₅₄, o₄quió'₄ ca₂le₃jín₃ ju₁lia'₂ dsi₂tan₅₄, ia₁jaun₂ bá₄ lē₂ le₃'io₄ jniog₄ 'ei₅ tei₄ tsá₃ mi'₅₄ cha₂, ia₁jaun₂ chong₂ jniog₄ con'₂ dsi₂ten₅₄, le₁jě₃ jme₂dsi₂ quián₂ ne₄ ca₂le₃jě₃, le₃ne₄ Diú₄. ³ Ia₁ le₂ně₅ bá₄ dse₃, 'ñio₂ dsí₅ Diú₄ quián₂ jniog₄ i₂lió₂, ⁴ i₂'nio₃ líón₂ ca₂le₃jín₃ dsa₂, ton'₂ 'nio₃ a₂dsi₁lén₂ ja₁le₃ñí'₂ dsí₅ jág₁ tí₅.
⁵ Jan₂ bá₄ Diú₄ chan₂, ton'₂ jan₂ bá₄ dsa₂ chan₂ i₂ñág₅ jág₁, i₂chén'₅ jē₄ quió'₅ Diú₄ quian'₅₄ dsa₂ mi₂güig₃. Dsa₂ 'éi₂ lín₅ Cristo Jesús.* ⁶ 'Éi₂ ně₃ ca₂jñin'₂ 'ñiog₅ ca₂quí₃ 'lia'₅₄ ia₁jaun₂ líón₂ ca₂le₃jín₃ dsa₂. Jág₁ dsau₅ ně₅ ně₃, ca₂rě₃ñi₅ dsa₂ jme₁ca₂tě₂ jmi₄ a₂le₃ñi₅. ⁷ Ta₁ jaun₂ ca₂rě₃'ín₁ jniá₂ ia₁jaun₂ léng₂ jan₂ i₂'ě₂ jág₁, jan₂ i₂chen₄ quián₅ Jesús ně₃, jan₂ tē₅ i₂jme₂tin₅ dsi₂nau₂ ju₁lia'₂ 'a₂ lia'₂ lě₅ a₂'én₂ dsa₂, 'a₂ lia'₂ lě₅ jág₁ tí₅ ně₃. Jág₁ dsau₅ bá₄ a₂juá'₅,† tsá₃ tē₂jing₁.

⁸ Jaun₂ 'nio₃ jniá₂ a₂chi₃lén'₂ dsa₂ Diú₄ ca₂le₂con₂, a₂qui₃chóg'₃ gu₂ qui₂le₁jě₃ tē₂dsí₅, on₃jua'₅₄ a₂'i₄ 'nei₂ dsí₅, on₃ guē'₂ a₂qui₂tsin₂₃ quian'₅₄ rin'₅₄. ⁹ 'Io₅₄ guē'₂ ně₃ 'nió'₅ quí'₃ tsin'₅₄ con'₂ dsi₂ten₅₄, dse₃ jniá₂, li'₅₄ quió'₅. Ju₁i₁jmoí'₅₄ a₂rě₂lin₅₄, on₃jua'₅₄ quian'₅₄ a₂ñí₄ lě₃ jlá'₁ qui₂rě₂lag₄ dsi₅₄, on₃ guē'₂ quian'₅₄ cu₄nióg₄, on₃ guē'₂ quian'₅₄ mīg₂ perlas a₂tó'₅ lag₅₄, on₃ guē'₂ quian'₅₄ tsin'₅₄ 'mu'₅₄ ně₃; ¹⁰ tē₂le₃ quian'₅₄ a₂dse₃ a₂qui₂jmo₂₃ bá₄ 'nió'₅ jmoí'₂, ju₁lia'₂ ca₂tín₂ jmo₃ dsa₂ mí₂ i₂ma₂jñin'₂ ja₁con₂ Diú₄. ¹¹ Dse₃ bá₄ tón'₃ 'io₅₄ tei₄, nag₃, gue₃ jág₁ quió'₅ Diú₄ a₂jme₂tag₅ dsa₂, a₂caun₂ nei'₅₄ jē₄ ca₂le₃jě₃. ¹² Tsá₃ cuē₅ jniá₂ jmi₄ jua'₅₄ a₂jme₃tag₅ 'io₅₄, on₃ guē'₂ jua'₅₄ jmo₃ 'éi'₃ ja₁con₂ dsa₂ ñe'₂. Jñia'₅₄ lia'₂ 'nió'₅ jmo₃ tei₄ bá₄. ¹³ Ia₁ Adán bá₄ i₂le₂'uig₅₄ ca₂jmoí'₂ Diú₄; cang₂ bá₄ ca₂jmoí'₂ Eva. ¹⁴ Jaun₂ on₃jua'₅₄ Adán i₂ca₂rě₃gán₃; 'io₅₄ bá₄ i₂ca₂rě₃gán₃ jaun₂ ca₂táin'₂ dso₄. ¹⁵ La₁ia₁, líón₂ bá₄ 'io₅₄ ně₁jua'₂ jme₂cain'₅₄ chi'₂-guein₂ quiáin₅, chi₂jua'₂ caun₂ 'éin₂ jág₁ quió'₅ Diú₄, caun₂ 'nioi₃ rin'₅₄, caun₂ chain₂ le₁jě₃ jme₂dsi₂ quió'₅, a₂li'₅₄ quió'₅ ně₃.

3

'A₂ lia'₂ ca₂tín₂ jmo₃ ju₁lia'₂ dsa₂ i₂cán₂ ne₄ ju₁i₅ quián₅ guá'₅

¹ Dsón'₂ bá₄ dsau₅ jág₁ la₂: chi₂jua'₂ 'ein₂ 'nia'₂ 'nio₃ cán₂ ne₄ ju₁i₅ jñia₃ rin'₅₄,* ta₁ dse₃ bá₄ jaun₂ 'ín₅ dsí₅. ² Jaun₂ lě₃ juá'₅ jniá₂, dsa₂ i₂chén'₅ ne₄ ju₁i₅ a₂tsá₃ 'nió'₅ jua'₅₄ cha₂ ja₁coin₂ a₂lě₂ le₃bóg'₂ dsa₂ dso₄, jua'₅₄ a₂'ag₃ 'lig'₅₄. Ján₃ guē'₂, jan₂ bá₄ 'io₅₄ quiáin₅ i₂guá₅ quiain'₅₄; 'en₅₄ dsí₅ 'nió'₅ lén₂; li'₅₄ quió'₅, i₂ñi₅ con'₂ dse₃ jniá₂, qui₂guein₃ dsa₂ dsi₂néi₂ quió'₅, qui'₅₄ jmi₄ jme₃tin₂₃ dsa₂. ³ Tsá₃ 'nió'₅ ñi₃ 'ein₅, on₃ guē'₂ qui₃'no₃ mi'₅₄, on₃ guē'₂ 'nió'₅ jmo₃ 'ín₅ dsí₅ jua'₅₄ a₂lě₁'nio₃ lí'₂ cu₄ quió'₅ dsa₂. Tē₂le₃ 'nió'₅ ñi₃ caun₂ tei₄ jmo₃ 'ua₁ dsí₅ quian'₅₄ rin'₅₄, tsá₃ 'nió'₅ jmo₃ jua'₅₄ a₂ñí₄ lě₃ 'ín₅ dsí₅ cu₄. ⁴ 'Nió'₅ ñi₅ 'a₂ lia'₂ jñiai₃ dsa₂ dsi₂néi₂ quió'₅, 'a₂ lia'₂ co₂jéin'₂ chi'₂ quiáin₅ ia₁jaun₂ bá₄ jme₂go₃ chi'₂ quiáin₅ ne₄ ca₂le₃jě₃. ⁵ Ia₁ ně₁jua'₂ tsá₃ ñi₅ 'a₂

* 2:5 o₃, “Jesucristo.” † 2:7 A₂lin₅₄ chog₅₄ si₂juá'₂ ján₃: “le₃quió'₅ Cristo.” * 3:1 griego: epískopos.

lia'₂ jñiai₃ dsa₂ dsi₂néi₂ quió'₅ ně₃, ¿'a₂ bá₄ lia'₂ lé₂ le₃jmo₃ 'í₁ guá'₅ quián₅ Diú₄? ⁶ Tsá₃ 'nió'₅ cán₂ ne₄ jui₅ quió'₅ guá'₅ jan₂ i₂tē₂ca₂rē₃'én₂. Ia₁ con'₂ tsá₃ ṇó₅ ně₁jua'₂ 'ñio₅ ca₂jmo₃ róin₂, tiáin'₃ jui₁lia'₂ ca₂tán'₂ i₂sē₃dsen₃. ⁷ Ján₃ bá₄ 'nió'₅ 'ei₅ jág₁ dse₃ quió'₅ jin₄ dsa₂ i₂tsá₃ 'én₂, ia₁ con'₂ tsá₃ ṇó₅ ně₁ca₂tán'₂ jág₁ lia'₂ chain₂, a₂tiáin'₂ ts₁cág'₅ quió'₅ i₂sē₃dsen₃ ně₃.

A₂ lia'₂ 'nió'₅ jmo₃ dsa₂ i₂jme₂'o₅₄ quián₅ guá'₅

⁸ Le₂ně₅ bá₄ ján₃, 'nió'₅ jmo₃ dsa₂ i₂jme₂'o₅₄a quián₅ guá'₅, 'nió'₅ lén₂ dsa₂ i₂'en₅₄ dsí₅ ján₃, i₂quian₅ caun₂ jui₅ dse₃. Tsá₃ 'nió'₅ lén₂ dsa₂ i₂lē₁qui₂co₅ jág₁ quió'₅, on₃ guē'₂ 'nió'₅ i₃ñioi₅₄ 'ein₅, tsá₃ 'nió'₅ jmo₃ 'ín₅ dsí₅ jua'₅₄ a₂lē₁'nio₃ lí'₂ cu₄ quió'₅ dsa₂. ⁹ 'Nió'₅ jmo₃ 'í₁ jág₁ dse₃ a₂rē₂'ma₄ quió'₅ Diú₄ a₂'éin₂ jniog₄, a₂le₁jē₃ tē₂dsí₅. ¹⁰ 'Nió'₅ con₂ de'₂ dsa₂ 'í₁ quió'₅ ca₂le₃jín₃ con'₂ dsa₂ i₂lén₂ i₂jme₃'o₅₄ ně₁jua'₂ 'a₂ lia'₂ lín₅. Ně₁jua'₂ tsá₃ 'e₂ riin₂, jaun₂ guē₄ dsi₂ten₅₄ lén₂ dsa₂ i₂jme₂'o₅₄a quián₅ guá'₅. ¹¹ Jui₁lia'₂ dsa₂ mí₂ guē'₂ ně₃, ján₃ bá₄ le₂jaun₂ 'nió'₅ lí'₅₄ quió'₅, tsá₃ 'nió'₅ a₂lē₁bóg'₂ dso₄. 'Nió'₅ 'en₅₄ dsí₅ lén₂, rē₂ti'₅₄ jē₄ ca₂le₃jē₃ ně₃. ¹² I₂jme₂'o₅₄ quián₅ guá'₅a 'nió'₅ jmo₃ ján₃, jan₂ bá₄ 'io₅₄ quiáin₅ i₂rē₂jen'₂ gu₂ quiáin'₅₄. Jaun₂ 'nió'₅ ṇi₅ 'a₂ lia'₂ co₂jéin'₂ con'₂ dsi₂ten₅₄ chí'₂ quiáin₅, quian'₅₄ dsa₂ dsi₂néi₂ quió'₅ ně₃. ¹³ Ia₁ jui₁lia'₂ dsa₂ i₂jme₂'o₅₄† i₂rē₂ti'₅₄ dse₃ ta₁ quió'₅ a₂lín₅, lí'₄ a₂'ag₃ dsa₂ dse₃ quió'₅, ton'₂ ján₃ guē'₂ caun₂ guē₄ 'ag₃ dsí₅ a₂dsia₃ 'a₂ lia'₂ 'éin₂ tē₂le₃ quió'₅ Cristo Jesús.

Le₂la₂ lē₅ jág₁ quió'₅ Diú₄ a₂'éin₂ jniog₄

¹⁴ 'In₂ dsi₃ jniá₂ nei₅₄ ṇi'₅₄ ta₁ i₁jing₁₂ 'ne₂. La₁ né'₃ a₂dsióg₄, jmo₂₃ si₂ la₂, ¹⁵ ia₁jaun₂ ně₁jua'₂ ca₂rē₃'ing₅₄, le₃ṇi'₅₄ bá₄ 'a₂ lia'₂ ca₂tín₂ i₃nio₄ dsa₂ dsi₂néi₂ quió'₅ Diú₄, i₂lín₅ guá'₅ quián₅ Diú₄ jén'₃, co₂'nió'₄ 'uig₅₄ 'ia'₂, 'ma₂dsi₅ ně₃, quió'₅ jág₁ tí₅. ¹⁶ Dsón'₂ bá₄ juē'₂ juá'₅ a₂'éin₂ jniog₄, a₂jme₁rē₂'ma₄ le₂jñiá₅:

Ca₂guan₃ Diú₄ chí₁dsain₂;

ca₂jme₃jniog₅ Jme₂dsí₂ a₂lín₅ i₂dsen₃;

ca₂jág₂ ángeles;

ca₂rē₃'ē₂ jág₁, ca₂'ag₃ dsa₂ jin₄ dsi₂nau₂;

ca₂rē₃'én₂ dsa₂ mi₂güig₃ jág₁ quió'₅;

ca₂guéi'₂ táng₃ Jmei₂ guei'₅₄ i₂juig₃ ně₃.

4

Dsa₂ i₂dsi₃lén₂ cau₅, qui₃tí₂ jág₁ quió'₅ Diú₄

¹ Lia'₂ tí₅ jág₁ dsón'₂ bá₄ ma₂ca₂juá'₂ Jme₂dsí₂ quián₅ Diú₄ 'a₂ lia'₂ lé₂ jmi₄ jē₁ca₂tó'₂. I₂lín₅₄ dsa₂ dsi₃lén₂ cau₅, tí₂ jág₁ a₂'éin₂ jniog₄, tón'₂ jui₅ jág₁ quió'₅ jme₂dsí₂ i₂ju₁gan₂, jág₁ juá'₅ a₂já₅ quió'₅ je₂na'₅₄ ně₃, ² a₂jme₂tag₅ dsa₂ i₂jñia'₅₄ qui₂le'₁'ág₄ dse₃ o₁ne₁, i₂co₂jmo₅ jág₁ tē₂jág₁, i₂tsá₃ ma'₅₄ e₂ qui₂dsi₂jñi₅ dsí₅ ia₁ ma₂lē₅ dsí₅ ně₂jag₄ bá₄ a₂ma₂cáu₂ quian'₅₄ ni₁ñi₁ dséi₂. ³ Jme₃tag₂₃ a₂tsá₃ ma₃jén'₂ dsa₂ gu₂; a₂lín₅₄ má₃ guē'₂ ně₃ tsá₃ ma₃cuē₃ jmi₄ jua'₅₄ a₂guē'₃ guē₄ dsa₂, o₁jñia'₅₄ ca₂jmo₃ Diú₄ ca₂le₃jē₃ ne₅₄ cosa ia₁jaun₂ guē'₃ dsa₂ i₂'én₂ i₂cuí'₅ jág₁ dsau₅, a₂cuē₃ ti₁'mag'₄ ně₃. ⁴ A₂dse₃ jē₂ bá₄ a₂ca₂jmo₃ Diú₄. Jaun₂ dse₃ bá₄ guéi₁ jniog₄ cuē₅₄ ti₁'mag'₄ Diú₄, tsá₃ 'nió'₅ jua'₅₄ a₂tsá₃ guéi₁. ⁵ Ia₁ ma₂ron₅ jág₁ quió'₅ Diú₄, juá'₂ a₂le₁jē₃ bá₄ jaun₂. Jme₂jñiό₃ bá₄ Diú₄ jme₁cuē₅ dsa₂ ti₁'mag'₄.

Dsa₂ i₂jme₂ti₃ dse₃ ne₄ Jesucristo

⁶ Chi₂jua'₂ jme₂tíng'₁ dsa₂ rin'₅₄ jniog₄ le₂ně₅, lén'₂ dsa₂ dsen₃ i₂jme₂ti₃ ta₁ ne₄ Jesucristo. Qui₂rē₂tang'₅₄, rē₂bei'₂ 'au'₂ quian'₅₄ jág₁ quió'₅ Diú₄ a₂'éng'₂, juá'₅ dse₃ a₂chan'₅₄ ně₃. ⁷ La₁ tsá₃ lē₁tón'₂ jui₅ jág₁ co₄ a₂lē₁dsia₅ dsa₂ mi₂güig₃, on₃ guē'₂ tón'₂ jui₅ cuentos a₂le₁dsia₅ guiong'₂ can'₅₄ ně₃. Caun₂ jme₁dsau₅ quiáng'₂ tē₂le₃ quió'₅ Diú₄. ⁸ Dsón'₂ a₂dse₃ bá₄ jaun₂ jme₂dsau₅ dsa₂ cho₅ dséi₂ ni₁ñi₁₂ jui₁lia'₂ jme₁co₂₃. La₁ 'ñio₅ lín₃ guē₄ dse₃ jme₃dsau₅ dsa₂

† 3:13 griego: diákonous.

tě₂le₃ quió'₅ jme₂dsí₂ quió'₅ a₂'nioi₃ Diú₄. Ia₁ a₂ně₅ bá₄ cuě₃ a₂dse₃ quián₂ jniog₄ mi₂güí₃ caun₂, on₃jua'₅₄ jmá'₃ ne₄ gua'₅₄ 'uě₃ la₂. ⁹Ca₂le₃jín₃ bá₄ 'nió'₅ le₃'én₂ jág₁ la₂, ia₁ tē₃dsón'₂ bá₄ dsau₅. ¹⁰A₂jaun₂ bá₄ lē₃ dsen₅₄ dsí₅ jmo₂ jniog₄ ta₁, qui₂jnaú'₂ dsa₂ jág₁ uig₅, ia₁ ma₂ca₂'éi₁ jniog₄ caun₂ dsí₅ tē₂le₃ quió'₅ Diú₄ jén'₃ tē₃dsón'₂ i₂lín₅ i₂lió₂ quián₅ ca₂le₃jín₃ dsa₂, la₁ tē₂le₃ dsen₅₄ guě₄ quián₅ dsa₂ i₂'én₂.

¹¹Jág₁ ně₅ ca₂tíng'₂ juig'₅₄ dsa₂, jme₁tiin'₂ ně₃. ¹²Tsá₃ lē₁cuín₅ jmig₄ jua'₅₄ a₂tsá₃ jme₃go₃ dsa₂ ia₁ a₂meg'₂. Tē₂le₃ 'ñio₅ lín₃ guě₄ ca₂tíng'₂ cán'₁ ne₄ juí₅ a₂jmó'₂ a₂dse₃ ia₁jaun₂ jág₃ ca₂le₃jín₃ dsa₂ i₂'én₂: juí₁lia'₂ 'a₂lia'₂ lē₅ jág₁ quiáng'₂, jme₁dsia'₂ jág₁, juí₁lia'₂ 'a₂lia'₂ chang'₂ ñi'₂, juí₁lia'₂ 'a₂lia'₂ 'nió'₃ 'ne₂ dsa₂ ríng'₂, juí₁lia'₂ 'a₂lia'₂ 'éng'₂, juí₁lia'₂ 'a₂lia'₂ chang'₂ a₂le₁jě₃ tē₂'au'₂ ně₃. ¹³Tē₁lia'₂ tsá₃ ma₂dsióg₃ jniá₂, 'í₁ Si₂ quió'₅ Diú₄ jin₄ dsa₂; tióin'₂ jág₁ dse₃ jme₁tiin₅ ně₃. ¹⁴Tsá₃ juí₁dsi₂'én₂ 'au'₂ a₂ma₂cuě₃ Diú₄ a₂ma₂tíng'₂ a₂ca₂ñig'₂ tē₂le₃ quian'₅₄ dsa₂ can'₅₄ rin'₅₄ jniog₄ i₂ca₂quiog₂ gu₂ ne₄ quiáng'₂.

¹⁵Dsen₅₄ 'au'₂ jmo₄ jme₁dsau₅ quiáng'₂ ca₂le₃jě₃ a₂ně₅, ia₁jaun₂ le₃lí'₄ dsa₂ a₂ma₂dsi₂jniág'₄ a₂tíng'₂. ¹⁶Jmo₄ 'í₁ 'ñiag'₂, ján₃ guě'₂ le₂jaun₂ quian'₅₄ juá'₅ a₂jme₂tíng'₁ dsa₂. Caun₂ jmo₄ bá₄ a₂ně₅. Nē₁jua'₂ ca₂jme₁ti'₄ ca₂le₃jě₃ a₂ně₅, long'₅₄ 'ñiag'₂, ján₃ guě'₂ long'₅₄ ca₂le₃jín₃ i₂nag₅ jág₁ quiáng'₂.

5

'A₂lia'₂ 'nió'₅ jmo₃ jin₄ dsa₂ 'én₂ riin'₅₄

¹Tsá₃ lē₁tē₂jén₅ juí₁lia'₂ dsa₂ ma₂guen'₂. Tē₂le₃ 'nió'₅ tióin'₂ jág₁, jmo₄ bá₄ 'au'₂ co₂'nió'₄ ñéi'₅. Já₃n₃ guě'₂ le₂jaun₂ dsa₂ ñe'₂ chí'₂, jmo₄ 'au'₂ jin₅₄ lia'₂ ja₁jíng'₅₄ ríng'₂. ²Ján₃ guě'₂ le₂jaun₂ juí₁lia'₂ dsa₂ mí₂ ma₂guen'₂ ně₃, jme₁'nió₄ juí₁lia'₂ 'nióg'₃ chog'₂. Le₂jaun₂ guě'₂ juí₁lia'₂ 'io₅₄ chí'₂, jin₅₄ jme₁'nió₄ juí₁lia'₂ ja₁'nióg'₃ 'io₅₄ ríng'₂ já₃n₃, a₂le₁jě₃ 'au'₂ co₂ñei'₅₄.

³Juí₁lia'₂ 'io₅₄ 'nág₂ guě'₂ ně₃, jme₁'oin₅₄ nē₁jua'₂ léi₄ a₂'nió'₅ dsón'₂ quió'₅. ⁴La₁ nē₁jua'₂ jan₂ dsa₂ mí₂ 'nág₂ chan₂ chí'₂ quiáin₅ o₃ chí'₂ dsio₅₄ 'e₂, i₂'éi₂ bá₄ le₂'uig₅₄ ca₂tín₂ jme₃tin₅ dsí₅ nio₃ ne₅₄ chog₅₄, a₂jéin'₅ dsí₅ jme₃'nioi₃ chog₅₄ ia₁ ma₂ca₂jme₃cau'₅₄. Ia₁ le₂ně₅ bá₄ dse₃, 'ñio₂ dsí₅ Diú₄. ⁵'Io₅₄ 'nág₂ i₂tē₃dsón'₂ tsá₃ 'ein₂ chan₂ quián₅, caun₂ a₂jaun₂ bá₄ chain₂ 'ín₂ dsí₅ le₃quió'₅ Diú₄ bá₄, chí₂lén'₂ Diú₄ 'uě₂-jmi₂ mi₂₃ 'e₂ 'nió'₅ quió'₅. ⁶La₁ nē₁jua'₂ 'io₅₄ 'nág₂ i₂lē₁ñi₅ cuě'₅ o₂'ñió₃ o₂jñia₃ dsí₅ 'ñiog₅ ně₃, co₂'nió'₄ 'lag₄ bá₄ 'éi₂ chan₂. ⁷Jaun₂ ca₂le₃jě₃ a₂ně₅ chei'₅₄ dsa₂ jaun₂ tsá₃ 'e₂ cha₂ jua'₅₄ a₂cuín₃ jmig₄ 'ag₃ dsa₂ 'lig'₅₄. ⁸Nē₁jua'₂ chan₂ i₂tsá₃ juí₅ tón'₂ 'e₂ ta₁ chain₂ quian'₅₄ i₂chan₂ quiáin₅, la₁ 'ñio₅ lín₃ guě₄ nē₁jua'₂ tsá₃ tóin'₂ juí₅ i₂chan₂ dsí₂néi₂ quió'₅ 'ñiog₅ ně₃, ma₂dsia₃ cau₅ a₂'éin₂; i₂le₂'éi₂ lín₅ tson₂ guě₄ lia'₂ dsa₂ i₂tsá₃ 'én₂.

⁹'Nió'₅ tē₃ton₅₄ ne₄ si₂ jmá'₃ 'io₅₄ 'nág₂ i₂ma₂tion'₅₄ lē₅ guě₄ ma₃'nag'₂ ne₂guióg₂ ñi₂, i₂ma₂jñia₃ jan₂ bá₄ dsí₂i₂gu₂. ¹⁰'Nió'₄ dsa₂ i₂ma₂cuín₅ dsa₂ dse₃, a₂dsón'₂ bá₄ dsein₃, dse₃ bá₄ ta₁ jē₁ma₂já₅, juí₁lia'₂ chí₂jua'₂ ma₂ca₂jme₃cain'₅₄ chí₂-guein₂ quiáin₅, chí₂jua'₂ ma₂qui₂ma₂cuě₃ bá₄ 'ñio₂ dsí₅ dsí₂néi₂ quió'₅ ma₂qui₂ma₂jñia₃ dsa₂, chí₂jua'₂ ma₂ca₂jme₃ti₃ bá₄ ta₁ 'ñio₂ dsí₅ ne₄ dsa₂ rin'₅₄ jniog₄ i₂'én₂,* tsá₃ jmo₂₃ dsí₅ jua'₅₄ quein₅ guě₄ con'₂ guě₄ riin'₅₄, chí₂jua'₂ ma₂ca₂jme₃'oin₅₄ bá₄ i₂chan₂ o₂i₁ dsí₅, chí₂jua'₂ ma₂jmo₃ ca₂le₃jě₃ ne₅₄ a₂dse₃ ně₃. ¹¹La₁ tsá₃ tē₃ton₅₄ ne₄ si₂ 'io₅₄ 'nág₂ i₂tion'₅₄ me'₂ guě₄ ñi₂, ia₁ jē₁ma₂ca₂lē₃ dsí₅ 'ñio₅ lín₃ guě₄ tón'₂ juí₅ a₂mi₅ dsí₅ con'₂ guě₄ a₂jme₃ti₃ ta₁ a₂tióin₂ ne₄ Cristo, gu₂ bá₄ tiá₂ 'nio₃ jéin'₃ táng₃. ¹²Le₂ně₅ bá₄ rē₂cáin'₄ ia₁ tsá₃ ca₂rē₃ti'₅₄ jág₁ quió'₅ a₂ma₂cuě₃. ¹³Ján₃ guě'₂ con'₂ tsá₃ ñó₅ nē₁jua'₂ ca₂rē₃tín₃ dsí₅ jñia'₅₄ i₂nioi₅₄ tē₂juin₂ tsi₁jñin₁₂. Já₃n₃ guě'₂ le₂jaun₂, on₃jua'₅₄ rē'₂ jñia'₅₄ tiin₂ i₂nioi₅₄ tsi₁jñin₁₂, dsí₂lén₂ le₂'í₁ 'né₅ ton'₂ qui₂i₂quian'₅₄ jág₁ a₂la₂ a₂ó₃, qui₂tiáin₂ ja₁tsá₃ ca₂tín₂. ¹⁴Jaun₂ lē₃ 'nio₃ jniá₂ co₂ñei'₅₄ jén'₂ táng₃ gu₂ juí₁lia'₂ 'io₅₄ 'nág₂

* 5:10 lit. "chí₂jua'₂ ma₂qui₂ma₂rang₃ mi₂tag₄ dsa₂ jñi₃ó₅."

chi², jui¹le²chan² chi²-guein² quiáin⁵, jui¹lein⁵⁴ bá⁴ dsa² i²nio⁵ gu² dsi²néi². Jaun² tsá³ cuin³ jmi⁴g⁴ jmo³ i²sē³dsen³ lé² dsí⁵ dsa² 'ag³ 'lig'⁵⁴. ¹⁵ Ia¹ i²lin⁵⁴ ma²i²léin² cau⁵, 'ein²³ Satanás.

¹⁶ Chi²jua² chan² rin⁵⁴ jniog⁴ dsa² ne², o³ dsa² m²i² 'e², † chi²jua² chan² dsa² 'nág² quió⁵, ne⁴ 'éi² nio³ 'e² 'nió⁵ quió⁵ dsa² 'nág², ia¹jaun² tsá³ n²i²l²ē³ guei² cán² guá⁵, ia¹jaun² bá⁴ cuin³ jmi⁴g⁴ lé² le³jme³ 'o⁵⁴ guá⁵ jma³ 'quió⁵ 'io⁵⁴ 'nág² i²'nió⁵ dsón² quió⁵.

¹⁷ Dsa² can⁵⁴ i²jmo⁵ 'éi³ dse³ guá⁵, tin³ ráun² lē⁵ guē⁴ 'nió⁵ jme³go³ dsa², jág² dsa² dse³. La¹ 'nio⁵ lin³ guē⁴ ca²tín² dsa² jín² dse³ jme³'nioi³ i²jmo⁵ ta¹ i²cuē⁵ jág¹ jme²tag²³. ¹⁸ Ia¹ ne⁴ Si² quió⁵ Diú⁴ juá²: “Tsá³ lē²tó² 'nei⁵⁴ m²i² 'o⁴ ca¹jui⁵ i²jmo⁵ ta¹ qui²tsó⁵ i²'uig² m²ig² trigo.” † Ján³ guē² le²jaun² juá² Si²: “Ca²tín² bá⁴ dsa² i²jmo⁵ ta¹ gue³ 'liain⁵⁴.” §

¹⁹ Tsá³ lē²tón² jui⁵ nē¹jua² chan² 'ein² dsia⁵ dso⁴ 'ni²³ jan² gui⁵⁴ can⁵⁴ nē¹jua² tsá³ tión² on³-ún² dsa² i²jáng³ jág¹ dsau⁵. * ²⁰ La¹ jui¹lia² dsa² i²caun² 'no⁵ dso⁴, tē²jéin³ tē³jē⁴ ja¹le¹ni² 'nia² ca²le³jín³, ia¹jaun² tē³ ne⁴ ca²le³jín³ jaun² le³gó³ ján³. ²¹ O⁴quió⁴ Diú⁴, quian⁵⁴ Te¹gui⁵⁴ Jesucristo, quian⁵⁴ ca²le³jín³ ángeles i²ma²quióin², cuē⁵ jniá² 'éi³ la² ia¹jaun² jme¹ti⁴ 'ne². Tsá³ jmó² jua⁵⁴ a²jín³ jma³quén⁵ ríng² a²jmó² i²lin⁵⁴ tē¹jéng⁴, i²lin⁵⁴ guē² tsá³ tē¹jéng⁴. Co²rē² bá⁴ tē¹jéng⁴ con² i²ca²tín² dsi³jen⁵⁴. ²² Tsá³ caun² lē¹ín⁵ † de² tē²le³ dséi² dsa² i²jio³ cán² ne⁴ jui⁵ guá⁵, con² tsá³ nō⁵ nē¹jua² le³jio⁴ 'ne² ca²rē³cáng² dsáu¹ i²sián². Jmo⁴ 'í¹ a²chang² le¹jē³ tē²'au².

²³ Ia¹ a²rē²dsong⁵⁴ i²gú³ ton⁵ dso⁴ tog², tsá³ ma³'nió⁵ 'ag⁵⁴ jmá³ jmi²g²; 'én² ca²la² vino ján³.

²⁴ Dso⁴ a²'no⁵ dsa² i²lin⁵⁴ a²léi⁴, jniá² dse³ bá⁴ né³ a²dsi¹lein³ ja¹jáng³ cuenta quió⁵. Quió⁵ i²lin⁵⁴ guē² tsá³ léi⁴ dsi²jui⁵. Cang² bá⁴ rē²léi⁴. ²⁵ Ján³ guē² le²jaun², chi²jua² 'e² dse³ jmo⁵ dsa², rē²léi⁴, jniá² bá⁴. O¹jnia⁵⁴ tsá³ qui²rē²jniá² dsi²jui⁵, tion⁵⁴ bá⁴ rē²jniá² jui¹la² 'ióg³.

6

¹ Dsa² i²jme²ti³ ta¹ ne⁴ jui⁵⁴ 'nió⁵ jme³gain³ jui⁵⁴ ia¹jaun² tsá³ chi²'ag³ dsa² 'lig'⁵⁴ 'iin³ Diú⁴, on³ guē² 'ē³ dsa² 'lig'⁵⁴ 'e² jme²tín¹ jniog⁴ dsa². ² Chi²jua² chan² jui⁵⁴ i²én² nē³, tsá³ jua⁵⁴ jaun² 'nió⁵ jme³go³ dsa² me² guē⁴ ia¹ lín⁵ dsa² 'én² riin⁵⁴. Co²rē² bá⁴ 'nió⁵ jme³gan³ dsa² riin⁵⁴ con² riin⁵⁴ i²én² tē²le³ quió⁵ Cristo. Tē²le³ 'nió⁵ jme³ti³ guē⁴ dsa² dse³ ta¹ ne¹², ia¹ a²lín⁵ dsa² 'én² rin⁵⁴ i²'nió⁴. Le²nē⁵ jme¹tín⁵ dsa², tioin² jág¹ nē³.

'Ag⁵ dsa² dse³ dsí⁵ jmo²³ 'io² quian⁵⁴ juá⁵

³ Chi²jua² chan² i²jme²tag⁵ le²siá², ton² tsá³ dsáu⁵ dsí⁵ jág¹ dse³ quió⁵ Te¹gui⁵⁴ Jesucristo, on³ guē⁴ juá⁵ quió⁵ Diú⁴ nē³, ⁴ a²jnia⁵⁴ con² jme²rón² 'nio⁵ bá⁴ dsa² 'éi², 'i¹ca²jui⁵⁴ tsá³ 'e² n²i² dsí⁵. Nē²jag⁴ bá⁴ i²dso⁵⁴ bá⁴ i²le²'éi², ia¹ a²jnia⁵⁴ 'nio³ dsia³ m²i⁵⁴ quian⁵⁴ jág¹. 'Uig⁵⁴ jaun² ja² uig⁵ dsí⁵ dsa², qui²tsin⁵ dsa², qui²iná² dsa² jág¹ uig⁵ riin⁵⁴, tsá³ 'e² dse³ jín² dsa² riin⁵⁴ nē³. ⁵ Lē⁵ bá⁴ caun² jnia⁵⁴ niog⁵ m²i⁵⁴ tsá³ dsian⁵ lē⁵ jin⁴ dsa² i²tsá³ dse³ qui²dsi²jio⁵ dsí⁵. Tsá³ ma³'e² jág¹ dsau⁵ cuí⁵; lín² quian⁵⁴ juá⁵ a²jme²tag²³, a²tē³dsi⁵⁴ quió⁵. [Co²dsia⁵ jniag³ cau⁵, tsá³ lē¹'ú⁵ quian⁵⁴ dsa² i²le²'éi².] * ⁶ Dsau⁵ bá⁴ jaun² a²quen⁵ juá⁵, la¹ia¹ a²tē¹dsi⁵⁴ guē⁴ lín³ le³quió⁵ dsa² i²le¹'ág⁴ tei⁴ dsí⁵, i²chan² ma²dsáu⁵ dsí⁵ 'e² cha² quió⁵. ⁷ Ia¹ 'i¹caun² tsá³ 'e² le¹quian¹ jniog⁴ ca²o³náu⁵ m²i²güig³ la², on³ guē² cha² jua⁵⁴ a²lé² le³quiong⁵⁴ 'i¹caun² táng³. ⁸ Ia¹ nē¹jua² cha² bá⁴ a²que⁵⁴, cha² bá⁴ tsin⁵⁴ jniog⁴ nē³, co²jaun² bá⁴ guē² jnia⁵⁴ 'nió⁵ le³'éi¹ jniog⁴ tei⁴ dsí⁵ jmó¹ 'io². ⁹ La¹ jui¹lia² dsa² i²'ín⁵ dsí⁵ le³cha² cu⁴ nē³, tsi²séin² dso⁴, tsi²séin² 'nió³ tsi¹cág⁵ quió⁵ i²sē³dsen³, ne⁴ ca²le³jē³ a²'ín⁵ dsí⁵ a²tsá³ ta¹ tí⁴, a²jmóg² dain⁵⁴, a²dsi²'éin² nē³. ¹⁰ Ia¹ a²n²i²l²ē³ 'ín⁵ dsí⁵ dsa² le³cha² cu⁴, 'uig⁵⁴ jaun²

† 5:16 A²lin⁵⁴ chog⁵⁴ si²: “Chi²jua² chan² dsa² m²i² rin⁵⁴ jniog⁴.” ‡ 5:18 Deuteronomio 25:4. § 5:18 Lucas 10:7.

* 5:19 'Nio² ja¹ton⁵ Números 35:30, Deuteronomio 17:6. † 5:22 lit. “Tsá³ caun² dsia¹ gog² de² tē²le³ dséi².” * 6:5 A²lin⁵⁴ chog⁵⁴ si² tsá³ le¹ton⁵ jág¹ nē⁵.

lé₂ le₃jiog₃ ca₂le₃jě₃ ne₅₄ jui₅ 'lig'₅₄. Chan₂ i₂lin₅₄ ia₁ a₂'ín₅ dsí₅ a₂jaun₂, ma₂i₂léin₂ cau₅ jui₅ a₂jme₁'éin₂; a₂'u_{in}₅₄ guioin₅₄ ma₂chain₂ jmi₁uig₅ 'nio₅ lin₃.

Dsa₂ i₂quín' b_í ia₁ 'éin₂

¹¹ La₁ 'ne₂, dsa₂ quián₅ Diú₄, co₂dsia₅ cuin'₅₄ ca₂le₃jě₃ a₂ně₅. Co₂dsia₅ ŋi₄ bá₄ quian₂ caun₂ jui₅ co₂dsau₅, jme₁dsau₅ quiáng'₂ tē₂le₃ quió'₅ Diú₄, caun₂ 'én₂ bá₄, chan'₂ tiá₂ jág₁, caun₂ jme₁'nió₄ ríng'₂, jme₁juin'₂ 'au'₂, jmo₄ meg'₂ ně₃. ¹² Quen'₂ bí₂ dse₃ o₄quió'₄ jág₁ a₂'éin₂ jniog₄, jui₁lia'₂ jan₂ 'lióg₂ quín'₅ bí₂ ne₄ 'nei₂. Tio'₂ gog'₂ ja₁le₃chan₂ co₂tan₅₄ jme₂dsí₂ quiáng'₂, ia₁ ta₁ jaun₂ ca₂tě₃ Diú₄. Ia₁ dse₃ bá₄ ma₂ŋe'₃ jmo'₂ jin₄ dsa₂, a₂cuě'₂ léi₄ a₂'éng'₂. ¹³ Ně₃ ně₃, jág₅ bá₄ Diú₄ i₂jmo₅ jén'₃ ca₂le₃jín₃, jág₅ bá₄ Jesucristo ně₃ i₂ca₂jáng'₃ dse₃ jág₁ dsau₅ ne₄ Poncio Pilato, juíg₂ jniá'₂ 'ne₂ ¹⁴ a₂jme₁ti'₄ 'éi'₃ ně₅ tsá₃ qui₂rě₂'ióg₄ ia₁jaun₂ tsá₃ cuin₅ jmig₄ jua'₅₄ tē₃jí₂ dsa₂ ca₂lia'₂ ca₂tě₂ jmig₄ i₁guan'₂ Te₁gui'₅₄ Jesucristo quián₂. ¹⁵ Jē₁ma₂ca₂tě₂ jmig₄ jaun₂, ia₁ jnia'₅₄ lia'₂ 'nio₅ bá₄ Te₁gui'₅₄ Diú₄ jmo₃. 'Nio₅ bá₄ lín₅ i₂ŋiós₅ i₂'uan'₂, i₂lín₅ Rag₅₄ quián₅ rag₅₄, Te₁gui'₅₄ quián₅ ca₂le₃jín₃ juig₅₄ can'₅₄ i₂chan₂ ne₄ gua'₅₄ 'uě₃ la₂. ¹⁶ Jnia'₅₄ lia'₂ jan₂ 'éi₂ bá₄ i₂chan₂ i₂ca₂lia'₂ o₁líg'₂ jmig₄ tsá₃ jón₂, i₂chan₂ i₂guá₅ ja₁jniá'₂ si₂ ja₁ca₂lia'₂ 'i₁jan₂ tsá₃ 'éin₂ qui'₅₄ jmig₄ jme₃quián₃, i₂tsá₃ 'éin₂ dsa₂ mi₂güig₃ ma₂jág₂, on₃ guě'₂ qui'₅₄ jmig₄ jág₂. ¡Ca₂tín₂ bá₄ Diú₄ ca₂le₃jě₃ bí₂! ¡Quió'₅ 'éi₂ bá₄ jme₃juag'₂ dsa₂ co₂tan₅₄! ¡A₂méi₃! ¹⁷ Jui₁lia'₂ i₂cha₂ cu₄ mi₂güig₃ la₂, chei'₅₄ tsá₃ lē₁jui₁jmo₁₂ róin₂, on₃ guě'₂ jui₁jmo₅₄ 'ín₂ dsí₅ le₃quió'₅ cu₄, ia₁ a₂lē₁lé₂ dsí₃'én₂ bá₄ cu₄. Co₂dsia₅ guě₄ jmo₅ jui₁jmo₁₂ 'ín₂ dsí₅ tē₂le₃ quió'₅ Diú₄ jén'₃ i₂jén'₅ ca₂le₃jě₃ lia'₂ qui₂rě₂tsón₂ ia₁jaun₂ jmó₁ 'io'₂ le₃chong₂. ¹⁸ Chei'₅₄ jui₁jmo₁₂ a₂dse₃ 'nio₅ lin₃, jui₁jmo₁₂ 'nio₂ dsí₅ jui₁jme₂'oin₅₄ riin'₅₄ quian'₅₄ 'e₂ a₂cha₂ ca₂la₂ quió'₅. ¹⁹ Jaun₂ le₂ně₅ qui₂dsi₃tsón₃ 'uig₅₄ ja₁náu₃ tiá₂ tē₂le₃ ne₄ jui₅ ja₁ŋó₄, tó'₃ gu₂ ja₁le₃chain₂ dsón'₂.

Jág₁ a₂ca₂tsí'₃ guě₄ Timoteo jē₁ca₂tó'₂

²⁰ 'Ne₂ Timoteo, dse₃ jmo₄ 'í₁ a₂ma₂niog₅ ne'₅₄. Tsá₃ lē₁tón'₂ jui₅ jág₁ a₂tsá₃ ta₁ tí₄ a₂niog₅ dsia₅ dsa₂ mi₂güig₃ i₂tsá₃ 'én₂. Ní₂ dse₃, tsá₃ tón'₂ jui₅ jág₁ quió'₅ dsa₂ i₂ŋi₄ lē₃ 'nio₅ ŋi₅ jmo₅, ia₁ on₃jua'₅₄ dsau₅ dsón'₂ tin₂ dsa₂ 'éi₂, ia₁ tsá₃ jme₂tag₂₃ lia'₂ con'₂ lē₅ juá'₅ dse₃ dsón'₂. ²¹ Ia₁ i₂lin₅₄ dsa₂ i₂ca₂rě₃'én₂ jág₁ quió'₅ dsa₂ le₂'éi₂ ma₂i₂cóin'₅ bá₄ táng₃ jui₅ quió'₅ Diú₄ a₂jme₁'éin₂. Jui₁jme₂gu'₅₄ bá₄ Diú₄ quiáng'₂. Co₂ně₅.

Si₂ carta jë₁ca₂të₂ tin₃ a₂ca₂jmo₃ San Pablo ne₄ TIMOTEO

Jmo₅ Pa₄ si₂ a₂chein₃ ne₄ Timoteo

¹ Jniá₂ Pa₄, líng₅ dsa₂ i₂chen₄ quián₅ Te₁gui₅₄ Jesucristo, cheng₅₄ con₂ nē₅ 'nio₃ Diú₄ bá₄, con₂ lě₅ jág₁ ca₂cuē₃ Diú₄ jniog₄ a₂le₃chong₂ të₂le₃ quian₅₄ Cristo Jesús. ² Jmo₅ jniá₂ si₂ la₂ ne₅₄ 'ne₂ jón₃ quiáng₃ Timoteo, 'nio₃ jniá₂ jui₁chang₂ bá₄ nēi₂ dsí₅ Diú₄, jui₁jme₂gu₅₄ bá₄, jui₁chang₂ bá₄ 'ei₅ tei₄, jui₁jmo₅₄ Diú₄ Jmei₂ jniog₄ quian₅₄ Te₁gui₅₄ Jesucristo quián₂.

A₂ lia₂ dsi₂ten₅₄ jáng₃ dsa₂ jág₁ dsau₅ të₂le₃ quió₅ Cristo

³ Dsau₂ dsi₃ co₂tan₅₄ bá₄ 'ne₂ jë₄ chi₂leng₅₄ Diú₄ lia₂ 'uë₂-jmi₂. Jaun₂ lě₃ cuē₅ jniá₂ ti₁ 'mag₄ jme₂tí₁ ta₁ ne₅₄ a₂ma₂le₁jě₃ a₂qui₂dsi₂jni₅ të₂dsi₃ jui₁lia₂ ca₂jmo₃ dsa₂ can₅₄ quiáng₃ ma₂líg₂.

⁴ Ca₂le₃jě₃ jmi₄ bá₄ dsau₂ dsi₃ lia₂ con₂ ca₂'o₅₄ le₂jaun₂, jaun₂ jme₁'nio₃ i₁jing₁₂ táng₃ 'ne₂ ia₁jaun₂ jmo₅₄ 'io₂. ⁵ Dsau₂ bá₄ dsi₃, ia₁ 'éng₂ të₃dsón₂. Chi₁'io₄ Loida quian₅₄ chog₂ Eunice, ján₃ bá₄ le₂nē₅ ca₂rě₃'éin₂ le₂'uig₅₄. Jaun₂ të₃dsón₂ lín₂ jniá₂ ján₃ bá₄ le₂jaun₂ 'én₂ 'ne₂.

⁶ Jaun₂ lě₃ juá₅ jniá₂, cuē₅₄ bí₂ ca₂le₃jě₃ a₂ma₂cuē₃ Diú₄ të₂'au₂, a₂lě₅ lia₂ lě₅ si₂ të₂'au₂ a₂ca₂jig₂ lia₂ con₂ jme₁ca₂co₃ jniá₂ gu₃ ne₄ quiáng₂. ⁷ Ia₁ on₃jua₅₄ jme₂dsí₂ i₂gó₅ ma₂cuin₃ Diú₄ jniog₄. Jme₂dsí₂ 'éi₂ bá₄ ma₂cuin₃ i₂jmo₃ a₂nio₃ tiá₂ dsi₅ jniog₄, i₂jmo₃ a₂jme₁'nió₄ jniog₄ rin₅₄, i₂jmo₃ a₂jme₂'uán₄ dsi₅ guio₅₄. ⁸ Tsá₃ lě₁jmo₂ gueng₅₄ ja₁jang₅₄ jág₁ dsau₅ o₄quió₄ Te₁gui₅₄ quián₂, on₃ guē₂ jmo₂ gueng₅₄ o₄quió₃ jniá₂ ia₁ 'eng₅₄ né₃ 'má₃ o₄quió₄ 'éi₂. Të₂le₃ guen₅₄ bá₄ ján₃ jë₂ jmi₁uig₅ a₂já₅ o₄quió₄ jág₁ dse₃, con₂ lě₅ bí₂ a₂cuē₃ Diú₄ ⁹ i₂ca₂lió₂ jniog₄ ton₂ ca₂tě₃ ia₁jaun₂ le₃chong₂ jniog₄ jnió₅. On₃jua₅₄ ia₁ cha₂ 'e₂ dse₃ ma₂jmo₁ jniog₄, ia₁ le₂nē₅ ca₂lě₃ dsí₅ 'niog₅ ca₂jmo₃ 'ua₁ dsí₅ ca₂rě₃'nio₃ jniog₄ të₂le₃ 'uig₅₄ o₄quió₄ Cristo Jesús. Ia₁ le₂jaun₂ jme₁ma₂'nio₃ bá₄ Diú₄ jniog₄ ca₂le₂jniá₅ lia₂ con₂ tsá₃ mi₂güig₃ ma₂jmo₃. ¹⁰ Diú₄ ma₂ca₂jme₃jniá₂₃ léi₄ ja₁con₂ dsa₂ mi₂güig₃, a₂'nio₃, jme₁ca₂chein₃ Jesucristo i₂lió₂ quián₂ jniog₄, co₂dsia₅ ca₂'éin₂ bí₂ a₂'io₅ 'mú₃; ton₂ ca₂jme₃jniá₂₃ të₂le₃ quian₅₄ jág₁ dse₃, 'a₂ lia₂ le₃chan₂ dsa₂ co₂tan₅₄.

¹¹ 'Uig₅₄ jaun₂ ca₂rě₃'ín₁ jniá₂, ia₁jaun₂ qui₂i₁'ě₃ jág₁ dse₃ la₂, a₂leng₂ jan₂ të₅ i₂chen₄ quián₅. ¹² 'Uig₅₄ jaun₂ bá₄ a₂ngag₅₄ ca₂le₃jě₃ ne₅₄ uig₅ la₂. La₁ tsá₃ o₂guí₃ jéin₅ jniá₂, ia₁ guion₅₄ bá₄ 'ein₂ të₂le₃ quió₅ ma₂ca₂'ag₃ caun₂ dsi₃, 'éng₂ bá₄ a₂'io₅ 'éi₂ bí₂ a₂jmo₃ 'í₁ a₂le₃tei₅₄ jniá₂ ta₁ a₂ma₂ca₂dsia₃ gu₃,† ca₂lia₂ ca₂tě₂ jmi₄ jaun₂.

¹³ Caun₂ jmo₄ bá₄ jui₁lia₂ ma₂ca₂jme₁ting₂₃ 'ne₂. Jui₁chang₂ bá₄ 'éng₂, jme₁'nió₄ ríng₂ le₃quió₅ Cristo Jesús. ¹⁴ Quian₅₄ bí₂ quió₅ Jme₂dsí₂ quián₅ Diú₄ i₂jio₅ të₂dsi₅ jniog₄, jmo₄ 'í₁ a₂ma₂dsia₃ Diú₄ gog₂.

¹⁵ Ma₂ni₅₄ bá₄, ca₂le₃jín₃ bá₄ dsa₂ chan₂ 'uë₃ Asia ma₂ca₂téi₂ bá₄ jniá₂, i₂lín₅₄ 'éi₂ Figelo quian₅₄ Hermógenes nē₃. ¹⁶ Jui₁dsia₅₄ bá₄ Te₁gui₅₄ nēi₂ dsí₅ ca₂le₃jín₃ dsa₂ dsi₂néi₂ quió₅ Onesíforo, ia₁ 'líong₂ ráun₂ bá₄ ma₂guain₂₃ o₃jag₅₄ ca₂jmo₃ ca₂rě₃güig₂ jme₂dsí₂ quió₃. On₃jua₅₄ a₂jaun₂ guí₅₄ ja₃jag₅₄ ia₁ a₂'eng₅₄ né₃ 'má₃. ¹⁷ Të₂le₃ ca₂o₃'niog₂ bá₄ jniá₂ jme₁guain₃ Roma. Ca₂lia₂ ca₂dsáu₂ bá₄ ca₂jmo₃. ¹⁸ Jui₁dsia₅₄ bá₄ Te₁gui₅₄ nēi₂ dsí₅ ja₁coin₂ jë₁ma₂tě₂ jmi₄ jaun₂. Dsá₂ bá₄ 'au₂ 'ne₂, ca₂jme₃'o₅₄ 'nio₅ lín₃ jniog₄ lia₂ con₂ jme₁tio₅₄ jui₂g₂ Efeso.

2

Jan₂ 'lióg₂ dsen₃ quián₅ Jesucristo

* **1:11** A₂lín₅₄ chog₅₄ si₂ juá₂ ján₃: “a₂jme₁tin₂₃ dsi₂nau₂.” † **1:12** o₃, “a₂jmo₃ 'í₁ a₂ma₂ca₂dsia₃ jniá₂ gu₂ 'éi₂.”

¹ La₁ 'ne₂ ně₃ jón₃ quiáng₃, quen'₂ bí₂ nau₂ tiá₂ ia₁ a₂'ua₁ dsí₅ Diú₄ ca₂jmo₃ tē₂le₃ quian'₅₄ Cristo Jesús. ² Ca₂le₃jě₃ a₂ma₂nei'₂ ma₂juá'₃ jniá₂ tē₃jín₄ juin₅ dsa₂ i₂ca₂tě₂ ne₄, jág₁ jaun₂ dsia₄ gu₂ dsa₂ i₂rě₂ti'₅₄ i₂qui'₅₄ jmi₄g₄ jme₃tin₅ i₂sián'₂ táng₃. ³ 'Njag'₂ guě'₂ ně₃, tiang'₃ jmo₄ ŋag'₅₄ uig₅ o₄quió'₄ Jesucristo, jmo₄ bá₄ jui₁lia'₂ ja₁jmo₅ jan₂ 'lióg₂ tió'₃ dsí₅ jui₁lia'₂ jme₁'ein₅₄ ne₄ 'nei₂. ⁴ I₁jan₂ 'lióg₂ i₂jme₂ti₃ dse₃ ta₁ a₂chéin'₅ jua'₅₄ lé₂ le₃qui₂tián₂ tsi₃nei₃ jág₁ a₂ca₂tín₂ dsa₂ lē₁dsa₂, ia₁jaun₂ bá₄ lé₂ jme₃ti₃ con'₂ 'ñio₂ dsí₅ juig₅₄. ⁵ Ján₃ bá₄ le₂jaun₂ jui₁lia'₂ dsa₂ i₂co₅, tsá₃ a₁jaun₂ jua'₅₄ a₂lí'₂ 'e₂ lí'₂ ně₁jua'₂ tsá₃ ca₂quín'₃ bí₂ co₃ con'₂ dsi₂ten₅₄ quí'₅ 'éi'₃. ⁶ Ján₃ bá₄ le₂jaun₂ jui₁lia'₂ dsa₂ i₂jmo₅ ta₁ ja₁nau₂, ca₂tín₂ bá₄ gue₃ le₂'uig₅₄ con'₂ ca₂tín₂ jē₁ma₂rau₂. ⁷ 'Nio'₂ 'au'₂ a₂juá'₅ jniá₂ la₂. Te₁gui'₅₄ bá₄ jmo₃ le₃ñíg'₂ ca₂le₃jě₃.

⁸ Dsau'₂ 'au'₂ jmo₄, tsá₃ jui₁dsi₂'én₂ 'au'₂ Te₁gui'₅₄ Jesucristo i₂ca₂jen'₅₄ táng₃ jín₄ 'lag₄, i₂jme₁lín₄ tsi₁jón₂ David; a₂la₂ bá₄ jág₁ dse₃ a₂lión₂ dsa₂, a₂'ě₅ jniá₂. ⁹ Uig₅₄ jág₁ dse₃ la₂ bá₄, jmo₅ jniá₂ tió'₅ dsi₃ ŋag₅₄ uig₅. Rě₂'ñeg'₅₄ quian'₅₄ ñí₁ cadena co₂jmo₂g'₂ dsa₂ jui₁lia'₂ ja₁jmá'₂ dsa₂ jan₂ dsa₂ i₂rě₂cán'₄ dso₄ juě'₂. La₁ jág₁ dse₃ quió'₅ Diú₄ ně₃, tsá₃ rě₂'ñe'₅₄ quian'₅₄ ñí₁ cadena. ¹⁰ Jaun₂ bá₄ lē₃, o₄quió'₄ dsa₂ i₂ma₂quión'₂ Diú₄ jmo₂₃ tió'₅ dsi₃ ca₂le₃jě₃, ia₁jaun₂ bá₄ tín'₄ 'éi₂ ján₃ le₃quió'₅ Cristo Jesús ja₁lě₄ co₂tág₅ co₂'né₅ co₂tan₅₄.

¹¹ Tě₃dsón'₂ bá₄ dsau₅ a₂la₂:
Ně₁jua'₂ ca₂dsau₃ jniog₄ quian'₅₄ Jesucristo,
ján₃ bá₄ le₂jaun₂ le₃chong₂ jniog₄ quiaín'₅₄.

¹² Ně₁jua'₂ ca₂náu₂ jniog₄ tiá₂,*
ján₃ bá₄ le₂jaun₂ jme₁gon₂ jniog₄ quiaín'₅₄.

Ně₁jua'₂ tsá₃ tión₅ jniog₄ a₂cuín₅,
ján₃ bá₄ le₂jaun₂ tsá₃ 'ag₃ jniog₄ ján₃.

¹³ Ně₁jua'₂ tsá₃ ca₂rě₃tei₅₄ jniog₄,
la₁ le₃ti'₅₄ bá₄ 'ñiog₅,
ia₁ caun₂ jág₁ ma₂juá'₂ Diú₄
tsá₃ a₁jaun₂ lé₂ jua'₅₄ tsá₃ jme₃ti₃.

Jui₁lia'₂ dsa₂ i₂jme₂ti₃ dse₃ ta₁ ne₄ Diú₄

¹⁴ A₂la₂ chei'₅₄ dsa₂ i₂jme₂tín₃g'₁: dsá₂ dsí₅ jui₁jmo₁₂ o₄quió'₄ Te₁gui'₅₄ a₂tsá₃ tsiín₃ quiaín'₅₄ dsa₂, jág₁ a₂tsá₃ ta₁ tí₄, ia₁ ně₁jua'₂ tsin₅ dsa₂ ně₃, tsá₃ 'e₂ a₂dse₃ jmo₂₃, jniá'₅₄ con'₂ jmo₂₃ a₂gon₃ a₂'én₂ dsa₂ i₂ñag₅ bá₄. ¹⁵ Jmo₄ dsen₅₄ 'au'₂ a₂jme₁jñiag'₅ ne₄ Diú₄ a₂léi₄ ma₂ca₂tiang'₃ táu₂ a₂ma₂i₂ñíg'₂, a₂lín₃g'₅ jan₂ dsa₂ i₂jmo₅ ta₁, i₂tsá₃ 'e₂ jua'₅₄ cha₂ a₂jéin'₂ o₂guí'₃, i₂jme₂tag₅ rě₂ jág₁ tí₅. ¹⁶ Tsá₃ lē₁cuín₅ jmi₄g₄ jua'₅₄ a₂dsiá'₁ jág₁ quió'₅ mi₂güí₃ a₂tsá₃ ta₁ tí₄. Ia₁ dsa₂ i₂co₂jmo₅ le₂jaun₂ caun₂ qui₂dsi₃léin₂ ne₄ jui₅ jě₄ cosa 'lig'₅₄. ¹⁷ Cosa a₂jme₂tag₂₃ qui₂dsi₂jón₃ lia'₂ jē₁qui₂dsi₂jón₃ caun₂ dso₄ a₂jmo₅ a₂dsa₂ ni₁ñi₁ dsa₂. Le₂ně₅ bá₄ ca₂lě₃ quian'₅₄ Himeneo quian'₅₄ Fileto ně₃. ¹⁸ Ma₂i₃léin₂ tē₂le₃ cau₅ ja₁tsá₃ tí₅ jág₁, a₂qui₂jme₂tiín₂₃ dsa₂ a₂juá'₂ ma₂ca₂tě₂ bá₄ jmi₄g₄ a₂jen'₅₄ 'lag₄, jmo₂₃ a₂qui₂nió₅ i₂lín₅₄ 'a₂ lia'₂ 'éin₂. ¹⁹ La₁ Diú₄ ma₂chí'₃ caun₂ cho'₅₄ 'uig₅₄ a₂chí'₅ tiá₂ co₂tan₅₄. A₂jaun₂ jáng'₅ léi₄ a₂juá'₂: “I₂cuín₅ bá₄ Te₁gui'₅₄ i₂lín₅ dsa₂ quiaín₅”;† jaun₂ ně₃: “Ca₂le₃jín₃ i₂quian₅ lia'₂ chen₂ Cristo† ca₂tín₂ jmo₃ cau₅ ca₂le₃jě₃ ja₁jmo₅ dsa₂ cosa 'lig'₅₄.”

²⁰ Jui₁lia'₂ caun₂ dsi₂néi₂ pa₁, on₃jua'₅₄ jmá'₃ ca₂ne₅₄ cosa jlá'₁ a₂lě₅ quian'₅₄ cu₄nióg₄ quian'₅₄ cu₄tio₂g₂ tio'₅₄, ia₁ ján₃ bá₄ tio'₅₄ cosa a₂lě₅ quian'₅₄ ni₁'ma₂, a₂lě₅ quian'₅₄ ti₁gua'₅₄ ján₃. A₂lín₅₄ a₂lě₅ 'í₁ a₂jmó'₂ dsa₂ ta₁ jmá'₃ lia'₂ ne₄ a₂jlá'₁; a₂lín₅₄ guě'₂ qui₂jmó'₂ dsa₂ ta₁ lia'₂ 'ei₅ ne₅₄ cosa.‡ ²¹ Ně₁jua'₂ ca₂jniá'₃ 'ne₂ ca₂le₃jě₃ ne₅₄ jui₅ 'lig'₅₄, a₂jmó'₂ jmá'₃ ca₂ne₅₄ cosa dse₃, jaun₂ guě₄ lēng'₂ lia'₂ lě₅ caun₂ ni₁uín₅ jlá'₁ a₂lě₅ 'í₁, jaun₂ guě₄ téng'₃ ta₁ cáun₂ Juig'₂ 'ne₂ jmó'₂ ca₂ne₅₄ ta₁ dse₃ quió'₅.

* 2:12 o₃, “Ně₁jua'₂ ŋag₄ jniog₄ uig₅.” † 2:19 Números 16:5. ‡ 2:19 o₃, “Ca₂le₃jín₃ i₂mi₅ ne₄ Te₁gui'₅₄.” § 2:20 'Nio'₂ ja₁ton₅ Romanos 9:21.

²² Cuin' ⁵⁴ 'ne₂ ca₂le₃jě₃ ne₅₄ cosa 'lig' ⁵⁴ a₂ja₂ dsí₅ dsa₂ jmo₃ tē₁lia' ² mei' ². Quian₂ caun₂ jui₅ co₂dsau₅ a₂'éng' ², a₂'nióg' ³ ríng' ², a₂'ei₅ tei₄ 'au' ² quian' ⁵⁴ ca₂le₃jín₃ dsa₂ i₂ma₂le₁jě₃ tē₂dsí₅, i₂jme₂juin' ² Te₁gui' ⁵⁴. ²³ Tsá₃ lē₁tón' ² jui₅ 'e₂ jág₁ tsá₃ ta₁ tí₄ a₂tsi₂jín₅ dsa₂ i₂tsá₃ ma₂'en₅₄ dsí₅. Ia₁ ma₂ñi' ⁵⁴, a₂jñia' ⁵⁴ dsio₅ mī' ⁵⁴ bá₄ a₂jaun₂. ²⁴ Jan₂ dsa₂ i₂jme₂ti₃ ta₁ ne₄ Te₁gui' ⁵⁴ tsá₃ ca₂tín₂ tsi₃nei₃ jě₄ mī' ⁵⁴, tē₂le₃ 'nió' ⁵ jme₃dsein₃ bá₄ quian' ⁵⁴ ca₂le₃jín₃. 'Nió' ⁵ léin₂ jan₂ dsa₂ i₂qui' ⁵⁴ jmi₄g₄ jme₃tín₂₃ dsa₂, juin' ² dsí₅, ²⁵ jmo₃ 'ua₁ dsí₅ jē₁chein' ³ jui₅ rē₂ jui₁lia' ² dsa₂ i₂nau₂ quen₅, con' ² tsá₃ nō₅ nē₁jua' ² ca₂cuē₃ Diú₄ jmi₄g₄ a₂le₃tsín₃ dsí₅ dsa₂ 'éi₂, ia₁jaun₂ le₂nē₅ le₃cuí' ⁵ jág₁ tí₅; ²⁶ ia₁jaun₂ lióin₂ 'uín₃ tsi₁cág' ⁵ quió' ⁵ i₂sē₃dsen₃ i₂ca₂jo₃ ia₁jaun₂ jmo₃ a₂'ñio₂ dsí₅ 'éi₂.

3

A₂lia' ₂niog₅ lén₂ dsa₂jmi₄g₄ jē₁ca₂tó' ₂

¹ 'Nió' ⁵ le₃ñi' ⁵⁴ 'ne₂ ján₃, jē₁ma₂ja₂quián₃ jmi₄g₄ jē₁ca₂tó' ², 'ñio₅ lín₃ le₃gau₂, quian₅ ta₁ lé₂. ² Jmi₄g₄ jē₁ca₂tó' ² le₃chan₂ dsa₂ i₂jñia' ⁵⁴ 'nioi₃ guioin₅₄ bá₄ quian' ⁵⁴ cú₁; le₃chan₂ dsa₂ i₂jñia' ⁵⁴ jme₃jlán' ¹ jmo₃ róin₂ guioin₅₄; le₃chan₂ dsa₂ i₂lē₁tē₂'o' ² tē₂'oin' ² rín' ⁵⁴; le₃chan₂ dsa₂ i₂tsá₃ ma₃jme₃gan₃ Diú₄, i₂tsá₃ ma₃jme₃gan₃ chog₅₄-jmei₂ nē₃. Le₃chan₂ dsa₂ i₂tsá₃ 'e₂ ti₁'mag' ⁴ cha₂ja₁coin₂, on₃ guē' ² ma₃jme₃gó' ³ juá' ⁵ quió' ⁵ Diú₄. ³ Le₃chan₂ dsa₂ i₂tsá₃ 'nio₃ rín' ⁵⁴, i₂tsá₃ ma₃'e₂ nēi₂ dsí₅ dsa₂ mī₂güig₃ rín' ⁵⁴; le₃chan₂ dsa₂ i₂tsá₃ ma₃jme₃ti₃ 'e₂ jág₁ lī' ⁵⁴ quian' ⁵⁴ rín' ⁵⁴; le₃chan₂ dsa₂ tē₂jág₁ i₂lē₁qui' ³ nī₃ rín' ⁵⁴; le₃chan₂ dsa₂ i₂tsá₃ ñi₅, tsá₃ tīn₂ 'a₂ lia' ² jme₃'uán₂ dsí₅; le₃chan₂ dsa₂ i₂lén₂ jui₁lia' ² já' ² tsau₂ dsí₅; le₃chan₂ dsa₂ i₂le₃'io' ⁵⁴ ca₂le₃jě₃ cosa dse₃. ⁴ Le₃chan₂ dsa₂ i₂qui₃jín' ² rín' ⁵⁴; le₃chan₂ dsa₂ i₂tsá₃ 'en₅₄ dsí₅ jmo₃ tē₂le₃ dséi₂ nē₁'e₂ caun₂ cosa jmo₃ jui₁le₅₄ bá₄ 'e₂ ca₂lē₃; 'ñio₅ cain' ⁵⁴ 'ñio₅ ñi₅ jmo₃; le₃chan₂ dsa₂ i₂'no' ² jmá' ³ jui₅ ja₁le₃chain₂ o₂'ñiós o₂jñia₃ dsí₅ bá₄ 'nió' ⁴ jme₁'niai' ² Diú₄. ⁵ Le₃chan₂ dsa₂ i₂jmo₃ a₂ñi₄ lē₃ cuin₂₃ Diú₄, la₁ le₃léi₄ bá₄ 'a₂ lia' ² tē₁i₃noi₅₄ le₃chain₂, tsá₃ 'e₂ bí₂ quió' ⁵ Diú₄ cha₂ja₁coin₂. Co₂dsia₅ jñiag' ³ cau₅, tsá₃ lē₁'ús quian' ⁵⁴ dsa₂ i₂le₂'éi₂. ⁶ Jē₄ quió' ⁵ dsa₂ le₂'éi₂, chan₂ i₂lín₅₄ i₂qui₂dsi₂ton' ⁵⁴ tsi₁'né₅, qui₂jme₂gain₂₃ 'io₅₄ 'uan₅₄ i₂qui₂rē₂cán' ⁴ dsáu₁ 'ñio₅ lín₃, i₂ma₂lē₅ dsí₅ jmo₃ ca₂le₃jě₃ guē₄ cosa 'lig' ⁵⁴. ⁷ Co₂tan₅₄ bá₄ jmo₂₃ lia' ² jmo₅ dsa₂ i₂ñi₄ lē₃ 'nio₃ le₃tín₂ jág₁, la₁ tsá₃ a₁jaun₂ qui' ⁵⁴ jmi₄g₄ le₃cuí' ⁵ jág₁ tí₅ dsón' ². ⁸ Jui₁lia' ² ca₂jmo₃ on₃ dsa₂ 'lín' ⁵⁴ i₂jme₁chen₂ Janes quian' ⁵⁴ Jambres ca₂rē₃ 'ñia₁ ⁵⁴ Moisés, ján₃ bá₄ le₂jaun₂ 'io' ⁵⁴ dsa₂ 'éi₂ jág₁ dsau₅ dsón' ². Dsa₂ i₂le₂'éi₂ nē₃ co₂dsia₅ ma₂ñi' ² tē₂le₃ jen₅ bá₄ dsí₅, 'uig₅₄ jaun₂ tsá₃ ma₂'e₂ tió' ⁵ a₂le₃ñi' ² dse₃ dsí₅ jui₁lia' ² ja₁ñi' ² dsí₅ dsa₂ i₂'én₂. ⁹ La₁ tsá₃ jua' ⁵⁴ ja₁uín₂ dsi₁lén₂, ia₁ ca₂le₃jín₃ bá₄ dsa₂ le₃cuig₅ a₂lín₅ dsa₂ co₄, jui₁lia' ² ca₂i_{ñi}₂ le₃on₃ i₂ca₂jme₃'ñia₅₄ Moisés.

Jág₁ jē₁ca₂tó' ₂ a₂ca₂cuē₃ guē₄ Pa₄ ca₂tsí' ₃ Timoteo

¹⁰ La₁ 'ne₂ nē₃ ma₂ca₂rē₃tíng' ³ bá₄ dse₃ jē₂ lia' ² lē₅ juá' ⁵ a₂ca₂jme₁tag₅ jniá₂; ma₂ñi' ⁵⁴ 'a₂ lia' ² líng₅, chang₂ ma₂guio₃; ma₂cuíng' ² bá₄ 'e₂ ta₁ ma₂guio₃ jniá₂ jmo₂₃; 'éng' ² bá₄ ján₃ 'a₂ lia' ² 'én₂ jniá₂; jme₂juíng' ¹ bá₄ 'au' ² jui₁lia' ² ma₂ca₂jme₁juin' ² jniá₂ dsí₃; jme₂'nióg' ³ bá₄ ríng' ² jui₁lia' ² ma₂jmo₃ jniá₂; tiang' ³ bá₄ ján₃ jui₁lia' ² ca₂tió₃ jniá₂. ¹¹ Ma₂qui₂ma₂'ein₃ dsa₂, ma₂qui₂ma₂ñag₅₄ uig₅, jui₁lia' ² ca₂i₃ñi₂g₂ juig₂ ciudad Antioquía, juig₂ Iconio quian' ⁵⁴ juig₂ Listra nē₃. Qui₂ca₂co₃'ein₃ dsa₂, la₁ ne₄ ca₂le₃jě₃ a₂nē₅, ca₂lió₂ bá₄ Te₁gui' ⁵⁴. ¹² Jaun₂ a₂dsón' ² bá₄ jaun₂, ca₂le₃jín₃ i₂'nio₃ le₃chan₂ lē₅ 'í₁ quián₅ Cristo Jesús, tion₅₄ le₂jaun₂ dsi₃ñi₂ uig₅ co₂'ein₃ dsa₂. ¹³ La₁ dsa₂ 'lín' ⁵⁴ nē₃ quiaín' ⁵⁴ ca₂le₃jín₃ dsa₂ i₂qui₂jme₂gau₅, tsá₃ ma₂'e₂ dse₃ jua' ⁵⁴ le₃chain₂, ia₁ caun₂ le₃'lín' ⁵⁴ bá₄, qui₂jme₃gau₂₃, qui₂rē₂gain₂ guioin₅₄ nē₃.

¹⁴ La₁ 'ne₂ nē₃, nau₂ tiá₂ a₂ma₂ca₂rē₃tíng' ³, caun₂ bá₄ 'ei₅ 'au' ² jág₁ a₂ma₂ca₂rē₃'éng' ². 'Ñiag' ² bá₄ ñi' ⁵⁴ 'ein₂ ca₂jme₃tag₅. ¹⁵ Lia' ² con' ² bíng' ⁵⁴ bá₄ ma₂ñe' ³ cuíng' ² Si₂jñiós quió' ⁵ Diú₄. Si₂ nē₅ bá₄ a₂jio₃ quiáng' ², a₂tíng' ⁴ tē₂le₃ quian' ⁵⁴ Cristo Jesús ia₁ 'éng' ². ¹⁶ Ca₂le₃jě₃ bá₄ Si₂

quió' ₅ Diú ₄ ca₂lě₃ tē₂le₃ quian' ₅₄ Jme₂dsí₂ quiáin₅, a₂tí₅ ta₁ jme₃tag₅ a₂dse₃, tē₂jí₂, chein' ₂ dsa₂ caun₂ jui₅ rē₂, jme₃tag₅ 'a₂ lia' ₂ i₂nio₄ dsa₂ jui₅ co₂dsau₅, ¹⁷ia₁jaun₂ lén₂ dsa₂ quián₅ Diú₄ jan₂ dsa₂ ma₂ron₂, rē₂ rē₂qui₂rē₂'an₂ dsí₅, rē₂'ñia₅ ca₂le₃jě₃ a₂'nió' ₅ quió' ₅ jaun₂ jmo₃ ca₂le₃jě₃ ne₅₄ a₂dse₃.

4

¹ Jág₅ bá₄ Diú₄ quian' ₅₄ Te₁gui' ₅₄ Jesucristo ně₃ i₂lě₅ jág₁ jñi₂o' ₂ ja₃goin₂, i₂qui₃dsi₅ 'éi' ₃ ne₄ quió' ₅ i₂chan₂ lia' ₂ i₂ma₂dsan₃ ně₃. Jaun₂ lě₃ chi₂quian' ₅₄ jniá₂ jmi₄g₄ 'ne₂: ² 'Ē₃ jág₁ dse₃. Ma₂rē₂jáng' ₁ 'nio' ₂ jui₅ 'a₂ lia' ₂ jme₁ting' ₂ dsa₂ jme₁cuin₅ jmi₄g₄ o₃ tsá₃ cuin₅ jmi₄g₄ 'e₂. Jmó' ₂ jme₁'uang' ₅₄ dsí₅ dsa₂, tē₂jén₃ dsa₂, tioen' ₂ jág₁ dse₃, o₁líg' ₂ jmi₄g₄ jua' ₅₄ a₂jmo' ₂ a₂tsá₃ jme₁jui₂n' ₂ 'au' ₂ quian' ₅₄ jē₁jme₂tiin' ₂. ³ Ia₁ já₅ jmi₄g₄ a₂tsá₃ ma₃jmo₃ dsa₂ tió' ₅ dsí₅ quian' ₅₄ juá' ₅ dse₃. Tē₂le₃ lia' ₂ con' ₂ lě₅ dsí₅ guioin' ₅₄ qui' ₂ nai' ₂ jui₅ lin₃ tē₅ i₂jme₃tag₅ jmá' ₃ a₂'ín₅ dsí₅ guioin' ₅₄ nag₃ bá₄. ⁴ Cau₅ bá₄ jéin' ₃ táng₃ jui₁lia' ₂ ja₁jme₂tag₅ dsa₂ jág₁ tí₅ dsón' ₂. Cang₂ jaun₂ ně₃, tóin' ₃ jui₅ dsí₃lén₂ nag₃ ca₂lia' ₂ 'ei₅ ne₄ jág₁ cuento ga₂ a₂'én₂ dsa₂. ⁵ La₁ 'ne₂ ně₃, 'en' ₅₄ 'au' ₂ jmo₄, tiang' ₃ jmo₄ ñag' ₅₄ uig₅. Caun₂ qui₂'ě₃ bá₄ jág₁ dse₃ a₂lión₂ dsa₂. Jme₁ti₁ dse₃ ta₁ quiáng' ₂.

⁶ Jniá₂ ně₃, ca₂tě₂ jmi₄g₄ jē₁o₃'ing₅ mi₂güig₃ la₂, ia₁ ně₃ guě₄ jñag' ₃ dsa₂ jui₁lia' ₂ ja₁jñi' ₂ dsa₂ já' ₂ i₂jén' ₂ dsa₂ ne₄ Diú₄. ⁷ Ma₂ca₂quín' ₃ jniá₂ bí₂, ma₃jmo₃ a₂dse₃ jui₁lia' ₂ ja₁jmo₅ jan₂ 'lióg₂ ne₄ 'nei₂; ma₂ca₂ñi₃ jniá₂ lia' ₂ con' ₂ lě₅ jui₅ quió' ₅ Te₁gui' ₅₄, ca₂dsióg₃ jniá₂ tē₂ jē₁ca₂tó' ₂ jui₅; ma₂ca₂jmá' ₃ tiá₂ a₂'éng₂. ⁸ Ně₃ guě₄ ně₃ ma₂lě₅ co₂jñia₅₄ ja₁le₃chang₃ dse₃, co₂'nió' ₄ caun₂ corona a₂cuē₃ Te₁gui' ₅₄ jmi₄g₄ jaun₂. Ia₁ Te₁gui' ₅₄ 'éi₂ bá₄ i₂qui₃dsi₅ 'éi' ₃ co₂rē₂ jmi₄g₄ jaun₂, on₃jua' ₅₄ a₂cuē₃ jmá' ₃ jan₂ jniá₂ corona; a₂cuē' ₃ ca₂le₃jín₃ i₂le₁jñiog₅ 'ñio₂ dsí₅ ca₂lia' ₂ ca₂tě₂ jmi₄g₄ jaun₂ a₂guain' ₂ táng₃.

Cuě' jág₁ rñin' ₅₄ con' ₂ ca₂tiin' ₂ guioin' ₅₄

⁹ Jmo₄ dsen' ₅₄ 'au' ₂ a₂i₁jag' ₄ jniá₂ ñi' ₅₄ ta₁ la₂. ¹⁰ Ia₁ i₂chen₂ Demas ma₂téi₂ bá₄ 'uig₅₄ ia₁ 'ñio₅ lin₃ guě₄ 'ín₅ dsí₅ cosa a₂cha₂ mi₂güig₃ la₂, jaun₂ ma₂ñó₅ jui₅ juig₂ Tesalónica. I₂chen₂ Crescente guē' ₂ ně₃, ma₂ñó₅ jui₅ 'uē₃ Galacia; Tito guē' ₂ ně₃ ma₂ñó₅ jui₅ Dalmacia. ¹¹ Jñia' ₅₄ lia' ₂ jan₂ Lucas bá₄ i₂quian' ₅₄ guě₄ jniá₂ ja₁lá₃. 'Nia' ₂ Marcos ia₁jaun₂ jain' ₅₄ ñe' ₅₄ quian' ₅₄, ia₁ téin₅ ta₁ jme₃ti₃. ¹² Tíquico guē' ₂ ně₃ ca₂tsin' ₂ jui₅ juig₂ Efeso. ¹³ Jē₁ma₂tě₂ rē₁ñe' ₅₄, quian₂ co₂nio₄ tsi' ₁ mi' ₂ dsio₂g₂ quió₃ a₂ca₂dsia₃ juig₂ Troas ja₁quió' ₄ Carpo. Ján₃ bá₄ le₂jaun₂ quian' ₂ si₂ rē₂bñin₅ quió₃. La₁ 'ñio₅ guě₄ dsen' ₅₄ 'nió' ₅ ñi₁lo₁ já' ₂ a₂lě₅ tsi₁mi₂si₂.

¹⁴ Alejandro i₂lín₅ tē₅ñi' ₁ 'ñio₅ lin₃ tsá₃ 'e₂ dse₃ ma₂jmo₃g' ₂. Te₁gui' ₅₄ bá₄ quí₃ quió' ₅ lia' ₂ con' ₂ lě₅ a₂ma₂jmo₃. ¹⁵ 'Í₁ jmo₄ 'ne₂ ján₃ ia₁jaun₂ tsá₃ jo₅₄, ia₁ 'ñio₅ lin₃ ma₂nau₂ quein' ₅ a₂'io' ₅₄ jág₁ dse₃ quián₂.

¹⁶ Le₂'uig₅₄ con' ₂ jme₁ca₂chei' ₃ dsa₂ ne₄ dsí₂tan' ₅₄ jē₁ca₂caun₃ dsa₂ le₂'uig₅₄ jág₁ dsau₅ quió₃, 'i₁jan₂ tsá₃ 'ein₂ ca₂jme₃quiong' ₅₄, ca₂téi₂ ca₂le₃jín₃. Tsá₃ jui₁quion' ₂ bá₄ Diú₄ 'í₁ quió' ₅ ia₁ ca₂jmóg' ₂ le₂jaun₂. ¹⁷ La₁ 'ñiog₅ bá₄ Te₁gui' ₅₄ ca₂jme₃quiong' ₅₄ ca₂cuē₃ bí₂ ia₁jaun₂ tē₂le₃ quian' ₅₄ jniá₂ ca₂rē₃ti₃ ca₂jme₁ting' ₂₃ dsí₂nau₂, ca₂lia' ₂ rē₂'ñia₅ jág₁ dse₃. Jaun₂ le₂ně₅ bá₄ ca₂lió₂ Te₁gui' ₅₄ jniá₂ mi₂'o₄ dsí₂'ia' ₂. ¹⁸ La₁ Te₁gui' ₅₄ bá₄ caun₂ lió₂ guě₄ ia₁jaun₂ tsá₃ dsí₃ñig₂ ca₂le₃jě₃ cosa 'lig' ₅₄, jaun₂ jniá₂ i₂lě₅ 'í₁ quiáin₅, tē₂ guei' ₅₄ i₂juig₃ ja₁goin₂. [Jui₁jme₂juag' ₂ bá₄ dsa₂ co₂tan' ₅₄! jA₂méi₃!

'Ág' ₅ jág₁ jē₁ca₂tó' ₂, cuag₂₃ Diú₄ ně₃

¹⁹ Dsian' ₄ jniá₂ jág₁ cúng₅ Diú₄ Priscila* quian' ₅₄ Aquila ně₃, quian' ₅₄ ca₂le₃jín₃ dsa₂ dsí₂néi₂ quió' ₅ Onesíforo ně₃. ²⁰ Juig₂ Corinto bá₄ ca₂jñia₃ Erasto. I₂chen₂ Trófimo guē' ₂ ca₂tē₁'ñiá₄ dso' ₅₄ jme₁o₃'ing₃ juig₂ Mileto. ²¹ Quen' ₂ bí₂ ñe' ₅₄ ñi' ₅₄ ta₁ né' ₃ a₂tē₅₄ jein₂

* 4:19 griego: Prisca.

güí₂. Eubulo quiain'₅₄ Pudente, Lino quiain'₅₄ Claudia ně₃ quiain'₅₄ ca₂le₃jín₃ rin'₅₄ jniog₄
 dsiain'₂ jág₁ ne'₅₄ a₂cuin₂₃ Diú₄ 'ne₂.

²² Jui₁ 'en₅₄ bá₄ Te₁gui'₅₄ Jesucristo ja₁con₂ jme₂dsí₂ quiáng'₂; jui₁jme₂gu'₅₄ bá₄ Diú₄ 'nia'₂.
 Co₂ně₅.

Si₂ carta a₂ca₂jmo₃ San Pablo ne₄ TITO

Jmo₅ Pa₄ si₂ a₂chein₃ ne₄ Tito

¹ Jniá₂ Pa₄, líng₅ dsa₂ i₂jme₂ti₃ ta₁ ne₄ Diú₄, líng₅ jan₂ dsa₂ i₂chen₄ quián₅ Jesucristo ia₁jaun₂ le₃'én₂ ca₂le₃jín₃ i₂ma₂quión'₂ Diú₄, ia₁jaun₂ le₃cuí'₅ jág₁ tí₅ a₂jio₅ jui₅ dse₃, ² ia₁jaun₂ jmo₃ 'ín₂ dsí₅ ja₁le₃chain₂ co₂tan₅₄. Diú₄, i₂tsá₃ lé₂ le₃chain₂ të₂jín₁, ca₂cuë₃ jág₁ quió'₅, a₂ca₂i₃jio₅ dsí₅ lia'₂ con'₂ né'₃ guë₄ a₂nio₃ mi₂güí₃, a₂le₃chong₂ jnio₄ co₂tan₅₄. ³ Nē₃ guë₄ nē₃, ca₂tē₂ jmi₄ a₂le₃ne₄ jnio₄ jág₁ dse₃ të₂le₃ quian'₅₄ jág₁ a₂'ě₄ jniá₂ a₂ma₂dsia₃ Diú₄ quián₂ i₂lió₂ o₄gu₃, lia'₂ con'₂ lē₅ 'éi'₃ quió'₅. ⁴ Jmo₅ jniá₂ si₂ la₂ dsiang'₅₄ ne'₅₄ 'ne₂ Tito i₂líng'₅ co₂'nió'₄ jan₂ jón₃ quiáng₃ të₃dsón'₂, ia₁ 'éin₂ jnio₄ le₃o₃. Jui₁jme₂gu'₅₄ Diú₄ 'ne₂, jui₁'ei₅ tei₄ 'au'₂, jmo₅ Diú₄ Jmei₂ jnio₄, jmo₅ Te₁gui'₅₄ Jesucristo i₂ma₂ca₂lió₂ jnio₄ nē₃.

Ta₁ quió'₅ Tito a₂jmo₃ 'uë₃ Creta

⁵ Ca₂dsián₃ jniá₂ 'ne₂ 'uë₃ Creta ia₁jaun₂ jme₁rē₂ 'ne₂ a₂'nió'₅ lé₂ guë₄ dse₃, a₂dsiáng'₄ dsa₂ can'₅₄* i₂nio₃ ne₄ jmo₃ 'í₁ le₂caun₂ le₂caun₂ guá'₅ lia'₂ con'₂ lē₅ jág₁ a₂ma₂juá'₃ jniá₂, ⁶ jui₁lia'₂ i₂chan₂ i₂tsá₃ cha₂ jua'₅₄ lé₂ le₃bóg'₂ dsa₂ dso₄, i₂'nio₅ jan₂ bá₄ dsa₂ mí₂, i₂'nio₅ chí'₂ quián₅ i₂'én₂, i₂tsá₃ 'e₂ qui₂rē₂'ni₄ jua'₅₄ a₂lē₁qui₂i₂nioi₅₄, jua'₅₄ nau₂ 'nei₂ nē₃. ⁷ Dsa₂ i₂nio₅ gu₂ guá'₅,† ca₂tín₂ ni₃ le₃ne₄ Diú₄ tsá₃ 'e₂ jág₁ cha₂ jua'₅₄ lé₂ le₃bóg'₂ dsa₂ dso₄, on₃jua'₅₄ i₂tsá₃ jág₁ cán₂, on₃ guë'₂ i₂caun₂ lē₂rē₂'ne₂, on₃ guë'₂ 'nió'₅ lén₂ jan₂ dsa₂ 'en₅, on₃ guë'₂ dsa₂ i₂tín₂ dsí₅ 'no₅ mi'₅₄, on₃ guë'₂ dsa₂ i₂lē₁'nio₃ lí'₂ cu₄ quió'₅ dsa₂ nē₃. ⁸ Tē₂le₃ 'nió'₅ qui₂guein₃ dsa₂ i₂dsi₁lén₂ quió'₅. 'Nió'₅ lén₂ jan₂ dsa₂ i₂tē₅ dsí₅ jmá'₃ a₂dse₃, li'₅₄ quió'₅, i₂quian₅ caun₂ jui₅ rē₂, i₂jnió₅, i₂con₂ dsí₅ nē₃. ⁹ 'Nió'₅ lén₂ jan₂ dsa₂ i₂chan₂ tiá₂ jág₁ tí₅ dsón'₂ lia'₂ con'₂ lē₅ ca₂rē₃tín₃, ia₁jaun₂ bá₄ lé₂ le₃cuë'₃ lián'₂ dsí₅ dsa₂ sián'₂ jmá'₃ lia'₂ con'₂ lē₅ juá'₅ dse₃, lé₂ le₃jme₃'uáin₂ dsí₅ dsa₂ i₂juá'₂ 'lig'₅₄ 'ē₂₃ jág₁ dse₃.

¹⁰ Ia₁ juin₅ bá₄ dsa₂ i₂tsá₃ ne'₅₄, i₂dsia₅ jág₁ a₂tsá₃ ta₁ tí₄, i₂jui₁gan₂ nē₃, të₂le₃ lē₅ guë₄ jē₄ quió'₅ dsa₂ judíos.‡ ¹¹ Dsa₂ i₂le₂'éi₂ 'en₄ jne₃ dsa₂ mi₂'o₄, ia₁ ta₁jma₃caun₂ cho'₅₄ dsa₂ dsi₂néi₂ ma₂le₁gáin₃ ma₂le₁ág₄ caun₂-tín₃ dsí₅ a₂jme₁ma₂'éin₂, ia₁ i₂'éi₂ i₂nio₄ jme₂tag₂₃ a₂tsá₃ ca₂tín₂ a₂jnia'₅₄ 'nio₃ lí'₂ cu₄ bá₄. ¹² Dsón'₂ bá₄ dsau₅ jui₁lia'₂ ca₂juá'₂ jan₂ dsa₂ go₅₄ guioin₅₄ ma₂lig'₂ jme₁ca₂juá'₂: “Dsa₂ chan₂ Creta 'nio₅ lín₃ të₂jín₁, lín₅ jui₁lia'₂ lín₅ já'₂ tsau₂ dsí₅, juín'₅, jlén₂ nē₃.” ¹³ Jaun₂ tí₅ bá₄ jág₁ ca₂juá'₂ 'éi₂. Jaun₂ lē₃ juá'₅ jniá₂ të₂jéin₃ 'ne₂ 'nio₅ lín₃, ia₁jaun₂ náu₃ táng₃ tsán'₂ tiá₂ jág₁ dse₃, ¹⁴ ia₁jaun₂ tsá₃ ma₃tón'₂ jui₅ jág₁ a₂lē₁'no'₂ dsa₂ judíos dsí₅ guioin₅₄, on₃ guë'₂ 'nió'₅ tón'₂ jui₅ 'e₂ 'éi'₃ cuë₅ dsa₂ i₂tsá₃ ji'₅₄ jág₁ tí₅. ¹⁵ Tē₂le₃ quió'₅ dsa₂ i₂le₁jē₃ të₂dsí₅, ca₂le₃jē₃ bá₄ cosa ma₂le₁jē₃. La₁ të₂le₃ quió'₅ i₂dsi₂jio₅ 'lig'₅₄ dsí₅, i₂tsá₃ 'én₂ nē₃, 'i₁caun₂ tsá₃ 'e₂ le₁jē₃. Ia₁ ma₂le₁ióg₄ a₂dsi₂jio₅ dsi₅₄, le₂jio₅ a₂qui₂dsi₂jni₅ dsí₅ nē₃. ¹⁶ Juá'₂ bá₄ a₂cuin₂₃ Diú₄, la₁ të₂le₃ quian'₅₄ a₂jmo₂₃ guë'₂ nē₃, jáng'₅ léi₄ a₂tsá₃ dsau₅. 'Lig'₅₄ lín₃ bá₄ jmo₂₃ ne₄ Diú₄, 'io'₅₄ jág₁ dse₃, 'i₁caun₂ a₂dse₃ tsá₃ ta₁ téin₄ jmo₃.

2

Jui₁lia'₂ juá'₅ tí₅ dsón'₂

¹ La₁ 'ne₂ nē₃, chei'₅₄ dsa₂ lia'₂ con'₂ lē₅ juá'₅ dse₃. ² Jui₁lia'₂ dsa₂ can'₅₄, jui₁jmo₁₂ 'en₅₄ dsí₅, tsá₃ caun₂ lē₁lín₅, jui₁jmo₁₂ li'₅₄ quió'₅, jui₁le₂'éin₂ bá₄ juá'₅ dse₃, jui₁jme₂'nioi₃ riin'₅₄, jui₁jmo₁₂ bá₄ juin'₂ dsí₅. ³ Ján₃ guë'₂ le₂jaun₂ të₂le₃ quió'₅ dsa₂ mí₂ ma₂can'₅₄, jui₁i₂nioi₅₄ jnió₅,

* 1:5 griego: presbíteros. † 1:7 griego: epískopos. ‡ 1:10 lit. “jē₄ quió'₅ dsa₂ i₂rē₂uín₄ lo₄.”

tsá₃ jui₁'iín₁₂ riín₅₄ jua₅₄ a₂lë₁bóg₂ dso₄, on₃ guë₂ 'nió₅ jme₂tiín₂₃ dsí₅ 'ín₂ ti₁jímig₃, të₂le₃ ca₂tiín₂ 'ë₃ caun₂ jui₅ dse₃, ⁴ ia₁jaun₂ lé₂ le₃jme₃tiín₂₃ jui₁lia₂ 'io₅₄ chi₂ 'a₂ lia₂ jme₃'nioi₃ dsi₂i₂gu₂, a₂jme₃'nioi₃ chi₂-guein₂ quiáin₅ ně₃, ⁵ 'a₂ lia₂ jmo₃ 'en₅₄ dsí₅, 'a₂ lia₂ jmo₃ léi₄ a₂ma₂le₁jě₃ të₂dsí₅, 'a₂ lia₂ jmo₃ 'í₁ dse₃ dsi₂néi₂ quió₅, 'a₂ lia₂ jmo₃ 'ua₁ dsí₅, 'a₂ lia₂ tóin₃ 'éi₃ quió₅ dsi₂i₂gu₂ ně₃, ia₁jaun₂ bá₄ tsá₃ 'ein₂ juá₂ 'lig₅₄ 'ë₃ jág₁ quió₅ Diú₄.

⁶ Ján₃ guë₂ le₂jaun₂ chei₅₄ dsa₂ ñe₂ chi₂ ca₂tiín₂ jmo₃ 'en₅₄ dsí₅. ⁷ Jñiá₅ de₂ 'ne₂ ca₂tíng₂ 'ë₅₄ jui₅ dse₃ 'a₂ lia₂ ca₂tiín₂ jmo₃: A₂jme₁tiín₅ on₃jua₅₄ a₂cha₂ 'e₂ 'ín₂ 'au₂, on₃jua₅₄ a₂caun₂ lë₁líng₄, ⁸ chei₅₄ jmá₃ lia₂ quian₅₄ jág₁ rë₂ a₂tsá₃ 'ein₂ lé₂ le₃'ë₃ 'lig₅₄, ia₁jaun₂ le₃gui₅₄ jui₁lia₂ dsa₂ i₂nau₂ quen₅, ia₁ tsá₃ 'e₂ cha₂ a₂'ag₃ 'lig₅₄ jniog₄.

⁹ Jui₁lia₂ dsa₂ i₂jme₂ti₃ ne₄ jui₅₄, tióin₂ jág₁ dse₃ jui₁jme₂ti₃ ca₂le₃jě₃ 'e₂ ta₁ te₂néi₂ dsa₂ juig₅₄, jui₁jmo₁₂ bá₄ jë₂ a₂të₅ dsí₅ juig₅₄, tsá₃ 'nió₅ a₂caun₂ lë₁qui₂ñag₃ ne₄ 'éi₂. ¹⁰ Tsá₃ 'nió₅ qui₃jñiá₂ 'e₂ cha₂ quió₅ juig₅₄. Ca₂le₃jě₃ bá₄ 'nió₅ jmo₃ tí₅ jág₁ quió₅ ia₁jaun₂ bá₄ rë₂ jniá₂ qui₂rë₂lag₄ juá₅ quió₅ Diú₄ quián₂ jniog₄ i₂lió₂.

¹¹ Ia₁ ma₂ca₂jme₃jnia₅ Diú₄ a₂'ua₁ dsí₅, a₂lióin₂ bá₄ ca₂le₃jín₃ dsa₂ mi₂güig₃, ¹² jme₂tag₂₃ a₂tí₄ jniog₄ ca₂le₃jě₃ a₂'lig₅₄, ca₂le₃jě₃ a₂'ín₅ dsí₅ dsa₂ mi₂güig₃ la₂; a₂le₃chong₂ jniog₄ mi₂güig₃ la₂ 'en₅₄ dsi₅, quián₁ caun₂ jui₅ co₂dsau₅, qui₂rë₂jñ₅₄ jniog₄ ja₁con₂ Diú₄ ně₃. ¹³ Jme₂tag₂₃ ján₃, a₂'io₁ jniog₄ chi₂jñia₁ a₂'ín₂ dsi₅ a₂le₃ti₃ jág₁ jlá₁ jaun₂, a₂le₃jniá₂ a₂co₂tág₅ co₂'né₅ quió₅ Diú₄ 'uan₂, Cristo Jesús* i₂lió₂ jniog₄. ¹⁴ 'Éi₂ ně₃, ca₂jín₂ 'ñiog₅ o₄quián₂ jniog₄, ca₂quí₃ ca₂lió₂ jë₄ ca₂le₃jě₃ a₂'lig₅₄, ca₂chéi₂ jniog₄ ia₁jaun₂ léi₂ jniog₄ dsa₂ juig₂ quiáin₅ 'ñiog₅, a₂dsen₅₄ dsi₅ jmó₁ jmá₃ a₂dse₃.

¹⁵ Jág₁ ně₅ bá₄ dsia₄ tiá₂ 'au₂ jmo₄ 'éi₃ chei₅₄ dsa₂ qui₁cuë₅₄ bí₂, a₂të₁jéin₄ ně₃. Tsá₃ lë₁cuë₂ jmig₄ jua₅₄ a₂tsá₃ jme₃go₃ dsa₂.

3

Jui₁lia₂ a₂ca₂tín₂ dsa₂ i₂'én₂ jmo₃.

¹ Chei₅₄ 'ne₂ jui₁dsiog₂ bá₄ dsí₅ jui₁tióin₅₄ 'éi₃ quió₅ dsi₂tan₅₄ dsa₂ can₅₄, jui₁nei₅₄ gau₂ jág₁ quió₅, jui₁chain₂ co₂jñiai₅₄ a₂jmo₃ ca₂le₃jě₃ ne₅₄ ta₁ dse₃. ² Tsá₃ jui₁'iín₁₂ 'lig₅₄ 'i₁jan₂ dsa₂, tsá₃ 'ein₂ 'en₄ jmái₂ mi₅₄ ně₃. Jui₁lein₅₄ bá₄ dsa₂ juin₂ dsí₅, 'ua₁ dsí₅ ja₁con₂ ca₂le₃jín₃ dsa₂.

³ Ia₁ le₂ně₅ bá₄ jme₁lág₄ jniog₄ guio₅₄ le₂jñiá₅ ján₃, tsá₃ 'en₅₄ dsi₅, tsá₃ né₂ jniog₄ ja₁con₂ Diú₄. I₂jme₁ma₂i₂cón₅ bá₄ jniog₄ jme₁i₂nio₄. Jme₁i₂nio₄ jniog₄ qui₂rë₂'ñei₅₄ quian₅₄ ca₂le₃jě₃ ne₅₄ cosa 'lig₅₄ jme₁'ín₅ dsi₅ jniog₄ jmó₁. 'Nio₅ 'lag₅₄ jniog₄ jme₁chong₂. Jme₁ui₅ dsi₅ jniog₄, jme₁'iog₅₄ dsa₂ jniog₄, ton₂ jme₁'ñia₅₄ jniog₄ rin₅₄ le₂jau₂ le₂jau₂. ⁴ La₁ jme₁ca₂jme₃jnia₅ Diú₄ quián₂ i₂lió₂ ca₂jmo₃ léi₄ a₂'ua₁ dsí₅, a₂'nioi₃ dsa₂ mi₂güig₃, ⁵ jaun₂ ca₂lió₂ jniog₄, on₃jua₅₄ ia₁ 'e₂ dse₃ a₂ma₂jmó₁. Të₂le₃ 'ñiog₅ bá₄ ca₂dsia₃ ñéi₂ dsí₅ jniog₄ ca₂lió₂ të₂le₃ quian₅₄ a₂qui₂ca₂chéi₂ jniog₄, a₂ca₂rë₃chóng₃ táng₃, a₂le₃chong₂ quián₁ caun₂ jui₅ 'mí₂, ca₂jmo₃ Jme₂dsí₂ Jñió₅ ⁶ i₂ca₂tein₃ lia₂ rë₂tsón₂ ne₄ quián₂ jniog₄ të₂le₃ quian₅₄ Jesucristo i₂lió₂. ⁷ Të₂le₃ ia₁ a₂'ua₁ dsí₅ ma₂ca₂juá₂ ně₃, dsa₂ ma₂le₁jín₃ bá₄ jniog₄, jaun₂ guéi₂ bá₄. Jaun₂ le₂ně₅ bá₄ 'ín₂ dsi₅ jniog₄ guéi₁ ja₁le₃chong₂ co₂tan₅₄.

⁸ Jág₁ dsau₅ dsón₂ bá₄ ně₅, jaun₂ 'nio₃ jniá₂ caun₂ 'éi₂ 'au₂ caun₂ jme₁tiín₅ jág₁ ně₅, ia₁jaun₂ i₂'én₂ le₃quió₅ Diú₄ quín₃ bí₂ jmo₃ a₂dse₃. Ca₂le₃jě₃ cosa ně₅ dse₃, tí₅ ta₁ quió₅ ca₂le₃jín₃. ⁹ La₁ tsá₃ lë₁cuë₂ jmig₄ jua₅₄ a₂lë₁qui₃ñag₃ dsa₂ jág₁ a₂tsá₃ 'e₂ ta₁ tí₄, jui₁lia₂ jág₁ a₂'ín₅ dsa₂ i₂qui₂ma₂ñí₂ ma₂líg₂, jui₁lia₂ jág₁ a₂tsin₅ dsa₂ a₂nio₅ mi₅₄, jui₁lia₂ jág₁ a₂já₅ o₄quió₄ Si₂ 'Éi₃ ně₃. Ia₁ tsá₃ 'e₂ ta₁ jmo₃, tsá₃ 'e₂ ta₁ tí₄.

¹⁰ Në₁jua₂ chan₂ jan₂ i₂jmo₅ le₁dson₅₄ dsa₂, te₂ co₂ráun₂, tin₃ ráun₂, 'ë₃ jág₁ chei₅₄ tsá₃ dse₃ jmo₃ le₂jaun₂. Chi₂jua₂ tsá₃ tón₂ jui₅ jág₁ quiáng₂, co₂dsia₅ dsein₅₄ jë₄ quián₂ 'nia₂.

* 2:13 o₃, “Jesucristo.”

¹¹ Jɲia' ₅₄ lia' ₂ co₂ně₅ bá₄ ma₂ca₂rě₃ɲi' ₅₄ 'ne₂, dsa₂ i₂le₂'éi₂ ně₃ tsá₃ ma₃'e₂ dse₃ dsi₂jei₃ dśí₅; tē₂le₃ quian' ₅₄ dsáu₁ 'ɲiog₅ bá₄ a₂'liog' ₅ quió' ₅.

Cuě' ₅ jág₁ rɲin' ₅₄ con' ₂ ca₂tɲin₂ guioin₅₄

¹² Jē₁ma₂tě₂ rē₁tsin₅₄ jniá₂ i₂chen₂ Artemas ne' ₅₄, o₃ i₂chen₂ Tíquico 'e₂, ně₅ i₂ɲe' ₂ dsi₂jui₅ i₁jag' ₄ jui₅ Nicópolis, ia₁ ja₁jaun₂ ma₂i₂jio₅ dsi₃ ɲig₅₄ jein₂ güí₂. ¹³ Zenas i₂chén' ₅ ne₄ jág₁, quian' ₅₄ Apolos ně₃, 'a₂ con' ₂ lé₂ quiáng' ₂ jme₁'oin₁₂ 'a₂ con' ₂ jɲia' ₅₄ len₅ quió' ₅ tío₁n' ₅₄ jui₅. ¹⁴ Jui₁le₂tɲin₂ bá₄ dsa₂ quián₂ jniog₄ jmo₃ a₂dse₃ jme₂'oin₅₄ rɲin' ₅₄ jui₁lia' ₂ jme₁'nió' ₅, ia₁ con' ₂ tsá₃ ɲó₅ ně₁tsá₃ 'e₂ dse₃ ca₂rau₂ lia' ₂ chain₂.

Ág' ₅ jág₁ jē₁ca₂tó' ₂, cuag₂₃ Diú₄ ně₃

¹⁵ Ca₂le₃jín₃ i₂quian' ₅₄ jniá₂ ja₁lá₃ chein₂₃ jág₁ a₂cuin₂₃ Diú₄ 'ne₂. Cuin₅₄ Diú₄ ca₂le₃jín₃ i₂'nio₃ jniog₄ i₂'én₂. Jui₁jme₂gu' ₅₄ bá₄ Diú₄ 'nia' ₂ ca₂le₃jíng' ₃. Co₂ně₅.

Si₂ carta a₂ca₂jmo₃ San Pablo ne₄ FILEMÓN

Ca₂jmo₃ Pablo si₂ ca₂chein₃ ne₄ Filemón

¹ Jniá₂ Pa₄ 'eng₅₄ né₃ 'má₃ o₄quió₄ Cristo Jesús. Jmo₅ jniá₂ si₂ carta la₂ quiang₅₄ rin₅₄ jniog₄ Timoteo, ne₅₄ 'ne₂ Filemón i₂'nió₄, i₂co₂dsia₅ jmo₂ ta₁, ² ne₄ 'io₅₄ rin₅₄ jniog₄ Apia, quian₅₄ Arquipo ně₃, co₂'nió₄ bá₄ jan₂ 'lióg₂ rin₅₄ jniog₄, quian₅₄ ne₄ guá₅ i₂ñi₂ dsi₂néi₂ quiáng₂. ³ Jui₁jme₂gu₅₄ bá₄ Diú₄ 'nia₂, jui₁tion₄ bá₄ 'nia₂ 'ei₅ tei₄, jmo₅ Diú₄ Jmei₂ jniog₄ quian₅₄ Te₁gui₅₄ Jesucristo.

A₂ lia₂ jme₁'nio₃ Filemón rin₅₄ ia₁ a₂'éin₂

⁴ Ca₂le₃jě₃ ráun₂ cuě₅ jniá₂ ti₁'mag₄ Diú₄, 'ín₅ jniá₂ 'ne₂ jě₁ma₂chi₁ca₂lein₄ jniá₂. ⁵ Ia₁ ma₂ca₂rě₃guion₅₄ jág₁ a₂'nióg₃ Te₁gui₅₄ Jesús, 'éng₂ bá₄ tē₂le₃ quió₅, ján₃ bá₄ le₂jaun₂ 'nióg₃ ca₂le₃jín₃ i₂ma₂tén₅ tē₂le₃ quió₅ Diú₄. * ⁶ Mi₅ jniá₂ ján₃ a₂jmo₂ dse₅₄ 'au₂ a₂quen₅₄ a₂'éng₂ jin₄ dsa₂ sián₂, ia₁jaun₂ le₃cuí₅ ca₂le₃jě₃ a₂dse₃ a₂cha₂ ja₁con₂ jniog₄ o₄quió₄ Cristo Jesús. ⁷ 'Nio₅ lín₃ 'io₂ jéin₅, 'ei₅ lián₂ dsi₃, ia₁ a₂'nióg₃ jniá₂, ia₁ 'uig₅₄ quián₂ 'ne₂ bá₄ rin₅₄ jniog₄, ma₂qui₂le₁ ág₄ tei₄ dsi₅ dsa₂ i₂'én₂.†

Mi₅ Pa₄ ne₄ Filemón a₂jmo₃ 'éi₂ dse₃ dsi₅ le₃quió₅ Onésimo

⁸ Jaun₂ lě₃, o₁jñia₅₄ jme₁ca₂tín₂ jniá₂ le₃quió₅ Cristo a₂jmo₅₄ 'éi₃ ne₅₄ 'ne₂, jui₁lia₂ 'e₂ dsi₂ten₅₄ jmó₂, ⁹ la₁ tē₂le₃ ia₁ a₂ñi₄ lě₃ 'nió₃ bá₄ jniá₂ 'ne₂, ja₂lín₃ guě₄ dse₃ chi₂len₄ jniá₂ 'ne₂, lín₂ jniá₂. Jniá₂ Pa₄ ma₂gueng₂ 'eng₅₄ né₃ 'má₃ o₄quió₄ Cristo Jesús. ¹⁰ Mi₅₄ jmó₂ dse₃ 'au₂ tē₂le₃ quió₅ Onésimo i₂ca₂lín₃ co₂'nió₄ jan₂ chi₂ quiáng₃ dsi₂néi₂ 'né₅ 'má₃ la₂.

¹¹ Le₂jñiá₅ ně₃ jme₁lín₄ Onésimo† jan₂ dsa₂ i₂tsá₃ ta₁ tén₄ jme₃ti₃ ta₁ ne₅₄. La₁ rě₂ně₃ ně₃, ma₂tén₅ bá₄ ta₁ jme₃ti₃ ta₁ ne₄ jniog₄ le₃o₃. ¹² Jaun₂ dsiaín₅₄ táng₃ jniá₂ ne₅₄, jaun₂ guein₅₄ bá₄ co₂nio₄ co₂'nió₄ bá₄ a₂jme₁guéi₄ jniá₂ 'ñióg₃. ¹³ O₁jñia₅₄ jme₁'ín₅ dsi₃ jme₁'i₂ guě₄ ja₁láj₃ jme₃ti₃ ta₁ ne₃ co₂'nió₄ bá₄ a₂jme₁jme₁ti₄ 'ne₂ tē₂lia₂ 'eng₅₄ guě₄ né₃ 'má₃ 'uig₅₄ quió₅ jág₁ dse₃, ¹⁴ la₁ tsá₃ 'e₂ 'nio₃ jmo₅₄ 'i₁caun₂ jua₅₄ a₂tíng₂ 'ñióg₃ jua₅₄ a₂tsá₃ 'ei₅ caun₂ jág₁ quian₅₄ 'ne₂. Jaun₂ tsá₃ o₁leng₂ jua₅₄ a₂chi₂quiong₅₄ jniá₂ jmi₄ a₂jmo₂ tion₅₄; jaun₂ 'a₂ con₂ 'ñio₂ 'au₂ 'ñiag₂ bá₄ 'ne₂. ¹⁵ An₁ Diú₄ bá₄ ca₂cuě₃ jmi₄ ca₂téi₂ Onésimo co₂'na₂ quián₂ 'ne₂, ia₁jaun₂ guéin₄ jme₃quiong₅₄ co₂tan₅₄, ¹⁶ on₃jua₅₄ ma₃lín₅ ca₂ne₅₄ dsa₂ i₂lě₁jme₂ti₃ ta₁ ne₅₄, ton₂ tē₂le₃ dse₃ guě₄ ma₂lín₅ jan₂ ríng₂ i₂'niog₃ tē₂le₃ quian₅₄ jme₂dsi₂. Jniá₂ 'ñio₅ lín₃ 'niói₃, la₁ 'ne₂ ně₃ 'ñio₅ lín₃ guě₄ ca₂tíng₂ jme₁'niói₄ jaun₂ tsá₃ ma₃jín₅₄ jui₁lia₂ ja₁jíng₄ jan₂ dsa₂ lě₁dsa₂. Jiin₅₄ bá₄ jui₁lia₂ ja₁jíng₄ jan₂ ríng₂ tē₂le₃ quió₅ Te₁gui₅₄.

¹⁷ Le₂ně₅ jaun₂, chi₂jua₂ dsón₂ jmo₂ 'au₂ a₂lín₅ jniá₂ jan₂ dsa₂ i₂jmo₂ ta₁ quiang₅₄, jaun₂ guein₅₄ bá₄, jmo₄ 'au₂ co₂'nió₄ a₂guéi₅ jniá₂ 'ñióg₃. ¹⁸ Chi₂jua₂ 'e₂ dain₅₄ ma₂jmo₂g₂, o₃ chi₂jua₂ cha₂ a₂riin₂, quió₃ jniá₂ mi₄. ¹⁹ Jniá₂ Pa₄ jmo₂₃ si₂ la₂ 'ñióg₃ tē₂dsón₂ quian₅₄ gu₃. Š Jniá₂ bá₄ qui₄, jñia₅₄ jme₁'nio₃ jniá₂ jmo₅₄ dsio₂g₂ 'au₂ a₂ring₂ quiáng₂ 'ñiag₂ quió₃ ján₃. ²⁰ Jaun₂ le₂ně₅ bá₄, 'ne₂ rin₅₄ jniog₄, jmo₄ dse₃ 'au₂ quian₅₄ jniá₂ jui₁lia₂ dsi₂ten₅₄ jmo₃ dsa₂ i₂'én₂ le₃quió₅ Te₁gui₅₄, jmo₄ jui₁le₂güig₂ dsi₃ jui₁lia₂ jan₂ ríng₂ le₃quió₅ Cristo.

²¹ Dsian₄ jniá₂ si₂ la₂ ne₅₄, ia₁ dsón₂ bá₄ líng₂ jme₁ti₄ bá₄ ca₂le₃jě₃, tē₂le₃ lě₅ guě₄ jmó₂ con₂ guě₄ a₂juá₅. ²² Jmo₄ dse₃ 'au₂, jmo₄ co₂jñia₅₄ caun₂ dsi₂néi₂ ja₁i₁jñia₁₂, ia₁ 'ín₂ dsi₃ jniá₂ a₂ñág₃ Diú₄ a₂mi₂ 'nia₂, jmo₃ bá₄ a₂dsióg₄ jniá₂ i₁jag₁₂.

* **1:5** lit. "ca₂le₃jín₃ dsa₂jñiós." † **1:7** lit. "dsa₂jñiós." ‡ **1:11** Jág₁ jui₁lia₂ chen₂ Onésimo co₂'nió₄ a₂juá₂, Dsa₂ i₂tén₅ ta₁, quian₅₄ jág₁ jmei₅ griego. Š **1:19** 'Nio₂ ja₁ton₅ 1 Corintios 16:21; Gálatas 6:11; Colosenses 4:18; 2 Tesalonicenses 3:17.

'Ág'₅ jág₁ jě₁ca₂tó'₂, cuag₂₃ Diú₄ ně₃

²³ Ríng'₃ i₂chen₂ Epafras i₂quiang'₅₄ 'eng₅₄ né'₃ 'má₃ 'uig₅₄ quió'₅ Cristo Jesús, dsiáin'₂ jág₁ a₂cuin₂₃ Diú₄ 'ne₂. ²⁴ Ján₃ bá₄ le₂jaun₂ Marcos, Aristarco, Demas quian'₅₄ Lucas ně₃ i₂jme₂'o₅₄ jmo₅ ta₁.

²⁵ Jui₁jme₂gu'₅₄ Te₁gui'₅₄ Jesucristo jme₂dsí₂ quián'₂ 'nia'₂. Co₂ně₅.

Si₂ a₂chen₄ ne₄ dsa₂ HEBREOS

Ma₂dsia₅ Diú₄ jág₁ quian'₅₄ dsa₂ mi₂güig₃ tē₂le₃ quian'₅₄ Ja₁ñi'₅₄

¹ Lióng₂ ráun₂ ca₂juá'₂ Diú₄ jág₁ jmig₄ ma₂líg'₂ ca₂tsí'₃ dsa₂ can'₅₄ quián₂ jniog₄, tsá₃ ca₂ne₅₄ jág₁ ca₂'ē₂ tē₂le₃ quian'₅₄ dsa₂ i₂ca₂chein₃. ² La₁ jmig₄ jē₁ca₂tó'₂ rē₂ně₃ ně₃, ma₂ca₂juá'₂ tság₅ jniog₄ tē₂le₃ quian'₅₄ Ja₁ñi'₅₄ i₂ca₂jmo₃ ca₂le₃jě₃ a₂cha₂ mi₂güig₃; ján₃ bá₄ o₄gú₃ 'éi₂ ma₂dsia₃ ca₂le₃jě₃. ³ 'Éi₂ bá₄ i₂lín₅ i₂jlán'₁ i₂tag₅ quió'₅ Diú₄; 'éi₂ bá₄ i₂lín₅ nió'₄ tē₃dsón'₂ i₂jáng'₅ léi₄ 'a₂ lia'₂ lín₅ Diú₄. Já₃n bá₄ lín₅ 'éi₂ i₂jmo₅ 'í₁ ca₂le₃jě₃ quian'₅₄ jág₁ bēn₂ quió'₅. Cang₂ jme₁ca₂rín'₃ 'éi₂ dsáu₁ jniog₄, jaun₂ ca₂guá₂ guei'₅₄ i₂juíg₃ con₂ Diú₄ tē₂le₃ gu₂ ne₁ ne₄ta₁ quió'₅.

Ja₁ñi'₅₄ Diú₄ bá₄ i₂juin'₂ guē₄ lia'₂ con'₂ guē₄ ángeles

⁴ Ma₂ca₂lín₃ Ja₁ñi'₅₄ Diú₄ i₂juin'₂ guē₄ lia'₂ con'₂ guē₄ ángeles, ia₁ ma₂gue₃ quió'₅ jmei₂ a₂ma₂lín₅ ta₁ a₂dsen₅₄ guē₄ lia'₂ con'₂ guē₄ ángeles.

⁵ Tsá₃ líg'₂ ca₂juá'₂ Diú₄ ca₂tsí'₃ ángeles quián₅ 'i₁jan₂ le₂la₂:
Lín'₅ 'ne₂ chí'₂-guein₂ quiáng₃;

jmig₄ ně₃ ma₂lín₅ jniá₂ néi'₅. *

On₃ guē₄ 'i₁jan₂ ángel tsá₃ ca₂'iín₃ jua'₅₄ a₂juá'₂ le₂la₂:

Lén₂ jniá₂ jmei₂ 'éi₂,

'éi₂ guē₂ lén₂ chí'₂-guein₂ quiáng₃. †

⁶ La₁ ja₁siá'₂ ně₃, lia'₂ con'₂ jme₁ca₂o₃jñiai₃ Ja₁ñi'₅₄ i₂ne₅₄ mi₂güig₃, jaun₂ juá'₂:
Jui₁jme₂juag'₂ ca₂le₃jín₃ ángeles quián₅ Diú₄. ‡

⁷ Jui₁lia'₂ tē₂le₃ quió'₅ ángeles guē₂ juá'₂:

Jmo₅ Diú₄ a₂lín₅ ángeles co₂'nió'₄ dsí₂,

jmo₂₃ a₂lín₅ i₂jme₂ti₃ ne₅₄

co₂'nió'₄ le₁tsi'₅₄ si₂. §

⁸ La₁ jui₁lia'₂ tē₂le₃ quió'₅ Ja₁ñi'₅₄ ně₃, juá'₂:

Jiog₅ ca₂le₃jě₃ jmig₄ ne₄ta₁ quián'₂ 'ne₂,

Diú₄ quiáng₃.

Quian'₅₄ jág₁ tí₅ * qui₂dsí'₁ 'ne₂ 'éi'₃.

⁹ A₂'niog'₂ 'ne₂ a₂tí₅, a₂'ñia'₅₄ 'ne₂ a₂'lig'₅₄;

'Uig₅₄ jaun₂, Diú₄ ně₃, Diú₄ quiáng'₂,

ma₂ca₂chein'₃ 'ne₂

ne₄ jui₅ quió'₅ ca₂le₃jín₃ ríng'₂,

ca₂jmo₃ Diú₄ a₂rē₂rín₅ 'au'₂ a₂jmo'₂ 'io'₂. †

¹⁰ Já₃n bá₄ juá'₂:

Lia'₂ ne₁, 'ne₂ Te₁gui'₅₄ quiáng₃,

ca₂jmo'₅₄ 'uig₅₄ tag₄ mi₂güig₃;

guei'₅₄ i₂juíg₃ guē₂ ně₃,

ta₁ a₂ca₂lě₃ quian'₅₄ gog'₂ bá₄ jaun₂.

¹¹ A₂dsi₃ñí₂ ca₂le₃jě₃ a₂ně₅,

la₁ 'ne₂ ně₃, con'₂ tan₅₄ bá₄ lín₅ 'ne₂;

rē₃'áu₂ a₂jaun₂ jui₁lia'₂ ni₁tsin'₅₄ dsa₂.

* 1:5 Salmo 2:7. † 1:5 2 Samuel 7:14. ‡ 1:6 Deuteronomio 32:43. § 1:7 Salmo 104:4. * 1:8 lit. "Quian'₅₄ 'ma₂'i₅₄ dsau₅." † 1:9 Salmo 45:6-7.

12 A₂jóng' ₅ a₂jaun₂ jui₁lia' ₂ jě₁jón' ₂ dsa₂ tsi' ₁mi' ₂.

La₁ 'ne₂ ně₃, lia' ₂ ma₂lín' ₅ jaun₂ bá₄ 'ne₂.

Tsá₃ o₁líg' ₂ jmig₄ dsiá₃ a₂chan' ₂ 'ne₂.†

13 Tsá₃ líg' ₂ ca₂juá' ₂ Diú₄ ca₂tsí' ₃ 'i₁jan₂ ángel le₂la₂:

Né₂ con₂ jniá₂ tē₂le₃ gu₃ ne₁,

ca₂lia' ₂ ca₂tē₂ jmig₄

a₂tón' ₁ jniá₂ dsa₂ i₂'iog₅₄ o₄tag' ₄.§

14 Ia₁ lín₅ ángeles jme₂dsí₂ i₂jme₂'o₅₄ i₂chen₄ a₂jme₂ti₃ ta₁ ne₄ i₂ca₂tín₂ gue₃ a₂lió₂ Diú₄.

2

Tion₅₄ 'nió' ₅ tón' ₂ dsa₂ jui₅

1 'Uig₅₄ jaun₂ bá₄ tion₅₄ niog₅ tion' ₂ jniog₄ jui₅ 'nio₅ lín₃ guě₄, jág₁ a₂ma₂néi₁ jniog₄, ia₁jaun₂ tsá₃ qui₂dsi₃cón' ₅ jniog₄ jui₅.

2 Ia₁ chi₂jua' ₂ tion₅₄ jme₁jme₂ti₃ dsa₂ 'éi' ₃ jaun₂ a₂ca₂quiog₂ Diú₄ ma₂líg' ₂ tē₂le₃ quian' ₅₄ ángeles quiáin₅, jaun₂ chi₂jua' ₂ qui₂ca₂gue₃ dsa₂ uig₅ 'a₂ con' ₂ ca₂tín₂ jme₁ca₂'náu₂ dso₄, ³ ¿'a₂ bá₄ lia' ₂ lé₂ le₃lió₂ jniog₄ ně₁jua' ₂ tsá₃ tion' ₂ jniog₄ jui₅ jág₁ a₂ñí₄ lē₃ quen₅ a₂lió₂ jaun₂? Ia₁ 'nio₅ bá₄ Te₁gui' ₅₄ 'éi₂ i₂ca₂juá' ₂ le₂'uig₅₄ jág₁ a₂lió₂ jaun₂. Jaun₂ guě₄ qui₂ca₂cuē₃ jág₁ dsau₅ tság₅ jnia' ₅₄ dsa₂ i₂ca₂nág₂.

4 Ján₃ bá₄ ca₂cuē₃ Diú₄ jág₁ dsau₅ tē₂le₃ quian' ₅₄ léi₄ a₂dsi₃gó' ₃ dsí₅ dsa₂ ca₂jmo₃ 'líong₂ ráun₂, ján₃ bá₄ tē₂le₃ quian' ₅₄ Jme₂dsí₂ Jnió₅ i₂ma₂qui₂ma₂cui₃in₃ jniog₄ le₂jau₂ le₂jau₂ lia' ₂ con' ₂ lē₅ a₂'nio₃ 'éi₂.

Ca₂lín₃ Jesús lia' ₂ lín₅ rñin' ₅₄

5 On₃jua' ₅₄ o₄gú₃ ángeles ca₂dsia₃ mi₂güig₃ a₂já₅, a₂'ē₂ jnia' ₅₄.

6 La₁ia₁ cha₂ bá₄ caun₂ ja₁ma₂cuē₅ dsa₂ jág₁ dsau₅ le₂la₂;

¿I₂'ein₂ bá₄ dsa₂ mi₂güig₃,

a₂ñí₄ lē₃ dsau' ₂ 'au' ₂ 'éi₂?

¿I₂'ein₂ bá₄ tsi₁jon₂ dsa₂ mi₂güig₃,

a₂ñí₄ lē₃ tón' ₂ 'ne₂ jui₅ 'éi₂?

7 Ca₂jmoi' ₅₄ ca₂tiá₂ mei' ₂ guě₄

con' ₂ guě₄ ángeles quiáng' ₂;

la₁ ma₂ca₂jme₁juin' ₂, ma₂ca₂jmo' ₅₄ a₂lín₅ i₂dsen₅₄ guě₄,

[ca₂dsiain' ₅₄ a₂nió₃ gu₂ a₂ca₂jmo' ₅₄ 'ne₂ quian' ₅₄ gog' ₂,]*

8 ma₂dsia' ₅₄ 'ne₂ ca₂le₃jě₃ o₄tag₁₂.†

Jaun₂ ně₃, jme₁ca₂dsia₃ Diú₄ ca₂le₃jě₃ o₄tag₄ dsa₂ mi₂güig₃, tsá₃ ma₂'e₂ cha₂ jua' ₅₄ a₂tsá₃ niog₅ gu₂ 'éi₂. La₁ia₁ rē₂ně₃ ně₃, tsá₃ ma₂léi₄ guě₄ a₂niog₅ gu₂ 'éi₂ le₃jě₃.

9 La₁ia₁ jin₄ bá₄ jniog₄ Jesús i₂ca₂lín₃ ca₂tiá₂ mei' ₂ guě₄ con' ₂ guě₄ ángeles, ca₂rē₃juin' ₂, ca₂liin₃ i₂dsen₅₄ guě₄ ně₃ ia₁ ca₂i₃ñí₂ uig₅ ne₄ 'mú₃, ia₁jaun₂ le₃cuí' ₅ 'mú₃ o₄quió' ₄ ca₂le₃jín₃, ia₁ a₂'ua₁ dsí₅ Diú₄.

10 Quió' ₅ Diú₄ bá₄ le₃jě₃; tē₂le₃ quian' ₅₄ 'éi₂ ca₂lē₃ le₃jě₃. Jaun₂ 'nio₃ Diú₄ chíin' ₂ ca₂le₃jín₃ chí' ₂-guein₂ quiáin₅, a₂lén₂ 'éi₂ jláin' ₁ co₂lē₅ quian' ₅₄. 'Uig₅₄ jaun₂, dsi₂ten₅₄ bá₄ a₂ca₂jme₃'nia₅ Diú₄ ca₂jme₃'niai₂₃ Jesucristo tē₂le₃ quian' ₅₄ jmi₁uig₅ a₂ca₂i₃ñí₂ jme₁ca₂niá₃ jui₅ a₂lióin₂ 'éi₂.

11 Ia₁ jui₁lia' ₂ i₂jme₂jnió₃ quian' ₅₄ i₂rē₂jnió₃ ně₃, jan₂ bá₄ Jmei₂ chan₂. 'Uig₅₄ jaun₂, tsá₃ gui' ₅₄ Ja₁ñi' ₅₄ Diú₄ tē' ₂ dsa₂ 'éi₂ riin' ₅₄.

† 1:12 Salmo 102:25-27. § 1:13 Salmo 110:1. * 2:7 Chog₅₄ si₂ a₂dse₃ guě₄ tsá₃ le₁ton₅ jág₁ a₂tio' ₅₄ 'ñi₃ corchetes [le₂la₂]. † 2:8 Salmo 8:4-6.

12 Le₂la₂ juá'₂ ne₄ si₂;
 'In₄ jniá'₂ ne₂ jin₄ ríng'₃,
 te₂jě₄ ja₁le₁ñi'₂ dsa₂
 'ě₅₄ jniá'₂ son₅₄ a₂jme₁juag'₂ quiáng'₂.†

13 Ján₃ bá₄ juá'₂;
 Caun₂ bá₄ 'ag₁₂ dsi₃ ja₁con₂ 'éi₂.§
 Con'₂ siá'₂ táng₃ juá'₂;
 ja₁lá₃ bá₄ chén'₅ jniá'₂,
 ca₂lia'₂ ma₂quian'₅₄ chi'₂-guein₂
 i₂ma₂cuin₃ Diú₄ jniá'₂.*

14 Jui₁lia'₂ ca₂tín₂ chi'₂-guein₂ jan₂ chog₅₄-jmei₂ dsa₂ mi₂güig₃ caun₂ jmi₂ 'ain₅₄, ján₃ bá₄ le₂ně₅ ca₂tín₂ Jesús caun₂ jmi₂ 'ain₅₄ quian'₅₄ dsa₂ mi₂güig₃, ia₁jaun₂ tē₂le₃ quian'₅₄ 'mú₃ quió'₅ lé₂le₃lí'₂ ne₄ 'éi₂ i₂'io₅ bí₂ quió'₅ 'mú₃, co₂'nió'₄ le₃jua'₅₄ i₂sě₃dsen₃.

15 Ján₃ bá₄ le₂jaun₂ ca₂jmo₃ ia₁jaun₂ lé₂le₃qui₂le₃chen'₂ dsa₂ i₂ně₂jag₄ bá₄ i₂qui₂rě₂'ñe'₅₄, ia₁ca₂le₃jě₃ jmi₄ a₂chain₂, gó'₅ 'mú₃ quió'₅.

16 Ia₁ dsón'₂ bá₄ on₃jua'₅₄ jaun₂ ca₂guain₃ jua'₅₄ a₂jme₃'oin₅₄ ángeles; ta₁ jaun₂ bá₄ ca₂guain₃ a₂jme₃'oin₅₄ tsi₁jon₂ Abraham.

17 'Uig₅₄ jaun₂, tion₅₄ bá₄ ca₂lín₃ ca₂le₃jě₃ jui₁lia'₂ lín₅ dsa₂ mi₂güig₃ riin'₅₄, ia₁jaun₂ dsióg₄ lén₂ jan₂ jme₂dsa₂ dsen₅₄ i₂ñéi₂ dsí₅, i₂rě₂ti'₅₄ ně₃, ia₁jaun₂ jniá'₂ dsáu₁ dsa₂ tē₂le₃ quian'₅₄ a₂jéin'₂ ne₄ Diú₄.

18 Jaun₂ jui₁lia'₂ ca₂ñág₃ uig₅ 'éi₂ jme₁ca₂caun₃ Diú₄ táu₂, ján₃ bá₄ le₂ně₅ qui'₅₄ jmi₄ jme₃'oin₅₄ jui₁lia'₂ dsa₂ i₂caun₂ dsa₂ táu₂.

3

Jesús bá₄ i₂dsen₅₄ guě₄ con'₂ guě₄ Moisés

1 Le₂jaun₂ 'nia'₂ rin'₅₄ jniog₄ i₂ma₂rě₂tson₄ quián₅ Diú₄, 'nia'₂ i₂ca₂tín₂ tē₂ Diú₄ guei'₅₄ i₂juíg₃, dsiog'₂ 'au'₂ 'nia'₂ Cristo Jesús i₂chen₄ quián₅ Diú₄, ján₃ bá₄ i₂lín₅ jme₂dsa₂ dsen₅₄ i₂'ín₅ jniog₄.

2 'Niog₅ Jesús ma₂ca₂rě₃ti'₅₄ ja₁con₂ Diú₄ i₂ca₂'ag₃ a₂jmo₃ ta₁ ně₅, jui₁lia'₂ ca₂jme₃ti₃ Moisés con'₂ ta₁ jme₁chéin'₄ ja₁con₂ ca₂le₃jín₃ chi'₂-guein₂ quián₅ Diú₄.

3 La₁ia₁ ca₂tín₂ Jesús jme₃juag'₂ dsa₂ con'₂ guě₄ Moisés, jui₁lia'₂ quen₅ guě₄ dsa₂ i₂jmo₅ 'né₅ con'₂ guě₄ tsi₁'né₅ 'niog₅.

4 Jui₁lia'₂ caun₂ 'né₅, tion₅₄ bá₄ chan₂ i₂jmo₃; la₁ 'niog₅ bá₄ Diú₄ ca₂jmo₃ ca₂le₃jě₃ 'e₂ a₂cha₂.

5 Ca₂jme₃ti₃ Moisés ja₁con₂ ca₂le₃jín₃ chi'₂-guein₂ quián₅ Diú₄, con'₂ ta₁ a₂jme₁lín₄ ne₄ Diú₄, qui₂ca₂jáng'₃ jág₁ dsau₅ jui₁lia'₂ jág₁ quió'₅ Diú₄ a₂jme₁juá'₂.

6 La₁ia₁ Cristo ně₃, rě₂ti'₅₄ bá₄ a₂lín₅ Ja₁ñi'₅₄ Diú₄ i₂chén'₅ ne₄ ca₂le₃jín₃ chi'₂-guein₂ quián₅ Diú₄. Chi'₂-guein₂ 'éi₂ lág₅ jniog₄ guio₅₄ ně₁jua'₂ chan'₂ jniog₄ tiá₂ a₂caun₂ 'ei₅ dsi₅ jniog₄, jmo₂ jniog₄ 'io'₂, ia₁ cha₂ a₂'ín₂ dsi₅ jniog₄ tag₃; a₂jaun₂ bá₄ 'io'₂ jein₂ jniog₄.

7 'Uig₅₄ jaun₂, lě₅ jui₁lia'₂ juá'₂ Jme₂dsí₂ Jnió₅ ne₄ si₂:
 Jmi₄ ně₃ ně₁jua'₂ nag'₂ 'nia'₂ jág₁ quió'₅ Diú₄,

8 Tsá₃ lě₁jme₂'uá'₂ 'nia'₂ 'au'₂
 jui₁lia'₂ ca₂jmo₃ i₂lín₅₄ ca₂nau₂ 'nei₂
 ca₂cain₃ táu₂ Diú₄ 'uě₃ co₂'niog₅ jaun₂.

9 Ja₁jaun₂ ca₂caun₃ táu₂ jniá'₂
 dsa₂ can'₅₄ quián'₂ 'nia'₂ ma₂líg'₂,
 o₁jñia'₅₄ ma₂qui₂ma₂jág₃ ta₁ quió₃

† 2:12 Salmo 22:22. § 2:13 Isaías 8:17. * 2:13 Isaías 8:18.

- ma₂tē₂láu₃ ŋi₂.
- 10 'Uig₅₄ jaun₂ ca₂jén₂ dsi₃
 quian'₅₄ dsa₂ i₂jme₁chan₂ jmig₄ jaun₂,
 jaun₂ ca₂juá'₃ jniá₂:
 “Con'₂ tan₅₄ bá₄ i₂nio₄ dsa₂ nē₅
 qui₂dsi₂cón'₅ dsi₅,
 tsá₃ 'nio₃ le₃cuí'₅ jui₅ quió₃.”
- 11 'Uig₅₄ jaun₂ ca₂ín₃ jniá₂ 'ñió₃
 jme₁ca₂í₃ 'nei₂ dsi₃,
 a₂tsá₃ dsi₁len₃ 'éi₂
 jua'₅₄ a₂jñia₃ ja₁con₂ jniá₂.*
- 12 Rín'₅₄ jniog₄, jmo₄ 'nia'₂ 'í₁ ia₁jaun₂ 'i₁jan'₂ 'nia'₂ tsá₃ le₃'ua'₂ dsi₅, jua'₅₄ a₂'nio₃ náu₃ cau₅
 ja₁con₂ Diú₄ jén'₃ ia₁ tsá₃ 'éin₂ jág₁ quió'₅.
- 13 Tē₂le₃ cuē'₅₄ 'nia'₂ bí₂ ríng'₂ le₂jang'₂ le₂jang'₂ lia'₂ caun₂ jmig₄, tē₁lia'₂ jiog₅ “jmig₄ nē₃”
 a₂ma₂juá'₂ Si₂, ia₁jaun₂ 'i₁jan'₂ 'nia'₂ tsá₃ le₃'ua'₂ 'au'₂ tsá₃ le₃gan'₂ 'nia'₂ quian'₅₄ dso₄.
- 14 Ia₁ i₂ma₂quián₅ Cristo bá₄ jniog₄, nē₁jua'₂ ca₂tián₃ jniog₄ tē₂ jē₁ca₂tó'₂ caun₂ bá₄ 'ei₅ dsi₅
 jniog₄ jág₁ quió'₅ lia'₂ con'₂ lē₅ jme₁ca₂rē₃ 'éin₂ le₂'uig₅₄.
- 15 Jui₁lia'₂ ma₂nē₂juá'₂:
 Jmig₄ nē₃, nē₁jua'₂ ca₂nei'₂ 'nia'₂
 jág₁ quió'₅ Diú₄,
 tsá₃ jme₁'ua'₂ 'nia'₂ 'au'₂,
 jui₁lia'₂ ca₂jmo₃ i₂lín₅₄
 ca₂nau₂ 'nei₂ ne₄ Diú₄.†
- 16 ¿'Ein₂ 'éi₂ i₂ca₂nág₂ jág₁ quió'₅ Diú₄ jaun₂ ca₂nau₂ 'nei₂ cang₂ jaun₂? Ca₂le₃jín₃ dsa₂
 i₂ca₂'uín'₂ Moisés 'uē₃ Egipto, i₂'éi₂ bá₄.
- 17 ¿'Ein₂ quian'₅₄ ca₂rē₃'né₃ Diú₄ con'₂ tē₂láu₃ ŋi₂? Quian'₅₄ dsa₂ i₂ca₂'náu₂ dso₄ bá₄,
 i₂ca₂dsan₃ 'uē₃ co₂'ñiog₅ jaun₂.
- 18 ¿Ja₁con₂ 'ein₂ ca₂cuē₃ Diú₄ jág₁ quió'₅ a₂tsá₃ dsi₁lein₃ jua'₅₄ jñia₃ quiong'₅₄? Ja₁con₂ dsa₂
 i₂tsá₃ ca₂nág₂ gau₂ jág₁ quió'₅ bá₄.‡
- 19 Jaun₂ ne₄ jniog₄, le₂jaun₂ bá₄ ca₂i₃ñí₂: tsá₃ a₁jaun₂ ca₂i₃toin'₅₄, 'uig₅₄ ia₁ a₂tsá₃
 ca₂rē₃'éin₂.

4

- 1 'Uig₅₄ jaun₂, tē₁lia'₂ ron₅ gué₄ jág₁ a₂ma₂cuē₃ Diú₄ a₂dsi₁no₃ jniog₄ ja₁dsi₁jñia₁ ja₁coin₂,
 'nió'₅ jmó₁ jniog₄ 'í₁ con'₂ tsá₃ ñó₅ nē₁jua'₂ 'ein₂ 'nia'₂ tsá₃ ca₂tíng'₂ ja₁jaun₂.
- 2 Ia₁ ján₃ bá₄ le₂jaun₂ ma₂ca₂rē₃'ē₂ jág₁ a₂lió₂ ja₁con₂ jniog₄ jui₁lia'₂ ma₂ca₂rē₃'ē₂ ja₁con₂
 'éi₂; la₁ia₁ tsá₃ ta₁ ca₂jmo₃ co₂ñí₂ a₂ca₂nág₂ jág₁, 'uig₅₄ ia₁ a₂tsá₃ ca₂'an₂ dsi₅ jág₁ jaun₂ jua'₅₄
 a₂ca₂rē₃'éin₂.
- 3 La₁ jniog₄ i₂ma₂ca₂rē₃'éin₂ nē₃, dsi₁no₃ bá₄ jniog₄ dsi₁jñia₁₂ ja₁jaun₂ jui₁lia'₂ a₂ma₂juá'₂
 Diú₄:
 'Uig₅₄ jaun₂ ca₂ín₃ jniá₂ 'ñió₃,
 jme₁ca₂í₃ 'nei₂ dsi₃,
 a₂tsá₃ dsi₁len₃ 'éi₂
 jua'₅₄ jñia₃ ja₁con₂ jniá₂.*
- La₁ia₁ ma₂ca₂'ió'₃ ta₁ quió'₅ Diú₄ ca₂le₃ ca₂'nio₃ mi₂güí₃.

* 3:11 Salmo 95:7-11. † 3:15 Salmo 95:7-8. ‡ 3:18 'Nio'₂ ja₁ton₅ Números 14:22-23. * 4:3 Salmo 95:11; ján₃
 bá₄le₂nē₅

⁴ Ia₁ cha₂ ja₁juá'₂ ne₄ Si₂ le₂la₂, a₂'e₂₃ jē₁ca₂tē₂ guio₃ jmig₄: “Ca₂jñia₃ Diú₄ jē₁ca₂tē₂ guio₃ jmig₄, jme₁ca₂lē₃ ca₂le₃jē₃ ta₁ quió'₅.”† ⁵ Con'₂ siá'₂ táng₃ juá'₂ ne₄ Si₂: “Tsá₃ dsi₁lein₃ jua'₅₄ a₂jñia₃ ja₁con₂ jniá₂.”

⁶ La₁ jui₁lia'₂ chan₂ i₂lin₅₄ i₂'nió'₅ tón'₃ ja₁jaun₂, i₂sián'₂ guē'₂ tsá₃ ca₂i₁tion'₅₄ le₂jñiá₅ jme₁ca₂nág₂ jág₁, 'uig₅₄ ia₁ a₂tsá₃ ca₂rē₃'éin₂, ⁷ con'₂ siá'₂ ca₂tióng₃ Diú₄ caun₂ jmig₄ ca₂juá'₂ tē₂le₃ quian'₅₄ David 'lióng₂ ñi₂ cang₂ jaun₂ ca₂tē'₃ “jmig₄ nē₃” jme₁ca₂juá'₂ ne₄ Si₂ jág₁ a₂ma₂ca₂juá'₂ le₂jñiá₅:

Jmig₄ nē₃ nē₁jua'₂ ca₂nei'₂ 'nia'₂ jág₁ quió'₅ Diú₄,

tsá₃ lē₁jme₂'uá'₂ 'nia'₂ 'au'₂.‡

⁸ Ia₁ jua'₅₄ mei'₂ guē₃ Josué ca₂cuē₃ caun₂ ja₁jñia₃ dsa₂, tsá₃ jaun₂ jme₁juá'₂ Diú₄ cang₂ jaun₂ jme₁'ē₃ jmig₄ siá'₂.

⁹ Jaun₂ lē₃, lia'₂ ma₂cha₂ jaun₂ bá₄ jmig₄ sa₅₄ ja₁jñia₃ dsa₂ juig₂ quián₅ Diú₄. ¹⁰ Ia₁ jui₁lia'₂ ca₂jñia₃ Diú₄ ta₁ quió'₅ a₂ca₂jmo₃, ján₃ bá₄ le₂jaun₂ jui₁lia'₂ i₂dsi₃ton'₅₄ dsi₃jñia₅₄ ja₁con₂ Diú₄, tí₂ ta₁ quió'₅, jñia₃.

¹¹ 'Uig₅₄ jaun₂ 'nió'₅ 'niog'₅₄ jniog₄ jui₅ a₂quen'₂ bí₂ a₂dsi₁no₃ ja₁jaun₂, ia₁jaun₂ 'i₁jan₂ tsá₃ 'ein₂ tián'₃ a₂cán₂ jui₅ a₂ca₂i₁nió₄ 'éi₂ a₂tsá₃ ca₂nág₂ gau₂ jág₁ quió'₅ Diú₄.

¹² Ia₁ jén'₃ bá₄ jág₁ quió'₅ Diú₄, 'io₅ bí₂ nē₃, 'ñio₅ chen'₂ con'₂ guē₄ caun₂ ñi₁tág₂ 'mu₃ le₃tin₃ ton₂, dsi₂tia₃ ca₂tē₂ né'₃ jmo₅ le₁dso'₅₄ tē₂dsí₅ dsa₂ quian'₅₄ jme₂dsí₂, jmo₅ le₁dso'₅₄ ja₁jón'₅ quian'₅₄ dsí₅ ni₁mu₅ nē₃, jme₂jñia₅ ca₂le₃jē₃ 'e₂ dsi₂jio₅ dsí₅ dsa₂, ca₂le₃jē₃ 'a₂ lia'₂ lín₂ dsa₂ nē₃.

¹³ Ca₂lia'₂ 'i₁caun₂ a₂ca₂jmo₃ Diú₄ tsá₃ lé₂ le₃'má₂ ne₄ 'éi₂; ca₂le₃jē₃ bá₄ rē₂jñiá₂ rē₂na₄ ne₄ i₂dsi₁jang'₅₄ jniog₄ cuenta quián₂.

Lín₅ Jesús Jme₂dsa₂ Dsen₅₄ i₂juin'

¹⁴ Jaun₂ nē₃, jme₂dsa₂ dsen₅₄ i₂juin'₂ quián₂ jniog₄ lín₅ Jesús, Ja₁ñi'₅₄ Diú₄, i₂ca₂uig₂ guei'₅₄ i₂juig₃. 'Uig₅₄ jaun₂ 'nió'₅ caun₂ chan'₅₄ jniog₄ tiá₂ jág₁ a₂'éin₂ jniog₄.

¹⁵ On₃jua'₅₄ a₂tsá₃ lé₂ dsia₃ néi₂ dsí₅ jme₂dsa₂ dsen₅₄ quián₂ jniog₄ jē₁ma₂ca₂'uáu₂ jniog₄. Ia₁ ma₂ca₂caun₃ dsa₂ ca₂le₃jē₃ táu₂ quió'₅, jui₁lia'₂ cáun₂ dsa₂ táu₂ jniog₄, la₁ia₁ tsá₃ dso₄ ca₂'náu₂ 'éi₂.

¹⁶ Jaun₂ nē₃ ma₃ jme₁quián₄ jniog₄ caun₂ bá₄ 'ei₅ dsi₅ ca₂tē₂ ne₄ta₁ ja₁guá₄ Diú₄ i₂'ua₁ dsí₅, ia₁jaun₂ dsia₃ 'éi₂ néi₂ dsí₅, a₂jme₃'o₅₄ a₂'ua₁ dsí₅ jē₁ma₂ca₂rē₃'nió'₅ quián₂ jniog₄.

5

¹ I₂rē₂quion'₅₄ jin₄ dsa₂ mi₂güig₃ bá₄ le₂jan₂ le₂jan₂ jme₂dsa₂ dsen₅₄ a₂rē₂'iin₄ a₂chéin'₅ ne₄ jág₁ o₄quió'₄ dsa₂ mi₂güig₃ ne₄ Diú₄ ia₁jaun₂ jén'₃ jui₁lia'₂ 'e₂ 'nió'₅ jén'₃, a₂qui₃dsiin'₂ já'₂ nē₃ o₄quió'₄ dsáu₁ dsa₂.

² Jaun₂ jui₁lia'₂ jme₂dsa₂ le₂'éi₂, ján₃ bá₄ lín₅ dsa₂ mi₂güig₃ a₂'uain₅₄; lé₂ bá₄ jme₃'ua₁ dsí₅ ja₁con₂ jui₁lia'₂ dsa₂ i₂tsá₃ ñi₅, jui₁lia'₂ dsa₂ i₂ma₂i₂nió₄ cau₅ jui₅ nē₃.

³ 'Uig₅₄ ia₁ a₂lín₅ dsa₂ mi₂güig₃ 'uain₅₄, tion₅₄ 'nió'₅ jén'₃ ne₄ Diú₄, lia'₂ o₄quió'₄ dsáu₁ 'ñiog₅ lia'₂ o₄quió'₄ dsáu₁ dsa₂ juig₂ táng₃.

⁴ 'I₁jan₂ tsá₃ lé₂ le₃lén₂ ta₁ juē'₂ jaun₂ jua'₅₄ a₂le₃'iin₃ 'ñiog₅; tion₅₄ bá₄ 'nió'₅ 'ag₃ Diú₄ jui₁lia'₂ ca₂'iin₃ Aarón.*

⁵ Ján₃ bá₄ le₂nē₅ lē₅ quian'₅₄ Cristo. Tsá₃ ca₂jme₃juin'₂ 'ñiog₅ jua'₅₄ ca₂'iin₃ 'ñiog₅ a₂lén₂ jme₂dsa₂ dsen₅₄; Diú₄ bá₄ ca₂'ag₃ ta₁ juē'₂ jaun₂. Jaun₂ ca₂juá'₂ Diú₄:

Lín'₅ 'ne₂ chí'₂-guein₂ quiáng₃;

Jmig₄ nē₃ ma₂lín₅ jniá₂ néi'₅.†

⁶ Ján₃ bá₄ le₂nē₅ juá'₂ ja₁siá'₂ táng₃:

† 4:4 Génesis 2:2. ‡ 4:7 Salmo 95:7-8. * 5:4 Aarón: 'Nio'₂ ja₁ton₅ Éxodo 4:14. † 5:5 Salmo 2:7.

Lín' ₅ 'ne₂ jme₂dsa₂ con' ₂ tan₅₄,

ca₂ne₅₄ lia' ₂ jme₁lín₄ Melquisedec.†

⁷ Lia' ₂ con' ₂ jme₁chan₂ Jesús mi₂güig₃ la₂, ca₂mi₃ tiá₂ ne₄ Diú₄ Jmei₂, ca₂'o₃ a₂jme₁mi₂₃ tion₅₄ ne₄ 'éi₂ i₂'io₅ bí₂ a₂jme₁lió₂ ne₄ 'mú₃. Jaun₂ Diú₄ ně₃ ca₂nág₂ bá₄ quió' ₅, 'uig₅₄ ia₁ a₂ca₂nág₂ gau₂ jág₁ quió' ₅ 'éi₂.

⁸ O₁jnia' ₅₄ jme₁lín₄ Ja₁ni' ₅₄ Diú₄, ca₂rě₃tín₃ a₂nag₃ gau₂ tē₂le₃ quian' ₅₄ uig₅ a₂ca₂i₃ñi₂.

⁹ Jaun₂ jme₁ca₂rě₃ñia₅ quió' ₅, jaun₂ guě₄ ca₂lín₃ 'uig₅₄ ja₁lión₂ co₂tan₅₄ ca₂le₃jín₃ i₂nag₅ gau₂ jág₁ quió' ₅, ¹⁰ ia₁ Diú₄ bá₄ ca₂'ag₃ a₂lén₂ jme₂dsa₂ dsen₅₄ ca₂ne₅₄ lia' ₂ jme₁lín₄ Melquisedec.

Go' ₂ ně₁jua' ₂ ca₂tí₂ dsa₂ a₂'éi₂

¹¹ Lióng₂ bá₄ jág₁ le₂ně₅ cha₂ a₂'nió' ₅ jua' ₅₄ jnia' ₅₄, la₁ia₁ quian₅ ta₁ jua' ₅₄ a₂jme₁tin₅ jnia' ₅₄ 'nia' ₂ jág₁ ně₅, ia₁ a₂ca₂lín' ₃ 'nia' ₂ cang₄ dsei' ₂.

¹² Ma₂líg' ₂ bá₄ ca₂rě₃'én' ₂ 'nia' ₂ jág₁; rě₂ně₃ le₃jua' ₅₄ a₂ma₂ca₂tíng' ₂ 'nia' ₂ léng' ₂ tē₅. La₁ tion₅₄ bá₄ 'nió' ₅ jme₃tag₅ táng₃ dsa₂ quian' ₅₄ 'nia' ₂ jág₁ 'ua₁ le₂'uig₅₄ quió' ₅ Diú₄, ně₂jag₄ bá₄ a₂'nió' ₅ 'ag' ₅₄ 'nia' ₂ jmá' ₃ dsi' ₅₄, 'nió' ₄ a₂jme₁quíng' ₂ 'nia' ₂ ñí₅.

¹³ Jaun₂ jui₁lia' ₂ dsa₂ i₂'ín' ₂ jmá' ₃ dsi' ₅₄, lín₅ jui₁lia' ₂ lín₅ guein₂ i₂tsá₃ lín₄ tin₂ jág₁ quió' ₅ jui₅ co₂dsau₅.

¹⁴ Jui₁lia' ₂ má₃ quió' ₅ dsa₂ can' ₅₄ ně₃, lě₅ jmá' ₃ quió' ₅ dsa₂ ma₂ron₂, quió' ₅ dsa₂ i₂ma₂'en₅₄ dsí₅ i₂ca₂rě₃tín₃ i₂ca₂rě₃ñi₅ na₂ jui₅ dse₃, na₂ jui₅ 'lig' ₅₄ 'e₂.

6

¹ Jaun₂ ně₃, jui₁dsiá₁ jniog₄ cau₅ jág₁ le₂'uig₅₄ quió' ₅ Cristo a₂ma₂ca₂jme₁tag₅ jniog₄. Ma₃dsau₅₄ jniog₄ ne₄ jui₅ ia₁jaun₂ lén₂ jniog₄ dsa₂ ma₂ron₂. Tsá₃ ma₂'nió' ₅ jua' ₅₄ a₂quián₂ táng₃ jniog₄ 'uig₅₄ jág₁ jui₁lia' ₂ jě₁jme₂tsín₃ dsa₂ dsí₅ a₂tsá₃ ma₂jmo₂₃ jui₁lia' ₂ a₂jniog₂₃ jui₅ 'mú₃, jui₁lia' ₂ 'a₂ lia' ₂ rě₂'én₂ dsa₂ jág₁ quió' ₅ Diú₄ ně₃; ² tsá₃ ma₃'nió' ₅ jua' ₅₄ caun₂ jme₁tag₅ jniog₄ jui₁lia' ₂ a₂chon₅ dsa₂ jmi₂g₂, jui₁lia' ₂ a₂quiog₂ dsa₂ gu₂ ne₄ quió' ₅ dsa₂, jui₁lia' ₂ a₂jen' ₅₄ dsa₂ jin₄ 'lag₄, on₃ guě₄ jui₁lia' ₂ a₂qui₃dsi₅ Diú₄ 'éi' ₃ co₂tan₅₄ ně₃.

³ Le₂jaun₂ jmó₁ bá₄ jniog₄, a₂dsau₅₄ ne₄ jui₅, chi₂jua' ₂ jme₃'o₅₄ Diú₄.

⁴ Ia₁ jui₁lia' ₂ dsa₂ i₂ma₂ca₂rě₃ñi' ₂ dsí₅, dsa₂ i₂ma₂ca₂rě₃cuí' ₅ 'a₂ lia' ₂ 'ua₁ dsí₅ Diú₄, dsa₂ i₂ca₂tín₂ jma₂me' ₂ quió' ₅ Jme₂dsí₂ Jnió₅, ⁵ dsa₂ i₂ma₂ca₂rě₃cuí' ₅ a₂dse₃ jág₁ quió' ₅ Diú₄, dsa₂ i₂ma₂ca₂rě₃cuí' ₅ bí₂ quió' ₅ mi₂güig₃ a₂jiá₃; ⁶ ně₁jua' ₂ ca₂i₃lén₂ táng₃ cau₅ jui₅, * tsá₃ ma₃lé₂ dsí₁te₁ jniog₄ jaun₂ jén' ₃ táng₃ dsí₅, ia₁ ně₂jag₄ bá₄ a₂tioin₂₃ táng₃ cróg₄ Ja₁ni' ₅₄ Diú₄ le₃quió' ₅ guioin₅₄, jaun₂ chei' ₂₃ tē₃jin₄ dsa₂ ia₁jaun₂ cán₂ 'éi₂ o₂guí' ₃.

⁷ A₂lín₅ dsa₂ 'éi₂ lia' ₂ lě₅ gua' ₅₄ 'uě₃ a₂'ín' ₅ jmí₅ lia' ₂ co₂ráun₂ téin₃ ne₄ quió' ₅. Ně₁jua' ₂ ca₂rau₂ dse₃ gua' ₅₄ 'uě₃ jaun₂ quió' ₅ dsa₂ i₂ca₂jmo₃ ta₁ ja₁jaun₂, jaun₂ lé₂le₃jmó' ₂ ta₁ 'a₂ con' ₂ ca₂rau₂, jaun₂ jme₃gu' ₅₄ bá₄ Diú₄.

⁸ La₁ ně₁jua' ₂ ca₂'ia₂ ni₁taun₅ quian' ₅₄ ni₁nau₂, jaun₂ tsá₃ ma₃ta₁ tí₄ 'uě₃ jaun₂; go' ₂ a₂'ě₂ Diú₄ uig₅. Jě₁ca₂tó' ₂ jaun₂, dsí' ₂ bá₄ dsa₂.

A₂'éi₂ ně₁jua' ₂ jniog₄ jmo₅ a₂tióng₂ tiá₂

⁹ Rin' ₅₄ jniog₄, o₁jnia' ₅₄ ma₂ně₂jua' ₅₄ jnia' ₅₄ le₂ně₅, caun₂ bá₄ 'ei₅ dsí₅ jnia' ₅₄ a₂jmo' ₂ 'nia' ₂ dse₃ guě₄ con' ₂ guě₄ a₂jaun₂, a₂chan' ₅₄ 'nia' ₂ tiá₂ jág₁ a₂lión' ₂ 'nia' ₂.

¹⁰ Ia₁ dse₃ bá₄ dsí₅ Diú₄, tsá₃ jua' ₅₄ a₂dsi₃'én₂ dsí₅ ca₂le₃jě₃ a₂ma₂jmo' ₅₄ 'nia' ₂, quian' ₅₄ ca₂le₃jě₃ 'a₂ lia' ₂ lě₅ a₂'nió' ₃, a₂rě₂jniá₂ ia₁ a₂ma₂jme₂'on' ₅₄ 'nia' ₂ dsa₂ rin' ₅₄ jniog₄ i₂'én₂, jui₁lia' ₂ caun₂ jmo' ₂ 'nia' ₂ rě₂ně₃.

¹¹ In₅ bá₄ dsí₅ jnia' ₅₄ a₂jmó' ₂ 'nia' ₂ le₂jaun₂ a₂dsen₅₄ 'au' ₂ le₂jang' ₂ le₂jang' ₂ ca₂tě₂jě₁ca₂tó' ₂, ia₁jaun₂ lén' ₄ 'nia' ₂ co₂ñei' ₅₄ ca₂le₃jě₃ a₂'ín₂ 'au' ₂ 'nia' ₂.

† 5:6 Salmo 110:4. * 6:6 'Nio' ₂ ja₁ton₅ 2 Pedro 2:21.

12 Tsá₃ 'niog₂ jnia'₅₄ jua'₅₄ a₂le₃juin'₃ 'nia'₂, la₁ tē₂le₃ o₁nó'₅ 'nia'₂ ne₄ jui₅ quió'₅ dsa₂ i₂ma₂'én₂ i₂ma₂juin'₂ dsí₅ ně₃ jaun₂ ca₂tīn₂ a₂dse₃ lia'₂ con'₂ lě₅ jág₁ quió'₅ Diú₄ a₂ma₂cuē₃.

13 Lia'₂ con'₂ jme₁ca₂cuē₃ Diú₄ jág₁ quió'₅ ca₂cuē₃ Abraham, ca₂'iin₃ 'ñiog₅, ia₁ ca₂lia'₂ 'i₁jan₂ i₂sián'₂ tsá₃ jme₁chan₂ i₂juin'₂ guē₄ jua'₅₄ i₂'iin₃.

14 Jaun₂ ca₂juá'₂: “Tē₃dsón'₂ bá₄ jme₁gu'₅₄ jniá'₂ 'ne₂ 'ñio₅ lin₃, jaun₂ cuín₄ jniá'₂ 'ne₂ juin₅ tsi₁jon₂.”†

15 Juin'₂ bá₄ dsí₅ Abraham ca₂jnia₃, jaun₂ ca₂gue₃ bá₄ lia'₂ con'₂ lě₅ jág₁ a₂jme₁ma₂cuē₃ Diú₄.

16 Jui₁lia'₂ jē₁'in₅ dsa₂ mi₂güí₃ Diú₄, 'iin₂₃ jui₁lia'₂ i₂lín₅ i₂juin'₂ con'₂ guē₄ guioin₅₄, a₂jáng'₅ jág₁ dsau₅ a₂dsón'₂ bá₄ tí₅ jág₁, jaun₂ co₂ně₅ bá₄ dsan₂ mi'₅₄ a₂nió'₅ quian'₅₄ riin'₅₄.

17 Ján₃ bá₄ le₂ně₅ ca₂jmo₃ Diú₄ ia₁ a₂jme₁'nio₃ jme₃jnia₅ ja₁con₂ dsa₂ i₂ca₂tīn₂ gue₃ lia'₂ con'₂ lě₅ jág₁ a₂ca₂cuē₃, a₂tsá₃ jme₂tsín₃ 'a₂ lia'₂ dsí₂jio₅ dsí₅ jmo₃ ja₁coin₂. Ca₂'iin₃ 'ñiog₅ ca₂jáng'₃ jág₁ dsau₅ a₂dsón'₂ bá₄ tí₅ jág₁ quió'₅ a₂ma₂cuē₃.

18 Jaun₂ ně₃, tē₂le₃ quian'₅₄ tīn₃ ne₅₄ jág₁ ně₅ a₂tsá₃ lé₂ le₃tsín₃ a₂tsá₃ lé₂ le₃jmo₃ Diú₄ tē₂jīn₁, (co₂'nió'₄ le₃jua'₅₄ jág₁ a₂ca₂cuē₃ Diú₄, quian'₅₄ jág₁ a₂ca₂'iin₃ 'ñiog₅), jaun₂ gué₁ bá₄ jniog₄ lián'₂ bēn₂ jui₁lia'₂ jniog₄ i₂ma₂cuīng₅₄ a₂dsi₁lion₅₄ ja₁coin₂, ia₁jaun₂ chan'₅₄ jniog₄ tiá₂ jág₁ a₂'in₂ dsí₅ jniog₄.

19 A₂bēn₂ bá₄ jág₁ jaun₂ a₂jmo₅ a₂tíong₂ tiá₂ tē₂dsi₅ jniog₄, jui₁lia'₂ bēn₂ ni₁'lá'₂ quió'₅ ni₁barco jē₁ma₂ca₂quian₃ tiá₂ ca₂tē₂ 'uig₅₄ jmi₁ñí'₄. Jág₁ a₂'in₂ dsí₅ jniog₄ jaun₂, a₂'í₂ bá₄ ca₂tē₂ ja₁jñió₅ guē₄ ca₂tē₂ 'ñió'₃ 'mi'₂ jñió₅, ²⁰ja₁ca₂'í₃ Jesús o₄quián₂ jniog₄, ca₂dsiáin'₃ ne₄ jui₅ quián₂ jniog₄, ia₁ a₂ca₂līn₃ jme₂dsa₂ dsen₅₄ co₂tan₅₄, ca₂ne₅₄ lia'₂ jme₁lín₄ Melquisedec.

7

Lín₅ Jesús jme₂dsa₂ ca₂ne₅₄ lia'₂ jme₁lín₄ Melquisedec

1 Melquisedec 'éi₂ ně₃ jme₁lín₄ rag₅₄ quián₅ juig₂ Salem, jme₁lín₄ jme₂dsa₂ ně₃ quián₅ Diú₄ i₂juin'₂ guē₄ lín₃. Lia'₂ con'₂ jme₁ca₂jón'₃ Abraham jme₁ca₂lí'₃ 'nei₂ a₂ca₂jmo₃ quian'₅₄ rag₅₄ sián'₂, jaun₂ ca₂o₃'in₃ Melquisedec ca₂jme₃quiong'₅₄ ca₂jme₃gu'₅₄ quió'₅.

2 Ca₂cuē₃ Abraham ca₂cuē₃ Melquisedec caun₂ qui'₅₄ a₂guia₃ con'₂ tí₅ a₂ca₂lí'₃ jē₄ 'nei₂. Le₂ne₁, jág₁ lia'₂ chen₂ Melquisedec co₂'nió'₄ le₃jua'₅₄, Rag₅₄ Dsen₃; jaun₂ táng₃, ia₁ a₂jme₁lín₄ rag₅₄ quián₅ juig₂ Salem, ja₁'nió'₄ le₃jua'₅₄, ja₁'ei₅ tei₄, ján₃ bá₄ le₂jaun₂ jein₅ jág₁, rag₅₄ ja₁'ei₅ tei₄.

3 Tsá₃ jág₁ cha₂ jua'₅₄ chan₂ jmei₂ on₃ guē'₂ chog₅₄, on₃ guē'₂ dsa₂ can'₅₄ quián₅; ján₃ bá₄ tsá₃ jág₁ cha₂ 'e₂ jmi₄ ca₂rē₃cháin₃, on₃ guē₄ 'e₂ jmi₄ ca₂join₃ ně₃. Jaun₂ caun₂ lín₅ jme₂dsa₂ co₂tan₅₄ lia'₂ lín₅ Ja₁ñi'₅₄ Diú₄.

4 Ně₃ ně₃, quion₂ 'nia'₂ 'í₁, 'ñio₅ lín₃ jme₁juin'₂ Melquisedec, ca₂lia'₂ jnia₅ 'ñiog₅ Abraham, dsa₂ juin'₂ quián₂ jniog₄, ca₂cuē₃ 'éi₂ caun₂ qui'₅₄ a₂guia₃ con'₂ tí₅ a₂ca₂lí'₃ quió'₅ rag₅₄ jē₄ 'nei₂.

5 Dsau₅ bá₄, lia'₂ con'₂ lě₅ 'Éi'₃ quió'₅ Moisés ně₃, jui₁lia'₂ dsa₂ tsi₁jon₂ Leví i₂ca₂lín₃ ta₁ quió'₅ jme₂dsa₂, ca₂tīn₂ cán₂ caun₂ qui'₅₄ a₂guia₃ quió'₅ dsa₂ juig₂ ca₂le₃jē₃ a₂jme₁cha₂ quió'₅, o₁jnia'₅₄ jme₁lín₄ dsa₂ tsi₁jon₂ Abraham riin'₅₄, jui₁lia'₂ lín₅ guioin₅₄ táng₃.

6 La₁ia₁ Melquisedec ně₃, o₁jnia'₅₄ guē₄ tsá₃ jme₁lín₄ tsi₁jon₂ Leví, ca₂gue₃ caun₂ qui'₅₄ a₂guia₃ quió'₅ Abraham, ca₂jme₃gu'₅₄ ně₃ quió'₅ i₂jme₁ma₂ca₂gue₃ jág₁ a₂ma₂cuē₃ Diú₄.

7 Tsá₃ 'ein₂ lé₂ le₃juá'₂ a₂tsá₃ tí₅ jág₁ la₂: A₂juin'₂ guē₄ dsa₂ i₂jme₂gu'₅₄ con'₂ guē₄ dsa₂ i₂gue₅ a₂jme₂gu'₅₄ jaun₂.

† 6:14 Génesis 22:17.

⁸ Jaun₂ jin₄ jniog₄, jui₁lia'₂ i₂gue₅ caun₂ qui'₅₄ a₂guia₃ lín₅ dsa₂ i₂dsan₂; la₁ia₁ tē₂le₃ quió'₅ Melquisedec juá'₂ ne₄ Si₂ 'iin₂₃ 'éi₂ nē₂jag₄ bá₄ jan₂ dsa₂ i₂caun₂ chan₂.

⁹ Mei'₂ tsá₃ lé₂ le₃jua'₅₄, jui₁lia'₂ Leví quian'₅₄ le₃jín₃ jme₂dsa₂ tsi₁jon₂ 'éi₂, jui₁lia'₂ i₂gue₅ qui'₅₄ a₂guia₃ rē₂nē₃, ján₃ bá₄ ca₂quí₃ caun₂ qui'₅₄ a₂guia₃ ja₁con₂ Melquisedec jme₁ca₂quí₃ Abraham, ¹⁰ ia₁ co₂'nió'₄ a₂jme₁ma₂lín₅ bá₄ Leví tsi₁jon₂ Abraham o₁jñia'₅₄ guē₄ tsá₃ jme₁ma₂chain₂, lia'₂ con'₂ jme₁ca₂cuē₃ Abraham qui'₅₄ a₂guia₃ ca₂cuē₃ Melquisedec.

¹¹ Ca₂gue₃ dsa₂ juig₂ Israel 'Éi'₃ tē₂le₃ quian'₅₄ jme₂dsa₂ levitas, i₂lín₅ tsi₁jon₂ Aarón. Jaun₂ nē₃, jua'₅₄ mei'₂ guē₃ 'éi₂ ca₂tió'₃ jmo₃ a₂ma₂ron₂ dsa₂ tē₂le₃ quian'₅₄ 'Éi'₃ jaun₂, jaun₂ tsá₃ jme₁ma₂'nió'₅ jua'₅₄ a₂jme₁rē₃jniá₂ táng₃ jan₂ jme₂dsa₂ sián'₂ i₂ca₂ne₅₄ jui₁lia'₂ Melquisedec, on₃jua'₅₄ jui₁lia'₂ Aarón.

¹² Ia₁ jē₁rē₂tsín₃ ta₁ quió'₅ jme₂dsa₂, ján₃ bá₄ le₂jaun₂ 'nió'₅ le₃tsín₃ 'Éi'₃ ján₃.

¹³ Te₁gui'₅₄ quián₂ jniog₄ nē₃, jui₁lia'₂ juá'₂ Si₂ le₂nē₅ 'iin₂₃ 'éi₂, a₂téin₅ tsi₁jon₂ sián'₂, jaun₂ 'i₁jan₂ i₂tén₅ tsi₁jon₂ 'éi₂ tsá₃ ma₂lín₅ ta₁ quió'₅ ne₄chei₂.

¹⁴ Ia₁ ne₄ bá₄ jniog₄, a₂ca₂rē₃chán₃ Te₁gui'₅₄ quián₂ jniog₄ a₂lín₅ jan₂ tsi₁jon₂ quián₅ Judá. La₁ tsá₃ 'e₂ ca₂juá'₂ Moisés 'iin₂₃ tsi₁jon₂ 'éi₂ jme₁ca₂dsia₃ a₂'ē₂₃ jui₁lia'₂ ta₁ quió'₅ jme₂dsa₂.

¹⁵ 'Nió₅ guē₄ rē₂ léi₄ táng₃ jme₁ca₂rē₃jniá₂ jan₂ jme₂dsa₂ sián'₂ i₂lín₅ jui₁lia'₂ Melquisedec, ¹⁶ tsá₃ ca₂lín₃ jme₂dsa₂ 'uig₅₄ ia₁ a₂quí'₅ 'Éi'₃ a₂juá'₂ 'ein₂ tsi₁jon₂ 'nió'₅ jiá₃, jñia'₅₄ lia'₂ a₂lín₅ jme₂dsa₂ 'uig₅₄ bí₂ quió'₅ jme₂dsí₂ a₂tsá₃ lé₂ dsi₃'én₂.

¹⁷ Ia₁ le₂la₂ bá₄ juá'₂ Diú₄ 'iin₂₃ 'éi₂:

lín'₅ 'ne₂ jme₂dsa₂ con'₂ tan₅₄,

ca₂ne₅₄ lia'₂ jme₁lín₄ Melquisedec.*

¹⁸ Jaun₂ nē₃, co₂nei'₅₄ ca₂'ná₂ 'Éi'₃ a₂jme₁lē₄ le₂jñiá₅, ia₁ a₂tsá₃ jme₁bén₂, a₂tsá₃ ta₁ tí₄ nē₃.

¹⁹ Ia₁ tsá₃ ca₂tió'₃ 'Éi'₃ jua'₅₄ a₂jme₃ñiai₂₃ ta₁. Tē₂le₃ ca₂rē₃chá₃ quián₂ jniog₄ caun₂ jág₁ a₂dse₃ guē₄ a₂'ín₂ dsi₅ jniog₄, tē₂le₃ quian'₅₄ a₂lé₂ jme₁quián₄ jniog₄ ja₁con₂ Diú₄.

²⁰ Tsá₃ ca₂cuē₃ Diú₄ jág₁ jaun₂ quió'₅ a₂'ín₂ dsi₅ jniog₄ jua'₅₄ tsá₃ ca₂'iin₃ 'ñiog₅. Jui₁lia'₂ jme₂dsa₂ le₂jñiá₅ nē₃, ca₂lín₃ ta₁ jaun₂ la₁ia₁ on₃jua'₅₄ chan₂ 'ein₂ ca₂'in₃ Diú₄ jme₁ca₂'ag₃.

²¹ La₁ tē₂le₃ quió'₅ Te₁gui'₅₄ quián₂ jniog₄ nē₃, chan₂ jan₂ i₂ca₂'in₃ Diú₄ jme₁ca₂lín₃ jme₂dsa₂. Ia₁ ne₄ Si₂ juá'₂ tsí'₅ 'éi₂:
Ca₂'in₃ Diú₄ 'ñiog₅,

jaun₂ tsá₃ lé₂ jme₃tsíin₃ dsí₅:

“Lín'₅ 'ne₂ jme₂dsa₂ con'₂ tan₅₄,

[ca₂ne₅₄ lia'₂ jme₁lín₄ Melquisedec].”†

²² 'Uig₅₄ jaun₂, Jesús bá₄ i₂jmo₅ 'í₁ jág₁ a₂ma₂li'₅₄ a₂dse₃ guē₄ jaun₂.

²³ Jui₁lia'₂ jme₂dsa₂ i₂ca₂rē₃chán₃ gua'₅₄ 'uē₃ nē₃, juin₅ ca₂lín₃, ia₁ tsá₃ ca₂cuē₃ 'mú₃ jmig₄ jua'₅₄ caun₂ lín₅ ta₁ jaun₂.

²⁴ La₁ 'uig₅₄ ia₁ a₂chan₂ Jesús co₂tan₅₄ nē₃, jaun₂ con'₂ tan₅₄ bá₄ lín₅ ta₁ jme₂dsa₂.

²⁵ 'Uig₅₄ jaun₂ lé₂ le₃lióin₂ co₂nei'₅₄ le₃jín₃ i₂jme₂quián₃ ja₁con₂ Diú₄ tē₂le₃ quian'₅₄ 'éi₂, ia₁ chain₂ co₂tan₅₄ a₂qui₃mi₃ ne₄ Diú₄ o₄quió'₄ le₃jín₃ 'éi₂.

²⁶ Jaun₂ nē₃, dsi₂ten₅₄ bá₄ a₂lín₅ Jesús jme₂dsa₂ dsen₅₄ i₂jme₁'nió'₅ quián₂ jniog₄. 'Éi₂ bá₄ i₂jñiós, 'i₁caun₂ a₂'lig₅₄ tsá₃ 'e₂ cha₂ ja₁coin₂, on₃ guē₂ dso₄ rē₂cáin₄, i₂rē₂jñia'₅₄ cau₅ tsá₃ quiaín₅₄ dsa₂ i₂'no₅ dso₄, i₂ca₂ron₂ guē₄ ñei₅ con'₂ guē₄ guei'₅₄ mi₂güig₃.

²⁷ Tsá₃ lín₅ lia'₂ lín₅ jme₂dsa₂ dsen₅₄ sián'₂. Tion₅₄ 'nió'₅ qui₂jme₃dsiain₂₃ já'₂ a₂jén'₅ ne₄ Diú₄ lia'₂ caun₂ jmig₄, o₄quió'₄ dsáu₁ guioin₅₄ le₂jñiá₅, jaun₂ guē₄ o₄quió'₄ dsáu₁ dsa₂ juig₂. La₁ia₁ Jesús nē₃ co₂ráun₂ tan₅₄ bá₄ ca₂jmo₃ jme₁ca₂jén'₂ 'ñiog₅.

* **7:17** Salmo 110:4. Chog₅₄ si₂ a₂dse₃ guē₄ tsá₃ le₁ton₅ jág₁ a₂tió'₅₄ 'ñiós corchetes [le₂la₂]. † **7:21** Salmo 110:4. Chog₅₄ si₂ a₂dse₃ guē₄ tsá₃ le₁ton₅ jág₁ a₂tió'₅₄ 'ñiós corchetes [le₂la₂].

28 Jaun₂ Si₂ 'Éi'₃ quió'₅ Moisés ně₃, 'iin₂₃ dsa₂ mi₂güig₃ 'uan₅₄ a₂lén₂ jme₂dsa₂ dsen₅₄.
La₁ cang₂ guě₄ jaun₂, ca₂cuě₃ Diú₄ jág₁ quió'₅ ca₂'iin₃ 'ñiog₅ jme₁ca₂'iin₃ Ja₁ñi'₅₄ a₂lén₂ 'éi₂
jme₂dsa₂ dsen₅₄ con'₂ tan₅₄ ia₁ ca₂jme₃'ñiai₂₃ co₂ñei'₅₄.

8

Jesús bá₄ i₂chén'₅ ne₄ jág₁ 'mí₂ a₂li'₅₄ quian'₅₄ Diú₄

1 A₂la₂ bá₄ jág₁ dsen₅₄ guě₄ a₂ma₂ja₂náu₅ jnia'₅₄ jua'₂: a₂chan₂ bá₄ jan₂ jme₂dsa₂ dsen₅₄
le₂'éi₂ quián₂ jniog₄, i₂ma₂ca₂guá₂ tē₂le₃ gu₂ ne₁ ne₄ta₁ quió'₅ Diú₄ guei'₅₄ i₂juig₃.

2 Ján₃ bá₄ jme₂ti₃ a₂lín₅ jme₂dsa₂ dsen₅₄ dsi₂néi₂ guá'₅ jñi₅ tē₃dsón'₂ a₂ca₂chi'₃ 'ñiog₅
Te₁gui'₅₄, on₃jua'₅₄ a₂ca₂jmóg'₃ dsa₂ mi₂güig₃.

3 Le₃jín₃ jme₂dsa₂ dsen₅₄ rē₂'iin₁ ia₁jaun₂ qui₃jén'₃ 'e₂ cuě'₃ Diú₄, qui₃dsín'₂ já'₂ ně₃ ne₄
Diú₄. 'Uig₅₄ jaun₂ tion₅₄ 'nió'₅ a₂cha₂ caun₂ 'e₂ a₂jén'₃ Jesucristo ne₄ 'éi₂.

4 Jua'₅₄ mei'₂ guě₃ 'éi₂ ně₃, 'ein₅₄ gua'₅₄ 'uě₃, on₃ guě'₂ jme₁lén₂ jme₂dsa₂, ia₁ chan₂ bá₄ guě₄
jme₂dsa₂ i₂qui₂jén'₅ 'e₂ cuě₃ lia'₂ con'₂ lē₅ qui'₅ Si₂ 'Éi'₃ quió'₅ Moisés.

5 Jme₂dsa₂ la₂ ně₃ jme₂ti₃ ta₁ a₂lín₅, dsi₂néi₂ guá'₅, a₂lē₅ nió'₄ a₂rē₂'uin₄ quió'₅ ja₁jñi₅
a₂cha₂ guei'₅₄ i₂juig₃; a₂lē₅ co₂'nió'₄ 'en'₂ a₂cuě₅ léi₄ quió'₅ a₂ma₂já₅. Ma₂ne₄ bá₄ jniog₄
a₂rē₂'uin₄ bá₄ jaun₂, ia₁ lia'₂ con'₂ jme₁ma₂chi'₃ Moisés guá'₅ tabernáculo jaun₂, ca₂juá'₂
Diú₄: “Jag₄ de'₂ tion'₂ jui₅ jmo₄ con'₂ lē₅ nió'₄ a₂ca₂'ē₃ jniá₂ ne₄ má'₂.”*

6 La₁ia₁ jme₂dsa₂ dsen₅₄ quián₂ jniog₄ guě'₂ ně₃, ma₂ca₂'i₅ ta₁ a₂jlá'₁ guě₄ lín₃. Ján₃ bá₄
le₂nē₅ a₂jlá'₁ guě₄ lín₃ jág₁ a₂li'₅₄ a₂chén'₅ 'éi₂ ne₄, ia₁ a₂'i₅ 'uig₅₄ bēn₂ a₂dse₃ guě₄ a₂lē₅ jág₁
a₂ma₂cuě₃ Diú₄.

7 Ia₁ jua'₅₄ mei'₂ guě₃ jág₁ a₂jme₁li'₅₄ le₂'uig₅₄ tsá₃ 'e₂ jme₁'nió'₅, jaun₂ tsá₃ 'uig₅₄ cha₂ jua'₅₄
a₂jme₁lé₂ jág₁ jē₁ca₂tē₂ táng₃.

8 Ia₁ Diú₄ ně₃ ca₂dsó'₂ ja₁con₂ dsa₂ 'éi₂ caun₂ a₂tsá₃ rē₂'ñia₅, jaun₂ ca₂juá'₂:
Jiá₃ caun₂ jmig₄, juá'₂ Te₁gui'₅₄,

a₂jmo₅₄ jniá₂ caun₂ jág₁ 'mí₂
a₂li'₅₄ quian'₅₄ dsa₂ juig₂ Israel
quian'₅₄ dsa₂ juig₂ Judá ně₃.

9 On₃jua'₅₄ a₂lé₂ lia'₂ lē₅ jág₁
jme₁ca₂jmo₃ jniá₂ quian'₅₄ dsa₂ can'₅₄ quiáin₅
lia'₂ con'₂ jmig₄ jme₁ca₂tē₅₄ jniá₂
ca₂jmá'₃ gu₂ ca₂'uin₅₄ 'uě₃ Egipto.

La₁ tsá₃ ca₂jme₃ti₃ con'₂ lē₅ jág₁ quió₃
a₂jme₁ca₂jmo₃ jniá₂ quiáin'₅₄.

'Uig₅₄ jaun₂ bá₄ ca₂téin₃ jniá₂,
juá'₂ Te₁gui'₅₄.

10 Jág₁ a₂jmo₅₄ jniá₂ quian'₅₄ dsa₂ juig₂ Israel
jē₁ma₂ñi₂ jmig₄ jaun₂ lé₂ le₂la₂, juá'₂ Te₁gui'₅₄:
Co₅₄ jniá₂ 'éi'₃ quió₃ ja₁'i₄ dsi₄ dsa₂.

Ján₃ bá₄ le₂jaun₂ taun₅₄ jniá₂ né'₃ tē₂dsí₅.
Jaun₂ guě₄ lén₂ jniá₂ Diú₄ quiáin₅,
dsa₂ 'éi₂ guě'₂ ně₃ lén₂ dsa₂ juig₂ quiáng₃.

11 Tsá₃ 'nió'₅ jua'₅₄ jme₃tiin₂₃
le₂jan₂ le₂jan₂ dsa₂ go₅₄, on₃ guě'₂ riin'₅₄,
ia₁jaun₂ le₃cuin₂₃ Te₁gui'₅₄,
ia₁ le₃jín₃ bá₄ le₃cuig₅ jniá₂
lia'₂ i₂me'₂ guě₄ lia'₂ i₂juin'₂ ně₃.

* 8:5 Éxodo 25:40.

¹² Jniá₂ ně₃ a₂ñéi₂ dsi₃ 'éng₄
le₃jě₃ a₂'lig'₅₄ a₂qui₂rě₂cáin'₄,
lia'₂ o₁lig'₂ jmi₄ tsá₃ ma₃dsiog'₂ dsi₃
dsáu₁ dsa₂.†

¹³ Jui₁lia'₂ jě₁'ě₅ Diú₄ jág₁ 'mí₂ a₂li'₅₄, co₂'nió'₄ a₂jmo₂₃ a₂tsá₃ ma₃ta₁ tí₄ jág₁ a₂jme₁li'₅₄
le₂'uig'₅₄. Jui₁lia'₂ a₂tsá₃ ta₁ tí₄ ně₃, a₂ma₂'ei₅ ne₄ lě₂ gui'₅₄, a₂ma₂ja₂quián₃ dsi₃'én₂ bá₄ jaun₂.

9

Guá'₅ a₂cha₂ gua'₅₄ 'uě₃ la₂, quian'₅₄ guá'₅ a₂cha₂ guei'₅₄ i₂juí₃

¹ Ně₃ ně₃, jui₁lia'₂ jág₁ a₂jme₁li'₅₄ le₂'uig'₅₄, jme₁quian'₅₄ 'éi'₃ jui₁lia'₂ 'a₂ lia'₂ jme₃ti₃
dsa₂ ne₄ Diú₄, ján₃ bá₄ jme₁cha₂ caun₂ ja₁jñiós a₂ca₂jmo₃ dsa₂ mi₂güig₃. ² Jui₁lia'₂ guá'₅
tabernáculo jaun₂: dsi₂néi₂ le₂'uig'₅₄ jaun₂ jme₁chí'₄ ni₁ñí₁ a₂le₁dsi₅₄ tag₄ ja₁le₁gui'₂ si₂,
quian'₅₄ ni₁mesa ja₁niog₅ i₁ñí'₄ jñiós; “ja₁jñiós” jme₁chei₂ dsi₂néi₂ le₂'uig'₅₄ jaun₂. ³ Le₃co'₅₄
'mi'₂ cortina ja₁ca₂tě₂ táng₃, jme₁lě₄ ja₁chei₂ Ja₁jñiós Lin₃ Guě₄. ⁴ Ja₁jaun₂ jme₁chí'₄ caun₂
ne₄chei₂ a₂lě₅ jmá'₃ quian'₅₄ cu₄nióg₄ ja₁qui₂dsi'₂ chen₂, quian'₅₄ tsi₁gu₅ quió'₅ jág₁ a₂li'₅₄
quian'₅₄ Diú₄. Rě₂lióg₃ ta₁caun₂ tsi₁gu₅ quian'₅₄ cu₄nióg₄. 'Nió'₃ jaun₂ jme₁chí'₄ ni₁dsig₁
cu₄nióg₄ a₂jme₁tio'₅₄ i₁ñí'₄ maná, quian'₅₄ 'ma₂'i₅₄ quió'₅ Aarón a₂ca₂'ia₂ tsin₅ ně₃. Já₃
bá₄ jme₁tio'₅₄ ni₁cang₁ 'í₂ a₂le₁ton₅ jág₁ a₂li'₅₄ quian'₅₄ Diú₄. ⁵ Ne₄ tsi₁gu₅ jaun₂ jme₁tión₂
le₁jné₅ querubines, co₂'nió'₄ léi₄ a₂tág₅ co₂'né'₅ quió'₅ Diú₄. Jme₁le₁jné₅ qui₂rě₂jle₅ quian'₅₄
tsi₁rě₂cu₅ ja₁'én₂ Diú₄ dsáu₁ dsa₂. La₁ia₁ tsá₃ jě₄ jua'₅₄ le₃jua'₅₄ guě₄ jnia'₅₄ jág₁ 'líong₂ jui₁lia'₂
ca₂le₃jě₃ a₂ně₅, ne₄ si₂ la₂.

⁶ Jme₁ma₂lě₅ co₂jñia₅₄ le₃jě₃ a₂jaun₂ ně₃, jaun₂ guě₄ qui₂dsi₂ton'₅₄ i₂gú'₃ jme₂dsa₂ dsi₂néi₂
le₂'uig'₅₄ qui₂dsi₂jmo₂ lia'₂ con'₂ lě₅ ta₁ a₂lín₅. ⁷ La₁ia₁ jě₁ca₂tě₂ táng₃ dsi₂néi₂, dsi₂'í₂ jñia'₅₄ lia'₂
jme₂dsa₂ dsen₅₄ co₂ráun₂ lia'₂ caun₂ ñi₂, la₁ tsá₃ 'í₂ jua'₅₄ tsá₃ quian'₅₄ jmi₄ já'₂ a₂qui₂dsi₃jen'₅₄
o₄quió'₄ dsáu₁ 'ñiog₅ quian'₅₄ dsáu₁ dsa₂ juig₂ a₂ca₂'náu₂ tě₃ tsá₃ ñi₅. ⁸ Le₂ně₅ jme₁jme₂jniá₂
Jme₂dsi₂ jñiós, a₂tsá₃ jme₁ma₂rě₂na₄ guě₄ jui₅ ja₁dsi₃ton'₅₄ dsa₂ ja₁jñiós lin₃ guě₄, tě₁lia'₂
jme₁chí'₄ guě₄ guá'₅ le₂'uig'₅₄. ⁹ Co₂'nió'₄ a₂jáng'₅ léi₄ a₂la₂, jui₁lia'₂ quió'₅ jmi₄ rě₂ně₃, ia₁
le₃jě₃ a₂cuě'₃ dsa₂ Diú₄, quian'₅₄ le₃jín₃ já'₂ a₂qui₂jén'₅ dsa₂ ne₄ Diú₄ ně₃, tsá₃ a₁jaun₂ tió'₅
le₃'ñia₅ dsa₂ jua'₅₄ a₂jñiá'₂ a₂qui₂dsi₂jñi₅ dsí₅. ¹⁰ Jñia'₅₄ lia'₂ jaun₂ bá₄ ta₁ quí'₅ le₃jě₃ a₂jaun₂
jui₁lia'₂ 'a₂ lia'₂ lě₅ má₃ a₂guě'₅ dsa₂, a₂'ín'₂ dsa₂, quian'₅₄ le₃jě₃ guě₄ 'e₂ a₂jmo₂₃ a₂le₁jín₃, jmá'₃
'éi'₃ quió'₅ le₃co'₅₄, jaun₂ quen₅ ca₂tiá₂, ca₂lia'₂ jme₃rě₃ Diú₄ le₃jě₃.

Ta₁ a₂quí'₅ jmi₄ Cristo

¹¹ La₁ia₁ ma₂guan₅ Cristo, jaun₂ 'éi₂ bá₄ ma₂lín₅ jme₂dsa₂ dsen₅₄ i₂quió'₅ le₃jě₃ a₂dse₃
a₂ma₂o₂lé₂. Ma₂ca₂'í₃ guá'₅ jlá'₁ guě₄ a₂rě₂'ñia₅, on₃jua'₅₄ a₂ca₂jmo₃ dsa₂ mi₂güig₃. Co₂'nió'₄
le₃jua'₅₄, on₃jua'₅₄ quió'₅ mi₂güig₃ la₂. ¹² On₃jua'₅₄ a₂ca₂'í₃ tě₂le₃ quian'₅₄ jmi₄ chein₄ lau₂ on₃
guě₄ quian'₅₄ jmi₄ guein₂ ca₁jui₅ ně₃, la₁ tě₂le₃ quian'₅₄ jmi₂ 'ain₅₄ 'ñiog₅ bá₄ ca₂'í₃ ja₁jñiós
guě₄ co₂ráun₂ tan₅₄, jaun₂ le₂ně₅ bá₄ ca₂'náu₂ a₂lió₂ jniog₄ co₂tan₅₄. ¹³ Dsón'₂ bá₄ dsau₅
quí'₅ ta₁ jui₁lia'₂ jmi₄ ca₁jui₅, quian'₅₄ jmi₄ chein₄ lau₂, quian'₅₄ ti₁juá₃ quió'₅ guein₂ ca₁jui₅
i₂qui₂dsin'₂ ne₄chei₂, a₂qui₂rě₂séi₂ ne₄ quió'₅ dsa₂ i₂tsá₃ le₁jín₃. Quí'₅ ta₁ a₂jme₃jñiós jui₁lia'₂
dsa₂ i₂ma₂le₁jín₃ le₃co'₅₄. ¹⁴ La₁ ja₂lin₃ guě₄ quen₅ jmi₄ Cristo i₂ca₂jén'₂ 'ñiog₅ ne₄ Diú₄ tě₂le₃
quian'₅₄ Jme₂dsi₂ i₂chan₂ co₂tan₅₄, ca₂join₃ tě₃ tsá₃ 'e₂ rě₂cáin'₄. Quian'₅₄ jui₅bí₂ jmi₄ Cristo
a₂jmo₅ le₁jě₃ tě₂dsi₅ jniog₄, a₂tsá₃ ma₃jmo₂ jniog₄ a₂jio₅ jui₅ 'mú₃ ia₁jaun₂ lě₂ jme₁ti₁ jniog₄
ne₄ Diú₄ jén'₃.

¹⁵ 'Uig'₅₄ jaun₂, Jesucristo bá₄ lín₅ i₂chén'₅ ne₄ jág₁ 'mí₂ a₂li'₅₄ * quian'₅₄ Diú₄, ia₁jaun₂
jui₁lia'₂ i₂ma₂ca₂tág₃ Diú₄, lě₂ le₃gue₃ a₂ca₂tín₂ a₂jio₅ co₂tan₅₄ con'₂ lě₅ jág₁ a₂ma₂cuě₃ Diú₄

† 8:12 Jeremías 31:31-34. * 9:15 'Nio'₂ ja₁ton₅ Mateo 26:28, Marcos 14:24, Lucas 22:20, 1 Corintios 11:25.

a₂cuë₃. Ia₁ quian'₅₄ 'mú₃ quió'₅ Cristo, ca₂lón₂ dsa₂ i₂ca₂'náu₂ dso₄ lia'₂ con'₂ jme₁l'₅₄ guë₄ jág₁ le₂'uig₅₄.

¹⁶ Jui₁lia'₂ ja₁ron₅ jág₁ a₂ma₂quiog₂ dsa₂ né'₃ guë₄ a₂jóin₂, tion₅₄ 'nió'₅ con₂ dsa₂ jág₁ dsau₅ chi₂jua'₂ ma₂jon₅ bá₄ dsa₂ i₂ca₂jmo₃, ia₁jaun₂ bá₄ lé₂ le₃ti₃ jág₁ a₂ca₂quiog₂ jaun₂. ¹⁷ Jaun₂ lë₃, tsá₃ ta₁ tí₄ jág₁ le₂jaun₂ tē₁lia'₂ nē₅ bá₄ chan₂ dsa₂ i₂ca₂jmo₃; jñia'₅₄ lia'₂ jē₁ma₂ca₂joi₃ bá₄ qui'₅ ta₁. ¹⁸ 'Uig₅₄ jaun₂, jág₁ a₂jme₁l'₅₄ nē₃, tsá₃ ca₂quí'₃ ta₁ jua'₅₄ tsá₃ ca₂tang₂ jmi₂.

¹⁹ Ia₁ cang₂ jme₁ma₂ca₂'ē₂ Moisés ca₂le₃jē₃ jág₁ quió'₅ 'Éi'₃ Juá'₅ ca₂'ē₃ dsa₂ juig₂, jaun₂ guë₄ ca₂can₃ ni₁jñi₂ guéin₂ quió'₅ já'₂ cha'₂, quian'₅₄ caun₂ ni₁gu'₂ ni₁'ma₂ hisopo, jaun₂ ca₂jme₃jlé'₃ quian'₅₄ jmi₄ guein₂ ca₁jui₅ quian'₅₄ jmi₄ chein₄ lau₂ a₂rē₂cón'₅ quian'₅₄ jmi₂,† jaun₂ guë₄ ca₂séi₂ lia'₂ ne₄ si₂ a₂rē₂bīn₅ ja₁le₁ton₅ 'éi'₃, lia'₂ ne₄ quió'₅ le₃jín₃ dsa₂ nē₃. ²⁰ Jaun₂ guë₄ ca₂tsí'₃ dsa₂ juig₂: “A₂la₂ bá₄ jmi₂ quió'₅ jág₁ a₂ma₂l'₅₄ quian'₅₄ Diú₄, lia'₂ con'₂ lē₅ 'éi'₃ a₂ma₂jmo₃ Diú₄ quián'₂ 'nia'₂.”‡ ²¹ Ján₃ bá₄ ca₂séi₂ Moisés quian'₅₄ jmi₂ jaun₂, guá'₅ tabernáculo quian'₅₄ le₃jē₃ guë₄ a₂jmo'₂ dsa₂ ta₁ guá'₅. ²² Dsón'₂ bá₄ jaun₂, con'₂ lē₅ ta₁ qui'₅ Si₂ 'Éi'₃, mei'₂ tsá₃ le₃jē₃ bá₄ 'nió'₅ qui₂le₃chí₂ quian'₅₄ jmi₂. Jaun₂ tsá₃ o₂'én₂ dso₄ cha₂ jua'₅₄ tsá₃ qui₂l'₂o₅₄ jmi₂.

Jmi₂ a₂ca₂jén'₃ Cristo bá₄ jñiá'₂ dsáu₁ dsa₂

²³ Jaun₂ lë₃, tion₅₄ bá₄ qui₂le₃chí₂ le₂nē₅ quian'₅₄ jmi₄ já'₂ ca₂le₃jē₃ a₂jaun₂ a₂qui₂rē₂'uīn₄ jui₁lia'₂ quió'₅ guei'₅₄ i₂juig₃. La₁ia₁ ca₂le₃jē₃ a₂nē₅ a₂cha₂ guei'₅₄ i₂juig₃ nē₃, tion₅₄ 'nió'₅ séi₂ quian'₅₄ jmi₂ a₂dse₃ guë₄ con'₂ guë₄ a₂jaun₂. ²⁴ Ia₁ on₃jua'₅₄ a₂ca₂'í₃ Cristo dsi₂néi₂ ja₁jñi₅ jaun₂ a₂rē₂lag₄ quian'₅₄ gu₂-tag₄ dsa₂ mi₂güig₃, a₂rē₂'uīn₄ quió'₅ ja₁jñi₅ 'ñiog₅ dsón'₂, la₁ tē₂le₃ co₂dsau₅ guei'₅₄ i₂juig₃ 'ñiog₅ dsón'₂ bá₄ ca₂'í₃, ja₁qui₂jme₂jñiai₂₃ jmi₂g₄ rē₂nē₃ ne₄ Diú₄ o₄quián₂ jñiog₄. ²⁵ Tsá₃ jaun₂ qui₂ca₂'í₃ i₂gú'₃ jua'₅₄ qui₂ca₂jén'₂ 'ñiog₅ jui₁lia'₂ dsi₂'í₂ jme₂dsa₂ dsen₅₄ ja₁jñi₅ guë₄ lia'₂ caun₂ ni₂ a₂qui₂dsi₂jen'₅₄ jmi₄ i₂sián'₂. ²⁶ Jua'₅₄ mei'₂ guë₃ le₂jaun₂ nē₃, tion₅₄ bá₄ jme₁'nió'₅ jóin₂ 'lóng₂ ráun₂ ca₂le₃ ca₂nio₃ mi₂güig₃. La₁ia₁ le₂la₂ bá₄ lē₅ jui₁lia'₂ rē₂nē₃, a₂jē₁ma₂ca₂dsin₃ jmi₂g₄, ca₂jme₃jñiá₂ Cristo co₂ráun₂ tan₅₄ bá₄ ia₁jaun₂ lé₂ le₃jñiá'₂ dsáu₁ dsa₂ tē₂le₃ quian'₅₄ a₂ca₂jén'₂ 'ñiog₅. ²⁷ Jaun₂ jui₁lia'₂ co₂ráun₂ bá₄ ca₂tín₂ dsa₂ mi₂güig₃ dsiáin₃, jaun₂ cang₂ jaun₂ jiá₃ jmi₂g₄ jē₁tē₃dsi₅₄ 'éi'₃, ²⁸ ján₃ bá₄ le₂jaun₂, co₂ráun₂ tan₅₄ bá₄ ca₂jon₃ Cristo ia₁jaun₂ qui₃cán₂ dsáu₁ dsa₂ mi₂güig₃. Cang₂ guë₄ jaun₂ jme₃jñiai₂₃ jē₁ca₂tē₂ táng₃, la₁ on₃jua'₅₄ 'uig₅₄ dsáu₁ dsa₂, a₂ja₃lioin₅₄ jui₁lia'₂ i₂qui₂le₁jñiog₅ bá₄.

10

¹ Ia₁ Si₂ 'Éi'₃ quió'₅ Moisés nē₃, co₂'nió'₄ caun₂ 'en'₂ quió'₅ a₂dse₃ a₂ja₃lé₂, on₃jua'₅₄ rē'₂ 'a₂ lia'₂ lē₅ dsón'₂. 'Uig₅₄ jaun₂, lia'₂ o₁líg'₂ jmi₂g₄ tsá₃ tió'₅ 'Éi'₃ jaun₂ jua'₅₄ a₂jme₃'ñiai₂₃ jui₁lia'₂ dsa₂ i₂ja₂quián₃ ja₁con₂ Diú₄ tē₂le₃ quian'₅₄ a₂caun₂ qui₂jén'₃ jmi₄ já'₂ le₂jaun₂, lia'₂ 'í₂ ni₂.

² Jua'₅₄ mei'₂ guë₃ tió'₅ le₂jaun₂, ¿tsa₁ jme₁ma₂'ná₃ a₂jén'₃ dsa₂ já'₂ ne₄ Diú₄, lín'₂ 'nia'₂? Ia₁ tsá₃ ma₃'e₂ qui₂dsi₂jñi₅ dsí₅ dsa₂ dsáu₁ i₂jme₂ti₃ le₂jaun₂ jē₁ma₂ca₂rīn'₂ jme₂dsí₂ quió'₅.

³ Tē₂le₃ qui₂dsau'₂ dsí₅ bá₄ dsa₂ lia'₂ 'í₂ ni₂ a₂jén'₂ já'₂ a₂qui₂rē₂cáin'₄ dso₄, ⁴ ia₁ tsá₃ lē₂ jñiá'₂ dsáu₁ dsa₂ jui₁lia'₂ jmi₄ ca₁jui₅ quian'₅₄ jmi₄ chein₄ lau₂.

⁵ 'Uig₅₄ jaun₂, lia'₂ con'₂ jme₁ca₂'í₃ Cristo mi₂güig₃, ca₂juá'₂ ca₂tsí'₃ Diú₄:

Tsá₃ 'ñiog'₂ a₂qui₃jén'₂ dsa₂ já'₂ ne'₅₄,

on₃ guè'₂ 'ñiog'₂ 'e₂ jme₁cuë'₅ dsa₂ 'ne₂.

La₁ ca₂jmo'₅₄ co₂jñia₅₄ quió₃

caun₂ ni₄ dsa₂ mi₂güig₃.

⁶ Tsá₃ ca₂tē₂ 'au'₂ a₂qui₂dsín'₂ dsa₂ já'₂,

on₃ guë₄ ca₂tē₂ 'au'₂ 'e₂ a₂qui₂ca₂cuë'₃ dsa₂ 'ne₂

† 9:19 'Nio'₂ ja₁ton₅ Juan 19:34. ‡ 9:20 Éxodo 24:8.

o₄quió'₄ dsáu₁ dsa₂.

⁷ 'Uig₅₄ jaun₂ ca₂juá'₃:

"Jag₄, la₂ guio₃, jmo₅₄ a₂'nio₂ 'au'₂ 'ne₂,

Diú₄ quiáng₃,

jui₁lia'₂ chi₁ton₅ ne₄ si₂ a₂rë₂bin₅,

a₂'ag₂₃ jniá₂."*

⁸ Le₂'uig₅₄, juá'₂: "Tsá₃ 'nio₃ Diú₄ on₃ guë'₂ tē₅ dsí₅ a₂qui₃jén'₂ dsa₂ já'₂ ne₅₄, on₃ guë'₂ jui₁lia'₂ a₂jme₁cuë'₅ dsa₂ Diú₄ o₄quió'₄ dsáu₁ dsa₂", (o₁jnia'₅₄ jén'₃ dsa₂ lia'₂ con'₂ quí'₅ 'Éi'₃ a₂'nió'₅ jmo₃ dsa₂).

⁹ Jaun₂ nē₃, cang₂ guë₄ jaun₂, juá'₂: "La₂ guio₃ jmo₅₄ a₂'nio₂ 'au'₂ 'ne₂, Diú₄ quiáng₃," Co₂'nió'₄ a₂juá'₂ ca₂dsia₃ cau₅ a₂le₂'uig₅₄ jaun₂, ia₁jaun₂ ca₂chi'₃ jág₁ jē₁ca₂tē₂ táng₃.

¹⁰ 'Uig₅₄ ia₁ a₂ca₂jmo₃ Jesucristo a₂'nio₂ dsí₅ Diú₄ jaun₂, ma₂ca₂rë₃jnió₄ jniog₄ jme₁ca₂jén'₃ ni₁ni₁₂ 'niog₅ co₂ráun₂ tan₅₄. ¹¹ Caun₂ tión₂ bá₄ jme₂dsa₂ lia'₂ 'í₂ jmig₄ a₂qui₂jmo₂₃ ta₁ a₂lín₅, lia'₂ ma₂jmo₂₃ jaun₂ bá₄ a₂qui₂jén'₂ já'₂ 'lióng₂ ráun₂, ton'₂ tsá₃ tió'₅ guë'₂ 'éin₂ dsáu₁ dsa₂.

¹² La₁ Jesucristo nē₃, jme₁ma₂ca₂jén'₂ 'niog₅ co₂ráun₂ tan₅₄ jaun₂ o₄quió'₄ dsáu₁ dsa₂, jaun₂ guë₄ ca₂guá₂ tē₂le₃ gu₂ ne₁ Diú₄.

¹³ Ja₁jaun₂ guá₅ chi₁jnia₂₃ ca₂lia'₂ ca₂jmo₃ Diú₄ co₂'nió'₄ caun₂ ja₁chi'₃ tag₅₄ quian'₅₄ quió'₅ dsa₂ i₂'iog₅₄ quió'₅.

¹⁴ Ia₁ tē₂le₃ quian'₅₄ a₂ca₂jén'₂ co₂ráun₂ jaun₂, ca₂rë₃'nia₅ co₂tan₅₄ dsa₂ i₂lē₅ 'í₁ quiáin₅.

¹⁵ Ján₃ bá₄ le₂jaun₂ jáng'₅ jág₁ dsau₅ Jme₂dsí₂ Jnió₅. Ca₂juá'₂ le₂'uig₅₄:

¹⁶ Já₁g₁ a₂jmo₅₄ jniá₂ a₂lī'₅₄ quian'₅₄ dsa₂ 'éi₂

cang₂ jmig₄ jaun₂,

lé₂ le₂la₂, juá'₂ Te₁gui'₅₄.

Co₅₄ jniá₂ 'éi'₃ quió₃ tē₂dsí₅ dsa₂ 'éi₂.

Ján₃ bá₄ taun₅₄ jniá₂ ja₁'i₄ dsi₅₄ táng₃.†

¹⁷ Cang₂ guë₄ jaun₂ juá'₂ táng₃:

Lia'₂ o₁lig'₂ jmig₄ tsá₃ ma₃dsiog'₂ dsi₃ jniá₂

dso₄ a₂jme₁rë₂cáin'₄,

on₃ guë'₂ 'e₂ a₂'lig'₅₄ a₂ma₂jmo₃.‡

¹⁸ Jaun₂ nē₃, chi₂jua'₂ ma₂ca₂'en₃ dsáu₁ dsa₂, jaun₂ tsá₃ ma₂'e₂ 'nió'₅ jén'₃ guë₄ dsa₂ o₄quió'₄ dsáu₁.

Ma₃ jme₁quián₄ jniog₄ ja₁con₂ Diú₄

¹⁹ Jaun₂ lē₃, rin'₅₄ jniog₄, 'uig₅₄ ia₁ a₂ma₂lé₂ dsi₁tió'₄ jniog₄ caun₂ bá₄ 'ei₅ dsi₅ ca₂tē₂ ja₁jnió₅ lin₃ guë₄ tē₂le₃ quian'₅₄ jmi₄ Jesucristo, ²⁰ tē₂le₃ quian'₅₄ jui₅ 'mí₂ jén'₃ a₂ca₂niá₃ 'éi₂ nē₂jag₄ bá₄ tē₂le₃ quian'₅₄ 'mí'₂ cortina, co₂'nió'₄ le₃jua'₅₄ tē₂le₃ quian'₅₄ ni₁ni₁₂ 'niog₅, ²¹ ján₃ bá₄ 'uig₅₄ ia₁ a₂chan₂ jme₂dsa₂ dsen₅₄ juin'₂ quián₂ jniog₄ i₂niog₅ gu₂ dsa₂ quián₅ Diú₄, ²² 'uig₅₄ jaun₂ nē₃, ma₃ jme₁quián₄ jniog₄ ja₁con₂ Diú₄ ca₂le₃jē₃ dsi₅ jniog₄, caun₂ bá₄ 'ei₅ dsi₅ a₂'éin₂, a₂tsá₃ ma₃'e₂ qui₂dsi₂jni₅ dsi₅ jniog₄, nē₂jag₄ bá₄ a₂ma₂qui₂le₁chí₄ a₂ma₂qui₂le₁séi₂ dsi₅ jniog₄. Ján₃ bá₄ le₂jaun₂ co₂'nió'₄ a₂ma₂ca₂rin'₂ ni₁ni₁ jniog₄ quian'₅₄ jmig₂ le₁jē₃.

²³ Jui₁ná₂ jniog₄ tiá₂ a₂'éin₂, tsá₃ jui₁'éi₂ jniog₄ caun₂-tin₃ dsi₅ jui₁lia'₂ jág₁ a₂'ín₂ dsi₅. Ia₁ i₂rē₂ti'₅₄ bá₄ Diú₄ i₂ma₂cuë₃ jág₁ quió'₅.

²⁴ Ján₃ bá₄ jui₁'niog'₅₄ jniog₄ dsi₅ 'a₂ lia'₂ tion'₅₄ jniog₄ jág₁ rin'₅₄ le₂jau₂ le₂jau₂ a₂jme₁'nio₃ jniog₄ dsa₂, a₂jmo₁ jniog₄ a₂dse₃.

²⁵ Tsá₃ jui₁tí₄ jniog₄ a₂ṇag'₂ jniog₄ co₂lē₅, jui₁lia'₂ ma₂tin₂ i₂lin₅₄, tē₂le₃ 'nió'₅ cuë'₅₄ jniog₄ bí₂ rin'₅₄ le₂jau₂ le₂jau₂, tē₂le₃ lē₅ guë₄ ia₁ ma₂léi₄ a₂ma₂ja₂quián₃ jmig₄ jaun₂.

²⁶ Ia₁ nē₃jua'₂ a₂ta₁ dsi₅ jniog₄ caun₂ qui₂'niog₂ dso₄ tē₃ ma₂ne₅₄ jág₁ dsau₅, jaun₂ tsá₃ ma₂'e₂ cha₂ guë₄ jua'₅₄ lé₂ le₃jen'₄ jniog₄ o₄quió'₄ dsáu₁.

* **10:7** Salmo 40:6-8. † **10:16** Jeremías 31:33. ‡ **10:17** Jeremías 31:34.

27 Jñia'54 lia'2 a2jaun2 bá4 'ei5 guě4 a2jñia5 jniog4 a2'ei5 gau2 jë1qui3dsi5 Diú4 'éi'3, jui1lia'2 jë1cau2 si2 a2quió'5 i2'log54 quió'5 Diú4.

28 Jui1lia'2 dsa2 i2tsá3 dsáu5 dsí5 'Éi'3 quió'5 Moisés, tion54 bá4 jóin2 tsá3 o2'éñ2 dso4 cha2 quió'5, 'uig54 jág1 dsau5 a2jáng'5 on3-ún2. §

29 Jaun2 ně3, ħ'e2 guě4 uig5 ca2tín2, lín'2 'nia'2, jui1lia'2 dsa2 i2qui2tsón'1 Ja1ñi'54 Diú4, jui1lia'2 dsa2 i2tsá3 ji'54 jmi4 'éi2 a2ca2lí'3 jág1 a2con'2 ca2chein'3 'éi2, jui1lia'2 dsa2 i2të2'on'2 Jme2dsi2 quián5 Diú4 i2'ua1 dsí5?

30 Ma2ne4 bá4 jniog4 a2ca2juá'2 Te1gui'54: “Jniá2 bá4 ca2tíng2 'ě4 uig5 dsa2; ján3 bá4 jniá2 qui4.”* Con'2 siá'2 ca2juá'2: “Qui3dsi5 Te1gui'54 'éi'3 ja1con2 dsa2 juig2 quián5.”†

31 iA2gau2 bá4 jaun2 a2tían'3 dsa2 o4gú3 Diú4 jén'3!

32 La1 dsá2 'au'2 'nia'2 jmo4 jmig4 le2jñiá5, lia'2 con'2 le2'uig54 jme1ca2rë3ñí'2 'au'2 'nia'2, ján3 bá4 'a2 lia'2 juin'2 'au'2 'nia'2 ca2tiang'3 ca2gueng'54 mi'54 o2i1 dsi5 quian'54 uig5 a2ca2i3ñíg'2.

33 I2lín54 'nia'2 qui2ca2jnáu'2 dsa2 jág1 qui2ca2jmóg'2 tē3jin4 dsa2 juig2. I2lín54 guě2 ca2jme3quiong'54 ca2jme3quian'54 dsa2 i2qui2ca2ñág3 uig5 le2ně5.

34 'Nia'2 ně3 ca2dsia'54 ñéi2 'au'2 i2jme1tion'54 né'3 'má3. Ján3 bá4 ca2jmo'54 'nia'2 'io'2 ca2tiang'3 lia'2 con'2 jme1qui2ca2jñiá'2 dsa2 le3jě3 'e2 a2jme1cha2 quián'2 'nia'2. Ia1 ñi'54 bá4 'nia'2 a2cha2 guei'54 i2juíg3 caun2 a2dse3 guě4 a2jiog5 co2tan54 a2ca2tíng'2.

35 Jaun2 lë3, tsá3 lë1dsia2 cau5 a2caun2 'ei5 'au'2, ia1 'ñio5 lín3 bá4 quen5 a2quí3 Diú4 'lia'54 a2'éng'2.

36 Ia1 'nió'5 quián'2 'nia'2 a2jmó'2 tió'3 'au'2, ia1jaun2 lé2 le3jmó'2 'nia'2 a2'ñio2 dsi5 Diú4, ia1jaun2 guéi'1 'nia'2 a2ma2ca2juá'2 'éi2 cuě3.

37 Ia1 ñi'54 ta1, 'ñio5 ñi'54 ta1:
Jiá3 i2ma2lë5 jág1 jiá3,

tsá3 le3'iin54.

38 La1 dsa2 i2ñi5 jui5 co2rë2 ia1 a2'éin2,

'éi2 bá4 le3chan2. ‡

Jaun2 ně3jua'2 dsi2lein3 le3ca'3,

tsá3 dse3 'ag3 dsi3 jniá2 quian'54 'éi2. §

39 La1 jniog4 ně3, tsá3 tíong2 quian'54 dsa2 i2dsi2len3 le3ca'3 i2qui2dsi2'éñ2 quió'5. Le3jaun2 bá4 tíong2 jniog4 le3quió'5 dsa2 i2'éñ2, jaun2 le2ně5 bá4 tñ'4 jme2dsi2 quián2.

11

Jui1lia'2 a2'éñ2 dsa2

1 Ně3 ně3, jui1lia'2 dsa2 i2'éñ2 ně3, caun2 bá4 'ei5 dsí5 a2gue3 a2jaun2 a2'ín2 dsi5; ján3 bá4 jáng'5 léi4 a2'éin2, a2cha2 tē3dsón'2 jui1lia'2 a2tsá3 jniá2.

2 Ia1 le2ně5 bá4 ca2rë3'éñ2 dsa2 can'54 ma2líg'2, jaun2 ca2'ag3 dse3 Diú4.

3 Të2le3 a2'éin2 bá4 jniog4, ñág'2 jniog4 a2ca2jmo3 Diú4 bá4 mi2güíg3 tē2le3 quian'54 jág1 quió'5. Jaun2 lë3, jui1lia'2 a2jniá2 rë2ně3 ca2lë3 tē2le3 quian'54 a2tsá3 jme1rë2jniá2.

Të2le3 a2'éñ2 dsa2

4 Të2le3 a2'éñ2 bá4 Abel,* ca2jén'3 ne4 Diú4 caun2 a2dse3 guě4 con'2 guě4 a2ca2jén'3 Caín riin'54. 'Uig54 jaun2 ca2'ag3 dse3 Diú4 co2'nió'4 dsa2 dsen3, lia'2 con'2 jme1ca2gue3 a2ca2jén'3 jaun2. Jaun2 ně3, o1jñia'54 guě4 ma2rë2jon54 Abel, ně2jag4 bá4 a2caun2 jáng'5 jág1 dsau5 rë2ně3, ia1 a2ca2rë3'éin2.

§ 10:28 'Nio'2 ja1ton5 Números 35:30; Deuteronomio 17:6. * 10:30 Deuteronomio 32:35. † 10:30 Deuteronomio 32:36; Salmo 135:14. ‡ 10:38 o3, “La1 tē2le3 quian'54 a2'éñ2 bá4 dsa2 le3chain2, jág2 Diú4 ně2jag4 bá4 dsa2 dsen3.”

§ 10:38 Habacuc 2:3-4. * 11:4 Abel: 'Nio'2 ja1ton5 Génesis 4:4.

⁵ Tě₂le₃ a₂'én₂ bá Enoc,† ca₂ŋáí'₃ mi₂güí₃ caun₂ tē₃ tsá₃ ca₂join₃, tsá₃ ma₂'ein₂ ca₂dsáu'₂ quió'₅, ia₁ Diú₄ bá i₂ca₂tág₃ quió'₅. Ne₄ si₂ juá'₂ a₂ca₂'ag₃ dse₃ Diú₄ né'₃ guě₄ a₂tē₂, ia₁ lia'₂ con'₂ jme₁chain₂ ca₂jmo₃ a₂ca₂tē₂ dsí₅ Diú₄.

⁶ La₁ia₁ lia'₂ o₁lí₂ jmi₂g₄ tsá₃ lé₂ le₃jmo₃ dsa₂ a₂jme₂'ŋio₂ dsí₅ Diú₄ nē₁juá'₂ tsá₃ 'éin₂, ia₁ jui₁lia'₂ dsa₂ i₂'nio₃ jme₃quián₃ ja₁con₂ Diú₄, tion₅₄ 'nió'₅ le₃'éin₂ de'₂ a₂chan₂ Diú₄, ján₃ bá 'nió'₅ le₃'éin₂ a₂quí₅ Diú₄ 'lian'₅₄ jui₁lia'₂ i₂'nau'₂ a₂dsen₅₄ dsí₅.

⁷ Tě₂le₃ a₂'én₂ bá Noé,‡ lia'₂ con'₂ jme₁ca₂jmo₃ Diú₄ já₁g₁ 'e₂ niog₅ lé₂, jui₁lia'₂ a₂tsá₃ jniá₂ guě₄, ca₂tón'₃ bá jui₅ a₂ca₂juá'₂ Diú₄, ca₂jmo₃ bá ni₁barco ja₁lióin₃ le₂jio₅ dsa₂ dsí₂néi₂ quiáin₅ ně₃. Jaun₂ le₂nē₅ nē₂jag₄ bá a₂ca₂qui₃dsi₂₃ 'éi'₃ ja₁con₂ dsa₂ mi₂güí₃, jaun₂ le₂nē₅ bá ca₂tín₂ a₂lió₂ Diú₄ co₂'nió'₄ dsa₂ dsen₃, tē₂le₃ a₂'éin₂ bá ján₃.

⁸ Tě₂le₃ a₂'én₂ Abraham,§ lia'₂ con'₂ jme₁ca₂tē₃ Diú₄, ca₂nág₂ bá₄. Ca₂o₃'íin₃ ca₂'í₃ jui₅ a₂dsó₃ ja₁juá'₂ Diú₄ cuě₃ caun₂ 'uě₃ a₂ca₂tín₂ lé₂ quió'₅. Ca₂o₃'íin₃ 'uě₃ go₅₄ tē₃ tsá₃ ŋi₅ a₂já'₄ ŋó₃.

⁹ 'Uig₅₄ ia₁ a₂jme₁'éin₂, ca₂guá₂ gua'₅₄ 'uě₃ a₂ca₂juá'₂ Diú₄ cuě₃, co₂'nió'₄ a₂lín₅ dsí₂nau₂ jē₄ 'uě₃ siá'₂. Ca₂guá₂ tsi₁'né₅ a₂lě₅ quian'₅₄ tsi₁'mí'₂; ján₃ bá le₂jaun₂ ca₂jmo₃ Isaac quiaín'₅₄ Jacob ně₃, ia₁ ján₃ bá ca₂tín₂ le₂jio₅ quian'₅₄ 'éi₂ a₂jme₁ca₂juá'₂ Diú₄ cuě₃.

¹⁰ Ia₁ jme₁chi₁ŋia₅ Abraham juig₂ ciudad jaun₂ a₂chí'₅ tiá₂, 'uig₅₄ ia₁ Diú₄ bá i₂ca₂'náu'₃ dsí₅ jmo₃, ján₃ bá i₂ca₂jmo₃g'₃.

¹¹ Ján₃ bá tē₂le₃ a₂'én₂ 'ŋiog₅ Sara,* tē₃ ma₂guein'₂ a₂le₃chan₂ guein₂ quiáin₅, ca₂gue₃ bá jui₅bí₂ a₂léin₂ chog₅₄ guein₂ ia₁ lín₂ i₂rē₂tí'₅₄ bá Diú₄ i₂ma₂cuě₃ já₁g₁ quió'₅.

¹² Jaun₂ ně₃ Abraham, o₁ŋia'₅₄ a₂ma₂i₁jóin₂, ca₂rē₃chán₃ bá guě₄ tsi₁jon₂ i₂juin₅ guě₄ lín₃ jui₁lia'₂ nei₅ a₂jniá₂ guei'₅₄ mi₂güí₃, jui₁lia'₂ mi₂tsag₄ a₂cha₂ chei'₅₄ jmi₁ŋí'₄ a₂tsá₃ lé₂ le₃'i₃ dsa₂.

¹³ Ca₂dsan₃ bá le₃jín₃ 'éi₂ tē₃ tsá₃ ca₂gue₃ jui₁lia'₂ a₂jme₁ca₂juá'₂ Diú₄ cuě₃. La₁ia₁ jme₁'éin₂ bá₄, jaun₂ nē₂jag₄ bá a₂ca₂jág₃ tē₂ uíng₂ a₂jaun₂ a₂'éin₂, tē₅ bá dsí₅ a₂ca₂jág₃. Jaun₂ le₂nē₅ bá ca₂jmo₃ já₁g₁ a₂lín₅ dsí₂nau₂ i₂con'₂ ca₂ŋi₅ mi₂güí₃ la₂.

¹⁴ Jaun₂ jui₁lia'₂ i₂dsia₅ já₁g₁ le₂nē₅, jáng'₅ léi₄ a₂i₂nioi₅₄ bá guě₄ a₂qui₂'no'₂ caun₂ juig₂ jē₁tiaín'₃.

¹⁵ Juá'₅₄ mei'₂ guě₃ caun₂ qui₂dsau'₂ bá guě₄ dsí₅ gua'₅₄ 'uě₃ ja₁ca₂'uín₂, jme₁lé₂ bá jme₁dsi₂lein₃ táng₃ ja₁jaun₂.

¹⁶ La₁ tē₂le₃ jme₁'ín₂ dsí₅ caun₂ 'uě₃ a₂dse₃ guě₄, co₂'nió'₄ a₂'ē₂₃ 'uě₃ a₂cha₂ guei'₅₄ i₂juíg₃. 'Uig₅₄ jaun₂ tsá₃ o₂guí'₃ cán₂ Diú₄ a₂quiong₅ dsa₂ Diú₄ quián₅ dsa₂ 'éi₂, ia₁ ma₂ca₂jmo₃ co₂ŋia₅₄ caun₂ juig₂ ciudad quió'₅ 'éi₂.

¹⁷ Tě₂le₃ a₂'én₂ bá Abraham, lia'₂ con'₂ jme₁ca₂caun₃ Diú₄ táu₂, ca₂jéin'₂ bá Isaac† quiáin₅, ne₄ Diú₄. Jme₁ma₂chéin'₅ co₂ŋia₅₄ a₂jme₁ŋii'₃ ja₁ŋi'₅₄ i₂jan₂ tan₅₄ quiáin₅,¹⁸ o₁ŋia'₅₄ jme₁ca₂juá'₂ Diú₄ cuag₃ a₂ca₂juá'₂: “Tě₂le₃ quian'₅₄ Isaac le₃chan₂ tsi₁jon₂ quiáng'₂.”‡

¹⁹ Ca₂i₃jio₅ dsí₅ Abraham, a₂'io₅ Diú₄ jui₅bí₂ a₂jme₃jein'₅₄ le₂jio₅ jín₄ 'lag₄. Jaun₂ dsón'₂ bá ca₂guéin'₂ táng₃ ja₁ŋi'₅₄, nē₂jag₄ bá a₂ca₂jein'₅₄ táng₃ jín₄ 'lag₄.

²⁰ Tě₂le₃ a₂'én₂ Isaac, ca₂jme₃gu'₅₄ quió'₅ Jacob quiaín'₅₄ Esaú, ca₂cuě₃ já₁g₁ quió'₅ a₂cuě₃ Diú₄ a₂dse₃ tē₂le₃ ne₄ jui₅ jmi₂g₄ a₂le₃chain₂.§

²¹ Ján₃ bá tē₂le₃ a₂'én₂ Jacob,* jme₁ma₂ja₂quián₃ jóin₂, ca₂jme₃gu'₅₄ quió'₅ le₂jan₂ le₂jan₂ chí'₂ ja₁ŋi'₅₄ José. Jaun₂ ca₂jme₃juin'₂ Diú₄, a₂chéin'₅ rē₂dsín₂ ne₄ 'ma₂'i₅₄ quió'₅.

† 11:5 Enoc: 'Nio'₂ ja₁ton₅ Génesis 5:18-24. ‡ 11:7 Noé: 'Í₂ Génesis 6 - 9. § 11:8 Abraham: 'Í₂ Génesis 12 - 25.
* 11:11 Sara: 'Í₂ Génesis 18:1-15; 21:1-7. † 11:17 Isaac: 'Í₂ Génesis 21 - 22. ‡ 11:18 Génesis 21:12. § 11:20 'Í₂ Génesis 27.
* 11:21 Jacob: 'Í₂ Génesis 48.

22 Tě₂le₃ a₂'én₂ José,† lia'₂ con'₂ jme₁ma₂ja₂quián₃ jóin₂, ca₂juá'₂ ca₂'iin₃ dsa₂ juig₂ Israeli-tas a₂'uíin₃ cang₂ guě₄ jaun₂ 'uě₃ Egipto, jaun₂ ca₂quiog₂ 'éi'₃ 'e₂ 'nió'₅ jmo₃ dsa₂ quian'₅₄ ni₁mu₁₂.

23 Tě₂le₃ a₂'én₂ bá₄ chog₅₄-jmei₂ Moisés, jme₁ca₂rě₃chán₃ 'éi₂, ca₂'mog₃ con'₂ 'ni₅ tsi'₂. Ia₁ ca₂jág₃ a₂'ñio'₂ guein₂ 'éi₂, tsá₃ jua'₅₄ ca₂ja₃gó'₃ 'a₂ lia'₂ lě₅ 'éi'₃ quió'₅ rag₅₄ a₂jñag'₃ quió'₅.†

24 Tě₂le₃ a₂'én₂ bá₄ Moisés,§ lia'₂ con'₂ jme₁ma₂lín₅ dsa₂ ma₂juin'₂, tsá₃ ca₂gue₃ quiong₃ dsa₂ ja₁ñi'₅₄ quián₅ ja₁míg₄ rag₅₄ quián₅ Egipto.

25 Co₂ñei'₅₄ guě₄ ca₂'náu'₃ dsí₅ nág₃ uig₅ quianin'₅₄ dsa₂ juig₂ quián₅ Diú₄, con'₂ guě₄ a₂le₃chain₂ o₂'ñio₃ dsí₅ ca₂tiá₂ a₂'no₃ dso₄.

26 'Nio₅ guě₄ quen₅, lín₂, a₂nág₃ uig₅ a₂tě₃'o'₂ dsa₂, lia'₂ te₃'on'₂ I₂rě₂'ín₁ quián₅ Diú₄, con'₂ guě₄ quen₅ ca₂le₃jě₃ cu₄nióg₄ a₂rě₂'ma₄ 'uě₃ Egipto. Ia₁ 'liain'₅₄ a₂cuě₃ Diú₄, co₂dsau₅ jaun₂ bá₄ ca₂jág₃.

27 Tě₂le₃ a₂'én₂ Moisés, ca₂o₃'íin₃ 'uě₃ Egipto,* tsá₃ ca₂rě₃gó'₅ a₂'ne₂ rag₅₄; ca₂nau₂ bá₄ tiá₂ ně₂jag₄ bá₄ a₂jíin₂ Diú₄ i₂tsá₃ jniá₂.

28 Tě₂le₃ a₂'én₂ Moisés, ca₂jmo₃ Jmíg₄ Tě₂'in₅₄,† ca₂tsáng₂ jmi₂ o₄'né₄ ně₃, ia₁jaun₂ i₂niog₅ ne₄ jme₃dsiain₂₃ ju₁'lia'₂ chi'₂ dsa₂ ñe'₂ i₂le₂ne₁ quián₅ dsa₂, tsá₃ téin₂ gu₂-tag₅₄ chi'₂ i₂le₂ne₁ quián₅ dsa₂ juig₂ Israel.

29 Tě₂le₃ a₂'én₂ dsa₂ juig₂, ca₂ñí₃ Jmí₁ñí'₄ Guéin₂,† ne₄ 'uě₃ quein₂. La₁ lia'₂ con'₂ jme₁'nio₃ jmo₃ le₂jaun₂ dsa₂ juig₂ Egipto, ca₂dsain₃ bá₄, ca₂'in'₃ jmig₂.

30 Tě₂le₃ a₂'én₂ bá₄ dsa₂ israelitas, ca₂lia'₂ ca₂gon₃ ni₁'ia'₂ quió'₅ juig₂ Jericó,§ jme₁ma₂ca₂lě₃ i₂nioi₅₄ guio₃ jmig₄ le₃lág'₃ quió'₅.

31 Ján₃ bá₄ tě₂le₃ a₂'én₂ 'io₅₄ Rahab* i₂jme₁'nag₅ quió'₅ ně₃, tsá₃ ca₂join₃ co₂lě₅ quianin'₅₄ dsa₂ i₂tsá₃ ca₂'né'₂,† ia₁ ca₂guein₃ bá₄ rě₂ dsa₂ israelitas i₂jme₁i₂nio₄ tiog₅.

32 ¿'E₂ guě₄ juá'₄ jniá₂? Tsá₃ jě₄ jmig₄ jua'₅₄ juá'₄ jniá₂ a₂'íng₄ Gedeón,† quianin'₅₄ Barac,§ Sansón,* Jefté,† David,† Samuel,§ quianin'₅₄ dsa₂ i₂jme₁'ě₂ jág₁ quián₅ Diú₄ ně₃.

33 Tě₂le₃ a₂'én₂ bá₄ ján₃, ca₂lí₃ juig₂ siá'₂ ja₁gon₂ rag₅₄, rě₂ bá₄ ca₂qui₃dsi₂₃ 'éi'₃ ně₃, ján₃ bá₄ ca₂'io'₃ a₂ca₂jme₃'o₅₄ Diú₄ con'₂ lě₅ jág₁ a₂ca₂cuě₃ a₂jme₃'o₅₄. Ján₃ bá₄ le₂ně₅ ca₂jnéi₃ i₂lin₅₄ 'o₄ dsi₂'ia'₂, 34 ca₂ei₃ si₂ cau₂ ca₂jo'₅₄, qui₂ca₂lón₂ i₂lin₅₄ a₂jme₁dsiáin₃ quianin'₅₄ 'o₄ ñi₁tág₂ ně₃. Ján₃ bá₄ le₂jaun₂ ca₂quín'₃ bí₂ dsa₂ 'uan₅₄ ca₂jme₃'uáin'₃, ján₃ bá₄ ca₂rě₃béin₂ quín'₂ ja₁niog₅ 'nei₂, jaun₂ ca₂tió'₃ bá₄ jme₁ca₂quín'₂ quianin'₅₄ 'lióg₂ dsa₂ i₂'iog₅₄ quió'₅. 35 Ján₃ bá₄ le₂ně₅ chan₂ dsa₂ mí₂ ca₂guein₃ táng₃ 'lag₄ quián₅ jme₁ca₂jein'₅₄ táng₃. I₂sián'₂ guě'₂ qui₂ca₂j móg'₂ dsa₂, la₁ tsá₃ ca₂gue₃ a₂lióin₂, ia₁jaun₂ tiin₅₄ a₂jein'₅₄ a₂le₃chain₂ guě₄ dse₃. 36 I₂sián'₂ guě'₂ ca₂nág₃ le₃jě₃ jág₁ qui₂ca₂j náu'₂ dsa₂ qui₂ca₂bóg₂ dsa₂; ca₂lia'₂ ca₂'nei'₂ dsa₂ quianin'₅₄ ñi₁ cadenas, ca₂to'₂ dsa₂ né'₃ 'má₃ ně₃. 37 I₂lin₅₄ guě'₂ ca₂dsan₃ qui₂ca₂j náu'₂ dsa₂ cang₄, i₂sián'₂ ně₃ ca₂ti₃ dsa₂ ca₂'nói₁ quianin'₅₄ ñi₁ chi₁jan₁,* ca₂jme₃dsiog₅ dsa₂ quianin'₅₄ ñi₁tág₂ ně₃. Qui₂i₁nioi₁₂ i₁jnaí'₅₄ a₂la₂-ó₃ le₁qui'₂ jmá'₃ ni₁lo₄ já'₂ cha'₂ quianin'₅₄ ni₁lo₄ chein₄ lau₂ ně₃; tě₂ñéi₂, tsá₃ dse₃ qui₂le₁'ág₄ dsí₅, ján₃ bá₄ qui₂ca₂j móg'₂ dsa₂. 38 Tsá₃ lé₂ le₃jua'₅₄ jua'₅₄ jme₁ca₂tín₂ dsa₂ mi₂güig₃ le₃chan₂ dsa₂ 'éi₂ quiong'₅₄. Jme₁i₂nioi₅₄ 'uě₃ co₂'ñiog₅, le₂con₂ má'₂ ně₃, né'₃ cang₄ tě₂'lau₂, né'₃ tau₂ a₂niog₅ né'₃ 'uě₃ ně₃.

† 11:22 José: 'Nio'₂ ja₁ton₅ Génesis 50:24-26. ‡ 11:23 'Nio'₂ ja₁ton₅ Éxodo 2:1-10. § 11:24 Moisés: 'Í₂ Éxodo 2-11. * 11:27 Noé: 'Í₂ Génesis 6-9. † 11:28 Egipto, Jmig₄ Tě₂'in₅₄: 'Í₂ Éxodo 12-13. ‡ 11:29 Ján₃ bá₄ chei₂ "Jmí₁ñí'₄ 'Ma₂ta₅." § 11:30 Jericó: 'Í₂ Josué 6. * 11:31 Rahab: 'Í₂ Josué 2:1-21; 6:25; Mateo 1:5; Santiago 2:25. † 11:31 o₃, "dsa₂ i₂tsá₃ ca₂rě₃'én₂." ‡ 11:32 Gedeón: 'Í₂ Jueces 6-7. § 11:32 Barac: 'Í₂ Jueces 4-5. * 11:32 Sansón: 'Í₂ Jueces 13-16. † 11:32 Jefté: 'Í₂ Jueces 11-12. ‡ 11:32 David: 'Í₂ 1 Samuel 16-31 quianin'₅₄ 2 Samuel. § 11:32 Samuel: 'Í₂ 1 Samuel. * 11:37 A₂lin₅₄ chog₅₄ si₂ chi₁ton₅ ján₃: "ca₂can₃ dsa₂ táu₂."

³⁹ Le₃jín₃ dsa₂ 'éi₂, ca₂'ag₃ Diú₄ dse₃ 'uig₅₄ ia₁ a₂'éin₂, la₁ia₁ tsá₃ ca₂'i₃ a₂jme₁ca₂juá'₂ Diú₄ cuē₃. ⁴⁰ Jme₁ma₂i₃jio₅ dsí₅ Diú₄ jmo₃ co₂jñia₅₄ caun₂ a₂dse₃ guē₄ quián₂ jniog₄, ia₁jaun₂ tsá₃ le₃'ñia₅ dsa₂ 'éi₂ jua'₅₄ tsá₃ le₃'ñia₂₃ co₂lě₅ quian'₅₄ jniog₄.

12

Jin₄ jniog₄ Jesús

¹ Jaun₂ lě₃, ia₁ ñi₄ lě₃ juin₅ dsa₂ qui₂le₁lio₃ jniog₄ i₂ma₂ca₂jme₃jñia₅ a₂'éin₂, jaun₂ dsí₁ jniog₄ cau₅ ca₂le₃jě₃ lio₅₄ a₂jmo₅ jnág₅ quián₂, ján₃ bá₄ le₂ně₅ jui₁lia'₂ dso₄ a₂qui₂nió₅ jniog₄ ně₃, jaun₂ dsau₅₄ jniog₄ ne₄ jui₅ a₂juin'₂ dsí₅, ně₂jag₄ bá₄ a₂i₂nio₄ co₂chi'₅₄ a₂tián'₅ jág₁ rin'₅₄.

² Jaun₂ ně₃, né₄ jniog₄ Jesús, i₂ca₂niá₃ jui₅ a₂'éin₂ jniog₄, ján₃ bá₄ i₂jme₂'ñia₅ a₂'éin₂ jniog₄. Ca₂jmo₃ 'éi₂ tió'₃ dsí₅ ne₄ cróg₄, tsá₃ ca₂tón'₃ jui₅ a₂o₂guí'₃ a₂ca₂can₃, ia₁ jme₁ma₂ñi₅ bá₄ a₂cán₂ o₂'ñi₃ dsí₅ a₂'io'₂ jén'₅ cang₂ guē₄ jaun₂. Jaun₂ ně₃, ca₂guá₂ tē₂le₃ gu₂ ne₁ ne₄ta₁ quió'₅ Diú₄.

³ 'Nió'₂ 'nia'₂ 'au'₂ jaun₂, 'a₂ lia'₂ ca₂jmo₃ Jesús: ca₂jmo₃ tió'₃ dsí₅ mi'₅₄ a₂ca₂dsia₃ dsa₂ i₂qui₂rě₂cán'₄ dso₄, ja₁coin₂, ia₁ con'₂ tsá₃ ñó₅ ně₂jua'₂ ca₂'ong'₃ 'nia'₂, ca₂lia'₂ ca₂'uáng'₂.

⁴ Ia₁ tsá₃ guē₄ 'ein₂ ma₂qui₂ca₂quín'₂ 'nia'₂ ca₂lia'₂ ca₂tang₂ jmi₂ 'an'₅₄ 'nia'₂ quian'₅₄ mi'₅₄ a₂jmo'₂ quian'₅₄ dsáu₁.

⁵ Jaun₂ ma₂ca₂'en₃ bá₄ 'au'₂ 'nia'₂ jág₁ a₂ma₂chi₂ca₂léi'₁ Diú₄ jui₁lia'₂ jan₂ chi'₂-guein₂ quián₅. Le₂la₂ juá'₂ ne₄ Si₂:

Tsá₃ lě₁o₁le₅₄, jón₃,

jua'₅₄ tsá₃ ton'₅₄ 'ne₂ jui₅

jme₁chei'₅ Te₁gui'₅₄ caun₂ jui₅ dse₃,

on₃ guē'₂ tsá₃ lě₁o₁'ag₅₄ i₁tín₄ 'au'₂

jme₁cuē₂₃ uig₅.

⁶ Ia₁ jme₂rě₃ Te₁gui'₅₄ jui₅

quió'₅ jui₁lia'₂ i₂'nioi₃,

ján₃ bá₄ cuē₂₃ uig₅ quió'₅ ca₂le₃jín₃ i₂guein₂₃

jui₁lia'₂ jan₂ chi'₂-guein₂ quián₅.*

⁷ Tiang'₃ 'nia'₂ jmo₄ ca₂le₃jě₃ uig₅ a₂ñag'₅₄, ia₁ le₂jaun₂ jme₂tag₅ Diú₄ jme₂tiñ₂₃ 'nia'₂ jui₁lia'₂ jan₂ chi'₂-guein₂ quián₅. ¿'Ein₂ bá₄ ja₁ñi'₅₄ chan₂ i₂tsá₃ jme₂tag₅ jmei₂?

⁸ Chei'₅ Diú₄ caun₂ jui₅ rě₂ chein'₂₃ ca₂le₃jín₃ chi'₂-guein₂ quián₅. Jaun₂ ně₃, jua'₅₄ mei'₂ guē₃ Diú₄ tsá₃ chein'₂₃ 'nia'₂ caun₂ jui₅ dse₃, tsá₃ lé₂ le₃jua'₅₄ a₂lín'₅ 'nia'₂ chi'₂-guein₂ quián₅ tē₃dsón'₂, jñia'₅₄ lia'₂ a₂jaun₂ bá₄ lín'₅ 'nia'₂ jui₁lia'₂ jan₂ chi'₂-guein₂ i₂lě₁ca₂rě₃chán₃.

⁹ Ján₃ bá₄ le₂jaun₂ jniog₄ ně₃, lia'₂ con'₂ jme₁lág₄ jniog₄ guein₂, jme₁tē₂jí₂ chog₅₄-jmei₂ jniog₄ i₂chan₂ gua'₅₄ 'uē₃. Jaun₂ jme₁jme₂gain₃ bá₄ jniog₄ ně₃. ¿Tsa₁ dse₃ néi₁ jniog₄ gau₂ ja₁con₂ Diú₄? Tē₂le₃ 'ē₂ guē₄ 'nió'₅ jme₁gan₃ bá₄ jniog₄ Diú₄ Jmei₂ jniog₄ tē₂le₃ quió'₅ jme₂dsí₂, ia₁jaun₂ le₂ně₅ bá₄ le₃chong₂.

¹⁰ Jme₁ca₂cuē₃ ca₂tiá₂ uig₅ chog₅₄-jmei₂ jniog₄ i₂chan₂ gua'₅₄ 'uē₃, lia'₂ con'₂ lě₅ ca₂i₃jio₅ dsí₅ a₂dse₃. La₁ia₁ Diú₄ ně₃ cuē₂₃ jniog₄ uig₅ a₂dse₃ quián₂ jniog₄ guio₅₄, ia₁jaun₂ quein'₅₄ jniog₄ a₂jñi₃ a₂lín'₅ 'éi₂.

¹¹ Dsón'₂ bá₄ jaun₂, lia'₂ 'i₁caun₂ uig₅ tsá₃ tē₅ dsí₅ jniog₄, tē₂le₃ 'ñio₅ uig₅ bá₄ lág₂ jniog₄. La₁ia₁ cang₂ guē₄ jaun₂, jui₁lia'₂ i₂rě₂tin₂ tē₂le₃ quian'₅₄ uig₅ a₂ñág₅, ně₂jag₄ bá₄ caun₂ ni₁'ma₂ a₂le₁'ág₄ mīg₂ dse₃, léi₄ bá₄ rě₂jniá₂ tē₂le₃ 'a₂ lia'₂ dse₃ chain₂ 'ei₅ tei₄ dsí₅.

A₂go'₂ a₂tí₁ dsa₂ jág₁ quió'₅ Diú₄

¹² 'Uig₅₄ jaun₂ chog'₅₄ 'nia'₂ táng₃ gog'₂ a₂qui₂le₁ta'₅₄, ján₃ bá₄ chí'₁ táng₃ 'nia'₂ tiá₂ mi₂jne'₅₄ a₂jlen₅.

* **12:6** Proverbios 3:11-12.

13 “Jmo₄ 'nia'₂ caun₂ jui₅ dsau₅ quió'₅ mi₂tag'₅₄ guiong'₅₄,”† ia₁jaun₂ tsá₃ 'e₂ qui₃nió₃ i₂sián'₂ jui₁lia'₂ i₂guian'₅₄, tē₂le₃ 'lón₂ bá₄.

14 Quen'₂ 'nia'₂ bí₂ a₂i₁nio'₄ 'nia'₂ 'ei₅ tei₄ quian'₅₄ ca₂le₃jín₃, a₂le₃chan'₂ 'nia'₂ jñi₃ó₅ ně₃. Ia₁ ca₂lia'₂ 'i₁jan₂ tsá₃ lé₂ le₃jín₃ Te₁gui'₅₄ ně₁jua'₂ tsá₃ jñi₃oi₅.

15 Quion₂ 'nia'₂ 'í₁ ia₁jaun₂ ca₂lia'₂ 'i₁jan₂ jua'₅₄ a₂tsá₃ tiin₃ a₂jme₃gu'₅₄ Diú₄ a₂'ua₁ dsí₅, ia₁jaun₂ tsá₃ 'iá₃ jin'₄ 'nia'₂ co₂'nió'₄ caun₂ tsin₅ ni₁nau₂ dsi'₃ jmo₅ jan₂ i₂quian₅ o₂me'₅₄ dsi₅ jmo₅ dain₅₄ a₂rē₂'lin'₅₄ juin₅.

16 Jmo₄ 'nia'₂ 'í₁ ia₁jaun₂ tsá₃ 'ein₂ 'nia'₂ i₃nio₄ lia'₂ con'₂ lē₅ mi₅ ni₁ñi₁₂, on₃ guē'₂ i₃nioi₅₄ jua'₅₄ a₂tsá₃ tón₂ jui₅ jág₁ quió'₅ Diú₄. Le₂nē₅ bá₄ ca₂jmo₃ Esaú.[‡] O₄quió'₄ caun₂ má₃ bá₄ ca₂'nag₃ ca₂le₃jē₃ a₂jme₁ca₂tiin₂ a₂lín₅ chi'₂ dsa₂ ñe'₂ i₂ne₅₄.

17 Ma₂ñi'₅₄ bá₄ 'nia'₂, cang₂ guē₄ jaun₂ lia'₂ con'₂ jme₁'nio₃ táng₃ Esaú gue₃ a₂jme₁ca₂tiin₂, a₂jme₃gu'₅₄ jmei₂, tsá₃ ca₂guéi'₂ jmei₂. Jaun₂ ně₃, tsá₃ ma₃ca₂dsó'₂ 'a₂ lia'₂ tiin₄ táng₃ jui₁lia'₂ a₂jme₁ca₂tiin₂, o₁jñia'₅₄ ca₂'nau'₃ 'ñio₅ lín₃ ca₂le₃jē₃ ca₂'o₃.

18 Quion₂ 'nia'₂ 'í₁ jaun₂ ně₃, ia₁ on₃jua'₅₄ a₂ma₂ca₂jme₁quián'₄ 'nia'₂ má'₂ ñei₅ jaun₂ a₂jniá₂, a₂cau₂ quian'₅₄ si₂, ja₁lē₄ qui₁né'₃ 'ei₅ nei₂, dsí₂ ně₃, qui₃lē₂ gau₂ 'ñio₅ lín₃.

19 On₃ guē'₂ ca₂nei'₂ 'nia'₂ a₂i₂'ein₅₄ ñi₁ trompeta, on₃ guē'₂ jág₁ quió'₅ Diú₄ a₂juá'₂ jág₁ gau₂ tsí'₅ dsa₂ 'éi₂, ca₂lia'₂ i₂ca₂nág₂ jág₁ jaun₂ ca₂mi₃ a₂tsá₃ ma₂juá'₂ 'éi₂ jág₁.

20 Ia₁ tsá₃ jme₁tió'₅ nag₃ 'éi'₃ quió'₅ Diú₄ a₂juá'₂: “Nē₁jua'₂ jan₂ já'₂ ca₂'ē₃ má'₂ jaun₂, 'nió'₅ jóin₂ qui₃dsag₅ dsa₂ cang₄.”§

21 'Uig₅₄ ia₁ a₂ñi₄ lē₃ gau₂ a₂jniá₂ ja₁jaun₂, ca₂lia'₂ ñiog₅ Moisés ca₂juá'₂, “Ñio₅ lín₃ jlen₅ jniá₂ a₂gó₅.”*

22 La₁ia₁ 'nia'₂ ně₃, ma₂ca₂jme₁quián'₄ Má'₂ Sión, co₂'nió'₄ Jerusalén a₂niog₅ guei'₅₄ i₂juíg₃, ciudad quió'₅ Diú₄ jén'₃. Ma₂ca₂jme₁quián'₄ 'nia'₂ ja₁con₂ 'lóng₂ lín₃ mei₅ ángeles i₂ñi'₂ jmo₂₃ 'io'₂.

23 Ma₂ca₂jme₁quián'₄ 'nia'₂ ja₁con₂ dsa₂ i₂tion'₅₄ lo'₂ a₂jme₃juin'₂ Diú₄, quian'₅₄ ca₂le₃jín₃ chi'₂-guein₂ quián₅ Diú₄ i₂ca₂tín₂ ca₂le₃jē₃ lia'₂ jē₁ca₂tín₂ ja₁ñi'₅₄ i₂ne₅₄, i₂ma₂qui₂le₁ton₅ guei'₅₄ i₂juíg₃. Ma₂ca₂jme₁quián'₄ 'nia'₂ ja₁con₂ Diú₄ i₂qui₃dsi₅ 'éi'₃ quió'₅ ca₂le₃jín₃, ja₁con₂ jme₂dsi₂ quió'₅ dsa₂ dsen₃ i₂ma₂qui₂le₁'ñia₅, ²⁴ quian'₅₄ ja₁con₂ Jesús i₂chén'₅ ne₄ jág₁ 'mí₂ a₂li'₅₄ quian'₅₄ Diú₄, quian'₅₄ ja₁con₂ jmi₂ a₂rē₃séi₂, a₂quen₅ guē₄ a₂jáng'₅ léi₄ a₂'ua₁ dsí₅ con'₂ guē₄ quen₅ jmi₄ Abel.

25 Jmo₄ 'nia'₂ 'í₁ a₂tsá₃ jmó'₂ 'nia'₂ jua'₅₄ tsá₃ guén'₄ 'nia'₂ Diú₄ i₂juá'₂ tság₅ jniog₄. Ia₁ chi₂jua'₂ tsá₃ ca₂lón₂ jui₁lia'₂ i₂tsá₃ ca₂guén'₂ i₂'éi₂ i₂ca₂'ē₂ jág₁ gua'₅₄ 'uē₃ la₂, 'ē₂ guē₄ bá₄ jniog₄ tsá₃ lé₂ le₃lió₂, ně₁jua'₂ tsá₃ ca₂guén₄ jniog₄ i₂juá'₂ tē₂ guei'₅₄ i₂juíg₃.

26 Jmíg₄ jaun₂, ca₂i₁bi₅₄ 'uē₃ jme₁ca₂juá'₂ Diú₄. La₁ia₁ rē₂nē₃ ně₃, ma₂cuē₃ jág₁ quió'₅, a₂juá'₂: “jmo₅₄ guē₄ jniá₂ con'₂ siá'₂ a₂dsi₃bi₅₄, la₁ia₁ on₃jua'₅₄ jmá'₃ gua'₅₄ 'uē₃, le₂jñiog₅ guei'₅₄ dsi₂güig₂ bá₄ ján₃.”†

27 Jui₁lia'₂ a₂juá'₂, “con'₂ siá'₂”, dsi₂jein₃ jág₁ a₂jñiá'₂ ca₂le₃jē₃ a₂jniá₂ a₂dsi₂bi₅₄ a₂lé₂ qui₂le₃jñia'₃, ia₁jaun₂ tē₃gua₄ co₂tan₅₄ a₂tsá₃ lé₂ dsi₃bi₅₄, on₃ guē'₂ lé₂ le₃jñia'₃.

28 Jaun₂ 'uig₅₄ ia₁ a₂tsá₃ ma₂lé₂ qui₂dsi₃bi₅₄ ja₁gon₂ Diú₄, ja₁cuē₃ jniog₄, jaun₂ cuē'₅₄ jniog₄ ti₁'mag'₄ jaun₂ ně₃, o₄quió'₄ ca₂le₃jē₃ a₂la₂, jme₁ti₁ jniog₄ ne₄ Diú₄ ně₃ 'a₂ lia'₂ 'ñio₂ dsí₅, jme₁'nió₄ jniog₄ Diú₄ a₂'ei₅ gau₂ dsi₅ jniog₄.

29 Ia₁ lín₅ Diú₄ quián₂ jniog₄ lia'₂ lē₅ caun₂ si₂ a₂'éin₂ le₃jē₃.‡

† 12:13 Proverbios 4:26. ‡ 12:16 Esaú: Í₂ Génesis 25:27-34. § 12:20 Éxodo 19:12-13. * 12:21 Deuteronomio 9:19. † 12:26 Haggeo 2:6. ‡ 12:29 Deuteronomio 4:24.

13

A₂ lia' jmo₃ a₂tē₅ dsí₅ Diú₄

¹ Tsá₃ lē₁tí₅ 'nia' a₂'nió₃ le₂jang' le₂jang' jui₁lia' ríng' 'nia'.

² Tsá₃ jui₁dsi₂'én₂ 'au' 'nia' a₂guéng' dsi₂néi₂ quiáng' jui₁lia' dsa₂ i₂chan₂ ja₁siá' ia₁ le₂nē₅ bá₄ ma₂jmo₃ i₂lín₅₄ ma₂ca₂guein₃ ángeles tē₃ tsá₃ lí₄.

³ Dsau' 'au' 'nia' jmo₄, jui₁lia' dsa₂ i₂tion' né₃ 'má₃, nē₂jag₄ bá₄ a₂tion' 'nia' guiong' co₂lēs quiain' 'Nio' 'au' jui₁lia' i₂ñí₄ lē₃ qui₂ma₂jmo₃g' dsa₂, ia₁ ján₃ bá₄ dsa₂ chi₁dsán' bá₄ 'nia' i₂lé₂ le₃ñág₃ uig₅.

⁴ Jui₁jme₂gó' bá₄ le₃jín₃ jui₁lia' a₂jén' dsa₂ gu₂, ján₃ bá₄ jui₁le₅₄ bá₄ 'í jui₁lia' ja₁tian' dsi₂i₂gu₂ co₂lēs, ia₁ qui₂dsi₅ bá₄ Diú₄ 'éi' ja₁con₂ dsa₂ i₂qui₂'no₅ dso₄, jui₁lia' i₂nió' jág₁ quian' i₂sián' on₃jua' dsi₂i₂gu₂.

⁵ Tsá₃ jui₁chan' 'nia' a₂qui₂chi₁'ñeg' 'nia' jua' a₂ñí₄ lē₃ 'ín' 'au' 'nia' cu₄. Dsau₅ 'au' 'nia' jmo₄ lia' con' tís a₂cha₂ quián' 'nia', ia₁ ma₂ca₂juá' Diú₄:

lia' o₁líg' jmi₄ tsá₃ tón₂ jniá₂ 'nia',

on₃ guē' tén₄ jniá₂ 'nia'.

⁶ Jaun₂ nē₃ lé₂ le₃jua' a₂ma₂'ei₅ caun₂ dsi₅:

Te₁gui' bá₄ i₂jme₂'o₅₄ jniá₂;

tsá₃ gó₅ jui₁lia' e₂ lé₂ le₃jmo₃g'

dsa₂ mi₂güig₃.†

⁷ Dsá₂ 'au' 'nia' jmo₄, jui₁lia' dsa₂ i₂ma₂jio₃ ne₄ jui₅, i₂ma₂juá' jág₁ quió' Diú₄ ca₂tsí₃ 'nia'. Quion₄ 'nia' 'í' a₂lia' lē₅ ca₂dsióg₃ jui₅ a₂chan₂ dsa₂ 'éi₂, jaun₂ 'én' 'nia' jui₅ jaun₂ jui₁lia' 'én' 'éi₂.

⁸ Lia' ma₂lín₅ jaun₂ bá₄ Jesucristo, dsióg₂, jmi₄ nē₃, lia' con' tan₅₄ bá₄ lín₅.

⁹ Tsá₃ lē₁cuē₂ 'nia' jmi₄ jua' jio₃ i₂sián' i₂jme₂tag₅ 'lióng₂ ne₅₄ juá' siá', a₂tsá₃ lē₅ con' lē₅ juá' jág₁ quió' Diú₄. Co₂ñei' guē₄ dse₃ a₂gue₃ tē₂dsi₅ jniog₄ jui₅bí₂ tē₂le₃ quian' a₂'ua₁ dsi₅ Diú₄, con' guē₄ tē₂le₃ quian' 'éi' jui₁lia' 'a₂lia' 'nió' guē' dsa₂. Ia₁ tsá₃ ta₁ tí₄ 'éi' jaun₂ jua' a₂jme₃'o₅₄ quió' jui₁lia' dsa₂ i₂nió₄ le₂jaun₂.

¹⁰ La₁ia₁ cha₂ bá₄ caun₂ ne₄chei₂ quián₂ jniog₄ ja₁tsá₃ ca₂tín₂ guē' jui₁lia' i₂jme₂ti₃ ta₁ guá' tabernáculo.

¹¹ Ia₁ ne₄ bá₄ jniog₄, a₂dsi₂can₅ jme₂dsa₂ dsen₅₄ jmi₄ já' dsi₂néi₂ ja₁jnió₅ lín₃ guē₄, a₂jén' o₄quió' dsáu₁ dsa₂. La₁ia₁ ni₁ñí₄ já' 'éi₂ qui₂dsí' dsa₂ 'ni' ja₁tián' dsa₂ jui₂ Israel.

¹² Ján₃ bá₄ le₂jaun₂ ca₂ñág₃ Jesús uig₅ 'ni' jui₂, ia₁jaun₂ qui₂jme₃jnió₃ dsa₂ jui₂ quiáin₅ tē₂le₃ quian' jmi₄ 'ñiog₅.

¹³ Dsi₁náu₄ jniog₄ jaun₂ nē₃ ja₁con₂ Jesús, co₂'nió' cau₅ ja₁tió₂ dsa₂ jui₂ Israel, a₂quian₂ jniog₄ o₂guí' o₄quió' Jesús.

¹⁴ Ia₁ mi₂güig₃ la₂, 'i₁caun₂ jui₂ tsá₃ cha₂ quián₂ jniog₄ jua' a₂jio₅ co₂tan₅₄, la₁ a₂jaun₂ bá₄ 'niog' jniog₄ ciudad jaun₂ a₂nē₃ guē₄ jiá₃.

¹⁵ Tē₂le₃ quian' Jesucristo jaun₂ nē₃, ma₃ jme₁jui₁n' jniog₄ Diú₄ co₂tan₅₄, co₂'nió' a₂jén' jniog₄ ne₄ 'éi₂ jág₁ a₂'uē' mi₂'o₄ jniog₄ con' dsi₂ten₅₄ jmo₃ dsa₂ i₂tió₂ le₃quió' 'éi₂.

¹⁶ Ján₃ bá₄ tsá₃ o₁ló₄ dsi₂'én₂ 'au' 'nia' a₂dse₃ a₂qui₁cuē' 'nia' ca₂la₂ ríng' 'e₂ a₂cha₂ quiáng'. Ia₁ jui₁lia' a₂jén' 'nia' le₂jaun₂ bá₄ a₂tē₅ dsí₅ Diú₄.

¹⁷ Né₂ 'nia' jmo₄ ja₁con₂ jui₁lia' i₂quian₅ ne₄ jui₅, jme₁gan₃ 'nia' 'éi₂. Ia₁ jmo₂₃ 'í jme₂dsi₂ quián' 'nia', a₂lín₅ dsa₂ i₂ca₂tín₂ dsi₃jang' cuenta ja₁con₂ Diú₄. Jui₁le₅₄ bá₄ dse₃ ta₁ a₂niog₅ gu₂ 'éi₂ ia₁jaun₂ jmo₃ 'io' on₃jua' 'lia' dsí₅, ia₁ tsá₃ ta₁ tí₄ ja₁con' 'nia' nē₁jua' le₂jaun₂ ca₂'lia' dsí₅.

* 13:5 Deuteronomio 31:6. † 13:6 Salmo 118:6-7.

¹⁸ Chi₁len'₄ 'nia'₂ Diú₄ o₄quián₂ jnia'₅₄, ia₁ caun₂ bá₄ 'ei₅ dsi₅ jnia'₅₄ a₂qui₂le₁jě₃ jme₂dsí₂ quián₂, ia₁ 'niog₂ bá₄ jnia'₅₄ qui₂l₁nio₁ lia'₂ dsi₂ten₅₄ jě₄ ca₂le₃jě₃.

¹⁹ Ja₂lín₃ guě₄ dsen₅₄ mi₅ jniá₂ a₂chi₁len'₄ 'nia'₂ Diú₄ ia₁jaun₂ lé₂ nei₅₄ a₂i₁ 'ú₃ táng₃ ja₁con'₂ 'nia'₂ ŋi'₅₄ ta₁.

'Ág'₅ jág₁ jě₁ca₂tó'₂, cui_{in}₂₃ Diú₄

²⁰ Jui₁jmo₅₄ Diú₄ i₂jmo₅ 'ei₅ tei₄, i₂ca₂tág₃ táng₃ tē₂le₃ quian'₅₄ jmi₂ a₂li'₅₄ jág₁ a₂jio₅ co₂tan₅₄, ca₂tág₃ Te₁gui'₅₄ Jesucristo quián₂ jniog₄ ja₁jme₁rē₂ 'lín₅₄, dsa₂ juin'₂ 'éi₂ juig₅₄ já'₂ cha'₂, ²¹ jui₁jmo₅₄ bá₄ Diú₄ jui₁jmoi'₅₄ 'nia'₂ dsa₂ rē₂ 'ŋia₅ jě₄ ca₂le₃jě₃ a₂dse₃ ia₁jaun₂ jmó'₂ a₂ 'nio₂ dsí₅ 'éi₂. Ján₃ bá₄ jui₁jmo₅₄ 'éi₂ 'e₂ 'nio₃ jmo₃ quian'₅₄ ca₂le₃jág₃ jniog₄ tē₂le₃ quian'₅₄ Jesucristo. Jui₁le₂juin'₂ bá₄ 'éi₂ lia'₂ co₂tan₅₄. A₂méi₃.

²² Rin'₅₄ jniog₄, mi₅ jniá₂ quián'₂ 'nia'₂, jmo₄ bá₄ 'nia'₂ juin'₂ 'au'₂ quian'₅₄ jág₁ dse₃ la₂ a₂chi₁len'₄ jniá₂ 'nia'₂, ia₁ tsá₃ jua'₅₄ ŋí₄ lē₃ 'líong₂ jág₁ ma₂nē₂táun₂ jniá₂ ne₄ si₂.

²³ Jui₁le₂ŋi'₅₄ 'nia'₂ jág₁ jui₁lia'₂ rin'₅₄ jniog₄ Timoteo: ma₂dsei₅ bá₄ dsa₂ né'₃ 'má₃. Nē₁jua'₂ ca₂guáin₂ ŋi'₅₄ ta₁, jaun₂ jain₅₄ jniá₂ jě₁ma₂tē₂ rē₁nei₅₄ jniá₂ i₁jing₁₂ 'nia'₂.

²⁴ Cui_{in}₅₄ 'nia'₂ Diú₄ ca₂le₃jín₃ jui₁lia'₂ i₂jio₅ quián'₂ 'nia'₂, quian'₅₄ ca₂le₃jín₃ guē'₂ dsa₂ juig₂ quián₅ Diú₄.[†] Rin'₅₄ jniog₄ i₂chan₂ Italia cui_{in}₂₃ Diú₄ 'nia'₂.

²⁵ Jui₁jme₂gu'₅₄ bá₄ Diú₄ ca₂le₃jín₃ 'nia'₂. A₂méi₃.[§]
Co₂nē₅.

[†] 13:24 lit. “dsa₂ jŋi₁ó₅.” [§] 13:25 A₂lín₅₄ chog₅₄ si₂ tsá₃ chi₁ton₅ “A₂méi₃.”

Si₂ carta a₂ca₂jmo₃ SANTIAGO

Jmo₅ Santiago si₂ a₂chein₃ ne₄ dsa₂ 'én₂ i₂tián'₅ tsi₁rē₂jan₅₄ úing₂

¹ Jniá₂ Santiago, líng₅ i₂jme₂ti₃ ne₄ Diú₄ quian'₅₄ ne₄ Te₁gui'₅₄ Jesucristo, cúing₅ Diú₄ ta₁guia₃-tín₂ nió'₃ tsi₁jon₂ dsa₂ juig₂ Israel i₂tián'₅ tsi₁rē₂jan₅₄ ta₁caun₂ mi₂güig₃.

Jui₁lia'₂ jme₂jau'₂ 'í₁ a₂dsi₂ñi'₂ dsa₂ 'én₂ 'e₂ niog₅ dsi₂ñi₂

² 'Nia'₂ rín'₅₄ jniog₄, jmo₄ 'nia'₂ 'au'₂ a₂dseng'₃ guē₄ lín₃, jme₁dsi₂ñi'₂ 'nia'₂ ca₂le₃jě₃ ne₅₄ táu₂ a₂jau'₂ 'í₁ ja₁con'₂ 'nia'₂. ³ Ia₁ ma₂ñi'₅₄ bá₄ 'nia'₂ jě₁ma₂ca₂jáu'₃ 'í₁ 'a₂lia'₂ 'én'₂ 'nia'₂, dsióg₄ lia'₂ ma₂tión'₂ jaun₂ bá₄ 'nia'₂ tiá₂. ⁴ La₁ cuin'₅₄ 'nia'₂ jmi₂g₄ a₂le₃ñia₅ a₂ně₅ ja₁cong'₂, tió'₃ 'au'₂ 'nia'₂ jmo₄, jaun₂ dsi₁nóg'₅ léng'₂ dsa₂ i₂ma₂ca₂can'₅₄, i₂ma₂rě₂ñia₅ lia'₂ ñi'₂ dsi₄, tsá₃ ma₃'e₂ 'nió'₅ quián'₂ 'nia'₂.

⁵ Chi₂jua'₂ chan'₂ 'nia'₂ i₂'nió'₅ le₃ñi'₂ dsí₅, jui₁mi₁₂ ja₁con₂ Diú₄, jaun₂ 'éi₂ bá₄ cuē₃. Ia₁ Diú₄ i₂'ua₁ dsí₅ jmo₂₃ qui₂rě₂tin₂ ca₂le₃jín₃, on₃jua'₅₄ a₂tě₂jí₂. ⁶ La₁ ca₂tín'₂ 'nia'₂ a₂mí'₁ a₂éng'₂ tē₃dsón'₂ on₃jua'₅₄ a₂ág'₁ 'nia'₂ caun₂-tín₃ 'au'₂; ia₁ jui₁lia'₂ dsa₂ i₂'ag₅ caun₂-tín₃ dsí₅, lín₅ jui₁lia'₂ lě₅ jmi₂g₄ a₂qui₂rāun₂ ne₄ jmi₁ñi'₄, a₂qui₂jná'₅ can₂ dsí₂ ca₂taun₂ ca₂taun₂. ⁷ Dsa₂ i₂lín₅ le₂jaun₂, tsá₃ jui₁dsi₂jio₅ dsí₅ jua'₅₄ cha₂ a₂gue₃ quió'₅ Te₁gui'₅₄. ⁸ Ia₁ jui₁lia'₂ dsa₂ i₂'ei₅ tin₃ dsí₅ tsá₃ 'e₂ tiá₂ chén'₅ i₂le₂'éi₂ ca₂le₃jě₃ guē₄ 'e₂ a₂jmo₂₃, o₃ 'e₂ jág₁ quió'₅ cuē₂₃. ⁹ Dsa₂ rín'₅₄ jniog₄ i₂te₂ñé₂, ca₂tiín₂ jmo₃ dsí₅ 'io'₂ jén'₅, ia₁ tē₃dsón'₂ bá₄ quein₅ le₃ja₁con₂ Diú₄. ¹⁰ Jui₁lia'₂ i₂cha₂ cu₄ guē'₂, ca₂tiín₂ bá₄ jmo₃ 'io'₂ ján₃ ia₁ tsá₃ 'e₂ quein₅ ja₁con₂ Diú₄ quian'₅₄ cú₁. Ia₁ i₂lín₅ jui₁lia'₂ lě₅ lí₁ ni₁nau₂ bá₄ dsa₂ i₂cha₂ cu₄ ia₁ i₂dsi₂ñi'₂ bá₄ 'éi₂ jui₁la₂ 'ióg₃. ¹¹ Jě₁ma₂ca₂'ia₂* 'iog₂ dséi₅ 'ñio₅ lín₃ rě₂juing₅ bá₄ ni₁nau₂, rě₂quein₂, ta'₂ bá₄ lí₁ ján₃, 'én₂ bá₄ 'a₂lia'₂ jlá'₁ jme₁niá₂. Le₂ně₅ bá₄ lě₅ quian'₅₄ dsa₂ cha₂ cu₄: qui₂dsi₂ñi'₂ bá₄ tē₃ ja₁'no₂₃ cu₄.

On₃jua'₅₄ Diú₄ i₂jmo₅ a₂co₂dsi₂ 'én'₅ dsa₂

¹² 'E₂ guē₄ dsen₃ dsa₂ i₂tió'₅ jmo₅ juin'₂ dsí₅ jě₁ma₂qui₂i₂ñi'₂ 'e₂ táu₂ i₂ñi'₂; ia₁ jě₁ma₂ca₂ñi₅ jaun₂, gue₃ ja₁le₃chain₂ dse₃, a₂lě₅ nē₂jag₄ bá₄ caun₂ corona a₂cuē₃ Diú₄ cuē'₃ ca₂le₃jín₃ i₂'nio₃ quió'₅. ¹³ Chi₂jua'₂ chan₂ i₂lín₅₄ qui₂ja₂ bí₂ 'lig'₅₄ dsí₅, tsá₃ jui₁dsi₂jio₅ dsí₅ jua'₅₄ Diú₄ i₂jmo₅ a₂dsi₂jio₅ dsí₅ le₂jaun₂; ia₁ 'i₁caun₂ a₂'lig'₅₄ tsá₃ qui'₅₄ jmi₂g₄ jua'₅₄ a₂cáin₂ táu₂ Diú₄, on₃ guē'₂ cáun₂ Diú₄ táu₂ quió'₅ 'i₁jan₂ ia₁jaun₂ jmo₃ dsa₂ a₂'lig'₅₄. ¹⁴ Le₂la₂ bá₄ lě₅: guion₅₄ bá₄ dsa₂ tsi₂cuin'₂ jui₅ ja₁ín₅ dsí₅ jmo₃ a₂'lig'₅₄, ja₁tiáin'₃ dso₄, lín₅ nē₂jag₄ bá₄ jui₁lia'₂ jan₂ i₁ju₁ i₂nág'₅ mi₂cu₄. ¹⁵ Ne₄ ja₁ín₅ dsí₅ jmo₃ a₂'lig'₅₄ nē₃, tē₂le₃ ne₄ ja₁ñó₄ jaun₂ rě₂jniá₂ dso₄ bá₄ ja₁coin₂; jě₁ma₂ca₂'ñia₅ dso₄ nē₃, rě₃cha₂ 'mú₃.

¹⁶ 'Nia'₂ rín'₅₄ jniog₄ i₂'nióg₃, tsá₃ jui₁le₂gan'₂ 'nia'₂, ¹⁷ ia₁ ca₂le₃jě₃ a₂lě₅ a₂dse₃ lín₃ a₂guei₂ jniog₄ já₅ guei'₅₄ quió'₅ Diú₄ Jmei₂ jniog₄ i₂ca₂jmo₃ ca₂le₃jě₃ si₂ cha₂ guei'₅₄ dsi₂güig₂. La₁ ja₁con₂ Diú₄ 'i₁caun₂ tsá₃ 'e₂ jua'₅₄ a₂qui₂rě₂tsín₃, jui₁la₂ qui₂rě₂tsín₃ si₂ le₁'ág₄ guei'₅₄, 'ag₅ 'en'₂. ¹⁸ Lia'₂ ma₂lě₅ jaun₂ bá₄ con'₂ lě₅ ma₂ca₂rě₃ñióg₃ dsí₅ 'ñiog₅, ma₂ca₂jmo₃ a₂ma₂ca₂rě₃chóng₃ jniog₄ tē₂le₃ quian'₅₄ jág₁ dse₃ a₂tí₅ quió'₅, ia₁jaun₂ léi₂ jniog₄ i₂le₂'uig₅₄ jui₁lia'₂ caun₂ a₂ca₂rau₂ ca₂le₃jě₃ a₂ma₂jmo₃ 'éi₂.

Jui₁lia'₂ jě₁ 'én₂ dsón'₂ dsa₂ co₂dsau₅

¹⁹ Jui₁le₂ñi'₅₄ 'nia'₂ a₂la₂, rín'₅₄ jniog₄: le₂jan'₂ le₂jan'₂ 'nia'₂ rě₂jáng'₁ a₂jñia'₅₄ nág'₁ de'₂, tsá₃ 'nió'₅ jua'₅₄ a₂ma₂tě₂chan'₅₄ 'nia'₂ jág₁ a₂ñag'₅₄ dsi₂jui₅, on₃ guē'₂ 'nió'₅ tin'₃ 'nia'₂ dséng'₂ nē₃

* 1:11 Co₂'nió'₄ le₃jua'₅₄, caun₂ cosa a₂tsá₃ 'i₁ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25.

cón⁵. ²⁰ Ia₁ jui₁lia² quian⁵⁴ a₂dsén₂ dsa₂ tsá₃ lé₂ le₃jmo₃ a₂'ñio₂ dsí₅ Diú₄. ²¹ Jaun₂ lē₃, tí₃ 'nia² ca₂le₃jě₃ a₂'lig⁵⁴ a₂lě₅ dso₄ a₂ñí₄ 'ñio₅ cha₂ jmig₄ nē₃, jmo₄ 'nia² meg² guen⁵⁴ co₂ñei⁵⁴ jág₁ dse₃ a₂ma₂jnia₄ tē₂'au² 'nia²; ia₁ jág₁ dse₃ nē₅ bá₄ a₂'io₅ jui₅bí₂ a₂lió₂ jme₂dsí₂ quián² 'nia².

²² La₁ jui₁le₂chan² 'nia² lia² con² lē₅ jág₁, on₃jua⁵⁴ rē² a₂jñia⁵⁴ 'nió⁵ nág¹ 'nia². Ia₁ nē₁jua² tsá₃ jme₂tí¹ 'nia², guion⁵⁴ bá₄ 'nia² jme₂gáng¹. ²³ Ia₁ jui₁lia² dsa₂ i₂jñia⁵⁴ tē₅ dsí₅ nag₂₃, tsá₃ jmo₂₃ guē² a₂nag₂₃, lín₅ lia² lín₅ jan₂ dsa₂ i₂jín₂ 'ñiog₅ ne₄ ni¹i₂; ²⁴ la₁ jē₁ma₂ñó₅ cau₅ nē₃, dsí₂én₂ bá₄ táng₃ dsí₅ 'a₂ lia² jniái₂. ²⁵ La₁ 'e₂ guē₄ dsen₃ dsa₂ i₂tsá₃ dsí₂én₂ dsí₅ 'e₂ nag₂₃ tē₂le₃ 'ñio₅ lín₃ guē₄ tón² jui₅ rē₂ jág₅ 'éi³ dse₃ a₂lión₂ dsa₂. Ia₁ jme₃gu⁵⁴ bá₄ Diú₄ chi₂jua² jmo₅ dsa₂ 'e₂ ta₁ quí⁵ 'éi³ jaun₂, caun₂ nau₂ tiá₂ bá₄.

²⁶ Chi₂jua² chan₂ i₂lín₅₄ lín₂ 'ñio₅ lín₃ jme₂tí₃ ne₄ Diú₄, la₁ nē₁jua² tsá₃ con₂ guē² dsí₅ 'a₂ lia² dsia₂₃ jág₁ nē₃, ján₃ bá₄ guion⁵⁴ i₂le₂'éi₂ jme₂gain₂₃, ia₁ a₂'éin₂ jaun₂ tsá₃ 'e₂ ta₁ tí₄. ²⁷ Jui₁lia² dsa₂ i₂én₂ tē₃dsón² lia² dsí₂ten⁵⁴ 'nio₃ Diú₄ Jmei₂ jniog₄, le₂la₂ bá₄ jmo₂₃: a₂jme₂oin⁵⁴ chi² 'nág₂ quian⁵⁴ 'io₅₄ 'nág₂ nē₃, 'e₂ caun₂ o₂i₁ dsí₅ chan₂ 'éi₂, ton² jmo₂₃ 'í₁ a₂tsá₃ jme₃'ñioi₂₃ quian⁵⁴ a₂'lig⁵⁴ cha₂ mī₂güig₃.

2

¹ Rin⁵⁴ jniog₄, i₂én₂ le₃quíó⁵ Te₁gui⁵⁴ Jesucristo i₂jlán¹ quián₂ jniog₄, tsá₃ ca₂tín² 'nia² jing⁵⁴ jma₃quén₅ i₂la₂ i₂ó₃. ² Jui₁lia² tē₃jē₄ tion⁵⁴ 'nia² le₁ñig², dsíó₄ jan₂ dsa₂ cha₂ cu₄ i₂i₄ anillo cu₄nió₄ gu₂, i₂chén⁵ jlá¹, la₁ nē₁jua² ján₃ guē² tē₃jē₄ jaun₂ dsíó₄ jan₂ dsa₂ te₂ñé₂ i₂chén⁵ 'lig⁵⁴, ³ nē₁jua² ca₂guen⁵⁴ 'nia² rē₂ lín₃ i₂quí² tsín⁵⁴ jlá¹, nē₁jua² ca₂chei⁵⁴ 'nia²: “Ñia₅ i₂nē₂ ja₁dse₃ la²”, la₁ i₂te₂ñé₂ guē² nē₃ jui₅g⁵⁴ 'nia²: “Ne₂ jó₄ nau²”, o₃ “ja₁lá₃ i₂nē₂ 'uē₃ cau₅ ja₁tíong₂ tag₃”; ⁴ nē₁jua² le₂nē₅ jmo² 'nia², ma₂jing⁵⁴ jma₃quén₅ ríng², ma₂qui₂caun² 'nia² 'í₁, a₂ma₂dsí₂jio₅ 'lig⁵⁴ 'au². ⁵ 'Nia² rin⁵⁴ jniog₄, nei₂ 'nia² a₂la₂: Diú₄ ma₂ca₂quíóin² i₂lín₅ i₂te₂ñé₂ mī₂güig₃ la₂, ia₁jaun₂ léin₂ dsa₂ jlán¹ quian⁵⁴ a₂'éin₂, ia₁ tiñ₃ ja₁gon₂ Diú₄ ja₁ma₂lě₅ jág₁ cuē³ ca₂le₃jín₃ i₂'nio₃ quió⁵. ⁶ La₁ 'nia² nē₃ tē₂le₃ o₂guí³ bá₄ tsíng² dsa₂ te₂ñé₂. ¿Ia₁ on₁jua⁵⁴ dsa₂ cha₂ cu₄ guē² i₂j móg² 'ang₂ quián² 'nia², qui₂tsín² 'nia² dsí₂chei² ne₄ dsí₂tan⁵⁴ nē₃? ⁷ ¿On₁jua⁵⁴ dsa₂ le₂'éi₂ guē² i₂táun₂ 'lig⁵⁴ jmá⁵ 'ín₂₃ i₂chen₂ jlán¹, i₂le₃quíó⁵ ja₁tén⁴ 'nia²?

⁸ Nē₁jua² dsí₂jó³ jme₂tí¹ 'nia² 'éi³ dsen⁵⁴ lia² con² lē₅ juá² ne₄ Si₂: “Jme₁'nió₄ dsa₂ mī₂güig₃ ríng² jui₁lia² 'nió₃ 'ñiag²”, * dse₃ bá₄ nē₁jua² jmo² 'nia² le₂jaun₂. ⁹ La₁ nē₁jua² jin⁴ 'nia² jma₃quén₅ i₂la₂ i₂ó₃, 'nau² 'nia² dso₄, ia₁ ma₂tē₁dsí₅₄ 'Éi³ ja₁con² 'nia² guiong⁵⁴; ma₂tē₁tsín⁵⁴ 'nia² ma₂le₁cáng⁴ bá₄. ¹⁰ Ia₁ jui₁lia² dsa₂ i₂jme₂tí₃ ca₂le₃jě₃ 'Éi³, la₁ nē₁jua² ca₂'liain² caun₂ 'éi³ tio⁵⁴ nē₃, ja₁jaun₂ ca₂rē₃cáin² ca₂le₃jě₃ bá₄ 'éi³ a₂tio⁵⁴ ne₄ Si₂ jaun₂. ¹¹ Ia₁ Diú₄ 'éi₂ bá₄ i₂ca₂juá² jme₁ca₂juá²: “Tsá₃ nió⁴ 'nia² jág₁ quian⁵⁴ dsa₂ i₂tsá₃ lín₅ dsí₂i₂gog²”, † ján₃ bá₄ i₂'éi₂ ca₂juá²: “Tsá₃ jñig⁴ dsa₂ mī₂güig₃ ríng².” ‡ Jaun₂ le₂nē₅ chi₂jua² tsá₃ ca₂táng² guē² dso₄ quian⁵⁴ i₂tsá₃ lín₅ dsí₂i₂gog², la₁ nē₁jua² ca₂jñig³ guē² dsa₂ mī₂güig₃ ríng² nē₃, ja₁jaun₂ ca₂rē₃cáng² bá₄ ta₁jē₂ 'Éi³. ¹² Ca₂tín² 'nia² jmó² ton² dsí₁ jui₁lia² dsa₂ i₂nē₃ guē₄ tē₃dsí₅₄ 'éi³ quió⁵ con² lē₅ 'éi³ a₂lió₂. ¹³ Ia₁ jui₁lia² dsa₂ i₂tsá₃ ca₂dsia₃ néi₂ dsí₅ rin⁵⁴, ján₃ bá₄ le₂jaun₂ tsá₃ néi₂ dsí₅ Diú₄ dsia₃ ja₁con² 'éi₂ jē₁ma₂tē₂ rē₁tē₃dsí₅₄ 'éi³ quió⁵; la₁ jui₁lia² i₂ca₂dsia₃ néi₂ dsí₅ rin⁵⁴, a₂néi₂ dsí₅ jaun₂ bá₄ lí₂ jē₁ma₂tē₂ rē₁tē₃dsí₅₄ 'éi³ quió⁵.

Nió⁵ le₃jniá² a₂'én₂ dsa₂

¹⁴ 'Nia² rin⁵⁴ jniog₄, ¿'e₂ bá₄ ta₁ jmo₃ nē₁jua² chan₂ i₂juá² ma₂'éin₂, nē₁jua² tsá₃ guē² 'e₂ a₂'ua₁ dsí₅ jmo₂₃? ¿Lé₂ le₃jua⁵⁴ jniog₄ a₂tín⁴ dsa₂ le₂'éi₂ quian⁵⁴ a₂'éin₂ le₂jaun₂? ¹⁵ Jua⁵⁴ mei² guē₃ chan₂ jan₂ dsa₂ ñe², o₃ jan₂ dsa₂ mī₂ rin⁵⁴ jniog₄, 'in₂ tsín⁵⁴, 'in₂ a₂guē³,

* **2:8** Levítico 19:18. † **2:11** Éxodo 20:14; Deuteronomio 5:18. ‡ **2:11** Éxodo 20:13; Deuteronomio 5:17.

'oin₅₄ η₂₃ le₂o₃ jmig₄; ¹⁶ nē₁jua'₂ chan'₂ 'nia'₂ i₂ca₂chei'₅₄: “Guan'₂ caun₂ dse₃ quiáng'₂”, o₃ “Guan'₂ o₂jme₁dsion'₂”, o₃ “Guan'₂ o₂jme₁tan₅₄ ja₁quiáng'₂”, nē₁jua'₂ tsá₃ ca₂cuē'₅₄ guē'₂ 'nia'₂ a₂dsen₅₄ a₂'nió'₅ quió'₅ ni₁η₁₂, ζ'e₂ bá₄ ta₁ jmo₃ a₂'én'₂ 'nia'₂ le₂nē₅? ¹⁷ Le₂nē₅ bá₄ lē₅ quian'₅₄ a₂'én₂ dsa₂: nē₁jua'₂ tsá₃ léi₄ qui₂rē₂jniá₁ a₂jmo₅ dsa₂ a₂'ua₁ dsí₅, tsá₃ 'e₂ ta₁ tí₄ a₂'éin₂ jaun₂, lē₅ caun₂ co₂'nió'₄ a₂'lag₄ bá₄ jaun₂.

¹⁸ An₁ chan₂ bá₄ i₂juá'₂ nē₃: “Én'₂ bá₄ 'ne₂, la₁ jniá₂ guē'₂ jmo₂₃ a₂dse₃.” Jniá₂ juá'₅: 'Ē₄ a₂'éng'₂, on₃jua'₅₄ quian'₅₄ a₂dse₃ a₂jmo'₂, jaun₂ jniá₂ nē₃ jme₁jniag₅ a₂'éng₂ tē₂le₃ quian'₅₄ a₂dse₃ a₂jmo₂₃. ¹⁹ Én'₂ bá₄ 'ne₂ a₂chan₂ jan₂ Diú₄; ζ'e₂ a₂dse₃ jmo'₂ nē₁jua'₂ le₂jaun₂? Ján₃ bá₄ le₂nē₅ guē'₂ je₂na'₅₄ 'éin₂ a₂chan₂ Diú₄, la₁ jlein₂₃ bá₄. ²⁰ La₁ 'ne₂ nē₃ dsa₂ co₄, ζ'nio₂g'₂ cuē'₅₄ jniá₂ caun₂ léi₄ a₂tsá₃ 'e₂ quen₅ a₂'én₂ dsa₂ nē₁jua'₂ tsá₃ 'e₂ a₂dse₃ a₂qui₂rē₂jniá₁ jmo₂₃? ²¹ ζOn₁jua'₅₄ ca₂tē₁tsin'₅₄ rē₂ Abraham ne₄ Diú₄ tē₂le₃ quian'₅₄ a₂dse₃ a₂jme₁jme₂jniá₂₃ lia'₂ con'₂ jme₁ca₂jéin'₂ Isaac ja₁η₁'₅₄ quiáin₅ ne₄ Diú₄ a₂jme₁jag₃ ne₄ ne₄chei₂? ²² Rē₂ de'₂ quion₂ 'nia'₂ 'í₁ 'a₂ lia'₂ ca₂lē₃ quian'₅₄ Abraham: ja₁jaun₂ ca₂rē₃jniá₂ a₂'éin₂ tē₂le₃ quian'₅₄ a₂ca₂jmo₃ jaun₂, ja₁jaun₂ ca₂jáu'₃ 'í₁ ca₂η₁a₅ a₂'éin₂ tē₂le₃ quian'₅₄ a₂ca₂rē₃jniá₂ a₂ca₂jmo₃ jaun₂. ²³ Le₂nē₅ bá₄ ca₂rē₃ti₃ a₂juá'₂ ne₄ Si₂ 'iin₂₃ Abraham ja₁juá'₂: “Ca₂rē₃'én₂ Abraham ja₁con₂ Diú₄; a₂ca₂rē₃'éin₂ le₂jaun₂ nē₃, ca₂guéi'₂ Diú₄ tē₂tsin'₅₄ lín₅ dsa₂ dsen₃.”§ Jaun₂ Diú₄ nē₃ ca₂caun₃ ca₂lín₃ 'éi₂ a₂mei₅₄ quiáin₅. ²⁴ Ja₁nē₅ bá₄ rē₂jniá₂ jaun₂ nē₃, 'a₂lia'₂ tē₂tsin'₅₄ dsa₂ rē₂ ne₄ Diú₄ tē₂le₃ quian'₅₄ a₂dse₃ a₂jmo₂₃, on₃jua'₅₄ rē₂ a₂jη₁a'₅₄ 'nió'₅ juá'₂ a₂'éin₂. ²⁵ Ján₃ bá₄ le₂nē₅ ca₂lē₃ quian'₅₄ Rahab i₂jme₁'nag₅ quió'₅,* ca₂tē₁tsin'₅₄ rē₂ ne₄ Diú₄ tē₂le₃ quian'₅₄ a₂dse₃ a₂ca₂jmo₃: ca₂cuē₃ dsi₂néi₂ quió'₅ ca₂η₁a₃ dsa₂ quián₅ Diú₄, ján₃ guē'₂ ca₂jme₃'oin₅₄ dsa₂ 'éi₂ ca₂'uág'₂ jui₅ siá'₂. ²⁶ Jaun₂ le₂nē₅ bá₄ jui₁lia'₂ ni₁η₁'₅₄ a₂tsá₃ jme₂dsí₂ 'i₄, lē₅ caun₂ ni₁η₁'₅₄ 'lag₄, ján₃ bá₄ le₂nē₅ lē₅ a₂'én₂ dsa₂, nē₂jag₄ bá₄ 'lag₄ ján₃ nē₁jua'₂ tsá₃ rē₂jniá₂ a₂dse₃ a₂jmo₂₃.

3

Jui₁lia'₂ le₂tsi'₂ dsa₂

¹ Rin'₅₄ jniog₄, tsá₃ 'nió'₅ jua'₅₄ juin₅ i₂lén₂ tē₅ jin'₄ 'nia'₂, ia₁ ma₂η₁'₅₄ bá₄ 'nia'₂, 'ηio₅ guē₄ bēn₂ 'éi'₃ tē₃dsi₅₄ ja₁con₂ jniog₄ con'₂ lág₅ i₂jme₂tín₁ rin'₅₄. ² Ia₁ ca₂le₃jág₃ bá₄ jniog₄ co₂dsi₂'éin₅ ne₄ 'lióng₂ ne₅₄. Nē₁jua'₂ chan₂ i₂tsá₃ ma₃dso₄ 'no₅ 'i₁ca₂juig₄ ja₁dsia₂₃ jág₁, dsa₂ le₂'éi₂ lín₅ dsa₂ rē₂'ηia₅, i₂'io₅ bí₂ ne₄ ni₁η₁₂ 'ηiog₅, ta₁jain₂. ³ Jui₁lia'₂ jme₁tó'₅ dsa₂ ni₁η₁ mi₂'o₄ dsi₂cua₁ ia₁jaun₂ jme₃ti₃, lé₂ jéin'₂ dsa₂ ta₁jain₂ 'a₂ jui₅ 'nio₃ dsa₂ jiog₃. ⁴ Ní₂ de'₂ 'nia'₂ ján₃ jui₁lia'₂ ni₁barco jui₁'a₂ guē'₂ lia'₂ ca'₅₄ pa₁ lín₃, qui₂'lia'₂ dsí₂ tiá₂, dsa₂ i₂quian₅ nē₃ lé₂ le₃cán₂ 'a₂ jui₅ 'nio₃, quian'₅₄ caun₂ timón pí'₁ bá₄. ⁵ Le₂nē₅ bá₄ lē₅ quian'₅₄ le₂tsi'₂ dsa₂ ján₃; le₂tsi'₂ dsa₂ lē₅ caun₂ ni₁η₁'₅₄ pí'₁ ton₅ ni₁η₁ dsa₂; 'e₂ bá₄ lín₂ lé₂ le₃jmo₃ 'lióng₂ jág₁ ca'₅₄. ηí₂ de'₂ 'nia'₂ ján₃, 'e₂ guē₄ pa₁ 'ηa₁ má'₂ lé₂ le₃dsi'₂ quian'₅₄ ca₂míg₂ si₂ pí'₁!

⁶ Jaun₂ le₂tsi'₂ dsa₂ nē₃, lē₅ co₂'nió'₄ caun₂ si₂ a₂quian'₅₄ quió'₅ dsa₂. A₂lē₅ co₂'nió'₄ caun₂ mi₂güig₃ 'lig'₅₄ a₂ton₅ ni₁η₁ jniog₄, a₂jmo₅ ta₁ a₂qui₂rē₂'ηio₅ dsa₂ ta₁jain₂. Quian'₅₄ jág₁ dséi₂ a₂'ηiog₂ jniog₄, nē₂jag₄ bá₄ a₂gui'₂ si₂ le₂tsi'₂ jniog₄ jui₅ quián₂ tē₁lia'₂ chong₂, lē₅ nē₂jag₄ bá₄ si₂ a₂ca₂tín₂ bí₂ quian'₅₄ tsi'₅₄ si₂ a₂já₅ guio₃-juig₃. ⁷ Qui'₅₄ jmig₄ dsa₂ mi₂güig₃ jme₃'uáin₂ dsí₅ ca₂le₃jē₃ ne₅₄ já'₂ i₂tsau₂ dsí₅, já'₂ i₂'in₅, já'₂ i₂tsē₅ quió'₅, já'₂ i₂chan₂ jmi₁η₁'₄ nē₃, ⁸ la₁ 'i₁jan₂ dsa₂ tsá₃ 'ein₂ ma₂tió'₃ jme₃'uáin₂ le₂tsi'₂ guioin₅₄. Lē₅ caun₂ a₂'lig'₅₄ a₂tsá₃ tei₄ lé₂ le₃jmo₃, qui₂rē₂can'₂ jág₁ dséi₂ nē₂jag₄ bá₄ mís₅ 'lig'₅₄ a₂dsan₂ dsa₂. ⁹ Quian'₅₄ le₂tsi'₂ jniog₄ jme₂juín'₁ Te₁gui'₅₄ quián₂ i₂lín₅ Jmei₂ jniog₄, ton'₂ ján₃ guē'₂ 'ín₅ 'lig'₅₄ dsa₂ mi₂güig₃ i₂ma₂ca₂jmo'₂ Diú₄ lia'₂ lē₅ nió'₄ quió'₅ 'ηiog₅. ¹⁰ Quian'₅₄ mi₂'o₄ jniog₄ la₂, 'uē₂ jág₁ a₂jme₂juín'₁ Diú₄, ján₃ guē'₂ 'uē₂ jág₁ 'lig'₅₄ a₂'ín₅ dsa₂ rin'₅₄. Rin'₅₄ jniog₄, tsá₃ dsi₂ten₅₄ le₂nē₅. ¹¹ ζ'A₂ bá₄ lia'₂ chi₂jua'₂ caun₂ o₄tu₁ jmig₂ lé₂ le₃'iá₃ jmig₂ ráu₂ lia'₂ jmig₂ dsi'₃ nē₃? ¹² 'Nia'₂ rin'₅₄ jniog₄, ζlé₂ le₃lé₂ jua'₅₄ caun₂ ni₁'ma₂ a₂'ag₅ mīg₂ higo, jua'₅₄ a₂jaun₂ 'ag₃ táng₃ mīg₂ aceitunas? O₃, ζlé₂ le₃lé₂

jua'₅₄ ca₂cho'₅₄ uing₂ uvas, a₂jaun₂ 'ag₃ táng₃ mǐg₂ higos? Ján₃ bá₄ le₂ně₅, 'i₁caun₂ tu₄ jmig₂ ja₁'ia₂ jmig₂ ŋi'₅₄ tsá₃ lé₂ le₃'iá₃ jmig₂ ráu₂ ně₃.

Le₂la₂ dsón'₂ bá₄ lě₅ a₂dse₃ lia'₂ con'₂ dsi₂ten₅₄ le₃ŋi'₂ dsí₅ dsa₂

¹³ Nějua'₂ chan₂ jě₄ quián'₂ 'nia'₂ jan₂ i₂ŋi'₂ dsí₅, jui₁jme₂jniai₂₃ jui₅ dse₃ 'a₂ lia'₂ ŋi₂₃ tē₂le₃ quian'₅₄ a₂jmo₃ a₂dse₃, a₂jmo₃ mei'₂ lia'₂ con'₂ lě₅ ŋi'₂. ¹⁴ La₁ ně₁jua'₂ tion'₅₄ 'nia'₂ jmo'₂ uin₅ 'au'₂ cha₂ a₂dsi'₃ tē₂'au'₂ 'nia'₂, tiong'₅₄ cha₂ a₂ma₂'ín₅ 'au'₂ guiong'₅₄; ně₁jua'₂ le₂ně₅, tsá₃ ca₂tín'₂ 'nia'₂ jmó'₂ táng'₅, on₃ guē'₂ jmó'₂ tē₂jíng'₁ quian'₅₄ jág₁ tí₅. ¹⁵ Ia₁ a₂ŋi'₂ dsí₅ dsa₂ le₂ně₅, on₃jua'₅₄ a₂já₅ guei'₅₄ ně₅; quió'₅ mi₂güig₃ bá₄. A₂lě₂ dsí₅ ni₁ŋi₁ dsa₂ guioin₅₄, ta₁ quió'₅ je₂na'₅₄ bá₄ ně₅. ¹⁶ Ia₁ jui₁lia'₂ ja₁tion'₅₄ dsa₂ uin₅ dsí₅ quian'₅₄ riin'₅₄, ton'₂ co₂tan₅₄ cha₂ a₂ma₂'ín₅ dsí₅ dsa₂ a₂lí'₂ jmá'₃ guioin₅₄, ja₁le₂jaun₂ tsá₃ 'e₂ dse₃ chí'₅ tion'₅₄ dsa₂, ton'₂ jmo₅-dsáu₅ dsa₂ ca₂le₃jě₃ ne₅₄ a₂'lig'₅₄. ¹⁷ La₁ jui₁lia'₂ ja₁ŋi'₂ dsón'₂ dse₃ dsí₅ dsa₂ a₂já₅ guei'₅₄ i₂juig₃, jě₁le₂'uig₅₄ de'₂ chan₂ dsa₂ quian₅ caun₂ jui₅ le₁jě₃; ŋó₅ jaun₂ táng₃ 'no'₂ jui₅ ja₁'ag₃ tei₄; 'en₅₄ dsí₅ dsa₂ lín₅ ně₃; caun₂ dsáu₅ dsí₅ bá₄ 'e₂ caun₂ a₂lě₂; chain₂ ŋéi₂ dsí₅ dsa₂ mi₂güig₃ riin'₅₄; jmo₂₃ jmá'₃ lia'₂ a₂dse₃; ton'₂ tsá₃ 'e₂ qui₂co₂₃ jág₁ quió'₅; ton'₂ tsá₃ jua'₅₄ a₂lě₁co₂jmo₂₃ o₁ne₁ ně₃. ¹⁸ Dsa₂ i₂quín'₅ bí₂ jne₂₃ a₂'ag₃ tei₄, jaun₂ ro'₂ a₂le₃chain₂ caun₂ jui₅ co₂dsau₅.

4

Jui₁lia'₂ jme₁tón'₅ dsa₂ 'én₂ jmo₂₃ ján₃ a₂jmo₅ dsa₂ mi₂güig₃

¹ ¿A₂ jui₅ já₅ mi'₅₄ 'nei₂ a₂cha₂ jin'₄ 'nia'₂? ¿On₁jua'₅₄ 'uig₅₄ ia₁ a₂'niog'₂ 'nia'₂ le₃chang'₂ o₂ŋi₃ o₂ŋia₃ 'au'₂, cuē₅ 'nei₂ ni₁ŋi'₁ 'nia'₂? ² Cha₂ a₂'niog'₂ 'nia'₂ jui₁lia'₂ a₂tsá₃ cha₂ quiáng'₂. Uin₅ 'au'₂ 'nia'₂ líng'₅. Ia₁ tsá₃ le₃lén'₂ 'nia'₂ a₂'ín₅ 'au'₂. Jmo'₂ 'nia'₂ mi'₅₄, dsia'₂ 'nia'₂ 'nei₂ ně₃, la₁ tsá₃ cha₂ quián'₂ 'nia'₂ ně₃, ia₁ tsá₃ mi'₂. ³ Jui₁lia'₂ jme₁mi'₂ guē'₂ 'nia'₂, la₁ tsá₃ ŋi'₂ guē'₂ 'nia'₂ 'uig₅₄ ia₁ tsá₃ mi'₂ 'nia'₂ con'₂ dsi₂ten₅₄, ia₁ a₂ŋia'₅₄ 'niog'₂ 'nia'₂ 'éng'₄ a₂le₃chang'₂ o₂ŋi₃ o₂ŋia₃ 'au'₂ bá₄. ⁴ ¿E₂ guē₄ lín'₅ 'nia'₂ jui₁lia'₂ lín₅ dsa₂ mí₂ i₂tsá₃ jen₅₄ dsi₂i₂gu₂, qui₂'no'₂ jui₅ dsó₅ quian'₅₄ i₂sián'₂! ¿Tsa₁ ŋi'₅₄ 'nia'₂, jui₁lia'₂ dsa₂ i₂jen'₂ dsí₅ quian'₅₄ mi₂güig₃, i₂le₂'éi₂ tē₂tsin'₅₄ lín₅ i₂ŋia₅₄ Diú₄ bá₄? Jaun₂ lě₃, jui₁'ein₂ guē₃ i₂jen'₂ quian'₅₄ mi₂güig₃, i₂ŋia₅₄ Diú₄ bá₄ 'éi₂. ⁵ ¿O₃ bá₄ lín'₂ 'nia'₂, on₃jua'₅₄ 'e₂ cha₂ jein₅ jág₁ a₂juá'₂ ne₄ Si₂: “Jme₂dsí₂ i₂ma₂cuin₃ i₂'en₅₄ jě₄ quián₂ jniog₄, dsí'₅ 'ŋio₅ lín₃ ia₁ a₂'nio₃ jniog₄”?* ⁶ La₁ tē₂le₃ 'ŋio₅ guē₄ bēn₂ a₂'ua₁ dsí₅ Diú₄ a₂cuē₂₃ jniog₄; 'uig₅₄ jaun₂ juá'₂ ne₄ Si₂:

Nau₂ Diú₄ quein₅ ne₄ dsa₂ i₂jmo₅ tán'₅,

la₁ jmo₂₃ 'ua₁ dsí₅ ja₁con₂ dsa₂ i₂jmo₅ me'₂.†

⁷ Tión'₂ 'nia'₂ o₄gú₃ Diú₄. Tsá₃ lě₁cuín₅ 'nia'₂ i₂sě₃dsen₃, jaun₂ i₂cuing₃ bá₄ 'éi₂ ja₁con'₂ 'nia'₂. ⁸ Jme₁quián₄ 'nia'₂ tē₂le₃ ja₁con₂ Diú₄, jaun₂ bá₄ jme₃quián₃ 'éi₂ ja₁con'₂ 'nia'₂ ján₃. 'Nia'₂ dsa₂ i₂qui₂rě₂cán₄ dso₄, rang₂ 'nia'₂ gog'₂; jmo₄ 'nia'₂ le₁jě₃ tē₂'au'₂, 'nia'₂ dsa₂ i₂le₁'ág₄ caun₂-tín₃ dsí₅. ⁹ Tión'₂ 'nia'₂ quian₂ o₂i₁ dsí₅, qui'₂-o₄. Nág'₄ quián'₂ 'nia'₂, jui₁le₂tsín₃ jui₁le₅₄ a₂qui'₂- 'áu'₂ 'nia'₂; ján₃ guē'₂ le₂ně₅ ně₁jua'₂ chan'₂ 'nia'₂ i₂'io'₂ jén'₅, jme₁tsín₄, tión'₂ 'nia'₂ 'lia'₂ 'au'₂. ¹⁰ Jmo₄ 'nia'₂ meg'₂ tē₂le₃ ne₄ Te₁gui₅₄, jaun₂ bá₄ chó'₂ 'éi₂ táng₃.

Diú₄ bá₄ i₂ca₂tín₂ con₂ 'í

¹¹ Rin'₅₄ jniog₄, tsá₃ 'ín₅ 'nia'₂ 'lig'₅₄ ríng'₂ le₂jang'₂ le₂jang'₂. Ia₁ jui₁lia'₂ i₂'ín₅ 'lig'₅₄ jan₂ rin'₅₄, o₃ ŋi₂₃ qui₂con₂ 'í₁, co₂'nió'₄ 'lig'₅₄ bá₄ 'ě₅ 'éi₂ 'Éi'₃ quió'₅ Diú₄, ton'₂ jmo₂₃ dsí₅ tsá₃ 'e₂ quen₅ 'Éi'₃. Ia₁ ně₁jua'₂ cáun'₂ 'ne₂ 'í₁ ne₄ 'Éi'₃, co₂'nió'₄ bá₄ a₂ma₂jmo'₂ 'au'₂ ján₃ a₂líng'₅ jan₂ i₂'io₅ bí₂ con₂ 'í₁ ne₄ 'Éi'₃ 'nió'₄ a₂jme₁ti'₄ 'ŋiag'₂. ¹² Jan₂ tan₅₄ bá₄ i₂chan₂ i₂ca₂tín₂ cuē₃ 'éi'₃; i₂'éi₂

* 4:5 'Nio'₂ ja₁ton₅ Éxodo 20:5. † 4:6 Proverbios 3:34.

bá4 lín5 i2'io5 bí2 dsí3 'éi'3, jaun2 'ñiog5 bá4 'éi2 ně3 lé2 le3lió2 o3 'liog'3 'e2. La1 ħi2'ein2 bá4 'ne2? ħ'E2 lē3 cáun'2 'í1 quió'5 dsa2 mi2güig3 ríng'2?

¹³ Nē3 ně3, nei2 'nia'2 a2la2, 'nia'2 i2jag4 juá'2: “Nē3 o3 'ióg3, dsau54 ciudad ně5, o3 ciudad ó3; ja1jaun2 dsi1ñag54 caun2 ñi2 dsi1'nág1 dsi1jmó1 'ma'54 jaun2 léi2 cu4.” ¹⁴ La1 'i1ca2juig4 tsá3 jaun2 ñi'54 'nia'2 'e2 lé2 'ióg3, dsi2jui5 ja1o1nóg'5. Ia1 jui1lia'2 lē5 caun2 bē'54 jnei5 tei2 bá4 lín'5 'nia'2, ně3 jniá2 'ei5, ně3 cón'5 tsá3 ma3cha2 táng3. ¹⁵ Nió'4 a2jme1dsiá'2 'nia'2 jág1 le2ně5, le2la2 bá4 ca2tín'2 'nia'2 dsiá'1: “Chi2jua'2 le2jaun2 'nio3 Te1gui'54 le3chong2 jniog4, jaun2 bá4 dsi1jmó1 a2la2 a2ó3.” ¹⁶ La1 'nia'2 ně3, tìng'2 dsiá'2 jág1 tá'5 jmo'2 'nia'2 róng'2; ca2le3jē3 a2dsia5 dsa2 jág1 le2ně5, 'lig'54 bá4. ¹⁷ Jaun2 ně3, dsa2 i2ñi5 a2dse3 a2lé2 le3jmo3, la1 ně1jua'2 tsá3 ca2jmo3 ně3, dso4 bá4 jaun2 le3quió'5 'éi2.

5

A2rē2'ē2jág1ja1con2 dsa2 cha2 cu

¹ ħNei2 'nia'2 a2la2, 'nia'2 dsa2 i2cha2 cu4! Qui'2-'o4, guio'54 'nia'2 o4quió'4 ca2le3jē3 ne54 jmi1uig5 a2dsi3ñí'2 'nia'2. ² Ca2le3jē3 a2cha2 quián'2 'nia'2 ma2'áu1, le2jaun2 guē'2 'mi'2 a2quí'2 'nia'2 ma2quí'5 i1cá1. ³ Cu4nióg4 cu4tiog2 quián'2 'nia'2 qui2ma2'io2 juí'5. Já5 caun2 jmi4jáng'3 léi4 juí'5. A2ně5 bá4 a2co3dsag54 quián'2 'nia'2, a2dsiá3 ñi1ñi'1 'nia'2 guiong'54, lé2 ně2jag4 bá4 si2. Ia1 'ñio5 lín3 qui2ma2dsia'54 'nia'2 le1má'2 ca2le3jē3 ne54 a2cha2 quiáng'2, jmi4jē2ca2tó'2 la2. ⁴ ħJag4! 'Lian'54 dsa2 i2qui2ma2jmo3 ta1 ja1nau2 quián'2 'nia'2 'lian'54 dsa2 a2tsá3 ca2qui'54 'nia'2, guíó'5 'o23; le2jaun2 guē'2 jág1 quió'5 guion54 dsa2 'éi2, ma2dsi3lé2 gua4 Te1gui'54 Juig54 'Lióg2. ⁵ Ia1 'ñio5 lín3 dse3 jlá'1 ma2ca2rē3chán3 'nia'2 ne4 gua'54 'uē3 la2, ma2qui2ma2quian'2 'nia'2 o2'ñi3 o2jñia3 dsi5. Ma2ca2jme1'on'1 'nia'2 lia'2 'on'54 ca1jui5; la1 já5 jmi4ja1dsián'3 'nia'2 jui1lia'2 dsan2 ca1jui5. ⁶ 'Nia'2 ma2qui2ma2'liáng'3 ma2ca2jme1dsiang'2 dsa2 i2tsá3 'e2rín2; ħtsa1 lín'2 'nia'2 jñia'54 dsa2 'éi2 mi3 tē3dsi54 'éi'3 jmi4jaun2?*

A2chan2 dsa2 juin'2 dsí5 lín5 caun2 chi1jñia23 a2jéin'3 Diú4 'e2 ma2mi3

⁷ Jaun2 ně3, rín'54 jniog4, jmo4 'nia'2 juin'2 'au'2 ca2lia'2 ca2tē2 jmi4i1guan'2 Te1gui'54. Jui1lia'2 jan2 dsa2 i2jmo5 ta1 ja1nau2 chi1jñia23 ráu3 dse3 lín3 ta1 quió'5, jaun2 caun2 jmo23 juin'2 dsí5 bá4 chi1jñia23 a2guá2 le2'uig54 jmi5 tiá4, a2tē54 jein2 jmi5 ně3. ⁸ Le2ně5 bá4 'nia'2 ján3, jmo4 'nia'2 juin'2 'au'2, caun2 'éi2 'nia'2 'au'2, ia1 ja2quián3 bá4 jmi4a2guan'2 Te1gui'54. ⁹ Rín'54 jniog4, tsá3 ma3o1le54 'au'2 'nia'2 jua'54 a2caun2 qui1'ní'4 guē4 'nia'2 ríng'2 le2jang'2 le2jang'2, ia1jaun2 bá4 tsá3 tē3dsi54 'éi'3 ja1con'2 'nia'2 guiong'54. Ia1 juē4 i2qui3dsi5 'éi'3 ně2jag4 i2ma2chén'5 o4'né4 bá4 'éi2. ¹⁰ 'Nia'2 rín'54 jniog4, quian2 'nia'2 jui5 jui1lia'2 jui5 a2ca2can3 dsa2 i2ca2'ē2 jág1 quián5 Te1gui'54 ma2líg'2. Ca2rē3juin'3 dsí5 ne4 ca2le3jē3 jmi1uig5 a2ca2i3ñí2. ¹¹ Jag4 jaun2, jmo2 jniog4 dsi5, 'e2 guē4 dsen3 dsa2 i2ca2nau2 tiá2 'éi2. Ján3 bá4 ñi'54 'nia'2 'a2 lia'2 ca2rē3juin'3 dsí5 Job, ca2nau2 tiá2, ton'2 ñi'54 bá4 'nia'2 ján3 'a2 lia'2 ca2jme3gu'54 táng3 Te1gui'54 quió'5 'éi2 jē1ca2tó'2. Ia1 le2ně5 bá4 jau'2 'í1 i2'ua1 dsí5 lín3 bá4 Te1gui'54, ton'2 néi2 dsí5.

¹² Le2ně5 bá4, jmo4 'nia'2 ne4 ca2le3jē3, rín'54 jniog4, jui1lia'2 jme1dsia'2 'nia'2 jág1, tsá3 lē1'ē2 'nia'2 guei'54 i2juig3, on3 guē'2 'ē2 'nia'2 gua'54 'uē3, on3 guē'2 'i1caun2 cosa siá'2 a2lē1'ē1 'nia'2 jua'54 a2'íng'4 Diú4. Jē1ma2tē2 rē1dsiá'1 'nia'2 jág1, jua'54 'nia'2 “ján5”, jui1le2ti3 bá4 “ján5” jaun2; ján3 bá4 le2ně5 jui1lia'2 jme1jua'2 'nia'2 “jan2'ón4”, jui1le2ti3 bá4 “jan2'ón4” jaun2, ia1jaun2 tsá3 tē3dsi54 'éi'3 ja1con'2 'nia'2.

¹³ Nē1jua'2 'ein2 'nia'2 chan2 o2i1 dsi5, jui1chi2lén'2 ne4 Diú4. Nē1jua'2 'ein2 guē'2 chan2 i2'eis dse3 dsí5, jui1'ē12 son54 a2rē2juin'2 Diú4. ¹⁴ Nē1jua'2 chan2 'ein2 i2dso'54, ca2tín2 tē'2 dsa2 can'54 quián5 guá'5,† ia1jaun2 chi2lén'2 'éi2 Diú4 ne4 quió'5, jaun2 tsáng2 no'54 lia'2 con'2 lē5 'éi'3 quió'5 Te1gui'54. ¹⁵ Ia1 jē1chi2lén'2 dsa2 Diú4 a2'éin2 tē3dsón'2, 'lión2 dsa2 dso'54; chó'2 bá4

* 5:6 o3, “tsá3 jua'54 a2jaun2 tsá3 ca2guen3 'éi2.” † 5:14 griego: presbíteros.

Te₁gui'₅₄. Nē₁jua'₂ 'e₂ dso₄ ma₂táin'₂ ně₃, 'én₂ bá₄ dsáu₁. ¹⁶Jaun₂ lě₃, jme₁jnia₅ 'nia'₂ ne₄ ríng'₂ 'e₂ ma₂qui₂ma₂'lian'₂ 'nia'₂, ján₃ guě'₂ chi₂len'₄ 'nia'₂ Diú₄ o₄quió'₄ ríng'₂ le₂jang'₂ le₂jang'₂ ia₁jaun₂ 'lión'₂ 'nia'₂. Ia₁ jui₁lia'₂ dsa₂ i₂tión₂ rě₂ ne₄ Diú₄, 'io₅ bí₂ jág₁ quió'₅ 'e₂ caun₂ a₂mi₂₃ ne₄ Diú₄. ¹⁷Elías jme₁lín₄ jan₂ dsa₂ lia'₂ lág₅ jniog₄; jme₁ca₂mi₃ jě₄ chi₂lén'₂ Diú₄ a₂co₂ŋei'₅₄ tsá₃ ma₃téin₃ jmí₅, jaun₂ 'ni₅ ŋi₂ tě₂ ca₂dsio₄ tsá₃ ma₃jmí₅ ca₂tang₂ ne₄ gua'₅₄ 'uě₃. ¹⁸Cang₂ jaun₂, ca₂mi₃ táng₃ ne₄ Diú₄, jaun₂ ca₂tang₂ táng₃ jmí₅, ca₂rau₂ táng₃ ne₄ gua'₅₄ 'uě₃.

¹⁹'Nia'₂ rin'₅₄ jniog₄, nē₁jua'₂ chan₂ 'nia'₂ i₂dsi₂cón'₅ dsí₅ jui₅ dsau₅, nē₁jua'₂ jan₂ guě'₂ i₂ca₂jén'₂ táng₃, ²⁰dsá₂ 'au'₂ 'nia'₂ jmo₄ a₂la₂: jui₁ 'ein₂ guě₃ i₂jén'₂ jan₂ dsa₂ i₂rě₂cán'₄ dso₄ jui₅ 'līg'₅₄ a₂jme₁ma₂ŋó₅, lióin₂ jme₂dsí₂ quió'₅ 'éi₂ ne₄ 'mú₃, jaun₂ le₂ně₅ jlě₂ 'lióng₂ dso₄ dsi₂ 'én₂ ně₃.

Co₂ně₅.

Si₂ carta le₂'uig₅₄ a₂ca₂jmo₃ SAN PEDRO

Jmo₅ Pe₄ si₂ a₂chein₃ ne₄ dsa₂ 'én₂ i₂tián₅ tsi₁rě₂jan₅₄ uíng₂

¹ Jniá₂ Pe₄, líng₅ dsa₂ i₂chen₄ quián₅ Jesucristo jmo₂₃ si₂ la₂ tsíng₂ ne₄ ca₂le₃jín₃ dsa₂ i₂tsi₁rě₂jan₅₄ i₂ma₂lín₅ co₂'nió'₄ dsi₂nau₂ i₂tián₅ uíng₂, le₂tan₅₄ 'uě₃ Ponto, quian'₅₄ Galacia, Capadocia, Asia, Bitinia ně₃, ² ne₄ ca₂le₃jín₃ dsa₂ i₂ma₂quion'₅₄ quián₅ Diú₄ Jmei₂ jniog₄ lia'₂ con'₂ lě₅ ma₂i₃jio₅ dsí₅ ca₂le₂jniá₅. Ca₂quió'₂ Diú₄ tē₂le₃ quian'₅₄ ta₁ quió'₅ Jme₂dsí₂ quián₅ ia₁jaun₂ ma₂lě₅ 'í₁ 'nia'₂, ia₁jaun₂ le₃chang'₂ jme₁ti'₄ ne₅₄, chan'₂ 'nia'₂ qui₂le₁jě₃ jme₂dsí₂ quiáng'₂ ně₃, rě₂jnióg'₄ le₁séng'₅ jmi₂ 'an₅₄ Jesucristo. Jaun₂ juá'₅ jniá₂, ju₁chan'₂ bá₄ 'nia'₂ dse₃ ne₄ ca₂le₃jě₃ ne₅₄ a₂dse₃ jme₂gu'₅₄ Diú₄, 'ei₅ tei₄ ja₁con'₂ 'nia'₂ ca₂le₃jíng'₃.

'A₂ lia'₂ chan₂ dsa₂ caun₂ bá₄ a₂le₁'ág₄ dsí₅ a₂ma₂rě₂'én₄ dsáu₁, tñin'₄ guei'₅₄ i₂juíg₃

³ Ju₁le₂juin'₂ bá₄ Diú₄ Jmei₂ Te₁gui'₅₄ Jesucristo quián₂, ia₁ ca₂dsia₃ njé₂ dsí₅ 'nio₅ lín₃ jniog₄, ca₂cuě₃ jme₂dsí₂ 'mí₂, ma₂jmo₃ bá₄ a₂ma₂ca₂rě₃chóng₃ táng₃ jniog₄ tē₂le₃ quian'₅₄ ju₁bí₂ a₂ca₂jen'₅₄ táng₃ Jesucristo jin₄ 'lag₄. 'Uig₅₄ ně₅ bá₄ a₂chong₂ jniog₄ caun₂ bá₄ qui₂le₁'ág₄ dsí₅ a₂dsi₁no₃ tág'₄ guei'₅₄ i₂juíg₃. ⁴ Ton'₂ jmo₃ a₂guéi'₁ 'nia'₂ a₂ma₂lě₅ jág₁ a₂tíng'₅₄ cuě₃ Diú₄, a₂lě₅ caun₂ a₂tsá₃ ton₅ jmi₂g₄ dsí₃'én₂, on₃ guě'₂ lē₂ le₃'lig'₅₄, on₃ guě'₂ ton₅ jmi₂g₄ le₃juíng₅ ně₃. Ca₂le₃jě₃ a₂ně₅ ma₂lě₅ co₂jnia₅₄ rě₂'ma₄ guei'₅₄ i₂juíg₃ quián'₂ 'nia'₂. ⁵ Tē₂le₃ ia₁ a₂'én'₂ 'nia'₂ ma₂jmo₂₃ 'í₁ quian'₅₄ ju₁bí₂ quió'₅ a₂dsi₁no₃ 'nia'₂ tíng'₄ a₂le₃jniá₂ jmi₂g₄ jē₁ca₂tó'₂ i₁lión'₂ 'nia'₂.

⁶ 'Uig₅₄ ně₅ bá₄ ně₃ ju₁chan'₂ 'nia'₂ qui₂le₁'ág₄ dse₃ 'au'₂, 'io'₂ jéng'₂, tsá₃ a₂léi₂ ju₁la₂ 'líong₂ táu₂ a₂qui₂dsi₃ñí'₂ 'nia'₂ co₂'na₂. ⁷ Ia₁ lia'₂ lě₅ cu₄nióg₄ bá₄ lě₅ 'én'₂ 'nia'₂: jaun₂ tion₅₄ 'nió'₅ cáu₃, ñag₅ si₂, jióg'₂ 'í₁ le₃léi₄ chi₂jua'₂ tē₃dsón'₂ bá₄ dse₃. Ju₁lia'₂ jau'₂ 'í₁ cu₄nióg₄ tē₂le₃ quian'₅₄ si₂, ján₃ bá₄ le₂ně₅ jióg'₂ 'í₁ a₂'én'₂ 'nia'₂ tē₂le₃ quian'₅₄ uig₅ a₂niog₅ qui₂dsi₂ñí'₂. Ia₁ a₂'én'₂ 'nia'₂ ně₅, quen₅ guě₄ 'nio₅ lín₃ lia'₂ con'₂ guě₄ cu₄nióg₄, ia₁ cu₄nióg₄ ně₃, a₂dsi₂'én₂ bá₄ jaun₂. Jaun₂ ně₃ jē₁ma₂ca₂o₃'ág₃ jág₁ a₂'én'₂ 'nia'₂ tē₃dsón'₂, jaun₂ guě₄ 'ag₃ Diú₄, 'én'₂ bá₄ 'nia'₂ dse₃ lín₃, ton'₂ qui₂jme₃go₃ bá₄ dsa₂, jaun₂ guéin'₂ bá₄ 'nia'₂ guei'₅₄ i₂juíg₃ jē₁ma₂ca₂rě₃jniá₂ Jesucristo.

⁸ 'Nió'₃ bá₄ 'nia'₂ Cristo ju₁la₂ tsá₃ ma₂ca₂tē₂ ne'₅₄ 'nia'₂. Caun₂ bá₄ qui₂le₁'ág₄ 'au'₂ 'nia'₂ le₃quió'₅ 'éi₂, jnia'₅₄ la₂ tsá₃ ma₂ca₂jñin'₅₄ 'nia'₂ dsón'₂ dsi₁ne₁ la₁ 'nio₅ lín₃ bá₄ 'io'₂ jén'₂ 'nia'₂ ca₂lia'₂ tsá₃ ne₄ 'a₂ lia'₂ le₃jua'₅₄, ⁹ ia₁ le₂ně₅ bá₄ ma₂lín'₂ 'nia'₂ ju₁ja₁ma₂lón₂ jme₂dsi₂ quiáng'₂; ia₁ ja₁jaun₂ dsi₁no₃ dsón'₂ bá₄ 'nia'₂ lia'₂ con'₂ lě₅ 'éng'₂.

¹⁰ Ju₁lia'₂ jág₁ a₂lió₂ Diú₄ ně₅, lia'₂ con'₂ lě₅ jme₁'ě₂ dsa₂ quián₅ Diú₄ jág₁ ma₂líg'₂, ca₂juá'₂ tē₃jniá₅ 'a₂ lia'₂ jmo₃ 'ua₁ dsí₅ jme₃goin'₅₄ 'nia'₂, jaun₂ dsa₂ 'éi₂ ně₃ ca₂'náu'₃ jág₁ dsau₅ ca₂cáun₃ 'í₁ rě₂ lín₃, ¹¹ 'ein₂ dsón'₂ 'éi₂, o₃ 'e₂ 'ió'₄ a₂ñág₃ uig₅, a₂le₃juin'₂ táng₃ cang₂ jaun₂. Ca₂jmo₃ bá₄ dsa₂ 'éi₂ ně₃ lia'₂ con'₂ lě₅ ca₂'ě₃ Jme₂dsi₂ quián₅ Cristo ju₁ tē₂dsí₅.

¹² Ca₂jme₃jnia₅ Diú₄ jág₁ a₂qui₂ca₂ñí'₂ dsí₅ dsa₂ 'éi₂, la₁ on₃jua'₅₄ a₂dse₃ ja₁coin₂ guioin₅₄, a₂dse₃ tē₂le₃ ja₁con'₂ 'nia'₂ bá₄ a₂ca₂jme₃ti₃ 'éi₂ lia'₂ con'₂ jme₁ca₂'ě₂ jág₁, co₂rě₂ bá₄ lia'₂ con'₂ lě₅ jág₁ a₂ma₂ca₂rě₃'ě₂ ja₁con'₂ 'nia'₂ tē₂le₃ quian'₅₄ Jme₂dsi₂ Jnió₅ i₂chen₄ já₅ guei'₅₄ i₂juíg₃. Ca₂le₂jio₅ ángeles ně₃, jme₁ín₅ dsí₅ tē₃ ne₅₄ ca₂le₃jě₃ a₂ně₅.

Diú₄ ma₂ca₂tē₃ jniog₄ a₂le₃chong₂ le₁jě₃ jme₂dsi₂ quián₂

¹³ Jaun₂, rě₂ján'₁ 'nia'₂ jmo₄, a₂le₃ñí'₂ dsei'₂ a₂le₃'en₅₄ 'au'₂ 'nia'₂. Caun₂ bá₄ le₁'ág₄ 'au'₂ 'nia'₂ jmo₄ a₂le₃jan'₄ a₂jme₃gu'₅₄ Diú₄ jmi₂g₄ jē₁ma₂tē₂ rē₁jme₃jnia₅ Jesucristo. ¹⁴ La₁ ju₁len'₅₄ 'nia'₂ chi'₂-guein₂ dse₃ quián₅ Diú₄ i₂qui₂rě₂ti'₅₄. Tsá₃ ma₃tián'₂ 'nia'₂ jua'₅₄ a₂qui₂dsi₂jnia₅

guě₄ 'lig'₅₄ 'au'₂, lia'₂ jme₁líng'₄ le₂jniá'₅ lia'₂ con'₂ tsá'₃ 'e₂ jme₁ma₂ni'₅₄ 'nia'₂ le₃quíó'₅ Diú₄.
¹⁵ Tě₂le₃ jui₁le₂chan'₂ bá₄ 'nia'₂ qui₂le₁jě₃ tě₂'au'₂ qui₂rě₂jnió'₄ co₂nei'₅₄ jme₂dsí'₂ quiáng'₂ quian'₅₄ ca₂le₃jě₃ guě₄ a₂jmo'₂ 'nia'₂. Ia₁ i₂jnió'₅ lín₃ bá₄ Diú₄ i₂ma₂ca₂tě₃ 'nia'₂. ¹⁶ Ia₁ juá'₂ ne₄ Si₂: “Jui₁le₂jnió'₄ bá₄ 'nia'₂, ia₁ i₂jnió'₅ bá₄ jniá'₂ 'nió'₃.”*

¹⁷ Chi₂jua'₂ tě₂'nia'₂ “Tia₅₄” i₂qui₂con₂ 'í₁ quió'₅ le₂jan₂ le₂jan₂ dsa₂ lia'₂ con'₂ lě₅ ma₂jmo₃, la₁ tsá'₃ jma₃quén₅ jín₂ ca₂le₃jín₃, jaun₂ ca₂tín'₂ 'nia'₂ jme₁gain'₃ ca₂le₃jě₃ jmig₄ tě₁lia'₂ chan'₂ 'nia'₂ líng'₅ ně₂jag₄ bá₄ dsi₂nau₂ ne₄ gua₅₄ 'uě₃ la₂. ¹⁸ Ia₁ ma₂ni'₅₄ bá₄ 'nia'₂, on₃jua'₅₄ a₂ca₂quiín₃ quian'₅₄ cosa a₂tsá'₃ uě₂ jiog₅, quian'₅₄ jui₁lia'₂ cu₄nióg₄ cu₄tio₂g₂ a₂ca₂lióin₂ 'nia'₂ ne₄ jui₅ a₂tsá'₃ ta₁ tí₄ a₂jme₁le₁quian'₄ 'nia'₂, a₂ca₂rě₂tíng'₃ ca₂hág₃ dsa₂ can'₅₄ quiáng'₂.
¹⁹ Ca₂quín'₂ 'nia'₂ tě₂le₃ quian'₅₄ jmi₂ 'an₅₄ Cristo a₂quen₅ guě₄ lín₃, a₂ca₂hó₃ qui₂rě₂jeín'₅₄ ne₄ Diú₄ ně₂jag₄ bá₄ já'₂ cha'₂ i₂tsá'₃ 'e₂ 'lig'₅₄ lín₅ 'i₁caun₂. ²⁰ Ia₁ lia'₂ con'₂ né'₃ a₂nio₃ mi₂güí'₃, jme₁ma₂rě₂'iín₁ bá₄ a₂lióin₂ dsa₂ mi₂güí'₃. Ia₁ ma₂ca₂rě₃jniá'₂ jmig₄ jě₁ca₂tó'₂ rě₂ně₃, a₂dse₃ o₄quián'₂ 'nia'₂. ²¹ Ia₁ tě₂le₃ quian'₅₄ 'éi₂ bá₄ 'én'₂ 'nia'₂ le₃quíó'₅ Diú₄ i₂ca₂jme₃jen'₅₄ Cristo ja₁jme₁rě₂'lín₅₄, jaun₂ ca₂jme₃jláu'₁ ně₃. 'Uig₅₄ jaun₂, jui₁le₁'ág₄ 'au'₂ 'nia'₂ 'éng'₂ tě₂le₃ quió'₅ Diú₄.

²² Ně₃ ně₃ ma₂le₁jín'₃ bá₄ 'nia'₂ ia₁ ma₂jme₂tí'₁ 'nia'₂ jág₁ tí₅, ia₁ tě₃dsón'₂ bá₄ ma₂'nió'₃ 'nia'₂ ríng'₂, jme₁'nió'₄ 'nia'₂ ríng'₂ le₂jang'₂ le₂jang'₂ jaun₂ ně₃ ca₂le₃jě₃ 'au'₂.† ²³ Ia₁ ma₂ca₂rě₃chán'₃ 'nia'₂ táng₃, la₁ on₃jua'₅₄ lia'₂ lě₅ rě₃chan₂ jaun₅ dsa₂ i₂dsan₂. A₂ca₂líng'₃ jaun₅ Diú₄ bá₄ i₂tsá'₃ líg'₂ jmig₄ dsián₃. Ca₂rě₃cháng'₃ tě₂le₃ quian'₅₄ jág₁ jén'₃ quió'₅ Diú₄ bá₄ a₂jiog₅ co₂tan₅₄. ²⁴ Ia₁ ne₄ Si₂ juá'₂:

Ca₂le₃jín₃ dsa₂ mi₂güí'₃
 lín₅ jui₁lia'₂ lě₅ ni₁nau₂,
 ca₂le₃jě₃ 'a₂ lia'₂ jláin'₁
 lě₅ lia'₂ lě₅ lí₁ jlá'₁ quió'₅ ni₁nau₂.
 Jě₁ma₂ca₂rě₃quén₃ ni₁nau₂,
 ca₂tá'₂ bá₄ lí₁ ján₃.

²⁵ La₁ jág₁ quió'₅ Te₁gui'₅₄ jiog₅ co₂tan₅₄ bá₄.‡
 Jaun₂ jág₁ dse₃ a₂lión₂ dsa₂ ně₅ ma₂ca₂rě₃'ě₂ jín'₄ 'nia'₂.

2

¹ Jaun₂ ně₃, co₂dsia₅ tí₃ 'nia'₂ ca₂le₃jě₃ ne₅₄ a₂'lig'₅₄, quian'₅₄ 'a₂ lia'₂ lě₅ jme₁chan'₂ 'nia'₂ jmo'₂ o₁ne'₄, o₁gang'₂, jme₁chan'₂ 'nia'₂ jmo'₂ uig₅ 'au'₂, ca₂le₃jě₃ guě₄ a₂lě₁chi₂dsia'₂ 'nia'₂ 'íng'₅ ríng'₂. ² Jmo₄ 'nia'₂ ně₂jag₄ bá₄ guein₂ pí'₁ i₂'ín₅ dsí₅ 'ín'₂ dsi'₅₄ jmá'₅ a₂gu₂dsí₂, jaun₂ tě₂le₃ quian'₅₄ a₂jaun₂ qui₂dsi₃can'₅₄ 'nia'₂ ca₂lia'₂ ca₂'hia₅ i₁lión'₂ 'nia'₂, ³ chi₂jua'₂ tě₃dsón'₂ bá₄ ma₂ca₂rě₃len'₄ 'nia'₂ jmá₂ a₂dse₃ dsí₅ Te₁gui'₅₄.*

Cristo bá i₂lín₅ ni₁'lau₂ jén'

⁴ Jme₁quián₄ 'nia'₂ ja₁con₂ Te₁gui'₅₄ i₂lín₅ ni₁cang₁ jén'₃. Dsa₂ mi₂güí'₃ ně₃ tsá'₃ ca₂rě₃jei₅₄, la₁ tě₂le₃ quió'₅ Diú₄ ně₃ lě₅ ni₁cang₁ rě₂quío'₅₄ a₂jlá'₁ a₂quen₅ guě₄ lín₃. ⁵ Le₂ně₅ bá₄ 'nia'₂ ján₃, jmo₄ 'nia'₂ 'au'₂ a₂líng'₅ co₂'nió'₄ ni₁cang₁ jén'₃ a₂jmo'₂ Diú₄ ta₁ a₂jui₂₃ jmóg'₅ caun₂ 'né₅ a₂gu₂dsí₂, ia₁jaun₂ dsi₁nó'₅ 'nia'₂ léng'₂ co₂'nió'₄ jme₂dsa₂ i₂lě₅ 'í₁ quiáin₅ i₂qui₂jén'₅ 'e₂ qui₂jén'₅ ne₄ Diú₄ a₂gu₂dsí₂ a₂lě₅ a₂'hio₂ dsí₅ 'éi₂ gue₂₃ tě₂le₃ quian'₅₄ Jesucristo. ⁶ Ia₁ ne₄ Si₂ juá'₂ ján₃:

la₂ dsián₄ jniá₂ ciudad Sión i₂lín₅ ni₁cang₁
 quió'₅ qui'₅₄ 'uig₅₄ 'ia'₂.
 Ca₂le₃jín₃ i₂'én₂ le₃quíó'₅,

* **1:16** Levítico 11:14,45; 19:2; 20:7. † **1:22** A₂lín₅₄ chog₅₄ si₂: “a₂le₁jě₃ 'au'₂.” ‡ **1:25** Isaías 40:6-8. * **2:3** Salmo 34:8.

o₁líg'₂ tsá₃ 'ag₃ caun₂-tin₃ dsí₅.†
 7 Těle₃ quián'₂ 'nia'₂ i₂'éng'₂, ni₁'lau₂ jaun₂ lě₅ a₂quen₅ 'ñio₅ lin₃. La₁ těle₃ quió'₅ i₂tsá₃ 'én₂
 ně₃, rě₂ti₃ jui₁lia'₂ juá'₂ ne₄ Si₂:
 Ni₁cang₁ a₂tsá₃ ca₂rě₃ji'₅₄ dsa₂ i₂jme₁jmóg'₅ 'né₅,
 ca₂lě₃ ni₁cang₁ a₂dsen₅₄ guě₄ quió'₅ qui'₅₄ 'ia'₂.‡
 8 Rě₂ti₃ ján₃ ja₁juá'₂ ne₄ Si₂:
 ni₁cang₁ a₂qui₂nió₅ dsa₂,
 ni₁'lau₂ a₂jmo₅ a₂dsi₂gan'₅₄ dsa₂.§
 'Uig₅₄ ia₁ a₂tsá₃ 'nio₃ jme₃ti₃ jág₁ dse₃, qui₂nió₅ jui₁lia'₂ ma₂'i₄ 'éi'₃ dsi₃ñi₂.

Dsa₂ i₂tén₅ le₃quió'₅ Diú₄

9 Ma₂lín'₅ bá₄ 'nia'₂ ně₃, jon₂ dsa₂ i₂rě₂quion'₅₄ quián₅ Diú₄. Lín'₅ co₂nió'₃ jme₂dsa₂
 i₂jme₂ti₃ ta₁ ne₄ Rag₅₄, caun₂ juig₂ jñiό₅, dsa₂ juig₂ quián₅ Diú₄ 'ñiog₅. Ca₂le₃jě₃ a₂ně₅ lín'₅
 'nia'₂, ia₁jaun₂ qui₂jme₁jnia'₅ 'nia'₂, ca₂le₃jě₃ a₂jlá'₁ a₂ma₂jmo₃ Diú₄. Ia₁ 'éi₂ bá₄ ma₂ca₂'uín'₂
 'nia'₂ jě₄ qui'₃né'₃, ca₂tág₃ tě₂le₃ ja₁jniá₂ si₂ jlá'₁ quió'₅. 10 Le₂jñiá₅ ně₃, tsá₃ dsa₂ juig₂ jme₁lín'₄
 'nia'₂; la₁ rě₂ně₃ ně₃ ma₂ca₂dsi₃nó'₅ 'nia'₂ ma₂lín'₅ dsa₂ juig₂ quián₅ Diú₄. Ca₂le₂jñiá₅, 'i₁jan₂
 tsá₃ 'ein₂ jme₁ñéi₂ dsí₅ 'nia'₂; la₁ rě₂ně₃, Diú₄ ma₂ca₂tá'₂ ñéi₂ dsí₅.

Tián'₂ 'nia'₂ a₂jme₁ti'₄ ne₄ Diú₄

11 'Nia'₂ rin'₅₄ jniog₄ i₂'nióg₃, 'nia'₂ i₂tiáng'₅ uíng₂ i₂ma₂lín'₅ ně₂jag₄ bá₄ dsi₂nau₂, chi₂len'₄
 jniá₂ 'nia'₂ co₂dsia₅ tí₃ 'nia'₂ ca₂le₃jě₃ a₂'lig'₅₄ a₂'ín₅ dsí₅ ni₁ñi'₁ a₂jmo₅ 'nei₂ ja₁con₂ jme₂dsí₂
 quián'₂ 'nia'₂. 12 I₂nio₄ bá₄ 'nia'₂ con'₂ dsi₂ten₅₄ jin₄ dsi₂nau₂ juig₂ ja₁tiáng'₄, ia₁jaun₂ jui₁la₂
 'ag₂₃ 'iin₂₃ 'nia'₂ 'lig'₅₄ a₂jág₂ jín₂ 'nia'₂ ně₂jag₄ bá₄ dsa₂ i₂le₁cán'₄ dso₄, la₁ jě₁ma₂ca₂tě₂ ne₅₄
 a₂dse₃ jmo'₂ 'nia'₂, jme₃juin'₂ bá₄ Diú₄ jě₁ma₂tě₂ rě₁tě₃dsi₅₄ 'éi'₃.

13 Ia₁ a₂gan'₃ 'nia'₂ Te₁gui'₅₄, tión'₂ 'nia'₂ ca₂le₃jě₃ 'éi'₃ qui'₅ jui₁'ein₂ guě₃ dsi₂tan₅₄ i₂dsián₁
 quián₅ dsa₂ ne₄ gua'₅₄ 'uě₃ la₂; tión'₂ 'nia'₂ 'éi'₃ qui'₅ jui₁lia'₂ gui'₅₄ dsi₂tan₅₄ emperador 14 lia'₂
 'éi'₃ quió'₅ i₂lín₅ dsi₄má'₂ i₂dsián₁ quián₅, a₂cuě'₃ uig₅ dsa₂ i₂jmo₅ 'lig'₅₄, la₁ dse₃ 'iin₃ dsa₂
 i₂jmo₅ a₂dse₃. 15 Ia₁ a₂ně₅ bá₄ a₂'nio₃ Diú₄: a₂jmó'₂ 'nia'₂ ca₂ne₅₄ a₂dse₃, ia₁jaun₂ dsi₃lén₂ tei₄
 dsa₂ co₄ i₂'in₅ 'lig'₅₄ 'nia'₂ ia₁ a₂tsá₃ ñi₅.

16 I₂nio'₄ bá₄ 'nia'₂ jaun₂, lia'₂ jě₁i₂nio₄ dsa₂ i₂ma₂ca₂lón₂ i₂ma₂ca₂niá₃ jui₅ quió'₅, la₁ tsá₃
 o₁leng'₅₄ jua'₅₄ a₂ma₂rě₂na₄ jui₅ ia₁jaun₂ 'náu'₁ dso₄. Ju₁le₂chan'₂ 'nia'₂ a₂lín'₅ dsa₂ i₂jme₂ti₃
 ta₁ ne₄ Diú₄. 17 Jme₁gan₃ 'nia'₂ ca₂le₃jín₃ dsa₂; jme₁'nió₄ 'nia'₂ rín'₂ ně₃. Jme₁gan₃ 'nia'₂ Diú₄,
 ton'₂ jme₁gan₃ 'nia'₂ dsi₂tan₅₄ dsa₂ juin'₂.*

Caun₂ jág₁ dsau₅ 'a₂ lia'₂ lě₅ jmi₁uig₅ a₂ca₂i₂ñi₂ Cristo

18 'Nia'₂ guě'₂ dsa₂ i₂jme₂ti₃ ta₁ ne₄ dsa₂, tión'₂ 'nia'₂ 'ei₅ gau₂ ca₂le₃jě₃ 'e₂ te₂néi'₂ juig'₂ 'nia'₂.
 Ca₂tín'₂ 'nia'₂ jme₁ti'₄, on₃jua'₅₄ jmá'₃ ne₄ dsa₂ dsen₃ i₂juin'₂ dsí₅; ca₂tín'₂ bá₄ 'nia'₂ jme₁ti'₄
 le₂jioḡ₅ ne₄ dsa₂ i₂tsau₂ dsí₅ ně₃. 19 Ia₁ ja₂lin₃ guě₄ dse₃ tě₂tsin'₅₄ dsa₂ ne₄ Diú₄ jme₁jmo₂₃ tió'₃
 dsí₅ ñág₅ uig₅ on₃jua'₅₄ a₂cha₂ rin₂, ne₄ ia₁ a₂lí'₄ dsí₅ a₂'ñio₂ dsí₅ Diú₄ bá₄. 20 Ia₁ ně₁jua'₂ jmo'₂
 'nia'₂ tió'₃ 'au'₂ jme₁qui₂dsi₂bang'₅₄ ne₄ 'uig₅₄ dsáu'₂ 'nia'₂ guiong'₅₄, ¿'e₂ a₂dse₃ a₂lě₂ le₃guéi'₁
 'nia'₂ ně₁jua'₂ le₂jaun₂? La₁ ně₁jua'₂ ñag'₅₄ 'nia'₂ uig₅ ne₄ 'uig₅₄ a₂dse₃ a₂jmo'₂, ton'₂ jmo'₂ 'nia'₂
 tió'₃ 'au'₂, ia₁ le₂ně₅ bá₄ dsióg₄ tě₃tsin'₅₄ 'nia'₂ dse₃ ne₄ Diú₄. 21 Ia₁ ta₁ jaun₂ ma₂ca₂rě₃tě₄ 'nia'₂,
 ia₁ ján₃ bá₄ ca₂ñág₃ Cristo uig₅ o₄quián'₂ 'nia'₂, a₂ca₂quiog₂ caun₂ jui₅ ia₁jaun₂ le₂ně₅ i₁nio'₄
 'nia'₂ jui₁lia'₂ ca₂ñi₃ 'ñiog₅.

22 'I₁caun₂ dso₄ tsá₃ 'e₂ ca₂'náu₂,

on₃ guě'₂ 'i₁ca₂míg₂ jág₁ a₂jui₁gain₂ ca₂o₃'ág₃ mi₂'o₅₄;†

† 2:6 Isaías 28:16. ‡ 2:7 Salmo 118:22. § 2:8 Isaías 8:14. * 2:17 lit. "jme₁gan₃ 'nia'₂ rag₅₄." † 2:22 Isaías 53:9.

²³ jme₁qui₂ca₂jnaú'₂ dsa₂ jág₁ uig₅, tsá₃ le₂jaun₂ ca₂jéin₃ jág₁ jua'₅₄ a₂ca₂quai_{in}₃ dsa₂ juě'₅. Tě₂le₃ caun₂ bá₄ ca₂'ág₂ dsí₅ ca₂dsiain₃ o₄gú₃ i₂qui₃dsi₅ 'éi'₃ lia'₂ tí₅. ²⁴ Le₂ně₅ bá₄ ca₂caun₃ Cristo jui₅ ni₁η₁₂ 'ηiog₅ dsáu₁ jniog₄ jme₁ca₂ηó₃ ne₄ cróg₄ ia₁jaun₂ dsióg₃ jniog₄ ne₄ dso₄, a₂le₃chong₂ táng₃, quián₁ caun₂ jui₅ co₂dsau₅; ne₄ a₂qui₂ca₂cuín'₂ Cristo ca₂'lón'₂ bá₄ 'nia'₂. ²⁵ Ia₁ le₂jñiá₅ jme₁i₂nio'₄ 'nia'₂ lia'₂ ja₁i₂nio₄ já'₂ cha'₂ i₂ma₂i₂cón'₅, † la₁ rě₂ně₃ ma₂ca₂jén'₃ bá₄ táng₃ 'nia'₂ le₃quió'₅ Cristo. 'Éi₂ bá₄ i₂jio₅, niog₅ gu₂, jmo₅ 'í₁§ jme₂dsí₂ quián'₂ 'nia'₂.

3

A₂ lia'₂ dsi₂ten₅₄ le₃chan₂ dsa₂ i₂le₁jen'₂ gu₂

¹ Le₂ně₅ bá₄ ján₃, 'nia'₂ dsa₂ mí₂ i₂le₁jen'₂ gu₂, tión'₂ 'nia'₂ 'éi'₃ quió'₅ dsi₂i₂gog'₂, ia₁jaun₂ ně₁jua'₂ chan₂ i₂tsá₃ 'én₂, lé₂ le₃join'₅₄ ia₁jaun₂ le₃'éin₂ ján₃, on₃jua'₅₄ a₂'nió'₅ juig'₅₄ 'nia'₂ jág₁ 'lióng₂, tě₂le₃ quian'₅₄ jui₅ 'a₂ lia'₂ lě₅ i₂nio'₄ bá₄ 'nia'₂, ² ia₁ tě₃ ne₅₄ a₂ma₂lín'₂ 'nia'₂ dsa₂ i₂le₁jě₃ dsí₅, i₂η₁₅ 'a₂ lia'₂ jme₃go₃. ³ Tsá₃ jui₁le₅₄ jua'₅₄ a₂jñia'₅₄ tión'₂ 'nia'₂ jlá'₁ jmá'₃ lia'₂ le₃co'₅₄, quian'₅₄ jui₁lia'₂ a₂ñi₄ jlá'₁ qui₂rě₂lag₄ dsei'₂, o₃ a₂qui₂le₁lín'₄ 'nia'₂ jui₁lia'₂ quian'₅₄ mīg₂ cu₄nióg₄, tsín'₂ jlá'₁ ně₃. ⁴ Qui₁jmo'₅₄ bá₄ 'nia'₂ jláng'₁ tě₂le₃ quian'₅₄ a₂rě₃'ma₄ tě₂'au'₂ 'nia'₂, a₂rě₂lag₄ quian'₅₄ caun₂ jme₂dsí₂ a₂jmo'₂ 'nia'₂ meg'₂. A₂rě₃lín₄ dsa₂ le₂ně₅ bá₄ lě₅ caun₂ a₂jlá'₁ a₂tsá₃ līg'₂ jmig₄ dsi₃'én₂, ton'₂ quen₅ 'ηio₅ lín₃ tě₂le₃ ja₁con₂ Diú₄. ⁵ Ia₁ le₂ně₅ bá₄ jme₁qui₂le₁lín₄ dsa₂ mí₂ i₂jme₁lě₄ 'í₁ quián₅ Diú₄ ma₂līg'₂: jme₁i₂nioi₅₄ caun₂ bá₄ jme₁le₁'ág₄ dsí₅ le₃quió'₅ Diú₄, ton'₂ tioen'₅₄ 'éi'₃ quió'₅ dsi₂i₂gu₂. ⁶ Já₃ bá₄ le₂ně₅ jme₁lín₄ Sara, ca₂nág₂ gau₂ jág₁ quió'₅ Abraham, jaun₂ ca₂tě₃ “Gui'₅₄ quiáng₃”. Le₂ně₅ bá₄ dsi₁nó'₅ 'nia'₂ léng'₂ jui₁lia'₂ jme₁lín₄ 'éi₂, ně₂jag₄ bá₄ chi'₂ quiáin₅ bá₄ ján₃, ně₁jua'₂ ca₂jmo'₅₄ con'₂ dsi₂ten₅₄, tsá₃ ma₃'e₂ gau₂ jiá₃ 'au'₂ 'nia'₂.

⁷ Le₂ně₅ bá₄ ján₃, 'nia'₂ dsa₂ ηe'₂, jmo₄ 'nia'₂ 'en₅₄ 'au'₂ 'a₂ lia'₂ tiáng'₄ quian'₅₄ dsa₂ mí₂ quiáng'₂, jui₁ηei₂ bá₄ a₂ca₂tíin₂ jme₁gain'₃ 'nia'₂, ia₁ lín₅ i₂'uan₅₄ guě₄ lia'₂ con'₂ guě₄ guiong'₅₄, lín₅ co₂'nió'₄ caun₂ ni₁vaso a₂go'₂ guě₄; ia₁ co₂rě₂ bá₄ lín₅ 'nia'₂ dsa₂ i₂rě₂gon'₅₄ i₂ca₂tín₂ le₃chan₂ dse₃. Le₂ně₅ jmo₄ 'nia'₂ ia₁jaun₂ 'i₁caun₂ tsá₃ 'e₂ jnág₅ cha₂ jě₁ma₂tě₂ rě₁chi₁len'₄ 'nia'₂ Diú₄.

Dsa₂ i₂ηág₅ uig₅ ne₄ ia₁ a₂jmo₂₃ a₂dse₃

⁸ Jě₁ca₂tó'₂ rin'₅₄ jniog₄, jui₁chan'₂ bá₄ 'nia'₂ ca₂le₃jíng'₃ 'ei₅ caun₂ jág₁, jeng'₂ quian'₅₄ ríng'₂; 'ua₁ 'au'₂ 'nia'₂ jmo₄; jme₁'nió₄ 'nia'₂ ríng'₂; jui₁chan'₂ 'nia'₂ ηéi₂ 'au'₂; jmo₄ 'nia'₂ meg'₂ ně₃. ⁹ Tsá₃ lě₁jein'₅₄ 'nia'₂ 'lig'₅₄ quian'₅₄ a₂'lig'₅₄; tsá₃ tě₁'óng'₁ dsa₂ i₂tě₂'o'₂. Tě₂le₃ jein'₅₄ jág₁ dse₃ a₂jme₃gu'₅₄ Diú₄ quió'₅ dsa₂ le₂'éi₂. Ia₁ ta₁ ně₅ bá₄ a₂'nio₃ Diú₄ jmó'₂ 'nia'₂ a₂ma₂ca₂tě₃, ia₁jaun₂ bá₄ tñ'₃ 'nia'₂ jme₃gu'₅₄ Diú₄. ¹⁰ Ia₁: Ca₂le₃jín₃ dsa₂ i₂'nio₃ le₃chan₂ dse₃

ca₂tíin₂ jmo₃ 'í₁ le₁tsi'₂
jaun₂ tsá₃ 'ñiái₃ jág₁ 'lig'₅₄,
on₃ guě'₂ 'nió'₅ 'uě'₃ jág₁ tě₂jág₁ mi₂'o₅₄.

¹¹ Co₂dsia₅ 'nió'₅ quiá'₂ dsa₂ cau₅
jui₁lia'₂ jui₅ 'lig'₅₄, jmo₃ ca₂ne₅₄ a₂dse₃;
'nió'₅ 'no'₂ dsa₂ jui₅ ja₁'ei₅ tei₄,
jaun₂ jui₅ jaun₂ 'en₃.

¹² Ia₁ jme₁ne₁ Te₁gui'₅₄ tsá₃ 'na₂ jíin₂ dsa₂ dsen₃,
ton'₂ rě₂jáin₁ nag₂₃ 'e₂ chi₂léi'₂ dsa₂ quiáin₅,
la₁ tě₂le₃ quió'₅ i₂jmo₅ a₂'lig'₅₄,
le₂cau₅ bá₄ jéin'₅ ne₅₄.*

† 2:25 'Nio'₂ ja₁ton₅ Isaías 53:5,6. § 2:25 griego: epískopos. * 3:12 Salmo 34:12-16.

¹³ ǀ₂ein₂ bá₄ lé₂ le₃jmóg'₂ nē₁jua'₂ dsen₅₄ 'au'₂ 'nia'₂ ca₂jmo'₅₄ a₂dse₃? ¹⁴ La₁ jui₁ 'a₂ guē₃ la₂ ŋag'₅₄ 'nia'₂ uig₅ ne₄ ia₁ a₂jmo'₂ 'nia'₂ a₂dse₃, la₁ia₁ 'e₂ guē₄ dsen'₃ 'nia'₂ chang'₂ jua'₅₄ le₂jaun₂. Tsá₃ jmo₂ 'nia'₂ gang'₃ 'e₂ a₂gó'₅ dsa₂ 'éi₂ chain₂, on₃ guē'₂ cán'₁ 'nia'₂ juē'₅.† ¹⁵ Tē₂le₃ jmo₄ bá₄ 'nia'₂ 'au'₂ a₂lín₅ Cristo juig'₂ 'nia'₂ i₂jñiós₅, a₂lē₅ 'í₁ tē₂'au'₂ 'nia'₂. Chan'₂ 'nia'₂ rē₂jáng'₁, a₂jein'₅₄ jág₁ quió'₅ dsa₂ i₂nio₃ le₃ñi₅ 'a₂ lia'₂ lē₅ a₂ín₂ 'au'₂ 'nia'₂. Jñia'₅₄ lia'₂ jmo₄ a₂nē₅ jmá'₃ lia'₂ quian'₅₄ a₂'ua₁ 'au'₂, a₂jme₁gan'₃ 'nia'₂ dsa₂ nē₃, a₂qui₂le₁jē₃ a₂qui₂dsi₂jñi₅ 'au'₂, ¹⁶ ia₁jaun₂ le₃gui'₅₄ dsa₂ i₂chi₂'ag₅ 'lig'₅₄ o₄quió'₄ jui₅ dse₃ a₂i₂nio'₄ 'nia'₂ le₃quió'₅ Cristo. ¹⁷ Nē₁jua'₂ le₂jaun₂ 'nio₃ Diú₄, ja₂lín₃ guē₄ dse₃ a₂ñág₅ dsa₂ uig₅ ne₄ ia₁ a₂jmo₂₃ a₂dse₃, lia'₂ con'₂ guē₄ ne₄ a₂jmo₂₃ a₂'lig'₅₄.

¹⁸ Ia₁ le₂nē₅ bá₄ ján₃, co₂ráun₂ bá₄ ca₂jon₃ Cristo† jme₁ca₂join₃ ne₄ 'uig₅₄ dsáu₁ jniog₄. I₂jme₁lín₄ jan₂ dsa₂ dsen₃ co₂ñí₂ bá₄ 'éi₂, ca₂join₃ o₄quió'₄ dsa₂ cha₂ dsáu₁, ia₁jaun₂ tē₂ ja₁con₂ Diú₄. Ca₂join₃ jui₅ ni₁ñi₁₂, ton'₂ ca₂jein'₅₄ bá₄ táng₃ tē₂le₃ quian'₅₄ Jme₂dsi₂. ¹⁹ Jaun₂ le₂nē₅, ca₂ñei₅₄ ca₂i₁'ē₄ jág₁ ja₁con₂ jme₂dsi₂ i₂jme₁tion'₅₄ le₁jñí₅ ²⁰ i₂tsá₃ ca₂nág₂ gau₂ jmig₄ ma₂líg'₂ jaun₂ lia'₂ con'₂ jme₁chan₂ Noé. Uē₂ bá₄ ca₂jmo₃ Diú₄ juñ'₂ dsí₅ ca₂jñia₃ tē₂lia'₂ lē₂ ni₁barco.Š Jñia₃ tan₅₄ dsa₂ bá₄ lē₂ i₂ca₂lón₂ quian'₅₄ a₂jaun₂ jme₁ca₂'a₃ jmig₂ mi₂güí₃. ²¹ A₂jaun₂ jáng'₅ caun₂ léi₄ jme₁chó₅ jniog₄ jmig₂ jmig₄ rē₂nē₃, a₂ma₂ca₂lag₃ jniog₄ dsa₂ i₂ma₂ca₂lón₂; on₃jua'₅₄ a₂jñia'₃ a₂'lian₅₄ dsa₂, tē₂le₃ a₂jang'₂ jniog₄ caun₂ léi₄ a₂quián₁ jniog₄ caun₂ jui₅ a₂le₁jē₃ jme₂dsi₂ quián₂ tē₂le₃ ne₄ Diú₄ bá₄, ton'₂ ca₂ló₂ jniog₄ tē₂le₃ quian'₅₄ jui₅bí₂ a₂ca₂jen'₅₄ Jesucristo. ²² Ca₂uig₂ táng₃ ñái'₃ guei'₅₄ i₂juí₃; ja₁jaun₂ guá₅ tē₂le₃ gu₂ ne₁ Diú₄; 'éi'₃ quió'₅ 'éi₂ bá₄ tion'₅₄ ca₂le₃jín₃ ángeles quian'₅₄ ca₂le₃jín₃ i₂lín₅ ta₁, ca₂le₃jín₃ guē₄ i₂'io₅ jui₅bí₂ nē₃.

4

A₂jme₂ti₃ dsa₂ lia'₂ con'₂ lē₅ jui₅bí₂ a₂ma₂cuē₃ Diú₄

¹ Jaun₂ lē₃, ia₁ ca₂ñág₃ Cristo uig₅ jui₅ ni₁ñi₁₂, le₂nē₅ bá₄ 'nia'₂ ján₃ chan'₂ 'nia'₂ rē₂ling'₅₄ caun₂ 'éi₂ 'nia'₂ 'au'₂ a₂cán'₁ jmi₁uig₅. Ia₁ jui₁lia'₂ dsa₂ i₂ma₂ca₂ñág₃ uig₅ jui₅ ni₁ñi₁₂, co₂dsia₅ ma₂tí₂ bá₄ jui₅ jē₁jme₁'no₂₃ dso₄. ² A₂le₃chain₂ táng₃ tē₂le₃ ne₄ jui₅ ja₁ñó₄, a₂jme₂ti₃ a₂'nio₃ Diú₄ bá₄, tsá₃ ma₃le₃chain₂ jua'₅₄ a₂cuē'₃ guē₄ o₂'ñiós₃ o₂jñia₃ dsi₅ con'₂ niog₅ mi₅ ni₁ñi₁₂. ³ Tió'₅, a₂ma₂ca₂ñí₂ juñ₅₄ qui₂ma₂jmo'₅₄ 'nia'₂ ja₁ma₂ja₂nóg'₅, lia'₂ con'₂ lē₅ jmo₅-dsáu₅ ca₂le₃jín₃ dsa₂ i₂tsá₃ cuñ₅ Diú₄. Ia₁ jme₁chan'₂ 'nia'₂ tsá₃ caun₂ a₂jme₁'ín₅ 'au'₂; tsá₃ caun₂ a₂'lig'₅₄ a₂jme₁qui₂lē₂ 'au'₂ 'nia'₂ nē₃; jme₁qui₂i₂niog'₅₄ qui₂le₁'eng'₅; jme₁qui₂quē'₂ 'nia'₂ tóng'₂ chí'₅ co₂mi'₅₄ niog₅ jmig₄. Jme₁'ág'₂ 'nia'₂ ca₂lia'₂ tsá₃ cuente niog₅; jme₁jme₂juñ'₂ 'nia'₂ diú₄ lag₄, caun₂ a₂'io'₅₄ Diú₄. ⁴ Dsi₂gó'₃ dsí₅ dsa₂ 'éi₂ a₂tsá₃ jme₂quiain'₅₄ 'nia'₂ jē₄ ca₂le₃jē₃ a₂i₂juñ₅₄ a₂'lig'₅₄ a₂jmo₅-dsáu₅, jaun₂ 'lig'₅₄ bá₄ 'ag₂₃. ⁵ La₁ já₅ bá₄ jmig₄ ja₁jáng'₃ cuenta quió'₅ ne₄ i₂ma₂lē₅ co₂jñia₅₄ con₂ 'í₁ lia'₂ quió'₅ i₂chan₂ lia'₂ quió'₅ i₂ma₂dsan₃ nē₃. ⁶ 'Uig₅₄ nē₅, ca₂rē₃'ē₂ jág₁ dse₃ ca₂lia'₂ ja₁con₂ dsa₂ i₂ma₂dsan₃; ia₁jaun₂ tē₃dsi₅₄ 'éi'₃ le₃quió'₅ ni₁ñi₁₂, lia'₂ con'₂ lē₅ dsi₂jio₅ dsí₅ dsa₂ mi₂güí₃, ia₁jaun₂ guē₄ le₃chain₂ jui₅ jme₂dsi₂ nē₃, lia'₂ con'₂ lē₅ dsi₂jio₅ dsí₅ Diú₄.

⁷ La₁ ja₂quián₃ bá₄ jmig₄ jē₁dsian₅ ca₂le₃jē₃. Jaun₂ nē₃ len'₅₄ 'nia'₂ chang'₂, 'en₅₄ 'au'₂, ia₁jaun₂ lé₂ chi₁lén₄ Diú₄. ⁸ La₁ a₂dsen₅₄ guē₄ 'ñio₅ lín₃, 'nió'₅ a₂jme₁'nió'₄ 'nia'₂ ríng'₂ 'ñio₅ lín₃ le₂jang'₂ le₂jang'₂. Ia₁ ja₁'nio₃ dsa₂ riñ'₅₄, 'líong₂ o₂'én₂ dso₄ cha₂ ja₁con₂ riñ'₅₄ dsa₂.* ⁹ Guen₅₄ 'nia'₂ ríng'₂ i₂qui₂dsi₂jag₅₄ dsi₂néi₂ quiáng'₂, on₃jua'₅₄ a₂qui₂dsi₂mé'₂ 'au'₂ quiain'₅₄. ¹⁰ Le₂jan'₂ le₂jan'₂ 'nia'₂ ca₂tíng'₂ jme₁'ong'₁ ríng'₂ lia'₂ con'₂ lē₅ ma₂ca₂rē₃tíng'₃ a₂'líong₂ ne₅₄ a₂ma₂ca₂jme₃gu'₅₄ Diú₄, a₂niog₅ gog'₂ 'nia'₂ jmó'₂. ¹¹ Nē₁jua'₂ 'ein₂ 'nio₃ te₂néi'₂ jág₁, jui₁te₂néi'₂ bá₄ quian'₅₄ jág₁ quió'₅ Diú₄. Nē₁jua'₂ chan₂ guē'₂ 'ein₂ 'nio₃ jme₃'o₅₄ jui₁jme₂'o₅₄

† 3:14 Isaías 8:12. † 3:18 A₂lín₅₄ chog₅₄ si₂: “ca₂ñág₃ Cristo uig₅.”

§ 3:20 Noé: 'Í₂ Génesis 6 - 9.

* 4:8 'Nio'₂

ja₁ton₅ Proverbios 10:12.

bá₄ lia'₂ con'₂ lě₅ jui₅ bí₂ a₂ ma₂ cuē₅ Diú₄, ia₁ jaun₂ le₂ nē₅ bá₄ le₃ juin'₂ Diú₄ ne₄ ca₂ le₃ jě₃ tē₂ le₃ quian'₅₄ Jesucristo. 'Éi₂ bá₄ ca₂ tīn₂ ŋe₂ ca₂ le₃ jě₃ ti₁ 'mag'₄, ca₂ le₃ jě₃ jui₅ bí₂, ca₂ le₃ jě₃ jmi₄ co₂ tan₅₄. ¡A₂ méi₃!

A₂ ŋág₅ dsa₂ uig₅ ne₄ 'uig₅₄ ia₁ a₂ 'éin₂

¹² 'Nia'₂ rin'₅₄ jniog₄ i₂ 'nió₃, tsá₃ lě₁ jmo₂ 'nia'₂ go₂ i₃ jme₁ dsi₂ ŋíg'₂ táu₂ a₂ lě₅ lia'₂ lě₅ si₂ dséi₂ ja₁ con'₂ 'nia'₂, jua'₅₄ a₂ le₃ jmo'₂ 'nia'₂ 'au'₂ jua'₅₄ a₂ tsá₃ ma₂ cuin'₂ 'nia'₂, 'a₂ lia'₂ lě₅ dsi₂ ŋíg'₂.

¹³ Tē₂ le₃ jmo₄ 'nia'₂ 'io'₂, ia₁ le₂ nē₅ bá₄ can'₂ 'nia'₂ ján₃ jmi₁ uig₅ jui₁ lia'₂ a₂ ca₂ i₃ ŋí₂ Cristo, ia₁ jaun₂ bá₄ cán'₁ 'nia'₂ ján₃ o₂ ŋi₃ 'au'₂ 'ŋio₅ lín₃ jē₁ ma₂ tē₂ rē₁ jme₃ jniai₂₃ 'a₂ lia'₂ jláin'₁. ¹⁴ 'E₂ guē₄ dsen'₃ 'nia'₂ jme₁ tē₂ 'o'₂ 'ein₂ tē₂ 'o'₂ o₄ quió'₄ Cristo, ia₁ le₂ nē₅ bá₄ tē₂ 'ŋiá₄ Jme₂ dsi₂ quián₅ Diú₄ i₂ tá₅ co₂ 'né₅ ne₄ quián'₂ 'nia'₂. ¹⁵ Chi₂ jua'₂ 'ein₂ 'nia'₂ dsi₂ ŋí₂ uig₅, la₁ lag₃ nē₁ jua'₂ tsá₃ lě₅ dso₄ 'ang₂, o₃ a₂ ca₂ jŋi₃ dsa₂, o₃ chan₂ i₂ ca₂ cuē₃ dsa₂ mi₂ güig₃ riin'₅₄, o₃ a₂ qui₂ tiáin₂ caun₂ ja₁ tsá₃ ca₂ tīn₂. ¹⁶ La₁ nē₁ jua'₂ ŋag'₅₄ 'nia'₂ uig₅ ca₂ ne₅₄ ia₁ a₂ lín₅ dsa₂ "cristianos", tsá₃ 'nió'₅ jmo'₂ 'nia'₂ gueng'₅₄. Diú₄ bá₄ 'nió'₅ jme₁ juin'₂ 'nia'₂ ia₁ a₂ quióng₅ dsa₂ le₂ jaun₂.

¹⁷ Ia₁ ma₂ tē₂ jmi₄ a₂ tē₂ dsi₅₄ 'éi'₃ le₂ uig₅₄ de'₂ ja₁ con₂ dsa₂ dsi₂ néi₂ quió'₅ Diú₄. Chi₂ jua'₂ le₂ uig₅₄ jme₂ lióg₃ quian'₅₄ jniog₄, 'a₂ bá₄ lia'₂ dsióg₄ dsi₁ ŋí₂ ca₂ le₃ jín₃ i₂ tsá₃ jme₂ ti₃ jág₁ dse₃ quió'₅ Diú₄? ¹⁸ Chi₂ jua'₂ quian₅ ta₁ lín₃ a₂ tīn₅ dsa₂ dsen₃, "¿ē₂ guē₄ bá₄ dsióg₄ dsi₁ ŋí₂ dsa₂ i₂ tsá₃ Diú₄ cuin₅, i₂ le₁ cán'₄ dso₄?"† ¹⁹ Jaun₂ ně₃, i₂ ŋág₅ uig₅ lia'₂ con'₂ lě₅ 'ŋio₂ dsí₅ Diú₄, ca₂ tīn₂ caun₂ jmo₃ a₂ dse₃ bá₄, dsia₃ o₄ gú₃ Diú₄ jme₂ dsi₂ quió'₅, ia₁ Diú₄ bá₄ i₂ ca₂ jmo'₂ 'éi₂, i₂ rē₂ ti'₅₄ ně₃.

5

Toin'₂ jág₁ dse₃ dsa₂ 'én₂

¹ Jaun₂ ně₃, jág₁ la₂ cuē₅ jniá₂ ca₂ le₃ jín₃ dsa₂ can'₅₄ i₂ quian₅ ne₄ jui₅* quián'₂ 'nia'₂, ia₁ le₂ nē₅ bá₄ jniá₂ 'ŋi₃ ján₃ lín₅ jan₂ dsa₂ juin'₂ i₂ niog₅ ne₄ guá'₅, ton'₂ lín₅ jan₂ i₂ ca₂ tē₂ ne₄ 'a₂ lia'₂ lě₅ jmi₁ uig₅ a₂ ca₂ i₃ ŋí₂ Cristo. Jaun₂ le₂ nē₅ bá₄ ján₃, lín₅ jan₂ i₂ jme₃ quiaín'₅₄ jē₁ ma₂ tē₂ rē₁ jme₃ jniai₂₃ a₂ jláin'₁. Jág₁ la₂ juíg₂ jniá₂ 'nia'₂: ² Dse₃ jmo₄ 'nia'₂ 'í₁ guá'₅ quián₅ Diú₄ i₂ lín₅ co₂ nió'₃ já₂ cha'₂ i₂ niog₅ gog'₂. Jmo₄ 'nia'₂ ta₁ ně₅ a₂ 'ŋio₂ 'au'₂, lia'₂ con'₂ lě₅ 'nio₃ Diú₄. Tsá₃ jmo₂ 'nia'₂ 'au'₂ jua'₅₄ a₂ chan₂ i₂ chi₂ quióng₂ jmi₄, on₃ guē₂ jmo₂ 'nia'₂ 'au'₂ jua'₅₄ a₂ ŋí₄ 'ín₅ 'au'₂ cu₄ ně₃. Jmo₄ 'nia'₂ ta₁ quió'₅ Diú₄ a₂ dsen₅₄ 'au'₂. ³ Tsá₃ jmo₂ 'nia'₂ jua'₅₄ guion'₅₄ 'nia'₂ ca₂ tīng'₂ jmo'₂ gong'₂ ne₄ quió'₅ guá'₅ i₂ niog₅ gog'₂, tē₂ le₃ ca₂ tīn'₂ bá₄ 'nia'₂ cuē₅₄ caun₂ jui₅ dse₃ já₂ cha'₂ quián₅ Diú₄. ⁴ Jaun₂ bá₄ jē₁ ma₂ tē₂ jmi₄ i₁ jme₃ jnia₅ i₂ lín₅ juig₅₄ dsen₅₄ i₂ quián₅ juig₅₄ já₂ cha'₂, ŋe'₂ 'nia'₂ jma₃ cáun₃ corona a₂ tsá₃ līg'₂ jmi₄ le₃ juing₅.

⁵ Le₂ nē₅ bá₄ 'nia'₂ dsa₂ chi'₂ ján₃, tión'₂ 'nia'₂ 'éi'₃ quió'₅ dsa₂ can'₅₄ quián'₂ 'nia'₂. Ton'₂ jui₁ qui₂ rē₂ ling'₅₄ quian'₅₄ a₂ meg'₂ ja₁ con₂ ríng'₂ le₂ jang'₂ le₂ jang'₂, ia₁: Tsá₃ jen₅₄ Diú₄ jui₁ lia'₂ dsa₂ i₂ jmo₅ rón₂,

la₁ jme₂ oin₅₄ a₂ 'ua₁ dsí₅ dsa₂ i₂ jmo₅ me'₂.†

⁶ Jaun₂ ně₃, le₂ nē₅ jmo₄ 'nia'₂ meg'₂ o₄ gú₃ bēn₂ quió'₅ Diú₄ ia₁ jaun₂ bá₄ chó'₂ 'éi₂ jmi₄ jaun₂ quió'₅. ⁷ O₄ gú₃ 'éi₂ dsia₄ 'nia'₂ ca₂ le₃ jě₃ 'e₂ o₂ i₁ dsi₅ a₂ chan'₂ 'nia'₂, ia₁ dsan₂ bá₄ dsí₅ 'éi₂ 'nia'₂ ján₃.

⁸ 'En₅₄ 'au'₂ 'nia'₂ jmo₄, chang'₂ rē₂ jáng'₁, ia₁ i₂ sē₃ dsen₃ i₂ 'ŋia₅₄ 'nia'₂ ŋi₂₃ lín₅ lia'₂ lín₅ 'ia'₂ i₂ ŋi₅ i₂ jme₂ 'ne₅₄ 'ŋióg₂ a₂ 'nai'₂ 'ein₂ i₂ 'nio₃ quín'₂. ⁹ Quian'₅₄ a₂ 'én'₂ 'nia'₂, nau₂ tiá₂ queng'₂ ne₅₄, ia₁ ŋi'₅₄ bá₄ 'nia'₂ ta₁ caun₂ mi₂ güig₃ bá₄ qui₂ dsi₂ ŋí₂ ríng'₂ jmi₁ uig₅ le₂ nē₅ ján₃.

¹⁰ Ia₁ jē₁ ma₂ ca₂ ŋi'₂ 'nia'₂ co₂ 'na₂ uig₅ le₂ nē₅, 'ŋiog₅ bá₄ Diú₄ i₂ 'ua₁ dsí₅ lín₃ chei'₃ táng₃ rē₂ a₂ jme₃ 'ŋiai₂₃ a₂ 'nió'₅ guē₄ quián'₂ 'nia'₂, cuē₃ bí₂ náu'₁ 'nia'₂ tiá₂. Jme₃ gu'₅₄ bá₄ 'éi₂ jniog₄

† 4:18 Proverbios 11:31. * 5:1 griego: presbíteros. † 5:5 Proverbios 3:34.

ne₄ ca₂le₃jě₃ ne₅₄ a₂dse₃. Ia₁ ma₂ca₂tě₃ jniog₄ le₃quió'₅ Cristo Jesús, a₂jme₁quiain'₄ jniog₄ co₂tan₅₄ ja₁co₂tag₅ co₂'né'₅ quió'₅. ¹¹ 'Éi₂ bá₄ ca₂tín₂ jui₅bí₂ ca₂le₃jě₃ jmig₄ co₂tan₅₄. A₂méi₃.

Cuag₂₃ Diú₄ jě₁ca₂tó'₂ jě₁'ág'₅ jág₁

¹² Tě₂le₃ quian'₅₄ Silvano[†] i₂jing₅₄ lia'₂ ja₁jing₁₂ jan₂ ríng'₃ i₂rě₂tí'₅₄, ma₂jmo₃ si₂ la₂ ja₁juá'₅ tin₃-'ni₅ jon₂ jág₁ a₂cuě₃ bí₂ 'nia'₂. Jág₁ a₂ma₂ně₂juá'₃ jniá₂ ně₅, jáng'₅ léi₄ 'a₂ lia'₂ dsón'₂ 'ua₁ dsí₅ Diú₄. Jaun₂ nau₂ 'nia'₂ tiá₂ jui₅ ně₅. ¹³ Guá'₅ i₂chan₂ ja₁tě'₂ dsa₂ jui_g₂ “Babilonia” la₂, dsa₂ i₂ma₂ca₂quión'₂ Diú₄ jui₁lia'₂ ma₂ca₂quióin'₂ 'nia'₂, dsiáin'₂ jág₁ a₂cuin₂₃ Diú₄ 'nia'₂, le₂jaun₂ bá₄ Marcos jón₃ quiáng₃ ně₃. ¹⁴ Cuin₅₄ 'nia'₂ Diú₄ ríng'₂ le₂jang'₂ le₂jang'₂, chen'₅₄ § 'nia'₂ jú'₅ ríng'₂ ia₁ a₂'nióg'₃ ríng'₂.

Tián'₂ bá₄ 'nia'₂ 'ei₅ tei₄ ca₂le₃jín'₃ 'nia'₂ i₂tén₅ le₃quió'₅ Cristo.

Co₂ně₅.

[†] 5:12 Co₂'nió'₄ lia'₂ chen₂ Silas. § 5:14 Caun₂ tag₄ a₂jme₁chí'₄ lia'₂ con'₂ ca₂jmo₃ Pe₄ si₂ la₂.

Si₂ carta jē₁ca₂tē₂ tin₃ a₂ca₂jmo₃ SAN PEDRO

Jmo₅ Pe₄ si₂ a₂chein₃ ne₄ dsa₂ 'én₂

¹ Jniá₂, Si₂mu₅₄ Pe₄, líng₅ dsa₂ i₂jme₂ti₃ ne₄ Jesucristo, ton'₂ líng₅ jan₂ i₂chen₄ quiáin₅. Jmo₂₃ si₂ carta la₂ a₂tsíng₂ ne'₅₄ 'nia'₂ i₂ma₂ca₂rē₃'éng'₂. Ia₁ tē₂le₃ a₂ñí₄ lē₃ dsen₃ Diú₄ quián₂ jniog₄ quiain'₅₄ Jesucristo i₂ma₂ca₂lió₂, ma₂ca₂ñí'₂ 'nia'₂ jág₁ dse₃ jlá'₁ a₂ca₂rē₃'éng'₂ jui₁lia'₂ 'éin₂ jnia'₅₄. ² Jui₁chan'₂ bá₄ 'nia'₂ jme₂gu'₅₄ Diú₄, ton'₂ jui₁jmo₁₂ bá₄ 'ei₅ tei₄ lia'₂ qui₂rē₂tsón₂ tē₂le₃ ia₁ a₂ma₂ca₂rē₃cuin'₂ 'nia'₂ 'a₂ lia'₂ lín₅ Diú₄ quián'₅₄ Jesucristo Te₁gui'₅₄ quián₂ jniog₄.

'A₂ lia'₂ dsi₂ten₅₄ lén₂ dsa₂ 'én₂

³ Diú₄ ma₂cuē₃ quián'₅₄ bí₂ quió'₅, ca₂le₃jē₃ a₂'nió'₅ quián₂ jniog₄ le₃chong₂, a₂léi₂ jniog₄ dsa₂ jnió₅ ně₃, ton'₂ ma₂jmo₃ ján₃ a₂ma₂ca₂rē₃cuin'₂ 'nia'₂ 'a₂ lia'₂ lín₅. Ma₂ca₂tē₃ jniog₄ tē₂le₃ quián'₅₄ jui₅bí₂ jlá'₁ quió'₅, 'uig₅₄ ia₁ a₂ñí₄ dse₃ dsí₅.^{*} ⁴ Le₂nē₅ ma₂ca₂quiog₂ 'líong₂ jág₁ ca'₅₄ a₂quen₅ 'ñio₅ lín₃ quió'₅, ia₁jaun₂ tē₂le₃ quián'₅₄ jág₁ a₂ma₂cuē₃ jaun₂ dsi₂nó'₅ 'nia'₂ líong'₂ jui₅ ja₁tión₂ dsa₂ mi₂güig₃ ja₁dsi₃'éin₂ 'uig₅₄ ia₁ a₂tsá₃ caun₂ 'ín₅ dsí₅, ton'₂ dsi₁nó'₅ 'nia'₂ lén'₂ lia'₂ lín₅ Diú₄. ⁵ Jaun₂ lē₃, quen'₂ 'nia'₂ bí₂ ne₄ ia₁ a₂'éng'₂, quián₂ 'nia'₂ caun₂ jui₅ dse₃; ia₁jaun₂ ne₄ jui₅ dse₃ jaun₂, jui₁len'₅₄ 'nia'₂ dsa₂ i₂ñí'₂ dsí₅; ⁶ ne₄ ja₁ñó₄ jaun₂ táng₃, jui₁le₂ñí'₂ 'au'₂ 'nia'₂ 'a₂ lia'₂ jme₁'uang'₅₄ 'au'₂ guiong'₅₄; ne₄ ja₁ñó₄ jaun₂ táng₃, jui₁len'₅₄ 'nia'₂ dsa₂ i₂qui₂rē₂jín'₅₄ ne₄ Diú₄; ⁷ ja₁ñó₄ jaun₂, jmo₄ 'nia'₂ 'ua₁ 'au'₂; jē₁ca₂tó'₂ guē₄ ně₃, jme₁'nió₄ 'nia'₂ ríng'₂.

⁸ Ia₁ nē₁jua'₂ quián'₅₄ 'nia'₂ jui₅ le₂nē₅, dsi₂cang'₅₄, tsá₃ lē₅ jua'₅₄ a₂tsá₃ ta₁ tí₄ 'a₂ lia'₂ niog₅ chan'₂ 'nia'₂, tsá₃ jua'₅₄ a₂lē₁ma₂ca₂rē₃cuin'₂ 'nia'₂ Te₁gui'₅₄ Jesucristo quián₂. ⁹ Ia₁ jui₁lia'₂ dsa₂ i₂tsá₃ jme₂tin₅ dsí₅ le₃chain₂ lia'₂ con'₂ lē₅ jág₁ ně₅, lín₅ ně₂jag₄ bá₄ jan₂ dsa₂ ten₄, o₃ jan₂ dsa₂ i₂tsá₃ lín₄ uíng₂ jnió'₅, ia₁ ma₂ca₂i₃'én₂ bá₄ dsí₅ a₂jme₁ma₂le₁chí₄ quió'₅, ca₂le₃jē₃ dso₄ a₂jme₁rē₂cáin'₄ le₂jñiá₅. ¹⁰ Jaun₂ ně₃ 'nia'₂ rín'₅₄ jniog₄, dsen₅₄ 'au'₂ 'nia'₂ cuē'₅₄, ia₁jaun₂ bá₄ chí₁dse₃ ta₁ a₂ma₂ca₂tē₃ Diú₄ a₂ma₂quióin'₂ 'nia'₂. Ia₁ nē₁jua'₂ ca₂tión'₂ 'nia'₂ quián'₅₄ jui₅ ně₅, o₁líg'₂ tsá₃ ma₂tsi₃sén'₂ 'nia'₂. ¹¹ Ia₁ le₂nē₅ bá₄ tin'₃ 'nia'₂, caun₂ dse₃ ja₁o₁tong'₄ co₂tan₅₄ guei'₅₄ i₂juíg₃ ja₁gon₂ Te₁gui'₅₄ Jesucristo quián₂ i₂lió₂.

¹² Jui₁la₂ ma₂ñi'₅₄ 'nia'₂, la₁ co₂tan₅₄ bá₄ ca₂tín₂ jniá₂ juá'₄ ia₁jaun₂ bá₄ dsilog'₂ 'au'₂ 'nia'₂ náu'₁ tiá₂ jui₅ dsau₅ a₂ma₂tión'₂ 'nia'₂ ja₂nóg'₅. ¹³ Ia₁ lín₂ jniá₂ 'ñio₃, 'ñio₅ lín₃ dsi₂ten₅₄, a₂juig₅₄ jniá₂ 'nia'₂ tē₁lia'₂ chang₂ guē₄ ni₁ñi₃ la₂, jaun₂ dsilog'₂ 'au'₂ jág₁ ně₅. ¹⁴ Ia₁ a₂ma₂ca₂rē₃guion₅₄, ñi'₅₄ ta₁ bá₄ tí₄ ni₁ñi₃† lia'₂ con'₂ lē₅ ma₂ca₂jme₃jnia₅ Jesucristo Te₁gui'₅₄ quián₂ jniog₄. ¹⁵ La₁ quín'₅ jniá₂ bí₂ juá'₅ ia₁jaun₂ dsilog'₂ 'au'₂ 'nia'₂ co₂tan₅₄, jē₁ma₂jong₂₃, ca₂le₃jē₃ jág₁ ně₅ ca₂juá'₃.

Dsa₂ i₂qui₂ca₂tē₂ ne₄ 'a₂ lia'₂ lē₅ jui₅bí₂ quió'₅ Cristo

¹⁶ Ca₂le₃jē₃ a₂ma₂ca₂jme₁tag₅ jnia'₅₄ 'a₂ lia'₂ lē₅ jui₅bí₂ quió'₅ Te₁gui'₅₄ Jesucristo, 'a₂ lia'₂ lē₂ i₁guain'₂ táng₃, jaun₂ tsá₃ o₁len'₂ 'nia'₂ jua'₅₄ a₂lín'₂ jág₁ la₂ a₂lē₁qui₂ca₂'náu'₃ dsí₅ dsa₂ i₂ñí₄ 'io₅ mai₅₄ 'a₂ lia'₂ jme₃gau₂₃. Ia₁ guio₅₄ dsón'₂ bá₄ jnia'₅₄ ca₂tē₂ ne₄ ton'₂ ca₂néi₄ jnia'₅₄ 'a₂ lia'₂ lē₅ jui₅bí₂ a₂ca₂jme₃jniai₂₃ a₂jláin'₁. ¹⁷ Ca₂jme₃juag'₂ Diú₄ Jmei₂ lia'₂ con'₂ jme₁ca₂né'₂ jág₁ juē'₂ quió'₅ jme₁ca₂juá'₂: “I₂la₂ bá₄ jón₃ quiáng₃ i₂ñí₄ lē₃ 'nióg₃ guē₄ lín₃; 'e₂ bá₄ 'ñio₂ dsi₃ quiain'₅₄.”† ¹⁸ Le₂nē₅ ca₂néi₁ jnia'₅₄ guio₅₄ jág₁ ně₅ a₂ca₂já₃ guei'₅₄ i₂juíg₃, lia'₂ con'₂ jme₁quiain'₅₄ jnia'₅₄ ne₄ má'₂ jnió₅ jaun₂.

* **1:3** A₂lin₅₄ chog₅₄ si₂: “Ma₂ca₂tē₃ jniog₄ a₂jme₁jnia₅ jui₅bí₂ jlá'₁ quió'₅ 'ñiog₅.” † **1:14** lit. “tabernáculo la₂.” ‡ **1:17** Mateo 17:5; Marcos 9:7; Lucas 9:35.

¹⁹ Le₂nē₅ bá₄ lē₅ chi₁dse₃ 'ñio₅ lín₃ bá₄ jág₁ ron₅ quió'₅ dsa₂ i₂jme₁'ē₂ jág₁ quián₅ Diú₄ ma₂líg'₂. Jaun₂ 'nia'₂ nē₃, dse₃ lín₃ bá₄ dsi₁nóg'₅ nē₁jua'₂ ca₂tion'₂ 'nia'₂ jui₅, ia₁ lē₅ lia'₂ lē₅ caun₂ nī₁tsí₅ chi₁guí'₂ si₂ tág₅ jē₄ qui₁né'₃, ca₂lia'₂ ca₂jnia₃ ca₂lia'₂ ca₂'ñia₂ Nei₅ 'Ióg₁Š i₂jmo₃ tág₅ tē₂'au'₂ 'nia'₂. ²⁰ La₁ ne₄ ca₂le₃jē₃, dsá₂ 'au'₂ 'nia'₂ jmo₄ a₂la₂: 'i₁caun₂ jág₁ a₂rē₂'ē₂ ne₄ Si₂ quió'₅ Diú₄ tsá₃ ca₂tó'₂ dsa₂ quián₅ Diú₄ jua'₅₄ 'a₂ con'₂ ca₂ñi'₂ dsí₅ guioin₅₄. ²¹ Ján₃ bá₄ guē₂ le₂jaun₂, tsá₃ jág₁ cha₂ jua'₅₄ ca₂rē₃lióg₃ 'uig₅₄ con'₂ 'ñio₂ dsí₅ dsa₂ mi₂güig₃. Dsa₂ 'éi₂ nē₃, tē₂le₃ ca₂dsia₃ bá₄ o₄quió'₄ Diú₄ lia'₂ con'₂ lē₅ ca₂jio₃ Jme₂dsí₂ Jñió₅.

2

*Dsa₂ i₂jme₂tag₅ jág₁ a₂tsá₃ tí₅
(Judas 4—13)*

¹ Le₂nē₅ bá₄ ca₂rē₃chán₃ dsa₂ i₂jui₁gan₂ ján₃ i₂ca₂'ē₂ jág₁ a₂tsá₃ tí₅ jin₄ dsa₂ juig₂ quián₅ Diú₄ ma₂líg'₂, le₂nē₅ bá₄ qui₃'uín₃ jē₄ quián'₂ 'nia'₂ rē₂nē₃ tē₅ i₂qui₂jme₃gau₅. Dsa₂ le₂'éi₂, 'a₂ con'₂ tsá₃ jme₁li₅₄ mei'₂ jme₃tag₂₃ juá'₅ a₂tsá₃ tí₅ a₂jio₅ jui₅ ja₁dsi₃'én₂ dsa₂. Jmo₃ ca₂lia'₂ tsá₃ ma₃le₃ji'₅₄ 'éi'₃ quió'₅ Te₁gui'₅₄ i₂ca₂láu₂. La₁ tsá₃ uē₂ le₃léi₄ dsi₃'éin₂ bá₄ guioin₅₄. ² Ju₁n₅ lín₃ dsa₂ i₂'en₃ jui₅ ja₁tión₂ dsa₂ 'éi₂, jmo₅-dsá₅ lia'₂ lē₂ dsí₅, jaun₂ 'éi₂ bá₄ 'uín₄ nē₃ a₂qui₃táun₂ dsa₂ 'lig'₅₄ jui₅ tí₅. ³ Ne₄ ia₁ a₂tsá₃ o₁jau₅₄ lí'₂ cu₄, qui₂jme₃tag₂₃ jág₁ a₂qui₂ma₂'náu'₃ dsí₅ guioin₅₄, a₂con'₂ jñia'₅₄ lē₁'nio₃ lí'₂ quián'₂ 'nia'₂. La₁ ma₂i₁jaun₃ bá₄ ma₂lē₅ co₂jñia₅₄ jág₁ a₂ma₂tioin'₅₄ 'éi'₃ a₂dsi₁qui₅ ñi'₅₄ ta₁ ja₁dsi₃'éin₂; tion₅₄ bá₄ dsi₃'éin₂.

⁴ Chi₂jua'₂ le₂nē₅ tsá₃ ca₂'én₂ Diú₄ dsá₁ ángeles i₂ca₂sén'₂ dso₄ ma₂líg'₂, i₃gain'₅₄ bá₄ guio₃-juig₃ i₃lén₂ le₁'ñei'₅₄ jē₄ qui₁né'₃, ja₁jaun₂ tioen'₅₄ lē₅ co₂jñia₅₄ jmi₄ i₁tē₃dsi₅₄ 'éi'₃ quió'₅; ⁵ ján₃ bá₄ le₂nē₅ chi₂jua'₂ tsá₃ ca₂'én₂ Diú₄ dsá₁ dsa₂ i₂jme₁chan₂ mi₂güig₃ gui'₅₄ ma₂líg'₂, tion₅₄ bá₄ ca₂jme₃cain'₂ jmi₄ ca₂'éin₂ ca₂le₃jín₃ dsa₂ i₂tsá₃ Diú₄ cuín₅, jñia'₅₄ lia'₂ Noé bá₄ i₂ca₂lióin₂ i₂jme₁'ē₂ jág₁ a₂'ē₂₃ caun₂ jui₅ co₂dsau₅, quian'₅₄ guē₄ guion₃ dsa₂; ⁶ chi₂jua'₂ le₂jaun₂ bá₄ ján₃, ca₂'én₂ Diú₄ le₃tín₃ juig₂ Sodoma quian'₅₄ Gomorra, ca₂dsí'₂ ca₂lia'₂ ca₂lē₃ jua₂ li₁, jaun₂ le₂nē₅ jáng'₅ caun₂ jág₁ dsau₅ co₂'nió'₄ a₂rē₂'ē₂ jág₁ ja₁con₂ dsa₂ i₂tsá₃ Diú₄ cuín₅ i₂qui₂le₃chan₂ cang₂; ⁷ chi₂jua'₂ le₂nē₅ ca₂lióin₂ bá₄ jan₂ Lot, i₂jme₁lín₄ guē₄ dsa₂ dsen₃ jme₁chain₂ quian₅ o₂i₁ dsí₅ ia₁ jme₁tē₅ ne₅₄ 'a₂ lia'₂ lē₅ jui₅ le₁quian₅ dsa₂ 'lin'₅₄ jmi₄ jaun₂, ⁸ (jaun₂ jme₁ta'₂ qui'₂ dsí₅ bá₄ dsa₂ dsen₃ 'éi₂, ia₁ ca₂le₃jē₃ jmi₄ bá₄ jme₁tē₅ ne₅₄, jme₁nag₂₃ nē₃ ca₂le₃jē₃ ne₅₄ cosa 'lig'₅₄ a₂jme₁jmo₅-dsá₅ dsa₂ juig₂ ja₁jme₁guá₄); ⁹ chi₂jua'₂ le₂nē₅, jaun₂ ñi₅ bá₄ Te₁gui'₅₄ 'a₂ lia'₂ lióin₃ dsa₂ dsen₃ ne₄ 'e₂ táu₂ dsi₂ñi₂, ton'₂ ñi₅ 'a₂ lia'₂ toin'₂ dsa₂ 'lin'₅₄ lē₅ 'í₁ ca₂lia'₂ ca₂tē₂ jmi₄ i₁gue₃ uig₅ i₁tē₃dsi₅₄ 'éi'₃ quió'₅.

¹⁰ A₂nē₅ nē₃, lē₅ caun₂ jág₁ tí₅ dsón'₂ a₂jáng'₅ jág₁ dsau₅ ja₁con₂ jui₁lia'₂ dsa₂ i₂i₂nio₄ jme₂ti₃ a₂'lig'₅₄ a₂mi₅ nī₁ñi₁₂, co₂'nió'₄ quió'₅ dsa₂ i₂tsá₃ ji'₅₄ 'éi'₃. I₂ñioi₅₄ 'ñio₅ lín₃ táin'₅, 'nio₃ jua'₅₄ 'éi'₃ quió'₅ 'éi₂ bá₄ lē₂, ton'₂ 'ñio₅ lín₃ tiá₂ dsí₅ 'e₂ caun₂ a₂'nio₃ jmo₃; tsá₃ gó'₅ táun₂ 'lig'₅₄ 'in₂₃ jui₁lia'₂ i₂jlán'₁ chan₂ quián₅ Diú₄, ¹¹ jui₁la₂ ángeles i₂'io₅ guē₄ bí₂, i₂'uan'₂ guē₄, tsá₃ le₂jaun₂ tiá₂ dsí₅ jua'₅₄ 'ag₃ 'lig'₅₄, a₂'ñi₃ dsa₂ 'éi₂ ne₄ Te₁gui'₅₄.

¹² La₁ dsa₂ 'éi₂, lín₅ jui₁lia'₂ lín₅ já'₂ náu₂ i₂tsá₃ 'en₅₄ dsí₅, chain₂ tsá₃ 'e₂ ñi'₂ dsí₅ 'e₂ jmo₅-dsá₅, rē₂chain₂ a₂jñia'₅₄ con'₂ tsáun'₂ dsa₂ jme₃dsiog₂₃. Tē₃jñiá₅ bá₄ ma₂'ē₂₃ 'lig'₅₄ 'e₂ a₂tsá₃ ma₂ñi'₂. La₁ le₂jaun₂ bá₄ dsiáin₃ ján₃ jui₁lia'₂ dsan₂ já'₂ náu₂. ¹³ Le₃chain₂ ñág₃ uig₅ co₂'nió'₄ 'liain'₅₄ jui₁lia'₂ qui₂ma₂jmaí'₂ i₂sián'₂. Jmo₂₃ dsí₅ 'ñio₅ lín₃ dse₃ chain₂ lín₂ ia₁ cuē'₅ o₂'ñio₃ o₂jñia₃ dsi₅ o₁jñia'₅₄ a₂jmi₂. Lín₅ dsa₂ 'éi₂ co₂'nió'₄ caun₂ 'mé'₅ 'lig'₅₄ a₂rē₂'ióg₄ a₂quian₅ o₂guí'₃ jē₄ quián'₂ 'nia'₂, 'ñio₅ tē₅ dsí₅ cuē'₅ o₂'ñio₃ dsi₅ a₂jme₂gau₂₃ tóin'₅ jmo₂₃ jmi₄ jin'₄ 'nia'₂.

¹⁴ Co₂tan₅₄ lia'₂ ma₂dsi₂jio₅ dsí₅ 'lig'₅₄ bá₄ jē₁ma₂ca₂jñi₂ jan₂ dsa₂ mí₂, tsá₃ mag'₂ dsí₅ jua'₅₄ a₂tsá₃ 'no₂₃ dso₄; 'ñio₅ lín₃ 'io₂₃ mai₅₄ ñi₅ 'a₂ lia'₂ jme₃gain₂₃ dsí₅ jui₁lia'₂ dsa₂ 'uan₅₄ i₂tsá₃

Š 1:19 Nei₅ 'Ióg₁ lē₅ caun₂ 'a₂ lia'₂ chen₂ Jesús. 'Nio'₂ ja₁ton₅ Apocalipsis 2:28; 22:16.

tiá₂ tión₂; 'nio₅ lín₃ tiín₂ 'ni₅ táng₃ 'a₂ lia₂ 'jme₃ 'nió₁ 'e₂ caun₂ 'nio₃ 'jme₃ 'nió₁ '3; ia₁ lín₅ jaun₅ i₂ma₂tion₅₄ jui₅ dsi₃ 'én₂. ¹⁵ Ma₂qui₂ma₂tí₄ jui₅ co₂dsau₅, ton₂ ma₂i₂cóin₅, ma₂qui₂le₁quian₅ jui₅ quió₅ Bala'am* ja₁ni₅₄ Beor, i₂'éi₂ 'jme₁ 'nio₃ lí₂ cu₄ quian₅₄ caun₂ a₂'lig₅₄ a₂jme₁jmo₃. ¹⁶ Jan₂ dsi₂bú₄ i₂tsá₃ lé₂ dsia₃ jág₁ bá₄ ca₂jí₂ quió₅ 'uig₅₄ dsáu₁, ia₁ já₂ 'éi₂ ca₂'niai₂ jág₁ lia₂ lě₅ jag₄ dsa₂ mi₂güig₃. Ca₂jné₃ jui₅ co₄ quió₅ dsa₂ i₂'ě₂ jág₁ quián₅ Diú₄ 'éi₂.

¹⁷ Dsa₂ 'éi₂ lín₅ jui₁lia₂ lě₅ caun₂ o₄tu₁ jmi₂g₂ a₂tsá₃ 'e₂ jmi₂g₂ cha₂; o₃ le₃jua₅₄ lín₅ jui₁lia₂ lě₅ ti₁jnei₅ a₂lě₁qui₂ngag₅ tiá₂ quian₅₄ dsi₂. Ma₂tioin₅₄ jui₅ a₂dsi₁lein₅ jě₄ qui₁né₃ 'nio₅ lín₃, ja₁ma₂lě₅ co₂jnia₅₄ quió₅.† ¹⁸ Ia₁ qui₂'uě₅ mi₂'o₅₄ jág₁ tá₅ a₂tsá₃ ta₁ tí₄, qui₂cáin₂ dsa₂ a₂jmo₃ dsó₃ a₂jme₃ti₃ a₂'ín₅ dsi₅ ni₁ni₁₂; qui₂jme₂gain₂₃ dsa₂ i₂lag₃ ma₂lión₂ o₄gú₃ dsa₂ i₂le₁quian₅ jui₅ a₂ma₂i₂cóin₅. ¹⁹ Qui₂cuě₂₃ jág₁ a₂juá₂ a₂lió₂, la₁ guioin₅₄ guě₂ ně₃ i₂nioi₅₄ le₁'nei₅₄ jui₅ ja₁dsi₃'éin₂. Ia₁ le₂jaun₂ dsón₂ lě₅ bá₄, lé₂ le₃jua₅₄ chi₁'ne₅₄ dsa₂ ne₄ jui₁'e₂ caun₂ jui₅ 'lig₅₄ a₂quian₅, ia₁ dso₄ jaun₂ ca₂lě₃ juig₅₄ bá₄ dsa₂. Ia₁ a₂jaun₂ jio₅ jmo₅ 'éi₃ ja₁coin₂. ²⁰ La₁ jui₁lia₂ dsa₂ i₂ma₂ca₂rě₃cuin₅ Te₁gui₅₄ Jesucristo i₂lín₅ i₂ma₂ca₂lió₂ quió₅ ne₄ jui₅ lě₁io₅ a₂le₁quian₅ dsa₂ mi₂güig₃, la₁ ně₃jua₂ siá₂ ca₂dsi₃lein₅ ca₂guioin₂ táng₃ quian₅₄ a₂'lig₅₄, o₃ ně₃jua₂ ca₂jme₃gón₃ táng₃ a₂'lig₅₄ jaun₂ tē₂dsí₅, dsi₁lein₅ tsón₂ guě₄ le₃'lín₅₄ con₂ guě₄ le₂jniá₅.‡ ²¹ Jui₁lia₂ dsa₂ le₂'éi₂, ja₁lín₃ guě₄ dse₃ jua₅₄ co₂nei₅₄ bá₄ tsá₃ ca₂rě₃cuí₅ jui₅ co₂dsau₅, lia₂ con₂ guě₄ a₂ma₂ca₂rě₃ni₅, ně₃jua₂ cang₂ jaun₂ ca₂tí₂ bá₄ táng₃ 'éi₃ jnió₅ a₂jme₁ma₂ni₂.§ ²² La₁ ja₁jaun₂ rě₃ti₃ quian₅₄ dsa₂ le₂'éi₂ jui₁lia₂ lě₅ caun₂ jag₄ dsa₂ jme₁juá₂: “Guě₅ táng₃ dsi₂jí₅₄ te₁ni₅₄ quió₅,”* con₂ siá₂ táng₃: “Jui₁lia₂ i₂ni₁ i₂lia₂ ma₂ně₂sei₃ dsa₂, dsó₅ qui₂ba₂lín₂ táng₃ jě₄ ti₁jéin₃.”

3

Jmīg₄ i₂jnió₂ Te₁gui₅₄

¹ 'Nia₂ rín₅₄ jniog₄ i₂'nió₃, jě₁ca₂tě₂ tín₃ si₂ bá₄ la₂ tsíng₂ ne₅₄ 'nia₂. Jě₁le₃tín₃ si₂ ně₅ ma₂ca₂jme₁jnio₂ jniá₂ ne₅₄, ma₂ca₂jmo₃ dsá₂ 'au₂ a₂dsi₃jio₅ 'au₂ jma₃' lia₂ a₂le₁jě₃. ² Jui₁dsiog₂ 'au₂ 'nia₂ ca₂le₃jě₃ jág₁ a₂qui₂ca₂juá₂ dsa₂ jnió₅ i₂jme₁'ě₂ jág₁ quián₅ Diú₄ ma₂líg₂ quian₅₄ guě₄ 'éi₃ a₂ca₂quiog₂ Te₁gui₅₄ i₂ma₂lió₂ jniog₄, a₂ma₂ca₂ngag₅ ja₁con₂ 'nia₂ tē₂le₃ quian₅₄ dsa₂ i₂chen₄ quián₅. ³ Jě₁le₂'uig₅₄ jmo₄ 'nia₂ dsá₂ 'au₂ a₂juá₅ jniá₂ la₂. Jmīg₄ jě₁ca₂tó₂ tē₂ja₃lén₂ dsa₂ i₂caun₂ lě₁qui₃táun₂ 'lig₅₄, le₃chain₂ jma₃' lia₂ jnia₅₄ con₂ lě₂ 'ín₅ dsi₅ guioin₅₄. ⁴ Dsa₂ 'éi₂ ngag₃, juá₂: “¿E₂ ca₂lě₃ quian₅₄ jág₁ a₂ron₅, a₂juá₂ 'nia₂ a₂guan₂ táng₃ Cristo? Ia₁ ca₂le₃ ca₂dsan₃ dsa₂ can₅₄ quián₂ jniog₄, jua₂ lia₂ ma₂lě₅ jaun₂ bá₄ mi₂güig₃ lia₂ con₂ lě₅ jme₁ca₂nio₃ le₂'uig₅₄.” ⁵ La₁ a₂ta₁ dsi₅ bá₄ dsa₂ 'éi₂ tsá₃ 'nio₃ le₃ni₁, a₂ca₂lě₃ tē₂le₃ quian₅₄ jág₁ quió₅ Diú₄ dsi₄ guei₅₄ mi₂güig₃ ma₂líg₂, quian₅₄ gua₅₄ 'uě₃, quian₅₄ jmi₂g₂ a₂ca₂jmo₃ jma₃quén₅ gua₅₄ 'uě₃ quian₅₄ jmi₂g₂ ně₃. ⁶ Ton₂ quian₅₄ jmi₂g₂ bá₄ ján₃, ca₂'én₂ Diú₄ mi₂güig₃ jmi₂g₄ jaun₂. ⁷ Ján₃ bá₄ le₂ně₅, tē₂le₃ quian₅₄ jág₁ quió₅ 'niog₅ bá₄ Diú₄, dsi₄ guei₅₄ quian₅₄ gua₅₄ 'uě₃, ron₅ ma₂lě₅ co₂jnia₅₄ a₂cáu₃ jě₁ma₂tě₂ jmi₂g₄ i₁qui₃dsi₅ Diú₄ 'éi₃ i₁'éin₂ co₂nei₅₄ dsa₂ i₂tsá₃ Diú₄ cuin₅.

⁸ Con₂ siá₂ rín₅₄ jniog₄, tsá₃ jui₁dsi₂'én₂ 'au₂ 'nia₂, ia₁ tē₂le₃ quió₅ Te₁gui₅₄, lě₅ caun₂ jmi₂g₄ co₂'nió₄ caun₂ mei₅ ni₂; ton₂ caun₂ mei₅ ni₂ guě₂, lě₅ co₂'nió₄ caun₂ jmi₂g₄. ⁹ La₁ tsá₃ o₁lei₅₄ jniog₄ jua₅₄ a₂jme₂'ag₄ Te₁gui₅₄ a₂jme₃ti₃ jág₁ quió₅, jui₁lia₂ lín₂ i₂lín₅₄; a₂jmo₂₃ juin₂ dsi₅ bá₄ ja₁con₂ 'nia₂, ia₁ 'nio₃ jua₅₄ 'i₁jan₂ bá₄ tsá₃ 'ein₂ dsi₃'én₂, 'nio₃ jua₅₄ ca₂le₃jín₃ bá₄ dsi₁quén₅ dsi₅.

¹⁰ Ia₁ jmi₂g₄ jaun₂ quió₅ Te₁gui₅₄ guá₂ con₂ tsá₃ 'ein₂ rě₂ján₁, lé₂ jui₁lia₂ ja₁'i₂ jan₂ 'ang₂. Jaun₂ guě₄ tē₃tsi₅₄ co₂mi₅₄ gau₂ lín₃ lé₂ dsi₃'én₂ dsi₄ guei₅₄; qui₂dsi₃'én₂ ca₂le₃jě₃ a₂cha₂

* **2:15** Bala'am: 'Í₂ Números 22 - 24. † **2:17** Niog₅ a₂lín₅₄ chog₅₄ si₂ a₂juá₂: “ja₁ma₂lě₅ co₂jnia₅₄ ja₁dsi₁toin₄ co₂tan₅₄.” 'Nio₂ ja₁ton₅ Judas 13. ‡ **2:20** 'Nio₂ ja₁ton₅ Mateo 12:45; Lucas 11:26. § **2:21** 'Nio₂ ja₁ton₅ Hebreos 6:4-6. * **2:22** Proverbios 26:11.

qui₃jmá₂g₂ quian'₅₄ si₂; lia'₂ rē₂cuá'₃ * gua'₅₄ 'uē₃ lé₂, lia'₂ jma₃quian'₅₄ 'e₂ niog₅ ca₂jmo₃ dsa₂ ja₁jaun₂.

¹¹ Chi₂jua'₂ le₂nē₅ dsi₃'én₂ ca₂le₃jě₃, i'e₂ guě₄ 'ñio₅ lín₃ dsi₂ten₅₄ 'nió'₅ jmó'₂ 'nia'₂ dsen₅₄ 'au'₂ le₃chang'₂ jñi₅ó₅, a₂'nió'₃ Diú₄! ¹² Jmo₄ 'nia'₂ co₂jñiag'₅₄ rē₂jáng'₁ ia₁jaun₂ ñi'₅₄ ta₁ guá₂ jmig₄ jaun₂ quió'₅ Diú₄. Jmig₄ jaun₂ guei'₅₄ mi₂güig₃ qui₂dsi₃'én₂ quian'₅₄ si₂, ca₂le₃jě₃ 'e₂ a₂cha₂ qui₃jmá₂g₂ jē₁ma₂ca₂dséi₃ 'ñio₅ lín₃. ¹³ La₁ jniog₄ ně₃, le₁jñia₁ dsi₁no₃ caun₂ guei'₅₄ i₂juig₃ 'mí₂ quian'₅₄ caun₂ gua'₅₄ 'uē₃ 'mí₂ ja₁ma₂lē₅ jág₁ cuē₃ Diú₄, ja₁tē₂ 'ñiá₄ jmá₃ a₂jñi₅ó₅.

¹⁴ Le₂nē₅ jaun₂ ně₃ rín'₅₄ jniog₄, tē₁lia'₂ tsá₃ ma₂tē₂ jmig₄ jaun₂, quen'₂ 'nia'₂ bí₂ ia₁jaun₂ bá₄ dsiog'₂ Diú₄ qui₂le₁'ág₄ bá₄ tei₄ 'au'₂ 'nia'₂, tsá₃ 'e₂ cha₂ jua'₅₄ lē₅ qui₂rē₂'ió₄ jme₂dsi₂ quiáng'₂, jua'₅₄ a₂rē₂cán'₄ 'nia'₂ dso₄. ¹⁵ Jmo₄ 'nia'₂ 'au'₂ a₂juin'₂ dsí₅ bá₄ Te₁gui'₅₄ ia₁jaun₂ cuin₅ jmig₄ líon'₂ 'nia'₂. Le₂nē₅ bá₄ ján₃, Pa₄ rín'₅₄ jniog₄ ma₂dsiáin'₂ si₂ ne'₅₄ 'nia'₂, con'₂ lē₅ ma₂ñí'₂ dsí₅ a₂ma₂ca₂cuē₃ Diú₄. ¹⁶ Jē₄ ca₂le₃jě₃ Si₂ quió'₅, ma₂ca₂tsí'₃ 'nia'₂ ján₃ ca₂le₃jě₃ a₂nē₅, o₁jñia'₅₄ la₂juí'₅ le₃ñág'₂ a₂lín₅₄; 'uig₅₄ jaun₂ dsa₂ i₂tsá₃ lín₄ ñí'₂ dsí₅ i₂tsá₃ tiá₂ tión₂, le₃jen₅ bá₄ jme₂tiin₂₃ dsa₂, ján₃ bá₄ le₂jaun₂ ca₂le₃jě₃ guě₄ rín'₅₄ Si₂ quió'₅ Diú₄ ně₃, la₁ a₂'uín₅₄ guioin₅₄ bá₄ a₂dsi₃'éin₂ ia₁ a₂jmo₂₃ le₂jaun₂.

¹⁷ Jaun₂ lē₃ 'nia'₂ rín'₅₄ jniog₄, ia₁ tē₃jñiá₅ bá₄ ma₂le₁ñi'₅₄ 'nia'₂ 'a₂ lia'₂ niog₅ lé₂, jmo₄ 'nia'₂ 'í₁ ia₁jaun₂ tsá₃ qui₃tsag'₂ dsa₂ 'lín'₅₄ i₂jme₂gau₅, jaun₂ tsá₃ sén'₂ 'nia'₂ jui₅ ja₁tióng'₂ tiá₂. ¹⁸ La₁ jui₁dsi₂can'₅₄ bá₄ 'nia'₂ jui₅ ja₁'ua₁ dsí₅ Te₁gui'₅₄ Jesucristo quián₂ jniog₄ i₂ma₂lió₂, jaun₂ dsi₁nó'₅ 'nia'₂ le₃cuin'₂ guě₄ dse₃. 'Éi₂ bá₄ ca₂tín₂ le₃juin'₂, jmig₄ ně₃, co₂tan₅₄. ¡A₂méi₃!

Co₂nē₅.

* 3:10 A₂lín₅₄ chog₅₄ si₂: "qui₂dsi₃'én₂ cáu₃."

Si₂ carta le₂'uig₅₄ a₂ca₂jmo₃ SAN JUAN

Jág₁ dse₃ jui₁lia'₂ 'a₂ lia'₂ le₃chan₂ dsa₂

¹ Jmo₂ jnia'₅₄ si₂ la₂ dsiang'₅₄ ne'₅₄ 'nia'₂, ja₁'ín₅ jnia'₅₄ i₂jme₁ma₂chan₂ lia'₂ con'₂ jme₁ca₂rë₃lióg₃ ca₂le₃jë₃ a₂cha₂, ja₁'ín₅ jnia'₅₄ jan₂ i₂qui₂ma₂néi₁ jnia'₅₄ jág₁ quió'₅, ma₂ca₂néi₄ jnia'₅₄ quian'₅₄ jme₁ne₁ guio₅₄, ma₂qui₂ma₂tí₄ jnia'₅₄ gu₂ quió'₅ ně₃. Të₂le₃ quian'₅₄ jág₁ quió'₅ 'éi₂ bá₄ a₂le₃chan₂ dsa₂. ² I₂chan₂ 'éi₂ ně₃ ca₂jme₃jniai₂₃ 'ñiog₅ jë₄ quió'₅ dsa₂ mi₂güig₃. Jaun₂ jnia'₅₄ ně₃, ca₂néi₄, jaun₂ jang'₂ jnia'₅₄ jág₁ dsau₅ quió'₅ 'éi₂. Qui₂'ë₅ jnia'₅₄ ja₁con'₂ 'nia'₂ 'a₂ lia'₂ le₃chan₂ dsa₂ co₂tan₅₄. Jme₁ma₂chain₂ bá₄ quiaín'₅₄ Jmei₂, ton'₂ ma₂ca₂jme₃jniai₂₃ jë₄ quián₂ jnia'₅₄. ³ Jaun₂ 'ë₅ jnia'₅₄ jág₁ jui₁lia'₂ a₂ma₂ne₅₄ a₂ma₂néi₁ ně₃, ia₁jaun₂ jme₁quiong'₅₄ 'nia'₂ jnia'₅₄ 'ei₅ caun₂ jág₁, jui₁lia'₂ jnia'₅₄ ně₃ 'ei₅ caun₂ jág₁ quian'₅₄ Diú₄ Jmei₂ jniog₄, quian'₅₄ Jesucristo Ja₁ñi'₅₄ ně₃. ⁴ Jaun₂ bá₄ lë₃ jmo₂ jnia'₅₄ si₂ la₂ dsiang'₅₄ ne'₅₄ 'nia'₂, jua'₂ jnia'₅₄ ca₂le₃jë₃ jág₁ la₂, ia₁jaun₂ rë₂'ña₅ a₂'io'₂ jëin₂ jniog₄.*

Diú₄ i₂lín₅ si₂

⁵ A₂la₂ bá₄ jág₁ dse₃ a₂ma₂ca₂guéi₁ jnia'₅₄ quió'₅, a₂'ë₄ táng₃ jnia'₅₄ ja₁con'₂ 'nia'₂: Lín₅ Diú₄ si₂; 'i₁caun₂ ja₁qui₁né'₃ tsá₃ cha₂ ja₁coin₂. ⁶ Nē₁jua'₂ jua'₂ jniog₄ 'ei₅ caun₂ jág₁ quian'₅₄ Diú₄, la₁ nē₁jua'₂ i₂nio₄ guē'₂ jniog₄ jë₄ qui₁né'₃, jmo₂ jniog₄ tē₂jág₁; tsá₃ jui₅ dsau₅ chong₂. ⁷ La₁ nē₁jua'₂ qui₂i₂nio₄ jniog₄ ja₁jniá₂ si₂, jui₁lia'₂ 'en₅₄ 'éi₂ ja₁jniá₂ si₂, 'ei₅ caun₂ jág₁ quian'₅₄ rin'₅₄ jniog₄ le₂jau₂ le₂jau₂, jaun₂ jmi₄ Jesucristo Ja₁ñi'₅₄ qui₂chéi₂ ca₂le₃jë₃ dsáu₁ jniog₄.

⁸ Nē₁jua'₂ jua'₂ jniog₄ tsá₃ 'e₂ dso₄ le₁cáu'₄, jme₂gán₁ jniog₄ guio₅₄, tsá₃ tí₅ jág₁ quián₂. ⁹ La₁ nē₁jua'₂ jmo₂ jniog₄ jág₁ dsau₅ a₂rë₂cáu'₄ dso₄, rë₂tí₅₄ bá₄ Diú₄, rë₂ bá₄ qui₂dsi₂₃ 'éi'₃, 'éin₂ bá₄ dso₄ quián₂ jniog₄, qui₃chéi₂ ca₂le₃jë₃ a₂'lig'₅₄. ¹⁰ La₁ nē₁jua'₂ jua'₂ jniog₄ tsá₃ 'e₂ dso₄ ma₂'nióg₁, jmo₂ jniog₄ co₂'nió'₄ tē₂jín₁ bá₄ Diú₄; tsá₃ 'i₄ jág₁ quió'₅ ja₁con₂ jniog₄.

2

Cristo bá₄ lín₅ i₂chén'₅ ne₄ jág₁ quián₂ jniog₄

¹ 'Nia'₂ chí₂-guein₂ quiáng₃, jmo₅ jniá₂ si₂ la₂ ja₁juá'₅ ca₂le₃jë₃ ia₁jaun₂ tsá₃ ma₃'náu'₁ 'nia'₂ dso₄. Nē₁jua'₂ chan₂ i₂ca₂tán'₂ dso₄, chan₂ bá₄ jan₂ i₂chén'₅ ne₄ jág₁ quián₂ jniog₄ ne₄ Diú₄ Jmei₂. I₂'éi₂ lín₅ Jesucristo i₂dsen₃. ² 'Éi₂ bá₄ i₂ca₂ñó₃ rē₂jen'₅₄ ne₄ Diú₄ 'uig₅₄ dsáu₁ jniog₄. On₃jua'₅₄ rē₂ jmá'₃ 'uig₅₄ dsáu₁ jniog₄, 'uig₅₄ dsáu₁ ca₂le₃jín₃ dsa₂ mi₂güig₃ bá₄ ján₃.

³ Nē₁jua'₂ jme₂tí₁ 'éi'₃ quió'₅ ně₃, jaun₂ le₂nē₅ bá₄ ne₄ a₂ma₂ca₂rë₃cuín₅ jniog₄. ⁴ La₁ nē₁jua'₂ chan₂ i₂juá'₂: “Cuín₅ jniá₂ Diú₄”, la₁ nē₁jua'₂ tsá₃ jme₂tí₃ guē'₂ 'éi'₃ quió'₅, i₂'éi₂ lín₅ dsa₂ tē₂jág₁, tsá₃ 'i₄ jág₁ tí₅ ja₁coin₂. ⁵ La₁ tē₂le₃ quió'₅ jui₁lia'₂ i₂jme₂tí₃ 'éi'₃ quió'₅ Diú₄, i₂'éi₂ guē'₂ dsón'₂ rē₂'ña₅ a₂'nioi₃ Diú₄. Jaun₂ le₂nē₅ bá₄ ne₄ jniog₄ chong₂ a₂'ei₅ caun₂ jág₁ quiaín'₅₄. ⁶ Jui₁lia'₂ i₂juá'₂ tén₅ le₃quió'₅ Diú₄, 'nió'₅ i₃nioi₅₄ jui₁lia'₂ ca₂ñi₃ Jesucristo.

Caun₂ 'éi'₃ mí₂

⁷ 'Nia'₂ rin'₅₄ jniog₄ i₂'nióg₃, on₃jua'₅₄ 'éi'₃ 'mí₂ la₂ tó'₅ jniá₂ ne₄ si₂ juíg₂ 'nia'₂. A₂le₂jaun₂ bá₄ la₂ jui₁lia'₂ 'éi'₃ a₂jme₁ma₂cha₂ ja₁con'₂ 'nia'₂ ca₂le₃ jmíg₄ le₂'uig₅₄ jme₁ca₂rë₃'én'₂ 'nia'₂. 'Éi'₃ gui₅₄ la₂ lë₅ jág₁ a₂ma₂nei'₂ 'nia'₂. ⁸ La₁ia₁ a₂tó'₅ jniá₂ ne₄ si₂ la₂ a₂tsíng₂ ne'₅₄ 'nia'₂, lë₅ co₂'nió'₄ caun₂ 'éi'₃ 'mí₂, a₂dsau₅ tē₃dsón'₂ quió'₅ Cristo, ján₃ guē₄ dsau₅ tē₂le₃ ja₁con'₂ 'nia'₂ ně₃. Ia₁ ma₂ca₂ñi₂ bá₄ jë₄ qui₁né'₃, ma₂tág₅ si₂ a₂dsau₅ tē₃dsón'₂.

* **1:4** A₂lín₅₄ chog₅₄ si₂: “a₂'io'₂ jén'₂ 'nia'₂.”

⁹ Chi₂jua'₂ chan₂ i₂juá'₂ chain₂ ja₁jniá₂ si₂, la₁ nē₁jua'₂ 'ñiai₅₄ bá₄ guē'₂ riin'₅₄ ně₃, i₂le₂'éi₂ 'ein₅₄ bá₄ guē'₄ jē₄ qui₁né'₃. ¹⁰ La₂ i₂'nio₃ rin'₅₄ guē'₂ ně₃, tē₂'ñiai₅₄ ja₁jniá₂ si₂, ton'₂ 'i₁caun₂ tsá₃ 'e₂ cha₂ jua'₅₄ jmo₃ a₂qui₃nió'₃. ¹¹ La₁ i₂'ñiai₅₄ rin'₅₄ guē'₂ ně₃, 'ein₅₄ jē₄ qui₁né'₃. Tsá₃ ñi₅ 'a₂ jui₅ dsó₃, ia₁ co₂'nió'₄ tein₅₄ bá₄ ñi₂₃ jē₄ nei₂.

¹² Tsín₂ jniá₂ si₂ la₂ ne'₅₄ 'nia'₂ i₂lín₅ 'chi'₂-guein₂ quiáng₃, ia₁ ma₂rē₂'én₄ bá₄ dsáu'₂ 'nia'₂, ma₂ca₂'én₂ bá₄ Diú₄ tē₂le₃ o₄quió'₄ Jesucristo. ¹³ 'Nia'₂ dsa₂ i₂chan₂ 'chi'₂ quián₅, tsín₂ jniá₂ si₂ la₂ ne'₅₄ 'nia'₂ ia₁ ma₂ca₂rē₃cuin'₂ bá₄ 'nia'₂ i₂jme₁ma₂chan₂ lia'₂ con'₂ jme₁ca₂rē₃lióg₃ ca₂le₃jē₃. 'Nia'₂ dsa₂ 'chi'₂, tsíng₂ si₂ la₂ ne'₅₄ 'nia'₂ ia₁ ma₂ca₂tian'₃ bá₄ 'nia'₂ ne₄ quió'₅ i₂sē₃dsen₃.

'Nia'₂ guein₂ quiáng₃, jmo₅ jniá₂ si₂ la₂ tsíng₂ ja₁con'₂ 'nia'₂ ia₁ ma₂ca₂rē₃cuin'₂ 'nia'₂ Diú₄ Jmei₂jniog₄. ¹⁴ 'Nia'₂ dsa₂ i₂chan₂ 'chi'₂ quián₅, tsín₂ jniá₂ si₂ la₂ ne'₅₄ 'nia'₂ ia₁ ma₂ca₂rē₃cuin'₂ 'nia'₂ i₂jme₁ma₂chan₂ lia'₂ con'₂ jme₁ca₂rē₃lióg₃ ca₂le₃jē₃. Ján₃ bá₄ tsín₂ jniá₂ si₂ la₂ ne'₅₄ 'nia'₂ dsa₂ 'chi'₂, ia₁ 'uan'₂ bá₄ 'nia'₂, ia₁ jág₁ dse₃ quió'₅ Diú₄ ma₂'i₄ 'au'₂ 'nia'₂, ia₁ ma₂ca₂tian'₃ 'nia'₂ ne₄ quió'₅ i₂sē₃dsen₃.

¹⁵ Tsá₃ lē₁jmo₂ 'nia'₂ 'ín₅ 'au'₂ jua'₅₄ a₂le₃chang'₂ i₁niog'₄ jui₅ ja₁i₂nio₄ dsa₂ mi₂güig₃, on₃ guē'₂ jmó₁ 'nia'₂ 'ín₅ 'au'₂ 'e₂ niog₅ cha₂ mi₂güig₃. Chi₂jua'₂ chan₂ i₂'ín₅ dsí₅ a₂jén'₅ mi₂güig₃, i₂le₂'éi₂ tsá₃ tē₃dsón'₂ 'nioi₃ Diú₄ Jmei₂. ¹⁶ Ia₁ ca₂le₃jē₃ a₂jén'₅ mi₂güig₃, jui₁lia'₂ ca₂le₃jē₃ a₂'lig'₅₄ a₂mi₅ ni₁ñi₁ dsa₂, a₂'ín₅ dsí₅ dsa₂ jmo₃ ca₂le₃jē₃ 'e₂ niog₅ tē₅ jme₁ne₁₂, a₂jme₂rón₂ dsa₂ 'e₂ niog₅ cha₂ quió'₅ tē₁lia'₂ chain₂: Ca₂le₃jē₃ a₂nē₅, on₃jua'₅₄ já₅ quió'₅ Diú₄ Jmei₂jniog₄; a₂já₅ quió'₅ mi₂güig₃ bá₄ jaun₂. ¹⁷ La₁ a₂jē₁ca₂ñi₂ bá₄ mi₂güig₃, quian'₅₄ ca₂le₃jē₃ 'e₂ 'lig'₅₄ a₂'ín₅ dsí₅ dsa₂ chain₂ ne₄ gua'₅₄ 'uē₃. La₁ i₂jmo₅ a₂'ñio₂ dsí₅ Diú₄, le₃chain₂ co₂tan₅₄.

Jui₁lia'₂ 'a₂lia'₂ lē₅jág₁ dsau₅ dsón'₂, 'a₂lia'₂ lē₅jág₁ tē₂jág₁ táng₃

¹⁸ 'Nia'₂ 'chi'₂-guein₂ quiáng₃, jmi₄ jē₁ca₂tó'₂ bá₄ la₂ chong₂ jniog₄. Ma₂nei'₂ bá₄ 'nia'₂, já₅ jan₂ i₂'ñiai₅₄ Cristo. Rē₂nē₃ ně₃, juin₅ bá₄ i₂ma₂ca₂rē₃jniá₂ i₂'ñiai₅₄ Cristo. Jaun₂ bá₄ lē₃ ne₄ jniog₄ a₂ja₂quián₃ jmi₄ jē₁ca₂tó'₂. ¹⁹ I₂ca₂'uin₂ jē₄ quián₂ jniog₄ bá₄ 'éi₂. Dsón'₂ bá₄ dsau₅, on₃jua'₅₄ i₂quián₂ jniog₄ 'éi₂, ia₁ jua'₅₄ mei'₂ guē₃ lín₅ i₂quián₂ jniog₄, jme₁jñia₃ bá₄ quian'₅₄ jniog₄. La₁ le₂nē₅ ca₂lē₃ ia₁jaun₂ le₃jniá₂, 'i₁jan₂ 'éi₂ tsá₃ lín₅ i₂quián₂ jniog₄. ²⁰ La₁ 'nia'₂ ně₃, ma₂ca₂guen'₅₄ bá₄ 'nia'₂ Jme₂dsí₂ Jñiós, jaun₂ cuing'₂ bá₄ 'nia'₂ ca₂le₃jíng'₃ *jág₁ tí₅. ²¹ Jaun₂ tsíng₂ si₂ la₂ ne'₅₄ 'nia'₂, on₃jua'₅₄ ia₁ a₂tsá₃ cuin'₂ 'nia'₂ jág₁ tí₅, tē₂le₃ ia₁ a₂cuin'₂ 'nia'₂. Jaun₂ ma₂le₁ñi'₅₄ bá₄ 'nia'₂, 'i₁caun₂ jág₁ tē₂jág₁ tsá₃ lé₂ le₃o₃'ag₅ jē₄ jág₁ dsau₅. ²² ¿'Ein₂ 'éi₂ i₂lín₅ tē₂jág₁? I₂'éi₂ bá₄ i₂juá'₂ a₂tsá₃ lín₅ Jesús I₂rē₂'ín₁ quián₅ Diú₄. 'Éi₂ bá₄ i₂'ñiai₅₄ Cristo, i₂tsá₃ jen₅₄ Diú₄ Jmei₂, on₃ guē'₂ Ja₁ñi'₅₄ ně₃. ²³ Ca₂le₃jín₃ i₂tsá₃ jen₅₄ Ja₁ñi'₅₄ Diú₄, ján₃ bá₄ le₂jaun₂ tsá₃ quiaín'₅₄ Diú₄ Jmei₂. La₁ jui₁lia'₂ i₂jme₂jnia₅ jáng'₅ jág₁ dsau₅ tē₂le₃ quió'₅ Ja₁ñi'₅₄, ján₃ bá₄ le₂jaun₂ quiaín'₅₄ Jmei₂ ně₃.

²⁴ Jaun₂ lē₃, 'ma₄ 'nia'₂ tē₂'au'₂ jág₁ dse₃ a₂ma₂nei'₂ 'nia'₂ le₂'uig₅₄. Ia₁ nē₁jua'₂ ma₂tē₁'ñiá₄ tē₂'au'₂ 'nia'₂, jaun₂ tē₃'ñiá'₄ bá₄ 'nia'₂ ja₁con₂ Ja₁ñi'₅₄, quiaín'₅₄ Jmei₂ ně₃. ²⁵ Jaun₂ a₂la₂ bá₄ jág₁ quió'₅ a₂ca₂cuē₃: A₂le₃chong₂ jniog₄ co₂tan₅₄.

²⁶ Jaun₂ tsín₂ jniá₂ si₂ la₂ ne'₅₄ 'nia'₂ ja₁íng₅ jui₁lia'₂ i₂'nio₃ jiog₃ cau₅. ²⁷ La₁ quian'₅₄ bá₄ 'nia'₂ Jme₂dsí₂ Jñiós i₂ma₂tē₁'ñiá₄ tē₂'au'₂ 'nia'₂ i₂ma₂cuin₃ Cristo. Jaun₂ tsá₃ ma₃i₂sián'₂ 'nió'₅ jme₃tag₅. La₁ jui₁tē₂'ñiá'₄ bá₄ 'nia'₂ le₃quió'₅ 'éi, ia₁ 'ñiog₅ bá₄ Jme₂dsí₂ Jñiós jme₃tñin₂₃ 'nia'₂ ca₂le₃jē₃ con'₂ lē₅ jág₁ tí₅ dsón'₂, on₃jua'₅₄ jág₁ tē₂jág₁.

²⁸ Jaun₂ ně₃, 'nia'₂ 'chi'₂-guein₂ quiáng₃, jui₁tē₂'ñiá'₄ bá₄ 'nia'₂ quiaín'₅₄, ia₁jaun₂ caun₂ bá₄ le₁'ág₄ dsí₅ jniog₄ jē₁ma₂tē₂ jmi₄ i₁jme₃jñiai₂₃ táng₃. Tsá₃ 'nió'₅ jmó₁ jniog₄ gui'₅₄ ne₅₄ jē₁ma₂guáin'₅. ²⁹ Chi₂jua'₂ ma₂ñi'₅₄ 'nia'₂, Cristo bá₄ i₂lín₅ i₂jmo₅ con'₂ dsi₂ten₅₄, jaun₂ jui₁le₂ñi'₅₄ bá₄ 'nia'₂ ján₃, ca₂le₃jín₃ i₂jmo₅ con'₂ dsi₂ten₅₄, lín₅ 'chi'₂-guein₂ quián₅ Diú₄.

* 2:20 o₃, "ca₂le₃jē₃."

3

Chi'-guein₂ quián₅ Diú₄

¹ Jag₄ 'nia'₂ jaun₂, 'nio₅ lín₃ 'nio₃ Diú₄ Jmei₂ jniog₄, juá'₂ dé₄ jmá'₃ tē₂ jniog₄ a₂lág₅ chi'-guein₂ quián₅. 'Uig₅₄ nē₅, dsa₂ mi₂güig₃ tsá₃ cuig₂₃ jniog₄ ia₁ tsá₃ ma₂ca₂rē₃cuin₂₃ Diú₄. ² 'Nia'₂ rin'₅₄ jniog₄ i₂'nióg₃, ma₂lág₅ jniog₄ chi'-guein₂ quián₅ Diú₄. O₁jñia'₅₄ la₂ tsá₃ ma₂ne₄ guē₄ jniog₄ 'a₂ lia'₂ léi₂ jē₁ca₂tó'₂, la₁ ne₄ jniog₄, jmig₄ jē₁ma₂tē₂ rē₁jme₃jñia₅ 'éi₂, léi₂ jniog₄ jui₁lia'₂ lín₅ 'nio₅, ia₁ néi₄ jniog₄ ton'₂ le₃cuin₅ jniog₄ 'a₂ lia'₂ jniái₂. ³ Ca₂le₃jín₃ i₂'ín₂ dsí₅ jág₁ nē₅, jmo₂₃ le₁jē₃ tē₂dsí₅, jui₁lia'₂ le₁jín₃ 'éi₂.

⁴ Dsa₂ i₂caun₂ 'no₅ dso₄, rē₂cáin'₄ 'Éi'₃ quió'₅ Diú₄. Ia₁ jui₁'ein₂ guē₃ i₂ca₂i₁juin₅₄ con'₂ lē₅ 'Éi'₃, dso₄ bá₄ jaun₂. ⁵ Ia₁ ma₂ñi'₅₄ bá₄ 'nia'₂, ta₁ jaun₂ ca₂guan₃ dsa₂ i₂rē₂'ín₁ 'éi₂ quián₅ Diú₄, a₂qui₃'éin₂ dsáu₁ jniog₄. Ia₁ 'i₁caun₂ dso₄ tsá₃ 'e₂ ca₂rē₃cáin'₂ 'nio₅. ⁶ Jaun₂ le₂nē₅, 'i₁jan₂ i₂chan₂ le₃quió'₅ 'éi₂ tsá₃ ma₃ñi₂₃ jua'₅₄ caun₂ qui₂'no₂₃ guē₄ dso₄. La₁ jui₁lia'₂ i₂caun₂ i₂nio₄ 'no₅ dso₄ nē₃, tsá₃ ma₂ca₂jág₂, on₃ guē'₂ ma₂ca₂rē₃cuig₂₃ nē₃. ⁷ 'Nia'₂ chi'-guein₂ quiáng₃, tsá₃ 'ein₂ jui₁jio₅₄ cau₅ quián'₂ 'nia'₂. Jui₁lia'₂ i₂jmo₅ con'₂ dsi₂ten₅₄, dsein₃ bá₄, jui₁lia'₂ dsen₃ 'éi₂ 'nio₅. ⁸ La₁ jui₁lia'₂ i₂caun₂ 'no₅ dso₄, i₂quián₅ i₂sē₃dsen₃ bá₄ 'éi₂, ia₁ i₂sē₃dsen₃ nē₃ ma₂já₅ 'no₂₃ dso₄ ca₂le₃jme₁ca₂rē₃lióg₃ mi₂güig₃. La₁ Ja₁ñi'₅₄ Diú₄ nē₃, ta₁ jaun₂ ca₂guain₃ a₂qui₂'éin₂ ta₁ quió'₅ i₂sē₃dsen₃.

⁹ 'I₁jan₂ jui₁lia'₂ i₂ma₂ca₂rē₃chán₃ le₃quió'₅ Diú₄, jua'₅₄ caun₂ qui₂'no₂₃ guē₄ dso₄, ia₁ quion₂ quió'₅ Diú₄ Jmei₂. Jaun₂ tsá₃ ma₂lé₂ jua'₅₄ caun₂ 'no₃ guē₄ dso₄, ia₁ ma₂ca₂rē₃chán₃ ma₂lín₅ guein₂ quián₅ Diú₄ bá₄. ¹⁰ Jaun₂ le₂nē₅ bá₄ lé₂ jióg'₂ 'í₁ 'ein₂ lín₅ i₂quián₅ Diú₄, 'ein₂ lín₅ i₂quián₅ i₂sē₃dsen₃ nē₃. Ia₁ jui₁'ein₂ guē₃ i₂tsá₃ dse₃ jmo₅, o₃ jui₁lia'₂ i₂tsá₃ 'nio₃ rin'₅₄, on₃jua'₅₄ chi'-guein₂ quián₅ Diú₄ 'éi₂.

Jui₁jme₁'nió₄ jniog₄ rin'₅₄ le₂jau₂ le₂jau₂

¹¹ Jág₁ dse₃ a₂ma₂nei'₂ 'nia'₂ le₂'uig₅₄, a₂la₂ bá₄ jaun₂: a₂jme₁'nió₄ jniog₄ rin'₅₄ le₂jau₂ le₂jau₂. ¹² Tsá₃ 'nió'₅ jmó₁ jniog₄ jui₁lia'₂ ca₂jmo₃ Cárin i₂jme₁lín₄ i₂quián₅ i₂sē₃dsen₃, jaun₂ ca₂jñi'₃ dsó₂ riin'₅₄. ¿'E₂ lē₃ ca₂jñag'₃? Ia₁ a₂'lig'₅₄ bá₄ jme₁jmo₅-dsáu₅ 'éi₂ 'nio₅; riin'₅₄ guē'₂ nē₃, a₂dse₃ bá₄ jme₁jmo₂₃.

¹³ Rin'₅₄ jniog₄, tsá₃ jui₁dsi₂gó'₃ 'au'₂ 'nia'₂ nē₁jua'₂ 'iog₅₄ dsa₂ mi₂güig₃, ¹⁴ ia₁ ma₂ca₂ñag₅ bá₄ jniog₄ ja₁jme₁dsióg₃; ma₂ca₂rē₃chóng₃ táng₃ jniog₄ jē₁le₃chong₂ co₂tan₅₄. Ne₄ jniog₄ a₂nē₅ ia₁ 'nio₃ bá₄ jniog₄ rin'₅₄. La₁ i₂tsá₃ 'nio₃ rin'₅₄, i₂caun₂ ñi₅ 'lín₄ bá₄ 'éi₂. ¹⁵ Ca₂le₃jín₃ jui₁lia'₂ i₂'ñia₅₄ rin'₅₄, i₂rē₂cán'₄ dso₄ co₂'nió'₄ i₂jme₂dsian₅ dsa₂ bá₄ 'éi₂. Ñi'₅₄ bá₄ 'nia'₂ jaun₂, 'i₁jan₂ dsa₂ i₂jme₂dsian₅ dsa₂ tsá₃ 'i₄ jme₂dsí₂ a₂chain₂ co₂tan₅₄. ¹⁶ Le₂la₂ bá₄ ne₄ jniog₄ 'e₂ jaun₂ a₂'nio₃ dsa₂ rin'₅₄, ia₁ chan₂ jan₂ i₂ca₂guen₃ 'mú₃ o₄quián₂ jniog₄. Ján₃ bá₄ le₂jaun₂ ca₂tág₂ jniog₄ guén₄ 'mú₃ o₄quió'₄ rin'₅₄. ¹⁷ Jui₁lia'₂ i₂cha₂ quió'₅ ne₄ gua'₅₄ 'uē₃ la₂, nē₁jua'₂ chan₂ jan₂ riin'₅₄, i₂ñi₅ 'ín₂ quió'₅, nē₁jua'₂ tsá₃ ca₂dsia₃ guē'₂ néi₂ dsí₅ ja₁coin₂, ¿'a₂ lia'₂ lé₂ le₃juá'₂ ma₂tē₁'ñiá₄ tē₂dsí₅ a₂'nio₃ Diú₄? ¹⁸ 'Nia'₂ guein₂ quiáng₃, on₃jua'₅₄ jmá'₃ quian'₅₄ jág₁ tio'₅₄ 'o₄ jniog₄ dsi₂ten₅₄ jua'₅₄ a₂'nio₃ jniog₄ rin'₅₄. A₂ca₂tág₂ jniog₄ jme₁'nió₄ tē₃dsón'₂ rin'₅₄, tē₂le₃ quian'₅₄ a₂léi₄ a₂qui₂rē₂jñiá₂ 'e₂ a₂jmo₂ jniog₄.

'Ei₅ caun₂ dsi₅ jniog₄ tē₂le₃ quió'₅ Diú₄

¹⁹ Le₂nē₅ bá₄ ne₄ jniog₄ a₂téi₅ le₃quió'₅ jui₅ dsau₅, jaun₂ guē₄ le₃'éi₁ jniog₄ caun₂ dsi₅ ne₄ Diú₄. ²⁰ La₁ nē₁jua'₂ cha₂ a₂qui₂dsi₂jñi₅ dsi₅ jniog₄ a₂jme₂cáu'₂, Diú₄ bá₄ i₂lín₅ i₂juin'₂ guē₄ lia'₂ con'₂ guē₄ 'e₂ a₂qui₂dsi₂jñi₅ dsi₅; 'éi₂ bá₄ ñi₅ ca₂le₃jē₃. ²¹ Le₂nē₅ jaun₂ rin'₅₄ jniog₄ i₂'nióg₃ guē₄ lín₃, chi₂jua'₂ lei₅₄ jniog₄ tē₂dsi₅ guio₅₄ tsá₃ 'e₂ rē₂cáu'₄, caun₂ bá₄ lé₂ le₃'éi₁ jniog₄ dsi₅ ne₄ Diú₄, ²² jaun₂ cuē₃ bá₄ 'éi₂ ca₂le₃jē₃ 'e₂ a₂mi₂, tē₂le₃ ia₁ jme₂tí₁ jniog₄ 'éi'₃ quió'₅, ton'₂ ia₁ jmo₂ bá₄ jniog₄ ne₄ 'éi₂ a₂tē₅ dsí₅. ²³ A₂la₂ bá₄ 'éi'₃ quió'₅: a₂le₃'éin₂ jniog₄ tē₂le₃ quió'₅ Jesucristo Ja₁ñi'₅₄, ton'₂ ján₃ guē'₂ jme₁'nió₄ jniog₄ rin'₅₄ le₂jau₂ le₂jau₂. Con'₂ nē₅ bá₄ lē₅ 'éi'₃ quió'₅

ca₂tság₃ jnia'₅₄. ²⁴ Ca₂le₃jín₃ i₂jme₂ti₃ 'éi'₃ nē₅ nē₃, chain₂ le₃quió'₅ 'éi₂; já₃ guē'₂ le₂jaun₂ 'éi₂ 'njog₅ chain₂ ja₁con₂ 'éi₂ nē₃. Le₂nē₅ bá₄ ne₄ jniog₄ a₂guá₅ 'éi₂ tē₂dsi₅ jniog₄: tē₂le₃ quian'₅₄ Jme₂dsi₂ i₂ma₂cuin₃.

4

Jme₂dsi₂ quián₅ Diú₄ quian'₅₄ jme₂dsi₂ i₂'nia₅₄ Cristo

¹ 'Nia'₂ guein₂ quiáng₃ i₂nióg₃ guē₄ lín₃, tsá₃ o₁len'₂ 'nia'₂ jua'₅₄ ca₂le₃jín₃ i₂juá'₂, jiog₅ Jme₂dsi₂ quián₅ Diú₄. Rē₂ de'₂ quion₂ 'nia'₂ 'í₁ quió'₅, chi₂jua'₂ tē₃dsón'₂ lín₅ i₂quián₅ Diú₄. Ia₁ juin₅ dsa₂ juí₁gan₂ ma₂i₂nio₄ qui₂'ē₂ já₃ mi₂güig₃ la₂. ² Le₂la₂ bá₄ lé₂ le₃caun'₅₄ 'nia'₂ 'í₁ quió'₅ i₂juá'₂ jiog₅ Jme₂dsi₂ quián₅ Diú₄: ca₂le₃jín₃ jme₂dsi₂ i₂jmo₅ já₃ a₂ca₂guan₃ Jesucristo chi₁dsáin₃ mi₂güig₃ la₂, i₂le₂'éi₂ bá₄ lín₅ i₂quián₅ Diú₄. ³ La₁ juí₁'ein₂ guē₃ jme₂dsi₂ i₂tsá₃ jmo₅ já₃ le₂nē₅ 'in₂₃ Jesús, on₃jua'₅₄ i₂quián₅ Diú₄ 'éi₂. I₂quián₅ i₂'nia₅₄ Cristo bá₄ i₂le₂'éi₂, i₂ma₂nei'₂ 'nia'₂ já₃ a₂jíá₃, i₂ma₂'en₅₄ mi₂güig₃ rē₂nē₃.

⁴ 'Nia'₂ chi'₂-guein₂ quiáng₃, lín'₅ bá₄ 'nia'₂ i₂quián₅ Diú₄; ia₁ ma₂ca₂tian'₃ bá₄ 'nia'₂ dsa₂ i₂tē₂jín₁. Ia₁ i₂'uan'₂ lín₃ guē₄ bá₄ Jme₂dsi₂ i₂quian'₅₄ 'nia'₂, lia'₂ con'₂ guē₄ i₂quian'₅₄ dsa₂ mi₂güig₃. ⁵ Dsa₂ mi₂güig₃ bá₄ 'éi₂, jaun₂ jmá'₃ lia'₂ ca₂ne₅₄ a₂cha₂ mi₂güig₃ bá₄ jme₂tag₂₃. Jaun₂ lē₃ dsa₂ mi₂güig₃ nē₃ nag₂₃ já₃ a₂jme₂tag₅ dsa₂ 'éi₂. ⁶ La₁ dsa₂ quián₅ Diú₄ bá₄ lág₅ jniog₄; jaun₂ lē₃, juí₁lia'₂ dsa₂ i₂cuin₅ Diú₄ nē₃, nag₂₃ já₃ quián₂ jniog₄. La₁ dsa₂ i₂tsá₃ quián₅ Diú₄ nē₃, tsá₃ 'nio₃ nag₃ já₃ quián₂ jniog₄. Jaun₂ le₂nē₅ bá₄ rē₂cuin₅ jniog₄ juí₁lia'₂ i₂jio₅ Jme₂dsi₂ quió'₅ já₃ tí₅. Já₃ guē'₂ le₂jaun₂ rē₂cuin₅ jniog₄ juí₁lia'₂ i₂jio₅ jme₂dsi₂ i₂juí₁gan₂.

Diú₄ bá₄ i₂'nio₃ jniog₄

⁷ Rin'₅₄ jniog₄, juí₁jme₁'nió₄ jniog₄ rin'₅₄ le₂jau₂ le₂jau₂, ia₁ ja₁con₂ Diú₄ bá₄ já₅ a₂'nio₃ dsa₂ riin'₅₄. Ca₂le₃jín₃ i₂'nio₃ rin'₅₄ ca₂rē₃cháin₃ tē₂le₃ quió'₅ Diú₄, ton'₂ cuin₂₃ Diú₄. ⁸ I₂tsá₃ 'nio₃ rin'₅₄ nē₃, tsá₃ ma₂ca₂rē₃cuin₂₃ Diú₄, ia₁ Diú₄ lín₅ i₂'nio₃. ⁹ Ca₂jme₃jnia₅ Diú₄ a₂'nio₃ jniog₄ jme₁ca₂chein₃ Ja₁ñi'₅₄ i₂jan₂ tan₅₄ 'éi₂ mi₂güig₃ la₂. ¹⁰ Le₂la₂ bá₄ lē₅ a₂'nio₃ Diú₄: on₃jua'₅₄ a₂ma₂ca₂jme₁'nió₄ jniog₄ ja₁ma₂ja₂náu₅. 'Njog₅ bá₄ Diú₄ ca₂dsia₃ nēi₂ dsi₅ ca₂rē₃'nio₃. Jaun₂ ca₂chein₃ Ja₁ñi'₅₄ ia₁jaun₂ 'éi₂ quí₃ a₂rag₂ jniog₄.

¹¹ Rin'₅₄ jniog₄, chi₂jua'₂ le₂nē₅ ca₂rē₃'nio₃ Diú₄, já₃ bá₄ le₂nē₅ ca₂tág₂ jniog₄ jme₁'nió₄ rin'₅₄ le₂jau₂ le₂jau₂. ¹² 'I₁jan₂ tsá₃ 'ein₂ ma₂jín₂ Diú₄. La₁ nē₁jua'₂ 'nio₃ jniog₄ rin'₅₄ le₂jau₂ le₂jau₂, guá₅ bá₄ Diú₄ tē₂dsi₅ jniog₄, ton'₂ qui₂rē₂'nia₅ bá₄ tē₂dsi₅ a₂'nio₃ Diú₄. ¹³ Le₂nē₅ bá₄ jau'₂ 'í₁ a₂tēi₅ jniog₄ tē₂le₃ quió'₅ Diú₄, ton'₂ 'ein₅₄ tē₂dsi₅ jniog₄ nē₃: ia₁ ma₂cuin₃ Jme₂dsi₂ quián₅. ¹⁴ Jnia'₅₄ guio₅₄ ca₂nēi₄, jaun₂ jang'₂ jnia'₅₄ já₃ dsau₅ la₂: Diú₄ Jmei₂ ca₂chein₃ Ja₁ñi'₅₄ a₂ca₂o₃lioin₅₄ dsa₂ mi₂güig₃. ¹⁵ Juí₁'ein₂ guē₃ i₂'in₅ Jesús, a₂lín₅ 'éi₂ Ja₁ñi'₅₄ Diú₄, quian'₅₄ bá₄ Diú₄, ton'₂ guá₅ bá₄ Diú₄ quiong'₅₄ táng₃.

¹⁶ Le₂nē₅ ma₂ca₂rē₃ne₄, ma₂ca₂rē₃'éin₂ jniog₄ a₂'nio₃ Diú₄. Diú₄ lín₅ i₂'nio₃; jaun₂ i₂chan₂ 'nio₃ rin'₅₄ nē₃, chain₂ le₃quió'₅ Diú₄, ton'₂ chan₂ Diú₄ ja₁coin₂ já₃. ¹⁷ Le₂nē₅ bá₄ rē₂'nia₅ ja₁con₂ jniog₄ a₂jme₁'nió₄ jniog₄ rin'₅₄, ia₁jaun₂ jē₁ma₂ca₂tē₂ jmig₄ i₁qui₃dsi₅ Diú₄ 'éi₃, lé₂ le₃'éi₁ jniog₄ caun₂ dsi₅. Ia₁ lág₅ jniog₄ chong₂ mi₂güig₃ la₂ lia'₂ lín₅ Jesucristo. ¹⁸ Juí₁lia'₂ jē₁'nio₃ dsa₂ riin'₅₄, tsá₃ 'e₂ gau₂ cha₂. La₁ juí₁lia'₂ jē₁'nio₃ dsa₂ rin'₅₄ lia'₂ rē₂'nia₅, quian'₅₄ a₂nē₅ jnia'₅ a₂gó'₅ dsa₂. Ia₁ juí₁lia'₂ a₂gó'₅ dsa₂, caun₂ jmí₁uig₅ bá₄ jaun₂ rē₂'ē₄ ja₁coin₂. Ia₁ juí₁lia'₂ i₂gó'₅, tsá₃ ma₂ca₂rē₃'nia₅ ja₁coin₂ 'a₂ lia'₂ jme₃'nioi₃ riin'₅₄.

¹⁹ 'Nio₃ jniog₄ Diú₄ ia₁ 'njog₅ de'₂ le₂'uig₅₄ ca₂rē₃'nio₃ jniog₄. ²⁰ La₁ nē₁jua'₂ chan₂ i₂lín₅₄ juá'₂: “Nió₃ jniá₂ Diú₄”, la₁ nē₁jua'₂ 'niai₅₄ bá₄ guē'₂ riin'₅₄ nē₃, jan₂ dsa₂ tē₂jág₁ bá₄ 'éi₂. Ia₁ nē₁jua'₂ tsá₃ 'nio₃ dsa₂ riin'₅₄ i₂jíin₂, ¿'a₂ bá₄ lia'₂ lé₂ jme₃'nioi₃ Diú₄ i₂tsá₃ ma₂jíin₂? ²¹ 'Njog₅ bá₄ Diú₄ ma₂cuē₃ 'éi₃ la₂: I₂'nio₃ Diú₄, ca₂tíin₂ jme₃'nioi₃ riin'₅₄ já₃.

5

Ca₂tián₃ jniog₄ ne₄ cosas 'lig' ₅₄ a₂jén' ₅ mi₂güig₃

¹ Ca₂le₃jín₃ i₂én₂ a₂lín₅ Jesús tē₃dsón' ₂ I₂rē₂'ín₁ quián₅ Diú₄, lín₅ chí' ₂-guein₂ quián₅ Diú₄. Jui₁lia' ₂ ja₁'nio₃ dsa₂ jan₂ dsa₂, ján₃ bá₄ 'nioi₃ chí' ₂ quián₅ dsa₂ 'éi₂. ² Le₂nē₅ bá₄ ne₄ jniog₄ 'a₂ lia' ₂ jme₁'nió₄ chí' ₂-guein₂ quián₅ Diú₄: chí₂jua' ₂ dsón' ₂ 'nió₃ jniog₄ Diú₄, ton' ₂ jme₁tí₁ jniog₄ 'éi' ₃ quió' ₅. ³ A₂la₂ bá₄ a₂'nio₃ jniog₄ Diú₄, a₂jme₁tí₁ jniog₄ 'éi' ₃ quió' ₅ bá₄. 'Éi' ₃ quió' ₅ ně₃, on₃jua' ₅₄ 'e₂ ŋí₄ guei₂. ⁴ Ia₁ ca₂le₃jín₃ i₂ma₂lín₅ chí' ₂-guein₂ quián₅ Diú₄, lí' ₂ ne₄ cosas a₂jén' ₅ mi₂güig₃. Jaun₂ quian' ₅₄ a₂'éin₂ bá₄ jniog₄, léi₂ ne₄ cosas a₂jén' ₅ mi₂güig₃. ⁵ ¿'Ein₂ 'éi₂ i₂lí' ₂ ne₄ cosas a₂jén' ₅ mi₂güig₃? Jñia' ₅₄ lia' ₂ i₂'éi₂ bá₄ i₂én₂ a₂lín₅ Jesús Ja₁ñi' ₅₄ Diú₄.

Jág₁ dsau₅ 'ein₂ 'éi₂ lín₅ Ja₁ñi' ₅₄ Diú₄

⁶ Lia' ₂ con' ₂ jme₁guan₃ Jesucristo, ca₂jáng' ₃ Diú₄ Jmei₂ jág₁ dsau₅ a₂lín₅ Jesús Ja₁ñi' ₅₄ tē₃dsón' ₂. Ia₁ ca₂cuē₃ léi₄ jme₁ca₂jñó₂ 'éi₂ jmi₂. Jaun₂ on₃jua' ₅₄ jmá' ₃ jme₁ca₂jñó₂ jmi₂ ca₂cuē₃ léi₄. Jme₁ca₂jñon₃ Jesús, jme₁ca₂l₃'o₅₄ jmi₂ 'ain₅₄ ně₃, ca₂cuē₃ léi₄ táng₃. Quian' ₅₄ le₃tín₃ léi₄ ně₅ ca₂jáng' ₃ Jme₂dsí₂ quián₅ Diú₄ jág₁ dsau₅, ia₁ Jme₂dsí₂ 'éi₂ bá₄ i₂lín₅ jág₁ dsau₅. ⁷ Ún₂ i₂lín₅ i₂jáng' ₅ jág₁ dsau₅ ně₅: ⁸ Jme₂dsí₂ Jñió₅ i₂jñia₄ jniog₄ tē₂dsi₅, Diú₄ Jmei₂ i₂ca₂cuē₃ léi₄ con' ₂ jme₁ca₂jñó₂ Jesús jmi₂, 'ñiog₅ Jesús ně₃ ca₂cuē₃ léi₄ lia' ₂ con' ₂ jme₁ca₂jñon₃, ca₂l₃'o₅₄ jmi₂ 'ain₅₄. Le₃ún₂ i₂nē₅ caun₂ bá₄ jág₁ lē₅ quió' ₅.* ⁹ Guén₅ bá₄ jniog₄ jui₁lia' ₂ 'e₂ caun₂ jág₁ dsau₅ jáng' ₅ dsa₂ mi₂güig₃, la₁ 'ñio₅ lín₅ guē₄ quen₅ jág₁ dsau₅ a₂ca₂cuē₃ Diú₄ 'ñiog₅, ia₁ quian' ₅₄ jág₁ dsau₅ a₂ca₂jáng' ₃ jaun₂ ně₃, ca₂'ē₃ 'ein₂ lín₅ Ja₁ñi' ₅₄. ¹⁰ I₂'én₂ tē₂le₃ quió' ₅ Ja₁ñi' ₅₄ Diú₄, 'i₄ jág₁ dsau₅ ně₅ tē₂dsi₅. I₂tsá₃ 'én₂ tē₂le₃ quió' ₅ Diú₄ ně₃, jmo₂₃ dsí₅ co₂'nió' ₄ tē₂jín₁ bá₄ Diú₄, ia₁ tsá₃ 'éin₂ jág₁ dsau₅ a₂ma₂cuē₃ Diú₄ tē₂le₃ quió' ₅ Ja₁ñi' ₅₄. ¹¹ ¿'E₂ jaun₂ a₂ma₂juá' ₂ Diú₄? Ma₂ca₂juá' ₂ a₂ma₂cuē₃ jág₁ quió' ₅ a₂le₃chong₂ jniog₄ co₂tan₅₄. Jaun₂ le₃chong₂ jniog₄ co₂tan₅₄ tē₂le₃ quian' ₅₄ Ja₁ñi' ₅₄. ¹² Dsa₂ i₂quian' ₅₄ Ja₁ñi' ₅₄ Diú₄, jéin' ₃ bá₄. La₁ jui₁lia' ₂ i₂tsá₃ quian' ₅₄ Ja₁ñi' ₅₄ Diú₄, tsá₃ jéin' ₃.

Toin' ₂ jág₁ riin' ₅₄ jē₁ca₂tó' ₂

¹³ Jmo₅ jniá₂ si₂ la₂ tsíng₂ ne' ₅₄ 'nia' ₂ dsa₂ i₂én₂ tē₂le₃ quió' ₅ Ja₁ñi' ₅₄ Diú₄, ia₁ jaun₂ ñi' ₅₄ 'nia' ₂ chang' ₂, a₂'i₄ tē₂'au' ₂ jme₂dsí₂ a₂chang' ₂ co₂tan₅₄.†

¹⁴ Caun₂ 'ei₅ dsí₅ jniog₄ chong₂ tē₂le₃ quió' ₅ Diú₄, ia₁ ne₄ jniog₄ ně₁jua' ₂ 'e₂ caun₂ a₂mi₂ jniog₄ lia' ₂ con' ₂ lē₅ 'ñio₂ dsí₅, nag₃ bá₄ jág₁ quián₂. ¹⁵ Chi₂jua' ₂ ne₄ jniog₄, a₂nag₂₃ jág₁ a₂chí₂lein' ₅₄ jniog₄, ne₄ bá₄ jniog₄ ján₃, ně₂jag₄ bá₄ a₂ma₂nē₂guéi₁ 'e₂ mi₂.

¹⁶ Ně₁jua' ₂ chan₂ i₂ca₂jín₂ riin' ₅₄ 'no₂₃ dso₄, la₁ ně₁jua' ₂ tsá₃ lē₅ dso₄ a₂jio₅ jui₅ 'mú₃, 'nió' ₅ mi₃ dsa₂ ne₄ Diú₄ ia₁ jaun₂ jmo₃ Diú₄ a₂le₃chan₂ táng₃ dsa₂ 'éi₂; co₂'nió' ₄ le₃jua' ₅₄ dso₄ on₃jua' ₅₄ a₂jio₅ jui₅ 'mú₃. Ia₁ cha₂ dso₄ a₂jio₅ jui₅ 'mú₃. Tsá₃ juá' ₅ jniá₂ a₂'nió' ₅ mi₃ dsa₂ o₄quió' ₄ dsa₂ i₂'no₅ dso₄ le₂jaun₂. ¹⁷ Ca₂le₃jē₃ a₂'lig' ₅₄, dso₄ bá₄ jaun₂. La₁ cha₂ dso₄ a₂tsá₃ jio₅ jui₅ 'mú₃.

¹⁸ Ne₄ bá₄ jniog₄, jui₁lia' ₂ i₂ca₂rē₃chán₃ le₃quió' ₅ Diú₄, tsá₃ ma₂ñi₂₃ jua' ₅₄ caun₂ qui₂'no₂₃ guē₄ dso₄; ia₁ Ja₁ñi' ₅₄ Diú₄ bá₄ jmo₅ 'í₁,† jaun₂ tsá₃ téi₂ i₂sē₃dsen₃ gu₂.

¹⁹ Jaun₂ ne₄ bá₄ jniog₄ a₂lág₅ dsa₂ quián₅ Diú₄; ton' ₂ ne₄ bá₄ jniog₄ ján₃, a₂ma₂rē₂'i₄ bí₂ quió' ₅ i₂sē₃dsen₃ ta₁caun₂ mi₂güig₃.

²⁰ Ján₃ bá₄ ne₄ jniog₄, ta₁ jaun₂ ca₂guan₃ Ja₁ñi' ₅₄ Diú₄ a₂jme₃tag₂₃ ia₁ jaun₂ le₃ñág' ₂ jniog₄ 'a₂ lia' ₂ 'nió' ₅ le₃cuin₅ jniog₄ i₂lín₅ tē₃dsón' ₂. Jaun₂ chong₂ bá₄ jniog₄ 'ei₅ caun₂ jág₁ le₃quió' ₅ i₂lín₅ tē₃dsón' ₂, co₂'nió' ₄ le₃jua' ₅₄ le₃quió' ₅ Jesucristo Ja₁ñi' ₅₄ Diú₄. 'Éi₂ bá₄ lín₅ Diú₄ tē₃dsón' ₂ i₂cuē₅ a₂le₃chan₂ dsa₂ co₂tan₅₄.

* **5:8** A₂lín₅₄ chog₅₄ si₂ a₂ca₂lē₃ cang₂ quian' ₅₄ jág₁ jmei₅ latín, juá' ₂ le₂la₂: “i₂jáng' ₅ jág₁ dsau₅ ně₅ guei' ₅₄ i₂juig₃: Diú₄ Jmei₂, Ja₁ñi' ₅₄ i₂lín₅ jág₁ quió' ₅, quian' ₅₄ Jme₂dsí₂ Jñió₅. Le₃ún₂ i₂nē₅ ca₂ne₅₄ bá₄ lín₅. Ján₃ bá₄ ún₂ i₂lín₅ i₂jáng' ₅ jág₁ dsau₅ ne₄ gua' ₅₄ 'uē₃.” † **5:13** A₂lín₅₄ chog₅₄ si₂ a₂ca₂lē₃ cang₂ guē₄, juá' ₂ ján₃: “ton' ₂ ia₁ jaun₂ le₃'éng' ₂ le₃quió' ₅ Ja₁ñi' ₅₄ Diú₄.” ‡ **5:18** o₃, “jui₁lia' ₂ i₂ca₂rē₃chán₃ le₃quió' ₅ Diú₄, jmo₂₃ 'í₁ 'ñiog₅.”

²¹ 'Nia' ₂ chi' ₂-guein ₂ quiáng ₃, jmo ₄ 'nia' ₂ 'í ₁ jaun ₂ tsá ₃ le ₃gan' ₂ 'nia' ₂ quian' ₅₄ diú ₄ lag ₄.
Co ₂ně ₅.

Si₂ carta jē₁ca₂tē₂ tin₃ a₂ca₂jmo₃ SAN JUAN

Jág₁ dsau₅, quian'₅₄ 'a₂ lia'₂ 'nió'₅ jme₃ 'nio₃ dsa₂ r'in'₅₄

¹ Jniá₂ i₂lín₅ gui'₅₄ juin'₂ quián₅ guá'₅ jmo₂₃ si₂ la₂ tsing₂ ne'₅₄ 'ne₂ 'io₅₄* rin'₅₄ jniog₄ i₂ma₂quion'₅₄ quián₅ Diú₄, quian'₅₄ chi'₂ quiáng'₂ i₂'nióg₃ guē'₄ lín₃. On₃jua'₅₄ jma'₃ jniá₂ 'nióg₃ 'nia'₂, ján₃ bá₄ 'nio₃ ca₂le₃jín₃ i₂ma₂le₁ni₅ jág₁ tí₅. ² O₄quió'₄ jág₁ dsau₅ bá₄ 'nióg₃ 'nia'₂, jág₁ a₂ma₂tē₁'niá₄ tē₂dsi₅ jniog₄, ton'₂ jiog₅ co₂tan₅₄ ja₁con₂ jniog₄. ³ Diú₄ Jmei₂ quian'₅₄ Te₁gui'₅₄ Jesucristo Ja₁ni'₅₄, jui₁jme₂gu'₅₄, dsia₃ nēi'₂ dsí₅, jmo₃ 'ag₃ tei₄ 'au'₂ 'nia'₂, ia₁ a₂dsón'₂ bá₄ 'nioi₃ 'nia'₂.

⁴ 'Nio₅ tē₅ dsi₃ ia₁ ma₂jing₅₄ i₂lín₅₄ chi'₂ quiáng'₂ tiáin'₅ bá₄ lia'₂ con'₂ lē₅ jág₁ tí₅, lia'₂ con'₂ lē₅ juá'₂ Diú₄ Jmei₂ jniog₄, 'éi'₃ a₂ma₂cuē₃. ⁵ Nē₃ nē₃ 'io₅₄ rin'₅₄ jniog₄, mi₅ jniá₂ juí₂ 'ne₂, a₂jme₁'nió₄ jniog₄ rin'₅₄ le₂jau₂ le₂jau₂. A₂juá'₅ jniá₂ ne₄ si₂ la₂, on₃jua'₅₄ 'éi'₃ 'mí₂ la₂, 'éi'₃ jaun₂ bá₄ la₂ jui₁lia'₂ 'éi'₃ a₂jme₁ma₂ron₅ quián₂ jniog₄ le₂'uig₅₄. ⁶ Le₂nē₅ bá₄ jme₁'nió₄ jniog₄ rin'₅₄: a₂i₂nio₄ jniog₄ lia'₂ con'₂ lē₅ 'éi'₃ quió'₅ Diú₄. 'Éi'₃ a₂ma₂nei'₂ 'nia'₂ le₂'uig₅₄ bá₄ jaun₂, a₂le₃chang'₂ jme₁'nióg₄ ríng'₂.

Jui₁lia'₂ dsa₂ i₂jme₂gau₅

⁷ Le₂con₂ mi₂güig₃ bá₄ i₂nio₄ juin'₅ dsa₂ i₂jme₂gau₅, tsá₃ jág₁ jmo₂₃ jua'₅₄ a₂juá'₂ a₂ca₂guan₃ Te₁gui'₅₄ chi₁dsáin₃. Dsa₂ le₂'éi₂ bá₄ lín₅ i₂jme₂gau₅, i₂'nia₅₄ Cristo nē₃. ⁸ Jmo₄ 'nia'₂ 'í₁ ia₁jaun₂ tsá₃ lē₁dsi₃'én₂ ta₁ quián'₂ 'nia'₂ a₂jmo₂ ia₁ 'éng'₂, jaun₂ bá₄ tin'₃ 'nia'₂ lia'₂ 'nia₅ 'liang'₅₄ cuē₃ Diú₄.

⁹ Ia₁ jui₁'ein₂ guē₃ i₂dsi₂jniá₄ jmo₂₃ nāg₅₄ guē₄ jme₂tag₂₃ con'₂ jág₁ a₂ma₂ca₂jme₃tag₅ Cristo, tsá₃ Diú₄ quian'₅₄ dsa₂ 'éi₂. La₁ jui₁lia'₂ i₂juá'₂ jme₂tag₂₃ con'₂ lē₅ ca₂jme₃tag₅ Cristo, chan₂ Diú₄ Jmei₂ ja₁coin₂, ján₃ guē'₂ quiain'₅₄ bá₄ Ja₁ni'₅₄ Diú₄ nē₃. ¹⁰ Nē₁jua'₂ chan₂ i₂ca₂dsióg₃ ja₁con'₂ 'nia'₂, la₁ nē₁jua'₂ tsá₃ jme₂tag₂₃ lia'₂ con'₂ lē₅ jág₁ nē₅, tsá₃ lē₁guéin₅ 'nia'₂ dsi₂néi₂ quiáng'₂, ca₂lia'₂ jnia'₅₄ Diú₄ tsá₃ 'nió'₅ cuín'₄ 'nia'₂. ¹¹ Ia₁ nē₁jua'₂ chan₂ i₂ca₂cuin₃ Diú₄ dsa₂ le₂'éi₂, co₂'nió'₄ quein'₅₄ 'e₂ a₂'lig'₅₄ a₂jmo₅-dsá₅ 'éi₂.

Jág₁ jē₁ca₂tó'₂

¹² 'Lióng₂ bá₄ jág₁ a₂'nio₃ jniá₂ juig₅₄ 'nia'₂, la₁ tsá₃ 'nio₃ jniá₂ jua'₅₄ a₂juá'₄ tē₂le₃ quian'₅₄ si₂, on₃ guē'₂ quian'₅₄ jmi₁jné₂. Ia₁ 'ín₂ dsi₃ jniá₂ dsióg₄ bá₄ 'nió₃ ia₁jaun₂ dsiá₁ jniog₄ jág₁ dsi₁ne₁, ia₁jaun₂ le₃'nia₅ a₂'io'₂ jein₂ jniog₄.

¹³ Chi'₂ quián₅ 'io₅₄ ríng'₂ i₂ma₂quion'₅₄ quián₅ Diú₄, dsiáin'₂ jág₁ a₂cuín₂₃ Diú₄ 'nia'₂. Co₂nē₅.

* **1:1** I₂lín₅₄ tē₅sí₃ nē₁'éi'₂ dsí₅ jui₁lia'₂ jág₁ nē₅, co₂'nió'₄ tē₂ guá'₅ nē₂jag₄ bá₄ jan₂ 'io₅₄; chi'₂ quián₅ guē'₂ nē₃, co₂'nió'₄ dsa₂ i₂tén₅ guá'₅.

Si₂ carta jĕ₁ca₂tĕ₂ 'ni₅ a₂ca₂jmo₃ SAN JUAN

Dsia₅ dsa₂ dse₃ 'in₂₃ Gayo

¹ Jniá₂ gui'₅₄ juin'₂ quián₅ guá'₅, jmo₂₃ si₂ tsíng₂ ne'₅₄ 'ne₂ Gayo a₂mei₅₄ quiáng₃, ia₁ tĕ₃dsón'₂ bá₄ 'nióg₃ 'ne₂.

² Chi₁₂len'₄ jniá₂ Diú₄ o₄quián'₂ 'ne₂ rin'₅₄ jniog₄, ia₁jaun₂ jmo₃ le₃chang'₂ dse₃. Jui'₁ei₅ bá₄ dse₃ 'au'₂ ján₃, jui₁lia'₂ 'ei₅ 'au'₂ tĕ₂le₃ quian'₅₄ jme₂dsí₂ quiáng'₂. ³ 'Nio₅ lin₃ 'io'₂ jéin₅ jniá₂ jme₁ca₂o₃lén₂ i₂lin₅₄ rin'₅₄ jniog₄. 'Éi₂ ně₃ ca₂dsia₃ 'a₂ lia'₂ dse₃ ma₂chang'₂ rĕ₂teng'₅₄ lia'₂ con'₂ lĕ₅ jág₁ tí₅. ⁴ 'I₁caun₂ a₂siá'₂ tsá₃ cha₂ jua'₅₄ a₂lé₂ le₃jmo₃ 'ag₃ dse₃ dsi₃ 'io'₂ jéin₅, jnia'₅₄ lia'₂ a₂le₃guion₅₄ a₂i₂nio₄ bá₄ chi'₂-guein₂ quiáng₃ lia'₂ con'₂ lĕ₅ jág₁ tí₅. ⁵ A₂mei₅₄ quiáng₃, caun₂ a₂rĕ₂ti'₅₄ bá₄ jaun₂ a₂jmo'₂ 'ne₂ jme₁cuĕ'₂ gog'₂-tag'₅₄ o₄quió'₄ rin'₅₄ jniog₄, o₁jnia'₅₄ tsá₃ cuiin'₂. ⁶ Tĕ₃ ja₁le₁ŋi'₂ guá'₅, ma₂ca₂jáng'₃ 'éi₂ jág₁ dsau₅ 'a₂ lia'₂ ŋi₄ lĕ₃ 'niói'₃. Jmo₄ dse₃ 'au'₂ jme₁oin₁₂ a₂'nió'₅ quió'₅, ia₁jaun₂ caun₂ dsi₃lén₂ bá₄ ne₄ jui₅ ja₁tioin'₅₄ jui₅ dsi₁lén₂. Jmo₄ a₂tĕ₅ dsí₅ Diú₄. ⁷ Ia₁ tioin'₅₄ jui₅ i₂lén₂ dsi₃jmo₂ ta₁ quió'₅ Jesucristo, la₁ tsá₃ 'e₂ ma₂gue₃ 'i₁caun₂ quió'₅ dsa₂ i₂tsá₃ 'én₂. ⁸ Jaun₂ lĕ₃, jniog₄ ně₃ ca₂tág₂ dsiá₁ gu₂, jme₁oin₁₂ a₂dsi₁lén₂ ja₁tioin'₅₄ jui₅ dsi₃'ĕ₃ jág₁ tí₅ quió'₅ Diú₄.

Tsá₃ dse₃ jmo₅ Diótrefes

⁹ Ca₂jmo₃ jniá₂ caun₂ si₂ ca₂tsíng₂ ne₄ guá'₅. La₁ Diótrefes tsá₃ gue₂₃ 'éi'₃ quián₂ jnia'₅₄, ia₁ 'nio₃ jme₃góin₃ 'ŋiog₅ jmo₃ juin'₂ cán₂ ne₄ jui₅ quió'₅ guá'₅. ¹⁰ Jaun₂ lĕ₃, ně₁jua'₂ ca₂ŋó₃ jniá₂, i₁jéin₂ ia₁ 'e₂ lĕ₃ jmo₂₃ jág₁ tĕ₂jág₁ 'ag₂₃ jnia'₅₄. Tsá₃ mag'₂ bá₄ guĕ₄ dsí₅ a₂jaun₂, ia₁ ján₃ bá₄ tsá₃ guein₂₃ rin'₅₄ jniog₄ i₂dsi₂lén₂ ně₃; qui₂jnë₅ bá₄ ně₁jua'₂ chan₂ guĕ'₂ i₂'nio₃ guei₃, 'uín'₂ bá₄ 'éi₂ jĕ₄ quió'₅ guá'₅.

¹¹ Rin'₅₄ jniog₄, tsá₃ can₂ 'nia'₂ jui₅ 'lig'₅₄ quió'₅ 'éi₂. Jmo₄ 'nia'₂ a₂dse₃. Dsa₂ i₂jmo₅ a₂dse₃, i₂quián₅ Diú₄ bá₄ 'éi₂. La₁ i₂jmo₅ a₂'lig'₅₄ ně₃, tsá₃ ma₂ca₂rĕ₃cuiin₂₃ Diú₄.

Caun₂ jui₅ dse₃ a₂rĕ₂jniá₂ ŋi₅ Demetrio

¹² Ca₂le₃jín₃ bá₄ juá'₂ dse₃ 'in₂₃ Demetrio. Ia₁ rĕ₂jniá₂ bá₄ 'a₂ lia'₂ ŋi₂₃. Le₂nĕ₅ bá₄ jnia'₅₄ ně₃, dsia₂ jág₁ dse₃ 'in₅ 'éi₂, jaun₂ ŋi'₅₄ 'nia'₂, dsau₅ bá₄ jág₁ a₂jang'₂ jnia'₅₄.

Jág₁ jĕ₁ca₂tó'₂

¹³ 'Lióng₂ bá₄ jág₁ 'nio₃ jniá₂ juá'₄, la₁ tsá₃ 'nio₃ jmo₅₄ quian'₅₄ jmi₁jnë₂ on₃ guĕ'₂ quian'₅₄ pluma; ¹⁴ ia₁ 'ín₂ dsi₃ jniá₂ jag₅₄ dsi₁ne₁ ŋi'₅₄ ta₁ la₂ ia₁jaun₂ dsiá₁ jág₁.

¹⁵ Jui₁chang'₂ bá₄ 'ei₅ tei₄ 'au'₂. Dsa₂ a₂mei₅₄ quiáng'₂ i₂chan₂ ja₁lá₃ chein₂₃ jág₁ a₂cuiin₂₃ Diú₄ 'ne₂. Jmo₄ dse₃ 'au'₂ cuiin₅₄ Diú₄ le₂jan₂ le₂jan₂ a₂mei₅₄ quián₂ ja₁nĕ₅.

Co₂nĕ₅.

Si₂ carta a₂ca₂jmo₃ JUDAS

Jmo₅ Judas si₂ ne₄ dsa₂ i₂ma₂quion'₅₄ quián₅ Diú₄

¹ Jniá₂ Judas, líng₅ dsa₂ i₂jme₂ti₃ ne₄ Jesucristo, líng₅ rin'₅₄ Jacobo. Jmo₂₃ si₂ carta la₂ tsíng₂ ne₄ ca₂le₃jín₃ i₂tě₄ i₂'nió₄ quián₅ Diú₄ Jmei₂ jniog₄, con'₂ i₂chan₂ lě₅ 'í₁ le₃quió'₅ Jesucristo.
² Jui₁le₂tsón₂ bá₄ ja₁con'₂ 'nia'₂ a₂ñéi₂ dsí₅ Diú₄, a₂'ei₅ tei₄, a₂'nió'₃ 'nia'₂ ríng'₂ ně₃.

*Dsa₂ i₂jme₂tag₅ juá'₅ jág₁ tē₂jág₁
(2 Pedro 2:1-17)*

³ 'Nia'₂ rin'₅₄ jniog₄ i₂'nióg₃, lě₂ dsí₃ 'ñio₅ lín₃ a₂jmo₅₄ si₂ tsíng₅₄ ja₁con'₂ 'nia'₂ ja₁juá'₄ jui₁lia'₂ jág₁ a₂lín₂ dsa₂ a₂ma₂le₁ne₁ jniog₄. La₁ia₁, ně₃ ně₃, 'nió'₅ jmo₅₄ si₂ a₂chi₁leng'₄ 'nia'₂, a₂'nió'₅ quin'₅₄ 'nia'₂ bí₂ o₄quió'₄ jág₁ a₂'éin₂ jniog₄, jág₁ a₂ma₂dsia₃ Diú₄ o₄gú₃ dsa₂ i₂lě₅ 'í₁ quián₅.^{*}
⁴ Ia₁ ma₂ca₂i₃ton'₅₄ i₂lín₅₄ con'₂ tē₃co'₅₄ jě₄ quián'₂ 'nia'₂, dsa₂ i₂ma₂ja₂lén₂ rē₂'ín₄ ne₄ Si₂ ca₃ma₂líg'₂ i₂ma₂tion'₅₄ jui₅ dsí₃'én₂. Lín₅ dsa₂ i₂tsá₃ Diú₄ cuín₅, i₂'nio₃ jme₃tsín₃ jág₁ a₂'ua₁ dsí₅ Diú₄ quián₂ jniog₄ con'₂ tsá₃ o₁jau₅₄ jui₅ a₂tóin'₃ jmo₃-dsáu₅ a₂'lig'₅₄ a₂ja₂ dsí₅; tsá₃ tioen₂₃ a₂lín₅ Jesucristo i₂jan₂ tan₅₄ juig₅₄ jniog₄ Te₁gui'₅₄ quián₂.

⁵ Jui₁la₂ ma₂le₁ñi'₅₄ 'nia'₂, la₁ 'nio₃ jniá₂ juá'₄ táng₃ ia₁jaun₂ dsiog'₂ 'au'₂, ia₁ lia'₂ con'₂ jme₁ca₂'uín'₂ Te₁gui'₅₄† dsa₂ juig₂ Israel ma₂líg'₂ lia'₂ con'₂ jme₁tioen₅₄ 'uě₃ Egipto, la₁ ca₂jme₃dsiain₂₃ bá₄ i₂lín₅₄ dsa₂ 'éi₂ ia₁ tsá₃ ca₂'éin₃. ⁶ Le₂jaun₂ bá₄ táng₃ quian'₅₄ ángeles i₂tsá₃ 'í₁ ca₂lí₃ ta₁ a₂jme₁lín₄, tē₂le₃ ca₂tí₂ bá₄ ja₁jme₁tián'₄. 'Éi₂ ně₃ rē₂ně₃ tioen₅₄ le₁jñi₅ jě₄ qui₁né'₃, ja₁ma₂le₁'ñei'₅₄ co₂tan₅₄ quian'₅₄ ñi₁ cadenas, lě₅ 'í₁ quió'₅ Jmíg₄ Juē'₂ jaun₂.
⁷ Le₂ně₅ bá₄ ján₃ jui₁lia'₂ ca₂jmo₃ dsa₂ i₂jme₁chan₂ juig₂ Sodoma quian'₅₄ Gomorra, ca₂le₃jě₃ guě₄ juig₂ i₂jén₂ ma₂quian₅ jaun₂, ca₂jín₂ qui₂ca₂nió'₃ ca₂le₃jě₃ ne₅₄ jág₁ 'lig'₅₄, qui₂i₃lén₂ chi₁co'₅₄ quió'₅ a₂'ín₅ dsí₅ ni₁ñi₁ i₂sián'₂ a₂tsá₃ dsi₂ten₅₄ jmo₃. Uig₅ a₂ñág₅ jě₄ si₂ a₂jio₃ co₂tan₅₄ a₂ca₂gue₃ jaun₂, 'ě₂ jág₁ ja₁con₂ dsa₂ i₂chan₂ jmíg₄ ně₃.

⁸ Le₂ně₅ bá₄ ján₃, tē₂le₃ quian'₅₄ 'e₂ a₂niog₅ qui₅ dsa₂ 'éi₂, qui₂jme₂'ióg₃ ni₁ñi₁ guioin₅₄ quian'₅₄ dso₄ a₂qui₂'no₂₃, tsá₃ ji'₅₄ 'éi'₃, 'lig'₅₄ bá₄ táun₂ le₃quió'₅ i₂jlán'₁ chan₂ quián₅ Diú₄. ⁹ Ia₁ ca₂lia'₂ jñia'₅₄ ángel Mi₂gue₅₄ i₂lín₅ i₂dsen₅₄ guě₄ quián₅ Diú₄, lia'₂ con'₂ jme₂ca₂tsín₂ quian'₅₄ i₂sě₃dsen₃ ne₄ o₄quió'₄ ni₁ñi₁ 'lag₄ Moisés, tsá₃ ca₂tiá₂ dsí₅ 'éi₂ jua'₅₄ 'ag₃ 'lig'₅₄ a₂'nag₃, tē₂le₃ ca₂juá'₂: “Te₁gui'₅₄ bá₄ jui₁qui₂dsi₅ 'éi'₃ ja₁cong'₂.”

¹⁰ La₁ dsa₂ 'éi₂ ně₃ 'ě₂₃ 'lig'₅₄ 'e₂ caun₂ a₂lě₂, tē₃ tsá₃ ma₂ñi₅ rē₂; jmo₂₃-dsáu₅ lia'₂ ja₁jmo₅ já'₂ náu₂ i₂tsá₃ 'e₂ ñi'₂ dsí₅, ia₁ jui₁lia'₂ a₂cuí'₅ con'₂ lě₅ a₂ñi'₂ dsí₅ guioin₅₄ a₂cha₂ mi₂güig₃ la₂, quian'₅₄ a₂jaun₂ bá₄ dsí₃'éin₂.

¹¹ 'E₂ guě₄ juig₂ dsa₂ 'éi₂! Ia₁ ma₂ja₂lén₂ quian₅ jui₅ quió'₅ Caín; ne₄ 'uig₅₄ ia₁ a₂dsi'₅₄ cu₄ bá₄ ca₂i₁nió₁₂ tē₂le₃ dséi₂, 'ein₂₃ jui₅ ja₁tsá₃ dsau₅ a₂ca₂can₃ Bala'am. La₁ ca₂i₃'éin₂ jui₁lia'₂ ca₂i₃'én₂ Coré† jme₁ca₂nau₂ quein₅. ¹² Co₂'nió'₄ caun₂ 'mé'₅ a₂quian₅ o₂guí'₃ bá₄ a₂jmo₅-dsáu₅ dsa₂ 'éi₂ jin'₄ 'nia'₂ jme₁tóng'₅ quě'₂ jmo'₂ 'nia'₂ jmíg₄ a₂'nióg'₃ ríng'₂. La₁ dsa₂ 'éi₂ quein'₅₄ jin'₄ 'nia'₂ qui₂guě'₅ qui₂'ín₂ 'io'₂ jén₅ ca₂lia'₂ tsá₃ 'e₂ gó'₃ jmo₂₃. Lín₅ jui₁lia'₂ jan₂ dsa₂ i₂jmo₅ 'í₁ já'₂ cha'₂, la₁ jñia'₅₄ con'₂ dse₃ jme₂tain₅₄ guioin₅₄ bá₄. Lín₅ jui₁lia'₂ lě₅ jnei₅ a₂lě₁qui₂ñag₅ quian'₅₄ dsí₂ tsá₃ 'e₂ jmí₅ cha₂ guě'₂; o₃ lín₅ táng₃ jui₁lia'₂ ni₁'ma₂ a₂lě₁le₁dsi₅₄ tó'₅ lí₁ jein₂ quió'₅, la₁ tsá₃ 'e₂ míg₂ cha₂ guě'₂ jaun₂ ně₃. Lín₅ co₂'nió'₄ ni₁'ma₂ a₂ma₂ca₂cang₅ le₂jio₃ jmu₄, le₃jua'₅₄ a₂ma₂quian₅ tñ₃ ne₅₄ 'mú₃. ¹³ Lín₅ jui₁lia'₂ lě₅ jmíg₂ a₂lě₁qui₂jñá'₅

* 1:3 lit. “dsa₂ jñiós.” † 1:5 A₂lín₅₄ chog₅₄ si₂ a₂gui'₅₄ guě₄: “Jesús.” ‡ 1:11 Core: 'Í₂ Números 16.

tiá₂ ne₄ jmi₁ñí'₄ a₂ráun₂ quian'₅₄ dsí₂, quile₁'ág₄ ne₄ jan₅ ca₂le₃jě₃ a₂lě₁'iog₅ o₂guí'₃ quió'₅. Tioin'₅₄ jui₅ i₂nioi₅₄ lín₅ jui₁lia'₂ lě₅ nei₅ a₂lě₁ma₂i₂nio₄, tsá₃ ma₃jui₅ co₂dsau₅ le₁quian₅. Ma₂tioin'₅₄ jui₅ a₂dsi₁lein₃ jě₄ qui₁né'₃ 'ñio₅ lín₃, ja₁ma₂lě₅ co₂jñia₅₄ ja₁dsi₁toin'₄ co₂tan₅₄.

¹⁴ Le₂jaun₂ bá₄ Enoc ján₃, dsa₂ i₂jě₁ca₂tě₂ jñé₂ tsi₁jon₂ Adán i₂ca₂rě₃chán₃; 'éi₂ ca₂'ě₂ jág₁ tě₃jñiá₅ ca₂'iin₃ dsa₂ le₂'éi₂ jme₁ca₂juá'₂: “Ca₂jñing₅₄ Te₁gui'₅₄ jóin'₅ ca₂sióin₃ quiaín'₅₄ tě₂le₃ mei₅ bá₄ i₂jñiós quiáin₅, ¹⁵ a₂qui₃dsi₂₃ 'éi'₃ ne₄ quió'₅ ca₂le₃jín₃, a₂'liain'₃ ca₂le₃jín₃ dsa₂ 'lín'₅₄, ne₄ 'uig₅₄ ca₂le₃jě₃ ne₅₄ a₂'lig'₅₄ a₂qui₂ma₂jmo₃, ne₄ ca₂le₃jě₃ jág₁ lě₁'iog₅ a₂qui₂ma₂'iin₃ Diú₄ ně₃.” ¹⁶ Dsa₂ le₂'éi₂ ně₃ ca₂le₃jě₃ bá₄ 'i₄ dsí₅ jmo₂₃, qui₂'no'₂ dsáu₁ dsa₂, jmá'₃ lia'₂ jui₅ ja₁le₃chain₂ dse₃ ja₁mag'₂ dsí₅ guioin₅₄ bá₄ 'no'₂. Tiin₂ dsia₃ jmá'₃ lia'₂ jág₁ tá'₅, ton'₂ 'ñioi₅₄ 'a₂ lia'₂ jme₃'uáin₂ dsí₅ dsa₂ ia₁jaun₂ lí'₂ 'e₂ a₂'nio₃.

E₂ guě₄ jág₁ tě₃jñiá₅ tsí'₅ dsa₂ 'én₂

¹⁷ La₁ 'nia'₂ ně₃ rín'₅₄ jniog₄, jui₁dsiog'₂ 'au'₂ 'nia'₂, ca₂le₃jě₃ jág₁ a₂ma₂cuě₃ dsa₂ i₂chen₄ quián₅ Te₁gui'₅₄ Jesucristo quián₂ jniog₄, ¹⁸ ca₂juá'₂ ca₂tsí'₃ 'nia'₂: “Jmíg₄ jě₁ca₂tó'₂ le₃chan₂ dsa₂ i₂jñia'₅₄ lě₁qui₃táun₂ 'lig'₅₄, a₂le₃chain₂ tiain'₃ con'₂ lě₅ mi₅ dsí₅ guioin₅₄, ia₁ tsá₃ Diú₄ cuin₂₃.” ¹⁹ Dsa₂ le₂'éi₂ bá₄ i₂jmo₃ le₁dson₅₄ 'nia'₂; i₂nioi₅₄ con'₂ dsi₂jio₅ dsí₅ guioin₅₄, tsá₃ Jme₂dsí₂ quián₅ Diú₄ quiaín₅₄.

²⁰ La₁ 'nia'₂ ně₃ rín'₅₄ jniog₄, caun₂ jui₁dsi₂cón₃ bá₄ 'nia'₂ quian'₅₄ a₂'éng'₂ a₂lě₅ a₂jñiós guě₄ lín₃. Chi₁len₅₄ 'nia'₂ Diú₄ con'₂ lě₅ jio₅ Jme₂dsí₂ jñiós. ²¹ Jui₁chan'₂ bá₄ 'nia'₂ lě₅ 'í₁ ja₁'nio₃ Diú₄ 'nia'₂; qui₂le₁jan'₄ a₂dsia₃ néi₂ dsí₅ Te₁gui'₅₄ Jesucristo quián₂, ca₂lia'₂ ca₂tě₂ jmíg₄ i₁cuě₃ ja₁le₃chan'₂ 'nia'₂ co₂tan₅₄.

²² Dsia₄ 'nia'₂ néi₂ 'au'₂ ja₁con₂ jui₁lia'₂ dsa₂ i₂qui₂le₁'ág₄ caun₂-tín₃ dsí₅, ²³ lion₅₄ 'nia'₂ i₂lín₅₄ ně₂jag₄ bá₄ a₂'uñin'₅₄ jě₄ si₂. Dsia₄ 'nia'₂ néi₂ 'au'₂ ja₁con₂ i₂sián'₂, tě₃ gang'₃, tě₃ 'ñiag'₅₄ ca₂le₂jio₅ ni₁tsin₅₄ a₂rě₂'ióg₄ quian'₅₄ ni₁ñi₁₂.

Jág₁ a₂rě₂juin'₂ Diú₄ jě₁ca₂tó'₂

²⁴ Ně₃ ně₃, tě₂le₃ quió'₅ i₂qui₅₄ jmíg₄ jmo₃ 'í₁ 'nia'₂ ia₁jaun₂ tsá₃ tsi₃séng'₂, jme₃jñiai₂₃ 'nia'₂ ján₃, ja₁jlá'₁ lín₃ ja₁guá₄ Diú₄ a₂tsá₃ ma₂'e₂ dso₄ rě₂cáng'₄, ja₁jíá₃ 'au'₂ 'nia'₂ 'io'₂ jén'₂ guě₄ lín₃, ²⁵ le₃quió'₅ Diú₄ i₂jan₂ tan₅₄ [i₂ñí'₂ dsí₅]Š i₂lió₂ jniog₄, i₂'éi₂ bá₄ i₂ca₂tín₂ ca₂le₃jě₃ ti₁'mag'₄, ca₂le₃jě₃ a₂jme₂juag'₂ dsa₂, ca₂le₃jě₃ guě₄ jui₅bí₂, ca₂le₃jě₃ 'éi'₃ ně₃, [tě₂le₃ quian'₅₄ Jesucristo Te₁gui'₅₄ quián₂ jniog₄],* ca₂le₃jě₃ jmíg₄ ja₁ma₂já₅, jmíg₄ rě₂ně₃, lia'₂ co₂tan₅₄ ně₃! ¡A₂méi₃! Co₂ně₅.

Š 1:25 Chog₅₄ si₂ a₂dse₃ guě₄ tsá₃ le₁ton₅ jág₁ ně₅.

* 1:25 A₂lín₅₄ chog₅₄ si₂ tsá₃ le₁ton₅ jág₁ ně₅.

Jág₁ a₂ca₂jme₃jnia₅ Jesucristo ne₄ San Juan₅₄

Jág₁ a₂ca₂jme₃jnia₅ Diú₄

¹ A₂la₂ bá₄ jág₁ a₂ca₂jme₃jnia₅ Diú₄ ne₄ Jesucristo, ia₁jaun₂ 'éi₂ ně₃ 'ě₃ táng₃ dsa₂ i₂jme₂ti₃ ne₅₄, ca₂juá'₂ ca₂le₃jě₃ a₂tion₅₄ niog₅ lé₂ ŋi'₅₄ ta₁. Jaun₂ 'ŋiog₅ bá₄ 'éi₂ ca₂jmo₃ ca₂rě₃ŋi₅ ma₂ca₂jme₃jniai₂₃ tē₂le₃ quian'₅₄ ángel quiáin₅ ne₄ Juan₅₄, jan₂ dsa₂ i₂jme₂ti₃ ta₁ ne₅₄. ² Jniá₂ bá₄ 'éi₂ i₂jáng'₅ jág₁ dsau₅ la₂, ca₂le₃jě₃ lia'₂ con'₂ lě₅ a₂ca₂jág₃ ca₂tě₂ ne₃; ton'₂ jáng'₅ bá₄ jniá₂ jág₁ dsau₅ 'a₂ lia'₂ lě₅ jág₁ dse₃ quió'₅ Diú₄, quian'₅₄ 'a₂ lia'₂ lín₅ Jesucristo.

³ 'E₂ guě₄ dsen₃ i₂'i₅ si₂ la₂, a₂chi₁ton₅ jág₁ a₂'ě₂ Diú₄. Le₂jaun₂ guě'₂ táng₃ jui₁lia'₂ i₂nag₅ jág₁ la₂ a₂'ě₂ Diú₄; dsen₃ i₂tón'₂ jui₅ jág₁ a₂chi₁ton₅, ia₁ ma₂ja₂quián₃ jmi_g₄.

Jmo₅ Juan₅₄ si₂ a₂ca₂chein₃ ne₄ ta₁guion₃ guá'₅

⁴ Jniá₂ Juan₅₄ jmo₂₃ si₂ a₂dsiang'₅₄ ne₄ ta₁guion₃ guá'₅ i₂chan₂ le₂tan₅₄ 'uě₃ Asia. Jui₁jme₂gu'₅₄ Diú₄ 'nia'₂, jui₁chan₂ bá₄ 'nia'₂ 'ei₅ tei₄ tē₂le₃ quian'₅₄ Diú₄ i₂lín₅ jmi_g₄ ně₃, i₂jme₁lín₄ tián₂ le₂jniá₅, i₂lén₂ ca₂lia'₂ co₂tan₅₄; ján₃ bá₄ jui₁jme₂gu'₅₄ Diú₄ 'nia'₂ tē₂le₃ quian'₅₄ ta₁guion₃ jme₂dsi₂ i₂tion'₅₄ le₃ne₄ ne₄ta₁ ja₁guá₄; ⁵ ján₃ guě'₂ jui₁jme₂gu'₅₄ Diú₄ 'nia'₂ tē₂le₃ quian'₅₄ Jesucristo, i₂tí₅ jág₁ dsau₅ quió'₅, i₂le₂ne₁ ma₂ca₂jen'₅₄ ne₄ 'mú₃, i₂gon₂ ne₄ rag₅₄ chan₂ gua'₅₄ 'uě₃. Le₃quió'₅ 'éi₂ bá₄ i₂ca₂rě₃ 'nio₃ jniog₄ ton'₂ ma₂ráng'₂ jniog₄ ne₄ 'uig₅₄ dsáu₁ jniog₄ quian'₅₄ jmi₂ 'ain₅₄ 'ŋiog₅; ⁶ le₃quió'₅ 'éi₂ ně₃ i₂ma₂jmo₃ a₂lág₅ jniog₄ rag₅₄, jme₂dsa₂ ně₃, a₂jme₁ti₁ jniog₄ ne₄ Diú₄ quiáin₅ i₂lín₅ Jmei₂. ¡Le₃quió'₅ 'éi₂ bá₄ ca₂tíin₂ jme₃juag'₂ dsa₂, ca₂tíin₂ goin₃ co₂tan₅₄! A₂méi₃.

⁷ ¡Jag₄! ¡Ma₂já₅ jě₄ jnei₅!

Ca₂le₃jín₃ bá₄ dsa₂ tē₃ ne₅₄,

ca₂le₂jio₅ dsa₂ juig₂ i₂ca₂'ág'₂;

ca₂le₃jín₃ dsa₂ chan₂ juig₂ ta₁caun₂ mi₂güig₃

tóin'₃ qui'₃-o₃ jě₁ma₂ca₂jág₂.

¡Le₂jaun₂ lé₂, a₂méi₃!

⁸ “Jniá₂ bá₄ 'éi₂ i₂lín₅ le₂'uig₅₄ jui₁lia'₂ letra Alfa jě₁ca₂rě₃lióg₃; jniá₂ bá₄ 'éi₂ i₂lín₅ jě₁ca₂tó'₂ ně₃ jui₁lia'₂ letra Omega”, juá'₂ Te₁gui'₅₄ Diú₄. “Jniá₂ bá₄ lín₅ rě₂ně₃, i₂lín₅ ma₂i₁jaun₃, i₂lín₅ co₂tan₅₄ ne₄ jui₅, * i₂'uan'₂ guě₄ lín₃.”†

Jan₂ i₂lín₅ lia'₂ lín₅ Jaun₅ dsa₂ mi₂güig₃

⁹ Jniá₂ Juan₅₄, lín₅ rín'₂ 'nia'₂, ia₁ quein'₅₄ jniog₄ co₂dsia₅ ŋag₄ uig₅, le₂jaun₂ chi₁jnia₁ jniog₄ ja₁gon₂ Diú₄, ton'₂ co₂dsia₅ guei₂ bí₂ a₂tián₂ jniog₄ juin'₂ dsi₅ le₃quió'₅ Jesús. Jme₁'eng₅₄ rě₂jní₅ caun₂ 'uě₃ a₂rě₂quí'₅ jě₄ jmi₁ŋí'₄ ja₁chei₂ Patmos, ne₄ 'uig₅₄ ia₁ a₂ma₂ca₂'ě₃ jág₁ dse₃ quió'₅ Diú₄, ton'₂ ia₁ 'uig₅₄ a₂ma₂cuě₃ jniá₂ jág₁ dsau₅ 'íng₅ Jesucristo. ¹⁰ Co₂ráun₂ ně₃ co₂jmi_g₄ quió'₅ Te₁gui'₅₄ ja₁'eng₅₄ jaun₂, ca₂lě₃ a₂jme₁'en₅₄ jniá₂ le₃quió'₅ Jme₂dsi₂. Jaun₂ ca₂nag₃ jág₁ a₂ca₂hé'₂ le₃co'₅₄ lag₃ ca₂juá'₂ tiá₂ lín₃ jui₁lia'₂ jě₁i₂'ein₅₄ ŋí₁ trompeta, ¹¹ ca₂juá'₂ tság₅ jniá₂:

—Jniá₂ bá₄ 'éi₂ i₂lín₅ le₂'uig₅₄ jui₁lia'₂ letra Alfa jě₁ca₂rě₃lióg₃; jniá₂ bá₄ 'éi₂ i₂lín₅ jě₁ca₂tó'₂ ně₃ jui₁lia'₂ letra Omega. Ne₄ si₂ rě₂bín₅, tion₅ a₂jág'₂ ia₁jaun₂ qui₁dsiang'₅₄ ne₄ ta₁guion₃ guá'₅ ja₁tén₄ 'uě₃ Asia, co₂'nió'₄ le₃jua'₅₄ quió'₅ guá'₅ i₂chan₂ juig₂ Efeso, Esmirna, Pérgamo, Tiatira, Sardis, Filadelfia, quian'₅₄ Laodicea ně₃.

¹² Ca₂jen'₄ jniá₂ jaun₂ ně₃, a₂jing₅₄ 'ein₂ 'éi₂ i₂juá'₂ jág₁ tság₅ jniá₂. Jme₁ca₂jeng'₅₄, ca₂jág₃ tíong₂ guio₃ tag₄ a₂lě₅ jmá'₃ cu₄nióg₄ ja₁le₁guí'₂ si₂. ¹³ Jě₄ ta₁guio₃ mi₂tag₄ si₂ jaun₂ ně₃,

* 1:8 'Nio'₂ ja₁ton₅ Éxodo 3:14; Juan 8:58. † 1:8 'Nio'₂ ja₁ton₅ Isaías 41:4; 44:6; 48:12.

jme₁chén'₄ jan₂ i₂lín₅ lia'₂ lín₅ Jaun₅ dsa₂ mi₂güig₃,† i₂qui'₂ 'mi'₂ chen'₅₄ jang₄, mei'₂ tsá₃ tsáng₂ co'₅₄ tag₁₂. A₂jme₁rē₂jén'₅ le₁dsí₅ guē'₂ ně₃, jme₁lě₄ jmá'₃ cu₄nióg₄. ¹⁴ Jñi₂ dsi₅₄ guē'₂ ně₃, jme₁tiog₂ lia'₂ ja₁tiog₂ jñi₂ já'₂ cha'₂, a₂tiog₂ jui₁lia'₂ tiog₂ 'mu₂. Jme₁ne₁₂ guē'₂ ně₃ jme₁jniá₂ tág₅ jui₁lia'₂ jniá₂ ca₂jo'₅₄ si₂. ¹⁵ Mi₂tag₅₄ guē'₂ ně₃ jme₁jniá₂ tág₅ lia'₂ lě₅ jmá'₃ ni₁ñi₁ nióg₂ a₂rē₂ta₄ a₂ma₂jmág₂ né'₃ táu₃ si₂. Já₁g₁ quió'₅ guē'₂ ně₃ jme₁né'₂ tiá₂ lín₃ jui₁lia'₂ né'₂ caun₂ ja₁ta'₂ la'₅₄ pa₁ lín₃. Š ¹⁶ Gu₂ ne₁ guē'₂ ně₃ jme₁chan'₂ guio₃ nei₅; mi₂o₅₄ guē'₂ ně₃ jme₁jniá₂ 'ia₂ lia'₂ lě₅ caun₂ ñi₁tág₂ chen'₂ a₂'mu₃ le₃tin₃ ton₂. Ne₅₄ guē'₂ ně₃ tág₅ jmá'₅, jui₁lia'₂ tág₅ 'iog₂.

¹⁷ Jme₁ca₂jág₃, ca₂tón₂ jniá₂ ja₁tióng₂ mi₂tag₅₄, lia'₂ tsá₃ léi₄ mei'₂. Jaun₂ ca₂quiog₂ gu₂ ne₁ ne₄ quió₃, jaun₂ ca₂juá'₂:

—Tsá₃ jmo₂ gang'₃, ia₁ jniá₂ bá₄ líng₅ i₂le₂ne₁, ton'₂ jniá₂ bá₄ líng₅ i₂jē₁ca₂tó'₂. ¹⁸ Jniá₂ bá₄ 'éi₂ i₂chan₂; jme₁rē₂lín₄ bá₄ jniá₂, la₁ jtag₄! ma₂chang₂ bá₄ táng₃ ca₂le₃jě₃ jmig₄, ca₂lia'₂ co₂tan₅₄. * Jniá₂ bá₄ chan'₄ ñi₁ llaves quió'₅ 'mú₃ quian'₅₄ guē'₂ tau₂ 'ñio₅.† ¹⁹ Jaun₂ lě₃, ne₄ si₂, tióng₅ jui₁lia'₂ 'e₂ a₂ně₂jag'₅₄, 'a₂ lia'₂ niog₅ lě₅ rē₂ně₃ quian'₅₄ guē'₂ a₂ně₃ guē'₄ niog₅ lě₂. ²⁰ A₂la₂ bá₄ já₁g₁ dsau₅ a₂jme₁rē₂ma₄ le₂jniá₅: jui₁lia'₂ guio₃ nei₅ a₂ně₂jag'₅₄ chi₁chan'₄ gu₃ ne₁, quian'₅₄ guē'₂ ta₁guio₃ tag₄ a₂lě₅ quian'₅₄ cu₄nióg₄ ja₁le₁guí'₂ si₂. Jáng'₅ já₁g₁ ta₁guio₃ nei₅ co₂'nió'₄ guion₃ dsa₂ i₂i₃quian₄ já₁g₁† quián₅ ta₁guion₃ guá'₅; guio₃ tag₄ ja₁le₁guí'₂ si₂ guē'₂ ně₃, co₂'nió'₄ ta₁guion₃ guá'₅.

2

Jág₁ a₂chen₅ ne₄ le₂guion₃ guá'₅; Jág₁ a₂ñó₃ ne₄ guá'₅ chan₂ Efeso

¹ Jmo₄ si₂ ne₄ dsa₂ i₂'ě₂ já₁g₁ guá'₅ i₂chan₂ juig₂ Efeso, chei'₅₄ le₂la₂:

Le₂la₂ juá'₂ i₂le₂ne₁ le₃guio₃ nei₅ quian'₅₄ gu₂ ne₁, i₂ñi₅ jē₄ ta₁guio₃ tag₄ a₂lě₅ jmá'₃ cu₄nióg₄ ja₁le₁guí'₂ si₂: ² Guion₄ bá₄ jniá₂ ca₂le₃jě₃ ta₁ 'ua'₂ a₂jmo'₂ 'nia'₂, 'a₂ lia'₂ juin'₂ 'au'₂ ně₃. Guion₅₄ bá₄ já₁n₃ a₂tsá₃ ma₃tiang'₃ quiang'₅₄ dsa₂ i₂jmo₅ a₂'lig'₅₄. Guion₅₄ bá₄ já₁n₃ 'a₂ lia'₂ ma₂quion'₂ 'í₁ ja₁con₂ dsa₂ i₂i₂nio₄ a₂juá'₂ lín₅ dsa₂ i₂chen₄ quián₅ Jesús, la₁ tsá₃ guē'₂ lín₅. Ma₂ca₂jme₁jniá'₂ a₂lín₅ dsa₂ tē₂jín₁. ³ Juin'₂ bá₄ 'au'₂ líng'₅ ma₂ja₂nóg'₅ qui₂ñag'₅₄ uig₅ jmo'₂ ta₁ 'ñio₅ lín₃ o₄quió₃ jniá₂, tsá₃ ma₂qui₂ca₂'ú'₃ 'au'₂ 'nia'₂.

⁴ La₁ia₁ cha₂ guē'₄ caun₂ ja₁cong'₂, a₂tsá₃ tē₅ dsi₃: ia₁ tsá₃ ma₃'nióg'₃ jniá₂ lia'₂ jme₁'nióg'₃ le₂ne₁. ⁵ Jaun₂ ně₃, dsá₂ 'au'₂ 'nia'₂ jmo₄, a₂já'₄ ma₂qui₂ma₂sén'₂ 'nia'₂. Jui₁dsi₂quén'₅ táng₃ 'au'₂ 'nia'₂, jmo₄ táng₃ lia'₂ jme₁jmo'₂ le₂ne₁. Ia₁ ně₁juá'₂ tsá₃ le₂jaun₂ ně₃, ñi'₅₄ ta₁ la₂ dsióg₄ i₁jñiá'₃ tag₄ si₂ quiáng'₂ ja₁chí'₄, ně₁juá'₂ tsá₃ ca₂jme₁tsing'₄ 'au'₂. ⁶ Jñia'₅₄ lia'₂ caun₂ a₂dse₃ la₂ bá₄ cha₂ ja₁cong'₂: a₂'ñia'₅₄ 'nia'₂ 'a₂ lia'₂ lě₅ jmo₅-dsáu₅ dsa₂ nicolaítas, a₂jaun₂ bá₄ 'io₄ guē'₂ jniá₂ já₁n₃.

⁷ Jui₁lia'₂ i₂le₁dsi₅₄ rē₂gua₄, jui₁nei₅₄ a₂juá'₂ Jme₂dsí₂ tsí'₅ ca₂le₃jín₃ guá'₅. Jui₁lia'₂ i₂ca₂tió'₃, ñei₂ guē'₃ mīg₂ 'ma₂ a₂chan₂ dsa₂ co₂tan₅₄, a₂chí'₅ Ja₁jlá'₁* quió'₅ Diú₄.

Jág₁ a₂ñó₃ ne₄ guá'₅ chan₂ Esmirna

⁸ Jmo₄ si₂ ne₄ dsa₂ i₂'ě₂ já₁g₁ guá'₅ i₂chan₂ juig₂ Esmirna chei'₅₄ le₂la₂:

Le₂la₂ juá'₂ i₂le₂ne₁ uig₅₄, i₂lín₅ jē₄ca₂tó'₂ guē'₂ táng₃; i₂ca₂jon₃ 'éi₂, i₂ma₂ca₂jen'₅₄ guē'₂ táng₃: ⁹ Guion₅₄ bá₄ ca₂le₃jě₃ 'a₂ lia'₂ lě₅ chang'₂ ñag'₅₄ uig₅, ton'₂ a₂te₂ñég'₂ guē'₂ já₁n₃. La₁ on₃juá'₅₄ a₂dsi₂jó'₃ te₂ñég'₂ jme₁né₄, ia₁ chang'₂ bá₄ dse₃ já₁n₃. Guion₅₄ bá₄ já₁n₃ 'a₂ lia'₂ 'ag₅ 'lig'₅₄ dsa₂ i₂juá'₂ lín₅ judíos, la₁ tsá₃ guē'₂ lín₅. Dsa₂ i₂tén₅ guá'₅ sinagoga quió'₅ Satanás bá₄ 'éi₂. ¹⁰ Tsá₃ jmo₂ 'nia'₂ gang'₃ 'e₂ niog₅ a₂dsi₁ñíg'₂, ia₁ tsáun'₂ i₂sē₃dsen₃ toin'₂ né'₃ 'má₃ i₂lín₅₄ 'nia'₂ co₂'nió'₄ a₂caun₂ táu₂, jaun₂ ñag'₅₄ 'nia'₂ uig₅ guia₃ jmig₄. La₁ tiá₂ nau₂ 'nia'₂ o₁jñia'₅₄ ca₂quín₂

† **1:13** 'Nio'₂ ja₁ton₅ Daniel 7:13. Š **1:15** o₃, "lia'₂ né'₂ 'lióng₂ jmig₂." * **1:18** A₂lín₅₄ chog₅₄ si₂ juá'₂ já₁n₃ "A₂méi₃."

† **1:18** griego: hades, co₂'nió'₄ a₂juá'₂, ja₁quió'₄ 'lag₄. ‡ **1:20** griego: ángeles, co₂'nió'₄ i₂quian₅ já₁g₁. 'Nio'₂ ja₁ton₅ "ángel" ne₄ glosario. * **2:7** griego: paradeiso (Paraíso).

'mú₃, ia₁ jniá₂ bá₄ cuë₅₄ ja₁ le₃ chan' ₂ 'nia' ₂ co₂ tan₅₄ co₂ 'nió' ₄ caun₂ corona. ¹¹ Jui₁ lia' ₂ i₂ le₁ dsi₅₄ rë₂ gua₄, jui₁ nei₅₄ a₂ juá' ₂ Jme₂ dsi₂ tsí' ₅ ca₂ le₃ jín₃ guá' ₅. Jui₁ lia' ₂ i₂ ca₂ tió' ₃, 'i₁ caun₂ uig₅ tsá₃ jén' ₄ jë₁ ca₂ tē₂ tin₂ 'mú₃.

Jág₁ a₂ ηό₃ ne₄ guá' ₅ chan₂ Pérgamo

¹² 'Jmo₄ si₂ ne₄ dsa₂ i₂ 'ě₂ jág₁ guá' ₅ i₂ chan₂ juig₂ Pérgamo, chei' ₅₄ le₂ la₂:

Le₂ la₂ juá' ₂ i₂ 'io₅ ηi₁ tá₂ 'mu₃ le₃ tin₃ ton₂: ¹³ Guion₄ bá₄ jniá₂ ja₁ tián' ₅ 'nia' ₂, † ja₁ lë₄ ne₄ ta₁ ja₁ gon₂ Satanás. La₁ lia' ₂ tión' ₂ jaun₂ bá₄ 'nia' ₂ tiá₂ quian' ₅₄ jág₁ quió₃. Tsá₃ ma₂ tí' ₃ a₂ 'éng' ₂ le₃ quió₃, ca₂ lia' ₂ jñia' ₅₄ jmig₄ lia' ₂ con' ₂ jme₁ ca₂ jñi' ₃ dsa₂ Antipas, dsa₂ i₂ rë₂ ti' ₅₄ quiáng₃ i₂ jme₁ jáng' ₅ jág₁ dsau₅, ca₂ lë₃ jë₄ quián' ₂ 'nia' ₂, caun₂ juig₂ ja₁ guá₄ Satanás. ¹⁴ La₁ ia₁ cha₂ a₂ lin₅₄ ja₁ cong' ₂, a₂ tsá₃ tē₅ dsi₃: jë₄ nē₅ quián' ₂ 'nia' ₂ tion' ₅₄ i₂ lin₅₄ i₂ tsá₃ tí₂ a₂ 'lig' ₅₄ lia' ₂ jme₁ jmo₅ Bala'ama a₂ ca₂ toin' ₂ jág₁ ca₂ tsí' ₃ Balac†, ca₂ jmo₃ ca₂ tsi₁ sēn' ₂ dso₄ dsa₂ israelitas a₂ ca₂ guē' ₃ má₃ a₂ rë₂ jen' ₅₄ ne₄ diú₄ lag₄ quiáin₅; ca₂ jmo₃ ca₂ can₃ dsa₂ 'éi₂ jui₅ qui₂ ca₂ nió' ₃ jág₁ 'lig' ₅₄. ¹⁵ Le₂ nē₅ bá₄ ján₃, tion' ₅₄ jë₄ quián' ₂ 'nia' ₂ i₂ lin₅₄ i₂ jme₂ tag₅ jág₁ quió' ₅ dsa₂ nicolaítas. ¹⁶ Jui₁ dsi₂ quén' ₅ 'au' ₂ jaun₂ nē₃; ia₁ nē₁ jua' ₂ tsá₃ ca₂ tion' ₂ 'nia' ₂ jui₅, ηi' ₅₄ ta₁ la₂ dsió₄ jniá₂ ja₁ cong' ₂ i₁ quíng' ₃ quian' ₅₄ dsa₂ 'éi₂ quian' ₅₄ ηi₁ tá₂ a₂ 'ia₂ mi₂ 'o₃. ¹⁷ Jui₁ lia' ₂ i₂ le₁ dsi₅₄ rë₂ gua₄, jui₁ nei₅₄ a₂ juá' ₂ Jme₂ dsi₂ tsí' ₅ ca₂ le₃ jín₃ guá' ₅. Jui₁ lia' ₂ i₂ ca₂ tió' ₃, ηei₂ maná a₂ rë₂ 'ma₄, ton' ₂ ηei₂ jma₃ ca₂ mig₂ ni₁ cang₁ tiog₂ ja₁ chi₁ ton₅ jág₁ 'mí₂ 'a₂ lia' ₂ chein₂, a₂ tsá₃ 'ein₂ cuí' ₅; jmá' ₃ lia' ₂ con' ₂ i₂ gue₃ bá₄ ηí' ₂.

Jág₁ a₂ ηό₃ ne₄ guá' ₅ chan₂ Tiatira

¹⁸ 'Jmo₄ si₂ ne₄ dsa₂ i₂ 'ě₂ jág₁ guá' ₅ i₂ chan₂ juig₂ Tiatira, chei' ₅₄ le₂ la₂:

Le₂ la₂ juá' ₂ Ja₁ ηi' ₅₄ Diú₄ i₂ tá₂ jme₁ ne₁₂ lia' ₂ tá₂ jo' ₅₄ si₂, i₂ lë₅ mi₂ tag₄ lia' ₂ lë₅ ηí₁ nióg₂ a₂ rë₂ ta₄: ¹⁹ Guion₅₄ bá₄ ca₂ le₃ jë₃ 'e₂ a₂ jmo' ₂, 'a₂ lia' ₂ 'nióg' ₃ ríng' ₂, 'a₂ lia' ₂ lë₅ a₂ 'éng' ₂ nē₃, ta₁ quiáng' ₂ a₂ jme₂ tí' ₁, juin' ₂ bá₄ 'au' ₂ chang' ₂ nē₃; guion₄ bá₄ jniá₂, 'ηio₅ guē₄ jmo' ₂ 'nia' ₂ lia' ₂ con' ₂ guē₄ le₂ ne₁. ²⁰ La₁ ia₁ cha₂ guē₄ caun₂ ja₁ cong' ₂ a₂ tsá₃ tē₅ dsi₃: ia₁ cuē' ₂ 'nia' ₂ jmig₄ 'en₅₄ jin' ₄ 'nia' ₂ 'io₅₄ Jezabel i₂ juá' ₂ i₂ 'ě₂ jág₁ o₄ quió' ₄ Diú₄. Jme₂ tag₂₃ a₂ jñia' ₅₄ qui₂ jme₂ gain₂₃ dsa₂ quiáng₃ i₂ jme₂ ti₃ ne₃ ia₁ jaun₂ cán₂ jui₅ jmo₃ dsáu₃ qui₃ nió' ₃ jág₁ 'lig' ₅₄, ia₁ jaun₂ ján₃ guē₄ qui₃ guē' ₃ má₃ a₂ rë₂ jen' ₅₄ ne₄ diú₄ lag₄ quiáin₅. ²¹ Ma₂ cuē₃ jniá₂ 'io₅₄ 'éi₂ jmig₄ ne₄ tsa₁ dsi₁ quén' ₅ dsi₅ 'lig' ₅₄ a₂ jmo₂₃, la₁ tsá₃ 'nio₃. ²² ¡Jag₄! Tóin₂ jniá₂ ne₄ tsi₁ cama jaun₂ le₃ dso' ₅₄, ján₃ guē' ₂ jmo₅₄ ηág₃ uig₅ dsa₂ i₂ qui₂ 'no₅ dso₄ quiain' ₅₄, nē₁ jua' ₂ tsá₃ ca₂ dsi₃ quén' ₅ dsi₅ a₂ jmo₅-dsáu₅ 'io₅₄ 'éi₂, ²³ ton' ₂ jme₁ dsian₅ jniá₂ chi' ₂ quián₅ 'io₅₄ 'éi₂ nē₃. Jaun₂ bá₄ le₃ ηi₅ ca₂ le₃ jín₃ guá' ₅, jniá₂ i₂ con' ₂ 'í₁ 'a₂ lia' ₂ lë₅ jme₂ dsi₂ quió' ₅ dsa₂, ca₂ le₃ jë₃ a₂ qui₂ dsi₂ jiog₅ dsi₅ dsa₂ nē₃; jaun₂ jniá₂ bá₄ cuē₄ 'lian' ₅₄ 'nia' ₂ lia' ₂ con' ₂ lë₅ qui₂ ca₂ jmo' ₅₄. ²⁴ La₁ juí₂ jniá₂ ca₂ le₃ jín₃ guē₄ 'nia' ₂ i₂ tián' ₅ juig₂ Tiatira i₂ tsá₃ ma₂ gue₃ jág₁ a₂ jme₂ tag₅ 'io₅₄ 'éi₂, on₃ guē' ₂ cuí' ₅ a₂ tē' ₂ dsa₂ 'éi₂ jág₁ ca' ₅₄ a₂ rë₂ 'ma₄ quió' ₅ Satanás: co₂ nē₅ bá₄ guei₂ a₂ cuē₄ jniá₂ 'nia' ₂. ²⁵ Jñia' ₅₄ lia' ₂ caun₂ jmo' ₂ 'nia' ₂ a₂ dse₃ a₂ ma₂ ja₂ nó₅ jmo' ₂, ca₂ lia' ₂ ca₂ tē₂ jmig₄ i₁ dsió₄ táng₃. ²⁶ Jui₁ lia' ₂ i₂ ca₂ tió' ₃, i₂ qui₂ jmo₅ 'a₂ con' ₂ 'nio₃ jniá₂ lë₂, ca₂ lia' ₂ i₁ ca₂ tē₂ jmig₄ jë₁ ca₂ tó' ₂, cuē₄ jniá₂ bí₂ jaun₂ jmo₃ 'éi' ₃ ne₄ juig₂ a₂ te₁ 'i₁ gua' ₅₄ 'uē₃.

²⁷ Goin₃ ne₄ quió' ₅ quian' ₅₄ 'ma₂ 'í' ₅₄

a₂ lë₅ quian' ₅₄ ni₁ ηí₁;

qui₃ dsia₃ le₁ juig₁ nē₂ jag₄ bá₄ ni₁ ti' ₂, †

²⁸ lia' ₂ con' ₂ lë₅ ma₂ gue₃ jniá₂ 'éi' ₃ ma₂ cuē₃ Ne' ₃. Cuín₄ jniá₂ ján₃ Nei₅ 'Iógi.* ²⁹ Jui₁ lia' ₂ i₂ le₁ dsi₅₄ rë₂ gua₄, jui₁ nei₅₄ a₂ juá' ₂ Jme₂ dsi₂ tsí' ₅ ca₂ le₃ jín₃ guá' ₅.

† 2:13 A₂ lin₅₄ chog₅₄ si₂: “Guion₅₄ bá₄ ca₂ le₃ jë₃ 'e₂ a₂ jmo' ₂, ján₃ bá₄ guion₅₄ ja₁ tián' ₅ 'nia' ₂.” † 2:14 Bala'am, Balac: 'Nio' ₂ ja₁ ton₅ Números 23 - 24. § 2:27 Salmo 2:9. * 2:28 Nei₅ 'Iógi lë₅ caun₂ 'a₂ lia' ₂ chen₂ Jesús. 'Nio' ₂ ja₁ ton₅ 2 Pedro 2:21; Apocalipsis 22:16.

3

Jág₁ a₂ñó₃ ne₄ guá'₅ chan₂ Sardis

¹Jmo₄ si₂ ne₄ dsa₂ i₂ě₂ jág₁ guá'₅ i₂chan₂ juig₂ Sardis, chei'₅₄ le₂la₂:

Le₂la₂ juá'₂ i₂jio₅ ta₁guion₃ jme₂dsí₂ quián₅ Diú₄, i₂chan₂ juio₃ nei₅ ně₃: Guion₄ bá₄ jniá₂ ca₂le₃jě₃ a₂jmo'₂, a₂dsia₅ dsa₂ a₂jén'₃ 'nia'₂, la₁ia₁ i₂rě₂'lín'₄ bá₄ 'nia'₂. ²Jme₁jnio₂ ne'₅₄, tióng'₂ táng₃ bí₂ a₂jme₁ma₂i₁jón₂ quiáng'₂, ia₁ tsá₃ ma₂dsó'₂ jniá₂ jua'₅₄ a₂rě₂tán₄ a₂qui₂ma₂jmo'₅₄ 'nia'₂ le₃ne₄ Diú₄ quiáng₃. ³Dsiog'₂ 'au'₂ 'nia'₂ jmo₄ jaun₂ ně₃, a₂qui₂ma₂gue'₅₄ 'nia'₂, a₂qui₂ma₂nei'₂ 'nia'₂, jui₁dsi₂quén'₅ 'au'₂. La₁ ně₁jua'₂ tsá₃ ca₂jme₁jnio₂ ne'₅₄, ŋi'₅₄ ta₁ dsióg₄ jniá₂ ja₁cong'₂ con'₂ tsá₃ rě₂jáng'₁, ně₂jag₄ bá₄ jan₂ 'ang₂, ca₂lia'₂ ŋja'₅₄ tsá₃ ŋi'₅₄ 'nia'₂ 'e₂ hora dsióg₄. ⁴La₁ chan₂ bá₄ guě₄ i₂lín₅₄ jin'₄ 'nia'₂ guá'₅ Sardis ně₅ i₂tsá₃ ma₂ca₂jme₃ióg₃ tsin'₅₄; i₂éi₂ ně₃ jme₃quiong'₅₄ jniá₂ i₃nioi₅₄ le₁qui'₂ 'mi'₂ tiog₂, ia₁ le₂jaun₂ ca₂tín₂. ⁵Jui₁lia'₂ i₂ca₂tió'₃, tsin'₅₄ tiog₂ bá₄ qui₃quí'₃, jaun₂ lia'₂ o₁líg'₂ tsá₃ 'én₄ lia'₂ chein₂ ja₁le₁toin₂₃ ne₄ si₂ a₂chan₂ dsa₂ co₂tan₅₄. Jaun₂ 'ín₄ jniá₂ 'éi₂ jme₁jniai₂₃ jniá₂ ne₄ Ne'₃, ne₄ ángeles quián₅ ně₃. ⁶Jui₁lia'₂ i₂le₁dsi₅₄ rě₂gua₄, jui₁nei₅₄ a₂juá'₂ Jme₂dsí₂ tsí'₅ ca₂le₃jín₃ guá'₅.

Jág₁ a₂ñó₃ ne₄ guá'₅ chan₂ Filadelfia

⁷Jmo₄ si₂ ne₄ dsa₂ i₂ě₂ jág₁ guá'₅ i₂chan₂ juig₂ Filadelfia, chei'₅₄ le₂la₂:

Le₂la₂ juá'₂ 'éi₂ i₂ñjio₅, i₂tě₃dsón'₂ tí₅ jág₁ quió'₅, i₂io₅ ŋi₁ llave quió'₅ Rag₅₄ David. Jui₁lia'₂ a₂niá₅ 'éi₂, 'i₁jan₂ tsá₃ lé₂ jnéi₃; ján₃ guě'₂ le₂jaun₂, jui₁lia'₂ a₂jnéi₅ 'éi₂, tsá₃ 'ein₂ lé₂ le₃niá₃ táng₃. ⁸Guion₅₄ bá₄ jě₂ a₂jmo'₂. ¡Jag₁! Caun₂ o₄'né₄ a₂rě₂na₄ ma₂ca₂tsí'₂ jniá₂ ne'₅₄; 'i₁jan₂ tsá₃ 'ein₂ lé₂ le₃jnéi₃. O₁ñja'₅₄ la₂ tsá₃ ma₃lín₄ bėng'₂, *ma₂ca₂tion'₂ jui₅ jág₁ quió₃, on₃jua'₅₄ jaun₂ a₂tsá₃ ma₂'ag'₅₄ jniá₂. ⁹¡Jag₁! Jui₁lia'₂ dsa₂ quián₅ guá'₅ sinagoga quió'₅ Satanás, dsa₂ i₂juá'₂ lín₅ judíos la₁ tsá₃ guě'₂ lín₅, jmo₅₄ jniá₂ chi₃jné₃ 'éi₂ ne'₅₄, ia₁jaun₂ le₃ñi₅ a₂'nió₃ jniá₂ 'nia'₂. ¹⁰Uig₅₄ ia₁ a₂ma₂jmo'₅₄ 'nia'₂ 'í₁ 'éi₃ quió₃ a₂tion'₅₄ 'nia'₂ juin'₂ 'au'₂, jmo₅₄ bá₄ jniá₂ 'í₁ 'nia'₂ a₂tsá₃ jióg'₂ 'í₁ ja₁cong'₂ jui₁lia'₂ a₂dsi₂ñi₂ dsa₂ i₂chan₂ ta₁caun₂ gua'₅₄ 'uě₃. ¹¹Ŋi'₅₄ ta₁ bá₄ guióng₄. Jmo₄ 'í₁ a₂ma₂ting'₂ ia₁jaun₂ tsá₃ 'ein₂ jñiá'₂ corona quiáng'₂. ¹²Jui₁lia'₂ i₂ca₂tió'₃, jmo₅₄ jniá₂ a₂léin₂ ně₂jag₄ bá₄ ni₁dsi₅ a₂chí'₅ dsi₂néi₂ guá'₅ templo quió'₅ Diú₄ quiáng₃. O₁líg'₂ jmi₄ tsá₃ ma₃uín₃ ja₁jaun₂. Ne₄ quió'₅ 'éi₂, taun₅₄ lia'₂ chen₂ Diú₄ quiáng₃, quian'₅₄ guě'₂ 'a₂ lia'₂ chei₂ juig₂ quió'₅ Diú₄ quiáng₃ ně₃: juig₂ Jerusalén 'mí₂ a₂sió₃ guei'₅₄ i₂juíg₃ quió'₅ Diú₄ quiáng₃. Ján₃ guě'₂ le₂jaun₂ taun₅₄ jniá₂ ne₄ 'éi₂ jág₁ 'mí₂ lia'₂ cheng₂. ¹³Jui₁lia'₂ i₂le₁dsi₅₄ rě₂gua₅₄, jui₁nei₅₄ a₂juá'₂ Jme₂dsí₂ tsí'₅ ca₂le₃jín₃ guá'₅.

Jág₁ a₂ñó₃ ne₄ guá'₅ chan₂ Laodicea

¹⁴Jmo₄ si₂ ne₄ dsa₂ i₂ě₂ jág₁ guá'₅ i₂chan₂ juig₂ Laodicea, chei'₅₄ le₂la₂:

Le₂la₂ juá'₂ i₂lín₅ tě₃dsón'₂, †i₂jáng'₅ jág₁ dsau₅ i₂rě₂ti'₅₄, i₂lín₅ juig₅₄ ne₄ ca₂le₃jě₃ a₂ca₂jmo₃ Diú₄: ¹⁵Guion₄ bá₄ jniá₂ ca₂le₃jě₃ 'a₂ lia'₂ lě₅ jmo'₂ 'nia'₂. Guion₅₄ bá₄, a₂tsá₃ güing'₂, on₃ guě'₂ dsėng'₂ ně₃. ¡Jua'₅₄ co₂nei'₅₄ bá₄ guě'₂ güing'₂, o₃ co₂nei'₅₄ bá₄ guě'₂ dsėng'₂! ¹⁶La₁ 'uig₅₄ ia₁ a₂jñia'₅₄ dsión'₂ 'nia'₂, ia₁ tsá₃ güing'₂ guě'₂ co₂nei'₅₄, on₃ guě'₂ dsėng'₂ ně₃, jaun₂ ráun₂ i₁ñi₄ jniá₂ 'nia'₂ jui₅ mi₂'o₃. ¹⁷Ia₁ juá'₂ 'nia'₂ a₂ma₂chang'₂ dse₃ a₂ma₂qui₂ma₂dsia'₅₄ 'nia'₂ 'lóng₂ rě₂má'₂, ton'₂ tsá₃ 'e₂ 'nió'₅ quiáng'₂; la₁ tsá₃ jaun₂ len'₅₄ 'nia'₂ a₂lín'₅ dsa₂ i₂lě₂ñéi₂ dsí₅, i₂te₂ñé₂, i₂ten₄, i₂rě₂cuán'₃ ně₃. ¹⁸Uig₅₄ jaun₂ ton'₂ jniá₂ jág₁ 'nia'₂, i₂nó'₅ 'nia'₂ ja₁con₂ jniá₂ i₂liá₃ cu₄nióg₄ a₂rě₂lag₄ quian'₅₄ si₂, ia₁jaun₂ guě₄ dsón'₂ le₃chang'₂ dse₃; i₂liá₃ 'nia'₂ tsing'₂ tiog₂ a₂qui₁qui'₅₄, ia₁jaun₂ tsá₃ le₃jniá₂ a₂o₂guí'₃ a₂rě₂cuáng'₃. I₂liá₃ mí₅ 'ág'₄ jme₁ne'₄ ia₁jaun₂ jnio₂, lé₂ jag'₅₄. ¹⁹Tě₂jén₅ jniá₂ tsing'₂ táng₃ jui₅ dse₃ ca₂le₃jín₃ i₂'nióg₃. Jui₁len'₅₄ bá₄ 'nia'₂ dsa₂ i₂dsen₅₄ dsí₅ jaun₂ ně₃, jui₁dsi₂quén'₅ 'au'₂. ²⁰¡Jag₁! La₂ chén'₅ jniá₂ o₄'né₄ tě₅; chi₂jua'₂ chan₂ i₂ca₂nág₂ jág₁ quió₃, niá₅ o₄'né₄ ně₃, jaun₂ bá₄ 'ú₄ dsi₂néi₂ quió'₅, guě'₅₄

* 3:8 o₃, “tsá₃ lín₄ juin'₅ 'nia'₂.” † 3:14 lit. “Le₂la₂ juá'₂ jui₁lia'₂ i₂tě'₂ A₂méi₃.”

co₂lě₅ quiain'₅₄. ²¹ Jui₁lia'₂ i₂ca₂tió'₃, cuě₄ jma₃caun₂ ja₁tiain'₃ cau₅ quió'₃ ne₄ta₁ ja₁gua₄ jniá'₂, jui₁lia'₂ ca₂tió'₃ jniá'₂, jaun₂ ca₂gua₃ con₂ Ne'₃ ne₄ta₁ quió'₅. ²² Jui₁lia'₂ i₂le₁dsi₅₄ rě₂gua₅₄, jui₁nei₅₄ a₂juá'₂ Jme₂dsi₂ tsí'₅ ca₂le₃jín₃ guá'₅.

4

A₂ lia'₂ qui₂rě₂juin'₂ Diú₄ guei'₅₄ i₂juíg₃

¹ Cang₂ guě₄ jaun₂, ca₂jág₃ táng₃ jniá'₂ caun₂ o₄'né₄ rě₂na₄ guei'₅₄ i₂juíg₃. Jaun₂ ca₂nag₃ jág₁ jaun₂ a₂ca₂nag₃ le₂'uig₅₄ a₂né'₂ ně₂jag₄ bá₄ jě₁i₂'ein₅₄ nj₁ trompeta, ca₂juá'₂ tság₅ jniá'₂:

—Uíg₂ ja₁lá₃, jaun₂ 'ě₅₄ ca₂le₃jě₃ a₂niog₅ lé₂ cang₂ guě₄ jě₁ma₂lě₅ a₂ma₂ně₂jag₅₄ ně₅.

² Jaun₂ ca₂lě₃ jme₁'en₅₄ jniá'₂ le₃quió'₅ Jme₂dsi₂, jaun₂ ca₂jnia₃ caun₂ ne₄ta₁ chí'₅ guei'₅₄ i₂juíg₃. Ne₄ ne₄ta₁ jaun₂ jme₁guá₄ jan₂ dsa₂. ³ Dsa₂ i₂jme₁guá₄ 'éi₂ ně₃, jme₁jniá'₂ tág₅ 'nio₅ lin₃ ně₂jag₄ bá₄ ni₁cang₁ tág₅ jaspe o₃ cornalina. Le₃lág'₃ ne₄ta₁ ja₁guá₄ jaun₂ jme₁jniá'₂ mi₂jo'₅₄ si₂ a₂tág₅ lin₃, ně₂jag₄ bá₄ ni₁cang₁ esmeralda. ⁴ Le₃lág'₃ ne₄ta₁ ja₁guá₄ dsa₂, ca₂jág₃ con'₂ guě₄ guióg₂-quén₂ ne₄ta₁ ja₁tián'₄ guión₂-quén₂ gui'₅₄ can'₅₄ i₂le₁lin₁ le₁qui'₂ jmá'₃ 'mi'₂ tiog₂, tio'₅₄ coronas a₂lě₅ jmá'₃ cu₄nióg₄ dsi₅₄. ⁵ Ja₁chí'₄ ne₄ta₁ jaun₂, qui₂lě₂ si₁nj₁'₃, chí'₅ co₂mi'₅₄, quia'₂ nj₁'₃ ně₃. Ne₄ ja₁chí'₄ ne₄ta₁ jaun₂, jniá'₂ guio₃ si₂ ni₁tsí₅ a₂cau₂. A₂jaun₂ ně₃ lě₅ ta₁guion₃ jme₂dsi₂ quián₅ Diú₄. ⁶ Tě₂le₃ ne₄ jui₅ ne₄ta₁ ně₃, jniá'₂ táng₃ lia'₂ lě₅ jmi₁nj₁'₄ a₂lě₅ ui'₂ lin₃ jui₁lia'₂ ui'₂ ni₁'i₂.

Dsi₂jo₂, le₂tan₅₄ le₃lág'₃ ja₁chí'₄ ne₄ta₁, jniá'₂ táng₃ quén₂ i₂lín₅ lia'₂ lín₅ já'₂ i₂rě₂can'₂ jmá'₃ mi₂ne₄ lia'₂ le₃ne₅₄ lia'₂ le₃co'₅₄ lag₁₂ ně₃. ⁷ Jě₁le₂'uig₅₄ já'₂ quén₂ 'éi₂ ně₃, jniá'₂ lia'₂ jniá'₂ dsi₂'ia'₂ león. Jě₁ca₂tě₂ on₃, jme₁lín₄ lia'₂ lín₅ jan₂ guein₂ ca₁jui₅. Jě₁ca₂tě₂ ún₂, jniá'₂ dsi₂ne₅₄ lia'₂ jniá'₂ dsi₂ne₄ dsa₂ mi₂güig₃. I₂jě₁ca₂tě₂ quén₂ ně₃, jniá'₂ lia'₂ jniá'₂ i₁mi₂g₂ i₂'en₅ güig₂. ⁸ Jě₁le₃quén₂ le₂jaun₂ ně₃, le₁dsi₅₄ jma₃jnéi₂ tsí₁rě₂cu₅ le₂jain₂ le₂jain₂. Qui₂rě₂lióin₃ mi₂ne₄ le₃co'₅₄ lia'₂ le₃né'₃ ně₃. Lia'₂ 'uě₂-jmi₂ bá₄ tsá₃ 'na₂ i₁juá'₄:

Jnió₅ bá₄, jnió₅ bá₄, jnió₅ bá₄,

Te₁gui'₅₄ Diú₄ i₂'uan'₂ guě₄ lin₃,

i₂jme₁lín₄, i₂lín₅ rě₂ně₃,

i₂lén₂ co₂tan₅₄ bá₄ ján₃.

⁹ Lia'₂ co₂rāun₂ cuě₅ já'₂ 'éi₂ cuě₅ ti₁'mag'₄ jme₂juin'₂ guě₄ lin₃ i₂guá₅ ne₄ ne₄ta₁, i₂chan₂ co₂tan₅₄ ně₃, ¹⁰ jaun₂ guě₄ qui₂tón₂ 'uě₃ ta₁guión₂-quén₂ gui'₅₄ can'₅₄ 'éi₂, ne₄ i₂guá₅ ne₄ ne₄ta₁, qui₂jme₂juin'₂ i₂chan₂ co₂tan₅₄, qui₂dsia₂₃ coronas quió'₅ 'uig₅₄ ne₄ta₁, juá'₂:

¹¹ Te₁gui'₅₄ Diú₄ quián₂,

'ne₂ bá₄ ca₂tíng'₂ guéi'₁ a₂jme₃juag'₂ dsa₂,

'ne₂ bá₄ ca₂tíng'₂ 'éi'₃, jui₅bí₂ ně₃.

Ia₁ co₂jaun₂ ca₂rě₃'njíó₃ 'au'₂

a₂ca₂rě₃chá₃ ca₂le₃jě₃ a₂cha₂.

5

Si₂ a₂rě₂bín₅ quian'₅₄ guě'₂ Guein₂ Já'₂ Cha'₂

¹ Jaun₂ ca₂jág₃ jniá'₂ i₂guá₅ ne₄ ne₄ta₁ 'éi₂ chi₁chan'₂ quian'₅₄ gu₂ ne₁ caun₂ mi₂si₂ a₂rě₂bín₅ tio'₅₄ jág₁ lia'₂ le₃co'₅₄ lia'₂ le₃né'₃, a₂chi₁jni₅ dse₃ quian'₅₄ guio₃ bě'₅₄ mi₄cuíng₅. ² Jaun₂ ca₂jíng₅₄ jan₂ ángel i₂'uan'₂ lin₃ quián₅ Diú₄, jniá'₂ chéin₅ njag₂₃ juá'₂ tiá'₂:

—ǵEin₂ 'éi₂ i₂ca₂tín₂ niá₃ si₂ ně₅, qui₃choin₃ mi₄cuíng₅ quió'₅ ně₃?

³ La₁ on₃ guě'₂ guei'₅₄ i₂juíg₃, on₃ guě'₂ ne₄ gua'₅₄ 'uě₃, on₃ guě'₂ le₃né'₃ guě₄ gua'₅₄ 'uě₃, tsá₃ chan₂ 'i₁jan₂ i₂ca₂tín₂ niá₃ si₂ jaun₂, on₃ guě'₂ ca₂tín₂ jág₃. ⁴ 'Nio₅ lin₃ ca₂'o₃ jniá'₂ 'uig₅₄

ia₁ a₂tsá₃ 'ein₂ ca₂dsán' 'i₁jan₂, i₂ca₂tín₂ jme₁niá₃ si₂jaun₂, * on₃ guë' a₂jág₃. ⁵Jaun₂ ně₃, jan₂ i₂lín₅ gui' ₅₄ can' ₅₄ 'éi₂ ca₂tság₃ jniá₂:

—Tsá₃ lē₁'au₂ 'ne₂, ia₁ i₂lín₅ 'ia' ₂ león quián₅ tsi₁jon₂ Judá, i₂ca₂lín₃ cho' ₅₄ Rag₅₄ David, 'éi₂ bá₄ ma₂ca₂tió' ₃; 'éi₂ bá₄ ca₂tín₂ niá₃ si₂, le₂jio₅ ta₁guio₃ mi₄cuing₅ quió' ₅ ně₃.

⁶Jaun₂ ja₁lě₄ dsi₂jo₂ ne₄ta₁, jě₄ quió' ₅ le₃quén₂ já' ₂ 'éi₂, jě₄ quió' ₅ gui' ₅₄ can' ₅₄ ně₃, ca₂jing₅₄ jan₂ i₂lín₅ lia' ₂ lín₅ Guein₂ Já' ₂ Cha' ₂ chéin' ₅, a₂lén₄ ně₂jag₄ i₂ca₂jon₃ ca₂jag' ₃ dsa₂. Le₁dsi₅₄ guio₃ mi₂juí₁, guio₃ guë' ₂ mi₂ne₅₄. Mi₂ne₅₄ jaun₂ ně₃ co₂'nió' ₄ guion₃ jme₂dsí₂ quián₅ Diú₄ i₂ma₂'uin₂ a₂chein₅₄ ta₁caun₂ gua' ₅₄ 'uë₃, ⁷I₂lín₅ Guein₂ Já' ₂ Cha' ₂ 'éi₂ ně₃, nō₃ ca₂tín₂ mi₂si₂ rē₂bin₅ a₂jme₁chi₁chan' ₂ le₂gu₂ ne₁ i₂guá₅ ne₄ta₁. ⁸Jme₁ca₂can₃ mi₂si₂, jaun₂ qui₂ca₂tón₂ 'uë₃ le₃quén₂ já' ₂ 'éi₂, quian' ₅₄ guë' ₂ ta₁guión₂-quén₂ gui' ₅₄ can' ₅₄ ně₃, ca₂tóin₂ ne₄ Guein₂ Já' ₂ Cha' ₂. Le₂jan₂ le₂jan₂ 'éi₂ ně₃ le₁chan' ₂ jma₃caun₃ tsi₁ton₅ arpa,† le₁chan' ₂ jma₃caun₃ guë' ₂ ni₁uing₅ ji' ₂ a₂lě₅ jmá' ₃ cu₄nióg₄, a₂le₁can' ₂ chen₂, a₂co₂'nió' ₄ já₁ a₂qui₂rē₂jen' ₅₄ ne₄ Diú₄ a₂qui₂chi₂léi' ₂ dsa₂ quián₅.‡ ⁹Tioin' ₅₄ 'ē₂₃ caun₂ canto 'mí₂ la₂:

'Ne₂ bá₄ ca₂tíng' ₂ jma' ₅₄ mi₂si₂,
a₂chóng' ₄ mi₄cuing₅ quió' ₅;
ia₁ 'ne₂ bá₄ i₂ca₂jag' ₃ dsa₂.
Quian' ₅₄ jmi₂ 'ang' ₅₄ a₂ca₂tein' ₅₄,
ca₂liáng' ₃ dsa₂ mi₂güig₃ le₃quió' ₅ Diú₄:

ca₂le₃jín₃ ne₅₄ dsa₂ i₂chan₂,
ca₂le₃jě₃ já₁ jmei₅,
ca₂le₃jě₃ jui₂g₂ te' ₁ i₁ mi₂güig₃,
ca₂le₃jě₃ tsi₁jon₂ ně₃.

¹⁰Ma₂ca₂jmoi' ₅₄ rag₅₄, jme₂dsa₂ ně₃,
le₃quió' ₅ Diú₄ quián₂.

Jaun₂ 'éi₂ bá₄ le₃gon₂ ne₄ gua' ₅₄ 'uë₃.

¹¹Jaun₂ jme₁ca₂jág₃, ca₂nag₃ jniá₂ já₁ quió' ₅ juin₅ ángeles, i₂lě₂ tē₂le₃ mei₅, i₂lě₂ ca₂lia' ₂ juin₅ lín₃. Jme₁tioin' ₅₄ le₃lág' ₃ ne₄ta₁ jaun₂, quian' ₅₄ guë' ₂ já' ₂ quén₂ 'éi₂, gui' ₅₄ can' ₅₄ ně₃,

¹²i₁juá' ₄ tiá₂ lín₃:

i₂ca₂tín₂ Guein₂ Já' ₂ Cha' ₂ i₂ca₂jag' ₃ dsa₂,
a₂le₂goin₂₃, 'io₃ ca₂le₃jě₃ a₂jlá' ₁,
a₂tiin₂ a₂ñí' ₂ dsí₅,

a₂gue₃ jui₅bí₂, a₂jme₃juag' ₂ dsa₂,
a₂lén₂ tá₅ co₂'né' ₅, a₂jme₃go₃ dsa₂!

¹³Ca₂nag₃ jniá₂ já₁, ca₂le₃jín₃ i₂chan₂ i₂ca₂jmo' ₂ Diú₄ guei' ₅₄ mi₂güig₃ quian' ₅₄ gua' ₅₄ 'uë₃,
quian' ₅₄ le₃né' ₃ 'uë₃; ne₄ jmi₁ñí' ₄, i₂chan₂ le₃né' ₃ jmi₁ñí' ₄ ně₃, i₁juá' ₄:

i₂le₃quió' ₅ i₂guá₅ ne₄ ne₄ta₁,

le₃quió' ₅ Guein₂ Já' ₂ Cha' ₂ ně₃,

jui₁jme₂go₃ dsa₂ jui₁jme₂juag' ₂ dsa₂;

jui₁gue₁₂ a₂tág₅ co₂'né' ₅,

jui₁gue₁₂ jui₅bí₂ ně₃

ca₂lia' ₂ co₂tan₅₄!

¹⁴Jaun₂ ca₂juá' ₂ le₃quén₂ já' ₂:

—i₂A₂méi₃!

Ta₁guión₂-quén₂ gui' ₅₄ can' ₅₄ ně₃ qui₂ca₂tóin₂ 'uë₃ qui₂ca₂jme₃juag' ₂.§

* 5:4 A₂lín₅₄ chog₅₄ si₂juá' ₂ já₁: “on₃ guë' ₂ 'i₃.” † 5:8 griego: kithara. ‡ 5:8 lit. “dsa₂ jñiós.” § 5:14 A₂lín₅₄ chog₅₄ si₂juá' ₂: “qui₂ca₂jme₃juin' ₂ i₂chan₂ co₂tan₅₄.”

6

Ca₂niá₃ ta₁guio₃ mi₄cuing₅

¹ Ca₂jág₃ jniá₂ jme₁ca₂niá₃ Guein₂ Já'₂ Cha'₂ jë₁le₂'uig₅₄ mi₄cuing₅ guio₃ jaun₂, ca₂né'₂ i₁juá'₄ jan₂ rin'₅₄ i₂quén₂ já'₂ 'éi₂. Né'₂ lë₅ jág₁ quió'₅ në₂jag₄ bá₄ jë₁quia'₂ njí'₃, a₂juá'₂:

—i₁ñia₅, jaun₂ jag'₅₄!

² Jaun₂ jme₁ca₂jág₃ jniá₂, jaun₂ ca₂jing₅₄ jan₂ i₁cua₁ tion₂. I₂jme₁co₂dsin₅₄ já'₂ 'éi₂ ně₃ jme₁chan'₂ caun₂ ni₁'ma₂ cág'₅. Jaun₂ ca₂ñi₂ caun₂ corona, jaun₂ ca₂o₃'ín₃ njó₃ ne₄ 'nei₂ a₂tió'₃ a₂lí'₂ 'nei₂.

³ Jme₁ca₂niá₃ Guein₂ Já'₂ Cha'₂ jë₁ca₂tě₂ tin₃ mi₄cuing₅, jaun₂ ca₂nag₃ i₁juá'₄ jë₁ca₂tě₂ on₃ já'₂ 'éi₂:

—i₁ñia₅, jaun₂ jag'₅₄!

⁴ Jaun₂ ca₂jnia₃ ca₂o₃'ín₃ táng₃ jan₂ dsi₂cua₁ guén₂; dsa₂ i₂jme₁co₂dsag₅₄ guě'₂ ně₃, ca₂ñi₂ bí₂ a₂lé₂ jmo₃ a₂jñia'₃ a₂'ei₅ tei₄ ta₁caun₂ gua'₅₄ 'uě₃, ia₁jaun₂ jme₃dsian₅ dsa₂ riin'₅₄. Jaun₂ 'éi₂ ně₃ ca₂ñi₂ caun₂ ni₁tág₂ juě'₂.

⁵ Jme₁ca₂niá₃ Guein₂ Já'₂ Cha'₂ jë₁ca₂tě₂ 'ni₅ mi₄cuing₅, jaun₂ ca₂nag₃ táng₃ i₁juá'₄ i₂ca₂tě₂ ún₂ já'₂:

—i₁ñia₅, jaun₂ jag'₅₄!

Jaun₂ jme₁ca₂jág₃ táng₃ jniá₂, ca₂jnia₃ táng₃ jan₂ dsi₂cua₁ lian'₂; dsa₂ i₂jme₁co₂dsag₅₄ ně₃, caun₂ mi₂gu₂ jme₁chan'₂ caun₂ cua'₅₄ 'éi₃. ⁶ Jaun₂ ca₂né'₂ jág₁ jë₄ quió'₅ le₃quén₂ já'₂, a₂juá'₂:

—Caun₂ kilo cui₂g₂ bá₄ le₂caun₂ denario; 'ni₅ kilo cebada le₂caun₂ denario. La₁ tsá₃ i₂'én₅ aceite quian'₅₄ vino.

⁷ Jme₁ca₂niá₃ Guein₂ Já'₂ Cha'₂ jë₁ca₂tě₂ quén₂ mi₄cuing₅, jaun₂ ca₂nag₃ i₁juá'₄ jë₁ca₂tě₂ quén₂ já'₂:

—i₁ñia₅, jaun₂ jag'₅₄!

⁸ Jme₁ca₂jág₃ jniá₂, ca₂jnia₃ jan₂ dsi₂cua₁ nió₂; i₂jme₁co₂dsag₅₄ ně₃, jme₁chein₂ 'Mú₃. Chi₁co'₅₄ quió'₅ 'éi₂ guě'₂ ně₃ já₅ jan₂ i₂tě₂ Tau₂ 'Nio₅. * Le₃on₃ 'éi₂ ně₃ ca₂ñi₂ bí₂ ne₄ quió'₅ gua'₅₄ 'uě₃ caun₂ qui'₅₄ quió'₅ quén₂, a₂jme₃dsian₂₃ dsa₂ quian'₅₄ ni₁tág₂, quian'₅₄ a₂le₃'on₄ dsa₂, quian'₅₄ jmi₁uig₅, quian'₅₄ já'₂ tsau₂ dsí₅ ně₃, i₂chan₂ gua'₅₄ 'uě₃.

⁹ Jme₁ca₂niá₃ Guein₂ Já'₂ Cha'₂ jë₁ca₂tě₂ 'ñiá₂ mi₄cuing₅, ca₂jág₃ jniá₂ né'₃ ne₄chei₂ ja₁tion'₅₄ jme₂dsi₂ quió'₅ dsa₂ mi₂güig₃ i₂ca₂jme₃dsian₅ dsa₂ ne₄ 'uig₅₄ quió'₄ jág₁ dse₃ quió'₅ Diú₄, quian'₅₄ ne₄ 'uig₅₄ quió'₄ jág₁ dsau₅ a₂qui₂ca₂can₃. ¹⁰ Jaun₂ tiá₂ né'₂ jág₁ quió'₅ 'éi₂, i₁juá'₄:

—¿Con'₂ je₂líg'₂ caun'₅₄ 'í₁, Te₁gui'₅₄ i₂jñi₅ i₂tí₅ jág₁ quiáng'₂, ja₁con₂ dsa₂ i₂chan₂ gua'₅₄ 'uě₃, jaun₂ caun'₅₄ 'ma'₅₄ jmi₂ 'au₅₄ jnia'₅₄?

¹¹ Jaun₂ qui₂ca₂ñi₂ le₂jain₂ le₂jain₂ 'mi'₂ tiog₂. Jaun₂ ca₂né'₂ i₁juá'₄ a₂jñia₃ guě₄ co₂'na₂, tē₁lia'₂ le₃'ñia₅ riin'₅₄ i₂jme₂ti₃ ta₁ ne₄ Cristo, i₂'i₄ 'éi₃ dsián₃ guě₄, ju₁lia'₂ ca₂dsan₃ 'éi₂.

¹² Jme₁ca₂niá₃ Guein₂ Já'₂ Cha'₂ jë₁ca₂tě₂ jñéi₂ mi₄cuing₅, ca₂jág₃ jniá₂ ca₂i₁bi₅₄ 'uě₃ tiá₂ lin₃. Ca₂tē₁tsi'₅₄ qui₁né'₃, ca₂rě₃liá'₃ 'iog₂ ně₂jag₄ bá₄ tsi₁'mi'₂ taun₅ a₂lě₅ quian'₅₄ ni₁jñi₂, a₂quí'₅ dsa₂ ja₁ron₅ 'lag₄. Tsi'₂ guě'₂ ně₃ ca₂jnia₃ guéin₂, lia'₂ jniá₂ jmi₂. ¹³ Nei₅ guě'₂ ně₃ qui₂tsi₂ca₂séi'₂ 'uě₃ ně₂jag₄ bá₄ tsi₂séi'₂ mīg₂ higo rě'₂ jë₁ma₂ca₂guiong'₃ dsí₂ tiá₂. ¹⁴ Guei'₅₄ dsi₂güig₂ ně₃ co₂dsia₅ ca₂i₃'én₂ ca₂bín₃ lia'₂ ja₁bín₅ mi₂si₂. Ca₂le₃jě₃ ni₁má'₂, ca₂le₃jě₃ 'uě₃ le₁quí'₅ jë₄ jmi₁ñi'₄ ně₃, qui₂ca₂jñi₅óg'₃ cau₅ ja₁jme₁niog₅. ¹⁵ Jaun₂ qui₂ca₂'ma₃ ju₁ né'₃ tau₂ 'lau₂, ju₁ jë₄ ni₁'lau₂ cha₂ má'₂, ju₁lia'₂ rag₅₄ i₂gon₂ gua'₅₄ 'uě₃, ju₁lia'₂ dsa₂ dsen₅₄, ju₁lia'₂ dsa₂ juig₅₄ 'lióg₂, ju₁lia'₂ dsa₂ i₂cha₂ cu₄, ju₁lia'₂ dsa₂ 'uan'₂, ca₂le₃jín₃ ju₁lia'₂ i₂jme₂ti₃ ta₁ ne₄ juig₅₄, ju₁lia'₂ dsa₂ i₂tsá₃ 'ein₂ ne₄ jme₂ti₃ ně₃; ¹⁶ qui₂ca₂juá'₂ ca₂tsí'₃ má'₂, ni₁'lau₂:

* 6:8 griego: hades, co₂'nió'₄ a₂juá'₂, ja₁quió'₄ 'lag₄.

—Sen'⁵⁴ 'nia'² ne₄ quián² jnia'⁵⁴, 'mog⁵⁴ jnia'⁵⁴ ia₁jaun² tsá₃ jág² i₂guá⁵ ne₄ta₁ ó₃, tsá₃ cuë² jmig⁴ a₂'ë² Guein² Já'² Cha'² ó₃ uig⁵ a₂'nei². ¹⁷ Ia₁ nē₃ guë⁴ dsón'² gua⁵ jmig⁴ a₂'ñio⁵ jaun² a₂'ë² uig⁵ a₂'nei². ¿'Ein² bá₄ qui'⁵⁴ jmig⁴ tió'⁵?

7

Dsa₂ tsi₁jon₂ Israel i₂lín₅ léi₄

¹ Jme₁ma₂ca₂lë₃ jaun², ca₂jing⁵⁴ quén² ángeles, tióin² le₃quén² qui'⁵⁴ mi₂güig³, a₂jné⁵ le₃quén² dsí₂ quió'⁵ gua'⁵⁴ 'uë₃, ia₁jaun² tsá₃ ma₃lé₂ 'ag₃ dsí₂ ta₁caun² ne₄ gua'⁵⁴ 'uë₃, on₃ guë'² ne₄ jmi₁ñí'⁴, on₃ guë'² ne₄ 'i₁caun² ni₁'ma₂. ² Jaun² guë⁴ ca₂jing⁵⁴ jan² ángel sián'², já₅ tē₂le₃ ja₁'ia₂* 'iog₂, já₅ 'éi₂ quian⁵ sello quió'⁵ Diú₄ jén'³. Ángel 'éi₂ guë⁴ nē₃ ca₂tsí'³ le₃quén² ángeles i₂jme₁ma₂ñi₂ bí₂ a₂jmo₃ dain⁵⁴ 'uë₃ quian⁵ guë'² jmi₁ñí'⁴, ca₂juá'² tiá₂ lín₃:

³ —'A₃ lē₁jmo₂ de'² dain⁵⁴ 'uë₃, on₃ guë'² jmi₁ñí'⁴, on₃ guë'² ni₁'ma₂ a₂cha₂ nē₃, ca₂lia'² ca₂tiong⁵⁴ jnia'⁵⁴ léi₄ quian⁵ sello ne₄ chi₁quí₃ dsa₂ i₂jme₂ti₃ ne₄ Diú₄ quián².

⁴ Jaun² ca₂nag₃ jniá'² a₂ con'² tén₅ i₂ca₂lín₃ léi₄ 'éi₂; lē₂ caun² 'ñiá₂-láu₂ rē₂dsí₂ tē₂láu₃-quén² mei₅ (144,000), jmá'³ dsa₂ tsi₁jon² dsa₂ juig² Israel.

⁵ Guia₃-tín² mei₅ dsa₂ i₂ca₂lë₃ lén₄ dsa₂ tsi₁jon² Judá;

guia₃-tín² mei₅ dsa₂ tsi₁jon² Rubén;

guia₃-tín² mei₅ dsa₂ tsi₁jon² Gad;

⁶ guia₃-tín² mei₅ dsa₂ tsi₁jon² Aser;

guia₃-tín² mei₅ dsa₂ tsi₁jon² Neftalí;

guia₃-tín² mei₅ dsa₂ tsi₁jon² Manasés;

⁷ guia₃-tín² mei₅ dsa₂ tsi₁jon² Simeón;

guia₃-tín² mei₅ dsa₂ tsi₁jon² Leví;

guia₃-tín² mei₅ dsa₂ tsi₁jon² Isacar;

⁸ guia₃-tín² mei₅ dsa₂ tsi₁jon² Zabulón;

guia₃-tín² mei₅ dsa₂ tsi₁jon² José;

guia₃-tín² mei₅ dsa₂ tsi₁jon² Benjamín nē₃.

Dsa₂ i₂juin₅ lín₃ le₁qui'² 'mí'² tiog₂

⁹ Jme₁ca₂lë₃ jaun², ca₂jág₃ táng₃ jniá₂, jaun² ca₂jnia₃ juin⁵ lín₃ dsa₂, ca₂lia'² 'i₁jan² tsá₃ 'ein² qui'⁵⁴ jmig⁴ 'i₃ quió'⁵: dsa₂ chan² ca₂le₃jě₃ juig², ca₂le₃jě₃ tsi₁jon², ca₂le₃jě₃ go₄ dsa₂, ca₂le₃jě₃ jág₁ jmei₅ nē₃. Tióin² 'uig⁵⁴ ne₄ta₁ quian⁵ ne₄ Guein² Já'² Cha'², i₂le₁qui'² 'mí'² tiog₂, i₂le₁chan² jma₃ca₂nei⁵⁴ mog'⁵⁴ 'ma₂tsín⁵. ¹⁰ Tióin⁵⁴ co₂mi'⁵⁴ juá'²:

Jui₁lia'² a₂lión² dsa₂,

já₅ quió'⁵ Diú₄ quián² bá₄ jniog⁴ i₂guá⁵ ne₄ta₁;

já₅ quió'⁵ Guein² Já'² Cha'² nē₃.

¹¹ Jme₁tióin² ca₂le₃jín³ ángeles le₃lág'³ ne₄ta₁, le₃lág'³ quió'⁵ gui'⁵⁴ can⁵⁴ quian⁵⁴ guë'² já'² quén² 'éi₂. Jaun² qui₂ca₂tóin² 'uë₃ rē₂'éin² co₂ñei⁵⁴, ca₂jme₃juin² Diú₄, ¹² a₂juá'²: jA₂méi₃!

Le₃quió'⁵ Diú₄ quián² bá₄ ca₂tín²

ca₂le₃jě₃ a₂jme₃go₃ dsa₂,

ca₂le₃jě₃ a₂lén² tág⁵ co₂'né'⁵,

ca₂le₃jě₃ a₂ñí'² dsí⁵,

ca₂le₃jě₃ ti₁'mag'⁴,

ca₂le₃jě₃ a₂jme₃juag'² dsa₂,

ca₂le₃jě₃ a₂le₃goin²,

* 7:2 Co₂'nió'⁴ le₃jua'⁵⁴, caun² cosa a₂tsá₃ 'i₁ jme₂dsí₂, a₂ca₂jmo₃ Diú₄. 'Nio'² ja₁ton⁵ Salmo 8:3; Romanos 1:25.

ca₂le₃jě₃ jui₅bí₂,
 ca₂lia'₂ co₂tan₅₄. A₂méi₃.
 13 Jaun₂ ně₃, jan₂ gui'₅₄ can'₅₄ 'éi₂ ca₂ṇag₃ jniá₂ ca₂juá'₂:
 —ǵ'Ei₂ bá₄ i₂le₁qui'₂ tsin'₅₄ tiog₂ tión₂ ně₅? ǵJá'₄ ja₂lén₂?
 14 Jaun₂ ca₂ṇag₄ jniá₂:
 —Ní'₅₄ bá₄ 'ne₂, gui'₅₄.
 Jaun₂ ca₂ṇag₃ táng₃ gui'₅₄ 'éi₂:
 —I₂ně₅ bá₄ 'éi₂ i₂ma₂ṇi₅ Jmí₁uig₅ Jué'₂; ma₂qui₂ca₂rang₃ tsin'₅₄, ma₂jmo₃ tiog₂ ně₃ tē₂le₃
 quian'₅₄ jmi₂ 'an₅₄ Guein₂ Já'₂ Cha'₂. 15 'Uig₅₄ jaun₂ ně₃,
 tióin₂ ne₄ta₁ ně₅ quió'₅ Diú₄,
 jme₂ti₃ ne₅₄ lia'₂ 'uē₂-jmi₂ dsi₂néi₂ guá'₅ ně₅ quió'₅;
 i₂guá₅ ne₄ ne₄ta₁ ó₃ ně₃, 'éi₂ bá₄ jmo₃ 'í₁
 ně₂jag₄ a₂qui₃jliin₂ dsa₂ quian'₅₄ 'mí'₂ 'én'₁ quió'₅.
 16 Tsá₃ ma₃qui₂i₁cón'₅ lé₂,
 on₃ guē'₂ ma₃qui₃le₃quein₂ dsí₅, i₁'ín'₂ jmig₂,
 on₃ guē'₂ ma₃qui₃ṇág₂ guē₄ uig₅
 jua'₅₄ a₂dséi₂ 'iog₂.
 17 Ia₁ Guein₂ Já'₂ Cha'₂
 i₂guá₅ dsi₂jo₂ ne₄ta₁ ně₅ bá₄
 jmo₃ 'í₁
 ně₂jag₄ dsa₂ i₂jmo₅ 'í₁ já'₂ cha'₂ quián₅,
 jiog₃ jui₅ tu₁ jmig₂ ja₁'ia₂ jmig₂ jén'₃.
 Jaun₂ qui₃chí₃ Diú₄ jme₁ne₁₂
 ca₂le₃jě₃ jmig₂ a₂le₁'ág₄.

8

Mi₄cuing₅ jě₁ca₂tě₂ guio₃

1 Jme₁ca₂niá₃ guē'₂ táng₃ Guein₂ Já'₂ Cha'₂ jě₁ca₂tě₂ guio₃ mi₄cuing₅ quió'₅ mi₂si₂ a₂rě₂bín₅,
 jaun₂ ca₂tě₁tsi'₅₄ tei₄ guei'₅₄ i₂juíg₃ con'₂ ca₂jau₅₄ hora. 2 Ján₃ bá₄ ca₂jín₄ jniá₂ ta₁guion₃
 ángeles i₂tión₂ ne₄ Diú₄. 'Éi₂ guē'₂ ně₃ ca₂ṇi₂ guio₃ ṇí₂ trompetas. 3 Cang₂ jaun₂ ca₂já₃ táng₃
 jan₂ ángel ca₂o₃náu₃ ne₄chei₂, chi₁chan'₂ caun₂ ṇí₁ tó'₅ chen₂, a₂lě₅ jmá'₃ cu₄nióg₄. Jaun₂
 ca₂ṇi₂ 'lióng₂ chen₂, jaun₂ jén'₃ co₂dsia₅ quian'₅₄ jág₁ a₂chi₂lí'₂ ca₂le₃jín₃ dsa₂ i₂tén₅ le₃quió'₅
 Diú₄, * dsia₃ ne₄ ne₄chei₂ a₂lě₅ cu₄nióg₄ a₂chí'₅ 'uig₅₄ ne₄ta₁. 4 Jaun₂ ca₂jṇáu₂ jme₁ṇi₁ chen₂
 lia'₂ jma₃quian'₅₄ jág₁ a₂chi₂lí'₂ dsa₂ quián₅ Diú₄, qui₂ca₂'uē₂ o₄gú₃ ángel le₃ne₄ Diú₄. 5 Jaun₂
 ca₂tín₂ ángel ṇí₁ a₂tó'₅ chen₂, jaun₂ ca₂jme₃cain'₂ míg₂ si₂tá'₃ tio'₅₄ ne₄chei₂, jaun₂ ca₂guia'₃
 jaun₂ ně₃, ne₄ gua'₅₄ 'uē₃. Jaun₂ ca₂lě₃ gau₂ ca₂quia'₂ ṇí'₃, ca₂tě₁tsi'₅₄ co₂mí'₅₄, qui₂ca₂'né'₃
 si₁ṇí'₃, ca₂i₁bi₅₄ 'uē₃ ně₃.

Ní₁ trompetas

6 Jaun₂ ně₃, le₃guion₃ ángeles i₂le₁chan'₂ ṇí₁ trompetas, ca₂jmo₃ co₂jṇia₅₄ a₂jéi₂ ṇí₁ quió'₅.
 7 Jaun₂ ca₂jéi₂ jě₁le₂'uig₅₄ ángel ṇí₁ quió'₅, jaun₂ dsi₂jui₅ le₂jaun₂ ca₂séi'₂ mi₂dsí₅ quian'₅₄
 míg₂ si₂tá'₃ a₂qui₂rě₂cón'₅ jmi₂, ca₂tang₂ ne₄ gua'₅₄ 'uē₃. Jaun₂ guē₄ ca₂cáu₂ ca₂qui'₅₄ quió'₅
 'ni₅ quió'₅ gua'₅₄ 'uē₃; qui₂ca₂cáu₂ ca₂qui'₅₄ quió'₅ 'ni₅ quió'₅ ni₁'ma₂ a₂cha₂ 'ṇa₁; qui₂ca₂cáu₂
 guē₄ ca₂le₃jě₃ nau₂ rě'₂.
 8 Jaun₂ ca₂jéi₂ jě₁ca₂tě₂ on₃ ángel ṇí₁ quió'₅, jaun₂ ca₂jnia₃ ṇó₃ ca₂qui'₃ a₂lě₅ lia'₂ lě₅ má'₂ ne₄
 jmi₁ṇí'₄, jniá₂ chi₁guí'₂ si₂ ṇó₃. Jaun₂ ca₂lě₃ jmi₂ ca₂qui'₅₄ quió'₅ 'ni₅ quió'₅ jmi₁ṇí'₄. 9 Jaun₂
 ca₂dsan₃ ca₂qui'₅₄ quió'₅ 'ni₅ jui₁lia'₂ já'₂ i₂chan₂ jmi₁ṇí'₄, jaun₂ ca₂'en₃ ca₂qui'₅₄ quió'₅ 'ni₅
 jui₁lia'₂ ni₁barcos ján₃.

* 8:3 lit. “ca₂le₃jín₃ dsa₂ jṇi₁ó₅.”

¹⁰ Jaun₂ ca₂jéi₂ jē₁ca₂tē₂ ún₂ ángel n₁ quió'₅, jaun₂ ca₂tá'₂ caun₂ nei₅ pa₁a chi₁guí'₂ si₂ ca₂tá'₂ guei'₅₄ dsi₂güig₂, qui₂cau₂ lia'₂ cau₂ ni₁qui₂; ca₂tá'₂ ne₄ ca₂qui'₅₄ quió'₅ 'ni₅ ca₂le₃jē₃ cuá₃, ne₄ ca₂le₃jē₃ o₄tu₁ jmi₂g₂ nē₃. ¹¹ Nei₅ jaun₂ chei₂ Nei₅† Dsi'₃. Jaun₂ ca₂lē₃ dsi'₃ ca₂qui'₅₄ quió'₅ 'ni₅ jui₁lia'₂ jmi₂g₂ cha₂gua'₅₄ 'uē₃. Jaun₂ ju₁n₅ lín₃ dsa₂ i₂ca₂dsan₃ ia₁ ca₂'in₃ jmi₂g₂ dsi'₃ jaun₂, 'uig₅₄ ia₁ a₂ca₂lē₃ dsi'₃ jmi₂g₂.

¹² Jaun₂ ca₂jéi₂ jē₁ca₂tē₂ quén₂ ángel n₁ quió'₅, jaun₂ ca₂i₃ba₅₄ ca₂qui'₅₄ quió'₅ 'ni₅ quió'₅ 'iog₂, ca₂qui'₅₄ quió'₅ 'ni₅ quió'₅ tsi'₂, ca₂qui'₅₄ quió'₅ 'ni₅ jui₁lia'₂ nei₅ nē₃, ia₁jaun₂ néi₃ ca₂qui'₅₄ quió'₅ 'ni₅ ca₂le₃jē₃ a₂jaun₂, ia₁jaun₂ tsá₃ ma₃jnia₃ ca₂qui'₅₄ quió'₅ 'ni₅ a₂jmi₂, ján₃ bá₄ le₂jaun₂ a₂'uē₂.

¹³ Jaun₂ ca₂jág₃ jniá₂ táng₃, ca₂jing₅₄ jan₂ i₁mig₂ i₂ni₅ 'en₅ dsi₂güig₂, ca₂né'₂ tiá₂ jág₁ quió'₅, i₁juá'₄:

—Juíg₂! Juíg₂! Juíg₂ guē₄ lín₃ jui₁lia'₂ i₂chan₂ ne₄ gua'₅₄ 'uē₃, 'uig₅₄ n₁ trompetas a₂nē₃ guē₄ dsi₃'ein₅₄ a₂jéi₂ le₃ún₂ ángeles i₂'nió'₅ guē₄ 'éi₂!

9

¹ Jaun₂ ca₂jéi₂ jē₁ca₂tē₂ 'niá₂ ángel n₁ quió'₅, jaun₂ ca₂jín₄ jniá₂ jan₂ nei₅ i₂ca₂tán'₂ guei'₅₄ i₂juíg₃ ca₂tē₂ gua'₅₄ 'uē₃. * Ca₂ni₂ n₁ llave a₂ca₂tín₂ quió'₅ ja₁ca₂jein₃ chi₁dsio₅₄. ² Dsi₂jui₅ jme₁ca₂niá₃ 'éi₂ ja₁jaun₂, jaun₂ ca₂'ia₂ jme₁ni₁ 'nei₂ jui₁lia'₂ jme₁ni₁ a₂'uē₂ tau₂ si₂ pa₁ lín₃ ja₁jme₂jmag₂ dsa₂ ni₁ni₁. Jaun₂ co₂dsia₅ ca₂lē₃ qui₁né'₃ 'iog₂, dsi₄ mi₂güig₃ nē₃ quian'₅₄ jme₁ni₁ a₂ca₂'ia₂ ja₁jaun₂. ³ Jē₄ jme₁ni₁ jaun₂ ca₂'uin₂ i₁ni'₂ ca₂i₁noi₁₂ tsi₁co₂jē'₂ 'uē₃. I₁ni'₂ 'éi₂, ca₂ni₂ bí₂ a₂lín₅ jui₁lia'₂ lín₅ i₁'né₅ i₂chan₂ gua'₅₄ 'uē₃. ⁴ Jaun₂ ca₂ni₂ 'éi'₃ a₂tsá₃ dain₅₄ jmo₃ jui₁lia'₂ 'au₂ a₂cha₂ gua'₅₄ 'uē₃, on₃ guē'₂ 'i₁caun₂ a₂rē'₂ jui₁lia'₂ mog'₅₄ 'ma₂ a₂cha₂ nē₃. Bí₂ jaun₂ bá₄ ca₂ni₂, a₂jmo₃ dain₅₄ jmá'₃ lia'₂ dsa₂ i₂tsá₃ léi₄ quió'₅ Diú₄ le₁quian₅ chi₁quí₃. ⁵ La₁ tsá₃ 'éi'₃ jaun₂ ca₂ni₂ jua'₅₄ a₂co₂dsia₅ jme₃dsiain₂₃ dsa₂; a₂jnia'₅₄ con'₂ 'ē₃ jmi₁uig₅ ca₂lia'₂ ca₂dsin₃ 'niá₂ tsi'₂. Uig₅ a₂cuē₂₃ jaun₂ lē₅ lia'₂ lē₅ caun₂ uig₅ qui'₂ jui₁lia'₂ ja₁'í₅ i₁'né₅ quió'₅ dsa₂. ⁶ Jmi₄ jaun₂ qui₃'no'₂ dsa₂ 'mú₃, la₁ tsá₃ a₁jaun₂ dsio'₂. 'In₅ dsi₅ jua'₅₄ dsiáin₃ bá₄ co₂nei'₅₄, la₁ 'mú₃ nē₃, cuing₃ ja₁coin₂.

⁷ I₁ni'₂ 'éi₂ nē₃, jme₁lín₄ lia'₂ lín₅ dsi₂cua₁ i₂lē₅ co₂jnia₅₄ dsi₃lén₂ ne₄ 'nei₂. Mi₂dsi₅₄ guē'₂ nē₃ jme₁le₁quian₅ a₂lē₅ lia'₂ lē₅ coronas a₂lē₅ cu₄nióg₄. Dsi₂ne₄ guē'₂ jme₁lē₄ lia'₂ lē₅ dsi₂ne₄ dsa₂ mi₂güig₃. ⁸ Jni₂ dsi₅₄ guē'₂ nē₃, jme₁lē₄ lia'₂ lē₅ jni₂ dsi₄ dsa₂ mí₂. Mi₂jan₅₄ guē'₂ jme₁lē₄ lia'₂ lē₅ mi₂jan₄ 'ia'₂ león. ⁹ Guion₅₄ guē'₂ já'₂ qui₂rē₂lión₃ rē₂, lē₅ 'í₁ quian'₅₄ a₂lē₅ lia'₂ lē₅ ni₁ni₁. Mi'₅₄ a₂tó'₅ tsi₁rē₂cu₅ jē₁ma₂'in₂ nē₃, jme₁lē₄ jui₁lia'₂ lē₅ mi'₅₄ a₂tó'₅ 'lióng₂ n₁ carretas a₂'in₅ dsi₂cua₁ co₂'ei₅ ne₄ 'nei₂. ¹⁰ Ne₁con₅ a₂le₁dsi₅₄ guē'₂ nē₃, jme₁lē₄ jui₁lia'₂ lē₅ ne₁con₅ i₁'né₅ le₁dsi₅₄ táun₂. Jui₅ nei'₅₄ con₅ jaun₂, 'io₅ bí₂ a₂le₃jmái'₂ dain₅₄ dsa₂, con'₂ 'niá₂ tsi'₂. ¹¹ Ne₄ i₁ni'₂ 'éi₂ jme₁gon₂ jan₂ rag₅₄, i₂lín₅ ángel i₂niog₅ ne₄ ja₁ca₂jein₃ chi₁dsio₅₄. Jme₁chein₂ Abadón quian'₅₄ jág₁ jmei₅ hebreo. Le₃quian'₅₄ jág₁ jmei₅ griego guē'₂, chein₂ Apolión, co₂'nió'₄ i₂tē'₂ I₂qui₂'én₂.

¹² Le₂'uig₅₄ jmi₁uig₅ ma₂ca₂ηag₅; la₁ 'ei₅ guē₄ con'₂ guē₄ tin₃, a₂nē₅ guē₄ ηág₃ dsa₂.

¹³ Jaun₂ ca₂jéi₂ jē₁ca₂tē₂ jné₂ ángel n₁ quió'₅. Jaun₂ ca₂nag₃ jág₁ a₂'ia₂ jē₄ ta₁quén₂ gua₄ a₂le₁dsi₅₄ ne₄chei₂ a₂lē₅ cu₄nióg₄ a₂chí'₅ ne₄ Diú₄. ¹⁴ Ca₂juá'₂ ca₂tsi'₃ ángel i₂jē₁ca₂tē₂ jné₂ 'éi₂, i₂chan₂ n₁ trompeta, ca₂juá'₂:

—'Uin'₅₄ le₃quén₂ ángeles i₂le₁'ne'₅₄ cau₅ cuá₃ juē'₂ Eufrates.

¹⁵ Jaun₂ qui₂ca₂'uin'₂ le₃quén₂ ángeles 'éi₂ i₂jme₁lē₄ 'í₁ o₄quió'₄ hora la₂, jmi₄g₂ nē₃, tsi'₂ la₂, ni₂ la₂ nē₃, i₂jme₁lē₄ co₂jnia₅₄ ia₁jaun₂ i₂jme₁dsiain₂₃ ca₂qui'₅₄ quió'₅ 'ni₅ jui₁lia'₂ dsa₂ mi₂güig₃. ¹⁶ Jmá'₃ lia'₂ 'lióg₂ i₂co₂dsin₅₄ cua₁, tén₅ tin₃ 'niá₂-lón₂ millón. Ca₂nag₃ bá₄ jniá₂ 'a₂ con'₂ téin₅ lē₂.

† 8:11 Co₂'nió'₄ le₃juá'₅₄, caun₂ cosa a₂tsá₃ 'i₄ jme₂dsi₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. * 9:1 'Nio'₂ ja₁ton₅ Isaías 14:12-15; Lucas 10:18; Apocalipsis 12:9.

¹⁷ Le₂ně₅ bá₄ ca₂jág₃ a₂lě₁ca₂jág₃ jaun₂, qui₂ca₂jing₅₄ cua₁ quian'₅₄ dsa₂ i₂co₁dsag₅₄ 'éi₂. Le₁lióg₃ le₁dsi₅ dsa₂ jma₃cáun₃ a₂lě₅ 'í₁ a₂jniá₂ guéin₂, a₂lian₂, quian'₅₄ guě'₂ a₂nióg₂ lia'₂ nióg₂ azufre. Mi₂dsi₄ dsi₂cua₁ guě'₂ ně₃, jniá₂ lia'₂ jniá₂ mi₂dsi₄ 'ia'₂ león. Jui₅ mi₂o₅₄ guě'₂ ně₃ 'ia₂ si₂, 'ia₂ jme₁ñi₁, azufre ně₃. ¹⁸ Jaun₂ ca₂dsan₃ ca₂qui'₅₄ quió'₅ 'ni₅ jui₁lia'₂ dsa₂ mi₂güig₃ quian'₅₄ 'ni₅ jmi₁uig₅ a₂qui₂ca₂'uě₂ mi₂o₄ dsi₂cua₁ 'éi₂: a₂lě₅ si₂, jme₁ñi₁, quian'₅₄ azufre ně₃. ¹⁹ Ia₁ bí₂ a₂jme₁le₁quian₅ dsi₂cua₁ jme₁io₂₃ jui₅ mi₂o₅₄ quian'₅₄ jui₅ ne₁con₅ ně₃. Ia₁ jme₁lě₄ nei'₅₄ con₅ 'éi₂ lia'₂ lín₅ dsi₂mi'₂, a₂qui₂le₁dsi₅₄ mi₂dsi₅₄. Quian'₅₄ a₂jaun₂ jmo₂₃ dain₅₄. ²⁰ Dsa₂ i₂ca₂chón₂, i₂tsá₃ ca₂dsan₃ quian'₅₄ jmi₁uig₅ a₂qui₂ca₂lě₃ jaun₂, tsá₃ jua'₅₄ jaun₂ qui₂ca₂tí₂ 'e₂ jmo₅-dsáu₅ gu₂-tag₅₄, jua'₅₄ a₂tsá₃ ma₃chi₂lén'₂ je₂na'₅₄, on₃ guě'₂ qui₂ca₂tí₂ a₂tsá₃ ma₃jme₂jui₁n'₂ diú₄ lag₄ i₂lín₅ quian'₅₄ cu₄nióg₄ quian'₅₄ cu₄tio₂, quian'₅₄ ni₁ñi₁ nióg₂, quian'₅₄ ni₁cang₁, quian'₅₄ ni₁'ma₂ ně₃; on₃ i₂lě₂ ñi₃, on₃ i₂lě₂ dsia₃ jág₁, on₃ i₂lě₂ jág₃, on₃ guě'₂ lě₂ nag₃ ně₃. ²¹ On₃ guě'₂ qui₂ca₂tí₂ jua'₅₄ a₂tsá₃ ma₃jme₃dsiain₂₃ dsa₂ mi₂güig₃ riin'₅₄, on₃ guě'₂ qui₂ca₂tí₂ ta₁ a₂jme₁jmo₂₃ m'í₅ a₂chan₂ dsí₅.† On₃ guě'₂ qui₂ca₂tí₂ jua'₅₄ tsá₃ ma₃nió'₅ jág₁ a₂tsá₃ dsi₂ten₅₄ nió'₃, on₃ guě'₂ qui₂ca₂tí₂ jua'₅₄ a₂tsá₃ ma₃'ang₃ ně₃.

10

Mi₂si₂ pí'₁ rě₂bín₅

¹ Jaun₂ ca₂jing₅₄ táng₃ jan₂ ángel sián'₂, i₂'uan'₂ lín₃, ca₂jniai₃ já₅ ca₂sióin₃ guei'₅₄ i₂juíg₃, rě₂lióin₃ jnei₅ rě₂lag₄ lí₁ lia'₂ jniá₂ mi₂jo'₅₄ si₂ mi₂dsi₅₄. Jme₁tág₅ dsi₂ne₅₄ lia'₂ tág₅ 'iog₂; mi₂tag₅₄ guě'₂ ně₃, jme₁lě₄ lia'₂ lě₅ tag₄ dsi₅ ni₁'ia'₂, a₂tág₅ si₂. ² Jme₁chi₁chan'₂ caun₂ mi₂si₂ pí'₁ a₂rě₂bín₅, a₂rě₂na₄. Jaun₂ ca₂chi'₃ mi₂tag₅₄ ne₁ ne₄ jmi₁ñi'₄, tag₅₄ jen₅ guě'₂ ca₂chi'₃ ne₄ 'uě₃. ³ Jaun₂ ca₂guió'₃ tiá₂, lia'₂ jě₁'ñióg₁ 'ia'₂ león. Jaun₂ dsi₂jui₅ jme₁ca₂guió'₃, ca₂quia'₂ ta₁guio₃ ñi'₃, qui₂ca₂'uě'₃ jág₁ quió'₅. ⁴ Jme₁ma₂ně₂dsia₃ jág₁ ta₁guio₃ ñi'₃, jaun₂ guě'₄ jme₁ma₂taun₅₄ ne₄ si₂. La₁ ca₂né'₂ jág₁ a₂jág₃ guei'₅₄ i₂juíg₃, ca₂juá'₂ tság₅ jniá₂:

—Ma₄ jág₁ a₂ně₂juá'₂ guio₃ ñi'₃ ně₅, 'a₃ lě₁taun₂ de'₂ ne₄ si₂.

⁵ Jaun₂ ángel i₂ca₂jing₅₄, i₂chén'₅ chí'₅ caun₂ tag₅₄ ne₄ jmi₁ñi'₄ caun₂ guě'₂ tag₅₄ ne₄ 'uě₃, ca₂chóg'₃ gu₂ ne₁ jui₅ guei'₅₄ i₂juíg₃. ⁶ Jaun₂ ca₂juá'₂ ca₂'in₃ i₂chan₂ co₂tan₅₄, i₂ca₂jmo₃ ca₂dsia₃ mi₂güig₃, quian'₅₄ ca₂le₃jě₃ a₂tio'₅₄ ja₁jaun₂, i₂ca₂jmo₃ guei'₅₄ mi₂güig₃ quian'₅₄ ca₂le₃jě₃ a₂tio'₅₄ ja₁jaun₂, i₂ca₂jmo₃ jmi₁ñi'₄, quian'₅₄ ca₂le₃jě₃ a₂tio'₅₄ ja₁jaun₂; ca₂juá'₂:

—Tsá₃ ma₂uě₂ le₃'ag₄. ⁷ La₁ jě₁ma₂tě₂ jmi₁g₄ jě₁ma₂ca₂jéi₂ ángel i₂ca₂tě₂ guion₃ 'éi₂ ñi₁ trompeta quió'₅, jmi₁g₄ jaun₂ dé₄ dsón'₂ le₃ti₃ jág₁ a₂rě₂'ma₄ quió'₅ Diú₄, a₂ca₂'ě₂ ne₄ dsa₂ i₂jme₁'ě₂ jág₁ quiáin₅, i₂ca₂jme₃ti₃ ta₁ ne₅₄.

⁸ Jaun₂ jág₁ a₂ca₂nag₃ a₂jág₃ guei'₅₄ i₂juíg₃ jaun₂, ca₂juá'₂ táng₃ ca₂tság₃ jniá₂:

—Gua₂, o₂quian₂ mi₂si₂ pí'₁ a₂rě₂na₄ a₂chi₁chan'₂ ángel i₂chén'₅ ne₄ jmi₁ñi'₄, ne₄ gua'₅₄ 'uě₃.

⁹ Jaun₂ ñó₃ jniá₂ ja₁chén'₄ ángel, jaun₂ ca₂juíg₂ jniá₂ a₂cuě₃ mi₂si₂ pí'₁. Jaun₂ ca₂juá'₂ 'éi₂ ca₂tság₃ jniá₂:

—Ján'₅, tio'₂ mi₂o'₅₄ co₂dsia₅ jme₁dsia₂ qué'₂. A₂jma₂ rau₂ bá₄ ně₅, la₁ jě₁ma₂dsióg₃ tē₂'au'₂, le₃dsi'₃ bá₄.

¹⁰ Jaun₂ ca₂tíng₂ si₂ a₂ca₂cuě₃ ángel 'éi₂. Jaun₂ ca₂tó'₃ mi₂o₃. Dsón'₂ bá₄ ráu₂ 'ñio₅ lín₃, lě₅ lia'₂ lě₅ jmi₁tá'₄. La₁ jme₁ma₂ně₂nág'₃ jniá₂ ně₃, ca₂rě₃lěi₄ 'e₂ bá₄ dsi'₃ ca₂dsióg₃ tē₂dsi₃.

¹¹ Jaun₂ ca₂juá'₂ ca₂tság₃ jniá₂:

—Tion₅₄ 'nió'₅ o₁'ě'₃ bá₄ táng₃ 'ne₂ jág₁ ne₄ ca₂le₃jín₃ ne₅₄ dsa₂, ne₄ 'lióng₂ juig₂, ne₄ 'lióng₂ jág₁ jmei₅, ne₄ juin₅ rag₅₄ ně₃.

11

Le₃on₃ dsa₂ i₂jáng'₅ jág₁ dsau₅

† 9:21 griego: farmakeía.

¹ Jaun₂ ca₂ñig₂ ca₂'nau₅₄ 'ma₂ta₅ a₂lě₅ lia'₂ lě₅ ni₁'ma₂ a₂quiog₂ dsa₂ 'éi'₃. Jaun₂ ca₂nag₃ ca₂juá'₂:

—Nau₂, o₂quiog₂ 'éi'₃ quió'₅ guá'₅ quió'₅ Diú₄, o₂quiog₂ 'éi'₃ ne₄chei₂ ně₃. O₁'én₁ dsa₂ i₂tón'₅ jme₂juin'₂ Diú₄ ja₁jaun₂. ² Tsá₃ cán'₁ 'éi'₃ i₁dsi₅ guá'₅ a₂lě₅ le₃ca₁'né₄, ia₁ a₂ma₂lě₅ quió'₅ dsi₂nau₂ bá₄ ja₁jaun₂; jaun₂ 'éi₂ bá₄ dsa₂ i₂qui₃tsó'₃ ta₁caun₂ juig₂ jñi₅ jaun₂ con'₂ ca₂dsin₃ tē₂láu₃-tin₃ tsi'₂. ³ Tsin₅₄ bá₄ jniá₂ on₃ dsa₂ i₂jáng'₅ jág₁ dsau₅ o₄quió'₃, a₂qui₃ 'ě₂ jág₁ caun₂ mei₅ rē₂dsí₂ tin₃ 'ñiá₂-láu₂ rē₂dsí₂ 'nag'₂ ne₂guiog₂ (1260) jmig₄, le₁qui'₂ 'mí'₂ lia'₂ jui₁lia'₂ a₂quí'₅ dsa₂ ja₁ron₅ 'lag₄.

⁴ Co₂'nió'₄ dsa₂ on₃ i₂jáng'₅ jág₁ dsau₅, lě₅ co₂'nió'₄ tin₃ ni₁'ma₂ olivos, quian'₅₄ guē'₂ tin₃ tag₄ ja₁le₁guí'₂ si₂, a₂tióng₂ ne₄ Te₁gui'₅₄ i₂lín₅ juig₅₄ gua'₅₄ 'uē₃. ⁵ Nē₁jua'₂ 'ein₂ 'nio₃ jmóg'₂ dain₅₄, la₁ quian'₅₄ si₂ a₂'uē'₅ 'o₄ bá₄ 'éi₂ co₂dsia₅ dság'₂ dsiin'₂ ca₂le₃jín₃ i₂'iog₅₄. Jaun₂ le₂ně₅ bá₄ ca₂tín₂ dsián₃ jui₁lia'₂ i₂'nio₃ jmá'₂ dain₅₄ 'éi₂. ⁶ I₂jáng'₅ jág₁ dsau₅ 'éi₂ ně₃ 'io₃ bí₂ a₂lě₂ jnéi₂ guei'₅₄ mi₂güig₃ ia₁jaun₂ tsá₃ ma₃lě₂ téin₃ jmí₅ ca₂le₃jě₃ jmig₄ tē₁lia'₂ tē₂i₃nioi₅₄ qui₃'ě₂ jág₁ o₄quió'₄ Diú₄. Jaun₂ 'io₃ bí₂ ján₃ a₂lě₂ le₃jmo₃ lě₂ jmi₂ jui₁lia'₂ jmig₂, a₂lě₂ qui₃cuē₃ ca₂le₃jě₃ ne₅₄ jmi₁uig₅ ne₄ gua'₅₄ 'uē₃ i₂gú'₃ ráun₂ 'a₂ con'₂ jñiá'₅₄ 'nio₃. ⁷ La₁ jē₁ma₂dsan₃ ta₁ quió'₅ 'éi₂ ně₃ a₂qui₃jáng'₃ jág₁ dsau₅, jaun₂ guē₄ o₃'in₅ Já₂ 'Lin'₅₄* ja₁ca₂jein₃ chi₁dsio₅₄. 'Éi₂ guē₄ cuē₃, jo₅₄, jme₃dsiog₂₃. ⁸ Jē₄ calle juig₂ dsen₅₄ jaun₂, le₁gain'₅₄ le₁'lin₁₂ lě₂, co₂'nió'₄ ja₁chei₂ quian'₅₄ jág₁ jáng'₅ léi₄, Sodoma quian'₅₄ Egipto, ján₃ bá₄ ja₁ca₂tion₃ dsa₂ cróg₄ Te₁gui'₅₄ quiáin₅.† ⁹ Con'₂ 'ni₅ jmig₄ rē₂tón₂ con'₂ dsi₃ñí'₃, ca₂le₃jín₃ dsa₂ chan₂ le₂con₂ juig₂, ca₂le₃jín₃ ne₅₄ dsa₂, ca₂le₃jě₃ ne₅₄ jag₄ dsa₂, jág₃ jín₂ 'lag₄ 'éi₂. La₁ tsá₃ 'ein₂ ηe₂ jmig₄ jua'₅₄ a₂dsi₃'ó₃. ¹⁰ Ca₂le₃jín₃ dsa₂ i₂chan₂ guē₄ gua'₅₄ 'uē₃, 'ñio₅ tóin₃ jmo₃ 'io'₂ o₄quió'₄ 'éi₂, jmo₃ jmig₄ a₂cha₂ qui₂dsi₃can₅ cuē'₃ riin'₅₄. Ia₁ dsa₂ on₃ quián₅ Diú₄ i₂ca₂dsan₃ 'éi₂, 'ñio₅ lín₃ jme₁le₁quian₅ jmi₁uig₅ ja₁con₂ dsa₂ i₂chan₂ gua'₅₄ 'uē₃. ¹¹ La₁ jme₁ca₂dsin₃ 'ni₅ jmig₄ tón₂ con'₂ dsi₃ñí'₃ jaun₂, Diú₄ ně₃ ca₂tó'₂ táng₃ jme₂dsí₂ quió'₅ dsa₂ 'éi₂, jaun₂ qui₂ca₂nau₂ táng₃. Jaun₂ ca₂i₃gó'₃ dsí₅ 'ñio₅ lín₃ dsa₂ i₂ca₂jág₂. ¹² Jaun₂ qui₂ca₂nág₂ jág₁ tiá₂ a₂já₅ jui₅ guei'₅₄ i₂juíg₃ a₂ca₂juá'₂:

—I₂nó'₅ 'nia'₂ guei'₅₄ la₂.

Jaun₂ ca₂i₃léin₂ jui₅ guei'₅₄ i₂juíg₃ rē₂lióin₃ jnei₅, tē₃ jág₅ jaun₂ dsa₂ i₂jme₁'iog₅₄. ¹³ Hora jaun₂ dé₄ ca₂i₁bi₅₄ 'uē₃ tiá₂ lín₃. Jaun₂ qui₂ca₂gon₃ ca₂qui'₅₄ quió'₅ guia₃ juig₂ ciudad. Guio₃ mei₅ dsa₂ i₂ca₂dsan₃ jme₁ca₂jě'₂ 'uē₃. Dsa₂ i₂ca₂chón₃ guē₄ ně₃, qui₂ca₂can₃ juē'₅ dsí₅ 'ñio₅ lín₃. Ca₂jme₃juin'₂ Diú₄ i₂guá₅ guei'₅₄ i₂juíg₃.

¹⁴ Jaun₂ co₂ně₅ ca₂lě₃ jē₁ca₂tě₂ tin₃ jmi₁uig₅ a₂ca₂i₃ñí₂ dsa₂ jaun₂. La₁ ñi'₅₄ ta₁ jiá₃ táng₃ jē₁ca₂tě₂ 'ni₅.

Jē₁ca₂tě₂ guio₃ trompeta

¹⁵ Jaun₂ ca₂jéi₂ táng₃ jē₁ca₂tě₂ guion₃ ángel ñí₁ quió'₅, jaun₂ qui₂ca₂né'₂ jág₁ guei'₅₄ i₂juíg₃ qui₂i₁juá'₄ tiá₂ lín₃:

Ja₁gon₂ dsa₂ mi₂güig₃ ne₄ gua'₅₄ 'uē₃,

ma₂ca₂lě₃ ja₁gon₂ Te₁gui'₅₄ quián₂ jniog₄,

ja₂gon₂ dsa₂ I₂rē₂'ín₁ quiáin₅ ně₃.

Jaun₂ 'éi₂ bá₄ i₂gon₃ ca₂lia'₂ co₂tan₅₄.

¹⁶ Jaun₂ ta₁guión₂-quén₂ i₂lín₅ dsa₂ can'₅₄ i₂tián'₅ ne₄ta₁ quió'₅ ne₄ Diú₄, qui₂ca₂tóin₂ tē₂ 'uē₃ rē₂'éin₂ co₂ñei'₅₄, ca₂jme₃juin'₂ Diú₄, ¹⁷ qui₂ca₂juá'₂:

Cuē₂ jniá'₅₄ ti₁'mag'₄ 'ne₂,

Te₁gui'₅₄ Diú₄ i₂'Uan'₂ guē₄ lín₃,

'ne₂ bá₄ i₂lín'₅, 'ne₂ i₂jme₁lín'₄,†

ia₁ ma₂ca₂jme₁'ñi₅'ó'₂ 'ne₂ bí₂ juē'₂ quiáng'₂,

* **11:7** 'Í Apocalipsis 13; 'Nio'₂ ja₁ton₅ Apocalipsis 20:2-3 ján₃. † **11:8** A₂lín₅₄ chog₅₄ si₂: “Te₁gui'₅₄ quián₂.” ‡ **11:17** A₂lín₅₄ chog₅₄ si₂ juá'₂ ján₃: “ne₂ bá₄ i₂lén'₂ ján₃.”

ma₂ca₂jme₁lióg₄ gong'₂.
 18 Jme₁qui₂nau₂ 'nei₂ juig₂ gua'₅₄ 'uë₃,
 la₁ nē₃ guē₄ já₅ 'nei₂ a₂ 'i₄ 'au'₂,
 ia₁ ma₂ca₂tē₂ jmi₄ a₂qui₁dsi'₂ 'éi'₃ ja₁con₂ 'lag₄.
 Ton'₂ ca₂tē₂ jmi₄ ja₁qui'₅₄ 'lian'₅₄ dsa₂ quiáng'₂
 i₂ca₂jme₃ti₃ ta₁ ne'₅₄
 i₂qui₂ma₂'ē₂ já₁ quiáng'₂.
 Le₂jaun₂ guē'₂ i₂jme₂go₃ 'a₂ lia'₂ lín'₅ 'ne₂
 lia'₂ dsa₂ can'₅₄, lia'₂ dsa₂ me'₂.
 Ján₃ guē'₂ ca₂tē₂ jmi₄ a₂'éng'₄
 jui₁lia'₂ i₂qui₂'én₂ ne₄ gua'₅₄ 'uë₃.
 19 Jaun₂ guē₄ ca₂niá₃ dsi₂néi₂ guá'₅ quió'₅ Diú₄ guei'₅₄ i₂juíg₃. Ca₂jnia₃ tsi₁gu₅ quió'₅ já₁
 a₂li'₅₄ quian'₅₄ Diú₄ dsi₂néi₂ guá'₅ quió'₅. Tē₃jē₄ jaun₂ qui₂ca₂lē₃ si₁ní'₃, qui₂ca₂né'₂ já₁,
 qui₂ca₂quia'₂ ní'₃, qui₂ca₂i₁bi₅₄ 'uë₃, qui₂ca₂séi'₂ dsí₅ ca'₅₄.

12

Jan₂ dsa₂ m'í₂ quian'₅₄ cua₁ dragón

1 Jaun₂ ca₂jnia₃ guei'₅₄ i₂juíg₃ caun₂ léi₄ juē'₂ a₂dsi₃gó'₃ dsi₅: jan₂ 'io₅₄ i₂rē₂lión₃ co₂tág₅
 lia'₂ jniá₂ 'iog₂. Le₃né'₃ ja₁chéin'₄ ton₅ tsi'₂. Caun₂ guē'₂ corona 'i₄ dsi₅₄, le₁ton₅ guia₃-
 tín₂ nei₅. 2 'Io₅₄ 'éi₂ quiaín₂₃ guein₂, a₂guió'₅ co₂mi'₅₄ a₂chain₂ uig₅ a₂le₃chan₂ guein₂.
 3 Jaun₂ guē₄ ca₂jnia₃ léi₄ siá'₂ táng₃ guei'₅₄ i₂juíg₃: jan₂ cua₁ dragón* guén₂ i₂pan₅₄ lín₃
 i₂quian₅ guio₃ mi₂dsi₄ quian'₅₄ guia₃ mi₂juí₁. Jma₃caun₃ corona tio'₅₄ lia'₂ ca₂míg₂ mi₂dsi₅₄.
 4 Quian'₅₄ ne₁con₅ já'₂ 'éi₂ qui₂ca₂tsé'₃ ca₂qui'₅₄ quió'₅ 'ni₅ jui₁lia'₂ nei₅ i₂jme₁le₁'ín₄ guei'₅₄,
 jaun₂ qui₂ca₂guiaín₃ ne₄ gua'₅₄ 'uë₃. Jaun₂ ca₂nau₂ cua₁ dragón ne₄ 'io₅₄ i₂jē₁ca₂rē₃chán₃
 guein₂, ia₁jaun₂ quiín₂ guein₂ dsi₂jui₅ jē₁ma₂ca₂rē₃chán₃. 5 Ca₂rē₃chán₃ rē'₂ guein₂ quiáín₅,
 jan₂ guein₂ dsa₂ ηē'₂ i₂'i₄ 'éi'₃ gon₃ ne₄ ca₂le₃jē₃ juig₂ quian'₅₄ 'ma₂'i₅₄ a₂lē₅ ni₁ηí₁ 'ua'₂. † Jaun₂
 ca₂jnia₃ bá₄ guein₂ 'éi₂ ca₂tág₃ Diú₄ i₃guá₃ ne₄ta₁ quió'₅. 6 Jaun₂ ca₂cuing₃ 'io₅₄ jui₅ 'uë₃
 quein₂ co₂ηiog₅ ja₁ma₂lē₅ co₂jñia₅₄ quió'₅ Diú₄, ia₁jaun₂ le₃tain₅₄ ca₂lia'₂ ca₂dsin₃ caun₂ mei₅
 rē₂tón₂ tin₃ 'hiá₂-láu₂ rē₂dsí₂ 'nag'₂ ne₂guióg₂ (1260) jmi₄.

7 Jaun₂ ca₂lē₃ 'nei₂ guei'₅₄ i₂juíg₃: ca₂jmo₃ 'nei₂ Mi₂gue₅₄ quiaín₅₄ ángeles quiáín₅,
 ca₂quíín₂ ca₂cuē'₃ cua₁ dragón. Ján₃ guē'₂ le₂jaun₂ ca₂jéin₃ dragón quiaín₅₄ ángeles quiáín₅.
 8 La₁ tsá₃ ca₂tió'₃, jaun₂ tsá₃ ma₃ja₁ca₂rē₃chá₃ guē₄ ja₁cuín₅ jmi₄ tóin₃ guei'₅₄ i₂juíg₃. 9 Jaun₂
 ja₁jaun₂ ca₂jñia₃ cau₅ dragón juín₂ 'éi₂, dsi₂mi'₂ gui'₅₄ i₂jme₁chan₂ ma₂líg₂, i₂tē'₂ i₂sē₃dsen₃,
 i₂chen₂ Satanás nē₃, i₂jme₂gan₅ dsa₂ ta₁caun₂ mi₂güíg₃. Ca₂i₃gain₅₄ ca₂tē₂ gua'₅₄ 'uë₃, lia'₂
 jma₃quiaín₅₄ ángeles quiáín₅. ‡

10 Jaun₂ ca₂né'₂ já₁ tiá₂ guei'₅₄ i₂juíg₃, i₁juá'₄:
 Nē₃ guē₄ ca₂tē₂ jmi₄ quió'₅ Diú₄ a₂lión₂ dsa₂,
 ca₂dsióg₃ jmi₄ ja₁lē₂ jui₅bí₂ 'éi'₃ quió'₅ Diú₄ quián₂
 a₂gon₂ 'éi₂ quiaín₅₄ I₂rē₂'ín₁ quiáín₅.
 Ia₁ ca₂guiaín₃ 'uë₃ i₂jme₁bóg'₂ dso₄ quió'₅ rin'₅₄ jniog₄
 le₃ne₄ Diú₄ lia'₂ 'uë₂-jmi₂.

11 Ca₂tió'₃ bá₄ 'éi₂
 tē₂le₃ quian'₅₄ jmi₂ 'an₅₄ Guein₂ Já'₂ Cha'₂,
 tē₂le₃ quian'₅₄ já₁ dsau₅ nē₃
 a₂ma₂qui₂ma₂jáng'₃ 'éi₂;

* 12:3 griego: drakón (dsi₂mi'₂). † 12:5 'Nio'₂ ja₁ton₅ Salmo 2:9. ‡ 12:9 'Nio'₂ ja₁ton₅ Isaías 14:12-15; Lucas 10:18; Apocalipsis 9:1.

ia₁ tsá₃ ca₂dsán₃ dsí₅ jme₂dsí₂ quió'₅
o₁jñia'₅₄ ca₂dsain₃.

¹² Jaun₂ lë₃, 'io'₂ jmo₄ 'nia'₂ i₂juíg₃,
quian'₅₄ guë'₂ 'nia'₂ i₂tián'₅ ja₁jaun₂.
jLa₁ 'e₂ guë₄ juíg₂ jui₁lia'₂ i₂chan₂ gua'₅₄ 'uë₃,
quian'₅₄ guë'₂ i₂chan₂ né'₃ jmi₁ñí'₄!
Ia₁ ma₂sión₃ i₂së₃dsen₃ ja₁con'₂ 'nia'₂;
ma₂'i₄ 'nei₂ dsí₅, ia₁ ma₂ñi₅ rë₂ bá₄,
ca₂juig₄ jmá'₅ jmig₄ cha₂ guë₄ quió'₅.

¹³ Jme₁ca₂rë₃lí'₄ dragón a₂ma₂ñó₅ jui₅ gua'₅₄ 'uë₃, jaun₂ 'éi₂ në₃ ca₂'ein₃ 'io'₅₄ i₂ca₂rë₃chán₃
guein₂ dsa₂ ñe'₂ quián₅. ¹⁴ La₁ 'io'₅₄ 'éi₂ në₃, ca₂ñi₂ tsi₁rë₂cu₅ ca₁ca'₅₄ a₂lë₅ lia'₂ lë₅ tsi₁rë₂cu₅
i₁mig₂, ia₁jaun₂ 'iin₃ jui₅ ja₁quió'₄, ja₁lë₄ 'uë₃ quein₂ co₂ñiog₅, ja₁lë₄ 'í₁ 'ni₅ ñi₂ tē₂ ca₂jau₅₄
le₃ne₄ dsi₂mi'₂. ¹⁵ Jaun₂ ca₂'uë'₃ dsi₂mi'₂ jmig₂ jui₅ mi₂'o₅₄, nē₂jag₄ bá₄ caun₂ cuá₃ juë'₂,
ia₁jaun₂ dsi₃ñi₃ 'io'₅₄ 'éi₂ quian'₅₄ jmig₂. ¹⁶ La₁ ca₂jme₃'o₅₄ gua'₅₄ 'uë₃, ca₂jme₃'oin₅₄ 'io'₅₄,
ca₂niá₃ 'uë₃ ca₂nág'₃ jmig₂ cuá₃ jaun₂ a₂ca₂'uë'₃ dragón jui₅ mi₂'o₅₄. ¹⁷ Jaun₂ ca₂rë₃'né₃
dragón le₃ja₁con₂ 'io'₅₄, jaun₂ ñei₅₄ i₁quiin'₅₄ quian'₅₄ tsi₁jon₂ i₂ca₂chón₃ quián₅ 'io'₅₄, co₂'nió'₄
i₂jme₂ti₃ 'éi'₃ quió'₅ Diú₄ i₂le₁quian₅ jág₁ dsau₅ quió'₅ Jesús nē₃.

¹⁸ Jaun₂ ca₂nau₂ 'éi₂ chei'₅₄ jmi₁ñí'₄.§

13

Le₃on₃ Já'₂ 'Lin'₅₄

¹ Jaun₂ ca₂jág₃ ca₂'ñio₂ ne₄ jmi₁ñí'₄ jan₂ já'₂ i₂jniá₂ gau₂ jmá'₅, i₂le₁dsi₅₄ guio₃ mi₂dsi₄, guia₃
guë'₂ mi₂juí₁. Ne₄ mi₂juí₁ nē₃, jme₁le₁dsi₅₄ guia₃ coronas. Ne₄ mi₂dsi₅₄ nē₃, jme₁le₁ton₅
jág₁ lia'₂ chein₂ a₂jmo₂₃ a₂lín₅ Diú₄. ² Jme₁lín₄ já'₂ i₂ca₂jing₅₄ 'éi₂ lia'₂ lín₅ dsi₂'ia'₂ leopardo.
Le₁dsi₅₄ mi₂tag₅₄ lia'₂ lë₅ gu₂-tag₄ oso. Mi₂'o₅₄ guë'₂ lë₅ lia'₂ lë₅ mi₂'o₄ 'ia'₂ león. Ca₂cuë₃ dragón
jui₅bí₂ ca₂cuë'₃ já'₂ 'éi₂ lia'₂ jma₃quian'₅₄ ne₄ta₁ quió'₅ nē₃, a₂qui₃dsi₂₃ 'éi'₃ a₂'uain'₂ lín₃.
³ Ca₂míg₂ mi₂dsi₄ Já'₂ 'Lin'₅₄ 'éi₂, lë₅ lia'₂ lë₅ a₂rë₂cuí'₃ 'ñio₅ lín₃, lë₅ nē₂jag₄ bá₄ a₂chain₂ join₅₄.
La₁ia₁ ca₂'láu₂ bá₄. Ta₁caun₂ mi₂güig₃ bá₄ ca₂jgó'₃ dsí₅ dsa₂, ca₂'ein₃ Já'₂ 'Lin'₅₄ 'éi₂. ⁴ Jaun₂
ca₂jme₃juag'₂ dsa₂ ca₂jme₃juin'₂ dragón, ia₁ ca₂cuë₃ 'éi'₃ ca₂cuë'₃ Já'₂ 'Lin'₅₄. Ca₂jme₃juin'₂
Já'₂ 'Lin'₅₄ nē₃, qui₂ca₂juá'₂ ca₂tóin'₂:

—¿'Ein₂ chan₂ i₂lín₅ lia'₂ lín₅ i₂nē₅? —'iin₂₃ Já'₂ 'Lin'₅₄ 'éi₂—. ¿'Ein₂ bá₄ tió'₅ jmo₃ 'nei₂
ja₁coin₂?

⁵ Ján₃ bá₄ ca₂ñi₂ jág₁ a₂le₃róin₂ a₂qui₃jmo₃ a₂lín₅ Diú₄; ca₂ñi₂ bí₂ nē₃ a₂qui₃dsi₂₃ 'éi'₃ con'₂
tē₂láu₃-tín₃ tsi'₂. ⁶ Jaun₂ ca₂jáin₃ mi₂'o₅₄, ca₂ton₃ 'lig'₅₄ le₃quió'₅ Diú₄. Ca₂ton₃ rē'₂ 'lig'₅₄ ca₂'ë₃
ja₁guá₄ Diú₄; ca₂'iin₃ rē'₂ ca₂lia'₂ i₂tion'₅₄ guei'₅₄ i₂juíg₃ nē₃. ⁷ Ca₂ñi₂ bá₄ jmig₄ a₂jmo₃ 'nei₂
ja₁con₂ dsa₂ i₂tén₅ le₃quió'₅ Diú₄, * a₂jo₃ nē₃; ca₂ñi₂ bí₂ a₂qui₃dsi₂₃ 'éi'₃ ne₄ quió'₅ ca₂le₃jë₃
tsi₁jon₂, ca₂le₃jë₃ go₄ dsa₂, ca₂le₃jë₃ jág₁ jmei₅, ca₂le₃jë₃ juig₂ nē₃. ⁸ Jme₃juag'₂ ca₂le₃jín₃ dsa₂
i₂chan₂ gua'₅₄ 'uë₃ jme₃juin'₂ Já'₂ 'Lin'₅₄ 'éi₂: ca₂le₃jín₃ i₂con'₂ tsá₃ le₁ton₅ ne₄ si₂ rë₂bín₅
a₂le₃chan₂ dsa₂, a₂ron₅ quió'₅ Guein₂ Já'₂ Cha'₂, i₂jme₁ma₂'i₄ 'éi'₃ a₂jñag'₃ dsa₂, ca₂le₃ ca₂nio₃
mi₂güig₃.

⁹ Nē₂jua'₂ 'ein₂ le₁dsi₅₄ rë₂gua₄, rë₂ jui₁nei₅₄.

¹⁰ Jui₁lia'₂ i₂jñia₅ dsa₂ jui₅ né'₃ má₃,
ján₃ bá₄ jui₅ né'₃ má₃ dsi₃lén₂;
jui₁lia'₂ dsa₂ i₂jme₂dsian₅ dsa₂ quian'₅₄ ñi₁tág₂,

§ 12:18 A₂lín₅₄ chog₅₄ si₂, 'nió'₄ a₂jme₁ton₅ versículo 18, juá'₂ le₂la₂: “Jaun₂ ca₂no₃ chei'₅₄ jmi₁ñí'₄”, a₂chi₁ton₅ jë₁le₂'uig₅₄
Capítulo 13. * 13:7 lit. “ja₁con₂ dsa₂ jñió₅.”

quian'₅₄ ŋi₁tág₂ dsiáin₃.†

'Uig₅₄ ně₅ ně₃, ca₂le₃jín₃ i₂tén₅ le₃quió'₅ Diú₄, 'nió'₅ jmo₃ tió'₃ dsí₅, a₂tsá₃ qui₂dsi₃uín₂ a₂'éin₂.

11 Cang₂ jaun₂ ca₂jín₄ táng₃ jniá₂ jan₂ já'₂ 'lin'₅₄ sián'₂, ca₂'ŋioi₂ ne₄ gua'₅₄ 'uě₃. 'Éi₂ ně₃ jme₁le₁dsi₅₄ tin₃ mi₂juí₁ lia'₂ lě₅ mi₂juí₁ jan₂ guein₂ já'₂ cha'₂. La₁, lia'₂ lě₅ jág₁ quió'₅ dragón bá₄, jme₁lě₄ jág₁ quió'₅. 12 Co₂jaun₂ bá₄ jme₁'io₂₃ bí₂ ján₃, jui₁lia'₂ Já'₂ 'Lin'₅₄ i₂le₂'uig₅₄, a₂qui₃dsi₂₃ 'éi'₃ o₄quió'₄; chi₃quióng₂ jmig₄ jme₃juag'₂ ta₁caun₂ mi₂güig₃ quian'₅₄ i₂chan₂ ja₁jaun₂, jme₃juin'₂ Já'₂ 'Lin'₅₄ i₂le₂'uig₅₄ i₂ca₂'lón₂ i₂jme₁rě₂cuín'₃ 'éi₂. 13 'Lióng₂ léi₄ juě'₂ a₂o₂dsain₂ ca₂jmo₃ ján₃. Ca₂jmo₃ ca₂tá'₂ si₂guei'₅₄ mi₂güig₃ ně₃, ca₂jmo₃ tě₃ne₄ dsa₂ mi₂güig₃. 14 Tě₂le₃ quian'₅₄ léi₄ juě'₂ a₂ca₂jmo₃ o₄quió'₄ i₂'lin'₅₄ i₂le₂ne₁ 'éi₂, ca₂jme₃gain₂₃ dsa₂ i₂chan₂ gua'₅₄ 'uě₃. Ca₂jmo₃ 'éi'₃ a₂chi'₃ dsa₂ caun₂ nió'₄ quió'₅ Já'₂ 'Lin'₅₄ i₂jme₁rě₂cuín'₃ quian'₅₄ ŋi₁tág₂ i₂ca₂'lón₂ 'éi₂. 15 Ca₂ŋi₂ bí₂ a₂toin'₂ jme₂dsí₂ nió'₄ quió'₅ Já'₂ 'Lin'₅₄, ia₁jaun₂ juá'₂ jág₁, ia₁jaun₂ jme₃dsiain₂₃ ca₂le₃jín₃ i₂tsá₃ gue₃ jme₃juin'₂ nió'₄ quió'₅ 'éi₂. 16 Ca₂chi₃quiáin₂ jmig₄ lia'₂ dsa₂ can'₅₄ lia'₂ dsa₂ me'₂, lia'₂ dsa₂ i₂cha₂ cu₄ lia'₂ dsa₂ te₂ŋé₂, lia'₂ dsa₂ i₂jme₂ti₃ ta₁ ne₄ juig₅₄ lia'₂ dsa₂ i₂tsá₃ 'ein₂ ne₄ jme₂ti₃ ně₃, a₂guein₃ léi₄ dso'₂ gu₂ ne₁, o₃ chi₁quí₃ 'e₂. 17 Jaun₂ tsá₃ ma₃lé₂ lá₃ 'i₁jan₂, on₃ guě'₂ ma₃lé₂ 'nag₃, jua'₅₄ tsá₃ lín₅ léi₄, o₃ tsá₃ le₁quian₅ jág₁ lia'₂ chen₂ Já'₂ 'Lin'₅₄, o₃ tsá₃ le₁quian₅ número quió'₅ lia'₂ chein₂. 18 Le₂la₂ bá₄ jág₁ a₂ŋí'₂ dsí₅: jui₁lia'₂ dsa₂ i₂'i₄ jág₁, jui₁chein'₄ cuentas 'a₂ lia'₂ lě₅ número quió'₅ Já'₂ 'Lin'₅₄. Ia₁ número quió'₅ dsa₂ mi₂güig₃ bá₄ jaun₂. Le₂la₂ lě₅ número quió'₅: jŋéi₂ 'ŋiá₂-láu₂ rě₂dsí₂ 'nag'₂ ne₂guióg₂ rě₂dsí₂ jŋéi₂ (666).

14

Canto a₂ca₂'ě₃ caun₂ 'ŋiá₂-lón₂ rě₂dsí₂ tě₂láu₃-quén₂ mei₅ (144,000) dsa₂

1 Cang₂ jaun₂ ca₂jing₅₄ táng₃ Guein₂ Já'₂ Cha'₂ jniái₂ chéin'₅ ne₄ Má'₂ Sión, quian'₅₄ caun₂ 'ŋiá₂-lón₂ rě₂dsí₂ tě₂láu₃-quén₂ mei₅ dsa₂ i₂jme₁le₁quian₅ léi₄, i₂le₁ton₅ chi₁quí₃ lia'₂ chen₂ Guein₂ Já'₂ Cha'₂ quian'₅₄ 'a₂ lia'₂ chen₂ Jmei₂ ně₃. 2 Jaun₂ guě₄ ca₂nag₃ caun₂ mi'₅₄ a₂já₅ guei'₅₄ i₂juig₃, a₂lě₅ ně₂jag₄ bá₄ caun₂ la'₅₄ juě'₂ lin₃, * ton'₂ ně₂jag₄ bá₄ ja₁dein₅ quia'₂ tiá₂ lin₃ ŋí'₃. Mi'₅₄ a₂ca₂nag₃ jaun₂ ca₂né'₂ jui₁lia'₂ ja₁jmo₅ dsa₂ son₅₄ quian'₅₄ tsi₁ton₅ arpas † quió'₅. 3 Qui₂i₁'ě₂₃ caun₂ canto 'mí₂ ne₄ ne₄ta₁, ne₄ le₃quén₂ já'₂, ne₄ gui'₅₄ can'₅₄ ně₃. Ca₂lia'₂ 'i₁jan₂ dsa₂ sián'₂ tsá₃ 'ein₂ lé₂ le₃tin₂ son₅₄ a₂'ě₅ dsa₂ jaun₂, jmá'₃ lia'₂ dsa₂ 'ŋiá₂-lón₂ rě₂dsí₂ tě₂láu₃-quén₂ mei₅ i₂rě₂'lian'₅₄ ne₄ gua'₅₄ 'uě₃ 'éi₂ bá₄. 4 Ca₂le₃jín₃ dsa₂ 'éi₂ i₂tsá₃ ca₂rě₃'iog₅ jme₂dsí₂ quió'₅ quian'₅₄ 'io₅₄ 'lin'₅₄, ia₁ qui₂ma₂ca₂rě₃cháin₃ ja₂léin₂ le₁jín₃. Quian'₅₄ bá₄ Guein₂ Já'₂ Cha'₂ jui₁'a₂ guě₃ ja₁dsó₃ 'éi₂. Qui₂le₁'liain₅₄ tě₂le₃ jin₄ dsa₂ mi₂güig₃, co₂'nió'₄ i₂le₂'uig₅₄ i₂rě₂jen'₅₄ le₃ne₄ Diú₄, le₃ne₄ Guein₂ Já'₂ Cha'₂ ně₃. 5 'I₁caun₂ jág₁ tě₂jág₁ tsá₃ ca₂'uě₂ mi₂'o₄ 'éi₂; tsá₃ dso₄ qui₂rě₂cáin'₄.†

Jág₁ quió'₅ le₃ún₂ ángeles

6 Jaun₂ ca₂jing₅₄ táng₃ jan₂ ángel sián'₂ a₂ŋi₂₃ dsi₂jo₂ dsi₄ güig₂, i₂quian₅₄ jág₁ dse₃ a₂le₃chan₂ dsa₂ co₂tan₅₄, já₅ ja₂'ě₃ ja₂chi'₅₄ dsa₂ i₂tián'₅ ne₄ gua'₅₄ 'uě₃: ca₂le₃jě₃ juig₂, ca₂le₃jě₃ tsi₁jon₂ dsa₂, ca₂le₃jě₃ jág₁ jmei₅, ca₂le₃jě₃ go₄ dsa₂; 7 i₁juá'₄ tiá₂:

—Jme₁gan₃ 'nia'₂ Diú₄; jme₁juin'₂ 'nia'₂ 'éi₂. Ia₁ ma₂gua₅ hora a₂qui₃dsi₂₃ 'éi'₃. Jme₁juin'₂ 'nia'₂ i₂ca₂jmo₃ guei'₅₄ mi₂güig₃ quian'₅₄ gua'₅₄ 'uě₃, jmi₁ŋí'₄ ně₃, quian'₅₄ guě₄ ca₂le₃jě₃ o₄tu₁ jmig₂.

8 Chi₁quín₃ guě₄ jaun₂ ján₃, ca₂já₃ jan₂ ángel sián'₂ i₂ca₂juá'₂:

† 13:10 o₃, “Chi₂jua'₂ chan₂ i₂'i₄ 'éi'₃ jnéi₂ dsa₂, jui₅ né'₃ 'má₃ bá₄ dsó₃; chi₂jua'₂ chan₂ i₂'i₄ 'éi'₃ jŋag'₃ dsa₂ quian'₅₄ ŋi₁tág₂, quian'₅₄ ŋi₁tág₂ guě'₂ jŋag'₃ dsa₂.” * 14:2 o₃ “lia'₂ né'₂ 'lióng₂ jmig₂.” † 14:2 griego: kithara. ‡ 14:5 A₂lin₅₄ chog₅₄ si₂ juá'₃ ján₃, “le₃ne₄ ne₄ta₁.”

—Ma₂ca₂i₃'én₂, ma₂ca₂i₃'én₂ Babilonia juë'₂, 'uig₅₄ ia₁ a₂ca₂jmo₃ a₂qui₂ca₂'in'₃ ca₂le₃jě₃ juig₂ vino a₂ca₂jme₃cón₂ dsí₅ a₂qui₂nió'₃ jág₁ 'lig'₅₄ quió'₅.

⁹Jaun₂ ca₂guan₃ táng₃ jě₁ca₂tě₂ ún₂ ángel, ján₃ guë'₂ tiá₂ ca₂juá'₂:

—Chi₂jua'₂ 'ein₂ ca₂guen₃ jme₃juin'₂ Já'₂ 'Lin'₅₄, quian'₅₄ nió'₄ quió'₅, o₃ nē₁jua'₂ ca₂guein₃ cán₂ léi₄dso'₂ chi₁quí₃, o₃ co'₅₄ gú₃ 'e₂, ¹⁰ján₃ bá₄ 'ín'₂ 'éi₂ vino a₂'i₄ 'nei₂ dsí₅ Diú₄ a₂ma₂i₂tang₄ a₂tsá₃ 'e₂ qui₂rě₂cón'₅ 'nió'₃ copa a₂cha₂ 'uig₅₄ a₂le₃'nei₂; qui₃ngá₃ uig₅ quian'₅₄ si₂ quian'₅₄ azufre tē₃ne₄ ángeles jnió₅ quián₅ Diú₄ quian'₅₄ guë'₂ le₃ne₄ Guein₂ Já'₂ Cha'₂. ¹¹Jme₁ni₁ a₂tsáu₃ ja₁ngá₃ uig₅ nē₃, dsi₅₄ co₂tan₅₄ lé₂, on₃ guë'₂ 'uē₂-jmi₂ bá₄ lé₂jua'₅₄ a₂le₃jnia₃ a₂tsá₃ ngá₃ ca₂tiá₂ uig₅ ca₂le₃jín₃ i₂jme₃juin'₂ Já'₂ 'Lin'₅₄ 'éi₂ quian'₅₄ nió'₄ quió'₅, ca₂le₃jín₃ i₂ca₂guen₃ cán₂ léi₄ lia'₂ chein₂ nē₃.

¹²Ja₁nē₅ bá₄ 'nió'₅ jmo₃ juin'₂ dsí₅ dsa₂ i₂tén₅ le₃quió'₅ Diú₄, § dsa₂ i₂tió₂ tiá₂ jme₂ti₃ 'éi'₃ quió'₅, a₂'éin₂ le₃quió'₅ Jesús nē₃.

¹³Jaun₂ ca₂né'₂ táng₃ jág₁ a₂já₅ guei'₅₄ i₂juig₃, ca₂juá'₂ tság₅ jniá₂:

—Jmo₄ si₂ tióng₅ ca₂le₃jě₃ a₂nē₅ a₂juá'₂: “E₂ guë'₄ 'nio₅ dsen₃ dsa₂ i₂dsián₃ le₃ne₄ jui₅ la₂, i₂'én₂ le₃quió'₅ Te₁gui'₅₄.” Ján₅, juá'₂ Jme₂dsi₂, ia₁jaun₂ jnia₃ ca₂le₃jě₃ ta₁ quió'₅, jaun₂ qui₃le₃quen₅ 'i₄ ta₁ ca₂le₃jě₃ a₂ca₂jmo₃.”

A₂ráu₃ ne₄ gua'₅₄ 'uë₃

¹⁴Jaun₂ ca₂jág₃ táng₃ ca₂jnia₃ caun₂ jnei₅ tiog₂ jmá'₅. Ne₄ jnei₅ jaun₂, guá₅ jan₂ i₂lín₅ lia'₂ lín₅ Jaun₅ dsa₂ mi₂güig₃. * Chi₁'i₁ caun₂ corona a₂lě₅ jmá'₃ cu₄nióg₄ mi₂dsi₅₄, chi₁chan'₂ caun₂ ní₁ hoz a₂'mu₃. ¹⁵Jaun₂ o₂'ín₃ táng₃ jan₂ ángel dsi₂néi₂ guá'₅ templo, ca₂juá'₂ tiá₂ ca₂tsí'₃ i₂guá₅ ne₄ jnei₅:

—Tiá₃ ní₁ hoz quiáng'₂, cag'₅₄; ia₁ ma₂gua₅ hora cag'₅₄, ia₁ ma₂ca₂ron₂ a₂ráu₃ ne₄ gua'₅₄ 'uë₃. ¹⁶Jaun₂ ca₂tiá₂ hoz ne₄ gua'₅₄ 'uë₃, dsa₂ i₂guá₅ ne₄ jnei₅ 'éi₂, ca₂cág'₃ a₂ma₂ca₂rau₂ ja₁jaun₂.

¹⁷Jaun₂ ca₂o₃'ín₃ táng₃ jan₂ ángel sián'₂ dsi₂néi₂ guá'₅ chí'₅ guei'₅₄ i₂juig₃; ján₃ bá₄ chi₁chan'₂ caun₂ ní₁ hoz a₂'mu₃. ¹⁸Jaun₂ ca₂o₃'ín₃ táng₃ ne₄chei₂ jan₂ ángel sián'₂ guë'₄ táng₃, i₂'io₅ bí₂ ne₄ si₂. Jaun₂ ca₂juá'₂ tiá₂ ca₂tsí'₃ i₂chan'₂ ní₁ hoz 'mu₃, ca₂juá'₂:

—Tiá₃ ní₁ 'mu₃ quiáng'₂; chi₁lo'₂ cag'₅₄ ni₁'mu'₂ a₂qui₂le₁'ág₄ ni₁uing₂ a₂cha₂ gua'₅₄ 'uë₃, ia₁ ma₂ca₂juig₂ míg₂ uvas quió'₅.

¹⁹Jaun₂ ca₂tiá₂ 'éi₂ hoz quió'₅ ne₄ gua'₅₄ 'uë₃, ca₂cág'₃ míg₂ uvas quió'₅ gua'₅₄ 'uë₃. Ca₂tó'₂ caun₂ ja₁juë'₂ ja₁qui₂jlen'₃ dsa₂, co₂'nió'₄ le₃jua'₅₄, ja₁'i₄ 'nei₂ dsí₅ Diú₄. ²⁰Jaun₂ ca₂rě₂tso'₄ a₂jaun₂ 'ni'₂ juig₂, ca₂'io₂ jmi₂. Jmi₂ jaun₂ nē₃ ca₂i₃'o₅₄ a₂jí'₂ con'₂ 'ei₅ rě₂'o₄ dsi₂cua₁, a₂juë'₂ ja₁ca₂'a₃ tí₅ con'₂ 'ni₅ 'niá₂-láu₂ (300) kilómetros.

15

Guion₃ ángeles i₂le₁quian₅ guio₃ jmi₁uig₅ jě₁ca₂tó'₂

¹Ca₂jág₃ jniá₂ guei'₅₄ i₂juig₃ caun₂ léi₄ juë'₂ a₂dsi₂gó'₃ dsi₅: guion₃ ángeles i₂quian₅ guio₃ guë'₄ jmi₁uig₅ ja₁con₂ dsa₂. Co₂'nió'₄ a₂jaun₂ guë'₄ lě₅ jě₁ca₂tó'₂, ia₁ co₂jaun₂ ca₂'nia₅ a₂'i₄ 'nei₂ dsí₅ Diú₄.

²Jaun₂ ca₂jág₃ jniá₂ jui₁lia'₂ caun₂ jmi₁ni'₄ a₂lě₅ ni₁'i₂ a₂rě₂cón'₅ quian'₅₄ si₂. Ne₄ jmi₁ni'₄ a₂lě₅ ni₁'i₂ jaun₂, jme₁tió₂ dsa₂ i₂ca₂tió'₃ ne₄ Já'₂ 'Lin'₅₄, ne₄ nió'₄ quió'₅, ne₄ número quió'₅ lia'₂ chein₂ nē₃. Qui₂le₁chan'₂ tsi₁ton₅ arpas^{*} a₂ca₂cuë₃ Diú₄. ³Tióin₂ 'ě₂₃ canto quió'₅ Moisés[†] dsa₂ i₂ca₂jme₂ti₃ quián₅ Diú₄, quian'₅₄ canto quió'₅ Guein₂ Já'₂ Cha'₂, a₂juá'₂:

'E₂ guë'₄ juë'₂ a₂jlá'₁ lín₃ ca₂le₃jě₃ a₂ma₂jmo'₅₄ 'ne₂,

Te₁gui'₅₄ Diú₄ i₂'Uan'₂ guë'₄ lín₃.

§ 14:12 lit. “dsa₂jnió₅,” * 14:14 'Nio'₂ ja₁ton₅ Daniel 7:13. * 15:2 griego: kithara. † 15:3 canto quió'₅ Moisés: 'Nio'₂ ja₁ton₅ Éxodo 15; Deuteronomio 32.

A₂dsau₅, a₂tí₅ lín₃ bá₄ jui₅ quiáng'₂,

'Ne₂ Rag₅₄ quián₅ ca₂le₃jě₃ juig₂.

⁴ Ğ'Ei₂ bá₄ 'éi₂ i₂tsá₃ jme₃gon₃ 'ne₂, Te₁gui'₅₄?

Ğ'Ei₂ bá₄ i₂tsá₃ jme₃juag'₂ guě'₂ ján₃?

Ia₁ jan'₂ 'ne₂ bá₄ líng'₅ i₂jñi₅.

Ca₂le₃jě₃ juig₂ qui₂ja₃lén₂ qui₂jme₃juin'₂ 'ne₂,

ia₁ ma₂ca₂rě₃jniá₂ 'éi'₃ a₂qui₂dsí'₂ 'ne₂.

⁵ Cang₂ jaun₂ ca₂jág₃ jniá₂ guei'₅₄ i₂juíg₃, ca₂niá₃ guá'₅, co₂'nió'₄ le₃jua'₅₄ ja₁jñi₅ guě₄, ja₁rě₂'ma₄ jág₁ dsau₅ a₂lí'₅₄ quian'₅₄ Diú₄. ⁶ Guá'₅ jaun₂, ca₂'uin₂ guion₃ ángeles i₂le₁quian₅ le₃guio₃ jmi₁uig₅. Le₁qui'₂ 'mí'₂ lino jlá'₁, a₂tág₅ lín₃. A₂jme₁rě₂jén'₅ le₁dsí₅ guě'₂ ně₃, jme₁lě₄ jmá'₃ cu₄nióg₄. ⁷ Jaun₂ guě₄ jan₂ já'₂ quén₂ i₂tión₂ ne₄ ne₄ta₁, ca₂cuě'₃ le₂jan₂ le₂jan₂ ta₁guion₃ ángeles jma₃cáun₃ ni₁uig₅ ji'₂ a₂lě₅ cu₄nióg₄, le₁'a₁ co₂'nió'₄ a₂'nei₂ a₂'i₄ dsí₅ Diú₄ i₂chan₂ ca₂lia'₂ co₂tan₅₄. ⁸ Jaun₂ ca₂can'₂ dsi₂néi₂ guá'₅ quian'₅₄ jme₁ñi₁ a₂já₅ ja₁con₂ a₂jlá'₁ a₂'uan'₂ Diú₄. Ca₂lia'₂ 'i₁jan₂ tsá₃ lé₂ dsi₃ton'₅₄ ja₁jaun₂, ca₂lia'₂ ca₂rě₃ñia₅ le₃guio₃ jmi₁uig₅ a₂le₁quian₅ ta₁guion₃ ángeles.

16

Ta₁guio₃ jmi₁uig₅ a₂'ě₂ Diú₄

¹ Jaun₂ ca₂nag₃ jniá₂ jág₁ tiá₂ lín₃ i₁juá'₄ dsi₂néi₂ guá'₅, a₂tsí'₅ le₃guion₃ ángeles 'éi₂:

—O₂nó'₅ 'nia'₂ o₂jen₄ ne₄ gua'₅₄ 'uě₃ 'nei₂ a₂'i₄ dsí₅ Diú₄ a₂le₁'a₁ ni₁uig₅ ně₅.

² Jaun₂ ca₂o₃'ín₃ jě₁le₂'uig₅₄ ángel, jaun₂ ca₂jein₃ a₂chi₁'a₄ ni₁uig₅ quió'₅ ne₄ gua'₅₄ 'uě₃. Jaun₂ ca₂le₃jín₃ dsa₂ i₂le₁quian₅ léi₄ quió'₅ Já'₂ 'Lín'₅₄, i₂jme₂juin'₂ nió'₄ quió'₄ ně₃, qui₂ca₂'ñiai₂ 'mé'₅ 'lig'₅₄ a₂qui'₂ guě₄ lín₃.

³ Jaun₂ ca₂jen₃ jě₁ca₂tě₂ on₃ ángel a₂'a₄ ni₁uig₅ quió'₅ ne₄ jmi₁ñí'₄. Jaun₂ ca₂lě₃ jmi₂, ně₂jag₄ bá₄ jmi₂ 'an₅₄ jan₂ 'lag₄. Ca₂dsan₃ ca₂le₃jín₃ já'₂ i₂jme₁chan₂ jmi₁ñí'₄ jaun₂.

⁴ Ján₃ bá₄ le₂jaun₂ ca₂jen₃ jě₁ca₂tě₂ ún₂ ángel a₂'a₄ ni₁uig₅ quió'₅, ne₄ jmi₂guá'₃, ne₄ o₄tu₁ jmi₂guá'₃; jaun₂ jmá'₃ jmi₂ bá₄ qui₂ca₂lě₃ ján₃. ⁵ Jaun₂ ca₂nag₃ juá'₂ ángel i₂niog₅ gu₂ jmi₂guá'₂:

Rě₂ bá₄ cáun'₂ 'ne₂ 'í₁, Diú₄ Jñi₅;

'ne₂ i₂lín₅, i₂jme₁lín₄,*

ia₁ a₂ně₂qui₂dsí'₂ 'éi'₃ le₂ně₅.

⁶ Ia₁ ca₂tein₃ 'éi₂ jmi₂ a₂jme₁'an₅₄

dsa₂ i₂jme₁tén₄ le₃quiáng'₂,

dsa₂ i₂jme₁qui₂ca₂'ě₂ jág₁ quiáng'₂ ně₃.

Ně₃ guě₄ ně₃, ně₂'ein'₅₄ jmi₂,

ia₁ le₂ně₅ 'en₄ quió'₅ bá₄.

⁷ Ca₂nag₃ jniá₂ ján₃ jě₄ ne₄chei₂, i₁juá'₄:

Dsón'₂ le₂ně₅, Te₁gui'₅₄ Diú₄ i₂'Uan'₂ guě₄ lín₃,

dsón'₂ bá₄ qui₂dsí'₁ 'ne₂ 'éi'₃ lia'₂ con'₂ dsi₂ten₅₄.

⁸ Jaun₂ ca₂jen₃ jě₁ca₂tě₂ quén₂ ángel a₂'a₄ ni₁uig₅ quió'₅ ne₄ 'iog₂, jaun₂ ca₂ñi₂ 'iog₂ bí₂ a₂dsín'₂ dsa₂ mi₂güig₃ quian'₅₄ si₂. ⁹ Jaun₂ ca₂dsín'₂ ca₂le₃jín₃ dsa₂ quian'₅₄ a₂dséi₂ gau₂ lín₃. Jaun₂ qui₂ca₂'ag₃ dsa₂ 'lig'₅₄ qui₂ca₂'ñi₃ Diú₄ i₂'io₅ bí₂ ne₄ jmi₁uig₅ jaun₂. Tsá₃ ca₂jme₃tsín₃ dsí₅, jua'₅₄ ca₂jme₃juin'₂ 'éi₂.

¹⁰ Jaun₂ ca₂jen₃ jě₁ca₂tě₂ 'ñiá₂ ángel a₂'a₄ ni₁uig₅ quió'₅ ne₄ ne₄ta₁ quió'₅ Já'₂ 'Lín'₅₄, jaun₂ ca₂tě₁tsi'₅₄ qui₁né'₃ ja₁goin₂ jaun₂. Dsa₂ ně₃ qui₂ca₂qui'₂ le₁tsi'₂ a₂ca₂jme₃uí'₃. ¹¹ Con'₂ siá'₂

* 16:5 A₂lín₅₄ chog₅₄ si₂ chi₁ton₅ ján₃: “i₂lén₂ co₂tan₅₄.”

ca₂'in₃ 'lig'₅₄ Diú₄ i₂quió'₅ guei'₅₄ i₂juíg₃, ne₄ 'uig'₅₄ a₂le₁quian₂₃ jmi₁uig₅, 'uig'₅₄ ia₁ a₂lín₅ 'mé'₅ ně₃. La₁ tsá₃ ca₂dsi₃quéin'₅ dsí₅ jua'₅₄ ca₂tí₂ a₂jmo₂₃-dsáu₅.

¹² Jaun₂ ca₂jen₃ jě₁ca₂tě₂ jné₂ ángel a₂'a₄ ni₁uig₅ quió'₅ ne₄ cuá₃ juě'₂ Eufrates. Jaun₂ co₂dsia₅ ca₂rě₃quéin₃ cuá₃ jaun₂, ia₁jaun₂ ma₂lě₅ co₂ñia₅₄ caun₂ jui₅ quein₂ ja₁i₃nio₄ rag₅₄ i₂ja₃lén₂ tē₂le₃ ja₁'ia₂† 'iog₂.

¹³ Jaun₂ ca₂jág₃ ca₂'uin₂ ún₂ jme₂dsí₂ 'lin'₅₄, i₂jniá₂ lia'₂ jniá₂ i₁jě'₅, ca₂'uin₂ jma₃ján₃ jui₅ mi₂'o₄ já'₂ dragón, mi₂'o₄ Já'₂ 'Lin'₅₄, quian'₅₄ mi₂'o₄ i₂tě'₂ dsa₂ i₂'ě₂ jág₁ a₂jui₁gain₂ ně₃.

¹⁴ Jme₂dsí₂ i₂lín₅ je₂na'₅₄ bá₄ 'éi₂, i₂qui₃jmo₃ léi₄ juě'₂, i₂qui₂dsi₃lén₂ uíng₂ ja₁con₂ rag₅₄ quián₅ dsa₂ i₂chan₂ ta₁caun₂ mi₂güí₃, ia₁jaun₂ chi₃lo'₃ a₂dsia₃ 'nei₂ jmi₃g₄ juě'₂ jaun₂ quió'₅ Diú₄ i₂'Uan'₂ guě₄ lín₃.

¹⁵ “Rě₂ján'₁ 'nia'₂ ia₁ guió'n'₄ jniá₂ con'₂ tiá₂, ně₂jag₄ bá₄ jan₂ 'ang₂. 'E₂ guě₄ dsen₃ jui₁lia'₂ i₂rě₂jnio₄ ne₄, i₂lě₅ 'í₁ tsin'₅₄, con'₂ tsá₃ nō₅ ně₁jua'₂ i₃ñi₅₄ rě₂ñi₅ tē₃ jág₅ dsa₂ o₂qui'₃ quió'₅.”

¹⁶ Jaun₂ qui₂ca₂liai'n'₃ rag₅₄ caun₂ ja₁chei₂ Armagedón quian'₅₄ jág₁ jmei₅ hebreo.

¹⁷ Jaun₂ ca₂jen₃ jě₁ca₂tě₂ guion₃ ángel a₂'a₄ ni₁uig₅ quió'₅, ca₂'éin₂ dsi₂güí₂. Jaun₂ ca₂né'₂ dsi₂néi₂ guá'₅ a₂chí'₅ guei'₅₄ i₂juíg₃, jág₁ a₂juá'₂ tiá₂, a₂já₅ ne₄ta₁, i₁juá'₄:

—iMa₂ca₂lě₃ bá₄!†

¹⁸ Jaun₂ qui₂ca₂lě₃ si₁ñí'₃, ca₂tě₁tsi'₅₄ co₂mi'₅₄, ca₂quia'₂ ñí'₃. Ta₁caun₂ gua'₅₄ 'uě₃ qui₂ca₂jě'₂ ca₂i₁bi₅₄ 'uě₃ tiá₂ lín₃, ca₂lia'₂ 'i₁cón'₂ tsá₃ le₂jaun₂ jua'₅₄ a₂ma₂i₁bi₅₄ 'uě₃ ca₂le₃ ca₂rě₃chán₃ dsa₂ ne₄ gua'₅₄ 'uě₃, ia₁ a₂ñí₄ lě₃ gau₂ ca₂lě₃. ¹⁹ Ca₂lě₃ 'ni₅ dso'₅₄ ciudad dsen₅₄ jaun₂, jaun₂ qui₂ca₂lě₂ jui₅ 'uě₃ ca₂le₃jě₃ jui₂ ciudad jme₁te₁'i₁ mi₂güí₃. Jaun₂ guě₄ ca₂dsáu'₃ dsí₅ Diú₄ Babilonia juě'₂; ca₂cuě'₃ copa a₂'a₄ vino a₂'i₄ 'nei₂ dséi₂ dsí₅. ²⁰ Jaun₂ qui₂ca₂cuíng₃ ca₂le₃jě₃ 'uě₃ a₂qui₂le₁quí'₅ jě₄ jmi₁ñí'₄; ca₂le₃jě₃ ni₁má'₂ ně₃, co₂dsia₅ ca₂i₃có'₂. ²¹ Qui₂ca₂tang₂ ne₄ quió'₅ dsa₂ mi₂güí₃ dsí₅ ca₁ca'₅₄ 'ñio₅ lín₃, a₂guei₂ jma₃tě₂láu₃ kilo lia'₂ ca₂míg₂.§ Ján₃ bá₄ le₂jaun₂ qui₂ca₂'ag₃ dsa₂ 'lig'₅₄ 'in₂₃ Diú₄, 'uig'₅₄ ia₁ a₂ca₂séi'₂ dsí₅ jaun₂, ia₁ a₂ñí₄ lě₃ ca₂i₁juin₅₄ gau₂ jmi₁uig₅ a₂ca₂lě₃.

17

Jě₁ca₂i₃'én₂ 'io₅₄ juin'₂ i₂'nag₅ quió'₅

¹ Jaun₂ ca₂já₃ jan₂ ángel i₂lě₂ guion₃ i₂jme₁le₁chan'₂ ni₁uig₅ 'éi₂, ca₂tság₃ jniá₂:

—Ñia₅, la₂ 'ě₅₄ 'a₂ lia'₂ lě₅ jmi₁uig₅ a₂'ě₂ Diú₄ ne₄ 'io₅₄ juin'₂ i₂'nag₅ quió'₅, i₂guá₅ ne₄ ja₁te₁'i₁ 'lióng₂ jmi₂g₂. ² Ca₂le₃jín₃ bá₄ rag₅₄ i₂chan₂ ne₄ gua'₅₄ 'uě₃ ma₂qui₂ca₂nió'₄ jág₁ quian'₅₄ 'io₅₄ 'éi₂; ján₃ bá₄ le₂jaun₂ ma₂qui₂ca₂rě₃'en₅ dsa₂ i₂tián'₅ ne₄ gua'₅₄ 'uě₃, quian'₅₄ vino a₂co₂'nió'₄ dso₄ a₂ca₂jmo₃-dsáu₅ 'io₅₄ 'éi₂.

³ Jaun₂ ca₂jio₃g ángel, tē₂lia'₂ 'eng₅₄ le₃quió'₅ Jme₂dsí₂, caun₂ 'uě₃ quein₂ co₂ñiog₅. Ja₁jaun₂ ca₂tě₂ ne₃ ca₂jing₅₄ jan₂ 'io₅₄, co₂dsi_{in}₅₄ jan₂ já'₂ guén₂ i₂jniá₂ gau₂ jmá'₅, i₂le₁dsi₅₄ guio₃ mi₂dsi₄, guia₃ guě'₂ mi₂juí₁, i₂jme₁quian₅ 'lióng₂ jág₁ 'lig'₅₄ lia'₂ chein₂ a₂jmo₂₃ a₂lín₅ Diú₄ ně₃. ⁴ 'Io₅₄ 'éi₂ ně₃ rě₂lín₅₄ qui'₂ tsin'₅₄ guéin₂ si₂, quian'₅₄ a₂'ui₃. A₂lě₅ jlá'₁, tio₅₄ cu₄nióg₄, ni₁cang₁ jlá'₁ quian'₅₄ míg₂ perlas ně₃. Ján₃ guě₄ chi₁chan'₂ caun₂ copa a₂lě₅ jmá'₃ cu₄nióg₄, rě₂'a₄ a₂'lig'₅₄ a₂jmo₅-dsáu₅, quian'₅₄ jág₁ 'lig'₅₄ a₂nió'₅. ⁵ Le₁ton₅ jág₁ ne₄ chi₁quí₃, a₂juá'₂: JÁG₁ A₂RĚ₂'MA₄ BABILONIA JUIN'₂ CHOG₅₄ 'IO₅₄ I₂'NAG₅ QUIÓ'₅ CHOG₅₄ CA₂LE₃JĚ₃ NE₅₄ A₂LĤ₁'IOG₅ NE₄ GUA'₅₄ 'UĚ₃.

⁶ Jaun₂ ca₂jín₄ jniá₂ 'io₅₄, a₂'ein₅ guá₅, quian'₅₄ jmi₂ 'an₅₄ i₂tén₅ le₃quió'₅ Diú₄,* quian'₅₄ guě'₂ jmi₂ 'an₅₄ i₂ma₂jáng₃ jág₁ dsau₅ le₃quió'₅ Jesús. Jaun₂ ca₂i₃gó'₃ dsi₃ guě₄ lín₃ jme₁ca₂tě₂ ne₃ a₂jaun₂. ⁷ Jaun₂ ca₂juá'₂ ángel tság₅ jniá₂:

† 16:12 Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25.

‡ 16:17 'Nio'₂ ja₁ton₅ Juan 19:30. § 16:21 lit. “a₂guei₂ caun₂ talento lia'₂ ca₂míg₂.” * 17:6 lit. “quian'₅₄ jmi₂ 'an₅₄ dsa₂ jñi₃.”

—ǂ'E₂ lě₃ dsi₂gó'₃ 'au'₂? La₂ juá'₄ jniá₂ jág₁ rě₂'ma₄, co₂'nió'₄ 'e₂ léi₄ jáng'₅ 'io₅₄ ó₃, 'e₂ guě'₂ léi₄ jáng'₅ táng₃ Já'₂ 'Lin'₅₄ i₂jio₅ i₂cha₂ guio₃ mi₂dsi₄, i₂le₁dsi₅₄ guio₃ mi₂juí₁ ně₃. ⁸ Já'₂ 'Lin'₅₄ i₂ně₂jing'₅₄ ně₅, jme₁chan₂ le₂jniá₅, rě₂ně₃ ně₃ tsá₃ ma₃chain₂. La₁ jě₁ma₂o₃'in₅ uíg₂ ja₁ca₂jein₃ chi₁dsio₅₄, jaun₂ dsió₄ ja₁dsi₃'éin₂. Dsi₃gó'₃ dsí₅ dsa₂ i₂chan₂ ne₄ gua'₅₄ 'uě₃, ca₂le₃jín₃ i₂con'₂ tsá₃ le₁ton₅ ne₄ si₂ ca₂le₃ ca₂nio₃ mi₂güí₃, mi₂si₂ a₂rě₂bin₅ a₂le₃chan₂ dsa₂; dsi₂qui₂dsi₃gó'₃ dsí₅ jě₁ma₂jín₂ Já'₂ 'Lin'₅₄, 'uig₅₄ ia₁ a₂jme₁chain₂, tsá₃ ma₃chain₂ rě₂ně₃, la₁ia₁ a₂guáin₂ táng₃.

⁹ Jág₁ la₂ cha₂ a₂lě₂ le₃ńí'₂ jui₁lia'₂ dsa₂ i₂ńí'₂ dsí₅: jáng'₅ jág₁ dsau₅ guio₃ mi₂dsi₄ já'₂, co₂'nió'₄ guio₃ dsi₂con'₂ ja₁guá'₄ 'io₅₄ 'éi₂. ¹⁰ Ján₃ bá₄ co₂'nió'₄ guion₃ rag₅₄ a₂jaun₂. Ma₂j₃gan'₅₄ cau₅ 'niá₂ rag₅₄ 'éi₂; jan₂ bá₄ i₂gon₂ rě₂ně₃; jan₂ guě'₂ i₂tsá₃ ma₂guan₅ guě₄. Jě₁ma₂tě₂ rě₁guá₃ 'éi₂ guě'₂ ně₃, ca₂tiá₂ bá₄ ca₂tíin₂ guá₃. ¹¹ Já'₂ 'Lin'₅₄ i₂jme₁chan₂, i₂tsá₃ chan₂ rě₂ně₃ 'éi₂ guě'₂ ně₃, lén₂ i₂gon₂ i₂ca₂tě₂ jniá₃ i₂co₂'nió'₄ rin'₅₄ i₂guion₃ 'éi₂ bá₄. Ján₃ bá₄ dsió₄ ja₁dsi₃'éin₂.

¹² A₂lě₅ guia₃ mi₂juí₁ a₂ně₂jag'₅₄ ně₃, co₂'nió'₄ guian₃ rag₅₄ i₂tsá₃ ma₂ńi₂ ja₁le₃goin₂. La₁ ńei₃ bí₂ 'éi'₃ ca₂tiá₂ le₂jaun₂, ně₂jag₄ caun₂ hora, lia'₂ ma₂quian'₅₄ Já'₂ 'Lin'₅₄. ¹³ Tóin'₃ caun₂ ta₁ co₂dsia₅, 'ei₅ caun₂ jág₁, ton'₂ qui₃cuě₃ jui₅bí₂ quian'₅₄ 'éi'₃ quió'₅ cuě'₃ Já'₂ 'Lin'₅₄. ¹⁴ Qui₃jmo₃ 'nei₂ quíin'₂ quian'₅₄ Guein₂ Já'₂ Cha'₂. La₁ Guein₂ Já'₂ Cha'₂ bá₄ i₂lí'₂, ia₁ 'éi₂ bá₄ lín₅ Juig₅₄ quián₅ ca₂le₃jín₃ juig₅₄ dsa₂; ton'₂ lín₅ Rag₅₄ quián₅ ca₂le₃jín₃ rag₅₄. Ca₂le₃jín₃ i₂quian'₅₄ Guein₂ Já'₂ Cha'₂ ně₃, lín₅ i₂ma₂quióin'₂ i₂ma₂tě'₃ Diú₄, tióin₂ lín₅ dsa₂ i₂rě₂ti'₅₄ quiáin₅.

¹⁵ Jaun₂ ca₂tság₃ jniá₂:

—Jui₁lia'₂ a₂lě₅ 'líong₂ jmig₂ ja₁guá'₄ 'io₅₄ 'lin'₅₄ a₂ně₂jag'₅₄ ně₅, co₂'nió'₄ ca₂le₃jě₃ go₄ dsa₂, ca₂le₃jě₃ nió'₃ dsa₂, ca₂le₃jě₃ juig₂, ca₂le₃jě₃ jág₁ jmei₅ ně₃. ¹⁶ Jaun₂ jme₃'iog₅₄ dsa₂ i₂co₂'nió'₄ a₂lě₅ guia₃ mi₂juí₁ i₂ně₂jag'₅₄, jme₃'iog₅₄ Já'₂ 'Lin'₅₄ guě'₂ ně₃, jme₃'ńiai₅₄ 'io₅₄ 'éi₂. Co₂dsia₅ qui₃téi₂ co₂'nió'₄ tě₃tsiin'₅₄ rě₃ńí₅; qui₃quí₃' nĩ₁ńi₁₂, jaun₂ guě₄ dság'₂ quian'₅₄ si₂. ¹⁷ Ia₁ Diú₄ ně₃ ma₂jmo₃ dsí₅ dsa₂ 'éi₂ jui₁jmo₁₂ ca₂le₃jě₃ 'e₂ niog₅ dsí₅ jmo₃, ia₁jaun₂ jmo₃ caun₂ jág₁ a₂cuě₃ jui₅bí₂ a₂goin₂, cuě'₃ Já'₂ 'Lin'₅₄, ca₂lia'₂ ca₂dsióg₃ jmig₄ a₂le₃tĩ₃ jág₁ quió'₅ Diú₄ a₂ma₂ron₅. ¹⁸ 'Io₅₄ i₂ně₂jing'₅₄ ně₃, co₂'nió'₄ ciudad juě'₂ ja₁o₂'ag₅ 'éi'₃ ne₄ quió'₅ ca₂le₃jín₃ rag₅₄ i₂chan₂ mi₂güí₃.

18

Jě₁ca₂ńó₃ 'uě₃ bí₂ quió'₅ Babilonia

¹ Cang₂ jaun₂, ca₂jing₅₄ táng₃ jan₂ ángel sián'₂, ca₂sióin₃ guei'₅₄ i₂juíg₃ i₂'io₅ bí₂ 'éi'₃ a₂'uain'₂ lín₃. Ta₁caun₂ mi₂güí₃ bá₄ ca₂tág'₃ a₂co₂tág₅ co₂'né'₅ quió'₅. ² Quian'₅₄ jág₁ tiá₂ lín₃, ca₂juá'₂: Ma₂ca₂i₃'én₂, ma₂ca₂i₃'én₂ Babilonia juě'₂,

'ne₄ ca₂le₃jín₃ ne₅₄ je₂na'₅₄ bá₄ ca₂lě₃;

'né₅ 'má₃ ja₁ńi'₂ ca₂le₃jín₃ ne₅₄ jme₂dsí₂ 'lin'₅₄,

ca₂le₃jín₃ ne₅₄ i₁tan₅ 'lin'₅₄ lě₁ńio₅.

³ Ia₁ ma₂qui₂ma₂'in'₃ ca₂le₃jě₃ juig₂

vino a₂ca₂jme₃cón₂ dsí₅ a₂qui₂nió'₃ jág₁ 'lig'₅₄ quió'₅.

Ma₂qui₂ca₂nió'₃ jág₁ rag₅₄ i₂chan₂ gua'₅₄ 'uě₃

quian'₅₄ 'io₅₄ 'éi₂.

Ca₂le₃jín₃ jui₁lia'₂ dsa₂ i₂i₂nio₄ jmo₂₃ 'ma'₅₄,

ma₂qui₂ca₂rě₃chá₃ cu₄ 'ńio₅ lín₃

tě₂le₃ quian'₅₄ jui₅bí₂ a₂ma₂i₁juin₅₄ ńag₅₄

a₂jlá'₁ jmo₂₃ róin₂.

⁴ Jaun₂ ca₂nag₃ táng₃ caun₂ jág₁ a₂já₅ guei'₅₄ i₂juíg₃, a₂juá'₂:

'Uin'₂ 'nia'₂ jë₄ juig₂ nē₅,
 con'₂ 'nia'₂ i₂ling'₅ dsa₂ juig₂ quiáng₃,
 ia₁jaun₂ tsá₃ le₃quen'₄ 'nia'₂ dso₄ a₂'no₅ 'io₅₄ nē₅,
 on₃ guē'₂ tin'₃ 'nia'₂ jmi₁uig₅ a₂já₅ ja₁coin₂.

⁵ Ia₁ 'líong₂ lin₃ dsáu₁ 'io₅₄ nē₅ ma₂rë₂juí₄,
 nē₂jag₄ bá₄ ma₂të₂ ca₂të₂ guei'₅₄ i₂juig₃.

Jaun₂ Diú₄ nē₃ ma₂dsáu'₅ dsí₅
 ca₂le₃jë₃ a₂'lig'₅₄ a₂ma₂rë₂cáin'₄.

⁶ A₂le₂jaun₂ cuē'₅₄ 'nia'₂ 'io₅₄ nē₅
 jui₁lia'₂ lë₅ a₂ma₂qui₂ma₂cuē'₃ dsa₂ 'ηiog₅.

Qui'₄ 'nia'₂ tin₃ ju'₂
 lia'₂ con'₂ guē₄ a₂ma₂jmo₃.

Co₂gün'₅₄ 'nia'₂ tin₃ ráun₂ a₂'ηio₅ guē₄
 ηió'₂ copa quió'₅ 'ηiog₅,
 con'₂ guē₄ a₂ma₂cuē'₃ i₂sián'₂.

⁷ Jui₁lia'₂ a₂ηí₄ lë₃ ma₂qui₂ma₂chain₂ jlá'₁ a₂róin₂,
 co₂jaun₂ cuē'₅₄ 'nia'₂ jmi₁uig₅ a₂qui'₂ dsí₅.

Ia₁ ma₂juá'₂ bá₄ jui₅ tē₂dsí₅:

“La₂ gua₅₄ a₂líng₅ jan₂ 'io₅₄ rag₅₄,
 tsá₃ dsa₂ 'nág₂ líng₅.
 Tsá₃ o₁líng'₂ ηag₅₄ uig₅ le₃qui'₂ dsi₃.”

⁸ 'Uig₅₄ jaun₂ nē₃,
 co₂nio₄ co₂jmig₄ bá₄ ja₃lé₂ jmi₁uig₅ ja₁coin₂;
 'mú₃, qui'₃-'o₃, le₃'oin₅₄ nē₃;
 jaun₂ guē₄ dsiin'₂ co₂nei'₅₄.

Ia₁ i₂'uan'₂ lin₃ bá₄ Te₁gui'₅₄ Diú₄
 i₂qui₃dsi₅ 'éi'₃ ja₁coin₂ jmig₄ jaun₂.

⁹ 'Cán₂ go₂'i₃, qui'₃-'o₃ ca₂le₃jín₃ rag₅₄ quián₅ gua'₅₄ 'uë₃ i₂qui₂ca₂nió'₄ jág₁ quiain'₅₄ 'io₅₄
 'éi₂, i₂qui₂ma₂ca₂rë₂cháin₃ jlá'₁ quiain'₅₄, jë₁ma₂ca₂jág₃ tsau₂ jme₁ηi₁ guei'₅₄ a₂ma₂qui₂cau₂
 quió'₅ 'io₅₄. ¹⁰ La₁ úing₂ bá₄ qui₂dsi₃náu₃, qui₃jág₃ gó'₃ 'ηio₅ lin₃, jaun₂ juá'₂:

i'E₂ guē₄ juig'₂, 'e₂ guē₄ juig'₂,
 'ne₂ ciudad juë'₂,

'ne₂ Babilonia i₂jme₁'uang'₂ lin₃ nē₃!

iQuian'₅₄ ca₂tiá₂ co₂lág₂ bá₄
 gua₅ uig₅ a₂rë₂'ë₂ ja₁cong'₂!

¹¹ 'Cán₂ go₂'i₃, qui'₃-'o₃ dsa₂ i₂jme₁i₂nio₄ jmo₅ 'ma'₅₄ ne₄ gua'₅₄ 'uë₃, o₄quió'₄ 'éi₂; ia₁ tsá₃
 ma₂'ein₂ le₃chan₂ qui₃lá₃ guē₄ 'e₂ lio₅₄ i₂quian₅₄. ¹² lio₅₄ a₂lë₅ cu₄nióg₄, cu₄tiog₂, cang₄ jlá'₁,
 mig₂ perlas, ca₂le₃jë₃ ne₅₄ jui₁lia'₂ 'mi'₂ jlá'₁, jui₁lia'₂ lino quian'₅₄ seda a₂'líong₂ ne₅₄ jniá₂,
 a₂'ui'₃, a₂guéin₂ nē₃; ca₂le₃jë₃ ne₅₄ 'ma₂ jlá'₁ nē₃ a₂ja₂ mi₂juig₂ ma₂ro₂; líong₂ ne₅₄ cosas jlá'₁
 nē₃, jui₁lia'₂ a₂lë₅ ni₁mu₅, a₂lë₅ ni₁'ma₂ jlá'₁ a₂'mu'₅₄, a₂lë₅ ni₁ηí₁ 'ua'₂, a₂lë₅ ni₁ηí₁ nióg₂ nē₃,
 ni₁cang₁ mármol táng₃; ¹³ lio₅₄ canela, ca₂le₃jë₃ guē₄ a₂ja₂ mi₂juig₂ ma₂ro₂ jui₁lia'₂ chen₂,
 mirra, no'₅₄ mi₂juig₂ nē₃; vino quian'₅₄ no'₅₄ olivo; cui₂ dse₃ quian'₅₄ trigo; já'₂ nē₃, jui₁lia'₂
 ca₁jui₅, já'₂ cha'₂ quian'₅₄ cua₁; ni₁ηí₁ carrozas nē₃. Ca₂le₂jio₅ dsa₂ mi₂güig₃ rin'₅₄ dsa₂
 i₂jme₂ti₃ ta₁ ne₅₄. ¹⁴ La₁ jmig₄ jaun₂ guē₄ nē₃, juá'₂ tsí'₃ ciudad jaun₂:

iMa₂ca₂jñia'₃ ja₁cong'₂, mig₂ jlá'₁
 a₂ηí₄ lë₃ jme₁'ín₅ 'au'₂ quē'₅₄!

iA₂co₂dsia₅ ca₂i₃'én₂ jaun₂ bá₄

ca₂le₃jě₃ a₂jlá'₁
 a₂jme₁quen₅ cu₄ a₂jme₁cha₂ quiáng'₂!
 Tsá₃ ma₃o₁líg'₂ jmi₄g dsiang'₂.
 15 'Dsa₂ i₂qui₂ma₂jmo₃ 'ma'₅₄ ca₂le₃jě₃ a₂ně₅, i₂qui₂ca₂rě₃chá₃ cu₄ 'nio₅ lín₃ tē₂le₃ quian'₅₄
 'io₅₄ 'éi₂, qui₂dsi₃náu₃ uíng₂, qui₃jág₃ gó'₃ 'uig₅₄ jmi₁uig₅ a₂go₂'i₃ jaun₂. 16 Jaun₂ juá'₂ tiá₂:
 i'E₂ guě₄ juíg'₂, 'e₂ guě₄ juíg'₂,
 'ne₂ ciudad juě'₂!
 iLa₁ jme₁lě₄ jui₁lia'₂ lín₅ jan₂ 'io₅₄ jlán'₁
 i₂jme₁qui'₂ tsin'₅₄ jlá'₁ lín₃
 a₂jme₁jniá'₂ 'ui'₃ quian'₅₄ a₂guéin₂,
 i₂jme₁rě₂lín₄ jlán'₁ quian'₅₄ cu₄nióg₄,
 ni₁cang₁ jlá'₁, míg₂ perlas ně₃!
 17 iQuian'₅₄ ca₂tiá₂ co₂lág₂ bá₄,
 qui₂ca₂dsa₃ ca₂ag₂ a₂jlá'₁ a₂quen₅ 'lióng₂ lín₃!
 'Ca₂le₃jín₃ jui₁lia'₂ i₂i₂quian₅ ni₁barcos, ca₂le₃jín₃ guě₄ dsa₂ i₂i₂nio₄ ne₄ jmi₁ńí'₄, ca₂le₃jín₃
 guě₄ dsa₂ i₂'no₅ a₂dsi₂ńí₂ ne₄ jmi₁ńí'₄, qui₂dsi₃náu₃ uíng₂, 18 jě₁ma₂ca₂jág₃ jme₁ńi₁
 a₂ma₂qui₂cau₂ quió'₅, qui₃juá'₂ tiá₂ tóin'₃:
 —¿'E₂ bá₄ ciudad lé₂ le₃quin₃ quian'₅₄ ciudad juě'₂ ně₅?
 19 Jaun₂ qui₂tó'₃ ti₁ju₁ ne₄ mi₂dsi₅₄ guioin₅₄, qui'₂-o₂₃, a₂juá'₂ tiá₂:
 i'E₂ guě₄ juíg'₂, 'e₂ guě₄ juíg'₂
 ciudad juě'₂ ně₅!
 Quian'₅₄ ca₂le₃jě₃ a₂jme₁cha₂ quió'₅,
 ca₂rě₃chá₃ cu₄ ca₂le₃jín₃ dsa₂
 i₂qui₂le₁'io₅ barcos ne₄ jmi₁ńí'₄.
 iQuian'₅₄ ca₂tiá₂ co₂lág₂ bá₄ ca₂'en₃ jě₂!
 20 La₁ 'nia'₂ ně₃,
 i₂chan'₂ guei'₅₄ i₂juíg₃,
 jmo₄ 'nia'₂ 'io'₂ ne₄ quió'₅ juig₂ jaun₂.
 Ca₂le₃jín₃ guě'₂ 'nia'₂ i₂tén₅ le₃quió'₅ Diú₄,
 i₂chen₄ quiáin₅, i₂qui₂'ě₂ jág₁ quió'₅ ně₃.
 Ia₁ ma₂ně₂qui₃dsi₅ Diú₄ 'éi'₃ ja₁con₂ juig₂ jaun₂,
 ma₂ně₂jme₃rě₃ ca₂le₃jě₃ a₂ma₂jmaí'₂ 'nia'₂ jaun₂.
 21 Jaun₂ ca₂chóg'₃ jan₂ ángel 'uan'₂ ca₂míg₂ ni₁cang₁ pa₁, a₂lě₅ jui₁lia'₂ lě₅ ni₁cang₁ éi'₅ cuig₂
 'í₅; ca₂ton₃ ne₄ jmi₁ńí'₄, ca₂juá'₂:
 Quian'₅₄ 'nei₂ uig₅ le₂ně₅ bá₄
 dsó₃ 'uě₃ ján₃,
 Babilonia ciudad juě'₂,
 tsá₃ ma₃a₁jaun₂ jua'₅₄ le₃cha₂.
 22 O₁líg'₂ jmi₄g tsá₃ ma₃qui₂né'₂ a₂jmo₃ dsa₂ son₅₄
 jui₁lia'₂ jě₄ calle quiáng'₂:
 jui₁lia'₂ son₅₄ tsi₁ton₅ arpas,*
 son₅₄ 'ma₂, son₅₄ ńí₁ trompeta ně₃.
 Tsá₃ ma₃le₃chan₂ tē₅
 i₂tín₂ ta₁ 'i₁jan₂, ja₁cong'₂;
 tsá₃ ma₃qui₃né'₂ mī'₅₄
 ni₁cang₁ éi'₅ cuig₂ 'í₅, ja₁cong'₂;
 23 si₂ nng'₂;

* 18:22 griego: kithara.

jág₁ quió'₅ 'io₅₄,
 quió'₅ dsa₂ ɲe'₂ i₂jen'₂ gu₂,
 tsá₃ ma₃o₁líg'₂ qui₃né'₂ ja₁cong'₂.
 Ia₁ dsa₂ dsen₅₄ jin₄ dsa₂ mi₂güí₃
 jme₁lín₄ dsa₂ i₂qui₂jme₁jmo₅ 'ma'₅₄ quiáng'₂,
 ia₁ ca₂jme₁gang'₂ ca₂le₃jě₃ juí₂
 të₂le₃ quian'₅₄ a₂chan₂ 'au'₂.
 24 Ia₁ 'éi₂ bá₄ rě₂cán'₄ jmi₂ 'an₅₄
 ca₂le₃jin₃ dsa₂ i₂tén₅ le₃quió'₅ Diú₄,
 i₂ma₂'ě₂ jág₁ quió'₅ ně₃,
 quian'₅₄ ca₂le₃jin₃ i₂ca₂dsan₃
 ca₂jme₃dsiog₅ dsa₂, ne₄ gua'₅₄ 'uě₃.

19

1 Cang₂ jaun₂, ca₂nag₃ lia'₂ lě₅ jág₁ quió'₅ juin₅ lín₃ dsa₂ i₂tion'₅₄ guei'₅₄ i₂juíg₃, i₁juá'₄
 co₂mi'₅₄:
 ¡Aleluya!*
 Te₁gui'₅₄ Diú₄ quián₂ bá₄ jniog₄ i₂lió₂,
 i₂ca₂tín₂ gue₃ a₂jme₃juag'₂ dsa₂,
 i₂ca₂tín₂ jui₅bí₂ a₂náu₃ ne₄ 'éi'₃.
 2 Ia₁ dsau₅, ton'₂ dsi₂ten₅₄ bá₄ lě₅
 a₂qui₂dsi₂₃ 'éi'₃.
 Ia₁ ma₂ně₂qui₂dsi₂₃ 'éi'₃
 ja₁con₂ 'io₅₄ 'lín'₅₄ juin'₂,
 i₂ma₂ca₂jme₃ióg₃ ta₁caun₂ mi₂güí₃
 quian'₅₄ jág₁ 'lig'₅₄ a₂ma₂qui₂ma₂nió'₃.
 Jaun₂ 'ɲiog₅ bá₄ Diú₄ ma₂ně₂quion₃ 'ma'₅₄
 ja₁con₂ 'io₅₄ 'éi₂,
 ne₄ quió'₅ jmi₂ 'an₅₄ ca₂le₃jin₃ dsa₂ quián₅ Diú₄
 i₂jme₂ti₃ ta₁ ne₅₄.
 3 Con'₂ siá'₂ táng₃ ca₂juá'₂:
 ¡Aleluya!
 Tsau₂ jme₁ɲi₁ a₂con₂ 'io₅₄ 'éi₂
 ca₂lia'₂ co₂tan₅₄.
 4 Jaun₂ ně₃, le₃guión₂-quén₂ dsa₂ can'₅₄, quian'₅₄ guě'₂ le₃quén₂ já'₂ i₂tión₂ le₃ne₄ ne₄ta₁,
 qui₂ca₂tóin₂ 'uě₃ ca₂jme₃juin'₂ Diú₄ i₂guá₅ ne₄ta₁, qui₂ca₂juá'₂:
 —¡A₂méi₃! ¡Aleluya!
 5 Jaun₂ guě₄ ca₂né'₂ jág₁ të₂ ne₄ta₁, i₁juá'₄:
 Jme₁juin'₂ 'nia'₂ Diú₄ quián₂
 ca₂le₃jin'₃ 'nia'₂ i₂jme₂ti₃ ne₅₄
 ca₂le₃jin'₃ 'nia'₂ i₂juin'₂ i₂me'₂
 i₂go₃ gain₃ 'éi₂.

Jmíg₄ ja₁jen'₂ gu₂ Guein₂ Já'₂ Cha'₂

6 Jaun₂ ca₂nag₃ jniá₂ co₂mi'₅₄ a₂né'₂ lia'₂ né'₂ jág₁ ja₁i₁tion'₅₄ dsa₂ juin₅, lia'₂ né'₂ ja₁ta'₂ la'₅₄
 pa₁ lín₃,* juí₁lia'₂ të₂tsi'₅₄ co₂mi'₅₄ quia'₂ ɲí'₃ tiá₂ lín₃, i₁juá'₄:
 ¡Aleluya!

Ia₁ ma₂gon₂ Te₁gui'₅₄ Diú₄ quián₂ jniog₄

* 19:6 o₃ “lia'₂ né'₂ líóng₂ jmíg₂.”

i₂'Uan' ₂ guē₄ lín₃.
 7 jui₁jmo₁ jniog₄ 'io' ₂
 o₂'nió₃ o₂jnia₃ dsi₅,
 jui₁jme₁juin' ₂ jniog₄ 'éi₂!
 Ia₁ ca₂tē₂ hora a₂jen' ₂ gu₂
 Guein₂ Já' ₂ Cha' ₂.

Dsa₂ mí₂ i₂jen' ₂ gu₂ quaiain' ₅₄ ně₃
 ma₂chain₂ co₂jniai₅₄.

8 Ma₂ni₂ tsi₁'mi' ₂ lino jlá' ₁
 a₂tág₅, a₂le₁jě₃ lín₃, a₂rě₂lín₅₄.

(Ia₁ jui₁lia' ₂ tsi₁'mi' ₂ lino jlá' ₁ ně₃, co₂'nió' ₄ jui₅ dsau₅ a₂ma₂quian₅ dsa₂ i₂tén₅ le₃quió' ₅ Diú₄.)†

9 Jaun₂ ca₂juá' ₂ ángel ca₂tság₃ jniá₂:

—Jmo₄ si₂ tiong₅: “E₂ guē₄ dsen₃ ca₂le₃jín₃ dsa₂ i₂tē₄ jmig₄ ja₁jen' ₂ gu₂ Guein₂ Já' ₂ Cha' ₂.”
 Jaun₂ ca₂juá' ₂ táng₃:

—Jág₁ tí₅ tē₃dsón' ₂ bá₄ la₂ quió' ₅ Diú₄.

10 Jaun₂ ca₂tón₂ jniá₂ ja₁tióng₂ tag₄ ángel 'éi₂ a₂jme₁jme₁juin' ₂ jniá₂. La₁ ca₂juá' ₂ ně₃:

—A₃ jmo₂ le₂ně₅. Ia₁ jan₂ rín' ₂ 'ne₂ bá₄ líng₅, i₂jme₂ti₃ ta₁ ne₄ Diú₄, ton' ₂ líng₅ jan₂ rín' ₅₄
 rín' ₂ 'ne₂ i₂qui₂'ě₂ jág₁ o₄quió' ₄ Diú₄, quian' ₅₄ i₂tón' ₂ jui₅ jág₁ a₂rě₂'ě₂ quió' ₅ Diú₄ a₂tio' ₅₄ ne₄
 si₂ la₂. Jme₁juin' ₂ Diú₄. Ia₁ jág₁ dsau₅ quió' ₅ Jesús bá₄ a₂'i₄ jme₂dsí₂ quió' ₅ jui₁lia' ₂ i₂'ě₂ jág₁
 o₄quió' ₄ Diú₄.

Dsa₂ i₂ηó₅ co₁dsin₅₄ cua₁ tion₂

11 Jaun₂ ca₂jág₃ jniá₂ rě₂na₄ guei' ₅₄ i₂juíg₃, jaun₂ ca₂jnia₃ jan₂ dsi₂cua₁ tion₂. Dsa₂
 i₂co₂dsag₅₄ guē' ₂ chen₂ I₂rě₂ti' ₅₄, I₂dsau₅ ně₃. Con' ₂ dsi₂ten₅₄ bá₄ qui₂dsi₂₃ 'éi' ₃, jmo₂₃ 'nei₂.

12 Tág₅ jme₁ne₁₂ lia' ₂ tág₅ si₂; tio' ₅₄ 'lióng₂ coronas mi₂dsi₅₄ ja₁le₁ton₅ lia' ₂ chein₂, jnia' ₅₄ lia' ₂
 'niog₅ bá₄ nji' ₂, tsá₃ 'ein₂ i₂sián' ₂ nji' ₂. 13 Qui' ₂ caun₂ 'mi' ₂ chen' ₅₄ a₂ně₂jag₄ bá₄ ma₂i₂tia₃ jmi₂;
 a₂chen' ₂ 'éi₂ guē' ₂ ně₃ Jág₁ quió' ₅ Diú₄.† 14 Chi₁co' ₅₄ quió' ₅ 'éi₂, tē₁ja₂lén₂ juin₅ lín₃ 'lióg₂ quián₅
 guei' ₅₄ i₂juíg₃. Ca₂le₃jín₃ le₁qui' ₂ jma' ₃ 'mi' ₂ lino tiog₂ jlá' ₁ a₂le₁jě₃, a₂ca₂'u₁in₂ qui₂co₂dsin₅₄
 cua₁ tion₂. 15 Mi' ₂o₄ 'éi₂ dsi₅₄ caun₂ a₂lě₅ lia' ₂ lě₅ ni₁tág₂ 'mu₃ lín₃ a₂jmaí' ₂ ca₂le₃jín₃ juig₂ ne₄
 gua' ₅₄ 'uě₃. “Goin₃ ne₄ 'éi₂ quian' ₅₄ 'ma₂'i' ₅₄ a₂lě₅ ni₁ní₁ 'ua' ₂.”§ Qui₃tsó' ₃ ně₂jag₄ bá₄ mīg₂
 uvas a₂'i₄ 'nei₂ dséi₂ dsí₅ Diú₄ 'Uan' ₂. 16 Ne₄ tsi₁'mi' ₂ chen' ₅₄, ne₄ mi₂qui₅₄ ně₃, chi₁ton₅ 'a₂
 lia' ₂ chein₂: RAG₅₄ QUIÁN₅ CA₂LE₃JIN₃ RAG₅₄ JUIG₅₄ CA₂LE₃JIN₃ JUIG₅₄.

17 Jaun₂ ca₂jing₅₄ jan₂ ángel chéin' ₅ dsi₂jo₂ 'iog₂. 'Éi₂ ně₃ ca₂juá' ₂ tiá₂ lín₃ qui₂ca₂tsí' ₃
 ca₂le₃jín₃ já' ₂ i₂'in₅ guei' ₅₄ dsi₂güig₂:

—I₂nó' ₅ 'nia' ₂, tión' ₂ 'nia' ₂ lo' ₂, ia₁ le₃cha₂ má₃ pa₁ cuē₃ Diú₄, 18 ia₁jaun₂ tón' ₄ 'nia' ₂ quē' ₅₄
 jma' ₃ nji₅: ni₄rag₅₄, ni₄ca₂le₃jín₃ juig₅₄ 'lióg₂, ni₄ca₂le₃jín₃ guē₄ dsa₂ bēn₂ ně₃. Ca₂lia' ₂ ni₄ cua₁
 ně₃, ni₄dsa₂ i₂jme₁co₂dsag₅₄ ně₃; ni₄ca₂le₃jín₃ guē₄ dsa₂: lia' ₂ dsa₂ i₂jme₂ti₃ ta₁ ne₄ juig₅₄, lia' ₂
 dsa₂ i₂tsá₃ 'ein₂ ne₄ jme₂ti₃; lia' ₂ dsa₂ i₂juin' ₂ lia' ₂ dsa₂ me' ₂.

19 Jaun₂ ca₂jing₅₄ i₂tē' ₂ Já' ₂ 'Lin' ₅₄, quaiain' ₅₄ ca₂le₃jín₃ rag₅₄ chan₂ ta₁caun₂ gua' ₅₄ 'uě₃,
 quaiain' ₅₄ ca₂le₃jín₃ 'lióg₂ quiáin₅. Ca₂liain' ₃ riin' ₅₄ ca₂jmo₃ caun₂ jág₁ a₂quín' ₂ quaiain' ₅₄
 i₂co₂dsin₅₄ cua₁ quaiain' ₅₄ ca₂le₃jín₃ 'lióg₂ i₂quaiain' ₅₄ ně₃. 20 Já' ₂ 'Lin' ₅₄ ně₃ ca₂'néi' ₃ bá₄ co₂dsia₅
 quaiain' ₅₄ dsa₂ i₂'ě₂ jág₁ a₂juigain₂ i₂ma₂jmo₃ 'lióng₂ léi₄ juē' ₂ o₄quió' ₄ 'éi₂; ia₁ tē₂le₃ quian' ₅₄
 tsá₃ caun₂ o₂dsain₂ ca₂jme₃jniai₂₃ jin₄ dsa₂, ca₂jme₃gain₂₃ dsa₂ i₂ma₂lín₅ léi₄ quián₅ Já' ₂
 'Lin' ₅₄, i₂ma₂ca₂jme₃juin' ₂ nió' ₄ quió' ₅ 'éi₂ ně₃. Le₃on₃ 'éi₂ co₂dsia₅ bá₄ ca₂tē₁dsin₅₄ tē₃jéin' ₃
 le₂jaun₂ ja₁'a₄ si₂ a₂cau₂ quian' ₅₄ azufre, a₂juē' ₂ lia' ₂ juē' ₂ jmi₁ní' ₄. 21 Ca₂le₃jín₃ guē₄ rin' ₅₄ 'éi₂

† 19:8 lit. “a₂ma₂quian₅ dsa₂ jnió' ₅.” ‡ 19:13 'Nio' ₂ ja₁ton₅ Juan 1:1-14. § 19:15 Salmo 2:9.

ně₃ ca₂dsain₃ quian'₅₄ ŋi₁tág₂ a₂o₂'ag₅ mi₂'o₄ i₂co₂dsin₅₄ dsi₂cua₁ 'éi₂. Jaun₂ guě₄ qui₂ca₂guě'₃ ca₂le₃jín₃ já'₂ i₂'in₅, lia'₂ mag'₂ dsi₅, ŋi₄ i₂ca₂dsan₃ 'éi₂.

20

Caun₂ mei₅ ŋi₂

¹ Jaun₂ ca₂jing₅₄ táng₃ jan₂ ángel, ca₂sióin₃ guei'₅₄ i₂juíg₃. Chi₁chan'₂ ní₁ llave quió'₅ ja₁ca₂jein₃ chi₁dsio₅₄, caun₂ guě'₂ cadena pa₁ quian₅. ² Jaun₂ ca₂ŋai'₃ i₂tě'₂ já'₂ dragón, dsi₂mi'₂ 'ón₅ 'éi₂, i₂lín₅ i₂sě₃dsen₃ i₂chen₂ Satanás, jaun₂ ca₂'néi'₃ caun₂ mei₅ ŋi₂. ³ Ca₂'liog'₃ ja₁ca₂jein₃ chi₁dsio₅₄, ca₂jnéi₃ ja₁jaun₂, ton'₂ ca₂tióng₃ caun₂ sello ia₁jaun₂ tsá₃ ma₃lé₂ jme₃gain₂₃ guě₄ juig₂ a₂cha₂ ne₄ gua'₅₄ 'uě₃, ca₂lia'₂ ca₂dsin₃ caun₂ mei₅ ŋi₂. Cang₂ jaun₂ jě₁ma₂ca₂dsin₃ caun₂ mei₅ ŋi₂, jaun₂ guě₄ chein'₂ táng₃ co₂'na₂.

⁴ Jaun₂ ca₂jág₃ táng₃ jniá₂ ja₁tióng₂ ne₄ta₁; ja₁jaun₂ tián'₅ i₂ma₂ŋi₂ jui₅bí₂ a₂qui₃dsi₂₃ 'éi'₃. Ján₃ bá₄ ca₂jág₃ jme₂dsi₂ quió'₅ dsa₂ i₂qui₂ca₂quí'₃ dsa₂ dsi₂lag₄ ne₄ 'uig₅₄ ia₁ a₂qui₂ca₂jáng'₃ jág₁ dsau₅ quió'₅ Jesús, o₄quió'₄ jág₁ quió'₅ Diú₄ ně. Tsá₃ ca₂jme₃juin'₂ Já'₂ 'Lin'₅₄, on₃ guě'₂ ca₂gue₃ tē₃ton₅₄ léi₄ quió'₅, dso'₂ chi₁quí₃, on₃ guě'₂ co'₅₄ gú₃ ně₃. Jaun₂ ca₂jen'₅₄ táng₃ 'éi₂, ca₂rě₃goin₂ quiaín'₅₄ Cristo caun₂ mei₅ ŋi₂. ⁵ (La₁ ca₂le₃jín₃ guě₄ 'lag₄ sián'₂ guě'₂ ně₃, tsá₃ ca₂jein'₅₄ ca₂lia'₂ ca₂dsin₃ caun₂ mei₅ ŋi₂.) Co₂'nió'₄ a₂jaun₂ bá₄ le₃jua'₅₄ jě₁le₂'uig₅₄ a₂jen'₅₄ 'lag₄. ⁶ 'E₂ guě₄ dsen₃, 'e₂ guě₄ jŋi₅o₅, jui₁lia'₂ dsa₂ i₂quen'₄ jě₁le₂'uig₅₄ a₂jen'₅₄ dsa₂! Ia₁ ja₁con₂ 'éi₂ guě₄ ně₃ tsá₃ ma₃jui₅bí₂ 'io₃ jě₁ca₂tě₂ táng₃ 'mú₃. Dsa₂ 'éi₂ guě₄ ně₃ léin₂ jme₂dsa₂ le₃ne₄ Diú₄, quian'₅₄ le₃ne₄ Cristo, ton'₂ goin₃ ján₃ quiaín'₅₄ 'éi₂ caun₂ mei₅ ŋi₂.

⁷ Jě₁ma₂ŋi₂ caun₂ mei₅ ŋi₂ jaun₂, jaun₂ guě₄ chen'₂ táng₃ Satanás ja₁rě₂jŋi₅, ⁸ a₂o₃'iin₅, dsi₃jme₃gain₂₃ juig₂ ta₁quén₂ qui'₅₄ quió'₅ gua'₅₄ 'uě₃: ca₂tě₂ ja₁chei₂ Gog quian'₅₄ Magog.* Ja₁jaun₂ guě₄ ně₃ chi₃liain'₃ a₂jmo₃ caun₂ jág₁ a₂jmo₃ 'nei₂. I₂juin₅ lin₃ lě₂, lia'₂ ja₁lě₄ mi₂tsag₄ a₂cha₂ chei'₅₄ jmi₁ŋi'₄.

⁹ Jaun₂ ca₂i₃léin₂ ta₁caun₂ jui₅ con'₂ lě₅ 'í₂ gua'₅₄ 'uě₃, jaun₂ ca₂jě₂li'₅₄ le₃lág₃ ja₁tion'₅₄ dsa₂ i₂tén₅ le₃quió'₅ Diú₄, co₂'nió'₄ juig₂ ciudad a₂'nio₃ Diú₄. Jaun₂ qui₂ca₂séi'₂ si₂ guei'₅₄ i₂juíg₃, ca₂dsin'₂ co₂ŋei'₅₄. ¹⁰ Jaun₂ i₂sě₃dsen₃ i₂ca₂jme₃gau₅ quió'₅ dsa₂ 'éi₂ ně₃, i₂'in₃ ja₁'a₄ si₂ a₂cau₂ quian'₅₄ azufre, ja₁ma₂'en₅₄ Já'₂ 'Lin'₅₄ quiaín'₅₄ dsa₂ i₂'ě₂ jág₁ a₂jui₁gain₂, a₂ŋág₃ uig₅ lia'₂ 'uě₂-jmi₂ ca₂lia'₂ co₂tan₅₄.

Jě₁tě₃dsi₅₄ 'éi'₃ ne₄ta₁ tiog₂ a₂juě'₂

¹¹ Jaun₂ ca₂jág₃ táng₃, ca₂jnia₃ caun₂ ne₄ta₁ juě'₂ tiog₂, jaun₂ ca₂jing₅₄ i₂guá₅ ne₄ta₁. Ne₄ 'éi₂ ca₂cuing₃ gua'₅₄ 'uě₃ quian'₅₄ guei'₅₄ dsi₂güig₂, ca₂lia'₂ tsá₃ ma₃ja₁ca₂dsáu'₂. ¹² Ja₁jaun₂ guě₄ ca₂jing₅₄ ca₂le₃jín₃ 'lag₄, lia'₂ i₂can'₅₄ lia'₂ i₂me'₂, jniá₂ tióin₂ ne₄ Diú₄. Jaun₂ qui₂ca₂niá₃ mi₂si₂ rě₂bin₅. Con'₂ siá'₂ ca₂niá₃ mi₂si₂ a₂le₃chan₂ dsa₂ co₂tan₅₄. Ca₂tě₂dsi₅₄ 'éi'₃ ja₁con₂ 'lag₄ lia'₂ con'₂ lě₅ ca₂jmo₃ le₂jain₂ le₂jain₂ con'₂ lě₅ le₁ton₅ ne₄ mi₂si₂ jaun₂. ¹³ Ca₂jín'₂ jmi₁ŋi'₄ ca₂jín'₂ 'lag₄ i₂jme₁tion'₅₄ jě₄ jaun₂; qui₂ca₂jín'₂ 'Mú₃ quian'₅₄ guě'₂ Tau₂ 'Nio₅a qui₂ca₂jín'₂ 'lag₄ i₂jme₁tion'₅₄ ja₁jaun₂. Jaun₂ ca₂tě₂dsi₅₄ 'éi'₃ quió'₅ le₂jain₂ le₂jain₂ lia'₂ con'₂ lě₅ a₂ca₂jmo₃. ¹⁴ Jaun₂ qui₂i₃gan'₅₄ 'Mú₃ quian'₅₄ Tau₂ 'Nio₅† ja₁'a₄ si₂. Co₂'nió'₄ ja₁'a₄ si₂ jaun₂, lě₅ jě₁ca₂tě₂ táng₃ 'mú₃. ¹⁵ Jui₁lia'₂ i₂tsá₃ ca₂dsán'₂ chi₁toin₂₃ ne₄ mi₂si₂ a₂chan₂ dsa₂ co₂tan₅₄, ja₁'a₄ si₂ bá₄ ca₂i₃'in₃.

21

Caun gua'₅₄ 'uě₃ 'mí₂, quian'₅₄ caun₂ dsi₄ 'mí₂

¹ Cang₂ jaun₂, ca₂jág₃ táng₃ jniá₂ caun₂ gua'₅₄ 'uě₃ 'mí₂, caun₂ dsi₄ 'mí₂ táng₃, ia₁ jě₁le₂'uig₅₄ dsi₄ quian'₅₄ guě'₂ le₂'uig₅₄ gua'₅₄ 'uě₃ co₂dsia₅ ca₂i₃'én₂ bá₄ jaun₂, on₃ guě'₂ jmá'₃ jmi₁ŋi'₄

* **20:8** o₃, “Magog ja₁gon₂ Gog”. ‘Nio₂ ja₁ton₅, Ezequiel 38:2 - 39:16. † **20:14** griego: hades, co₂'nió'₄ a₂juá'₂, ja₁quió'₄ 'lag₄.

ma₃cha₂ ně₃. ² Jaun₂ ca₂jág₃ jniá₂* Juig₂ Ciudad Jnió₅, Jerusalén 'mí₂, a₂ca₂jnia₃ ca₂sio₃ guei'₅₄ i₂juig₃ ne₄ Diú₄. Jniá₂ ma₂lě₅ co₂jnia₅₄ jlá'₁ lin₃, ně₂jag₄ bá₄ jan₂ dsa₂ mí₂ i₂rě₂lin₄ quián₅ dsa₂ ħe'₂ i₂li'₅₄ jág₁ quiain'₅₄. ³ Jaun₂ ca₂nag₃ jág₁ a₂já₅ ne₄ta₁ ca₂juá'₂ tiá₂:

—Jag₄, ma₂guá₅ bá₄ Diú₄ jin₄ dsa₂ mi₂güig₃. Jin₄ 'éi₂ 'í₂ co₂tan₅₄ bá₄. Lén₂ dsa₂ 'éi₂ dsa₂ juig₂ quiáin₅, jaun₂ 'ñiog₅ bá₄ Diú₄ jme₃quiong'₅₄ a₂lén₂ Diú₄ quiáin₅, ⁴ Jaun₂ qui₃chí₃ jme₁ne₁ 'éi₂ ca₂le₃jě₃ jmig₂ a₂le₁ág₄. Tsá₃ ma₃le₃cha₂ guě₄ 'mú₃, on₃ guě'₂ jua'₅₄ ně₅ qui₃tón'₃ guě₄ dsa₂ qui'₂-o₂₃, on₃ guě'₂ ně₅ i₃nioi₅₄ guě₄ chain₂ o₂i₁ dsi₅, on₃ guě'₂ le₃cha₂ jua'₅₄ qui'₂ uig₅ quió'₅. Ia₁ co₂dsia₅ ca₂ñí₂ bá₄ ca₂le₃jě₃ 'e₂ a₂jme₁cha₂ le₂jniá₅.

⁵ Jaun₂ ca₂juá'₂ i₂guá₅ ne₄ta₁:

—La₂ jag₄, jmo₅₄ jniá₂ a₂'mí₂ ca₂le₃jě₃.

Ca₂juá'₂ ján₃:

—Tiong₅ ne₄ si₂, ia₁ jág₁ dsau₅ a₂rě₂ti'₅₄ bá₄ la₂.

⁶ Jaun₂ ca₂tság₃ jniá₂:

—Ca₂lě₃. Jniá₂ bá₄ 'éi₂ i₂lín₅ Alfa quian'₅₄ Omega: i₂lín₅ i₂le₂ne₁, i₂lín₅ jě₁ca₂tó'₂ ně₃. Jui₁lia'₂ i₂rě₂quein₂ dsí₅, cuě₅₄ jniá₂ a₂'ín₂ 'éi₂ jmig₂ a₂'ia₂ o₄tu₁ jmig₂ a₂le₃chan₂ dsa₂, on₃jua'₅₄ a₂cha₂ quin₃ 'i₁caun₂. ⁷ Jui₁lia'₂ i₂ca₂tió'₃, a₂lě₁ñei₃ cuě₅₄ jniá₂ ca₂le₃jě₃ a₂ně₅, jaun₂ jniá₂ bá₄ lén₂ Diú₄ quiáin₅, 'éi₂ guě'₂ lén₂ chí'₂-guein₂ quiáng₃. ⁸ La₁ jui₁lia'₂ dsa₂ i₂tén'₅, jui₁lia'₂ dsa₂ i₂tsá₃ 'én₂, jui₁lia'₂ i₂li₁'ñio₅, jui₁lia'₂ i₂jme₂dsian₅ rin'₅₄, jui₁lia'₂ i₂nió'₅ jág₁ a₂tsá₃ dsi₂ten₅₄ nió'₃, jui₁lia'₂ i₂tín₂ mί₅ a₂chan₂ dsí₅, jui₁lia'₂ i₂jme₂juin'₂ diú₄ lag₄, ca₂le₃jín₃ i₂co₂jmo₅ jág₁ tē₂jág₁ ně₃; ca₂le₃jín₃ dsa₂ ně₅ tiin₃ dsi₃lén₂ ja₁'a₄ si₂ a₂cau₂ quian'₅₄ azufre, a₂lě₅ jě₁ca₂tě₂ táng₃ 'mú₃.

Caun₂ Jerusalén 'mí₂

⁹ Jaun₂ ca₂guan₃ jan₂ ángel i₂lě₂ i₂guion₃ i₂jme₁le₁chan'₂ guio₃ ni₁uig₅ le₁can'₂ le₃guio₃ jmi₁uig₅ jě₁ca₂tó'₂ 'éi₂, ca₂juá'₂ ca₂tság₃ jniá₂:

—Ñia₅, la₂ 'ín₂ jniá₂ dsa₂ mí₂ i₂lě₂ dsi₂i₂gu₂ Guein₂ Já'₂ Cha'₂.

¹⁰ Jaun₂ ca₂jio₃ a₂'eng₅₄ le₃quió'₅ Jme₂dsí₂, ca₂tě₂ ja₁lě₄ má'₂ juě'₂ a₂ñei₅. Ja₁jaun₂ ca₂'ě₃ Juig₂ Jnió₅, Jerusalén, a₂sio₅ guei'₅₄ i₂juig₃ ne₄ Diú₄. ¹¹ A₂jniá₂ tág₅ 'ñio₅ lin₃ quian'₅₄ a₂co₂tág₅ quió'₅ Diú₄, a₂jniá₂ co₂tág₅ co₂'né₅ jui₁lia'₂ jniá₂ ni₁cang₁ jlá'₁, jui₁lia'₂ ni₁cang₁ Jaspe a₂rě₂jě₃ lia'₂ lě₅ ni₁'i₂. ¹² Le₃lág'₃ juig₂ jaun₂, chí'₅ caun₂ ni₁'ia₂ pa₁ lin₃ a₂ñei₅, a₂le₁dsi₅₄ guia₃-tín₂ o₄'né₄, tión₂ guia₃-tín₂ ángeles o₄'né₄. Qui₂le₁ton₅ o₄'né₄ lia'₂ chen₂ le₃guia₃-tín₂ tsi₁jon₂ Israel. ¹³ 'Ni₅ o₄'né₄ le₁dsi₅₄ tē₂le₃ ja₁'ia₂† 'iog₂, 'ni₅ guě'₂ tē₂le₃ ca₂ton₂ norte, 'ni₅ guě'₂ tē₂le₃ ca₂ton₂ sur, 'ni₅ guě'₂ táng₃ tē₂le₃ ja₁rin₂ 'iog₂. ¹⁴ Jme₁lě₂ guia₃-tín₂ 'uig₅₄ ni₁'ia₂ juig₂ ciudad jaun₂; ne₄ jaun₂ qui₂le₁ton₅ lia'₂ chen₂ dsa₂ guia₃-tín₂ i₂chen₄ quián₅ Guein₂ Já'₂ Cha'₂. ¹⁵ Chi₁chan'₂ ángel i₂dsia₅ jniá₂ jág₁ quiang'₅₄ caun₂ ni₁'ma₂ a₂quio₂ dsa₂ 'éi'₃, a₂lě₅ jmá'₃ cu₄nió₄, a₂qui₃quió₃ 'éi'₃ juig₂ jaun₂, ca₂le₃jě₃ o₄'né₄ quió'₅, dso'₂ ni₁'ia₂ ně₃. ¹⁶ Ta₁caun₂ juig₂ jaun₂ lě₅ cha₂ qui'₅₄, co₂jaun₂ bá₄ 'í₂ con'₂ cu₂. Ca₂quio₂ 'éi'₃ ta₁caun₂ juig₂ quian'₅₄ 'ma₂'éi'₃ jaun₂. Jaun₂ jme₁ca₂tě₁ron₅₄ 'éi'₃, ca₂dsióg₃ tīn₃ mei₅ rě₂dsí₂ tīn₃ 'ñiá₂-láu₂ (2,200) kilómetros con'₂ tē₂le₃ jang₄ juig₂. Con'₂ jaun₂ bá₄ ján₃, ca₂dsióg₃ tē₂le₃ 'í₂ quian'₅₄ guě'₂ tē₂le₃ ñei₅ niog₅ juig₂. ¹⁷ Jaun₂ ca₂quio₂ 'éi'₃ jmá'₃ ni₁'ia₂. Jaun₂ ca₂dsióg₃ caun₂ 'ñiá₂-láu₂ rě₂dsí₂ tē₂láu₃-quén₂ (144) lě₂, 'éi'₃ quió'₅ dsa₂ mi₂güig₃, 'éi'₃ a₂jmo'₂ ángel ta₁.†

¹⁸ Ni₁'ia₂ ně₃, jme₁lě₄ jmá'₃ quian'₅₄ ni₁cang₁ jaspe; ta₁caun₂ ciudad guě'₂ ně₃, jmá'₃ cu₄nió₄ jmá'₅, a₂tág₅ lia'₂ tág₅ ni₁'i₂ rě₂jě₃. ¹⁹ Uig₅₄ ni₁'ia₂ ciudad ně₃, qui₂rě₂lag₄ quian'₅₄ ca₂le₃jě₃ ne₅₄ ni₁cang₁ jlá'₁.

Jě₁le₂'uig₅₄ rě₂lag₄ quian'₅₄ jaspe;

* 21:2 Cha₂ a₂lin₅₄ chog₅₄ si₂ me'₂, a₂juá'₂: "jniá₂, Juan₅₄, ca₂jág₃." † 21:13 Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. ‡ 21:17 o₃, "'éi'₃ quió'₅ dsa₂ mi₂güig₃, co₂'nió'₄ 'éi'₃ quió'₅ ángel."

jë₁ca₂tě₂ tin₃ ně₃, quian'₅₄ zafiro;
 jë₁ca₂tě₂ 'ni₅ ně₃, quian'₅₄ ágata;
 jë₁ca₂tě₂ quén₂ guë'₂, quian'₅₄ esmeralda;
 20 jë₁ca₂tě₂ 'ñiá₂ rě₂lag₄ quian'₅₄ ónice;
 jë₁ca₂tě₂ jñé₂ guë'₂ ně₃, quian'₅₄ cornalina;
 jë₁ca₂tě₂ guio₃ táng₃, quian'₅₄ crisólito;
 jë₁ca₂tě₂ jñia₃ ně₃, quian'₅₄ berilo;
 jë₁ca₂tě₂ ñi₃ ně₃, quian'₅₄ topacio;
 jë₁ca₂tě₂ guia₃ guë'₂ ně₃, quian'₅₄ crisoprasa;
 jë₁ca₂tě₂ guia₃-cáun₃ ně₃, quian'₅₄ jacinto;
 jë₁ca₂tě₂ guia₃-tín₂ guë'₂ ně₃, rě₂lag₄ quian'₅₄ amatista.

21 Ta₁guia₃-tín₂ o₄'né₄ ně₃, jme₁lě₄ mīg₂ perlas, ia₁ jma₃cáun₃ o₄'né₄ jme₁lě₄ jma₃ca₂mīg₂ perla. Calle dsen₅₄ dsi₂jo₂ juig₂ ciudad jaun₂, jme₁lě₄ cu₄nióg₄ a₂le₁jě₃ ně₂jag₄ bá₄ ni₁'i₂ rě₂jě₃.

22 Tsá₃ ca₂jág₃ jniá₂ 'i₁caun₂ guá'₅, jua'₅₄ chí'₅ jě₄ juig₂, ia₁ 'ñiog₅ bá₄ Te₁gui'₅₄ Diú₄ i₂'Uan'₂ guë'₄ lin₃, 'éi₂ bá₄, quian'₅₄ Guein₂ Já'₂ Cha'₂, lín₅ guá'₅ quió'₅. 23 Tsá₃ si₂ quió'₅ 'iog₂ on₃ guë'₂ si₂ quió'₅ tsi'₂ 'nió'₅ quió'₅ juig₂ jaun₂, ia₁ quian'₅₄ a₂co₂tág₅ co₂'ne'₂ quió'₅ 'ñiog₅ bá₄ Diú₄, jmo₅ jniá₂ ja₁jaun₂, quian'₅₄ guë'₂ Guein₂ Já'₂ Cha'₂, i₂lín₅ co₂'nió'₄ si₂ ni₁tsí₅.

24 Jaun₂ qui₂i₃nio₄ ca₂le₃jě₃ juig₂Š ja₁tág₅ si₂ quió'₅ 'éi₂; qui₂ja₃lén₂ rag₅₄ chan₂ gua'₅₄ 'uë₃, qui₂le₁quian₅ a₂jlá'₁ quió'₅ jě₄ jaun₂. 25 Lia'₂ o₁líg'₂ jmig₄ tsá₃ jnág₃ o₄'né₄ a₂jmi₂, ia₁ tsá₃ ma₃a₂'uë₂ le₃cha₂. 26 Ja₁jaun₂ qui₂dsi₃to₅₄ ca₂le₃jě₃ a₂jlá'₁, a₂quen₅ quió'₅ juig₂ a₂te₁'i₁ gua'₅₄ 'uë₃. 27 La₁ ja₁jaun₂ tsá₃ qui₂dsi₃to₅₄ 'i₁caun₂ a₂lě₁'iog₅, on₃ guë'₂ 'i₁jan₂ dsa₂ i₂qui₂jmo₅ a₂o₂guí'₃, i₂ju₁i₁gan₂ ně₃. Jmá'₃ lia'₂ con'₂ i₂ma₂tion'₅₄ le₁ton₅ lia'₂ chein₂ ne₄ mi₂si₂ a₂le₃chan₂ dsa₂ co₂tan₅₄ quió'₅ Guein₂ Já'₂ Cha'₂ bá₄, jmá'₃ lia'₂ i₂'éi₂ bá₄ dsi₁len₃ ja₁jaun₂.

22

Cuá₃ ja₁ñi₅ jmi₂g₂ a₂chan₂ dsa₂

1 Jaun₂ ca₂'ě₃ ángel caun₂ cuá₃ ja₁ñi₅ jmi₂g₂ a₂chan₂ dsa₂, a₂rě₂jě₃ lia'₂ lě₅ ni₁'i₂; a₂já₅ ja₁lě₄ ne₄ta₁ quió'₅ Diú₄ quian'₅₄ Guein₂ Já'₂ Cha'₂, 2 a₂ñi₅ dsi₂jo₂ jě₄ calle dsen₅₄ quió'₅ ciudad jaun₂. Lia'₂ ca₂ton₂ jmi₂g₂ cuá₃ ně₃, dsi₅₄ ni₁'ma₂ a₂chan₂ dsa₂; * a₂'ag₅ guia₃-tín₂ ne₅₄ mīg₂, jma₃ca₂ne₅₄ mīg₂ le₂'i₁ tsi'₂, † Mog'₅₄ guë'₂ ně₃, jmo₅ ta₁ a₂'lón₂ ca₂le₃jě₃ juig₂. 3 Ia₁ ja₁jaun₂ guë'₄ ně₃, tsá₃ ma₃jág₁ uig₅ le₃cha₂. Jě₄ juig₂ ciudad tě₃tsi'₅₄ ne₄ta₁ quió'₅ Diú₄, quió'₅ Guein₂ Já'₂ Cha'₂ ně₃, jaun₂ qui₂jme₃ti₃ dsa₂ quiáin₅ ne₅₄. 4 Ja₁jaun₂ jág₂ dsi₁ne₁, qui₃cán₂ lia'₂ chen₂ 'éi₂ le₁ton₅ chi₁quí₃. 5 Tsá₃ ma₃a₂'uë₂ cha₂ ja₁jaun₂; le₂jaun₂ guë'₂ táng₃ ju₁lia'₂ i₂tián'₅ ja₁jaun₂ tsá₃ ma₃si₂ ni₁tsí₅ 'nió'₅ quió'₅, on₃ guë'₂ si₂ quió'₅ 'iog₂. Ia₁ 'ñiog₅ bá₄ Te₁gui'₅₄ Diú₄ téi₂ si₂ ja₁coin₂. Jaun₂ qui₃goin₃ ján₃ ca₂lia'₂ co₂tan₅₄.

6 Jaun₂ ca₂juá'₂ ángel ca₂tság₃ jniá₂:

—Jág₁ dsau₅ a₂rě₂ti'₅₄ bá₄ la₂ a₂juig₂ jniá₂ 'ne₂. 'Ñiog₅ bá₄ Te₁gui'₅₄, i₂lín₅ Diú₄ i₂cuë₅ bí₂ jme₂dsi₂ quió'₅ dsa₂ i₂qui₂'ě₂ jág₁ o₄quió'₄, 'éi₂ bá₄ ma₂ca₂chein₃ ángel quiáin₅ ně₃, a₂ca₂jme₃jñia₁23 ne₄ dsa₂ i₂qui₂jme₂ti₃ ne₅₄, ca₂le₃jě₃ 'e₂ niog₅ lě₂ ñi'₅₄ ta₁.

Ñi'₅₄ ta₁ guan'₂ bá₄ Te₁gui'₅₄ Jesucristo

7 —jag₄! iñi'₅₄ ta₁ la₂ bá₄ guióng'₄! i'E₂ guë'₄ dsen₃ i₂tón₂ jui₅ jág₁ a₂rě₂'ě₂ quió'₅ Diú₄ a₂tio'₅₄ ne₄ si₂ la₂!

§ 21:24 A₂lin₅₄ chog₅₄ si₂: “ca₂le₃jě₃ juig₂ a₂ma₂lón₂.” * 22:2 o₃, “a₂já₅ ja₁lě₄ ne₄ta₁ quió'₅ Diú₄ quian'₅₄ Guein₂ Já'₂ Cha'₂. Dsi₂jo₂ jě₄ calle dsen₅₄ quió'₅ ciudad jaun₂, con'₂ guë'₂ lia'₂ ca₂ton₂ jmi₂g₂ cuá₃ ně₃, dsi₅₄ ni₁'ma₂ a₂chan₂ dsa₂.”

† 22:2 o₃, “a₂'ag₅ mīg₂ guia₃-tín₂ ráun₂, co₂ráun₂ le₂'i₁ tsi'₂.”

⁸ Jniá₂, Juan₅₄, jniá₂ bá₄ líng₅ i₂ca₂jág₃, i₂ca₂nag₃ ca₂le₃jě₃ cosa nē₅. Jaun₂ jme₁ma₂nē₂jág₃ ma₂nē₂nag₃, jaun₂ ca₂tón₂ jniá₂ 'uē₃ ja₁tió₂ mī₂tag₄ ángel, a₂jme₁jme₁juin'₂. ⁹ La₁ jaun₂ ca₂tság₃ jniá₂:

—A₃jmo₂le₂nē₅, Ia₁jan₂rín'₂ 'ne₂bá₄líng₅, i₂jme₂ti₃ta₁ne₄Diú₄, ton'₂ líng₅jan₂rín'₅₄rín'₂ 'ne₂i₂qui₂'ě₂jág₁o₄quió'₄Diú₄, quian'₅₄i₂tón'₂jui₅jág₁a₂tio'₅₄ne₄si₂la₂. Jme₁juin'₂Diú₄.

¹⁰ Jaun₂juá'₂tság₅jniá₂:

—Tsá₃lě₁'ma₂tei₄jág₁a₂rě₂'ě₂quió'₅Diú₄a₂tio'₅₄mī₂si₂rě₂bīn₅la₂. Ia₁ma₂ja₂quián₃jmi₄jaun₂. ¹¹ Jui₁lia'₂i₂jmo₅a₂'lig'₅₄, caun₂jui₁jmo₂₃a₂'lig'₁₂; jui₁lia'₂i₂rě₂'ñi₄o₄, caun₂jui₁jme₂'ñi₄o₃. Le₂jaun₂guē'₂táng₃, jui₁lia'₂i₂ñi₅jui₅co₂dsau₅, jui₁ñi₁₂lia'₂ma₂ñi₂₃jaun₂, jui₅co₂dsau₅; jaun₂jui₁lia'₂i₂lín₅i₂jñi₄o₅, caun₂jui₁lein₅₄bá₄rě₂jñi₄o₅.

¹² —i₂Dsón'₂bá₄ñi'₅₄ta₁guióng'₄! Quion₅₄'lia'₅₄premio quió₃; dsió'₄cuē₄le₂jan₂le₂jan₂lia'₂con'₂lě₅ma₂jmo₃. ¹³ Jniá₂bá₄líng₅Alfa quian'₅₄Omega; i₂le₂ne₁, i₂jě₁ca₂tó'₂ně₃; i₂le₂'ui₅₄, i₂jě₁ca₂dsan₃táng₃. ¹⁴ 'E₂guē₄dsen₃jui₁lia'₂i₂ma₂le₁jě₃tsin'₅₄, ia₁jaun₂bá₄ñei₃bí₂a₂tiin₃ni₁'ma₂a₂le₃chan₂dsa₂, a₂tiin₃dsi₃toin'₅₄le₃o₄'né₄jui₂ciudad ně₃. ¹⁵ Ca₁'né₄bá₄tion'₅₄jui₁lia'₂i₂lín₅lia'₂lín₅dsi₂jī'₅₄, jui₁lia'₂i₂tin₂mí₅a₂chan₂dsí₅,† jui₁lia'₂i₂qui₂nió'₅jág₁'lig'₅₄, jui₁lia'₂i₂jme₂dsian₅rín'₅₄, jui₁lia'₂i₂jme₂juin'₂diú₄lag₄, ca₂le₃jín₃guē₄i₂tě₅dsí₅qui₂jme₂gan₅rín'₅₄, a₂qui₂jmo₂₃jág₁tě₂jág₁ně₃.

¹⁶ 'Jniá₂Jesús, ma₂ca₂tsíng₂ángel quiáng₃, a₂jáng'₃jág₁dsau₅nē₅ja₁con'₂'nia'₂ne₄ca₂le₃jín₃guá'₅. Jniá₂bá₄líng₅lia'₂cho'₅₄lia'₂tsi₁jon₂Rag₅₄David, ján₃bá₄líng₅Nei₅'Tóg₁i₂tág₅quió'₅.

¹⁷ Jme₂dsí₂Jñi₄o₅, quian'₅₄dsa₂mí₂quián₅Guein₂Já'₂Cha'₂juá'₂:

—Ñia₅.

Le₂jaun₂guē'₂jui₁lia'₂i₂nag₅juá'₂i₂nē₅, jui₁jua'₅₄:

—Ñia₅.

Chi₂jua'₂'ein₂i₂rě₂quein₂dsí₅, jui₁jia₂; chi₂jua'₂'ein₂'nio₃, jui₁ja₂'én'₃jmi₂a₂le₃chain₂, on₃jua'₅₄cha₂quin₃'i₁caun₂.

¹⁸ Ca₂le₃jín₃i₂nag₅jág₁dse₃a₂rě₂'ě₄quió'₅Diú₄, a₂tio'₅₄mī₂si₂la₂, 'ě₅jniá₂jág₁dsau₅la₂: chi₂jua'₂'ein₂ca₂jmo₃ñag₅₄con'₂lě₅jág₁a₂ma₂tio'₅₄, Diú₄bá₄jme₃juē'₂jmi₁ui₅quió'₅lia'₂con'₂lě₅le₁ton₅ne₄mī₂si₂la₂. ¹⁹ Nē₁jua'₂'ein₂guē'₂ca₂jñiá'₂, ca₂jmo₃me'₂jág₁a₂rě₂'ě₂ne₄si₂la₂, Diú₄bá₄jñiá'₂a₂jme₁ca₂tiin₂quió'₅ni₁'ma₂a₂chan₂dsa₂, quian'₅₄guē₄quió'₅ciudad jñi₄o₅a₂le₁ton₅ne₄si₂la₂.

²⁰ I₂jáng'₅jág₁dsau₅la₂juá'₂:

—Dsón'₂bá₄ñi'₅₄ta₁guióng'₄.

A₂jaun₂guē'₂dsón'₂. i₂Jniá'₅'ne₂, Te₁gui'₅₄Jesús!

²¹ Jui₁jme₂gu'₅₄bá₄Te₁gui'₅₄Jesucristo ca₂le₃jín₃'nia'₂.

Co₂nē₅.

† 22:15 griego: farmakeía.